

5 J.


BIBLIOTHECA


MONASTERII S^{TI} MICHAELIS ARCH.

ET OMN. S.S. ANGELORUM,

APUD BELMONT

PROPE HEREFORDIAM.





CONCILIA
GERMANIÆ,

QUORUM COLLECTIONEM

CELSISSIMO PRINCIPE

JOANNE MAURITIO,

GLOR.^{MÆ} MEM. ARCHIEPISCOPO PRAGENSI

AUTHORE ET AUSPICE,

CL. JOANNES FRIDERICUS SCHANNAT
PRIMUM COEPIT,

P. JOSEPHUS HARTZHEIM Soc. JESU P.M.

CONTINUAVIT ET PRELO DEDIT,

P. HERMANNUS SCHOLL EJUSD. SOCIET. P.M.

EX

HARTZHEMIANIS COLLECTIS

EVOLVIT, AUXIT AC NOTIS ILLUSTRAVIT.

TOMUS X

QUEM

ALIORUM AD NORMAM

EXEGIT, DIGESSIT, EDIDIT

ÆGIDIUS NEISSEN PRESBYTER

EJUSDEM OLIM SOCIETATIS JESU.

COMPLECTITUR CONCILIA

AB ANNO MDCLXII AD MDCCXLVII.



COLONIE AUGUSTÆ AGRIPPINENSIIUM,

TYPO VIDUÆ JOANN. WILHELMI KRAKAMP ET HÆREDUM

CHRISTIANI SIMONIS Bibliopolarum. ANNO MDCCLXXV.

CUM PERMISSU SUPERIORUM.

OXLEY

CHURCH

CHURCH

CHURCH

CHURCH

CHURCH

CHURCH

CHURCH

CHURCH

CHURCH

CHURCH

CHURCH

CHURCH

CHURCH

CHURCH

CHURCH

CHURCH

CHURCH

CHURCH

CHURCH

CHURCH

PERPETUÆ. GRATISSIMÆQUE.
MEMORIÆ.

JOANNIS.
MAURITII.
GUSTAVI.

DEI. GRATIA. ARCHIEPI-
SCOPI. PRAGENSIS.

SEDIS. APOSTOLICÆ. LEGATI. NATI.

S. ROM. IMP. PRINCIPIS.

COMITIS. DE. MANDERSCHIED-
BLANCKENHEIM.
ET. GEROLDSTEIN.

LIBERI. BARONIS. IN. JUNCKERATH.

DOMINI. IN. BETTINGEN. DAUN. ET. ERP.

UTRIUSQUE. SACRÆ. CÆSARÆ. NEC. NON. GERMANIÆ.
HUNGARIÆ. ET. BOHEMIÆ. REGIÆ. MAJESTATIS.

CONSILIARII. INTIMI. ACTUALIS.

INCLYTI. REGNI. BOHEMIÆ. PRIMATIS.

ECCLESiarUM. METROPOLITANÆ. COLONIENSIS. ET. CATHEDRALIS.
ARGENTINENSIS. RESPECTIVE.

PRÆPOSITI. SENIORIS. AC. THESAURARII.

ILLUSTRI. ECCLESIAE. COLLEGIATÆ. AD. S. GEREONEM.

PARITER. PRÆPOSITI.

NEC. NON. UNIVERSITATUM. COLONIENSIS. ET. CAROLO-
FERDINANDÆ. PRAGENSIS.

CANCELLARII. PERPETUI. AC. PROTECTORIS. &c. &c.

OPERIS. HUIUS. PRIMI. AUTHORIS. ET. MUNIFI-
CENTISSIMI. ETIAM. POST. FATA.


MÆCENATIS.

TOMUM. HUNC. DECIMUM.

D. D. C.

ANNO. ÆRÆ. CHRIST. MDCCLXXV.

Agidius Neiffen olim Soc. JESU.



INDEX CHRONOLOGICUS

T O M I X

CONCILIORUM GERMANIÆ ET EPISTOLA- RUM &c. AD CONCILIA PERTINENTIUM

SÆCULIS XVII ac XVIII

AB ANNO CHRISTI MDCLXII AD ANNUM MDCCXLVII.

<i>Annus Christi</i>		<i>Pagina</i>
1663	S ynodus Diœcesana TORNACENSIS sub Revmo Domino FRAN- CISCO VILLANI a GANDAVO, Tornacensi LXXXIV Episcopo.	1
1663	<i>EPISTOLA Pastoralis</i> CHRISTOPHORI BERNARDI a GALEN, LVII Monasteriensis Episcopi.	5
1664	<i>EPISTOLA Pastoralis</i> ejusdem CHRISTOPHORI BERNARDI.	7
1664	Synodus Diœcesana TORNACENSIS sub eodem Revmo Domino FRANCISCO VILLANI a GANDAVO, Tornac. Episcopo.	9
1664	<i>EPISTOLA Pastoralis</i> ejusdem CHRISTOPHORI BERN. a GALEN, Mo- naft. Episcopi.	12
1664	<i>ORDINATA</i> ab Illustrissimo Domino D. GASPARE NEMIO, Dei gra- tia Archiepiscopo LXXXIX & Duce Cameracensi &c.	13
1665	Synodus Diœcesana <i>Verna</i> MONASTERIENSIS sub eodem Revmo Domino CHRISTOPHORO BERN. a GALEN, Monast. Episcopo.	16
1665	Synodus Diœcesana TORNACENSIS sub eod. Revmo D. FRAN- CISCO VILLANI a GANDAVO, Tornacensium Episcopo.	18
1666	<i>EPISTOLA Pastoralis</i> Revmi Domini CHRISTOPHORI BERN. a GALEN, Monast. Episcopi.	21
1667	Synodus Diœcesana <i>Quadragesimalis</i> MONASTERIENSIS, jussu Revmi D. CHRISTOPHORI BERN. a GALEN, Monaster. Epi- scopi, habita a deputatis speciali cum facultate Commissariis ac Præ- sidentibus Jodoco Edmundo a Brabeck, Engelberto a Beverför- de &c.	23
1667	Synodus Diœcesana <i>Autumnalis</i> MONASTERIENSIS celebrata, Præsidentibus a Revmo Principe Episcopo deputatis Matthia Korff conditio Schmisfinck, Joanne Rutgero a Torck, &c.	25
1668	Synodus Diœcesana <i>Quadragesimalis</i> MONASTERIENSIS, habita a designatis iisdem, qui supra, Commissariis Præsidentibus, Matthia Korff, Joanne Rutgero a Torck, &c.	26
1668	Synodus Diœcesana <i>Autumnalis</i> MONASTERIENSIS, habita a de- putatis Commissariis Præsidentibus Joanne Rutgero a Torck, Joanne Adolpho Korff, &c.	28

- 1669 Synodus Dicecesana *Verna* MONASTERIENSIS. *Commissarii Præsides deputati*: Christianus a Plettenberg, Joannes Rugerus a Torck, &c. 31
- 1669 Synodus Dicecesana *Autumnalis* MONASTERIENSIS. *Deputati ab Episcopo Commissarii Præsides*: Matthias Korff, Joannes Rugerus a Torck, &c. 32
- 1671 Synodus Dicecesana *Quadragesimalis* MONASTERIENSIS, celebrata jussu ejusdem CHRISTOPHORI BERNARDI a GALEN, Monast. Episcopi. 34
- 1671 Synodus Dicecesana *Autumnalis* MONASTERIENSIS, celebrata jussu ejusd. CHRISTOPH. BERN. a GALEN, Monast. Episcopi. 35
- 1672 Synodus Dicecesana *Quadragesimalis* MONASTERIENSIS, celebrata jussu ejusdem. 36
- 1672 Synodus Dicecesana *Autumnalis*, jussu ejusdem. 37
- 1673 Synodus Dicecesana TORNACENSIS, sub Revmo & Illmo Domino D. GILBERTO de CHOYSEUL du PLESSY-PRASLAIN, Tornacensium LXXXV Episcopo. 39
- 1674 Synodus Dicecesana *Autumnalis* MONASTERIENSIS, celebrata ab eodem Revmo D. CHRISTOPHORO BERN. a GALEN, Monast. Episcopo. 48
- 1675 Synodus Dicecesana *Verna* MONASTERIENSIS, habita ab eodem. 50
- 1675 Synodus Dicecesana *Autumnalis* MONASTERIENSIS, habita ab eodem. 53
- 1677 Synodus Dicecesana TORNACENSIS, celebrata ab Illmo & Revmo D. GILBERTO de CHOYSEUL, Tornacensi Episcopo. 54
- 1677 Synodus Dicecesana *Autumnalis* MONASTERIENSIS, jussu ejusdem Revmi D. CHRISTOPHORI BERNARDI a GALEN, Monast. Episcopi. 57
- 1678 *STATUTA SYNODALIA* Archiepiscopatus *Trevirensis*, lata a Revmo & Eminentissimo Domino D. JOANNE HUGONE, (ab *Orsbeck*) Trevirensi LXXXIII Archiepiscopo, S.R.I. Electore. 57
- 1678 Synodus Dicecesana *Verna* MONASTERIENSIS, jussu ejusdem CHRISTOPHORI BERN. a GALEN, Monasteriensium Episcopi. 83
- 1678 Synodus Dicecesana TORNACENSIS, ab Illmo & Revmo GILBERTO CHOYSEULIO, Tornac. Episcopo, celebrata. 85
- 1678 Synodus Dicecesana *Autumnalis* MONASTERIENSIS, jussu Revmi & Celsimi Principis ac Domini D. FERDINANDI de FÜRSTENBERG S. R. I. Principis Episcopi LVII Monast. XLV Paderborn. & e Gente Fürstenbergia Paderborn. II celebrata. 88
- 1679 Synodus Dicecesana TORNACENSIS, Præsidente Illmo & Revmo D. GILBERTO de CHOYSEUL, Tornac. Episcopo, celebrata. 91
- 1680 Synodus Dicecesana ANTVERPIENSIS, celebrata sub Revmo & Illmo D. JOANNE FERDINANDO de BEUGHEM, IX Antverpiensium Episcopo. 94
- SCHEMA* vitæ pastoralis. 97
- 1680 Synodus Dicecesana TORNACENSIS, a Revmo & Illmo D. GILBERTO de CHOYSEUL, Tornac. Episcopo, celebrata. 99
- 1680 Synodus Dicecesana *Autumnalis* MONASTERIENSIS, jussu Revmi & Illmi Principis FERDINANDI de FÜRSTENBERG, Monast. & Paderb. Episcopi, celebrata. 102
- EDICTUM EPISCOPALE* de gestando habitu Ecclesiastico. 103

- 1681 Synodus Diœcesana TORNACENSIS, Præsidente Revmo & Illmo
D. GILBERTO de CHOYSEUL, Tornac. Episcopo, celebrata. 105
- 1682 Synodus Diœcesana *Autumnalis* MONASTERIENSIS, ex mandato
Revmi & Illmi Principis ac Domini D. FERDINANDI de FÜR-
STENBERG, Monast. & Paderb. Episcopi, habita. 108
- 1683 Synodus Diœcesana TORNACENSIS, ab eodem Revmo & Illmo
D. GILBERTO de CHOYSEUL, Tornac. Episcopo, celebrata. 109
- 1687 *MANDATA & STATUTA SYNODALLA* Diœcesis *Argentinenfis*,
publicata per Revmum, Perillustrem & Eximium D. MARTI-
NUM de RATABON Ss. Theol. in Facultate Parisiensi Docto-
rem &c. 179
- 1688 Synodus Diœcesana TORNACENSIS, Præsidente Revmo & Illmo
D. GILBERTO de CHOYSEUL, Tornac. Episcopo, celebrata. 111
- 1688 Synodus Diœcesana PADERBORNENSIS, Præsidente Revmo &
Celsino S. R. I. Principe ac Domino D. HERMANNO WERNERO
(L. B. Wolff. Metternich, ex Gracht) Paderbornensium XLVI
(al. XLIX) Episcopo, celebrata. 115
- Indictio Synodi. *ibidem*
- Ordo Synodi & Acta. 116
- Oratio Synodalis habita ab adm. Rev. & Exim. P. Hillebrando
Schulenberg S. J. Ss. Theolog. Doctore, ejusdemque ordinario
Professore, de disciplina Ecclesiastica & statu Clericali. 119
- DECRETA & CONSTITUTIONES Synodi.* Pars I. 126
- Decretorum Synodaliū Pars II de Sacramentorum susceptio-
ne & administratione. 145
- Pars III de Statu Clericorum & de iis, quæ his annectuntur. 166
- 1688 Synodus Diœcesana MONASTERIENSIS, jussu Revmi & Celsmi
Principis ac Domini D. FRIDERICI CHRISTIANI de PLETTEN-
BERG, S. R. I. Principis Episcopi LX Monasteriensis, celebrata. 176
- Litteræ Revmi & Illmi Domini *NUNCII APOSTOLICI*. 177
- 1689 Synodus Diœcesana *Verna* MONASTERIENSIS, ex mandato ejus-
dem. 186
- 1691 Synodus Diœcesana *Autumnalis* MONASTERIENSIS, ex mandato
ejusdem. 187
- 1693 Synodus Diœcesana *Verna* MONASTERIENSIS, ex mandato ejus-
dem. *ibid.*
- 1693 Synodus Diœcesana BRUGENSIS, per Illmum ac Revmum Domi-
num D. GUILIELMUM BASSERY, ejusdem Diœcesis XIII Epi-
scopum, celebrata. 188
- STATUTA SYNODALLA* Diœcesis Brugenfis. 190
- 1693 *STATUTA SYNODALLA* Diœcesis AUGUSTANÆ, condita olim
a Revmo Domino HENRICO V a KNÖRINGEN, nunc rur-
sus publicata per Sermum ac Revmum D. ALEXANDRUM
SIGISMUNDUM, Comitē Palatinum, Bavariz Ducem, Epi-
scopum Augustanum LXV. 212
- 1694 Synodus Diœcesana *Verna* MONASTERIENSIS, habita per Rmum
& Illmum D. FRIDERICUM CHRISTIANUM, Monast. Episco-
pum. 214
- 1694 Synodus Diœcesana *Autumnalis*, habita per eundem. 215
- NOTATIO Scriptoris.* 216

- 1698 Synodi Dioeceseſanæ NAMURCENSES, ab a. Chr. 1698 ad 1701
ſub Illmo ac Revmo D. FERDINANDO Comite de BERLO, de
BRUS, Namurcenſi XI Epſcopo, celebratæ. 216
- 1699 Synodus Dioceſana METENSIS, ab Illmo & Revmo D. HENRICO
CAROLO de CAMBOUT de *Coſlin*, S. R. I. Principe, Epſcopo
XLI Metenſi, habita. 230
Codex ſelectorum Canonum Eccleſiæ *Metenſis*. 231
Appendix ad Codicem Canonum Eccleſiæ *Metenſis*. 262
Appendix altera ad Codicem Canonum. 265
- 1700 Synodus Dioceſana EICHSTETTENSIS, ſeu *PUNCTA SPNO-*
DALLA, juffu Revmi & Celfimi Principis ac Domini D. JO-
ANNIS MARTINI, (Domini ab *Eyb*) Eichſtettentis LXII Epi-
ſcopi, univerſo ejusdem Dioceſis Clero curato præſcripta. 266

CONCILIA GERMANIÆ SÆCULI XVIII.

- 1702 Synodus Dioceſana *Autumnalis* MONASTERIENSIS, habita per
Revum & Illmum D. FRIDERICUM CHRISTIANUM, Monaſt.
Epſcopum. 277
- 1703 Synodus Dioceſana *Verna* MONASTERIENSIS, juffu ejusdem
Revmi celebrata. 278
- 1707 Synodus Dioceſana BISUNTINA, ſeu *STATUTA & DECRETA*
SYNODALIA Biſuntinæ Dioceſis, collecta autoritate & juffu
Illmi ac Revmi Domini D. FRANCISCI JOSEPHI de GRAM-
MONT, S. R. I. Principis, Archiepiſcopi XCVII Biſuntini. 279
LETRE PASTORALE de Monſieur l'Archeveque de Be-
ſançon. *ibid.*
MANDEMENT de Monſieur l'Archeveque de Beſançon, par
lequel il defend certains Livres dans ſon Dioceſe. 282
Index Titulorum Statutorum Synodaliſum Dioceſis *Biſuntina*.
- 1707 Synodus Dioceſana *Autumnalis* MONASTERIENSIS, ſub Rmo &
Illmo Domino D. FRANCISCO ARNOLDO, (L. B. *Wolff-Metternich*,
ex *Gracht*) Monaſterienſi LXI & Paderbornenſi XLVII Epſco-
po, celebrata. 370
- 1708 Synodus Dioceſana *Verna* ſub eodem Epſcopo. 371
- 1708 Synodus Dioceſana *Autumnalis* ſub eodem. 373
- 1711 Synodus Dioceſana *Verna* ſub eodem. 374
- 1712 { Synodus Dioceſana *Verna*, 375
Et *Autumnalis* ſub eodem. 376
- 1713 Synodus Dioceſana EICHSTETTENSIS, ſeu *STATUTA DIOE-*
CESANA Revmi & Celfimi Principis ac Domini D. JOANNIS
ANTONII, (L. B. de *Knebel a Katzenhogen*) Eichſtettentis Epi-
ſcopi LXIII, ad ejusd. Dioceſis Clerum directæ. 379
- 1714 Synodus Dioceſana *Autumnalis* MONASTERIENSIS, ſub laudato
ſapientius FRANCISCO ARNOLDO habita. 385
- 1716 Synodus Dioceſana *Verna* ſub eodem. 387
- 1718 Synodus Dioceſana *Autumnalis* ſub eodem. *ibid.*
- 1719 *EPISTOLA PASTORALIS* Revmi & Sermi Principis ac Domini D.
JOSEPHI CLEMENTIS, Archiepiſcopi XLIX & Eleſtoris Co-
lonienſis, utriusque Bavariz Ducis &c. &c. ſuper Conſtitutio-
ne *Unigenitus*. 388

CONCIL. GERM. TOM. X. SÆCUL. XVIII.

V

Annus Christi

Pagina

1720	ORDINATIONES Archiepiscopales ad usum Archidiecefis TREVI- RENSIS, a Revmo, Enno & Sermo Domino D. FRANCISCO LUDOVICO, S. R. I. Principe, Archiepiscopo LXXXV & Ele- store Trevirensi, Comite Palatino Rheni &c. &c. editæ.	393
1721	Synodus Diecefana <i>Verna</i> MONASTERIENSIS, jussu Revmi & Sermi S. R. I. Principis ac Domini D. CLEMENTIS AUGUSTI, Monast. LXIII & Paderb. XLIX Episcopi, utriusque Bavariz Ducis, celebrata.	423
1721	Synodus Diecefana <i>Autumnalis</i> , celebrata jussu ejusdem.	424
1722	Synodus Diecefana <i>Verna</i> , ejusdem jussu.	426
1723	Synodus Diecefana <i>Autumnalis</i> , ejusdem jussu.	427
1726	Synodus Diecefana VARMENSIS, auctoritate Celsmi & Revmi Principis ac Domini D. CHRISTOPHORI JOANNIS, Comititis in <i>Slupom Szembeck</i> , Varmienfis Episcopi, celebrata.	429
	ACTA & STATUTA Synodi Diecefanz <i>Varmienfis</i> .	430
	SERMO Perillustreis & Revmi D. Adalberti Grzymala, Cantoris & Canonici Varmienfis, in Synodo habitus.	457
1726	Synodus Diecefana <i>Autumnalis</i> MONASTERIENSIS, jussu Revmi & Sermi CLEMENTIS AUGUSTI, Monast. Episcopi, habita.	462
1727	Synodus Diecefana <i>Autumnalis</i> , jussu ejusdem.	463
1730	Rursum <i>Autumnalis</i> .	464
1732	{ <i>Verna</i> & <i>Autumnalis</i> , jussu ejusdem.	ibid. 465
1733	DECRETUM Illmi ac Revmi Domini D. GUILIELMI DELVAUX, XVI Iprensis Episcopi, super observatione Statutorum Dice- cesis <i>Iprensis</i> .	467
1735	Synodus Diecefana <i>Autumnalis</i> MONASTERIENSIS, jussu laudati jam crebrius CLEMENTIS AUGUSTI, Monast. Episc. celebrata.	475
1737	Synodus Diecefana NAMURCENSIS, a Revmo & Illmo Domino D. THOMA JOANNE FRANCISCO de STRICKLAND de <i>Sizerch</i> , Namurcensi XII Episcopo, celebrata.	477
	ACTA Synodi sive Congregationis.	ibid.
	MONITA, quæ respiciunt <i>Acta</i> Synodi.	480
1740	Synodus Diecefana <i>Verna</i> MONASTERIENSIS.	482
1741	{ Synodus Diecefana <i>Verna</i> , Et <i>Autumnalis</i> , sub eod. Monast. Episcopo CLEMENTE AUGUSTO.	483 484
1742	Synodus Diecefana NAMURCENSIS, sub Revmo & Illmo Do- mino D. PAULO GODEFRIDO, Comite de BERLO de FRANC- DOUAIRE, Namurcensi XII Episcopo, celebrata.	486
1744	Synodus Diecefana NAMURCENSIS, sub eodem.	489
1744	Synodus Diecefana <i>Autumnalis</i> MONASTERIENSIS, sub CLE- MENTE AUGUSTO, Monasterienfi Episcopo, celebrata.	490
1745	Synodus Diecefana CULMENSIS & POMESANIENSIS, ab Illmo, Excellmo & Revmo Domino D. ANDREA STANISLAW KOSTKA, Comite in SALUSKIE ZALUSKI, Episcopo Culmenfi & Pomesanienfi, habita.	491
	EDICTUM CONVOCATIONIS Synodi Diecefanz.	ibid.
	SERMO Illmi & Revmi Domini D. ANDRZEJ STANISLAW KOSTKA, Episcopi Culmenfis & Pomesanienfis.	493
	Index Chronol. Tom. X. Conc. Germ.	Ser.

	SERMO Perillustribus Adm. Reverendi Domini Fabiani Plaskowski, Archidiaconi in Cathedrali Culmensi Pomesanienfis & per Dioecesim Pomesanienfem Vicarii Generalis, circa inchoationem Synodi habitus.	495
	CONSTITUTIONES Synodales Dioecesis Culmensis & Pomesaniae.	498
	Gratiarum actio Illmo D. ANTISTITI post Synodum finitam a Perillustri Admodum Reverendo Constantino Pimnicki, Canonico Cathedr. Culmens. dicta.	568
	Ex Appendice Synodi. adnectuntur Puncta.	569
1745	Synodus Dioecesana Autumnalis MONASTERIENSIS, sub CLEMENTE AUGUSTO, Monast. Episcopo, celebrata.	575
1747	Synodus Dioecesana Autumnalis MONASTERIENSIS, sub eodem.	576
1748	Synodus Dioecesana Autumnalis MONASTERIENSIS, sub eodem.	578
1749	Synodus Dioecesana Verna, Et Autumnalis MONASTERIENSIS, sub eodem.	579
1750	Synodus Dioecesana Autumnalis.	581
1752	Autumnalis.	583
1753	Autumnalis.	584
1754	Autumnalis.	586
1757	Verna. Omnes sub eodem Revmo & Sermo CLEMENTE AUGUSTO, immort. mem. Monasteriensi Episcopo, celebrata.	587
1768	INSTRUCTIO PASTORALIS Revmi & Illmi Domini D. FELICIS JOSEPHI HUBERTI de WAVRAN, hodierni Ispensis Episcopi, ad universum Clerum.	588
	EPISTOLA Circularis Revmi Domini ad Rev. DD. Decanos Christianitatis Dioecesis Ispensis.	590
	VARIA PUNCTA Statutorum Synodaliaum Dioecesis Ispensis.	670

SUPPLEMENTUM BREVE CONCILIORUM GERMANIAE &c.

948	Synodus COLONIENSIS, a WICFRIDO, XXXIV (AL. XII) Coloniensi Archiepiscopo, celebrata, Fragmento Tom. II pag. 621 impressio plenior.	679
1049	Synodus MOGUNTINA, sub BARDONE, XX Archiepiscopo & Electore IV Mog. celebrata. (Habetur Tom. CC. III a pag. 112.)	681
	Ad Synodum Mogunt. de A. 1049 CHRONICON PARVUM.	683
1090	Synodus TORNACENSIS, celebrata RADBODO, Tornaci & Noviomii XLI Episcopo, presidente.	685
1097	Synodus ATREBATENSIS, celebrata sub LAMBERTO, I Atrebatensi Ecclesiae a Cameracensi avulsa ac pristinam in dignitatem A.C. 1095 restituta Episcopo. (Extat Tom. CC. III pag. 222.)	686
1098	Synodus ATREBATENSIS, sub eodem LAMBERTO.	688
1101	Synodus ATREBATENSIS, sub eodem.	690
1112	Synodus CAMERACENSIS, sub ODONE, Cameracensi Episcopo XXXVIII celebrata.	691
1120	Synodus HALBERSTADENSIS, sub REINHARDO, Halberstadenfi XV Episcopo, celebrata.	693
	Ejusdem Synodi continuatio.	695
1124	Synodus MOGUNTINA, ab ADALBERTO, Archiepiscopo XXV & Electore IX Moguntino, habita.	698
1125	Synodus TORNACENSIS, sub SIMONE, Tornaci & Noviomii Episcopo, celebrata.	699

<i>Annus Christi</i>	<i>Pagina</i>
1138 Synodus ATREBATENSIS, sub ALVISO, Atrebatensi XXXVII Episcopo, celebrata.	701
1144 Synodus TERVANENSIS, sub MILONE, XXX Morinensis Ecclesiæ Episcopo, celebrata.	702
1149 Synodus MOGUNTINA, ab HENRICO, Sedis Moguntinæ Archiepiscopo XXVIII, Electore XII, celebrata.	704
1150 Synodus MOGUNTINA, sub eodem HENRICO, S. Mog. Archiepiscopo, celebrata.	705
1153 Synodus <i>Provincialis</i> MOGUNTINA, ab ARNOLDO, S. Mog. Archiepiscopo XXIX, Electore XIII, coacta.	706
1157 Synodus HALBERSTADENSIS <i>Magna</i> , ab ODELRICO, Halberstadenfi XVIII (<i>al. XIX</i>) Episcopo, celebrata.	708
1174 Synodus NUENBURGENSIS, ab UDONE, Naumburgenfi XV (<i>al. XIV</i>) Episcopo, celebrata.	709
1177 Synodus SUERINENSIS, <i>vel</i> MEGAPOLITANA, a BERNONE, III Meckleburgenfi, I Suerinenfi Episcopo, celebrata.	711
1177 Synodus MOGUNTINA, sub CHRISTIANO I, S. Mog. Archiepiscopo XXXI, Electore XV, celebrata.	712
1179 Synodus HALBERSTADENSIS, sub ODELRICO, Halberstad. Episcopo, celebrata <i>in Gatersleben</i> .	<i>ibid.</i>
1182 Synodus MERSEBURGENSIS, sub EVERHARDO, Merseburgenfi XX Episcopo, celebrata.	716
1184 Synodus HALBERSTADENSIS, sub THEODORICO, Halberstad. XIX (<i>al. XX</i>) Episcopo, celebrata.	717
1196 Synodus BAMBERGENSIS, sub THIMONE, Bambergensi XIII Episcopo, celebrata.	718
1196 Synodus LEODIENSIS, sub ALBERTO, Leodiensi XXXV Episcopo, Leodii celebrata.	719
1200 Synodus HALBERSTADENSIS, sub GARDULPHO, Halberstadenfi XX (<i>al. XXII</i>) Episcopo, celebrata.	720
1205 Synodus HALBERSTADENSIS, sub CONRADO, Halberstadenfi XXI (<i>al. XXIII</i>) Episcopo, celebrata.	721
1206 Synodus HALBERSTADENSIS, sub eodem CONRADO.	723
1208 Synodus HALBERSTADENSIS, sub eodem.	724
1217 Synodus RATZEBURGENSIS <i>Major</i> , sub HENRICO, Ratzeburgenfi V Episcopo, celebrata.	725
1231 FRIDERICI II Augusti <i>Constitutio</i> de regimine & potestate Civitatum Episcopaliū, quæ Episcopi ex dono Imperialis culminis possident, typario suæ imaginis impressa divalis pagina & <i>bulia aurea</i> edita Ravennæ.	726
1231 Synodus MISNENSIS, sub HENRICO, Misnenfi XXII Episcopo, celebrata.	728
1233 Synodus MOGUNTINA, sub SIGEFRIDO III, Sedis Mog. Archiepiscopo XXXIII, Electore XVII, celebrata.	729
Ad Synodum <i>Moguntinam</i> de a. 1244 addenda ex <i>Gudenus</i> Cod. diplom.	730
1246 W. HALBERSTADENSIS EPISCOPI ad Præpositos, Decanos &c. <i>Epistola</i> , in qua promulgantur Statuta quædam ex Conc. <i>Moguntino</i> .	<i>ibid.</i>
1266 Synodus BREMENSIS, a GUIDONE, Sedis Apost. Legato, in bonum <i>Bremenfis</i> Ecclesiæ coacta.	731
1282 Synodus HALBERSTADENSIS, sub VOLRADO, Halberstadenfi XXVI (<i>al. XXVIII</i>) Episcopo, celebrata.	735

VIII INDEX CHRONOL. CONC. GERM. TOM. X.

Annus Christi

Pagina

1284	Synodus BREMENSIS, sub GISELBERTO, Bremenſi XXVI (al. XXVIII, immo XXX) Archiepiſcopo, celebrata.	736
1287	Synodus ERFORDIÆ <i>Nationalis</i> , ſub HENRICO II, S. Mog. Archiepiſcopo XXXVII, Electore XXI, celebrata.	738
1292	Synodus ASCHAFFENBURGENSIS <i>Provincialis</i> , a GERHARDO II, S. Mog. Archiepiſcopo XXXVIII, Electore XXII, habita. (Nota ad hanc Synodum.)	740
1296	Synodus HALBERSTADENSIS, ſub VOLRADO, Halberſtadenſi Epico, celebrata.	741
1333	Synodus VERDENSIS <i>Generalis</i> , ſub JOANNE, Verdenſi XXXVII Epico, celebrata in <i>Luneborg</i> .	<i>ibid.</i>
1361	Synodus PRAGENSIS, ſub ERNESTO, Pragenſi I Archiepiſcopo, celebrata.	742
1365	Synodus PRAGENSIS <i>Archidiaconalis</i> , ſub JOANNE, Pragenſi II Archiepiſcopo, celebrata.	744
1440	MISSIVA THEODORICI, S. Sedis Moguntinæ Archiepiſcopi XLVIII, Electoris XXXII, ad Suffraganeos in puncto <i>Concilii Provincialis</i> .	748
1519	Synodus AUGUSTANA, a CHRISTOPHORO de STADION, Auguſtano LVII Epico, celebrata.	751
1548	EPISTOLA <i>Convocatoria</i> ad Synodum <i>Herbipolenſem</i> a MELCHIORE, LX (al. LXIII) Herbipolenſi Epico, data Venerabili honorandis devotis Decano & Capitulo Eccleſiæ Collegiatæ in <i>Mosbach</i> .	752
1584	Synodus Dioceſana ATREBATENSIS, celebrata, Revmo Patre ac Domino D. MATTHÆO MEDULLARTIO, Atrebatiano LXXV Epico, præſidente.	754
	Index Titulorum ſeu Statutorum hujus Synodi.	755
1604	Synodus Dioceſana METENSIS, auctoritate & de Mandato Illmi ac Revmi Domini D. CAROLI a LOTHARINGIA, S. R. E. Cardinalis Diaconi, Metenſis LXXXVI Epico, celebrata.	762
	CONSTITUTIONES editæ ac promulgatæ in Synodo <i>Metenſi</i> .	764
1640	Synodus AUDOMARENSIS, ſeu STATUTA de A. 1583 renovata, aucta & publicata, Præſidente Revmo Patre ac Domino D. CHRISTOPHORO de FRANCE, Epico VIII Audomarenſi.	779
	Index Titulorum hujus Synodi.	780
1718	ACTA Eccleſiæ <i>Mecblinienſis</i> circa Bullam UNIGENITUS.	823
1747	EPISTOLA <i>Pæſtoralis</i> , a Revmo & Illmo Domino D. JOANNE BAPT. LUDOVICO de CASTILLION, Brugenſi XV Epico, data.	830

FINIS INDICIS CHRONOLOGICI
TOMI CONC. GERM. X.



INDEX

INDEX ALPHABETICUS CONCILIORUM GERMANIÆ

E X

SÆCULIS XVII & XVIII

AB ANNO MDCLXIII AD ANNUM MDCCXLVII.

A.		Halberstadenſe, an. MCCVIII pag. 724
A	ntverpienſe, a. MDCLXXX pag. 94	Halberſtadenſe, - MCCLXXXII - 735
	Aſchaffenburgenſe, MCCXCII - 740	Halberſtadenſe, - MCCXCVI - 741
	Atrebatenſe, - MXXVII - 686	
	Atrebatenſe, - MXXVIII - 688	L.
	Atrebatenſe, - MCI - 690	Leodienſe, - MXXCVI - 719
		M.
B.	Atrebatenſe, - MCXXXVIII - 701	Merſeburgenſe, - MCLXXXII - 716
	Atrebatenſe, - MDLXXXIV - 754	Metenſe, - MDCXCIX - 230
	Audomarenſe, - MDCXL - 779	Merſenſe, - MDCLV - 762
	Auguſtanum, - MDXIX - 751	Milnenſe, - MCCXXXI - 728
		Moguntinum, - MXLIX - 681
B.	Bambergenſe, - MXXCVI - 718	Moguntinum, - MXXIV - 698
	Biſuntinum, - MDCCVII - 279	Moguntinum, - MCXLIX - 704
	Bremenſe, - MCCLXVI - 731	Moguntinum, - MCL - 705
	Bremenſe, - MCCLXXXIV - 756	Moguntinum Prov. MCLIII - 706
	Brugenſe, - MDCXIII - 188	Moguntinum, - MCLXXXVII - 712
		Moguntinum, - MCCXXXIII - 729
C.		Monafterienſe, - MDCLXV - 16
	Cameracenſe, - MXXII - 691	Monafterienſe, - MDCLXVII - 23
	Colonienſe, - CMXLVIII - 679	Monafterienſe, - E. A. - 25
	Culmenſe, - MDCCXLV - 491	Monafterienſe, - MDCLXVIII - 26
		Monafterienſe, - E. A. - 28
		Monafterienſe, - MDCLXIX - 31
E.		Monafterienſe, - E. A. - 32
	Eichſtettenſe, - MDCC - 266	Monafterienſe, - MDCLXXI - 34
	Eichſtettenſe, - MDCCXIII - 379	Monafterienſe, - E. A. - 35
	Erfordienſe, - MCCLXXXVII - 738	Monafterienſe, - MDCLXXII - 36
		Monafterienſe, - E. A. - 37
		Monafterienſe, - MDCLXXIV - 48
H.		Monafterienſe, - MDCLXXV - 50
	Halberſtadenſe, - MXX - 693	Monafterienſe, - E. A. - 53
	Halberſtadenſe, - MCLVII - 708	Monafterienſe, - MDCLXXVII - 57
	Halberſtadenſe, - MCLXXIX - 712	Monafterienſe, - MDCLXXVIII - 83
	Halberſtadenſe, - MCLXXXIV - 717	Monafterienſe, - E. A. - 88
H.	Halberſtadenſe, - MCC - 720	Mopafterienſe, - MDCLXXX - 102
	Halberſtadenſe, - MCCV - 721	Monafterienſe, - MDCLXXXII - 108
	Halberſtadenſe, - MCCVI - 723	Monafterienſe, - MDCLXXXVIII - 176

X INDEX ALPHABET. TOM. X CONC. GERM.

Monasterienſe, an. MDCLXXXIX	p. 186	N.	
Monasterienſe, - MDCKCI	187	Namurcenſe, an. MDCCXCVIII	pag. 216
Monasterienſe, - MDCCXIII	ibid.	Mamurcenſe, - MDCCXXXVII	477
Monasterienſe, - MDCCXIV	214	Naniurcenſe, - MDCCXLH	486
Monasterienſe, - E. A.	215	Namurcenſe, - MDCCXLIV	489
Monasterienſe, - MDCCII	277	Nuenburgenſe, - MCLXXIV	709
Monasterienſe, - MDCCIII	278		
Monasterienſe, - MDCCVH	370	P.	
Monasterienſe, - MDCCVIH	371	Paderbornenſe, - MDCLXXXVIII	115
Monasterienſe, - E. A.	373	Pragenſe, - MCCCXXI	742
Monasterienſe, - MDCCXI	374	Pragenſe, - MCCCXLV	744
Monasterienſe, - MDCCXII	375		
Monasterienſe, - E. A.	376	R.	
Monasterienſe, - MDCCXIV	385	Ratzeburgenſe Maj. MCCVII	725
Monasterienſe, - MDCCXVI	387		
Monasterienſe, - MDCCXVIII	ibid.	S.	
Monasterienſe, - MDCCXXI	423	Suerinenſe, - MCLXXVII	711
Monasterienſe, - E. A.	424		
Monasterienſe, - MDCCXXII	426	T.	
Monasterienſe, - MDCCXXIII	427	Tervanenſe, - MCKLIV	702
Monasterienſe, - MDCCXXVI	462	Tornacenſe, - MDCLXIII	1
Monasterienſe, - MDCCXXVII	464	Tornacenſe, - MDCLXIV	9
Monasterienſe, - MDCCXXX	ibid.	Tornacenſe, - MDCLXV	18
Monasterienſe, - MDCCXXXII	465	Tornacenſe, - MDCLXXXII	39
Monasterienſe, - E. A.	ibid.	Tornacenſe, - MDCLXXXVII	54
Monasterienſe, - MDCCXXXV	475	Tornacenſe, - MDCLXXXVIII	85
Monasterienſe, - MDCCXLE	482	Tornacenſe, - MDCLXXXIX	91
Monasterienſe, - MDCCXLI	483	Tornacenſe, - MDCLXXX	99
Monasterienſe, - E. A.	484	Tornacenſe, - MDCLXXXI	105
Monasterienſe, - MDCCXLIV	490	Tornacenſe, - MDCLXXXIII	108
Monasterienſe, - MDCCXLV	575	Tornacenſe, - MDCLXXXVIII	111
Monasterienſe, - MDCCXLVII	576	Tornacenſe, - MKC	685
Monasterienſe, - MDCCXLVIII	578	Tornacenſe, - MCXXV	695
Monasterienſe, - MDCCXLIX	579		
Monasterienſe, - E. A.	581	V.	
Monasterienſe, - MDCCCL	583	Varmienſe, - MDCCXXVI	429
Monasterienſe, - MDCCCLI	584	Verdenſe, - MCCCXXXIII	741
Monasterienſe, - MDCCCLII	586		
Monasterienſe, - MDCCCLIV	587		
Monasterienſe, - MDCCCLVII	588		

FINIS INDICIS ALPHABETICI
TOMI CONC. GERM. X.



CATA-

C A T A L O G U S ROMANORUM PONTIFICUM

S Æ C. XVII & XVIII

AB ANNO CHRISTI MDCLXII AD ANNUM MDCCXLVII.

Nomen & Natio.	Ordo Successio- nis a S. Petro.	Adiit Pontificatum.	Sedit in Cathe- dra S. Petri.	Obiit.
Clemens IX <i>antea Julius Rospi- liofius, Pistoriensis.</i>	CCXL.	Anno Christi MDCLXVII XII Kal. Quintil.	Annos II. Menses V. Dies XIX.	Anno Christi MDCLXIX V. Idus Decembr.

Alexandro VII mira suffragiorum omnium consensione (a) datus est Successor die 20 Junii, Clementis nomine, seu fido facilis ingenii sui, morumque suavissimorum teste, mox adscito, & sparsis per Urbem nummis tum aureis, tum argenteis, Pellicanum exhibentibus cum hac epigraphe: Aliis, non sibi clemens. Qua quidem clementia, erga egenos maxime, ut erat jamtum a puero illustris; sic suo in Pontificatu ad stuporem excelluit, ratus cum Tito se perdidisse diem, quo nemini benefecerat. (b)

Nosocomia invisebat frequentissime; palam in æde Vaticana per plures sæpe horas dabat confitentibus aures, iisque expiatis, Martyrum sepulchra religionis ergo adibat, inclytum eam ob rem vel apud heterodoxos nomen Sacerdotis de cælo delapsi consecutus.

Neque id solum beneficii tulit; sed effecit præterea, ut e Batavis Ernestus Wilhelmus, Comes Bentheimensis, (c) e Gallis Henricus

c 2

Ture-

(a) Adeo spectata magnis occasionibus virtute & regia quadam animi magnitudine Julius Rospiliosius & sacri Collegii voluntates & Regiam gratiam occupaverat, inquit in Pontificio Docto Cl. Eggfius pag. 891.

(b) Cum pauperibus (verba sunt Sandini in *Vit. Pontif.* pag. 568) gessit se (Clemens) quam largissime; cum suis, quos maxime diligebat, quam parcissime. . . tota aula obliquescente & invictam ejus erga nepotes severitatem admirante.

(c) Fidem hic juravit catholicam, exemplo sanctissimi Pontificis, non alio impulsu motus, quod cogitaret secum ac fateretur etiam, fidem, quam tam pius Princeps profiteretur, erroneam esse non posse. Eggs cit. pag. 895. Eundem Comitem, queritur Imhofius in *Notitia S. Rom. Germ. Imp.* Lib. IX Cap. I pag. 586, a Christophoro Bernardo, Monast. Episcopo, Cæseldiam fuisse abductum, ibique obsessum a Monachis ac sermonibus de religione continuis defatigatum, Romanis veluti coactum accedere.

Turenius, (d) *vir ætate sua ob summam rei militaris peritiam clarissimus, a Calvinismo ad sacra nostra redierint* Quosdam Nationis ejusdem Gallicæ Episcopos, qui per annos aliquot *Formulario Alexandri VII, contra Jansenianam doctrinam edito, subscribere recusarant, sua flexit autoritate, & ad debitum Sedi Apostolicæ obsequium traduxit.*

Retulit in fastos Sanctorum insigne Ordinis Franciscani lumen, Petrum de Alcantara, & Mariam Magdalenam de Pazzis, Florentinam, Carmeli immortale decus. Nec multo post ipse ad Superos evolavit laudatissimus Pontifex gravi extinctus morbo, ad quem dolor acerbissimus amissæ post triennalem obsidionem ac Turcarum in potestatem delapsæ Candie accesserat. (e) Brevissimo, quod sibi scripserat, epitaphio: Clementis IX cineres, hoc suffecit illustrius Clemens X Successor:

C L E M E N T I S IX

ÆTERNÆ MEMORIÆ PONTIFICIS MAGNI CINERES,
NE ABSQUE ULLO SEPULCHRI HONORE, SICUT IPSE
JUSSERAT, HUMI LATERENT,

C L E M E N S X PONTIF. MAX.

BENEFACTORI SUO

ET OB SPECTATUM FIDEI ZELUM, OB EGREGIAM ERGA OMNES BENEFICENTIAM ET CHARITATEM, DE RE CHRISTIANA OPTIME MERITO
GRATI ANIMI MONUMENTUM POSUIT ANNO DOMINI

M D C L X X I.

Nomen & Natio.	Ordo Successio- nis a S. Petro.	Adiit Pontificatum.	Sedit in Cathedra S. Petri.	Obiit.
Clemens X antea <i>Æmilius Al- terius, Romanus.</i>	CCXLI.	Anno Christi MDCLXX III Kal. Majas.	Annos VI. Menses II. Dies XXIII.	Anno Christi MDCLXXVI XI Kal. Augusti.

Post comitia in quintum mensem extracta designatus Pontifex, cum annum ætatis fere octogesium ageret, dignitatem banc precibus lacrymi: que uberrimis aversabatur, nec admiserat fortassis unquam, nisi pia quadam, ut scribit Eggius, violentia ad solennem inaugurationis locum pertractus potius, quam deductus fuisset. Clemens adpellari potuit, memor purpuræ, quam a Clemente IX ante menses quinque acceperat.

A

(d) Publice, ut narrat Brietius in *Annalibus Mundi* Tom. VIII pag. 34, Romanam fidem Heros ille professus est summis regni totius & maxime Regis Ludovici gratulatione & plausu.

(e) Creticum hoc bellum eleganter vereque descriptum est a Joanne Palatio in *vita Clementis X* n. 16 & 17 cit. ab Eggio pag. 899.

A publicatione Jubilæi fecit regiminis exordium, laudante Leopoldo Imperatore ac multis modis probante. Purpureo amictu donavit sub id temporis Abbatem Fuldensen, Bernardum Gustavum, Durlacensis Marchionis fratrem, ejurato quondam Lutbero, ad Ecclesiam Christi conversum: alias viros alios de Rep. christiana optime meritos (f) Disciplinam reparaturus ecclesiasticam, antiquos canones renovavit. Legato Mosco postulanti, titulum Cæsaris Regi suo impertiretur, respondit: In orbe christiano præter Romanum, nullum alium Imperatorem existere, aut agnosci posse.

Anno 1675 Jubilæum solemne XIV celebravit, eodemque anno, ad augendam Christianorum pietatem, honores decrevit sacros undeviginti Martyribus Gorcomiensibus, qui quod confirmarent Romani Pontificis Primatum & realem veri Christi Corporis in Eucharistia præsentiam adferebant, vario excruciatu tormentorum genere, mortem gloriosam sæculo superiore apud Belgas optetierant.

Sanctis adnumeravit BB. Cajetanum, Ordinis Theatinorum fundatorem, Franciscum Borgiam, tertium Soc. JESU Præpositum Generalem, Philippum Benicium, Servitam, Ludovicum Bertrandum & Rosam virginem ex Ordine S. Dominici.

Obiit anno ætatis suæ 86, laudatus pro funere a Malagonello, illustri ejus ævi Oratore.

Nomen & Natio.	Ordo Successio- nis a S. Petro.	Adiit Pontificatum.	Sedit in Catho- dra S. Petri.	Obiit.
Innocentius XI antea Benedictus Ode- schalcus, Comensis.	CCXLII.	Anno Christi MDCLXXVI X. Kal. Octobres.	Annos XII. Menses X. Dies XXII.	Anno Christi MDCLXXXIX Prid. Idus Augusti.

Ab Innocentio X ante annos 31 creatus Cardinalis, successit Clementi X, eo semper, ut refert Brietius, (g) rerum terrenarum contemptu, ut celo originem ejus referres: ita abundanti præviarum virtutum exemplo orbi notus, ut dignitati non impar, fausta & solide pietatis digna omnia polliceretur.

Adito Pontificatu, sanctis aulam suam institutis composuit, ex eaque tantum non effluxit aram, aut palæstram virtutis. Mox jura immunitatis ab exterorum Principum Legatis, non sine scandalo,

(f) Pag. 905 apud Eggsum narrantur, Purpuratis a Clemente X adscripti Fridericus Borromæus, Camillus de Maximis & Gaspar Carpineus.

(g) *Annales Mundi* Tom. VIII pag. 95.
Catalogus Roman. Pontif. Tom. X.

dato, suis in domibus male usurpatæ abrogavit; Ludovicus XIV Galliarum Rex id quamvis ægerrime ferret. Decreto S. Lini pervetusto, dum opus erat renovato, licentiam mulierum coercuit in templis minus honeste comparentium. Pastoralis erga Clerum sollicitudine assidue vigil, omnibus mandavit Episcopis, ne quem ad sacros Ordines admitterent, nisi prius edocti, eum per decem dies exercendo juxta pium D. Ignatii institutum spiritui vacasse.

Justitiam, quam virtutum custodiam, vitiorum terrorem adpellare consueverat, administrabat sanctissime, clementissime, integerrime. (b) Dignitates ambientibus, ubi carebant merito, nunquam indulgit; patronis destitutos, modo virtutibus abundarent, ultro provexit. (i)

Anno 1683 Principes gravissimo contra Portam bello implicitos juvit pecunia; magis tamen ac felicius fufus ad Deum, magnamque celi Reginam precibus: parta enimvero est de barbaris luculenta & insignis victoria, quam Deiparæ acceptam referens Innocentius, quo tanti redderet beneficii perennem memoriam, diem sanctissimo MARIE Nomini consecratam Officio duplici quot annis recolendam decrevit: Joanni etiam III Poloniæ Regi, cujus præsertim virtute tanta peracta res fuerat, enssem misit & galearum, munus Imperatoris summis in rem christianam meritis clari.

Anno 1687 damnavit sapientissimus Pontifex Michaelis Ludovici de Molinos, Hispani Presbyteri, ejusdemque socii laici Antonii de Leonibus impiissimam doctrinam & errores sacrilegos. (k) Biennio post obiit ætatis 78, optimorum catholicæ Ecclesiæ Præfulum nulli secundus, & (quod raræ virtutis argumentum est) vel apud ipsos fidei nostræ hostes auctoritate florens & existimatione. Successit

Alexan-

(b) De Innocentio Orator Lulitatus ad Oratorem Gallum jura Regaliæ poscentem, si justa petimus, aiebat, antuit; si dubia, discutit; si iniqua, abnuat. Hæc Innocentii laus est maxima, æqua concedere, iniqua abnuere. Eggs pag. 911.

(i) Narrante eodem pag. 911, contigit, ut, cum inter nomina ambientium Canonatum, quæ legebat Card. Cybus, Secretarius Pontificius, unius recurreret nomen sine patrono ac literis commendatiis, interrogaverit Innocentius: Hunc quis commendat? Respondente Cybo: Nemo, licet illorem maxime. Mox Papa: Atqui Nos, si dignum judicat, ejus patrocinium suscipimus, & cæteris præferimus. Non enim commendationes magni facimus, si virtus, quæ una suffragium apud nos habet, commendatis defuit. Sunt enim dignitates merces virtutis, non ambitionis; meritum, non precum. Innikandum omnibus & dignum Innocentio responsum!

(k) De impiissimo Michaeli Morerus in Magnæ Lexico historico Tom. III pag. 531. Quem Historicum si vel sinistro inspexisset oculo Christ. Will. Franc. Walchius, Prof. Götting. erubuisse in idea plene Historiæ Pontificum (recusa Lipsiæ in 8. a. 1760) scribere, Innocentium probasse Molinosii quem tanti fecerat, damnationem, ne ipsemet, ceu hæreticus, in manus Inquisitorum veniret. Videri quoque potest Eggfius in Purpura Docta Lib. VI n. 99. & in Pontificio Docto p. 916.

Nomen & Natio.	Ordo Successio- nis a S. Petro.	Adiit Pontificatum.	Sedit in Cathe- dra S. Petri.	Obiit.
Alexander VIII antea Petrus Otto- bonus, Venetus.	CCXLIII.	Anno Christi MDCLXXXIX Prid. Nonas Octobris.	Annum I. Menses V. Dies XXVI.	Anno Christi MDCXCI Kal. Febr.

Erat hic Marci Ottoboni ⁽¹⁾ Equitis Venetæ Reip. Magni Cancellarii filius, Brixiae olim Episcopus, Vir doctrina & rerum experientia clarus. Ad solum Pontificium ob explorata in Ecclesiam merita, scientiamque cum probatissimis moribus conjunctam duobus supra 50 Patrum suffragiis, die 6 Octobris evehebatur, maximo Venetorum plausu ac lætitia; qui re intellecta, honorificam de tanta dignitate concivi suo gratulandi causa, legationem miserunt. (m)

Gratus in patriam adfirmavit iisdem jus antiquum exigendi decimas Clericorum, & urbium, quas Turcis eripuissent, sacros Antistites eligendi. Potestatem Præsulis ad S. Marci, quem Primicerium vocant, auctoritatem munivit, ampliavitque (n) B. Laurentium Justinianum, primum Venetiarum Patriarcham, pietate inclytum ac doctrina, adscripsit in Sanctos: quo honore auxit etiam Joannem a S. Facundo Ord. Eremit. S. Augustini, Joannem a Capistrano, & Paschalem Baylonium Ord. S. Francisci, denique Joannem de Deo Ordinis Sacerdotum Xenodochiis infervientium Fundatorem.

Obiit, damnatis peccato Philosophico, & 31 propositionibus, annum ætatis agens octogesium primum. Reliqua quæ cum laude gessit Alexander, Roma his marmori insculpsit verbis: (o)

ALEXANDRO VIII

DE AQUEDUCTUM TRAJANI INSTAURATUM: BIBLIOTHECAM

IN VATICANO AUCTAM: REM AGRARIAM

RESTITUTAM:

S. P. Q. R.

GRATO ANIMO SACRAVIT.

D 2

Inno-

(1) Gentis Ottobonæ decora videsis apud Jacobum Philippum Tomasinum in *Elogiis Virorum illustr.* pag. 284 cit. ab Eggio in *Pontif. Doct.* pag. 921.

(m) De hac legatione simul & de celebritate Reip. Venetæ, Eggius pag. 923.

(n) Illum usque ab Joanne Patriciato, Principe Vener. XI usum fuisse Episcopalis insignibus, benedixisse in templis suis populo, præfecisse Sacerdotes sacris confessionibus audiendis &c. Atque hos favores non modo confirmatos ab Alexandro VIII, sed concessa Primiceriis illis, Clericos suos ad quatuor minores Ordines promovendi facultate affectos esse, tradit Sandinus in *vitis Pontif. Rom.* pag. 573.

(o) Eggs in *Pontif. Doct.* pag. 924. Vide & Brierium in *Annal. Mundi* Tom. VIII pag. 202.

Nomen & Natio.	Ordo Successio- nis a S. Petro.	Altit Pontificatum.	Sedit in Cathe- dra S. Petri.	Obiit.
Innocentius XII <i>antea Antonius Pigna- tellus, Neapolitanus.</i>	CCXLIV.	Anno Christi MDCCXCI IV Idus Jul.	Annos IX. Menses II. Dies XV.	Anno Christi MDCC V Kal. Octob.

In hunc tandem post menses quinque & amplius consensere Purpurati Patres. Illustri erat inter Neapolitanos natus genere, (p) & Archiepiscopali dignitate fulgebat. Innocentii XI, cujus nomen sumpserat, mores imitari statim ab initio voluit. Edidit Constitutionem Nepotismo horribilem, sibi gloriosam. (q) Finem imposuit acri de origine Ord. Carmelitarum disputationi. (r) Vetuit quam severissime, Officia & Magistratus Curiae Romanae, mercari pecuniis, volens meritis unis ac virtutibus aditum ad illa patere. Periculosas quorundam opiniones, e Jansenio ut plurimum haustas, tam in Gallia, quam in Belgio compressit. (s) In Purpuratorum Senatum adlegit viros undetriginta, conspicuos omnes scientia & probitate, ac tanto honore dignissimos. Erga pauperes tam erat benignus & facilis, ut dignitate licet omnium maximus, par tamen infimis humilitate videretur.

Obiit anno ætatis 85, ceu alter Simeon, solatio plenus, ac delibutus gaudio, quod, antequam decederet, pacem christiano Orbi redditam; Poloniae regnum, ab obitu Joannis III, collatum Principi catholico (Friderico Augusto Saxonie Duci), ipsumque Regem avitæ Religioni restitutum viderit. (t)

Nomen & Natio.	Ordo Successio- nis a S. Petro.	Altit Pontificatum.	Sedit in Cathe- dra S. Petri.	Obiit.
Clemens XI <i>antea Joes Franc. Albanus, Urbinas.</i>	CCXLV.	Anno Christi MDCC IX Kal. Decembr.	Annos XX. Menses III. Dies XXV.	Anno Christi MDCCXXI XIV Kal. Aprilis.

Pon-

(p) Longam Majorum Pignatellorum seriem refert Antonius Foresti *de Gestis Pontificum* n. 516.

(q) Constitut. *Romanum decet Pontificem* 28 tom. 9 Bullarii pag. 260 apud Sandinum.

(r) Citat Sandinus in hanc rem S. Hieronymum de S. Paulo, primo Eremita, *Papebrochium* de B. Alberto die 8 April., *Bellarminum* Lib. II de Monachis cap. 39, & Cardinalem Petram in Comment. ad Constitut. Apostol. Tom. II pag. 273.

(s) Prodiit in lucem S. D. N. INNOCENTII Papæ XII *BREVE APOSTOLICUM* ad Illos & Revmos Belgii Episcopos circa usum *Formularii ALEXANDRI VII*, & administrationem Sacramentorum &c. Et *DECRETA* eorundem DD. Episcoporum pro dicti Brevis Apostolici executione. Bruxellis, apud Martinum de Boffuyt, *dictæ urbis Typographum*, via ornamentaria 1697.

(t) Eggs in *Pontif. doct.* pag. 929. Kolb in *Serie Rom. Pontif.* pag. 378.

Pontificiæ vir majestatis, quam oculis spirabat, moribusque testabatur integerrimis, non annos natus, nisi unum & quinquaginta, S. Petri ut conscenderet Cathedram, ipsa die D. Clementi Papæ ac Martyri sacra, electus fuit. Omnium inter plausus & gratulationes solus ipse ingemiscens, summum triduo toto recusavit Sacerdotium: (u) Quæ modestia perennem Clementi famam vel apud heterodoxos peperit. (x)

Bullam Decessoris sui de abolendo Nepotismo confirmavit Pontifex recens creatus, multaque decrevit sapienter alia & fecit præclare. In id maxime incubuit, ut gravissima inter Principes christianos dissidia restingeret. Populum verbo & exemplo ad virtutem; ad honestas artes, ne otio disfluere, præmiis adolescentes animabat. Festum Conceptionis B. M. V. immaculatæ ubique terrarum ab omnibus Christi fidelibus de præcepto mandavit fervari & celebrari. (y) S. Josephum, ejusdem Virginis Sponsum, novo decrevit coli Officio Divino, quod ipsemet composuerat. (z) Divis ad censuit Pium V. P. M., Andream Avellinum, Felicem a Cantalicio, & Catharinam Bononiensem, ut quid intuerentur simul atque imitarentur, Fidelibus præsto esset.

Egregio Religionis catholicæ tum custodiendæ tum propagandæ zelo resplenduit. Sacros ablegavit Evangelii præcones ad Sinas, ad Indos, Persas, Ethiopes, Egyptios & Moscos: quorum non pauci vel ab ethnica superstitione avulsi vel a schismate revocati fuere. Ad illustrandum Christianæ Alexandræ, (a) Suecorum Regine nomen, ac posteritati commendandum, elegans in æde Vaticana posuit monumentum. Celebrem diremit controversiam de ritibus Sinensium & de honoribus Confucio exhibitis. (b) Secutus

(u) "Nuntio electionis sue delato, alto dolore pressus, quem molesta febris secuta est, nil intentatum reliquit, ut eligentium voluntati resisteret; nec cessit, nisi postquam quatuor insignes Theologi concordi judicio validissimis ex causis judicant, non sine gravissimi criminis labe oblatum ipsi summum catholicæ Ecclesiæ Pontificatum posse dimitti: quemadmodum late refertur in ejus *vita Lib. I pag. 47.* Lambertinus de *Serv. Dei Beatif. & Beat. Canoniz. Lib. III n. 8 & 12* apud Sandinum pag. 577.

(x) Norimbergenfes tantam Viri modestiam & tam singularem in tanto honore quæ precibus quæ lacrymis deprecando constantiam admirati, numismata divulgant, quæ Clementis exhibebant effigiem cum inscriptione: *Albanum coluere Patres, nunc maxima rerum Roma colit &c.* Sandinus pag. cit. P. Jos. Ignat. Chiaberge S. J. in *Orat. panegy.* docet Clementem fuisse magnum in Pontificatu detrectando; majorem in accipiendo; maximum in administrando.

(y) Constituit. *Commissi Nobis divini* 120 Tom. X Bullar. part. I pag. 206 apud Sandinum.

(z) Lambertinus cit. Lib. IV part. II cap. XX n. 5.

(a) Nomen *Alexandræ* addidit *Alexander VII P. M.*, Sacramentum Confirmationis ei administrans.

(b) Constituit. *Ex illa die* 217 Tom. X Bullar. part. II pag. 50. *Catalogus Romæ. Pontif. Tom. X.* E

tus Innocentium XI Jansenio opposuit sese, sacrisque initiandos Ordinibus ascesi Ignatiana prius purgari & excoli voluit. (c)
 Parilis in illo erat literarum cura: Vaticanam Bibliothecam vetustissimis auxit codicibus Msc., Syriacis præsertim & Arabicis, ex interiore Agypto sedulo conquisitis; bonarum artium Magistros mirifice coluit ac decoravit honoribus; Urbini quæque Bibliothecam publicam in Cœnobio Conventualium instituit. (d)
 Post tot, tantaque in Ecclesiæ & Imperii a Turcarum impetu vindicandi emolumentum gesta facinora obiit anno ætatis LXXII, vel hoc uno ex capite summus, immortalis, incomparabilis, quod temporibus toto ferme Pontificatu usus difficillimis, animum illis parem nunquam non gesserit. Succedebat

Nomen & Natio.	Ordo Successio- nis a S. Petro.	Adiit Pontificatum.	Sedit in Cathe- dra S. Petri.	Obiit.
Innocentius XIII antea Michael Angelus de Comitibus, Romanus.	CCXLVI.	Anno Christi MDCCXXI VIII Idus Majas.	Annos II. Menses IX. Dies XXIX.	Anno Christi MDCCXXIV Nonis Martii.

Supremum orbis christiani fastigium qui conscendit, ob claritatem generis, & officia domi forisque laudabiliter gesta, honore illo apprime dignus. Quod nactus est placatum miris modis & optime constitutum imperium, novis illustrare decoribus ac publica majestate augere studuit.

Mitissimi erat ingenii Præsul: id quod experti non semel primi ordinis Viri, quos ab accusationibus malevolorum, tutor innocentie generosus & æqui servantissimus, vindicavit: jure in ipsum ut cadat S. Augustini effatum: Nec mansuetudo integritatem corripuit; nec integritas mansuetudini repugnavit. (e)

Carolo VI Imperatori investituram Regni Siciliae utriusque ac Hierosolymæ impertit: quo facto suam in asserendo jure ecclesiastico constantiam orbi declarare voluit universo. (f)

Fidelibus porro perpetuam erga sanctissimum Nomen JESU reverentiam fiduciamque aspiraturus, Dominicam ab Epiphania secundam Festo ejusdem quotannis celebrando præstituit, vita functus LXIX ætatis anno, dignus longiore. Successor

Bene-

(c) Ajebat Sapientissimus Pontifex, secessu illo sacro "quidquid sordium de mundano pulvere contractum est, commode detergi, Ecclesiasticum spiritum reparari, mentis aciem ad divinarum rerum contemplationem extolli, recte sanctæque vivendi normam vel institui vel confirmari. Epist. 6 encycl. ad universos Italiae, Insularumque adjacentium Ordinarios data. Contin. Bullar. edita Luxemburgi a. 1727.

(d) Constitut. 275 Tom. II part. II pag. 166.

(e) Epist. 43 al. 162 extremo cap. 5 §. 16 apud Sandinum pag. 581.

(f) Constitut. Inscrutabili illius. 26 tom. XI Bullar. pag. 442.

Nomen & Natio.	Ordo Successio- nis a S. Petro.	Adiit Pontificatum.	Sedit in Cathe- dra S. Petri.	Obiit.
Benedictus XIII antea Vinc. Maria Ur- sinus, Neapolitanus.	CCXLVII.	Anno Christi MDCCXXIV IV Kal. Junias.	Annos V. Menses VIII. Dies XXIII.	Anno Christi MDCCXXX IX Kal. Mart.

Ex illustrissima natus prosapia, quæ in utroque Statu viros ostentat præstantissimos, immo quæ Divos olympo transcriptos non paucos numerat, (g) ex Ordine celeberrimo S. Dominici anno ætatis suæ XXIII ad Purpuram a Clemente X P. M., porro Beneventanam ad Ecclesiam promotus, atque ab insigni vitæ sanctimonia commendatissimus, votis 53 Cardinalium, licet invitus, eligebatur, ipse duorum jam & quinquaginta annorum Cardinalis, qui memoriam Petri de Luna (h) Antipapæ ut extingueret, nomen Benedicti XIII sibi præ aliis legit.

Primo, ut Tiaram acceperat, anno celebravit Romæ Concilium, Titulos triginta & duos complectens atque in ecclesiasticam disciplinam respectans unice. (i) Mandavit eum haud dubie in finem omnibus Italiæ Episcopis, ut Collegia Clericis educandis sive Seminaria ex præscripto Synodi Tridentinæ haberent, ac sedulo adcurarent. Ludovicum Antonium Cardinalem Noallium, Parisinum t. t. Archiepiscopum, ad Bullam Unigenitus recipiendam, pietate sua permovit. (k)

Erat castissimis Sponsis Josepho & MARIE addictus singularem in modum. Hanc triplici Salutatione Angelica, ad æris campani monitum, de genu colentibus Indulgentiam centum dierum ac semel in mense plenariam concessit: (l) illi post S. Joannem Bapt. in Litanis proximum assignavit locum. (m) Gregorio Cardinali

E 2

Barba-

- (g) Teste Kolbio in *Serie Rom. Pontif.* pag. 390. prodit ex Ursinorum stirpe agmen integrum Senatorum, Ducum, Consulumque: rursus Purpurati Patres 40 & Pontifices 4. Adde 10 Reginas ex Ursina domo ad Europæ solia evocatas, simulque Ursino desponsatas nomini filias 12 qua Imperatorum, qua Regum. Accedunt procreari eodem ab stemmate Sancti, quorum 18 nomina ex Historicis refert cit. Kolbius pag. 391.
- (h) Petrum de Luna, Arragonem, Cardinales Galli Avenione collecti opposuere Bonifacio IX, cum crearetur ab ipsis Pontifex die 28 Sept. a. 1394. Sandinus in *vit. Pontif.* pag. 471. Kolb pag. 264.
- (i) Summam istius Concilii habet Biner Soc. Jesu in *Apparatu Bruditionis* Part. X Cap. II Art. VI a pag. 282. Subscribere eidem Conc. 32 Cardinales, 4 Cardin. Procuratores, 44 Episcopi, 3 Abbates, 23 Episcoporum & 5 Abbatum Procuratores &c. Loc. cit. pag. 291.
- (k) De Congregatione Seminariorum quam Benedictus XIII instituit, extat Constitutio: *Credite nobis divinitus* 67 Tom. XI Bullar. pag. 409. De Noallio Biner cit. a pag. 413.
- (l) Id narrat Lambertinus Lib. IV de *Serv. Dei Beatif.* part. II cap. XX n. 5.
- (m) Constitut. 32 tom. XI Bullar. pag. 356.

Barbadico, (n) olim apud Patavinos Episcopo, fama sanctitatis inclyto, Venerabilis adscripsit titulum, ejusque corpus erutum sepulcro, ac specie illæsa repertum alio transferri decentiorem in sedem jussit. Inter Ecclesiæ nostræ lumina, quæ Apotheosi donavit, præ reliquis nominandus venit B. Joannes Nepomucenus, Pragensis Canonicus, ob invidiam, inter gravissima tormentorum genera, sacramentale silentium palma martyrii coronatus. (o)

Auxit præterea Benedictus archiepiscopali dignitate Lucensem Cathedralam: (p) Episcopatu iniciavit Viterbii a. 1729 Clementem Augustum Electorem Coloniensem: (q) nosocomium ad ægrorum aut scabie aut impetigine adfectorum curationem erexit. (r) Nullis denique pro Ecclesia pepercit laboribus; tantam tamen in ista facinorum omni ex parte præcellentium luce præ se tulit moderationem animi ac demissionem, ut Cænobitam agere obscurum, non Pontificem splendidum, Urbi & Orbi videretur.

Obiit demum anno ætatis LXXXII, prospera ad extremam senectutem usus valetudine, Præsul, ut scribit Biner, (s) ecclesiasticæ disciplinæ zelo laudatissimus. Ei successit

Nomen & Natio.	Ordo Successionis a S. Petro.	Adiit Pontificatum.	Sedit in Cathedra S. Petri.	Obiit.
Clemens XII antea Laurentius Corfinus, Florentinus.	CCXLVIII.	Anno Christi MDCCXXX IV Idus Quintil.	Annos IX. Menses VI. Dies XXV.	Anno Christi MDCCXL VIII Idus Febr.

Post varias quinque fere mensum sacro in Conclavi deliberationes, (t) tandem Christi in terris Vicarius ac supremus Ecclesiæ Pastor creabatur, cum annum ætatis ageret nonum & septuagesimum. Clementis XII assumpsit nomen, tum ut renovaret Clementis XI Pontificis vere magni recordationem, tum ut virtutem istius eximiam æmularetur.

Constitutiones bene multas, quæ totum Bullarii Romani XIII & XIV implent, edidit. Primam efficiunt Regulæ Cancellariæ, quas

(n) De Præsule hoc, virtutum literarumque amantissimo, Sandinus in vit. Pontif. pag. 384.

(o) Oratio Ecclesiæ in Fæsto S. Martyris.

(p) Sandinus cit. annot. 1 ad Alexandrum II pag. 350.

(q) Errone lapsus est Sandinus, pag. 383 Federicum Electorem Coloniensem scribens pro Clemente Augusto, de quo videlicet Tomum hunc Concil. X a pag. 427.

(r) Eminent. Lambertinus epist. ad Benedictum XIII præmissa Vol. III de Serv. Dei Beatif. &c.

(s) In Apparât. Erudit. Part. X Cap. II pag. 281.

(t) Post varios motus, quos sæculares maxime Principes per suas exclusivas, ut vocant, concitaverant, scribit L. C. Biner pag. 292.

quas more aliorum Pontificum confirmavit. (u) Mortuo sine liberis Antonio Farnesio, Parmensium ac Placentinorum Duce, (x) decrevit ex Constitutione S. Pii V, (y) Ducatum illum ad Sedem Apostolicam rediisse, ubi Henrica Essensis, ejus vidua, quam uterum gerere acceperat, prolem masculam non peperisset. (z)

In Cosciam Cardinalem, biante avaritia hominem, ab aurique fame ad Simoniae labem abreptum, anno 1733 tulit sententiam sat acrem & asperam; a Successore tamen oppido temperatam. Purpuratis adcensuit a. 1735 Ludovicum Antonium, Archiepiscopum Toletanum, Philippi V Hispan. Reg. & Elisabethæ Parmensis filium, novem vix annorum Principem: Divis a. 1736 Vincentium a Paulo, Joannem Franciscum Regis Soc. JESU Missionarium, Julianam de Falconeriis & Catharinam Fliscam Adurnam. (a) Eodem anno die 14 Augusti Indulgentiam largitus est Christifidelibus, quotquot juvandis in piaculari flamma piis manibus, prima noctis hora ad pulsus campanæ aut Psalmum De profundis, aut Orationem Dom. cum Salutatione Angel. & versiculo Requiem æternam, flexo poplite recitaverint.

Obiit anno æt. LXXXVIII, carnis omnibus, & habitus in fontes salubriter rigidus, ut erat legere in pegmate funebri, justis ejus solvendis extructo, in populis audiendis facilis, in egenos liberalis, in supplices clemens & potius quam pœna, correctione contentus. Hunc excepit

Nomen & Natio.	Ordo Successionis a S. Petro.	Adiit Pontificatum.	Sedit in Cathedra S. Petri.	Obiit.
Benedictus XIV antea Prosper Lambertinus, Bononiensis.	CCXLIX.	Anno Christi MDCCXL XVI Kal. Septembris.	Annos XVII. Menses II. Dies XVII.	Anno Christi MDGCLVIII V Nonas Maji.

Magnum profecto in Scriptoribus sacris, verèque eximium nomen hic BENEDICTUS; cujus tam alta vel apud doctiores ex adversariis

(u) Regulas illas obiter delibavit Bider pag. 309.

(x) Obiit Antonius a. Ch. 1731 ætatis 52 Reg. 4 masculæ stirpis Farnesie ultimus.

(y) De S. Pio V Sandinus in vit. Pontif. pag. 541.

(z) Constitutio: Cum bona mem. Antonius Farnesius 39 edita a. 1731 die 20 Junii. Interim Carolus VI Imp. dum spes feras virilis hærebant, occupari jussit Ducatum, illisque dissipatis, sibi vindicavit.

(a) Habuit Canonizatio hæc speciale illud, quod mos offerendi turtures, columbas, aliasque volucres, decem fere annorum spatio intermissus, redierit. Lambertinus de Serv. Dei Beatif. Lib. I Cap. XXXVI pag. 201 & 202.

riis nostris ac prudentiores rerum arbitros vigeat existimatio, ut luculentis illum præconiis, publico etiam typo exaratis, celebraverint. (b) Natus Bononiæ optimis parentibus die 31 Martii a. 1675, singularia a teneris statim unguiculis tum præclaræ indolis, tum vasti excelsique ingenii argumenta dabat: quæ annis labentibus, in editis ab ipso doctissimis libris (c) explicabant jucundius sese, & splendidius præfulgebant.

Solo exivit natali, Scientiarum fere omnium ornamento insignis, Jurisprudentiæ imprimis munitus præsidio: quod fecit, ut amplissimis in Urbe muneribus, quæ sibi commissa videbat, adamussim perfungeretur. Per annos ipsos viginti Promotoris fidei obivit munus, (d) in Collegio Advocatorum Consistorialium pulchram diu operam collocavit, (e) Congregationi Cardinalium S. C. T. interpretum, per annos complures fuit a secretis, Doctorem sacrorum Canonum egit, aliaque pari semper cum laude sustinuit officia: quibus ad Anconitanam primum ecclesiam, inde ad purpuram, (f) tum Bononiensem ad metropolim, (g) ac tandem ad supremam in terris dignitatem, ad B. Petri cathedram facile sibi viam aperuit: quo post dissidium sex mensium & amplius, non sine singulari Numinis adflatu, tota plaudente christiana Republica, cogitarat licet ipse alia prorsus omnia, (h) die 17 Aug. a. 1740 evehebatur.

Constitutus jam in altissimo hoc fastigio adeo non (quod inter honores persæpe evenit) intumescebat animo, ut sine discrimine etiam audiret quosque, & sine solatio nullum ab se dimitteret. Cardinalem

(b) Rei litterariæ & pulcherrimæ eruditionis stator & fautor est apud Lipsienses in *Actis erudit.* Vide Tom. I de *Serv. Dei Beatif.* edit. Patav. Gloriam vastæ eruditionis ei tribuendam censet Walchius in *idea plenæ historiæ Pontif.* pag. 443. Doctum Pontificem velut *авторитетнейш* eundem compellant passim omnes, maxime qui a Jansenio stare se profitentur.

(c) Edidit Vir Cl. 1. quatuor magna volumina auro cedroque digna de *Servorum Dei Beatificatione & Beatorum Canonizatione*, Cl. Antonio Genuensi (in *Elementis Metaphysicæ*, a. 1756 Neapoli editis) visâ tam egregia, ac tam masculæ, nitide ac perspicue elaborata, ut & miraculorum hoïtes & Prophetiarum derisores iis contundantur penitus suæque temeritatis & impudentiæ convicti teneantur, 2. *Libros de JESU Christi, Matrisque ejus Festis*, 3. de *Sacrificio Missæ*, 4. de *Sanctis, qui divino Officio Bononiæ coluntur*, 5. *Institutiones ecclesiasticas, vulgo Notificationi*, 6. *Tractatum de Synodo*, jam Pontifex, 7. tot conscripsit *Epistolas, Constitutionesque Apostolicas*, ut tomos omnino quatuor Bullarum (edit. *Luxemburgensis*) impleant, nempe XVI, XVII, XVIII & XIX.

(d) Lib. I de *Serv. Dei Beatif.* Cap. XVIII a. 10.

(e) Eod. Lib. Cap. XXXV pag. 183 apud Sandinum in *vit. Pontif.* pag. 590.

(f) Die 9 Decembris a. 1726 sub Benedicto XIII.

(g) A. 1731.

(h) Fertur ad PP. conscriptos dixisse "videre se quidem omnium suffragiis Pontificem factum; de hujusmodi tamen honoris gradu, quasi fieri posset, ut in eo collo- caretur aliquando, nunquam cogitasse." Ita P. Contucci S. J. in *Orat. paneg.* habita IV Id. Jan. in Collegio Rom.

nalem Cosciam, in monasterio S. Alexii ad id temporis inclusum, libertati pristinae ac dignitati eodem mox anno restituit. (i)

De ornamento Urbis sollicitus, Liberianae Basilicae porticum refecit; frontem ejus primariam marmoreo exstruit opere, partemque interiorem magnis sumptibus instauravit. Lateranense triclinium, sub Clemente XII dirutum vindicavit ab temporum injuria; (k) aedi Sessorianae, vulgo S. Crucis in Hierusalem, cujus titulum sustinuerat Cardinalis, renovatis porticu & laquearibus, directaque ad Lateranum via, novum conciliavit decus; ampliavit in usus pauperum, quos amabat mirifice & benevolentia vere paterna semper complectebatur, Xenodochium S. Spiritus in Saxia; Solis obeliscum, longinquitate annorum confractum & jacentem, extraxit e Campo Martio; (l) Vaticanam locupletavit Bibliothecam; & fornici maximo Basilicae S. Petri, mole sua fatiscenti, tempestive prospexit, Mathematicis illo aëvo celeberrimis in consilium adhibitis. (m)

Has inter curas, gestaque illustria, quae ad Urbem aedificiis & aliis insolitae magnificentiae monumentis exornandam spectabant, ad aliud multo praestantius, quod a cultu ac flore scientiarum repetitur, decus oculos animumque convertit. Veterem, quae supererat adhuc Romae, Scholarum rubiginem atque squalorem deterfurus, scribit de illo Genuensis, gravissimos Philosophos, & in omni literarum genere subactos viros velut in orbis domicilium revocabat, novosque literatorum, in quibus res quaeque gravissimae pertractarentur, cogebat confessus. (n) His intererat non tam, quid doctè acuteque disputarent alii, tanquam si ipse ignarus esset, auscultandi gratia & intelligendi, quam eorumdem aut responsa, si quid vitii haberent, corrigendi, aut plenam in lucem, si forent obscuriora, traducendi. Ipsum profecto, ceu Mecænatem optimum, posteris commendabunt erecta in Quirinali palatio Academia, fundata in Collegio PP. Soc. JESU Cathedrae, altera Liturgica; Historiae Ecclesiasticae altera: uti & Museum christianum in Capitolio. (o)

(i) Biner in *Apparatu Erudit.* Part. X Cap. II Art. XIII pag. 311.

(k) Lib. I de *Serv. Dei Beatif.* pag. 246.

(l) Inscriptio in hanc Obelisci horarii translationem a Benedicto XIV anno 1748 factam legitur in *Hist. Litt. Italiae* Vol. I. Lib. III pag. 297.

(m) De Joanne Poleno inter istos Mathematicos clarissimo Sandinus pag. 591.

(n) "Singulis Lunae diebus consuevit (doctissimus Papa) conveniunt apud se celebrare Virorum eruditorum, in quo tum de profana veterum Romanorum, tum de Catholicae Ecclesiae Historia, Conciliis ac rebus Liturgicis disputantur." Idem Sandinus de Benedicto adhuc vivente, & annum agente Pontificatus sui nomen.

(o) Clemens Sibillatus *Hist. Eccl.* Professor in *Orat. funebri* habita in aede Cathedrali Patavina IV Idus Majas: ubi Benedictum a doctrina primum, tum a veritate laudat.

*Ex Urbe porro, cujus tantopere splendori atque utilitati fudit; Orbi quid & quacunque demum in plaga prodesse posset, ad supremum usque vitæ suæ diem pervigilabat. Argumento sint Constitutiones, quas reliquit numero plurimas, sapientia summas, eruditione plenissimas. (p) Cultam Religionis nostræ ab indorum superstitione purgavit; (q) juniorum instauravit disciplinam; (r) officia Episcoporum ad severiores ecclesiæ leges conformare voluit. (s) De matrimoniis in Hollandia & Belgio contractis, de usu sacrarum imaginum cultuque, de Jubilæo, de proscriptio-
ne librorum seu fidei seu bonis moribus noxiorum, & aliis de rebus ad christianæ Reipublicæ bonum facientibus egit studiose, scripsit docte, prudenter solideque decrevit. (t)*

Goritiæ Ecclesiâ S. Crucis erexit in Archiepiscopatum, cujus Præsuli Tridentinum, Tergestinum, Petinensem & Cominensem, Suffraganeos olim Patriarchæ Aquilejensis Episcopos, omni-cum auctoritate subjecit; (u) Fuldæ in Episcopatum celeberrimam Ord. S. Benedicti Abbatiam. Cum hac transegit Herbipolensis Episcopus atque a P. M. jus Pallii & Crucis præferendæ honorem obtinuit. (x)

Tandem die 3 Maji a. 1758 e vita discessit Benedictus cum summis ante se Pontificibus merito comparandus, cui a Pallavicino sub id temporis Nuncio Apostolico hoc positum Neapoli epitaphium; (y)

D. O. M.

BENEDICTO. III. LAMBERTINO

PONT. MAX.

PATRIA. BONONIENSI

AD. ÆTERNITATEM. ROMANI. NOMINIS. NATO
DIVINARUM. ET. HUMANARUM. RERUM

SCIENTISSIMO

PONTIFICI. OPTIMO

ET. CUM. IIS. QUOS. OMNIS. MIRATA

EST. ÆTAS. FACILE. COMPARANDO

VIX. ANN. LXXXIII. MENS. I. DIEB. III.

IMPERAV. ANN. XVII. MENS. VIII. D. XVI.

DECESSIT. V. NON. MAJ. ANN. MDCCLVIII.

HAVE. ANIMA. INNOXIA. SANCTA. COLENDA

IN. CÆLESTIUM. NUMERUM. RECEPTA.

Cle-

(p) Has ex ordine recensitas habet *Bullarium*.

(q) Biner cit. in *Apparatu Erudit.* Part. XI a pag. 410.

(r) Idem a pag. 419.

(s) a pag. 433.

(t) Ex Bullario Biner cit. sparsim.

(u) Idem ad annum 1752 pag. 463.

(x) Ad eund. annum pag. 464 & 465.

(y) *Annales litterarii (Annals literary)* Vol. III Lib. III Cap. VI pag. 499.

CLEMENS XIII successit: & huic CLEMENS XIV. Tamen sub neutro, quod senserim, habita est Germaniæ Synodus; tamen, cum Collectio hæc CC. quæ, illo vix gubernaculis Christi Ecclesiæ admoto institui cæpit, paulo post suprema hujus fata typis exeat; mutilusque videri possit Romanorum Pontificum, istis silentio præteritis, Catalogus in ætatem, qua hic tomus conficitur, excurrans; paucis si vitam utriusque hæc perstrinxero, gratam rem Lectori benevolo me facturum putem. Esto igitur

Nomen & Natio.	Ordo Successionis a S. Petro.	Adiit Pontificatum.	Sedit in Cathedra S. Petri.	Obiit.
Clemens XIII antea Carolus Rezzonikus, Venetus.	CCL.	Anno Christi MDCCLVIII Prid. Non. Julii.	Annos X. Menses VI. Dies XXVII.	Anno Christi MDCCLXIX V Nonas Februarii.

Natus est a. 1693 die 7 Martii, Rezzonico patre, matre Barbadica, parentibus lectissimis, a quibus & patriciam sanguinis claritatem & avitum solidæ virtutis amorem studiumque hausit. Bononiæ in nobili, quod a PP. Soc. JESU tunc regebatur, S. Franc. Xaverii Collegio, magna cum laude oratorium perinde ac philosophicum decurrit spatium; mox Venetias primum, ubi in fure civili & Theologorum dogmatis cognoscendis per biennium studiose est versatus; deinde Patavium, quod in amplo doctissimorum virorum cœtu Doctoris ipsum Laurea donavit; postremo Romam se contulit, ubi a Clemente XII ob insignem religionem pari cum prudentia conjunctam purpuratis adlegebatur Patribus, atque a Benedicto XIV Patavinum Episcopatum referebat.

Anno 1758 die 6 Julii, tiaram pontificiam, cælo auspice, est consecutus: quam ille dignitatem oratione gravitatis plena, multis etiam lacrymis ac singultibus sæpe interrupta, deprecari studuit. Die 15 Augusti e. a. Mariam Theresiam Imperatricem titulo Apostolicæ ab ea, ceu Hungariæ Regina, usurpando exornabat. Peracris ei erat cum Parma contentio, (z) Societatem JESU & amabat plurimum & duabus Constitutionibus, altera: Apostolicum; (a) altera: Animarum salutem (b) motu proprio editis confirmabat.

Obiit piissimus, & æqui tenacissimus Pontifex post horrendos regiminis sui fluctus, ipso Purificatæ Virginis Mariæ festo die animam purissimam suo reddens Creatori, Præsul æterna memoria dignissimus. (c)

Cle-

(z) In vita Clementis XIV (Berolini & Lipsiæ a. 1774) Part. I a pag. 18.

(a) A. 1765 VII Id. Jan. Vid. Justus Catholicus Jureconf. Medit. tertia de Excommunicatione injusta a pag. LX. Bononiæ 1774 in 8. maj.

(b) A. 1766 ad diem 10 Septembris.

(c) Raymundus Cunich e Soc. Jesu, Oratione habita in Collegio Romano prid. Kal. Sept. 1758.

Catalogus Roman. Pontif. Tom. X.

Nomen & Natio.	Ordo Successio- nis a S. Petro.	Adiit Pontificatum.	Sedit in Cathedra S. Petri.	Obiit.
Clemens XIV <i>antea Laurentius Ganganelli, Urbinas.</i>	CCLI	Anno Christi MDCCLXIX XIV Kal. Junii.	Annos V. Menses IV. Dies III.	Anno Christi MDCCLXXIV X Kal. Octobr.

Lucem adspexit a. 1705 die 31 Octobr. ad scientias adsciebat^{ur} a puero, quas facili etiam profectu acquisivit, tum ob ingenii præstantiam, tum ob singularem assiduitatem, atque diligentiam. Venerabilem dein FF. Minorum S. Francisci Conventualium Ordinem ingressus est; in eo mente capaci, & rerum sciendarum, præsertim sacre antiquitatis curiosa cæpit Theologiæ Catholicæ fontes potius, quam ratiocinii rivulos consecrari non sine continua solida eruditionis accessione; per hujus intulenta specimina viam sibi in Urbem aperuit. Romam missus Collegio florentissimo S. Bonaventuræ, quod Sixtus V ære suo, & legibus fundavit, datus est Rector. Hoc dum munereungebatur, in Comitibus generalibus Ordinis a. 1741 celebratis copiosa & perpolitata oratione latina Benedictum XIV, qui tunc iis præsidebat, Jo. B. Minuccii in iis electi Ministri Generalis, totiusque cætus nomine honoravit (d)

Magni hujus ingemorum Censoris favorem adeo sibi feliciter conciliavit, ut S. Officii, seu Inquisitionis hæreticæ pravitatis Consultor fuerit nominatus. (e) Munus hoc multa cum laude in dandis responsis promptæ facilitatis sub Benedicti XIV & Clementis XIII Pontificatu sustinuit, usque dum Eminentissimo S. R. E. Cardinalium Collegio fuit insertus; quæ fors ei præter expectationem obtingebat 24 Sept. a. 1759 cum titulo Ecclesiæ S. Laurentii in Pane & Perna nuncupatæ, cui postea surrogata fuit Basilica XII Apostolorum. (f)

Defuncto Pontifici Clementi XIII suffragiis Eminentissimi Collegii Purpuratorum Patrum in Cathedra S. Petri Successor eligebatur 19 Maji a. 1769 postquam S. Sedes Apostolica trimestri & aliquot diebus vacaverat.

Characterem Episcopalem electo summo Pontifici die 28 ejusdem mensis Maji impertivit Eminent. Card. Lantius pro Eminent. Card. Cavalchino, qui, cum ad eam tanquam primum Cardinalem Episcopum,

(d) Oratio typis Romanis impressa anno eodem cum dissertationibus P. Laur. Ganganelli ex historia sacra, & Ecclesiastica, & Mythologia publicæ concertationi expositis Benedicto XIV fuit nomine Ordinis oblata.

(e) Munus Consultoris S. Officii cuidam ex ordine Conventualium juxta morem Romanæ Curie dari consuevit. Congregatio Cardinalium S. Officii bis fit singulis hebdomadibus, saltem duodecim Cardinales ad eam deputantur.

(f) Hæc titulo Cardinalitio insignita basilica XII Apostolorum ad primum Monasterium Ordinis PP. Conventualium pertinet.

pam, & sacri Collegii Decanum consecratio pertineret, senio & morbo cogebatur ab operoso hoc ministerio abstinere.

Quamquam ad Principatum nec natus, nec usu, ac exercitatione formatus e vita claustrali & schola Deo per electionem iubente velut a novissimo loco superiùs ad Hierarchiæ culmen ascenderit, se totum impendere, ac superimpendi cupiens pro Grege Domini ita quinquennium, & quod ultra est temporis sibi a Deo concessum, Principi Pastorum Christo consecravit, ut difficillima negotia nec gravitate nec multitudine animum ejus excelsum obruerent, hierarchica & politica gubernatione se Vicarium Christi, & Patrem populi, ac Principem salutis publicæ studiosum ostenderit.

Singularia de eo cum posteris communicanda hæc videntur: (g)

I. Populo Romano gratum fecit sui Principatûs exorâtiûm provida rei annonariæ curatione. II. Musæum de suo nomine Clementinum nuncupatum magnifice struxit & locupletavit. III. Bibliothecam Vaticanam ditavit monumentis antiquis, numismatibus & cimeliis. — IV. Sedi Pontificiæ denuo Comitatum Avinionensem & Beneventanum Ducatum vindicavit. V. Beatorum sacros honores decrevit Paulo Aretio S. R. E. Cardinali, Erasmio Cafacciolo Congreg. Cler. Regul. Min. & Bonaventuræ de Potentia Ord. Min. Convent. VI. Etsi pro affectu erga Institutum, cui me perpetuum devoeram, acerbum sit memorare, cogit addere facti veritas: Societatem JESU per Breve Urbi & Orbi publicatum, cujus initium: Dominus ac Redemptor noster, die 21 Julii a. 1773 suppressam, extinctamque declaravit, honori tamen singulorum, paternæ benevolentiae erga singulares ejus Instituti personas significatione, prospectum voluit, excommunicationem comminando vetuit, ne quis occasione hujus suppressionis ullum usque ad suppressionem Societati adscriptum clam aut palam, voce aut scripto, injuriis, contumeliis, aliove contemptu audeat afficere, data etiam facultate Clericorum secularium privilegiis, juribus utendi, fruendi sub sacro Imperio Episcoporum, cum habilitate ad Beneficia, Dignitates & Cathedras Academicas. VII Ne carni & sanguini indulgeret, nec familiæ suæ bona temporalia de patrimonio Christi impertivit, nec Ecclesiasticis honoribus aut Beneficiis quenquam suæ cognationis extulit; imo nec Ordini, cui se votis addixerat, invidiosâ beneficentiâ favere voluit. Cardinales paucos, ex Regularibus nullum creavit.

Denique a. 1774 die 22 Sept. animam magnâ per totum Pontificatum difficillimum in adversis & prosperis fortitudine, præsertim vero in extrema infirmitate roboratam Ss morientium Sacramentis munitam Deo reddidit.

FINIS CATALOGI ROMANORUM PONTIFICUM.

SERIES

(g) Hæc per Ephemerides, vulgo Gazettas, innovere.

APPROBATIO CENSORIS ORDINARII.

Totum hunc decimum Collectionis Conciliorum Germaniæ imprimi permittimus.

6 Aprilis
1775.

JOANNES GODEFR. KAUFFMANS,
S. T. D. Archidiacon. Colon. Sigillifer
Major, & Librorum Censor ordinarius mpp.

SERIES
IMPERATORUM OCCIDENTIS

AB ANNO MDCLXII. SÆC. XVII.

AD ANNUM MDCCLXXIV

curr. SÆC. XVIII.



LEOPOLDUS I.

Viennæ in Austria a. MDCXL die 9 Junii natus, Maria Anna, Philippi III Hispaniarum Regis filia, (a) matre nondum sexennis; Ferdinando IV fratre, annum ætatis agens quartum decimum; patre vero, Ferdinando III Imp. Princeps annorum fere octodecim, Austriæ jam Regens, coronatus quoque Rex Hungariæ & Bohemiæ, (b) orabatur. Per varia ipsi & gravissima sane obstacula (c) ad imperii coronam eundum fuit: quibus tandem, quod propensus in Germaniam Deus erat, feliciter sublatis, ei imponebatur Francofurti a. MDCLVIII die 8 Julii (Æ. V) al. ipsis Augusti Calendis.

Eodem mox anno Rhenanum fœdus coaluit, cujus hæc ferme capita vulgabantur: *Curare ne quid in Monasteriensem pacem quisquam molivetur; quamvis injuriam a sociis depellere; militum quorumcunque transitum, molestias, exactiones inhibere; copias communi consilio, ubi usus sit, adhibere. Triennio hæc pacta tenerent, & ultra provogarentur, si belgicas turbas interim sopiri non contingeret.* (d)

Anno MDCLX dies 3 Maji pacem Olivensem Suecis, quibus cum Dano, Belgis, Polono, Moscis, Cæsare, & Brandeburgo luctandum diu fuerat, per gratam & utilem, adnitente potissimum Gallia, conciliavit. Leopoldus præter solidam, quod binos ad interitu servavit Reges, gloriam nihil sibi ex ea decerpfit, (e) factis quadriennio post ad ærarium accessionibus felicior atque opul-

lentior;

(a) Prima Ferdinandi III Imp. conjux, quam die 11 Febr. a. 1631 duxerat; altera Maria Leopoldina, Leopoldi V Tirol. Archiducis filia, nupta a. 1648 & a. 1649 mortua. Vid. Franc. Wagneri S. J. *historia Leopoldi M. C. A.* Tom. I Lib. I. & Joh. Steph. Pütteri *Manuale plen. Hist. Imperii Germ.* Tom. I §. 254 a pag. 771.

(b) Rex Bohemiæ coronatus est Leopoldus aliis a. 1655 die 4 Sept.; aliis anno insequente ad diem 14 Sept.

(c) Hæc obstacula compendio dat Struvius *Corp. Hist. germ.* Tom. II Period. X Sect. X pag. 3066. Wagnerus *Hist. cit.* admodum fuse a pag. 26 ad pag. 46.

(d) Londorp. apud Struv. *Act. publ.* Tom. VIII pag. 417. Dumont *Hist. univ. dipl.* Tom. VI Part. II pag. 235.

(e) Wagnerus pag. 71.

lentior; cum insignem de Turcis victoriam ad S. Gotthardum Kalendis Augusti reportaret: (f) quanquam ratus, pacem cum superato hoste ad annos XX. faciendam. (g) Anno MDCLXVI die 12 Dec. Margaritam Philippi IV Hispaniæ Regis filiam secundo loco genitam (Theresia primo genita jam ante Ludovico XIV Galliarum Regi cesserat (b)) in conjugem duxit, pompa nuptiarum incredibili: (i) ne Hispaniam suam desideraret Hispana, aut Germaniam (qualem exteri pingunt) velut agrestem ac rudem & citra delicias horridam averfaretur. Sed in ipso hoc genialium gaudiorum æstu proxime occubuerat Cæsar, cum eoque Domus Austriaca; nisi singulari factum providentia numinis, ut geminum vitæ periculum (quod emicans primum conjurationis Hungaricæ germen appellari potest) Augustissimus evaderet. Fassi postmodum conjurati, antequam de iis supplicium (k) sumeretur, & structas Cæsari in arce Pottendorfsenfi ab se insidias fuisse, & fontem aulicum, unde in cibaria aqua petebatur, cum lusus se, quantum ad id consilii erat, adverterent, veneno præsentissimo corruptum.

Anno MDCLXVII Flandriam subegit & Burgundiam Ludovicus XIV Galliæ Rex, contendens devolutum, a morte Philippi IV Regis Hisp. ad Mariam Theresiam conjugem suam, (l) Belgium; cujus tum status erat longe miserimus. (m)

Anno MDCLXIX proscripti Vienna, ac tota Austria Judæi, gens in Christum & Christianos impia: id quod Margarita Imperatrix ab Cæsare marito tandem impetraverat. (n)

Anno MDCLXX Galli, crebris primum itineribus circumducti, in Lotharingiam irrumpebant, omnemque mox provinciam tam occupabant ce-

riter,

(f) Accuratam pugnae S. Gotthardianæ descriptionem dat idem Historicus a pag. 159. De virtute bellica Caroli Lotharingi agit pag. 163.

(g) Ad pacem hanc tantopere festinandam quid Aulas incitaverit, vid. a pag. 170.

(b) *Grandi*, ut scribit Binerus in *Apparatu Erudit.* Part. VIII Lib. II ad calcem pag. 380; quod posteriora docuerunt tempora, *Austriæ jactura*.

(i) Wagnerus pag. 205.

(k) Struvius *loc. cit.* hæc: "Cæsar constituto judicio delegato, adhibito consilio Jureconsultorum, Cameræ Spirensis, Lipsiensis, Tübingensis, atque Ingolstadiensis "Academiæ, reos istos (*Zrinium, Nadastrum, Frangopanum & Tattenbachium*) "vel per ipsorum literas vel confessionem convictos, ad mortem condemnavit." Sententia in tribus illis executioni mandata Viennæ die 30 (*Æ. n.*) Aprilis; in Tattenbachio post integrum semestre Græcii ad diem 21 Nov. anno MDCLXXI. Eadem fere Wagnerus Lib. III *Hist. Leop.* a pag. 250. Binerus in *Apparat. Erud.* Part. IX Cap. VIII a pag. 257.

(l) Obiit Margarita a. 1673 die 9 Jan. annum ætatis agens secundum & vigesimum, filiamque post se duntaxat unicam, Mariam Antoniam, in magnas olim spes Bavaræ despondendam, relinquens: a cujus mox obitu alterum Leopoldus matrimonium cum *Claudia Felicitate*, Ferdinando Carolo Archiduce Oenipontino genita, init Græcii in Styria. Verum & hanc sine prole mascula annis 1676 eripuit. Tertia Imperatori conjux fuit *Eleonora*, filia Neoburgici Ducis natumaxima, quæ Josephum Archiducem (*de quo postea*) a. 1678 genuit. *Vid.* Wagner, Struv. Biner &c.

(m) De *Jure devolutionis* egit Petrus Stockmannus, qui extat in *Diarii Europæi Tom.* XVI *appendice.* Wagner *cit.* pag. 24.

(n) Causas decreti adversus gentem exilii profert Wagner pag. 231. *Series Imperator. Occident. Tom. X.* H

riter, ut, Ducem ipsum Carolum IV quin interciperent, perparum abfuerit. Egit Imperatoris nomine rem Ducis apud Galliarum Regem Windischgrazius Comes, vir clarissimus; sed præter verba, nihil secum ex ista legatione domum retulit.

Anno tandem MDCLXXII primum erupit bellum Gallicum, quod annos septem tenuit, adflixit graviter Germaniam, atque in præsentissimum supremi exitii discrimen Bataviam conjecit. Idem Ludovicus XIV isto jam ante cum potentissimis Imperii Statibus (p) fœdere securus, nec ab Anglia, Suecia, Sabaudia, ac Dania quidquam sibi metuens, exercitum educebat & copiosissimum & florentissimum; cumque prona ubiuis nancisceretur omnia, brevi ne mensis quidem integri spatio Geldriam, Ultrajectum, Zutphaniam expugnabat; quin ad portas Amstelodami conspectumque perveniebat, munitis tot urbibus & arcibus plus XL tam exiguo tempore ac veluti per jocum subactis; dum interea Monasteriensis Episcopus, transalana provincia una cum Covardo intra paucos dies expugnata, Groningam obsidione premebat, in qua tamen hæsit imperus Car. Rabenhauptio, nobili Germano, magnis eam animis, Marte etiam secundo, defendente. (q)

Anno MDCLXXIII Trajectum ad Mosam, multo suorum sanguine, ad deditionem die 30 Julii coegit Franciarum Rex, subjugante sub idem fere tempus decem Alsatiæ imperiales civitates Fevillada gallici exercitus Duce.

Conventus eodem anno Coloniarum Agrippinæ de pace institutus, capto ad diem 4 Febr. anni seq. per Cæsareos Furstenbergio, mox in auras abiit.

Varia dein pugnatum sorte; donec a. 1679 Februario ineunte, hinc Cæsarem inter & Imperium, inde Galliarum simul & Sueciæ coronas pax Neomagi subscriberetur. (r) Restituti tunc in integrum Batavi: at Burgundiam Gallus non dimisit; cujus pariter in potestatem urbs Germaniæ opulentissima & nobilissima, Argentina Alsatiæ metropolis, die 22 Sept. a. 1681 sine ullius militis impendio, concessit. (s)

Anno eod. MDCLXXIX, qui pacem Neomagensem protulit, pestis Viennam prope exhaustit. Elata intra menses octo ultra LXXX mille funera. Malum fractum tandem, sopitumque fuit, habita ad statuam Divinæ Triadi, jussu Cæsaris, erectam humili & perfrequenti supplicatione.

Anno

(p) Status illos, scribit Pütterus *Manual. cit.* pag. 824, fuisse Electores Moguntinum, Trevirenses, Coloniensem, Bavarum, Palatinum, Episcopos Monasteriensem & Osnabrugensem, Comitem Neoburgicum, & Imperatorem ipsum.

(q) Vid. Lotichii & Hofmanni *Histor. aug. Imperatorum Romanorum* in fol. Amstelodami a. 1710 pag. 282. (*Opus cum circumspectu legendum.*)

(r) Instrumentum pacis hujus Neomagenensis in Synopsis contractum vide apud Biner. in *Apparat. Erudit.* Part. VIII a pag. 406.

(s) Quanto terrore tantæ urbis occasus, Germaniam omnem concusserit, dici vix potest. Wagner *Hist. Leopold.* Lib. VII pag. 522. Tanti fuit apud Carolum V Imp. Argentina momenti, ut diceret: Si eodem tempore Viennam Turca; Argentinam Gallus invaderet; relicturnum fortunæ suæ Viennam, ut Argentinam totis viribus defenderet. *Ibid.*

Anno MDCLXXXIII diem 12 Septembris eadem Vienna latissimam sensit, bimestri, qua ab immenso Turcarum 200000 exercitu, non sine maximo orbis christiani terrore cingebatur, obsidione liberata. Fœderatis qui copiis præerant, fuere præcipui Joannes III Poloniæ Rex, Maximilianus Emmanuel Bavariz, Joannes Georgius III Saxoniz Electores & Carolus Dux Lotharingiz. Urbem fortissime defendit Ernestus Rudigerus Staremburgius Comes.

Cæsi eod. rursus anno ad Barcanum barbari; captum Strigonium, alizque urbes & arces occupatæ. Annis porro continua serie subsecutis, tota fere Hungaria, Sclavonia, Transilvania, Bôsnia Ottomannico erepta imperio. (t)

Anno MDCLXXXVII Decembri mense, corona Hungariæ hæreditario deinceps jure ad Austriacos transitura, Josepho I Leopoldi filio, Posonii ab Archiepiscopo Strigoniensi, pompa qua fieri alias consuevit maxima, imponebatur. Triennio post electus Rex Romanorum & Augustæ Viadelicorum inauguratus idem Archidux.

Anno MDCLXXXVIII alterum exarsit bellum Gallicum, quod duæ imprimis causæ, Palatina nimirum hæreditas, & Furstenbergii ab Archiepiscopatui Colonienfi repulsæ concitaverant. (u) Funesta ad Rhenum facies: urbes florentissimæ, quas facili negotio Gallus ceperat, ab eodem, dum, recuperata post magni operis multique sanguinis oppugnationem Moguntia, acrius Cæsarei instabant, miserandum in modum exustæ ac devastatæ fuerunt. (x) Lovisius, Crequius, Melacus, & Durassius tristia hodieum ac mali ominis apud Germanos nomina. Vetustissimæ Vangionum, Nemetumque civitates, ut ait Wagner, (y) vici deinceps ignobiles, & fraternorum odiorum æterna monumenta.

Anno MDCXC die 15 Maji apertum est Wetzlariæ, quo, Spiræ, veteri sede; in cineres redacta, transferendum erat, Judicium Camerale Imperii. Prima ejusdem sessio a. seq. die 30 Jan. (z)

Anno MDCXCII nonus accessit Electorali Collegio Electoratus, Leopoldo I Imp. dignitatem illam Ernesto Augusto, Brunsvic. & Luneburg. Duci, Episcopo Osnabrugensi, conferente, novoque destinante Electori S. R. I. Archicæmilleri officium. (a)

Anno

(t) Vid. *Ast. SS. Junii Tom. I* in Dedicatione Leop. Imp. scripta.

(u) Strictim causas illas in conspectum dat Wagner *Hist. Leopold.* Part. II a pag. 70 ad pag. 84. Biner *Appar. Erudit.* Part. VIII a pag. 420. Pütter *Manual. Hist. Germ. Imp.* pag. 870. Mascovius *Introd. ad Hist. Imper. Romano-Germ.* Lib. X pag. 216 rem Furstenbergicam clare simul & breviter exhibet.

(x) Apud Struvium cit. *Hist. Europ.* Tom. I pag. 496 sqq. *Theatr. Europ.* Tom. XIII pag. 771. *Theatr. Mart.* pag. 277. &c. (y) Tom. II *Hist. Leop.* pag. 97.

(z) Struv. *Corp. Hist. Germ.* pag. 1393 §. 70.

(a) Cl. Imhof. *Notit. S. R. Germ. Imp. Procerum* L. II Cap. X, quod incipit: "Multarum in republica Germaniæ mutationum ferax hoc seculum, (XVII) cum nascens "Septemviris Imperii vidisset; media vero ætate Octoviratum introduxisset: ad finem jam vergens Novemvirum ostendit. Is est Revmus pariter & Sermus Exæstus Augustus &c.

Anno MDCXCVII die 30 Octobris ad finem perducta est Pax Rysvici, sito Delphos inter & Hagam castello, quo tota fere Europa convenerat. (b) Rogati, subscriberent, facile consentire Cæsarei & Galli una cum catholicorum Statuum Legatis; at recusarunt Protestantes ob clausulam hanc articulo quarto, ubi de restituendis Imperio locis omnibus, extra Alsatiam sitis, agitur, adjectam: *Religione tamen catholica Romana in locis sic restitutis, in statu quo nunc est, remanente.* (c)

Anno Sæculi XVIII ineuntis primo, die 18 Januarii, Fridericus III Brandenburgicus Regiomonte, principe Ducalis Borussiae urbe, diadema ipse sibi imposuit, & insignia Regis nomenque adscivit. (d)

Philippus Andegavens. Dux, defuncto Cal. Nov. a. 1700 sine liberis Carolo II Hispaniarum Rege, ad diem 24 Febr. Madritum tenuit, hæreditatem editurus post homines natos maximam: quam & sibi Leopoldus Cæsar vindicatum ibat, etsi Philippi avum, Lodovicum Galliarum Regem, adversarium haberet. Inde tertium cum Gallis bellum, idque per Italiam, Hispaniam, Belgium & Germaniam annis succedentibus diffusum, ac variis ab eventis (e) notandum.

Anno interim MDCCV die 5 Maji mortem oppetiit Leopoldus I anno Ætatis LXV, Imp. XLVII, Regni Hungar. L, Bohem. XLIX. Imperator vere Magnus, immo Maximus, qui fortunam utramque dum experiebatur, altior utraque, utraque major constitit: quem conspiciari erat, victo ad Arrabonem exercitu, invictum; Vienna tantum non cadente, erectum; trepidante a Turcis christiano orbe, intrepidum: in quo pietas summa cum summa rerum gestarum gloria veluti de palma contendebat; ut, si plures posteris ætatibus darentur similes Leopoldo Principes, cum Sacerdotio probe, probe cum Imperio ageretur. (f)

JOSE.

(b) Erant Deputati Imperii 1) ex Collegio Electorum Moguntinus, Bavarus, Saxo & Brandenburgicus. 2) ex Collegio Principum I catholicorum Austriacus, Salisburgensis, Magister Ordinis Teutonici, Herbipolensis, Spirensis, Constantiensis, Hildesheimensis, Leodiensis, Monasteriensis, Palat. Neoburgicus, Badensis & Prælati Suevici. II acatholicorum Magdeburgensis, Bremensis, Saxo-Coburgensis, Saxo-Gothanus, Culmbacensis, Cellenis, Guelferbytanus, Castellanus, Württembergensis, Glückstadtensis, Anhaltinus, & Comites Wetteravici. 3) ex Collegio civitatum imperialium Colonia, Augusta, Francofurtum & Norimberga.

(c) De celebri hac clausula postremo prope momento Tabulis inserta & valido non semel ariete a Protestantibus pulsata, monet Pütterus, ut consulantur Adami Corroii *Observata ad art. IV pacificationis Ryswicensis*. Joan. Jac. Moseri *plena relatio de celebri juxta ac fatali clausula art. 4 pac. Ryswic.* (Vollständiger Bericht.) Joan. Wolfg. Kipping *de statu Religionis ante pacem Ryswicensem*. Ego Lectores remitto ad Dissertationem Cl. Nelleri, super illo articulo publici juris factam, Autori, quod nodis omnibus solutis, rem omnem doctissime explicet, prorsus honorificam.

(d) Struv. qui citat Cellarii *Panegyricum* Boruss. Regi dictum: a Püttero citantur Küster *Biblioth. Brandenburg. & Pauli Histor. Boruss.*

(e) Hæc pulcro ordine Pütterus a pag. 993.

(f) Iisdem prope verbis *historiam suam Leopold.* claudit Wagner pag. mihi 808.

JOSEPHUS I.

Felix jam e Romanorum Rege Imperator turbidum sane & gravissimo involutum bello suscepit Imperium. Domanda ipsi prona in seditiones Hungaria; reducenda præter Mediolanum Neapolis, Sicilia, Sardinia, Hispania, America; decertandum ad Rheni utriusque ripas cum Gallia; in hujusque viscera, quacunque demum via posset, transferenda partem non exiguam belli moles. Has tamen difficultates, mira omnes gloria, parique felicitate superavit; cum senos regiminis sui annos victoriis grandibus ac triumphis impleret, duplici jam ante, ex capto (g) receptoque (b) Landavio, palma illustis.

Anno MDCCV cruentum fuit in Italia prælium, etsi victoria dubia, ab Eugenio Principe & Vendomio Duce, ad Cassanum die 16 Augusti commissum. (i) In Hispania Carolus Austriacus classe anglo-batavica, die 28 Aug. prope Barcinonem appulsus, non hanc modo metropolim die 9 Octobr., sed & omnem fere Cataloniam, Valentiamque cepit. (k) In Bavaria tumultuantes mense Nov. contra Cæsaream Administrationem rusticos accepta ad Monachii muros, nocte Domino nostro natali, clades perdomuit. (l)

Anno MDCCVI victoriam ingentem retulere Marlborugius & Eugenius, inclyti ambo Cæsareorum Duces: hic in Italia Taurinum, munitissimis Gallorum castris die 7 Sept. rara fortitudine superatis; ille acerrimo ad Ramilliacum Brabantiae oppidum prælio cum Gallis die 23 Maji congressus, Bruxellas, Lovanium, Mechliniam, Brugas, Gandavum, pluresque urbes alias ad deditionem coegit. (m)

Anno MDCCVII novum aperiebatur belli theatrum Neapoli, ubi Daunius Comes regnum omne in Caroli Austriaci redegit potestatem; Eugenio interim & Sabaudiae Duce Telonem Martium, Galliae portum egregie munitum, inutiles opera obsidentibus.

Eodem anno die 4 Januarii Ludovicus Wilhelmus Badensis Marchio, fatis concessit, Imperator Cæsarei exercitus multa de Turcis parta victoria clarus. (n)

Anno MDCCVIII quæ sub cineribus gliscebant Clementem XI Pont. inæter & Leopoldum Imp. diffidia, in luculentum erupere incendium: quod tamen amica utriusque partis compositio brevi restinxit. (o)

Hoc

(g) Die 10 Sept. a. 1702.

(b) Die 23 Nov. 1704.

(i) Wagner *Hist. Joseph.* a pag. 26. *Theatr. Europ.* Tom. XVII pag. 248 apud Pütter §. 350.(k) Lambert *Mémoires pour servir à l'histoire du XVIII^e siècle*, Tom. III a pag. 528. cit. a Püttero.

(l) Wagner a pag. 22.

(m) Struv. *Corp. Hist. germ.* Period. X Sect. XII pag. 1455.

(n) Idem Wagner a pag. 77 breve dat meritissimi Ducis elogium.

(o) Dumont Tom. VIII Part. I pag. 233.

Series Imperator. Occident. Tom. X.

Hoc pariter anno & Georgius Ludovicus Hannoveranus post acrem viginti prope annorum disceptationem in *Collegium electorale* fuit introductus; & Josephus Imp. ceu *Electoꝝ Bohemiae* ad omnia in Imperii comitiis pensanda ac tractanda pari cum cæteris Electoribus jurè negotia admissus. (p)

Anno MDCCIX scintilla quædam pacis e Belgio promicabat, quæ tamen mox evanuit. (q) Tornacum vastissimi firmissimique operis propugnaculum post unius & viginti dierum obsidionem die 28 Jul. cessit Federatis. Montes quoque die 20 Octobris in eorundem redacti potestatem, fructus erant pugnae atrocissimæ, quam Malplaquetanam alii, alii Montensem vocant. (r)

Anno MDCCXI diem Aprilis 17 fatalem sibi ac supremam habuit Josephus I Imperator in ætatis flore, simul & victoriarum cursu medius; annos natus 33, menses 3, dies 8. Anno Imp. VI, Regni Rom. XXI, Hungar. XXIV. Variolarum ut sensit se morbo teneri, *vale*, ait, *Imperator*: atque extemplo res suas cum Deo, summa qua poterat religione composuit. (s) Duas duntaxat reliquit sorores, Mariam Josepham nat. a. 1699 & Mariam Amaliam nat. a. 1701. Spes igitur Domus Austriacæ, in uno omnes Carolo III, Hispaniarum Rege confidebant. (t)

CAROLUS VI.

Summa Electorum, (u) qui Francofurti aderant omnium consensione, creabatur Romanorum Rex duodecima Octobris; simulque qui perferret Imperatori novo, ex Hispania jam in Italiam adpulso nuncium, Germanus Imperatricis, Carolus Philippus Palat. Neoburg. ab Electorali Collegio deligebatur. Mediolani tum modo Cæsar: inde maturato itinere, decima nona Decembris Francofurtum (x) venit, ibidemque coronatus est vigesima secunda ejusdem. (y)

Versa mox belli Hispanici facies; cum discederet a Carolo Imp. Anglia, pacemque cum Gallia iniret, tractis suo exemplo Batavis, Lusitanis, ac federatis aliis.

Anno MDCCXII die 29 Januarii primus Ultrajecti conventus de pace habitus est a Gallis, Anglis, Sabaudicis ac Batavicis Legatis. (z) Typus gallicæ

(p) Extrat cit. a Püttero Dissertatio Joan. Nicol. Hert *de renovato S. R. G. I. & regni Bohemici nexu* Giesl. 1709.

(q) Wagner *Hist. Joseph.* a pag. 275.

(r) Lamberty Tom. V pag. 374.

(s) Josephi virtutes ac decora in Wagner *Hist. Jos.* a pag. 408.

(t) Mascov. *Introd. ad Hist. Imp. Rom. Germ.* Lib. X pag. 242.

(u) Convenerant ad diem 20 Aug. Electores ipsi præsentibus Lotharius Franciscus Mo-gunt., Carolus Josephus Trev., & Joannes Guilielmus Palat. Reliqui per Legatos.

(x) Tutum haud erat Aquisgrani: quod proinde ornamenta sua Imperialia: enssem Caroli M., librum Evangeliorum latine caractere aureo conscriptum, & cistulam cum terra, S. Stephani cruore conspersa, Francofurtum transmissit. De contentione Aquenses inter & Norimbergenses ob istorum insignium asseruationem orta vid. Struv. *Corp. Hist. Germ.* Sect. XIII pag. 1475.

(y) Coronationis solennia breviter apud Biner *Apparat. Erudit.* Part. X a pag. 42.

(z) Horum nomina leges in Wagner *Hist. Jos.* pag. 454.

licæ pacis (a) communem facile excitavit indignationem, rem interea gnauiter Londini agente Eugenio Principe, qui Cæsari, cujus legatum agebat, consilium suggessit & sua dignum prudentia, & Austriæ rebus saluberrimum: ita nimirum componendas esse ejusdem domus rationes, ut a Gallia procul sit, ac lubricis, quæ sub id temporis erant, fœderibus carere possit.

Anno MDCCXIII die 11 Aprilis etsi pacem Ultrajectinam signarent fœderati cæteri; Cæsar tamen, ut se videret ab omnibus destitutum, subscribere noluit, ratus pugnandum potius gloriose, quam turpiter paciscendum. Et reipsa bellum prosequi Eugenium iussit. Sed Villarius Gallorum ductor impediri ab eo non potuit, quin victricia Landaviæ ad diem 22 Aug. & Friburgi ad diem Nov. 21 signa erigeret. Tum proniora ad pacem videri omnia.

Anno MDCCXIV erecta est ab Eugenio & Villario die 7 Sept. pax Badensis, (b) cujus iidem ipsi fundamentum Rastadii ad diem 4 Martii e. a. posuerant. Remissa sunt, quæ difficultatem in executione fors paritura essent, ad Imperii Ordines; quæ res Italicas spectabant, ad amicam Caroli Imp. & Ludovici Reg. compositionem. (c)

Anno MDCCXVI restitūtis gallici tredecim annorum belli flammis, de improviseo repentinum exarsit cum Turcis bellum, quo Veneti petebantur. Auxilio venit ab Cæsare Eugenus, tantaque rem suam gessit prudentia & felicitate, ut quinta Augusti, luce Divum Reginæ solemui, non modo cladem Petrivaradini inferret luculentam barbaris; sed & Temesvariam iis die 12 Octob. ereptam, post annos centum & septuaginta in Cæsaris potestatem redigeret.

Accessit anno proxime insequenti strages ad Taurunum (*Belgradum*) altera; ipsemet quoque urbis die 18 Augusti deditio. (d) Eugenium, cui nunquam non Fortuna obsecundabat, antequam Vienna in Pannoniam discederet, Carolus Imp. signo Servatris nostri & Domini aureo donatum admouit, ut tanto bellum Duce gereret, seque si posset, aliquanto etiam se ipso majorem præstaret. Partis tot illustribus triumphis Viennam redeunti obviam miserat nobilissimum Virum, qui suo nomine heroem salutarer, gladioque donaret cum aureo gemmatoque capulo. Quem postea magnifice, eque solio laudavit; tanti autem semper deinceps fecit, quanti fieri oportuit Virum Imperii, Reique publicæ vindicem. (e)

Attriti tantis cladibus Turcæ, ac binis veluti clavibus Hungariæ privati pacem rogabant; quam anno MDCCXVIII die 21 Julii; conciliatore inprimis & sequestro Magnæ Britanniæ legato, Passarovici tandem sunt adepti. (f)

Eodem

(a) Idem pag. 457.

(b) Pacis Badensis epitomen habet Biner *Appar. Erud.* Part. X a pag. 46.

(c) Brietius *Annal. mundi* Tom. VIII pag. ult.

(d) Guidonis Ferrarii S. J. *de rebus gestis Eugenii bello Pannonico* Lib. II & III.

(e) Hæc ad verbum idem cultissimus Scriptor.

(f) Struv. Pütter. & Biner.

Eodem anno conditum est Londini celebratissimum illud, quod a quatuor paciscentibus *quadripartitum* adpellabant, fœdus : unde Alberonii Cardinalis iusta calamitas, & prudens Philippi V Regis consilium tantis sese turbis evolvendi consequebatur. Fuit 20 Januar. a. MDCCXX, cum Rex ad idem fœdus, communi post calculo die 17 Febr. Hagæ Comitum a fœderatis subscriptum, accederet; inita tamen Congressus Cæsarem inter & Hispaniam apud Cameracenses habendi ratione.

Anno MDCCXXII Viennensis Episcopatus ad Archiepiscopatus dignitatem, renitente incassum Salisburgensi, ab Innocentio XIII P. M. evehebatur.

Anno MDCCXXIII die 5 Sept. Augustissimus Imp. Pragæ coronatus est Rex & die 6 ej. mens. Imperatrix Regina Bohemiæ.

Anno MDCCXXIV conceptum annos abhinc undecim & quadriennio jam ante, convocatis Statibus, propositum Successionis (g) ordinem (*Sanctionem Pragmaticam* dixere) publicari maxime in Belgio iussit; & altero anno, cum tardius Cameraci res irent, tacitum cum Philippo Hisp. fœdus amicitiae ac defensionis, ex inopinato Viennæ conclusit. (b)

Anno MDCCXXVI isto cum Suecia & Moscovia simili fœdere, de pace communi Cæsar, Angli, Galli ac Belgæ præludia Parisiis die 31 Maji a. seq. decidit.

Cætera quotquot inde celebrati sunt conventus, tractationes, pactiones; quotquot agitata inter Aulas consilia, id spectabant fere ex integro, ut aboleretur *Ostendana Societas*, & sua Cæsari *Sanctio Pragmatica*, qua nihil ei carius erat, nihil antiquius, approbatione omnium confirmaretur. Quod ultimum annis MDCCXXII & MDCCXXV evenit. (i)

Obiit gloriosissimus Cæsar Carolus VI die 20 Octobris anno Christi MDCCXL, ætatis LVI, Imp. XXIX, Romanorum Imperator septimus decimus (k) & ultimus ex Austriæ Habsburgicæ augustissima familia; postquam perpetuas inter vicissitudines symboli sui: (*Constantia & Fortitudine*) in se expressit veritatem: utpote in quibus sua eum constantia in recte cæptis, sua in adversis fortitudo avitis regnis dignum, imperio natum, illustribus destinatum tropæis nunquam non repræsentarunt.

CARO-

(g) *Primo* loco statuebat Cæsar Mariam Theresiam, filiam natumaximam Regnorum suorum omnium hæredem, ubi sine prole mascula ipse exstingueretur. *Secundo* Mariam Annam ejusdem Theresiæ sororem. *Tertio* duas Josephi filias, Mariam Josepham & Mariam Amariam. *Quarto* tres suas sorores Leopoldi Imp. filias. *Quinto* demum descendentes omnes utriusque sexus in domo Austriaca hæredes, ordine semper primogenituræ ac lineæ, ut in stirpe mascula, servando. Pütter. Part. III *Hist. recent.* §. 394 a pag. 1025.

(b) Viennensis pacis negotium cum Barone de Riperda, Hisp. Legato confectum die 30 Aprilis. Vide articulos apud Biner cit. a pag. 58. (i) Biner pag. 85 & 99.

(k) Cl. La Lande *Hist. Imp. Caroli VI glor. mem.* gallice script. Tom. VI pag. 126 ait, Carolum obiisse *sextum & decimum* Rom. Imperatorem &c. In Castro doloris Viennensi erat hæc legere: CAROLO VI. Austriacorum Cæsarum *septimo-decimo*. Antecessorum suorum Compendio. Pio, Justo, Magnanimo &c.

CAROLUS VII.

Cujus electioni quæ præcesserunt cum posteris communicanda, breviter hic loci perstringo. I) Statim a morte Caroli VI Archidux *Maria Theresia Walburga Amalia Christina* conjux *Francisci Stephani* M. Hetruriæ Ducis, circa sextam matutinam Vindobonæ proclamabatur, ex præscripto *Sanctionis Pragmaticæ*, Regina *Hungariæ & Bohemiæ*, Archidux *Austriæ & Provinciarum*, regionumque hæreditariarum omnium Princeps suprema: (I) quæ, ut omnibus de voto *Bohemico* dubiis occurreret, Conjugem suum in focium regiminis die 21 Nov. e. a. adsumsit. II) Varii vario ex argumento (m) jus sibi amplissimæ hæreditatis adferebant. III) Interregnum tenuit menses quindecim. IV) Rex *Borussiæ*, Decembri medio e. a. in *Silesiam* inopinato, sine omni clarigatione, valido cum exercitu irrupit, paucasque intra hebdomadas, partem inferioris *Silesiæ* maximam cum *Tablunca*, præfidiario firmavit milite, potius sub anni MDCCXLI initium *Glogavia* & post cruentam ad *Molvicium* pugnam die 4 Maji *Briegæ*, & die 10 Aug. urbe *Silesiæ* principe *Vratislavia*. V) Elector *Bavariæ* *Carolus Albertus*, *Galliæ*, *Hispaniæ*, *Poloniæ*, utriusque *Siciliæ*, *Borussiæ*, Electorum *Colonienfis* & *Palatini* fœderatorum auxiliis adjunctus, superiorem occupavit *Austriam* & *Bohemiam*, Rex etiam *Pragæ* ad diem 10 Dec. proclamatus. *Hæc in antecessum.*

Anno MDCCXLII die 24 Januarii *Carolus Albertus* *Bavar.* in Regem Romanorum & Imperatorem eligebatur: cujus Consecratorem die 12 Febr. egit Serenissimus frater, *Clemens Augustus* Elector *Colonienfis*, (n) ad pompam ac splendorem quod facere posset, nihil desiderari passus. Coronata postmodum Imperatrix die 15 Martii & sacramentum fidelitatis ritu veteri urbs *Frankfurtum* præstitit. Regina interim *Hungariæ*, deserta fere ab omnibus, quin armis potentissimis undique impetita, aliud ex alio regnum amittebat. Præter *Hungariam*, quo se reciperet, vix supererat adflicta locus. Sed versa est vel eodem adhuc anno rerum facies: quidquid enim terrarum Fœderati ceperant, ipsa armis *Austriacis* nunc felicioribus, cælo auspice, recuperavit. (o) Imperator subin *Frankfurti* residere, judiciumque illuc aulicum transferre cogebatur.

Anno

(I) Oleneschlager apud Pütter, *Hist. Interreg. a morte Caroli VI* Tom. I pag. 318 & Tom. II pag. 499.

(m) Adfertores illos, eorumque argumenta una cum horum refutationibus refert Biner *Apparat. Erudit.* P. X a pag. 116. Fuere illi *Bavarus, Saxo, Hispania, Sardinia, Borussie* Reges.

(n) Legati ad hanc electionem extant apud Pütter §. 468 a pag. 1143.

(o) Idem a pag. 1149 ad pag. 1160.
Series Imperator. Occident. Tom. X.

Anno MDCCXLIII die 27 Junii certamen ad Dettingam acerrimum, quo Galli, duce Noallio, præliantes a Georgio II Britanniae Rege in castris Austriae foederatis praesente superati, trans Rhenum se receperunt. Princeps etiam Carolus alique partium Austriacarum socii in Bavaria, Palatinatu superiore ac Bohemia Fortunam comitem habebant: unde Monachio, ubi mense Aprili Caesar vix advenerat, relicto, die 8 Junii Augusta Vindelicorum Francofurtum rediit.

Anno MDCCXLIV idem Princeps Carolus Pragam extorsit Boruffo, & Silesiam superiorem, Saxone socio, recuperavit.

Anno MDCCXLV postquam die 7 Januarii congressis feliciter ad Ambergam Austriacis totus subiciebatur Palatinatus superior; e vivis abiit Monachii, 20 ejusdem mensis, Carolus Imp. a. æt. XLVIII, Imp. III, Elect. XIX. Princeps animi fortitudine, mentis excellæ perspicacia, religione in Deum & Superos ornatissimus, qui levitatem volubilitatemque fortunæ, si ullus mortaliū, ad supremum vitæ suæ diem expertus est.

FRANCISCUS I.

Magnus Hetruriæ & Lotharingæ Dux, elapso novem mensium interregno, & compositis post pacem Dresdensem ac Fussenem, inter Domum Austriacam & Maximilianum Josephum Bavar. Electorem rebus, ad Imperii Coronam Heidelbergæ e castris evocabatur, suffragiis Septemvirum, praesente ac Praeside Moguntino, die 13 Septembris a. c. electus. Secuta ad diem 4 Octobris, postquam in puncta pro more (p) juraverat, unctio ejusdem & inauguratio: a qua domum vix redierat, cum de Consilio aulico Viennæ rursus aperiendo, de sanandis rei monetariæ vitiis, de Capitulationis Cæsareæ figenda perennitate, deque aliis Imperii emolumentis procurandis laborabat sapientissimus Caesar. Comiticia quoque Imperii statim die 29 Novembris, Eo decernente, Ratisbonam Francofurto iterum translocabantur. Interim ob progressus Boruffi admodum felices, in pacem *Dresdensem* die 25 Decembris itum fuit. (q)

Anno MDCCXLVII *Associatio* Circulorum Rhenensium diu multumque versata, non sine egregio Domus Austriacæ fructu, coaluit, accedente tribus reliquis Suevico.

Anno MDCCXLVIII, cum Galli, Trajecto ad Mosam occupato, plenam omnisque impedimenti expertem nacli essent in ipsa quasi Belgii foederati viscera penetrandi copiam, pacis præliminaria (r) *Aquisgranii* die 30 Aprilis, & ipsa pax Octobri mense a Principibus bello implicitis, eadem in urbe subscrivebantur.

Anno

(p) Puncta Capitulationis refert synoptice Biner *Apparat. Erudit.* Parte X art. LIII a pag. 164 ad 184.

(q) Cl. Pütter pag. 1197 §. 512.

(r) Hæc præliminaria Biner *cit.* pag. 195.

Anno MDCCL, opus de Josepho Archiduce in Romanorum Regem eligendo fervebat. Suggesterat Rex Angliæ inprimis hoc consilium, variæ ut turbæ & pericula averterentur. Neque alieno erant animo Moguntinus, Trevirensis ac Bavarus Electores: verum sese Rex Borussia opposuit, remoramque negotio iniecit.

Anno MDCCLVI novum subito bellum infelici in Germania caput extulit. Communi nomine *Germanicum*; alias *Borussico-Austriacum*, *Gallico-Westphalicum*, *Borussico-Imperiale*, *Russo-Borussicum*, *Borussico-Suevicum*, alio alias nomine dici potest. Hujus modè compendium quoad quidem pugnas memorabiliores spectat, posteris legendum hîc offero.

Die 1 Octobris prima accidit ad *Lovocicium* Bohemiæ oppidum pugna inter Fridericum III Borussia Regem & Brounium copiarum Austriacarum ducem, in qua utri victoriam tribuas, non satis constat.

Anno MDCCLVII die 6 Maji prælium inter eosdem cruentum ad *Pragam* & suscepta a victore Rege urbis illius obsidio, desideratis in prælio clarissimis ducibus *Schwerinio* Boruss. & *Brounio* Austr. Die 18 Junii Rex a Daunio duce Austr. ad *Planiam* superatus insigni victoria; Pragæ obsidio soluta, & deserta a Borussis tota Bohemia. Die 26 Julii ab *Estræo* duce Gallico cæsi sunt *Hapsenbeci* sub *Cumberlando* Hannoverani, ita ut primus esset victoriæ fructus *Hammelia* occupata; reliquos Augusto potissimum mense colligeret *Richelius*, advocati e victoriis *Estræi* successor, qui octava Septembris *Conventionem* a Monasterio *Sevensem* dictam iniit. Die 30 Augusti ad *Grosjügersdorfium* Borussos sub duce *Lemaldo* grandi affecit strage *Apraxinus* Russorum Præfectus. 5 Nov. Fridericus Rex copias Imperiales Gallis conjunctas ad *Rosbacum* in Thuringia. 22 Nov. Carolus Lotharingæ Dux Borussos ad *Vratislaviam* in Bohemia; hi 5 Dec. fortuna quasi ludente, Austriacos ad *Lissam*: capta rursus & ingenti quidam præsidio a Borussis Vratislavia.

Anno MDCCLVIII die 23 Jun. profligatus est prope *Creveltum* a *Ferdinando* Brunsvic. Duce *Clavemontanus* Comes Gall. 25 Aug. certarunt ad *Zornsdorfium* in Marchia nova Brandeb. pertinaci decem horarum certamine cum Borussis Russi: hi illis succubuisse creduntur. 14 Oct. *Daunius* Austr. commisso ad *Hochkirchium* super. Alsatia vicum cruento prælio circumvenit munitis in castris Borussos, cecidit, fugavitque.

Anno MDCCLIX Fœderatorum exercitus sub ducibus *Ferdinando*, *Principe hereditario* Brunsvic. *Holsato* &c. Franconiæ jam imminebant, trepidantibus Herbioli, Francofurto & urbibus aliis. Metum exemit *Broglus*, qui, conferto die 13 April. ad *Bergam* prælio victor, laudem ingentem a Germanis retulit. Vicit contra *Brunsvicensis* prope *Mindam* Cal. Aug. Gallos sub *Contado* belli imperatore: & Borussos die ejusd. mens. 12 ad *Kunnersdorfium* e campo martio in fugam conjecit, adjutore *Laudonio* Austr. *Soltikovi* Russ. Idem Borussi cum *Finckio* aliisque octo ducibus ad *Maxenam* Saxonie ita a *Daunio* die 21 Nov. fuere inclusi, ut armis positis, totus se exercitus dederet.

Anno

Annò MDCCLX die 23 Jun. idem à *Laudonio* fatum accidit prope *Landsbutum Fouquet* Boruff. cum omnibus copiis post acerrimū certamen capto. Die 15 Augusti a Rege Boruff. gravem accepit cladem haud procul *Lignicio* Laudonius: unde & hujus & Daunii consilia perierunt. Die 3 Nov. ad *Torgaviam* pugna maxime cruenta inter Austriacos rursum & Boruffos; ubi vulneratus Daunius, & Boruffi, beneficio noctis usi, jugā *Sipticii* occuparunt. Torgavia pariter in manus Regis venit. (r)

Annus tandem MDCCLXIII optatissimam nobis pacem e Saxonia advexit, in Castro S. Huberti, a conspirantibus in idem consilium, Germaniæ inprimis nostræ saluberrimū Aulis, die 15 Jan. subscriptam. Inde jam pro singulari sua prudentiā & immensa in Imperium germanicū pietate meditari iterum, curare ac laborare de successore Franciscus.

Et vero tantū ponderis meditationes Augustissimi Imperatoris, curæ, ac labores illi habuerunt, ut Josephum II, Archiducem primo inter quindécim proles serenissimas loco Austriacæ domui natum, uno IXviri Augustales suffragio renunciarent die 27ma Martii a. MDCCLXIV Romanorum Regem; Elector quoque & Archiepiscopus Moguntinus Emericus Josephus coronam ipsi Francofurti die 3 Aprilis inter amplissima plaudentis Germaniæ, quin & Europæ universæ votā imponeret.

Collato præstantissimo hoc & immortalī in Imperium Germanicum beneficio, Vienna profectus est anno MDCCLXV Oenipontem Franciscus, ut nuptiarum solemnia Petri Leopoldi, secundi Archiducis, Magni tum Hetruriæ Ducis, & Mariæ Ludovicæ Caroli III Hispaniarum Regis filiæ coram intueretur, eximiumque iis præsentia sua splendorem jungeret. Celebrata ea sunt ad diem 22 Julii, gratulantibus ad novum hymenæum Gallia & Hispania, omnesque veluti thesauros ac delicias in pompam effundentibus. Verum (quæ vitæ & gloriæ humanæ fragilitas est) medio illo oblectamentorum nuptialium quasi e curriculo, mors Franciscum, apoplexia tactum abripiebat die 18 Augusti; cum annos vitæ numeraret 56, menses 8, dies 2; Imperii vero annos 19, menses 10, dies 6. Vixit *Deo & Imperio*: Deo ob religionem carissimus; Imperio per prudentiam utilissimus. Neque vixit solum; sed pergit etiamnum utrique vivere in JOSEPHO II Imperatore, paternarum virtutum hærede & æmulo gloriosissimo, cui felicitatem boni omnes cum voto hoc quam incenso, tam integro:

Religio stupeat columen, Mars fulmen, Apollo
Præsidium, robur Tûrcia, Terra, decus.

FINIS SERIEI IMPERATORUM OCCIDENTIS.

CON-

(r) Hæc pene ad verbum libellus *Adjumentum memoriæ manuale*, edit. V in 8. Monachii & Ingolstadtii a. 1763.



CONCILIA GERMANIÆ

SÆCULI XVII.

AB ANNO EJUSDEM LXIII.

SYNODUS DIOECESANA TORNACENSIS,

Anno Christi MDCLXIII. Alexandri VII. PP. IX:
Leopoldi I. Imp. V.

Sub Revmo Domino FRANCISCO VILLANI a GANDAVO, ()*
Tornacensi LXXXIV. Episcopo,

DIE 10. MAJI
CELEBRATA.

ACTA CONGREGATIONIS,

Quotannis haberi solite Feria tertia post Dominicam, qua cantatur
in Ecclesia: MISERICORDIA DOMINI. Hoc autem anno 1663. ob varia impedimenta
dilatæ, ac primam habita die decima Maji, qua erat Feria V.
ante Pentecosten.

Præsidente Ilmo & Rmo Domino FRANCISCO, Dei & Apostolicæ Sedis gratia
Episcopo Tornacensi, assistentibus libi RR. Admodum DD. *Enstachio de Troimont*
S. T. L. Cathedralis Ecclesiæ Decano, *Gregorio Ignatio de Coxie* J. U. L. Thesaurario,
Petro Masireel J. U. L. *Joanne Gennaro* J. U. L. Officiali, *Nicasso le Febvre*
J. U. L.

(*) Dignissimi hujus Præsulis elogium vide *Tom. præc. pag. 682.*

J. U. L. respectivæ Cathedralis Ecclesiæ Tornacensis Canonici, RR. Admodum DD. *Petro Cizier* Monasterii S. Martini, Ordinis S. Benedicti, & *Joanne Warigny* S. Medardi, vulgo Sancti Marci, Ordinis Canonicorum Regularium S. Augustini, respectivæ Abbatibus, *Joanne de Lás* Ecclesiæ Collegiæ B. Mariæ oppidi Cortracensis Decano, *Cornelio du Ranel* Pastore S. Margarethæ, S. T. B. F., Decano Christianitatis Tornacensis, *Leonardo Schaerts* S. T. B. F. Pastore S. Martini, & Decano Christianitatis Cortracensis, *Joanne d'Haveloose* S. T. B. F. Pastore & Decano Christianitatis Menenensis, *Jacobo de la Rue* Pastore S. Genesii, S. T. B., Decano Christianitatis Helch. Flandrorum, *Jacobo Roussel* S. T. L. Pastore in Esquermes, Decano Christianitatis Ulmenis, *Judoco Ignatio Rans* J. U. L. Secretario, *Petro de la Rue* J. U. L. Advocato Fiscali, *Petro Villers* Curie Spiritualis Scriba, *Jochimo de Beuckelaere*, & *Petro Bertyant* Districtus respectivæ Flandriæ & Walloniæ Promotoribus seu Procuratoribus Fiscalibus.

Circa horam octavam celebrato Sacro de Spiritu Sancto in Capella Episcopali seu S. Vincentii pro felici Congregationis hujus successu, ibidemque proponendorum salutari resolutione: idem Illustrissimus & Reverendissimus Dominus comitantibus sibi præfatis Assistentibus ad Aulam Palatii Episcopalis, se se recepit, ibidemque præfatos Assistentes ad serio amplectendam curam animarum, earundemque salutem procurandam in hominibus est adhortatus.

Postea mandavit per R. Admodum D. *Coxie* Thesaurarium, loco Archi-Diaconi Flandriæ absentis (qui hoc facere solet) legi Statutum de onere Resid. Sess. 23. Concilii Tridentini Capite 1.

R. Admodum Dominus D. *Joannes Gennaro*, Officialis, prælegit Statuta præcedentis Synodi, ad videndum, si debite fuerint executioni mandata.

ARTICULUS I.

Quia contenta I. Articulo præcedentis Synodi non fuerunt plene mandata executioni, eorundem executio committitur & commendatur RR. Admodum DD. *Andrea Catulle* Vicario Generali, & *Joanni Gennaro* Officiali, juxta instructionem desuper conceptam, illis datam, & ulterius dandam.

II.

Omnino mandetur executioni Constitutio præcedentis Synodi, quantum ad arriagata debita mensæ Ecclesiarum Parochialium: sed ante omnia Pastores cujusque Parochiæ mittant specificationem arriagiorum, si quæ sunt notabilia, & eorum, quæ debentur mensis pauperum, ad Secretarium nostrum, cum specificatione etiam abusu, qui circa administrationem ejusmodi bonorum, hisce belli tempestatibus, commissi sunt, ut postea desuper majori cum fundamento, libellus Concilio privato præsentetur.

III.

Quia nonnulli Pastores excusant se super ordinatione de duplicando Registro Baptizatorum, Matrimonio junctorum, & mortuorum, sub prætextu,

quod expensæ ad id necessariæ illis non subministrantur, ideo auctorisamus Pastores, Aedituos cujusque Parochiæ, ad defumendum hujusmodi expensæ ex bonis mensæ Parochialis, dictis Pastoribus mandando, ut quot annis in Congregatione Pastorum circa festum Lucæ, in quolibet Districtu haberi solita, Decano Christianitatis exhibeant, sub recepisse, seu testimonio ab eo accipiendo ejusmodi duplicatum, per ipsos subsignatum, idque sub emenda sex florenorum, ipso defectu incurrenda, quæ arbitrarie multiplicabitur, si infra natalitia subsequenter ejusmodi mora & negligentia non fuerit purgata: ordinando similiter Decanis Christianitatis, ut immediate post dictam Congregationem autumnalem defectuosos in hac parte, Curie nostræ Promotori denunciant ad ejusmodi multam exigendam.

IV.

Cum nihil magis penetret & inficiat corda & animos fidelium, quam lectio librorum prohibitorum, ideo ut facilius mandetur executioni Statuta, quæ circa hoc facta sunt in præcedentibus Congregationibus, mandamus iterum Decanis Christianitatis, ut

ut diligentiam majorem adhibeant in visitandis Officiis Bibliopolarum, & Typographorum; an non vendant ejusmodi libros prohibitos, & singulis ipsorum circa hoc juramentum in manibus suis renovari curent, & ne circa eorundem notitiam, quævis prætexatur ignorantia, in Officiis ejusmodi librorum prohibitorum Catalogum, publice appendi curent.

V.

Insuperque diligentius invigilent Decani, ut Ludimagistri renovent singulis annis Professionem Fidei, & præfertim in oppidis: ubi vero adest Scholasticus (cui hoc onus incumbit) hujusmodi officio suo exacte fungatur.

VI.

Statutum factum in præcedenti Synodo de accendendis duabus candelis tempore celebrationis Missæ majoris in Choro, & summo Altari, rationabiliter extendimus etiam ad Missas in privatis Capellis, & Altaribus.

VII.

Omnino & exacte observetur Statutum præcedenti Congregatione editum, quo prohibetur, ne fungentes officio Diaconi vel Subdiaconi statim ab Epistola, vel Evangelio decantatis, vestibus muneri suo convenientibus se exuant, & ab Altari se subrahant, relicto solo Sacerdote, sub pena amissionis distributionum, talibus officiis destinatarum, maxime cum illud sit contra rubricas a Summis Pontificibus emanatas: & quia in aliquibus Ecclesiis Parochialibus non sunt ad hoc assignatæ distributiones, ideo mandamus, ut in posterum & mensa vel massa communi distributionum assignetur, Diaconis & Subdiaconis ad decantandum Evangelium, vel Epistolam destinatis, ut munus honorarium trium alium, quo carebunt, si fuerint defectuosi, ut supra & super hujusmodi defectu tenebitur nota per Pastorem, Plumbetarium, seu Punctatorem, pro more cujusque Ecclesiæ.

VIII.

Caveant Pastores, & omnes Presbyteri ad assistendum Matrimonio de
Tonus X. Concilior. German.

putati, ne contrahentibus in gradu prohibito, qui literas dispensationis desuper a Sede Apostolica impetrarunt, adsint, nisi visis literis executionis, seu dispensationis desuper a dictarum literarum Commissario, seu Executore (qui ordinarie est Officialis) emanatis, idque sub pena viginti quinque florenorum; ultra pœnas nullitatis, damnorum & interesse, ac alia arbitraria.

IX.

Denique ordinamus, ut quilibet Pastores & Capellaniarum Rectores seu Beneficiati per totam Diocesim nostram, conficiant infra tres menses ab hujus Synodi publicatione, Inventarium, seu indicem declaratorium omnium bonorum, jurium, fructuum, & omnium emolumentorum suorum beneficiorum cum specificatione omnium incumbentium, sub pœna, quod contra defectuosos per arrestum ejusmodi bonorum cum multa viginti florenorum irremissibiliter exigenda per Procuratores nostros, procedatur. Utque impoterum, tanto exactius, ejusmodi bona dignoscantur & conferantur; mandamus Decano Christianitatis, cui ordinarie competit missio in possessionem, ut priusquam inducat in possessionem exigat a noviter installando, seu ejus Procuratore, promissionem in scriptis, quod Beneficiatus in manus ejus dictum indicem declaratorium bonorum omnium, intra prædictum trimestre transmittet, ulterius ad Secretarium nostrum remittendum: & quo casu, quo dicti Pastores aut alii Beneficiati, ejusmodi rapportum, re ipsa non transmiserint infra tres alios menses, licebit Decanis, ut Beneficiorum Rectoribus, seu eorum Procuratoribus, in proximo festo Sanctæ Mariæ Magdalenzæ, quo comparere tenentur in loco suorum respective Beneficiorum, præsens nostrum Statutum intiment, atque significant.

X.

Ut obvietur abusibus, qui irreperere possunt, circa invalidas possessiones Beneficiorum Ecclesiasticorum, maxime simplicium, quorum proprietarii, nonnunquam ignorantur, eo quod secreto & clanculum, aliquando etiam
per.

perperam, & nulliter, propria auctoritate vel absque authorizatione, aut sine licentia nostra, possessionem apprehendant, etiam per manum virorum Laicorum, immo subinde conjugatorum, contra juris dispositionem, & praxim inmemorialem ab antiquo observatam, cum similis possessio, non nisi per Decanos Christianitatis, Presbyteros, vel per Notarios Apostolicos debite autorizatos sub pœna nullitatis tradi possit: Ordinamus ut Decani Christianitatis invigilent deinceps, ne quisquam inter Beneficiatos, sic in possessionem mittatur, seu potius intrudatur & vitiosum faciendo ingressum, fructus suos faciat, qui quidem fructus, cum, donec canonice apta fuerit possessio, ad mensam nostram Episcopalem pertineant; Hinc eosdem per dictos nostros Decanos ad hunc effectum arrestari mandamus: Ordinantes, ut quicumque, & quocumque modo provisi, suos titulos, tam collationis, quam institutionis suæ Canonice & possessionis, intra mensem a possessione, etiam quovis modo capta, Decanis Christianitatis exhibeant, qui annum, mensem, & diem cum summario ejusmodi titulorum in registro sui officii annotare tenebuntur sub pœna, ut supra, arrestationis fructuum mensæ nostræ Episcopali applicandorum; pro eo anno, & quamdiu in hoc manserint defectuosi.

XI.

Ad Nos relatum (quod ægre admodum ferimus) tanquam maximum involvens peccatum, quod aliqui Sacerdotes, Capellani seu habituati, in nonnullis Ecclesiis Parochialibus, impediunt, & animant alios, aut etiam se invicem, ne Pastores in Sacramentorum administratione, & aliis functionibus adjuvent; cum tamen quilibet Sacerdos Ecclesiæ alicui Parochiali adscriptus, quantum in se est, omnino studere debeat, ad Pastores sublevandum: quare mandamus dictis Pastoribus, ut similes discolos, & malevolos Sacerdotes, si qui imposterum reporianantur, ab Officiali nostro puniendos, denuncient.

XII.

Quia plures Pastores conqueruntur, quod Capellani, Cantuaristæ, Horistæ, ac alii obligati ad cantandas horas canonicas in Ecclesiis suis Parochialibus sæpius absint pro libitu sine ulla licentia suorum Superiorum: Inhibemus districte eisdem, ne a choro se se absentare præsumant sine licentia eorum, qui per nostram aut Prædecessorum nostrorum Statuta ad eam concedendam sunt deputati, quæ exactissime observari ordinamus, & ut Pastores circa hac defectuosos Curia nostræ Promotori denuncient.

XIII.

Demum quia intelligimus etiam aliquos Capellanos, aut alios habituatos Ecclesiarum Parochialium esse tam temerarios; ut audeant exprobare Pastoribus, quod illis nullam subjectionem, aut obedientiam præstare teneantur, sed jactitent se se esse exemptos ab omni eorum cura, seu regimine spirituali, quod tamen est contra ordinem in Ecclesia constitutum, a multis sæculis, & contra plures antiquas Synodos ab Ecclesiâ celebratas, quas insequendo, & ut ordo ejusmodi Hierarchicus, in omnibus servetur; omnes Capellanos, Horistas, & alio quocumque nomine Ecclesiis Parochialibus adscriptos Presbyteros, & Officiarios, sicut omnes Parochianos; Parochis debere reverentiam & honorem, eorumque paternæ monitioni, & directioni juxta cujusque Ecclesiæ Statuta subiacere declaramus; Ita ut etiam in Paschalibus ibidem communicare, vel ad eum finem, si Presbyteri sunt, celebrare teneantur: de quorum etiam vita, moribus, officio, & conversatione, Parochi Nos, Vicarium nostrum Generalem aut Officiale certiore sæpe reddere teneantur.

XIV.

Insequendo Decreta Concilii Tridentini Sess. 24. Cap. 8. pro examine Pastorum nominamus eosdem, qui in præcedenti Synodo, seu Congregatione annua, hætenus fuerunt nominati, & adhuc in vivis existunt, quibus adjungimus RR. Admodum DD. Eustachium

de Fromond S. T. L. Ecclesiæ nostræ Cathedralis Decanum, Eugenium Philippum de Bergber in Jure L. Joannem Gennaro Officialem, & Agidiam Plessera S. T. L. Ecclesiæ antedictæ Canonicos.

de Bergber, Joannes Gennaro Officialis, & Jacobus Brabant Cathedralis nostræ Canonici.

XV.

Deputati fuerunt Judices Synodales præter nominatos in præsentì Synodo, RR. Admodum DD. Eustachius de Fromond Decanus, Eugenius Philippus

De Mandato Illmi & Reomi Domini mei Episcopi præfati.

J. RANST Secret.

Ex Summa Statutorum Synod. Diocesi Tornac. edita Inquisit. a. 1726.

EPISTOLA Pastoralis (*)

CHRISTOPHORI BERNARDI a GALEN, (**)

LVII. Monasteriensis Episcopi,

Ob belli Turcici metum Germaniæ impendentem,

D A T A

Eodem anno Christi MDCLXIII.

DIE 6. OCTOBRIS.

CHRISTOPHORUS BERNARDUS, DEI GRATIA EPISCOPUS MONASTERIENSIS, S. R. IMP. PRINCEPS, &c. &c.

AD promovendam commissi Nobis Dominici gregis seu temporalem seu spiritualem pacem & prosperitatem ab exordio regiminis nostri sollicitè invigilavimus, ut vitia ea, quorum gravitate benignissimus Deus ad iracundiam iustam provocatus, nationes & terras variis calamitatibus affligere consuevit, inter quæ execrandum blasphemiarum crimen, inordinatam Divini Nominis usurpationem, liberam illam male imprecandi, jurandique consuetudinem, superstitiones, & vanam observantiam, eaque passim quæ prohibitionem primi ac secundi Præcepti in Decalogo continentur, non ultimo loco agnoscamus collocanda, & subditorum nostrorum animis omnino extirpentur. Et quamquam diversa eum in finem Edicta tum ex hoc loco, tum alias a Nobis publicata, innovata, & confirmata sint: quia tamen criminum hujusmodi impietatem & impudentiam sive ex hominum malitia, sive Curatorum incuria eo prolapsam dolenter intelligimus, ut in iis coercendis vix satis diligentia adhiberi posse videatur, maxime apud simpliciores populum

præ inveterata consuetudine & libertate existimantem, delicta hæc vix adeo gravia haberi, quam malitia in iis contenta ex ratione objecti, quod læditur, alias importet.

Ne igitur Divina Bonitas hac præsertim tempestate, dum Ottomanicum Tyrannum inexplata dominandi libidine Germanorum Imperio & cervicibus nostris tot multorum millium armata manu imminentem videmus, hominum noxiis ulterius latebris ab ipsius tyrannide nos opprimi, & in dirissimam servitutem pertrahi patiamur; Hinc Nos priora nostra Mandata præsentium auctoritate innovantes, de consensu Rdi Capituli nostri Cathedralis serio mandamus omnibus Curatis, Concionatoribus & Confessariis, ut in concionibus, confessionibus, & lectionibus catecheticis, ac alias opportune & importune in enarrata jam vitia zelesse invehantur, & propositis non solum pœnis æternis ac temporalibus a Deo non raro intentatis, sed etiam comminatione severissime animadversionis & mulctæ contra blasphemantes, male imprecantes, & temere jurantes in Canonibus & Legibus Imperii

A 3

perii

(*) Synodi a. 1663. ab hoc Episcopo celebratæ solam hic, cum peculiare nihil aut ab aliis Statutis segregatum contineat, mentionem facimus: quod & faciemus deinceps, si ita res tulerint.

(**) Elogium exhibet Tom. præf. pag. 792.

perii statutz serio & certo infligendæ, detestandam adeo consuetudinem tollere satagant & extirpare.

Eundemque zelum, curam & diligentiam tam in Religione, veraque pietate hominum mentibus instillanda, quam superstitione radicitus evellenda adhiberi volumus, & eo fine a Curatis locorum studiose advigilari, ut si qui forsitan adhuc arioli in Parochiis latent, infra mensis spatium ad Nos, aut Vicarium nostrum per Pastores, aut Archi-Diaconos nostros deferantur, & industrie in eos inquiratur, qui hujusmodi homines in vicinia commorantes consulere, & remedia valetudini aut vulneribus seu hominum, seu pecorum curandis adhibere præsumpserint, quæ non a medica arte aut cognitione, sed a superstitione proficiantur.

Imperita vero plebecula, quam (etiam in judicio ad favorem aliorum) sine veri falsive discrimine facile & temere jurare, ac pejerare solitam illibenter audimus, a Curatis & Concionatoribus de gravitate juramenti & enormitate perjurii diligenter informetur.

Quod uti in Catecheticis exhortationibus percommode fieri potest, ita Mandata nostra de eorum observatione toties iterata innovamus, districte præcipiendo sub interminatione Divini judicii, ut ubique in singulis Dominicis hora alias a Nobis præscripta habeantur, populusque ad earum frequentationem sedulo compellatur.

Et ut cum minori Curatorum onere opus adeo utile ac necessarium promoveatur, Pastoribus, præsertim iis, qui Parochias populosiores & cautiora Beneficia possident, Sacellani, seu Cooperatores adjungantur, & de eorum alimentatone adhibito nostro, aut Vicarii nostri consilio transigatur.

Considerantes etiam, quantum ex instructione juvenutis in pietate, moribus, & literis Christianæ Reipublicæ utilitatis accedat, Scholas ubique foveri volumus, & ne pauperiores neglectum sui juste conqueri possint, ordinamus, ut, ubi reditus Scholarum tenuiores sunt, debitum pro instructione egentiorum puerorum minerval ex proventibus in usus pauperum cujusque loci fandatis exsolvatur.

Ne vero frequenti extraneorum & vagorum mendicantium importunitate subditi nostri graventur, & eleemosynæ veris pauperibus præripiantur, sed ut potius eorum, qui in hac Dicecesi nostra fortune destituti, aut ætatis, corporumque defectibus obnoxii piorum liberalitatem merentur, alimentatoni & victui necessario succurratur, mandamus, ut singuli pauperes suis tantum-

modo in Parochiis assiatim stipem colligant, eorumque necessitati ceteri fideles pro charitatis subsidio liberaliter subveniant, nec ulli extranei aut vagi admittantur; quod si vero intra Parochiarum districtus sufficientem vitæ alimoniam, vel ob egentium multitudinem, vel limitum angustiam conquirere nequeant, impetrato a Pastore locorum & Officiatis nostris in qualibet Satrapia veræ paupertatis & impotentia alimentandi testimonio, nec aliter in eisdem Satrapia Parochiis in colligenda stipe, & necessitati suæ succurrendo non impediantur: Juvenes autem & puellæ, prout speciali Edicto publicabitur aut publicarum est, suis singuli laboribus mancipentur.

Insuper inhiibemus, ne Sacerdotes ulli, seu sæculares seu Religiosi, extra Ecclesiam vel Oratorium, autoritate Episcopali ad hoc deputatum & benedictum, in domibus privatis aut arcibus Nobilium sub quocunque sacellarum aut privilegiorum prætextu Sacrum Missæ Officium celebrare præsumant, nisi obtenta a Nobis legitima potestate, contra quoscunque prævaricatores actionem tam ex ordinaria, quam ab Apostolica Sede delegata jurisdictione Nobis competentem reservantes.

Edicta & Decreta nostra contra non Residentes toties publicata, iterantes mandamus contra contumaces ad privationem procedi realiter & cum effectu, statumque in Ecclesiis hujus Dicecesis nostræ communicato Vicarii nostri Generalis & Archi-Diaconorum consilio ordinari illum, qui Ecclesiis utilior, plebi commodior, & fundatorum intentioni congruentior judicetur.

Et quo tempore Divina, Conciones, Catecheticae lectiones habentur, cessant mercatus maxime clamorosi, nec pateant tabernæ, neque cerevisiæ, aut vina, nisi peregrinis forte transeuntibus dividendur.

Quæ de contributione in usum Alumnorum Seminarii nostri Episcopalis juxta cujusque quoram olim taxatam persolvenda ex hoc loco & alias rite publicari, intimari, & exigi fecimus, tamen dubitare non potuimus, quin pro ea, qua Nobis obligati sunt, obedientia, ut par erat, Mandatis nostris omnes & singuli paruissent, quia tamen non sine indignatione intelligimus a nonnullis debitam quoratum solutionem in vilipendium quasi jurisdictionis & autoritatis nostræ hucusque frivole & punibiliter retractari, hinc Vicario nostro clementissime committimus & demandamus, ut post præsentium publicationem contra contumaces hujusmodi & immorigeros tam ad quoratum restantiam, quæ penæ alias comminatæ exactionem sine respectu personarum

via paratæ executionis procedat, adhibito, si opus fuerit, Officiariorum nostrorum cuiuscunque loci brachio sæculari.

Inhærentes etiam Decreto nostro in Synodo maiore publicato nullius posthac Clerici testamentum acceptatum iri, nisi aliquid Seminario legatum sit, salva tamen cuiusvis libertate, quid quantumve legare velit.

Cæterum omnia & singula in superioribus Synodis decreta, statuta, & ordinata omni meliori modo confirmamus, & præsentissima impendentium Religioni & Imperio malorum pericula considerantes, dum insensibilis Christianorum hostis Turcarum Imperator immanem multorum milium barbarorum colluviem in excidium nostri, & universæ Reipublicæ Christianæ armatam adversus Hungariæ Regnum, & citeriores Provincias confidentissime provehit, funestissimam sese omnibus cladem facerilege minatus allaturum, hortamur omnes & singulos, ut tam ad Religionem Christianam conservandam, quam retundendam impij hujus Tyranni ferociam vota & vires conferre, & juxta emanatum a Nobis 28. Julii anni currentis Edictum, effusis pie precibus subsidiariam e Cælis opem cumpri-

mis implorare non prætermittant, volentes etiam Edictum hoc nostrum elapso præfixorum trium mensium spatio quoad institutas decem Horarum, aliasque preces & pulsandi modum ad secuturos proxime duos menses prorogari, & singuli vocationis & officii sui memores ad augendum Dei honorem, promovendam proximorum salutem, communiendam Ecclesiasticæ disciplinæ rationem, & vere exequendas præscriptas Clero & populo leges conjunctissimis animis, pari studio, æquali zelo ac solitudine, verbo & exemplo collaborent. Quem in finem Benedictionem Episcopalem vobis impertimur. Dabamus in Residentia nostra Corbejensi anno 1663. die sexta mensis Octobris.

Christophorus Bernardus mpp.
(L. S.)

Left. in Domo Capiti. 16. 8bris 1663.

Cum in Feriam 3tiam post Dominicam Lætariæ anni sequentis incidat Festum Annuntiationis B. M. Virginis, Sacra Synodus Quadragesimalis celebrabitur Feria 5ta tunc immediate secutura.

EPISTOLA Pastoralis

Ejusdem CHRISTOPHORI BERNARDI a GALEN,

Monasteriensis Episcopi,

Anno Christi MDCLXIV. Alexandri VII. PP. X.

Leopoldi I. Imp. VI.

SCRIPTA RATISBONÆ

DIE 10. MARTII.

CHRISTOPHORUS BERNARDUS, DEI ET APOSTOLICÆ

SEDIS GRATIA EPISCOPUS MONASTERIENSIS &c. &c.

Inter hostes, quos humanum genus nec paucos nec parvos habet, haud postremum esse dæmonem luculenter probat Apostolus Ephes. 6. dum ait: Non est nobis colluctatio adversus carnem & sanguinem, sed adversus Principes & potestates, adversus mundi Rectores, tenebrarum harum, contra spiritualia nequitiae in cælestibus; qui quidem iis nos machinis oppugnat, ut nullæ quasi sint; & dicantur molestiæ, quæ ab aliis, licet continuo nos instantibus afferuntur.

Et quamquam variis id modis, nunc per se, nunc per socios, quos habet fidissimos & promptissimos efficiat, abunde contentus, dummodo humanæ possit obesse conditioni, in uno tamen mortalium generi præ cæteris incommodat, dum sperata propemodum alterius opera hominem ipse ingreditur, obsidet, obsessumque usu membrorum privat, destituit sensibus, corpus deformat, affligit morbis, diversisque in eum cruciatibus concessam usurpat facultatem, ut sane nemo, nisi sensibus, quos habet,

habet, fidem non esse habendam, & omnem præteritorum sæculorum historiam, quæque in sacris continantur literis, in dubium revocanda exstimator, homines vere obfessos dari, & a malignis spiritibus proditor! misere torqueri negare possit, nec quidquam magis optari debeat, quam ut huiusmodi malo afflicti, Deo aspirante, hominumque fidelium pietate & industria succurren- quanto citius eximantur.

Quod vero singulis, testante Apostolo, discretio spirituum data non sit, nec raro adnitente ita solertissimo hoc veteratore, peritiores etiam ac pii viri in errorem iudicantur, dum naturales animi corporisque defectus aut morbos, obsidentis spiritus signa iudicant, aut nonnullos etiam live ad occultandam enormem malitiam, live ut ad sui commiserationem pro consequenda liberaliori stipe & vitæ alimonia facilius animos fidelium commoveant, sacrilege se se obfessos simulantes, instar verorum Energumenum creduli nimis tractant, prout diversa præteritorum temporum, & recentia adhuc in vicinioribus Diocesis nostræ locis exempla satis docuerunt; & nunc etiam malevolos huiusmodi homines virgis alibi cæsos, stigmatibus notatos, ac ex locis istis publice relegatos, ad hanc Diocesium nostram velut asylum confugere, & a nonnullis recipi non sine offensione intelligamus.

Hinc ne malum adeo grave & periculosum ultra serpat, sed mox sub initium pessundet, de consilio & assensu Rdi Capituli nostri Cathedralis statuimus & mandamus Curatis locorum, ut si qui præsumpti tales Energumeni in Parochiis deprehendantur, Nobis aut Vicario nostro notificent, nec quosvis Sacerdotes aut Religiosos ad exorcismos admittant, sed eorum opera, quos per Nos seu Vicarium nostrum eum in finem certos designabimus, si opus fuerit, utantur. In domibus interea personæ tales fideliter asservatæ omni ad publicas plateas egressu, a parentibus, agnatis aliisque, ad quos eorum cura pertinet, ita arceantur; ne consuetis vociferationibus suis apud imperitam plebem; quæ facile credit, quod vult, aliorum & passim innocentum existimationi, & illæse famæ maculam inurant.

Quod si vero aliter fieri, aut etiam e locis vicinis ad hanc Diocesim nostram, & loca miraculis celebriora, personas huiusmodi sub specie obtinendæ liberationis adventare contigerit, nisi utriusque Ecclesiastici & secularis Magistratus eorum locorum, ubi nati, educati & commorati fuerint testimoniis vere obfessos se comprobaverint, actutum ejiciantur, & in eventum non subsecutæ partitionis ab Officiis nostris etiam

ergastulis inclusæ contumaciæ penas luant, & a Nobis ulteriorem deinde ubi informati fuerimus, super his dispositionem expectabunt.

Cum etiam defunctorum corpora omnis campanarum pulsâ aliisque Ecclesiæ ritibus, neglectisque hand dubie piorum suffragiis, ferme ad morem hæreticorum, & nocturno tempore frequenter efferti ac sepeliri illibenter audiamus, ut vetus Ecclesiæ institutum & laudabilem semperque accurate observatam Christianorum Catholicorum consuetudinem, mortuorum funus piis precibus & officiis solenni more prosequendi ad pristinam pietatis rationem revocemus; quemadmodum, ne posthac sine relevanti causa a Nobis aut Vicario nostro cognita post Solis occasum mortui funus efferratur, & ad sepulturam recipiatur, districte inhibemus, ita etiam ne Curati aut alii Clerici exequiarum & sepulturæ causa quidquam paciscantur, aut exigant, quod simoniacæ labis aut sordidæ avaritiæ suspicionem asferre possit, serio mandamus, non intendentes tamen piis & probatis certorum locorum consuetudinibus per hoc quidquam derogare.

Porro in festo S. Marci & tribus feriis Rogationum pia consuetudine introducta, tot annis continuata, & diversis alias edictis præcepta, in hac Diocesi abstinentia servetur, quod cum per errorem Typographi in Calendario notatum non sit, Concinatorum erit suo tempore ex ambone populo denunciare.

Denique omnia & singula autoritate Prædecessorum nostrorum & nostra cum Rdi Capituli nostri Cathedralis consilio & assensu ex hoc loco & alias emanata & publicata Edicta ac Decreta præsentibus innovamus, omnium & singulorum Sacrificiis & Precibus publicam Imperii & privatam Patriæ necessitatem impense commendantes; eum in finem Episcopalem nostram benedictionem vobis paternè impertimur.

In quorum fidem præsentibus Pastorales literas manu nostra subscriptas, sigillo etiam nostro jussimus communicari. Ratisbonæ 10ma Martii 1664.

Christophorus Bernardus mpp.

(L.S.)

Leet. in Domo Capitulari 1664.

27. Martii.

Sacra Synodus Episcopalis Autumnalis celebrabitur Feria tertia post Festum St. Geronis & Victoris.

SYNO.

SYNODUS DIOECESANA TORNACENSIS,

Eodem anno Christi MDLXIV.

HABITA

Sub eod. Revmo Domino **FRANCISCO VILLANI a GANDAVO,**
Tornac. Episcopo,

FERIA TERTIA POST DOMINICAM: MISERICORDIA DOMINI,
DIE 29. APRILIS.

ACTA CONGREGATIONIS SYNODALIS,

Quæ ab antiquo vocari **SYNODUS**, & haberi solet quotannis Feria
tertia post Dominicam, quæ cantatur in Ecclesia: MISERICORDIA DOMINI, & hoc
anno 1664. habita fuit dicta Feria 3. quæ erat dies Aprilis XXIX.

Præsidente Ilmo & Revmo Domino, D. FRANCISCO VILLANI a GANDAVO,
Dei & Apostolicæ Sedis gratia Episcopo Tornac. Assistentibus sibi RR. Adm.
DD. **Eustachio Froimonde S.T.L.** Ecclesiæ Cathedralis Decano & Canonico, **An-
drea Catulle J.U.L.** Insignis Ecclesiæ Collegiæ S. Hermetis Rothnacenſis Præpo-
sito, & Canonico, nec non ejusdem Ilmi & Revmi Domini Vicario Generali in
Spiritualibus & Temporalibus: **Ignatio Augustino de Grobbendoncq J.U.L.** Archi-
diacono primario seu majori, **Gregorio Ignatio de Coxie J.U.L.** Thesaurario,
Petro Marzurel J.U.L. **Joanne Catulle J.U.L.** **Joanne Gennaro J.U.L.** Officiali,
Nicasio de Febre J.U.L. **Agidio Brabant S.T.L.** **Agidio Pleſſeria S.T.L.** re-
spective Eccl. Cathedralis Canonicis: & RR. Admodum DD. **Petro Carier,** Mo-
nasterii S. Martini, Ordinis S. Benedicti, & **Joanne Waregny,** S. Medardi, vulgo S.
Nicolai de Pratis, Ordinis Can. Regularium S. Augustini, respective in hac Civitate
Abbatibus: RR. DD. **Cornelio du Ranel S.T.B.F.** Pastore S. Margarete hujus Ci-
vitat, Decano Christianitatis Tornacenſis, **Leonardo Schavert S.T.B.F.** Pastore
S. Martini oppidi Cortracenſis & Decano Christianitatis ibidem, **Joanne Everardo
Lefſſe S.T.L.** Pastore in Celles, Decano Christianitatis S. Amandi, **Joanne Prus
S.T.L.** Pastore Robercenſi, Decano Christianitatis Helchinienſis Gallorum, **Franci-
ſco Martin** Pastore d'Ennevelin, Decano Christianitatis Seclinienſis, **Jacobo
del Ræ** Pastore S. Genesii, Decano Christianitatis Helchinienſis Flandrorum,
Jacobo Roussel S.T.L. Pastore in Esquemes, Decano Christianitatis Ulmenſis,
Judoco Ign. Rant J.U.L. Secretario. DD. **Petro del Ræ J.U.L.** Advocato Fiscal, **Petro
Vilbert** Curie Spiritualis Scriba, & MM. **Joachimo Beuckelaere,** & **Petro
Bertrand** Districtus respective Flandriæ & Walloniæ Promotoribus, seu Procura-
toribus Fiscalibus.

Circa horam octavam celebrato Sacro de Spiritu Sancto pro felici Congregationis hujus
successu, ibidemque proponendorum salutari resolutione, Illustrissimus & Reve-
rendissimus D. comitantibus dictis DD. Assistentibus ad Aulam Palatii sui Episco-
palis se recepit: ibidemque paucis, ut moris est, DD. Assistentes ad serio ample-
ctendam curam animarum, earundemque salutem sedulo procurandum in Domi-
no est adhortatus.

Postea mandavit per Reverendum Admodum D. **Agidium Brabant** (loco Domini Ar-
chi-Diaconi absentis, qui id facere solet) legi Statutum *De onere residendi*, Sess. 23.
Conc. Trid. Cap. 1. de Reform.

Reverendus Admodum D. **Joannes Gennaro**, Officialis, prælegit Statuta præcedentis
Synodi, ad videndum, si debite executioni fuerint mandata.

ARTICULUS I.

Audita relatione RR. Admodum DD. *Andreae Catulle* Vicarii Generalis, & *Joannis Gemaro* Officialis, per præcedentem Congregationem Deputatorum ad agendum & tractandum cum DD. de Magistratu hujus Civitatis super regulamento concernente observationem Festorum, omnibusque mature consideratis, & præsertim, quod negotium amicabiliter & facile componi possit, eadem omisso dictis Dominis Deputatis ad ulterius tentandum ac alias agendum fuit demandata & specialiter commendata.

II.

Pro faciliiori Art. 2. præcedentis Congregationis executione, decretum fuit, ut RR. Admodum DD. Archidiaconi, quisque in suo districtu (dum visitat) specialiter examinent computus tam mensæ pauperum, quam fabricæ Ecclesiarum Parochialium: & quia certo constat variis Ecclesiis & mensis pauperum notabilia deberi arrieragia, quæ tamen, respectus humani intuitu, ac alias ob causas frivolas & minime sufficientes, ea, qua par est, diligentia, non recuperantur, ideoque committimus & mandamus dictis DD. Archid. ut tam officii sui ratione, quam etiam nostro nomine super ejusmodi arrieragiorum recuperatione cum DD. Temporalibus, eorumve locum tenentibus serio agant, debitoresque sine dissimulatione aut mora, via juris ad id faciliiori & opportuniiori, ad solutionem & clausurarum hujusmodi exonerationem cogi curent.

III.

Quia quorundam intolerabilis est negligentia circa exhibitionem duplicati registorum continentium nomina & cognomina Baptizatorum, Matrimonio junctorum & defunctorum, non obstante Regio Edicto, nostrisque variis Statutis Synodalibus desuper factis, volumus omnino & mandamus Decanis Christianitatis, ut defectuosos, & qui ejusmodi Statutis adæquate infra menssem a publicatione hujus non facit fecerit, Curiz nostræ Promotoribus

per R. D. Officialem pœna seu multa quoad hoc per Synodum præcedentem præscriptis, ac alias arbitrarie puniendos & multandos denuuntent.

IV.

Articuli novi præcedentis Synodi executionem in grave Beneficiorum tam Curatorum, quam simplicium hujus Diocesis præjudicium, diutius differri nolentes, ne eorum bona, redditus & proventus (maxime quando in censibus annuis & decimis consistunt) deperdi, aut etiam ab aliis usurpari contingat, ordinamus Secretario nostro, ut defectuosorum nomina infra duos menses ab hujus publicatione Promotoribus tradat, ut juxta præscripta & ordinata dicto articulo contra eosdem sine dissimulatione agant & procedant.

V.

Statutum de accipienda impostorum possessione Beneficiorum propriæ Ecclesiasticorum per Decanos Christianitatis, Presbyteros, Clericos, vel ut minus Notarios Apostolicos ad id ab ordinario Collatore autorizatos, renovamus & observari omnino volumus sub pœnis alias contra transgressores comminatis, & ut Ecclesiæ utilitas (quam inde speramus) quantocius sequatur, & Beneficiorum nomina & onera semper sciantur, omnibusque, quorum interest, innotescant, præcipimus Decanis Christianitatis, prout alias fuit ordinatum, ut collationis seu provisionis cujuslibet Beneficii, ejusdemque in possessionem missionis summarium juxta morem ab immemoriali tempore observari solitum referant, & officii sui computibus fideliter & exacte inferant.

VI.

Ad quem etiam effectum ordinamus, ut Decani Christianitatis, qui ratione bellorum præteritorum, computus suos pertinenter & exacte compilare non potuerunt, impostorum quot annis duos similes computus sine ulteriori mora & consueto tempore R. Domino Officiali, cæterisque Curiz practicis exhibeant & reddant.

VII.

VII.

Quia reperimus laudabilem, cæremoniisque Romanæ Ecclesiæ conformem consuetudinem, celebrandi festum Dedicationis Ecclesiæ Cathedralis, quod incidit in nonam Maji, in aliquibus Ecclesiis Parochialibus ac aliis, paulatim cum splendoris ejusdem Ecclesiæ diminutione negligi: volumus omnino; ut ejusmodi consuetudo juxta nostra & Prædecessorum nostrorum Statuta & Ordinationes uniformiter & inviolabiliter per totam Diocesim refumatur & observetur.

VIII.

Ex eo, quod contra Sacrorum Canonum dispositiones, ac præsertim Clementinæ *Dudum, de Sepult.* l. 6. moribundos molestari ac interdum induci contingat, ut sepulturam præter cohæredum mentem aut etiam extra Ecclesiam Parochialem eligant, ut abusibus, qui circa hoc sæpius commissi fuere, & in dies fieri possent, occurratur; Ordinamus Pastoribus, ut serio circa præmissa invigilent, neque defunctorum corporum abductioni per Regulares vel quosvis alios faciendæ consentiant, nisi de electione ejusmodi, ut minus per extractum testamenti, aut duos legitimos & minime suspectos testes præter defuncti Confessarium, ipsis constiterit.

IX.

Quia plurimi DD. Pastorum conqueruntur, Statutum Synodi 1643. *De proclamandis bannis ante nuptialibus*; eo in loco seu Parochia, in qua quis potissimum seu diutius a tempore perfectæ pubertatis habuit domicilium, non nisi difficulter & cum gravi incommodo, præsertim eorum, qui famulantur, possit observari: Declaramus dictum Statutum non habere locum respectu servorum & ancillarum, quos sæpius ex uno loco & Parochia in aliam migrare contigit, & ideo propriæ domicilium contrahere non dicuntur; ordinantes insuper, ut eorum banna proclamentur in Parochia, in qua de facto famulari deprehenduntur, dummodo ad tres menses aut circiter ibidem morati fuerint, & Paschalia cele-

Tomus X. Concilior. German.

braverint, nisi ob gravem impedimenti suspicionem aut aliam legitimam causam, & pro futuri Matrimonii securitate, banna similiter in loco penultimi domicilii eorum Parochus judicaverit.

X.

Insequendo Decreta Sacrosancti Concil. Trident. *Sess. 24. Cap. 8.* pro examine Pastorum ac alias nominati sunt RR. Admodum DD. *Eustachius de Froidmont* S. T. L. Ecclesiæ Cathedralis Decanus & Canonicus, *Andreas Catulle* J. U. L. insignis Ecclesiæ Collegiatæ Rothnacensis Præpositus & Canonicus, *Ignatius Augustinus de Grobbendoncq* J. U. L. Archi. Diaconus Major seu Primarius, *Petrus Mazurel* J. U. L. *Joannes Gennaro* J. U. L. Officialis, *Franciscus du Chasteau* S. T. L. *Nicasius le Febvre* J. U. L. *Agidius Brabant* S. T. L. *Agidius Plesseria* S. T. L. *Libertus Froidmont* J. U. D. Pœnitentiarius, Presbyteri respectu & Cathedralis Ecclesiæ Canonici, & R. Adm. D. *Philippus Albertus de Bergbes* Diaconus, in Jure & S. T. L. antedictæ Ecclesiæ etiam Canonicus.

XI.

Judices Synodales deputati sunt RR. Admodum DD. *Eustachius de Froidmont*, *Andreas Catulle*, *Ignatius Augustinus de Grobbendoncq*, qui supra, & insuper RR. Admodum DD. *Gregorius Ignatius de Coxie* Thesaurarius, *Philippus de Boulogne* Archi. Diaconus Flandriæ, *Petrus Mazurel*, *Joannes Catulle*, *Joannes Gennaro* Officialis, *Nicasius le Febvre*, *Agidius Brabant*, *Theodorus Briat*, omnes Presbyteri & Ecclesiæ Cathedralis Canonici, & R. Admodum D. *Philippus Albertus de Bergbes* Diaconus & ejusdem Ecclesiæ similiter Canonicus: uti etiam RR. Admodum DD. *Petrus Cazier*, & *Joannes de Wavigny*, respectu Monasteriorum Sancti Martini Ordinis S. Benedicti, & S. Medardi vulgo S. Nicolai de Pratis, Ord. Canonicorum Regularem S. Augustini, Civitatis & Diocesis Tornacensis Abbates.

*De Mandato Illmi & Revmi
Domini mei Episcopi præfati.*

J. RANST Secret.

B 2

EPIS.

EPISTOLA Pastoralis

*Ejusdem CHRISTOPHORI BERNARDI a GALEN,
Monast. Episcopi,*

SCRIPTA

Eodem anno Christi MDCLXIV.

DIE 28. SEPTEMBRIS.

CHRISTOPHORUS BERNARDUS, DEI ET APOSTOLICÆ SEDIS
GRATIA EPISCOPUS MONASTERIENSIS &c. &c. VENERABILI CLERO
CIVITATIS ET DIOCESES NOSTRÆ MONASTERIENSIS,
SALUTEM IN DOMINO.

AD publicam Romani Imperii, & totius propemodum Orbis Christiani salutem adversus infensissimum Christianorum hostem Ottomanicum Tyrannum pro viribus tuendam, eorumque Germaniæ Procerum votis, & ab ipso Augustissimo Imperatore inter cæteros evocati, suscipiendis sumptuosa ac laboriosa sollicitudine difficillimis itineribus, gravissimisque negotiis modo destinamur, quo minus Synodicam hanc Sessionem præsentia nostra cohonestare & dirigere possimus. Ne tamen in iis, quæ ad promovendam Dei gloriam, subditorum curæ nostræ commissorum salutem, & disciplinæ Ecclesiasticæ conservationem conducere censemus, Episcopali nostro muneri desuisse videamur. De consilio & assensu Rdi nostri Capituli Cathedralis omnia & singula fidem, vitam, & mores concernentia, quæ superioribus Synodis Prædecessorum nostrorum, & nostræ autoritate celebratis, ex & in hoc loco successivè intimata, innovata & mandata sunt, vobis omnibus & singulis tam præsentibus, quam absentibus denuo intimamus & innovamus, mandantes seriò & per meritum salutis obedientiæ omnia & singula ab iis, ad quos pertinet, accurate observari, ac negligentes ad eorum observationem opportune corrigi.

Præcipimus item, ut Beneficiati obligationum suarum memores in Ecclesiis Beneficiorum suorum frequentes compareant, decantandis Missarum sollempniis, horisque canonicis statuto tempore iuste persolvendis mature adfint, ne inexcusabili quorundam absentia aut Sacrorum celebrationem, aut debitam in Ecclesiis Officii Divini recitationem cum populi scandalo, & manifesta ultimarum voluntatum imminutione contingat intermitteri, mandantes Superioribus Collegiatarum & Parochialium solerti ad hoc

vigilantia attendant, curentque insuper eam in Ecclesiis Altarium, Sacerdotalium indumentorum, & sacræ supellectilis munditiam, ut Mysteriis illis, quæ in his celebrantur, omnino digna reperiantur.

Et ut piæ Majorum fundationes, præsertim quoad Missarum onera, tanto certius impleantur, publicamus & intimamus per præsentem, salvis Ecclesiæ nostræ Cathedralis juribus, privilegiis, & consuetudinibus, omnibus & singulis Ecclesiæ Diocesis nostræ Prælati, Rectoribus, & beneficiatis Sacerdotibus Decretum Sacræ Congregationis Eminentissimorum S.R.E. Cardinalium, Concilii Tridentini Interpretum, anno 1663. die 10. Decembris Romæ publicatum, & in partibus publicari & observari mandatum, quod est tenoris subsequenti-

Cum Sacra Congregatio Eminentissimorum & Reverendissimorum Sacræ Romanæ Ecclesiæ Cardinalium, Concilii Tridentini Interpretum, non infrequentibus Christi fidelium querimoniis edocta intelligat, quam plura onera Missarum ab illis, sive ab eorum Majoribus titulo Beneficii fundata, aut piis donationibus, aut conventionibus constituta, aut ultima voluntate relicta, à Rectoribus Beneficiorum, locorumve piorum Administris, vel etiam a privatis Sacerdotibus negligi, ita ut earundem Missarum celebrationi nullatenus, aut diminute, vel sero fiat. Eminentissimi Patres animadvertentes ad huiusmodi incuriam, sive potius fraudem eliminandam, qua piæ testantium voluntates depereunt, obstricta benefactoribus fides violatur, & Divinus cultus diminuitur, alias sub die 21. Junii 1625. Decreta generalia de celebratione Missarum, iussu Ssmæ mem. URBANI Octavi

" a se edita, ac typis impressa fuisse, eo-
 " rundem observantiam atque custodiam in
 " præfens magis magisque urgendam atque
 " inculcandam censuerunt: utque quod in
 " ipsis Decretis huic deterrimo abufui era-
 " dicando, qui plerumque ex damnabilis
 " lucri cupiditate, aut ex faciliorem onerum
 " acceptatione suboritur, provide consul-
 " tum est. Quapropter Sacra Congrega-
 " tio, quamvis persuadeat sibi Ordinarios
 " locorum pro sua providentia & zelo par-
 " tes suas circa onerum Missarum adimple-
 " mentum studiose procurandum graviter
 " obire, nihilominus quia tanti momenti
 " res novum quotidie atque exuberans stu-
 " dium & sollicitudinem exposcit. Eadem
 " Sacra Congregatio speciali autoritate per
 " Sanctissimum sibi attributa, Ordinariis
 " locorum injungit, ut ipsorum Decreto-
 " rum custodiam, atque observantiam in
 " suis singuli Diocæsisbus accurate & serio
 " procurent, atque adversus eorundem vio-
 " latores animadvertant. Et quo facilius
 " illorum negligentia, & fraus detegatur,
 " sedulo perspectis testamentis, conventio-
 " nibus, aliisque scripturarum documentis,
 " quibus onera Missarum unicuique Eccle-
 " siæ, sive loco pio, aut privatis Sacerdo-
 " tibus incumbenda continentur, vocatis
 " etiam omnibus illis, quorum interfit, ta-
 " bella conficiatur, in qua prædicta onera
 " dilucide & distincte annotata sint, & pub-
 " lice in Sacrificia ejusdem Ecclesiæ expo-
 " natur, atque ibidem liber quotidiano usui
 " sit paratus, in quo singuli Sacerdotes, qui
 " in ea Ecclesiæ Sacrificium obtulerint, Mis-
 " sam a se tali die celebratam adnotent,
 " & cujus oneris ratione celebraverint, pro-
 " priæ manus subscriptione testentur.

Quæ omnia ita diligenter a vobis per-
 ficienda speramus, ut quod hujusmodi mi-

nisterio repide perfungamini, reddituri No-
 bis, & olim Christo supremo Judici ra-
 tionem minime redargui possitis.

Caterum vos omnes, qui e sæculo ad
 sacri Ministerii Divina sorte in Ecclesiastica
 Hierarchia collocati sublimiorem perfectio-
 nem conscendistis, in Domino adhortamur,
 ut in omni vita & actione vestra imaginem
 Christi vivam repræsentetis, ne indigna
 Cleri conversatio plebis Dominicæ sit mise-
 rabilis occasio subversionis, & quemadmo-
 dum olim propter peccata Heli, ejusque fi-
 liorum victoriam cessasse Philistæis, Israël-
 itas profligatos esse, Arcam in hostium po-
 testatem devenisse, gravissimasque vario-
 rum temporum clades & calamitates populo
 inflictas, Clericorum vitis attributas esse, ex
 sacris historiis exploratum habemus, ita
 nec nunc impietate nostra benignissimi Nu-
 minis iram provocemus, ut Turcias ac
 barbaras gentes, odii inexpiabilis hostes, suæ
 in nos, eheu! ultionis concedat Admini-
 istros, sed animum sic interius, mores sic
 exterius componatis, ut nemo non reverea-
 tur vos tanquam veros Ministros & Dispen-
 satores Mysteriorum Dei. Quem in finem
 Episcopalem vobis Benedictionem imper-
 timur, & præsentis Sigilli nostri majoris
 subimpressione fecimus communiri. 28.
 Septembris anno 1664.

(L.S.)

JOANNES ALPEN,
 Vicarius in Spiritua-
 bus Generalis mpp.

Lecta in Capitulo 14. Octob.
 1664.

*Feria tertia post Dominicam LIETARE anni
 1665. proxime sequentis celebrabitur S.
 Synodus Episcopalis Quadragesimalis.*

ORDINATA

AB

Illustrissimo Domino D. GASPARE NEMIO, () Dei gratia
 Archi-Episcopo LXXXIX. & Duce Cameracensi, &c. &c.*

IN CONGREGATIONE DECANORUM CHRISTIANITATIS

HABITA CAMERACI

Eodem anno Christi MDCLXIV.

KALEND. OCTOBRIS.

Cum pleraque, quæ a Nobis in ul-
 tima Congregatione Decanorum
 Christianitatis Cameraci habita Kalen-

dis Octobris anni M. DC. LXI. statuta
 & ordinata fuerunt, quorundam in-
 curia negligi, nec ut optaveramus, ad-
 huc

B 3

(*) De hoc Antifite vid. Tom. præc. pag. 651.

huc ad viridē observantiā revocata esse intelleximus: Nos DEI misericordia salutē animarum providere cupientes, illa omnia denuo confirmare, nec non quædam etiam alia nova addere, statuere & ordinare decrevimus, prout confirmamus, decernimus, statuimus & ordinamus.

I.

Inprimis, quia illiterati & imperiti Parochialium Ecclesiarum Rectores, Sacris minus apti sunt Officiis, & alii propter eorum vitæ turpitudinem potius destruunt, quam ædificant: Nos contra eos rigoroſe procedere volentes, & juxta Concilii Tridentini Decretum, *ſeſſ. 21. Capite 6. de Reformatione*, tanto malo providere omnibus Decanis Christianitatis hujusce noſtræ Diœceſis ſtriſſiſſime mandamus, ut omni favore vel diſſimulatione poſtpoſitis, ſincere Nobis deferant, quinam ut tales habeantur, vel ſuſpecti ſint, ut illos de novo examini ſubdentes, ſi minus habere comperiamus, ab Officio ſuſpendamus, donec habiles & idonei reperiantur: hos vero ſi incorrigibiles ſint, tanquam ſal inſatuatum ipſiſ etiam Beneficiis privatos, foras penitus rejiciamus.

II.

Statuimus etiam & ordinamus, ut omnes Paſtores concionentur, & catechizent ſingulis diebus Dominicis, ut minus, in ſuis Eccleſiis Parochialibus, qui autem habent duas Parochias, ſive ut vocant, Parochiam cum ſuccurſu, ſi ob temporis inopiam vel alia juxta de cauſa impediti, nequeant in utraque Parochia uno eodemque die catechizare, id ſaltem alternis vicibus, ſemel videlicet in Eccleſia primitiva, altera vero in ſuccurſu, catechizare tempore, quo id opportunius fieri poſſe judicaverint, dictis diebus non omitant, ſub pœna arbitraria, eaque gravi. Ut autem Decretum hoc ſaluti animarum ita neceſſarium, plenum robur obtineat; omnibus itidem Decanis Christianitatis injungimus, & ſerio mandamus, ut ſi quos negligentem repperint, quantocius eos Nobis denuntient puniendos.

III.

Et quia multi eorum, qui ſunt admiſſi a Nobis ad Confeſſiones audiendas absque temporis limitatione, vel uſque ad revocationem, talibus facultatibus conſiſi, ulterius ſtudiis incumbere negligunt, vel etiam deſectant, quo ſit, ut minus capaces poſtmodum reperiuntur, quam eo tempore, quo ab Examinatoribus noſtris fuerunt capaces judicati: Volumus & ordinamus, ut Decani Christianitatis, ſtatim atque hæc noſtra Ordinatio ad illos pervenerit, conſciant, & Nobis mittant catalogum omnium Confeſſariorum, quos ſic admiſſos ſinguli in ſuis diſtriſtibus comperint, cum designatione vitæ, morum atque capacitatis eorundem; ut incapaces iterum examini ſubjiciamus.

IV.

Facultates quoque binandi a Nobis ſimiliter conceſſæ absque temporis limitatione, vel etiam ad revocationem uſque, infra medium annum a die publicationis hujus Decreti nullum robur obtineant, niſi a Nobis de novo fuerint prorogatz. Si qui autem ſive Sæculares ſive Regulares, quovis etiam privilegii prætextu, absque noſtra approbatione facultatem binandi ſibi arrogare præſumpſerint, ſciant ſe a Nobis graviter puniendos.

V.

Tempore Concionis vel Catechismi nullus audeat Miſſas etiam privatas, ſeu quodvis aliud Divinum officium celebrare, ſub pœna trium florenorum, pro quaque tranſgreſſione, irremiſſibiliter exigenda.

VI.

Statutum etiam tum a Prædeceſſoribus noſtris, cum etiam a Nobis in ultima Congregatione Cameraci habita, Kal. Octob. anni M. DC. LXI. Cap. XXXV. quo expreſſe inhibetur non ſolum Paſtoribus, ſed etiam quibuſvis aliis Sacerdotibus, aut in Sacris conſtitutis, ne tabernas ingrediantur edendi vel bibendi cauſa (niſi profectionis neceſſitate fuerint compulſi) ſub pœna pro prima vice ſex florenorum, ſecunda

da dupli, tertia vero pœna carceris; & sæpius recidivis, incorrigibilitatis rigidissime volumus observari. Ideoque mandamus tam Decanis Christianitatis, quam etiam Pastoribus, ut eos statim Nobis denuntient.

VII.

Noverint omnes tam Ecclesiarum Parochialium Rectores, quam alii, Statutum Capitis XII. Congregationis supradictæ, anni videlicet M. DC. LXI. quo expresse inhibitor, ut nemo exorcizare præsumat sine licentia nostra in scriptis præobtentâ, & cætera in eo contenta, etiam ad omnes Religiosos cujusvis Ordinis & Monasterii extendi, ita ut si qui illorum imposterum, absque supradictâ facultate nostra, quam Parochis ostendere tenebuntur, ausu temerario publice vel privatim in domibus Parochianorum suorum exorcizare præsumserint, quovis etiam Ordinis vel Monasterii sui facultatis vel privilegii prætextu, statim atque denuntiari fuerint, sciant se pro gravitate temeritatis, graviter quoque a Nobis fore puniendos.

VIII.

Cum autem non obstantibus Ordinationibus nostris præcedentibus, & toties repetitis, computus Ecclesiarum Parochialium, mensæ pauperum, Hospitalium atque aliorum piorum locorum, adhuc neglectos esse, non sine magno præjudicio & detrimento eorumdem in plerisque locis audiamus: Statuimus & ordinamus, ut Decani Christianitatis singuli in suis districtibus moneant Receptores, & alios ad id muneris obligatos & negligentés, ut intra annum a die celebrationis huius Synodi computandum, Nobis vel Officiali nostro computus suos redditos esse debite testentur. Quod si neglexerint, Nobis denuntient, ut contra eos bonorum Ecclesiasticorum usurpatores vel detentores via juris procedamus.

IX.

Statuimus & ordinamus, ut Pastores, ac cæterarum huiusce nostræ Diœcesis Ecclesiarum Rectores, qui bellorum injuria, seu alia quacumque

ex causa, a triginta annis aut infra, pecunias ad redditum annuum, super bonis tam Ecclesiarum, tam fabricæ, aut etiam Beneficiorum suorum, accipere coacti sunt; ut instrumenta seu Decreta, vel eorum copias authenticas Nobis vel Officiali nostro mittant, quibus auctorizati fuerint dictas pecunias ad onus dictorum locorum accipere, idque intra annum a die Congregationis huius Synodi computandum: quibus Decretis aut etiam copiis authenticis eorumdem, adjunctæ sint fideles & sinceræ declarationes, ac tales, quæ juramento, tempore debito, verificari queant, summarum quas vi ejusdem vel cujuscunque alterius Decreti aut sine Decreto, super bonis Ecclesiarum aut Beneficiorum supradictorum, a se vel a Prædecessoribus suis acceptæ fuerunt, ut iis perspectis & debite examinatis, statuere possimus, quidquid bono cujusque Ecclesiæ expedit judicaverimus.

X.

Qui ad Ordinem Subdiaconatus imposterum admitti desiderabunt, sciant se non admittendos ad examen, nisi testimonia vitæ, & probitatis morum, quæ adferri debent a singulis ordinandis, omnino signata sint a Decanis ruralibus, ac deinceps ab eisdem Decanis clausa & obsignata mittantur, cum attestazione Confessionis generalis & proclamationum, per mensem ante Ordinationem factarum juxta Concilii Tridentini præscriptum, *Seff. 23. Cap. 5.*

XI.

Cum etiam Decani Christianitatis nondum satisfecerint Decreto Capitis XXXVIII. Congregationis factæ, Kalendis Octobris M. DC. LXI. ut videlicet primo quoque tempore conficerent, Nobisque remitterent debitum registrum omnium Pastorum & quorumcumque aliorum Beneficiorum sui districtus, cum specificatione præcisa omnium & singulorum bonorum ad ea spectantium, nec non Missarum, censuum & reddituum, ac quorumcumque aliorum onerum, tam ipsis Beneficiis, quam bonis eorum incumbentium: Volumus & ordinamus, ut illud quantocius secundum ipsius formam & tenorem mandent executioni.

XII.

XII.

In Capitulis autem Pastorum, quæ bis quot annis celebrari debent, tempore & ordine, quem præscripsimus, Kal. Octobris anni M. DC. LXI. initium rerum agendarum sumetur ab invocatione Spiritus Sancti, conclusio-

nes vero a pluralitate vocum. Volumus autem, ut omnes Pastores in iis compareant, sub pœna viginti stuphorum pro quaque absentia, ultra symbolum, quod etiam absentes a prandio a Decanis Christianitatis in loco apto preparato solvere tenebuntur.

SYNODUS DIOECESANA *Verna* MONASTERIENSIS,

Anno Christi MDCLXV. Alexandri VII. PP. XI.
Leopoldi I. Imp. VII.

HABITA

Sub eodem Revmo Domino CHRISTOPHORO BERN. a GALEN,

Monasteriensi Episcopo,

DIE 17. MARTII.

CHRISTOPHORUS BERNARDUS, DEI ET APOSTOLICÆ SEDIS
GRATIA EPISCOPUS MONASTERIENSIS, S. R. I. PRINCEPS, &c. &c.

PRO Ecclesiarum Nobis commissarum incolumitate sollicitè laborantes inter primas Pastoralis Officii partes recensemus, si earum singulæ Rectoribus gubernentur idoneis, fideisque Cooperatoribus disponantur, quorum provida dispensatione, circumspecta providentia & auxiliari ope (succurrente illo, qui verus Pastor ac Rector & Evangelicus in vineam suam operarios conducens Patetfamilias agnoscitur) spiritualium ac temporalium proficiant incrementis, & si quæ non absque dispendio Ministrorum, & sacri Officii detrimento irrepere cognoscamus, adhibito congruentiori moderamine ac remedio in melius reformentur.

Sane cum Beneficia ad Divinum cultum, muniaque Ecclesiarum obeunda, laudatissimi Antecessores ac Fundatores constituerint, quorum intentio, ne qua in parte minueretur, sed debitum omnibus in rebus præstetur obsequium, diversa a Nobis Beneficiorum pluralitatem, Beneficiatorum residentiam, aliasque eorum obligationes concernentia Mandata, ac Decreta lata in & ex hoc loco vobis publicata & intimata sunt, quæ omnia & singula tenore præsentium innovantes & confirmantes, ab iis, ad quos pertinet, firmissime observari serio demandamus. Quod vero Canonicos æque ac Vicarios multis locis residentes haberi, sed in choro, Missarum solenniis, horisque decantandis seu legendis infrequentes esse,

invidi intelligamus, volentes malo huic occurrere, & intentioni Fundatorum satisfieri, de consilio & assensu Rdi nostri Capituli Cathedralis præcipimus & respective monemus Ecclesiarum Prælatos ac Superiores, ut diligentem absentium rationem habeant, aut si ipsi legitime impediti fuerint, ab aliis haberi faciant, & notatos ad crebriorem Ecclesiarum frequentationem, & in Divinis Officiis assistentiam compellant, alioquin immorigeris & contumacibus non solum distributiones quotidianæ, sed etiam corporum, aliorumque fixorum reddituum portiones pro rata subtrahantur.

Missarum numerus is servetur, qui ex foundationis tenore & Fundatorum mente præfixus est, quem in finem Decretum Eminentissimorum S. R. Ecclesiæ Cardinalium, S. Conc. Tridentini Interpretum, in postrema Synodo publicarum, denuo intimamus, præscriptoque modo, forma & ordine observari mandamus. Cum vero ob temporum injuriam, ac secutam a primæva fundatione notoriam valoris pecuniæ decrescientiam plurium Beneficiorum obventiones, ac redditus adeo imminuti & tennes existant, ut honestæ Clericorum sustentationi longe impares ad implenda præfixa in foundationibus, præsertim Missarum onera provisos nequeant obligare, ne tamen exinde piæ testantium voluntates omnino depereant, neque eorum conscientias, ad quos

pro-

prædicta spectant; ultra modum onerandi detur occasio, hisce præcipimus, ut nemo proprio arbitrio præsumat hujusmodi onera reducere, ne vel sui commoditate excecatus pauciora, vel Religionis anxietate seductus, sibi, suisque Successoribus majora imponat, quam æquitatis aut necessitatis ratio postularit, sed juxta S. Canones ad Nos, aut Vicarium nostrum deferant, qui in Beneficiis, quibus provisione hac indigere videbitur, perspecta eorum qualitate & reddituum quantitate statuimus, quidquid magis ad Dei honorem, & cultum, atque Ecclesiarum utilitatem judicatum fuerit expedire, ita quoque ut ex fundatis ferialibus Sacris, unum ad Dominicos, ac Festos dies, sicubi in Parochiis primum iis diebus haberi non consuevit, nec Sacerdotis copia adfuerit, pro majore fidelis populi ædificatione transferri cupimus.

Ne vero posthac Beneficiati, quando jam pridem canonice instituti, imo & sacris Ordinibus initiati, inspecta tum prius Beneficiorum & reddituum tenuitate, Clericali statui & honestati congruentis vitæ impossibilitatem conquirentur ob competentis alimonie defectum, magno cum Divini cultus detrimento, & majore cum aliorum Ecclesiis ibidem deservientium onere in locis Beneficiorum residere, & personalia onera per se subire tergiverfentur, præcipimus sub pœnis in jure statutis, omnibus & singulis de jure vel privilegio jus investendi habentibus, ne quem impostum sive ab Ecclesiastico, sive laico Patrono præsentatum, sive ab ipso investiente provisum instituere & investire præsumant, nisi ætate, morum honestate & scientia ad obligationem Beneficio annexam debite exequendam, aliisque qualitatibus de jure requisitis commendatus existeret, extradatque specificam & authenticam reddituum designationem; quibus visis & mature consideratis, tamen si appareat præsentatum ex iis decenter vivere, adeoque residere non posse, nihilominus propria se manu obliget, etiam quando Beneficium tenuius est, non attenta obventionum illius exilitate in loco Beneficii sub pœna privationis ipso facto incurrendæ intra tempus a jure & fundatione præfixum residentiam sese facturum. Quod si in eo difficiles fuerint, ab investitura & possessione capienda arceantur, & de Beneficii hujusmodi cura nostro, aut Vicarii nostri consilio disponatur id, quod Fundatorum intentioni, Ecclesiarum utilitati, Divino honori augendo, & spirituali fidelium profectui magis visum fuerit expedire.

Ut autem necessarios & probatos moribus ac doctrina Operarios, præsertim qui

curæ animarum administrandæ se mancipare desiderant, Parochiis & populo Nobis commissio præficiamus, eorumque facilius sit copia & defectus, S. Conc. Tridentini, & nostris Decretis inhaerentes, Seminarium nostrum Episcopale modo & forma jam alias præscriptis, volumus continuari.

Demum cum non exigua ex juventutis in pietate, moribus & literis instructione Religionis & Reipublicæ Christianæ utilitas accedat, Scholas Ludimagistros, ac Ludimagistras, quibus habentur locis, confoveri, & quibus adhuc desiderantur, studiose institui, indultaque jam alias immunitate gaudere, catechetica vero exhortationes, sub interminatione Divini judicii toties tam solcite, quam severe præceptas, unde potissimum salus simpliciorum pendere dignoscitur, singulis per annum Dominicis, & hora præfixa ita strictè servari præcipimus, ut si in eo Pastores aut Curatores negligentes, & tribus continuè Dominicis eadem intermisisse deprehensi fuerint, quarta parte fructuum Beneficii mulctentur.

Cæterum vos omnes, qui in sortem Domini, societatem & adoptionem filiorum Dei præ aliis vocati & electi, ultro vos, & vitam vestram Dei ministerio mancipatis, in Domino requirimus, monemus, & præcipiendo mandamus, quatenus vocationi vestræ respondentes a carnalibus desideriis & terrenis concupiscentiis assumpti, ab omni carnis illecebra & suspecta conversatione alieni, mundi, casti, puri, sancti & immaculati in conspectu Dei & hominum ambuletis, ut sinistri nihil de vobis in suspicionem possit trahi. A crapula & ebrietate diligenter abstineatis. Tabernas publicas, nisi forsan in itinere constituti, nullatenus visitetis. Officia & commercia sæcularia, aliosque actus illicitos non exerceatis. Omnem in vestitu levitatem & curiositatem majora sæculi, quam Cleri indicia deponatis, sed tonsuram, eumque habitum gestetis, qui per extrinsecam decentiam intrinsecam præ se ferat morum honestatem.

Si quem in præmissis excedere, aut excessisse constiterit, contra eundem non solum per pœnas in jure præfixas, sed & alias arbitrio nostro infligendas procedemus & procedi faciemus.

Denique omnia & singula Mandata, Decreta & Statuta a Nobis, & Prædecessoribus nostris lata, publicata, intimata, & executata, quatenus iis per Conc. Tridentinum, & hæc, aliasque nostras Constitutiones derogatum non est, denuo intimamus, innovamus & confirmamus, mandantes sub pœnis alias expressis omnia & singula ab iis, ad quos pertinet, inviolabiliter observari

salvis Statutis & Privilegiis Ecclesiæ nostræ Cathedralis.

in quorum fidem præsentēs manu nostra subscriptas, Sigillo nostro majore fecimus communiri. In Civitate nostra Mona-

steriensi 14ta Martii, anno 1665. Episcopus noster 15to.

Christophorus Bernardus mpp.

(L.S.)

Publicata in Synodo Quadragesimali anno 1665. 17. Martii.

Sacra Synodus Autumnalis celebrabitur Feria 3tia post Festum St. Gereonis & Sociorum Martyrum, quæ erit 13tia Octobris.

SYNODUS DIOECESANA TORNACENSIS, Eodem anno Christi MDCLXV.

*Sub Revmo Domino FRANCISCO VILLANI a GANDAVO,
Tornacensium Episcopo,*

CELEBRATA

DIE 21. APRILIS.

ACTA CONGREGATIONIS SYNODALIS,

*Quæ ab antiquo vocari SYNODUS, & haberi solet quotannis Feria
tertia post Dominicam, quæ cantatur in Ecclesia MISERICORDIA DOMINI, &
hoc anno 1665. habita fuit dicta Feria 3. quæ erat dies Aprilis XXI.*

Præsidente Illmo & Revmo Domino, D. FRANCISCO VILLANI a GANDAVO, Dei & Apostolicæ Sedis gratia Episcopo Tornacensi. Assistentibus sibi RR. Admodum DD. Eustachio Froidmonde S.T.L. Ecclesiæ Cathedralis Decano, Ignatio Augustino de Grobbendoneq J.U.L. Archi-Diacono primario seu majori, Philippo de Boulogne J.U.L. Archi-Diacono Flandriæ, Petro Mazurzel J.U.L. Joanne Genaro J.U.L. Egidio Plesserea S.T.L. Philippo Alberto de Bergbes Diacono, in Jure & S.T.L. respectivè Ecclesiæ Cathedralis Canonicis: & R. Admodum Dom. Joanne Wavegny, S. Medardi, vulgo S. Nicolai de Pratis, Ordinis Canonicorum Regularium S. Augustini in hac Civitate Abbate: RR. DD. Cornelio du Ranel S.T.B.F., Pastore S. Margarethæ hujus Civitatis, Decano Christianitatis Tornacensis, Nicolao Lamberti S.T.L. Pastore S. Mauritiî Insulensis, & Decano Christianitatis ibidem, Leonardo Schaerts S.T.B.F. Pastore S. Martini oppidi Contracensis, & Decano Christianitatis ibidem, Joanne d'Haveloose S.T.B.F. Pastore Menenensi & Decano Christianitatis Viroviacensis, Jacobo de la Rue Pastore S. Genesii, Decano Christianitatis Helchinienfis Flandrorum, Jacobo Roussel S.T.L. Pastore in Esquermes, Decano Christianitatis Ulmensis, Judoco Ignatio Ranst J.U.L. Secretario; MM. Petro Villers Curie Spiritualis Scriba, Joachimo Beuckelaere, & Petro Bertrand, Districtus respectivè Flandriæ & Walloniæ Promotoribus seu Procuratoribus Fiscalibus.

R. D. Franciscus Martin, Pastor d'Ennevelin, Decanus Christianitatis Seclinienfis abfuerunt ob infirmitatem.

D. Petrus del Ruë J.U.L. Advocatus Fiscalis, abfuit.

Circa horam octavam celebrato Sacro de Spiritu Sancto pro felici hujus Congregationis successu, ibidemque proponendorum salutarum resolutione, Illustrissimus & Reverendissimus Dominus, comitantibus dictis DD. Assistentibus, ad Aulam Palatii sui Episcopalis se recepit: ibidemque paucis, ut moris est, DD. Assistentes ad serio amplectendam curam animarum, earundemque salutem sedulo procurandam in Domino est adhortatus.

Non

Non fuit lectum hac vice Statutum *de onere residendi*, Concil. Trident. Sess. 23. Cap. 1. quod fieri solet per Archi-Diaconum Flandriæ.

Rdus Admodum D. *Joannes Gennaro*, Officialis, prælegit Statuta præcedentis Synodi, ad videndum, si debite executioni fuerint mandata.

ARTICULUS I.

R Eferente Admodum R. D. *Joanne Gennaro* Cathedralis Canonico & Officiali per præcedentem Synodum deputato ad amicabiliter cum DD. de Magistratu hujus Civitatis super contentis in primo Articulo præcedentis Synodi componendum: dictos DD. Admodum esse propensos ad ejusmodi difficultates pro bono publico & Festorum religiosiori observatione componendum: fuit cum dicto D. Officiali, in locum R. Admodum D. *Andreae Catulle*, Præpositi Rothnacensis, ibidemque fixe ad præsens residentis, deputatus R. Admodum D. *Ignatius Augustinus Grobendoncq* Archi Diaconus primarius sive Tornacensis & Cathedralis Canonicus, ad una & conjunctim negotium hoc, si fieri posset, sub beneplacito Illmi D. pertractandum atque terminandum.

II.

Attento quod plurimarum Ecclesiarum Parochialium, præsertim districtus Tornacensis, computus utri & mensæ pauperum, & instructio Art. 2. præcedentis Synodi redditi sint, & in dies reddantur, ordinatum & commendatum fuit RR. Admodum DD. Archi-Diaconis, ut eandem operam & diligentiam sedulo continuare, & ejusmodi computuum redditionem, liquidationem & clausurarum exonerationem in suo respectu districtu omnino, & quantum possunt, procurare & promovere conentur.

III.

Ordinamus Curie nostræ Promotoribus, ut quam primum ex Secretariatu nostro levent copiam specificacionis in præfenti Congregatione per Secretarium nostrum exhibitæ, eorum qui rapportum seu declarationem reddituum, proventuum, & bonorum Beneficiorum suorum, non obstantibus multæ comminationibus hætenus transmittersse neglexerunt, injun-

Tomus X. Concilior. German.

gendo dictis Promotoribus, ut defectuosorum nomina una cum expressione Beneficii, quod possident, tradant respective Dominis Decanis Christianitatis, sub cujus districtu sita sunt, ut ab eisdem ultimo & peremptorie moneantur, ad præcedentibus nostris quoad præmissa Ordinationibus & Mandatis satisfaciendum infra mensem a festo Sanctæ Mariæ Magdalene proximo, sub pœna quoad onus eorum, per arrestationem fructuum suorum Beneficiorum, aut alias via juris tam ad executionem multæ ante hæc ideo comminatæ, quam ad revocationem ejusmodi rapportus seu declarationis sine dissimulatione ulla (prout expresse mandamus) procedetur.

IV.

Ex eo, quod quidam Decani Christianitatis, non obstante Ordinatione præcedentis Synodi computus suos reddere vel neglexerint, vel sine excusatione distulerint, ordinamus Curie nostræ Sigillifero, ut si infra trimestre ab hujus publicatione, dictæ Ordinationi non satisfecerint, defectuosos desuper litteratorie moneat, eisque diem redditionis ejusmodi computuum a D. Officiali determinatum, significet cum intimatione, quod si statuto die non satisfecerint, & ulterius moram protraxerint, ad effectum, qui supra coram dicto D. Officiali per Promotorem citabuntur, & via juris cogentur.

V.

Quia ob metum ligaturarum & maleficiorum aliasque legitimas causas sæpius super bannorum denunciatione contingit dispensari, ut securius & sine cujusvis præjudicio, ac etiam sine Matrimonii nullitatis periculo ejusmodi gratia, dum expedit, concedi possit, volumus, ut præter examen consuetum, quod DD. Pastores priusquam scedulam seu testimoniales ad effectum ejusmodi dispensacionis impetrandæ

trandæ tradunt, præmittere soleant: de parentum quoque (vel si sponſi parentes non habeant) de tutorum, ac aliorum, ad quos de jure ſpectat, minorum Matrimoniiſ conſentire aſſenſu & approbatione inquirent, & expreſſe teſtentur.

VI.

Ut variis difficultatibus circa Art. ult. præcedentis Synodi motis, præſertim intuitu ſervorum; ancillarum, occurratur, declaramus mentis noſtræ eſſe, ut Statutum anni 1643. *De proclamationibus antenuptialibus*, omnino obſervetur: reſpectu tamen earum perſonarum, quæ ſpatio completi trimeſtris de factò & actualiter famulatas eſſe conſtat, Heri vel Dominiæ ſuæ Parochiam ſortiri declaramus. Specialius tamen & rigorosius DD. Paſtores circa famulantium Matrimonia inquirent, & vel minima impedimenti ſuſpicionem occurrente, diſpenſationis gratiam ſuſpendi, vel omnino denegari procurent.

VII.

Et ne Matrimonii ſolemnizatio in regiſtris Parochiarum tranſcribi negligatur, vel etiam apud poſteritatem cum gravi interdum liberorum damno, ejusdem memoria deperdatur, prohibemus ſtriſte Paſtoribus, ne poſterum vices ſuas & facultatem Parochianorum ſuorum Matrimonio aſſiſtendi delegent, & ſi ob gravem & legitimam cauſam interdum id fieri neceſſarium, aut omnino conſultum foret, id fiat quam rariffime, & non niſi prævia diligenti inquiſitione omnium requiſitorum, & hujusmodi delegationem in libro ſeu regiſtro Matrimonio junctorum annotare non omitant, & nunquam delegent perſonam inderminatam, vel etiam Regulares, quod omnino prohibemus, ſed certam & determinatam, qui ejusmodi commiſſionem ſeu delegationem rite & juxta Paſtoralis Diœceſani Rubricas exequi poſſit, obligando hujusmodi delegatum ad referendum delegationis ſibi conceditæ præciſam cum diei & teſtium ſpecificatione factam executionem, quam Paſtor delegans in præſato regiſtro annotare tenebitur,

VIII.

Quia quorundam veſtium capilorumque uſus & geſtatio, necdum ad eam modeſtiam reperitur redacta, quæ ſtatui Eccleſiaſtico & Ordini congruit, Statutiſque Synodorum noſtrarum præcedentium, ac etiam Sacroſancti Concilii Tridentini Diſpoſitionibus conformis ſit, inhærendo antediſtis noſtris Statutis, mandamus Curiz Promotoribus, ut ſerio ad hoc invigilent, & ſine ulla diſſimulatione deſectuosos per Officialeſ noſtrum rigoroſe & præ exceſſus gravitate puniendos denuncient, authorizandi diſtictum D. Officialeſ, ad eoſdem Curiz Promotores, caſu quo diſſimulationis tam circa præmiſſa, quamque alia officii ſui onera imposterum arguantur, & convincantur, eoſdem ab officio ſuſpendendum ad tempus, vel ſi opus eſt (prævie nobiſcum habita communicatione) omnino deportandum & amovendum.

IX.

Inſequendo Decreta Synodi Provincialis Cameracenſis anni 1586. Editum Regium deſuper ſubſecutum 1. Junii anno 1587. præcipimus Diœceſis noſtræ Paſtoribus, aliſque quibuscumque Eccleſiarum Parochialium Rectoſibus, ut obſterrices in ſuis reſpectivè Parochiis coram ſe evocatas, ad miſſionis ſuæ fidem exhibere faciant, & ad cautelam eaſdem iterato examinent, & non niſi bene inſtructis ſuper forma & materia Baptiſmi, novas literas idoneitatis ſuæ elargiantur, ad reſpectivos inſuper DD. Magiſtratus noſtro nomine requirant & rogent, quatenus omnes & ſingulas territorii ſeu diſtrictus ſui obſtertrices evocent ad renovandum (vel ſi non præſtiterint) faciendum juramentum, quod ante diem tertium pueros baptizandos Paſtoribus omnino denunciabunt, ac alias quod opus ejusmodi obſtertricum fideliter & ſine fraude cujuſpiam exercebunt.

X.

Inſequendo Decreta Sacroſancti Conc. Trid. *ſeſſ. 24. Cap. 18.* pro examine Paſtorum, ac alias nominati ſunt RR. Admodum DD. *Eufachius de Froid-*
monde

monde S. T. L. Ecclesiæ Cathedralis Decanus & Canonicus, Ignatius Augustinus de Grobbendoncq J. U. L. Archidiaconus Major seu Primarius, Petrus Mazuveel J. U. L. Joannes Gennaro J. U. L. Officialis, Franciscus du Chateau S. T. L. Aegidius Brabant S. T. L. Aegidius Plessier S. T. L. Libertus Froidmonde J. U. D. Pœnitentiarius, Presbyteri respectivæ & Cathedralis Ecclesiæ Canonici, & RR. Admodum DD. Philippus Albertus de Bergbes Diaconus in Jure & S. T. L. antedictæ Ecclesiæ etiam Canonicus, RR. DD. Cornelius du Ranel S. T. B. F. S. Margaretæ Pastor, Nicolaus Lamberti S. T. L. Pastor Sancti Mauricii, & Leonardus Schaerts S. T. B. F. Pastor S. Martini respectivæ districtuum Tornacensis, & Cortracensis Decani Christianitatis.

doncq, qui supra, & insuper RR. Admodum DD. Gregorius Ignatius de Cozie Theaurarius, Philippus de Boulogne Archidiaconus Flandriæ, Petrus Mazuveel, Joannes Catulle, Joannes Gennaro Officialis, Aegidius Brabant, Theodorus Brias, omnes Presbyteri & Ecclesiæ Cathedralis Canonici, & RR. Admodum DD. Philippus Albertus de Bergbes Diaconus & ejusdem Ecclesiæ similiter Canonicus, uti etiam RR. Admodum DD. Petrus Carzier, & Joannes de Warigny, respectivæ Monasteriorum Sancti Martini, Ordinis S. Benedicti, & S. Medardi, vulgo S. Nicolai de Pratis, Ord. Canonicorum Regularium S. Augustini Civitatis & Diœcesis Tornacensis Abbates.

De Mandato Illmi & Revmi
Domini mei Episcopi præfati.

J. KANST Secret.

Judices Synodales deputati sunt
RR. Admodum DD. Eustachius de Froidmonde, Ignatius Augustinus de Grobben

Ex cit. Summa Statutorum Synod. Diœcesis Tornacensis.

EPISTOLA Pastoralis

Revmi Domini CHRISTOPHORI BERNARDI a GALEN,
Monasteriensis Episcopi,

Anno Christi MDCLXVI. Alexandri VII. PP. XII.
Leopoldi I. Imp. VIII.

DATA IN URBE MONASTERIENSI
DIE 3. APRILIS.

CHRISTOPHORUS BERNARDUS, DEI ET APOSTOLICÆ
SEDIS GRATIA EPISCOPUS MONASTERIENSIS &c. &c.

Salutari lege Summi Pontifices ac Concilia tam Œcumenica, quam Provincialia sanxerunt, ipsiusque Ecclesiæ continuata tot sæculis nec unquam interrupta consuetudo utiliter roboravit, ut bis in annos singulos Diœcesana Synodus Episcopali auctoritate haberetur, non solum ad tradendam, verum etiam ad perpetuo colendam, perpetuisque progressionibus augendam omnem Ecclesiasticæ disciplinæ rationem. Ea enim est mortalis hominis constitutio, ut quamvis Divinis, humanisque legibus veluti sepimento quodam abunde vallatus sit, naturæ tamen refragantis imbecillitate fractus, ab iis, & optime licet instituti officii semita perire

dessecat, ac proinde eam exposcat Præsidium vigilantiam, ac legum vigorem, quo veluti sanctissimo vinculo adstrictus a recto cursu non declinet, aut aliquando digressus, eorum opera in veram ac rectam salutis viam reducat.

Eo collirantur omnes ab initio Regiminis nostri habitæ Synodice Sessiones, & in iis salutariter ordinata, promulgata & intimata Decreta, Statuta, & Mandata, quæ omnia & singula de consilio & assensu Rdi Capituli nostri Cathedralis denuo innovamus, confirmamus, & vobis per præsentem intimamus.

Imprimis vero ad compescendos seu

abolendos abusus & indecentia quæcunque, in quantum possumus, S. Concilii Decreta tam doctrinam fidei, quam reformationem vitæ, ac morum respicientia, alias ab Antecessoribus nostris, vobis insinuata, de consilio & assensu Ven. Capituli nostri Cathedralis præsentibus vobis omnibus, & singulis superscriptis iteram ac serio insinuamus, monemus & requirimus, vobisque & vestrum cuilibet in virtute S. obedientiæ districte præcipiendo mandamus:

Quatenus omnes & quascunque suspectas mulieres non solum domibus vestris, sed etiam civitatibus, oppidis & pagis ita a vobis excludatis, ut verisimiliter nihil sinistri possit ac valeat de iisdem, aut vobis in suspicionem trahi.

Item a crapula & ebrietate diligenter abstinere.

Insuper tabernas publicas, nisi forsitan in itinere constituti, nullatenus visitetis.

Ludos taxillorum, & alios actus illicitos non frequenteris.

Conspirationes contra vos invicem, & maxime contra Prælatos ac Superiores vestros non faciatis.

Tonsuram & vestes Clericales ultra genua propendentes, getetis.

De Beneficiis Ecclesiasticis provisum ad sacros Ordines promoveantur, & onera ipsius incumbencia impleant, sicut exigit tenor foundationis & ratio Beneficiorum.

Novelli Sacerdotes sæculares Primitias suas celebrare ne præsumant, nisi prius coram Vicario nostro, vel aliis ad hoc nominandis specimen dederint, quod in caeremoniis Missæ juxta Rubricas novi Missalis sint bene & sufficienter instructi & exercitati.

Requirimus omnes & singulos, etiam Testamentarios & Executores testamentorum, Beneficiatorum, defunctorum, & quorumcunque personarum Ecclesiasticarum Civitatis & Diocesis Monasteriensis, quatenus Sigilliferum Curie nostræ prædictæ de bonis testatorum inventis infra mensem, de dispositione eorundem bonorum inventorum infra annum post obitum testatoris immediate sequentem certificent & informant, eique rationem reddant, ut tenentur, alioquin contra eosdem, prout de jure poterimus, censura Ecclesiastica mediante, aliisque opportunis remediis procedemus.

Monemus interim, & sub contestatione Divini iudicii inculcamus omnibus & singulis Clericis, ut in testamentis condendis meminerint Deo, Ecclesiæ, & pauperibus gratam vicem esse reddendam, ut si eorum gratia & beneficio bona conquesta sunt, te-

statorum liberalitate ad eosdem ex majori saltem parte recurrant.

Inhibemus etiam universis & singulis Ecclesiarum Parochialium, & Capellarum Rectoribus, ne aliquis Monachos, cujuscunque status & ordinis fuerint, ac Presbyteros extraneos ignotos in suis Ecclesiis & Capellis admittat ad Divina, neque etiam notos ad cooperandum in cura animarum, nisi primitus per Nos, sive Vicarium nostrum in Spiritualibus fuerint approbati & admissi, & de eorum admissione per patentes literas, Sigillo Curie nostræ Monasteriensis antedictæ sigillatas, legitime constiterit.

In Missis publicis & privatis post ultimam Collectam in fine Missæ, excepta Missa pro Defunctis, ante conclusionem addantur verba illa: *ALEXANDRUM Pontificem, LEOPOLDUM Imperatorem, CHRISTOPHORUM BERNARDUM Antistitem nostrum, & omnes sibi commissos ab omni adversitate custodi, & pacem tuam nostris concede temporibus.*

Nemo Sacerdotum sive sæcularium, seu Regularium, extra Ecclesiam, aut Oratorium ad hoc deputatum, aut benedictum in domibus privatis sub quocunque aliarum facultatum aut privilegiorum prætextu sacrum Missæ Officium celebrare præsumat.

Optamus & hortamur omnes Superiores, Pastores, & Concionatores, ut præter supremum Dei cultum, & ea, quæ ad Christianam perfectionem pro status & vocationis ratione pertinent, devotionem erga Beatissimam Virginem MARIAM, S. Angelum Custodem, S. Josephum Nutritum Christi, S. Ludgerum Proto-Episcopum Monasteriensem, & omnes Sanctos in animis subditorum plantare, conservare, & promovere studeant.

Pastorum est, male habentibus non in vita tantum, & bona valetudine, virtutes & vitia, gloriam & penam, præparato & zeloso animo proponere, sed vel maxime in mortis articulo assistere. Hinc & sponte, magis autem invitati, & requisiti nihil circa sacri Viatici & Extremæ Unctionis administrationem, aliaque, quæ moribundis pro æternitate certantes, adjuvare possunt, culpabiliter & negligenter intermittant.

In casibus, in quibus penitentes ad superiores remitti debeant, eos studeatis diligenter informare, agentesque penitentiam solennem in die Jovis sancto ad Ecclesiam nostram Monasteriensem reconciliandos remittatis.

In casibus autem occultis Nobis, seu Episcopo reservatis, renovamus & per præfatos confirmamus privilegium & gratiam

a glo-

a gloriosiss. mem. Prædecessoribus nostris ERNESTO, & FERDINANDO, Pastoribus & Curatis concessam, ut omnibus liceat penitentes subditos absolvere.

In publicis autem & notoriis, vel qui ad forum externum jam deducti sunt, nemo se immisceat, nisi qui licentia speciali, aut privilegio munitus extiterit.

Carechismum Doctoris Petri Canisii diebus Dominicis ac Festivis juxta & formam præscriptam juvenuri & rudi populo publice proponaris.

Concionatores etiam memores officii sui, si quando contra vitia dicendum judicant, nullas omnino personas seu tacite, seu nominatim designent, neque in civiles & Ecclesiasticos Magistratus, eorum vitam & actiones fugillando cum offensione, & scandalo plurimorum invehantur, commodiora excitandis seditionibus, quam imbuendis vera Religione animis instrumenta, sed pie potius admoneant, doceantque populum, ex Apostoli sententia, Præpositis obedire, facereque obsecrationes, postulationes, gratiarum actiones pro omnibus hominibus, qui in sublimitate constituti sunt, præcipue vero iis, qui pervigilant, quasi

rationem pro animabus eorum reddituri, atque ita commissos sibi fideles sermone auditoribus accommodato pro cujusque status exigentia diligenter crudiant, ut hinc absterreantur a vitiis, & inde ad virtutes impellantur.

Cæterum vos omnes in Domino hortamur, ut qui in sortem Dei per sanctæ & Ecclesiasticæ vocationis gratiam vocati estis, inter sæcularium conversationem, sicut luminaria vitæ & actionum lucere, ac Dei timorem in cordibus, in Divinis Officiis pietatem, erga proximos charitatem, erga vosmetipsos sanctitatem servare studeatis. Nos interea & intentiones nostras Ecclesiæ, Imperii & Patriæ bonum spectantes, ac dilectos subditos nostros Sacrificiis & Precibus vestris impense commendamus. In quorum fidem præsentem manu nostra subscriptas, Sigillo nostro majore fecimus communiri. Datas in Civitate nostra Episcopali Monasteriensis 3tia mensis Aprilis, anno Christi 1666. Regiminis nostri decimo sexto.

Christophorus Bernardus mpp.

(L.S.)

Tertia Feria post Festum Ss. Gereonis & Sociorum Martyrum celebrabitur Synodus Autumnalis, Præsibus ab Episcopo deputatis Joanne Heidenrico a Vörden, Engelberto a Beverförde, Christiano a Plettenberg, Henrico Moderfohn J. U. L., Cathedralis & Parochialis Ecclesiarum nostrarum Monasteriensis & B. M. Virginis Transaquensis respectivæ Scholastico, Decano, & Consiliario nostro.

- I. Synodo illi non interfuit Episcopus, aliis dissentis negotiis; nec diversa a prioribus Edicta publica sunt. II. Eadem pariter, quibus absentiam suam Episcopus significabat, fuerunt literæ. III. Subsecuta Synodus Quadragesimalis a. 1667. Feria tertia post Dominicam: LETARE, celebrata est, absente rursus Episcopo.

SYNODUS DIOECESANA *Quadragesimalis* MONASTERIENSIS,

Anno Christi MDCLXVII. Alexandri VII. PP. XII.
Leopoldi I. Imp. IX.

J U S S U

Reverendi Domini D. CHRISTOPHORI BERNARDI a GALEN,
Monasteriensis Episcopi,

H A B I T A

A deputatis speciali cum facultate Commissariis ac Præsibus Jodoco
Edmundo a Brabeck, Engelberto a Beverförde, Christiano a Pletten-
berg, Goswino a Drosche, & Joanne Alpen, Generali
in Spiritualibus Vicario,

D I E 21. MARTII.

In hac Synodo jussu absentis Revini publicatæ sunt sequentes Constitutiones:

CHRISTOPHORUS BERNARDUS, DEI ET APOSTOLICÆ SEDIS
GRATIA EPISCOPUS MONASTERIENSIS, &c. &c.

Cum præcepto Divino mandatum sit omnibus, quibus animarum cura commissa est, oves suas agnoscere, & quem regendum susceperunt Dominicum gregem, non ex obscuris tantum notis, aut tenuibus vestigiis, sed ex vultu velut animi speculo diligenter considerare, & in id cumprimis incumbere, ut stabiles solidentur, nutantes confirmantur, tepidiores ad teneriorem ferventiorumque Divini numinis cultum incitentur, errantes & ab orthodoxa fide alieni ad ovile & Pastorem genuinum postliminio reducantur. Sane a Nobis, qui pondus impositi muneris vigilem, adeo pro commissis ovibus curam deposcentis heterodoxa agnoscimus, Pastoralis hæc sollicitudo tanto studio, quanto Diocesis & Principatus noster dominante heterodoxa Religione undique incinctus, præsentioribus quaquaversum periculis arctatur. Volentes igitur subditorum curæ nostræ commissorum statum & conditionem continuo exploratam habere, Edictum nostrum 21ma Novembris anni 1661. emanatum intimatum & publicatum de proficito & consilio & assensu Rdi nostri Capituli Cathedralis tenore præsentium innovamus, intimamus, & publicamus mandantes omnibus & singulis Civitatibus & Diocesis nostræ Curatis, & Vice-Curatis in virtute sanctæ obedientiæ, & sub arbitraria pœna, ut infra sex septimanarum spatium suis singuli in Parochiis tam intra quam extra Civitatem nostram Monasteriensem specificè novent, designent, describant, & nostro in Spiritualibus Vicario extradant, numerum, ætatem & conditionem.

Primo Familiarum, Patris ac Matris-familias, liberorum, famulorum, ancillarum, nec non incolarum, viduorum, viduarum, juvenum, & virginum.

2do. Numerum in Paschate communicantium.

3tio. Qui & quot in specie anno proxime elapso 1666. baptizati, Matrimonio copulati, ac defuncti sint.

4to. Qui & quot in Parochiis A Catholicis degant, cujus sectæ, status, sexus, conditionis ac ætatis sint.

5to. An aliqui eorum ad Fidem Catholicam conversi, aut quæ conversionis spes aut medium

6to. Qui & quales extra Parochias sedem fixerint, ubi locorum, & an perversi sint, sive Catholici permanserint.

7mo. An exteri ad Parochiam adveniant, qui locum isthic figant, unde ii, quot, & an Catholici.

8vo. Et cum potissimum perversionis periculo exponantur, qui non solum per ætatem aut hycmem ad loca hæretica mercatum aut laboratum migrare assueverunt, sed vel maximi ii, qui ex hac Diocesi nostra oriundi A Catholicis in vicinioribus Civitatibus & alibi cohabitantes, serviunt, & famulantur, districte inhibemus sub pœna arbitraria, ne a parentibus & tutoribus illud porro concedatur, sed a periculo hujusmodi, & cum dispendio salutis conjuncto famulatu quantocius revocentur, mandantes Pastoribus, & Curatis locorum, ut ad eos studiosius attendant, deferantque ad Nos seu Vicarium nostrum descripta eorum & parentum nomina, & loca habitationis.

Volumus autem clementissime, & tenore præsentium sub comminatione prædictarum pœnarum mandamus, ut accurata, & nitide descripta horum series non solum hac vice, sed vigore hujus & nullius alterius monitionis præviæ, eodem præfixo modo singulis annis ante Synodum autumnalem nostro in Spiritualibus Vicario extradatur.

Porro Executores seu Testamentarii, ne longa eorum procrastinatione piæ testantium voluntates defraudentur, tam ad edenda ultimæ dispositionis elogia, quam ad reddendas ac justificandas rationes a Vicario ex nostra ceu Episcopi & Generalis omnium ultimarum inprimis piarum voluntatum Executoris speciali commissione opportunis quibuscunque mediis compellantur.

Cæterum omnia & singula Mandata, Decreta & Statuta a Nobis & Prædecessoribus lata, publicata, intimata & executata, quatenus iis per Conc. Tridentinum, aliasque nostras Constitutiones derogatum non est, denuo innovamus, confirmamus & intimamus, vos omnes & singulos serio adhortantes, ut qui in sortem Domini e sæculo vocati estis, in omni vita & actione vestra probati vivam Christi imaginem repræsentetis, ne quemadmodum gravitates variorum temporum calamitates populo inflictae non raro Clericorum vitis attributas esse historiæ contestantur, ita nunc, quando elapso proxime autumnno, invalescente per aliquot loca nostræ Diocesis contagione vindicem irati numinis manum sensimus, indigna Cleri conversatio istius aut majoris mali,

mali, ac plebis Dominicæ miserabilis sit occasio subversionis, sed potius studeatis a peccatis abstinere velut populi luminaria statui, & vocationi vestræ congruenter, sobrie, iuste & pie vivere, eique per omnia placere, quo indignante huiusmodi flagella proveniunt, quoque miserante cessant, quem in finem Episcopalem vobis benedictionem impertimur. Dabamus sub manu & sigil-

lo nostro in auge nostra Wolbeck 21ma Martii anno 1667. Regiminis nostri 17.

Christophorus Bernardus mpp.

(L. S.)

Synodus Autumnalis celebrabitur Feria tertia post Festum St. Gereonis & Sociorum Martyrum.

SYNODUS DIOECESANA *Autumnalis*
MONASTERIENSIS,
Eodem anno Christi MDCLXVII.

CELEBRATA,

Præsidibus a Revmo Principe Episcopo deputatis MATTHIA KORFF *con-*
dicto SCHMISINCK, JOANNE RUTGERO A TORCK, JOANNE ALPEN, *Ecce-*
siarum nostræ Monasteriensis, Hildesensis, Mindensis, & Collegiæ ad S. Marti-
num respective Præposito, Decano, Thesaurario & Canonicis nostris,
& Vicario Generali,

DIE 18. OCTOBRIS.

Publicata est in hac Synodo Pastoralis hæc Epistola:

CHRISTOPHORUS BERNARDUS, DEI GRATIA EPISCOPUS
MONASTERIENSIS, S. R. IMP. PRINCEPS, &c. &c.

ET si nihil minus sperandum videbatur, quam fore ut Decretis nostris de statu animarum singulis in Parochiis formando, & a Curatis locorum Nobis transmittendo, in ultima Synodo Diocesana & alias publicis ac intimatis, tam exigua paritio deferretur, ut vix quisquam pro obligatione sibi incumbente desideratam adeo animarum designationem ad Nos, seu Vicarium nostrum destinaret. Interea tamen consideremus, quam severe mandatum sit iis, quibus animarum cura commissa est, vultum pecoris sui agnoscere, ac statum commissi curæ suæ populi certum exploratumque habere, ut quibus in rebus Pastorale officium desideretur, perfectius advertant, & ad hoc prompte benigneque præstandum magis incitentur, illud autem debite curare queant, nisi de subditorum suorum ætate, conditione, numero, moribus & vita speciatim informantur, & Nos quoque ea cura tanto propius tangat, quanto intensius salutem dilecti gregis nostri promovere, & periculis, quibus circumdamur, præsentiori remedio obviare desideramus.

Hinc de præsentu & consensu Rdi nostri Capituli Cathedralis omnia & singula

Tomus X. Concilior. German.

Mandata & Decreta desuper & alias lata & publicata, tenore præsentium innovantes serio & discrete sub pœna arbitraria mandamus, ut Curati locorum non modo omnium & singulorum curæ suæ subditorum nomina, ætatem, conditionem & numerum iuxta ordinem domorum & familiarum infra mensis spatium a præsentis publicatione computandum Nobis, aut Vicario nostro Generali extradant, sed etiam præter libros, quibus baptizati, Matrimonio copulati, ac defunctorum nomina annotantur, designationem quoque status animarum continuo habere, eamque tam in visitationibus nostris & Archi-Diaconorum nostrorum habere, quam prænarrato modo una cum specificatione confessorum & communicantium in Paschate, eorumque qui vel vitiis publicis maculari, aut recens a Fide Catholica decesserunt, vel ab hæresi reducti, & quinam e finibus Parochiæ decesserint, aut vita defuncti sint, & singulos quidem in singulas classes distincte digestos quotannis ante Synodum autumnalem extradere obligentur, ut hinc & de Ecclesiarum statu, & inde de Curatorum vigilantia constare possit, fiatque manifestum, magisne ad profectum,

D

an

an ad defectum Ecclesiae, cui praesunt, inclinaret.

Nec inutile futurum existimamus, si & ipsi Curati librum hunc quot septimanis diligenter percurrerent, & consideratione hac quodammodo accensi, quam cuique curam aut sollicitudinem debent, quosque visitandos, vocandos, aut alio pastoralis officio iuvandos esse judicarent, eam cuilibet, praesertim infirmis operam impendere omnibus viribus conararentur, ne quod multis locis fieri dolenter inaudimus, officio suo abunde satisfactum esse existiment, si ministris Pœnitentiæ, Eucharistiæ, & quandoque Extremæ Unctionis Sacramentis agonizantes deferant, prorsus immemores, quanto in suprema illa luctu praesidio ac spiritali solatio sæpius necesse sit Christi fideles roborari.

Cumque præterea inviti experiamur, quoties ferme sacri Ordines a Nobis conferuntur, ordinandos tales praesentari, qui de Beneficiis provisi, ob evidentem reddituum reputatem itatui Clericali congruenter nec vivere, nec in locis Beneficiorum huiusmodi residere possint, & tamen contra Edicta ac Decreta nostra ad investituram admissi, & in possessionem inducti connotentur: unde defectu sufficientis tituli non solum a sacrorum Ordinum susceptione repelluntur, sed Beneficia hoc modo cum magno Divini cultus detrimento quasi habentur deserta, ac pie Fundatorum voluntates defraudantur. Cui malo pro officio Episcopali occurrere volentes, mandamus iterum & serio, ne quis posthac vel Patronorum ad Beneficia huiusmodi aliquem praesentare, vel jus investendi habentes praesentatum investire, aut instituere praesumant, declarantes tenore praesentium non solum praesentatos huius-

modi ad sacrorum Ordinum susceptionem non admittendos, sed de foundationibus istis auctoritate ordinaria dispositum iri, quod salutari Fundatorum intentioni, Ecclesiarum utilitati, Divino honori augendo, & spiritali fidelium profectui visum fuerit magis expedire.

Demum omnia & singula Decreta & Statuta, antehac publicata, confirmantes, vos omnes in Domino hortamur, ut Deum in puritate & continentia venerari, singulari cordis & carnis castimonia famulari, pietatem, sanamque doctrinam cum vitæ, morumque honestate conjunctam amplecti studeatis.

Sit in vobis sedula quædam, seriæque Ecclesiasticarum functionum rite, decenterque administratarum sollicitudo, ac cura pervigil. Quisque in id incumbat, ut sacra officii sui munera statim vicibus diligenter obeat, horarias preces non minus privatim devote recitet, quam iuxta Ss. Canonum praescriptum, & Ecclesiæ ritum ad aliorum edificationem publice decanter, omniaque ea ad amussim præstet, quæ muneris dignitas, quæ propria vocationis ratio, quod status perfectio, quod commissarum ovium necessitas, quod praestitum ultronea sponsonie jusjurandum videntur postulare. Quem in finem Benedictionem vobis Episcopalem paterne impertimur. Dabamus sub manu & sigillo nostris in castro nostro S. Ludgeri anno 1667. 16ta Octobris.

Christophorus Bernardus mpp.

(L.S.)

*Synodus Quadragesimalis solemniter celebrabitur
Feria tertia post Dominicam Lætare.*

SYNODUS DIŒCESANA *Quadragesimalis* MONASTERIENSIS,

Anno Christi MDCLXVIII. Clementis IX. PP. I.
Leopoldi I. Imp. XII.

HABITA

*Designatis iisdem, qui supra, Commissariis Præsulibus, MATTHIA
KORFF, JOANNE RUTGERO A TORCK, &c. &c.
DIE 13. MARTII.*

Jussu absentis Episcopi promulgata hæc Litera:

CHRISTOPHORUS BERNARDUS, DEI ET APOSTOLICÆ SEDIS
GRATIA EPISCOPUS MONASTERIENSIS, &c. &c.

TAmetsi superioribus hucusque Synodis curæ nostræ commissi morum reformationis multa, quæ tam Cleri, ac populi nem, quam Ecclesiasticæ disciplinæ vigorem pro-

promovere possent, a Nobis statuta, & ex hoc loco debite publicata ac intimata esse arbitremur, quod tamen ea mortalium sit constitutio, ut vel naturæ recalcitrantis, imbecillitate fracti, vel sensibus objectorum diversitate distractis priorum obliti, a Divinis humanisque legibus & optime licet instituti officii semita perpasse desileant, nisi multoties legum memoria reficitur, cureturque per earum vigorem & Superiorum vigilantiam, ut recta earum observatio veluti regula ad veram salutis viam deducantur; Hinc Nos omnia & singula antehac a Nobis, aut Antecessoribus nostris in Synodis Episcopalibus, aut alias decreta, statuta, & mandata, de assensu Rdi Capituli nostri Cathedralis tenore præsentium innovanda, confirmanda, & præcipue sequentia, quæ non ita, ut oporteret, intelligimus observari, denuo intimanda & inculcanda duximus.

Inprimis vero, ut nemo ad cujuscunque Beneficii Parochialis, seu curati investituram seu possessionem admittatur, nisi ad eam animarum administrandam, uti habitum & idoneum, per legitimum instrumentum a Nobis, aut Vicario nostro obtentum, prius docuerit authoritate ordinaria admissum & approbatum esse.

Ad Beneficia vero simplicia præsentati, seu alias de iis provisi nullatenus investiantur, nisi ætate, morum honestate, & scientia ad obligationem Beneficii annexam debite exequendam necessaria, aliisque qualitatibus de jure vel mente Fundatorum requisitis commendati existant, & considerata reddituum quantitate propria manu in antea se se obligent, quod intra terminum a jure vel fundatione præfixum in loco Beneficii residere, & onera personaliter subire velint, idque in duplo, ita ut unum exemplar investienti, alterum Vicario nostro extradatur. Quod si secus factum fuerit, declaramus per præsentem, non solum hujusmodi prætenso provisos Beneficiorum fructus nullatenus facere suos, sed & jure quocunque indebite acquisito privandos esse.

Beneficiati seu Vicarii in Collegiatis aut Parochialibus Ecclesiis provisi statutis horis choro & decantando officio personaliter intersint, quod si in eo negligentes deprehensi fuerint, ad penarum alias comminatarum executionem absque ulla alia monitione procedi faciemus; si vero, qui cum dispensatione in pluribus Ecclesiis præbendati fuerint, ne propter eorum absentiam vel legitimam in una earum Ecclesiarum occupationem Divinus cultus detrimentum patiatur, Vicarius noster adhibito Prælatorum consilio statuet, quod Fundatorum intentioni, Ecclesiarum utilitati, & Divino honori augendo magis visum fuerit expedire.

Tomus X. Concilior. German.

Monemus item, & compellimus omnes & singulos Testamentarios, seu testamentorum Executores, ut qui post lapsum anni a die obitus disponentis de peracta executione necdum rationes & reliqua reddiderunt, sub poenis Synodalibus Statutis inferitis, infra bimestre spatium coram Vicario & Sigillifero nostro easdem reddant & justificent, alioqui contra eos nulla monitione alia mediante procedetur.

Quemadmodum alias statuimus & demandavimus, ut nulli posthac Matrimonio copularentur, nisi de necessariis scitu & creditu ad salutem tam necessitate præcepti quam medii sufficienter instructos esse ex præviso examine appareret, ita eidem quoque Decreto adhuc in hæremus, declarantes nihilominus & mandantes Parochis & Curatis, ne Matrimonium contracturi tempore futuræ copulationis cum magna sui confusione & pusillorum scandalo rejiciantur, ut examen hujusmodi ante proclamationes consuevas præmittatur.

Volumus insuper, ut singuli Parochiani circa tempus Paschæ in Parochialibus suis Ecclesiis communicent, eorumque rationem Curati habeant, Confessio autem cuilibet libera relinquatur, ad quod Concionatores de Clero, tam Regulari, quam sæculari Auditores suos serio cohortabuntur.

Cæterum cum videamus ex Catholicorum Regum discordiis magnam Orthodoxæ Europæ partem bellorum molus agitari, quibus paulatim in summum Catholicæ Religionis detrimentum totus posset Christianus orbis involvi tanto majore cum periculo, quanto certius est pace adhuc remota heterodoxos Catholicorum discordiis confidentiores, periculosisque fœderibus potentiores vires & animos sumere, & malum hoc dilectam patriam, & gregem nostrum eo propius tangat, quo formidabiliores sint ii, quibus circumquaque cincti sumus, hinc vos omnes & singulos in Domino adhortamur, ardentissimis Deum precibus exorare non intermitatis, ut fidem Catholicam protegere, ab hostium conatibus & insidiis defendere, Principibus Christianis pacem & veram concordiam donare, & maxime præsentibus Ecclesiæ necessitatibus subvenire clementissime dignetur, quod a vobis præcipue fieri vehementer optamus, eumque in finem Episcopalem benedictionem imperiatur. Dabamus sub manu & sigillo nostris in Civitate nostra Monasteriensis anno 1668. 12ma Martii.

Christophorus Bernardus mpp.

(L.S.)

D 2 SYNO.

SYNODUS DIOECESANA *Autumnalis* MONASTERIENSIS,

HABITA

Eodem anno Christi MDCLXVIII.

Deputatis Commissariis Præsidibus JOANNE RUTGERO A TORCK,
JOANNE ADOLPHO KORFF *condicto* SCHMISINK, JOANNE ALPEN
Vicario Generali in Spiritualibus.

DIE 16. OCTOBRIS.

Publicata in ea sunt sequentes Declarações jussu Episcopi absentis.

CHRISTOPHORUS BERNARDUS, DEI ET APOSTOLICÆ SEDIS
GRATIA EPISCOPUS MONASTERIENSIS, &c. &c.

Multa satis pro obligatione nostra & instituto vestro superioribus hucusque Synodis Decreta, Mandata, & vitæ quasi regulas ex hoc loco dedisse, nec tam ea, quam accuratam eorum observantiam pro nunc inculcandam esse clementissime judicamus; Considerantes autem, quam laudabile sit uniformitatem Ecclesiæ Romanæ imitari, ut sicut unum Pastorem, Rectorem & Caput ac Christi in terris Vicarium agnoscamus, & veneramur, ita unanimi quoque concordia & consensu, quæ ab eadem Sancta Sede salubriter ordinata & sancita sunt, prompte amplectamur.

Hinc Nobis de præscitu Reverendi Capituli nostri Cathedralis visum fuit, iisdem verbis, quæ in Pontificali Romano, & methodo Synodorum ibidem præscripta, velut compendium eorum, quæ propius ad vitam & disciplinam Ecclesiasticam, proximique ædificationem pertinent, succincte continentur, vos de Clero nostro in Synodica hac Sessione congregatos alloqui, admoneri & adhortari:

FRATRES DILECTISSIMI, ET SACERDOTES DOMINI, COOPERATORES
ORDINIS NOSTRI ESTIS.

Nos quamvis indigni locum Aaron tenemus, vos autem locum Eleazari & Ithamari. Nos vice duodecim Apostolorum fungimur, vos ad formam septuaginta duorum Discipulorum estis, Nos Pastores vestri sumus, vos autem Pastores animarum vobis commissarum. Nos de vobis rationem reddituri sumus Summo Pastori nostro Dno JESU CHRISTO, vos de plebibus vobis commendatis. Et ideo, Fratres Dilectissimi! videte periculum vestrum. Admonemus itaque, obsecramus Fraternitatem vestram,

" ut, quæ vobis suggerimus, memoriæ commendetis, & opere exercere studeatis.

" Inprimis admonemus, ut vita & conversatio vestra sit irreprehensibilis.

" In domibus vestris mulieres non cohabitent.

" Omni nocte ad nocturnas horas surgite.

" Officiam vestram horis certis decantate.

" Nullus, nisi jejunus, Missam celebret, & non in vestibus communibus, sed sacris & nitidis, amictu, cingulo, manipula, stola & casula, quæ ad alios usus non servantur.

" Missas religiose celebrate.

" Corpus & Sanguinem Domini nostri JESU CHRISTI cum omni reverentia & tremore sumite.

" Corporalia mundissima sint.

" Vasa sacra propriis manibus abluite, & extergite diligenter.

" Nulla femina ad Altare Domini accedat, nec calicem Domini tangat.

" Altare sit coopertum mundis linteis, saltem tribus diversis, & desuper nihil ponatur, nisi reliquiæ ac res sacræ & pro Sacrificio opportune.

" Missale, Breviarium, & Martyrologium unusquisque habeat.

" Ecclesiæ vestræ bene sint coopertæ & mundæ.

" In Sacristiis sive Secretariis, aut juxta Altare majus sit locus præparatus ad infundendam aquam ablutionis corporalium & vasorum sacrorum, ac manuum, postquam Sacrum Christina, aut Oleum Catechumenorum, vel Infirmorum tractaveritis, ibique pendeat vas cum aqua mun-

" da pro lavandis manibus Sacerdotum, &
 " aliorum, qui rem sanctam & officium Di-
 " vinum sunt peracturi, & prope linteum
 " mundum ad illas abstergendum.

" Arria Ecclesiae sint bene munita.

" Nullus sine scitu & consensu nostro
 " per potestatem saecularem Ecclesiam ob-
 " tineat.

" Nullus Ecclesiam, ad quam intitula-
 " tus est, dimittat, & ad aliam quaestus gra-
 " tia se transferat.

" Nullus plures Ecclesias sine titulo, &
 " contra sacrorum Canonum dispositiones
 " nancisci praesumat.

" Nullatenus etiam una Ecclesia inter
 " plures dividatur.

" Nullus extra Ecclesiam in locis non
 " consecratis celebret.

" Nullus alterius Parochianum, nisi iti-
 " nerantem, & tunc de Rectoris sui licentia
 " ad Communionem recipiat.

" Nullus in alterius Parochia absque
 " proprii Sacerdotis licentia Missam ce-
 " lebrat.

" In celebratione quisque calicem, &
 " oblata non circulo aut digitorum vacilla-
 " tione, ut quidam faciunt, sed junctis &
 " extensis digitis Cruce signet, sicque bene-
 " dicat.

" Calix & patena sint aurei vel argen-
 " tei, non aerei aut aurichalcei, vitrei vel
 " lignei.

" Quisque Presbyter Clericum habeat
 " vel Scholarem, qui cum eo Psalmos can-
 " ter, Epistolam & Lectionem legat, & in
 " Missa respondeat.

" Ipse quoque Presbyter infirmos visi-
 " tet, & reconciliet, & juxta Apostolum
 " propria manu communicet, Oleo Sancto
 " inungat.

" Nullus praesumat tradere Commu-
 " nionem Laico, aut foeminae ad deferen-
 " dum infirmo.

" Nullus pro baptizandis infantibus,
 " sive adultis, aut infirmis reconciliandis,
 " aut mortuis sepeliendis, praemium vel mu-
 " nus exigit.

" Per negligentiam vestram nullus in-
 " fans sine Baptismo, aut adultus sine Com-
 " munionem pereat.

" Nullus vestrum sit ebriosus, aut liti-
 " giosus.

" Nullus arma ferat.

" Nullus canum aut avium jocis inser-
 " viat, nullus in tabernis bibat.

" Quisque vestrum, quantum sapit, de
 " Evangelio, Dominico & ceteris Festivis
 " diebus suae plebi annuntiet.

" Verbum Domini praedicare.

" Curam pauperum, peregrinorum,
 " viduarum & orphanorum habete, ipsos-

" que peregrinos ad prandium vestrum vo-
 " cate.

" Estote hospitales, aliis exinde bonum
 " exemplum praebentes.

" Singulis diebus Dominicis ante Mis-
 " sam aquam, qua populus aspergatur, be-
 " nedicite, ad quod proprium vas habere.

" Sacra vasa & vestimenta Sacerdotalia
 " nolite negotiatori aut tabernario in pig-
 " nus dare.

" Minus digne penitentem, cujuscun-
 " que rei gratia ad reconciliationem non ad-
 " ducite, neque ei reconciliationis testimo-
 " nium perhibere.

" Usuras non exigit.

" Nec facultates vestras post ordina-
 " tionem vestram acquisitas alienate, quo-
 " niam Ecclesiae sunt.

" Nullus etiam res, possessiones, aut
 " mancipium Ecclesiae vendere, commuta-
 " re, aut quocunque ingenio praesumat alie-
 " nare.

" Nullus decimam ad alium pertinen-
 " tem recipiat.

" Nullus penitentem carnem mandu-
 " care, aut vinum bibere invitet, nisi pro
 " eo tunc elemosynam fecerit.

" Quisque fontes baptismales lapideos
 " habeat bene mundos, quos si habere non
 " poterit, vas aliud ad hoc opus solum de-
 " putatum teneat.

" Omnibus Parochianis vestris Sym-
 " bolum Apostolorum, & Orationem Do-
 " minicam insinuate.

" Jejunia Quadragesimae, quatuor Tem-
 " porum, & alia Ecclesiae Mandata signifi-
 " cate observanda.

" Ante Quadragesimam quarta feria
 " populum ad peccatorum Confessionem in-
 " vitare, & confessis juxta qualitatem cri-
 " minum penitentiam injungere.

" Tribus temporibus in anno, id est,
 " Nativitate Domini, Pascha & Pentecoste
 " omnes fideles accedere ad Communionem
 " Corporis Domini nostri JESU CHRISTI
 " admonere, & ne desit ullus, quin saltem
 " in Pascha communicet.

" Certis temporibus conjugatos absti-
 " nere ab uxoris exhortamini.

" Nullus vestrum rubeis, aut viridibus,
 " vel laicalibus vestibus utatur.

" Diem Dominicam & ceteras festivi-
 " tates absque opere servili a vespera in
 " vesperam celebrari docete.

" Cantus & choreas mulierum in atrio
 " Ecclesiae prohibere.

" Incantationes super mortuos noctur-
 " nis horis a vulgo fieri consuetas contesta-
 " tione Dei Omnipotentis vetare.

" Cum excommunicatis nolite com-
 " municare.

" Ne quis vestrum in sorum præsen-
tia celebrare præsumat, quod etiam plebi
nuntiaret.

" Et nullus ex plebe uxorem domum
ducatur, nisi prius nuptiæ temporibus ab
Ecclesia permissis publice fuerint cele-
brata.

" Quod nullus ad raptam, vel constan-
tineam accedat, aut alterius sponsam du-
ducatur, omnimodis prohibere.

" Porcarios & alios pastores saltem Do-
minica die faciatis venire ad Missam.

" Paternos, ut filios Symbolum, &
Orationem Dominicam doceant, aut de-
ceri faciant, exhorramini.

" Sacramentum Eucharistiæ, Sanctum
Christum, & Oleum Catechumenorum ac
Sanctum, seu infirmorum in Ecclesia in
loco mundo, concedenti & securo sub
fera & fida custodia diligenter servate.

" Quisque vestrum expositionem Sym-
boli, & Orationis Dominicæ juxta ortho-
doxorum Patrum traditiones penes se ha-
beat, easque, atque Orationes Missarum,
& Epistolas, Evangelia & Canonem be-
ne intelligat, ex quibus prædicando po-
pulum sibi commissum sedulo instruat, &
maxime non bene credentem.

" Introitum Missæ, Orationes, Episto-
lam, Graduale, Evangelium, Symbo-
lum, & cætera non Secreta alta & intelli-
gibili voce proferat.

" Secreta vero & Canonem morose &
distincte submissa voce legat.

" Psalmorum verba & distinctiones re-
gulariter cum canticis consuetis intelli-
gibiliter pronuntiet.

" Symbolum S. Athanasii de Trinitate
& Fide Catholica memoriter teneat.

" Exorcismos & Orationes ad Car-
chumenos faciendos, ac reliquas preces
super masculinam & feminam, pluraliter

& singulariter respective, distincte pro-
ferat.

" Ordinem baptizandi & ad succurren-
dum infirmis, reconciliationis, & com-
mendationis animæ, & in agendis ex-
celsis defunctorum juxta modum canonici
cum observet.

" Exorcismos & benedictiones salis &
aquæ pertinenter legat.

" Canticum diurnum & nocturnum
sciat.

" Computum etiam minorem ad inve-
niendum litteram Dominicalem, tempus
intervalli diei Paschæ & majorum mobi-
lium Festorum non ignoret.

" Volumus autem, Fratres Dilectissi-
mi, quatenus quæ nostra præcepistis tra-
ditione, bonis studeatis operibus adim-
plere, præstante Domino nostro JESU
CHRISTO, cui cum Patre & Spiritu
Sancto est honor & gloria in sæcula sæ-
culorum."

Quæ sicut ab Apostolica Sede Spiritus
Sancti directione salubriter ordinata sunt,
ita vos obedientissimo animo parituros con-
fidimus.

Demum omnia & singula Decreta,
Processus, Mandata, & Edicta nostra, vel
Prædecessorum nostrorum autoritate in &
ex hoc loco publicata & intimata, de præ-
scitu Rdi Capituli nostri Cathedralis denuo
innovamus & confirmamus, nostrasque in-
tentiones bonum Religionis & Imperii spe-
ctantes, Precibus & Sacrificiis vestris enixe
commendantes, Benedictionem vobis Epi-
scopalem paternè impertimur. Ita dabimus
ex arce nostra Sassenberg die 14ta Octobris
anno 1668.

Christophorus Bernardus mpp.

(L. S.)



SYNODUS DIOECESANA *Verna* MONASTERIENSIS,

Anno Christi MDCLXIX. Clementis IX. PP. II.
Leopoldi I. Imp. XIII.

HABITA

DIE 2. APRILIS.

Commissarii Præsides Deputati: CHRISTIANUS A PLETTENBERG, JOAN-
NES RUTGERUS A TORCK, JOANNES ADOLPHUS KORFF *conditus* SCHMI-
SINCK, JOANNES ALPEN, *Vicarius Generalis in Spiritualibus.*

In loco solite Congregationis Synodalis jussu Episcopi absentis publicata sunt sequentia:

CHRISTOPHORUS BERNARDUS, DEI ET APOSTOLICÆ SEDIS
GRATIA EPISCOPUS MONASTERIENSIS, S. R. I. PRINCEPS, &c. &c.

Quæ humani corporis, adeoque rerum
sublunarium omnium perpetua vicif-
situs est (cælestibus orbibus quasi
ære fufis, ubi stellæ dant lumen in custodiis
a corruptibilitate exemptis) nihil est, ut tam
solido iter gradu vel pede, nihil adeo fir-
mis compactum sit nervis, inconcussis illi-
gatum principiis, quin ad sui conservatio-
nem, in quotidiani defectus reformationem
fomento, insuper exteriori custodia, basis
laterumque observatione indigeat, qua mil-
le propulsentur pericula, & contrariorum
amotione ab interitu vindicentur vel lapsu.
Parem omnino corpori mystico, quantum-
cunque illud optimis, sanctissimisque legi-
bus, uti propulsandæ dissolutionis repagulis
fuerit coagmentatum, naturam ac rationem
inesse nemo inficiabitur, quisquis in illud
animi oculos deflexerit, ejusque conditio-
nem intima consideratione sibi præsentarit;
ut proinde quælibet communitas æque ac
mortale corpus, quod calor natus depascit,
tempus edax debilitat, senium in morbos
& mortem præcipitat, multiplici præsidio
foveri, & congruis adminiculis, cohorta-
tionibusque animi debeant subinde excitari,
quo defectibus tandem emendatis, qui ceu
torpor quidam bene ceptis obrepunt, ad
primordia vocationis, institutionisque suæ
se erigant, & ab imo in altum corde & co-
gitatione assurgant.

Quare ad compescendos seu abolen-
dos, in quantum possumus, abusus seu in-
decentia quæcunque, si quæ in Clero vel
populo nostro irrepserunt, imprimis S.
Conc. Tridentini Decreta tam doctrinam fi-
dei, quam reformationem vitæ ac morum
respicientia, alias a Nobis, & Antecessoribus

nostris ex hoc loco sæpius intimata, de
consilio & assensu Ven. Capituli Ecclesiæ
nostræ Cathedralis omnibus & singulis ite-
rum & serio intimamus, mandantes distri-
cte, quatenus omnes & quæcunque suspectæ
mulieres non solum domibus, sed etiam
civitatibus, oppidis & pagis ita a Clerico-
rum conversatione excludantur, ut nihil
possit de iis sinistra suspitionis moveri.

Item a crapula & ebrietate diligenter
abstineant.

Tabernas publicas, nisi forsân in itine-
re constituti, nullatenus visitent.

Ludos, aliosque actus illicitos non fre-
quentent.

Usuras, Simoniam, officia & commer-
cia sæcularia non exercent.

Tonsuram & vestes Clericales ultra ge-
nuâ propendentes gestent.

Beneficia vero Ecclesiastica habentes,
ad sacros Ordines juxta eorum fundationem
requisitos, se promoveri faciant & procu-
rent.

Omnes & singuli testamentorum seu
ultimarum voluntatum quarumcunque per-
sonarum Ecclesiasticarum Executores infra
annum & sex septimanas tum poenarum
tam a sacris Canonibus, quam Nobis &
Prædecessoribus nostris facta comminatione
de concedito sibi executorio munere ratio-
nes & reliqua reddant. Quod si autem huic
nostræ monitioni seu nunc, seu alias non pa-
ruerint, contra eosdem non solum ad com-
minatam punitionem, sed & executionem
ejus, quod eo casu Ordinario competit, ci-
tra aliam monitionem Episcopali autoritate
procedemus.

Infu-

Insuper monemus quosunque de jure vel consuetudine jurisdictionem habentes primo & secundo, conjunctim ac divisim, ut infra mensis spatium a dato presentium proxime & immediate sequens excessus culpabiles in subjectis corrigant.

Beneficiati item absque legitima causa a Nobis præcognita, aut sine speciali nostra licentia absentes, intra mensem Nobis, aut Vicario nostro se se relevanter purgent, quare nec faciant, nec fecerint in loco Beneficiorum suorum Residentiam personalem.

Et quia præcipua cura adhibenda est, ut in Parochialibus Ecclesiis, quæ Sacramentorum administrationem & prædicationem celestis eloquii concernunt, omnia rite, decenterque fiant, hinc nemo de Beneficio Pastoralis seu qualitercunque Curato investiri debet, nisi ante legitime per examen ad hoc idoneus judicatus, seu approbatus fuerit, & inantea investienti exhibuerit obtentæ hujusmodi approbationis instrumentum. Declarantes, si quos eo neglecto ad investituram admitti contingat, nihil eam prætenso investito juris tributuram, sed insuper, cum postmodum idonei fuerint reperti, contra hujusmodi transgressores severe procedendum esse.

Deinde cum juxta Decretum S. D. N. S. recordationis ALEXANDRI VII. Feria quinta die 30. Januarii anno 1669. publicatum, Regulares Ordinum mendicantium semel approbati ab uno Episcopo ad confessiones audiendas in sua Diocesi, non habeantur approbati in aliis Diocesium, sed nova Episcoporum indigeant approbatione, nec habeant potestatem absolvendi a peccatis Episcopo reservatis, nisi hæc ipsis ab Episcopo indulta fuerit; Hinc inhibemus universis & singulis Ecclesiarum quarumcunque

Rectoribus, & Curatis, ne Regulares hujusmodi in suis Ecclesiis, Oratoriis, vel Capellis ad confessiones Christi fidelium audiendas, aut verbum Dei prædicandum admittant, nisi primum per Nos, five nostrum in Spiritualibus Vicarium fuerint approbati & admissi, & hujusmodi admissionem ac licentiam legitime docuerint.

Nemo autem five secularis, five Regularis fuerit, Sanctionum Confessiones excipere, easdemque in foro conscientie absolvere præsumat, nisi prius a Nobis, aut Vicario nostro specialem ad hoc obtinuerit approbationem. Qui vero id docere non possunt, iis præcipimus sub pena excommunicationis latæ sententiae, ut a Confessionibus audiendis, & verbi DEI prædicatione omnino abstinant.

Cæterum superiora Edicta, Mandata & Decreta nostra innovantes, omnes & singulos de Clero nostro paternè exhortamur, ut, cum nihil ad pietatem & DEI cultum alios assidue magis instruat, quam eorum vita & exemplum, qui se Divino ministerio dedicaverunt, quique a rebus sæculi in altiora sublati locum ab omnibus conspiciantur, ita vitam moresque suos componant, ut nil nisi grave, moderatum ac Religione dignum præ se ferant, ex eorumque actionibus fumant alij, non minus quod cunctis afferat venerationem, quam quod singuli studiose imitentur. Quo fine Episcopalem vobis benedictionem ex animo imperimus. In fidem præsentem manū nostra subscriptas, sigilloque nostro roboratas dedimus in Monasterio nostro Bentlagen 30ma Martii anno 1669. Regimini nostro 19no.

Christophorus Bernardus mpp.

(L.S.)

SYNODUS DIOECESANA *Autumnalis* MONASTERIENSIS,

HABITA

Eodem anno Christi MDLXIX.

DIE 15. OCTOBRIIS.

Deputati ab Episcopo Commissarii Præsides: MATTHIAS KORFF *condictus*
SCHMISINCK, JOANNES RUTGERUS A TORCK, JOANNES ALPEN
Vicarius Generalis in Spiritualibus.

In eâ jussu Episcopi absentis publicata sunt sequentia:

CHRISTOPHORUS BERNARDUS, DEI ET APOSTOLICÆ SEDIS
GRATIA EPISCOPUS MONASTERIENSIS, &c. &c.

Humano vix judicio ita bene quidquam
& providenter sanciri potest, quin
usque sæpe aperiat, doceatque id, quod salu-
briter statutum est, non ea semper, qua
opor-

oportere, promptitudine ad amissum observari, sed contra salutaris Legislatorum intentiones, five vano privilegiorum quorundam prætextu, five irrita aliarum exceptionum obmatione, non raro etiam cum salutis animarum periculo interverti. Quod in iis, quæ circa Regulares, & Confessarios tam ordinarios, quam extraordinarios Religiosorum, nec non Administratores temporalium bonorum apud eandem a Pontifice GREGORIO XV. in Bulla, quæ incipit: *Inscrutabili Dei providentia*, &c. salubriter ordinata sunt, cognoscimus evenire. Quæ tametsi superioribus Synodis a Nobis de consensu Rdi Capituli nostri Cathedralis ex hoc loco & alias debite publicata & intimata sit, ad eliminandam nihilominus affectatam quorundam ignorantiam, & tanto securius animarum salutis consulendum expedire judicavimus eandem denuo omnibus & singulis, ad quos quomodolibet pertinere poterit, de verbo ad verbum publicare. Et quæ tenoris subsequenti:

GREGORIUS EPISCOPUS, &c.

" *Inscrutabili Dei providentia universalis*
" *Ecclesiæ regimini &c.*"

Quare Decretis nostris, & Bullæ huic GREGORIANÆ insistentes omnibus & singulis, quos prædictæ Ordinationes quomodolibet concernunt, serio demandamus, ut quæ de exemptionum privilegiis, Regularium vita & moribus, animarum cura, Confessoriorum approbatione, Sacramentorum administratione, Sanctimonialium Monasteriis, earumque clausura & gubernio, nec non prædicatione verbi Dei, tam in præinferta GREGORIANA, quam occasione quorundam super eadem dubiorum a Summis Pontificibus & sacra Congregatione Cardinalium Concilii Tridentini interpretum editis Constitutionibus ac declarationibus salubriter ordinata, decisa, vel declarata, & mandata sunt, firmiter & inviolabiliter observent, ceteroqui contra inobedientes per censuras & pœnas virtute hujusmodi Constitutionum, & prout alias de jure

possumus, procedemus, & procedi faciemus.

Dénun Proccssus, Mandata, Decreta & Statuta tam fidem, quam vitam & mores concernentia in præcedentibus Synodis nostra vel Prædecessorum nostrorum auctoritate publicata & insinuata, per præsentium tenorem innovamus, & confirmamus, vos omnes & singulos ipsis S. Conc. Tridentini verbis in Domino hortantes, quod *Sess. 22. C. 1. de Reformat.* sic inquit:

" Nil est, quod alios magis ad pietatem & Dei cultum assidue instruat, quam eorum vita & exemplum, qui se Divino ministerio dedicaverunt. Cum enim a rebus sæculi in altiorum sublati locum conspiciantur, in eos tanquam speculum reliqui oculos injiciunt, ex hisque sumunt, quod imitentur. Quapropter sic decet omnino Clericos in sortem Domini vocatos, vitam moresque suos omnes componere, ut habitu, gestu, incessu, sermone, aliisque omnibus rebus nil nisi grave, moderatum, ac Religione plenum præ se ferant; levia etiam delicta, quæ in ipsis maxima essent, effugiant, ut eorum actiones cunctis afferant venerationem. Cum igitur, quo majore in Ecclesia Dei & utilitate & ornamento hæc sunt, ita etiam diligentius sint observanda, statuit Sancta Synodus, ut quæ alias a Summis Pontificibus, & a Sacris Conciliis de Clericorum vita, honestate, cultu doctrinaque retinenda, ac simul de luxu, comestationibus, choreis, aleis, lufibus, ac quibuscunque criminibus; nec non sæcularibus negotiis fugiendis copiose ac salubriter sancita fuerunt, eadem in posterum iisdem pœnis vel majoribus arbitrio Ordinarii imponendis observentur."

Quæ ut vos tanto promptius observare & exequi studeatis, Nos vobis benedictionem Episcopalem impertimur. In quorum omnium fidem præsentem literas manu propria subscriptas, sigilli quoque nostri subimpressione jussimus communiri. Datas in arce nostra Sassenberg 12ma Octobris anno 1669.

- I. In Synodo Quadragesimali habita 18va Martii anno 1670, sancita rursus ea, quæ habentur in Epistola Pastoralis h. Tom. pag. 21., & pro more Deputati Commissarii Præsides: Christianus a Plettenberg, Rotgerus a Torck, Goswinus a Drofte, Joannes Alpen Vicarius Generalis.
- II. In Synodo Episcopali Autumnali 14. Octobris ejusd. anni publicata est Constitutio Sanctissimi D. N. CLEMENTIS Papæ X. Qua Regularium privilegia quoad prædicationem verbi Dei & Sacramenti Pœnitentiæ administrationem declarantur tenoris sequentis: Suprema magni Patrisfamilias præordinatione &c. &c. Deputati etiam Commissarii Præsides ab Episcopo Principe: Joannes Rutgerus a Torck, Matthias Korff conditus Schmisinck, ac Joannes Alpen Vicarius Generalis.

Tomus X. Concilior. German.

E. SYNO.

SYNODUS DIOECESANA *Quadragesimalis*
MONASTERIENSIS,

Anno Christi MDCLXXI. Clementis X. PP. II.
Leopoldi I. Imp. XIII. (*)

CELEBRATA

Fussu ejusdem CHRISTOPHORI BERNARDI a GALEN,
Monasteriensium Episcopi,
DIE 10. MARTII.

Commissarii Episcopales deputati JOANNES RUTGERUS a TORCK, CHRISTIANUS a PLETTENBERG, JOANNES ADOLPHUS KORFF *condictus* SCHMIDTCK, BERNARDUS MODERSOHN J.U.L., JOANNES ALPEN
Vicarius Generalis.

Publicata sunt, Episcopo absente, sequentes Litera Pastorales:
CHRISTOPHORUS BERNARDUS, DEI ET APOSTOLICÆ SEDIS
GRATIA EPISCOPUS MONASTERIENSIS &c. &c.

Multa satis pro obligatione nostra & instituto vestro superioribus hucusque Synodis Decreta veluti quasdam Ecclesiasticæ vitæ regulas ex hoc loco dedimus, nec repetitionem eorum adeo necessariam, quam accuratam singulorum observantiam, & qualem ex animo desideramus, majorem in plerisque vivendi perfectionem pro nunc commendandam esse clementissime judicavimus. Vos enim, qui præeunte cælesti vocatione, relictis mundi illecebris, in Dei sortem, ejusque sanctuarium assumpti estis, nec immerito ab Apostolorum Principe genus electum, regale Sacerdotium, genus sancta, populus acquisitionis vocamini, imprimis decet, ut sicut dignitate supra vulgus eminetis, ita sanctitate vitæ, & morum perfectione excellere studeatis.

Sane prudenter ac sancte Trid. Synodi Patres, sacrique Canones statuerunt, non solum oportere Ecclesiasticos omnes consuetudinem Clericalem & proprio congruentes Ordini semper vestes ferre, ut per decentiam habitus extrinseci, morum honestatem intrinsecam demonstrarent, & ab omni suspecta mulierum conversatione, tabernarum publicarum frequentatione, ludis, aliisque actibus illicitis diligenter abstinerent, sed etiam vitam, moresque suos ita componerent, ut habitu, gestu, incessu, aliisque omnibus rebus nihil, nisi grave, moderatum, & Religione plenum præ se ferrent, & caverent studiose, quidquid esse posset a tam sancto instituto alienum, quicunque per sacrorum Ordinum susceptionem Divinis Ministeriis & Ecclesiæ perpetuo essent dedi-

cati, ne quod olim Hebræorum Sacerdotio minatus est Deus, eveniat: O Sacerdotes, quia recessistis de via, & scandalizastis plurimos in lege, & irritum fecistis pactum Levi, propter hoc ego dedi vos contemptibiles & humiles in omnibus populis. Quod, ne fiat, hortamur vos cum gentium Doctores Patrono nostro, ut digne ambuletis vocatione, qua vocati estis, cum omni humilitate & mansuetudine, nemini dantes ullam offensionem, ut non vituperetur ministerium vestrum, sed in omnibus exhibeatis vos ipsos sicut Dei Ministros, & fideles Dispensatores Mysteriorum ejus. Et quia a vobis populi beatitudo plurimum dependet, vitam in timore Dei ab omni crimine & criminis suspicione liberam instituentes eam, quæ in vobis est per impositionem manuum Episcopalem, & Presbyterii gratiam, in Divinis Officiis devotionem, erga proximos charitatem, erga vos ipsos vero sanctitatem servare, omnibusque præluere pertinaci diligentia studeatis. Quem in finem Episcopalem vobis Benedictionem impertimur, Nos & intentiones nostras, quæ ad solius Religionis ac dilectæ Patriæ bonum collimant, Sacrificiis & Precibus vestris enixe commendantes. In fidem præsentis Pastoralis literas manu & sigillo nostris roboratas, dedimus in nostro Castro S. Ludgeri 6ta Martii anno 1671. Regiminis nostri 21mo.

Christophorus Bernardus mpp.
(L.S.)

SYNO-

(*) Pag. 26. h. Tom. legendum: Anno Leopoldi I. Imp. X.

SYNODUS DIOECESANA *Autumnalis* MONASTERIENSIS.

Eodem anno Christi MDCLXXI.

CELEBRATA

Fussu ejusdem CHRISTOPHORI BERNARDI a GALEN,
Monast. Episcopi,

DIE 13. OCTOBRIS.

Commissarii Episcopales deputati JOANNES RUTGERUS a TORCK, MAT-
THIAS a KORFF *conductus* SCHMISINCK, GERHARDUS KEMPER J.U.D.
JOANNES ALPEN *Vicarius Generalis.*

In hac Synodo publicatæ sunt sequentes Constitutiones, Episcopi absentis:

CHRISTOPHORUS BERNARDUS, DEI ET APOSTOLICÆ SEDIS
GRATIA EPISCOPUS MONASTERIENSIS, &c. &c.

Inter immensas Pastoralis curæ sollicitudines non minima sane censenda est illa, qua summo semper studio Ecclesiarum Prælati, & animarum Curatores obligantur vigilare, ut vitia ea, quorum gravitate benignissimus Deus potissimum ad iracundiam iustam provocatus, varias nationibus ac terribilibus calamitatibus immittere consuevit, ex animis subditorum prorsus extirpentur. Inter ea execrandum blasphemiarum crimen, inordinatam Divini Nominis usurpationem, liberam illam male imprecandi, jurandique consuetudinem, vanam observantiam, & quascunque superstitiones non ultimo loco collocanda judicamus.

Et quamquam eo fine diversa alias Decreta, Edictaque a Nobis publicata & innovata sint, quia tamen criminum hujusmodi impietatem & impudentiam eo prolapsam dolenter intelligimus, ut in iis coercendis vix satis diligentia adhiberi posse videatur, maxime apud simpliciores populum præ inveterata consuetudine existimantem delicta hæc vix adeo gravia haberi, quam malitia in iis contenta ea ratione objecti quod læditur, alias importat.

Volentes igitur, non solum hujusmodi mala evelli, sed etiam Religionem, veramque pietatem omni zelo ac diligentia subditorum mentibus infundere, ne Divina Bonitas tanta noxarum immunitate lacerata, majoribus nos malis involvi patiatur. Hinc priora nostra Mandata præsentium auctoritate innovantes, de consensu Ven. Capituli nostri Cathedralis serio mandamus, ut Curati, Concionatores, & Confessarii in jam enarrata & alia id genus vitia zelose inve-

Tomus X. Concilior. German.

hantur, ac propositis non solum poenis æternis ac temporalibus propterea non raro a Deo intentatis, sed etiam comminatione severissimæ animadversionis sacris æque ac profanis constitutionibus statutæ, certoque infligendæ, pravam hujusmodi consuetudinem tollere satagant, & extirpare.

Moneant etiam parentes, ut singularem prolium suarum rationem habeant, easque non solum in Scholis & Templis recte orandi methodo instrui curent, sed & a plaris & suspecta aliorum conversatione arceant, compellantque, ut cum primis vespere & mane contra quascunque insidiosi hostis technas fufis domi pie ad Deum precibus se se muniant, ne quod admirari magis, quam perscrutari licet, parvulos vix in aliqua ætate constitutos, vel ipsiusmet Demonis vel satellitum suorum opera misere seductos, serius deplorent.

Quod ut tanto certius observari possit, volumus ariolos e Parochiis & tota Dicecesi eliminari, in eosque studiosius inquiri, qui hujusmodi impostores etiam in vicinis locis commorantes seu consulere, seu remedia defectibus morbisve curandis adhibere præsumpserint, quæ non a medica arte, sed superstitione proficiuntur.

Ut autem concreditas oves ea mali enormitas latere non possit, in concionibus & utilissime in Catecheticis exhortationibus, tanto quidem potiore studio & affectu docendi sunt, quanto uberiores ex eo ut plurimum fructus, animarumque proventus colligi possunt, ne quod, pro dolor! alias sæpius, plures animæ etiam his temporibus defectu instructionis a salutis via aberrant,

& tandem in perditionis abyssum devolvantur; eumque in finem. Mandata nostra de Catechismorum observatione toties iterata innovamus districte præcipientes, ut in omnibus Parochialibus, & ubi Parochiæ ampliores, & Parochiani ab Ecclesia remotiores, Sacerdotumque seu Clericorum copia adfuerit, in aliqua parte Parochiæ pro majore catechizandorum commoditate singulis Dominicis per annum Catechismi habeantur, populusque ad eorum frequentationem sedulo compellatur.

Et quia Religioni, ac Reipublicæ Christianæ ex bona juventutis in pietate & moribus instructione plurimum utilitatis accedit, mandamus, ut ad erudiendam recte teneram ætatem scholæ ubique conserventur, & pro amplitudine vel distantia Parochiarum etiam plures exigantur. Sicubi vero pueri & puellæ unam tantummodo scholam frequentare debent, ne quid indecens com-

mittatur, hæc ab illis sejungantur. Sed ubicunque speciales Ludimagistræ haberi poterunt, soli earum curæ puellarum instructio concedatur, eæque omni immunitate ac privilegio, prout Ludimagistri, aliive scholarum Rectores pariter gaudeant, & fruantur.

Caterum vos omnes & singulos, quos præ aliis in sortem suam Dominus assumpsit, cum Patrono nostro adhortamur, ut *digne ambuletis vocatione, qua vocati estis, & per bona opera certam faciatis vocationem ac electionem vestram*, quem in finem Episcopalem vobis benedictionem imperitum. In cujus rei fidem præsentibus dedimus manu ac sigillo nostris roboratas in Civitate nostra Monasteriensi die 11^{ma} Octobris anno 1671. Regiminis nostri 21.

Christophorus Bernardus mpp.

(L.S.)

**SYNODUS DIOECESANA *Quadragesimalis*
MONASTERIENSIS,
Anno Christi MDCLXXII. Clementis X. PP. III.
Leopoldi I. Imp. XIV.**

CELEBRATA

*Jussu ejusdem CHRISTOPHORI BERN. a GALEN,
Monasteriensium Episcopi,*

DIE 29. MARTII.

Commissarii Episcopales deputati Joannes Rutgerus a Torck, Matthias a Korff *condictus* Schmisinck, Gerhardus Kemper J. U. D., Joannes Alpen *Vicarius Generalis.*

In hac Synodo sequentia publicari jussit Episcopus absens:

**CHRISTOPHORUS BERNARDUS, DEI ET APOSTOLICÆ SEDIS
GRATIA EPISCOPUS MONASTERIENSIS, &c. &c.**

Inter assiduas Dominicæ gregis vigilantie nostræ commissi non solum a Spiritualibus, sed etiam corporalibus noxiis, periculisque imminetibus, quantum ex alto permittitur, præservandi curas, monet nos officii nostri ratio, illi potissimum Pastoralis sollicitudine incumbendum esse, ut tam ea, quæ a Sacris Oecumenicisque Conciliis pro communi totius populi Christiani salute pie prudenterque statuta, quam in Provincialibus, æque ac Diocesanis nostris Synodis ad conservandam inprimis disciplinam Ecclesiasticam, promovendamque in Clero no-

stro vitæ ac morum integritatem salubriter ordinata sunt, nulla aut temeritate violentur, aut negligentia deserantur. Hoc ut efficacius fiat, exigit humanæ mentis conditio, ut tamen idem sæpius ob oculos positum sit, nonnunquam tamen innovetur, de novo repetatur, & serio observandum inculcetur. Quare Statuta & Decreta a Nobis & Antecessoribus nostris de consilio & assensu Venerabilis Capituli nostri Cathedralis alias lata & publicata tenore præsentium innovantes, vobis omnibus & singulis districte præcipimus, ut Sacrosancti & universalis Concilii

cilii Tridentini Decreta, quæ fidei doctrinam, quæ morum reformationem respiciunt, sedulo observetis. Tonsuram & habitum Ordini ac statui Clericali congruentem gestetis, non sicut in quibusdam invitelicer observavimus, qui vestibus varii coloris, limbis auro argentove, vel serico intertextis, indusio e manicis in longum ac larum propendente, capillis in cervicem ac scapulas prolixè defluentibus militarem potius, quam exemplaris Clerici personam repræsentant, & quod caput est, qui Sacerdotes sunt, crinibus adeo prolixis sacrosanctum ac tremendum Missæ Sacrificium ad aram peragentes manifestam populo scandali occasionem præbent, sed qui in susceptione non modo sacrorum Ordinum, verum ipsius etiam primæ Clericalis Tonsuræ, repudiatis sæculi vanitatibus comas pro amore Dei deposuistis, rejectaque sæcularium vestimentorum servitute, ac ignominia habitu Religioso induti, Divino vos servitio in Ecclesia Dei mancipatis, habitum nigrum, talarum, modestum, & a studiosius exquisita cultus elegantia, vel ornamenti novitate, multo magis levitate alienum, in quo tamen nimis abjecta negligentia, vel affectatæ sordes cum Clericalis status dedecore non appareant, capillos item paulum infra aures detonsos, & coronam in vertice pro dignitatis & Ordinis, quo quisque initiatus est, exigentia, conspicue feratis, eosque in incessu, statu, gestu, vultu mores profiteamini, ut per externam conversationem interna Religiosi animi forma exprimaturs & elucescat.

Qui vero huic nostræ monitioni non paruerint, ab Archi-Diaconis, Decanis, vel Vicario nostro per suspensiones ab Ordinibus, ac Officio & Beneficio, aliasque pœnas

contra tonsuram & habitum congruentem non deferentes, in sacro jure expressas coercantur.

Severe pariter ac sub earundem pœnarum comminatione prohibemus, ne Clerici Beneficiis affecti, vel in sacris Ordinibus constituti ad commessandum vel potitandum cauponas, seu tabernas potorias, nisi itineris ratio, vel necessitatis causâ excuset, ullatenus frequentent, ut, cum oculi omnium in Cleri conjiciantur, ex publico excedentium delicto majus in populo scandalum non generetur.

Cæterum quæ de concubinato, & vitanda suspectarum mulierum conversatione, de suscipiendis Ordinibus Beneficiorum obligationi annexis, de residentia, de excessuum correctione, de exequendis ultimis voluntatibus, ac testamentis Clericorum, de Catechesi & juventutis instructione, de legitima Sacramentorum, & curæ animarum administratione, aliaque id genus plura alias a Nobis decreta & intimata sunt, tenore præsentium denuo inculcantes, vos omnes & singulos in Domino adhortamur, ut inter sæcularium conversationem, sicut luminaria vitæ & actionum luce fulgere studeatis, Dei timorem in cordibus, in vita honestatem, in moribus gravitatem, in Divinis Officiis pietatem, erga vosmetipsos sanctitatem & continentiam servantes, Dei honorem, vestram proximique salutem & æternitatis memoriam nunquam ex animo depônatis. Nos interim, ac dilectos subditos nostros inter temporum horum calamitates Sacrificiis & Precibus vestris impense commendamus. Datum in Civitate nostra Monast. 27. Martii 1672.

Christophorus Bernardus mpp.

SYNODUS DIOECESANA *Autumnalis* MONASTERIENSIS, Eodem anno Christi MDCLXXII.

CELEBRATA

Jussu ejusdem CHRISTOPHORI BERNARDI a GALEN,
Monasteriensium Episcopi,

DIE II. OCTOBRIS.

Commissarii Episcopales deputati Matthias Korff *condictus* Schmisinck,
Joannes Rutgerus a Torck, Joannes Adolphus Korff *condictus*
Schmisinck, Joannes Alpen, *Vicarius Generalis.*

REVERENDISSIMI, ADMODUM REVERENDI,
VENERABILES DOMINI!

Celsissimus Princeps Episcopus & Dominus noster Clementissimus novas in præsentem Synodo Constitutiones publicare supervacaneum judicavit clementissime existimans,

stimans, multa satis superioribus Synodis statuta, intimata & publicata esse, si modo exacte observarentur. Unde Nobis, quibus vice sua præsidendi potestatem fecit, inter alia clementissime inunxit, ut eorum observantiam vobis serio inculcaremus.

Observabitis vero, si in Ecclesia & Choro assiduitatem, in executione onerum vobis incumbentium zelosam justitiam, in habitu decentiam, in tonsura congruitatem, in gestu & incessu, nil nisi grave & moderatum, in vita continentiam, in moribus honestatem exhibentes, verbo, vitam vocatione vestra & Clericali statu dignam peragentes in omni actione vestra vivam Christi imaginem repræsentetis, ut per exemplum, & opera vestra bona, glorificetur Pater, qui in Cælis est.

Et quemadmodum gravissimas variorum temporum insidias Christiano populo calamitates vitiosæ Clericorum vitæ attributas esse ex sacris Historiis exploratum habemus, ita nunc contra sperare liceat emendata in melius conversatione, devota Cleri pietate clades huiusmodi cervicibus nostris longe avertendas.

Sane ante menses aliquot scintillantes bellorum motus, publicæque hostium, & privaræ insidiantium machinationes Religioni ac Patriæ non aliud, quam funera, incendia atque ipsam vastitatem minabantur. At vero Benignissimus DEUS effusus supplicantium precibus, pia quasi animorum conspiratione exoratus Dexteram suam exerens in comminantes ipsos mala hæc fere omnia convertit, quippe suam ex alto benedictionem profuse largitus, iustissima Celsissimi arma adversus hostem totius Europæ facile potentissimum, tot tantisque victoriis decoravit, quales in superiorum ætatum historiis vix leguntur, & certo constat a nẽmine Principum Episcoporum Monasteriensium

reportatas esse, incredibili profecto Religiosis, Ecclesiæ & Patriæ hujus emolumento.

Tanta beneficiorum pondera Celsissimus ad statcram animi examinans, Divinæ bonitati, qua par est, animi submissione gratias acturus clementissime mandavit, ut quando post tot triumphata loca primum redux, volente DEO, Sabbato proxime futuro Civitatem hanc solenniore pompa inter festivam campanarum compulsionem, & tormentorum explosiones ingressus fuerit, postidie, id est, Dominica sequente Processio per campum Dominicum cum deportatione Sanctissimi habeatur, & post celebratam in gratiarum actionem Pontificali ritu Missam hymnus Ambrosianus solenniter decantetur.

Cui devotioni uti Venerab. Clerum Civitatis hujus pro obligatione sua, & solita obedientia inter alios congratulantes interesse oportebit, ita porro conabuntur intentiones Celsissimi suæ Ecclesiæ, Imperii, ac dilectæ Patriæ bonum spectantes devotissimis animis, Sacrificiis & Precibus suis adjuvare.

Et cum tantæ animarum segetes undequaque exuberent albescentes ad messem, obnixè rogetur Deus, ut mittat operarios in vineam suam, quodque feliciter jam inchoatum, errorum labruscæ, quæ sæculum & ultra succreverunt, radicitus ex ea convellantur, & ager Monasteriensis, id est, vera & Apostolica Fides longius dilatetur, ut tandem sine timore de manu inimicorum nostrorum liberati serviamus illi in sanctitate & iustitia omnibus diebus nostris. Quod ut majore cum fructu fiat, Celsissimus Episcopalem vobis Benedictionem paterne impertitur. Ergo.

Benedicat vos Omnipotens Deus &c.

In Synodo Vernali publicata sunt die 14ta Martii, quæ (h. Tom. pag. 21.) allata sunt: Salutari legē &c.



SYNODUS DIOECESANA TORNACENSIS,

Anno Christi MDCLXXIII. Clementis X. PP. IV.
Leopoldi I. Imp. XV.

SUB REVERENDISSIMO & ILLUSTRISSIMO DOMINO,

D. GILBERTO de CHOYSEUL du PLESSY-PRASLAIN, (*)
Tornacensium LXXXV. Episcopo,

HABITA
DIE 13. JUNII.

Mandatum pro Convocatione Synodi

Dioecesanæ anno 1673.

GILBERTUS de CHOYSEUL du PLESSY-PRASLAIN,

Divina providentia Episcopus Tornacensis, universo Civitatis & Dioecesis Tornacensis
Clero, cæterisque, quorum intererit, Salutem & Benedictionem
in CHRISTO JESU.

Synodorum utilitatem, imo necessitatem probat & Divina sacrarum Scripturarum auctoritas, & Apostolica Traditio perpetua Ecclesiastica consuetudinis præscriptio firmata, illarumque celebrationem prætermittere nefas arbitramur. Quare cum & Venerabilium Confratrum nostrorum Decani, Canonici & Capituli nostræ Cathedralis Ecclesiæ consilio, Dioecesanæ nostræ Synodi Generalis Congregationem non diutius duxerimus esse differendam, mandamus ex sacri Concilii Tridentini Constitutione, omnibus tam secularium, quam regularium Ecclesiarum Prelatis, earumque Capitulis, Prioribus, Decanis Christianitatis & Pastoribus, Capellanis, cæterisque, qui de jure aut consuetudine debent Synodo adesse, ut ad illam Nobiscum habendam in nostra Cathedrali Ecclesia, die decima tertia Junii proxima, hora octava matutina, personaliter compareant, nisi iusto impedimento detineantur, quod per legitimos Procuratores, qui huic Synodo eorum loco intererunt, probare tenebuntur. Universi autem & singuli diligenter ac studiose prospicient, quid sit in his quibusque Ecclesiis reformandum, quid

ad disciplinam Ecclesiasticam sartam rectam conservandam aut restituendam, quid ad animarum salutem procurandum, augendum Ecclesiæ & Religionis splendorem, Deique cultum promovendum expediat, ac de his omnibus certiores Nos faciant, ut cum totius Cleri consilio & assensu, ea possimus canonice decernere, quæ necessaria videbuntur. Datum Tornaci die 7. Aprilis 1673.

Signatum erat:

GILBERTUS Episc. Tornac.

Et inferius:

De Mandato Illmi & Rmi
Domini mei Episcopi

DECHAMPS Secret.

Cujus Mandati exemplaria excusa, missa fuerunt sufficienti numero ad omnes Decanos Christianitatis Dioecesis, nempe distictuum Tornacensis, Insulensis, Contraccensis, S. Amandi, Seclinienfis, Ullmenfis, Helchinienfis Gallorum, Helchinienfis Flandrorum & Viroviacensis.

ACTA IN SYNODO GENERALI.

Cum igitur advenisset prædicta dies 13. Junii, hora fere 8. matutina, Illmus

Dominus e Palatio Episcopali ad Ecclesiæ suæ Cathedralis vestiarium perrexerat, comitanti-

(*) Vide sub finem Synodi.

tantibus DD. duobus Archi-Diaconis, aliquot e DD. Canonicis & aliis Ecclesiasticis personis, ibique Pontificalibus ornamentis indutus, ad magnum Altare ivit solito Ministrorum numero stipatus, præcedentibus inter Ministros Altaris & Ceroferarios Decanis Christianitatis albas cum stolis gerentibus, qui deinde ad loca sibi præparata ab utroque latere throni inferius describendi recesserunt, Dominus vero Decanus & Domini Deputati Capituli Cathedralis ad laus dextrum Chori in aliis formis a Sede Episcopali, & infra: at ex opposito ad laus lævum in prima Cathedra erant Dominus Coadjutor Abbatæ S. Martini, & post cum Dominus Prior de Fivia.

His ita dispositis, Illmus Dominus Missam celebravit de Spiritu Sancto, in cujus sine Benedictionem solemnem dedit, eaque peracta, dum casulam deponeret, pluvialeque assumeret, Choristæ intonnerunt *Be. Omnia quæcunque facitis* &c. ut in Processionali, prosequentibus Cantoribus: eo vero finito, Illmus Dominus genuflexus cum cæteris Ministris ad pedes Altaris intonuit Hymnum: *Veni Creator*, qui per totum Clerum ibi præsentem decantatus fuit, dictoque per Chorales *Y. Emitte Spiritum* &c. & per Illmum Dominum oratione: *Deus qui corda* &c.

Idem Illmus surgens, ivit ordine processionali ad Thronum sibi præparatum in fundo chori ex adverso portæ ipsius. Thronus autem ille erat ejusmodi, ut post tres gradus, quibus eo ascendebatur, esset quasi theatrum, in cujus medio assurgebat uno gradu locus, in quo erat posita Cathedra Illmi Domini, dependente supra caput umbelæ & panno violacei coloris: totus vero thronus a summo usque ad infimum operius erat replete Turcico. Igitur Illmus Dominus in dicta cathedra locum cepit facie ad Altare obversa, ab ipsius lateribus DD. duo Archi-Diaconi itidem facie ad Altare versa, post ipsos vero DD. Officialis a dextro, Sigillifer autem a sinistro latere cappas gerebant se se mutuo spectantes. Ad pedes throni D. Capellanus ab honoribus in cappa tenens pedum Pastorale Illmi D., sedebat super pulvinari in ultimis gradibus throni posito, facie ad Altare conversa, sedentibus super dictis gradibus ab utroque ipsius latere Scriba & Promotore Curie spiritualis. Ego vero Secretarius in plano throni eram facie fere obversa ad Illmum D., sedebamque in cathedra habens ante me mensam ad scribendi commoditatem. Massifer autem Illmi Domini sedebat in scamno, tenens massam erectam ex adverso Illmi Domini facie ad ipsum versa. Cunctis dicto ordine sedenti-

bus, Illmus Dominus orationem suam latinam fecit, ut sequitur:

Cum me tam frequenti Consacerdotum corona stipatum video, Fratres amantissimi, hæreo sane, & variis affectuum æstibus abreptus, dubito, an majori læticia effertur animus, quam timore concutiat. Cum enim tot viros intueor virtute conspicuos, certe mihi jure lætandum esse existimo. Sed cum aliunde me vobis Præpositum esse intelligo, mens titubat ac pene deficit; quid enim magis terreat, quam quod iis præsum, quibus me sentio pietate, sapientiaque inferiorem. Sed & hæc ipsa timendi ratio me levat, & quodammodo consolatur. Nam cum sim vobis necessariis charitatis vinculis conjunctissimus, quid non sperem auxilii a vestrarum præcæm officiis. Quid non a Christo, qui me vobis junxit, quique se Ecclesie ad consummationem sæculi assuturum esse promissit, nec suis unquam potest deesse promissis. Atque ut paucis omnia cum magno Leone completar, ne sub ponderis magnitudine succumbam infirmus, dabit virtutem, qui contulit dignitatem. Abeat ergo metus ille, nec Sacerdotale, ut verbis utar Cypriani, vigorem debilitet & enervet. Erigatur animus, & collecta Fratrum nostrorum in hoc celeberrimo concessu virtute ad Christi fidem conservandam, simul & ad augendam accendamus, depravatos mores reformemus, collapsam disciplinam instauramus. Hæc sunt Synodorum officia. Hoc esto orationis nostræ propositum, hæc sint nostrorum omnium institutorum rationes.

Quod Christus in Evangelio per adumbratæ vineæ parabolam proposuit, nemo est, quid ad Ecclesiam referendum esse jure non existimet. Cum autem eam sæpe circumdatam, hoc est securissimam esse dixerit, eamque Paterfamilias, qui Christus est, locaverit agricolis, id est, Pastoribus crediderit, Pastorum sane officium est eam ita custodire, ut ab ea nemo palmitem auferat alienæ vineæ inferendos, & ut apertius & sine parabolis loquamur, ea doctrina & fides, quæ a Christo per Apostolos ad Nos usque perpetua traditione transmissa est, ita casta, integraque conservetur, ut ne unum quidem jota aut unus apex prætereat, aut accrescat. Hoc quippe unius Ecclesie est privilegium: Hæc prærogativa, ut inconcussa maneat ejus fides, eademque perseveret. Hanc obcurare quidem potest aliquando ambitiosus novitatis amor & fidelium mentibus tenebras obducere, sed eas continuo depellit Ecclesia, si ejus tribunal adest, & oracula consulantur. Est eam columna & firmamentum veritatis.

Jam vero cum Ecclesia, teste Cypriano, nihil sit aliud, quam plebs Pastori suo adunata: nulla Parochia est, quæ singularem Ecclesiam non efficiat; cum in ea Rectori suo grex adheret, nulla Diocesis, cum Episcopi vox auditur, sed confociata omnium fidelium multitudo sub Christo Capite, ac Supremo Pontifice, ejus Vicario Petri Successore, tota quæta est, Ecclesia Catholica constituitur, quam qui non audiet, sicut Ethnicus & Publicanus censendus est. Attendite ergo vobis & doctrinæ Fratres, ac Fidei depositum conservate. Super muros Jerusalem Deus vos Custodes constituit, ne alienos paritiam ingredi Pastores, Magistrosque deceptores, qui dum prophanis vocum novitatibus auribus pruriunt, misere animas encant.

Gratum equidem & grande spectaculum, cum Apostoli illi primarii & primigeni Pastores sincera & simplici veritatis expositione ad Christum adducebant tot hominum millia, & per sapientissimam prædicationis sultitiam salvos faciebant credentes. Hos imitemini, Fratres, prædicare omni creaturæ, hoc Apostolico munere defungamini. Ministerium vestrum implere, ne quis vestrum, cum tremendo Christi judicio se sistere compelleretur, seipsum accusando tardius clamer: Væ mihi! quia tacui.

Nemo vestrum est, Fratres, cujus probata doctrina non fuerit: sed & si quis jure possit dicere, sicut olim Moyses Deo loquebatur, se ab heri & nudiustertius non esse eloquentem, ne loqui propterea detrectet, cum Deus se in ore vestro futurum esse promiserit, nec vobis defuturum esse magis timendum sit, quam rudibus & indoctis illis alioquin Sanctissimis Episcopis olim defuerit, qui in magno apud Nicæam habito Concilio advocatos undequaque ad veritatem oppugnandam Philosophos recitato unico Apostolorum Symbolo confutarunt, & adorandum Ss. Trinitatis Sacramentum adversus Arianos ita persuaserunt, ut per eos Deus perdiderit sapientiam sapientum, & prudentiam prudentium reprobarit.

Cæleste donum est Fides, & licet ex auditu habeatur, non est tamen humanæ eloquentiæ foris insonanti, sed gratiæ intus persuadenti tribuenda; nec sunt a Catechistis minores fructus, quam a disertissimis Oratoribus expectandi. Sed ne existimeamus, Frates, unicum hoc nobis munus includere, ut speculativam (si ita fas loqui) theorematice fidem factam testam conservemus: est & morum hæresis non minus timenda, quam Mytheriorum. Ea autem a nobis eo studiosius propulsanda est, quo suaviore & magis ad naturam accommodato

veneno animas inficit, hanc totis viribus oppugnemus, Fratres amantissimi! & collatis copiis perniciem istam a nostris gregibus amoliamur.

Et si superba semper & insolens ratio nostra adversus veritatem perduellens revelanti Deo se se plerumque submittere recuset, facilius tamen in servitutem redigitur, quam effrenis illa cupiditas, quæ cæco quodam furore abruptis omnia honestatis repagula, ita ut æstuant illius impetus velle retardare, sæpe sit conari, ut sapiens loquatur, contra ictum fluvii.

Clamare tamen nē cessetis, ait Propheta, & adversus illam Dei salutisque nostræ inimicam exaltata voce, quasi tuba, Martem accendite, & credatis haud dubie vobis omne crimen imputandum, quod non fueritis aggressi.

Jam dudum Propheta conquestus est & maledictum & mendacium, & homicidium & furtum, & adulterium inundasse. Illud omnium portentorum diluvium Sacerdotum est cum gemitibus, orationibusque, tum adhortationibus exhauriendum.

Cum enim inter vestibulum & altare plorare debeant Sacerdotes, & Dominum, ut parcat, deprecari, nisi nos inter Deum & Christianorum multitudinem quasi constituerimus Mediatores, & Dei minitantis vindictæ intercesserimus, Judex hisce a nobis Fratrum nostrorum ruinæ deposcet rationem, nos de libro vitæ, ni misericordia justitiam vincat, deleturus.

Sed ne præces tantum ad Deum fundendas esse putemus, Fratres charissimi! peccantibus ipsis adhibendæ sunt adhortationes, objurgationes, correptiones, ipsis instandum opportune, importune, eosque obsecrandos, increpandos, arguendos, in omni patientia & doctrina, monet Apostolus.

Audite, Fratres, Deum ipsum unumquemque nostrum apud Ezechielem alloquentem: Si dicente me ad impium, morte morieris, non annuntiaveris ei, neque locutus fueris, ut avertatur a via sua impia & vivat, ipse in impietate sua morietur; sanguinem autem ejus de manu tua requiram: si autem annuntiaveris impio, & ille non fuerit conversus ab impietate sua & via sua, impius ipse quidem in iniquitate sua morietur; tu autem animam tuam liberasti.

Facile quidem, Fratres, aperta crimina inculcare, & ad omnem flagitiorum turpitudinem projectos arguere, sed difficillimum est eos utiliter corrumpere, quorum, ut ait Propheta, declinat cor in verba malitiæ ad excusandas excusationes in peccatis.

Sane, Fratres amantissimi! sicut non facile scrupulis anxii reddendi sunt, quorum salus nobis credita est, ita nec eorum criminibus indulgendum.

His autem novissimis temporibus, in hac, ut ita loquar sæculorum sæce ad eam devenimus doctrinæ ac Theologiæ corruptionem, ut qua ratione hominibus illudimus, eadem & Dei iudicium nos evadere posse arbitremur.

Hoc ergo præcipue cavendum est, Fratres, ne perversæ morum doctrinæ virus animos invadat, neque dicatur bonum malum, & malum bonum.

Non negamus equidem in diversas plerumque sententias animos distrahi, & aliquando merito dubitari, num certior sit & securior alia. Solutus Deus sine erroris periculo novit. In hac ancipiti ratiocinorum anxietate, quis consilium non debere non iudicat? sed quis sanæ mentis ad æternæ veritatis normam, quantum fieri posset, non exigit. Quis grande piaculum non existimet, si relicta securiori sententia ad incertum deflectamus? Quis Pastorem non damnet, qui cum tanto pingui & salubri prato, oves adducat ad ignoras & forte venenatas herbas, mortisque periculo evidenter exponat? Quorsum, amabo, Fratres, certam sententiam, quis deferat, ut consulat incertam, nisi ut cupiditati blandiatur? Deus bone! itane ad te acceditur cupiditatum damnatorem? Etenim forte probabilis est: sed quid si falsa sit? Nam, qui falsam opinionem sequitur, cæcus est, nisi enim cæcus esset, lucem, hoc est, veritatem, detegeret. Si ergo cæcus est, & alteri cæco consilium det, nonne cæcus cæco ducarum præstat. Et quid restat, nisi ut ambo in foveam cadant.

Horreo sane tam perversum humanæ & corruptæ rationis commentum, Fratres, & cum apud Sapientis proverbium timendam hanc & nunquam oblivioni tradendam sententiam lego: est via, quæ videtur homini recta, & novissima illius ducunt ad mortem. Nescio, quæ mente ea via incedatur, quæ videtur minus recta, cum ea, quæ recta animo creditur, plerumque sit periculo proxima.

Si non maneret apud Deum inconcussa & immota veritas, si Deus ad hominum arbitrium flecteretur, & mentem mutaret, forte liceret & temerariis opinionum fluctibus Fratrum nostrorum salutem committere. Sed cum omnia, ut Tertullianus loquitur, penes veritatem fixa sint, si legem naturalem & Divinam spectes, nusquam & nunquam licet, quod semper & ubique non licet.

Si oculus tuus, ait æterna Veritas, hoc est, intentio tua, simplex fuerit, totum corpus tuum lucidum erit, id est, omnes rectæ erunt tuæ agendi rationes. Si autem oculus tuus fuerit nequam, totum corpus tuum tenebrosum erit. Et ut cum Augustino loquar, tota tua vita plena nigredine peccatorum. Agite nunc, Fratres, an oculus & intentio nostra simplex censetur, si periculum securitati præferatur? Sane ut interior oculus vere sit simplex, inquit Bernardus, duo illi arbitror esse necessaria, charitatem in intentione, in electione veritatem.

Restat, Fratres amantissimi, ut de disciplina Ecclesiastica paucis dispuemus. Brevibus sane legibus ad eam instaurandam opus est. Sat multas tulerunt Majores nostri, has inspiciamus, revolvamus, exequamur.

Verum enim vero immanis illa Constitutionum Ecclesiasticarum vel spontanea relaxatio, vel dispensationum libido totam destruit ac pessumdat disciplinam. Utrique malo, Fratres charissimi, prospiciemus venerandis sacrorum Canonum regulis religiose hæcæmus.

At qua tandem ratione ab iis nobis recedere licium esse censuimus? Ergone fidelium arbitrio legum Ecclesiasticarum observatio relinquetur? Ergone se quisque Ecclesiæ omnium Christianorum Matris superiorem arbitrabitur? Ergone prævaricatores longa prævaricationum consuetudine liberos se tandem efficiunt, & subducunt se suavi obedientiæ iugo? Ergone cupiditate, non Canone regetur Ecclesia? Ergone discipuli evadent intentatas a Deo immortalis pœnas per Prophetam populi perfidiam his verbis exprobrante: A sæculo confregisti jugum, & dixisti, non serviam.

Sed numquid Leo magnus juris ignarus censendus est, qui Nicænos Canones mansuras usque in finem mundi leges nominavit, & quæ ad perpetuam utilitatem generaliter constituta sunt, nulla commutatione variari, neque ad bonum... commune præfixa ad privarum commodum trahi oportere pronuntiavit.

Numquid erravit Hormisdas Pontifex cum Canones solvere, esse in Religionem committere, asseruit. Num Agapeto nulla fides adhibenda, qui necesse sibi ait Divini consideratione iudicii, quicquid Synodalis decrevit auctoritas, inviolabiliter custodire? Scio equidem disciplinam Ecclesiasticam pro varietate & temporum & morum identidem mutari. Scio & ipsa priora Concilia sæpe posterioribus, ut ait Augustinus, emendari. Scio & plures Canones in consuetudinem abire, cum vidente nec reclamante Eccle-

Ecclesia non observantur: sed eos dumtaxat, qui ad caeremonias pertinent. At apud nos, Fratres, sedere debet immota Veritatis sententia, eos Canones, qui ad ambitionis, avaritiæ, cæterarumque cupiditatum refræ-
nandam audaciam, aut ad æquitatis jura conservanda, vel ad observanda Religionis officia constituti sunt, nulla unquam censi prævaricatione abrogatos. Hæc tamen prima origo deperditæ disciplinæ, quod licitum exultimetur, & iusta præscriptione firmatum, quidquid molliis libertatis cupido facere vel præsumperit, vel neglexerit. Nihil ergo vobis aptius proponendum arbitror, Fratres charissimi, ut disciplina renovetur, nisi ut Generalium Conciliorum Canones, & Decreta Pontificum, & priorum Synodorum tum Provincialium, tum Diocesanaum Constitutiones recolamus, iisque nos imposterum obedituros sincere profiteamur. Etenim manet penes Ecclesiam, ejusque Pastores dispensandi autoritas. Ita est, sed videndum Fratres, ut inter dispensatores fideles inveniamur.

Dispenfatio sane, quæ a Græcis *ἀνομιμία* nominatur, penes domesticæ & familiaris Procuratoris officium attendenda. Quæ autem in reddenda villificationis ratione pœna maneat reconditum, qui Domini bona dissipavit, ipsomet Evangelio declaratur. Nihil sane defendendum magis arbitror, Fratres charissimi, quam quod Ecclesia leges tulisse videatur tantum, ut solvantur. His autem tam frequentibus dispensationibus Christianorum contumacia viam aperuit.

Nec sane Pastoribus Ecclesiasticis tam facilis Canonum remissionis culpa tribuenda est. Ad crudelem istam & periculofam indulgentiam coacti sunt. Ubi enim est tantus Canonum contemptus, quantum hodie videmus in hac Ecclesia, ob reorum multitudinem; ait Gofridus Vidocinensis; a vindicta aliquatenus temperari oportere, pia & misericordii intentione exultimatum est. Sed Sacerdotum est, monere subditos, & ad saniorē mentem revocare, ut paulatim a petendis tanta animorum pervicacia dispensationibus abtineant. Ut enim cum B. Bernardo concludamus: Ubi necessitas urget, excusabilis est dispensatio, ubi utilitas provocat, laudabilis. Utilitas, dico communis, non propria, nam cum nihil horum est, non plane fidelis dispensatio, sed crudelis dissipatio est.

Hæc sunt, Fratres charissimi, quæ paucis pro temporis angustia quasi Pastoralis & Sacerdotalis officia compendio delibanda esse censuimus. Fidem ergo plebis Christianæ assidua catechizandi & concionandi ad vulgi captum accommodata ratione

Tomus X. Concilior. German.

ac methodo astruite. Mores fidelium precibus, verbo & exemplo componite, disciplinam renovato Canonum vigore instaurate.

Hac Oratione finita, Illmus Dominus jussit alta voce per me Secretarium recitari nomina eorum, qui debent interesse Synodo, & ut præsentēs respondeant: *Adsum*, ii vero, qui Procuratoria habent præsentibus, ea Promotori tradant tum, cum nomina principalium evocabuntur. Fuit igitur facta hæc vocatio & annotatio præsentium & absentium, ut in fine hujus processus verbalis reperies. Post factam evocationem surrexit Promotor, requisivitque ab Ilmo Domino, ut eos, qui citati non comparuissent, declaret contumaces, eosque censuris vel aliis arbitrariis puniret, ad quam requisitionem Illmus Dominus jussit per D. Officialem pronuntiari suo nomine sententiam, tenoris sequentis:

Illmus Dominus Episcopus Tornacensis omnes illos, qui in hac Synodo comparere tenentur tam de jure, quam de antiqua consuetudine debite citati, & non comparuerunt, nisi hæc die sufficienter se excusent, reputat contumaces, ac in his scriptis requirit 1. 2. ac 3. & peremptorie, & una vice pro omnibus, ut infra 15. dies, quos eis pro canonica monitione & termino peremptorio assignamus, suam contumaciam hujusmodi debite purgent: qui, si in hoc defectu fuerint, & monitioni hujusmodi parere non curaverint, ne ad formidabiles penas censurarum more Prædecessorum nostrorum procedere cogatur, ipsos ex nunc, prout ex tunc in emendam pecuniariam sex florenorum ad opus Ecclesiarum, in quibus sunt Patroni vel Pastores, condemnat: qui, si indurato animo in contumacia per mensem persistierint, idem Illmus Dominus ad manus suas ponit, quidquid spiritualitatis habent in sua Diœcesi, donec contumaciam purgaverint.

Postea indicta in 4. horam pomeridianam Congregatione in Aula Comitiorum Tornaci & Tornacensi, Illmus Dominus Benedictionem solemnem dedit, ac deinde se Pontificalibus ornamentis in vestuario exiit, domumque reversus, DD. Deputatos Capitulum & Abbatiarum secum ad prandendum retinuit. Interea aliquos Pastores fere 15. veniam petentes ob aliquas urgentes causas, dimisit ad suas Parochias.

Sub horam 4. pomeridianam monitus omnes in supra dicta Aula esse congregatos, illuc ivit, extortisque de præfidentia aliquibus contentionibus, Illmus Dominus cum DD. Deputatis sui Capituli Cathedralis ha-

birō consilio, auditis partibus, & de ipsarum consensu ita provisionaliter, & absque præjudicio juris partium decrevit, nempe inter D. Præpositum Harlebecensem prætendentem debere præcedere Abbates S. Amandi & S. Martini, seu eorum Deputatos, Deputatis e contra: inter eundem & personas deputatas Capituli Secliniensis, inter D. Coadjutorem S. Martini Procuratorem Abbatis, & Deputatum S. Amandi, nempe dictum D. Præpositum Harlebecensem sessurum immediate post Deputatos Capituli Cathedralis a latere dextro; inter Coadjutorem vero S. Martini & Deputatum S. Amandi, utroque primum locum lateris finistri præcedente, cumque allegatum fuerit olim fuisse inter Abbates dicatarum Abbatiarum factum Concordatum de præsentia alternis vicibus inter ipsos in Synodis Generalibus occupanda, ignoreturque quis ultimus eam habuerit, decretum fuit etiam provisionaliter & absque præjudicio partium, hac vice rem esse sorte decidendam, quæ cecidit in Deputatum S. Amandi; Deputatos vero Præpositi, Decani & Capituli, & Cantoris Secliniensis sessuros immediate post Abbates vel Deputatos Abbatum a dicto latere finistro.

His ita dispositis, invocatoque Spiritus Sancti auxilio, recitata per Illmum Dominum Antiph. *S. Spiritus*, & Oratione: *Deus qui corda fidelium* &c. federunt a parte dextra DD. *de Boulogne* Decanus, *de Ribeyram* Archi-Diaconus major, *de Brabant* Archi-Diaconus Flandriæ, *Gennaro* Cantor & Officialis Illmi Domini, & *Ragot* Canonicus & Sigillifer ejusdem Illmi Domini, omnes tam pro se, quam veluti Deputati Cathedralis: post ipsos immediate D. Præpositus Harlebecensis & ejusdem Capituli Deputatus, ac deinde D. Decanus Capituli Cortracensis & Deputatus dicti Capituli, & sinistra vero parte federunt 1. Deputatus Abbatibus & Coadjutoris ad Administratoris perpetui Abbatie S. Amandi; post tunc D. Coadjutor S. Martini tanquam Procurator Abbatis, deinde Prior Fivienfis: consequenter Deputati Abbatis S. Theodorici Remensis in Francia; sequebantur iidem tum Præpositi sigillatim, tum Decani & Capituli, tum Cantoris Secliniensis, ac denique ultimus D. Decanus Capituli Communiensis: ab utraque parte juxta suum ordinem Decani Christianitatis, passim vero in scamnis ad id dispositis Pastores confedere.

Indictō silentio, Illustrissimus Dominus jussit Decretum Concilii Tridentini de *Residentia* recitari alta voce per D. *de Brabant* Archi-Diaconum Flandriæ (cui in ea qualitate illud muneris in Synodis Diocesanas ex antiqua consuetudine incumbit)

Post hæc Illustrissimus Dominus paucis præfatus dixit, cum tot excellentia Decreta & Statuta in hac tum Provincia tum Diocesi facta fuerint tempore Prædecessorum, sibi non tam in animo esse novas leges condere, quam antiquas in pristinum vigorem restituere: Quapropter melius sibi esse visum, ut tam ex Decretis Provincialium Conciliorum, quam ex Statutis omnium Synodorum Diocesanarum seligerentur ea, maxime quæ præsentibus Diocesis necessitatibus opportuna forent, eaque in unum corpus redigerentur, iisque tanquam immotis cardinibus tota Diocesis disciplina in posterum verteretur: se quidem optare, ut illud examen plena Synodo fieri posset, ut de communi totius Diocesis consilio res agerentur, id vero nullatenus posse tum ob multitudinem personarum, quæ fere confusione obnoxia est, tum ob rei ipsius prolixitatem, quæ nimium injectura esset moram, plurimis ad sua ovilia redire festinantibus; consultius itaque fore, ut a singulis Decanatibus aliqui deputarentur, cum quibus præter Decanos tota illa selectio & examen conficeretur: secederent itaque singuli nunc jam Decanatus Deputatosque eligerent, ac statim eorum nomina referrent. Deputati itaque fuerunt, pro Pastoribus Patronatus Cathedralis Pastores Sancti Jacobi, & Sancti Pii Urbis Tornacensis; e Decanatu Tornacensi Pastores de Cysoing, d'Ere & d'Eplechin, ex Insulensi Pastores Sancti Salvatoris, Sancti Petri & Pagi de Bonduës; e Cortracensi Pastor Harlebecensis; ex Ulmenfi Pastores de Wauin & du Quesnoy; ex Secliniensi Pastores montis en Pabula, de Houplin & de Seclin; ex Helchinienfi Wallonum Pastores de Saint Leger, Templeuve, & Balloeu; e Viroviacensi Pastores de Halluwin & Communiensis; ex Helchinienfi Flandrorum Pastor in Moen; ex Sancti Amandi Pastor Sancti Amandi.

Quo facto, Illustrissimus Dominus indixit Sessionem Decanorum Christianitatis & dictorum Deputatorum ad diem sequentem in eadem Aula, hora 8. matutina, declaravitque reliquos Pastores posse ad suas Parochias, ubi libuerit, reverti, ac omnibus genuflexis Benedictionem solemnem dedit.

Die sequenti hora octava matutina congregatis in supradicta Comitiorum Tornacensium Aula tum Deputatis Capitulorum & Abbatum, iisdem & eodem ordine, quo hesternæ die; tum Decanis Christianitatis Decanatum Illustrissimus dixit: ad electionem & compilationem; ad quam faciendam deputati fuerant hesternæ die hic præsentēs, longioris esse temporis opus, quam ut ad eam hic & nunc procederetur. Multos præ-

præterea e præsentibus sibi instituisse, ut ad suas Parochias dimitterentur, se se, cum hoc animadverteret, & ipsorum commoditati servire veller, malle cum tempore totam materiam præparare & quasi digerere cum aliquibus e præsentibus sibi per ipsos nominandis, quos ex urbe eligere commodius foret, quippe qui magis ad manum sint, & postea re tota digesta, se omnes Deputatos huc revocaturum, ut ipsis omnia communicarentur: interea cum sint aliqua in Dicecesi, quæ illam moram non patiantur, præsentique remedio egeant, se quosdam Articulos collegisse, & in scripta redegisse, super quibus de ipsorum consilio nunc deliberare veller, ut super hic Statuta quamprimum publicarentur, qui quidem Articuli per me Secretarium lecti fuerunt, & sunt tales:

UT præteritarum Synodorum Constitutiones & Decreta ab istius Synodi Deputatis & Illustrissimo Domino Episcopo revolvantur, publicentur & ab omnibus hujus Ecclesiæ Christi fidelibus religiose custodiantur, maxime quæ ad præsentis Ecclesiæ mores & disciplinam appositæ videbuntur, & sint in posterum totius nostræ Dicecesis regulæ. Quia vero res erit operosa, nec ita brevi perficienda & hujus Ecclesiæ necessitas postulat, ut quædam decernenda non differantur, interea peculiariter statuendum videri.

Ut singulis saltem Dominicis diebus Pastores Catechismum autoritate Illustrissimi Domini nuper editum edoceant; compellantque Patres & Matres familias, ut liberos suos, familiares & domesticos ad Ecclesias mittant, horis ad hoc munus constitutis vel aliis, quæ ex Decani Christianitatis consilio magis commodæ videbuntur. Cumque sine fide impossibile sit placere Deo, fidesque sit ex auditu, auditus autem per verbum Dei, ac proinde nemo possit salvari, nisi doctrina Christiana imbutus, in quacumque tandem ætate fuerit aut conditione constitutus, qui eam ignoraverit, edoceri non erubescat: qui supra alios auctoritate prædixit fuerit, subditos suos ad excipiendum verbi Divini semen mittat; qui docendi munere fungi te nebitur, suos instruat: sciantque omnes respective non posse utiliter, & ci-

tra sacrilegium ad ullum Sacramentum recipiendum, aut administrandum admitti, atque adeo nec a peccatis absolvi, nisi ea, qua singuli in hac re tenentur, obligatione exolvantur. Cum autem ille Catechismus noster sit Gallica dumtaxat lingua editus, eum in Flandricam quamprimum vertendum fore: si vero in quorum Parochiis utraque lingua usum obtinuit, ipsum etiam tum Flandrice, tum Gallice edoceant.

Ut non modo non admittantur ad suscipienda Sacramenta, qui Fidei principia non calleant, sed nec ad Parrinorum aut Matrinarum munus obeundum: qui enim parvulorum fidem spondeant, si ipsi fide careant?

Ut caveant diligenter Pastores, ne ullæ obstetrices in suis Parochiis ad suum munus obeundum suscipiantur, quæ a Medicis (si fieri possit) non probentur, & ab ipsis Pastoribus formam, materiam & intentionem ad Baptismum conferendum necessariam diligenter non fuerint edoctæ; cum ex earum ministerio parvulorum sæpe non modo temporalis vita, sed & æterna pendeat.

Ut ubi indulta fuerit Ss. Eucharistiæ Sacramenti expositio, nullatenus exponatur, nisi decenter paratum fuerit altare cum sufficienti cereorum numero, & nisi coram eo continue oret Presbyter, aut aliquis, qui sit Ecclesiasticis Ordinibus initiatus; aut certe quædam devotæ personæ, quæ ad hoc a Parochis specialiter deputantur. Alioquin, ubi ejusmodi Custodem copiose defecerit, recondatur. Districte vero prohibendum (quod in hac Synodo cum maximo animi mœrore in hac Dicecesi alicubi usurpari significatum) ne cum in solemnibus supplicatione proceditur, deferaturque adorandum Sacramentum, mulieres aut puellæ vinum aut cerevisiam viris adolescentibusque propinent, & vicissim viri puellis aut feminis. Diligenter vero a Pastoribus moneantur hoc a Nobis esse prohibitum, & nisi post trinam monitionem abstineant, ab ingressu Ecclesiæ arcebuntur; si autem in contumacia perseverent, publice interdicti denunciabuntur.

Ut autem hoc scandalum omnino propulsetur, impleretur etiam, si opus fuerit, brachii sæcularis auxilium.

Ut nullus Sacerdos ad ægrotos deferat adorandum Eucharistiæ Sacramentum, nisi (citra necessitatem) superpelliceo indutus sit, & ceretum vel lucernam deferat, ac tintinabulo, omnes ad adhibendam Christo Domino reverentiam admoneat. Ubi vero in Urbibus id commode fieri poterit, Eucharistia deferatur sub baldachino, illud sustentantibus nobilioribus, dignioribusque Parochiæ viris, & frequentissimo quo poterit populi concursu, 40. autem dierum indulgentiam concedendam iis, qui adorandum Sacramentum comitati fuerint.

Ut Ecclesiis & Altaribus debitus honor exhibeatur; maximeque, ne sacrosanctum Missæ Sacrificium, aliaque officia Ecclesiastica & conciones perturbentur, nullus Laicus ad altare proprius accedat; imprimisque ne fœminæ intra Sanctuarii cancellos orare præsumant, etiam in Ecclesiis Regularium & Monialium, multoque minus supra gradus Altaris collocentur: præcipiendo Ecclesiarum Rectoribus, ut eas moneant, & ni pareant, censuras minuerint: si vero correptæ non desistant, postquam Illius Dominus de earum pervicacia certior factus fuerit, ab Ecclesia canonice ejiciendas.

Ut dies Dominicis & festivos studiosæ universi colant, prohibeanturque sub prænis a Canonibus intentatis omnia opera servilia, mercaturæ, vecturæ, propinaram, ludorumve turpe commercium, maxime Divinorum officiorum tempore; aliaque id genus, quibus sacrorum dierum Religio violatur.

Atque enixe Magistratus rogentur, ut autoritate sua, Ecclesiam adjuvent, & concurrente Sacerdotio, ac imperio ubique Christus regnet. Ut etiam prorsus tollatur abusus, quem præsertim circa dies Ecclesiarum Dedicationibus, aut Patronorum venerationi consecratos, in hac Diocesi universa Synodus invaluisse conqueſta est. Tantum enim abest, ut inde fidelium pietas augeatur, ut potius commic-

tendis omnibus flagitiis ejusmodi festa inservire videantur, cum lusu, choreis, potationibus, supra modum indulgeatur, & sic dehonestetur, violenturque omnino Ecclesiæ devotio. Præcipiendum itaque erit, omnibus hujus Diocesis Pastoribus, Ecclesiarumque Rectoribus, ut diligenter populum moneant, hæc scandala imposterum vitanda esse, Magistratum etiam & brachii sæcularis, si necesse sit, ad hoc invocent auxilium, & nisi ab iis criminibus abſtineatur, sciant ejusmodi Evangelii & Ecclesiæ mandatorum conculcatores, ob eorum prævaricationem interdictum iri Ecclesiæ, & ea festa abolenda esse, ne officia Ecclesiastica, quæ ad Dei cultum, Sanctorumque honorem instituta sunt, vertantur in Religionis opprobrium, animarumque perniciem & ruinam.

Ut singuli Pastores in suis Parochiis districte prohibeant, ne puellas ducantur ad popinas a viris vel adolescentibus. Quod si viri eas compellant, vel ipse puellæ se abduci patiantur, aut sponte iverint, postquam Pastores eas monuerint; si post trinam monitionem non obediverint, ipsis ingressu Ecclesiæ nominatim & publice interdicitur; si autem interdictum violaverint, Pastores Curiam spiritualement certiores faciant, ut, nisi resipuerint, excommunicentur. Si vero fuerint vere pœniterentes Pastoribus, eas ab interdicto absolvendi facultas erit impertienda.

Ut Presbyteri, Diaconi, Subdiaconi, & universi Clerici tabernas fugiant, nec eas ingrediantur potandi causa (nisi forte fuerint in itinere) sub multa trium floren. 1ma vice, 2da vice sex floren., 3tia vice suspensionis. Si autem popinas adeant, in quibus potatur aqua vinaria, vel tabacum spiratur, 1ma vice solvent sex florenos, 2da duodecim, 3tia suspensionem incurrent, idem prohibendum Custodibus, & quibuscunque aliis, qui ministeriis Ecclesiasticis inserviunt, & ad forum Ecclesiasticum pertinent, atque omnes omnino fideles ad sobrietatem adhortandi.

Ut omnes Clerici tonsuram suo Ordini convenientem conspicuam habeant,

beant, & Clericalem habitum gerant, scilicet in residentia loco talarem vestem, præsertim in Urbibus & oppidis; Cum vero rusticabuntur, & viam carpent, poterunt ad vitandum lutum uti breviori habitu, qui vocatur futanella, modo ultra genua protendatur.

Nunquam vero sine talari veste Missa celebretur; aut ullum administretur Sacramentum etiam pœnitentiæ, sine superpelliceo, quadratoque pileo, nisi premente necessitate.

Approbantibus itaque omnibus resolutum fuit, ut conformiter ad hos Articulos, Statuta quamprimum fierent & publicarentur.

Postea congregatis inter se omnibus Deputatis in circulum, deputati fuerunt ad finem, qui supra Venerandus D. *Plesserea* Canonicus Theol. Ecclesiæ Cathedralis Dominus Pastor Parochiæ B. M. Virginis hujus urbis Tornacensis ac Decanus Christianitatis, Pastor S. Jacobi ejusdem urbis.

Denique insequendo Decreta Sacrosancti Concil. Trident. Sess. 24. Cap. 18. Illmus & Revmus Dominus nominavit approbante & consentiente Synodo Examinatores Synodales pro examine Pastorum Venerabiles DD. *Philippum de Boulogne* J. U. L. Ecclesiæ Cathedralis Torn. Decanum, *Simonem de Rybeiram* S. T. Doctorem, Archi Diaconum Majorem, *Ægidium de Brabant* S.

T. L. Archid. Flandriæ, *Petrum Mazureel* J. U. L. *Joannem Gennaro* J. U. L. Officiale, *Ægidium Plesseria* S. T. L. Theologalem, *Libertum Froidmonde* S. T. L. omnes dictæ Ecclesiæ Cathedralis Canonicos. Rdm Adm. D. *Remigium Dulaury* S. T. D. & J. U. L. insignis Ecclesiæ Collegiæ S. Petri Insulis Præpositum, Decanum, *Philippum van Campenbout* S. T. L. ejusdem Ecclesiæ Collegiæ Decanum, & Canonicum, *Ludovicum de Mersmans* & *Joannem Boudare* S. T. Licentiatos, ejusdem quoque Ecclesiæ Canonicos, R. D. *Ludovicum de Bersaques* S. T. L. Ecclesiæ Colleg. Corrac. Decanum. Magistros *Leonardum Schaerts* & *Joannem Wermueleh* Corrac. respective Pastores. Deputati vero fuerunt Judices Synodales Venerabiles DD. *Philippus de Boulogne*, *Simon de Rybeiram*, *Ægidius de Brabant* nominatos, & præterea R. D. *Petrus Lazier* Abbas Monasterii S. Martini hujus urbis; quo factò, Illmus Dominus Synodum dimisit, & unumquemque ad propria redire permisit. Actum Tornaci diebus, mense, & anno, quibus supra.

De Mandato Illmi & Rdissimi Domini mei Episcopi.

DESCHAMPS Secret.

Collat. cum Exemplari authentico Secretariatus Episcopatus Tornacensis.

GILBERTUS CHOYSEULIUS, summæ eruditionis, ac meriti amplissimi Vir, Convenarum t. t. Episcopus, à Ludovico XIV. Franciæ Rege, Tornacensem ad Insulam promotus, & anno 1671. die 21. Aprilis ornatus ea in Sede sua Cathedrali vixit; cum rectum in urbe & pagis ordinem qua privatis colloquiis, qua concionibus publicis stabilire adlaborabat. Nihil optimo Antistiti erat sanctius, nihil potius, quam gregem sibi commissum in Fide orthodoxa confirmare, & avulsos odiis ac simulatibus animos ad pristinæ amicitiae jura reducere. Juventuti, solidis doctrinæ Christianæ principiis & vera pietate imbuendæ, communem pro Dicecesi suæ Catechismum dedit. Anno 1672., qui & antiquissimi Monasterii (vid. *Maillon. Annal. Bened. Tom. I. Lib. XII. n. LIX.*) a S. Amando ad a. 639. conditi Jubilæus erat, novum ejusdem Templum, convocatis undequaque Abbatibus, quorum viginti aderant, & primæ nobilitatis hominibus plusquam 400, mirifico adparatu consecravit. Anno 1673. Breve Apostolicum, quod incipit: *Clemens &c. Venerabilibus Fratribus nostris Atrebatensibus, Laudunensibus, & Ambianensibus Episcopis &c.* suæ confirmans in idem Elnonense Monasterium jurisdictionis possessionem obtinuit, ex ejusque potestate in visitatione, quam instituit, sapientissima edidit, præscriptis Constituta. Suppressit eod. anno Parochiam S. Margarete Tornaci, & novam S. Mar. Magdalene Insulis anno 1676. erectam, probavit.

Seminarium pariter formandis e Tridentini Norma Ecclesiasticis, utraque in urbe erexit, Ss. Carolo Borromæo & Francisco Salezio consecratum. Ut Clero prælu-

sebat

cebat scientiarum, virtutumque radiis: ita fides sibi in Apostolico munere ac gnavos Pastores magni faciebat semper & ubi forebat occasio, multum commendabat. Quam fuerit ab emenito Janfenismi rigore alienus, declaravit daris a. 1678. die 24. Apr. ad Summum Pontificem INNOCENTIUM XI. literis, quibus nimis, de qua nonnulli eum Theologi postularant, severitatis labem propulsabat, hoc possum, scribens Pontifici, coram Deo profiteri, Beatissime Pater, me nunquam Janfenii patrocinium suscepisse, & quinque propositiones damnatas damnavisse semper ex animo &c.; neque tamen, a doctrinis laxioribus, quas censebat Christianis esse offendiculo, quantopere abhorreret, eadem occasione palam testari supersedebatur. Ad tuendum Ecclesiæ suæ honorem, in cœtu Provinciali die 3. Sept. anno 1681. Cameraci habito, primum sibi a Metropolitano locum ante alios ejusdem Provinciæ Suffraganeos vendicavit. Ad quæstiones a doctissimis Theologiæ Magistris sibi propositas tam respondebat suaviter simul & erudite, ut quam cumulatissime satis faceret. Obiit Lutetiæ Parisiorum, novi animo meditans Ritualis Diocæsani typum, pridie Cal. Januariæ anno Christi 1690, ætatis 76. Pontificatus 19. inter Doctores Sorbonicos jam ab anno Christi 1640. conspicuus.

Vide Joan. Bapt. Lud. Castillonii Sacr. Belg. Chronolog. Part. II. pag. 424. & Synopsin vitæ Episcoporum Toruac. Summæ Statut. Synod. cit. præmissam pag. CLXIII. Item Dictionnaire hist. portatif &c. Tom. I. pag. 301.

SYNODUS DIOECESANA *Autumnalis* MONASTERIENSIS,

Anno Christi MDCLXXIV. Clementis IX. PP. V.
Leopoldi I. Imp. XVI.

CELEBRATA

Ab eodem Revmo D. CHRISTOPHORO BERN. a GALEN,
Monaster. Episcopo,
DIE 16. OCTOBRI.

In hac Synodo publicabantur sequentia:

CHRISTOPHORUS BERNARDUS, DEI ET APOSTOLICÆ SEDIS
GRATIA EPISCOPUS MONASTERIENSIS, &c. &c.

Suprema magni Patrisfamilias dispositio-
ne credidum Nobis Ecclesiæ Monaste-
riensis mysticum agrum circumspecta pro-
videntia custodire, atque excolere (quan-
tum ex alto conceditur) satagentes animum
in eas semper curas intendimus, quibus ido-
neos cumprimis fidosque pro eo operarios
conduceremus, ut dum una cum iisdem
plantamus & rigamus, Domino benedicen-
te, & incrementum dante, messis multa,
fructu centesimo cœleste in horreum con-
gregaretur.

Sane cum sacræ paginæ testentur a cu-
ra vel incuria Pastorum salutem, vel dam-
nationem commissi gregis sæpius pendere,
merito in defectu hujusmodi personarum
adhibenda est omnis ratio, ut in hac Dice-
cesi nostra evulsis nunc opportune zizaniis
excolendo huic agro, id est, Ecclesiis ii

præficiantur, quos præter scientiam vitæ
morumque integritas commendet, ac tales
sint, quibus cura salutis animarum tuto cre-
di, quique ipsi forma facti gregis non ad so-
lam speciem externam, sed ex animo eun-
dem non minus honestæ probæque vitæ ex-
emplo, quam oblatione Sacrificiorum, pa-
buloque sacræ doctrinæ, & Sacramentorum
pascere, & in viam salutis æternæ dirigere
valeant.

Quod cum melius nunquam dignosci
queat, quam si vocantibus Parochialibus Ec-
clesiis per concursum provideatur, quam-
vis examini tunc faciendi certi alias Exami-
natores destinati sint, non tamen minus vi-
sum est nunc eosdem denuo confirmare,
quam alios etiam ex Venerabili Capitulo
nostro Cathedrali, & quidem Reverendos
ac Nobiles Nobis sincere Dilectos, Joannem
Rutge.

Rutgerum a Törck, & Joannem Adolphum Korff conductum *Schmidsch*, Cathedralis Ecclesiæ nostræ Decanum, & Canonicos in præfenti Synodo deputare.

Cumque ex delectu idonearum hujusmodi personarum fructum indes incredibili animi voluptate sentiremus, agri amplitudo & messis ubertas insuper stimulat folicitudinem nostram, ut iis locis, quibus numerosior invenitur populus, & Pastorum obventiones permittunt, habiles Pastores Sacellani, seu fidi Cooperatores, sicut hæcenus utiliter, ita in posterum quoque adjungantur, quo partis inter se oneribus & Christi fideles per conciones, ac Catecheticas lectiones in fide commodius possint instrui, & Sacramentorum administratio, curaque animarum facilius securiusque exerceri.

At vero, cum sine fide impossibile sit placere Deo, nec ulla nobis spes æternæ beatitudinis certa possit affulgere, neque aliter adultis illa, quam per auditum donetur, hortamur eos, qui ad id legitime vocati sunt & destinati, Sanctum Dei verbum, quanta potest fieri diligentia & sedulitate, prædicent, conciones autem ita aptari disponique volumus, ut apud imperitam plebem Catechismum potius, quam concionem redolant, nec minus res fidei, quam morales in iisdem clare & distincte tractentur, atque ita commissis iis, quæ ad doctrinam Christianam non pertinent, ea præcipue, quæ unicuique ad salutem scitu factique sunt necessaria, quæque vitia declinare, quasque virtutes sectari debeat, universus populus doceatur.

Eum in finem Decreta nostra de habenda Catechesi, antehac sæpius emanata & inculcata, de consilio & assensu Venerabilis Capituli nostri Cathedralis denuo innovamus, omnibus & singulis Parochis, aliisque animarum Curatoribus, ad quos hæc populi erudiendi obligatio spectat, serio & severe mandantes, ut necessario huic & saluberrimo, munerique Pastoralis congruentissimo operi diligentissime satisficiant. Et quia in hac Dicecesi nostra Parochiæ ampliores sunt, ut multi ob locorum distantiam aliasque distractiones ad Ecclesiam Parochialem accedere impediantur, ne tamen propterea ex defectu instructionis animas rudiores æternæ damnationis periculo exponi contingat, volumus, ut sicut Dominicis in Parochiali, ita Festis, & ubi Sacellani sunt, Dominicis etiam diebus extra eam in Burschappiis, convocato isthic ad certum locum & horam populo, Catechetice exhortationes habeantur, idque tot diebus ibidem, & post successive alibi continuetur, donec in iis, quæ

Tomus X. Concilior. German.

necessitate mediæ ac præcepti scire omnes obligantur, sufficienter instructos esse certitudine morali constet.

Quoniam vero nec tunc comparere omnes, hæc explicata a singulis satis intelligi experientia testatur, nihil hodie æque necessarium est, quam si pueri, puellæque in Scholis recte erudiantur, tanti enim momenti est juventutis instructio, ut ab ea totius propemodum Christianæ Reipublicæ tum salus, tum perniciēs pendeat.

Quapropter emanata alias de Scholis Decreta nostra per præsentium tenorem denuo innovantes, de consilio & assensu ejusdem Ven. Capituli nostri Cathedralis serio mandamus, ut in omnibus Civitatibus, oppidis, pagis, aliisque opportunioribus locis erectæ alias auctoritate nostra Scholæ Germanicæ pro pueris utriusque sexus omnino colantur & augeantur, ubi vero hæcenus vel collapsæ sunt, sine mora restituantur; vel nunquam fuerunt institutæ, omni studio & diligentia quantocius erigantur, in quibus pueri, puellæque juxta methodum a Nobis præscribendam faciliore quam hæcenus modo lingua vernacula Christianam Fidem veluti lac maternum a teneris annis imbibant, & ad morum honestatem, pietatemque instruantur.

Sed cum graves abusus oriantur, dum pueri, puellæque sub eodem Ludimagistro & eodem simul loco docentur, volumus, ubi juvenus & communitas numerosior est, speciales pro puellis Ludimagistras institui. Ubi vero id obtineri necdum potuerit, loco saltem & pariete interposito pueris a puellis in Scholis seorsim sedere & doceri. Pueri ad Scholæ a parentibus mittantur, & ne qua pauperibus conquerendi, vel filios a Scholis abstrahendi detur occasio, decernimus salaria Ludimagistris constituta, vel iis deficientibus, ex communibus pauperum redditibus certam portionem pro minervali eorum assignari debere.

Qua in re, ut eo certius, fidelius, & efficacius procedatur, mandamus Archidiaconis & Parochis nostris, ut in Regiunculis & Parochiis sibi commissis præinsertam nostram Ordinationem omni cura & studio exequantur, Satrapis vero, Quæstoribus, Prætoribus, Magistratibus locorum, & aliis Officiis nostris, ut quisque eorum quovis districtus sui loco tam in erectione Scholarum, quam assignatione salariorum pro Ludimagistris sollicitè & studiose assistant, juvent ac curent, quo enixa hæc voluntas nostra debitum suum effectum fortiaur.

Denique omnia & singula Edicta, Decreta, & Mandata nostra superioribus Synodis lata, publicata & intimata, denuo inno-

G

varius,

vamus, confirmamus & intimamus, vos omnes & singulos de Clero nostro paterne exhortantes, vocatione, qua in sortem Domini vocati estis, digne ambuletis, obligationi vobis ex fundatione Ecclesiarum vestrarum, vel Beneficiis, seu sacrorum Canonum Decretis incumbenti satisfaciatis, & vita moresque vestri ita compositi sint, ut ex actionibus vestris sumant, quod studiose

imitentur. Quo sine Benedictionem vobis Episcopalem impertimur. In fidem præsentis Pastoralis literas manu nostra subscriptas, sigilloque nostro roboratas dedimus in arce nostra Sassenberg, 14ta Octobris anno 1674. Regiminis nostri 24to.

Christophorus Bernardus mpp.

(L.S.)

SYNODUS DIOECESANA *Verna* MONASTERIENSIS,

Anno Christi MDCLXXV. Clementis IX. PP. VI.
Leopoldi I. Imp. XVII.

HABITA

ab eodem Revmo & Illmo D. CHRIST. BERN. a GALEN,
Monast. Episcopo,

DIE 26. MARTII.

DECRETA IN HAC SYNODO PUBLICATA:

CHRISTOPHORUS BERNARDUS, DEI ET APOSTOLICÆ SEDIS
GRATIA EPISCOPUS MONASTERIENSIS, &c. &c.

UT in Ecclesiis solitudini nostræ commissis Divina Officia ordinate peragantur, & fidelis populus per administrationem Sacramentorum, verbique Divini prædicationem in fide, pietate, & iustitia certius proficiat, assentiente Venerabili Capitulo nostro Cathedrali sequentia in Parochiis hujus Diocesis nostræ exacte observanda decrevimus, ac mandavimus, prout decernimus ac mandamus per præfatos.

I.

IN omnibus Ecclesiis Parochialibus sacrum Missæ Officium Dominicis & Festis diebus celebrabitur hora nona antepomeridiana, & ubi Sacellani vel Vicarii sunt, primum Sacrum inchoabitur circa septimam matutinam per æstatem, per hyemem vero paulo ferius: sicuti vero tres, aut plures Sacerdotes fuerint, tertium vel ultimum Sacrum post habitam concionem legitur.

II. Quicumque primum Sacrum celebraverit, præleget Evangelium,

jejunia, & dies Festos publicabit, ac præterea ad quadrantem horæ habebit Catechetica aliquam exhortationem.

III. Sub Missæ Sacrificio, præsertim tempore Gradualis, Offertorii, Canonis, Communionis &c. canentur semper piæ cantiones germanicæ temporis per annum accommodatæ.

IV. Parochi per septimanam minimum bis Sacrificium Missæ celebrabunt, ita ut semel pro defunctis, semel pro vivis Parochianis ac Patriæ necessitatibus illud offerre obligentur.

V. Ubi vero plures Sacerdotes fuerint, is ab omnibus ordo servetur, ut in Parochialibus Ecclesiis, & stata quidem hora, videlicet, septima per æstatem, octava vero per hyemem una saltem Missa legatur, & populus dato semper campanæ signo ad hoc invitetur. Quod si vero Parochi vel Sacellani in Capellis, quæ forsan in districtu Parochiarum existerint, pro habitantibus isthic populi commoditate subinde celebrarint, ii tunc ad celebrandum in Parochiali non obligantur.

VI.

VI. Curent Parochi, alique Sacerdotes, ut tam ornamenta Altarium, quam paramenta Sacrificantium, aliaque sacra supellex cumprimis integra, munda, ac nitida conservetur.

VII. In omnibus Missis tam solennibus, quam privatis post ultimam Collectam in Postcommunionem recitandam ante conclusionem semper addatur: *Et famulum tuum CHRISTOPHORUM BERNARDUM, Antislitem nostrum, una cum grege sibi commisso ab omni adversitate custodi, & pacem tuam nostris concede temporibus, per Dominum &c.* Exceptis Missis pro Defunctis, & ubi concluditur per verba: *Qui tecum vivit &c.*

VIII. Cum sine fide impossibile sit placere Deo, nec aliter adultis illa, quam per auditum donec, monentur Parochi & Concionatores, sanctum Dei verbum, quanta potest fieri diligentia, & sedulitate, prædicent: Conciones autem ita disponantur, aptenturque, ut apud imperitam plebem Catechismus potius redoleant, quam infructuosam orationem, nec minus res fidei, quam morales in iisdem clare & distincte tractentur, atque ita omnis omnibus, quæ ad doctrinam Christianam non pertinent, illa præcipue, quæ unicuique ad salutem scitu, factuque sunt necessaria, quæque vitia declinare, quasque virtutes quilibet sectari debeat, zelose doceatur.

IX. Dominicis ac festis diebus in Civitatibus, ubi Religiosorum Monasteria vel Collegia extant, quando in Parochialibus Ecclesiis concio habetur, Religiosi nunquam eodem tempore concionabuntur, sed quo Christi fideles opportunius ad sanctificandos dies illos incitentur, post prandium certa hora, quæ tamen Catechesin non impediat, aut alia opportuniore ad populum dicant.

X. Et quia monet Apostolus, bonum Deoque acceptum esse, si pro Regibus ac Principibus obsecrationes & orationes a subditis fiant, ut tranquillam vitam agamus: in omni pietate &c. Concionatores omnes, posthac semper finita concione precatiunculam illam, quæ præsentibus adjuncta est, una cum auditoribus suis publice recitabunt,

Tomus X. Concilior. German.

moneruntque subditos obligationis suæ, ut Deum, qui orationibus humilium sæpe præstat salutem sublimium, pro Principis sui & Patriæ incolumitate sæpius ac ferventer exorent.

XI. Cumque Catechesis adeo necessaria sit, ut ea potissimum fidelium salus præsertim simpliciorum pendere dignoscatur, Pastores in omnibus Ecclesiis Parochialibus per totum annum non solum Dominicis, sed etiam singulis festis diebus per semetipsos catechizabunt, curabuntque juventutem ac populum ad id certa hora & dato signo convocari.

XII. Et quia in hac Diocesi Parochiæ ampliores sunt, ut multi ob locorum distantiam, aliasque distractiones ad Ecclesiam Parochialem accedere impediuntur, ne tamen propterea ex defectu instructionis rudiores animas æternæ damnationis periculo exponi contingat, Parochi diebus festis, omisso tunc in Parochiali Catechismo, ad remotiores Burschappias excurrent, ibidemque convocato ad certum locum & horam populo catechizabunt, idque tot diebus ibidem, & post successive alibi continuabitur, donec in iis, quæ necessitate medii ac præcepti scire omnes obligantur, sufficienter instructos esse certitudine morali constet.

XIII. Ubi verò Sacellani sunt, obligabuntur ii tam Dominicis, quam Festis diebus ad Burschappias excurrere, & prædicto modo catechizare, relicta Pastoribus in Parochiali catechizando cura.

XIV. Religiosi autem, qui Curatis subsidio esse debent, quo cum iisdem proximorum salutem certius procurent, pariter ad Burschappias excurrant, ibidemque præscripto modo catechizent.

XV. Mandatur omnibus subditis & Parochianis, ut Dominicis & Festis quilibet, & singuli eorum Sacrosanctæ Missæ Sacrificio & concioni vel Catechismo intersint, ita quidem, ut qui mane Sacro & concioni interesse impediuntur, post prandium in Catechismo infallibiliter comparere teneantur.

XVI. Et ne per hoc, quod pecus pasci debeat, absentiam suam palliare queant, mandatur, ut pecudes tantisper vel domi detineantur, vel cæteroquin hæc cura iis, qui tempore antepomeridiano Divinis interfuerunt, etiam Patri-vel Matrifamilias per id tempus relinquatur.

XVII. Ludimagistri tam in Ecclesiis Parochialibus, quam Burschappiis (siquidem isthic aliquis constitutus fuerit) cum juventute sua Catechismo præsentem interfint, & semper ante & post Catechismum cantiones habeantur.

XVIII. Quominus etiam ab exercitio rei adeo salutaris fideles abstrahantur, nemo præsumat Dominicis vel Festis diebus tempore Divini Officii, concionis vel Catechismi in cauponis seu tabernis vinum aut cerevisiam vendere vel bibere, cæteroqui venditor vel caupo in quinque florenorum, bibens vero in duorum poenam toties quoties declaretur.

XIX. Utque magis absentandi occasio præscindatur, nuptialia & baptismalia convivia iisdem diebus haberi omnino prohibentur. Contrarium facientes omnes & singuli capitatim mulctabuntur.

XX. Quicumque vero nec mane Sacro & concioni, nec post prandium Catechismo interfuerint, pariter toties quoties mulctentur.

XXI. Ut autem tanto accuratius absentium ratio habeatur, Catechistæ per se, vel Custodes, aut Ludimagistros nomina singulorum speciali catalogo descripta recitabunt, aut alio modo curam gerent, qua absentes notari possint.

XXII. Cumque juventutis instructio tanti momenti sit, ut ab ea totius propemodum Christianæ Reipublicæ salus, tum perniciēs dependeat, hinc in omnibus civitatibus, oppidis, pagis, aliisque opportunioribus locis pro pueris utriusque sexus Scholæ germanicæ alias erectæ colantur & augeantur, vel si nunquam fuerint, præferantur etiam in remotioribus Burschappiis, loco habitantibus opportunior

omni studio & diligentia quantocyus erigantur.

XXIII. Sed cum graves subinde abusus oriantur, dum pueri puellæque sub eodem Ludimagistro, & eodem simul loco docentur, volumus, ubi juvenus & communitas numerosior est, speciales pro puellis Ludimagistras institui, ubi vero id obtineri necdum poterit, loco saltem & pariete interposito pueros a puellis in Scholis seorsim sedere & doceri.

XXIV. Pueri omnes a parentibus ad Scholas mittentur, & ne qua pauperibus ob inopiam conquerendi, vel liberos a Scholis abstrahendi detur occasio, decernimus egeniores gratis instrui, & ne quid Ludimagistris decedat pro minervali eorum salaria Ludimagistris alias constituta, vel, iis deficientibus, ex communibus pauperum redditibus certam portionem assignari debere.

XXV. Parentes ii, qui proles suas ad Scholas mittere neglexerint, si egeniores fuerint, puniantur; si vero possint, duplum præterea minerval Ludimagistris persolvant.

XXVI. Ut autem Scholarum & Scholarium cura tanto sit major, ac prænarata eo certiorum effectum consequantur, Pastores & Sacellani Scholas quot septimanis minimum semel visitabunt, & de earum statu, progressu, conservatione, Scholarium numero, &c. aliquoties per annum referent accurate.

XXVII. Ludimagistri, ac Ludimagistræ omni omnino immunitate gaudeant, nec ullis ab Officiatis nostris, vel Magistratibus locorum oneribus publicis quocunque sub prætextu graventur.

XXVIII. Et quo majore contentione res fidei necessarias juvenus ad discat, Parochi, vel alii Sacerdotes de eorundem licentia desponsatorum Matrimonii nullatenus assistere præsumant, nisi præmisso examine de rebus scitu factuque ad salutem necessariis, sufficienter instructi deprehendantur.

XXIX. Nemo Parochorum Vicariorum

riæ alicujus onera vel officiationem in se recipiet, sed Vicarii seu Beneficiarii ipsa onera, quo ad residentiam personalem, Missarum celebrationem, assistentiam in choro & cura animarum, juxta Fundatorum intentionem & Edicta ac Mandata alias publicata, ipsimet realiter præstabunt, nec ullatenus præsumant bona, vel sortes capitales ad Beneficia quomodolibet spectantia, vel spectantes hypothecare, alienare, seu alio quovis modo deteriorare sub pœna sacris Canonibus inserta.

In quibus omnibus, ut eo certius & efficacius procedatur, mandamus Archidiaconis & Parochis nostris, ut in Regiunculis & Parochiis sibi com-

missis præinsertam nostram Ordinationem omni cura & studio exequantur; Satrapis vero, Quæstoribus, Prætoribus, Magistratibus locorum, & aliis Officiariis nostris, ut quisque eorum quovis districtus sui loco in prædictis solícite & studiose assistant, juvent, ac curent, quo enixa hæc nostra voluntas debitum suum effectum sortiatur. In quorum fidem præsentēs dedimus manu & sigillo nostris roboratas. In Civitate nostra Monasteriensis die 23tia Martii, 1675.

Christophorus Bernardus mpp.

(L.S.)

SYNODUS DIÆCESANA *Autumnalis* MONASTERIENSIS,

Eodem anno Christi MDCLXXV.

HABITA

ab eodem Revmo D. CHRISTOPHORO BERN. a GALEN,
Monast. Episcopo.

REVERENDISSIMI, ADMODUM REVERENDI,
VENERABILES DOMINI, DOMINI!

Audistis ex Literis Commissionis Celsissimum Principem Episcopum, Dominum nostrum Clementissimum nobis, quibus vice sua hoc in loco præsidendi potestatem fecit, inter cætera injunxisse, ut, cum novas in præsentī Synodo Constitutiones publicare supervacaneum duxerit, illarum, quæ alias emanarunt, observantiam serio inculcaremus.

Arbitramur nos verbo, vos autem re ipsa hoc facturos, si vestras illis actiones conformetis, si, quod latinus Orator diserte jam deduxit, tales simus, quales existimari velimus, fideles Ministri Dei & Dispensatores Mysteriorum ejus.

Et quia continuatæ tot menses pluviae, niurium, aliorumque sementem absumendum animalium multitudo rei frumentariæ inopiam, & securam inde annonæ carita-

tem nobis comminantur. Cumque etiam belli æstus Septentrionem versus fervere primum incipiant, &, licet successus armorum Celsitudinis suæ usque huc felicissimi spes nostras impleverint, quia tamen bellorum exitus incerti esse, & plurima post se mala trahere consueverunt, exigit præcipue a nobis obligationis nostræ ratio, ut, qui in sortem Domini vocati, & medii quasi inter Deum & populum constituti sumus, ante thronum Divinæ misericordiæ provoluti, Sacrificiis & Precibus immensam illius Bonitatem exoremus, ut non solum prosperos illos armorum progressus porro secundare, sed & universa nobis adversantia benignissime excludere dignetur, ut mente & corpore pariter expediti, quæ illius sunt, liberis mentibus exequamur. Quem in finem Celsitudo Sua Episcopalem vobis Benedictionem impertitur.

- I. In Synodo Verna a. 1676. jussit Episcopus denuo inculcari sancita de Juventutis sedula instructione, & continuari decem Horarum, aliasque publicas & privatas Preces pro obtinenda pace.

II. *Nec in Synodo Autumnali a. 1676. nec in Verna a. 1677. quidquam publicatum est a Statutis prioribus diversum. In hac Præsides fuere viri mox citati; in illa Joannes Rutgerus a Torck, Goswinus Drosté, Joannes Adolphus Korff, conductus Schmisinck, & Joannes Alpen.*



SYNODUS DIOECESANA TORNACENSIS,

Anno Christi MDCLXXVII. Innocentii XI. PP. II.
Leopoldi I. Imp. XIX.

CELEBRATA

ab Illmo & Revmo Domino GILBERTO de CHOYSEUL,
Tornacensi Episcopo,

DIE I. JUNII.

ACTA SYNODI TORNACENSIS,

Habita in Palatio Episcopali die I. Junii anno Domini 1677.

Feria nempe tertia post Dominicam: MISERICORDIA DOMINI.

Præsidente Illustrissimo & Revmo Domino GILBERTO de CHOYSEUL du PLESSY-PRASLAIN Episcopo Tornacensi: Assistentibus RR. Admodum DD. Joanne Gemaro J.U.L. Ecclesiæ Cathedralis Decano, & præfati Illustrissimi Domini Vicario Generali; *Egidio de Brabant* S.T.L. Archi-Diacono Tornacensi, *Petro Masurel* J.U.L. Archi-Diacono Flandriæ in dicta Ecclesia Cathedrali, *Vincenzio Ragot*, Sacrorum Decretorum Doctore, ejusdem Ecclesiæ Præcentore & Officiali, *Ludovico Mersmans* S.T.L. Joanne Waterloop S.T.D. præfate Ecclesiæ Cathedralis Canonicis; RR. Admodum DD. *Francisco Legrand*, S. Martini, Ordinis S. Benedicti, & *Noë Porrois*, S. Nicolai, Ordinis Canonicorum Regularium S. Augustini Tornacensis Civitatis respectivé Monasteriorum Abbatibus; D. *Ignatio Baclan*, Canonico Seclinienſi, Capituli Seclinienſis Procuratore; Fratribus (*) *Juliano Bormier* & *Paulo Griffart*, DD. Abbatum Cyfontienſis & Phanopinenſis respectivé Deputatis; DD. & MM. *Nicasto Heunet* Pastore Parochiæ D. Virginis Civitatis Tornacensis ac Decano Christianitatis; *Martino Douliet*, Pastore S. Petri & Decano Christianitatis Insulensis; *Jacobo Gillebert*, Pastore S. Martini & Decano Christianitatis Cortracensis; *Petro Heigo*, Pastore in Rongis & Decano Christianitatis S. Amandi; *Maximiliano Tromont*, Pastore in Fretin, Seclinienſis, *Balthuino van Houtten*, Pastore in Dar-

gnies, Helchinienſis Flandrorum; *Ferdinando Malfait*, Pastore in Nechin, Helchinienſis Gallorum, districtuum Christianitatis Decanis: M. *Petro Juvet*, Pastore in Verwick, pro M. *Joanne Baptista d'Havelsto* Menenensſi, districtus Viroviacensis Decano, tum ob ægritudinem absente; MM. *Petro Villers*, & *Michaële Simon*, respectivé Scriba & Promotore Curiae Episcopalis Tornacensis, & M. *Huberto Clauteau*, Acolyto Dioecesis Mechlinienſis, pro Illustrissimi Domini Secretario, absente.

Synodus in Palatio Episcopali circa horam octavam matutinam aperta est. Celebrato autem Missæ Sacrificio ab Illustrissimo & Reverendissimo Domino Episcopo ad invocandum Spiritum Sanctum pro felici Synodi successu, Ipse cum Assistentibus ad Aulam Palatii se se recepit. Ubi exorta contentione inter Reverendos Abbates S. Martini & S. Nicolai-de Pratis quis eorum videretur esse Major, & quis prior deberet in Synodo sedere, auditis eorum summarie rationibus, & attento ultimo Sessionis statu statutum est sine ullo præjudicio, ut pro hac vice D. Abbas S. Martini priorem locum obtineret. Ut autem impoſterum eorum controversiæ finiantur, utrique injunctum est, ut quæprimum coram Illustrissimo & Reverendissimo Domino Episcopo in suo Vicariatu eorum respectivé Acta producantur ad litem jam intentatam omnino terminandam. Mora est etiam difficultas super loco, quo

(*) Impressi, quo utebar, exemplaris lacunam ex alia Synodo explevi.

quo federe deberent Abbatum Cysonienfis & Phanopinenfis Deputati, statutum est autem, ut immediate ante Decanos Christianitatis pro hac vice sederent. Tum Illmus Dominus Episcopus in concessu paucis de bellorum calamitatibus, ob quas coactus est paululum Synodorum celebrationem intermittere, deque earum nihilominus necessitate præfatus, omnesque ad Dei & Ecclesiæ gloriam, atque animarum salutem procurandam adhortatus, dixit sibi videri necessarium, ut pauca sed utilia & tenaciter observanda recentior sancirentur. Cumque in Generali Synodo decretum fuisset, ut præteritarum Synodorum Acta evolverentur; ex iisque seligerentur ea, quæ hujus Ecclesiæ moribus hoc tempore congruerent, & uno codice comprehenderentur. Eorum collectionem omnium oculis subiecit. Lecta postmodum de more a Reverendo Domino Petro Masireel, Archi-Diacono Flandriæ, Decreto de Residentia, a Concilio Tridentino edito, lectisque a Rev. D. Vincentio Ragot, Officiali, Statutis superioris Synodi Generalis; tum singulis suo ordine quicquid ad morum & disciplinæ reformationem conducere existimarent, proponendi facta licentia, hæc tandem, quæ sequuntur, sancita sunt:

ARTICULUS I.

UT exhibita Decretorum Synodaliū collectio quamprimum a Deputatis cum Illustrissimo & Reverendissimo Domino Episcopo iterum legatur & examinetur, deinde ad Decanos Christianitatis mittatur sui cuiusque Decanatus Pastoribus communicanda, tum Prælo mandetur. Ad hoc autem Deputati sunt Domini de Vicariatu Illustrissimi & Reverendissimi Domini Episcopi.

II.

Ne quis imposterum Pastor ullam super bannis dispensationem petere præsumat, nisi in libello supplici facta de parentum consensu mentione.

III.

Cum multi in fraudem Matrimonii, aliorumque Sacramentorum, ut suorum Parochorum & Pastorum oculos & conscientiam fugiant, migrent in alienam Dioccesim statim in hanc ipsam reverfuri, statutum est non solum illos graviter peccare, & monendos

esse, sed etiam recepta ab iis Sacramenta, quorum valor a propriorum Pastorum præsentia seu jurisdictione pendet, nulla esse, cum nullus Diocesanus aut Parochianos censeatur, nisi habeat in Diocesi aut Parochia commorandi animum. Non tamen hoc intelligendum esse de viatoribus, qui sine ulla fraude adeunt Parochos, aut alios approbatos Sacerdotes eorum locorum, per quos transeunt, sua peccata confessuri. Tales enim confessiones approbat Ecclesia.

IV.

Cum omnibus retroactis temporibus conquesti sint Majores nostri de Festorum violatione, in omnibusque Synodis inutili cautione super ea re provisum sit, & populi de nimia Festorum frequentia passim conqueratur, Magistratusque tum Civitatis Episcopalis, tum aliarum hujus Diocesis urbium & oppidorum enixe rogaverint, ut plura ex iis supprimerentur, aut saltem in dies Dominicas transferrentur, habita super ea re matura deliberatione, pensisque hinc inde difficultatibus, tandem Antecessorum Episcoporum vestigiis inhærendo, ac præcipue GILBERTI D'ONGNIES & MICHAELIS D'ESNE, qui in Synodis multa Festa, populorum precibus inclinati, abrogarunt, visum est novum Kalendarium ad hujus Dioceseos usum componere, quod deinceps per omnes Parochias promulgabitur.

V.

Cum expositum sit a pluribus libris Rituales deficere, & necesse esse, ut iterum Typis mandentur, tota Synodus rogavit Illustrissimum ac Reverendissimum Episcopum, ut tam necessario operi invigilet, quod se facturum promissit, assumptis ad hoc sibi adjutoribus DD. Mersmans, Waterloo & Donne Canonici.

VI.

Pluribus conquerentibus de puellarum & adolescentium virorum protervia, qui simul popinas adeunt, ibique lascivientes & intemperantiæ, gulæque indulgentes maxima pariunt scandala, quibus per Statuta Synodalia

lia necdum satis efficax remedium adhibicum est, tum etiam de publicis lufibus, aleis, choreis, tripudiis, aliisque ejusmodi, quibus cum magno Ecclesiæ ludibrio & pietatis detrimento operam dant, populi diebus Dominicis & Festivis, & maxime diebus Dedicationum arque Patronorum, etiam tempore Divinorum officiorum, decretum est, ut præter iteratas monitiones, adhortationes, obsecrationes, increpationes, quibus in omni patientia instandum est, opportune, importune, adeantur sæculares Magistratus, ipsaque etiam suprema hujusce Civitatis Consilii cura, aque etiam, si opus est, Regis in suo consilio existentis auctoritas, ut tantum scandalum tandem compescatur.

VII.

Decani Christianitatis & suo & suorum Compastorum nomine, retulerunt parentes liberorum salutis minus studiosos, eos ad Catechismum non mittere: quin & ipsos grandiores & pro vectæ ætatis homines vix tenere, & callere Fidei rudimenta: quare sancitum est, ut ad Regia Edicta recurrant, & negligentes Promotori denuntient. Cæterum quoad grandiores attinet, hujusce Dioceseos jam promulgata super ea re Statuta diligenter & sedulo executioni mandentur.

VIII.

Cum relatum sit plures Presbyteros non solum specie pietatis testamenta Laicorum obire, & exequi; sed etiam, ut hæ sibi Provinciæ demandentur, plerumque ambire, ex quo oritur, ut se Laicorum Tribunalibus sistere cogantur, quod in Ecclesiæ dedecus vertitur & opprobrium, statutum est, ut a Pastoribus, & maxime a Christianitatis in suo cujusque tractu Decanis, moneantur Sacerdotes, & omnes Clerici, ne imposterum militantes Deo, impliceant se hisce sæcularibus negotiis: Contumaces autem citentur coram Officiali, juxta Provincialis Concilii mentem.

IX.

Insequendo Decreta Sacrosancti Concilii Tridentini Sess. 24. Cap. 18. no-

minati fuerunt pro examine Pastorum, ac aliorum RR. Adm. DD. *Joannes Gennaro J. U. L. Decanus Ecclesiæ Cathedralis*, Vicarius Generalis Illustrissimi Domini Episcopi: *Ægidius de Brabant S. T. L. Archi-Diaconus Tornacensis: Petrus Maruvel S. T. L. Archi-Diaconus Flandriæ in Ecclesia Tornacensi: Vincentius Ragot Sacrorum Decretorum Doctor, Officialis, Libertus de Froimondt J. U. L. Penitentiarius, Ludovicus Mersmans S. T. L. Joannes Watterloop S. T. D. Theologalis, Antonius Donne Scholasticus, S. T. L. præfata Ecclesiæ Cathedralis Canonici, & præterea RR. DD. Remigius du Laury S. T. & J. U. L. Ecclesiæ Collegiæ S. Petri Insulis Præpositus; Philippus de Camperbout S. T. L. Decanus, & Jacobus Boudart etiam S. T. L. Theologalis, Canonici ejusdem Ecclesiæ & Magister, Martinus Doulet Pastor S. Petri & Decanus Christianitatis Insulensis; RR. DD. Petrus van Caeteren J. U. L. Præpositus Halebecensis, & Ludovicus de Bersaques, S. T. L. Decanus Ecclesiæ Collegiæ D. Virginis Contraci; Magister Jacobus Gillebert S. T. L. Pastor portionis Septentrionalis, & Decanus Christianitatis Contracensis, & Joannes Vermeulen Pastor portionis Meridionalis ejusdem oppidi Contracensis.*

X.

Deputati vero Judices Synodales RR. Adm. DD. *Joannes Gennaro, Ægidius de Brabant, Petrus Maruvel, Vincentius Ragot, Ludovicus Mersmans, & Antonius Donne*, qui supra, nec non *Albertus Mauritius de la Hamaye J. U. L. ejusdem Ecclesiæ Canonicus, Hospitalarius: & præterea RR. Adm. DD. Franciscus Legrand S. Martini, & Nos Portionis S. Nicolai de Pratis, Tornacensis Civitatis respectivæ Abbates.*

De Mandato Illustrissimi & Reverendissimi Domini mei Episcopi præfati.

DECHAMPS Secret.

SYNO.

SYNODUS DIOECESANA *Autumnalis*
MONASTERIENSIS,
Eodem anno Christi MDCLXXVII.

J U S S U

ejusd. Revmi Domini CHRISTOPH. BERNARDI a GALEN,
Monasteriensium Episcopi,

CELEBRATA

CIRCA DIEM 8. OCTOBRIS.

Deputati Præsides ab Episcopo JOANNES RUTGERUS a TORCK, MATTHIAS
KORFF, conditus SCHMISINCK, GOSWINUS DROSTE, JOANNES
ALPEN Vic. Gen.

ACTA in Synodo a. 1677. Autumnali.

IN præsentē Synodo autoritate Episcopi, & de assensu Revmi Capituli Cathedralis innovantur Decreta & Statuta alias ex hoc loco publicata & intimata, monenturque omnes de Clero vocationis, officii, & obligationis suæ, ut quæ de vitæ, mōrumque sanitate, habitu & tonsura, frequentatione chori & Ecclesiæ, Divini verbi prædicatione, Sacramentorum administratione, & cūprimis de Catechesi, Juventutis instructione, & Scholis antehac serio mandata & inculcata sunt, exacte observentur.

Deinde ut benignissimus Deus in negotio pacis & belli, quod de præsentī tractatur, id tandem concedere dignetur, quod Religioni, Imperio, & Patriæ magis videbitur salutare, reassumendæ eæ sunt Preces decem horarum, aliæque pietatis & devotionis officia per instantem hanc hyemem continuanda, ut communibus omnium votis exoretur Divina Bonitas, quatenus omnem a cervicibus adversitatem benignissime avertat, & profundam nobis Benedictionem clementissime largiatur.

STATUTA SYNODALIA

ARCHI-EPISCOPATUS TREVIRENSIS,

Anno Christi MDCLXXVIII. Innocentii XI. PP. III.

Leopoldi I. Imp. XX.

L A T A

A REVERENDISSIMO & EMINENTISSIMO DOMINO,
D. JOANNE HUGONE, (*) Trevirensi LXXXIII. Archi-
Episcopo, S. R. I. Electore.

ET DATA

DIE 12. FEBRUARII

JOANNES HUGO, DEI GRATIA ARCHI-EPISCOPUS
TREVIRENSIS, S. R. Imp. per Galliam, & Regnum Arclatense Archi-Cancellarius, Princeps
Electo, Episcopus ac Princeps Spirensis, Administrator Prumiensis perpetuus, Præ-
positus Weissenburgensis &c. Ad Clerum Archi-Diœcesis nostræ Trevirensis
per Ducatum Luxemburgensem.

AD Ecclesiæ Trevirensis a Principe Aposto- Salvatoris JESU CHRISTI Vicario D.
lorum & summo in terris Domini nostri Petro sub ipsis nascentis Religionis Christianæ
primor-

(*) Vide ad calcem Statutorum.
Tomus X. Concilior. German.

primordiis per suos Discipulos Beatos EUCARIUM, VALERIUM, & MATERNUM fundatæ, & ad hæc usque nostra tempora continua successum serie in vera fidei puritate singulari Dei beneficio conservata regimen, meritis licet imparibus, disponente Domino, nuper vocati, inter varias curasque multiplices, & sollicitudines, quæ ex ipso statim Pastoralis officii inchoato ministerio Nobis incumbabant, illam totis affectibus, & desideriis amplecti cepimus, per quam Clerum, maxime illum, (qui Parochialibus ex sorte sua subeundis muneribus mancipatus ad Altaris tribunal bolum causa & populorum offerre vota, ac pro pace eorum Altissimum quotidie interpellare, verba quæ Divini prædicatione, ac Sacramentorum administratione eos pascere tenetur) Deo devotum, atque moribus vitæ & doctrina sanctum per Archi-Diæcesim nostram, hisce potissimum temporibus, quibus illa plurimis hæc usque læcessita erunt, iusto Dei iudicio, peccatis nostris ita exigentibus, admodum indies gravioribus exponitur calamitatibus, atque dispendiorum periculis, juxta regulas Ss. Canonum ita formaverimus, ut in eum tanquam in speculum Dominicæ veritatis reliquus grex fidelium oculos suos conjiciens semper sumat, quod imitetur, sequæ ex ejus vivendi & docendi exemplo ad omnem pietatis ac virtutum normam, Deique cultum assidue componat, atque ita demum fiat, ut S. Matris nostræ Ecclesiæ Catholice splendor in vobis filiis suis ubique

per Archi-Diæcesim nostram elucescat, & si quid in ea devium, & dissonum hostis antiqui operante versutia irrepsisse inveniat, radicitus, & procul, Deo adjuvante, abjiciatur, palmitesque novi plantentur, per quorum suavitatis odorem Religio ipsa Christiana utrobique in morum, & doctrinæ sanctitate reflorescat, & in domo Domini cum spiritualibus & temporalibus incrementis dignos parturiat fructus: Hinc est, ut horum votorum nostrorum simulque Pastoralis vigilantie nostræ salutares effectus a miseratione illius, qui vocat ea, quæ non sunt, tanquam ea, quæ sunt, per merita Salvatoris Domini nostri JESU CHRISTI eo certius obtineremus, cur sub initium nostri Reginis anno proxime evoluti Archi-Diæcesim nostram per Ducatum imprimis Luxemburgensem utpote a Nobis remotiorem, per nostrum in Pontif. & Spiritualibus Vicarium Generalem R. in Christo Patrem Dominum Joannem Henricum Anethanum, Episcopum Hieropolitanum, visitari fecerimus, ejusque audita postea super singulis & probe examinata relatione, insistendo piis Prædecessorum nostrorum vestigiis (quorum Decreta tanquam hisce inserta, rata, confirmata, & innovata esse volumus) ad majorem DEI gloriam, & animarum salutem sequentem in modum Archi-Episcopali nostræ, quæ fungimur, & ordinariæ, nec non etiam a Sede Apostolica delegata potestate statuere, & sancire decrevimus.

STATUTA SYNODALIA ARCHI-EPISCOPATUS TREVIRENSIS.

CAPUT I.

DE SACERDOTALI & PASTORALI OFFICIO.

Qualis est Rector Civitatis, tales & sunt inhabitantes in ea, testatur Sapiens *Eccles.* 10. sic quales sunt Parochi, tales sunt & Parochiani, quorum curam gerunt: Et Salvator noster ait *Lucæ* 11. Si oculus tuus fuerit lucidus, totum corpus tuum lucidum erit, sin autem nequam fuerit, etiam corpus tuum tenebrosum erit: unde juxta S. Gregorium M. Rectores Ecclesiarum oportet esse in operatione semper præcipuos, ut vitæ viam subditis vivendo denuncient, & grex, qui Pastoris vocem moresque sequitur,

per exempla melius, quam per verba graditur: qui enim loci sui necessitate compellitur summa dicere, hac eadem necessitate compellitur summa, & monstrare, & facere; Illa vox namque libentius auditorum corda penetrat, quam dicentis vitæ commendat; quia quod loquendo imperat, ostendendo, & faciendo adjuvat, ut fiat: Hoc autem ut eo, quem operamus, & speramus, cum fructu deinceps a Parochis & Sacerdotibus nostræ jurisdictioni subiectis præstetur, & impleatur; hinc statuimus primo.

§. I.

Residentia, habitus, & contubernium seu famulitium Sacerdotum, & Parochorum.

Primo præcipimus, ut Curatores animarum Divinorum præceptorum memores, ea semper exacte custodiant, quæ de Residentia personali apud suas Ecclesias & gregem ipsis commissum injungunt Ss. Canones, nominatim Trid. Synodus *Sess. 23. de Reform. Cap. 1.* sub pœnis inibi expressis, & aliis nostro arbitrio pro qualitate excessuum infligendis. Ideoque secundum eorumdem Ss. Canonum præscripta, quibus nemo militans Deo, sese negotiis implicare potest secularibus, revocamus omnibus Parochis, Vicariis, & Sacellanis in memoriam Mandata olim hac super re per nostros Prædecessores edita, ne ullis deinceps secularium negotiis maxime forensibus se se quovis sub colore commisceant, aut implicari se sinant, nisi forte pietas, servata tamen ea, quam jura præscribunt, moderatione, aliud exigeret.

II.

Ne Pastores a commissa sibi grægis cura distrahantur, cum etiam ne hac occasione amittendæ vel minuendæ Ecclesiæ immunitatis periculo se se exponant (prout, pro dolor, factum quorundam nimia acquirendi cupiditate experientia didicimus ac lugemus) aut avaritiæ labem incurrant, rixarumque ansam ob onera publica præbeant, præter illa incommoda hortamur omnes in Domino, ut bonis suis patrimonialibus, & vidualibus, si quæ habeant, contenti, nulla Laicorum bona intra Parochiæ suæ terminos aut emanent, aut hypothecæ titulo possideant.

III.

Multo magis etiam conformiter Ss. Canonibus promiscuum medicinæ exercitium interdictum iis esse volumus, injungimusque, ne ullatenus maxime porcionibus vel incisionibus mulierculas curandas suscipiant. Circa mares vero, si quando ex charitate iis subveniendum foret, id prævia a Su-

Tomus X. Concilior. German.

perioribus obtenta licentia ita moderate & discretè agant, ut in Ss. Canones non impingant: Caveant autem, ne remediis superstitionem redolentibus utantur, aut maleficii suspensionem hominibus moveant, cum gravissimo charitatis ac pacis domesticæ, sæpe etiam justitiæ dispendio.

IV.

Et quia gravis eaque justissima multorum non modo Laicorum, sed etiam Ecclesiasticorum querela est, plurimos Pastores ac Sacellanos cauponariam mercaturam exercere, ad nundinas circumquaque excurrere, pecora, frumenta palam, & personaliter in publico foro venum facere, vinum adustum distillare cum gravissimo scandalo, & status Clericalis dedecore, ac vilipendio: Nos omnia ista & similia omnibus, & singulis Ecclesiasticis in virtute sanctæ obedientiæ interdici esse volumus, & interdicimus sub multa unius floreni aurei, quoties secus fecisse deprehensi fuerint, & si bis terve moniti, & multati, non se emendant, ad Nos, vel nostros Vicarios, seu Officiales generales pro severiori correctione deferri volumus.

V.

Est & alia quævis non levis querela Ecclesiasticorum & secularium contra quosdam Pastores, & Sacellanos, quos Dominicis, Festivisque diebus gradus, officique sui parum memores, cum Laicis publice ad metam jaculari non pudet, etiam cum dispendio functionum suarum Pastoralium, & hunc abusum sublatum severe volumus: Hinc quoties quis Ecclesiasticus contravenerit, toties eum aureo floreno multatum volumus, & si bis terve a Decano, vel ex ejus mandato ab uno ex Definitoribus monitus non respuerit, ad Nos pariter pro severiori correctione deferri eum mandamus.

VI.

Bombardas & Sclopeta, dum itinerantur, non portent, aut Ephippiis appendant; non solum a clamosa venatione, quam severe Clericis interdiciunt Ss. Canones, abstineant, nec ullis precibus quorumvis Laicorum ad

H 2 eam

eam adduci sese patiantur, sed etiam modestia ita moderate ac prudenter utantur, ut nec honestæ recreationis modum excedant, nec occasionem cum temporalibus Dominis, & Toparchis litigandi præbeant.

VII.

Canes venaticos duos tresve non habeant, sed pro iis membra Christi, imo Christum ipsum in suis pauperibus refocillent, vel in subsidium alimentationis bene idonei Sacellani, aut Ludimagistri, si aliunde honestum stipendium habere non possint, aut in ornatum templi, aut in munuscula Catechetica, si quid abundat, impendant, memores verborum S. URBANI Papæ de bonis Ecclesiæ attributis, ipsæ res fidelium, quæ in Domino offeruntur, non debent in alios usus, quam Ecclesiasticos, & Christianorum fratrum, vel indigentium converti, quia vota sunt fidelium, & pretia peccatorum, ac Patrimonia pauperum, proinde & arma jaculatoria ab eorum ædibus exulent.

VIII.

Canes ne secum unquam ad templum adducant, aut sequi patiantur, ne dum chorum ingredi, aut in altari stare, aut jacere.

IX.

Capillitium, vestitumque Sacerdote dignum semper gestent, quare coma sit brevis, & decens tonsura, perucham vero, sine legitima dispensatione, gestare nemo præsumat, mystaces non ad levitatem, vanitatemque laicalem, aut aulicam, sed ad gravitatem, decentiamque Clericalem aptatas habeant. Tibialia non alio quam nigro colore tincta, vestes prolixæ sint, si tamen peregre proficiscendum forer, id in brevioribus fieri poterit, quæ tamen non ad modum, quem stulti filiorum huius sæculi vanitas quotidie parturit, sed quem exemplaris modestia, & gravitas honestorum, & timoratorum Sacerdotum Nobis præscribit, factæ sint.

X.

Mandamus quoque, ut Diaconi, & Subdiaconi coronam & vestem suo

gradui convenientem portent, alioquin ad superiorem gradum non admittendi; meminerint etiam suo gradui convenienter vivere, seque gerere.

XI.

Cum nullum vitium adeo Statum Ecclesiæ dedecet, ac infamet, nec tam hæreticos, quam Catholicos scandalis, quam vita luxuriosa Sacerdotum, non modo ipsum vitium ac peccatum, verum istius etiam vitii umbram, ac famam, ansamque omnem ab eis amotam esse vehementer optamus: Quare mandamus severe, ne ullus Ecclesiasticus personas suspectas penes se habeat, aut accedat, aut ad ædes suas accedere permittat.

XII.

Ancillas, quoad fieri potest, habeant consanguineas, vel affines propinquas, easque vitæ ac morum honestatæ, & gravitate commendatas; quas, si tales habere non possint, alias honestas, de quibus nulla suspicio esse possit, assumant.

XIII.

Ancillas suas nunquam secum ad convivium, nundinas, peregrinationes deducant, multo minus solas in itinere comites habeant, aut in equo retro se devehant sub pena unius floreni auri in auro pro qualibet vice.

XIV.

Ne soli cum sola habitent, quantumvis probatæ vitæ sint, ac ætatis, nec eadem utantur mensa, nisi forte mater sit aut soror, nec ita familiariter cum iis agant, aut obloquendi libertatem, aut dominandi audaciam maxime coram aliis eis permittant, ut suspicionem vel offensionem merito creare possint.

XV.

Nullos conjugatos in domesticos admittant quovis sub prætextu, nequidem consanguineos, nisi omnino propinquos, eosque ætate jam provectos.

XVI.

Nec famulas, nec famulos nequidem consanguineos Matrimonium in ædibus Pastoralibus, multo minus convivium

vivium nuptiale celebrare patiantur, sed nubere volentes ab ædibus suis prius dimittant.

XVII.

Nec patiantur in die Dedicationis aut alias tibicines ludere, aut choreas duci.

XVIII.

Ancillis, cæterisque domesticis suis quovis sub prætextu nocturna conventicula tam in suis, quam in alienis ædibus interdican.

XIX.

Ad nulla nuptialia, baptismalia, funebria, encenialia, aliaque rusticorum convivia, maxime, si mulierculæ interveniant, unquam accedant, nisi eæ sint loci, temporis ac personarum circumstantiæ, ut honestæ executioni locus esse non possit: in his enim, & similibus plerumque modestia, gravitas, & æstimatio Sacerdotis, ipsaque conscientia naufragium facere solet.

XX.

Quod, si ex legitima notoriaque causa contingat illos subinde honestis conviviis interesse, ita se habeant, ut præsentia sua moderentur excessus, & exemplo suo doceant temperantiam; si quis autem cum scandalo ebrius deprehendatur, unius floreni aurei multa puniatur.

XXI.

A choreis autem omnino abstineant: indignum enim est, Sacerdotem a Laicis habitu distinctum in levitate morum esse parem: Qui secus fecisse convictus fuerit a Decano, ad unum florenum aureum mulctetur pro prima vice, pro 2da ad duos. Si nec sic corrigatur, sit suspensus ab officio, donec seriam emendationem in manus Decani coram definitioribus promiserit.

§. II.

Officium Divinum, doctrina Christiana, & administratio Sacramentorum.

I.

Certam fixamque horam Sacrificio Missæ assignent. Spectata popu-

li commoditate, servantque inviolabiliter, v. g. æstate primus pulsus detur ad medium octavæ, hyeme ad medium nonæ, ultimus æstate hora octava, hyeme hora nona.

II.

Nullus Clericus, maxime Sacerdos ad Ss. Altare, aut functiones Sacras accedere præsumat sine vestibus, paramentis, ac ornamentis necessariis, & præscripto rubricarum, decentibus nitidis; Sacrificium vero Missæ, non nisi in materia nitida ac certa, peragat.

III.

Proinde omnem industriam ac ælulum Sacerdotes impendant, ut Ecclesiæ talibus vestibus ac instrumentis Sacris sufficienter instruantur, sive ab iis, qui de jure aut consuetudine ad ea administranda sunt obstricti, sive ex fabrica, sive ex collecta speciatim in eum finem facta, sive ex pia liberalitate fidelium, sive ex multis: Nec enim Fundatores, aut Decimatores, aut Præsentatores eo præcise titulo ad ista obligandos censemus, nisi speciale jus in documentis, aut legitima probataque consuetudine fundatum contra eos militet.

IV.

Dum cantant Sacrum, aut ad tumulum pro defunctis orant, non mutilent sequentias, nec Gloria, nec Credo, nec Pater, sed ad longum omnia orent, & cantent, & orari, ac cantari faciant.

V.

Corporalia ac purificatoria habere nitida semper studeant: Quare singulis quatuor temporibus ipsi ea primo lavent, tum ea porro purganda honestis personis committant.

VI.

Scandalosa prorsus, & Sacrosanctis Mysteriis ignominiosa assuefactio inolevit apud multos Sacerdotes tabacum in ore circumferendi, & masticandi & etiam sub ipso augustissimo Missæ Sacrificio: Hanc omni plane modo abrogatam volumus, quare sub virtute sanctæ obedientiæ, & sub multa unius floreni aurei tories, quoties

contravenerint, incurrenda prohibemus omnibus, ne tabacum unquam ad sacrum Altare deferant, & quo facilius abstinere pro tunc possint, hortamur in Domino omnes, & singulos Ecclesiasticos, ut aliis quoque temporibus a fœtida ista, & Sacerdotali ore indigna herba sibi temperent.

VII.

Sub simili pœna prohibemus etiam, ne quis Clericus sub Divinis officiis, Vesperis, & Catechismo tabacum pulverisatum sumat.

VIII.

Nunquam celebrent in Templo, vel Altaribus dirutis aut prophanatis, nequidem cum portatili sine expressa licentia nostra, vel nostrorum Vicariorum Generalium.

IX.

Nullus Pastorum pro se, aut Sacellano binandi facultatem petat, nisi gravissima, eaque bene allegata, ac probata de causâ oraliter, impetratam tantum subreptitiam sciant, nullatenus sibi in conscientia suffragaturam, nec in alio loco, aut Templo, aut Sacello, aut Altari, quam pro quo nominatim postulata, & indulta fuerit licentia, ea uti præsumant, ubi nostros quoque Vicarios Generales pro tempore existentes serio admonemus, ut & ipsi potissimum illam, ad quam ex officio sub propriæ conscientie gravamine tenentur exactissimam in similibus non promiscue concedendis impendant curam, & vigilantiam.

X.

Quibus autem binare conceditur, noverit sibi id minime licere cessante causâ, ob quam binatio concessa, ne præsentè alio Sacerdote, qui celebrare possit, & velit, nec in die Nativitatis Domini plus, quam tria Sacra celebrare, & ad ablutioem primi Sacri diligenter reflectant.

XI.

Singulis Dominicis & Festis non tantum per Adventum, & Quadragesimam, sed per totum annum Pastores, & Pastorum vices gerentes per se, in

casu autem infirmitatis, vel alterius magnæ necessitatis tantum (super quo oneratur ipsorum conscientia coram districto Iudice sanguinem ovium suarum ab ipsis requirentem expurganda) per alios ad id munus præstandum idoneos, Catecheticam lectionem integræ circiter horæ spatio, nec longiori accuratissime ornato consequenter, non autem per saltum hinc indeque per disparatas materias evagando, accommodato ad captum ac necessitatem uniuscunque dicendi genere explicant, idque non tantum in Ecclesia Parochiali, sed etiam in Sacellis, in quibus præfatis diebus, vel sola concio, vel sola Missa habetur juxta Constitutiones Archiepiscopales a nostris Prædecessoribus præparatas anno 627.; vel saltem, si id fieri legitimis de causis non possit, alternis concionentur, & catechisent hora populo commoda, ne alias emanandi anam arripiant sub multa unius floreni aurei pro qualibet omissione.

XII.

Quia subiade incolæ a Templo ita remoti sunt, ut ad Ecclesiam pro Catechismo venire non possint. Nec tamen aut Ecclesiam habeant, aut officium Divinum diebus Festivis. Ideo ne & hi ignorent necessaria ad salutem, illis quoque tradendam sciant Parochi doctrinam Christianam iis diebus tamen feriatis, quibus Missam in isto loco, vel in vicinia celebrabit ipse Pastor, vel Sacellanus, ideo certum diem, quo in septimana ibidem celebraturi sunt, destinabunt, ut populus, & frequentior tum ad Sacrum, tum ad Catechesim conveniat, si impedimentum prævideatur, præmoneantur incolæ Dominica præcedente.

XIII.

Cum vero scire debeant animarum Pastores, se sub districto Dei iudicio teneri prospicere instructioni populo- rum sibi suæque curæ commissorum, nec ullam hic in contrarium admitti excusationem: Quare, si id ipsi præstare non possint, obligari de idoneo Substituto prospicere.

XIV.

XIV.

Cum vero frequens eaque non minus iusta est Pastorum querela, Parochianos sæpe supine negligentes esse in frequentanda explicatione doctrinæ Christianæ; Hinc renovandam esse duximus, sicut si de facto tenore præsentium renovamus Ordinationem olim in hac Dicecesi factam, ut nimirum nullus deinceps ad Sacramentum Matrimonii admittatur, imo ne quidem ulla Matrimonii proclamatio fiat, nisi constet, aut ratione honestæ ac honoratæ educationis domesticæ prudenter præsumi possit, ac debeat, eos, easve sufficienter in doctrina Christiana esse instructos, quæ certe de plæbeis præsumi non potest, nec debet, nisi observati fuerint explicationem doctrinæ Christianæ diligenter frequentasse; Quare tales omnino examinandi erunt coram duobus Synodalibus, non autem publice ante valvas Templi; aut immediate ante Matrimonii celebrationem (uti a quibusdam Pastoribus indiscrete factum intelleximus, & deinceps fieri prohibemus sub pena arbitraria) sed antequam ulla fiat proclamatio, idque privatim, & si minus subsistant, remittendi sunt, donec melius fuerint instructi, sive fuerint ex propria Parochia, sive aliena, nisi a proprio Parocho habeant sufficientis doctrinæ testimonium.

XV.

Idem etiam in admittendis patris infantum baptizandorum servari severe præcipimus, & ut nemo possit ignorantia causam allegare, volumus hos duos Articulos singulis Dominicis quatuor Angararum publice e Cathedra de verbo ad verbum vernacula lingua populo prælegi, & districte exponi.

XVI.

Experientia autem constat multis pecuniariis potius tricas, & contentiones ac lites in Parochiis excitari, animosque exacerbari, quam Catechismus cæterumque cultum Divinum promoveri; idcirco hortamur Parochos, ut studeant in funiculis Adami, id est; seriis admonitionibus, quæ paternum animum præferant, ut munusculorum &

honoris incitamentis, propositisque Indulgentiarum thesauris, & in primis bona ac commoda docendi methodo tam adultos, quam juniores ad doctrinam Catechetica & alia pietatis exercitia adtrahere, in eumque finem, vel suis Parochiis confraternitatem doctrinæ Christianæ, quæ propria Parochorum est, & adeo serio a Superioribus commendatur, erigi procurent, vel saltem eidem confraternitati in vicino aliquo loco erectæ nomen cum suis Parochianis dent, ad ejusque Conventus semestres, & publicum Catechetikum certamen, ac publicam diligentia ac doctrinæ remunerationem, vel ipsi deducant, vel saltem mittant; Hoc esse suavissimum simulque efficacissimum, & tricus & jurgis minime obnoxium medium doctrinam Christianam promovendi, testantur omnes, quotquot eo hætenus serio uti sunt; Munuscula vero ista ex multis, vel si desint, ex redditibus fabricæ Hospitalium, Confraternitatum, si quidem abundant, comparentur.

XVII.

Quia multi in tradenda doctrina Christiana idoneam methodum non norunt, vel saltem non servant, ideo parum aut nihil proficiunt, quin potius sibi, & auditoribus saluberrimum maximeque necessarium hoc Pastoris curæ exercitium radiosum, quin etiam contemptibile reddunt.

XVIII.

Quare volumus omnes tam Pastores, quam Sacellanos tales sibi libros comparare, qui tum methodum, tum materiam doctrinæ Christianæ pro cuiusque statu, & ætate commodissimam tradunt: quales sunt præter Catechismum Romanum & Trevirensẽ Prædagogus Christianus; Schola Christi P. Cusani, Instructiones Abelli, ac Tractatus Catecheticus P. Philippi Scouville S. J. & ejusdem de Confraternitate doctrinæ Christianæ Tractatus, in quibus materiam omni hominum conditioni proportionatam reperient, dummodo ipsi diligentiam in proponendis pro ratione Auditorum quaestionibus adhibeant.

XIX.

XIX.

Curent insuper necessariam librorum supellestem, nimirum Biblia Latino, & Patrio idiomate, Agendam Trévirensē, Concionatores aliquos, quorum materia, & stylus Auditoribus suis idoneus sit, probatum item Casuistam unum vel alterum; non dicant exiguas se habere Parochias, adeoque non admodum egere libris; nam præterquam quod pauci Parochiani non minus, quam multi sedulo sint excolendi, ac plerumque, qui exiguas habent Parochias, a circumjacentibus Pastoribus pro excipiendis confessionibus suorum Parochianorum evocari soleant, si non egeant libris pro aliis; at egent libris pro se, ut his legendis tempus preciosum impendant utiliter, & decenter convenienterque suæ vocationi, otium vitent, tentationes præoccupent, occasionibusque peccandi sese subripiant. *Ama sacrarum literarum studia & vitia carnis non amabis*, ait S. Hyeron. Epist. ad Rusticum.

XX.

Eandem ob causam, tum ut sibi concilient majorem eamque necessariam apud Parochianos, ceterosque Laicos auctoritatem & benevolentiam, ramentis expediat, & omnino consultum sit, ut externorum opera pro concionibus, multo etiam magis pro confessionibus suorum Parochianorum excipiendis subinde utantur, nihilominus plane expedit, & ita sub pœna floreni aurei toties, quoties postquam a Decano, vel ejus de mandato ab uno ex Definitoribus bis terve moniti, negligentiores esse reperti fuerint, serio præcipimus, ut per se ipsos impossibile potissimum concionentur, & catechisent. Hinc ad cætera, & hoc emolumentum accedet, quod dum pro aliis docendis studebunt, se ipsos etiam bonos libros legendo instruant, materiamque bonis ac honestis cogitationibus, considerationibus, & sermonibus Sacerdotali conversatione dignis collecturi sint; *Qua in re, ut Decani & Definidores singularem habeant inspectionem, paterne admonemus, eorundemque desuper gravamus conscientiam: quod si illi nec sic similes*

otiosos Christi operarios, vel potius servos a bono opere torpentes compescere potuerint, ad Nos vel nostros Vicarios Generales tales sine mora deferant pro gravioribus Juris remediis applicandis.

XXI.

Severe etiam interdiciamus Pastoribus, ne Sacerdotes ignotos, extraneos, vagos unquam Sacrum facere, multo minus concionari aut confessiones excipere in suis Ecclesiis pariantur, nisi literis testimonialibus, aut alias de suo Presbyteratu & approbatione sufficienter fidem fecerint.

XXII.

Sint omnium Sacramentorum fideles ac diligentes dispensatores, Baptismi inprimis, ne infantes etiam illi, quorum parens ignoratur, eo destituti salutis dispendium faciant; proinde nulli hominum Baptismum diu differant. Pari diligentia ad administranda infirmis ac moribundis Sacramenta lumbos suos accingant, ad tam grandis pensi solutionem diu nocturne parati: Si quis in alterutro segnem ac morosum sese præbuisse convictus fuerit, uno aureo mulctetur, si quis autem neglectus perierit culpa, & negligentia Pastoris, hic ad Nos pro severiori correctione deferendus erit.

XXIII.

Cum Sacramentum Eucharistiæ, & Extremæ Unctionis ad infirmos deferendum erit, Vicinos ad venerandum comitandumque Sacramentum signo campanæ evocandos curent: Cum vero Venerabile Sacramentum defertur etiam lumine præeunte, & nolæ signo admonendi obvii de adorando Sacramento.

XXIV.

Semper Sacrosancta Hostia consecrata in Sacrario relinquatur, etiam dum ad ægrotos defertur Venerabile Sacramentum.

XXV.

Sacræ species ad minimum singulis mensibus consumantur, & ubi loca humida, etiam sæpius: corporalia autem, quibus Ss. Species in Ciboreis invol-

involvuntur, aut continentur, sæpe mutantur.

XXVI.

Allaborent, ut honesta, commoda, & solide obſervata tabernacula ad aſſervandum Venerabile Sacramentum in Altari majori erigantur; in iſtis tabernaculis autem præter Ss. ſpecies nihil ponatur, aut aſſervetur, ſed nec in Altaribus quidquam, quod ad uſum ornatumque ejus non requiratur, aut faciat, deponi ſinant.

XXVII.

Ne adigant Parochianos tribus quatuorve, aut etiam pluribus diebus ante Dominicam Palmarum conſiteri, ſed ad ſummum die Veneris ante incipiat audire confeſſiones, & ipſa Dominica Palmarum diſtribuant S. Communionem iis, qui fuerint conſeſſi, idem, & aliis diebus infra ſeptimanam ſanctam ſervari omnino præcipimus, nec quovis die citra prohibitionem Eccleſiæ, aut confeſſionem, aut Ss. Communionem eis negent.

XXVIII.

Quamvis autem in amplis Parochiis in certos dies pro majori tam Parochiorum, quam Parochianorum commoditate pagos diſtribui expediat, quibus ad confeſſionem evocentur Parochiani, non ideo tamen, ſi qui negligant venire die aſſignato, removendi ſunt a confeſſione, quod ne fiat, ſerio mandamus ſub ſignore aureo.

XXIX.

Dominica Paſſionis promulgentur e Cathedra duo præcepta Eccleſiæ de annua confeſſione, & Ss. Communione faciendâ, & intelligant licere ſibi quidem conſiteri Regularibus, ſed teneri teſtimonium factæ confeſſionis exhibere; Sacram autem Communionem in Eccleſia Parochiali omnino fieri debere, niſi de licentiâ Paſtoris, vel ex legitimo privilegio, coram Ordinario tamen prius producto, & approbato alio in loco fieret. Et ſi quis his præceptis ſatisfacere neglexerit, moveantur tales ſepultura Eccleſiaſtica juxta Ss. Canones eſſe privandos.

Tomus X. Concilior. German.

XXX.

Monemus tamen Parochos, ne occaſione confeſſionis Paſchalis ſint indiſcrete moleſti Parochianis, exigendo ab eis teſtimonia confeſſionis, niſi ei ſint, de quibus merito ob notam negligentiam in frequenſandis Divinis dubitari poteſt; ſed ne tum quidem illos, dum ad Ss. Menſam accedunt, confundant, verum potius præveniant, ſi quos obſervaverint non præſentari ſe in Eccleſia Parochiali pro confeſſione annua.

XXXI.

In ædibus non niſi gravi de cauſa confeſſiones excipiantur, quia ſurdi, infirmi, aut ſi penitentis dignitas aliud ſuadeat, & ſi in pagis, ubi non eſt Eccleſia, audiendæ eſſent confeſſiones, non eant de domo in domum, ſed in uno eoque decenti loco propoſita aliqua pia imagine audiantur.

XXXII.

Non cogant Parochianos ſuos ad Offerſorium, quoties communicant per annum, ſed ſit illis liberum.

XXXIII.

Post ſumptam Ss. Eucharistiâ ne detur populo, nec particulari cuivis quocunque ſub prætextu vinum ablutionis in Calice conſecrato, ablutio autem ſit talis, ut nemini naſeam, aut ſtomachum moveat, quæque commode ſumi poſſit.

XXXIV.

Non ſinantur ſumpta Ss. Communione immediate egredi portam lateralem, & reingredi per aliam ob periculum prophanationis Ss. Hoſtiæ, ob eandem cauſam non facile ſinantur circumire Altare poſt ſumptum Sacramentum, niſi quis e Synodalibus aſſet; quod ſi nimia ſit communicantium multitudo, diſtribuat potius S. Communionis per interſtitia.

XXXV.

Neminem, quem non ſciant a Superioribus ſuis legitime approbatum, ad audiendas Parochianorum confeſſiones admittant.

XXXVI.

XXXVI.

Vicarios, aut Sacellanos suos con-
cionari, catechizare, Sacramenta no-
minatim Pœnitentiæ administrare, in
suis Parochiis non patiantur, prius-
quam a Nobis, aut Deputatis nostris
approbationis, & sufficientiæ testimo-
nium habeant, quod statim Decanis,
ac deinde iterum in proxima capitula-
ri Congregatione exhibere teneantur,
nec liceat illis limites, aut præscriptum
in literis approbationis tempus ullo
modo excedere.

XXXVII.

Si morbus contagiosus infet, mo-
neat Pastor omnes in illo pago, ut ab
anno septimo, & supra statim confi-
teantur, & adulti etiam communicent,
& si malum diutius duret, singulis
mensibus repetatur; si tamen quispiam
ægotus velit Pastorem suum se præ-
terea adire, non deneger illi solatium,
& subsidium, quoad locus, & tempus
exigit, aut patitur.

XXXVIII.

Nullam stipendii faciant mentio-
nem, ubi administranda erunt quovis
tempore Sacramenta, maxime apud
infirmos, ne timidiore, tardioresve
reddantur ad experenda sumendaque
Sacramenta cum periculo animarum:
qui contra fecerit, uno aureo mulcte-
tur.

XXXIX.

Dominica prima Novembris ac
Dominica Septuagesimæ promulgen-
tur e Cathedra populo sequentia. 1. Ne
parentes invitas proles ad Matri-
monium cogant, tum quia id grave
peccatum est, tum quia multorum ma-
lorum causa. 2. Prohibitum esse spon-
sis, licet alteruter sit viduus, in eadem
domo post Sponsalia cohabitare, multo
minus prima, aut alia nocte ante co-
pulationem condormire, sive sint soli,
sive cum aliis. 3. Ut Sponsus, & Spon-
sa tempestive confiteantur, & com-
municent: caveant autem Pastores, ne
eos adigant ad sibi immediate ante co-
pulationem confitendum, sed ad alios
potius remittant. 4. Ut idem Spon-
sus, & Sponsa ante Missam inchoatam
cum invitatis die nuptiarum tempesti-

ve in Templo compareant. 5. Ne ulli
immediate ante Adventum aut Qua-
dragesimæ die celebrandi solemne con-
vivium, multo minus choreas ducen-
di ansa detur.

XL.

Proclamationes ad Matrimonium
requisitas non ad ulterius intervallum,
quam trium dierum Dominicarum, aut
Festivorum contiguorum protrahant,
nisi Sponsi aliud postularent. Pro iis
autem, aut aliqua ex causa non facta
pecunias a suis non extorqueant, sal-
vis iuribus Dispensationis impetratæ.

XLI.

Nullos in domibus privatis citra
gravem causam, aut omittis proclama-
tionibus sine spiritali facultate, aut
in casibus in jure expressis matrimonia-
liter copulent.

XLII.

Invitis Parentibus, aut inseiis nul-
los conjungant, nisi gravissimis, pro-
batisque de causis, quas tamen post
factum Decano indicabunt, nisi tales
fuerint, quæ revelationem non patian-
tur.

XLIII.

Nullos pueros, quos ipsi bapti-
zant, e sacro Fonte suscipiant.

XLIV.

In administratione Sacramentorum
ac functionibus aliis Pastoralibus ser-
vent uniformiter Rubricas Agendæ
Trevirensis. Er si quis notetur singu-
laribus, & heterocliticis uti ritibus,
volumus eum suspendi per Decanum
ab Officio, donec ritus suæ Diœcesis
didicerit. In celebratione tamen Mis-
sæ, & lectione horarum Ritum com-
munem Romanum servare eis licet.

§. III.

Festa & Processiones.

I.

Festa universalis Ecclesiæ unifor-
miter servantur pro more in ista
Patria hætenus usitato, nec ulli Pasto-
rum sit licitum pro libitu, vel ex pro-
pria devotione hoc vel illud Festum
in sua Parochia vel rejicere, vel promul-

mulgare, quod antehac non sine gravi populi offensione a multis factum didicimus, idque sub pœna unius florenti aurei.

II.

Tonitrualia, aliaque similia Festa, quæ Rusticorum indiscreta religio, vel potius superstitio inconsultis Superioribus, contra Ecclesiasticas sanctiones sibi suisque passim invenit, tamque pertinaciter servant, ut malint quamvis diem Dominicum, aut ab Ecclesia statutum diem Festum violare, abrogata omnino, & omnia volumus, nisi fecerint a Nobis, vel Nobis impeditis, a nostris Vicariis Generalibus approbata; Quare mandamus, ut infra duos menses ab insinuatione hujus Decano suo respectivè a Parochis transmittatur Catalogus similium Festorum, quæ in sua Parochia servantur præter Festa universalis Ecclesiæ, ab eodem Decano infra octiduum sequens ad Nos, vel nostros Vicarios Generales mittendus, ut a Nobis post maturum examen vel approbentur, vel abrogentur; prout ad majus Dei obsequium, & populi spirituale bonum fuerit in Domino visum: Interim tamen ad vitandum scandalum Pastores pergant ea publicare, & servare prout hætenus usitatum. Et hos quidem duos articulos eo magis observari volumus, quod per similia Festa temere, & indiscrete introducta constet pauperes non mediocriter gravari, timoratas conscientias angere, plurimos otio & ignavia assuescere, lusu, & comotationi vacare, ad Dominicos, & legitime ab Ecclesia institutos Festos dies servandos segniores reddi, jurgii ansam præberi, scandala, & schismata in Parochiis & communitatibus oriri, dum alii feriantur, alii laborant,

III.

Nemo cogatur Sabbatum celebrare, quin potius ab hac Sabbati observatione tanquam superstitiosa, & jam alias a Prædecessoribus nostris prohibita suos dehortentur Parochi; E contra ad servandos Dominicos, aliosque ab Ecclesia præscriptos Festos dies serio ac sæpe adhortentur; excitentur tamen audiendum potius diebus Sabbatinis Sacrum mane; Vespri autem solito

Tomus X. Concilior. German.

maturius labores abrumpendos, ut Templum visitent, seque ad diem Dominicum accuratius servandum præparent.

IV.

Serio, & crebro populus moneatur de audiendo devote Sacrificio Missæ, maxime diebus Dominicis, & Festis, nec discedant nisi eo plane finito; Et si qui notantur istis diebus, vel Sacrum non audire, vel laborare, vel vesturas facere sine licentia Pastoris, volumus eos pro prima vice multari media libra ceræ, gravius etiam, si reincident juxta arbitrium Pastoris, & si solvere derectent a communione Paschali arceri, donec pareant.

V.

Doceantur etiam aquam lustralem, quæ in quatuor temporibus benedicatur, non esse efficaciorē ea, quæ aliis Dominicis per annum benedicatur, & si notent Pastores eos pergere superstitiosum hoc discrimen facere, abstineant potius aliquandiu a benedicenda aqua istis Dominicis quatuor temporum.

VI.

Et quidem quod ad Processiones ex universalis Ecclesiæ Instituto introductas nullum prætendent speciale salarium: Quod vero ad eas attinet, quæ vel ex antiqua consuetudine in singulis locis servari solent, vel quas Parochiani ex speciali aliqua causâ approbante Pastore suscipiendas judicarunt, habeant Parochi in singulos dies duos schilingos.

VII.

Nocturnos conventus, nocturnasque choreas innuptis maxime esse periculosissimas sæpe ac serio pro concione, & in Catechismo a Pastoribus inculcatur: choreas autem in supplicationibus publicis, piisque peregrinationibus, sive sub Officium Divinum, sive ante, sive post, in quibusdam locis ab antiquo fieri consuevas, si non omnino aboleri, saltem usque ad ulteriorem cognitionem ita moderari volumus, ut per hoc similes in Ecclesia Catholica a tot retro sæculis tanto cum fervore, & ædificatione, & pari cum

fructu usitata Christianæ pietatis exercitationes in meritum potius, quam demeritum seu peccatum transeant.

VIII.

Unde omnes scandalosi abusus, & excessus, qui in similibus peregrinationibus hoc depravato sæculo committi possunt, ut opportune evitentur, mandamus 1. Ut Pastores, vel eorum Sacellani Parochianos ad similes Processiones semper comitentur, linteati sub pœna unius floreni aurei quoties defuerint. 2. Omnem populum in Ecclesia Parochiali congregari faciant, & simul omnes egrediantur, non vero diversis turmis, & laborent, ut uniformis cantus in Parochia introducatur, & servetur. 3. Curent, ut sub Processione omnes pie orent, vel cantent. 4. Caveant, ne finita Processione sese inebrient, vel ipsi vel Parochiani. 5. Ne mares, & feminae in uno loco dormiant. 6. Ne absoluta Processione unquam adolescentes, & adolescentulæ simul domum revertantur. 7. Ne labara, & Cruces irreverenter tractentur, aut in indecenti loco collocentur, multo minus e fenestra exponantur, sed, quoad fieri potest, ordine ipso Pastore comitante reverrantur domum; atque ita ex præcepto Apostoli omnia honeste, & ordine fiant. Et hi duo Articuli in egressu e Templo ad loca pia semper promulgentur.

§. IV.

Synodus Decanalis.

I.

AD Synodum Decanalem diebus in quolibet rurali Capitulo designatis omnes etiam Religiosos eorum animarum gerentes convenire volumus; Sacrosancto Missæ Sacrificio & exhortationi honeste, & religiose interesse, suas difficultates, si quas habent modeste proponere, Decani monita, & mandata reverenter excipere, ab omni denique contentione, altercatione, & clamore omnino abstinere serio mandamus.

II.

Si quis legitima ex causa abesse debeat, eam in scriptis ad Capitulum

mittere tenebitur, quæ si non probeatur, a Decano mulsetur absens uno floreno aureo; si autem legitima videatur, mittat absens nihilominus symbolam suam in commune convivium Synodale, & Sacra Olea non per Laicum quempiam, sed per Sacellanum, aut alium Ecclesiasticum petat sub multa unius aurei.

III.

Commune autem sive Synodale illud convivium communibus Capitularium tam absentium, quam presentium sumptibus celebrandum in loco Capituli conciliandam Capitularium inter se honestam noticiam, fraternam benevolentiam, & Sacerdotalem familiaritatem, sicut non improbamus, ita moderatis adeo sumptibus, tamque frugale, ac modestum esse mandamus, ut nec Capitulares graventur, aut comparere propterea abhorreant, nec Laici ullo modo scandalizari possint, nullave Ss Mysteriis injuria fiat: Quare in eodem omnes conclavi conveniant cum Decano, & Definitoribus; sin id loci angustia non patiatur, dividantur quidem, sed in iisdem ædibus, ita ut utrobique intersint aliqui Definidores.

IV.

Si quis vero tunc aut potu excedere, aut verbis castas aures offendere, aut litigando, convitiando, detrahendo fraternitatem, id est, fraternam charitatem lædere præsumperit, aut in itinere contra status sui decentiam, aut Sacrorum Oleorum reverentiam, dixisse aut egisse quidpiam convictus fuerit, uno aureo a Decano mulctari volumus, aut etiam gravius, si delicti gravitas id exigat.

V.

Hoc convivium initio & fine brevi lectione spirituali ex Thoma a Kempis condiaur, nec ultra sesqui horam protrahatur.

VI.

Non discedant nisi plene persoluta symbola in manus Procuratoris Capituli, ut sic bonum sui odorem relinquunt apud Laicos.

VII.

VII.

Decanus autem, & Definitoribus subsistant ultimi, donec omnes discesserint, ac invigilent, ut honeste, & cum ædificatione omnia sicut inchoata, ita & concludantur.

§. V.

Miscellanea ad officium Pastorum spectantia.

I.

Neminem patiantur Parochi, aut proponant ordinari super Altaria aut Beneficia suæ Parochiæ, quorum ipsi non sint legitimi Collatores, multo minus super actu non vacantia.

II.

Neminem curent, aut juvent directe vel indirecte ordinari super patrimonio, aliove titulo falso aut dubio, & si deprehensus fuerit, quis tale testimonium dedisse, sciat se graviter plebendum, & nostris pro tempore Officiali ac Sigillifero, quibus similes & alios quoscunque ordinationum titulos examinandi cura incumbit, ut officio, ac obligationi in iis suæ satisficiant, sub indignatione Dei Omnipotentis præcipimus.

III.

Cum Ecclesiasticorum inficitia præter alia gravissima mala, & incommoda, quæ tam in universam Ecclesiam Dei, quam in particulares Christi fideles redundant, etiam orium Ecclesiasticorum nascatur, qui dum ex defectu studii nullam ex libris delectationem hauriunt, eamque in lusu, compositione, aliisque occupationibus, quæ Sacerdotalem statum dedecent, querere conentur: Quare monemus omnes ad Beneficium curatum neminem deinceps admittendum, nisi biennium ad minimum studii Theologici, vel Moralis legitime probaverit, & examina rigidum per concursum, prout a Ss. Concil. Trid. præscribitur, sustinuerit.

IV.

Nulli sedes in Templo vendant, sed sint omnes omnibus communes,

cum Ecclesia sit communis fidelium domus, ad cujus sustentationem pauperes cum divitibus æquali sumptu concurrunt, ita tamen, ut iis, quibus jura, & ratio eam concedunt, sua præcedentia salva maneant, dummodo sedes eorum Christianæ modestiæ non adversentur, nec communi populi pietati, & ædificationi obsint. In Sanctuario autem sive choro nemini sedem habere permittant, nisi cui antiqua, & immemorialis consuetudo, suffragante titulo foundationis aut collationis, alicubi modestum aliquem locum, nullo Ministrorum Ecclesiæ aut Divini Officii impedimento aut scandalo, jam olim citra omnem controversiam concessit; de novo autem aut ubi dubium, vel contradictio aliqua intercessit, nisi Nobis consultis, aut nostris Vicariis Generalibus nemini concedant sub pœna arbitraria.

V.

Nulla pecora in Templo, nullos conjugatos suos ibidem habere lectos aut cibos coquere patiantur; si tamen gravis cogat necessitas, locus aliquis in turri eligatur, & debita loco sacro reverentia illis serio inculceretur, si citis refugium aliquod concedendum foret, & loco, & ordine fiat, ut Divinum officium, & communis pietas quam minime impediatur.

VI.

Cemeteria muris cingi, & cratibus aut portis ita muniri curent, ut pecoribus nullus pateat accessus.

VII.

Scholas omni etiam conatu in suis Parochiis introducere nitantur, & introductas foveant, ac promoveant, & probatæ vitæ ac doctrinæ viros eis præficiendos curent; ad quorum alimentionem omnes Parochiani, sive proles habeant, sive non, concurrere teneantur, exceptis iis, quas jus eximit; est enim opus publicum ad commune Reipubl. bonum spectans: puellas autem cum pueris promiscue frequentare vix tolerandum, nisi ubi emendari nullatenus potest.

I 3

VIII.

VIII.

Severe, & sæpe prohibeantur quæcumque superstitiosæ benedictiones ac Divinationes, & quidem Ecclesiasticis sub mulcta unius aurei, Laicis vero, si bis terve moniti, non se emendant, Paschali communione interdictum volumus.

IX.

Similiter blasphemiarum per Sacramenta, vulnera, passionem, sanguinem, membra Christi aut Sanctorum Christum Laicis quidem sub mulcta unius libræ ceræ in singulas vices, Sacerdotibus autem sub flore aureo pro prima vice, si sic non corrigantur, sint ac maneant suspensi a Divinis per quindenam tanquam indigni, qui tam impia lingua Sacrosancta Mysteria aut conficiant, aut excipiant, aut distribuunt. Si salutaris hæc medicina non proficit, ad Nos per Decanos, aut alios deferantur pro gravitate delicti puniendi.

X.

Omnem adhibeant diligentiam, & industriad communicato cum Synodalibus, & iis, quorum interest, aut qui cooperari possunt consilio, ut in suis Ecclesiis sacramentum, unam, alteramve sedem confessionalem, mensam item sive scamnum Communicantium habeant, prout loci cujusque commoditas aut necessitas exigere videbitur.

XI.

Soli Pastores habeant penes se claves sacrarii & baptisterii, non autem matricularii vel æditi, nec relinquantur in Ecclesia aut in Altari; claves autem Templi, si penes matricularium relinquere visum fuerit, nihilominus etiam habeat ipse Pastor.

XII.

Proderit plurimum ad cohibendum in officio Parochianos, & ad efficacem harum Ordinationum nostrarum cæterorumque Statutorum Ecclesiasticorum executionem, si morum gravitate, vitæ probitate, agendi urbanitate, verborum discretione, animarum, Divinique cultus zelo, quem proprii commodi avida nimis cura non

enervet, Dominorum Officiatorumque laicorum animum, benevolentiam, adeoque, & auxiliatricem manum, & auctoritatem sibi conciliare satagent Parochi; quare videant, ne quem temere offendant, sintque solliciti, ut quemadmodum ordinis dignitate, ita, & prudentia, & humilitate Laicos, seu subditos, seu Superiores præcellant, ita tamen, ut nullam gradui, quem tenent in domo Dei, injuriam fieri patiantur.

XIII.

Extremum addimus summi momenti Articulum, qui vel unus, si bene servetur, ad optatam Cleri nostri reformationem satis erit. Pernicies Ecclesiasticorum oritur, fovetur, & augetur, & irremediabilis redditur, ob rarissimas, easque sæpissime, uti timendum, si non omnino nullas, certe quidem valde dubias, &, pro dolor! parum efficaces, teste experientia, confessiones, cum eas plerumque faciant, vel apud ejusdem farinae homines, vel apud minime idoneos, vel etiam apud eos, qui absolvendi facultatem non habent, quos subinde vel invitos cogunt, si juniores vel pauperiores sint ad se audiendum, & absolvendum, & interim in eadem semper, licet facile amovibili, occasione perseverant. Quare visum Nobis est in Domino sub pœna suspensionis a Divinis, & privatione vocis activæ, & passivæ ipso facto incurrendæ, elapso termino præscribere, ut singuli Pastores, Vicarii, & Sacellani, singulis ut minimum mensibus idoneis & jurisdictionem indubitatam habentibus Sacerdotibus confiteantur, seque huic nostræ Ordinationi paruisse legitimo testimonio docere tenebuntur, quoties vel Nos, vel ex nostro, & Vicariorum nostrorum Generalium Mandato Decani Christianitatum id ab eis exigendum in Domino judicabunt, super quo ut assidue invigilent, ipsorum Decanorum conscientiam oneramus.

XIV.

Denique omnia complectimur, dum a Pastoribus, Vicariis, ac Sacellanis nostræ jurisdictioni subiectis exigimus, ut cordi semper impressum habeant

habeant quadruplicem nitorem. 1. Conscientiæ. 2. Famæ, 3. Ecclesiæ. 4. Familiæ. Sic fiet, ut cumulatam sit ubique ministerium nostrum, & bonus semper odor Christi in & per Sacerdotes ejus per universam Archidiecepsim nostram cum immensa animarum fruge diffundatur.

CAPUT II.

De officio Aeditui, seu Matricularii, ac Ludimagistri.

I.

Aeditui munus nullus Pastor per se suosve domesticos exerceat, nisi extrema necessitas seu paupertas Ecclesiæ ad id adigeret.

II.

Aeditui ii sint, qui cæteris Parochianis præeant probitate vitæ morumque honestate: quare nullus tamen præclaris aliunde talentis præditus ad id munus assumatur; nisi eum etiam (uti & uxorem, & proles, si sit uxoratus) vita famaue commendet.

III.

Nullus Aedituus, aut Ludimagister admitti poterit, nisi idoneum eum esse judicaverit Pastor, qui, si præsentatio spectet ad Parochianos aut alios privatos, hique idoneum præsentent, rejicere eum non poterit.

IV.

Pastori omnem uterque exhibebit obedientiam, ac reverentiam, eique semper sit ad manum, nec liceat illi maxime Aedituo a Parochia abesse, potissimum de nocte, aut si infirmi sint in Parochia, sine licentia Pastoris.

V.

Tabernas, lustrum, choreas, & ædes, personasque suspectas vitent; si contra fecerint, & bis terve moniti non se emendaverint, Pastor eos amovere poterit non obstantem quacunque oppositione.

VI.

Templum singulis octo diebus everrat Aedituus, vel everrendum curret, cistas autem, & armaria aliaque repositoria singulis mensibus nec for-

des hinc inde in angulis, vel sub scamnis accumulet.

VII.

Telas aranearum singulis semestribus a parietibus, & fenestris, ab Altaribus autem, & imaginibus toties quoties opus fuerit, tollet.

VIII.

Statuas honeste ornet, ornamenta, paramenta, vestes, cæteramque sacram suppellectilem, decenter, quoties usurpata fuerint, complice, ac suis loculamentis seponat, nihil istorum in Altari relinquat, multo minus alijs rebus ad cultum Divinum non spectantibus Ss. Altaria oneret aut profanet.

IX.

Canes ne patiantur esse in Templo, maxime in choro.

X.

Ad Altare caveat, ne materiam aut dubiam, aut minus decentem suppediet.

XI.

Aquam lustralem eo loco collocet, ut sit ingredienti, & egredienti populo ad manum, nullo tamen modo a canibus ebibi possit.

XII.

Aqua lustrali nullatenus ad everrendam Ecclesiam sacrilege abutantur, uti quosdam facere accepimus, sed nec aquam prophanam sive non benedictam ei promiscue affundat, prout etiam quibusdam in locis non sine scandalo spectante populo fieri affolet.

XIII.

Singulis 4. temporibus lavet albas, amictum, mappas Altarium aliaque lintea, quæ usurpata fuerint.

XIV.

Nec ipse Aedituus, nec alius quispiam, nisi honeste indutus & calceatus ad ministrandum Sacerdoti, aut Altari accedat.

XV.

Nunquam extinguat unam vel ambas candelas, nisi finito plane Sacro.

XVI.

XVI.

Aquam lustralem semper post Sacrum Pastori offerat ad aspergendum populum.

XVII.

Marcescentes ramos, flores, herbas, ab Altari, & Templo tempestive amoveat.

XVIII.

Ædituus talis sit, qui idem Ludimagister esse possit, nisi fundatio vel reditus ad duorum sustentationem sufficientes sint.

XIX.

Salutatio Angelica ter de die quovis anni tempore statis horis pulsetur.

XX.

Ad singula Sacra semper pulset, ad summum autem Sacrum ternis vicibus, tamen non nisi unicus isque parvus pagus sit, iis etiam intersticiis, ut populus commode pro ultimo adesse possit, habita ratione distantie eorum, quos adesse convenit; Certum etiam modum campanam post ultimum signum pulsandi habeat, & servet; nimirum, ut post ultimum pulsus unica campana continuo tractu ad spatium unius Pater noster pulsetur; Ad Sanctus autem ter intercisis vicibus pulset, ut absentes se possint facere participes illius Sacrificii, hoc signum audientes intencionem suam aliqua oratione ad Sacrificium dirigendo.

XXI.

Dum Venerabile Sacramentum a sacrario ad Altare vel ab Altari ad sacrarium deferretur, præeat semper Ædituus cum lumine, & campanula, nisi alicubi mos sit, ut Synodales id obsequii præstent Venerabili Sacramento, quod valde eos decet.

XXII.

Si forte Ludimagistro, qui simul etiam Ædituus sit, aliunde sufficiens stipendium ad sustentationem commodam non suppetat, decur ei ex fabrica, ex Conventibus Confraternitatum, Xenodochiorum, aut ex aliis bonis communibus, vel contribuant pro se quisque aliquid, etiam ipse Pastor.

XXIII.

Ædituus non solum Sacerdoti celebranti, inservire, sed etiam respondere norit, nisi habeat idoneum alium, qui semper sit ad manum: quod, si fieri non possit, Pastores hos vel alios honestos pueros, aut etiam adultos modum in Missa respondendi doceant.

XXIV.

Admisso Ædituo Ecclesiæ ornamenta statim omnia ac suppellex sacra tradantur cum inventario, quod ipse subscribet, & in fine cuiusque anni omnia iterum exhibebit Pastori, & Mamburnis, vel Synodalibus, si quid deperditum aut fractum, satisfaciet Ecclesiæ, vel docebit nulla sua culpa id factum.

CAPUT III.

De Officio Synodali, & Quæstorum, seu Mamburnorum.

I.

Invigilent, ut in Parochia sit liber, in quo exacte scribantur nomina tum Baptizatorum, tum eorum, qui Matrimonium in Parochia contrahunt.

II.

Item codices necessarii, in quibus contineantur dilucide, & distincte seorsim annotati proventus, & emolumenta Pastorum, fabricarum, Æditui, & Ludimagistri.

III.

Singulæ etiam Confraternitates suos habeant proventus in separatis codicibus fideliter annotatos.

IV.

Ne reditus ac emolumenta Pastorum & Ædituorum confundantur, ac (quod sæpe vidimus) pereant, aut certe dubia ac litigiosa reddantur, volumus utriusque, id est, Pastoris & Æditui proventus ac jura separatis codicibus, vel saltem titulis specificari, etiam ubi ipse Pastor (quod tamen nisi in extrema necessitate & inopia fieri iterum veramus) simul Æditui munus administraret.

V.

V.

Curent candelas ita, & tam tempestive fieri, ut non defluant cum notabili fabricæ damno, & mapparum, Missalium, aliorumve paramentorum detrimento, minuiiores autem candelas majoribus imponi omnino prohibemus, tum ob præfatas causas, tum ob permolestas ac indecentes Aeditui, ac Ministrorum circum cursationes etiam sub Sacratissimis Mysteriis, cum notabili celebrantis ac populi assistentis perturbatione & offensione.

VI.

Sumptus autem occasione consecrationis istarum candelarum à Synodalibus & Mamburnis fieri in quibusdam locis solitos omnino abrogatos volumus, nec in redditione computum admitti præter salarium bajuli, qui excurrat ad locum, ubi istæ candelæ faciendæ, si in ipso loco fieri non possint, ad eas constituendas & referendas, de quo cum eo convenient pro ratione itineris & laboris.

VII.

Computus autem reddantur singulis annis die assignato coram Pastore loci, & duobus Synodalibus ita modico sumptu ac salario, ut nec Ecclesiæ aut Confraternitates exhauriantur, nec conscientia graventur, nec populus scandalizetur: Nec enim sine sacrilegio tanti, quanti hætenus apud quosdam fieri sumptus possunt in administratione, & supputatione bonorum Ecclesiæ: quod, si alii præterea, ut moris est in quibusdam locis, his rationibus interesse velint, poterunt, scilicet suis sumptibus: si autem alicubi omnino e re Ecclesiæ aut Confraternitatum esse videretur, alios item nominatim alicujus authoritatis admitti ad audiendos computus, hosce monitos serio volumus, ne bonis Ecclesiæ & piis fidelium oblatis ad suum quæstum abutantur, nec rapinam in holocausto committant, atque ita iram Omnipotentis DEI in se, & suos irriterent.

VIII.

Si debitores ita pauperes esse legitime probetur, ut solvendo minime

Tenuis X. Concilior. German.

sint, condonetur ipsis debitum, nec in hoc casu Mamburnos ulterius obligari volumus. Hic autem tam ipsorum Mamburnorum, ac debitorum, quam eorum, qui rationibus excipendis præsumt, conscientiam coram districto Dei judicio oneramus, nolentes eis hanc nostram indulgentiam prodesse, si unus vel alter fraudulenter procedat.

IX.

Si insufficiencia ad solvendum non sit, nisi ad tempus, ob transitorium aliquod impedimentum, de quo legitime docuerint Mamburni, deque diligentia boni Patrisfamilias in exigendo debito, nolumus eos ad aliud teneri, sed recidat istud debitum in curam Mamburni anni sequentis.

X.

Quod, si solutio pensionum per aliquot annos vel negligenter vel etiam ob causam dilata fuerit, prohibemus severe, ne pensiones ita accumulatae in unam summam capitalem consentur cum novo onere annuæ pensionis.

XI.

Pecunia Ecclesiæ vel Confraternitatum non exponatur deinceps ad censum annum, nisi pro rata numeri vigesimi.

XII.

Prohibemus etiam, ne pecunia Ecclesiæ vel Confraternitatum exponatur, sive ad annum censum, sive in cœmendis bonis immobilibus in commodum Ecclesiæ, nisi prius Ecclesiæ & Altaria sufficienter instructa sint omnibus, iisque decentibus instrumentis, ornamentis ac vestibus, ita, ut juxta præscriptum Rubricarum, & cum debita decencia, & populi ædificatione sacra Mysteria peragi possint, Ecclesiarum, vel Altarium, aut Confraternitatum Administratoribus in virtute S. Obedientiæ mandantes, ut singuli respective huic nostræ Ordinationi sese conforment: quam etiam locum habere volumus, tamen quis alius ad ornamentorum, aut paramentorum subministrationem teneri videretur, isque in mora esset: nam & hoc

K

casu

casu volumus interim ex mediis Ecclesiæ, si adsint, ista comparari, salvo suo jure & regressu contra quosvis, quibus etiam istam obligationem incumbere arbitrabuntur.

XIII.

Convivia Synodalia omnino sublata esse volumus, sed nec etiam ultro oblata admitti, ne vel sic fraus fiat huic nostræ Ordinationi, & accessus ad hoc Synodali Officium plurimis probis, & optimi exempli, ac zeli, sed non ita locupletibus hominibus intercludatur, cum notabili Ecclesiasticæ disciplinæ detrimento, & gravi scandalo, dum ad hanc in Ecclesia dignitatem non nisi divites assumuntur, iisque sæpe pessimi exempli, qui plus destruunt, quam ædificant, nec præter præminentiam, ac nomen aliud quidpiam quærunt, & sæpe sub titulo Synodalis impunitatem in criminibus, & immunitatem quandam tantum sectantur, de bono spirituali Parochiæ nihil solliciti.

XIV.

Quam Synodali immunitatem tanquam nullo titulo fundatam, & in evidens cæterorum Parochianorum pauperum imprimis gravamen redundantem abrogandam in Domino judicavimus, & hac nostra Ordinatione perpetuis futuris temporibus valitura abrogamus: Quod si honore, & præeminentiæ contenti esse nolint, si quid obsequii extraordinarii, quo graventur Ecclesiæ, præstare eos contingeret, assignetur eis suum stipendium communibus Parochiæ vel Ecclesiæ sumptibus, prout res exigit, & mos est in similibus in qualibet Parochia.

XV.

Quater in anno in angariis prælegantur Synodalibus ex Agenda Articuli concernentes officium suum, & moneantur serio de juramento suo, deque gravissima obligatione, quæ ipsis incumbit, invigilandi, ne quis abusus, ne quid bonis moribus, & his nostris, aliorumque Superiorum Ordinationibus contrarium, publicæ ædificationi noxium in Parochias irrepat, aut in iis foveatur, aut dissimuletur, alias

si perfidi silentii convicti fuerint, a Sede Synodali amovendos.

XVI.

Præeant aliis bono exemplo, & nominatim frequentatione Sacramentorum, Divini verbi, & aliorum Divinorum Officiorum, maxime, quando sunt speciales solemnitates in Parochia.

XVII.

Multas in Synodali cetera impositas violatoribus festorum, & similibus delinquentibus (quas tamen non nisi spiritualiter modicas esse volumus, ut in cera aut oleo, nisi forte in graviore aliquo casu aliquid in ornatu Templi conferendum esse judicaretur) non liceat Pastori propria auctoritate remittere, sed si justa de causa foret aliqua remissio facienda, audiantur primo Synodales, ne aliqui eorum peccent auctoritas, & zelus domus Dei refrigeret.

XVIII.

Multas Laicis imponendas, siue in cera aut oleo, siue in pecunia (quas tamen raras esse volumus) omnes mandamus in usum Ecclesiæ, & ab his in codicem annuorum proventuum cum cæteris redditibus referri, & in annuas rationes deduci.

XIX.

Synodales non sedcant in Ecclesiis, nec incedant sub supplicationibus publicis omnes in capite populi, sed unus saltem, isque junior retro; unus item in tabulato, si quod sit in honestis sedilibus, ut totum populum in conspectu habeant, cæteri autem ita collocentur, ut, ne Sacerdotes Officianti dorsum vertant, aut in faciem inspiciant.

XX.

Tabulata autem ista luminosa, & nitida sint, vel omnino tollantur, cum alias magis fovendis adolescentium irreligiosis ineptiis, & seniorum acedix, quam pietati inserviant.

XXI.

Invigilent Synodales, ne vel Pastor, vel Administratores fabricæ bona

na Ecclesiæ, vel vidualia eloquent, nisi pro sexennio in sexennium, multo minus mutent, alienent, aut alio quovis modo præsumant distrahere, nisi cum emolumento Ecclesiæ, & Superiorum permisso. Quod, si secus a quopiam factum fuerit, non solum hos vel alios contractus tanquam ipso jure reprobatos nullos esse volumus, sed & ipsos transgressores pro condigna in eos statuenda animadversione ad Nos, vel nostros Vicarios Generales statim deferri injungimus.

XXII.

Nec ipsi Pastori aliqua prata, agros, aliaque bona Ecclesiæ assignent ad vitam, ut inde ipse suum salarium pro Anniversariis, aut Sacris conficiat, sed omnes redditus, fructus, & emolumenta Ecclesiæ recipiant ipsi Mamburni, & Pastori suum salarium persolvant, & in codicem omnia exacte referant.

XXIII.

Non admittant deinceps ullas rationes cæcas, ut vocant, scilicet. v. g. Hoc anno recepi tantum, & tantum, & expendi tantum, itaque sunt in residuo tot daleri, sed specificè exprimantur omnes partes receptæ, & expostæ, v. g. ex tali prato tantum, ex offertorio talis diei tantum ceræ, tot libras lanæ vel lini, tot asses, exposui pro candelis ista die tot asses, pro Anniversario tot asses, matriculario tot. Rationum autem similium sive Ecclesiæ sive Confraternitatum redditioni semper interfit ipse Pastor, imo præsit.

XXIV.

Nulla nova admittant Anniversaria, nisi cum certo Ecclesiæ emolumento, & solita affecturatione: vetera vero, ut fideliter serventur, sedulo curent.

XXV.

Denique meminerint se ad hunc gradum honoris esse in Ecclesia Dei erectos, tum ut Pastorem juvent in conservandis Ecclesiæ bonis, ferendoque onere Pastoralis, tum ut ipsius Pastoris dignitatem ac nomen juraque proposse tueantur, ex quo præter tem-

poralem, si bene suo fungantur officio, mereri possint in cælis retributionem æternam.

CAPUT IV.

*De Immunitatibus, & Juribus
Parochialibus, quæ vocant
Stolæ.*

I.

INDignum prorsus majestate ac sanctitate nostrorum Mysteriorum est, pro eorum administratione seu dispensatione contentiose mercari, proque salario eorundem administrationis perinde ac in rebus prophanis sordide stipulari, & res sacratissimas, quæ sub nullum cadere possunt pretium, in scandalosum commercium deducere. Quare semel pro semper quilibet Pastor in ingressu suæ Parochiæ stabilem taxam jurium stolæ, ut vocant, e Cathedralis promulget, ab ipomet, & ab omnibus constanter servandam, quam tamen pro pauperibus misericordia, pro cæteris discretio Pastoris (sine suo tamen ac Successorum præjudicio spectatis circumstantiis) moderatura sit. Unde hanc taxam circa ea, quæ hactenus majores ac frequentiores exciassent altercationes observavimus, huc duximus exprimendam; pro cæteris, si quid hinc inde dubii occurrat, ad Nos pro elucidatione recurrere poterunt, & interea servabunt in praxi, quæ antehac anno 1632. ordinata fuerunt.

II.

Pastor ab omnibus ædificiis tam Ecclesiæ, quam cæmeterii ipso jure, & usu liber est, chorumque tantummodo, si tamen factus tectus ei traditus fuerit, ei in eodem statu, id est, factum tectum conservare, & repræsentare tenetur.

III.

Vetustate autem collapsum, aut collabentem, aut incendio, aliove infortunio (nulla Pastoris suorumve culpa) consumptum aut dirutum restaurare non tenetur, nisi forte ob integras decimas ad plura obligatus fuisse hactenus legitime probetur, nec enim

ei hac in re novam obligationem imponere cogitamus.

IV.

Ad ossarium, cœmeterium, & ad turrim a fundamentis licet choro innitatur, tenentur Parochiani, item ad eorum Ecclesiæ Parochialis suppellectilem, eamque sufficientem, & decentem, omnemque ejus ornatum, nisi de quamdiu cuiquam alteri alicubi hanc obligationem in toto, vel pro parte incumbere legitime probaverint.

V.

Quod ad domum dotis attinet, hanc statui Sacerdotali convenientem cuilibet Pastori Parochiani subministrare, & a fundamentis extruere suis sumptibus tenentur, quam si sacram testam acceperit Pastor, sacram testam conservare, & repræsentare similiter tantum obligatur.

VI.

Et quia observatum fuit passim ob chori & ædium Parochialium refectionem nasci lites, & contentiones cum gravi scandalo. & cultus Divini detrimento. Mandamus, ut Neopastores antequam incipiant inhabitare domum Pastoralem, vel saltem infra mensem ab accepta Parochiæ pacifica possessione curent chorum, & domum omnesque ejus appendicias, sumptibus eorum, qui de jure, vel usu ad id tenentur, a Decano, Synodalibus, & peritis visitari, citatis Parochianis defuncti Pastoris hæredibus, & aliis quorum interest, & judicari de debito, vel indebito statu chori, & ædium Pastoralium & instrumentum legitimum desuper confici, quod nisi fecerint, perpetuum illis deinceps silentium indicimus.

VII.

Quandoquidem subinde contingat tam irreligiosos, tamque parum reverentes characteris Sacerdotalis, adeoque iniquos laboris, curæ ac periculi Pastoralis æstimatores reperiri Parochianos, ut pro jactura habeant, quidquid ad Pastoris sui honestam commodamque sustentationem conferunt, aut

conferre tenentur: Unde inter cæteras difficultates in Parochiis oriri solitas ex primariis una est occasione pastuorum, & custodiæ pecorum, sine quibus vix ullus in tota Archi-Diecepsi (ubi vineæ non sunt) nominatim in patria Luxemburgensi honeste, & statui suo convenienter vivere potest: Qua quidem in re adeo eritici plerumque sunt, ut si vel unico capite præscriptum numerum excedat Pastor, mox litigandi aut calumniandi animum arripiant; ideo variis olim desuper factis ordinationibus, & antiquissimæ, & passim receptissimæ consuetudini insistendo, ut utriusque partis commodis, quantum quidem fieri potuit, consulere, sequentia deinceps servanda statuimus.

VIII.

Quilibet Pastor habet jus, equum singularem ad functiones suas Parochiales proprius, & commodius obeundas habendi & ad pascua pingua gratis dimittendi.

IX.

Equos etiam ad colendos agros viduales, convendendas decimas, ligna, necessarios habere in communibus pascuis potest.

X.

Ubi consuetudo (quam ubique introduci decentia, & veneratio ordinis Sacerdotalis suadet, imo exigit) Parochos a stabulatione petulcorum animalium eximit, Parochiani suo Pastori vaccas quatuor, pecora minora, puta oves, porcos, triginta duo gratis pascere, & custodire tenentur. Et præter hæc capita libera potest Parochus insuper habere in pascuis communibus, quot Parochianorum unus, solvendo tamen custodiis pretium, vel aliter cum communitate conveniendo: hic tamen Clericis eam moderationem commendatam volumus, ne communitati nimis amplo pecorum grege graviores sint, dentque justam murmurandi causam.

XI.

Pro custodia autem non liberi pecoris taxam in loco, vel in vicinia, vel in

in patria usitatam servare teneantur tam Parochiani, quam pecorum Custodes.

XII.

Ubi vero ad incommodam, & indecentem istam stabulationem ex consuetudine, vel potius abusu tenentur Pastores, maneat illis etiam salvum jus quodlibet pecora uti hactenus libera in communibus pascuis habendi.

XIII.

Ubi autem exigua agricultura, & vineæ nullæ sunt, ita ut primaria Pastorum sustentatio defumenda sit ex pecoribus, ibidem Pastor octo vaccas, 12. porcos, & 25. oves habere potest liberas.

XIV.

In sylvis, communibus glandibus, & aliis hujusmodi emolumentis Pastor tantum juris habet, quantum Parochianorum unus.

XV.

Fœnura, fruges, fructus arborum quarumcumque in cœmeterii ambitu crescentes spectant ad Pastorem: si tamen inibi arborum nuciferarum copia e contrario Ecclesiæ Parochialis tam exigui editus sint, ut oleum alendo coram Venerabili Sacramento luminis subministrare non valeant, eo casu ex istis nucibus Ecclesiæ, judicio Decani (si Pastor, & Mamburni inter se non satis convenirent) succurri poterit.

XVI.

Quando Ecclesia, chorus, aut domus Parochialis, aut pars aliqua occurrat ædificanda, aut restauranda, tum communitas, seu Parochia ad vēsturas materialium, manualesque operas obligatur.

XVII.

Quemadmodum per Ecclesiasticas Constitutiones prohibetur, ne ulla Ecclesia, aut Capella, vel Oratorium de novo ædificari possit sine expressa licentia Diœcesani Episcopi: ita si contingat talem licentiam gravibus de causis concedi, semper ea sic intelligenda est, ut sine Matricis Ecclesiæ, Pastorisque præjudicio ac detrimento id fiat;

quare ad omnia jura, & onera parochialia, ac pastoralia obligantur, ac obligatos sub pœna interdicti esse volumus incolas pagi, vel alterius cujuscumque loci, in quo similes Capellæ vel Oratoria qualiacumque de nostra, vel Prædecessorum nostrorum in scriptis obtenta licentia erecta fuerunt; etiam ad stipendium Æditui parochialis, tametsi proprium Ædituum habuerint, nisi aliud in instrumento fundationis, sive erectionis de Episcopi Diœcesani, aliorumque Superiorum consensu erecto exprimatur, vel nisi speciali contractu cum matrice Ecclesiæ cæterisque parochianis convenerint, quorum neutrum præsumendum, sed authenticis documentis clare probandum esse volumus.

XVIII.

Insigni populi Christiani liberalitate, ac devotione jam a sæculis introductum, & longa annorum serie invaluit jus quoddam (quod stolæ vocant) quo parochiani ad Pastoris; tanquam communis sui parentis honestam commodamque sustentationem, & in subsidium Hospitalitatis, quam vocationis pastoralis conditio, & Ss. Canones ab eo exigunt, filiali ac religioso affectu concurrunt, simulque reciprocam erga illum (qui suam pro ipsorum spirituali bono ac solatio vitam, quin & animam Domino Deo obstrinxit) observantiam, & gratitudinem testantur: At enim sive crescente Pastorum cupiditate, sive refrigescēte fidelium charitate, illi præfata jura plus æquo augere, hi contra diminuerē, & tantum non annullare, ac penitus abolere cœperunt, utrique præter fas, & jus, & cum gravissimo Christianæ pietatis, quam parentes, & filii spirituales sibi mutuo debent, dedecore.

XIX.

Ad hæc notavimus, ubi ea jura etiamnum vigent, eam esse in illis exigendis, ac præstandis diversitatem litium, contentionum, detractionum, contumeliarum matrem; ut inde Dei cultus, animarumque salus grave patiatur detrimentum: Cui malo, ut aliquo modo pro temporum injuria mode-

moderemur: Attenta antiquissima, & communiori consuetudine, variisque ordinationibus hac super re olim editis ad instantiam tam Parochorum, quam parochianorum, eorum certe quibus magis conniventia, quam pecunia cordi est, & qui Superiorum voluntatem potius, quam suum quæstum, propriumque iudicium pro regula sequi malunt, quædam quæ maiorem pati videbantur difficultatem, & frequentius in contentionem deducebantur, hic declaranda, & decidenda iudicavimus.

XX.

Præstentur Pastori deinceps:

Pro Baptismo infantium, vel tres asses, vel par gallinaceorum. 3. f.

XXI.

Et pro puerperæ introductio-
ne 2. f.

XXII.

Pro sponsalibus 10. f.

XXIII.

Pro nuptiis viginti quatuor asses, & par Chirothecarum sive sex asses 24. f.
6. f.

XXIV.

Pro dimissorialibus, & bannorum proclamationibus, sive fiant, sive non fiant, Pastori 28. f.

XXV.

Synodalibus, si nuptiis interfint, in Templo conjunctim 6. f.

XXVI.

Matriculario in Sponsalibus 2. & in Nuptiis 3. f.

XXVII.

Pro delatione alicujus Sacramenti nihil petatur neque directe, neque indirecte; cum constet multos hac de causa in urgenda Sacramentorum administratione fieri tardiores.

XXVIII.

Extra tempus paschale non solum etiam nihil exigant Pastores a pœnitentibus, sed omnino præstaret, ne qui-

dem, quod ultro ab iis offertur, admitti ob eandem causam, quam certum est, subesse.

XXIX.

Præterea etiam extra tempora, quibus Christi fideles ad Offertorium tenentur, nunquam invitentur ad Offertorium communicaturi, sed sit cuique liberum.

XXX.

Pro solemnî inhumatione, & deductione cadaveris 7. asses.

XXXI.

Pro funeralibus, seu exequiis (quo nomine complectimur vigiliis, commendationes solitas, Sacrum tum ipso die inhumationis, tum etiam 1. 2. & 3. die) tres daleri Luxemburgenses, & oblata omnia.

XXXII.

Si ob defectum cantorum non cantantur vigiliæ, saltem distincte, & clara voce, dato campanæ signo in Templo legantur, quod si neutrum fiat, quinque asses toties, quoties detrahantur, quod fieri volumus, nisi grave aliquod impedimentum intercurrat.

XXXIII.

Si exequiarum solemnitas ad pauciores dies contrahatur, pro quolibet die omisso unus dalerus detrahatur.

XXXIV.

Candelæ funerales semper ad finem totius officii usque ardere sinantur, residuum autem æqualiter inter fabricam, & Pastorem dividatur.

XXXV.

Pro commendatione per annum 12. asses.

XXXVI.

Si quis in Templo sepeliri velit, dabit fabricæ duos daleros Luxemburgenses, si in choro, dabit tres daleros, nisi fuerit Collator, aut Fundator, cujus liberalitati, & charitati elemosyna Pastori tum facienda relinquitur.

XXXVII.

Tumbarum sive lapidum sepulchralium, qui vel nullius sunt, vel
cujus

cujus sint, ignoratur, dispositio ad Pastorem vel ad Ecclesiam, pro recepto locorum usu, spectat.

XXXVIII.

Pro toto triduo Officio defunctorum uti supra Ludimagistro choralibus debentur oðodecim asses, Aedituo pro pulsu singulis diebus - 4. asses.

Si binæ fuerint Missæ, & bis pulsandum - 7. asses.

Si vigilæ non fuerint habitæ, ei untis assis detrahatur pro quolibet die.

Ludimagistro autem cantori - 2. asses.

XXXIX.

Agentibus Diaconum vel Subdiaconum singulis - 4. asses.

XL.

Ubi receptum, ut Synodales toti officio inersint Exequiarum, sex asses conjunctim singulis diebus. - 6. asses.

XLI.

Pro Missa legenda parochiali Pastori - 6. asses.

XLII.

Si in Ecclesia distante milliari ab ædibus suis legendum sit Sacrum 20. asses.

XLIII.

Si a medio milliari - 15. asses.

XLIV.

Si propius absit - 12. asses.

XLV.

Si cantandum sit Sacrum primo casu - 10. asses.

XLVI.

Secundo - 24. 3. - 20. 4. - 15. asses.

Pro toto Officio Dedicationum, id est primis, & secundis Vesperis, Sacro cantato, & concione - 48. asses.

Pastori præter vinum, seu porum, quem usus taxaverit.

XLVII.

Aedituo tres asses. Ludimagistro cantanti sex asses. Si tamen idem Aedi-

tuus, & utriusque munere fungatur, etiam utriusque stipendio fruatur.

XLVIII.

Pro Officio solemnī Patronorum, id est, cum Sacro cantato, & concione Pastori quocunque in loco celebretur - 32. asses. Cæteris autem ad celebrandum invitatis pro portione distantie uti supra: Si tamen pro similibus est specialis aliqua Fundatio, ea servetur.

XLIX.

Quod ad Missas ab immemoriali tempore a Parochis, sive in ipsa parochiali Ecclesia, sive in Capellis, singulis aut alternis septimanis, vel mensibus legi solitas spectat, pergant more antiquo eas celebrare, quemadmodum boni Pastores adhuc fecerunt, tamen si stipendium labori respondeat, cogitare enim debent Missas illas non tantum ob illud stipendium, sed etiam ob decimas, aliosque proventus olim a Majoribus introductas fuisse, ut pagorum istorum incolæ Missæ Sacrificium subinde per septimanam audire possent: Si autem de earum fundatione claresceret, & stipendium justo minus appareat, aut Anniversaria ita multiplicata sint, aut tam tenuiter fundata, ut ipsi Pastores nimis gravati censerentur, & fabrica inde etiam detrimentum patiatur, propria auctoritate nihil immutent, sed os Domini interrogent, id est, ad Ordinarios pro justa moderatione recurrant.

L.

Pro oblatione singuli adulti, seu qui ad Ss. Communioem accedunt, singulis 4. anni Festivitatibus, paschatis, pentecostes, Assumptionis B. V. & Nativitatis Domini, tenentur in Altari Pastori offerre duplicem nummum, quorum quatuor assen faciunt, si quis tamen minus vel nihil offerat, non reprehendatur, nec confundatur publice, seu coram aliis, sub multa unius floreni aurei.

LI.

In paschate præterea singuli poenitentes debent Pastori duo ova.

LII.

LII.

Pro cæteris oblatis per annum difficile plane est statuere aliquid certi. Ratio est, quia durum est, ut, si omnia Pastori subtrahantur, cum ille Altari inserviat, & aliunde menti fidelium, ipsique praxi omnino adversatur, & fabricam fere ubique enervabit, & Divinum Officium pessumdabit, si omnia Pastori adjudicentur. Nam passim fabrica solis oblati subsistit, maxime in Capellis foraneis, & si scient fideles oblata non cedere fabricæ saltem pro parte, certum est plurimos nihil oblaturos: medium autem reperire, quod jurgis, & litibus ansam non daret, hæcenus vix unquam fuit. Expeditissimum videtur in Domino, si Pastores offertorio quatuor solemniorum Festorum, & oblati hic supra ipsis assignatis ac stipendio eis taxato, pro Officio Dedicationis ac Patronorum quorumvis contenti, cætera omnia (exceptis etiam ovis, quæ per totum annum offeruntur & Pastori cedere debent) totius anni oblata fabricæ relinquant, cujuscumque demum naturæ illa sint, aut ubicumque ponantur: Fabrica autem, seu Mamburni faciant sumptus necessarios, si qui aut qualescumque sint faciendi: Et certe omnibus perpenſis ac universim loquendo, hoc magis e re Pastorum futurum videtur, & ita quidam observant, vivuntque commode & pacifice.

LIII.

Quia tamen subinde reperire est Parochianos erga Deum, ejusque Vicarios, id est, animarum suarum Curatores, adeo ingratos, irreligiosos, & tenaces vel potius iniquos, ut tamen possint, attamen nolint cantilla eleemosyna (oblatis inquam ante designatis in 4. majoribus Festivitatibus, quæ pia, universalis, & antiquissima fidelium devotio ad Pastoris alimentacionem, tam sincero affectu introduxit) obligationi satisfacere seque conformare: Hinc volumus tam ingratos, degeneresque Ecclesiæ filios, si quos deinceps tales esse contingat, communibus pietissimæ Matris Ecclesiæ, fratrumque suorum, id est, cæterorum Parochianorum suffragiis tam diu care-

re, donec se eorum communione per publicum hocce Reipublicæ, pietatis & observantiæ testimonium dignos præbuerint.

LIV.

Supra positam autem jurium parochialium specificationem seu taxam ita intelligi, & capi volumus, ut sicubi hæcenus fuerit mos vel jus, ut certis diebus vel temporibus, vel pro certis officiis seu functionibus insuper panes Pastori, vel etiam Ædituo aut Ludimagistro præstarentur, hunc morem non obstante nostra taxa servari, panesque etiam deinceps præstari mandamus.

LV.

Ad hæc, si quæ præterea jura sive ex parte Pastorum, sive ex parte parochianorum hic non expressa forte occurrant, poterunt ad Decanos respectively referri, ab iisdem Nobis deinde transmittenda, ut post maturum examen his Ordinationibus, si ita in Domino visum fuerit, deinceps inferantur. Interim servant in praxi ea, quæ uti diximus anno 1662. ordinata fuerunt.

LVI.

Parochos porro iterum in Domino monemus, omnino dedecere, ita juris sui eos esse retinentes, ut modestiam, imo & misericordiam in exigendis rigide & sordide etiam a pauperibus stolæ juribus obliviscantur, perinde ac si omnem ab hominibus, nullam a Deo expectarent laborum bonorumque operum suorum remunerationem: Quare taxam hic a Nobis designatam excedere eos nunquam volumus; moderari autem pro conditione personarum ipsorum sit discretionis ac charitatis juxta regulam Apostolicam: *Pascite, qui in vobis est, gregem Dei, providentes non coacte, sed spontanee secundum Deum, neque turpis lucri gratia, sed voluntarie*, 1. Petri 5. Non enim injustus est Deus, ut obliviscatur operis vestri, ait S. Paulus. Proinde ita se gerant in exactione jurium, quemadmodum idem Doctor gentium præscribit 2. Cor. 6. 3. Nemini dantes ullam offensionem, ut non vituperetur ministerium nostrum, sed in omnibus exhibea-

hibeamus Nos, sicut Dei Ministros, unde, si pauperes sint, nihil exigant, nihil etiam admittant: Si tenuiores, meminerint misericordie; si potentes licet hi aliquando etiam minus sint prompti, non ideo tamen ab eis contentiose aut putide extorqueantur, ne cuiquam sint offendiculo, quod etiam cum suo temporali dispendio cavere omnimode Ecclesiasticos oportet; Nolumus tamen per hanc nostram Ordinationem quorundam etiam locupletum duritiam, & immunitatem fovere, nec etiam eorum liberalitati, & in eos, qui pro iis pervigilant, quasi rationem pro animabus suis reddituri, gratitudini, & charitati modum præscribere, quin potius & illos omnesque Laicos, cujuscumque gradus, ac sexus in Domino hortamur, proq; officii nostri pastoralis conditione serio monemus, ut & ipsi Christianæ pietatis, ac æquitatis memores, alacri animo contribuant ad decentem suorum Pastorum sustentationem, universalis Ecclesiæ regulam piorumque fidelium vestigia sequentes, idque eo liberalius, quo magis exigui sunt Parochiarum redditus, suppleantque inopiam, & defectum pauperum, a quibus Pastores nihil accipiunt, imo nec admittunt.

LVII.

Harum Ordinationum exemplar unum a Decano subscriptum habeant omnes non solum Parochi, sed etiam Sacellani; quoscumque autem ex Capitularibus contra aliquam illarum venisse, aut egisse Decanus compererit, huic multam suam in Synodo Capitulari paschali intimabit solvendam intra triduum sub pena suspensionis a Divinis ipso facto incurrenda, & privatione vocis activæ & passivæ, donec illam in manus Procuratoris Capituli re ipsa perfolverit. Indignus enim est, qui Ss. Mysteria tractet, quisquis Divinorum Mysteriorum Authorem in suo Vicario spernit: Non enim te, sed me abjecerunt, inquit Deus ad Samuelem. Indignus etiam est, qui in Fratrum Conventu audiatur, qui Apostolum audire pervicaciter recusat clamantem, obedite Præpositis vestris, ac subjacete eis. Multas autem veta-

mus in virtute S. Obedientiæ verti in computationes aut convivales tractationes Capitularium, ac omnium, aut aliquorum, sed in commune Capituli commodum volumus impendi, idque de communi Definitorum consilio, & assensu. Æque severe ac serio interdiximus Decanis, ne in exigendis hisce multis cum quopiam dissimulent. Atque hæc sunt, quæ autoritate, qua fungimur ex muneris Nobis ab alto impositi pastoralis vigilantia faciendo, & statuendo pro majore Dei gloria, disciplinæ Ecclesiasticæ reformatione, & status gradusque Sacerdotalis honore, & tam Parochorum, quam Parochianorum spirituali æque ac temporali solatio ac commodo post absolutam brevem quidem, sed sedulam per nostrum in Pontificalibus, & Spiritualibus Vicarium Generalem de nostro speciali Mandato, quantum per hæc temporum injurias, & calamitates permissum fuit. Visitationem Archi-Episcopalem in Domino potissimum convenire judicavimus. Et quæ ab omnibus quidem spirituali nostræ Jurisdictioni subjectis, maxime tamen a vobis accurate servari volumus, & sub interminatione Divinæ vindictæ mandamus, idque non obstantibus iis, quæ forte ad instantiam quorundam particularium in nonnullis parochiis per præfatum nostrum Visitatorem statuta fuerunt, quibus proinde per has derogatum volumus, ac de facto præsentium tenore derogamus: ad eorum autem exactam observationem urget vos muneris vestri ratio, ut per vestram erga Superiores observantiam, & obedientiam fiat norma gregis; discantque vestro exemplo, quid Nobis, quid vobis debeant parochiani vestri; urget, quo vos Deo, Ecclesiæ, patriæ; parochiæ, ac singulis parochianis obstrinxistis Sacramento; Urget ira Dei, & salus gregis, cui vos Spiritus Sanctus præfecit; urget denique proprium animarum vestrarum periculum. Si enim pereant culpa vestra subditorum animæ, peribunt quidem illæ, sed peribunt & vestræ; peribit pro illis effusus Sanguis Christi, quem de manibus vestris requirer ille, qui dixit, custodi mihi virum istum, qui,

si perierit, erit anima tua pro anima illius. Ego autem libero animam meam contestans vos hodierna die, qui mundus sum a sanguine omnium; non enim subterfugi, quominus annuncierem omne consilium Dei vobis Act. 20. 26. & 27. In quorum majus robur, ac evidens testimonium præsentis Ordinationis, ac Reformationis literas manu nostra subscriptas, & sigillo Archi-Episcopali munitas extradi jussi-

mus, & fecimus. Dabantur ex palatio, & arce nostra Ehrenbreitstein 12. Februarii 1678. Signatus erat JOANNES HUGO Archi-Episcopus Trevirensis. Eratque dictum sigillum Archi-Episcopale impressum in cera viridi sub carta.

(L.S.)

Exemplar Synodi commodavit Bibliotheca Collegii Trevirensis Soc. JESU.

JOANNES HUGO, perillustri satus Orsbeckiorum & Domianorum in Vernich Juliæ ditionis prosapia, Idibus Januarii a. 1634., patre Wilhelmo, matre Carharina de Petra, Archi-Episcopi Electoris Trev. Caroli Caspari forore, amplissimæ quam vel a primis adolescentiæ annis de se concitaverat, expectationi ita respondit, ut nemo melius, nemo felicius. Anno 1644. literas humaniores Coloniz Agrippinæ intulit; Rhetoricam absolvit Moguntiz a. 1648.; tum præfixi in Metropolitano Trevirensi Capitulo cursum temporis Resident. emensus, pro clementissimo Eminentissimi Dom. Archiep. avunculi sui arbitrio, Romam se cum fratre suo natu major: Damiano Emerico ad Collegium Germanicum a. 1651. contulit: ubi quæ dederit cum virtutum, tum Scientiarum specimina, & quantos in utrisque progressus fecerit, testantur partim literæ R. P. Pauli Oliva, Præpositi quondam Soc. Jesu Generalis, in Provinciam Rheni Infer. ad P. Guilielmum Euskirchen missæ; partim meditationes sacræ, quas propria illo in Collegio conscriptas manu, indices ad canos usque diligentissimo terere usu Princeps optimus amabat. Excerpta illis ex litteris hæc pauca damus:

"In natu majore (Damiano Emerico) scribebat Vir integerrimus & humanissimus, "optima omnia: at in minore (Joanne Hugone) reluctent ingenium, indoles, "modestia, pietas cum in modum, ut nihil sit, quod in ipso desiderare majus "possim. Si adolescens ille, in provectiore ætate progressus ita continuaturus "est, paucos ipsi Germania pares habebit, & facile erit Eminentiæ suæ Successorem suum conicere." Hæc Oliva. Accedit, quod suis à Moderatoribus Angelus Germaniæ passim diceretur. Redux ex Urbe, divina aspirante gratia, Francofurti ad Mœnum a. 1657. sacrum Subdiaconatus Ordinem suscepit. Functus deinde a. 1659. ardua ad Sedem Apostolicam & gravissimi momenti Legatione, Spirensi Ecclesiæ altero mox anno 1660. Decanus dabatur: qui primus videri poterat gradus, unde ad altiora postmodum Hugonis virtus eveheretur. Ex Choro episcopo Trevirensi factus die 7. Januarii a. 1672. Emin. Avunculi sui Coadjutor; & die 16. Julii a. 1675. Spirensis Episcopus, in regimen Sedis Archi-Episcopalis Trev. successit a. 1676. die 9. Junii. Paucos habuit quinque & triginta, quibus cum imperio erat, annorum spatio candidos ac sine nube soles: Patriam sibi carissimam, ferro ignique a. 1688. vastari, acerbissimo licet doloris sensu videret; adduci tamen, a jurata Deo, Cæsari & Imperio fide vel tantillum ut recederet, nequaquam potuit. A. 1690. Comitibus Augustæ Vindelicorum celebratis interfuit, in iisque ad diem 24. Januarii cum Electoribus reliquis Josephum Magni Leopoldi filium, tunc duodennem, pronuntiavit Romanorum Regem. Treviris aram Ecclesiæ Metropolitanæ principem, Confluentiæ perelegans PP. S. J. Gymnasium, in valle Ehrenbreitstein Templum S. Crucis crexit. Sedem Romanam tanto semper colebat observantiæ ac pietatis studio, ut, quotquot inde Decreta & Rescripta Apostolica emanabant, ceu normam regiminis sui exciperet, usurparetque. Apud PP. INNOCENTIUM XI. ALEXANDRUM VIII. INNOCENTIUM XII. & præprimis apud CLEMENTEM XI. erat gratissimus, a quo segmentum ligni salutaris S. Crucis dono missum accepit. Faciles ad eundem adiuv. patebant subditis omnibus, maxime egentioribus. Mirum in eo orandi studium, castimonia singularis, infracta animi inter res adversas constantia, liberalitas in omnem Diocesis diffusa, clementia erga domesticos perinde & externos plane egregia, virtutesque aliæ promicabant. Obiit lustrata per exhomologem accuratissimam conscientia, & corde Spirensi, cadavere Trevirensi & intestinis Ecclesiæ S. Crucis in valle Ehrenbr. testamento relictis, die 6. Jan. anno Christi 1711. ætatis 77. FIDUS DEO

DEO & Imperatori Princeps, Spirensis Episcopus, Præpositus Weissenburg, Missio-
nis Trev. Fundator, Musarum decus & præsidium, verus Patriæ ac pauperum Pater.

*Fragmentum Epistolæ a CLEMENTE XI. Pont. Max. ad JOANNEM
HUGONEM data.*

" **F**raternitati tuæ, magnitudinem Pontificiæ benevolentia nostræ, ad quam in-
" dies magis cumulandam mirifice faciunt ea, quæ ad Nos omni ex parte pro-
" feruntur, de singulari & constanti tuo zelo in Ecclesiam Dei, deque egregia tua
" in Nos & Apostolicam Sedem voluntate, eximiis argumentis, assidue compro-
" bata &c. Cum benedictione itaque Apostolica, quam tibi tam pie recteque sen-
" tienti, ac de Ecclesia tam probe merito per hunc latorem deferri volumus & dono
" tibi mittimus segmentum aliquod salutiferi ligni illius, cujus pars, ut notum est,
" hic in Ecclesia S. Crucis in Jerusalem asservatur, &c. perpetuo tibi pignori Pon-
" tificii amoris futurum, ipsumque salutis nostræ autorem, qui ab ipso ligno pepen-
" dit, precamur, ut vota, quæ pro te indefinenter fundimus, impleantur &c. "
Ite Sanctissimus, qui & morti Joannis Hugonis illacrymasse scribitur.

*Hæc fere omnia ex Histor. Trevir. dipl. Illm. Hontberii Tom. III. a pag. 857. ad pag.
874. Vide etiam Histor. Eccles. Germaniæ gallice scriptam Tom. I. pag. 221.
& Collegii Germ. & Hung. Histor. Julii Cordara Soc. Jesu edit. Rom. a. 1770.
a pag. 183. ubi reperies, Joannem Hugonem Odæo Collegii istius reliquisse le-
gatum mille quingentorum aureorum: quod beneficium quotannis alumni re-
colunt, solemne pro eo Sacrum facientes.*

SYNODUS DIOECESANA *Verna* MONASTERIENSIS.

Eodem anno Christi MDCLXXVIII.

J U S S U

*ejusd. Revmi Domini CHRISTOPH. BERNARDI a GALEN,
Monasteriensium Episcopi,*

CELEBRATA

D I E 22. M A R T I I.

*Commissarii Episcopales deputati JOANNES RUTGERUS a TORCK, MAT-
THIAS KORFF, conditus SCHMISINCK, GOSWINUS DROSTE, & JOAN-
NES ALPEN Vicarius Generalis.*

In hac Synodo publicatæ sunt, Episcopi absentis, sequentes Pastorales Literæ:

CHRISTOPHORUS BERNARDUS, DEI ET APOSTOLICÆ SEDIS
GRATIA EPISCOPUS MONASTERIENSIS, &c. &c.

Sacro sanctum Eucharistiæ Sacramentum
(quod non solum, ut Sacramenta reliqua,
gratiam confert, sed ipsummet omnis gra-
tiæ & sanctitatis fontem, auctoremque Chri-
stum Dominum admirabili modo totum re-
ipsa vere & substantialiter continet) ut præ-
cæteris reverenter ac religiose a Sacerdoti-
bus administrandum est, ita quoque majore
cum præparatione, cultu, ac devotione pro
tantæ Majestatis exigentia a fidelibus suscipi
oportet. Quod est iuxta Constitutiones

nostras singulari curatorum Sacerdotum so-
lertia in adultis sufficienter promoveri con-
fidimus, necdum tamen in instruendis & ad
Divinum hoc Epulum adducendis parvulis,
quam sæpe desideravimus, satisfactionem
experimur. Quo enim si ad tanti frequen-
tationem Sacramenti uberiore cum fructu
disponantur, & ex ea præparatione & ex-
emplo adultiores etiam ferventiore deside-
rio, religione ac pietate incitentur, innova-
mus Mandata nostra alias publicata, & vq-

Tomus X. Concilior. German.

L a l u m u s

lumus, ut parvuli postquam istius ætatis & iudicii fuerint, ut possint spirituales hanc alimoniam a corporali cibo discernere, ad ejus participationem prima vice privata quadam methodo, & particulari præparatione adducantur. Quem in finem Parochi & Curati locorum pueros illos, qui in concreditis sibi Parochiis annos discretionis attigisse deprehenduntur, aliquot septimanis, antequam ad primam Sacram Communionem admittendi sunt, ad Ecclesiam præsentibus etiam Ludimagistris speciatim convocabunt, ibidemque non tantum de scitu necessarii necessitate mediæ & præcepti, sed cumprimis de his, quæ ad rite decenterque suscipiendum hoc Sacramentum pertinent, diligenter informabunt, & postquam sufficienter instructos esse compererint, indicta pridie diei Communionis sacra Confessione ipso solennitatis tunc occurrentis festo ab aliis communicantibus separati, ad sacratissimam hanc mensam admittuntur, & recitatis ex ambone nominibus publica pro iisdem exposcitur oratio, ut celesti hoc cibo pasti omnium bonorum operum & meritum capiant incrementa.

Et, quamvis Sanctissimum hoc Eucharistiæ Sacramentum pie & utiliter ad excitandam populi devotionem in publicis interdictum Processionibus, seu indictis Supplicationibus deferatur, ne nimia tamen frequentia debitam tanto Mysterio reverentiam minuat, extra festum Corporis Christi & ejus Octavam, nec non quatuor majores per annum Solennitates rarissime id fieri per præsentem demandamus, sufficietque in precibus decem horarum, Missis precariis aut fundatis in Altari aliquando exponi, ut coram eo solite preces effundantur, & interim a circumfestatione per cæmeterium & interiore Templi circuitum absteineatur.

Processiones autem, quæ ad inflammandam in operibus penitentiae fidelium pietatem, vel ad commemoranda Dei beneficia eique gratias agendas, vel ad auxilium Divinæ protectionis uberius implorandum, sacro cum ritu & caeremonia institutæ sunt, tanto religiosius ab Ecclesiasticis personis five sæcularibus, five Regularibus observari convenit, quanto reliquis Christianæ vitæ sanctioris professione altius eminent.

Grave enim offendiculi genus est, si quos omnino decetbat pro culpis & offensionibus tam suis, quam aliorum præcellentiori

quadam pietate sese irascenti Deo murum opponere, pravo ipsi exemplo commonestrent, quæ ad ædificationem ordinata sunt, ad destructionem cedere, dum peractis hujusmodi Processionibus prioris devotionis vix amplius memores sæpe comestationibus ita indulgent, ut earum protractione & verum sobrietatis specimen præbere, & versperinas preces horarias, quas in Ecclesia ad commonstrandam populo pietatis continuationem psallere oporteret, non sine scandalo prætermittere conspiciantur. Quamobrem omnibus & singulis Ecclesiasticis personis districte injungimus, ut post finitas hujusmodi Processiones cibum quidem cum gratiarum actione sumant, sed pomeridiano tempore hora magis opportuna Vesperas minimum in Ecclesia decantent, abruptisque comestationibus ac symposiis ostendant exemplo suo diem illum imperandis, non amittendis Dei gratias destinatum esse.

Quæ de vita & moribus Clericalem statum decentibus sacri Canones salutariter præscribunt, & toties ex hoc loco inculcata sunt, ea Sanctissimus Dnus noster INNOCENTIUS Undecimus non solum exacte a singulis observari pronuper serio demandavit, sed insuper adjecit pro conservanda disciplina Ecclesiastica singulis in habitu & tonsura non incedentibus, nec vitam statui Ecclesiastico conformem agentibus omnem ad gratias Apostolicas viam præclusam fore. Quam Sanctitatis Sux intentionem uti omnino salutarem agnoscimus, ita eandem omnibus & singulis per præsentem intimamus, ac præterea Ecclesiarum quarumcunque Prælati injungimus, ut cum subinde quidam e Clero nostro eidem nimis manifeste contravenire asserantur, ad hoc studiose attendant, & amputato ulterioris prævaricationis periculo emendationem serio procurent.

Interim preces pro publica salute jam ante indictas & porro indicendas enixe commendamus, & Benedictionem vobis Episcopalem impertimur. In quorum fidem præsentem dedimus manu & sigillo nostris roboratas, in arce nostra Sassenberg, die 16. mensis Martii, anno Salvatoris 1678. Regiminis nostri vigesimo octavo.

Christophorus Bernardus mpp.

(L.S.)

SYNO-

SYNODUS DIOECESANA TORNACENSIS, Eodem anno Christi MDCLXXVIII.

A B

Illmo & Revmo GILBERTO CHOYSEULIO, Tornac. Episcopo,

CELEBRATA
DIE 26. APRILIS.

ACTA SYNODI TORNACENSIS,

Habitæ in Palatio Episcopali Tornacensi, die vigesima sexta mensis
Aprilis, anno Domini 1678. Feria nempe tertia post Dominicam

MISERIGORDIA DOMINI.

Præsidente Illustrissimo ac Revmo Domino GILBERTO DE CHOYSEUL DU PLESSY-PRASLAIN Episcopo Tornacensi, qui primum hora circiter octava matutina celebravit Sacrum de Spiritu Sancto in Sacello S. Vincentii dicti Palatii Episcopalis præsentibus infra nominandis: Deinde in Aulam Synodali Congregationi habendæ destinatam vix est ingressus, cum antequam confederetur, orta inter DD. *Franciscum le Grand* & *Noë Portois*, respectivè S. Martini & S. Nicolai de Pratis hujus Civitatis Abbates, contentione de præsentia sicut in ultima Synodo, iisque dum super hoc deliberaretur, parumper egressi iussu; Illmus Dominus de consilio Synodi & attento ultimo rei statu adjudicavit præsentiam adhuc pro hac vice D. Abbati S. Martini sine tamen præjudicio partis adversæ, injungendo interim utrique, ut majori diligentia utantur in concludenda hujusmodi causa, cum non obstante ordinatione in ultima Synodo facta, nondum rem deduxerint in eum statum, ut possit ferri sententia. Ordo itaque Sessionum fuit talis: In capite mensæ erat Illmus Dominus, a dextra ipsius Venerabiles Adm. Domini *Joannes Gennaro*, J. U. L. Ecclesiæ Cathedralis Decanus, atque Illmi D. Episcopi Vicarius Generalis, *Ægidius de Brabant* S. T. L. Archi-Diaconus Major, *Petrus Mafiveel* Archi-Diaconus Flandriæ, *Vincentius Ragot* Sac. Decret. Doctor, Præcentor & Officialis, *Ludovicus Merfmann* S. Th. L. *Joannes Waterloo* S. T. D. Theologalis, *Antonius Donné* S. Th. L. Scholasticus, Canonici Ecclesiæ Cathedralis: Deinde in eodem latere mensæ R. Adm. D. *Petrus van Cauteren* J. U. L. Præpositus Ecclesiæ Collegiatae S. Salvatoris oppidi Harlebe-

ensis; & sinistra autem Illmi Domini sedebant RR. Adm. DD. *Franciscus le Grand* Abbas S. Martini Tornaci, *Noë Portois* Abbas S. Nicolai ibidem, *Florentius de Bray* Abbas S. Christophori Phanopinenfis: R. D. *Nicolaus Decamps* Canonicus Ecclesiæ S. Piat Secliniensis, Deputatus Capituli ibidem, ac denique DD. Decani Christianitatis, nempe *Nicolas Henne* Pastor B. Mariæ Virginis, Decanus Christianitatis Tornacensis, *Martinus Doulcet* Pastor S. Petri, Decanus Christianitatis Insulensis, idemque Deputatus R. Adm. Domini *Remigii du Laury* Præpositus Ecclesiæ Collegiatae S. Petri Insulensis ad comparandum ipsius loco in hacce Synodo, cujus ad hoc Procuratorium exhibuit in forma, *Petrus Hergo* Pastor in Rongis, Decanus Christianitatis S. Amandi, *Maximilianus Tromont* Pastor in Fretin, Decanus Christianitatis Secliniensis, *Ferdinandus Malfait* Pastor in Nechin, Decanus Christianitatis Helchinienfis Gallorum; *Baldwinus van Hatten* Pastor in Dottignies, Decanus Christianitatis Helchinienfis Flandrorum, & *Petrus Juvel* Pastor & Decanus Christianitatis Viroviacensis; sedente interea infra scripto Illmi Domini in extremitate mensæ ex adverso ipsius Illmi Domini, & juxta ipsum MM. *Petro de Villers* Scriba & *Michaële Simon* Promotore Curiae spirituales.

Qui omnibus, prout supra dispositis, Illmus Dominus præfatus est de zelo in hac Congregatione adhibendo ad promovendam, conservandam, & restaurandam disciplinam, hortatusque omnes, ut ad id secum omni conatu eniterentur.

Deinde Reverendus Admodum Dominus *Ægidius de Brabant*, Archi-Diaconus

Major, legit alta voce Decretum Concilii Tridentini Sess. 23. Cap. 1. de Residentia; quo peracto, Rēdis Adm. D. *Vincentius Ragot*, Officialis, legit alta etiam voce Statuta postremæ Synodi.

ARTICULUS I.

DE Pastoribus, qui suas parochias deserunt; statutum fuit, ne ulli Pastores ullo modo suas Ecclesias ultra duos dies relinquere præsumant, nisi monitis prius suis Decanis Christianitatis, deserviendis dictis Parochiis provideant. Illusterrimumque Dominum, aut Vicarium ipsius Generalem, vel Officiale de longiori eorundem Pastorum absentia certiores reddant: Si autem præsentī Decreto Pastores contravererint, trium florenorum piis usibus applicandorum mulctæ subiaceant, severius puniendi, si ulterius contumaces extiterint.

II.

Ut in posterum nullæ scedulæ ad facilitandas dispensationes super bannis tradantur præsentibus ab ullis Pastoribus, Vice-pastoribus, aut Deservitoribus, nisi habita per ipsos cognitione consensus parentum, vel tutorum partium, moralique certitudine nullum ab utraque parte subesse Canonicum impedimentum. Et cum sæpe personæ ad Matrimonium aspirantes sint diversarum parochiarum, Pastor alterutrius nunquam eas jungat, nisi visa rescriptione Pastoris alterius partis, intellexerit factas fuisse denuntiationes, nec ullum apparuisse Canonicum impedimentum, vel saltem legitima dispensatione super bannis obtentâ.

III.

Districte quoque mandatur omnibus Pastoribus, Vice-pastoribus, aut Deservitoribus parochiarum, ne ulla Matrimonia celebrare præsumant, nisi servato integro die intermedio a publicatione ultimi banni, prout per Statuta Synodalia Prædecessorum Episcoporum fuit pluries ordinatum.

IV.

De iis, qui ad tantam Sacramenti Matrimonii profanationem deve-

niunt, ut quando sui Pastores propter aliquas rationabiles causas eorum Matrimonii celebrationi assistere recusant, ipsi eos incautos & inopinantes aggrediuntur, & coram eis subito declarant sese mutuo in maritum & conjugem accipere; ut tam nefando abusui jam in dies gliscenti occurratur, visum fuit, antequam aliud definitive statuatur, accersere mandatum, quod ab aliquibus retro annis super hoc emanavit in Diocesi parisiensi, quo habito videbitur, an aliquid simile in hac Diocesi statui possit.

V.

De iis, qui domicilium fixerunt a paucis tempore in aliqua parochia, ibidemque existentes ad Matrimonii celebrationem admitti petunt a suis Pastoribus, statuitur, ut, si nondum per annum integrum commorati fuerint in dicta parochia, publicatio bannorum fiat in parochia vel parochiis ultimi domicilii, quod habuerunt intra eundem annum.

VI.

De Pastoribus, in quorum Ecclesiis fit publicatio bannorum certarum personarum ratione ultimi domicilii, prout in Articulo præcedenti, prohibetur, ne pro jure publicationum hujusmodi plusquam sex asses omnino pro tribus publicationibus recipere possint; Custodes vero ipsorum tres asses.

VII.

Quantum ad Presbyteros, aliosve Clericos hujus Diocesis, qui testamentorum suorum constituunt Executores laicos cum expressa prohibitione, ne ejusmodi testamentorum cognitio ad Judicem Ecclesiasticum spectet, sicque prorogant jurisdictionem sæcularem super ordinem Clericalem, districte prohibetur, ne in posterum quisquam talem conditionem jurisdictioni Ecclesiasticæ, & statui Clericali injuriosam suo testamento apponere præsumat, idque sub pœnis a jure latis. Non tamen per hoc Statutum intenditur tales Testatores impedire, ne quos voluerint suorum testamentorum Executores constituent.

VIII.

VIII.

Cum non pauci hujus Diœcesis Pastores occasione certæ clausulæ contentæ in Articulo quarto Tit. 12. *de Sepulturis*, Synodi Diœcesanæ anni 1643. & prætextu consuetudinis in suis Parochiis introductæ soleant exigere ultra taxam pro sepultura in eodem titulo determinatam. Declaratur illam clausulam sic quidem intelligendam esse, ut intentio statuentis fuerit non impedire per suam taxam, quominus in locis, ubi solebat plus recipi, etiamnum plus reciperetur sponte datum, sed nullatenus fuisse mentem tribuendi Pastoribus facultatem, & jus aliquid ultra hujusmodi taxam exigendi.

IX.

Circa abusum, in quem Pastores quosdam incidere, auditum fuit, ut longe plus exigant ob publicationes bannorum & celebrationem Matrimonii, quam dari hætenus consuevit, erat, prohibetur, ne quidquam exigatur ultra viginti quatuor asses omnino pro Pastore, & duodecim pro Clerico seu Custode. Ubi vero consuetudo est aliquid minus recipiendi, nihil augeatur.

X.

De Presbyteris, aliisque Clericis conductive accipientibus villas, terras arabiles, easque non nunquam subconductive locantibus, unde non solum tanquam turpis lucri cupidi diffamantur, sed etiam plurimis sæcularibus negotiis implicantur, ita, ut etiam lites hujusmodi occupationum occasione vel moveant, vel sustineant, quo fit, ut, si sint Pastores, suis parochianis odiosi evadant: statuitur, ut in posterum ab hujusmodi conductionibus abstineant, sub pœnis Canonum. Mandaturque Decanis Christianitatis, ut eos, qui non paruerint, deferant ad Officiale debite puniendos; idem etiam de Clericis, qui Dominorum temporalium, aut aliorum sæcularium Receptores agunt.

XI.

Quoad violationem Fæstorum, accurate servetur Edictum Regium anni 1607.

XII.

Circa venditionem librorum prohibitorum, qui maxime per proxenates, seu mercatores circumforaneos venduntur, agatur juxta dispositionem Edicti Regii.

XIII.

Ut Catechismus in Ecclesiis parochialibus fiat juxta Mandatum ad id specialiter emanatum & publicatum pro hac Diœcesi jam ab anno 1675.

XIV.

Mandatur Promotori, ut accurate invigilet, ut servetur uniformitas in hac Diœcesi circa receptionem Officiorum propriorum nuper emendatorum, & eos, qui non paruerint, citet coram Officiali.

XV.

Insequendo Decreta Sacrosancti Concilii Tridentini *Sess. 24. Cap. 18.* nominati fuerunt pro examine Pastorum & aliorum RR. Adm. DD. Joannes Genaro J. U. L. Decanus Ecclesiæ Cathedralis & Vicarius Generalis Illustrissimi Domini Episcopi; *Egidius de Brabant* S. T. L. Archidiaconus Major; *Petrus Moraveel* J. U. L. Archidiaconus Flandriæ: *Vincentius Ragot* sacrorum Decretorum Doctor, Cantor & Officialis; *Libertus de Ivoidmont* J. U. L. Pœnitentiarius; *Ludovicus Merismans* S. T. L., *Joannes Waterloo* S. T. D. Theologus, *Antonius Donne* S. T. L. Scholasticus, præfatæ Ecclesiæ Cathedralis Canonici, & præterea RR. DD. *Remigius du Laury* S. T. & J. U. L. Ecclesiæ Collegiæ S. Petri Insulis Præpositus, *Philippus de Campenbout* S. T. L. Decanus, & *Jacobus Boudart* etiam S. T. L. Ecclesiæ Canonici, & Magister *Martinus Doucet* Presbyter, Pastor S. Petri, & Decanus Christianitatis Insulensis: Nec non RR. DD. *Petrus Cauteven* J. U. L. Præpositus Ecclesiæ Collegiæ S. Salvatoris Harlebecensis, & *Ludovicus de Bersacques* S. T. L. Decanus Ecclesiæ Collegiæ D. Virginis Cortraci, ac Mag. *Jacobus Gillebert* S. T. L. Pastor Portionis Septemtrionalis, & Decanus Christianitatis Cortracensis, & *Joannes Vermeulen* S. T. B. F. Pastor Portionis Meridionalis ibidem.

XVI.

XVI.

Deputati vero Iudices Synodales
RR. Adm. Domini *Joannes Gennaro*,
Aegidius de Brabant, *Petrus Mazureel*, *Vin-*
centius Ragot, *Ludovicus Mersmans*, & *An-*
tonius Donne supra nominati, nec non
Albertus Mauritius de la Haye Presby-
ter J. U. L. ejusdem Cathedralis Eccle-

siæ Canonicus Hospitalarius; ac præ-
terea RR. Adm. *Franciscus le Grand* S.
Martini, & *Not. Portois* S. Nicolai hu-
jus Civitatis Abbates.

De Mandato Illmi & Rdissimi
Domini mei Episcopi

DESCHAMPS, Secret.

SYNODUS DIOECESANA *Autumnalis* MONASTERIENSIS,

Eodem anno Christi MDCLXXVIII.

J U S S U

REVERENDISSIMI & CELSISSIMI PRINCIPIS ac DOMINI,

D. FERDINANDI de FURSTENBERG, (*)

S. R. I. Episcopi LVIII. Monasteriensis, XLV. Paderbor-
nensis, & e Gente Furstenbergia Paderb. II.

CELEBRATA

DIE II. OCTOBRIS.

Præsides Commissarii delegati JOANNES RUTGERUS a TORCK, GOSWINUS
a DROSTE, FRIDERICUS CHRISTIANUS a PLETTENBERG,
JOANNES ALPEN.

FERDINANDUS; DEI ET APOSTOLICÆ SEDIS GRATIA
EPISCOPUS MONASTERIENSIS ET PADERBORNENSIS, BURGGRAVIUS STROMBER-
GENSIS, S. R. I. PRINCEPS, COMES IN PYRMONT, DOMINUS IN BORKELO &c. VENERABILIBUS,
NOBILIBUS, DOCTO, DEVOTIS, SINCERE NOBIS DILECTIS ET FIDELIBUS CATHEDRALIUM NOSTRA-
RUM MONASTERIENSIS ET PADERBORNENSIS, NEC NON MINDENSIS ET INSIGNIUM COLLEGIATA-
RUM NOSTRARUM D. PAULI VETERIS, ET S. MARTINI CIVITATIS NOSTRÆ MONASTERIENSIS, ET
S. VICTORIS DULMANIÆ RESPECTIVE PRÆPOSITIS, DECANIS, BURSARIO ET CANONICIS NOSTRIS
CONSILIARIIS, ET VICARIO IN SPIRITUALIBUS GENERALI, JOANNI ROTGERO a
TORCK, GOSWINO a DROSTE, FRIDERICO CHRISTIANO
a PLETTENBERG, ET JOANNI ALPEN SALUTEM IN
DOMINO SEMPERNAM.

Cum negotiorum & occupationum mul-
tudo sub ipsa Regiminis nostri pri-
mordia Nos omnino detineant, quo minus
futura Autumnali Synodo feria tertia post
Festum Ss. Gereonis & Sociorum Martyrum
in Ecclesia nostra Cathedrali Monasterien-
si loco & tempore confueter celebrandæ, ip-
somet personaliter interesse & præsidere pos-
simus, ne quid tamen eorum, quæ hac in
parte ad Officium nostrum Episcopale per-
tinere dignoscuntur, negligi patiamur vo-
bis & cuilibet vestrum, conjunctim & divi-
sim tenore præsentium potestatem facimus
in præacta Synodo vices nostras obeundi,

benigne committentes & demandantes, ut
quam Sanctissimus Dominus noster glorio-
sæ memoriæ CLEMENS istius nominis Pa-
pa Nonus, post habitam de persona nostra
in Coadjutorem, & Successorem Monaste-
riensem post canonicam Electionem, da-
tamque jam dudum Confirmationem ad
Clerum Civitatis, & Diocesis nostræ Mo-
nasteriensis Bullam expediti curavit, &
Nos ad vos direximus, Venerabili Clero
nostro isthic intimari, nec solum reveren-
tiam & obedientiam Nobis, oeu Episcopo,
& Principi debitam prompto semper ani-
mo præstandam, sed etiam Constitutionum Syno-

Synodaliū, quas Per dilectus Frater & Prædeceffor noster CHRISTOPHORUS BERNARDUS felicitis recordationis pro Episcopali ſua ſolicitudine in Synodis ſæpius de conſenſu Capituli noſtri Cathedralis, decrevit & innovavit, ſeriam obſervantiam inculcari, aliæque fieri & geri faciatis & curetis, quæ pro nunc Eccleſiæ noſtræ ſtatus & temporis ratio exigere videbuntur. In cu-

jus rei fidem præſentes commiſſionis & mandati literas dedimus manu & ſigillo noſtris roboratas in arce noſtra Neuhufana, die 9. Octob. anno Salvatoris noſtri 1678. Regiminis noſtri primo.

*Ferdinandus Ep. & Princeps
Paderborn. & Monafter.*

In Synodo Autumnali, Feria 3. poſt feſtum Sr. Gereonis & Sociorum Martyrum loco & ordine conſuetis habita, deputati Præſides Joannes Rutgerus a Torck, Matthias de Reck, & Joannes Alpen. Sed nihil decretum fuit a prioribus die verſum.

(*) FERDINANDUS ex antiquiſſima Baronum FURSTENBERGIORUM gente, cujus originem ab Excellentiffimo Comitum Oldenburgicorum Stemmata nonnulli, veterum ſabularum autoritate nixi, reperunt, ingens Domus ſuæ, Patriæ & Eccleſiæ ornamentum, in lucem edebatur Billſtenii anno 1626. die 21. Octobris. Parentes illi erant quam clari genere, tam virtutibus præluſtres, pater *Friedericus Fuſtenbergius*, Weſtphaliæ & Angariæ ſummo cum imperio Præfectus, Electoris Moguntini & Coloniaſis Conſiliarius intimus, ad plures Reges & Imperii Comitæ Legatus, Dynaſta in Billſtein, Waldenburg, & Oberenkirchen; mater lætiſſima Domina *Annia Maria de Kerpen*, Domina in llingen & Weſtraſia. Ingenio adoleſcens pollebat facili, expedito, ac præſtantiffimo; quod a tenera ætate ſtudio liberalium artium, induſtria pariter ſupra nobilium uſum conſtante, excoluit, primum quidem Sigenæ Naſſoviorum, Paderbornæ & Monafterii Weſtphalorum; tum Colonia Agrippinæ, ubique apud PP. S. J. Hic æquare exempla Majorum, pari ſemper nobilitatis & doctrinæ claritudine fulgentium & immortalẽ gloriam cœpit; hic, Muſis adſpirantibus & adjutricibus, in familiaritatem doctiffimi Viri Fabii Chiſſii, Apoſtolici ſub ea tempora ad Rhenum inferiore Legati venit: a quo ob morum ſuaſitatem, cum eruditione non vulgari conjunctam & fiebat maximi, & tanto amabatur opere, ut ſimul atque Purpuram is obtinuerat, Romam illum verbis amiciffimis invitaret, Eccleſiarum Cathedralium Hildeſienſis, Paderbornenſis ac Monafterienſis jam Canonicum. Paruit Ferdinandus Eminentiffimo, tanto libentius atque alacrius, quanto deſiderabat ardentius, multiplex ingenium ſuum in Urbe totius orbis princepe, & ſacra veluti ſapiëntiæ, ſanctimoniamque arce ac theatro facile celeberrimo exercere. Et vero exercuit ad ſtuporem omnium: plures certe non imi duntaxat ſubſellii viros, ſed etiam majorum gentium Præſules (ut reſert *Chriſtian. Theod. a Plettenberg, Canonicus Hildeſ. in Epist. dedicatoria Panegyrico Theodori a Fuſtenberg, Paderb. Episc. præfixa*) Principes, Cardinales, ipſum denique Summum Pontificem Alexandrum VI. (alias *Fab. Cbiſum*) quantum erat hominum literatorum literatiſſimum, adeo ſibi devinxit, ut inter primores cubiculi Pontificii miniſtros adleſtum familiariffime eum habuerit, & quidquid ex immenſis ſupremi imperii curis & occupationibus vacui ſe temporis offerebat, id Furſtenbergii potiſſimum conſuetudini ac ſuaſiffimis de re literaria ſermonibus impenderit. Oblectabatur (verba ſunt Expertiſſimi Rottendorſii in Præfat. edit. Amſtelodam. ſcripta Monast. Weſtphalorum Calendis Januar. anno Chr. 1671.) Pontifex modo hiſtoria, modo antiquitatum cognitione, modo poëſi; oblectabat hiſ ſtudiis Pontificem Ferdinandus, ſemper aliquod exſertum ingenii ſpecimen dando, applaudente purpuratorum Patrum ſenatu, tanquam ſi ingenium in Germania natum certare Italiæ, quin & anteire velle. Unde factum, ut ſapientiffimus Pontifex, ingeniorum, ſi quis alias, æſtimator ſagaciſſimus, Præpoſitura S. Crucis in Hieruſalem ac Prioratu S. Mariæ de Campejo Tridentinis in alpibus Ferdinandum donaverit; reliqui vero ſummi nominis viri, quorum frequentiffimos eo ævo excellentiſſimosque Urbs poſſidebat, capti tanti Pontificis exemplo, & lætiſſimi Germani ſcientiam crebro acriterque periclitati, Academia Romanæ principatum illi ultro detulerint: quæ dignitas e germanis obtigerat ante Ferdinandum nemini. Sub idem tempus, quo Romæ florebat (floruit autem per annos novem) Duce Holſtenio, parandæ e Vaticana Bibliotheca locupletiffima pro monumentis ſuis, quæ animo meditabatur, Paderbornenſibus doctæ ſupelleſtili intentus, a. 1661.

die 20. Aprilis ab Illustrissimo Sedis Paderbornensis Collegio eligitur Episcopus; confirmatur die 30. Maji; ab Emmo Julio Rospigliosio (postea *Clemente IX.*) ibidem die 6. Junii consecratur, demum Paderbornæ ad 4. Octobris ritu solemniter inauguratur. Quantum electio illa sibi placeret, ostendit Alexander VII. dato ad Revmum Capitulum die 4. Junii ejusd. anni Brevi Apostolico, in quo grandem suam de Furitenbergio existimationem his explicabat verbis: "*Quippe qui pietatem, prudentiam, zelum, ceterasque virtutes omnes, eximio Præsule dignas in eo*" (Ferdinando) *longo sub oculis nostris experimento cognitæ & perspectas habentes, confidimus fore &c.*

Clarebat jam sextum in annum Paderbornensibus Infulis Ferdinandus; cum adlegitur Monasteriensi Episcopo fel. mem. *Bernardo a Galen*, a. 1667. die 19. Julii Coadjutor, & a. 1668. die 30. Aprilis Roma confirmatur. Successit in Cathedra S. Ludgeri, solenniter exceptus Id. Nov. a. 1679. Monasterii, exultante (*ut scribunt Bollandistæ Hagiographi in Act. Ss. Maji Tom. I.*) Westphalia, plaudente Germania, Europa tota gratulante. Episcopalis gubernationis onus, Angelicis etiam humeris formidandum ita SUAVITER & FORTITER sustinuit, virtutum scientiarumque fultus præsidio, ut omnes officii tanti numeros expleret. Ad majus fidei ac pietatis Catholicæ incrementum sex & 30 e Societate Jesu Operariis, quindecim assignavit a. 1682. partim ad Septentrionem, partim extremo etiam in Oriente Missiones, & Cœnobita, Templâ, ac Sacella partim refecit, partim de integro condidit, eaque tot numero, ut gesti Pontificatus Paderb. annos vix non æquent. Juvat hic grati animi causâ meminisse Templi ab eodem Celsissimo Principe D. Franc. Xav. suo tertium Soteri Paderbornæ crecti, quod Colonienfis nostræ Basilicæ majestatem æmulari compendio perquam eleganti dicitur: quod cœpit quidem a. cit. 1682. Idibus Sextilibus; at non perfecit: anno enim mox sequente, 26. Junii, magnam efflavit animam, acutissimis calculi doloribus extinctus, Princeps ob sola *Monumenta Paderbornensia* posteris relicta, etsi Poëmaturum ab eo nihil superesset, monumentum apud eruditos consecutus, ipsum, quod cætera consumit, tempus, sui custodem habiturum. Adnecto Epitaphium in templo PP. FF. Minorum de Observantia Paderbornæ his conceptum verbis, expressumque:

D. O. M. S.

FERDINANDUS Episcopus Paderb. & Monast. Burggravius Stromberg.
S. R. I. Princeps, Comes Pyrmont. D. in Borkelo

L. B. DE FURSTENBERG,

Natus anno Salutis MDCXXVI. die XXI. Octobris:

Magnæ nobilitatis maximum decus, ac fulcrum,

Principum hoc Sæculo eruditissimus,

ERUDITORUM PRINCEPS ac MÆCENAS LIBERALISSIMUS,
hujus & aliorum Templorum, Cœnobiorum, Sacerdotiorum, elemosynarum ingentium

FUNDATOR MUNIFICENTISSIMUS,

argenteorum ad aras apparatusum & suppellectilium

PROFUSISSIMUS LARGITOR,

Summorum Pontificum, Regum, Principum conciliata benevolentia,

pæce Diocesibus parta & conservata Monasteriensi,

& jam recuperato Wildeshusio,

& XXIII. millium argentea pro abaco, suppellectile donato Capitulo Paderbornensi

XXV. millibus,

Monasteriensi XXXIII. millibus imperialium legatis,

CLERI ac PATRIÆ PATER,

expensis in Apostolicas per Septentrionem & extremam Asiam Missiones

plus quam centum imperialium millibus,

PIETATIS ET CATHOLICÆ FIDEI PROPAGATOR APOSTOLICUS:

Tandem cruciatibus calculi, fractis jam viribus, sero nimis exsecti, FORTITER & SUAVITER,

(ut omnia fecerat) toleratis,

Animam DEO, corpus huic sarcophago, nomen immortalis memoriæ
tradidit.

Anno vitæ suæ LVI. Episcopatus Paderb. XXIII. Monaster. V.

Partæ salutis MDCLXXXIII. VI. Calendas Julii.

Vide præter Scriptores citt., Poëtâs illo ævo celebriores: tum & *Menken Lex.* erudit. Struv. notit. rei liter. *Valent. Ernest. Loeßcher* de scriptis Princip. præsertim German. *Schaben.* in dedic. Caroli M. *Jac. Masen.* in præfat. ad vitam Caroli V. & alior.

SYNO-

SYNODUS DIOECESANA TORNACENSIS,

Anno Christi MDCLXXIX. Innocentii XI. PP. IV.
Leopoldi I. Imp. XXI.

PRÆSIDENTE ILLmo & REVmo DOMINO,

D. GILBERTO de CHOYSEUL, du PLESSY-PRASLAIN, (*)
Tornacensi Episcopo,

CELEBRATA

DIE 18. APRILIS.

ACTA SYNODI TORNACENSIS,

Habita in Palatio Episcopali 18. mensis Aprilis, anno Domini 1679.

Feria nempe tertia post Dominicam MISERICORDIA DOMINI.

PRæsidente Illmo & Revmo Domino GILBERTO DE CHOYSEUL du PLESSY-PRASLAIN Episcopo Tornacensi: Assistentibus Venerabilibus Viris Dominis Joanne Gennaro J.U.L. Ecclesiæ Cathedralis Decano, atque Illustrissimi D. Episcopi Vicario Generali; *Aegidio de Brabant* S.T.L. Archi-Diacono Majore: *Vincentio Ragot* Sacrorum Decretorum Doctore, Præceptore & Officiali: *Ludovico Mersmans* S.T.L. *Antonio Donnè* S.T.L. Scholastico, Canonico Ecclesiæ Cathedralis; Rdo Adm. Domino *Petro Honoré*, Abbate S. Amandi in Pabula, Fratre *Juliano Bennier* Presbytero Religioso Abbatæ S. Calixti Cysonienlis & Pastore in Camphin, tanquam Deputato sui Abbatibus; Fratre *Augustino Heddebault* Presbytero Religioso Abbatæ S. Christophori Phanopinenlis, etiam Deputato sui Abbatibus; R. D. *Ignatio Baclan* Presbytero Canonico, Deputato Capituli Ecclesiæ Collegiatæ S. Pii Seclinienlis; R. D. *Joanne Andrea Martin* Canonico Deputato Capituli Ecclesiæ Collegiatæ Divæ Virginis oppidi Cortracensis; nec non DD. & MM. *Nicasio Henriet* Pastore Parochiæ B. Mariæ Virginis Tornaci, Decano Christianitatis Tornacensis, *Martino Doulet* Pastore S. Petri Insulis, Decano Christianitatis Insulensis, *Joanne Vermeulen* Pastore Portionis Meridionalis oppidi Cortracensis, Decano Christianitatis Cortracensis circa Lissam, *Petro van Esbecque* Pastore portionis Septentrionalis ejus-

dem oppidi & Decano Christianitatis Cortracensis ultra Lissam, *Maximiliano Tromont* Pastore in Fretin, Decano Christianitatis districtus Seclinienlis, *Petro Juwet* Pastore Viroviacensi, Decano Christianitatis districtus Viroviacensis, *Balduino van Houtten* Pastore in Dottignies & Decano Christianitatis districtus Helchinienlis Flandrorum, & *Ferdinando Malfait* Pastore in Nechin ac Decano Christianitatis Helchinienlis Gallorum; præsentibus etiam infra scripto Illmi & Revmi Domini Secretario, nec non MM. *Petro de Villers* Actuaria, & *Michaele Simon* Promotore Curiae spiritualis,

Illustrissimus Dominus circa horam octavam matutinam in Capella S. Vincentii Palatii sui Episcopalis fecit sacrum de Spiritu Sancto ad invocandam gratiam Divinam pro felici hujus Congregationis exitu. Quo peracto, secum omnibus supra nominatis recepit in Aulam habendæ Synodo destinaram, ubi statim lectis per infra scriptum Illustrissimi Domini Secretarium eorum omnium, qui de jure aut consuetudine debent adesse Synodo nominibus, absentes reperti fuerunt ii, qui supra in margine norantur, quorum alii absentiam legitime excusarunt; alii vero minime, quod occasionem præbuit Illmo D. Episcopo cum tota Synodo deliberandi, quâ ratione universi in posterum ad Synodum frequentandam compelli possint, statim autem omnibus suffragiis sancitum est, ut iis, qui in futuris Synodis deficient, penæ a jure

(*) Hujus Episcopi elogium, ut serius cognovi, exhibetur in Tom. I. & II. Galliæ Christianæ, & epitaphium valde prolixum in Diario Gallico (quod inscribitur: *Journal des Scavans*) ad diem 27. Febr. 1690. pag. 158. & seqq.

Tomus X. Concilior. German.

a jure statutz, aut consuetudine inductæ omnino infligantur. Præfato deinde breviter Illmo Domino circa Synodorum utilitatem, adhortatoque omnes, ut in commune confulerent, si quid esset, quod in Dicecesi statuendum videretur; Reverendus Adm. Dominus *Ægidius de Brabant*, Archidiaconus Major, ipso mandante legit Statutum de onere residendi, *Sess. 23. Concilii Trid. Cap. 1. de Reformatione*; quod fecit in locum Domini Archidiaconi Flandriæ absentis, ut supra, qui id facere solet.

ARTICULUS I.

Cum in Articulo III. Statutorum præcedentis Synodi fuerit prohibitum, ne ulla Matrimonia celebrentur, nisi interjecto post publicationem ultimi banni integro die intermedio, quod aliqui ita interpretari dicuntur, quasi liceat ad hanc celebrationem procedere post elapsas a publicatione ultimi banni viginti quatuor horas integras, declaratum fuit diem intermedium intelligendum esse diem naturalem, qui sequitur eum, quo facta fuit publicatio banni, atque adeo expectandum esse, donec totus fuerit elapsus, antequam Matrimonium contrahatur.

II.

Circa Articulum IV. præfatæ Synodi, in qua rogatus fuerat Illustrissimus Dominus Episcopus, ut Parisiis accerferet Statutum, quo Matrimonia coram invicis Parochis contracta abrogata sunt; viso ejusdem Statuti transumpto, idem Illustrissimus Dominus iterum rogatus est, ut idem in hac Dicecesi statuatur, atque ejus constitutio in singulis Parochiis quotannis a Pastoribus intra Missarum solennia promulgetur in quatuor præcipuis anni festis, quæ vulgo Natalia vocantur; ita tamen, ut præter excommunicationem ipso facto incurrendam, relinquatur etiam locus pœnis Judicis Ecclesiastici arbitrio infligendis.

III.

Cum negligi animadversum sit, quod in Manuali hujusce Dicecesis præcipitur circa personas diversarum Diceceson aut diversorum Decanatum Matrimonium contrahentes, districte

mandatur, ut quod in eodem Manuali sancitum est, exacte observetur, scilicet, ut ultra Parochi legitimam attentionem de proclamationibus bannorum a se factis, Episcopus Episcopo, & Decanus Decano literas suas dirigant.

IV.

Cum jam in præcedenti Synodo statutum sit Art. II. ne unquam Parochi testimonium dent de publicatione bannorum a se facta, nisi ipsis constet de eorum, qui Matrimonium contrahere meditantur, parentum consensu, idem Decretum in hac Synodo renovatur. Visum est præterea, ne quis Parochus ullum Matrimonium celebret, nisi consensus parentum ipsi innotuerit, saltem si parentes facile adiri possunt. Si quis secus facere præsumpserit, pœnis Ecclesiasticis, prout juris est, subjaceat.

V.

Cum jam aliquoties tractatum fuerit de suppressione aliquorum Festorum, tam ob frequentiores eorum violationem, quam ad afferendum plebi sublevamen ex eorum numeri diminutione proventuum, consultum visum fuit, ut donec novum Calendarium fiat, prout in Synodo 1677. insinuatum est, interim semi-festa Sanctorum Marci & Lucæ aboleantur, nequidem reservata obligatione audiendi Sacrum, cum multa violationi magis obnoxia esse dignoscantur.

VI.

Conquerentibus pluribus Pastoribus de nimia multitudine Religiosorum in suis Parochiis mendicantium, inter quos etiam sunt aliqui e Monasteriis extra Dicecesim constitutis: cum interim nulli doceant de obtenta ulla mendicandi permissione ab Illustrissimo Domino, aut ipsius Venerabili Domino Vicario Generali; & cum hoc magnopere fideles conturbet, eorumque erga indigenas charitatem retardet, atque inde pauperes uniuscujusque Parochiæ maximum detrimentum patiantur, rogatur Illustrissimus Dominus, ut afferat huic incommodo congruum remedium; ut & prætensionem quarundam Monialium, quæ puellas apud se educatas

catas volunt exemptas esse a debito parochiali in Parochia persolvendo, cum tamen hæ puellæ sæpe sæpius e claustra egrediantur. Idem & de ancillis sæcularibus Monialium. Quod se mature examinaturum pollicitus est.

VII.

Communibus Synodi Diocesanæ generalis anni 1673. suffragiis Articulo X. severe animadversum fuit in puellas cum viris adolescentibus popinas ad-euntes, quod non mediocriter hoc malum imminuit, sed non plane sustulit. Quare cum interdictum, quod comminatus fuit, ex Synodi consilio & assensu Illmus D. Episcopus parum delinquentes commoverit, jam districte iterum præsentis suffragiis, omnibus Parochis, Vice-Pastoribus, cæterisque Confessariis tum sæcularibus, tum Regularibus inhibetur, ne ullas puellas hujusmodi popinas cum viris adeuntes, neque viros adolescentes cum puellis in tabernis potantes, atque etiam ipsos caupones, seu quoslibet alios in suas domos, hortos aut recessus, puellas & juvenes viros simul admittentes, Sacramentaliter absolvant, aut ad alia omnino Sacramenta admittant, nisi eos videant vere penitentes & sibi coram Deo sincere proponentes istud peccatum in posterum non committere. Et si in istud reciderint, ad Sacramenta nullatenus admittantur, nisi per sex menses abstinerint, cum proposito semper abstinenti. Pastoribus, Vicariis, & respective cæteris Confessariis tum sæcularibus, tum Regularibus declaratur, quod si secus fecerint, non solum alienorum peccatorum participes futuri sunt; sed etiam eorum, quorum salutem promovere debent, damnationis rei. Hoc porro singulis annis in concione Missæ Parochialis diebus Dominicis quatuor præcipua anni Festa proxime antecedentibus promulgetur, & vulgari lingua populo explicetur.

VIII.

Declaratur denique diem proximæ Synodi, & Synodorum sequentium fore eandem, quæ hodie, nempe diem Martis proximam post Dominicam secundam post Pascha, quæ dicitur Do-

minica *Misericordia Domini*, qua omnes, qui de jure aut consuetudine Synodo adesse tenentur, in Palatium Episcopale convenient hora octava matutina, adeo, ut nulla alia indictione opus sit, die interpellante pro hominæ. Si quis autem citra legitimam excusationem abfuerit, sciat se pœnas, prout de jure aut consuetudine, incursum.

IX.

Insequendo Decreta Sacrosancti Concil. Trident. Sess. 24. Cap. 18. nominati fuerunt pro examine Pastorum ac aliorum RR. Admodum DD. *Joannes Gennaro* J. U. L. Decanus, & Illustrissimi Domini Vicarius Generalis, *Egidius de Brabant* S. T. L. Archi-Diaconus Major, *Petrus Mazaveel* J. U. L. Archi-Diaconus Flandriæ, *Vincentius Ragot* Sacrorum Decretorum Doctor, Præcentor & Officialis, *Libertus de Froidmont* J. U. L. Pœnitentiarius, *Ludovicus Mersmans* S. T. L. *Joannes Waterloo* S. T. D. Theologalis, *Antonius Donné* S. T. L. Scholasticus, præfatæ Cathedralis Ecclesiæ Canonici: Et præterea RR. Adm. DD. *Remigius du Laury* S. T. & J. U. L. Ecclesiæ Collegiæ S. Petri Insulensis Præpositus, *Philippus de Campenhout* S. T. L. & *Jacobus Boudier* etiam S. T. L. præfatæ Collegiæ respective Decanus & Theologalis, ac M. *Martinus Doucet* Pastor S. Petri & Decanus Christianitatis Insulensis; RR. Adm. DD. *Petrus van Cauwen* J. U. L. Præpositus Ecclesiæ Collegiæ S. Salvatoris oppidi Harlebecensis, & *Ludovicus de Bersjaques* S. T. L. Decanus Ecclesiæ Collegiæ B. Mariæ Virginis oppidi Cortracensis, nec non Magistri *Joannes Vermeulen* Pastor portionis Meridionalis dicti oppidi Cortracensis, Decanus Christianitatis Cortracensis districtus citra Lisam, & *Petrus van Esbecque* Pastor portionis Septentrionalis dicti oppidi Cortracensis, Decanus Christianitatis districtus Cortracensis ultra Lisam.

X.

Deputati vero fuerunt Judices Synodales RR. Adm. DD. *Joannes Gennaro*, *Egidius de Brabant*, *Petrus Mazaveel*, *Vincentius Ragot*, *Ludovicus Mersmans*, *Antonius Donné*, qui supra, nec non R. D. *Albertus Mauritus de la Hamayde* J. U. L.

ejusdem Ecclesiæ Cathedralis Canonici Hospitalarius, & præterea RR. Admodum DD. *Franciscus le Grand* S. Martini, Ordinis S. Benedicti, & *Noë Por-*
tois S. Nicolai de Pratis, Ordinis Canonicorum Regularium S. Augustini, hu-

jus Civitatis ac Diœcesis Torpacensis respectivè Abbates.

De Mandato Illmi & Rmi Domini mei Episcopi præfati

DESCHAMPS Secret.

SYNODUS DIOECESANA

ANTVERPIENSIS,

Anno Christi MDCLXXX. Innocentii XI. PP. V.

Leopoldi I. Imp. XXII.

CELEBRATA

SUB REVERENDISSIMO ET ILLUSTRISSIMO DOMINO,

D. JOANNE FERDINANDO de BEUGHEM, (*)

IX. Antverpiensium Episcopo,

DIE 2. MARTII.

FERDINANDUS, DEI ET APOSTOLICÆ SEDIS GRATIA

EPISCOPUS ANTVERPIENSIS, OMNIBUS HAS VISURIS

SALUTEM IN DOMINO.

Cum Pastoralis Officii, in quo nos pos. regere Ecclesiam Dei, præcipue Spiritus Sanctus posuit Episcopo. partes sint curare decorem, ac quæ domum

(*) JOANNES FERDINANDUS BEUGHEMIUS, nobili Bruxellis ortus, patritiaque familia, patrem habuit Joannem; Mariam Geerts matrem: Lovaniensi in Academia *Licentiat* U. J. adlegebatur; in Collegiata Bruxellis Ecclesia D. Gudulæ Canonicis, quos inter per annos plures Magistrum Fabricæ egit, dum ad Decanatum anno 1663. die 26. Martii promoveretur. Inde ob egregia virtutum merita Antverpienses ad Insulas evehit a. 1669, & ejusd. anni die Novemb. 12. per Illmum D. *Alphonsum de Berghes*, Metropolit. suum, adfidentibus *Francisco de Baillencourt* Brugensi, & *Reginaldo Coole* Ruræmundensi Episcopis, Pontificali est charactere Bruxellis in Archiepisc. palatio insignitus. Urebat Symbolo: VIRTUTE ET CONSTANTIA: ex cujus ductu per annos circiter viginti Diœcesim suam tam rexit bene ac laudabiliter, ut summa, qua res gerebat; virtute & constantia, veraque simul, qua exludebat neminem, caritate, omnium ad sese animos traheret. Diem clausit Antverpiæ die 19. Maji Anno Christi 1699. Ætat. 69. atque ibidem in choro Cathedralis Ecclesiæ jacet sepultus, hac in marmor incisa epigraphæ:

D. O. M.

JOANNES FERDINANDUS DE BEUGHEM,

Nonus Antverpiensium Episcopus,

Gregi suo & omnibus charus,

Ut verus Pastor,

Cura duxit, Charitate juvit, Opere luxit,

Qui vivus de se humiliter tacuit,

Loquatur mortuus;

CUM DUXI, JUVI, LUXI.

Ut lux perpetua ei luceat V. V.

Vide Castillionii Sac. Belg. Chronol. P. II. pag. 507. & Histor. Episcop. Antverp. apud Franc. Toppens edit. Bruxellis a. 1717.

domum Dei decet sanctitudinem; de hoc inprimis solliciti, necessarium duximus oculos animumque attente convertere in eos, qui ad sacros Clericatus honores promovendi, tamquam lucernæ super candelabrum, potissima destinantur Ecclesiæ ornamenta; ut nimirum adhibita, quam in ipsorum delectu Apostolus requirit prudentia, nemini cito manum imponamus, nec quemquam in Ministrum Christi assumamus, qui non se Christi probaverit imitorem. Quotidiana enim experientia constat, irreparabilia in Ecclesiam redundare damna per illos, qui aut non debite vocati, aut non convenienter dispositi, aut cæteroqui inidonei sacrorum Ministeriis imprudenter se ingerunt, dum levi aliquando & non præmeditato impulsu, manum mittentes ad aratrum, retro respiciunt, & potius cogitant, quæ sunt mundi, cui renuntiarunt, quam quæ sunt Domini, cuius se norunt glorioso servitio mancipatos. Unde fit, ut in talibus crapulæ sæpe & desidii deditis, non solum non glorificetur Pater noster, qui in celis est, sed e contra blasphemetur verbum Dei, & sancta Mater Ecclesia (quam virtutum omnium varietate decet esse circumdatam) degeneres Ecclesiasticorum mores in vestitu deaurato velut adulterinas gemmas cum lacrymis sustinens, inimicorum suorum opprobriis exponatur. Huiusmodi autem malis, aliisque metuendis incommodis (quantum Deo adjuvante possumus) præcautum cupientes, nonnulla juxta Decreta S. Concilii Tridentini, ac Ss. Canonum, in modum ut sequitur, statuenda censuimus, monendo omnes & singulos ordinandorum, ut iis per omnia se se quam diligentissime conforment, aut alias noverint certo se postea fore dimittendos: ne nos nimia facilitate aut conniventia alicui tribuendo peccandi materiam, peccatis involvamus alienis, qui humiliter Deum rogamus a propriis absolvi.

Et primo quoad Clericalem tonsuram attinet, licet ea non sit Ordo, & ideo a plerisque intendatur tamquam merum Beneficiorum aucupium, quod per hanc ab illa janua pandatur:

Nemo tamen credat se eadem (ut quæ est ad Ordines dispositio) a Nobis insigniendum, nisi exhibitis Naralium, Baptismi, ætatis, ac susceptæ Confirmationis testimoniis, Fidei rudimentis probe instructus, sciens legere & scribere, spem præbeat utile aliquando Ecclesiæ præstandi obsequium; seque eum exhibeat, qui non captandi commodi, aut vitandi incommodi temporalis causæ, hoc vitæ genus elegisse præsumatur. Quocirca volumus, ut saltem cum Parocho, aut viro prudente, de proposito ac vocatione sua communicato consilio, vitæ Clericalis a laicali differentiam prævie edoctus sit, atque ita noverit, quid suscipiat.

Minores Ordines, qui communiter eodem tempore omnes simul suscipiunt, ut sunt inter se diversi ac distinctas habent functiones, speciali indigent consideratione, præsertim cum Ecclesia tanto desiderio exoptet, in his etiam interstitia servari, ut & matura expendantur singulorum officia, & (quod vix contingit) quandoque persolvantur. Non enim, dum ordinantur Lectores & Ostiarii, frustra dicitur: *Accipite, & estote verbi Dei Relatores*, sic agite, quasi reddaturi Deo rationem, & his similia, quibus de istorum Ordinum (quamvis aliorum intuitu dicantur Minores) dignitate arque obligatione commoniti Ecclesiæ vota in tantum explere conabimur, ut (si non singuli quatuor) Acolytatus saltem & Subdiaconatus per interstitium unius anni, prout res & tempora permittent, impofterum conferantur. Interim, qui Minoribus initiari desiderat, linguam latinam intelligat, & quod præcipuum est, testimonio Parochi aut Magistri, per omnia commendetur, ut vel de facto sit, vel sperari possit dignus posthac futurus, qui probitatis ac scientiæ progressu ad ultiores gradus mereatur ascendere. Rogamus autem eos, qui de promovendi alicujus qualitatibus fidem faciunt, ut attestaciones suas clausis literis, iisque sigillo suo obsignatis conscribant; ne, dum palam testantur metu aut favore, quibus modis sæpius, dimitutæ sunt veritates a filiis hominum, mala

mala vel reticeantur, vel bona fecus, quam par est, amplientur.

At vero majorem pro majoribus Ordinibus statuiamus præparationem, cujus principalis ratio in seria ac matura vocationis suæ discussione consistat. Nec enim quisquam sumit sibi honorem, sed qui vocatur a Deo; sicut ipse Christus, nobis relinquens exemplum, non nisi a Deo Patre vocatus Pontifex fieri voluerit, teste Doctore gentium *Hebr. 5.* & quamquam ab eodem illo Doctore accepimus, quod, qui Episcopatum desiderat (cui subintellige Sacerdotium) bonum opus desiderat, non ignoramus tamen varios esse desiderandi modos, eosque non sine debita circumspectione examinandos: cum non desint, qui in illis, non quæ Christi sunt, sed sua quarant, studeantque potius sibi, quam Altari fervire, plane citra mentem & sententiam Apostoli, cujus temporibus sacra ista munia, non alios fructus, quam martyrii, & honorum rapinæ reddentia, a sæculi votis longe dissident. Ne itaque Nobis obtrudantur, ad quos pertineant verba Redemptoris ad filios Zebedæi: *Nescitis, quid petatis;* tenore præsentium mandamus, atque in Domino præcipimus omnibus ad Presbyteratum, aut majorem aliquem Ordinem se præparantibus, ut duabus ante Ordinationem septimanis Nos, aut Archidiaconum nostrum accedant: petantque sibi designari locum, in quo a mundi curis & terrenis negotiis per decem, vel ad minus octo dies remoti, sub pii ac discreti Presbyteri discretionem se exercent, finemque atque animi sui motiva sedulo expendentes, ad id, quod cogitant, digne suscipiendum, meliori modo disponantur. Præterea curent nomen suum & Patriam, simul etiam ordinem intentum, in parochia, sub qua degunt, tribus distinctis Dominicis aut Festis publice denuntiari, ut, si quod de ipsis innotuerit impedimentum canonicum, id Nobis, aut Pastori ab eo, qui novit, tacite ac fideliter possit intimari. Conabuntur Parochi auditoribus suis inculcare tam istorum impedimentorum notitiam, quam obligationem ea ipsa detegendi, ne quis silentio suo in cau-

sa sit, cur familiæ Dei per indignos fervos male prospiciatur. Porro si suscipiendus fuerit Subdiaconatus, facienda insuper erit trina proclamatio tituli, sive patrimonialis, sive beneficii, per Officialem nostrum approbati; & deducto omni onere, valentis annue ducentis & quinquaginta florenis, sola tamen pensionis, aut redditus (quantumcumque copiosi) assignatio non sufficiet, sed necesse erit, ut cui de congrua sustentatione prospectum fuerit, alicui Ecclesiæ aut pio loco adscribatur, ubi propriis Ordinis sui functionibus vacans, otii, aliorumque vitiorum occasionem devitet. Regulares quoad hoc habeantur adscripti Ecclesiis suorum Conventuum aut Collegiorum; & de cætero excusentur a publicationibus, cum & illas & titulum sufficienter suppleat Religio, exercitia autem obeant in suis Monasteriis.

Nemo Subdiaconus, cujuscumque status aut conditionis existat, ad Diaconatum, aut Diaconus ad Sacerdotium se offerre præsumat, qui non exacte observaverit interstitia inter singulos Ordines a sacro Concilio Tridentino præscripta: in quibus, nisi evidens Ecclesiæ utilitas aut moralis necessitas contrarium suadeat, non judicamus facile dispensandum; volentes, ut tempore illo intermedio, singuli suorum respective Ordinum fungantur officiis, Epistolam aut Evangelium solemniter cantando, ac prout cuique proprium est, Sacerdoti ad Altare decenter subserviendo, quoties ad id requisiti fuerint, aut aliquam nacti opportunitatem: usque adeo ut nisi quis Ordinem suum exercuerit, & habitum Clericalem gestaverit statui suo convenientem, juxta Statuta Synodalia & modum in hac Diœcesi consuetum, sciat sibi ad altiora viam præcludendam. Quam ob causam hortamur Parochos, & Ecclesiarum aut Capellarum Rectores, ut in Sacris constitutos ad sacra munia obeunda frequenter invitent, atque ultro convolantes (si commode fieri poterit) semper admittant.

De omnibus supra requisitis per fide digna testimonia, sub pena patendi repulsam, docere tenebuntur in examine; ad quod singuli, die per Nos de-

designanda, evocabuntur, juxta methodum in hoc, aliisque Episcopatibus observatam, & in variis Synodis Dicesanis traditam, de scientia & talenti sui applicatione rigore interrogandi; præcipue ii, qui meditantur Presbyteratum; nullo inter simplices (ut ajunt) Sacerdotes, & doctos facto discrimine: cum non minus hi, quam illi ad administrandam, saltem in necessitate, & articulo mortis, pœnitentiam obligentur; qui casus non raro solent esse perplexi, ac promiscue omnibus possant offerri, eo majorem requirentes prudentiam, quod in iis pœnitenti (utpote moribundo) a momento pendeat æternitas, & defectus assistentis inscitia semel commissi, nulla deinceps industria valeant reparari. Proinde omnes præmoniti sint, ut, priusquam pro Sacerdotio se sistant, congrua deliberatione se ipsos probent, videantque, si ea sint capacitate & solertia, qua decet esse fideles & idoneos Mysteriorum Dei dispensatores, id est, habiles ad docendum populum ea, quæ scire omnibus necessarium est ad salutem, atque administranda Sacramenta, talesque, qui juxta Pontificale Romanum noverint, non solum offerre, benedicere, prædicare, & baptizare, sed & præesse: si enim in veteri Testamento labia Sacerdotis (qui nonnisi Presbyterii Evangelici umbram præferebat) custodirent scientiam; quid de Christi Ministris censendum, quibus non legem aut litteram, quæ occidit uti Judæis, sed Verbum vitæ, ac Domini nostri Carnem & Sanguinem dispensare concessum est; adeoque cavendum, ne qui plus cæteris accepisse aliquid cernuntur (dum, quod accipiunt, administrare nesciunt) gravius inde judicentur.

Ubi quis a Nobis Sacerdotio initiatus fuerit, discat diligenter totius Missæ ordinem, ac caremonias, in quibus errores ab initio contracti, ordinarie in consuetudinem abeunt, atque ita manent perpetui; cum tamen tremendo illi ac mysteriorum maximo Sacrificio nihil ad decentiam deesse possit. Hinc districte inhibemus ordinatis Presbyteris, ne primum Sacrum celebrare attentent, nisi se se in omni-

bus Missam tam solemnem, quam privatam concernentibus, accurate veratos esse demonstrent, periti Sacerdotis, qui ipsos erudit, aut alterius per Nos designandi, scripto testimonio: quod, si in hac civitate Primitias offerant, Nobis, aut Archi-Diacono nostro erit exhibendum: si vero alibi, Archi-Presbytero, vel Decano Christianitatis illud communicare meminerint, antequam ad Altare primum celebraturi accedant.

Et hæc quidem per Diocesim nostram specialiter observanda decernimus, Nos ulterius referentes ad ea, quæ generatim per sacros Canones, atque alias per Ecclesiam circa hoc sancita sunt: ut puta de non ordinandis ullo canonico impedimento irretitis, irregularibus, suspensis, interdictis, excommunicatis per saltum promotis, cæterisque hujusmodi, quæ omnia & singula habemus pro præsentis nostro Decreto insertis, promittimusque Nos juxta illa in Ordinationibus faciendis pro parte nostra inviolabiliter processuros, simul etiam invigilatos, ut vicissim ab ordinandis debita sedulitate adimpleantur. Datum Antverpiæ in Palatio nostro Episcopali die secunda Martii M.DC.LXXX.

De Mandato Perillustis ac Reverendissimi Domini mei præfati

J. F. COSSIERS, Secret.

SCHEMA VITÆ PASTORALIS.

AB imperitis Pastoribus Magisterium pastorale in magna temeritate suscipitur.

Quisquis virtutibus pollens gregem Dei pascere renuit, Pastorem summum convincitur non amare.

Ad salutem gregis multum valet, vita & diligentia Pastoris, unde Exodi 19. dicitur: Sacerdotes, qui accedunt ad Dominum, sanctificantur; Nihil enim est, quod alios magis ad pietatem & Dei cultum assidue instruat, quam eo-

rum vitæ & exemplum, qui se Divino Ministerio dedicarunt. *Trident. Sess. 23. C. 1.*

Vita Pastoris duplex est, privata & publica. Diligentia etiam duplex est, nimirum in spiritualibus & temporalibus.

Ejus vita privata consistit: *Primo* in frequentatione Sacramentorum, ut quotidie (si dispositio corporis & animæ permittat) Missam celebret, & ut singulis saltem septimanis confiteatur.

2. Item in oratione mentali, ut mane & vespere habeat horam huic assignatam; & vocali ex obligatione, ut debite Horas suas legat, vel devotione, ut Rosarium, Litanias, Psalmos penitenciales &c. adjungat.

3. Item in recollectione spirituali: singulis annis per aliquot saltem dies, ex directione viri alicujus intelligentis: singulis diebus mane, proponendo vitare omnes, & magis noxias peccandi occasiones, & offerenda omnia illo die agenda, vel sustinenda ad honorem Dei, & salutem proximi; similiter vespere, examinando conscientiam, tum generaliter, tum particulariter circa aliqua peccata: ac etiam interdiu; Per orationes jaculatorias ad pulum horæ, & alias sæpe: Per actus contritionis & dilectionis Dei super omnia, & per resignationem propriæ voluntatis in Divinam.

4. Item in mortificatione, interiori passionum, nimix solitudinis, curiositatis, ac affectionis circa cupiditatem rerum temporalium, vel appetitum propriæ æstimationis & honoris: similiter in mortificatione exteriori subtrahendo aliqua licita de cibo, potu, & aliis commoditatibus corporis, ac de visu, & usu aliorum sensuum; & exercendo aliquos penitentiaæ actus.

5. Item in lectione libri spiritualis, vitæ Sanctorum, vel sacræ Scripturæ, quam nullo die omittat per mediam saltem circiter horam.

6. Item in studio casuum conscientiaæ, Instructionum Pastoralium, vel sacræ Historiæ tempore a reliquis vacuo.

7. Item in familiæ administratione, quæ sit honesta, frugalis, nitida, & ordinata.

Vita publica Pastoris requirit, ut abstineat a potu, tabernis, lusu, contentione, licibus, præsumptione & sæcularibus negotiis: insuper, ut habeat

1. Zelum animarum, ita ut vulgum pecoris agnoscat, morbosos diligenter curet, & discolos fortiter corripiat.

2. Amorem Parochianorum, difficultates componendo, necessitates sublevando, & infirmos consolando.

3. Conversionem exemplarem, raram cum fœminis, circumspectam cum omnibus, gravem sine morositate, & affabilem sine levitate.

Salus populi etiam pendet a Pastoris diligentia: nempe in Spiritualibus, deinde in Temporalibus.

In Spiritualibus, utpote 1. in Sacramentis & Sacramentalibus administrandis, cum promptitudine nocte & die; cum sanctitate, conscientia munda, intentione pura, preparatione debita & charitate affectuosa; & cum decore juxta ritus præscriptos, animo sedato, vultu composito, voce intelligibili, & pronuntiatione distincta.

2. In Sacramentis & Sacramentalibus conservandis cum munditie, nitore, & splendore, juxta præscriptum Ritualis.

3. In Officio Divino, ut fiat horis statutis, cum ornatu decenti, cum exactis caeremoniis, & cum devotione ædificativa.

4. In Catechismo, ut nunquam omittatur, servetur apta methodus, alliciantur pueri præmio & apparatu; & ut Parentes & Magistratus invitentur.

5. In concione, quæ rudiores instruat in necessariis ad salutem, sit ad captum populi, quæ doceat peccata fugere, & virtutes sectari.

In Temporalibus, ut fabricæ, mensæ pauperum, & piarum fundationum proventus, non alienentur, verum debite elocentur, diligenter conserventur, bene impendantur, in computum deducantur, idque juxta Decreta & Ordinata Diœcesis nostræ.

2. Ut sui Pastoratus domus sacra recta conserventur, fundi vel decimæ ex præscripto administrentur, & jura recipiantur non ultra taxam.

Sententiæ quædam ad prædictum Schema pertinentes.

Nemo amplius in Ecclesia nocet, quam qui perverse agens nomen vel ordinem sanctitatis habet; & ut ait Deus Ezech. 44. *Laqueus ruinæ populi mei Sacerdotes mali.*

Qui muneris sui necessitate compellitur sancta dicere, hac eadem necessitate compellitur sancta monstrare; illa enim vox validius auditorum cor-

da penetrat, quam loquentis vita commendat.

Verbi semen facile germinat, quando hoc in audientis pectore pietas prædicantis rigat.

Sic Pastores erga interiora studia subjectorum suorum ferveant, ut exterioris vitæ providentiam non relinquunt.

Imperfecti arripere timeant culmen regiminis, & qui in planis stantes titubant, videant, ne in præcipitio pedem ponant: nam cum Pastor per abrupta graditur, ad præcipitium grex sequitur.

FINIS.

SYNODUS DIOECESANA

TORNACENSIS,

Eodem anno Christi MDCLXXX.

A REVERENDISSIMO ET ILLUSTRISSIMO DOMINO,

D. GILBERTO de CHOYSEUL du PLESSY-PRASLAIN,
Tornacensi Episcopo,

CELEBRATA

DIE 7. MAJ.

ACTA SYNODI DIOECESANÆ

TORNACENSIS,

Habite in Palatio Episcopali 7. mensis Maji anno Domini 1680.

Feria nempe tertia post Dominicam: MISERICORDIA DOMINI.

Præsidente Reverendissimo & Illustrissimo Domino GILBERTO de CHOYSEUL du PLESSY-PRASLAIN Episcopo Tornacensi: Assistentibus Venerabilibus Viris Dominis, Joanne Gennaro J. U. L. Ecclesiæ Cathedralis Decano, atque Illustrissimo Domini Episcopi Vicario Generali: Ægidio de Brabant S. T. L. Archi-Diacono Majore, Petro Mazurel J. U. L. Archi-Diacono Flandriæ, Vincentio Ragot Sacrorum Decretorum Doctore, Præcentore & Officiali, Ludovico Merismans S. T. L. Joanne Waterloop S. T. D. Theologo, Antonio Donné S. T. L. Scholastico, Nicolao Deschamps, præfate Ecclesiæ Cathedralis Canonicis; F. Paulo Griffart, Presbytero Religioso & Procuratore Abbatiae S. Christophori Phano-pinenfis, Deputato sui Abbatris legitime ex-
Tomus X. Concilior. German.

cusati: R. D. Ignatio Baclan, Presbytero Canonico Deputato Capituli Ecclesiæ Collegiatæ S. Pii Seclinienfis: R. D. Francisco Ægidio Wandestein, Decano & Canonico Deputato Capituli Cominienfis: nec non DD. & MM. Nicasio Heunet Pastore Parochiæ B. Mariæ Virginis Tornaci, Decano Christianitatis Tornacensis, Martino Doucet Pastore S. Petri Insulis, Decano Christianitatis Insulensis, & tanquam Deputato seu Procuratore R. D. Remigii du Lawri S. T. & J. U. L. Ecclesiæ Collegiatæ S. Petri Insulensis Præpositi legitime excusati, Joanne Vermeulen Pastore portionis meridionalis oppidi Cortracensis, Decano Christianitatis Cortracensis citra Lisam, Petro van Eesberque Pastore portionis septentrionalis ejusdem oppidi & Decano Christianitatis Cortracen-
N 2. fis

sis ultra Liſam, *Petro Hergo* Pastore in Ron-
gis & Decano Christianitatis S. Amandi in
Pabula, *Maximiliano Tromont* Pastore in
Fretin, Decano Christianitatis districtus Se-
clinienſis, *Petro Juvot* Pastore Viroviacenſi,
Decano Christianitatis districtus Viroviacenſis,
Baldwino van Houtten Pastore in Dor-
tignies & Decano Christianitatis districtus
Helchinienſis Flandrorum, & *Ferdinando*
Malſait Pastore in Nechin ac Decano Chri-
stianitatis districtus Helchinienſis Gallorum:
Præſentibus etiam infraſcripto Illuſtriſſimi
& Reverendiſſimi Domini Secretario, nec
non MM. *Petro de Villers* Actuário, & *Mi-
chaële Simon* Promotore Curie Spiritualis.

Illuſtriſſimus Dominus circa horam
oſtavam matutinam in Capella S. Vincentii
Palatii ſui Episcopalis fecit Sacrum de Spiritu
Sancto, ad invocandam gratiam Divinam,
pro felici hujus Congregationis exitu. Quo
peracto, ſe cum omnibus ſupra nominatis
recepit in Aulam habendæ Synodo deſtina-
tam, ubi ſtatim lectis per infraſcriptum Il-
luſtriſſimi Domini Secretarii eorum om-
nium, qui de jure aut conſuetudine debent ad-
eſſe Synodo nominibus, abſentes reperti fue-
runt ii, qui in margine (*Exemplaris impreſſi*)
notantur, quorum alii abſentiam ſuam legiti-
mè excuſarunt; alii vero minime. Deinde
habita ab Illmo Domino brevi de diſciplina
Eccleſiaſtica oratione, cumque omnes hor-
tatus fuſſet, ut in commune conſulerent, ſi
quid eſſet, quod in Diceceſi ſtatuendum vi-
deretur; Reverendus Admodum Dominus
Aegidius de Brabant, Archi-Diaconus Major,
ipſo mandante legit Statutum *de onere reſi-
dendi*, *ſeſſ. 23.* Concil. Trident. *Cap. 1. de Re-
formatione*, quod fecit pro Domino Archi-
Diacono Flandriæ, qui id facere ſolet. Re-
verendus Adm. D. *Vincentius Ragot*, Offi-
cialis, prælegit Statuta præcedentis Synodi,
prout moris eſt. Et deliberatione habita,
opinantibus alternatim præſatis DD. Aſſi-
ſtentibus, initio factò a latere Domini De-
cani decreta ſunt ea, quæ ſequuntur.

ARTICULUS I.

Cum in noviffima Synodo anni
1679. deliberatum fuerit & ſancitum,
ut iis, qui in futuris deſicerent, pænæ
a jure ſtatutæ aut conſuetudine inductæ
omnino inſiſterentur, injunctum eſt in præſenti Synodo, prout
injungitur Promotori generali, ut coram
Illuſtriſſimo ac Reverendiſſimo Domino
Episcopo omnes abſentes, qui nullam habuerunt legitimam excuſa-

tionem, citet, ut ſe eaſdem pœnas ipſo
jure incurriſſe declarari intelligant.

II.

Innovando ſeptimum penultimæ
Synodi anni 1678. Decretum, ſtatuitur,
ut in poſterum Clerici teſtamenta ſua
Judicis Eccleſiaſtici cognitioni non ſubtrahant,
nec ſaltem quoad mobilia Judici ſæculari
ſubmittant, ne in articulo mortis incident
in pœnam excommunicationis lætæ ſententiæ
inſiſtẽtã per Conc. Provinc. Cameracenſe anni
1586. Tit. *De Cleric. in genere. C. 2.* iis,
qui alterius, quam Judicis Eccleſiaſtici in ſe,
ſuæque mobilia (quæ perſonam ſequuntur
& repræſentant) juridiſctionem prorogant.

III.

Cum ex varia catechizandi metho-
do, diverſiſque Catechiſmis, magna oriatur
confuſio, ut in viſitationibus factis ab
Illuſtriſſimo Domino Parochianorum hujus
Diceceſis compertum eſt, diſtictè prohibetur
ſub pœna inobedienciæ, ne quis Parochus,
Vicarius, aut alius quilibet Catechiſta, aut
Ludimagiſter in erudiendis pueris ullo
alio Catechiſmo utatur, quam eo tantum,
quem imprimi curavit Illuſtriſſimus ac
Reverendiſſimus Dominus Episcopus, ſuper
quo Pastores in ſuis quique Parochiis
invigilabunt, injungiturque Chriſtianitatis
Decanis, ut ſinguli in ſuis diſtictibus hoc
exactè obſervari procurent.

IV.

Ut coerceatur effrenis quorundam
Presbyterorum, aut aliorum quorumcumque,
tum ſæcularium, tum Regularium temeritas,
qui abſque Episcopi licentia paſſim exorcizare
præſumunt, ut per ſimulatam pietatem quæſtum
faciant, (quod maximum in hac Diceceſi
peperit ſcandalum) prohibetur, ne quis,
ſive ſæcularis, ſive Regularis, quantumcumque
ſe ſe prætendat exemptum, in poſterum ſine
Illuſtriſſimi ac Reverendiſſimi Domini Episcopi,
aut Vicarii ejus Generalis facultate in ſcriptis
obtentã, ullis exorcismiſ five erga homines,
ſive erga jumenta, ſive fruges, arboresve,
aut alias quascumque

res

res utantur, sub pœna suspensionis ipso facto incurrendæ. Non incenditur tamen derogari potestati Pastoribus ad exorcizandum indultæ, prout in hujusce Dieceſeos Manuali continetur, modo ultra se se non extendant, neque hanc potestatem aliis præsumant delegare: & si extraneos patiantur in suis Parochiis exorcistas, ſciant se iisdem ac ipsos temerarios exorcistas pœnis subiacere.

V.

Majorum vestigiis inhærendo, antiquæ innovantur Constitutiones, quibus prohibitum est omnibus tum regularibus Confessariis, ut hujus tractus in quo fuerint ad confessiones audiendas, verbumque Divinum prædicandum approbati & admissi, suas approbationis & missionis literas offerant Decanis Christianitatis ab ipsis subscribendas; & qui non fecerint, ab istis tremendis Myſteriis abſtineant: prohibeturque singulis Pastoribus, ne eos in suis Parochiis confessiones audire & concionari patiantur.

VI.

Auditis plurium Pastorum querimoniis, quod suarum Ecclesiarum Custodes non satis modeste induti sunt, ipsis sub pœna a suo officio suspensionis, præcipitur, ut suæ conditioni congruentibus, & Pastoribus suis probatis vestibus in posterum induantur.

VII.

Singulis annis Decani Christianitatis curabunt, ut suorum Decanatum Pastores ad ipsos mittant, præcipuorum, quos in suis Parochiis animadvertent, defectuum notas ad Illustrissimum ac Reverendissimum Dominum Episcopum ante Synodi Congregationem uno mense communicandas.

VIII.

Cum DEUS Opt. Max. tandem Nobis pacem concesserit, nec ullo prætextu aut necessitatis specie Festorum, Dominicarumque dierum violatio dissimulari possit, omnia iis diebus servilia opera, sub pœna Sacramentorum privationis inhibentur; & si qui contumaces extiterint, ſciant se ab ingressu

Ecclesiæ arcendos esse, & iterum, crescente contumacia, excommunicandos, nisi tamen ob urgentem necessitatem obtinuerint licentiam operandi dictis diebus a Pastore & Baillivo, vel ejus locum tenente, juxta formam Edicti super dicta Synodo anni 1586. emissi Articulo 5. & alterius 6. Septembris 1608.

IX.

Antiqua consuetudo, quæ per negligentiam Beneficiatorum prope in desuetudinem abiit, omnino renoveretur, ut singuli Beneficiati, cujuscumque conditionis existant, sex mensibus, postquam ad sua Beneficia fuerint promoti, omnium suorum Beneficiorum reddituum veram & sinceram declarationem Decanis Christianitatis (si ipsi sint subditi) tradant ad Illustrissimum ac Reverendissimum Dominum Episcopum transmittendam. Si autem Decanis Christianitatis non fuerint subditi, dicto Illustrissimo ac Reverendissimo Domino Episcopo, vel ejus Vicario Generali, aut Officiali exhibeant in Secretariatu, vel in Archivis Episcopatus asservendam: idque sub pœna privationis suorum fructuum pauperibus distribuendorum, donec obediunt.

X.

Declaratur denique diem proximæ Synodi, & Synodorum sequentium semper fore eandem, quæ hodie, nempe diem Martis proximam post Dominicam secundam post Pascha, quæ dicitur Dominica *Misericordia Domini*, qua omnes, qui de jure aut consuetudine Synodo adesse tenentur, in Palatium Episcopale convenient hora octava matutina, adeo ut nulla alia indictione opus sit, die interpellante pro homine. Si quis autem citra legitimam excusationem abſuerit, ſciat se pœnas, prout de jure & consuetudine, ut initio dictum est, incurrisse.

XI.

Juxta Decreta Sacrosancti Concilii Tridentini *Sess. 24. Cap. 18.* nominati fuerunt pro examine Pastorum, ac aliorum RR. Admodum DD. *Joannes Gemaro J. U. L. Decanus, & Illustrissi-*

mi Domini Vicarius Generalis, *Ægidius de Brabant* S. T. L. Archi-Diaconus Major; *Petrus Mazureel* J. U. L. Archi-Diaconus Flandriæ; *Vincentius Ragot*, Sacrorum Decretorum Doctor, Præcentor & Officialis; *Libertus de Froidmonde* J. U. L. Pœnitentiarius; *Ludovicus Mersmans* S. T. L. *Joannes Waterloo* S. T. D. Theologalis; *Antonius Donné* S. T. L. Scholasticus, præfate Ecclesiæ Cathedralis Canonici; & præterea RR. Admodum DD. *Remigius du Laury* S. T. & J. U. L. Ecclesiæ Collegiæ S. Petri Insulensis Præpositus; *Philippus de Campenhout* S. T. L. & *Jacobus Boudart* etiam S. T. L. præfate Collegiæ respective Decanus & Theologalis, ac Magister *Martinus Doulet*, Pastor S. Petri & Decanus Christianitatis Insulensis; RR. Admodum DD. *Petrus van Cauteren* J. U. L. Præpositus Ecclesiæ Collegiæ S. Salvatoris oppidi Harlebecensis, & *Ludovicus de Bersaques* S. T. L. Decanus Ecclesiæ Collegiæ B. Mariæ Virginis oppidi Cortracensis, nec non Magistri *Joannes Vermeulen*, Pastor portionis meridionalis dicti oppidi Cortracensis, Decanus Christianitatis Cortracensis di-

strictus citra Lisam, & *Petrus van Eesbecque*, Pastor portionis septentrionalis dicti oppidi Cortracensis, Decanus Christianitatis districtus Cortracensis ultra Lisam.

XII.

Deputati vero fuerunt Iudices Synodales RR. Admodum DD. *Joannes Gennaro*, *Ægidius de Brabant*, *Petrus Mazureel*, *Vincentius Ragot*, *Ludovicus Mersmans*, *Joannes Waterloo*, *Antonius Donné*, qui supra, nec non R. D. *Albertus Mauritius de la Hamaye* J. U. L. ejusdem Ecclesiæ Cathedralis Canonici Hospitalarius, & præterea RR. Admodum DD. *Franciscus le Grand*, S. Martini, Ordinis S. Benedicti, & *Not Portois*, S. Nicolai de Pratis, Ordinis Canonorum Regularium S. Augustini, hujus Civitatis ac Dicecesis Tornacensis respective Abates.

*De Mandato Illmi & Rdissimi
Domini mei Episcopi præ-
fati*

BENARD Secret.

SYNODUS DIOECESANA *Autumnalis* MONASTERIENSIS,

Eodem anno Christi MDCLXXX.

JUSSU

Revmi & Illmi Principis FERDINANDI de FURSTENBERG,
Monast. & Paderb. Episcopi,

CELEBRATA

DIE 15. OCTOBRIIS.

Deputati Præsides NICOLAUS STENON, *Episcopus Titiopolitanus*,
MATTHIAS KORFF *condictus* SCHMISINCK, MATTHIAS FRIDER. DE RECK,
JOANNES CASPARUS A LETHMATE, JOANNES ALPEN.

Publicata autem sunt DECRETA sequentia:

FERDINANDUS, DEI ET APOST. SEDIS GRATIA EPISCOPUS
MONAST. ET PADERBORN. &c. VENERABILI CLERO ET POPULO CIVI-
TATIS ET DIOECESIS NOSTRÆ MONASTERIENSIS, SALUTEM
IN DOMINO.

Nihil est, quod alios magis ad pietatem
& Dei cultum assidue instruat, quam
eorum vita & exemplum; qui se Divino

ministerio dedicarunt. Cum enim a rebus
seculi in altiorē sublato locum conspiciantur,
in eos tanquam speculum reliqui oculos

los injiciunt, ex iisque sumunt, quod imitentur. Quapropter sic decet omnino Clericos in sortem Domini vocatos vitam, moresque suos omnes componere, ut habitu, gestu, incessu, sermone, aliisque omnibus rebus, nil nisi grave, moderatum, ac religione plenum præ se ferant. Quem in finem tamen nuper de gestando habitu Ecclesiastico Edictum publicis imprimi typis, omnibusque ac singulis personis Ecclesiasticis Diecefis nostræ Monaster. insinuari curavimus, ut tamen illius observantia universis iterum & serio inculcetur, in præsentem Synodo denuo publicandum & intimandum esse duximus.

EDICTUM EPISCOPALE

DE

Gestando habitu Ecclesiastico,

PUBLICATUM

DIE 25. JULII. H. A.

Inter innumera gravissimaque mala, quæ exitiabiles de rebus Divinis, humanisque contentiones & bella plus quam civilia, in Germaniam invexere, non minimum est, quod ii, qui Clericali militiæ nomen dederunt, & ab Episcopo more Majorum attonsi sæcularis habitus (*) servitute & ignominiam deposuerunt, perinde ornati incedant, quasi castrensis, non Ecclesiastica stipendia mererent, idque se maxime decere existiment, quod Catholica Ecclesia in ipsis servile & ignominiosum appellat. Qui quidem (**) cum neque ut milites pugnent, neque ut Clerici evangelizent, sed utrumque confundant, nullius ordinis esse videntur, ibi demum (ut interminatur Ecclesiæ Doctor mellissimus) ordinandi, ubi nullus ordo, sed sempiternus horror inhabitat. Quare Sanctissimus Dominus noster INNOCENTIUS XI. Pontifex Maximus pro sua vere Apostolica pierate, & omnium Ecclesiarum solitudine curas suas ultra Alpes, & ad extremas usque gentes & Oceani germanici littora extendens, & Conciliorum Generalium & Summorum Pontificum, Sanctorumque Patrum doctrinæ & vestigiis insistens, Nos exhortatus est, ut perniciosam hanc consuetudinem vel potius corruptelam in Germania non sine admiratione & offensa aliarum gentium Catholicarum maxime vigentem e nostris Provinciis ac Diecefis prorsus exterminaremus. Nos ita-

que tanto Pontifici veram obedientiam, quam conceptis verbis juravimus, reipsa exhibere cupientes, applaudentibus Ecclesiæ nostræ Cathedralis Prælati & Canonicis, ac Pontificis vere Sanctissimi iussa summa cum veneratione excipientibus, ex Decreto Sancti Concilii Tridentini *Seff. 14. C. 6. de Reformatione* (quod omnibus hoc nostro Edicto proponimus ac intimamus) universis & singulis Clericis jurisdictioni nostræ ordinariæ subiectis Beneficium, seu Beneficia qualiacunque possidentibus, cuiuscunque sint status, ordinis, conditionis aut dignitatis, nemine prorsus excepto, severe præcipimus, atque mandamus, ut intra tres menses a die publicationis hujus Edicti nostri computandos, quorum singulos pro singulis monitionibus canonicis haberi volumus, vestes sæculares sive laicales deponant, & deinceps quoriescunque in publicum procedent, præsertim in loco Beneficii, aut coram Nobis apparebunt habitum honestum Ecclesiastico statui convenientem, videlicet vestem nigram, togamque ultra genua dependentem, & pallium itidem nigrum, regmen quoque & ornamentum colli, quod vulgo collare appellatur, modestum ac decens, ita ut populus omnes & singulos Clericos a militibus & laicis facile discernere possit, assidue gerant, atque hæc omnia semper observent, nisi iusta causa in jure Canonico expressa, aut a Nobis sufficiens & legitima approbanda eos excuset. Quia vero (***) impunitas incuriæ soboles est, mater impudentiæ, transgressionum nutritrix, Nos ex sententia & voluntate Sanctissimi Domini Nostri supradicta omnia præcipimus atque jubemus sub pœna suspensionis ab Ordinibus, Officiis, Beneficiis, & eorumdem fructibus & redditibus ipso facto incurrenda, in quam incidisse declarabimus omnes illos, qui intra memoratum trimestre huic nostro Edicto non paruerint. Qui si porro se se contumaces ostenderint, aut semel correpti denuo in hoc deliquerint, Nos eos per privationem Officiorum & Beneficiorum coercere non intermitteremus. Ut autem initio memorata malæ consuetudinis corruptela radicitus extirpetur, omnibus, qui a Nobis, aut nostro in Pontificali Vicario Generali quoscunque Ordines suscipere, aut literas dimissorias obtinere desiderabunt, edicimus ac declaramus, eos non aliter voti sui compotes fore, nisi iuramentum de habitu Clericali deferendo, cuius exemplum huic Edicto subjunximus, ipsimet præstent. Ut autem hoc nostrum Edictum omnibus jurisdictioni nostræ ordinariæ subiectis innotescat, nostra id sub-

scrip-

(*) Pontif. Rom. in ordin. Clerici.

(***) S. Bern. cit. l. 3. de confid.

(**) S. Bern. l. 3. de confid.

scriptione, sigilloque firmatum typis excudi, & in omnibus Ecclesiis nostrarum Diocesium publicari, earumque valvis affigi iussimus. Datum Sassenbergæ in Castro Diocesis nostræ Monasterienlis 25. Julii 1680.

Ferdinandus.

(L.S.)

FORMULA JURAMENTI.

Ego NN. promitto & iuro ab ea hora, qua suscipiam aliquem ex Ordinibus saceris, videlicet Subdiaconatum, Diaconatum & Presbyteratum, aut percipiam fructus Dignitatum, Personatum, Officiorum, aut Beneficiorum quorumcunque Ecclesiasticorum, quod gestabo habitum Clericalem, videlicet qui communiter censetur honestus, & decens Clericorum statum, talisque sit, ut ex ipsius qualitate coramunitè a populo Clericus judicari possim. Nec occasione & causa quacunque in jure non expressa, vel a meo Ordinario non approbata, pro vera & legitima gestare cessabo, non obstante quocunque non usu introducto, seu introducendo. Quæ omnia & singula iuro & promitto me servaturum in posterum, remota quacunque explicatione, & interpretatione, & extrinseco intellectu, sed secundum sensum literalem præsentis promissionis & juramenti. Pariter iuro & promitto me absolutionem a meo Ordinario, seu quocunque alio facultatem habente, & etiam a S. Pontifice non petiturum, nisi expresso, quod hoc juramentum a me præstitum, iniunctum mihi fuerit in Ordinum susceptione ad promovendam Disciplinam Ecclesiasticam. Ita me DEUS adjuvet, & S. ejus Evangelia.

Cumque frequens & longa illa in multas sæpe horas & ipsam noctem protracta campanarum pullatio, præsertim in Civitate nostra Monasterien. sanis æque ac infirmis ingens fastidium pariat, & peregrinis insuper adventantibus vel transeuntibus majorem, quam in se est, mortalitatis seu contagionis suspicionem creet, non sine evidente pariter Civitatis & negotiorum detrimento, mandamus omnibus & singulis Campanariis & Custodibus sub pena arbitraria, ut pulsus hujusmodi in posterum contrahatur, & quidem in vigiliis Dedicationum & Patronorum Ecclesiarum, Primitiarum, aliisque istiusmodi Festis & Solennitatibus sub horam nonam vespertinam omnis cesser pulsus campanarum, quando vero pro Defunctis pulsus instituendus est, ubi hætenus duarum horarum, nunc posthac unius tantum horæ spatio campanæ pulsentur, salvis tamen juribus & consuetudinibus Ecclesiæ nostræ Cathedralis, nolumus autem juribus Ecclesiarum, quæ hætenus præstari consueverunt, & potior plerumque obventionum fabricæ pars censetur, quidquam propterea subtrahi aut decedere, sed uti hætenus ab iis, ad quos pertinet, respectu exigi & solvi oportere. Et quia ex lectione & usu librorum hæresin & scandala continentium venenum illud periculose imbibi solet, inhibemus Bibliopollis & Librariis serio & sub pena confiscationis, ne libros hæreticos, seu hæresin, aliaque contra bonos mores & scandalosa tractantes vendere præsumant. In quorum fidem præsentem manu & sigillo nostris roboratas dedimus in arce nostra Neuhausana 12. Octobris 1680.

Ferdinandus mpp.

(L.S.)



SYNODUS DIOECESANA TORNACENSIS,

Anno Christi MDCLXXXI. Innocentii XI. PP. VI.
Leopoldi I. Imp. XXIII.

PRÆSIDENTE REV^{mo} ET ILL^{mo} DOMINO,
D. GILBERTO de CHOYSEUL du PLESSY-PRASLAIN,
Tornacensi Episcopo,

CELEBRATA
DIE 22. APRILIS.

ACTA SYNODI TORNACENSIS,

Habita in Palatio Episcopali, vigesima secunda mensis Aprilis
anno Domini 1681. Feria nempe tertia post Dominicam MISERI-

CORDIA DOMINI.

PRæsidente Illustrissimo & Revmo Domi-
no GILBERTO DE CHOYSEUL DU
PLESSY-PRASLAIN Episcopo Tornacen-
si; Assistentibus Venerabilibus Viris Domi-
nis Joanne Gennaro J. U. L. Ecclesiæ Cathedra-
lis Decano, arque Illmi D. Episcopi Vica-
rio Generali: Egidio de Brabant S. T. L.
Archi-Diacono Majori; Petro Mazurel J.
U. L. Archi-Diacono Flan. rix; Liberto de
Froidmont Penitentiario; Ludovico Mes-
mans S. T. L. Joanne Waterloop S. T. D.
Theologo; Antonio Donne S. Th. L. Scho-
lastico; Nicolao Desbamps, prælatæ Eccle-
siæ Cathedralis Canonico; F. Petro Fran-
cisco du Toit, Presbytero, S. T. L. Abbatæ
Cysoniensis Religioso professo, nec non
Ecclesiæ Parochialis Cysonii Pastore, per
R. D. Antonium Franx, Abbatem S. Calixti
Cysoniensis Deputato; R. D. Nicolao De-
schamps, Canonico Deputato Capituli Eccle-
siæ Collegiatæ S. Petri Cominiensis: nec
non DD. & Magistris Nicasio Hennet, Pasto-
re Parochiæ B. Mariæ Virginis Tornaci,
Decano Christianitatis Tornacensis; Mar-
tino Doulet, Pastore S. Stephani & Decano
Christianitatis Insulensis; Joanne van der
Meulen, Pastore portionis Meridionalis urbis
Cortracensis, Decano Christianitatis Cor-
tracensis circa Lifam; Petro van Esbecque,
Pastore portionis Septentrionalis ejusdem
urbis & Decano Christianitatis Cortracensis
ultra Lifam; Petro Hergo, Pastore in Ron-
gis & Decano Christianitatis S. Amandi in
Pabula; Balduino van Houtten, Pastore in
Dortignies & Decano Christianitatis distri-
ctus Helchinienfis Flandrorum; & Ferdi-

nando Malfait, Pastore in Nechin ac Deca-
no Christianitatis districtus Helchinienfis
Gallorum; præsentibus etiam infra scripto
Illustrissimi & Reverendissimi Domini Epi-
scopi Secretario, nec non Magistris Petro de
Villers, & Michæle Simon Curia spiritualis
Actuario & Promotore.

Illustrissimus Dominus circa horam
octavam matutinam in Capella S. Vincentii
Palatii sui Episcopalis fecit Sacrum de San-
cto Spiritu ad invocandam gratiam Divinam
pro felici hujus Congregationis exitu. Quo
peracto, se cum omnibus supra nominatis in
Aulam habendæ Synodo destinatum recepit,
ubi statim lectis per infra scriptum Illustrissi-
mi Domini Secretarium eorum omnium,
qui de jure aut consuetudine Synodo adesse
possunt, aut debent, nominibus, absentes
reperi fuerunt ii, qui in margine no-
tantur, quorum alii absentiam suam legiti-
me excusarunt, alii vero minime. Habita
deinde ab Illustrissimo Domino brevi, tum
de disciplinæ Ecclesiasticæ observatione, tum
etiam de necessitate unionis & concordia
in Clero alendæ, fovendæque oratione,
cumque omnes hortatus fuisset, ut in com-
mune consulerent, si quid esset, quod in
Diecepsi statuendum videretur; Reverendus
Admodum Dominus Egidius de Brabant,
Archi-Diaconus Major, ipso mandante legit
Statutum de onere residendi, Sess. 23. Conc.
Trid. Cap. 1. de Reformatione, quod fecit pro
Domino Archi-Diacono Flandriæ, qui id
facere solet, quique ob quandam infirmita-
tem hoc munus obire non potuit.

Deliberatione tandem facta, opinanti-

Tomus X. Concilior. German.

O

bus

bus alternatim præfatis DD. Assistentibus initio facto a latere Domini Decani, Decreta sunt ea, quæ sequuntur.

R. D. *Petrus van Casteren*, Præpositus Harlebecensis, absuit inexcusatus. Magister *Maximilianus Tromont*, Pastor in Fretin, Decanus Christianitatis districtus Seclinienfis, absuit, sed legitime excusatus. Nulla fuit proposita excusatio pro Magistro *Petro Juet*, Pastore Viroviacensi, Christianitatis Viroviacensis Decano.

ARTICULUS I.

UT Statuta tum præcedentis, tum etiam anteriorum hujusce Decretorum, in quantum opus est, renouentur, eorumque observatio ac executio omnibus, quorum interest, & sub pœnis ibidem expressis, iterum commendetur.

II.

Cum animadversum sit quosdam Pastores Canonicam portionem coram Judicibus postulantes, renunciare suis nativis redditibus & decimis, quod aliquando vergit in suorum Beneficiorum & Successorum detrimentum, utpote portione canonica licet congrua, antiquis decimis, aliisque fundis & redditibus inferiore: Decretum est, quod licet justum sit, ut quando petitur portio canonica, antiqui redditus abdicentur in favorem Decimatorum, qui tali portioni canonice & congruæ persolvendæ obligantur, nec aliter judicari debeat: ne tamen hoc temere fiat; nemo in posterum sive Pastor, sive alius Beneficiatus suos fundos aut decimas, aliosve reales redditus abdicet, nisi prius monito Episcopo, ejusve Vicario Generali, aut Officiali, & obtenta super ea re licentia.

III.

Super quorundam Pastorum monitionibus, qui queruntur suos Parochianos liberius infantes in suis lectis collocare, antequam primum a sua nativitate annum attigerint, unde magnum oritur suffocationis periculum, & reipsa hoc malum sæpe evenit, statutum est, ut in suis concionibus, Catechismis, colloquiis Pastores hortentur parentes, ne in posterum tali se in-

fanticidii periculo exponant, & ni pareant, moneant Episcopum, ejusve Vicarium Generalem, ut opportunis canonicisque remediis provideatur.

IV.

Ut scandalum, quod ex nocturnis conventibus, vulgo *Esriens* nominatis, oritur, omnino aboleatur, Pastoresque in suos Parochianos paterna charitate super ea re animadvertant, moneantque, quod nisi in posterum ab ejusmodi lasciviis abstineant, Canonicis pœnis subjacebunt; sed antequam ad severiora remedia veniantur, suaviter monendi & adhortandi sunt. Porro Pastores temporales respectu suarum Parochiarum Dominos rogabunt, ut sua auctoritate ad istud scandalum amovendum utantur. Et ubi temporales Domini defuerint, rogandi sunt ad eundem finem Magistratus. Monendi etiam sunt Ludimagistri, ut, quantum fieri poterit, puellæ a pueris secernantur: parentes ne in suis quibusque familiis diversorum sexuum proles passim dormire patiantur. Districte autem Pastores nomine Synodi prohibeant, Sponsis utriusque sexus ne ante contractum reipsa Matrimonium in eadem pernoctent domo, aut nimis familiariter versentur, & ut malo inde secuturo occurratur, quamprimum affidati fuerint bannis proclamatis matrimonialiter conjungantur, innovatis super ea re superiorum Synodorum Statutis.

V.

Ut in iis Parochiis singuli teneantur Paschali tempore Sacræ Communionis præcepto satisfacere, in quibus majori anni tempore commorantur.

VI.

Ut Pastores per se ipsos ubique (nisi legitime impediti) singulis diebus Dominicis & Festivis nostrum Catechismum doceant. Ubi autem fuerint impediti, hoc officium eorum Vicarii obeant, non impediendo tamen, quatenus alii Catechistæ, qui etiam a Nobis ad hoc approbati voluerint populum docere, isto charitatis officio defungantur commodis horis, de quibus cum Pastoribus pacato animo convenient.

VII.

VII.

Super diversis variorum Pastorum, aliorumque querelis, quod effræni quadam licentia varii libri passim publicentur, scandalosi, hæretici, calumniis referti, statutum est, diligens fiat perquisitio ejusmodi librorum in omnibus Bibliopolarum officinis ad hoc invocato brachio seculari, ut secundum sacros Canones, & placito Decretaque Regia procedatur, huicque rei ad instantiam generalis hujusce Dioceseos Promotoris Pastores in suis quibusque Parochiis invigilabunt, & Decani Christianitatis in suis tractibus, atque Episcopum, aut Vicarium Generalem, vel Officalem sedulo monebunt, ut diligenter provideatur, ne quid in scandalum Ecclesiæ & fidelium super ea materia vertatur in posterum.

VIII.

Declaratur denique diem proximæ Synodi & Synodorum sequentium semper fore eandem, quæ hodie, nempe diem Martis proximam post Dominicam secundam post Pascha, quæ dicitur *Miser cordia Domini*, qua omnes, qui de jure aut consuetudine Synodo adesse tenentur, in Palatium Episcopale convenient hora octava matutina, adeo ut nulla alia indictione opus sit, die interpellante pro homine. Si quis autem citra legitimam excusationem abfuerit, sciat se pœnas, prout de jure & consuetudine (ut initio dictum est) incurrisse.

IX.

Juxta Decreta Sacrosancti Concilii Tridentini *Sess. 24. Cap. 18.* nominati fuerunt pro examine Pastorum, ac aliorum RR. Adm. DD. *Joannes Gennaro* J. U. L. Decanus, & Illustrissimi Domini Vicarius Generalis; *Egidius de Brabant* S. T. L. Archi-Diaconus Major; *Petrus Mazuveel* J. U. L. Archi-Diaconus Flandriæ; *Libertus de Froidmont* J. U. L. Pœnitentiarius; *Ludovicus Mersmans* S.

T. L. *Joannes Waterloo* S. T. D. Theologalis; *Antonius Donnè* S. T. L. Scholasticus, præfatæ Cathedralis Ecclesiæ Canonici. Et præterea RR. Adm. DD. *Remigius du Lauwy* S. T. & J. U. L. Ecclesiæ Collegiatæ S. Petri Insulensis Præpositus; *Philippus de Campenhout* S. T. L. & *Jacobus Boudart* etiam S. T. L. præfatæ Collegiatæ respectivè Decanus & Theologalis, ac Magister *Martinus Doucet*, Pastor S. Stephani & Decanus Christianitatis Insulensis; RR. Adm. DD. *Petrus van Cauteren* J. U. L. Præpositus Ecclesiæ Collegiatæ S. Salvatoris oppidi Harlebecensis, & *Ludovicus de Bersjaques* S. T. L. Decanus Ecclesiæ Collegiatæ B. Mariæ Virginis urbis Cortracensis; nec non Magistri *Joannes van der Meulen*, Pastor portionis Meridionalis dictæ urbis Cortracensis, Decanus Christianitatis Cortracensis citra Lisam; & *Petrus van Esbecque*, Pastor portionis Septentrionalis dictæ urbis Cortracensis, Decanus Christianitatis districtus Cortracensis ultra Lisam.

X.

Deputati vero fuere Judices Synodales RR. Adm. DD. *Joannes Gennaro*, *Egidius de Brabant*, *Petrus Mazuveel*, *Ludovicus Mersmans*, *Joannes Waterloo*, *Antonius Donnè*, qui supra, nec non R. D. *Albertus Mauritius de la Hamayde* J. U. L. ejusdem Ecclesiæ Cathedralis Canonici Hospitalarius, & præterea RR. Adm. DD. *Franciscus le Grand*, S. Martini, Ordinis S. Benedicti, & *Nob Portois* S. Nicolai de Pratis, Ordinis Canonico-rum Regularium S. Augustini, hujus Civitatis ac Dioceseos Tornacensis respectivè Abbates.

*De Mandato Illmi & Rdissimi
Domini mei Episcopi præ-
fati*

BENARD, Secret.

SYNODUS DIOECESANA *Autumnalis* MONASTERIENSIS,

Anno Christi MDCLXXXII. Innocentii XI. PP. VII.
Leopoldi I. Imp. XXIV.

EX MANDATO

REVERENDISSIMI & ILLUSTRISSIMI PRINCIPIS ac DOMINI,
D. FERDINANDI de FURSTENBERG,
Monast. & Paderb. Episcopi,

HABITA

DIE 13. OCTOBRIIS.

- I. In Synodo Verna, celebrata die 18. Martii anno 1681., uti & in Autumnali ejusd. a. habita tempore & loco consuetis: item in Verna anni 1682: speciale nihil occurrit: Deputati ad hanc iidem, qui ad Autumnalem a. præc., ab Episcopo Præsides Nicolaus Stenonius, Episcopus Titiopol. Joannes Rutgerus a Torck, Matthias Fridericus de Reck; & Joannes Alpen.
- II. In Autumnali hac Præsidium ab Episcopo delatum Joanni Rutgero a Torck, Matthiæ Korff, condito Schmitinck, Matthiæ Friderico de Reck, & Joanni Alpen: publicata etiam sunt sequentia:

FERDINANDUS, DEI ET APOST. SEDIS GRATIA EPISCOPUS
MONAST. ET PADERBORN. &c. VENERABILI CLERO ET POPULO CIVI-
TATIS ET DIOECESIS NOSTRE MONASTERIENSIS, SALUTEM
IN DOMINO.

DEcorem domus Dei ac Divinorum Officiorum majestatem atque decorum semper augeri cupientes, quicquid ad hunc scopum finemque attingendum conducere videtur, avidè complectimur; & pro nostra virili sedulo exequi conamur. Quare cum in Cathedrali nostra, & aliis Civitatis ac Diœcesis nostræ Monasteriensis Ecclesiis Clerum nostrum primarium & secundarium potiori quidem anni tempore veste Clericali linea & candida in choro uti, sed in Adventu & Quadragesima, atque nonnullis aliis diebus ejus loco penulis quibusdam sive palliolis nigris haud satis decoris amicti conspexerimus, hanc confusionem & deformitatem tollere desiderantes, assentiente Capitulo nostro Cathedrali in hac sacra Synodo statuimus, decernimus, atque præcipimus, ut in posterum Clerus noster primarius & secundarius, tam in Cathedrali, quam in aliis Civitatis ac Diœcesis nostræ Monasteriensis Ecclesiis per totum annum uniformi habitu, videlicet veste Clericali linea & candida, in prima tonsura de manu Episcopi accepta, in choro semper utatur, & memoratas penulas sive palliola prorsus abjiciat & omittat.

Præterea cum frustra leges ferantur, ubi impune negliguntur, & Nos magna cum indignatione acceperimus, Decreta nostra Synodalia palam infringi, violari, atque contemni, omnibus & singulis, quorum est hujusmodi inobedientiam punire, & peculiariter Vicario nostro Generali serio mandamus atque præcipimus, ut quisque pro suæ jurisdictionis ac officii ratione sedulo curet, ut in eos, qui Decreta nostra Synodalia transgressi sunt, aut in posterum transgredientur, celeriter & absque litium ambagibus perquam severe vindicetur. Datum in arce nostra Neuhausana, die 10. Octobris 1682.

Ferdinandus mpp.

(L.S.)

Exemplar eorum aliorumque sub binis sibi succedentibus in Cathedra S. Ludgeri Episcopis, Christoph. Bernardo & Ferdinando Statutorum in acceptis referimus tabulario Revmi & Illmi Capituli Monast., cui in tesseram grati animi florem, splendorem, felicitatem.

SYNO.

SYNODUS DIOECESANA TORNACENSIS.

Anno Christi MDCLXXXIII. Innocentii XI. PP. VIII.
Leopoldi I. Imp. XXV.

AB EODEM REV^{mo} ET ILL^{mo} DOMINO,

D. GILBERTO de CHOYSEUL du PLESSY-PRASLAIN,
Tornacensi Episcopo,

CELEBRATA

DIE 4. MAJI.

ACTA SYNODI TORNACENSIS,

Habita in Palatio Episcopali, die 4. mensis Maji anno Domini 1683.

Feria nempe tertia post Dominicam MISERICORDIA DOMINI.

Praesidente Illmo & Revmo Domino GILBERTO de CHOYSEUL du PLESSY-PRASLAIN Episcopo Tornacensi: Assistentibus Venerabilibus Viris Dominis, Joanne Gennaro J.U.L. Ecclesiae Cathedralis Decano, atque Illmi Domini Vicario Generali; Aegidio de Brabant S.T.L. Archi-Diacono Majore; Liberto de Froidmont Pcenitentiario; Ludovico Merfians S.T.L. Joanne Waterloop S.T.D. Theologo; Antonio Donne S. T. L. Scholastico; Nicolao Deschamps, praesatae Ecclesiae Cathedralis Canonici; RR. DD. Francisco le Grand, & Noë Portois, Abbatibus SS. Martini & Nicolai de Pratis Civitatis Tornacensis; R. D. Francisco Aegidio Vandesteën, Ecclesiae Collegiatae S. Petri oppidi Cominienfis Decano & Canonico per Capitulum deputato; F. Jacobo Coqueau, Presbytero, Abbatiae S. Calixti Cysonienfis Religioso professio, nec non parochiae de Camfain Pastore, per R. D. Abbatem Cysoniensem deputato; R. D. Ignatio Baclan, Presbytero, Ecclesiae Collegiatae S. Piatr Seclinienfis Canonico, per Capitulum deputato; nec non DD. & Magistris Nicasio Henne, parochiae B. Mariae Virginis Tornaci Pastore, districtusque Tornacensis Christianitatis Decano; Martino Doulet, parochiae S. Stephani Insulis Pastore & districtus Insulensis Christianitatis Decano; Petro van Eesbecque J. U. L. portionis Separationalis Ecclesiae parochialis S. Martini urbis Cortracensis Pastore, & districtus Cortracensis ultra Lifam Christianitatis Decano, in parte Dioecesis Tornacensis Regi Catholico subditi Officiali pro tempore nuper constituto; Petro Juwet, Pastore Viroviacensi, & districtus Viroviacensis Christiani-

tatis Decano; Balduino van Houtten, Pastore in Dottignies, districtus Helchinienfis Flandrorum Christianitatis Decano; & Ferdinando Malfait, Pastore de Nechin, districtus Helchinienfis Gailorum Christianitatis Decano. Praesentibus etiam infra scripto Illmi & Revmi Domini Secretario, nec non Magistris Petro de Villers, & Michaelle Simon, Curiae spiritualis Tornacensis respective Actuaria & Promotore.

Circa horam octavam matutinam Illustrissimus Dominus in Capella S. Vincentii Palatii sui Episcopalis fecit Sacrum de Sancto Spiritu, ad Divinam gratiam pro felici hujus Congregationis exitu invocandam. Quo peracto, se cum omnibus supra nominatis in Aulam habendam Synodo destinatum recepit, ubi statim lectis (per infra scriptum Illustrissimi Domini Secretarium) eorum, qui de jure aut consuetudine Synodo possunt, aut debent adesse, nominibus, absentes reperi fuerunt hi, qui infra in Actis notati sunt; horum autem absentiam alii legitime excusarunt, alii vero minime: pauca deinde Illustrissimus Dominus de Synodorum utilitate praefatus, omnes hortatus est, ut unanimiter perpenderent, si quid esset, quod Dioeceseos bono statuendum videretur; Reverendus Adm. D. Aegidius de Brabant, Archi-Diaconus Major, legit Statutum de onere residendi, Sess. 23. Conc. Trident. Cap. 1. de Reformatione, quod fecit pro Domino Archi-Diacono Flandriae, qui id facere solet, quique ob aegritudinem Synodo adesse non potuit.

Rev. Adm. D. Nicolaus Deschamps legit Statuta praecedentis Synodi anni 1681. loco Domini Officialis, qui hoc munus obire

confuevit, quique, ut jam dictum est, Synodo non aderat. Er deliberatione tandem facta, opinantibus alternatim præfatis DD. Assistentibus, initio facto a latere D. Decani decreta fuerant ea, quæ sequantur.

Magister *Joannes van der Meulen*, Presbyter, Pastor portionis Meridionalis Ecclesiæ parochialis S. Martini urbis Cortracensis, & districtus Cortracensis citra Lisam Christianitatis Decanus, absuit cum excusatione sufficienti. Magister *Petrus Hergo*, Presbyter, Pastor in Rongy, districtus S. Amandi in Pabula Christianitatis Decanus, absuit legitime excusatus. Magister *Maximilianus Tironmont*, Presbyter, Pastor in Fretin, districtus Secliniensis Christianitatis Decanus, absuit sine ulla excusatione.

ARTICULUS I.

Cum in Articulo II. ultimæ Synodi anni 1681. Fundorum, aut Decimarum, aliorumve realium reddituum alienationes, Pastoribus, aliisque Beneficiatis, sine Illustrissimi Domini, vel ejus Vicarii Generalis licentia, prohibita fuerint, si qui tamen hoc Decretum jam violaverint, diligenter perquirat Promotor, qui coram Illustrissimo Domino præfato citabit auctores; iis vero, qui in posterum violabunt, poena arbitraria imponatur.

II.

Frequentes domiciliorum mutationes super Communionis Paschalis præcepto Pastores sæpissime impediunt; sed nisi in hujusmodi mutationibus frus appareat, quod Pastorum prudentiæ ac discretioni examinandum relinquatur, quintus superioris Synodi Articulus secundum sui renorem observetur.

III.

Ut vitetur confusio, quæ ex Parochiarum vicinarum processionibus sibi invicem concurrentibus oriri solet, conveniant inter se Pastores de processionum ambitu vel tempore.

IV.

Quia contra terminos admissionum ad confessiones & conciones, multi Confessarii & Concionatores admissiones suas Christianitatis Decanis ostendere negligunt, ut istius offensionis

necessitatem agnoscant, sciant, defectu illius, admissiones nullas esse, & addatur clausula in admissionibus deinceps concedendis.

V.

Declaratur denique diem proximæ Synodi & Synodorum sequentium semper fore eandem, quæ hodie, nempe diem Martis proximam post Dominicam secundam post Pascha, quæ dicitur Dominica *Misericordia Domini*, qua omnes, qui de jure aut consuetudine Synodo adesse tenentur, in Palatium Episcopale convenient hora octava matutina, adeo ut nulla alia indictione opus sit, die interpellante pro homine. Si quis autem citra legitimam excusationem absuit, sciat se pœnas, prout de jure & consuetudine (ut sæpe dictum est) incurrisse.

VI.

Juxta Decreta Sacrosancti Concilii Tridentini *Sess. 24. Cap. 18.* nominati fuerunt pro examine Pastorum ac aliorum RR. Admodum DD. *Joannes Gennaro* J. U. L. Decanus, & Illustrissimi Domini Vicarius Generalis; *Ægidius de Brabant* S. T. L. Archidiaconus Major; *Petrus Mazureel* J. U. L. Archidiaconus Flandriæ & Officialis; *Libertus de Froidmont* J. U. L. Pœnitentiarius; *Ludovicus Mersmans* S. T. L. *Joannes Waterloop* S. T. D. Theologalis; *Antonius Donné* S. T. L. Scholasticus, præfata Cathedralis Ecclesiæ Canonici; & præterea RR. Admodum DD. *Philippus de Campenbout* S. T. L. & *Jacobus Boudart* etiam S. T. L. Ecclesiæ Collegiæ S. Petri Insulensis respectively Decanus & Theologalis, ac Magister *Martinus Doucet*, Pastor S. Stephani & Decanus Christianitatis Insulensis; RR. Adm. DD. *Petrus van Cauteren* J. U. L. Præpositus Ecclesiæ Collegiæ S. Salvatoris oppidi Harlebecensis, & *Ludovicus de Besjacques* S. T. L. Decanus Ecclesiæ Collegiæ B. Mariæ Virginis urbis Cortracensis; nec non Magistri *Joannes van der Meulen*, Pastor portionis Meridionalis dictæ urbis Cortracensis, Decanus Christianitatis Cortracensis districtus citra Lisam, & *Petrus van Esbeque*, Pastor portionis Septentrionalis dictæ urbis Cortracensis, Decanus Christianitatis districtus Cortra-

III

Adm. DD. *Franciscus le Grand*, S. Martini,
Ordinis S. Benedicti, & *Noë Portois*, S.
Nicolai de Pratis, Ordinis Canonico-
rum Regularium S. Augustini, hujus
Civitatis ac Diocesis Tornacensis re-
spectivè Abbates.

*De Mandato Illmi & Rdissimi
Domini mei Episcopi præ-
fati.*

DESCHAMPS, Secret.

Anno Chr. MDCLXXXVIII. Innocentii XI. PP. XII.
Leopoldi I. Imp. XXX.

CELEBRATA
DIE 4. MAJI.

Habitæ in Palatio Episcopali, die 4. mensis Maji, anni 1688.

Præsidente Illmo ac Revmo Domino
GILBERTO DE CHOYSEUL DU
PLESSY-PRASLAIN, Episcopo RR.
torenensi: Aflitibentibus Venerabilibus ac RR.
Admodum Viris DD. *Joaime Gemmaro J. U. L.*
Ecclesiæ Cathedralis Decano, atque Illmi
Domini Vicario Generali & Officiali; *Agis-*
dio de Brabant S. T. L. Archidiacono Majore;
Ludovico Merjmans S. T. L. Archidiacono
Flandriæ, etiam Deputato & Procuratore;
RR. Adm. D. *Henrici Bochard de Champigny,*
Ecclesiæ Collegiatæ S. Petri Insulensis Præ-
positi; *Alberto Mauritis de la Hamaye dicit*
Hautoit J. U. L. Hospitalario; *Antonio Don-*
né S. T. L. Scholastico; *Ludovico de Fauré*
Carnigan; Nicolao Deschamps, præfate Ca-
thedralis Ecclesiæ Canonicis; RR. Adm.
DD. *Francisco le Grand,* & *Petro Honoré,*
Monasteriorum S. Martini hujusce diocetis Ci-
vitaris; ac S. Amandi in Pabula Ordinis S. Be-
nedicti respectivè Abbatibus; *Florentio de*
Bray, Monasterii S. Christophori Phanopi-
nensis, Ordinis Canonicorum Regularium S.

Augustini Abbate; R. D. *Ignatio Baclan*, Presbytero, Canonico deputato Capituli Ecclesiae Collegiatæ S. Pii Seculinensis; RR. DD. *Petro Andrea Lacnel* Decano, & *Carolo Avegher*, Canonici deputatis Capituli Ecclesiae Collegiatæ S. Petri Cominienfis; R. D. *Antonio Douay*, Canonico deputato Capituli Ecclesiae Collegiatæ oppidi Cortracensis; nec non DD. ac Magistri *Nicaïlo Hernet*, Pastore parochiæ B. Mariæ Virginis Tornaci, districtusque Tornacensis, & Tornacensi Christianitatis Decano; *Francisco des Queux*, Pastore S. Stephani Insulis, districtusque Insulensis Christianitatis Decano; *Petro van Esbeque* J. U. L. Pastore S. Martini Cortraci, districtusque Cortracensis Christianitatis Decano; *Petro Herge*, Pastore loci de Rongis, & districtus S. Amandi Christianitatis Decano; *Maximiliano Tromont*, Pastore de Frerin, & districtus Seclinienfis Decano Christianitatis; *Balduno van Houtten*, Pastore de Dottignies, districtusque Helchiusienfis Flandrorum Christianitatis Decano.

Decano, & *Ferdinando Malfait*, Pastore de Nechin, Decano Christianitatis districtus Helchinensis Gallorum; presentibus etiam infra scripto Illmi ac Revmi Domini mei Episcopi Secretario, nec non Magistris *Petro de Villers*, & *Michaële Simon*, Curiae spiritalis Tornacensis respectivè Actuário & Promotore.

Hora circiter octava matutina Illustrissimus Dominus, ad Dei gratiam, pro fausto Synodi successu, invocandam, in sua Capella Episcopali de Spiritu Sancto celebravit Sacrum, post quod cum Assistentibus supra nominatis in Aulam habentem Congregationi destinatam se recepit; exortaque ibi confessione inter RR. Abbates S. Amandi, & S. Martini, super loco ab ipsis respectivè tenendò: Proposuit Illustrissimus Dominus ubique, ut pro hac vice, & donec res maturius discuti & decidi possit, Sessionis ordo sorti committeretur, quod cum ab eis, sub reciproca nullius præjudicii protestatione, acceptatum fuerit, fors super D. Abbatem S. Martini cecidit. Mota quoque fuit similibus difficultas inter Deputatos Capitulum Cortracensis & Cominensis; quæ pariter eadem sorte, & sub iisdem protestationibus respectivis in horum favorem expedita fuit.

Unoquoque igitur secundum prædictum ordinem sedente, Illustrissimus Dominus brevem, de disciplinæ Ecclesiasticæ observantia, atque etiam de Synodorum, ad maiorem doctrinæ securitatem, seu confirmationem, necessitate, sermonem habuit, singulosque hortatus est, ut communiter confulerent ac declararent, quidquid ad Diocesis usum & regimen statuendum videretur. Deinde Statutum de *onere residendi*, Sess. 23. Concil. Trident. Cap. 1. de *Reformatione*, alta voce lectum fuit per Ven. Dominum *Egidium de Brabant*, Archidiaconum Majorem, rogatum à Ven. D. Archidiacono Flandriæ, qui munus illud obire solet. Absentes porro reperti fuerunt in margine (*Exemplaris impressi*), notati, quorum alii absentiam suam debite excusarunt, alii minime; factaque tandem deliberatione, opinantibus alternatim præfatis DD. Assistentibus, initio facto a latere D. Decani Capituli Cathedralis, ea, quæ sequuntur, sancita fuere.

ARTICULUS I.

Declaravit Illmus ac Revmus Episcopus se Manuali seu Rituali Diocessano adlaborasse; & cum superiorum Episcoporum memoriam veneretur, eorumque vestigiis inhærere in

animum induxerit, ita etiam pauca immutasse ex iis, quæ veteri Illmi ac Revmi Domini MAXIMILIANI VILLANI a GANDAVO jussu edito continentur, sed quædam dumtaxat præfenti hujus Diocesis disciplinæ accommodasse: ne autem quid irreparat, quod non sit omnibus acceptum, optare se, ut a Synodo quidam deputarentur, quibuscum ea de re communicet. Deputati autem sunt RR. Adm. ac Ven. Viri DD. *Joannes Gemaro* J. U. L. & *Egidius de Brabant* S. T. L. ac respectivè Cathedralis Ecclesiæ Decanus & Archidiaconus Major, D. *Franciscus le Grand* Abbas Monasterii S. Martini Tornacensis, Ordinis S. Benedicti, & DD. ac Magistri *Nicasius Hemet*, & *Franciscus Desqueux*, B. Mariæ Virginis Tornaci & S. Stephani Insulis, ac districtuum Tornacensis & Insulensis respectivè Pastores, Christianitatisque Decani.

II.

Ut in posterum strictè observetur Art. IX. Statutorum Congregationis Synodalis, habitæ sub felicis recordationis FRANCISCO VILLANI a GANDAVO, immediato Illustrissimi Domini Prædecessore, anno M. DC. LXIII. super indicibus declaratoriis reddituum Beneficiorum, a dictorum Beneficiorum possessoribus tradendis Decanis Christianitatis, & deinde ad Episcopatus Secretariatum transmittendis, mandatur Promotori, ut sex mensibus post præsentis Synodi promulgationem, negligentes cogat per solutionem multæ sex florenorum, quorum duæ partes operibus piis ab Illmo Domino assignandis, tertia vero pars Promotori præfato applicabuntur, dicti autem indices declaratorii a Beneficiorum possessionibus subsignati; Magistratum præterea testimonii firmati erunt, ut illis in codicem redactis fides possit adhiberi.

III.

Tot & tanta sunt contra Ecclesiæ jus ac immunitates attentata, ut ad Regem recurrere necesse videatur, pro Ecclesiasticæ jurisdictionis conservatione: sed ut hoc securius fiat, rogantur singuli Synodo Assistentes, & præsertim Christianitatis Decani, ut documentum

cumenta super hoc perquirant, ad Illmum Dominum transmittenda.

IV.

Collectionis Synodaliū Decretorum antehac editorum in executionem Statuti I. Synodi anni M.DC.LXXVII. inchoatæ, perfectio utilissima foret Diœcesi, utque tandem feliciter absol- vatur, universa Synodus deputat Re- verendum Adm. ac Ven. Virum Do- minum Nicolaum Deschamps, Ecclesiæ Ca- thedralis Canonicum, qui hanc Pro- vinciam sub Illmi Domini regimine per- libenter suscepit.

V.

Pueri ad primam Communionem non admittantur, nisi ad eam idonei ac dispositi per Pastores suos in examine prævio judicati fuerint.

VI.

Cum in pluribus maxime urbium Parochiis violetur præceptum Conci- lii Lateranensis 4. Canone *Omnis utrius que sexus* contentum, de annua Con- fessione proprio Sacerdoti faciendâ, & Communione paschali in propria paro- chia sumendâ; atque etiam fideles pa- rum sint parochiarum studiosi, præ- cipit Synodus omnibus Pastoribus, ut quater singulis annis ac præcipue ini- tio Quadragesimæ vernacula lingua legant & explicant populo præfatum Canonem *Omnis utriusque sexus*, & Cap. 13. Verſ. *Finem*. de Reformat. Sess. 24. Concil. Trident. *de necessitate & obligatio- ne Parochias adeundi*. Porro præfens Sta- tutum omnibus Monasteriis sedulo quotannis significetur, ut secundum mentem Ecclesiæ a Regularibus obser- vetur; quod speramus ab eorum sin- gulari pietate. Sciant autem, ut quem- admodum in Cathedrali Ecclesia tota Paschali quindena non desertur San- ctissimum Sacramentum diebus Domi- nicis & Festis ad S. Ludovici Capel- lam, prout fit per reliquum totius an- ni decursum, ut in sola parochia popu- lus communicet; ita etiam sibi inter- dictum esse ab Ecclesia, quominus Sacrosanctam Eucharistiam in suis Ca- pellis, Oratorijs, aut Ecclesijs fidelibus administrent. Quare inposterum ab

Tonijs X. Concilior. German.

exhibendis & parandis Communionis mensis, vel, ut vulgo vocantur, scam- nis abstineant toto quindena Pascha- lis tempore.

VII.

Nimius Festorum numerus levem eorum observantiam, quinimo sapiſſime violationem introduxit. Sati- us hanc ob rem, ad vitandum scandalum, Synodo visum fuit quædam abolere Festa, tertium nempe Paschatis & Pen- tecostes festum, prout observatur in Cameracensi Diœcesi; S. Laurentii fe- stivitatem ad Dominicam cum Sabbati jejunio transferre, & S. Mariæ Magda- lenæ, S. Crucis Exaltationis extra mu- ros, S. Martini, S. Catharinæ, S. Ni- colai; atque SS. Innocentium Festa po- puli devotioni permittere, cum licen- tia istis diebus manualibus ac servili- bus operibus vacandi.

VIII.

Facultas bis a Sacerdotibus sa- crum Missæ Sacrificium eodem die ce- lebrandi non petatur ab Illmo Domino, aut ejus Vicario Generali sine neces- sitate urgenti, & dumtaxat post habi- tum consilium Decanorum Christiani- tatis, quos monitos vult Synodus, ne in re tam gravi se se faciliores ex- hibeant.

IX.

Pastores omnes mittere tenebun- tur in futurum quotannis, incipiendo a prima mensis Januarii ultimi die, ad Illmi Domini Secretarium duplicata seu copias authenticas registorum Baptizatorum, Matrimonio junctorum & mortuorum, idque sub pena mul- tæ sex florenorum per Promotorem ab ipsis exigendæ, & ut superius in Art. II. applicandæ. Dicta autem re- gistorum duplicata fabricæ expensis consicientur.

X.

Explicando Art. VIII. Synodi anni MDCLXXXVIII. poterunt Pastores, pro juribus Exequiarum, legitime petere, quod laudabilis introduxit consuetudo.

XI.

Cum Banna ante Matrimonium proclamari præceperit Ecclesia, ad de-

P

regenda

tegens impedimenta canonica, si quæ sint occulta, ut iis detectis de ineundo inter se Matrimonio partes amplius non cogitent; visum est Synodo melius fore, ut in posterum sponsalia de futuro coram Parocho non obeantur, nisi post proclamata banna vel adeptam super illis dispensationem, si ob graves rationes, & secundum Concil. Trident. dispositionem, Episcopus dispensandum esse judicaverit. Cum enim inita sunt Sponsalia, ægre ferunt partes, quando ipsis injungitur separatio, si aliqua subsint impedimenta, & plerumque ex nimia familiaritate gravia & scandalosa emergunt incommoda.

XII.

Declaratur denique diem proximæ Synodi, & Synodorum sequentium, semper fore eandem, quæ hodie, nempe diem Martis immediate sequentem Dominicam secundam post Pascha, quæ dicitur Dominica *Misericordia Domini*, qua omnes, qui de jure aut consuetudine Synodo adesse tenentur, in Palatium Episcopale convenient hora octava matutina, adeo, ut nulla alia indictione opus sit, die interpellante pro homine. Si quis autem citra legitimam excusationem abfuerit, sciat se pœnas, prout de jure & consuetudine, ut sæpe dictum est, incurrisse.

XIII.

Juxta Decrera Sacrosancti Concilii Tridentini *sess. 24. Cap. 18.* nominati fuerunt pro examine Pastorum ac aliorum, RR. Admodum Viri DD. *Joannes Gennaro* J. U. L. Decanus Ecclesiæ Cathedralis, & Illustrissimi Domini Vica-

rius Generalis ac Officialis; *Ægidius de Brabant* S. T. L. Archidiaconus Major; *Ludovicus Mersmans* S. T. L. Archidiaconus Flandriæ; *Libertus de Froidmont* J. U. L. Pœnitentiarius; *Joannes Waterloop* S. T. D. Theologalis; *Antonius Donné* S. T. L. Scholasticus, præfata Cathedralis Ecclesiæ Canonici: Et præterea RR. DD. *Philippus de Campenbout*, & *Jacobus Boudart*, S. T. L. Ecclesiæ Collegiæ S. Petri Insulensis respectivo Decanus & Theologalis; *Petrus van Cauteren* J. U. L. Ecclesiæ Collegiæ S. Salvatoris Harlebecensis oppidi, & *Ludovicus de Bersuques* S. T. L. Ecclesiæ Collegiæ B. Mariæ Virginis oppidi Cortracensis Decanus; nec non Magister *Petrus van Esbecque* J. U. L. Pastor S. Martini Cortraci, districtusque Cortracensis Christianitatis Decanus.

XIV.

Deputati denique fuerunt Judices Synodales RR. Adm. ac Ven. Viri DD. *Joannes Gennaro*, *Ægidius de Brabant*, *Ludovicus Mersmans*, *Joannes Waterloop*, *Antonius Donné*, nec non *Albertus Mouritius de la Hamaye du Hautoit*, qui supra; præterea RR. Admodum DD. *Franciscus le Grand*, S. Martini, Ordinis S. Benedicti, & *Noë Portois*, S. Nicolai de Prætoris, Ordinis Canonicorum Regularium S. Augustini, hujus Civitatis ac Diocesis Tornacensis respectivo Abbates.

De Mandato Illmi & Revmi Domini mei Episcopi præfati.

BENARD Secret.



SYNODUS DIOECESANA PADERBORNENSIS,

Eodem anno Christi MDCLXXXVIII.

PRÆSIDENTE

REVERENDISSIMO & CELSISSIMO S. R. I. PRINCIPE

ac DOMINO,

D. HERMANNO WERNERO, (*) *Paderbornensium*

XLVI. (al. XLIX.) *Episcopo,*

CELEBRATA

DIE 10. JUNII.

INDICTIO, ACTA & DECRETA

S. SYNODI DIOECESANÆ PADERBORNENSIS.

INDICTIO SYNODI.

HERMANNUS WERNERUS, DEI & APOSTOLICÆ

Sedis gratia Episcopus Paderbornensis, S. R. I. Princeps, Comes Pyrmontanus, & Cathedralis Ecclesiæ Hildesienfis Præpositus &c. Universis ac singulis Abbatibus, Præpositis, Decanis, Abbatissis, Prioribus, Archi-Diaconis, Capitulis, Conventibus, Cathedralis & Collegiatarum, Regularium & Secularium, Parochialiumque Ecclesiarum Rectoribus, totique Clero, Clericis & Tabellionibus publicis quibuscunque per Civitatem & Diocesim nostram Paderbornensem ubilibet constitutis, qui de jure antiquo, vel consuetudine Dia-

cesana Synodo interesse tenentur, Salutem in Domino
sempiternam.

Solicitude Ecclesiæ & universi gregis nostri Paderbornensis, velut instantia nostra quotidiana, cum nullam gravissimi muneris partem omittere sinat, tum præcipue & vehementer urget, ut Synodum Diocesanam, que inter primarias functiones Episcopales merito numeratur, & multis nominibus excellit, juxta saluberrimum Tridentini Concilii Decretum celebremus. Quocirca quod ab initio regiminis nostri in animo habuimus, cum consilio & assensu Capituli nostri Cathedralis Synodum Diocesanam in feriam quintam post festum Pentecostes, quæ erit decima Junii currentis anni, indicimus, omnesque Ecclesiastici statim viros, qui de jure vel consuetudine Synodis interesse tenentur, in Domino invitamus & hortamur, nec non sub penis &

cenjuris contra contumaces infligi solitis, præcipimus & mandamus, ut feria quarta post festum Pentecostes, quæ erit nona Junii, in Civitate nostra Paderbornensi, hora quartæ pomeridiana, compareant, nomina sua in scripto Vicario nostro & Archi-Diaconis exhibeant, ac deinde decima ejusdem mane ad pulsam majorum campanarum in Ecclesia nostra Cathedrali & quidem in decente habitu conveniant, sacro Missæ Officio de Spiritu S. celebrato, & Divino Numine implorato, una Nobiscum tractaturi & conclusuri, quæ ad DEI Omnipotentis gloriam, Diocesim nostræ incrementum, atque totius Cleri & populi mores & disciplinam informandam & promovendam necessaria & utilia videbuntur. Mandamus præterea, ut Pastores antecesser agros,

(*) De illo Antistite sub finem Synodi.
Tomus X. Concilior. German.

tos, si qui sunt, visitent, eosque vicinis Sacerdotibus commendent: serio etiam moneant populos sibi commissos; ut diligenter pro felici Synodi hujus successu orent, feriis Pentecostalibus recitando cum suis Parochianis Litanias de omnibus Sanctis, quam, ut magis omnes ad eam alliciantur, S. D. N. INNOCENTIUS hujus nominis Papa XI. plenariis omnium peccatorum Indulgentiis decorare voluit juxta sequentis Brevis tenorem.

INNOCENTIUS PP. XI.

UNIVERSIS CHRISTI-FIDELIBUS PRÆSENTES LITERAS INSPECTURIS, SALUTEM ET APOSTOLICAM BENEDICTIONEM.

“**C**um, sicut accepimus, in Ecclesia Cathedrali Paderbornensi, prima sacra Synodus benedicente Domino propediem celebranda sit, Nos, ut opus tam pium majori cum fructu ac devotione fiat, omnibus utriusque sexus Christi fidelibus vere penitentibus & confessis ac sacra Communione refectis, qui dictam Ecclesiam die, qua dicta prima Synodus inchoabitur, ac singulis diebus illius actualis celebrationis devote visitaverint, & ibi pro Christianorum Principum concordia, hæresum extirpatione, ac sanctæ Matris Ecclesiæ exaltatione, pias ad Deum preces effuderint, plenariam semel omnium peccatorum suorum indulgentiam & remissionem misericorditer in Domino concedimus, præsentibus post celebrationem

“ prima sacra Synodi hujusmodi minime valituris. Volumus autem, quod si pro impetratione, præsentatione, admissione seu publicatione præsentium aliquid vel minimum detur, aut sponte oblatum recipiatur, præsentibus nulla sint. Datum Romæ apud S. Petrum sub annulo Piscatoris, die XIII. Maji MDCLXXXIV. Pontificatus nostri anno octavo.

Gratis pro DEO & Scriptura.

J. G. SLUSIUS.

Quare omnes & singulos Parochos & Clerum universum in Domino hortamur, ut prævia Confessione Sacramentali, & juxta laudabilem aliarum Ecclesiarum morem & consuetudinem, in sacro Pontificali ipsa die Synodi celebranda, superpelliceo & stolis induti (si Sacerdotes fuerint) alii vero in Clericali habitu sacram Communionem reverenter percipiant, & similiter subditos suos ad veram peccatorum suorum confessionem, & sacra Communionis sumptionem serio hortentur, ut plenariam banc peccatorum Indulgentiam & remissionem digne consequi mereantur. In quorum omnium & singulorum fidem hoc Edictum manu nostra signatum, & sigillo munitum, publice proponi & legitime executioni commendari jussimus. Datum in Arce nostra Episcopali Neubusana 10. Maji 1688.

Hermannus Wernerus.

(L. S.)

ORDO SYNODI ET ACTA.

Cum literæ citatoriæ hunc in modum non tantum in Diœcesi Paderbornensi, verum etiam in locis Archi-Diœcesis Colonienfis, Ecclesiasticæ jurisdictioni Paderbornensi subiectis, in territorio Corbejenfi, nec non Bilsfeldiæ, aliisque locis ad præfatam jurisdictionem spectantibus, debite ac sufficienter intimatæ, promulgatæ, atque in diversis locis ad valvas Ecclesiarum affixæ fuissent;

Pridie ejus diei, qua celebranda erat Synodus (erat nona Junii) citati magno numero partim in Cancellaria coram D. Vicario in Spiritualibus Generali, partim in Residentiis Archi-Diaconorum comparebant, nomina sua secundum Archi-Diaconatum distinctionem in scripto exhibentes.

Eadem die, hora quinta pomeridiana usque ad sextam omnes Templorum cam-

panæ ad horæ spatium per urbem Paderbornensem concrebant;

Die postera; quæ erat decima Junii, feria post Dominicam Pentecostes quinta anni millesimi sexcentissimi octuagesimi octavi, hora quarta matutina in Cathedrali Ecclesia S. Liborii matutinarum precum & horarum minorum Officium de more decantabatur, ac sub his Missæ Sacrificium ad summum Altare legebatur.

Hora sexta major Cathedralis Ecclesiæ campana Synodi futuræ index insonabat, quam communis aliarum per urbem campanarum compulsatio subsequēbatur, atque ad septimam usque horam tenebat. Interea totus Clerus cum habitu, vestitu & tonsura Clericali unicujusque dignitati, ordini ac stam congruis in Cathedrali convenie-

Hora

Hora septima bini & bini ad S. Brigidam exeuntes, pergebant ad Aulam Illustrissimi, præcedebant Pedelli & Scholares, quorum quatuor vexilla portabant, post hos duo Thuriferarii, Ceroferarii duo, Diaconus cum Subdiacono librum missalem clausum portante in rubeis Dalmaticis incedebant. Deinde Chorales & Cantores, duo Vicarii in pluvialibus rubris, Pastores, Clerus urbanus ex Collegiata Ss. Apostolorum Petri & Andreæ & Cathedrali ordine suo, hos sequebantur Canonici Buxtorpiani, Diaconus cum cruce argentea, & demum Capitulum Cathedralis. Quos omnes eodem ordine ad Ecclesiam per Paradisum redeuntes, Reverendissimus & Illustrissimus Princeps & Episcopus cappa Pontificali super rochetto indutus, sub baldachino a quatuor Nobilibus Aulicis portato sequebatur, post quem reliqui de familia Illustrissimi procedebant.

Ingressæ paradisum Illustrissimæ Suae Celsitudinis per Reverendissimum & Perillustrem Dominum *Ferdinandum a Plettenberg*, Decanum Cathedralis Ecclesiæ Paderbornensis, dabatur aspergillum, quo sibi primum, deinde aliis ex Capitulo Cathedrali circumstantibus aquam lustralem aspergebat, I. S. C. quæ mox per maiorem januam Ecclesiam ingressa sub organi & tubarum sono per chorum omnibus transeunti sibi genua incurvantibus benedictionem elargiens, ad genuflexorium ante Altare majus paratum pergebat, in quo procumbens Sacratissimum Eucharistiæ Sacramentum adorabat, quod & cæteri omnes imitabantur, ubi cum paululum orasset, ad thronum cum baldachino rubeo ad cornu Evangelii præparatum I. S. C. concedebat, ibique paramentis rubeis Augustissimum Missæ Sacrificium de Spiritu Sancto pro felici auspicio Pontificaliter cantatura induebatur, atque ita paratæ ex throno ad Altare procedens Missam exordiebat, cui tres Canonici ex Capitulo majori una cum Illustrissimæ Suae Celsitudinis Vicario Generali, rubeis similiter paramentis parati, & eo modo, ut in Cæremoniali Episcoporum, inserviebant.

Sub Missa Confessione per Diaconum ad cornu Epistolæ stantem decantata, I. S. C. omnibus & singulis ibi ex Clero præsentibus Sacram Synaxin porrigebat.

Divino Officio solenni more finito, I. S. C. ad thronum, & ex hoc, Orario seu Rationali, Casula, Dalmatica, Tunicella, Manipulo, & Chyroticis prius depositis, Pluviali vero, mitra ac baculo pastoralis reasumptis, ad Altare pergebat, & in primo ejus gradu, cantato per Diaconum: *Orate*, cum omni Clero genuflexo, per modicum spatium flexis genibus orabat.

Oratione hac finita, genuflexo adhuc Illustrissimo Principe, duo Vicarii in choro cappati inronabant Antiphonam: *Exaudi &c.* & Psalmum: *Salvum me fac Deus &c.* Choro prosequente, ut in Pontificali Romano.

Sub Psalmo Reverendissimus in faldistorio, in plano Altaris parato, versa ad Clerum facie, cum mitra confidebat.

Expletis illis, I. S. C. mitra deposita ad Altare versa stans, subjungebat ex Pontificali orationem: *Adsumus &c.* cum subsequenti *Omnipotens sempiterne Deus &c.*

Post hæc prænominati duo Vicarii Litanias de omnibus Sanctis inchoabant, & respondentibus Clericis cantabant usque ad verba: *Ut omnibus fidelibus defunctis &c.* Post quæ I. S. C. Synodo, uti in Pontificali, benedicebat, facta benedictione & genuflexo rursum Episcopo Vicarii Litanias reasumptas absoluebant, quibus Illustrissimus Collectam ex Pontificali: *Da quasumus &c.* subjungebat.

Deinde cantato per Diaconum cum consuetis cæremoniis Evangelio secundum Lucam: *Convocatis &c.* Illustrissimo cum toto Clero stante, duo Vicarii Antiphonam: *Regina celi letare &c.* inronabant, & ea a choro expleta, præcipientibusque Diacono & Subdiacono Versiculum: *Gaude & letare &c.* I. S. C. orationem consuetam sine mitra cantabat.

Rursum duo Vicarii incipiebant: *Sint lumbi vestri præcincti &c.* ex Responsorio octavo de Comm. Conf. Pont. & præcipientibus iterum Diacono & Subdiacono *Justum deduxit Dominus &c.* ab Illustrissimo Collecta de S. Liborio subjungebatur.

Expleta hac oratione Illustrissimus ante faldistorium genuflexus Hymnum: *Veni Creator Spiritus &c.* incipiebat, ac primo Versu finito, cum omni Clero surgebat, ac Hymno ita per Choros absoluto, cantatoque per Diaconum & Subdiaconum *E-mitte Spiritum &c.* Illustrissimus Collectam: *Deus, qui corda fidelium &c.* cantabat.

Quibus omnibus solemnibus ritu completis, ac Sæcularibus, quorum non intererat, choro excedere iussis, I. S. C. in throno in medio Presbyterii aptato, Reverendissimi vero Capitulares in sedilibus ab utroque Illustrissimi latere per semicirculum positos confidebant, cæteri vero omnes per ordinem & loca in choro collocabantur.

Ac primum cum suo ordine singuli confedissent, ab I. C. S. Vicarius in Spiritualibus Generalis nutu mandatum accipiebat interrogandi præsentem, an placeret eis inchoare Synodum, quod is faciebat his conceptis verbis:

Reverendissimus in Christo Pater & Illustrissimus Princeps ac Dominus noster HERMANNUS WERNERUS, Episcopus Paderbornensis, S. Rom. Imp. Princeps & Comes Pyrmontanus &c. Dominus noster Clementissimus, per me interrogat omnes & singulos Dominos Prælatos, & alios quoscunque ad hanc Synodum legitime vocatos, an ad DEI Omnipotentis laudem & gloriam, Ecclesiæ Catholicæ decorem, & Episcopatus Paderbornensis incrementum Synodus Diocesana Paderbornensis legitime iudicata, convocata, & congregata eis aperienda videatur.

Atque omnibus una quasi voce respondentibus, *Placet*: I. S. C. Synodum aperiendam esse, his verbis decernebat:

In nomine igitur Sanctissimæ & Individuæ Trinitatis, Patris, & Filii, & Spiritus Sancti, Nos HERMANNUS WERNERUS Episcopus Paderbornensis, S. Rom. Imp. Princeps & Comes Pyrmontanus &c. ad DEI Omnipotentis ac Beatissimæ Virginis Dei Matris, & S. Liborii Episcopi & Confessoris, Patroni nostri, laudem & honorem pronunciamus & decernimus, hanc Synodum Diocesanam Paderbornensem legitime a Nobis iudicam, convocatam & congregatam aperiendam esse, prout eandem aperimus, aperiendamque esse declaramus; faxis idem Omnipotens DEUS pro sua misericordia, precibusque Virginis Beatissimæ, ac ejusdem S. Patroni nostri, aliorumque Sanctorum, ut, quemadmodum speramus, ex hoc sacro Cætu lumen & Spiritum omnes reportemus; ad officia nostra secundum voluntatem Dei peragenda.

Hoc responso accepto, idem Vicarius Episcopi I. S. C. pro denominandis Ministris Synodi ita alloquebatur:

Reverendissime in Christo Pater & Illustrissime Princeps, Domine clementissime, in Synodis celebrandis laudabilis est consuetudo, ut aliqui Viri prudentes & graves Ecclesiastici deputentur, qui procurent, ut omnia rite decenterque fiant, ac totius Synodi acta fideliter conscribantur; Quare Illustrissimam Celsitudinem Vestræ humillime rogo, pro hujus Synodi congregatæ promotione, ut viros aliquot idoneos, Promotores, Secretarium, & Actuarium, sive Notarium in partem sollicitudinis sue publice deputare ac nominare dignetur.

Ad quæ I. S. C. sese resolvebat sequentibus verbis:

Eligimus, nominamus & deputamus te

Jodocum Frihoff, Sr. Theol. Doctorem, Vicarium nostrum Generalem.

Te Conradum Roberti, Sr. Theol. Doctorem, Præpositum ad S. Udalricum, in Promotores.

In Secretarium hujus Synodi nostræ, te Henricum Leonem Bölen, Sr. Theol. Doctorem, Parochialis Ecclesiæ Rockenstis Rectorem.

In Actuarium & Notarium vero te Georgium Holtmeyer, Ecclesiæ Cathedralis Beneficiatum & Notarium Apostolicum.

Deputati hi Domini Promotores in mensa, quæ ad Illustrissimi dexteram, Secretarius vero & Actuarius in ea, quæ ad sinistram in fine Presbyterii posita erat, considebant, tunc I. S. C. Synodum alloquebatur conceptis his verbis:

Venerabiles Consecradores & Fratres nostri charissimi &c. ut in Ponticali.

Quo absoluto, primus Promotorum D. Vicarius Generalis Decretum de non discendo legebat sub hoc tenore:

Reverendissimus in Christo Pater, Princeps HERMANNUS WERNERUS, Episcopus Paderbornensis, Dominus noster clementissimus sub pena excommunicatiōis omnibus & singulis præcipit & mandat, ne eorum quisquam a Civitate nostra Paderbornensi discedat, antequam hæc nostra Diocesana Synodus de more absoluta ac dimissa sit, absque licentia Illustrissimæ Celsitudinis Suae concessa, sed huic Synodo, Synodalibusque actionibus sessionibus, ac conventibus quibuscunque omnes & singuli intersint, eadem excommunicatiōis pena proposita.

Hoc Mandato præmissio, per Actuarium reproducebantur literæ citatoriæ ad Synodum, cum protestatione factæ sufficientis insinuationis.

Ut vero de præsentium & absentium distinctione constaret, I. S. C. demandabat Actuarius, ut omnium & singulorum nomina legeret: Quod & fiebat.

Cumque comperiretur, nonnullos abesse, secundus Promotorum hujusmodi absentiam & non comparentium contumaciam accusabat, atque in penas Canonicas incidisse declarari petebat, his verbis:

Reverendissime & Illustrissime Princeps, Domine Clementissime, cum jam dies decima Junii hujus anni millesimi, sexcentissimi, octuagesimi octavi advenit, qua omnes & singuli Ecclesiastici ordinis homines hujus Civitatis

Et Diœcesis Paderbornensis ad præscriptum legitime moniti, Synodo huic jam præsentis adesse debent, cumque diversi non paruerint, sed usque adeo vel negligentes, vel contumaces fuerint, ut neque præsentis adsint, neque vero iusti impedimenti excusationem, vel causam aut nuncium miserint, ideo pro muneris mei officio Ego Conradus Roberti, Ss. Theol. Doctor, hujus Synodi Promotor, eorum contumaciam accuso, Et hoc inso apud Reverendissimam Et Illustrissimam Celsitudinem vestram, ut eos tanquam contumaces, in penas Canonicas incidisse declaret, ac nihilominus eorum absentia Et contumacia non obstante ad ea in hac Synodo procedi decernat, quæ pro honore Dei, morum reformatione, ac disciplina Ecclesiastica necessaria videbuntur.

Ad hoc I.S.C. sic interloquebatur:

Decernimus, ut non obstante contumacia non comparentium, nihilominus in Synodo procedatur, tractetur Et determinetur, prout illud ad majorem DEI gloriam Et Ecclesiæ utilitatem expedire visum fuerit, penas vero Canonicas in contumaces statutas, ad ulteriorem deliberationem pro hac vice suspendimus.

Subsequēbatur deinde ex suggestu Concilio Synodalis, quam habebat Adm. Reverendus & Eximius Pater Hillebrandus Schülenberg Societatis Jesu, Ss. Theol. Doctor, ejusdemque ordinarius Professor, de disciplina Ecclesiastica Et statu Clericali.

ORATIO SYNODALIS

HABITA

ab Adm. Rev. & Exim. P. HILLEBRANDO SCHULENBERG,
S. J. Ss. Theol. Doctore, ejusdemque ordinario Professore,

DE

Disciplina Ecclesiastica Et Statu Clericali.

Attendite vobis Et universo Gregi. Act. 20.

Quando munus dicendi ex hoc loco imponi humeris meis sentiebam, prope aberat, quin Hieremiæ Prophætæ ad Divinam Hebræorum genti voluntatem invitandam cœlitus destinati excusationem arriperem. Ita enim apud me statuo, nihil hic adferri oportere, quod juvenilem in dicendo copiam, aut impolitam Oratoris ru-

ditatem sapiat; sic, ut vel dictionis argumentum plus aequo exaggeretur, vel ejusdem dignitas imperito dicendi genere magis obfusceretur, quam inclarescat. Atque hoc est, quod in eam me voluntatem hodie induxit, ut, quidquid hoc loco allaturus sum, illud, si ratione sola non convincat, ex ipsis sacrarum literarum monumentis, Conciliorum Decretis, sanctorum Patrum assertionibus, vel magnorum Virorum habitis ad Clerum sermonibus haurirem. Argumentum dictionis suggerit brevis & nervosa ad Clerum Ephelinum Miletii a gentium Doctore collectum adhortatio, contenta verbis superius allatis: *Attendite vobis Et universo gregi.* Pauca verba, sed multa & grandia sub illis latent mysteria: quæ dum ex parte eruiere conor; patiamini, rogo, ut orationi meæ dignissima vestra auctoritas & gratia gratiam addat & auctoritatem. *Attendite vobis, Et universo gregi.* Sibi attendit, qui a vitiis & pravis consuetudinibus animam servat immunitem; & virtutibus statui suo convenientibus debite exornat. Hanc veritatem sine ulteriore indagine approbat ipsa ratio. Gregi attendit, qui salubria ei pascua suppeditat. Ita me docet D. Chrysostomus hom. de eo, qui incipit in latrones: Si apud alios verba facerem, laborandum foret, ut quisnam hic grex sit, uberius explicarem: verum cum nemini ignotum sit, gregem hic esse cœtum fidelium; in hoc unum præsens dictio intendit, ut qua ratione Clero incumbat fidelium gregi bona pascua ministrare, quæ cum sui cura conjuncta sint, paucis exponat.

Optima ovium pascua sunt exempla, teste Greg. 1. p. Pastor. cap. 3.: Vere optima pascua, quæ quamdiu præbent, quorum est pascere, tamdiu ita sibi attendunt, ut fidelium gregem non negligant, & ita curant gregem, ut sui memoriam non deponant, ac proinde simul implent, hæc duo, quæ in allata superius adhortatione ad Clerum Ephelinum D. Paulus est complexus. Subeat animus memoria illorum temporum, quibus sub exordium nascentis Ecclesiæ Hebræorum populo Christi Evangelium per Apostolos annunciabatur. An ulla fuit inter homines Natio, quæ propriis commodis magis intenta esset, aut bonis alienis inhiaret ardentius? & tamen calefcente adhuc Dei Sanguine, quem inter latrones non iam pridem affixerat Cruci, eo usque deducta est, ut nullus eorum, quæ possidebat, aliquid suum esse diceret, sed essent illis omnia communia. Act. 4. Hic ego interrogo, quis rem tam novam, & huic genti tam difficilem persuaserit Demosthenes? quodnam os aureum inflectere potuit, capita illa ferrea, ut e manibus dimitterent collectas opes,

opes, & ad pedes Discipulorum ultro deponebant? Syllogismi Exemplorum, respondit aliquando coram Pontifice & purpuratis Ecclesiæ Patribus famosus Orator, syllogismi exemplorum tantopere præpollebant, ut vim eorum nemo posset retundere: pedes nudi Discipulorum erant magne divitiarum, ut certatim ad illam aram nuditatis opes & prædia immolarentur. Tanta est in hominum animos exempli Clericalis virtus. Qui in Solem venerit, inquit Seneca *Epist.* 108. licet non in hoc venerit, colorabitur: qui in unguentaria taberna resederunt, & paulo diutius commorati sunt, odorem secum loci ferunt. Ex his ego non ad Philosophum cum Seneca, sed ad Clericum facio consequentiam: Sic in Prælati & Clerici virtutes efflorescere non possunt, quin ex ad subditos & laicos sensum perveniant. Ita me sentire jubet Tridentina Synodus *Sess.* 21. *de Reform. Cleri. cap.* 1. his verbis: "Nihil est, quod magis ad pietatem ac Dei cultum assidue intruat, quam eorum vita & exemplum, qui se Dei Ministerio dedicarunt: cum enim a rebus sæculi in altiores sublimi locum conspiciuntur, in eos tanquam in speculum reliqui oculos conjiciunt, ex iisque sumunt, quod imitentur." Hucusque Concilium. Comptum omnibus, quantum status Clericalis in hoc mundo præ cæteris emineat. Coalescit ille potissimum ex supremo post Christum militantis Ecclesiæ Capite, ex Episcopis, Prælati, Canonicis, Parochis, Sacerdotibus. DEUM immortalem! quanta hominum omnium dignitas! quanta Majestas impositi muneris! Summus Pontifex CHRISTI JESU in terris Vices obtinet: Episcopi in apice perfectionis vi officii consistentes conceditam sibi Diocesim paterna directione ac sollicitudine moderantur: Excessus subditorum cura sua prævertunt, & corrigunt Prælati: vitam juxta normam Canonum, in quibus recte vivendi methodus eleganter depingitur, juxta ctymon nominis sui profuturæ Canonici: commissas sibi oves in oculis suis quodam modo semper circumferunt Parochi, quando in Sacramentorum administratione, ubi res & tempus postulat, indefessos se exhibent, e cathedris contra vitia detonant, studium virtutis sine intermissione commendant, & ut omnia colligam in epitomen, ita pervigilant pro grege, quasi pro singulorum animabus rationem reddituri: Sacerdotes ad aram sistunt præsentem, & sacris manibus tractant ipsum Dei filium: quid multa? in sortem Divini Numinis transierunt Clerici in-versi, teste Hieron. *Ep.* 2. *ad Nepotian.* his verbis: καὶ ὁ γὰρ, latine Sors interpretatur: propterea vocantur Clerici, vel quia de sorte sunt Do-

mini, vel quia Dominus ipse pars, id est, fors Clericorum est. Unde merito exclamat S. Carolus Borromæus numeris omnibus absolutum bonorum Præfulum Exemplar concione 3. quam ipse habuit in Synodo Diocesana XI. ad Clerum: O qualis & quantus est hominis Ecclesiastici status! quam insignis dignitas! per umbras veteris testamenti huic dignitati præfuit olim Deus, quando præ cæteris tribus speciatim tribum Levi suo cultui voluit esse mancipatam. Levi namque significat assumptum, adherentem, copulatum seu conjunctum mihi, ut observat eruditus Psalmorum interpres Le Blanc in *Psalmum* 118.: Hæc quoque causa est, cur Deus olim Aaronem & filios ejus Exodi 29. *Sanctificabis eos, elevans coram Domino, nimirum ut in altum sublatis non jam amplius terræ, sed ipsi DEO inessent.* Jam vero si Clerum tam alte evexit sui status dignitas; quid mirum, si vita, si mores eorum censorios Laicorum oculos non effugiant? Excelsi montes nequeunt sese in vallibus confidentium conspectui subducere. Si Clerici non terræ insistant, sed soli Deo; quid mirum, quod mundum universum exemplo suo possint commovere? Ut totum terræ globum circa centrum circumageret, hoc unicum postulavit Archimedes, ut in loco extra terram posito pedem figeret: *Sineius.* Episcopus Cyrenensis. Ne ergo quis mihi dixerit: quid vita mea in animis hominum magnopere valebit? quis ad mores meos attendit: ne dixerit inquam: fidem enim hæc non inveniunt apud eos, qui norunt, quanta sit exempli in mentibus humanis vis, quantisque hoc machinis animos populi, nihil tale sentientes expugnet. Plurimum etiam in utramque partem valer Cleri vita in animis hominum tam ad bonum, quam ad malum impellendis: ut metuendum profecto sit, ne tantum propter vitæ malæ exemplum Clerici non pauci æternis inferorum suppliciis sint addicendi, in iisque multi olim damnati, quorum animas scandalis suis occiderunt, ipsis exprobatu sint in perpetuum illud, quod Latroni cuidam ab Innocente puero, quem præter cæteros interfecerat; continuo oculis obversante, & in rabiem agente exprobratum narratur: Tu me occidisti: tu, qui me servare debebas, tu me occidisti. Verus proverbium est: qualis Rex, talis Grex: qualis Clerus, talis Populus: qualis Prælati, talis Subditi: qualis Pastor, talis Parochia. Et sic est. Neque fieri unquam poterit, ut rami vitæ ferant fructum, si truncus, & cui innascuntur, radix, vitæ sint expertes: neque membra vigeant virtutis Christiana, ubi eadem

caruerit anima, a qua illa vitam & regimen trahunt. Nolite credere, unquam fore, ut Ecclesiæ filii efflorescant virtutibus, dum illorum Patres, Ducesque inanes meritis exarefcunt. *Vos estis sal terræ, quod si sal evanuerit, in quo salietur.* Matth. 5. Vos estis Lux mundi, & quædam sidera ac quasi constellationes, sub quibus Ecclesiæ filii nascuntur, & educantur, vestras in illos influentias imminentes. Solent quandoque homines, ut vel suas, vel filiorum naturas, ingenia, vitamque futuram explorent, Astrologos consulere, & horoscopum seu constellationem aut Planetam, ut ajunt, sub quo nati sunt, inspicere. Ita olim Manilius Astrologorum Princeps, a Romano consultus est Senatore, ut sibi filii sui futuros eventus, virtutesque ex ejus horoscopo prænuntiaret: hic, cum illum sub hædis vel capreolis, (sidus est) natum intelligeret; o nuntium malum! inquebat: non enim sub isto fidere effinguntur Bruti generosi, non Torquati iusti, sed Sardanapali voluptuosi, fed effeminati Parides.

*Majus onus signo est: hædis nec tanta petulcis
Conveniunt, levibus gaudent, lascivæque
signant
Pectora.*

Sic (gravis quidam Author ait) de populo, de civitate, de pago quocunque interrogabo: Sub quo fidere ille nascitur & vivit? Sub quo Clero, sub quo Prælaro? sub quo Parocho? sub quo Sacellano? Si sidus illud fuerit libra solis, Justitiæ; si Leo generositate, scilicet Christiana; si Virgo castitate; o felicem, clamabo, populum, cui datum est sub isto fidere nasci cælo, & vivere Deo! At si sub Tauro feroce, si sub Scorpione venenoso, si sub Cancro retrogrado, si sub Capro lascivo, si sub Amphora tuberculante, quid clamabo aliud, quam quod olim Manilius? *Majus onus signo est:* non quærite in hoc populo patientiam Martyrum, non puritatem Virginum, non probitatem, & temperantiam Confessorum: nam quale sidus, qualis Clerus, talis sub eo nascitur populus: tota fere populi probitas a Cleri virtute dependet. Quantumvis varii in Clero ad varia destinemur Ecclesiæ munia, eo tamen cuncta collimant, ut ad Deum, Divinasque virtutes per nos populus attrahatur. Huc spectant sacræ & suggestibus orationes, huc laudum Divinarum in templis decantationes, huc fundata a Majoribus tanta Ecclesiasticorum copia. Neque sibi quisquam persuadere, solis curatis beneficiis animarum curam annexam esse, solos Prælatos ac Párochos humeris suis portare ingens illud onus tot animarum, de quibus

Tomus X. Concilior. German.

severo Judici rigida aliquando ratio sit reddenda. Omnes, omnes, hoc onus portamus Clerici: si enim doctrina non omnes possumus, bono exemplo certe possumus, & debemus omnes. Pro eo tam opulentis Beneficiorum patrimonii alimur, non tantum ut fructus consumere nati (hoc enim si in quosvis pauperes sua Majores erogassent, consecuti abunde fuissent) sed ut fruamur ad Ecclesiæ incrementum, & animarum utilitatem, quas aliquando de manibus nostris iustissimus Deus reposcet. Unde recte Trid. *Sess. 8. cap.* nuper civitatis Clericos universum sine exceptione ita alloquitur: Sic decet Clericos in sortem Domini vocatos vitam, moresque suos componere, ut habitu, gestu, incessu, sermone, aliisque omnibus rebus, nil nisi grave, moderatum, ac Religione plenum præ se ferant, levia etiam delicta, quæ in ipsis maxima essent, effugiant, ut eorum actiones cunctis afferant venerationem, addo ego ad mentem ejusdem Concilii, & piam amulationem. Veruntamen quamvis de omnibus hæc verissima sint, maxime tamen cadunt in Prælatos, Judices Ecclesiasticos, & Párochos, eorumque vicem agentes, quibus ex officio incumbit, partim transgressores legum punire, & amoliri, partim contra scelera in Ecclesiis declamare. Delirant sane, qui multis populum docere verbis contenti dicunt, & non faciunt, contractisque supercilii ea documenta tradunt, quæ ipsi nunquam experti sunt. Qui alium docet, exprobrat huic Ecclesiasticorum generi Apostolus Rom. 2. : *Tu ipsum non doces? qui prædicas non furandum, furaris? qui dicis non machinandum, macharis? qui in lege gloriaris, per prævaricationem legis Deum in-bonoras?*

Quis tulit Gracchos de seditione quærentes?

Quis cælum terris non misceat, & mare cælo,

Si Fur displiceat Verri, aut homicida Miloni?

Comcediam sane, non concionem dixerit, ubi voce jubetur, quod factis vetatur: qui vult sanctum populum, sanctus ipse sit: nam dicere tantum, & non facere, est ludibrio Ecclesiæ auctoritatem exponere. Præclare hoc admonet Hieron. *Ep. superius cit.* Non confundant opera tua sermonem tuum, nec cum in Ecclesia loqueris, tacitus quilibet respondeat: cur ergo hæc quæ dicis, ipse non facis? delicatus Magister est, qui pleno ventre de jejuniis disputat: accusare avaritiam & latro potest: Sacerdotis Christi os, mens, manusque concordent. Et S. Gregor. *in caput 28. Jobi sub finem:* Lo-

Q

quendi

quendi authoritas perditur, quando vox opere non adjuvatur: illa vox cor audientis penetrat, quæ hoc, quod sonnerit, opere confirmat. Neque est, quod quis prætendat illud. *Math. 23. Super Cathedram Moysi sederunt Scribæ & Pharisei: quæcunque dixerint vobis, hæc facite, secundum opera autem eorum nolite facere.* Nam idem Deus *Pl. 49.* peccatori dixit: *Quare tu enarras iustitias meas, & sumis per os tuum testimonium meum, tu vero projecisti disciplinam.* Alios vis iustos, tu vero projecisti omnem virtutis disciplinam. Augustinum audiamus in prædictum Psalmum: Ubi est illud, quæ dicunt facite. Sed hæc dicta sunt, ne timeant, qui audiunt, a quocunque audiant; non ut securi sint, qui dicunt bona, & faciunt mala. Quid de talibus vulgus exclamabit aliud, quam cur in labris Sacerdotum tanta sanctitas, in manibus vero secularis perversitas? vox illa iudicis Ecclesiastici oburgantis, & corrigentis excessus videtur esse de celo, sed mens est in cæno: ex ore prodeunt stellæ documentorum, sed brachiis adhæret lutum peccatorum! Audiamus iterum magnum Ecclesiæ Doctorem Augustinum in *Psalmum 50.* ubi hoc refert literarum in pulvere Joannis 8. a Christo scriptarum compendium: Iusta lex, quæ jubet adulteram occidi, sed hæc lex iusta Ministros habeat innocentes: attenditis quam adducitis, attendite qui & sitis. Nimirum dedecet, eum in continentium, ebriosorum, & in iustorum excessus persequi, qui sit eodem, ut ajunt, perfusus iusculo, quod in subditis castigat. Philosophorum non ignobilium opinio est, vapores e terra & fimeris elicitos evectosque in secundam aëris regionem, ibidemque purgatos accendi in fulmina, & terribili suo murmure homines alias facis intrepidus percellere, ingentes turres perfringere &c. Nunquid monstrum foret ac ridiculum, si vapor e fimerio Jobi in aërem nonnihil elevatus illico modicæ celsitudinis impatiens auderet ad terrorem spectantium lucere fulgetris, & minari fulminibus? non meretur ille venerationem sui ac timorem, nisi postquam altius erectus adhærentes e sterquilinio sordidas affectiones prius depofuerit. Non persequor hæc pluribus, quia intelligentibus sufficiunt pauca. Abunde reor esse demonstratum, quo modo Clerici sibi & Fidelium gregi attendendo prædictæ admonitioni Apostolicæ se possint ac debeant conformare: Si nimirum inculpatæ vitæ exemplo & se perficiant, & alios fideles ad sui imitationem provocent. Nimirum id exegit a nobis S. Mater Ecclesia, cujus per Dei gratiam filii sumus, ne illam contristemus: hoc a nobis exposcit ratio status Clericalis, cujus mem-

bra sumus, ne illum moribus nostris deturpemus: hic præcipuus Synodorum toties repetitarum finis est, ne ab eo deflectamus. Attendite ergo vobis & universo gregi: Sic pascite, qui in vobis est gregem, providentes non coacte, sed spontaneæ, non turpis lucri gratia, sed voluntarie, neque ut dominantes in Cleris, sed forma facti gregis ex animo. *1. Petri 5. Pascite, ut qui pascitur inter lilia, aliquando pascat deliciis,* de quibus *Luc. 22. Ego dispono vobis, sicut disposuit mihi Pater meus regnum: ut edatis & bibatis super mensam meam in regno meo, & sedeat super Thronos iudicantes duodecim tribus Israel.*

Absoluta Concione, primus Promotorum apud I. S. C. pro Decretorum Synodali lectione instabat, his verbis:

Reverendissime in Christo Pater, Illustrissime Princeps, Clementissime Domine, ut diligentior & cumulatior executio sit Diocesano- rum omnium Decretorum & Edictorum ad huius Ecclesiæ & Diocesis rationem bene gerendam, ab Illustrissima Celsitudine vestra humillime peto, atque insto Decreta Synodalia, ut moris est, de suggestu promulgari, & omnia alia edici & enunciari, quæcunque in hac Synodo Diocesana pro prudentia & charitate sua Clero huic Diocesano edici & promulgari constituit, quo idem Clerus instructior inde fiat, & sollicitudinis studio inflammator sit, ad omnem Ecclesiasticam disciplinæ rectam cumulatamque executionem, perpetuamque observantiam.

Hoc dicto, Secretarius Synodi genuflexus interrogabat Illustrissimum, an Statuta & Decreta confecta publice legi & publicari placeret.

Illustrissima Sua Celsitudine per Placet annuente, idem Secretarius suggestum ascendebat, & lectionem Statutorum aggrediebatur.

Perlecta magna eorundem parte, instabat Vicarius Generalis pro faciendi Fidei professione, juxta Decretum Concilii Tridentini, simulque humiliter petebat, Sanctionem ejusmodi publice legi.

Decernente illud ipsum I. S. C. Secretarius ex suggestu legebat verba sequentia Concilii Tridentini.

Præcipit igitur Sancta Synodus Patriarchis, Archi-Episcopis, & omnibus aliis, qui de jure vel consuetudine in Concilio Provinciali interesse debent, ut in prima Synodo Pro-

" Provinciali, post finem præsentis
 " Concilii habenda ea omnia & singu-
 " la, quæ ab hac S. Synodo definita &
 " statuta sunt, palam recipiant, nec
 " non veram obedientiam Summo Ro-
 " mano Pontifici spondeant ac profi-
 " teantur, simulque hæreses omnes a
 " sacris Canonibus & Generalibus Con-
 " ciliis, præsertim ab hac eadem Syn-
 " odo damnatas, publice detestentur &
 " anathematizent.

" Idem imposterum, quicumque
 " in Patriarchas, Archi-Episcopos &
 " Episcopos sunt promovendi, in pri-
 " ma Synodo Provinciali, in qua ipsi
 " interfuerint, omnino observent, quod
 " si quis ex supradictis omnibus, quod
 " absit, renuerit, Episcopi Compro-
 " vinciales statim Summum Pontificem
 " admonere, sub pœna Divinæ indig-
 " nationis teneantur, interimque ab
 " ejusdem Communione abstineant.

" Cæteri vero omnes sive in præ-
 " senti, sive in futuro Beneficia Ec-
 " clesiastica habituri, & qui in Synodo
 " Diœcesana convenire debent, idem
 " ut supra, in ea Synodo, quæ primo
 " quoque tempore celebrabitur, fac-
 " iant & observent, alias secundum
 " formam sacrorum Canonum punian-
 " tur."

Quibus recitatis, & omnibus ad I. S. C. exemplum stantibus, detectisque capitibus idem Secretarius formam professionis ex Pontificali omnium nomine alia & distincta voce, usque ad illa verba: *Idem Ego &c.* exclusive prosequabatur.

Finita lectione, Illmam S. Celsitudinem ita alloquebatur Vicarius Generalis:

Reverendissime & Illustrissime Princeps, Clementissime Domine, Episcopus quidem in prima Synodo Diœcesana non tenetur emittere Fidei professionem (quia non habet ibi majorem) sed in Synodo Provinciali; quia tamen Provincialis Synodus fere nunquam hodie celebratur, merito laudandi sunt illi Episcopi, qui in prima sua Synodo Diœcesana coram DEO genuflexi ante Altare Fidei professionem emittunt, est enim actus summe Religionis. Placebit itaque Illustrissimæ Celsitudini vestræ sub breviori formula ad universi Cleri excitementem eandem clementissime emittere.

Quo dicto, I. S. C. in Throno genuflexa versa ad Altare facie, depositaque mi-

Tonus X. Concilior. German.

tra fidem profitebatur sub sequenti forma a PIO IV. Pont. Max. præscripta.

Ego HERMANNUS WERNERUS, Episcopus Paderbornensis, recipio, promitto, spondeo, profiteor, detestor, anathematizo, voveo & juro, ut in Decretis & formula Professionis fidei modo lectis, singula singulis referendo, sic me DEUS adjuvet & hæc sancta DEI Evangelia &c.

Interea ob reverentiam genuflexi, ac profitentis Episcopi omnes simul stabant.

Postmodum I. S. C. recepta mitra ac in sede sua renibus ab Altare versis confidens, ante alios Vicarium Generalem coram se genuflexum profitentem excipiebat, qui deinde reliquos de Clero præsentibus ad parem Professionem vocabat:

Ac mox singuli, Reverendissimi primum Canonici Assistentes, tum cæteri Capitulares præsentibus, post hos Canonici Bystorpiani, & deinde reliqui coram Illustrissima Sua Celsitudine, nonnulli vero coram ejusdem Vicario Generali ob temporis angustias fidem professam juramento confirmabant formula supra posita.

Post factam deinde Professionem quisque nomen suum in schedula scriptum Actuario porrigebat.

Expleta ab omnibus solemniter hac Fidei professione, I. S. C. omnes magno affectu & publica contestatione ita affabatur:

Qui aliter senserit, anathema sit, qui aliter docuerit, anathema sit, hæc est vera fides Catholica, extra quam nulla salus, hæc solam omni diligentia docebimus, hæc solam totis viribus defendemus, hæc in ultimum usque spiritum servabimus.

Quod omnes ac singuli acclamatione fausta per verba: *Placet, Placet, Amen, Amen*, corroborabant.

Omnibus postea confidentibus Vicarius Generalis interrogabat I. S. C. pro Sessionis continuatione.

Quam, demandante ita I. S. C. fore hora secunda post meridiem, idem Vicarius omnibus intimabat.

Postquam demum Promotor secundus D. Conradus Roberti me Notarium pro conficiendo instrumento requisiverat.

Diaconus stans ad cornu Evangelii & dexteram Illustrissimi versa ad Clerum facie cantabat *Orate*, & quatuor Orationes pro hac Sessione impressas, ac post quamque cum I. S. C. totus Clerus orabat.

Finitis hisce Orationibus, I. S. C. data manu Benedictione ad thronum redibat, &

Q 2 depo-

depositis in eo Pluviali, aliisque paramētis, ac reasumptra cappa Pontificali, ad genuflexorium descendebat, in quo procumbens per modicum spatium orabat, ac deinde Reverendissimis Dominis de Capitulo Cathedrali usque ad fores Ecclesiæ comitantibus ad prandium recedebat, reliquis ad sua dimissis.

Hora prima post prandium dabatur in Cathedrali signum ad Vesperas, quæ medio secundæ modo consueto decantabantur, & sub his tam in majori, quam aliis Ecclesiis ad Synodum iterum fiebat compulsa-tio.

Hora secunda I. S. C. in sua cappa Pontificali & comitatu DD. assistentium Diaconorum ad Ecclesiam revertebatur, & prope Sacellum S. Brigidæ a Reverendissimis DD. Capitularibus excipiebatur, ubi a Reverendissimo ac Perillustri D. Decano dabatur aspergillum, quo I. S. C. sibi cæterisque circumstantibus aquam benedictam aspergebat. Illustrissimus organo & tubis intersonantibus Templum ingressus per chorum, in quo totus Clerus rursus congregatus comparebat, ad genuflexorium ante Altare majus pergebat, ex quo, postquam per breve tempus viventem in sæcula genuflexus adoraverat, thronum ascendebat, ubi cappa Pontificali deposita, paramenta, quibus mane indutus fuerat, recipiebat, & ita paratus ad primum Altaris gradum procedens, cantato per Diaconum: *Orate*, cum Clero orabat genuflexus.

Facta brevi oratione, Illustrissimo adhuc genuflexo, duo Vicarii, qui mane, intonabant ex Pontificali Antiphonam: *Propitius esto &c.* & Psalmum: *Deus venerunt gentes &c.* sub quo I. S. C. in faldistorio, uti mane, confidebat.

Absoluto Psalmo & Antiphona repetita, I. S. C. ex Pontificali cantabat tres Orationes, quarum initia: *Nostrorum tibi Domine &c.* *Mentibus nostris &c.* *Deus qui nos iustitiam loqui &c.*

Finitis Orationibus, per Diaconum Evangelium secundum Lucam: *Designavit Dominus &c.* in loco consueto cum solitis caeremoniis cantabatur.

Eo finito, I. S. C. flexis ante faldistorium genibus Hymnum: *Veni Creator &c.* postea alternatim a Choro decantatum inchoabat.

Expleto Hymno & præcipientibus Diacono & Subdiacono *Ÿ. Emitte Spiritum &c.* I. S. C. orationem de S. Spiritu subungebat.

Cantata Oratione, Illustrissimus ad thronum in medio Presbyterii præparatum pro-

cedebat, in eoque confidens cum mitra, Clerum sic alloquebatur:

Venerabiles & Dilectissimi Fratres &c. uti in Pontificali.

Hoc facto, Vicarius Generalis de Examinatoribus pro concursu & sacris Ordinibus his verbis proponebat:

Reverendissime in Christo Pater, Illustrissime Princeps, Domine Clementissime, moris est, ut in Synodo proponantur Examinatores pro concursu & sacris Ordinibus, placebit Celsitudini vestræ eos denominare.

Quos I. S. C. sub sequenti tenore deputabat:

In Examinatores statuimus Jodocum Frihoff, St. Theol. Doctorem, Vicarium nostrum Generalem.

Conradum Roberti, St. Theol. Doctorem, Præpositum ad S. Udalricum.

P. P. Hildebrandum Schulenberg, & Theodorum Kording, Soc. J. E. S. U. St. Theol. Doctores & Professores ordinarios.

P. Cælestinum Schulenberg, Ordinis S. Benedicti Monasterii Abdinghoffsensis, St. Theol. Lectorem.

P. Jacobum, Guardianum Conventus Paderbornensium Capucinarum, St. Theol. Lectorem.

P. P. Ivonem Ilinck & Lucam Braunhagen, Ord. S. Francisci strictioris Observantiae Conventus Paderbornensis, St. Theol. Lectores.

Lecto deinde per Secretarium Decreto de præstando Juramento, præsentibus ex Examinatoribus prænominatis cumprimis coram I. S. C. illud præstitere, de reliquis vero nunc absentibus demandabat I. S. C. Vicario Generali, eorum iusjurandum privatim suscipere.

Præmissis hæc, D. Vicarius Generalis pro ulteriore lectione Decretorum Synodaliū instabat.

Annunte illud I. S. C. Secretarius ex suggestu reliquam Statutorum partem legendo perolvebat.

Perlectis in fine subjunctis Decretis, Vicarius Generalis eos, qui mane Fidei professionem non emisissent, ut jam juxta Concil. Trid. præstarent, monebat;

Cum vero nemo esset, qui se ad præstandam Professionem sisteret, secundus Promotorum absentium contumaciam iterato accusabat.

Ad quod I. S. C. decernebat & jubeat fieri debere juxta sacrorum Canonum Constitutiones,

Tan-

Tandem ad instantiam Vicarii Generalis pro Synodi conclusione, I. S. C. eam concludendam esse decernebat, quod Decretum Secretarius ex suggestu publicabat sub hoc tenore:

*Ad laudem DEI Omnipotentis, Beatissima Virginis MARIE, S. LIBORII Episcopi & Confessoris Patroni nostri, ac aliorum nostrorum Protectorum decernimus Synodum dimissam, ac propterea cuique eundem esse ad proprias Ecclesias. Hortamur autem vos omnes Fratres charissimi, ut oretis sedulo pro vita Reverendissimi & Illustrissimi Principis ac Domini, Domini HERMANNI WERNERI Episcopi Paderbornensis, Domini nostri clementissimi, ut sint dies ejus sicut dies cali super terram, & ut det Dominus virtutem nobis & illuminet oculos nostros, ut vivamus sub umbra Illustrissimæ Celsitudinis suæ, & serviamus ei multis diebus, & inveniamus gratiam in conspectu ejus. Deinde regamus & monemus omnes in Domino, ut tales vos præbeatis in ministerio vestro, quales maxime decet Sacerdotes ab omni munda-
norum cura segregatos; illudque maxime, cum ad propria redieritis, præstandum erit, ut populus omnis vos ab hac Synodo non medio-
crem fructum reportasse intelligat: quod fiet, si novo Spiritus Sancti lumine illustrati, quæ magna Synodorum est vis & virtus, cæteris in omni opere vestro in posterum præluere stu-
deritis, & in omni parte officii vestri om-
nem diligentiam adhibueritis, quod omnibus nobis præstare dignetur Sanctissima Trinitas, Pater, Filius, & Spiritus Sanctus, Amen.*

Publicato hoc Decreto, tam majoris, quam aliarum Ecclesiarum campanæ in signum fiendæ Synodi insonabant, & Processio fiebat per ambitum seu porticum, eo Cleri ordine, quo I. S. C. maneat Templum deducta fuerat.

Durante hac per porticum & Ecclesiæ navim Processione, a Cantoribus Psalmi: *Benedicite, Laudate Dominum de cælis &c.* cum cantico *Benedictus &c.* per Choros decantabantur.

His finitis, & omnibus in choro suis ordine & loco rursus collocatis, I. S. C. ante Altare majus mitra deposita incipiebat Hymnum: *Te Deum laudamus &c.* qui per Tubicines Musicos & Chorum alternabatur.

Hymno completo, I. S. C. ex Pontifi-
cali subungebat Orationem: *Nulla est Do-
mine &c.*

Dicta Oratione, Diaconus ad Clerum versus cantabat: *Orate*, cum sex Orationibus impressis, & post singulas I. S. C. cum Clero orabat.

Cantatis illis, ab eodem Diacono I. S. C. ad populum cum mitra conversâ fiebant acclamationes pariter impressæ, Choro & omnibus Clericis respondentibus.

Post hæc I. S. C. in faldistorio in plano Altaris posito cum mitra confidens, omnes & singulos ad Pacis osculum eo ordine, quo ad Fidei professionem admittebat.

Quo factò, & postquam secundus Promotorum me Notarium pro conficiendò Instrumento iterum requisiverat, Secretarius ex suggestu Festa mobilia ex Pontificali mutandis mutatis publicabat.

Quibus promulgatis, & data ab I. S. C. cum mitra ante Altare stante, solemnî Benedictione, publicatisque per Vicarium Generalem Indulgentiis, Diaconus ad Clerum versus cantabat: *Recedamus in Pace &c.* cui præsentibus respondebant: *In nomine Christi &c.*

Et sic finis impositus est Synodali conventioni, recedentibus omnibus, qui vene-
rant, Reverendissimis DD. Canonicis Cathedralis Ecclesiæ I. S. C. ad fores usque deducentibus & Reverendissimis DD. Assisten-
tibus ad Residentiæ domum comitantibus.

Et quia Ego GEORGIUS HOLTMEYER auctoritate Apostolica Notarius publi-
cus, Cathedralis Ecclesiæ Paderbornen-
sis Beneficiarius, a supra memorato Re-
verendissimo & Illustrissimo Domino
Præside in Actuarius deputatus, om-
nibus & singulis præinsertis Actis &
Actuatis interfui, idcirco præscripta
Acta Synodalia in fidem eorundem præ-
via debita requisitione, propria manu
subscripsi. Acta sunt hæc anno a par-
tu Virgineo Millesimo, sexcentesimo,
octuagesimo octavo, Indictione unde-
cima, Pontificatus S. D. N. Domini
INNOCENTII Papæ Undecimi, an-
no duodecimo, diebus, mense & loco,
quibus supra, præsentibus Adm. Reve-
rendis & Doctissimis DD. ROBERTO
DESROSEAUX & JOANNE SCHULTEN,
Reverendissimæ Celsitudinis suæ Ca-
pellanis, Aulicis Testibus fide dignis
specialiter rogatis.

GEORGIUS HOLTMEYER,
Auct. Apostol. Not. publ. mpp.

DE-

DECRETA & CONSTITUTIONES

SYNODI.

HERMANNUS WERNERUS, DEI ET APOSTOLICÆ

Sedis gratia Episcopus Paderbornensis, S. R. I. Princeps, Comes Pyrmontanus, & Cathedralis Ecclesiæ Hildesienfis Præpositus &c. Universis & singulis Abbatibus, Præpositis, Decanis, Abbatissis, Prioribus, Archidiaconis, Capitulis, Conventibus, Cathedralis & Collegiatarum, Regularium & Secularium, Parochialiumque Ecclesiarum Rectoribus, totique Clero, Clericis, Notariis & Tabellionibus publicis quibuscunque per Civitatem & Diocesim nostram Paderbornensem ubilibet constitutis, Salutem in Domino sempiternam.

Cum bodierna die intermissam multis annis Synodum Diocesanam juxta obligationem nostram, ad gloriam Omnipotentis DEI, Beatissime Virginis Matris MARIÆ, nec non Sanctorum LIBORII & KYLLANI bonorem resumserimus, speramus fore, ut om-

nes ex hoc sacro Cætu lumen & Spiritum ad officia nostra debite peragenda reportemus, eum in finem sequentes Ordinationes & Decreta de Venerabilis Capituli nostri assensu ab omnibus impofterum observanda serio præcipimus.

INDEX TITULORUM SYNODI.

PARTIS PRIMÆ.

- TIT. I. De Fide Catholica.
- II. De Professione Fidei.
- III. De Prædicatione Verbi Divini.
- IV. De Catechesi.
- V. De Scholis.
- VI. De Officio Divino.
- VII. De Processionibus.
- VIII. De Templis.
- IX. De Altaribus.
- X. De Reliquiis Sanctorum.
- XI. De Imaginibus Sanctorum.
- XII. De Festis.
- XIII. De Jejunio.
- XIV. De Superstitione.
- XV. De Exorcismis.

PARTIS SECUNDÆ.

- TIT. I. De Sacramentis in genere.
- II. De Baptismo.

- III. De Confirmatione.
- IV. De Sacramento Ss. Eucharistiæ.
- V. De Sacrificio Missæ.
- VI. De Sacramento Penitentia.
- VII. De Casibus reservatis.
- VIII. De Extrema Unctione.
- IX. De Ordine.
- X. De Matrimonio & Sponsalibus.

PARTIS TERTIÆ.

- TIT. I. De Prælatiis, Dignitatibus, Archidiaconis & Canonicis Cathedralis & Collegiatarum Ecclesiarum.
- II. De Pastoribus, Vice Pastoribus & Sacellanis.
- III. De vita & honestate Clericorum.
- IV. De vitando Concubinato.
- V. De Testamentis & eorum Executione.
- VI. De Regularibus.

CONSTITUTIONUM

ET

DECRETORUM SYNODALIIUM
DIOECESIS PADERBORNENSIS

PARS PRIMÆ.

TITULUS I.

De Fide Catholica.

- I. **Q**uo ad salutem magis necessaria impossibile est placere Deo. Hebr. II.
est Fides Catholica, sine qua Eo majore cura & solitudine attendendum

dendum universo gregi nostro, ut ante omnia integre, inviolabiliterque hanc fidem teneat, ab omni alieni dogmatis vel potius erroris contagione præservetur, & si quæ oves aberrant, ad ovile Ecclesiæ reducantur.

II. Idcirco Exercitium A catholicum sive privatum, sive publicum, insistendo Prædecessorum nostrorum vestigiis, nullatenus tolerare volumus in hac nostra Dicecesi, mandantes serio Pastoribus sedulam attentionem & vigilantiam, ut, si qui Prædicantes aut Ministri A catholici irreperant, & vineam Domini demoliri conarentur, contra ejusmodi, ope Magistratus sæcularis sibi præsto futura utantur, Nobisque quamprimum denuncient.

III. Quamvis Germaniæ status non ferat, ut veteres Canones de vitando hæreticorum commercio observentur, nihilominus A catholicorum Prædicantium conciones audire, aut exercitiis eorumdem sectæ interesse prohibemus, cum id vel veram simulationem sapiat, vel inde grave perversionis periculum immineat.

IV. Dolendum valde, quod parentes aliqui propriæ & filiorum salutis immemores, filios suos spe lucris, opificii aut mercaturæ causâ ad loca A catholica mittant, ubi tales subinde sedem figunt, & fidem, pro dolor, deserunt, moneant Parochi serio ejusmodi parentes, ne cum periculo animæ & suæ & filiorum temporale commodum quærant.

V. Sub pœna confiscationis librorum & gravis arbitrariæ multæ Typographis & Bibliopolis mandamus, ne ullos libros imprimant, imprimere curent, nisi prius a Vicario nostro approbatos, aut in hac Dicecesi libros prohibitos aliunde importatos distrabant.

TITULUS II.

De Professione Fidei.

I.

Non satis est ad salutem, interius credere, sed præterea necesse fidem exterius profiteri: corde enim creditur ad justitiam, ore autem con-

fessio fit ad salutem; hinc Propheta Regius: credidi, propter quod locutus sum.

II. Ad hujusmodi professionem animo omnes prompti esse debemus: actu autem & re ipsa edent, quotquot in Dicecesi nostra ad dignitates, Canonicatus in Cathedrali & Collegiatis Ecclesiis, ad Beneficia curata & quæcunque alia promoventur, superiores Regulares, qui ad Doctoratum, Licentiam & alios gradus Academicos aspirant, Lectores, Confessarii, Concionatores, Magistratus, Medici, Ludimagistri, obitricæ, & quicunque Catholicæ Ecclesiæ reconciliari cupiunt.

III. Ex his provisi de dignitatibus, quarum confirmatio ad Nos spectat, & de curatis Beneficiis coram Nobis, aut Vicario nostro Generali, aut Archi-Diaconis, ubi eisdem jus investituræ competit; de aliis dignitatibus & Canonicatibus, Beneficiis, Vicariis in Cathedrali, & Collegiatis in manibus Decani & Capituli ejusdem Ecclesiæ, Regulares coram suis Superioribus, Ludimagistri autem, & obitricæ ex commissione Archi-Diaconorum coram Parochis.

IV. Facienda autem erit professio in Templo, Capitulo, aut alio loco decenti super Altari, vel mensâ cum imagine Sanctissimi Crucifixi, Missali vel libro Evangeliorum aperto, cereis duobus accensis & præsentibus aliquot testibus; Recipiens professionem sit indutus stola, & superpelliceo in sede collocatus, legentem diligenter audiat, aut si legere non possit, distincte prælegat, & factam professionem notet.

V. Et si Professio fidei non semper obliget, nunquam tamen, aut veram negare fidem, aut simulare alienam licitum, unde meminerint, & moneantur Catholici, dum A catholicorum terras peragant, præcepta Ecclesiæ de observantia juniorum non violare.

TITULUS III.

De Prædicatione verbi Divini.

I.

UT verbi Dei prædicatione, quod est vitæ spiritualis pabulum, fidei principium, bonorum operum fundamentum, incrementum accipiat; & uberiores in singulos dies penitentiae fructus in fidei populo ferat, statuimus:

II. Ut Concionatores gravitatem peccatorum poenarumque inde provenientium describant, virtutis amorem omnibus instillent, præcepta Dei & Ecclesiæ modumque ea servandi proponant.

III. Abstineat Concinator, ostendendæ doctrinæ vel eloquentiæ causa ab inanibus & difficilibus, captumque auditorum superantibus, & ad fidei ædificationem minus pertinentibus quæstionibus, unde sui ipsius potius, quam JESU CHRISTI Prædicator esse videatur.

IV. Ne auditoribus tædium creetur, Concinator dictione sua mediam horam, aut tres quadrantes non excedat.

V. Nemo aniles fabulas, nemo scommata, nemò sales ac jocos, nemo incertas atque apocryphas historias, aut suspecta jure miracula pro suggestu recenseat.

VI. Cum per scommata & convitia A catholicorum animi magis exasperentur, ab iis Concionatores abstinere, contra verò dogma aliquod Catholicum frequenter solidis argumentis confirmare, contrariumque errorem nervosè refutare mandamus.

TITULUS IV.

De Catechesi.

I.

A Proba puerorum atque adolescentum informatione non privata tantum familiarum paucarum, sed publica etiam & communis Reipublicæ totius salus, atque Ecclesiæ integritas dependet, quam ob rem necessarium plane est, ut omnes a teneris,

atque ab adolescentia portent jugum Domini in pietate & bonis moribus, ac literis instruantur, ut una cum pietate ac Religione honestas conjuncta ab incunabulis imbibatur. Quocirca Parochi omnes tradendæ Christianæ doctrinæ, & explicandi Catechismi studium sibi habeant cordi ac curæ, cogitentque se tanquam bonos optimi Patrisfamilias Ministros multo diligentior operam spargendæ in novati Domini agro Catholicæ Religionis sementi impendere velle, quam inimicus homo in superfeminandis zizaniis (quæ evelli deinde ægerime queant) collocet.

II. Singulis itaque diebus Dominicis elementa Religionis Catholicæ juxta methodum Catechismi Romani perspicue explanent pueris Parochi, vel per se, vel per alios ad functionem hanc idoneos tempore pomeridiano sub horam duodecimam vel primam, idque in oppidis & pagis observari jubemus.

III. Atque, ut rudis pueritia ad piam exercitationem animeretur, affluatque copiosius, lingua vernacula per breves & concisas quæstiunculas suaviter atque humaniter Fidei rudimenta, hoc est ea, quæ ad fidem, spem & charitatem, Sacramenta & Officia justitiæ Christianæ pertinent, continentur Oratione Dominica, Salutatione Angelica, Præceptis Dei & Ecclesiæ, virtutum studio, vitiorum fuga, exponant, diligentioribusque munuscula donent.

IV. Pastores, Concionatores & Catechistæ invitent, & alliciant etiam juvenes ac seniores ad Catechismum audiendum, cum hi sæpe numero magis quam pueri Catechetica indigeant instructione. Supinam insuper parentum in educandis proliis socordiam sæpe castigant, cum experientia constet, multos mortalium majorem peccoris sui, quam prolis, aut sui ipsius rationem habere: unde, quod deplorandum est, complures astu, & suasu diaboli ad veneficia & magicas artes seducuntur. Efficaciter proinde parentibus & Patribusfamilias tam privatim, quam publicè in concionibus inculcent,

culcent, ipsos sub pœna gravis peccati obligari ad rudes suos liberos, & domesticos doctrina Christiana imbuedos, illosque identidem intentatis etiam pœnis admoneant, ut liberos suos juiores, & seniores famulos, & ancillas ad Divina Officia & Catechismum diligenter mittant.

V. Publicent quoque, nullos prorsus ad Sacram Eucharistiam percipiendam, vel Matrimonium ineundum deinceps admittendos, nisi Romano-Catholicæ fidei principiis satis instructos: sic enim futurum confidimus, ut non solum pueri, sed etiam adulti & senes ad institutum hoc sanctissimum cum uberrimo animarum fructu frequentius convolent.

VI. Nequi vero sint, sive parentum sive liberorum, qui tam salutare opus negligant, aut contemnant, visitentur familiæ singulorum Parochianorum a Pastore cujuscunque loci, & catalogus conficiatur puerorum, & puellarum, famulorumque & ancillarum cujuscunque familiæ, quos absentes facile cognosci & puniri possint.

VII. Diversitas libellorum doctrinæ Christianæ, seu Catechismi magnam in discendo & docendo parit difficultatem, ideoque mandat hæc Synodus, ut Parochi, alique omnes, ad quos spectat unum & eundem modum in docendo & discendo doctrinam Christianam ubique teneant, tenerique faciãnt.

VIII. Durante lectione Catechetica, cessabunt omnes lusus mundani, saltus, clamores & occupationes, ac porationes, illicitumque erit omnibus, Tabernariis ulli, quam itinerantibus, tabernam aperire & potum præbere.

TITULUS V.

De Scholis.

I.

IN oppidis & pagis parochiales Scholæ, si collapsæ sint, restituantur, si conservatæ, colantur, & augeantur, sed præter Parochiales non admittantur multæ, nullæ autem omnino de

Tomus X. Concilior. German.

novo instituantur, nisi de consensu Episcopi, seu Vicarii.

II. Scholis tantum præficiantur Præceptores probi & examinati, ac qui fidei Catholicæ secundum præscriptum Concilii Tridentini integram professionem fecerint, in Institutione sequantur antiquam & probatam formam, ac juventutem sibi concreditam omnium primo Orationem Dominicam, Salutationem Angelicam, Symbolum Fidei, decalogum & formulam confessionis, si nesciant, lingua vernacula edoceant.

III. Ad petulantiam cohibendam in omnibus Parochiis masculi a puellis, quantum fieri potest, seorsim instituantur, atque puellis una aut altera honesta matrona præficiatur.

IV. Ex bona educatione ac institutione juventutis pender pro magna parte salus totius Republicæ; quapropter ubicunque Scholæ adhuc requiruntur, deliberandum cum Magistratibus & Præfectis locorum, ut ea mox erigantur, simulque rationem ineant, ipsis Ludimagistris de annuis stipendiis providendi.

V. Pastores tam e suggestu, quam privatim parentes frequenter admoneant, ut ad Scholas pueros suos mittant, & si negligentes reperiantur, ad id per Magistratus & Præfectos locorum sine conniventia compellantur.

VI. Scholæ omnes ab iis, quibus id oneris incumbit, aut aliis ad id ab Ordinario deputatis crebro serioque visitentur.

VII. Nec ulli omnino libri in iis prælegantur, qui turpe aut obicænum quid contineant, quique a Nobis approbati non sint.

VIII. Insuper hortatur hæc Synodus, ut in Scholis latinis doceatur cantus Gregorianus.

IX. Nec non, ut Ludimagistri & Ludimagistræ Scholarum, linguæ vernaculæ juventutem suam statim diebus ad lectionem Catechetica, diebus vero Dominicis & Festivis ad Missam Parochialem deducant, eosque ibidem in officio contineant.

X. Scholæ sint in loco aliquo commo-

R

modo

modo juxta Templum, ut tam Præceptores, quam discipuli frequentissime a Pastoribus aliisque observari, & in Religionis nostræ initiis commodius exerceri possint.

XI. Ludimagistri & Ludimagistræ constituantur a Pastore, Magistratu & primariis Parochiæ incolis, cum consensu tamen & approbatione Archidiaconorum, sine quorum consensu etiam non destituantur.

XII. Habeant autem rationem Ludimagistri, ut teneretis in pietate & morum modestia instituantur, ipsique Magistri bono vitæ suæ exemplo discipulos ad virtutem provocent, & ab omni tabernarum frequentatione aliisque levitatibus abstineant.

TITULUS VI.

De Officio Divino.

I.

CUM in Officio Divino negotium Nobis sit cum Deo ipso, qui Rex Regum est, & Dominus Dominantium; hinc est, quod quæcunque Sacrosanctum Concilium Tridentinum statuit, & ordinavit de Officio Divino debite peragendo, illa omnia hæc Synodus mandet stricte observari.

II. Ante omnia Divinum Officium fiat statim horis tractum, integre, distincte, devote & reverenter per eos, ad quos spectat, observato tamen discrimine dierum solemnium a ferialibus.

III. Nemo sub Officio Divino profanum quidpiam, aut ab instituto alienum legat.

IV. Deambulationes quoque, nec non profana colloquia tempore Divini Officii vetita sint.

V. Proclamationes forenses & denunciationes quarumcunque venditionum, vel rerum venalium etiam in Templo fieri solitæ, deinceps non fiant, nisi extra Templum, & Officio Divino prorsus absolutæ: tempore quo Divinum Officium peragitur, tabernæ non nisi pro viatoribus aperiantur, neque aliquod genus ludi publice aut privatim instituantur.

VI. Sub cultu Divino a fabulis, risibus & aliis insolentis omnino abstinetur.

VII. Parochi summa diligentia curent, ut Officium Divinum debito tempore peragatur, ad concionem diebus Dominicalibus & Festivis habendam implorata prævie ope Spiritus Sancti, lectione librorum & meditatione diligenti sese disponant, ut auditores fructum ex auditione verbi Divini reportent.

TITULUS VII.

De Processionibus.

I.

CUM Episcopi Diocesani sit indicere, quando & qua via tam ordinariæ, quam extraordinariæ processionibus institui, dirigi, quasve ad Ecclesias nominatim perducere debeant: Laicis autem quibuscunque etiam jure civili processionibus publicas sine Ordinarii Diocesani licentiæ, & consensu imperare sit interdictum. Nos Sanctionibus Apostolicis, & Sacræ Congregationis Cardinalium declarationibus inherentes, omnibus & singulis Civitatibus & Diocesis nostræ Abbatibus, Præpositis, Archidiaconis, Pastoribus, Vice-Pastoribus, & quorumcunque Ordinum & Institutorum Prioribus, Guardianis, Rectoribus, & aliis quovis nomine nuncupatis Ecclesiarum Superioribus, etiam quovis exemptionis a Diocesana Jurisdictione privilegio munitis severissimis sub poenis arbitrio nostro etiam tanquam Sedis Apostolicæ Delegati imponendis, prohibemus, ne illorum quisquam ullam prorsus processionem, supplicationem vel stationem in quacunque Diocesis nostræ urbē, oppido, pago vel agro extra suæ Ecclesiæ seu Monasterii septa, foris, minus pereginationem cum processione, seu processione cum pereginatione unquam & usquam sine expressa nostra, nostrive Vicarii in Spiritualibus Generalis licentiæ, indicere, instituere, dirigere, deducere seu obire audeat.

II. Omnes tamen prædicti quantumvis exempti, tam Clerici sæcula-

res

res in Civitate, vel Diocesi nostra, qui Beneficiis, seu Officiis Ecclesiasticis gaudent, quam Regulares quicunque ad publicas processiones ordinarias vel extraordinarias ex quacunque causa ordinaria nostra auctoritate indictas vocati accedere debent, & contumaces pœnis arbitrariis, aliisque juris remediis puniri possunt, iis tamen exceptis, quos Sedes Apostolica excipit.

III. Cæterum constat, quod processiones per agros & campos peraguntur, ut populus Deum oret, quatenus segetes ac fruges terræ ab eo conserventur, verum ut alia plurima ita & hic mos hominum malicia depravatus est, quod per occasionem talis deambulationis, quæ Deo placando erat instituta, pleraque scelera committantur, quamobrem omnes & singulos Parochos, Vice-parochos & Ecclesiarum Superiores serio admonemus, ne vel minima ullis commensationibus, potationibus, aliisque lasciviis & insolentis licentia relinquatur, & sicubi abusus tam altas radices egerunt, ut ager Dominicus non videatur repurgari posse, ad Nos, nostrumve Vicarium recurrant, ut opportunis remediis ejusmodi abusus tollantur.

IV. Sanctissimum utique Eucharistiæ Sacramentum pie & utiliter ad populi pietatem interdum in publicis processionibus ac supplicationibus, potissimum vero in Festo Sanctissimi Corporis CHRISTI, & per ejus Octavam deferretur, sed ne nimia frequentia debitam tanto Sacramento minuat reverentiam, rarius extra prædicta tempora id fiat, & non nisi in arduis causis de licentia & consensu nostro, nostrive Vicarii in Spiritualibus Generalis.

V. Insuper ad processiones Corporis CHRISTI decorandas juxta exemplum eorum, qui ingressum Dominicum in Hierosolymitanam urbem ramis & vestibus suis oblati honorarunt, omnes viæ & plateæ, per quas Sanctissimum Eucharistiæ Sacramentum portabitur, mundentur, arboribus, ramis, frondibus, floribus, herbis odoriferis, gramine sternantur, decenter ornentur Ecclesiæ & parietes viarum tapetibus, aulæis & sacris ima-

Tomus X. Concilior. German.

ginibus, non autem profanis & variis figuris, seu indignis ornamentis: & reliqua circa processiones in Cerimoniali Episcoporum ac Rituali Romano seu Pastoralis ad usum Romanum accommodato præscripta accuratissime servantur.

VI. In processionibus incolæ obligati erunt, vias mündare, ornare, obstacula remove, inobedientes a Magistratu cogendi sunt.

VII. Deputentur item primarii aliquot viri, pro portanda umbella, sub qua Sacerdos cum Sacrosancto Eucharistiæ Sacramento processions ritu incedat. Quandocunque enim in publicis processionibus Sacrosancta Eucharistia circumfertur, id nunquam posthac nisi sub umbella fiat, quam Pastores, seu Vice-pastores in qualibet Ecclesia expensis fabricæ, vel ex fidelium oblationibus quamprimum sibi comparent.

VIII. Quæ de processionibus, supplicationibus & stationibus a Nobis decreta sunt, ea tanto religiosius ab Ecclesiasticis personis omnibus sive secularibus, sive Regularibus observentur, quanto reliquis Christianæ vitæ sanctioris professione altius eminent, ut in eos, tanquam in speculum, Laici oculos coniciant, ex iisque fumant modestiæ ac pietatis exemplum, quod imitentur.

IX. Quamobrem dum processiones cum Sanctissimo Sacramento, vel Sacris Reliquiis, & Imaginibus deportatis habentur, nemo adulatorum, qui hujusmodi processionibus interfunt, commestioni aut potui vacet antequam, peracta cum timore Dei plisque precibus processione, singuli ad domos suas revertantur, ac ne tum quidem commestationibus & symposiis indulgeant, sed cibum parce cum gratiarum actione sumant, ne gratia Divina, quam in sacris processionibus ambiunt homines, spolientur.

X. Curent quoque Magistratum sacularem imminente processions, vel supplicationis die tempestive pramoneri, si qua in re officium ejus desideretur, vel ad cohibendam, vel coercendam impiorum insolentiam, vel ad

R 2.

impe-

impediendum, ne in via, qua procedendum erit, esculenta aut poculenta, quasi nundinarum & mercatus tempore, exponantur & vendantur, vel ad removenda quæcunque alia, quæ ad excitandam veram pietatem nihil faciunt, sed potius ad vanitates animos relaxant, & a sanctis cogitationibus avocant.

XI. Quibuscunque malis moribus, abusibus & corruptelis in processionibus, supplicationibus & stationibus exoriri solitis, pro officii nostri debito mederi cupientes, omnibus ac singulis Civitatis ac Diocesis nostræ Pastoribus, Vice pastoribus, & verbi Dei Præconibus, tam sæcularibus, quam Regularibus districte præcipimus, ut Dominico die Festum S. Marci ac triduum Rogationum, quo statæ processiones majores & minores Litanias decantando juxta pium & laudabilem Ecclesiæ morem servari consueverunt, nec non Festum Corporis CHRISTI, & aliud, quo habenda erit solennis processio, supplicatio seu statio, ipsum processionis, supplicationis seu stationis diem proxime antecedente, causam processionis, supplicationis vel stationis ejusmodi populo discrete exponant, erroresque & abusus in ea cavendos graviter inculcent, nec non serio exhortentur Christi fideles, ut omnes ad proficiendam fidem suam, ad celebranda Crucis Christi Mysteria, ad honorandum nomen Dei, & ad precandum pro necessitatibus Ecclesiæ, Reipublicæque conservatione magna pietate, animorumque concordia sub vexillo Crucis Christi convenient, atque nominatim ab abusibus & vitiis in his nostris Decretis & Constitutionibus damnatis, a cursu, fabulis, risu, jocis ac quavis alia levitate a reverentia & Religione aliena sibi temperent, sed potius piis orationibus, Litaniarum, aliarumque precum cantui & recitationi, & Mysteriorum, quæ in processionibus, supplicationibus & stationibus peraguntur, meditationi intenti ex profundo intimoque corde Divinam implorent misericordiam, ut nemini dantes ullam offensionem vituperationibus obloquentium non sint obnoxii.

XII. Omnibus Pastoribus, Vice Pastoribus, Concionatoribus & Catechistis, aliisque processionum ac supplicationum Præfectis & Moderatoribus serio mandamus, ut populum & supplicantium cœterum admoncant, quod licet per eas Ecclesias, in quibus Divina decantantur, processionis aut supplicationis ritu cum silentio, modestiaque sine cantu & strepitu transire, ibique preces fundere possint, si tamen in eisdem concio, Catechesis vel exhortatio alia habeantur, quoad fieri potest, ab earum ingressu abstineant.

XIII. Cum porro Ecclesiæ Catholice decus non solum in processionibus, supplicationibus & stationibus rite & recte, ac secundum ordinem superius a Nobis præscriptum adornatis, verum etiam respondentibus his Officiis Divinis, atque Ecclesiasticis functionibus maxime eluceat, earumque gravi actione populi pietas foveatur augeaturque; ideo quæcunque his contraria, nugæ, levitates & abusus, si quæ quovis nomine in ullam Civitatis & Diocesis nostræ Ecclesiam irrepsérunt, abolemus.

TITULUS VIII.

De Templis.

I.

Cum Ecclesiæ Divino cultui dicatæ domus dicantur orationis, easque propterea omnis Sanctitas deceat atque reverentia, merito de ipsis quoque tanquam loco earum propria, recta & sancta ordinamus.

II. Notum est, non exiguo ad devotionem incitamento esse, si domus Dei munda conservetur, Altariaque pro diversitate temporum rite exornentur, omnibus itaque serio præcipimus, ut non tam propriæ habitationis, quam Templi curam gerant, omni possibili modo ornatum illius quærant, ut Parochiani exteriore munditiæ & ornatu ad puritatem internam, majoremque devotionem magis magisque alliciantur.

III. In omnibus Ecclesiis ad minus summum Altare adaptetur, idque sic,

fic, ut lapis unus solidus regat superne totum Altare, quod si fieri nequeat, ponatur ut minimum lapis bipedalis in quadro, qui medium Altaris supra eum locum, in quo Reliquiæ Sancto- rum reconduntur, tegat, ponaturque semper imago Christi Crucifixi in Altaris medio, sitque super illud tabula aliqua sacra pie depicta.

IV. Non extruantur plura Altaria, quam commodè adornari possint, nec plura, quam tria in quolibet Parochiali rurali Templo sine nostra auctoritate ædificentur.

V. Tamen si propter hostiles incursus, repentina incendia, aliosque casus inopinatos ad Ecclesias cum rebus suis confugere, non sit illicitum: ut nihilominus Ecclesiæ non solum nomine, sed vere domus Dei & Orationis censeantur, minime eas suppellectili profana sic impleri volumus, ut domus potius secularium, quam Dei Basilicæ faciem referant.

VI. Non parum irreverentiæ sacris locis ex eo accidere potest, quod quibusdam in locis per totum diem aperta relinquantur, & hoc pacto non solum furum direptionibus, sed etiam variis profanationum periculis exponantur, quod ne deinceps contingat, Pastoribus Ecclesiarum in pagis constitutarum præcipimus, ut extra tempus Divini Officii easdem clausas habeant.

VII. Sicut non aliis, quam Deo sacris Sacerdotibus Missas cantare aut Sacrificium in Altari licet immolare, sic nec in aliis, quam Divino cultui dicatis locis, eadem facere fas est, nisi quis ad hoc speciali privilegio, aut Apostolico, aut nostro munitus fuerit, aut summa necessitas exegerit.

VIII. Hinc etiam si cuilibet domus suæ liceat habere privatum orationis causâ Oratorium, dummodo in ea campana publice exposita non pulsetur, non tamen ad Sacrificium Missæ faciendum, nisi sit ad Divinum tantummodo cultum dedicatum, & Episcopali nostra auctoritate designatum. Alias si quis in Oratoriis intra privatos parietes constituit, absque Summi Pontificis, nostræ consensu celebraret, gravi pœna punietur.

IX. Quemadmodum ad offerendum Missæ Sacrificium necessario requiritur Altare lapideum ab Episcopo consecratum; ita nullum Altare consecratum absque legitima causâ & expressâ nostra licentia, nec nisi certis precibus ac cæremoniis adhibitis destrui debet, quas hic pro maiore cuiusvis notitia sibi subungere.

In Civitate igitur aut Diœcesi nostra Paderbornensi, obtenta prius a Nobis facultate, Superior Ecclesiæ, in qua Altare aliquod destruendum est, seu alius ad hoc Episcopali nostra auctoritate deputatus Sacerdos, superpelliceo & stola indutus, convocatis etiam aliis Sacerdotibus, seu viris Religiosis paulisper genuflexus ante Altare destruendum accensis super columnibus, submissâ voce Orationem Dominicam, ac Salutationem Angelicam dicat. Dein a Choro cantetur seu legatur Antiphona vel Responsorium de Sancto, cuius nomini Altare illud dicatum est. Quo finito, Superior seu Sacerdos prædictus adjiciat alta voce Versiculum, & Orationem de eodem Sancto, Choro semper respondente. Postea ex omni parte Altare destruendum detegatur, lapis superior sive mensa consecrata sine læsione amoveatur, eam idem Superior vel Sacerdos manibus suis lavet, abstergat linteo & aquam, qua lapidem eluit, in sacrarium effundat.

Amoto lapide dictus Superior seu Sacerdos diligenter religioseque perspiciat, num sacræ Reliquiæ sint inclusæ, quas inventas præmissis thuris incensi suffitu, debita cum reverentia extrahet, & certo honestoque loculo seu arcæ includet, quam sigillo muniet, reliquis omnibus, quæ sequentibus Paragraphis præscribuntur, rite servatis, nempe adhibitis luminibus Altaris reconditorium seu sepulchrum, quò sacræ Reliquiæ conditæ sunt, aperiat, & si quis locus seu capsula cum sacris Reliquiis in eo reperitur, ipse Superior seu Sacerdos stans imponat & benedicat thus acerræ seu thuribulo, quo e Ministri manibus accepto thurificet triplici ductu Reliquias inclusas, quibus expletis, præcinat Choro seu Ministris prosequentibus Responso-
rium:

rium: *Surgite Sancti DEI de mansionibus vestris, loca sanctificate, plebem benedicite, & nos homines peccatores in pace custodite.* Vers. *Ambulate Sancti DEI in locum prædestinatum, qui vobis paratus est.* Et nos &c.

Postea tam obsignata arcæ sigillum, quam ipsæ sacræ Reliquiæ cum scedulis ac scriptis ibidem inventis diligentissime discutiantur & recognoscantur, ipsaque arcula seu theca sigillo ejusdem Superioris vel Sacerdotis deputati obsignetur, addito eidem arculæ etiam Vice-Superioris seu Sacerdotis manu scripto testimonio & duorum testium virorum Ecclesiasticorum, quod istæ Reliquiæ N. SS. N. die, N. mense, N. anno, in Altari N. nostra licentia destructo, fuerint inventæ, ac deinceps pro veris Reliquiis haberi & alteri Altari proxime consecrando possint inseri.

Ad hæc Superior, seu Sacerdos prædictus præcedentibus luminibus, supplicationis ritu, sacras Reliquias ad sacrarium, vel vestiarium, seu alium decentem ac tutum locum deportet, præcinatque Choro, seu Ministris prosequentibus Antiphonam: *Exultabunt Sancti in gloria, letabuntur in cubilibus suis,* Psalm. 149. *Cantate Domini canticum novum, laus ejus &c.* Psalm. 150. *Laudate Dominum in Sanctis ejus &c.* Et non dicitur *Gloria Patri &c.* sed *Antiphona* repetitur.

Cumque pervenerit ad ipsum Sacrarium seu locum præstitutum, deponat eas cum reverentia super mensam aliquam seu tabulam honeste ibidem paratam, luminibus juxta illas ardentibus collocatis & Superior, sive Sacerdos, stans versus sacras Reliquias dicat Versum: *Letamini in Domino & exultate Justi.* Resp. *Et gloriamini omnes recti corde.* Oremus. *Letetur Ecclesia tua Deus omnium & bonum Sanctorum tuorum confissa suffragiis atque eorum precibus gloriosis, & devota permanent, & secunda consistat, per Christum Dominum nostrum.* Resp. *Amen.*

Interea temporis ab operariis reliqua pars Altaris amoveatur. Verum cum res Deo semel consecrata, oleoque sancto & ritu sacro delibuta, in profanum usum & opera transferri nequeat, idcirco severe prohibemus, ne lapi-

des, cæmenta, aliæque cujusvis consecrati Altaris destructi fragmenta in profana ædificia, seu privatos hominum usus convertantur, sed illa omnia vel alteri Altari, sive Ecclesiæ applicanda, vel in loco sacro, ad id apto, nempe in angulo quodam aræ Templi, vel etiam extra Templum in cimiterio tantisper asserventur, donec certius quid per Nos de illis faciendum discernatur. Si plura Altaria sint destruenda, idem rite fiat ad singula.

Quod si Ecclesia aliqua seu Capella destruenda sit, præhabita quoque prius a Nobis licentia, si quæ sacræ Reliquiæ corporave Sanctorum in ea recondita sint, aliquot ante ipsius destructionem diebus diligenter recognita ad aliam Ecclesiam a Nobis constitutam præscripto ritu transferantur, convocato etiam ad hujusmodi translationem (si Corpora sint seu insignes Reliquiæ) Clero vicino & populo. Sacræ item imagines eodem transferantur, ac dein Ecclesiæ seu Capellæ Altaria adhibitis accuratissime omnibus precibus, ritibus & cæremoniis, quæ antecedentibus Paragraphis præscribuntur, amoveantur. In loco autem destructæ Ecclesiæ Crux ad memoriam erigenda est.

X. Nemini porro liberum est, in locis Episcopali nostræ ordinariæ jurisdictioni subiectis, absque consensu nostro, nostrive Vicarii in Pontificalibus Generalis (si quis pro tempore existat) Ecclesiam novam construere, quin in loco ædificandæ Ecclesiæ per se vel alium crucem figat, atrium publice designet, lapidemque primarium juxta Pontificalis seu ritualis Romani normam ponat, & ab eo, qui Ecclesiam exstruere intendit, prius constituta dote pro luminaribus & Ministris Ecclesiæ, atque oneribus aliis persolvendis exigat, & assignari curet.

TITULUS IX.

De Altaribus.

I.

Altarium mobilium usus aliquantulum ad populi commoditatem permixtus est; sed ne, quod ad tempus

ex causa nunc per Dei clementiam cessante contra canonicas Sanctiones indultum est, violata Sacrificii reverentia in corruptelam degeneret, præcipimus omnibus, quibus interest, ut sicubi Altaria sint violata vel profanata, ea quamprimum fieri poterit, instaurantur, & sacris usibus Pontificali consecratione restituantur, Altarium mobilium usui penitus interdicto. Noverint quoque Sacerdotes omnes, si quibus ex urgenti aliqua necessitate, vel bellorum calamitate Altarium portarium usus deinceps a Nobis, nostrorum in Spiritualibus Vicario Generali erit permittendus, ea debere esse tantæ magnitudinis, ut hostiam & calicem commodè contineant, cum Sacri Canonès statuunt Sacramentum Corporis & Sanguinis Domini nostri JESU CHRISTI, non nisi in Altari lapideo debere confici; Hinc si quæ ejus magnitudinis non sint, eorum usum penitus prohibemus: attendant vero singuli Sacerdotes, quibus in Altaribus consecrent, ne, dum se putant in lapideis facere, in appositis lapidi Altaris ascribunt sacrificium, ideo remota mappa lapidem inspiciant, ut norint, quo loco calix & patena sit collocanda.

II. Observandum diligenter sacrum Ritum Congregationis insertum Romano Missali Decretum, paramenta non debent sumi de Altari pro celebratione Missarum, cum id comperat tantum Episcopis, sive solenniter, sive privatim celebrent. Inferioribus vero habentibus usum Pontificalium, non nisi quando in Pontificalibus celebrant. Quamobrem volumus omnino & severissime injungimus, ut in singulis Ecclesiis Collegiatis, Parochialibus, & aliis quibuscunque (ut primum fieri poterit) Sacristia communis, sicubi nondum est erecta, constituatur: sin eam angustia loci non patiantur, in eadem Ecclesia locus alius ab Altari semotus huic usui accommodetur, in quo Sacerdotes omnes sacrificaturi, ac Diaconus & Subdiaconus in Missa ministraturi sacris se vestibus induant, & inde procedant ad Altare. Aulæis, floribus, aliisque piis & honestis ornamentis, ac frondibus templi parietes, cum seriæ solemniore postulerint,

exornentur, & cætera, quæ ad cultum & ornatum domus Dei, populi pietatem & Religionem excitandam faciunt ab Ecclesiarum Custodibus, sedulo procurentur. Interim severissime vetamus, ne quis illis ornandis peristromata, quæ vanas & turpes historias exhibent, imagines obscenas, quæ intuentium animis lascivas cogitationes ingerunt, & a loci sanctitate abhorrent, ullo modo adhibeat.

TITULUS X.

De Reliquiis Sanctorum.

I.

Reliquiæ Sanctorum in vasis honestis seu capsulis observatis, locoque honesto (non tamen in Tabernaculo Ss. Sacramenti) asserventur, nec ex iis per alium, quam Ordinarium loci, aut ab eodem ad id potestatem in scriptis habentem unquam educantur.

II. Etsi antiquæ Sanctorum Reliquiæ haberi debent in veneratione, in qua hætenus habitæ fuerunt; novæ tamen publicæ venerationi non exponantur, nisi prius a Nobis juxta præscriptum sacri Concilii Tridentini recognita, & approbata fuerint.

III. Inter novas Reliquias computandæ seu jure ipsarum censendæ sunt, quæ antiquorum quidem Sanctorum esse dicuntur, at jam recens ad Ecclesias, in quibus modo sunt, delatæ fuerunt.

IV. Porro cum non solum in propria persona sua Sancti sint honorandi, sed & in cadaveribus, aliisque exuviis suis (etenim sacra illa membra atque ossa viva quondam fuerunt Spiritus Sancti domicilia ac templa, ad quorum vel contactum, vel intuitum, vel cultum maxima Deus edidit prodigia (quod utriusque Testamenti exemplis perspicuum est) plane convenit, ut a fidelibus Christi populis honeste condantur, pretiosisque loculis religiose conserventur, ad illorum honorem & gloriam Dei, cujus Sancti nimis honorificati sunt.

V. Unde Concionatores, Parochi, cæterique, quotquot docendi munus curam-

curamque sustinent, diligentius instruant populum de Sanctorum intercessione, utilique & salutari invocatione, atque religioso sacrarum Reliquiarum cultu: fuerunt enim instrumenta sanctarum animarum ad omne opus bonum & iterum cum ipsis conjunctæ participabunt æternam beatitudinem.

VI. Nomine autem Reliquiarum intelligitur, quidquid ex Sanctorum hac vita decedentium corporibus reliquum mansit, sive sint ipsa eorum corpora seu cadavera, corporumque quælibet partes, carnes, ossa, dentes, capilli, ungues, cineres, ac pulveres, id quæ conversa fuerunt, item vestes & varia utensilia, quibus usi fuerunt, dum in terris versarentur: Vela item panni, & similia, quæ ipsos in vita sua attigerunt, vel eorum demortuorum ossibus seu corporibus admota fuerunt, ex quibus tamen illæ Reliquiæ tanto præstantiores censendæ sunt, quanto propinquius ad Sanctum spectabant: ideoque caro & ossa integra Sanctorum in æstimatione Reliquiarum præferuntur aliis rebus, quæ ad eorum corpora tantum admotæ fuerunt, pulveribus item seu cineribus, in quos converso ac magna mutatio facta est.

VII. Reliquias itidem Sanctorum diligenter in Ecclesiis adservandas esse profitentur omnes Catholici, cum nulum Altare erigi possit, in quo non aliquid earum alicujus Sancti conservetur. Quare Prælati, Rectores, alique Superiores Ecclesiarum præter externum illum decorem domus Dei & oratorium, quo Templum, Sacella, & Oratoria debent esse conspicua, diligentissime curent, ut Sanctorum Martyrum, & aliorum cum Christo viventium sancta Corpora, quæ viva fuerunt membra Christi & templum Spiritus Sancti, ab ipso ad æternam vitam suscitanda ac glorificanda, seu pretiosæ sanctorum Corporum partes & Reliquiæ quantumvis minutæ & liplana, ab omnibus sordibus ac pulveribus munda, in vasis honestis seu capsulis obfectoratis, ne facile ex thecis suis extrahi queant, atque juxta Pontificalis præscriptum rite prius benedictis, locoque decenti pie diligenterque aserventur: ne item sacrilegiis, aut furto expositæ

sint, neve vilescant, ac sine cultu jaceant, vel nimis irreligiose ab aliquibus tractentur.

VIII. Insuper ut majori in veneratione habeantur apud fidelem populum Sanctorum Reliquiæ, volumus, ut singularum inscriptiones, quatenus opus, renoveantur, & catalogus earundem, sive hæc nominatæ sint, sive non nominatæ, intra duorum mensium spatium post noticiam hujus Decreti habitam conficiantur, item ut appendantur tabellæ in singulis Ecclesiis seu Capellis, quibus declaretur, quæ & quales in unaquaque Reliquiæ judicio Episcopi Ordinarii Diocesani approbatæ conserventur. Quod, si plane certum sit, esse alicujus Sancti Reliquias, licet incertum, cujusnam in particulari, quia scedula amissa est, possunt eæ tam publice, quam privatim coli, sicut ex præxi Ecclesiarum constat.

IX. Ad majorem vero Dei & Sanctorum cum eo regnantium gloriam, nec non populi pietatem accendendam, in festis Sanctorum, quorum Reliquiæ elevatæ, ornata & decenter inclusæ sunt, easdem in Altaribus, aut aliis aptis locis exponi mandamus, sed eas populo passim ostendi, ac temere omnium oculis exponi nequaquam convenit, & quidem extra caplas seu loculos nulla ratione ad servandam majorem earum reverentiam, si tamen uti paulo ante dictum est, vel ob magnam certorum Festorum celebritatem, vel ad populi devotionem excitandam, vel ad Deum per intercessionem Sanctorum suorum, & representationem sacrorum pignorum placandum, Reliquiæ hujusmodi aut præter consuetudinem, aut pro more ostendendæ videantur, jubemus, ut non a Laicis etiam cujusvis Ordinis & dignitatis personis, sed a Clericis sacris Ordinibus initiatis superpelliceo, ac desuper pluviali, vel minimum stola pro Reliquiarum Ecclesiæ ratione indutis, solemniter cum apparatu accenso lumine, ac sine quæstu omni exhibeantur, & in ostendendis iis ea gravitas, reverentia & pietas adhibeatur, quæ fidem & Religionem Christianam præferat, & intuentium animos ad omnem pietatem & reverentiam commoveat; ostendantur

dantur vero Reliquiæ sinceræ, & non falsæ pro veris, non incertæ & dubiæ pro certis ac probatis, non incognitæ pro cognitis, sine superstitione, omni fraude & abusu. Quocirca opus erit, scedam aliquam, e qua dignoscantur, apponere.

X. Insignes autem Sanctorum Reliquias sacra rituum Congregatio declaravit esse, caput, brachium, crus, aut illam partem corporis, in qua passus est Martyr, modo sit integra, & non parva & legitime ab Episcopis locorum Ordinarius approbata.

XI. In dilargiendis sacris Reliquiis hæc ratio deinceps observatur, ut nemini donentur unquam, nisi ut loco sacro reponantur majori aut non minori, saltem pietatis studio & promotione ibidem servandæ, quam ubi antea servabantur, notabiles vero Reliquiarum partes, ne ullus Prælatus, Rector, Ecclesiæ, aliussve Superior extrahere, multo minus ex Civitate vel Diœcesi nostra Paderbornensi exportare, aut dare transferendas alicui præsumat sine speciali Summi Pontificis seu nostra licentia scripto obtenta, gravissime interdiciamus, & ne tum quidem sine Superiorum Ecclesiarum, ex quibus sacre huiusmodi Reliquiæ sint extrahendæ, consensu, quibus id permittentibus donationis huius authenticæ una cum Reliquiis donentur literæ, & in indice Reliquiarum Ecclesiæ seu ejus protocollo eadem donatio cum sufficienti Reliquiarum donatarum nec non personæ dantis & accipientis ac temporis expressione annotetur.

XII. Furtim autem sacras Reliquias subtrahere infecto seu invito Prælato, seu Ecclesiæ Superiore, iisque, qui Reliquiarum justam administrationem habent, haud dubie est furtum sacrilegum, cum sit ablatio rei sacræ.

TITULUS XI.

De Imaginibus Sanctorum.

I.

Cum domum Dei deceat Sanctitudo, pro executione Decreti Concil. Trid. de invocatione & veneratione, ac

Tomus X. Concilior. German.

Reliquiis Sanctorum, & sacris Imaginibus, Sess. 25. Statuit sancta Synodus, ut e Templis & locis sacris tollantur Imagines, sculpturæ, aulæ, quæ gentilitatem aut mendaces Ethnorum fabulas repræsentant. Similiter quæcunque figuræ lascivæ, procaces, obsecræ & superstitionis, quæ fidelium mentes a Religione & devotione distrahant, & sæpius graviter offendant, neque posthac ulla crux, imago aut statua in Ecclesiam, vel locum sacrum recipiatur, nisi a Nobis, aut Vicario nostro in Spiritualibus Generali admissa fuerit. Proinde in visitationibus curabimus imagines supradictas reformari aut prorsus tolli, prout judicaverimus, expedire.

II. Præterea ne ad ornatum supplicationum Venerabilis Sacramenti, aut Reliquiarum quarumcunque exponat quisquam ulla similes imagines, sculpturas aut aulæ, idque sub pœna arbitrio nostro infligenda.

III. E domibus & hortis Ecclesiasticorum similiter tales imagines tollantur, quæ pias mentes offendant sub pœna arbitraria.

IV. Imagines sacræ, ad vanitatem comptæ, nec in Templis, nec in processionibus tolerantur, & quæ ad ornatum supplicationum proponuntur, ejusmodi sint, quæ oculos spectantium non offendant.

V. Doceatur subinde rudis populus, imaginibus Christi & Sanctorum, cultum & honorem non exhiberi propter ipsam materiam, elegantiam, externum ornatum, vel aliud quidquid simile: sed tantum propter eos, quos nobis repræsentant.

VI. Sique sacræ tabulæ, imaginesve, nimia vetustate, carie, situ aut sordibus pene deletæ tam indecenti aspectu sint, ut contemptum potius, quam venerationem excitent, eæ pie religioseque restaurentur ab iis, quorum interest: aut si id fieri nequeat, omnino deleantur, aut extra populi conspectum ponantur.

VII. Sanctarum imaginum usus & cultus sicut vetustissimus est, Ecclesiæ nascentis consuetudine introductus, Oecumenicorum Conciliorum

S

deci.

decisionibus firmatus, & Sanctorum Patrum consensione stabilitus, aptissimus etiam ad rudes & imperitos fidei mysteriis imbuendos, ad Sanctorum virtutes recolendas, & ad imitationem proponendas, ita Nobis ex officio diligenter est advigilandum, ne pravis consuetudinibus & abutibus violetur & depraveretur earum forma & habitus. Ut igitur omnis secularis vanitas, levitas, vel inusitata quolibet forma imaginum aut statuarum ornatus a Catholica & Apostolica Ecclesiæ Romanæ moribus alienus deinceps caveatur, volumus omnino, & districte jubemus, ut exacte ea, quæ tum Sacrosancta & Oecumenica Synodus Tridentina de sacris imaginibus, tum fel. record. URBANUS Papa VIII. peculiari hac super re edita Constitutione, gravibus in transgressores poenis constitutis sancivit, observentur.

VIII. In exponendis Sanctorum imaginibus studiose diligenterque curandum est, ut prototypis, quæ per illas repræsentantur, juxta veritatem historiæ ac receptam & probatam Catholicæ & Apostolicæ Ecclesiæ traditionem, quoad fieri potest, simillimæ sint.

IX. In pavimento Sanctorum imagines vel Cruces deinceps non pingantur, nec ubi clavis transtigi poterunt, vel fuligine pluviaque deleri, vel deformari. Et licet in muro ex vivo politoque lapide constructo sacræ possint historiæ, nisi quid aliud obstat, exprimi, non tamen in muro vel pariete, qui argilla vel calce incrustatus est, nam ejusmodi incrustatio per facile decidit, & pictas deformat imagines. Suademus autem, ut paries aut murus hujusmodi tela lineæ, tabulisve politis artificiosèque compactis tegatur, & sic picturis exornetur.

TITULUS XII.

De Festis.

Festos dies vel Dei ipsiusmet jussu, vel auctoritate Ecclesiæ, aut legitimis Magistratus institutos religiose celebrandos esse, exemplo nos suo optimus Magister noster encenia celebrans docuit. In nova etiam lege

dies Christo Salvatori, ejusque Mariæ & Angelis, nec non aliis Sanctis dicati solemniter observandi sunt. Obeant itaque omnes, & servant Festos dies, quos vel universus Christianus orbis, vel Diocesis nostra ex antiqua consuetudine, vel pia Prædecessorum nostrorum Constitutione ad celebrandas Dei, & Sanctorum laudes sacros habet. De quibus ut constet omnibus eorum numerum hic subjungere placuit.

I. Sunt autem ista præter dies Dominicis:

Festum Nativitatis Christi.
S. Stephani Proto-Martyris.
S. Joannis Apostoli & Evangelistæ.
Ss. Innocentum.
S. Sylvestri Papæ.
Circumcisionis Domini.
Epiphaniæ.
Purificationis B. Mariæ Virginis.
S. Agathæ.
S. Matthiæ Apostoli.
S. Josephi Nutritii Salvatoris.
Annuntiationis B. Mariæ Virginis.
Festum Paschæ cum feria 2. & 3. sequentibus.
Ss. Philippi & Jacobi Apostolorum.
Inventionis S. Crucis.
Festum Ascensionis Domini.
Festum Pentecostes cum feria 2. & 3. sequentibus.
Trinitatis.
Corporis Christi.
S. Joannis Baptistæ.
Ss. Petri & Pauli.
S. Liborii Episcopi & Patroni Diocesis.
S. Jacobi Apostoli.
S. Annæ Matris B. V. Mariæ.
S. Laurentii Martyris.
Assumptionis B. Mariæ.
S. Bartholomæi.
Nativitatis B. Mariæ.
S. Matthiæ Apostoli.
S. Michaëlis Archangeli.
Ss. Simonis & Judæ Apostolorum.
Omnium Sanctorum.
S. Andreæ Apostoli.
Dedicationis Ecclesiæ.
Et Patroni cujusvis Parochiæ.

II. In prædictis Festis, nec non aliis Patronorum Parochialium Ecclesiarum principalibus Synodus interdicit,

cit, omnibus suæ Ditecesis Christi fidelibus opera manualia & sæcularia quæcunque, mercatum item & forum rerum venalium atque judicialia exerceri. Si quis autem huic Ordinationi contraverit, mulctabitur pœna pecuniaria.

III. Si forum aut nundinæ incendant in Festum aut Dominicam, illæ ferventur immediate post Festum aut Dominicam.

IV. Et verat Synodus omnibus Magistratibus & sæcularibus Judicibus, ne cuiquam ex omnibus prædictis Festis violandi seu profanandi licentiam concedant, sed eos, qui ab ipsis licentiam hujusmodi requirunt, ad Nos, vel Vicarium nostrum, aut Pastorem in gravi necessitate remittant, alioqui contra eos tanquam Synodaliū Statutorum transgressores, & alias, prout de jure, procedatur.

V. Quoniam S. LIBORIUS Episcopus Patronus est Ecclesiæ nostræ Cathedralis, & totius Ditecesis Paderbornensis, ideoque per totam Ditecesin merito venerandus, ordinat Synodus, ut 23. Julii, quo ex hac vita ad immortalē migravit, per Civitatem & totam Ditecesin nostram, ut hætenus factum, in foro & in choro tanquam duplex in omnibus Ecclesiis & Monasteriis, similiter etiam festum Patroni singularum Ecclesiarum tanquam duplex celebretur.

VI. Meminerint exempti omnes, etiam Regulares Decreti Concilii Trid. quo dies Festos, quos in Ditecesi sua servandos Episcopus præcepit, ipsi quoque servare jubentur.

VII. Pastores singulis diebus Dominicis sub concione dies Festos & jejunia, ea septimana occurrentia, populo denunciare non omittant.

VIII. Diebus Dominicis aut Festis tempore concionis, summi Sacri vel Vesperarum in tabernis potitantes, aut publicis lusbis vel tripudiis vacantes denuntientur, pro qualitate personarum, & modo scandali puniendi.

IX. Maximam in servandis Dominicis & Festis diebus negligentiam, ut populus corrigat, Concionatores

Tonus X. Concilior. German.

sæpe moneant, explicantes, ad quæ istis diebus agenda, omittendaque obligentur, gravitatemque transgressionis exponentes.

X. Ac ad dies Festos, qui præcepti sunt præter Dominicum diem, pari veneratione, cultu & religione celebrandos: iisdemque Festis ad Sacrosanctum Missæ, Officium audiendum sub periculo peccati mortalis omnes Christi fideles obligari, nec licere ante finem discedere, frequenter inculcent.

XI. Quin & alias ex Constitutione B. PII V. Pontificis pœnas in Festorum violatores constitutas populo graviter inculcent; quo sine eam hic libet suis verbis adscribere: "Cum dierum" (inquit) Festorum observatio ad Dei cultum maxime pertineat, & in lege Divina præcipiatur, cupientes abusus pravorum, qui ex eorum inobservantia invaluerunt, omnino corrigere, & antiquorum Canonum Statuta renovantes mandamus, ut omnes dies Domini, & præcipue in honorem DEI, B. MARIE Virginis, Sanctorum Apostolorum feriat cum omni veneratione observentur, & omnes in diebus præfatis Ecclesias frequentent, Divinis Officiis devotē intendant, ab omni illicito & servili opere abstineant, mercatus non faciant, profanæ negotiationes & iudiciorum strepitus conquiescant. Qui vero in diebus præfatis opus aliquod illicitum fecisse deprehensus fuerit, præter Divinam ultionem, graves pœnas incurret arbitrio nostro, seu Vicarii nostri, aut Archidiaconorum infligendas.

XII. Ut improbæ hominum cupiditati modum ponamus, serio prohibemus, ne imposterum ullis in locis spiritali nostræ jurisdictioni subiectis diebus Dominicis, aut aliis fori festivitibus mercatus (nisi forte rerum ad quotidianum victum necessariorum) instituantur, aut ne subditi nostri ulli operi servili, quod sine evidenti periculo differri potest, manum admoveant. Caveant igitur pannos laneos vel lineos lavare vel dealbare, tingere oves, porcos vel boves mactare aut salire: frumenta aut ligna equis &

curribus vehere, merces etiam suas dictis diebus Dominicis vel Festivis ante fores, vel in fenestris domorum, vel alibi venales exponere. Transgressores autem hujus nostræ inhibitionis Pastores, & animarum Curatores pro ratione delicti gravissime puniendos denunciant.

XIII. Mandamus quoque locorum Magistratibus, ut a strepitu judiciorum imprimis ipsi abstineant, neminem tunc citent, vel citatum audiant, & sub pœnis arbitrio ipsorum imponendis prohibeant, nec usquam Dominicis, aut Festivis diebus Circulatores, Histriones, Comœdôs, exhibere comœdias, spectacula ludicra ac gaudia publica, quibus populus Christianus astu & suavis dœmonis a Festis religiose colendis, Templorum visitatione, Vesperarum Officio, audienda concione & doctrina Christiana avocatur, adeoque Christo suus honos intercidit, ullo modo patiantur.

XIV. Parochi vero ac Divini verbi Præcones, opifices, agricolas & quoscunque alios operarios diligenter moneant, & sæpius inculcent per annum, ne deinceps ex perversa quorundam consuetudine audeant Dominicis, vel Festivis diebus etiam verno, vel autumnali tempore agros colere, seminare, aut messis tempore fruges colligere &c. nisi de speciali licentia nostra, vel nostri in Spiritualibus Vicarii Generalis, excepta gravi & urgente necessitate.

XV. Proinde ut populus Dei a comestationibus, potationibus, otio, rebus vanis & noxiis ad salutis æternæ congrua negotia revocetur, & ad preces, præsentissima pietatis ac spei cœlestis fomenta, crebrius excitetur, easque frequenter, hortamur in Domino Pastores omnes, & obsecramus, ut singulis Dominicis, & Festis diebus cultum Dei in Templis possimum a prandio instaurant, & Vesperas suo cum Custode & Scholaribus juxta ritum & normam Breviarii Romani decantare studeant.

XVI. Festum S. Marci, si in diem Paschæ, vel ejus hebdomadam, aut Dominicam in Albis inciderit, a Cle-

ro in choro prima feria post dictam Dominicam, Officio novem lectionum non impedita, celebretur sine processione, jejunio & abstinentia a carnibus, Litaniarum processio & statio servetur ipso die, quo occurrit, uti moris est: Si vero in aliam quamlibet Dominicam inciderit, tam festum, quam Litaniarum processio eadem ipsa die Dominica a Clero sæculari, & populo sine abstinentia instituantur.

TITULUS XIII.

De Jejuniis.

Jejunia animabus, corporibusque curandis ab Ecclesia certis temporibus & diebus salubriter instituta decenter volumus observari, admone-rique populum, cur sint indicta, nempe in expiationem & vindicationem peccatorum, & ut corpus ob intemperantiam cibi potusque luxuriosum castigetur, & in servitutem redigatur, quo animus vegetior ac liberior Divinæ voluntati sese subjiciat.

I. Porro annua Jejunia, quæ in Dicecesi nostra observari volumus, hæc sunt, & quidem vigiliæ singulis annis per totam Dicecesim nostram ab universis ætatem habentibus, nec legitime excusatis jejunandæ. Sunt autem præter Quadragesimam, & quatuor anni tempora, Vigilia Pentecostes, Nativitatis S. Joannis Baptista, Beatorum Petri & Pauli Apostolorum, S. Laurentii Martyris, Assumptionis Beatæ Mariæ Virginis, S. Bartholomæi Apostoli, SS. Simeonis & Judæ, omnium Sanctorum, S. Andreæ Apostoli, S. Thomæ Apostoli & Nativitatis Domini; Quæ, si in diebus Dominicis, aut Lunæ evenierit, Sabbatis præcedentibus jejunetur. Quibus diebus a carnibus omnes abstinere, & unica refectio sub reatu peccati mortalis omnes contenti esse, nisi gravis labor, aut alia iusta ab Ecclesia approbata causa excuset, obligantur.

II. In locis autem, ubi vel plura, vel strictius observata fuerint, hortatur Synodus, ut piam consuetudinem observent.

III. Insuper in Festo S. Marci, quo supplicationes pro laudabili Ecclesiæ

clēsia mōre sunt, & in diebus Rogationum abstineatur per totam diem a carnibus.

IV. Jejunia, quæ vel indixit Ecclesia, vel usus communis pridem recepit, ab omnibus servari volumus, quorum rationem & modum diligenter explicabunt Parochi, & reliqui verbi DEI Ministri.

V. Cæterum hortentur fideles Parochi, ut, cum jejunant, non solum corpus a cibis delicatioribus, verum etiam mentem a capitalibus vitiis cohibeant.

TITULUS XIV.

De Superstitione.

I.

Cum recte moneat Sacrosancta Tridentina Synodus, ut omnis superstitio tollatur, docet hæc Synodus, omnem illum rerum usum esse superstitiosum, qui sine verbo Dei, & Ecclesiæ doctrina sit, præscriptis aliquibus ritibus & observantiis, quarum rationabilis causa reddi non potest, & fiducia in eis collocatur, certo expectandi aliquem eventum, qui sine illis ritibus ex Sanctorum intercessione non speraretur, aut quæ in cultu Sanctorum ex temeritate, ac quadam levitate potius, quam pietate & vera in Deum religione fieri videntur.

II. Nemo ad morbos vel vulnera hominum aut brutorum curanda superstitiosis remediis utatur, vel super rebus deperditis, aut super futuris eventibus, ac quibusvis secretis Divinis, seu pro Divinis se venditantes consulere præsumat. Si quis aliquid horum fecerit, & monitus non abstinuerit, mox pro seria correctione denunciatur.

III. Insuper hæc Synodus mandat omnibus Judicibus Ecclesiasticis, ut in exilium mittant, vel mitti curent omnes, qui super futuris eventibus aliisque secretis responsa dant, eosque, qui tales consulunt, graviter puniant.

IV. Et quoniam rudis populus sæpe ex ignorantia superstitionibus in-

quinatur, Parochi subditos suos diligenter de illis erudiant, & inter cætera superstitiosum esse, expectare quemcunque effectum a quacunque re, quem res illa, nec ex sua natura, neque ex institutione Divina, nec ex ordinatione vel approbatione Ecclesiæ producere potest.

V. Grave peccatum Deo valde injuriosum, & Reipublicæ imprimis noxium est superstitio, ad quam reprimendam & extirpandam servantur ea, quæ SIXTUS V. in Bulla: *Celi & Terræ*, statuit.

TITULUS XV.

De Exorcismis.

I.

Licentiam exorcizandi a Nobis adeptus pura & munda conscientia, magnaque humilitate, ac fide ad id muneris obeundum accedat, in ejusdemque functione graviter, pie ac religiose se gerat, nec verba Ritualis Romani, nostræve Agendæ excedat.

II. Mulieri Energumænæ exorcismum adhibiturus id præstet duabus saltem personis probatæ vitæ præsentibus, iisque, si fieri possit, Energumænæ consanguineis aut affinibus.

III. Quanquam Exorcismorum usus ex Divina institutione, Apostolica traditione, & universali Ecclesiæ consuetudine & præscripto, pro expellendis ex humano corpore dæmonibus, ædibus illorum infestatione liberandis, pro variis damnis ac malis, quæ per tempestates, bestias noxias, venena, vel quavis alia ratione inferri solent, avertendis, utilis omnino sit & salutaris, eorundem nihilominus abusus tot ac tanta peperit incommoda, ut non levis cautela adhibenda sit.

IV. Quare nullus omnino in Civitate ac Diœcesi nostra Paderbornensi posthac præsumat exorcizare, vel judicare, an aliquis sit, vel non sit obsessus, sine nostra, nostrive Vicarii in Spiritualibus Generalis facultate per præsentem, seu alias scripro obtenta.

V. Ne vero nostra hæc inhibitio indigentibus incommoda sit, præsen-

tium tenore permittimus Pastoribus ad curam animarum, & Pastoralia Sacramenta administranda nostra Episcopali auctoritate ordinaria approbatis, ut in omnibus locis sui districtus exorcismos adhibere queant.

VI. Licentiam porro exorcismi utendi a Nobis, vel ante dicto nostro Vicario adeptus, & deinceps adepturus, licet operetur in persona Ecclesiæ, & eatenus ejus preces sint Deo gratæ & exaudiantur, sit nihilominus pura & munda cumprimis conscientia, profunda humilitate ac ferventi in Deum fide, & fiducia in Divina tutela & ope, orationi & jejunio, aliisque sub iisdem comprehensis piis operibus deditus, quibus homo contra maleficia & demonis machinationes præmunitur, ad id muneris obeundum accedat, in ejusdemque functione graviter, pie, ac religiose se gerat, nec alius quam in Rituali Romano Dilecti huic nostræ accommodato præscriptis utatur exorcismis, precibus & caeremoniis, quantumcunque piæ & bonæ appareant, sine nostra, nostrive Vicarii supradicti permissione.

VII. Non temere credat Exorcista aliquem esse obsessum, intoxicatum, aut locum infestum, aut Spiritum vagari, cum cæcitas & credulitas hominum milles in ejusmodi vel errarit, vel malitia fraudem texuerit, uti frequens docet etiamnum experientia. Proinde neque facile adhibeat exorcismos, nisi signis prudenti Medicorum, suo, aliorumque maturo Doctorum judicio examinatis perspicue constet, esse Energumenum, aut maleficio affectum &c. multo minus morbos hominum, pecorum languores, aut damna possessionibus illata statim incantationibus, aut maleficiis attribuat, nec homines, dum id ordinarie existimant, in ista sinat hædere opinione, minime vero confirmet, ne frustra remedia Ecclesiæ ad alios fines & effectus, quam ordinata sunt, adhibeantur cum periculo contemptus, dum speratos effectus sed indebitos non producunt.

VIII. Quamvis evidenter cognosci nequeat, quando homo a demone obsessus, vel maleficio sit intoxicatus,

certiora tamen mali prioris indicia sunt, si lingua peregrina pluribus verbis loquatur, vel loquentes intelligat, si scientiam legendi, scribendi, cantandi artificiose sine prævia instructione monstret, si distantia & occulta patefaciat, vires supra ætatis suæ, seu conditionis naturam exerat, præsertim si, cum remittit afflictio, nesciat, ut antea, de occultis respondere, si jussus invocare nomen Dei, aut orationes pias dicere, id facere nequeat, si horreat & contremiscat, quando ipso infuso adhibentur Sanctorum Reliquiæ, Crucis signum, aqua benedicta, & his similia, quæ ex probatis auctoribus Exorcista nosse studebit. Proderit etiam occulte & discrete causas inquirere, ob quos demon putetur ingressus, aut afflictus maleficio affectus, quæ licet aliquando sint illius Dei gloria, & afflictio augmentum meritis, ordinarie tamen causa sunt peccata, videlicet desperatio ex amissione bonorum temporalium, nimia cum demone, vel cum hominibus, qui cum eo commercium habent, familiaritas, parentum vel aliorum de maleficio suspectorum mala demonis imprecatio, in superstitionem propensio, gravis alicujus criminis confessio nondum expiati, aut voluntarie in eadem omissi conscientia, & in tali statu Sacræ Eucharistiæ sumptio, nimia ex scrupulis anxietas, per quam, nisi a peritis Confessariis mature occurratur, miseri homines ad varias perturbationes & desperationem adiguntur. Signa vero particularia malefici præter insolita symptomata, & effectus corporis, accedente judicio expertorum Medicorum, etiam sunt, si morbus præcedentibus minis alicujus personæ suspectæ subito fuerit exortus, si in corpus afflictæ ingesta deprehendantur talia, quæ naturæ vi inferri aut generari in eo non possunt.

IX. Itaque, dum Exorcista his ex signis comperit aliquem Energumenum aut intoxicatum esse, non rejiciat propterea naturalia remedia, confert enim sæpe atra bilis expurgatio, ideo licet primas det Spiritualibus, permittat tamen afflictio ex præscripto Medici uti medicinis idoneis a se prius benedictis ad hypochondriæ malum minuen-

nuendum, ipse tamen eas non adhibeat, sed Spiritualia, quæ ut feliciorum successum habeant, conscientia peccatorum maculis purgata in oratione ad Deum, fervente Symboli Apolici recitatione, nec non jeuniis, aliisque carnis afflictionibus aliquot dies se exerceat, sibi que persuadeat sine ejusmodi præparationibus, sæpe parum aut nihil profici, juxta testimonium Christi: *Hoc genus in nullo potest exire, nisi in oratione & jejunio.* Dein exorcismos adhibeat juxta Agendæ nostræ formam præscriptos, impressionem signi Crucis, Reliquias Sanctorum, Agnum Dei, ut vocant, aquam & cereum benedictum, panes sacros, palmas, salem & alia ejusmodi usitato ritu Ecclesiæ benedicta. Sæpius vero utatur signo Crucis, sed cum reverentia & attentione rei signatæ, id est, passionis & mortis Christi Domini; hoc enim vim magnam habet, & adfert homini fiduciam & defensionem, demoni vero terrorem incutit, eumque in fugam agit.

X. Quia non suis viribus, aut potentia, sed solius Dei misericordia, & Christi meritis nixus adversus diabolum, Dei & humani generis infestissimum inimicum omnis Exorcista arma suscipit, hinc ab omni fastu & vanæ gloriæ ostentatione sit alienus. Caveat adhuc in exorcismis a ritibus & rebus ab Ecclesia non approbatis: siquidem proprio ingenio compositæ suspectæ esse solent, & non tam efficaces, quam si Ecclesiæ auctoritate & jussu instituantur. Nullis jocosis, superfluis & nugatoriis interrogationibus; nec ad vana & curiosa edicenda diabolum adjuret, sed solum ad ea, quæ ad rem pertinent, & ad augendam Dei gloriam & solamen afflictæ erunt convenientia, videlicet de numero, nomine Spirituum obsidentium, tempore & modo, quo ingressi sunt, de causa ingrediendi, & aliis ejusmodi, & an detineantur in corpore ob magicam aliquam operam aut signa malefica, quæ, si obsessus ore sumplerit, evomat, vel si alibi fuerint disposita, ea manifestet, ut inventa comburantur. Exorcismos igitur legat, & faciat cum imperio & auctoritate, magna fide,

humilitate & fervore, & quibus sacris verbis, aut signis advertit dæmonem magis urgeri, iis magis & crebrius instet; si autem viderit obsessum aliqua corporis parte commoveri, pungi, aut tumorem apparere, ibi Crucis signum & aquam benedictam, quæ semper in promptu esse debet, adhibere non intermittat, servato tamen semper decore & honestate, & salva etiam rerum sacrarum reverentia. Proinde, si coram Sacra Eucharistia fieri contingat exorcismos, nullo modo ea corpori Energumeni, sed Sanctorum Reliquiæ debita cum reverentia & decore applicentur. Quia vero dæmon, teste S. Cypriano, citius & segnius, quem obfider, deserit, prout vel fides patientis adjuvat, vel gratia curantis aspirat, debet Exorcista, quando jam se ipsum rite ad hoc munus disposuit, etiam curare, ut ex parte afflictæ non sit defectus; curet itaque diligentissime, ne afflictus spretis Ecclesiæ Ministris ad magos, ariolos, divinatores vel quoscunque Exorcistas laicos pro levamine recurrat, aut remediis superstitionis utatur. Unde Pastores, Vice-Pastores, Concionatores, Catechistæ & Confessarii sæpius & graviter explicant illius peccati malitiam, & pericula incidendi in plenam servitutem ipsius dæmonis, quibus se tali modo obijciunt.

XI. Quoniam non omni spiritui facile leviterque est credendum ob multiplices, easque frequentissimas, quæ in hujusmodi visis & maleficiorum denunciationibus intervenire solent, tum malignorum hominum fraudes, tum diabolicas illusiones, idcirco, ut eas melius discernantur, sequentes præscribimus regulas diligenter observandas.

1. Effectus, qui solertia & ingenio humano fieri potest, vel aliquando positus est, suspectam facit opinionem de Spiritu vel maleficio.

2. Is, qui denuntiat visâ quædam vel infestas actiones aut maleficia, diligenter exponendus est, scemina aut vir, juvenis aut senex, timidæ complexionis aut pusilli animi, an generosi sit, item an tristis & melancholicæ,

an lætæ sit naturæ & morum? pro qualitate enim de incantantium, minor est denuntiationi fides habenda.

3. Si primus denuncians haberi nequeat, suspecta redditur denuntiatio & plerumque fallax.

4. Sin primus denuntians repertiatur, more Judicibus utiatur, variis quæstionibus etiam vagis & alienis est examinandus, & iterum alio ordine & muratis antedictorum adjunctis ac subtiliter excutiendus, an vacillet narratio, vel suis alicubi dictis repugnet? tunc enim fallacia certo credi potest.

4. Videndæ circumstantiæ primæ personæ denuntiantis, an sit pauper, avida lucri, improbæ vitæ, male educata, amans otii, contentionum & inimicitiarum? hæc enim suspicionem falsi movent prudentibus.

6. Denique terrore interdum denuncians conveniri debet, & onere cautionis de infamia gravandus, si constanter asseveret Spiritum quempiam visum, & si junior ætate, virgis, si adultus carcerum minis, similive pœna ad veritatem cogendus.

His siquidem Regulis plurimæ deteguntur fraudes, ad quas natura hominum lapsa nimis est proclivis.

XII. Ubi vero omnibus mature examinatis, vera Spirituum visio comprobata fuerit, mali a bonis hisce signis, uti certioribus, potissimum solent discriminari.

1. Si ad præsentiam vel usum rerum sacrarum diffugiat, ut coram Ss. Eucharistia, ad aspersionem aquæ benedictæ, ad usum signi Crucis, ad invocationem nominis JESU, B. Virginis MARIE, aut alicujus Sancti, ad usum sacrarum Reliquiarum, sacræ imagines, Agni DEI, cerei benedicti, stolæ sacræ, & similibus, quibus Ecclesia uti consuevit contra diabolicas fraudes amuletis, quæque veræ Religionis Catholicæ sunt certa signa: tunc enim exploratum redditur, Spiritum esse malignum, item, si hujusmodi dissuadeat aut improbet.

2. Si dicat, aut ingerat ea, quæ sunt contra fidem, vel doctrinam Ecclesiæ, vel quæ a moribus & regulis Sanctorum sunt aliena.

3. Si parvam, falsam aut frivolum prætexat apparitionis suæ causam, ut, quod ex imperio alicujus magi redeat, vel ut denunciaret seu manifestet aliqua curiosa vel noxia.

4. Si sermonibus suis hominem incendat ad superbiam, vanam gloriam, inobedientiam, rixas, nimiam animi præsumptionem, desperationem, aut alios similes affectus inordinatos.

5. Si prohibeat sua tractari cum Superioribus Ecclesiasticis, aut iis exponi, ut Episcopo loci, aut ejus vices gerenti, Confessario, aut aliis: non enim boni spiritus quærunt tenebras, nec volunt ordinatum agendi modum & in Ecclesia usitatum vel a Ss. Patribus præscriptum inverti & immutari.

6. Si blande accedat initio, postea vero terrorem incutiat, anxietatem, desolationem & perturbationem animi, quemadmodum enim boni spiritus, etsi initio aliquid terroris adferant, sua præsentia tamen ante recessum illuminant, solantur & tranquillat animos illorum, & ad salubriora ac sanctiora disponunt, quibus apparent, ut passim testatur sacra Scriptura, ita contra spiritus maligni solent initio blande se insinuare, sed in decessu in animo horrorem, perturbationem & inclinationem aliquam malam relinquere.

7. Si in forma tetra aut abjecta appareat, ut in forma Æthiopis, canis, hirci, serpentis, bufonis, aut similis animalis vel cum fetore, tumultu, horrore seu clade discedat, vel etiam si appareat in forma humana sed monstruosa cum pedibus corneis, bovis, aut equi, vel sit staturæ proceræ, vel nimis exilis: vix enim existimandum est, demonem in humana forma Divino permittu apparere, nisi cum notabili signo alicujus deformitatis.

VIII. Si quando præstitum fuerit, quod subsidii causa petierit, rursus aliis occasionibus frivolis quæsitis redeat; animæ enim justorum, quæ ignibus purgatorii expiantur, ubi pro illis

illis satisfactum fuerit, aut non redeunt, aut semel tantum, ut gratias agant. Dæmones vero, quia paucis congressibus nequeunt consequi suum finem, quærunt varias redeundi occasiones, ut tandem homines decipiant, in peccata & barathrum desperationis, aut in superbiam & præsumptionem nimiam pertrahant.

Quare cum frequenter apparent ejusmodi animæ sive spiritus, earum

nomine suspectum est habendum obiectum visum, ac merito semper observanda monitio S. Antonii: Cum aliqua obtulerit sese visio, inquit, audacter requirite, quis sit ille & unde veniat, ac sine mora, si Sanctorum fuerit revelatio, Angélica consolatione timor vertetur in gaudium; si vero diaboli fuerit oblata tentatio, fidelis animæ percuntationibus evanescet.

PARS SECUNDA.

DE

SACRAMENTORUM SUSCEPTIONE, ET ADMINISTRATIONE.

TITULUS I.

De Sacramentis in genere.

I.

Septem esse novæ legis Sacramenta a Christo Domino instituta, & ab Apostolis veluti per manus ad nos transmissa, per quæ omnis verâ justitia vel incipit, vel ceptâ augetur, vel amissa reparatur, nullus Catholicorum ambigit, quorum quanto major est dignitas acque præstantia, tanto sanctius & religiosius sunt administranda & suscipienda. De quorum legitimo usu, virtute & efficacia, cæterisque eodem pertinentibus non minus copiose, quam Catholice & religiose statuit Sacrosanctum Concilium Tridentinum, cujus Decreta & Canones omnes cum Synodus reverenter recipiat, ea non aliter observari præcipit, quam si de verbo ad verbum hic inserta forent, & quæ sequuntur, superaddenda, magis explicanda & rememoranda censuit.

II. In administrandis Sacramentis Rituale hujus Ecclesiæ Paderbornensis omnes sequantur, nihil temere addendo, demendo, vel immutando.

III. Administraturi Sacramenta Baptismi, Sacræ Eucharistiæ, Extremæ Unctionis & Matrimonii, nec non concionaturi stola & superpelliceo vel alba sint induti, in locis sacris sæcularium confessiones accipiant superaddita in super stola.

Tomus X. Concilior. German.

IV. In administratione quorumcunque Sacramentorum vis & efficacia eorum pro capto sumentium ac præsentium sæpe a Pastoribus explicentur, omnesque preces Sacramentales, maxime vero ipsæ formæ Sacramentorum tractim, distincte & attente cum debita reverentia pronuncientur.

V. Et ne dum quis alijs est Minister ad salutem, damnationem sibi acquirat, caveat quisque diligentissime, ut qua decet munditiæ & puritate Sacramenta administret, ac dum culpæ graviori se sentit obnoxium, statim se confessione expurget.

VI. Pastor, vel quivis alius Sacerdos, ad quem Sacramentorum administratio pertinet, requisitus ad administrandum Sacramentum quacunque diei ac noctis hora, statim sit paratus ac facilis, nec sese prætextu horæ importunæ, temporis incommodi, alteriusve occupationis, multo minus convivii excuset; aut durioribus verbis petentes Sacramenta excipiat, memor ad eximiam illam, quæ in Pastoribus ardere debet, charitatem pertinere, ut æquissimo id ferat animo, graviter aliqui puniendus, gravissime vero, si quem ipsius negligentia sine Baptismo, Confessione, sacro Viatico, aut Extrema Unctione ex hac vita migrare contigerit.

T

VII.

VII. Et quoniam Sanctum minime dandum est canibus, quilibet Parochus, vel Vice-Parochus Sacratissimam Eucharistiam & Olea sacra in locis tutis ac vasis mundis fideliter, solliciteque custodiat, ita ut impiis ac sacrilegis hominibus non facilis ad ea accessus pateat, nec ex sacra materia cuiuscunque Sacramenti ullus unquam aliquid alicui, etiam specie medicinæ vel tollendi maleficii, tradat, vel tradi permittat.

VIII. Si quis (quod absit) potius vel aliter indispositus atque inidoneus ad administrandum Sacramentum accesserit, sive is Pastor, aliusve Sacerdos fuerit, juxta irreverentiæ enormitatem graviter punietur.

IX. Pastor domo discedens Custodi significet, ubi inveniri possit: si vero a petentibus Sacramentorum administrationem diligenter quæsitus, non facile reperiat, & ob absentiam aut moram Pastoris suboriat, a præsentibus murmuratio aut scandalum; aut si in mora periculum, poterit tunc alius Pastor, aut Vice Pastor alias idoneus administrare Sacramentum, Matrimonio duntaxat excepto, salva poena Pastori absenti imponenda.

X. Ut fidelis populus ad suscipienda Sacramenta majorem cum reverentia atque animi præparatione accedat, volumus omnino & mandamus, ut Pastores & Vice-Pastores sæpe Divinorum horum Mysteriorum institutionem, usum, virtutem, utilitatem, necessitatem & efficacitatem, uti & rituum atque caeremoniarum significationes in concionibus exponant.

XI. Prohibemus etiam, ne quis aliquod Sacramentum sine gravi, urgentique necessitate, aut expressa nostra, nostrive in Spiritualibus Vicarii Generalis licentia, vel obtento speciali in scriptis privilegio Apostolico, in privatis ædibus administret, aut etiam celebret. Maxime enim decet Sacrosancta hæc Myteria in Ecclesia (quæ Sacramentorum proprius locus est, quæque tam Ministrantes, quam suscipientes atque circumstantes omnes in fide, charitate ac veneratione magis accendit) omni cultu ac Religione sanctissime ministrari & celebrari.

XII. Præterea cum Oecumenica Synodus Tridentina definiverit, quod si quis dixerit receptos & approbatos Ecclesiæ Catholicæ ritus in solemnibus Sacramentorum administratione adhiberi consuetos aut contemni, aut sine peccato a Ministris pro libitu omitti, aut in novos alios, per quemcunque Ecclesiarum Pastorem mutari posse, anathema sit. Volumus omnino & severe præcipimus, ut quivis Parochus, aliusve Sacerdos in cuiuscunque Sacramenti administratione præter actuale seu virtuale intentionem, legitimamque materiam & formam, etiam approbatos Ecclesiæ Catholicæ ritus & caeremonias adhibeat, atque ita decenter gravique actione cuncta in Rituali seu Agenda præscripta peragat, ut adstantes ad Sacrorum tum reverentiam, tum pietatem, atque ad celestium rerum cogitationem erigat, & uti Pastor spiritualis præeundo provocet & attentos reddat.

XIII. Sacerdos ergo ad Sacramenti alicujus administrationem accessurus ritus & caeremonias pro temporis opportunitate prævideat, diligenterque perlegat; ac deinde paululum rei sacra, quam acturus est, meditationi vacet, gratiamque digne & cum fructu Mysterium hoc illudve administrandi imploret.

XIV. In singulorum quoque Sacramentorum administratione (Confessionis duntaxat Sacramento excepto) unum saltem pium & honestum, mundoque superpelliceo indutum, ac linguæ pariter latinæ gnarum Ministrum adhibebit, qui Sacerdoti oranti totius Ecclesiæ nomine respondeat.

XV. Pro Sacramentorum administratione, nihil ante eam exigatur, post eam tamen, si quid sponte offeratur, vel aliquid consuetudine laudabili tanquam debitum præstari soleat, licite poterit acceptari.

TITULUS II.

De Baptismo.

Secundum.

Pastores sacrum Fontem sub operculo & fera diligenter servant; Sacrum

crum quoque Chrisma & Oleum sub tēra & loco honesto custodiant, & Sab-
bato sancto ac in Vigilia Pentecostes
aquis baptismales consueta benedictio-
ne renouent.

II. Quilibet Parochus librum ha-
beat, in quo singulorum Baptizato-
rum, nec non parentum & patrino-
rum ac matrinarum nomina & cognomina,
diemque, mensem & annum diligen-
ter describat. Sic enim & ætas pueri,
& ejus conditio, & inter quos spiritua-
lis cognatio contracta sit, facile digno-
scatur, eundemque librum quotannis
in visitatione exhibeat & loco tuto cu-
stodiat.

III. Diligenter quoque observare
monentur Parochi illud, quod in Con-
cilio Tridentino ad evitandam difficul-
tatem & pericula impedimenti cogna-
tionis spiritualis de numero Patrino-
rum constitutum est, ne videlicet plures,
quam unus vel una, vel ad summum
unus & una, qui infantem, dum bapti-
zatur, tangat vel tangerent, ad suscipien-
dum sub quovis etiam prætextu ad-
mittantur, nisi nostram indignationem
& condignam poenam sustinere ve-
lint.

IV. Quia de pueris exposititiis
compertum est, quod mulieres per ap-
positionem salis non idem semper sig-
nificare intendunt, sed subinde colla-
tum esse Baptismum, subinde vero
contrarium; ideo semper & indistincte,
pueri exposititii sub conditione bapti-
zantur, siue sal iis appositum fuerit,
siue non.

V. Prohibet præterea sancta Syn-
odus, ne quis Pastorum Baptismi Sa-
cramentum alio in loco, quam in illis
Ecclesiis, in quibus sacri Fontes con-
stituti & consecrati sunt, exceptis ca-
sibus in jure permissis, conferre au-
deat.

VI. Hortatur hæc sancta Synodus
& requirit omnes Magistratus singu-
lorum locorum, ne quam ad obsterri-
candum parturientibus admittant, nisi
prius a Curato loci, ubi obsterrix mo-
ratur, testimonium sinceræ & Catho-
licæ fidei habeat.

VII. Antiquam & religiosam illam
consuetudinem, qua puerperæ post

absolutum puerperii tempus in proxi-
mo statim egressæ ad Ecclesiam proce-
dunt, ut Deo pro puerperii beneficio
gratias agant, & precibus ac benedi-
ctione Sacerdotali expientur, tanquam
piam ac laudabilem conservatam volu-
mus.

VIII. Ad abolendam præyam illam
consuetudinem, qua ruri præsertim
post Baptismum infantum convivium
non sine maximis incommodis & peri-
culis tam puerperæ, quam infantes ce-
lebrari consueverunt, mandamus Pa-
storibus & Concionatoribus, ut mo-
neant, & exhortentur subditos suos,
quatenus ab hujusmodi abstineant.

IX. Parochi ob id, quod puer
baptizandus sit illegitimus, vel ex pa-
rentibus pauperibus, vel exteris illie
casu natus, ipsum baptizare non recu-
sent aut differant.

X. Non admittantur in patrínos
notorie hæretici, notorie excommuni-
cati, publici usurarii, vel aliter publi-
ce infames; neque etiam minores duo-
decim annis, aut qui per inopiam men-
tis, notitiam non habent ejus fidejussio-
nis, ad quam se offerunt, eademque
cautio sit de commatribus.

XI. Ubique in Ecclesiis Paro-
chialibus dirutus est fons baptismalis,
restituatur ex lapide solido, ne ex eo
aqua effluat, sitque figuræ rotundæ &
latitudinis circiter duorum pedum, fi-
xusque loco commodo constituatur.
Extra fontem sacrum nemo baptize-
tur, nisi forte quem periculum ad Ec-
clesiam deferri non permittit, excep-
tis iis, quibus id à Nobis aut Antæ-
cessoribus nostris clementissime indul-
tum est.

XII. Tenebuntur Pastores paren-
tes infantum ultra quartum a nati-
uitate diem Baptismum differentes, Nobis,
aut Vicario nostro in Spiritu Generali,
aut Archi-Diaconis denunciare.

XIII. Sacrum Baptismum ex insti-
tutione Christi cunctis etiam fidelium
infantibus ad salutem esse necessarium,
ipsa Veritas testatur, hisce verbis: *Ni-
si quis renatus fuerit ex aqua & Spiritu San-
cto, non potest introire in Regnum Dei*; cum
itaque sine eo, utpote Christianæ Reli-
gionis

gionis & æternæ vitæ janua, & omnium aliorum Sacramentorum fundamento nulla æternæ salutis spes superfit, summa ad illum tempestive riteque administrandum ac suscipiendum diligentia est adhibenda.

XIV. Volumus etiam, ut tam Pastores, aut eorum Socii, Cooperatores, seu Vicarii hoc Sacramentum administraturi, quam Patrini & Matrinæ baptizandum ad Templum comitantes non leviter aut perfunctorie id agant, sed cum religiosa pietate ac gravitate ad tanti muneris functionem accedant, Deoque gratias agant, qui filium iræ & heredem gehennæ benigne ad Sacramentum regenerationis admittit, ut fiat filius Dei & hæres vitæ æternæ.

XV. Ad majorem autem venerationem pietatemque excitandam, curandum est, ut Baptismus semper ante prandium fiat, & susceptores cum amicis pro veteris Ecclesiæ ritu infantem Deo præsentent & offerant, a prandio vero illud non facile admittatur, nisi necessitas, aut periculum infanti imminens, aut habitatio remotior, aut alia justa causa illud requirat.

XVI. Quoniam vero parvulorum & recens natorum infirma & instans est valetudo, adeo, ut collatio Baptismi sine vitæ periculo differri non possit, valdeque sit absonum, quod ob respectum aliquem externum diutius filius iræ permaneat, qui in adoptionem filiorum Dei admitti potest: Hinc præcipimus, ne sub aliqua specie vel causa undecunque quæsitæ Baptismus infantium, etiam quorumcunque nobilium aut insignium personarum, diu differatur.

XVII. Nullus, nisi prævia licentia Pastoris, prolem suam extra Parochiam suam baptizari curet, & ubi baptizata fuerit, de collato Baptismo Pastori testimonium ferat, quod etiam in libro baptismali notetur; Pastores tamen raro, & nonnisi ex gravi causa licentiam talem concedant. Ideo Parochus infante Baptismi causa ad se delato dispiciat, an suæ Parochiæ sit, quem si alienæ deprehenderit esse, non nisi urgente necessitate baptizet, sed ad

proprium Parochum jubeat deportari: quod maxime erit observandum in prolibus ex illegitimo thoro procreatis, quas parentes, ut crimen suum proprium Pastorem celent, ejusque correctionem declinent, in alienam Parochiam, ubi ignoti sunt, curant ad Baptismum deferri.

XVIII. Baptizatis nulla alia nomina imponi debent, quam Sanctorum, quorum denominatio ac memoria adultis ad virtutis imitationis studium desiderium accendere possit.

XIX. Patrini ac matrinæ sint homines pii & Catholici maturæ ætatis, in fide atque probatis moribus bene instructi, ut filios suos spirituales in iisdem instruere possint: id enim ipsorum, quam pro infantibus Deo & Ecclesiæ faciunt, sponso requirit, ejus diligenter a Parochis sunt admonendi, ac magis eligentur ii, qui saluti animæ consulere, quam muneribus augere queant. Arcentur autem merito ab ista sponione, qui nondum ad annos discretionis pervenerunt, nec Fidei rudimenta tenent, utpote Symbolum Apostolicum & Orationem Dominicam, item qui justo impedimento cessante, eo anno peccata Sacerdoti suo confessi non sunt, neque in festo Paschæ Sacram Eucharistiam susceperunt, quique hæresi infecti aut excommunicati sunt. Neque enim convenit illos tanquam comministros & testes assistere Sacramentis, qui vel de illis male sentiunt, vel quos Ecclesia a Divinis arcet, vel qui se ipsos a communione & unitate Catholica segregarunt.

XX. Alienum autem existimamus, magnam hujus mundi pompam circa Baptismum adhibere, ne ubi unusquisque in Baptismo pollicetur Satanæ renunciare, ejusque pompas deferere, in ipso vitæ Christianæ limine iis rebus dari opera videatur, quibus potissimum solenni sponione renunciatur.

TITULUS III.

De Confirmatione.

I.

Sacramento Baptismatis succedit aliud, quod a Ss. Patribus nunc Con-

Confirmatio, nunc manus impositio, vel Sacramentum Chrismatis aut Unctio, quæ sit Divinæ procreationis sacrosancta profectio, nominatur: cujus quidem Sacramenti virtute homini baptizato plenitudo Spiritus Sancti confertur, & auxilium ac robur singulare, quale datum est Apostolis die Pentecostes, ut Christi nomen & fidem coram Principibus mundi & orbe toto sine pudore ac timore constanter valeant profiteri. De hujus Sacramenti dignitate, vi & effectibus Parochi subditos suos sæpe diligenterque instruant, maxime sub id temporis, quo illud Episcopus in iis locis ministraturus est. Postquam Parochus de constituto die Chrismatis ministrandi fuerit admonitus, perquirat diligenter, qui confirmandi sint in Parochia etiam per singulorum domos circumeundo, si id commode fieri potest, & die Dominico aut Festo præcedente ex professo doceat populum suæ curæ & custodiæ commissum ea omnia, quæ ad Sacramentum debite recipiendum pertinere intelliget. Pastores vero & Concionatores in Domino requirimus, ut eo majori diligentia, sollicitudine ac zelo in fructibus hujus Sacramenti explicandis versentur, quo vident amplius illud ab antiquis & nostri temporis hæreticis derisui & ludibrio habitum. Cum ergo hujus Sacramenti utilissima susceptio nequaquam negligenda aut parvi pendenda aut differenda sit, præcipimus omnibus ac singulis Civitatis & Diocesis nostræ Paderbornensis Pastoribus, ut parentes crebro adhortentur, quatenus suos liberos nondum sacro Chrismate confirmatos ad suscipiendum hoc Sacramentum abducant.

II. Ad Confirmationem accedentes, si non perfectæ ætatis, ut Concilio Aurelianensi olim statutum fuit, saltem septennio non sint minores, ut melius suscepti Sacramenti memores esse possint, nisi ex rationabili causa confirmanti aliud videatur; neutiquam porro expedit post ætatis annum septimum, vel quando puer rationis usum affectus putatur, Sacramentum Confirmationis diutius differri, quia dignius suscipitur ab innocente, qui gra-

tiam primam Baptismi integram hætenus conservavit in ea ætate, quæ fere immunis a gravioribus peccatis esse solet.

III. Inter adultos vero nullos hæreticus, excommunicatus, interdictus vel gravioribus facinoribus contaminatus, aut primorum Christianæ Fidei rudimentorum, videlicet Orationis Dominicæ, Salutationis Angelicæ, ac Symboli Apostolorum ignarus ad percipiendum hoc Sacramentum se ingerat.

IV. Si quos præmature parentibus orbatos vel alios quoscunque post debitam inquisitionem adhuc dubitare contingat, num Sacramentum hoc susceperint, nec ne, illi dubium suum nobis exponant, ut sub conditione confirmari possint, si ita fieri debere judicaverimus; quia tamen frequenter evenit, ut parentibus vita defunctis pueri Confirmationis susceptæ neutiquam memores iterum se offerant confirmandos, idcirco mandamus parentibus ac patrinis, ut confirmatis suis liberis, iis præsertim, qui ante rationis usum sunt consignati, sæpe revocent in memoriam, quando, a quo & ubi fuerint confirmati, & a quo patrino Episcopo oblati, tum ne hujus obliti rursus sacrilege consignentur, tum etiam ut hac gratiæ plenitudine, quam vi Sacramenti acceperunt, ad Dei gloriam & salutem suam recte utantur, & de virtute in virtutem quotidie prægrediantur.

V. Cum Sacramentum Confirmationis ex propria institutione, ratione & natura sua conferat augmentum gratiæ, necessarium censetur, ut id recepturus jam antea Dei gratia donetur, siquidem augmentum illam supponit, ideo volumus, ut omnes confirmandi, qui octavo vel summum decimo ætatis anno majores sunt, dolique capaces, ne gratiæ Spiritus Sancti ponant obicem, si conscii sibi fuerint peccati mortalis, quod nondum expiarunt, præmittant Confessionis Sacramentum, quo a peccatorum sordibus expurgati, velut munda vasa donis amplissimis Spiritus Sancti affluentius impleantur, ac tam animæ, quam cor-

pora eorum viva Spiritus Sancti templa efficiantur. Quod si tamen propter temporis angustias aliudve legitimum impedimentum confirmandi non potuerint ante confiteri, saltem de admissis peccatis prius actu contemnantur.

VI. Convenit quoque, ut hujusmodi Sacramentum ante meridiem administretur, & confirmandi, si sani sint, jejuni ad illud suscipiendum juxta salutarem Concilii Aurelianensis monitionem accedant, ut piis desideriis aliisve dignis poenitentiae fructibus, ac pietatis operibus melius preparati copiosius Dei donis cumulentur. Verum, cum plerumque populus numerosus affluat ad Confirmationem, usus obtinuit, ut hoc Sacramentum post prandium etiam non jejunis conferatur & suscipiatur, quod etiam licite fieri potest, si infirmitas, angustia temporis, vel alia justa causa faciendum suadeat.

VII. Qui in Baptismo patrinus esse prohibetur, hic quoque esse non poterit. Patrinos autem declaramus idoneos, qui primum ipsi sunt Catholici, confirmati, maturæ ætatis, ab omni excommunicationis sententia liberi, nec gravioribus criminibus palam obnoxii, tum qui eo anno ad Sacramentum Confessionis & Communionis accesserunt, qui prima fidei rudimenta noverunt. Regulares autem personas ad hunc actum accedere prohibemus.

TITULUS IV.

De Sacramento Ss. Eucharistiæ.

I.

Cum Eucharistia sit præcipuum ac maximum Dei donum & longe sacratissimum Sacramentum, quo nihil habet Ecclesiæ dignius, admirabilius, & salubrius, ipsum omnis boni ac gratiæ fontem & auctorem continens, dolendum sane est, multorum sanctæ Religionis Catholicæ adversariorum impia studia conatusque in oppugnationem hujus Divinissimi Sacramenti converti, multorum item & maxime malorum Sacerdotum impuritate ac vita mala, Divinum hoc Sacramentum horrendum in modum profanari, atque

contemni, ut mirandum non sit, si Deus merito hinc offensus gravissimas in populum calamitates immittat. Cui utrique malo occurrere cupientes, serio Pastoribus, ac quibuscunque Concionatoribus & Divini verbi Præconibus commendamus, ut quæ de astruenda hujus Sacramenti veritate, transubstantiatione, adoratione, sumptione, oblatione &c. Sancta Synodus Tridentina post Ss. PP. & DD. testimonia definivit, populo diligenter proponant atque explicant.

II. In singulis Ecclesiis Parochialibus plures Hostiæ sacræ ad usum ægrotorum continuo asserventur, & quidem sub fera & in loco honesto ac decenti vasculo.

III. Frequenter pro loci humiditate vel siccitate species Sacramentales renouentur.

IV. Hostiæ consecrandæ sint recentes & integræ, sed non plures, præsertim in Paschate, vel aliis solemnioribus Festis, quando populus communicare solet, consecrentur, quam quot Pastor, aut alius Ecclesiæ Rector animarum curam habens pro ægrotantium, aliorumque communicantium numero circiter esse necessarias judicaverit.

V. Sacrosancta Eucharistia nec adorationis causa, nec in gratiam infirmorum servetur alibi, quam in loco sacro, in Ecclesiis nimirum Parochialibus, vel aliis, quibus animarum cura annexa est.

VI. Tabernaculum Venerabilis Sacramenti ubi nondum est, sollicitus sit Pastor, ut id conficiatur, quod fiat vel in medio Altaris, vel in pariete juxta Altare extrinsecus decore depictum, ejusque ostium aliqua cortinula sit reclusum, intrinsecus autem panno colorato. Tabernaculum sit circum vestitum, ac circumquaque firmum & tuto clausum, sub ipso duntaxat Venerabilis Sacramenti vase candido semper corporali stratum. Tabernaculum quoque, in quo Sanctissimum CHRISTI Corpus in Ecclesiis deponitur & custoditur, sit firmum, clave obseratum, & juxta cujusque Ecclesiæ facultates intus & foris decenter exornatum, atque

que a Sacri Chrismatis, Sanctorum-que Oleorum vasculi, Sanctorum quoque Reliquiis, & ab omni alia re vacuum.

VII. In qualibet Parochia ut minimum sint duo vascula, in quibus sacra Hostia conserventur, unum quod veteri vocabulo Ecclesiastico Ciborium vocamus, in quo reponantur sacra Hostia communicantibus distribuenda, quo etiam uti licebit, dum Venerabile Sacramentum ad infirmos defertur. Alterum vero vasculum sit hierotheca perlucida, quam vulgo Monstrantiam appellant; cuius usus sit Venerabili Sacramento deferendo in publicis processionibus, vel cultus & adorationis causa proponendo super Altare; quæ hierotheca idcirco inter columnellas ita chrystallo transparenti circumdetur, ut sacra Hostia perspicui possit. In ipso tabernaculo recludantur dictæ pyxides duæ, easque oportet esse aureas vel argenteas, vel minimum propter Ecclesiæ paupertatem, vel direptionum pericula stanneas mundas, & nitidas, nullo modo vero ligneas, testaceas, vitreas ob periculum fractionis, non lapideas ob humiditatem & gravitatem, nec aneas vel ob æruginem, quam pariunt, quæ vomitum provocat: Omnia vasa sacra, quæ ad ostensionem, de porrationem, vel custodiam Ss. Eucharistiæ serviunt, ut sunt monstrantiæ, ciboria, pyxides, calices & quæcunque alia vascula, si argentea, aurea vel inaurata sint, quotannis minimum bis circa festum Paschæ ac S. Michaelis intus & foris mudentur, & splendori suo restituantur, si propter Ecclesiæ paupertatem vel direptionum pericula fuerint stannea singulis saltem mensibus diligentissime defricentur.

VIII. Clavis illius tabernaculi nunquam in ejus ostiolo, Altari, aut loco vicino, vel sacrario relinquatur, neque ulli unquam Laico vel Aedituo, vel ulli etiam in Monasteriis moniali credatur, sed in Ecclesiis Parochialibus solus Parochus, vel alius Sacerdos cum ipsius licentia, in aliis autem Ecclesiis tam secularium, quam Regularium Sacerdos ab earum Ecclesiarum Superiore speciatim deputatus clavem illam, idque sub gravi arbitraria pœ-

na, custodiat, diligentissimeque curet, ut illud semper clausum sit, ne ulla unquam Sacramento huic injuria fiat. Si quis ipsius sacra Eucharistiæ Custos eam incautius servarit, per tres menses juxta canonicas Sanctiones ab Officio suspendatur, & si per ejus incuriam aut negligentiam aliquid nefandum contigerit, seu gravior sacrosancto huic Sacramento irrogata fuerit injuria, pro modo culpæ graviori etiam in eum pœna animadvertatur.

IX. Ubicunque locus ab hostibus ac prædonibus est tutus, & facultates Ecclesiæ ferunt, continuo tam de nocte, quam de die ante tabernaculum sanctissimæ Eucharistiæ lumen ardeat, alibi ubi nimia paupertas aliud non finit, saltem sub Officio Divino ob reverentiam tanti Sacramenti, & ut significetur præsentem esse eum, qui lucem habitat inaccessibilem, qui quæ mentium nostrarum tenebras illustrat; ardeatque sumptibus fabricæ, vel alterius, qui ad hoc obligatur, quod, ut non negligatur, Parochos, ac Sacristanos, seu Aedituos ad hujusmodi incuriam & luminarium defectus, ubicunque fuerint, corrigendos, aut Nobis, vel nostro Vicario quamprimum denunciandos adhortamur. Fundationes etiam in eum usum relictæ strictè impleantur.

X. Porro, cum sicut corpus pane ciboque, sic anima spiritali alimento sæpius sit reficienda, diligenter excitent subditos & auditores suos Parochi & verbi DEI Præcones ad debitum tanti Sacramenti cultum & frequentem ejus usum: iisdemque crebro exponant & maxime festis celebrioribus, quando populus communicare solet, quanta sit ipsius Eucharistiæ excellentia, quam admirabiles effectus in rite dispositis pariat, quanta proinde animi religione, pietate & humili etiam corporis habitu ad Divinum hoc epulum (in quo omnis spiritalis dulcedo quasi in suo fonte gustatur) sit accedendum. Non desinant etiam Pastores & Concionatores sæpius adhortari parentes sub concionibus & alias, ut liberos, postquam ejus ætatis & judicii fuerint, ut possint sacrosanctum Corpus Domini discernere, ad ejus participa-

cipationem inducant, & Ecclesiæ offerant, ut hoc cælesti cibo pasti omnium bonorum operum & meritorum capiant incrementa; interim tamen Pastores & reliqui curam animarum habentes advigilent, ut neminem ad illud admittant, quin certo sciant eum vel saltem prima Fidei rudimenta probe scire & quid in sacra Eucharistia contineatur, intelligere. Sæpius quoque populum admoneant, quod nulli sibi peccati mortalis conscius, licet sibi contritus videatur, absque præmissa confessione sacrosanctum Corpus CHRISTI possit sumere, nisi in periculo mortis, cum æger non potest confiteri, vel abest copia Confessarii.

XI. Inculcent similiter omnibus, quod teneantur naturali jejunio servato, accedere ad hoc Sacramentum, ita ut saltem a media nocte nihil omnino ne quidem per modum medicinæ comederint aut biberint, ac ut utroque genu flexo Sacramentum istud humiliter adorent, reverenter suscipiant, neque eo sumpto statim ab Ecclesia discedant, aut colloquantur, aut vocalibus precibus occupentur, nè sacra Hostia vel aliqua ejus particula incaute ex ore decadat, sed aliquantisper; quæ par est pietate, mente orant, ac tacite Deo pro tam singulari beneficio, nec non pro sanctissima Passione Domini, ad cujus memoriam reficendam hoc Myterium est institutum & sumitur, gratias agant.

XII. Adhæc mandamus Pastribus & eorum vices tenentibus, ne sacrosanctam Eucharistiam administrent publicis peccatoribus; aut concubinariis publicis, antequam concubinas suas dimiserint, meretricibus, usurariis publicis, nisi usuris renunciaverint, & injusta lucra restituerint, aut de iis restituendis cautionem dederint; palam inimicitias exercentibus, nisi re ipsa pacem composuerint, vel sese ad reconciliationem debite obtulerint: phreneticis seu amentibus perpetuis, dum rationis usu carent, aut a pietatis sensu sunt alieni, non licet hoc dare Sacramentum; licebit tamen, quando lucida habentes intervalla sui que facti compotes pie & religiose illud sumere desiderant.

XIII. Peccatores vero occultos, si occulte petant, & eos emendatos Parochus non agnoverit, repellat: non autem si publice se ingerant & sine offendentulo nequeant præteriri.

XIV. Eandem etiam de Energumenis rationem haberi volumus, quibus, si pia animi præparatione se dignos ea fecerint, nequaquam sacra Eucharistia est neganda, tum ut ejus virtute muniantur ab incurso dæmonum, quo infestantur, tum ut purgentur.

XV. Damnatis ad mortem de peccatis rite confessis & contritis negari non debet Eucharistia, sed tamen danda ante diem supplicii, si commodè fieri possit, ne aliquid præter reverentiam tanti Sacramenti contingat.

XVI. Quilibet annos discretionis habens communicare debet, ut minimum in Paschate in Ecclesia sua Parochiali. Incipit autem Pascha ad hunc effectum in Dominica Palmarum, & durat usque ad Dominicam in Albis inclusive. Qui huic mandato Ecclesiæ non obedierint, vel in Paschate a Parochia absuerint, & reversi intra octo dies non docuerint se alibi in Paschate communicasse, in Synodali visitatione denuncientur, ut nisi legitimam excusationem attulerint, & vivi ab ingressu Ecclesiæ arceantur, & mortuis Ecclesiastica denegetur sepultura. Ad hæc cum oporteat in Parochia quemque sua in Paschate ad sacram Synaxin accedere, non satisfaciunt communicantes in aliis Ecclesiis quorumcunque etiam Ordinum privilegiatorum, quod in Dominica Passionis in Parochiis publicent Pastores una cum Decreto Concilii Lateranensis de Communionem in Paschate faciendam. Ut igitur hoc salutare Concilii Decretum inviolate servetur; quivis Parochus nomina & cognomina suorum Parochianorum in libro status animarum habeat descripta.

XVII. Pastores, & quicumque alii Sacerdotes Venerabile Corporis Christi Sacramentum ad ægros, aut alios nunquam perferant, nisi decenter & reverenter ornati stola & superpelliceo, & Custos superpelliceo indutus lumen & campanulam sonantem præferat, quo

quo. populus sui moneatur officii tum erga Sacramentum, tum erga laborantem infirmum, idque observetur, etiam si infirmus frequentius in ægritudine sua Viaticum salutis sibi deferri petat. Quoties autem Sacerdos ad ministrandum ægrotis Sacramentum accersitur, semper duo ad minimum ex ipsius ægroti vicinis Presbyterum cum Custode a Templo ad ægrotum usque detentis capitibus & cum maturitate deducant, & inde ad Ecclesiam reducant. Monentur vero omnes constituti in via, quia Sacerdos cum Venerabili Sacramento transsit, ut summum illi honorem exhibeant, & sive equo, sive curru vehantur, religiose descendant; & tandiu flexis genibus permaneant, quoad Sacerdos cum Venerabili Sacramento transierit, quod mulam huic sanctissimo Sacramento conciliat reverentiam, idque nullius dignitatem decedere, sed pro fidei suæ devotione ac professione vere gloriosum ac Christianum esse arbitrari omnes debent. Curetur vero diligenter, ut in administratione huius Sacramenti ægrotantis cubiculum expurgatum, decenterque sit compositum, mensa aliqua lintheo mundo instrata, ac etiam Cruce, luminaribus, ac vasculo aquæ benedictæ instructa præparetur, in qua pyxis cum Venerabili Sacramento constitui possit, Parochi etiam subditos suos sæpe hortentur, ut dum sanctissimum hoc Sacramentum ad ægrotum deferretur, indeque ad Ecclesiam reportatur, frequentes illud ac devote committentur.

XVIII. Viaticum sacratissimi Corporis Domini ægrotantibus mature, & sollicitè procurandum est, ne forte contingat eos tanto bono Parochi incuria privatos decedere.

XIX. Infirmis, qui pietatis studio sua in ægritudine communicant, danda est Eucharistia ante omnem cibum & potum; potest tamen Viaticum brevi morituris dari non jejunis, id tamen diligenter curandum est, ne iis tribuatur, a quibus ob phrenesin, assiduam tussim, frequentem vomitum, aliumque similem morbum aliquid indecori cum injuria tanti Sacramenti timeri potest.

XX. Abusus, ut ad ægrotos deferatur Venerabile Sacramentum sub tempus vespertinum, paulatim tollatur. Nunquam tamen Pastor tempore nocturno, aut alias quantumvis importuno vocatus, cum id infirmi status postulat, ab officio faciendo sese excuset, gravissime puniendus, cujus culpa infirmus non munitus Sacramentis ex vita discesserit.

XXI. Nunquam unica duntaxat, sed ut minimum duæ semper sacræ Hostiæ ad ægrotum deferantur, & unica infirmo exhibita, altera ad Ecclesiam eodem honore & comitatu referatur, ne Parocho ad Ecclesiam redeunte, inanem pyxidem populus adoret. Et hæc quidem ordinario plerumque observanda est ab omnibus, quod si tamen vel nimia loci distantia, vel itineris temporisve difficultas, vel alia justa causa, quo minus id præstari possit, circumspetto Parocho suaserit, tum eidem licebit eam sanctissimæ Eucharistiæ particulam solam deferre, quam æger percepturus est, quo casu tamen inane vasculum seu pyxidem occulte, silente campanula & sine lumine ad Ecclesiam referet.

XXII. Quod si longius aut difficilius iter obeundum sit, aut etiam equitandum, includatur pyxis cum Sacramento bursa decenti ad collum appensa, & ita ad pectus aligata, ut neque decidere, neque e pyxide Sacramentum excuti possit.

XXIII. Inter eundem caveat, ne vanos oculos huc illucque conjiciat, aut fabuletur, sed caute, reverenter & graviter incedat, cœlestemque illum, quem manibus gestat, Thesaurum fide portet, & linguam mentemque precando exerceat.

TITULUS V.

De Sacrificio Missæ.

I.

CONSTANS est Ecclesiæ vera doctrina, quam semper tradidit, & a suis Ministris doceri vult, Eucharistiam simul & Sacrificium esse & Sacramentum; Sacrificium veræ laudis & gratiarum actionis, impetratorium ac pro-

piciationis pro fidelibus vivis & defunctis : Sacramentum autem spiritualis alimoniz, quo vitam nostram spiritua-lem tueri & conservare possimus : nec potuisse Salvatorem nostrum, quando seipsum in ara Crucis obtulit, illustrius erga nos suam charitatem testatam facere, quam cum nobis visibile Sacri-ficium reliquit, quo cruenti illius Sa-crificii in ara Crucis semel immolati, virtus & efficacia in nos derivaretur, cuiusque memoria usque in finem sæ-culi quotidie summa cum utilitate ab Ecclesia per totum terrarum orbem diffusa recoletur. Cumque fateri co-gamur, nullum opus adeo sanctum ac Divinum a Fidelibus tractari posse, quam hoc ipsum tremendum Myste-rium, quo vivifica illa Hostia, qua Deo Patri reconciliati sumus, in Altari per Sacerdotes incruento modo, quotidie offertur, satis etiam appareat, omnem operam & diligentiam in eo ponendam esse, ut quanta maxima fieri potest, in-teriori cordis mundicia & puritate, at-que exteriori devotionis & pietatis apparatu ac specie illud ipsum peraga-tur.

II. Itaque imprimis innumeris, quæ ex irreverenti & indecenti sanctis-simi Missæ Sacrificii celebratione pro-veniunt, malis ; quantum in Domino possumus, mature occurrere cupien-tes, omnibus modis interdiciamus, ne quis extraneus, vagus, ignotus, vel peregrinus in ulla Civitatis & Diocesis nostræ Ecclesia sive sæculari, sive regu-lari ad celebrandam Missam, Sacra-menta ministranda, aut etiam prædi-candum verbum Dei admittatur, nisi prius exhibitio Episcopi sui, a quo con-secratus est, testimonio, vel Superioris sui commendatitiis literis.

III. Cum Episcopi etiam ex san-ctione Concilii Tridentini curare de-beant, ne quis publice criminofus Sa-cerdos aut sacro Altari ministrare, aut Sacris interesse permittatur, injungi-mus omnibus Ecclesiarum Prælatiis, Superioribus, & aliis universis anima-rum curam habentibus, Regularibus ac sæcularibus, ut Episcopali auctori-tate nostra publicos concubinos, usurarios, simoniacos, aliosque palam excommunicatos, criminofos Presby-

teros ab Altaris ministerio removeant, alioqui tam illi, qui mortalis peccati publici rei celebrant, quam qui in hoc connivent, severe a Nobis punien-tur.

IV. Ut inter septem planetas splen-didissimum Solis jubar, sic inter Ec-clesiæ Sacramenta sacrosancta Eucha-ristia eminet, quæ purissimum & luci-dissimum justitiæ Solem re ipsa & per se præsentem comprehendit, quam non nisi terfa & vitiis omnibus lethali-bus expurgata conscientia licet per-cipere, idcirco Divino & positivo jure præceptum est, ne quis peccati mor-talis conficius, quantumvis sibi contri-tus videatur, absque præmissa Sacra-mentali Confessione ad sacram Eucha-ristiam accedere audeat, quod præ-ceptum inviolate a Laicis Communio-ne sacra reficiendis, majorique ratione a Sacerdotibus sacrificantibus manda-mus observari, quoties adest copia Confessarii: quod si urgente necessitate Sacerdos absque prævia confessione, excitata tamen prius contritione Mis-sam celebraverit, ea finita quamprimum, ut definitum Oecumenicum Concilium Tridentinum, tenetur confiteri.

V. Primam Missam celebraturus Sacerdos non ante id facere permitta-tur, quam prius generales & speciales Rubricas & ritum celebrandi Missam tam privatam, quam solemnem secun-dum præscriptum Missalis Romani di-ligenter perlegerit, atque sacris Missæ ritibus & caeremoniis ab aliquo pio & erudito caeremoniarum & rituum Ec-clesiæ apprime perito Sacerdote debite fuerit instructus, nec non eandem ca-remonias & ritus se perfecte di-dicisse, Superiori, cui subest, testi-monio sui Instructoris legitime pro-baverit.

VI. Et ne Sacerdotum sordibus res sacrosancta in oculis quoque vulgi vilescat, & maledictio, quam Deus mi-nitatur, opus suum negligenter facien-tes feriat, volumus, & quibuscunque Civitatis & Diocesis nostræ Presbyte-ris severe præcipimus, ut omnes tre-mendum Missæ Sacrificium celebratu-rum, mundis honestisque Altaris orna-mentis, vasis, calicibus, patenis Pon-tificali ritu consecratis, benedictis cor-pora-

poralibus, pallis, vestibus similiter benedictis, nitidis pariter & integris, Romano Missali, nunquam folis candelis sebaceis in Altari, sed cum eis vel sine eis semper duobus minimum decentis formæ cereis, in Festis autem solemnioribus etiam pluribus, ante Evangelium S. Joannis vel aliud, si decendum fuerit, in fine Missæ plene lectum non extinguendis utantur.

VII. Quo Christi fideles Ecclesiæ præcepto de Missa audienda facilius queant satisfacere, serio mandamus, ut in omnibus curatis & vicecuratis Diocesis nostræ pagorum Ecclesiis non Collegiatis, Dominicis & fori Festis diebus Missa Parochialis, certa & eadem semper hora fiat, ætate quidem hora octava, hyeme vero hora nona; ubi vero eodem die duæ Missæ dici consueverunt, is ordo servetur, ut prima in ipso diluculo pro plebis commoditate dicatur, ut pro majori sua quisque commoditate præcepto Ecclesiæ de audiendo Sacro satisfacere possit; præmissa tamen singulis prædictis Missis trina campanarum pulsatione.

VIII. Ut populo major quotidie Deo serviendi sit opportunitas, curabunt Ecclesiarum Superiores, Pastores, aut eorum vices gerentes, ubi magna est Missarum frequentia, ut per singulas dimidiatas aut saltem horas Missa fiat: qua in re ad omnem evitandam confusionem nunquam plures una hora simul ad Altare convolent, ne reliquo tempore nullus in Templo Sacerdos Sacrificium offerens reperiatur, sed ordinate alter alteri succedat, quibus ex officio sacrificare incumbit, certamque sibi horam in catalogo celebrantium apte concinnato & in Ecclesiæ choro vel sacristia affixo præscriptam habeant. Illi vero, qui pietatis studio Sacrum facturi sunt, si priores per spacia diversa sacrificabunt, idem intervallum observabunt, sin autem sine aliqua temporis intermissione alius alium ad sacrificandum subsequatur, nec post nec ante illos Sacrificium offerre his integrum sit, ita cum prioribus concurrant, ut tamen non eodem temporis momento accedant, sed vel ad lectionem Evangelii, vel post factam Corporis Christi elevationem Sa-

crum inchoabunt: id ipsum & in Monasteriis fieri exoptamus, ne dum simul plurimi Sacris operantur, decori domus Dei, aut Mysteriorum venerationi & gravitati nonnihil decedat, sed omnia ordine summaque cum honestate & dignitate in Dei Ecclesia peragantur, sic enim sacris Mysteriis major accedet reverentia, populo vero ad templum quotidie venienti commodior erit Sacri statim audiendi occasio.

IX. Calices stannei, quorum usus quidem in Missæ Sacrificio toleratus est, si ullo modo fieri potest, tollantur, eorumque loco argentei substituantur, aut certe superior eorum cuppa sit argentea inaurata, maxime ubi non est periculum ab hostibus aut prædonibus.

X. In dicendis vel cantandis Missis servetur Ordo Breviarii, ac proinde Missa quotidie præsertim vero diebus Dominicis cum diei Officio conveniat.

XI. Curent quoque Abbates, Præpositi, Archidiaconi, Decani, Pastores & alii Ecclesiarum quarumcunque Superiores, quo ab offensa Dei sese liberent, ne tam in summa, quam defunctorum Missæ Sacrificio Epistola, Symbolum Fidei, Præfatio & Oratio Dominica, tanquam præcipuæ eorum, quæ in Missa canuntur, partes cantorum & organorum concentu mutilentur aut intercipientur; multo minus reliquum decantandæ Missæ Sacrificium proxime post elevatam hostiam lectione submissa absolvatur, sed omnia ex integro distincte & articulate cantantur.

XII. Elevato Corpore & Sanguine Domini nostri Jesu Christi in sacrosancto Missæ Sacrificio pulsu tintinnabuli omnes Christi fideles adorandi Dei in Sacramento verè & reipsum præsentis admoveantur, curentque Pastores, Concionatores, Ludimagistri, alique puerorum sacrificantibus inservientium Instruatores, ut pulsus ille nihil puerilis insolentia vel gesticulationis præseferat, sed soni sui gravitate & modestia Majestati rei, præsentis congruenti decorem & attentionem eidem conciliet. Celebrantibus autem semper Minister

adlit, qui ipsis inserviat, & respondeat corpore & moribus compositis, qui ab Altari non nisi peracto Sacro. cum Sacerdote secadat.

XIII. Præcipit sacra Synodus Tridentina, ut quæ in Missæ celebrationem irreperunt a tanti Sacrificii dignitate aliena, illa locorum ordinarii Episcopi prohibere atque e medio tollere sedulo curent & teneantur. Quamobrem Nos huiusmodi Decrero inhærentes omnia & singula, quæ vel avaritia, vel irreverentia, vel superstitio, vel malus usus induxit, sublata esse volumus, sicut sunt pactiones, mercedes, candelarum certus numerus, inusitatae preces, & quæ sunt similia avaritiæ & superstitiosæ vanitatis sufflaminæ.

XIV. Missæ nec nimis tarde, nec nimis festinanter, neque memoriter, sed ex Missali legantur.

XV. Circa elevationem sacræ Hostiæ, Antiphonæ vel aliæ cantiones intempestivæ ne intercinantur, sed altum silentium recollectione animi, quo præsentibus tunc Mysteriis debetur, observetur. Post elevationem calicis, si musice cantandum est, id devote & graviter fiat. Ubi vero hætenus moris fuit, ut ad elevationem majori vel alia campana signum datur, etiam impofterum observetur; ubi non fuit, introducatur & populus admoneatur, ut tam domi, quam foris ad dictum signum reverenter vel stet capite detecto, vel in genua procumbens, oret: *Gratias agens Redemptori nostro, quod propter nos & nostram salutem descendit de celis & incarnatus est de Spiritu Sancto, & homo factus est.*

XVI. In Altaribus & circa illa nihil omnino sit sordidum vel incompositum, in vestibus sacris nihil lacerum vel immundum. Nihil quoque desit in sacris vasis ad Officium Divinum spectantibus.

XVII. Multum pietatem ac devotionem in populo promovebit, si Parochi & Concionatores huius Sacrificii a Christo in ultima cæna instituti veritatem, excellentiam & admirabiles fructus singulari studio doceant, eumque commonefaciant, ut non solum Dominicis & Festis, sed aliis etiam

diebus per hebdomadam sacro Missæ Officio interesse studeat.

TITULUS VI.

De Sacramento Pœnitentiæ.

I.

SI ea in regeneratis omnibus gratitudo erga Deum esset, ut iustitiam in Baptismo ipsius beneficio & gratia suscepam constanter ruerentur, non fuisset opus aliud ab ipso Baptismo Sacramentum ad peccatorum remissionem esse institutum, quoniam autem Deus, qui dives est in misericordia, cognovit figmentum nostrum, illis etiam vitæ remedium contulit, qui se in peccati servitutem & dæmonis potestatem tradidissent. Sacramentum videlicet Pœnitentiæ, quo lapsis post Baptismum beneficium mortis Christi applicatur, ut merito Ss. PP. & Concilium Tridentinum pœnitentiam secundam post naufragium tabulam appellarint, qua scilicet ex vortice mortalis peccati, tanquam e naufragio subvehi, & in portum salutis transferri, unusquisque possit.

II. Sacramentum istud non minus lapsis post Baptismum ad salutem necessarium, quam nondum renatis Baptismus.

III. Ad Sacramentum Pœnitentiæ constituendum tria concurrunt essentialiter, materia, forma & Minister, materia remota sunt peccata actualia post Baptismum admissa, proxima seu partes integrantes sunt actus pœnitentis, contritio, confessio, & satisfactio, forma illis Ministri verbis continetur: *Ego te absolvo* &c. quibus ex laudabili Ecclesiæ Catholicæ more solent preces quædam præmitti, licet ad rationem formæ non spectent.

IV. Doceant autem Parochi diligenter suos Parochianos, post lapsum ac mortalis peccati reatum hoc medicamentum atque perfugium Christianis omnibus adeo ad reconciliationem salutemque necessarium esse, ut sine illo vel ejus voto nemo in nova lege lethali peccato adstrictus salvari possit. Hanc autem frugiferam esse pœnitentiam, ut quibus modis Deum offendimus,

mus (offendimus autem corde, ore, ac opere) iisdem reconcilemus Deo, corde quidem per contritionem, ore per confessionem, ac opere per satisfactionem: quas partes tum essentielles, tum integrales frequenter populo inculcandas, & præsertim ob laxiores hujus temporis opiniones ostendendum monemus, specialem peccatorum confessionem, cum numero ac circumstantiis, speciem peccati aut mutantibus, aut notabiliter aggravantibus necessarium esse, ut Sacerdos causæ cognitionem rectè ex statu pœnitentis intellectu instituere, & ubi peccata solvenda, ubi liganda, rectè discernere possit. Cum toto anno tum præcipuis Christi & B. Virginis Festivitatibus, & Quadragesimæ potissimum tempore fidelibus pœnitentiæ atque confessionis usus, fructusque frequenter a Parochis & Concionatoribus erit commendandus, ac populus ad eorum frequentationem piis cohortationibus excitandus, monendique communiter omnes, si per annum sæpius ac quidem in gravissima peccata labantur, quanto cum salutis periculo conjunctum sit, si salutare pœnitentiæ remedium non eligant, sed potius in tanto salutis suæ æternæ discrimine versari ac Dei gratia destitui, majoremque hac confessionis dilatione humani generis hosti occasionem insidiarum ac malitiæ suæ in ipsos exercendæ præbere velint.

V. Cum in confessionum auditio sit positum incredibile momentum ad seriam emendationem vitæ ipsius populi, studiose in hoc incumbant Confessarii, ut in confessionibus audiendis magnum fructum faciant pœnitentibus, salutare pœnitentias injungant, & salubria consilia ad peccata vitanda & serio vitam corrigendam suggerant.

VI. Puerperæ, & alii, quibus probabile vitæ periculum imminet, non differant salutaribus pœnitentiæ remediis se munire, idque tempestive, ne cum corpore etiam animæ periculum incurrant, & ad hoc studiose advigilent Pastores, atque etiam, cum necessarium judicaverint, ultro sese offerant.

VII. Ne quis ignorantiam præcepti de annua saltem Confessione & Communione in Paschate ab omnibus & singulis utriusque sexus Christi fidelibus, cum ad annos discretionis pervenerint, juxta magni Concilii Lateranensis Constitutionem, implendi prætereundum queat, volumus quotannis tam a sæcularibus, quam regularibus Concionatoribus & Confessariis id ipsum Dominica *Passionis* publicari, & post Dominicam in *Albis* vigilare & annotare Pastores, quinam ex suis Parochianis intra quindénam Paschalem, quæ a Dominica *Palmarum* usque ad Dominicam in *Albis* inclusam numeratur, defuerint officio, eos moneri, nisi præcepto satisfecerint, vivos a cœtu fidelium, mortuos ab Ecclesiastica sepultura removendos esse.

VIII. Ne tepidi Catholici, vel de fide suspecti facile, prout hætenus factum fuisse cum dolore accepimus, dictam Ecclesiasticam legem eludant, & in foribus suis diutius volutentur, volumus, ut Pastores, quoties similes in Parochia sua commorari deprehenderint, exigant ab iis testimonium Confessarii sui, ut inde constet, ubi & quando fuerint in isto anno confessi. Item in pagis, qui se dicunt in Paschate alibi confessos esse, testimonio Confessarii, Episcopali nostra auctoritate approbati, id docere teneantur, quod si non fecerint, contra eos ut non confessos procedatur.

IX. Hortamur in Domino omnes Medicos, ut in visitatione infirmorum Bullæ PII V. quæ incipit: *Supra gregem*, sese conforment, qua sancitur, ut infirmos in lecto jacentes ante omnia moneant, ut idoneo Confessori omnia peccata sua confiteantur, neque tertio die ulterius eos visitent, nisi longius tempus infirmo Confessor ob aliquam rationabilem causam concesserit, & eis per fidem a Confessore in scriptis factam constiterit, quod infirmi sui peccata sua confessi fuerint.

X. Qui infirmorum confessiones excipient, si Pastores non sint, scripto in domo decumbentium relicto, aut aliter de excepta confessione Pastori fidem faciant.

XL. Quoniam Minister Sacramenti Pœnitentiæ est solus Sacerdos, qui non hominis, sed Dei iudicium exercet circa animas pretioso Christi Sanguine redemptas, dum confessionibus pœnitentium intendit, in eo cumprimis præter potestatem Ordinis, quam Presbyterio initiatus accepit, necessario requiritur jurisdictio in pœnitentem ordinaria vel delegata (prævia tamen Episcopi Diocesani, ejusve in Spiritualibus Vicarii Generalis, post examen si opus fuerit, vel alias approbatione) sine qua nulla est absolutio, sicut sacra Congregatio Cardinalium Concilii Tridentini Interpretum idipsum disertis verbis felicis recordationis GREGORIO XV. & URBANO VIII. Pontificibus Maximis confirmantibus declaravit.

XII. Nullus itaque Sacerdos sive sæcularis, sive regularis confessiones audire præsumat quorumcunque sive Sæcularium, sive Laicorum, sive Sacerdotum & Clericorum, nisi prius examine præmissio idoneus repertus, & a Nobis, aut nostro Vicario Generali approbatus fuerit, excepto mortis articulo, quando approbatus Confessarius haberi non potest, tunc enim quilibet Sacerdos ab omnibus & quibuscunque peccatis etiam Sedi Apostolicæ, aut Nobis reservatis, in foro conscientie absolvere potest. Præter hanc jurisdictionem præsentem requiritur vitæ integritas, ætatis aut saltem morum maturitas, scientia Canonum pœnitentialium, censurarum, casuum reservatorum, diligens lectio probatorum & piorum scriptorum, qui de Sacramento pœnitentiæ scripserunt, prudentia & discretio, ut sciant distinguere inter lepram & lepram & salutarem medicinam peccatis contrariam applicare.

XIII. Et quia per sæpe compertum est, Sacerdotes vel non rite ordinatos atque etiam irregulares, vel vitæ morumque honestate & doctrina minime habiles, in aliena Diocesi, aut ad curam animarum gerendam, aut Sacramentales Confessiones audiendas approbationem variis modis & artibus extorsisse, eamque non legitime in nostra Diocesi usurpare, merito in me-

moriam revocandam duximus **CLEMENTIS V.** Pontificis Maximi Constitutionem, qua cavetur, ne Confessarii extra Civitates & Dioceses, in quibus ante fuerunt approbati, confessiones audiant, absque nova cujusque Episcopi Diocesani approbatione, uti Concilium Tridentinum insinuat, dum universe ab Episcopis Diocesanis prius approbandos decernit quoscunque tum sæculares, tum Regulares Sacerdotes, quam ad Parochiale Beneficium regendum vel confessiones audiendas in eorum Diocesisbus admitti queant, cui congruenter sacra Congregatio Cardinalium ejusdemque Concilii Tridentini interpretum expresse declaravit, semel approbatum ab Episcopo alterius Diocesis, in qua ad animarum curam vel confessiones exponendus est, iterum debere approbari, nec sine ejusmodi nova approbatione ullas quarumcunque personarum sæcularium Sacramentales confessiones excipere posse, quod & confirmavit **INNOCENTIUS** Papa X. speciali ea de re. & aliis dubiis circa licitam & validam confessionum auditionem motis edita Sanctione, quia in alia Diocesi sæpe diversæ consuetudines, peccatorum reservationes, alia hominum ingenia, mores, commerciaque vigent.

XIV. Confessarii prudentes sint, ac circumspecti non solum in injungendis pœnitentiis (ideoque etiam, pro peccato occulto pœnitentiam publicam non imponant) verum etiam examinando pœnitentes, præsertim circa vitia carnis, ne indiscretis interrogationibus eos doceant peccata, quæ ignorant, vel aliter scandalizent.

XV. Et generaliter ea sinceritate, prudentia, ædificatione munere suo fungantur, quemadmodum & tanti ministerii Sanctitas postulat, & animarum salus deposcit.

XVI. Magna oportet esse instructum scientia, qui de rebus maximis ex tempore judicare debet: Ideo Confessarii quibus non hominis sed Dei iudicium exercendum est, & quidem de animabus pretioso **JESU CHRISTI** Sanguine redemptis, lectioni eorum librorum, unde necessariam sibi scientiam

tiam hauriant, diligentissime vacare merito debent.

XVII. Confessarii dum rudiores pœnitentes inveniunt, de quorum in rebus fidei & modo confitendi instructione dubitant, ante omnia Fidei Catholicæ rudimentorum & Orationis Dominicæ, Salutationis Angelicæ, Symboli Apostolorum, præceptorum Decalogi & Ecclesiæ, atque peccatorum capitalium peritiam examinent, & quos horum ignaros cognoverint, si tempus suppetat, breviter vel assignato alio commodiore, instruant de rebus fidei & aliis ad salutem cognitu necessariis, de conscientie discussione, confessione, & dolore ad eam necessario, corripiant eorum ignorantiam, ut imposterum ea diligentius addiscant serio commoneant.

XVIII. Ut supervacanea, a confessione aliena & extranea inter confitendum, uti antedictum est, non sunt miscenda, ita multo minus a Confessario nomen complicitis vel ipsius etiam pœnitentis, ejus domicilium, vel rei domesticæ status curiose inquiratur: hæc enim affectatam curiositatem aut quæstum redolent, quin hortamur pœnitentes, ut tales Confessarios vel prætereant, vel deserant.

XIX. Caveant quoque Confessarii, ne qua commoda temporalia sibi vel suis occasione confessionis a pœnitentibus aucupentur, neque convenit, ut ipsorum facultatem administrandis se immisceant, nisi pupilli vel aliter gravati in necessitate summa id jure possint.

XX. Extra necessitatem confessiones non audiantur, nisi in Ecclesia & loco aperto, maxime si confitentes sint mulieres, quas convenit breviter expedire. Confessionalia ubique eriguntur in loco commodo Templi sumptibus fabricæ, ubi erecta nondum sunt, quæ Confessarium a pœnitente asserculo cancellato, ac pœnitentem a sequentibus alio asserculo disjungant, quamprimum fieri potest, a publicatione Decretorum hujusmodi, sumptibus fabricarum erigantur, ut ab eo tempore nemo sine licentia Ordinarii extra ejusmodi confessionalia femina-

rum confessiones audire præsumat, nisi in casu necessitatis sub pœna arbitraria. Surdis autem, prægnantibus, aut aliqua notabili infirmitate detentis, poterit Confessarius commodum tempus eas audiendi assignare, semper tamen in loco Ecclesiæ valde conspicuo, nec quisquam Sacerdos mane ante Solis ortum, aut vespere post Solis occasum in tenebris alterius sexus confessiones audiat sine lumine, ut perversis & improbis hominibus omnis calumniandi occasio, quantum fieri potest, subtrahatur. Turpe etiam & indecorum est, videre confessionalia in angulis & locis abstrusis collocata, quare omnibus Pastoribus mandamus, ut quantocius curent hujusmodi sedes ad locum honestum, patentem & conspicuum transferendas, ut tepidi Catholici sacrosanctum illud tribunal præ oculis semper habeant, & exemplo bonorum ad illud sæpius & fidentius frequentandum inflammentur, neque temere Confessarii de uno loco ad alterum possimum in majoribus Festivitatibus excurrant, cum id sæpe magnæ murmurationis causam multis præbeat.

XXI. Caveant autem Parochi & Presbyteri audientes confessiones, ne alii confiteri volentes nimium appropinquent, & confitentem aut turbent, aut facultatem illi adimant libere proferendi peccata sua, aut Confessario exactius interrogandi.

XXII. Judicem sedentem sententias ferre oportet, ideo etiam Confessarius non nisi sedens confessiones excipiat, quacunque etiam pœnitentes dignitate fulgeant.

XXIII. Confessarii in sacro illo Tribunali modestiam & gravitatem præferant, sedeantque superpelliceo induti & stola a collo pendente, seu alio decenti habitu Presbyterali, ac memores sint, se ibidem agere conscientiarum Judices ac Spirituales animarum Medicos, justitiæ simul & misericordiæ Ministros a Deo constitutos esse, ut tanquam arbitri inter Deum & homines, non minus honori Divino, quam animarum salutis consulant, nec excedant ad dexteram vel sinistram sive indulgentia, sive severitate, proinde

inde non oscitanter, sed magna cum attentione, circumspectione & iudicio Sacramentum hoc administrent, & cognito poenitentium statu, congrua viis adhibeant remedia, & poenitentiam salutis animarum maxime convenientem imponant.

XXIV. Ut autem Pastores & Confessarii sciant, cujusmodi satisfactiones poenitentibus injungere debeant, mature expendant verba Tridentini Concilii: "Debent ergo Sacerdotes Dominum, quantum Spiritus & prudentia suggesserit, pro qualitate criminum & poenitentium facultate, salutare & convenientes satisfactiones injungere, ne si forte peccatis conneant, & indulgentius agant, levissima quædam opera pro gravissimis delictis injungendo alienorum peccatorum participes efficiantur. Habeant autem præ oculis, ut satisfactio, quam imponunt, non sit tantum ad vitæ novæ custodiam & infirmitatis medicamentum, sed etiam ad præteritorum peccatorum vindictam & castigationem."

XXV. Cum nihil confessionem magis suavem & acceptam reddat, quam sigillum, norint Confessarii, id sibi strictissime servandum esse, nec verbo, signo, nutu aut quovis alio modo vel minimum veniale peccatum contentis prodendum esse, sub pena depositionis a Sacerdotali officio & destitutionis in arcem Monasterium ad agendam ibidem perpetuam poenitentiam.

TITULUS VII.

De Casibus reservatis.

I.

Magnopere vero ad Christiani populi disciplinam & Ecclesiæ auctoritatem pertinere semper visum fuit, ut arctiora quædam & graviora crimina non a quibusvis sed summis duntaxat Sacerdotibus absolverentur, unde merito Pontifex Maximus pro suprema potestate sibi in Ecclesia universa tradita causas aliquot graviorum criminum suo peculiarium iudicio reservavit: quod idem Episcopis in sua cuique

Diecepsi supra alios Sacerdotes inferiores auctoritate licitum esse Conc. Trid. ex definitione Canonum antiquorum recte statuit.

II. Nemo Sacerdotum five secularium, five cujusvis Ordinis & Instituti Regularium, etiam a Nobis, seu Vicario nostro in Spiritualibus Generali ad confessiones secularium personarum audiendas approbatorum, a casibus Sedi Apostolicæ aut Nobis reservatis, quempiam extra mortis periculum absque speciali Apostolica seu nostra respective facultate absolvere præsumat: Sacerdos enim ad confessiones excipiendas generatim approbatus, cum in dictis casibus non sit legitimus Iudex, nullam ab iis habet absolvendi potestatem, quæ confertur per approbationem; ea enim in generali confessione non veniunt, quæ requirunt speciale mandatum; ideoque absolutio, quam impendit, non est valida, prout sacra Congregatio Cardinalium, quæ Episcoporum ac Regularium negotiis & consultationibus præest, definit.

III. Peccata vero & crimina reservationi Summi Pontificis subiecta multa sunt, quorum præcipua in Bulla: *Cenæ Domini*, sigillatim referuntur, ac probatis Auctoribus, qui subijciunt alios permultos desumptos ex corpore juris communis & diversorum Pontificum Constitutionibus. In quibus tamen casibus Sedi Apostolicæ reservatis, si occulti sint, Nos & Vicarius noster, ut absolvere & dispensare possimus, Concilium Tridentinum statuit. Sciant enim Confessarii Sedi Apostolicæ inter cætera esse reservata: Vota Castitatis perpetuæ, Religionis approbatæ & Peregrinationis Romanæ, Hierosolymitanæ & Compostellanæ, quoad reliqua vero vota, & excommunicationes, quorum permutatio five absolutio nonnullis forte Apostolico privilegio aut delegatione permittitur, caveant, ne temere sese hisce immisceant, & permutando vota vel ab iis absolvendo suam excedant potestatem.

IV. Pastores & Confessarii a casibus Nobis reservatis neminem absolvant, nisi aut in periculo mortis aut habi-

habita prius a Nobis, speciali licentia. Casus autem, quos Nobis reservamus, sunt sequentes :

1. Crimen incendarii.
2. Sacrilega Calicum ac Monstrantiarum ex Ecclesia surreptio.
3. Homicidium & infanticidium tam prolis natæ, quam fœtus animati.
4. Incestus in primo gradu & congressus cum Moniali.
5. Sodomia & cum brutis congressio.
6. Defloratio violenta virginum & earundem raptus.
7. Omne explicium cum dæmone pactum & grave per veneficium illatum damnum.
8. Peccatum complicitis in materia venerea.

TITULUS VIII.

De Extrema Unctione.

I.

Ecclēsia Catholica contra omnium temporum hæreticos ab ipsis Apostolorum temporibus palam semper ex D. Jacobi Apostoli sententia affirmavit, & docendum tradidit, Extremam Unctionem Sacramentum esse vere ac proprie dictum, quo migraturis ex hac vita Oleo salutis & fidei Oratione augetur robur contra hostes invisibiles in isto momento (ex quo dependet æternitas) fortius impugnantibus & calcaneo ac fini vitæ insidiantes; ac deinde gratia confertur remissionis reliquiarum peccatorum ad salutem corporis & animæ. Ideoque invigilent Pastores, si ex suis infirmari aliquem graviter intelligant, & mortis periculum subesse existiment, ne forte negligentia aut malignitate Domesticorum aut aliorum Unctionis Sacramentum impediatur, aut æquo iustius differatur, quin potius ultro ex charitate, & officii sui ratione sese offerant, oviculam suam invisitant, moneantque infirmum de cura salutis suæ habenda, frequentique visitatione ad mortem disponant, ac, quatenus per occupationes licet, morituris consilio, solatio, & auxilio adesse studeant, aut saltem

curent, ut aliquis alius Sacerdos aut Religiosus advocetur, qui luctantem cum morte adjuvet, habeantque Pastores in hanc rem assiduos sibi libellos quosdam pios, qui de ratione bene juvandi morientes a piis & doctis viris sunt compositi, sciantque Pastores huiusmodi charitatis officiis præter meritum apud Deum plurimum sibi subditorum animos conciliari, sicut scriptum est: non te pigeat visitare infirmum: ex his enim in dilectione firmaberis.

II. Parochi ægrotos sæpe invisitant, horrenturque, ne ad extremum Sacramenti huius susceptionem differant, sed potius sensibus, rationisque usu adhuc integris illud sibi administrari petant, ita ut uberiores ejus fructum percipiant.

III. Quamquam deceat, idque curandum sit, ut infirmo, dum rationis capax est, Extrema Unctio detur, attamen negari non debet morituris, si vel paulo ante in amentiam aut phrenesin inciderint, vel etiam diuturno tempore usu rationis privati extiterint, modo ante statum amentis hoc Sacramentum petiverint, aut interpretative desideraverint, Christiane nimirum vivendo & salutis suæ memores: quod etiam præsumendum est, nisi contrarium appareat, si vero tanta sit phrenesis, ut infirmus aliquid contra Sacramenti reverentiam facere posset, eo casu non ungarur, nisi sublato tali periculo.

IV. Falluntur, qui existimant, suscepto hoc Sacramento vel testamentum condi non posse, vel spem convalescendi ob id imminui, adeoque Pastores contrarium subinde doceant, Eximenda quoque est illa persuasio erronea & pernitiola ex mentibus hominum, qua sibi imaginantur sese, si inungantur, citius morituros, ut propterea ad extremum vitæ halitum hoc Sacramentum differant.

V. Dum sacrum Oleum infirmorum ad ægrotos deferatur, Custos superpelliceo indutus lumen præferat, non tamen nolum sonantem.

VI. Sacerdos administraturus hoc Sacramentum, quocunque anni etiam

Adventus, Quadragesimæ, & majoris hebdomadæ die, sit indutus superpelliceo cum stola violacea, sacrum Oleum infirmorum in honesto & decenter ornato vasculo cum debita reverentia ad ægrotum deferat comitantibus infirmi amicis & vicinis, inter eundum & redeundum a fabulis omnes abstineant, fundendis pro salute infirmi precibus intenti.

VII. Si ægrotus, dum sacro Oleo ungitur, extremum spiritum emisit, Parochus ungere desistat, si vero aliqua morbi vis de repente illum oppressisset, ut dubitetur, vivusne sit an mortuus, Parochus ea conditione inungendo utatur: *Si es vivus, per istam sanctam Unctionem &c.*

TITULUS IX.

De Ordine.

I.

ORdinum collatio seu manuum impositio, cum ostium sit ad Ecclesiarum gubernacula & ministeria exercenda, omni certe diligentia illud observandum est, quod hactenus diligenter curatum non fuisse, multis in partibus orbis Christiani loquimur: hinc enim tanta mala uno quasi impetu in Ecclesiam inundarunt, eamque misere affligerunt, ut attentiores posthac curam Episcopalem merito requirant, ne quod D. Apostolus Paulus discipulo suo Timotheo præscribit, id cum magno Ecclesiæ exitio contemnatur: *Manus cito nemini imposueris, neque communicaveris peccatis alienis;* qui etiam hujusmodi eustodiæ formulam quandam charissimis suis Discipulis ex professo præscribit, quam nos sequentes circa ordinandos, & eorum ingressum sub junctas condiciones observandas ex Conciliis & Canonibus depromptas præscribimus.

II. De qualitatibus eorum, qui ad sacros Ordines promovendi sunt, accurate statuit Concilium Tridentinum, de quibus hæc Synodus quædam diligentioris observationis causa repetenda duxit, & statuenda.

III. Nullus ad minores Ordines deinceps admittatur sine testimonio

probitatis & literaturæ a proprio Parocho & Magistro Scholæ, in qua studuit; Majoribus insigniendi, si sint Religiosi, a Superiore suo ætatis, natalium, ac vitæ, morumque probitatis debita testimonia in scriptis adterant; Sæculares, si in Ecclesia Collegiata, eive subjecta resideant, a Decano Capituli, si in Studio Theologico degant, ab illius Præside, alioqui a proprio Pastore similia testimonia exhibeant, & non habens hujusmodi testimonia, ne ad examen quidem admittatur, nisi Episcopo aliter videatur.

IV. Promovendi itaque ad sacros Ordines tam minores, quam majores, uti & primam tonsuram, hora prima pomeridiana feria quarta septimanæ, qua ordinandi sunt, in Cancellaria nostra Paderbornæ, nisi forsan ex causis incidentibus alius designetur locus, conveniant, productisque necessariis testimoniis legitimæ nativitatis, Baptismi, Confirmationis, antea vitæ, studiorum, provisionis, ætatis, susceptorum Ordinum, eorundemque facti exercitii nomina sua inscribi curent, feria quinta hora prima post meridiem de sufficiente doctrina examinandi a deputatis nostris Examinatoribus.

V. Doceant Religiosi etiam Ordinum mendicantium de Ordinibus susceptis, testimonio ipsius Episcopi sigillo ejusdem communito, antequam altiore Ordinem suscipiant.

VI. Ne quis forte a susceptione Ordinis Sacerdotii a Nobis rejectus ad confusionem apud suos evitandam ministerium Sacerdotale, quod non accepit, sacrilega temeritate usurpare attemptet, mandamus, ut nemo Primitias celebrare permittatur, antequam Superiori Ecclesiastico seculari, vel regulari, ejus loci, ubi Primitias celebrare intendit, literas suscepti Sacerdotii exhibuerit.

VII. Ordinati quoque Sacerdotes intra quadraginta dies juxta antiquam consuetudinem Primitias celebrent.

VIII. Quæ de examine ordinandorum ac præcipue ad curam animarum ex Concilio Tridentino salubriter sunt statuta, debite observari volumus, ac propterea diligenter nostro Vicario &

& Examinatoribus commendamus, ne quenquam ad curam animarum exercendam admittant, nisi quem ætate, moribus, & doctrina, prudentia, & aliis rebus ad vacantem Ecclesiam gubernandam opportunis idoneum judicaverint. Similiter stricte prohibemus, ne quispiam in Pastorales functiones sese ingerat, nisi prævio examine & approbatione licentiam a Nobis, aut nostro Vicario in scriptis obtinuerit. Nolumus etiam posthac cujuscunque status ad Ordines & Beneficia maxime curata sine hujusmodi examine admitti, provisiones autem, collationes, institutiones, investituras aliter factas nullius roboris declarantes.

TITULUS X.

De Matrimonio & Sponsalibus.

I.

Quotidiana docet experientia, Matrimonia temere & præpropere contracta, infinitas parere difficultates & infelices sæpe exitus sortiri, proinde recte ordinatum est, ut sponsalia, quæ futuri Matrimonii promissionem & reciprocam utriusque obligationem continent, permittantur; cum vero Sponsalia de futuro a sacro Concilio Tridentino sint intacta, atque ita relicta in terminis & dispositione juris communis, præterquam quod per copulam carnalem non transeant in Matrimonium, certum est ea esse valida, & servari debere, etiamsi coram Parocho & testibus contracta non fuerint, & cum multi perperam aliter sentiant, error ille a Concionatoribus & Confessariis data opportunitate iis eximatur.

II. Sponsalia de futuro, tamen si valida sint, quamvis coram proprio Parocho contracta non fuerint, nihilominus tamen ad evitandas multas difficultates ea, præsentè Parocho proprio, fieri præcipimus.

III. Ebriis & intempestiva nocte aut in tabernis contrahere Sponsalia volentibus operam suam Pastor non impendat.

IV. Curet etiam Parochus seu Vice-Parochus, ut parentum quoque con-

Tomus X. Concilior. German.

sensus Sponsalibus accedat, qui, si iisdem justis ex causis oblucentur, non temere procedat, sed liberos moneat, ne invitis & insciis, vel tutoribus, vel amicis Sponsalia seu Matrimonium inire, ne hac in re tanti momenti quidquam impetu præcipiti ducti, quod honestati repugnet, audeant inchoare, sed illorum consilio aut auctoritate moti, prævia matura deliberatione ineant conjugia & mala, quæ offensos parentes & inimicos comitari & sequi solent sæpe maxima, devitent. Admoneant etiam ex altera parte parentes, tutores & amicos, ne ipsi austeritate nimia liberorum vel sibi commissorum ætatis maturæ tardius æquo differant con nubia, nè vel incontinentiæ, vel fugæ, vel fatuitatis seu mania, quæ subinde ex magnis amoribus nasci consuevit, vel inconsultæ rei aggrediendæ penitentiam præbeant iis occasionem.

V. Priusquam Sponsalia contrahantur: Pastor, seu Vice-Pastor seorsum inquirat:

1. An desponsandi sint orthodoxi, noverintque Romano-Catholicæ fidei rudimenta.

2. An ullius sibi conscii sint impedimenti canonici, quod contrahendum inter se Matrimonium possit impedire.

3. Nomina, cognomina, statum, parentes, patriam & conditionem utriusque.

4. An libere & non coacte contrahant? & ætatem legitimam habeant? quod si in horum aliquo deficere despondendos advertat, opportuna iis remedia Pastor, seu Vice-Pastor adhibere non omittat, nimirum:

1. Ut doctrinæ Christianæ rudimenta prorsus ignorantes saltem Orationem Dominicam, Salutationem Angelicam, Symbolum Apostolorum, decem præcepta Decalogi, & quinque præcepta Ecclesiæ ante addiscant, quam Matrimonio jungantur, cum ea deinde liberos suos docere debeant.

2. Impedimenta, si possunt, amoveant, aut si detrimenta sint, mature a consilio Matrimonii cogitati desistant.

VI. Pro majori autem securitate & desponsorum corrigenda levitate atque inconstantia mandamus Parochis seu Vice-Parochis omnibus, ne patiantur illos, qui in legitima ad Matrimonium ineundum ætate constituti Sponsalia contraxerunt, ejusmodi promissioni de futuro Matrimonio factæ propria sua auctoritate ac voluntate renunciare, & se mutuo absolvere, sed illos ad Nos, vel nostrum in Spiritualibus Vicarium Generalem remittant, nisi ad forum contentiosum res deducta fuerit; ut causa discussa, si ea secundum juris dispositionem iusta appareat, ab ejusmodi promissione liberentur.

VII. Grave est peccatum, quod post contracta Sponsalia desponsi carnaliter se cognoscant, antequam Matrimonium per verba de præsentem coram Parocho & testibus contractum sit. Ideoque Parochi Sponsalia coram se contrahentes admoneant, ut ad periculum incontinentiæ aliæque inconvenientiæ evitanda, intra sex septimanas post factas proclamationes, si canonicum impedimentum denunciatum non fuerit, ad Matrimonii solemnisationem procedant, utque ante Sacerdotalem benedictionem in Templo suscipiendam in eadem domo non cohabitent, id quod & Nos sub arbitraria pœna vetamus.

VIII. Ne patiatur ullus Parochus, seu Vice-Parochus quempiam cujusvis status, gradus & conditionis hominem, qui sibi ignotus in suam Parochiam ex aliena Diœcesi commigrat cum muliere, quam secum uxoris nomine duxerit, in ea habitare, nisi satis idoneis testimoniis præbaverit se illi legitimo concubio esse copulatum.

IX. Cum Concilium Tridentinum Matrimonia clandestina annuller, & omnes inhabilet ad contrahendum aliter, quam secundum formam ab eodem Concilio descriptam; ex Ordinatione ejusdem Concilii mandamus Pastoribus, ut sæpius populo in suis concionibus hanc Matrimonii nullitatem & personarum inhabilitatem in memoriam revocent. Decretum sacri Concilii Tridentini irritans & annullans Matrimonia, quæ aliter quam præsen-

te Parocho, vel alio Sacerdote de ipsius Parochi seu Ordinarii licentia & duobus vel tribus testibus contrahuntur, in omnibus & singulis Ecclesiis Parochialibus totius Diœcesis iterum publicetur. Monemus etiam omnes Parochos, ut quæ ex Concilio Tridentino de contractu Sponsaliorum ac Sacramento Matrimonii, de trinis proclamationibus & denunciationibus, assistentia proprii Parochi ac testium, præparatione contrahentium &c. speciali Mandato per Nos inculcata sunt, ut quam diligentissime observentur, & bis in anno populo proponantur.

X. Sæpe declaratum est, & ex abundanti rursus declaramus, irritum plane ac nullum esse Matrimonium, quod contrahitur coram Parocho quidem loci, sed neutrius contrahentium.

XI. Quandocunque Matrimonium contrahere volentes, sunt diversarum Diœcesium vel Parochiarum, Parochus unius ad Matrimonii solemnisationem non procedat, nisi & omnes proclamationes in Ecclesia sua fecerit, nullumque intellexerit canonicum impedimentum, & similiter Parochum alterius desponsorum, omnes tres proclamationes fecisse & nullum canonicum impedimentum denunciatum esse ex testimonio ejusdem Pastoris certo cognoverit, vel de dispensatione Ordinarii ipsi constiterit.

XII. Cum Decreti Tridentini verbis exprimatur, & assignetur Matrimoniis contrahendis proprius Parochus, aut Episcopus loci Ordinarius, & dubium oriri possit, quis vulgo eo nomine intelligatur, declaratur proprius Parochus, qui contrahendis & benedicendis Matrimoniis assistere debet, is esse, in cujus Parochia uterque seu alteruter sponsum sive vir, sive femina animo ibidem perpetuo manendi, non vero ad propria revertendi, vel alio commigrandi, nisi quid avocer, domicilium fixit.

XIII. Si quis autem Parochus, vel alius Sacerdos qualiscunque, sive secularis, sive Regularis existat, qui etiam cujusunque tituli aut privilegii vel immemoralis consuetudinis prætextu id sibi licere contendat, alios quam suos

suos Parochianos Matrimonio conjunxerit, aut benedixerit absque nostræ, nostrive Vicarii in Spiritualibus Generalis, vel alterius contrahentis Parochi consensu in scriptis obtento, præter penam tum excommunicationis a Concilio Viennensi speciatim contra Regulares ab eadem per Sedem Apostolicam duntaxat absolvendos, tum & suspensionis generatim contra ejusmodi transgressores omnes omnino ipso jure a sacro Concilio Tridentino inflictam (ut spirituales hujusmodi penæ, quæ passim contemni solent, eo sint efficaciores magisque formidentur) etiam multam pecuniarum aliamque pro ratione culpæ & offendiculi arbitriariam graviolem ipso facto incurrat.

XIV. Proclamationes matrimoniales tribus distinctis Dominicis vel Festivis diebus summo sub Sacro vel concione fieri debent.

XV. Si quis sine proclamationibus, earumve remissione ab Ordinario in scriptis obtenta Matrimonio jungere aliquos præsumat, graviter punietur.

XVI. Impedimento aliquo denunciato vel Matrimonio desponsorum oppositione aliqua facta, non prius ad ulteriores proclamationes aut Matrimonii solemnisationem Parochus procedat, quam re ad Nos, vel Vicarium nostrum delata intellexerit, quid facere debeat.

XVII. Ut quoque multis periculis, quæ ex hominum malitia & fraude pervenire possunt in Matrimoniis contrahendis, occurratur; inhibet Synodus omnibus Pastoribus, eorumque vicem gerentibus sub pœna suspensionis a Divinis, ne quem alterius regionis aut vagum & ignotum ad Matrimonium admittant sine licentia Episcopi in scriptis obtenta, quæ licentia non dabitur, nisi causæ cognitione & prævia matura deliberatione. Similiter ordinamus, ut absentem (de cujus morte non certo constat) alter conjugum non solum per septennium, sed etiam ulterius ad arbitrium Judicis expectare, nec prius ad alias nuptias transire debeat, quam causâ coram Nobis, aut nostro Vicario cognita, & li-

centia contrahendi in scriptis obtenta fuerit.

XVIII. Laudabilis est hujus nostræ Diœcesis consuetudo, quod Matrimonia & in Ecclesia, quæ Sacramentorum proprius locus est, & inter Missarum solemnities contrahantur. Quare cum sacrum Concilium Tridentinum ejusmodi consuetudines retineri vehementer optet, præcipimus, ne quis ei contravenire audeat.

XIX. Quia coactæ nuptiæ tristement plerumque & luctuosum habent exitum, diligenter inquirent Pastores, an Matrimonium contracturi sponte & animo deliberato non vi aut metu parentum, amicorum, aut aliorum coacti ad Matrimonium procedant, quod si invenerint aliquem vel aliquam ex contrahentibus, coactum ad contrahendum, nullo modo ad conjunctionem eorum procedere audeant; neque alteri vices suas committant, sub pœna suspensionis ab officio & beneficio.

XX. Graviter monet Concilium Tridentinum (quod Nos etiam serio observari mandamus) ut, antequam contrahant conjuges, vel saltem triduo ante Matrimonii consummationem peccata sua diligenter confiteantur, & ad Sacratissimum Eucharistiæ Sacramentum reverenter accedant ad majorem Dei gratiam & felicem eventum impetrandum, cujus rei curam Nos Parochis serio commendamus.

XXI. Quæ ad dignoscenda Matrimonii impedimenta, gradusque affinitatis, & cognationis naturalis & spiritualis & legalis, item justitiæ publicæ honestatis rationem, ac reliqua obstacula Matrimonium impediencia aut dirimentia pertinent, Parochi diligenti lectione addiscant, & subinde in concionibus suis ea populo declarent.

XXII. Habeant quoque singuli Pastores librum, in quo describant nomina & cognomina Matrimonio junctorum, ac testium, nec non diem & locum contracti Matrimonii, eundemque librum diligenter custodiant, & quot annis in visitatione exhibeant: Qui quidem liber, ubi jam completus fuerit, servabitur in Archivio Ecclesiæ.

XXIII. Tempus clausum a Concilio Tridentino restrictum proinde diligentius observetur. Si tamen ex legitima & urgente causa aliqui per Ordinarium ad Matrimonium illo tempore contrahendum admittantur, abstineatur a solemnitate nuptialis convivii, a choreis & similibus insolentis, quæ tempori non congruunt, a quibus similiter abstinendum erit, etsi Matrimonium antea contractum fuerit, sub pœna arbitraria.

XXIV. Propter evidens animarum periculum Pastores & verbi Dei Præcones sæpius in concionibus significant,

Ecclesiæ Catholicæ prohibitionem esse, ne fideles cum hæreticis Matrimonia ineant, ejusque impedimenti rationem habeant singularem.

XXV. Volumus autem tam in Matrimonio contrahendo, quam in conviviiis nuptialibus omnem honestatem observari, & omnia vana, ludicra, & ridicula, & alia prodigalitati & lasciviæ ostentamenta (quæ sub prætextu nuptialis lætitiæ exorbitanter nimis & scandalose interdum committuntur) removeri: non enim decet Sanctorum filios conjungi, sicut gentes, quæ Deum ignorant.

PARS TERTIA.

DE

STATU CLERICORUM, ET DE IIS, QUÆ HIS ANNECTUNTUR.

TITULUS I.

De Prælatiis, Dignitatibus, Archi-Diaconis & Canonicis Cathedralis & Collegiatarum Ecclesiarum.

I.

Eccllesiasticæ disciplinæ retinendæ & conservandæ causa Ecclesiarum dignitates sunt constitutæ, quibus etiam pro merito laborum & amplioris curæ majora stipendia sunt assignata, quæ recte usurpabunt, si labore, ministerio atque industria respondeant ac Divinum cultum promovere, Ecclesiasticam disciplinam conservare, ac Nos opera & officio juvare studeant.

II. Præpositi tanquam præcipui Ecclesiarum Prælati illud diligenter curent, ut res, bona, jura, & privilegia Ecclesiarum suarum defendant, ab omni injuria, damno & molestia vindicent ac conservent, eaque provideant ac procurent, quæ ad Ecclesiarum (a quibus dignitates & majora stipendia percipiunt) defensionem, pacem & tranquillitatem spectant.

III. Decani ob annexam eorum officio curam animarum a Nobis Confirmationem imperare tenebuntur, cumque ipsis singulariter ex officio illa

commendata esse debeant, quæ circa Ministeria Ecclesiæ & Ecclesiasticarum personarum vitam, Chori ac Capituli disciplinam, excessus, ac correctionem desiderantur, hinc merito ab illis requirimus, ut omnia, quæ ad honestatem & vitam bonam omnium Canonicarum, Vicariorum, Clericorum ac Ministerialium Ecclesiæ suæ pertinent, diligenter ab omnibus observari curent.

IV. Qui præter Decanos, dignitates & officia in Cathedrali & Collegiatis Ecclesiis obtinent, diligenter curent, ut suis officiis secundum Canones & cujusque Ecclesiæ laudabiles consuetudines satisfaciant.

V. Archi-Diaconi cum functionibus & officio Nobis conjuncti ac in partem sollicitudinis nostræ Episcopalis vocati, adeoque a Canonibus oculi Episcopi, ejusque Vicarii aliquando vocentur, quod Episcopi Ministri sint, & ea omnia, quæ exercent, ad Episcopum pertineant; hinc illos in Domino monemus, ut strenue Nos adjuvent, recteque suo officio fungantur, prout

proat Tridentinum Sess. 24. de Reformatione C. 3. illis præscribit.

VI. Si quæ Præbendæ Canonicales certum habeant annexum Ordinem, illud Possessores curare debent, ut Ordinem illum suscipiant, & oneri annexo satisfaciunt, neque onus in alios rejiciant, nisi approbatis foundationibus aliter sit constitutum.

TITULUS II.

De Pastoribus, Vice-Pastoribus & Sacellanis.

I.

EX sacra Scriptura discimus a cura vel incuria Pastorum & Vice Pastorum sæpe subditorum pendere salutem vel damnationem; idcirco maxime providendum est, ut in oculis Dei & reipsa hoc esse inveniantur, quod humano dicuntur ore, omnesque quotquot in hac nostra Diocesi tam ruri, quam in urbibus hisce nominibus censentur, vere digni sint atque idonei, quibus cura salutis animarum tuto credatur, & si forma facti gregis non ex composito, vel ad solam speciem externam, sed ex animo, eundem non minus honestæ probæque vitæ exemplo, quam oblato Sacrificio pabuloque sanæ doctrinæ & Sacramentorum pascant, & in viam salutis æternæ dirigant.

II. Vacantibus igitur Ecclesiis Parochialibus volumus, ut, quam fieri potest citissime, de idoneis in concursu approbatis Pastoribus provideatur, illique mox instituuntur, cumque ex dilata vel suspensa Parochialis Ecclesiæ collatione, provisione seu præsentatione & institutione salus populi periclitetur, quæcunque in Concilii Tridentini Decretis & PII V. Constitutionibus statuta, decreta & ordinata sunt, observari volumus, declarantes, omnes & singulos, quibus jus conferendi, providendi, præsentandi, & instituendi competit, ad collationem, provisionem, præsentationem, & institutionem intra tempus ibidem præfixum faciendam teneri, & obligatos esse.

III. Cum non solum Pastoribus,

sed etiam eorum Sacellanis, aliisque in Pastoralis munere Adjutoribus ob populi frequentiam, vel Parochiæ latitudinem, vel aliam legitimam causam in subsidium ad functiones Pastorales exercendas assumptis cura animarum incumbat, nullus Pastorum Civitatis seu Diocesis nostræ cujusquam Sacellani, vel Adjutoris opera in Pastoralis sua functione vel ad confessiones Sacramentales; brevissimo etiam tempore excipiendas utatur, qui præter testimoniales legitimæ Ordinationis suæ literæ scripto non docuerit, se sufficienti examine pro tanto munere rite obeundo repertum fuisse idoneum.

IV. Curati & Vice-Curati, omnesque alii, quibus animarum cura commissæ est, non possunt, neque debent oves suas etiam metu periculi vel pestis deserere, vel aliorum negotiorum causa alio discedere, nisi Christiana charitas, urgens necessitas, debita obedientia aut evidens Ecclesiæ utilitas eos abesse postulaverit.

V. Quod si justa de causa abesse debeant a sua Parochia, ultra tres quatuorve dies feriatos non absint, quod tempus, si prorogandum sit, ab Archidiacono licentiam flagitent, quam illi non nisi ad duas vel tres hebdomadas extendant, diuturniorem vero a Nobis, nostræ in Spiritualibus Vicario Generali postulare & scripto obtinere teneantur, ac tum quidem & quandocunque & quandiu ipsos abesse contigerit, alteri Sacerdoti Auctoritate nostra ad hoc approbato curam ovium suarum cum debita mercedis & fructuum portionis assignatione fideliter committant, idque sub pœnis privationis omnium fructuum & emolumentorum aliisque gravioribus, tam ex Tridentini Concilii præscripto, quam arbitrio nostro infligendis.

VI. Volumus insuper, ut Curatis & Vice-Curatis juxta ejusdem Concilii Decretum singulis annis ultra bi-mestre sive continuum sive interruptum abesse non indulgeatur, neque diebus solemnioribus Nativitatis & Resurrectionis Dominicæ, Pentecostes, Corporis CHRISTI, Dedicationis & Patronorum Ecclesiæ: Dominicis item, Adven-

Adventus & Quadragesimæ, quando maxime oves refici & Pastoris præsentia in Domino gaudere debent, concedatur.

VII. Si quis vero ultra bimestre abfuerit, noverit se peccati reatum incurrisse & pro rata temporis absentiæ fructus non facere suos, nec tura conscientia (alia etiam declaratione non secuta) posse retinere, sed fabricæ Ecclesiæ aut pauperibus loci erogare teneri, nisi ex gravi causâ per Nos cognita & probata diutius emanendi licentiam in scripto sese obtinuisse ostendat.

VIII. Eodem Decreto Sacellanos, qui Pastores in suis functionibus adjuvant, comprehendi, eosque nec ad unum diem, nisi Pastore præmonito & consentiente, abesse volumus.

IX. Pastor, seu Vice-Pastor, seu quivis alius Sacerdos Auctoritate nostra approbatus, peste, vel alio contagioso morbo laborantium confessiones auditurus, ante omnia (si fieri possit) provideat, ut in loco patenti & aere non infecto sit constitutus, adeoque infirmi, si absque gravi eorundem incommodo fieri queat, vel cubiculum aut domum ad confitendum egrediantur, vel saltem ad fenestram Parocho foris expectante sese deferri procurent; proderit etiam pestis tempore pro concione monere fideles, ut qui sani sunt, ad sacram Confessionem in Ecclesia peragendam mature accedant.

X. Sciant etiam Pastores, Curati & Rectores Ecclesiarum cum ipsi Ecclesiæ aut populi Dei curam habere debeant, primum domui suæ bene præesse studeant, ut nihil in ea sit, quod non pietatem, Dei zelum, frugalitatem & omnem honestatem sapiat.

XI. Deinde frequenter domos Parochiæ suæ obeant, ac perlustrent, ægrotos invitant, pauperum, viduarum & pupillorum & aliarum miserabilium personarum curam in se suscipiant, iras & inimicitias suorum Parochianorum componant, publica blasphemiarum, adulterii, concubinatus, fornicationis, usurarum & similia scandalosa crimina, quæ ad cognitionem & correctionem Ecclesiæ pertinent, seria

gravique commonitione atque interpositione corrigere studeant, & ubi monitione sua non profecerint, Nos & Officiales nostros ad coercendos & puniendos pertinaces implorent.

XII. Conciones statim Festis ac Dominicis diebus diligenter habeant, festos dies & jejunia, & quæ alias publice denuncianda sunt, populo diligenter post concionem significant.

XIII. Missas frequenter ac devote celebrent habita præcipua ratione foundationum & piarum consuetudinum, populumque moneant, ut iis religiose intersit.

XIV. Funebria iusta pie ac fideliter persolvant, & si quæ in conviviis funebribus superflue ac immodice fieri hætenus animadvertant, illa tollere studeant aut denuncient.

XV. Ecclesiam, & quæ ad ejus cultum & nitorem pertinent, diligenter curent, & si quid reparandum aut faciendum, illud tempestive provideant.

XVI. Reliquias Sanctorum, vestes sacras, libros, calices, patenas, corporalia & reliqua ejus generis Ecclesiastica instrumenta & ornamenta ad Altaris ministerium pertinentia sollicite procurent, observent, & custodiant.

XVII. A nimia Laicorum familiaritate caveant, magis vero a conviviis, tabernis, comotationibus & a fordibus ac avaritiæ nota, quæ vilipendium generant.

XVIII. Pastores quoque ab omnibus ad suas Parochias commigrantibus super vita & fide illorum literas testimoniales ultimi ipsorum Pastoris requirant.

XIX. Pastores & Vice-Pastores, aut eorum Vicarii summum Sacrum Dominicis & Festis diebus in Ecclesia decantandum populi tum spirituali tum corporali salutis potissimum applicent, quos etiam singulis vel alternis, non festivis diebus pro sua, sibique commissorum salute Divinum Missæ Sacrificium immolare, atque ad hoc ab Archi-Diaconis excitari optamus, ut in dies sibi conceditroque gregi in spirituali

tualibus & temporalibus favorem cœlestem cumulent auctiorem.

XX. Fraternali postulat charitas, ut quos in vita laborum habuimus socios & participes, post mortem Christianæ pietatis officio prosequamur, idcirco omnes Pastores & Vice-Pastores hortamur, ut mortuis suis Confratribus Pastoribus, seu Vice-Pastoribus, quamprimum ipsis de obitu constiterit, Sanctissimo Missæ Sacrificio animabus eorundem subveniant.

XXI. Dolenter intelleximus nonnullos Ecclesiasticos & Pastores adeo sui subinde esse oblitos, ut veste etiam Clericali exuta per agros discurrere, currus simo ornerare, vehere, agriculturam exercere, aliisque servilibus operibus avaritiæ aut quæstus gratia vacare, quin & intra domesticos parietes tam viliter se gerere non erubescant, ut sæcularibus & aliis sint offendiculo: Quibus præcipimus, ut gravitatis, quæ Sacerdotes decet, memores, ab his omnibus sub pœna suspensionis ab officio & beneficio, aliaque graviore pœna arbitraria sibi temperent; non tamen prohibere intendimus, quo minus debito tempore & loco honesta corporis exercitatione otium devitent.

XXII. Sacerdotes, maxime, quibus animarum cura incumbit, memores sacrorum Canonum, ad aleas & taxillos non ludant, nec hujusmodi aut aliis viciis ludis intersint, sed tempus illud colloquio potius & lectione sacrorum librorum & historiarum transigant.

XXIII. Denique cum multa, quæ in variis Titulis hujus nostræ Synodi, de Officio Divino, administratione Sacramentorum, matrimonialibus denunciationibus, ornatu & cura Templorum, de peregrinis, vagis & ignotis Clericis ad celebrationem & administrationem Sacramentorum sine nostra, vel Vicarii nostri licentia non admittendis, sicut etiam de libris baptismali, matrimoniali & descriptorio familiarum & similibus hinc inde constituta sunt & definita, Parochos, eorumque curam & officium concernunt, volumus & serio ijs præcipimus, ut ea omnia ipsimet integre præstent, & observari fiant, & procurent.

Tonus X. Concilior. German.

TITULUS III.

De vita & honestate Clericorum.

I.

Nihil fere est, quod hoc sæculo tam sit exoptandum, quam ut ii, qui in sortem Dei vocati, Divina munera dispensant, ac ministeriis Ecclesiasticis præficiuntur, vita & exemplo id præstent, quod professione, statu ac vocatione sua promittunt, ut, qui in eos tanquam in speculum oculos suos conjiciunt, Laici invenire possint, quod digne imitentur. Hoc enim omnibus fere sæculis compertum fuit, pro Sacerdotum vita benedictionem aut maledictionem a Deo in populum procedere, nec quicquam gravius Ecclesiæ aut Reipublicæ accidere, aut illam vehementius affligere, quam si a Clericis Laici bonæ vitæ incitamenta & exempla petere non possint: quod gravissime olim deploravit S. Gregorius, & nos ipsius verbis repetimus: "Nullum puto, Fratres charissimi, ab aliis majus præjudicium, quam a Sacerdotibus tolerat Deus, quando eos, quos ad aliorum correctionem posuit, dare de se exempla pravitatis cernit: Quando ipsi peccamus, qui compescere peccata debuimus, nulla animarum lucra quærimus, ad nostra quotidie studia vacamus, terrena concupiscimus, humanam gloriam intenta mente captamus, & quia eo ipso, quo cæteris Prælati sumus, ad agenda quælibet majorem licentiam habemus, susceptæ benedictionis ministerium vertimus ad ambitionis augmentum, Dei causas relinquimus, ad terrena negotia vacamus, locum sanctitatis accipimus, & terrenis actibus implicamur."

II. Hinc Nos serio ac sub obtestatione Divini judicii monemus omnes & singulos, ut, quo sunt in Ecclesia Dei digniore loco & ordine, eo vitam gerant inculpatiorem, statumque suum vitæ innocentia ac morum gravitate diligentius exornent.

III. Cum vero summa disciplinæ Christianæ in eo consistat, ut abnegantes impietatem & sæcularia desideria sobrie, pie, juste vivamus in hoc sæculo, idque ad omnes universim Chri-

Y

stianos

stianos pertineat, intelligunt facile Ecclesiastici, qui cæteris in exemplum positi sunt, quid ad ipsos spectet, quæ illos morum gravitate in sermone, gestu, incessu, quæ in cultu & vestitu corporis moderatione & decencia, quæ vitæ sanctioris innocentia illos cæteris præstare oporteat. De quibus cum multa sparsim per sacros Canones, Concilium Tridentinum, Statuta Provincialia & Constitutiones Synodales tradita sint, Nos breviter hoc loco quædam reperenda duximus.

IV. Omnes Clerici, potissimum qui Ecclesiastico funguntur ministerio, aut Ecclesiæ bonis sustentantur, ut vere Clerici sint, & peculiari quadam ratione Dominum possidere, & a Domino possessi videantur, terrenis cupiditatibus & voluptatibus non indulgeant. Hujus eos admonet Clericalis tonsura, Regale Decus Christi Regis nostri, nostræque militiæ insigne, idcirco omnes & singuli ordini & gradui suo convenientem gerant coronam, eamque sæpius faciant renovari, habitumque honestum statui suo congruentem gestent.

V. Veste omnes utantur honesta ac decente, ut in materia, forma, colore, pretio, ac omnimodo respondeat tum modestiæ ac dignitati Clericali, tum conditioni ac statui singulorum, in quo uti vanitatem & affectatam mundi curiositatem, novas levitates ac nitorem, sic abjectionem & nimias sordes exclusas volumus. In omni vestitu, præsertim externo, color tantum niger adhibeatur.

VI. Clerici Sacris initiati, aut Beneficiati omnino abstineant ab omni venatione clamorosa, nec armati, nisi ob itinerum pericula incedant, coram Iudice seculari, Advocati, Procuratoris, Notarii, seu Tabellionis officio non fungantur, nec causas præter proprias vel Ecclesiæ suæ agant, nisi necessitas propinquarum vel miserabilium personarum eorundem patrocinium exigat, artem quoque chirurgicam vel medicam non exercent, neque profana officia, nisi in casibus a jure permissis, iudicio sanguinis aut executioni sententiæ capitalis, nisi officii spiritualis causa, non intersint.

VII. Familiam honestam alant, non infames, non suspectas, aliæ turpi nota laborantes personas domi suæ detineant. Intempestiva convivia, longiores accubationes, ad æquales habitus provocationes, pomeridiana symposia & consortium quorumvis intemperantium & male moratorum studiose declinent, concessisque sibi a Deo donis sobrie & frugaliter utantur.

VIII. Cauponas Ecclesiastici, maxime vero Beneficia curata obtinentes, seu tabernas potatorias sub quocunque prætextu, nisi in itinere constituti, aut id ipsum cura animarum exigat, non ingrediantur ac frequentent.

IX. Si quando sacrarum Primitiarum occasione, aut alia honesta ex causa Sacerdotes, aliæque Clero convivia instituant, diligentem habeant status vocationisque suæ rationem: sit mensa frugalis & brevis, sanctis ac modestis condita colloquiis, a temulentia & turpitudine verborum, gestuumque quam alienissima, ludicra nulla, nullæ saltationes, choreæ, aut aliæ Clericalem statum dedecentes levitates admisceantur, multo minus ipsi Clerici choreas ducant & saltent, meminereque ejus, quod S. Hieronym. de vita Clericorum scripsit: Facile contemnitur Clericus, qui sæpe vocatus ad prandium non recusat; nunquam petentes, raro accipiamus rogati.

X. Pastores & Clerici ad signum loco publico præsertim Dominicis aut fori festis diebus non jaculentur, pilæ palmaria non ludant, aut alio lusu inter vulgus se exerceant, recordentur potius finis seu instituti sui, & sciant se non ad ignaviam, desidiam aut otium, sed ad salutares Ecclesiasticæ militiæ labores vocatos esse, quapropter tempus, quod Officiis Divinis obeandis, frequentandis Ecclesiis & corporis necessitatibus non impeditur, vanis & inutilibus miscendis colloquiis & profanis actionibus non terant, sed Divinarum literarum studiis & celestium rerum contemplationibus, frequentique Concilii Tridentini, Synodaliūque Decretorum lectione, ac sanctis piisque officiis traduant.

XI. Cum Sacerdotum dignitas non parum vilescat, quod a Nobilibus, aliisque Laicis ad servitia secularia se applicari permittant, ideo ipsis sub poena suspensionis a Divinis prohibemus, ne similibus negotiis servilibus vel officiis secularibus vacent, quæ impediunt quo minus Deo militent, cui se milites probarunt & addixerunt.

XII. Apostoli sententia est: *Nemo militans Deo implicet se negotiis secularibus, ut ei placeat, cui se probavit.* Quare nullus e Clero ullam mercaturam, negotiationem secularem, turpem quæstum, aut indignum statui laborem exerceat; neque decimas, census, prædia, vel agros alienos ob quæstum colendos conducatur & accipiat.

XIII. Quod si Clericus coram Iudice laico testimonium dicturus sit, vel quocunque juramentum præstiturus (quod etiam sine nostra, vel alterius Ecclesiastici Superioris licentia ei non licet) in manibus personæ Ecclesiasticæ id ipsum præstet.

XIV. Et generaliter quæcunque a sacris Canonibus, præsertim Concilii Tridentini, de vita, honestate & modestia Clericorum retinenda, & simul de luxu, lusu, & quibuscunque criminibus vitandis sancita sunt, eadem omnia sub iisdem penis tanquam hic repetita hæc Synodus servari mandat.

TITULUS IV.

De vitando Concubinato.

Immundum & damnabile concubinum, quo nihil magis ab honestate Clericorum & Ministrorum Christi Virginis filii alienum est, Nos hoc Decreto nostro execramur, damnamus & profligamus, & ad cautelam pro tollenda omni excusatione omnibus notum hisce facimus, Nos nemini hoc in crimine parciuros, sed post hac simpliciter & de plano ad privationem Beneficiorum, & seriam ac publicam executionem contra auctores, complices, & fœdas amasias ubicunque locorum processuros. Quam rem iterum Vicario nostro in Spiritualibus Generali, & quos ipse pro executione requisierit, serio injungimus. Con-

cilium Tridentinum *Sess. 25. C. 14.* poenas concubinariorum accuratius persequens, ea, quæ sequuntur, constituit.

Quam turpe ac Clericorum nomine, qui se Divino cultui addixerunt, sit indignum, in impudiciæ sordibus, immundoque concubinato versari, satis res ipsa communi fidelium omnium offensione, summoque Clericalis militiæ dedecore testatur, ut igitur ad eam, quam decet continentiam ac vitæ integritatem Ministri Ecclesiæ revocentur, populusque tunc discat, eos magis revereri, quo illos vita honestiores cognovit, prohibet Sancta Synodus quibuscunque Clericis, ne concubinas aut alias mulieres, de quibus haberi possit suspicio, in domo, vel extra detinere, aut cum illis ullam consuetudinem habere audeant, alioquin penis a sacris Canonibus vel Statutis Ecclesiarum impositis puniantur. Quod si a Superioribus moniti ab iis se non abstinuerint, tertia parte fructuum, obventionum ac proventuum Beneficiorum suorum quorumcumque & pensionum ipso facto sint privati, quæ fabricæ Ecclesiæ aut alteri pio loco arbitrio Episcopi applicentur. Si vero in delicto eodem cum eadem vel alia femina perseverantes, secundæ monitioni adhuc non paruerint, non tantum fructus omnes ac proventus suorum Beneficiorum & pensiones eo ipso amittant, qui prædictis locis applicentur, sed etiam a Beneficiorum ipsorum administratione, quoad Ordinarius etiam uti Sedis Apostolicæ delegatus arbitrat, suspendantur. Et si ita suspensæ eas nihilominus non expellant, aut cum eis etiam versentur, tunc Beneficiis, portionibus, ac officiis & pensionibus quibuscunque Ecclesiasticis perpetuo priventur, atque inhabiles & indigni quibuscunque honoribus, dignitatibus, beneficiis ac officiis imposterum reddantur, donec post manifestam vitæ emendationem ab eorum Superioribus cum iis ex causa visum fuerit dispensandum. Sed si eas semel dimiserint, intermissum consortium repetere, aut alias hujus-

modi scandalosas mulieres sibi adju-
gere ausi fuerint, præter prædictas
pœnas excommunicationis gladio
plectantur. Nec quævis appellatio
aut exemptio prædictam executio-
nem impediatur aut suspendatur. Supra-
dictorumque omnium cognitio non
ad Archi-Diaconos, nec Decanos, aut
alios inferiores, sed ad Episcopos
ipsos pertineat, qui sine strepitu &
figura iudicii, & sola facti veritate in-
specta procedere possint. Clerici
vero Beneficia Ecclesiastica aut pen-
siones non habentes, juxta delicti &
contumaciæ perseverantiam & quæ-
sitatem ab ipso Episcopo carceris
pœnas suspensione ab Ordine ac in-
habilitate ad Beneficia obtinenda,
aliisve modis juxta sacros Canones
puniantur.

TITULUS V.

*De Testamentis & eorum Exe-
cutione.*

I.

Experientia docet, quàm sit peri-
culosum, quantumque detrimen-
tum adferat testamentariam dispositionem
ad extremum vitæ terminum differre,
quapropter volumus & injungimus
omnibus Civitatibus & Diocesis nostræ
Pastoribus, Vice-Pastoribus & Con-
cionatoribus, ut subinde auditores suos
serio moneant, ut ultimæ voluntatis
tabulas mature condant atque tempe-
stive domui, rebus, & bonis suis tem-
poralibus consulant, ne instante mor-
te ægri & anxii circa mox reli-
quenda magnis concitantur molestiis
non sine periculo sæpe salutis æter-
næ amittendæ.

II. Hortentur similiter, ut Testa-
mentum suum extra gravioris noxæ
conscientiam faciant, totamque dispo-
sitionem ad bonum finem dirigant, ne
vanitate potius memoriæ post mor-
tem relinquendæ vel quovis alio fini-
stro ducti affectu, quam Dei & proxi-
morum amore permoti operis boni
merito spoliuntur.

III. Quod si testamenta condere
volentes cum aliquo vel aliquibus
publicas habeant inimicitias, non so-

lum aimitus ignoreant, sed in præsen-
tia aliorum, quod ignoverint, testa-
tum faciant & cum odore virtutis de-
cedant. Quod si alios offenderint, ex-
pediat, ut ad veniam petendam amicos
destinent, & pro modo offensæ satisfac-
ciant, reconciliatioque subsequatur.
An vero inter præsentem ea sit confi-
cienda, prudentis judicio æstimandum
relinquitur, cum inter præsentem ali-
quando controversias componi non sit
consultum, occultæ inimicitia secrete
quoque dirimantur.

IV. Quamvis Testatores numero-
sam habuerint prolem vel consanguini-
cos, meminerint tamen Christum
scribere coheredem, nisi hæreditas for-
te sit adeo tenuis, ut necessariis hære-
dibus seu liberis ad sustentationem ho-
nestam necessaria videatur, & legatis
minuenda non judicetur.

V. Si Testatoribus nulli fuerint
fratres, sorores, aliive cognati indi-
gentes, liberalioribus legatis ad pias
causas animarum suarum salutis optime
consulent, benefaciendo scilicet pupil-
lis, orphanis, viduis, pauperibus, cap-
tivis, peregrinis & agris, præcipue
Ecclesiis, earumque Ministris penuria
laborantibus. Insuper laudabile erit
debitoribus vix solvendo existentibus
integrum debitum vel partem ejusdem
remittere.

VI. Idcirco quilibet dives Deum
timens animæ suæ bene providebit, si
aliquam partem substantiæ piis usibus
testamento relinquat, imprimis autem
ut Parochialem suam Ecclesiam, si
eguerit, majorum consuetudine & pie-
tate pro ratione fortunarum suarum
pio legato honoret.

VII. Confessarii, ut majori Spiri-
tus libertate & fructu animas juvare
possint, scriptioni testamentorum non
interfint, aut Testatori nominatim sua-
deant, cui aut quibus hæreditatem vel
legata relinquat, præsertim vero pro-
pria Ecclesiarum importunum pa-
trocinium non suscipiant, nisi pauper-
tas vel alia necessitas aliud postulet;
Pro consilio requisiti in genere opera
pietatis commendent & electionem Te-
statori omnino liberam relinquunt.

VIII.

VIII. Meminerint Ecclesiastici, quod singulariter lex charitatis exigat, ut Ecclesiæ & pauperibus benefaciant, proinde in suprema voluntate declaranda non propinquitate & sanguinis inclinatione moveantur, sed Ecclesiæ Dei utilitatem pauperumque sublevamen sibi proponant.

IX. Considerent etiam periculum suum, si mox ad Tribunal Christi rapiendi, deque omnibus usque ad extremum quadrante rationem reddituri facultates sibi creditas ex patrimonio Christi & bonis Ecclesiasticis provenientes maluerint propinquis & consanguineis, quam Christo & ejus Ecclesiæ atque pauperibus relinquere.

X. Venerabili Clero nostro in & extra Civitatem nostram Paderbornensem testamenta condere & de redditibus etiam beneficiorum absque de solemnitatibus a jure civili requisitis valide & licetè disponere permittitur, Episcopali quidem privilegio, inherendo tamen canonicis Sanctionibus volumus, ut omnes Ecclesiastici Civitatis & Diocesis nostræ Paderbornensis testamenta sua in præsentia Notarii vel Pastoris duorumque ad minus testium condant, vel in scriptis voluntatem suam propria manu subscriptam, signatam & ocllusam Notario vel Pastori coram duobus testibus exhibeant, & in charta hujusmodi contineri ultimam suam voluntatem declarent, Notarius vero aut Pastor in dorso chartæ hunc actum scribat & subsignet: Dispositiones aliter factas nullas & invalidas, legata tamen ad pias causas propria Testatoris manu scripta vel subscripta sine Notario & testibus subsistere declaramus.

XI. Ne testamenta Ecclesiasticorum casusque ab intestato diu derineantur & occultentur, interea vero hæreditates expilentur, Executores post mortem Ecclesiasticorum testamenta Vicario nostro infra triginta & unum dies una cum legali inventario exhibeant, approbationem & facultatem exequendi perant, nec non juramentum de fideliter exequendo præsent, anno elapse accuratam rationem redduri. Hoc tamen Decreto non intendimus Statutis aut Privilegiis Cathe-

dralis Capituli nostri de condendis testamentis & executione eorum ullo modo derogare.

XII. Quandoquidem omnium ultimarum voluntatum & piarum dispositionum supremi Executores & Tutores sunt Episcopi, per illos vel maxime providendum est, ut Testatorum Ordinationes fideliter executioni demandentur, non raro autem accadat, quod tam Clericorum, quam Laicorum extremæ voluntates & testamenta, ad pios etiam usus legata & relicta dolosis machinationibus varie impediantur, retardentur, aut in alios usus expendantur. Ideo Vicarius noster sedulo advigilet, accuratamque curam gerat, ut Testatorum desiderio & voluntati plene satisfiat, nec ad pios usus destingta in alios impendantur.

XIII. Si Clericus quispiam plane intestatus vel sufficienti & legitimo testamento non condito decesserit, ejus hæreditas describatur, ex beneficiis Ecclesiasticis provenientia, solutis funeralibus & debitis, ad usus pios in refrigerium animæ defuncti a Nobis præscribendos applicentur, patrimonialia vero hæreditibus ab intestato relinquantur.

XIV. Executorum officium, quamvis passim appetatur, grave sane est & molestum, tenentur siquidem Executores non solum ultimam Testatorum voluntatem accuratissime temporibus præscriptis exequi, verum etiam in obligationem eorundem succedentes testamenta, quorum Executores deputati fuerunt, debitæ executioni promptissime demandare.

XV. Justam conquerendi creditoribus præbent occasionem Executores, dum statum & vires hæreditatis defuncti ignorantes, multos minus necessarios sumptus in funeralia profundunt, & sine Decreto Judicis propriis ducti affectibus, quin etiam proprio lucro moti nonnulla debita persolvunt; unde sæpissime provenit, ut creditores privilegiati tenuioris quandoque fortunæ defraudentur, gravissima huic corruptelæ imo manifestæ iniquitati opportunum adhibere remedium cupientes, omnibus & singulis testamentorum

rum Executoribus severissime inhibemus, ne viribus hæreditatis non perspectis ullis ad honestam sepulturam omnino non necessariis expensis eandem minuant, neque antequam legitimum inventarium confectum fuerit, ex illoque constiterit, quod hæreditas omnibus debitis solvendis sit sufficiens, vel minutissimam etiam summam in cujusvis quantumvis privilegiati debiti solutionem absque Ordinatione Vicarii nostri exponant, contravenientes ad restitutionem factorum non necessarium expensarum & pecuniæ cuicunque creditori solutæ teneri, & ultra multam iisdem pro qualitate transgressionis infligendam opportunis juris remediis volumus compelli.

XVI. Cum non raro inter Executores defunctorum Pastorum & Successores suos discordiæ ratione redditum oriantur, pro iisdem tollendis ordinamus, & statuimus, ut pro rata deservitionis de redditibus & obventionibus participent, cum operarius mercede sua fraudari non debeat, computabitur itaque annus fixorum reddituum tam frumentariorum, quam pecuniariorum a Festo Michaelis usque ad idem Festum anni proxime sequentis, Executores usque ad diem trigessimum obitus, proviso interea per qualificatum Pastorum de consensu nostro pro rata temporis proportionabiliter redditibus fruatur, reliquum Successori assignabitur.

XVII. Quoad agros eorumque culturam ordinamus, ut Successor omnes impenso sumptus æstimatione eorundem per impartiales facta accurate solvat, quod, si renuat aut non possit, Executores messe fruatur, Successori ratione temporis, quo deservivit assignata & soluta parte Canonis, qui præstaretur, si essent elocati agri.

XVIII. Quoad præta, si quæ sint, ordinamus, ut is sceno fruatur, qui a Festo Ss. Philippi & Jacobi usque ad finem Julii deservivit, si inter illud tempus quis moriatur, tum Executoribus, tum Successori pro rata scenum cedit.

TITULUS VI.

De Regularibus.

I.

Regulares omnes in Domino hortamur ac monemus, ut secundum vocationem suam & Regulas Sanctorum Patrum digne ambulent, aliisque lucis exemplum præbeant; Decreta item Summorum Pontificum, præsertim Bullam GREGORII XV. quæ incipit: *Inscrutabili*, diligenter observent, benedictionem & approbationem Concinatorum suorum & Confessoriorum petant, & sine illa nullum exponant, & Decretum INNOCENTII X. quoad approbationem in singulis Diocesisbus necessariam observent.

II. Clausuram Monialium tanquam præcipuum observandæ integritatis virginis medium maximopere Concilium Tridentinum ac Summi Pontifices Ordinarii locorum etiam sub obtestatione Divini iudicii & interminatione maledictionis æternæ commendatam esse volunt. Quocirca salutis nostræ memores cupientesque a Nobis avertere Divinæ ultionis vindictam præcipimus in virtute S. Obedientiæ, omnibus Sanctimonialium Monasteriorum Superioribus, Commissariis ac Visitatoribus, ut in omnibus Monasteriis sibi subiectis clausuram accuratissime observari curent, nec ulla Monialis sine nostro in scriptis obtento consensu & clausura ad visitandos cognatos aliavē negotia tractanda egredi præsumat.

III. Omnibus ac singulis Sanctimonialibus juxta *Caput 11, Sess. 25. Concil. Trid.* facultatem concedimus, ut annuatim bis vel ter extraordinariis Confessariis veluti nostris Missionariis confiteri valeant, nec ullus Superiorum earundem huic Ordinationi obfistere audiat.

Hæc ad brevem Instructionem universi Cleri sufficiant, quæ aliæque in sacris Canonibus sanctisque Scripturis latius perlegenda, qui ea servarint, pax super illos.

Joanne

Joanne Adolpho L. B. Wolff-Metternich Toparcha in Gracht, & Strauhweiler, Domino in Liplar, & Odendahl, qui Sac. Cæsar. Majestatis Consiliarius, & Electoribus Colon. Bavaro, ac Palatino a Consiliis secretioribus fuit, item Supremus Aulae Marechallus, Supremus Camerarius, & Aulae Præfectus, Administrator in Scharding, Sarrapa in Lechenich, & Bleisheim; & Maria Catharina ab Hall Filia hæreditaria in Strauhweiler non genere minus, quam virtutibus Perillustri Domina prognatus est HERMANNUS WERNERUS a. 1625. 16. Aug. A prima adolescentia emicare in eo cepit excelsus animus, supra Proavorum gloriam aliquando assurrecturus. Nihil in conversatione asperum, nihil in cultu corporis aut incessu fastuosum, nihil in moribus fractum, & dissolutum. Modesta gravitas fluebat in mores nullo affabilis comitatus nocumento. Itinera sua in Regiones exteras nulla levitatis nota vitiauit, sed secunda ubique continentiae fama peregrinantem commendavit. Nec in Aulis passa est virtus ejus cum annis maturescens, cum in iis non licentiae campum, sed prudentiae Magisterium quaesivisset. Unde factum, ut aliorum mores suo interventu componeret, qui cum eum a magnis Proavis natum scirent, ad majora prognostico varicinio destinabant singularium virtutum splendore perstricti. Nec falsis auguriis delusi sunt: festinata enim Prælatūra, & dignitates in eum honorandum magno consensu confluerunt, & certarunt Ecclesiae Cathedrales, maxime duæ, utra earum Viri meritiissimi virtutes amplioribus titulis condecoraret. A. 1665. 5. Aug. a Capitulo Hildes. in Scholasticum, a. 1676. 30. Mart. a Paderborn. in Decanum, iterum a. 1682. 30. Apr. ab Hildesienfibus in Præpositum, & a. 1683. a Paderborn. in Episcopum & Principem electus est magna concordia, quæ non ex humanis motivis, sed altiori impulsu visa est coaluisse. Infolita lætitia gestire omnes ad Nuncium ejus Electionis, implevit omnium expectationem gestis suis. Cum in inferioribus Prælaturis subsisteret in Clero forma gregis ex animo factus est. Expreffit in se ipso, & moribus suis, quod in aliis expressum desiderabat, seu Decanus præfesset, seu Episcopus. Virtutes Episcopales, quas S. Paulus in ep. ad Tim. & Titum exigit, in ipso eluxisse fatentur omnes. Implevit factis officia nominum, quæ in iustis præfert verus Ecclesiae Episcopus, & Imperii Princeps, ideoque aliorum Principum etiam Summorum amoribus, & honoribus late celebris, & excultus. Visitatam ab eo in persona propria Diocesim omnem, administrata Sacramenta, habitam solennem Synodum, erecta, & resecta tum sacra loca, tum vias, & opera publica, omnes norunt. Singulari semper exitit affectu pietatis in Christum Eucharisticum, nec minus B. Virginem rara devotione coluit. Testatum utrumque fit ex pretiosis, quibus erecta tum Venerabilis Sacramenti, tum ejusdem B. Virginis fodalitia condecoravit, ornamentis. Mira in hoc Principe eluxit castimonia, quam quidem omni prorsus ab nævo, ut servaret immunem, cilicium, quod tumulo secum inferre ipsum voluisse ferunt, gestasse dicitur. Narrant præterea vel hodieque, piissimum Episcopum, summo sapius mane ex arce Neuhausana peditem concessisse in ædem Cathedralem, ut choro, camentum Deo laudes, interesset. Sunt, qui adfirmant, corpus Illustrissimi HERMANNI WERNERI, aperto ante annos 20. sepulcro, fere incorruptum fuisse inventum, etsi nullis unquam aromatibus conditum munitumque fuerit. Commendanda etiam venit summa Antistitis maximi mansuetudo; zelus Religionis & Orthodoxæ Fidei tum conservandæ, tum, ubi res postulabat, serio graviterque defendendæ; impensus scientiis favor, magna semper cum liberalitate conjunctus. Novam Collegii Hildesienfis S. J. structuram, nondum Episcopus, larga stipe promovit. Ejusdem Societatis Paderbornense Templum solemnibus ceremoniis a. 1692. XVIII. Kal. Octobr. dedicavit. Obiit anno Chr. 1704. æt. 79. Episc. 21. Epitaphium, quod heic adnecto, ingredientibus Paderbornæ ædem Cathedralem in Sæculo satis elegante, foris mormoreo, ad lævam conspiciuntur:

ÆTERNÆ MEMORIÆ

HERMANNI WERNERI,

Reverendissimi, & Celsissimi Episcopi, ac Principis Paderbornensis,
Comitis Pyrmontani, Præpositi Hildesienfis, ex Perillustri Familia
BARONUM WOLFF-METTERNICH, EX GRACHT.

Vixit mundo annis 79., Diœcesi an. 21.

Episco-

Episcopus irreprehensibilis, in carne Angelus, Ecclesiæ Sidus, Idea Præfulum, Subditorum amor, Patriæ Pater. Plura recenseri vetuit Principis humilitas; neque laudes ambivit humanas, qui solum Numinis oculum actionum suarum voluit arbitrum. Natus anno 25. prioris sæculi postridie Assumptæ Virginis; denatus anno 1704. pridie Corporis Christi. Sic nasci, & mori decuit cultorem magnæ Matris, & Venerabilis Sacramenti. Conditus in hoc Sacello, a se extructo, in cordibus perennar subditorum. Hoc unum a te, Lector, mortuus rogar, ut sui memor in precibus, animæ requiem appreçeris æternam. Vale, & cum

Propheta Regio de piissimo Principe vaticinare: *In memoria æterna erit justus.* Psal. 3. v. 7. (leg. Ps. 111.)

Hæc mecum communicavit R. P. Franciscus Liefse S. J. p. t. St. Theol. Professor Paderb.

SYNODUS DIOECESANA MONASTERIENSIS,

Eodem anno Christi MDCLXXXVIII.

JUSSU

REVERENDISSIMI & CELSISSIMI PRINCIPIS ac DOMINI,
D. FRIDERICI CHRISTIANI de PLETTENBERG, (*)
S. R. I. Principis Episcopi LX. Monasteriensis,

CELEBRATA

DIE II. OCTOBRIIS.

Publicata in illa sunt sequentia:

FRIDERICUS CHRISTIANUS, DEI GRATIA ELECTUS EPISCOPUS
MONASTERIENSIS, BURGGRAVIUS STROMBERGENSIS, S. R. IMP. PRINCEPS ET
DOMINUS IN BORCKELOH &c. VENERABILIBUS AC PRÆNOBILIBUS DEVOTE
NOBIS DILECTIS MATHIÆ FRIDERICO a RECKE ET JOANNI CASPA-
RO a LETHMATHE CATHEDRALIUM ECCLESiarUM MONASTERIENSIS
NOSTRÆ ET MINDENSIS RESPECTIVE CANONICIS CAPITULARIBUS, CAN-
TORI, NEC NON AD S. MAURITIUM PRÆPOSITO, SALUTEM IN
DOMINO PRECAMUR SEMPTERNAM.

AD Ecclesiam hanc Monasterien-
sem D. Pauli Apostoli regendam
unanimes electione vocati, nihil eorum,
quæ sacri Canones & ejusdem Ecclesiæ
nostræ laudabiles consuetudines exi-
gunt, intermittere studemus, eaque
de causâ, cum hoc tempore justissimis
præpediamur impedimentis, quo mi-
nus in præsentî Synodo autumnali, quæ
quot annis in Ecclesia nostra Cathed-
rali celebrari consuevit, ipsimet com-
parere valeamus, vobis committimus,
ut vices nostras in prædicta Synodo
geratis, & cunctos ad Decretorum a

Prædecessoribus nostris factorum ob-
servantiam incitetis.

Insuper cum Illustrissimus Domi-
nus Nuncius Colonienfis ad Venerabi-
le Capitulum nostrum Cathedralre re-
scripserit Summum Pontificem Sanctis-
simu. Dominum nostrum dolenter
percepisse, quod quamplures Sacer-
dotes, qui ficta coma utuntur, sacro-
sanctum Missæ Sacrificium illa non de-
posita, contra expressam inhibitionem
non sine gravi scandalo celebrare præ-
sumant, atque usum ejusmodi scanda-
losu districte prohiberi præceperit.

Hinc

Hinc easdem Literas in dicta Synodo pro omni ac singulorum Sacerdotum noticia non tantum publicari, sed etiam expressæ in iisdem Pontificiæ inhibitioni promptissime parere præcipimus, & nisi iisdem præceptis paritum fuerit, adversus eorundem contravenientes per poenarum canonicarum decla-

rationes imposterum procedi mandabimus. In quorum fidem præsentibus manu & sigillo nostris corroboratas dedimus in Civitate nostra Monasteriensis prima Octobris anno 1688.

Fridericus Christianus.

(L.S.)

L I T T E R Æ

REVMi & ILLmi DOMINI NUNCHI APOSTOLICI.

PERILLvres ac Rd̄i ADM. DOMINI.

Dolenter percepit Sanctissimus Dominus, quod quamplures Sacerdotes, qui ficta coma utuntur, Sacrosanctum Missæ Sacrificium illa non deposita celebrare præsumant, esto quod id sit expresse prohibitum, quamvis scandali ansam fidelibus præbeat, & tanto debitum Mysterio reverentiam ac venerationem nullatenus redoleat. Huic abusui remedium allatura Sanctitas Sua mihi mandare dignata fuit, ut in singulis Districtus hujus Nuntiature Diæcesibus mediis opportunioribus, & quæ magis efficacia videbantur, discrete inhiberi curam quibuscunque Sacerdotibus, ne imposterum coma fictitia uti audeant in Missæ Sacrificio. Pissimis Sanctitatis Suae mandatis humillime morem gerens, Perillustres DD.

V. V. de mente ejusdem certiorandas duxi, ac ab illis instantissime contendendum, ut quamprimum eidem se conformando fictitiæ comæ usum in Missæ Sacrificio districte prohiberi, ac tam grave scandalum radicitus evelli procurent. Hæc opportunitate Perillustribus DD. Vris obsequia mea respiciens eidem felicissima cuncta a Deo animatus precor, & maneo. Colonia 28. 7bris 1688.

Perillustrium ac Rdarum
Adm. DD. V. V.

Officiosissimus ad omnia

J. A. ARCHIEP. DAMASCENUS.

Perillustri Capitulo Monasteriensis.

(*) FRIDERICUM CHRISTIANUM orbi procreabat Illustris & generosa apud Westphalos, Rhenanos, & Curlandos (*Hoppingus in Tractatu de Jure insignium*) PLETTENBERGIORUM familia, Principibus, Heroibus & Equitibus clara. Bernardum, Dominum in Lenhausen & Bergstrasse, Nobilitatis Ducatus Westphaliæ deputatum, patrem; Odiliam vero, Ferdinandi supra laudati Principis Paderborn. & Monast. felmae mem. Episcopi, sororem, matrem habuit, adolevitque inter spes amplissimas, ad ardua quævis, & magnam Reipublicæ Christianæ utilitatem præparatis idoneus. Post varias, easque sat laboriosas ad primarias Germaniæ, Regum, Electorum Principumque aulas, ac federati Belgii Ordines, legationes, post suprema Cathedralis ac Patriæ Monasteriensis administrata summa laude officia, tot ubivis excelsæ virtutis, sapientiæ, & in rebus gerendis dexteritatis monumenta reliquit, ut ex Consiliario intimo, Cameræ & Judicii Aulici Præfecto in *Decanum & Vicarium Generalem*, tandemque anno 1688. die 29. Julii in Episcopum ac Principem Monasteriensem, omnium votis, communi totius Patriæ lætitia & applausu eligeretur, magno Principi & Episcopo Maximiliano Henrico, Baviaræ Duci, successurus, Princeps pacis, Pater patriæ, egenorum, viduarum ac pupillorum Tutor perliberalis, certum fidumque subditorum sibi carissimorum præsidium, Episcopus integerrimæ vitæ, sacrorum omnium Antistitem lumen, & exemplum splendidissimum. Prima ei, ut Magistratum cepit, & antiquissima cura erat, de suo Divini honoris promovendi ardore posteris monumenta relinquere. Quod fecit, cum Ecclesiæ Cathedralis chorum nigro candidoque marmore pereleganter sterni, Capitularium Canonicorum subsellia piis in marmor candidum Dædaleo opere excisis historiis exornari, totamque novis fenestris Ecclesiam illustrari curaverit: ut alia taceam seu templa per Diæcesim seu facella, altaribus ab eodem condecorata, tum vel e fundamentis erecta, tum reparata.

Tomus X. Concilior. German.

Z

Zelum

Zelum hunc suum ut multo piissimum explicabat latius, fundabatque perquam liberaliter devotionem vel in hunc usque diem ce ebrem ac florentem, quam & Revmi DD. Canonici Capitulares & RR. DD. Vicarii Sanctissimum altaris Sacramentum in sepulcro tribus ultimis hebdomadæ sanctæ diebus insigni cum adfuentis frequentissimi populi pietate adorantes obeunt.

Suum declaraturus pro Religione nostra animum, Pastores animarum ubique præstantissimos seligebat supremus ipse & gregis sui studiosissimus Pastor. Annoræ difficultati a. 1698 & 99. totam fere Germaniam corripienti, adductis longo viarum tractu remotissimis e Provinciis frugibus, Princeps ac Pater patriæ clementissimus sese opposuit, suamque Diocesin a grassantibus tota vicinia calamitosi belli flammis Divina quadam providentia defendit. Arces *Abusanam* & *Sassenbergicam* impensis extruxit suis, Monasterii etiam Residentiam instituturus, nisi præcoci morte interceptus fuisset. Obiit illic post laudatissimum 18. annorum Regimen a. 1706. die 5. Maji, annum ætatis agens secundum & sexagesimum, repositus in choro Cathedralis templi ad plagam australem. Sepulcro hoc adjunctum legitur Epitaphium:

D. O. M. S.

FRIDERICUS CHRISTIANUS,

D. G. Episcopus Monasteriensis, Burggravius Strombergenfis,
S. R. I. Princeps, Dominus in Borckeloh,

L. B. A PLETTENBERG,

Natus in Castro Lenhausen anno 1644. die 8. Augusti,
Electus Episcopus Monasteriensis anno 1688. die 29. Julii,
Denatus mundo, renatus Cælo an. 1706. die 5. Maji.

PRINCEPS PACIS,

Qui per magna munia velut per gradus in thronum ascendit, ad Augustam, regias, principales aulas Ablegatus, Cameræ Episcopalis, & Judicii aulici Præses, Confiliarius Intimus, hujus Cathedralis Ecclesiæ Decanus, denique Summus Antistes, pietate clarus, consilio providus, labore indefessus, animo ad omnem casum immotus, Dei cultum, virtutis studium, Cleri integritatem, populi salutem feliciter promovit, Aras, & Tempora nova condidit, collapsa restauravit, arcem Abaufanam ære suo extruxit, & Vechtam fornicibus subterraneis munivit, ac armamentario insigni auxit, ætario militari Patriæ ingenti summa subvenit, & anno 1692. Augustissimo Imperatori LEOPOLDO contra Turcas

line patriæ sumptu 4. millium militum suppetias misit, magnoque illi Cæsaris, Anglorum, Batavorumque fœderi junctus, cinctam belli flammis Diocesin intactam servavit; liberalis in omnes, profusus in pauperes, donec ad se Numen evocavit

PATREM PATRIÆ, PRINCIPEM PACIS,

Qui faciebat justitiam, & judicium cuncto populo suo.
1. Paralip. C. 18. v. 14.

Hæc documenta transmissit a me rogatus R. P. Matthias Spée S. J., Præses t. t. Societatis A. O. & Operarius apud Monasterienses Westphalorum.



MAN-

M A N D A T A

E T

STATUTA SYNODALIA (*)

DIOECESIS ARGENTINENSIS,

Anno Chr. MDCLXXXVII. Innocentii XI. PP. XI.

Leopoldi I. Imp. XXIX.

PUBLICATA

P E R

REVERENDISSIMUM, PERILLUSTREM & EXIMIUM DOMINUM,

D. MARTINUM de RATABON,

Ss. Theologiæ in Facultate Parisiensi Doctorem, Baron. S. Laurentii,
Vicarium & Officiale Ducepsis Argentinensis,

DIE 18. JUNII.

MARTINUS de RATABON, in Sacra Facultate Parisiensi Doctor

Theol. Baro S. Laurentii, Vicarius & Officialis Generalis Diœcesos Argentinensis, omnibus
Abbatibus, Præpositis, Decanis & Canonicis Ecclesiarum Collegiarum, Archi-Pres-
byteris, Camerariis, Definitoribus Capitulorum Ruralium, omnibus Parochis,
cæterisque Presbyteris & Clericis Diœcesos Argentinensis,
Salutem in Domino.

IN Ecclesia nihil antiquius, nihil etiam vi-
detur salubrius institutum, quam ut Synodi
quotannis habeantur, in quibus ita omnibus,
quæ ad cultus Divini instaurationem, populo-
rum edificationem, & instructionem, here-
simum extirpationem, Sacerdotumque præfer-
tim accendendum zelum conducere possunt,
novis & sanctis Decretis provideatur. Quod si
ab ipsis Ecclesiæ incunabulis, faustis illis tempo-
ribus, ubi fervebat Christiana Charitas, ubi
recens effusus (si Patrum verbis uti licet) ad-
huc calebat Christi Sanguis, ubi tot erant
Sancti, quot Christiani, tot ad Martyrium
anbelantes, quot erant in Sanctuario Sacerdotes,
nihil tam utile, imo nihil tam necessarium
visum est Ecclesiæ sanctæ Rectioribus, quam
fidelium charitatem, Clericorum fervorem,
Pastorum vigilantiam Canonibus novis excita-
re; Quanto magis illud ipsum nunc exposulat
ejusdem Ecclesiæ necessitas, & ipsius, tam hæ-

reseum injuria, tum, quod magis lugendum
est, inordinata vita Sacerdotum, facies immu-
tata. Quid ergo moliri non debemus, ut il-
lam sanctam Matrem pristino decori restitu-
amus, & sparsa ubique Christi odore errantes
fratres, eadem quæ aberraverunt & perierunt
via, ad ovile Christi reducere valeamus; Jam
sedatis bellis & fæda, quæ a seculo & am-
plius elanguit servitute abjecta, in pace favente
Deo, & invictis tam acerrimi fidei defensoris
Regis nostri armis stabilita, locum suum ha-
bere potest, & antiquum splendorem sanctæ
Christi Ecclesiæ. Adhæc Synodos habuistis,
Fratres charissimi, adhæc sanctorum Canonum
Decreta pravis quibusdam, quæ irrepserant,
consuetudinibus antiquata renovastis, zelumque
vestrum in iis exequendis laudare satis non pos-
sum, in cujus monumentum Statuta in ulti-
ma Synodo à vobis edita, seu potius renovata,
& non vobis tantum, sed Successoribus etiam
vestris

(*) Serius observavi, ista Statuta apud Cl. Litnigium inveniri: quare ordo chronologi-
cus nonnihil turbatur. Synodus, de qua meminerunt, celebrata fuit a Revmo &
Illmo Franc. Egone Landgravio de Furstenberg, Argentinensi Episcopo ad an.
1685. Quæ in Supplemento dabitur.

vestris ætatem profutura, hoc præfenti Mandato promulganda esse censuimus, rogantes vos obnixè, ac diligenti, quæ par est, eorum observatione uno animo, pari zelo, gloriæ Dei & animarum vobis commissarum salutis (quod unum omnium nostrum intentum esse debet) promovendæ studeatis.

De Clericis.

PLacuit ea omnia Mandata, quæ præterita Synodo ad Cleri informationem promulgata sunt, non modo renovare, sed etiam ea, quæ explicatione aliqua indigent, paulo fufius exponere.

I. Quoniam sacri Canones sub gravibus pœnis interdiciunt Clericis subintroductas habere domi mulieres, nisi forte sit mater, aut soror, aut avia, aut amita, aut matertera, vel filia, fratris aut sororis: districte prohibemus omnibus Presbyteris, ne alias præter supradictas mulieres domum suam introducant, jubemusque, ut introductas nulla interposita mora dimittant; si quando tamen supradictarum mulierum ratione, aut rei familiaris curandæ, aut infirmæ valetudinis causa, ancilla opus fuerit, admittat illam sed quinquagenariam, eamque laudabilis famæ, & ab Archi Presbytero approbatam.

II. Ne qua detur peccandi, vel peccatum suspicandi causa, nulli Sacerdotum liceat apud extraneas mulieres vivere, commorari, aut hospitari, sub prætextu pensionis.

Additio.

NE qua amplius defraudandæ hujus legis tam sanctæ & salubriter à tot Conciliis latæ, & in hac Diocesi tam feliciter ab omnibus fere Clericis observatæ, superfit occasio, & ut pertinaces severius comprimamus.

1. Si quis velit neptem domi retinere aut sororem, testimonium authenticum consanguinitatis afferat Archi-Presbyter, alias illæ ad ædes Parochiales non admittantur, & suspectæ habeantur.

2. Nullæ a Parochis dimissæ ancillæ in eorum Parochia amplius com-

morentur aut famulentur; si quæ autem huic Decreto contraverint, monabit nos Archi-Presbyter vel Promotor, quorum in hoc conscientiam oneramus, ut illas a Magistratu civili procul amandari curemus, & in Parochum mandatis nostris refragantem severius animadvertamus.

3. Si quis Sacerdos aliquam dimissam ancillam, tum aliam extraneam, non quinquagenariam, in ædibus suis ad domesticationem suscipiat, ipsum ab officio & Sacris suspensum ipso facto esse declaramus.

4. Archi-Presbyter, quo inconsulto & non approbante, Parochi ancillas etiam quinquagenarias domi retinere non possunt, quoad ætatem ipsarum dispensare, aut quomodocunque indulgere non præsumat sub pœna ejusdem suspensionis. Etiam sibi sciant Decani in suis Capitulis sub eadem pœna prohiberi.

III. Omnibus & singulis Sacerdotibus (nisi extra urbem aut pagum, in quo commorantur) in communi hospitio cibum aut potum sumere, sub pœna suspensionis ipso facto incurrendæ, Nobisque reservatæ interdiciamus,

Additio.

1. **P**arochus in districtu suæ Parochiæ, in hospitio cibum sumere non poterit, quacunque de causa etiam cum patre si adsit, etiam cum Magistratibus & Principibus.

2. Quoniam ex Canonibus, Sacerdotibus solum peregrinis licet ad cauponam divertere, ideo sub eadem pœna prohibemus Sacerdotibus, ne ad illas divertant, nisi a finibus suæ Parochiæ, si sint Parochi, vel a loco domicilii, si sint Canonici, una hora integra distent.

3. Omnes simplices Sacerdotes, & alii Clerici in majoribus Ordinibus constituti, sciant se his Decretis obligatos, & delinquentes pœnis prædictis subiectos.

4. Quoniam spreto hoc Mandato nonnulli Sacerdotes scandalum Parochianis suis, nec non & hæreticis moverunt, ideo singulos monemus, nulli, qui præfenti Mandato contradixerit, deinceps.

deinceps esse indulgendum, sed prædictam pœnam suspensionis in rigore nulla data gratia esse subeundam.

IV. Sacerdotes & Parochi præcipue nuptiarum evitent convivia, multo minus cœtibus publicis, aut choreis, aut saltationibus misceantur, ne sacris Mysteriis deputati, turpium spectaculorum contagione polluantur.

Additio.

Baptismorum quoque & funerum evitent convivia.

V. Aleam, cæterosque ludos publicos Sacerdotibus sub pœna suspensionis ipso factò incurrendæ, Nobisque reservatæ interdiciamus.

VI. Sciat Parochus, qui opus Dei facit negligenter in erudiendo populo sibi commissò, sibi Divinis interdendum, si autem in ea sœcordia perseveraverit, deponendum, itaque singuli Sacerdotes habeant Biblia sacra, eaque legant quotidie, quibus prius edocti, alios possint edocere.

VII. Habeant singuli Sacerdotes vestes proprias ac dignitati congruentes, easque ferant nigras semper & talares, saltem in Templo, & quoties superpelliceis induuntur, qui in pagis degunt: qui autem in urbibus habitant, talares semper vestes gestent; omnesque comâ decenter ad aures usque detonsâ, & apprime rasâ Clericali incedant, ut per decentiam habitus extrinseci, morum honestatem intrinsecam ostendant.

Additio.

Quoniam spreto Conciliorum, præsertim Trid. Decretis, spreto quoque hoc Mandato plerique Sacerdotes, vestes talares induere negligunt, veste alias minime Clericali induti incedentes, ideo pœnas injungendas duximus iis, qui huic Decreto contradixerint, prima pœna pecuniaria ad arbitrium nostrum imponenda plebentur, deinde si moniti non paruerint, sciant se suspensionis Nobis soli reservatæ vinculo ipso factò innodatos; per vestem autem talarem eam intelligas, quæ ad talos, non autem, quæ ad media crura dimittitur.

VIII. Quam poterit sæpius celebret Sacerdos, & ad minus bis in hebdomada peccata confiteatur.

IX. Singuli Sacerdotes veniant quotannis Argentinam exercitiis spiritualibus per octiduum vacaturi in Seminario.

Additio.

Huic Decreto deinceps ab omnibus satisfiet, singulisque præscribemus, quo tempore erit ab ipsis satisfaciendum.

X. Nullus Presbyter, nisi infirmitate pressus, aut etiam in ipsa infirmitate ante Sacrum, tabacum audeat fistulare.

Nullus extraneus, etiam peregrinus Sacerdos sine dimissoriis literis ad Sacrum, etiam semel legendum admittatur, etiam in exemptis Monast. quapropter Presbyteri vagabundi ad Ordinarium remittendi.

Nullus Sacerdos sine veste talarî Sacrum legat aut peccata confiteatur, etiam si sit extraneus & peregrinus, nec ulli ornamenta ad Sacrum legendum porrigantur.

Sacerdotes, qui in pagis commorantur, cum ad civitates pervenerint, ad suspectas domos non divertant, nec nisi apud personas probatæ vitæ audeant pernoctare.

Singuli Parochi domi habeant & legant Conc. Trid. & ejusdem Conc. Catechismum, in quibus tanquam in puris fontibus, verum Dei verbum populo ministrandum hauriant; quod ut facilius fiat, prædictum Catechismum typis mandari curavimus, singulis Parochis & Sacerdotibus hujus Diœces. exemplar unum oblaturi; quapropter DD. Archi-Presbyteri mittant aliquem, qui pro omnibus suis Confratribus sufficientia exemplaria gratis a Nobis accipiant.

De Beneficiis.

Collatores tam laici, quam Ecclesiastici, non nisi duobus præsentibus testibus, & in minuta subscriptis Beneficia conferant.

Collatores laici Beneficiorum, qui nondum Cath. fidem amplexi sunt,

deinceps conferent per Procuratorem Catholicum, juxta mandatum Christianissimi Regis nostri.

Summorum Pontificum & Conc. Oecumenicorum præsertim Lateranensis, Lugd. & Trid. Decreta, ut in conscientia obligamur, & Eccl. disciplina, nec minus hujus Diœc. necessitas postulat executioni demandantes, declaramus, nemini imposterum licere, plura Beneficia curam animarum habentia, aut alias residentiam exigentia, aut quomodocunque incompatibilia simul recipere aut retinere. Qui autem id facere præsumperint, Beneficiis ipsis juxta prædictorum Pontificum & Concil. Constitutiones, ipso jure privati existant.

Quoniam studia commune bonum est Ecclesiæ. Ideo juniores Canonici, qui in Scholis aut Seminariis student, privilegiis omnibus, & Beneficiorum suorum in absentia a jure communi concessis plene gaudeant & fruantur.

De Regularibus.

Nullus Religiosus extraneus sine commendatitiis Superiorum literis suscipiatur.

Abbates Regulares, qui usum mitræ & baculi habent, extra suum Monasterium in Pontificalibus celebrare etiam in locis exemptis hujus Diœceseos, sine Ordinarii licentia non præsumant.

Quilibet Christianus, quantum per suas facultates sibi licet, teste Apostolo, operari bonum ad omnes debet, & maxime ad domesticos fidei; sed inter hos sunt præcipue commendandi, qui relictis omnibus, frangendo fidelibus pane spirituali, se totos consecrant, quales sunt Religiosi mendicantes, & hos maxime pietati fidelium commendamus, sed eos solos, qui in hac Diœcesi inserviunt, extraneis vero sine nostra, & quidem scripto tradita licentia eleemosyn. colligere amplius non liceat.

Nulli Regulares sanctum Eucharistiæ Sacramentum ad infirmos deferre, & eos Sacro Oleo inungere sine

nostra licentia audeant. De licentia tamen Parochi ipso absente poterunt prædicta Sacramenta administrare, sed semper accepta, quæ in Ecclesia Parochiali servatur, pyxide.

De Monialibus.

Omnes Religiosæ vagabundæ, omnes extraneæ, quæ sine nostra licentia mendicant, procul amendantur, & extra Diœcesim ejiciantur, si autem monitæ abire vel momento differant, expectato super his nostro Mandato, in carcerem detrudantur. Idem etiam circa eos observandum, qui sub veste Eremitica absque ulla sibi concessa autoritate vagabundi, per Diœceses currunt.

Moniales etiam exemptæ ter in anno Confessarios extraordinarios habeant, juxta Concilii Tridentini Decretum.

De Sacramentis.

Quoniam in dies crescit Deo favente numerus Catholicorum, & quotidie Nobis nova reddantur Tempia, ideo Archi-Presbyter satis sibi sumat Olei Sacri, ut possit reconciliari Ecclesiis per annum suppeditare.

Nihil pro Sacramentorum præsertim Eucharistiæ & Extremæ Unctionis administratione accipiant Parochi; Si quid autem in Baptismo a patrinis & matrinis pie offertur, accipiant, sed nihil a parentibus infantis baptizati etiam offerentibus: si quid autem exegerint, sciant se suspensionis Nobis solis reservatæ vinculo innodatos.

Parochi sæpius visitent infirmos, nec illis nisi prævia aliqua, sed brevi adhortatione sacrum Viaticum, aut Extremam Unctionem porrigant, nec ad extremam usque vitæ periodum horum Sacramentorum administratio differenda.

Quoniam aliqui infirmi, cum a Medico suadeatur, ut de animarum salute disponant, in desperationem incidunt, unde facilius mortis periculum incurrunt: qua consideratione, ducti Medici, illis necessaria animæ remedia propo-

proponere differunt & negligunt: ideo præcipimus Medicis, ut statim arque ægrotum convenerint illum moneant, ut animæ suæ, quæ corpore pretiosior est, misereatur, & spiritualementum convocet, reluctantes autem ægrotos non amplius conveniant.

De Baptismo.

NUllum infantem extra Ecclesiam nisi in necessitate abluant Parochi sine nostra licentia, nec unquam mulieres puerperæ, nisi in Templo purificentur.

Quantocius fieri potest, infantes baptizentur, nec eorum ultra tres dies differatur Baptismus.

Extra casum necessitatis obstetrices non baptizent, nec infanti ab obstetrice baptizato ullum nomen imponatur, antequam cæremoniis baptismalibus initietur.

Parochus in sua Parochia nullum infantem e sacro fonte suscipiat, multo minus eum, quem abluit.

Parochus nullum infantem abluat, nisi prius inquisierit, quibus parentibus sit ortus, si autem spurium baptizat, talem in registro designet, nec nomen patris & matris, quantum fieri potest, reticeat.

Ita in vasis Olea Sacra disponantur, ut aliud ab alio facile discernere queat.

Nutrices nullas proles lactandas suscipiant, nisi quas rite baptizadas constiterit.

De Pœnitentia.

PARochi pro solatio Parochianorum Confessarios extraordinarios certis anni temporibus convocent, & his, ut major inde percipiatur fructus, licentiam damus a casibus Nobis reservatis, excepta Clericorum suspensione, absolvendi.

Cum nemo sciat, utrum sit odio, an amore dignus, non possumus satis adhortari fideles, ut ad Sacramentum Pœnitentiæ sæpius accedant, quæ secunda est post naufragium tabula; sciant tamen se ex præcepto Eccl. ob-

ligari, sub peccato mortali ad Sacramentaliter deponenda, saltem semel in anno, peccata sua Sacerdoti: cui præcepto, ut facilius satisfaciant fideles, omnibus Religiosis cujuscumque Ordinis a Nobis alias approbatis jurisdictioni nostræ subditis audiendi & absolvendi tempore Pascharis licentiam concedimus, hortamur tamen fideles, ut Parocho suo tanquam proprio Sacerdoti, qui de ipsorum anima Deo spondere debet, juxta Concil. Lateran. mentem confiteantur.

Puerperis tempestive necessario pœnitentiæ remedio succurratur.

In solo Templo, nunquam in sacristia, confessiones Laicorum, multominus mulierum, nisi necessitas postulet, audiantur.

Ad absolvendas Moniales necessaria est specialis licentia.

De Matrimonio.

NULLUS Sacerdos eos, qui castris addicti sunt, tum milites, tum eos, quos Officiales vocant, sub pœna suspensionis Nobis reservatæ, Matrimonio jungere præsumat, quacumque etiam ab illis allegata causa: idem circa vagabundos observandum.

Nullus Sacerdos tum secularis, tum Regularis, personas suæ jurisdictioni non subditas sine nostra licentia & quidem scripto tradita, Matrimonio copulare audeat, sub pœna suspensionis ipso facto incurrendæ, Nobisque reservatæ, illaque Matrimonia juxta Sacrosanctæ Synodi Trid. Decretum invalida declaramus.

Nullum Matrimonium celebretur, nisi præviis juxta Trid. Synodi Decretum, tribus proclamationibus, quæ tribus distinctis diebus Dominicis & Festivis, & intra Missarum solemnibus fieri debent, nec amplius bis eodem die proclametur Matrimonium, & circa prædictum Decretum, nunquam a se, sed a solo Ordinario dispensari posse, sciant Parochi.

Neminem ad secundas nuptias transire sinant Parochi, nisi testimoniis authenticis aut duobus probatæ fidei testibus oculatis de morte prioris conjugis

jugis constiterit. In Parochia utriusque partis Matrimonium proclametur, aut obtineatur dispensatio.

Nihil exigant Domini rurales aut Satrapæ pro concedenda sibi subditis Matrimonii ineundi licentia.

Inter illos non proclametur Matrimonium, inter quos iniri non potest, nisi prævia dispensatione, etiam si sit spes certa illius obtinendæ, sed expectetur obtenta.

Si quæ Matrimonio proclamato injecta fuerit oppositio, ulterius non procedatur ante auditam nostram sententiam aut acceptum mandatum.

De Ritibus & Cultu Divino.

IN Rubricis, universalis Eccles. servetur consuetudo, v. g. Aqua & vino mixtis abluantur digiti Sacerdotis sub fine Missæ &c. nec quicquam Ritui sacro, Officio Divino, & præcipue Canonici etiam ex pietate addatur, aut minuatur.

Magna cum modestia & reverentia semper ad Templum accedere debent, ut per incessus gravitatem, morum honestatem ostendant, præsertim, cum funus extollitur, vel infantes baptizandi, vel sponsi, conjungendi ducuntur, quapropter mittantur illi lusus, clamores & tibicines, & alia omnia, quæ histriionum mimorum choreas magis decent, quam Christianorum cæterum.

Semper servetur aqua lustralis in Templo, nunquam vero sal benedictum.

Processiones Parochus ducat & reducat, absque illo, nullæ fiant in Parochiis.

Qui spretis Parochi monitis Ecclesiam frequentare negligunt, brachio seculari coerceantur: similiter & ii, qui ad Sacram Coenam tempore Paschatis non accedunt.

De Collegiatis Ecclesiis & Horis Canonicis.

EA, qua decet modestia, Officium Divinum celebretur & modeste, lente, graviterque decantetur, sed im-

primis in Altari meminerit Sacerdos ea mentis intentione, cordis puritate, nec non vocis & corporis gravitate Sacrum legat, qualem decet eum, qui colloquitur cum Deo, cum eoque Divina tractat & componit.

Ex fructibus Præbendarum, quibus soli residentes gaudebunt, tertia pars singulis horis in choro Canonicis & Vicariis manualiter distribuatur, ita ut absentibus nihil detur, & absentium portio in usum & bonum fabricæ applicanda sit, juxta Trident. Synodi Decretum.

Ut autem nemini damnum fiat aut injuria, punctator eligatur, isque Presbyter, qui singulis horis intersit, & absentes notet in tabula.

In Collegiatis Eccl. quæ bellorum & hæreseum injuria depauperatæ ita fuerint, ut omnes Canonici ad residentiam nequeant admitti, illi, qui non resident, nullis fructibus, nec etiam corpore rurali fruentur.

Ab illa regula soli excipiantur, qui studiis operam dant, & quibus juxta Trid. Synodi Statutum pro Ecclesiæ viribus subveniri debet.

Pecunia publicis usibus, & commodis Eccl. applicanda in arca communi servabitur, duabus feris claudenda, quarum alteram habebit Decanus, alteram senior Canonicus.

Ex illa pecunia nihil nisi prævio Capitulari Decreto impendetur, & si quid erit reficiendum post publicationem factam, illud minus petenti committatur.

Cum sit Congregatio Capituli, quidquid statuitur, in protocolis inscribatur, ita in omnibus actibus capitularibus observandum, quæ alias nullam vim habitura sunt.

Canonici non residentes, etiam si in alia Diocesi beneficia residentiam requirentia habeant, Synodo quotannis habendæ aderunt.

De Capitulis ruralibus & Parochiis.

I. Capitulis ruralibus non liceat simul convenire, nisi expressa Ordi-

Ordinarii facultate, qui Commissarium illic præsidendi causa delegabit.

II. Camerarii afferant absque mora rationum libros, in quibus videamus, tum ea, quæ ab ipsis recepta est pecunia; tum in quibus capitulares redditus infumantur.

III. Singulis annis suos Confratres conveniat Archi-Presbyter, nos moniturus, quid in singulorum Parochiis sit emendandum. Parochus rectum & mensam Archi-Presbytero non denegabit.

IV. Cum quis ad Parochiam admissus est ab Ordinario, statim adeat Archi-Presbyterum, cui notus esse debet.

V. Parochi nobis insciis Parochias suas non deferant; si autem propter urgentia negotia alibi desiderentur, a Nobis licentiam expostulent, sibi iusta causa concedendam. Si autem per unum aut alium diem alibi divertere teneantur, Archi-Presbyterum saltem moneant, aut vicinum Parochum, qui gregi provideat, absente Pastore.

VI. Cum quis ad Parochiam admissus est, statim curet, ut quidquid in domo Parochiali erit reficiendum a Collatoribus, aut Decimatoribus secundum consuetudinem loci reficiatur, nec non & de statu locorum coram Decano & duobus testibus acta iudice exhibeat; ut eo cedente vel decedente, quæ ipsius culpa perierunt, ipsius sumptibus restaurentur, & sic commoditati Parochorum, & Patronorum bono consulatur. Idem circa ædes capitulares in Collegiatis Ecclesiis observetur.

VII. A pauperibus pro sepultura nihil exigatur.

De Concionibus.

Nullus sæcularis sive Regularis Sacerdos in locis etiam exemptis, etiam sui Ordinis publice concionari, sine accepta Episcopi benedictione, præsumat; Quapropter qui sunt a Superioribus suis ad officium illud, vel jam deputati, vel imposterum deputandi veniant, ut Nobis notum fiat, quibus sint eloquia Dei in hac Diœcesi concredita.

Tomus X. Concilior. German.

In concionibus vitandæ quæstiones illæ variæ inutiles & curiosæ, quæ generant lites, nec ullo modo ædificationi fidelium prodesse possunt: in explicandis Mysteriis puro Dei verbo, cogitationes humanæ non admisceantur; sacræ literæ semper secundum sanctæ Marris Ecclesiæ sensum & sanctorum Patrum interpretationem explicentur, nec unquam vanis allegoriis ad sensum alienum detorqueantur, Poeticas elocutiones, apocryphas historias, scurriles narrationes, & præsertim fabulas, quæ theatro magis quam Cathedræ veritatis conveniunt, devitent Concionatores: insectentur vitia, parcant personis, neminem reprehendant, aut designent, hæretica dogmata firmiter oppugnent, hæreticos cum charitate commendent, nunquam convitiis afficiant eos, quos Divina providentia, ut speramus, votis totius Ecclesiæ Matris reddet: uno verbo nihil sit concionibus fictum, ludicrum, futile, aut quod risum movere possit, nihil nisi serium, nisi verum, nisi sanctum, nisi quod fideles in vera fide & sincera charitate possit obfirmare.

De Miscellaneis.

LAniones diebus Dominicis & Festivis carnes non vendant, nisi cum calidior aura postulat.

Fora & nundinæ non habeantur in cœmeterio.

Diebus Dominicis & Festivis nundinæ & fora non habeantur, nec ulli liceat sine nostra licentia, in summa necessitate solum concedenda, operibus servilibus vacare.

Mendici a Templis arceantur.

Obstetrices eligantur a communitate non nisi Catholicæ, & probatæ vitæ, prius juramento approbentur a Parocho, & ab ipso caremonias baptismales edoceantur.

Tempore Officii Divini sacri, scilicet concionis, & Catechismi claudantur cauponæ & hospitia, nec ullus, nisi peregrinus ad illas admittatur; idem de saltationibus & choreis observandum.

Hora nona serotina, hyemali tempore, & decima æstivali tempore, clau-

A 2

dantur

SYNODUS DIOECESANA *Autumnalis*
MONASTERIENSIS,

Anno Christi MDCXCI. Innocentii XII. PP. I.
Leopoldi I. Imp. XXXII.

EX MANDATO

Revmi & Illmi Domini FRIDERICI CHRISTIANI,
Monasteriensis Episcopi,

HABITA

DIE 15. OCTOBRIS.

FRIDERICUS CHRISTIANUS, DEI ET APOSTOLICÆ SEDIS
GRATIA EPISCOPUS MONASTERIENSIS, &c. &c.

INter cætera volumus, ut Decretum
Prædecessoris nostri FERDINAN-
DI Episcopi fel. rec. contra abusum in
compulsandis per hanc urbem nostram
campanis promulgatum ad vigorem
& observantiam debitam redigatur.
In quem finem demandamus omnibus
& singulis hujus urbis Campanatori-
bus, aut iis, ad quos spectare digno-
scitur, ut sequentem in campanarum
compulsatione ordinem accurate ob-
servent, & observari faciant: videlicet
in vigiliis Festorum quorumcunque
non protrahetur ista campanarum com-

pulsatio ultra horam nonam vesperti-
nam, similiter mane ipsis diebus festi-
vis ante Officium matutinum non ul-
tra horæ unius spatium, neque per
diem ultra finem Officii Divini conti-
nuabitur, idque sub pœna decem flo-
renorum aureorum huic Decreto con-
travenientibus infligenda. In quorum
fidem præsentem manu & sigillo nostris
corroboratas dedimus in Civitate no-
stra Monasteriensi 15. Octobris 1691.

Fridericus Christianus.

(L.S.)

SYNODUS DIOECESANA *Verna*
MONASTERIENSIS,

Anno Christi MDCXIII. Innocentii XII. PP. III.
Leopoldi I. Imp. XXXIV.

EX MANDATO

Revmi & Illmi Domini FRIDERICI CHRISTIANI,
Monasteriensis Episcopi,

HABITA

DIE 2. MARTII.

FRIDERICUS CHRISTIANUS, DEI ET APOSTOLICÆ SEDIS
GRATIA EPISCOPUS MONASTERIENSIS, &c. &c.

Cum nonnulli Pastores in assum- cum ipsis maxime onerosos, & curæ
ptione Sacellanorum contractus animarum non parum perniciosos inire
Tomus X. Concilior. German. Aa 2 soleant,

soleant, sic statuimus, ut nulli posthac a Pastoribus nostris Sacellani, nisi de nostro, aut Archi-Diaconorum nostro-
rum præscitu assumantur, neque sic assumpti, nisi cum causâ a Nobis, aut Archi-Diaconis nostris cognita & approbata ab ipsis dimittantur. Mone-
mus quoque & in Domino hortamur Pastores nostros, ne sine approbatione ad curam animarum in scripto obtem-
perant

& producta Sacerdotes sæculares in Sacellanos, vel Regulares in auxilium ullo tempore assumere præsumant. In quorum fidem præsentibus manu & sigillo nostris corroboratas dedimus in Civitate nostra Monasteriensis anno 1693. 2. Martii.

Fridericus Christianus.

SYNODUS DIOECESANA BRUGENSIS,

Eodem anno Christi MDCXCIII.

PER

ILLUSTRISSIMUM ac REVERENDISSIMUM DOMINUM,

D. GUILIELMUM BASSERY, (*)

ejusdem Diœcesis XIII. Episcopum, perpetuum ac hæreditarium
Flandriæ Cancellarium,

CELEBRATA

DIE 16. JUNII.

GUILIELMUS BASSERY, DEI ET APOSTOLICÆ

Sedis gratia Episcopus Brugensis, perpetuus ac hæreditarius Flandriæ Cancellarius &c.

Univerſo Clero Civitatis & Diœcesis sibi commisso & credito,

Salutem in Domino.

Magnam curam ac sollicitudinem adhibuerunt Prædecessores nostri, ut gregem suum, in quo positi erant Episcopi, tum virbo, tum exemplo, atque maxime saluberrimis legibus pascere; enixa in earundem observantiam vigilantia toti incumbere, omnia quoque ad revocandam, stabilendamque inconcussam disciplinam, curarent. Nos pro viribus conantes tantorum Virorum vestigia premere, ex quo tempore ad hujus Diœcesis regimen promoti sumus (licet meritis impares) nihil avidius exoptavimus, quam ut feliciter uti-terque salutis animarum Nobis commissarum allaboraremus.

Et vero per sedulas Paræciarum Visitationes, aliasque notitias, perspicue Nobis innotuit, quid in quaque Parochia desideraretur: quæ proinde accurata cognitio induxit animum nostrum, ut adhibito Consilio peritissimorum Virorum nonnulla Statuta conderemus, & antiqua a Prædecessoribus nostris sanctissi-

me constituta, renovaremus, quæ ad executionem sanctorum Conciliarum, maxime vero Tridentini, spectarent.

Sed ut nihil, quod ad Ecclesiæ bonum, & sanctam Cleri, plebisque institutionem pertinere potest, Nos præteriret, Registra Decretorum Episcopaliū omnia evolvimus, ac in epitomen redeimus: ex quibus exoleta quedam seposuimus, quæque hisce temporibus nimis ardua videri possent, immutavimus, & minus clare posita explicuimus: varia etiam Decreta addidimus (quæ videbantur apponenda) ac in ordinem digessimus, ut vobis faciliorem, ac commodiorem omnium (utpote antea in diversis registris dispersorum) usum redderemus, omnesque sic paratas conjunctasque haberent leges, quas tum in animarum sibi commissarum regimine, tum in formanda vita sua sequerentur.

Exploratum autem vos habere cupimus, Nos non dominandi nec potestatis exercenda cupi-

(*) Vide sub finem Synodi.

cupidine agi: Non quia dominamur fidei vestrae, ut ait Apostolus Paulus 2. ad Cor. 1. sed quia adiutores sumus gaudii vestri, vos per hæc Statuta iuvare contendimus, ut digne munere vestro respective fungamini & per vias rectas in semitis mandatorum Domini etiam exemplariter ambuletis.

Zelus iste vester (vos præcipue nunc alloquimur, qui in Diacefi nostra curam animarum geritis) zelus, inquam, iste vester animarum, quarum vobis cura Nobiscum communis est, abunde pollicetur Nobis, fore, ut non mercenariorum more, nauseabundi basce Ordinationes nostras recipiatis, sed potius letabundi vos iis submittatis, & a subditis vestris respective servari curetis, ut veros animarum Pastores decet; quippe quod vobis multiplicis luminis, fulcimenti & levaminis loco in muniis vestris sint futura.

Statuta hæc communia & generalia sunt pro tota Diacefi, quo etiam in multis Parochiis, una & eadem ordinatione, defectus communes corriganter, vel forsitan alias committendi præveniantur.

Circa ea vero, quæ diversimode & peculiariter in singulis Parochiis desiderantur statuenda, aut emendanda veniunt, per particulares nostras Ordinationes ad singulas Parochias per Nos missas & mittendas, provisorium est & providebitur.

Faxit Deus! ut vos omnes induamini, Fratres colendissimi universum Clerum constituentes, virtute ex alto, in promptam & obedientialem executionem harum Constitutionum. Utinam zelo plane novo, & viribus statu Clericali dignis, Nobiscum indefesse alaboretis instaurationi disciplinæ Ecclesiasticæ & respective sanctæ animarum institutioni! utinam, per JESU CHRISTI Domini nostri merita, vos conformantes ad basce Canonicas leges, efficiamini vos ipsi forma cæteri gregis! & utinam tandem, enixæ preces nostræ & Sacrificia, vobis a JESU CHRISTO Pastore bono, copiosam benedictionem & gratiam impetrare valeant, quo sobrie, iuste & pie viventes in hoc sæculo, digne Deo ambulantes in sua quisque vocatione, securi expectetis beatam spem & adventum gloriæ magnæ DEI.

JOANNES ROBERTUS CAIMO, DEI & Apostolicæ

Sedis gratia Episcopus Brugensis, perpetuus ac hæreditarius Flandriæ Cancellarius &c.

Omnibus & singulis animarum Curatoribus, aliisque Presbyteris & Clericis tam Sæcularibus, quam Regularibus Diacefis nostræ Salutem in Domino.

Sanctam DEI Ecclesiam in terris militantem, electis & reprobris permixtam, Christus Dominus Sanguine suo acquisivit; Hierarchiam Ecclesiasticam ex Episcopis, Presbyteris, & minoris ordinis Ministris compositam, Divina ordinatione instituit, & in opus Ministerii, ad quod Nobiscum & sub moderatione nostro assumpti estis, tamquam castrorum aciem ordinavit; ut postmodum Ecclesiam non habentem maculam aut rugam, exhiberet sibi in Cælis triumphantem & in æternum gloriosam.

Videte igitur Fratres Charissimi, quale ministerium Nobis tradatur, quam sancta sint quæ in eo tractantur, quam pretiosa dispensentur, & quantam quisque nostrum rationem redditurus sit pro animabus sibi commissis, pretioso Christi Sanguine redemptis. Quapropter cum Apostolo obsecro vos, ut digne ambuletis vocatione qua vocati estis, cum omni humilitate & mansuetudine, cum patientia supportantes invicem in Charitate, solliciti servare unitatem spiritus in vinculo

pacis. Sit doctrina vestra, spiritualis medicina populo Dei, & satagite, ut Evangelium quod ore nuntiatis, viris quoque operibus exponatis, & tamquam lucernæ supra candelabrum positæ, luceatis omnibus, qui in domo Dei sunt, ut imitationem sanctam plebs acquirat.

Laus Deo Altissimo! non enim in Clero curæ nostræ omnino, ea modo reperitur morum perversitas, qualem olim Prædecessores nostri in amaritudine animæ suæ conspexerunt: attamen, quamquam bodiedum non nisi pauci, Nobis saltem scientibus, tales reperiantur, quorum conversatio inimicos Domini ad blasphemiam provocat, plurium tamen agendi ratio & otiosa vita, in status Ecclesiastici vilipendium vergit; & aliorum frequens a Parochia absentia (sequentium malorum origo) in concionando & catechizando negligentia, in audiendis confessionibus & visitandis ægrotis acedia, ultionem Dei provocat, & veros Pastores scandalizat. Væ illis, per quos scandalum venit! maxime si subditis, in ex

tremo mortis periculo panem petentibus, non præsto adsit, qui eis frangat. Quam infausus, ex tam perniciosa se absentandi frequentia, ulterior timendus sit eventus, nemo non videt. Verum dum vigilantium numerum, pietate, zelo, & prudentia eminentium perpendimus, in Domino confidimus fore, ut eorum exemplo, eradicato malorum germine, priusquam altiores radices agat, qui usque modo fuerunt tepidi, assidui, ac vigilantes dispensatores fiant Mysteriorum Dei.

Sed quid, si nec bonorum exemplis moveantur, neque ad monitiones nostras respiciant? nomine dissimulabimus, donec Dominus suscitet adversum Nos universa mala, quæ locutus est contra domum Heli, eo quod filios suos, quos noverat indigne agere, monuerat quidem, sed non corripuerat? nequaquam: nam Dominum magis quam homines bonorabimus, nullisque præterniis remediis, contumaces ad ea, quæ numeris sui sunt, compellimus.

Agite interim Fratres colendissimi, fideles ac providi Cooperatores Ordinis nostri, Confratres vestros confortate, somnolentos excitare, debiles roborare, socordes animare, lapsos erigite.

Decreta primæ Synodi Brugensis, una cum Prædecessorum nostrorum Statutis, quorum paucæ exemplaria reperiebantur, typis mandari curavimus, ut nemo impoſſerum eo-

rum ignorantiam prætexere valeat; & sub eorum respectu Titulus nova quædam, postmodum tum a Prædecessoribus nostris, tum a Nobis emanata, adjecimus, (*) quorum omnium studiosam observationem cunctis strictissime injungimus.

Hortamur Christianitatis Decanos, ut memores oneris sibi impositi, non solum Statutorum particularium hujus Diocesis, verum etiam utriusque Synodi Provincialis Mechliniensis observantiae exacte invigilent; Pastores, & alios sibi subditos, quos defectuosos noverint, moneant, si opus sit, corripiant, & contentiosos ad Nos deferant; ne dum in adiutorio eis demandato & credito, eorumque vigilantia quiescimus, Pater familias, speculator, quos in turri vineæ suæ assiduos & vigilantes esse voluit, absentes inveniat aut dormientes.

Qui potestati Decanorum resistit, Dei ordinationi resistit. Nemo igitur se seduci permittat iuribus susseronum verbis; & nolite, ut monet Jac. Apost. plures Magistri fieri, scientes, quod majus iudicium sumitis. Sit in omnibus cor unum & anima una; quod unus ædificat, alter non destruat, ut veniente Sponso, bona qua forte non putavimus, ornatis lampadibus oleo charitatis Dei & proximi, introeamus cum eo ad nuptias in æternum duraturas.

STATUTA SYNODALIA DIOECESIS BRUGENSIS.

TITULUS PRIMUS.

De Doctrina Christiana seu de Verbo Dei.

§. I.

Quandoquidem juxta Apostolum, animarum Rectores debeant prædicare verbum, instare opportune, importune, arguere &c. & nullo tempore opportunius concionari possint, quam illo, quo Parochiani ad Sacrum & Officium conveniunt, ac rebus Divinis speciatim vacare debent; Mandamus Parochis, ut singulis diebus Dominicis & Festivis per se, vel per alios si aliquando legitime impediti fuerint, (absit, ut per negligentiam

per se illud principale suum officium tum omitant) plebem sibi commissa, mane per concionem vel Catechismum pro ejus capacitate pascant, docendo, quod sciri omnibus necessarium est ad salutem, annuntiando etiam vitia, quæ declinare, & virtutes, quas sectari debent.

§. II.

Singulis diebus Dominicis & Festis fiant in Ecclesiis Parochialibus ruri, Vesperæ post prandium hora secunda, nisi alia hora per Nos pro commoditate

(*) Nova Statuta Revmi CAIMO hic adjecta discas ex hoc signo: (†)

ditate aliquorum locorum determine-
tur. Post dictas Vesperas vel ante,
fiat Catechismus per bonam mediam
horam vel tres quadrantes, & deinde
Laudes cum expositione & benedictio-
ne Venerabilis Sacramenti; ut sic, qui
mane non potuerint ad Catechismum
vel Concionem venire, post prandium
saltem instruantur; & præterea popu-
lus per instaurationem cultus Dei in
Templo, post prandium a rebus vanis,
otio & computationibus ad saluta-
ria suæ salutis æternæ negotia revo-
cetur.

§. III.

(†) Ordinamus omnibus & singulis
animarum Curatoribus, ut per totam
anni decursum singulis diebus Domi-
nicis (paucis tempore messis exceptis)
sub Sacro, & ubi duo celebrantur sub
utroque, Concionem aut majorem Ca-
techismum habendo, gregem sibi com-
missum verbi Divini pabulo pascant;
atque parvulos, hora post prandium
statuta, in primis Fidei rudimentis
erudiant.

§. IV.

Mortamur præterea in Domino
Pastores omnes & obsecramus, ut sin-
gularem curam gerant illorum, qui
custodiunt animalia, vel alias non ita
sæpe frequentare sinuntur Ecclesias;
illos studeant, maxime privatim in-
struere, domi ipsorum, in campis, aut
ubicumque opportunum fuerit, ad
quod expediet, ut Parochiam suam ali-
quando circumeant, imitantes Aposto-
lum, qui dicebat: *Vos scitis..... Quo-
modo nihil subtraxerim utilium, quo minus
annuntiarem vobis, & docerem vos publice &
per domos.*

§. V.

Et quia sunt pagi, qui vicos vel
appendices habent, in quibus sita sunt
Sacella quædam, ubi diebus Domini-
cis & Festivis celebratur in commo-
dum illorum, qui longius distant ab
Ecclesia Parochiali; volumus, ut in
his Sacellis sæpe concio vel Catechif-
mus habeatur, vel non amplius per-
mittere possimus, ut in illis separatis
Sacellis celebraretur illis diebus.

§. VI.

Ut autem unus & idem modus in
docendo & discendo doctrinam Chri-
stianam ubique teneatur, Mandamus,
ut in omnibus Parochiis explicetur
Catechismus Mechliniensis, & præte-
rea adultis Catechismus Concilii Tri-
dentini ad Parochos.

§. VII.

(†) Pro instructione parvulorum,
nullus utatur Catechismo nisi Mechlini-
ensi a Secretario nostro subsignato; ne-
que alio libello pro instituentibus pri-
mam Communionem, quam a Nobis
in hunc finem edito, & hujusmodi ty-
pi, qui per Secretarium nostrum fit
declaraturus conformis primæ editio-
ni; pro adultis vero tam in concioni-
bus, quam in majoribus Catechismis,
explicent doctrinam Catechismi Conci-
lii Tridentini, nec ab ea recedant.

§. VIII.

Singulariter tam in concionibus,
quam in Catechismo, maxime parvu-
lis inculcetur horror circa juramenta,
blasphemias, execrationes, impreca-
tiones, nominationes membrorum Chri-
sti vel Dei, mendacia & quasvis scur-
rilitates, quæ si in tenera ætate assu-
mantur, totam deinde vitam contami-
nant cum magno opprobrio professio-
nis & nominis Christiani.

§. IX.

Moneantur serio & sæpius Patres-
familias eos teneri sub gravi peccato
liberos suos aliosque domesticos, ad
Divinum Officium, Concionem & Ca-
techismum mittere, aliosque ad custo-
diam vaccarum & animalium procura-
re, ut bubulci ad Ecclesiam veniant,
& si necesse sit, etiam per Officalem
nostrum, aut per Magistratus ad hoc
compellantur dicti Patresfamilias.

§. X.

Non dentur eleemosynæ ex men-
sa pauperum non frequentantibus ver-
bum Dei mane & a meridie, ac quo-
rum liberi ignorantes sunt; & ad Spon-
salia & ad Matrimonium non admittan-
tur, qui nesciunt necessaria ad salutem,
etiam necessitate præcepti pro sua con-
ditione donec didicerint.

§. XI.

§. XI.

Perniciosam illam consuetudinem, qua solent quibusdam locis juvenes cum puellis, maxime diebus Dominicis & Festivis, in, vel prope tabernam inverecunde positare, choreas ducere, cum magno castitatis periculo, vel potius detrimento, quod & ipsa experientia docet, omnino tolli cupimus: adeoque ejusmodi conventicula prohibeant Pastores, sicut etiam Nos in Visitatione nostra publice concione fecimus: parentes & Patresfamilias sui officii admoneant, qui in filiis, filiabus, aut domesticis tantum honoris periculum dissimulant: delinquentes, tam caupones, quam parentes, Patresfamilias, fidicines, nec non juvenes ad Officiale nostrum deferant, implorato etiam (si opus est) adjutorio Magistratus.

§. XII.

Confessarii præterea tam sæculares, quam Regulares, ubi hujus celsi commissi periculum animadvertent, reis, se emendare & abstinere nolentibus, absolutionis beneficium non impendant, sub poena suspensionis ab officio Confessarii, etiam ipso facto incurrenda.

§. XIII.

Ad prædicationem verbi Dei non admittantur per Parochos Terminarii, aut alii Concionatores, nisi de admissione fidem fecerint per legitimas literas, & quod de Concionatoribus hic dicimus; de Confessariis similiter non admitteendis sine fide facta suæ admissionis, dictum quoque esto. Concionatores non moveant difficiles, atque inanes quæstiones, unde sui ipsius potius, quam JESU CHRISTI Prædicatores videantur; vitia reprehendant, sed ita; ut peccatorum, non hominum odio id eos facere omnes intelligant; nec etiam in alios Prædicatores invehantur; sed si contingat aliquos Prædicatores excessisse, scandala aut errores prædicasse, eos ad Nos deferant. Superiores & civiles Magistratus non culpent aut taxent: sed potius populum admoneant, doceantque Præpositis obedire: nec etiam Ordinem ullum,

statum, aut vitæ genus ab Ecclesia receptum imprudenter impetant.

§. XIV.

Mandamus denique omnibus verbi Dei Præconibus, ut juxta Concilium Tridentinum *Sess. 25. Cap. 12.* sæpe doceant populum, decimas ex iustitia deberi, excommunicandos esse & teneri ad restitutionem eas defraudantes, nec absolvi posse, qui eas restituere noluerint, auctoritatibus ad hoc adductis veteris & novi Testamenti, Ss. Patrum & Canonum sententiis ac exemplis; & ostendant eas necessaria esse media, quibus Ecclesiasticum Corpus ad Divinum cultum & instructionem populi subsistere debet. Et instructiones sibi in approbatione datas sapienter legant, & diligenter observent.

§. XV.

Inhærendo anteriori nostro Decreto, mandamus omnibus Pastoribus, aliisque Concionatoribus, ut sæpe inculcent Parochianis Regulam quartam indicis librorum prohibitorum, qua veratur eis lectio aut detentio Bibliorum in lingua vernacula, nisi de licentia Episcoporum, aut ab eis Deputatorum.

§. XVI.

Ordinamus Dominis Pastoribus Ecclesiarum ruralium, ut singulis diebus Dominicis & Festivis, sub Concione aut Catechismo recitent præmissis signo Crucis, lingua vernacula, tractum & intelligibiliter (populo per partes repetente) Orationem Dominicam, Salutationem Angelicam, Symbolum Fidei; præcepta Decalogi & Ecclesiæ, nec non septem Sacramenta; (†) ac insuper, actus Fidei, Spei, Charitatis & Contritionis, juxta normam ad calcem Catechismi Mechliniensis impressam.

§. XVII.

Dies Festi & juniorum a Pastoribus diebus Dominicis inter concionem vel Missarum solemniam ea septimana occurrentia indicentur.

§. XVIII.

(†) Quotannis tempore Quadragesimæ publicetur juxta Pastorale Mechlinien.

linienſe, lingua vernacula, Conſtitutio Concilii Lateranenſis: *Omnis utriusque ſexus*, de annua Communione Paſchali.

§. XIX.

(†) Ut fideles magis excitentur ad obſervanda Statuta ipſos ſpecialiter concernentia, identidem exponant Paſtores Flandrice puncta, quæ ab eis negligi, vel violari animadvertunt, ac ad illorum ſedulam obſervationem eos hortentur.

§. XX.

Curent vero omnibus modis, ut diebus Dominicis & Feſtivis nulla ſervilia opera fiant, nulla judicia exercentur, nullum forum aut mercatus rerum venalium habeatur: præterea populo frequenter inculcari volumus, quam indecens ſit dies cultui Divino dicatos, ſeu dies Domini, potationibus, ebrietatibus, choreis, aliisque ejusmodi rebus contaminare, eosque quaſi diaboli dies facere. Quæ omnia cultui & honori Deo debito vehementer repugnant, ejusque in Nos iram provocant, ac proinde omni conatu præcipimus aboleri, & ſeveriori ſolito remedio curabimus emendari.

TITULUS II.

De Officio & Cultu Divino.

§. I.

UT Ordo ſacer & miniſterium Sacerdotale cunctis permaneat honorabile, ſcandalaque præſcindantur, quæ Presbyteri alienigeni, ignari, deſidioſi, vel moribus diſſoluti poſſent cauſare; prohibemus Paſtoribus aliisque tam Sæcularibus, quam Regularibus, ad quos id ſpectare poteſt quovis modo, ne peregrinos aut ignotos Sacerdotes admittant ad celebrandum in ſuis reſpective Eccleſiis, niſi oſtenſis teſtimonialibus competentibus & legitimis, & commendatiis literis ſui Ordinarii. Et prohibemus ullos tales admitti in Civitate noſtra Cathedrali, abſque eo quod ejusmodi literæ a Nobis, aut a facultate ſpeciale ſcripto ad hoc habente viſæ & recognitæ fuerint.

Tomus X. Concilior. German.

§. II.

Nec etiam ſinant Sacriſtæ ad Altare accedere Sacerdotes indecenter veſtitos, non tonſuratos, præcipientes in legendis Sacris, aut cæremoniis negligentes: & ut hæc accuratius obſerventur, volumus, ut extractum hujus articuli aſſigatur in ſingulis ſacriſtiis.

§. III.

Patres Concilii Tridentini, juſtiſſimis de cauſis ægerrime tulerunt varietatem orandi & Officium Divinum celebrandi: quocirca, cum inferiores Eccleſiæ & illius ſuppoſita tam cantando, quam legendo, ſe conformare debeant ritibus, cæremoniis & uſui Eccleſiæ ſuæ matricis Cathedralis, neque aliter Decreto Concilii Lateranenſis videantur ſatisfacere, niſi ſecundum ritum & uſum Eccleſiæ matricis horas canonicas dixerint: Mandamus omnibus & ſingulis noſtris ſubditis, qui ad lectionem, aut decantationem horarum Canonicarum ratione Beneficii aut ſacri Ordinis obligantur, ut deinceps tam privatim legendo, quam in Eccleſiis cantando, obſervent (titularibus aut ſpecialibus aliquibus exceptis) directorium Eccleſiæ noſtræ Cathedralis, quod eum in finem deinceps quotannis imprimi curabimus. Incipiet autem hæc obligatio in Circumſiſione Domini, anni proximi futuri.

§. IV.

(†) In celebratione Divinorum Officiorum Dominicis & aliis diebus, quibus eſt obligatio audiendi Miſſam, ſemper ſervetur eadem hora ſtatuta aut ſtatuenta. Quod commendamus, ut etiam fiat diebus feriatis pro commoditate populi: quamobrem prohibemus, ne Paſtor, & Vice-Paſtor eodem tempore Miſſam celebrent; niſi in illa Eccleſia habeatur ſufficiens numerus Sacrorum pro commoditate Parochianorum.

§. V.

In Parochiis, in quibus tantum ſit unica Miſſa diebus Dominicis & Feſtivis, moneantur omnes teneri, ubi fieri poteſt, adire vicinam Eccleſiam ad Miſſam & verbum Dei audiendum,

B b

qui

qui alias ea non essent audituri: proinde per singulos Decanos in suis respective districtibus ita disponatur Divinum Officium, ut vicinam Parochiam ad Missam & verbum Dei adire possint & tempestive redire, ut cæteri in Parochia propria Missam audire queant.

§. VI.

Inhibemus, ne quis (viatoribus exceptis) potandi causa in popinis maneat tempore Divini Officii diebus Dominicis & Festis, sive ante, sive post meridiem, sub pena unius floreni pro singulis personis & duorum florenorum ad opus cauponis, ad usum pium applicandorum.

§. VII.

Pastores, qui habent fundatas Missas hebdomadarias de Venerabili, de Beata MARIA &c. faciant eas stabiliter hora certa communitati, vel vicinis commoda; & ubi fundationes ita imminutæ sunt, ut non sufficiant, quando sine obloquio omitti non possunt, monemus & hortamur Pastores, ut illas continuent salva ipsis libertate intentionis, & Missam applicandi ad alium finem ad ratam immutationis proventuum per reductionem nostram faciendam.

§. VIII.

Inhibemus auditoribus computum, ne stipendium similium fundationum, aut aliarum quarumcumque radient, nisi re mature examinata & ad Nos delata pro ordinatione prout juris.

§. IX.

In Ecclesiis, ubi nullæ sunt Indulgentiæ plenariæ præter Confraternitatum, procurentur aliæ pro aliquibus certis diebus solemnioribus, scilicet Venerabilis Sacramenti, Assumptionis B. M., Festis Omnium Sanctorum, commemoratione Fidelium Defunctorum, Patroni loci, aut aliis, quibus populus ad frequentationem Sacramentorum induci poterit.

§. X.

Nullæ Indulgentiæ publicentur nisi prævie Decano Christianitatis ex-

hibitæ fuerint, qui si eas a Nobis placentas viderit, subsignabit, & cum denique publicentur.

§. XI.

(†) Publicentur quotannis infra Octavam Festi Corporis CHRISTI Indulgentiæ comitantibus S. Eucharistiam, dum deferretur ad ægrotos, concessæ.

§. XII.

Ubi nullæ sunt Confraternitates, aliqua instituat, veluti sub titulo Venerabilis Ss. Crucifixi, Virginis Dolorosæ, Angeli Custodis, aut Titularis Sancti, quem elegerint, vel cujus Reliquias habuerint &c.

§. XIII.

Ubi nullæ sunt Reliquiæ, aliquæ procurentur, ut habeant Ecclesiæ præter Patronum, Tutelares alios, & Indulgentias plenarias in eorum commemoratione.

§. XIV.

Reliquiæ, præsertim notabiles & venerationi expositæ, si propter pericula ad Civitatem deferantur, in locis sacris conserventur, vel saltem in ædibus Presbyterorum honesto loco reponantur.

§. XV.

Indecens est Officium Defunctorum non fieri uniformiter per totam Diocesim, quare ordinamus, ut:

Officium primæ classis sive majus, fiat integre cum Vesperis, Invitatorio, tribus Nocturnis &c. prout habetur in Pastoralis Provinciæ Mechliniensis.

Officium secundæ classis sive medium, fiet cum Vesperis, uno Nocturno, tribus Lectionibus, Laudibus, Commendationibus integris, Absolutionibus etiam integris, prout in dicto Pastoralis.

Tertiæ classis, sive infimum Officium, fiet sine Vesperis & Invitatorio, cum uno Nocturno, Laudibus & cum una Commendatione ante Missam, ut sequitur:

1. Cantabitur: *Subvenite &c., Kyrie &c., Tibi Domine commendamus; deinde Antiphona: Suscipiat eas; Psalmus: Misa.*

Miserere, tono 7. repetitur Antiphona: *Suscipiat; Pater noster; Oremus pro Fidelibus &c.* Usque ad finem... Missa... postquam fier una Absolutio, incipiendo: *Non intres; Libera me Domine &c.*

Cum Missa cantata, incipietur a Missa; post Missam cantabitur: *Libera &c.*

Ponatur in Sacristia tabula Fundationum, & Anniversariorum, & Dominica præcedenti publicetur populo, quo die celebranda sint.

Jura funeralia laudabili consuetudine probata, aut a nostris Prædecessoribus stabilita, pro statu & mutatione temporum non augeantur propria autoritate.

§. XVI.

(†) Inhibemus, ne in ulla Ecclesia, aut Sacello Sæcularium, vel Regularium fiant Exequiæ diebus Dominicis aut Festis in populo, nisi præsentem corpore, juxta Rubricas Missalis Romani & Decreta S. Congregationis Rituum, neque unquam celebrentur aliis, quam paramentis nigris.

§. XVII.

Denique quia in domo Dei, quam decet sanctitudo, & in Templis Deo dicatis, ubi tantummodo Dei laudes personare deberent, ea tamen protervia & irreverentia peccatur a multis per confabulationes, gesticulationes (proh dolor!) etiam risus & cachinnos, ita ut toto habitu corporis nihil sæpe minus ostendant, quam credant honorem isti loco deberi: Nos ejusmodi abusibus occurrere volentes, omnes Superiores, Pastores, Confessarios & Concionatores monemus in Domino, ut subditis suis, vel auditoribus, vel pœnitentibus, reverentiam pro Templis inculcent, & in eos, qui irreverentiam in iis commiserint, districte animadverti volumus per Officiale nostrum; Clerus quoque in sacristiis profana colloquia non habeat: qui secus faxit, graviter puniatur.

TITULUS III.

De Administratione Sacramentorum, aliisque functionibus.

§. I.

IN administratione Sacramentorum Rubricæ Pastoralis accurate serventur, nec quidquam omittatur cæremoniale, nisi necessitate urgente, & tum, collato Sacramento, quod omissum est suppleatur.

§. II.

Forma Sacramentorum, ac verba Rituum, clare, tractim, ac graviter pronuntientur, ut Ministrans & præsentem inde Divinæ Unctionis succum percipere possint; & licet verba non intelligant, majestate & decore cæremoniarum ac precum, ad actus Fidei & venerationem Mysteriorum moveantur.

§. III.

Nemo in Baptismo aut aliis Sacramentis conferendis, nec in cæremoniis alio idiomate uti præsumat, quam juxta præscriptum Pastoralis; quia in Sacramentis & Officiis Ecclesiasticis, linguam Ecclesiæ servari, ejus indubitata mens est: alias dum ipsa non administrantur Sacramenta, singulorum utilitas, necessitas & efficacia, sedulo & dilucide vulgari sermone merito explicentur.

§. IV.

(†) Interrogationes Baptizandorum: *Abrenuntias satana? Credis in Deum? &c.* idiomate fiant, quod Susceptores intelligunt; ut monet Pastorale Mechliniense.

§. V.

Inhibemus severe, ne Sacramentum Baptismi, nisi in extrema necessitate domi, vel sine cæremoniis conferatur. Prohibemus similiter, ne post hæc susceptores, susceptrix, vel parens, aliive cum infante recenter baptisato ad tabernas potioris potandi causa accedant, vel in eas ingressi cum infante alio etiam prætextu, v. g. eum calefaciendi, ibidem potitent, sub pena trium florenorum applicandorum Ecclesiæ Parochiali, per violatores singulos solvendorum.

§. VI.

(†) Observavimus in decursu visitationum nostræ Diœcesis, obstetrices in pluribus Parochiis absque necessitate baptizare; quem abusum desideramus sustolli; sed prudenter in eo agendum est, ne hæc aut vices earum gerentes ab obligatione baptizandi in casu necessitatis avertantur.

§. VII.

Quilibet Pastor sedulo advigilet circa obstetricem suæ Parochiæ, an materiam & formam Baptismi probe norit; ac ignorantem debite instruat; & quia mulieres passim se invicem juvant in puerperiis, etiam absente obstetrice, doceantur sapius, etiam exemplari exhibitione, mulieres formam Baptismi.

§. VIII.

(†) Ut superior Paragraphus rite observetur, & præscriptæ instructiones uniformiter fiant; Curavimus Regulamentum ab Illm. Dno BASSERY an. 1697. editum, denuo prelo dari & his annexi.

§. IX.

Pastores, qui Capellanos habent, vel alios, qui Missam celebrant matutinam, tempore ejusdem Missæ, ut & vicissim Capellani tempore summæ, sedebunt in confessionali toto tempore, & media hora ante ad minimum, ut sint parati peccata sua confiteri volentibus, & ita opportunitatem præbeant, qua ad Pœnitentiam subditi redeant, & frequentandæ Sacræ Eucharistiæ assuescant: ex multorum enim querelis didicimus, quod hæc Sanctissima Sacramenta rarius in Parochiis frequententur, eo quod Confessarios paratos non inveniant, & ab iis vocandis, timore vel verecundia retineantur.

§. X.

(†) Mandamus, ut Pastores & Vice-Pastores in Parochiis, ubi per observationem Paragraphi suprapositi non est sufficienter provisum confiteri desiderantibus, regulariter se sistant in confessionali diebus Sabbati & Vigiliis majorum Festivitatum, hora post prandium a Pastoribus statuenda, ac etiam

aliis temporibus semper se ad id paratos exhibeant; alioquin districtam suæ acediæ rationem reddent in tremendo judicii die.

§. XI.

Adolescentes & puellæ, qui pro prima vice Eucharistiam sumere voluerint, ad eam non admittantur, nisi eos Parochus aut Catechista prævie aliquo tempore examinaverit, formaveritque, non tantum intellectum, sed etiam, cum Dei gratia, ipsam voluntatem; & de vi & dignitate Sacramenti diligenter instruxerit: Ordinamusque, ut pueri, qui sunt sub eadem Parochia vel sub eodem Catechista, uno eodemque die simul solemniter primam Communionem accipiant.

§. XII.

(†) Nemo quantumvis sufficienter instructus ad primam Communionem admittatur, nisi prævie in hunc finem ter quaterve confessus fuerit, ac ita ad confessionem generalem se disposuerit: Prima autem Communio semper solemniter fiat, & non nisi die Dominico vel Festo.

§. XIII.

Viaticum vicinis Ecclesiæ Parochiali, publice, cum lumine & tintinnabulo administretur, advocatis aliis vicinis & proximis consanguineis infirmi, si commode venire possint.

§. XIV.

(†) Ut sigillo confessionis & reverentiæ Sacramenti Eucharistiæ consulatur, semper, in quantum fieri potest, confessio delationi Ss. hujus Sacramenti præmittatur.

§. XV.

Remotis vero deferetur cum stola ante pectus parenter pendente, ut obvii Sacramento reverentiam exhibeant. Ante egressum ab Ecclesia ad infirmum, Custos aliquos rinnitus dabit cum majori campana, quod etiam faciet in reditu.

§. XVI.

(†) Synodus II. Provincialis Mechliniensis Tr. 7. Cap. 4. prohibet, ne unquam unica dumtaxat S. Hostia ad ægro-
grotum

grotum deferatur. A quo excipimus casum, dum hoc Ss. Sacramentum in partibus hæreticorum administrari debet; extra hunc vero præcipimus, ut semper, lumine, nolaque sonante, præcedentibus, Sacerdos superpelliceo & stola desuper indutus (nisi ob aeris tempestatem, nimiam loci distantiam aut viarum difficultatem, stolam solam patenter pendentem adhiberet) duas ad minus consecratas Hostias deferat. Curret quoque, ut cubiculum ægroti sit nitidum, & juxta ejus capacitatem cum mensa mundo linteo strata, & Cruce, luminaribus ac vasculo aquæ benedictæ instructum.

§. XVII.

Circa delationem Venerabilis Sacramenti, & sacri Olei pro infirmis in civitate Cathedrali, speciale Decretum a Nobis dabitur.

§. XVIII.

Pastores serio, & sapius Parochianos publice moneant, ut quamprimum aliquem ægrotare contigerit, statim ipsis denuntient, ac de eo certiores facti, etiam non acciti ad eundem visitandum (etiam post acceptum Viaticum & Extremam Unctionem) accedant, ægrotum a diabolicis insidiis, salutarium adjumentorum præsidio tueantur; nempe consilio in anxietatibus, quæ tunc maxime occurrunt, consolatione in doloribus & pusillanimitate spiritus, simulque, qua par est charitate & prudentia, ægrotum ad sacram Confessionem inducant, & si morbus ingravescat, tum ad alia Sacramenta extrema accipienda eum, (dum integra mente adhuc est) exhortentur, monebuntque Domesticos, instante periculo, se confestim vocari velle, ut in tempore præsto sint morienti: neque enim committere debent Pastores (quantum fieri potest) ut huic supremo erga subditum officio desint, tamen si ad aliud etiam subinde non esset, quam ut præsentis commendationis animæ morientis officium præstarent. Continget ita agendo præter Divinam mercedem, ut Pastores hæc sedula opera, sibi etiam conciliaturi sint majorem suorum amorem & affe-

ctum, ad uberes fructus in animarum regimine necessarium.

§. XIX.

Et ne contingat, Christi-fideles absque Sacramentorum administratione e vita decedere, omnibus Pastribus sub gravissima poena arbitraria prohibemus, ne deinceps sine licentia Superiorum a Pastoratu absint; si vero necessitas urgeat, de licentia Domini Decani in scriptis, cum expressione causæ absentiae, per quatuor dies & non amplius abesse licebit, nisi facultatem pro longiori tempore a Nobis petierint & obtinuerint. Licentia autem non dabitur, nisi constet de capace & approbata persona substituta; quæ omnia tamen non ita intelligenda sunt, quasi citra quatuor dies, pro libitu Pastores abesse possint; volumus etenim, ut Decani in tales frequentes absentias inquirere debeant, & ad Nos referre eos, qui hac in parte excedent, licet etiam tum Substitutum haberent.

§. XX.

(†) Serio animadvertant omnes Curati, hunc Paragraphum graviter obligare, cum agat de transgressione legis plurimum conducentis ad finem gravem Legislatoris. Verumtamen, ut omnis ambiguitas anxietasque tollantur, & improvise necessitati, quantum licet, consulatur, Declaramus, quod sufficiet in repentinis casibus, dum tempus non suppetit, ad supradictam licentiam petendam, vel dum non datur facilis ad Nos, vel ad Decanum accessus, per literas secunda saltem ab exitu die destinandas, absentiae causam indicare, atque quod neque nostro, neque sui Decani indigeant consensu, ad tempore diurno vel per unam dumtaxat noctem sese a Pastoratu absentandum; dummodo aliquis ibidem adsit, qui eorum vices supplere valeat, vel Parochiani sciant, quo, occurrente necessitate, pro Sacramentorum administratione facilem recursum habere possint.

§. XXI.

(†) Claves Tabernaculi, capsulæ in qua Ss. Olea occluduntur, ac Baptiste.

rii, sic servantur, ut promiscue non pateat ad illas accessus.

§. XXII.

(†) Administratione Extremæ Unionis peracta, S. Oleum directe ad Ecclesiam referatur, vel saltem in loco Sacramentalibus congruo reponatur.

§. XXIII.

Qui sacris Ordinibus initiandi erunt, præter testimonia ætatis, studii & morum, aliud de denuntiatione & proclamatione banni in Ecclesia Parochiali facta, & exercitiis spiritualibus, saltem sex dierum in aliquo Monasterio vel Collegio factis, adferant. Forma autem, quam in ejusmodi & Matrimonii denuntiationibus observari volumus a Parochis, est: ut in Ecclesia Parochiali die Dominico & Festo, populo congregato, inter Missarum sollemnia aut concionem, publice proponant clara & intelligibili voce, ordinandum intra breve tempus sacrum Ordinem suscepturum, Subdiaconatum scilicet, Diaconatum, aut Presbyteratum, vel Matrimonium contracturum: quare omnibus & singulis, sub gravi peccato mandari volumus, ut, si quod noveriat legitimum impedimentum, ob quod a suscipiendis Ordinibus vel Matrimonio, repelli debeant, sive ob malos mores, sive ob aliquid aliud, statim illud denuntient Pastori, vel Nobis.

§. XXIV.

(†) Omnes ad S. Subdiaconatus aut Diaconatus Ordines admittendi, examinabuntur circa historias in Pentateuchi, quatuor Evangeliorum & Actuum Apostolorum Libris contentas, ac etiam circa sex priora Sacramenta; ad Presbyteratus vero Ordinem promovendi, circa historias utriusque Testamenti & circa communia ex tractatibus de virtutibus Theologicis, Religione & peccatis ac de Sacrificio Missæ; Confessarii autem, circa scientiam Theologicam & S. Scripturæ intelligentiam specialius examinabuntur.

§. XXV.

Ubi proclamationes antiquiores fuerint tribus mensibus computatis

iis non mathematicæ, sed Ecclesiasticæ juxta ritum Ecclesiæ, novæ proclamationes fieri debebunt.

§. XXVI.

(†) Inhibemus, ne tempore Adventus & Quadragesimæ, ac diebus feriatis, proclamentur banna sine nostra speciali licentia.

§. XXVII.

(†) Tres bannorum proclamationes fiant semper per Parochum aut Sacerdotem ejus vices gerentem, clara & intelligibili voce, cum expressione nominis, pronominis & Parochiæ, in qua desponsati habitant.

§. XXVIII.

(†) Mandamus, ut proclamationes bannorum tam Sponsi, quam Sponsæ, qui in aliis Parochiis habitaverunt, etiam ibidem fiant, nisi eas per annum integrum, ultimo elapsum, deseruerint.

§. XXIX.

(†) Testetur Pastor in libello sup-
plici pro dispensatione in uno aut duobus bannis, in prima proclamatione populum fuisse monitum, aut eum monitum iri de intentione dispensationis petendæ; nisi ob urgentem causam, primæ proclamationi supervenientem, dispensatio foret petenda.

§. XXX.

(†) Dum banna proclamantur in Parochia, ubi neuter Desponsatorum habitat, non exigatur ratione proclamationis & testimonii desuper expediti ultra duos solidos monetæ cambialis.

§. XXXI.

Doceant etiam iidem ordinandi, se titulum sufficientem pacifice possidere, jam ante ab Officiali nostro approbatum, coram quo jurabunt, se illum vere & sine ulla fraude possidere, nec dimissuros absque nostro expresso consensu, ea forma, quæ in Concilio Provinciali Mechliniensi ultimo refertur; & licet rarissime super titulo patrimoniali sumus aliquos ordinaturi, si tamen eo casu titulus patrimonialis in redditu annuo redimibili consistat, jurabunt insuper, si contingat eum redimi aut

extingui, se nummos capitales quamprimum numeraturos in manibus ejus, quem tum designabimus, ut citissime alius redditus creari possit, in cujus creatione idem, quod prius jurabunt.

§. XXXII.

Sponsalia contracta non dirimant Parochi, etiam de consensu partium, sed rei cognitionem ad Nos vel Officium nostrum remittant.

§. XXXIII.

(†) Non admittant Pastores ad Sponsalia viduas, nisi octo aut novem menses in viduitate fuerint elapsi, vel nisi ex testimonio obstetricis, viduam cognoscentis, aut aliunde ipsis constet viduam non esse gravidam.

§. XXXIV.

(†) Decentia & praxis communis exigunt, ut Sponsalia & Matrimonium contrahantur coram Parocho sponsæ; cui imposterum omnes se conformare renebuntur. Verum cum in hac Civitate consuetudo obtinuerit, ut Sponsalia contrahantur coram Parocho Sponsæ & Matrimonium coram Parocho Sponsi, permittimus ob rationes animi nostrum moventes, ut, dum utraque pars est hujusce Civitatis, consuetudo præfata servetur, donec aliter ordinatum fuerit.

§. XXXV.

(†) Priusquam Parochus Sponsalibus assistat, diligenter indaget, an nullum subit impedimentum dirimens, præcipue cognationis naturalis & spiritualis, affinitatis & publicæ honestatis: nec non (si quædam subit suspicio) etiam inquirat circa impedimentum criminis.

§. XXXVI.

Prohibemus Matrimonium contrahi seu solemnizari illo die, quo ultima proclamatio facta erit, sed ut minimum expectari oportebit ad diem sequentem, nisi ultima proclamatio facta esset in die festivo pridiano primæ Dominicæ Adventus, aut feriæ Cinerum.

Hortamur unice conjuges, ut æquanimiter contrahant Matrimonium uno

alterove die ante, sua peccata diligenter confiteantur, & ad Eucharistiam accedant, & ipsi Parochi, non nisi ante confessos, ad solemnizationem Matrimonii recipiant.

§. XXXVII.

Inhibemus, ne Matrimonium extra Ecclesiam, aut Vesperti celebretur.

§. XXXVIII.

Post celebratum Matrimonium, Missa celebretur pro Sponso & Sponsa, adhibitis omnibus ceremoniis, quæ in dicta Missa habentur, post Missam vero, vocabit Sacerdos Sponsos, remotis omnibus aliis, ad sacristiam vel alium locum idoneum, illisque exponet obligationem thori & debiti conjugalis, quando excusentur, & quando in eo vel circa illud graviter peccetur.

§. XXXIX.

Nemo sive Sæcularis, sive Regularis, cujusvis Ordinis vel Monasterii sine licentia in scriptis præobtentâ (quam tum Pastori loci prævie exhibere tenebitur) exorcizare præsumat Energumenos, maleficios, animalia, stabula, domos, terras, fructus, &c. & præterea, revocamus tenore præsentium, omnes & quascunque licentias a Prædecessoribus nostris desuper concessas, ita ut, si qui absque prædicta facultate nostra publice vel privatim exorcizaverint intra terminos Diœcesis nostræ, quovis etiam Ordinis vel Monasterii sui facultatis & privilegii Nobis non exhibiti prætextu, statim atque denunciati fuerint, pro temeritate, graviter & exemplariter puniendi sint, Decani Christianitatis vero Nobis proponant singuli in suis districtibus aliquos, qui illud charitatis officium non temere & sine suspitione turpis lucri Proximo præstent, ubi id necessarium judicabitur.

§. XL.

(†) Prohibemus sub poena suspensionis a Divinis & revocationis, jurisdictionis approbationisque Confessariis & Concionatoribus ad tempus concessæ, ipso facta incurrenda, ne quis sive Sæcularis sive Regularis prætextu cujus-

cujuscumque privilegii, sine expressa nostra aut Successorum nostrorum licentia, exorcizare præsumat, aut quovis modo exorcizare simulet, Energumenos, maleficios, animalia, stabula, domos, aliaque similia.

TITULUS VI.

De registris Pastoralibus, aliisque libris, Sacellanis, Custodibus & Scholis.

§. I.

Omnes Pastores (ut meminerint, pro quot animabus rationem Deo reddituri sint,) habeant catalogum seu registrum sibi semper familiariter ad manum, in quo descripti sint omnes Parochiani, cum nota etiam particulari Communicantium & illorum, qui tantummodo catechizantur, per vicos, domos & familias; ut sic mores & ingenium singulorum facilius cognoscant & agnoscant, sciantque non tantum, quomodo regere ipsam multitudinem, sed etiam, quomodo instruere debeant singulos: nam Pastor, inquit Christus: *Proprias oves vocat nominatim.*

§. II.

Circa extraneos & aliunde accedentes, multa opus etiam est diligentia, ut cujus fidei ac morum sint, agnoscatur: quare merito curandum est, ne etiam sine Parochi sui ultimi bono testimonio admittantur, nequidem famuli & ancillæ aliunde adventantes. Quod tanto diligentius curandum erit, ubi Parochiæ vastiores & numerosæ erunt.

§. III.

Præfigatur singulis registris Ecclesiæ, & (si unum sit) singulis capitibus proœmium, cum nomine Ecclesiæ cui servit, Pastoris, qui confecit aut continuavit, & annus, quo cœpta sunt; & Pastor singula folia subscribat: si vero Vice-pastor, aut alius Sacerdos adhibitus fuerit, vel scribet in charta a Pastore registranda & ea suo mandato facta, aut si Vice-Pastor in registris scripserit singulos articulos subscribit.

Dum intelligimus, quod in aliquibus Parochiis non annotentur defuncti, ordinamus, ut singuli Pastores etiam habeant registrum, in quò notentur defuncti, tam parvuli quam adulti, cum annotatione loci & diei quo sunt sepulti.

In registris Baptismi exprimatur, an baptizatus sit legitimus an non, & si illegitimus sit, etiam notetur nomen obstericis, seu ejus qui infantem detulit ad Baptismum.

In registro Matrimonii etiam notentur Sponsalia cum testibus & data.

§. IV.

Fiant registra duplicata, quorum unum in archivis propriæ Ecclesiæ maneat, alterum ad Archi-Presbyterum Civitatem deferatur.

Si Magistratus laici tertium habere voluerint, poterit illis concedi suis expensis.

§. V.

(†) Mandamus, ut, observata registrandi forma a Nobis 11. Februarii 1755. præscripta & ad calcem hujus libelli denuo addita, singulis decenniis, ab anno 1760. incipiendis, duplicata baptizatorum, Matrimonio junctorum & defunctorum registra, debite a Pastoribus vel Deservitoribus subsignata, ad Episcopatum deferantur.

§. VI.

Ut autem Pastores privato studio doctiores evadant, ac doceant commodius, volumus, ut bibliothecam habeant instructam libris pastorali officio accommodis. Habeant igitur imprimis omnes, sacra Biblia, in quibus præ aliis sæpissime delicientur tamquam in suavissimo Mysteriorum omnium fonte, Concilium Tridentinum, Catechismus Romanum ejusdem Concilii ad Parochos, Catechismus Mechliniensem, item aliquos pro sua quisque facultate libros, sacre Scripturæ interpretationes, Homilias Ss. PP. & Sermones, aliasque Theologiæ partes complectentes. Insuper procurent omnes sibi Synodos Provinciales Mechlinienses, præsertim ultimam, quarum Statuta & Ordinationes debent ab omnibus

nibus exacte observari, iis exceptis, quæ in hac Diocesi peculiariter ordinata sunt, quæ etiam omnes ad manum habeant, & a quibus neminem recedere permittimus quovis prætextu, ne harmonia sacri Regiminis perturbetur.

§. VII.

In Parochiis, ubi Sacellanus vel Vice-pastor est, ejus etiam officium erit in celebratione Divini Officii D. Pastori auxilio adesse, ejusque ægroti vel absentis nomine, ubi id necessitas postulet, necessaria Sacramenta administrare, imo & præsentē, ubi ille id exiget: Pastorum vero officiis, contra voluntatem eorum, nullatenus Sacellanus immiscere volumus, sed iis plane subesse, nec per unum diem abesse a Parochia, nisi Pastore præmonito & consentiente.

§. VIII.

(†) Volumus, ut Vice-pastores seu Capellani curati Civitatenſes sese numquam absentent a Civitate & Rurales a parochia sine licentia sui Pastoris, quam illis raro concedi cupimus, præsertim ad extra eas pernoctandum: nunquam autem contingat Pastorem & Vice-Pastorem eodem tempore abesse.

§. IX.

Sacellanus nullus admittatur a Pastore, nisi a Nobis pro Parochia illa approbatus & admissus per literas nostras.

§. X.

Invigilent vero Pastores, in vitam & mores Sacellanorum, eurentque, ut studiis incumbant, & Catechismi & concionis munia inter se partiantur, mutuas vices impediti suppleturi; ut ita paulatim assuescant concioni & cæteris primariis functionibus Pastoralibus, quo possint ita exercitati a Nobis aliquando ad altiora promoveri.

§. XI.

Ad Custodis officium non admittantur, etiam ii, ab aliis jus eos statuendi habentibus constituti, nisi fuerint a Decanis Christianitatis in cantu examinati, de vita & moribus fidem fecerint, juramentum præstiterint &

Tomus X. Concilior. German.

ex testimonio Decani a Nobis fuerint confirmati.

§. XII.

Etiam non admittantur aut tolerantur, qui Ballivi, Satellitis, Cauponarii, vel Tabernarii officium exercent, aut vilis professionis sunt: sed ad ejusmodi ministerium admittantur tales, de quorum probitate, religione & laudabili conversatione constet, quique de conservandis bonis Ecclesiæ præstare possint & præstent cautionem, Pastoris, aliorumque iudicio, sufficientem.

Custodes subsint, obediant & serviant Pastori in iis, quæ sui muneris sunt: a Parochia sua non absint sine Pastoris licentia: imò quoties Ecclesia vel domo sua abesse ob negotia coguntur, domesticis aut vicino significant quo vadant, ut si necessitas ingruat, statim accersiri possint.

§. XIII.

Custodes etiam dum Divino Officio inserviunt, aut publicæ & solemnī administrationi assistunt, togam nigram ad medias tibias infra superpellicium dimissam induant.

§. XIV.

Stricte præcipimus, ut quæ in Concilio Provinciali Mechliniensi, de instituendis Scholis Dominicalibus & de jam institutis conservandis, utiliter statuta sunt (quantum fieri poterit) observentur: rogeturque Magistratus, ut pro sumptibus necessariis contribuat & procuret: caveatque, ne eo tempore, quo juvenus catechizatur vel docetur, ullæ choreæ vel lusus publici fiant, neque ulla ratione, a tam necessario officio avocetur, vel per plateas divagari aut ludere permittatur.

§. XV.

Ad omnem petulantiam cohibendam & pericula vitanda ordinamus, ut in diversis Scholis masculi, quantum fieri potest, a puellis separatim instruantur: ubicumque tamen id obtineri non poterit, saltem locis & interstitiis, masculi a puellis separentur.

Cc

§. XVI.

§. XVI.

Scholas in civitate Brugenſi, Archi-Presbyter diligenter viſitabit; foris vero Paſtores, circa quas etiam Decani in ſua viſitatione ſedulo inquirent, audientes non tantum Paſtores, ſed etiam alios.

§. XVII.

(†) Ordinamus, ut, literæ negotia Diœceſis concernentes, iis exceptis, quæ Nobis privative ſunt communicanda, inſcribantur Secretario Episcopatus Brugenſis, ſine expreſſione ullius nominis; ne Episcopo abſente, expeditio negotiorum quandoque urgentium retardetur.

TITULUS V.

De vita & honeſtate Clericorum.

§. I.

Paſtores & Capellani rurales, in omnibus functionibus in Eccleſia, toga talari utantur infra ſuperpellicium: extra Eccleſiam veſtem habeant ut minimum ad medias tibias diſmiſſam, cingulo cinctam, nec alio colore, in materia veſtium, quam nigro utantur: formam vero veſtimentorum, ad Laicorum imitationem non mutant, nec vilitem habitus ſæcularis, quam in Clericatu depoſuerunt, reſumere præſumant, ſed vita & habitu probent ſeſe ſeniores.

§. II.

Ad præveniendâ ſcandala, & evitanda ſæcularium diſteria, inhibemus, ne Paſtor, Sacellanus, aut alius Eccleſiaſticus, ancillam ſuam ad convivia, ſive publica ſive particularia ſecum ducat, ſub pœna ſex florenorum: conformiter ad ea, quæ aliquando ordinavit Reverendiſſimus Dominus DIONYSIUS CHRISTOPHORI (*) Episcopus Brugenſis. Sub ancillarum tamen nomine non comprehendimus matres, ſorores aut materteras, uti tales notas cohabitantes, peculiariter & nominatim invitatas. Inhibemus etiam, ne in privatis ſuis ædibus ancillam non conſanguineam ad menſam ſecum admittant, præſertim extraneo quovis præſente.

§. III.

Nullus in ſacris Ordinibus conſtitutus ullam mulierem equo poſt ſe vehat ſub pœna ſex florenorum.

§. IV.

Nullus Eccleſiaſticus in Parochia ſua, potus aut luſus cauſa tabernas intret, ſub pœna trium florenorum; in remotis autem locis ab omni exceſſu in potu in tabernis abſtineant; ad civitatem autem venientes, eas tantum domos hoſpitiî cauſa accedant, quæ vel Clero deſtinatæ ſunt, vel ad quas honeſtioris conditionis homines confluunt.

§. V.

(†) Inhibitiones a Prædeceſſoribus noſtris in diſtributione Ss. Oleorum ſæpe iteratas ſub pœna ſuſpenſionis a Divinis, ne Eccleſiaſtici, potitandi cauſa tabernas accedant, ſub eadem pœna renovamus & extendimus ad omnes tam Regulares, quam ſæculares Diœceſis noſtræ Clericos, qui ſi Confeſſarii aut Concionatores ſint ad tempus admiſſi, ipſo facto revocamus eorum iuriſdictionem & approbationem; exceptis tamen caſibus, quibus prandendi, cœnandi, hoſpitandi aut itineris cauſa, tabernam intrarent.

§. VI.

Eccleſiaſtici, a venatione & ab aleæ & chartarum quibusvis luſibus abſtineant, nec non choreis tam publicis, quam privatis; nec in locis publicis pila palmaria aut globis ludant, nec ad pſitacum aut ſcopum jaculentur.

§. VII.

(†) Prohibemus, ne Paſtores aut Vice-Paſtores eundo aut redeundo committentur ſuos Parochianos ad aliam Parochiam ibidem ad pſitacum jaculatuſ; neque ea occasione, aut quovis alio prætextu, ſtatutam Divini Officii horam in aliam transferant.

§. VIII.

Quanto magis Clericos decet manſuetudo, & ſpiritus lenitatis, tanto gravius ſcandalum patitur populus, ſi eos ad verbera venire contigerit: ea propter diſtrictè mandamus omnibus &

(*) Fuit digniſſimus hic Præful, Brugenſium VI. Episcopus, verus pauperum Pater, ut cum nominat *de Caſſillon in Sac. Belg. Chronolog. Part. II. pag. 522.*

& singulis Beneficiatis, vel in sacris Ordinibus constitutis, ut ab omni percussione abstineant, sub pœna gravis & exemplaris correctionis pro qualitate delicti.

§. IX.

(†) Cum sacri Canones, Statui Ecclesiastico indecens ac spiritui lenitatis & mansuetudinis contrarium esse mo-
neant, Clericos iustitiæ vindictivæ executioni assistere; hinc est, quod utrique Diecefis nostræ Clero inhi-
beamus, ne quis, dum personæ utriusvis sexus virgis excipiuntur, graviori-
bus pœnis puniuntur aut morte ple-
ctantur, intueatur aut interfici.

§. X.

Nullis in sacris Ordinibus consti-
tutis, annulum aureum aut argenteum
gestare liceat, nisi iis, quibus propter
gradum aut Ecclesiasticam dignitatem
hoc competet.

§. XI.

Eremitæ degere in nostra Diecefi
non permittantur, nisi expresso nostro
consensu in scriptis obtento: & si quis
eum a Prædecessoribus nostris obtri-
nuerit, viribus carere volumus, do-
nec a Nobis denuo visitetur, & con-
firmetur.

TITULUS VI.

*De Bonis Pastorum & aliorum
Beneficiorum conservatione,
& onerum persolutione:*

§. I.

ET si nemo ad possessionem Bene-
ficii alicujus admittatur, nisi ju-
rejurando promittat bona sui Beneficii
fideliter conservare, & alienata pro
virili recuperare: attamen quia multo-
rum a sui Beneficii loco absentia aut
supina negligentia plurima quotidie
deperdi, aut obscurari reperimus: huic
malo ut obviam eatur, quæ sequun-
tur, statuenda esse duximus.

§. II.

Habeant Decani copiam authenti-
cam registri omnium Beneficiorum sui
districtus, cum cura & sine cura, ad-
scriptis nominibus Possessorum & ubi

Tomus X. Concilior. German.

habitent, cum specificatione bonorum,
redituum, sylvarum, pratorum, ter-
rarum & limitum, ac terminorum &
onerum annexorum: registrum vero
originale in Episcopatus archivis refer-
vabitur. Capitula vero, quibus Be-
neficia subsunt, habeant etiam simile
registrum eorum: quod quidem sin-
gulis decenniis renovetur cum specifi-
catione supradicta.

§. III.

Ut autem hoc executioni mande-
tur, præcipimus, ut omnes Beneficiati
nostræ Diecefis intra annum a publi-
catione horum Statutorum, Beneficio-
rum suorum bona, terras, redditus &
proventus quoscumque, jura, item &
onera omnia, quibus illa subiecta sunt,
integre & per partes minutissime de-
scripta, atque a Ballivo loci & Scabinis
subsignata, Decanis suis, & Decani
Nobis transmittant.

§. IV.

Hoc idem se facturos intra annum
jurejurando promittent, quotquot in
Beneficii alicujus possessionem de novo
inducuntur. Dies vero præstiti jura-
menti, inscribet Decanus registro suo,
& si quis Beneficiatus intra annum pro-
missio non satisfecerit, eum denuncia-
bit citandum, & prout juris punien-
dum: & ne quis ignorantiam prætex-
ere possit, volumus, ut Decani, quis-
que in suo districtu, eos, qui extra Dice-
cesim morantur, per literas admoneant
hujus nostri Decreti: elapso autem
anno, iidem Decani Officiali nostro de-
nuntiabunt eos, qui nondum satisfce-
cerint, ut juris remediis & fructuum
arrestatione id facere compellantur, aut
Nos illud illorum expensis fieri cura-
bimus.

§. V.

Pastores vero omnes, per idoneos
Geometras faciant registrum fundor-
um, decimarum, reddituum cum hy-
pothecis, ad Beneficium suum perti-
nentium, sub pœna quod post sex men-
ses ab horum publicatione, illud per
Decanos aut alios idoneos, deficientium
expensis fieri curabimus.

§. VI.

Noverint Pastores & Beneficiati, se non esse Dominos fundorum beneficiorum suorum; proinde prohibemus, ne quis beneficii terras pascuales aut prata, aratro proscindat, cespites effodiat, inutilibus fossis aut piscinis faciendis corrumpat, sub pœna restituendi omnes fructus perceptos, & multa centum florenorum in mensuram, & omnibus expensis ad onus delinquentis remanentibus, quæ pro arbitrio Episcopi ad Pastorum utilitatem, aut alias pias causas applicabuntur. Idem de bonis Ecclesiarum, Disce, Sacellorum & Confraternitatum ordinamus, quoad illos qui ejusmodi administrationem habent.

§. VII.

Nemo arbores amputet sub pœna restituendi duplex earum pretium; proinde injungimus Decanis, ut adveniente novo Pastore inventarium faciant arborum in fundis inventarum, & ex nunc incipiant in proxima sua visitatione singularem Parochiarum.

§. VIII.

Nemo in ædibus Pastoralibus sine licentia Episcopi in scriptis obtenta, quicquam evertat circa muros, aut ædium formam, sub pœna restituendi in formam priorem.

§. IX.

Non sperent Pastores a suis successoribus pretium arborum a se plantatarum, meliorationis fundorum, sæpium, fossarum, aut ædificiorum præsertim voluptuariorum, nisi ea de consensu Episcopi facta fuerint, & appretiatione illis in scriptis fuerit addita. Fructus tamen in fundis vel arboribus repertos, migrantibus ad alia loca, vel hæredibus defunctorum, Successores, arbitrorum judicio & æstimatione solvent.

§. X.

Pastores Beneficiati, quotannis aquagia, redditus & alia quævis onera suis beneficiis incumbencia, accurate solvent, & Decano visitanti quitancias exhibebunt; cui etiam injungimus, ut has sibi exhiberi curet; & si posses-

sores contumaces fuerint, Nobis denuntientur.

§. XI.

Habeant etiam Pastores & Beneficiati librum manuales, in quo receptam & solutionem scribent, qui Successoribus relinquendus erit, ad probandam possessionem, salvo quod hæredibus serviet in quantum opus ad compellendos suos creditores.

§. XII.

Defunctis aut migrantibus Pastoribus, habeant Decani diligentem curam eorum, quæ ad instructionem Decanorum circa reparationem ædium Pastoralium, registra & documenta, præsertim in prima Synodo Brugenfi (quam his subjungimus) statuta sunt.

§. XIII.

Cum inter cætera damna, quæ bellorum perturbatio intulit disciplinæ Ecclesiasticæ, unum sit, neque minimum, quod residentia Beneficiorum in suis respective beneficiis per Diocesi nostram fuerit, & in multis locis sit interrupta: unde contingit, ad impletionem onerum dictorum beneficiorum sæpe intermittere, & proventus eorum obscurari ac perdi in Divini cultus, & piarum voluntatum Fundatorum dictorum beneficiorum non modicum præjudicium: hinc est, quod Nos dictis incommodis quantum in Nobis est, prout tenemur, occurrere cupientes, Prædecessorum nostrorum antiquis Statutis inhærendo, & notanter Illustrissimi Domini REMIGII DRUTII, felicitis recordationis, de anno 1571. & Illustrissimi Domini ANTONII TRIEST, piæ memoriæ, de anno 1618. volumus & declaramus, licentias absentiarum, gratiam & consuetudinem non residendi, nemini suffragari, qui non Procuratorem, & quidem Virum Ecclesiasticum Nobis subiectum, cum electione domicilii alicujus intra Civitatem Brugensem constituerit, ad Nos vel Decanum, quotannis ante festum S. Donatiani seu 14. Octobris, sufficienter docendum, de fructibus Beneficii, Missarum & aliorum onerum adimplentione, ac de censibus & redditibus, quibus bona ipsius beneficii

ficii gravantur, aliisque similibus, plene perfolutis.

TITULUS VII.

De administratione temporali Ecclesiarum, Discorum, Sacellarum & Confraternitatum.

§. I.

IN Ecclesiis nullæ fiant notabiles mutationes circa ædificia, Sacristias, campania &c. nisi Episcopi consensu desuper obtento.

§. II.

(†) Prohibemus, ne intra limites hujus Diocesis, Crucifixi Icones, præterquam in cæmeteriis, erigantur, Sacella quantumlibet parva ædificentur, neque illa aut altaria consecrata destruantur, sine nostro aut Successorum nostrorum consensu in scriptis præobtentis.

§. III.

Nullæ moveantur, aut suscipiantur lites ad onus Ecclesiarum, aut mensæ pauperum (exceptis ordinariis diligentis receptorum pro recepta sua) nisi consulto prius Decano Christianitatis, & si graves fuerint, etiam Episcopo.

§. IV.

Fiat in omnibus Ecclesiis inventarium munimentorum, localium & præcipuorum utensilium, cum expresse loci, ubi tempore belli ad securitatem deposita sint; & ad Palatium Episcopale deferatur.

§. V.

Magistri fabricæ & mensæ pauperum non sint perpetui, sed singulis triennii aut quadriennii renoventur; utiliores tamen poterunt pro altero termino denuo eligi.

§. VI.

In auditione computuum aliisque, accurate servetur Editum Regium, Concordatum inter Illustrissimum Dominum Triest & Magistratum Francanensem: item Regulamentum, ab Illustrissimo Domino BAILLENCOURT à sua Majestate impetratum, quoad

statutos dies & locum, personas admittendas, formam vocandi, vel invitandi, neque ulla novitas admittatur, nisi consensu Episcopi desuper obtento.

§. VII.

Receptores, quotannis vel biennii juxta veterem morem, suæ Ecclesiæ reddent rationes, & adducent omnia, quæ receperint & solverint, usque ad diem redditionis computus sui, ut status Ecclesiarum ex liquido pateat.

§. VIII.

Clausura præcedentis computus semper purgetur ultimo reddito: & ubi id factum non est, modernus cogat omnes præcedentes ad purgandam suam clausuram.

§. IX.

Auditores non dabunt Receptoribus ullum interesse aut fenus, ratione clausuræ, nisi de consensu Episcopi in scriptis obtento, per apostillam super libello ad hoc confecto.

§. X.

Computus originales ad Archivia Ecclesiarum deferantur, nec permittantur ab ipsis quidem Auditoribus auferri; & eo ipso quo audiuntur, duplicatum ab aliquo præsentium apostilletur. Copiæ vero, quæ aliis gratis vel suis expensis dandæ sunt, ad computum Receptoris conferantur. Receptoribus vero, stipendium scripti computus non extrahatur, nisi duplicatis ad mensam in auditione positis, & donec omnes computus a se factos ad Ecclesiæ archivia detulerint.

§. XI.

(†) Committimus Christianitatis Decanis, ut in suis respectivè districtibus, non obstante quacumque possessione contraria, nomine nostro audiant omnes computus fabricarum Ecclesiarum Parochialium & quarumcumque piarum foundationum, etiam ubi Pastores illos audire solebant; conformiter ad duplex Decretum in hunc finem obtentum, quorum tenor, uti & Edicti Regii de anno 1608. in illis reclamati, ad calcem hujus habetur impressus.

Cc 3

§. XII.

§. XII.

Habeant Pastores & Magistri pauperum curam, ne eleemosynæ excedant annuos proventus; & si excessus notabilis fuerit, clausura non poterit extrahi ad onus mensæ pauperum, sed ad illorum onus manebit, nec in sequenti computu extrahetur.

§. XIII.

Bona foundationum a bonis Ecclesiarum separentur, ne foundationes insufficienter bona Ecclesiarum (quod variis locis contigisse reperimus) consumant, & ubi proventus foundationum non sufficiunt, Nobis presententur reducendæ.

TITULUS VIII.

De Decanis Christianitatis.

Diœcesis Brugenfis in Archi-Presbyteratum & septem Decanatus est divisa.

§. I.

ARCHI-PREBYTERATUS BRUGENSIS continet

Intra muros: Patroni sunt:

Pastoratum Laicorum Ecclesiæ Cathedralis S. Donatiani, ibidem
Decanus ejusdem Ecclesiæ.

Tres Pastoratus seu portiones parochialis Ecclesiæ Collegiatæ & parochialis B. Mariæ Virginis, quarum primæ, aureæ nuncupatæ, est præbenda annexa, secunda dicitur argentea & tertia plumbea.

Tres Pastoratus seu portiones parochiales Ecclesiæ Collegiatæ & parochialis S. Salvatoris, habentes singulas præbendam annexam, quarum prima similiter vocatur

Præpositus ejusdem Ecclesiæ.

Episcopus Brugenfis.

aurea, secunda argentea & tertia plumbea.
Pastoratum S. Walburgis.
S. Jacobi

Episcopus Brugenfis.

S. Annæ
Capitulum Cathedralis Brugenfe.

S. Ægidii
S. Catharinæ
olim extra muros
Præpositus Ecclesiæ B. M. V. Brugis.
Hospitalia & Sacella publica.

Extra muros:
Pastoratum S. Crucis.
S. Michaelis
Capitulum Cathedralis Brugenfe.

S. Andrea
Abbas S. Andrea juxta Brugas.

S. Bavonis, cuius Ecclesiæ est destructa, annexum pastoralibus portionibus S. Salvatoris.
Episcopus Tornacensis.

S. Petri super aggerem.
de Coolkercke
Præpositus B. M. V. Brugis.

Et Sacella intra limites dictarum Parochiarum.

§. II.

DECANATUS ARDENBURGENSIS continet: (*)

Pastoratum Ardenburgensem sub Provincialis sedes
Episcopus Gandavensis.

de Lembeke
Episcopus Tornacensis.

S. Georgii ad Carduum
Episcopus Brugenfis.

Eccloo
Capitula Cathedralis Tornacense & Collegiarum Harlebecanum alternatim.

Pasto-

(*) Ordo locorum nonnihil variat in edit. prima horum Statutorum, facta Brugis, typis Gregorii Clouwet 1693. in 8. min.

Pastorum Caprycke habet duas portiones pastorales.

.. S. Joannis in Eremo.

.. S. Laurentii

.. S. Margaritæ

.. S. Catharinæ

sub Provinciis

federatis. Ecclesia est destructa.

.. Heyle sub provinciis federatis.

Ecclesia est destructa.

.. S. Crucis sub provinciis federatis.

.. Waetervliet

.. S. Nicolai in den Oudenman.

.. Waeterlant.

Ecclesia est destructa.

.. Beernem

.. de Lapschure

.. Moerkerke

.. Maldegem

.. Adegem

.. Syfsele

.. Oedelem

.. Middelburgh

.. Aseebrouck

Et Sacellum de Bentille sub parochia S. Joannis in Eremo.

Capitulum Cathedralis Tornacense.

Capitulum Cathedralis Gandavense.

Abbas S. Petri Gandavi.

Præpositus S. Amandi Contraci.

Abbas S. Quintini in Veromandia.

Capitulum Harlebecanum.

Præpositus B. M. V. Brugis.

Princeps d'Isenghien.

Princeps de Croy.

§. III.

DECANATUS TORHALTENSIS continet:

Pastorum Torhaltensem

.. de Poucke

.. Oostcamp

.. Lichtervelde

.. Ichtegem.

Præpositus Capituli Torhaltensis.

Episcopus Tornacensis.

Episcopus Brugensis.

Pastorat. Lophem

.. Aertryck

.. Zedelgem

.. Vladisloo

.. de Cortemarck

.. Handtsaeme

.. Wynghe

.. Wardamme

.. Ruddervoorde

.. Swevezele

.. Werckene

Hospitale Torhaltense & Sacella intra hunc districtum sita.

§. IV.

DECANATUS ROLLARIENSIS continet:

Pastorum Rollariensem cum duabus Capellaniis curatis.

.. de Oost-Nieuwerkerke

.. Rumbeke

.. Ouckene

.. Cachtem

.. Staden

.. Roofsebeke

.. de Beveren

.. Eeghem

.. Zarne

.. Hoochlede

.. Coolscamp

.. Gids

.. Hardoye

.. Pitthem

Capitulum Cathedralis Brugense.

Abbas S. Petri Gandavi.

Abbas Eenamensis.

Præpositus S. Amandi Contraci.

Decanus Capituli Cathedralis Brugensis.

Abbatissa de Peregem juxta Aldenardam.

Patroni sunt:

Abbas B. M. V. de Zonnekeke.

Episcopus Brugensis.

Capitulum Cathedralis Tornacense.

Abbas S. Martini Tornaci.

Præpositus S. Amandi Contraci.

Capitulum Harlebecense.

Capitulum S. Petri Insulis.

Abbatissa S. Austrebertæ Monstrolii.

Princeps de Croy.

§. V.

§. V.

DECANATUS GIS-
TELLENSIS con-
tinet :

Patroni sunt :

Pastoratum Gistel-

lensem

- de Sevekote

- Moere

- S. Petri Capel-

la

- Sande

- Couckelaere

- Eernegem

- Bovekercke

- Lombarfylde

- de Beerst

- Stuvekens-

kercke.

- Keyem

- Leke

- Schoore

- Mannekenve-

re.

- Leffinge

- Slype

- Willekens-

kercke

- Middelkercke

- Westende

Hospitale & Sacel-

lum Gistellis.

Episcopus Torna-
centis & Abbas
S. Andreae juxta
Brugas alterna-
tim.

Episcopus Brugen-
sis.

Abbas S. Petri
Gandavi.

Commendator de
Slype Ordinis
Melitenfis.

Comes Palatinus
Rheni.

§. VI.

DECANATUS OU-
DENBURGENSIS
continet :

Patroni sunt :

Pastoratum Osten-
danum.

- Oudenburgen-

fem

- de Zantvoor-

de

- Jabeke

- Snellegem

- Ertelgem

- Snaeskercke

- Westkercke

- Roxem uni-

tum pastoratui

de Westkercke

Magistratus urbis
Ostendanz.

Abbas S. Petri Ou-
denburgi.

Episcopus Torna-
centis.

Episcopus Bru-
genfis.

Pastoratus de Beke-
gem

- Zerckeghem

- S. Catharinæ.

Ecclesia est de-

structa.

- Vassenaere

- Mariekercke

- Steene

Præpositus S. A-
mandi Contraci.

Abbas S. Vedalti
Atrebari.

Abbas S. Richarii.

Abbatissa B. M. V.
Burburgenfis.

Comes Palatinus
Rheni.

Commendator de
Slype Ordinis
Melitenfis.

§. VII.

DECANATUS DAM-
MENSIS continet :

Patroni sunt :

Pastoratum Dam-
mensem.

- de Oostkercke

- Houcke

- Westcappelle

- S. Annæ ter

muyden sub pro-

vinciis fœderatis

- Vliffeghem

- Stalhille

- Cnocke

- Heyft

- Liffeweghe

- de Ramscap-

pelle

- Dudzeele

- Uytkercke

- Blanckenberg-

he

- Wendune

- Clemskerke

- Suwenkerke

- S. Joannis su-

per aggerem.

Ecclesia est de-

structa.

- Nieu munster

- Houtave

- Meetkercke

- Bredene

Abbas S. Quintini
in Veromandia.

Episcopus Torna-
centis.

Episcopus Brugen-
fis.

Capitulum Cathe-
drale Brugenfis.

Abbas S. Andreae
juxta Bruga.

Abbas S. Barno-
mæi Brugis.

Abbas S. Richarii
in Pontico.

Hospitale S. Joannis
Dammis & Sacel-
lum in Molen-
dorp sub parochia
de Bredene.

§. VIII.

§. VIII.

DECANATUS SLUSANUS sub Provinciis fœderatis continet:

- Pastoratum S. Joannis Slusis
- B. Mariæ V. ibidem.
 - B. Mariæ extra urbem. Ecclesia est destructa.
 - Oostvliet. Ecclesia est destructa.
 - Nieuwliet. Ecclesia est destructa.
 - Suyt-sande
 - S. Petri
 - Cadzandt
 - Wulpen. Ecclesia est destructa.
 - Oostburg
 - Isendyke
 - Groede
 - Nieuwerkerke
 - Breskens
 - Schoondycke
 - Noormans Cappella. Ecclesia est destructa.
 - Gaternesse. Ecclesia est destructa.
 - Heykewerve. Ecclesia est destructa.
 - Coxie. Ecclesia est destructa.
 - Biervliet.

Patroni sunt:

Capitulum Cathedrale Gandavense.

Abbas S. Petri Gandavi.

Hanc tamen Patronorum seriem narramus, potius quam definimus; nolentes per hoc alicui creari præjudicium prætendenti in contrarium se jus habere.

§. IX.

Sacra Olea quotannis Decani (si per se non possint ea quærere, ubi consecrata sunt) non per alium quam Sacerdotem, vel alium in Sacris constitutum quærent, qui ea recta ad illorum ædes deferat.

Tomus X. Concilior. German.

§. X.

Singulis annis, feria quinta post Pascha, ea Decani Pastoribus suis distribuent in loco titulari sui districtus, exceptis Dammenfi, ubi fiet in Liffeweghe, & Ardenburgenfi in Maldegem.

§. XI.

Imprimis, tenebuntur omnes Pastores esse in loco distributionis, hora nona præcise, sub multa unius floreni. Quadrante post, Sacra Olea ex ædibus Pastoris loci processionaliter cum lumine & cantu, omnibus Pastoribus præcedentibus cum superpelliceis & tædis, quoad fieri poterit, ad Ecclesiam deferentur cum pulsu campanarum.

§. XII.

Ut autem hoc, ea reverentia peragatur, quæ his Sacramentalibus debetur, quæ D. N. Jesus Christus juxta Ecclesiæ traditionem Apostolos benedicere & consecrare docuit, & deinde per solos Episcopos eorum Successores consecrari voluit, hunc modum in eorum distributione servari volumus.

1. Decanus erit indutus alba, stola & pluviali, comitantibus Diacono & Subdiacono. In processione cantabitur Hymnus: *Veni Creator Spiritus*.

2. In choro parata sit mensa strata tapete, & cooperta mappa munda & pulchra, cum duobus cereis ardentibus: ubi Sacris Oleis repositis, ante Altare dicetur Versus: *Emitte Spiritum &c.* & Oratio: *Deus, qui corda fidelium, &c.*

3. Deinde, per Decanum vel alium Pastorem ad hoc paratum, fiet brevis concio per mediam horam; (populo ad solemnitatem hanc in Paschate e suggestu invitato) in qua agetur de Sacrorum Oleorum consecratione, dignitate, veneratione, fructu, &c. & de Sacramentis, in quibus sunt materia, vel adhibentur.

4. Post, sequetur Missa solemniss, quam DD. Pastores cantabunt celebrante D. Decano, & assistentibus Pastoribus turnatim.

5. Finita Missa, sedebit Decanus ad mensam in sede majori, indutus alba

D d ba

ba & stola, habebitque mantile mundum paratum, ut ante se ponat.

6. Pastores sedebunt, facientes duo latera tendentia versus Altare a dextris & sinistris, facie ad faciem, ordine senii in Pastoratu sui Decanatus: unusque post alterum reverenter Sacra Olea recipiet, fabulis & omni levitate remotis.

7. Finita distributione, D. Decanus latine graviter admonebit communitatem suam de reverentia, qua hæc tractanda, vigilantia circa oves suas, pro quibus rationem sunt reddituri, si aut eorum incuria, aut (quod absit) eorum malo exemplo quempiam cadere aut perire contigerit; imo & *servum nequam* fuisse a Domino vocatum, & in tenebras exteriores projectum, qui talentum tantum absconderat, licet integrum, tamen sine lucro restituisset.

9. Illustrissimus Dominus concedit omnibus (etiam Laicis) huic Officio vel saltem Processioni aut Missæ præsentibus, Indulgentias 40. dierum.

10. Si quos Decanus sciat; vel circa se ipsos, vel circa suas defectuosos, illos privatim & secreto admonebit, aut si fructum non speret, vel asperere quis contradixerit, ad Episcopum cum instructione scripta deferet.

§. XIII.

In Congregatione, omnes Pastores respective comparebunt sub pœna sex florenorum, nisi in casu inexcusabili & clare probato; neque ullus Pastorum pro altero Sacra Olea deferet, aut ab alio, quam proprio Decano recipiet, sub pœna prædicta, ad utilitatem convivii.

§. XIV.

Finito Officio, habebunt frugalem mensam in domo Pastoris loci; si fieri possit, alias in honestiori hospitio loci, a qua abesse volumus omnes omnino Laicos, etiam Custodes, excepto uno vel altero necessario ad servendum; ad quod Decanus discretiores eligeret. Omnes autem Pastores etiam legitime excusati & infirmi, symbolum suum solvent; & eodem die, omnes ad Parochias suas roneabunt, sub pœ-

na sex florenorum ad arbitrium nostrum applicandorum.

§. XV.

Meminerint Decani se suorum Pastorum veros Pastores esse, sciantque se ita in Episcopalis oneris partem vocatos, ut omnium Ecclesiarum suarum, Rectorumque earum, nec non temporalium regiminis, quoad in ipsis fuerit, rationem Deo sint reddituri. Quare Pastores suos obsecrent ut Patres, moneant ut filios, arguant ut subditos, prout in Domino iudicabunt.

§. XVI.

Singulariter autem curabunt observari, quæ superius ordinavimus de absentia Pastorum a sua parochia, ut nullus extra eam pernoster, nisi idoneæ personæ cura commissæ: in quo etiam hoc volumus observari, ut Pastores, qui Vice-pastores habent, si alium præterea Sæcularem sive Regularem a Nobis approbatum in loco constituere voluerint, id fiat cum subordinatione, ut Vice-pastor habeat primariam directionem & autoritatem, pastoris absentis, infirmi aut alias impediti locum & prærogativas tenendo; nec præfatus secundarius aliquid attentabit, nisi sub placito & consensu Vice-pastoris; cum id Vice-pastori ex officio comperat, & ne contumeliose in proprio officio, extraneo aut Regulari subiciatur.

§. XVII.

Decani omnia acta sua in scriptum redigent in registro ad hoc destinato. Necnon singulis annis Ecclesias suas visitabunt, juxta instructionem Decanorum a prædecessoribus nostris in scriptum redactam, quam sibi omnes procurabunt & sæpius relegent, ut omnia emendentur, quæ in singulis locis particulariter emendanda sunt. Quare etiam singulis annis secum ferent cujusque Ecclesiæ visitationem anni præteriti, ut cognoscant, an quæ in ea ordinarunt, executioni sint mandata.

§. XVIII.

Dum visitabunt, advocabunt etiam Ædituos fabricæ, Magistrum pauperum, Altarium, &c. aut notabiles parochia-

rochiarum, quos audient singulatim, eisque indicabunt, eos sub pœna gravioris offensæ coram Deo teneri aperire, si quos sciant notabiles defectus in Rectore; qui bono communi animarum obfint, præsertim in administratione Sacramentorum, verbo Dei, Catechismo, visitatione infirmorum, scandalosa vita, &c.

§. XIX.

In visitationis actis, semper accurate annotabunt clausuras omnium computuum, & difficultates, quæ circa temporalia Ecclesiæ occurunt.

§. XX.

Diligenter observabunt ea, quæ in Synodo Diœcesana Brugensi quoad illorum officium ordinata sunt; quam Synodum hic etiam junximus.

§. XXI.

Singulis annis intra mensem, incipientem currere a Dominica in *Albis*, Nobis acta visitationis anni elapsi subsignata exhibebunt, & puncta singularia, quæ in singulis parochiis notata magis digna sunt, in compendium redigent.

CONCLUSIO.

Prædicta omnia & singula, sicut præmittuntur, Statuta & Ordi-

nata, ab omnibus, quorum interest, pro ratione cujusque status & Ordinis observari mandamus sub pœnis in iisdem contentis, & aliis pro qualitate transgressionis arbitrariis.

Acta & publicata fuerunt hæc Statuta in Congregatione Decanorum Christianitatis, præfidente Reverendissimo Domino D. GUILIELMO BASSERY Episcopo Brugensi, per me Andream Mendez Secretarium. Brugis in Palatio Episcopali die 16. Junii 1693.

A. MENDEZ, Secret.

Eadem Statuta, cum adjunctis novis Articulis, prævia indictione per affixionem in locis consuetis, denovo publice lecta & publicata fuerunt coram Illustrissimo ac Reverendissimo Domino JOANNE ROBERTO CAIMO Episcopo Brugensi; præsentibus Reverendis admodum ac Venerabilibus DD. Archi-Diacono & Archi-Presbytero, nec non Reverendis admodum DD. Christianitatis Decanis specialiter ad hoc convocatis; per me inscriptum Secretarium, Brugis in Palatio Episcopali die mensis anno 1765.

C. BEERENBROEK, Secret.

Edit. Brugis, typis Viduæ Francisci Beernaerts.

GUILIELMUS BASSERY Bruxellis perhonestus natus a. 1642. familia, patre *Judoco*, Mercatore, matre *Catharina van Donckermolcke*, uti clarebat Lovanii tum virtutibus tum scientiis adolescens: ita provectior ætate varias administravit provincias, variis quoque titulis & iis perhonorificis auctus fuit. Anno 1662. in Pædagogio Lili quintum primæ lineæ, ut vocant, inter AA. LL. candidatos locum obtinuit. Fuit postmodum J. U. *Lærentius*, & Regius Lovanienti in Academia Professor; Canonicus pariter Ecclesiæ Collegiæ S. Petri in Anderlecht; dein Lovanii in Ecclesia D. Petri, Academiæ Rector, Collegii S. Donatiani per plures annos Præses; tum designatus a. 1681. ab INNOCENTIO XI. Pont. Vicarius Generalis & Apostolicus Diœcesis Sylvæducentis, per obitum *Judoci Houbraken* S. T. L. Canonici Cathedralis Eccl. Antverp., recens vacantis: quod quidem sat arduum munus per annos novem ingenti nominis fama, visitans non pagos modo Diœceseos & vicos, sed & ipsam, conniventibus Batavis, urbem Sylvæducentem; gessit. A. 1690. nominabatur a CAROLO II. Hispaniarum Rege ad Episcopatum Brugensem, & ab ALEXANDRO VIII. Pont. confirmatus, eam dignitatem a. 1691. die 7. Jan. adibat: qua exornatus, quidquid in gaavo, probo ac prudente animarum Pastore requiri potest, quindecim annorum spatio adamussim implevit. Obiit Brugis a. 1706, lethali suffocatus catarrho in Ecclesia PP. Augustinianorum, cum exequiis Georgii d'Ostiche urbis Brugens. Gubernatoris interesset. Sepulcro, quod in choro Ecclesiæ Cathedralis ibidem est, sequens apposuerunt hæredes epitaphium:

ILLUSTRIS. ac REVERENDIS. DOMINO
D. GUILIELMO BASSERAY

olim Lovanii
Regio Canonum Professori,
Vicario Sylvæducenti,
inde

BRUGENSIIUM EPISCOPO XIII.

verè Apostolico;
Perpetuo Fland. Cancellario
Qui funeri assistens,
Ipse funus sit

Mærentibus omnibus
XVIII. Junii anni MDCCVI.
Ætatis LXIV.

Heredes posuerunt.

Vid. Joann. Bapt. de Castillon Sacr. Belg. Chronolog. P. II. pag. 524. & Histor. Episcop. Sylæduc. in 4. pag. 126. edit. Bruxellis, Typis Franc. Foppens a. 1721.

STATUTA SYNODALIA (*) DIOECESIS AUGUSTANÆ,

CONDITA OLIM

a Revmo Domino HENRICO V. a KNÖRINGEN,
August. LXII. Episcopo,

NUNC RURSUS PUBLICATA

Eodem anno Christi MDCXCIII.

PER SERMUM & REVM DOMINUM,

D. ALEXANDRUM SIGISMUNDUM, (**) Comitem Palatinum,
Bavariæ Ducem, Episcopum Augustanum LXV.,
DIE 10. MARTII.

ALEXANDER SIGISMUNDUS, DEI GRATIA EPISCOPUS AUGUSTANUS, COMES PALATINUS RHENI, BAVARIÆ JULIE CLIVIÆ ET MONTIUM DUX, COMES VELDENTIÆ, SPONHEMII, MARCÆ, RAVENSPURGI ET MOERSIÆ, DOMINUS IN RAVENSTEIN, &c. UNIVERSIS ET SINGULIS ABBATIBUS, PRÆPOSITIS, DECANIS ET CAPITULIS, PRIORIBUS ET CONVENTIBUS, ATQUE RECTORIBUS ECCLESiarUM, CÆTERISQUE CIVITATIS ET DIOECESIS NOSTRÆ AUGUSTANÆ CLERICIS ET PERSONIS ECCLESIASTICIS, TAM REGULARIBUS, QUAM SÆCULARIBUS, GRATIAM ET PACEM
IN CHRISTO JESU.

Sicut nullum est tempus culpa vacuum, ita nullum esse vacuum debet cura Rectorum: hos quippe Divina Bonitas in tanto rerum fastigio po-

suit, ut propriis virtutibus sæculorum vitia sustentarent, & docenda facientes quandam per universos vivendi formam præscriberent: quod enim de so-

la

(*) HENRICI V. Statuta vide Tom. præc. a pag. 23.

(**) ALEXANDRI SIGISMUNDI clogium, quod fuscè descripsit in Hierarchia sua Augustana Vir cl. plur. Rev. P. Corbinianus Khanm celeberrimi Ord. S. Bened. a pag. 455., hic damus compendio:

Natus is fuit serenissimis parentibus Philippo Wilhelmo, Electore Palat., & Magdal. Elis. Amalia, Landgravia Hassiæ, Neoburgi 16. Aprilis 1664. Inter Canonicos Constantienfes, Eystettenfes & Augustanos resplenduit, designatus a. 1681. Joannis Christophori a Freyberg, Augustani Episcopi, Coadjutor, Præ-

posi-

la stat scientiæ Magisterium, habet quidem doctrinæ veritatem, sed non habet efficaciam exempli, & compendiosior est disciplina, quæ vivitur, quam quæ aurium gyris inuatur. Verum utur etiam præfularis vita. univèrsùm collustret, nequeunt tamen multorum crimina unius aut paucorum reprimi virtutibus communicatis, cum e diverso multitudinis innocentia sæpe unius visio crimine corrumpatur, eo, quod, minoris negotii sit destruere, quam facere, velut in creatione beatissimi Job totum utraque manu Deum legimus operatum, cujus ad ruinam diabolus unicam laxavit, nec totam, Divinæ inhibitionis freno coercitus. Eapropter cuncti orbis Magistratus cernentes quorundam probitatem ad univèrsorum imitationem non proficere, ea, quæ contineri Religione mentium opportuisset, legum voluerunt periculo custodiri, nulloque hodie sub dominatu non legum minæ, quia rara admodum est innocentia sine necessitate, quanta igitur hac in parte pro Clero habenda est cura solertior? quem fors divina laicæ imitationi affectandum proposuit, cujus disciplina, si culpat, sine dubio mores cæterorum majori damno periclitantur. Ea ex causa præ mem. Prædecessor noster HENRICUS peregrinantem forte sub laicis moribus Cleri statum reducturus, habitis anno hujus sæculi Xmo sacris Au-

gustæ Comitibus totam edidit in his Sanctiõibus disciplinam, quæ citra dubium eo noscuntur esse pleniores, quò in personis tot assistentium Prælatorum præstitit Deus consilium, Successores obsequium. Verum ut præ vilioribus optimis quibusque rebus proniores insidiæ sunt, quoque nescitur pacto, velocius ad sui consummationem perveniunt, ita exemplarium numerus bellorum injuriis, usu assiduo, edacique rerum tempore jam bis absumptus est, ut novo rursum prælo subditi necesse fuerit, apud conscientiam nostram lationis genus reputantes, tam pretiosum Clericalis vitæ commeatum laudabili majorum diligentia conquistum nostra demum injuria deperire.

Vos igitur Chrissimi in Christo Filii curam vestri præcipuam hac etiam in parte cognoscite, dum leges læpæ ætati confectas vobis typo perennamus, illi causæ invidia, vobis beneficio remanente, dulcia namque remedia sunt, quæ ad usum correctionis aliena ex calamitate procedunt, & compendiosa felicitas alterius periculo discere, quid debeas evitare. Nemo itaque hoc libro, cui cum ætate dignitas & pondus accedet, destitutus appareat: an enim Visitatoribus nostris fidem quis faciet, eam se vivere vitam, cujus negligit in Authore doctrinam? His proinde non omitimus admonere, ne postea cogamur exigere: parisi autem

positura etiam Constantienfi condecoratus. Regimen Episcopale auspicabatur die 1. Aprilis a. 1690. Princeps tam corporis majestate verendus, quam virtute mentis, dotibusque Principe dignis sane quam spectabilis. Mirabantur in eo omnes angelicam ad aras solertiam, heroicam in rebus adversis constantiam, facilitatem in levandis pauperum miseriis singularem. S. Antonio Paduano erat cultu eximio addictus; chens quoque Virginis Deiparæ piissimus: Confraternitatem SS. CORDIS JESU a. 1705. instituendam curavit Cathedrali in Ecclesia, aliaque annis aliis pia Sodalitia propagavit. Sub ipso ornatus Ecclesiæ Cathedralis, & sacri thesaurus Sacrarum magnis fuit incrementis auctus. In functionibus quibuscunque Ecclesiasticis elucebat Serenissimi Episcopi zelus domus Dei, nec non indefessum studium honorem Divini Numinis promovendi, salutem proximi & communia ejus bona procurandi, parva tuendi, ac mala toti Diocesi Augustanæ, imò univèrso orbi Christiano impendenda amovendi. Ita laudatus Khannus ferme ad verbum, qui & Hierarchiam suam eidem Alexandro Sigismundo inscripsit, & in eodem clausit Episcoporum Augustanorum catalogum ac descriptionem.... Obiit Princeps virtute non minus, quam Sermæ Domus fastigio magnus, & animò ad virtutes comparato, sacer mysta solertissimus, anno Christi 1737. die 24. Jan. anno ætatis 73. Reg. 46.

Videri etiam potest *Histor. Eccles. German. Episcopat. edit. Bruxellis apud Franc. Foppens a. 1724. Tom. I. pag. 126.* Addi meretur *underna Ecclesia Augustensis*, sive *Diocesis Augustana* breviter descripta a Cl. Domino Joanne Leonardo Mayr c. r. Registratore Vicarius, & edita Augustæ Vindel. impensis Joh. Bapt. Burkhard, 1762.

autem indignitatis est; si domi quidem, sed pulvere sordibus extra usum consistat, cum frequenti potius sit lectione terendus, ut, quod in illo sensibus invenitis, vita teneatis, & cui navatis operam, præsteris affectum, perditurus alias fructum sui, sin aspici tantum, nec coli contingeret: in Domini ergo sortem translati, sitis cum status vestri ratione concordēs, Clericalis nominis significantiam actus vitæ consumment, & cum se ratio propriæ necessitatis expleverit, alienis, quod superest, partibus impendatis; exiguum namque est meritum Clericorum, nisi profectibus cumuletur aliorum, & jam eorum fama laborat, cum Laici eam vitæ honestate non honorant, quorum

vitia, licet Clericalis conscientia non recepit, ad vestri tamen scelus releantur, & propriæ innocentiae laudem detrahit crimen alienum. Quare sanctitas status vestri æmula conscientiae magis ac famæ memor, omni se in actu ita foris ostendat, ut propria salute firmata, etiam visa tantum alios pertrahat in sequelam, vosque stipati tam glorioso symmate comitantium Laicorum destinata utrisque æternitatis præmia recepturi incessabiliter exultetis.

In Palatio nostro Episcopali Augustæ Vindelicorum VI. Idus Martii anno post Christum natum MDCXCIII.

Cl. Lünig Spicil. Eccles. Cont. II. pag. 433.

SYNODUS DIOECESANA *Verna* MONASTERIENSIS.

Anno Christi MD·CXCIV. Innocentii XII. PP. IV.
Leopoldi I. Imp. XXXV.

HABITA

per Revmum & Illmum Dominum FRIDERICUM CHRISTIANUM,
Monasteriensem Episcopum,

DIE 22. MARTII.

FRIDERICUS CHRISTIANUS, DEI ET APOSTOLICÆ SEDIS
GRATIA EPISCOPUS MONASTERIENSIS, &c. &c.

Cum dolenter animadverterimus, quod Clericorum non pauci in Civitate & Diœcesi nostra vel Prælatorum, vel temporum impunitate & indulgentia allekti, in tot Synodaliū Decretorum successive, præsertim vero in utraque Synodo anno 1692. celebrata publicatorum non levem contemptum, speroque Clericali honore, vestibus laicalibus, & a præscripto ibidem colore atro discrepantibus adhuc passim utantur, atque in illis cum maximo Laicorum scandalo, propriæque salutis dispendio quotidie & publice incedere non reformident, hinc factis Decretis, nec non Conciliis generalibus & maxime Tridentino firmissime inhaerentes vobis districte mandamus, ut supradictis Clericis Diœcesis

nostræ inter alia accuratissimam Decreti nostri Synodalis 12. 8bris facti 1692. anni quoad gestationem habitus Clericalis nigri sciente & assentiente Capitulo nostro Cathedrali promulgati observantiam quam sedulo inculceris, alioquin ipsos, & ipsorum quemlibet, cujuscunque etiam dignitatis vel conditionis fuerit, qui lapso trium septimanarum spatio, nostro huic mandato, & vestræ monitioni nunc & in posterum perpetuis futuris temporibus cum effectu non obediverint, primo per suspensionem ab officio & beneficio, nec non si una vel altera vicibus correpti, nihilominus contumaciter in hoc ulterius delinquerent perrexerint, etiam per privationem officiorum & beneficiorum hujusmodi coerceri facias.

Infu-

Insuper cum Nobis non minori cum morore innotuerit, in nonnullis animarum Curatoribus sufficientem ad animas rite pascendas scientiam deficere, ejusque loco tam in mysteriorum fidei propositione, quam Sacramentorum administratione sat magnam in-scitiam & ruditatem non absque animarum ipsis conceditarum notabili detrimento, aut etiam æterni excidii periculo apud eos irrepere, eo quod aut parum forsân instructi ad Pastoralia munera accefferint, aut quod scientiæ habuerunt, id ulterioris studii neglectu & otio, nimiaque ad res economicas cura potiori ex parte sibi passi sint elabi, idcirco & malo huic ex Episcopalis Officio debito tempestive

occurrere volentes, omnes & singulos animarum curam in Dicecesi nostra exercentes ad studia vocationi & muneri suo exequendo conformia recolenda ac continuanda hisce serio adhortamur, atque præcipimus, ut ii, de quibus id Nobis videbitur, toties quoties ad examen sine ullo personarum respectu aut discrimine revocari, ac si in illo scientia necessaria ipsis deesse judicatum fuerit, ab officio suspendi, aut omnino removeri possint & debeant. In quorum fidem præsentem manu & sigillo nostris corroboratas dedimus in Civitate nostra Monasteriensi 22. Martii 1694.

Fridericus Christianus.

SYNODUS DIOECESANA *Autumnalis*
MONASTERIENSIS,
Eodem anno Christi MDCXCIV.

HABITA.

per eundem Rev. & Illmum D. FRIDERICUM CHRISTIANUM,
Monast. Episcopum,
DIE 10. OCTOBRIS.

FRIDERICUS CHRISTIANUS, DEI ET APOSTOLICÆ SEDIS
GRATIA EPISCOPUS MONASTERIENSIS, &c. &c.

Quoniam multipliciter ad Nos refertur plures, eosque publico & privato bono nocivos abusus irrepere in defunctis terræ mandandis, idque propter enormem & excessivè sumptuosum luxum ipsorummet, qui sepeliri curant, vires & fortunas sæpe numero superantem, volumus & serio præcipimus, ut in pravam hanc & defunctis quidem inutilem, viventibus autem summe noxiam consuetudinem sedulo inquiratur, & omnibus, quæ ad pompam istam funebrem inutiliter conferunt, uti primario ac præcipue est consuetus post funus terræ mandatum ad domum mortualem reditus, ibidemque institui solita copiosa ministratio vini, præcis & abolitis, ea so-

lum retineantur, quæ ad honestam sepulturæ decentiam conferre, & animabus defunctorum prodesse dignoscuntur. In quo quidem, quoniam plura particulariter statuenda ac determinanda veniunt, quæ hac nostra commissione distincte comprehendere non queunt, illa proximis diebus prævia cum Capitulo nostro Cathedrali, aliisque publicæ rei ac boni gnaris ac studiosis deliberatione speciali edicto evulgabimus. Has manu & sigillo nostris corroboratas dedimus in arce nostra Ahulana 1694. 10. Octobris.

Fridericus Christianus.

NOTA.

NOTATIO SCRIPTORIS.

- I. Nihil equidem publicatum fuit a FRIDERICO CHRISTIANO DE PLETTEMBERG, Monasterienſi Epifcopo, ab annorum ſuperiorum Statutis diverſum hinc in uſque proximum Sæculum XVIII.; mos tamen perquam laudabilis, bis in anno Synodum celebrandi, ex ejusdem mandato conſtitit: quem vel hodie ea in Diœceſi vigere intelligo.
- II. Eſt mihi in manibus Epitome Mandatorum & Ordinatorum per ſel. m. Dominum LUDOVICUM ALPHONSUM DE VALBELLE, Audomarenſem Epifcopum, in Synodis ab a. 1694. ad a. 1703. editorum; ſed cum ob linguam gallicam, qua ſcripta eſt, dubitem, an ſit archetypum; expectabo, donec ſolutum meum hoc dubium fuerit, daturus tunc eam cum aliis de Audomarenſi Diœceſi omiſſis ad annum 1583. Decretis Synodalibus in Supplemento.
- III. Quæ hic ſequentur *Acta ſelecta Congregationum* &c. communico non in ſuos di-
viſa annos, ſed ſub eo, quem in fronte habent, titulo & annorum ſerie.

SYNODI DIOECESANÆ
NAMURCENSES,

A B

Anno Chriſti MDCXCVIII. Innocentii XII. PP. VIII.
Leopoldi I. Imp. XXXIX.

AD MDCCI.

SUB ILLUSTRISSIMO ac REVERENDISSIMO DOMINO,
D. FERDINANDO Comite de BERLO, de BRUS, (*)
Namurcenſi XI. Epifcopo,
IN PALATIO EPISCOPALI NAMURCI
CELEBRATÆ
FERIA IV. MAJORIS HEBDOMADÆ.

Acta ſelecta Congregationum,

Sub Illuſtriſſimo ac Reverendiſſimo D. FERDINANDO Comite
de BERLO, de BRUS, Epifcopo Namurcenſi, Eccleſiæ Cathedralis
Leodiſenſis Canonico, in eadem Majoris Campiniæ Archi-Diacono &c. &c.

In Palatio Epifcopali Namurci habitatum Feria quarta Majoris Hebdomadæ Annis 1698.
1699. 1700. 1701. Aſſiſtentibus RR. Admodum DD. de Vicariatu noſtro
& Decanis Ruralibus.

I.

Notum ſit omnibus, quod nuper
recepimus Regis noſtri felicitis
memoriæ CAROLI II. iterata Mandata
pro plena obſervatione Brevis INNO-
CENTII XII. de data 24. Novembris

1696. ad Epifcopos Belgii tranſmiſſi
ad exigendum juramentum & ſub-
ſcriptionem ſuper formulario ALEX-
ANDRI VII. contra famoſas V. Pro-
poſitiones Cornelii Janſenii.

II.

(*) Vide ſub finem Actorum.

II.

Stricte prohibemus, ne quis præsumat conferre Sacramentum Baptismi, prætermisissis caeremoniis Ecclesiasticis: nisi aliter necessitas exigat, aut appareat de nostro consensu in scriptis habito. De quo monendæ sunt obstertrices a Pastoribus.

III.

Meminerint Pastores perlegere & observare ea, quæ de Sacramento Confirmationis habentur in Synodo: insuper moneant diligenter adultos, ut non se præsentent ad suscipiendum illud Sacramentum absque prævia confessione recentè facta, ut in statu gratiæ illud recipiant. Denique indicent populo, quod uxoris sit prohibitum se se invicem assumere in Patrinum seu Matrinam suarum respectivè prolium.

IV.

Nullus Confessarius præsumat audire confessiones, præsertim mulierum, in Sacrariis sine necessitate.

V.

Præcipimus Medicis corporum, ut cum eos ad infirmos vocari contigerit, ipsos ante omnia moneant, & quantum fieri potest, inducant, ut Medicos advocent animarum, ut postquam fuerit infirmis provisum de spiritali salute, ad corporalis medicinæ remedium salubrius præcedatur. Ut habetur Cap. 13. x. *De Penit. & Remiss.* Constitutionem PII V. diligenter servando.

VI.

Clerici ad sacros Ordines promoveri cupientes, deinceps nullis officiis seu piis foundationibus pro titulo uti poterunt, nisi prius fuerint spiritualizata, aut aliter a Nobis ob bonas rationes disponatur.

Nec admittentur ad Subdiaconatum, nisi prius, præter alia, per duos annos Studiis Theologicis vacaverint; de quibus fidem facere tenebuntur testimoniis authenticis.

VII.

Diligenter advigilent Pastores, ne literas testimoniales ad relaxationem

Tomus X. Concilior. German.

bannorum ad Nos transmittant, nisi prævio diligenti examine, tum de sufficienti contrahere volentium doctrina Christiana, tum de eorum libertate ab impedimentis dirimentibus, vel etiam impredientibus, ne nulliter aut illicite contrahant, ut sæpius contigit defectu examinis, & negligentia Pastorum, suas porro literas testimoniales claudant & figillent.

VIII.

Insuper cum intelligamus personas conjugia ineuntes in plerisque locis male tractari, tum verbis, tum aliis molestiis, & vexationibus continuis, nisi pecunia, potu, aliisque sumptibus ejusmodi vexationes redimant, ut hujusmodi abusus efficaciter tollantur, & contrahendi Matrimonii libertas integra remaneat, in Domino monemus Pastores & locorum Officiarios, ut illis se intrepide opponant, & contravenientes ad Nos deferant, ut remediis opportunis mederi possit.

IX.

Experientia detegitur abusus, quod plurimi præsertim pauperum mendicantium, tum communem fidei regulam in sacro Apostolorum Symbolo expressam, tum Orationem Dominicam & Salutationem Angelicam lingua solum latina calleant: ita ut non raro contingat prædictos, quid in particulari credere, quidve orare debeant, ignorare: cum gravi suæ salutis præjudicio, ut ejusmodi tollatur abusus, mandamus Pastoribus & aliis Catechisticis, ut scrib moneant patres & matresfamilias, atque Scholarum Magistros & Magistras, ut sibi subditos, imo ipsimet Pastores dictos mendicantes lingua vernacula doceant supra specificata, ut mente, & sensu verborum intelligant, quid credere & orare debeant ad vitam æternam consequendam.

X.

Ne Sacerdotes ruri commorantes celebrando Missas diebus Dominicis & Festivis avocent Parochianos a Missa parochiali, & instructione Christiana; Pastores, & curam animarum habentes præscribent illis horas, quibus cele-

E c

brabunt

brabunt Sacrum, sub quo catechisticam seu moralem lectionem facient sub pœna arbitraria.

XI.

Renovamus nostrum Decretum, quo prohibetur omnibus nostræ Dicesis Sacrariorum Directoribus, ne quempiam ignotum Sacerdotem ad celebrandum admittere præsumant, nisi ipsis constet celebrare volentes, nostrâ in scriptis licentia munitos esse.

XII.

Quicumque panem & vinum pro Sacrificio Missæ ministrare debent, solite advertant, ut pura sint & sufficienter conditionata.

XIII.

Sacerdos celebrans in fine ultimarum Collectarum, Secretarum, & Postcommuniois superaddat, (exceptis Festis primæ & secundæ classis) clausulam: *Et famulos tuos*, passim in Belgio dici solitam, omittendis, quam hic subjungimus: *Et famulos tuos N. Papam, N. Antistitem nostrum, N. Regem, Reginam, cum prole Regia, exercitibus, & populo ipsis commissis, & nos ab omni adversitate custodi, pacem & salutem nostris concede temporibus, & ab Ecclesia tua cunctam repelle nequitiam, gentes paganorum, & hereticorum dexterae tue potentia conterere, & fructus terræ dare & conservare digneris. Per Dominum &c.*

XIV.

Prohibemus, ne laicæ personæ tangant vel gestent res sacras, inter quas sunt Olea sacra, quæ nonnisi a personis Deo sacratis contractari oportet: & Parochi advigilent, ne obstrictes superstitione & vane utantur rebus Sacramentalibus.

XV.

Nullus præsumat exorcizare sine nostra licentia, quæ obtenta singulis trimestribus, quid in hoc contigerit, referatur.

XVI.

Omnes DD. Archi-Presbyteri quotannis visitabunt Ecclesias sui districtus ante Congregationem annuam hebdomadæ sanctæ, ut in ea referre

possint defectus, quos annotaverint, ut tunc opportuno remedio provideatur.

XVII.

Renovamus Statuta cujusque Decanatus pro resumenda, & singulis annis continuanda Congregatione omnium Pastorum ejus; in qua non ventris, sed Dei, mutua charitatis, ac salutis animarum ratio habeatur; qui vero se absentabunt sine legitima excusatione, & venia prævie obrenta a Domino Decano, multam statutam & consuetam solvere tenebuntur.

Resumantur etiam classes ministrarum, in quibus de casibus conscientiarum, Sacramentorum administratione, & aliis Parochorum munus concernentibus agatur.

XVIII.

Curam animarum habentes singulis trimestribus accurate renovent publicationem Decretorum tam nostrorum, quam hujus Synodi populum sibi commissum concernentium.

XIX.

Cum nonnulli Matricularii alios suo loco vili & exiguo stipendio substituant, unde fit, quod munia illis incumbentia negligenter perfolvantur. Præcipimus similibus, ut personaliter resideant, aut suis Substitutis, vita, moribus & scientia idoneis ad hoc repertis, & legitime approbatis, tantam fructuum partem cedant, ut Superiorum iudicio pro honesta sustentatione sufficiat: alias providebitur.

XX.

Nullus Clericus audeat in posterum cuicumque Confraternitati: vulgo *Serment d'Arc, Fusil*, & similibus nomen dare, & conscripti ejusmodi societatem abdicent.

XXI.

Omnes Beneficiorum Rectores onera suorum Beneficiorum diligenter exonerent, & exactam faciant disquisitionem piarum fundationum, ratione quarum tenentur Anniversaria celebrare, quibus advigilabunt Pastores, ut si qui sint, qui eas juxta Fundatoris dispositionem perolvere nolint, aut negli-

negligant, eos quamprimum ad Nos deferant.

XXII.

Noverint Rectores pastoratuum ac Beneficiorum, & fabricæ ac mensæ pauperum Mamburni, ideo tantum Nos exigere rescriptiones ejusmodi exactas, & authenticas, ut opportuno usui ipsorum esse possint, tum ne perdantur bona Ecclesiastica, tum ut amissa recuperari possint; quas singulis quinquenniis renovare tenebuntur modo & forma prærequisitis.

XXIII.

Pastores singulis Dominicis inter Missarum solemnia consueto more, sigillatim exponent Anniversaria persequentem proxime hebdomadam celebranda.

XXIV.

Cum DD. Decani ad Nos detulerint nonnullos recusare jurium obsonii & cathedratici, atque placetorum absentiarum solutionem, nisi intra trimestre doceant de sua exemptione, prout requiritur in Synodo *Titulo 18. Cap. 5.* in posterum non audientur, & contra recusantes procedetur.

XXV.

Nullis, qui Anachoretarum more indutus vivere velit, in ullo Diœcesis nostræ loco residere poterit sine nostra in scriptis licentia.

Admissi & in posterum admittendi visitentur frequenter per DD. Decanos & Pastores loci, & ubi aliquid grave corrigendum deprehenderint, ad Nos diligenter deferant.

Nec poterunt tales ex Decanatu, aut etiam ex propria Parochia quocumque prætextu exire sine nostra expressa vel Decani, & Pastoris facultate.

Ubi plures cohabitant a propriis Pastoribus, serio moneantur, ut fraternam charitatem, bonorum communicationem, pacem & concordiam servent sub pena expulsiōis ejus, qui dissidium scandalose moverit.

XXVI.

Advigilabunt Pastores & Officarii locorum, ne qui per modum Quæstorum eleemosynarum percurrant Diœcesim non obitantibus quibuscumque privilegiis, & similes tanquam vagabundos expellant, nisi specificam in scriptis signatis & sigillatis nostram habeant licentiam. Similiter advertant sedulo, ne tales, aut alii, vulgo *Sabaudi*, divendant libros prohibitos, lascivos, orationes vanas, imagines turpes & difformes, cantilenas impuras & similia, & ne quis futura prædicere præsumat.

XXVII.

DD. Decani moneant Pastores, quatenus diligenter perlegant Synodum & Decreta omnibus distributa, ut in eis contenta tempore & loco exequantur.

XXVIII.

Supervenit quædam quæstio super reservatione potestatis absolvendi complicem in peccato carnali externo; quapropter iustissimus in posterum exprimi id non licere, prout habetur in commissione ad excipiendas confessiones, & in omnibus expeditionibus ad curam animarum.

XXIX.

DD. Decani monebunt Pastores, quatenus habeant curam colligendi consueta legata a Testatoribus fabricæ S. Albani relicta, & per eorundem manus D. Magistro dictæ fabricæ singulis annis transferant.

XXX.

Declaratur, quod facultas alias concessa DD. Decanis absolvendi a casibus Nobis reservatis, cum potestate illam delegandi ad singulos casus tantum, tribus quatuorve Pastoribus sui districtus in suo robore permanere debeat, nempe quod quotiescumque cuilibet Pastori casus accideret reservatus, semper pro singulis recurreret ad D. Decanum pro auctorisatione & absolvendi potestate habenda.

XXXI.

Cum sæpe oriatur dubium, quis Pastorum censeatur legitimus personarum, quæ intuitu ineundi Matrimonii se recipiunt in quasdam parochias animo quidem contrahendi ibidem Matrimonium, & paulo post migrandi in alium locum, ex quo nasci posset quæstio invaliditatis ejusmodi Matrimonii, quapropter monemus omnes & singulos Parochos nostræ Diocesis, quatenus in posterum exprimant in suis testimoniis, ad effectum obtinendi dispensationem bannorum, similes personas ea intentione sibi subditas esse, minutas etiam desuper circumstantias recensendo.

XXXII.

Si quæ mulier libera, ex operibus liberi pariat cum scandalo parochiæ, in qua moratur, non admittatur ad Communionem paschalem, aut aliam quamcunque extra casum necessitatis, nisi prius a Nobis obtinuerit licentiam, pro qua obtinenda tenebuntur Pastores ipsius conditionem, vivendi modum, ac motiva, si quæ sint, specificare in scriptis. Idem etiam statuimus in omnes peccatores publicos.

XXXIII.

Cum ad noticiam nostram pervenerit, quosdam Ecclesiasticos etiam Regulares ex alienis Diocesisbus plerumque expulsos, ad hanc Diocesim confugere, ibidem domicilium figere, aut per eandem vagari, qui munia Ecclesiastica sine nostris licentia & assensu in contemptum nostri Decreti de data 25. Augusti 1700. obeunt.

XXXIV.

Hinc est, quod iterato mandemus & stricte præcipiamus omnibus Ecclesiarum Rectoribus, ut ullos Ecclesiasticos non Diocesanos recipiant ad quæcumque munia Ecclesiastica perfolvenda, nisi prius muniti sint legitimis testimoniis visis & approbatis; & ut jam recepti melius dignoscantur, volumus, ut singuli nostræ Diocesis Rectores infra mensem Aprilis proximi scripto referant ad DD. Decanos respectivé suos, qui deinde ad Nos

statim transmittent singulorum Ecclesiasticorum non Diocesanorum nomina, cognomina, patriam, functiones, mores, capacitatem, moram temporis quo resident, adeo ut ejusmodi extranei, quamvis etiam antehac per Nos approbati, a festo S. Joannis Baptiste proximo non possent ullum munus Ecclesiasticum etiam Missæ Sacrificium exercere, sine prævia nostra in scriptis licentia, sub pœna suspensionis incurrendæ.

XXXV.

Audivimus plerosque Parochos interdum suas testimoniales literas pro bannorum dispensatione subditis relaxare absque eorum prævio diligenti examine circa doctrinam Christianam, ita ut sæpius contrahentes etiam præcepta fidei ad salutem necessaria ignorent, quare serio monemus omnes & singulos curam animarum gerentes, quatenus diligenter ejusmodi suos subditos contrahere Matrimonium volentes examinent, & si quos reperiant rudes, rudimentorumque fidei ad salutem præcipue necessariorum ignaros instruant, petitas testimoniales deneget, donec sufficienter instructi reperiantur.

XXXVI.

Advigilent singuli Pastores, ne sui parochiani excurrant ad vendendum & emendum indistincte diebus Dominicis & Festis.

XXXVII.

Cum ratione Articuli 32. præmentionati possent aliqua inconvenientia evenire, relinquatur facultas Pastoribus inducendi mulieres, de quibus ibidem quæstio, in acceptionem aliqujus penitentiae & in reparationem scandali dati, dummodo tamen non sint recidivæ, pro quibus dictus Articulus manet in suo robore.

XXXVIII.

Injungimus DD. Decanis, ut omnes Pastores sui respective districtus serio moneant, quatenus populum sibi commissum diligenter instruant, alias si quis eorum tribus Dominicis seu Festivis

stivis solemnioribus continuis prædicationem verbi Dei & Catechismum facere neglexerit, denuntietur Domino Officiali nostro.

XXXIX.

Nullus Pastorum nostræ Diœcesis ex parochia discedat quacumque causa nisi urgentissima, absque nostra, aut sui Decani licentia, modo tamen prævie providerit muneri pastoralis.

XL.

Mandamus cuilibet Pastori, quatenus sæpius legant Titulum decimum Synodi nostræ nuper renovatæ, & populo exponant præcipue obligationem frequentandi parochias.

XLI.

Advigilent, ne Confessarii excipiant confessiones, præsertim mulierum, extra casum necessitatis, in locis privatis & sacrariis, & contravenientes deferantur, ut indilate eorum admissiones revocemus.

XLII.

Qui potestatem binandi habent in hac Diœcesi, sciant se ea uti non posse, dum eodem die aliquis Sacerdos celebravit, aut celebraturus est in destinato binationis loco.

XLIII.

Notum facimus, quod brevi statuemus (statutum enim fuit) instructiones pro Confessariis, in quibus specificabitur, Confessarium quemlibet & quocumque tempore admissum, ex nunc non posse secum complicem in actu venereo externo mortali absolvere.

XLIV.

Renovamus ultimæ Congregationis Articulos, sexto præcipue inhærentes, quapropter statuimus instructiones pro Pastoribus, aliisque Confessariis per Nos approbatis, & in posterum approbandis observandas, & cuilibet per DD. Decanos distribuendas, præcipiendo stricte, quatenus ejusmodi instructiones integras observent.

XLV.

Monemus insuper Pastores nostros, ut in suis literis testimonialibus ad effectum obtinendi relaxationem bannorum exprimant, si Sponsæ frequentaverint publice, extra casum necessitatis aut itineris popinas serio hac ipsis prohibitas, ut dicta relaxatio retardetur conformiter ad illarum pertinaciam.

XLVI.

Renovamus licentiam binandi Pastoribus quibuslibet concessam post festum S. Joannis Baptistæ proximum.

XLVII.

Audivimus etiam nonnullos eorum reculare Baptisatorum nomina suis registris inscribere, dum patrini nihil eis contribuant, quare stricte prohibemus, ne hoc imposterum faciant sub pœna arbitraria.

XLVIII.

Plurimi Beneficiorum ac piarum foundationum Collatores eorundem provisiones distrahunt, & sæpe in eorum utilitates tamdiu convertunt, ut exinde Fundatorum defraudetur intentio, provisque non raro negligunt onera prædictis Beneficiis & foundationibus piis iacumbentia, idcirco injungimus omnibus Parochis nostræ Diœcesis, quatenus prædictas fundaciones sub parochia qualibet respective sitas, obligationes annexas, & nomina possidentium suis propriis Decanis notificent ante festum S. Joannis Baptistæ proximum, quorum specificationem indilate ad Nos transmittent, ut cito hujusmodi abusu provideatur.

XLIX.

Injungimus DD. Decanis ruralibus facultatem habentibus distribuendi dispensationes bannorum, subsignatas a Graffæo Curiarum nostrarum, quatenus nullæ expediantur pro nobilibus personis, pro extraneis, qui per annum non habitaverint in hac Diœcesi, & nisi sint omnes de districtu respectivo.

L.

Caveant Pastores omnes, ne distribuunt testimonia ad effectum ob-

nendi similes bannorum dispensationes absque præcisa specificatione conditionis, status, & vacationis personarum Matrimonium inire voluntium.

LI.

Relatum fuit in hac Congregatione plurimos Diœcesis nostræ fideles sacro Missæ Sacrificio diebus Dominicis & Festis non raro, hoc miserrimo præsertim tempore, inde privari, quod nulli Pastores sibi invicem vicini non conveniant inter se de hora populo sibi commisso favorabiliter ad hoc convenienti, quapropter omnibus ejusmodi Pastoribus injungimus, etiam derogando Diœcesanæ Synodo Tit. II. Cap. 10. habitæ anno 1659. ut tempus ad hoc opportunum inter se metiantur.

LII.

Accusantur etiam quidam Pastores de negligentia in instruendis subditis, quare nisi cito resipiscant vocaturi sunt ad Seminarium nostrum Episcopale, & deputandi erunt Alumni ejusdem Seminarii eorum loco, donec de negligentia eos penituerit satis.

LIII.

Dolenter etiam accepimus inter dum suffocari proles, aut in moribus corrumpi ratione concubinitus cum parentibus, inculcent hoc igitur Pastores Parochianis suis, ut ejusmodi malum evitetur.

LIV.

Serpit in hac Diœcesi quædam corruptela verborum, quæ per synopen & alia verba topica aut alias sumitur nomen Dei in vanum, etiam sæpius per Ecclesiasticos, quare ut in desuetudinem abeat, sæpiissime arguant, increpent, & obsecrent Pastores desuper subditos suos.

LV.

Cum sæpius conquesti sint ad Pastoratus seu Beneficia Ecclesiastica vacantia promoti, quod hæredes Prædecessorum tamdiu semper vindicent registra & documenta ejusmodi Pastortuum, seu Beneficiorum concernentia, ut inde patiantur difficultates, & non

raro quædam eorum dissipentur in magnum præjudicium Ecclesiæ vacantis, seu Beneficii. Idcirco mandamus Dominis Decanis, quatenus habita notitia mortis, aut etiam morbi periculosi alicujus Ecclesiastici sibi subditi, ad ædes ejusdem se transferant, ut registra & documenta Beneficium defuncti, aut defuncturi concernentia in loco tuto includant, aut secum asportent, præfatis postea promotis integre configuranda, & dictis hæredibus, opus ubi erit inspicere & per copiam haberi permittenda. Et ut præfatum novum Mandatum suos in promptu sortiatur effectus, tenebuntur Pastores vicini aut vicinior eorum suo respectively Decano mortem aut morbi periculum Confratris aut Rectoris etiam Beneficii simplicis notificare.

LVI.

Curent Pastores hoc tenore dirigere literas testimoniales ad effectum obtinendi dispensationem Bannorum Illmo ac Rmo Domino FERDINANDO Episcopo Namurcensi.

LVII.

Caveat quilibet Sacerdòs quacumque auctoritate fultus intervenire Matrimoniis non confessorum, nec intervenire post meridiem, nisi allegatis in scripto rationibus, obtentaque a Nobis licentia.

LVIII.

Miramur nonnullos eousque sprevisse Decreta Synodalia a Nobis, & Prædecessoribus nostris sæpius repetita, quibus prohibitum est cuicumque aquam lustralem ad manum præbere, etiam in quavis dignitate constituto, unde sæpe sæpius semen discordiæ suscitatum est. Quapropter ut ejusmodi discordiis finis imponatur, stricte prohibemus omnibus & singulis Presbyteris, ne aquam lustralem ad manum cuicumque præbeant, sed omnes aspergant. Sequitur Decretum Illmi ac Rmi Domini WACTENDONC.

JOANNES, DEI ET APOSTOLICÆ SEDIS GRATIA EPISCOPUS NAMURCENSIS, OMNIBUS HAS VI-
SURIS SALUTEM IN
DOMINO.

Cum eousque ascendat quorundam arrogantia, ut etiam in Ecclesiis parochialibus pagorum, ubi illi Domini, vel Toparchæ sunt, audiant insinuare, ut Parochiani in Templo existentes iisdem dictas Ecclesias intrantibus assurgere, & reverentiam facere teneantur, quo medio & populi devotio, & honor (qui uni Dei debetur) notorie patitur, & languescit, & quas Divinis operibus jugiter decet esse intentos, per divagationes dignoscuntur, velut in cloacam distractionum immergi, quod etiam quidam Domini sibi a Pastore seu Celebrante aspergillum porrigi, & aquam benedictam propriis sibi manibus applicare præsumant, in vilipendium eorum, quos Apostolus vocat *Genus electum, Gentem sanctam, regale Sacerdotium*. Nos ne abusus ille ulterius proropat, inhibemus singulis Parochianis in Ecclesia sua orantibus ullam assurrectionem, prout etiam eorum Pastoribus ullum illis aspergillum porrigere quocumque prætextu, bene conveniat illis aquam ante omnes alios accipere postea distribuendam reliquis Missæ interessentibus; quod si dicti Pastores contra dispositiones sacrorum Canonum aliter fecerint, Nos contra eos per censuras, & alia media procedemus. Datum Namurci 3. Februarii 1665. sub Sigillo nostro & Secretarii nostri signatura. *Sign.*
DE ZUERENDONQ.

LIX.

Ægre admodum audivimus plurimos Sæculares, non raro abufos fuisse licentia laborandi diebus Dominicis & Festivis hoc miserrimo belli tempore concedi solito, quapropter volumus omnes esse monitos in posterum ejusmodi facultates fore nullas, si inconsulto Pastore iisdem uti velint.

LX.

Adulti sacro Confirmationis Sacra-

mento nondum insigniti a suis respectivè Pastoribus nostræ fidei præcepta recte doceantur, & Confessionem Sacramentalem instituunt, anrequam ad hoc Sacramentum suscipiendum accedant.

LXI.

Cum ante hac sæpius conquesti sint Decimatores & alii interesse habentes, quod in anterioribus nostris visitationibus ad onus eorundem inauditorum diversa decrevimus, propterea volumus, ut in posterum Pastores visitationis nostræ diem iisdem indicent, ut tempestive adesse valeant.

LXII.

Convocentur Justitarii & Mamburni locorum, ut ex ipsis diligenter inquiri possit status mensæ pauperum & fabricæ in diversis locis multum neglectarum, & male administratarum.

LXIII.

Renovetur Processio Dominicalis, ut devotio populi augeatur.

LXIV.

Graviter accepimus diversos Ecclesiasticos sæculares, & præsertim Regulares ita contemnere Regulas Ecclesiæ in administrandis Sacramentis præscriptas, se sequere temere ingerere in nonnullis muneribus pastoralibus, ut renovare teneamur Decretum nostrum in Congregatione habita annò 1706. Art. 4. latum.

LXV.

Et ut hoc Decretum inconcussum nunc existat, nullus Sacerdos sæcularis vel Regularis audeat excipere confessiones in quacumque Ecclesia rurali, nisi prius exhibeat suas admissiones pro excipiendis confessionibus Pastori loci, alias sciat ejusmodi Confessarius suas admissiones ipso facto esse revocatas, prout per præsens revocamus, dummodo tamen ad notitiam ejus pervenerit hoc nostrum Decretum.

LXVI.

Prohibuimus antehac prout iterum prohibemus, ne quis præsumat administrare Sacramentum Eucharistiæ, benedicere aquam lustralem, aliasque

que functiones pastorales in locis privatis, nisi obtenta licentia prius a Pastore loci, sub pœna suspensionis potestatis excipiendi confessiones & prædicandi verbum Dei incurrenda.

LXVII.

Visum Nobis erat initio adventus nostri ad Episcopatum Namurcensem provisum sufficienter fuisse pro eradicandis certis concionabilis, quæ confectæ in cœmeteriis fiebant contra loci sancti honorem & cum periculo sæpius prophanationis ejusmodi; verum cum intelligamus illa iterum reviviscere in diversis locis, recte censuimus talia denuo prohibere, prohibitionemque tunc latam renovare.

LXVIII.

Injungimus DD. Decanis ruralibus, ut hoc anno Acta visitationum suarum sui respectu districtusificent, & ad Nos transmittant, & in posterum singulis trienniis eadem observent.

LXIX.

Animadvertimus in diversis locis computus mensæ pauperum non obstantibus nostris reiteratis monitionibus a pluribus annis negligi; quare ne Dominus Deus de negligentia nos desuper arguat; iterum serio injungimus DD. Pastoribus, quatenus ad Nos deferant in ejusmodi administratione rædiosos; ut remédio opportuno ad impletionem muneris sui compelli possint.

LXX.

Tam alte irrepsit in certis locis quisdam studiosus error contra acta Episcopalia antehac emanata, quibus prohibetur, ne quis Sacerdos celebret, aut alia officia pastoralia exerceat in locis privatis non consuetis, seu reluctantibus Pastoribus etiam tempore officiorum parochialium, quod in præjudicium jurium parochiarum & maxime animarum salutis vergit, ut iterato omnes & singulos Sacerdotes tam Sæculares, quam Regulares monere teneamur, prohibereque, ne in posterum similia peragant absque nostra in scriptis obtenta licentia, & Dominis

Pastoribus prius significata; alias remedium ejusmodi abusus præscriptum adhibere non definemus.

LXXI.

Dolenter didicimus quasdam proles recenter natas ob distantiam a parochia in ductu ad Baptismum absque regenerationis lavacro fuisse morte præoccupatas defectu sæpe aquæ naturalis ad validitatem Baptismi necessariæ, eapropter ne aliquid negligentiae vel præcautionis a Nobis desuper requiratur Dominus Deus, serio monemus & injungimus ejusmodi proles ad Baptismum deferentibus, quatenus secum semper habeant & portent vasculum aquæ eadem utendi ergo adveniente aliqua baptisandi in itinere necessitate.

LXXII.

Didicimus etiam plurimis in locis modos larvarum tribus diebus Bachanalium & prima Dominica Quadragesimæ nondum penitus obolitas esse, quamvis plurimum bonos mores depravent, quibus antidorum adhibere volentes, concessimus, prout per præfentes concedimus omnibus in statu gratiæ Missæ Sacrificio assistentibus præfatis diebus quadraginta, & vesperti Litanis & Sacramentali Benedictioni subsequenti viginti dies de vera indulgentia consueta, penitus tamen exclusis omnibus personis larvis utentibus.

LXXIII.

Cupimus etiam in nostra Dicecesi unum labium & unum docendi modum Christianam Doctrinam, quapropter mandamus omnibus Pastoribus, Vicariis, & Ludimagistris, ut solis & unicis nostræ Dicecesis Catechismis utantur.

LXXIV.

In decursu visitationum Ecclesiarum nostræ Dicecesis perspeximus diversâ pauperum bona oppignorata fuisse ad certum tempus, & etiam indefinite in favorem totius communitatis respective; & cum æquum sit hoc tempore pacis illa a dictis communitatibus repignorari, eapropter injungimus Pastoribus locorum similium, ut moneant eorum Justiciarios, quatenus

tentus media procurent ad redintegrandam præfata bona, & si ulteriorem dilationem desuper prævideant, illico Nos de hoc certiores, ut promptum adferamus remedium.

LXXXV.

Irrepsit certus irregularis modus distribuendi redditus quarundam fundationum piarum, videlicet panum seu granorum certis diebus, qui communiter & indifferenter distribuuntur etiam non pauperibus, quod non solum rectæ rationi, sed etiam rectis Fundatorum intentionibus repugnat: quare ut abusus ita pauperibus præjudicabili finis imponatur, decernimus ejusmodi distributiones solis pauperibus esse elargiendas, juxta ordinationes nostrorum Principum & Juris dispositionem.

LXXXVI.

A plurimis filiis iniquitatis obedientiam vix ullam nostris Decretis adhiberi dolentes sane audivimus, cum tamen omnis spes affligeret, fore ut omni alacritate in eis observandis proclives fuissent, pretioso Ecclesiæ Dei thesauro participes nostra dispensatione effecti. At cupientes & summo pere desiderantes malos mores penitus aboleri & eradicari, renovandum duximus nostrum Decretum de Data 28. Martii 1714. Quapropter denuo monemus & inhibemus larvas diebus Bachanalium, similesque se mentiendi modos, tamquam nativam juventutis innocentiam corrumpentes. Et ut facilius ad observantiam Decreti a Nobis lati omnes nostri subditi alliciantur, continuamus ad revocationem nostram omnibus, qui in statu gratiæ Sacrosanctæ Missæ Sacrificio Quadraginta, & Vesperis, Litanis & Sacramentali Benedictioni interfuerint, viginti dies de vera indulgentia consueta; larvatos tamen, uti indignos donorum Dei, iis favoribus privatos declaramus; utque præsens nostrum Decretum imposterum effectum præteritum fructuosius sortiri possit, omnes Pastores & Vicarios in Domino hortamur, quatenus iis diebus larvarum non prorsus a suis Parochiis & locis, quibus præ-

sunt, absint, cum eorum præsentia multum efficere possit ad avertendos abusus fervorum ad oculum.

LXXXVII.

Enimvero ad augendum magis ac magis devotionem, & pietatem nostrorum subditorum; extendimus præfatas ejusmodi Indulgentias, assistentibus omnibus Officiis Divinis diebus Dedicationis & Sancti Patroni cujuslibet loci, & similiter Officiis Divinis feriæ sequentis.

LXXXVIII.

Injunxeramus etiam in nostro Decreto Congregationis anni proxime elapsi Pastoribus locorum nostræ Diocesis, ut monerent eorum Justitarios, quatenus media procurarent ad recuperanda bona pauperum in favorem suarum communitatum respective tempore belli oppignorata; quod iterum mandamus, comprehendendo bona fabricæ etiam similiter alienata, nulla ulteriori adhibita mora, non parentes vero ad Nos deferant, ut contra negligentes procedatur indilata, computusque eorum similiter debitis modis reddantur.

LXXXIX.

Cum advertamus observationem dierum Dominicorum & Festorum non esse talem qualem decet juxta Dei & Ecclesiæ præcepta, Principum nostrorum Ordinationes & nostræ Synodi Statuta sæpius repetita tam malitia temporum, quam belli calamitatibus irreptam, ideo iis abusibus obviare volentes pro debito muneris nostri mandamus Pastoribus, Officiariis locorum, & nostris quatenus advigilent, ejusmodi dies sanctos inviolabiliter observari, alias contravenientes venient puniendi juxta rigorem Canonum & Legum.

LXXX.

Relatum Nobis fuit in aliquibus locis die omnium Defunctorum pulsari campanas per totam noctem, quod aliquo modo inducit dissolutionem juvenum, qui petulanter pulsando causant fractionem campanarum, quapropter inhibemus imposterum, ne ultra nonam vespertinam pulsus conti-

ff. nectur,

nuetur, & ante quartam matutinam denuo resumatur sub pœna fiscalizationis in similes petulantes.

LXXXI.

Cum multi a Prædecessoribus nostris, & Nobis licentiam, exonerandi Missas suorum Beneficiorum extra locum, in quo sita sunt, sibi incumbentes obtinuerint, propter belli calamitates aut alias ejusmodi rationes, iis mandamus, quatenus de ejusmodi licentia infra tres menses Nos doceant, alias nunc pro tunc illas revocatas esse decernimus.

LXXXII.

Attento, quod aliqui DD. Decani negligant exactionem placetorum absentia, monitos esse volumus, ut imposterum ea diligentius colligant, ne similia jura deperiant.

LXXXIII.

Iterato didicimus bona pauperum nondum esse a Justitiariis diversorum locorum recuperata, & eorum computus nondum esse redditos nec purgatos, non obstantibus nostris Decretis de Annis 1714. de Data 28. Martii, & 1715. de Data 17. Aprilis, quibus injunxeramus præfatis Justitiariis, quatenus media adinventirent pro iis restaurandis & repignorandis, quare denuo mandamus Pastoribus, ut ultimo moneant dictos Justitiarios, ut sine mora hocce nostrum Decretum & præcedentia executioni mandent sub pœna &c. Et ut mentionatæ alienationes penitus cognosci possint, injungimus præfatis Pastoribus, ut diligenter perquirant, ante factas in suis respective Parochiis, copiamque ejusmodi actorum, alienationum indilate ad Nos remittant, & resciant omnes, quod imposterum similia bona non alienabuntur, nisi ad tempus fixum; quo finito, finietur alienatio.

LXXXIV.

Audivimus indignanter plures Beneficiatos recusare solutionem placetorum absentia, aliquorumque habitationem esse ignotam, quare præcipimus præfatis DD. Decanis, quatenus tales ad Nos deferant, ut suorum Be-

neficiorum fructus arrestari curemus, eoque medio ad solutionem ejusmodi adigantur, & ignoti noscantur.

LXXXV.

Mandamus insuper Pastoribus & Beneficiatis nostræ Diœcesis, ut conficiant rescriptiones suorum Pastorum & Beneficiorum respective, & DD. Decanis tradant infra tres menses; postea ab iis ad Nos transmittendas, quod singulis quinquenniis observabitur, specificentque dicti Pastores Beneficia fundata in suis Ecclesiis, faciantque mentionem, utrum Beneficiati sint instituti, & in loco Beneficii Missas exonerent, & alia sibi incumbencia diligenter subministrant.

LXXXVI.

Cum etiam ad Nos referatur, plebem Nobis commissam hinc inde vagari ad tribunalia confessionis, unde sit, ut Pastores ignorent, an eorum subditi Sacramentum Pœnitentiæ frequentent, quare volumus, ut nullus ad Communionem Paschalem admittatur, nisi doceat se confessum.

LXXXVII.

Attento, quod nunc suspectis temporum angustiis irretiti existamus, monemus locorum Superiores & Justitiarios nostræ Diœcesis, iisque injungimus, ut nullas personas extraneas ad habitationem admittant, nisi prius professionem fidei emiserint.

LXXXVIII.

Præcipimus etiam Pastoribus Nobis subditis, ne literas in ordine ad Matrimonium pro talibus extraneis personis expediant, vel eas Matrimonio jungant ante similem fidei professionem emissam.

LXXXIX.

Ex Decreto nostro emanato in ultima nostra Congregatione 8. Aprilis 1716. non dubitaveramus, quin vigilantia & diligentia Pastorum Nobis subditorum, omnes alienationes bonorum pauperum notificata Nobis fuissent, verum cum id a plerisque neglectum sit, mandamus, quatenus Nobis declarant & exhibeant modum, quo & ratio-

rationes, ob quas oppignorata sunt, & cur nondum sint repignorata, copiam actorum, ejusmodi alienationum ad Nos simul transmittant, intra duos menses, aliis ex officio agere curabimus contra negligentes.

X.C.

Cumque Nobis relatum sit plures, ut præfertur, alienationes ad tempus fuisse concessas a Nobis, & Prædecessoribus nostris, quæ finito tempore repignorabantur, & alienationes penitus cessabant, quare præcipimus RR. Pastoribus præfatis & locorum Justitiariis, ut ab effluxu termino soluta repetant, ut ad minus pro quota pauperum in diminutionem sortis cedant, & ut nostrum præsens Decretum omnibus notum sit, volumus illud per prædictos Pastores publicari tribus Dominicis a concione habita, consequentibus.

XCI.

Molestum etiam Nobis fuit audire per multos tam Sæculares, quam Regulares, tam Curatos, quam Beneficiatos non confecisse rescriptiones suorum respectivè Pastorum & Beneficiorum, non obstante nostra desuper ordinatione, quare iterato iis injungimus, ut omnes indistincte eas ante festum S. Joannis Baptistæ proximum ad Nos transmittant, sub pœna, quod negligentes ad id officio Promotoris nostri adigentur, & contra extraneos per arrestum fructuum suorum Beneficiorum procedetur, & ne quis hujus nostri Decreti ignorantiam fingat, ordinamus, ut publicetur eo quo supra modo.

XCII.

Audivimus desuper summo cum dolore scandala permulta oriri, eo quod sexus femineus sine ulla necessitate popinas audeat frequentare, unde indicandum omnibus Pastoribus nostris duximus conformiter, & juxta nostrum Decretum de 20. Aprilis 1717. ne ulla literas testimoniales in ordine ad Matrimonium puellis contravenientibus relaxent ante sufficientem satisfactionem & notariam emendationem Nobis significandam.

Tomus X. Concilior. German.

XCIII.

Plurimum denuo hortamur simul & præcipimus, ut ad removendas a Provinciis nostris facilius personas de hæresi suspectas, & perniciofa illa labe infectas, Professio fidei a singulis extraneis pro obtinendis quibuscumque actis, testimoniis, aut in locis nostræ Diœcesis habitatione figenda, secundum nostras anni præcedentis Ordinationes, emitti curetur.

XCIV.

In præcedenti nostra Congregatione mandaveramus bona pauperum de nostra, & Prædecessorum nostrorum licentia ob necessitates subditorum nostrorum oppignorata esse recuperanda; verum intelligimus nostrum Decretum nondum ubique sortitum esse effectum: quapropter ultimo monemus Pastores nostros, quatenus omnem diligentiam adhibeant, ut Justitarii locorum sine ulteriori mora media perquirant, ut dicta bona pauperum repignorentur, vel saltem si quæ sint causæ id impediennes, scripto per libellos supplices intra trimestre exhibeantur, ut de earum sufficientia vel insufficientia cognoscamus, alias contra communitates deficientes officiis Promotoris nostri, etiam invocato, si opus sit, Procuratoris Regii auxilio agere curabimus.

XCV.

Et ne nostri hujus Decreti ignorantiam quis simulet, volumus, ut Pastores de manu ad manum illud sibi mutuo communicent, per totum respectivè suum districtum ac copiam describant, sub pœna citationis ad onus penes se retinentis.

XCVI.

Cum plurimi Beneficiati pergant recusare jura placetorum absentia, præcipimus contra eos ad ejusmodi solutionem indilate procedi.

XCVII.

Nobis relatum est a juvenibus petulantias maxime scandalosas fieri ratione Matrimoniorum, præcipue viduorum, & exactionum panum cornutorum in Natalibus, vulgo *Cougnour*, unde

unde clamores, tripudiationes, cæcus nocturni oriuntur; præcipimus Pastoribus, quatenus suos Parochianos moneant, Nos desuper querimonias ad Procuratorem Regium delaturos, ut contra tales imposteros delinquentes rigorose officium suum exerceat, nisi huicce nostræ monitioni se submittant, & a similibus ac eorum consequentiis abstineant.

XCVIII.

Antehac ad majorem Dei cultum ac gloriam in Processionibus arma deferri prohibuimus, quam prohibitionem denuo renovamus.

XCIX.

Licet choreas, quarum centrum est diabolus, ac lusus publicos Ecclesiastici maxime abhorreere debeant, nihilominus audivimus quosdam Pastores, Presbyteros, Terminarios ita muneris sui oblivisci, ut non vereantur iis præsentem esse ac immisceri; quare ad tanto scandalo medendum prohibemus Pastoribus, cæterisque Presbyteris sub pœna citationis, & Terminariis sub pœna revocationis admissionum &c., ne in dictis locis publicis tempore chorearum se præsentare.

C.

Sciant DD. Decani facultatem per Synodum iis concessam deputandi duos Pastores in suo respective districtu ad absolvendum a Casibus Nobis reservatis, eam potestatem sic subdelegatam singulis annis esse renovandam.

CI.

Omnes tam Sæculares, quam Regulares pro confessionibus excipiendis præsentandi nonnisi die Martis cujuslibet hebdomadæ, duorum ad minus DD. Examinatorum Synodali examini sistendi, accedant.

CII.

Habita relatione Articulum primum præcedentis nostræ Congregationis nondum ubique sortitum esse effectum, ideo illum renovandum esse duximus, denuoque mandamus bona pauperum de nostra, & Prædecessorum nostrorum licentia ob necessitates sub-

ditorum nostrorum oppignorata, esse recuperanda; quapropter iterato & absolute ultimo monemus Pastores nostros, quatenus omnem diligentiam adhibeant, ut Justitarii locorum sine ulteriori mora media perquirant, ut dicta bona pauperum repignorentur, vel saltem si quæ sint causæ id impediennes, scripto per libellos supplices intra trimestre exhibeantur, ut de earum sufficientia vel insufficientia cognoscamus, alias contra communitates deficientes officio Promotoris nostri, etiam invocato, si opus sit, Procuratoris Regii auxilio agere curabimus, & ut omnibus nostrum Decretum notum sit, volumus a Pastoribus tribus Dominicis & Festis intra Missarum solemniam publicari.

CIII.

Requirimus DD. Decanos, quatenus prosequantur solutionem jurium placeti absentiarum, nolentes vero solvere deferantur, quamprimum ut via juris contra eos agatur.

CIV.

Mandamus Pastoribus, ut ad Nos deferant insolentias suorum Parochianorum viduis in solemnizatione secundarum Nuptiarum illatas, specificentque, an in sacro seu profano loco commissæ sint.

CV.

Prohibemus iterum ac denuo arma in Processionibus deferri, sub pœna, quod contra ferentes via juris procedatur.

CVI.

Cum antehac pluries fuerit ordinatum, Presbyteros in Civitate residentes superpelliceis indutos Processionibus assistere debere, eandem ordinationem iterato renovamus, sub pœna fiscalizationis, idem volumus observari in Parochiis ruralibus.

CVII.

Omnibus officiis parochialibus Presbyteris ruri degentibus, prout antehac junctum fuit, adesse præcipimus.

CVIII.

Renovamus *Articulum* 49. *Tit. 21.* Synodi Namurcensis *habite* 1639. quo inhi-

inhibetur, neminem præter Pastorem, vel nonnisi de ejus mandato & consensu mulieres post partum purificare posse, quem volumus a Regularibus exacte observari, sub pœna prout juris.

CIX.

Ordinationibus Synodalibus nostris, & Prædecessorum nostrorum decretum & mandatum fuit, Pastores & Vicarios nostræ Diœcesis habere debere Synodum Diœcesanam, ad quem effectum de novo imprimi curabimus.

CX.

Pastores tam sæculares, quam Regulares, quantocius satisfaciunt Ordinationi nostræ de transmittendis Rescriptionibus Pastoratu suorum, quam incurie hucusque neglexerunt.

CXI.

Renovamus *Cap. 24. Tit. 21.* Synodi præfatæ, quo permittitur Pastoribus, ut relaxandi animi gratia vel occurrente aliqua rationabili causa abesse possint a sua Parochia ad tres dies alteri idoneo, cura suorum commissa, quod si iusta causa eos diutius abesse postulet, id non faciant, nisi a suo Decano obtemperata licentia, quam non concedat, nisi pro sex diebus; quod si diuturniori indigeant, illam a Nobis petant, vel a Vicario nostro, quæ nonnisi in scriptis dabitur, aliter vero facientes, ad Nos per Decanos præfatos deferantur.

CXII.

Nullus Pastor relaxet literas in ordine ad Matrimonium pro subdito in

sua Parochia noviter habitante, nisi suæ libertatis testimoniales a Pastore, a quo obtinuerit, de quibus mentionem in suis præfatis literis faciet.

CXIII.

Omnes Presbyteri in Sacellis particularibus seu castalibus ruri celebrantes ibidem catechisent, aut januis clausis celebrent, alias revocabimus licentiam in illis celebrandi Missam, sub eadem pœna prohibemus in iis aquam benedici, Sacramenta administrari, & alia Sacramentalia peragi.

CXIV.

Decretum renovamus, quo prohibitum est, ne ullus Presbyter in nostra Diœcesi in qualitate Vicarii in appendicibus Parochiarum & Sacellani in castris constituentur, nisi a Nobis admissi & approbati fuerint, & si quis non admissus nec approbatus, ut supra, sit constitutus, mandamus, ut se quamprimum præsentet, sub pœna suspensionis.

CXV.

Audivimus plurimos Pastores sine vestibus talaribus ad altare accedere non vereri; ideo præcipimus, ne aliter, quam veste talari induci, in Missa & Vesperis se præsentare præsumant, alias &c.

Datum Namurci in Congregatione ultima mensis Aprilis die 5. Anno Domini 1719.


De Mandato Illmi & Rdmi Dni

F. WILMART Secret.

FERDINANDUS Comes de BERLO, recusante Alberto Trazegnies Vicecomite de Bilsbeyn, Præposito Illustris Capituli Nivellensis, sacratu fuit Episcopus Namurcensis anno 1697.... Erat antea Canonicus S. Lamberti Leodii & Archidiaconus Campinæ. Hæc pauca de Viro præstantissimo, in quo & seriem Episcoporum Namurcensium absolvit, utpote tum temporis superstiti, Joannes Baptista Ludovicus de Castillon Sacr. Belg. Chronolog. Part. II. pag. 454. & 455. Opusculum: ACTA Ecclesiæ MECHLINIENSIS, anni MDCCXVIII. circa Bullam UNIGENITUS, inscriptum testatur satis, qualis Ferdinandus, quantusque Præsul fuerit. Certe ut noverat, quæ summo in terris Pastori, ejusque Constitutionibus deberetur obedientia: ita & suæ, & sui gregis erga Sedem Apostolicam observantiæ inconcussum studium, ceu reverens, piusque Filius simul & Pastor sollicitus, semper declaravit. A nova pariter Decretorum Synodaliū Namurcensium editione, quam a. 1720. fieri curabat, laude haud modica commendari meretur.

Plura si obtinuerō de eodem Antistite memoranda, dabo alia.

SYNO-



SYNODUS DIOECESANA (*)

METENSIS,

Anno Christi MDCXCIX. Innocentii XII. PP. IX.

Leopoldi I. Imp. XL.

ILLUSTRISSIMO & REVERENDISSIMO DOMINO,

D. HENRICO CAROLO du CAMBOUT de Coislin, (**)

S. R. I. Principe, Episcopo Metensi,

HABITA

DIE MERCURII I. JULII A. 1699.

HENRICUS CAROLUS du CAMBOUT de COISLIN,

Miseratione Divina, & Sanctæ Sedis Apostolica gratia, Episcopus Metensis; Sacri Romani Imperii Princeps, Regi a Consiliis & primus ejus Eleemosynarius. Universis & singulis Dominis Abbatibus, Prioribus, Decanis, Archidiaconis, Archipresbyteris, sive Decanis ruralibus, Rectoribus Parochialium Ecclesiarum, seu eorum Vicariis, Capellanis, Presbyteris, & Clericis Civitatis ac Diocesis Metensis,

Salutem in Domino.

Tanta inest hominibus ad ea, quæ vetita sunt, propensio, ut Apostolus legem veterem hujusce pravae indolis occasione, peccandi desiderium in Judæis operatam fuisse affirmare non dubitaverit. Novarum aliunde legum constitutione nihil aliud effici quotidiana docet experientia, quam augeri prævaricationum numerum, sanctiora Majorum instituta liberius contemni, atque iis transgrediendis sensim sine sensu homines assuescere. Quo fit, ut raro admodum, idque non sine aliqua necessitate, leges sancienda sint. Hæc serio cogitantibus Nobis, visum est longe satius antiqua hujus Dioceseos Statuta observanda commendare, quam vos onerare novis. Post integram Diocesim, quanta præ temporis angustiiis potuimus diligentia, lustratam, nostrum hoc propositum non mediocriter confirmavit attenta lectio Synodorum, quæ centum & amplius annis hic fuerunt celebrata. Quacunque in his præscripta sunt, cum necessitatibus & incommodis, quibus nonnisi prævia matura deliberatione providere æstimatum est necessarium, contulimus & mirari sibi Decessorum vigilantiam, simulque providentiam; ex his enim omnibus, quæ ad optimum Ecclesiæ Metensis regimen, pro temporum, quibus statuebant, opportunitate, vel voto concipi fas est, sagacissimis &

prudētissimis illis Viris nihil prosus excidisse animadvertimus. Nonnulla addidimus, quæ præsentis temporis habita ratione, suppleta oportuit. Sed tamen cum inter antiquas illas leges plures occurrant, vel iterum atque iterum variis in Synodis repetitæ, vel bis temporibus minime convenientes aut necessariae, vel Clero, ejus moves nunc, quam olim, castigatiores, parum honorifica, idcirco non omnes, sed præcipuas & selectas, paucis dumtaxat adjectis, renovare, atque nostra auctoritate confirmare ac reprobare decrevimus. Speramus, cum non alias ferme Leges, quam Patrias, quæ tam a Serenissimis, quam Eminentissimis & Illustrissimis Decessoribus conditæ sunt, vobis proponamus, futurum esse, ut eas religiosissime observetis. Ad id, quantum in Nobis est, vos hortamur, ut dum populis obedientiæ, Nobis debitæ exemplo prælucebitis, ipsi vos tanquam Dei Ministros colant, venerentur, vestris monitis ac præceptis studiose obtemperent, vestramque vocem non secus ac ipsius Christi audiant; Deus pacis appetet vos in omni bono, ut faciatis ejus voluntatem: faciens in vobis, quod placeat coram se, per JESUM CHRISTUM, cui est gloria in sæcula sæculorum.

INDEX

(*) Typo vulgata sub hoc titulo: CODEX selectorum Canonum Ecclesiæ Metensis, quos observari mandavit &c.

(**) Vide ad calcem Synodi.

INDEX OMNIUM TITULORUM ET CAPITUM.

- TITULUS I.** De Officio Divino, ubi de Missæ Sacrificio.
 II. De Sacramentis.
 III. De Baptismo.
 IV. De Confirmatione.
 V. De Eucharistia.
 VI. De Penitentia.
 VII. De Casibus reservatis.
 VIII. Monita ad Confessarios.
 IX. De Extrema Unctione.
 X. De Ordine.
 XI. De Matrimonio.
 XII. De vita & honestate Clericorum.
 XIII. De Archi-Presbyteris.
 XIV. De Capitulo rurali.
 XV. De Procuratoribus Capituli.
 XVI. De Parochis, Vicariis & Sacellanis, ubi etiam de aliis Beneficiis obtinentibus.
 XVII. De Ecclesiis & Ecclesiarum suppellectili, ubi etiam de Sepulchris & Cimiteriis.
 XVIII. De legitima Bonorum Ecclesiasticorum administratione, ubi de Scabinis.
 XIX. De Festorum, Jejuniis & abstinentiæ observatione.
 XX. Catalogus Festorum, quæ sub præcepto servari debent in Diocesi Metensi.
 XXI. Jejunia servanda, præter ea, quæ in Perigiliis Festorum supra notatis indicantur.
 XXII. De Ludimagistris, Aedituis, & Obsecratoribus.
 XXIII. De Parochorum honorario.
 XXIV. Decretum de Parochorum urbanorum honorario.
 XXV. Decretum de Parochorum foraneorum honorario.
 XXVI. De Archi-Presbyterorum & Parochorum expensis, occasione sacrarum Unionum.
 XXVII. De quibusdam abusibus tollendis.
 XXVIII. Statutorum clausula.

Codex selectorum Canonum ECCLESIAE METENSIS,

Quos observari mandavit Illustrissimus & Reverendissimus Dominus D. HENRICUS CAROLUS du CAMBOUT de Coislin, Episcopus Metensis, Sacri Romani Imperii Princeps, Regi a Consiliis & primus ejus Eleemosynarius. In Synodo Metis congregata, die Mercurii 1. Julii anno 1699.

TITULUS I.

De Officio Divino, ubi de Missæ Sacrificio.

I.

Prohibemus, ne tempore, quo Divina peraguntur Officia, spatium in Ecclesia, vel otiosis vacare fabulis ulli liceat, sub poena nostrorum Officialium arbitrio rationabiliter infligenda. Idem 1633. Stat. 3. Tit. De Templis.

II.

Ut in Ecclesiis omnia cum ordine fiant & sine confusione, viri separati a mulieribus sedeant. Nullæ mulieres in cancellos & chorum irrepant, vel designata viris loca occupent, vel e contra. Idem 1633. Stat. 4. eod. Tit.

III.

Divina Officia non cursim, non perturbate, non oscitanter, sed leniter, distincte, studiose pronuntient. Idem 1679. Stat. 10.

IV.

Præcipimus omnibus Parochis, eorumque Parochianis, ut Antiphonalia & Gradualia, ubi non habentur, intra sex vel octo menses ad summum comparari procurent. Ubi etiam Missalia præ vetustate vel obliterata, vel lacerata existunt, intra tres menses substituant, qui ea procurare teneantur.

V.

V.

Sit idem in tota Dicecesi cantandi modus, & omnes volumus in hoc esse uniformes, ut ubique Deus eodem omnino modo laudetur, arque benedicatur.

VI.

Videant Parochi, ne quid inter sacras Ecclesiæ caeremonias irrepit superstitionis, vel irreverentiæ. Idem 1633. *Stat. 6. Tit. De observatione Fæctorum.*

VII.

Dierum, qui ex Festis Profesti facti sunt, Officia peragantur, nihilque pro eorum celebratione exigant Parochi.

VIII.

Sacerdotes, qui publice & notorie criminosi sunt, a Missæ celebratione arceantur.

IX.

Ad celebrandum Missæ Sacrificium nemo admittatur, nisi sit probe notus, aut a proprio Episcopo testimoniales habeat & exhibeat. Dum concio habetur, vel supplicationes fiunt in Ecclesia, nemo in quocumque ejus Altari celebret.

X.

Observetur diligenter, ut ad tremendum Missæ Sacrificium nonnisi recens haustum vinum adhibeatur; eodem quoque panes singulis saltem mensibus provideantur. Idem 1633. *Stat. 8. eod. Tit.*

XI.

Sacerdotes omnes, etsi iis animarum cura non incumbat, neque teneantur ratione Beneficii celebrare certo tempore, juxta Sacrosancti Concilii Tridentini Decreta celebrent, saltem præcipuis anni Festivitatibus.

XII.

Pastores, eorumque Vicarii, aliquoties in hebdomada, etsi non occurrat dies Festus, Sacrum facient ad augendam & conservandam populi devotionem. Idem 1679. *Stat. 8. & similia 1628. Stat. etiam 8.* quo ita præcipitur: Quilibet Parochus frequentius, quo fieri poterit, immo quotidie, si possit, Sacrum faciat.

XIII.

Sacrum fiat attente, graviter, & devote, iterque in Altari Sacerdos erecto corpore, non cubitis innixus, nisi dum actu versatur in consecratione tam hostiæ, quam calicis, caveaturque maxime, ne inusitatis & peregrinis utatur caeremoniis, sed iis duntaxat, quæ in Missali Romano præscribuntur. Similia 1604. *Stat. 9.*

XIV.

Gradibus Altaris nemo hæreat, aut prope Altare sit, dum Sacrum fit; neve pueri, vel alii illis insideant dorso ad Altare verso, mulieres etiam ad Altaris latera ita maneant, ut a Celebrante ad Altare converso videri non possint.

XV.

In qualibet Ecclesia, ubi plures Missæ celebrandæ sunt, illæ per aqualia temporis interstitia celebrentur, ita ut nec ante diluculum, nec post meridiem ulla dicatur; nisi ubi forte ex fundatione matutinales Missæ dici consueverunt, quo casu etiam eas tantum, & non alias, ante diluculum celebrari permitimus. Vetamus quoque in eadem Ecclesia plures Missas simul celebrari, nisi tantus sit Sacerdotum numerus, ut hoc Decretum commode servari nequeat.

XVI.

Prohibemus, ne Missæ Sacrificium in Sacellis castralibus, & aliis ad Divinum cultum duntaxat dedicatis Orationis a quovis Sacerdote celebretur, priusquam constet de licentia his in locis celebrandi, a Nobis, vel Vicariis nostris data. Illa tamen excipimus, quæ dotata sunt; eo quod in iis, ut foundationibus satisfiat, celebrandum sit.

XVII.

Tanta binandi, ut ajunt, id est uno eodemque die Dominico vel Festivo duas Missas celebrandi, crevit in hac Dicecesi licentia, ut quoties aliquis Parochus, vel leviter ægrotat, vel minime quopiam negotio præpeditur, aliquis ex vicinis, ad ejus instantiam, Sacrum in illius Parochia, ejusque nomine, facere soleat, postquam celebra-

vit

vit in propria. Hanc indebitam & indevotam libertatem penitus extirpare cupientes, inhibemus strictissime, ne quis in posterum id facere præsumat, quantacumque etiam data necessitate, absque nostra in scriptis obrenta licentia. Quod si quis Parochus tam subira & gravi ægritudine, die Festivo vel Dominico corripatur, ut ad Nos recurrendi illi tempus non sufficiat, eo casu, qui raro admodum continget, ejus Parochiani ad aliquam vicinam Ecclesiam Sacrum audituri se conferant. Idem 1666. *Art. 6. eodem Tit. & 1679. Statut. II.*

XVIII.

In Missis novis cessent sumptuosa convivia, caterique abusus, qui hactenus irrepperunt.

XIX.

Qui Missas solemniter ritu celebrando, Hymnum glorificationis, vel Symbolum Nicanum, vel Præfationem detruncant, aut illam immutant, & decantato duntaxat initio, cætera submissa voce prosequuntur, abstineant in posterum ab hac inaudita & indebita consuetudine; curent autem Archipresbyteri singuli in suo Capitulo hoc nostrum Decretum servari, sub pena gravissimæ correctionis. Idem 1616. *Stat. 6. & 1666. Art. 8. eodem Tit.*

XX.

Diebus Dominicis & Festis Missæ Confraternitatum loco Missæ diei in Ecclesiis, quibus unus tantum deservit Sacerdos, nunquam celebrentur: neque etiam Officium extra chorum in ullius Confraternitatis gratiam fiat.

XXI.

Ne diebus Dominicis aut Festis agantur Anniversaria pro defunctis, licet defuncti ipsi præscriperint, sed proximo præcedente die, quo pro ratione Officii licuerit, celebrentur.

XXII.

In Parochiis & annexis Missa solemniter diebus Dominicis & Festis semper celebretur.

XXIII.

Collectiones fieri incipiant a tempore, quo Epistola legitur, & desinant

Tomus X. Concilior. German.

toto temporis spatio, quod fuit ab Offertorio usque ad Communionem Sacerdotis inclusive.

XXIV.

Cum Missæ Parochiales sint uniuscujusque Parochiæ proprium fidei-
lium, ad Sacrificium Domini incruentum, publici conventus, quibus omnes diebus Festis tenentur adesse, ut ex voce proprii Pastoris quid singulis septimanis agere debeant, eis intimetur, & tamen in plerisque hujus Diocesis locis, maxime vero in hac Civitate Metensi, multi sint adeo circa hoc Religionis debitum negligentes, ut nequidem ter in anno Missam Parochialem audiant; ideo stricte mandamus omnibus Parochianis, præcipue Capitibus familiarum, quatenus Missæ Parochiali, saltem ex tribus Dominicis uno adsint. Alias occasionem præbunt Pastoribus eos negligentes, ut nequidem cum ille non possit juste debitum exigere a Pastoribus, quorum vocem in vita contempserit. Idem 1629. *Stat. 5. sub censuris incurrendis præcipitur.*

XXV.

Patresfamilias, qui suorum, maxime domesticorum, curam gerere tenentur, moneantur a Pastoribus, ut Missam audiendi, & verbum Dei suis servis & ancillis facultatem concedant, etiam iis, qui in pascendis animalibus occupantur, quod etiam de cæteris communitatum opilionibus & bubulcis curabunt.

XXVI.

In parochialibus Ecclesiis statis horis Missæ celebrentur, nemine quavis de causa expectato. Hoc est a Paschate usque ad festum S. Remigii, (ut explicatur *Statuto 8. Synodi 1671.*) hora festivi octava matutina. Et a die festo S. Remigii usque ad Pascha, hora nona. In aliis vero Ecclesiis, nempe annexis, probata servetur consuetudo.

XXVII.

Dato ultimo signo Missæ, statim sine mora Parochi illam inchoabunt, ne ex expectatione devotio populi refrigeret.

G g

XXVIII.

XXVIII.

Moneant diligenter & sæpe Pastores parochianos suos, ut statim initio Missæ adfint, neque ex Ecclesia ante finem discedant.

XXIX.

In posterum inter Missarum solemniam, vel alias, in Templo aut cimiterio promulgationes locationum & cæterorum hujusmodi nec faciant Parochi, nec ab aliis fieri patiantur; sed ea, absolute Divino Officio, loco publico fiant per designatum a Magistratu. Idem 1633. *Stat. 1. eodem Titulo.*

XXX.

Nulla deinceps fiat in parochialibus Ecclesiis Missarum fundatio sine nostra expressa licentia, ne novo servitio sine causa graventur.

XXXI.

Parochus quisque omnium Beneficiorum, Capellaniarum & Altarium in parochia sua sitorum & fundatorum notam faciat exactam, eamque intra sex menses ad Nos deferri curet.

XXXII.

Advertant Parochi in Ecclesiis suis, ac etiam inter visitandum Archipresbyteri, num qui Capellanas, seu fundata Altaria obtinent, fundationum oneribus satisfaciant; si quos negligentes compererint, ea de re Officiales nostros certiores reddant. Idem 1633. *Stat. 6. Tit. De Parochis & Divinis Officiis.*

XXXIII.

In unaquaque Ecclesia singulis Dominicis Anniversaria, quæ per hebdomadam proxime sequentem celebranda erunt, fidelibus denuntientur.

XXXIV.

Singuli Parochi Vesperas decantent hora solita omnibus diebus Dominicis & Festis, itemque diebus Sabbati, & saltem in vigiliis majorum Festorum. Qui secus fecerit, ab Archipresbyteris poena modo negligentia debita coerceatur. Idem 1633. *Stat. 2. Tit. De Parochis & Divinis Officiis, & 1679. Stat. 10. Oportandum esset, ut in locis, ubi id commode fieri potest, so-*

lemnioribus anni Festis matutinæ Preces, cum reliquis Officii partibus decantarentur.

XXXV.

Hortamur Parochianos, ut intersint vespertinis precibus singulis Dominicis ac Festis diebus, & maxime in pervigiis Festorum solemniorum.

XXXVI.

In Supplicationibus, Litanis, & Processionibus, quæ ex solemniori ritu Ecclesiæ instituantur, videant Parochi, ne quidpiam indecenter fiat, Inobedientes unius libræ ceræ multa, in usum Ecclesiæ, coerceant. Eidem pœnæ subjaceant chorifantes aut ludis vacantes tempore Divini Officii.

XXXVII.

Nulla posthac fiat ejusmodi supplicatio extra parochiæ fines. Excuriones enim illæ ad duo vel tria milliaria, suspicione & occasione scandali non carent: ut monet *Statut. 8. Synodi 1633. eodem Tit.*

XXXVIII.

Parochi reducant parochianos suos, nec, illis redeuntibus, remorentur in loco, ad quem eos processionaliter duxerunt.

XXXIX.

Confraternitates absque confirmatione Sanctæ Sedis, vel nostræ, de novo erigi prohibemus; ubi vero erectæ & nondum confirmatæ visuntur, ex iis designetur aliquis earum confirmationem a Nobis, vel a Vicariis nostris petiturus. In aliis omnibus teneantur uti regulis, quas in eum finem fieri curabimus, ubi tamen aliis a Sancta Sede confirmatis non utentur. Idem 1633. *Stat. 1. Tit. De Confraternitatibus.*

XL.

Die sancto Paschæ Crux Domini populis adoranda deinceps non proponatur; neque ullæ unquam Sanctorum Reliquiæ, quæ certa auctoritate non comprobantur.

TITULUS II.

De Sacramentis.

Cum in Ecclesia Dei nihil sanctius, & utilius sit Sacramentis, quæ ad humani generis salutem a Christo Domino instituta sunt; decernimus & ordinamus, sub pœnis juris, ut omnes Parochi; ad quos Sacramentorum administratio pertinet, receptos & approbatos Ecclesiæ ritus, in omni eorum administratione, juxta Rituale Metense, servent; omniaque verba, quæ ad illorum formam spectant, attente, distincte, & clara voce pronuntient; similiter & alias orationes & preces devote & religiose dicant, omnesque ceremonias decenter gravique actione peragant, ut astantes ad coelestium rerum cogitationem erigant, & attentos reddant. Item in quacumque diei ac noctis hora ad illa administranda vocentur, nullam officio suo præstando, præsertim si necessitas urgeat, moram interponant, antequam vero ea administrent, virtutem eorum, usum ac utilitatem, & ceremoniarum significationem, ut Concilium Tridentinum præscribit, diligenter explicant; & in illis conferendis semper superpelliceo & stola induantur.

TITULUS III.

De Baptismo.

I.

Nulli Parochò, seu obstetrici, aut alteri puerum domi baptizare, aut, quod ajunt; assecurare liceat, etiamsi sint pueri quorumcumque Nobilium, nisi adsit puero præsens periculum mortis, aut dubitetur, ne puer moriatur, antequam possit ad Ecclesiam baptisandus deportari. Idem 1633. Stat. 8. Tit. De Baptismo, & 1666. Art. 1. eodem Tit.

II.

Ubi Parochus alicujus pueri parentes diutius distulisse Baptismum animadverterit, graviter eos increpet. Et, si adhuc neglexerint, significet Nobis, ut huic malo remedium asserre possimus.

Tomus X. Concilior. German.

III.

Unctiones ne faciat intincto pollice, sed stylis seu bacillis ex stanno vel argento in eum usum comparatis, qui singuli in singulis Unctionum sacratum vasculis recondantur. Idem 1633. Stat. 2. eodem Tit.

IV.

Nomina barbara, vel incognita, vel paganorum in Baptismo non imponantur, sed Sanctorum, & eorum, præcipue qui a Christo nato extiterunt, ut Apostolorum, Martyrum, Confessorum, & Virginum, quo eorum, quorum nominibus insigniti fuerint, virtutes imitentur. Idem 1666. Art. 1. eodem Tit. ubi etiam prohibetur, ne imponantur nomina, quorum cum cognominibus conjunctio ridicula est.

V.

Ad suscipiendum non admittantur, qui rationis usum non habent, multo minus de hæresi suspecti. Excluduntur etiam ab hoc munere, qui præcipua Religionis mysteria ignorant in Synodo 1666. Art. 5. Tit. De Baptismo.

VI.

In Baptismo nemo compater sit, qui sacro Chrismate confirmatus non fuerit, proinde Parochi de hoc inquirere non omittant.

VII.

Parochus in sua parochia, & sacris Ordinibus initiatus in suæ Residentiæ, vel Beneficii loco pueros de sacro Fonte ne suscipiant; nunquam vero Monachus, vel Monialis ad hoc suscipiendi munus admittantur.

VIII.

Unus tantum sive vir, sive mulier, vel ad summum unus & una baptisatum de sacro Fonte suscipiant.

IX.

Obstetrices a Parochis Baptismi ritum edoceantur, ut infantes in mortis periculo constitutos possint baptizare.

X.

Quilibet Parochus librum habeat, in quo baptifatorum simul & parentum,

tum, susceptorūque nomina, nec non Baptismi diem & annum designet & annoret, ut ad Successoris manus integer deveniat. Idem 1633. Stat. 8.

In eodem libro dies natalitatis a Baptismi die accurate distinguatur.

TITULUS IV.

De Confirmatione.

I.

Ad Confirmationis Sacramentum suscipiendum eos, qui nondum illud susceperunt, hortentur & disponant Parochi, simulque moneant, Nos illud feria sexta Quatuor temporum, tam aestate, quam autumno, collatos iis, qui in decursu visitationum nostrarum non potuerunt confirmari. Similia 1633. Stat. 1. Tit. De Confirmatione.

II.

Non nisi jejuni, & confessi ad hoc Sacramentum accedant.

TITULUS V.

De Eucharistia.

I.

Hortentur Parochi suos subditos, ut ad Eucharistiae Sacramentum sapius accedant, quo vires animae recreantur, tanquam leones ignem spirantes efficiuntur diabolo terribiles, mens omnium spiritualium charismatum abundantia impinguatur, recolitur memoria Passionis Christi Domini, & futuræ gloriæ nobis pignus datur.

II.

Singulis saltem mensibus sacratissimum Eucharistiae Sacramentum renovetur, ac novarum Hostiarum consecratione peracta, veteres, & earum fragmenta a Sacerdote reverenter sumantur.

III.

Hortamur omnes Parochos & Scabinos, ut ante Venerabile Sacramentum curent suspendi lampadem die, nocturneque lucentem; nec de paupertate excusationem prætentant, cum pauperrimi Religiosi id præstent, & Deus, ut credimus & speramus, sit

aliunde remuneraturus hoc Religionis officium. Idem 1633. Stat. 27. eod. Tit.

IV.

Inhibemus omnium Ordinum Religiosis, curam animarum non habentibus, ne ulli Sacram Eucharistiam in Paschate, hoc est a die Palmarum usque ad Dominicam in Albis inclusive, administrare præsumant, nisi de expressa nostra, aut proprii Pastoris licentia, pro legitimis causis concedenda.

V.

Communicanti populo purificationis vinum non ex calice, sed ex scypho vel cratere in posterum, quacumque consuetudine non obstante detur. Idem 1633. Stat. 25. eodem Tit.

VI.

Non admittant prima vice ad Communionem, nisi quos prius de ejus fructu, ac Sacratissimi Sacramenti virtute ac dignitate instruxerint.

VII.

Decentissime ac summa veneratione asportetur Eucharistiae Sacramentum ad eos, qui ægritudine ad patriam anhelantes; viatico refici debent, & cupiunt, præcedentibus scilicet facibus & campanella, comitantibus aliquibus; & super expanso super illud tentorio, præsertim in hac & aliis hujus Diocesis Civitatibus, in quibus hæc commode possunt haberi.

VIII.

Comparetur in singulis Parochiis vas parvum, rotundum, argenteum, vel saltem eburneum, in quo decentius custodiatur Sanctissimum Sacramentum, & aservetur in Ecclesia, dum in ciborio asportatur ad infirmos, ut tunc ab introeuntibus in Templum adorari possit. Ubi huic Decreto nondum satisfactum est, ei fiat satis intra tres menses, sub poena gravissimæ animadversionis. Idem 1629. Stat. 2.

IX.

Portentur multæ Hostiæ simul ad ægros, ut postquam Sacram Communionem susceperint, aliquæ remaneant in ciborio, quas populus, obviam factus

factus Sacerdoti redeundi, possit adorare. Idem 1629. Stat. 3.

TITULUS VI.

De Pœnitentia.

I.

In singulis Parochiis unum saltem fiat confessionale, ut & hujus Sacramenti reverentiæ, & Sacerdotis simul & confitentium commoditati consulatur, omniaque fiant cum ordine & decenter. Nec noctu, nisi accensa lucerna, seu candela, confessiones, etiam in Ecclesia, audiantur. Idem 1633. Stat. 5. Tit. De Sacramento Pœnitentiæ, ubi & hæc subjunguntur: Nec alio modo Parochus eas excipiat, quam pileo quadrato, & superpelliceo indutus.

II.

Mandamus, ut omnes Christi fideles, saltem semel in anno, secundum sanctissimam Constitutionem, proprio Curato confiteantur, quod si quis hoc neglexerit, & in Paschate sacram Eucharistiam accipere contempserit, sic decedens Ecclesiastica careat sepultura, & vivus ab Ecclesiæ ingressu arceatur. Ipsorumque Curati Nobis rebelles hujusmodi scripto indicare tenebuntur, ut vel canonice puniantur, vel rubore suffusi salubriter respiciant. Idem præcipitur 1629. Stat. 1. & 1666. Art. 1. Tit. De Confessione & Communionem.

III.

Qui noluerit proprio Parocho confiteri in Paschate, petat ab eo, vel a Nobis facultatem, sine ulla difficultate a Parochis concedendam, conveniendi alium Sacerdotem a Nobis approbatum, a quo testimonium confessionis suo Parocho exhibendum accipiat. Alioquin ad sacram Communionem non admittatur, & contra eum tanquam non confessum procedatur. Hocque Decretum ipsi Parochi per dies Dominicos Quadragesimæ suis Parochianis sedulo & diligenter insinuent: quatenus sibi provideant, & ex ignorantia non peccent. Similia 1666. Art. 1. eodem Tit.

IV.

Tempore Paschatis tarde venientes, exhortentur Confessarii, ne amplius hebdomadam sanctam expectent ad confitendum, maxime si raro confiteri consueverint.

V.

Frequenter moneant populum Parochi, ut ad Pœnitentiæ Sacramentum, tanquam ad tutissimam salutis anchoram, quam sæpissime confugiant.

VI.

Simili modo eundem moneant populum, ut quoties aliquis ægrotaverit, Parochum advocet ad infirmum invisendum, quo tempestive Sacramenta necessaria ei administrare possit.

VII.

Prohibemus universis & singulis Parochis, & Sacerdotibus ad Confessiones audiendas deputatis, ne, sub pena suspensionis ab Ordine, ullo unquam tempore, quovis quesito prætextu, plures pueros septennes in confessione simul, sed seorsim singulos audiant; hortamurque in Domino, ut, quoniam omnium animarum sibi creditarum rationem in districto judicio sunt reddituri, eas ne negligant, neve sinant item pueros majores septennio sine confessione decedere, moneantque sedulo parentes, ut quando contigerit aliquem ex suis decumbere, mature Parochum advocent, ejus confessionem auditurum. Relinquimus autem discretioni, prudentiæ & conscientiæ Parochorum curam advertendi ex probabilibus conjecturis, aliquisne ex sibi commissis pueris, ante septennium discretionis usum habeat; quod si adverterint, ita se gerant cum eo, quem admodum cum iis, qui essent majores septennio. Idem 1633. Stat. 6. eod. Tit.

VIII.

In hac Diœcesi nullus Sacerdos, sive Sæcularis, sive Regularis, etiam alibi approbatus, absque nostra approbatione in scriptis obtenta, immiscere se audeat confessionibus audiendis, etiam puerorum, etiam in necessitate, quamdiu copia proprii Sacerdotis ha-

beri poterit; aut alterius approbati, etiam de consensu proprii Parochi, vel Archi presbyteri, nisi habeant ad hoc speciale mandatum. Idem 1604. Stat. 28. & 1629. Stat. 20.

IX.

Qui approbati fuerint ad confessiones audiendas, formam mandati seu licentiæ non excedant, si fuerit limitata certo loco, tempore, casibus vel personis.

X.

Ad januam Sacristiæ Ecclesiarum Collegiatarum, aut Conventualium habeatur catalogus Confessorum inibi approbatorum, si plures approbati fuerint.

XI.

In domibus privatis non audiant Confessores, cujuscumque conditionis existant, confessiones, nisi infirmorum; & si mulieres fuerint infirmæ, ostio cubiculi aperto.

XII.

Nemo verbo vel signo aliquid petat, pro confessionibus audiendis.

XIII.

Ubi pro pœnitentia injunxerint Confessores elemosynas, Missas, aut aliud simile, & ubi agatur de restitutione incertorum, vel commutatione votorum, nihil sibi, vel Ecclesiæ suæ applicent.

XIV.

Diligenter examinent pœniterentes, an contractus usurarios aut alios illicitos fecerint, & eo casu ante satisfactionem non absolvant. Ubi audierint peccatum restitutioni obnoxium, ne expectent finem confessionis, ad eam injungendam, ne forte interim obliuiscantur.

XV.

Eos, qui sæpe mutant Confessarios, graviter redarguant.

XVI.

Quantuscumque sit pœnitentium concursus, nunquam nisi integre confessi absolvantur.

De Casibus reservatis.

IN Synodo Metis congregata anno 1604. sexdecim casus Eminentissimus CÆSAR A LOTHARINGIA, Metensis Episcopus, sibi reservavit: viginti vero supra unum Illustrissimus & Reverendissimus MARTINUS MEURISSE, Madaurensis Episcopus, Metensis Ecclesiæ Suffraganeus, & Administrator generalis, in Synodo auctoritate Serenissimi Principis HENRICI BORBONII anno 1633. congregata. Nos vero eos tantum, qui post casus Summo Pontifici reservatos subiciuntur, Nobis reservavimus.

CASUS SUMMO PONTIFICI RESERVATI.

Et hi omnes habent annexam Censuram.

1. Exustio Templorum, nec non & domorum profanarum procurata, dum incendiarius est publice denuntiatus.

2. Simonia realis in Ordinibus & Beneficiis, & confidentia dummodo sit publica.

3. Occisio seu mutilatio membrorum cujuscumque in sacris Ordinibus constituti.

4. Percussio Episcopi, seu alterius Prælati.

5. Delatio armorum ad partes infidelium.

6. Falsificatio Bullarum, seu Litterarum Summi Pontificis.

CASUS RESERVATI D.D. EPISCOPO METENSI.

1. Maleficia, sortilegium & divinatio.

2. Confidentia & Simonia, etiam occultæ.

3. Homicidium voluntarium, ad quod procuracionem abortus, vel ante fœtus animationem, sicut & puerorum suffocationem revocamus.

4. Duellum & crimen eorum, qui duelli sunt quasimodo consortes.

5. Percussio Clerici in sacris Ordinibus constituti, Religiosi, professi, atque patris vel matris.

6. Sodomia & bestialitas.

7. In-

7. Incestus intra secundum gradum consanguinitatis aut affinitatis, concubitus Confessarii cum penitente, aut penitentis cum ipso, fornicatio tam ab iis, qui sacris Ordinibus sunt initiati, quam a personis Religionis voto astrictis, vel cum ipsis commissa, absolutio complicitis in peccato carnis tantum, raptus virginum atque mulierum honeste viventium, & Matrimonium clandestinum.

8. Usura publica.

9. Ebrietas Clericorum sacris Ordinibus initiatorum.

10. Caupona frequentatio.

Monita ad Confessarios.

MEMINERINT

1mo: **S**e literis, quibus fideles Diœcesis nostræ absolvendi potestatem ipsis impertimur, neque Monialium confessiones excipiendi, neque a casibus reservatis quemquam absolviendi facultatem accipere.

2do: Absolutionem negandam esse iis omnibus, qui odio habent proximum, & cum eo nolunt reconciliari, qui injuste ablata restituere, atque proximo læso satisfacere recusant, qui se a peccandi occasione sejungere renunt, quique necessaria ad salutem ignorant.

3tio: Differendam absolutionem iis, qui peccandi consuetudine sunt implicati, usque dum operibus se esse vere conversos probaverint.

4to: Pœnas satisfactorias peccatorum gravitati commensuratas injungere, & quæcumque Sancti Caroli Borromæi instructionibus ad Confessarios directis continentur, inter ministrandum Pœnitentiæ Sacramentum diligenter observare.

5to: Nullum peccatum reservari, nisi sit opere externo completum, vel a masculis post annum 14. vel a puelis post 12.

6to: Nullum casum Nobis reservatum esse pro ægrotis, quamdiu sunt in Xenodochiis, neque etiam pro mulieribus prægnantibus, quæ tribus leucis distant a loco, in quo residet ille,

cui facultas concessa est absolvendi a reservatis.

ADMONITIO SYNODI 1588. ad eosdem Confessarios.

In Confessionibus Sacramentaliter audientis, tantum Nobis persuademus esse momenti, ut nusquam alibi melius seminare, nec aliunde suæ villicationis Pastores fructus percipere possint majores aut certiores: nam ibi singulorum conscientia tam prudenter sunt examinanda, ut penitentes salutari pudore suffusi, inter confitendum peccata sua, percutiant sua pectora, fideleque consilium, monitiones ac pias objurgationes, quas a suis Pastoribus separatim atque sigillatim accipiunt, imis præcordiis recondant, gratia hujus Sacramentalis beneficio christianius victuri.

TITULUS VII.

De Extrema Unctione.

I.

Sacramenti Extremæ Unctionis efficaciam populum doceant Parochi, exhortenturque, ut, quando ex suis aliquis decumber, mature, juxta morem Christianorum, Parochum advo-cent, qui hoc Sacramentum ministret.

II.

Vasculis saltem stanneis sacras Unctiones conservent, non vero æneis, quæ rubiginem facile aut nidorem contrahunt.

III.

Vascula sacrarum Unctionum, ubi commode fieri poterit, extra tabernaculum, seu repositorium Sanctissimi Sacramenti, loco tuto & honesto conserventur.

IV.

Sacris Oleis unctionum, in singulis earum locellis Parochi in posterum, pro recepto more Diœcesis nostræ Metensis, gossipium substernant, non vero cannabem, stuppam, aut aliud quidpiam.

V.

In vascula sacrarum Unctionum, ter aut quater in anno, Pastores instillent unam aut alteram guttam olei olivarum,

varum, non autem alterius cujuscumque, ne frequenti usu exhauriantur.

TITULUS VIII.

De Ordine.

I.

Satisfacere cupientes Decreto Concilii Tridentini, in quo mandatur Episcopis, ut in suis Diocesium erigant Seminarie, ad institutionem Clericorum in disciplina Ecclesiastica, ut inde exeant boni operarii in vinea Domini, præcipimus & mandamus omnibus, qui ad sacros Ordines promovendi sunt, vel literas petunt dimissoriales, ut quisque repræsentet se ad examen coram Nobis, cum literis testimonialibus, & dispositionibus requisitis, specialiter cum veste talari, capillis modeste compositis, & corona capitis, ordini congruenti, ut postea approbatus vadat cum scripto ad Seminarium nostrum, in hac urbe Metensi apud Sacerdotes Congregationis Missionis, cum superpelliceo, bireto, & breviario, per exercitia spiritualia & doctrinam Ecclesiasticam, ad Ordinis susceptionem præparandus. Ibi maneat per novem menses integros, ut ad Subdiaconatum; tres ut ad Diaconatum; tres etiam ut ad Presbyteratum se præparet. Si quis inopiam causetur, ibi gratis provideri curabimus. Nisi vero Seminarium nostrum ingrediat, per dicta temporis spatia, quibus se ad sacros Ordines præparet, exerceendus modo supra explicato, ejus promotio ad aliam ordinationem differatur. Hortamur præterea omnes Parochos, Sacerdotes & Clericos, pro nostro in eos affectu, ut ad majorem emendationem morum, & in virtutibus progressum, identidem per dies aliquot, abjecta omni rerum temporalium cura, cœlestium & æternarum meditationi vacent, quod facile & majori suo commodo præstare poterunt in nostro Seminario, ubi magna cum charitate excipientur, & tractabuntur, & ut inde fiant magis idonei ad erudiendam plebem tum doctrinæ verbo, tum sanctimonix exemplo.

II.

Nemo ex Diocesanis nostris ad examen accedat, nisi Parochi sui saltem testimonium in scriptis habeat de natalibus, ætate & moribus. Et, si Sacris iniciandus fuerit, etiam de beneficio, pensione, vel patrimonio, & eorum valore, ab ipso Parocho & Archipresbytero. Testimonia autem in literis rite obsignata contineantur. Ipsi vero Sacris ordinandi juramento firmabunt, se nullam pactionem vel promissionem fecisse de retrocedendis Beneficiis, pensionibus, seu aliis bonis pro titulo patrimonii sibi assignatis. Neve fraus ulla circa hujusmodi pensionum aut patrimonii assignationem committi possit, literæ ipsius assignationis ante ordinationem in Ecclesia parochiali, in cujus territorio bona ipsa sita sint, die Dominico inter Missarum solemnias publicentur a Parocho, qui publicationis ipsius fidem in scriptis faciat, quam ordinandus ipse Nobis exhibere teneatur.

III.

Qui sub titulo alicujus Beneficii aut patrimonii ad sacros Ordines promotus fuerit, hujusmodi Beneficio aut patrimonio nullo modo cedere queat, nisi facta mentione, quod ad illius Beneficii aut patrimonii titulum sit promotus. Neque ea resignatio aut cessio admittatur, nisi prius constet, quod aliunde habeat, unde commode vivere possit.

IV.

Literæ dimissoriae ad Ordines nemini concedentur, nisi debite examinatus, & pro Ordinum, ad quos dimittendus fuerit, qualitate idoneus reperiat.

V.

Interstitia a sacro Concilio Tridentino præscripta servabuntur.

VI.

Minorum Ordinum exercitia, quoad fieri poterit, in hac Diocesi restituantur.

VII.

Sacros Ordines suscepturi, quoniam in Missa ordinationis Eucharistiam sumpturi sunt, prius confiteri debent,

bebunt, Clericali vero tonsura, ac minoribus Ordinibus initiandi, ut idem præsent, & optamus & hortamur.

TITULUS IX.

De Matrimonio.

Antequam Matrimonium contrahatur, ter a proprio contrahentium Parocho, tribus continuis diebus festivis, in Ecclesia, inter Missarum solemnia, publice denuntietur, inter quos Matrimonium sit contrahendum. Idem 1666. *Art. 2. Tit. De Matrimonio.*

II.

Matrimonio jungendos Parochi severe admonent, ne, post Sponsalia de futuro in iisdem ædibus degere incipiant, ante Matrimonium contractum: neve ita se gerere audeant, ac si per verba de præsentì contraxissent, si secus a quopiam factum fuerit; prohibetur Parochus eorum adesse Matrimoniis, ante pœnitentiam peractam. Idem 1633. *Stat. 10. eod. Tit.*

III.

Denuntiationes a Parochis ne fiant, nisi de expressâ eorum, qui contracturi sunt, voluntate.

IV.

Denuntiationes minorum ne fiant, antequam certus sit Parochus de parentum, Tutorum & Curatorum consensu.

V.

Famuli & famulæ, quorum parentes vivunt, curabunt, ut bannorum suorum denuntiationes fiant in parochia, quam habitant parentes, qui vero parentibus orbati sunt, in parochia, in qua trium continuorum mensium spatio manserunt, ea tamen lege, ut sistant se coram Parocho loci, quem actu incolunt, Benedictionem nuptialem ab eo-recepturi.

VI.

Statim atque factæ fuerint illæ denuntiationes, Parochi Archi-presbyteris, Archi-presbyteri vero Nobis, intra duos menses, testimonium in scriptis consignare teneantur, sub pœna

Tomus X. Concilior. German.

arbitratu nostro negligentibus infligenda.

VII.

Omnibus autem Matrimonii denuntiationibus absolutis, si Matrimonium ipsum absque legitima causa, intra duorum mensium spatium, non contrahatur, Parochus Sponfos Matrimonio ne jungat, antequam ejusdem Matrimonii denuntiationes rursus factæ sint.

VIII.

Eodem die, quò postrema fiet Matrimonii denuntiatio, Matrimonium absque nostra licentia minime celebretur: nisi is novissimus sit dies ante Quadragesimæ, aut Adventus initium.

IX.

Prohibitum est omnibus & singulis Parochis, ne ullos ad Sacramentum Matrimonii admittant, qui non sciant Orationem Dominicam, Salutationem Angelicam, Symbolum Apostolorum, præcepta Dei & Sanctæ Matris Ecclesiæ, numerumque Sacramentorum. Idem 1633. *Stat. 9. eodem Tit.*

X.

Affinitas per fornicationem contracta, ultra secundum gradum, Matrimonium postea contractum deinceps non dirimat.

XI.

Publicæ honestatis impedimentum jam nullum extet, si Sponsalia invalida præcesserint: si vero valida fuerint, primum gradum non excedat.

XII.

Cognitionis spiritualis impedimentum inter suscipientem ac susceptum, susceptique patrem & matrem. Rursusque inter baptisantem & baptisatum, baptisatque patrem & matrem tantummodo, & non ulterius, locum habeat.

XIII.

Qui autem accedunt ad Sacramentum Matrimonii, si fieri potest, sint confirmati ab Episcopo, & confessi apud proprium Sacerdotem necessario, aut apud alterum, ex proprii Pastoris licentia.

XIV.

A nemine præter Parochum alterutrius partis contrahentium, vel eum, qui a Nobis, vel ab ipso Parocho licentiam accipit, fiat Benedictio nuptialis. Quod si quis Parochus, vel alius Sacerdos, sive Regularis sive secularis sit, etiam si id sibi ex privilegio, vel immemorabili consuetudine licere contendat, alterius parochiæ Sponsos Matrimonio conjungere, aut benedicere ausus fuerit, ipso jure suspensus maneat: a qua censura non nisi a Nobis, vel a Vicariis nostris Generalibus poterit absolvi.

XV.

Caveant Parochi, ne vagos Matrimonio jungant, nisi forte de mandato nostro expresso, & scriptis edito.

XVI.

Caveant, ne alienæ parochiæ Sponsus, Sponsamve Matrimonio jungant, antequam ab illius, qui intra parochiæ suæ fines non habitat, Parocho scriptum acceperint fidem faciens denuntiationum aut factarum, aut voluntate Ordinarii remissarum, nullumque legitimum impedimentum fuisse significatum, quominus rite contrahi liceat.

XVII.

Vidux Matrimonio non jungantur, nisi prius de mariti morte constet, neque etiam partes, quarum una Religionem Catholicam, altera vero hæresim profitetur, aut professæ est, quoties poterit dubium suboriri, tam de hæresis derelictione, quam ab eadem absolutione.

XVIII.

Nullus peregrinus & extraneus parochianus ullius loci censetur, ante saltem sex continuorum mensium commorationem. Nullus vero miles sine nostra licentia Matrimonio jungatur, idque prævia diligenti inquisitione de ejus vita, moribus, religione, patria, & loco, in quo postrema fuit commoratus. Si alteruter contrahentium est alienæ Diocesis, testimonia, quæ exhibebit, Episcopi, cujus est, sigillo sint munita.

XIX.

Neque ante Solis ortum, neque etiam post ejus occasum Matrimonia celebrentur, & nunquam extra parochialem Ecclesiam alterutrius contrahentium.

XX.

Ne Archi-Presbyteri aut Parochi literas deliberatorias Extra-Diocesanas pro Matrimonio contrahendo dare præsumant: sed eos ad Nos, ut moris est, remittant. Neve super denuntiationibus bannorum, aut aliqua earum dispensent, quocumque prætextu.

XXI.

Habeant Parochi librum aliquem penes se, quem ad Successorem transmittant, in quo eorum nomina, qui Matrimonia contrahunt, eorumque parentum, testamentumque designent, annotentque tempus, & an præmissæ sint tres denuntiationes, an vero omissæ ex dispensatione nostra, aut Vicarii nostri. Item sintne in aliquo gradu consanguinitatis vel affinitatis cujuscumque, & cujus dispensatione contraxerint: eorum transumptum singulis annis ad Nos mittant, tradantque Vicario nostro Generali. Idem 1633. Stat. 11. & 12.

XXII.

Postridie Nuptiarum nihil indecens fiat, nihil fidele, nihil leve in Ecclesia fiat sub poena unius libræ ceræ, in usum Ecclesiæ solvendæ a contraveniente. Idem 1604.

XXIII.

Neutri conjugum liceat ab altero, etiam quoad thorum, discedere, nisi ex causa legitima, prius a Nobis, vel ab Officialibus nostris approbata. Quod si eas quoad thorum, vel etiam cohabitationem separari contigerit; sciant nihilominus neutri eorum licere ad novum Matrimonium convolare. Si autem concubinam vir alere compariatur, vel uxor adulterum, nisi ter moniti respuerint, excommunicentur, & si nihilominus perseveraverint, penis severissimis coerceantur.

XXIV.

XXIV.

Et quoniam plerumque, levibus etiam ex causis, maritus ab uxore, & hæc ab illo sua sponte separantur: Pastores sæpius & accurate tam seorsim, quam conjunctim, & adhibitis, si opus sit, testibus, illos admonebunt talem separationem non fieri sine contumelia Sacramenti, & ejus Institutoris Dei: sic separatos indignos esse, nisi reconcilientur, Communione Sacrosanctæ Eucharistiæ, quæ charitatis & unionis est Sacramentum. In hoc autem pium pacis ac reconciliationis studium Pastores incumbant ante sanctam Quadragesimam, aut saltem initio Quadragesimæ: neque negotium illud rejiciant ad biduum aut triduum ante Pascha, quo maxime tempore Judices spirituales aliis in rebus gravissimis occupantur.

TITULUS X.

De vita & honestate Clericorum.

MONITIO I.

Monemus igitur vos, Fratres & Filii in Christo charissimi, ut perpetuo vocationis, qua vos dignatus est Dominus noster JESUS CHRISTUS decorare, memores sitis; & ea recordatione excitati sic curetis mores, vitam conversationemque vestram componere, ut omnibus fidelibus exhibeatis vos speculum sine ruga & macula, in quo quidem se speculantes, normam & exemplum sanctimonix accipiant & imitentur. Estis enim Mundi lumina; & si lumen ipsum avaritiæ, aut lasciviæ nocte tenebrescat, quantæ ex isto tenebroso luminis exemplo in toto Ecclesiæ corpore tenebræ inesse videbuntur; eam ergo vos virtutem induite, ut videant alii vestram sanctitatem elucere, quæ si magna in quolibet Christiano requiritur, certe in vobis, qui Mysteriorum Dei, Divinæque gratiæ dispensatores estis, major esse debet & præstantior.

MONITIO II.

Celestem in terris vitam, tanquam Angeli Dei, degite; & si quid temporis ab Ecclesiasticis vestris functionibus vacuum habetis, non in otio, ne-

Tomus X. Concilior. German.

que in desidia, neque in rerum inutilium curiositatibus illud conterite, sed in orationibus, in lectione librorum spiritualium, aliisque piis exercitationibus totum impendite.

MONITIO III.

Sit vester oculorum aspectus simplex & pudicus, aurium sensus castus & prudens, casta mens, vita, mores, atque conversatio casta, atque spiritualis.

I.

Sint omnes Clerici graves & modesti, eorumque sermones, actiones, incessus, vultus, & oculi, nihil leve, vanum aut vagum redoleant. Idem anno 1629. *Stat. 13.*

II.

In vestibus nihil indecorum, nullus color contra receptum Ecclesiasticum morem, nihil leve aut vanum appareat in toto vestimento, nihilque, quod modestiam Ecclesiasticam non redoleat.

III.

Ferant collaria simplicia, parva, & ad collum honeste reclinata.

IV.

Deferant omnes Clerici beneficiati vel in Sacris constituti habitum Clericalem, id est vestimenta nigri coloris, habeantque duas tunicas, unam talarem, cum qua Divina perfolvant Officia, & aliam ruralem, non tamen nimis brevem & curtam, sed ad medietatem tibiæ usque protensam, qua semper & ubique induantur. Quicumque Sacerdos celebraverit, vel alius Beneficiatus Divina Officia perfolverit sine toga talari, mulctetur irremissibiliter ab Officiali nostro. Eidem pænæ suberit omnis Clericus in Sacris constitutus, qui sine aliqua toga domo exire præsumperit. Idem anno 1671. *Stat. 1. & 1679. Statutus 1. & 2. Similia anno 1604. Statutus 42. & 43.*

V.

Præcipimus nihilominus omnibus tam sacris Ordinibus initiatis, quam Beneficia obtinentibus, in urbe commorantibus, ut vestem talarem, non-

H h 2

nisi

nisi itineris faciendi causa, deponant. Hoc jam in Synodo congregata anno 1666. *Art. 2. Tit. De viris Ecclesiasticis*, statutum fuerat, de omnibus, tam ruri, quam in urbe commorantibus, sed cum ruri vix nonnunquam id possit observari, idcirco Clericos sacris Ordinibus initiatos, aut Beneficia obtinentes, qui ruri manent, ad vestem talarum, semper & ubique, quoad fieri poterit, deferendam hortari satis esse visum fuit.

VI.

Gestent omnes crines ad modum compositos, non longos, neque calamitrosos: deferantque omnes tonsuram Clericalem, quam vocant coronam. Idem 1671. *Stat. 1. Similia 1629. Stat. 13.*

VII.

Quemadmodum non decet eos, qui in sortem Domini allekti sunt, vanitates vestimentorum, & novitates sectari: ita etiam convenit eosdem honeste vestiri. Ne, quod inde facile evenire solet, in causa sint, ne a populis vituperetur eorum ministerium; si quem ergo ex Parochis, cæterisque Sacerdotibus aut Clericis viderint Archi-Presbyteri sordidius vestitum, eum primo arguant & increpent, non obediens vero deferant ad Officiales nostros castigandum. Idem anno 1633. *Stat. 4. eodem Tit.*

VIII.

Prohibemus, ne quis ex Sacerdotibus, vel Clericis sclopetos vel catapultas unquam deferat, vel cum iis venationi vacet, Archi-Presbyteri autem deferant non obedientes, ut omni excusatione remota castigentur. Idem anno 1633. *Stat. 18. eod. Tit. & similia 1697. Stat. 5.*

IX.

Nemo, militans Deo implicet se negotiis secularibus, inquit Apostolus, quod tamen minus observatum, a quibusdam ex hac Diocesi Sacerdotibus audivimus, qui familias amplas, servos, ancillas detinent, & multa, nescio quo prætextu, pecora pascunt: idem ne de cætero fiat sub pœnis gravibus arbitrato nostro, vel Officialium nostro-

rum imponendis severe prohibemus, volumusque, ut singuli Archi-Presbyteri non obedientes statim ad eosdem Officiales deferant. Idem anno 1633. *Stat. 13. eod. Tit. & 1679. Stat. 6.*

X.

Aliena prædia lucris causa ne conducant Clerici, neve alienam tutelam aut curam, sine nostra expressa licentia suscipiant, nec pro aliis fide jubeant. Similia 1679. *Stat. 6.*

XI.

Prohibemus omnibus & singulis Sacerdotibus in hac nostra Diocesi consistentibus, ne unquam Procuratores aut Oeconomos ullorum Laicorum, quacumque dignitate fulgeant, agant, neve iis (sic enim recta ratio & dignitas Sacerdotalis postulat) interviant. Idem 1633. *Stat. 15. eod. Tit.*

XII.

Si quis in sacris Ordinibus constitutus, aut Beneficiatus, compertus fuerit usuram exercuisse, sive nomine proprio, sive alieno, juxta Nicæni Concilii sententiam, a Clero dejiciatur, & ab Ecclesiastico gradu alienus habeatur.

XIII.

Choreas neque publicas, neque privatas spectent, Prophanis spectaculis, neque etiam minus honestis conviviis intersint, neve turpes personas ad convivandum apud se convocent. Ebrietatem omnino effugiant, neque alios ad immoderate bibendum provocent.

XIV.

Tabernas & cauponas, nisi in itinere constituti, ne ingrediantur, sub pœna arbitrio nostro, vel Officialium nostrorum imponenda. Idem 1604. *Stat. 46. 1629. Stat. 15. 1666. Art. 4. eodem Titulo. 1671. Stat. 1. & 1679. Stat. 3.*

XV.

Si quis, quod Deus avertat, status sui oblitus cum scandalo, & summa offensione populi Christiani immoderate biberit, & ipsum ebrium esse constiterit, citetur & ab Officiali nostro, jejunio, eleemosynis & aliis pœnis mulctetur.

XVI.

XVI.

Quoniam eos, qui in fortem Domini vocati sunt, & Sancta tractare debent, non solum crimine incontinentiæ, sed ejus etiam suspitione carere oportet, re multum discussa & deliberata, universis & singulis Clericis beneficiatis, vel in sacris Ordinibus constitutis, districte præcipiendo interdici-mus, ne prætextu servitii, mulierculas ullas ætate aut forma suspectas teneant: sed si quas ancillas habuerint, sint illæ saltem quinquagenariæ. Nec ullo modo de incontinentia, & lenocinio suspectæ. Quod si qui forte juniores aut suspectas jam habeant, eas protinus abjiciant, aliis poenis a sacro Concilio Tridentino contra concubinariorum latis omnino subjaceant, ad cujus Decreti severam executionem omnibus & singulis Archi-Presbyteris mandamus, ut studiose ac serio invigilent, & si quos ex sui districtus Ecclesiasticis contravenientes resciverint, eos protenus ad Nos deferant, quibus etiam præcipimus, ut serio & absque illa personarum acceptione, inobedientes præfatis poenis plecti curent. Quod si ad hoc Archi-Presbyteri negligentes fuerint, ipsimet tanquam peccantium fautores, arbitraria poena mulcentur. Eo ipso vero hac in parte negligentes fuisse & esse censeantur, si quis ex sui Archi-Presbyteratus Ecclesiasticis ab alio, priusquam ab ipsis delatus fuerit.

Nota in Concilio Metensi circa finem Sæculi noni coactio, prohibitum esse *Canone 5to*: Ne Sacerdotes ullam in suis ædibus scemiam, ne quidem fororibus, vel etiam matribus exceptis, haberent. In Synodo vero Metis congregata anno 1604. *Statuto 49*. Viris Ecclesiasticis concessum est, ut eorum matres, sorores & neptes, & nullæ aliæ cum ipsis habitare possent.

XVII.

Statuimus, ut si quis eo impudentiæ devenerit, ut mulierem sibi inservientem ad nundinas, convivias, nuptias, cauponasque, vel alia quævis loca publica duxerit, vel in sui ipsius ædibus cum aliis fecerit mensæ assidere, ab Archi-Presbytero statim ad Nos de-

feratur. Idem anno 1633. *Stat. II. Tit. eod.* & similia 1679. *Stat. 4.*

XVIII.

Si quis ea unquam abusus deprehendatur, quam falso asseruerit suam seu sororem, seu neptem aut cognatam, in quocumque gradu, poenis contra incestuosos ex rigore Canonum statutis puniatur.

XIX.

Prohibemus omnibus & singulis Parochis, Vicariis, Religiosis, Capellanis & Clericis nostræ Diocesis Metensis, ne unquam in suas ædes admittant, aut recipiant ullas cujusvis Ordinis Moniales, seu Religiosas; præcipimusque Archi-Presbyteris ejusdem Diocesis, quatenus sedulo & studiose curent hanc nostram Constitutionem executioni demandari.

TITULUS XI.

De Archi-Presbyteris.

I.

Quoties continget Archi-Presbyterum aliquem e vivis cedere, omnes Parochi illius Capituli legitime moneantur a Procuratore Capituli ruralis, quatenus data die simul conveniant ad alium illi substituendum, una vero congregati, præmissa Missa de Spiritu Sancto, Dei timorem præ oculis habentes, ex Parochis eum eligant in Archi-Presbyterum, qui vitæ probitate & scientia cæteris præluceat, quique morum gravitate, sermone, & exhortationibus cæteros in officio continere possit. Illud autem maxime caveant, ne quem impudiciæ suspectum assumant. Idem 1604. *Stat. 104.*

II.

Electionem factam Superioribus, ut moris est, repræsentent & personam, quo ab iis, juxta sacras Constitutiones, discussio diligens & exacta super moribus & doctrina electi fieri possit. Idem 1633. *Stat. 2. eod. Tit.*

III.

Archi-Presbytero, ut par est, confirmato, Parochi obediant, alias castigandi

gandi pro meritis ab Officialibus. Idem
1633. *Stat. 4. eodem Tit.*

IV.

Postquam ab Archi-Diacono approbatus fuerit, non etiam conveniet, quisquis ille fuerit Archi-Presbyter, nostram benedictionem accepturus, & quod illi a Nobis, sive super nostra visitatione, sive super emendatione & reformatione sui Capituli intimandum & significandum videbitur, auditurus.

V.

Sciant Archi-Presbyteri se ideo illis Presbyteris esse Prælatos, ut eorum saluti Nobiscum invigilent; utque eorum mores, actiones, verba, immo & omissiones, quo viciniore illis sunt, diligentius observent, ac delinquentes ad Nos, aut Officiales nostros deferant. Idcirco officii sui memores caveant, ne delinquentibus ipsis ullo pacto, ullove prætextu conniveant: sed si quis ex Parochis, aliisque subditis suis adversus Decreta hæc nostra, vel eorum aliquid aut egerit, aut agere omiserit, eum omnino deferant, alias negligentiae pœnas arbitrarias luant: cujus negligentiae, immo potius conniventiae toties rei habeantur, quoties ab alio aliquo, priusquam ab ipsis, criminosos deferri, & crimina probari contigerit.

VI.

Mandamus Archi-Presbyteris, ut, his saltem in anno, singulis scilicet bimestribus, ad Nos rescribant, & de eorundem suorum Capitulorum statu Nos certiores reddant.

VII.

Penes se habeant Archi-Presbyteri registrum, in quo Parochorum, Capellanorum, omniumque Sacerdotum in suo Archipresbyteratu consistentium nomina descripta sint, annoteturque, quibus Ecclesiis & Beneficiis præsent vel inserviant, a quibus ea obtineant, vel approbati sint ad iis inserviendum aut confessiones audiendum: neque liceat cuiquam, quocumque prætextu, Beneficiis ullis inservire quoquo modo, priusquam nomen suum Archi-Presbytero dederit, inscriptusque fuerit in ejus catalogo. Idem 1633. *Stat. 5. eodem Tit.*

VIII.

Visitent singulis annis & lustrent sibi subditas Parochias Archi-Presbyteri, comitante Procuratore Capituli, vel alio, quem elegerint, idoneo & perito Sacerdote, inquirantque diligenter de vita & moribus subditorum, ac advertant sedulo, num aliquid desit Ecclesiis, & illud statim suppleri curent. Item num omissa vel neglecta fuerint, quæ in visitatione nostra ordinavimus, ut illa executioni demandari studeant.

IX.

Agant Archi-Presbyteri serio tam cum Parochis, quam cum Scabinis, atque aliis piis viris cujuscumque loci, ut fractæ, quæ passim occurrunt, crucis restituantur, & in locis celebrioribus novæ defigantur. Idem 1633. *Stat. 7. eodem Tit.*

X.

Nullum jurisdictionis a nostra auctoritate dependentis actum, quacunque causa vel occasione exercent, sub pœna depositionis, & gravioris ulterius correctionis.

XI.

Inquirant Archi-Presbyteri sedulo, an Fabricarum, Hospitalium, & locorum piorum redditus in alios usus, quam debeant, convertantur: si quem ab usum repererint, ad Officiales deferant, qui reliquam pecuniam in locorum reparaciones, vel ornamenta converti curent.

XII.

Si qua sacra loca belli vel temporis injuria diruta reperiantur, curent Archi-Presbyteri eorum statum, situm, nuncupaciones, bonæ redditus, & onera notare, Nobisque quamprimum, saltem intra tres menses, significare, ut de translatione Beneficiorum simplicium in iis locis existentium decernamus, & contra illicitos bonorum Ecclesiasticorum detentores procedamus.

XIII.

Præcipimus Archi-Presbyteris, & eorum singulis, quatenus in suo quisque Archi-Presbyteratu quoties & quam-

quamprimum Curatorum aut Vicariorum aliquem e vivis excedere contigerit, statim & infra spatium viginti quatuor horarum diligentissime curent certos & indubitatos Nuntios ad Nos, vel Vicarios destinare & mittere, qui illius obitum & decessum Nobis, vel Vicariis Generalibus veniant intimare & notificare, ne quid in præjudicium ipsius Ecclesiæ Parochialis, aut jurium nostrorum, vel ad alios spectantium, ex defuncti morte fieri & attentari possit.

XIV.

Singuli Archi-Presbyteri significant tempus, quo celebraturi sunt sua Capitula ruralia, ut, dum vacarit, eis adesse possimus.

XV.

Singulis annis, die Mercurii, qui proxime sequetur quindenam Paschalem, veniant omnes Archi-Presbyteri in hanc Civitatem Merensem, sacras Unctiones petitori, secumque deferant Acta visitationis, quam supra decrevimus quotannis in unoquoque Archi-Presbyteratu diligenter ac sedulo ab omnibus Archi-Presbyteris fieri. Si vero ægitudine aut alio impedimento legitimo detineatur Archi-Presbyterorum quispiam, veniat ejus vice Capituli ruralis Procurator, eademque visitationis acta, quæ ipsi ab Archi-Presbytero committentur, Nobis afferat.

TITULUS XII.

De Capitulo rurali.

I.

Singulis annis fiat Capitulum rurale, a quo nemo absit sine causa legitima, eaque Archi-Presbytero probata. Idem 1633. Stat. 1. Tit. De Capitulo rurali.

II.

In Ecclesiis, ad quas ex antiquo convenire solent Parochi celebraturi suum Capitulum rurale, a Collatoribus, Scabinis vel Parochianis tot Altaria decenter instruantur, totque sacræ vestes & ornamenta Missæ necessaria parentur, ut singuli Parochi Missam dicere possint: hoc nisi factum fuerit,

liberum sit Archi-Presbytero & Parochis aliam Ecclesiam sibi bene visam commodam eligere, & ad eam convenire. Idem 1633. Stat. 4. eodem Tit.

III.

In Ecclesia suo quisque loco se deat, cum gravitate & modestia, superpelliceo indurus decenter, cum pileo quadrato, & tonsura Clericali, quam coronam vocant. Nemo ex Ecclesia discedat, absque Archi-Presbyteri licentia, & ut omnes bini & bini in Ecclesiam convenire debuerunt, sequente Archi-Presbytero, ita & egrediantur eodem ordine, subsequente Archi-Presbytero, qui stolam deferet. Idem 1633. Stat. 5. eod. Tit.

IV.

In Missa cantent omnes modeste, præeuntibus Cantoribus, nemo nimium festinet. In celebranda item Missa, quam omnes, ubi commode fieri poterit, celebrabunt, is ordo servetur, quem designaverit Archi-Presbyter ex scripto affixo loco conspicuo Ecclesiæ. Similia 1633. Stat. 3. eod. Tit.

V.

Convocatis omnibus, deferat unusquisque suas difficultates in scriptis ad Archi-Presbyterum, isque illas, quæ erunt gravioris momenti, referat ad Superiores. Similia 1633. Stat. 7. eodem Tit.

VI.

Liceat unicuique, servata modestia, si quid habeat, quod correctione vel mutatione egeat, illud proponere, neque ullam inde timeat sibi constandam invidiam. Similia 1633. Stat. 7. eod. Tit.

VII.

Quod propositum erit, si tale sit, quod expediri possit, exemplo illud ex consilio Capituli, vel peritorum expediatur. Si vero res maturiori examine egeat, eam referant ad Superiores, quodque si desinierint, exequantur.

VIII.

Librum habeat Archi-Presbyter, in quo statim describi curet resolutiones, monitionesque factas, ut supra dictum

dictum est, suoque signo & Procuratoris sui, item & Secretarii, quem elegerit, totum roboret & confirmet. Idem 1633. *Stat. 8. eodem Tit.*

IX.

Novos Parochos ne sumptibus gravent in ingressu Capitulares, neve ab iis aliquid ultra decem francos exigant, ubi haftenus consuevit aliquid exigi, ubi tamen ea consuetudo non fuit, nihil omnino exigatur.

X.

Affidente mensæ Archi-Presbytero, omnes affideant, surgente surgant, nemo ad æquales hauitus provocet focium, vel importunis sermonibus lectorem impediatur aut astantes. Similia 1633. *Stat. 6. eod. Tit.*

XI.

Caveant diligenter Parochi, ne, quo tempore ipsi in unum convenientes debent efficacius ad virtutem populis præbere exemplum, ruinæ anam præbeant. Longe ergo absint omnes crapulæ, ebrietates, discordiæ contentiones; inter convivandum sit unus semper Lector, qui toto prandio selecta aliquot ex sacris Literis capita, alta & intelligibili voce legat, quem nemo inturbet. Similia 1633. *Stat. 6. eod. Tit.*

XII.

Omnibus exacte consideratis, absolutisque omnibus, dimittat omnes Parochos in pace Archi-Presbyter; neque cuiquam ante dimissionem exire liceat. Data & accepta exeundi licentia, recedant unusquisque in suas Parochias.

TITULUS XIII.

De Procuratoribus Capituli.

I.

Is eligatur, qui & scientia & vitæ probitate polleat, prudentiaque in negotiis administrandis valeat. Idem 1633. *Stat. 3. Tit. De Procuratoribus Capituli.*

II.

Procuratores Archi-Presbytero adfint industria, opera, diligentia, & si

quid advertant, mutandum aut corrigendum, illud statim deferant Archi-Presbytero, ut mature scandalis occurratur. Idem 1633. *Stat. 1. eod. Tit.*

III.

Quas ex antiqua consuetudine solvunt in ingressu Parochi pecunias, in communem usum recipiat Procurator Capituli, earumque rationem coram omnibus, qui interesse voluerint, reddat; viderintque Archi-Presbyteri, ne superfluis sumptibus consumant, quod pro necessitatibus reservatum oportuit.

IV.

Si quid pecuniæ in commune conferatur & ipsi administrent Procuratores, id fideliter faciant; singulis annis in Capitulo rationem reddant coram Archi-presbytero & Parochis assistantibus. Idem 1633. *Stat. 2. eodem Tit.*

TITULUS XIV.

De Parochis, Vicariis, & Sacellanis: ubi etiam de aliis Beneficia obtinentibus.

I.

Universum monemus in Domino, ac præcipimus, ut omnes & singuli Metensis Diœcesis Pastores pastoralis suæ dignitati, quæ gravissimum onus habet adjunctum, quantum in ipsis est, studeant respondere. Hanc autem perfectionis metam is solus attinget, qui talem se se primum vitæ purioris exemplo, deinde Catholica verbi Dei prædicatione exhibuerit, ut totus Pastor, tam interior, quam exterior, nihil aliud videri possit, quam doctrina & efficax institutio ovium curæ suæ commissarum.

II.

Parochi, Canonici Nobis subditi, & alii Beneficiati ad residentiam obligati in Canonicatibus, Ecclesiis, Parochiis & Beneficiis suis omnino resideant, Officiisque Divinis sedulo intersint, alioqui poenas a Sacrosancto Tridentino Concilio sancitas se noverint incursum. Ut autem hoc Decretum debitæ facilius executioni, mandetur, statuiamus, ut in Collegiis hujus Diœcesis Eccle-

Ecclesiis, ab earum Capitulis, singulis sex mensibus, absentium nomina & cognomina, & Beneficiorum ab iis obtentorum qualitates Nobis scripto intimentur. Archi-Presbyteri vero idem faciant de Parochiis, & aliis Beneficiariis intra districtus suos ad residentiam obligatis.

III.

Nemini Beneficiato, etiam studiorum causa, nisi de nostra licentia, a Beneficio residentiam requirente abesse liceat.

IV.

Severe prohibemus, statuimusque, ut in posterum nullus vestrum, nisi ob aliquam urgentem necessitatem, e parochia decumbat, neque ab illa post triduum, absque nostra in scriptis licentia, discedere præsumat. Et, si reperiatur quispiam in hac urbe inutilis, per plateas deambulans, diligentia Promotoris ad Officiale miteretur, pro hac absentia prohibita puniendus irremissibiliter.

V.

Per se ipsos deserviant propriis parochiis, & nullos suo loco sufficiant, ut aliorum Curatorum parochias administrent.

VI.

Diebus Dominicis, finita concione, quam in Missa ad populum habere debent, Orationem Dominicam, Salutationem Angelicam, fidei Symbolum, Decalogum, & Ecclesiæ præcepta, per se aut per puerum aliquem, clare, aperte & distincte proferant ac recitent, ut hoc saltem modo rudiores ea sic repetita discere valeant.

VII.

Omnes parochialium Ecclesiarum Rectores, singulis diebus Dominicis, a vespere per horam Catechismum doceant familiariter. Pueros item formare signum Crucis; curentque, ut singuli ex sibi subditis sciant ea omnia, quæ Christianos scire necesse est, Orationem Dominicam, Salutationem Angelicam, Symbolum Apostolorum, præcepta Dei & Ecclesiæ, Sacramenta eorumque numerum, præcipua Mysteria Religionis Christianæ. Neque

Tomus X. Concilior. German.

contenti sint in solis Ecclesiis matricibus id præstare, sed etiam in annexis, ut vocant, seu Capellis sibi subditis, bis saltem singulis mensibus, eandem navent operam. Idem 1604. *Stat. 37.*

VIII.

Stricte mandamus omnibus Parochiis, ut in posterum suis annexis per se ipsos inserviant, nisi in casu necessitatis, & de nostra licentia super hoc dispensentur, alias ab eorum matre Ecclesia quamprimum rescabuntur, ut alteri uniantur.

IX.

Parochi populum sibi commissum ad leges Ecclesiasticas accurate & pie observandas hortentur sæpe, at novas ne adinveniant, neve ad illas populum obligare præsumant. Idem 1588.

X.

Crebris cohortationibus in id maxime incumbant, ut populus sibi commissus ad Confessionem & Communionem frequenter accedat.

XI.

Bonorum Auctorum lectioni diligenter incumbant, sciantque Visitatores diligenter in posterum inquisituros, utrum ex studiis profecerint, processurosque, contra incapaces, ex Decretis sacrosancti Concilii Tridentini *Sess. 21. Cap. 6. de Reform.*

XII.

Catechismum Tridentinum assidua manu versent, hortamur: hinc enim, ut infinita cognita, necessaria prætereamus, Sacramentorum efficaciam, ac legitimam administrationem docebuntur, intelligentque, quibus potissimum armis expugnanda sit hæresis, & quanta cautione ac prudentia uti debeant in dijudicandis conscientiarum casibus, audiendisque pœnitentium confessionibus.

XIII.

Prohibeant autoritate nostra universis & singulis Parochianis suis, ne quibusvis superstitionibus utantur. Inobedientes ab ingressu Ecclesiæ, & Sacramentorum usu arceant. Abolcantque profana contrivaltia festa, cum

li pagina

paganismum redoleant, cæterasque vanas observationes, quas procurandis & conservandis pecoribus hactenus a plerisque adhibitas accepimus. Inobedientes vero ab Ecclesia & Sacramentis arceant. Prohibeant quoque pastores parochianis suis, eadem autoritate nostra, ne superstitiose cessent ab operibus fervilibus, Sabbato post meridiem certis anni temporibus; illis, qui non paruerint, Ecclesiæ ingressu, & participatione Sacramentorum interdiciatur, & morientes, Ecclesiastica careant sepultura. Idem 1633. Stat. 7. De fidei Christianæ professione.

XIV.

Ægrotos, etiam non vocati, invitant: ut eos ad Sacramentorum suspensionem mature inducant.

XV.

Sacerdotes vagos & peregrinos ad celebrandum aut concionandum Parochi ne admittant, nisi prius a Vicario nostro Generali, vel ab Officialibus nostris, si id iis demandatum fuerit, admissi fuerint.

XVI.

Videant Concionatores, ne verbum veritatis, contra Ecclesiæ receptissimum sensum, & Apostolicam traditionem privatis suis iudiciis servire compellant: sed potius Catholicis, Apostolicis, Ecclesiasticisque interpretationibus per omnia sese conforment.

XVII.

Inhibemus, ne aliquam Religionem professus parochialis Ecclesiæ regimen accipiat, nisi de nostra licentia in scriptis habita.

XVIII.

Regularia Regularibus, secularia secularibus Beneficia conferri, ex præscripto sacrorum Canonum, & sacrosancti Concilii Tridentini, debent. Idcirco præcipimus omnibus & singulis Monachis & Religiosis, qui parochias in hac Diœcesi obtinent, absque dispensatione legitima, neque eorum sunt Ordinum, quibus id a Sancta Sede concessum est, ut ad sua Monasteria infra duos, a publicatione præsentis Constitutionis, menses se recipiant.

XIX.

Quoties Parochum ad aliam Ecclesiam transire contigerit, antequam a priore migret, libros tradat, in quibus eorum, qui baptisati, confirmati, Matrimonio juncti & sepulti fuerint, nomina describi solent.

XX.

Prohibeant parochianis suis, sub excommunicationis pœna, ne libros suspectos habeant aut revolvant: libros videlicet quoscumque, qui aliquid contra fidem vel bonos mores continent, atque supra id summopere invigilent Confessarii.

XXI.

Sint Vicarii & Sacellani Parochis subditi, eorumque fraternam amicitiam promereri studeant, ne eorumdem parochorum & Vicariorum contentionibus populo scandalum potius, quam edificationis præbeatur occasio.

XXII.

Parochi habentes annexas, nisi eorum redditus sint nimis exigui, provideant sibi de Vicariis vel Sacellanis, qui eisdem annexis inserviant, quo populum sibi conceditum uberius pascant & nutrant.

XXIII.

Nulli Vicario, vel Sacellano, vel alii Presbytero liceat in posterum confessiones audire, Missam celebrare, vel Sacramenta administrare in hac Diœcesi, nisi expressam in scriptis a Nobis licentiam acceperit.

XXIV.

Cum ii, qui Beneficia Ecclesiastica sine canonica institutione occupant, sibi damnationem consciscant, eam statim a Nobis impetrare satagant.

XXV.

Præcipimus Parochis & aliis Viris Ecclesiasticis, ut Confratres suos, statim atque acceperint eos decumbere, visitent; & viciniore, ut ei Sacramenta necessaria ministrent. Quod si contingat aliquem e vivis excedere, omnes Archi-presbyteratus Parochi ejus exequiis adesse tenebuntur, Missæ Sacrificium, pro

pro ejus animæ requiæ, offerre, & paulo post ejus exequias, die ab Archi-Presbytero indicta, congregabuntur, & pro eo feriales, non omisso Missæ Sacrificio, preces fundant.

TITULUS XV.

De Ecclesiis & Ecclesiarum supellectili, ubi etiam de Sepulturis & Cæmeteriis.

I.

Templa de novo non erigantur, neque Altaria e suis locis submoveantur, ut alio transferantur, neque quidpiam, in locis sacris, a Parochis & parochianis in profanos usus immutetur, Nobis inconsultis.

II.

Parochi chorum, Collatores seu Decimatores navim, & Parochiani turrim, seu campanile reparari vel conservari procurent.

III.

Mundent frequenter Æditui templa, aranearum telas abstergant, canes abjiciant, nihilque in eis sordidum vel indecorum patiantur. Negligentes in hoc, primum Parochi corripiant, deinde etiam, si opus fuerit, expellant.

IV.

Nullæ cistæ aut supellestilia in Templis tolerentur, nisi ob hostiles incursus, aut alias urgentes necessitates, quibus casibus cessantibus inde statim auferantur.

V.

Pauperes non finantur ingredi Templa ad eleemosynas colligendas, sed ad valvas Templorum sistere ab Ædituis compellantur.

VI.

In omnibus parochialibus Ecclesiis sit unus saltem calix argenteus.

VII.

Monstrantia, & Ciborium sint honesta, & ubi, propter Ecclesiæ vel Parochianorum penuriam, haberi non poterunt argentea, saltem ænea vel stannea decentissime deaurentur; & in

Tomus X. Concilior. German.

Ciborió vas parvum, rotundum, argenteum includatur, in quo reponatur Christi Domini Corpus.

VIII.

Urceoli stannei vel vitrei, thuribulum æneum cum navicula & cochleari, & candelabra ubique habeantur sufficientia, decencia, & honesta, mudenturque sæpius, ne squaliditatem aut rubiginem contrahant.

IX.

Vasis, quibus Christi Corpus continetur, corporale mundum semper substernatur.

X.

Tria saltem provideantur corporalia in qualibet parochiali Ecclesia, quo sæpius renovari & mundari valeant: eaque sint ex subtilissima & tenuissima tela, nec ea squaliditatem, immundiciem, aut maculas contrahere patiantur Parochi, sub poena gravissimæ correctionis.

XI.

Ad calicem post sumptum Sacramentum & vinum ablutionis, decenter abstergendum, parentur sudariola, seu purificatoria ex albo linteo firmo, comburanturque ea, quæ jam præ vetustate sunt olida aut putrida, & cineres vel in piscinam Altari vicinam, si capax sit, effundantur, vel in scrobe Ecclesiæ vel cæmeterii recondantur. Idem 1633. Stat. 5. eodem Tit.

XII.

Habeantur in qualibet Parochia duæ saltem casulæ, & totidem cappæ, una alba vel rubea, & alia nigra pro Defunctorum Officiis celebrandis: duæ item albæ, quas non ex crassa nimium tela, sed subtiliore & decenti; easque rugatas circa collum, neque nimium laxas aut strictas, manicis non ita amplis, sed oblongis fieri, easque sæpius lavari curent Parochi. Similia 1604. Stat. 11.

XIII.

Habeant etiam singuli Parochi duo ad minus superpellicea honesta & decencia, eaque sæpius mundari & lavari studeant.

XIV.

Scabini & Administratores omnes reddituum Ecclesiæ, eos primo in comparandam necessariam suppellectilem impendant.

XV.

Ad omnia Templorum ostia sint aliqua vasa lapidea vel lignea, cum aqua lustrali, ut, pro antiqua & laudabili Ecclesiæ consuetudine, ingredientes & exeuntes illa ad salutarem effectum possint abluere.

XVI.

Cum in Ecclesiis loca, seu scamna vacabunt, sive morte, sive desertione, die Dominica post Vesperas licitatio fiat, & plus offerenti adjudicentur. Attamen si idem pretium a defuncti hæredibus offeratur, cæteris præferantur.

XVII.

Quandoquidem in quibusdam hujus Diocesis Ecclesiis multas imagines ligneas & lapideas adeo inhoneste & indecenter effigatas deprehendimus, ut risum potius, quam devotionem excitent; ideo inhibemus, ne in posterum ullæ novæ imagines ligneæ vel lapideæ in Ecclesiis collocandæ sculphantur, Nobis inconsultis.

XVIII.

Exuantur etiam imagines vestibus illis inhonestis & indecoris, quibus, præsertim in partibus Germaniæ, solent indui, nimiam enim simplicitatem & rusticitatem redolent.

XIX.

Invigilent quoque diligentissime Parochi super simplicem & indoctam plebeculam, ne in cultu sacrarum imaginum superstitione se gerant, eumque modum ac rationem cultus illarum juxta doctrinam sacrosancti Concilii Tridentini, frequentius doceant.

XX.

Ubi in circuitu Ecclesiarum in castellatarum sunt cæmeteria, quæ instar viarum publicarum patent curribus & pecoribus, non sine earum profanatione; detur diligenter opera, ut vel pars cæmeterii aliquo muro sepi-

tur, in eaque in posterum sola mortui inhumantur; vel, si id ob loci angustias fieri minime possit, locus alius in eum finem eligatur & benedicatur, ut non deinceps in loco usibus profanis obnoxio mortui sepeliantur.

XXI.

Si quæ cæmeteria adhuc exstent non clausa, quamprimum, diligentia & expensis Parochianorum, muris sepeliantur. Ossaria similiter, quæ plerisque in locis collapsa sunt, & ruinæ proxima, iisdem diligentia, & expensis reparentur.

XXII.

Ante Solis ortum, & post ejus occasum mortuos efferri, & ad sepulturam recipi, absque nostra licentia, prohibemus.

XXIII.

Ne ququam, nisi Parocho proprio, liceat locum sepulturæ assignare, aut, in ejus absentia, Parocho viciniore.

XXIV.

Omnes Christiani præsertim Laici, in cæmeteriis, non autem in Ecclesiis sepeliantur, nisi de consensu Superiorum.

XXV.

Parochi ne patiantur ullum ex suis inhumari in Cæmeteriis Ecclesiasticis, sine statis & solitis cæremoniis Christianorum, neque ipsi officio defint, sed pro ea, qua pollere debent, charitate in oves sibi commissas, quos charos habuerunt viventes, mortuos ne deserant; pauperibus vero sepulturam & alia extrema, prout moris est inter Christianos, gratis perfolvant. Humata semel corpora fidelium exhumari & in alia quantumvis pia & religiosa loca transferri, sine licentia nostra, prohibemus.

XXVI.

Qui autem sunt publici Simoniaci, fiduciarii, hæretici, schismatici, venefici, fortilegi, usurarii, & qui sibi manus violenter attulerunt, aut in duello suscepto mortui sunt, & qui, subita morte præventi, Paschali tempore nec confessi sunt, nec Eucharistiæ Communionem susceperunt, omnes denique infi-

infideles & excommunicati Christianæ sepulturæ honore, locoque priventur. Qui autem eos sepeliendos quacumque ratione procuraverint, excommunicatione feriantur.

XXVII.

Pueri morientes ante Baptismum, ne omnino in cœmeteriis Ecclesiasticis sepeliantur, sed in aliquo loco separato, & in eum usum destinato. Idem 1633. *Stat. 8. eodem Tit.* cui & hoc subiungitur: Ubi vero in aliqua Cœmeterii parte vel angulo sepeliri consueverunt, illa pars vel angulus a reliquo cœmeterio muro quamprimum seceratur, alioqui nec ibi sepeliantur.

TITULUS XVI.

De legitima Bonorum Ecclesiasticorum administratione, ubi de Scabinis.

I.

Eccliesiarum & locorum piorum indemnitatibus providere cupientes, statuimus, ut omnes & quicumque Canonici Nobis subditi, Parochi, Capellani, & quocumque alio nomine censeantur, tam sæculares, quam Regulares Beneficiati, etiam in dignitatibus constituti, omnes item Ecclesiarum Scabini, Hospitalium, Fratriarum, & aliorum locorum piorum Administratores, seu Gubernatores, omnium & singulorum bonorum, tam mobilium, quam immobilium, Jurium, reddituum, ædificiorum, nominum quoque debitorum, & aliorum quorumcunque ad eorum Capitula, Dignitates, Canonicatus, Ecclesias parochiales, Capellanias, Hospitalia, Fraternitates, & alia quocumque nomine nuncupentur, Beneficia & pia loca pertinentium declarationes authenticas faciant intra tres menses, easque Nobis, aut Archipresbyteris tradant, qui eas ad Nos deferant in Camera Episcopali servandas, ad futuras necessitates. Earum autem declarationum copiam seu exemplar ipsi singuli Beneficiarii aut Officiarii penes se asservent, ut in singulis visitationibus conferantur, ne quid, quod in eis descriptum fuerit, desit,

& si quid forte deerit, Ecclesiæ restitui curetur. Si quid accessionis vel mutationis, præsertim circa mobilia, contigerit, id quotannis annotetur, & cum opus fuerit, declarationes ipsæ, maxime quoad mobilia, renoveantur. Similia 1604. *Stat. 78.*

II.

Si quis Clericus aut Sacerdos cuiusvis generis scripta ad Ecclesiæ rationem pertinentia occultarit, vel eadem suppresserit, iisdem, quibus bonorum Ecclesiasticorum alienatores, penis subiciatur.

III.

Ubi, vel foundationis jure, vel alio probato instituto, Hospitalia, vel alia loca ad pauperes, peregrinos, aut senes, aut ægros, aliosve hospites excipiendos erecta extant, & fundationes & instituta servantur, quatenus per loci facultates licebit. In excipiendis autem & alendis hujusmodi hospitibus, & distribuendis elemosynis sincere omnino, & extra omnem favoris speciem se gerant Administratores. Neque id quoad unum aliquem pium usum destinatum est, ullo modo in alium, etiam pium usum, absque licentia nostra in scriptis obtemperant, convertant; alias expensarum contra hæc facturum ratio nulla habeantur. (*)

IV.

Turpe est eos, qui bonorum Ecclesiæ fideles debent esse Administratores, ea vel bonam eorum partem in convivia & comportationes impendere; id ergo ne fiat in posterum, districte prohibemus. Quare in locatione bonorum Ecclesiæ is modus servetur: quando aliquid Ecclesiæ locandum erit, illud indicet Parochus populo, & omnia plus offerenti, pro more, locentur; neque liceat vina, ut vocant, addere, vel quidpiam aliud, quocumque prætextu, quod in comportationes vertatur. Idem 1633. *Stat. 2. eodem Tit.*

V.

Scabini, & alii Administratores bonorum Ecclesiæ, singulis annis, coram Parocho acceptorum & expensarum rationem reddant, sub pœna arbitrio

li 3

nostro

(*) Videtur sic legendum: factarum ratio nulla habeatur.

nostro imponenda. Idem 1633. Stat. 4. eodem Tit.

VI.

In redditione rationum, per Scabinos, & alios bonorum Ecclesiæ Administratores, nullæ fiant expensæ, nulla convivia instituuntur; Parochi exemplo sint alijs, neque convivijs hujusmodi interfint, caveantque, ne hujusmodi conviviorum expensas concedant Administratoribus bonorum Ecclesiæ. Idem 1633. Stat. 5. eodem Tit.

VII.

Statuimus, ut in posterum non plures sint, quam quatuor Scabini, quorum duo singulis biennijs ab hoc munere liberabuntur, & duo alii majorum suffragiorum numero a parochianis in eorum locum sufficiantur. Prædicta electio fiat die Dominica immediate sequenti festum Patroni cujuslibet Ecclesiæ.

VIII.

Ipso die Sanctissimi Sacramenti bonorum Ecclesiæ fieri ratiocinium quibusdam in locis audivimus. Id ne in posterum fiat, præcipimus Archiepiscopis & Parochis.

IX.

Nulli Parochorum liceat, quicumque prætextu, bona Ecclesiæ, seu prædica sui Beneficii, cum quovis alio seu Sæculari, seu Regulari permutare, aut ad multos annos locare, nisi nostra expressa in scriptis licentia.

TITULUS XVII.

De Festorum, Jejuniis, & abstinentiæ observatione.

I.

Qui die Festo cujuscumque generis ludis vacarit, vel in caupona aut alibi comportionibus indulserit, dum sacrum Missæ Sacrificium peragitur, vel decantantur Vesperæ, unius libræ ceræ, Ecclesiæ applicandæ, pœna plectetur. Idem 1633. Stat. 1. Tit. De observatione Festorum.

II.

Qui diebus Festis ab Ecclesiâ præceptis absque licentia Officialium, vel

Parochorum, laboraverit, libra ceræ, prout ab antiquo assolet, mulctetur. Idem 1633. Stat. 3. eodem Tit.

III.

Quando in diem, quo fieri solent nundinæ vel mercatus, incidet Festum aliquod ex præcepto servandum, in diem alium, qui festus non sit, ad arbitrium eorum, ad quos spectat, transferantur.

IV.

Nundinæ ne uspiam, sub quocumque prætextu, fiant die Parasceves, ante meridiem; neque ad eas ullus convenire audeat sub pœna unius libræ ceræ, in usum Ecclesiæ applicandæ. Idem 1633. Stat. 2. eodem Tit.

V.

Qui cibis prohibitis tempore Quadragesimæ, & diebus jejuniorum & abstinentiæ præscriptis ab Ecclesiâ, sine necessitate Nobis, vel Parochis manifesta, & sine nostra & eorundem Parochorum in scriptis obtenta licentia, vescuntur, post unam vel alteram monitionem, tanquam canes cadaveribus saginati, pane filiorum priventur in Paschate.

VI.

Quæcumque tam de Festorum, quam Jejuniis observatio in Synodis congregatis tam anno 1671. quam anno 1679. sancita confirmamus.

Catalogus Festorum, quæ sub
Præcepto servari debent in Dia-
cesi Metensi.

1^{mo}: Omnes, qui occurrunt per annum, Dominici dies, additis festis Paschatis, Pentecostes & Trinitatis.

2^{do}: Feria secunda & tertia, quæ sequuntur Dominicam Paschatis immediate: & feria secunda, quæ sequitur Dominicam Pentecostes.

3^{tio}: Festum Ascensionis Domini.

4^{to}: Festum Augustissimo Corporis Domini nostri JESU CHRISTI Sacramento consecratum.

5^{to}: Dies octava ejusdem Festi matutino tempore, usque ad finem Officii tantum.

Menſe Januario.

- Die 1. Feſtum Circumciſionis Domini.
6. Feſtum Epiphaniæ.
20. Sancti Sebaſtiani.

Menſe Februario.

2. Feſtum Purificationis Beatae MARIAE Virginis.

Menſe Martio.

25. Feſtum Annuntiationis B. MARIAE Virginis, ſi hoc Feſtum inciderit in Dominicam Palmarum, aut in ſerias Hebdomadae ſanctae (excepta feria ſecunda, in qua celebrabitur) aut in totam hebdomadam Paſchæ, transferetur, quoad Officium, & quoad Feſtum, in ſeriam ſecundam, poſt Dominicam in Albis.

Menſe Aprili.

25. Feſtum S. Marci Evangeliſtæ, uſque dum ſinita Proceſſio generalis, tota vero die abſtinetur ab eſu carniū. Si contigerit in Dominica, ipſum quidem Feſtum eodem die celebretur, abſtinentia vero, Litaniae & proceſſiones transferantur in ſequentem diem, & tunc uſque ad proceſſionis finem, ab operibus ſervilibus ceſſetur. Si vero incidat in hebdomadam Paſchæ, vel in Dominicam in Albis, ſi ea dies alio digniori Feſto impedita non fuerit, & celebretur eodem modo ac ipſum Feſtum, nempe uſque ad finem proceſſionis, cum dicta abſtinentia per totam diem.

Menſe Maio.

1. Feſtum Ss. Philippi & Jacobi Apoſtolorum.

Menſe Junio.

24. Feſtum Nativitatis S. Joannis Baptiſtæ, in cujus vigilia, jejunium eſt de præcepto.
29. Feſtum Ss. Petri & Pauli Apoſtolorum, in cujus pervigilio, jejunium eſt de præcepto.

Menſe Julio.

25. Feſtum S. Jacobi Apoſtoli & S. Chriſtophori, in vigilia, jejunium eſt de præcepto.

Menſe Auguſto.

3. Feſtum Inventionis S. Stephani Protomartyris, hujus Diœceſis Patroni.

10. S. Laurentii Martyris, in vigilia, jejunium eſt de præcepto.
15. Feſtum Aſſumptionis B. MARIAE Virginis, in pervigilio, jejunium eſt de præcepto.
25. Feſtum S. Ludovici Regis Galliae.

Menſe Septembri.

8. Feſtum Nativitatis B. MARIAE Virg.
21. S. Mathæi Apoſtoli, in cujus vigilia, jejunium eſt de præcepto.

Menſe Octobri.

28. Feſtum Ss. Simonis & Judæ Apoſtolorum, in vigilia, jejunium eſt de præcepto.

Menſe Novembri.

1. Feſtum Omnium Sanctorum, in vigilia, jejunium eſt de præcepto.
2. Commemoratio omnium Fidelium Defunctorum, ſed matutino tantum tempore, uſque ad finem Officii, Feſtum extenditur.
11. S. Martini Episcopi.
23. S. Clementis I. Episcopi Metenſis.
30. S. Andreae Apoſtoli, in vigilia, jejunium eſt de præcepto.

Menſe Decembri.

6. Feſtum S. Nicolai Episcopi.
8. Feſt. Conceptionis B. MARIAE Virg.
25. Feſtum Nativitatis Domini noſtri JESU CHRISTI, in vigilia, jejunium eſt de præcepto.
26. S. Stephani Protomartyris.
27. S. Joannis Apoſtoli & Evangeliſtæ.

Præter hæc Feſta ſervari debet Feſtum S. Turelaris & principalis Patroni cujuſcumque Eccleſiæ parochialis, ſed intra parochiam tantum.

Feſtum vero Dedicationis Eccleſiæ, uno eodemque die in omnibus hujus Diœceſis Eccleſiis celebretur, nempe die Dominico, qui proxime ſequitur Kalendas Julii.

Jejunia ſervanda, præter ea, quæ in Pervigiliis Feſtorum ſupra notatis indicantur.

1. Quadrageſimæ.
2. Quatuor temporum, quæ ſemper incipiunt:

Prima

Prima, quarta feria immediate post Dominicam primam Quadragesimæ.

Secunda, post festum Pentecostes.

Tertia, post festum Exaltationis S. Crucis.

Quarta, post festum S. Lucie Virginis & Martyris.

3. Vigilia Pentecostes.

In Rogationibus, id est, tribus diebus ante festum Ascensionis Domini, a carnibus abstinendum est.

Præceptum autem de Festorum sanctificatione, ut Illustrissimus Decessor noster, Mandato suo, *Dato anno 1670. die 22. mensis Julii*, duabus ultimis Synodis inserto, optime animadvertit, duo continet: Alterum quidem, *inquit*, ut diebus Festis atque Dominicis, plebs Christiana vacet ab omni labore operoso & mercenario, commercioque civili abstineat, in signum quietis æternæ, nobis in cœlesti patria repromissæ: Alterum vero, ut, omissis ac spreis vanis ac ludicris occupationibus, totum suum tempus, Dominicis ac Festis diebus, operibus pietatis impendat: per has quippe sacras ferias oportet fideles ad Templum convenire, Divinisque Officiis interesse; Sanctissima Sacramenta frequentare, verbi Divini prædicationi aures præbere, iis demum, quæ Christianos decet, rebus operam dare, & quibus non augustissima solum Religionis nostræ Mysteria, sed etiam Sanctorum quoque Festum agitur, cœlestem vitam imitentur. Ex quo videre est, quam prava, quamque pernitiōsa sint prophanorum Christianorum exempla, qui dies Deo consecratos, vitis mancipant; Laudes Divinas vertunt in materiam probri, & cum pietati studere debuissent, caupnantur, ludunt, saltant, magno certe cum publicæ devotionis impedimento & fratrum suorum scandalo: hic Nos Magistratuum sæcularium imploramus opem, ad averteendam hanc sæculi nostri labem atque pernitiem, & pœnis etiam coerendam vim, quam hætenus intulere Christianis Ecclesiæ ritibus & festis homines improbi.

TITULUS XVIII.

De Ludimagistris, Aedituis, & Obstetricibus.

I.

In singulis Parochiis sit Ludimagister, qui & Aeditui officium agat, stipendioque assignato pro Aedituo fruatur, nisi pro utroque stipendium sufficiens assignatum sit. Parochi neminem ad hoc munus obeundum admittant, qui probatæ vitæ non sit, & integræ famæ, habeatque in scriptis a Parochis, in quorum parochiis habitavit, de vitæ & moribus testimonium, ab eoque professionem Fidei Catholicæ omnino Parochus exigat, antequam Scholas aperire finatur. Idem 1633. *Stat. 2. Tit. De Ludimagistris & Aedituis.*

II.

Ubi Magistri duntaxat erunt, providebunt Parochi, ut alio puellæ, alio pueri doceantur loco, vel certe horis aliis: si secus fiat, Nos monebunt aut Vicarios nostros Generales.

III.

Teneantur omnes pueros suos mittere ad Scholas. Itaque e publico stipendium Ludimagistro solvatur, ut vere pauperes ab eo gratis & sine stipendio doceri possint; prudentiæ autem Superiorum erit curare, ne, sub prætextu paupertatis, finant a quoquam fraudari Ludimagistros suo minervali. Idem 1633. *Stat. 7. eodem Tit.*

IV.

Ludimagistri singulis diebus matutino tempore congregatis discipulis curent recitari per unum aut plures ex pueris, alta & intelligibili voce, Orationem Dominicam, Salutationem Angelicam, Symbolum Apostolorum, præcepta Dei & Ecclesiæ. Item antequam lectiones pomeridianas auspicentur, brevi aliqua oratiuncula implorabunt Dei opem, Scholasque alia etiam oratiuncula terminabunt, ad gratias DEO Opt. Max. agendas. Idem 1633. *Stat. 3. eodem Tit.*

V.

V.

Singulis Feriis sextis aut Sabbatis matutina lectio erit de Catechismo, quem curabunt diligenter mandari memoriae a discipulis, crebroque reperi, & super eo disputationibus frequentius eosdem exercebunt. Idem 1633. *Stat. 4. eod. Tit.*

VI.

Sub pœna anathematis & expulsionis prohibemus, ne Ludimagistri prælegant Catechismos, & alios libellos prohibitos, pueris hæreticorum, qui Scholas eorum frequentant & adeunt.

VII.

Parochiani convivium ne extorqueant, sub pœna arbitraria, ab Ædituis aut Custodibus Ecclesiæ, sed ii gaudeant integro stipendio sibi assignato: salvo tamen quod supra dictum est, de hoc officio committendo Ludimagistris. Idem 1633. *Stat. 8. eod. Tit.*

VIII.

Ludimagistros, qui hoc muneris rite exercent, ad bonum publicum non mediocriter conducere nemo negat; ut ergo in hanc rem diligentius incumbant, hortamur Parochianos, ut eos vectigalium & tributorum reddant immunes.

IX.

In singulis pagis & urbibus sit una saltem obstetrix bonæ & illibatæ famæ, ea, priusquam officio fungatur, juramentum præster solitum in manibus Pastoris loci, doceaturque ministrare Sacramentum Baptismi, & cætera, quæ ei incumbunt aliquando, munia rite præstare. Quod idem fiet in iis locis, in quibus plures constitui solent: atque ex in obstetrices eligantur, quæ Catholicæ sint & integris moribus: quod, ubi non fiet, electam ne admittant Parochi. Idem 1633. *Stat. 1. Tit. De Obstetricibus.*

X.

Omnibus & singulis obstetricibus districtissime prohibemus, ne quorumcumque hæreticorum infantes, ad eorum Baptismum deferant, neve eorum prædicationibus interfint.

TITULUS XIX.

De Parochorum Honorario.

MONITIO I.

Qui Altari deserviunt, ut monet Scriptura, cum Altari participant: & dignus est operarius mercede sua: hortamur igitur Parochianos, ut corde magno & animo volenti suum præstent Parochis honorarium. Parochos vero ipsos, ut ne morosi in eodem petendo, molestique sint, neve ullam præ se ferant avaritiæ speciem.

MONITIO II.

Quamvis optemus, ut idem honorarium, mox a Nobis, pro locorum conditione, decernendum, Parochis ubique præstetur. Si tamen aliter laudabili & pacifica consuetudine, quibusdam in locis, institutum fuerit, nihil volumus immutari.

MONITIO III.

Cum urbium Cives pagorum incolis ditiores vulgo sint, idcirco majus, in quibusdam, decernendum honorarium duximus pro urbanis, quam pro foraneis Parochis. Ubi ergo ea ratio cessabit, cessare volumus & honorarii discrimen: quapropter humiliores artifices, agricolæ, vinitores, cæterique infima fortuna homines, qui forte in urbibus habitabunt, nihil solvent, ultra id, quod pro foraneis statuemus.

Decretum de Parochorum urbanorum Honorario.

Pro celebratione Baptismi dabitur, quod patrino & matrinæ visum fuerit.

Pro inscriptione singularum Baptismi administrationum in registro facienda, tres asses, seu tria solida, cum denariis octo.

Pro Benedictione fontium in paschate & pentecoste, nihil.

Pro Sacro Viatico, nihil.

Pro pœnitentiæ Sacramento, nihil.

Pro Extrema Unctione, nihil.

Pro Sponsalibus, bannorum proclamationibus, benedictione Nuptiarum & Missa, tres libræ Turonenses seu gallicæ. (*) Digi-

(*) Libra Turonensium (das Pfund kleiner schwarzen Turnosen) olim faciebat Metis 15. tantum solidos denariorum *Metensium* antiquorum. Papa exprimens in literis Apostolicis libram illam censetur exprimere *Ducatum auri de Camera.*

Digitalia vero seu chirothecas donare, liberum id permittitur.

Pro tribus bannorum proclamationibus, & scripta earundem testificatione, quando scilicet extra parochiam erunt celebrandæ nuptiæ, triginta asses. Quæ summa tunc etiam a conjugibus proprio Parocho conferetur, cum proclamationum dispensationem, & matrimonii extra parochiam celebrandi licentiam obtinuerint.

Pro Benedictione puerperæ, sex asses.

Si vero Missa insuper petatur, honorarium Missæ privatæ adjicietur.

Pro Missa solemniter cantata, absque Diacono & Subdiacono, quindecim asses.

Pro Missa privata, septem asses cum senis denariis.

Pro humatione pueri, octodecim asses.

Pro adulto sepeliendo, cum Missa, Vigiliis & Responsorio *Libera*, &c. tres libræ Turonenses.

Si vero solemniores postulentur Exequiæ, id est Sepultura & Missa pro defuncto, postera autem die, Missa altera, Commendatio animæ, Vigiliæ, Responsorium: *Libera*, &c. &c. novem lib. Turon. seu tres nummi. penes ditiores erit aliquid dare honestius.

Pro sepulchro effodiendo, in cœmeterio, quidem nihil. In Ecclesia, sed extra chorum, duæ libræ Turonenses, inter parochum & fabricam, pro locorum consuetudine dividendæ. In choro, quatuor libræ Turonenses, itidem dividendæ.

Pro anniversario Sacro cum Vigiliis, obsequiis & Responsorio *Libera*, tres libræ Turonenses: ac præterea panis & vini oblatio, ubi id in more positum est.

Reliquiæ cereorum super Altare majus, & circa præsentiam accensorum, sive in funere, sive in anniversario ad parochum, ubi contraria non retinetur consuetudo, pertinebunt: quemadmodum & dimidia fundationum pars, quando aliter a Fundatoribus statutum non erit.

Egeni gratis humabuntur, nec ab eis ullo sumptu parentandura cogi eorum propinqui poterunt.

Pro Commendatione animæ faciendâ, si petatur, singulis diebus Dominicis, inter Missarum solemnias, tres libræ Turonenses ad annum integrum.

Pro literis extractis e Baptismorum, Matrimoniorum, & funerum registro, quinque asses.

Pro Monitorii denuntiatione, ejusdem fulminatione, & instrumento data testimonia vel indicia exhibente, duæ libræ Turonenses cum assibus decem.

Pro matutinis horis, extra ordinem cum cantu recitatis, undecim asses.

Pro Vesperis pervigiliis ac festis, extra ordinem cum cantu pariter recitatis, quindecim asses.

Decretum de Parochorum foraneorum Honorario.

Pro Baptismi administratione, quod parino & matrinx visum fuerit.

Pro inscriptione singularum Baptismi administrationum in registro faciendâ, tres asses, seu tria solida, cum octo denariis.

Pro Benedictione fontium in paschate & pentecoste, nihil.

Pro sacro Viatico, nihil.

Pro penitentia Sacramento, nihil.

Pro-Extrema Unctione, nihil.

Pro Sponsalibus, bannorum proclamationibus, Benedictione nuptiali & Missa, triginta asses.

Digitalia vero seu chirothecas donare, liberum id permittitur.

Pro tribus bannorum proclamationibus, & scripta earundem testificatione, quando scilicet extra parochiam erunt celebrandæ nuptiæ, octodecim asses. Quæ summa tunc etiam proprio parocho a conjugibus persolvetur, cum bannorum dispensationem, & Matrimonii extra parochiam celebrandi licentiam obtinuerint.

Pro Benedictione puerperæ, duos asses. Si vero Missa insuper petatur, honorarium Missæ privatæ erit adjiciendum.

Pro Missa solemniter cantata, absque Diacono & Subdiacono, undecim asses, quando celebrabitur in parochia vel Ecclesia, ubi Parochus habitat.

Si

Si vero celebrètur in annexa vel alia Ecclesia, longe a domicilio parochi sita, quindecim asses.

Pro Missa privata, sex asses, in Ecclesia juxta quam degit parochus.

In Ecclesia vero longe a parochi domicilio sita, septem asses cum senis denariis.

Pro Sepultura puerorum, ubi habitat parochus, sex asses.

In Ecclesia vero longe a parochi domicilio sita, novem asses.

Pro Sepultura adultorum & cæteris funerum cæremoniis, nempe pro Officio Defunctorum bis cum cantu recitato, pro duabus Missis solemnibus & Responsorio *Liberia*, quinque libræ Turonenses cum denis assibus.

Si minuantur Exequiarum cæremoniæ (quod omnibus liberum erit) hoc est, si unica celebrètur Missa, nec nisi semel cantetur Defunctorum Officium, tres libræ Turonenses cum assibus quindecim.

Si Diaconus & Subdiaconus Sacerdoti pro defuncto facienti ministraverit, sex singulis asses dabuntur.

Si iidem Diaconus & Subdiaconus Missam insuper pro defuncto celebraverint rogati, sex alios asses accipient.

Pro sepulchro effodiendo, in cæmeterio, nihil. In Ecclesia, sed extra chorum, triginta & septem asses, inter Parochum & fabricam, pro more locorum, dividendi. In choro, tres libræ Turonenses cum quindecim assibus, itidem dividendæ.

Pro Anniversario Sacro cum animæ commendatione, viginti duo asses. Ac præterea panis & vini oblatio, ubi is mos obtinet.

Reliquæ cæreorum super Altare majus, & circa præsentiam accensorum, sive in ipso funere, sive in Anniversario, ad Parochum, ubi contraria non retinetur consuetudo, pertinebunt: quemadmodum & dimidia fundationum pars, quando aliger a Fundatoribus statutum non erit.

Egeni gratis humabuntur, nec ad ullum, pro eorum funere sumptum cogi eorum propinqui poterunt.

Pro Commendatione animæ faciendâ, si petatur, singulis diebus Dominicis

Tomus X. Concilior. German.

inter Missarum solemnias, duæ libræ Turonenses, ad annum integrum.

Pro literis extractis e Baptismorum, funerum & matrimoniorum registro, quinque asses.

Pro Monitorii denuntiatione, ejusdem fulminatione, & instrumento data testimonia vel indicia exhibente, duæ libræ Turonenses cum assibus decem.

Pro matutinis horis, extra ordinem cum cantu recitatis, decem asses.

Pro Vesperis pervigilii ac festi, extra ordinem cum cantu pariter recitatis, duodecim asses.

TITULUS XX.

De Archi-Presbyterorum & Parochorum expensis, occasione sacrarum Unctionum.

Cum Sacerdotalem characterem nihil ædius dedecoret, quam turpis lucri cupiditas; tantam sordem procul a nostra Diocesi amandare cupientes, prohibemus sub pœna gravissima, ne Archi-Presbyteri a Parochis, & Parochiarum Scabinis, aut Parochi vel Scabini a Parochianis quidpiam, ob factas impensas eo tempore, quo sacræ Unctiones distribuendæ sunt, reposcant, præter id, quod iidem Archipresbyteri, Parochi vel Scabini re ipsa expenderint. Ne vero crescant ultra modum expensæ hujusmodi, operæ pretium duximus, eas hic certo & accurate definire.

Primo igitur, diurna Archi-Presbyterorum, dum sacras Unctiones quaesitum venient, impensâ non excedet summam librarum trium Turonensium.

Secundo. Nullus Archi-Presbyter plures sive itineris, sive commorationis dies in expensarum rationes inducet, quam a Nobis mox præscribetur, habita ratione distantiae locorum.

Archi-Presbyter a Civitate Metensi nullum neque sumptum, neque diem computabit.

Archip. de Valle, duos itineris dies, unum vero commorationis, novem libras Turonenses.

Kk 2

Archi-

Archip. de Nosvilla, idem, novem libras.

Archip. de Rombaco, idem, novem libras.

Archip. de Theonivilla, idem, novem libras.

Archip. de Kedangia, idem, novem libras.

Archip. de Vatisia, idem, novem libras.

Archip. de Nomencio, idem, novem libras.

Archip. de Montione, seu Mussone, idem novem libras.

Archip. de Gotzia, idem, novem libras.

Archip. de Hattisia, idem, novem libras.

Archip. de Delma, idem, novem libras.

Archip. de Sancto Nabore tres itineris dies, unum vero commorationis, duodecim libras.

Archip. de Mothangia, idem, duodecim libras.

Archip. de Habudangia, idem, duodecim libras.

Archip. de Marsallo quatuor itineris dies, unum vero commorationis, quindecim libras.

Archip. de Vargavilla, idem, quindecim libras.

Archip. de Sarburgo, quinque itineris dies, unum vero commorationis, octodecim libras.

Archip. de Bukeneimo, septem itineris dies, unum vero commorationis, viginti quatuor libras.

Archip. de Sancto Arnuali, idem viginti quatuor libras.

Archip. Bittensis, seu de Hornebacho, idem viginti quatuor libras.

Archip. de novo Monasterio, idem, viginti quatuor libras.

Tertio. Jura omnia, quæ sive annuatim, sive singulis trienniis possent ad Nos pertinere, omnino remittimus: quapropter vetamus, sub pœna gravissima, ne quidpiam, pro ejusmodi juribus nostris, exigant Archi-Presbyteri.

Quinto. Si Archi-Presbyteri alia quæpiam, præter communes istas itineris & commorationis expensas, contulerint impendia, pro suo Archi-Pres-

byteratu, prohibemus, ne eadem a Parochis aut Scabinis rependi sibi possulent, priusquam eisdem Parochis palam ostenderint apocham, qua impendiorum hujusmodi acceptorum fidem faciat, quia ea ab eisdem Archi-Presbyteris exegerit. Quam quidem apocham penes se Archi-Presbyteri asservabunt, ut Nobis, si opus fuerit, repræsentetur.

Quinto. Vetamus, ne Parochi aut Scabini a parochianis quidquam exigant, tanquam datum Archi-Presbytero, pro factis impensis occasione sacramentorum Unctionum, nisi prius præcipuis Parochianis ostenderint apocham Archi-Presbyteri, qua acceptæ summæ fidem chirographo faciat. Quam etiam apocham penes se Parochi, aut Scabini asservabunt, ut Nobis, si opus fuerit, repræsentetur.

Sexto. Nihil a Parochianis suis exigant Parochi, pro sumptibus sive itineris, sive commorationis a se factis in Capitulo rurali, ad sacramentorum Unctionum distributionem, præter alies triginta.

TITULUS XXI.

De quibusdam abusibus tollendis.

I.

Consuetudo Hostias in vigilia Paschatis ostiatim deferendi, a Scabinis inducta, ut infantibus ætatem ad Eucharistiæ Sacramentum recipiendum nondum adeptis, sumendæ porrigantur, omnino aboleatur.

II.

Sacrosanctum Eucharistiæ Sacramentum, quod frequentius in quibusdam Ecclesiis exponitur, exceptis duntaxat feria quinta majoris hebdomadæ, & Octava festi Corporis Christi, sine nostra expressa & in scriptis obtenta licentia, deinceps non exponatur.

III.

Cum Parochus Sacrificii Missæ, quod offert diebus Dominicis, fructum Parochianis applicare ratione beneficii, teneatur, diebus prædictis a nemine pro Missæ celebratione, elemosynam seu stipendium accipiat.

IV.

IV.

Ne Regulares ornamenta aliis ab iis, quibus in suis Ecclesiis utuntur, deinceps benedicere præsumant; si quæ sint benedicenda, iis offerantur, qui a Nobis illa benedicendi facultatem acceperint.

V.

Religiosi mendicantes aliarum Diœceseon, in nostra Diœcesi collectiones, sine nostra licentia, non faciant. Hoc in Synodo anno 1666. congregata, de quibusdam mendicantibus jam statutum est, *Art. 7. Tit. De consuetudinibus abusivis.*

VI.

Prohibemus, ne Catholici hæreticorum templa, ad eorum audienda dogmata ingrediantur, nec eorum funeribus aut aliis cæremoniis adsint, nec veneno aspidum, quod est sub labiis eorum, quodque, etiam privatis colloquiis contra Religionem Catholicam sæpius effundunt, aures præbeant, sub pœna anathematis.

VII.

Christiani Sabbato Judæorum ædes non ingrediantur, eorum rem domesticam curaturi; multo minus eorundem Synagogam, ut in ea cereos aut lychnos componant & emungant; Nevé, sub pœna excommunicationis, aut privationis sepulturæ Ecclesiasticæ, & Sacramentorum, ulli ex Christianis eosdem Judæos, lectionem librorum ab iis audituri, adire ulla ratione audeant.

VIII.

Parochi vehementer hortentur Parochianos suos, ut abstineant *Primo:*

a quibuscumque spectaculis & choris offensionem habentibus, præsertim illis profanis & impiis, intolerando quodam abusu, die Cinerum, & diebus Dominicis Quadragesimæ, in hac Diœcesi duci solitis & repræsentari. *Secundo:* A nocturnis cœtibus, ad quos plures hyemis tempore de more conveniunt, qui sæpius sunt occasio proxima peccati lethalis. *Tertio:* A publicis saltationibus, & nescio quibus pravis consuetudinibus, quæ vulgo *Valentine* nuncupantur. *Quarto:* A vociferationibus, strepitibus, & vasorum æneorum pulsationibus fieri solitis, ubi dispar conjugium celebratur. Inobedientes & contumaces post trinam monitionem ad Nos deferant.

Hæc Statuta vos omnes & singuli, quorum interest, quanto poteritis amore & pietate non amplectamini solum, & attendite, sed mente, animoque comprehendite, servate, atque sollicita semper executione præstare. Quod, ut facilius fieri possit, unum exemplar præsentium quisque sibi comparet, illudque sæpissime revolvat. Interim dirigat reditus vestros in omni sancta obedientia Dominus noster JESUS CHRISTUS, & confirmet vos in omni opere bono, ita ut digne semper ambuletis vocatione, qua vocati estis, per omnia ei placentes. Amen.

Datum Metis die prima Julii, anno Millefimo sexcentesimo nonagesimo nono.

Signatum HENRICUS CAROLUS
DU CAMBOUT DE COISLIN,
Episcopus Metensis.



Appen-

Appendix ad Codicem Canonum ECCLESIAE METENSIS,

Quos observari mandavit Celsissimus & Excellentissimus Dominus,
D. HENRICUS CAROLUS du CAMBOUT, Episcopus
Metensis, Sacri Romani Imperii Princeps, Dux de
Coislin, Par Franciæ, &c.

IN SYNODO METIS CONGREGATA DIE MERCURII 13. JUNII
ANNI 1714.

HENRICUS CAROLUS du CAMBOUT, EPISCOPUS
Metensis, S. Rom. Imp. Princeps, Dux de Coislin, Par Franciæ, Bavo antiquarum Bavo-
narium de Pont-Chatteau & de la Roche-Bernard, Par & natus Præses Comitiorum
Britannia, primus Campaniæ Bavo, Comes de Crecy, & aliorum locorum, primus Regis
Eleemosynarius, Ordinis Spiritus Sancti Commendator. Universis & singulis Dominis
Abbatibus, Prioribus, Decanis, Archi-Diaconis, Archi-Presbyteris, sive Decanis
ruralibus, Rectoribus Parochialium Ecclesiarum, seu eorum Vicariis, Capel-
lanis, Presbyteris & Clericis Civitatis ac Diocesis Metensis,
Salutem in Domino.

Sæpe & graviter Juris Justitiæque Consulti
& in tenendo regimine exercitati homines
quæsi sunt, si Legum custodia negligatur,
non solum veterem & optime constitutam la-
befactari disciplinam, sed & consuetudinem
morumque depravationem continenter induci
novam, atque in dies invalescere. Quod cum
Antecessores nostri intelligerent, usque fre-
quenti compervirent, nihil esse tam sapienter in-
stitutum, quod non aliquando rescinderet pro-
chivis ad licentiam & laxamentum humana
desidia: erumpentes vitiorum furculos nove
sancitis Legibus extirpare conati sunt, & an-
tiqua Decreta defuetudine obtviti identidem
renovarunt. Horum Nos vestigia persequentes,
quæ multa diuturnis belli vix tandem sedati
calamitatibus, atque inde progressa incuria, in
Diocesi nostra, sensim increverunt, sequentibus
Statutis revellere destinavimus.

I.

Eucharistiam decentissime ac sum-
ma veneratione asportandam ad
ægrotos sacro Viatico reficiendos, Di-
vina tanti Sacramenti Majestas postu-
lat, & Diocesis nostræ Statuta jubent:
Quod ut religiose servetur, prohibe-
mus omnino, ne quis Parochus, Vi-
carius, aut alius Presbyter Divinum
Viaticum ad ægrotos, etiam remotius
habitantes, deferat, nisi publice & pa-

tenter. Si quis autem latenter & in
sacculo seu pera vestibus assuta gerere
illud præsumperit, ab Ordinum suorum
munis & functionibus suspensus
ipso facto sit.

II.

Missæ parochialis in præcipuo Ec-
clesiarum Altari diebus Dominicis ce-
lebretrur: non obstante cujusvis Soda-
litas seu Confraternitatis solemnitate
cum eisdem diebus concurrente. In
eo itidem præcipuo cujusque Ecclesiæ
Altari, nec unquam in sequiore, Au-
gustissimum Eucharistiæ Sacramentum
exponatur.

III.

Inter Missarum parochialium so-
lemnia Evangelium singulis diebus
Dominicis, exponant Parochi & Vicari-
ri, aut Symbolum Apostolorum, præ-
cepta Dei & Ecclesiæ, Orationem Do-
minicam, Sacramentorum naturam,
vim, institutionem, finem, & requis-
itas ad ea recipienda dispositiones ex
ordine demonstrent. Post Vesperas
autem vel ante ipsarum initium, Ca-
techismum pueros & adolescentes doceant in Ecclesia, etiam ætavis mensi-
bus: quantumvis exiguus sit puero-
rum in pagis eo tempore residentium
numerus.

IV.

IV.

Quandoquidem pueri septennese ratione uti incipiunt, curabunt Parochi, ut quotquot ad hanc ætatem pervenerint, ad Pœnitentiæ Sacramentum quamprimum recipiendum instituantur.

V.

Ut Canon Concilii Lateranensis, qui incipit: *Omnis utriusque sexus*, sine dolo obtemperetur, quo pacto intelligi & observari solet, ubicumque vigent Ecclesiastica disciplinae leges; Confessarii regulares, ceterique curam animarum ordinariam non habentes, nulli Parochiano, qui præcepto annuæ, seu ut consuetudo communis & Statuta nostra declararunt, Paschalis Confessionis non satisfecerit, Sacramentum Pœnitentiæ sine Parochi licentiâ in scriptis habita, etiam extra quindenam Paschalem, administrent. Qui secus fecerit, quavis approbatione & facultate Sacramentum hocce administrandi a Nobis, aut a Vicariis nostris Generalibus ipsi concessa, ipso facto se noverit interdictum.

VI.

Ne difficilis aditus ad frequentationem Sacramenti Pœnitentiæ fidelibus sit, mandamus Parochis & Vicariis, ut assidui sint in Sacramenti huius tribunali, præsertim matutinis horis dierum Festivorum & Dominicarum, & in eorundem dierum pervigiliis, atque ita se deinceps facturos plebem suam quamprimum in publica concione admoneant, nec expectaturos, donec a Parochianis, qui timidi plerumque sunt, advocentur & rogentur.

VII.

Supplicationem ullam seu Processionem fieri extra Parochiæ fines, Statutis nostris dudum vetuimus. Ut autem nonnulli, quos ea in re minus obsequentes accepimus, coarceantur; ac pessimi exempli offensione ceteri liberentur: edicimus, ut si quis Parochus, Vicarius, aut alius Presbyter supplicationi ejusmodi cuipiam præfuerit, aut etiam adfuerit, extra ejus Parochiæ fines, cujus incolæ ad suppli-

cationem sic procedent, a suorum Ordinum functionibus sit ipso facto suspensus.

VIII.

Nullæ supplicationes, nullæque preces, aliæque cæremoniæ publicæ, absque nostra in scriptis accepta licentiâ, fiant: exceptis iis, quæ aut legibus Ecclesiasticis aut diuturna consuetudine, in omnibus Parochiis constitutæ reperiuntur.

IX.

Venditiones quarumcumque rerum (his exceptis, quæ ad Divinum cultum & victum necessarium pertinent) nundinæ publicæ, mercatus, & auctiones diebus festis ne fiant, sub pena excommunicationis, a Parochis in concione publica, inter Missarum solemnias, singulis annis, ante diem festum Patroni cujusque Parochiæ, denuntianda.

X.

Diebus Dominicis & Festivis nulla opera servilia, absque nostra, aut Parochorum licentiâ fiant. Ne autem de industria quæzatur ficta necessitas, vindemiæ, ceteraque opera continuis diebus peragi solita, semper quoad fieri poterit, initio hebdomadæ & post diem Dominicam incipiant.

XI.

Ut parati sint Pastores ad munia sua rite semper obeunda, habeatur in singulis Parochiis & annexis Rituale nuper a Nobis editum: omniaque in illo contenta, quemadmodum & Statuta nostra Synodalia, frequenter & sedulo legant Parochi, Vicarii, ceterique Presbyteri ad regimen animarum admoti aut destinati.

XII.

Diligenter invigilent Archi-Presbyteri, ut quæ *Statuto XII. Tit. XII. De Capitulo rurali*, in prima Synodo nostra præcipimus, fideliter serventur, quod ut efficacius præstent, curabunt, ut Capitula ad sancti Christmatis, sacrorumque Oleorum distributionem, singulis annis in eadem Parochia celebrentur, aut certe in oppido vel pago ad centrum Archi-Presbyteratus sito.

Mode-

Moderatum autem convivium, & ab omni luxu & commestatione alienum, quod inibunt omnes tunc Parochi, nunquam agatur illius sumptibus, apud quem conventus habebitur, sed communis omnium sit impensa, symbolo a singulis dato.

XIII.

Choreæ & saltationes, inter personas utriusque sexus, agitari nequam possunt absque gravissimis Dei offensis: idque, ut docet S. Carolus, (*) ob turpes cogitationes, obscæne dicta, inhonestas actiones, morum corruptelas, & perniciosas ad omnia opera carnis illecebras, illis perpetuo conjunctas. Tum propter cædes, rixas, dissidia, stupra, adulteria, aliaque mala plurima inde consequentia sæpissime. Meminerint ergo Pastores non minimam officii sui partem esse, ut a grege sibi credito pestem adeo exitiosam avertere moliantur: tum deserto protinus Officio Divino, & oclusis Ecclesiæ januis, statim, ut perspectum erit apparari in pago vel oppido omnia ad promiscuam illam utriusque sexus saltationem: tum crebris & vehementibus e sacro pulpito increpationibus; tum etiam remotis a Sacramentorum participatione iis omnibus, qui periculosis ejusmodi ludis operam dederint. Eisdem etiam remediis uti debent ad probrosam *Valentinorum*, ut vocant, consuetudinem, amplam illam peccatorum occasionem, abolendam.

XIV.

In Parochiis foraneis solent plures simul Parochi, alique Presbyteri ad funerum Sacra celebranda e locis vicinis accersiti, iis peractis, ad lautum convivium in ædibus parochialibus, aut in aliis excipi, suppeditato sumptu ab hæredibus defunctorum: quod ne in posterum fiat, gravibus de causis prohibemus.

XV.

Nusquam frequentius ullæ ad Nos deferuntur querelæ, quam adversus quosdam Parochos, modum in exigendis honorariis intolерanda aviditate excedentes: qui abusus ne diutius per severet: universis curam animarum

gerentibus mandamus, ut Decreta duo inter Statuta nostra Synodalia *Titulo XIX.* posita, de Parochorum cum urbanorum, tum foraneorum honorario, stricte observentur: donec aliter a Nobis post Diœcesis nostræ proximam visitationem quam cito faciendam, statutum fuerit. Interdicimus autem sub pœna suspensionis Ordinum ipso facto incurrenda, ne quidquam præter id, quod præfatis Decretis præscribitur, a quoquam Parocho petatur: non obstante quacumque contraria consuetudine, quæ in tali re plerumque corruptela est: nec magis obstante ejusdem *Tituli XIX. Monito II.* quod propterea revocamus.

XVI.

Cum Pastorum residentia Jure Divino præcipiatur, nunquam a sua parochia discedant Parochi, licet ad breve tempus, nisi evidentis necessitatis aut utilitatis causa. Cæterum quidquid *Tituli V. Statutis 23. & 4.* decernitur, accurate observetur.

XVII.

Vascula ad asservandum sanctum Chrisma, & sacrata Olea, non ita secum sint connexa & coagmentata, ut pyxis olei infirmorum a duabus aliis abjungi non possit, & apud ægrotos seorsum deferri.

XVIII.

Adolescentuli ad suscipiendam prima vice Eucharistiam, nisi in propria Parochia & approbante proprio Parocho, nusquam unquam admittantur,

XIX.

Quoniam in ipsis etiam Laicis non ebrietatem solum, & immodicam omnem potationem gravissime & cum execratione vetat Scriptura sacra, dicens: *Vae, qui potentes estis ad bibendum vinum.* Districte prohibemus omnibus Clericis, multoque districtius universis Parochis, Vicariis, cæterisque Presbyteris, ne immoderato potui unquam indulgeant, neve ad plures horas convivia producant, quod absque nimio vino raro fit, nunquam autem absque Laicorum scandalo.

XX.

(*) Notatur ad marginem: In Synodo III. Mediol. Tit. I. Vid. S. Chrysost. Hom. 48. in Matth.

XX.

Archi-Presbyteri in visitationibus suis quidquid adversus ista, atque alia prius edita Diœcesis nostræ Statuta delictum fuerit, pro munere suo diligenter notabunt: & contumaces, si quos invenerint, Nobis sine personarum acceptione denunciabunt, ut possimus arguere, obsecrare, increpare, in om-

ni patientia & doctrina. Datum Metis die 13. Junii, anno Domini 1714.

HENRICUS CAROLUS
DU CAMBOUT, Episc. Me-
tensis, Dux de Coislin.

De Mandato DD. Episcopi

C. H. DOLZE.

Appendix altera ad Codicem Canonum ECCLESIAE METENSIS.

HENRICUS CAROLUS DU CAMBOUT, EPISCOPUS METENSIS,
S. ROM. IMP. PRINCEPS, DUX DE COISLIN, &c. &c. UNIVERSIS ET SINGULIS
ARCHI-PRESBYTERIS, SIVE DÉCANIS RURALIBUS, RECTORIBUS PAROCHIA-
LIUM ECCLESiarUM, SEU EORUM VICARIIS, CÆTERISQUE PRES-
BYTERIS ET CLERICIS CIVITATIS AC DIŌCESIS ME-
TENSIS, SALUTEM IN DOMINO.

Gravissimas & frequentes multo-
rum querelas, in quosdam Paro-
chos, qui modum in exigendis hono-
rariis excederent, compescere cupien-
tes, in anni præteriti Synodo statuera-
mus, ut Decreta duo inter Statuta nô-
stra Synodalia anni millesimi sexcente-
simi nonagesimi noni, *Titulo decimo nono*
posita, de Parochorum cum urbano-
rum, tum foraneorum Honorario, stri-
cte observarentur: sub pœna suspen-
sionis ipso facto incurrendæ: donec
aliter a Nobis post Diœcesis nostræ
proximam visitationem, quam cito fa-
ciendam, statutum fuisset. Jam autem
peragratis, in ultima nostra visitatione,
plerisque Diœcesis ejusdem nostræ re-
gionibus, auditisque & mature pon-
deratis Archi-Presbyterorum plurium,
aliorumque Pastorum monitis, per-
pensis etiam variarum super ea re con-
suetudinum rationibus & incommodis:
statuendum duximus, ac per præsen-
tes statuimus, universos tam foraneos,
quam urbanos Parochos idem omnino

Honorarium percipere in posterum
posse, quod in Decreto Parochorum
urbanorum honoraria spectante, præ-
fato Statutorum nostrorum Synoda-
lium *Titulo decimo nono*, præscripseramus.
Non obstante contraria quavis consue-
tudine, quæ & ipsa in tali re plerum-
que corruptela est, & locum innume-
ris scandalis, offensionibusque præbet.
Non obstante pariter mox dicti *Tituli*
decimi noni Monito secundo, quod propter
ea denuo & in perpetuum revocamus.
Datum Metis die 27. Aprilis, anno
Domini 1715.

HENRICUS CAROLUS
DU CAMBOUT, Episc. Me-
tensis, Dux de Coislin.

De Mandato DD. Episcopi

C. H. DOLZE.

Edidit Metis, BRICIUS ANTOINE,
Regis Christi. & Illmi D. Episc. Metens.
Typographus 1699. 1714. & 1715.

HENRICUS CAROLUS DU CAMBOUT, Dux de COISLIN, Doctor Facultatis
Parisiens Theologus, Abbas S. Georgii (*de Bauquerville*) primus Regis Eleemosy-
narius, Par Franciæ & natus Præses Comitiorum Britannicæ, &c. Sedi Merensi
statim ab obitu Georgii Aubussonii dabatur a. 1697. Princeps Episcopus XLI.
Inde, Ordinis Spiritus Sancti Commendator a. 1701. & Membrum Academiæ Gal-
licæ a. 1710. renuntiatus fuit.

*Hæc depromi jere ad verbum ex Hist. Eccles. Germ. gallice edita a. 1724. Bruxel-
lis per Franc. Foppens, Tom. I. pag. 243. & 244.*

Tomus X. Concilior. German.

LI SYNO.

SYNODUS DIOECESANA EICHSTETTENSIS,

Anno Christi MDCC. Innocentii XII. PP. X. (*)
Leopoldi I. Imp. I.

SEU

PUNCTA SYNODALIA,

JUSSU

REVERENDISSIMI & CELSISSIMI PRINCIPIS ac DOMINI,
D. JOANNIS MARTINI, (**) *Eichstettensis LXII. Episcopi,*
UNIVERSO EJUSDEM DIOECESIS CLERO CURATO
PRÆSCRIPTA

DIE IO. NOVEMBRIS.

Puncta Synodalia & Principia practica

pro Pastoribus animarum, quæ de speciali Mandato Reverendissimi & Celsissimi S. R. I. Principis ac Domini, D. JOANNIS MARTINI, Dei & Apostolicæ Sedis gratia Episcopi Eystettensis, Domini Domini nostri Clementissimi, ab universo ejusdem Diœcesis Clero curato observanda præcipiuntur.

CUM Parochis & Curatis fidelium animæ ea ratione commissæ sint, ut illas & recte custodiant, & salutari pabulo ad beatam æternitatem alant; ad ea facilius impetranda, sibi sequentia cordi habebunt:

De Cura animarum.

I.

Pastorale officium & status Clericalis per se a Clericis postulat, ut conversationem suam ad extra bonam faciant, & præter salutem suam in lucrum animarum ex animo se effundant, mediaque salutaria eum in finem præctice applicent.

II.

Cum statui Clericali per se conveniat administratio Sacramentorum; proinde solitudine magna & charitate indefessa infirmis affecti, hos etiam

non vocati, frequenter, & non primum tunc, quando in agone constituti sunt; invitant, præsertim postquam salutaris Pœnitentiæ, sacræ Synaxis, & Extremæ Unctionis Sacramentis eos communiverint, assistant, verbum salutis opportunum ingerant, excitando in illis fidem vivam, spem firmam; & charitatem in Deum perfectam, denique honore ultimo sepulturæ prosequendo. Quæ omnia, quatenus curæ animarum addicti sunt, fidelibus præstare tenentur. Caveant autem

III.

Ne in emungendis juribus Stolarum nimium duri & exacti sint, ex quo non raro fit, ut metu hujusmodi exactio- num fideles non solum a frequentandis, verum etiam suscipiendis Sacramentis deterriant, absque his, cum animarum irreparabili damno decedant; & super his diligenter suas oviculas de anno sæpius

(*) Anno illo, primos duntaxat menses duos & medium numerante; occubuit Pontifex.

(**) Vide sub finem.

sæpius ex cathedra moneant, ut pauperculi cordate petant Sacramenta, quæ gratis administrari debent &c. Volumus vero, ut quivis contuetam taxam suæ Parochiæ etiam noter in proxima descriptione suæ Parochiæ.

I.V.

Publica blasphemiarum, adulterii, usurarum, superstitionum, magiæ, sodomiarum & his similia crimina & scandala quæcunque ne dissimulent, & ubi paternas admonitiones sæpius quidem repetitas, frustra tamen adhibuerint, Magistratus etiam civilis operam ad coercendos contumaces, cum omni modestia & cautela implorent.

V.

Nullus Parochorum deinceps præsumat, qualescunque tandem personas absque licentia speciali Episcopalis Vicariatus in privatis ædibus Sacramentaliter copulare, multo minus in denunciationibus a Ss. Concilio Tridentino præceptis per se dispensare.

VI.

Inter gradus de industria accuratum computum faciant, ne forte huiusmodi vel affinitatis vel consanguinitatis impedimentis irretitos incaute ac nulliter convolare permittant. Si quod vero horum impedimentorum perscrutati fuerint ac repererint, schema consanguinitatis aut affinitatis Officio Ecclesiastico dignoscendum submittant; & si contrahentes desuper dispensari velint ac possint, allegent. Pariter

VII.

Sine præcitu & ratificatione Episcopalis Officialatus promissiones matrimoniales, etiam cum interventione partium consensus & mutua inter se condonatione facta, propria sua auctoritate, sub pœna sex Imperialium non remittent, sed de his omnibus præstatum Officium informare, ejusdemque mandato obedientes acquiescere studebunt.

VIII.

Claves pro sacra Eucharistia, sacris Oleis & baptisterio ministris secularibus non committant, sed eas apud se

Tonus X. Concilior. German.

quisque Curatus diligenti custodia retineat.

IX.

Ex cancellis Ecclesiæ in cœmeteriis aut aliis locis sacris, nihil ex præscripto Magistratus secularis promulgent profanum, nihil forense aut iudiciale, nec alia similia promulgari permittant, sed illa duntaxat, quæ sacra ac pia sunt, & ad cultum Dei, pietatisque opera pertinent. Quod si cuiusvis vis inferretur, id statim ad Vicariatum referat. Noverint etiam jus in- & destituendi Ludimoderatores & Aedituos, ut & jus inventandi de se soli Vicariatus Generalis officio competere, non vero potestati seculari.

X.

Nemo ex Parochis aquam Baptismatis, postquam sacrum Christina tempore consecrationis fuit admixtum, alicui pro medicina vel alia quacunque de causa præbeat.

XI.

Quoniam non sine admiratione accepimus, laudabilem ac piam consuetudinem benedicendi mulieres post partum, in quibusdam locis & Parochiis in destituetudinem, Parochorum utique injuria, venisse: ad eam autem denuo induendam serio mandatur, ut Parochi nullam puerperam post exactum saltem unum mensem purificationis suæ ad Ecclesiam venire permittant, nisi prius benedictionem a Sacerdote juxta ritum in Diocæsano Rituali signanter descriptum acceperit.

XII.

Cum proprium vigilantis Pastoris sit, pascere gregem suum, eique ita semper adesse, ut oves vocem ejus audiant: perperam proinde illi Pastores vigilant, qui cura animarum suarum neglecta, post sua abeunt desideria, dum per plures dies noctesque extra domos Parochiales orio, lussibus, comotationibus, venationibus, jaculationibus vel certe domesticis suis obsequiis impigre vacanti. Huiusmodi igitur dissolutionibus ac negligentis serio & ex munere nostro obviantes, districte & sub pœna non solum arbi-

Ll 2

traria

traria infligenda, sed sub privatione Beneficii mandamus, quatenus curati Sacerdotes in suis Parochiis continuo, ut decet, resideant, nullusque, nisi gravium negotiorum causa, & cum præscitu Decani sui, ultra duos dies & noctem unam a Parochia se absenter, in sua vero absentia unum fidelem & vigilem Sacerdotem in vices constituat. Quod si autem aliquis diutius abesse cogitet, licentiam ab Officio Vicariatus generalis, causa prius absentiae ibidem expressa, in scriptis impetrandam impetret.

XIII.

Injungitur etiam hisce omnibus & singulis Parochis sub gravissima pena certo certius infligenda, ut quilibet eorum librum baptizatorum, confirmatorum, matrimonio junctorum, nec non defunctorum, ad manum in promptu habeat & pro majori facilitate utantur saltem in libro baptizatorum schemate usitato; reliquos vero bono & digesto ordine in suis quibusque locis annotabunt & describent juxta formam in Rituali Diocesano expressam.

De Doctrina Christiana.

Quoniam fides est ex auditu, illud Clericis curatis sollicitè commendatur, ut universæ juventutis curam in animo & opere jugiter habeant, eam per Doctrinam Christianam ad lucem veritatis fidei & in viam sanctæ conversationis traducendo, in quo radix spiritualis generationis consistit. Hinc ad minus singulis Dominicis, vel his impeditis, subsequentibus Festis diebus in Ecclesia propria cujusque loci Christiana doctrina quam diligentissime pro populo & juventute instituat, in qua edocenda talis ratio habeatur:

I.

Ut de capitibus ad capita, de fidei articulis ad articulos facili bonaque methodo procedatur, & ad altiora prius non ascendatur, quam de inferioribus juvenes, saltem numero potiores satis instructi sint. Si juvenus sit copiosa & parochialis Ecclesiæ filiales distantes, unus ex Clericis curatis ibidem catechesin habeat.

II.

Tempus pro Doctrina Christiana sit ad summum integra hora, & ordinarie pomeridianum; majorque fructus erit, si unus catechizans constanter erudiat: frequens enim mutatio multum nocet.

III.

Ut Sacramentum Pœnitentiæ & Eucharistiæ ab omnibus rite suscipiatur, alia extraordinaria Catechesis paschalis instituat, singulis diebus per certum tempus aliquam juventutis turmam ex iis, qui prima vice confitebuntur, ante paschalem Confessionem ad ædes parochiales destinando, & in susceptione Sacramentorum & aliis articulis scitu necessariis bene instruantur.

IV.

Judicium de habilitate, ætate, usu rationis ad Parochum loci spectat, cujus est singulis annis mandare parentibus, quos ex suis prima vice ad Confessionem & Communionem mittere teneantur, ne sine Sacramentis necessariis decedant.

V.

Modus catechizandi sit dexterri-
mus, suavis, planus & facilis, præ-
missio signo S. Crucis, Oratione Domi-
nica, cum Salutatione Angelica & Sym-
bolo Apostolorum:

VI.

Omnes parvuli & puellæ cum
sufficienti distantia sedilia suo ordine
occupantes silentium & modestiam ser-
vare assueant.

VII.

Primo turmæ constitutæ puero-
rum, deinde puellarum propositum
caput Christianæ Doctrinæ tarde & cla-
re recitare jubeantur. Tum materiam
antecedente Dominica vel Feria a Ca-
techista in certa puncta divisam & ad
discendum propositam per modum
questionum & responsonum, suum ca-
put Catechismi repentes, tenacius
memoriæ mandabunt, & nulla Cate-
sis transeat, in qua non audiantur etiam
juniores, & informetur de mysterio
& beneficiis Sanctissimæ Trinitatis, In-
carna-

carnationis & aliis principiis scitu necessariis.

VIII.

Munusculis distributis alia materia secundum ordinem Catechismi Romani pro sequente Dominica per modum brevis sermonis populo proponatur, & tum Catechesis, præmissis signo S. Crucis & Salve Regina, claudatur, omnesque in silentio & modestia discedant, nisi aliæ devotiones solitæ sequantur.

IX.

Ad uberiores fructum & allicientes parvulos, ut cum gustu Doctrinam Christianam frequentent, Catechista diligenter hæc observet: 1. Caveat, sub gravi pœna, ne parvulos torvo vultu aspiciat, asperis verbis & gestibus (uti ab aliquibus fieri Officium Ecclesiasticum non sine magna indignatione intellexit) invadat. 2. Non facile reprehendat, ne ad tristitiam aut abjectionem eos adducat, omnes de præsentis, præteriti & futuro ita laudet, ut ad discendum alliciantur, & ad æmulationem subinde unus inter ceteros multum laude extollatur. 3. Eos nullo modo præferat, qui indole, ingenio, moribus &c. valde amabiles sunt, sed morosos & duriores ingenii sine acceptione personarum magis excolere, ac signis, affectibus excitare studeat, ut omnia omnibus efficiat, & omnes Christo lucifaciat, ipseque se fidelem ministrum & dispensatorem probare possit, ac veluti servus bonus & fidelis dignus sit, qui supra multa constituatur a Domino. 4. Munuscula, sine personarum acceptione, bene meritis districte sic distribuat, ut non vilescant quasi. Omni Dominica eos, qui prima vice Catechesin frequentant, ad aliquid recitandum vel saltem ad formandam crucem præ cæteris instituat, & munusculis ac verbis animum illis adjiciat, ad frequentandam doctrinam.

X.

Catechista porro juventutem in tres classes dividat: primæ classis parvuli cursum ordinarium Doctrinæ Christianæ habeant; secundæ classis uberiores scientiæ adhuc incapaces erudian-

tur in iis, quæ omni homini ad salutem scitu necessaria sunt; tertiæ classis in formanda Crucē, addiscenda Oratione Dominica, Salutatione Angelica, Symbolo, Decalogo, Sacramentis &c. bene eruditi in una classe cum certo præmio ad alteram gloriose manumittantur.

XI.

In Catechesi nec longæ vel peregrinæ & ad propositam materiam impertinentes quæstiones, nec alia curiosa & inutilia juventuti proponantur, sed doctrina sana, parvulisque magis addiscenda puncta coerceantur, ad quod facilitandum doctrina similitudinibus & per res sensibiles pro capto parvulorum declaretur.

XII.

Quilibet etiam Parochus in promptu habeat numerum catechizandorum, & siquidem parentes aut patres familiarum in mittendis suis negligentiores appareant, ad Magistratus seculares eos deferent compellendos.

XIII.

Ut vero hæc sacra juventutis instituendæ rudimenta rite ac fructuose peragantur, quilibet loci Parochus de mente bis, terve Scholas publicas adibit, experturus potissimum, num edocta semel Christiana doctrina per se aut Ludimagistrum repetatur, & repetitis vicibus ignorantibus tandem inculcetur.

De Scholis.

I.

Cum ab exercitio Scholarum tam politica civilis, quam doctrina Christiana, ut cum fructu fiat, plurimum dependeat, perutile erit, si Parochi pro possibili laborent, ut tam ruri, quam in civitatibus Scholæ instituantur, in quibus parvuli in principiis fidei, morum, in legendo & scribendo pro singulorum capacitate informantur, & institutas ad utilitatem perpetua cura dirigant.

II.

Si modo temporalia pro dictis Scholis erigendis deficiant, ex quibus
Ll 3 Ludi

Ludimagister ali possit, Parochus communitati illius loci Scholarum necessitatem exponet, & ad media necessaria subministranda persuadebit: si vero id efficere non valeat, competentes Superiores informabit, ut eorundem auctoritatem interponant, & coerceant renuentes.

III.

Ludimoderator vitam immaculatam agat, qui juxta Parochum juvenuti & populo Christiano sine crimine præluceat; similiter cæteri, Cantores, Aeditui & quivis alio modo Ministri domus Dei existunt, sobrii sint, casti, modesti, moribusque integris: delinquentes ad Vicariatum deferantur, ut eliminari possint, nisi ex animo pœnitentiam agentes resipiscant.

IV.

Exercitium Scholarum, quod horas duas & dimidiam ordinarie ante & post meridiem durabit, institui sic poterit, ut mane duabus horis ante meridiem finiatur; post meridiem vero tardius præsertim in ætate incipiatur & finiatur. Parochi sæpe visitantes curam habeant, ut tempus illud utiliter in juvenute sedulo instruenda impendatur.

V.

Modus docendi communis esse potest, ut duas lectiones singuli habeant & quidem pomeridiano tempore litteras scriptas addiscant, lectionem, quam domi discere debebant, in Scholis, elapso circiter uno quadrante, quo secum repetentes reviderint, ordine recitent, & alia ipsis in Schola addiscenda discrete determinentur.

VI.

Auditis vero & iterum præscriptis singulorum lectionibus, scriptiones suas ordine ostendant, quorum errata Ludimagister corrigat & parvulorum manum ad meliorem characterem formandum traducat. Recepta sua scriptione, quisque in silentio & loco suo præscriptam lectionem addiscat, & dum Ludimagister eos didicisse credit, de-
nuo audiat.

VII.

Juxta litteras tradendas Parochi & Ludimagistri sedulo virtutes instillent in animos parvulorum, maxime modestiam, veritatem, pietatem in Deum & Sanctos, obedientiam erga Parentes & Præceptores, venerationem Clericorum & Superiorum secularium, virginitalis custodiam, & primam innocentiam &c. Contra delinquentes discreta correctio utilis est, nimis severa Ludimagistris interdicitur.

VIII.

Ut Catechesis fructum suum uberior consequatur, cum exercitio Scholarum innitatur, die Veneris tota juvenus in addiscendo capite ex Catechismo proposito & tradita materia secundum diversitatem classium & parvulorum capacitatem occupabitur; unde Ludimagister in Catechesi sit præfens & puncta proposita sibi noverit, ut juvenuti in memoriam revocare possit.

Quater in anno universa juvenus in Ecclesia ordine constiteatur, capaces absolvantur, ob ætatem incapaces dextre informentur, & ita dimittantur.

De Prædicatione verbi Dei.

Præcipuus finis, in quem prædicationis verbi Dei instituta fuit, est salus animarum, ut in fide & moribus homines informentur; ad quod præstandum vocatio pastoralis per se obligat. Vitanda sunt in ea duo extrema: nimia sublimitas conceptuum & nimia ruditas sermonis. Hinc

I.

Pastores satagant, ut salutem animarum zelantes cum suavitate populo ea proponant, ex quibus in fide instrui, in moribus reformari, ad virtutes & perfectionem Christianam, charitatemque accendi possit. Si auditores a potiori subriles fuerint, subtile; si rudes, rude condimentum sermonis adhibeant & conciones ad captum auditorum accommodent.

II.

Seriem materiæ in concionibus tractandæ in tres cursus utiliter dividant, in quorum primo de virtute fidei
Theo.

Theologicæ, de Symbolo Apostolorum, quæ sunt veluti fidei Apostolicæ decreta, de septem Sacramentis & de universis doctrinalibus, quæ vel tanquam articuli, vel tanquam doctrina aliquo modo necessaria articulos circumstant, ex fundamentis ordine tractent.

III.

In secundo cursu ad moralia descendentes, agant de ultimo fine hominis, & de eo, per quod ab hoc fine receditur, scilicet de peccati gravitate, de penitentia, de timore Dei, per quem charitas inchoetur in cordibus eorum, de Decalogo, universaque lege & moribus; denique de quatuor novissimis &c. quibus peccatorum corda resipiscant, & ad seriam abstinenciam de peccatis perducantur.

IV.

Si Prædicatores ad sublimes conceptus, relictis doctrinalibus & moralibus, aliisque salutaribus rebus convertantur, aut si Clerici ob ruditatem hæc debito modo proponere nesciant, fit, ut doctrina fidei in oblivionem veniat, Divina præcepta ignorentur, mores mali irrepant, vita Christiana ita exulet, ut Christiani non crederentur, nisi nomen Christiani portarent.

V.

Prædictos cursus Prædicatores non solum prædicent, dum de uno loco in alium vocantur, sed etiam ad minimum singulis decenniis denuo repetant; quatenus populus & succrescens juvenis per continuam culturam sufficienter in fide & vita sancta edoceatur.

VI.

Neminem puncturis ex industria in particulari concutiant, sed in mansuetudine & charitate cum liberalitate ita singula proferant, ut omnes bonam Concionatoris affectionem agnoscant. Quapropter diligenter ad omnem concionem se præparent, ne quo minus deprehendantur desides in hoc tam sacro munere esse, aut etiam negligentia vel crassa ignorantia ab ipsis rudibus auditoribus arguantur & fugillantur: in quibus brevitati ita studeant,

ut expositio verbi Dei nescientibus fiat quidem cognita, nec tamen sua prolixitate nimium sit onerosa.

VII.

Hoc Evangelicum officium tanto fructuosius subibunt, quanto ipsi Pastori diligentiores reperti fuerint in compilandis & conscribendis concionibus, annotantes ad finem cujuslibet concionis diem & annum, quibus ad populum dixerunt, atque has scriptas conciones teneantur deinceps in visitationibus exhibere.

VIII.

Concio in diebus festivis sequatur Missæ Sacrificium, vel si locus ita exigit, præponatur concio, ut alias impediti facilius & suavius Missæ Sacrificio interesse possint, ascendendo cathedram insufficientiam suam agnoscant, & Spiritus S. gratia ac voluntati præsentem concionem humiliter offerant.

De Communione & Confessione.

I.

Remedium, quo populus a peccatis ad honestam vitam perducipotit, vix efficacius est, quam frequens Confessio & Communio: ad quod ut Clerici curati populum Christianum efficaciter inducant, obtenta debita facultate institui poterit Confraternitas Ss. Rosarii, ubi occasio hoc permittit & locorum distantia: cujus tenore non solum inducetur cultus Beatissimæ Virginis, sed etiam Confessio & Communio in festis principalioribus Christi & Sanctorum a populo frequentabitur.

II.

Remedium alterum est ipsa Clericorum vita immaculata, in quam respiciens populus bono exemplo ad penitentiam & peccatorum gravium fugam inducetur, si videat caste omnes vivere, familias sine suspecto consortio mulierum institui, & quod verbo prædicatur, opere ipso a Clericis exerceri, ad quod plurimum addet bonorum temporalium in pios usus applicatio, per quam avaritiæ suspicio juxta & scandalum malæ vitæ tollatur. Et cum

III.

III.

Hactenus notabiliter defectus tam in Scholis confessionum, quam etiam tempore Paschali in numero Parochianorum suorum exhibendis apparuerint, ideo Celsissimi & Reverendissimi Ordinarii mens est, ut singuli Parochi tam schedas propriarum confessionum, quam etiam numerum paschali tempore communicantium, item acatholicorum & a se converforum, infideliumque Decano suo transmittant, subnotando Aedituorum & Ludimagistorum diligentiam & capacitatem, qui dein negligentes ad Episcopalem Vicariatam deferret, infallibiliter puniendos.

IV.

Parochi & Curati Sacramentaliter confiteri, ultra mensem unum non differant, memori mente retinentes, non sufficere contritionem, sed requiri Confessionem Sacramentalem ad Missam rite celebrandam, ubi quis in peccatum mortale (quod Deus longe avertat) prolapsus esset: quod bene notandum est.

V.

Ut vero debita disciplina in Clericali statu ad populi ædificationem constanti fervore progressum suum habeat, necesse erit, aliqua circa mores subnectere.

De Moribus.

I.

Quam turpe ac Clericorum nomine, qui se Divino cultui addixerunt, sit indignum, in impudicitie sordibus versari, satis res ipsa testatur & indignitas. Ut igitur eam, quam decet, continentiam ac vitæ integritatem Clericus teneat & illibatam conserve, volumus, ut ruralis Decanus cum Camerario, aut alii ad munus visitationis specialiter deputati, exactissime invigilent, ne Clerici vel Parochi ullas suspectæ impudicitie feminas domi forisque retinere, pravam consortium cum illis habere audeant, & si in his aut similibus suspecti reperti fuerint, Nobis nulla habita personarum ratione sine mora significant, ut contra eos

ad avertenda scandala & tempestive evitanda alia exinde promanantia gravissima incommoda canonicis poenis aliisque mediis conducibilibus procedere possimus. Ad hanc vitæ innocentiam eo facilius conservandam & firmandam maxime proficua erunt remedia, quotidiana meditatio de Ss. Passionem Domini nostri JESU CHRISTI, quotidianum examen conscientie, annua recollectio spiritus per dies aliquot instituenda, uti & fuga otii per honestas occupationes, & non nisi rara conversatio cum sceminis, etiam economie honestæ necessariis, quam sibi præsentem ad servilia electo honesto juvene, velut Achate fidiissimo, imperatively peragant. Neque vero tota honestatis Clericorum summa in eo posita est, ut ipsi de sua persona caste, pieque vivant; verum ad conservandum Cleri decorem plurimum interest, quam honestam penes se alant familiam, ne si ista pro suspecta ab aliis habeatur, ipsi etiam innocentes, suorum domesticorum deturpentur flagitiis. Sollicitam propterea suorum curam gerant, ne per cohabitationem & tolerantiam perverforum hominum aut ipsi pervertantur, aut secularibus anam præbeant, exinde de se sinistram concipiendi opinionem: super his pariter, ut Decanus & Visitatores sedulo inquireant, & Vicariatus deferant, iterum ac serio præcipitur.

II.

Monentur omnes, ut habitum gestent decentem & clericalem, in quo non solum omnis illicita vanitas fugienda, sed etiam superfluous nitor cavendus, cum plane dedeceat, in cilicio quærere superbiam. Hinc sub pœna & multa gravi, serio moneatur singuli, ut intra quadrantem anni, si portant, suas amplas manicas, grossos nodos cum apertis pectoralibus & aliis secularibus vanitatibus, de suis togis removeant & reforment.

III.

Coronam suo Ordini convenientem gerant & maxime vitent inter se jurgia & rixas, præsertim ubi inter seculares homines vel etiam acatholi-

cos versantur, qui ob hujusmodi contentionem vitam & æstimationem Clericalem plurimum obfuscentes graviter scandalizantur.

IV.

Nec inter se solum Clerici mutuam habeant charitatem, & noxias devitent dissensiones, sed etiam inter suos Parochianos, & quibuscum conversandum est, ipsi pax sit.

V.

Hospitia publica, nisi id necessitas aut humanitas exigat, declinabunt & in eis scandalosas computationes cane pejus vitabunt. A choreis autem & puerperarum conviviis sibi omnimode cavebunt, uti & a nuptiis, nisi obtenta prius facultate a Decano suo cum expressione rationabilis causæ, ob quam nuptias frequentare ipsos oporteat. Decanus vero non habeat potestatem talem licentiam ultra trinas vices ampliandi. Patrones etiam non agant in Sacramento Baptismi &c. Si quis autem nostram prohibitionem transgredi ausus fuerit, noverit se multam decem imperialium irremissibiliter, atque etiam nostram indignationem esse incursum, quin immo pro qualitate excessuum suo beneficio fore destituendum.

VI.

In Dedicationum celebratione & publicis conviviis dicuntur nonnulli Parochi se se invicem invitare, scurriles jocos & cantilenas inter hæc exercere, & ita largioribus potibus indulgere, ut vix incedere queant: id quod cum intuentium oculos, animosque gravissime offendant, sibi quoque ab hujusmodi ingurgitationibus, in quibus luxuria est, sub pœna sex imperialium vel etiam, si sæpius in hoc peccaverint, sub privatione sui beneficii maxime caveant.

VII.

Usus bombardarum & sclopetorum, quæ a quibusdam Parochis in

equis secum vehi visa sunt, nisi in itinere longo & periculoso, omnibus omnino Sacerdotibus interdiciamus; præter enim, quod arma ferre, a jure Clericis prohibeatur, facile etiam graviora inde mala exoriri, eventus sæpe docuit. Si quis vero Clericorum hanc nostram inhibitionem temere neglexerit, & contra eam venerit, sciat hujusmodi arma Fisco Ecclesiastico caduca fore, retenta Nobis pœna arbitraria in transgressores statuenda.

Indigna prorsus res est & Sacerdotem deturpans tam frequens hantus tobaci e fistula, unde tales ita immoderate huic potui vacantes, stomachosæ fœtent, ut honesti viri cum talibus Sacerdotibus tractantes merito inde horrorem concipiant, nedum quod sacra paramenta fetore suo repleant & contaminent: quare ii, qui hactenus turpissimam hanc consuetudinem imbuiere & imbibere, morientur serio, ut ab ejusmodi luridissimis hantibus abstineant, vel certe sibi ab iis temperent, atque ita se componant, ut quod verbo docent, exemplo non reprobest, sed confirmet.

De Testamentis, Fabricis & his similibus.

Et si Reverendissimus ac Celsissimus Dominus noster Clementissimus BERTHOLDIANO (*) Privilegio, virtute cujus Clerici hujus Dioceseos de bonis suis & ab Ecclesia partis testari (intellige ad pios & non profanos usus, quia patrimonium Christi & elemosynas pauperum, Ecclesiæ vel pauperibus restituere tenentur Clerici, quæ superflua sunt) & in hunc finem Testamentarios, seu ultimæ voluntatis Executores constituere possint, per hanc reformationis chartam nihil derogare intendat: Quoniam vero usus docet, plurimos in hoc tam Constitutionis Privilegio, cujus tenor hic adjectus est, quam executionis munere committi defectus; proinde sequentia exacte deinceps observanda constituuntur.

PRI-

(*) Hæc Constitutio Bertholdiana, edita a BERTHOLDO XLV. Eichstetensium Episcopo A.C. 1364. in favorem Cleri, habetur Tom. CC. IV. a pag. 409, quo bene volum Lectorem remittimus, dantes hæc, quam JOANNES MARTINUS, Episcopus adjecit, explicationem.

Tomas X. Concilior. German.

PRIVILEGII seu CONSTITUTIONIS BERTHOLDIANÆ

EXPLICATIO

A JOANNE MARTINO, EPISCOPO DATA ET PUBLICATA.

I.

Ac primum quis Capitulum ingressus, inibi pacificam sui beneficii possessionem obtinuerit, se coram Decano & Camerario sistat, & ab Episcopali Vicariatu concessam iisdem *Commendam* exhibeat, ad effectum, ut nomen suum libro libertatis propria manu inscribere, suosque Testamentarios nominatim huic inferere valeat, pro quo ingressu & inscriptione confueta capitularia Camerario absque mora exsolvat.

II.

In Testamentarios autem duos de Confratribus Capituli adsciscat, coram quibus testator suam ultimam voluntatem oretenus exprimat, vel se ad suum chirographum remittat. Ad evitandas tamen quam plurimas difficultates & odiosas contentiones, designati Testamentarii sedulo incumbant, ut ubi de vitæ discrimine laborare confratrem compererint, ante omnia animæ salutem per Sacramentorum perceptionem consulant, dein, si forte nullam suarum facultatum constitutionem in scriptis confecisset, eam, dum vires adhuc integræ sunt, viva voce conficiat, suæque syngrapha & suppresso sigillo confirmet, & in firmiter robur hanc suam constitutionem ultimæ voluntatis a Testamentariis subscribi & subsignari faciat: memores vero sint Ecclesiarum suarum, uti & pauperum. Notandum vero singulis bene, ut in vivis exsolvant salaria suis domesticis sibi fervientibus & deinceps a legatis in suas focarias se abstineant, sub pœna confiscationis legati tam pretiosi.

III.

Et cum quotidiana comprobatur experientia, inter prædictas personas & defuncti hæredes contentiones & jurgia

oriri, prætendentes massam hæreditariam ab illis pro parte esse spoliata: Ideo huic de futuro obviare volentes mandat Celsissimus & Reverendissimus Dominus Ordinarius omnibus & singulis, ut accuratam suarum facultatum designationem conficiant, & confici faciant per suos Testamentarios & dein manu propria subscribant, eandemque suis Testamentariis extradant, vel ultimæ voluntati adjiciant, coram Episcopali Officio suo tempore exhibendam.

IV.

Vita functo iuxta animæ, ad Ecclesiæ laudabilem morem, vel propriam post se relictam dispensationem diligenter & decenter persolvantur, intermissis conviviis & aliis minus necessariis expensis, & donec ab Officio Vicariatus de novo prospiciatur Curato Ecclesiæ viduæ, curam cum jurisdictione semel pro semper, si socius Divinorum non sit in loco, commitimus Decano, si possit per se præesse; secus proximiori Curato, minus impedito ex singulis; sub hæc autem Testamentarii bona mobilia defuncti dato obsignent, & tam Testamentariorum & testamenti constitutiones, quam ipsam confectam super facultatibus relictis designationem, sine mora ad Officium Vicariatus transmittant, rogantes sibi diem dici pro confirmatione. Neque manus in bona testatoris prius mittant, quam informationem & instructionem rerum deinceps gerendarum ab eodem Episcopali Officio una cum confirmatione obtinuerint. Ipsæ vero citationis literæ e suggestu publice promulgentur, quatenus interesse habere putantes confirmationis sententiæ adesse possint, obtenta autem confirmatione obsignationem refigant, & reliqua juxta instructionem ipsis a Vicariatu Episcopali

pali dandam fideliter exequantur, ac denique de acceptis & expensis diligentem computum faciant. Qualiter vero & quo ordine tum inventarium, tum rationes super acceptis & expensis instruere debeant, de his a Vicariatu specialiter instruuntur. Moneantur ad extremum Testamentarii, ut in hujusmodi testamentorum executione fideliter procedant. Caveant etiam Testamentarii, ne ad similes actus obsequationis, refectionis, inventarii consecutionis, aut cujuscunque executionis testamentariæ sæculares Officiales, vel Magistratus civiles admittant, & si in his similibus ab iis violentiam pati eos contingat, id sine mora Vicariatus Officio denunciatur.

V.

Observandum porro est, quod si Parochi in Dieceſi nostra obtinentes Beneficia, libros Parochiarum seu Beneficiorum redditus continentes & similia documenta secum discedentes abstulerint, vel negligerent prædictorum Beneficiorum redditus annotaverint, vel eos annotare omnino neglexerint: quod cum in Successorum, atque etiam ipsorum Beneficiorum detrimentum ac ruinam cedat; ideo in posterum quilibet accuratam omnium & singulorum proventuum suorum descriptionem in annos singulos faciet, nec non inventarium de libris Parochialibus, actis, registris, scripturis &c. conficiet, atque illud, retentis sibi copiis, ad Decanum suum transmittet, ut si contingat ipsum, ex quocunque tandem casu, conditionem suam mutare, similia documenta ad Beneficia spectantia, a futuris Successoribus fideliter consignari queant. Hisce anneximus singulis singulorum Capitulorum Camerariis, ut omnium acceptorum & expensarum rationes de anno in annum submittant Vicarius generalis Officio ad revindendas & approbandas.

VI.

Ut sæpius antehac, ita nunc quoque serio omnes monentur, ut in exsolvendis juribus Episcopalibus, seu primis & mediis fructibus sub poena dupli deinceps accuratiores sint; quod

Tomus X. Concilior. German.

in his expendendis nonnulli hæcenus admodum tardi & negligentes reperti sunt, exultantes, ex sua voluntate & beneplacito stare, annuatim quotam assignare: quod cum in præjudicium Sææ Celsitudinis cedat, omnibus in universali & cuique in particulari severe interdictum. Harum collectio singulis Decanis in suo Decanatus districtu per suos cursores facienda erit, qui Decani in aliqualem suorum laborum capitularium recognitionem a cuiusvis defuncti testamentariis unum aureum recipiant deinceps. Quod si vero aliquis futuro tempore de loco in locum mutetur, & talis de dictis fructibus adæquatam solutionem nondum præstiterit, noverit ad possessionem alterius Beneficii prius admittendum non fore, quam de residuis in primo Beneficio non solutis satisfecerit; fiet autem proxime nova taxatio singulorum Beneficiorum.

VII.

Cum ad oculum pateat, Parochos pro conservandis ac reparandis ædibus parum aut nihil sollicitos esse; unde factum, atque etiam hodie dum fit; ut in quam pluribus locis similibus fabricæ ad extremam prope ruinam sint deductæ; eapropter quilibet Parochus aut Beneficiatus pro conservatione & restauratione earum in singulos annos tantum expendat & ad Vicariatus Officium, aut quod deponere iussus fuerit, numeret, quantum ab hoc cuilibet designatum fuerit. Curam autem habeant maximam, ut in Ecclesiis omnia nitide & munde conserventur paramenta & utensilia, & cum ex Visitatorum protocollis sæpius & non sine justo dolore notatum fuerit, quosdam Curatos sacra Ciboria, Calices, Monstrantias, pallas, corporalia & purificatoria, immunda, maculata, & tractando Ss. Eucharistiæ Sacramento & Missæ Sacrificio indignissima sine ullo horrore exhibere, nitorem altarium & totius suppellectilis curam prorsus negligere, veluti mercenarios sola temporalia curantes: hinc serio & sub pena privationis Beneficii mandantes, præcipimus singulis præfatorum accuratum studium, curam & diligentiam primam; & uti quorundam temerario

Mm 2

ausui

ausui obvietur efficacius, declaramus & statuimus, hos & similes negligentes, avaros aut male diffamatos, & suæ curæ animarum minus sufficientes, quacunque de causa, si solummodo a Nobis commendati sint, ad distinctionem investorum, qui singulari gratia & privilegio digni habiti sunt, omni momento temporis via permutationis, prout Nobis in Domino melius fore videbitur, etiam sine culpa & crimine in jure expresso, a loco in locum etiam minus æstimatum moveri posse aut debere. Quod bene singulis tepidis hiscæ Pastoribus notandum erit.

VIII.

Ad extremum monentur omnes, ut si deposita habeant, illa non manibus Laicorum tradant custodienda, multo minus ex Dicecesi transferant, ne post mortem sæculares aut alii Magistratus, cum magno hæredum detrimento illis manum injiciant; ipsi vero Clerici penes se retineant ad cavendas lites & sinistras opiniones; cum non raro accidat, plus per hæredes a depositario exigì, quam in depositum traditum sit.

In fine serio præcipitur singulis Parochis, ut deinceps per totam Octavam Corporis Christi singulis diebus Augustissimum Sacramentum exponant, Missam celebrent & ante & post consuetam benedictionem populo ad hoc suavissime invitato impertiantur: in instituendis Processionibus publicis cauti sint & non nimis parci, nec libe-

rales nimium, cum multum peregrinantes raro salventur & plurimi a Parochianis Missa defraudentur.

Atque hæc sunt, quæ pro tempore & exigente necessitate omnibus & singulis Parochis & Curatis in Dicecesi Eystadiana existentibus vel declinanda vel observanda præcepta sunt. Quomodo vero Monasteria Nobis subiecta arque-Collegiatæ Ecclesiæ nostræ deinceps regendæ sint, atque earundem annuæ rationes Nobis exhibendæ, chartæ reformationis plenius dabunt.

In quorum omnium fidem ac firmitus robur hæc Synodalia monita & Principia practica propriæ manus subscriptione & Pontificalis nostri sigilli appensione communita dedimus.

Eystadii in Monte S. Willibaldi solita Episcopali nostra Residentia, die 10. mensis Novemb. in Vigilia S. Martini Episcopi & Confessoris, Anno Domini 1700. Anno Regiminis nostri quarto.

JOHANNES MARTINUS
Princeps S. R. I. & Episcopus Eystettenensis.

(L.S.)

Lünig Cont. II. Spicil. Eccl. Part. II. a pag. 687. & Cl. Job. Henr. de Falckenstein inter Episcopatus Eichstadiensis Statuta Diocesana, post Cod. Diplom. Antiquitatum Nordgavienf. (Francofurti & Lipsiæ apud Pet. Conr. Monath 1733.) a pag. 47. item a pag. 114.

NOTA.

JOANNES MARTINUS ex equestri familia Dominorum ab EYB, Henrico Conrado patre & Margarita Susanna de Thierheim matre præcreatus, Augustani jam simul atque Eichstettenensis Præpositi clarebat dignitate, cum in locum Joh. Eucharri Comitis Schenk de Casel, die 6. Mart. anno ætat. 72. vita functi, eligitur Sedis Eichstettenensis, olim *Aureatensis* Episcopus die 16. April. A.C. 1697. Obiit die 7. Dec. A.C. 1704. æt. 74. Reg. 7.

Vid. Cl. Jac. Wilb. Imhofii Notitia S. Rom. Germ. Imp. Procerum Lib. III. Cap. VI. de Episcop. Aichstettenf. pag. 103. & Histor. Eccles. Germanica de erect. progress. & statu V. & N. Archiepiscopatum & Episcopatum Tom. I. pag. 75.

CON.



CONCILIA GERMANIÆ

SÆCULI XVIII.

SYNODUS DIOECESANA *Autumnalis*
MONASTERIENSIS,

Anno Christi MDCCII. Clementis XI. PP. II.
Leopoldi I. Imp. LII.

HABITA

per *Reverendum & Illustum* Dominum FRIDERICUM CHRISTIANUM,
Monasteriensem Episcopum,

DIE 17. OCTOBRIS.

FRIDERICUS CHRISTIANUS, DEI ET APOSTOLICÆ SEDIS
GRATIA EPISCOPUS MONASTERIENSIS, &c. &c.


Cum nonnulli ex Clericis ordinariæ jurisdictioni nostræ subiectis, pro dolor! reperiantur, qui dum ad chorum psallendi gratia convenire, ibidemque per consuetam & a Ss. Canonibus præscriptam Divini Officii, horarumque decantationem Nomen Domini laudare deberent, muta aut clausa labia teneant, imo quod tamen non absque horrore referre possumus, exposito etiam Venerabili inter sese de rebus profanis tractare, in circulum

coeuntes, & terga Sanctissimo quandoque vertentes, de novellis & nugis, ne quid gravius dicamus, commentari, musitationes, colloquia, risus & cachinnos intermiscere, auresque pariter & oculos ad vanitatem convertere non erubescant, illud ipsum autem Deo abominabile, hominibus scandalosum, loco isti vel maxime indecorum & animabus perniciosum existat, nedum quod per hæc ea, quæ choro alias debita sunt, non sine gravi injuria

ria subtrahantur, ceteri pfallentes vel pfallere volentes inturbentur, & a pfallendo impediuntur, adeoque totus chorus cunctorum opprobrio publice exponatur. Hinc Nos malo huic occurrere volentes, Pontificum Constitutionibus, & Oecumenicis Conciliis vel maxime autem Trident. firmiter inhærendo, omnibus & singulis ad chorum destinatis sub pœna arbitraria a Decanis vel Chori Præsidentibus citra ullam conniventiam infligenda, & sub interminatione Divini Judicii quam districtissime præcipimus, ut ab hujusmodi scandalosis actibus, & impertinentibus fabulis sub Officio Divino,

horisque Canonicis imposterum omnino abstineant, sed eo tempore laudes Dei in conformitate Decretorum ea super re antehac publicatorum devote ac reverenter decantent, atque ita persolvant, ut horrendam isthanc sententiam: *Ite maledicti &c.* quæ omnes reprobos, & forsitan etiam eos, qui opus Dei negligenter hic peregerunt, in extrema & decretoria illa die perceller, effugere possint. In fidem præsentis manu & sigillo nostris roboratas dedimus in arce nostra Ahusana 14ta Octobris 1702.

Fridericus Christianus.



SYNODUS DIOECESANA *Verna* MONASTERIENSIS,

Anno Christi MDCCIII. Clementis XI. PP. III.
Leopoldi I. Imp. LIII.

JUSSU

Revermi & Illmi Domini FRIDERICI CHRISTIANI

CELEBRATA

DIE 20. MARTII.

FRIDERICUS CHRISTIANUS, DEI ET APOSTOLICÆ SEDIS
GRATIA EPISCOPUS MONASTERIENSIS, &c. &c.

Illubenter advertimus nonnullos ex Curatis nostris reperi, qui Matrimonii Militum sine consuetis & a Tridentino requisitis denunciationibus contra severam inhibitionem nostram paucis abhinc annis clementissime factam, & abunde satis notificatam nihilominus assistere non reformident, per hoc autem non levibus scandalis, adulteriis, aliisque gravioribus peccatis, prout id ipsum experientia, tristitiaque pro dolor! exempla non semel restatum fecere, præsentissima præbeatur occasio, quibus ut occurramus, Episcopalis muneris nostri ratio postulat; hinc pœna per contravenientes jam commissa, & inquisitione desuper instituenda salvis, denuo omnibus ac singulis Dioeceseos nostræ Pastoribus, Curatis, Vice Curatis, Sacellanis, aliisve ad assistentiam Matrimoniorum quovis modo vocatis aut vocandis serio

& quam districte inhibemus, ne hujusmodi Militum Matrimonii ullo sub prætextu vel colore inposterum assistere audeant, nisi præmissis in Parochia, ubi tunc degunt, aut stationem figunt, tam satis denunciationibus, quam cæteris a memorato Tridentino requisitis necessario præmittendis, sed debitum in hoc iteratis jussibus nostris morem gerant; Nos alias contra inobedientes & contumaces pœnis arbitrariis, imo carceris, suspensionis, etiam quatenus delicti gravitas, vel reiteratio id exegerit, privationis sine ulla conniventia & remissione procedemus, vel procedi faciemus. In quorum fidem præsentis manu & sigillo nostris roboratas dedimus in Civitate nostra Monasteriensi 19na Martii 1703.

Fridericus Christianus.

SYNO.

SYNODUS DIOECESANA
BISUNTINA,
SEU
STATUTA & DECRETA SYNODALIA
BISUNTINÆ DIOECESIS,

Anno Christi MDCCVII. Clementis XI. PP. VII.
Josephi I. Imp. II.

COLLECTA

AUTHORITATE ET JUSSU

ILLUSTRISSIMI ac REVERENDISSIMI DOMINI,

D. FRANCISCI JOSEPHI de GRAMMONT, (*)
S. R. I. Principis, Archiepiscopi XCVII. Bisuntini.

LETTRE PASTORALE

DE MONSIEUR ILLUSTRISIME ET REVERENDISSIME
ARCHEVEQUE DE BESANCON,
PRINCE DU S. EMPIRE, &c.

A l'occasion de la nouvelle Impression des Statuts
du Diocèse.

FRANÇOIS - JOSEPH de GRAMMONT, par la grâce
de Dieu & du Saint Siege, Archevêque de Besançon, Prince du Saint Empire, &c.
A tout le Clergé de notre Diocèse, Salut en notre Seigneur.

La nouvelle Edition des Statuts Synodaux de notre Diocèse que nous venons de faire imprimer, nous donne lieu de vous adresser cette Lettre Pastorale. Nous le faisons pour vous témoigner notre affection, & vous apprendre jusqu'où notre condescendance est allée à votre égard. Encore que nous n'ayons rien touché au fond & à la substance des loix qui y sont rapportées; que bien loin de les révoquer, nous les estimions très-justes, très-saintes, très-bien établies, & très-dignes d'être observées; & que pour ce sujet nous vous enjoignons très-particulièrement d'y obéir avec un grand soin; nous avons toutefois crû que nous serions bien d'en modérer les peines, comme en effet nous les avons modérées en plusieurs endroits.

Les Tempéramens que nous y avons apportés ne donnent aucune atteinte aux Regles de la Discipline Ecclesiastique. Si quelque chose vous y paroît encore un peu difficile, souvenez-vous que c'est en cela même que doit éclater votre obéissance. N'avoir de soumission pour les Ordres du Supérieur, qu'autant qu'on les trouve conformes à son inclination, ce n'est pas obéir en Ecclesiastique. ny en Chrétien, c'est vouloir faire sa volonté.

Au reste, comme nous avons eu la consolation de trouver jusques icy dans la plû part de vous, toute la soumission que nous pouvions souhaiter, avant même que nous eussions modéré les peines portées par plusieurs Statuts & Ordonnances de notre Diocèse, nous ne doutons pas qu'après les avoir modéré, vous

(*) Vide sub finem Statutorum.

ne vous étudiés à rendre toujours votre obéissance & plus prompte & plus parfaite. Il nous a même semblé que si nous en usions comme nous venons de faire, ce seroit le moyen le plus efficace pour rendre le joug de l'obéissance plus aimable à ceux qui auroient pu avoir cy-devant de la répugnance à se soumettre; & qu'il falloit les porter à leur devoir, en les y attirant, comme dit l'Ecriture, par des liens d'amour & de charité.

Il ne nous reste plus qu'à vous dire icy à tous, ce que nous avons déjà répondu à plusieurs, touchant quelques Statuts en particulier, & touchant la dernière Ordonnance publiée en 1700. & renouvelée en 1704. au sujet des personnes de service.

Premièrement, pour ce qui est du Statut qui défend d'ouïr les Confessions des personnes du sexe hors du Confessional, nous déclarons qu'il ne s'étend pas à celles qui ont un juste empêchement de s'y confesser. Telles sont non seulement celles qui tiennent le lit par maladie; mais encore celles qui sont si âgées, si foibles, ou si infirmes qu'encore qu'elles ne soient pas alitées, elles auroient néanmoins peine d'aller à l'Eglise. Telles sont encore celles qui sont enceintes, ou sourdes, desquelles on peut écouter les Confessions hors du Confessional, lorsqu'elles auroient peine de s'y confesser; pourvu qu'on les entende dans l'Eglise, ou en quelque lieu ouvert, & qui soit exposé à la vue du monde.

Secondement, à l'occasion des Cas réservés, nous déclarons que les quinze Cas réservés qui sont sur la fin du neuvième Statut du titre quatorzième, doivent être pris selon qu'ils sont conçus & exprimés dans ce nouveau Recueil; & que les Confesseurs à qui nous donnons pouvoir d'en absoudre, ne peuvent sans un autre pouvoir spécial, absoudre des autres Cas à nous expressément, & singulièrement réservés à l'égard des Ecclesiastiques; non-plus que de ceux qui portent quelque censure à nous pareillement réservée; comme il paroît par le huitième Statut du même titre quatorzième. Nous déclarons deplus que par les blasphèmes scandaleux & réservés, nous entendons ceux qui sont proferés au moins devant cinq ou six personnes. Et qu'on ne peut pas donner l'absolution aux personnes que leur Confesseur auroit sollicitées en Confession, ou à l'occasion d'icelle, qu'en gardant ce qui est porté par la Bulle de Gregoire XV. qui commence: *Universi Dominici gregis*, que nous vou-

lons être observée dans ce Diocèse; ainsi que nous l'avons déjà déclaré dans notre Ordonnance de 1700.

On nous a demandé plusieurs fois ce qu'on peut, & ce qu'on doit faire, en ce cas-cy: Une personne se confessant à un Prêtre qui n'a pas le pouvoir d'absoudre des Cas à nous réservés, luy en déclare un. Le Confesseur recourt pour obtenir le pouvoir de l'absoudre & l'obtient; mais avant l'absolution cette personne retombe dans ce même péché, ou dans quelques autres également réservés; ou bien elle déclare avant que de recevoir l'absolution un plus grand nombre de Cas réservés de même, ou de différente espèce, dont elle ne s'étoit pas encore accusée, soit par oubli, soit par honte, ou autrement.

La dessus, sans décider ce qu'on doit faire de droit commun, notre intention est, que dans ce Diocèse, quoique le Confesseur qui a ainsi recouru, n'ait demandé pouvoir que pour un Cas en particulier; il puisse néanmoins absoudre pour une fois ces sortes de personnes lorsqu'il les trouvera disposées, quand même elles seroient retombées pendant plusieurs délais, si quelqu'un de notre part, ou nous même, luy avons mandé de l'absoudre.

Et comme nous avons remarqué qu'un grand nombre de Curés se trouvent obligés de recourir souvent au tems de Pâques, pour obtenir plusieurs permissions particulières d'absoudre de ces sortes de Cas, nous déclarons que tous les Curés, & Vicaires en chef de notre Diocèse, pourront durant les trois semaines de Pâques absoudre des péchés à nous réservés, toutes les personnes qu'ils jugeront être disposées à recevoir l'absolution pendant lesdites trois semaines.

Troisièmement, & en conformité des Décrets Synodaux, nous défendons très-expressément les abus suivans.

Le premier est d'abandonner sa Paroisse, comme on nous a assuré que quelques-uns font sur de vains pretextes. Car sans parler de l'obligation où l'on est de restituer à proportion de ce qu'on a absenté au delà de soixante jours, ainsi qu'il est décidé par le Concile de Trente, & par un Statut du Diocèse, il faut se bien convaincre, que c'est dans un Curé un péché très-grief d'absenter de sa Paroisse durant un tems considérable sans cause légitime, & sans notre agrément; soit que cette absence soit interrompue, & en différentes fois; soit qu'elle soit

soit continué, & toute de suite. Ainsi nous désapprouvons, & blâmons avec toute l'Eglise la conduite de ceux qui après avoir fait leurs Offices les Fêtes, & les Dimanches, iroient de Voisins en Voisins, & passeroient ainsi une grande partie des jours de la semaine, se dissipant, perdant leur tems, & négligeant leurs devoirs.

Que chacun de vous demeure inséparablement attaché à la conduite de son Troupeau, veillant sans cesse sur le besoin des Ames qu'on lui a confiées, préparant ses Prônes, étudiant les choses qu'un Ecclesiastique est obligé de savoir. Servez-vous pour cela de Livres qui ne soient nullement suspects, rien de si pernicieux que le poison d'une mauvaise doctrine, sur-tout lorsqu'il est présenté sous des expressions captieuses, dont les Auteurs suspects ont toi jours affecté de se servir.

Attirez vos peuples autant qu'il vous sera possible à vos Catechismes, & à vos Prônes. Que ceux qui ayant deux Eglises ne font aés Instructions que dans la principale où toute la Paroisse ne va pas les entendre, ne croient pas être déchargés par-là, de l'obligation indispensable où ils sont d'instruire généralement tous leurs Paroissiens.

Nous avons si fort à cœur qu'il n'y ait personne dans vos Paroisses qui ne reçoive de vous le pain de la parole, qu'ayant été avertis que dans les lieux où l'on dit une Messe basse avant la grande, la plu-part contents d'assister à cette Messe basse, ne vont point à la Messe de Paroisse, & n'entendent ny Prônes ny Catechismes: Nous avons crû devoir défendre, comme nous défendons en effet, à tous Chapelains, & autres Prêtres établis dans les Villages, où il n'y a ny Chapitre, ny Familliarité, de dire la Messe les Fêtes & les Dimanches, devant celle de Paroisse.

Le second abus que nous défendons encore à tous Curés, & Vicaires, & autres Ecclesiastiques, c'est d'aller en Procession hors de la Paroisse sans y retourner en Procession; à raison des désordres qui en arrivent, & dont Dieu est grièvement offensé, dans le tems même qu'on devoit fléchir sa colere.

Le troisième abus, c'est d'enterrer les Morts dans des Cimetieres ouverts; & comme nous sçavons qu'il y en a plusieurs qui ne sont aucunement entourés, nous défendons expressément qu'on y enterre jusqu'à ce qu'ils le soient.

Pour ce qui est de l'Ordonnance que nous fines publier en 1700. & qui fut renouvelée

Tomus X. Causitor. German.

en 1704. au sujet des personnes de service, Nous déclarons de nouveau qu'encore qu'il fût à souhaiter pour les Ecclesiastiques qu'aucune personne du sexe ne demeurât avec eux dans une même Maison; néanmoins comme cela se voit extrêmement difficile, nous permettons à tous Curés, Prêtres, Diacres & Soudiacres de tenir avec eux leur Mere, Tante, Sœurs, Belles-sœurs, & Nieces, Filles de Frere ou de Sœur; comme aussi d'avoir des Servantes, pourvu qu'elles soient âgées de quarante ans complets, & de bonne reputation. Quant aux Ouvrieres, ou autres personnes du sexe qui n'auroient pas le même âge, nous leur permettons de s'en servir tant au dehors qu'au dedans de la maison pendant le jour, leur défendant de les retenir chez-eux, & de souffrir qu'elles y couchent pendant la nuit, ce que nous voulons être observé à l'égard de toutes les autres personnes du sexe qui passent quatorze ans, & qui n'ont pas l'âge marqué cy-dessus, le tout à peine d'encourir un Cas à nous singulièrement réservé, & de suspension feren-dæ sententiæ. Que si quelqu'un des susdits Ecclesiastiques affectoit de se servir ordinairement d'une même personne du sexe qui n'eût pas quarante ans pour faire son ménage, il tomberoit dans la même suspension, & encourroit le même Cas réservé, encore que cette personne ne couchât pas dans sa maison. Déclarons deplus que si quelqu'un des susdits Ecclesiastiques se trouvoit obligé par bienfaisance de recevoir quelques visites de personne du sexe, il pourroit les retenir pendant trois ou quatre jours. Voulons que toutes nos autres Ordonnances sur ce sujet, & peines y portées, soient réduites à celles-cy.

Nous finissons en vous exhortant de tout notre cœur, à vous conformer à ce que nous venons de vous dire, & aux Statuts du Diocèse. Gardés doré navant pour vos Registres la formule qui y est marquée, signés ces Registres de votre propre main, & ne les laissez pas en feuilles volantes. Procurés vous la nouvelle compilation des Decrets Synedaux, que nous avons fait imprimer, lisez-les au moins une fois toutes les années, pour vous instruire de plus en plus de vos devoirs; observés soigneusement les Regles qui y sont prescrites: Vous serez respectés des Peuples, ils écouteront votre voix, s'ils prennent garde que vous écoutés la nôtre. Nous prions le Dieu dont vous êtes les Ministres, de vous faire marcher dans la voye de votre vocation.

N n

Nous

Nous ordonnons à nos Doyens Ruraux de signifier & d'envoyer la présente Ordonnance à tous les Curés & Vicaires de leur district, pour que ceux-cy la communiquent aux Con-
 jesseurs & autres Ecclesiastiques qui sont dans leur Paroisse, & que tous s'y conforment.

Nous donnons encore avis aux Curés & Vicaires qu'ils ayent à dire à leurs Paroissiens qui auroient des Enfants fort contrefaits, qu'ils feroient étudier dans le dessein de les

pousser à la Prêtrise, que Nous n'en admettrons plus aucun de cette sorte à l'examen pour l'entrée du Seminaire. Donné à Besançon le 15. Août 1707.

Signé, FRANÇOIS. JOSEPH
 Archevêque de Besançon.

Par Ordonnance de Monseigneur,
 J. G. AMEY.

MANDEMENT

DE MONSEIGNEUR

L'ARCHEVEQUE DE BESANÇON,

Par lequel il défend certains Livres dans son Diocèse.

FRANÇOIS. JOSEPH DE GRAMMONT, PAR LA GRACE DE DIEU
 ET DU SAINT SIEGE APOSTOLIQUE ARCHEVÊQUE DE BESANÇON, PRINCE
 DU SAINT EMPIRE, &c. A TOUS LES FIDÈLES DE NÔTRE
 DIOCESE, SALUT ET BENEDICTION.

L'Obligation que Nous avons de conserver le précieux dépôt de la Foy, qui est le fondement de nos esperances, & sans laquelle, selon l'Apôtre, il est impossible de plaire à Dieu; Nous engage à nous opposer de toutes nos forces à ce qui pourroit en altérer la pureté. Nous avons appris avec douleur que des Villes heretiques qui nous sont voisines, se répandoit dans cette Province le pernicieux Dictionnaire de Bayle; que des versions des Livres sacrés, ou déjà condamnées, ou justement suspectes, telles que sont la traduction du nouveau Testament, vulgairement dite de Mons; & le Livre qui a pour titre: *Le nouveau Testament en françois avec des réflexions morales sur chaque verset, pour en rendre la lecture plus utile, & la méditation plus aisée.* A Paris chez André Pralard, Rue Saint Jacques à l'Occasion, & ailleurs; étoient mises entre les mains même des personnes du sexe; & que les Institutions Theologiques du Pere Juenin, déjà condamnées par de grands

Prelats, ne laissoient pas qu'd'y avoir cours. Pour empêcher les mauvais effets que la lecture de ces Ouvrages ne manqueroit pas de produire, si elle étoit plus long tems tolérée: Nous défendons sous les peines de Droit à tous les Fidèles de ce Diocèse de lire ou retenir, & à tous Imprimeurs & Libraires de vendre & débiter aucuns desdits Livres. Ordonnons à nos Promoteurs & Doyens Ruraux de veiller sur les Livres qui se distribuent dans ce Diocèse, & de tenir la main à ce que le present Mandement soit lu, publié dans toutes les Paroisses & Communautés Ecclesiastiques & Régulieres, & executé suivant sa teneur. Donné en nôtre Palais Archiepiscopal, à Besançon le troisieme jour de mois de Juillet mil sept cens sept.

Signé, FRANÇOIS. JOSEPH
 Archevêque de Besançon.

Par Ordonnance de Monseigneur,
 J. G. AMEY.

FRANCISCUS JOSEPHUS de GRAMMONT,
 DEI & APOSTOLICÆ SEDIS GRATIA ARCHI-EPISCOPUS BISUNTINUS,
 Sacri Romani Imperii Princeps, &c. Universo Diaecesi nostræ Clero Gratia &
 Pax in CHRISTO JESU Salvatore nostro.

Cum Editio Statutorum hujus nostræ Diaecesis, quæ anno 1680. prodierat, omnino exhausta sit ac dividendita: curavimus illa Statuta iterum typis excudi, & in novum re-

digi Volumen, in quo per omnia servato prioris Editionis ordine, ac methodo, Statuta quæ ab anno prædicto in Synodis Diaecesanis constituta fuerant, suo singula quæque loco inferre.

sererentur. Existimavimus insuper omnia fere Statuta, quæ continebantur in altera collectione, etiam si multa ex ipsis in unum fupem tendant, ac pluries repetita videantur, non debere tamen ex hac nova Editione detrabi, quin potius esse referenda, ut quisque vestrum facilius intelligat, quam longævus & continuus existerit in hac nostra Diœcesi Ecclesiastica Disciplina velus, quantaque cura & affectu Prædecessores nostri Archi-Præsules, iteratis per varia tempora non raro de eadem re Decretis Synodalibus, eam promovere studuerint.

Verum attendentes permulta ex prædictis Statutis varias penas, maxime adversus Ecclesiasticos decernere, visum Nobis est optimum fore, si plures ex his penis temperaremus, atque etiam nonnullas auctoritate nostra ordinaria revocaremus. Quamvis enim nemo dubitare possit prædictas penas, attentis rerum ac temporum circumstantiis, olim sapientissime legibus illis adjectas esse, nunc rebus per Dei gratiam valde in melius immutatis, benigne multorum precibus annuentes, atque animi nostri erga Clerum propensionem secuti, proposuimus e Statutis Diœcesanis tollere per plures, censuras, partim usu jam aliqualiter antiquatas, partim hisce temporibus minime necessarias.

Quapropter solam præ oculis Dei gloriam habentes, & Viros Ecclesiasticos Diœcesis nostra gravibus conscientiarum periculis, & anxietatibus cupientes liberare; præterea confidentes indulgentiam qua hic utimur futuram validum toti Clero nostro incitamentum ad virtutem, nec non ad promptiorem in omnibus quæ ipsi præcepta sunt obedientiam; Declavimus ac volumus, ut nulla deinceps huius nostræ Diœcesis Statuta, Ordinationes, aut Mandata generaliter adversus Ecclesiasticos, aut seculares personas huc usque lata, aliquam censuram vel penam inferant, illis duntaxat exceptis, quæ in hac novissima eorundem Statutorum editione penam decernunt. Denique volumus, ut nullum ex istis Statutis penam ferat, ultra teneorem in hac nova eorum editione iussu nostro expressum.

Licet autem multas penas olim per prædicta Statuta decretas, hoc modo moderandas, atque etiam ex parte tum mutandas, tum supprimendas censuerimus, nunquam tamen habuimus, neque habemus in animo Decreta ipsa quoad substantiam abolere; sed temperatis duntaxat, ac partim mutatis, partim sup-

Tomus X. Concilior. German.

pressis penis, quas inferebant, declavimus ea, quæ in hoc Volumine continentur, non minus quantum ad id quod prohibent aut præcipiunt, quam antea obligare.

Quævam vero Statuta temperaverimus, & quanam omnino quoad penas abroganda vel mutanda iudicaverimus, huiusce Voluminis attenta lectio vos docebit. Legat illud unusquisque vestrum, & in ipso discatis honestatem morum, vitæ sanctimoniam, pietatem in Divinis afferendam, debitam rebus sacris reverentiam, & ea demum, quæ cultui Divino, quæ decori Ecclesiæ, quæ proximorum salutis debeatis.

Nec contenti Leges istas evoluisse, summa cura eo tendite quo dirigunt. Lucerna erunt pedibus, & lumen semitis vestris. Equitatem horum Decretorum, antiquitatem eorum religiose venerandam, consonantiam ipsorum cum his, quæ a Summis Pontificibus ac Conciliis Oecumenicis præscripta sunt, considerate & pensate. Audite vocem Pastoris, non graviora, sed Ministros Dei condecencia, nec non viribus vestris accommodata præcipientis. Certe si difficiliora exigeremus, utique facere deberetis, & obedire; quanto magis cum nunc Lege & Mandata plurimum allevaverimus.

Obsecramus itaque vos, Fratres in Domino, ut hæc Decreta libenti animo, & corde alacri suscipiatis, non tanquam servi, sed ut Filii charissimi, non in spiritu servitutis in timore, sed in humilitate & charitate.

Præceptum, quod hic præcipitur vobis, non supra vos est, non in celo, non ultra mare positum, sed juxta vos sermo facilis valde; audite illud, & in corde vestro quasi in libro scribite, meditemini illud, sedentes in domo vestra, ambulantes in itinere. Ligat illud quasi signum in manu vestra, cavete ne unquam obliviscamini. Audite disciplinam, & estote sapientes, & nolite abjicere eam, custodite illam, & ipsa vos custodiet. Hæc est voluntas Dei, hæc est sanctificatio vestra. Hæc facientes salvos vos facietis, & eos, qui vos audiunt. Datum Bisuntii in Palatio nostro Archiepiscopali, die 15. Augusti 1707.

FRANCISCUS JOSEPHUS
Archi-Episcopus Bisuntinus.

Ex Mandato Illustrissimi ac
Reverend. Domini mei,
J. G. AMEY.

Nn 2

INDEX

INDEX TITULORUM HORUM STATUTORUM SYNODALIU DIOECESIS BISUNTINÆ.

TITULUS I. De Synodo.
II. De vita & honestate Clericorum.
III. De Decanis Ruralibus sive Archi-Presbyteris.
IV. De Parochiis & eorum Parochianis.
V. De Familiaribus & Capellanis.
VI. De Religiosis & Monialibus.
VII. De Rectoribus Hospitalium.
VIII. De Praeceptoribus & Eremitis.
IX. De Rectoribus Scholarum & Ludimagistris.
X. De Sacramentorum administratione & susceptione.
XI. De Baptismo.
XII. De Confirmatione.
XIII. De Eucharistia.
XIV. De Penitentia.
XV. De Extrema Unctione.
XVI. De Ordine.

XVII. De Matrimonio.
XVIII. De Divinis Officiis.
XIX. De Celebratione Missarum.
XX. De Concionibus & Concionatoribus.
XXI. De Prono & Catechismo.
XXII. De Fidei professione emittenda.
XXIII. De Lectione Librorum ad Religionem spectantium.
XXIV. De Festorum celebratione.
XXV. De diebus Jejuniorum & Abstinentia.
XXVI. De Sanctorum cultu, eorumque Imaginibus ac Reliquiis.
XXVII. De Ecclesiis, Altaribus & Cemeteriis.
XXVIII. De Sepulturis & Exequiis defunctorum.
XXIX. De Fabricis & Confraternitatibus.
XXX. De Beneficiis & eorum redditibus.
XXXI. De Judiciis & penis.

TITULUS I. DE SYNODO.

STATUTUM I.

Dioecetana Synodus bis in anno celebrata.

Sanctorum Patrum vestigiis insistentes bonæ memoriæ Prædecessores nostri, hujus sanctæ Sedis Bisuntinensis Archi-Episcopi, celebrare duas Synodos singulis annis consueverunt: Primam quidem in septima & ultima hebdomada Paschalis Solemnitatis, in die videlicet Martis ante Festum Pentecostes: Alteram vero in mense Octobri, die Mercurii post Festum Beati Lucæ Evangelistæ. *Ex Statutis an. 1559.* Nunc propter bellorum clades, quibus hæc Dioecesis ab anno 1636. devastata est, una tantum Synodus, feria tertia ante Pentecosten, haberi consuevit.

II.

Sex Abbates & quatuor Archi-Diaconi debent Synodo interesse.

Tenentur in hac Dioecesi Bisuntina in omnibus Synodis comparere Venerabiles Abbates, sancti Vincentii Bisuntinæ Civitatis, & sancti Pauli ejusdem Civitatis: Abbas Montis Benedicti: Abbas de Golia: Abbas de Cor-

neolo: & Abbas de Bello-Campo, in habitibus quidem suis regularibus in priori collatione, quæ fit post Vesperas; mane vero Abbates mitrati cum cappis sericeis, mitris & crossis; alii non mitrati, cum similibus cappis & almuiriis, prout ab antiquo observatum est. Et præterea quatuor Archi-Diaconi nostræ Dioecesis cum suis Decanis: scilicet Archi-Diaconus de Salinis: Archi-Diaconus de Faverneyo: Archi-Diaconus de Grayacó: & Archi-Diaconus de Luxovio. *Ex iisdem Stat.*

III.

Decani Rurales in Synodo comparere debent.

Dècani Christianitatis (quos Rurales vocamus, alii Archi-Presbyteros) compareant in utraque collatione, cum superpelliciiis albis, mundis & honestis: similiter & Curati, seu eorum Vicarii, cum superpelliciiis (præsertim in Synodo matutina) diligenterque attendant ad verba sacræ exhortationis, & ad alia, quæ eis dicuntur ac mandabuntur; nec recedant ab ipsa Synodo absque nostra, aut Vicarii nostri Generalis licentia. *Ex Statutis an. 1480. & 1560.*

No.

*Nomina autem Decanatum Bisuntinae
Diacesis sunt hæc:*

De Sexta.	De Treva.
De Salinis.	De Faverneyo.
De Montana.	De Luxovio.
De Ledonesalno.	De Grangiis.
rio. del A. 1707.	De Ajoya.
De Neublano.	De Rubeomonte.
De Dola.	De Palma.
De Grayaco.	De Varese.

IV.

Quæ referre debent Decani ad Synodum.

Tenentur Decani Rurales in singulis Synodis referre nomina Beneficiatorum (præsertim Curatorum) non residentium in suis Ecclesiis Parochialibus, idque in scriptis. Item nomina excommunicatorum, qui per annum & diem sententiam excommunicationis sustinuerint. Nomina hæreticorum, conventicula celebrantium, seu a communione conversatione Fidelium, vita & moribus dissidentium. Item, si qui incorrigibiles fuerint in Clero, aut minus idonei Rectores Ecclesiarum in Decanatibus ipsorum. *Ex Statut. 1573.*

V.

Venientes ad Synodum honeste se gerant.

Venientes ad Synodum, honestam sibi eligant societatem, honesta hospitium; ubi graviter, modeste, pacifice se gerant, sobrie vivant, vana colloquia & fœda, suspecta omnia devitantes: potius orationibus & jejuniis, exemplo Apostolorum vacent, & de rebus Ecclesiasticis meditentur. *Ex iisdem Stat.*

VI.

*Post Synodum congregant Decani suos
Parochos.*

Decani Rurales post nostram Synodum, cum Curatis suorum Decanatum compareant annuatim in locis & diebus consuetis ab antiquo ad celebranda sua Concilia, seu Conventus, ibique orationem per se, vel per alium habeant de moribus & honestate Clericorum, & Statuta nostra Synodalia recitent & exponant, invocato prius per Missam & Processiones devotas, Spiritu Sancto: Deinde conferant cum Curatis ipsis de rebus Ecclesiasticis,

prout suo incumbit officio, honeste, pacifice & modeste, sine murmure, sine contentione; & quæ invicem conferentes, expedire duxerint ad tranquillitatem, libertatem, auctoritatem quæ Ecclesiæ, illa in proxima Synodo referant Nobis, vel verbo, vel scripto. *Ex iisdem Statut.*

TITULUS II.

De vita & honestate Clericorum.

STATUTUM I.

Qualis debet esse Vita Sacerdotis.

Clerici omnes; quia Christi sunt famuli, sicut Laicos gradu & professione antecellunt, ita scientia, bonorum operum actione, virtute, morum honestate & sanctitate præcellere debent, ut ostendant in semetipsis, qualiter oporteat Laicos in Ecclesia Catholica, quæ domus Dei est, conversari; vilissimus enim reputandus est, qui alios dignitate & honore præcellit, nisi scientia & sanctitate præstantior sit. Caveant igitur sibi Sacerdotes ab omni luxu profano, fastuoso & carnali, tam in victu, quam in cultu: & ab omni specie mali abstineant: decorumque conditionis suæ atque status servant, non solum coram Deo, sed etiam coram hominibus, ne occasionem dent adversario maledicendi. *Ex Statutis anni 1480. & anni 1573.*

II.

Clerici, compositione exteriori corporis, suæ conditionis dignitatem ostendant.

Clerici omnes & singuli in habitu & incessu suam professionem, religionem & statum probent & ostendant; non quærant in vestimentis aut calceamentis decorem: sed aliorum sui status & ordinis, cum quibus vivunt, bonos & simplices mores observent. Sit eorum etiam incessus ornatus & modestus; non modo festinus, modo tardus, ut gravitate itineris mentis maturitatem ostendant; nam incompositio corporis inæqualitatem mentis indicat. *Ex Statutis anni 1480.*

Nn 3 III.

III.

*Vestium Clericorum modestia & decencia
ubique servanda.*

Clerici omnes, præsertim qui in Sacris fuerint, aut Dignitates, Personatus, Officia vel Beneficia qualiacumque Ecclesiastica obtinuerint, tonsuram & habitum, non exquisiti aut dissoluti, neque tamen incomperti, vel indecentis ornatus, sed proprio ordini aut dignitati congruentem, non solum in Ecclesia, verum etiam per plateas perpetuo deferant: ut per extrinseci habitus, gestus & incessus decenciam, intrinsecam morum honestatem, gravitatemque modestiam conditam præferant, ut a Laicis publice distingui possint. Alioquin, qui abjectis vestibus proprio convenientibus statui alias assumere & publice portare præsumserint, penis in Concilio Viennensi statutis, & in Synodo Tridentina adversus eos innovatis coerceantur. *Ex Statutis 1588.*

IV.

*Barbam & comam non nutriant, sed
coronam gerant.*

Non barbam ferant, neque moliter comam colant, sed tonsura in vertice, juxta Ordinem suum, coronam efficiat congruentem: qua se in regale Sacerdotium assumptos, nihil jam plebeium, aut humile sapere, præferant. *Ex Statutis anni 1537.*

V.

Forma corona pro sacris Ordinibus.

Quoad tonsuram seu coronam capitis attinet: mandamus & statuimus eam esse debere, quantum ad Sacerdotes, ad mensuram majoris Hostiæ. Clericorum vero, ad mensuram minoris, ut in Concilio Toletano IV. sanctum. Diaconorum vero & Subdiaconorum, media inter prædictas erit forma. *Ex Statutis 1648.*

VI.

*Tonsura & Habitus Clericalis quales
esse debeant.*

Quia plurimum refert, ut qui vita & moribus a cæteris differre debent, etiam exteriori habitu distinguantur,

Presbyteros, aliosque omnes in sacris Ordinibus constitutos serio monemus, ut tonsuram & coronam Clericalem juxta sacrorum Canonum Decreta perpetuo gerentes, comam laxare, & crines prolixiores deferre non præsumant. Similiter ut in locis suæ residentiae, tam urbibus quam pagis, sine talari veste nunquam incedant. Si vero eos peregrè proficisci contigerit, breviori quidem toga uti liceat, quæ tamen ea sit decencia & amplitudine, ut cingulo præcincta appareat, & infra genua protendatur, servata vestis talaris forma, rejectisque ad justam corporis mensuram clamydibus, quæ magis Militem, quam Sacerdotem ostendunt. *Ex Statutis 1699.*

VII.

*Fistula Casaries quando & a quibus
ferri non debeant.*

Ne quod introductum est a Laicis ad valetudinis curam, fiat Ecclesiæ Ministris occasio vanitatis & luxus; prohibemus, ne ullus in sacris Ordinibus constitutus fictam casariam assumat sine licentia nostra in scriptis obtenta. Neque tamen cum illa celebrare audeat, vel in Altari ministrare, nisi habita prius Summi Pontificis facultate, quam Nobis exhibere teneatur. Porro hujusmodi casaries non oblonga, sed brevis ac modesta, & Clericali tonsura juxta proprium cujusque Ordinem, distincta esse debet, ut magis utentis necessitatem, quam fastum præferat. *Anno 1686.*

VIII.

Prohibentur cauponaria taberna.

Comestiones & ebrietates, quæ Christianos non decet; licet per Decretum nostrum speciale prohibendæ non essent, cum ab Apostolo & Ecclesia tam arcte prohibeantur; nihilominus quia damnabilis usus invaluit, ut etiam ipsi Sacerdotes, qui aliis exemplo præesse deberent, non erubescant cum secularibus Sacerdotii dignitatem deprimere: quod in Synodo anni præteriti 1663. statuimus circa Sacerdotum & Clericorum vestimenta, renovantes: insuper prohibemus omnibus & singulis Diœcesis nostræ Presbyteris

byteris & Clericis actu Ecclesiæ intervenientibus, qui propterea fori privilegio gaudent, ne imposterum popinas & cauponas publicas frequentare præsumant, ut in iis aut soli, aut cum aliis invitati, vel invitantes comessentur, sed ex vitæ & morum honestate & compositione modesta Fideles provocent ad vitæ emendationem: ideoque severe præcipimus Curia nostræ Fiscalibus, ut attendant ad hujus nostri Decreti exactam observationem, & delinquentes puniri faciant. *Ex Statutis nostris 1664.*

IX.

Præcipitur vestis talaris, & tabernaculum frequentatio prohibetur sub pena suspensionis.

Cum hætenus Ecclesiasticas sanctiones, circa Clericalis habitus delationem, & tabernarum frequentationem, per iterata Statutorum nostrorum Synodalia Decreta, ad debitam observantiam reducere conati sumus; nihilominus tamen, non sine gravi animi dolore, cernamus hujusmodi Ordinationes a plerisque Clericali, imo & Sacerdotali caractere insignitis parvi pendere, ac usui temerario infringi; ne tantum virus in Ecclesiasticæ dignitatis dedecus, & sacrorum Canonum contemptum, diutius in nostra Diocesi serpat, acriora remedia, juxta Summorum Pontificum Constitutiones, ac præcipue sacri Concilii Tridentini præscriptum, cujus tenorem inferius apponi jussimus, adhibere compellimur. Propterea declaramus omnes & singulos in sacris Ordinibus constitutos, qui talarum vestem in locis suæ residentia, extra illa vero peregrinantes, brevioris quidem togam, sed tamen infra genua descendentem non detulerint, suspensionem ab Ordine ipso facto incurrere, a qua nonnisi a Nobis duntaxat absolvi possint: illis porro, qui sacris Ordinibus initiati non sunt, Beneficia tamen Ecclesiastica, veluti Abbatias, Canonicatus, Prioratus, Hospitalium Recltorias possident. Si a Nobis specialiter admoniti præfata Ordinationi non paruerint; pro prima vice, media parte reddituum unius anni suorum Beneficiorum in pios usus,

per Nos vel Officialem nostrum convertenda privamus; pro secunda vice, anni integri fructibus; pro tertia vero, ipsimet Beneficiis, eo ipso privatos esse declaramus; ita ut ex tunc vacare censeantur. Volumus etiam, ut omnes, qui ad sacros Ordines sunt provecti, vel qui ratione Beneficii ad vestis talaris delationem, uti modo præmisimus, obligantur, quoties tabernas, seu hospitia ad compotandum, quovis prætextu (nisi forte dum iter faciunt) adiverint, eandem suspensionis pœnam ipso facto incurrant, cujus absolutio nem pariter Nobis reservamus. Ne autem quisquam præsentis nostri Decreti ignorantiam prætendat, mandamus omnibus nostræ Diocesis Parochis & Vicariis illud quamprimum ad eorum notitiam venerit, in Ecclesiis suis publicare, & valvis ipsarum affigere. *Ex Decret. nostr. edit. die 28. Martii 1673. Renov. & confir. in Statut. ann. 1675. 1676. 1677. 1678. & 1679.*

Decretum præcedentis extensivum.

Quoniam non sine animi molestia accepimus plurimos ex Clero nostro Ordinationi nostræ circa talaris vestis delationem, & tabernarum, compotationis causa, ingressum, antehac publicatæ, bellorum prætextu minime paruisse; ut tam perniciosæ relaxationis excusatio penitus elidatur. Decretum nostrum hac de causa die 28. mensis Martii 1673. editum, sub eadem pœna renovamus; declarantes quoad cauponarum frequentationem, etiam hortos, viridaria, & alia loca ipsis annexa, aut ab iis dependentia in nostra prohibitionem comprehendi. Locum etiam residentia, in quo cauponas adire non licet, ad cætera Parochiæ membra & universum illius ambitum extendi; illos vero, qui in fraudem inhibitionis nostræ ad tabernas pagorum Parochiæ suæ vicinorum, comessationum causa, nullaue negotiorum, aut itineris ulterius conficiendi necessitate, sed ad ibi bibendum se conferunt, eidem pœnæ & censuræ in Decreto nostro contentæ subjacere. Ubi tamen Parochiæ sunt ampliores, permittimus Parochis, aliisque Sacerdotibus, qui eorum vires agunt, cum pro Sacramentorum admi-

administratione, aut aliis Parochialibus officiis exequendis, ad remotiores Parochiæ suæ partes progrediuntur, ibidem in canpona, si necessitas exigat, aut si alibi commodè nequeant, refectiorem sumere. Die 8. Octobris 1674.

*Decretum sacri Concilii Tridentini,
Sess. 14. de Reform. cap. 6.*

" Quia vero, etsi habitus non fa-
" cit Monachum, oportet tamen Clericos
" vestes proprio congruentes Ordini semper
" deferre, ut per decentiam habitus ex-
" trinseci, morum honestatem intrin-
" secam ostendant. Tanta autem ho-
" die aliquorum inolevit temeritas,
" Religionisque contemptus, ut pro-
" priam dignitatem & honorem cleri-
" calem parvi pendentes, vestes etiam
" deferant publice laicales, pedes in
" diversis ponentes, unum in Divinis,
" alterum in carnalibus. Propterea
" omnes Ecclesiasticæ personæ quan-
" tumcumque exemptæ, quæ aut in
" Sacris fuerint, aut Dignitates, Per-
" sonatus, Officia, aut Beneficia qualia-
" cumque Ecclesiastica obtinuerint, si
" postquam ab Episcopo suo, etiam
" per Edictum publicum moniti fue-
" rint, honestum habitum clericalem,
" illorum Ordini & dignitati congruen-
" tem, & juxta ipsius Episcopi ordina-
" tionem & mandatum non detulerint,
" per suspensionem ab Ordinibus, ac Officio
" & Beneficio, ac fructibus & redditibus ac
" proventibus ipsorum Beneficiorum; nec
" non si semel correpti denuo in hoc
" deliquerint, etiam privationem Officio-
" rum & Beneficiorum hujusmodi coerceri pos-
" sint & debeant, secundum Constitu-
" tionem CLEMENTIS V. in Con-
" cilio Viennensi editam, quæ incipit:
" Quoniam innovando & ampliando."

X.

*Toga talaris sub brevibus palliis appa-
rere debet.*

Statuta hæc hactenus edita, quibus vestis talaris præcipitur, tum ad majorem Ecclesiasticæ dignitatis reverentiam, tum etiam ut a Laicorum statu distinguantur, complures in sacris Ordinibus constituti non leviter infringere comperiuntur, dum togam talem, præcipuum sui characteris indicium,

sub brevibus palliis involutam abscondere non erubescunt. Quapropter huic pravi consuetudini, quæ sæcularium oculis offendit, occurrere cupientes, præcipimus singulis, qui ad vestem talem deferendam tenentur, illam decenter & honeste, ut Ministris Ecclesiæ convenit, in locis suæ residentie gestare. Si vero necessitas cogat quandoque palliis brevioribus uti, sub ipsis toga talaris ita defluere debet, ut palam appareat. Renovantes Statuta antehac publicata tam circa vestis talaris delationem, quam coloris peregrini in cæteris vestimentis & ornatu prohibitionem. Anno 1696.

XI.

*Vestium color eorum, qui in Sacris
sunt constituti.*

Etsi hæc hactenus tum Sacerdotibus, tum aliis sacris Ordinibus initiatis injunxerimus sub censuris & pœnis Nobis a Concilio Tridentino propositis, ut vestes suo Ordini congruentes, coloris videlicet nigri, & in locis suæ residentie talaris, in itinere vero positi, breviores quidem, sed tamen ad genua defluentes, deferant: nonnulli tamen sæculi ignominiam adhuc sectantes, novas, ac prorsus militares vestium formas in Clero introducere incipiant; Prohibemus omnibus & singulis, qui ad habitum Ecclesiasticum deferendum tenentur, panno alterius coloris, quam nigri, non vero violacei (præterquam iis, quibus ex privilegio competit) sive in toga, sive in pallio, aliisque indumentis exterioribus tam ruri, quam in urbibus vestiri. Neve loco collarium linteolis complicatis & collo dependentibus, Laicorum more utantur; nec denique zonas alterius coloris, quam nigri, aut depressas in modum fasciæ militaris, sed ad pectus elevatas gestent; alioqui graviter in eos animadvertetur. Ex Statutis nostris 1679.

XII.

Idem præcipitur cum ampliacione.

Cum præcipua sollicitudinis nostræ cura sit, ut quæ a sacris Canonibus, & hujus Synodi Decretis salubriter sunt ordinata, inviolabiliter obser-
ventur;

ventur; maxime quæ ad status Ecclesiastici decentiam compositionem spectant. Idcirco attendentes Statutum antehac promulgatum, quo interdictum Clericis in sacris Ordinibus constitutis, vestes alterius coloris, quam nigri deferre, a pluribus parvi pendi & contemptui haberi; illud necessario renovandum duximus, prohibentes omnibus & singulis, qui ad vestes tales deferendas tenentur, cum indumentis cujusvis alterius coloris, quam nigri, præsertim cum palliis violaceis aut ceruleis, & fasciis a collo pendentibus (vulgari idiomate *Cravates* nuncupatis) deinceps incedere, sub pœna suspensionis ab Ordine Nobis reservatæ ipso facto incurrendæ; si personæ liter admoniti, post novem dies, quorum tres primos pro prima, tres alios pro secunda, & tres ultimos pro tertia monitione assignamus, ab iis non abstinerint. Anno 1695.

XIII.

Non sint Caupones.

Nulli Clerico liceat tabernam, aut ergasterium (id est officinam publicam) habere. Si enim hujusmodi tabernam ingredi prohibetur, quanto magis aliis ministrare in ea? Officina autem Sacerdotis, si qua esse videtur, Ecclesia sola est. Ne igitur tabernas ingrediantur, cibi aut portus causa, nisi coacti necessitate. *Ex Statut. 1573.*

XIV.

Qualiter vinum vendibile habere liceat.

Quamvis per Decreta nostra superioribus annis edita, Sacerdotum honori non minus, quam sobrietati sufficienter providerimus, eos a tabernarum frequentatione revocando, quæ innumerorum excessuum erat origo; nihilominus ut omnem dedecoris umbram, & scandali occasionem a Clero nostro removeamus, præsentî Statuto cavemus, ne ulli Sacerdotes, dum vinum ad mensuram vendunt, illud in suis ædibus potandum ementibus præbeant, & ita cauponam, quam adire in aliena domo vetantur, in propria magis ignominiose exercent. Verum, etsi ipsis permissum sit, vinum ad eo-

Tomus X. Concilior. German.

rum usum, comparatum appensa hædera dividere; non ideo tamen sibi licere arbitrentur, illud ex professo & industria emere; ut inde negotiando turpem quæstum acquirant, cum a sacris Canonibus hujusmodi commercia maxime interdican- *Ex Stat. 1677.*

XV.

Non exercent mercaturam.

Non teneant tabernas, non sint mercatores, nec commercia negotiationis exercent. *Ex Stat. 1481.*

XVI.

Non sint negotiorum gestores Dominorum secularium.

Clerici non exercent aut gerant officia Dominorum temporalium, propter quæ teneantur ad rationem reddendam ipsis Dominis temporalibus: alioqui non juvabuntur privilegio & beneficio juris adversus dictos Dominos, si arrestentur aut detineantur ab eis in persona: aut si eorum bona occupari contingat pro ratione reddenda, & solutione debiti facienda. *Ex Statutis 1573.*

XVII.

A commerciis & conductionibus abstineant.

Quia secundum doctrinam Apostoli, nemo militans Deo secularibus se negotiis implicare debet, & valde indecorum est spirituales viros mundanis actionibus involvi; ideo omnibus & singulis Bisuntinæ Diocesis Clericis in sacris Ordinibus constitutis ordinamus, ac præcipimus, ut rerum temporalium administrationes nullo modo recipiant, cauponas seu tabernas nullatenus exercent, a conductionibus, & negotiationibus lucri causa abstineant; denique secularibus negotiis, juxta Canonicas sanctiones, non se immisceant, sed ministerium, ad quod vocati sunt, Deo & Ecclesiæ fideliter ac decenter inserviando adimpleant. *Ex Statutis anni 1656.*

XVIII.

Arma non ferant.

Non ferant arma: quorum arma sunt orationes & lacrymæ: & quos

Oo

vite

vitzæ sanctimonia tutos & venerabiles reddere debet. *Ex Stat. 1480. & 1573. Renov. 1648.*

XIX.

Idem prohibetur sub pœna inobedientiæ.

Cum juxta Apostolum, arma militiæ nostræ spiritualia sint, non carnalia, maxime convenit Clericis ab armorum delatione & strepitu abstinere, quæ nonnisi ad vindictam & sanguinis effusionem, a qua Ecclesia abhorret, solent assumi. Et quamvis per sacros Canones & Concilia, ac etiam per Dilectis nostræ Statuta jampridem sit omnibus Clericis interdictum, ne arma gerant; quia tamen Nobis innocuit plures, etiam Sacerdotes, contemptis Ecclesiasticæ disciplinæ legibus, armis instructos incedere, & iis, tum ad venationem, tum ad alias exercitationes uti: Prohibemus universis in sacris Ordinibus constitutis sub multa triginta librarum stephanienſium piis locis applicanda, deinceps catapultas & alia hujus generis arma, quibus ignis exploditur, secum deferre. Qui vero semel correpti recidivi fuerint, suspensionis pœna puniendos fore declaramus. *Anno 1694.*

XX.

Prohibetur sub variis pœnis Clericis in sacris Ordinibus constitutis arma deferre, & venationi vacare.

Cum nihil ita Ecclesiasticam disciplinam enervet, quam legum ab Ecclesia conditarum contemptus & inobſervantia, ac proinde maxima Nobis cura incumbat, ut quæ a sacris Canonibus ac Statutis Synodalibus sunt decreta, sedulo observentur: idcirco advertentes Statutum antehac editum, quo prohibetur Clericis in sacris Ordinibus constitutis, catapultas deferre, nec non venationi cum armis ignitis vacare, a plerisque infringi: nec ullo pœnarum in eo inferarum metu, quas leves arbitrantur, posse coerceri, graviores, quamvis inviti, cogimur adhibere. Renovantes igitur præfatum Statutum, interdicimus omnibus Clericis in sacris Ordinibus constitutis, catapultas quovis prætextu deferre, multo magis cum hujusmodi armis vena-

tionem insistere, idque sub pœna peccati mortalis, cujus absolutionem Nobis specialiter reservamus, a Parochis, Vicariis, aliisque curam animarum habentibus, incurrendi; & sub pœna suspensionis ferendæ sententiæ erga omnes in sacris Ordinibus constitutos similiter delinquentes. *Anno 1704.*

XXI.

Annulos non gestent.

Non ferant annulos in digitis, nisi quibus competet ex officio dignitatis. *Anno 1573.*

XXII.

Caste vivant, & consortia suspectarum mulierum fugiant.

Clerici caste, continenter & pudice vivant: nam castitas sola est, quæ cum fiducia Deo possit hominum animas præsentare. Non habeant in domibus suis fœminas, quarum vita & conversatio suspecta sit de incontinentia, ut in conspectu Omnipotentis Dei puro & casto corpore ac mundo corde ministrare valeant. *Ex Stat. 1480.*

XXIII.

Non habeant secum faminas, maxime suspectas.

Caveant igitur sibi Ministri Altaris a contubernio & consuetudine fœminarum, maxime suspectarum. Nec domi habeant subintroductam, aut suspectam, sub pœnis in Concilio Tridentino contentis. *Ex Stat. 1573. Renov. 1588. & 1590.*

XXIV.

Pœne contra Concubinarios.

Ut Statutum quinquagesimum postremæ autumnalis Synodi, aliaque in Clericos, concubinas & mulieres impudicas cujuscumque ætatis notorie tales, domi vel foris retinentes hætenus promulgata, facilius executioni demandentur, privationis Beneficiorum, pensionum & Officiorum Ecclesiasticorum, si quæ obtinent, pœnam, qualibet appellatione vel exemptione non obstante, ita eos ipso facto incurrisse decrevimus, ut ad ea post hæc retinenda aut alia obtinenda, omnino sint inhabiles, Titulum, cujus virtute ea olim

olim obtinuerunt, irritantes, annullantes, & ad non Titulum usque adeo reducentes, ut Beneficiorum suorum vacantium provisione ab iis, penes quos ejus rei jus est, absque alia declaratione facta, nullum sit privatis remedium. Clerici vero Beneficia, pensiones & Officia Ecclesiastica non habentes, suspensi ab Ordine & ad Beneficia obtinenda ipso jure inhabiles existant. *Ex Stat. 1593.*

XXV.

Notbos secum non retineant.

Utque omnis prorsus scandali, malique tollatur occasio, omnibus & singulis nostræ Diœcesis Clericis, Beneficiatis, aut in Sacris constitutis, sub iisdem pœnis prohibemus, ne notorios ex ejusmodi nefario concubinato liberos domi secum retinere, aut eis cohabitare, vel sibi in Ecclesia, aut Altari ministrare quovis modo patiantur; ne alias juxta Prophetæ sententiam, mulieris meretricis nolentis erubescere frontem habere videantur, qui continuo pudore, acerbaque penitentia tantum facinus debenter detestari. *Ex Stat. 1593.*

XXVI.

Spectaculis non intersint, nec ea exhibeant.

Turpibus & obscœnis spectaculis, aut confabulationibus ne intersint; quia corrumpunt bonos mores colloquia prava. Minus ergo licebit spectacula ipsa exhibere, & histrionum habitu prodire in theatrum, fabulasque recitare scenicas. *Ex Stat. 1480. & 1573.*

XXVII.

A comicorum scenis abstineant.

Cum mimorum & comicorum scenæ, ac theatra; sanctorum Patrum Sententiis, Conciliorum Decretis, ac Prædecessorum nostrorum Statutis jam pridem sint damnata, & nonnisi cum maximo animæ periculo, possint a Christianis frequentari; tam perniciosum scandalum a Clero nostro avertere cupientes, denuo universis Ecclesiæ ministerio adscriptis, qui ad vestem talarem gerendam, seu ratione suscep-

Tonus X. Concilior. German.

torum Ordinum, seu ratione adepti Beneficii (juxta Decretum a Nobis antehac promulgatum, obligantur: Prohibemus hujusmodi comicis spectaculis interesse, sub gravissimæ animadversionis pœna. *Ex Statutis 1676.*

XXVIII.

Idem interdicitur, & mulierum salutationes cum osculo.

Damnamus & frequentiam in spectaculis, aliaque omnia, quæ in Statutis eminent. Cardinalis a BAUMA jam memoratis, falsius Titulo: *De vita & honestate Clericorum*, prohibentur; addito hoc solum, ne inter humanitatis officia, quæ maxime præstari a Clericis debent, iidem salutationis causa mulieres osculentur, simili officio, labris Christi Sanguine toties tinctis ac rubentibus, minime conveniente: Hortantes, ut nominis sui frequenter recordentur, quo non oblectationi, non otio, non alienis a pietate negotiis; sed unius Dei servitio operam dare, & incumbere, utpote in ejus sortem & hæreditatem vocati, obligantur. *Ex Stat. 1648.*

XXIX.

Certaminibus periculosis, nec executionibus criminalibus intersint.

Ne duellis aut certaminibus periculosis intersint, unde irregularitas incurri potest. Nec executioni sententiæ sanguinis damnatorum hominum assistant: multo minus eam scribant, aut dicant: quia fierent irregulares. *Ex Statutis 1537.*

XXX.

Non se immisceant exercitationibus publicis.

Quia valde indecorum est, & Canonicis sanctionibus contrarium, viros Ecclesiasticos, quorum arma preces & lacrymæ esse debent, cum Laicis in sæcularibus exercitiis, & actibus publicis conversari: Idcirco omnibus Presbyteris, aliisque in sacris Ordinibus constitutis ordinamus, ac serio præcipimus, a cœtibus ludorum publicorum, in quibus arma, ac præsertim catapulæ deferuntur, abstinere, nec hisce se immiscere, & ullo modo aggregare,

in contravenientes animadversuri. *Ex Stat. 1658.*

XXXI.

Abstineant a ludis publicis vel prohibitis.

Nec aleæ vacent, aut ludis vel prohibitis, vel publicis, quibus similis populus scandalizatur. *Ex Stat. 1573.*

XXXII.

Neque ludis publicis interesse debent sub pena suspensionis.

Quod a pluribus Conciliis jam pridem sancitum est, ne Clerici, qui Doctrinæ attendere & sacrarum Literarum studio jugiter incumbere debent, ludibus & prophanis exercitationibus tempus infumant; aut loca, ubi hujusmodi ludi habentur, frequentent, in pristinum vigorem restituere cupientes; interdicimus universis in sacris Ordinibus constitutis, cæterisque, qui habitum Clericalem deferre tenentur, ne ludis publicis intersint, præsertim alearum & cartarum, sive habeantur in publicis, sive in privatis domibus, ubi tenentur academix, ad quas omnes promiscue admittuntur, sub pena suspensionis ab Ordine ipso facto incurrenda. *Anno 1693.*

XXXIII.

In nundinis comparere non debent, nec animalium negotiationes exercere.

Cum nihil magis Ecclesiæ Ministros contemptibiles reddat, quam secularia negotia turpis lucris causa gerere, & commercium animalium, uti viles mercatores exercere; serio prohibemus omnibus in sacris Ordinibus constitutis, sub pena viginti librarum piis locis a Nobis applicandarum, negotiationes, maxime animalium, instituere, aut in locis publicis nundinarum quovis prætextu apparere; memores Christum Dominum, tales quasi prophanos a domo Dei, facto de funiculis flagello, ejecisse. *Anno 1693.*

XXXIV.

Idem prohibetur sub pena suspensionis incurrendæ.

Ne juxta Prophetæ Oraculum sint ultra mercatores in domo Dei, utque

omnis turpis lucris suspicio, quæ occasionem præbet laicis vituperandi ministerium nostrum, a Clero tollatur: denuo inhibemus omnibus Sacerdotibus, aliisque sacris Ordinibus insignitis, ne commercia & negotiationes animalium, equorum, boum & cæterorum hujusmodi exercent, neque in nundinarum foro, aut in domibus & stabulis, ubi mercatores intra eadem nundinas animalia vendunt, appareant, sub pena triginta librarum fabricæ Ecclesiæ nostræ Metropolitanæ applicandarum, & suspensionis ferendæ sententiæ. Si vero loca, ubi nundinæ habentur, pro emendis mercibus proprio usui necessariis, adire teneantur, a laicorum consortio, quantum fieri poterit, abstineant. *Anno 1704.*

XXXV.

Renovantur Statuta prohibentia Clericis arma deferre, venationi vacare, nundinis interesse; Laicis vero interdictum choreas ducere, & imagines adibus affigere in Festis Patronorum cum tibicinis.

Ad Archi-Episcopalis Dignitatis Sedem Divina dispositione evecti, primum omnium in animo habuimus Statuta Prædecessorum nostrorum auctoritate nostra roborare. Et quia nonnulla negligentius observari comperimus, ea expressius in hac Synodo quoad substantiam duximus renovanda; præsertim quæ prohibent in sacris Ordinibus constitutis, catapultas deferre, venationi vacare, in nundinis comparere; Laicis vero diebus festivis, maxime Patronorum, choreas ducere, imagines Sanctorum circumferre, & januis domorum cum strepitu & instrumentis choralibus affigere, omnino interdicimus. *Anno 1700.*

Vide Statutum trigessimum sextum, pag. 441.

TITULUS III.

De Decanis Ruralibus sive Archipresbyteris.

STATUTUM I.

Decani resideant in suis Decanatibus.

Quoniam exigit sancta Tridantina Synodus, ut iis tantum ministeria

ria Ecclesiastica committantur, qui residere in locis, & curam per seipso exercere valeant; Nolumus quemquam Decanorum nostrorum ruralium, nisi gravissima ex causa Nobismet cognita & probata in scriptis extra Decanatum suum residere: mandamusque intra mensem a præsentis Synodo Statuto huic nostro fieri satis, & morem geri. *Ex Stat. 1648.*

II.

Parochorum nomina, ac Parochiarum vacantium indicem reserant.

Singulis quoque annis ad Synodum conferant indicem omnium Parochiarum suorum Decanatum adscriptis eorum nominibus, qui earumdem vel institutionem, vel administrationem temporariam obtinuerint, cum expressa Ecclesiarum designatione; quæ cum proprio Pastore careant, & hisce bellis eodem spoliatae sint, neminem omnino habent, qui Sacramenta ipsis administret; idque eo consilio, ut viciniore Parocho loci illius cura injungatur, cum perceptione fructuum, vel ad certum tempus, vel donec aucto Cleri numero aliter provideatur. *Ex Stat. 1648.*

III.

Sacras Unctiones ipsmet distribuunt, & Mandata Archi-Episcopi diligenter transmittant.

Iisdem præterea injungimus, ut illico, Festis Paschalibus absolutis, sacras Unctiones quotannis ipsi distribuunt, & pari cum diligentia quidquid nostro nomine, seu moribus restituentis, seu precibus pro salute Principum, aut alia qualibet causa, indicendis, per Dicecesim vulgabitur, exequantur ipsi, vel ab aliis sine mora executioni mandari procurent sub pœna contra remissos & negligentes arbitranda. *Ex Stat. 1648.*

IV.

Eisdem ad singulas Parochias deferant.

Ut facilius totius Dicecesis nostræ, præsertim Ecclesiarum status notitia ad Nos perveniat: statuimus Decanos Rurales imposterum, dum sacras Unctiones suo tempore distribuunt, debere

singulas Parochias singulatim & personaliter lustrare, neque amplius convocandos volumus Parochos ad stationes singulares, quæ in alienos ab instituto abusus degenerarent; Mandantes iisdem Decanis Ruralibus, quatenus antea moneant Parochos circa tempus suæ visitationis, ut eo tempore in suis Parochiis præsentibus adsint, alias si abfuerint dicti Parochi, propriis sumptibus ad Unctionum susceptionem recurent. *Ex Stat. 1665.*

V.

Quæ præstare debent Decani in visitatione Ecclesiarum singulis annis facienda.

Ut Statutum annis superioribus editum, circa Parochiarum visitationem a Decanis Ruralibus quotannis perficiendam, suum consequatur effectum, iisdem mandamus, ut quamprimum ad aliquam Ecclesiam accesserint, Scabinos & præcipuos Parochianos ad sonum campanæ convocent, ipsisque præsentibus Sacra universa reverenter & accurate perlustrent, incipiendo ab Augustissimi Sacramenti Tabernaculo, cæterisque vasis ad cultum Divinum deputatis. Attendant deinde, utrum lampas coram eodem Ss. Sacramento jugiter ardeat, & ornamenta, præcipue linteamina, ad usum Sacrificii Missæ destinata, munda sint ac integra. Denique ipsos Scabinos aut iis absentibus, Seniores loci sigillatim conveniant, a quibus de regimine & moribus Parochi diligenter inquirant, ut de his omnibus scripto Nos certiores reddant. *Anno 1681.*

VI.

Ante Synodum significant Vicario Generali, quæ corrigenda & statuenda videbuntur.

Ut autem commodius & melius super quibuslibet statuendis deliberari possit, tenebuntur singuli Decani, quindecim ante proxime sequentem Synodum diebus, mittere ad Reverendum Vicarium Generalem memorialia omnium eorum, quæ in ipsorum Decanatibus corrigenda, reformanda, componendaque ac ordinanda videbuntur. *Ex Stat. 1631.*

VII.

Post Synodum convocent suos Parochos, ut cum eis conferant.

Decani Rurales post nostram Synodum, cum Curatis suorum Decanatum compareant annuatim in locis & diebus consuetis ab antiquo, ad celebranda sua Concilia seu Conventus, ibique Orationem per se, vel per alium habeant de moribus & honestate Clericorum, & Statuta nostra Synodalia recitent & exponant, invocato prius per Missam & Processiones devotas Spiritu Sancto: deinde conferant cum Curatis ipsis de rebus Ecclesiasticis, prout suo incumbit officio, honeste, pacifice, & modeste, sine murmure, sine contentione: & quæ invicem conferentes expedire duxerint, ad tranquillitatem, libertatem, auctoritatemque Ecclesiæ, illa in proxima Synodo referant Nobis vel verbo, vel scripto. *Ex Stat. 1573. Renov. 1618.*

VIII.

Eligant in Civitate domicilium, ut citius illis Mandata Archi-Episcopi dirigantur.

Utque promptius ac tutius Reverendissimi Mandata posthac ad Decanos perveniant, injuncta est ipsis & eorum singulis domicilii in hac Civitate electio; relicto ibi Procuratore, qui ea statim ad eos ferri curet; ipsi vero Decani ad quoslibet Parochos, & alios, quorum intererit, sub pœna a Nobis arbitrandæ, eadem absque mora transmittant. *Ex Stat. 1605. Renov. 1640.*

IX.

Cæteris exemplo præluceant.

Demum, ut condita a Nobis hæc Statuta, quæ ad eosdem Decanos spectant, omnes & singuli ad amussim observent, proprio exemplo in castitate, & sobrietate, & morum compositione cæteris Decanatum suorum Clericis præluceant; nullisque vigiliis aut laboribus parcant, certioribus Nobis faciendis de omnibus, quæ remedio celeri videbuntur indigere. *Ex Statutis 1648.*

TITULUS IV.

De Parochis, & eorum Parochianis.

STATUTUM I.

Ad Parochiales promovendi examinari debent juxta formam Concilii Tridentini.

NE aliis, quam maxime idoneis, cura animarum committatur, servabitur ad unguem forma examinis, quam tradiderunt Patres in Concilio Trident. *Sess. XXIV. Cap. 18.* nec omnes oportet idoneos existimare ad Ecclesiam Parochialem administrandam, quos ad Presbyteratus ordinem promoverimus. Plura enim ab illo exiguntur in die judicii, cui cura populi commissa est, quam ab eo, qui ad sacrificandum & orandum pro defuncto Fundatore Sacelli alicujus ordinatus sit. Statuimus ergo & ordinamus, ut nemo electus confirmetur, nemoque præsentatus ad dignitatem, vel curam animarum instituatur, vel simpliciter, vel causa permutationis, priusquam sit examinatus, & comprobatus idoneus: possitque & velit muneri, ad quod vocatur, pro virili satisfacere. Qui si præsens instituatur, fidei professionem faciat statim in manibus nostris, vel ejus, qui ad hoc fuerit deputatus, intra duos menses. *Ex Stat. 1573.*

II.

Ad residentiam tenentur omnes curam animarum habentes.

Curati, qui Ecclesiarum Rectores esse voluerunt & facti sunt, ad personalem residentiam tenentur, sub pœna privationis fructuum & Beneficiorum. *Ex Stat. 1573.*

III.

Pœna contra non residentes innovantur.

Quæcumque hæcenus ex variis Concilii Tridentini Decretis, nec non PII IV. atque PII V. Sanctissimique Domini nostri SIXTI Papæ V. Constitutionibus, & Statutis Synodalibus jam olim hic publicatis, sancita sunt de personali residentia in Ecclesiis, præferim Parochialibus & aliis curam animarum habentibus, cum privilegio-
rum

rum seu indultorum perpetuorum de non residendo, aut de fructibus in absentia percipiendis expressa revocatione, nec non antiquorum Canonum, qui temporum atque hominum injuria in desuetudinem abierant, adversus non residentes promulgatorum innovatione, & declaratione mortalis peccati reatus, quem incurrunt, injunctio- ne pro rata temporis absentiae resti- tutionis fructuum, quos tuta conscientia detinere nequeunt, licet alia declara- tio secuta non fuerit, exactissime observentur; cum poena privationis dictorum Beneficiorum, ipso jure sæpius repetita. Ne alias adversus non residentes, nec legitime dispensatos, auctoritate nostra ordinaria, aut dele- gata, & pro rursus Nobis commissa, dum in alma Urbe & Aula Romana essemus, ejus rei cura serio proceda- mus, & jam inflictas penas executioni demandemus. *Ex Statutis 1588. Reno- vat. 1663.*

IV.

Parochus in loco manus mortuæ residens non contrahit maculam.

Quamvis nulla sit major libertas, quam in iis actionibus, ad quas Spiritu Dei ducimur, iisque propterea absurdum sit quamdam servitutis notam pertimescere, qui animarum curam in aliqua Parochia tanquam legitimi Pas- tores suscipiunt: Ne quis ad Ecclesias locorum manus mortuæ, ut vocant, eapropter aspirare desinat; omnibus & singulis præsentis hoc nostro Decreto innotescat, nullam ex mora aut contra- cto domicilio, vel morte in iisdem locis superveniente Sacerdote, alioquin originis liberæ, qui ad ea ratione Pa- rochialis Ecclesiæ, vel alicujus Capel- laniæ diverteret, notam injuri jampri- dem Decreto Serenissimi Principis juri consentaneo, declaratum esse. *Ex Stat. 1599.*

V.

Parochi suas Parochias non deserant sine licentia; & si aliam assequantur, denuo examinentur.

Dolentes multarum Parochiarum nostræ Diocesis infelicitatem, quæ sub- latis e vita turmatim & intempestive

propriis Pastoribus ingemiscunt quoti- die: prohibemus eos, qui supersunt, Parochos extra Diocesim se conferre, sive cujuslibet ministerio, etiam secun- dum Canones licito sese mancipare, nisi prius monito Vicario nostro Gene- rali, aut saltem Rurali Decano, & ac- cepta ad litteras responsione. Et si forte Parochus quispiam alteram Pa- rochiam in Diocesi nostra adeptus, sese ad eam conferre velit: volumus, ut alterum examen subeat, perinde ac si nunquam Parochialem curam consecu- tus fuisset, non obstantibus quibus- cumque Statutis & consuetudinibus, seu privilegiis, etiam iis familiaritati- bus concessis, ex quibus Parochi per electionem ad curam, Pastoralem tem- porariam assumi solent. *Ex Statutis 1648.*

VI.

Parochi domos suas Parochiales inhabitent.

Cum non solum moribus, sed etiam habitatione Pastores animarum a plebe separatos esse conveniât, & propterea domus peculiæ in singulis Parochiis ipsis sint constitutæ, quæ ob Ecclesiæ & muneris dignitatem ma- jorem cæteris merentur reverentiam; Quia tamen nonnulli Parochi hujus- modi honorem temporali commoditati postponentes, Presbyterales domos, non sine gravi earum dispendio, dese- runt, ut laicales inhabitent: ordina- mus universis Ecclesiarum Rectoribus, ut suam residentiam in ædibus Pa- rochialibus deinceps faciant, quovis præ- textu remoto. Et ne ex illarum ruina aut detrimento huic nostro Decreto parere differant; præcipimus Parochia- nis, ut prædictas domos sine mora in debitum statum restituant; alioqui via coactionis contra eos procedetur. *Anno 1683.*

VII.

Non debent Familias Laicorum in suis aedibus retinere.

Sacerdotalis Ordo exigit, ut qui ad illius ministerium sunt evecti, do- mum habeant ab omni sæcularis fami- liæ strepitu immunem, nec quidquam in ea appareat, quod Laicorum oculo- los offendant. Propterea inhibemus Pa- ro-

Parochis, cæterisque curæ animarum addictis, ne deinceps propinquos, seu quoscumque alios, familiam & liberos habentes, in suis ædibus sub quovis prætextu retineant. *Anno 1692.*

VIII.

Mortuo Parocho, vicinior Parochus curam illius Parochiæ habeat, donec de Administratore ei provideatur.

Ne Parochiæ pastorali officio privata remaneant, mandamus omnibus & singulis Ecclesiarum Parochialium Rectoribus, ut statim a morte alicujus Parochi, vicinior Parochus curam dictæ Parochiæ suscipiat; donec a Vicario nostro Generali super ipsius administratione provisum fuerit; quem statim dictus vicinior, de die & hora obitus defuncti vicini monere tenebitur. *Ex Statutis 1658.*

IX.

Vacante Ecclesia Parochiali, vicinior Parochus, qui ejus curam suscepit, transactis quindecim diebus debet recurrere ad Ordinarium, pro ulteriori illius administratione.

Cum per præcedentia Statuta cautum sit, ut adveniente vacatione alicujus Ecclesiæ Parochialis, vicinior Parochus illius curam suscipiat, usque dum de Administratore eidem provideatur; quia tamen non raro accidit, ut iidem Parochi moram trahentes tardius de hujusmodi vacatione Nos informant, & ita Parochiæ diutius, quam par esset, proprio Rectore destitutæ remaneant: propterea declaramus Parochorum viciniorum administrationem in Parochiis vacantibus, post quindecim dies elapsos omnino cessare, nisi eam a Vicario nostro Generali de-nuo acceperint. *Anno 1684.*

X.

Curatus Vicarium non assumat nisi approbatum.

Curati non assumant Sacerdotem in Vicarium suæ Ecclesiæ, vel ad administrandum aliqua Sacramenta, nisi antea per Nos, vel de mandato nostro, vel Vicarii nostri Generalis, talis Sacerdos fuerit examinatus, & pro idoneo

ad hoc specialiter approbatus: quamvis fuerit hujus Diocesis, & a Nobis ad sacros Ordines promotus. Quoniam plura exiguntur ab eo, qui curam animarum suscepturus est, quam a simplice Presbytero. *Ex Statutis 1573.*

XI.

Vicarius debet specialiter esse ad certam Ecclesiam deputatus.

Nullus imposterum sub Vicarii, aut alio quovis titulo Sacramentorum administrationi vacare possit, nisi qui prius per Nos, vel Vicarium nostrum Generalem, vel alterutrum mandato examinatus, & ad hoc idoneus repertus fuerit: Rectoribus Ecclesiarum Parochialium quibuscumque inhibentes, ne aliorum, quam ad Ecclesias suas specialiter approbatorum Sacerdotum ea in re vicaria utantur opera, uti jam quondam statutum fuisse comperimus. *Ex Statutis 1588.*

XII.

Regulares ad officium Vicarii admitti non debent.

Decani Rurales, qui in suis Decanatibus Regulares Sacramentorum administrationi, tanquam Parochorum Vicarios, contra juris præscriptum, vacare permiserint absque nostra, aut Vicarii nostri Generalis licentia, quam perraro & nonnisi ad tempus, aut summa existente aliorum Sacerdotum secularium penuria, concedere solemus: litem suam facient; nisi eos absque mora ad Fisci nostri Procuratorem detulerint, exceptis quibusdam Parochialibus Ecclesiis (quas vocant Monachales) quibus ab antiquo per Regulares deserviri solet. *Ex Statutis 1600.*

XIII.

Ad concursum Ecclesiarum Parochialium, aut ad Beneficia curam animarum habentia non admittentur, nisi qui prius Officium Vicarii exercuerint.

Attendentes, quam periculosum sit regimini animarum præficere eos, qui quamvis scientia præditi, nullum tamen adhuc functionum Parochialium habent experimentum: Declaramus neminem deinceps ad concursus Beneficiorum

ficiorum curam animarum habentium, admittere fore, qui saltem per annum Vicarii munus non obierit cum laude & Parochi approbatione; ita ut inter dignos illi a Nobis præferantur, qui plus laboraverint, & diutius ac majori zelo Ecclesiæ inservierint. Qui vero a Patronis tum Ecclesiasticis, tum Laicis ad Beneficia curam animarum habentia, nominati seu præsentati fuerint, quamvis in examine capaces reperti & per Nos admissi fuerint; non tamen illis prius administratio hujusmodi Beneficiorum concedetur, quam per octo menses apud aliquem Parochum functiones curiales laudabiliter exercuerint, nisi antea per dictum tempus jam Vicarii munere functi fuerint. Porro universi, qui ad Sacerdotium promoti sunt, sciant se non ad quietem & otium, sed ad laborandum in vinea Domini a summo Patrefamilias vocatos esse: Ideoque hortamur omnes, qui Ecclesiarum familiaritatibus sunt adscripti, ut non solum modestiam & pietatem in choro exhibeant, ac caeremonias & ritus in hac Diocesi jampridem traditos, accurate servent, sed etiam se idoneos reddant ad munia Parochialia in subsidium Parochorum obvianda, ne illis dicatur: *Quid hic statis tota die otiosi?* præcipue vero juniores Sacerdotes, qui ad hujusmodi familiaritates recipi cupiunt, satagere debent, ut vel in Sacramentorum administratione, vel in populorum instructione, Ecclesiæ utilitati ac animarum salutis inservire pro viribus conentur. Anno 1705.

XIV.

Curati Tabernaculum & alia vasa sacra sub clavi penes se habeant.

Ordinamus ac præcipimus omnibus & singulis Ecclesiarum Parochialium Bisuntinæ Diocesis Rectoribus seu Vicariis, ut Tabernacula, in quibus augustissimum Eucharistiæ Sacramentum asservatur, Fontes itidem baptismales clavibus obserari, similiter calices, patenas, vasque sacra, ad sacrum Missæ Sacrificium peragendum inservientia, in locis obseatis recondi faciant & procurent, dictasque claves penes se retineant, fideliter custodiant,

Tomus X. Concilior. German.

ac nemini Laicorum eas credere, & commendare præsumant; idque sub pœnis in contravenientes per Nos arbitrandis; & ut scandala, ac pericula maxima, quæ his calamitosis temporibus evenire possent, evitentur. *Ex Statutis 1659.*

XV.

Nullus exorciset a Demone possessos sine licentia.

Cum Nobis innotuerit crebras Diocesim istam pati Dæmonum infestationes; omnes & singulos hortamur in Domino, ut operi manum adhibeant, & ad placandum Divinum Numen bonis operibus studeant: prohibentes, ne quis Parochus, aliusve possessos, aut obsessos ex aliena Diocesi, in sua Parochia commorari patiatur, imo nec e sua plures hujusmodi in eundem locum convenire sinat. Cumque non vulgaris scientiâ, pietas & prudentia in Exorcistis requiratur; idcirco prohibemus, ne quis sine peculiari mandato & licentia Vicarii nostri Generalis, & ab eo ad id specialiter examinatus, audeat munus Exorcistæ exercere. *Ex Statutis 1658.*

XVI.

Parochi compareant coram Procuratore Generali, ad visitationem Librorum Parochialium.

Singulis annis conveniant omnes Parochi ad locum, diemque determinatum a Procuratore nostro Generali ostensuri libros, in quibus nomina Baptizatorum, conjugatorum & excommunicatorum (si qui sunt) sub pœna decem librarum Stephaniensium Receptorum excessuum Curia nostræ solvendarum. *Ex Statutis 1650.*

XVII.

Congruis horis Missam Parochialem celebrent, & cum intervallo pulsant.

Curati tenentur in singulis diebus Dominicis, majoribus Festivitatibus, & aliis Festivis diebus, secundum usum nostræ Diocesis, nec non diebus Anniversariorum fundatorum, congruis horis Missam in sua Ecclesia celebrare, & pro illa pulsare (si ab antiquo onus habeant

Pp

habeant pulsandi aut per Matricularios pulsari faciendi) per competens intervallum: ut Parochiani possint se commode disponere & præparare ad veniendum ad Ecclesiam. Idem intelligimus de Vigiliis, seu Vesperis pro Defunctis fundatis; quibus districte præcipimus, ut ita faciant: nisi locus, aut eorum Ecclesia interdicto Ecclesiastico subiaceat. *Ex Statutis 1573.*

XVIII.

Determinatur hora Missæ Parochialis.

Et quia plerique Parochorum, & etiam Parochianorum, prout retulerunt Nobis dicti Decani Rurales, summo opere desiderant & expostulant, ut statuatur certa hora pro celebratione Missarum Parochialium diebus Dominicis & Festivis, statuendum duximus, prout hic statuimus & declaramus, Missam Parochialem dictis diebus Dominicis & Festivis, a festo Paschatis usque ad festum Omnium Sanctorum, celebrari debere inter septimam & octavam matutinam, præviis tribus sonitibus interpolatis campanarum; ita ut primus incipiat a septima, & reliqui continuentur per quadrantem interpolatum. A festo autem Omnium Sanctorum usque ad Pascha celebrandum esse inter octavam & nonam: ita ut primus sonitus incipiat ab octava, & reliqui duo, prout supra, continuentur singuli per horæ quadrantem. Qui autem tenebuntur ad celebrationem duarum Missarum in membris a sua Parochiali dependentibus; poterunt pro commoditate Parochianorum, a Paschate usque ad festum Omnium Sanctorum celebrare primam Missam in dictis membris circa horam sextam matutinam; & a festo Omnium Sanctorum usque ad Pascha circa horam septimam: nisi aliter exigat Parochorum & Parochianorum commoditas aut necessitas, quod Parochorum æquo arbitrio relinquimus. *Ex Statutis 1645.*

XIX.

De assistentia in Missis Parochialibus.

Quia in visitatione cujuscunque Decanatus, quam ex nostro mandato fecerunt Decani Rurales, retulerunt

omnes pene Curatos conquestos fuisse de negligentia Parochianorum in assistentia Missarum Parochialium diebus Dominicis & Festivis; renovanda hic duximus (ne quis eorum ignorantiam prætereundum possit) Statuta; ac quæ desuper decreta fuerunt per bonæ memoriæ Illustrissimum ac Reverendissimum Dominum FERDINANDUM Archi-Episcopum Prædecessorum nostrum, in visitatione hujus Diocesis generali per eum facta, anno millesimo sexcentesimo decimo quarto: Nimirum quod Patresfamilias omnes, aut ex singulis familiis saltem aliqui, diebus Dominicis & Festivis ad solemne, Sacrosanctum & Parochiale Sacrificium simul conveniant, ut quæ a communi Parochia pro omnibus offeruntur Sacrificia & vota, concurrentibus omnium votis & orationibus Deo gratiora fiant, & ea neminem ignorare contingat, quæ ex communi Ecclesiæ, aut ex speciali nostro mandato in pronis explicari solent. *Ex Statutis 1645. 1592. & 1655.*

XX.

Ubinam duæ Missæ a Parochis celebrandæ.

Ut omnis dubitandi causa super prohibita hætenus duarum Missarum ab uno eodemque Sacerdote eadem die celebratione, de qua in Statutis III. & VII. Synodorum Maji annorum 1600. & 1601. iis tollatur, qui de vel nimis exigua dotis prætextu, in altera duarum Ecclesiarum sibi commissarum celebrare detestant: eos posthac ad celebrandum in locis, in quibus id ab antiquo sine fraude fieri solitum est, teneri declaramus; donec re plenius cognita aliter statuatur, actione ad dotis & honorarii supplementum eis reservata, salvisque ipsorum Parochianorum exceptionibus. *Ex Stat. 1603.*

XXI.

Quibus diebus duæ Missæ celebrari solent.

Quod Statuto tertio postremæ Synodi Maji, & ad aliorum præcedentium interpretationem super duarum Missarum ab uno eodemque Sacerdote, una eademque die celebratione, fuerat constitutum; sic denovo limitamus,

mus, ut id nonnisi diebus, quibus populus ex præcepto Missam audire teneatur, nec in aliis Ecclesiis, quam iis, quarum una alterius membrum est, ullo modo licere quis arbitretur. *Ex Æisdem Stat. 1603.*

XXII.

Ad diem Commemorationis omnium Defunctorum extenditur.

Licentiam bis sacrum Missæ Sacrificium certis diebus celebrandi, a Vicario nostro Generali quibusdam Presbyteris, qui duas Ecclesias Parochiales administrant, aut duobus Altaribus deserviunt, concessam, ad diem Commemorationis omnium Fidelium defunctorum posse extendi declaramus. *Ex Stat. 1657.*

XXIII.

Ex quibus causis Parochi bis uno die celebrare possint.

Ut Parochiarum necessitatibus ob legitima Rectorum impedimenta occurrentibus, facilius subveniatur; concedimus omnibus Parochis, cæterisque curam animarum habentibus in subsidium aliorum Parochorum, bis diebus Dominicis & ex præcepto Festivis, Missæ Sacrificium celebrare; si nimirum aut aliqua infirmitate detineantur, aut a suis Ecclesiis ad Seminarium exercitia obeunda, vel ex Vicarii nostri Generalis licentia in scriptis obtenta, eos abesse contigerit. *Ex Stat. 1699.*

XXIV.

Idem declaratur.

Cum nulli Sacerdoti liceat extra casus a jure permixtos, plures Missas eodem die celebrare; contingat tamen non raro quosdam Presbyteros tam sæculares, quam Regulares propria auctoritate bis uno die Festo Sacrificium offerre: Declaramus, nulli omnino fas esse duas Missas, etiam diebus Dominicis celebrare, nisi aut plures Ecclesias suæ curæ commissas habeat, in quarum singulis Missam Parochialem decantare teneatur; aut vicini Parochi vices supplere debeat, dum vel morbo detinetur, vel spiritualibus exerci-

Tomus X. Concilior. German.

tiis in Seminario nostro incumbit, aut denique a Nobis, vel Vicario nostro Generali hujusmodi facultatem obtinuerit; quæ ob legitimas causas concedetur, si & dies ex præcepto Festiva, & utraque Missa Parochialis existat. *Ex Stat. 1679.*

XXV.

Parochi extraneos sine testimonialibus litteris non admittant.

Prohibemus omnibus Parochis hujusce nostræ Diocesis quemquam alterius Diocesis intra fines suæ Parochiæ ad domicilium in ea statuendum admittere, sine literis testimonialibus de suo statu, vel nostra, aut Vicarii Generalis licentia, sub pœnis per Nos arbitrandis. *Ex Stat. 1650. Renov. 1658.*

XXVI.

Idem denuo præcipitur.

Ne Pastores morbidas oves cum sanis, in totius ovilis perniciem admisceant, sedulo invigilent super extraneis, & ignotis hominibus, qui ad eorum Parochias deinceps accedent, literasque testimoniales ab eis exquirant, quibus de illorum religione ac vitæ integritate certiores fiant. Ubi vero iis caruerint, poterunt aliquod temporis spatium indulgere, ut sibi de hujusmodi literis provideant; quo elapso, si non scistecerint, nullatenus ad Ecclesiam & Divina Officia audiendâ admittantur. Scabios quoque locorum moneant, ne ipsos in Parochia diutius morari patiantur. *Anno 1688.*

XXVII.

De migrantibus ad aliam Parochiam.

Ut autem cunctis difficultatibus, quæ ex mutatione habitationum oriri possunt, occurratur; volumus, ut mutans domicilium, seu habitationem ab una Parochia ad aliam, non prius admittatur in Parochianum dictæ Parochiæ, in qua habitare seu residere vult, quam exhibuerit illius habitationis Parocho testimoniales, seu literas de bono statu: ut dictus scilicet Parochus cognoscere possit, num aliquod subest impedimentum, quominus possint ipsi administrari Sacramenta. *Ex Stat. 1646. Renov. 1657.*

Pp 2

XXVIII.

XXVIII.

De redeuntibus ad Parochiam propriam.

Qui vero suæ artis exercendæ causa in alias regiones diverterint; & majore anni parte abfuerint, ad Sacramentorum perceptionem redeuntes, non aliter admittantur, quam cum legitima attestazione ubi & quomodo vixerint. *Ex Stat. 1604.*

XXIX.

Coloni in Parochia suæ residentie debent recipere Sacramenta.

Colonos declaramus in ea Parochia Sacramenta percipere debere, eoque Parocho subijci, in cujus territorio Villæ sunt sitæ; si vero nullius Parochiæ dicantur, viciniore aut commodiori subijciantur. *Ex Stat. 1657.*

XXX.

Prestationes Curiales ejusdem loci Parocho solvere debent.

Quæ de Colonis aut Inquilinis in aliena Parochia degentibus decreta fuerant Statuto II. Maji anni 1597. sic innovamus, ut ad easdem præstationes Parocho loci, quibus alii veri & antiqui Parochiani, quamdiu in eis moram trahent, teneantur, cum æquum sit eos ad eadem onera teneri, qui eadem in uno eodemque loco percipiunt commoda. *Ex Stat. 1604.*

XXXI.

De iis, qui nullius Parochiæ se esse prætendunt.

Cum plures Villici in villis tam de novo, quam ab antiquo constructis cum suis familiis degentes, nullius se esse Parochiæ afferant, nullumque proprium Parochum recognoscant, sed nunc ab uno, nunc ab alio ad arbitrium Sacramenta sibi administrari exposcant, unde gravia oriuntur incommoda; quibus occurrere ex animo, & pro injuncto Nobis Pastoralis munere desiderantes: assignamus omnibus, & singulis intra fines nostræ Diocesis modo supra dicto morantibus, in Parochiam propriam, eam, intra cujus fines dictæ Villæ constructæ sunt; ad quam Parochiam diebus Dominicis &

Festivis Sacrum, doctrinamque Christianam audituri, Sacramenta a Parocho cum sua familia (ut Fideles decet) suscepturi, panem benedictum oblaturi, solitasque Parochianorum præstationes reddituri pergant. *Ex Stat. 1650.*

XXXII.

Parochi non permittant inter Parochianos moveri controversias Fidei.

Ordinamus insuper Parochis, & aliis curam animarum habentibus, ut sedulo invigilent, ne Parochiani, sibi que subditi controversias, & quæstiones circa Fidei nostræ articulos, inter se moveant; sicuti in variis hujusce nostræ Diocesis pagis ab his, qui in partibus Helvetiorum hisce miserrimis bellorum & pestis injuriis diverterunt, frequenter & plerumque cum gravi scandalo fieri, Nobis relatum fuit; & si qui moniti ab hujusmodi disputationibus non abstineant, contra ipsos tanquam male de Religione Catholica sentientes, per Procuratorem nostrum generalem procedatur. *Ex eisdem Statutis.*

XXXIII.

Parochiani filios in urbes & domos hereticorum non mittant.

Quoniam tales plerumque sunt homines, quales sunt ii, cum quibus versantur; & vix quis contractet picem, qui non coinquinetur ab ea: omnibus & singulis nostræ Diocesis prohibemus, ne liberos aut alios suæ tutelæ commissos, cujuscunque sexus, ad loca a Fide orthodoxa aliena, studiorum causa, dimittant, vel in eis sub quovis prætextu, moram trahere patiantur, sed jam dimissos quam cito revocent; alioquin a Sacrosanctæ Eucharistiæ Communione arceantur. *Ex Stat. 1597.*

XXXIV.

Heretici non debent admitti ad conducendæ ad obsequia & opera servilia exercenda.

In specula Pastoralis dignitatis constituti, ad ea præcipue invigilare contendimus, quæ ovium divinitus Nobis commissarum securitati & saluticon-

conducunt, ne aut luporum incurſu, aut morbida lue infeſtentur. Unde proſpicientes, quod quamplures hæretici ex vicinis Regionibus in hanc Diceceſim confluant, ad operas ſuas locandas, vel ad aliquas artes exercendas, non ſine periculo ſubverſionis animarum, & Catholicæ Religionis detrimento: Interdicimus omnibus Diceceſanis noſtris huiusmodi hæreticos in domibus ſuis detinere, aut eorum uti obſequio; injungentes Parochiſ & eorum Vicariis, ut illos a ſuis Parochiis quamprimùm diſcedere cogant. Si vero aliqui ex eorum Parochianis ſemel admoniti, ultra triduum ipſos retinere præſumant, ab ingreſſu Eccleſiæ arceantur. Anno 1702.

XXXV.

Mittant filios ad Ludimagiſtros.

Eſt veterè Statutò juſſum eſſet, Patres & Matres familias ſedulo admonendos eſſe, ut liberos & familiam domi ad pietatem erudiant, eosque ſingulis ſaltem diebus Dominicis ac aliis Feſtivis ad Eccleſiam ſuam Parochialem ſecum ducant, & ad Seminaria ſeu Scholas transmittant, quo ſemel Fidei rudimentis imbuti, Religionis & cultus Divini habitum a pueritia contrahant, & in his ſtudiis ſimul cum ætate adoleſcant; Quia tamen id ita negligenter, a rudi ſaltem plebecula latinæ pronuntiacionis propemodum ignaræ, hætenus obſervatum eſt, ut non ſolum pueri, ſed etiam adulti quidam, prima Doctrinæ Chriſtianæ elementa penitus ignorent, aut perperam teneant: animadvertentes quantum momenti habeat ad veram pietatem Catholica & fidelis juventutis inſtitutio: mandamus in locis, in quibus fuerint Ludimagiſtri, ea, quæ de iis olim ſtatuta fuerunt, ad unguem cuſtodiri; in aliis vero id a Parochiſ, quantum eis licebit, ſedulo præſtari: utrobique autem, præter ſolitam in prono Orationis Dominicæ, & totius Fidei Catholicæ diſtinctam & articulatam recitationem, ſtatis diebus pueros in ſingulis Parochiis fidei rudimenta, obedientiam erga Deum & parentes, cæteraque huiusmodi, ex præſcripto Concilii Tridentini, & antiqui Statuti

noſtri Synodalis, doceri præcipimus; alioquin in negligentes per cenſuras Eccleſiaſticas, juxta culpæ gravitatem, animadvertetur. *Ex Stat. 1590.*

TITULUS V.

De Familiaribus, & Capellanis.

STATUTUM I.

Duplex ſinis Familiaritatum.

Cum ſines Familiaritatum in Eccleſiis Parochialibus inſtitutarum, ſint imprimis Divini cultus augmentum, deinde charitas & dilectio fraternitatis; viſum eſt in hac Sancta Synodo admonere omnes huiusmodi Capellanos & Familiares, primum ut ſines iſtos conſiderent cum timore damnationis æternæ, ſi contra deliquerint. *Ex Stat. 1573.*

II.

Familiares honorem ſerant Curato.

Deinde mandatur (quia Curatus eorum Caput & Paſtor eſt, totius Parochiæ Reſtor, ipſi vero in ſubſidium ejus aſſumpti, & bonorum Eccleſiæ ipſius participes effecti:) ut ei honorem deferant, & reverentiam in omnibus tanquam Patri. *Ex iisdem Statutis.*

III.

Curatus eximitur ab oneribus Familiaritatis, dum vacat ſuo muneri.

In obeundis quoque muneribus Eccleſiæ (ne in officio Paſtoris impediatur) ab aliis obligationibus Familiaritatis excuſetur: ut quando eſt Miſſa parochialis, non cogatur ad celebrandum pro familiaritate. Et ſi in confeſſionibus vel adminiſtrandis aliis Sacramentis occupatus fuerit, non teneatur aſſiſtere, idque ejus conſcientiæ remittatur: niſi (quod abſit) tanta appareat negligentia, quæ ad Vicarium Generalem deferenda veniat. Sic neque cruciferi, neque choralis pueri prævincia gravetur: quæ ſunt inferiorum Clericorum munera. Sic cultus Divinus rite peragetur, & fraternitatis charitas integra cum pace ſervabitur. *Ex Stat. 1573.*

IV.

Pröhibentur pactiones pro ingressu Familiaritatum.

Damnavit Sancta Synodus, sicut & Nos damnamus conditiones illas illicitas, quæ in promissionibus & admissionibus ad habitum Ecclesiæ vel distributiones quotidianas apponi solent, deducendi aliquid ex fructibus, vel solvendi, vel compensandi, easque revocandas & abolendas censemus. *Ex iisdem Statutis.*

V.

Item Convivia reprobantur.

Comestiones quoque & convivia, ad quæ recens admissus Presbyter compelli solebat, cum ad pietatem nihil hæc faciant, nec ad utilitatem Ecclesiæ, sed potius ad manifestandum vulgo immodestiam Sacerdotum & luxum, prohibemus. *Ex iisdem Statutis 1573.*

VI.

Abrogantur convivia Familiaribus dari solita per alios Sacerdotes.

Ac multo minus ferendæ illæ leges sunt, quibus familiares quidam Presbyteri compellebantur prandia vel cœnas sumptuosas dare aliis familiaribus per ordinem diebus Festis quibusdam, ut Paschatis, Natalis Domini, & similibus; quasi Festa Ecclesiasticis Viris in tabernis, comestationibus, & ebrietatibus (quæ damnat Apostolus) non in orationibus & eleemosynis, & piis operibus magis peragenda sint. *Ex iisdem Statutis.*

VII.

Convivia a Parochis debita pecunia aestimanda sunt.

Cætera familiaribus etiam omnia convivia abrogamus, quæ ab initio sponte fortasse a quibusdam Parochis, cæteris Ecclesiarum Sacerdotibus seu Familiaribus ad honestam conversationem olim tradita, in consequentiam tandem & luxum apud plerosque trahi ceperunt; idque majoribus fere ac solemnioribus Festis, quibus Divinis Officiis ac pietati potius, quam ventri vacandum esset; quæ omnia tamen ita a Nobis sublata esse declaramus,

ut si aliquibus ea justo titulo deberi legitime constet, numerus conviviorum moderetur, & eorum mediocritas æstimatio in pecunia numerata præstetur. *Ex Stat. 1607.*

VIII.

Curati non tenentur suscipere munus Procuratoris Familiaritatum.

Quia in plerisque hujus nostræ Dicecesis Ecclesiis subortæ fuerunt plures difficultates ac controversiæ, inter illarum Curatos ex una, & Capellanos seu Familiares ex altera partibus. Volentibus istis, dictos Curatos teneri ad subeundum in suo turno onus, seu officium illarum Receptoriarum, seu Procurarum: Illis autem prætendentibus se ab illo exemptos esse, ex eo, quod impedimentum afferat exercitio curæ pastoralis. Nos, quantum in Nobis est, volentes imposterum obviæ iræ hujusmodi difficultatibus, declarandum duximus, dictos Ecclesiarum Rectores, seu Curatos excusari debere, prout hic excusatos atque exemptos declaramus, a susceptione dicti officii Receptoriarum seu Procurarum: quia scilicet liberum administrationis curæ pastoralis exercitium impedit. Declarantes etiam, quod in familiaritatibus, ubi per Statuta debite confirmata, reperitur multa pecuniaria imposita, turnum Procurarum seu Receptoriarum hujusmodi recusantibus: ipsi Curati non erunt talis multæ participes. *Ex Stat. 1646.*

IX.

Nullus admittatur ad Familiaritatem nisi tantum sciat.

Ad dirimendas controversias, quæ in plerisque Dicecesis hujus Ecclesiis, in quibus Familiaritatum Collegia sunt instituta, circa Familiarum receptionem contingere solent; declaramus & ordinamus, omnes Presbyteros, qui in numerum Familiarium alicujus Ecclesiæ adscribi imposterum postulabunt, primum & ante inchoationem stagii, a cæteris ejusdem Ecclesiæ Familiaribus super cantu diligenter fore examinandos; qui si sufficientes & idonei reperti fuerint, statim ad dictum stagium incipiendum admittantur, non obstant.

obstantibus Statutis & consuetudinibus quibuscumque hætenus editis & observatis, contra hoc Decretum disponentibus. *Ex Stat. 1658.*

X.

Qui cantum nesciunt, non debent tamen abesse a Choro.

Nemo deinceps admittatur ad Familiaritatem, nisi qui Cantum Gregorianum calleat: si autem aliqui antehac ejusdem minus periti admissi fuerint; prohibemus, saltem ubi magnus Familiarium est numerus, ne ad commune pulpitum accedant, nisi in Missis & Officiis, quorum cantus est faciliior: e choro tamen idcirco minime discedant, sed qua par est modestia corporis animique, loci recordentur, cui assistunt; & Superioris in choro, sive Rectoris jussa, & præcepta diligenter observent. *Ex Stat. 1648.*

XI.

Rector Chori eligatur, qui caeremonias imperitos doceat.

Qui quidem Chori Rector, ubi satis numerosa & copiosa est Familiaritas, vel ipse Rituum & Cæremoniæ imperitos, si qui sint, suaviter & cum charitate edoceat; vel eorumdem Rituum Præfectum ex ipso Familiaritatis corpore eligi procuret, cujus sint partes novos Familiares instruendi, quanta cura Officii Divini & Missæ Sacrificii singulæ caeremoniæ, etiam quæ videntur minutissimæ, rite ad populi ædificationem sint amplectendæ. *Ex iisdem Statutis.*

XII.

Capellani & Familiares intersint Missæ Parochiali cum habitu chori.

Interea nullus tantopere obliviscatur sui, ut alicui vel Officio, vel Missæ parochiali, aliisque functionibus a Familiaribus, Capellanis & Confratribus peragi solitis intersit, quin habitum & tonsuram deferat Clericalem, superpellicem, byretumque; quemadmodum in sacris Canonibus & in Statutis tum generalibus, tum privatis cavetur. *Ex iisdem Statutis.*

XIII.

Tertia pars reddituum Familiaritatis & Capituli convertantur in distributiones, & eligatur Normator.

Ut debitum Divino cultui obsequium in Ecclesiis hujusce nostræ Diocesis præstetur, ordinamus in ipsis, juxta præscriptum Sacri Concilii Tridentini, distributiones quotidianas, tertiamque partem fructuum, & quorumcumque proventuum in ipsas converti, quæ inter omnes Divinis interessentes dividantur. Et ut omnia ex justitia distributiva fiant, quamprimum eligatur Punctuator, sive Normator in Ecclesiis tam Collegiatis, quam Parochialibus, quæ Familiaritatibus gaudent, qui assiduos præsentium labores, & absentium defectus, prævio juramento, sedulo, & scripto observabit, ut unusquisque stipendium pro ratione præstiti per ipsum servitii recipiat. *Ex Stat. 1650.*

XIV.

Mandata Prælati directæ ad Parochos observari debent ab aliis inferioribus Sacerdotibus.

Quoties Mandata, cujuscumque generis sint, a Nobis ad Parochos Diocesis nostræ destinantur, volumus, ut ea pariter ad se missa, singuli Familiares intelligant: quemadmodum si preces publicæ imperentur; mens nostra est, singulos eorum teneri ordine suo ejusmodi orationes, partitis inter se horis, fundere, & hisce in rebus Parocho obtemperare. *Ex Stat. 1648.*

XV.

Quilibet Familiaris debet habere exemplar Statutorum suæ Familiaritatis.

Privata vero, & singularia cujuslibet Familiaritatis Statuta ita observentur ab omnibus, ut nemo Familiaritati cuivis adscribatur imposterum, nisi qui Statutorum propriæ Familiaritatis exemplar, vel manu sua, vel aliena exscripserit, ut eadem penes se habeat, & frequentissime lætetur. *Ex iisdem Statutis.*

XVI.

XVI.

Familiares & Canonici, qui exercitiis spiritualibus in Seminario vacant, pro præsentibus in suis Ecclesiis haberi debent.

Ut Sacerdotes nostræ Diœcesis exercitiis spiritualibus tam utiliter institutis, cum majori frequentia & facilitate assistant: declaramus omnes tam Canonicos Ecclesiarum Collegiatarum, quam Familiares Parochialium, qui in Seminario nostro hujusmodi exercitiis semel in anno vacaverint, pro præsentibus in suis Ecclesiis eo tempore habendos esse; ita ut fructus & distributiones quascumque tanquam præsentibus percipiant. Anno 1701.

TITULUS VI.

De Religiosis & Monialibus.

STATUTUM I.

Religiosi sine Superioris sui licentia a Monasteriis egressi ab Ordinario coercantur.

Nulli Religioso liceat sine sui Superioris licentia, se subijcere servitio alicujus Prælati, vel Principis, vel Universitatis. Qui sine mandato Superiorum in scriptis obtento a Monasteriis egressi reperientur, puniantur ab Ordinariis locorum. Ex Stat. 1573.

II.

Religiosi absque consensu Parochorum in eorum Parochiis, nullas functiones exercent.

Conquesti sunt apud Nos plurimi ex Parochis nostræ Diœcesis multos Religiosos Sacerdotes, ipsis non tantum inficiis, sed etiam invitis & reluctantibus, Sacramentorum administrationi in suis Parochiis, cum gravi jurisdictionis ordinariæ contemptu, se immiscere, ipsisque nec monitis vel requisitis, campanam Ecclesiæ ad convocandum populum, & habendas conciones, maxime pro elemosynis petendis, aliquando pulsare; quem neglectum graviter ferentes, ipsumque impotestatem impedire cupientes, prohibemus quibusvis sive Sæcularibus, sive Regularibus mendicantibus, & non mendicantibus, sub pœnis per Nos arbitran-

dis, in præmissa munia absque expresso Parochorum consensu se intrudere; cum ordo Hierarchiæ sacre inviolabiliter sit observandus. Ex Stat. 1650.

III.

Religiosi ad Parochias pro quarendis elemosynis missi catechizare debent.

Cum omnibus fere Parochis pondus dei & æstus ferentibus, necessaria ad victum & vestitum a Parochiis vix suppeditari, multasque Parochias idcirco derelictas, quotidie constet, æquum tamen sit copias auxiliares suo stipendio non defraudari; utrisque sua largiri, quantum possumus, desiderantes, mendicantium Religiosorum collectas per Diœcesim moderandas judicavimus; omnes idcirco concessas facultates elemosynas colligendi revocamus, nec a Vicario nostro Generali nonnisi annuas impotestatem concedi volumus; eaque lege, & solis Religiosis in sacris Ordinibus constitutis concedantur, idque bis tantum in anno pro quolibet Monasterio exercendas, monitis tamen & consentientibus Parochis, habitoque prius per colligentem de Doctrina Christiana, seu Catechismo ad populum publice in Ecclesiâ sermone, ut qui temporalia merent, spiritualia seminant. Ex Stat. 1657.

IV.

Monialis sine licentia Superiorum egredi septa Monasterii non præsumat.

Sacras Apostolicas constitutiones executioni mandantes, hoc nostro Statuto inhibemus, ne Sanctimoniales post professionem factam, quocumque prætextu, etiam ad breve tempus, nisi ex aliqua legitima causa a Nobis approbanda Monasterii claustra egrediantur; ut a mundanis & publicis spectaculis separatae, Deo liberius servire valeant, & immaculatas se in hac vita conservare. Ex Stat. 1573.

V.

Nullus Monasterium Monialium ingrediatur sine Ordinarii licentia.

Universis etiam & singulis Ecclesiasticis & Regularibus personis nostræ jurisdictioni subiectis, interdicimus & prohi-

prohibemus, ne absque rationabili & manifesta causa, aut sine Superioris, ad quem pertinet, licentia speciali (ne aliqua sinistra oriatur suspicio) ipsa Monasteria Sanctimonialium subintrent, sub pœna excommunicationis ipso facto incurrenda. *Ex iisdem Statutis.*

*Decretum Sacri Concilii Tridentini Sess. 25.
Cap. 5. super eadem re.*

"Nemini autem Sanctimonialium liceat post professionem exire a Monasterio, etiam ad breve tempus, quocumque prætextu, nisi ex aliqua legitima causa ab Episcopo approbanda: indultis quibuscumque & privilegiis non obstantibus. Ingressi autem intra septa Monasterii nemini liceat, cuiuscumque generis aut conditionis, sexus vel ætatis fuerit, sine Episcopi vel Superioris licentia in scriptis obtemperata. Dare autem tantum Episcopus vel Superior licentiam debet in casibus necessariis, neque alius ullo modo possit, etiam vigore cuiuscumque facultatis, vel indulti, hæctenus concessi, vel imposterum concedendi."

VI.

Episcopus moneri debet uno mense antequam Monialis Professionem emitat.

Statuit sacrosancta Trid. Synodus, ut si puella, quæ habitum Regularem suscipere voluerit, major duodecim annis sit: non ante eum suscipiat, nec postea professionem emitat, quam exploraverit Episcopus, vel ejus Vicarius, virginis voluntatem, an coacta, an seducta sit, an sciat quid agat, cuius professionis tempus ne ignoremus, jubemus, ut Præfecta Monasterio Nos ante mensem certiores faciat. *Ex iisdem Statutis.*

TITULUS VII.

De Rectoribus Hospitalium.

STATUTUM I.

Rectores Hospitalium procurent pauperibus & infirmis subsidia spiritalia.

Magistri Hospitalium curent ante omnia, ut in suis domibus ea, *Tomus X. Concilior. German.*

quæ ad salutem animarum pertinent, minime negligantur. Sed & de Sacramentorum administratione, pauperibus, debilibus & ægrotis provideatur. Et ubi corporis infirmitas Medicum postulaverit; ibi prius animæ, deinde corporis Medicus accersatur; nec aliquem recipiant, nisi eodem die vel postredie confiteatur. *Ex Statut. 1573.*

II.

Singulis annis rationes reddituum coram Deputatis ab Ordinario reddant.

Quod sapientissime in Colonienfi Synodo constitutum fuit, ut Magistri Hospitalium singulis annis, aut sæpius Magistratui ipsius loci, præsentem Parocho, rationem reddant de sua administratione: Nos conformiter ad ea, quæ in sacro Oecumenico Concilio Tridentino lata sunt, & in nostra Provinciali Synodo publicata (quoniam curæ nostræ commissæ sunt omnia hæc; quocumque nomine eorum Administratores censeantur, & quomodolibet exempti sint:) Statuimus & ordinamus, ut singulis annis a Magistris & Curatoribus Hospitalium Nobis, vel personis a Nobis deputatis, cum locorum Magistratibus rationes reddantur; aliter factæ liberationes non suffragabuntur, nisi secus in fundatione seu erectione eorum a Nobis, vel Prædecessoribus nostris approbata, cautum expresse sit. *Ex iisdem Statutis.*

III.

Jus visitandi Hospitalia penes Ordinarium.

Episcopi executores sunt, uti Concilium docet, omnium piarum dispositionum tam ultimæ voluntatis, quam inter vivos. Et quia propterea jus illi habent visitandi Hospitalia, Collegia quæcumque, Confraternitates Laicorum, & pia loca omnia, etiam si eorum cura Laicis demandata sit; idcirco jubetur Curatis, ut de administratione locorum piorum, quæ in suis fuerint Parochiis, frequenter admoneant Decanos Rurales: qui referent in Synodis, vel Episcopo, sicut se res habent: ut provideatur eis. *Ex Stat. 1573.*

IV.

Titulus foundationis Hospitalium in vacantibus Ordinario exhiberi debet.

Et ne impostèrum abusus, qui fieri solent; ignoratis fundacionibus, committantur: statuimus & ordinamus, ut vacante Hospitali Procuratore legitimo, antequam alius instituatur, fiat copia foundationis ejus Nobis, vel Vicario nostro. *Ex iisdem Statutis.*

TITULUS VIII.

De Quæstoribus, & Eremitis.

STATUTUM I.

Non permittant Curati fieri quæstas in suis Parochiis sine literis Ordinarii.

Curati, seu eorum Vicarii non permittant aliquos Quæstos in suis Ecclesiis quæstas quascumque facere sine literis nostris, aut Vicarii nostri Generalis. Ne permittant eos verbum Dei prædicare, aut aliud proponere, quam in veris literis Apostolicis, ac in literis nostris sit expressum; nisi tales sint viri literati & personæ graduatæ notæ, vel in literis nostris nominatæ. Et diligenter videant datam literarum nostrarum, si sit pro anno in quo accedunt ad Ecclesias eorum, & si in eis sit aliqua rasura, aut alta suspicio. Si quos autem abusores noverint, illos cum suis literis & bonis capiant, arrestent, & ad Nos adducant fideliter & secure. *Ex Stat. 1481. & 1647.*

II.

Nec ipsi Parochiani id ferre debent.

Ut tollatur confusio, quæ ex affluendis eleemosynarum collectis, & ruri, maxime in hacce nostra Dicecesi contingere dignoscitur, nullos admittant impostèrum Parochi, & Scabini locorum Quæstos, ad eleemosynas intra fines suorum locorum corrogandas, nisi prius ipsis constet de Mandato ad dictas eleemosynas quærèdas a Nobis, vel a Vicario nostro Generali concessio, sub penis per Nos arbitrandis. *Ex Statutis 1653.*

III.

Singulis annis Quæstos novam licentiam obtinere debent.

Renovantes Decreta olim publicata circa collectas Quæstorum per Dicecesim nostram mendicantium; cuiusvis Ordinis vel conditionis existant: prohibemus singulis, ne eleemosynas quovis prætextu conquirant, nisi licentiam a Vicario nostro Generali quotannis scripto obtinuerint. Mandantes universis Ecclesiarum Rectoribus prædictam licentiam sedulo inspicere, nec prius eos plebi commendare, nec ad collectam admittere, quam Dei verbo sive per Exhortationem, sive per Catechismum fidelium mentes paverint; ut dum temporalia metunt, spiritualia seminare non negligant; quod si fecerint, volumus, ut Parochi cum locorum Scabinis acceptas mendicantium eleemosynas retineant, tam pauperum Parochiæ sustentationi, quam Ecclesiæ restaurationi applicandas. *Ex Stat. 1669.*

IV.

Quæstos nec cassas Reliquiarum circumferre, nec eleemosynas conquirere permittantur sine licentia.

Similiter quia nunquam satis prudenter Parochiis consuli posse videtur, circa mores & ritus Quæstorum circumforaneorum per Dicecesim nostram; præter ea, quæ hucusque observari volumus: statuimus deinceps ac prohibemus, ne ullis omnino passim & per incuriam vulgi nuncupatis Quæstoribus, qui capiam, aut Reliquias gesserint (idque quolibet nomine vocentur, sive S. Antonii locorum de Aumonieres, & Frigidi-montis, sive nostræ Dominæ de Burgundia, S. Humberti in Arduenna, S. Bernardi Montis-Jovis, S. Trinitatis, S. Joannis Hierosolimitani, B. Virginis Laurétanæ, S. Sebastiani de Roma, & de Montebosonis, S. Antidii Archi-Episcopi Bisuntini, S. Brigidæ, S. Magni, S. Spiritus, Hospitalis trecentorum cæcorum Parisiensium) aliter Dicecesim nostram obambulare liceat, (si forte magnis de causis Reliquiarum hujusmodi seu capfarum bajulis licentia eleemosynas corrogandi

rogandi a Nobis concedatur) quam modo infra scripto, siue Religiosi sint, siue non: videlicet, ne ullo modo prædicent, seu concionem habeant; ne Indulgentias quascumque publicent: ne sua privilegia, aut sacras Reliquias, aut certas orationes circumferant, distribuante: ne imprecationibus aut miris eleemosynas, tanquam usu diuturno debitas, a locorum incolis extorqueant: ne campanulas, aut alia instrumenta plebi cogendæ deferant: ne denique aliud viris modestis ac piis, adeoque Religiosis, si Religioni sacre mancipati sint, indignum admittant. Quam modestiam, & agendi rationem, cum rudibus agricolis, etiam a Concionatoribus & Laicis e variis Religiosis Diœcesis nostræ Ordinibus, qui vicatim quotannis domo exeunt, familiaræ necessitatibus prospecturi, multo magis, quam ab aliis quibusvis requirimus. Plane (si quod absit) obliui suæ vocationis, quoquomodo labantur; illico per Parochos singulos Procuratorem nostrum Generalem & Fiscalem de ejusmodi excessibus certiorum fieri mandamus, ut pro Pastoralis nostræ cura remedium protinus adferatur. *Ex Stat. 1648.*

V.

Quæstores non admittantur cum facultatibus impressis ab Ordinario non subsignatis.

Cum nonnulli eleemosynarum Quæstores sub nomine quarundam Confraternitatum & prætextu Indulgentiarum ac privilegiorum a Summis Pontificibus illis concessorum Diœcesim nostram percurrant, exhibita populis ac etiam Parochis ementita facultate typis exarata, quasi a Nobis aut Vicario nostro Generali indulta; similibus fraudibus occurrere volentes, prohibemus Parochis, ne hujusmodi Quæstores ad conquirendas eleemosynas in suis Parochiis recipiant, aut fidem aliquam adhibeant quibuscumque facultatibus, indulgentiis & privilegiis typo impressis, nisi propria manu nostra aut Vicarii nostri Generalis fuerint subsignata. *Anno 1690.*

Tomus X. Concilior. German.

VI.

Eremitæ non debent tolerari in Parochiis, neque eleemosynas quærere sine licentia Ordinarii.

Quia contingit plerosque tam indigenas, quam alienigenas habitum Eremitarum assumentes per Diœcesim Bisunt. passim divagari, & ubique stipem cogere, de quorum vita, & moribus plerumque certa non habetur noticia, unde plura possent oriri scandala, quibus opportuno remedio providere volentes; omnibus & singulis Ecclesiarum Parochialium prædictæ Diœcesis Rectoribus & Vicariis, aliisque curam animarum habentibus serio injungimus ac præcipimus, ut nullos penitus dictum habitum Eremitarum gestantes, intra fines dictarum suarum Parochiarum degere, ibidemque eleemosynas petere, & colligere permittant, nisi prius de institutionum & approbationum literis ab Ordinario concessis, fideliter edocuerint; quibus si præmuniti minime existant, illos ad Vicarium Generalem nostrum cum literis vitæ & morum dictorum Eremitarum testimonium continentibus remittant, ut perspecta eorum probitate, ipsis dictas literas, si id opportunum judicaverit, concedat. *Ex Stat. 1656. Renovat. 1666.*

VII.

De Eremitis uxoris expellendis.

Ne subortus ante aliquot annos Eremitarum, præsertim extraneorum (qui nullum regularem Superiorem habent) in hac Diœcesi numerus, ulli abufui, quod fere fit, causam præbeat; cum nonnulli ex eis servilem vitam agant, & inter plebeios ut plurimum cum bonorum scandalo insolescant. Alii vero contra vitæ Eremiticæ institutum secum uxores habeant; omnibus nostræ Diœcesis Parochis præcipimus, ut intra mensem Eremitarum in suæ Parochiæ limitibus commorantium nomina, patriam, mores & facultatem seu licentiam, si quam habeant, Decanis; ipsi vero Decani, Nobis vel Vicario nostro Generali, significant; uxoratos & vitam cœlibem non agentes, autoritate nostra absque

mora ejiciant; donec tandem de ceteris a Nobis provideatur prout juris.
Ex Statutis 1605.

TITULUS IX.

De Rectoribus Scholarum, & Ludimagistris.

STATUTUM I.

Quem finem sibi proponere debent Ludimagistri.

Animadvertentes, quantum momenti habet ad veram pietatem Catholica & fidelis institutio puerorum; vos omnes Ludimagistros nostræ Diocesis Bisuntinæ necessarium duximus admonere, & obsecrare in Domino; ne docendi munus (quod propter ingenii gloriam cenodoxiæ vitio sapenumero obnoxium est) propter humanam gloriam, & vanos fumos popularis commendationis, sed propter utilitatem publicam, & Deo soli probari cupientes, vestram operam atque labores exerceatis. *Ex Statutis 1573.*

II.

Quenam docere & quæ omittere debent.

Juxta igitur doctrinam Ecclesiastici: Altiora te ne quæsieris, & fortiora te ne scrutatus fueris: sed quæ præcepit Deus, cogita semper, & in pluribus operibus ejus ne fueris curiosus. Monemus & hortamur vos omnes & singulos Ludimagistros. Primum, ne subtiliora aut obscuriora doceatis, quam pro captu auditorum: Deinde, ne falsa aut perversa, quæ animos corrumpere possint adolescentum. Sed omnem vestram doctrinam atque studia eo dirigatis, ut discant adolescentes servare præcepta Dei, & per bona opera promereri gratiam apud Deum & homines. Hic est fructus vel præcipuus sanæ doctrinæ; curiosæ autem disceptationes non faciunt, nisi ad subversionem audientium. *Ex Statutis 1573.*

III.

Nonnisi libris receptis & approbatis utantur in Scholis.

Eapropter ut occasio primum tollatur omnibus ex suo sensu & persuasione (quæ non raro fallitur) Rei-

publicæ plantas tenellas effingere atque efformare: Statuimus & ordinamus, & sub pœna præstici juramenti prohibemus, ne libros alios vestris auditoribus interpretemini, aut interpretari patiamini, quam quos in Collegiis Universitatum Catholicarum notum fuerit publice interpretari solere: novos autem, qui recenter editi fuerint, nisi habita prius licentia a Nobis, aut a Vicario nostro, vel Officiali, ad quos exemplar ipsum mittetis videntum & examinandum. *Ex Stat. 1573.*

IV.

Pueros ad Divina Officia audienda in Ecclesiam deducant.

Deinde ut habitus Religionis & cultus Divini contrahatur a pueritia, jubemus vobis, ut omnibus diebus festis discipulos adducatis ad Ecclesiam cum modestia & gressu composito (quantum ætas ferat puerilis) cantaturos scilicet cum Clero in Missa, & Vesperis: nec patiamini aliquem ex iis, qui norunt legere, carere precibus horariis, aut saltem septem Psalmis pœnitentialibus, in quibus legant Divinum Officium aut content. Singulis vero diebus sub noctem domi vel in Ecclesia (si populus soleat tunc congregari) una cum Præceptore cantent *Salve Regina*, aut aliam Salutationem B. MARIE Virginis pro tempore. *Ex Statutis 1573.*

V.

Scholares sua peccata confiteantur præcipuis anni Festis.

In quatuor quoque anni temporibus seu Festis, scilicet Quadragesimæ, Pentecostes, Nativitatis Domini, & Omnium Sanctorum, juxta laudabilem consuetudinem, quæ hæcenus servata est, facite eos confiteri Curato, vel alii Presbytero, petita licentia & facultate prius a Curato. Hanc si Magister vel alius petierit, pro omnibus tenebitur Curatus sine aliqua mora concedere. *Ex iisdem Statutis.*

VI.

VI.

*Ludimagistri antequam huiusmodi munus
exerceant, debent iuramentum
prestare.*

Et ne posthac semere & sine de-
lectu erronee & vagi quicumque, ad
munus adeo honestum admittantur:
statuimus & ordinamus, ut antequam
cuiquam Magistro literarium ludum
aperire liceat, Rector seu Curatus Pa-
rochiæ (seu is, ad quem de jure, vel
consuetudine pertinet) ipsum instituam,
recepto prius iurejurando ab ipso, quod
servabit fideliter hæc, quæ in hac san-
cta Synodo statuimus. *Ex iisdem Sta-
tutis 1573.*

VII.

*Qualibet Parochia suum Ludimagistrum
habeat ab Ordinario examinatum &
approbatum.*

Cum non solum utile, sed & neces-
sarium sit, in quibusvis Parochiis, præ-
sertim in quibus numerosus est popu-
lus, habere Ludimagistrum capacem
& idoneum, qui possit Domino Pa-
rocho in administratione Sacramentorum,
& Divinorum Officiorum celebratio-
ne inservire, ac rudimenta fidei, & alia
necessaria dictæ communitatis parvu-
los edocere; eisdem Parochianis ordi-
namus, quatenus infra trimestre Lu-
dimagistrum eligant, & ad Nos exami-
nandum, & approbandum remittant:
prohibentes, ne cuiusvis non appro-
bati opera utantur. *Ex Statut. 1666.*

VIII.

*Puella post nonum ætatis annum a Ludima-
gistris, edoceri non debent.*

Quia (ut sacra testantur oracula)
sensus & cogitatio humani cordis in
malum prona sunt ab adolescentia;
idcirco innumeris periculis occurrere
fatigantes, quæ ex juventutis diversi
sexus nimia familiaritate evenire solent,
inhibemus Ludimagistris, ne puellas
post nonum ætatis annum ad Scholas
suas admittant; & ponnisi separatim a
pueris, sive loco, sive tempore ante
illam ætatem eas edoceant; injungen-
tes Parochis & eorum Vicariis, ut non
minus agnorum, quam ovium saluti

invigilent; ideoque suæ Parochiæ Scho-
las frequenter visitent, & Ludimagi-
stros ad munus suum assidue explen-
dum compellant. *Anno 1687.*

TITULUS X.

*De Sacramentorum administratio-
ne & susceptione.*

STATUTUM I.

*In Sacramentorum administratione nihil im-
mutandum in Cærimonis.*

Quoniam Ecclesia sola est, quæ a
Christo Sacramentorum thesau-
rum accepit, & verum ac legiti-
mum usum eorum tenet & novit;
idcirco Minister in omnibus se Eccle-
siæ conformare debet, non solum in
iis, quæ sunt essentialia Sacramento-
rum; sed etiam in accidentalibus, quæ
plerumque significationis causa, aut
pietatis excitandæ gratia instituta sunt,
aut ex veteri traditione Apostolorum
accepta, & aliquando etiam mutata
pro ædificatione fidelium; in his pro-
inde omnibus mutare aliquid nemo pri-
vatus audeat; nam ex pertinacia id
faciens tanquam schismaticus punietur,
quod Ecclesiæ sensum perturbet. *Ex
Stat. 1560.*

II.

*Frequenter instruendus populus de Sacramen-
torum excellentia & effectibus.*

Quia igitur in Sacramentis aliud
videtur oculis, atque aliud agitur Di-
vina gratia secretius, ne tanta Dei be-
neficia ignorentur, aut putentur otiosa
esse spectacula, nec suo priventur ho-
nore, aut indigne tractentur: instru-
endus est populus in cujuslibet admi-
nistratione, ubi commode fieri poterit:
frequenter etiam docendus in concio-
nibus, ubi inciderit locus, quid in
Sacramenti cujusque collatione agatur,
quid sit ejus fructus: quid velint signa
externa: quomodo Dei virtus præsens
invisibiliter eis adsit: quomodo etiam
digne vel indigne percipiantur, & si-
milia. *Ex Stat. 1560.*

III.

*Negligens suscipere Sacramenta caveat
Ecclesiastica sepultura.*

Ad Sacramenta accedere debito tempore negligentem, dum vivit, ab Ecclesiæ communione, & mortuum Ecclesiastica sepultura arcendum esse statuimus. *Ex Statutis 1560.*

IV.

Tempus Communionis Paschalis ampliatur.

Quoniam tempus in hac Diœcesi designatum pro Communionis Paschalis sumptione nimis arctum deprehenditur, ab iis maxime Parochis, qui ob magnam populi copiam intra quindecim dies confessionibus audiendis sufficere nequeunt. Ideo tam Parochorum, quam Parochianorum utilitati consulere cupientes, tempus Paschale (quo præcepto Eucharistico commodius satisfiat) a Dominica dicta de Pasfione incipere declaramus.

V.

*Parochiani debent edocere, ubi Sacramenta
in Paschate susceperint.*

Omnes Parochiani, qui tempore Paschali extra Parochiam Sacramenta perceperint, debent proprio Parocho testimonium proferre, quo constet eos satisfecisse præcepto Ecclesiæ; tenenturque ipsimet Parochi illud exigere, cum & ipsis incumbat cura proprii gregis; alias qui contra fecerint, volumus per eundem Parochum denunciari Curiae nostræ Fiscalibus, idque intra mensem a die Paschatis computandum, ut compellantur ad officium Christianum, & delinquentes corrigantur. *Ex Statutis 1664.*

VI.

*Qui in Matrice Ecclesia, in qua non resident,
Communionem Paschalem recipiunt, Schedam
deferre tenentur. Parocho, seu Vicario
sue residentiae de suscepta
Communione.*

Relatum Nobis fuit quosdam Parochianos in locis, ubi sunt filiales Ecclesiæ, & Vicarii residentes, Communionis Paschalis mandatum frequenter eludere, eo prætextu, quod in Matrice

seu Parochiali Ecclesia Eucharistiam sumere prætendant; ne igitur aliqua fraudi aut simulationi occasio detur; volumus, ut qui in Matrice Ecclesia tempore Paschatis Sacram Synaxim sumperint, schedam a Parocho accipiant, qua constet Vicario filialis Ecclesiæ eos huic muneri satisfecisse, alioquin tanquam legis transgressores habeantur, & ad Communionem in filiali Ecclesia recipiendam compellantur. *Anno 1696.*

VII.

*Non recipientes Sacramenta in Paschate
debent deferri Prælato.*

Quoniam Nobis constitit non paucos suæ salutis parum sollicitos, quasi oves errantes proprium Pastorem fugere, atque a cœlestis cibi mensa in ipso Paschatis tempore se damnabiliter subtrahere: mandamus omnibus, curam animarum habentibus, ut vultum pecoris sui agnoscere satagentes, si aliquos ex Parochianis suis deprehenderint, qui sacram Communionem, intra tempus ab Ecclesia constitutum, in eorum Parochiis non sumperint, ipsos statim ad Nos, aut ad Procuratores nostros Fiscales & Generales in scriptis deferant. *Ex Statutis 1679.*

VIII.

*Quo modo agendum sit cum iis, qui Com-
munioni Paschali non satisfecerunt.*

Sacrorum Conciliorum tam Lateranensis, quam Tridentini Decreta, circa Sanctissimæ Eucharistiæ sumptionem singulis annis in Paschate a fidelibus frequentandam, a nonnullis corde obduratis contemni conspicientes, & illorum salutem, quantum possumus, providere cupientes, Statuta super hac re jam olim condita necessarium duximus renovare. Propterea injungimus Parochis, cæterisque curam animarum habentibus, ut quolibet anno, tempore Quadragesimæ, populos publice hortentur, huic Ecclesiastico præcepto diligenter parere. Eos vero, qui negligentes extiterint, privatim moneant; & deinde adhibitis testibus fortius compellant: ac demum si non respuerint, ipso in prono Missæ parochialis nomi-

nominatim propalent. Verum cum hujusmodi remedia suum semper non fortiantur effectum, volumus, ut præmissis monitionibus præfatis Parochi eorum nomina, qui Communionis Paschalis præcepto non satisfecerint, juxta morem Ecclesiæ Romanæ, in Festo S. Bartholomæi Apostoli ejusdem anni ad valvas Ecclesiarum affigant; ut si non timore, saltem pudore a sua perverſitate revocentur; ac denique Promotoribus Curiae Archi-Episcopalis deferantur, ut contra illos censuris, aliisque pœnis Canonice procedatur. Anno 1699.

IX.

Non sunt deneganda Sacramenta ob non solutionem jurium Parochialium.

Sicut Sepultura denegari non debet defuncto propter non solutionem jurium Parochialium, ita nec Sacramenta Ecclesiastica ob similem causam recusari. *Ex Statutis 1573.*

X.

Nullus Sacerdos Sacramenta administret, priusquam approbationem suam ostenderit.

Ut occurratur abusibus, qui sunt per Presbyteros approbatos ad administrationem Sacramenti Pœnitentiæ; quia iterum plures Curati conqueruntur multos Sacerdotes approbatos immiscere se Sacramenti Pœnitentiæ administrationi, antequam ipsorum approbationem exhibuerint Ecclesiæ Curato, in qua prætendunt dictam administrationem: Renovamus hic, quod desuper a Nobis in Synodo, 22. Maji anni millesimi sexcentissimi quadragesimi habita, mandatum ac publicatum fuit: ut nimirum nullus Sacerdos approbatus audeat administrare Sacramentum Pœnitentiæ, antequam ostenderit Ecclesiæ Curato suam approbationem legendam & recognoscendam. *Ex Stat. 1645.*

TITULUS XI.

De Baptismo.

STATUTUM I.

Baptismus infantum non debet differri.

Statuimus, ne parentes domi sine Baptismo diu servare audeant pue-

ros recenter natos; sed statim, vel quocitius fieri poterit, eos ad Ecclesiam deferant, ut renascantur, & ex ira filii filii gratiæ fiant; terribile namque est, quod Dominus minatur, cum dicit: *Nisi quis renatus fuerit ex aqua & Spiritu Sancto, Regnum Dei introire non poterit.* Quapropter qui imposterum ausus fuerit recenter natos domi suæ sine Baptismo servare, gravi a Nobis pœna plectetur, qualiscumque dignitatis & præminentiae existat. *Ex Stat. 1609. Renovat. 1651.*

II.

Baptismus conferatur in Ecclesia.

Quia relatam Nobis fuit, plures infantes absque necessitate baptizari indifferenter in privatis ædibus, cum de jure illud solum sit permissum in infantibus Principum, seu Magnatum: serio ac districte inhibendum duximus, ut hic inhibemus, ne quis imposterum præsumat extra casum necessitatis, quisquis ille sit, absque expressa nostra, seu Vicarii nostri Generalis licentia, baptizare aliquem infantem in privatis ædibus, nisi sit infans Principis, aut Magnatis; idque sub pœna in eventum contraventionis per Nos arbitrandam. *Ex Stat. 1649. Renovat. 1651.*

III.

Infantes, de quorum Baptismo dubitatur, baptizandi sunt sub conditione.

Infans, qui reperitur expositus, nec scitur a quo, nec apparent signa, vel testimonia, siue baptizatus, nec ne: debet baptizari sub conditione, videlicet: *Si tu es baptizatus, ego non intendo te baptizare: Sed si tu non es baptizatus, ego baptizo te, &c.* *Ex Stat. 1573.*

IV.

Infantes ab utero mortui baptizari prohibentur.

In plerisque locis nostræ Diœcesis (ut accepimus) Sacerdotes quidam male docti baptizare præsumunt infantes mortuos ab utero matris: quos quædam vetulæ mulieres ebriosæ & modicæ conscientiæ, in Ecclesiis per duos, tres, vel plures dies observant, & postea testificantur signa vitæ in eis appa-

apparuisse, & posthac in loco religioso & sacro sepeliunt: cum præmissa (si vera essent) miraculosa deberent merito dici. Ad quorum approbationem major indagatio & verificatio requiritur, quam sit testimonium vetularum. Cum igitur cum fidelibus nonnisi fideles sepeliantur, ideo ne talia de cætero fiant sine nostra, aut Vicarii nostri Generalis, seu Officialis licentia, omnino prohibemus. *Ex Statutis 1592. & 1656.*

V.

De baptizatis ab Hæreticis.

Si baptizatus a Sacramentariis, aut aliis hæreticis, Ecclesiæ Catholicæ reconciliationem postulet, & vere baptizatum esse constet, adeat Episcopum; per eum injuncta poenitentia reconciliabitur. Si vero facta inquisitione diligenti dubitetur esse baptizatum, & baptizari secundum ritum Romanæ Ecclesiæ velit: eadem observabuntur, quæ supra diximus facienda circa illos, qui a laicis personis non certo baptizati, offeruntur in Ecclesiâ. Quia licet hæretici plerique nostri temporis vere baptizent: a cæremoniis tamen nostris & Ecclesiæ Romanæ dissentiant. Quo fit, ut aliqui se baptizatos vere dubitent; quod facere non debent, si de forma & materia adhibita certi sint. Quare interrogabuntur ipse baptizandus & patrini, de modo & forma, quibus ab hæreticis baptizatus fuerit. Si vero dubitetur de forma: tunc utetur forma conditionali superius tradita: *Si tu es baptizatus, ego te non baptizo, & si tu non es baptizatus, &c.* Et cæteris, ut dictum est, peractis, indutus baptizatus suis indumentis, audiet Missam, tenens facem accensam in manibus, quam offeret in Offertorio: Patrini vero levantes, offerent panem & vinum: & accepta Communione & benedictione Sacerdotis, dimittentur in pace. *Ex Stat. 1573.*

VI.

Nomina Paganorum vel Judæorum in Baptismo non imponantur.

Cum ab initio nascentis sæculi non rebus tantum, sed & personis nomina Deus indiderit, nomenque Divi Joan-

nis Baptista ab Angelo pronunciatum, Christianorum morem in imponendis eorum, qui sacro Baptismatis fonte regenerantur nominibus, divinitus institutum facile suadeat; ne adversarios nostræ fidei imitari videamur, quorum ne quidem phrasibus uti ex veteris Statuti decreto licet; Parochos omnes & alios quoscumque, quos deinceps Sacramentum Baptismi conferre contigerit; monemus & adhortamur, ne Echnicorum, Judæorumve nomina, sed Sanctorum (quorum id veneratio ni subtrahere nituntur hæretici) imponi patiantur. *Ex Stat. 1604.*

VII.

Non admittantur pro Patrinis Hæretici.

Ut in circumvicinis Burgundiæ Provinciis commixtas oves ab hædis separemus; & qui in dextris collocati sunt, nihil habeant commune cum sinistris: prohibemus, ne quis in posterum patrinum, aut matrinam ex hæreticis, ad prolem suam in Baptismatis fonte suscipiendam seligat, inhibentes omnibus & singulis Bisuntinæ Diocesis Parochis, seu Vicariis, tales aut eorum Procuratores ad id muneris admittere. *Ex Stat. 1660.*

VIII.

Pueri ante septimum annum ætatis non sint Susceptores.

Cum patrini & matrinæ in Sacramento Baptismi ad fidem pro renatis dandam præcipue adhibeantur, & pueri hujusmodi officio prorsus inhabiles frequenter recipiantur; serio prohibemus, ne ullus ad suscipiendum e sacro Fonte infantem in posterum admittatur, qui annum ætatis septimum non attigerit, ac fidei rudimenta cum Oratione Dominica & Symbolo Apostolorum non sciverit. *Ex Statutis nostris 1670.*

IX.

Neque Religiosi sint Patrini.

Religiosi non debent pueros in Baptismo tenere, neque commatres habere, dum alii reperiri possunt. *Ex Stat. 1573.*

X.

X.

Neque Sacerdotes, nisi fuerint consanguinei.

Ne deinceps Ecclesiastica dignitas per nimiam, ac etiam quodcumque suspectam, cum Laicis familiaritatem vilescat: interdiciamus omnibus Parochis, Sacerdotibus, cæterisque in sacris Ordinibus constitutis, infantium susceptores, siue, ut vocant, compadres in Baptismi Sacramento fieri; nisi forsitan consanguinei parentibus ipsius baptizandi, usque ad tertium gradum inclusive, extiterint. *Ex Statutis 1676.*

XI.

Plures Susceptores quam duo non admittantur.

Quia in Baptismo contrahitur cognatio spiritualis inter plures personas, propter quam multa Matrimonia impediuntur fieri: idcirco non admittantur plures, quam duæ personæ; videlicet unus vir & una femina, in levatione unius infantis. Sciscitetur autem Parochus diligenter, antequam ad Baptismum accedat, quisnam electus sit ad suscipiendum infantem de sacro Fonte, ne alius se pro Patrino gerat, licet puerum tangat vel teneat. *Ex Stat. 1773.*

XII.

De Libro seu Registro Baptizatorum.

Sacerdotes Parochiales habeant librum seu registrum, in cuius principio scribant annum, in quo inchoabitur, & consequenter mensẽ & diem Baptismi cujuslibet infantis, nomen ipsius & nomina genitorum ipsius, nomina patrinorum & matrinarum; sic scribendo: *Petrus filius Joannis & Mariæ, natus die tertia Mæj, baptizatus die vigesima ejusdem mensis: cujus Patrini fuerunt Gerardus talis & Catharina talis.* *Ex Statutis 1773.*

XIII.

Quanta cura hujusmodi Registorum sit habenda.

Cum permulta sint tam in Ecclesiastico, quam in sæculari foro, non levis momenti negotia, ad quorum decisionem ætatis probatio peritur ex libris infantium baptizatorum, seu re-

Tomus X. Concilior. German.

gistorum, ut vocant; de quibus ideo propria Parochi vel Vicarii manu sub certa forma scribendis, aut saltem subsignandis, in tuto ac honesto loco reponendis, diligenter custodiendis, novisque Ecclesiarum Parochialium Receptoribus restituendis, veterum & nostrorum Statutorum Decretis abunde satis cautum fuerat: quia tamen vel nimia Parochorum incuria, vel eorum frequenti mutatione, aut alias fortuito casu, in grave subditorum nostræ Diocesis præjudicium, quandoque desiderantur, aut omnino depereunt: post hac quotannis a singulis Parochis subsignata exemplaria tuo Decano in quolibet Maji Synodo huc transferenda, & in decenti Palatii nostri loco sub duplici clave ab iis, qui ad hoc a Nobis deputati fuerint, conservanda, offerri, & tradi, sub inobedientiæ pœna jubemus, ut ipsorum originalium, si quo casu desint, vicem suppleant. *Ex Stat. 1591. Renov. 1593. & 1669.*

XIV.

Non solum Baptizatorum, sed & Nubentium ac Defunctorum Registra habenda.

Nimia Parochorum incuria, circa debitam Registorum suæ cujusque Ecclesiæ asservationem, Nos cogit præcedentia Statuta super eorum diligenti confectione antehac publicata renovare: quapropter iisdem, sub pœna a Nobis aut Officiali nostro arbitrandæ, præcipimus libros compactos habere, in quibus præter infantium Baptizatorum, & eorum, qui Matrimonio junguntur, adhuc etiam Defunctorum nomina, cujusvis ætatis fuerint, exacte describant; ordinantes Procuratoribus nostris Fiscalibus & Generalibus singulis annis accurate inspicere, ut contra eos, qui negligentes fuerint, & minus correcte hujusmodi libros teneant, sine dilatione inquireant. *Ex Stat. 1671.*

XV.

Idem præcipitur.

Nobis innotuit Parochos, etiam post Ordinationes Regias, omnimodam curam non adhibere ad Registra Baptizatorum & Conjugatorum conservanda, & esse periculum, ne libri, qui

Rr singu-

singulis annis ad hoc conficiuntur, ob eorum tenuitatem facile amittantur; propterea iungimus Parochis & Vicariis, ut præter hos libellos singulis annis Judicibus secularibus tradendos, aliud majus volumen apud se retineant, in quo articulos tam baptizatorum, & conjugatorum, quam confirmatorum & defunctorum describant, ac subsignent, uti antiquioribus hujus Diocesis Statutis cavetur. Anno 1688.

XVI.

Nomina Baptizatorum in aliena Parochia ad proprium Parochum remitti debent.

Volumus, ut ubicumque ob causam necessitatis aut aliam contigerit infantes baptizari ab aliis, quam a propriis Parochis, ut Sacerdotes, qui tales infantes extra suam Parochiam sic baptizaverint, teneantur intra quindecim dies a die Baptismi, mittere hujusmodi memoriale ad proprium infantis Parochum, qui tenebitur describere nomina sic baptizatorum, eorum parentum, & patrinorum, & matrinarum in solitis suæ Parochiæ registris. *Ex Stat. 1646.*

XVII.

Obstetrices in qualibet Parochia eligende.

Obstetrices communibus Parochianorum suffragiis ad eum effectum congregatis eligentur probæ vitæ, & in baptizandis pueris peritæ; quarum sic electarum consuetum juramentum tenebuntur Curati recipere, nisi legitimam causam habeant, propter quam eas admittere non debeant; quam Scabinis illico significabunt, ut ad novam procedatur electionem; & si aliqua inter eos oriatur difficultas, Nobis, aut Vicario Generali, vel Officiali significabitur, ut partibus auditis, quod juris erit & rationis, statuatur. *Ex Stat. 1614.*

XVIII.

Docenda Obstetrices de modo & forma Baptismi.

Doceant Curati obstetrices & suos Parochianos integre, fideliter, & devote proferre verba formæ Baptismi in vulgari sermone: *Je te baptise au Nom*

du Pere, & du Fils, & du Saint Esprit, ut ministrare possint illud in forma Ecclesiæ, si casus necessitatis emerferit, & doceant eas, quod simul cum prolatione verborum debent tenere infantem, & immergere illum in aquam, secundum consuetudinem Ecclesiæ suæ; & quod habeant intentionem baptizandi secundum ordinationem Catholicæ Ecclesiæ. *Ex Stat. 1573.*

XIX.

Si de veritate Baptismi per Obstetricem collati dubium sit, sub conditione iterari debet.

Sacerdos interroget diligenter obstetrices, & alias personas, quæ deferunt infantes ad baptizandum: si propter aliquod periculum vitæ infantis, de quo dubitaverint, illum baptizaverint, annon; si responderint quod non, procedat ad Exorcismos, & alia per ordinem, prout in libro Manuali continentur; si vero infans baptizatus fuerit, interroget de forma verborum prolatorum; quæ si integre & debito modo prolata fuerint, non erit infans ulterius baptizandus: quia Sacramentum est non reiterabile; debet autem catechisari & exorcisari, ut Ritus Ecclesiæ servetur. Si vero re diligenter perquisita, dubiter Sacerdos probabiliter, quod verba & alia necessaria non fuerint prolata & observata, baptizet sub hac forma: *Si tu non es baptizatus, ego baptizo te in nomine Patris, & Filii, & Spiritus Sancti. Amen.* Aliter vero nunquam ei fas erit. *Ex Stat. 1573.*

XX.

Obstetrices infantes illegitimos baptizandos offerentes, nomen Patris declarent.

Item, quia pleræque mulieres, seu obstetrices ad regendos illegitimorum infantum veros patres, falsos, ut Nobis relatum est, non sine injuria seu scandalo supponunt: prohibemus, ne aliqua obstetrix, seu quævis alia mulier audeat in posterum curare baptizari infantes sub nomine patris supposito, sub pœna, quod in ipsam procedetur tanquam in falsitatis ream, & alia per Nos arbitrandæ: mandantes omnibus & singulis Parochis, ut non, nisi præ-

stito

fito per eas de dicenda super veritate patris ipsis nota juramento, ad Baptismum dictos infantes admittant; de eo diligenter inquirant, & ad Venerabilem Procuratorem Curiae nostrae Archiepiscopalis Generalem, puniendum deferant; prout puniendos etiam esse graviter pro modo culpae volumus ipsos Curatos & Presbyteros, qui tale aliquid committere ausi fuerint. *Ex Statutis 1630.*

XXI.

Monentur Parentes, ne infantem ante annum secum in lecto decumbere faciant.

Parochi, statim baptizatis ipsis infantibus, praeceptum, ne parentes, nutricesve secum in lecto dictos infantes teneant ante annum; sic enim evitabuntur scandala, quae quotidie in infantium suffocatione oriri, non sine summo animi dolore, audimus & cernimus. Illos insuper moneant; ut dictos infantes ab igne & aqua praeservent, omnique alio periculo, quatenus seipsos tueri possint. *Ex Stat. 1609.*

XXII.

Fontes baptismales sint clausi & ornati.

Parochi Fontes baptismales cum pelvi nitide & cum decore teneri current, iisdem superposito levioris ac decentis panni tapete, sumptibus Parochianorum. *Ex Stat. 1661.*

TITULUS XII.

De Confirmatione.

STATUTUM I.

Confirmandi debent prius confiteri.

Suscipientes Sacramentum Confirmationis, si sint adulti, debent esse confessi, ut illud digne suscipiant; & de honestate debent esse jejuni. *Ex Stat. 1573.*

II.

Confirmatio solum conferatur iis, qui recordari possint.

Pueris non conferatur, donec memoriam habeant competentem, ne ignorantem se esse confirmatos, faciant

Tomus X. Concilior. German.

se denuo confirmari. Ideo admoneantur de alapa, quam daturus est Episcopus, ut ex hoc signo se recepisse recordentur hoc Sacramentum. *Ex iisdem Statutis.*

III.

Confirmati id debent suis Parochis significare.

Qui Confirmationis Sacramentum deinceps recipient, sua & suorum Susceptorum nomina, cum designatione loci, diei & anni suscepti Sacramenti propriis Parochis, aut eorum Vicariis dare tenebuntur; Parochi vero & Vicarii ea omnia in particularibus & ad hoc designatis & conservandis libris gratis exscribere; ne in posterum cognatione spiritali affines Matrimonium, non habita dispensatione, contrahant. *Ex Stat. 1614.*

IV.

Confirmandi non accedant sine licentia sui Parochi in scriptis danda.

Quia plurimum refert, ut Sacramentum Confirmationis a Fidelibus digne suscipiatur, Parochi & eorum Vicarii diligenter doceant illius utilitatem, effectus, dispositiones requisitas, & quod sine sacrilegio reiterari non possit: cumque sufficienter instructos ad Nos transmittere voluerint, ipsis schedam gratis tradere teneantur, in qua nomen & cognomen confirmandi exprimant & subignent, ac postmodum in Registro describant: declarantes nullum deinceps ad istius Sacramenti susceptionem a Nobis fore admittendum, qui sine huiusmodi charta accesserit. *Anno 1700.*

V.

Parochi habeant Registrum Confirmatorum.

Quia relatum Nobis fuit, non observari fere per totam hanc Diocesim, quod per Decretum visitationis generalis serio ac salubriter ordinatum fuit de Confirmatis describendis in Registris particularibus Curatorum; item & levantium nominibus, cum designatione loci, diei & anni; cum illud plurimum referat scire ob affinitates spirituales inde provenientes, juxta Decre-

Rr 2

tum

tum Sacri Concilii Tridentini in Capitè secundo, incipiente: *Docet experientia*, sub finem Sessionis 24. de *Reformat.* Idcirco dictum Decretum, ut ad omnium notitiam deveniat, renovandum & inserendum hic duximus de verbo ad verbum, prout sequitur.

Decretum Sacri Concilii Tridentini.

" Ea quoque cognatio, quæ ex Confirmatione contrahitur, confirmantem, & confirmatum, illiusque patrem ac matrem, ac tenentem non egrediatur: omnibus inter alias personis hujus spiritualis cognationis impedimentis omnino sublatis." *Ex Stat. 1645. Renov. 1669.*

TITULUS XIII.

De Eucharistia.

STATUTUM I.

Eucharistia a jejunis sumi debet, nisi in necessitate.

Hoc Sacramentum sumi debet a jejunis (id est ante cujuslibet alterius rei cibum vel potum) exceptis infirmis, & in necessitate constitutis: in quibus periculum est de vita. Quia talibus si humiliter petant, debet ministrari sive ante prandium, sive post, sive de die, sive de nocte, nisi sit periculum, quod statim post sumptionem illud evomant; quia tunc non esset dandum. *Ex Stat. 1573.*

II.

Muto divi potest.

Mutus in suis negotiis discretus, potest recipere Corpus Christi, si petat, & in eo appareant signa devotionis & fidei. *Ex eisdem Statutis.*

III.

Recepturi Eucharistiam ante & post sint ore detecto.

Omnibus ac præsertim mulieribus ordinamus, ad sacræ Eucharistiæ sumptionem, debita cum reverentia & aperto vultu accedere, injungentes Ecclesiarum Parochialium Rectoribus, aliisque Presbyteris, ut iis, qui ad sacram mensam ore velato accedunt, sacrum Corpus minime ministrent, nisi

facie discooperta; quam etiam apertam post sumptionem, & consumptionem sacratissimi Corporis Christi, atque sumptam ablutionem, teneri procurabunt, idque ut scandala, & pericula maxima, quæ exinde evenire possunt, evitentur. *Ex Stat. 1658.*

IV.

Post Communionem vinum Laicis non porrigatur in Calice.

Ut omnis tollatur abusus, quo plerique vinum purum, quod post susceptam Eucharistiam Laicis exhibetur, Sacramentum Sanguinis Christi erronee esse putant: omnibus nostræ Diœcesis Sacerdotibus serio prohibemus, ne vinum illud in calice, sed in profano vase, & sine ulla verborum prolatione Laicis, vel etiam Presbyteris, aliena manu sacram Communionem sumentibus, propinandum per se, aut per alium tradant. *Ex Stat. 1604.*

V.

Vas St. Eucharistiæ sit mundum.

Curent omnes & singuli Curati, alique Ecclesiarum Rectores, Tabernaculum, vasaque sacra, in quibus augustissimum Eucharistiæ Sacramentum reponitur & asservatur, in majori qua poterunt munditia & nitore habere, nec ipsa pannis, aut linteolis semiputridis vel consumptis, quæ corruptionem, vermesque parere possunt, obvolvere. *Ex Stat. 1651.*

VI.

Pyxides, in quibus asservatur sacra Eucharistia, sint ex argento. Ejus quoque frequentis expositio prohibetur.

Cum nihil præstantius & veneratione nostra dignius habeamus in Ecclesia, quam augustissimum Eucharistiæ Sacramentum, merito honoris ejus augmento continua sollicitudine invigilare debemus. Ne ergo irreverenter & cum minori decencia, quam par est, asservetur: Ordinamus, ut nonnisi in pyxidibus sive ciboriis mundis, quarum cuppæ sint argenteæ, non vero ex ære aut stanno confectæ, deinceps detineatur. Et quia constat ex nimis frequentibus & indiscretis tremendi hujus

hujus Sacramenti exhibitionibus, reverentiam illi debitam minus potius, quam augeri; prohibemus quascumque illius expositiones & benedictiones ab Ecclesia minime præscriptas, nisi a Nobis fuerint approbatæ, vel ab immemoriali tempore in quibusdam Ecclesiis fundatæ reperiantur. *Anno 1681.*

VII.

Singulis mensibus renovent Hostias consecratas.

Ordinamus etiam prædictis nostris Parochis, aliisque Ecclesiarum Rectoribus consecratas Hostias, quæ in Ecclesiis asservantur, singulis saltem mensibus consumerè, novasque consecratas in eorum locum absque interruptione substituerè. *Ex Stat. 1651.*

VIII.

Lampas coram Tabernaculo Sr. Sacramenti semper ardeat.

Cum sacrosanctum Eucharistiæ Sacramentum satis venerari nequeat, & nihilominus per Decanos Rurales Bifuntinæ nostræ Diocesis Nobis relatum fuerit, piam illam antiquam & laudabilem ejusdem Eucharistiæ Sacramenti adorationem ac venerationem tepescere, pendentibus præsertim ultimis bellorum procellis; antiqua super hujusmodi lumine accendendo Decreta Synodalia renovamus; præcipientes Diocesanis nostris lampadem continuo ardentem coram augustissimo Eucharistiæ Sacramento in qualibet Ecclesia Parochiali Diocesis nostræ, sumptibus Parochianorum habere; injungentes Parochis hujusmodi nostrum Decretum observari curare. *Ex Stat. 1661. Renovat. 1664. 1666.*

IX.

Idem præcipitur.

Cum nihil magis Sacerdotibus curæ esse debeat, quam ut augustissimum Eucharistiæ Sacramentum summo cultu & honore afficiatur, ejusque præsentia in Templis, juxta antiquum Ecclesiæ institutum, per lumen indeficiens innotescat; hunc sanctissimum morem in pluribus locis negligi advertentes, necessarium duximus priora

Statuta super hoc edita renovare. Quapropter mandamus Parochianis, ut in Templis, ubi hoc Venerabile Sacramentum asservatur, lampadem diu notuque ardentem sedulo nutrant. Præcipientes Parochis & eorum Vicariis huic ordinationi nostræ assiduo invigilare; ita ut quoties per Ædificiorum incuriam, vel Parochianorum culpam, lampades extinctas invenerint, earum loco majorem cereum juxta Altare positum, accendant. Quia verò ipsimet Parochi nonnunquam minus solliciti sunt de tanti thesauri securitate, quam de propriarum pecuniarum custodia: iisdem injungimus, ne clavem Tabernaculi super Altare relinquant, aut alibi reponant, ubi facile a Laicis deprehendi possit. *Anno 1686.*

X.

Renovantur præcedentia Statuta super eadem re.

Etsi hætenus omnem curam adhibuerimus, ut augustissimum Eucharistiæ Sacramentum cum ea, qua par est, reverentia colatur; & ideo Parochianis sæpius injunctum fuerit, ut lampadem accensam in Ecclesiis, ubi asservatur, fovere curarent; verum quia pluribus in locis nostræ jussioni non paretur; mandamus Parochis, ut populos moneant hoc sanctissimum Sacramentum in eorum Ecclesiis non fore custodiendum, si illic lampas diu, notuque non arserit; de quo Nos certiores reddere tenebuntur, ut super tam gravi defectu providere valeamus. *Anno 1689.*

XI.

Exposito sanctissimo Sacramento cerei remaneant accensi, & adsint coram eo orantes.

Memores sint omnes, & singuli Rectores Ecclesiarum, sive Parochialium, sive Regularium, die festo Solemnitatis augustissimi Eucharistiæ Sacramenti, & per totam Octavam, lampades accensas, seu cereos coram augustissimo Sacramento habere, & curare, uti, juxta antiqua Statuta, sine interruptione, aliquis in Ecclesia custos, vel orans permaneat. *Ex Stat. 1653. Renovat. 1660.*

TITULUS XIV.

De Pœnitentia.

STATUTUM I.

Quinam Confessiones audire possint.

Licet Presbyteri omnes potestatem habeant remittendi peccata, non omnes tamen habent ejus potestatis executionem, sed Pastores ordinarii solum, videlicet Curatus, Episcopus, summus Pontifex, & qui ab Episcopis approbati, delegantur seu committuntur; excepto tamen mortis articulo, quo casu omnis Sacerdos potest non solum a peccatis omnibus absolvere, sed & ab omni excommunicatione. *Ex Statutis 1560.*

II.

Non omnes jurisdictionem spiritualem habentes, possunt approbare ad Confessiones audiendas.

Quia plerique etiam Regulares, seu Capitula, etiam Metropolitanarum, seu Cathedralium Ecclesiarum, exempta, prætendebant privilegia, quibus liceret ipsis, non obitante Concilio Tridentino, approbare ad Sacramentales personarum sæcularium Confessiones audiendas, Sacerdotes ex ipsorum Ordinibus, Collegiis, seu Capitulis: Ss. Dominus URBANUS Papa VIII. sua Constitutione de datâ 12. Septembris anni 1628. cum clausulis prægnantissimis illa revocavit, cassavit, & annullavit; ita ut solis Ordinariis locorum illud approbandi jus competat. Quam Constitutionem ut omnibus innotescat, in hac Synodo publicari volumus. *Ex Stat. 1627.*

Tenor Bullæ hic memoratæ.

URBANUS PAPA VIII.
AD PERPETUAM REI MEMORIAM.

Cum, sicut accepimus, aliquibus Religiosis quorundam Ordinum seu Congregationum, a Sede Apostolica indultum fuerit, ut Sacramentales personarum sæcularium Confessiones audire valeant, etiam si ab Episcopis Diœcesanis ad id examinati & approbati non fuerint; nec desint, qui temere assererent hoc ip-

sum privilegium, cæteris quoque aliorum Ordinum Regularibus competere, ex amplissimis privilegiorum communicationibus, quas ab eadem Sede Apostolica obtinuerint; & hinc saluberrimum sacri Concilii Tridentini Decretum desuper sancitum penitus coerceatur: Nos huic malo opportune providere volentes, de Vener. Fratrum nostrorum S. R. E. Cardinalium negotiis, Regularium Præpositorum consilio, omnia & singula indulta hujusmodi audiendi sæcularium confessiones, absque Ordinarii examine & approbatione, quibusvis Collegiis, Capitulis, Religionibus, Societatibus, etiam Societati JESU, Congregationibus & Ordinibus tam mendicantium, quam non mendicantium, nec non Monachorum quorumcumque, etiam S. Benedicti, Cisterciensis, & Carthusiensis, ac quibusvis Militi, etiam Hospitalis sancti Joannis Hierosolimitani, etiam quibuscumque Ecclesiis, etiam Patriarchalibus & Metropolitanis, Monasteriis, cæterisque locis piis, five eorum & earum respectivè Abbatibus, Præpositis, Decanis, Magistris, Ministris, Prælatis, Prioribus, Rectoribus, etiam Generalibus vel Provincialibus, Capellanis, Confessariis, aut aliis quocumque nomine nuncupatis Superioribus, & personis quibuscumque, etiam quomodolibet exemptis, ac Sedi Apostolicæ immediate subiectis, cujuscumque dignitatis, præeminentiæ & conditionis existentibus; & quovis privilegio munitis, & tam ad supplicationem partium, quam motu proprio & ex certa scientia, ac de Apostolicæ potestatis plenitudine, hætenus, quandocumque & qualitercumque, ex quavis etiam de necessitate exprimens causa, & alias quomodolibet concessa, Apostolica auctoritate tenore præsentium revocamus, cassamus, tollimus, abrogamus & annullamus, viribusque & effectu evacuamus, ac revocata, cassata, sublata, abrogata & annullata, viribusque & effectu vacua esse & fore; nec Religionibus, Societatibus, etiam Societatis JESU, Congregationibus, Ordini-

" Ordinibus ac Militiis, & Ecclesiis,
 " Monasteriisque prædictis, eorumque
 " Superioribus, & personis quibus-
 " cumque in posterum ullo modo sus-
 " fragari, minusque illos & illas,
 " etiam si de iis specialis, specifica, ex-
 " pressa, ac de verbo ad verbum men-
 " tio habenda foret, indultis hujus-
 " modi uti posse: Præsentes vero litè-
 " ras & in eis contenta quæcumque,
 " etiam ex eo, quod quicumque in
 " præmissis interesse habentes, seu ha-
 " bere prætendentes, ad hoc vocati &
 " audiri non fuerint, de subreptionis
 " vel obreptionis vicio, aut intentionis
 " nostræ, vel alio quocumque defectu
 " notari, impugnari, redargui, in jus
 " vel controversiam revocari, ad ter-
 " minos juris reduci, aut adversus illas
 " quodcumque juris, gratiæ vel facti
 " remedium imperari nullatenus pos-
 " se; sed illas semper validas & effica-
 " ces existere & fore, suosque plena-
 " rios & integros effectus sortiri &
 " obtinere; sicque per quoscumque
 " Judices ordinarios & delegatos, etiam
 " causarum Palatii Apostolici Audito-
 " res, ac S. R. E. Cardinales, etiam de
 " Latere Legatos Nuncios, sublata
 " eis & eorum cuilibet quavis aliter
 " judicandi & interpretandi facultate
 " & autoritate, judicari & definiri
 " debere, ac irritum & inane quid-
 " quid secus super his a quoquam,
 " quavis autoritate, scienter vel igno-
 " ranter contigerit attentari: Decerni-
 " mus & declaramus, non obstantibus
 " præmissis, ac quibusvis Constitutio-
 " nibus & Ordinationibus Apostolicis,
 " Privilegiis quoque, Indultis & Lite-
 " ris Apostolicis, Ordinibus, Socie-
 " tatibus & Congregationibus prædi-
 " ctis, eorumque Præpositis, Decanis,
 " Magistris, Abbatibus, Ministris, Præ-
 " latis, Prioribus, Rectoribus, & aliis
 " Superioribus, Capellanis, aliisque
 " prædictis, sub quibuscumque teno-
 " ribus & formis, ac cum quibusvis
 " etiam derogatoriis derogatoriis,
 " aliisque efficacioribus & insolitis
 " clausulis ac irritantibus, & aliis De-
 " cretis in genere vel in specie, ac alias
 " in contrarium quomodolibet con-
 " cessis, confirmatis & innovatis. Qui-
 " bus omnibus & singulis, etiam si pro

" illorum sufficienti derogatione de
 " illis, eorumque totis tenoribus spe-
 " cialis, specifica, expressa & indivi-
 " dua, ac de verbo ad verbum; non
 " autem per clausulas generales idem
 " importantes, mentio seu quævis alia
 " expressio habenda, aut aliqua alia
 " exquisita forma ad hoc servanda fo-
 " ret: Tenores hujusmodi præsentibus
 " pro plene & sufficienter expressis;
 " & ad verbum insertis habendum;
 " illis alias in suo robore permansuris,
 " hac vice duntaxat specialiter & ex-
 " presse derogamus, cæterisque con-
 " trariis quibuscumque. Volumus
 " autem, quod præsentium transump-
 " tis, etiam impressis, manu alicujus
 " Notarii publici subscriptis, & sigillo
 " personæ in dignitate Ecclesiastica
 " constitutæ munitis, eadem prorsus
 " ubique fides adhibeatur, quæ ipsis
 " præsentibus adhiberetur, si forent
 " exhibitæ vel ostensæ: Quodque ex-
 " dem præsentis literæ, seu illarum ex-
 " empla, ad valvas Basilicarum S. Joan-
 " nis Lateranensis, ac Principis Apò-
 " stolorum de Urbe, & in acie Campi
 " Fioræ affixa, omnes ita ardeant &
 " afficiant, ac si unicuique personaliter
 " intimata fuissent: Datum Romæ apud
 " S. Mariam majorem, sub annulo Pi-
 " scatoris, die 12. Septembris 1628.
 " Pontificatus nostri anno sexto."

M. A. MARALDUS.

III.

*Parochi per totam Diocesim possunt con-
 fessiones audire, non tamen eorum
 Vicarii.*

Declaramus etiam, Parochos posse
 per totam Diocesim, de consensu ta-
 men aliorum Parochorum, confessiones
 excipere: quod Vicariis, & illis,
 qui solum ad tempus Parochiarum ad-
 ministrationem habent, minime licere
 volumus, nisi antea facultatem a No-
 bis, vel Vicario nostro Generali ad id
 specialem obtinuerint. *Ex Stat. 1669.*

IV.

*Sacerdotes in alia Diocesi approbati, non pos-
 sunt Confessiones in ista audire, sine nova
 approbatione.*

Cum relatum Nobis fuerit, quos-
 dam Sacerdotes & Parochos ex alienis
 Dice-

Diecefibus ad hanc frequenter accedere, aut etiam aliquando accerfiri, ut Dicefanorum noſtrorum confeſſiones excipiant, ſola ſui Ordinarii approbatione muniti, quas defectu ſufficientis jurisdiſtionis nullas eſſe conſtat: ideo prohibemus, ne ullus omnino Sacerdos, ſive ſæcularis, ſive Regularis, quamvis in alia Diceceſi approbatus, in iſta Sacramentum Pœnitentiæ deinceps adminiſtrare permittatur, priuſquam a Nobis, aut Vicario noſtro Generali legitimam approbationem in ſcriptis obtinuerit. *Ex Stat. 1678.*

V.

Nullus Sacerdos admittendus ad audiendas Confeſſiones, niſi approbationem oſtenderit.

Abuſus invaleſcentes ex quorundam Sacerdotum tam ſæcularium, quam Regularium temeritate, qui ſine legitima approbatione fidelium confeſſiones excipiunt, Paſtores inducere debent omnimodam adhibere diligentiam, ut detrimenta gregi ſuo inde ſecutura propellant: quapropter præcipimus Parochis & eorum Vicariis, aliisque curam animarum habentibus, ne ullos Sacerdotes, ſive ſæculares, ſive Regulares ad confeſſiones audiendas, aut verbum Dei prædicandum intra ſuarum Parochiarum limites admittant, priuſquam facultates a Nobis obtentas, ſaltem ſemel quolibet triennio in debita forma conſpexerint; ut ſi quas ſuſpectas, aut jam finitas deprehenderint, eas omnino rejiciant, Noſque de his ſtatim certiores reddant. *Anno 1690.*

VI.

Finito termino approbationis, Confeſſarii novum examen ſubire tenentur.

Novam Operariorum Diceceſis noſtræ velut luſtrationem inſtituentes, volumus & ſtatuiſmus, eos omnes, qui antehac Sacramenti Pœnitentiæ adminiſtrationi ad tempus incubuerunt, rurſum, finito termino, quantum ad doctrinam moresque examinari; ne quis haud ſatis cognitus vel probatus, tam excelfo miniſterio temere & cum proximi ſcandalo ſe immiſceat. Prohibemus autem omnibus ac ſingulis

Dieceſis noſtræ Confeſſariis, ne uſque adeo muneris ſui obliſcantur, ut ſpe modici lucelli, pravi inter omnes exempli, ad hoc miniſterium accedant. *Ex Stat. 1648.*

VII.

Nullus ſine licentia expreſſa abſolvat a Caſibus reſervatis.

A Caſibus Nobis reſervatis, aut jure, vel Synodali Conſtitutione, ſeu inveterata conſuetudine, nullus omnino auſu temerario audeat abſolvere, niſi de noſtra, vel Vicarii noſtri Generalis expreſſa licentia. *Ex Stat. 1609.*

VIII.

Facultas abſolvendi a Caſibus in hac Diceceſi reſervatis, non extenditur ad Caſus ſpecialiter Illuſtriſſimo Archi-Epiſcopo reſervatos.

Noverint porro Confeſſarii, qui facultatem habent a Caſibus reſervatis abſolvendi, illam non extendi ad eos Caſus, quos Nobis ſpecialiter adverſus perſonas Eccleſiaſticas reſervamus, aut quibus annexa eſt aliqua cenſura Nobis reſervata. *Ex Stat. 1691.*

IX.

Regulares prætextu Privilegiorum non poſſunt abſolvere a Caſibus Ordinario reſervatis.

Pæſtorali muneri incumbit invigilare, ut grex ſibi commiſſus ab omni morbo, maxime vero ob illius gravitatem periculi pleno, per expertos & approbatos Medicos efficaciſſimis & opportunis remediis ſeu medicinis expurgetur, expurgatusque, ne iterum contaminetur. Sane huic rei providere volentes, ſummi Pontifices non minus pie, quam prudenter ſtatuerunt, ut non ſolum ſibi, ſed Episcopis ſeu Ordinariis locorum certos Caſus, partim ob gravitatem, partim ob ſcandalum reſervarent, & particulariter etiam ob cujuſque Diceceſis bonum ſeu neceſſitatem, prout expedire videretur, locorum Ordinariis reſervandi authoritatem dederint, a quibus nonniſi ipſi, ſeu ab iisdem poteſtatem habentes, abſolvere poſſent. Cum tamen plerique quorundam Ordinum, ſeu Congregationum

tionum Regulares, a summis Pontificibus Privilegia, etiam post sacrum Concilium Tridentinum obtinuerunt, quorum vigore non solum ipsi a casibus summis Pontificibus, sed etiam ipsis locorum Ordinariis reservatis, pene omnes cujusvis Ordinis Regulares per communicationem eorundem privilegiorum absolvendi potestatem, etiam ipsis Ordinariis renitentibus, in grave animarum præjudicium, prætenderent: Ad omnes in posterum dubietates desuper præcindendas, abususque tollendos, ut animarum periculis ac salutis desuper provideretur, sanctæ, ex sacre Congregationis Episcoporum ac Regularium sententia, Sanctissimus D. N. URBANUS Papa VIII. declaravit per Decretum (quod hic, ut ad omnium & singulorum notitiam deveniat, promulgandum visum fuit:) Nulli in posterum cujusvis Ordinis, Congregationis, Societatis vel Instituti, etiam necessario exprimendi, nec intra, nec extra Italiam in vim privilegiorum, aut confirmationum ejusmodi, quas vel hætenus obtinuerunt, vel deinceps forte obtinebunt, posse quemquam absolvere a Casibus in Bulla *Cane Domini* contentis, aut Casibus Ordinariis locorum reservatis, cujus declarationis tenor sequitur. *Ex Stat. 1630.*

Decretum Sacre Congregationis.

" **S**acra Congregatio S. R. E. Cardinalium negotiis & consultationibus Episcoporum, & Regularium præposita censuit, per confirmationes privilegiorum, quas Regulares a Sede Apostolica post Sac. Conc. Tridentinum obtinuerunt, nequaquam revixisse privilegia prius ab eodem Concilio, ac deinde etiam ipsius Congregationis Decretis sublata acque extincta, si quæ habeant, absolvendi a Casibus Ordinario loci reservatis: quemadmodum nec indulta absolvendi a Casibus contentis in Bulla, quæ in die *Cane Domini* legi consuevit, utpote sublata per annuam ipsius Bullæ publicationem, vires aut robur acquisivisse ex subsequentibus privilegiorum confirmationibus; ac proinde Regulares cujusvis Ordinis, Congregationis, So-

Tomus X. Concilior. German.

" cietatis & Instituti, etiam necessario exprimendi, nec intra, nec extra Italiam in vim privilegiorum, aut confirmationum ejusmodi, quas vel hætenus obtinuerunt, vel deinceps forte obtinebunt, posse quemquam absolvere ab eisdem Casibus in Bulla *Cane*, aut Ordinario loci reservatis: ac si secus egerint, absolutiones nullas, atque irritas fore; ab aliis vero casibus & censuris Sedi Apostolicæ reservatis, siquidem Regulares habeant a Sede Apostolica absolvendi facultatem, illam extra Italiam minime sublatam fuisse, iisdem sacre Congregationis Decretis hac de re editis, jussu sanctæ mem. CLEMENSIS VIII. Quam sacre Congregationis sententiam Sanctitas Sua ad se relatum approbavit, mandavitque ab omnibus, ad quos pertinet, inviolabiliter observari. Romæ 17. Novembris 1628. F. A. Cardinal. S. Honufr. & inferius: Fagnanus Secretar."

Casus in Diœcesi Bisuntina reservati.

Porro Casus tam a Nobis, quam a Prædecessoribus nostris specialiter reservatos hic apponi volumus; ne ullus ad confessiones audiendas approbatus de iis absolvere præsumat, nisi a Nobis, aut a Vicario nostro Generali bujusmodi facultatem obtinuerit; in qua tamen comprehendere non intendimus potestatem absolendi ab aliis Casibus in jure Nobis reservatis, nec ab his, quos Nobis specialiter adversus personas Ecclesiasticas reservamus, aut quibus annexa est censura Nobis reservata, sed tantum a sequentibus.

1. Incestus in primo & secundo tam affinitatis, quam consanguinitatis gradu.
2. Stuprum violenter illatum.
3. Carnalis concubitus cum Moniali, etiam non professâ.
4. Sodomia, & bestialitas.
5. Adulterium publicum & notorium.
6. Sacrilegium in materia furti, tam rei sacre in loco non sacro; quam rei non sacre in loco sacro.
7. Perjurium sive testimonium falsum in judicio.
8. Falsificatio publici instrumenti.

S s

9. Publi-

9. Publica seu notoria infantum per incuriam crassam, vel affectatam oppressio. *Delinquentes in hac materia remittendi sunt ad matricem Ecclesiam in die Cinerum, suscepturi penitentiam in forma iuris, licet absoluti ab eo, qui habet potestatem.*

10. Blasphemia contra Deum, B. Virginem, Sanctos, vel Ecclesiam & ejus dogmata, cum animo seu assensu deliberato, & cum scandalo.

11. Injuriosa patris vel matris percussio.

12. Voluntarium alienarum domorum incendium.

13. Homicidium voluntarium actu perfectum; sub quo comprehenditur abortus procuratus.

14. Usus magiæ & maleficiorum.

15. Sollicitatio mulieris ad libidinem in Sacramento Confessionis, etiam effectu non secuto.

Supra memoratos Casus volumus duntaxat esse reservatos in iis, qui decimum quartum ætatis annum compleverint.

X.

Quando deneganda est Absolutio.

Si confitentem non pœniteat, nec velit vitam emendare, veluti relinquere aliquod impedimentum, propter quod non debeat absolvi; ut si habet concubinam, quam nolit relinquere; si est usurarius, nec velit ab eo lucro desistere; si odium gerit capitale, & voluntatem offendendi proximum, nec velit illud deponere; si Ecclesiasticus habeat plurâ Beneficia incompatibilia sine dispensatione, nec velit dimittere; & alia pro conditione & statu pœnitentis. Tunc si confitens nolit mutare vitam & desistere ab his, quæ non potest sine peccato retinere, non absolvetur, quantumvis requirat: sed poterit ei Sacerdos dare consilium; & injungere aliquam pœnitentiam, declarando ei, quod propter hoc non est absolutus, nec satisfecit mandato Ecclesiæ; & admonebit, ut frequenter audiat sermones, vel legat pios auctores, eleemosynis, & orationibus, & aliis bonis operibus nitatur obtinere, ut Deus convertat cor ejus ad contritionem, & veram pœnitentiam. *Ex Stat. 1560. & Renov. 1573.*

XI.

Excommunicati quando non possunt absolvi.

Non debent absolvi (ne a Superioribus quidem suis) excommunicati propter offensam notoriam, nisi antea satisfecerint: neque incendiarii injusti: neque mutilatores membrorum: neque violatores Ecclesiarum: neque usurarii manifesti: neque injuria notabili afficientes personas Ecclesiasticas arma non deferentes. *Ex Stat. 1573.*

XII.

Pueri sine Confessione non sunt absolviendi

Usum illum, seu potius abusum, duximus abolendum, qui nonnullis in Parochiis hujus Diocesis Bisuntinæ invaluit, de impertienda absolutione masculis & feminis adultis, iis præsertim annum septimum excedentibus, absque prævia Confessione Sacramentali. *Ex Stat. 1661.*

XIII.

Confessio complicitis non audienda.

Non audiat Sacerdos confessionem alicujus personæ, de cujus peccato ipse sit agens vel consentiens: sed talem personam remittat ad alium Confessorem, data licentia, si opus sit. *Ex Stat. 1573.*

Casus igitur præcipuos, in quibus aut deneganda, aut differenda est Absolutio, antebac a Nobis, ex his præsertim Statutis collectos, & in lucem editos, istic denuo publicare necessarium judicavimus, tum ad majorem Confessariorum cautelam, tum ut in hujus Sacramenti administratione uniformitas (sine qua, uti sancta Scriptura monet, quod unus ædificat, alter destruit) ab omnibus servetur. Verum licet ab his regulis recedere non debeant, prudenter tamen & cum spiritu lenitatis eas applicare meminerint, ut non minus suaviter, quam fortiter agant. Sunt autem sequentes:

1. Si confitens nullum det signum veri doloris; id est, supernaturalis, aut careat sincero proposito vitam mutandi, & a peccatis abstinendi, deneganda est Absolutio.

2. Si bonum alicuius injuste detinens

tinens nolit restituere, aut si damnis vel injuriis proximo illatis recuset; in quantum potest, satisfacere; deneganda est Absolutio.

3. Similiter qui odium vel inimicitias in proximum fovens non vult ex corde dimittere, aut facere, quod ad se attinet, ut inimico suo reconcilietur; absolvi non debet.

4. Idem & de illo, qui in occasione proxima peccati mortalis existens, quam relinquere potest, negligit tamen deferere. Si vero ipsam evitare nequit, differenda est Absolutio, usque dum ex remediorum spiritualium usu appareat sublatum esse proximum relabendi periculum.

5. Qui aliis peccandi occasionem præbent, nec eam remove volunt, malaque inde nata, quantum possunt, reparare non intendunt, absolvi non debent. Tales sunt *1mo*: qui ludos & conventicula in domibus suis patiuntur, in quibus graviter Deus offenditur per blasphemias, ebrietates, impudicitias, detractiones, &c. *2do*: Qui picturas, seu imagines cujuscunque generis inhoneſtas, turpes, & ad peccatum provocantes, oculis exponunt, efformant, aut venales habent. *3tio*: Qui libros & scripturas, sive Fidei & Religioni Catholicæ contrarias, sive aliqua obſcena continentes, sive demum bonis moribus adverſantes componunt, in lucem edunt, vendunt, aut aliter disseminant. *4to*: Fœminæ, quæ discooperto sinu, seu scapulis incedere solent, maxime si de hujuscemodi immodesto habitu & luxu monitæ non respuerint; nec absolvi, nec ad sacram Synaxim admitti debent, juxta Decretum a Nobis antehac editum.

6. Qui artem aliquam exercent, cui vacare sine peccato minime possunt, si eam dimittere recuset, absolvendi non sunt.

7. Illis, qui in habitu peccati mortalis morantur, differenda est Absolutio, donec adhibitis remediis emendatio appareat.

8. Differri etiam debet iis, qui ignorant præcipua Fidei mysteria, Orationem Dominicam, Salutationem An-

Tomus X. Concilior. German.

gelicam, præcepta Dei & Ecclesiæ, donec ea sciverint.

9. Neque absolvendi sunt, qui sufficienti scientia & cognitione carent rerum necessariarum ad suas artes & officia debite & sine periculo exercenda, aut qui cum notabili negligentia ea exercent.

10. Indigni Absolutione habeantur peccatores manifesti, & qui scandalorum authores fuerunt, donec omnem illorum causam amoverint, & publicam emendationem & satisfactionem exhibuerint.

11. Illos quoque remittere debent Confessarii sine absolutione, imo etiam non audita eorum confessione, quorum peccatis participaverunt, aut complices extiterunt, prout antiquo Statuto caveretur, & adhuc in sequenti Statuto dicitur.

12. Clerici in sacris Ordinibus constituti, vel de Ecclesiastico Beneficio provisi, qui tonsuram & habitum suo Ordini congruentem non deferunt, vel qui sua Beneficia contra Ecclesiæ leges retinent, vel incompatibilia sine dispensatione, vel qui in illis residere negligunt, quando id Beneficii qualitas exigit; Absolutionis beneficio privari debent.

13. Omnes, qui contractus usurarios perficiunt, seu qui aliquod interesse ex simplici mutuo exigunt, absolvendi non sunt.

14. Denique nullus debet aut potest a casibus summo Pontifici, vel Nobis reservatis absolvere, sine licentia legitime obtenta, præterquam in mortis articulo.

XIV.

Renovatur prohibitio audiendi Confessionem complicitis, præsertim in materia luxuriae.

Cum ex antiquioribus Diœcesis nostræ Statutis appareat, prohibitum esse Sacerdoti penitentem sui criminis complicem non solum absolvere, sed etiam ejus confessionem audire; advertentes tamen nonnullos inveniri, qui maximo tum sui, tum penitentis periculo, tam salubre Decretum infringere

gere non verentur, innumeris malis inde provenientius occurrere cupientes, declaramus nullum Confessarium, five sæcularem, five Regularem posse complicem suum, in materia luxuriæ valide absolvere, ipsi omnimodam jurisdictionem & potestatem illum absolventi adimementes. *Anno 1689.*

XV.

Cum Casus enormes occurrunt, remittatur penitens ad Ordinarium.

Generaliter autem Confessor sit discretus & attentus in hoc, ut pro omni casu gravi, enormi, inaudito, inopinato & insolito, remittat penitentem ad Nos, vel Vicarium nostrum Generalem, ut tali penitenti secure, provide ac prudenter possit consuli pro salute animæ suæ, secundum doctrinam ac traditionem juris. *Ex Stat. 1573.*

XVI.

Confessiones non sunt audiende in domo, nisi in casu necessitatis.

Sacerdos non audiat confessiones in domo sua, aut camera, nisi confidentes sint infirmi, sed in Ecclesia & loco omnibus parenti: & non in angulis aut loco obscuro: ut tollatur omnis occasio malignandi & obloquendi. *Ex Stat. 1573.*

XVII.

Confessiones mulierum non sunt audiende extra tribunalia, neque noctu.

Quamvis a Prædecessoribus nostris salubriter cautum fuerit, ne confessiones, maxime mulierum, in locis privatis, etiam in Sacristiis audiantur; nihilominus comperimus nonnullos Sacerdotes sæculares & Regulares huic mandato minime paruisse: idcirco prohibemus quibuscumque Confessariis tam sæcularibus, quam Regularibus, confessiones mulierum alibi, quam in Ecclesia, & in tribunali in loco parenti erecto, non vero in Sacristiis aut locis obscuris, & extra tribunal audire; idque sub pœna peccati mortalis, cujus absolutionem Nobis specialiter reservamus, nisi ob justam causam illud a Nobis fuerit specialiter concessum. Mandamus insuper, ut tribunalia sint

ante Confessarium clausa, & cratibus ex utraque parte munita, utque Confessarii a confessionibus noctis tempore audiendis abstineant. Quod ut strictius executioni demandetur, omnesque irreverentiæ & prophanationes a locis Deo dicatis propellantur, volumus Ecclesiarum & Capellarum januas ante diei occasum diligenter occludi. *Anno 1702.*

XVIII.

Confessiones Monialium non possunt excipi sine peculiari licentia.

Summorum Pontificum Decretis inhærere cupientes, declaramus nullum Sacerdotem, five sæcularem, five Regularem, quantumvis approbatum, & facultatem a casibus reservatis absolventi habentem, Monialium confessiones valide audire posse, nisi ad id expressam licentiam a Nobis, vel Vicario nostro Generali in scriptis obtinerit; five illæ ad clausuram adstringantur, five ab ea sint immunes. *Ex Stat. 1691.*

XIX.

Ægroti post tertium diem a Medico non sunt invisendi, nisi confessi fuerint.

Ut quod olim ad infirmorum salutem ab INNOCENTIO III. in Concilio generali sancitum, & a felicis memoriæ PIO V. Divina providentia Papa die 8. Martii, anno 1566. innovatum, qua par est in re tanti ponderis diligentia observetur; conjunctos ac omnes familiares & domesticos infirmorum monemus, ut Parocho statim in ipso infirmitatis initio vocato, simul ægrotum ad Sacramentalem peccatorum Confessionem adhortentur. Si qui vero Medici ad ejus, qui in lecto decumbet, curationem vocati fuerint, idem ab eis, ante omnia (quo anima pretiosior est corpore) custodiri præcipimus: ne tardiore hac admonitione forte territus, in aliquod desperationis, vel etiam mortis periculum facilius incidat; omnibus & singulis prohibentes, ne tertio die medicinæ faciendæ causâ ægrotum visitent, nisi eis de peracta, aut ob aliquam justam causam per ipsius Confessarium in aliud tem-

tempus remissa confessione constiterit: alioquin eos non modo ab Ecclesiæ ingressu arcendos, sed & tanquam infames, omni medicinæ gradu, quo fuerint insigniti, privandos, ac pœna pecuniaria Ordinariorum arbitrio mulctandos esse, prout præfatis Concilii Generalis, & PII V. Constitutionibus cautum est. *Ex Stat. anni 1590. Renovatum anno 1614. 1640. 1670. & 1700.*

XX.

Quomodo interrogandi sint penitentes.

Sacerdos discrete interroget confitentem secundum conditionem & statum ipsius; quia alia interrogatoria facienda sunt Religioso, alia Militi, alia Sacerdoti, alia Agricola, alia Advocato, alia Mercatori, alia diviti, alia pauperi, alia seni, alia juveni, alia viro, alia mulieri: ut nihil impertinenter quærat, sed juxta cujusque statum, gradum, sexum & qualitatem. Cujus conditionem & statum si ignoraverit Confessor, petet ante omnia ab eo. *Ex Stat. 1573.*

XXI.

De sigillo Confessionis.

Caveat Sacerdos, ne verbo aut signo, aut alio quovis modo prodatur peccatorem. Quoniam qui peccatum in penitentiali judicio detectum revelat, vel revelare præsumit, gravissime peccat; hunc non solum a Sacerdotali officio deponendum, sed etiam in arctum Monasterium detrudendum esse jura Canonica statuerunt, ad agendum penitentiam perpetuam. *Ex Stat. 1573.*

XXII.

Penitens a Confessario non inducatur, aut gravetur ad aliquid dandum pro Missa.

Non inducat Sacerdos penitentem ad dandum aliquid sibi pro Missa, vel aliis orationibus: nisi ipse ultro offerat, ad evitandam suspensionem sortium. *Ex iisdem Statutis.*

XXIII.

In Sacramenti Penitentiae administratione nihil est a penitentibus exigendum, aut recipiendum.

Ut omnis avaritiæ labes ab iis propulsetur, quibus cœlestium thesau-

rorum dispensatio in Sacramentorum, præsertim Penitentiae, administratione committitur; prohibemus omnibus Sacerdotibus tam secularibus, quam Regularibus, ad confessiones audiendas deputatis, ne aliquid, etiam sponte oblatum, in hoc munere obeundo recipiant. Ubi vero contraria consuetudo invaluit, admonere debent Confessarii populum, ut quod sibi erogare vellet, in Ecclesiæ, seu fabricæ usus impendat. *Anno 1684.*

XXIV.

Singulis annis peccata sunt deponenda apud proprium Sacerdotem.

Quandoquidem Parochi animarum sibi commissarum saluti perpetuo invigilare, & accuratam de singulis rationem Deo reddere tenentur; nec tamen id præstare possint, nisi conscientiae illarum statum perspectum habeant, ut quod infirmum est consolidare, quod ægrotum sanare, & quod contractum alligare valeant; unde & Ecclesia solemniter præcepit statuerit secundum Lateranensis Concilii Decretum, ut omnis fidelis utriusque sexus, postquam ad annos discretionis pervenerit, omnia sua peccata saltem semel in anno proprio Sacerdoti confiteatur; & sacra Tridentina Synodus iisdem vestigiis inhærens, *Sess. 14. de Sacram. Penit. Canon. 8.* eos, qui dixerint ad confessionem non teneri omnes utriusque sexus Christi fideles, & ob id suadendum esse, ut non confiteantur tempore Quadragesimæ, anathemate feriat: Idcirco ne tam salubre præceptum cum maximo animarum detrimento in desuetudinem abeat, ordinamus omnibus in hac Dioecesi commorantibus, ut diligenter huic Ecclesiæ mandato pareant, & peccata sua Quadragesimæ tempore proprio Sacerdoti, vel alteri de ejus licentia (quam sine gravi causa denegare non debet) singulis annis confiteantur; alioqui juxta præfatam Concilii Lateranensis constitutionem, & viventes ab ingressu Ecclesiæ arceantur, & morientes Christiana careant sepultura. Quæ cum jampridem in hac Dioecesi sancita, & identidem commendata inveniantur, tam in antiquis Synodalibus Statutis,

quam in recentioribus, sub FERDINANDO A RYA, & CLAUDIO D'ACHEY, Prædecessoribus nostris, editis, eadem quoque hisce temporibus renovare necessarium duximus. *Ex Stat. 1670.*

XXV.

Mutus & ignota lingue homo confiteri possunt per signa vel interpretem.

Mutis potest per signa confiteri, & homo lingue extraneæ potest confiteri per interpretem, qui linguam utramque calleat; ut inter utrumque sedens, referat utrique; quidquid sibi dictum fuerit; & talis interpretes secretam tenere debet confessionem sicut Sacerdos. *Ex Stat. 1573.*

TITULUS XV.

De Extrema Unctione.

STATUTUM I.

Quis sit Minister hujus Sacramenti.

Minister hujus Sacramenti est Sacerdos; ideo tenetur scire, qui idonei sunt ad Sacramenta Ecclesiastica, qui indigni. *Ex Stat. anni 1573.*

II.

Quibus conferri debet.

Extremam Unctionem solis infirmis adhibemus, non tamen omnibus, sed tantum iis, qui periculose laborant, ubi de morte probabiliter timetur, quasi extremum Sacramentum; illis autem (qui nihil peccarunt) & furiosis non debet dari, nisi quando furiosi lucida habent intervalla, & periculum non est de scandalo. *Ex iisdem Stat.*

III.

Quid agendum, si æger, dum ungitur, expiret.

Cum hoc Sacramentum mortuo dari non debeat; si inter ungendum æger moriatur, cessandum erit; si vero dubitetur, an mortuus sit, sub conditione conferre licebit. *Ex iisdem Stat.*

IV.

Unctio pectoris in feminis omittenda.

Sacramentum Extremæ Unctionis secundum Romanæ Ecclesiæ ritum, in-

firmis ministretur, omissa in fœminis medii pectoris unctione; ea tamen in summa parte ejusdem pectoris, & infra guttur adhibita. *Ex Stat. 1660.*

TITULUS XVI.

De Ordine.

STATUTUM I.

Sine licentia Illustrissimi Archi-Episcopi, nullus Episcopus Ordines celebret, aut Pontificalia exerceat.

Ne cui manus cito imponantur; & communicemus peccatis alienis, statuimus & ordinamus, quod nullus Episcopus Ordines celebret in nostra Dicecesi, nec Pontificalia exerceat absque nostra licentia & permissione, sicut est de jure prohibitum. *Ex Stat. 1560.*

II.

Ordines conferantur in Ecclesia Cathedrali statutis temporibus.

Episcopus per se ipsum Ordines celebret, statutis a jure temporibus, in Ecclesia Cathedrali, & publice, vocatisque & præsentibus Canonicis; nisi ægritudo vel alia causa impediatur. *Ex iisdem Stat.*

III.

Quomodo Literæ dimissoriæ concedendæ; nec ullus sine diligenti examine ordinetur.

Literæ dimissoriæ non concedantur amplius, nec concessæ admittantur: nisi in quibus mores & sufficientia promovendi commendentur Ordinatio: quare forma illa, quæ olim erat in usu onerandi conscientiam Episcopi ordinantis, abrogetur: & pro illa fiat posthac commendatitia, causam contrinens, cur a proprio Episcopo promoveri non possit. Promovendi ad singulos Ordines sacros examinentur prius: nec ordinetur quisquam sine diligenti examine, nec in minori ætate, quam oportet: vel etiam Regulares & Religiosi. *Ex iisdem Stat.*

IV.

Ad Ordinum collationem & receptionem solius meriti, non humani favoris ratio est habenda.

Cum ex Sacrosancti Oecumenici Concilii sententia nihil sit ad Dei gloriam,

riam, & populorum salutem utilius, quam si boni & idonei Sacerdotes ac Pastores Ecclesiæ præficerentur; eosque alienæ culpæ communicare, & mortalis peccati reos esse Tridentini Patres censuerint, qui indignos & Ecclesiæ minus utiles, humano magis affectu, aut ambientium suggestionibus, vel importunis aliquorum suffragiis, & precibus (quibus prudentiores etiam quandoque flecti solent,) quam propriis, uti par est, exigentibus meritis promoverint: ut ea omnia, quibus humanum perverti potest iudicium, a Pastorum quoque aut Presbyterorum ordinatione procul abint: Sancimus, ne quis in posterum ad sacros Ordines, aut ad Beneficium, præsertim Parochiale aspirans, Magnatum, vel aliorum quorumcumque suffragiis, literis aut precibus (quæ ex sacrorum Canonum, Statutisque nostri Synodalis forma, in spiritualibus labem sæpe continent Simoniar) directe vel indirecte se commendari procuret aut patiat: sed solito, natalium, vitæ, ætatis, & morum, ab eis, quibus ejus rei inquisitio demandata fuerit, testimonio contentus sit: alioquin etiam ab ipso examine, & ea vice a prætenso Ordine, vel a Beneficii promotione arcebitur; hujusque nostræ sanctionis præscriptum ab Examinatoribus quibuscumque, sancte & religiose & a Nobis custodiatur. *Ex Stat. 1588.*

V.

Quinam ordinari prohibeantur.

Qui autem ordinari prohibentur, sunt ii; *Primo*, ætate minores, quam ad Ordinationem requiratur, ut supra dictum est. *2do*, Imperiei seu illiterati. *3tio*, Criminosi: existentes enim in peccato mortali, non debent promoveri. *4to*, Bigami, id est, qui duas uxores habuerunt, vel viduam. *5to*, Solemniter poenitentes. *6to*, Neophyti, hoc est, recentem in Fide Catholica plantati. *7mo*, Curiales, qui propter aliquod officium Curie sunt obligati, & rationcinis obligati. *8vo*, Servi. *9to*, Corpore vitiati. *10mo*, Filii illegitimi. *11mo*, Ignoti & peregrini. *12mo*, Infames. *13tio*, Irregulares. *14to*, Suspensi, & interdicti, vel excommunicati. *15to*,

Hermaphroditi. *16to*, Conjugati, nisi velint ingredi Religionem; & habito consensu uxorum. *17mo*, Histriques, quia habentur infames. Denique, qui per saltum, vel furtive contra voluntatem Episcopi promoti sunt, vel duos Ordines sacros eodem die susceperunt, vel quatuor minores cum Subdiaconatu eodem die. Omnes hi prohibentur ordinari: & si ordinati fuerint, prohibentur in suscepto Ordine ministrare. *Ex Stat. 1573.*

VI.

Presbyter ordinandus sit alicui Ecclesiæ adscriptus, nec Beneficium dimittat, sub cuius titulo fuerit promotus.

Sacrofancti Chalcedonenſis Concilii, in hac saltem parte inhærendo vestigiis, nullus in Presbyterum ordinabitur, qui Ecclesiæ aut pio loco non inscribatur, ut illic suo fungatur munere, nec incertis vagetur sedibus. Quod si locum inconsulto Episcopo deseruerit, ei sacrorum exercitium interdicatur. Nec poterit resignare Beneficium, sub cuius titulo promotus fuerit, nisi habeat, unde vivat aliunde. *Ex iisdem Statut.*

VII.

Ad sacros Ordines non promoveantur sub titulo Patrimonii, vel Pensionis, nisi Ecclesiæ utilitas id requiratur.

Nulli etiam ad sacros Ordines admittantur titulo Patrimonii aut Pensionis, nisi summa Ecclesiæ utilitas, aut evidens Sacerdotum penuria & necessitas id summopere expetat. Quod præsens nostrum Decretum extendimus, & ad eos, quibus literæ dimissoriae conceduntur, ut ante concessionem idem testimonium habeant, ut etiam examinentur, ac prædictis literis causa inferatur, ob quam a Nobis ordinari non possint. Absentibus vero a nostra Diocesi eadem literæ nullo modo dentur, nisi idem legitimum scientiæ & boni status testimonium exhibeatur. *Ex Stat. 1615.*

VIII.

VIII.

Qualis debet esse titulus Clerici, tum Sæcularis, tum Regularis, ad sacros Ordines promovendi.

Cum propter decorem & reverentiam Sacerdotalis dignitatis, sacris Constitutionibus sæpe & sancte interdictum sit, ne qui Divino ministerio adscripti sunt, cum Ordinis dedecore mendicent, aut sordidum aliquem quæstum exercent; constet tamen nonnullos ad sacros Ordines promovendos exhibere aliquando titulos beneficiales & patrimoniales fictitios, per dolum & fraudem quæstos, ut hujusmodi casibus & periculis in posterum occurratur: præcedentia super hoc abusu Decreta renovantes & confirmantes, statuimus, ne quis deinceps Clericus sæcularis ad sacros Ordines admittatur, nisi prius legitime compertum sit, eum pacifice possidere Beneficium Ecclesiasticum, quod sibi ad victum honeste sufficiat; Regulares vero, nisi post solemnem emissam professionem in ea Regula & Religione, in quam recepti & ingressi sunt; nulli autem ad eundem Subdiaconatus Ordinem recipiantur titulo patrimonii vel pensionis, nisi illi, quos Nos, aut Vicarius noster Generalis judicaverit assumendos pro necessitate vel commoditate Ecclesiarum hujus nostræ Diocesis; nec prædictum patrimonium seu pensio in minori summa, quam centum librarum Stephanien-sium monetæ hujus Provinciæ constituatur. Ad cujus certitudinem & probationem accedat ultra instrumentum Notarii, Parochi, & Officialium loci, si qui sint, aut Scabinorum cum jurejurando assertio atque affirmatio; quod scilicet constituens & promittens tale patrimonium sive pensionem, habet facultates sufficientes ad hoc quolibet anno perfolvendum; & hæc attestatio sit non solum sub simplici Parochi signatura, & Officialium seu Scabinorum, si scribere sciant, sed etiam ejusdem Curati sigillo, alias apud Nos fidem non faciet. Instrumentorum insuper, quæ supra dicta contineant, exemplar authenticum penes Sigilliferum Curie nostræ relinquatur. Quæ quidem antedicta Beneficia, patrimonia, & pen-

siones sine nostra, aut prædicti Vicarii nostri Generalis licentia alienari, aut extinguere, vel remitti, nullatenus possint, donec Beneficium Ecclesiasticum sufficiens sint adepti ipsi promoti, vel aliunde habeant unde vivere possint. *Ex Stat. 1621.*

IX.

Qua summa hodie requiratur ad Patrimonium pro sacris Ordinibus suscipiendis.

Cum Sacrosancti Concilii Tridentini Decreto cautum sit, ne ullus Clericus sæcularis ad sacros Ordines promoveatur, qui prius de legitimo aut Beneficii, aut patrimonii titulo non fuerit munitus; & talia sint, quæ eis ad vitam sustentandam sufficient; Nobisque compertum sit Beneficiorum ac patrimoniorum hujusmodi valorem, hæctenus in hac Diocesi usu receptum, longe inferiorem hodie reperiri, quam ad honestam vitæ sustentationem Ministris Ecclesiæ sufficere possit: ideo Sacerdotalis Ordinis exigentiæ ac honori opportune providere cupientes, statuimus nullum deinceps Clericum sæcularem ad Subdiaconatus Ordinem admittendum fore, qui Beneficio aut patrimonio valoris ducentorum Francorum monetæ Burgundiæ, munitus non fuerit. Et ne fraus aliqua in patrimonii constituendis irrepit, volumus præter Magistratum locorum legitimam assertionem super competentibus constituentium facultatibus, etiam illa in Prono Missarum Parochialium publicari ac legi cum solita bannerum enunciatione; eaque omnia ipsius Parochi testimonio in scriptis tradita confirmari. *Anno 1681.*

X.

Minores Ordines non conferantur, nisi iis, qui in Seminario manserunt.

Quotidiana experientia certis, vix aliquos esse, qui ad minores Ordines recipiendos cum sufficienti illorum cognitione, aut debita animi dispositione accedere studeant: idcirco decernimus nullum deinceps ad prædictos minores Ordines fore promovendum, nisi qui pro majoribus Ordinibus suscipiendis jam in Seminario fuerit admis-

admissus, ubi de hujusmodi graduum Ecclesiasticorum officiis plene instructus, intra primum trimestre iis mereatur insigniri; Extraneis & Regularibus exceptis. *Ex Stat. 1669.*

XI.

Qui ad primam Tonsuram recipiendam accedunt, habitum Clericalem gestare debent.

Ecclesiastici status dignitas postulat, ut qui ad illius honores promerendos, & privilegia consequenda se disponant, a prophanis ac sæcularibus hominibus, non solum per probatos mores, sed etiam per exteriorem habitum distinguantur: propterea neminem deinceps ad primam Tonsuram recipiendam accedere volumus, nisi vestem huic ministerio congruentem, cæteraque Clericalis militiæ insignia præferat. *Anno 1689.*

XII.

Ordinati in aliena Diœcesi non celebrent, nisi prius vixi per Vicarium Generalem eorum literis.

Cum nonnulli, etiam Diœcesani nostri, in aliena Diœcesi ad sacros Ordines promoti fuerint, vel deinceps promoveri contingere possit; sitque maxime necessarium habere notitiam a quo Ascendere, quando, ubi, & quomodo ad dictos Ordines fuerint promoti: eisdem omnibus sic promovendis prohibemus, ne in nostra Diœcesi Sacrosanctum Missæ Officium, aut alia Divina Officia exercere, vel etiam Ecclesiastica Sacramenta administrare præsumant, nisi prius de literis sacrorum Ordinum sic susceptorum coram Nobis edocuerint, & licentiam in dictis Ordinibus ministrandi vel officandi impetrarint. *Ex Stat. 1666.*

TITULUS XVII.

De Matrimonio.

STATUTUM I.

Matrimonium fiat in facie Ecclesiæ, post trinam publicationem nuptiarum.

Matrimonium debet in facie Ecclesiæ publice solemnizari per Sacerdotem Parochialem, post tria banna Tenus X. Concilior. German.

publice proclamata in prono Missæ, præsentē populo, tribus diebus Dominicis vel Festis, non immediate se sequentibus, in Ecclesia loci, ubi morari sunt soliti contrahentes & parentes ipsorum. *Ex Stat. 1573.*

II.

Bannorum publicatio quibus diebus fieri debeat.

Denunciations matrimoniales, quas tribus Dominicis, aut aliis diebus Festivis fieri debere, ejusdem Concilii nostri Synodalis Decreto cautum est, non nisi inter Missæ Parochialis solemniam, & frequentiori Parochianorum conventu, fieri jubemus; una saltem ex tribus, non quolibet Festivo, sed tantum die Dominico publicata; ne fraude eidem Decreto facta, quæ subsunt impedimenta facile, qui absentes sunt, retineant. *Ex Stat. 1560.*

III.

Publicatio bannorum fieri debet in Missa Parochiali.

Ut bannorum proclamationes ad Matrimonia contrahenda omni subreptionis vitio careant: præcipimus, juxta sacri Concilii Tridentini præscriptum, non nisi intra Missarum solemniam diebus Dominicis & Festivis illas fieri. Quoties vero facta primi banni proclamatione, partes ad cæterorum dispensationem recurrere cupient, Parochi in suis literis testimonialibus diem factæ publicationis apponant, nec eas ante viginti quatuor horas elapsas expediant: ne per nimiam celeritatem tempus non suppetat ad impedimenta, si quæ lateant, detegenda. *Anno 1691.*

IV.

Publicationes bannorum illorum, qui extra propriam Parochiam degunt, ubi fieri debeant.

Difficultates, quæ frequenter emergunt circa bannorum publicationes eorum, qui per longum tempus à propria Parochia absentes fuerunt, tollere cupientes: declaramus quoscunque Diœcesanos nostros extra suas Parochias degentes, qui Matrimonium contrahere voluerint, teneri ad proprium Parochum recurrere, ut in ipsius Ecclesiæ hujus-

hujusmodi denunciationes fiant; quas tamen non proclamabit, nisi acceptis literis testimonialibus Parochi illius loci, in quo per plures annos commoratus est, quibus innotescat nullum adesse impedimentum, quominus hujusmodi Matrimonium perficiatur. Quas quidem literas testimoniales Parochi concedere tenebuntur, mediante decem assium retributione. Anno 1687.

V.

Ante bannorum proclamationes debet Parochus inquirere, utrum contrabentes noscant Mysteria Fidei.

Ut plebis ignaviam cohibeamus, prohibemus, ne ullus ad Matrimonii Sacramentum admittatur, neve aliqua ante illud bannorum proclamatio fiat, nisi prius Parochis certo constiterit, partes contrahere cupientes præcipua Fidei Christianæ capita, Dei mandata, cæteraque ad salutem consequendam requisita apprime tenere. Quoties vero literas testimoniales (post unius tamen banni publicationem, prout a Nobis nuper fuit demandatum) partibus concedere voluerint, ad obtinendam reliquorum dispensationem, inter alia, hanc quoque Mysteriorum Fidei notitiam, & Christiani muneris adimplentionem de ipsis testari debent juxta formam hic appositam.

Forma Attestationis a Parochis danda ad obtinendam bannorum dispensationem.

REVERENDO ADMODUM DOMINO
VICARIO GENERALI BISUN-
TINO.

*Parochus (vel Vicarius) loci de N.
Salutem.*

Noverit Reverentia vestra NN. Parochianum nostrum, & NN. parochianam quoque nostram (vel si sint extranei) Parochiæ de N. Si vero sint alterius Diœcesis, addetur: Diœcesis N. ab uno anno, vel mense, &c. in hac Parochiæ, vel Diœcesi degentes) desiderare quamprimum in facie Ecclesiæ sacro Matrimonii vinculo conjungi, facta jam a me primi banni proclamatione, cui nullus se opposuit (Quod si Filisfamilias fuerint, addetur: Imo contententibus utriusque partis parentibus.)

Cum autem subsint rationabiles causæ mihi cognitæ, cur reliquæ publicationes bannorum fieri non debeant (si tempore vetito nubere velint, addendum est: ac etiam ut hoc tempore vetito Benedictionem nuptialem recipere possint) humiliter petunt super his a Reverentia vestra dispensari, quandoquidem nullum subest impedimentum, quominus id illis concedi possit, maxime etiam & Fidei Catholicæ dogmata & præcepta teneant, & Religionis Christianæ munera hæcenus obierint. In quorum fidem præsentibus subscripsi die N. mensis N. anno N. Ex Stat. 1682.

VI.

Nullus alienum Parochianum sine speciali commissione sui Parochi, vel Vicarii nostri Generalis Matrimonio jungat.

Nullus Sacerdos Parochialis recipiat alienum Parochianum nostræ Civitatis & Diœcesis ad Sacramentum Matrimonii, nisi habeat literas dimissorias & testimoniales sui Curati, per quas appareat, quod talis Parochianus alienus idoneus sit, nec in eo sit impedimentum, quominus licite Matrimonium possit contrahere: vel nisi certis de causis Nos, aut Vicarius noster Generalis mandemus fieri per patentes literas signatas & sigillatas in cera rubra, veluti fieri solet pro Magnatibus & aliis nonnullis. Ex Stat. 1573. Renov. 1653.

VII.

Extraneus sine licentia Vicarii Generalis, etiamsi habeat literas, admitti non debet.

Si vero Parochianus alienus sit alterius Diœcesis, licet habere dicatur literas testimoniales sui Curati: non tamen admittatur sine nostris, aut Vicarii nostri Generalis literis de Placet, adnexis ad tales literas dimissorias: ad obviandum fraudibus & malitiis, quas experientia docet sæpe in talibus literis esse commissas. Ex iisdem Statutis.

VIII.

A quo Parocho Literæ dimissoria & testimoniales danda.

Cum statutum fuerit, quod nullus Sacerdos Parochialis admittere debeat

beat alienum Parochianum ad Sacramentum Matrimonii, nisi habeat literas dimissorias vel testimoniales sui Curati, seu Vicarii, universam alicujus loci administrationem, vel subdelegandi potestatem habentis: ex quibus constet, quod in eo nullum subsit impedimentum ad Matrimonium licite contrahendum; dubitatum tamen fuit, a quo Curato debeant obtineri dictæ literæ dimissoriæ; item a quo dictæ literæ testimoniales: Nos ad elucidationem eorum omnium, quæ possent in hoc afferre difficultatem, statuendum duximus & declarandum, prout statuimus hic & declaramus, dictas dimissorias obtinendas esse, ad effectum contrahendi ut supra Matrimonii, a proprio Parocho originis, per quas dictus proprius Parochus faciat attestationem de origine, Baptismo & Confirmatione dicti Parochiani volentis Matrimonium contrahere, & talem dimittat a sua Parochia: Testimoniales vero debeant obtineri a proprio domicili sui seu habitationis Parocho; & si plures habuerit sub diversis Parochiis, sicuti potest contingere in Civitatibus seu oppidis dictæ nostræ Diocesis, debeat obtinere a Parocho illius habitationis, sub cuius Parochia degerit; in quibus literis debeat fieri attestatio, num talis Parochianus habeat aliquod impedimentum, quominus contrahere possit cum tali persona, cum qua Matrimonium vult contrahere, vel cum quavis alia; & si sit aliquo excommunicationis vel censuræ vinculo innodatus. *Ex Stat. 1646.*

IX.

Literæ testimoniales sine mora debent expediri.

Si qui ex Diocesânis nostris ad dispensationem bannorum recurrerint, præferant attestationem tam suæ originis, quam domicili, & loci, in quo recipient Sacramenta, quas attestationes a Parochis volumus sine mora, & diffcultate, ubi requisiti fuerint, expediri. *Ex Stat. 1665.*

X.

Tam literas testimoniales, quam dimissorias habere debet, qui dispensari vult a publicatione bannorum.

Quamvis ante biennium abunde cautum sit a quibusnam Parochis literæ testimoniales, & a quibus literæ dimissoriæ accipi debeant; utrinque tamen ita frequenter erratur, ut solis testimonialibus contentæ partes, dimissorias, seu quæ vulgo de *Recedo* nuncupantur, & in Statutis Synodalibus Eminentiissimi Cardinalis a BAUMA habentur, negligant: sintque testimoniales adeo inconcinnae, ut aliud quidvis jure videri possint. Statuimus, quantum ad dimissorias veterem illam formulam in posterum servari oportere, & a proprio Parocho accipendam esse. Quoties autem aliqui Matrimonio jungi cupient, & e diversis Parochiis erunt oriundi, ita ut alter in alterius Parochiam migrare debeat: volumus eum, qui e propria Parochia discessurus est, si legitimis ex causis bannorum dispensationem a Vicario nostro Generali impetrare velit, ad eum non accedere, nisi dimissoriis prædictis & testimonialibus literis munitum. *Ex Statutis 1648. Renov. 1653.*

XI.

Diœcesanus cum extranea contrahens procuret bannorum publicationem in sua Parochia, vel illorum dispensationem obtineat.

Ut omnis difficultas circa bannorum proclamationes, aut eorum dispensationem tollatur; volumus, ut cum aliqui ex aliena Diocesi oriundi, Matrimonium contrahendi gratia, ad nostram advenerint, banna in Parochia illius partis, quæ ex hac Diocesi originem habet, antequam nubant, publicentur, aut eorum dispensatio a Vicario nostro Generali petatur, quamvis altera pars jam a suo Ordinario dispensationem similem habuerit, aut in sua Parochia proclamationes hujusmodi fieri curaverit. *Ex Stat. 1678.*

XII.

*Nullus extraneus sine litera intercuriali
Matrimonio copuletur.*

Cum Nobis relatum sit quosdam Presbyteros, curatos, vel non curatos, turpis lucri aut ignorantiae causa, quibusdam extraneis, seu ex aliena Dicecesi oriundis, Matrimoniale Benedictionem impertitos fuisse, dispensatione necessaria prius non obtenta; eisdem Parochis, & eorum Vicariis serio prohibemus, ne deinceps dictorum extraneorum promissiones matrimoniales per verba de futuro vel de praesenti recipiant, aut eisdem praesentes adsint, vel ullum bannum proclamant, nisi prius dicti extranei a Nobis literas intercuriales (quas vocant *d'Entrecour*) debite expeditas impetrarint. *Ex Stat. 1666.*

XIII.

Qui alienum Parochianum sine licentia conjungit, poenam suspensionis incurrit.

Quod de Sacerdotali conjugum Benedictione, nonnisi a proprio Parocho, vel de ejus, aut Ordinarii consensu, in Templo suscipienda, ejusdem Concilii Decreto sancitum est, renovantes; quemlibet saecularem aut Regularem Sacerdotem (etiamsi id sibi ex privilegio vel immemorabili consuetudine licere contendat) qui alterius Parochiae sponfos sine praefata licentia Matrimonio coniungere, aut benedicere ausus fuerit, ipso jure tamdiu suspensum manere, donec a Nobis absolvetur, declaramus. *Ex Statutis 1590.*

*Decretum sacri Concilii Tridentini Sess. 24.
Cap. 5. de Reform. de eadem re.*

"Statuit sancta Synodus Benedictionem a proprio Parocho fieri, neque a quoquam, nisi ab ipso Parocho, vel ab Ordinario licentiam ad praedictam Benedictionem faciendam alii Sacerdoti concedi posse, quamque consuetudine, etiam immemorabili, quæ potius corruptela dicenda est, vel privilegio non obstant. Quod si quis Parochus, vel alius Sacerdos, sive Regularis, sive saecularis sit, etiamsi id sibi ex privilegio, vel immemorabili consuetudine li-

"cere contendat, alterius Parochiae sponfos sine illorum Parochi licentia Matrimonio coniungere, aut benedicere ausus fuerit; ipso jure tamdiu suspensus maneat, quamdiu ab Ordinario ejus Parochi, qui Matrimonio interesse debebat, seu a quo benedictio suscipienda erat, absolvetur."

XIV.

Qui alibi quam in propria Parochia contraxerunt, non admittantur sine literis.

Sacri Concilii Trident. Decretis inherentes, prohibemus Parochis, & aliis hujus Dicecesis Sacerdotibus, ne quoddam hominum vagantium genus, qui plerumque prima relicta, aliam, & quandoque plures, illa vivente, diversis in locis ducunt uxores, facile ad Matrimonium non recipiant, neque proprios Parochianos, qui ab aliis contra ejusdem Concilii praescriptum Benedictionem matrimonialem susceperint, ad suarum Ecclesiarum Divina Officia admittant, nisi de sua vel Ordinarii licentia semel requisiti docuerint; sed eos ad Procuratorem Generalem deferant, qui penalem in eos absque mora instituat actionem. *Ex Stat. 1600.*

XV.

Parochi non assistant Sponsalibus de futuro vel de praesenti contrahendis, ubi adest aliquod impedimentum.

Prohibemus Parochis, Vicariis, aliisque Ecclesiarum Rectoribus, adesse in posterum Sponsalibus vel Matrimoniis, quæ fiunt per verba de praesenti inter consanguineos, aut affines in gradibus prohibitis, aut personas alias aliquo impedimento Canonico laborantes, nisi prius constet de obtenta dispensatione a Ss. D. nostro Papa, aut alio a sua Sanctitate legitimam habente potestatem, necessariam super hujusmodi impedimenti dispensationem concedendi. *Ex Statutis 1653.*

XVI.

Non assistant Sponsalibus de praesenti, etiam obtenta vel facta publicatione bannorum.

Ut nimia in contrahendis Matrimoniis praecipitatio, quæ divortiorum causa

causa solet esse præcipua, quantum fieri potest, removeatur; omnibus in hac Dicecesi curam animarum habentibus, cæterisque Presbyteris districte prohibemus, alias quam de futuro promissiones matrimoniales excipere, etiamsi jam obtenta fuerit bannorum dispensatio. Eas porro, quæ per verba de præsentis sunt, & verum efficiunt Matrimonium, nonnisi in facie Ecclesiæ, & adhibitis eodem tempore aliis cæremoniis ad hujus Sacramenti perfectionem, seu complementum præscriptis, nullo modo admitti volumus. *Ex Stat. 1669.*

XVII.

Pæna contra eos, qui contrahunt Matrimonium, non adhibitis Ecclesiæ Solemnitatibus.

Et si præcedentibus Statutis omnem curam adhucuerimus, ne Matrimonia temeraria præcipitatione fierent, inhibendo Parochis promissiones per verba de præsentis absque Ecclesiæ solemnitatibus ultro recipere; quia nihilominus hisce temporibus frequenter accidit, ut etiam, Parochis invititis & renuentibus, partes coram ipsis Matrimonium contrahant, prætermisissis denunciationibus, & posthabitis Ecclesiæ cæremoniis, in gravem sacrorum Canonum, ac præcipue Oecumenici Concilii Tridentini Decretorum contemptum: propterea tam perniciosum morem rescindere cupientes, statuimus & ordinamus, ut quotiescumque promissiones matrimoniales per verba de præsentis coram Parocho aut Vicario, non adhibitis solemnitatibus ab Ecclesiæ præscriptis, emissæ fuerint; Parochi statim partibus inhibeant sub pœna interdicti, Matrimonium consummare, vel simul in eadem domo habitare, antequam denunciations consueta fieri procuraverint, aut super illis obtenta fuerit dispensatio, & benedictio nuptialis accepta: quod si secus fecerint, ab Ecclesiæ ingressu, & Divinorum participatione arceantur, eorumque nomina in prono Missæ die Dominica immediate sequenti publice declarentur. *Ex Stat. 1680.*

XVIII.

Post Sponsalia de futuro partes non habitent in eadem domo.

Locorum Parochis inhihemus, hortamurque parentes, ne tam gravi sceleri consentiant, ut post contracta Sponsalia, & ante acceptam benedictionem conjugalem partes simul habitent, vel sponsus sponfam in proprias traducat aedes; sed contumaces, & eos, qui autoritate propria a conjugio temere divertunt, ad Procuratorem nostrum Generalem deferant, qui impium hunc morem ab Ecclesiæ, pœnali prosecutione arcere nitatur. *Ex Statutis 1597.*

XIX.

De oppositionibus, quæ fiunt post publicationes bannorum.

Si durante proclamatione bannorum apparuerit opponens vel contradictor, proponens & allegans causam, propter quam Matrimonium hujusmodi non debeat de jure fieri: Sacerdos Parochialis citet contrahere volentes & opponentem ad certam & competentem diem tunc futuram, coram Officiali nostro ad prosequendum negotium, & procedendum prout juris fuerit. Nec procedat Sacerdos ulterius ad solemnisationem dicti Matrimonii, vel alicujus prædictorum, donec & quousque sibi constiterit de mandato dicti Officialis nostri. *Ex Stat. 1573.*

XX.

Partes super Matrimonio litigantes non possunt pacificari sine judicio Ecclesiæ.

Et cum ad Nos, vel ad nostram Sedem pertineant causæ matrimoniales; prohibemus sub excommunicationis pœna, ne quis, cujuscumque gradus, conditionis, vel dignitatis existat, cognoscere præsumat, aut judicare de causis matrimonialibus. Neque partes Matrimonium contrahere volentes concordent, vel transigant inter se, super ipsis causis absque judicio Ecclesiæ. *Ex iisdem Statutis.*

XXI.

Ubi Matrimonium celebrari debeat.

Ipsas porro nuptias nullibi, præterquam in Ecclesiâ Parochiali de die,
T t 3 non

non autem noctu, neque a primo Presbytero requirendo, sed a viro in Sacramentorum administratione perito celebrari, vel coram eo contrahi posse statuimus. Nec ultra ferre possumus contemptum proclamationum, aut earumdem dispensationis, ubi per verba de præfenti partes inter se conveniunt, posthabitis Concilii Tridentini præviis ad Matrimonium ineundum solemnitatibus, & Majorum nostrorum Statutis Synodalibus. Quocirca renovamus penas in iisdem impositas, & injungimus singulis Parochis, ut saltem semel quotannis *Caput 1. Concilii Tridentini Sess. 24. de Reform. Matrim.* legant. *Ex Stat. 1648.*

XXII.

Coram quibus Parochis Matrimonia contrahi possint, & ubi proclamationes fieri debeant.

Ut omnis ambiguitas tollatur circa Matrimonia coram proprio Sacerdote contrahenda: declaramus proprium Sacerdotem censerī Parochum loci habitationis contrahentis, qui ibi aut domicilium fixum habet, aut per integrum annum cum familia commoratus est, aut qui in civem seu incolam illius loci receptus fuerit, factis tamen hannonum proclamationibus, tam in loco originis, quam in loco præcedentis habitationis, nisi ab illis ante nubilem ætatem discesserit. In oppidis vero, ubi plures sunt Parochiæ, quisquis ab una ad aliam animo manendi transferit, postquam in ea per sex hebdomades resederit, poterit a Parocho istius parochiæ benedictionem nuptialem recipere, & illi jura Matrimonii persolvere. Quod tamen intelligi minime debet de famulis, ancillis, scholaribus & extraneis, aliisque hujusmodi hominibus, qui in urbibus & pagis, negotiorum causa dumtaxat demorantes, ad Parochum suæ originis vel domicilii remittendi sunt. *Anno 1695.*

XXIII.

Matrimonium contrahere volentes, prius peccata deponant.

Moneantur quoque a Parochis omnes & singuli utriusque sexus, tam

huiusce nostræ Diocesis, quam extranei, qui in ea Matrimonium contrahere postulabunt, ad sacrum Pœnitentiæ lavacrum accedere, priusquam matrimoniali vinculo per verba de præfenti jungantur, ut gratiam, quæ a Deo per Sacramentum confertur, omni sublato obice recipiant. *Ex Stat. 1653.*

Decretum sacri Concilii Tridentini super eadem re.

" Postremo sancta Synodus hortatur conjugēs, ut antequam contrahant, vel saltem triduo ante Matrimonii consummationem sua peccata diligenter confiteantur, & ad Ss. Eucharistiæ Sacramentum pie accedant. " Si quæ Provinciæ aliis, ultra prædictas, laudabilibus consuetudinibus & cæremoniis hac in re utantur, eas omnino retineri sancta Synodus vehementer exoptat. " *Sess. 24. Cap. 1. de Reformat.*

XXIV.

Ante certitudinem mortis unius conjugis, alter ad aliud Matrimonium non recipiatur.

Communis error (qui hoc casu jus facere non potest) propter antiquas Legum civilium, tam Jurisconsultorum, quam Imperatorum Leges, multorum mentes invasit, ut existiment altero conjugum per aliquot annos absente & expectato, alteri ad aliud Matrimonium convolare licere; quod Nos sacrorum Canonum Decretis inhaerentes (quorum est, quæ ad Matrimonia pertinent, decidere;) ut omni periculo adulterii & illegitimæ prolis occurratur, omnibus nostræ Diocesis Sacerdotibus sub pena sententiæ excommunicationis interdiciamus, ne quantocumque annorum numero lapsi aliquem ad secundas nuptias admittant, vel alibi conjunctos in sua Parochia recipiant, donec de alterius conjugum morte certo eis constiterit. *Ex Statut. 1604.*

XXV.

Impuberes ad Matrimonium non admittantur.

Sub animadversionis pœna (quam arbitrio nostri Officialis relinquimus) pro-

prohibemus omnibus Parochis hujusce Diœcesis (prout jam jure vetitum est) ne aliquos ad Sacramentum Matrimonii admittant ante ætatem legitimam; scilicet masculos ante quatuordecim annos, & fœminas ante duodecim, quocumque prætextu. *Ex Statutis 1655.*

XXVI.

Neque Excommunicati vel Interdicti.

Caveat diligenter Curatus, ne Sacramentum hoc Matrimonii administrer excommunicatis, vel interdictis, sub pœnis à jure positis. *Ex Stat. 1573.*

XXVII.

In solemnitatibus Nuptiarum in Ecclesiis vel Cœmeteriis scilopi non explodantur.

Licet alias in Synodo habita Bifuntii, die 16. Maji 1589. inhibitum fuerit sub pœna arbitranda, ne in nuptiarum, aut aliis similibus conventibus in Ecclesiis, aut cœmeteriis exploderentur bombardæ, sclopetæ, aut ejusmodi instrumenta, seu tormenta bellica, unde tumultus, seu irreverentia erga Sacra excitaretur: nihilominus eo adhuc insolentiæ quibusdam in locis hujus Diœcesis devenum fuit, ut dicta inhibitione non obstante, reditum fuerit ad similem insolentem consuetudinem, unde plura secuta fuerunt, vel sequi potuerunt scandala; ad quibus obviandum, & ne in posterum præterdi possit dictum Statutum inhibitorium in desuetudinem abiisse, illud sub eadem pœna a Nobis arbitranda renovandum duximus, prout hic innovamus. *Ex Statutis 1633.*

XXVIII.

Dum celebratur Matrimonium, nihil indecens aut scurrile permittendum; & a comestationibus & choræis eo die abstinendum.

Et ne hoc magnum Matrimonii Sacramentum sine reverentia & fructu a contrahentibus recipiatur: ordinamus Parochis, eorumque Vicariis, ut non solum aliquoties in anno de ejus præstantia & dispositionibus requisitis populo verba faciant, docentes illud nonnisi post Pœnitentiæ & sacra Eucha-

ristiæ frequentationem esse suscipiendum, & a superfluis pompis, comestationibus & choræis abstinendum; verum etiam attendant, ne in istis Sacramenti cæremoniis, aliquid contra decentiam & loci venerationem a circumstantibus admittatur. Propterea serio prohibeant, prout præsentis Statuto inhibemus, ne conjugatorum capita, dum velo supposita sunt; baculis, aut alio quovis modo pulsare quisquam aggrediatur; eos vero, qui id attentare ausi fuerint, ab Ecclesia recedere compellant, nec antea Missæ Sacrificium absolvant, quam a loco discesserint. *Ex Stat. 1669.*

XXIX.

De Registris Matrimoniorum habendis.

Registra Matrimoniorum diligenter apud se Curati custodiant; & in eis conjugum & testium nomina, locumque contracti Matrimonii ac factæ publicationis, vel habitæ dispensationis bannorum exprimant. *Ex Stat. 1614.*

XXX.

Nomina contrahentium extra Parochiam, & testium debent proprio Parocho transmitti.

In Matrimoniiis, quæ celebrantur coram alienis Parochis seu Presbyteris, etiam de consensu propriorum Parochorum, ac de licentia Vicarii nostri Generalis, tenebuntur mittere ad proprios Parochos, nomina sponssi & sponssæ, qui coram ipsis contraxerint, & nomina duorum testium in dictis Registris propriorum Parochorum describenda, cum die, mense & anno, sicut & ipsi contrahentes, quos volumus statim ab inito Matrimonio se repræsentare coram proprio Parocho, & attestationem supra memoratam referre. *Ex Statutis 1665.*

XXXI.

Moneantur frequenter adolescentes, ne sine consensu Parentum contrahant Matrimonium.

Mandamus etiam, & districtè præcipimus Curatis Nobis subditis, ut frequenter hortentur publice in Ecclesiis suis Parochianos suos, & præcipue juve-

juvenes adolescentes, ne contrahant Matrimonia sine consensu & beneplacito parentum suorum, aut illorum; a quibus gubernantur & reguntur; cum isti melius providere possint & cognoscere quid in tali re, quam adolescentes ipsi, passione stulta sæpenumero decepti, & amoris furore excecati. *Ex Stat. 1573.*

TITULUS XVIII.

De Divinis Officiis.

STATUTUM I.

De modestia in Choro servanda.

Canonici, quoniam ad hoc instituti sunt, ut laudes Deo singulis horis decantent, nisi legitima causa impediens, chorum sequantur: in quo modestè se habeant, & cum decenti gravitate, non garrientes aut rixantes in eo, sed Deum reverentes, in cujus conspectu firi sunt. Celebranti Episcopo, aut alia Pontificalia exercenti, assistant & inserviant. *Ex Statutis 1578. Renovat. 1591.*

II.

De modo psallendi in Choro.

Et cum psallendi gratia chorus fiat; nemo labia sua muta aut clausa tenuerit, sed omnes pariter cum simili & decenti alacritate modulentur: sic tamen, ne hoatus solum sine intelligentia audiat. Quod fiet, si non cursum nec festinanter, sed tractim & cum pausa decenti (præsertim in medio cuiuslibet versiculi Psalmorum) debitam inter solemne & feriale exhibeant differentiam. *Ex Stat. 1573.*

III.

Non licet aliud Officium in Ecclesia decantare, quam Breviarii Diocesani.

Nulli in sacris Ordinibus constituto, vel Beneficiato in nostra Diocesi aliud Officium publice dicere liceat in choro, quam secundum usum Ecclesiæ Bisuntinæ, nisi ad hoc dispensationem habeat: sub pœna privationis Beneficii, & suspensionis ab Ordine. *Ex iisdem Statutis.*

IV.

In Divinorum Officiorum celebratione Ritus Diœcesis nostræ ab omnibus servandus.

Cum nihil magis Ecclesiæ decori conducatur, quam Ministrorum ipsius in Divinis obsequiis uniformitas, eamque in dies per Diœcesim nostram stabilire studeamus; idcirco præcipimus universis, qui ad Officium publice persolvendum; sive ex muneris pastoralis obligatione, sive ex alicujus Beneficii institutione, aut fundatione, tenentur, ne alium Ritus sequantur, præsertim in Missarum celebratione, Horarum Canonicarum decantatione, ac venerabilis Sacramenti expositione, quam eum, qui in Rubricis tum Missalis, tum Breviarii recentè impressi præscriptus invenitur; alioquin oneribus sibi injunctis debite satisfacisse non existiment. *Ex Stat. 1680.*

V.

Præcipitur Cæremoniæ Bisuntini usus, & Ritus uniformitas.

Quia nostri præcipue muneris est pristinum decorem domui Dei restituere, qui in sacrorum Rituum uniformi observatione plurimum refulget; eamque ob causam Cæremoniæ ad usum Ecclesiarum nostræ Diœcesis in lucem edi curaverimus, ut eadem ubique regula in Divino cultu exhibendo teneatur: propterea jubemus, ut in omnibus Ecclesiis tum Collegiatis, tum Parochialibus, Ritus ac Cæremoniæ illic præscriptæ omnino servantur. Anno 1684.

VI.

Officium Nominis B. Virginis MARIE sub ritu duplici celebrandum.

Cum Sanctissimus Dominus noster INNOCENTIUS Papa XI. Festum Sanctissimi Nominis Beatissimæ Virginis MARIE instituerit, die Dominica infra octavam Nativitatis ejusdem, in memoriam insignis victoriæ ab armis Christianis de Turcis reportatæ, & civitatis Viennæ ab ætissima obsidione solutæ; atque Officium proprium hujus Festi in lucem edi præceperit, quod singulis annis sub ritu duplicis majoris, in Ecclesia universali

ab omnibus utriusque sexus Fidelibus, qui ad Horas Canonicas tenentur, recitari voluerit: Ne nostro muneri ac debitæ gratitudinis obsequio erga tam beneficam hujus Diocesis Patro-
nam, & Proretricem deesse videamur; mandamus omnibus, qui Breviario Bifuntino utuntur, ut prædictum Officium Sanctissimi Nominis Beatissimæ Virginis MARIE (quod typis quamprimum excudi curabimus) qualibet Dominica infra octavam Nativitatis ejusdem Deiparæ sub ritu duplicis tertiarum classis recitent; etiamsi Dominica in ipsam diem Octavam inciderit. *Anno 1687.*

VII.

*Sacerdotes non utantur in Ecclesia & Officio
Divino Orationibus non appro-
batis.*

Juxta Patrum Statuta prohibemus omnibus Curatis, Presbyteris, atque aliis in Ordine Ecclesiastico constitutis, sub gravi pœna arbitraria, ne in Ecclesia novis Orationibus aut Collectis, a se vel ab alio excogitatis & inventis, ullo modo utantur; sed his solum, quas Prædecessores nostri tradiderunt, vel quæ ab illis, vel a Nobis probatæ fuerint & admittæ; ne sub specie pietatis contra Fidem Catholicam aliquid inducant in Ecclesiam Dei. *Ex Stat. 1560.*

VIII.

*Non debet recitari privatim Officium in Choro,
nec aliud quidpiam legi.*

Nemo eorum, qui tenentur interesse choro, privatim legat vel dicat Horas Canonicas, cum ibi publice Divinum Officium peragitur, vel Missæ Sacrum cantatur. Nam is non solum choro subtrahit illud, quo obnoxius est, & ad quod tenetur, sed alios psallentes perturbat, vel a psallendo retrahit. Quare si urgetur aliqua causa, ut Officium suum absolvat, egrediatur e choro, & oret in abscondito. *Ex Stat. 1673.*

IX.

Nihil profanum ex Organo decantandum.

Organorum melodia & cantus figuratus sic in Templis adhibeatur, ne
Tomus X. Concilior. German.

lasciviam magis quam devotionem exciter: neve præter Hymnos Divinos ac Cantica spiritualia, quicquam resonet aut repræsentet. *Ex Stat. 1573.*

X.

*Tempus ingrediendi Chorum, & ab eo
discedendi.*

Qui in Matutinis, ante finem Psalmi: *Venite exultemus*; in aliis Horis, ante finem primi Psalmi; in Missa, ante ultimum: *Kyrie eleison*, & usque in finem, Divino Officio non interfuerit (nisi forte necessitate cogente, ac petita a Præsidente chori licentia, discedere oporteat) pro illa hora absens censeatur: salvis Ecclesiarum consuetudinibus, & privilegiis: Lex enim, teste Apostolo, iis, qui sub lege sunt, loquitur. Idem in Processionibus generalibus observetur in iis, qui a principio usque ad finem non permanferint. Pro cujus rei executione deputetur aliquis habens hoc onus notandi singulos statuto tempore non convenientes: qui juramento adstrictus erit agere fideliter, absque gratia vel odio. *Ex Stat. 1573.*

XI.

Pœna deambulantium tempore Officiorum.

Quicumque in Ecclesia Beneficiatus (præsertim Divinorum tempore) per Ecclesiam, vel foris circa ipsam sine justa causa deambulando, aut cum aliis colloquendo, vagari visus fuerit, non solum illius horæ, sed totius diei præsentiam ipso facto amittat. *Ex Stat. 1573.*

XII.

*Pœna super eadem re a PIO V. con-
stituta.*

Quod de arcendis ab Ecclesia deambulationibus, vanis, profanisque colloquiis, & aliis id genus, per Decreta Concilii Tridentini fuerat constitutum; gravissima etiam pecuniæ, carceris, exilii, & quandoque corporis pœna in transgressores lata; multæque Cathedralium, Collegiarum, & Parochialium Ecclesiarum Capitulis, Rectoribus, Vicariis, Æditiis, aliisque ipsarum Custodibus, qui delinquentes admonere, aut ad Officiales deferre neglexerint, per sanctissimæ memoriæ

VV

PIUM

PIUM Papam V. inflicta, in tantum hodie abiit contemptum, ut multi tempore Missæ Parochialis in Ecclesia deambulent, cum choro deberent interesse, alii forensium negotiorum strepitu Tempia compleant, nonnulli scurrilibus etiam verbis tumultum excitent; hi autem omnes Divina inturbent Officia. Huic malo non aliter salubrius mederi posse arbitrati sumus, quam præfatam PII V. constitutionem innovando: pœnas tamen in ea contentas Officialis nostri arbitrio pro temporum, locorum & personarum ratione moderandas relinquentes. *Ex Stat. 1591.*

XIII.

Rectores Chori aut Præpositi coerceant transgressores.

Super his debite observandis, aliisque Divini Officii prosecutionem, ac Chori disciplinam spectantibus, Decanus, vel Præpositus, aut alius, cui onus incumbit, diligenter invigilet hinc inde, ne quid inordinate fiat circumspiciens. Horum autem transgressores illius horæ, in qua circa prædicta excederint, vel alia majori (prout transgressionis gravitas exegerit) plectentur pœna. *Ex Stat. 1573.*

XIV.

Laici tempore Officiorum non sedeant inter Clericos.

Nulli intra Altaris cancellos, seu Sancta Sanctorum, aut Presbyterium, dum sacra celebrantur Mysteria, inter Clericos stare vel sedere valeat; a quibus ideo & a choro, seu aliis ipsi Altari proximis, vel etiam eminentioribus locis laicorum, præsertim mulierum, subsellia (si quæ sint) jubemus amoveri. Alibi autem posita, si rupta sint, aut minus decenter composita, restaurari, vel ab Ædituis, seu aliis Ecclesiarum Custodibus omnino tolli. *Ex Stat. 1591.*

XV.

Id maxime Mulieribus prohibetur.

Super diversis ad Nos, a pluribus nostræ Diocesis Sacerdotibus, emissis querimoniis, quod feminae ad sedilia canentium in choro Ecclesiæ ascende-

re, & aliquoties prope Altare, citra loci Clericorum reverentiam accedere non vereantur: unde liberius in Ecclesia Ministrantes, Divinis Officiis intendere non valeant: statnimus & ordinamus, ut feminae, quando Sacra celebrantur, prope Altare stare, vel sedere inter Clericos non præsumant, nec ad eadem chori sedilia quovis modo accedant; sed ipsis solum Sacerdotibus & Clericis pfallentibus, & viris, sellarum seu sedilium hujusmodi accessus pateat. *Ex Stat. 1646.*

XVI.

Tempore Officiorum Parochialium choræ aut ludi prohibentur, ipsique Religiosi populum ab iisdem Officiis avocare non debent.

Parochianos etiam hortamur omnes, ut Vesperis, quæ in eorum Ecclesiis Parochialibus decantantur, frequentiores intersint. Nemini igitur liceat eo tempore, aut quovis alio, quo Divina Officia in Ecclesiis celebrantur, choræ agere, aut publica alia exhibere spectacula, quæ Christianos ab hoc munere & piis operibus possent avocare; quinimo Religiosos omnes, cujuscumque sint Ordinis, in Domino obsecramus, & in quantum sit opus, serio monemus, ut ea prudentia suarum Ecclesiarum Officia disponant, ut Parochialia non remorentur, aut aliquo modo impediunt. *Ex Stat. 1614. Renov. 1645.*

XVII.

Religiosi nullas Conciones aut Congregationes habeant tempore Divinorum Officiorum.

Inhibitionem antehac per præcedentia nostra Statuta factam, de non habendis prædicationibus, nec vacando Confraternitatum exercitiis, & Congregationibus faciendis, dum Officia Parochialia celebrantur, hic renovandum duximus, prout renovamus per præfentes: volentes, & mandantes, ut differantur hujusmodi prædicationes, exercitia, & congregationes, ad aliam horam, quæ Diocesanos nostros divertere non possit, quominus interesse valeant Officiis Divinis, in eorum Ecclesiis Parochialibus celebrandis. *Ex Stat. 1647.*

XVIII.

XVIII.

Mandata pure secularia non debent publicari tempore Officiorum Divinorum.

Cum itaque tam multa sint ad pietatem, Divinum cultum, jurisdictionis Ecclesiasticæ authoritatem, & doctrinæ Christianæ institutionem pertinentia, quæ in Pronis ex Statutorum nostrorum Synodali forma, a Parochis sunt denuncianda, ut absurdum prorsus esse videatur, cum rei Divinæ intermissione & fidelis populi tædio Sacra miscere profanis, & promiscuis actibus rerum turbare Officia: ne ad utrumque festinantes, neutrum bene peragant Parochi; abstineant posthac in pronis suis a publicatione seu promulgatione mandatorum, vel quorumcumque memorialium ad res profanas pertinentium; quæ tamen, si quando necessitas ipsa, vel publica requirat utilitas, post Missarum, aut Vesperarum peracta solemnia, extra Templum Parochianis suis intimare poterunt. *Ex Statut. 1590. Renov. 1643.*

XIX.

Univerſus Clerus Proceſſionibus generalibus intereſſe debet a principio ad finem.

Quotiescumque supplicationes generales, five ex voto, consuetudine, aut alias pro rerum exigentia, & temporum necessitate, de mandato nostro fient, & quibus Nos interesse contigerit, quarum hætenus totius Cleri convocatio, seu congregatio, in Ecclesia Metropolitana habita fuit; omnibus & singulis Collegiatarum, & Parochialium Ecclesiarum Bisuntinæ Civitatis Rectoribus, Capellanis & Familiaribus, aliisque Status & Religionis cujuscumque Regularibus præcipimus, se ad Ecclesiam Metropolitanam conferre, modesteque, & ea, qua decet, pietate & reverentia, servatis eorum Ordinibus, dictæ supplicationi, toto ejus tempore adesse, & eandem Ecclesiam Metropolitanam, quando ab ea dictæ supplicationes habebuntur, redire; & in eam sese toto cum Clero recipere, ut communi oratione vota sint communia. *Ex Stat. 1647.*

Tomus X. Concilior. German.

XX.

Proceſſionibus Parochialibus debet ſaltem intereſſe unus de qualibet familia.

Cum publicæ supplicationes ad Dei beneficia promerenda, ejusque miserationes consequendas fuerint ab Ecclesia institutæ, quibus hiſce maxime temporibus populus juvari debet; hortamur omnes & singulos, ut cum pietate & assiduitate eas frequentent; Parochianis ordinantes, ut processionibus, præsertim quæ tempore Rogationum sunt, diligentes interfint, ita ut ex qualibet familia saltem unus illis assistere comperiatur. *Ex Stat. 1669.*

TITULUS XIX.

De Celebratione Miſſarum.

STATUTUM I.

In privatis Oratoriis non eſt celebrandum, nec auguſtis ad id marmoribus utendum.

Injunctum Nobis a Patribus Concilii Tridentini munus, ne privatis in domibus sanctum Miſſæ Sacrificium a secularibus aut Regularibus quibuscumque Presbyteris peragi patiamur, Nos eo magis ad id rursus inhibendum permovet, quod sacrorum Canonum auctoritas satis esse velit, Missam non dicere aut non audire, quam in his locis, ubi fieri non oportet. Quodque circa Altaria viatica (marmora vulgo vocant) quibus ad hoc passim uruntur, tam multa ex veterum Canonum decisionibus incidant, ut non levis sit, quæ de eorum licito usu oritur dubitatio. Quia tamen in plerisque hujus nostræ Diœcesis Ecclesiis, & privatorum Oratoriis hujusmodi Altaria frequentia & ab antiquo recepta reperiuntur, nihil quidem hac in re absolute decernendum nunc esse duximus, donec per Nos, vel R. D. Suffraganeum vices nostras in Pontificalibus gerentem, generali nostræ Diœcesis visitatione, quam cito commodè fieri poterit, instituta, iisdemque Altaribus ac Oratoriis, ex Sacrosancti Concilii præscripto visis & legitime recognitis, quid Divino cultui hac in re expediat, statuatur. Interim tamen caveant omnes & singuli nostræ Diœcesis Presbyteri,

ne viaticis Altaribus, quæ usque adeo angusta fuerint, ut calicem cum patena commodè ac decenter capere non possint, sive mensæ Altaris non consecrati insita sint & inserta, sive ab iis sejuncta, quovis modo utantur; aliis verò etiam latioribus paulatim uti desuescant; nec ea, quamvis legitime consecrata, extra Ecclesiam, aut Oratoria Divino etiam cultui tantum dedicata, licita esse putent, nisi eis utantur in loco decenti, & ex publica seu gravi causâ, atque expressâ super hoc habita licentia, juxta formam Statuti jam olim promulgati. Posthac autem nulla penitus consecrentur, nisi quæ præter competentem longitudinem, latitudinemque, ejus etiam sit altitudinis & formæ, ut confossionis seu sepulchri ad includendas Martyrum Reliquias capacia esse queant. *Ex Stat. 1588.*

II.

Non celebret Sacerdos in Ecclesia polluta, aut sub dio sine licentia.

Nullus Presbyter præsumat celebrare super Altare non consecratum, aut in Ecclesia polluta, aut coram interdictionis persona, aut excommunicata, si expresse denunciata sit; nec nisi in Ecclesia, nec extra eam, nisi in casu necessitatis, licentia nostra super hoc habita, in loco decenti, & super Altare lapideum consecratum, aut in quo sit lapidea tabula consecrata, non alias. *Ex Stat. 1573.*

III.

De uniformitate in Missæ Cæremoniis servanda.

Ut in sancto Missæ Sacrificio inter ejusdem Sacramenti Ministros cæremoniarum, precumque varietas omnis tollatur (cum etsi multi simus, omnes tamen de uno pane & de uno calice participamus); neminem posthac, quantumvis alias idoneum, ad sacrum Presbyteratus Ordinem admitti volumus, quin prius ab aliquo perito Sacerdote, ritum celebrandæ Missæ in quodam libello ad hoc novissime hic edito, & in ipsis Missalibus præscriptum, studiose didicerit: ut tandem sub una eademque formula singuli paulatim id facere assuescant. *Ex Stat. 1588.*

IV.

Sacerdos in hac Dicecesi celebraturus, tam alibi ordinatus, quam hic ordinatus, prius exerceri debet in Cæremoniis Missæ.

Tanta in cœlestibus Altaris mysteriis tractandis reverentia, tamque accurata sacrorum Rituum observatio in Dei Ministris requiritur, ut nulli deinceps Sacerdoti, sive extero, sive ex nostra Dicecesi oriundo (qui tamen in aliena Presbyteratus Ordinem, etiam de consensu nostro receperit) Missæ Sacrificium celebrandi facultatem concedere, tutum judicemus; nisi prius per Sacerdotes a Nobis deputandos, tam super Rubricis Missalis, quam Officii Divini examinatus, & in ipsius Missæ cæremoniis exercitatus, idoneus reperiatur. Qui vero e Seminario nostro egressi, ad eundem Ordinem promoveri cupiunt, non ante admittuntur, quam de eorum in cæremoniis exequendis, capacitate Nobis constiterit. *Ex Stat. 1677.*

V.

Missæ Parochiales non debent celebrari de Sanctis in Calendario Bisuntino non expressis, quibusdam tamen exceptis.

Curati se conformantes in omnibus Ecclesiæ nostræ Bisuntinæ (quæ est omnium Ecclesiarum Civitatis & Dicecesis matrix) de nullo alio Sancto celebrent, quam de nominatis in Calendario Bisuntino, & qui sunt de Ordinario: nisi tales Sancti sint Patroni Ecclesiarum suarum, aut eorum Officia ex speciali devotione fundata sint in Ecclesiis ipsorum per aliquos Fideles Catholicos, & in hoc casu nostra licentia speciali requisita & concessa. *Ex Stat. 1573.*

VI.

Duæ Missæ uno die non sunt celebrande.

Nullus Presbyter duas Missas celebrare præsumat eodem die, nisi necessitate compulsus: & in die Nativitatis Domini; & tunc in prima non debet ablutiones sumere, ut sit jejunos in alia. *Ex Stat. 1573.*

VII.

VII.

Idem interdicitur sub pœna excommunicationis.

Cum sacris Canonibus passim interdicta sit duarum Missarum una eademque die celebratio, Christus enim semel tantum passus, totum genus humanum redemit: neque modica res est unica eadem die digne celebrare: id ne deinceps fiat a nostræ Diœcesis Sacerdotibus sub quovis prætextu extra casus a jure permittos (& tunc nonnisi in prioribus Missis a vini sump-tione post Communionem abstinendo) præter peccati mortalis reatum, quem alias incurrunt, sub pœna excommunicationis, & alia arbitraria prohibemus. *Ex Stat. 1600.*

VIII.

Non est celebrandum tempore Concionis.

Nullus Presbyter Missas celebrare præsumat tempore, quo Curatus seu Prædicator verbi Dei sermonem habet ad populum: ne per hoc impediatur verbum Dei. *Ex Stat. 1573.*

IX.

Missæ privatæ celebrari non debent tempore Missæ Parochialis.

Ne aliqua detur occasio populis Missas Parochiales negligendi, aut etiam irreverenter & cum tumultu deferendi; maxime cum id absque animarum detrimento fieri nequeat: prohibemus omnibus Sacerdotibus, tam sæcularibus, quam Regularibus, tempore Missarum Parochialium, ante peractam Consecrationem, Missas privatas in eadem Ecclesia celebrare, nec ullas incipere, nisi ante ultimum Missæ Parochialis pulsus finiri possunt. *Anno 1691.*

X.

Celebrans omnia ex libro legere debet.

Presbyter in celebrando Missam, totum Officium in libro dicat, nihil sine libro, quantumcumque sit peritus; quia etiam in aperitione & complicatione libri aliqua significantur mysteria. Nec Ritus aut Orationes de suo sensu faciat. *Ex Stat. 1573.*

XI.

Tria vitanda in celebratione Missæ.

Caveant ab avaritia, quæ est idolorum servitus: ab irreverentia, quæ ab impietate vix sejuncta est: & a superstitione, veræ pietatis falsâ imitatrice; quare pacta & mercedis conditiones pro Missis non fiant; rejiciantur, qui non decenti cum habitu ad celebrandum accedunt; Ritus novos, vel cæremonias, vel preces ne faciant. Missarum vero & candelarum certum numerum, tanquam a superstitione deductum, Synodus Tridentina damnavit. *Ex Stat. 1573.*

XII.

Non permittatur celebrare, qui coronam non gestat.

Præcipimus, ut Curati gerant suo statui Presbyterali convenientem coronam: & ut non permittant ulli Presbytero celebrationem Missæ in ipso-rum Ecclesiis, qui similem coronam apparentem non gesserit. *Ex Stat. 1640.*

XIII.

De Celebrantibus cum calota.

Audientes etiam nonnullos Sacerdotes sine licentia celebrare sacrum Missæ Officium cum galericulo, seu calota vulgo nuncupata, capiti imposita, quod a jure prohibitum est; vobis etiam mandamus, ut singulis vestrorum Decanatum Parochis sedulo injungatis, ne tale quid in posterum in ius Ecclesiis permittant. Si tamen aliquis eorum tali infirmitate detinere-tur, ut non possit sine suæ sanitatis incommodo aliter celebrare, poterit illud ipsis permitti usque ad Præfationem duntaxat, & post Communionem, licentia ad hoc opportuna a Nobis, seu a Vicario nostro Generali desuper ob-tenta: ad quam obtinendam dicti Sacerdotes dabunt suæ infirmitatis testimonium. *Ex Stat. 1641.*

XIV.

De Calicibus stanneis abolendis.

Calices stannei ob quorundam locorum paupertatem, temporis ac bellicorum tumultuum injuria subor-tam, ad tempus tantum permitti, ad-

huc hodie tam frequentes sunt in hac Diœcesi, ut iis uti non desinant, qui habent argenteos, idque cum tanta sorditie, ut etiam intuentium oculos plerumque offendant. Hinc fit, ut eos omnino abolendos, nec postmodum aliquos consecrandos esse censeamus, nisi quorum cuppa saltem sit argentea. *Ex Stat. 1605.*

XV.

Qualia debent esse corporalia & ampullæ.

Corporalia de lino, non de serico esse debent: quia Christus in sepulchro fuit involutus in syndone munda; & semper debent alba & munda teneri. Ampullas quoque mundas habeat: quas ligneas aut cupreas esse non licet. *Ex Stat. 1573.*

XVI.

De decencia & munditia tam sacerdotum vasorum, quam vestium.

Cum nimis absurdum videatur in Sacris sordes negligere, quæ dedecent in profanis; & indecentia in istis, vix in illis ab impietate sejuncta sit: omnibus Sacerdotibus, Ecclesiarum Custodibus & Ministris præcipimus, ut singularem imprimis dent operam, quo nihil desit ex sacris vasis, vestibus & ornamentis ad Divinum cultum necessariis: sordesque omnes & immunditiæ (quæ interdum aliquibus sunt horrore, & ipsos etiam populi oculos offendunt) ab Ecclesiis, earum Capellis, Oratoriis, Altaribus, calicibus, vasis, sacrisque vestibus amoveantur: Altaris mappæ, cujuslibet calicis purificatoria, corporalia item, & quæ sunt hujus generis alia Missæ Sacrificio servientia, sæpe laventur, munda, nitida, pura & integra honeste conserventur, nihilque in eis lacerum aut immundum reperiatur. *Ex Stat. 1588.*

XVII.

De mutandis frequenter lintheaminibus ad sacrum Ministerium requisitis.

Quoniam autem, quæ Statuto septimo ejusdem Synodi de Ecclesiarum, Altarium, sacrorum vasorum, vestium, corporalium, & aliorum ad Dei cultum pertinentium ornatu & munditie decreta fuerant, segnitie plane agresti

fere passim negligi animadvertimus; id nostræ intentionis fuisse declaramus, ut purificatoria, corporalia, mappæ, mantilia, albæ, amictus, & cætera id genus in singulis Ecclesiis mutatoria; singulis saltem mensibus, præter majorum solemnitatum dies, mutantur; nisi id sæpius fieri res ipsa requirat, uti in mantilibus, altaris mappis, saltem superioribus, amictibus, albis, & aliis Missæ Sacrificio servientibus: alioquin hujus nostræ declarationis præscripto non obtemperantes, arbitraria pœna, eleemosynis, vel ipsarum Ecclesiarum augendæ suppellectili applicanda, plebentur. *Ex iisdem Statutis.*

XVIII.

A quibus Ecclesia purgari, & lintheamina lavari debeant.

Exigit insuper sacræ suppellectilis nitor, ut destinata Sacrificio lintheamina terfa imprimis ac nitida sint: unde Statutum vetus, quo per annum lavari quater a solis Sacerdotibus purificatoria injungitur, sic interpretatur, ut ea bis, terve primum ipsis Sacerdotum manibus aquæ immersa, aliis postea quibuslibet personis piis ac honestis eradantur, decenter abluenda: maxime sanctis virginibus, quæ urbes & oppida incolunt; quæque ad idem officium ultro ac libentissime feruntur. *Ex Stat. 1648.*

XIX.

Vestibus benedictis uti debet Celebraturus.

Sine vestimentis Sacerdotalibus benedictis ab Episcopo, vel ab altero Sacerdote de Episcopi licentia, nullus Sacerdos præsumat Missam celebrare. *Ex Stat. 1488.*

XX.

Religiosi vestes hujusmodi benedicere non debent.

Religiosis prohibemus, ne præsumant benedicere vestes seu utensilia ad celebrationem Missarum adhiberi solita & necessaria; sicuti sunt corporalia, mappæ, pallæ, & alia similia; quibus non magis competit facultas benedicendi, quam simplicibus Presbyteris: cum si aliquam habeant, illa ipsis solum competat pro usu solo suorum

rum Monasteriorum, seu locorum ab ipsis dependentium. *Ex Stat. 1645.*

XXI.

Celebraturus vestes de Altari non accipiat.

Sacerdotes Sacrum facturi, vestes in ipso Altari non sumant, sed in destinato ad hoc Sacrario, si habeatur; in quo variae, piæ & aptæ ad Sacrificium rite peragendum Orationes servantur. *Ex Stat. 1648.*

XXII.

Sacerdotes exteri ad celebrandum non admittantur, nisi de Ordinarii licentia.

Inhibemus omnibus & singulis Presbyteris, qui ex Diocesi Bisuntina non sunt oriundi, nec in Diocesi Beneficiati, ne Missas aut alia Divina Officia celebrent in dicta Diocesi sine nostra, aut Vicarii nostri Generalis licentia: omnibus Curatis sub gravi pœna inhibentes, ne tales Clericos transeuntes in suis Ecclesiis ad celebrandum admittant, nisi viros magnæ dignitatis esse cognoverint, & venerabiles personas. *Ex Stat. 1682.*

XXIII.

Idem prohibetur.

Ut major in posterum cautela adhibeatur in Sacerdotibus extraneis recipiendis, qui nonnunquam criminibus vel censuris irretiti, a propria Diocesi recedentes per alienas vagari solent: inhibemus quibuscumque Ecclesiarum tam sæcularium, quam Regularium Præpositis, Aedituis, ac aliis illarum curam gerentibus, ne ullum Sacerdotem extraneum sæcularem & Regularem ad Missæ celebrationem admittant, nisi prius ipsis constiterit de Vicarii nostri Generalis licentia, aut si Regulares fuerint, de alicujus noti Superioris ejusdem Ordinis testimonio in scriptis ostenso. Si tamen præfati Sacerdotes ita aliunde cogniti sint, ut nullum de eorum statu & probitate dubium oriri possit, a celebratione impediri non debent, dummodo in habitu decenti compareant.

XXIV.

De tempore celebrationis Missæ.

Quamvis a primo illucescente diei crepusculo usque ad meridiem, & non aliis horis celebrare licitum sit: dicimus tamen Sacerdotibus Parochias, præsertim variis pagis distinctas habentibus, non esse usque adeo liberum inter auroram & meridiem celebrare, ut eis pro arbitrio, aut ex privata quacumque causa Parochiales Missas anticipare vel differre liceat, sed illa tantum hora celebrare, quæ populo magis sit congrua, ut commodè se præparare, & ad Ecclesiam opportune conferre possit. *Ex Stat. 1588.*

XXV.

In Ecclesiis, ubi plures Missæ celebrantur, non simul, sed successive dicantur.

In Ecclesiis autem Collegiatis, aut aliis, ubi plures Missæ singulis diebus dici solent, illam earum celebrandarum seriem populo accommodatam ab omnibus observari præcipimus, ut prima diluculo, reliquæ successivis horis, non autem plures simul, ut fere fit, celebrentur. Quod si forte præfatarum multitudinem plures uno, eodemque tempore celebrare sit necesse, talis ineatur ratio, ut Celebrantes se invicem non inturbent. *Ex Stat. 1588.*

XXVI.

Pœna statuitur in contravenientes.

Quæ de psallendi ratione, præsertim cum mediatione seu pausa decenti in medio cujuslibet versiculi Psalmorum, veteri Statuto fuerunt constituta, & de pluribus Missis, non simul, sed successive in una, eademque Ecclesia celebrandis, in prima nostra Maji Synodo jussa, sedulo posthac mandamus observari: qui contra fecerit, omni prorsus suæ præsentis, præstique sic perperam Officii emolumento careat, ut pro absente habeatur; crescenteque contumacia severius ab eo, qui præerit, compescatur. *Ex Stat. 1591. Renovat. 1592.*

TITULUS XX.

De Concionibus & Concionatoribus.

STATUTUM I.

Parochi singulis diebus Dominicis Concionem ad populum habeant de præcipuis illius muneribus.

Parochi omnes singulis diebus Dominicis tempus aliquod impendant proprio gregi pascendo concione aliqua familiari, & ad captum auditorum accommodata, aut libri alicujus spiritualis, Catechismi potissimum Tridentini lectione; curentque, ut addiscant & fiant omnes tam minores, quam provectiores, quomodo Sacramenta ad Dei gloriam, suamque ipsorum salutem percipere debeant, & qua ratione vitam omnem, moresque suos ita instituant, ut juxta votum, quod semel Deo in Baptismo nuncuparunt, probos, integros ac inculpato illi se Christianos exhibeant. *Ex Stat. 1614.*

II.

Quenam in Prono & Concionibus referre debent.

In diebus Dominicis commendent orationibus populi statum Principum & Prælatorum; & in Festis Sanctorum recitent vitas Martyrum, gesta ipsorum cum laude, ad exemplum auditorum; nihil tamen admiscentes fabulosum. *Ex Stat. 1573.*

III.

Quæ omittere Concionatores debent.

Ipsi vero Prædicatores juxta Statuta Synodalia, neque apocrypha, neque obscura nimis, aut difficilia & alta Mysteria simplici populo enarrare præsumant; sed tantum ea, quæ fidem confirmare possint, ut duodecim articulos fidei, & bonos mores commendare, præceptaque Dei & Ecclesiæ, tam augendo spem vitæ æternæ in bonis, quam timorem supplicii æterni in malis. *Ex iisd. Stat.*

IV.

Hæreticorum argumenta non sunt populo in concionibus proponenda.

Argumenta & rationes hæreticorum ne referant, nisi fuerint viri do-

ctrina & autoritate præstantes: sed potius orthodoxorum Patrum sententias; & multo minus phrasæ hæreticorum retineant. *Ex Stat. 1573.*

V.

Prædicatores non admittantur sine literis Ordinarii.

Ne pravis doctrinis hominum mente corruptorum simplices inficiantur: ordinamus & districte præcipimus vobis Curatis & Rectoribus Ecclesiarum nostræ Dicecesis, aut Vicariis vestris, ne ullos Prædicatores aut Concionatores admittatis in vestris Ecclesiis ad prædicandum, nisi literas nostras, vel Vicarii nostri Generalis in forma authentica habuerint: nec in hoc negotio cujusquam persuasionibus vel diplomatibus pareatis. *Ex Stat. 1573.*

VI.

Literæ Prædicatorum a Parochis examinandæ.

Diligenter præterea observabitis datam ipsarum literarum, num sint pro anno, in quo ad Ecclesias vestras accesserint: & ne sit aliqua in ipsis ratura, vel falsi suspicio. *Ex Stat. 1573.*

VII.

Concionaturi debent prius examinari & approbati ab Ordinario.

Cum juxta sacrorum Lateranensis & Tridentini Conciliorum Decreta, ad sanctæ prædicationis officium salubriter exequendum, viri idonei, potentes in opere & sermone, talesque examine prævio judicati, a Nobis mittendi sint: propterea omnibus & singulis hujusce nostræ Dicecesis Parochis, Vicariis, Fabricariis, aliisque Rectoribus, etiam secularibus, serio inhibemus quemquam ad conciones in Parochiis tempore Adventus & Quadragesimæ habendas admittere, nisi ad tam pium opus pro toto Adventu, integraque Quadragesima idoneus repertus & approbatus fuerit, vel nisi antea dictis temporibus Adventus scilicet & Quadragesimæ verbum Divinum cum approbatione debita annunciarit. *Ex Stat. 1652.*

VIII.

VIII.

Non debent reluctantibus Parochis populum ad Ecclesiam convocare Concionatores.

Inhibemus omnibus & singulis, sive secularibus, sive Regularibus verbi Divini in hacce nostra Diœcesi Concionatoribus, inconsultis vel reluctantibus Parochis nostris, campanas Ecclesiæ ad convocandum populum pro habendis concionibus in ipsorum Parochiis pulsare, cathedramque ante designatum tempus & horam a dictis nostris Parochis conscendere, sub pœna revocationis facultatum a Nobis, aut a Vicario nostro Generali dictis Concionatoribus concessarum. *Ex Stat. 1653.*

TITULUS XXI.

De Prono & Catechismo.

STATUTUM I.

Quæ in Prono annunciari debeant.

Curati singulis diebus Dominicis denuncient Parochianis suis in Missa Festa Sanctorum, quæ erunt in proxima hebdomada sequenti: præcipiendo eis, ut devote illa colant, abstinendo ab omni opere servili. Similiter denuncient jejunia quatuor temporum, & vigiliarum Apostolorum & aliorum, quæ cadunt sub præcepto Ecclesiæ. *Ex Stat. 1560.*

II.

Quæ in Prono doceri debeant.

Singulis diebus Dominicis postquam Præcepta denunciaverint, dicant Orationem Dominicam: videlicet: *Pater noster*; Salutationem Angelicam: *Ave Maria*; & Symbolum Apostolorum: *Credo in Deum Patrem*, &c. *Credo in Spiritum Sanctum*, &c. alia & intelligibili voce, tractim, cum paula & per clausulas & articulos, inculcando, & non decurtando verba: ut juvenes & senes discant, quomodo perfecte & plene debeant pronunciare & recitare; & in fine doceant eos facere signum sanctæ Crucis, dicendo: *In nomine Patris, & Filii, & Spiritus Sancti. Amen.* *Ex Stat. 1560.*

Tomus X. Concilior. German.

III.

Anniversaria & Foundationes in Prono declarari debent.

Veteri Statuto sub titulo: *Statuta Pastorum*, in quo de Vigiliis seu Anniversariis, & aliis Divinis Officiis congruis horis pulsandis, & de celebrandis Missis agitur, hoc etiam addimus, ut singulis quibuscumque diebus Dominicis Anniversaria, quæ eadem hebdomada peragenda fuerint, eorumque Fundatores publice in Pronis, ubi id hætenus observatum est, denuncientur; in aliis vero nostræ Diœcesis Ecclesiis, in quibus id fieri non solet, idem introducat, ut piæ Fundatorum defunctorum intentioni, & superstitum devotioni satisfiat. *Ex Stat. 1599.*

IV.

Parochi legant Pronum distincte.

Renovamus antiqua Statuta, maxime circa proni recitationem; quæ cum sit animarum saluti tantopere utilis & maxime necessaria, præcipimus omnibus & singulis Parochis nostræ Diœcesis, ut articulate & distincte pronum recitent, juxta formam & modum a Prædecessoribus nostris inditum & approbatum, non vero memoriter, & alia interim de more præstando; cujus nostri Decreti executionem commendamus Curie nostræ Fiscali-bus. *Ex Stat. 1664.*

V.

Tempore Proni nullæ celebrentur Missæ, nec legantur Monitoria, nisi eo peracto.

Ut autem pronom solidum & consueto fructu suo non careat; prohibemus, ne sub idem tempus, quo Parochus verba ad populum habet, quicquam Missam, sive quæ Proni vocatur, sive aliam quamlibet, in eadem Ecclesia celebrare ausit. Et interdici-mus eidem Parocho, ne ullâ prælegat monitoria, nisi eodem prono peracto; ita ut ob frequentiam monitoriorum popularis instructio non relinquatur. Quæ quidem monitoria alicujus Advocati, vel Notarii Curie Archi-Episcopalis Bisuntinæ manu subscribantur. *Ex Stat. 1648.*

X x

VI.

VI.

*De iis, qui accedunt ab Ecclesia tempore
Præni.*

Non sine merore accepimus, nonnullos Parochianorum in tantam suæ salutis incuriam, ac Divini verbi contemptum devenisse; ut cum primum a Parochis pronus, sive alia instructio inchoatur, a Templo discedant, & ante illius fores toto concionis tempore confabulentur; mandamus propterea Parochis & eorum Vicariis, ut si post habitam hujus nostri Statuti notitiam, in eandem culpam inciderint, eos Fiscilibus Curia nostræ sine mora deferant, ut pœna arbitraria pro delicti gravitate puniantur. *Ex Stat. 1676.*

VII.

Parochi pueros Fidei rudimenta docere tenentur, etiam diebus non feriatis.

Et si veteri Statuto iustum esset Patres & Matres familias sedulo admonendos esse, ut liberos & familiam domi ad pietatem erudiant, eosque singulis saltem diebus Dominicis ac aliis Festivis ad Ecclesiam suam Parochialem secum ducant, & ad Seminaria seu Scholas transmittant, quo semel Fidei rudimentis imbuti, Religionis & cultus Divini habitum a puericia contrahant; & in iis studiis simul cum ætate adolescant. Quia tamen id ita negligenter a rudi saltem plebecula latinæ pronunciationis propemodum ignara, hæcenus observatum est, ut non solum pueri, sed etiam adulti quidam prima Doctrinæ Christianæ elementa penitus ignorent, aut perperam teneant: animadvertentes, quantum momenti habeat ad veram pietatem Catholicæ & fidelis juventutis institutio; mandamus in locis, in quibus fuerint Ludimagistri, ea, quæ de iis olim statuta fuerunt, ad unguem custodiri; in aliis vero id a Parochis, quantum eis licebit, sedulo præstari: utrobique autem præter solitam in prono Orationis Dominicæ, & totius Fidei Catholicæ distinctam & articulatam recitationem, statim diebus pueros in singulis Parochiis Fidei rudimenta, obedientiam erga Deum & Parentes, cæteraque hujusmodi ex præscripto Concilii Tridentini,

etini, & antiqui Statuti nostri Synodalis, juxta parvi Catechismi novissime ad hoc editi formam, doceri præcipimus: alioquin in negligentes per censuras Ecclesiasticas, juxta culpæ gravitatem, animadvertetur. *Ex Stat. 1593.*

VIII.

Catechismum faciant omnibus & singulis diebus Dominicis.

Quoniam nihil tantopere confert animarum salutem, quam Doctrinæ Christianæ & Catholicæ frequens Catechisatio; ne Diocesani nostri Fidei nostræ principia ignorent; serio itidem & districte præcipimus sub gravi animadversionis pœna, a Nobis, seu Officiali nostro declaranda & arbitrandam, omnibus & singulis Parochis, Rectoribus Ecclesiarum, aut aliis curam animarum habentibus, singulis diebus Dominicis, suos Parochianos, in verâ, sanctâ & Catholica Fide instruere, catechizare, juxta præcedentia Statuta, antehac super hoc articulo seu decreto promulgata; quæ hic renovanda duximus & renovamus. Quod ut accommodatius ad Parochianorum intellectum majorem & clariorem fiat: oportet, ut Parochi prædicti (prout eis tenore præsentium expresse injungimus) singulis diebus Dominicis præmemoratis, Capitulum unum ex Catechismo, auctoritate nostra ordinaria approbato, eisdem gratuito a Nobis cuilibet Parochorum per Decanos nostros rurales distribuendo, publice & in eorum Ecclesiis, circa meridiem legant & explacent, seduloque invigilent iis, qui negligenter dicto Catechismo, & Fidei Catholicæ doctrinæ assistere contempserint, eosque Procuratori nostro Fiscali & Generali deferant, sub pœna animadversionis a Nobis, seu Officiali nostro arbitrandam & declarandam. *Ex Statutis 1647. Renov. 1640. 1645. 1655. 1656. 1661.*

IX.

*Pœna Parochorum Catechismum omit-
tentium.*

Cum Doctrina Christiana sit animarum spiritualis refectio, & in nostra Diocesi admodum necessaria, ut id in visitatione nostra generali pluribus in locis

locis comperimus: hinc est, quod Statutum hujus rei gratia multoties iteratum renovantes, districte omnibus Parochis, Vicariis, aliisque animarum curam habentibus præcipimus, ut in posterum, sub pœna quinque librarum Stephanienſum, singulis diebus Dominicis ejusdem Doctrinæ Christianæ in Ecclesia lectiones faciant, moneantque Parochianos suos, ut in eis sedulo compareant. *Ex Stat. 1677.*

X.

Idem præcipitur sub pœna suspensionis.

Gravis ignorantia rerum ad æternam salutem necessariarum, quæ adhuc hodie in populis reperitur, partim ex negligentia Parochorum, qui licet sæpiſſime admoniti, Doctrinam Christianam maxima anni parte omittunt; partim etiam ex incuria Parochianorum, qui solitis instructionibus interesse contemnunt. Nos compellit tot tantisque animarum periculis, novis conatibus & remediis providere: quapropter ad excitandam Pastorum somnolentiam, declaramus eos, qui per tres dies Dominicos continuos Catechismum per se, vel per Vicarium idoneum non fecerint, suspensionis pœnam a Nobis declarandam incurſuros.

XI.

Omissio Catechismo per duas hebdomadas, est Casus reservatus.

Non sine intimo animi dolore accepimus, tot Statuta a Nobis hætenus edita ad excitandum Pastorum torporem in Christiana Doctrina populis tradenda, vix aliquem habuisse effectum. Unde ne muneri nostro ullatenus deesse videamur, aut in re tanti momenti aliquod remedium intentatum relinquamus, quo animarum saluturæ occurratur; declaramus Parochos seu Vicarios, qui duabus Dominicis diebus continuis Catechismum publice populo tradere neglexerint, gravis peccati reatum incurrere, cujus absolutionem Nobis duntaxat reservamus. Renovantes insuper alias pœnas in præfatis Statutis contentas. *Anno 1686.*

XII.

Quæ in Catechismo tradere conveniat.

Supra modum innovatus est cordis nostri dolor, ubi accepimus post tot Statuta a Nobis hætenus edita, quibus somnolentos desidum Pastorum animos ad Doctrinæ Christianæ principia populis tradenda, excitare volumus; plures nihilominus adhuc inveniri, qui spretis adhortationibus nostris ac præceptis, gregis sibi commissi salutem non minus, quam suam æternæ damnationis periculo exponunt; dum rudes populos aut nunquam, aut raro (exigua videlicet solum anni parte) instruere negligunt. Propterea sub pœnis a Nobis & Prædecessoribus nostris antehac constitutis, denuo præcipimus omnibus & singulis Ecclesiarum Parochialium Rectoribus, & eorum Vicariis, diebus saltem Dominicis, populos Divina Fidei mysteria, & Sacramentorum effectus, dispositionesque ad eorum dignam susceptionem requisitas, infatigabiliter edocere; serio mandantes Decanis nostris ruralibus, ut hujus Decreti executioni diligenter invigilent; Procuratoribus vero nostris Fiscalibus & Generalibus, ut contra delinquentes sine mora procedant. *Ex Stat. 1678.*

XIII.

Parentes mittant liberos ad Catechismum.

Toties imperatam, & his temporibus calamitosi adeo necessariam Doctrinæ Christianæ instructionem, Parentum negligentia inutilem reddi, a plerisque Parochis accipimus, eo quod puerorum pauci & fere nulli mittantur: unde serio mandamus Parochis, ut horam, qua dictam instructionem sunt habituri, inter Missarum solemniam indicent, parentesque moneant, ut erudiendos pueros ad Ecclesiam mittant, imo deducant; si quos vero negligentes repererint, hos Procuratori Fiscali deferant, pœna a Nobis arbitraria puniendos; præcedentia Statuta circa Catechismum facta renovantes. *Ex Stat. 1657.*

XIV.

*Decani Rurales significant Vicario Generali
Parochos omittentes Doctrinam
Christianam.*

Volumus autem & statuimus, quo major per Dicecesim nostram in rudimentis Doctrinæ Christianæ progressus fiat, rationem illius per singulos Decanos rurales de singulis Parochiis Vicario nostro Generali singulis trimestribus reddi per literas; ut si qui a locorum Pastoribus hac in re desides reperiantur, provideatur modo & forma in aliis Statutis a Nobis ante editis præscripta. *Ex Stat. 1648.*

XV.

Congregatio Doctrinæ Christianæ instituenda.

Plane quia non leves fructus perceptura videtur tenera juvenus, si in singulis Decanatibus Dicecesis nostræ congregatio Doctrinæ Christianæ, secundum PII V. Papæ sanctissimi Constitutionem, instituitur; mandamus singulis nostris Decanis ruralibus statim atque reversi in Decanatus suos fuerint, hanc nostram intencionem & mandatum serio singulis Parochis significare, ut hoc negotium velut maximi ad salutem animarum momenti ponderantes, postpositis rerum sæcularium curis, instituendæ huic congregationi incumbant, ejusque initia & incrementa Vicario nostro Generali, tanquam hujus congregationis Doctrinæ Christianæ capiti significant, ut operarios in desertam hinc bellis Christi vineam missos, gratis spiritualibus prosequamur, & a sancta Sede Apostolica eodem cumulari procuremus. *Ex Stat. 1648.*

TITULUS XXII.

De Fidei Professione emittenda.

STATUTUM I.

*Fidei professio emittenda ab omnibus de
Beneficio Ecclesiastico & Dignitate
provisis.*

Statuatur & ordinatur, ut quicumque in Episcopum vel Archi-Episcopum eligeretur, in prima post suam creationem vel electionem Provinciali

Synodo, cui ipse intererit, veram obedientiam Summo Romano Pontifici spondeat, Fideique professionem faciat, juxta formam a PIO IV. Papa traditam. Provisi etiam de Beneficiis quibuscumque curam animarum habentibus, eandem obedientiam spondere, & Fidei publicam confessionem facere teneantur in manibus Episcoporum suorum, vel Vicariorum Generalium. Provisi autem de Canonicatibus vel Dignitatibus in Ecclesiis Cathedralibus, non solum coram Episcopo suo, seu Vicario, sed etiam in Capitulo; Abbates, coram Episcopo a quo benedictionem accipiant, & coram toto Conventu; alii vero de Monasteriis provisi, coram Conventu tantum. Item Universitatum & Studiorum generalium Magistri & Doctores publice professores, singulis annis in prima quaque prælectione sua, solemniter juramento spondeant se nihil de cere vel interpretari velle, quod huic Fidei Catholicæ repugnet. *Ex Statutis 1573.*

II.

*Emitte etiam debet ab iis, qui ad aliquod
Officium vel Munus Ecclesiasticum
promoveantur.*

Cum præcipua Pastoralis nostri Officii cura in eis versari debeat, quæ ad Fidem Catholicam (sine qua impossibile est placere Deo) pertinent; eorum autem, quæ corde creduntur ad justitiam, ore fieri debeat confessio ad salutem: propterea quæ a Patribus Sacrosancti Concilii Tridentini, & Statutis Synodalibus decreta sunt de Fidei professione, intra duos menses a die possessionis adeptæ emittenda, ab omnibus Archi-Episcopis, Episcopis, Abbatibus, Monasteriorum Præfatis, in Dignitatibus Ecclesiarum Cathedralium constitutis, earundem aliarumque Collegiatarum Canonicis, & cæteris quibuscumque curam animarum habentibus; quibus nec aliter fructus suos facere, nec aliqua adeptæ possessionis prærogativa frui licet, volumus observari. Et ut judicium incipiat a domo nostra, & omnia ordinate in ea fiant, neminem deinceps ad Concilium nostrum Archi-Episcopale, vel alienjus digni-

dignitatis, siue illius iudiciarii, vel extrajudiciarii nostri Archi-Episcopatus Officii exercitium admitti debere, nisi qui prius in manibus nostris, Vicarii nostri Generalis, aut Officialis, orthodoxæ suæ Fidei publicam fecerit professionem, & in Romanæ Ecclesiæ obedientia se permanensurum ipsosponderit ac iuraverit, juxta formam Constitutionis PII IV. prædicto Statutorum volumini inseram. Non tantum ut quoddam quasi fundamentum futuris actionibus positum esse videatur, sed etiam ut hoc velut fidei, quam singuli profitebuntur, scuto armati, ad munera quique sua rite obeunda fortiores fiant. *Ex Stat. 1588.*

III.

Nec non a Professionibus & ad Doctoratus gradum admissis.

Idemque in alma Universitate Dolanæ (quæ sola est in nostra Diocesi) Rectoribus, Professoribus, ad gradus aliquos promovendis, & aliis juxta Bullæ Pontificiæ super hoc editæ formam, studiose observetur, ut ea quoque nostræ Ecclesiæ pars non infirma, & virorum Doctorum communis parens integra permaneat, & conservetur. *Ex Stat. 1588.*

IV.

Ludimagistri & Typographi eandem Fidei professionem emittere debent.

Iis autem, quæ de minorum Scholarum Magistris dicto Statuto Synodali cauta sunt, hoc etiam addimus, ut ex forma dicti Statuti, recepti & approbati, antequam ad docendum admittantur, prædictam Fidei confessionem (ad Nos, vel Vicarium nostrum Generalem in scriptis transmittendam) in manibus Decani ruralis, siue Parochi loci facere astringantur. Et idem observent (in manibus tamen nostris, aut dicti Vicarii nostri Generalis) quotquot in finibus nostræ Diocesis fuerint Typographi, seu librorum Impressores, ejusdemque Concilii Tridentini, & LEONIS X. Constitutioni in Concilio Lateranensi, super prævio librorum, aut cujuscumque scripturæ examine & approbatione editæ, sub

pœnis ibidem statutis pareant: ne ulla unquam hæresum lues in Scholis aut libris sumat incrementum. *Ex Statut. 1588.*

Forma Professionis Fidei.

"Ego N. firma fide credo &c."

TITULUS XXIII.

De lectione Librorum ad Religionem spectantium.

STATUTUM I.

De Scriptura sacra siue Bibliis.

Librorum sacrorum veterem ac vulgatam editionem solum veneramur, & in Officio Ecclesiastico publicis lectionibus & expositionibus pro authentica habendam declaramus: cæteras vero eorum voluminum integras versiones in vernaculum vel latinum idioma, sic prohibemus, ut nisi licentia in scriptis obrenta, nemo habere audeat Biblia vernacula, vel ab aliquo alio traducta, sub pœna excommunicationis. *Ex Stat. 1573.*

II.

De Bibliis in vernaculam linguam traductis non legendis, etiam a Monialibus.

Bibliorum sacrorum vernaculam seu gallicam versionem nolumus in cujusquam manibus versari, maxime Sanctimonialium, & mulierum, sub pœna excommunicationis, ut alias Eminentissimus CLAUDIUS Cardinalis ABAUMA declaravit. *Ex Stat. 1648.*

III.

Quibus conceditur facultas legendi sacram Scripturam lingua vernacula.

Cum Prædecessorum nostrorum Leges & Statuta, juxta temporum varietates & rerum exigentiam, moderari conveniat, ne quod olim fuerat utile, nunc in subditorum vergat detrimentum; idcirco antiqua Statuta, quibus sacra Scripturæ lectio in vernaculam linguam translata omnino prohibebatur, ob vitiosas & corruptas hæreticorum tunc temporis grassantium translationes; sublato nunc hujusmodi periculo, interpretari volentes; declaramus non licere quidem sacram

Scripturam gallica lingua a quibuslibet Authoribus traductam legere, sed solum versiones a Nobis probandas, cum licentia nostra, aut Vicarii nostri Generalis, vel etiam Parochi, ac Superioris Monialium sibi subditarum, qui prudenter judicabunt, quibus personis, & quos Scripturæ libros legendos illis permittere debeant. Anno 1701.

IV.

De libris Hæreticorum.

Hæresiarcharum libros omnes, cuiuscumque argumenti vel tituli fuerint, prohibemus; veluti Lutheri, Stancari, Serveri, Zuïnglii, Calvini, Pacimontani, Zuenfeldii, Bucceri, Davidis Georgii, Rinchii, Petrobusii, Valdonis, Brentii, & similibus, qui hæreticorum duces fuerunt. Aliorum quoque hæreticorum libri, qui de Religione ex professo tractant, omnes damnantur; sed qui aliis de rebus, & non de Religione loquuntur: & quorum Authores constat fuisse hæreticos, sine licentia in scriptis obtemperata nemo habeat. *Ex Stat. 1573.*

V.

De libris Magia, superstitionum & obscenitatis.

Prohibemus libros omnes incantationum, vel sortilegiorum, atque superstitionum. Item qui res lascivas & obscenas ex professo narrant aut docent. Ab Ethnicorum autem huiusmodi prælectionibus (licet doctorum & elegantium) arceatur ætas puerilis. *Ex Stat. 1572.*

VI.

De libris anonymis & non approbatis.

Libros de rebus sacris sine nomine Authoris, nisi examinatos prius, probatosque ab Ordinario, edere, vendere, aut apud se retinere nemo audeat. Eosdem in locis suspectis impressos prohibemus. *Ex iisdem Statutis.*

VII.

Concilium Tridentinum alio idiomate, quam Latino non est imprimendum.

Ex mandato etiam sancti Inquisitionis Officii prohibetur, sub censuris

& pœnis, imprimi aut divendi Concilium Tridentinum in alio idiomate, quam latino. *Ex Stat. 1627.*

VIII.

De declarationibus super Decretis sacri Concilii Tridentini ad Indicem librorum prohibitorum rejectis.

Cum S. Congregationi Cardinalium Concilii Tridentini interpretum innotuisset, quam plures ex declarationibus a se diversis temporibus, juxta casuum contingentiam factas, fuisse alteratas, imminutas, ac mentito forsitan S. Congregationis nomine confictas: eadem S. Congregatio tantis obviare abusibus, ac scandalis voluit, Decreto ex ordine Sanctissimi D. N. latò, quod eadem Sanctitas Sua publicari & observari per singulas Diececes mandavit, prout ex literis dicti Illustrissimi ac Reverendissimi D. Nuntii, Bruxellis 4. Novembris 1631. datis, videre est. Dicti autem Decreti tenor sequitur.

D E C R E T U M.

" Cum sacra Congregatio Cardina-
" lium Concilii Tridentini inter-
" pretum, sæpius & novissime sub
" die 29. Aprilis 1621. inhærendo Con-
" stitutioni sæcl. rec. PII IV. quæ in-
" cipit: *Benedictus Deus*, &c. decreverit
" Indici librorum prohibitorum ad-
" dendas esse omnes & quascumque
" declarationes, interpretationes, seu
" decisiones, sub nomine ejusdem Con-
" gregationis Concilii, absque illius
" autoritate impressas, & imprimen-
" das: cumque ad illius notitiam per-
" venerit quam plures ex declaratio-
" nibus, interpretationibus, seu deci-
" sionibus, juxta contingentiam ca-
" suum, illorumque qualitates & cir-
" cumstantias a se diversis temporibus
" factis, secundum ea, quæ propone-
" bantur, fuisse alteratas, imminutas,
" diminutas, ac forsitan alias mentito
" sacre Congregationis nomine confi-
" ctas, nulloque propterea authentico
" sigillo munitas, istasque per Tribu-
" nalia tam in urbe, quam per urbem
" circumferri, & imprimi; confide-
" ransque, quantum detrimento recipi
" possit, si aliqua fides illis adhibere-
" tur: ex speciali Sanctissimi D. N.

" URBANI Divina providentia Papæ
 " VIII. jussu mandat, & præcipit hu-
 " jusmodi declarationibus tam impres-
 " sis & imprimendis, quam manu
 " scriptis, nullam fidem esse in judi-
 " cio, vel extra, a quoquam adhiben-
 " dam, sed tantum illis, quæ in authen-
 " tica forma solito sigillo & subscriptio-
 " ne Eminentissimi Cardinalis præfe-
 " cti, ac Secretarii ejusdem Congre-
 " gationis pro tempore existentium
 " munitæ fuerint. In quorum fidem
 " hæc propria manu subscripsimus, &
 " sigilli nostri impressione communiri,
 " ac typis mandari jussimus. Datum
 " Romæ die secunda Augusti 1631.
 " R. Cardin. UBALDINUS imprimatur.
 " F. Archiepiscop. Compl. Nuntius
 " Franc. Paulutus S. Congreg. Secret.
 Ex Stat. anni 1632.

IX.

*Liber Cornelii Jansenii, cui titulus:
 Augustinus, prohibetur.*

Quia vero exigit a Nobis debita sanctæ Sedis Apostolicæ obedientia, ut cum ea, quæ par est, sedulitate & diligentia doctrinas ab ea; velut cæterarum Ecclesiarum Matre, damnatas, damnemus & Nos, inhærentes vestigiis Majorum nostrorum, quorum mentibus ab ipsis fidei incunabulis, alte impressa erga eandem Sedem, nedum in maximis, quin & in minimis fuit reverentia; emanatam a felicitis recordationis URBANO VIII. summo Pontifice Constitutionem, quæ incipit: *In eminenti Ecclesiæ; & quæ Cornelii Jansenii liber, cui titulus: Augustinus, legi, aut etiam a non legentibus servari, districte prohibetur, propter damnatas in illo opere opiniones: Apostolica prædicti URBANI Papæ VIII. & INNOCENTII X. Decræta, in omnibus venerabundi admittimus, & usque adeo stricte servari mandamus; ut inopsterum (quod Nobis placuerit) nullus omnino ad curam animarum admittatur, nisi qui post solemnem Concilii Tridentini Fidei professionem, formulam hic adjectam coram Vicario nostro Generali attente legerit, & juraverit.*
 Ex Stat. anni 1648.

FORMA JURAMENTI.

EGO N. profiteor me obedientem sanctæ Romanæ Ecclesiæ, & Sanctissimo Domino nostro N. Divina providentia Papæ, ejusque Successoribus, atque ideo me acceptaturum, prout de facto, & debita submissione accepto, Constitutionem felicitis recordationis URBANI Octavi, anno ejus Pontificatus decimo nono editam, Incarnationis vero millesimo sexcentesimo quadagesimo primo, pridie nonas Martii, quæ incipit: *In eminenti Ecclesiæ, in qua prohibetur liber Cornelii Jansenii, cui titulus: Augustinus, nec non Constitutionem INNOCENTII Papæ X. quæ incipit: Cum ex occasione, pridie Kalendas Junii anno Domini millesimo sexcentesimo quinquagesimo tertio editam & publicatam, in qua quinque propositiones in dicto Jansenii libro contentæ, tanquam hæreses condemnantur; sicut etiam Constitutionem ALEXANDRI Papæ VII. super eadem re, de data decimæ sextæ Octobris, anno millesimo sexcentesimo quinquagesimo sexto;* quas quidem Constitutiones integre accepto; & cum eis in omnibus sentio & consentio, ac promitto, quantum in me est, curaturum, ut præfatas Constitutiones omnes & singuli acceptent, & in omnibus cum eisdem sentiant & consentiant. Ita spondeo, voveo, ac juro, Ego idem N. Sic me DEUS adjuvet, & hæc sancta DEI Evangelia.

X.

Interdicitur lectio libri de frequenti Communione, Antonii Arnaldi, & opuscula Abbatis sancti Cyriani.

Prohibemus lectionem piorum in speciem operum Antonii Arnaud, olim Sorbonici Doctoris, de frequenti Communione, & variorum opusculorum Joannis du Verget de Havranne, sancti Cyriani Abbatis, quorum jam mense Octobri superioris anni, adjecta poena arbitraria, lectionem per Diocesium nostram interdixeramus. Ex Statut. anni 1648.

XI.

Prohibetur Bibliopoli libros de Religione tractantes sine licentia imprimere, vel vendere.

Cum deprehenderimus libros nocivos, & aliquando de hæresi suspectos, sensim a vicinis Provinciis in hanc Diocesim inferri, non sine evidenti ani-

animarum ac fidei periculo; inhibemus tam Bibliopolis, quam cæteris omnibus, quoscumque libros, ac disjunctas cartulas, Religionis dogmata continentes, vel pietatis species & devotionis materias præferentes, in quibus nulla aut Ordinarium licentia, aut Doctorum Catholicorum approbatio apparebit, quovis prætextu diven-
dere, vel apud se retinere; idque sub gravi animadversionis pœna. *Ex Stat. anni 1671.*

TITULUS XXIV.

De Fæstorum celebratione.

STATUTUM I.

De Fæstis diebus de præcepto deinceps celebrandis, ex Bulla URBANI VIII.

Papæ.

Cum serio ac in virtute sanctæ obedientiæ Nobis a sanctissimo D.N. URBANO Divina providentia Papa VIII. injunctum ac mandatum fuerit, ut in hac nostra Dicecesi publicemus, & observari exacte & ad unguem faciamus Constitutionem, quam novissime edidit Romæ apud sanctum Petrum, anno Incarnationis Dominicæ millesimo sexcentesimo quadragesimo secundo, idibus Septembris, quæ incipit: *Universa per orbem, &c.* pro determinatione Fæstorum, quæ sub præcepto celebrari debent: Nos tanquam obedientiæ filii, Apostolicis volentes parere mandatis, dictam Constitutionem in hac Synodò publicandam duximus ac volumus, prout hic publicamus, & ubique per hanc nostram Dicecesim observari mandamus. *Ex Stat. 1643.*

Porro Fæsta in dicta Constitutione expressa sunt sequentia:

" Dominici dies totius anni, Fæstum Nativitatis D.N. JESU CHRISTI, Circumcisionis, Epiphaniæ, Resurrectionis cum duabus sequentibus feriis, Ascensionis, Pentecostes cum duabus pariter sequentibus feriis, Sanctissimæ Trinitatis, Solemnitatis Corporis Christi, & Inventionis S. Crucis. Nec non festivitatis Purificationis, Annunciationis, Assumptionis, & Nativitatis Deiparæ Virginis,

" Dedicationis S. Michaëlis Archangeli, Nativitatis S. Joannis Baptistæ, Ss. Petri & Pauli, S. Andrea, S. Jacobi, S. Joannis, S. Thomæ, Ss. Philippi & Jacobi, S. Bartholomæi, S. Matthæi, Ss. Simonis & Judæ, & S. Matthiæ, Christi Domini Apostolorum. Item S. Stephani Protomartyris, Ss. Innocentium, S. Laurentii Mart. S. Sylvestri Papæ & Conf. S. Josephi, & S. Annæ Deiparæ respectivæ Sponsæ & Genitricis, solemnitate omnium Sanctorum, atque unius ex principalioribus Patronis in quo cumque Regno sive Provincia; & alterius principalioris in quacumque Civitate, oppido, vel pago, ubi hos Patronos haberi & venerari contingerit."

II.

Quorum Sanctorum Fæsta tanquam Patronorum in hac Provincia & Civitate observari debeant.

Quia vero idem Sanctissimus Dominus noster Papa URBANUS VIII. in eadem sua Constitutione statuit, unum ex principalioribus Patronis cujusque Regni seu Provinciæ, nec non cujusque Civitatis, oppidi, seu pagi, posse eligi, cujus Festus dies celebrari debeat sub præcepto: declaramus diem festum Conceptionis Immaculatæ Beatæ Mariæ semper Virginis, & gloriosissimæ Dei Genitricis, erga quam tota hujus Comitatus Burgundiæ Provincia, ob plurima ab ea percepta beneficia, singulari ducitur sub hoc nomine, cultu ac devotione, & quam ideo tanquam principalem Patronam suam ac Protectricem colit ac veneratur, die octava mensis Decembris, prout antea observabatur: (ita etiam rogante, nomine totius Provinciæ, excellentissimo illius Gubernatore, & supremo Parlamento Dolano) per totum hunc Comitatum celebrandum esse sub præcepto. Et in hac Civitate Bisuntina diem passionis Ss. Ferreoli & Ferrucii, quæ est decima sexta Junii, tanquam principaliorum ejusdem Patronorum: ita etiam requiruntibus ejusdem D. D. Gubernatoribus. In aliis autem Civitatibus, oppidis, seu pagis dies Festus sub eodem præcepto solen-

colendus, is eligitur, quem Clerus, sive Parochus, simul cum Magistratu locorum conveniret esse observandum. *Ex Stat. 1645.*

III.

Festa minus principalia Patronorum cujuslibet loci non sunt observanda de præcepto.

Attendentes in pluribus locis nostræ Diocesis Festa minus præcipua Patronorum, veluti Translationis, aut Inventionis alicujus Sancti solemnius, quam ipsa principalia Festa celebrari, quod incongruum, & ab Ecclesiæ instituto prorsus alienum apparet; idcirco decernimus illos dies Festos Patronorum deinceps a Parochianis solemmniter celebrandos esse, qui in Ecclesiasticis tabulis cæteris præponuntur; ad Festorum vero minus principalium observationem ipsos amplius non teneri, sed operibus servilibus in iis vacare posse, de quo Parochi eos quamprimum monere debent. *Anno 1685.*

IV.

An Festa ex voto celebrari solita obligent.

Quia dubitatum fuit a pluribus Communitatibus; an stante Constitutione URBANI VIII. super observatione Festorum; quæ incipit: *Universa*, Communitates, quæ emiserant vota de observandis quibusdam Festis, auctoritate Diocesani approbata, teneantur ad illorum observationem? Super hoc dubio, habito recursum ad Sac. Rituum Congregationem, ut quid faciendum declararet, eadem Sacra Congregatio, ad instantiam plurium Reverendissimorum Episcoporum casum resolvit. Cujus resolutionis tenorem, ut omnibus innotescat, hic subjungendum duximus. *Ex Stat. 1646.*

Decretum sacre Congregationis Rituum.

„ **A**n stante Constitutione Sanctissimi D. N. URBANI Papæ VIII. super observatione Festorum, quæ incipit: *Universa*, Idibus Septembris 1642. promulgata, Universitates seu Communitates Civitatum seu locorum teneantur ex præcepto servare Festa ex voto earumdem in-

Tomus X. Concilior. German.

„ ducta. Die 10. Aprilis 1643. Sac. Rituum Congregatio, referente Emimentissimo & Reverendissimo Domino Cardinali SACCHETTO, censuit ex dispositione Constitutionis prædictæ, personas voventes tantum teneri: quam S. Congregationis Sententiam sibi relata Sanctissimus D. N. laudavit & approbavit. *Signatum,* JULIUS Episcopus Tuscus Cardinalis Sacchetti. *Et inferius:* C. Paulus S. Congreg. Rit. Secretarius.

V.

De Festo S. Ludovici Confessoris de præcepto deinceps celebrando.

Cum inter Cœlites illos præcipue Ecclesia venerari percipiat, quos certis Regionibus ac populis singulares Patronos a Deo concessos agnoscit; a Nobis etiam exigit, ut S. Ludovicum Confessorem, & Galliarum Regem peculiari cultu prosequamur, cujus protectione & tutela hæc Diocesis non minus, quam aliæ Regni Provinciæ gloriatur: propterea ut tanti Patroni continuis reddamur digni præsidii, volumus ipsius festum, quod in diem 25. mensis Augusti cadit, tanquam de præcepto ab omnibus deinceps celebrari, ac ejus Officium ab iis, qui ad Horas Canonicas, sive publice, sive privatim exsolvendas tenentur, sub ritu duplici celebrari. *Ex Stat. 1679.*

VI.

De diebus Festis in piis operibus, non vero servilibus transigendis.

Cum Festorum observatio curæ Nobis esse debeat, audimus tamen, prætextu sublevandæ paupertatis alienæ, etiam dies Dominicos in operibus servilibus, & propterea prohibitis, passim & absque scrupulo transigi: decernimus & statuimus, ut cum pietate destinati in Ecclesia dies Festi, sed maxime Dominicales, celebrentur in orationibus; neque faciles adeo sint Parochi in concedendis similibus facultatibus, quarum concessio ad ipsos non spectat, sed potius Parochianos suos moneant, ut frequentent Ecclesias, & juxta intentionem sanctæ Matris Ecclesiæ, opera pia & Deo placencia exequantur. *Ex Stat. 1664.*

Y y

VII.

VII.

Prohibentur ludi publici in Festis Patronorum.

Non ferendam judicamus eorum impietatem, qui in Festivitatibus Beatæ Virginis, Martyrum, aut aliorum Sanctorum, quibus Ecclesiæ, Parochiæ, urbes, aut pagi devoti sunt, alcarum ludos in plateis & locis publicis frequentare, exercere & exponere audent. Omnem proinde ejusmodi abusum de medio tollere volentes, ne quid tale in posterum fiat, auctoritate nostra, ac etiam Apostolica qua fungimur, sub pœna decem librarum fabricæ loci applicandarum, per contravenientes incurrenda, præcipimus; brachii sæcularis, Scabinorum loci, Dominorum temporalium, Officiariorum omnium, & potissimum Serenissimorum Principum auxilium pro exacta hujus nostri Decreti executione implorantes. *Ex Stat. 1614.*

VIII.

Nundinæ, commercia, & contractus non fiant Festis diebus præcipuis.

Quantum ad Dei cultum & pietatem augendam pertinet devota & religiosa dierum Festorum observatio; tantum Divinæ laudi detrahi manifestum est ab iis, qui dies hos omni interiori, exteriorique cultu dignos, profano vel aliquo simili opere polluant. Hinc est, quod præcedentibus nostris Statutis adversus Festorum violatores, inhærentes, omnes & singulos nostræ Diœcesis Decanos, Parochos, vel eorum Vicarios monemus & hortamur, ut cum locorum Magistratibus, seu Parochianis, & aliis, quorum interest, communicatione habita, quo meliore modo, quave ratione id fieri cum minori commerciorum jactura possit; ne diebus ad Dei, Deiparæque Virginis, aut Ss. Apostolorum honorem feriatis, aliisque Festis præcipuis, publicæ nundinæ aut mercatus, aliique profani actus fiant; sed in commodiora tempora sine cujusquam injuria transferantur, nullique, nisi peracto Divino Officio & Missa audita, contractus aliquos, qui moram patiuntur, Festis diebus celebrare liceat, diligenter prospiciant: quodque ipsis visum erit,

quam cito ad Nos referant, ut tandem prout æquum fuerit, statuatur. Curabunt autem interim nostræ Diœcesis Parochi, & Concionatores, ut prædictis diebus non aliis, quam rebus sacris vacet populus; nec a laboribus manuum tantum, sed & a vitiis potissimum quiescat. *Ex Stat. 1594.*

IX.

Diebus Festis tabernæ Mercatorum non sunt aperiendæ, nec merces exponendæ.

Ne autem Dominici dies, & ex præcepto Festivi in Catholicæ Religionis dedecus, nimia lucri cupiditate violentur: prohibemus Mercatoribus, aliisque Institoribus, prædictis diebus non solum merces suas venales exponere, sed etiam tabernas, in quibus servantur, ullatenus aperire. Qui secus fecerint, non aliter, quam Divini & Ecclesiastici præcepti infraactores punientur. *Ex Stat. 1679.*

X.

Molitores non debent molere diebus Dominicis & Festis solemnibus.

Quoniam dies Divino obsequio dicati, prætextu quotidianæ necessitatis, aut etiam utilitatis propriæ, cum Religionis dedecore, frequenter violentur, ab illis præsertim, qui Festis diebus tritico molendo omnem operam impendunt: prohibemus tum molitoribus, tum cæteris ad molendina confluentibus, ne diebus Dominicis & Festis solemnibus, Christi Domini, & Deiparæ Virginis, quovis quæsito colore, deinceps molere præsumant. Quod aliis quidem Festis, accedente necessitate, & audito Missæ Sacrificio, conceditur. *Anno 1686.*

XI.

Onera non sunt vehenda diebus Festis.

Iisdem rationibus permoti inhibemus, ne prædictis diebus Dominicis & Festivis ullus ad onera deducendâ, & vestruras de loco in locum transmitendas; iter aggrediatur; si tamen ob nimiam locorum distantiam ante diem Festum occurrentem, sedes repetere nequeat, in illo viam prosequi ei liceat. Sicuti etiam si ex urgenti necessitate,

state, aut publici commercii causa, hujusmodi diebus iter sit inchoandum: quod nonnisi audito Missæ Sacrificio, & petita a Parocho licentia fieri debet. *Ex Statutis 1679.*

XII.

De iis, qui ab operibus vacant diebus Sabbati.

Statuimus & ordinamus, custodiendam omnino esse eorum, inter quos vivimus, inoffensam societatem. Et quod B. Augustinus in *Epistola ad Cæsulum* de jejunio diei Dominicæ tradit, hoc nos ad otium Sabbati transferamus: Nam sicut malum est homini, qui per scandalum manducat (ut docet Apostolus;) ita malum est homini, qui per scandalum jejunit; & sicut malum est homini, qui per offensionem operatur, ita malum est homini, qui per offensionem vacat. Quare his diebus, quando per somnia & vanas revelationes quarundam feminarum, superstitiosi aliqui nostræ Diocesis sine causa dogmatizare cœperunt, quod quasi sacra solemnitate statuta otium observari debeat in pomeridiana parte Sabbati: (etiam si suam hanc observationem a Judaismo alienam esse contendunt) tamen ne majus malum incurratur ex scandalo, quam bonum percipi posset ex merito: prohibemus omnibus & singulis nostræ Diocesis, ne quis posthac vacandum esse asserat, aut studiosè sic vacet in Sabbato, nisi cum Festa celebrat Ecclesia. Laudamus tamen omnes eos, qui in honorem diei Dominicæ, Vesperis & Officio Ecclesiastico Sabbati, & aliorum professorum dierum interfunt cum Catholicis. *Ex Stat. 1573. Renov. 1685.*

TITULUS XXV.

De diebus Jejuniorum & Abstinentiæ.

STATUTUM I.

Jejunia quatuor anni Temporibus servanda.

Jejunia ex præcepto Ecclesiæ observanda in hac Diocesi sunt hæc: primo jejunandum in feriis quatuor Temporum usque ad horam nonam. *Tomus X. Concilior. German.*

nam, id est, usque ad meridiem: abstinendumque ab esu carnum. Sunt autem feriæ istæ dies Mercurii, Veneris & Sabbati sequentes Dominicam secundam Quadragesimæ, quæ dicitur *Brandones*; Festum Pentecostes; Exaltationis S. Crucis; & S. Lucie. *Ex Stat. 1560.*

II.

In quibus Vigiliis sit jejunandum.

Eodem modo jejunandum in Vigiliis Nativitatis Domini, Pentecostes, Assumptionis B. Mariæ Virginis, omnium Sanctorum, Nativitatis B. Joannis Baptistæ, Passionis Ss. Petri & Pauli, Matthæi, Andree, & Laurentii Martyris, Ss. Simonis & Judæ Apostolorum. *Ex Stat. 1560.*

III.

De Jejunio Quadragesimali.

Jejunium Quadragesimale debet observari, abstinendo ab ovibus, & lacticiis, & carnibus: in aliis autem jejunii licet uti ovibus & lacticiis. *Ex Stat. 1560.*

IV.

Quando refectio sumenda diebus jejunii.

Jejuniorum tempore sumenda est refectio semel in die, duntaxat hora nona, quam meridianam nunc interpretamur, vel circa illam horam. *Ex iisdem Statutis.*

V.

Diebus Dominicis non est jejunandum.

Diebus Dominicis prohibitum est jejunare: quia superstitionem saperet gentilium. Eodem modo tam jejunia, quam Festa superstitionis Judaicæ, vel Mahometicæ, prohibentur sub excommunicationis pena. *Ex Stat. 1560.*

VI.

Quando abstinendum a carnibus.

In singulis hebdomadis, præter dies jejuniorum, abstineatur ab esu carnum diebus Veneris & Sabbati, in memoriam mortis & sepulturæ Christi. Tribus quoque diebus, festum Ascensionis Domini præcedentibus, qui Rogationum nomine nuncupantur, propter

propter publicas supplicationes iisdem temporibus ab Ecclesia institutas, similis abstinencia servanda est: *Bona enim est oratio cum jejuniis.* Tob. 12. *Ex iisdem Statutis.*

VII.

Testimonia Chirurgorum & Pharmacopolarum ad usum carniū infirmis concedendum, debent a Parochis subsignari.

Ut tollatur abusus, qui in concedendo infirmis usu carniū diebus ab Ecclesia prohibitis frequenter emergit: declaramus nullam deinceps Medicorum extra Civitatem Bisuntinam degentium, aut Chirurgorum vel Pharmacopolarum attestacionem valituram ad hujusmodi licentiam obtinendam, nisi a Parocho, vel ejus Vicario fuerit subsignata; poterunt tamen ipsi Parochi eam licentiam aegrotis concedere in repentinis morbis, qui moram non patiuntur, & dum tempus non suppetit, ut ad Nos recurratur. Solius vero Medici facultas non sufficit, nisi urgens necessitas id exoptulet. *Anno 1697.*

VIII.

De usu carniū diebus Sabbati a Nativitate Domini usque ad Festum Purificationis prohibito.

Permissum in aliquibus Dicecesibus vicinis a festo Natalis Domini usque ad Purificationem B. Mariæ semper Virginis, diebus Sabbati esum carniū, quem plerique sub consilio Divi Augustini prætextu sibi licere putant (dum fueris Romæ Romano vivito more) abolere cupientes districte prohibemus, ne quis in posterum nostræ Dicecesis caprata occasione ad ea loca in prædictum finem proficiscatur. *Ex Stat. 1603.*

TITULUS XXVI.

De Sanctorum cultu, eorumque Imaginibus ac Reliquiis.

STATUTUM I.

Quo cultu Sancti venerari debent.

Curati doceant populum solum Deum adorandum adoratione laetræ: Sanctos vero dulia colendos,

quæ non sunt ipsi Deus, sed servi Dei & creaturæ ejus: quorum intercessionem & suffragiis juvari possumus & postulamus. *Ex Stat. 1573.*

II.

De Cultu Imaginum.

Imagines quoque doceant Curati & Pastores non esse superstitione colendas: luminaria, purificationes, genuflexiones, & similes honores, qui exhibentur ipsis, in prototypum referendos esse: sicut sancta generalis septima Synodus & Patres docuerunt. *Ex iisdem Statutis.*

III.

Imagines indecenter pictæ aut sculptæ tollantur ab Ecclesia.

Quamvis Imagines Christi, Deiparæ Virginis, & aliorum Sanctorum, in Templis præsertim habendas & retinendas esse, eisque debitum honorem & venerationem ad prototypa, quorum illæ similitudinem gerunt, relatum, impertiendam esse, nemo nisi impius negare audeat; ne tamen proci venustate, aut cum aliqua deformitate pingantur aut erigantur: Concilii Tridentini Decretis inhærentes, omnino prohibemus, & jam sic pictæ aut sculptæ seu erectæ ut omnino deleantur, præcipimus. *Ex Stat. 1603.*

IV.

Signum Crucis humi non pingendum.

Nemini licere signum Servatoris Christi, quod est signum Crucis, vel in silice aut marmore insculpere, vel pingere, ipsorum etiam Imperatorum Theodosii & Valentiniani constitutione cavebatur: & si quod reperiretur, tolli jubebatur, iis gravissima pena mulctandis, qui in contrarium tentarent; quod ut in hac nostra Dicecesi observetur, ex hujus Synodi sententia jubemus. *Ex iisdem Stat.*

V.

Crucis in viis publicis erigenda.

Quia in plerisque Parochiis relatum Nobis fuit, Crucis in itineribus publicis apponi solitas, tam per temporum injurias, quam ventorum agitati-

tatio.

tationes, seu impetuositates collapsas esse seu dirutas; ordinamus Curatis, ut curent illas reponi seu reparari, cum ex laudabili consuetudine, & ad bonum finem illæ ibidem defixæ fuerint. *Ex Stat. 1645.*

VI.

Novæ Reliquiæ sine licentia non sunt exponendæ.

Inventas de novo Reliquias venerari non liceat, nisi a Sede Apostolica atque Ordinaria approbatas. *Ex Stat. 1560.*

VII.

Neque Imagines miraculose, antequam sint recognitæ, exhibendæ.

Cum sacrosancta Tridentina Synodus decreverit, nemini licere nova Miracula admittere; nec novas Reliquias recipere, nisi recognoscere & approbante Episcopo: idcirco districte prohibemus sub pœnis a jure in hoc casu comminatis, ne quis imagines B. M. Virginis de Monte Acuto vulgo nuncupatæ, Mechlinicæ Diecefis, ex quercu, in qua imago ipsius Virginis exstebat, fabricatas, in Ecclesiis nostræ Diecefis solemniter constituere & erigere audeat uti miraculosas; nisi prius per Nos, aut Vicarium nostrum Generalem recognitæ fuerint. *Ex Stat. 1611.*

VIII.

Quando nova Miracula evulgantur, de iis monendus est Prælatus.

Ordinamus omnibus nostræ Diecefis Parochis, Nos vel Vicarium nostrum Generalem certiores facere, dum intra fines suarum Parochiarum aliqua contigisse Miracula, vel frequenter contingere enunciabitur, ut serio super veritate ipsorum inquiratur, impediatque quominus sub specie pietatis graves irreperant abusus. *Ex Stat. 1650.*

TITULUS XXVII.

De Ecclesiis, Altaribus, & Cæmeteriis.

STATUTUM I.

In Ecclesiis ruinosis, exustis, aut pollutis, vel in Altaribus fractis Missa non est celebranda.

Prohibemus imprimis, ne Missæ in Altaribus fractis, nec in Ecclesiis

ruina vel incendio vastatis, aut pollutis, Divina celebrentur; nec in earum cæmeteriis sepeliantur Fideles, donec hæc omnia Episcopali benedictione, vel de ejus licentia reconciliata sint. *Ex Stat. 1573.*

II.

Quenam Ecclesiæ dicantur pollutæ.

Pollutas autem Ecclesias declaramus, & cæmeteria denuo consecranda, in quibus hæretici vel excommunicati expresse denunciati sepulti fuerint: deinde in quibus cædes factæ, vel sanguis violenter effusus, vel Veneris quæcumque opera per voluntariam humani seminis effusionem perpetrata. Omnes hujusmodi, si factum sit publicum, reconciliatione indigent. Sed in quibus equi, boves, sues, aut alia animalia stabulata fuerint, vel in quibus ipsi milites, sive propter suas necessitates, sive in contumeliam loci sacri turpe aut scdum quidvis commiserint: hæc poterunt pro hac vice tantum, Sacerdos, Curatus vel Diaconus, & Abbas, & Prior in Regularibus, propter populi scandalum, expiare cum aqua Gregoriana seu exorcizata. *Ex iisdem Statutis.*

III.

Quorum sumptibus Ecclesiæ Parochiales restaurari debent.

Parochiales Ecclesias refici procurant ex fructibus ipsarum Ecclesiarum, vel Parochianorum. Quod si nimia egestate omnes laborent, ad viciniore vel matricem transferantur. *Ex Stat. 1573.*

IV.

De nitore & munditia Ecclesiarum.

Cum navim Ecclesiæ, ac latera ejusdem nimius pulvis plurimum decoreret, & intolerabiles in Templo Dei sordes pietatem accurrentium minuunt: injungimus omnibus & singulis Parochis, ut die Dominica qualibet in prono Parochianos moneant & hortentur, qui Dominica sequenti panem benedictum ordine consueto oblaturi sunt, ut Sabbato dictam Dominicam diem præcedenti sacram ædem verri ac purgari procurent. *Ex Stat. 1648.*

V.

V.

De decentia Tabernaculi Ss. Sacramenti.

Tabernaculum, in quo Sanctissimum Sacramentum conservatur, sit totum extrinsecus, aut saltem magna ex parte inauratum, reliquis partibus decenter pictis: in majoris Altaris medio, conspicuoque loco, in quantum commode in unaquaque Ecclesia fieri poterit, ita apte & firmiter collocetur, ut ad extrahendum, reponendumque Eucharistiæ Sacramentum, Altare ascendere non oporteat; intrinsecus autem decenter ornatum sit, & aliis rebus omnibus vacuum remaneat: ita ut nihil in eo ponatur, præter vas, in quo Eucharistia servetur. *Ex Stat. 1600.*

VI.

Lampas ardens & alia vasa, ac etiam suppellex ad Ecclesiæ decorem compavanda.

Cum maxime conducatur ad excitandam Fidelium pietatem, & cultum Dei promovendum, Templorum nitor, decens Altarium compositio, aliaque sacra ad caeremonias Ecclesiasticas necessaria suppellex: Nobisque per Decanos rurales Bisuntinæ nostræ Diœcesis relatum fuerit, multis in locis piam ac laudabilem sacrosancti Eucharistiæ Sacramenti venerandi consuetudinem teperere; propterea Nos antiqua circa hæc Decreta Synodalia renovantes, præcipimus Diœcesanis nostris lampadem continuo ardentem coram augustissimo Eucharistiæ Sacramento, in qualibet Ecclesia Parochiali Diœcesis nostræ, sumptibus Parochianorum habere; vasa, mappalia, vestimenta Sacerdotalia, thuribulum, & navisellam thure refertam, funalia, quæ ad deferendum ægrotis sacrum Viaticum accendantur; cæteraque Altaris ornamenta, ubi defuerint, comparare; comparata munda & decencia servare: injungentes serio Parochis, hujusmodi nostrum Decretum observari curare; alias negligentia circa præmissa ipsimet insimulabuntur. *Ex Stat. 1644.*

VII.

Arca ab Ecclesiis tollantur.

Auferantur ab Ecclesiis (hostili cessante timore) arca illæ, sive granaria, quas instante aliquo periculo, plenas tritico vel supellectilibus eo importarint Parochiani: quia impedimento hæc sunt & dedecori in domo Dei, ubi nonnisi spiritualia tractare convenit. *Ex Stat. 1573.*

VIII.

In Choro nulla sedilia mulierum tolerantur.

Ob reverentiam tanti Mysterii amoveri jubemus subsellia mulierum a Presbyterio & a Choro, si qua inveniantur in Ecclesiis, hoc est, juxta Altare majus, vel intra cancellos chori, *Ex iisdem Statutis.*

IX.

In Presbyterio nulla omnino sedes adesse debet, in Choro vero solius Domini loci.

Quia nimis propinquus ad Altare Laicorum accessus, Sacerdotes illic celebrantes, ac Divina peragentes Officia, plurimum turbare solet; præcipimus singulis, ne ulla sedilia in Presbyterio, sive intra cancellos, ubi sancta Communio recipitur, ad majus Altare collocare præsumant; & si qui posuerint, sine cunctatione removeant: in cæteris vero chori partibus nullis etiam liceat hujusmodi sedilia apponere, præterquam locorum Dominis, qui in iis omnimodam jurisdictionem obtinent; quæ ab Altaris cancellis tantum distare volumus, ut populus ad sacram Synaxim sumendam absque impedimento accedere valeat; domestici tamen Dominorum, & Conductores, sive Receptores illorum, in eorum absentia aliquod jus in hæc loca sibi arrogare non præsumant, cum jura honorifica ad ipsos nequaquam pertineant. *Ex Stat. 1676.*

X.

Sedilia in Ecclesia navi sita tollantur, vel ordinentur.

Tam immensus est hodie in plebisque Ecclesiis sedilium seu subselliorum

rum numerus, ut non tantum summam in domo Dei pariat deformitatem, verum etiam viam ingredientibus, & quandoque ipsum Altaris ministerium impediunt; quæ ideo iubemus amoveri, aut tam congruo ordine disponi, præsertim quæ in Choro vel ad latus Altaris sita sunt, ut omnis vitetur confusio: omnibusque & singulis hujus nostræ Diœcesis interdicentes, ne aliqua denuo sine nostra, aut Parochorum licentia erigant, in quibus & aliis jam erectis nullum jus petitorium aut possessorium acquirant; sed si quod sibi competere prætendant, coram Officiali nostro jure experiantur. *Ex Stat. 1604.*

XI.

De Reverentia sacris Altaribus exhibenda.

Quia audivimus in plerisque Ecclesiis ita irreverenter plerosque se gerere erga Altaria in Ecclesiis sita ac fundata, ut sine respectu illorum consecrationis, præsumant super dictis Altaribus accumbere, & super iis etiam reponere panem & vinum in Missa offerenda: serio præcipimus singulis Ecclesiarum Parochialium Rectoribus, ne quid simile in illis permittant; quin imo, ubi fieri poterit, super tabula dictorum Altarium sternant tapetem seu telam aliquam cereatam, qua illa adversus omnes immunditias coelegant. *Ex Stat. 1641.*

XII.

Vigilia populi in Ecclesia abolenda.

Ut omnis tollatur abusus, qui plerumque etiam cum gravi scandalo nascitur ex vigiliis, quæ in Ecclesiis, juxta quorundam locorum consuetudinem, fiunt pridie Festorum solennium, vel Commemorationis Defunctorum: curent autoritate nostra Parochi & Decani, ut ea facilitate, qua nata est hujusmodi corruptela, paulatim sopiatur; & ab ingressu Ecclesiæ, ac præsertim chori, quantum fieri poterit, eo tempore populus arceatur, sub comminatione sententiæ excommunicationis, & alterius pœnæ a Nobis arbitrandæ, cum imploratione brachii sæcularis. *Ex Stat. 1603.*

XIII.

Comestiones in Ecclesia prohibentur.

Nec minus reprobanda est eorum insolentia, præsertim Sacerdotum, qui certo anni tempore sub nomine Calendarum, vel de fructu, non tam honestis conviviis, quam crapulæ incumbunt; idque, quod prorsus abhorrendum est, in ipsa Ecclesia (cum domos ad manducandum & bibendum habeant) facere etiam cum bonorum scandalo minime verentur, adhibitis quandoque ludicris cantionibus; quæ omnia jam quodammodo antiquis Statutis reformatata succrescente abusu omnino tollimus, & sub pœna censuræ Ecclesiasticæ, & decem librarum a singulis contumacibus interdicimus. *Ex Stat. 1601.*

XIV.

Pauperes non permittantur mendicare in Ecclesiis.

Quamvis eleemosyna inter cætera pietatis opera Deo sit gratissima, quia tamen bona fieri non sufficit, nisi bene fiant; Constitutioni bonæ memoriæ PII Papæ V. inhaerentes prohibemus, ne mendicantibus pauperibus, seu aliis eleemosynas petentibus, per Ecclesias tempore prædicationum, Missarum, aliorumque Divinorum Officiorum ire liceat; sed ad valvas Ecclesiarum per earum Custodes, Aedituos, Clericos, seu quoscumque alios stare cogantur; hincque recordentur omnes Divinæ eos ultionis judicio subjacere; qui in dictis Ecclesiis deambulare, imperum seu tumultum excitare, vana, scæda & profana colloquia exercere, & alia, quæ Divinum perturbare possint Officium, facere præsumperint. *Ex Stat. 1588. Renov. 1614. Item 1627. & 1669.*

XV.

Idem denuo prohibetur.

Cum pluribus aliis Statutis nostris cautum sit, ne pauperes in Ecclesiis mendicare sinantur, idque Constitutione sæcl. record. PII Papæ V. expresse prohibeatur: nunc vero crescente in dies mendicantium multitudine, iis Tempia repleri videamus, qui Fidelium orationes importunis exactio-

actionibus præpediunt, & Divina Officia perturbant: idcirco jubemus Ecclesiarum Rectoribus, ne pauperes intra earum septa eleemosynas quærere permittant; prohibentes omnibus tum Ecclesiasticis, tum Laicis, sub inobedientiæ pœna, in locis Deo dicatis stipem egenis erogare, quæ non solum merito careat, sed etiam dantibus fiat in peccatum. *Anno 1691.*

XVI.

Deambulationes, colloquia, & transitus per Ecclesias prohibentur.

Et quoniam domum Dei decet sanctitudo, deambulationes, profanos transitus, vana colloquia, & alia minus decentia, quæ in Ecclesiis non solum, quando Divina Mysteria a sacris Ministris peraguntur, sed etiam dum peractis Officiis, & silentibus hominum linguis, Divinas laudes in eis soli concinunt Angeli, fieri (non sine magno doloris sensu) advertimus; deinceps omnino prohibemus. *Ex Stat. 1614.*

XVII.

Idem interdicitur de mandato Apostolico.

Deambulationes in Ecclesiis, olim a scilicet record. PIO V. anno Domini millesimo quinquagesimo sexagesimo sexto, nuper vero a Sanctissimo Domino nostro ALEXANDRO Papa VII. prohibitas, nec non in eis negotiationes, deambulationes, obverso tergo augustissimo Altaris Sacramento, sessiones, aliave cultui Divino indecentia, eodem edicto contenta, in Diœcesi Bisuntina posthæc fieri omnino prohibemus sub pœnis arbitrariis; quin & Sacristas, ac fabricæ Præfectos moneamus, ne pauperes seu mendicantes, præcipue inter Missarum solemnias, per Ecclesias vagari, uti eodem edicto prohibetur, in posterum patiantur; dictam Summi Pontificis prohibitionem typis mandari, & per omnes Parochias publicari ordinantes. *Ex Stat. 1657.*

XVIII.

Nihil venale exponendum in Ecclesiis.

Cum ab Ecclesia, quæ est domus Dei & domus orationis Divino testimonio nuncupata, omnis negotiatio, om-

neque rerum mundanarum commercium arceri debeat; propterea antiqua Statuta super his renovantes, inhibemus omnibus & singulis Parochis, Vicariis, Eremitis, Capellanis, Fabricariis, Clericis, Scabinis, aliisque in hac nostra Diœcesi commorantibus, candelas, cereos, lampades, aliaque ad usum piarum oblationum interservientia, in Ecclesiis venalia exponere, sub pœna viginti librarum Stephanienensium, decem scilicet Receptorii excessuum Curie nostræ Bisuntinæ solvendarum, & decem fabricæ Ecclesiæ, in qua hæc fient, applicandarum. *Ex Stat. 1651.*

XIX.

Laicorum conventicula in Ecclesia, aut circa illam non tolerantur.

Ex parte nostra prohibeant Curati Parochianis suis, ne congregationes suas pro rebus publicis habeant in Ecclesiis, seu ante illarum portas, aut etiam in illarum cœmeteriis; ad evitanda, quæ inde provenire solent aut possunt, scandala, & rebus Deo dicatis inconvenientia. *Ex Stat. 1645.*

XX.

Prohibetur tibiurum aut chelium lusum intra Ecclesiæ aut cœmeterii septa, dum cereus aut panis benedicendus defertur.

Cum in plerisque locis prava consuetudo inoleverit, ut diebus solemnibus, præsertim Patronorum festis, cereus aut panis benedicendus cum tibiis, chelibus, aliisque chorealibus instrumentis in Ecclesiam & ad ipsum usque Altare ingenti strepitu ac tumultu deferatur; tantum abusum tollere volentes: interdiciamus universis cereos vel panes benedicendos, aut aliud simile, cum huiusmodi instrumentis ac profanis symphoniis intra Ecclesiæ, aut etiam cœmeterii septa deinceps inferre: injungentes Parochis, eorumque Vicariis, ut omnem immodestiam & irreverentiam a sacrorum Mysteriorum celebratione arceant.

XXI.

XXI.

Juxta Ecclesias neque ludæ, neque choreæ permittantur, nec Sodalitates tempore Drvinorum.

Ut loca Deo consecrata, sicut par est, ab omnibus venerationi habeantur, ac in ipsis Divina Officia majori cum devotione, & reverentia peragantur; prohibemus, ne juxta Ecclesias, aut intra cœmeteriorum septa, pro rebus communis convenientiæ, aut morentur; neque illic, aut etiam alibi tempore prædictorum Officiorum ludis vel choreis vacent, sed potius Christianæ pietatis operibus incumbant, ac Dei ministerio frequenter intersint. Idcirco Pastores animarum, ac eorum Vicarii sedulo attendere debent, ne dum Parochialia Officia celebrantur, aliqua licet pia Sodalitatum aut Confraternitatum exercitia fiant, quibus populus a proprio ovili, ad Parochialis Ecclesiæ obsequiis ullatenus avertatur. *Ex Stat. 1671.*

XXII.

Neque illic mundina, aut judicia Laicorum habeantur.

Clerici non patiantur in Ecclesiis aut cœmeteriis suis choreas fieri, aut negotiationes mercantiarum & fundinarum, seu etiam judiciorum laicalium strepitus & causas teneri. *Ex Stat. 1480.*

XXIII.

Neque merces ante fores Ecclesiæ exponendæ.

Inhibemus, ne in posterum merces in cœmeteriis, foribus, sive atriis aut vestibulis Ecclesiarum exponantur, aut divendantur, eo præsertim tempore, quo Divina peraguntur. *Ex Stat. 1614.*

XXIV.

Repræsentationes ridiculæ tam in Ecclesiis, quam in Processionibus prohibentur.

Ad tollendum abusum, qui sensum irreplet, tam in publicis supplicationibus, quam in decoratione & ornatu locorum, ubi Sanctissimum Christi Corpus die Jovis sancta reponi solet; in quibus non raro ridiculæ Sanctorum effigies, aut quorundam Mysteriorum

Tomus X. Conciliar. German.

ineptæ repræsentationes, cum scandalo & populorum accurrentium irreverentia exhibentur; prohibemus serio, ne in Ecclesiis seu Capellis ad Sacrosanctam Eucharistiam die Jovis sancta servandam destinatis, hujusmodi fictiones, quæ adstantium curiositatem magis, quam devotionem provocant, deinceps exponantur. Interdicimus præsertim, ne in processionibus publicis pueri aut puellæ Beatorum personas, in comicorum morem, repræsentent, aut in compitis & ante domos exhibeant; cum hæc profana spectacula potius redoleant, quam Christianæ Religionis pietatem præferant. Licebit tamen puellis, juxta laudabilem quorundam locorum consuetudinem, in habitu candido & modesto publicis supplicationibus interesse. *Anno 1689.*

XXV.

Sclopi non explodantur in Ecclesiis vel Cœmeteriis.

Insolens quorundam locorum consuetudo, qua plerique ex armato solemnibus nuptialium comitatu bellicorum tormentorum crepitu, etiam in ipsius Ecclesiæ facie excitato, sacra omnia complent; Nos ad id omnino inhibendum permoveret, statuentes, ne quid tale in nuptiarum, aut aliis conventibus, præsertim in Ecclesiis aut cœmeteriis sub pœna a Nobis arbitranda fiat. *Ex Stat. 1589.*

XXVI.

Pulsationes campanarum immoderate & boris indebitis non fiant in pervigilio Commemorationis omnium Defunctorum.

Et si iusta & laudabilis sit Ecclesiæ consuetudo, quæ in pervigilio Commemorationis omnium Fidelium Defunctorum, campanas diutius pulsari voluit, ad excitandam populorum pietatem erga animas in purgatorio detentæ; quia tamen hisce temporibus in occasionem scandali plerumque vertitur, per computationes & jurgia, quæ in campanilibus & ipsis Ecclesiæ foribus ad seram usque noctem, cum gravi Divini Numinis offensâ protrahuntur; ad evitandas tot excessuum causas, interdicimus, ne posthac vinum in campanilia deferatur, neve campanæ pulsantur

Zz

sentur in pervigilio præfata solemnitas ultra horam sextam serotinam; in ipso vero die Commemorationis Defunctorum non nisi a sexta matutina usque ad Missæ Officium peractum. *Anno 1686.*

XXVII.

Capellarum restauratio & ornatus præcipitur, nec non Officiorum in iis fundatorum celebratio.

Ex Decanorum nostrorum ruralium relatione comperimus quamplurimas Capellas & Altaria in hac Dicecesi, sine cultu & ornatu remanere; imo etiam in ruinam vergere; ideo præcipimus Capellanis, aliisque omnibus, quibus illa decorandi & reparandi onus incumbit; huiusmodi Capellas & Altaria in debitum statum intra finem præsentis anni reponere; atque in iis Officia fundata diligenter per se, vel alios Sacerdotes perfolvere, quavis licentia in contrarium obtenta post illud tempus cessante. Ordinantes Parochis, ut Statuto superiori anno hac de re edito, diligenter pareant. *Anno 1682.*

XXVIII.

Capellarum neglectarum status ad Vicarium Generalem a Parochis deferri debet.

Etsi antehac injunctum fuerit omnibus, qui Capellanas in Ecclesiis Collegiatis, sive Parochialibus obtinent, ut earum tam reparationi & ornatus, quam Divino servitio explendo, cæterisque oneribus supportandis serio incumbant; quia tamen id a plerisque negligi deprehendimus, ita ut non paucæ Capellanz in maximum Capellanorum dedecus ruinam minentur: præcipimus omnibus Parochis, & eorum Vicariis, ut singularum Capellaniarum, quæ in eorum Ecclesiis aut ruinosa, aut sine debita decentia, atque absque Missarum, aliorumve Officiorum celebratione conspiciuntur, statum, redditus, & Capellanorum nomina, quantum dignoscere poterunt, ad Vicarium nostrum Generalem sedulo transmittant, ut super huiusmodi defectibus omni meliori via provideatur; præcipientes nostris Decanis ruralibus ad id peculiarem curam in eorum visitationibus adhibere. *An. 1681.*

XXIX.

Cruces in cæmeteriis reponantur.

Cruces vetustate, vel ventorum impetu humi dejectas, tam super cæmeteriis, quam locis sacris, in quibus sepulta olim fuerunt defunctorum cadavera, de novo erigi a Parochianis præcipimus in iisdem locis, quibus antea erectæ fuerant, ne in posterum usui profano inserviant. *Ex Stat. 1661.*

XXX.

De Cæmeteriorum clausura.

Quoniam hætenus durantibus hisce bellis rupta fuerunt plerisque in locis cæmeteriorum clausura, ita ut jam bestiis omnis generis sint pervia: statuiamus deinceps a Parochianis eorum restorationi serio incumbendum esse, & craticulas saltem ligneas ad eorum ingressum bestiis arcendis restituendas. Si quæ vero Christianorum, in unione fidei defunctorum, cadavera profano in loco sepulta sint, & magnus sit eorumdem numerus, mandamus eo in loco, ubi simul sic jacent, a Parochianis crucem figi. *Ex Stat. 1648.*

XXXI.

Cæmeteria purgari & undique claudi debent.

Cum cæmeteria inhumandis Fidelium corporibus ab Ecclesia destinata, singularem venerationem mereantur, nec fas sit eorum sanctitatem profanis usibus, aut animalium injuriis exponere; hodie tamen in pluribus ita neglecta conspiciuntur, ut non solum sentibus & arbutis repleta, sed etiam macerie destructa pecudum incursum undique pervia appareant; idcirco Parochiarum incolis præcipimus, ut cæmeteria a tribulis & arboribus diligenter expurgent, & firma clausura circumdeant. Quod si intra duos menses non paruerint, Parochi defunctorum corpora illic humo mandare non præsumant, donec omnino claudantur. *Anno 1688.*

TITULUS XXVIII.

De Sepulturis & Exequiis Defunctorum.

STATUTUM I.

Decedens, non electa sepultura, inhumari debet in Parochiali Ecclesia.

Si quis intestatus decesserit, vel non electa sepultura, apud Ecclesiam suam Parochialem, in qua vivens, recepit Ecclesiastica Sacramenta, sepeliatur. *Ex Stat. 1573.*

II.

Qui alibi, quam in Parochiali sepeliendus est, debet in ea prius presentari.

Defunctus, qui elegit sepeliri apud aliam Ecclesiam, quam apud Ecclesiam suam Parochialem, repræsentetur in Ecclesia Parochiali, in cuius Parochiatu defunctus est, & in qua Sacramenta Ecclesiastica suscepit, ut in ea ultimum vale faciat, antequam deferatur in Ecclesiam, in qua elegit sepeliri, quæcumque fuerit illa Ecclesia, in qua elegit sepulturam, sive sit secularis, vel Regularis, cujuscumque Ordinis, sive mendicantium, sive non mendicantium: alioqui talis defunctus non sepeliatur in Ecclesia, ubi sepulturam elegit. *Ex Stat. 1573.*

III.

De iis, qui sunt in Ecclesia inhumandi.

Tam frequens est hodie sepeliendorum in ipsis Ecclesiis corporum usus, ut non modo a præscripto per antiquos Canones ea in re moderamine longe recessum sit; sed & moto sæpius, quam oporteat, ad sepulchrorum usum pavimento, tot supersint in ejus superficie scopuli, ut facile ad lapidem pedem offendere liceat. Ne ergo domus Dei decorem minus, quam Civitatum (in quibus olim defunctorum corpora sepelire vetitum fuerat) dilexisse videamur: omnibus & singulis nostræ Diocesis Parochis, vel aliis, penes quos ejus rei jus est, mandamus, ne quovis passim in posterum, sed cum personarum delectu in Ecclesiis sepeliri sinant, neve illos, qui in eis jus sepulchri familiaris aut hæreditarii prætendunt, eo uti patiantur, nisi prius cau-

Tomus X. Concilior. German.

tione de sepulchro decenter ac honeste recludendo accepta. In erim autem, qui curam Ecclesiasticæ fabricæ habent, deformata jam Templorum pavimenta pristino nitore a sepulchrorum hæredibus restitui, & aspera in vias planas reduci, vel ipsimet expensis fabricæ quæcunque fieri procurent. *Ex Statut. 1590.*

IV.

Noctu sepultura non detur.

Corpora defunctorum de nocte sepeliri in posterum prohibemus. *Ex Stat. 1652.*

V.

Sepultura denegari non debet ob non solutionem jurium Parochialium.

Sepultura non denegetur defuncto per Sacerdotem Parochialem propter non solutionem jurium funeralium; sed sine mora aut contradictione devote secundum ritum Ecclesiæ impendatur. *Ex Stat. 1573.*

VI.

De Quarta Funeralium.

Quarta funeralium, quæ solita erat persolvi ante quadraginta annos Ecclesiæ Cathedrali vel Parochiali, redintegretur; non obstantibus quibuscumque. *Ex iisdem Statutis.*

VII.

De Jure Mortuarii.

Proposita sunt Nobis plura dubia circa jura mortuaria, & portionem funeralium canonicam, persolvi Parochis solitam; quibus scilicet Parochis debeantur, quando Parochianus mutavit domicilium, seu habitationem? quibusdam volentibus debere persolvi Curato, in cuius Parochia defunctus diem suum obiit, quia scilicet ab eo perceperit Sacramenta; quibusdam aliis prætendentibus debere persolvi Curato originis, etiamsi in ejus Parochia defunctus diem suum non clausit extremum: Nos ad amputandas litium, quæ desuper oriri possent, ambages, & tranquillitati nostrorum Diocesanorum, quantum possumus, consulere studentes, statuendum hic etiam & declarandum duximus, mortuarium

Zz 2

aut

aut portionem illam canonicam persolvendam esse Curato originis, nisi ab illo obtentæ sint literæ dimissoriales, seu *de Recedo*; quo casu persolvenda erit Parocho, in cujus Parochia defunctus resederit per annum, seu saltem majorem anni partem, & diem suum obierit, cum perceptione in ea Sacramentorum. *Ex Statut. 1646.*

VIII.

Quibus competant emolumenta Sepulturae & Exequiarum decedentium ac sepultorum extra propriam Ecclesiam.

Ne deinceps controversia oriatur inter Parochos pro juribus & emolumentis, quæ eis competere possunt ratione obitus ac sepulturae defunctorum: statuimus, ut quoties aliquis in aliena Parochia sepelietur, spolia exequiarum, oblationes & cæteræ obventiones, quæ intra annum obitus secundum locorum consuetudines præstari solent, ad Parochum loci, in quo sepultus fuerit, omnino pertineant; solo jure mortuarii excepto, quod Parocho originis defuncti debetur. *Anno 1695.*

IX.

Parochi defunctorum Registrum habeant.

Pium antiquæ Ecclesiæ morem insecuti, tum ut in Christo pie defunctorum memoria servetur, tum ut multis litibus via rescindatur: omnibus ac singulis Parochis ordinamus, quatenus omnium in sua Parochia defunctorum nomina, eorumque obitus annum, mensem, diem, & horam, quantum fieri poterit, in necrologio seu registro in posterum describant; ut a Procuratore Generali Curia Archiepiscopalis cum registris baptizatorum quotannis visitari queat; mediante quinque assum solutione pro quolibet defuncto, per hæredes ipsius seu successores facienda; idque præter jura jam antea Parochis pro mortuariis solvi consuecta. *Ex Stat. 1658.*

TITULUS XXIX.

De Fabricis & Confraternitatibus.

STATUTUM I.

De Eleemosynis ad fabricam Ecclesiæ Metropolitanæ spectantibus non usurpandis.

Quæsitum a Nobis fuit, an Decani rurales, Parochi vel Fabriciani Ecclesiarum aliquid ex eleemosynis, quæ sunt ratione facultatis per Nos subditis nostris per totam nostram Diocesim concessæ, lacticiis, caseo & ovis, tempore Quadragesimali utendi, percipere possint? Respondemus simul & declaramus, quod licet ex textu ipso licentiæ a Nobis concessæ, has eleemosynas fabricæ Ecclesiæ nostræ Metropolitanæ cedere debere notum sit: ne tamen ullus dubitandi locus super sit, iterum declaramus, prædictas eleemosynas fabricæ Ecclesiæ nostræ Metropolitanæ applicandas, exclusis fabricis aliarum Ecclesiarum hujusce nostræ Diocesis, exclusis etiam Decanis ruralibus, Parochis, Vicariis, & aliis curam animarum habentibus: nec quemquam ex eis quovis prætextu, vel occasione cujusvis pii operis, quidquam sibi retinere posse; imo ordinamus ipsis Decanis ruralibus, & aliis hic memoratis, omnem operam conferre, ut dicta Ecclesia nostra Metropolitana fructibus prædictis, sive eleemosynis in totum & sine diminutione fruatur & gaudeat. *Ex Stat. 1649.*

II.

Ecclesiarum restorationes & ornamenta Parochianorum oneri incumbunt.

Quando per Pastores fieri non poterit, curabunt Fabricarii, ut populus sacra testæ conservet Ecclesiam & cæmeterium; ornamenta etiam Altaris, & reliqua necessaria ad cultum Dei, pro loci facultatibus procurabunt, & munda omnia servabunt. *Ex Stat. 1573.*

III.

Rationes reddituum Fabricarum & Confraternitatum reddendæ coram Parocho vel Decano.

Et quoniam quæ de reddenda ratione Episcopo singulis annis ab Administra-

nistratoribus Fabricarum, Hospitalium, Confraternitatum, & aliorum piorum locorum veteri Statuto constituta sunt, legnius in nostræ autoritatis contemptum observantur; id ne posthac in quolibet nostræ Diœcesis loco fiat, etiamsi ex fundatione, aliis quoque eadem rationes reddi deberent, nisi Decano rurali aut Parocho loci, vel alii Commissario a Nobis ad hoc deputando præsentem, sub pœna nullitatis liberationum, quæ aliter fient, districtè prohibemus. *Ex Stat. 1599. Renovat. 1631.*

IV.

Idem denuo præcipitur.

Ne penitus corrûant ea, quæ ad promovendam Fidelium devotionem salubriter sunt instituta, novo subsidio fulciri necesse est. Unde cum plurimæ Confraternitates in Ecclesiis nostræ Diœcesis sint erectæ, quibus nonnulli redditus sunt attributi, ut in pia opera infumantur; qui tamen a Laicis aut occupantur, aut ad profanos usus convertuntur: ordinamus Confraternitatum Rectoribus, Procuratoribus & Confratribus, ut singulis annis de redditibus illarum sedulam rationem coram Parocho & duobus a Confraternitate deputatis reddant; & quod residuum fuerit post illarum onera & officia persoluta, in pios usus impendant. Ubi vero Confraternitates Rectoribus fuerint destitutæ, procurent Parochi, ut quamprimum aliqui eligantur, qui hujusmodi munus fideliter exerceant. Quod si Confratres supradicta exequi neglexerint, tales Confraternitates a Nobis supprimantur, & earum redditus Ecclesiarum, in quibus sitæ sunt, restaurationi applicabuntur. *Anno 1692.*

V.

Redditus Confraternitatum non debent in usus Laicorum converti.

Cum plurimum Ecclesiæ interfit, ut bona, quæ a Fidelibus ad Dei cultum augendum peculiariter sunt destinata, in pios usus convertantur; contingat tamen sæpissime redditus Confraternitatibus adscriptos ad privatas Laicorum utilitates infumi, sicque Fidelium intentiones defraudari: prop-

terea inhibemus dictarum Confraternitatum Prioribus sive Rectoribus, cæterisque Confratribus, quidquam de hujusmodi bonis ac redditibus in suos aut Communitatis usus adhibere; ipsi injungentes, ut exactam de iis rationem singulis annis coram loci Parocho reddant, & quam utiliter eos impenderit, edoceant. *Ex Stat. 1677.*

VI.

Confraternitates sine autoritate Ordinarii erectæ abolentur.

Cum sub pietatis & devotionis prætextu, in multis Parochiis nonnulli Parochiani ac etiam Presbyteri, absque licentia & autoritate nostra inter se conveniant, & Confraternitates erigant, in quibus tamen ad eorum libitum vivunt, & bona opera, prout decet, non exercent; imo etiam dictarum Confraternitatum redditus & proventus in toto vel in parte ad profanos usus, vel ad computationes impendunt: tales prætenas Confraternitates penitus abolemus, donec Regulas & Statuta a Nobis habuerint approbata, sub quibus deinceps vivere, & bona opera (prohibitioris prorsus computationibus) exercere possint & debeant. *Ex Stat. 1666.*

VII.

Confraternitates, quæ Statutis carent, sibi fieri & approbari procurent, redditus, que earum in pios usus convertant.

Confratres approbari curent Confraternitates suas, si nondum approbatæ sint, & Leges ac Statuta a singulis Fratribus observanda componant, quæ Nobis intra trimestre proximum examinanda, confirmanda, & approbanda exhibeant: redditus suos in comparandis & conservandis Confraternitatum ædificiis, altaribus, & ornamentis impendant: & si qui sint residui, eos piis usibus, potissimum vero infirmorum & indigentium Confratrum necessitatibus applicent & impendant. *Ex Stat. 1614.*

VIII.

Priores Confraternitatum vestibus Ecclesiasticis indui non debent.

Reprobata omni jure alieni habitus usurpatione, in vestibus potissimum & ornamentis Divino cultui dicatis, damnanda videri debet; quo fit, ut ab usum quemdam, quo sub Confraternitatum, cujusque nominis prætextu, qui eis præest, quem Priorem vocant, quantumcumque Laicus, & plerumque plebeius, superpellicio & pluviali seu cappa indutus statim diebus ipsius Sodalitatis a vespera in vesperam, Clero comitante, & hymnos cantante; a propriis ædibus ad Ecclesiam usque duci solet, omnino ab hac nostra Dicecesi tollendum esse duximus; id ne in posterum fiat, neve profani illi homines signo Crucis facti populo benedicant, vel Sacerdotes eis cum prædicto habitu id facientibus ullo modo adsint, aut cantica sacra temere & inepte usurpent, sub pœna sententiæ excommunicationis interdiciamus, non obstante quacumque immemoriali consuetudine, quæ mera est corruptela. *Ex Stat. 1601. Renov. 1604.*

TITULUS XXX.

De Beneficiis, & eorum Redditibus.

STATUTUM I.

De Residentia.

Clerici Beneficiati, quorum Beneficia residentiam requirunt personalem, non dimittant sua Beneficia, causa studii vel peregrinationis, sine nostra, vel Vicarii Generalis licentia speciali. *Ex Stat. 1480.*

II.

De Beneficiis auctoritate Laicorum non possidendis.

Cum in Apostolorum Canonibus sancitum sit, eum, qui a Laicis Ecclesiam assequitur, deponi, & omnes cum eo communicantes excommunicari debere; eumque non Ecclesiæ Ministrum, sed furem & latronem per ostium non ingressum, decernat Statutum vetus (Beneficium enim Ecclesia-

sticum sine canonica institutione obtineri non posse, sacris Canonibus definitum est:) Omnibus & singulis Decanis præcipimus, ne quem in suo quisque Decanatu sola Laicorum auctoritate, ad Beneficium quodcumque Ecclesiasticum, præsertim curam animarum habens, vocatum & institutum, seu potius intrusum, Sacris ministrare patiantur; sed protinus ad Procuratorem nostrum Generalem deferant, qui re cognita, penalem in eum actionem instituat. *Ex Stat. 1589.*

III.

De præsentationibus ad Beneficia sine diminutione reddituum faciendis.

Quamvis jus Patronatus, etiam ex fundatione Ecclesiarum quæsitum, nihil juris in earum rebus Patrono asserat, quam quod sacris Canonibus receptum est, aut ipso foundationis tempore de Episcopi consensu expresse reservatum; tantum tamen ab usum irrepsisse intelleximus, ut novos census imponere, veteres augere, seu (quod prorsus simoniacum est) pecuniam, aut quid aliud pro obtinenda præsentatione elargiri, vel fructuum partem ipsi Patrono aut alteri relaxare præsentati quandoque non erubescant; omnes hujusmodi illicitas pactiones, etiam juramento firmatas, restitutioni & aliis pœnis usque adeo obnoxias esse declaramus, ut ad Beneficia quæcumque, etiam simplicia sic promoti, ab eis perpetuo excludantur; & Patroni excommunicationis, interdictique pœnis irreti, suo jure Patronatus privati, ipso jure existant: quarum quidem pœnarum executionem Procuratori nostro Generali injungimus. *Ex Stat. 1594.*

IV.

Possessio simplicis Beneficii non apprehendatur, nisi exhibitio Titulo Rectori Ecclesiæ.

Quia expedit Divino obsequio, ut Capellaniarum, aliorumque Beneficiorum simplicium Possessores innotescant Rectoribus Ecclesiarum, in quibus sita sunt: propterea mandamus universis, qui ad aliquod simplex Beneficium instituentur, ne prius illius possessionem

nem assequantur, quam suæ provisionis literas Ecclesiæ Parocho exhibuerint: inhibentes quibuscumque Presbyteris ullum de Beneficio provisum in possessionem immittere, nisi prius monito Ecclesiæ Rectore, vel ejus Vicario, qui nomen Beneficiarii & diem capte possessionis in Registro reponat; illis vero absentibus, tenebitur Beneficiarius scripturam hujusmodi possessionis in ædibus Parochi relinquere.

Anno 1691.

V.

Beneficia in locis, ubi sita sunt, deferri debent.

Cum ex visitatione nostra generali, cui hætenus vacavimus, Nobis constiterit, illos, qui Capellanas & præstimonias obtinent, Missas, aliave Divina Officia in eis fundata plerumque prætermittere: ne deinceps pia loca, ac fidelium devotio suis fraudentur obsequiis: jubemus omnibus, qui hujusmodi Beneficia obtinent, illa in locis, in quibus sita sunt, diligenter deferri. Verum si per seiplos id præstare nequeant, Parochis dictorum locorum sine mora significant, quosnam Sacerdotes ad eorum vices supplendas deputaverint; ipsis Parochis injungentes, eos, quos in his muneribus persolvendis negligentes agnoverint, ad Nos ineunctanter deferre, ut ex Beneficii redditibus eorundem fundationibus adimplendis provideamus.

Ex Stat. 1669.

VI.

Contractus alienationum bonorum Ecclesiasticorum non fiant sine solemnitatibus requisitis.

Abstineant Parochi, & alii nostræ Diocesis Clerici quælibet Beneficia Ecclesiastica obtinentes, ab omni bonorum & jurium Ecclesiasticorum alienatione, permutatione, jurium Parochialium tractu & omni alio contractu, qui de jure alienationis speciem redolet, nisi prius causa per Nos cognita & probata, ne alioquin censuris & poenis in temere alienantes ipso jure latis, subjaceant. Ex Stat. 1596.

VII.

Parochi inventarium bonorum ac reddituum omnium Beneficiorum in suis Ecclesiis sitorum transmittant Ordinario.

Dissipatas præteritis bellorum calamitatibus Ecclesiæ facultates, & Beneficiorum dotes, quantum in Nobis est, recolligere cupientes: omnibus & singulis Ecclesiarum parochialium Bifuntinæ Diocesis Rectoribus præcipimus, ut omnium censuum, terrarum ac fundorum a dictis Ecclesiis dependentium seriem, sicut etiam numerum & invocationem Capellaniarum, & ut vocant, Præstimoniorum in iisdem fundatorum, eorumque reddituum declarationem & Beneficiorum nomina, intra sex menses a die publicationis hujus nostri Statuti computandos, Decanis ruralibus tradant; & Officia hætenus in iis celebrari solita, in quantum fieri poterit, enuncient, ne Fundatorum intentio defraudetur, & Ecclesiæ patrimonium deperdat. Ex Stat. 1660. Renov. 1670.

VIII.

Idem præcipitur cum ampliacione.

Quia accepimus Officia Divina in pluribus Capellaniis, & Beneficiis Ecclesiasticis, juxta piam Fundatorum intentionem non adimpleri, eademque negligi a Possessoribus ipsorum, dictorumque Beneficiorum fundos usurpari: universis & singulis Diocesis nostræ Bifuntinæ Parochis præcipimus, ut intra sex menses a die publicationis præsentis nostri Decreti computandos, tam Parochiarum suarum, quam Capellaniarum, Præstimoniorum, & Confraternitatum in eis existentium invocationem, Patronorum nomina, fundos, ac redditus eorundem a Notario, vocatis Scabinis, cum juramento adhibitis testibus, describi procurent. Item Capellanorum nomina, ac officia in iisdem Beneficiis & Confraternitatibus fundata Decanis ruralibus transmittant, a quibus traditæ declarationis hujusmodi apocham habere tenebuntur dicti Parochi, ut in negligentes serio possit animadverti, quam apocham ipsi Parochi Curia nostræ Fiscalibus in visitatione Registorum tradant, ut ipsi

in deficientes, quod eorum est munus, exequantur. *Ex Stat. 1664.*

IX.

Tituli Beneficii Parochialis non debent relinqui in manibus Laicorum post obitum Parochi.

Damna, quæ emergunt ex deperditione vel occupatione librorum baptismalium, ac etiam titulorum jura Parochialia concernentium, quæ plerumque a Laicis post obitum Parochorum detinentur, Nos inducunt horum instrumentorum securitati consulere: propterea ordinamus Parochis, cæterisque Sacerdotibus, qui administrationem alicujus Parochiæ suscipient, sive tempore ægritudinis Parochi, sive post ejus obitum, ut præfatos libros ac titulos a Laicis, & præsertim ab hæredibus defuncti, quibus nullum jus in illis competit, vendicare, & præcipere studeant; eosque tamdiu servant, donec alius de Beneficio provisor fuerit, in cujus manibus ipsos reponere valeant. *Anno 1689.*

X.

Locationes bonorum Ecclesiæ in perpetuum factæ non noceant Successoribus.

Locationes rerum Ecclesiasticarum factæ a defunctis nullatenus validae sunt in præjudicium Successorum: etiam si solutio anticipata sit. Et quæ ad longum tempus, etiam autoritate Apostolica confirmatæ sunt, Synodus Provincialis (quando in damnum Ecclesiæ factas noverit) revocabit. *Ex Stat. 1573.*

TITULUS XXXI.

De Judiciis & Pœnis.

STATUTUM I.

In Judiciis breviter procedendum.

Judices omnes tam nostri, quam delegati observabunt diligenter *Cap. 20. Sess. 24. & Cap. 10. de Reform. Sess. 25. Sac. Concilii Trident.* ut legitime in judicio & breviter procedatur, & litigantium artibus, seu in litis contestatione, seu alia parte judicii differenda, modis omnibus aut termini

præfixione, aut competenti alia ratione occurratur. *Ex Stat. 1573.*

II.

Excommunicantur impediētes Jurisdictionem Ecclesiasticam.

Autoritate Sacrosancti Concilii Tridentini excommunicantur, maledicuntur, & anathematizantur omnes cujuscumque Ordinis, gradus, dignitatis, tam Ecclesiasticæ, quam sæcularis: qui Ecclesiasticam jurisdictionem vi vel metu tollere vel impedire præsumunt. *Ex Stat. 1573.*

III.

Clerici contra Clericos coram Judice sæculari litigare prohibentur.

Excommunicamus omnes Clericos, qui contra Clericum seu aliam quamcumque personam Ecclesiasticam coram Judice sæculari litigaverint in personalibus actionibus, & eos præcipimus excommunicatos publice nunciari singulis diebus Dominicis & Festivis. *Ex Stat. 1481.*

IV.

Nam si habito in scriptis Mandato, citatio dari debet.

Omnibus & singulis Parochis, Clericis & Curiæ nostræ Archi-Episcopalis Notariis, seu aliis; ad quos Mandatorum nostrorum, vel Vicarii nostri Generalis, aut Officialis executio dirigi consuevit, sub pœna viginti librarum prohibemus, ne quem sine Mandato in scriptis, nec nisi suæ executionis copia, ei, cujus interest, tradita, citare audeant, aut quidquam auctoritate nostra præcipere. Alioquin, ut omnis tollatur abusus, hujusmodi executionem nullam esse, ipsosque citatos ad ejus virtute comparandum non teneri, declaramus. *Ex Stat. 1600.*

V.

In quibus casibus appellationi non est deferendum.

Ne remedio appellationis, quod ad innocentiam præsidium instituta est, ad iniquitatis defensionem abutantur improbi; statuit sancta Synodus, ut in causis visitationis, correctionis, inhabilitatis, nec non criminalibus, ab Episco-

Episcopó, seu ejus Vicario, ante definitivam sententiam ab interlocutoria vel alio quocumque gravamine, non appelletur, nec appellatióni deferatur; nisi gravamen ipsum per definitivam reparari, vel a definitiva appellari non possit. *Ex Stat. 1573.*

VI.

Introducenda est Appellatio in loco, ubi est copia peritorum.

Quoniam sæpe contingit injurias inde oriri, unde jura nasci deberent, multosque gratia Sedis Apostolicæ abutentes, literas seu rescripta ad remotos Judices in locis, in quibus non est copia peritorum, impetrare, ut reus fatigatus laboribus & expensis liti cedere cogatur; hinc est, quod in tali casu per præsentem declaramus appellantem sive impetrantem literarum Apostolicarum teneri suis expensis, & absque ulla spe recuperationis ipsarum, dare Judicem & Scribam non suspectos in locis, in quibus juxta sacros Canones copia erit peritorum, ut litibus, quo minimis fieri poterit sumptibus & laboribus, finis imponatur. *Ex Stat. 1653.*

VII.

Quando in causis supplicatoriis coram Vicario Generali partes ad Officialem remitti debeant.

Ut autem pluribus controversiis, quæ ortæ sunt circa causas supplicatorias, quas interdum verti vidimus coram Vicario nostro Generali, occurratur: statuimus & declaramus, quod in posterum in similibus causis supplicatoriis, ubi super responsionibus factis ad supplicem libellum, causa decidi non poterit definitive; tenebitur idem Vicarius Generalis noster, partes ad judicium contradictorium coram Officiali Curiae nostræ Bisuntinae remittere, ibidem jura sua via ordinaria deducturas. *Ex iisdem Stat. 1647.*

VIII.

Qualis debeat esse Judicii Ecclesiastici Minister.

Finis judicii Ecclesiastici est, ut litigantes reconcilientur, & ne quis maneat in peccato. Cum sit ergo res adeo seria, videant, quid agant Judices Ecclesiastici, Vicarii, Officiales, Procuratores, Decani, cæterique Officarii nostri; se Dei Ministros esse arbitrentur, non mammonæ; electos ad animadvertendum in discolos & Ecclesiæ rebelles, favendumque simplicibus & piis. Caveant sibi a muneribus non minus, quam a gravi peste, ne corrumpantur, si quidem munera excæcant etiam prudentes, & subvertunt verba iustorum. *Exodi 23. Ex Stat. 1573.*

* * *

Sequens Statutum ad Tit. II. spectat.

XXXVI.

Clerici ad vestem talarem obligati, tenentur eam deferre, ubi plusquam octiduo commorati sunt.

Circa Statuta ad vestes tales deferendas obligantia, præcipimus sub pœna in ipsis contenta omnibus in sacris Ordinibus constitutis, & iis, qui Abbantias, Canonicatus, Prioratus & Hospitalium Rectoratus obtinent, togam talarem in locis suæ residentiae & Parochiæ, ab humeris ad pedes longam deferre. Qui vero extra prædicta loca breviori veste, a Laicorum tamen habitu & ornatu distincta utentur, si ultra octo dies in uno loco commorentur, ad vestem talarem illic gerendam sub eadem pœna teneantur. Nulli porro liceat sine hujusmodi toga sacrum Missæ Sacrificium offerre, aut cum fista cæsarie quovis prætextu ad celebrandum accedere. *Anno 1702.*

FINIS.

Vesontione, Typis Franc. Ludov. Rigoine & Antonii Alibert, Illmi ac Revmi Archiep. Typogr. nec non Societatis. 1707.

N O T A.

FRANCISCUM JOSEPHUM DE GRAMMONT, Capituli Metropolitani Majorem Decanum, qui Antonio Petro, ab ALEXANDRO VII. P. M. ad istud officium nominato, (quem Joannes Saulnier Suffraganeus, adfidentibus duobus tantum Canonis, a. 1663. in Ecclesia subterranea Abbatiae S. Vincentii intra muros Vesuntionis consecraverat,) atque e vivis a. 1698. æt. 84. (Non 34, ut refert in qq. Hist.

Tomus X. Concilior. German.

A a a

polit.

polit. Part. VIII. Hübnerus.) Reg. circiter 35. sublati in Sedem Archiepiscopalem successit, Coadjutorem dixerat LUDOVICUS XIV., Philadelphicæ mox factum Episcopum. Insigni hic Præsul ferebatur in Virginem Deiparam pietate, Concilii Tridentini Sanctionibus fixo hærebat vestigio, ex iisque Diæcesin suam moderabatur; erga Romanos Pontifices & eorum Decreta reverentem se assidue ac pium gerebat. Monasteriis variis qua Abbas, variis qua Prior cum laude præfectus, atque supplicum libellorum Magister, obiit a. 1717, memoria vel ob solam, quam hic damus, Statutorum Synodaliū tum collectionem, tum editionem immortalis dignissimus.

Vid. Joann. Jac. Chiffletii Lib. Vespuntio Civitas Imper. Libera, Sequanorum Metropolis. Et Foppens. Histor. Eccl. Germaniæ de Archi- & Episcopatibus Tom. II. pag. 119.

SYNODUS DIOECESANA *Autumnalis* MONASTERIENSIS,

Eodem anno Christi MDCCVII.

SUB REVERENDISSIMO & ILLUSTRISSIMO DOMINO,
D. FRANCISCO ARNOLDO, (*) *Monasteriensi LXI.*
& *Paderbornensi XLVII. Episcopo, S. R. I. Principe,*

CELEBRATA
DIE II. OCTOBRI.

FRANCISCUS ARNOLDUS, DEI ET APOSTOLICÆ SEDIS GRATIA
EPISCOPUS MONASTERIENSIS ET PADERBORNENSIS, S. R. IMP. PRINCEPS,
BURGGRAVIUS STROMBERGENSIS, COMES PYRMONTANUS, DOMINUS
IN BORCKELOH & C. UNIVERSIS ET SINGULIS
SALUTEM IN DOMINO.

Cum muneris Nobis divinitus concessi ratio exigit omni studio ad hoc intendere, ut non modo commissi Nobis gregis commodis prospiciatur, sed & omne illud ab eodem avertatur, quod in ejus perniciem quoquo modo vergere possit, prima nostra cura fuit in Clerum nostrum oculis conicere, qui

N O T A.

- (*) Ortus fuit FRANCISCUS ARNOLDUS ex perillustri Metternichiorum in *Gracht* familia ad diem 9 Maji anno 1658, & literis, viro nobili dignis, a pueritia deditus; quarum bene munitus auxilio, interque Paderbornenses Canonicos recensitus, nec non Præpositi Osnabrugensis clarus dignitate, Coadjutor Hermanni Werneri in Ecclesia Paderbornensi a. 1703. die 15 Septembris eligebatur. Magno successit Patruo suo 1704. die 21 Maji. Tandem præ Carolo Duce Lotharingiæ, Osnabrugensi jamtum Antistite, post Archiepiscopo & Electore Trevirensi, competitori suo, Insulam Monasteriensem tulit a. 1706. die 30 Septembris, Princeps sacrarum rerum custos, tutorque optimus, qui Paderbornensem patriam a fæce *Pietistarum*, Lugdam illius oppidum maxime obtinentium, strenue purgavit; bonarum artium egregius cultor, qui literas easque latinas, & tercio componebat stylo & propria passim manu exarabat, verus patriæ atque egenorum pater, hoc, ut memorant, usus symbolo: *Pro Lege & Grege*. Mitram utramque posuit Ahufii in Westphalia die 16. Decembris a. Chr. 1718. æt. 60. Reg. Paderb. 15. Monast. 12. Coesfeldiæ illatus tumulto in templo PP. Soc. Jesu, quod a D. Patriarcha Ignatio nuncupatum, decennio ante, anno nimirum hujus Sæculi X. solenni ipsemet ritu publicos inter plausus, voraque communia dedicarat.

Hæc ad me vini PP. Franciscus Liese & Matthias Spee, Soc. ejusd. Sacerdotes, iterum heic nominandi.

qui vitæ suæ ac morum integritate, sicut prodesse plurimum, ita liberiori vivendi modo multum nocere valet, cum Ecclesiasticorum vitam & mores reliquus populus digito quasi noceat, sibi que ad imitandum proponat, quemadmodum nunc laudabili eorundem ac probata conversandi, vivendique consuetudine percepta mirifice delectati sumus, sic quorundam licentio-rem vivendi rationem non sine intimo doloris sensu percepimus; potissime illorum, qui Ecclesiastici decoris & sacri status immemores non sine sæcularium manifesto scandalo tabernas vinarias; aut cerevisiarias in- aut etiam extra urbem profanis & sæcularibus immixti frequentant, atque inibi compotationibus, indignisque suo statuta lufibus, ut sunt alearum, chartarum, ac similibus, etiam cum vicinæ gravi nota af- fuescunt, illudque Divi Bernardi *Epist.* 42. (cernitur in nonnullis Sacerdotibus vestium cultus plurimus, virtu-

tum aut nullus, aut exiguus) per mo- res & vitam suam, quod summopere dolendum, exprimunt. Nos itaque gravioribus offendiculis ex tam inde- centi vivendi modo plerumque proveni- entibus prævenire cupientes, pariter volumus, ut omnibus & singulis ju- risdictioni nostræ subiectis Clericis nomine nostro serio demandetur, ut ejusmodi tabernas publicas, sive vinarias, sive cerevisiarias omnino devitent, studeantque probatæ vitæ exemplo præ Laicis, ut par est, eminere, ne Ecclesia hæc nostra merito conqueri possit se maximum pati scandalum ab iis, a quibus deberet potissimum spe- rare emolumentum, & ne alias Nos quoque cogamur in delinquentes se- verioribus pœnis animadvertere. Da- tum in Civitate nostra Monasteriensî anno 1707. 5. Octobris.

Franciscus Arnoldus mpp.

(L. S.)

SYNODUS DIOECESANA *Verna* MONASTERIENSIS,

Anno Christi MDCCVIII. Clementis XI. PP. VIII.
Josephi I. Imp. III.

*Sub eodem Revmo & Ilmo Domino FRANCISCO ARNOLDO,
Monasteriensî Episcopo,*

CELEBRATA

DIE 12. MARTII.

FRANCISCUS ARNOLDUS, DEI ET APOSTOLICÆ SEDIS
GRATIA EPISCOPUS MONASTERIENSIS, &c. &c.

Cum inter graves Episcopalis mu- neris nostri curas præprimis eo vigilantia nostræ assidua studia conver- tenda esse arbitremur, ut, quæ pro ordinato Ecclesiæ regimine ac decore a sacris Canonibus Summorum Ponti- ficum, & Prædecessorum nostrorum Constitutionibus rite & recte sancita sunt, inviolabiliter observentur, ac gliscientes abusus, qui convivia & temporis decursu invalescentes cum summo Christianæ Reipublicæ dispen-

Tomus X. Concilior. German.

dio, Ecclesiæ, quæ sicut castrorum acies ordinata est, gravissima & nonnun- quam irreparabilia damna infligunt, reprimantur, & plane e medio collan- tur, hinc Constitutionibus eorundem Decessorum nostrorum fel. record. inhærentes, de assensu Venerabilis Ca- pituli nostri sequentia Decreta publi- canda decernimus.

Primum: Quandoquidem in Ec- clesia Dei nihil sanctius, excellentius, aut magis Divinum habetur, quam no-

Aaa 2

væ

væ legis Sacramenta, ceu certa salutis nostræ instrumenta, quibus inter fideles vera iustitia gignitur, augetur, vel amissa reparatur, ea sane illo tempore dispensari oportet, quo magis illorum sanctitati, reverentiæ, & venerationi consulitur. Cum igitur relatum Nobis fuerit nonnullos Parochos aut Sacellanos dignitatis Sacramentorum immemores ex levibus & persæpe confictis causis post meridiem baptizare, & eodem tempore Matrimoniiis in ædibus privatis assistere; ideo sub pœna suspensionis ab Officio & Beneficio contravenienti infligenda, & usque ad arbitrium nostrum duratura inhibemus, ne Parochi aut Curati modo dicta Sacramenta, nisi tempore matutino & in Ecclesia, quæ Sacramentorum locus proprius est, administrent præsumant.

Secundum: Et quo impensius exoptamus per eos, qui in sortem Domini vocati, Christi militiæ nomen dederunt, spiritualement Ecclesiæ hierarchiam non perturbari, eo magis eorum audaciam & temeritatem detestamur, qui cum propter delicta, excessus, malos mores, aut suspectam doctrinam ex aliis Diœcesibus ejecti, seu quod magis abominandum est, sacro Presbyteratus Ordine non initiati sunt, contra jus fasque se Divinis celebrandis intrudere non exhorrent; Nos innumera mala inde provenientia animo volentes, illisque, quantum valemus in Domino, occurrere solliciti cupientes, omnibus & singulis Rectoribus, Parochis, Curatis, Vicecuratis, Custodibus, Sacristanis, aliisque, quibus Altarium & Sacristiarum cura vel custodia demandata est, sub pœna suspensionis ab officio, vel respectu beneficio severe autoritate ordinaria & delegata præcipimus, ne permittant, ut quis extraneus, vagus, ignotus, vel peregrinus, imo nec ullus alius ratione originis, seu domicilii, seu beneficii nostri Diœcesanus a Nobis, seu ab alio Episcopo ordinatus, etiam Regularis quomodocunque exemptus, in ulla Civitatis aut Diœcesis nostræ Monasteriis Ecclesiis ad celebrandum Missam, confessiones excipiendas, & alia Sacramenta ministranda, aut etiam ver-

bum Dei prædicandum admittatur, nisi exhibito prius consecrationis, aut licentiæ a Nobis obtentæ, aut autoritate nostræ datæ testimonio, peregrini vero & alius quicunque Extradiecesanus, ne suppositas pro Ordinis functione literas obtrudere possint, ad explenda sacri ministerii munera non recipiantur, nisi prius ipsorum testimoniales seu commendatiæ literæ a Nobis visæ, examinatæ, & approbatæ, atque pro talibus a Nobis, aut autoritate nostræ recognitæ, & subscriptæ fuerint.

Tertium: Porro cum temporum vitio, sive Ministrorum negligentia ratione Altarium mobilium, quæ portatilia sive viatica nuncupantur, prægraves abusus quoque irreperierint, & multi Sacerdotes cum manifesto tremendi Mysterii despectu vivificam illam Hostiam, qua Deo Patri reconciliati sumus, in ædibus privatis, ac locis ad Sanctum Sanctorum recipiendum, nec decenter aptatis aut exornatis nimium humanis favoribus indulgentes offerre non vereantur. Nos autoritate nostræ ordinaria omnibus Sacerdotibus secularibus, delegata autem Regularibus, usque dum privilegia a sancta Sede Apostolica in contrarium uni aut alteri eorum forsitan concessa Nobis exhibuerint, districte inhibemus, ne quis imposterum sive Ecclesiasticus, sive Religiosus in ædibus privatis, seu illarum oratoriis, sine licentia a Nobis aut autoritate nostræ in scriptis obtenta, aut nisi illam pro oratorio, seu alio loco honesto a Nobis ad cultum Divinum designato & deputato facultatem impertitam viderit, ac legerit, Missam celebrare attentet.

Quartum: Ut multis etiam periculis, quæ ex hominum malitia & fraude in Matrimoniiis contrahendis proveniunt, obviamus, sub pœna arbitraria contravenienti irremissibiliter infligenda præcipimus, ne Parochi aut Curati denunciations a sacro Concilio Tridentino præscriptas, duas simul una die faciant, aut eo die, quo posterior facta fuit, in Matrimonium desponsatos conjungant, sed ad minimum duorum aut unius diei intervallum, ne temporis angustia impedimenti de-

rectio

rectionem præcludant, expectent: Milites vero nonnisi præviis trinis denunciationibus & licentia Officialium suorum Parocho in scriptis exhibita, a tali Parocho, sub cuius Parochia hospitium seu stationem sibi assignatam habent, copulentur.

Quintum: Et quoniam omnium voluntatum ultimarum & piarum dispositionum suprema executio & tutela Nobis incumbit, vel maxime a Nobis providendum est, ut secundum defunctorum desiderium ac ultimum eloquium omnia fideliter peragantur, non raro autem accadat, quod Clericorum testamenta & extremæ voluntates, sicut etiam Laicorum quoad legata pro locis sacris, & ad pios usus destinata, dolosis machinationibus varie impediuntur & retardentur, aut quod pejus est, ex alienis bonis lucrum inique aucupantes, voluntati testatorum satisfacere tergiversentur. Hinc ut Ecclesiarum commodum juxta ac voluntatem testatorum promoveamus, mandamus, ut omnes omnino Executores

intra annum & sex septimanas a die mortis testatoris computandas coram Nobis bonorum relictorum legale inventarium exhibere, & rationes executionis sub poena arbitraria reddere omnino teneantur, quod si autem legitimum obstiterit impedimentum, ut intra præfixum terminum omnia expediri nequeant, tunc ante prædicti temporis lapsum idipsum indicare, & a Nobis necessariam dilationem petere obligentur.

Quare omnibus & singulis Diocesis nostræ Clericis serio mandamus, ut suprascripta Decreta exacte, & diligentissime observent, nisi nostram animadversionem, si illis contraveniant, atque condignam correctionem expectari velint.

In quorum omnium fidem præfentes propria manu subscripsimus, & sigillo, quo in spiritualibus utimur, fecimus communiri. Datas Neuhulsi die 12. Martii 1708.

Franciscus Arnoldus.

SYNODUS DIOECESANA *Autumnalis* MONASTERIENSIS.

Eodem anno Christi & sub eodem Episcopo Monasteriensi

HABITA

AD DIEM 12. OCTOBRIS.

FRANCISCUS ARNOLDUS, DEI ET APOSTOLICÆ SEDIS
GRATIA EPISCOPUS MONASTERIENSIS, &c. &c.

Quandoquidem ad Nos cum summa nostra displicentia perlatum fuit, quod nonnulli sine præmissis denunciationibus a S. Concil. Tridentino salubriter sancitis, & absque Sacerdotali benedictione (a qua fausta & auspicata nuptialis fœderis initia, atque uberiores Divinæ gratiæ fructus expectandi essent) etiam extra Ecclesiam & in privatis ædibus coram Parochis Matrimonium contrahendum nescientibus, & ad illius assistentiam prævie non requisitis, aut etiam per fraudem inductis, Matrimonia perperam contraxerint, hujusmodi autem contrahendi modus plane detestabilis

fit, sacrosanctis Canonum institutis repugnet, & enormibus scandalis viam sternat, præsertim dum quandoque, prout intellexerimus, priori sponsa, cui fide matrimoniali adstricti erant, relicta, non absque gravi læsæ conscientiae nota & irreparabili interdum proximi damno cum alia contrahere non verentur.

Hinc Nos mala ex Constitutionum Ecclesiæ & sacrorum Rituum contemptu provenientia animo perpendentes, & ne in hoc, quas Christo Domino atque Ecclesiæ debemus, officii partes explere prætermittamus, perniciosam & temerariam istiusmodi hominum


Aaa 3

auda-

audaciam opportunis remediis reprimendam & coercendam esse rati, per præsens Decretum sub gravi pecuniaria multa arbitrio nostro contravenientibus irremissibiliter infligenda, etiam quoad humilioris status personas sub pœna incarcerationis omnibus secularibus Dicecesis nostræ Monasteriensis subditis, cujuscunque conditionis & gradus existant, serio & districtè inhibemus ac præcipimus, ne impostèrum Matrimonia sine præmissis denunciationibus in ædibus privatis, aut

alibi extra Ecclesiam præfato modo coram Parocho per dolum ad assistendum allecto, & Matrimonii contrahendi ignaro, aut etiam invito contrahere ullo modo præsumant & attentent, condignam animadversionem nostram, ut præmittitur, certo non evasuri. In quorum omnium fidem præsentis manu propria subscripsimus & sigillo nostro jussimus communiri. Datas Ahusii 12. Octobr. 1708.

Franciscus Arnoldus.



SYNODUS DIOECESANA *Verna*
MONASTERIENSIS,
Anno Christi MDCCXI. Clementis XI. PP. XI.
Josephi I. Imp. VI.

*Sub eodem Revmo & Illmo FRANCISCO ARNOLDO,
Monast. Episcopo,*

CELEBRATA

DIE 12. MARTII.

In Autumnali, ad diem 13 Octobris e. a. habita nihil singulare.

FRANCISCUS ARNOLDUS, DEI ET APOSTOLICÆ SEDIS
GRATIA EPISCOPUS MONASTERIENSIS, &c. &c.

Cum muneris Episcopalis, quod Deus humeris nostris formidandum imposuit, sit providere, ut valori Sacramentorum, quibus nihil in Ecclesia sanctius, nihil Divinum magis habetur, quantum in Nobis est, imprimis consulatur, deinde vero pericula, quæ a grassante in vicinia Jansenianæ factionis hæresi, pullulare possent, quam longissime a Dicecesi nostra arceantur. Hinc de assensu Venerabilis Capituli nostri frequentia Decreta publicanda decernimus.

Primum: Quandoquidem relatum est Nobis nonnullos Parochos ac Saccellanos extra districtum, pro quo approbati sunt, Sacerdotum secularium confessiones, ubi requisiti fuerint, sine ullo conscientie remorsu excipere: alios econtra expendentes limitosam approbationem suam id muneris susci-


pere non audere, hinc ut Sacramenti Pœnitentiæ adeo necessarij valori omni meliore modo consulatur, atque omnis porro scrupulus eximatur, approbationem pro certo districtu datam ad quorumvis Sacerdotum secularium confessiones etiam extra districtum illum excipiendas extendimus.

Secundum: Quo occultius ceu testis ovina pelle lupi Jansenii sequaces doctrinæ suæ toties reprobata virus tanquam Augustinianum dogma ab Ecclesia universa receptum animis hominum infundunt, eo impensius Nobis vigilandum est, ne quam luem a pestilentissima illa secta in terminis Dicecesis nostræ Monasteriensis dominante ac extollente caput trahant subditi nostri, ideoque ad arcendum omne periculum, quod ex vicinia imminere posset, districtè mandamus, ne quis

quis ad Ordines sacros promoveatur deinceps, nisi prævio juramento secundum formulam INNOCENTII X. & ALEXANDRI VII. & quidem in sensu declarato a S. D. N. CLEMENTE XI. in Constitutione: *Vineam Domini* &c. quod idem juramentum intra tres menses omnino exigendum decernimus a Parochiis, Sacellanis, aliisque Curatis, præsertim a Monialium Rectores, Volumus insuper, ut quicumque habuerint ex libris præsertim in materia Jansenii doctrinam concernente, prohibitis ad eosdem mox a

publicato hoc Decreto extradendos Ordinario sub gravi obligatione teneantur, & si qui unum vel plures ex iis contra Decretum hoc nostrum occultare & retinere attentarent, a Divinis suspendantur, aliisque Canonicis pœnis ad obediendum compellantur. In quorum fidem hæcæ commissionis literas propria manus nota signatas, sigillo nostro communiri iussimus. Datas Neuhusii 12. Martii 1711.

Franciscus Arnoldus.



SYNODUS DIOECESANA *Verna* MONASTERIENSIS,

Anno Christi MDCCXII. Clementis XI. PP. XII.
Caroli VI. Imp. I.

*Sub eodem Revmo & Illmo Domino FRANCISCO ARNOLDO,
Episcopo. Monasteriensi,*

HABITA
DIE 8. MARTII.

FRANCISCUS ARNOLDUS, DEI ET APOSTOLICÆ SEDIS
GRATIA EPISCOPUS MONASTERIENSIS, &c. &c.

Cum acceperimus, quod abusus nonnulli in Diocesi nostram Monasteriensem paucorum vitio irrepserint, Nos, quibus ea cura ex officio incumbit, hujusmodi malis mederi cupientes, de assensu Venerabilis Capituli nostri decernimus.

Primo. Quandoquidem animadvertum est, quosdam parentes parvulorum suorum Baptismum plus justo differre non attendentes, quantum in hujusmodi dilatione sit periculi & noxæ, districte præcipimus, quod a Concilio Rotomagensi jamtum anno 1581. præceptum est, ut parvuli, quamprimum fieri commode potest, ad Baptismum deferantur, nec ad summum ultra octavum diem Sacramenti tam necessarij susceptio differatur.

Secundo. Quia non raro cum maximo populi scandalo videre contigit ex

Sacerdotum numero aliquos in ficto capillitio Missam dicere, quem morem, si causa utendi a Medicis pro rato habita, & ab Ordinario prævie approbata sit, uti non improbamus, ita indignum censemus, si tali capillitio pulvis, ut vocant capillaris, inspersus sit, non absque periculo, ne prædictus pulvis speciebus Eucharisticis admisceatur, & deinde si in memorato capillitio corona Sacerdotalis non appareat, quare decernimus, ne cui posthac liceat ad aram facere cum capillitio, quod pulvere prætacto abundet, corona autem ejusmodi careat.

Tertio. Et si secundum S. Conc. Tridentini Decretum laudabiliter sancitum sit, ne Monialis aliqua ad Novitiatum, aut Professionem admittatur absque prævio examine Ordinarii, passim tamen notatur hujusmodi saluberrimo

rimo Decreto prætextu quodam consuetudinis contrariæ ab aliquibus contrairi. Nos igitur ejusmodi consuetudinem velut corruptelam reprobantes, decernimus, ne Monialis ulla deinceps sive ad habitum, sive ad professionem admittatur, nisi prius per Nos, aut Vicarium nostrum in spiritualibus Generalem, aut de nostro, seu de ejus consensu ab alio, secundum præscripta Tridentini, prævio examine idonea repperita fuerit sub pœnis in eodem Concilio contentis.

Quarto. Ut uniformitati, quæ præcipuam sacris Cæremoniis auctoritatem & majestatem conciliat, consulatur, & omnis difformitas, quæ hætenus in Diœcesi hac propter varietatem Agendorum Pastoralium in usu fuit, penitus

tollatur, præcipimus in virtute sanctæ obedientiæ, ut omnes deinceps Agenda nova, jussu nostro recenter prælo supposita & propediem typis vulganda, usurpent, iisque se accommodare per omnia & in omnibus studeant.

Horum itaque viri & aliorum a Prædecessoribus nostris, & Nobis assentiente Venerabili Capitulo nostro Cathedrali latorum, alias successive Decretorum, exactam observantiam omnino volumus, contravenientes pro officii ratione severe correcturi. In quorum fidem præsentibus manu & sigillo nostris roboratas dedimus in Residencia nostra Neuhusana ima Martii 1712.

Franciscus Arnoldus.

SYNODUS DIOECESANA *Autumnalis* MONASTERIENSIS,

HABITA

Eodem anno Christi MDCCXII.

ET

Sub eodem FRANCISCO ARNOLDO, Monast. Episcopo,

DIE II. OCTOBRI.

INSTAURATIO STATUTORUM IN PRIORIBUS SYNODIS.

FRANCISCUS ARNOLDUS, DEI ET APOSTOLICÆ SEDIS
GRATIA EPISCOPUS MONASTERIENSIS, &c. &c.

Cum non sine dolore animi videamus, ea, quæ salubriter hucusque & a Nobis, & a nostris Prædecessoribus fuerant decreta, lapsu temporis fere negligi seu memoriæ vitio, seu defectu voluntatis; Nos pro Pastoralis munere, quod Deo disponente gerimus, cupientes non minus sancte prædicta observari, quam solícite sancita sunt: Mandamus omnibus & singulis Diœcesis nostræ subditis, ut ea, quæ quemque concernunt, quisque sedulo exequatur sub pœnis vel expressis infra, vel in delinquentes arbitrio nostro decernendis. Porro ut memoriæ facilius occurrerent, & ne prætextus aliquis obtendi posset, præcipua quædam

Capita in compendio exprimi typo, & in præsentī Synodo promulgari denuo curavimus, ut sequitur.

1. Nemo in Sacrificio Missæ ficta coma utatur, conformiter Decreto, quod emanavit 1688. 11. Octobr. sub glor. mem. FRIDERICO CHRISTIANO. Qui tamen eandem gestandi facultatem justis de causis obtinuerint: nullatenus utantur prolixiori, aut quod omnino indecens est, capillari pulvere aspersa, aut corona Sacerdotali destituta.

2. Laudes Divinæ non cursim & festinanter, sed tractim cum pausa decenti, debitam tamen faciendo inter solenne ac feriale Officium differentiam, reve-

reverenter persolvantur. Item omnes ad chorum destinati a scandalosis actibus & impertinentibus fabulis sub Divino Officio, horisque Canonicis abstinant: Tabernas publicas, seu vinarias, seu cerevisiarias devitent, studeantque probatæ vitæ exemplo pro Laicis, ut par est, eminere, conformiter *Decretis* 1690. 7. Martii. 1702. 14. Octobr. & 1707. 6. Octobr.

3. Ordo habeatur in compulsionem campanarum: eam in vigiliis Festorum non protrahendo ultra horam novam vespertinam, mane autem ipsis diebus festis ante Officium non ultra horæ unius spatium, neque per diem ultra finem Officii Divini, conformiter *Decreto* 1691. 15. Octobris.

4. Clerici gestent vestes statui convenientes, scilicet vestem nigram, & togam ultra genua dependentem, pallium nigrum, aut in itinere vel aura pluvia alterius coloris, non item cærulei: collare quoque modestum ac decens, nisi iusta causa a jure Canonico expressa eos excuset, conformiter *Decreto* 1692. 12. Octobris.

5. Animarum Curatores studia statui suo conformia diligenter recolant, revocandi alias, quando & quoties visum fuerit, ad examen, conformiter *Decreto* 1694. 22. Martii.

6. Tollantur abusus in defunctis terræ mandandis, ob nimis sumptus eorum, qui sepeliri curant, dum post funus terræ mandatum ad domum mortualem reditur, & vinum vel alius quiscunque liquor potabilis copiose ministratur, nihilque aliud retinendum juberur, quam quod ad honestam sepulturam conferre, & animabus defunctorum prodesse dignoscatur, conformiter *Decretis* 1694. 10. Octobris & 1700. 23. Martii.

7. Clerici omnes sub pœna 50. florenorum accurata bonorum & reddituum ad Beneficia sua pertinentium registra, ex quibus redditus, soluta, & restantia bona conspici queant, diligentissime conficiant, & eadem de anno in annum compingi curent, quorum unum Vicario in Spiritualibus ad archivium Vicariatus reponendum, alterum vero Archidiacono, & tertium Suc-

cessoribus intra mensis spatium ab obitu computandum sine ulteriori monitione per Executores suos sub eadem pœna extrudere teneantur, conformiter *Decreto* 1700. 11. Octobris.

8. Pastoribus, Curatis, Vicecuratis, Sacellanis &c. ad assistentiam Matrimonii quovis modo vocatis aut vocandis districte inhibemus, ne Matrimonii Militum sub ullo prætextu vel colore assistere audeant, nisi præmissis in Parochia, ubi tunc degunt, aut stationem figunt, tribus denunciationibus, licentia Officialium suorum in scriptis exhibita, cæterisque a Tridentino requisitis, idque sub pœnis arbitrariis, imo carceris, suspensionis &c. conformiter *Decretis* 1703. 19. Martii & 1708. 12. Martii.

9. Inhibetur sub pœna suspensionis ab officio & beneficio, ne Parochi aut Curati Sacramenta Baptismi & Matrimonii, nisi tempore matutino & in Ecclesia administrent. Item præcipitur Rectoribus, Parochis, Curatis, Vicecuratis, Custodibus, Sacristis sub pœna suspensionis &c. ne permittant, ut quis extraneus, vagus, vel peregrinus, imo nec Diœcesanus etiam Regularis & exemptus, nisi eorum persona bene nota sit, ad celebrandam Missam, confessiones excipiendas, aliave Sacramenta ministranda, aut etiam verbum Dei prædicandum admittatur, nisi exhibito consecrationis aut licentiæ ab Episcopo obtentæ testimonio, nullus quoque Ecclesiasticus vel Religiosus in ædibus privatis, sive illarum Oratoriis sine licentia in scriptis obtenta Missam celebret, conformiter *Decreto* 1708. 12. Martii.

10. Executores testamentorum Clericorum, & Laicorum ad causas pias intra annum & sex septimanas a die mortis testatoris computandas, coram Episcopo reliquorum bonorum legale inventarium (sine præjudicio tamen jurium & privilegiorum Cathedralis Capituli, Archidiaconorum, nec non aliorum Capitulorum & Ecclesiarum, quæ simili privilegio gaudent) exhibeant, & rationes executionis reddant, legitime autem impediti ante prædicti temporis lapsum impedimentum indi-

cent, & dilationem petant, conformiter Decreto 1708. 12. Martii.

11. Præcipitur, ne Parochi aut Curati denunciationes Matrimonio præmittendas duas simul una die faciant, aut eo die, quo posterior facta, desponsatos conjugant; inhibitor quoque sub gravi pœna pecuniaria, aut etiam incarcerationis pro humilioris status personis, ne Matrimonia sine præmissis denunciationibus in ædibus privatis, aut extra Ecclesiam coram Parocho per dolum ad assistendum accersito, & Matrimonii contrahendi ignaro, aut etiam invito contrahantur. Conformiter Decretis 1708. 12. Martii & 1708. 12. Octobris.

12. Districte mandatur, ne quis ad Ordines promoveatur, nisi prævio juramento secundum formulam INNOC. X. & ALEX. VII. & quidem in sensu declarato a S. Domino nostro CLEMENTE XI. in Constitutione: *Vineam Domini* &c. conformiter Decreto 1711. 12. Martii. quo etiam approbatio Parochis & Sacellanis pro certo districtu data, ad quorumvis Sacerdotum sacularium confessiones etiam extra districtum illum excipiendas extenditur.

Cum tam Breviaria, quam Gradualia ritu Monasteriensi edita deficere noverentur, facultatem facimus, ut qui voluerint, in- & extra chorum Missalibus, Breviariis, & cæteris Ritus Romani libris uti, & Romano cantu posthac libere uti possint. Anno 1711. 12. Octobris.

Cum dolenter intellexerimus varios in hac Diœcesi nostra libros prohibitos nonnunquam vendi, ordinamus, ut sub pœna in Tridentino constituta, nulla librorum venditio fiat, nisi omnium librorum catalogus Ordinario prævie sit exhibitus. Anno 1711. 12. Octobris.

Quandoquidem animadversum est quosdam parentes parvulorum suorum Baptismum plus justo differre non attendentes, quantum in hujusmodi dilatione sit periculi & noxæ, districtè præcipimus, quod a Concilio Rotomagensi jamtum anno 1581. præceptum

est, ut parvuli, quamprimum commode fieri potest, ad Baptismum deferantur, nec ad summum ultra quintum diem Sacramenti tam necessarii susceptio differatur. Anno 1712. in Martio.

Et si secundum S. Conc. Tridentini Decretum laudabiliter sancitum sit, ne Monialis aliqua ad Novitiatum aut Professionem admittatur absque prævio examine Ordinarii, passim tamen notatur hujusmodi saluberrimo Decreto prætextu quodam consuetudinis contrariæ ab aliquibus contrairi. Nos igitur consuetudinem ejusmodi velut corruptelam reprobantes decernimus, ne Monialis ulla deinceps sive ad habitum, sive ad professionem admittatur, nisi prius per Nos, aut Vicarium nostrum in spiritualibus Generalem, aut de nostro, seu de ejus consensu ab alio, secundum præscripta Tridentini prævio examine idonea reperta fuerit sub pœnis in eodem Concilio contentis. 1712. in Martio.

Ut uniformitati, quæ præcipuam sacris Cæremoniis auctoritatem & majestatem conciliat, consularur, & omnis difformitas, quæ hæctenus in Diœcesi hac propter varietatem Agendorum Pastoralium in usu fuit, penitus tollatur, præcipimus in virtute sanctæ obedientiæ: ut omnes deinceps novo Agendorum libro jussu nostro recent typis vulgato utantur, illique in omnibus se accommodare unice studeant. Cui ut eo celerius initium detur, præcipimus sub arbitraria pœna, ut omnes ante sequentis anni initium memoratum Agendorum librum sibi comparent.

In quorum omnium fidem præfentes propriæ manus nota signatas sigillo nostro muniri jussimus. In Residencia nostra Monasteriensi 1712. die 6ta Octobris.

Franciscus Arnoldus.

SYNODUS DIOECESANA EICHSTETTENSIS,

Anno Christi MDCCXIII. Clementis XI. PP. XIII.
Caroli VI. Imp. II.

SEU

STATUTA DIOECESANA

REVERENDISSIMI & CELSISSIMI PRINCIPIS ac DOMINI,
D. JOANNIS ANTONII (*), *Eichstettensis Episcopi* LXIII. (**)
AD EJUSDEM DIOECESIS CLERUM

DIRECTA

DIE 13. APRILIS.

JOANNES ANTONIUS, DEI ET APOSTOLICÆ SEDIS GRATIA
EPISCOPUS, S. R. I. PRINCEPS, OMNIBUS DECANIS, CAMERARIIS, CURA-
TIS &c. SACERDOTIBUS UNIVERSIS DIOECESIS NOSTRÆ EYSTET-
TENSIS SALUTEM IN DOMINO.

Cum nihil magis Nobis curæ & sollicitudini sit, ac juxta officium nostrum, a Domino Nobis commissum, esse debeat, quam ut inter alia, Clerum nostræ Diœcesis, sub debita obedientia & diligentia in suis officiis ac vitæ honestate, ad communem Ecclesiæ utilitatem & populi ædificationem retineamus, atque conservemus, defectus etiam, abusus & scandala, si quæ forte hætenus irrepserint, tollamus, & in melius, quantum possumus cum Dei gratia, reformemus; idcirco cunctis Decanis, Camerariis, Parochis & Sacerdotibus universis Diœcesis nostræ præcipimus ac sub obedientia injungimus, quatenus imposterum sequentia servent & a suis servari faciant.

QUOAD MORES.

I.

Cum gravis abusus & vestium luxus hætenus in Clero nostro fuerit

notatus, sic, ut aliqui Sacerdotum mundanas potius, quam Ecclesiasticas personas in eo referant, dum loco decentium collarium, vitas portent, albi aut nigri coloris, tunicas scissas, cum amplis manicis & prominentibus indusiis, vel quod novissime irrepserit, tunicas apertas cum pectoralibus: qui vero incessus cum a modestia habitus Clericalis vel prorsus abhorreat, & in Laicis nil, nisi scandalum, & obloquendi ansam præbeat, insuper superfluitas ejusmodi exterior, interioris vanitatis certissimum indicium sit; ideo profana hæc vestimenta Clericis nostris omnino interdiciamus & strictissime mandamus, quatenus imposterum Curati & Sacerdotes nostræ Diœcesis omnes clausis utantur vestimentis, Ordini ac dignitati congruentibus, remotis amplis manicis & pectoralibus, omnes sic vestiti incedent, ut per decentiam habitus extrinseci, morum honestas ostendatur

(*) Vide sub calcem Statutorum.

(**) Henricus Ferdinandus L. B. de Leyen Jubilæus, Senior, Ecclesiæ Eichstettensis & Moguntinæ Præpositus, post mortem Joannis Martini in Successorem electus quidem fuit, sed Insulam recusavit.

datur intrinseca & e vestibus Vir agnosci, ac pro dignitate Sacerdos revereri valeat.

II.

A capillis fictitiis abstineant omnes; cum scriptum sit: Clericus neque comam nutriat neque barbam. *Cap. 5. X. De vit. & honestat. Cler. Et C. 21. diff. 23.* Prohibere fratres per universas Regionum vestrarum Ecclesias, ut Clerici juxta Apostolum comam non nutriant. Qua de causa sub pœna decem Imperialium prohibetur omnibus & singulis Clericis, ne capillos fictitios portent æstivali tempore. Ii vero, qui infirmitatis vel frigoris causa hyemali tempore fictitiis capillis uti sunt, ad Vicariatum mittant, ac facultatem concessam & confirmationem expectent.

III.

Querela est communis omnium Graduatorum: differentiam non esse amplius inter illos & Theologiæ moralis Candidatos, quoad externum habitum & decentem titulum, eo quod plurimi inveniuntur Curati, Casuistæ, leviter docti, titulum Excellentiæ ambientes, & a suis Parochianis arroganter prætendentes, insuper capitiis aut capillaribus & manicis holosericis libere utentes, sic ut nulla amplius sit distinctio inter Graduatos & non graduatos. Quare ut ordini & gradui Doctoratus & Licentiæ honor habeatur condignus, stricte mandamus, quatenus Curati nostri imposterum conditionis suæ memores, ab ejusmodi prætensione inani abstineant, & caputia holoserica cum manibus holosericis deponant, qui Doctoratus vel Licentiæ gradu insigniti non sunt: secus Fisco adjudicata sint ipso facto. Qui vero sorte sua aut titulo contentus non fuerit, arbitrarie punietur; Decanisque præcipitur, ut desuper accurate invigilent.

IV.

Quia vero habitus non facit Monachum, neque Sacerdotem, aut Pastorem, sed honestas morum & sanctitas vitæ, prout scriptum est: Sacerdotes Dei incensum & panes offerent Deo suo, ideo sancti erunt & non polluent

nomen ejus; a sanctitate autem maxime abhorreat luxuria, gula & avaritia; ideo monentur omnes, talem quisque vitam ducat, ut is, qui ex adverso est, nihil habeat mali dicere de illis.

V.

Caveant hospitalia publica, & illa non nisi itineris causa frequentent.

VI.

Fugiant convivia & solemnitates nuptiarum ac puerperiorum, neque nundinas frequentent; cum indecorum sit, Sacerdotem nundinari in foro, quod pro necessitate ab æconomis fieri poterit.

VII.

A crapula & ebrietate omnes Clerici diligenter abstineant, vinum sibi & se a vino temperent; cum ebrietas mentis inducat exilium & libidinis provocet incentivum.

VIII.

Erga pauperes liberales sese ostendant; cum proventus Ecclesiastici patrimonium pauperum sint.

IX.

Salrationes & choreas in ædibus parochialibus tum ab aliquibus Sacerdotibus, tum aliis fuisse ductas, relatam est. Quare severissime & sub pœna incarcerationis prohibentur ejusmodi excessus Clericis omnibus, eandem pœnam incursum, ubi Laicis ejusmodi saltationes permiserint in ædibus suis propriis.

X.

Continenter & caste studeant vivere, amoventes a se mulieres & tales foeminas, ex quarum cohabitatione & nimia familiaritate vel ipsi redduntur suspecti, vel se ipsos reddunt suspectos; tales domesticationi præficient æconomias, quæ vel sorores consanguineæ aut provectæ ætatis sunt, juvenculis remotis bene audiant, pacem cum communibus colant, contentiones non seminant, neque dominari præsumant, & ex hoc ipsæ se suspectas reddant, Sacerdotes vero sic vivant, ut, quod verbis docent, exemplo confirmant.

QUOAD CURAM.

XI.

Cum Parochis & Curatis fidelium animæ ea ratione sint commissæ, ut illas vel recte custodiant, & salutari pabulo ad beatam æternitatem alant: ideo cordi sibi habeant, ut bono exemplo conceditis oviculis præeant & per viam salutis ad patriam cœlestem ducant.

XII.

In elaborandis & dicendis concionibus, omnem operam & conatum adhibeant, ut prævio diligenti studio, omnibus saltem Dominicis & solennibus diebus festis conciones ad populum habeant, eamque ratione nundinarum, prout in aliquibus Parochiis fieri solet, nunquam intermittant: opportunum quoque & consultum erit, si concionem ad populum, post Evangelium Missæ simplicis & cantandæ, dicendum introducant, nisi contrarium expedire videatur.

XIII.

Christiana doctrina diebus Dominicis tam in hyeme, quam æstate a Parochis & Curatis hora pomeridiana vel circa 12 vel 1 accurate habeatur in Ecclesia Parochiali, & nunquam intermittatur, licet pauci catechizandi & nundinæ essent.

XIV.

Erga ægrotos magna & indefessa charitate afficiantur, quos etiam non vocati frequenter & quoties necessitas postulat, invitant, idque etiam postquam salutaribus Sacramentis provisi fuerint, sæpius præsent & ad ultimam luctam assistere studeant; præcipue vero caveant, ne in emungendis iuribus stolæ duri & exacti sint, sed hoc accidens discretionis ægrotorum relinquunt, pro se & provitura, ante obitum penitus nihil petendo; & hoc statim e cathedra quivis suis oviculis proponat, ne pauperes intuitu mercedis, Ss. Sacramenta & se ipsos ægritudinis tempore negligant.

XV.

Personas vagas nullus Parochorum sine licentia Vicariatus copulare præ-

sumat imposterum; omnes indulgentias ex urbe per Vicariatum procurant.

XVI.

Sacra Olea in ædibus parochialibus nullus afferret, sed in Ecclesia custodiantur. Omnes ad ægrotos Ss. Viaticum nunquam pallio vestiti, sed superpelliceo induti, præcedente Edictum cum campanula & lumine; Ss. Olea sine lumine ad ægrotos deferant, idque strictissime observent in paribus, ubi hæretici non sunt.

XVII.

Ocreati nunquam sacrificent, & confessiones suas, ad minimum quovis mense peragant. In urbe, missis baculis, palliati incedant.

XVIII.

Libros baptismales, parochiales, & alios bene custodiant, nomina omnium diligentissime inscribant, conciones pariter conscriptas habeant, ut ad peritionem exhiberi valeant.

XIX.

Peregrinationes novas non instituunt, sed antiquis inhæreant. Absque licentia extra Diœcesin, nullam peregrinationem, præter pervetustam illam ad S. Salvatorem, instituunt; sed ubi, viciniore urbi Eystettensi, novam introducere cupiunt, pergratum erit, si Eylladium ad S. Willibaldum aut ad S. Walburgam subditos suos ducant, & cultum antiquum restaurare incipiant.

Ubi vero aliquam peregrinationem antiquam vel novam instituerint, omnibus Curatis præcipitur, ut sicut populum duxerunt ad Ecclesias Sanctorum, sic pariter reducant ad Parochiales Ecclesias eorum, ne, prout hætenus abusus tulit, remanente Pastore in convivio, Parochiani hæreant in hospicio & domum revertantur cum scandalo.

XX.

Relatum & observatum est in multis Parochis, quod absque licentia Ordinarii juvenes Sacerdotes assumant, quibus animarum curam, præsertim ubi infirmi sunt, demandant & committunt.

Item quod aliqui Curati adeo fcores sint, ut omnem curam animarum & filialium Ecclesiarum Cooperatoribus suis committant & demandent, quasi animæ ruri commorantes non essent eodem pretio redemptæ; qui abusus quantum abhorreat a vero Pastore, nomen probat & experientia docet. Ad hunc tollendum omnibus Curatis strictissime mandamus, ut posterum in functionibus parochialibus & provisionibus Ecclesiarum filialium, alternent. Cooperatoribus autem sub pena amotionis præcipimus, ut ejusmodi mercenarios, qui ovium curam non habent, eisque pabulum per vices alternas porrigere decreverant, pondusque diei & æstus illis solis imponere cupiunt, ad Vicariatum deferant. Tercio compertum est, quod a Parochiis suis, intuitu hujus occasionis, sine ulla licentia crebro absint & alibi pernoctent: Quod cum ratione curæ animarum, cui per ejusmodi Substitutos minus provisum est, tolerare amplius non cogitemus; hinc omnibus Parochis præcipimus, ut quoties Sacerdotem assumpserint vel ad dies vel ad menses, id prius Vicariatu nostro Eystettenensi insinuent & ab eo licentiam petant; Parochos vero absque licentia pernoctantes, Decanus prima vice 3. imperialibus puniat; secunda vice Eystadium transgressorem deferat: quod pariter intelligendum erit de Cooperatoribus, qui nunquam sine Parochi licentia excurrent, minus pernoctabunt, inobedientia eorum. per mutationem a Nobis castiganda.

XXI.

Notatum est insuper, aliquos non solum arma deferre in equis, sed sclopetis & armis incedere in sylvis & venationibus ut plurimum occupatos, quod vero quam alienum sit a statu Clericali, per se patet. Hinc arma & venationes iterato prohibemus ac cupimus, ut Pastores capiant ac multas venentur animas.

XXII.

In celebratione Dedicationum & Exequiarum dicuntur Parochi se invicem invitare, nonnunquam jocos exercere scurriles, largioribus potibus in-

dulgere, ut vix incedere queant: Id quod cum intuentium oculos animosque gravissime offendat, sibi quoque ab hujusmodi ingurgitationibus, in quibus luxuria est, sub pœna sex imperialium, vel etiam si sæpius in hoc peccarint, sub privatione sui Beneficii maxime caveant.

XXIII.

Pro ultimo, magna advertitur corruptela & abusus in Neomystis, quorum aliqui primitias suas, adinstar mundanorum sponforum, celebrare consueverunt, constituendo puellas & alios extraneos, sub titulo consanguineorum colorato, ubi postmodum finitis sacris epulis, devenitur ad epulas sæculares, convivando plerumque ad seram & mediam noctem, choreis passim a convivantibus ductis: qui abusus quam indecens sit dignitati & solemnitati, omnes considerabunt, qui Sacrificium Missæ perpendunt. Quare ut ab ejusmodi indecentia in futurum abtineant Neomystæ, hic monentur; omnibus autem Sacerdotibus interdicitur, ut abhinc absque licentia prævia Vicarii Generalis ejusmodi primitiis non intersint.

Et hæc sunt Constitutiones antiquæ, quas Prædecessores nostri, pia memoriam, promulgarunt sæpius, sine effectu tamen sperato, prout compertum est & experientia docuit.

Quare, & ne Nobis simile quid contingat, & saluberrimæ Constitutiones fiant nostræ Personarum prostitutiones aut illusiones publicæ: Hinc omnes monemus sedulo & paterne, ut sine mora omnes & quascunque Constitutiones ad amussim & ad unguem servare studeant, atque obedientiam præstare intendant, præcipientes omnibus Decanis Ruralibus, ut hanc reformationis chartam, quam primum publicam faciant, & ne quis allegare valeat excusationem aut ignorantiam, omnes & singuli Decani per capitularem curforem has Constitutiones cuilibet Parocho & Cooperatori præsentari faciant, & mandatum a singulis, proprio nomine & cognomine subscriptum, ad Officium Vicariatus remittant, vigilan-

tes

tes in omnibus, ut ex toto observentur. Quod si vero unus aut alter, ausu temerario, contraire tentaverit, noverit, se indignationem nostram incursum, & pœnam arbitrariam minime evasurum; Decanum vero Capituli Ruralis, negligentem in uno alterove puncto inventum, semper duplici mul-

ta irremissibiliter puniendum. Datum Eystadii in Monte S. Willibaldi die 13. Apr. 1713.

JOANNES ANTONIUS

S. R. I. Princeps, Episcopus Eystettensis.

(L.S.)

Cl. de Falckenstein cit. Cod. diplom. locò Sect. XIII. a pag. 121. hæc, quæ non habet Lunigius, Statuta exhibet, inde hæc transcripta.

NOTA

addenda his, quæ supra pag. 276. de JOANNIS ANTONII I. Antecessore, JOANNE MARTINO, referuntur.

Ex Joan. Sebast. Heisteri Templo Virtut. & Honor. S. Willibaldi & Præfatum Eustettens. Edit. Herbipol. A. 1716.

Prima Joannis Martini, Principis optimi cura erat, inflicta Reipublicæ vulnera sanare, bonis ejusdem tam spiritalibus, quam temporalibus invigilare sedulo, omnibus benignum sese, facilem ac beneficum exhibere. Pauperes certe Patrem experti in illo & venerati: iis enim non modo dirutam a Suecis Ecclesiam Hospitalis, a S. Spiritu nuncupati, cum spectabili hujus ædificio, Almonium versus Eustadii de novo reædificavit in vivis, sed post mortem hæredes suos ex asse voluit, legatis Hospitali 62000 florenis... Dum anno 1700. Carolus II. Hispaniarum Rex sine hærede filio satis concefferat, indeque, ab optata dudum, quæ Imperium inter & Galliam Ryswici a. 1697. die 30 Octobris coaluerat, pace, bellum gravissimum recrudescere; Mars quoque Bavarus, Gallis junctus, occupata *Ulna & Neoburgo*, Eustadium ingressus, duos abduxit Consiliarios aulicos, velut ingentis pecuniæ exsolvendæ obides; ipse Joannes Martinus, exantlatis calamitatibus plurimis, fugam denique a. 1703. capessere, seque Eustadio *Herriedam*, tum *Vorchheim* extra territorium suum conferre coactus est, commissâ interim Diocesis suæ cura D. Ludovico Schlidder de Lachen, Canonico Capitulari.

Redux *Herriedam*, finem & miseriarum & vitæ invenit, ibidem ex pleuritide defunctus 1704. die 6 Dec. Sedit annis 7. mensibus 7. diebus 7. (MS. Cl. cujusdam Collectoris ac Præfeti Bibl. Episcop. Eustad. adhuc viventis, notat *dies 20.*)

In Epitaphio, quod eidem positum est Eustadii in Sacello Cathedrali, ab ipso in vivis extructo, hæc leguntur: *Inter alios honores, amplissimo Episcopatu, quem TRIENNIO (ultimis exilii annis non computatis) rexerat, mundo stupente, vitam privatam prætulit, omnibus magnus, sibi prope nullus.*

Hæc transmissit Eustadio R. P. Franciscus de Benedictis Soc. JESU p. t. Prof. & Præf. Caf. & Exam. Ordin.

Ex P. Gregor. Kolb S. J. libello: Tausendjähriges Eychstädt a. 1745. hæc in latinum a me versa, adjicio:

JOANNES MARTINUS strenuus imitator fuit Nepotis sui *Gabrielis ab Eyb*, Eustadienf. LII. Episcopi a. 1535. defuncti atque de Episcopatu, quem annis omnino novem & triginta, inter turbulentissima plenaque periculis tempora rexerat, quam optime meriti. Dignitatem Episcopalem omni, qua potuit ratione, etiam de genibus, etiam cum lacrymis deprecabatur; quanquam tulit æcerbius, Coadjutorem sibi, nescio quorum cuniculis, designari. Totus erat in amplificanda ubivis locorum majore DEI O. M. gloria: quod fecit, ut in dies singulos, æger licet pedibus, & Sacrum diceret & alterum audiret. Pensum canonicum, remoto quovis utut magni momenti negotio, statis persolvebat horis, nec tempus in aliud differebat, debita, asserens, summo Deo officia esse negotiorum omnium gravissimum, maximeque necessarium. Ad honorem MARIE Dei Matris & amplitudinem omne consilium, & studium, omnem laborem ac diligentiam conferebat, pulcherrimoque festis præsertim ejus Domine diebus, exemplo palam faciebat.

Cum

Cum viris probitate simul ac zelo divino conspicuis in sermone versari jucundum ipsi & perfamiliare erat; quare multos e Clero regulari habebat sibi carissimos, in Religiosorum templis Hostiam, sacram litabat, & prandebat in tricliniis; quos secum ad palatium frequenter invitabat, largis recreabat elemosynis, & in adversis quibuscunque paterno tum solatio, tum auxilio levabat. Meritis igitur plenus ad summum abiit Sacerdotem, præcipuo eos honore Episcopis adfecturum, quos desiderat Apostolus esse Dispensatores fideles, quorumque e numero Joannes Martinus quin fuerit, dubitari nullo modo potest.

Excerptis hæc R. P. Ignatius Lenz Soc. JESU atque e Collegio Augustano ad me misit.

N O T A

de JOANNE ANTONIO I. Eystadiano LXIII. Episcopo
& S. R. I. Principe.

Natus est anno 1646 die 19 Octobris JOANNES ANTONIUS ex avita & antiquissima Familia Rhenana LL. BB. de Knebel a Katzenelenbogen, familia, inquam, ab annis quingentis & amplius, Metropolitana Moguntinæ, Cathedralium Eychstettensis, Spirensis, & Augustanæ Ecclesiarum Prælati, atque Canonici, nec non in Ludis Equestribus præclaræ virtutis, magnique animi viris nobilissimis inclita. Dabat vel a puero luculenta præstantis & artium omnium, linguarum ac scientiarum capaxis ingenti specimina. Romæ in Collegio Germanico ad S. Apollinarem disciplinas altiores hausit, ibidemque a. 1666 festo omnium SS. sacrum egit, obstupescens cum Purpuratis Patribus Alexandro VII. S. P. Encomiasten. Digressus inde ad Regum ac Principum aulas, amorem ad sese omnium & favorem tum suavissimis moribus, tum virtutum vere regiarum splendore rapuit. Certare pro illo videbantur Ecclesiæ Cathedrales Augustana & Eychstettensis, utpote utriusque Canonico: sed enim vicit Eychstettensis, quæ ut sibi servaret, *Decanatum* ei die 27 Julii a. 1688 obtulit: quem tamen sponte is sua honorem est deprecatus, sola contentus *Cantoris* appellatione. A Marquardo II. Eystett. LX. Episcopo fecretioribus adhibitus co. filius, ad Aug. Imp. Leopoldum I. & S. R. I. Electores ac Principes in negotiis politicis ablegabatur, non sine optimo inter graves turbines fructu & Augustanæ juxta ac Eychstettensis Ecclesiarum commodo. Respiravit sane Augusta tam a difficili, quæ 10 Decembr. a. 1703 accidit, expugnatione, quam a calamitosa ad 7 usque Augusti a. 1704 occupatione, & publicam per Joannem Antonium tranquillitatem sibi est gratulata; cujus labores, præclare utiliterque in Dicecesis utriusque rebus positos, coronavit Eustadium 9 Febr. a. 1705, quo Insulam Episcopalem ipsi detulit.

Novo sub Episcopo, in die Pentecostes anni 1706 solenniter inaugurato, aliam mox faciem hæc induit Dicecesis: soluta per eundem plus 150 florenorum millia æris alieni; tributorum tamen gravaminibus partim mitigatis, partim penitus sublaris. Principale, quod Suecus diruerat, palatium in urbe constructum, ubi Dicasteria Aulicum & Camerale instituit. Nosocomium, in quo & Sacerdotes emeriti aluntur, singulari ceptum munificentia; constitutum pro erudienda & educanda juventute mascula Seminarium; Cœnobium magnificum Monialium virginum sub titulo *Congregationis B. M. V.* quæ puellas non moribus tantum bonis, sed artefactis etiam & lingua gallica imbuerent, erectum ab illo, fundatumque. Hæc & alia sparsa per Dicecesin ædificia posteritati Principem hunc commendabunt. Laudes augebunt devotio in S. Joannem Martyrem, cujus corpus pridem ex Urbe advectum solenni supplicatione, ritumque honorifico in Ecclesiam S. Spiritus conduxit; laudabilissima millium aliquot florenorum fundatio, qua Rosarium in Ecclesia parochiali Eychstettensi diebus singulis recitandum, cum pia elemosynæ in centum & ultra pauperes distributione decrevit; eximia tandem ad aram quotidie faciendi confuturo. Accedit mira ejusdem temperantia & sobrietas; pietas in egenos; in neophytos liberalitas; gregis sibi commissi amor, Religionis conservandæ, ac promovendorum Ecclesiæ jurum ardor ac studium. Obiit die 27 Aprilis a. 1725, æt. 79, Reg. 20, postquam supremis tabulis, quicquid gemmarum & suppellectilis pretiosæ possidebat, in pauperes transcripserat, thesaurum idcirco expectans non deficientem in celis. Supra cryptam in choro Willibaldino, ubi Joannis Antonii cineres conqueiscunt, legitur insculptum lapidi:

SPES IN DEO

IN MEMORIA ÆTERNA ERIT JUSTUS. PC.3.

JOANNES ANTONIUS KNEBEL A CATZENELENOGEN,

natus a. 1646, electus Princeps & Episcopus Eyfettensis a. 1705.

Princeps Scientiarum & Philosophiæ, præsertim Christianæ,

ac vitæ moralis apprime practicus,

Cognitionis mundi & utriusque fortunæ admodum expertus,
in acquirendis sudores, in possidendi anxietates, in pluribus inanitatem;
vanitatem in omnibus reperit.

Pie obiit a. 1725 die 27 Aprilis.

Cujus anima DEO æternum vivat,

& tu amice Lector eidem bene precare

& sequere.

Præter cit. Heisterum & Kolbium vid. Cl. Joan. Henr. Falckensteinii Antiquit.

Nordgaviens. P. I. Cap. 63. & 64. P. II. C. I. Ejusd. Cod. Diplom. pag.

436... Edit. Francof. & Lips. Grates refero binis supra scriptis Patri-

bus ex inclitya Provincia Germaniæ super.



SYNODUS DIOECESANA *Autumnalis* MONASTERIENSIS,

Anno Christi MDCCXIV. Clementis XI. PP. XIV.

Caroli VI. Imp. III.

HABITA

Sub eodem FRANCISCO ARNOLDO, Monast. Episcopo,

DIE 10. OCTOBRIIS.

FRANCISCUS ARNOLDUS, DEI ET APOSTOLICÆ SEDIS
GRATIA EPISCOPUS MONASTERIENSIS, &c. &c.

Cum ad Nos perlatum sit nonnullos
Provifores Ecclesiarum aut Ho-
spitalium jurisdictionem, quæ Laicis
non competit, sibi temere arrogare,
de redditibus Ecclesiarum pro benepla-
cito proprio disponere, rationes de
iisdem non coram legitimo Ecclesiasti-
co Superiore reddere, aliaque potesta-
tem laicam excedentia attentare; Nos
ejusmodi, quam obtinere forsitan
possent, consuetudinem ut corrupte-
lam reprobantes sub gravi arbitraria
pœna severe mandamus, ut intra laicæ
administrationis limites sese contineant,
de Ecclesiarum aut Hospitalium rediti-
bus, aut rebus ad hæc pertinentibus
absque autoritate legitimi Superioris
Ecclesiastici nullatenus disponant, &
nonnisi hoc præsentis rationes expe-
diant, aliæ nulla, quæ hujus consen-

Tornus X. Concilior. German.

sum requirunt, illo non obtento con-
ficient. Quo accuratius, studiosiusque
caveatur, ne quid ex bonis hujusmodi
alienetur, vel in usus a Fundatorum
intentione alienos convertatur.

Cum SSmus Dnus noster CLE-
MENS Papa XI. per expressum Breve
ad Nos datum, sub gravissima obliga-
tione Nobis imposuerit, ut Clerum
nostrum pro imposito Nobis officio
commoneremus, ut convenientibus
Ecclesiastico statui vestibus & moribus
digna se ejusdem membra esse proba-
rent, ut officio nostro hac in parte sa-
tisfaciamus, ipsa prout in Brevi expressa
continentur SSmi Dni Nri verba ad
eorundem notitiam hujus Synodi occa-
sione devenire volumus, sunt autem
sequentia:

C c c

Quan-

Quandoquidem non pauci ista-
 rum partium Canonici, ut plu-
 ries non sine intimo animi no-
 stri dolore, percepimus, officii sui
 immemores, æternæque salutis obliti
 a veteri Ecclesiæ disciplina eatenus
 desciverunt, ut quasi Christi mini-
 sterium, ejusque insignia erubescen-
 tes, vestibus, quæ proprio Ordini
 congruunt, juxta sanctissimas Con-
 cillii Tridentini leges, uti detrectent,
 ac nedum sæcularium indumenta fre-
 quentissime palam usurpent, verum
 etiam (quod multo magis dolendum
 est) in extero vitæ cultu, morumque
 libertate ab ipsiis laicis hominibus vix
 discerni possint, ac insuper Ecclesia-
 sticis proventibus, quos tanquam
 vota fidelium, pretia peccatorum, pa-
 trimonia pauperum in pios duntaxat
 usus convertere deberent, ad vo-
 luptates suas, ad luxum, ad pompas
 & vanitates sæculi abutantur. Unde
 non modo gravem animæ suæ labem
 contrahunt, sed præterea fiunt do-
 mui Israël in offendiculum iniquita-
 tis. Nemo quippe, ut Beatus Gre-
 gorius sapienter advertit, amplius in
 Ecclesia nocet, quam qui perverse
 agens, nomen vel ordinem sanctitatis
 habet, delinquentem namque hunc
 redarguere nullus præsumit, & in
 exemplum culpæ vehementer exten-
 ditur, quando pro reverentia Ordinis
 peccator honoratur. Quæ si ita
 sunt, flentes dicimus ac gementes
 cum eodem B. Gregorio denuntia-
 mus, quod cum Sacerdotalis Ordo
 intus cecidit, foris quoque diu stare
 non potest. Etsi autem, ubi ejus-
 modi Canonici tua etiam in Dicecesi
 reperiantur, minime vereamur, quin
 pro perspecta pastoralis sollicitudine,
 ac Divini honoris zelo, quo flagras,
 strenuam sedulamque operam hæc-
 nus dederis, & daturus imposterum

sis, ut eos ad bonam frugem revo-
 ces, & ad mores ac vitam sacrorum
 Canonum disciplinæ consentaneam
 instituendam adducas: Quia tamen
 Pontificiæ voces semper aliquid sti-
 muli adjiciunt Præsulibus bonæ men-
 tis, idcirco Fraternitatem tuam, quo
 majori possumus animi nostri studio
 hortamur & paterne admonemus,
 ut quos tanta labe infectos noverit,
 arguat, obsecret, increpet in omni
 patientia, & doctrina, nihilque pror-
 sus intentatum relinquat, quo erran-
 tes in viam justitiæ redeant, & præ-
 teritis culpas ac negligentias celeri
 poenitentia morumque mutatione re-
 dimere fatagant. Neque enim dissi-
 mulari tuto possunt publicæ cor-
 ruptelæ, quæ magnum adeo tum
 famæ, tum æternæ salutis ejusmodi
 Ecclesiasticorum afferunt detrimen-
 tum, quæ tam gravem in Catholicis
 bonisque omnibus offensionem, con-
 temptum ac invidiam excitant: quæ
 dum universo Ecclesiastico Ordini
 tantam subsannationem & derisum
 comparant apud eos, qui in circuitu
 sunt, Cleri non minus, quam ortho-
 doxæ Religionis hostes. Qui vero
 ea emendare potest, & negligit, se
 procul dubio participem delicti con-
 stituit."

Hucusque Beatissimus Pater: cujus sa-
 lutaribus monitis non dubitamus eos
 obsecuros, qui illis quam maxime
 se indignisse comperient, ne Nos etiam
 invitos pro reverentia Sedi Apostoli-
 cæ debita ad urgendum eorum effe-
 ctum deinde compellant.

In quorum fidem præsentibus manu
 & sigillo nostris roboratas dedimus in
 Residentia nostra Ahufana 1714. 10ma
 Octobris.

Franciscus Arnoldus.



SYNODUS DIOECESANA *Verna*
MONASTERIENSIS,

Anno Christi MDCCXVI. Clementis XI. PP. XVI.
Caroli VI. Imp. V.

Sub eodem FRANCISCO ARNOLDO, *Monast. Episcopo,*

CELEBRATA
DIE 18. MARTII.

FRANCISCUS ARNOLDUS, DEI ET APOSTOLICÆ SEDIS
GRATIA EPISCOPUS MONASTERIENSIS, &c. &c.

Cum Nobis non obscure innotuerit quosdam Parochos, aliosque curam animarum exercentes tum Sæculares, tum Regulares in vim approbationis olim obtentæ, in cuius formula forte conceditur facultas absolvendi a casibus reservatis Episcopo ante vulgationem novorum Agendorum Pastoralium, etiam post eorundem promulgationem, non obstante, quod casus Nobis reservati in dictis Agendis specialiter exprimantur & enumerentur, eandem facultatem sibi arrogare & usurpare: hinc ad tollendum huiusmodi abusum, & facultatem contra nostram intentionem usurpatam, necessarium esse duximus mentem nostram

apertius declarare, & notum omnibus facere, antiquam illam concessionem facultatis absolvendi a casibus Episcopo reservatis, post reservationem in Agendis novis publicatam nullatenus hoc tempore illis suffragari, sed nova concessione opus esse cum clausula: etiam a casibus Episcopo reservatis in novis Agendis expressis, decernentes irritum & inane esse, si quid deinceps secus attentatum fuerit. In cuius fidem has manu nostra subscriptas & sigillo nostro munitas dedimus in arce Residentiæ nostræ Neuhausanæ 18vâ Martii 1716.

Franciscus Arnoldus.

SYNODUS DIOECESANA *Autumnalis*
MONASTERIENSIS,

Anno Christi MDCCXVIII. Clementis XI. PP. XVIII.
Caroli VI. Imp. VII.

Sub eodem FRANCISCO ARNOLDO, *Monast. Episcopo,*

CELEBRATA
DIE 7. OCTOBRIIS.

FRANCISCUS ARNOLDUS, DEI ET APOSTOLICÆ SEDIS
GRATIA EPISCOPUS MONASTERIENSIS, &c. &c.

Cum ipsi experientia compertum habeamus, quod in nonnullis huius Dioeceseos locis adulatorum sepul-

tura in diem Dominicum & Festivum studiose differatur, licet alio feriato die commode peragi potuisset, non atten-

Tomus X. Concilior. German.

Ccc 2

to,

to, quod cultus Divinus & fidelium Festis, Dominicisque diebus major devotio non parum hac ratione diminuat, omnibus Parochis & Curatis nostris, simulque eorum Parochianis ac subditis sub pœna arbitraria hisce interdiciamus, ne prædictis Dominicis, Festisque diebus, nisi specialis id necessitas exigeret, adutorum funera ad cœmeteria vel Ecclesias deferantur, aut terræ mandentur.

Etsi non dubitemus, quin omnes Parochi nostri ac Curati incumbentium sibi obligationum probe gnari sint,

hisce tamen eos admonere paterne volumus, ut singulis Dominicis, Festisque diebus pro commissio sibi grege sanctissimum Missæ Sacrificium offerre non obliviscantur, prout jam pridem a sacra Congregatione decretum, & a SSmo D. N. INNOCENTIO hujus nominis XII. anno 1699. confirmatum fuit. In fidem præsentis propria manu subscriptas & sigillo nostro munitas dedimus Monasterii 1718. 7ma Octobris.

Franciscus Arnoldus.

EPISTOLA PASTORALIS

REVERENDISSIMI & SERENISSIMI PRINCIPIS ac DOMINI,

D. JOSEPHI CLEMENTIS, (*)

Archiepiscopi XLIX. & Electoris Coloniensis, utriusque Bavariæ Ducis &c. &c.

Anno Christi MDCCXIX. Clementis XI. PP. XIX.
Caroli VI. Imp. VIII.

SUPER CONSTITUTIONE UNIGENITUS.

AD CLERUM POPULUMQUE COLONIENSEM, HILDESIENSEM,
LEODIENSEM, & BERCHTESGADENSEM
sibi subditum,

DATA

BONNE DIE 6. JULII.

JOSEPHUS CLEMENS, DEI GRATIA ARCHIEPISCOPUS COLO-
NIENSIS, S. R. I. PER ITALIAM ARCHI-CANCELLARIUS, ET PRINCEPS ELECTOR,
LEGATUS NATUS S. SEDIS APOSTOLICÆ, EPISCOPUS ET PRINCEPS HILDESIENSIS
AC LEODIENSIS, ADMINISTRATOR BERCHTESGADENSIS, UTRIUSQUE BAVARIÆ,
SUPERIORIS PALATINATUS, WESTPHALIÆ, ANGARIÆ, ET BULLIONII DUX,
COMES PALATINUS RHENI, LANDGRAVIUS LEUCHTEMBERGENSIS, MARCHIO
FRANCHIMONTENSIS, COMES LOSSENSIS, HORNENSIS &c. CLERO, POPU-
LOQUE SUO COLONIENSI, HILDESIENSI, LEODIENSI ET BERCHTES-
GADENSI SALUTEM IN DOMINO.

Omnem operam pro Pastoralis soli-
tudinis munere semper adhi-
buimus, ut creditæ Nobis Christi oves,
unanimes in fide, multa pace fruere-
ntur in Domino, proculque ab illis ex-
ularent diffidia, ea præsertim, quæ ex
(a) doctrinis variis & peregrinis, animas

certum in interitum trahentibus, nasci
solent: (b) Multi enim lupi, ut cum Divo
Martyre Ignatio loquamur, velleribus te-
cti, in Dei stadio currentes, captivos com-
prehendunt: verum in vestris concordibus ani-
mis nullus dabitur illis locus.

Os

(*) Vide inferius.

(a) Ad Hebr. 13.

(b) Epist. ad Philad.

(c) *Os nostrum patet ad vos, Fratres charissimi.* Numquam acerbius (d) *urimur*, quam si inquieti homines (e) *profanis vocum novitatibus* vos conturbent, (f) *non acquiescentes sanis sermonibus*, (g) *errantes, & in errorem mittentes.* (h) *Hic viam pacis non cognoverunt.* (i) *Abundat vero consolatio nostra*, si eam, quam ardentissimis votis & omni conatu firmare satagimus, ipsi vos (k) *soliciti fueritis servare unitatem spiritus in vinculo pacis; unum corpus & unus spiritus, una fides.* Hoc (l) *gaudium*, hæc corona nostra. Gaudium autem nostrum non essetis, Fratres charissimi, nisi pariter & corona; nec corona esse poteritis, nisi arctissimo in spiritu Christi vinculo conjuncti; nec sacro hoc vinculo conjungi, nisi (m) *tenentes supremum in terris Ecclesiæ Caput, in quo totum corpus per nexus & conjunctiones subministratum & constructum, crescit in augmentum Dei, sitque (n) speciosa illa in terris Ecclesiastica Hierarchia, alma Sionis, ubi omnia aptis juncta nexibus locantur, celestisque Hierarchiæ amula, quia (o) unitatis origo, ut Augustinus ait: Si vero sit schisma in corpore, si Ecclesiæ membra a capite sejungantur, si (p) filii Matris pugnent contra eam, si ponatur (q) abominatio desolationis in loco sancto, ac (r) totus Hierarchiæ Ecclesiasticæ Ordo confundatur, non erit amplius illi formosæ Christi Sponsæ species neque decor: & quis deinceps in ea celestis Hierarchiæ imaginem agnoscat, quæ nihil referat celestis concordia, sed illum potius diffidii ac furoris locum adumbret; (s) ubi nullus ordo, sed sempiternus horror inhabitat?*

Nostrum interim (t) *gaudium impletum est*, (u) *abundat consolatio nostra*, cum attendimus Ecclesias Divina providentia curæ nostræ commissas, omnium Ecclesiarum Matri ac Magistræ, illiusque summo Capiti, Christi in terris Vicario, indissoluto omnimodæ obedientiæ ac reverentiæ nodo esse conjunctas, parique obedientiæ & reveren-

tia Constitutionem *Unigenitus* tanta sapientia a Sanctissimo Domino nostro Papa CLEMENTE XI. editam, tanta submissione animi & alacritate ab omnibus prope Orbis Catholici Episcopis, atque etiam a Nobis receptam & publicatam, ceu veram fidei regulam amplexas esse, eique firmissimè adhærere.

Hinc (x) *Pax vobis multiplicata*, & (y) *tranquillitas facta est magna*, dum sævi maris non procul tument procellæ, & vicina littora concutiunt. Ipso sonitu fluctuum, ad vos licet nondum pertinentium, admonemur, navim, cujus regimen Nobis licet indignis traditum est, omni ope subsidioque munire; & ne sufflantibus e vicinia ventis quatitur, diligentissime providere. Quare animos vestros in ea, quam suscepistis, veritate usquequaque confirmatos, solidatosque cupimus.

Quo conducent maxime indubitata, & luculentissima, nuper typis vulgata, Ecclesiæ Præsulum toto Orbe Catholico diffusorum, de suscepta non sine plausu suis in Provinciis Constitutione *Unigenitus* testimonia, quibus profecto obstruitur os omni homini contentioso, effugiumque tergiversanti præcluditur. Quis enim universæ Ecclesiæ rem dogmaticam (cujusmodi est, nemine discrepante, laudata Constitutio) omnium prope primariorum Pastorum suffragiis firmanti, fidem aut obedientiam negare præsumperit; nisi forsitan sanctum hoc abjecerit Christi effatum, (z) *Portæ inferi non prævalebunt*, aliudque in caput suum detorquere voluerit, (aa) *Sit tibi sicut Ethnicus & Publicanus?*

Nos quidem Constitutionem illam ceu Divinum, Christi Sponsæ oraculum, CLEMENTIS XI. voce prolatum ea veneratione colimus, qua divinitus Petro suggestam de Christi Divinitate confessionem, (bb) *Tu es Christus Filius Dei vivi.* Confidenter pronuntiamus,

Ccc 3

- (c) 2. Cor. 6. (d) 2. Cor. 11.
(g) 2. Tim. 3. (h) Ps. 13.
(i) Ad Philip. 4. (m) Ad Coloss. 2.
(o) De unit. Eccl. (p) Cant. 1.
pit: Execrabilis. (s) Job. 10.
(x) 1. Pet. 1. (y) Marc. 14.
(bb) Matt. 16.

- (e) 1. Tim. 6. (f) 1. Tim. 6.
(i) 2. Cor. 1. (k) Ad Eph. 4.
(n) Brev. Rom. in Off. Dedic. Eccles.
(q) Matt. 15. (r) Bulla Pii II. quæ inci-
(t) Joan. 3. (u) 2. Cor. 1.
(z) Matt. 16. (aa) Matt. 18.

tiamus, Fratres charissimi; non minori religione prosequimur, quæ, Deo auctore, CLEMENS XI. quam quæ Petrus effatus est. Cur enim sit venerationis cultusve disparitas, ubi una est fides facientis autoritas? Neque vero ideo Petrus enuntiatur a Domino beatus, quod JESUM Filium DEI vivi edicat (Hoc ipsi demones proclamant) sed quod, Deo revelante, seu inspirante edixerit (cc) *Beatus es Simon Bar-jona, quia caro & sanguis non revelavit tibi, sed Pater meus, qui in cælis est.*

Os Domini per CLEMENTEM XI. locutum esse, universa (quid enim paucorum Nos moveat, moreturque cunctatio?) agnoscit; profiteturque Ecclesia. Nullus igitur superest tergiversationi locus. Ipsi Petri confessio certam præstat definitionem CLEMENTIS: ab illa nimirum confessione, tanquam merces a Domino reddita, dimanavit in Petrum, Petrique Successores suprema omnisque erroris expers in rebus fidei & morum decernendis autoritas; cum Petro, Christi Divinitatem confitenti, Christus ipse Petræ soliditatem in Ecclesia sua fundanda pollicitus est: (dd) *Et ego dico tibi, quia tu es Petrus, & super banc Petram ædificabo Ecclesiam meam.* Quibus verbis concessam Petro fundamentalis lapidis prærogativam præstare Christi Doctores plerique omnes agnoverunt. Hinc asserta Petro, Petrique cathedræ fides, quæ deficere non possit. Et vero si superpositum fundamento ædificium nutare impossibile est, & ipsum labefactari non posse fundamentum nemo erit inficias: quassato enim fundamento, superpositam rueret molem necesse est.

(ee) *Imitatores hic mei estote, Fratres charissimi, sicut & ego Christi.* Ad Petri responsum Patre revelante emissum vocem extollit Christus, comprobans laudansque Discipuli confessionem. Et Nos vocem cum universali Ecclesia extollimus venerantes & laudantes editam a CLEMENTE XI. Deo auctore, id est, Spiritu Sancto juxta Christi

promissa assistente seu dirigente, Constitutionem. Præcludantur aures omni voci alienæ a voce Petri. Dixerint (ff) *Alii Filium hominis esse Eliam, alii Jeremiam, aut unum ex Prophetis: sentiunt ut homines: Petrus vero humana transcendens, quod Divinum est, sensit, sapit, loquitur.*

Præcludamus & nos aures omni voci alienæ a voce CLEMENTIS XI. quantumvis aliter sapiant, aut obloquentur nonnulli; sapiunt ut homines, garrunt ut homines. Petrus per CLEMENTEM locutus est: (gg) *Domino egressus est sermo: non possumus extra placitum ejus quidquam aliud vel audire vel loqui. Quare & ipsius CLEMENTIS plenius Pastoralis sollicitudine & paterno affectu vocibus vos adhortamur: (hh) Nolite, Felici dilectissimi, vosque potissimum, qui ut loco, ita & periculo propinquiore estis, nolite omni spiritui credere: sed sanam & orthodoxam sanctæ Romanæ Ecclesiæ doctrinam, quæ sacram lî-dei depositum intemeratè servat, tuto sequimini & firmiter custodite.*

(ii) *Attendite ergo, Fratres charissimi, ad Petram, in qua fundata est Ecclesia: ab ea ne latum quidem unguem discesseritis. Quis enim Columna Veritatis, quæ Ecclesia est, adhærere possit, qui ad lapidem fundamentalem, cui innititur columna, propius non accesserit?*

Idipsum Nobiscum sapere vos in Domino confidimus, Fratres charissimi; Et si quis vestrum (quod absit) aliter sentit, non Deus, (kk) *sed caro & sanguis revelavit.* Nec vos moveant captiosa cavillantium spirituum argumenta, & frivola, assequendæ veritatis specie fucata, ad Generale Concilium appellatio: quoniam (ll) *ad Sedem quidem B. Petri Apostoli de qualibet mundi parte Canones appellari voluerunt; ab ipsa autem nemo fit (in rebus præsertim dogmaticis) appellare permissus; (mm) Et Apostolica Sedes, frequenti more majorum, dammandi, quos oportuit, nulla existente Synodo, habeat facultatem. Nec veremur, ne Apostolica senten-*

tia

(cc) Matt. 16.

(gg) Gen. 24.

(kk) Matt. 16.

monit. ad Faust.

(dd) Ibid.

(hh) Bull. Pastoral. officii. 1. Joan. 14.

(ll) Gelas. Papa ad Episc. Dardaniæ.

(ee) 1. Cor. 11.

(ff) Matt. 16.

(ii) Isa. 51.

(mm) Idem in Com-

tia (nn) (*cujus auctoritatem semper omnis Catholica Christi Ecclesia, & universales Synodi semper secutæ sunt*) resolvatur, quam & vox Christi, & Majorum Traditio, & Canonum fulcit auctoritas.

Si quis igitur ad vos venerit, aut si cujus in consortium incideritis, qui laudatæ Constitutioni, etiam sub prætextu temerariæ & schismaticæ appellationis ad futurum Generale Concilium perperam interjectæ, debitam obedientiam recusat, nostris vestigiis inhærentes, procul ab eo fugite, sentiatque nullam vobis cum eis, quos nuper sancta Sedes Romana a se separatos declaravit, Communionem Ecclesiasticam existere, nec exituram deinceps, donec (quod faxit Deus) penitus respiciant. Quin & ejusmodi pacis Ecclesiasticæ perturbatores, a quibus non minus, quam a teterrima peste abhorremus, si rescieritis in Diœcesibus nostris aut palam grassari, aut dolosi serpentis instar (qui mos eorum est) clam virus suum spargere, illos ut ad Nos

quamprimum deferatis, per vestram totiusque Dominici gregis salutem adjuramus; ut ex Pastoralis vigilantia ac sollicitudinis præscripto, opportunum exitiali malo, priusquam latius serpat, remedium omni solertia afferamus. Nos enim, sicut cum Patribus Concilii Constantinopolitani (oo) *sequemur semper Apostolicam Sedem, & obediemus*; ita etiam ipsius Communicatores, Communicatores habebimus, & condemnatos ab illa & Nos *condemnabimus, refractarios insectabimur*: Et qui (pp) *Ecclesiam non audierit*, erit vobis *Ethnicus & Publicanus*. Datum Bonnæ in Residentia nostra Electorali die sexta mensis Julii anno millesimo septingentesimo decimo nono.

JOSEPHUS CLEMENS

Archi-Episc. & Elector.

(L.S.)

MELCHIORRI.

(nn) Agatho Papa ad Imper. Constant. & Heracl. ac Tiber. August.

(oo) Conc. Constantinop. an. 536. Act. 4. (pp) Matt. 18.

N O T A.

Quartus hic e Serenissimis Baviaræ Ducibus, qui ab anni 1583 X. Cal. Junii ad Ecclesiæ Metrop. Colonienfis clavum serie non interrupta sederunt, JOSEPHUS CLEMENS lucem aspexit a. 1671 die 5 Decembris; patre Ferdinando Maria, Electore Bavar, matre Henrica Adelaide, Victoris Amedæi, Sabaudia Ducis filia, ortus, ab isdemque omni virtutum domui tantæ proprietarum ac familiarium genere ita excultus, ut orbi universo ceu exemplum ad imitandum proponi posset. Anno 1685 in Episcopatus Frisingensem & Ratisbonensem nepoti suo Alberto Sigismundo successit; a. 1688 ex Præposito Bergsgadenfis electus Princeps, & eodem anno die 19 Julii novem suffragiis Colonienfis Archiepiscopus. Illum egregie contra Wilhelmum Egonem Fürstenbergium S.R.E. Cardinalem & Episcopum Argentinensem a die 7 Jan. Maximil. Henr. Coadjutorem, votisque tredecim inde postulatum, Innocentius XI. summus Pontifex, ac Leopoldus I. Imperator, Ludovico XIV. Gallia Rege omnem licet in contraria lapidem versante, tum decreto tum edicto defenderunt.

Anno 1690 die 19 Januarii coronationi Imperatricis Eleonoræ Magdalena, die vero ejusd. mensis 24. Josephi I. Regis Hungarici in Regem Romanorum electioni Augustæ Vindelicorum aderat, quem pariter die 26 una cum Electore Trevirensi ibidem coronavit. Anno 1693 die 8 Maji Archifraternitatem sub invocatione S. Michaelis Archangeli, tota tunc Germania propagatam in Castris Josephini, Monachio propinqui, Sacello crexit, novumque eodem mox anno die 29 Sept. creavit Equestrem Ordinem sub ejusdem cœlestis genii tutela.

Anno 1694 die 28 Januarii electus est Episcopus Hildefini Coadjutor; ac 20 Aprilis e.a. ab eligentibus 24 de Capitulo Canonicis Leodiensis Episcopus renuntiatus; aliis 21 Canonicis ad hanc dignitatem Ludovicum Antonium Comitem Palatinum Magnum Ord. Teuton. Magistrum designantibus: quo tamen ad diem 4 Maji paulo post defuncto, salva stetit Josephi Clementis possessio, maxime quod favens illi sententia ad diem 18 Septembris ex Urbe advenerit.

Anno

Anno 1698, quo respirare nonnihil a turbis infidiisque gallicis licebat, primum posuit Sacelli aulici hodie tam magnifici Bonnenſi in urbe fundamentum: quodque verſus annum 1700 eo provexit, ut, quo fieri potuit apparatu maximo, ad diem 18 Julii consecraretur. Hæc fiebant non sine eximio Serenissimi Electoris gaudio; quod tamen brevi tenuit: Defuncto enim Calendis e. a. Novembribus Carolo II. Hispaniarum Rege, funestum tam ipsi, quam toti Colonienſi Archidieceſi, ac Leodienſi patriæ bellum exarſit de Successione Hispanica nuncupatum. Suo ad partes gallicas accessu, favore & auxilio Joſephus Clemens vehementissime offendit Leopoldum Cæſarem, hujusque filium Joſephum I.: qui ab obitu patris ſui ad diem 3 Maji a. 1705 ſecuto, fatalem contra Archiepiſcopum noſtrum, & fratrem ejus Electorem Bavarum Maximil. Emmanuelem ſententiam primum Viennæ die 6 Aprilis 1706, tum Ratiſbonæ, Colonix & Leodii publicari, locisque parentioribus adſigi juſſit.

Hæſit Princeps noſter, utroque exul Episcopatu, inter gravissima lugentis animi vulnera, votaue ardentissima tantisper in Galliis, inde proſectus Inſulas, ubi majores S. R. E. Ordines, autore Cameracenſi Archiepiſcopo, Franciſco de Salignac, die nimirum 13 Auguſti a. 1706 Subdiaconatum, die 8 Decembris Diaconatum, & die 25, in ipſa Natalis Domini nocte Presbyteratum, per Ludovici de Coerlogon, Tornacenſis Episcopii manus, ſuſcepit, litavitque primam DEO hoſtiam Cal. Jan. a. 1707 in templo PP. Soc. Jeſu, consecratus in Archiepiſcopum Cal. Majis a laudato jam Archiepiſcopo Cameracenſi, Episcopis Atrebatenſi, Ipreſi, Audomarenſi ac Namurcenſi adſiſtentibus; præſentibus etiam, ut quidam ſcribit, Suffraganeis Colonienſi ac Leodienſi, nec non Abbatibus migratis ſex ſupra viginti.

Annus 1713 felix erat ac diu deſideratus, qui Joſephum Clementem, per Art. 15, 16, & 17 pacis Badenſis a. prior. die 7 Sept. fixæ, menſe Januario Leodienſibus; Colonienſibus Februario menſe inter uberes gratulantium & adclamantium ſetus reddidit.

Vixit hinc Præſul gregis ſui ſtudioſiſſimus octo duntaxat annos, morbo tandem hydropico extinctus Bonnæ die 12 Nov. a. Chr. 1723, æt. 51. Reg. Archiep. Colon. 25, Episcop. Hildel. 9, Leod. 29, Adminiſt. Bergteſgad. 35, Sacerdotii 17, Conſec. Episcop. 16. Corpus 3 Jan. 1724 inſigni tranſlatum pompa ad Ubios, atque exuviis Prædeceſſorum e regione Sacelli trium Regum adlocatum fuit.

Fortiſſimum a Sede Apoſtolica habebatur Joſephus Clemens *Religionis propugnaculum*; ofor Janſeniſtarum merito fuit acerrimus; incredibili in Auguſtiſſimum Sacramentum amore ferebatur, illud comitari publicis in ſupplicationibus, cum illo dies noctesque agere, illius Congregationes extollere laudibus, in iisque Præſecturam gerere quam ſæpiſſime viſus. Non minus tenero pietatis ardore complectebatur Deiparam: hanc certe quot diebus eligebat in matrem; ei, cum cedendum a. 1703 Bonna eſſet, ſe ſuosque cives commendabat, adpenſis ejusdem imagini publico in templo urbis clavibus (quæ religio vel hodie obtinet) Eidem Dominae ſuæ Oettingæ Veteris cor; ad Sacellum vero Lauretanum, Inſulis a ſe conditum, viſcera teſtamento legavit. In D. Sponſum Joſephum, in S. Michaelem, aliosque Angelos & Cœlites quis pariter fuerit, longum eſſet commemorare. Hoc addo. Sub vitæ occaſum pulcherrime & auguſtiſſime virtutum omnium ſplendor in Joſepho Clemente eluxit. Dici igitur de eo poteſt: Fuit *Joſephus Clemens* in vita magnus, in morte maximus; Princeps bonus, Chriſtianus optimus.

Vid. de elect. Fürſtenb. in Coadj. Col. Puffendorff, Frid. Wilb. Lib. 19. §. 59. ſq. De geſtis reliquis Struvium, Hiſt. germ. Tom. II. Period. X. Foullon Hiſt. Leod. Tom. III. Caſtillion, Pütters & alios.



O R D I N A T I O N E S

ARCHIEPISCOPALES, (*)

AD USUM

ARCHIDIOECESIS TREVIRENSIS

Anno Christi MDCCXX. Clementis XI. PP. XX.

Caroli VI. Imp. IX.

A

REVERENDISSIMO, EMINENTISSIMO, & SERENISSIMO
DOMINO,

D. FRANCISCO LUDOVICO (**) S.R.I. Principe,
Archiepiscopo LXXXV & Electore Trevirensi, Comite
Palatino Rheni &c. &c.

E D I T Æ,

DONEC STATUTA SYNODALIA IN FORMA AUCTIONE
PUBLICARI POTUERINT.

FRANCISCUS LUDOVICUS, DEI gratia Archiepiscopus
Trevirensis, S. R. I. per Galliam & Regnum Arelatense Archicancellarius & Princeps Elector,
generalis Militiæ Hierosolymitanæ Ordinis B. MARIE Teutonicorum Russiæ Administrator,
ac ejusdem per Germaniam, Italiam, partesque transmarinas Supremus Magister, Episco-
pus Wormatiensis & Præpositus Princeps Ehwacensis, Administrator Pru-
mienfis perpetuus, Comes Palatinus Rheni, Bavariæ, Guliæ, Cliviæ & Montium Dux,
Princeps Maritiæ, Coadjutor Archiepiscopatus Moguntini, Comes Veldentiæ, Spon-
bermit, Marchiæ & Ravensburgi, Dominus in Ravensstein, Freudenthal
& Eulenberg &c. &c. Ad Clerum, Populumque
Trevirenses.

Cum ab initio suscepti Regiminis Archi-
Episcopalis primas curas spiritualium ge-
rere teneamur, quatenus Divini cultus aug-
mentum, Religionis antiquæ puritas, domus
Dei decor, Ecclesiasticæ disciplinæ vigor, ac
communis ovium Nobis desuper commissarum
salus tam conservari, quam ulterius promo-
veri valeant. Preinde ex suprema Pastoralis
Officii nostri sollicitudine Ecclesiarum omnium
per vastam Archidiocesi nostram spiritualibus,
& temporalibus commodis providere, neces-
sariam in Clero & populo reformationem assu-
mere, excessus & defectus occurrentes corri-
gere, demum abusus quosvis temporum ac
hominum malitia inducos, præcipue vero pe-

riculosos errores hac rerum tempestate in con-
finiis Archidiocesis nostræ serpentes procul
arceve cupientes; funesta tamen experientia
noscentes, frustraneum fore, leges etiam salu-
berrimas condi, si earundem vigor & obser-
vantia non urgeatur, congruum & opportu-
num esse judicavimus, diversas Constitutiones
Archiepiscoporum Electorum Prædecessorum
nostrorum felicitis recordationis in memoriam
revocare, aliasque novas exigentibus excessuum,
defectuum, & abusuum circumstantiis publicari,
ac eo potissimum collimari, ut Constitutiones
seu Ordinationes nostræ per Vicariatuum no-
strum in Spiritualibus Generalem, Consistoria
Ecclesiastica, Decanos & subordinatos Defini-
tores,

(*) Deest in Exemplari annus, quo hæc Ordinationes primum emanarunt. Nos ad an-
num 1720 rejiciendas duximus.

(**) Vide sub finem.
Tomus X. Concilior. German.

tores, Camerarios, Pastores, & Vicarios curatos debita executioni mandentur. Quem in finem sequentia statuimus, ordinamus, & inviolabiliter observari mandamus, donec habita exactiore totius Archidiœcesis notitia Statuta Synodalia in formam redigi, & ultrius publicari potuerint: quod dum ulteriori

nostræ dispositioni reservamus, interea in virtute sanctæ obedientiæ, & sub arbitrariis penis districte præcipiendo mandamus, præsentibus Ordinationes nostras vite publicari, eandemque debitam observantiam, vigore iuramenti Deo, Ecclesiæ, & Nobis præstiti, quantum fieri potest, adimpleri.

INDEX CAPITUM IN HIS ORDINATIONIBUS CONTENTORUM.

- CAPUT I. De Officiis, obligationibus, vita & honestate Cleri, præsertim curati.
II. De administratione debita Sacramentorum.
III. De Juribus Ecclesiarum & obligationibus Parochianorum.
IV. De Officio Pastoris.
V. De Officio Definitoris.
VI. De Officio Decani.
VII. De Congregatione S. Caroli.
VIII. De Inquisitionibus.
IX. De conscribendis Actis tum Visitationis, tum Congregationis habitæ.

- X. De Synodo Decanali, seu annuo Capitulo Rurali.
XI. De Titulis ordinandorum patrimonialibus.
XII. Synopsis germanica Ordinationis Archiepiscopalis de Catechesi in Augusta Trevirorum habenda.
XIII. Synopsis germanica Ordinationis Archiepiscopalis de Catechesi in aliis Civitatibus & oppidis Archidiœcesis Trevirensis habenda.
XIV. De Officio Fiscalis.

CAPUT PRIMUM.

De Officiis, obligationibus, vita & honestate Cleri, præsertim curati.

I.

Cum nihil sit juxta saluberrimum monitum sacri Concilii Tridentini, quod alios magis ad pietatem & Dei cultum instruat, quam eorum vita & exemplum, qui se Divino ministerio dedicarunt, nec ullum gravius præjudicium, quam a Sacerdotibus, toleret Deus, ut verbis loquamur S. Gregorii Papæ, quando illos, quos ad correctionem aliorum posuit, dare de se exempla pravitatis cernit: perit namque reverentia, & admittitur disciplina, si, qui culpas debuit emendare eas committat; quod ipsum omnes quidem Clericos in sortem Domini vocatos, præcipue tamen animarum Curatores respicit, quibus onus Angelicis humeris formidandum incumbit, ac e quorum manibus commissorum animæ requirentur; proinde serio monemus, ut animarum Curatores propriæ & alienæ salutis memores in omnibus se ipsos præbeant exemplum bonorum operum, nemini dantes ullam offensionem, ut non vituperetur ministerium

eorum, sollicitè fugientes ea non tantum, quæ mala sunt, sed quæ speciem mali habere possunt, apud pios fideles, illa præsertim, quæ ob insignem sui turpitudinem Apostolus nominari vetat in Sanctis, pascentes gregem Dei non turpis lucris gratia, sed voluntarie forma facti gregis ex animo, ut, cum apparuerit Princeps Pastorum, recipiant meritum coronam.

II. Cum vero Deus in Angelis suis repererit pravitatem, & humana fragilitate sæpius ruant, qui stare videbantur, candidique Nazaræi supra carbones denigrescant; in hac tamen vasta Archidiœcesi ad externa territoria longe diffusa, ipsimet singulis necessitatibus invigilare non possumus, cumprimis Vicariatus noster Generalis, & Consistoria vices nostras supplere teneantur, idipsum autem absque sufficiente, & continua e partibus longinquis informatione adimpleri nequeat, inhæremus Prædecessorum no-

strorum

frorum antehac emanatis Ordinationibus, præsertim Archiepiscopi LOTHARII piissimæ memoriæ de anno 1622. Decanis ubiliter per Archiepiscopum nostrum constitutis sub arbitraria gravi pœna, etiam suspensionis a Divinis, mandantes, ut singulis tribus mensibus excessus seu defectus in Clero vel populo, sicut etiam abusus seu errores quosvis contra legem Dei vel Ecclesiæ in districtibus Decanatum suorum irrepentes, Vicariatui nostro Generali seu Consistorio nostris quoad contentiosa juxta con- & scientiam suam pertinenter denuntient, ad effectum necessariæ reformationis seu prompti remedii malis gliscentibus afferendi: Ubi tamen casus urgens & gravis de excessu vel defectu publice scandaloso occurrit, qui promptum remedium requirat, Decani, Definidores, Camerarii & Pastores ante lapsum trimestre indilate desuper referre teneantur.

III. Sicur tempus trimense ad hoc designavimus, ita conveniens duximus materias munerì Pastoralì proprias & essentialia exprimi, nimirum, ut singuli Decani specificè denuntient, an gravis defectus notatus fuerit in administratione Officiorum Pastoralium, præsertim quoad Catecheses, sermones, Sacramenta morientium &c. An occurrant graves defectus quoad honestatem morum Clericalium? an scandalà sint, seu præbeantur in Clero seu populo? an orthodoxa Religio & sana doctrina pariantur ab A Catholicis vicinis, seu hujus temporis Novatoribus quavis hæresi aperta deterioribus? an bona, redditus, & jura Ecclesiarum, temporum & hominum injuriis detrimentum subeant? an Tempa, Capellæ, cimiteria, domus Parochiales in bono statu reperiantur? an domus Scholares habeantur, & instructio juvenutis non negligatur? an super redditibus & proventibus Ecclesiarum singulis annis justæ rationes reddantur? an gravis sit egestas alicujus Ecclesiæ Parochialis, ejusdemque Rectoris, & unde proveniat? an Edicta Archiepiscopalia seu Ordinata visitationum executioni dentur? circa quæ & similia Parochorum, Vicariorum, Cappellanorum, & Parochianorum com-

Tomus X. Concilior, German.

missorum vitam, mores, doctrinam & conversationem respicientia, Decani ex officio ad exonerandam propriam & aliorum conscientias se fideliter informare, & in scripto referre teneantur.

IV. Ad sublevandam in hoc Decanorum operam singuli Pastores Definitoribus, seu Camerariis Capituli quovis mense statum Parochiarum in districtu suo fideliter exponant, hi vero Decanos circa finem trimestris desuper informant, qui subordinatione debita ad Vicariatium nostrum Generalem referenda transmittant, quatenus Nobis præsertim circa graviores causas exacta relatio submitti valeat.

V. Cum Archidiecefis tota per Vicarium nostrum Generalem aut specialiter deputatos, præsertim in exteris territoris integre visitari per iteratas vices nequeat, Decani in hoc vices suppleant, Capitula sibi commissa cum assilientia unius saltem Definitoris & Secretarii, si non omni anno ad parcendum sumptibus, saltem frequentius visitando, & juxta præscriptum Tridentini summariarum & fidelem seriem Actorum ad Vicariatium nostrum Generalem infra mensem a visitatione peracta transmittendo.

VI. Attenta vero difficultate singulos Decanatus quot annis visitandi, seu identidem per subiectas Parochias discurrendi, congruum & opportunum censemus conferentias mensuarias, seu Congregationem sub invocatione S. Caroli Borromæi magni illius discipuli Ecclesiasticæ restauratoris antehac in quibusdam Decanatibus laudabiliter introductam, sed sensim sine sensu ob abusum quosdam facile tamen corrigibiles intermissam, in quibusdam vero Decanatibus ingenti fructu Cleri curati, & ædificatione populi fidelis restitutam, posthac ulterius continuari, tanquam informationis necessariæ circa statum Parochiarum facilius habendam, exercitationi in studiis, mutuo Confratrum auxilio & consilio, ac reformationi vitæ Clericalis, morumque disciplinæ cumprimis servientem, eoque magis amplectendam, quod Sanctissimus Dominus noster CLEMENS XI. Summus Pontifex Congregatio-

nem hanc concessis plenariis indulgentiis clementissime approbaverit : ad evitandos tamen quosdam abusus, præsertim excessus in conviviis, quæ saluberrimum institutum odiosum reddunt, & usum sui Capitulorum diversorum congrue adoptandum, libellus impressus methodum ubivis summarie docebit.

VII. Omnes ac singuli Decani debita cum sollicitudine attendant, ut non tantum ii, qui, ad regimen animarum in qualitate Pastoris, sive Vicarii, aut Sacellani amovibilis, aut perpetui destinantur, literas investituræ Archiepiscopalis seu Archidiaconalis, insuper & commissionis regendi seu approbationis exhibeant, ac coram iisdem publicam professionem fidei emittant, reliqui vero simplices ad sacrum tribunal non approbati Sacerdotes certæ Ecclesiæ adscribi, & in districtu, ubi habitant, Decano subesse, & obedientiam præstare teneantur.

VIII. Cum Synodus Provincialis in hac Archiepiscopali ob temporum injurias diu intermissa absque magnis difficultatibus servari nequeat, mandamus hunc defectum per Capitula generalia omnium & singulorum Decanatum Ruralium quotannis haberi solita, quantum fieri potest, suppleri, ac in iis exacte ea servari, quæ de jure statutorio vel consuetudinario introducta reperiuntur.

IX. Inhærentes Constitutionibus Archiepiscopalibus Prædecessorum nostrorum LOTHARII *de anno 1622. §. 23. & 25.* JOANNIS HUGONIS *de 12. Aprilis 1677. & novissimæ CAROLI de 6. Aprilis 1713.* Ordinamus, ut omnes & singuli Curati, seu Vicecurati, Clerici sæculares vel regulares, etiam Parochiarum plene unitarum, non obstantibus quibuscunque præteritis exemptionibus seu privilegiis in annuo Capitulo seu conventionem capitulari personaliter compareant, & ibidem debitam Decanis obedientiam, aliaque præstanda præstent, vel legitimas causas in scriptis exhiberi faciant, quare personaliter comparere nequeant, sub arbitrariis penis etiam suspensionis a Divinis, contra inobedientes & refra-

ctarios ex officio decernendis, quos proinde Decani Rurales denuntiare teneantur.

X. Decani Rurales leviores defectus & excessus Clericorum ipsimet corrigant sub arbitrariis multis ad causas pias applicandis, graviores vero causas ad Vicariatum nostrum Generalem seu Consistoria nostra deferre teneantur, quatenus ex officio desuper inquire, & deficiente propria confessione reorum servatis servandis denuntiatum crimen probari, ac congruum malo remedium afferri valeat.

XI. Cum sub auspiciis novi Archiepiscopalis Regiminis Decani Rurales quatuor Capitulorum Wallonicæ nationis, Longionensis, Juvigniacensis, Ivodienfis seu Carigniacensis, & Bazeliensis pro renovatione facultatum primæ instantiæ super quibusdam causis personalibus Clericorum, & aliis foro Ecclesiastico propriis humillime supplicare, eæque ob distantiam locorum, & sublevamen fidelium Diocesanorum ex speciali gratia, non aliter nec alias, ac sub limitatis clausulis concedi soleant: Nos ad evitandas quascunque nullitates, quæ ex defectu jurisdictionis enasci solent, juxta parentes Archiepiscoporum Electorum Trevirensium Prædecessorum nostrorum felices recordationis, novissime CAROLI CASPARI *de anno 1663.* JOANNIS HUGONIS *de anno 1677.* CAROLI *de anno 1715.* harum tenore expressissime declaramus, ab hac concessione mere gratiosa ad instantias humillimas quatuor Decanorum hactenus factas cognoscendi causas minores Ecclesiasticas & personales Cleri, semper excipi, & exceptas esse causas matrimoniales, beneficiales, & fiscales gravioris momenti, utpote Nobis & Consistoriis nostris reservatas, specialiter inhibentes, ne quisquam Decanus, seu alius inferior in causis supra exceptis sine speciali nostra, vel Vicariatus nostri Generalis, seu Consistorii Archiepiscopalis commissione informationes ullas sumere, minus cognoscere temere præsumat sub pena suspensionis & revocationis quarumcunque facultatum : quoad causas minores actoribus liberum relin-

quentes, an habitis forte diffidentiae motivis contra Decanos in prima etiam instantia coram Consistorio nostro Trevirensi, vel in partibus coram Decanis agere voluerint, salva tamen appellatione ad Nos, seu tribunal nostrum ordinarium competenter introducenda.

XII. In Decanatibus jurisdictioni nostrae spirituali simul, ac temporali subiectis multae pecuniariae ob leves culpas muneris Pastoralis a Decano cuiusvis Capituli fideliter colligantur, super quibus in usus proprios nihil disponat, sed Vicariatus Generali annue computum reddere teneatur, ubi ad pios usus publicos applicatio congrua decernetur.

XIII. Nunc ad obligationes Cleri ulterius progrediendo, renovamus iteratas Ordinationes Archiepiscoporum Praedecessorum nostrorum BALDUINI de anno 1339. 20. Maji, CAROLI CASPARI de anno 1667. 1. Februarii, JOANNIS HUGONIS de anno 1680. 27. Augusti, & postremas CAROLI de anno 1714. 25. Octobris circa gestationem habitus Clericalis nigri coloris, sicut etiam inhibitionem conviviorum baptismalium, nuptialium, popinarum, chorearum & ludorum antehac quidem publicatas, sed non ea, qua decet, reverentia & obedientia ab omnibus & singulis Canonici, Parochis, & aliis Clericis executioni datas. Nos proinde ex Archiepiscopalis nostri muneris exigentia hujuscemodi in opprobrium status Clericalis vergentibus corruptelis occurrere, & supra memorata Decreta exactiori posthac observantiae dare volentes, omnibus & singulis districte praecipiendo mandamus, ut in Sacris constituti per decentiam habitus extrinseci morum bonitatem intrinsecam ostendant, ac in forma vestium, quae mentis indicium est, regalis Sacerdotii dignitatem a filiorum hujus saeculi vanitate distinguant, sed habitum Clericalem ordini suo congruentem, quem juxta Decreta Pontificia talarem esse optamus, semper deferant, neque caeruleis palliis seu vestibus alio, quam nigro colore tinctis aut colaribus, quam ordini Clericali propriis, sub quocunque praetextu uti, nec tabernas citra necessitatem itineris

ingredi, aut convivia nuptialia, baptismalia, nundinas publicas cum scandalo piorum fidelium frequentare, minus vero chartarum, alearumque ludo prohibito deservire, vel quod in Sacerdote horrendum est, choreas ducere praesumant sub arbitrariis multis & poenis, etiam suspensionis a Divinis, ubi bis moniti non respuerint, mandantes Decanis, ut transgressores denuntient, Curiis vero nostris Ecclesiasticis, ut contra refractarios via juris procedant, seu procedi faciant.

XIV. Posteaquam Nobis innotuit quosdam Curatos, hoc tamen nomine indignos, oneris sui & annexae rationis desuper aliquando reddendae parum memores, extra Parochiam magna anni parte circumvagari, imo, quod pejus est, litibus & negotiis saecularibus implicari, quærentes, quæ sua sunt, non quæ Jesu Christi, ita ut gregem suum ad plures septimanas deferant, vel imperitis mercenariis, quibus cura non est ovium, concedant: Nos residentiam personalem jure Divino juxta monitum Tridentini Concilii singulis Pastoribus injunctam promovere cupientes, districte praecipimus, quatenus omnes & singuli Curati in Parochiis personaliter resideant, nec inde vel ad otidium sine rationabili causa, & expressa Decani licentia, ad longius vero tempus absque gravi causa & obtenta a Nobis, seu Vicariatu nostro Generali in scriptis permissione, abesse praesumant sub poenis juris ad arbitrium nostrum infligendis.

XV. Ne defectu necessariae instructionis catecheticae vox illa horrois & confusionis plena per Archidicesiam nostram audiat: *Parvuli petierunt panem, & non erat, qui frangeret eis.* Thren. 4. & ex hoc probroso neglectu ignorantiam mysteriorum fidei etiam necessitate medii requisitorum ad feram usque ætatem promanare damnabiliter contingat, ita ut multis incuriis propriae & alienae salutis occini possit illud Propheticum: *O Pastor & idolum derelinquens gregem. Vae! Pastoribus Israel, qui pascebant semetipsos, nonne greges a Pastoribus pascuntur? Iac comedebatis & lanis operiebamini, gregem autem non pascebatis.* Proinde Nos juxta diversas

Constitutiones Archiepiscopales Prædecessorum nostrorum sub pœnis inibi contentis serio mandamus, ut omnes & singuli Pastores primam & essentialem hanc muneris sui partem posthac adimpleant, & non tantum per Adventum & Quadragesimam, sed toto anni tempore singulis Dominicis & Festivis doctrinam Christianam populo fidei tradant, vel ad minus alternativis Dominicis & diebus festivis, ubi impedimenta occurrunt, concionentur & catechizent, negligentes in hoc pro qualibet vice a Decanis arbitraria multa corrigantur, moniti vero ter ad officium deferantur, graviore pœna corrigendi, ut nosse discant de quavis etiam bubulci anima infinito precio redempta strictas eis coram Deo rationes reddendas.

XVI. Quamvis tempus Catechesis opportunum sit pomeridianum, si tamen ea sit pagorum filialium constitutio, ut major pars Parochianorum hyemali præsertim tempore ob viarum difficultates vel distantiam ad templum redire nequeant, volumus eam ante meridiem post Missæ Officium, vel loco concionis alternative intra Officium solenne haberi: ubi vero occurrit in aliqua Parochia duo Sacra celebrari matutinum & solenne, conveniens judicamus Catechesin etiam in Sacro matutino tradi, ne ædium & pecorum custodes hac instructione priventur.

XVII. Ad doctrinæ Christianæ frequens exercitium, & tandem laudabilem non minus, quam necessariam uniformitatem in tradendis populo Christiano fidei, morumque principiis summo opere commendamus Confraternitatem doctrinæ Christianæ sub titulo JESU & MARIÆ, ac patrocinio S. FRANCISCI XAVIERII Indiarum Apostoli, quem in finem optamus introduci in singulis Parochiis Catechismum R. P. *Philippi Scoville* S. J. Missionarii, dum viveret zelotissimi, ab Archiepiscopis Prædecessoribus nostris immediatis, eorundemque Vicariis Generalibus Episcopis Hieropolitano, & Arbenſi, sicut a moderno nostro Vicario Generali Episcopo Rosmensi in forma correctiore récenter approbatum, com-

monentes hiscè Decanos Rurales, ut hanc intentionem nostram clementissimam in promovenda dicta Confraternitate præ aliis Sodalitatibus Pastoralium muneris & Parochianorum directioni magis congrua urgere satagant.

XVIII. Ad stabiliendam uniformitatem in sacris Ritibus, serio mandamus, ut omnes & singuli Curati utantur proprio Rituali, seu libro Agendorum nostræ Archidiecesis, sicut etiam Missali & Breviario Romano Trevirensi juxta propria Festa impressa, & Directorium quot annis jussu & auctoritate nostra edi solitum, ulterius ordinantes eum in finem conciones ex Evangelio Dominicali juxta Directorium occurrente in singulis Parochiis conformiter haberi.

XIX. Monemus propitiatorium Missæ Sacrificium, cui Angelorum chori cum tremore assunt, a singulis debita cum præparatione, nitore conscientiarum, & in habitu talari cum requisitis paramentis ad ædificationem piorum fidelium devote semper celebrari, singulis vero mensibus ad minus Confessario pio & timorato, non ejusdem farinæ socio, Confessionem Sacramentalem fieri, ac Decanis, ubi conveniens judicaverint testimoniales desuper exhiberi, sub pœna suspensionis a Divinis.

XX. Pro conservando spiritu Ecclesiastico hortamur Clerum, præsertim curatum, ad peragenda singulis annis, vel ad minus bienniis exercitia spiritualia seu recollectionem mentis in domo quadam Religiosa, ac cum *inter mundanos pulveres* (verba sunt S. Gregorii) soleant etiam religiosa corda quandoque *sordescere*, commendamus omnibus, ut quotidie lectionem aliquam spirituales peragant, ac mediam ad minus horulam meditationi sacre circa finem hominis, vocationem & dignitatem status Sacerdotalis, obligationes muneris Pastoralis, aliasque æternas veritates impendant, ac intentionem puram ad Deum sæpe renovent.

CAPUT II.

De administratione debita Sacramentorum.

I.

Cum juxta oraculum S. Concilii Tridentini *Sess. 7. de Sacram. Can. 13.* recepti & approbati Ecclesiæ ritus in solenni Sacramentorum administratione adhiberi consueti contemni, aut sine peccato a Ministris pro libitu omitti, aut in novos alios per quemcunque Ecclesiarum Pastorem mutari non possint, serio monemus Ministros Altaris, & Dispensatores Mysteriorum Dei, ut ritus etiam extrinsecos & accidentales ab Ecclesia, salva Sacramentorum substantia, præscriptos, exacte observare satagant, sciantque eos sine gravi noxa negligi, mutari, vel omitti non posse juxta illud sacri textus: *Maledictus, qui facit opus Domini negligenter.*

II. Quem in finem abusibus quibusvis obviare cupientes, districte præcipimus, ut sine veste talari nullus unquam ad Altare Domini accedat, vel Sacramenta administret, omnes & singuli vero ad Rubricas Missalis, aliasque sacras cæremonias cum in- & attentione debita reflectant, quatenus fideles per hæc externa Religionis signa ad Mysteriorum Dei, quæ in eis latent, contemplationem & venerationem magis excitentur.

III. Cum Ecclesia locus sit proprius administrandis Sacramentis, sub pena suspensionis inhibemus, ne quisquam Sacerdos Sacramentum Baptismi sine consuetis Ecclesiæ cæremoniis, vel in privatis ædibus extra casum gravis necessitatis administrare præsumat, præcipue vero aboleri mandantes gravem abusum in assecurandis, ut vocant, privatim prolibus ob absentiam patrini vel matris, & adhibendis post lapsum plurium sæpius annorum sacris cæremoniis, indignum judicantes, in Baptismo maxime necessario Sacramento, ubi quisque operibus satanæ, ejusque pompis renuntiat, prophanas ejusmodi vanitates ulterius tolerari, maxime, ubi præscriptas cæremonias per substitutos nomine principalium

adimpleri convenit: mandantes insuper nullas obstetrices admitti, nisi bonæ famæ de forma Baptismi rite instructas, ac juxta præscriptam formam Ritualis nostri juratas.

IV. Inhibemus horrendum & superstitioe plenum abusum unius seu alterius Parochiæ in reponendis ad Altare S. Crucis, seu B. M. V. prolibus in utero materno sine Baptismate mortuis, iisque, ubi colorem in facie ex causâ pure naturali mutare visæ fuerint, cum prophanatione sacrilega Sacramenti vel a Sacerdote, vel etiam Eremita vicino, vel a muliere quadam impie baptizari solitis, eo duntaxat fine, ut proles mortuæ in loco cemetarii benedicto sepeliri valeant; quæ superstitio, ne alios Parochianos attrahat, inhibitam eandem esse volumus sub pena suspensionis contra Ecclesiasticos, excommunicationis contra Laicos, & interdicti in ipsas Ecclesias ferendi.

V. Sub arbitrariis pœnis aboleri serio mandamus alium abusum in quibusdam Capitulis introductum, ut prima puerpera pauper aut dives tempore Paschali post factam distributionem sacrorum Oleorum pro sua prole (quam hircum Paschalem nominant) omnes expensas itineris in recipiendis Treviri, vel in Capitulo generali sacris Oleis nomine Parochiæ persolvere teneatur, serio mandantes eam solutionem a singulis Parochianis, qui Sacramenta conjunctim participant, debite præstari.

VI. Facta Nobis relatione a Suffraganeo nostro in Pontificalibus & Spiritualibus Vicario Generali, qualiter in cursu visitationum circa Sacramentum Confirmationis Episcopali characteri proprium duo extrema cum tadio ingenti notata fuerint, ut quidam tardius in provecta jam ætate necdum satis instructi venerint, alii absque ullo ordine vel reverentia Sacramento debita proles infra discretionis annos adduxerint: proinde serio mandamus, ne proles confirmandæ ante usum rationis & species rememorativas sacre functionis præsententur, Parochi vero aliique Catechistæ populum fidelem
de

de institutione, dispositione, forma & effectibus hujus Sacramenti vivorum eo majore zelo ad orthodoxæ nostræ fidei robur instruant, quo magis convenit hac rerum tempestate, ubi Novatores fundamenta sanctæ nostræ Religionis concutere in vanum laborant, fideles ad sustinendam Catholicam veritatem septiformi Spiritus Sancti gratia confirmari.

VII. Cum Nobis ulterius relatum fuerit Augustissimum Eucharistiæ Sacramentum, quod non modo gratiam, uti reliqua Sacramenta novæ legis confert, sed ipsummet omnis gratiæ & sanctitatis Authorem continet, minus decenter haberi & administrari, pluresque Ecclesias stabulo Bethlemitico similes reperiri, ubi adoranda Majestas Salvatoris, cujus deliciæ sunt esse cum filiis hominum, non invenit locum, ubi caput digne reclinet, reponi plerumque solita in tabernaculo lacero, vel pulveribus obrito, Ciboriis aut Monstrantiis abjectis, corporalibus, purificatoriis, & mappis sordidis, quibus accedunt sacræ supellestilis defectus, vel immundities aperta: proinde ut huic irreligiositati, quam Divina Nemesis in arca veteris testamenti, quæ tantum umbra & figura fuit, incruenti novæ legis Sacrificii, morte sæpius vindicavit, occurratur, mandamus in singulis Ecclesiis tabernaculum erigi, illudque a sordibus & pulveribus custodiri, mundum semper corporale Sacramento subterni, purificatoria nicta Sacrificio applicari, Hostias consecratis majores vel minores quolibet mense ad minus, vel frequentius, ubi humidæ sunt Ecclesiæ, renovari, negligentes vero in his a Decanis locorum desuper moneri & arbitrarie corrigi.

VIII. Ob tanti Sacramenti debitam reverentiam, in quo *Deus fecit remorem mirabilium suorum, & Divini sui erga homines amoris divitias effudit*, ardeat coram tabernaculo lumen perpetuum, defectu foundationis specialis, aut mediorum fabricæ e piis collectis Parochianorum eo majori cum fiducia impetrandæ benedictionis supernæ comparandum, quod Authori omnium bo-

norum, *qui lucem habitat inaccessibilem, & illuminat omnem hominem venientem in hunc mundum*, hoc exiguum devotionis homagium præstetur.

IX. Dum Venerabile Sacramentum ad ægrotos pro viatico vel Communione Paschali defertur, mandamus lumen cum tintinnabulo præferri, & dum de die solenniter deportatur, umbellam adhiberi, specialiter commendantes omnibus & singulis fidelibus, ut Deum incarnatum in hoc Sacramento amoris devote adorare, & usque ad Ecclesiam pro obtinenda desuper benedictione comitari non negligant, quem in finem qualibet vice quadraginta dierum indulgentias in forma Ecclesiæ consueta concedimus ac impertimur.

X. In hærendo S. Concilii Tridentini Decretis & diversis Archiepiscopilibus Statutis districte inhibemus, ne Sacerdotes extranei sæculares vel regulares, ex aliis quandoque Diocesibus cum scandalo dimissi seu fugitivi, ad nuptias agni immaculati forsitan sine veste nuptiali, seu ad tremenda Mysteria minus dispositi admittantur, antequam literas testimoniales Ordinarium suorum (vulgo exeat) & a Nobis licentiam in scriptis desuper exhibuerint. Declarantes hac inhibitione prædicationem verbi Divini specialiter comprehendi sub pœna suspensionis a Divinis.

XI. Minister Sacramenti Pœnitentiæ meminerit in hoc sacro tribunali tria sibi officia, iisdemque annexas obligationes gravissimas incumbere, Judicis nimirum in recte judicando, ubi pœnitens rei, actoris, & testis personas sustinet, Doctoris, in recte instruendo circa necessaria necessitate medii & præcepti, & Medici in curando seu pœnitentias delictis congruas applicando, proinde semel approbati, aut ordinaria seu delegata jurisdictione præditi nunquam desistant a studio Theologiæ, præsertim moralis, ne, dum alias species Theologicæ sensim evanescent, sæpe numero cæcus cæcum ducat, & ambo in foveam cadant, aut eveniat inter temporales curas modici quæstus illud querulantis Prophetæ:

Viola

Violabant me ad populum meum propter pugillum bordei, & fragmen panis, ut interficerent animas, quæ non moriuntur, & vivificarent animas, quæ non vivunt. Ezech. 13. 19. Ponentes lucem tenebras, & tenebras lucem, quæ vera sunt, falsæ, quæ falsæ sunt, vera demonstrantes.

XII. Volumus examen rigidum approbandorum pro excipiendis confessionibus, seu cura subsidiaria animarum coram Vicario nostro Generali & Examinatoribus ad hoc specialiter deputatis prima feria quarta cujuslibet mensis institui, & ab approbandis testimonia studiorum, vitæ, & morum produci, quibus singulis consideratis digni & habiles admittantur, ordinarie tamen cum certa limitatione temporis ad biennium seu triennium, ut interea in studiis & praxi se magis exercent, ac ulteriorem approbationem mereri valeant, nisi vitæ exemplaris, & excellens doctrina approbandorum eos ad revocationem usque approbari persuadeant.

XIII. Nemo præsumat confessiones Monialium excipere, vel a casibus jurisdictioni nostræ Archiepiscopali ordinariæ reservatis absolvere absque prævio examine, & expressa desuper a Vicariatu nostro Generali in scriptis obtenta licentia, ne defectu approbationis & jurisdictionis in administratione Sacramenti Pœnitentiæ nullitas committatur, & Confessarii similes largæ manicæ per hoc sacrilegii gravisque pœnæ se reos constituent.

XIV. Ad evitandum defectum jurisdictionis in re, ubi de valore Sacramenti agitur, ac sententiam probabiliorum & tutiorum practicari oportet, declaramus, ubi Parochus intra annum moritur, & hæredes alium Vicarium curatum pro administratione Parochiæ suis impensis, usque ad festum S. Joannis Baptistæ proximum substituere tenentur, vicariam commissionem regendi a Vicariatu nostro Generali in scriptis requiri debere, præterquam enim quod delegata jurisdictio Capellani per mortem Parochi concedentis expiret, eamque Ordinarius regulariter non concedat, nec concessisse censeatur, periculosum foret

Tomus X. Concilior. German.

ab hæredibus quoscunque approbatos, forsitan ad regimen etiam vicarium tantum hujus vel illius Parochiæ minus habiles cum dispendio quandoque spirituali Parochianorum pro libitu assumi, ubi tamen Vicarius pro certa Parochia approbatus & jurisdictione delegata præditus ibidem post mortem Parochi substituerit, fungi pergat officio Vicarii, & in ejus defectu Decanus loci alium idoneum pro Capitulo approbatum ob distantiam forte notabilem provisionaliter substituat, eo usque donec res Vicariatus Generali denuntiari, ac congrue disponi poterit.

XV. Nulli Sacerdoti liceat in privatis ædibus, vel etiam in Sacristia, seu alibi, quam in confessionali Ecclesiæ patente confessiones pœnitentium, præsertim alterius sexus excipere, nisi gravi necessitate id ipsum exigente: quamvis reliqua Sacramenta absque veste talare & superpellicio administrare non liceat; permittimus tamen ex rationabili causa id ipsum in Sacramento Pœnitentiæ privatim fieri.

XVI. Parochi Sacramentum Extremæ Unctionis, non tantum Pœnitentiæ, sed totius vitæ Christianæ consummativum mature & gratis administrant, neque pro Viatico quicquam exigere præsumant sub quocunque prætextu vel colore, ne alias pauperes quandoque defectu mediorum tardent, aut prorsus negligant hoc extremum pro restaurandis corporis & animæ viribus institutum remedium, vanam illam persuasionem ægrotis aufferendo, quasi suscepto hoc Sacramento necesse foret diem claudere extremum.

XVII. Quoad Sacramentum Ordinis cum inter Pontificalis Officii Nobis ab Altissimo concediti partes ea præcipua sit, quam mediante nostri in Pontificalibus Vicarii Generalis opera deligendis ac promovendis dignis Ecclesiæ Ministris, qui fideles existant Mysteriorum Dei dispensatores, ac piis fidelibus verbo & exemplo præluceant, impendere tenemur, ne minus dignis quoad titulum, vitam, mores & doctrinam undequaque defectuosos cum vilipendio Regalis Sacerdotii manus im-

E e e

impo-

imponi, ac domum Dei ignavis fungis repleti sapius contingat, qui alieno melle deliciar, laboris vero nihil in commune bonum conferre possunt, aut volunt, dum in præsentis morum corruptela, ut verbis S. Bernardi loquamur, *curritur passim ad sacros Ordines & reverenda ipsi quoque Spiritibus Angelicis ministeria, homines apprehendunt sine reverentia, sine consideratione, verendumque sit istos non alibi ordinandos, quam ubi nullus ordo, sed sempiternus horror inhabitat*: Nos proinde quoscunque abusus & defectus in admittendis, ad sublime hoc vitæ genus, tollere volentes, serio hortamur ea, quæ sacri Canones, Constitutiones Pontificiæ, Concilia, præsertim Tridentinum, ad collationem, susceptionem, & executionem Ordinum saluberrime præscribunt.

XVIII. Signanter ordinamus Bullam INNOCENTII XII. Papæ, quæ incipit: *Speculatores domus Israel*, pro tollendis abusibus & fraudibus circa Ordinationes aliorum subditorum editam, tum vero Constitutionem novissimam Eminentissimi JOANNIS HUGONIS Archiepiscopi Electoris Prædecessoris nostri p. m. de 10. Novembris 1678. rite publicatam, exactius posthac adimpleri, cum primis, ut juxta sanctæ Sedis Apostolicæ & aliarum Dioecesium exemplum, omnes & singuli, qui in hac Archidioecesi nostra Trevirensi in Clerum cooptari desiderant, recollectione spiritali prævia (de qua doceant in scriptis) expendant onus, quod ultra appetunt, & ex motivo pure supernaturali, non ex intentione sinistra commoditatis aut lucris temporalis, sanctuarium ingredi præsumant.

XIX. Circa titulos Ordinationum severissime inhibemus, ne quisquam fucata testimonia concedat super patrimonii fictici aut sterilibus, seu beneficiis non legitimis, seu ita modicis, ac ad Clericalem sustentationem minus congruis, ut ordinati desuper cum opprobrio Ordinis Clericalis mendicare, aut sordidum quæstum in servitio Laicorum exercere præpostere cogantur, hisce decernentes contra falsi & fraudis ejusmodi reos sub gravibus arbitrariis pœnis ex officio procedendum.

XX. Ordinandi titulos patrimoniales & pensionum integro mense ante tempus ordinationis Sigillifero Consistorii nostri fideliter & mature exhibeant, qui juxta renorem altæ Constitutionis de iis primitus accurate discussis, postea in plena Domini Episcopi Ordinatoris & Consistorialium congregatione vi juramenti sui docebit, dictos titulos non esse falsos, fictitios, aliunde a Decanis, Pastoribus, aliisve quibuscunque personis tam Ecclesiasticis, quam Regularibus accommodatos, atque in Ecclesiæ fraudem emendicatos: instrumenta vero de patrimonii in titulum totalem vel partialem assignatis coram Curia locorum, unde bona dependent realizata, sigillata, & approbata fuisse, cum exacta hypothecarum designatione, & attestatione valoris ad minimum sexaginta imperialium annui census, ac legitimæ cohæredibus, si existant seu congruæ sustentationis aliunde parentibus relicta, sicut & trinæ proclamationis cathedra per Parochos locorum factæ, qui desuper literas testimoniales Ecclesiæ sigillo munitas authentice transmittent.

XXI. Quoniam titulus patrimonialis a sacro Concilio Tridentino non nisi dispensative pro iis, qui judicio proprii Episcopi Ecclesiis aut utiles, aut necessarii sunt, admittitur, statuimus omnes & singulos, qui titulo dispensativo patrimonii ad sacrum Presbyteratus ordinem aspirant, posthac non admittendos, nisi prævie ad curam subsidiariam Ecclesiæ, cui adscribi volunt, impendendam, per examen idonei reperi fuerint, ne alias hac ætate nostra plures desideres Sacerdotes, sed paucos operarios in messe multa reperiri contingat, qui officium Sacerdotale suscipiunt (ut loquitur S. GREGORIUS Papa) sed opus officii non adimplent, suam potius, quam Ecclesiarum utilitatem quærentes, quibus merito illud propheticum ingeminare convenit: *quia tu repulisti scientiam, repellam te, ne Sacerdotio fungaris mihi*, quam tamen ordinationem ita mitigatam esse volumus, ut in certis casibus, ubi de vocatione ad statum Ecclesiasticum, sufficientia patrimonii, scientia, moribus, & vita promovendorum

dorum constat, similes dispensative ad sacros Ordines etiam sine doctrina ad curam vicariam requisita promoveri valeant, ea tamen lege, ne ullus unquam absque præviis attestatis Professorum tam de scientia, quam vita & moribus fidem facientium ad sacros Ordines admitti debeat.

XXII. Ne vero similes Sacerdotes ex benignitate & dispensatione extraordinarie admissi incertis sedibus vagentur, Nos ad mentem sacri Concilii Tridentini antiquam Ss. Patrum disciplinam præ oculis habentis, intenti volumus, ut ad titulos patrimoniales ordinari cupientes, suum, cui adscribi velint aut commode possint, Ecclesiæ desiderium, simulque Rectoris Ecclesiæ illius iudicium in scriptis exhibeant, sub cuius directione peragenda juxta status Sacerdotalis exigentiam adimpleant, atque ita promoti ab Ecclesiâ, cui semel adscripti sunt, ultra bimestre continuum citra nostram, aut Vicariatûs nostri Generalis permissionem abesse, minus vero stationem atque novo beneficio pro libitu deserere præsumant sub arbitrariis pœnis alias infigendis.

XXIII. Ordinatum quidem reperimus per Constitutiones binas a Prædecessoribus nostris piissimæ memoriæ CAROLO CASPARO & JOANNE HUGONE emanatas, ne ullus ad sacrum Subdiaconatus ordinem ante absolutam Philosophiam promoveatur; verum cum per Subdiaconatus suspensionem voto solenni, & per caracterem impressum irretractabili statui promotus astringatur, & notatum fuerit plures, qui vix extremis labris studium Theologicum vel Canonicum degustarunt, imo sæpius in doctrina catechetica debiles reperti fuerint, præcipitanter ad sacros ultèriores Ordines occasione vacantium in Collegiatis nostris Ecclesiis locorum Capitularium promotos fuisse; Nos proinde tam pietatem, quam scientiam in Clero nostro tanquam duo militantis Ecclesiæ brachia promoveri volentes, auctoritate nostra Archiepiscopali statuimus & ordinamus, ac supra memoratas Ordinationes ita extendimus, ut ad sa-

cros Subdiaconatus, Diaconatus & Presbyteratus ordines nemo posthac admittatur, nisi qui ad minimum, biennio in aliqua Universitate vel Gymnasio quodam Theologiæ speculativæ seu morali, & etiam Juri Canonico sedulo vacaverit, aut saltem de actuali studio tali biennali sub attestato Professorum, sufficienter docuerit, quod illud ante suspensionem Sacerdotii adimplere valeat. Uterius pro Canonicis Collegiarum Ecclesiarum hujus nostræ Archidiocesis statuentes, nullum ad sacros Ordines promovendum, nisi qui nomine Capituli a Scholastico præsentatus fuerit, aut attestatum Capitulare sub proprio Ecclesiæ illius sigillo circa vitam & mores attulerit, ad locum vero capitularem seu qualemcunque perceptionem fructuum non admittendum, nisi qui juxta Ordinationes Archiepiscopales Prædecessorum nostrorum specimen cantus choralis dederit, ita, ut omnes etiam ad loca capitularia antehac admissi, tantum tanquam proprium Canonicorum pensum sub arbitraria subtractione reddituum addiscere teneantur; super quo, sicut aliis ad observantiam Statutorum requisitis, Decanorum conscientias oneramus.

XXIV. Pensiones cessas aut donationes libere factas non aliter admitti volumus pro titulo, quam sine præjudicio prolium cessoris seu donatoris, & authentico testimonio Parochi, pensiones illas reales esse, nec ullam fraudem latere; quantum ad matricularia seu alia officia Ecclesiastica, cum investitura supponat approbationem, solum ea admitti permittimus, si ex fundatione a Nobis, seu Vicariatu nostro Generali approbata, perpetua, & inamovibilia, ac ad competentiam desuper ordinandi sufficientia reperta fuerint.

XXV. Inviolabiliter demum observari præcipimus ea, quæ per sacros Canones, Concilia, & Ordinationes Archiepiscopales hujus Archidiocesis circa ætatem, vitam, mores, doctrinam, aliasque corporis ac animi dotes pro tam sublimi statu requiruntur, signanter Edictum nostrum de 10. Junii

Ecc. 2.

1717.

1717. adversus Janſenianos errores editum hiſce renovantes, ac ſpecialiter declarantes, neminem poſthac in Archidieceſi noſtra Trevirenſi ad ſuſcipiendos ſacros Ordines, Eccleſiaſtica Beneficia vel officia, excipiendoſ conſeſſiones, prædicandum Dei verbum, ſeu dirigendas animas admiſſum iri, niſi præter formularium ALEXANDRI Papæ VII. pro more debito Archidieceſis noſtræ a ſingulis ſubſcribendum, etiam juxta Sanctiſſimi Domini noſtri CLEMENTIS XI. Eccleſiam Dei feliciter regentis Conſtitutionem, quæ incipit: *Vineam Domini Saboth*, pariter in hac Archidieceſi noſtra publicatam tenuerit, Conſtitutionibus INNOCENTIANÆ & ALEXANDRINÆ contra ſectam Janſenianam editis non ſatiſfieri per obſequioſum, ut vocant, ſilentium, ſed ſenſum damnati libri, ab omnibus hæreticum, non ſolum ore, & externa quantumvis ficta obedientia, ſed interius & corde rejici debere, mandantes pariter Bullam CLEMENTINAM, quæ incipit: *Unigenitus Dei Filius*, in hac Archidieceſi noſtra mox ab initio rite publicatam & integerrime receptam, ab omnibus & ſingulis ordinandis ſeu promovendis ea, qua par eſt, integritate & devotione recipi, nec eidem in minimo directe vel indirecete verbo aut opere contrairi ſub pœnis excommunicationis per ipſam Bullam & iterata Ediſta noſtra Archiepiſcopalia comprehenſis, & ipſo facto incurrendis.

XXVI. Quod attinet magnum Matrimonii Sacramentum, cum tam ex relatione Decanorum ruralium, quam per querelas Magiſtratuum ſæcularium ſatis innotuerit, qualiter quidam carattere ſuo indigni Sacerdotes cum ingenti Cleri noſtri Diceceſani Trevirenſis in conſiniis vicinarum Diceceſum opprobrio contra rigoroſa Decreta ſacri Concilii Tridentini per hanc Archidieceſin noſtram Eleſtorales debite publicati & recepti, iisdemque conformia Statuta Archiepiſcopalia, ac in iisdem præſcriptam formam, turpis luctri cauſa Matrimonii clandestinis nulliter aſſistere, ſeu omiſſis trinis proclamationibus, vel iis abſque intervallo dierum de præcepto feſtivorum, aut

tempore vetito Adventus & Quadageſimæ factis ad ſolemnizationem matrimonialem temere procedere, vel etiam extra Eccleſiam proprium Sacramentorum locum in privatis ædibus, cauponis, ſeu aliis diurnis & nocturnis conventiculis inter militares, peregrinas & vagas perſonas, nec non inter Calviniſtam aut Lutheranum cum Catholica & vice verſa cum periculo ligaminis ſeu alterius impediementi dirimentis, aut priorum ſponſalium ſeu alterius impediementis copulationes matrimoniales impie peragere præſumant: deinde quidam Matrimonium contrahere volentes, ſponſalia clandestina cum frequentatione damnabilis commercii inire, vel ad celebrationem Matrimonii per verba de præſenti, ſpretis trinis Eccleſiæ proclamationibus ad detegendum, ſi quæ lateant impediementa, ſalubriter inſtitutis ſine conſenſu parentum, ſine prævia Sacramentali Conſeſſione coram proprio Parocho quidem, ſed invito, ſeu coram ipſo Ordinario renitente in vel extra Eccleſiam valide quidem ſervata quoad ſubſtantiam aſſiſtentiaſ teſtium forma Tridentini, ſed illicitæ & doſoſe progredi non perhorreſcant. Nos proinde ſcandalis quibuiſvis, nullitatibus, ſacrilegiis, & animarum periculis obviare, eosque quos timor Dei & miniſterii ſanctitas vel Catholice Religionis profeſſio in officio non continent, pœnarum rigore ab ejusmodi nefariis attentatis retrahere volentes, autoritate noſtra Archiepiſcopali ordinaria pro legitima Sacramenti Matrimonii adminiſtratione ſequentia ſtatuenda & ordinanda duximus.

XXVII. Quicunque Parochianos alienos, ſine proprii Parochi, aut noſtra, ſeu Vicariatus noſtri Generalis licentia copulare, atque ita clandestinitatis vitium attentare præſumpſerint, præter cenſuram ſuſpenſionis, quam ipſo facto incurrunt, juxta Decretum Tridentini *ſeſſ. 24. C. 1. de Reform.* hiſ formalibus: "Quod ſi quis Parochus, vel alius Sacerdos, ſive regularis, ſive ſæcularis ſit (etiãſi id ſibi ex pri-vilegio vel immemorabili conſuetudine licere contendat) alterius Parochiæ ſponſos ſine illorum Parochi licen-

" licentia Matrimonio conjungere, aut
 " benedicere ausus fuerit, ipso jure
 " tamdiu suspensus maneat, quamdiu
 " ab Ordinario ejus Parochi, qui Ma-
 " trimonio interesse debebat, seu a quo
 " benedictio suscipienda erat, absolve-
 " tur: " Noverint simul ejusmodi
 transgressores contra eos, ubi correcti
 non respuerint, etiam ad incarcerationes
 & privationes Beneficiorum cano-
 nice procedendum.

XXVIII. Cum omisso proclama-
 tionum absque rationabili causa &
 dispensatione graviter peccaminosa cen-
 seatur, pariter esse clandestina quoad
 omnes effectus & penas juris, præter
 quam nullitatis Matrimonii, ubi tale
 Matrimonium in præsentia Parochi pro-
 prii & testium contractum fuit, sub
 eadem pœna suspensionis pariter inhi-
 bemus, ne quisquam deinceps sine præ-
 viis trinis proclamationibus, sive ban-
 nis per tres Dominicas, vel dies de
 præcepto festivos interpolatos, non
 autem feriales tantum, neque eodem
 die Dominico vel festivo, vel tempore
 vetito per Adventum & Quadragesi-
 mam faciendis, vel absque intervallo
 unius saltem diei inter ultimam procla-
 mationem, & ipsius Matrimonii cele-
 brationem intercedente, Parochianos
 suos matrimonialiter copulare præsu-
 mat, nisi desuper per Nos, seu nomi-
 ne & autoritate nostra legitimis de
 causis fuerit dispensatum.

XXIX. Cum Matrimonium in Ec-
 clesia, quæ Sacramentorum proprius
 est locus, ac inter Missarum solennia
 celebrari debeat, sub pari suspensionis
 pœna inhibemus, ne in privatis etiam
 Nobilium ædibus, vel a meridie aut
 de nocte absque speciali nostra, vel
 Vicariatus nostri Generalis licentia
 quisquam Matrimonium solennizare
 præsumat, volentes serio inculcari Pa-
 rochianis, id magis auspiciatum fore,
 & majorem inde Divinæ benedictionis
 fructum sperandum, ubi res sacra in
 loco sacro administrata fuerit.

XXX. Quicumque sæculares im-
 pia & Sacramento injuriosa praxi Ma-
 trimonium non servatis proclamatio-
 nibus coram Ordinario, vel Parochis
 invititis & reluctantis clandestine con-

trahere præsumpserint, ad comprimen-
 dam hanc extremam temeritatem no-
 verint se ipso facto censuras interdi-
 cti personalis & excommunicationis in-
 cursuros.

XXXI. Nullus intra tertium &
 quartum consanguinitatis vel affinitatis
 gradum, vel etiam spiritali cognatio-
 ne ex Baptismo seu Confirmatione con-
 junctos sine prævia legitima dispensa-
 tione, nemo item A catholicis sine ex-
 pressa Vicariatus nostri Generalis licen-
 tia copulare præsumat casu nimirum,
 quo impia pacta de educandis in alia
 secta prolibus alterius sexus, seu peri-
 culum perversionis quoad compartem
 Catholicam abesse dignoscatur.

XXXII. Quantumvis parentum
 consensus juxta sacros Canones non de
 necessitate absoluta, sed de honestate
 tantum requiratur, curent tamen Pa-
 rochi, ut eorum consensus sponalibus
 accedat, quem si iusta de causa de-
 sponsandis denegent, moneant paterne
 liberos, ne invititis aut insciis parenti-
 bus sponalia concludant, eo magis,
 quod in partibus hujus Archidiececesis
 temporali Dominio Regiæ Christianis-
 simæ Majestati subjectis Matrimonia
 sine consensu parentum inita, quoad
 substantiam quidem valida, quoad effec-
 tus civiles dotis & successionis hære-
 ditariæ cassari seu præpediri soleant.

XXXIII. Sponsus & sponsa ante
 copulationem matrimonialem, prævia
 Confessione Sacramentali & devota
 Communione se disponant ad gratiam,
 quam Sacramentum confert, uberius
 impetrandam, eaque mediante onera
 Matrimonii animo Christiano ferenda.

XXXIV. Parochi neo-sponsos de
 doctrina Christiana examinabunt ad
 dignoscendum, an statum, qui Christiana-
 nam prolium educationem requirit,
 assumptis obligationi gravissimæ in-
 struendi proles satisfacere sciant, in quo
 si deficiant, statuimus & ordinamus,
 proclamationes trinas & celebritatem
 Matrimonii eousque differri, donec
 neo-sponsi in rudimentis fidei satis in-
 structi appareant.

XXXV. Pro evitando vicio clan-
 destinitatis, declaramus, non sufficere
 præsumptam seu interpretativam tan-

tum licentiam proprii Pastoris, sed expressam omnino requiri: proprium vero Parochum censendum, in cujus Parochia sponsi tempore copulationis matrimonialis sine fraude vel dolo habitaverint, ibique substituerint animo sincero non ficto manendi, seu domicilium figendi: cum tamen in re tanti momenti via tutior semper eligi, & cautela etiam abundans servari debeat, si sponsi tanto tempore in Parochia commorati non fuerint, ut Parochus de omnimoda eorundem libertate securus esse valeat, volumus juxta præscriptum Concilii Provincialis Trevirensis sub BALDUINO Archiepiscopo celebrati de anno 1310. proclamationes tam in loco originis, quam novissimi domicilii rite publicari, desuper testimoniales libertatis seu non latentis impedimenti canonici afferri, a proclamato seu proclamata vero unicuique Parocho medietatem tantum jurium consuetorum persolveri: ubi vero sponsi sunt e diversis Parochiis oriundi, in utraque trinas proclamationes servari.

XXXVI. Cum juxta Decreta S. Concilii Tridentini antiquorum Canonum inhærensia solis Episcopis, seu eorundem Officialibus, non vero Archidiaconis, Diaconis, seu aliis inferioribus cognitio causarum matrimonialium de jure competat; sicut etiam jurisdictioni ordinariæ tantum potestas ferendi censuras in subditos competere dignoscatur. Proinde si quæstio juris seu dubium de valore sponsalium vel matrimonii de præsentiori oriatur ob incidens impedimentum canonicum, mandamus sub iterata pœna suspensionis a Divinis, ad solennizationem seu usum Matrimonii non procedi, vel etiam conjuges per divortium separari, antequam res Vicariatus nostro Generali seu Consistorio nostro pro dispensatione vel decisione congrua denunciata fuerit, nullus vero inferiorum de justitia appositionis vel natura impedimento- rum nulliter & incompetenter cognoscere præsumat.

XXXVII. Quamvis Sponsalia clandestina valida sint, nec sub lege irritante clandestina Matrimonia comprehendantur, eadem tamen reprobamus

& inhibemus tanquam illicita, incitativa libidinum, fomenta litium, imo sæpius perjuriorum & tragicorum eventuum prænuntia, monentes a Parochis fideles Parochianos ad hoc excitari, ut clandestinitatem sponsalium devitent, eaque in præsentia Parochi, vel aliorum testium, præsertim consanguineorum peragant sub arbitraria pœna refractariis infligenda.

XXXVIII. Quoad impedimenta dirimentia vigore indulti Apostolici dispensabilia, quæ vigore facultatum ad quinquennium Nobis concessarum ad tertium & quartum simplicem & mixtum consanguinitatis & affinitatis gradus se extendunt, ad præcavendas nullitates, errores, & confusiones sæpenumero in hoc occurrentes, moneamus Parochos in petendis & concedendis ejusmodi dispensationibus requiri, ut primo casus matrimonialis, seu facti species cum omnibus suis circumstantiis, nimirum, an supplicantes scientes vel ignorantes impedimentum bona fide convenerint, an incestus cum ignorantia impedimenti, & spe obtinendæ per hoc facilius dispensationis, quod totum casum variat, interverit, an proles suscitata sit nec ne, sicut etiam motiva canonica dispensandi apud Theologos & Canonistas passim obvia clare, distincte, & fideliter exponantur, deinde formetur schema consanguinitatis vel affinitatis, seu arbor genealogica per suos ramos seu gradus, additis, quoad sciri potest, ubique ascendentium nominibus propriis usque ad stipitem, cum subscriptione Parochi & duorum Synodaliū, vel etiam consanguineorum notitiam similiū majorem habentium, ut distantia graduum, & an supplicantes in æquali vel inæquali gradu conjuncti, & an juxta tenorem facultatis Apostolicæ qualificati sint, rite cognosci valeat, quibus demum jungatur testimonium Parochi super paupertate dispensandorum, nimirum eos esse Catholicæ fidei cultores, pauperes vero ex suis labore & industria tantum vivere.

XXXIX. Porro in casibus, quorum absolutio & dispensatio a sacra Pœnitentiaria Apostolica impetrari debet,

bet, si quoad forum tantum internum res agatur, Parochus seu Confessarius casum sub nomine Titii seu Terentiae Eminentissimo Domino Cardinali majori Pœnitentiario fideliter exponet, & inde responsum præstolabitur juxta instructionem alias typis editam & publicatam: ubi vero in foro externo petitur Romæ dispensatio in secundo, vel secundo & tertio ab eodem stipite provenientibus consanguinitatis seu affinitatis gradibus, requiritur ab Ordinariatu nostro testimonium, ut vocant paupertatis, cum attestato Parochi per Vicariatum nostrum Generalem rite legalizato.

CAPUT III.

De Juribus Ecclesiarum & obligationibus Parochianorum.

I.

Cum Ecclesia sit domus orationis, & in loco sacro sacra tantum tractari debeant, serio inhibemus publicationes rerum prophanarum & civilium in Ecclesiis, earumque cœmeteriis, vel aliud quid a sanctitate loci alienum peragi sub pœna interdicti.

II. Domus Dei decorem, quantum in Nobis est, promovere volentes, ordinamus in singulis Ecclesiis supellestem coloris juxta Rubricas requisiti comparari, laceras & attritas casulas, sicut etiam corporalia & purificatoria minus decora vel immunda ab usu tremendi Sacrificii removeri, mutilas seu deformes imagines ad osuaria reponi, vel in terram defodi, cœmeteria vero ubivis bene claudi, ne pecoribus pervia remaneant, sub pœna similis interdicti per Vicarium nostrum Generalem, vel Consistoria nostra; ubi res per oppositionem partium ad forum contentiosum deducta fuerit, decernendi.

III. -Ad erigendas Capellas volumus a Nobis, seu Vicariatu nostro Generali licentiam expressam in scriptis præve requiri, & invigilari, ne quicquam in præjudicium matricis Ecclesiæ, ejusdemque Rectoris irripere contingat, declarantes incolas Capellarum, seu pagorum filialium ad onera quæ

cunque Parochianis communia teneri, nisi ex consuetudine legitime præscripta aliud evincant.

IV. Nullus secularis aut regularis Sacerdos in Oratoriis privatis, aut in alio portatili, quam per Episcopum consecrato Sacrum celebrare, minus vero binare audeat, absque speciali permissione nostra, seu Vicariatus nostri Generalis sub pœna suspensionis & interdicti.

V. Cum Nobis relatum fuerit, quoad jura, ut vocant, stolæ ob diversos situs Decanatum ruralium uniformitatem alias necessariam hætenus introduci non potuisse, mandamus receptam in singulis Capitulis observantiam seu consuetudinem antiquam eo usque servari, donec absoluto cursu visitationis generalis certum quid determinari potuerit, interea monentes, ut Parochi in exigendis juribus ad pauperes reflectant, Parochiani vero in solvendo Ministro Altaris, qui de Altari vivere debet, competentis juribus morosos se non exhibeant, utrimque vero jurgia & lites evitare studeant.

VI. Ordinamus computus Ecclesiarum super receptis & expositis singulis coram Pastore & Synodalibus exacte reddi, citra convivium, ut vocant, synodale & graves expensas Ecclesiæ, serio monentes, ut Pastores & Synodales urgeant exactam solutionem restantium pensionum & censuum, ita, ut quovis anno saltem currens, & una restans pensio solvatur: ubi vero debitores ad triennium in iis solvendis morosi fuerint, permittimus ad subhastationem seu distractionem judicalem bonorum Ecclesiæ hypothecatarum procedi, & summas capitales pro bono Ecclesiæ securius applicari.

VII. Pastores & Synodales vigore juramenti Deo & Ecclesiæ præstiti invigilent, ut pro creditis Ecclesiæ judiciales hypothecæ semper constituantur, expensæ tamen apud Justitios locorum pro diversitate majorum vel minorum capitalium moderamen accipiant, ne ex hujus necessitatis præcautionis neglectu subsecuta inopia debitorum Ecclesia damnum patiatur, ac
incon-

in concursu creditorum ipsam Ecclesiam perfidis Judæis hypotheca judiciali provisus via juris postponi sæpius contingat, cum actione subsidaria contra ipsos Provisores in hoc negligentes Ecclesiæ posthac reservanda.

VIII. Circa reparationes seu novas constructiones Ecclesiarum Parochialium declaramus, jus consuetudinarium in Archidiecepsi nostra vigere, ut Decimatores ad constructionem & reparationem navis, Pastor primitivus, seu Vicarius perpetuus, ubi tertia parte decimarum gaudet, ad facta testæ chori sibi traditi, Parochianos vero ad turrim, sacristiam, cœmeterium, & ossuarium, sicut etiam ad vecturas & operas manuales pro reparatione navis & chori necessarias teneri, nisi alicubi per observantiam contrariam legitime præscriptum fuerit, quod tamen tanquam facti non præsumitur, sed pertinenter probari debet, ob usum contrarium in Archidiecepsi nostra etiam per extera territoria spirituali tantum jurisdictioni nostræ subiecta uniformiter receptum. Cum vero Nobis relatum fuerit a plurimis Decimatoribus Ecclesiasticis & sæcularibus per Archidiecepsin nostram constitutis, hanc obligationem construendi seu reparandi ruinas seu dirutas Ecclesias, tanquam onus reale decimis inhærens negligi, autoritate Archiepiscopali ordinaria omnes & singulos in Domino hortamur, ut huic debito privilegiato indilate satisfaciant, sciantque ex funesta plurium locorum experientia, fulgura, tempestates, siccitates, ac depredationes hostiles ex hoc potissimum evenire, quod Ecclesiarum debita structura, & domus Dei deserta remaneat, prout id ipsum Spiritus veritatis æternæ apud Aggæum Prophetam Cap. 1. terrificis & merito imprimendis verbis inculcat: *Nunquid tempus vobis est, ut habitetis in domibus laqueatis, & domus ista deserta: propter hoc super vos prohibiti sunt celi, ne darent vorem, & terra prohibita est, ne daret germen suum, & vocavi siccitatem super terram, & super montes, & super triticum, & super vinum &c. quam ob causam dicit Dominus exercituum, quia domus mea deserta est, vos festinatis unusquisque in domum suam, ac demum hortatur Pro-*

pheta omnes, quicumque ad Ecclesiarum reparationes tenentur, *ascendite in montem, portate ligna, & edificate domum, & acceptabilis mihi erit, & glorificabor dicit Dominus.* Si qui vero in adimplenda hac strictissima obligatione posthac negligentes reperti fuerint, volumus id ipsum per Decanos, & Pastores locorum absque ulla personarum acceptione denunciari, quatenus congruis juris remediis decor domus Dei promoveri valeat.

IX. Idem Parochiani tenentur ad constructiones seu reparationes domuum Pastoralium, seu Scholarum, ita tamen ut Pastor ædes pastorales in congruo statu traditas in factis testis conservare teneatur, in quo si negligens repertus fuerit, hæredes ad ipsum præstandum adstringi poterunt.

X. Cum ab instructione teneræ juventutis in literis & bonis moribus reliquæ vitæ temporalis & æterna salus dependeat, neque prolibus ea melior hæreditas relinqui valeat, sub arbitrariis pœnis mandamus, in singulis Parochiis proprias ædes scholares erigi, & erectas conservari: assumi vero cum approbatione Pastorum habiles & idoneos Ludimagistros, iisque consuetum & integrum salarium persolveri ab omnibus & singulis, qui proles habent instructionis capaces a septimo usque ad duodecimum ætatis annum, quantumvis negligentes reperti fuerint in mittendis prolibus ad Scholam communem, habita tamen in hoc aliqua consideratione pauperum, pro quorum instructione alias gratuita Ludimagistris necessaria sustentationis indigis aliqua recognitio e mediis fabricæ seu Hospitalium assignari poterit.

XI. Cum plurimi parentes & patresfamilias negligentes reperti fuerint, in mittendis toto anni tempore prolibus & domesticis ad doctrinam Christianam contra præceptum Apostoli infideli deteriorem afferentes, qui domesticorum curam non habet, ubi notatum fuit apud plures majorem esse curam custodiæ pecorum, quam pro pabulo spirituali animarum pretioso Christi Sanguine redemptarum, districte præcipimus, ut parentes hoc negotium

gotium propriæ & alienæ salutis non negligant, incurii vero pro qualibet abſentiæ vice multam Synodalem trium affium ſeu alborum ad pios uſus Eccleſiæ, vel coemenda munuſcula caſteſtica ſolvere teneantur, refractarii in ea ſolvenda ad duplum aſtringantur, ter vero monitos ſeu incorrigibiles ad Conſiſtoria noſtra denuntiari mandamus, graviore pœna etiam interdicti perſonalis in ordinem redigendos.

XII. Periculis quibusvis animarum occurrere volentes ſub arbitraria gravi pœna monemus, ne Parentes Catholici proles ſuas, famulos aut ancillas ad ſervitia A catholicorum cum periculo perverſionis & frequenti neglectu exercitii Orthodoxæ Religionis tranſire unquam permittant, in hoc non tam lucrum modicum temporale, quam immenſum animarum pretium cordi ſumentes.

XIII. Synodales vigore juramenti præſtiti tam circa ſpiritualia bonam nimirum vitæ ac morum diſciplinam, quam ad temporalia ſeu redditus & proventus Eccleſiarum conſervandos aſtricti, denuntient exceſſus & defeſtus occurrentes, quales ſunt neglectæ doſtrinæ Chriſtianæ, commiſſæ prophanationis feſtorum, alique ſimiles, ſicut etiam pari zelo provideant bonis & juribus Eccleſiarum, ut pro creditis ſufficiens & legalis hypotheſis conſtituatur, prædia vero agri, vineæ & prata plus offerenti, & non ultra ſexennium elocentur.

XIV. Qui Feſta operibus ſervilibus vehendo, metendo, molendo, pinſendo, vel alias abſque neceſſitate aliqua meſſis aut vindemiæ, & expreſſa licentia Vicariatus noſtri Generalis, aut Paſtorum ab hac Metropoli diſtantium prophanaverint, arbitraria multa Synodali ſemper corrigi mandamus, quoad hoc tamen Parochos in Domino monentes, ne faciles nimium ſint in ejuſmodi licentia concedenda; nec nimium duri in ea poſt peractum Officium Divinum deneganda, ubi communis neceſſitas aut periculum perdendarum fruſtus urſerit.

Tomus X. Concilior. German.

XV. Feſta univerſalis Eccleſiæ in hac Archidieceſi noſtra uniformiter ſervari præcipimus, neque ulli Paſtorum liceat pro libitu vel ex propria devotione Feſta particularia, præterquam Patronorum Parochialis Eccleſiæ, promulgare, deſceatque omnino reliquas juridiſtioni noſtræ Archiepiſcopali ordinariæ ſubjectas Eccleſias ritibus & exemplo Metropolitanæ Matris ſuæ conformari.

XVI. Feſta tonitrualia, ut vocant, quæ plerumque indiſcreta Religio, vel etiam ſuperſtitio citra conſenſum Superiorum, ac contra ordinem Eccleſiæ pertinaciter hætenus induxit, proriſus abrogari mandamus, ex cauſis tamen approbantes diebus illis, in quos ita dictum Feſtum tonitruale incidit, in honorem Sanctorum, Miſſam tempore matutino erga ſalarium congruum Paſtoris celebrari, eoque finito, abſque ulteriore feriacione operibus ſervilibus libere vacari.

XVII. Superſtitioſam feriacionem Sabbatorum, præſertim ſolenniora Feſta præcedentium, in quibusdam Capitulis Ruralibus obſervari conſuetam omnino ſublata volumus ſub pœna interdicti perſonalis contra refractarios decernendi: fidelem vero populum in Domino hortamur, ut poſt peractos in Sabbato diurnos labores, circa veſperum in honorem magnæ Matris, Litanias Lauretanæ, aut Roſarium in Eccleſiis devote recitent, hocque medio ad Dominicam condigne celebrandam ſe diſponant.

XVIII. Scandalofos abuſus & exceſſus, ac irreverentias in proceſſionibus ſeu peregrinationibus publicis committi ſolitas poſthac evitari cupientes, inhibemus cumprimis Proceſſiones Sacramentales, quæ ultra horam a Parochia diſtant, præſertim ubi contingit e pluribus quandoque Parochiis Auguſtiſſimum Sacramentum deportari, quod tantummodo in illa Parochia ſeu ſtatione, ad quam aliæ proceſſiones conveniunt, debita cum reverentia & adoratione exponi permittimus: quoad alias vero proceſſiones, ne ob abuſus loco meriti & benediſtioni in demeritum & abominationem tranſeant,

FFF

seant, hisce serio ordinamus, ut Pastores, seu eorundem Vicarii Parochianos suos ad similes processiones sub arbitraria multa comitentur, neque fiant oves suas sine duce vagari, deinde populum fidelem in Ecclesia Parochiali congregatum bono ordine educant, & reducant, caveantque omnino, ubi de nocte emanere debent, mares & feminas in eodem loco dormire, vel utriusque sexus juventutem permixtim domum redire, seu etiam finita processione ab ipsis Parochis vel Parochianis excessum notabilem in potu fieri.

XIX. Ad præcavendas excursionēs Parochorum cum Parochianis in festis Dedicationum in vicinis Parochiis fieri consuetas cum neglectu proprii parochialis Officii, & aliis inde secutis scandalis, approbamus in aliquot Capitulis Wallonicis juxta Ordinationes inhæřivas Vicariatus nostri Generalis de vigesima secunda Augusti 1679. decima quinta Octobris 1690. festum Dedicationis quoad singulas Parochias in Dominicam proximè sequentem festum S. Martini translatum fuisse, ubi vero hæc translatio ad usum deducta non fuit, ordinamus solenne festum Dedicationis in ipsa festa Ss. Patronorum Tutelarium incidens, Dominica proximè sequente celebrari, & Ss. Patronis Ecclesiarum specialem cultum exhiberi.

XX. Inhærentes Edicto nostro pœnali inhibitorio de nona Augusti 1718. gravissime inhibemus comporationes, choreas, & conventicula tam diurna, quam nocturna utriusque sexus, tanquam operibus tenebrarum propria, quibus festa potissimum Dedicationis impie prophanari, & loco gratiæ juxta mentem Ecclesiæ, & usum piorum fidelium in iis festis solennioribus per intercessionem Ss. Tutelarium impetrandæ, offensæ Dei Omnipotentis magis provocari solet, mandantes Edictum nostrum, ubi necdum debite publicatum fuit, de novo ubivis solenniter e cathedris publicari, ac valvis Ecclesiarum affigi, ne posthac prætendi possit incognitum, quod tam patenter extitit publicatum, cujus exacta executio in locis Catholicis eo majore

zelo promoveri deberet, quod Acatolici vicini idipsum quoad dies festivos & Dominicos laudabiliter observari faciant, ac filii tenebrarum prudentiores in hoc filii lucis appareant, imo Catholicorum incuriam in hoc merito reprehendant.

XXI. Quanquam ex lege Divina veteris & novi Testamenti per sacros Canones, Concilia, & Bullam S. PII V. quæ incipit: *Cum primum Apostolatus*, observantia Festorum piis fidelibus efficaciter injungatur: dolenter tamen intelleximus in diversis locis Archidiecefis nostræ Trevirensis, imo in ipsa Metropoli nostra, quæ aliis subjectis Ecclesiis prælucere debet exemplo, solenniora festa Ss. Apostolorum Petri & Pauli, & S. Mathiæ specialium Patronorum hujus Archidiecefis per nundinas & mercatus publicos cum scandalo vicinorum Acatolicorum prophanata, & Divina Officia neglecta, seu minus decenter celebrata fuisse: Nos proinde Prædecessorum nostrorum vestigiis in ultimo nostro Edicto inhibitorio de nona Augusti 1718. insistentes, districtè præcipiendo mandamus, nundinas publicas seu hebdomadales, seu annuas in diem Dominicum seu de præcepto festivum incidentes, in diem proximè sequentem non festivum, sed feriale pro constitutione cujusvis loci transferri, neque permitti, ut Diecefani nostri ad aliena territoria Catholica seu Acatolica, ubi similes mercatus publicos tolerari contingeret, transire valeant sub arbitraria gravi pœna, cujus executionem tam Consistoria nostra Ecclesiastica, quam judicium sæcularia promovere teneantur.

CAPUT IV.

De Officio Pastoris.

I.

Synodus habeatur prima Dominica, aut si impedita sit, sequente cujusque mensis.

II. In ea inquiratur 1^{mo}. de frequentia vel negligentia Parochianorum, quoad excipiendam doctrinam Christianam, 2^{do}. de diligentia & modestia in aliis Divinis Officiis, præsertim publi-

publicis processionibus, & sacris peregrinationibus. 3tio. De cultu Festorum, & universim de observantia Christianæ disciplinæ, scandalisque ac vitiis eidem adversantibus, si quæ notata sint.

III. Sicuti Synodi est, consilio, quod pietas suggererit, operaque juvare Parochiam in prævertendis tum malis aliis, tum iis maxime, quæ ex pravo paucorum exemplo in reliquos dimanant, nisi caveatur: ita ejusdem est, ut leves etiam defectus, saltem post admonitionem semel interpositam, coerceat, exigendo a reis confessis, vel convictis multas confutas, uti antiquissimo jure Statutorum Archiepiscopali debentur Ecclesiæ per discipulos lætæ, & pro termino quidem peremptorio solvendi, quod injunctum est, habeatur sessio proxima Synodi, ita, ut qui tunc non paruerit, ipso facto reus sit pendendi duplum pœnæ, cujus sic auctæ dimidium Synodo cedat ob spretam ejus auctoritatem.

IV. In denunciandis excessibus, qui in terris Electorali jurisdictioni subjecti commissi, gravitate sua postulant cognitionem officii, Synodus fideliter adder circumstantias omnes, quæ ad causam faciunt, uti nomina testium, ex quibus, si delictum notorium non est, veritas inquiri possit, totaque ea denunciatio in scriptis redigatur, non solius Parochi, sed etiam Synodali manu vel signeto munita.

V. Meminerit Synodus, cum de delictis corrigendis vel denunciandis agitur, non rem privatam agi, sed publicam, cujus neglectus in grave præjudicium animarum & Ecclesiarum vergere possit: Ne igitur non sine periculo perjurii & damni propriæ animæ aut leviter dissimulentur, quæ sciuntur perperam esse acta, aut non ea, qua par est, fide referantur ac denunciarentur, singulis angariis, ut memoriæ alicui inhaereant, ex agendis, aliisque ordinationibus, quæ ad Synodi officium pertinent, publice præleguntur.

VI. Acta cujusque Synodi fideliter conscribet Præses ejus, servabitque, ut Visitatori, aut, cum oportuerit, officio ipsi exhiberi possint.

Totius X. Concilior. German.

VII. Pastor sub finem cujusque mensis, Decano vel ejus vices gerenti Definitori rationes scripto reddet. 1mo: De Concione, Catechesi, aliisque Officiis Divinis qualibet septimana peractis, & hora præscripta, nec non de Scholis quater minimum visitatis per mensem. 2do: de Synodo habita. 3tio: de executione specialiter sibi injunctorum præsertim tempore visitationis.

VIII. Literis iisdem inseretur, si grave quid occurrat renunciandum, quod reformatione vel remedio egeat quoad Parochianos ac statum Ecclesiæ, præsertim si præjudicium aut periculum patiatur res orthodoxa, aut si scandala publica vigeant: Quod si non sit, quod super his præscribatur, id ipsum juxta Ordinationem Archiepiscopi LOTHARII exprimendum erit.

IX. Cum prædictis literis jungentur, ubi suppetunt, denunciationes speciales a Synodo confectæ, de quibus §. 3. dictum est; itemque gravamina, si qua videantur competentis Judicis auxilio egere, ut cura Decani, quo oportuerit, illico transmitti possint, quæ sic separatim a cæteris negotiis conscripta sunt.

CAPUT V.

De Officio Definitoris.

I.

Cum personæ unius opera non sufficiat ad omnia onera, quæ officio Decani incumbunt in tanto numero Ecclesiarum Capituli Ruralis ferenda, sed ea partiri pro rata districtuum necesse sit in Subdecanos quosdam seu Definidores aut Camerarios, horum primum ac præcipuum munus erit, ut officio Ecclesiastico, cui vice oculorum ac manuum sunt in suis districtibus, fideliter renuncient, qui se habeat status Ecclesiarum subjectarum. Quare quæ de eo perspecta habent, tum ex literis Parochorum, tum aliunde, in brevem summam redigent, perscribentque eidem officio trimestri quovis.

II. Summa Capitum, de quibus rescribatur, erit 1mo: An Synodus, officiaque alia Parochialia, præsertim concionandi & catechizandi temporibus

bus præscriptis habita sint in omnibus Ecclesiis? 2do: An Clericus quis notatus sit de gravi excessu adversus honestatem clericalem seu status sui, præsertim ebrietate, aut suspecta familiaritate cum altero sexu? 3tio: An vigeant scandala gravia in Parochianis locorum, præsertim quoad profanationem festorum, & periculosos conventus improvidæ ætatis? 4to: An alicubi præjudicium periculumve patiat res orthodoxa per apostasiam, transitum ad famulitium hæreticorum, disseminationem & lectionem libellorum pestilentium? 5to: De præjudiciis & necessitatibus urgentibus Ecclesiarum. 6to: De executione secuta vel neglecta ordinationum temporalium, quæ tempore visitationis vel alias positæ, intemperate fuere Pastoribus subjectis.

III. Cum veris Pastoribus necessarium sit, *diligenter agnoscere vultum pecoris sui, subque greges considerare*, juxta monitum Sapientis, Definitor quovis anno visitabit Ecclesias sibi subjectas singulas, cum, si fecus fiat, quamplurima, quæ remediari possunt, eum lateant, necesse sit, & fides ipsa relationum menstruarum parum firma haberi possit.

IV. Cum veri Superioris potestas Definitori, tanquam Subdecano competat in Parochos, aliosque Ministros Ecclesiarum districtus sui: illa vero intelligi nequeat sine modica coercitione, qua etiam inviti compellantur ad obediendum justis mandatis, consequens sit, non solum jus esse, sed rigorosam etiam officii necessitatem, ut nemini impune abeant transgressiones etiam leves sive sacrorum Canonum, sive Statutorum Archiepiscopaliū, quorumcunque, idque eo magis, quo notius est, per præposteram commiserationem erga paucos veram crudelitatem exerceri erga bonum publicum nominis & status Clericalis, nullaque re perinde quam conniventia ejusmodi excitari solere voces blasphemias, quasi, quæ a Deo ordinata est Clericorum exemptio, licentiam præbeat impune peccandi: Igitur quæ circa correctionem delinquentium Decanis foraneis injuncta sunt, ea quoque ad se

pertinere, servata muneris proportionem, & debita inferiorum ad superiores subordinationem, pertinere sciant Definitorum; & ut absque personarum acceptione exequantur, curæ habeant diligentissimæ, tanquam rationem reddituri non hominibus modo, sed Christo Judici de peccatis alienis, quibus per neglecta impositæ custodiæ sacrarum legum temere communicatur.

V. Utque officii, quod propter notam asperitatis effugi solet, adimpletio certius obtineatur, ipso facto, qui multas iis, quos plecti oportuerit, remisit, reus deinceps sit solvendi de suo id totum, quod exigere neglexit: Et quovis etiam trimestri Præses ruralis officio Ecclesiastico non solum sigillatim de multis perceptis rationem reddet, sed etiam, an omnes, quos ex legitima denunciatione vel inquisitione, aut rerum inspectione reos transgressionis alicujus esse cognoverat, puniverit juxta Ordinationum Archiepiscopaliū statuta?

CAPUT VI.

De Officio Decani.

I.

Constat, omnia & singula, quæ pro munere Definitorum ordinata sunt, etiam a Decano adimpleri oportere, circa Ecclesias immediate subjectas, utpote alio Rectore & Præsidente districtus destitutas: Quare repetitione non egent, quæ superiore Capite allata sunt de visitandis ovibus, evocandis Pastoribus ad Congregationem S. Caroli, aliisque indubitanter annexis, officio Præsidis Ruralis cujuscunque, sive de iis dictum jam sit, sive addendum & dicendum restet.

II. Ut ea, in quibus nervus Ecclesiastici regiminis Decanatum Ruralium positus est, inviolabiliter observentur, multæ unius floreni aurei absque dispensatione aliqua subjaceat, quisquis neglexerit, vel Synodum habere præscriptam, vel adire Congregationem D. Caroli, aut ad eam convocare ex officio, vel literas aut acta conscribere, quæ vi muneris obiti necessaria sunt, sive in visitatione annua singu-

singularum Ecclesiarum, five in celebranda Congregatione & Synodo prædictis. Neque ad hujusmodi multam incurrendam plus requirendum erit, quam quod probari nequeat impedimentum legitimum officii alicujus ex prædictis prætermissi.

III. In corrigendis excessibus vel negligentis, pro quibus per Statuta Archiepiscopalia posita non est pœna certa, foranei Præsides arbitrio suo justo utentur, ea tamen conditione, ut neque puniendo excedant taxam unius floreni aurei, neque indulgendo, etiam in levissimis erratis, impune quid abire permittant post monitionem interpositam, neque demum monitione utendum timide censeant in his, in quibus suapte natura unumquemque monet ipsa ratio officii Pastoralis, aut Clericalis honestatis, seu potius clamat, quid prætermittendum, agendumve sit. Penes Vicariatum vero erit, uti judicium ipsum, quæ graviore animadversione, quam per inferiores Præsides fieri possit, castiganda sint, ita etiam jus integrum, cum excessuum gravitas poposcerit, five ad multam justo arbitrio augendam, five superaddendam pœnam aliam, nihil obstante præventionem correctionis in Decanatu factæ, utpote quæ charitativa potius censenda est, quam ullatenus judicialis & forensis; aut Consistorii propria.

IV. Decanus Definidores sibi subiectos visitabit quovis anno, convocatis ad eorum Ecclesias Pastoribus districtus, juxta Institutum Congregationis S. Caroli.

V. Literas, ac alia quælibet, quæ a Parochis & Definitoribus ad Officium Vicariatus transmittuntur, Decanus fideliter colliget, ut certius, quo oportet, perferri possint, cura transmissionis non divisa in singulos: Quem in finem necessarium erit opera uti Æditorum, aliorumve servitio Ecclesiæ adstrictorum, ut ab una Parochia ad aliam certo ordine, quæ transmittenda sunt, perferant, donec Decano consignari possint, vicissimque ab eodem recipiant, quæ ad Definidores perferenda sunt, aut per eos inter Pastores subiectos distribuenda: Utque periculum,

quod in ejusmodi transportationibus frequens est, evitetur, conveniet, ea quæ perferuntur, sacco includi sera probe munito, sic namque & Decano suppetet, & Definitoribus modus tutius ac certius communicandi, quæ oportet, vel ad invicem, vel cum subiectis Pastoribus, si scilicet sacculus alius ad definitionis duntaxat usum, alius, qui Decani proprius sit, conficiatur, ad communicandum cum Definitoribus.

VI. Præter communicationem Inferiorum cum Archiepiscopo suo, quæ ordinarie fit mediante Vicariatu, convenit, ut his saltem per annum etiam immediate fiat. Igitur mense Januario & Julio Decani & Definidores literas suas ad Archiepiscopum dabunt renunciando summarie, quæ juxta formulam trimestralium alias significanda sunt de statu Ecclesiarum, itemque nominatim referendo. 1^{mo}: An Synodi habitæ? 2^{do}: An Congregationes mensuræ S. Caroli? 3^{tio}: An peractæ visitationes pro rata anni & Ecclesiarum? 4^{to}: An receptæ literæ mensuræ Pastorum? 5^{to}: An transmissæ ad Vicariatum trimestrales, receptæ ad easdem responso? 6^{to}: An multæ, quæ juxta Statuta imponendæ erant, impositæ & collectæ sint citra indulgentiam, vel remissionem aliquam? Hisdem literis jungentur, si quas dare voluerint Pastores alii, cum a recurſu ad Archiepiscopum suum nemo prohiberi possit, sed liber aditus ad communem Patrem cuique patere debeat.

CAPUT VII.

De Congregatione Sancti Caroli.

I.

Congregatio hæc componi nequit ex membris five invicem remotioribus, five pluribus, quam ut commode celebrari queat per annum in Parochiis singulis, sicque numero ad summum duodenario personarum constabit.

II. Secretarius & Cæremoniarius, nec non eorum Substituti deligentur per ipsummet cœtum, accedente tamen approbatione Vicariatus; cujus etiam

est, confirmare electionem Definitoris, qui pro rata divisionis districtum, præsit cætui alicui prædicto.

III. Munera, quæ cuique obenn-da fuerint, sive concionandi, sive catechizandi &c. in cætu anteriore distribuet Definitor; ejusdemque est præstituire diem & locum, quo subsequens Congregatio celebretur.

IV. Dominica prædictum diem præcedente promulgabitur cætus a loci Parocho, propositis indulgentiis, quæ in tabella ad valvas Ecclesiæ præfixa legi possint, præviaque pridie illius diei compulsionem campanarum sub vesperam ad populum denuo commo-nendum.

V. Die præstituto mature, quoad fieri potest, aderunt, qui vocati sunt, convenietque, ut Definitor & Secretarius cæteros prævertant, ante inchoata Divina visitaturi custodiam Ss. Eucharistiæ, & Ss. Liquorum, itemque baptismi.

VI. Hora septima initium Divinorum fiet cantando sacrum funebre, cui concio (quæ spatium dimidiæ horæ non excedat) subjungetur, ac Sacrum alterum solemne, Sacerdotibus saltem ternis, dum a cæteris Divina peraguntur, occupatis in administrando Sacramento Penitentia.

VII. Ut Catechesis, quæ horæ spatio fiet post peracta Divina, evadat utilior; statuetur certa materia, de qua tractandum sit, juxta seriem videlicet capitum parvi Catechismi *P. Philippi Scouville*. Igitur qui officio fungitur catechizandi, ex proposito capite deliget quæstiones cuique audientium classi aptas, ita ut partim memoria exerceatur parvulorum, partim qui rationis usum adepti sunt, pro modulo ætatis addiscant scitu necessaria, partim qui adulescentes sunt, non solum distinctius, quæ credi oportet, doceantur, & contra oppositos errores muniantur, sed etiam ad vivendum juxta propositam fidem Christianam juventur cohortatione accommodata. Curaque Pastoris erit, ut nec desit prævia exercitatio suorum ad respondendum tempore cætus, nec munuscula deficiant, quibus

alliciatur aviditas excipiendi catechizationem hujusmodi solemnem.

VIII. Dum catechericum exercitium fit coram tribus ex congregatione delectis; terni alii, quibus Definitor commiserit, visitabunt Sacristiam, ejusque supellestem, prout juxta fidem Inventarii per Æditum adnumerabitur; Templum denique ipsum obeundo & cæmeterium. Definitor verò assumpto Secretario, sub idem tempus audiet Synodales loci, breviter interrogando unumquemque super his, de quibus ex officio testimonium reddere tenentur.

IX. Circa undecimam prandebitur, præmissa benedictione, subiectaque gratiarum actione juxta Ritum Romanum. Instruetur autem mensa ferculis quatuor duntaxat, & frugalitatem decentibus, scilicet jussulo, olerum additamento, carne bubula, itemque vervecina, vel vitulina pro ratione temporis. Nec quoad potum ultra dimidiam amphoram cuiquam ministrari poterit. Interea verò dum corpus reficitur, sua etiam refectio animæ tribuetur, audiendo, quamdiu accumbitur, prælegentem, quæ officii Sacerdotalis & Pastoralis sunt, præsertim Statuta ruralium Decanatum. Convenit enim, horum memoriam singulis saltem angariis ea prælectione renovari publice.

X. Circa duodecimam mensa plene soluta, Cæremoniarius, quæ sui muneris sunt, exequetur, partim in ritibus sacris exercendo convocatos, partim in cantu solemni, & de defectibus, ubi inciderint, admonendo fraternaliter, quos oportuerit: Definitor vero assumpto sub id tempus Secretario, unumquemque congregatorum seorsim evocabit, audietque super quibus juxta formulam visitationis inquirendum fuerit, vicissim exponendo mandata, responsaque, si qua vi officii danda sunt.

XI. Quod reliquum temporis est usque ad horam quartam, impendetur primum quidem audiendis resolutionibus casuum, quos per Vicariatum propositos, terni ad id delecti discusserint, respondendo etiam ad objecta per toti-

totidem delectos, eosdem nempe, qui in cœtu anteriore partes sumplerant respondentium. Cumque certo ordine materia, quæ discussioni subjicitur, deligatur ex doctrina morali; eorundem, qui objecere, erit, personam gerere pœnitentis, acculantis se super his, quæ in materia propofita frequentius incidunt, ita ut quæ partes Confessarii sint circa sic audita priores resolvant, methodum utrinque exhibendo, qua præctice obeatur munus, quod tanti momenti est: Hisce Definitor subnectet gravamina delecta, aliave, quæ ut cœtui proponantur, digna videbuntur, tractationemque publicam & consultationem exigere, sive causa ad universos pertineat, sive ad Parochiam certam.

XII. Sub finem perlecta distributione officiorum, quæ in proxima Congregatione cuique obeunda sint, statutoque die ejus cœtus, Præses nomine omnium grates dicet Hospiti, ac ejus domesticos remunerabitur munusculis piis, quæ ad hunc usum suppetere poterunt sumptibus cassæ Decanalibus.

XIII. Dato subin per campanam signo, quo etiam populus loci evocetur, circa quartam vespertinam procedatur ad Templum, & coram propofita Ss. Eucharistia gratiæ condecens agentur, cantando Antiphonam Virginis, & Hymnum Ambrosianum. Demum itinerarium recitabitur, acceptaque benedictione Ss. Sacramenti, solvetur cœtus, unoquoque itineri se suo recta committente: quin ad quemquam divertere liceat, sive loci civem, sive etiam Pastorem. Quod si forte Synodalibus, denuo Præsidentem salutaturis, indicandum quid sit, id paucis & ante fiet, quam in Templo ut dictum est, finis imponatur Congregationi.

CAPUT VIII.

De Inquisitionibus.

I.

Una alterave septimana, antequam ad visitationem, quæ tempore Congregationis sit, accedat Definitor, a loci Pastore recipiet tum Acta Syno-

dorum per anni decursum habitarum, tum rationes Ecclesiæ ab ejusdem Synodo confectas & subscriptas, ut in utrisque, quod examine vel correctione eger, annotari possit prævie, & citra dispendium temporis necessarii ad functiones Congregationis prædictæ.

II. Synodalibus simul evocatis, proponentur a Definitor *1mo*. Capita eadem, super quibus in mensura Synodo agi solet, & an grave quid occurrat præter jam denunciata per annum? *2do*. Quoties Synodus prætermissa sit, & quam ob causam? *3tio*. An remissa sit alicui reo multa synodalis, & cur? *4to*. An Officia Divina in Parochia statis diebus & horis diligenter peragi soleant? *5to*. Quoties Catechesis vel concio omissa sit?

III. Posthæc ex unoquoque seorsim vocato inquiretur: *1mo*. An quid specialiter addendum occurrat circa jam inquisita? *2do*. An testis officio denunciandi in Synodo fungi frequenter soleat, vel raro? *3tio*. Qua satisfactione vel querela munia Pastoralia obeantur? *4to*. An recto exemplo sit Pastor, alique Ecclesiæ Ministri, an vero fama laborent non bona, & in quo?

IV. Tandem toti Synodo cum Pastore evocatis, tradet Definitor annotata circa rationes Ecclesiæ, ut vel eodem die ad ea respondeant, vel alio ad respondendum præfixo, nec ante, nisi plene satisfactum sit, rationes approbabit, aut iis subscribet?

V. Cum Definitor partes Judicis sibi sumere non possit, neque aures præbere sive accusationi, sive etiam denunciationi, nisi quæ Charitativa & Evangelica sit, diligentissime cavebit, ne iustitiæ vel charitati, quam Pastoribus præsertim, aliisque Clericis sibi subiectis debet, quoquo modo contraveniat. Unde ad specialem inquisitionem nunquam progredietur, nisi ante constet indubitato de fama alicujus graviter læsa super excessu delato.

VI. Generaliter igitur solum inquiret ex unoquoque Pastorum seorsim vocato. *1mo*. An his, quæ in mensuris literis perscriptis, habeat, quod addat, moneatur? *2do*. De observatione

tione Statutorum Archiepiscopalium, an vigeat in Clero districtus, an deficiat, & in quibus maxime? 3^{to}. An sciat five ejus, qui visitatur, five alterius famam gravatam esse super excessu aliquo contra honestatem Clericalem? Ad hoc vero ultimum Definitori responsio in scripto rite occluso dabitur ab omnibus, ut & qui denunciat, ceteris, & qui denunciatur, in suspicionem injustam non veniat apud quemquam contra rationem & regulam denunciationis Evangelicæ, quæ quamdiu de infamia non constat, secretum postulat, & inter denunciantem & Superiorem solos fieri debet.

CAPUT IX.

De conscribendis Actis tum Visitationis, tum Congregationis habitæ.

I.

Necessè erit, ut cum Definitor domum se recipit a Congregatione, comitem accipiat Secretarium suum; vel saltem postridie conveniant ad Acta ordine conscribenda, cum ob temporis, quod congregatio concesserat, angustias, non nisi brevibus notis juvare potuerint memoriam eorum, quæ in cætu peracta sunt, tamen omnia & singula partim ut testes de visu coram assistendo perceperint, partim ex aliis, quibus in inspectione Templi, & Catechesi audienda vices suas delegavere, eadem indubitata fide cognoverint, vel certe cognoscere potuerint audiendo, quæ ii super commissis referrent.

II. Ut igitur citra ambiguitatem, quæ gesta sunt, Vicariatus ex fide Actorum constare possint, post annotatum diem & locum Congregationis, frequentiamque evocatorum, referendum erit ad Acta juxta tenorem sequentium Capitulum seu Articulorum.

1. Quæ fuerit distributio officiorum?

2. An omnia, & eo, quo præscriptum est, ordine in congregatione peracta sint; & de vitato excessu frugalis mensæ?

3. Qua satisfactione habita sit concilio, catechesi, & resolutio casuum?

4. An inquisitum sit in singula capita, quæ completitur formula inquisitionum?

5. Quæ reperta sint reformatione, correctioneve digna in visitatione Templi, suppellectilis sacræ, domus Pastoralis, librorum &c.

6. An defectus noratus fuerit circa administrationem officii Pastoralis, vel circa mores ac vitam Parochi?

7. An circa Ministros alios Ecclesiæ vel Synodales, vel loci Parochianos, vel ipsum districtum definitionis notatum quid sit, quod reformatione egeat?

III. Licet Acta dicto ordine conscripta, & manu tum Definitoris, tum Secretarii infra mensem a peracta visitatione ad Vicariatum transmittenda sint; tamen citra dilationem aliquam Definitor in scripto moneat eum, quem visitaverit, de præcipuis capitibus, quæ per ocularem evidentiam intellexerit reformatione egere, deque iis postulet rationem sibi reddi singulis mensibus, donec plenam executionem sortita sint. Constet namque eo maxime ex capite tot, quot sunt, visitationes, earumque expensas & labores reddi omnino inutiles, quia vel superficialis duntaxat monitio fit corrigendorum, vel quomodo corrigantur, attendere & vigilare negligunt ii, qui proxime assistunt custodiæ ovium sibi commissarum. Porro quæ Definitor ita, ut dictum est, corrigenda censuerit in Ecclesia visitata, & perscripserit, etiam ad Acta, quæ ad Vicariatum transmittentur, referet & annexet: ipsorum vero Actorum exemplar penes se retinebit, donec ad archivium Decanatus referri possit.

IV. Decreta reformatoria, si quæ mittet Vicariatus, Definitor citra moram communicabit cum iis, ad quos pertinent, curabitque, ut Pastores in separato libro conscribant Ordinationes, tum quæ communes sunt, tum quæ loci propriæ, five ab ipso Archiepiscopo emanent, five a Vicariatu. Unde, ut supra jam notatum est, vigili oculo cum quisque visitatur, attendendum erit, & an extet liber ejusmodi, & an, quæ pro tempore ordinata fuere, eidem

eidem fideliter inserta sunt, atque executionem fortiantur?

V. Quia neque damnari, nisi auditus quis potest; neque rursus infamia gravis, quæ nomini alicujus Clerici irrogatur, contemni, postquam de ea plene constiterit ex fide duorum vel trium; Definitor ex officio ad se evocabit denunciatum, eaque, quæ paternæ correctionis sunt, exequetur circa contentum. Si vero is diffiteatur, quod denunciatum est, nihilominus inquireretur veritas ex Synodali loci, vel aliis, quibus illa liquido comperta esse possit, ut si de eodem, quod publica voce proditum est, delicto, siue saltem de mali specie, qua pravis sermonibus ansa data sit, vel reus convinctur, vel probata innocentia absolvatur, eademque opera rescatur author calumniæ, & ad competentem satisfactionem compelli queat.

VI. Hactenus dicta, etiam Decanus, qua supra notatum est, proportionem servabit in visitandis Ecclesiis tum districtus immediate subiecti, tum Definitoris cujusque, cum Congregatio apud illum cogenda est, die per eundem Decanum præstituto ad visitandum locum.

VII. Quia vero Præses inferior, non solum qua loci Pastor, sed etiam qua Definitor a Decano tanquam Superiore suo, visitatur, ad hunc prævie transmittenda erunt præter Acta Synodalia, & rationes Ecclesiæ, etiam Acta Congregationum per annum celebratarum, nec non rationes mulctarum, quæ a subiectis Clericis exactæ fuerunt per Definitorum: Ex iis enim facile colligi poterit, quomodo is, qui definitioni præest, officio suo satisfecerit, junctis maxime testimoniis, quæ in occlusa charta a singulis congregatis traduntur Decano de iis, quæ ad regimen definitionis pertinent; an videlicet super eo querela aliqua sit, siue ob convivendam erga nonnullos, siue ob excessum in mulctando aut corrigendo, siue ob transgressionem aliquam aliam officii Præsidis: Quæcunque vero gesta fuerint, ordine referenda erunt ad Acta, ac ad Vicariatum transmittenda, ut distincte satis expositum

Tomus X. Concilior. German.

est, dummodo singula, quæ visitanti Definitori præscripta sunt, cum proportionem debita applicentur.

CAPUT X.

De Synodo Decanali, seu annuo Capitulo Rurali.

I.

Quia juxta antiquissima Statuta Ss. Canonum Synodum Cleri, qualis pro amplitudine Dioecesium potest, celebrari quotannis, necesse est, nemini, qui curam animarum habet, abesse liceat a Synodo Rurali, quam die præstituto Decanus evocaverit, idque sub mulcta unius floreni aurei, nisi impedimentum, quod ceteri justum visum fuerit, excuset.

II. Sicuti Decani & Definitorum officium proprium est, per totum annum simpliciter quidem & de plano, & absque ulla jurisdictione, tamen solite & cum assidua cura investigare, quæ reformatione, correctione sunt digna, aut alias remedio egent, atque ad id facilius præstandum adminiculis Synodorum, Parochialium, creberrimarum literarum, nec non visitationum cujusque Ecclesiæ, ac tandem Congregationum S. Caroli multipliciter juvantur: Ita iisdem incumbit, in Synodo Decanali fideliter referre, & quis universim sit Ecclesiarum status, & quæ præcipue postulent correctionem providam, & remedium?

III. Primum omnium Præses quicquid Ruralis de suo districtu referet, quomodo adimpleta sint Statuta de habendis Synodis Parochialibus, adeundis Congregationibus, scribendis literis, actisque necessariis. 2. An per totum annum habitæ sint præscriptis diebus conciones & catecheses. 3. An mulctæ, quæ siue ob neglectum alicujus ex prædictis officiis, siue nomine alio incurstæ fuerant, solutæ omnes sint, & ad Decanalem cassam illatæ? Decanique erit, non solum poenam duplici a morosis solvendam infra mensem a finita Synodo exigere, sed etiam nomina earundem sigillatim deferre ad Archiepiscopum.

Ggg

IV.

IV. Quod ad Parochianos attinet, referetur, utrum ab omnibus & singulis satisfactum esse præcepto Paschali, sciatur, ex schedis, quæ fidem faciant, in omni Parochia fideliter collectis, propositis dein præjudiciis, si quo alicubi Religio Catholica pariat. Nec non scandalis, quæ præcipue vigere notata sint, audientur suffragia singulorum Congregatorum, quo remedio providi possit adversus mala ejusmodi.

V. Ne in vanum recidant, quæ in Synodo gesta sunt, Decanus, antequam ea solvatur, adhibito consilio Definitorum selecta Capita nonnulla ex his, quæ proposita auditave fuere, tanquam præcipue postulantia correctionem aut remedium publicabit cœtui. Utque de iis, quomodo executioni mandata sint, referatur, a quibus oportet per consuetas literas, injungat efficaciter, ita ut etiam in Capitulo subsequenti anni super iisdem punctis, an plenam executionem sortita sint, aut quid obstiterit impedimenti, omnium primo in quæstionem vocandum sit.

VI. Mensa eadem prorsus frugalitate, qua pro Congregatione mensuaria præscriptum est, instruetur, neque fas erit, nomine symbolæ plus exigi vel etiam dari, quam æstimatio sic frugaliter instructa postulet, multa consueta ab eis, qui terminos positos quoquo modo exceßerint, nihilominus persolvenda.

VII. Decanus ab unoquoque Congregatorum exigit, quæ sub custodia archivii in usus futuros servanda sunt, scilicet 1. Instrumenta authentica omnia Ecclesiæ, si qua extradita pondum sunt, aut extraditis denuo accessere. 2. Inventaria tum supellectilis sacræ, tum jurium omnium cujusque Ecclesiæ, quinquennio saltem quovis renovanda. 3. Ordinem Divinorum Officiorum, quæ per annum peragi oportet in Parochia, sive ut communia aliis, sive debita titulo particularis instructionis, aut consuetudinis approbatæ. Quem ipsum ordinem, cum mutationes diu deesse non soleant, conveniet quinquennio quovis revocari. 4. Rationes annuas, postquam a Vicariatu approbatæ fuerint, similiter in archivio

reponendas: Cumque exempla earundem scripturarum in Parochia pro usu Successorum extare debeant, is, qui visitat, fidem facere tenebitur, quod easdem, quo debent, ordine conscriptas repererit, aut ne deinceps deessent, efficaciter injunxerit, curando imprimis, ut singuli Pastores librum habeant rite compactum, cui per distinctas rubricas & debito ordine præter jura & onera Ecclesiæ suæ, inserant rationes annuas accepti & expensi post receptam approbationem earum: Quæ omnia cum bono Ecclesiarum cumprimis necessaria sint, Decanus neglectum quemlibet hujusce Ordinationis plectet multa unius aurei floreni, injungendo nihilominus, ut, quod neglectum est, infra mensem executioni mandetur sub pœna eadem denuo repetenda.

VIII. Quia vero etiam in singulis Parochiis necessaria est diligens custodia omnium instrumentorum Ecclesiæ & Beneficii, Pastor loci quidquid eorum servat, uti & librum rationum, literasque obligationum, apochas &c. claudet in cista tribus clavibus munita, quarum duæ penes totidem Seniores Synodales sint, prorsus ad eum modum, quo pecunia Ecclesiæ custoditur, ita ut nisi omnibus præsentibus, nihil e custodia ejusmodi eximi possit, & de eo, quod exemptum fuerit, testimonium scriptum ibidem recondatur.

IX. Decanus & Definidores, si quos de Synodo negligentes esse notaverint in frequentando Sacramento Penitentiae, aut quomodolibet suspectos de minore, quam Clericalem statum deceat, vitæ honestate, obligabunt ad testimonium deinceps sibi consignandum de eodem Sanctissimo Sacramento singulis octiduis obire, idque tamdiu, donec prioris vitæ nota videbitur absterfa esse.

X. Acta Synodi conscribentur in Secretario, reddendo in iis rationem officio Archiepiscopali super Capitibus singulis hætenus recensitis, fiatque scriptio in duplo, ut exemplum alterum citra moram transmitti Archiepiscopo possit.

CAPUT XI.

De Titulis ordinandorum Patrimonialibus.

Quamquam inter alias Constitutiones ab initio suscepti nostri Regiminis Archiepiscopalis, præsertim 2da Maji 1719. editas, eo curas nostras intendimus, ut circa Titulos ordinationum necessariæ cautelæ adhiberentur, ne minus dignis, ac quoad titulum, vitam, mores, & doctrinam sæpius defectuosis sacras manus imponi, Ecclesiam scandalis exponi, ac Sacerdotium apud Laicos vilipendi contingat: Cum tamen diversimode Nobis relatum fuerit, cautelas a Nobis & Prædecessoribus nostris felicis recordationis præscriptas non accurate servari, ac complures abusus super patrimoniis emendicatis, pensionibus sterilibus, beneficiis non legitimis aut ad sustentationem Clericalem minus congruis, seu titulis omnino fictitiis in hanc Archidiecepsin nostram irrepisse: Nos proinde, quibus potissimum incumbit decorem domus Dei & Sacerdotium ejus in omnibus promovere, hujusmodi malis serio mederi, ac bono Cleri nostri Diocesani mature consulere volentes, sequentia eum in finem ulterius ordinanda, & exactæ posthac executioni danda esse decrevimus.

I. Exigente characteris Sacerdotalis dignitate tales in Clericorum sortem, & dispensanda Divina Mysteria deligi, qui verbo & exemplo aliis præluceant, ante omnia ordinamus, ut Clerici ad titulum a Nobis, seu Vicariatu nostro Generali approbandum promoveri cupientes, exhibeant literas testimoniales vitæ ac morum, frequentioris accessus ad Sacramenta, conversationis, ac propensionis ad statum Ecclesiasticum clausas ac sigillatas, omnes in hos Decanos Rurales, & Parochos locorum, sicut etiam Professores publicos sub interminatione Divini judicii monentes, ut in literis suis testimonialibus seu commendatitiis absque ullo respectu humano juxta con- & scientiæ suæ dictamen procedant, ac unice ad merita promovendorum, certamque necessitatem, aut utilitatem Ecclesiæ reflectant.

Tomus X. Concilior. German.

II. Quamvis titulos patrimoniales pensionis aut similes pro victu inde habendo assignari solitæ a sacro Concilio Tridentino nonnisi dispensative pro iis, qui judicio proprii Episcopi Ecclesiis utiles, aut necessarii sunt, admitti conveniat, statuimus & ordinamus omnes & singulos, qui titulo dispensativo patrimonii seu pensionis ad sacros Ordines aspirant, non aliter admittendos, nisi præviè de biennali studio Theologico seu Canonico fructuose peracto docuerint, ac in examine ad curam subsidiariam Ecclesiæ, cui adscribi voluerint, idonei reperti fuerint, nisi graves causæ in hoc dispensari persuadeant; *Labia enim Sacerdotis, ut verbis sacri textus loquamur, custodient scientiam, & legem requirunt ex ore ejus*, qui vero repellunt scientiam, merito a suscipiendis sacris Ordinibus repulsam patientur, monente Domino: *Quia tu repulisti scientiam, repellam te, ne Sacerdotio fungaris mihi*; indignum siquidem est, a multis propriam magis, quam Ecclesiarum utilitatem quæri, ac ignavos fungos alieno melle deliciari, nihil vero laboris in commune bonum conferre, imo ex defectu competentis tituli ad mendicandum cum opprobrio Ordinis Clericalis, seu alium fordidum quæstum exercendum sæpius compelli.

III. Inhærentes Ordinationi nostræ supramemoratæ Cap. 2. num. 19. & 20. vigore cujus mandatum fuerit, rite doceri titulos non esse falsos, fictitios, aliunde a Decanis Pastoribus, aliisque quibuscunque personis tam Ecclesiasticis & Regularibus, quam sæcularibus accommodatos, ac in Ecclesiæ fraudem emendicatos; Instrumenta vero de patrimoniis in titulum totalem vel partialem assignatis per Curias locorum, ubi bona sita sunt, realizata, sigillata, approbata, & sufficientia reperta fuisse, cum exacta hypothecarum designatione & attestazione valoris ad minimum sexaginta imperialium annue census realis, ac legitime cohæredibus, si existant, seu congruæ sustentationis aliunde parentibus relictæ, sicut & præviæ trinæ proclamationis e cathedris per Parochos locorum factæ, & non secutæ desuper ullius oppositionis.

tionis. Verum cum nec his mediis, eousque abusus, fraudes & doli in exigendis titulis fisti potuerint, ac interea ex fide dignorum relationibus innotuerit, tam a Parochis, quam a Judicibus & Scabinis, tam communitarum sinistra sæpius affectione ad consanguineos promovendos conventicula seu collusiones fieri, pro efficaci remedio ulterius statuimus & ordinamus titulos patrimoniales nullos posthac admittendos, nisi prævie a supremis Curiis locorum rei sitæ signanter a Consilio Provinciali Luxemburgensi authenticum testimonium de legalitate, sufficientia, & firmitate tituli seu patrimonii a iudiciis inferioribus designati coram Vicariatu nostro Generali debite productum fuerit.

IV. Insuper in eodem instrumento tituli patrimonialis expresse caveri volumus, quod uterque, & qui patrimonium, & cui assignatur, medio iurjurando affirmant, hoc patrimonium vere absque ullo onere possideri, ac præterea nihil subesse doli, fraudis, simulationis, fictionis, aut alterius iniquæ passionis, nullumque eo nomine contractum initum, ac promissionem factam, quo minus Clericus promovendus assignato patrimonio vere & re ipsa fruatur, & acta, gesta que in contrarium nulla & irrita declaranda fore & esse. Clericus autem super vitioso titulo promotus ipso facto ab executione Ordinis suscepti suspensus sit, nec aliis majoribus Ordinibus insigniri valeat, nisi requisita singula tam tituli, quam aliarum qualitarum compleverit.

V. Cupientes Constitutionem Archiepiscopalem circa qualitates ordinandorum de 10. Novembri 1678. rite publicatam posthac observari, serio mandamus; ab ordinandis titulos patrimoniales & pensionem integro mense ante tempus ordinationis Sigillifero Consistorii nostri fideliter exhiberi, qui de iis primitus accurate discussis postea in plena Domini Episcopi Ordinatiois & Vicarii nostri Generalis ac Consistorialium congregatione vi iuramenti sui pertinenter referet, formalitates præscriptas non deesse, ac prædictos titulos nullæ falsitatis ac fictionis

vitio laborare, ita ut authoritate ordinaria confirmari & servatis servandis admitti mereantur: quem in finem Vicariatus noster Generalis specialem desuper in scriptis approbationem expediri faciat ad effectum investituræ desuper concedendi.

VI. Ne vero similes titulo patrimoniali promoti incertis sedibus vagentur, ac sæpe dignitatis Sacerdotalis honorem vagando prostituant, volumus, ut certæ Ecclesiæ adscripti maneant, ac sub oculis & cura Pastoris loci Altari condigne deserviant: ita promoti autem ab Ecclesia, cui semel adscripti sunt, ultra bimestre continuum sine Vicariatus nostri Generalis expressa venia non discedant, minus vero stationem absque novo reali beneficio pro libitu deferere præsumant.

VII. Sicut quoad titulos patrimoniales abusus omnes tolli volumus, ita pari sollicitudine præcavendum esse decernimus, ne super beneficiis non legitimis seu ita modicis, quæ sustentationi Clericali non sufficienti, posthac institutiones seu investituras promiscue permittantur, ac per hoc constitutiones quascunque circa realitatem & sufficientiam titulorum editas eludi sæpius eveniat. Proinde harum tenore inhibemus similes investituras super beneficiis notorie seu apparenter sterilibus permitti aut concedi, nisi prævie coram Vicariatu nostro Generali de annuis eorundem proventibus seu redditibus ac congrua comperentia Clerici desuper ordinandi per authentica testimonia doctum fuerit.

VIII. Eandem inhibitionem extendimus ad Beneficia simplicia Patronatus Ecclesiastici mense Apostolico vacantia, serio mandantes investituras sub quocunque prætextu, & quæsito colore non permitti, antequam de natura similium beneficiorum seu unione plena eorum per Vicariatum nostrum Generalem rite cognitum fuerit. Ne alias in præjudicium mensis alternativi seu indulti Apostolici conferendi partes dispendiosas pro more litibus involvi sæpius contingat.

IX. Præter ea, quæ circa titulum removendos abusus inviolabiliter servan-

servanda præcipimus, serio hortamur omnia & singula in delegendis dignis Ecclesiæ Ministris folicite adimpleri, quæ sacri Canones, Concilium præsertim Trident., Bullæ Pontificiæ & Constitutiones Archiepiscopales antehac editæ, in hac Archidiecepsi circa collationem, susceptionem & executionem debitam sacrorum Ordinum saluberrime præscribunt.

CAPUT XII.

*Synopsis germanica Ordinationis**Archiepiscopalis de Catechesi in Augusta**Trevirorum habenda, quæ**incipit:*

Nachdemalen x.

CAPUT XIII.

*Synopsis germanica Ordinationis**Archiepiscopalis de Catechesi in aliis Ci-**vitatibus & oppidis Archidiecepsi**Trevirensis habenda, quæ**incipit:*

Nachdemalen x.

CAPUT XIV.

De Officio Fiscalis.

I.

Die Lunæ sessioni Vicariatus scripto denunciabit Fiscalis, quidquid excessuum receverit a Clerico aliquo admissum esse; idque citra exceptionem ullam sive personæ, sive delicti, aut transgressionis ordinationum Episcopalem, similiter excessus Laicorum quorumcunque, licet propter rei notorietatem actione non egeant: die eodem deferet, nec non scandala publica, præsertim quibus Religio festorum fœdatur sive in ipsâ Sede Metropolitana, sive alibi locorum Archidiecepsos: Quod si non occurrat, quod denunciandum sit, idipsum scripto significabit.

II. Non solum quæ per se ipse detexit, sed etiam omnia & singula, quæ per quolibet de officio, etiam extra sessionem ei manifestantur, fideliter denunciabit. Multo magis, cum ab officio ipso excitatur, suscipiet, geretque quidquid causarum impositum fuerit, quoad morum correctionem.

III. Quidquid a Procuratoribus, Advocatis, Notariis, Nunciis, partibus ipsis adversus Ordinata judicialia actum, neglectumque esse compererit, scripto similiter consignabit Consistorio.

IV. Cum notoria iniquitas sit, taxam itineris singulis, ad quos literæ officii perferuntur, imputari non pro rata, sed quasi in solidum, nunciis exire ex urbe veritum sit, nisi literis omnibus & singulis prius exhibitis Officiali, ut in tergo earum adscribat, quid cuique eorum, ad quos Decreta destinantur, pro rata solvendum sit.

V. Consignationem mulctarum, quæ per decursum cuiusque mensis imponuntur, sub finem ejusdem petet Fiscalis a Sigillifero, ut agere possit contra morosos in solvendo. Quotquot enim ejusmodi fuerint, tanquam denuo rei denunciabuntur officio, donec de partitione facta constet: Quod si Satrapia aut judicia Electoralia post factam requisitionem auxilio esse morentur, aliis atque aliis literis, ut executionem accelerent, per Fiscalem excitabuntur, salvo nihilominus hujus recursum ad ipsum Archiepiscopum, quoties per prædictos aut alios quoscunque executio iustitiæ retardata fuerit.

VI. Ne jus appellandi per abusum quorundam in veram injuriam vertatur, atque adeo in gravem contemptum ipsius jurisdictionis Archiepiscopalis, Fiscalis, quoties in vocem appellationis notorie frivole prorumpitur, Procuratores, Advocatos, & Notarios, qui quoquo modo concurrerint, indilate deferet Archiepiscopo, ut a munere, quo indigni sunt, causa rite discussa, suspendantur aut amoveantur.

VII. Constat, nulla re magis gravari partes, quam cum præter expensas multiplices & graves, nec non diutissimam moram judicii, donec ad sententiam perventum sit, tandem etiam ipsa executione rei judicata defraudari se vident, vel in totum, vel certe in longissimum tempus, adeo ut non raro fere pro eodem reputari possit, victorem extitisse in judicio, ac plane cecidisse causa ipsa: Quare Fiscalis, si

quidem a parte requiratur, non deerit officio suo publico, quin indefesse, & saltem de mense in mensem, aures Judicis, qui in causâ executionis competens fuerit, tamdiu pulset, donec remedia executoria, & ubi fuerit opus, compulsiva cum effectu provisâ sint.

VIII. Idem Fiscalis non solum Procuratores, Advocatos, partesque ipsas, quoties reos esse compererit injustæ moræ injectæ in peragendo iudicio indilate deferet, sed etiam quoad lites, quæ per annum aut amplius pendent, aut alias pro causæ qualitate nimiam moram patiuntur, apud tribunal tum Ecclesiasticum, tum sæculare Electoratus scripto instabit de mense in mensem pro acceleratione justitiæ, si quidem a parte ad id requisitus fuerit.

IX. Ne in causis levibus, quæ per minores Iudices expediuntur, tanto

crebrius & gravius justitia lædatur, quanto minus, quæ ita minuta sunt, rigorosæ discussioni judiciali subjacere possunt, Fiscalis requisitus a parte, cujus jus notorie læsum fuerit, causam prompte suscipiet, geretque apud superiorem Judicem competentem, idque tamdiu, donec justitia cum effectu correctâ sit, & vindicata.

X. Acta officii sui ordine, quæ gesta sunt, conscribet in suo privato protocollo, idque sub pœna unius floreni aurei quovis mense transmittet ad Serenissimum.

JURAMENTUM FISCALIS.

Ego N. juro, &c.

In quorum præmissorum omnium testimonium Sigillum meum præsentibus est appensum. • Treviris.

N O T A.

FRANCISCO LUDOVICO, die 24 Julii a. 1664 Neoburgi nato, *Philippus Wilhelmus* Comes Palatinus Rheni & Elector, Princeps ævo suo prudentissimus, & *Elisabetta Amalia*, ex Hassiæ Darmstad. Landgraviis oriunda, parentes erant, numerosâ ad aliarum pene invidiam Familiarum sobole, octo nimirum Principibus maribus ac novem femellis, a Deo recreati. Adolevit in spes a tenero tam amplas, ut maximum sibi ab hoc germine ornamentum Palatina domus; auxilium singulare Diocæses permultæ & patriæ; demum insuperabile robur ac præsidium orthodoxa Religio polliceretur. Multa tum naturæ tum gratiæ dona acceperat; quæ, quoad vixit, ad DEI O. M. gloriam semper omnia referebat. In omnes artes & scientias, quæ decorare Virum Principem possunt, omni virium atque ingenii, quod erat vastissimum felicissimumque nactus, contentione incubuit. Non ipsi satis, literas inferiores didicisse, quin operam altioribus, tempusque dicaret. Erat in philosophicis studiis mire industrius, in historicis indefessus, in aliis disciplinis totus & assiduus, ut temporis nihil, nisi quod virtus ac pietas subtraherent, eidem superesset. His aliisque instructum dotibus, mox factum, ut aliæ ex aliis Sedes Principem suum ac defensorem optarent summopere, & certatim studiosissime requirerent.

Prima inter illas fuit Silesiæ Metropolis *Vratislavia*, quæ pro Wolg. Georg. Fridrico, intra primum sacri regiminis annum defuncto, pedum Francisco Ludovico ejusdem fratri Episcopale tradidit a. 1683 die 30 Junii, miros inde fructus consecuta. Nam præter saluberrima Clero Statuta, quæ novus Antistes condidit, varia tum ex imo erexit, tum reparavit templa; excitavit scholas; Sacellum Ss. Sacramenti pretiosum & elegans Cathedrali adjecit Ecclesiæ; Seminarium Clericorum, GREGORII XIII. Pontificis exemplo animatus, Vratislaviæ, Orphanotrophium Nisiæ, ac Freudenthalæ domicilium Patribus Pjarum Scholarum ædificavit, fundavitque. Demum immortalis nominis sui fama, *Smogorum*, principem olim Episcopi Sedem Sæc. X. ab Rege Poloniæ MIESLAO concessam, nullis sumptibus, nullis parcens laboribus feliciter redemit, suisque fecit ac Successorum suorum juris.

Vratislaviam sequebatur *Elvacum*, a quo Princeps Præpositus mense Junio a. 1694 Serenissimus Franc. Ludovicus est renunciatus: sequebatur *Wormatia*, quæ episcopali eundem Insula c. a. die 12 Julii exornavit: sequebatur *Ordo Teutonicus*, cujus illustrissimi Equites supremum ipsi Magisterium sub idem tempus communi suffragio derulerunt. Accessit *Moguntia*, quæ Coadjutorem illum a. 1710 die 5 Nov. declarabat. Accessit & *Trevirorum Augusta*, a qua ad diem 20 Febr. a. 1716 postu-

postulabatur Elector Archiepiscopus. Rexit hanc Metropolim Princeps Palatinus ad 30 Januarii a. 1729; cum Sedis Moguntinæ gubernacula post Lotharii Francisci de *Schanborn* g. m. obitum, inter festivas totius patriæ adclamaciones capesserebat. Obiit a. 1732 die 18 Aprilis, Moguntinæ sepultus sub hoc, quod ipse sibi scripserat, epitaphio: *Hic jacet peccator FRANCISCUS LUDOVICUS. Orate pro ipso.*

Egregia ubivis post sese reliquit veræ pietatis, munificentiæ, ac justitiæ monumenta. Elvaci templum, quod *mons pulcher* appellatur, flammis a. 1709 die 22 Apr. absumptum, e cineribus protraxit, sibi que illustrius reddidit; Wormatiam, belli calamitatibus pene exanimem, non recreavit modo, sed novis etiam accessionibus auxit; fractas, incisasque Ordinis Teutonici vires restituit; Treviris ponte Moestham stravit, & reparavit urbis moenia; cum Orphanotrophio excitavit Confluentia Seminarium. Princeps fuit, qui puritati judiciorum, solatio egentium, juribus Ecclesiarum, Romanæ Sedis auctoritati nunquam non invigilabat. Bullam: *Unigenitus*, ceu genuinum D. Perri oraculum, cum subditis suis omnibus admisit; præceptorum Ecclesiæ tutor erat tam probe rigidus, ut, cum forte e vicinia ad se desisterent Principes *Confessioni Augustinæ* dediti, die, qua abstinendum a carnibus erat, alios iis, quam sibi, parari cibos prohibuerit. Nolit sua in aula Ministros, nisi pios, justos, & catholice de Deo, de religione nostra, de hujusque mysteriis & sacris ritibus sentientes: quod expertus quidam est, quem simul, ac vocem depromserat vel incautus vel impius, Atheismi redolentem, Princeps religiosissimus a se facessere iussit, exemplo omnibus hæc imitando.

Transcripti hæc partim ex oratione panegyrica, a Collegio Soc. JESU Moguntino VII. Id. Apr. 1729 oblata, partim e binis funebribus a. 1732 habitis, altera Mergentheimii, Moguntinæ altera. Vide etiam Imhofii notitiam S. R. I. Proc. Honthemii Hist. Dipl. Trev. Tom. III. & Anonymi Hist. Eccles. Germaniæ, idiomate gallico ad annum 1724 edita Tom. I. & II. qui tamen author, dum Tom. II. pag. 171. matrem Francisci Ludovici fuisse scribit Annam Catbarinam Polonam (Sigismundi Reg. Polen. filiam) a vero aberrat. De Mieslao (al. Miesko & Micceslao) vide Moreri Lexicon.

SYNODUS DIOECESANA *Verna* MONASTERIENSIS,

Anno Christi MDCCXXI. Clementis XI. PP. XXI.

Caroli VI. Imp. X.

JUSSU

REVERENDISSIMI & SERENISSIMI S. R. I. PRINCIPIS
ac DOMINI,

D. CLEMENTIS AUGUSTI, (*) *Monasteriensis LXIII.*
& *Paderbornensis XLIX. Episcopi, Utriusque*
Bavariæ Ducis,

CELEBRATA

DIE 24. MARTII.

CLEMENS AUGUSTUS, DEI ET APOSTOLICÆ SEDIS GRATIA
EPISCOPUS MONASTERIENSIS ET PADERBORNENSIS, VETERIS OTTINGÆ PRÆ-
POSITUS, UTRISQUE BAVARIÆ AC SUPERIORIS PALATINATUS DUX, COMES
PALATINUS RHENI, LANDGRAVIUS LEUCHTENBERGENSIS, BURGGRAVIUS
STROMBERGENSIS, S. R. IMP. PRINCEPS, COMES PYRMON-
TANUS, DOMINUS IN BORCKELOH ET WERTH.

Non sine iusta animi indignatione sed pluribus vicibus in Synodis tum accepimus, quod, etsi non una, tempore nostro, tum sub Antecessori-
bus

(*) Vide infra post Synodum Autumnalem anno 1723 celebratam.

bus nostris habitis inculcatum fuerit, ut juxta Ss. Conc. Tridentini Decretum, visitationis Archidiaconalis pro more factæ rationes & protocollum coram Vicario nostro in Spiritualibus Generali exhibeatur, ut Episcopus pro tempore universali Dicecesis regimini Divina providentia præpositus dispicere possit, quo successu & fructu singulæ locorum visitationes haberentur, eumque in finem formulare in puncta seu articulos, secundum quos de singuli dirigere debeant, accurate divisum typis vulgatum sit; nonnulli tamen ex Commissariis Archidiaconalibus huic saluberrimo Decreto toties serio inculcato & renovato hætenus obtemperare neglexerint: hic autem morosus neglectus vergat in Ecclesiæ detrimentum, nihilque aliud, nisi confusionem in visitationibus pariat; Officii nostri ratio postulat, ut idem Decretum de novo inculcemus, prout præsentium tenore serio & efficaciter, quantum in Nobis est, inculcamus, mandantes omnibus & singulis respectivè Commissariis Archidiaconalibus per hanc Dicecesin Monasteriensem constitutis, ut huic nostro Decreto infra

terminum sex mensium ab hac ipsa promulgatione computandum obtemperent, sub pena suspensionis ab omni officio Commissariatus ipso facto incurrenda.

Cum insuper ad Nos relatum sit aliquos peregrinos mendicantes aut collectantes per varias Parochias Dicecesis nostræ vagari, ibique stipem colligere, & indigenis præripere; hinc districte inhibemus, ne Parochi, aliique Curati, nec non Rectores quarumcunque Ecclesiarum hujusmodi mendicantes aut collectantes intra Parochias suas admittant, aut hujusmodi collectiones quocunque modo indulgeant, nisi visa prævie licentia a Nobis vel saltem de Regimine nostro Monasteriensi, vel Vicario nostro in Spiritualibus Generali in scriptis exhibita. Horum inique uti & aliorum a Prædecessoribus nostris latorum Decretorum debitam observantiam exigentes hæc manu propria subscriptas, sigillo consueto munitas dedimus anno 1721. 14ta Martii.

Clemens Augustus.

SYNODUS DIOECESANA *Æstivæ* MONASTERIENSIS.

Eodem anno Christi MDCCXXI.

JUSSU

ÆJUSDEM REV^{mi} & SER^{mi} PRINCIPIS ac DOMINI,

D. CLEMENTIS AUGUSTI, *Monast. Episcopi,*

CELEBRATA

DIE 14. OCTOBRIIS.

CLEMENS AUGUSTUS, DEI ET APOSTOLICÆ SEDIS
GRATIA EPISCOPUS MONASTERIENSIS, &c. &c.

Ignotum esse non potest, qualiter in Synodo Vernali proxime præcedente nomine & autoritate nostra publicatum sit Decretum tenoris sequentis: Non sine justa animi indignatione accepimus &c. (*Vide supra Synod. Vern. pag. 423. usque ad: Cum insuper.*)

Cum autem hujusmodi saluberrimo Decreto non paruerint hætenus Commissarii a suis Principalibus denominati, & terminus peremptorius fuerit sex mensium a promulgatione facta computandorum, forte autem obtinere possent Decretum illud non omnibus

nibus innotuisse, hinc præsentium tenore idem Decretum sub pœna inibi lata iterum iterumque inculcamus, ut nisi ante Synodum Vernalem proxime sequentem paruerint, absque ulla alia declaratione eandem pœnam suspensionis ab officio Commissariatus incurrant, quem in finem præactum Decretum valvis Ecclesiæ nostræ Cathedralis affigi iussimus, ne quis deinceps ignorantiam obtendere possit, id ipsum Parochis totius Diœcesis intimantes, ut si aliqui Commissarii Archidiaconales præacto Decreto infra terminum præfixum non paruerint, atque id illis innotuerit, visitationem ab illis, quam nullam & irritam declaramus, non admittant. Ne vero excusationem prætereant possint, se relationis & visitationis instituendæ modum ignorare, poterunt Formulæ impressum reperire apud Vicarium nostrum in Spiritualibus Generalem, eique se accommodare.

Constat etiam passim antehac in Synodo latum esse Decretum, ne Parochi, alique Curati sæculares ad longum tempus in officium Curæ adfisciant Cooperatores regulares, quia videtur hoc obesse regulari disciplinæ, & Cooperatores sæculares ad curam idoneos in hac Diœcesi Monasteriensis sufficientes habere possunt, qui titulo mensæ nostræ vel Antecessorum nostrorum ordinati, & munus hoc obire commode possunt, & debent, eo quod illo fine ordinati sint, ut Parochis opera illorum indigentibus assistentiam præbeant. Quocirca idem Decretum renovamus, mandantes Pastoribus, aliisque Curatis, ut si assistentia aliorum quoad curam indigeant, desuper Ordinarium sacis mature moneant, ut ex iisdem Sacerdotibus sæcularibus pro cura idoneum assignet.

Tollantur abusus præterea in defunctis terræ mandandis ob nimios sumptus & expensas eorum, qui suos sepeliri curant, dum post funus terræ mandatum ad domum mortualem reditur, & vinum vel alius quiscunque

liquor potabilis copiose ministratur, nihilque aliud faciendum iubetur, quam quod ad honestam sepulturam conferre, & animabus defunctorum prodesse dignoscatur.

Præterea ordinamus & districte præcipimus, ut in magnis communitatibus peculiare Scholæ pro juvenibus, & peculiare pro puellis habeantur. In minoribus vero locis, ubi ob defectum mediorum hoc fieri nequit, juvenes ab una parte Scholæ, & puellæ ab alia parte collocentur, & separatim instruantur, minus vero tolerandum erit, ut, ubi Scholæ pro utroque sexu separatæ esse possunt, puellæ instruantur a viris. Mandamus insuper, ut, quantum fieri potest, parentes tamdiu proles mittant ad Scholas, donec iudicio Pastorum in rebus necessariis satis sint instructæ, idque sub pœna arbitraria a parentibus incurrenda, qui huic Decreto contravenerint, simulque ad salarium duplex Magistro præstandum, qui non paruerint, teneantur.

Denique, quia Nobis innotuit in aliquibus locis Parochos decretare ea, quæ ex Camera aulica publicanda veniunt, ex ambone denunciare: Hinc præsentī Decreto districte præcipiendo mandamus omnibus & singulis Pastoribus, seu Curatis totius Diœcesis sub pœna decem florenorum, ut quando huiusmodi publicanda mittuntur imposterum, ea absque ulla tergiversatione & sine præstatione iurium semper ex cathedra promulgent.

Horum itaque uti & aliorum a Prædecessoribus nostris assentiente Ven. Capitulo nostro Cathedrali alias latærum successive Decretorum exactam observantiam demandamus, alioquin contravenientes serio correcturi. In quorum fidem hæc magis propria subscriptas, sigillo consueto munitas decimus in arce nostra Ahufang 1721. 11ma Octobris.

Clemens Augustus.



SYNODUS DIOECESANA *Verna*
 MONASTERIENSIS,
 Anno Christi MDCCXXII. Innocentii XIII. PP. II.
 Caroli VI. Imp. XI.

J U S S U

*Ejusdem Revmi & Sermi CLEMENTIS AUGUSTI,
 Monasteriensis Episcopi,*

CELEBRATA

D I E 17. M A R T I I.

CLEMENS AUGUSTUS, DEI ET APOSTOLICÆ SEDIS
 GRATIA EPISCOPUS MONASTERIENSIS, &c. &c.

Non sine gravi offensione & animi indignatione accepimus, quod in variis Parochiis Diœcesis nostræ Monasteriensis. dentur homines nullius frugi mendaces & impostores, tum viri, tum mulierculæ, qui pro captando lucro, & decipienda rudi plebecula varia fingunt somnia, diversas animarum & spirituum comminiscuntur apparitiones, & morborum causas, infortunatosque eventus hujusmodi spiritibus apparentibus temere tribuunt, aliasque hujusmodi imposturas & figmenta pro veritatibus tanquam ex tripode vendunt, media quoque præscribunt ad ea mala avertenda adhibendo superstitiose benedictiones, verba sacra & similia, quibus effectum infallibilem adscribunt: Nos igitur pro ratione Officii nostri, quod Nobis incumbit, tam detestando & execrabili abusu sui obviare cupientes, præsentium tenore severissime præcipiendo mandamus, ut tales ad Superiores a Parochis, aliisque Curatis deferantur. Et quia hujusmodi pythonissæ & arioli convincti difficulter possunt, nisi eorum testimonio, qui illorum opera aliquando male usi sunt, impunitatem hac in re testimonium perhibentibus pollicemur, aliis vero, quos aliunde, quam ex spontanea confessione constabit, in dictis operibus cum hujusmodi pythonissis

& ariolis communicasse gravissimam penam irrogandam esse decernimus; Atque ne detur excusationi locus, mandamus omnibus & singulis Parochis, ut hoc nostrum Decretum in vernaculam linguam translatum ex cathedra promulgent, & de promulgatione facta coram Nobis, vel Vicario nostro Generali, vel Archidiacono doceant. Insuper Fisco nostro Ecclesiastico in mandatis damus, ut agat contra Parochos sæculares cujuscunque Parochiæ hujus Diœcesis, qui hætenus neglectis nostris & Prædecessorum nostrorum successive latis de amovendis Regularibus constanti servitio in cura animarum cooperatoribus, & assumendis Sæcularibus pro cura legitime approbatis, & si qui hac in parte inobedientes fuisse reperti fuerint, volumus illos ad debitam penam arbitrio Ordinarii taxandam condemnari. In quorum fidem præsentibus Sigillo Vicariatus munitis, per Vicarium nostrum in Spiritualibus Generalem subscribi jussimus, datis 1722. 14. Martii.

*Franciscus Ludolphus de
 Landsberg, Decanus
 & Administr. Apostol. Eccles.
 Monaster.*

SYNO-

SYNODUS DIOECESANA *Autumnalis*
MONASTERIENSIS,

Anno Christi MDCCXXIII. Innocentii XIII. PP. III.
Caroli VI. Imp. XII.

J U S S U

Ejusdem Revmi & Sermi CLEMENTIS AUGUSTI,
Monasteriensis Episcopi,

CELEBRATA

MENSE OCTOBRI.

CLEMENS AUGUSTUS, DEI ET APOSTOLICÆ SEDIS GRATIA
EPISCOPUS MONASTERIENSIS ET PADERBORNENSIS, COADJUTOR
ARCHIDIOECESIS COLONIENSIS, UTRIUSQUE
BAVARIÆ DUX &c. &c.

Renovamus hīc Decretum *de anno*
1722, & sic sonat: Non sine
gravi offensione & animi &c. (*Vide su-*
p̄ra Synod. Vernal. pag. 426. usque ad verba:
Atque ne detur.) Cum vero Decre-
tum supradictum in paucis Parochiis
observatum sit, & hujusmodi pytho-
nissæ & arioli quotidie dentur; hic
iterum mandamus ac severe præcipi-
mus, ut hoc nostrum Decretum in
vernaculam linguam translatum ex ca-
thedra promulgent, & de promulga-
tione facta coram Vicario nostro in
Spiritualibus Generali vel Archidiacono
loci doceant; & si qui reperti fue-
rint post ultimum nostrum Decretum
latum adhuc adhibere Regulares in
cura animarum, cum possint habere
Sæculares, eos amoveant, ne cogamur
ad pœnam arbitrio nostro infligendam
procedere. Deinde cum magna sit
deordinatio, quod varii pro cura ap-
probandi jam hoc, jam illo die veniant
examinandi: Hinc prout alias ordina-

tum fuit, volumus, ut omnes & sin-
guli, qui examine pro cura opus ha-
bent, singulis quibusque mensibus pri-
ma hebdomada feria 4ta coram Vi-
cario nostro in Spiritualibus Generali,
vel quem aut quos ille deputaverit,
examinandi compareant. Denique
cum passim observatum sit aliquos Ec-
clesiasticos non incedere in vestitu
Clericali decenti: præcipimus, prout
alias stricte præcepimus, ut hujusmodi
vestes deponant, & habitum Clericos
decentem assument. Ad Altare vero
sub Ssmo Missæ Sacrificio quicumque
cum præscitu Superiorum fisco capilli-
tio utuntur, non longius, nec pulve-
re capillari inspersum, sed modestum
cum patente corona deferant. In quo-
rum fidem hæc manu propria sub-
scriptas, sigillo consuero munitas dedi-
mus 1723. 3tia Octobris.

Clemens Augustus.

N O T A.

CLEMENS AUGUSTUS Maximiliani Emmanuelis, Bavariz Electoris, e Theresia
Cunegunde *Sobieski*, Poloniz Principe, filius nati quartus primam Bruxellis lucem
hauriebat a. 1700 die 17 Augusti, in impeditissimis fluctuantis ob Successionem
Hispanicam Europæ temporibus quodammodo medius. Tener admodum cum
quatuor fratribus suis, *Græcium* Stiriz, mox *Clagenfurtum* Carinthiz Metropolim,
captivus abducebatur, Josephi I. Imperatoris jussu. Durior initio, quam quæ tan-
torum Principum consistere cum natalibus posse videretur, captivitas fuit. Ducali

Tomus X. Concilior. German.

H h h 2 abli.

abstinentes titulo, sola oportebat *Comitum Wittelspæbiorum* nuncupatione contentos interim agere, donec a. 1715 die 10 Aprilis ad Serenissimos Parentes Monachium redierint. Quo anno exeunte ad diem 19 Dec. Coadjutor Episcopatus Ratisbonensis, consilio patrui sui Josephi Clementis & opera, eligebatur. Romam comitante Philippo Mauritio fratre, quem tamen præmatura mors a. 1719 ibi vivis rapuit, profectus, sub vigili CLEMENTIS XI. P. M. oculo, Eminentissimum *Lambertini* (postea Summum Pontificem BENEDICTUM XIV.) Præceptorem habuit, a quo sacris disciplinis pararetur, fulgentissimis Hierarchiæ Ecclesiasticæ provinciis cum laude administrandis idoneus.

Degebat adhucdum in Urbe, cum Dioceses *Monasteriensis* cit. a. 1719 die 26 ac *Paderbornensis* die 27 Mart. Episcopate ipsi pedum offerebant. Redux inde in Germaniam, primum Coadjutor a. 1722 die 9 Maji, tum Successor *Colonienfis* in Archiepiscopatu a. 1723 die 12 Nov.: porro Episcopus *Hildesienfis* a. 1724 die 8 Febr. renuntiabatur.

Anno 1725 die 4 Mart. sacro initiatus Sacerdotii Ordine, Monachii in templo PP. Soc. Jesu sub oblatis die 3 Apr. Deo primitiis, Divino secum epulo totam Serenam Familiam dulces inter lacrymas refecit Neomystra; atque a BENEDICTO XIII. P. M. die 10 Nov. anni 1727 consecratus est Viterbi Archiepiscopus, & pallio insignitus.

Anno 1728 die 4 Nov. post obitum Principis *Ernesti Augusti*, Ducis Brunsvicensis, ad Cathedram *Osnabrugensem*, vota eligentium Canonicorum omnia tulit. Denique haud pluribus impar, toti *Ordini Teutonico* ex omnium Equitum suffragiis, ceu Supremus Magister a. 1732 die 17 Julii præficebatur; tanto quidem potestatis suæ incremento, ut ecclesiasticos inter Principes totius esset Imperii germanici facile potentissimus. Profuit, ubicunque præfuit, juxta solennæ, quod sibi elegerat, symbolum: *Pietate & Magnanimitate*, regimen suum omne componens. Pietate profecto in Deum, in Dei Matrem, in subditos erat incomparabili. Pensum canonicum in dies persolvebat devotissime, Sacroque intererat; neque hoc inter gravissima Principatus sui negotia, in ipsis etiam difficillimis iniunctis unquam omisit. In publicis Supplicationibus nil, nisi tenerrimi erga Christum Eucharisticum amoris ignes spirabat; propagandi cultus Divini studium in Eo quantum quamque eximum fuerit, testantur satis tot vel erecta a fundamentis, vel splendide restaurata Bonnæ, Brulæ, Poppelsdorfii, Arensburgæ, Hirsbergæ, Tönnesteinii, aliisque locis pluribus sacella, templa, monasteria: testantur pretiosissima, quibus Francofurti in coronatione Caroli VII. Imp. fratris sui a. 1742 die 8 Mart. usus fuerat, Levitarum ac Sacerdotum ornamenta, Ecclesiæ huic Metropolitanæ oblata: testantur summæ insignes, quas suis e terris in exteris transmisit, cæptis templorum catholicorum ædificiis auxilio & decori futuras. Anno 1736 die 23 Jul. Jubilæum sæculare nonum *D. Liborii* Paderb. Diocesis Patroni honoribus Paderbornæ maxima celebravit pompa; nec minori sacras Martyris *Agilolphi*, primi, ut aliqui contendunt, Colonienfium Archiepiscopi exuvias in Archidiaconali templo B. M. V. ad Gradus Colonie a. 1737 e tenebris in lucem, publicamque venerationem protulit.

Virginem Deiparam suæ proteetricem Archidiaecesis cupiebat esse perpetuam, piaque ternis Missæ Sacrificiis quovis Sabbato assistendi consuetudine, voto etiam firmata, venerabatur; invisebat loca ab istius Matris religione celebriora, Lauretum & Oerttingam veterem; *minimum* se ejusdem *servum* ac *clientem infimum* pro ingenita humilitate nuncupabat; ejusdem Virginis effigiem in palatiorum atriis, in cœnaculis, in cubilibus amabat expositam.

Subditos habebat sibi quam addictissimos, quia amore complectebatur singulos ac solatio replebat. In egenos profusus, in orphanos & viduas ad stuporem erat munificus; singulis annis ultra sexaginta florenorum millia designatis a clementia sua stipendiis expendebat; Fratribus, quibus a misericordia nomen est, ut ægris fervirent alacrius, elegantissimum Monasterii in Westphalia cum templo cœnobium extruxit; Palatia, quæ erexit & numero plurima, & majestate fere regia, non tam sibi, quam populo erecta voluit: quippe quæ totidem erant, unde integræ tam operarum, quam inspectorum curatorumque familiæ alerentur, parula dies noctesque promptuaria. Mutuus Procerum ubique elucebat in Principem & Principis in Proceres amor: Ille ad ipsorum felicitatem; ad illius delicias ipsi conspiciabant: quas tamen inter nihil *Clementi Augusto* jucundius, quam promovere ad statum

statum religiosum pueros puellasque egentiores, aere alieno gravatos, larga elemosyna recreare, veniam vitæ reis tribuere. Omnibus erat adiri facilis, omnibus benignus, in omnes pius.

Communem amorum conciliatricem pietatem illustrabat stupenda *Clementis Augusti* magnanimitas: hanc prodidit Sermus Princeps in avertendis, ubi ubi poterat, ab Archidicepsi sua bellorum calamitatibus; in excipiendo tristissimo, qui Augustissimi Fratris CAROLI VII. ante annos tres in Imp. solum evecti mortem adferebat, nuncio; in tolerando demum fatali morbo, quo extinctus 6 Febr. a. 1761 in palatio Ehrenbreitsteiniano, in ipso veluti Joannis Philippi de Walderdorf Trev. Archiepiscopi conspectu occubuit Ss. Ecclesiæ Sacramentis munitus, postquam supremis tabulis heredem universalem scripserat suum in Archiepiscopatu Successorem, qui modo præest a Deo electus, Reverendissimus & Celsissimus Princeps Archiepiscopus Elector MAXIMILIANUS FRIDERICUS, e S. R. I. Comitibus de *Königsegg-Rottenfels*, natus 1708 die 13 Maji, electus Colon. Archiepiscopus 6 Aprilis, consecratus 16 Augusti a. 1761, Episcopus Monasteriensis 16 Septembris a. 1762. Cui pacem, gloriam, felicitatem CC. Scriptor.

SYNODUS DIOECESANA

V A R M I E N S I S,

Anno Christi MDCCXXVI. Benedicti XIII. PP. II.

Caroli VI. Imp. XIV.

AUTHORITATE

CELSISSIMI & REVERENDISSIMI PRINCIPIS ac DOMINI,

D. CHRISTOPHORI JOANNIS (*)

COMITIS IN SLUPOW SZEMBECK,

Varmiensis Episcopi,

IN ARCHIPRESBYTERALI ECCLESIA HEILSBERGENSI

CELEBRATA

DIE 14. & 15. MENSIS JULII.

SERMO PRÆVIUS EPISCOPI.

IN NOMINE PATRIS, ET FILII, ET SPIRITUS
SANCTI. AMEN.

*P*astorali Officio, quantum in Domino possum, satisfacere volendo, congregavi præsentem generalem statum nostræ spiritualis, Die cæcis mihi conceditæ Synodum, sincero animo, atque vehementi desiderio adaugendi Cultus Divini, confirmandæ, & eo magis stabilien-
discipline Ecclesiasticæ, atque exponen-
obligationis Rectorum, quibus incumbit cura animarum.

Quale vero sit hoc officium, æterna Veritas Divino suo effato in sacris Literis expressit, binum nempe: Virtutum, amoris Dei, & proximi commendans exercitium. Hic

etenim Dominus, & Salvator noster, Fratres charissimi, aliquando nos sermonibus, aliquando operibus admonet, attestante Divo Ecclesiæ Doctore GREGORIO MAGNO: Ecce enim binos in prædicationem Discipulos misit, quia duo sunt præcepta charitatis, DEI videlicet amor, & proximi. In his duabus virtutibus, exinde vero plurimis succrescentibus, consistit vis vocationis nostræ, & qui has non habet, Ecclesiastici honoris & operis partes nullatenus suscipere debet. Amoris effectus describendo, vas electionis S. Paulus Apostolus Predicator veritatis in uni-
Hhh 3
verso

(*) Vide sub finem Synodi.

verso mundo ait: Charitas non æmulatur, non agit perperam, non inflatur; non est ambitiosa, non quærit, quæ sua sunt, non irritatur, non cogitat malum, non gaudet super iniquitate, congaudet autem veritati, omnia suffert & sustinet.

His virtutibus amoris Dei & proximi optime instructi sancti Apostoli peragravunt universum mundum, & lumen verum fidei eisdem intulerunt. Hos secuti zelantissimi Antistites & indefessi in vinea Domini plurimi Operatores, ex amore Dei & proximi tam cruore proprio, quam exemplo sanctitatis vitæ, immarcescibiles quoad animarum salutem produxerunt fructus. Estis & Vos in hoc numero perillustres, Admodum Reverendi, Clarissimi, Fratres in Christo dilectissimi, in partem sollicitudinis nostræ vocati: satagite itaque quam diligentissime munus vestrum implere, attendendo, ne unquam falsa doctrina & pravi errores quoad Fidem S. Catholicam

Romanam irreperere possint, & dum, ubi amor est, labor non est, ac iste verus; timere nunquam potest, serena fronte, & amore Dei, ardua quævis suscipite in adiungendo cultu ejus, ex amore proximi mente ferventi & compatiendi, vota & desideria præsertim in spiritualibus necessitatibus gregis vestri exaudite, hunc salubri esca & verbo Dei, Sacramento Sanctissimo Eucharistiæ cum explicatione sacræ Scripturæ, simulque addactione exemplorum vitæ Sanctorum & Sanctarum Deo frequenter pascite, viam mandatorum Domini suaviter inculcate, & docete, securum quoque iter ad celestem patriam demonstrate. Sua faciendo, volente & exigente Evangelio beatæ Dominicæ diei, abundabit iustitia vestra, & intrabitis in Regnum Celorum, ibique juncti Choris Angelorum cum ovibus vestris DEUM ter Optimum Maximum in æternum laudabitis, quod ipse Nobis omnibus clementissime concedere dignetur. Fiat, fiat.

ACTA & STATUTA SYNODI DIOECESANÆ VARMIENSIS.

INDEX CAPITUM.

- CAPUT I. De Fide Catholica & ejus Professione.
- II. De Statu, vita, scientia & honestate Cleri.
- III. De Archiepiscopis & officio eorundem.
- IV. De Curatorum officio.
- V. De Festorum observantia & cultus Divini augmento.
- VI. De Sacramentis eorumque administratione.
- VII. De Baptismo.
- VIII. De Confirmatione.
- IX. De Eucharistia.
- X. De Missæ Sacrificio.
- XI. De Processionibus cum sanctissimo Sacramento, ejusque expositionibus.
- XII. De Pœnitentia.
- XIII. De Ordine.
- XIV. De Extrema Unctione.
- XV. De Matrimonio.
- XVI. De Catechesi & verbi Divini prædicatione.
- XVII. De conservanda puritate Religionis Catholicæ.
- XVIII. De Divinis Officiis.
- XIX. De Sacramentalibus & functionibus Ecclesiasticis.

- XX. De Regularibus.
- XXI. De Pœnitentia publica, & vitæ scandalis tollendis, atque cavenda oppressione puerorum.
- XXII. De Indulgentiis.
- XXIII. De sancto Floriano, ejusque & aliorum Sanctorum Reliquiis.
- XXIV. De custodia Ecclesiarum, earumque munditie & suppellectili.
- XXV. De juribus, bonis Ecclesiæ, fundationibus & rationibus Beneficiorum.
- XXVI. De Decimis atque de Offertorialibus.
- XXVII. De satis & pratis, edificiis & sepimentis, aliisque a Parochianis præstandis.
- XXVIII. De Judiciis Diœcesanis & Examinatoribus Synodalibus.
- XXIX. De Testamentis & intestatis.
- XXX. De Monialibus.
- XXXI. De Ecclesia Crossensi.
- XXXII. De Sepulchris.
- XXXIII. De executione Statutorum Synodali-um.

CAPUT I.

De Fide Catholica, & ejus Professione.

Majestati Divinæ, & ineffabili ejus bonitati, quæ nos in admirabile lumen Fidei vocavit, ac hæredes sui, cohæredes vero Unigeniti Filii sui Salvatoris nostri effecit, qui nos inutiles servos, prima parentum nostrorum prævaricatione æternæ damnationi mancipatos, inestimabilis Sanguinis sui pretio redemit, nunquam dignas rependere, exilitate nostra gratias possumus, quod Diocæsim & Provinciam hanc Varmiensem, undique pene hæretica pravitate cinctam, post tot adversantium & calamitosorum sæculorum discrimina, ab ævo, quo fides sancta in cordibus credentium illuxit, ad hæc usque satis ærumnosa tempora puram neque in ullo cive præfenti hæterodoxa line afflatam, ad speculum & exemplar aliarum septentrionalium, quæ miserandum in modum a via veritatis deflexerunt, conservavit. Quare ad Synodum præsentem, plusquam a sæculo desideratam congregati, procidui coram Altissimo revereamur tanti beneficii magnitudinem, adorantes propitii Numinis providentiam, quæ pro suo sancto beneficio vocat, eligit, prædestinat & glorificat suos; unanimi corde & lingua laudem & gloriâ DEO O. M. dicamus cum eâ ardenti prece & voto, ut Rex sæculorum, cujus est omnis potestas & imperium, hanc Diocæsim ad finem mundi, in eadem unice salvifica Fide Catholica perseverantem ac immobilem tueatur & foveat, eique fortis Angeli brachium adversus insultus & molimina fidei hostium destinet, quo freta jam imperterrita cum universa militante Ecclesia, Judici vivorum & mortuorum, in unitate credentium occurrat in die novissimo. Fides autem Catholica hæc est, qua DEUM unum in essentia seu natura, trinum in personis credimus, summum Bonum, principium suimet ad intra & omnium creaturarum ad extra, ad cuius imaginem & similitudinem conditi

sumus. Eam quippe Fidem, in qua ceu basi & fundamento, præter quod, teste Apostolo, nemo potest aliud ponere, Synodum istam solidare, & ea, quæ ad laudis Divinæ incrementum ac salutem plebis, tum boni ordinis, tanquam rerum animæ, instaurationem, conservationem, arque consolidationem cedere poterunt, statuere cupientes, prout Symbolo Apostolorum edocti sumus, & quemadmodum Nicænum ac Constantinopolitanum, aliaque Oecumenica Concilia, tum Divus Athanasius atque PIUS IV. in Bulla, quæ incipit: *Injunctum*, præscribunt, professi sumus.

*Forma Professionis orthodoxæ**Fidei a PIO IV. constituta.*

"Ego N.N. firma fide credo, &c.

Ad hanc vero Professionem fidei emittendam abhinc præter eos, qui Beneficia Ecclesiastica cum cura vel sine cura per institutionem Canonicam obtinent, obligatos esse volumus.

Aspirantes ad sacros majores Ordines circa inscriptionem provisionis, vel examen.

Præceptores, seu Ludimagistros, qui ad mentem Tridentini Concilii ^(a) tenentur in Catechesi erudire adolescententes.

Concionatores, dum assumuntur, etiam apud Regulares, de quorum facta Professione fidei, Superiores Nos certiorabunt.

CAPUT II.

De Statu, vita, scientia, & honestate Cleri.

Author ille celestis ac terrestris Hierarchiæ, qui Angelorum & hominum ministeria dispensat, per quem vocati sumus in societatem Filii ejus, qui alios Prophetas, Apostolos, Evangelistas, Doctores fecit, Nos Sacerdo-

(a) Sess. 5. c. 1, declar. n. 23.

cerdotes Ministros suos, & mysteriorum suorum dispensatores ordinavit. Ad quem igitur sublimem gradum ascendimus, iugi meditatione suscepti oneris & officii rationem pensamus. Si namque de quolibet Regius Vates (b) innuit: Paulo minus ab Angelis gloria & honore coronasti eum, verius idem cuilibet Sacerdoti congruit, quem admodum D. Gregorius Nazianzenus super illa verba Apoc.: Fecisti nos Deo nostro regnum, & Sacerdotes, ait: Imperium enim nos ipsi gerimus, multo præstantius & excellentius regno terreno. Hinc nos ab omni terrena fece & sordibus peccati depuratos esse oportet, & in carne præter carnem vivendo Angelicam vitam æmulari, proprietatesque, scientiam nempe, castitatem, custodiam ovium Christi & legationem apud Deum pro hominibus. (c) Profecto præ aliis qualitibus, scientia decorat & commendat Sacerdotem. Etenim labia Sacerdotum custodiunt scientiam, (d) ubi hæc custodia deficit, facile deficiet custodia gregis, & inde arguuntur filii Heli, (e) quod nescierunt uti officio, neque ad Deum, neque populum. Et 1. ad Cor. Si quis ignorat, ignorabitur. Hortamur proinde Sacerdotes præsertim iuniores, ut exquirant scientiam, librorum sacrorum atque moralium diligenti lectione, & annotatione, plurimum proficua, rerum, ad verbi Divini prædicationem & casus conscientiarum quoque frequenti cum Senioribus de materiis fidei & controversiis colloquutione. Exemplaritatem vitæ apprime iisdem etiam inculcamus tenore sacrosancti Concilii Trid.: "Nil est, quod alios magis ad pietatem & Dei cultum assiduo instruat, quam eorum vita & exemplum, qui se Divino ministerio dedicaverunt, in eos tanquam in speculum reliqui oculos conjiciunt, & ex eis sumunt, quod imitentur. Quapropter decet Clericos, in sortem Domini vocatos, vitam, moresque suos ita componere, ut habitu, gestu, incessu, sermone nil nisi grave, moderatum ac religione plenum præferant." Quapropter

repurgemus nos, ut ait Apostolus, ab omni inquinamento carnis & spiritus, perficientes sanctificationem in timore Dei, nec ulla aliqua in re dantes offensionem, ut non vituperetur ministerium nostrum, ac ne nos tam grandis Officii, qui pro populi peccatis Sacrificia & dona offerre debemus, indignos reddamus. Pessimum enim hoc foret (f) Christum conculcare, & Sanguinem ejus pollutum facere, & Spiritui gratiæ contumeliam facere.

Itaque unusquisque Clericus in minoribus seu majoribus Ordinibus constitutus, quodcumque Beneficium vel Officium obtinens, respondeat statui & vocationi suæ vita sancta & Deo beneplacita, habitu talari & tonsura cuique Ordini congrua incedendo, modestia & bona conversatione se commendabilem reddendo, immaculatumque ab hoc sæculo custodiendo, ne fiat sal infatuatum & ab omnibus conculcabile, aut abominatio stans in loco sancto. Si enim vix mundo a scandalis Christus dixit, ut scandalisantibus appendatur mola asinaria & projiciatur in profundum maris, si scandalisantes oculus, manus, pes jubentur abscindi, quale iudicium imminet scandalis domesticorum Dei?

Vitabit proinde unusquisque inhonestas conversationes, compotationes, lusus quosvis dispendiosos, discessiones cum mulieribus, venationes clamorosas cum canibus, & alia, quæ sine temporis pretiosi perditione minime fieri solent, a cujus momento propria & proximi æterna sæpe pendet salus.

Commendam deinde volumus omnibus de Clero senioribus ac junioribus mutuam in Christo charitatem, qui venit ignem mittere in terram, & quid vult, nisi ut accendatur? Hoc maximum præceptum est, a quo lex pendet & Prophetæ: quomodo vero præcipuam eam virtutem sectandam, in qua iustitiæ Christianæ opera complentur, plebem docebunt, si ad invicem altercantes, intestinis odiis & contentionibus scissi fuerint, quos unus corporo-

(b) Psal. 8.
(c) 1. Reg.

(e) Ex libello intitulo: *Cibus Sacerdotum*.
(f) D. Paulus.

(d) Malach. 2.

corporis mystici membra esse oportet, merito donis & fructibus Spiritus Sancti conspicua? Quare Capellanis, aliisque Beneficiatis observantiam Parochorum, & Parochis Capellanorum fraternam charitatem infinuamus; scriptum est enim: (g) Presbyteri, qui bene præfunt, duplici honore digni sunt: non immemores denique triti ac vulgaris mul- tum vero ad fovendam charitatem uti- lis proverbii: Cede majori, parce mi- nori.

CAPUT III.

De Archipresbyteris & officio eorumdem.

In anterioribus Constitutionibus Synodalibus, præsertim RUDNICIA- NIS, (b) satis prolixè enarrantur Archipresbyterorum munia, quæ præsentibus, ac si hic expressa forent, de verbo ad verbum reassumimus & innovamus. Id insuper apponentes, ut Vi- sitationes Archipresbyterales diebus Dominicis seu Fæstis prævia denuncia- tione a Parocho loci populo facta per- agantur, indagationesque seu inquisi- tiones non tam genericæ, quam speci- ficæ & articulati arbitris semotis fiant. Volumus etiam, ut Statutum RUDNICIANUM de Conventu Archipresby- terorum, qui in disuetudinem venit, obtineat vigorem, observeturque ex- acte. In quo conventu præter ea, quæ ibidem recensita sunt, resolutio alicujus casus moralis Theologiæ per Archipresbyterum loci antecedenter intima- ti, a singulis Parochis sub sua sede con- stitutis, in scriptis feratur; & ante alia peragenda post exhortationem Archipresbyteri perlegatur, ac post le- ctionem & conventum hujusmodi ob- sigilletur, & ad Nos, aut Cancellariam nostram transmittatur.

CAPUT IV.

De Curatorum officio.

Præcipua inter alias Curati virtus est, oves suas agnoscere. Prov. 27. Diligenter agnosce vultum pecoris tui,

tuosque greges considera, nimirum agnosce, si quid infirmum, contractum, abjectum, debile & erraticum: non potest enim esse Pastoris excusatio, si oves lupus comedat, & Pastor nescit. Sacrosanctum Concilium Trid. (i) id ipsum luculentius explicat: "Cum au- tem præcepto Divino mandatum sit omnibus, quibus animarum cura commissa est, oves suas agnoscere, pro his Sacrificium offerre, verbi Divini prædicatione, Sacramentorum administratione, honorum operum exemplo pascere, pauperum, alia- rumque miserabilium personarum curam paternam gerere, & in cætera munia pastoralia incumbere, quæ omnia nequaquam ab iis præstari, & impleri possunt, qui gregi suo per- sonaliter non invigilant, neque assis- tunt, sed mercenariorum more de- serunt; Sacrosancta Synodus eos ad- monet, & hortatur, ut Divinorum præceptorum memores, factique for- ma gregis in judicio & veritate pa- scant." Præterea accurate de Paro- chor. munere obsonat Constitutio Synodalis, ad quam sæpe legendam & observandam DD. Curatos pastoralis ze- lo & affectu obsecramus.

Collimantes Catholicos inter hæ- reticos manentes, qui non in loco pascuæ, verum in terra deserta, in via, & in aquosa commorantur, & canticum Domini cantant in terra aliena, de longinquo fenestras aperientes, & oran- tes cum Daniele ad templa sua, nec lætari possunt, nisi subinde rarius in his, quæ dicuntur eis: in domum Do- mini ibimus, medullitus recommenda- mus Curatis, per viscera misericordiæ Dei adhortantes & obsecrantes, ut ta- libus quisque in loco suo succurrat omni possibili modo per Sacramento- rum administrationem, eos paterne præ reliquis complectantur, gratis etiam sponte oblata non recipiendo, lucro animarum & gloria Dei contenti, idque sibi proponentes, quod S. CAROLUS BORROMÆUS Conc. 4. in Synodo II. Mediolanensi dixerat: "O si considera- remus & nos! quis sit iste Deus, qui nos

(g) 1. Tim. 5. 17.

(b) Vide de potestate Archipresb. foran. Instit. Jur. Can. tit. 14.

(i) Reg. Juris in V. Decret. tit. XLI. c. 10. Sess. 23. de Reform. c. 1.

Léon X. Concilior. German.

"nos dignatur aspicere, cui tam gra-
 "tum est, quidquid pro salute anima-
 "rum sit, quam prompte & avide cur-
 "reremus omnes dicentes: Domine,
 "ecce ego, mitte me in Rhetos, in mon-
 "tes, in loca pauperrima, in eremos
 "& sylvas, ubi nec panis, nec aqua sit,
 "ubi nonnisi barbari, & impiissimi ty-
 "ranni corpus meum dilacerare parati
 "reperiantur, ibo, quocunque volue-
 "ris, modo tibi gratum esse compe-
 "riam, nullum aliud præmium expe-
 "tam, nisi te ipsum & gratiam tuam;
 "Addimus etiam, ut exhortentur tales
 "ad recedendum ex finibus non suis,
 "quantumcunque fieri poterit, seque,
 "ac suos omni periculo perversionis exi-
 "mendum. Inculcabunt quoque DD.
 "Curati patribus & matribus familias,
 "ne filios, filiasve, aut famulantes ire si-
 "nant ad famulitium in partes hæreti-
 "cas ob evitandum idem periculum.

Curam deinde pauperum & mise-
 rabiliū in nosocomiis & hospitalibus
 DD. Curatorum vigilantia commenda-
 tam cupimus, ut sæpe, vel saltem in
 mense semel, omnino vero in quatuor
 temporibus anni una cum Provisoribus
 visitent, eosque ad patientiam & tole-
 rantiam ægritudinis, ac vitæ molestia-
 rum propter æternam, quæ pios ma-
 net, beatitudinem exhortentur, & sua-
 viter consolentur, prospiciantque ne-
 cessitatibus illorum, utque perseveran-
 tes sint in orationibus, & saltem festis
 imæ classis peccata sua confiteantur,
 & sacram Synaxim sumant, commo-
 neant.

Etenim vix Prophetis insipienti-
 bus, (k) nempe, qui non intelligunt
 super egenum & pauperem, nec com-
 patiuntur super contritione Joseph.
 Sequitur in textu: Non ascendistis ex
 adverso, neque opposuistis murum pro
 domo Israël, ut staretis in prælio in die
 Domini. Quamobrem tempora cala-
 mitatis & necessitatis, quæ Deus in
 pœnam peccatorum nostrorum immittit,
 memoriæ commendata æquidem
 DD. Curati habeant, ut vultum iræ &
 furoris Domini hostiis placabilibus de-
 precentur, cumque jam in antecessum
 liberum fuit, piās quandoque devotio-

nes, ut sunt votivæ Missæ, processio-
 nes ac jejunia instituere, hæc & præ-
 senti Statuto laudamus, & conservan-
 das decernimus, novas quidem cum
 scitu nostro instituendas.

CAPUT V.

*De Festorum observantia, & cultus
Divini augmento.*

Exodi 20. præcepit Deus: *Memento,
 ut diem Sabbati sanctifices.* Et Exod.
 31. *Videte, ut Sabbatum meum custodiat.*
 S. AUGUSTINUS Serm. 20. in Joannem:
 Sacrum Sabbatum Christiani spiritualiter
 observamus, cum ab omni opere
 servili, id est, ab omni peccato abstine-
 mus. Festa igitur observanda sunt
 cujusque Christiani præsentia circa
 Divina, dum in Ecclesia peraguntur.
 Et quamvis CROMERIANA Constitu-
 tione satis cautum sit, ut dies Domini-
 ci & Festi religiose a Christianis in
 hac Diœcesi observentur, frequenta-
 tione templorum Dei, nihilominus
 cum præceptum Divinum: *Memento, ut
 diem Sabbati sanctifices:* e pluribus eva-
 nescit memoria, ut rari quandoque
 Magistratus in quibusdam oppidis, qui
 cæteris pietatis exemplo merito præire
 debent, quemadmodum & villani in
 concione & Missa cantata interesse cer-
 nantur, reassumimus ad rigorem præ-
 tactam Constitutionem CROMERIA-
 NAM, vulgo *Kirchengang* dictam, ut
 executioni mandetur.

Custodes pecorum, quia tempore
 pascuæ raro aut vix possunt interesse
 Divinis de ætate, DD. Parochi de hye-
 me eo diligentius monebunt, ne ne-
 gligant frequentare Ecclesiam, eosque
 monebunt simul, & examinabunt de
 rudimentis fidei, ac de superstitionibus,
 quæ ejusmodi hominibus communio-
 res esse solent, vitandis.

Cum autem per labores manuales
 circa lotiones & expansiones, tum
 compositiones lineamentorum, costio-
 nem livorii, dealbationem telæ, distil-
 lationem cremati, vesturas ad molen-
 dinum, dies festi violantur, hujusmodi
 abusibus & scandalis abrogandis quo-
 quo possibili modo intentos, ac vigiles
 esse

(k) Ezechiel. c. 3.

esse volumus DD. Curatos, ne præsertim expansio, dealbatio, & compositio telæ fiat, cum incussione timoris Dei, imprimenda violatoribus, gravis offensæ Divinæ exaggeratione, & brachii cujusvis secularis imploratione. Si vero grave cuiuspiam damnum emergeret propter incidentias plurium festorum & pluvias, cum scitu saltem id fiat Parochorum, quorum conscientias oneramus.

Circa braxationes, quæ etiam cum prævaricatione hujus præcepti fieri animadvertimus, DD. Curati pariter vigilantes sese montrent, ne ullatenus dies festi profanentur.

Denique, si itinera longa cum vesturis, præsertim extra Provinciam, ubi deest copia satisfaciendi præcepto Divino & Ecclesiæ, ad geminatos dies festos, studio dilata ab avaris dierum suorum ferialium; citra urgentem necessitatem, de qua deberet constare Parochi, non instituuntur, præmoneant DD. Curati sub pœnis contra absentes, ut in CROMERIANA supra relata, extendendis, aliisque arbitrariis.

Liquores; cujuscunque generis sint, non propinentur ante Divina, quod sedulæ Magistratuum in oppidis, & Scultetorum in villis inspectioni commendamus.

Quoad fora & nundinas insitimus anterioribus Ordinationibus Hostianis & CROMERIANIS, ad removen- da vero quæque scandala extra Synodale Rescriptum extradere pollicemur.

Pro ampliando vero cultu Divino ordinamus, ut quique patres & matresfamilias imaginem Crucifixi, tum Beatissimæ, aut alicujus Sancti cum devotione in suis domibus retineant; (1) & coram iis, quantum fieri poterit, mane & vespere cum liberis suis & familia sua recitent *Pater noster*, *Ave Maria*, & *Credo*, *Præcepta Decalogi*, recommendando se ac labores suos, & quasvis angustias, tribulationesque Patri misericordiarum & Deo totius consolationis: omnia enim, quæcunque faciunt, in nomine Domini nostri JESU CHRISTI

facere debent. Eliciant denique æstus doloris de peccatis, & amoris Dei; nec unquam omittant pro capiendæ cibæ, brevi methodo benedicere mensam, & surgendo ab eadem, dicere saltem *Deo gratias*, &c. vel *Gloria Patri* &c.

In Dicecesi Sambienfi (m) celebrandum est festum S. Adalberti Episcopi Mart. Patroni principalis & Apostoli Prussiæ, sub ritu duplici 1mæ classis cum Octava, in die Dominicæ, tunc populus hujus terræ, in qua passus est Martyr, speciali celebritate Sanctum colat, cum die incidentæ nullam hætenus celebritatem habuerit, nec facile eo die hic inter hæreticos celebritas institui possit, ratihabitione S. Sedis.

CAPUT VI.

De Sacramentis, eorumque administratione.

Manifesta, utpote visibilia & palpabilia signa omnipotentis & gratiæ Divinæ, Ecclesiæ suæ Salvator, postquam pertransiit docendo & sanando omnes, Sacramenta reliquit. Hic certe pascua, hic super aquam refectio- nis educamur, *Psal.* 22. Sacramenta hæc non aliunde, quam ex vulneribus Christi profluxere. Ita Sacrosanctum Concilium Trid. (n) "Si quis dixerit, "Sacramenta novæ legis non fuisse "omnia a JESU CHRISTO Domino "nostro instituta, anathema sit." Ut autem hæc Divina Mysteria venerentur fideles, majorique illorum exarde- scant desiderio, non negligant Parochi, tum alias sæpe, tum præsertim in admini- stratione illorum, præstantiam atque dignitatem eorundem explicare. Nul- lum vero pretium vel mercedem ab iis, quibus ministratur, exigere quo- vis modo audeant, monente Salvatore: Qui sitit, veniat, & qui vult, accipiat aquam vitæ gratis. (o) Consuetudinem tamen post ministratum Sacramentum libere aliquid offerendi Sacerdoti pro sustentatione non tollimus, sed exactio- nes

(1) Ex Synodo ult. Præmysl.

(m) Additamentum pro Dicecesi Sambienfi.

(n) Sess. 7. can. 11.

(o) Ex Maciejoviana Epist. Pastor.

nes sub gravibus, iisque irremissibiliter extendendis a Nobis & iudicio nostro pœnis omnino prohibemus. Præcipue vèro sub iudicii Divini interminatione, pœnisque gravissimis infligendis caveant Curati, ne vel sine Baptismo, vel sine Pœnitentiæ, Eucharistiæ, Extremæque Unctionis Sacramento quendam contingat decedere. Unde etiam propriis equis vehentur ad infirmos.

CAPUT VII.

De Baptismo.

Pro eo adoranda providentia Divina, quod institutus fuerit in materia tam obvia, aqua naturali ut materia, & verbis paucis sed altissimis mysteriis plenius ut forma, quod capacis ejusdem omnes viventes homines esse voluerit, (p) Ministros valide ministrantes vel ipsos hæreticos, cum olim Donatistæ, rebaptizantes baptizatos ab hæreticis, condemnati sunt, & sacrosanctum Trid. Concilium: (q) "Si quis dixerit Baptismum, qui datur ab hæreticis in nomine Patris, & Filii, & Spiritus S. cum intentione, quod facit Ecclesia, non esse verum Baptismum, anathema sit." Circa hoc Sacramentum ordinamus præterea, quæ in Ritualibus & Theologis sunt obvia, ut non tarde conferatur, sed valeat illud: (r) *Accelera, festina prædari*, ut priusquam infans sciat nominare patrem & matrem, auferatur fortitudo Damasci. Item, (s) ut in Ecclesia, non vero in privatis domibus citra urgentem necessitatem conferatur. Denique ut in oppidis a Magistratu, in villis a Scultetis & Communitate probæ mulieres, quæ obstetricantur, Parochis præsententur, a quibus instrui debent, quomodo in necessitate Baptismus ministrandus est, neque etiam, cum baptizabunt, nomen infanti imponant, sed juxta praxim aliarum Dicecesium, cum primum ad Ecclesiam deferri poterit, fiant ceremoniæ supra illum, & tunc nomen alicujus Sancti imponatur. Hæreticos pro patrinis nullatenus admitti volumus. Peracto Baptismo, per

ipsos Parochos, quantum fieri poterit, nomen baptizati, parentum ejus, ac patrinorum libro metrices inscribatur; quorum testimonio seu literis ortus, ex hujusmodi libris metrices descriptis, & sigillo Ecclesiæ, quod Patronum representare debet, munitis, acque subscriptione Parochi vel ejusdem Substituti roboratis, plenam in iudicio, & extra fidem adhiberi debere censemus, tanto magis, (t) cum actio, qua quæritur, utrum quis legitime natus sit? apud Ecclesiasticum iudicem competit non civilem, quamvis invidenter proponatur.

CAPUT VIII.

De Confirmatione.

Cum hocce Sacramentum characterem seu signaculum in anima cuiusque Christiani illud recipientis relinquat, & gratiam conferat ac robur ad resistendum inimico, Christianumque nomen & fidem Catholicam intrepide profitendum tribuat, sæpe ac sedulo monebunt DD. Curati non confirmatos, ad illud suscipiendum Sacramentum, nequaquam vero susceptum reiterandum, idque cum clara & distincta informatione in ordine ad præparationem, patrinis, & impedimenta cognationis spiritualis, ut in Epistola Pastoralis.

CAPUT IX.

De Eucharistia.

Sancta Sanctorum in hoc Sacramento, quo nil præstantius & dignius, in mortali indies fatiscente vita degentibus superest, continuo ac irrefrigescente cultu revereri oportet. Illud enim Salvator noster, ad ostensionem suæ erga genus humanum charitatis, in medicamentum nostræ infirmitatis, in pignus futuræ beatitudinis, & jugem memoriæ suæ pro nobis passionis instituit. Quanta igitur præparatione ad hocce sanctissimum Sacramentum & alacritate accedendum est? Doctrina Ss. Augustini, Chrysostomi, & Cyrilli

(p) C. Ostenditur 32. de Consecr. distinct. IV.

(q) Sess. 7. can. 8.

(r) Hæi. 8.

(s) C. unic. præcedenti, tit. 15. Clement. 5ti in Concil. Vienn.

(t) Capit. lator. 5. & c. Causam 7. Qui filii legitimi.

rilli Alexandrini manuducimur. " Si vitam æternam consequi volumus, si largitorem immortalitatis habere in nobis desideramus, ad recipiendam benedictionem libenter concurramus, caveamusque, nè loco laquei damus nosam religionem Diabolus nobis prætendat." (u) Nam, si peccando quisquis te a mensa Domini excusas, indignus es, & peccare non desinis, tunc expers omnino eris vivificæ hujus sanctificationis, quare pias, quæso, cogitationes suscipias, studiose, sancteque vivas & benedictionem participes. (x) Peccata etsi sunt quotidiana, modo non sint mortifera, securus accede, Panis est non venenum. Non torpeamus igitur tanta digni charitate & honore putati, accedamus cum alacritate ad hanc mensam, & unus nobis sit dolor hac esca privari. Consideremus etiam, quod si Christus Dominus præsepe, crucem, coronam spineam, clavos, lanceam, & sepulchrum suum sanctificavit, nos quoque, ubi non tantum multiplicem gratiam, verum ipsum fontem gratiarum in nobis suscipimus, sanctificabit ad beatitudinem & gloriam. Ex vi triti Canonis Lateranensis Concilii, (y) Quilibet Catholicus semel in anno ad minus ad hoc Sanctissimum & Augustissimum Sacramentum accedere obligatus est. Intererit vero curæ & zeli DD. Curatorum, aliorumque Presbyterorum populum ad frequentandum sæpius hocce Sacramentum saltem majoribus festivitatis exhortari. Si quis autem tempore Paschali, quod in hac Dicecesi a Dominica Passionis ad Dominicam secundam post Pascha inclusive durat, quo communicare omnes Ecclesiæ præcepto, ut præmissum est, tenentur, facere id neglexerint, & quidem in propria ipsorum Parochiali Ecclesia, deque manibus Paro-chi aut Vicarii ejus, excepto si vel degant tunc ipsi apud externos, vel Sacerdos extraneus licentiam ad id nostram, Parochive habeat, notatos denuncient Archipresbyteris, vel Nobis, monitosque nihilominus inobedientes prohibitionis ingressus Ecclesiæ atque sepulchræ pœna mul-

teant, non obstante, quod aliqui inimicitiis, aut actione in jure impediri se a sacra Communione causentur, (z) quandoquidem petita ab offenso venia & oblata satisfactione, semoraque penitus ex animo ira & cupiditate vindictæ, habilem se quilibet ad eam reddere potest. Accedentes deinde excussis naviter conscientiarum suarum latebris, sordes & maculas omnes Confessione Sacramentali ex animis eluant, offensasque & odia, si quæ mentibus alunt, deponant, dimittantque ex cordibus fratribus suis. Matrimonio juncti uno & altero die, si non pluribus, ante & post Communionem se continent ab invicem, jejunos quisque sit sumens a media noctis præcedentis hora. Moneantur denique fideles, ne post susceptam Eucharistiam comestationibus atque convivii indulgeant, sed refectione contenti totum diem in visitandis Ecclesiis, Divinoque hoc beneficio recolendo impendant. Quando vero infirmis hoc Sacramentum ministrandum erit in oppidis seu villis, ubi decumbunt, deferatur ad illos quam honorificentissime a Sacerdote, induto stola & superpelliceo, in vasculo decenti & velato, sub umbella, ubi id commodè fieri poterit, præcedentibus Ministris Ecclesiæ seu ministrantibus itidem superpelliceatis, cum vexillis, facibus, cereis accensis & tintinabulo, hymnosque aut antiphonas convenientes huic Sacramento canentibus, ac populo frequente, qui, ut devotus comitari assuescat, in concionibus moneatur, ubi potissimum Confraternitates extant; dicit enim Dominus: Si ego Dominus, ubi est honor meus? alioqui in paucitate plebis ignominia Principum. Et qui hunc sequuntur Agnum velatum, sequentur aliquando revelatum in gloria.

Remotius vero ab oppido & villa, omisso pretioso apparatu, in capsula auro vel serico texta, ex collo Sacerdotis cum tintinabulo pendente, eundo vel equitando seu discedendo modeste deferatur, ubi vero ad locum pervenerit, superpelliceum & stolam omnino adhibeat. Monendi sunt autem ii,

(u) S. Cyrill. Alex. l. 4. in Joan.

(x) S. Aug. tract. 25. in Joan.

(y) C. Omnis utriusque sexus. sub Innoc. III.

(z) Ex Epist. Pastor. Maciejow.

qui Parochum de infirmo certiorem reddent, ut mundum a fordibus sit cubiculum & profana omnia amoveantur, in mensa nitida mappa sternatur cum cereis super ea accensis & cruce posita.

Ad neminem autem deferatur, qui eam revera percepturus non est, quodsi interea, dum deferatur, ægritudo infirmi ita invalescat, ut ei non possit tuto ministrari, tunc posita Presbyter super mensam pyxide, immoretur paululum, prostratusque genibus una cum aliis, qui aderunt, Deum supplex oret, deinde consolato salubriter ægroto, videndam si optet, atque adorandam eidem Eucharistiam exhibeat, aut saltem recessurus inclusa in vasculo benedicat. Potest autem imo debet Sacramentum hoc ministrari ægrotis, cum periculum sit, ne sine Viatico decedant, quandoque etiam noctu, post sumptum ab eis cibum, si nil aliud obster.

CAPUT X.

De Missæ Sacrificio.

Excellentia jugis ac vere propitiatorii Sacrificii pro vivis ac defunctis, quod Christus transiens de hoc mundo ad Patrem, in Sacramento Corporis & Sanguinis sui instituit, summam in nobis conscientibus & lumen requirit puritatem. Ita D. Chrysostom. (a): "Quo non oportet purior rem esse tali fruente Sacrificio? "quo radio solari non splendidiorem "manum, carnem hanc dividentem? "os, quod igne spirituali repletur? "linguam, quæ tremendo sanguine rubescit?"

(b) Utinam Dominum suum quis posset suscipere, qualiter Beatissima Virgo eum in Incarnatione suscepit in utero, vel in cruce depositum recepit in sinu, vel qualiter Pater æternus Spiritum Unigeniti sui, in quo sibi complacuit, in manus suas recommendandum, in cruce emissum recepit ad se, sed alta hæc nimis pro nobis, utamur saltem præparatione breviori ex Card. Bonav. (c) Ante Missam præmittenda

duplex præparatio, pro remota, hæc servanda: Vespere præcedente cogitet se crastina die hostiam salutarem DEO Omnipotenti immolaturum, eique cogitationi indormiat, addat brevem aliquem affectum reverentiæ, amoris & desiderii: Sequenti die in eadem cogitatione & affectu evigilet, caveatque diligenter, ne animus ita se negotiis immergat & ad externa dilabatur, ut cum tempus ad celebrandum advenierit, & se recolligere non possit; proxime ante Sacrum terrenis omnibus cogitationibus abjectis, omnique rerum agendarum solitudine mentem erigat ad celestia, perpendat, qua devotione se sentiat ad celebrationem invitari, quo fine moveatur, conscientiam excutiat, & si aliquam maculam inesseprehenderit, Confessione Sacramentali eluat cum intimo doloris sensu, ac firmo proposito emendationis, tum breve tempus sumat, quo fidem mysterii excitet, charitatem accendat, passionem Domini commemoret, dirigat intentionem, & DEI opem sibi & aliis efflagitet, auxilium quoque B. Virg. MARIE & Sanctorum ferventer & humiliter imploret.

Ad mentem autem sacrosancti Concilii Trid. ordinamus, (d) ut quilibet Curatus, Missæ Sacrificium celebrando, idem saltem diebus Dominicis & festis pro populo offerat, non immemor tamen illius, quod V. Beda dixerat: Sacerdos legitime non impeditus, celebrare omittens, quantum in eo est, privat sanctissimam Trinitatem laude & gloria, Angelos lætitia, peccatores & in purgatorio existentes venia, justos subsidio & gratia, Ecclesiam spirituali beneficio, & semetipsum medicina ac remedio. Celebrent autem non quasi ex consuetudine & necessitate, sed considerent, quod nullum aliud opus adeo Sanctum & Divinum tractent, quam sit tremendum hujus Sacrificii mysterium, ideo magna cum attentione, devotione, incessu gravi ac modesto, oculis demissis ac voce mediocri, servando caeremonias & ritus in Rubricis præscriptos, ita semper absolvant,

(a) Hom. 60. ad popul. Antioch. (b) Euseb. lib. 3. (c) Tract. de Sacrif. Miss. c. 7.

(d) Cong. Concilii in Lucana 10. Maji 1681. & 10. Maji 1692. in Mileten. &c. apud Monacellum part. 1. tit. 2. form. 2. n. 4.

solvant, ut meminerint sese spectaculum Deo, Angelis & hominibus esse. De reductione Missarum, si quæ iusta allegabitur ratio, extra Synodalem penitentibus dabimus declarationem.

CAPUT XI.

De Processionibus cum sanctissimo Sacramento, ejusque expositionibus.

Ut religiosissime, decentissime, piissime atque ordinatissime tam in oppidis, quam villis Processio cum sanctissimo Sacramento fiat festo Corporis Christi, quæ non alio fine, quam ad repræsentandum Salvatoris nostri de morte triumphum, tum hæreticorum perfidiam confundendam instituta est, peragatur, DD. Curati seu Rectores Ecclesiarum antecederent cum Vitricis Ecclesiæ, atque Magistratibus in oppidis & Scultetis in villis pro ornamento quoquo meliori procurando, conferrant & sedulam operam adhibeant. Ut vero Christifideles hoc augmentum & præcellum Sacramentum eo alacrius sequantur, stipendia spiritualia Summorum Pontificum URBANI IV. CLEMENTIS V. MARTINI V. & EUGENII IV. largitione concessa, præsertim durante Octava Corporis Christi, populo publicabunt.

Institentes vero Brevi INNOCENTII Papæ X. pro Regno Polonia, 20ma Aprilis anno 1645. emanato, atque variis sacræ Congregationis declarationibus in futurum præsentis nostro Decreto prohibemus, ne quis sive Sæcularis, sive Regularis absque nostra vel Officii licentia, Processiones cum Sanctissimo facere præsumat, præterquam in Festo & per Octavam Corporis Christi, in festo Patroni Ecclesiæ, sub cujus invocatione illa erecta est. In Ecclesiis autem Regularium in festis Patriarcharum eorundem Ordinum, tum aliorum Sanctorum sui Ordinis, a sancta Ecclesia Romana canonizatorum, pariter in Ecclesiis, ubi Confraternitates sub invo-

catione B. V. MARIE institutæ. Si talis consuetudo recepta in festivitibus ejusdem Gloriosissimæ Deiparæ expositiones & processiones fieri annuimus. Expositiones etiam permittimus fieri diebus Quadragesimæ, quibus devotio ad Passionem Domini cum concione peragitur. Item si Confraternitates aliquæ sub titulo aliquo Sanctorum canonice erectæ fuerint, licita maneat expositio. Hymnos vero circa expositionem seu processiones, latinis, germanicos vel polonicos præcipue ad Dei gloriam vel sanctissimi Sacramenti exaltationem intonari mandamus.

CAPUT XII.

De Pœnitentia.

Pro tribunali Clementiæ Divinæ sedentes, seria mente recogitent illud: (e) *Accipite Spiritum Sanctum, quorum remiseritis peccata, remittentur eis, quorum retinueritis, retenta sunt.* Atque illud sacræ Scripturæ: (f) *Videte, quid facitis, non hominis judicium est, sed Dei.* "Majus quippe opus est ex impio justum" facere, quam creare cælum & terram." ut ait S. Augustinus. (g)

Præter potestatem Ordinis etiam ad valorem absolutionis potestatem jurisdictionis debet habere Sacerdos, quam accipit ab Episcopo ordinarie in approbatione ad confessiones excipendas; juxta sacrosanctum Conc. Trid. (h) hæc approbatio etiam per Regulares ad audiendas præsertim confessiones sæcularium est obtinenda, cum in Diocesim passim veniunt.

Oportet etiam Confessarium fungi officio Medici, sed debitam scientiam medendi haurire debet Sacerdos a Magistris, & ex libris cum diligentia legendis. Incumbit enim illi scire discernere inter lepram & non lepram, nosse Casus reservatos Papæ & Episcopo, censuras, obligationes restituendi. Et licet vix possibile sit, ut in dubiis possit ipse omnia resolvere, prodest illi tamen, si communia sciat, de difficultatibus

(e) Joan. 20.

(f) Paralip. 2. v. 19.

(g) Tract. 32. in Joan.

(h) Sess. 23. c. 15. Clement. Dudum. §. Ac deinde. & Constitut. Clement. X. quæ incipit: *Superna magni.* 1670. 11. Kal. Julii. Monacell. in append. form. leg. præf. in ead. & de Conc. Regul.

ribus sciat saltem dubitare, & peritiores librosque consulat.

Ut Iudex non semper debet remittere, sed quandoque cum sale sapientiae retinere peccata, non ut Quesnelius voluit: "Peccatorem relinqui ad tempus in statu peccati, ut sentiat statum & confusionem peccati, & ad minus incipiat satisfacere iustitiae Dei vine, antequam reconcilietur Deo;" prout *Propositione* 87. damnata a s. m. CLEMENTE XI. Papa per Constitutionem: *Unigenitus*, quam reverentissime recipimus, continetur & *Propositione* 17. ab ALEXANDRO, Papa VIII. damnata: per praxim mox absolvendi ordinem poenitentiae inversum esse loquuntur, liquet.

Sed retinere debet iracundis, qui ignoscere nolunt, recidivis, qui statim ut canes redeunt ad vomitum, sine omni etiam brevi abstinencia a peccato & conatu abstinendi, nolentibus proximis occasiones peccandi relinquere, dum possunt, nolentibus restituere vel satisfacere laesis, vel exequi officium suum.

Tanquam Medicus debet etiam proponere afflictis & tribulatis finem malorum & beatam vicissitudinem futuram, superbis vanitatem gloriae mundanae, dissolutis & voluptuosis momentaneum, quod delectat, aeternum quod cruciat, pusillanimes erigere spe misericordiae Divinae, & passione Christi, contemptim ac perfrecte peccantes terere iustitiae & poenis interni ac incertitudine diei poenitentiae, haec & his similia, ubi opportunitas rei exegerit.

Ut vero Sacerdos tanto dignius administret Sacramentum Poenitentiae, ipse illud non negligat, prout S. Bernardus monet: (i) "Rectus ordo requirit, ut prius propriam, deinde alienam curare studeas conscientiam: ne similis sit illi capro emissario, cum propriis & populi peccatis in desertum inferni praecipitando. (k)

Caveant praeterea, ne peccata audita in confessione verbo vel signo, aut quovis modo directe vel indirecte extra illam prodant, sub poenis depositionis, carcerisque perpetui & aliis rigo-

rosissimis. Quare ad debite administrandum hoc Sacramentum, sobrietatem cum aliis etiam piis virtutibus Confessariis inculcamus, ne vesano oris pruritu, vel ausu sacrilego, secretum Sacramentale prodant. Confitentes autem Sacerdotes non debent accedere ad hoc Sacramentum in alba & stola, quia haec sunt signa innocentiae.

CAPUT XIII.

De Ordine.

In Sacramento Ordinis juxta PII V. Catechismum (l) corona est Regalis Sacerdotii. Aspirantes ad idem Sacramentum volumus imprimis probare spiritum per recollectiones, ut in Epistola nostra Pastoralis injunximus, opemque Divinam implorare, ut virtute ex alto induantur. Satis enim periculosum est ad ejusmodi gradum ascendere & non est, juxta D. Joannem Chrysost., tanti gaudii, excelsa tenuisse, quanti meroris, de sublimiori corruisse.

Quia igitur relatum habemus, aliquos sine consideratione & reflexione debita ad vocationem, assumpto habitu Ecclesiastico, consursum distulisse petere, vel petita, & obtemperata, scandala & excessus perpetrasse, eandemque postea cum habitu abjecisse. Nos his, ce inconvenientis, statui Ecclesiastico ac honori Sacerdotali nocivis & perniciosus, opportuna sollicitudine pastoralis obviare volentes, statuimus, ut nemo habitum Clericalem assumere propria sponte & libitu audeat, ac praenat sub poenis nostris arbitralibus; quin prius coram Nobis, vel ad id Deputatis nostris examen subierit, & idoneus repertus fuerit, secumque testimonium Magistrorum & Archipresbyteri attulerit, de vita & moribus, prout Decreto S. Caroli Borromaei in 5ta Synodo Mediolanensi *Part. 2. fol. 69.* cautum ac praecustoditum est. Porro signa vocationis ad Sacerdotium esse debent: 1mo. Inclinatione & propensio ad Divinum cultum & Ecclesiae obsequium, in Ecclesiastico statu Deo deferendum, quam quis in se ipso a tenerioribus annis ad maturiorem usque

ata-

(i) Epist. ad Brun.

(k) Levit. 16.

(l) De Ordine n. 28.

ætatem est expertus, 2do. An iis qualitatibus seu dotibus, quales talis status omnino requirit, sit instructus saltem inchoative, ita, ut accedente ulteriore studio & diligentia sit sufficienter perficiendus, nam neque Deus ex quovis ligno facit Mercurios. Tales autem dotes sunt ingenium capax & profectus in literis saltem mediocris, animus honesti amans, & pravis præsertim carnalibus habitibus non corruptus, cervix flexibilis, non refractaria ad obediendum, 3tio. Si a tempore non modico sentiat se zelo animarum & ampliandæ gloriæ Divinæ accensum. 4to. Si Prælatum ultro quem invitet, & is, cui curam animæ tuæ commisisti, non contradicat. 5to. Si animo non reluctanti, tristi vel ex necessitate quis accedat, verum hilari jugum Domini suave apprehendit. Qui enim Spiritu Dei aguntur, his pollent signis & qualitatibus.

Sique aliquis præter præmissa initiatus fuerit minoribus vel sacris majoribus Ordinibus, sentiatque minus, quam debet, habere, diligenti applicatione supplere studeat ea, quæ sibi desunt, & intentionis suæ oculum in timore, & virtutum festatione ad Deum dirigat, ut monet D. BERNARDUS: (m) "Vitæ sanctitas siquidem non præcessit, saltem subsequatur."

Ssmi Dni N. D. INNOCENTII
Divina Providentia Papæ XII. Constitutio,
qua plura declarantur, ac præscribuntur pro
tollendis abusibus & fraudibus circa
Ordinationes alienorum Subdi-
torum.

INNOCENTIUS EPISCOPUS, SERVUS
SERVORUM DEI, AD PERPETUAM
REI MEMORIAM.

"Speculatores domus Israël, &c.

C A P U T XIV.

De Extrema Unctione.

Evangelica pagina instruimur, Christum Dominum authorem & consummatorem fidei, antequam pro nobis Crucem sanctam subiit, dum in

monte Oliveti orasset ad Patrem, Angelum habuisse confortantem eum. Si quando, in ipso periculo mortis, Christifideli zelus & vigilantia boni Pastoris suspendenda est, quare eo salubriter instituto Sacramento eidem tempestive occurrendum est. Ait enim S. JACOBUS Apostolus: *Infirmatur quis ex vobis, inducat Presbyteros Ecclesiæ, & orent super eum, ungentes eum oleo in nomine Domini &c.* (n) Virtute namque hujus Sacramenti confertur abundanter suscipienti gratia Spiritus Sancti, cujus unctio delicta, si quæ sint adhuc expianda, ac peccati reliquias abstergit, & ægroti animam alleviat & confirmat, magnam in Christo Divinæ misericordiæ fiduciam excitando, quæ infirmus sublevatur, & morbi incommoda ac labores levius fert, & tentationibus Dæmonis calcaneo insidiantis facilius resistit, & sanitatem corporis interdum, ubi salute animæ expedierit, consequitur.

Sacramentum istud administrandum est in articulo mortis naturalis, dum ab intrinseco uti morbo, veneno, ulcere &c. non vero si in instanti proveniat ab extrinseco, uti gladio, sclopeto &c. Ecclesia non permittit id etiam infantibus, perpetuo amentibus, & qui nunquam habuerunt lucida intervalia, publicis peccatoribus, vel quasi ex professio peccantibus, uti sunt usurarii, concubinarii manifesti, meretrices, publice rebelles Ecclesiæ, neque quicumque sciuntur esse in peccato mortali vel affectu illius, nisi dederint signa poenitentiae; permittit phreneticis & furiosis, a cane rabido morfis, si nil aliud obstat; illi tamen ligari, vel remota turba teneri debebunt, ne vel Sacramento irreverentiam, vel aliis periculum inferant.

Jubet conferri pueris jam doli capacibus; præsertim si aliud Sacramentum, uti Poenitentiae vel sanctissimæ Eucharistiæ, percipere non possint.

Rituale Romanum censet magis ungi quemlibet, qui Catholice vixit, etsi non perierit, quia Ecclesia non neminem præsumit petere, cujus vita non

contra-

(m) Epist. ad Adv.

(n) Trid. Sess. 14. de Refor. c. 2.

Tomus X. Concilior. German.

contradixit, sed permittit semel tantum in eodem morbo, quod proinde neminem negligere volumus, siquidem non modo poenitentia, sed & totius vitæ Christianæ, quæ perpetua poenitentia esse debet, consummativum est.

Solicitudinem etiam Parochorum tangit, quatenus sæpius visitent infirmum, quantum fieri poterit, inquirendo de periculis, tentationibus, inquietudinibus, scrupulis ægotantis; In fine hominis denudatio operum ejus: cui salutaria remedia, prout eis in Domino visum fuerit, providebunt.

(o) "Religiosi, qui Clericis aut Laicis Sacramentum Unctionis Extremæ, vel Eucharistiæ ministrare, Matrimonia solemnizare, non habita super his, parochialis Presbyteri licentia, aut qui excommunicatos a Canone, præterquam in casibus a jure expressis, vel per privilegia Sedis Apostolicæ, concessa eisdem, vel a sententiis per Statuta Synodalia aut Provincialia promulgatis, seu ut verbis eorum utamur, a pœna & culpa absolvere quenquam præsumperint, excommunicationis incurrunt sententiam ipso facto, per Sedem Apostolicam duntaxat absolvendi; quos etiam locorum Ordinarii, postquam de hoc eis constiterit, excommunicatos faciant publice denunciari, donec de absolutione ipsorum eis fuerit facta fides, nullo Religiosis eis super hoc exemptionis vel alio privilegio suffragante."

Iis quoque irrelevantibus, quæ in *Mari magno*: expressa & ad terminos Decretorum sacrosancti Concilii Tridentini (p) per contrarias Constitutiones PII IV. quæ incipit; *In principiis Apostolorum*. GREGORII XIII. quæ incipit: *In tanta rerum*. CLEMENTIS VIII. quæ incipit: *Sanctissimus*. GREGORII XV. quæ itidem incipit: *Sanctissimus*. & ejusdem GREGORII, quæ incipit: *Inscrutabili*. sunt reducta, quæ, inquam, omnia & singula in eodem tenore & sensu, in quo & quomodo data sunt, accipientur, & observabuntur, nil contra expressam juris inhibitionem

in & contra jura parochialia circa administrationem Sacramentorum, sepulturas, funeralia, & alia faciendo vel involando in illa.

CAPUT XV.

De Matrimonio.

Sacramentum hoc, quod magnum est in Christo & Ecclesia, maxima consideratione a contrahentibus præhabenda dignum. Quocirca præter ea, quæ in Epistola nostra Pastoralis prælibavimus, sequentia e re necessaria scitu, explananda duximus. 1^{mo}. Ut contrahentes Deum autorem humani generis suppliciter exorent, cum domus & divitiæ dentur a parentibus, a Domino autem uxor prudens. (q) 2^{do}. Ut desponsationes coram Parocho de futuro fiant vel coram Substitutis eorum, juxta laudabilem praxim hujus Diœcesis. 3^{tio}. Ne desponsentur, nisi præmissis examine an rudimenta fidei calleant, juxta vetera Statuta Synodalia, nisi respective ad personas examen hujusmodi necessarium non videatur. 4^{to}. Quoad denunciationses, si sponsi sint diversæ Parochiæ, hæcenus inter Parochos controversias excitantes, (r) ordinamus inhærendo declarationi Cardin. sacri Concilii Trident. Interpretum Sess. 24. de Refor. Matrim. c. 1. & 7. Quod alienigenis inter vagabundos non computatis, famulantibus ad certum tempus designatum, ac propterea non proprie, sed quasi domicilium habentibus, quod aliter domicilium Parochiale vocant, expleto designato famulatus sui tempore, post recessum ab eodem loco, quod idem etiam de Sodalibus opificibus sentimus, sufficiat denunciari in loco, ubi volunt domicilium figere. Quoad reliquos, diversum domicilium habentes proprie tale, servari debet praxis lege Congregationis Concilii roborata: Quando Matrimonium contrahitur inter duos de diversis Parochiis, debent in ambabus fieri denunciationses. Et quando Matrimonium contrahitur inter virum, qui sit de una Parochia, & mulierem de alia, sufficit si contrahatur coram Paro-

(o) Clem. Religiosi. de Privilegiis. T. VII.

(p) Sess. 25. de Regul.

(q) Prov. 19.

(r) Loc. cit. ex ult. recog. Joan. Gallemart. Col. Agrip. an. 1621. edit.

Parocho in propria mulieris, vel coram Parocho in Parochia viri. Sic Congregatio censuit, quod & ipse GREGORIUS XIII. confirmavit juxta Navarr. c. 25. n. 144. Quoad vagos insitimus ordinationi in Epistola nostra Pastoralis expressa, ut sine scitu nostro nequaquam copulentur. 5^{to}. Demandamus, ut juxta Decretum ejusdem sacrosancti Concilii (s) copulationes non fiant, nisi post tertiam denunciationem, & nisi aliter Nobis videbitur, & ut non detur a Parochis in antea testimonium scetæ trinæ denunciationis, priusquam tertia fiat ejusmodi denuntiatio. 6^{to}. Ut non permittantur cohabitare secum desponsati de futuro, quovis sub prætextu vel causa disponendæ rei familiaris. 7^{mo}. Ut, quantum fieri possit, desponsati absque dilationibus solennizent Matrimonium ad evitanda pericula incontinentiæ & scandala, quæ ex protelationibus hujusmodi sæpe subsequi sunt animadversa. (s) 8^{co}. Commendamus auctoritate & sollicitudine nostra Pastoralis hanc circumspeditionem Curatis animarum, quatenus curam mulierum prægnantium non negligant, piis persuasionibus, ut se a laboribus gravibus, rixis, & iracundiis cohibeant. 9^{mo}. Rixas quoque conjugum plebejorum si Pastoralis sua sollicitudine, suavis modis & remediis temperare non valebunt, aut componere, ut a verberibus absteineant, brachium sæculare ad compescendum similes motus conjugum implorebunt.

Apponimus denique Sanctionem sacrosancti Tridentini Concilii, contra impediētes libertatem Matrimonii. (u) Ita plerumque temporalium Dominorum ac Magistratuum mentis ocularum terreni affectus atque cupiditates excæcant, ut viros & mulieres, sub eorum jurisdictione degentes, maxime divites, vel spem magnæ hæreditatis habentes minis & pœnis adigant cum iis invitos Matrimonium contrahere, quos ipsi Domini vel

" Magistratus illis præscripserint, quare cum maxime nefarium sit Matrimonii libertatem violare, & ab eis injurias nasci, a quibus jura expectantur; præcipit sancta Synodus, cujuscunque gradus, dignitatis vel conditionis existant, sub anathematis pœna, quam ipso facto incurrant, ne quovis modo directe vel indirecte subditos suos, vel quoscunque alios cogant, quo minus libere Matrimonium contrahant."

Denique ad præcidendam litium ansam, & jurgia tollenda, quæ passim vel inter ipsos conjuges vel cives contubernia, atque plures conjugum legitimorum liberos suboriuntur, in fundamento noti alias & indubitati Canonis pronunciamus, (x) quod naturalis filius per subsequens Matrimonium legitimatur, nisi sit filius adulterinus.

De futuro Matrimonio sponsalia ex praxi hujus Diœcesis, etiam de mutuo partium consensu sine scitu nostro non solvuntur.

CAPUT XVI.

De Catechesi, & verbi Divini Prædicatione.

Quemadmodum Doctor gentium Deum videre, eique placere cupientibus asseveranter indicat: (y) Sine fide impossibile est placere Deo, quatenus homo ea prima virtute sese ad Creatorem referat, a quo conditus & spiraculo vitæ recepto, in animam viventem factus est, pari ratione quærit: (z) Quomodo credent sine prædicante? Non sine testimonio reliquit seipsum Deus. (a) Ipsa incarnata Sapientia, Salvator noster tanto munere functus est: Confiteor tibi Pater, quia abscondisti ea sapientibus & revelasti parvulis. Et: Unigenitus, qui est in sinu Patris, ipse enarravit. Sic ab initio ad propagandum auxilium salutis humanæ per orbem terrarum satoris fidei destinavit, ait D. Augustinus. (b)

Et

(s) Sess. 24. de Reform. Matrim. c. 1.

(t) C. 1. Cum multis seq. 30. q. 5. & c. Nulli.

35. qu. 2.

(u) Sess. 24. de Reform. Matrim. c. 9.

(x) C. 1. Qui filii legitimi. & c. Tanta est.

in 6^{to} eodem titulo.

(y) Heb. 11.

(z) Rom. 10.

(a) Act. 14.

(b) Lib. 5. in Luc. c. 6.

Tomus X. Concilior. German.

Et quidem nunc non jam binos & binos mittit ante faciem suam, sed in omnem terram exivit sonus eorum. Tales post primos in utraque lege Prophetas, Legislatores, Apostolos, Evangelistas in sortem Domini vocati sunt Pastores & Curatos animarum. Hi succedunt ad spargendum fidei semen, & postquam miserunt manum ad aratrum, suscepto onere pastoralis curæ, Apostolico verbi Divini vomere, scindere & præparare debent corda simplicium, ut recipiant satum & germinent ad fructum. Hoc optime fit per Catecheses, hæ sunt antiquissimæ & primæ omnium prædicationes. Ipsorum enim Apostolorum conciones fere tantum erant catecheses, ait Cornelius a Lapide, (c) ut habetur expresse: Communicet autem is, qui catechizatur verbo ei, qui se catechizat in omnibus bonis. Post illos S. Cyrillus Hierosolymitanus scripsit Catecheses. S. Aug. librum: *de catechizandis rudibus*. S. Greg. Nissen. *Orationem catechetica*, quæ dicitur *Magna*. Pergit Cornelius a Lapide: Unde patet munus catechizandi esse primum Ecclesiæ & Apostolicum, ut merito D. Joannes Gerson Cancellarius Parisiensis, eo quasi honorifico & vere Christiano perfunctus sit officio, ipseque pueros erudire, eorumque confessiones assidue audire voluerit. Neque maximi Reges id subinde erubuerant, uti domestico constat exemplo de VLADISLAO JAGELLONE Poloniæ Rege, Herburtus in *sua Historia lib. 12. c. 7.* quod in convertendis Ethnicis suis Lituaniis maximam navaverat operam, non solum hortando & orando, sed etiam docendo & præmiis invitando.

Quamobrem insistendo Statuto Serenissimi & Reverendissimi Principis Poloniarum, JOANNIS ALBERTI Prædecessoris nostri, in ultima Synodo Guttstadii in Collegiata anno 1624. die 17. Maji condito; Statuimus, ut Parochi plebes sibi commissas ad propagandam earundem salutem erudiant, ita, ut si fieri possit totum catechismum in concionibus per annum percurrant,

quemadmodum optima methedo, de Parochorum munere in RUDNICIANA, tempora cuius dogmati præfinita sunt. Domos etiam Parochianorum, etiam extra Calendas Natalis Domini cum opportunitate temporis visitent, præcipua Catechismi capita cum ipsis repetant, operumque misericordiæ illos admoneant, tum confessionis peccatorum faciendæ modum illos doceant, jejuniis & festorum dierum observantiam ac Sacramentorum frequentem usum maxime illis inculcent, in tali autem visitatione ab omni munere, aut spe illius sint alieni.

Verbum autem Divinum prædicantibus sinceritatem prædicationis Divus Paulus (d) commendat: Non sumus sicut plurimi, adulterantes verbum Dei, sed ex sinceritate, sed sicut ex Deo, coram Deo, in Christo loquimur. (e) Sermo meus & prædicatio mea non in persuasibilibus humanæ sapientiæ verbis, sed in ostensione spiritus & virtutis. Quænam illa ostensio spiritus & virtutis, dixerit primo Isaias: (f) Clama, ne cesses, quasi tuba exalta vocem tuam, & annuntia populo scelera eorum. Audi etiam Regis auribus inclamantem Joannem Baptistam: *Non licet.* Christus Dominus autem dicit: Qui fecerit & docuerit, hic major est in Regno Cælorum. S. Gregorius: (g) "Prædicator quisque plus actionibus, quam vocibus infonet, & non confundant opera tua sermonem tuum." Divus Hieronymus: (b) "Ne, cum in Ecclesia loqueris, tacitus quisque respondeat, cur ergo hoc ipse non facis? Delicatus Magister, qui pleno ventre de jejunii disputat, accusare avaritiam & latro potest, Sacerdotis Christiani os, mens, manusque concordent. In his instantia indefessa sæpe saluum facit audientem, sæpe vero prædicantem." S. Bernardus de *consideratione* (i): Exegeris curam, non curationem. Denique illud audisti: Curam illius habe, & non, cura vel sana illum. Sane incrementum dat Deus, non tu; ubi voluerit, ubi forte noluerit, tibi deperibit nihil, dicen-

(c) In c. 6. ad Gal. ver. 6.

(d) 2. Cor. 2. 17.

(e) 1. Cor. 2. 4.

(f) Isai. c. 58.

(g) Part. 3. Pastoralis c. 6.

(b) Epist. 2. ad Nepoc.

(i) Lib. 4. c. 2.

dicente Scriptura *Sap. 10.* Reddet Deus laborem Sanctorum suorum, securus labor, quem nullus valet evacuare defectus. Quæ præterea in Epistola Pastoralis de verbi Divini prædicatione insinuavimus, id Concionatorum recenti memoriæ hæreere cupimus, non nimis etiam longas haberi volumus conciones, ne prolixitate auditoribus nauseam pariant, & multitudine conceptuum, rudium memoriam & caput confundant.

Tenebuntur etiam Parochi seu Curati post conciones cum Parochianis suis clara & distincta voce lente dicere, qualibet die Dominica prima mensis, Orationem Dominicam, Salutationem Angelicam, Symbolum Apostolorum, Præcepta Decalogi & Ecclesiæ, brevis confessionis generalis formulam, & actum contritionis, aliis vero Dominicis unum alterumve ex illis cum actu contritionis.

CAPUT XVII.

De conservanda puritate Religionis Catholicæ.

Sapientiæ æternæ parabola mone-mur, quantum somnolentia & ignavia hominum agro Dominico nociva & perniciofa fuerit: Cum dormirent homines, venit inimicus homo & superseminavit zizania. Vigiles igitur Christus habere vult operarios, qui verbi Divini semen in cordibus spargant audientium, ut germinis inepri evulsione, bonique præparatione & cultura multiplicem laborum suorum afferant fructum. Reassumimus itaque pragmaticas Provinciæ seu Dicecesis hujus Varmienfis Constitutiones, signanter Illustrissimi MAURITII de anno 1526. die 22. Septembris cum Venerabili Capitulo Varmienfi conditam, qua vetitum est illos, qui antiquissimam in his oris plantatam Fidem Catholicam non profitentur, in hac Dicecesi tolerare. Quare commorantes in hac Dicecesi hæretici, quomodolibet possessionati, elapso anno, abscedant & exesse cogantur, adhibito quovis brachio sæculari tam Officialium nostro- rum castrensi, quam etiam Magi-

stratum in oppidis. Nec licitum ipsis sit bona immobilia emere, aut arendæ vel quocunque titulo tenere, etiam ad brevissimum tempus, sub nullitate contractus.

Denique licet ex conjugatis unus sit Catholicus, & alter intra annum non convertatur, abire compellatur, minus vero licet illis pacisci de prole suscipienda, ut secundum sexum, Catholicam fidem vel hæreticam sectam sequatur sub pœnis, arbitrio nostro dictandis, rigorosissimis. Renovamus pariter Statutum Prædecessoris nostri Serenissimi JOANNIS ALBERTI, de non fovendis in Curiis nobilibus Vassallorum hæreticis famulantibus. Item Statuta Illustrissimorum CROMERI & RUDNICKI, de non retinendis longiori tempore hæreticis fodalibus artificum & opificum, maxime si ii scandalosi sunt, & de quibus nulla est spes conversionis, quod ex moribus, conversatione & aliis circumstantiis colligendum. Interea vero temporis præfixi præsertim ante Pascha curæ & vigilantia intererit DD. Curatorum, ut quoquo efficaciori modo suaviter cum gratiæ Divinæ instinctu & adju-mento ad fidem disponantur, quibus cum contigerit spe conversionis, Divinis interesse, modeste pro reverentia Numinis se gerant, & temporibus vetitis, victu Catholicorum sint contenti, neque contra fidem blasphemare, & cæremoniis Ecclesiæ audeant illudere, sub pœnis, delicto ipsorum juxta demeriti rationem infligendis.

Volumus etiam, ut attendant Curati locorum, ne quispiam acatholicos libros habeat & legat, ipsi quibque sine licentia in scriptis a Nobis vigore facultatum a sancto Officio concessarum obtenta non habeant, legant aut retineant, neve per circumforaneos impressæ vel scriptæ vulgentur preces, historia, cantilenæ, indulgentiæ, quæ nullibi recognita, & approbata, vel a Nobis admissæ non fuerint, cum eadem sæpe pro turpi fenore, insolenter ac maliciose concinnant, & in acatholicis Typographiis excudere præsumunt.

CAPUT XVIII.

De Divinis Officiis.

Non tantum in conspectu Angelorum, verum etiam cum ipsis Angelis, quantum fragilitas humana suppetit, Ecclesia Deo psallere & laudem dicere gestit:

*Sed illa sedes Celitum
Semper resultat laudibus,
Huic canentes jungimur,
Alma Syonis æmuli. (k)*

Hæc oratio dirigitur ad Deum publico nomine, non tantum ex privata orationis & psallentis intentione, sed totius Ecclesiæ, septies fit ex mente ejusdem, juxta septem necessitates, quæ sunt in septem petitionibus Orationis Dominicæ, ut ajunt quidam, vel juxta septem lapsus etiam justorum; (l) septies in die cadit iustus. Petrus Damianus *Opusc.* 10. inquit: Septem horarum Canonicarum Officia quasi septem Baptismatum lavacra in Ecclesiæ sanctæ gremio constituta, ut 7. offensionis maculas, quas ex quotidiana vitæ hujus conversatione contraximus, totidem orationis quotidianæ fluentis expiare conemur.

Concilium Lateranense sub INNOCENTIO III. (m) districte præcipit, & in virtute obedientiæ recitari studiose & devote, nempe studiose quoad officium oris, *uti glossa*, ut verba debite & integre proferantur, non deglutendo ultimas syllabas aut sincopando, vel tumultuarie præcipitando. Devote quoad affectum cordis, juxta Psalmistam: Quid mihi est in cælo, aut quid volui super terram, Deus pars cordis mei, Deus in æternum.

Ideo hoc Synodali Statuto omnes in sacris Ordinibus constitutos ac Beneficiatos monemus, quatenus illis non sufficiat recitare Breviarium, sed necesse est, ut ab unoquoque absolva- tur cum devotione & attentione, claro & distincto tono, articulata voce, nullibi autem præcipitanter & perfunctorie recitetur vel decantetur. Privatim denique recitans audiat seipsum ac intel-

ligat, quid dicit, nec aliquando unum Divinum Officium pro altero immutet, etiam non tantum intermittentes, sed etiam immutantes præter reatum peccati mortalis, pœnas quoque temporales incurrunt, nempe non faciunt fructus suos, & ad illorum restitutionem tenentur juxta Bullam PII V. editam in innovationem Constitutionum Concilii Lateranensis, sub LEONE X. celebrati, cujus verba sunt: "Statui-
mus & ordinamus, ut, qui horas Ca-
nonicas omnes, vel pluribus diebus
intermiserit, omnes Beneficii ac Be-
neficiorum suorum perdat fructus,
qui illi vel illis diebus respondeant,
si quotidie dividerentur: Qui vero
Matutinum tantum dimidiam par-
tem, qui cæteras omnes horas alte-
ram dimidiam, qui harum singulas
sextam partem ejus diei amittat."

Innovamus etiam Constitutionem Synodalem anteriorem, ut Matutinum & Vesperæ in Ecclesiis, ubi quoque Rosarium dicitur, sicuti incuria vel desuetudine intermissæ sunt, juxta præscriptam methodum dierum festivalium absolvantur, idque exactissime.

CAPUT XIX.

De Sacramentalibus & functionibus Ecclesiasticis.

Quemadmodum Sacramentalia & Cæremonialia Ecclesiæ, ad propulsandas artes dæmonis, animæque & corporis sanitatem benedictione Divina tuendam instituta sunt, sic religiose iisdem utendum, nec aliter illa, quam quo & qualiter instituta sunt, adhibenda.

Quantum porro utilis aquæ lustralis usus, satis domestico nobis exemplo liquet, dum peculiariter in Synodo Illustrissimi olim JOANNIS III. Episcopi Varmienensis Prædecessoris nostri, post annum salutis 1415. (n) cui Synodo cæteri quoque Episcopi, qui in Prussia sunt, interfuerunt, circuitus cum eadem per domos scaturus fuerit, eo tempore, quo nefaria Vicleffitarum hæresis in has oras irrupit, & mala multa cau-

savit.

(k) In Hymno Ded. Eccl.
tit. XLI. c. 9.

(l) Prov. 24.
(n) Leo lib. 4. Hist. Pruss.

(m) C. Dolentes. lib. 3. Decret.

favit. Nam plurimi, qui huic sectæ nomen dabant, a recto veræ fidei tramite recedentes, Ecclesias non frequentabant, Sacramenta irridebant, & contemnebant, seque in popinis liquoribus ingurgitabant, a demonis vexati, mirum in modum cruciabantur, ut in rabiem & insaniam versi, more canum per plateas discurrerent, alii in ignem insipientes cremabantur, alii in flumina & in puteos se præcipites dabant, & suffocabantur, qui vero aquam lustralem adhibuerant, a periculo omni illæsi servabantur. Unde fiebat, ut salis & aquæ exorcisatæ usus frequentior haberetur. Statuimus itaque, ut mos laudabilis circumcendi cum aqua benedicta hæcenus per scholares practicus observetur, utque in singulis domibus asservetur. Monebunt cæteroquin DD. Parochi, ut cum aqua, herbis, candelis &c. ut Epistola Pastoralis, benedicendis, non turmatim accedant homines. Quas benedictiones in Ecclesiis nostra Cathedrali & Parochialibus publice duntaxat fieri debere censemus & declaramus, siquidem benedictiones huiusmodi pro populo, inter jura Parochialia merito connumerantur.

(c) Cum autem constet Nobis Rituale ab Eminentissimo olim S. R. E. Cardinale RADZIEJOWSCIO Prædecessore nostro editum seu auctum, præter alia antiquiora Prædecessorum nostrorum pro hac Diœcesi formata & in aliis etiam recepta, non pari ratione & methodo in Diœcesi hacce observari, proinde idem Rituale, ne cultus Divinus diversimodis functionibus & ministeriis Ecclesiasticis inturbetur, quin imò integer & uniformis servetur, ac vigeat, decernimus, idem Rituale RADZIEJOWSCIANUM revidendum, confrontandum & reducendum, utque id quantocyus fieri queat, deputamus Illustres & Admodum Reverendos *Gasparem Simonis Seniore* Crosseensem, & *Franciscum Herr* Decanum Sambien. Præpositum Regiontanum, Canonicos Ecclesiæ Collegiatæ Guttstadiensis.

Interea ordinamus, ut Eucharistia non asservetur in duplici loco in Ecclesia, nec seorsive in pyxide & Monstratorio, sed semper Hostia major præsertim extra Octavam Sanctissimi Corporis Christi ad pyxidem caute quidem, ne in Melchisedecho fragmentum maneat, ex monstratorio reponatur.

Licet exponatur Eucharistiæ Venerabile Sacramentum, crux adesse debet ex Decreto sacre Congregationis Rituum de anno 1701. 17. Aprilis.

In Missis Defunctorum non est ministranda Eucharistia, ex Decreto ejusdem Congregationis 1701. 16. April.

Nec in paramentis nigris. Anno 1707. 7. Maji.

Præterea introducendas esse mulieres conjugatas post partum, licet fœtum maturum non ediderint dummodo animatum, censemus, uti & illas, quæ spe Matrimonii defloratæ, Matrimonium cum defloratoribus contraxerunt, quandoquidem eo Sacramento cohonestantur, multa iisdem etiam condonanda.

Æditui, ut facile fieri poterit, non porrigent pacificale ad osculandum puerperis, nec alteri cuiquam.

Confessiones Laicorum non audiendæ passim in Sacristiis, nisi surdorum, mutorum & infirmorum.

CAPUT XX.

De Regularibus.

Status Regularium seu Religiosorum eximiis laudibus & præconiis in Ecclesia Dei meretur celebrari. In illo etenim apparet digitus Dei, multiformis ac mira operatio Spiritus Sancti. Ex illo indies prodeunt viri perfecti, Nazaræi novæ legis, qui militant nobiscum, docentque multorum manus ad prælium, laborum nostrorum cooperatores, orationibus suis orbem fulciantes, & vitæ sanctimonia illustrantes. Quorum zelum circa Divinum cultum, & salutem animarum tantopere Diœcesi nostræ utilem ac fructuosum lauda-

(c) Monacellus in form. leg. pract. tit. X. form. 18. n. 3. Barbof. in sum. in decisione Apostol. collect. 391. & S. Cong. Rituum apud Quarant. verb. Missa in fin. 18. Maji 1602.

laudamus ipsisque indefessum, pro æternæ mercedis retributione commendamus. Quia vero norunt sese ad ædificationem, non destructionem esse, ne populus abstrahatur à Parochiali Ecclesia, ubi salutis initium consequitur, & ad quam frequentandam juxta sacrosanctum Trid. Concilium hortandus est; Nos inhærendo dispositioni Serenissimi & Reverendissimi Principis JOANNIS ALBERTI, sub titulo: *de sacris Concionibus*, ordinamus, ut Regulares Diœcesis nostræ diebus Dominicis & Festivis ita expediant devotionem, ut ante horam octavam matutino tempore concionem, quæ merito in supplementum devotionis illis, qui famulantur, & commode Divinis in Parochiali interesse nequeunt; cedere debet, finiant, in qua Parochiali horam concionis de æstate mediam nonam, de hyeme vero nonam assignamus.

CAPUT XXI.

De Pœnitentia publica, & vitæ scandalis tollendis, atque cavenda oppressione puerorum.

Jeremia 1. dictum est Prophetæ: *Eccc constitui te hodie super Gentes & super Regna, ut evellas & destruas, & dissipas ac dispergas, & plantes.* Istud secundum duas partes justitiæ Christianæ, declina a malo & fac bonum, ad normam illius, qui sciet reprobare malum, & eligere bonum, (p) sumendum est. In eo etiam præcipua Pastoralis Officii ratio versatur, ut eo, quo delinquentes percutimus pedo, sanemus respicientes. Bonis namque nocet, qui parit malis. D. Paulus (q) tales acriter perstringit: Nolite errare, neque fornicarii, neque idolis servientes, neque adulteri, neque molles, neque masculorum concubitores, neque fures, neque avari, neque maledici, neque rapaces: Regnum Dei possidebunt. Nominantur hic primaria & maxima mundi crimina, publico bono perniciofa, & catenam malorum post se trahentia.

Hinc Nos malis & scandalis, ne committantur, aut ne tandem commissa, impunitate, conniventia & indulgentia crescant, & flagellum iræ & furoris Dei in Nos & Provinciam nostram Varmiensensem provocent, provida solitudine obviare satagentes; censem eos, qui publice delinquent, in Ecclesia pro modo culpæ publicam pœnitentiam agant. Quia vero plures passim in oppidis nostris & villis ebriosi reperiuntur cives, alique plebeji, qui rem familiarem ad assem pene dissipantes, sæpius etiam festorum dierum immemores poribus & cinis sese ingurgitant, atque sæpius dementibus non absumiles in omne nefas, habenas laxant, eos proinde non tantum Curatis ad reminiscenciam præceptorum Dei, ac virtutis temperantiæ sectationem exhortandos, atque ad pœnitentiam, post monitionem repetitam, publice in Ecclesia agendam, verum etiam Officialibus nostris castrensibus ad severam coercionem & castigationem, atque Carceris pœnam cum cibi & potus subractione luendam serio commendamus.

Præsertim vero ne hæreant ceu affixi in popinis, & tabernis civitatum & villarum usque in noctes, Præsides civitatum & Sculteti villarum inde illos expellere curabunt, punientque.

Mulieres etiam, quarum fœdiores sunt potationes, & rei domesticæ magnopere damnosæ, proles & domesticos corrumpentes, de his *Eccl.* 26. *Mulier ebriosa ira magna, & quæ de his est, una de filiabus Belial nuncupatur*, (r) easdem severa quoque punitione ad temperantiam, quæ sexum fœmineum decorat, pariter coercendas & frændandas esse statuimus.

Fœminas semel lapsas ad incontinentiam, & propterea punitas, si denovo ad peccata carnis reversæ fuerint, propulsandas & expellendas, cura Magistratuum locorum, nec in vicinia tolerandas declaramus.

(s) Propinationes & saltus in tabernis tempore Patrociniorum, & Indulgen-

(p) Isai. 7.

(q) 1. Cor. 6. 10.

(r) 1. Reg. 1.

(s) Intellige propinationes tunc non debere fieri ante Divina peracta, saltus vero tempore Patrocin. & Indulg. nullatenus, sub pœnis ad ment. c. *Irreligiosa consuetudo*. 2. dist. 3. de Consecr. a Sacerdot. de Judic. dictandis, etiam post Divina permitantur.

indulgentiarum in villis districte prohibemus, sub crumenali vel corporali pœna ipsis per Scultetos, aut Officium Castrensê dictanda, & præterea publica pœnitentia arbitrio Parochi tabernatori & saltantibus injungenda.

Superstitiones etiam omnino abrogandas volumus intendentia vigili Curatorum, vel maxime interdicens accessus ad vetulas, de nefandis ac execrandis artibus suspectas, intra vel extra Provinciam sub pari publica pœnitentia & pœna temporali.

Quandocunque continget subinde quempiam de plebe discolum & exorbitantem puniri pœna Ecclesiastica, v. g. statione cum candela, jacendo expansis manibus in modum crucis, vel flectendo coram majori altari, vel etiam in collari ferreo stando, nullam perinde infamiam ea Ecclesiæ pœna incurri pronuntiamus, & quicumque huic nostræ legi contradixerit, noverit se graves equidem penas incursum.

Circa vagabundos advenas, peregrinos volumus, ut eorum habeatur delectus, & de quibus formido est vel certitudo, eos scandalosam vitam agere, neque templa frequentare, non modo negabitur eis collectio elemosynarum, verum etiam loco abscedere cogentur, quod non tantum vigilantia Curatorum, verum etiam Magistratum in oppidis & Scultetorum in pagis committimus.

Insuper cum dolenter nimis atque medullitis sensibili cordolio animadvertimus puerorum oppressiones, incauta præsertim mulierum ebriarum vel laboribus fatigatarum ad suum lectum positione, contra serias & districte prohibitiones Prædecessorum nostrorum jam quasi impune, & licentiose frequenterque perpetrari, innovamus & recapitulamus Statuta eorundem Antecessorum nostrorum, signanter RUDNICIANUM, ut ante Ecclesiam in campanili, vel in eadem, per totam Quadragesimam in loco, sive civitas sit, sive villa, ubi similes peccaverunt, illis a Parochis, præsertim si secundario peccatum istud committant præmonita,

imponendam luant pœnam, ita tamen, ut feria quinta in Cœna Domini se fistant coram Nobis, vel Deputato nostro ad recipiendam publicam absolutionem. Licitum vero sit DD. Archipresbyteris easdem simul ac viros, si qui fuerint tales delinquentes, in foro conscientia tantum absolvere.

Injungimus etiam Magistratibus & Scultetis locorum, ut si secundo peccaverint, diligentem inquisitionem faciendam, circumstantias considerandas, num ipsorum culpa temeritate, vel nulla adhibita cura id acciderit?

Curati etiam non solum ex ambona, sed vel maxime circa inscribendos in librum baptizatorum infantes, moneant serio parentes, ne eos in lectum recipiant, quod & patrinis inculcandum, cum de sacro fonte levant eosdem.

Non solum vero illos, qui de facto opprimunt infantes, puniendos declaramus, verum etiam illos, qui coram Parocho convincuntur infantes in lecto post labores cum periculo collocasse, ut prima Dominica vel festo, arbitrio sui Parochi publice pœnitentiam agant.

C A P U T XXII.

De Indulgentiis.

CHRISTI Passio est veluti labrum, ex quo omnia bona effluunt, (*) indulgentiarum quoque & gratiarum dona, siquidem in solis ejus meritis Passionis & gloriosorum Martyrum, Sanctorumque consistunt.

Indulgentias hujusmodi ad Ecclesias pro festis Patronorum procurandas esse quantum fieri expedit, hoc Synodali Statuto censemus.

Et quia SSmus Dominus noster BENEDICTUS XIII. feliciter universam Ecclesiam gubernans, de benignitate Apostolica & potestatis, sibi ut Vicario in terris, a Christo concredita plenitudine, specialissime Indulgentias perpetuas recitantibus ad pulsam campanæ pro Salutatione Angelica: *Angelus Domini* &c. Orbi universo largitus est, eas proinde Curati quantoque publi-

(*) Tit. 14. de Indulg. Decret. Romanum a Pio IV. in 7. Decret. lit. 3. editis.
Tobius X. Concilior. German.

publicabunt ad augendam Christifidelium devotionem, & gratiarum celestium abundantem participationem.

Indulgentiæ perpetuæ pro orantibus ad pulsum Salutationis Angelicæ.

BENEDICTUS PAPA XIII. AD PERPETUAM REI MEMORIAM.

Injunctæ nobis Divinitus Apostolicæ servitutis ratio postulat, ut celestium munerum thesauros dispensationi nostræ a Domino creditos, fideliter erogemus, cum id ad augendam in terris Beatissimæ, atque Augustissimæ cœli Regina Virginis Deiparæ MARIE Patronæ & Advocatæ nostræ venerationem, excitandamque & conservandam erga illam fidelium devotionem, ac ad animarum salutem speramus in Domino profuturum. Itaque de Omnipotentis DEI misericordia, ac Beatorum Petri & Pauli Apostolorum, ejus autoritate confisi omnibus & singulis Christifidelibus vere pœnitentibus & confessis, ac sacra Communionem resectis, qui mane aut meridie, seu vespere, ad pulsum campanæ, Angelus Domini nuntiavit *MARIÆ*, & concepit de Spiritu Sancto. Ecce Ancilla Domini, fiat mihi secundum verbum tuum. Et Verbum Caro factum est, & habitavit in nobis: cum tribus *Ave MARIA* flexis genibus devote recitaverint, & pro Christianorum Principum concordia, hæresum extirpatione, ac sanctæ Matris Ecclesiæ exaltatione pias ad Deum preces effuderint, plenariam in uno die cujuslibet mensis dumtaxat per unumquemque Christifidelem ad sui libitum eligendo, lucrificandam, omnium peccatorum suorum indulgentiam, & remissionem misericorditer in Domino concedimus: In reliquis vero anni diebus iisdem Christifidelibus vere contritis, quoties id egerint, centum dies de injunctis eis, seu alias quomodolibet debitis pœnitentiis in forma Ecclesiæ consueta relaxamus. Præsentibus perpetuis futuris temporibus valituris. Volumus autem, ut earumdem præsentiarum literarum

trahumptis, seu exemplis etiam impressis, manu alicujus Notarii publici subscriptis, & sigillo personæ in Ecclesiastica dignitate constitutæ munitis, eadem prorsus fides utrique habeatur, quæ ipsis præsentibus habetur, si forent exhibitæ, vel ostensæ. Datum Romæ ad S. Mariam Majorem sub annulo Piscatoris die XIV. Septembris 1724. Pontificatus Nostri anno primo.

F. Card. OLIVERIUS.

Peculiari etiam devotionis fervore ducta Sua Sanctitas suffragia pro defunctorum, peccata sua in purgatorio expiantium refrigerio, ut æterna luce in splendoribus Sanctorum perfruantur, cumulare volendo, concessit in Cathedralibus per orbem Altaria privilegiata in singulos dies, & pro quolibet Sacerdote, perpetuo utque sub tempus Jubilæi moderni, Indulgentiæ omnes, quæ cessant pro vivis, possint applicari defunctis, quemadmodum ex ipsius Brevis &c. patet, indulsit.

C A P U T XXIII.

De Sancto Floriano, ejusque & aliorum Sanctorum Reliquiis.

Prosequendo Pastoralis affectu totam hanc nostram Diocesim ac Provinciam, eique comprecando ex animo omnia prospera & tranquilla, sollicitudine nostra & zelo flagrantissimo procuravimus ex Ecclesia Cathedrali Cracoviensi insignem Reliquiam cum authentico Divi FLORIANI Martyris R. P. P. ad nostram Varmiensensem, ut ejus valida intercessione ab omnibus muniamur adversis, spiritualibusque ac temporalibus repleamur bonis, postquam eundem Sanctum, olim a LUCIO III. Pontifice, Regno Poloniæ in singularem Patronum destinatum, sub die 16ta Julii, anni præterlapsi 1725. de unanimi Ordinum & Statuum hujus Diocesis voto ac petitione, in peculiarem Patronum elegimus; ordinamus itaque, ut in Diocesi nostra Varmiensis & Sambienfis festum D. FLORIANI Martyris celebretur sub ritu duplici.

CAPUT XXIV.

De custodia Ecclesiarum, earumque munditie, & supellectili.

duplici 1. classis cum Oâ. die Dominica post quartam Maji immediate sequenti, nisi forte aliquo anno incideret celebrandum festum S. STANISLAI Ep. Mart. P. R. P. similiter diei Dominicæ jam antea affixum; tunc enim eo anno festum S. Floriani anticipari debebit in Dominica 4tam Maji immediate præcedenti, sub benèplacito & ratihabitione sanctæ Sedis Apostolicæ, à qua Indulgentias ex Urbe de benignitate Ssmi Domini nostri præstolamur.

Plures etiam Sanctorum Reliquias insignes, ex Urbe à Nobis procuratas, Ecclesiæ Sponsæ nostræ deponimus, ut multiplicatis intercessionibus Sanctorum, ceu forti præsidio in necessitatibus & calamitatibus, quas DEUS avertat, muniamur. Parem etiam liberalitatem effudimus in alias Diocesis nostræ Varmienfis & Sambienfis Ecclesias, dum in præsentì Synodo in pignus benevolentia nostræ Præfulæ, Ecclesiæ Collegiatæ Caput S. Pacificæ Colonia Agrippina Nobis à Perillustri Domino Barone *de Schenck*, Decano Ecclesiæ nostræ Cathedralis Varmienfis, Præposito Elbingensi, cum authentico, allatum & oblatum, una cum cranio S. Victoris ex cæmeterio Priscilla de Urbe, dono dedimus, Archipresbyteralibus & Parochialibus Ecclesiis, singulis alias sacras Reliquias cum authentico etiam distribuimus. Ut igitur per exercitium bonorum operum, eorum venerationi vacantes, piis ante thronum Divinæ Majestatis eorundem suffragiis adjuvari, & exinde Deo propitio vitam æternam facilius consequi valeamus, assignavimus diem Dominicam 1mam 7bris; ut ipsarum SS. Reliquiarum festum cum Officio & Missa de communi Martyrum in Varmia quotannis celebretur, populusque moveatur, ut debita eadem veneratione prosequatur.

Sanctuariis suis Dominus per Isaiam (u) Prophetam appromittere dignatus est expectationem Insulorum, & argentum, atque aurum earum, gloriam libani ad sanctificationem & glorificationem loci pedum suorum.

Quare incumbit præsentì Statuto omnibus Rectoribus Ecclesiæ, sacras ædes juxta Antecessorum nostrorum Statuta factas tectasque conservandas & pro posse exornandas curare, munditiemque, quatenus quovis anno, quoad fieri possit, fornix & parietes, qui nonnullibi pulveribus & araneis sunt deformes, de æstate ante Pentecosten, vel post Octavam SSmi Corporis Christi totaliter purgentur, servare.

(x) Vasa sacra pretiosa in tuto loco collocare, neque a laicis Ædituis nudis manibus tangi permittere, paramenta Ecclesiastica per Ædituos bene complicata, & in loco non humido, de æstate una vel altera die ventilata & posthac asservata; corporalia, pallas, reliquiasque mappas nitida & munda habere.

(y) Claves ad thesaurum bipartitæ penes Parochum & Vitricos Ecclesiæ deponentur. Claves vero ad Tabernaculum & Ciborium, nec non baptisterium Parochi soli conservabunt, nec circa usum ad aperiendum trudentur, quemadmodum & S. Carolus Borromeus Decreto 9. in 4. Synodo Mediolanensi claves hasce nec Clerico quidem ministro ullo modo committendas censuit. Quando vero videbitur Rectoribus Ecclesiarum quidpiam circa ornatum Ecclesiarum, ejusque supellectilem & paramenta atque fabricam disponendum, vel in melius ordinandum, in minoribus rebus consilio DD. Archipresbyterorum id fiat, in notabilioribus ad Nos se referent DD. Archipresbyteri; nulli vero licebit aliquid alienare sub pœnis in jure sancitis.

Circa

(u) Isai. c. 6.

(x) C. Relinqui. 2. lib. 3. Decret. tit. 44.

(y) C. Statuimus. 1. eod. lib. & tit. ubi pœna suspension. trium mens. ab offic. & gravior. juxta incuria casum.

Tomas X. Conciliator. German.

Circa imagines, quæ sunt ad representationem Passionis Christi & Sanctorum, ad instructionem simplicium, motum ac excitationem tepidorum, quorum honos refertur ad prototypa, ne sint rudi vel monstruosa forma fabrefactæ, absurdæ, ridiculæ, mutilæ, obsoletæ, defluentesque (2) (quod & de illis, quæ in campis extant, intelligimus) attendentiam DD. Archipresbyterorum requirimus, quorum munus erit eas revidere in suis Ecclesiis, antequam etiam in campis exponantur. Circa visitationes etiam attendent in Parochialibus Ecclesiis. Sine scitu vero Parochorum non eriguntur in viis publicis, neque una figura penes aliam, vel unius Sancti imago penes alteram ejusdem Sancti, sed iusto spatio intermediane collocetur.

CAPUT XXV.

De Juribus, bonis Ecclesiæ, fundationibus & rationibus Beneficiorum.

Jura & inventaria Ecclesiæ quisque Beneficiarius post ademptionem Beneficii conscribet, & Archipresbytero visitanti exhibebit, qui eadem subscripta manu sua, in defectu Notarii Apostolici, circa visitationem Archipresbyteralem, postea ad Archivum Episcopale Heilsbergense remitter in una copia, retenta altera penes Ecclesiam.

Quando aliquis pio devotionis fervore ductus, ad exaltationem laudis Divinæ Beneficii alicujus erectionem procurabit, volumus, ut investimentum seu elocatio census fiat juxta Bullam PII V. super certis stabilibus bonis & fundis *Jure Culmensi* gaudentibus, præviis literis *Cridæ*, seu *Edicti generalis* contra interessatos, tum denique desuper Decretum & robur autoritatis nostræ ordinariæ accedat.

Et quando quispiam nobilis vel civitatenfis Vassallus bona sua vendenda vel dimittenda publicabit, rationem summarum adhaerentium haberi volumus, quantum de jure fieri poterit,

primariam. Quare attendentiam DD. Rectoribus Ecclesiarum inculcâmus habendam circa intromissionem Castrensem vel Civitatensem ad eadem bona, ipsique Officiales nostri & Magistratus attendent, ne Ecclesiæ vel Beneficia præjudicium patiantur. Si quid minus fiet, Possessores bonorum jure ad satisfactionem stringantur.

De ladulis Beneficiorum clavus una sit apud Parochum, altera apud Provisorum, registra vero nullatenus in ædibus suis retineant Parochi, neque census colligant, aut ipsimet exsolvant, sed Provissores vel de Magistratu, vel Scabinatu eligendi. Registrationes autem annuatim in Curiis coram Magistratu diligenter fiant præsentem Archipresbytero seu Parocho loci. Nulli vero liceat quidquam de peculio Ecclesiæ usurpare, vel in usum suum convertere sine nostro scitu, & consensu sub pœnis in jure sancitis.

CAPUT XXVI.

De Decimis, atque de Offertorialibus.

Sacrarum Scripturarum paginis erudimur decimas in sustentationem Ecclesiasticorum jure Divino fuisse reservatas. Mirum tamen, quod nonnulli easdem reddere detrectantes vel minuere volentes, opinantur, quod suos augeant proventus, cum tamen Dominus dixerit: (a) Respexistis ad plus & ecce factum est minus, & intulistis in domum & exsufflavi illud; quam ob causam dicit Dominus exercituum, (b) si affiget homo Deum? quia vos configitis me, & dixistis: in quo configimus te? in decimis, & in primitiis. Et in penuria vos maledicti estis, & me vos configitis gens tota, sed inferte omnem decimam in horreum meum, & sit cibus in domo mea, & probate me super hoc, dicit Dominus, si non aperuero vobis cataractas cœli & effudero vobis benedictionem usque ad abundantiam, & increpabo pro vobis devorantem, & beatos vos dicent omnes gentes, eritis enim vos terra desiderabilis, dicit Dominus exercituum.

Mo-

(2) Conc. Nicæn. 2. actio. 3. & Trid. Sess. 24. de Reform.

(b) Malach. 3.

(a) Aggæi 1. 9.

Monendi igitur sunt in concionibus & confessionibus Parochiani Decreto sacrosancti Concilii Trident. (c); quod occupatores & detentores bonorum, proventuum & decimarum, Ecclesiis, aut quibuscunque locis piis debitum, iuriumque iisdem servientium tamdiu anathemati subjacent, & a nullo Sacerdote absolvi possunt, nec debent, si declarati fuerint, nisi prius realiter & in effectu satisfecerint, bona, decimas, & jura restituerint.

Sed & CLEMENTINA Constitutio (d) memoria teneatur, & ab illis, a quibus debet, observetur.

De mansis itaque prædialibus, (e) decimæ penduntur per modum filiginis & modum avenæ, prout hactenus, salvo jure & possessione Parochorum, de quantitate & qualitate decimarum, hactenus etiam continuata. Si eosdem mansos prædiales contigerit in plures Curias, vel prædia dividi, pendunt singuli possessores de singulis Curiis modium filiginis & modium avenæ. Quod si vero prædiales mansi convertantur in colonales, decimabunt de iisdem, prout obloquitur Ordinatio in libro antiquo Privilegiorum, de anno 1390, die 24. Januarii, tenoris sequentis: Si feudalisi exponit vel vendit mansos suos liberos rusticis, ut sibi pro eis annum censum solvant, isti debent Plebano annonam missilem, de quolibet videlicet manso unum modium filiginis & unum avenæ, ut alii rustici, si vero repetiit mansos, reputabuntur eo jure, uti prius; & solvat, uti prius solvebat consuevit.

Quantum ad mansos Libertinorum & Scultetorum, atque rusticorum per octo vel decem solidos, seu alias non integre decimantium, cum jam a temporibus Illustrissimi CROMERI exorta fuerint litigia & controversiæ inter Parochos & Parochianos, quorum intuitu aliquid certi velle statuere ex Synodo declaravit, alique Prædecessores nostri non minopere allaborarunt, Nos quoque in consultatione cum DD. Archiepiscopis die 8. Aprilis a. c. in præsentia Deputatorum Ven. Capi-

tuli nostri Varmiensis, tum Collegiatæ Guastadiensis, seria indagine negotium hujusmodi scrutati sumus, atque die 12. mensis currentis Julii ex adcitatione præfatorum Libertinorum & rusticorum ex singulis cameratibus, revisis plerorumque privilegiis negotium trutinavimus. Volentes igitur id ipsum penitus maturare; discutere, & tandem sine debito pro congrua Parochorum, in cura animarum defudantium alimonia & sustentatione, quemadmodum etiam Illustrissimi Antecessores nostri augendis non minuendis decimis intenti fuerant, terminare, siquidem nonnulli libertini medium modium filiginis & medium modium avenæ de manso pensant juxta veterem de anno 1390, quoad villam Knipstein ordinationem, ab aliis vero DD. Curati majora offertorialia, seu jura vel accidentias ob defectum præsentis extraditionis decimarum, idque titulo mercedis quodammodo juste videntur exigere; proinde, ut litigia & controversiæ pro æquitate & justitia sopiantur & applanentur, opportunum duximus statuere, ut suprascripti Perillustres Domini Deputati Ven. Capituli Ecclesiæ nostræ Cathedralis Varmiensis, Adalbertus Grzymala Cantor, & Andreas Burchbert Oeconomus, Canonici, ad singulos Archiepiscopos quatenus se conferant, ibidemque vocatis vocandis, & lectis eorum iuribus, reque pro ratione quoque fertilitatis agrorum pensata & discussa, Nos luculentius informant, idque quatenus tandem Deo auspice, hoc anno finis querelis & litigiis hujusmodi imponatur.

De mansis vero colonialibus regulariter omnibus decimas participabunt Parochi per modum filiginis & modium avenæ, non obstantibus quibuscunque consuetudinibus. Ex quo vero jugera & sylvæ non decimant, juxta Constitutionem MAURITIANAM, Parocho tamen pro utilitate sua, ligna intuitu decimationis licitum est evehere, non tamen ligna, quæ pro ædificiis valere possunt, nec licitum erit Parochis ex sylva in mansis suis reperiibili distrahere pro pretio. Si vero

LII 3

(c) Sess. 22. de Reformatione. c. 11.

(e) Id est: de prædio.

(d) Cupientes, de penis in 6to.

fylvas Parochianorum in toto vel in parte contingeret eruncari, tunc decimæ ad proportionem eruncationis Parocho pendentur, juxta qualitatem grani & sementis.

Molæ omnes pendent Parocho de quavis rota modium filiginis & modium avenæ. Terminum pro reddendis decimis assignamus a festo S. Martini ad festum Purificationis B. V. MARIE, juxta Ordinationem MAURITIANAM anni 1526. die 22. Septembris. tit. Von den geistlichen Renten.

Porro quoad jura stolæ, seu accidentia, ut vocant, regulamen ex Cancellaria nostra sument DD. Parochi.

Offertoria, quæ obveniunt diebus parrociniorum & per annum de altari, solius sint Parochi, quæ proveniunt ex cereis, dividantur inter Parochum & Ecclesiam; de sepulturis vero solus Parochus ceram participabit & pecuniam, sicut & de introductione mulieris post partum. De aliis videatur Constitutio LUCÆ Prædecessoris nostri.

C A P U T XXVII.

De satis & pratis, ædificiis & sementis, aliisque a Parochianis præstandis.

Quandoquidem hætenus inter Antecessores & Successores, sive cedentes sive decedentes Parochos, nec non alios Beneficiatos, qui agros seu manfos Ecclesiarum vel Beneficiorum possident, circa deservitionem & participationem consēminationis una & crescentiæ tam hyemalis, quam æstivalis tanta fuit variatio, ut quotquot fieri contingit Parochorum & Beneficiatorum memoratorum mutationes, tot etiam fere deservitionis & participationis hujusmodi non absque injuria tertii fiebant abusus, & controversiæ, idque ex occasione alicujus Rescripti RUDNICIANI post Synodalis, ac si interpretativi prætensi. Proinde ad tollendas in futurum quasvis injurias, abusus, variationes & controversias hujusmodi unam stabilem methodum & regulam desuper statuendam & in-

ducendam esse duximus (quatenus inviolabiliter ab omnibus & singulis observetur & manuteneatur) prout statuimus & inducimus in fundamento non solum Statuti RUDNICIANI *de satis & pratis*, sed & S. Congregationis Concilii Trid. Interpretum anno 1720. die 24. mensis Februarii ad hunc Episcopatum emanatæ & regulatæ, ut si facta consēminatione hyemali Parochus vel Beneficiatus in Septembri, Octobri, Novembri cesserit, vel decesserit, quartam crescentiæ partem habeat; si vero in Decembri, Januario, Febuario, mediam; si in Martio, Aprili, Majo, tres partes ex quatuor, sive tres quartas; si in Junio, Julio, Augusto, totam consēminationem hyemalem participet & percipiat. Æstivalem vero quod attinet, si quis post consēminationem factam in Majo aut Junio cesserit, vel decesserit, mediam partem crescentiæ habeat, qui vero in Julio vel Augusto, totam crescentiam æstivalem pro se recipiat.

Ea tamen conditione, ut Parochus vel Beneficiatus quicumque inde cedens vel decedens, obligatus omnino sit & adstrictus pro consēminatione sive in parte, sive in toto, prout ad cessum aut decessum suum de crescentia sive hyemali, sive æstivali deservivit & participavit, grana utriusque crescentiæ hujusmodi tam hyemalis, quam æstivalis Successori suo relinquere. Idem quoque intelligendum & pariter observandum volumus circa pensiones qualescunque sive in natura, sive in pecunia de manfis vel jugeribus Ecclesiasticis aut beneficalibus elocatis seu arendatis provenientes, quatenus eadem inter antecessores & successores Parochos vel Beneficiatos ad præscriptum Statuti præmissi exacte repartiantur. Quorum tamen manforum aut jugerum Ecclesiasticorum vel beneficalium elocationem, sive arendationem juxta Sanctiones Canonicas quovis triennio renovari mandamus sub nullitate contractus. In reliquo Decretum RUDNICIANUM quoad scenum, stramen, ligna &c. per omnia reassumimus, approbamus & confirmamus.

Quoad ædificia Parochialia & sepimenta servetur Ordinatio Illustrissimorum

rum Antecessorum nostrorum in Synodo RUDNIC. & recentior Eminentiſſimi RADZIEJOWSCII de anno 1686. Conservatio autem intelligenda, ut si pars integrans prudentis viri arbitrio corrupta inventa fuerit, Parochiani, qui hic & nunc ad eam reparandam obſtricti sunt, teneantur procurare reparationem, si vero parvitates occurrerint, easdem Parochi reparabunt, ut in RUDNICIANA.

Quod si vero post triennium ingressus Parochi, Parochiani non tradent integra ſarta teſta, teneantur eadem ſemper conservare.

Exactionem ſlorum ducendorum ab inquilinis hortulanis ac ſolutis interdiciamus.

C A P U T XXVIII.

De Judicibus Diœceſanis & Examinatoribus Synodalibus.

Eos, præſenti Synodali Statuto, ad quos Reſcripta Curia Romanæ emanatura dirigantur in Judices, assignamus, ſcilicet Illuſtriſſimum, Perilluſtres & Reverendiſſimos Dominos Joannem Kurdwanowski, Dei & Apoſtolicae Sedis gratia Episcopum Marochienſem, Suffraganeum & Præpoſitum, Bernardum Theodorum liberum Baronem de Schenck Decanum, Michaellem Remigium Lafzewski Cuſtodem, & Adalbertum Grzymala Cantorem, Prælatos & Canonicos Eccleſiæ noſtræ Cathedralis Varmienſis.

Examinatores vero Synodales Perilluſtres Dominos Joannem Link, Joſephum Reyna, Claudium Hugvenin, Canonicos itidem Cathedralis noſtræ Varmienſis; nec non AA. RR. PP. Joſephum Rudomina, & Hieronymum Czernik Soc. JESU, Profeſſores Theologiæ, tum Georgium Stoll S. J. Profeſſorem Ss. Canonum in Collegio Brunsbergenſi.

C A P U T XXIX.

De Teſtamentis & inteſtatis.

Cum dolenter experimur Executiones Teſtamentorum remoram pati, provide igitur Executorum muneri obviare volentes, ſtatuiſmus 1mo, ut

vita functo teſtatore, nullatenus in diſpoſitionem dereliſtorum demortui ſe ingerant Executores, niſi prius inventarium in præſentia Archipreſbyteri, vel alicujus viciniſſimi Parochi (nil ſibi appropriando ſub pœna excommunicationis ipſo facto incurrenda) conſecerint, quo conſecto reſpoſitoria, ſeu aſſervatoria ſigillis ſuis munient.

2do. Inventario conſecto, teſtamentum ſimul cum eodem Nobis exhibeat in ordine ad approbationem.

3tio. Nullatenus ultra annum proſequeatur teſtamentorum executio, executione vero peracta, calculus Nobis, ſeu Officio exhibeatur.

4to. Si autem aliquis ex Clericis, aut Beneficiatis inteſtatus deceſſerit, tunc Archipreſbyter loci illico ad reſidentiam demortui deſcendat, ibidemque inventarium rerum dereliſtarum (nil pariter ſibi appropriando) in præſentia duorum teſtium fide dignorum conficiat, vel jam conſectum revidet & obſigillet, & Nobis quantocius denunciet ac inventarium remittat.

Porro ex inteſtatorum bonis ac dereliſtis, abſoluta ſepultura, perſolutis debitis, expedita familia, conſolatisque conſanguineis & propinquis ejusdem, maxime pauperibus, fundatoque pro anima deſuncti anniverſario, in illa Eccleſia, ubi deſervivit, atque parte pro fabrica Eccleſiæ designata, quod reliquum erit, arbitrio noſtro in pios uſus reſervamus diſponendum.

C A P U T XXX.

De Monialibus.

Cum nullæ Sanctimoniales cum clauſura in hac Diœceſi ſunt fundatæ, verum aliquæ tantum Congregationes Virginum Brunsbergæ, Vormditi, Heilsbergæ, Reſſeli, non quidem ſub clauſura ſtriſta, obedientia tamen, aliisque votis ſimplicibus juxta præſcriptas ab Illuſtriſſimis Anteceſſoribus noſtris, ſignanter CROMERO & TILICIO regulas, a Legato Pontificio approbatas, viventium, eo quod religioſis virtutibus & vitæ ſanctimonia ſint præditæ, & orationibus ac manualibus honeſtis

neſtis tamen laboribus vacantes, jam a duobus prope ſæculis bonæ famæ odorem, morum exemplaritate præſeferant, eas proinde, ut in ſpiritu & virtute magis & magis ad Dei laudem proficiant, libenter circa jura confer-
vamus.

CAPUT XXXI.

De Eccleſia Croſſenſi.

In Croſſen Eccleſiæ erectio & fundatio novella Cleri ſæcularis Diceceſiani de anno 1720. 8. Sept. typis data, favore ejusdem Cleri præſenti Conſtitutione Synodali a Nobis acceptatur, firmatur & roboratur ad perpetuam rei memoriam.

CAPUT XXXII.

De Sepulturis.

Satis prolixè obſonat RUDNICIANA Conſtitutio de funeribus & ſepulturis, (f) cui nil ſingulare addendum duximus præter commendationem miſerabilium pauperum, quos gratis exemplo Tobiz, Curati ſepelient. Quantum vero ad fornices familiares ſeu hæreditarios in Eccleſiis, ii non ſunt extendendi ad gratuitam in his ſepulturam ad quosvis cognatos & affines longinquos, ſed tantum ad deſcendentes in linea recta, vel proximos in collateralibus, decernimusque quoad reliquos, commodum ex eorum depoſitionibus ibi perſistere ad Eccleſiam.

CAPUT XXXIII.

De executione Statutorum Synodali-um.

Ut Statuta præſentia Synodalia pro-
ficua, ſalubria, non ſolum pagi-
nis hiſce retineantur, verum in obſer-
vantia, executione & memoria vigeant,
ſtatuiſmus & ordinamus, ut DD. Archipreſbyteri ſeriam adhibeant atten-
dentiam circa viſitationes, Officiales
etiam caſtrenſes & Magiſtratus, cum

requiſiti fuerint, ſub interminatione
ejusdem pœnæ, quæ in reſeſſu anni
præteriti 1725. die 16. Julii deſcripta
continetur, aſſiſtentiam præbunt.

*Acta & Statuta præmiſſa lecta ſunt &
publicata in Eccleſia Archipreſbyterali
Heilsbergienſi anno Domini 1726. die
14. & 15. menſis Julii. Pontificatus
Smi Domini noſtri Domini BENE-
DICTI Divina providentia Papæ XIII.
anno III. Indictione Romana IV. Præ-
ſentibus &c.*

Ita eſt NICOLAUS ANTONIUS
SZULE Canonicus Gut-
ſtad. & Eppatus Varmien.
Cancell.

VOTUM

*Suæ Celſitudinis Illuſtriſſimæ
poſt peractam Synodum.*

DE O ter Optimo Maximo immen-
ſæ & immortales ſint laudes,
quod modernum Actum Synodi, ter-
tium autem in vita mea inchoare felici-
ter ac admirabili ſua providentia
terminare conceſſerit, ut autem mul-
tiplex fructus inde ſequatur pro gloria
ejus, pro utilitate & tranquillitate
Diceceſis hujus, ac cum temporalis con-
ſolatione, æterna omnibus in vinea
Domini laborem continuantibus mer-
ces & corona, unicum eſt & intimum
hoc Paſtorale votum meum, quo om-
nes hic præſentes me in laboribus ad-
juvantes, mihi aſſiſtentes, & actum
hunc præſentia ſua exornantes proſe-
quendo, fauſta quævis apprecor, eo-
rumque ſemper cum ſingulari affectu
recenti memoria recordari volo.

*Ex libro Statutorum Synodali-um im-
preſſo Heilsbergæ in 4to 1735.*

NOTA.

(f) Idque ad mentem can. Queſta eſt. §. Unde. 13. q. 2. & §. Poſt.

N O T A.

CHRISTOPHORUS JOANNES nominatus primum a. 1718 Premislavienſis Epiſcopus, tum Varmienſem ad Cathedram die 6 Dec. a. 1722 translatus fuit. *Hæc Tom. II. Hiſt. Ecclæſ. Germ. apud Foppens, pag. 391.* Reliquas Viri digniſſimi laudes licet cognoscere tum ex gratiarum actione, tum ex ſermone Synodali, impreſſo exemplari adnexis, quæ hic propter renovatam & Epiſcoporum & Statutorum, quæ ipſi dederunt, Synodaliſimum memoriam ſubjicio.

G R A T I A R U M A C T I O

Ceſſiſſimo Principi, Illuſtriſſimo & Reverendiſſimo Domino Antitiſiti

poſt Synodum ſinitam anno 1726. die 15. Julii a Promotore ejusdem Synodi

Perilluſtri & Reverendiſſimo D. MICHAËLE REMIGIO LAŒZEWSKI,

Cuſtode Varmienſi, dicta.

Gratulata nuper ſibi Varmia ingreſſum tuum, Princeps Ceſſiſſime, quia ſub auſpiciis & regimine tantæ dignitatis, tantæque nominis Principis magnam ſibi ominabatur felicitatem. Magis imo maxime nunc Ceſtitudinem Veſtram ſibi gratulatur, uti non tantum rariffimarum virtutum Dominum, Principem & Magnanimum Provinciæ iſtius Deſenſorem, ſed quod ſummum eſt, Paſtorem Evangelicæ ſe inveniriſſe recognoſcit. Plurima tranſierunt luſtra, plures Olympiades, ex quo Varmia habuit Principes, non tantum æque Paſtores, qui ovibus ſuis panem frangerent, & vitiorum meandros præſcinderent ac præviderent: ades tandem exoptatiſſimus, Princeps Ceſſiſſime, qui Varmiæ deſideria, noſtrum omnium compleſti vota. Synodum hanc totam vides in Domino exultantem, & præ

ſummo gaudio in auſpicatum epinicion erumpentem: Vivat CHRISTOPHORUS, vivat Princeps, vivat Paſtor Paſtorum gregis Dominici in Varmia. Sed quæres, Princeps Ceſſiſſime, cur omnes Ceſtitudini Tuæ dicamus Vivat? Vivas; quia diſperſa collegiſti, contraſta ſolidavi, diſjuncta adunaſti; diſperſa collegiſti ſanctis in hac Synodo ſanctis legibus, ſolidavi præceptis & monitis, adunaſti charitate & Paſtorali exemplo. Hæc tua facta loquetur ætas, teſtabuntur facti, ſæcula mirabuntur, Patres narabunt filiis & nepotibus, nos interim dum aliud non valemus pro Paterno zelo, labore & patientia Principi & Patri optimo, Paſtori & Præſuli vigilantiffimo circa cordiale longævæ conſervationis & feliciffimum ſuſceſſum vorum, æternas litamus & dicimus grates & gratias.

S E R M O

Perilluſtris & Reverendiſſimi Domini ADALBERTI GRZYMALA,
Cantoris & Canonici Varmienſis, in Synodo habitus.

IN NOMINE DOMINI, AMEN.

Vocavit Joſue omnem Iſraelem, majoresque natu, dixitque ad eos: Eſtote ſolliciti, ut cuſtodiatis cuncta, quæ ſcripta ſunt in volumine Legis. Joſue 23. v. 2. & 6.

Conſitebimur tibi Domine hodie in toto corde noſtro, (a) in Concilio hoc Juſtorum & Congregatione, magna opera tua admirantes, & exquisituri in omnes voluntates tuas, Paſtorali ſollicitudine vigilantiffimi Præſulis noſtri congregati Fratres in unum. Conſitebimur, inquam, tibi Domine hodie, eo quod memor fueris in ſæculum teſtamenti tui, ac poſt integrum elapſum ſæculum,

Nos, qui uſque nunc ſumus teſtes tui ad plebem, (b) teſtes populi, convocaveris in unitate Spiritus, idem ſentientes, voce Vicarii tui zelofiſſimi Paſtoris noſtri conſolantis nos, teſtificantiſque, ut ambulemus digne DEO, qui vocavit nos in ſuum regnum & gloriam, (c) ad agendum & conſtituendum de ſis, quæ ad conſummationem Sanctorum, in opus miſteriû, in ædificationem Corporis Chriſti, (d)

(a) *Pſal. 11. v. 1. 2.*

(b) *Act. 13. v. 31.*

(c) *1. Theſſal. 2. v. 12.*

(d) *Epheſ. 4. v. 1.*

Tomus X. Concilior. German.

vifa fuerint ipsi & Spiritui Sancto. O diem hanc omnibus Nobis, populisque jucundissimam! diem expectatissimam! quam ut viderent, exultarunt in spiritu Patres nostri; nos non solum videmus, sed & celebramus & gavisi sumus: (e) ad quam videndam, ultra centum annos expectandum erat, ut nimirum tanto gratior Nobis eveniret hodie, quanto diuturnior ac molestior fuerat expectatio. Confitebimur igitur tibi Domine, qui glorificaris in consilio Sanctorum, (f) gratias agentes, quod congregaveris nos, quos posuisti regere Ecclesiam Dei, quam acquisivisti sanguine tuo, (g) ut prospiciamus, consulamus, & attendamus Nobis & universo gregi. CHRISTOPHORO deinde Domino & Prasuli nostro optimo, atque piensissimo Pontifici, gratiæ perpetuæ ac singulares habende sunt (loquor sensu infusati Tridentinæ Synodi Oratoris (h) ad Pium IV.) qui cum primum hanc Cathedram ascendit, tanto Synodum hanc instaurandi exarsit desiderio, ut in eo omnes curas & cogitationes defigeret. Hanc inter tot, tantasque Senatorii, publicique status sollicitudines ratus primam, principemque premissa Ecclesiarum totius Diececis generalis visitatione, qua nostrum, universique gregis custodiret spiritum, (i) ad eorum convocatos earundem Rectores, suscepit ministerii, vocationisque suæ pastoraliter commonefacere, Apostolico, quo ipse flagrat, singulos accendere zelo, suo principali omnes animare spiritu, ut alligato eo, quod in nobis confractum, consolidato quod infirmum, sanato quod ægrotum est, quaesito quod perierat, (k) absolutissimos boni Pastoris adimplens numeros, omnes sibi conformando, Pastorum prototypo conformaret Christo.

Debet profecto post Deum perennes Diececis hæc Varmiensis gratias suis Prasulibus, Provincia Principibus, tuis Celsissime Princeps Prædecessoribus, quod illorum irrigata sudoribus, laboribus exculta, custodita vigiliis, propugnata præsidio, protectione munita, autoritate defensa, per Divum ADALBERTUM de stemmate Rosarum, Episcopum & Martyrem, Prussiæ Apostolum, primum annuntiatam, nullis erroribus violatam, nunquam everfam; tentatam quidem, sed Episcoporum sollicitudine & pietate incorruptam stabiliter usque huc retinuerit, S. Fidem Romano-Catholicam. Omnium horum peculiariter remissioni longum foret; Nonnullorum tamen hic instituere memoriam, quorum Acta in hanc Provinciam & Diecepsim adeo sancte & solide derivarunt, ut hodieum memo-

rabilia ac immortalia censeantur, dignum est & æquum. Vivit etenim adhuc vividum illud monumentum LUCÆ Episcopi, qui etsi nunquam risisse feratur, omnia tamen læta & jucunda huic Varmienti Diecepsi & Provinciæ præstitit, dum pro Ecclesiastico Ordine prima de anno 1497. die 20. Febr. Constitutionum Synodaliū jecit fundamenta, quæ etiamnum extant. Vestigiis ejusdem LUCÆ non minus zelose, quam salubriter incescit MAURITIUS, qui præter plurimas politicas salutare sanctiones, non sine pio mœnore advertens e Germania in Prussiam virus hæreticæ pravitatis serpere, provide cum suo Ecclesiæ Cathedralis Capitulo anno 1526. die 22. Septembris legem tulit, ne quis Hæreticus hic bona immobilia possidere, aut domicilium figere, quinimo nec ultra mensem quocunque prætextu commorari possit. Fixit tandem gentilitium pedem suum cum pedo Pastoralis in hac Cathedra Varmienti HOSTIUS, qui sicuti Eminentissimus in dignitate, ita in dictis & factis gloriosus, conspicuus in virtute; qui veluti Augustinus hæresin Manichæorum in Africa, ita hic Lutheranorum & Calvinorum protunc vehementer in Prussia, Germania, imo & Polonia grassantem profigare studuit. Tam multa pie, subtiliter, & copiose scripsit, ut Doctrinam Christianam in tota Europa, præsertim in Synodo Tridentina, cujus Prasfex extitit dignissimus, maxime illustrarit. Successit Suæ Eminentiæ adhuc in vivis Coadjutor, vivus & verus in doctrina, zelo & scriptis Successor CROMERUS, qui peculiari sanctitate, exemplo, & exemplari Antecessorum suorum, Constitutiones Legum Synodaliū auxit incremento. Non sine particulari teneritudine commemorandus hic venit Simon ille (non filium Oniæ, sed Patrem patriæ, penultimæque Synodi Varmiensis Authorem intelligo RUDNICIUM) qui nihil, quod aut Clero sciri necessarium, aut ædificationi & instructioni Fidelium expediens, prætermisit. Vere Sacerdos magnus, qui in vita sua suffulsit domum, & in diebus suis corrobora-
vit templum. (l) Nam in urbe Elbingensi principalem de manibus hæreticorum vindicavit Ecclesiam, Regiomonti itidem pro Romano-Catholicis Templum ædificari, debiteque dotari procuravit, aliaque plurima singularissimæ pietatis, zeli & Religionis documenta post se reliquit. De JOANNE STANISLAO SBASCIO, tuo Celsissime Princeps, magno Avunculo, quem paterna pietas erga omnes, debitaque Pastoralis officii Religio nobis adhuc immortalem exhibet,

(e) Orator Trid.

(f) Psal. 88. v. 8.

(g) Act. 20. v. 28.

(h) Ragazonus, Episc. Nazianzenus, in ult. Sess. Conc. Trid.

(i) Job. 10. v. 12.

(k) Ezech. 34. v. 4.

(l) Eccl. c. 50. v. 1.

ber, quid dicam? Ille etenim nihil aliud, quam DEI gloriam, & salutem populi spirabat, nihil aliud, quam indigentium & miserabilium inopiam sublevabat, universæque Provinciæ & Dicecesis indemnitate ita defendebat, ut univerforum amorem vicissim in se traxisse visus fuerit, ac si fascia sua gentilitia in animum & affectum suum omnes colligasset. Hinc memorabili exemplo evenit, quod triginta circiter Theologiae, Juris, Medicinæ Doctores, ac in Regiomontana Academia Professores, Magistros, & Studiosos, omnes insignis eruditionis Viros, in hac domo Dei anno 1694. die 25. Julii ejurata heresi, S. Romanæ Ecclesiæ reconciliaverit, reconciliatosque liberalissime providerit. Perennat quoque adhuc in cordibus nostris amor ille, & deliciae Cleri Varmiensis ANDREAS ZALUSCIUS, qui dum magna pro sua summa sollicitudine, & ingenio, favore Provinciæ & gregis sibi crediti adniteretur, belli Suecici vastitas, armorumque & hostium intemperies, quatorum ferme ipsius regimen vertebatur, omnem hujus Præfulis præruerunt virtutem. Horum omnium nomina, cum jam beatæ prædestinationis liber adscripta retineat, nobis in benedictionibus dulcis recordationis causa meminisse sufficiat. Nec prætereundam censeo gratam methoriam Celsissimi THEODORI Reg. Poloniæ Primaris, primique Principis feliciter moderni, immediati, Celsissime Princeps, in hac Cathedra Varmienti Antecessoris tui, tuique in Celsissimo Fratre tuo STANISLAO Primatialis Eminentia Successoris, quem licet invida Fraumburgo Gnesna lucrata sit, illi tamen Provincia restitutas arcas, illi a rudibus & ruinis Suecicis vindicata, & pristino decori restituta deber palatia, illi Tempia decorem, Religio augmentum, populus publicam tranquillitatem, posteritas memoriam, universi pro protectione devotionem, pro patrocinio submissionem, reverentiam, gratitudinem debemus ac voverimus perpetuam.

Ac ut cæteros venerabundo colam silentio (namque tutius est, melius potest reverentia muta dicere de tantis) uni Tibi Celsissime Princeps, Illustrissime & Reverendissime Præful debemus omnia, qui & omnium merita in Te adunasti, & Oecumenicam plane Synodum in Te uno omnium laudabilium Antecessorum tuorum congregasti: qui quantopere Ecclesiasticæ disciplinæ, Clerique laudabilem institutionem dideres, offendit Principe, & tanto digna Præfule præclara illa cogitatio & cu-

ra, qua Dicecesanæ Synodi absolutionem (cujus scopus sit unicus bonorum morum reductio, & emendatio malorum [m]) a Prædecessoribus tuis sæpe animo destinatum, mente simul, manuque urgendam suscepisti.

(n) Quare cum primus post centum & amplius annos in fervore Apostolici Spiritus id renovare in grege tuo, quod antiquatum; illud revocare, quod veritate obliteratum; reintegrare, quod antiquitate cellapsum per præsentem Synodum aggredieris: Vere Tibi & ex animo gratulamur, quod tantam Tibi letitiam, tantam tuo Nomini laudem [id quod maxime Divinæ benevolentia in Te argumentum est] Dominus præ cæteris Tibi reservaverit Pontificibus, quem nos precibus omnibus & votis supplices oramus, ut Te nobis incolumem pro Ecclesiæ suæ comodo & incremento quam diutissime conservet. (o) Benedicite ergo Sacerdotes Domini Domino; congratulemini invicem, qui statis in domo Domini, talem habentes Pontificem. In voce loquitur ad Vos, quos in fortem sollicitudinis suæ, & allevationem Episcopalis oneris adscivit, & convocavit: In voce Pastoralis dicit ad Vos: Obaydite me Divini fructus, flos & germen Ecclesiæ. Florete sicut lilium (& quasi flos rosarum in diebus vernis. Date odorem, & frondete in gratiam. [p]) Nemini dantes ullam offensionem, ut non vituperetur ministerium nostrum, sed in omnibus exhibeamus nosmetipsos, sicut Dei Ministros. (q)

Quod igitur Josue i. c. Dominus Salvator fecit olim convocando Israel, majoresque natu; hoc facit hodie alter extra Palestinam Josue Dominus Salvator moribus ac vitæ sanctitate magis, quam nomine ferens Salvatorem CHRISTOPHORUS, Celsissimus Princeps, Illustrissimus Antistes ac Dominus noster, qui pro Apostolico munere Protector est Salvationum Christi, (r) dum pietate ac integritatis pro domo Dei Seraphico accensus zelo, convocat Majores natu de Cathedrali ac Collegiata Ecclesiis, & universum Israel, scilicet: Genus electum, gentem sanctam, populum acquisitionis, regale Sacerdotium. (s) Alter Josue, cui, sicut priori ad continuanda prælia breves fiunt dies naturales & ordinarii, quibus Dicecesim lustrat, ad alloquium raro affabilitatis in Principe exemplo admittit subditos, ipse pro sacro tribunali sedens poenitentium confessiones excipere non intermitit, seque totum, cum demissione Celsissimæ Dignitatis suæ, omnium, villiorum etiam saluti lubentem & indefessum impendat (prout nuper in

(m) Paul. III. in Conc.

(n) Ult. Synod. Diceces. Varmien. fuit anno 1624. Maji.

(o) Orator Trid. ad Pium IV.

(p) Ecclesiast. 29. 30. 39. v. 17. 8. & 19.

(q) 2. Cor. 6. v. 3. 4.

(r) Psal. 27. v. 3.

(s) 1. Petr. 2. v. 9.

Tomus X. Concilior. German.

M m m 2

in Cathedrali, tempore Jubilæi cum intima admiratione & magna ædificatione ipsi vidimus, atque oculis nostris spectavimus) ipse verbi Divini pabulo reficiat oves, quibus cum hoste, qua visibili, qua invisibili, pro suorum indemnitate tuenda, qua fuis orationibus, indictis supplicationibus publicis, protractis consiliis configat. Unde Fratres sancti, vocationis cælestis participes, considerate Pontificem confessionis vestre, (t) & imitatores estote illius, sicut & ipse Christi, admiramini zelum Pontificis nostri, qui ad manifestandam sollicitudinem suam, quam habet pro vobis, (u) indefinenter Vos docet in doctrina, exhortatur in exhortando, (x) ac præsentī Conventui præest in sollicitudine. Estote igitur, adhortor vos, ore ac voce mei & vestri Pastoris (quamvis & ipsi in omnibus abundatis fide & sermone, & scientia, & sollicitudine,) ita ut possitis alterutrum innere. (y) Estote, inquam, solliciti, ut custodiat cuncta, quæ scripta sunt in volumine Legis.

In immensum fere excreverunt Legum Ecclesiasticarum volumina; in tomos, ac integras bibliothecas exundarunt Canones, Institutiones, Decreta, quibus obstringimur ac obligamur Sacerdotes Domini. Nihil siquidem a Majoribus nostris, quod ad bene beateque vivendum, tum ad sane & recte sentiendum, tum ad laudabiliter agendum desiderari possit, omisum est. Habemus continuo præ oculis, terimus quotidie manibus anteriorum Constitutionum Synodaliū volumen, in quo quidquid aut Clero sciri necessarium, aut instructioni & ædificationi populi expediens, nihil prætermisum. Verum Leges, etsi optimæ sint, muta tamen res est; ut igitur loquantur & moveant; ut persuadeant & convincant, antemandæ sunt. Nos vivæ ac loquentes Leges simus, & idæa quasi ac regula, ad quam mores, actiones ac studia reguntur, atque ita sibi quisque persuadeat, nihil antiquis, nihil novis Constitutionibus perficiendum, nihil e Diœcesis commodo ad salutem animarum successurum, nisi quisque quantum in se est, animata Lege, vivo exemplo, studiose præstiterit: In omnibus vosmetipsos præbete exemplum bonorum operum. (z) Exemplum sitis Fidelium in verbis, in conversatione, in charitate, in fide, in castitate. (a) Ab hoc nimirum, quicunque vobiscum versantur, legem accipiunt, qua fit, vi quadam occulta ac suavi, ut tota voluntate in rem præceptam ferantur subditi, non aliter, ac in ea feruntur, quæ amant. Majorem lon-

ge vim & efficaciam, imo imperium in animos populi Pastorale exercet exemplum, quam magnes in ferrum, aut succinum in paleas. Nam uti ait Tridentinum: (b) Nihil est, quod alios magis ad pietatem & Dei cultum assidue instruat, quam eorum vita & exemplum, qui se Divino ministerio dedicaverunt. Cum enim a rebus sæculi in altiore speculum reliqui oculos conjiciunt, ex iisque sumunt, quod imitentur. Scimus prærogativæ nostræ eminentiam, quam nobis impositio manuum, & dignatio Sacerdotalis contulit, quod habeamur, & simus mediatores, sequetris & arbitri inter Deum & homines: Medius stat Sacerdos inter Deum & naturam humanam, ait aureum os (c) Ecclesiæ, qualem fe Moyses professus est Deut. 5. v. 5. Ego Sequester & arbiter fui inter Deum & vos. Ad mediatoris autem officium proprie pertinet (ait Angelicus Doctor (d) unire eos, inter quos est mediator. Nam extrema uniuntur in medio. Sacerdotibus proinde curare incumbit præcipue, ut perpetuum inter Deum & homines vigeat commercium; Nihil Sacerdotibus non agendum est, ut Deum trahant ad homines, & homines ad Deum: Deum quidem ad homines precandi studio, homines ad Deum vitæ exemplo; Sed quod exemplum vulgarem vitam superet. Nam si sequestri ac mediatoris munus est homines ad Deum trahere, consequens necessarium est, plus ut ille virtutis habeat, qui trahit, quam qui trahitur, & non sit sicuti populus, sic & Sacerdos. (e) Quare supra popularem sortem hominum erecti, assumpti ex hominibus, altiores communis perfectionis Christianæ fastigio, sint necesse Sacerdotes Altissimi; quippe illos Deus elegit de mundo, quibus dixit: Dii estis & filii excelsi omnes. (f)

Neque solum perfectioris vitæ, ac non vulgaris pietatis exemplo, verum etiam potentes verbo & opere, seu utraque manu ædificemus Ecclesiam. Prædicatione etenim summa cura & constantia suscepta instituendum populum novimus, cum habeamus legem & debitum inexcusabile, & necessitas nobis incumbat, Vos enim estis Presbyteri in populo Dei, & ex vobis pendet anima illorum, (g) quibus vos jurata cura præesse, prædicatione prodesse debetis; ad eloquium vestrum corda eorum erigite, Divinis populū imbuite mysteriis, docete viam spiritus in legis Divinæ observantia, vitiorum fuga, virtutum amore, denique in omnibus his, quæ ad salutem vestram, & vestrorum

(t) Hebr. 3. v. 1.

(u) 2. Cor. 7. v. 12.

(x) Rom. 12. v. 7. 8.

(y) 2. Cor. 8. v. 7.

Rom. 15. v. 14.

(z) Tit. 2. v. 7.

(a) 1. Tim. 4. v. 12.

(b) Sess. 22. c. 1.

(c) S. Chrysost.

(d) S. Thom. 3. p. 2. art. 1.

(e) Isaia 24. v. 2.

(f) Psal. 81. v. 6.

(g) Judith. 8. v. 21.

strorum sunt necessaria. *Videte vocationem vestram: (h)* & in ejus lumine ambulantes, ne declinate neque ad dextram, neque ad sinistram. *Sit nostra conversatio sancta, ut considerantes conversationem vestram sanctam, secundum eum, qui vocavit vos sanctum; & ipsi in conversatione sancti sitis. (i)* Sit charitas perfecta juxta monitum Apostoli *(k)* commendantis Charitatem fraternitatis. Et iterum ad Ephes. *(l)*: *Obsecro vos ego vincit in Domino, ut digne ambuletis vocatione, qua vocati estis, cum omni humilitate & mansuetudine, cum patientia, supportantes invicem in charitate. Verum de charitate fraternitatis, non necesse habemus vobis dicere, ipsi enim a Deo didicistis, ut diligatis invicem. (m)* Sit hospitalitas commendata: *Hospitalitatem nolite oblivisci, per banc enim latuerunt quidam Angelis hospitio receptis. (n)* Sit mansuetudo modesta, in corrigendis præsertim errantibus, reminiscens, quod & ipsi circumdati sumus infirmitate, & ex hominibus assumpti, ut condolare possimus iis, qui errant. *(o)* *(Servum enim Domini non oportet litigare, sed mansuetum esse, ad omnes docilem, patientem, cum modestia corripientem eos, qui resistunt veritati. (p)* Avaritia autem, quæ est idolorum servitus, nec nominetur in nobis, *(q)* sed sint mores nostri sine avaritia, contenti presentibus; Ipse enim dixit, Non te deseram, neque derelinquam, ita ut confidenter dicamus: Dominus mihi adiutor. *(r)* In summa: Estote solerti, ut custodiaris cuncta, quæ scripta sunt in volumine Legis.

Rogamus vos ergo per adventum Domini nostri JESU CHRISTI, *(s)* & nostræ Congregationis in ipsum, ut non cito moveamini a vestro sensu. Et quæ in hoc loco, dictante Spiritu Sancto, verbis sancita sunt,

quæ in mellifluis rosarum suarum centifolius suavitate ac lenitate Apostolici Spiritus inaravit digitus Dei per Pastoralem manum optimi & pientissimi Præfulis nostri, ea cordibus inaretis, & re ipsa præfatis reduces in Ecclesiis vestris: *Ne quis nos vituperet in hac plesitudine, quæ ministratur a nobis, providentes bona non solum coram Deo, sed etiam coram hominibus. (t)* Tibi Cellissime Princeps, Illustrissime & Reverendissime Antistes & Præful noster, Præconi veritatis perpetua memoria magnæ gratiæ; *[u]* Dominus retribuat pro paterna erga nos solitudine, quos attraxisti in odorem suavitatis Rosarum tuarum, *(v)* ac ex iis præsentem apud examini præparas mella suavissima sapientissimarum Institutionum & Evangelicæ Doctrinæ, Tibi multi anni, totque jure debentur Celsitudini tuæ; quæ præsentem congregavit Synodum, quot inter modernam & ultimam intercessere, & qui omnium Illustrissimorum Antecessorum tuorum, Episcoporum Varmiensium adimplere merita & elogia, illorum ætatem e merito superaddas annis, ac post seram ætatem, una cum commissio Tibi grege ad vitam pervenias sempiternam. Hoc Synodi præsentis, hoc Cathedralis, hoc Collegiæ, hoc universi Cleri, hoc populi votum est. Vobis congregatis vita & felix peracta Synodo, auditis decretis ad Ecclesias vestras reditus, quibus Decretis inherentes, digni reddamur misericordiis, & gratia primi & magni Summi Sacerdotis JESU Christi DEI, intercedente simul inviolata Domina nostra Sanctissima Virgine & Matre DEI, *(x)* ac Sr. Andrea Apostolo, Adalberto Episcopo, Floriano Martyribus, cæterisque hujus Diocesis & Provinciæ Patronis tutelaribus. Fiat. Fiat. Amen. Amen.

Ad M. D. Gloriam, B. V. M. Honorem,
Sanctorumque omnium Venerationem.



(h) 1. Cor. 1. 26.

(i) 1. Petr. 1. v. 15.

(k) Rom. 12.

(l) Ephes. 4. 12.

(m) Thessal. 4. 9.

(n) Hebr. 13. 12.

(o) Hebr. 5. v. 1. 2.

(p) 2. Tim. 2. 24.

(q) Coloss. 3. v. 5.

(r) Hebr. 13. v. 5. 6.

(s) Thessal. 2. v. 1.

(t) 2. Cor. 8. 20.

(u) Acclamat. Conc. Trid.

(x) Acclamat. Conc. Trid.

(v) Alludit Orator ad Stemma Cels. Principis, quod capellas properantes duas ac rosas res continet.

SYNODUS DIOECESANA *Autumnalis* MONASTERIENSIS,

Eodem anno Christi MDCCXXVI.

JUSSU

REVMi & SERmi PRINCIPIS ac DOMINI,

D. CLEMENTIS AUGUSTI, *Monast. Episcopi,*

HABITA

DIE XV. OCTOBRI.

CLEMENS AUGUSTUS, DEI GRATIA ARCHIEPISCOPUS COLONIENSIS, S. R. IMPERII PER ITALIAM ARCHICANCELLARIUS ET PRINCEPS ELECTOR, LEGATUS NATUS S. SEDIS APOSTOLICÆ, EPISCOPUS MONASTERIENSIS, HILDESIENSIS ET PADERBORNENSIS, UTRUSQUE BAVARIÆ DUX, &c. &c.

Relatum est ad nostram audientiam, quod in sepulturis nimis expensæ fiant non sine gravamine eorum hæredum, qui personam defunctam repræsentant. Nos igitur huiusmodi excessibus, & inutilibus sumptibus obviare volentes, mandamus ac districte præcipimus, ut huiusmodi sumptus imposterum valde moderati sint, & omnis excessus penitus tollatur. Pariter relatum Nobis fuit, quod in Agendis Ecclesiasticis dudum demandata cum cæremoniis Ecclesiæ peragenda parvulorum sepultura nonnulli absque his non sine aliorum scandalo instituatur, proinde iterum districte & sub arbitraria pena præcipimus, ut non attentis, ulla consuetudine aut alio prætextu ejusmodi sepultura absque cæremoniis posthac non celebretur, sed ritu in Agendis præscripto infantes terræ mandentur.

Pariter inolevit perversa ac nimis pretiosa consuetudo, qua, si aliqua Mo-

niales recipiantur, aut etiam in certis locis ac domibus Virgines Deo devotæ cum magnis sumptibus & expensis per multos dies convivia invitatis consanguineis & amicis solenni apparatu celebrentur, quod cum vergat in detrimentum disciplinæ non modo Religiosæ, sed etiam Christianæ, multisque ex vicinia scandalo sit, graverque parentes, eum morem & consuetudinem penitus abrogandam & tollendam esse mandamus, nec non præcipimus, ut in huiusmodi conviviis moderatio expensarum habeatur, nec ea in seram noctem protrahantur, neque continuentur per plures dies. In quorum fidem præsentibus manu & sigillo nostris corroboratas dedimus 1726. 5. Octob. in Residentia nostra Neuhufana.

Clemens Augustus.



SYNO-

SYNODUS DIOECESANA *Autumnalis*
MONASTERIENSIS,

Anno Christi MDCCXXVII. Benedicti XIII. PP. III.
Caroli VI. Imp. XV.

J U S S U

Ejusdem Revmi & Sermi CLEMENTIS AUGUSTI,
Monasteriensis Episcopi,

CELEBRATA
DIE XIV. OCTOBRIS.

CLEMENS AUGUSTUS, DEI GRATIA ARCHIEPISCOPUS
COLONIENSIS, S. R. IMP. PER ITALIAM &c. &c.

Cum per Sanctiones Canonicas saluberrime ordinatum sit, ut Clerici gestent vestes statui convenientes, idque in Decretis Synodalibus non semel, sed sæpius inculcatum sit, a multis vero non observetur, imo, quod dolendum est, gestent vestes variegatas; Hinc præsentium tenore de novo inculcamus, quod si non paruerint, Fisco nostro Ecclesiastico, aut aliis, ad quos de jure pertinet, demandamus, ut contra eos agant pœna arbitraria.

2do. Non minus sæpius statutum fuit, ut qui fista coma iustis de causis cum licentia Ordinarii utuntur, in Sacrificio Missæ nullatenus utantur prolixiori, aut quod omnino indecens est, capillari pulvere aspersa, aut corona Sacerdotali destituta.

3tio. Monentur omnes animarum Curatores, aut alii, quando Ordinarius dispensat super sepultura vesperi facienda ad parcendum sumptibus præfertim, aut alia rationabili causâ sibi bene visa, nullo modo liceat exigere duplicia jura, cum id turpe lucrum & avaritiam, quæ in Clericis summopere detestanda est, sapiat.

4to. Conc. Tridentinum prudentissime cavit, ut qui ad Ss. Ordines promovendi sunt, se prævie exercent in exercitiis spiritualibus, ut ita obliga-

tionem suam melius agnoscant, & eidem conformiter vivere studeant, cum sint de sorte Domini. Hinc ordinamus, ut nullus ad Sacerdotium saltem admittatur, nisi qui testimonium habitorem per ostiduum exercitiorum spiritualium exhibuerit.

5to. Cum observatum sit nonnullos Clericos in Sacris constitutos exigam curam habere sacrarum cæremoniæ, præcipue cum solenniter celebrant, vel officium Diaconi aut Subdiaconi gerunt; Hinc monemus omnes ordinandos, ut se in illis prævie studiose exercent, & illud exercitium cum ratione oblivionis humanæ facile excidere possit, in memoriam revocent, & rubricas sæpius & attente perlegant.

6to. Cum Ssmus Dominus noster BENEDICTUS Papa XIII. anno 1726. salubriter jussit in Litanis Omnium Sanctorum, & pro commendatione animæ post S. Joan. Baptistam addendam esse invocationem S. Josephi; Hinc prædictum S. Sedis Decretum ad omnium notitiam deduci volumus. Signatum Roma Octobris 1727.

Nicolaus Herman. de Ketteler
Vicarius in Spirit. Gener. mpp.

SYNO-

SYNODUS DIOECESANA *Autumnalis*
MONASTERIENSIS,
Anno Christi MDCCXXX. Clementis XII. PP. I.
Caroli VI. Imp. XVIII.

J U S S U

*Ejusdem Revmi & Sermi CLEMENTIS AUGUSTI,
Monasteriensis Episcopi,*

CELEBRATA

DIE XVIII. OCTOBRI.

CLEMENS AUGUSTUS, DEI GRATIA ARCHIEPISCOPUS
COLONIENSIS, S. R. IMP. PER ITALIAM &c. &c.

Quia Nobis relatum est varios Parochos, sive Curatos in eo negligentes esse, & librum, in quo nomina natorum, baptizatorum, eorumque parentum & patrinorum, nec non copularum & mortuorum accurate annotent, non habere, hinc stricte mandamus, ut Parochi sive Curati prædicti in visitatione Synodali Archidiaconis sive eorum Commissariis catalogum, ut præfertur, conscriptum, quavis vice præstare teneantur, volumus etiam, ut Archidiaconi, eorumque

Commissarii diligenter inquirent, utrum Parochi, Sacellani, alique Beneficiati accuratum registrum reddituum, jurium stolæ, aliorumque emolumentorum ad Beneficia sua pertinentium annuatim conficiant, ut hi, qui in eo negligentes reperti fuerint, corrigi & emendari possint. In quorum fidem præsentem manu & sigillo nostris corroboratas dedimus Monasterii Westphaliæ 1730. 7ma Octob.

Clemens Augustus.

SYNODUS DIOECESANA *Verna*
MONASTERIENSIS,
Anno Christi MDCCXXXII. Clementis XII. PP. III.
Caroli VI. Imp. XX.

J U S S U

*Ejusdem Revmi & Sermi CLEMENTIS AUGUSTI,
Monasteriensis Episcopi,*

CELEBRATA

DIE XXIV. MARTII.

CLEMENS AUGUSTUS, DEI GRATIA ARCHIEPISCOPUS
COLONIENSIS, S. R. IMP. PER ITALIAM &c. &c.

Cum nunquam possit satis magna decentia atque etiam reverenti magnificentia tractari Augustissimum

Altaris Sacramentum, ideo inculcandum duximus, ut quando illud pro viatico ad muniendos infirmos deferatur,

tur, id cum distinctiori pompa & honoratori comitatu fiat. Cum interim post maturam deliberationem expensis variis circumstantiis visum haud fuerit desuper obligationem subditis nostris imponere, sed potius id spontaneæ eorum erga Sanctissimum devotioni relinquere.

Hoc saltem per præsens Decretum Synodale serio ordinamus, & clementissime mandamus, ut imposterum, quando Ssmum five in urbe & oppido, five extra ad ægrum deportatur, non tam prona facilitate usurpetur ad benedictiones dextrorsum & sinistrorsum identidem & promiscue obviantibus impertiendas, cum id compluribus visum fuerit potius despectum & vilipensionem sapere, quam devotionem. Quare volumus & statuimus, ut imposterum benedictio cum Venerabili duntaxat detur in templo sub egressum & regressum Sacerdotis vaticum deportantis, nisi forte singularis confluxus notetur, aut alia rationabilis causa exigat.

2do. Ne infirmi inexpectati e vivis decedant, cum evidenti animarum periculo, innovandam iussimus publicationem Decretalis INNOCENTIANÆ ex Conc. Lateranensi quarto, & Constitutionis PIANÆ, uti & novissimi Decreti in Conc. Romano sub BENEDICTO XIII. anno 1725. emanati

de ægrotis tempestivæ Confessionis Sacramentalis mature commonefaciendis, sicut etiam alias jam inculcatum fuit.

3tio. Decreta de non celebrandis nuptiis pro tempore clauso ita innovamus & observari volumus, ut Dominicam *Lætare* ab hoc tempore clauso excipiendam esse nemo existimet, omnes Parochos & Curatos monentes, ne huic tam provide sanctæ Ordinationi ullo modo contravenire præsumant.

4to. Ad consulendum subditorum nostrorum indigentia & commoditati, ac ad occurrendum quorundam Curatorum cupiditati distincte inhibemus, ne quis duplicia jura exigere præsumat, quando ab Ordinario justis de causis conceditur facultas sepulturæ in tenebris faciendæ. Cunctis porro animarum Curatoribus serio præcipimus, ut suæ obligationis memores satis tempestive Sacramenta, aliaque Ecclesiæ consueta extrema administrent, & iis quidem gratis, qui rerum domesticarum inopia premuntur, ut vel nullatenus, vel nonnisi ægre admodum jura alias dari solita persolvere possint. In quorum fidem præsentibus sigillo Vicariatus munitis per Vicarium nostrum in Spiritualibus Generalem subscribi iussimus 1732. 21ma Martii.

Nicolaus Herman. de Ketteler
Vicarius in Spirit. Gener.

SYNODUS DIOECESANA *Autumnalis* MONASTERIENSIS,

Eodem anno Christi MDCCXXXII.

JUSSU

Ejusdem Revmi & Sermi CLEMENTIS AUGUSTI,

Monasteriensis Episcopi,

CELEBRATA

MENSE OCTOBRI.

CLEMENS AUGUSTUS, DEI GRATIA ARCHIEPISCOPUS
COLONIENSIS, S. R. IMP. PER ITALIAM &c. &c.

Quoniam ex Pastoralis sollicitudine Clero nostro præsertim curato confer-
vehementer optamus, florem in vari ac augeri, ideo ad juniorum Sa-
Tomm X. Concilior. German. Nnn cerdo-

cerdotum uberiorem exercitationem Diœcesi nostræ perutilem, & ad seniorum Pastorum levamen ac subsidium hætenus quotannis indulgimus concursum ordinandorum titulo mensæ nostræ, ut autem finis ille optimus obtineatur, & intentio nostra æquissima impleatur, monemus Archidiaconos nostros, ut Parochis singulis ac universis severe mandent, ut si Cooperatoribus ad longiusculum tempus egeant, eos a sæculari Ciero sibi adfiscant, & non e religiosis claustris evocent, contravenientes autem condignâ poena mulctent. Quo super argumento dissimulare haud possumus, summopere Nobis displicere quorundam Superiorum Religiosorum facilitatem non raro cum religiosæ disciplinæ iactura in mutuandis continuo subditis ad eam operam, iisque per tempus prolixius extra clausuram emittendis, atque exponendis, id quod vergit in præjudicium Sacerdotum sæcularium recentius ordinatorum, qui ad mandatum Vicarii nostri Generalis promptos se semper & obediētes ad ejusmodi subsidiariam operam commonstrabunt.

2do. Cum jam alias a Nobis & Antecessoribus nostris multoties mandatum fuerit, ut Archidiaconi, seu eorum Commissarii Protocolum habitæ visitationis Vicario nostro in Spiritualibus transmittant, huic autem Decreto a paucis hucusque paritum sit, hinc illud iterum iterumque hinc severius inculcamus.

3tio. Cum etiam ex eo multa Capitalia ad Ecclesias, Hospitalia, Pastoratus, aliaque Beneficia Ecclesiastica spectantia deperdita fuisse experientia doceat, quod Provisores ac Possessores Beneficiorum hujusmodi ordinatum archivium sive cistam non habeant, ubi originales literas una cum relictis & redemptis forsitan capitalibus reponant in non leve Beneficiorum & Ecclesia-

rum detrimentum, hinc nostri Archidiaconi, eorumque Commissarii omnino curabunt, ut Provisores, Curati, alique Beneficiati sibi de tali archivio sive cista provideant, omniaque ita disponantur, ut saltem duæ distinctæ claves conficiantur, eæque ita extrahantur, ne unus sine alio prædictam cistam aperire, & literas inde depromere possit, sed si necessitas aperiendi exigat, uterque clavem custodiens accedat, & accuratam annotationem fieri curet, quænam literæ & obligationes, & ad quem effectum desumptæ fuerint, quas postea, quamprimum iis usi fuerint, reponere omnino teneantur.

4to. Mandatum alias, publicatumque fuit in prioribus Synodis, ne Curati jura duplicia, aut solito majora exigant, quando ex causis a Vicario nostro Generali approbatis conceditur licentia sepulturæ vespertinæ, aut ineundi absque præviis denunciationibus ex ambone Matrimonii. Quia vero huic nostræ clementissimæ intentioni adhuc a quibusdam contraveniri accepimus, & ne quis in futurum hujus Decreti Synodalis ignorantiam ullatenus obtinere possit, id ipsum hinc innovamus, & denuo mandamus strictam ejus observantiam ubique accurandam, atque ut de efficaci ejusdem executione ea, quæ par est, habeatur ratio & vigilantia, Archidiaconi nostri vel eorum Commissarii in visitationibus suis urgebunt extradi sibi designationem omnium jurium stolæ, aliorumque præstandorum, sicut eadem exigere hucusque soliti fuerunt, ut litium & dissidiorum occasio inter Curatos & Parochianos imposterum omnino amputetur. In quorum fidem præsentem manu & sigillo nostris corroboratas dedimus 1732. 8va Octobr.

Clemens Augustus.



DECRE-

DECRETUM

ILLUSTRISSIMI ac REVERENDISSIMI DOMINI,

D. GUILIELMI DELVAUX, (*) XVI. Iprensis Episcopi,
SUPER OBSERVATIONE

STATUTORUM DIOECESIS IPRENSIS,

Anno Christi MDCCXXXIII. Clementis XII. PP. IV.

Caroli VI. Imp. XXI.

DATUM

IPRIS IN PALATIO EPISCOPALI

DIE II DECEMBRIS.

GUILIELMUS, DEI & Apostolicæ Sedis gratia Episcopus

Iprensis, Universo Clero & populo Civitatis & Diocesis Iprensis salutem.

Ubi impositam vidimus humeris nostris
Diocesis hujus sarcinam, non immerito
timuimus, Fratres dilectissimi, ne Dominus
in ira indignationis suæ elevans allide-
ret nos eneri, cui impares nos esse omnino
persuadebat imbecillitas nostra; sed qui dives
est in misericordia, supposituit manum
suam, & qui consolatur humiles, con-
solatus est nos, ubi post nostrum ad vos
adventum deprebendimus exultum cum omni
vigilantia agrum Domini, Clerum invenimus

sanum in fide & instructum in lege Do-
mini, potentem exhortari in doctrina
sana, & eos, qui contradicunt, argue-
re; populum acceptabilem, sectatorem
bonorum operum; ex quo repleti fui-
mus consolatione, superabundavimus
gaudio, sed admoniti simul fuimus, quanta
inter vos solitudine agendum foret, ne vo-
bis forsitan dormientibus superveniret inimicus
homo & superfeminaret zizania in medio
tritici; recogitantes insuper eam jam esse con-
ditio-

N O T A.

(*) GUILIELMUS DELVAUX natus in Blehen, Diocesis Leodiensis Parochia, stu-
dium Philosophicum absolvit Lovanienſi in Academia ac Pædagogio porci, ibi-
demque octavo inter AA. LL. Magistros loco promotus est. Hinc Theologiæ
cursum in Collegio Adriani VI. P. M. insigni cum laude emensus, cathedram ejus-
dem scientiæ tenuit in perantiqua ac Ducali Abbatia S. Gertrudis Canonicorum
Regularium S. Augustini Lovanii; nec diu post, parochiali Ecclesiæ ab eadem
Sancta nuncupata, ibidem Pastor præficitur. Tum eodem in loco inter Professores
Theologiæ ordinarios; atque Canonicos ad D. Petri admissus, a. 1716 Calend. De-
cembribus lauream Theologicam obtinuit, quadriennio post Collegii Vigiliani
Præfex, atque ab Emin. D. Cardinale Archiepiscopo Mechliniensis Thoma Philippo
ab Alsatia constitutus per districtum Lovanienſem Archipresbyter; ac tandem in-
ter Doctores Regentes Facultatis Theologiæ cooptatur. Sacris in Ecclesia Dei
functionibus quotidie illustrior, meritisque de Academia Lovanienſi admodum cla-
rus, ad insulam Iprensensem evocatus, anno 1732 die 25 Maji inauguratur Episcopus
per eundem Archiep. S. R. E. Cardinalem, conferentibus operam Joanne Bapt. de
Smet Prædecesſore, ad Episcopatum Gandavenſem translato, & Carolo d'Espinoſa
ex Ord. Capucinorum Episcopo Antverpienſi. Auspiciis illius Benedictus XIV.
P. M. famosis disputationibus de Matrimonio in Hollandia contractis, finem impo-
suit edita ad diem 4 Nov. a. 1741 Constitutione Apostolica, incip. Matrimonia, qua
in locis &c. Obiit a. 1761 die 12 Octobris.

Vide Anton. Sanderi Flandriam illustratam edit. Hagæ Comitum 1735 in fol.
Tom. II. pag. 321. Inde excerpta hæc communicabat mecum Plur. Rev. Do-
ctissimusque Vir ac Domineus Jacobus Goyers Pastor in Hümélghem non satis
laudandus.

Tomus X. Concilior. German.

Nnn 2

ditionem terræ, cui maledixit Dominus, ut nonnisi spinas & tribulos germinet, si cum omni vigilantia non excolatur; ne igitur Dominus Deus super nos requirat gregem suum de manu nostra, veniensque dividat nos, partemque nostram ponat cum hypocritis, sed per humile nostrum ministerium ædificatio constructa crescat in Templum sanctum in Domino, in quo & vos coædificemini in habitaculum Dei in spiritu, præhabita cum iis de liberatione, quibus & nota & cordi est Diæcesis nostræ necessitas & utilitas, infra scriptas Ordinationes duximus publicandas, quas simul cum iis, quæ antea a Prædecessoribus nostris provide statuta sunt, ab omnibus, quorum interest, diligenter observari mandamus.

I.

Ac inprimis, ut a domo Dei initium sumamus, sitque in Ecclesiæ Ministris & Clericis omnibus requisita vitæ honestas, morum probitas, & exemplaris conversatio, hac nostra Ordinatione renovamus, ac pro inseris habemus ea omnia, quæ habentur tum in Statutis Synodalibus sub MARTINO RITHOVIO Titulo 3. quam aliis similibus Statutis sub CAROLO MASIO Titulo 17. inter alia præcipue injungentes, ut omnes sacris Ordinibus initiati in civitatibus vel oppidis suarum residentiarum incedant semper induti toga talari seu subtanea (*) veste, quæ ad talos defluat. Pastores vero, Vicarii, vel alii ruri agentes, prout & alii dum itinere sunt, si ob nimias viarum difficultates subtanea, ut ante, uti non possint, (quod tamen optaremus) habeant vestes saltem oblongiores, quæ sint vulgari & simplici modo confectæ, habeatque manicas angustiores ad normam fere subtaneæ, nec sacci in parte anteriori exterius appareant, ita ut omni tempore & loco cunctis innotescat eorum status, eosque in habitibus quærere honestam decentiam, non sæcularem levitatem, qualem in oculis nostris ii exhibent, qui Laicorum more linteos limbos extremis manicis affutos, aliquando etiam limbis denticulatis, vulgo *Dentelles*, ornatos deferunt, quam levitatem volumus amoveri. Pastores, & alii Sacerdotes ruri utantur subtanea vel veste talari, quando in Ecclesiis operantur

Sacris; five celebrando, five concionando, five Sacramenta administrando. Insuper præter ea, quæ supra citatis Statutis ordinantur circa tabernas; sub quibus etiam comprehendimus *Caffebuyßen*: volumus, ut Decani in suis districtibus, & Pastores in suis Parochiis invigilent, an Ecclesiastici aliqui popinas frequentent, ac delinquentes Nobis denuncient, ut contra eos talibus utamur remediis, quibus scandala efficaciter amoveantur, & juniores ab ulterioribus gradibus removeamus, ubi pro illis consequendis sese præsentabunt, cum nullam a Nobis promotionem expectare debeant, qui popinas frequentant.

II.

Quandoquidem Decanorum Christianitatis sit indefinenter invigilare omnibus, quæ in ipsorum respectivo districtibus occurrunt, eosdem in Domino monemus & hortamur, ut secundum quod statutum est sub RITHOVIO Tit. 7. Cap. 2. "Nostra auctoritate curent, ut Clerici in fortem Domini vocati, vitam & mores suos ita componant, ut nihil in ipsis nisi grave, moderatum ac exemplare conspicui possit: atque advigilare, ut Pastores in functione Pastoralis Officii, prædicatione verbi Dei, & Sacramentorum administratione debitam servant integritatem, honestatem & reverentiam; ac eosdem (quando opus fuerit) monere, corripere, visitare, consolari, bono consilio subvenire, ac veri Pastoris officium erga illos exercere."

Ut autem majori cum honore & zelo functiones suas persolvant, ultra facultates hæcenus illis concessas, eisdem concedimus insuper facultatem benedicendi ornamenta & vasa sacra, modo in iis unctio sacra adhibenda non sit; mortuo aliquo sui districtus Pastore, designandi pro ea Parochia Deservitorem, donec Nos de ea morte certiores reddituri aliter ordinaverimus. Item dandi facultatem concionandi junioribus Sacerdotibus, qui se de consensu Pastorum in concionibus exercere voluerint. Quibus tamen facultatibus

(*) Du Cagne Glossar. Tom. III. verb. *Subtaneum*, al. *Soutane*, quod *Sultanorum* seu *Turcarum* vestis esset propria.

tibus uti non poterunt, nisi in suis respective districtibus.

III.

Cum Pastores in partem sollicitudinis Nobiscum vocati, sciant se debere invigilare quasi rationem pro animabus sibi commissis reddituri, eosdem monemus & obsecramus in CHRISTO JESU, cujus pretioso Sanguine illæ redemptæ sunt, ut sæpius relegant & continuo præ oculis habeant, quæ circa eorum obligationes habentur in Statutis Prædecessorum nostrorum, sub RITHOVIO *Titulis* 8. & 9. sub MASIO *Titulo* 2. in Ordinatis a GEORGIO No. 1. & 2. item in Statutis sub eodem No. 31.

Quæ omnia cum ab iis Pastoribus præstari & impleri nequaquam possint, (a) qui gregi suo non invigilant neque assistunt, sed mercenariorum more deserunt, vel frequentius pro negotiis sæcularibus, imo recreationibus excurrunt, hinc renovantes ea, quæ in hunc finem sub GEORGIO ordinata sunt; declaramus nulli Pastori, nequidem cum illa excusatione, quod alium Sacerdotem idoneum suo loco substituerit, posthac licere ultra quinque dies continuos a sua Parochia abesse, nisi de licentia sui Decani scriptis obtenta: Quod si ultra decem dies abesse cogatur, similem licentiam a Nobis, aut Vicario nostro prius impetrabit. Quod si quis contra hoc nostrum Mandatum pro secunda vice deliquerit, sciat se in ipso ad suam Parochiam ingressu suspensum esse ad decem dies a Divinis. Si autem pro tertia vice sese ultra præscriptos dies sine simili venia absentaverit, ipso facto suspensus erit, suspensione Nobis reservata.

IV.

Quia, asserente Tridentino, præcipuum Pastorum munus est Evangelii prædicatio, dicente Apostolo: *Non misit me Christus baptizare, sed evangelizare*, eaque Christianæ Reipublicæ non minus sit necessaria, quam ipsa Evangelii lectio, renovantes Statutum sub RITHOVIO *Titulo* 9. omnibus & singulis nostris Pastoribus & curam animarum

habentibus mandamus, ut diebus Dominicis & Festivis solemnibus per se, vel (si legitime impediti fuerint) per alios idoneos plebes sibi commissas, pro sua & earum capacitate, salutaribus pascant verbis, docendo ea, quæ omnibus scire necessarium est ad salutem; annuntiandoque eis cum brevitate & facilitate sermonis vicia, quæ eos declinare, & virtutes, quas sectari oportet.

Invigilabunt autem Decani Christianitatis, an huic obligationi Pastores satisfaciant; quod si aliquem invenient, qui ultra mensem differt concionem habere ad populum, seposita notoria infirmitate, vel forte tempore Adventus aut Quadragesimæ, quibus in aliquibus Ecclesiis conciones sunt per Stationarios, eundem Nobis denuntiabunt, ut talem convenientibus mediis ad officium suum reducamus; vel si idoneus reperiatur, alium impensis ipsius deputemus, qui ejus vices suppleat. An autem aliquis Pastor aliter, quam per notoriam infirmitatem legitime sit impeditus, ubi saltem impedimentum esset plurium mensium, volumus hoc stare judicio nostro, quod si legitimum judicaverimus, id debet talis Pastor significare suo Decano.

V.

Memores obligationis nostræ ac moniti Conc. Trid. (b) "Nihil nos ad Dei gloriam & populorum salutem utilius posse facere, quam si bonos Pastores & Ecclesiæ gubernandæ idoneos promoveri studeamus," ut illi, quantum in Nobis est, satisficiamus, volumus, ut omnes in sacris Ordinibus constituti, qui in Seminario nostro studia sua absolverunt, & ad curam animarum cupiunt promoveri, nec alicujus Ecclesiæ servitio adhuc sunt adscripti, in iis respective Parochiis, quas inhabitant, sint in frequentandis Officiis Divinis diligentes, & in iis decantandis, aliisque obsequiis, quorum ratione Ordinis sunt capaces, Pastoribus assistant, & si Sacerdotes fuerint, etiam catechizando & concionando sese exercent, ubi a Pastoribus fuerint requisiti. Sciantque Diaconi

N n n 3

&

(a) Trid. Sess. 23. c. 1. de Reform.

(b) Sess. 24. c. 1. de Reform.

& Subdiaconi maxime decere, si saltem diebus Dominicis & solemnibus sacram Communionem perceperint; de quibus omnibus fidem facere Nobis debebunt per testimonium Pastorum, ubi ad altiores Ordines, vel alias functiones petent promoveri; cumque Nobis fixum sit ad altiore gradum nullum admittere, nisi habentem bonum testimonium & in inferioribus debite probatum, monemus Pastores omnes, ut accurate invigilent omnibus Ecclesiasticis suas Parochias inhabitantibus, discolos, si forte aliqui sint, vel in præstandis iis, quæ supra posuimus, negligentes, Nobis denuntient, & sua testimonia, ubi requisiti fuerint, concedant, non respicientes carnem & sanguinem, vel humanas alias rationes, sed Dei gloriam & Ecclesiæ utilitatem unice præ oculis habentes, super quo conscientias ipsorum oneramus.

VI.

Quamvis facta recta servari velimus jura Parochianorum, saltem in pluribus Parochiis, deligendi sibi Vicarium, qui Pastori in functionibus assistat, sicque Parochianis spiritualia omnia commodius & abundantius subministrantur, quia tamen jam aliquoties deprehendimus juniores Sacerdotes per se, vel suos ad Vicariatus illos aspirare; quin imo viam sibi facere medijs talibus, quæ Simoniam omnino redolent, ducuntque ad schismata & divisiones in Parochiis, sicque contingere, ut & minus probati, minusque capaces promoveantur, ac illi, quorum ministerium debebat esse ad ædificationem, nonnisi ad scandala serviat & destructionem: ut id præveniamus, per quod multa in Ecclesiam mala sese insinuant, volumus, ut quicumque ad aliquem Vicariatum aspirabit, prius se Nobis sistat, eamque suam mentem Nobis declaret; quod si quis Nobis inscijs id fecerit, sciat se nullam unquam a Nobis promotionem obtenturam: cum eos, (c) *qui non intrant per ostium in ovile ovium, sed ascendunt aliunde, Pastorum Pastor, fures dicat & latrones, qui non veniunt, nisi ut furentur, & mactent, & perdam.*

(c) Joan. 10.

(d) Ad Philip. 2.

De cætero Vicarios omnes ex nunc assumptos vel imposterum assumendos serio monemus, ut exacte observent ea, quæ sub GEORGIO Prædecessore nostro statuta & ordinata sunt No. 1. ac insuper inhibemus, ne ullus sine nostra venia Parochiam deferat, in qua Vicarius constitutus est, alias ex nunc pro tunc declaramus ipso facto cessare omnem ipsius admissionem ad audientias confessiones, mandamus etiam omnibus Vicariis, qui contractus iniierunt cum Parochiis sine nostra, vel Prædecessorum nostrorum venia & approbatione, ut eosdem ante mensem proximum Februarii coram Nobis exhibeant, revocaturi admissiones eorum, qui huic nostro mandato defuerint.

VII.

Sciunt Pastores sibi etiam in persona Apostolorum a Christo dictum esse, *Vos estis lux mundi, vos estis sal terræ*, adeoque sibi cavendum, ne dum lumen Ecclesiasticæ vocations, & sal Pastoralis officii proximis impendunt, de pulvere hujus sæculi maculas contrahant & tenebræ fiant, vel per iners otium diffuant & infatuentur, & ne, ut dicit ISIDORUS, videantur, ut cerei, aliis, dum bona exponunt, lucem præstare, se vero in malis suis consumere atque extinguere, sicque dum aliis prædicaverint, ipsi reprobi efficiantur. Quæ, ut a se mala avertant, eos, prout & Vicarios, aliosque Sacerdotes omnes obsecramus per misericordiam Dei, non tantum ut vitam suam componant secundum schema a Prædecessoribus nostris Statutis adjunctum, sicque exhibeant corpora sua hostiam viventem, sanctam, Deo placentem, rationabile suum obsequium, sed & gratissimum Nobis contingeret, si quisque singulis annis per aliquot saltem dies, ex directione viri alicujus intelligentis recollectionem haberet spiritualem, prout in dicto schemate proponitur, sicque possent omnes reformari in novitate sensus sui, & probare, quæ sit voluntas Dei bona & beneplacens & perfecta tam pro sua, quam sibi commissarum ovium salute. (d) *Si qua ergo, Fratres dilectissimi, consolatio in Christo, si quod solatium*

tium charitatis, si quæ Societas Spiritus, si qua viscera miserationis, implete & in hoc gaudium meum, ut exercitia spiritualia annis singulis assumentes; Vosmetipsos videtis, ut monet Joan. in Epistola sua secunda, ne perdati, quæ operati estis in aliis, sed ut mercedem plenam accipiatis.

Memores Apostolici moniti 1. ad Corint. II. Si nosmetipsos iudicavimus, non utique iudicemur, qui enim pulverem ab aliis detergit, ait S. BONAVENTURA, vix potest transire, nisi & ipse pulvere respersatur, quem etiam in se detergere necesse habet; ut hac spiritali recollectione (e) mundantes vos ab omni inquinamento carnis & Spiritus, perficiatis vestram & omnium vestrarum sanctificationem in timore Dei.

VIII.

Contingit hodie nimis sæpe Sacerdotes extraneos a suis Diocesisbus divagari, aliquando etiam ostiatim mendicare, cum ordinis sui dedecore & fidei scandalum; & homines forte peccatis gravatos, & censuris Ecclesiasticis ligatos, a Religione apostatas, sese ad celebrandum Missæ Sacrificium offerre, qui ne externe quidem speciem præferunt Sacerdotis. Huic malo ut remedium apponamus, hisce inhibemus omnium Ecclesiarum sive secularium, sive Regularium Rectoribus & Superioribus, ne ullum extraneum Sacerdotem admittant ad celebrandum Sacrum, nisi prius eis constiterit ad hoc eum veniam obtinuisse a Nobis, vel Officiali nostro, quæ venia etiam ultra annum concessa non sit. Etenix, quantum in Nobis est, rogamus civitatum & aliorum locorum Magistratus, ut, si Sacerdotes inveniant in plateis, vel alibi mendicantes, eos statim per satellites suos deduci curent extra suas civitates vel limites, vel etiam ad Palatium nostrum, si aliquem pro secunda vice deprehendant. Ut aditum omnem secludamus seductores, qui subdole in Diocesim nostram forte irrepere velint: animadvertent Pastores in extraneos & sibi ignotos, qui speciem præ se ferentes status Ecclesiastici, in suis Parochiis quasi domicilium figent, maxime si deprehendant eos circuire

domos viduarum, aliarumque sequioris sexus personarum, & omni sedulitate inquirent, an nihil mali per tales disseminetur, & ubi suspicio aliqua suberit, de iis ad Nos scribent pro consilio & remedio, si aliquod adhibendum occurrat.

IX.

Cum inaudiamus etiam aliquos hodie inveniri, qui sub prætextu quidem commiserationis, sed cupiditate revera ducti, sibi audacter exorcisandi officium assumunt, non obstantibus iteratis prohibitionibus Prædecessorum nostrorum tam in Statutis hujus Diocesis, quam in ipso Manuali Pastorum, aliisque alias factis, etiam sub pœna suspensionis ipso facto, ac revocationis admissionum pro Confessariis: ut huic malo, ex quo plura alia consequuntur, provideamus; renovantes omnes anteriores Ordinationes desuper datas, prohibemus, ne quis uspiam in Diocesi nostra Exorcismos adhibeat, nisi ad hoc a Nobis specialem in scriptis habeat potestatem, quam etiam Pastori loci ostendere tenebitur, antequam illa uti possit, & hæc sub pœna suspensionis & insuper revocationis admissionum ad confessiones, si quas habeat, quas pœnas ipso facto incurrer, nec ab alio, quam a Nobis ipsis absolvi poterit.

Et ne detur locus excusationibus, quod tantum benedictiones legat, nullatenus exorcismos, sub iisdem pœnis & reservationibus prohibemus fieri tales publicas benedictiones, quæ exorcismi apparent, & tanquam tales a vulgo apprehenduntur. Permittentes tamen Decanis Christianitatis, ut si aliqua occurrat necessitas, unum ex suis Pastoribus vel Vicariis ad tales benedictiones deputare possint ad aliquod vices, modo ea permissio in scriptis detur.

X.

Cum Sacerdos in foro pœnitentialem non hominis exerceat iudicium, sed Dei, idque in animas Christi Sanguine redemptas, in id merito sollicitudo nostra intendere debet, ut nonnisi idoneos ad audiendas fidelium confessiones

nes

(e) 2. Cor. 7.

nes seligamus; quod ut efficacius consequamur, volumus, ut quicumque imposterum ad confessiones audiendas admitti voluerint, prius in congregatione Examinatorum Synodaliū idoneus reperiatur in exāmine a tribus ad minus Examinatoribus instituendo in Palatio nostro Episcopali prima & tertia die Jovis cujuslibet mensis non impedita, hora octava matutina, quæ dies si Festo aliquo vel Officio solemnī, ut in Cœna Domini, impedita fuerit, die Mercurii immediate præcedente eadem hora. Extra quos dies nullus examinabitur. Monemus autem omnes, qui sese examini sistere voluerint, ut studium Scripturæ sacræ præcipue novi Testamenti non negligant; cum enim *Scriptura divinitus inspirata, teste Apostolo, utilis sit qd docendum, ad arguendum, ad corripiendum, ad erudiendum in justitia: ut perfectus sit homo Dei ad omne opus bonum instructus, & in ea Confessarius utpote Judex & Medicus spiritualis maxime incumbere debeat, studii hujus experimentum in exāmine capi volumus per quæstiones e Scriptura sacra.*

Monemus insuper omnes pro confessionibus admissos; ut antequam se huic operi accingant, attente prælegant instructiones sibi datas pro confessionibus & concionibus, ac inter alias eam præcipue, quæ rudiorum exāmen concernit, propter nimiam hodie in multis incuriam circa hanc materiam; prout & *Articulus 4. de confessionibus seminarum per cancellos audiendis, nullo modo a parte anteriori confessionalis, quod omnino prohibetur. In concionibus vero abstineant a quæstionibus inter Scholasticos disputatis, iisque maxime, quæ pacem lædere possent inter Clerum sæcularem & Regularem. Memores verborum Apostoli, ut idem sapientes, unanimes, idipsum sentientes, nihil per contentionem fiat, neque per inanem gloriam, non quæ sua sunt singuli considerantes, sed quæ JESU CHRISTI. Potiori ratione etiam inhibemus, ne Concionatores ullam personam, Ordinem, Collegium, Societatem, vel Magistratum denotent, etiam per indirectum, ne suspicionem ingerant alicujus passionis in cathedra veritatis.*

XI.

Variis ex causis facilius contingit abusus irrepere circa celebrationem Matrimoniorum; qui tamen cum ordinarie graviore & molestiores secum trahant sequelas, majorem etiam requirunt sollicitudinis nostræ vigilantiam. Eum in finem, mentem Concilii Trid. circa denuntiationes Matrimonio præmittendas, quantum ferunt circumstantiæ, attendentes, declaramus. Nos super trinis denuntiationibus numquam dispensaturos, nisi in casibus, in quibus agitur de devitanda infamia, vel similibus incommodis, quæ in se graviora forent, quam utilitas, quæ ex denuntiationibus expectari potest. Extra quos casus nolumus, ut Pastores a Nobis dispensationem super tribus bannis exigant.

XII.

Curent Pastores denuntiationes fieri clara & distincta voce; idiomate Gallico vel Flandrico, prout est Parochiæ vernaculum, intelligibiliter exprimendo nomina & cognomina sponſi & sponſæ, locum domicilii, & an sit prima, an secunda, an tertia denuntiatio, & demandando, ut Statuta requirunt, "omnibus & singulis sub excommunicationis pœna, ut, si quod "noverint Canonicum impedimentum, "ob quod desponsi a Matrimonii solemnizatione prohiberi possint aut "debeant, id statim denuntient," Explicentque aliquoties populo, quanta sit hæc obligatio impedimenta denuntiandi, quam etiam sub pœna excommunicationis Ecclesia demandat.

XIII.

Ubi casus sese offeret petendi a Nobis dispensationem pro consanguineis vel affinibus in casibus a sancta Sede Nobis concessis pro pauperibus tantum, volumus, Pastores adjungant arborem Genealogicam signatam ab ipso Pastore vel alia persona publica, & duobus ad minus consanguineis propinquioribus, qui parati sint jurare de veritate expositorum.

Ut autem noverint gradus, in quibus Nobis dispensare licet ex prædicta

dicta sanctæ Sedis facultate, & ne alias ad Nos inutiliter literas in hunc finem dirigant, sciant eam esse hujusmodi.
 "Dispensandi in tertio & quarto sim-
 "plici, & mixto tantum cum paupe-
 "ribus in contrahendis; in contractis
 "vero cum hæreticis conversis etiam
 "in secundo simplici & mixto, dum-
 "modo nullo modo attingat primum
 "gradum."

XIV.

In petendis dispensationibus super bannis, utentur Pastores sequenti formula: *Infrascriptus testor N.N. subditum Parochiæ N. Diœcesis N. & N.N. subditam Parochiæ N. Diœcesis N. esse in Fide Catholica, quam profitentur, bene instructos, boni nominis & famæ; esse liberos & sui juris seu habere consensum eorum, quorum interest, nec ullum, quod sciam, subesse Canonicum impedimentum vel Civile, quominus Matrimonium inter se contrahere licite & valide possint. Rationem petendæ dispensationis super uno vel duobus bannis allegant..... quam testor in veritate subsistere. Actum.*

Si autem aliquod impedimentum subfit, super quo dispensationem petunt, post particulas: *quominus Matrimonium inter se contrahere licite & valide possint*, subjicient sequentia: *Nisi quod Oratores se in tertio gradu consanguinitatis attingant, eoque simplici prout ex adjuncta arbores Genealogica videre est. Si alius gradus sit consanguinitatis vel affinitatis simili modo expriment, bene attendendo, an sit simplex, an cum alio mixtus, ut idipsum exprimarur.*

XV.

Inhibemus Pastoribus, ne Matrimonia solemnizent tempore intempestivo, prout antehac in Manuali Pastorum prohibitum fuit; uti neque extra locum sacrum, vel post meridiem, idque sub pœna arbitraria per Nos irremissibiliter infligenda; quin imo nec ad sponsalia contrahenda, (quæ volumus omnibus Matrimoniis præmitti, antequam proclamatio fiat, juxta mentem Statutorum & laudabilem Diœcesis nostræ consuetudinem in Manuali Pastorum expressam) facile admittant tempore vespertino, saltem tunc specialiter invigilent, an desponsandi fiat
Tomus X. Concilior. German.

sobrii & sui satis compotes, etiam tunc examinent, an sint sufficienter instructi, maxime ubi subest ratio dubitandi, prout in iis, qui sunt negligentes in frequentandis concionibus & suscipiendis Sacramentis Pœnitentiæ & Eucharistiæ. Volumus etiam, ut in celebratione Matrimonii observetur Statutum Synodi nostræ Diœcesanæ *Titulo 19. Cap. 17.* ut ea fiat inter Missarum solemniam, prout laudabili consuetudine hæcenus observatum fuit.

XVI.

Parochi non admittant ad Matrimonium contrahendum viduas paucorum mensium, nisi iis interrogatis, satis constet non esse imprægnatas, cum facile impedimentum subsistere possit, & variis difficultatibus locus dari.

XVII.

Quandoquidem non obstantibus variis Episcoporum prohibitionibus, ipsis etiam Principum Edictis, quibus conventicula juvenum & puellarum strictè inhibentur, querelæ ad Nos plures delatæ sint, plures eadem etiamnum frequentare, forte ex connivencia Baillivorum vel aliorum Officialium, vel etiam sub eo prætextu, quod talia Decreta apud ipsos promulgata non sint; ut iis, quantum in Nobis est, modum imponamus, inhibemus omnibus Pastoribus, ne juvenes vel puellas, quæ similia conventicula frequentarunt, & post monitionem a se factam non respuerint, ad Matrimonium contrahendum admittant, nisi iis prius ad Nos missis cum literis, quibus delictum Nobis significabunt, veniam conjungendi dederimus. Quod pariter volumus observari circa eos, qui defuerint obligationi Communionis Paschalis.

XVIII.

Cum plurima Matrimonia invalide, male & alias infeliciter ab iis, qui Parochiam propriam, aliquando etiam Diœcesim deferentes, ad alienam migrant, eo sæpe etiam solo motivo, ut quod in propria Parochia vel Diœcesi obtinere non poterant, in aliena consequantur; mentem nostram explicare cupientes circa id, quod desuper statutum
 O o o

tutum fuit sub GEORGIO piæ memoriæ Prædecessore nostro No. 13. Inhibemus, ne Pastores similes admittant ad contrahendum Matrimonium sine nostra venia, nisi prius in sua Parochia habitaverint per sex menses publice; ubi ex alia Diœcesis nostræ Parochia venerunt; & si ex alia etiam Diœcesi per integrum annum. De iis autem, qui *vagi* nominantur, observabunt Decretum Concilii Tridentini.

XIX.

Ordinationes Prædecessorum nostrorum, quibus Exequiæ & Anniversaria prohibentur die Dominico aut Festivo, ab omnibus observari volumus, idque tanto strictius, quod observemus hodie sine ulla necessitate, imo quasi pro mera commoditate in illis dies sepulturas & exequias differri. De anniversariis vero, cum ea videamus quasi in dies celebrari indifferenter in duplicibus, etiam maioribus, quin imo aliquando primæ vel secundæ classis, quod est omnino contra præscriptos ab Ecclesia ritus, & sæpe in Officiis Divinis indecentiam parit, id imposterum fieri prohibemus sub pena arbitraria per Nos decernenda, ubi super hujus Statuti inobservantia Archipresbyteri querelas deposuerint. Quos omnes, Archipresbyterum videlicet nostrum Civitatem & Decanos Christianitatis autorisamus, ut, necessitate urgente, id ipsum in civitate & suis respectivè districtibus permittere possint, non tamen ultra id, quod conceditur Decreto ALEXANDRI VII. de 22. Januarii 1667. permittentis fieri Anniversaria in duplicibus, "modo fiant in cantu solemnè quotannis in ipso die obitus per dispositionem Testatoris, nullatenus conjugis vel hæredum."

XX.

Unum superest, Fratres dilectissimi, super quo dolorem nostrum exprimere satis non possumus, quod negligantur Sabbata Domini, & quæ ad glorificandum Divinum Numen sunt primitus instituta, temporis decursu inimicus homo corruerit, & in magnam illius offensionem, gravemque ja-

sturam converterit animarum, ut loquitur in sua Bulla URBANUS VIII., Festis hodie ac Dominicis diebus ad otia, vanitates & vitia frequenter abuti fideles non formident; & qui ea, quæ sursum sunt, quærere deberent, adeo iis inhient, quæ sunt super terram, ut eorum occasione quiescere faciant omnes dies festos Dei a terra. Optaremus certe ex animo, ut serio recogitarent fideles omnes, quod ut faciant, Parochos exhortamur, quatenus eis sæpius exponant, quomodo ex mandato Domini morte punitus sit ligna colligans in die Sabbati. Num. 15. Quomodo iusta Prophetarum comminationes Jerem. 17. Ezech. 20. & alibi, non tantum bonis spiritualibus priventur, qui festa non observant, sed etiam puniantur in corporalibus; inde mala publica, bella & alia flagella, inde morbi & molesti casus, quod crura vel brachia sibi frangant laborando; inde damna in bonis, a furibus spoliantur, animalia moriuntur, domus conflagrant, fiunt pauperes; ut sic peccati penam sentientes vel timentes, peccandi & Sabbata violandi pertinaciam evitent.

Quod si exhortationibus non moveantur, ad increpationes procedent Pastores, & sedulo curabunt, ut secundum Decreta antehac edita, quæ renovamus & pro insertis hic habemus, puniantur. Ac inter alia specialiter invigilent, ne quocumque prætextu instituantur Dominicis vel Festis diebus publicæ venditiones mobilium & similibus, quem abusum jam in pluribus Parochiis invalescere, non sine dolore audivimus, delinquentes sine mora denuntient, ut officio Promotoris nostri debitæ pœnis mulcentur.

Et quandoquidem hanc Festorum observationem variis Edictis demandaverint Principes nostri, etiam sub gravioribus pœnis per Baillivos & alios Officiarios irremissibiliter exigendis, eosdem rogamus, & in Domino exhortamur, ut serio recogitent hanc sibi a Principibus datam auctoritatem, ut abusus coerceant, & se Deo in die iudicii rationem reddituros de omnibus, qui eorum conniventia, negligentia vel timiditate contigerint.

XXI.

XXI.

Ut autem horum Statutorum, prout aliorum antehac a Prædecessoribus nostris ordinatorum, exacta habeatur observatio, mandamus omnibus Dicecesis nostræ Pastoribus, ut quamprimum sibi comparent librum Statutorum in Synodis Episcopatus nostri & Decretorum per Reverendissimos Dominos Prædecessores nostros, quem in suis visitationibus sibi ostendi curabunt Decani Christianitatis.

XXII.

Hoc autem nostrum Decretum ad notitiam fidelium volumus a Pastoribus quamprimum illud receperint, promulgari ex cathedra, sed eos articulos populo præcipue exponant, qui Parochianos concernunt, quales præcipue sunt 6. 8. 9. 11. 12. 13. 15. 16. 17. 18. 19. 20.

Hæc sunt, Fratres dilectissimi, quæ impræsentiarum ordinanda judicavimus pro exactiori Statutorum Dicecesis nostræ observantia, & ut urgentioribus commissi Nobis gregis necessitatibus provideremus, præ oculis semper habentes verba, quæ ad Nos dirigit Apostolus Act. 20. *Attendite vobis, & universo gregi, in quo vos Spiritus Sanctus posuit Episcopos regere Ecclesiam Dei, quam acquisivit Sanguine suo.* Cumque in partem sollicitudinis Nobiscum vocati sitis, a zelo vestro pro animarum vo-

bis commissarum salute speramus & expectamus, fore ut hæc & alia Prædecessorum nostrorum Statuta sedulo attendentes, ea executioni fideliter mandabitis, utpote quæ vobis & instructionis & fundamenti loco esse debent in omnibus functionibus Pastoralibus.

Utinam, Fratres dilectissimi, induamini virtute ex alto pro horum fidei observantia; ut in omnibus vobis experiamur zelum illum vere Pastoralem, quo ex animo Nobiscum sine intermissione concurratis ad disciplinæ Ecclesiasticæ perfectam restaurationem & animarum sanctificationem, & laboretis sicuti boni milites Christi; in omnibus vos ipsos præbentes exempla bonorum operum, in doctrina, in integritate, in gravitate; sollicite curantes vos ipsos probabiles exhibere Deo, operarios inconfusibiles, recte tractantes verbum veritatis, pascentes, qui in vobis est, gregem Dei, providentes non coacte, sed spontanee secundum Deum neque turpis lucri gratia, sed voluntarie: & forma facti gregis ex animo; ut cum apparuerit Princeps Pastorum, percipiat immarcescibilem gloriæ coronam. Datum Ipris in Palatio nostro Episcopali die undecima Decembris anni millesimi septingentesimi trigesimali tertii.

GUILIELMUS

Episc. Iprensis.

De Mandato Illustri & Revmi Domini
H. FRANSSENS Secret.

SYNODUS DIOECESANA *Autumnalis*
MONASTERIENSIS,

Anno Christi MDCCXXXV. Clementis XII. PP. VI.

Caroli VI. Imp. XXIII.

JUSSU

Ejusdem Revmi & Sermi CLEMENTIS AUGUSTI,
Monasteriensis Episcopi,

CELEBRATA

DIE XI. OCTOBRIIS.

CLEMENS AUGUSTUS, DEI GRATIA ARCHIEPISCOPUS
COLONIENSIS, S. R. IMP. PER ITALIAM &c. &c.

Cum libellos aliquos per quorundam manus circumferri cognoverimus, qui sub specie pietatis toxi-

cum periculosa doctrinæ indoctis & incautis animabus propinent, quales sunt:

Tomus X. Concilior. German.

O o o 2

1779.

1mo. Christianus interior, sive der innerlicher Christ, authore Joanne de Be-rinere, Louvigni, interprete Francisco Brandenburg in Einsiedeln. 2do. Via sive vita spiritus, Leben des Geistes, auth. Ant. de Roxas, editus Coloniae 1695. & recusatus Coloniae 1716. 3tio. Vita aeterna, seu Ewiges Leben, liber est recusatus Coloniae 1719. 4to. Thalamus Sponsi, sive Bräutigams Betteln, recusatus Coloniae 1723. (*)

Nos pro debita Pastoralis muneris nostri solitudine omnibus Christi fidelibus jurisdictioni Monasteriensi sub-jectis, etiam exemptis, auctoritate nostra ordinaria, tum etiam delegata prohibemus, ne quis prædictos libros, quorum duos priores a sacra Congregatione jam ante sæpius proscriptos fuisse constat, quacunque in lingua edat, legat, vendat, aut distribuatur, neque apud se retineat; sed & omnibus & singulis Abbatibus, Præpositis, Prioribus, & quibuscunque Superioribus utriusque sexus, prout & Confessariis Monialium, item Archidiaconis nostris & eorum Commissariis in virtute S. Obedientiæ hisce pariter districte mandamus, ut apud eosdem subditos sive in actuali visitatione, sive extra eam, sive poenitentes statim post harum notitiam in eosdem libros inquirent, & sicubi invenerint, sibi extradi faciant, illosque Nobis, aut Vicario nostro in Spiritualibus Generali extradant & consignent.

Præterea intelleximus Ecclesiis variis tum Collegiatis, tum Parochialibus gravissima damna & detrimenta inferri ex eo capite, quod originales literæ & authentica documenta male custodiantur, huic malo ut medeantur, sciunt Archidiaconi nostri aut eorum Commissarii se non tantum obligatos, sed & iis actualiter visitantibus, ut current in quacunque Ecclesia tabularium sive archivium accurate conservari, aut si non est, erigi, in quo omnia instrumenta, tabulæ, literæ publicæ & originalia registrentur & recondantur, hisce præcipimus.

Denique venerationi Ssmi Sacramenti in subiectis Nobis Diocæsi-bus propagandæ intenti, a S. Rituum Congregatione die 14ta Maji hujus currentis anni impetravimus, ut Officium Ss. Sacramenti qualibet feria 5ta festo novem lectionum etiam translato non impedita, exceptis Adventus, Quadagesimæ, & vigiliarum temporibus in Diocesi nostra Monasteriensi ab universo Clero sæculari & regulari utriusque sexus sub ritu semiduplici imposterum recitari, & Missæ respective celebrari possint ac valeant. In quorum fidem præsentem manu & sigillo roboratas dedimus 1735. 4ta Octobr.

Clemens Augustus.



(*) Imminebat ab ejusmodi librorum peste circa a. 1771 sanctæ huic Ubiorum Coloniae non leve periculum: quod tamén cum vigilantia Superiorum, tum vero maxime Emmi nostri MAXIMILIANI FRIDERICI sollicitudo & auctoritas tempestive propulsavit.

SYNODUS DIOECESANA NAMURCENSIS,

Anno Chr. MDCCXXXVII. Clementis XII. PP. VIII.
Caroli VI. Imp. XXV.

A

REVERENDISSIMO & ILLUSTRISSIMO DOMINO,
D. THOMA JOANNE FRANCISCO de STRICKLAND (*)
de SIZERGH, Namurcensi XII. Episcopo,

CELEBRATA

MENSE APRILI.

Acta Synodi sive Congregationis habitæ more solito in Palatio Episcopali Feria quarta majoris hebdomadæ.

NOS THOMAS JOANNES FRANCISCUS STRICKLAND
DE SIZERGH, MISERATIONE DIVINA ET S. SEDIS APOSTOLICÆ
GRATIA EPISCOPUS NAMURCENSIS &c. &c.

I.

Quamquam plerique Diœceseos nostræ Pastores duplici Nobis honore digni videantur, utpote, qui maxime laborent in verbo, & oves sibi commissas assidua verbi prædicatione nutrire & erudire nitantur; non sine magno animi nostri marore intelleximus inter multos Pastores bonos aliquos, subinde malos & mercenarios inveniri, & usque adeo sui in gregem officii immemores, ut raro verbum Dei per semetipsos annuntient, sive concionibus ad plebem, sive etiam catechismis ad parvulos.

Quocirca, ut Pastores hujusmodi, qui canes muti & non valentes latrare, a sancto in Scripturis Spiritu nuncupantur, (**) ad suum aliquando tandem officium revertantur; omnibus atque singulis Diœcesis nostræ Pastoribus districte, & in virtute canonicæ, quam Nobis in sua ordinatione polliciti sunt, obedientiæ injungimus & mandamus, ut Dominicis & Festivis diebus sive conciones, sive catechismos

ad gregis sui captum accommodatos, qua par est, diligentia & sedulitate habeant: & ne quis eorum suo imposteriorum desit officio, mandamus Decanis Christianitatis, ut eos, qui per tres septimanas hac in parte defuerunt, Nobis sine mora denuntient: & Promotoribus nostris, ut eos pariter sine mora citari curent, pro negligentia gravitate puniendos: Officialibus denique nostris, ut in eodem, prout in Domino visum fuerit, expedire animadvertant, & maxime suspensione a Divinis.

Eosdem etiam Pastores in antecessum monitos volumus, alios tum Sacerdotes in eorum Parochias a Nobis esse mittendos, qui eorum sumptibus tamdiu vices eorum impleant, quamdiu ad imbuendam doctrina Christiana plebem necesse videbitur.

Et si vero tempus messis hoc nostro Decreto maxime comprehensum esse velimus, hortamur nihilominus & obsecramus in Domino Pastores, ne etiam hac anni parte, qua maximè pluribus est periculis & corruptelis locus, com-

O o o 3

missum

(*) Vide infra.

(**) Isaïæ cap. 16.

missum sibi populum sine ulla omnino instructione dimittant, sed brevi saltem eum, prout res & tempus tulerit, exhortatione reficiant & consolentur.

II.

Tum antiquorum Ecclesiæ Canonum, cum Provincialium Conciliorum Cameracensium, & Prædecessorum quoque nostrorum Decretis inhærentes, omnino prohibemus, ne quisquam sacris initiatus Ordinibus popinas, seu tabernas, seu domos quaslibet, ubi quibus vis passim tam Laicis, quam Clericis, vinum, cerevisiam, aquam vitæ, seu liquores, qui vulgo Thé, Caffé, Chocolat nuncupantur, emendi & ibidem compotandi potestas est, vel adire, vel in iisdem sive compotationis, sive lusus causa commorari audeat sub pœna reservatæ Nobis suspensionis ipso facto incurrendæ.

Si vero Confessarios regulares popinas huiusmodi compotationis pariter aut lusus causa ingredi, vel in iisdem commorari contigerit; sciant concessam a Nobis confessiones excipiendi, vel verbum Dei prædicandi facultatem ipso facto sibi abrogaram esse, qua de re monebuntur a Pastoribus Terminarii, cum primum ex aliis Diœcesibus in nostram, subsidiariam impensuri operam, advenient.

Fratres similiter laicos, vel alios ruri quæstum instituentes, monitos volumus, curaturos statim Nos, ut a Superioribus suis pro delicti gravitate puniantur, si in popinis extra necessitatis casum deprehensi fuerint.

III.

Cum serio & sæpius interdictum expressè fuerit a Prædecessoribus nostris, ne quisquam pœnitentium, præsertim mulierum confessiones, nisi ex gravi & periculoso morbo decumbentium, in ædibus privatis excipere præsumeret; quæ ab ipsis hac in parte fuerunt sapientissime decreta, renovamus, & a Confessariis omnibus sive sæcularibus, sive Regularibus observari volumus, atque ut huic nostro, quod gravissimis est rationibus innixum, accuratius in posterum & religiosius obtemperetur; declarandum duximus &

hisce declaramus, Nos omnem omnino jurisdictionem seu confessiones excipiendi facultatem ipso facto adimere Confessariis omnibus sive sæcularibus, sive Regularibus, qui cujusvis confessionem exceperint extra ambicium Ecclesiæ, nisi pœnitens gravi adeo morbo vel infirmitate laboret, ut Ecclesiæ adire nequeat, vel tali ac tanta surditate, ut in eadem confiteri non posset, quin a circumstantibus audiretur.

Eidem facultatem revocationis pœnæ ipso facto incurrendæ subiacent, qui extra supra memoratos infirmitatis vel surditatis casus mulierum confessiones exceperint alibi, quam in sede vel quasi sede confessionalis, quæ in conspicuo Ecclesiæ loco collocata, & assere perforato vel crate interposita sit instructa.

Cum autem Nobis significatum fuerit, sedes huiusmodi confessionales in aliquibus deesse Ecclesiis, ad earum constructionem menses duos, a die datæ præsentium numerandos, duximus esse concedendos, quibus elapsis Decretum hoc nostrum in iis etiam Ecclesiis locum obtinebit, quæ modo non sunt ejusmodi confessionalibus instructæ.

IV.

Ex præscripto Concilii Trid. Sess. 24. Cap. 18. Examinatores Synodales septem constituendos esse duximus, nimirum Reverendos ac Venerabiles Dominos: *Petrum Antonium Chaveau Cathedralis nostræ Præpositum, Petrum Adrianum de Morotte de Montigny Decanum, Bernardum Henricum Maximilianum de Varick Archidiaconum Namurcensem, Joannem Fontaine, Matthæum Ignatium Desmet, Ecclesiæ nostræ Cathedralis Canonicos Graduatos & sacræ Theologiæ vel utriusque Juris respectivè Licentiatos, Hubertum de Monceau Cathedralis nostræ Canonicum & sacræ Theologiæ Licentiatum, R. D. Josephum Fosseprez Ecclesiæ Parochialis S. Joannis Baptistæ in civitate Pastorem.*

Qui omnes, coram Synodo, ad præscriptum Concilii Trid., jurabunt ad sancta Dei Evangelia, se quacumque humana affectione postposita, fideliter hoc munus executuros.

Qui

Qui autem in hac Dicecesi ad excipiendas fidelium confessiones approbandi erunt, hi se examini, in Palatio Episcopali subeundo, sistere tenebuntur hora octava matutina, vel prima die mensis Martii, vel quarta Julii, vel demum quinta Novembris, nisi in diem Dominicum incidant, tum enim die immediate subsequente examen habebitur.

Ad hos etiam constitutos habendo examini dies se sistere tenebuntur, qui Canonicum aliquem titulum ad Beneficium, cui cura animarum incumbit, consecuti fuerint, nisi eodem anno concursus indici contigerit, tum enim per eundem probari poterunt, si mabint.

Qui autem sacris Ordinibus initiandi erunt, nec suum Seminario nostro nomen dederunt, nec in hac civitate domicilium habent, ad feriam quintam, quæ ordinationem immediate præcedit, hora octava matutina, in Palatio nostro Episcopali se examinandos sistunt.

V.

Ad satisfaciendum Decreto Concilii Trid. de *Judicibus Synodalibus Sess. 25. Cap. 10.* Viros aliquot scientia pariter & æquitate præcipuos in hac Synodo designandos duximus, quos & Synodales Judices constituimus, ut iis posthac causæ Ecclesiasticæ ac spirituales, & ad forum Ecclesiasticum perti-

nentes, in partibus delegandæ committantur. Hi porro sunt Reverendi ac Venerabiles Domini: *Petrus Adrianus de Morotte de Montigny* Cathedralis nostræ Decanus, *Bernardus Henricus Maximilianus de Varick* Archidiaconus Namurcensis, *Joannes Baptista Deprez* Officialis Namurcensis, Ecclesiæ Cathedralis nostræ Canonici graduati & Juris utriusque Licentii; *G. A. Fumier* Ecclesiæ Collegiæ Nivelles Decanus, *J. J. Bouqueau* Christianitatis in districtu Nivellesi Decanus & noster per Wallo Brabantiam Officialis. Reverendi ac Venerabiles Domini *Idelpontus Chapelle* Gemblacensis, *Arnulphus Pottelberg* Villariensis, *Joannes Jacque* Boneffienfis, *Bernardus Burlet* Floressensis, & *Ignatius Chartier* Geroldisatenfis Abbates: quorum nomina ad summum Pontificem, ejusque ac sanctæ Sedis in Belgio Nuntium quamprimum transmittemus, & juxta tenorem Decreti Tridentini supra laudati delegationes aliis, quam his factæ, subreptitiæ censeantur. Datum Namurci die decima septima mensis Aprilis 1737.

T. J. F. EPISC. NAMURC.

Locus † Sigilli.

De Mandato Illustrissimi ac Reverendissimi Domini

J. V. MOUCHET Secret.

Namurci, apud J. Franciscum Lafontains Typ. Illmi ac Revmi Episc. 1737.

NOTA

THOMAS JOANNES FRANCISCUS DE STRICKLAND de SIZERGH, nobilis Anglus, parentibus apprime catholicis, patre *Thoma de Sizergh*, Equite Anglo, Regi a sanctioribus consiliis, & ærarii custode; matre *Winefrida Trentham*, in Comitatu Westmorlandiæ natus, olim Duaci in Seminario Anglorum Theologus, hinc in Universitate Parisiensi S. T. Doctor Sorbonicus vere eximius, Ss. Literarum peritissimus (verbo uno) Præsul summi ingenii. Abbatæ S. Petri in Pratellis Diceces. Lexoviens. Abbas Commendatarius, Illustrissimorum Galliæ Præsulum Cardinalis *Bissi* Meldensis, & *Josephi Langueti* Sueffionensis, aliquando Vicarius Generalis: & ipse (ut fert fama) ad Purpuram destinatus.

Anno 1725 die 24 Augusti, crepto vivis Namurcensium Episcopo *Ferdinando de Berlo*, ab Aug. Imp. Carolo VI., qui succederet, nominatus, die 20 Januarii a. 1726 confirmatus a Sede Apostolica, & ab Archiepiscopo Cardinale de *Alsatia* Mechliniæ die 28 Septembris a. 1727 more solito consecratus, mox ad fortia misit manum. Studium Theologicum maxime quod notitiam Scripturæ sacræ & cultum respicit, in utroque Clero singulari prudentia ac sollicitudine promovit, dicere solitus, neminem regimini animarum, pretioso agni immaculati sanguine redempturum, aptum adfistere, qui sacro hoc spiritus gladio, ad evertendum Sathanæ regnum, non esset adinctus. Seminarium Episcopale Namurci a fundamentis ædificavit:

tavit; eliminandis sparforum ab Janfenio & Quesnello errorum reliquiis tanta infudavit cura, tamque felici successu, ut Sacerdotum tota Dicecesi reperiretur nemo peste illa infectus, aut si quis esset, suis exire e larebris ac virus disseminare nullatenus auderet. Ecclesiam suam novo eoque peramplio auxit censu; & palatium Episcopale ab imo suscitavit, ingenti sumtu, pari munificentia, eximio civitatis ornamento. Plura alia meditantem, Præsulem vere maximum, astma hydropisi conjunctum e medio sustulit Lovanii in Collegio Alnensi die 14 Jan. 1740, ætatis suæ 58, Episcopatus 13, scripto hærede Seminario suo Episcopali. Sepultus in vetere Ecclesia Cathedrali.

Hæc plurimam partem ex Necrologio MS. a D. Foppens concinnato. Misit idem Vir præclarissimus Jacobus Goyers Pastor in Humelghem.

MONITA, quæ respiciunt

*Acta Synodi sive Congregationis
habitæ pro more in Palatio Episcopali Feria quarta
majoris hebdomadæ.*

NOS THOMAS JOANNES FRANCISCUS STRICKLAND DE SIZERGH,
MISERATIONE DIVINA ET SANCTÆ SEDIS APOSTOLICÆ GRATIA
EPISCOPUS NAMURCENSIS &c. &c.

Ut commissarum Nobis ovium saluti consulamus, nova, in Confessariorum gratiam, Monita nuper edenda censuimus, cum, quædam immutanda, quædam etiam addenda viderentur in iis, quæ Confessariorum facultatibus subjecta reperiebantur.

2. Animadvertendum inprimis est Casus Nobis reservatos, duos in ordines, sive classes modo esse relatos, prout indice subsequenti exhibentur.

Primi Ordinis.

Hæresis sive erroris alicujus ab Ecclesia diserte damnati pertinax & deliberata assertio.

Homicidium voluntarium.

Duellum.

Quodlibet grave peccatum in materia veneria inter Confessarium & poenitentem actu exteriori commissum.

Apostasia notoria.

Matrimonium, præsentem quidem Parochum, sed non consentiente initum: qui autem post Synodum nostram, inter festa Paschalia anni proximi 1738. celebrandam, ita inire ausi fuerint, majorem ipso facto excommunicationem incurrant.

Sacrilegus Eucharistiæ aut Chrismatis

ad beneficia vel maleficia abusus.

Perjurium solemne in judicio.

Procuratio abortus sive animati, sive inanimati.

Incendium voluntate deliberata procuratum.

Incestus cum consanguineis in primo & secundo gradu.

Simonia realis.

Sacrilegus cum Sacerdote vel Moniali concubitus.

Sodomia actu completa, & alia graviora in eodem genere flagitia v.g. bestialitas.

Injectio violenta manuum in parentes deliberato proposito & secuta læsione.

Secundi Ordinis.

Apostasia licet minime notoria.

Perjurium solemne, licet extrajudiciale.

Violatio gravis voti solemnitis, licet sine apostasia.

Sodomia imperfecta, id est, indebiti vasis abusus & penetratio, sed absque feminis effusione.

Veneficium quodlibet aut maleficium.

Adulterium notorium.

Virginum violenta defloratio.

Crimen falsi.

Simonia confidentialis.

Oppressio tenellorum ex negligentia.

3. Itaque Rectoribus Parochiarum præsentium tenore mandamus, ut quam-

quamprimum in suis respective Parochiis promulgari curent tribus successive Dominicis & inter Missarum solemnia, latam a Nobis censuram excommunicationis ipso facto incurrendam ab iis, qui Matrimonium præsentem quidem Parocho, sed non consentiente, inire ausi deinceps fuerint: deinde vero publicationis ejusmodi a se, prout moris est, factam, idoneum ad suos respective Decanos instrumentum transmittendum, atque ita in Archivio nostro Episcopali ad perennem rei memoriam conservandum.

4. Ne vero spectatis rerum, temporum & personarum adjunctis, gravior & difficilior sit accessus ad eos, quibus a reservatis ejusmodi casibus absolvendi facultas est, renovandum duximus salubre Decretum a Revmo felicitis piæque memoriæ ENGELBERTO DESBOIS, nostro quondam Prædecessore, latum *anno Domini 1639. in Synodo sua Diocesana Tit. X. Cap. VII.* ubi sic habetur: "In unoquoque Decanatu districtu duo Parochi & prudentioribus locis opportunis residentibus, in singulorum Congregatione Capitulari eligantur, & electorum nomina ad Nos deferantur, qui, accepta a Nobis licentia, (sicut & ipsi Decani) a supra dictis casibus Nobis reservatis suorum respective districtuum Christifideles in foro conscientiæ tantum absolvere possint & valeant. Duobus autem istis in fratrum conventu deligendis: & tertium ibidem addi deinceps oportere visum est, ob crescentis indies populi multitudinem, & dissitarum aliquando a se invicem Parochiarum distantiam, nullas autem facultates a casibus Nobis reservatis absolvendi valere volumus, nisi scripto concessas: & si quis facultates ejusmodi non scriptas obtinisset, illæ ipsæ finem accepisse censeantur, ubi primum in proxima Pastorum uniuscujusque Decanatus Congregatione generali tres Pastores de fratrum consensu designati fuerint, qui generalem a casibus reservatis absolvendi facultatem accipiant."

5. Nemo tamen eorum, quibus facta fuerit a casibus reservatis absol-

Tomus X. Concilior. German.

vendi potestas, quemquam a censura excommunicationis sive hæresi, sive inuito, Pastore non consentiente, Matrimonio adjuncta, valebit absolvere.

6. Solitudinis etiam nostræ esse arbitramur, ut eosdem quoque Pastores hortemur in Domino, & obsecremus, ne in posterum quemquam ad verbum Dei prædicandum, vel confessiones audiendas admittant, antequam legitimam admissionis suæ instrumentum exhibuerint.

7. Admissionis autem ejusmodi literæ deinceps a Nobis prorogandæ non erunt, nisi quatenus adjunctum habebunt idoneum Decani testimonium, quo de uniuscujusque doctrina meritis, & in Ecclesia Dei conversatione constet. Quam ob rem RR. Decanos sollicitè admonemus, ne in cujusvis gratiam testimonium ferant, nisi auditis & consentientibus Parochis singularum Parochiarum, in quibus munere suo functi fuerunt, qui testimoniales exposcant. Nullus igitur in tanti momenti sit favori locus, nullus gratiæ, nullus amicitiae, nedum certe ullus offensionis vel inimicitii, vel adversus personam quamlibet, aut ordinem præjudicatæ opinioni.

8. Cum etiam multa, eaque maxima incommoda nonnunquam oriantur ex celebratione Matrimoniorum coram Presbyteris non Parochis, quibus registra non suppetunt, nec sæpe curæ est, ut, celebrata Matrimonia authenticis mox registris inferantur: idcirco hortari & monere visum est Parochos, ne aliis, quam suis in pastoralis regimine Confratribus, eorumve Vicariis, suorum Matrimonia subditorum benedicenda committant: & quantum ad ea, quæ in civitate celebrari contigerit, ea cupimus remandari R. D. Pastori S. Nicolai, cui, ut speciale hanc in rem registrum habeat, datum in mandatis est.

9. Multis iisque sane recentibus experimentis agnovimus, irrita nonnunquam Matrimonia celebrari, eo quod Pastores debitam minime diligentiam adhibuerint ad detegenda, quæ latebant, impedimenta dirimentia. Videte itaque, Fratres mei dilectissimi & def-

desideratissimi, *ne negligenter hoc impleatis, & paulatim crescat malum:* (*) sed antequam ad Nos dispensationis obeundæ causa scribatis, solícite & diligenter exploretis, num piæ Matrimonio jungendorum voluntati nihil obstat? Quæ de re consanguinei, affines, & in Parochia ætate provectiores; & qui maxime, laud. memoriæ, quam iudicio pollent, sigillatim, & si res ita postulare videatur, secreto erunt audiendi. Quo vero res fide & diligentia majori expediatur, operæ pretium erit, de iis præsertim interrogare, quæ in Synodo 1639. celebrata, ad calcem *Tituli XIII. de Sponsalibus & Matrimonio*, enumerata reperiuntur.

10. Deinde vero nullam deinceps Parochi ab impedimentis dispensationem in Parochianorum suorum gratiam perant, nisi allata causâ, quæ non plane generalis, aut frivola sit, sed gravis,

sed singularis, sed honesta, sed sibimet ipsis ex instituto rite examine nota, & saltem cum majori contrahere volentium utilitate spiritali, vel temporali conjuncta.

11. Cæterum, variis Prædecessorum nostrorum Decretis inhærentes, omnino volumus, ut superpellicium & stolam induant, qui confessiones audiunt, aut quodvis aliud Sacramentum administrent, ut meminerint, se intus candida innocentiae stola ornatos esse debere. Datum Namurci die secunda Aprilis 1738.

T. J. F. EPISC. NAMURC.

Locus † Sigilli.

De Mandato Illustrissimi ac Reverendissimi Domini

J. V. MOUCHET Secret.

SYNODUS DIOECESANA *Verna* MONASTERIENSIS,

Anno Christi MDCCXL. Clementis XII. PP. X.
Caroli VI. Imp. XXVIII.

SUB

*Eodem Revmo ac Sermo CLEMENTE AUGUSTO,
Monasteriensi Episcopo,*

CELEBRATA

DIE XXIX. MARTII.

CLEMENS AUGUSTUS, DEI GRATIA ARCHIEPISCOPUS
COLONIENSIS, S. R. IMP. PER ITALIAM &c. &c.

Cum dolenter intellexerimus varios ex nostris subditis absque confessione & administratione Sacramentorum ex hac vita periculorum morborum causâ discedere; hinc medicinæ Doctoribus, Pharmacopolis, aliisque medicamenta ordinantibus sub pœna arbitraria infallibiliter exsolvenda præcipimus & mandamus, ne aliquis eorum, si subditorum nostrorum quen-

dam graviter decumbentem invenerit, & post primam a se factam ordinationem Sacrosanctis Sacramentis non munitus fuerit, ulla medicamenta ordinet, aut porrigat, sed ut decumbens prius Sacramentis muniatur, adhortetur. In quorum fidem &c. Bonnæ 1740. 14ta Martii.

Clemens Augustus.

SYNO.

SYNODUS DIOECESANA *Verna*
MONASTERIENSIS,

Anno Christi MDCCXLI. Benedicti XIV. PP. I.
Caroli VII. Imp. I.

S U B

Eodem Revmo ac Sermo CLEMENTE AUGUSTO,
Monasteriensi Episcopo,

CELEBRATA

DIE XIV. MARTII.

CLEMENS AUGUSTUS, DEI GRATIA ARCHIEPISCOPUS
COLONIENSIS, S. R. IMP. PER ITALIAM &c. &c.

Cum intellexerimus dubium super reservato peccato complicitis subortum esse, scilicet quamnam peccata complicitum reservata sint? Hisce declaramus non modo actus consummatos Confessarium inter & penitentem in materia venerea, sed & omnes actus externos in eadem materia in se & de se graviter peccaminosos reservari, etiamsi peccatum non consummetur.

Et si jam diu a CHRISTOPHORO BERNARDO & FRIDERICO CHRISTIANO glor. memoriæ saluberrima Decreta condita, publicataque sint, atque a Nobis sæpius renovata de instructione juventutis in qualibet Parochia, nihilominus non sine justa animi indignatione percepimus curionum incuria defectus irrepsisse, dum deprehenditur juventutem necessaria fidei Christianæ scientia non esse instructam; Hinc est, quod non tantum omnes incumbentis sibi obligationis admoneamus, sed & mandamus omnibus & singulis Commissariis Archidiaconalibus, ut in Synodis quorannis habendis pueros in sua præsentia examinandos curent, atque in eos, quorum culpa juvenis neglecta est, severe animadvertant.

Cum insuper ad Nos variæ delatæ sint querelæ, quod Festa DD. Patronorum Ecclesiæ a Parochianis non ob-

serventur, sed contemnantur, a meridie in eodem festo opera servilia exercendo, non secus atque in aliis diebus ferialibus; ad hæc scandala aperta, peccataque tollenda mandamus omnibus curionibus in virtute obedientiæ, ut ex cathedra suis Parochianis serio ex motivis supernaturalibus, ac sub interminatione judicii Divini, pœnarumque a Judice Deo infligendarum inculcent festa Patronorum celebranda instar aliorum Festorum & Dominicarum.

Denique ut obvietur gravissimis peccatis, dum sub initium jejunii quadragesimalis primo die atque subsequente hebdomade post Cineres carnis vescuntur, sibi vane effingentes licentiam datam, oneramus omnium Parochorum conscientias, ut corruptelam hanc suis concionibus sæpius ante tempus quadragesimale dedoceant, suosque auditores instruant, nullatenus eam consuetudinem licere, sed carni comestionem in Quadragesima prohibitam esse, nisi post datam dispensationem, ac quidem tum tantum licere iis diebus, quibus talis facultas & dispensatio data est. In quorum fidem præsentem manu & sigillo corroboratas dedimus 1741. die 19na Februarii.

Clemens Augustus.

SYNODUS DIOECESANA *Autumnalis*
MONASTERIENSIS,
Eodem anno Christi MDCCXLI.

S U B

*Eodem Revmo ac Sermo CLEMENTE AUGUSTO,
Monasteriensi Episcopo,*

CELEBRATA

DIE X. OCTOBRIS.

CLEMENS AUGUSTUS, DEI GRATIA ARCHIEPISCOPUS
COLONIENSIS, S. R. IMP. PER ITALIAM &c. &c.

Muneris Episcopalis, quod Deus humeris nostris formidandum imposuit, est providere: ut administrationi Sacramentorum, quibus nihil in Ecclesia sanctius, nihil Divinum magis habetur, quantum in Nobis est, consulatur, periculaque peccatorum, hæresumque, quæ ex irrepente corruptela vendendi suspectos libros, scandalosas schedas, pagellas, pullulare possent, quam longissime a Ditecesi nostra arceantur, Decreta sequentia decernimus publicanda:

Primum. Non sine maxima animi nostri ægritudine intelleximus, Sacerdotes Rubricarum Ecclesiasticarum ignaros res Divinas ad aram facere cum summa populi assistentis offensione, atque hoc modo Sacra non rite curari, sed potius violari, polluique; non obstante anathemate, quo S. Trid. Synodus *Sess. 7. Can. 13.* percellit omnes, qui dixerint receptos, approbatosque Ecclesiæ ritus in solemnibus Sacramentorum administratione adhiberi consuetos aut contemni, aut sine peccato a Ministris pro libitu omitti posse. Varii quoque Sacerdotes, ut refertur, ad Altare occurrunt sine præmissa ulla animi præparatione; alii nimis præpropere Sacrificium festinant, ut etiam quadrante unius horæ hoc ipsum absolvant. Quin usque adeo omissa Sa-

cramenti Poenitentia susceptione non modo mensibus, sed & annis bene multis, contemnentes Sacrosanctam Synodum præfatam *Sess. 13. C. 1.* acrius admonentem quoscunque, ne absque magna reverentia & sanctitate ad percipiendam Eucharistiam accedant, atque inculcantem plena formidinis verba: *Qui manducat & bibit indigne, iudicium sibi manducat & bibit, non dijudicans Corpus Domini; Probet autem se ipsum homo.* Alio loco eadem Ss. Synodus *Sess. 13. C. 2.* omnibus Romano-Catholicis exponit Ss. Eucharistiæ Sacramentum esse antidotum, quo liberemur a culpis quotidianis, & a peccatis mortalibus præservemur. Atque ipsa S. Scriptura Joan. 18. *Si dixerimus, quoniam peccatum non habemus, ipsi nos seducimus, & veritas in nobis non est.* Ut itaque detestabiles memorati mores eradicentur, mandamus non modo Sacerdotibus, ut habeant summam curam addiscendarum ceremoniarum, sed & singulis annis per decem aut octo dies obeant maxima diligentia & pietate sacras spiritus exercitationes, sive exercitia spiritualia, atque hoc tempore sacras ceremonias in memoriam revocent, obligationem suam melius agnoscant, eisdemque conformiter, cum sint de sorte Domini, mores suos satagant instituire.

Secun-

Secundum. Horribile Nobis cognitu fuit, quod animarum Curatores constituent moribundos, vocatique frigeant, hæreant, cunctentur, donec anhelantes ad beatam æternitatem absque impertito Pœnitentiæ Sacramento, absque sacro Viatico, absque Extrema Unctione extremum spiritum effundant, hos, qui non sunt custodes ovium, tanquam lupos in carceres, custodiasque ad tempus compingendos severe mandamus. Cumque Parochi, eorumque Cooperatores exigant jura stolæ majora, renovamus Decreta hac super re lata, gravantes omnium conscientias, si a pauperibus taxam exigant, ac propterea hi deterreantur a petenda Sacramentorum administratione in morbis atque agone; mandantes insuper: ut omnes Curati, Vicecurati moneant Parochianos e cathedra, ut in casu morbi sat mature moneant, neque deterreantur ratione taxæ jurium stolæ solvendorum, quodque eam pauperibus diminuerè velint, aut si omnino pauperes sint, eam omnino diminuerè, ac pro casu necessitatis elemosyna succurrere pro viribus.

Tertium. Cum in Dicecesi nostra Monasteriensi mos consuetudoque invaluerit, ut Sanctimonialibus saltem quater in anno in summis solemnitatibus extraordinarius Confessarius offeratur, ipsumque Decretum conciliare *Sess. 25. C. 10.* habeat: "Præter ordinarium autem Confessorem alius extraordinarius ab Episcopo, & aliis Supe-

rioribus bis aut ter in anno offeratur, qui omnium confessiones audire debeat." Mandamus Abbatissis, Priorissis, omnibusque Superioribus Monialium, ut curent Confessorem extraordinarium aliquoties in anno præsto esse, suasque subditas tam exemplo, quam verbis moneant, ut sua conscientia libertas relinquatur. Secus Vicarius noster in Spiritualibus Generalis mittat, sistatque Confessorem, volumusque Decretum conciliare ad usum praxinque redigi manentibus iisdem rationibus, quæ Patres Tridentinos ad hoc tam salutare Decretum movere, ut nulla Monialis coram tribunali Divino conqueri possit se salutaribus consiliis, mediisque destitutam fuisse, volentes insuper mandatum hoc nostrum ipsis Sanctimonialium Superioribus intimari.

Quartum. Intelleximus divendi, distrahiq; in hac nostra Dicecesi varias tabellas, schedas, librosque scandalosos, perniciosos, temerarios, supersticiosos, suspectos de hæresi. Sub virtute S. Obedientiæ præcipimus omnibus, quorum officium est, ut tabernas librarías sæpe sæpius visitent, libros suspectos eripiant, atque in privatos schedarum nundinatores gravissime animadvertant, atque eos e Dicecesi nostra ejiciant. In quorum fidem præsentibus manu nostra subscripsimus, datis Bonnæ 7ma Octobr. 1741.

Clemens Augustus.



SYNODUS DIOECESANA NAMURCENSIS,

Anno Christi MDCCXLII. Benedicti XIV. PP. II.
Caroli VII. Imp. I.

SUB

REVERENDISSIMO & ILLUSTRISSIMO DOMINO,
D. PAULO GODEFRIDO (*) COMITE de BERLO
de FRANC-DOUAIRE, Namurcensi XIII. Episcopo,

CELEBRATA

IN PALATIO EPISCOPALI
FERIA IV. MAJORIS HEBDOMADÆ.

NOS PAULUS GODEFRIDUS COMES DE BERLO DE FRANC-
DOUAIRE, DEI ET SANCTÆ SEDIS APOSTOLICÆ GRATIA
EPISCOPUS NAMURCENSIS &c. &c.

I.

Nulla Lex tam bene stabilita & or-
dinata, quin contradictores suos
reperiat: plurimi rigoris nimii *Articulum*
secundum Decreti a Prædecessore nostro

17. Aprilis anno 1737. lati arguere; ast
sine vel ullo fundamento: præfatum
enim Articulum a Nobis mature per-
pensum observandum esse volumus; &
cum a nonnullis, an personalis, an vero
loca-

N O T A.

(*) Natus est PAULUS GODEFRIDUS in FRANC-DOUAIRE die 22 Decembris a. 1701.
Ex Canonico B. M. V. Hujensi, Præpositus Nivellensis. Ad Insulas Namurcensis
a Carolo VI. Imp. nominatus, & a Nuntio Apostolico Bruxellis consecratus die 9
Aprilis 1741, Ecclesiam suam die 16 ejusdem mensis solemni ritu ingreditur.
Obiit die 19 Januarii a. 1761. ætat. 69 & 29 dierum.

Ingens quod sui apud omnes reliquit desiderium, & acerbus quo Diæcesis universa,
erepto sibi tanto Duce ac Pastore, contabuit mœror, adeo virum hunc prædicant,
ut ejus præconio nihil addi posse videatur: inter eos quippe Præfules unus fuit,
quos Divina Bonitas & Clementia Ecclesiæ ornamenta ac fulcimenta futuros præ-
parat identidem atque imperitur: meritorum decore quam antiquitate generis
longe illustrior, vix Nivellensis Capituli Præpositus fuit, cum eximius & corporis
& animi dotibus talem se exhibuit, ut jamtum Episcopali munere dignus ab omni-
bus existimaretur: in eo enim, præter cætera virtutum decora, maxime elucesce-
bant rectum judicium, exquisita sapientia, officiosa in omnes cõmitas, constans
veritatis amor, inconcussa fidelitas, ingenuus mörum candor, omnisque fœci ex-
pers innocentia; cujus tanti Viri fama cum ad aulam usque percrebuisse, Archi-
ducissa Elisabetha Namurcensis Ecclesiæ, quæ tunc viduata erat Pastore, votis an-
nuit, autoritateque fecit, ut quem enixe expecteret, Præfule gauderet; existima-
tioni quam sui concitaverat plane respondit: nam in folio Episcopali positus omnes
muneris sui partes cumulate explevit: unice intentus pascendo gregi, cujus dux
semper extitit vigilantissimus, atque defensor acerrimus, quotannis Diæcesim, sive
templa omnipotenti Deo dicaturus, sive sacro Confirmationis oleo fideles inunctu-
rus, peragrabat; & si quos alicubi serpsisse abusus deprehenderet, omnem pone-
bat operam, ut illis ocus mederetur: in obeundis omnibus, quæ Pastoris egregii,
munis indefessus sacros Ordines, quoties opus fuit, administrabat, ea quidem re-
verentia ac majestæte, quæ innata & ipsi propria videbatur, quæque cum augusto
quo

localis esset in dubium revocatum fuerit, eundem personalis legis, quæ etiam extra Diocesim nostram obliget, vim habere declaramus, his tamen dicti articuli verbis, sub pœna reservatæ Nobis suspensionis ipso facto incurrendæ, hæc substituentur, sub pœna suspensionis ipso facto incurrendæ, & a qua quis, nisi sub onere sistendi se coram Nobis intra octiduum, absolvi minime poterit. Reliqua in eodem articulo contenta in vigore suo permanebunt. Si que de ejusdem interpretatione quaestio oriatur, meminerint in quaque lege, non tam verba, quam potius Legislatorum mentem esse attendenda, hoc principio omnis difficultas enodabitur.

II.

Renovando etiam *Articulum tertium* præmemorati Decreti, excipimus tamen dies Portiunculæ & Absolutionis generalis, quibus diebus, si nimia sit populi affluentia, confessiones virorum extra Ecclesiæ ambitum, & mulierum extra locum Ecclesiæ conspicuum, crate tamen interposita, excipi poterunt. Insuper, sed hortamur ut raro fiat, poterunt etiam confessiones Sacris initiatorum excipi extra Ecclesiam, declaramusque sub Ecclesiæ ambitu etiam Sacristiam contineri.

III.

Volumus etiam *Articulum X. Decreti* Prædecessoris nostri quoad a Parochiis absentiam, *die 5. Aprilis 1730. dati*, in vigore suo stare, nisi quod ex be-

nignitate indulgeamus, ut Decani quater in anno suis respectivè Pastoribus absentandi se a sua Parochia ad quindecim computatis diebus abitus & redditus facultatem ob rationes legitimas impertiri valeant.

IV.

Nullus poterit in materia venerea excipere confessionem secum in peccato mortali externo complicitis, secus in aliis materiis.

V.

Mandamus Pastoribus, ut infra sex menses a data præsentium, suorum Pastoratuum rescriptiones in *folio* conficiant, cum specificatione exacta omnium eorum terris adjunctorum, personarum redditus annuos solventium, decimarum, hypothecarum, obituum, & quorumvis aliorum prædiorum similem specificationem bonorum pauperum, sicut & fabricæ fieri præcipimus, & ad eandem Beneficiarios pro suis respectivè Beneficiis astringimus.

VI.

Qui deinceps ad confessiones excipiendas admitti cupient, si se examini nostro subeundo prima die cuiuslibet mensis non impedita sistere tenebuntur hora octava matutina, alias non admittendi.

VII.

Renovamus Decreta Prædecessorum nostrorum circa observandas dies Dominicas & festivas, & ut tanti præcepti transgressores pœnas in posterum non

quo fungebatur munere dignum exhibebat: ardenti sanctæ Religionis tuendæ ac propagandæ desiderio inflammatus, posthabita omni personarum acceptione, neminem, nisi in quo vigeret perfectus salutis animarum amor, regendis ovibus præponebat: vel minima morum pravitate commovebatur, id unum maxime veritus, ne effrænata illa impietas, quæ hodie dum pestis exitiosæ instar, grassatur, gregem sibi creditum infestaret; pupillorum ac pauperum Pater tenerrimus, nihil eis unquam denegare visus est; alios stipe occulta sustentabat, donabat alios pensione annua; in publica vero calamitate magnam frumenti copiam a Parochis subministrandam ipso proprio ære curabat: tanto denique domus Domini amplificandæ zelo æstuabat, ut tum Namuranæ Cathedralis Ecclesiæ, tum Monasterii S. Gerardi templi constructionem omni cura atque industria institerit, magnæque ad hunc usum attributa pecuniarum summa, tanti oneris consummationem ante obitum lætus viderit atque suspexerit. Non mirum profecto, si vir laudabilis, clarus, tot ac tantis rebus meritis mortem appropinquantem impavidus aspexerit, eamque, totum se ad Dei voluntatem convertens, Christiano heroi haud absimilis, subierit atque sustinuerit...

Hæc partim ex Necrologio cit. partim ex Schedæ funebri, impressa Namurci typis G. J. Lafontaine.

non evadant, mandamus in præcipuis Parochiis cujusque Decanatus apparitores creari.

VIII.

Inhibemus etiam omnibus & singulis five Sæcularibus, five Regularibus sub pœna suspensionis ipso facto incurrendæ, ne exorcismos, quacunque ex causâ, aut quovis quæsito colore, sine speciali facultate nostra in scriptis obrenta adhibere præsumant, præcipimusque, ut ad Nos literas ad hanc facultatem obtinendam nullos mittant, nisi aperte præfatis exorcismis dari locum videant.

IX.

Et cum indies scandala per sexus sceminei frequentes ad popinas aditu augeantur, irreparabiliaque inde enoscantur mala, renovatum volumus *Art. XCII. Ad. select.* sub Illustrissimo ac Reverendissimo Domino Comite de BERLO Prædecessore nostro. Datum Namurci die 21. Martii 1742.

PAULUS GODEFRIDUS
EPISC. NAMURC.

Locus † Sigilli.

De Mandato Illustrissimi ac Reverendissimi Domini

M. A. HANROT Secret.

PAULUS GODEFRIDUS COMES DE BERLO DE FRANC-DOUAIRE
DEI ET APOSTOLICÆ SEDIS GRATIA EPISCOPUS NAMURCENSIS &c. &c.
PASTORIBUS ET SUPERIORIBUS REGULARIUM HUIUS CIVITATIS SALUTEM IN DOMINO.

Innumeræ licet reperiantur Sanctiones sacræ, quæ quid, quando de tumulandis defunctorum corporibus in Ecclesiis Regularium agitur, observandum sit, edoceant ac statuunt. Nobis tamen, proh dolor, significatum est de vobis Fratres mei, quia hæc super re contentiones sunt inter vos, & quasi schismata; cum autem Ecclesiæ Dei Nobis commissæ diligentiam habere debeamus, discordiæ semina, ne ulterius maximo cum scandalo ac Ordinis nostri dedecore spargantur, in ortu suo, juxta auctoritatem a sacris Canonibus Nobis traditam, præfocare ac elidere volumus. Ad hunc finem controversias inter vos natas Vicariatu nostro congregato mature perpendimus, prævieque vobis auditis, easdem hocce immediate sequenti Decreto in posterum observando (quo tamen Regularium privilegiis nullatenus intendimus derogare) composuimus ac terminavimus: quoties defunctus in Ecclesia quadam Regularium hujus Civitatis sepeliendus erit, Pastor cum suo Clero corpus seu cadaver usque ad illam Ecclesiam cantando deducet, illamque ingressus dictum cadaver in ipsâ Ecclesia collocatum in potestate Regularium tradet; quo facto, præfa-

tus Pastor cum suis assistentibus ad partem Ecclesiæ decentem recedet, ibidem remansurus ad finem usque sepulturæ: qua peracta, funus reducet ab introitu seu atrio ejusdem Ecclesiæ usque ad ædes defuncti.

Et cum insuper ad Nos pervenerit infantium cadavera in Ecclesiis Regularium infans Pastoribus non raro inhumari, Nobisque apprimè notum sit inde, ultra jura Pastorum læsa, familiaris & bono publico plurima enasci detrimenta, præcipimus sub pœnis de jure latis, ut similes abusus in posterum haud perpetrentur.

Datum Namurci in Palatio nostro Episcopali sub signo sigilloque nostris ac Secretarii nostri signatura, hac 16. Aprilis anno 1742.

Signatum erat:

PAULUS GODEFRIDUS
EPISC. NAMURC.

Et infra:

De Mandato Illustrissimi ac Reverendissimi Domini

M. A. HANROT Secret.

SYNODUS DIOECESANA NAMURCENSIS,

Anno Christi MDCCXLIV. Benedicti XIV. PP. IV.
Caroli VII. Imp. III.

SUB

Eodem Revmo ac Illmo D. PAULO GODEFRIDO,
Namurcensi Episcopo,

CELEBRATA
MENSE APRILI.

NOS PAULUS GODEFRIDUS COMES DE BERLO DE FRANC-DOUAIRE,
DEI ET SANCTÆ SEDIS APOSTOLICÆ GRATIA EPISCOPUS NAMUR-
CENSIS, ABBAS SÆCULARIS ECCLESIE COLLEGIATÆ
B.M.V. NAMURCI &c. &c.

ART. I.

Licet, ne famæ nostræ macula im-
primatur, præclarum Statutum
reperiatur in Synodo habita sub Illmo
ac Revmo D. ENGELBERTO DES-
BOIS, Tit. VIII. Cap. XIII. concernens
infantium non legitimorum registratio-
nem, tamen maxime in nonnullis no-
stræ Diocesis Parochiis irrepit abusus,
qui ut corrigatur, idem Caput reno-
vandam judicamus, prohibentes om-
nibus Pastoribus, ne in posterum in Re-
gistro Baptizatorum similis infantis
quemquam, etiam si puerpera in pres-
suris juramento coram obstetricæ, Sca-
binis, vel testibus affirmarit, ullatenus
describant ut patrem, nisi is, coram
Judice, vel coram Parocho & testibus,
se qua talem falsus fuerit, vel nisi ut
talis per sententiam, a qua non sit ap-
pellatum, fuerit declaratus.

ART. II.

Et cum Nobis relatum sit aliquos
Pastores non satis servare *Articulum*
XVIII. *Artorum selectorum* sub Illmo ac
Revmo Dno FERDINANDO Comite
de BERLO, eundem Articulum reno-
vamus, volentes, ut qui ab annua ac
generali Pastorum Congregatione abe-
runt, etiam legitime impediti, solvant
tamquam si fuissent præsentés, convi-
vii expensas, & ulterius, si sine legi-
tima causa, vel sine prævia a D. Decano

Tomus X. Concilior. German.

obtentâ venia abfuerint, multam qua-
tuor solidorum D. Decano solvendam
Seminario nostro applicandam, vel
aliam consuetam.

ART. III.

Eorundem *Artorum selectorum Arti-
culum ultimum* renovamus, & eundem
extendentes, præcipimus omnibus Su-
perioribus tam sæcularibus, quam Re-
gularibus, ut nullum Subdiaconum,
Diaconum, vel Presbyterum (nisi hic
itinerans fuerit) ad sacrum Altare sine
veste talari accedere sinant.

Mandamus insuper, ut qui Sacris
initiantur, & in civitatibus nostræ Dico-
cesis resident, per easdem civitates
amplius incedere non audeant sine si-
mili veste, sub pœna pro qualibet vice
incurrendi irremissibiliter multam
 trium florenorum, ut supra, applican-
dorum. Meminerint enim, ut pulchre
ait Syn. Trid. Sess. 14. Cap. 6. de Reform.
"Per decentiam habitus extrinseci, mo-
rum honestatem intrinsecam ostendi."

Datum Namurci die 1. Aprilis
1744.

PAULUS GODEFRIDUS
EPISC. NAMURC.

Locus † Sigilli.

*De Mandato Illustrissimi ac Reve-
rendissimi Domini*

M. A. HANROT Secret.

Qqq

SYNO.

SYNODUS DIOECESANA *Autumnalis*
MONASTERIENSIS,

Eodem anno Christi MDCCXLIV.

S U B

Eodem Revmo ac Sermo CLEMENTE AUGUSTO,
Monasteriensi Episcopo,

CELEBRATA

DIE XIII. OCTOBRI.

CLEMENS AUGUSTUS, DEI GRATIA ARCHIEPISCOPUS
COLONIENSIS, S. R. IMP. PER ITALIAM &c. &c.

Plurimum animum nostrum affligit intellecto, quod in hac Diocesi nostra Monasteriensi municipales & populares Lutheri aut Calvini festis adherentes, eos, quos in famulatu suo habent, sive famulos, sive ancillas, sive mercenarios a Religionis nostræ exercitationibus, ab audiendo verbo Dei, ab instructione in disciplinæ sacre elementis, sed & a sacrosanctis Missæ Sacrificiis non modo impediunt, quin & operibus servilibus abstrahant in Dominicis, festisque Lutheranis & Calvinistis non communibus, quodque sibi famulantibus diebus Veneris & Sabbati, aliisque jejuniorum temporibus carnes apponant. Per quæ omnia, cum Leges sacre Ecclesiasticæ non tantum contemnantur, convellantur, conculcentur, sed & ipsa sacra Ecclesia Romano-Catholica despiciatur prorsus habeatur, & quidem in hac Catholicissima nostra Monasteriensi Diocesi. Ut pessimam hanc morum, fideique nostræ corruptelam prorsus evellamus,

atque eradicemus, omnibus nostris subditis sive Nobilibus, sive quibuscunque A Catholicis sub gravissima pena arbitraria severe mandamus, ut detestabiles præfatos mores omnino corrigant, atque ab iis prorsus abstineant; gravissime insuper prohibentes & interdcentes quibuscunque Parentibus Catholicis, ut liberos suos Dominis acatholicis in famulatum tradant absque licentia suorum Curatorum, quorum officium est hujus rei adeo salutari rationem curamque habere, ac si qui excessus contra hæc mandata contingant, Archidiaconis & Vicario nostro in Spiritualibus sine mora referre. In cujus defectu puniantur severe animarum Curatores. In quorum fidem præsentis manu nostra subscriptas sigillo nostro communiri jussimus. Datas Clementiswerthæ 28. Septemb. 1744.

Clemens Augustus.



SYNO-

SYNODUS DIOECESANA

CULMENSIS ET POMESANIENSIS,

Anno Christi MDCCXLV. Benedicti XIV. PP. V.

Francisci I. Imp. I.

A B

ILLUSTRISSIMO, EXCELLENTISSIMO & REVERENDISSIMO

DOMINO,

D. ANDREA STANISLAO KOSTKA

COMITE IN SALUSKIE

ZALUSKI, (*)

Episcopo Culmensi & Pomesaniensi,

HABITA

DIEBUS 16, 17 ET 18 MENSIS SEPTEMBRIS.

EDICTUM CONVOCATIONIS

SYNODI DIOECESANÆ.

ANDREAS STANISLAUS KOSTKA Comes in Zaluskie

ZALUSKI, DEI & Apostolicæ Sedis gratia Episcopus Culmensis & Pomesaniæ, Comendatarius Abbas perpetuus Czerviniensis & Paradisiensis, Supremus Regni Cancellarius.

Univerſo Clro Diœceſis noſtræ Culmenſis & Pomeſaniæ Salutem
in Domino ſempiternam.

Cum mortalium animi ingenerato pondere ad prava deſectant, libertatis deſideriis in mundi illecebras facile proruant, neceſſe eſt illos quotidianis animadverſionibus, & recentioribus præceptis in contrarium cogi, & in recto ſalutis tramite detineri. Etenim, cum vitia in corrupta humana natura, quaſi in terra ſpinas & tribulos producente continuo innascentur, continuo etiam eſt advigilandum, ne incrementum ſumant, & ſtatim, ac pulſulare caperint, extirpare & evellere ſatagendum. Quemadmodum enim in arboribus enaſcentes rami obſequuntur agricolis, quorum ductu vel in altum eritantur, vel ad terram declinant; ita pariter hominum indoles, ut virtutum proceſſibus adoleſcant, opus eſt pietate ac religione aſſidue excolere, quo illarum nova germina non demittantur ad ima, ſed ad ſublimia erigantur. Huiusmodi intuitu,

perluſtrata hætenus ad præſcriptum Tridentini Concilii Diœceſi noſtra Culmenſi & Pomeſaniæ, nihil ſane Nobis optabilius accidere potuit, quam in eo ſtatu, Divina ſavente Providentia, res noſtras conſtitutas videre, ut tandem ſepoſitis aliquantiſper cæteris curis, Synodum convocare liceat. Etenim vero ſacri illius Concilii ſapientiſſimi Patres adeo arcto vinculo ſibi coherere arbitrati ſunt hæc duo ſollicitudinibus Episcopalis præcipua capita, Viſitationem nimirum & Synodorum Convocationem, ut utrique certos limites annorum præſcribere non dubitaverint; intelligebant ii ſequidem, nulla ſere commoda, aut certe perexigua ex viſitationibus percipi, niſi Episcopi ea, quæ viſitando extra orbitam eſſe animadvertent, priſtino ordini ad normam S. Canonum in Synodis reſtituerent. Quapropter de conſilio Ven. Capituli Eccleſiæ noſtræ Cathedralis

(*) Vide ſub finem Synodi.
Tomus X. Concilior. German.

dralis cogendam Synodum decrevimus; eamque hîc Edicti nostri Literis pro die 16ta mensis proximi Septembris, quæ erit feria 5ta post Dominicam 14tam post Pentecosten, indicimus. Ad quam quidem Synodum in Ecclesia Archipresbyterali Lubaviensi die præfixo & sequentibus celebrandum præfatum V. Capitulum nostrum peramanter invitamus. Præpositis vero, Archipresbyteris, Parochis, Commendariis, cæterisque quibusvis Ecclesiarum Rectoribus & Presbyteris, qui de jure vel consuetudine Synodo Diocesana tenentur, vel consueverunt adesse, stricte in virtute S. Obedientiæ, & sub penis a jure sancitis præcipimus, ut die præstituta summo mane ad Ecclesiam prædictam conveniant, ibique veste talari & superpelliceo induti, Synodo modeste interfint. Neque inde 16ta sive sequentibus ullo prætextu discedant (nisi forte venia a Domino fuerit terminata. Ne autem bocce Synodali tempore cura animarum, & alia Officia Ecclesiastica detrimentum patiantur, respiciendo purp̄tatem nonnullorum, atque a Civitate Lubaviensi longe distantium Parochorum, viarum incommoda, quatenus unusquisque Decanus sive Archipresbyter personaliter, cæteri vero cujuscunque Archipresbyteratus per suos Commissarios in proxima Congregatione Decanali ad eum effectum celebranda, & per Decanos locorum quantocius indicenda, eligendos bocce obligationis munus adimpleant, præcipimus & injungimus. Reliquos vero paterne ab hac obligatione intereffendi Synodo dispensamus. Eos vero, qui nomine cæterorum ad hujusmodi Conventum Synodalem se conferent, ut suas Ecclesias (si forte Vicariis carent) substitutis Sacerdotibus, sive Sæcularibus, sive Regularibus, modo non vagis, non suspensis, nec censuris Ecclesiasticis irretitis sedulo commendent, ordinamus.

Porro etsi omni tempore oporteat Clericos vitæ illibata, & optimæ conversationis fragrantia Christi fideles ad virtutes allicere, his certe diebus, quibus Synodus celebratur, in id præcipue incumbunt, necesse est, utpote qui tunc omnium oculos converfos habent. Quocirca tum in accessu, tum in recessu, ac quomodo in ipsa Civitate moram facient, frugalitatis, modestiæ, gravitatis, atque totius

Clericalis sanctimonie Specimina præbeant quam studiosissime.

Verum, ut Spiritus Sanctus cumulate dona sua in Nos effundat, atque ipse Divino lumine omnes actus nostros dirigat, moneamus & olligamus omnes Sacerdotes Diocesis nostræ utriusque tam Sæculares, quam Regulares, ut in singulis Missis post publicationem præsentis Edicti nostri Collectam ad postulandam gratiam Spiritus Sancti, quæ in Missali habetur post Missam de eo votivam, recitent, ac singulis diebus Dominicis & Festis, tam in Cathedrali, quam cæteris Ecclesiis ante Missam Conventualem sive cantatam recitentur Litaniæ de Omnibus Sanctis cum consuetis precibus & orationibus, ut DEUS propitiis consilia nostra superna benedictione præveniat, & prosequatur. Hortabantur quoque Parochi fideles eorum curæ commissos, ut in eum finem, privatim etiam assiduas ad Deum preces fundant, ut ab immensa Bonitate ejus ea impetrent, quæ bono publico, vitii eradicandis & virtutibus inserendis conducunt.

Volumus insuper; ut præsentis Edictalis literæ valvis Ecclesiæ nostræ Cathedralis Culmensis, atque omnium Archipresbyteralium tum per Decanatus sive Archipresbyteratus via solita cursoria publicentur, atque per eas taliter affixas & publicatas singula prout mandantur, ita omnes comprehendant & adstringant, acsi eorum cuilibet & expressè forent intimata. Certificantes ipsos, qui de jure vel consuetudine Synodo hujusmodi interesse tenentur, quod sive in termino præfixo comparuerint, sive non, Nos nihilominus ad celebrationem Synodi præfatæ cum adiutorio Dei procedemus, & ea, quæ pro utilitate Ecclesiarum Diocesum nostrarum fore videbuntur, decernemus & constituimus, contumacia cujuscunque non obstante, penis tamen, prout de jure, contra inobedientes & absentes insigendis & extendendis. In quorum fidem &c. Datt. Lubavia in Arce nostra die 23. mensis Augusti anno Domini 1745.

ANDREAS EPISCOPUS.

(L.S.)

SER-

S E R M O

ILLVSTRISSIMI & REVERENDISSIMI DOMINI,

D. ANDRÆ STANISLAI KOSTKA COMITIS IN ZALUSKIE
ZALUSKI, Episcopi Culmensis & Pomesaniensis,
IN INITIO SYNODI AD CLERUM.

Consuevit Sanctorum Apostolorum, ac Patrum antiquorum cœtus in unum congregari; ut Spiritus Sancti illustrationibus seniores illi collecti, quod magis esset consentaneum, in opus ministerii, in ædificationem Corporis Christi decernerent. Majorum igitur exempla imitantes, sacrorumque Canonum, ac sacrosancti Concilii Tridentini Decretis obsecundantes necessarium duximus, Fratres; & Filii dilectissimi, Diocesanam Synodum jam dudum desideratam congregare, ut causam Dei agamus, Ecclesiam Dei ædificemus, collapsos mores reformemus, & correctionem fortiter ad praxim redigamus. Sed, quid prodest, Dilectissimi, Synodum Diocesanam adunare, & in hac Ecclesia congregari, si quod sanctionibus multis Antecessorum nostrorum Synodalibus, & extra-Synodalibus, saluberrime statutum est, opere non complemus? Ad nostram instructionem de JESU nostro CHRISTO Pastore Principum scriptum est: *Potens in opere & sermone coram Deo & omni populo cepit Jesus facere & docere.* Doctor gentium Divus Paulus nos omnes monet: *Aspicientes in Authorem fidei & consummatorem JESUM, æterni Patris Verbum, quod Pastoribus & gregi in exemplum propositum est.* Quam multi inveniuntur, qui dicunt & non faciunt. Farendum est cum Divo Gregorio: *Officium quidem sacerdotale suscipimus, sed opus officii non implemus.* Non sine magna animi nostri ægritudine ingeminare cogimur cum eodem Ssimo Pontifice. *Ecce mundus Sacerdotibus plenus est, sed tamen in messe Dei rarus valde invenitur operator.* Pauca hæc, sed omni ancipiti gladio penetrabiliora verba, satis, superque demonstrant, qua formidine ad sacra Ministeria accedendum, quæ trepidatione in iisdem perfungendo jugiter sit immorandum. Profecto (Vos singillatim alloquor, Charissimi, qui examini eritis præficiendi) non ita vulgo contingeret, ipsa experientia monstrante, quod docet Nazianzenus, *plurimos nihil aliud contulisse, quam velle,* nec, ut Magnus adjungit Gregorius, tam multi lucrum quærentes accederent sub ejus honoris specie, sub quo mundi lucra destrui debuissent; *ambientes* (Sapientissimi Viri sunt verba) *Ecclesiasti-*

cos gradus, qui eos legitimis sæpe moribus non illustrant.

Quapropter tum veteribus, tum recentibus Ecclesiæ præceptis aptissime consonat Ssmi Pontificis Clementis monitum (ac tutissima simul, ut reor, Nobis cautio futura) *melius videlicet esse paucos habere Ministros, qui Dei opus digne exercent, quam inutiles multos, qui & Ecclesiæ, & Ordinatoribus grave onus adducant.*

Quid ergo sentiendum arbitramur transitori jam ad eos expendendos, qui non sui tantum, sed aliorum rationem sunt reddituri: Vos hic iterum, Dilectissimi, affari compellor, qui dum æquissima lance excutietis animarum regimini præficiendos, qui demum in sacro penitentiae tribunali Judices constituti estis, Vos quoque ipsos strictissime dijudicare tenemini. Quo inquam studio, quo zelo, quo lumine, qua mente sit incedendum, cum Vos certo non lateat, quod Divus Bernardus conqueritur. *Curritur namque passim ad Ecclesiasticas curas, exclamat: tanquam sine curis quisquam victurus tum sit, cum pervenerit ad curas.*

Nec immerito tantus conqueritur Vir, quando universa inde damna profluentia in Nos ipsos recidere tandem comperimus. Nam si ipse Apostolus vas electionis testatur: *Nihil mihi conscius sum, sed non in hoc justificatus sum,* cujus, inquam, conversatio in cœlis erat, & cui vivere Christus fuit, & mori lucrum; Quid, quæso, nos quierio, pacatoque animo esse siner, quos quotidie reos multiplex forsitan culpa redarguit. *In multis certe recte Jacobo offendimus omnes adeo; ut, quamvis interiora nostra perscrutantes, satis justificari præsumeremus, aliorum tamen vitio fiat; ut perinde damnemur.* Quid tunc cuique proderit suo non puniri, si alieno sit puniendus peccato.

Idcirco non alia unquam tutor via invenietur ea, quam rotius Ecclesiæ Doctor & Pastor præsignavit, ut, cui regiminis culmen imperatur, si donis præveniat, quibus & aliis profit, Divinis dispositionibus subdatur, atque a vitio obstinationis alienus invitus obediat. Hanc docet Gregorius cautionem, hæc muniamur & Nos, ut tanquam anchora fidissima in mediis pro-

cellis firmati, flante deinde Spiritus Sancti aura, in portum salutis provehamur.

Abstet, & avertat Deus, quod quis inter Vos refractarius inveniat, & ea opere implere recuset, quæ hæc S. Synodus in Domino congregata opportune statuet ac decerneret. *Qui enim rebelliter vivit, ait S. Clemens Papa: & discere atque agere bona recusat, magis Diaboli, quam Christi membrum esse ostenditur, & potius infidelis, quam fidelis esse monstratur.* Ut hoc barathrum vitemus, Nullatenus, inquit Dionysius Collector, nostri seculi more finis contenti, quo pronius desideramus recta nosse, quam facere, sed Divino adjuti auxilio, quæ fieri præcipimus, arte perficimus, ut efficacissimo fidelibus profimus exemplo. Magna est siquidem jubentis auctoritas, eadem primitus jussa complentis: quatenus Ecclesiastici Ordinis disciplina inviolabilis permanens ad capefendum perenne præmium Christianis omnibus præstet accessum, per quem & sancti Præfules paternis muniuntur regulis, & obediētes populi spiritualibus imbuuntur exemplis.

Cujus ad hæc ambæ non tinniant aures? quis eas obturabit, ne audiat? quis oppilabit os suum, ne loquatur? quis claudet oculos, ne videat? quis vocem Domini sperneret? quis monita salutis conculcabit?

Quod si obediens eris, & juxta præcepta, quæ mandavero tibi, ambulaveris faciens ea, Ipse quidem impius in impietate sua morietur, porro tu animam tuam liberasti. Arguat hinc quisque vestrum; quanti sit, Vos ad sacrum hunc confesum advocasse, ut unanimi sensu singulis præscribenda decernantur, quo docti muneribus vestris perfungamini, imo quanti fuerit illa eadem fide ignorasse aliquos, sive ignaros etiam non implevisse.

Quapropter ad hæc præstanda Vos hortantur tot Virorum, qua doctrinæ splendore, qua vitæ sanctimonia insignium saluberrima documenta, ad hæc impellit, & urget proprii uniuscujusque debiti ac officii ratio, cui sine gravissimo salutis dispendio & defectionis nota deesse non poterit, quicumque vires & conatus, quibus enitendum est ad propositum præmium, vel inertia infringat, vel dissidentia animo concidat. Hæc ipsa sunt, ad quæ perficienda non incitabant modo, sed quasi manu ducent hujus tamdiu optatæ Synodi statuendæ Sanctiones, Decreta præfinienda, Regulæ atque præcepta ab unoquoque servanda.

Abstet, ut nausceat quis ex Vobis cibum istum, qui iqvitus hæc audiat, nec pronis auribus excipiat. Ægyptiorum ollis asueti nausceabunt sane ac respient, quippe qui in

vitio laudem, in virtutibus contemptum collocare didicerunt, ut mirum inde non sit, si malum dicunt bonum, & bonum malum, si tenebras putant lucem, & lucem tenebras, terrenis namque saturati, ut est in Proverbiiis: calcant favum ponentes amarum in dulce, & dulce in amarum.

Hinc profecto sequi necesse est, quod duo sapientissimi Gregorii, Magnus videlicet atque Nissenus splendidissima Ecclesiæ lumina scriptis suis inditum reliquerunt, ut vix ullum possit esse foris remedium, quando intus later vulnus inclusum, & qui languente stomacho alimenta non retinent, eorum profecto desperanda sit salus.

Excogitate nunc, Filii & Fratres charissimi, merientes vosmetipsos in recessu cordis vestri, quorum in numero recenseri cupiatis? eorumne, qui salubri ac proficuo cibo nutrirī, & aptis remediis salutis animæ suæ prospicere gestiunt, an aliorum potius, qui vetitis, damnatisque alimentis indies magis valitudinem debilitant, & omnem spem salutis sibi præcidunt, ac proprium tandem interitum molliuntur.

Ego sane quidem suspicari non valeo eo dementia quæquam progredi posse, non dicam, Dei Ecclesiæ servitio consecratum, sed nedum ejusdem Ecclesiæ Matris sinu receptum, attamen pro injuncto mihi debito, monendos singulos, & unumquemque obsecrandum censui per viscera misericordie DEI nostri, ut & sæpius & serio animo recolatis, quid demum proderit cætera cuncta perperam prævidisse, plurimis laboribus in via erroris & perditionis lassatos fuisse, si id unum contemnatur, quo suæ quisque animæ detrimentum patietur.

Vigilandum propterea, ac sedulo excubandum est super viis vestris, ut nunquam horum præceptorum memoriam amittatis, quibus Vobis, aliisque simul consulatis, ne cito per negligentiam deperdatur, quod non sine labore per gratiam fuerit hic acquisitum. *Quenam, queso, supererit spes in fine, si in ipso mane reperiimus, vel in cursu frangimur? quo maxime contendendum est ad pollicitum bravium.* Certe illudimus Nobis, ac stulte blandimur, si declinare ad quietem cupimus, quasi pax Nobis sit & securitas, dum nullum affulget indicium tranquillitatis. Imo undique urget pugna, fervetque bellum sacra Pauli tuba personante. *Caro concupiscit adversus spiritum, spiritus adversus carnem. Hæc enim sibi invicem adversantur, ut non quæcunque vultis, illa faciat.*

Igitur ut animarum vestrarum Pastor clamare non cesso ad Vos, dilectissimi, cum
S.

S. Jacobo Apost.: *In mansuetudine suscipite insitum verbum, quod potest salvare animas vestras.* Complete verbum Domini, qui ad Nos his verbis ingeminat. Excubate in custodia Sanctuarii, & in ministerio Altaris, ne oriatur indignatio super filios Israël. Custodite Sacerdotium vestrum, & omnia, quæ ad cultum Altaris pertinent. Studete ergo sancte & religiose vivere, & omnipo-

tenti DEO placere, ut verbo & exemplo lucere possitis in Ecclesia Dei, ut & ipse adimpleat in Vobis & animabus omnibus, quas sanguine suo redemit pretioso, misericordiam suam & immarcescibilem coronam consequi valeatis a D. N. J. Christo, qui est super omnia DEUS benedictus, & cui est omnis honor, & gloria, & imperium in sæcula sæculorum Amen.

S E R M O

PERILLUSTRIS ADMODUM REVERENDI DOMINI

FABIANI PLASKOWSKI,

Archidiaconi in Cathedrali Culmensi Pomesanensis, & per Diocesim
Pomesanensem Vicarii Generalis,

CIRCA INCHOATIONEM SYNODI

HABITUS.

Nunc Judicium est mundi. Ambulate, dum lucem habetis, ut non vos tenebræ comprehendant. Joan. 12. in Evang. Festi Exaltat. S. Crucis.

Vivum sermonem Dei, & efficacem penetrabiliorem omni gladio ancipiti, & peringentem usque ad divisionem animæ ac spiritus, compagum quoque ac medullarum, inconcussæ increateque veritatis oraculum, cælo & terra transeuntibus, firmitus; sermonibus, qui exarantur stylo ferreo, vel cæte sculptantur in silice, stabilibus; super angularem lapidem Christum, qui factus est in caput anguli, fundatum, super Petram (Petra autem erat Christus) stabilitum in aciem intellectus educo, vestræ obtutui mentis obijcio, Auditores legitime convocati & congregati Illustrissime, Excellentissime & Reverendissime Domine Culmensis & Pomesanæ Antistes, Concilii Synodi Diocesanae supreme Præses & Judex ordinariæ, Perillustres & Revdissimi, Illustres & Admodum Rdi Rdi, Venerabiles suis titulis ornatissimi. Verba hæc: *Nunc Judicium mundi* detonantia & denotantia, sunt de thesauris magnitudinis, sapientiæ & scientiæ Dei. (cujus incomprehensibilia judicia, investigabiles viæ ejus) excerpta & extracta. Verba sunt illius Filii dilecti æterni Patris, in quo sibi bene complacuit; quem ipsum audire præcepit. Verba sunt illius coæterni Patris Unigeniti, qui in tempore homo factus, parvulus natus est nobis, cujus imperium super humerum ejus, cujus regni non erit finis, qui in terram pacem attulit hominibus, sed bonæ voluntatis, qui non venit pacem mittere in terram, sed gladium, venit enim separare hominem adversus Patrem suum, qui venit in ruinam & resurrectionem multorum, quem dum mundus priorem non cognovit, quem dum mundus priorem omnibus odio habuit, judicium mundi pro-

clamavit; Ipsi enim data est potestas judicium facere, quia Filius hominis est. Cujus judicium durissimum his, qui præsent. Cujus judicium incipit a domo Dei. Ad cujus judicium arescentibus præ timore hominibus, Reges (adeoque & Regale Sacerdotium) nudo latere palpitabunt. O quam terribilia judicia tua sunt Domine! O! Judex testisque meæ certissimæ culpæ, quis de me sensus sit tuus? Ipse vides. Scimus ah scimus! quia jam tempus tuum semper est; quia nosse tempora & momenta Pater jam posuit in tua potestate. Mille anni ante oculos tuos, tanquam dies una. Apud te nunc, *nunc judicium est mundi.* Nos, qui sumus de mundo & in mundo; quo ibimus? & quo a facie tua fugiemus? Cælum & terram tu imple, omnia nuda & aperta sunt oculis tuis. Ast bono sumus animo. Quia misericors & miserator Dominus expectat, ut misereatur nostri. Nobis dictum supponamus: *Ambulate, dum lucem habetis, ut non vos tenebræ comprehendant.* Dum tempus habemus, operemur bonum, audiamus Apostolum dicentem: *Quod si nosmetipsos dejudicavimus, non utique judicavimus.* Judicia spiritualia temporalia in hoc Concilio Justorum & Congregatione contra mundum & secularia ejus desideria instituamus, ut in æternum non cum hoc mundo damnemur. Ego munus & onus Actoris suscipio. Vos inclinate aurem vestram in verba oris mei.

Figura judicii ex Judice, Actore & reo constituitur. Judex secundum legem legitime latam & publicatam judicare tenetur. Speciales Diocesim Culmensis & Pomesanæ Constitutionum Synodaliū Leges, quas

quas Illmi, Excellmi & Revmi Domini olim loci Ordinarii condiderunt; quibus, Illustrissimus olim KOSTKA firmius, quam Gentilitia sua solea semitas iustitiæ tritas reddidit; quibus Illmus olim GEMBICKI strictius quam Avita sua fascia subiectum sibi populum ad faciendam obstrinxit iustitiam; quibus Illmus olim DZIALYNSKI arctius, quam Gentilitio suo annulo constantem, perpetuamque voluntatem jus suum unicuique tribuendi spondit & subarravit, partim sub armis siluere leges, partim prona in oblivionem recti memoria hominum exciderunt. Quas periculorum vicissitudo temporum vigilantissimis etiam in suo munere Dicecesium harum Pastoribus (quorum plures ex primo diligentissimæ Pastoralis curæ limine, aut maxima virtus altius evexit, aut invida mors magnis infensa Viris terris expuit) reassumpta Synodo, in observantiam revocare non permisit, ita, ut plusquam per integrum sæculum, Convocationis Synodi, non sit audita vox in terra nostra. Nunc, o quam magna super nos misericordia Domini! quia venit, ecce venit tempus, & nunc est tempus beneplaciti tui Deus; in quo, ut olim per Isaiam promiseras: *restituiam Iudices tuos, ut fuerunt prius, & Consiliarios tuos, sicut antiquitus.* Restituisti Nobis Iudicem Synodalem, & dedisti potestatem Gentilitio ejus Agno aperire librum Constitutionum Dicecesiarum, quem plusquam per sæculum nemo aperire poterat. Jam nunc aperti sunt libri, & apparuit iudicium. Jam nunc sub signo Crucis (tunc apparebit signum hominis) ANDREAM mysteria Crucis exaltantem, postmodum festi Exaltationis S. Crucis Iudicem Synodalem in Spiritualibus Ordinarium constituisti; parasti in iudicio Thronum ejus, ut de vultu ejus iudicium nostrum prodeat. Ergo erumpo in verba Scripturæ sacræ: *Sit Dominus Deus benedictus, qui voluit Te ordinare super thronum suum, ut facias iudicium atque iustitiam.*

Antequam in principali causæ negotio experiri incipiam juxta sentimentum Eccl. Cap. 18. promulgatum: *Ante iudicium para iustitiam tibi, ante iudicium interroga teipsum; ne conventus jure reconvencionis utatur, & peccatum meum contra me est semper;* status Ecclesiastici prærogativam Sacerdotalem ipse mecum expendam & ruminabo. Princeps Apostolorum dicit: *Vos genus electum, Regale Sacerdotium, gens sancta, populus acquisitionis, ut virtutes annuntietis ejus, qui vocavit vos in admirabile lumen suum.* Ipsa increata veritas profiteatur, quia Nos in Apostolis elegit de mundo. Ipse elegit Nos, & posuit Nos, ut eamus & fructum afferamus; & fructus noster ma-

neat. Psalmista vult, ut *Sacerdotes induantur iustitiam.* Deus per Malachiam Prophet. dicit: *Labia Sacerdotis custodient scientiam & legem requirent de ore ejus.* Judith de Sacerdotibus pronunciat: *Vos enim estis Presbyteri in populo Dei, ex vobis pendet anima illorum.* S. Thom. de Aquin. loquitur: Sacerdos, id est *Sacer Dux, populum per bona exempla ad cælum ducendo.* Doctrina Nicæna (de Cler. Sacr. Ord.) refert: *Clerici sacri Ordinis esse debent typus & imago Cælestium, Episcopus quidem debet esse typus Dei, Presbyter tenere debet locum Seraphinorum, Diaconus vero Cherubinorum.* S. Bernard. plus dicit: *Sacerdotalis potestas superat potestatem etiam Angelorum, licet enim unus Angelus potest unum Cælorum movere, tamen minime potest unum ipsorum de Cælo in terram tam cito transferre, sicut radius solis emittitur ab ipso sole: Sacerdos vero suo Ministerio transfert verissimum Corpus Christi de ipso Cælo empyreo ad ipsum Altare sacrum.* S. Greg. Nazian. cum admiratione pronuntiat: *O Sacerdotes! O mundi fundamenta! Christianæ Fidei columnæ, immortalis vitæ Doctores, Christifera!* Similiter cum exclamatione loquitur S. Ephrem: *O miraculum stupendum! O potestas ineffabilis! O tremendum Sacerdotii ministerium, spirituale, ac sanctum, venerandum, & irreprehensibile! Per hanc dignitatem, humana natura licet humilis & abjecta, cum virtutibus incorporeis adequatur; excedit intellectum & rationem, omnemque cogitationem, donum altitudinis dignitatis Sacerdotalis.* Sed quo me sublimitas Sacerdotalis præminentie adhuc in statu viæ, meriti & demeriti militantis Ecclesiæ constituta abripit? Sisto, sisto gradum experientia præmonitus, quod terminus est altæ sæpe ruina viæ, si sortem meam ponam cum impiis, si Religiosum cor mundano faciam sordescere pulvere; si sicut populus, sic fiam Sacerdos, quæ me meta manet, nisi sublatus in altum ut casu graviore ruam? Contremisco in verba S. Hieronymi prolata: *Grandis dignitas Sacerdotum, sed grandior eorum ruina, si peccant; letemur ad ascensum, sed timeamus ad lapsum; non est tanti gaudii excelsa tenuisse; quanti majoris de sublimioribus cecidisse.* S. Chrysost. (hom. 41. in Cap. Matt. 24.) dicit: *Nulla re Deus magis offenditur, quam si quis indignus Sacerdotali dignitate præfulgeat; & (in Psal. 6.) Sacerdotum quo major est auctoritas, eo est gravius eorum, qui peccant, supplicium.* S. Petrus Dam. sic scribit: *Clerici ambiunt quidem ad Sacerdotium pervenire, sed non student digni Sacerdotio fieri, præsepe inbiant, prodesse non curant.* S. Bernard. (Serm. 76. super Cant.) *Non est hoc tempore pascere gregem, sed mactare, & devorare, dicente de illis Domi-*

Domino: qui devorant plebem meam, sicut escam panis. Inde est, ut non parcant suis, qui non parcunt sibi, perimentes pariter & pereuntes. Et (Serm. super cap. 6. Tob.) quid nunc parvi pendendo transimus, palpando legimus, dissimulando negligimus, quando illic cruciatum vindex flamma consumet? At non soli ipsi Doctores Ecclesiæ, secularibus flagitiis sciantes perfringunt Sacerdotes; conqueritur ipsa Divina Bonitas in Rev. S. Birgit. (l. 1. cap. 47.) de malo Sacerdote: Magis loquuntur centum verba pro mundo, quam pro meo honore unum; magis darent centum marcas auri pro mundo, quam unum denarium pro me; magis centies laborant pro propria utilitate & mundi, quam semel pro honore meo. Magis tamen terribilius est, quod Malachias pronuntiat: Et nunc ad vos mandatum hoc o Sacerdotes: si nolueritis audire, & si nolueritis ponere super cor, ut detis gloriam Nomini meo, mittam in vos egestatem, & maledicam benedictionibus vestris: ecce ego projiciam vobis brachium, & dispergam super vultum vestrum fercus solemnitatum vestrarum. Eheu tinniunt aures! cor palpiat, verba locuturo frangit in ore timor, hæret animus, mens fugit admonitu, quoties peccasse recordor. Ergone nobis genus de mundo electum, populus acquisitionis, regale Sacerdotium, quibus, Deo servire, regnare est; in mundi immundi abominabilem servitutem mancipabimur? Ergone nobis mors ipsa magis, quam vita placebit? Num plus quam portus naufraga laxa placent? Hæret, hæret in experimento causæ mens peccati sui conscia, moverem manum de tabula, ab Actoratu recederem, quia non bene nocentes arguit ipse reus. Sed redeat in authorem mundum, mundanum scelus. Causam prosequi, mundum persequi, & in prudenti clementia, & clementi prudentia tua Judex Synodalis justissime meliora sperare licebit; ut pars sit pœnæ culpa profecta mea. Compertum est non posse me Deo servire & Mammonæ. Qui non est cum Deo, contra Deum est. Qui elongant se a Deo, peribunt. In ejus partes transeo, qui gratis usque ad finem nos dilexit: qui nos ut pupillam oculi aestimavit. Querendum nobis est Regnum Dei, & justitia ejus. Actoratum instituo, citationem extradi, demandari expeto, & expecto. Et quia citandus mundus, nec possessionem bonorum immobilium, nec fixum domicilium habet, præterit enim figura hujus mundi, quia mundus transiit, & concupiscentiæ ejus, ideo eum per publicum edictum in jus vocandum esse, infero. Comparitionem ex ratione notoriæ infirmitatis, testimonio authentico S. Joannis: quia mundus totus in maligno positus, & S. Gregor.

Thomas X. Consilior. German.

quia jam mundus in se ipso aruit comprobata, sperare non possum. Sed quia periculum in mora est; jam enim testamentum mundi (Eccli. 14.) proclamatum, quod morte morietur. Ne, juxta S. Greg. quia labenti mundo inbaremus, & cum labentem sustinere non possumus, cum eo labimur, quem cadentem tenemus; præcavendo integritati animarum, avertendo damnum emergens incomparabilis pretii redemptionis earundem, ubi agitur de præjudicio irreparabili, non tam timentii, quam Trini in personis, unius in essentia Dei, ad quem omnes mortalium immortales animæ ex ratione creationis, ex pretio redemptionis, ex merito illuminationis, jure hæreditario, directi & absoluti domini spectare dignoscuntur, exinde amputata dilatione infirmitatis, alias de jure concessibili processum contra absentem, tanquam præsentem, summarium institui, causam in cognitionem inducere concedi supplico. Et in instanti, comparens personam pars Actoræ, accusando contumaciam mundanam cum doctissimo Stapleton dicente: Est enim mundus mare tumidum per superbiam, profundum per avaritiam, fervidum per iracundiam, spumofum per luxuriam, conqueritur in & super eo cum eruditissimo Beyerling: quia mundus dulcedine voluptatum terrestrium manifestum animabus exitium creat, quia innumera in populo Dei scandala operatur; ita, ut ipse benignissimus Redemptor noster vix mundo a scandalis pronuntiare non dubitaverit. Quia juxta Petrum Blesensem: Mundus plenus laqueis, plenus scandalis & peccatis, circumseptus periculis, pravis colloquiis, iniquis consiliis, exemplis pessimis, & mortibus animæ infinitis. Proinde pars Actoræ petit debita cum instantia: quia juxta S. Aug. periculosior est mundus blandus, quam molestus, magis cavendus, cum se allicit diligi, quam cum ammonet exigitque contemni, quia amicitia hujus mundi inimica est Deo; se, Actoræ, & Venerabilem Clerum Diocesis nostrarum, a periculose mundanæ amicitie viculis absolvi; multo magis (quoniam libertate filiorum suorum donavit nos Deus) a sordida servitute mundana nos avelli & rescindi; quia vero mundus sentimento S. Bonav. Taberna est, in quo propinatur dulcedinum terrestrium & voluptatum vinum, quod hominem ducit in oblivionem Sapientiæ (ne pereat lex a Sacerdote, & consilium a Senioribus) vetari aditum & frequentationem tabernæ mundi totius, ubi impii viam Domini non cognoscendo, in circuitu ambulant.

Et quia juxta Tertullianum, totus mundus nox est, & totus versatur in tenebris; ideo nobis filii lucis, quos Deus vocavit in admirabile lumen suum, qui dum lucem habemus,

R r r

bemus, ambulare in luce debemus, ne nos tenebræ comprehendant; vagantem per noctes sæculi, tenebris & umbra mortis referas, cursum refrænari, arceri & inhiberi, quæ enim societas luci ad tenebras? Ad extremum majoris securitatis, intentionis ad effectum deducendæ gratiæ, quoniam homines iusti ex fide viventes templum sunt Dei, juxta Doctorem gentium dicentem: *Vos estis templum Dei.* Mundus vero illecebris suis tot templum Dei, quot innocentes animas stolis candidis per gratiam Baptismi adornatas, spoliare, immunitatem templi Dei violare (hic juxta Hug. Card. *latro sinister*; juxta Didacum Nissen, *prædo fallax mundus, qui dum adulatur, strangulat, & exspoliatur*) ausus est, & præsumpsit, audetque & præsumit; eundem tanquam fraudulentum templorum Dei prædonem, latronem,

invasorem, spoliatorem in excommunicationem majorem latæ sententiæ Bullæ *Cenæ Domini* incidisse declarari, & per Constitutiones Synodales pro excommunicato vitando publicari, cæteraque quæ jus & justitia postulat, statui, decidi, & sententiarum desuper implorando. Salvo jure reliquo, & salvis de jure salvandis.

Expectamus igitur Tuam justissime Synodalis Ordinarie Judex inclatam (quia nunc *judicium est mundi*) sententiam; ut in victoria mundi judicia tua adjuvent nos, aut convertatur de viis suis pessimis, & vivat, aut pereat mundus cum concupiscentiis & scandalis suis, & fiat justitia. Nostræ beatitudinis accessorium erit, si custodierimus judicia, & fecerimus justitiam in omni tempore, fiat, fiat.

CONSTITUTIONES SYNODALES DIOECESIS CULMENSIS & POMESANIÆ.

INDEX CAPITUM.

- | | |
|---|---|
| CAPUT I. De Fide Catholica, ejusque Professione. | XXIII. De Seminariis. |
| II. De Disputationibus in negotiis Religionis. | XXIV. De Judiciis Diœcesanis & Examinatoribus Synodalibus. |
| III. De ejusdem Fidei unitate tenenda. | XXV. De Matrimonio. |
| IV. De Conversis. | XXVI. De sacris Reliquiis. |
| V. De Sagis & maleficis. | XXVII. De sacris Imaginibus. |
| VI. De Judeis. | XXVIII. De Indulgentiis. |
| VII. De erudiendo populo in Doctrina Christiana Catholica. | XXIX. De Officio Parochorum. |
| VIII. De Prædicatione verbi Divini. | XXX. De pluralitate Beneficiorum. |
| IX. De vita & honestate Clericorum. | XXXI. De Ecclesiis desolatis. |
| X. De sacris Ecclesiæ Jejunis. | XXXII. De Hospitalibus. |
| XI. De Festorum observantia. | XXXIII. De Regularibus. |
| XII. De Archidiaconis, illorumque officiis. | XXXIV. De Monialibus. |
| XIII. De Archipresbyteris, sive Decanis foranets, obligationibus illorum, & Congregationibus Decanalibus. | XXXV. De Sepulturis, obventionibus, & accidentiis Parochorum. |
| XIV. De recta Sacramentorum administratione. | XXXVI. De Decimis & Censibus. |
| XV. De Baptismo. | XXXVII. De sacrosanctis Ecclesiis, & earum cultu ac Immunitate. |
| XVI. De Confirmatione. | XXXVIII. De Immunitate Ecclesiastica, & de rebus Ecclesiæ non alienandis. |
| XVII. De Eucharistia. | XXXIX. De Testamentis & ultimis voluntatibus Clericorum. |
| XVIII. De Sacrificio Missæ. | XL. De Conservatoribus. |
| XIX. De Pœnitentia. | XLI. De Taxa Fori spiritualis. |
| XX. De Extrema Unctione. | XLII. De Missionibus. |
| XXI. De Ordine. | XLIII. De Observatione Constitutionum Synodaliū. |
| XXII. De Presbyteris loca suarum Provisionum deferentibus, & provisionibus inscribendis. | |

CAPUT I.

De Fide Catholica, ejusque Professione.

Prima; & maxima Pastorum cura versari debet in iis, quæ ad fidem Catholicam, quam sancta Romana Ecclesia colit, & docet; & *sine qua impossibile est placere Deo*, integre, inviolateque conservandam pertinent. Ideo ab ipsa fide, tanquam a vero, certo & indubitato Catholicæ Religionis, spiritualisque ædificii fundamento exordium ducendum esse duximus, cumque primum ac principale præsentis Synodi motivum sit major DEI gloria, salusque animarum, quæ sine Magistra veritatis, fide orthodoxa inveniri non potest; propterea quæcunque per sanctam Romanam Ecclesiam, Matrem nostram, de Fide Catholica, & ejus Professione, tum per Constitutiones, tam Provinciales autoritate S. Sedis Apostolicæ approbatas, quam Synodales hujus Diœcesis ad conservandum, & augendum cultum Divinum, ad instaurandam sanæ doctrinæ puritatem salubriter statuta & promulgata sunt, hæc omnia præsens Synodus in Domino congregata profitendo non tam novas leges condere, quam antiquas pro expressis habere, ac ad executionem earum totum Clerum, & populum Diœcesis istius Culmen, & Pomesaniæ obligare constituit. Cæterum, cum fides non subdit rationi, & juxta Apostolum: *Sit sperandum substantia rerum, argumentum non apparentium*; igitur mysterium Ssmæ Trinitatis, Incarnationis, & existentia Christi in Eucharistia non sunt curiose scrutanda & ruminanda; Nam: *qui scrutator est Majestatis, opprimetur a gloria. Videmus, inquit Apostolus, nunc per speculum in enigmate, tunc autem facie ad faciem*, ubi solutis vinculis carnis, animæ, clarificatæ per gloriam Dei, mysteria cœlestia clare revelabuntur. *Videbimus tunc Deum, sicuti est.* Demum credere Trinitatem pietas est, & fidelitas Religionis veræ, scrutari perversitas est, dubitare de ea, impietas est, disputare de ea, curiositas est. Si enim in obviis terrenis creaturis discernendis, & in occultis secretis naturæ caligat ratio, & intellectus, ut mirabilia

Tomus X. Concilior. German.

ejus rimari, perscrutari, & penetrare non liceat, quidni in Divinis? Hinc Tertullianus, Hæresiarchæ Montano, Deitatem scrutanti respondisse scribitur in objectione refellendo. *Ostende mihi mandibulas tinea, quibus libros & vestimenta consumit? Quod enim oculus noctuæ ad solem, hoc intellectus noster ad manifestæ naturæ, inquit Aristoteles.* Sanctius ergo Christianus faciet, si cum Seraphinis velantibus faciem ante Dominum elevatum in folio, quem curiose investigare non licet, laudet & amet.

Regi itaque sæculorum immortalis invisibili laudes sint immortales, quod Diœcesim tam Culmen, quam Pomesanien. multis quidem in locis hæretica pravitate infectam, post tot adversantium, & calamitosorum sæculorum discrimina, ad hæc usque tempora in vera orthodoxa & unice salvifica fide Romano-Catholica conservaverit. Quare tanti beneficii memores ad Synodum præsentem, plus quam a sæculo desideratam congregati, procidui coram Altissimo veneremur tantæ ineffabilis Bonitatis Divinæ magnitudinem, & adorantes propitii Numinis providentiam, quæ pro suo beneplacito vocat, eligit, prædestinat, & glorificat suos, unanimi corde & lingua dicamus laudem & gloriam D. O. M. cum ardenti voto, ut vinea Domini sine urtica, messis Christi sine zizaniis, & grex Nobis commissus absque scabra rubigine maneat, sanctus & intaminatus. Et ne Magistri erroris, qui non fuerunt discipuli veritatis, *Virus Draconis in aureo calice Babylonis* propinare, iniquum semen inter electum triticum seminare, fermento pessimo bonam massam corrumpere, *Christi membra distrabere, & Catholica Ecclesiæ corpus unum scindere*, ac more *feræ pessimæ* laniare audeant, omnes hæreticæ pravitatis cultores scire volumus: "Quod fides Catholica in Polonia est velut Domina, & Materfamilias, eorum vero secta hospes & advena, adeoque ut se eidem fidei Catholicæ subiectos esse recognoscant, terminosque metasque tolerantia sibi

R r r 2

per-

permissæ excedere, aut extra illos etiam latum unguem progredi, indulgere, quæ sibi non audeant, hac Synodali monitione præcipimus: cumque suo turbine lucem Catholicæ veritatis *supra petram* positam extinguere, aut saltem sub modio esse annuntantur assiduo, juxta Apostolum vero etiam inter Orthodoxos reperiantur nonnulli, qui *sanam doctrinam non sustinentes, ad sua desideria concervant sibi Magistros prurientes auribus*, præsentis Synodi autoritate omnibus Ministris heterodoxis dissidentibus, protestantibus, ne in domibus privatis acatholicorum præsentas suas devotionis exercere, occasione baptizandi, vel Matrimonii assistendi illas adire sine scitu nostro, sive Officiorum nostrorum Culmen. & Pomesaniæ, fanorum possessionem suscipere, Scholas novas privatas sive publicas construere, & in eis juventutem instruere, aliaque similia cum præjudicio fidei Romano-Catholicæ attentare audeant, & præsumant sub penis gravissimis inhibemus.

Unam itaque sanctam Fidem Catholicam, quam Unigenitus DEI Filius in terris docuit, quamque sacrosancta Apostolica Romana Ecclesia omnium Ecclesiarum Mater & Magistra unice colit ac tuetur agnoscences, sicuti mundam & immaculatam tenemus, ita eandem juxta præscriptum a PIO IV. in Bulla, quæ incipit: *Injunctum*, pia animorum compositione professi sumus.

FORMA PROFESSIONIS FIDEI
a PIO IV. constituta.

"Ego NN. firma fide credo, &c.

Et quia corde credi debet ad justitiam, ore autem profitendum est ad salutem, ad hanc Professionem fidei emitendam obligatos esse volumus, & auctoritate præsentis Synodi decernimus, ut omnes Beneficiati hujus Dicecesis, Dignitates, Canonici, Parochi, etiam Vicarii, sive Commendarii perpetui illam ante institutiones suas emitant. Quod si contigerit aliquem per Plenipotentem institui, taliter institutus sciat non sufficere; quod per Plenipotentem Professionem fidei emisit, sed ipsemet in persona ad summum intra duos menses a die institutionis co-

ram Nobis, sive Officio nostro sub amissione fructuum sui Beneficii præstare tenebitur; Si quis vero in decursu ad maximum quatuor mensium Ecclesiam, in qua Beneficiatus est, adire, dictamque Professionem fidei personaliter in Officio, a quo per Plenipotentem institutus fuit, facere neglexerit, talis per edictum publicum citatus ad valvas suæ Ecclesiæ, ultra memoratam amissionis fructuum poenam, etiam Beneficio privetur. Iis dumtaxat exceptis, qui causa studiorum cum scitu nostro extra Regnum degunt, sub rigore hujus Decreti non comprehensis. Cæterum cum redierint, sciant se Ordinationi superius factæ parere debere esse obligatos, idque sub penis supra expressis.

Ad hanc Professionem fidei pariter emitendam, obligantur Præceptores, seu Ludimagistri, idque coram Parrocho loci, qui ad mentem Tridentini tenentur in Catechesi erudire adolescentescens.

Item statuimus, ut nullus ad prædicationem verbi Divini in Ecclesiis quibusvis, etiam suorum Ordinum, ad sacras confessiones audiendas exponatur, nisi prius Professionem fidei emisit, testimoniumque de præstita Nobis, seu Officio, nostro exhibuerit. Qui ab emissâ fidei Professione recederet, sit Officiis omnibus ac Beneficiis Ecclesiasticis privatus absque alia declaratione, nec possit ab aliquo intra utramque nostram Dicecesim recipi, sed statim ad Nos deferatur, ut debitis penis contra eum procedamus.

Ut autem fideles nostræ Pastoralis curæ concrediti, in fidei Catholicæ puritate facilius conserventur, parentibus, omnibus pupillorum tutoribus ac patribusfamilias interdiciamus, ne filios suos, aliosve, quorum curam gerunt, ad hæreticorum scholas, gymnasia, sive ad ipsorum (ut vocant) Academias accedere, vel ad eorum loca habitatum ire permittant: pueri enim, si in tenera ætate, adolescentiæ nullo fidei errores imbibierint, ad omnes pietatis & Religionis Catholicæ fructus consequendos toto vitæ suæ cursu faciles se reddent.

Præ-

Præterea omnes hæredes & possessores bonorum quorumvis cujuscunque status & gradus per amorem Dei & salutem animarum suarum obsecramus, & obtestamur, ut insistant vestigiis piissimorum Majorum suorum, & oppida ac villas suas Catholicas, conductione hæreticorum non inficiant, sed in statu plene Catholico conservare contendant, aliter facturi sciant se, & successores suos, certissime tam his temporalibus bonis citius, quam speraverint, destituendos fore, quam æternis (quod Deus ab ipsis avertat) privandos. Statuimus quoque, ut Ecclesiæ Parochiales per hæresim profanata, pristino suo statui restituantur, quam restitutionem urgebunt PP. DD. Archidiaconi locorum, omnem a Nobis assistentiam habituri, quorum muneris pariter erit, investigare diligenter sana Lutheranorum, quo tempore erecta sint, utrum ante Constitutiones annorum 1632. 1648. 1668. & 1674. fundata? Et Nos Officiumque nostrum informet, & demolitiones illorum, si quæ contra jura Regni erecta reperta fuerint, insistendo legi novellæ anni 1717. cum scitu nostro, & Successorum nostrorum promovere, & ad effectum deducere curent. Fautoribus hæreticorum omni meliori modo persuadeant in charitate, ut a tali fautoratu, infamiam grandem, tam ex jure Canonico, quam ex Statutis Regni causante, omnino abstineant, alias renitentibus, & obstinatis Bullam: *Cane Domini*, dum in hac Provincia receptam, & omnes vere Catholicos obligantem intimari faciant, ut iidem fautores sentiant & cognoscant se excommunicatione Papali latæ sententiæ vere & indubitate esse innodatos & irretitos, & in periculo æternæ damnationis constitutos.

CAPUT II.

De Disputationibus in negotiis Religionis.

" **M**agna quidem periculi res est, *dicente D. Ambrosio*, si post Prophetarum oracula, post Apostolorum testimonia, post Martyrum vulnera, veterem fidem, quasi novellam, discutere præsumas, & post tam manife-

" stos Duces in errore permaneas, ac
" post morientium sudores otiosa disputatione contendas." Quare Ss. Canones c. *Quicumque*. §. *Inhibemus*. de hæreticis in 6to. & Synodus Provincialis Dzierzgoviana Lanciciæ 1541. celebrata, concertationes de Religionis negotiis cum scandalo inter epulas, pocula, fieri solitas inhibuit, signanter iis vitandas, qui in controversiarum doctrinæ parum fundati. Ne tamen provocati fidem suam defendere ignorent, lectio librorum Controversiticorum impense recommendatur Clero, signanter opuscula PP. *Godefridi Hennenberg*, *Tobia Avent*, *Elfen*, *Picbler* S. J. contra Anabaptistas sive Mennonistas, qui in hoc Regno nullatenus sunt tolerati. *P. Dael*. Attendant Decani locorum, ut præter hos libros Parochi quoque habeant Biblia sacra, authorem aliquem moralem approbatum, & saltem unum expositorem, v. g. Quæstiones exegeticas *P. Martini Brictii* Brunsbergæ editas parvo pretio comparandas.

Rudes & imperiti cum hæreticis formalem disputationem non instituant, graviter enim peccant, si per hoc causam fidei periculo exponunt, aut occasionem præbent, ne aut ipsi, aut alii in fide vacillent, quamvis negari non possit quandoque viros non tam doctos, quam sanctos, non humanæ sapientiæ verbis, sed virtute spiritus magno cum fructu cum hæreticis dimicasse; uti notat S. Athanasius, & S. Hieronymus in vita S. Antonii.

Coram simplicibus ejusmodi disputationes vitentur, quia eorum fides eo solet esse firmior, quo minus quid in oppositum audierunt. Rudiores vero illi, qui ab hæreticis ad errores sollicitantur, instituta disputatione & doctrina in fide confortentur, & argumenta, quibus labefactari creduntur, solvantur.

In modo disputandi vitentur convitia, verba mordacia, ne magis contra fidem irritentur, nec exinde queratur eruditionis laus, aut hominum plausus, alias vix operæ pretium referet: quia dilexit hominum gloriam magis, quam gloriam Dei.

Pertinaces hæretici non numero,

Rrr 3

fed

sed pondere argumentorum convinci debent stringendo illos ad brevem syllogismum, ne vagentur per varias materias, & fidei controversias. Præcipuæ materiæ sunt de vera Ecclesia Dei, de vero Sacerdotio, & remissione peccatorum, de carentia veræ cœnæ, & præsentia Christi in Eucharistia ex defectu Sacerdotii legitimi, de erroribus, quibus e diametro adversatur Evangelium JESU Christi, v.g. Hæretici sentiunt mandata Dei non esse servatu possibilia, cum Salvator noster Christus asserat: *Si vis ad vitam ingredi, serva mandata; Et mandata ejus gravia non sunt. Utpote Jugum meum suave, & onus leve. Qui dicit se nosse Deum, & mandata ejus non custodit, mendax est. Et: qui servat mandata ejus, in ipso manet, & ipse in eo.* Porro hæc non esse impossibilia servatu declarat Legislator ipse: *Mandatum, quod ego præcipio tibi hodie, non supra te est, neque procul positum, nec in celo situm, ut possis dicere, quis valet in celum ascendere, ut deferat illud, & nos audiamus, & opere complamus, neque trans mare positum, ut causeris dicere, quis poterit e nobis transfretare mare; & illud ad nos usque deferre, ut possimus audire & facere, quod præceptum est, sed juxta est sermo valde in ore tuo, ut facias illum.* Unde infert Psalmista: *Maledicti, qui declinant a mandatis tuis.* Item propone de operibus meritorii vitæ æternæ, quæ hæretici negant, illud Christi: *Cum facis convivium, voca pauperes, debiles, claudos, cæcos, & beatus eris, quia non habent retribuere tibi, retribuet enim tibi in resurrectione justorum.* Similiter: *Venite benedicti Patris mei, percipite Regnum.* *Esurivi &c. dedistis mihi. Quod uni ex minimis fecistis, mihi fecistis.* Item solam fidem non salvare, ut hæretici asserunt, juxta illud Christi: *Diliges Dominum Deum tuum, adjuncta debet esse fidei, Dei, & proximi dilectio.* Nam si habuero omnem fidem, ita, ut montes transferam, charitatem autem non habuero, nihil sum, & si distribuero in cibos pauperum omnes facultates meas, charitatem autem non habuero, nihil mihi prodest.

Demum cum hæretici potenter impugnent cultum Sanctorum, quocirca plurimi illorum Catholicos habent pro idololatriis; abhorrentque a Catholica fide, quam plenam idololatria

præcones illorum rudi populo deblaterant, proinde familiari discursu Catholicus hæretico demonstrabit distinctum esse cultum latriæ, id est adorationis, qui debetur soli Deo, hyperdulæ Matri Dei, & dulæ, qui Sanctis, electis amicis Dei, aliamque esse mente & spiritu conceptam adorationem, cum dico: *Sancta Trinitas unus Deus: miserere nobis*, alium cultum, venerationem, & invocationem amicorum Dei, cum dico: *Sancta Maria, S. Petre ora pro nobis Deum.* Sublimiorem cultum cum dico: *Adjuva nos Deus salutaris noster, & propter gloriam nominis tui libera nos.* Demiliori venerationem cum dico: *Sancta Maria impetra mihi gratiam, & cunctorum veniam peccatorum apud dilectum filium tuum.*

Conversioni non modicam ponit remoram, confessio auricularis distincta peccatorum, quare hujus præceptum a Christo Domino impositum inferet. *Infusavit, & dixit: Accipite Spiritum Sanctum, quorum remisistis peccata, remittuntur eis, quorum retinueritis, retenta sunt.* Quia vero, ut inquit Conc. Trid. "Christus Dominus e terris ascensurus ad cælos, Sacerdotes sui ipsius Vicarios reliquit, tanquam Præsides" & Judices, ad quos omnia mortalia crimina deferantur, in quæ Christi fideles ceciderint, qui pro potestate clavium remissionis, aut retentionis peccatorum sententiam pronunciant." Constat enim Sacerdotis judicium hoc, incognita causâ exercere minime posse, neque æquitatem quidem illos in penis injungendis servare, si in genere duntaxat, & non potius in specie, ac sigillatim sua ipsa peccata declararent.

Quomodo enim Sacerdos non omniscius, ut Magdalenam absolvens Dominus, sciret, quæ remittere, quæ retinere debeat, v.g. scandalosis, concubinariis, ubi nec propositum, nec spes emendationis. Item servantibus rancorem, & alienam mercedem, bona, honorem, surrepta, nisi promittant restitutionem, & his similia &c. si non oporteret in confessione peccata recensere, quæ post diligentem discussionem occurrunt. Huic præcepto Christi paruisse primos Christianos, constat ex Actis Apostolorum: *Multi confitentium venie-*

veniebant confitentes & annuntiantes actus suos, Syrus legit peccata sua, non miracula, ut hæretici interpretantur in suis Bibliis, sed peccata; eadem methodo, ut illi conversi coram Baptista: Baptizabantur ab illo in Jordaniis flumine confitentes peccata sua. Probe edocti una nobiscum, si confiteamur peccata nostra fidelis est & justus, ut remittat nobis. Figura hujus erat lepræ investigatio a Sacerdote, a leproso vero infectorum locorum ostensio & denudatio. Sic in nova lege gratiæ, juxta illud: *Ite, ostendite vos Sacerdotibus.* Ita mandavit D. N. JESUS Christus leprosis, in quibus repræsentantur ii, qui post regenerationis lavacrum peccatorum maculis, & lepra se contaminaverunt: *Et factum est, dum irent, mundati sunt;* Ut ergo ait S. Bonaventura: "Ex hoc manifeste apparet efficacia confessionis, curantis omnem morbum atque languorem." Ministris ergo Sacramenti Penitentiae, ut suo fungantur officio, Causæ pensandæ sunt, (inquit S. Gregorius) & tunc ligandi atque solvendi potestas exercenda: Videntur enim, quæ culpa præcessit, aut quæ sit penitentia secuta post culpam: ut, quos omnipotens Deus per compunctionis gratiam visitat, illos Pastoris sententia absolvat. Tunc enim vera est absolutio præidentis, cum interni arbitrium præferitur Judicis." Spirituali Medico singula explicanda sunt, quæ sauciant gravius animum etiam occultissima. Jam si erubescat ægrotus vulnus medico detegere, quod ignorat, medicina non curat; ut inquit Trid.

Jejunium quoque non levem obicem in ordine ad conversionem iis, quorum Deus venter est, ponit, proinde convertens ad originem jejunii procedet. Mandatum Dei de jejunio colliget. Sanctificate jejunium. Item: Convertimini ad me in jejunio, fletu, & planctu, buccinate tuba in Sion, sanctificate jejunium. Prædicat Christus Salvator Apostolos suos jejunia institutos, cum dicit: *Veniet autem dies, cum ablatus fuerit Sponsus ab eis, tunc jejunabunt.* Post Christi ascensionem Apostoli ordinarunt jejunium quadragesimale, feriæ 6tæ, & feriæ 4tæ, cujus loco substituit Ecclesia Sabba-

tum in memoriam Sepulturæ Christi, meroris Ecclesiæ ob Christi mortem, & ne illa die cum Judæis Christiani epularentur, ut patet ex *Can. Apostolorum* 68. in Corpore Juris Canonici. Ex eo vero motivo satores fidei jejunia demandarunt, quia in veteri lege apud populum Dei erant quatuor temporum jejunia in 4to, 5to, 7mo & 10. mensibus. Hanc devotionem Ss. Apostoli intermittere noluerunt, ne Christiani forent minus penitentes, & deteriores Judæis, qui una cum Catholicis Latinis, Græcis, Armenis sua observant & amodo jejunia. Finis autem jejunii quadragesimalis est 1. Præparatio ad festum Paschæ, & Ss. Eucharistiæ dignam sumptionem. 2. Penitentia pro peccatis saltem decima parte anni. 3. Commemoratio Passionis Christi per mortificationem membrorum, ita S. Leo. 4. Deprecatio averfionis iræ Domini per jejunia exemplo Ninivitarum, *Jona* 3. Bethulienfium, *Judit* 4. universorum Judæorum, *Esther* 4. impii Achab, 3. *Regum* 21. 5. Imitatio Christi jejunantis, & Ss. Virorum, Moysis, Eliæ, Apostolorum 2. *Corinth.* 11. *Act.* 13. Ministrantibus illis Domino, & jejunantibus. Annæ Prophetissæ *Luc.* 4. *Judit* c. ult. 6to. Carnis petulcæ mortificatio. *Castigo corpus meum, & in servitutem redigo.* Jejunia porro illa cum abstinencia a carnibus irrident hæretici, ac si illa solum valida, quæ voluntaria, & quæ fiunt ad tertiam vel vespem, ut primitus in Ecclesia jejunabatur, quæ cum operariis diurnis circa labores observari non possent, Ecclesia ea in abstinenciam hanc mutavit, & in unam diei plenam refectionem; Unde & hanc objectionem diluet Catholicus hoc modo: Non esse illudendum ei, qui dixit, *Bonum est non manducare carnem, & non bibere vinum, neque in quo frater tuus offenditur, aut scandalizatur.* Et: Si esca scandalizat fratrem meum, non manducabo carnem in æternum, ne fratrem meum scandalizem, quod bene ponderent Dissidentes. Nec errasse Prophetam, *Quando lugebat trium hebdomadarum diebus, panem non comedit, nec caro & vinum introierunt in os ejus.* Nec pueros istos sanctos, qui contenti leguminibus & aqua, carnes, vinum, cibos Regios, virtute absti-

abſtinentiæ & jejunii deſpiciabant. Quod vero Apoſtolus cenſuret prohibentes abſtinere a cibis, quos Deus creavit ad percipiendum &c. id tangit Manichæos, Marcioniſtas, hæreticos, qui nuptias, carnem, vinum, abominabantur, ut male creata, de quo *Can. Apoſolorum* 50. S. Auguſtinus *lib. 30. contra Fauſtum*.

Hæc pro eruditione male affectorum circa jejunia, & inſectorum dogmate illo non coinquinare animam, quod os intrat. Certe & pomum Adæ coinquinavit, quia prohibitum: ſic cibi prohibiti.

Pro Cæremoniis, ritibus Eccleſiæ tuendis contra hæreticos, quæ in illorum oculos, & linguas plerumque incidunt, allegabit diſputans a Chriſto adhibitas cæremonias in curatione ſurdi, muti: *Apprehendens eum de turba ſecurum, miſit digitos ſuos in auriculas ejus, & exſpuens tetigit linguam ejus, & ſuſcipiens in cælum ingemuit, & ait illi Epheta*. His cæremoniis utitur Eccleſia in Baptiſmo. Sic cæcum illuminaturus exſpuit in terram, lutum fecit, linivit in oculos, miſit in natatorium Siloe &c. cum verbo, vel tactu utrumque Dominus ſanare potuiſſet &c. Pro tuenda vero aqua luſtrali allega figuram de aſperſione ſanguinis, facta in populum in veteri lege per Sacerdotem: ſic in nova aſperſio aquæ ſanctificata per verbum Dei, & orationem in figurato indicat aſperſionem & emundationem per ſanguinem Chriſti, conſcientiæ noſtræ ab operibus mortuis ad ſerviendum Deo viventi. Sic verbo Dei Eliſæus aquas lethales fecit, benedicendo ſalutiferas.

De Proceſſionibus lege figuras veteris Teſtamenti proceſſiones factas cum Arca Domini, in qua erat urna aurea, habens manna, virga Aaron, & tabulæ teſtamenti. *Joſue 6.* circa Jericho, & *2. Regum 6.* Davidis translationem Arcæ cum jubilo triumphi in civitatem David. Myſticæ noſtræ proceſſiones in militanti Eccleſia cum pane, qui de cælo deſcendit, indicant illam doloroſam in montem Calvariæ circumductionem Chriſti, & glorioſam in cælis cum Agno Dei circumſitionem, juxta illud: *Sequuntur Aguam quocunque ierit in triumphante Eccleſia*.

Demum inferet provocatus Controverſiſta, Eccleſiam in omnibus, quæ credit, & docet, fidelibusque, ut articulos fidei, proponit credendos, errare non poſſe, habens aſſecurationem aſſiſtentiæ Chriſti pro ſemper: *Ecce ego vobiscum ſum uſque ad conſummationem ſæculi*. & protectionem Spiritus Sancti illuminantis eam, appromiſſam a Chriſto: *Alium Pavactum (Spiritum Sanctum) dabit vobis, qui maneat vobiscum in æternum*. Concludetque verbis Chriſti: *Si quis Eccleſiam non audierit, ſit tibi ſicut Ethnicus*; Et illo: *Attendite ad petram, ex qua exciſi eſtis, nimirum apud S. Matthæum indicatam: Tu es Petrus, & ſuper hanc petram ædificabo Eccleſiam meam*. Præterea in diſputationibus, ut convincantur hæretici, utantur Parochi præter S. Scripturam & rationes Theologicas, doctrinis antiquorum Doctorem Eccleſiæ, prout eſt S. Auguſtinus, Hieronymus, maxime vero conſultant eorum errores ab Irenæo, Bellarmino, quos in caſibus occurrentibus conſulere non omittant.

C A P U T III.

De ejusdem Fidei unitate tenenda.

Quæ Sancta Synodus Provincialis Gneſnenſis circa exordia, & primum ortum obſtrepentis & graſſantis tunc circumcirca hæreſis provide, ſalubriter & ſanctè conſtituit in Synodo Petricovien. anno 1578., ea intaminate obſervando injungimus. Theodorus Beza, inſignis Hæreſiarcha, neſcitur quo ſpiritu aſſatus, clare fatetur: "Libertatem conſcientiæ permittere, ſinere unumquemque, ſi volet, perire, diabolicum dogma eſt." Conſonat eidem ethnicus Cicero: "Non debet eſſe liberum cuiquam de Religione judicium," quod hæc libertas magnam pariat Reipublicæ perturbationem atque perniciem. Plato ait, non poſſe immutari Religionem abſque maxima Reipublicæ immutatione. Et certo patuit tum in Germania bellorum conſuſione trīginta annis propter Religionem agitata. Teſtis Gallia, in qua Hugonottorum, Belgium, in quo Geiſtorum,

horum, Hungaria Transilvania, in qua
 Arrianorum & aliarum diversarum se-
 ctarum, quas excitavit turbas? Calami-
 tatum incendia quis non novit?
 Hinc jura Regni, si meram tolerantiam
 & impunitatem a rigore legum anti-
 quarum hæreticis concedunt, asyllum
 & protectionem illis certe non præ-
 bent: Tanto magis patrocinari non po-
 test Hæresiarchis novæ sectæ compila-
 toribus, apostatis à fide Catholica &
 Religione, de quibus Apostolus Do-
 ctor gentium innuere videtur, utrisque
 conveniens habentes damnationem, quia
 primam fidem irritam fecerunt, & Aposto-
 lorum Princeps inquit: si enim *Refu-
 gientes conquinaciones mundi in cognitione
 Domini nostri & Salvatoris JESU Christi,
 his vinctus implicati superantur, facta sunt
 eis posteriora deteriora prioribus.* Melius
 enim erat illis non cognoscere viam
 justitiæ, quam post agnitionem retror-
 sum converti ab eo, quod illis tradi-
 tum est sancto mandato. Contigit enim
 eis illud: Canis reversus ad suum vom-
 itum, & sus lota in volutabro luci.
 Terribile judicium his immemoribus
 salutis animæ, & obligationis suæ Chri-
 stianæ interminat Apostolus, ubi ait:
*Impossibile est eos, qui semel illuminati sunt,
 gustaverunt etiam donum celeste, & participes
 facti sunt Spiritus S. gustaverunt nihilominus
 bonum Dei verbum, virtutesque sæculi ven-
 tati, & prolapsi sunt, rursus renovari ad pen-
 itentiam, rursus crucifigentes Filium Dei.*
 Quod intelligendum de difficultate con-
 versionis, eo, quod hi obstinati impe-
 nitentes fonti gratiarum Spiritus Sancti,
 a quo initium conversionis & compun-
 ctionis progreditur, proterve resistent.
 Terra enim sæpe venientem bibens
 imbrem &c. proferens spinas ac tribu-
 los reproba est, & maledicto proxima,
 cujus consummatio in combustionem.
*Voluntarie enim nobis peccantibus, infert
 idem Apostolus, post acceptam notitiam
 veritatis, jam non relinquitur pro peccatis bo-
 stia, terribilibus autem expectatio, judicii &
 ignis emulatio, quæ consumptura est adver-
 sarios.*

His fidei desertoribus, cum jura
 Regni de anno 1638. 1647. & 1685.
 gravissimas pœnas, utpote infamiæ,
 confiscationis bonorum decernant, quare
 ejusmodi impiorum hominum apo-

Tomus X. Concilior. German.

statarum genus Curati animarum pro-
 sumendis pœnis in casu non respiscen-
 tiæ ad instantiam Instigatoris sive Fisca-
 lis, ad quem de jure citabunt. Certe
 ejusmodi indignitate rei commotus
 ipse Calvinus Serverum Hæresiarcham,
 qui Sanctissimam Trinitatem blasphemabāt,
 nequaquam tolerandum esse
 judicans hæreseos damnatum, anno
 Domini 1555. Genève vivum flammis
 exuri curavit. Idem gentili hæretico
 in civitate Bernensi Helvetiorum anno
 Domini 1566. evenisse proditum est.

Hinc demum colligi potest, quid
 juris sit hæreticis in nova oratoria ædi-
 ficanda, & amplianda antiqua, cum his
 obster Articulus Confederationis ge-
 neralis de anno 1717. 1. Febr. in gene-
 rali Pacificatione conclusus, qui sic so-
 nat: "Siquidem in Regno Poloniae
 "orthodoxo, annexisque Provinciis
 "maximus circa fidem sanctam Roma-
 "nam Catholicam semper elucescere
 "confuevit zelus, prout cardinales
 "leges eo nomine sanctæ, respective
 "vero in Confederationibus generali-
 "bus Varaviensibus annorum 1632.
 "1648. 1668. 1674. id testantur, ita
 "ut Dissidentibus in Religione Chri-
 "stiana præter antiqua Fana, vulgo
 "Zbory, cum libero in iis exercitio,
 "ante leges supradictas extructa nova
 "Fana, vulgo Zbory, erigere non li-
 "ceat, sed commorantibus in civitati-
 "bus, oppidis, aliisque locis Regni
 "Poloniae, & Magni Ducatus Lithua-
 "niæ, privatim nonnisi in suis hospi-
 "tiis, vel domibus vacare devotioni
 "suæ, absque tamen prædicationibus,
 "& cantationibus indultum sit; Ideo
 "reassumendo omnes veteres leges, ex-
 "ceptionesque respective Masoviticas
 "authoritate præsentis Tractatus stabi-
 "litum est, quatenus, si quæ hætenus
 "Fana, vulgo Zbory, post & contra
 "prædictas leges in civitatibus, oppi-
 "dis, villis, ipsisque curiis noviter
 "erecta, demoliantur sine ullo impe-
 "dimento, iisque, qui diversas opinio-
 "nes circa Religionem profitentur,
 "nullos cœtus, conventusque publi-
 "cos, sive privatos, nullasque in iis
 "prædicationes & cantationes durante
 "bello præsentis Suevico, indebite ac
 "abusive practicas, congregatum fa-

S s s

cere

"cere licebit. Si qui autem Conven-
 "tus hujusmodi devotiones, prædica-
 "tiones, clam aut palam exercere, aut
 "Doctores Sectarios, Prædicantes, ad
 "exercendos suos ritus pertrahere, vel
 "sponte venientes suscipere præsump-
 "serint deprehenſi in eo, primo mul-
 "ta pecuniaria, deinde carcere, tertia
 "vice relegatione una cum ſuis præ-
 "dicantibus puniri debebunt, tam per
 "Illmos Mareſchalcos Regni & Magni
 "Ducatus Lithuanix, vel per Judicia
 "Tribunalitia, quam per Capitaneos
 "locorum, exceptis nihilominus ſolis
 "extraneorum Principum Miniſtris,
 "qui devotiones ritu ſuo pro ſe, & do-
 "meſticis tantum ſuis exercere priva-
 "tim poterunt, ita tamen, ut aliis, ad
 "eas devotiones ſub iisdem præſcrip-
 "tis præſcriptis accedere non ſit permif-
 "ſum."

Igitur continuando Articulum de
 Unitate fidei, animate Vos Fratres in
 Chriſto congregati, verbis Apoſtoli:
*Accedamus cum vero corde, in plenitudine fi-
 dei, teneamus ſpei noſtræ confeſſionem indecli-
 nabilem, fidelis eſt enim, qui repromiſit.* Sane
 naturalis id ipſum ſuadet ratio, quod
 una tantum vera, atque pura ſit Reli-
 gio. *Unus enim*, ut inquit Apoſtolus,
eſt Dominus, una fides, unum Baptiſma, unus
Deus, & Pater omnium. Quidquid vero
 "præter unam fidem eſt, perfidia, non
 "fides eſt," ut inquit S. Hilarius. Unde
 ex doctrina Apoſtolorum credamus
 unam Sanctam Catholicam & Apoſto-
 licam Eccleſiam, "quam niſi quiſque
 "fideliter, firmiterque crediderit, ſal-
 "vus eſſe non poterit, eritque Ethni-
 "cis, Publicanis annumerandus." Cur
 etenim nulla ſalus extra eam? conſide-
 randa Arca Noe, in qua oſto tantum
 animarum ſalvæ factæ ſunt. Arca Noe
 ſignificat Eccleſiam, quam ingreditun-
 tur hi, qui ſalvantur, "Si quis in Arca
 "non fuerit, peribit regnante diluvio.
 "Si igitur Eccleſia eſt Corpus Chriſti,
 "unum Corpus, unus Spiritus," ex-
 tra hoc corpus neminem vivificat Spi-
 ritus Sanctus. Qui ſeipſos ſegregant,
 animales ſunt, Spiritum Dei non ha-
 bentes. Si enim Chriſtus Dominus
 Caput eſt ſuper omnem Eccleſiam, ſicut
 caput naturale non movet, non dirigit,
 non inſluit, niſi in ſuum corpus, ejus-

que membra, ſic Chriſtus, caput vi-
 tale, ſpiritus ſui gratiam non inſtillat,
 niſi in corporis ſui membra, id eſt Ec-
 cleſiæ filios unitate fidei & Sacramen-
 torum conjunctos Eccleſiæ. Audiamus
 S. Auguſt. "Nihil formidare ſic debet
 "Chriſtianus, quam ſeparari a corpo-
 "re Chriſti," quod eſt Eccleſia, utique
 una Catholica, ſi enim ſeparatur a cor-
 pore Chriſti, non eſt membrum ejus,
 non vegetatur Spiritu ejus, *Quisquis*
autem Spiritum Chriſti non habet, hic non eſt
ejus. Propterea Apoſtoli terminant
 Symbolum: *Credo unam Sanctam Catholi-*
cam Eccleſiam; quoniam ſi quis absque
 ea inventus fuerit, erit alienus a nume-
 ro filiorum, nec enim Deum habebit
 Patrem, qui Eccleſiam noluerit habe-
 re Matrem. Aſt cum præter unum
 Dei cultum exiſtant aliæ Religiones,
 nulla ex his erit, quæ non apud ſe eſſe
 veritatem (& quidem unius atque Catho-
 licæ Chriſti Eccleſiæ) aliis perſua-
 dere conabitur. Quamvis enim S. Au-
 guſtinus doceat veritatem non hujus,
 aut illius eſſe, ſed omnium, hoc eſt:
 Sanctæ Eccleſiæ Catholicæ, quia Catho-
 licum ex græco, idem, quod uni-
 verſale ex conſenſu omnium Nationum
 & Doctorum, quæ terra eſt unius labii
 & concordantium ſermonum, cujus
 participatio in idipſum, in qua multi-
 tudinis credentium cor unum, & anima
 una, in qua idipſum dicunt, idipſum
 ſentiunt, idipſum ſapiunt, unanimis
 uno ore, glorificant Deum, & Patrem
 Domini noſtri JESU Chriſti. Attamen
 omnes Sectarii, qui ſuo arbitratu ſuos
 ſingularum Religionum intellectus ex-
 cogitant, ſuas inauditas opiniones ſub
 nomine veritatis Catholicæ venditant,
 benè conſiderent; cui prædicatum
 unius ſanctæ Catholicæ Eccleſiæ, in qua
 ſalutem quivis operare teneatur, com-
 petat. Vera Eccleſia debet eſſe viſibi-
 lis. Jubeat Chriſtus, ut ſi peccaverit
 frater, poſt correptionem privatim &
 coram teſtibus factam dicatur Eccleſiæ,
 quod ſi Eccleſiam non audivit, inquit: ſit tibi
 ſicut Ethnicus & Publicanus. Quomodo
 vero dicitur Eccleſiæ, quomodo au-
 dietur, niſi ſit viſibilis? Porro in ſcri-
 ptura comparatur Eccleſia rebus viſibi-
 libus, ut monti magao, qui implevit
 univerſam terram, Regno a mari uſque
 ad

ad mare diffusio, Soli & Lunæ plenæ. Præterea S. Chrysostomus: "Facilius, inquit, est Solem extinguere, quam Ecclesiam obscurari." Similiter loquitur S. Aug. in Epist. 2. Joan. Vera Ecclesia non potest errare in suis dogmatibus; dicitur enim *Columna & firmamentum veritatis*. Et Christus ipse ait: *Ecce ego vobiscum sum omnibus diebus*. Ego oravi pro te Petre, ut non deficiat fides tua.

Veram Christi fidem sequi debent miracula. In Nomine meo Dæmonia eicient. Signa eos, qui crediderint, sequentur. Domino cooperante, & sermonem confirmante sequentibus signis. Si non vultis michi credere, operibus credite. Quibus signis ejectionis dæmonum, resuscitationis mortuorum, sanationis ægrotorum impositione manuum usque modo sancta illustratur Ecclesia Romana Catholica. Unde Richardus a S. Victore infert: "Domine, si error est, quem credimus, a te decepti sumus, iis enim signis hæc doctrina confirmata est, quæ, nisi a te, fieri non poterunt." Hinc Theologi docent Deum in confirmationem falsæ doctrinæ miracula permittere non posse, nec diabolum similia patrare posse. Lege Acta Apostolorum de Exorcistis Judeis: *JESUM novum, Paulum scio, vos autem qui estis? & insiliens homo in eos, in quo erat dæmonium pessimum, & dominatus amborum invaluit contra eos, ita, ut nudi & vulnerati effugerent de domo illa*. De incenso holocausti Eliæ igne cælesti non Baalamitarum consumpto, qui cum tulissent bovem... invocabant nomen Baal de mane usque ad meridiem, dicentes: Baal exaudi nos; Et non erat vox, nec qui responderet. Super holocausto vero Eliæ: *Cecidit ignis Domini, & voravit holocaustum, & ligna & lapides, pulverem quoque & aquam, quæ erat in aquæ ductu, lambens*.

Demum vera Christi Ecclesia, & fides dignoscitur, in qua veri Sacerdotes, & vera remissio peccatorum. Hæc potestas data est Apostolis. *Insufflavit, & dicit eis: Accipite Spiritum S. quorum remisistis peccata &c.* Hoc dixit Apostolis, non septuaginta duobus discipulis. Hanc potestatem Apostoli communicant Presbyteris ordinatis, ut videre licet in Actis Apostolorum, ubi per singulas civitates Presbyteri constituuntur, oratione cum jejunio, im-

Tomus X. Concilior. German.

positione manuum &c. ad Titum c. 1. ubi Titus, ut Episcopus juberetur constituere per civitates Presbyteros. Apostolos autem fuisse Episcopos, constat ex Actis Apost. *Episcopatum ejus accipiat alter, & ut tales ordinant Mathiam loco Judæ in Apostolum*. Episcopi positi, ut regant Ecclesiam Dei, qui ordinandi, consecrandi, & jurisdictionis potestate præcellunt Presbyteros, ita D. Hieron. & Chrysost. Quare Paulus *Qua de causa reliqui te Creta (quæ nunc est Candia) ut constituas per civitates Presbyteros*. Non Communitas, aut Ecclesia, non Clerus, sed Episcopus ordinat, & instituit Sacerdotes. Conferatur hæc doctrina cum ordinatione Sæctoriorum, quibus ordinatio & remissio peccatorum una cum Sacerdotio communis cuicunque. Ex his patet hanc esse veram fidem, cui soli dedit Deus *Pastores, & Doctores ad consummationem Sanctorum in opus Ministerii, in ædificationem Corporis Christi, ut non circumferamur omni vento doctrinæ in astutia ad circumventionem erroris*.

Porro ubi verum est Sacerdotium, ibi & verum est Sacramentum Eucharistiæ, esseque realem præsentiam Christi in ea necesse est. Soli enim Sacerdotes, quibus dictum: *Hoc facite in meam commemorationem*, benedicunt, consecrant Eucharistiam sub utraque specie. Ex defectu itaque remissionis peccatorum a vero Sacerdote obtinendæ, & per consequens ex defectu Sacramenti Eucharistiæ, five veri Corporis Christi percepti unquam in hac vita pro vita æterna consequenda, quæ salus speranda extra ovile Christi aberrantibus? Unde ex dictis infert Vincentius Lirinensis: "Illud est Catholicum, quod ubique, quod semper, quod ab omnibus creditum est. In hoc dignoscitur Catholicum ab hæretico, si sequatur universitatem, antiquitatem, consensionem: sequetur porro universitatem, si fidem consistatur, quam tota per Orbem diffusa Ecclesia proficitur; sequetur antiquitatem, si non recedat ab illis, quæ Ss. Patres, & Majores nostri docuerunt; sequetur consensionem, si in ipsa vetustate omnium vel pene omnium Sacerdotum, pariter & Magistrorum definitiones,

"tiones, sententias sequetur." Ita Lirinen. Conclusionem ex his præmissis facit S. Aug. "Multa sunt, quæ me in gremio Ecclesiæ Catholicæ tenent, tenet me consensus populorum, tenet me authoritas miraculis initiata, spe nutrita, charitate aucta, vetustate firmata, tenet me ab ipso Petro Sacerdotum successio, tenet me postremo ipsum Catholicæ nomen, quod ita inter tot hæreses Ecclesia sola obtinuit, ut, cum omnes hæretici Catholicos se dici velint, quærenti tamen peregrino alicui, ubi ad Catholicam conveniatur, nullus hæreticorum Basilicam suam audeat ostendere, tenet me Ecclesia ab ipsa Sede Petri Apostoli, cui Dominus pascendas oves suas commendavit, usque ad præsentem Episcopatum successio Sacerdotum." Ita ille in ep. contra Manich. c. 4.

De Communionem sub una specie, quam obijciunt passim Adversarii nostri, sciant usum unius speciei, etiam quandoque usurpatum in primitiva Ecclesia, ut constat ex Actis Apostolorum. *Evant perseverantes in communicatione fractionis panis, & orationibus.* Item una autem Sabbati, cum convenissemus ad frangendum panem; unde permissum fuit ob persecutiones Christianorum Eucharistiam domum deferre, servare in stropholis & cistis, ut habet Baronius. Monachi Ægyptii Thebaidis deferebant secum ad cellas Ss. Eucharistiam. Baron. ex S. Basilio. Cæterum, semper fuit in Ecclesia potestas, prout inquit Trid. "ut in Sacramentorum dispensatione, salva eorum substantia, ea statueret, vel mutaret, quæ suscipientium utilitati, seu ipsorum Sacramentorum venerationi, pro rerum, temporum, & locorum varietate magis expedire judicaret &c." Sic ob Manichæorum vinum abhorrentium superstitiones ordinavit utramque speciem sumendam Gelasius Papa. Econtra, ne crederetur Corpus Christi exangue ob errores hæreticorum, signanter Hussitarum, Taboreitarum, ne simplices crederent Christum non contineri integre sub altera specie, Ecclesia a multis sæculis sub una specie Eucharistiam dispensare consuevit. Quia sub

una specie æque totus Christus accipitur, atque sub utraque, nam licet vi verborum solum sit præsens Christi corpus sub speciebus panis, & sanguis sub speciebus vini, per concômitantiam tamen propter unionem hypostaticam, & corpus & sanguis, & totus Christus sub utraque specie continetur. Quia quod de hoc Sacramento dicitur sub utraque specie, *Nisi manducaveritis carnem Filii hominis, & biberitis ejus sanguinem non habebitis vitam in vobis*, dicitur de eodem sub una, *Hic est enim panis, qui de celo descendit, & dat vitam mundo.* Et *Hic est panis de celo descendens, ut si quis ex ipso manducet, non moriatur.* Item: *Si quis manducaverit ex hoc pane, vivet in æternum*, Christus ipse hoc Sacramentum dedit sub una specie panis, euntibus in Emmaus, ut voluit S. Hieronymus, Augustinus, Chrylost. & alii.

Quod autem Sacerdotes in Sacrificio Missæ utramque speciem sumant, idcirco fit, quod Sacrificium est secundum ordinem Melchisedech, qui panem & vinum obtulit, quia nomine totius Ecclesiæ Deo offertur. Cæteroque etiam Sacerdotes, cum die Jovis Sancto non sacrificant, sub una specie, videlicet panis, hoc Sacramentum accipiunt, nec per hoc, quod sub una solum specie communicant, quoquam spoliantur, quia & manducant ejus carnem, & bibunt ejus sanguinem, cum corpus Christi quod accipiunt, non mortuum, sed vivum sit, hoc autem sine sanguine esse non potest, ac proinde, Ecclesia præcepit ad majorem unitatem, & uniformitatem, ut sacra Eucharistia nonnisi sub una specie distribueretur, præcipue ad evitanda varia incommoda, & irreverentias, quæ accidere possunt, si sub specie vini distribueretur. Prout Cardinalis Rubertus Pullo, qui vixit anno 1160. *par. 8. sententiarum c. 3.* scribit: "Prius Corpus post sanguis a Presbyteris est sumendus, Institutio Christi mutanda non est &c. Verum qualiter a Laicis Eucharistia sumi deberet, sponsæ suæ commisit judicio, cujus consilio & usu pulchre fit, ut caro Christi Laicis distribuatur. Nimirum periculose fieret, ut sanguis sub liquida specie multitudini fidelium in Ecclesia

"sia divideretur, longe periculosius si
 "infirmis deferretur." Et Alexander de Hales, qui contemporanee vixit
 cum S. Thoma Aquinate, in *Tractatu de Sacramentis*, q. 4. §. 3. sic loquitur:
 "Christus integre fuit sub utraque
 "specie. Bene licet sumere Corpus
 "Christi sub specie panis tantum, si-
 "cuti fere ubique fit a Laicis in Eccle-
 "sia &c. Ecclesia autem istud Sacra-
 "mentum dispensare consuevit sub
 "specie panis tantum, tum propter
 "periculum effusionis, quod forte ac-
 "cideret, si sub specie vini dispensare-
 "tur, tum propter vitii infidelitatis
 "amotionem, quod se non immerito
 "simplicium mentibus ingereret, si
 "semper sub speciebus panis & vini
 "daretur, quia si ita fieret, possent
 "simpliciores credere, quod Christus
 "non contineretur integre sub altera
 "specie."

Demum, cum ad conservandam
 puritatem Religionis Catholicæ, vel
 maxime vigiles Christus vult habere
 operarios, qui verbi Divini semen spar-
 gant in cordibus audientium, hinc vel
 maxime Parochos locorum obligatos
 esse volumus, ubi adhuc Catholici cum
 hæreticis permixti non vivunt, ne ad-
 venas hæreticos amplius ad suas Para-
 chias pro incolatu admitti permittant,
 nisi prius sponsonem coram Actis
 officiose dederint se fidem sanctam Ca-
 tholicam intra annum hujusmodi inco-
 latus esse amplexuros, sub relegatione
 actuali in officio competenti vindi-
 canda. Pariter ne disseminatores no-
 varum sectarum ab exteris Regionibus
 venientes in suis Parochiis recipi, &
 foveri patiantur, alias eosdem statim
 captivari, servata prudentia faciant, &
 ad Officium ordinarium deduci. Item
 ordinamus, ut iidem Parochi catalogum
 aut numerum sicut Catholicarum per-
 sonarum curæ suæ subjectarum, ex
 confessione Paschali provenientem; sic
 & hæreticarum sub Parochia sua degen-
 tium de anno in annum connotent,
 & ad Nos, Officiaque nostra remittant,
 Scholiregas etiam hæreticos, qui spar-
 sim per villas & colonias conventicula
 assertæ devotionis suæ congregant,
 Parochi ab eisdem conventiculis juris
 remediis arceant.

Obsecramus denique & in Domi-
 no obligamus omnes hæredes bono-
 rum, in utraque Diœcesi nostra confi-
 stentium, ut circa Actus contractuum,
 venditionum, donationum, resignatio-
 num suorum bonorum, & summarum
 super illis transfusionum, memores sint
 sanctæ fidei Catholicæ, & suæ voca-
 tionis ad eandem, clausulamque appo-
 nant, ne novus hæres, seu quovis ti-
 tulo possessor, & successores ejus au-
 deant in illis quocunque imaginabili
 prætextu locare hæreticos, eosdemque
 fovere. Quod ut eo efficacius effectue-
 tur, obsecramus, & respective mone-
 mus in Domino, quævis officia sæcula-
 ria, terrestria castrensis, quam civilia,
 ut instrumentis præfatarum vendicio-
 num, donationum, resignationum,
 cessionum, & inscriptionum ad formam
 solitam hanc, prout insinuata est, clau-
 sulam apponi faciant.

CAPUT IV.

De Conversis.

S. Jacobus Major Apostolus teste S.
 Antonino, vix novem animas ex
 ethnicismo in Hispania convertisse scri-
 bitur, attamen apprime contentus di-
 xisse fertur: *Paucos lucratus sum, nec his
 dignus sum, æquum enim est, ut pro unius
 animæ lucro, totum dimetiar orbem*, ut scri-
 bit Valsus in *Chronica Hispanica*. Iuste
 igitur, & sancte Jacobus minor, Justus
 dictus, Apostolus insert: *Fratres mei,
 si quis erraverit ex vobis a veritate, &
 converterit quis eum, scire debet, qui peccato-
 rem converti fecerit ab errore viæ suæ, salva-
 bit animam ejus a morte*. Grande igitur
 meritum consistens & proveniens ex
 conversione errantium, circa fidei ve-
 ritatem probe considerantes Viri, zelo
 Dei, & charitate proximi inflammati,
 lucro animarum aberrantium a fide
 Christi incubuerunt zelosissime. Sic
 Regulus zelat pro domo sua converten-
 da ex ethnicismo. Cornelius cogna-
 tos & amicos convocat ad Baptismi gra-
 tiam. Clodovæus Rex pro Gallia con-
 vertenda ex ethnicismo. S. Olaus pro
 Suecia, D. Ericus pro Finlandia, S. Xa-
 verius pro Indis & Japonibus illumi-
 nandis excurrit per maria & terras.

Abbas Augustinus illustrat Angliam, Scotiam, Palladius Saxoniam, D. Vilebrordus Ungariam, Prussiam D. Adalbertus Archiepiscopus Pragensis post Gnesnensis. Viri Apostolici scientes magnum proventum, & lucrum meritorum, ex conversione animarum aberrantium a fide orthodoxa huic operi & studio se totos contulerunt. Nunc, quia ad justitiam erudierunt multos, fulgent, ut stellæ, in perpetuas æternitates.

Etsi magnam percepturi sunt mercedem, qui operibus misericordiæ corporalibus exercendis se impenderunt, & sua, quanto majorem, qui spiritualibus misericordiæ operibus practicandis sedulo incubuerunt, qui docendo, monendo fratres retraxerunt ab erroribus viæ & vitæ suæ, lucratiqve sunt fratrem suum, ut monet Salvator *Matt. 18.* Quia vero Apostolus gentium Doctor monet: *Ergo autem tempus habemus, operemur bonum ad omnes, maxime autem ad domesticos fidei.* Piam & laudabilem dispositionem p. d. Admodum Rdi Bugger, olim Parochi Koncendorffensis, qui mille flor. pruth. legavit pro commodo, & aliquali alimenteratione converforum ad fidem Catholicam, & eandem in Curia Marienburg. pro annua provisione elocavit; autoritate præsentis Synodi approbamus, & Perillustri Dno Officiali Pomersanæ, nunc & pro tempore existenti committimus, ut census de prædicta summa provenientes inter magis indigentes quotannis exacte dividantur. Operibus vero charitatis, eleemosynæ, & largitatis, ut Reverendi Parochi erga prælibatos domesticos fidei pro posse suo concurrant, signanter exemplo prælaudati Curati Koncendorffensis in piis legatis, testamentis suis Neophytorum memores, augendæ huic summæ, pro modulo derelictæ substantiæ, potiunculam aliquam assignent, & contribuant in Domino hortamur. Ut vero nota sit penes Ecclesiam, penes quamvis liber ad eum effectum distinctus habeatur, in quem de nomine, cognomine, ætate, conditione fideliter per Parochos locorum conversi inscribantur, ut in casu apostasiæ de iisdem noticia & informatio haberi possit.

CAPUT V.

De Sagis & Maleficiis.

Quantis erroribus & criminibus obnoxia sint judicia, quæ in sagas & maleficos formare solent personæ sæculares, jurisperitiæ & debita ad hoc notitia minime commendati, qui ex levi suspitione, in tali crimine delatas, non confessas, nec convictas ad torturas, supernationem aquarum, & alia eruendæ veritatis media, tandem ad ipsam mortem condemnare, taliterque sanguinem innocentem fundere non verentur, exempla pro dolor! plurima testantur. Quod cum summe sit juri ac justitiæ præjudiciosum, nam quod tales causæ ad judicia spiritualia pertineant, edocet Constitutio Sigismundi Regis Cracoviæ anno 1543. lata, & tam ex Jure Canonico, quam Statutis Regni maleficia ac sortilegia ad Forum spirituale pertinere dignoscuntur. Proinde, inconvenientiis ejusmodi obviando, Magistratibus, & quibusvis jurisdictionibus sæcularibus inhibemus, ne immediatam in ejusmodi causis potestatem sibi vendicent & prætentant, sed tam ex ratione fori, quam ex eo, quod talium causarum cognitio ex se difficillima per Theologos & Jurisperitos venit discutienda, ad Nos, Officiumque nostrum remittant.

Intercessit in similibus causis Decretum Regium assessoriale Varlavizæ feria 2da post festum S. Jacobi Apostoli anno 1672. & aliud anno 1713. in crastino S. Ægidii, quibus mediantibus judicatio & cognitio causarum præexpressarum, antequam cognoscantur a Judicio spirituali, Judicibus sæcularibus penitus est adempta. Et novissime emanavit Rescriptum pro Dicecesi nostra Serenissimi Augusti III. feliciter regnantis, in quo districtè præcipitur, & Judicibus quidem civitatensibus sub pœna mille Hungaricæ, villanis vero sub pœna capitis, ne tales causas judicare audeant, nisi prævia prius cognitione Judicii spiritualis. Quod quidem Rescriptum, licet per omnes Parochias publicare fecerimus, tamen non abs re judicavimus, illud etiam præsentī Synodo inferere. Quod videatur in Appendice num. 1.

Atten-

Attendant igitur Parochi diligenter executioni prædicti Rescripti Regii, & si quid in præjudicium, & convulsionem attentari adverterint, statim Officia nostra desuper informant.

CAPUT VI.

De Judæis.

Quid est per Deum! quod in terris Prussæ, Diocesi nostra Culmensi, & Pomesaniæ Judæorum pervertitas; gens inimica Deo, ubivis, jam quavis locorum in pagis plantatur, ac radices figit, & pariter cum Catholicis se situat & collocat, cum vigore antiquæ Ordinationis terrarum Prussæ, nullibi in territorio tolerari, multominus ad coemptionem, & eversionem mercium admitti debent sub amissione bonorum, ac pena quinquaginta flor. polon. toties, quoties desuper fuerint deprehensi.

Cum autem plus, quam certum sit, quod gens hæc Judæorum multas hærees effutiat; sit in Christum, Beatissimam, Sanctos, fidem Catholicam blasphemata ac blaterans, Spiritui Sancto rebellis ac repugnans, veritati resistens, corrupta mente, & reproba circa fidem, stulta ac tarda corde ad credendum in omnibus, quæ locuti sunt Prophetæ juxta illud: *Furores illis secundum similitudinem serpentis, sicut aspidis furde, obturantibus aures suas, quæ non exaudiet vocem incantantium, & venefici incantantis sapienter.* Fidei nostræ Christianæ veri inimici, pravitatisque illorum intentio saper hoc versatur assiduo, ut Christianorum bona, & divitias semper deprimant & evellant; hac Constitutione Synodali statuimus, ut inhærendo antiquis legibus Prussæ, & recentioribus laudis terrarum ejusdem de anno 1616. 3. Octobris, 1647. 16. Junii, 1680. 16. Septembris, quæ in Appendice sub numero secundo per extensum apponuntur. Item Decreto recentissimo Castri Kovalenensis de anno 1733. 1. Julii, ut videre est in Appendice sub numero tertio: non liceat Judæis domos aut habitationes in hac Provincia figere, tabernas conducere, quanto magis bona quæcunque arendare, administrare, & quovis ti-

tulo possidere, taliterque filiis libera præesse, in eosque dominium usurpare. Sub pœnis superius expressis.

Obsecramus præterea universos bonorum hæredes in Diocesi nostra existentes, ut a commercio Judæorum, tanquam a probatissimis inimicis caveant & abstineant. *Intueamini, & caveate a fermento Phariseorum, & Sadduceorum,* ac proinde ab eis comestibilia, & potabilia, uti & merces non emant, braxatoria, cauponas, quanto magis hospitia & bona stabilia eisdem non locent, aut conducant.

Noverint præterea omnes Christiani non licere cuiquam ex Judæis famulari, nisi locando operas ad modicum tempus, non sumus enim juxta Apostolum servi sub lege, sed liberi sub gratia, nec convenit liberos, quales sunt omnes Christiani, mancipio proprio deservire. Blasphematur enim nomen Dei jugiter, cum Christiani homines, in Regno Christiano Judæis, quos sua cæca infidelitas, & Divina justitia voluit esse sub tributo, non sine contumelia Creatoris, & Redemptoris sui famulantur.

Vetamus pariter, atque prohibemus, ne Judæi conventicula faciendo in domibus quibuscunque superstitionis devotioni locum præbeant. Et si per contriventionem possessorum bonorum propter aviditatem & lucrum majoris proventus similia conventicula a Dominis locorum illis indulgerentur; quibus Curatus, & Decanus foraneus in suo Decanatu, quoties resciverit, quod conventicula etiam minima facere attemptent, & quod absit, Synagogam, sive domum quamcunque pro suis devotionibus construere intendant, tempestive ad Officium nostrum deferat, ut inhibito exportetur, quam si temere contemnere præsumpserint, extunc Nos ad alias pœnas processuros, ac pro contemptu jurisdictionis ordinariæ per Commissarios nostros in quovis judicio Regni competentem astuturos, tam contra ipsos Judæos, quam eorum fautores declaramus.

In causis autem quorumvis criminum, & excessuum, tam per Statuta Regni, quam per Constitutiones Provincia-

vinciales Judæis prohibitorum, & cum fautoribus eorundem, qui temere Hebræos in bonis suis conservant, eliguntur & deputantur Commissarii, & Plenipotentes: Perillustres, Admodum Reverendi *Martinus Strachocki* Canonicus Cath. Culmen. *Michael Radzymowsky* in *Kruszyny* pro Diocesi Culmensi; pro Pomesaniensi vero *Uladislaus Stokowski* Cultus Cath. Culmensis in Marienau, *Bartholomæus Kankrowski* in Kalwy Curati: quibus præsentis Synodi vigore, cuivis in solidum, damus plenam potestatem, causas hujusmodi, in quovis foro & judicio competenti promovendi, Plenipotentiariorum in locum suum substituendi, & penas pro qualitate delicti urgendi in Judiciis tam Castrensibus, quam Tribunalis Regni, aut Assessorialibus.

Succurrentes autem conversis ex Judaismo, ne alii a fide Catholica amplectenda terreantur, inhærendo Constitutioni PAULI III. per CLEMENTEM XI. Pontificem Maximum anno 1704. ampliata, eos a patria Judæorum potestate liberos esse, omnia bona sibi competentia, ac prius a patre possessa, etiam invitis parentibus tenere, possidere, atque ad omnia jura successione pertinere debere, nec ullatenus exhæreditari posse declaramus.

CAPUT VII.

De erudiendo populo in Doctrina Christiana Catholica.

Ad æternam vitam cum nati sint fideles, illud diligenti, sanctaque sollicitudine providendum fuit, ut ab ineunte usque ætate Doctrinæ Christianæ, quæ ad illam cœlestem vitam hominum mentes in terris instruit, rudimentis atque institutis plane imbuantur. Quamobrem Sanctorum Patrum sanctionibus, & Generalibus Conciliis, pie & salubriter sancitum est, ut saltem Dominicis, aliisque festis diebus Christianæ fidei initia in unaquaque Ecclesia fidelibus tradantur. Hinc incumbit Curatis animarum sub gravi onere conscientia: ea docere, non tantum parvulos, sed & adultos, si qui tales inveniuntur ignorantes, & vel maxime

ea, quæ sunt de necessitate mediæ, sine quibus, etiam inculpabiliter ignoratis salus æterna haberi nequit, & quidem 1^{mo}. Quod Deus sit omnium Creator. 2^{do}. Quod idem sit omnium Gubernator. 3^{to}. Quod Deus sit omnium Judex. 4^{to}. Quod anima sit immortalis. 5^{to}. Quod gratia Dei sit ad salutem necessaria. 6^{to}. Quod Deus sit unus, trinus in Personis. 7^{mo}. Quod Filius Dei sit incarnatus & passus. Et quamvis non omnino hæc septem puncta secundum Doctores sciti sunt necessaria necessitate mediæ, ne quis tamen periculo damnationis æternæ, ob defectum scientiæ, quæ tanti momenti est, se exponat, summa cura adhibenda est, ne illa ignorentur. Nam Doctorum opinio in punctis necessariis necessitate mediæ nemini potest patrocinari, casu quo illorum opinio non esset vera.

Præterea Curati doceant puncta, scitu necessaria necessitate præcepti. 1^{mo}. Symbolum Apostolorum, seu duodecim Articulos fidei, sive Credo &c. 2^{do}. Septem Petitiones, seu Pater noster. 3^{to}. Decem mandata Dei, seu Decalogum. 4^{to}. Quinquè Præcepta Ecclesiæ. 5^{to}. Ex 7. Sacramentis tria, Baptismum, Pœnitentiam, Eucharistiam; reliqua cum suscipiuntur. Hæc addiscere tenentur omnes, quamprimum rationis usum attingunt.

Non autem sufficit sola memoria instar Psittacorum illa recitare, Parentes, Parochi, Ludimagistri obligantur, ut suos ea doceant: Domini, ut domesticos in illum finem mittant ad Catechesin. Si quis autem suorum, & maxime domesticorum curam non habet, fidem negavit, & est infideli deterior. Nec se contentent Parochi duntaxat in Ecclesiis salutem suorum inservire, privatim etiam domi statum, vitam & mores cujusque cognoscere studeant, habeantque totam suam Parochiam descriptam in libro, in quo appareat, quot, & quas Parochia illa villas, domos, domus animas comprehendat. Quæ quidem descriptio fiebat antiquitus Calendis Januarii, unde nunc etiam Kalendaras, seu corrupta voce Kolendas vocamus. Eo igitur tempore per se, vel Vicarios suos, ad pietatem, non ad quæstum, nec quærentes, quæ sua sunt, sed

sed quæ JESU CHRISTI, domos singulorum per totam Parochiam visitent, ingressique juxta præceptum Domini dicant, Pax huic domui, vel alia quam ex sacris literis assumpta benedictionis formula utantur. Convocata deinde domo tota, & annotatis iis, qui pro Confessione Paschali ire debent, instruant eos de necessariis ad salutem, & an sciant se munire signo sanctæ Crucis, Orationem Dominicam, Salutationem Angelicam, Symbolum Apostolorum, secundum superius dicta de necessitate mediæ, & præcepti, examinent, deque vita, moribus, occupationibus, studiis & necessitatibus singulorum inquirent, ac si aliquos ebriosos, perjuros, fures, feneratores, fornicarios, adulteros, homicidas, blasphemos, festorum violatores, maleficiis & incantationibus deditos, aut quovis alio genere criminis obstrictos invenerint, primum eos charitate, atque lenitate verborum, quam maxime poterunt, inter se, & ipsos solos corripiant, deinde, si nihil profecerint, unum atque alterum Viros probos delinquentibus familiares adhibeant, quod si, ne tum quidem respuerint, nomina, & excessus illorum ad Nos, sive Officiales nostros, Vicarios Generales deferant.

Exhortentur deinde pro ætate & conditione quemque sua, senes, ut sobrii sint, pudici, prudentes, sani in fide & prudentia, anus in habitu sancto, non criminatrices, nec ebriati, præstigiis, lenociniisque deditæ. Viduas, ne circumeant vicos, otiosæ, curiosæ, verbosæ, loquentes, quæ non oportet, sed ut regant domos suas, filiis & nepotibus bene præsent, mutuamque vicem parentibus suis reddant. Maritos, ut diligant uxores suas, sicut Christus dilexit Ecclesiam, filios ad iracundiam ne provocent, sed educant illos in disciplina & correptione, necessitatibusque eorum provideant. Uxores, ut viros suos ament, subditæque sint illis, castas & sobrias se præsent, domus curam habeant, & ne secum infantes propter suffocationis periculum, noctu in lectis teneant. Filios, ut obediant parentibus; servos & subditos, ut ministrent Dominis in simplicitate cordis sicut Christo, non ad oculum servi-

tes, nec fraudantes, sed fidem bonam ostendentes, placentesque in omnibus. Dominos, ut remittant minas, scientes, quia utrorumque Dominus est in cælis, & personarum acceptio non est apud Deum.

Postremo, si ibi sint aliqui pupilli, virgines, mendici, infirmi, aliæque miserabiles personæ, quæ tam spirituali, quam corporali ope indigeant, consolentur eos, ineantque rationem, qua illorum orbitati, pudicitia, egestati, valetudini consulatur. Nomina singulorum in librum præfatum referenda connotent, nisi jam id præcedentibus annis factum sit, tunc enim sufficiet eos, qui intra anni decursum vel nati vel mortui sunt, sive qui domicilium alio contulerunt, aut aliunde advenerunt, annotare. Tum demum, si seminaverunt spiritualia, non erit magnum si corporalia metant, Strenasque, quas vocant Colendas, juxta Ordinationes ab Illis Antecessoribus Episc. Culmen factas accipiant. Dominus enim JESUS ordinavit iis, qui Evangelium annuntiant, de Evangelio vivere.

Demum, quia plurimum ad pueros Christianis rudimentis, & piis moribus imbuendos Ludimagistrorum pietas, scientia, ac diligentia juvare potest, ideo mandamus, ut in posterum nullus Scholirega in Ecclesiis Parochialibus admittatur, nisi prius a Decano foraneo loci de vita, moribus, ac scientia examinatus & approbatus fuerit, & professionem fidei (ut supra jam sancitum est) emisit, qui, ubi admissus fuerit, pro sui muneris cura, sedulo præstet, ut quos instruendos susceperit, eosdem ad Catholicæ fidei doctrinam informare studeat, ac propterea quilibet Ludimagister semel saltem in hebdomada sacris dogmatibus suos discipulos instruat, imo quotidie sub finem lectionum curet, ut pueri Orationem Dominicam, & Salutationem Angelicam, ac Symbolum fidei devote recitent. Quod ut cum majori fructu fiat, curavimus imprimere pro utraque nostra Dicecesi Doctrinam Christianam p. m. Cardinalis Bellarmini. Quam ut omnes Curati, cæterique, quibus incumbit frangere panem esu-

rientibus, & docere ignorantes, ad manum habeant, & suum ministerium adimpleant, serio monemus. Demum iisdem Ludimagistris injungimus, ut Dominicis, aliisque statutis diebus, quibus sacra Catechesis in Ecclesiis Parochialibus exercetur, discipulos ad eosdem adducant, nec inde discedant, donec pueri dimittantur.

CAPUT VIII.

De Prædicatione Verbi Divini.

Verbi Dei prædicationem in Ecclesia sancta maxime utilem, & necessariam esse, non est, qui dubitet. Proinde inhærendo Statutis & Ordinationibus anterioribus hac nostra Constitutione sancimus, ut Parochi, & alii curam animarum habentes, diebus Dominicis & Festis gregem sibi commissum, pro sua & ejus capacitate verbis spiritualibus pascant, eundemque ad frequentationem verbi Divini affuefaciant, docendo ea, quæ scire, omnibus necessarium est ad salutem, annuntiandoque vitia, quæ declinare, & virtutes, quas sectari oporteat, ut poenam æternam evadere, & cœlestem gloriam consequi valeant.

Conciones ad populum more institutoque Majorum Parochus, sive ejus Vicarius facturus, caveat, ne ullum aperte, vel tacite lædat, ne appareat coram auditoribus persona, sed in genere invehatur in vitia & peccata. In arguendis autem vitiis, ut acriores se Curati præstare debent, ita etiam se pietatis, ac charitatis studio non hominum, sed peccatorum odio adductos id facere significent.

In ea autem vitia, in quibus populum frequentius peccare intelligunt, vehementius invehantur, & præsertim in ebrietates, quæ animas & corpora maxime lædunt, atque in ludos, ex quibus blasphemiar, rixar proveniunt. Otium a quo omnia fere vitia fluxerunt, acerrime infestentur, cum non in otium, & inertiam dignatus sit nos Deus vocare, quinimo *Regnum Cælorum vim patitur, & violenti rapiunt illud.*

Qui concionandi officio fungentur, eam inibunt rationem, ut ne quid-

quam ab Ecclesiæ Catholicæ sensu, aut a consentiente Sanctorum Patrum auctoritate alienum proferant. Neve futura ex sacris Literis divinare, vel alicui eventui certum tempus statuere audeant.

Ne ridicula, aut levia, vel inanes fabulas, aliave risum inqventia recenseant, sed graviter, pure, sincere, & qua fieri potest facilitate verbum Dei pronuncient.

Cum perversa hæreticorum dogmata erunt confutanda, id non proluxa disputatione, sed gravibus faciant, ac solidis rationibus, & argumentis, ex sacra Scripturæ, & sanctorum Conciliorum, ac probatæ antiquæ consuetudinis auctoritate, & Catholicorum Patrum consensu depromptis. Hæreticos autem conviciis, aut contumeliis non afficiant, sed eorum sectam erroribus fecundam tanquam veræ & salvificæ Catholicæ fidei, ac Religionis contrariam damnent, & improbent.

In id autem præsertim omni animi contentione, & omnibus orationis nervis intendant, ut ad solidæ Christianæ pietatis studium animos auditorum incendunt. Dei præcepta non solum servanda esse doceant, sed & modum ostendant, quo servari illa Deus voluerit, sæpe autem fideles ad perfectiorem vitam amplectendam efficacius hortentur, ut non mortalia tantum, sed etiam venialia peccata sibi fugienda proponant, quod ut facilius præstent, frequentem usum poenitentiar tam præsentissimam spiritualis morbi medicinam, atque Ss. Eucharistiæ in hac peregrinatione, & exilio saluberrimum viaticum sedulo commendent.

Caveant autem, ne verbum Dei, quod juxta Apostolum debet esse sanum & salutare, lue aliqua inficiant, & ne cibum ad vitæ præsidium institutum, medicinam pro morbis repellendis inventam, in præsentissima venena, & mortis instrumenta convertant, quando conversi ad fabulas, ut Poëtar, auditores sibi auribus prurientes coacervant, sicque inanis facundiar lenocinio, & calamistrato plane stylo prædicationis munus corrumpant. Quapropter ne tam dulcis cibis fermento misce-

misceatur, fideliumque animus traducatur, granum Christi manu seminatū ab omni sorde segregare cupientes, ut omnes verbi Divini Præcones sub pœna suspensionis ab officio irremissibiliter decernenda, a quibusvis fabulis; anilibus jocis, Scripturæ sacræ immutatione, risu & cachinno, fabulis, macoronismis abstineant, præcipimus, *Nunquid enim Deus indiget mendacio?* Si autem ad Scripturas sacras admissa fuerint, vel officiosa mendacia, quid in eis remanebit authoritatis, quid paleis ad criticum, *Nunquid verba mea non sunt ignis, & quasi malleus conterens petram, dicit Dominus.* Videantur super prædicatione verbi Dei literæ S. Congreg. in Appendice num. 4.

Ad extremum unumquemque Prædicatorum per viscera Christi obligamus, ut ea sola, & omnia doceant, quæ Christus Dominus, veræ Religionis Author, & Magister scire nos voluit, ut vitam consequeremur æternam. Exponat præterea auditoribus sui ipsius Religionis Catholicæ nobilitatem, ob ejusdem authoris JESU CHRISTI, supereminentem excellentiam, & dignitatem, nunc vitæ ejus & mortis admiranda ac plane Divina mysteria, tum ea, quæ ipse operatur in nobis per Sacramenta & gratiam, ut ita Fideles Religionis sanctissimæ, ac rerum cœlestium suavitatem, & amore a terrenorum cupiditate jugiter abstrahantur, suadeatque etiam debere homines componere vitam, actionesque suas ad Evangelium, veluti ad infallibilem non modo fidei, sed & morum regulam, nec sufficere ad salutem credere, nisi id, quod fide creditur, perficiatur charitate, monente Apostolo: *Non auditores legis justos esse, sed factores legis justificari.* Moneat tandem custodienda esse religiose præcepta Ecclesiæ. Qui enim Ecclesiam non audit, & ipsius mandatis obedire detractat, ipsius Christi oraculo Ethnicis, & Publicanis accersendum est, etenim ipsos, tanquam Apostolorum Successores spectant illa Salvatoris verba: *Qui vos audit, me audit, & qui vos spernit, me spernit.* Et Apostolus dicit: *Obedite Præpositis vestris, & subjacete eis, ipsi enim pervigilant, quasi*
Tomus X. Concilior. German.

rationem pro animabus vestris reddituri. Subdens plane dignam charitate Apostolica rationem, *ut cum gaudio hoc faciant, & non gementes.*

Absoluta tandem concione fecit bunt actus Fidei, Spei, & Charitatis, alias Confessionem generalem cum populo congregato, ut vel sic assuescant ad usum actuum eorundem.

CAPUT IX.

De vita & honestate Clericorum.

Nihil est, quod alios magis ad pietatem, & Dei cultum assiduo inurruat, quam eorum vita, & exemplum, qui se Divino Ministerio dedicarunt, cum enim a rebus sæcularibus in altiorē sublato locum conspiciantur, in eos, tanquam speculum, reliqui oculos conjiciunt, ex iisque sumunt, quod imitentur. Ut igitur Clerici in sortem Domini vocati, vitam, moresque suos componant, & habitu, gestu, incessu, sermone, aliisque omnibus rebus, nil nisi grave, moderatum, ac religione plenum præferant, delictaque etiam levia, quæ in ipsis maxima essent, effugiant, sacri Canones, sancta Concilia, Pontificiæque Constitutiones, certas officiorum vias ac rationes Spiritu Sancto duce præscripserunt, quibus intelligent se, cum in Dei militiam sint adscripti, non ad commoditates & voluptates, sed ad labores & solitudines vocatos esse, atque ea studia, & officia amplecti debere, quæ si reliquorum oculis, auribusque observentur, profecto eticiantur, ut ipsi glorificantes Patrem, qui in cœlis est, magis vitæ exemplis ad virtutis imitationem incitentur. Quare ad Clericalem disciplinam in Ecclesiasticis Pastoralī curæ nostræ subjectis conservandam, & ea parte, qua collapsa est, restituendam, has recte vivendi formulas a sacris Canonibus, generalibus Conciliis, Apostolicisque Constitutionibus summatim depromptas ipsis præscribimus, quas ab omnibus diligenter attendi, inviolabiliterque observari mandamus.

Ac inprimis cum forma vestimenta, deformitatis mentium & morum indici-

cium sit, & ex habitu etiam corporis externo pateat interior animi compositio, ideo juxta ordinis sui gradum, coronas semper deferant; capillos prolixè non nutrant, vestitum honestum, nigrum, talarem, cum decore & congruentia status, & dignitatis suæ gestent, pileos nonnisi rotundos panni nigri coloris deferant.

Mercaturas & negotiationes de jure prohibitas, aut quæstus quoscunque lucri turpis gratia quovis colore, aut prætextu non exerceant. Dominis sæcularibus pro Factoribus villicis, aut Oeconomis sive Commissariis cum status & dignitatis Clericalis dedecore sub penis suspensionis, & aliis arbitrariis contra tales extendendis non se exponant, etenim qui Deo militant, implicare se negotiis sæcularibus non debent.

Erga Laicos gravitatem, mansuetudinem temperatam servare procurent, seipsos propter temporalia, odiosos non reddant, scandala evitent, morum integritate, & exemplo omnibus præluceant, ut eos populus amet, & revereatur.

Crapulam & ebrietatem, quæ plurimorum & maximorum malorum fons est, & origo, omnimode evitent. Comestiones & convivia sæcularium, præsertim, ubi feminae adsunt, non frequentent, vel saltem raro, si fieri aliter ex rationabili causa non potest, & in iis se exemplariter in omni locutione & actione gerant. Si quando autem hospites apud se habebunt, tam in cibis, quam in potu exemplarem & Viro Ecclesiastico dignam temperantiam ac frugalitatem humanitati, & hospitalitati bene junctam observent.

Cum hæreticis, & præsertim hæreticorum ministris frequentem consuetudinem habere caveant, ab illorum conviviis abstineant, hujusmodi enim familiaritates laicis, præsertim rudioribus absque scandalo esse non possunt.

Porro cum universæ Constitutiones Synodales pro scopo & objecto habeant, ut vita Cleri ad omnem honestatem vocationi suæ correspondentem, virtutumque sanctimoniam compona-

tur, stimulum addente Divino eloquio: *Eritis mihi Sancti, quia Sanctus sum ego Dominus, & separavi vos a cæteris populis, ut essetis mei;* ad Clericatus & præcipue ad Presbyteratus apicem promovendi serio cogitent ex sacris Canonibus & sanctis Patribus, qualis esse debeat illorum vita, ut de talento sibi concedito reddant rationem in die judicii, quod a domo Dei incipiet.

Quare cum districte a CLEMENTE V. in Concilio Viennensi, & ab INNOCENTIO III. in Concilio Lateranensi Nobis injungitur, Clericorum correctio, ne per illorum vitia diffametur Ecclesia, & scandala gravia in populo generentur, præcipimus omnibus, ut quæ per sacros Canones, Concilia, Constitutiones Pontificias, de vita & honestate Clericorum sancita sunt, sedulo observent.

Quoniam autem in hoc mundo versantes in peccatis sumus innumeris, & diabolus laqueos paratos ad Ecclesiasticorum ruinam incessabili nequitia undique tendit, ideo ipsis Ecclesiasticis ut prædictas leges sacrorum Canonum valeant observare, opus est abesse ab occasionibus, fugam capeffentes, & cogitantes, quomodo oporteat caute ambulare, ut ait Apostolus. Quia, ut inquit S. Gregorius: "Sicut cauta pro-
" visio culpæ vias obstruere noscit,
" & quæ sunt noxia declinare, ita ne-
" glectus patet excessibus, & quæ sunt
" cavenda, solet incurrere." Orationibus igitur semper instantibus est ipsis vigilandum, die ac nocte in lege Dei meditantes, ut illud: *Euge serve bone & fidelis*, audire possint a Christo Domino.

Cum autem a Dei Ministris excellentiam & decorem suæ vocationis non considerantibus, subortum sit illud magnum malum, quod amarum lacrymis cum Jeremia est lugendum: *Quomodo obscuratum est aurum, mutatus est color optimus, dispersi sunt lapides Sanctuarii in capite omnium platearum.* Per vitam enim depravatam Clericorum denigratur ordo Ecclesiasticus, & opprobrium patitur dignitas Clericalis. "Aurum quippe (inquam cum Divo Gregor.) obscuratum est, quia Sacerdotum vita

"vita quondam per gloriam virtutum
 "clara, nunc per actiones infirmas
 "ostenditur reproba. Color optimus
 "est mutatus, quia ille sanctitatis ha-
 "bitus per terrena & abjecta opera ad
 "ignominiam despectionis venit. Sed
 "disperſi ſunt lapides Sanctuarii in
 "capite omnium platearum, quia illi
 "per vitam & orationem intus ſemper
 "eſſe debuerant, per vitam reprobam
 "foris vacant. Ecce jam pene nulla
 "eſt ſæculi actio, quam non Sacerdo-
 "tes adminiſtrent." Alta igitur men-
 "te eſt Nobis repetendum, quibus op-
 "portunis remediis tot malis & ruinis
 "dignitatis Eccleſiaſticae occurrere poſſi-
 "mus. Quod ſedula meditatione revol-
 "ventes, quinque eſſe graviora & atro-
 "ciora mala & vitia invenimus, per quæ
 "hoſtis ille veteranus hyerarchicum Or-
 "dinem Eccleſiæ devaſtat, deturpat, &
 "veneno ſuo inſicit lethifero.

Primum *Carnis* eſt vitium, quo
 nihil turpius & horribilius in Clericis,
 qui cœleſtem proſtitentur vitam. Qua-
 re, cum omnia jura clament, ut, qui
 Ordinibus initiati ſunt, perpetuum
 ſervent caſtitatis votum Deo promiſ-
 ſum, & indiſpenſabiliter Ordini an-
 nexum, Dei maledictionibus (in D. Bri-
 gitæ revelationibus contentis) obvi-
 ant, qui reſcindentes, quod Deo ſolemni-
 ter ſpoſponderunt obſcœnitatibus ſe im-
 plicant, quod peccati genus eſt Sacer-
 dotum ruina, cum per ipſum e cœlis
 cum Lucifero, ut ait Chriſtus Domi-
 nus in prædictis revelationibus, ad tar-
 tari infima & tenebroſa deſcendant.

Permaneant igitur omnes in caſti-
 tate non ficta, omni penitus ab illis
 ſorde, ut ait Concilium Toletanum,
 mulierumque familiaritate remota. Et
 quoniam, ut ait S. Gregorius, Sacer-
 dotes cum feminis habitare, nefarium
 eſt dicere vel audire, & contra Ss. Ca-
 nonum ſancita, ideo ne ipſi antiqui ho-
 ſtis decipiantur fraude, & vituperetur
 miniſterium noſtrum, ut omnis exclu-
 datur nefanda ſuſpicio, ad occurren-
 dum huic malo nullus Clericus cleri-
 calem vitam agens, & Statum Eccle-
 ſiaſticum proſtens ſuſpectas mulieres,
 præſertim juvenes, vel in quarum ob-
 ſequio aut familiaritate juvenes verſan-
 tur, domi ſuæ tenere, vel extra fovere,

ullamve conſuetudinem cum illis ha-
 bere audeat, ſub pœnis a Conc. Trid.
 & Conſtitutionibus Synodalibus ex-
 preſſis. Licitum tamen erit Sacerdoti-
 bus morbo vel ætate affectis, proveſtas
 jam annis, & bonis moribus ſcœminas
 habere pro honeſto ſervitio, dummo-
 do de turpi conſuetudine ſecum vel
 cum aliis antea ſuſpectæ non fuerint,
 & in ſeparatis ab invicem cubiculis
 maneant. Ad quem tamen effectum
 ſciant ſe obligatos a Nobis, ſive Officia-
 libus noſtris expreſſam petere debere
 licentiam gratis dandam, cum ſecun-
 dum Conc. Nicænum, & Carthagenen-
 ſem Clericis extraneæ ſcœminæ coha-
 bitare non debeant. Si non ſint in
 gradibus conjunctæ a jure permiſſis,
 videlicet uſque ad ſecundum conſan-
 guinitatis vel affinitatis gradum: nem-
 pe matres, aviæ, ſorores, materteræ,
 amitæ, fratrum & ſorum filiæ, & ſi-
 liorum uxores, ut pluries S. Congre-
 gatio definivit, & denuo in Hortana
 ſub die 28. 7bris 1709. Contravenientes
 ſubjiciantur pœnis a jure ſtatutis.

Alterum eſt *Ludus*, quo multos
 diabolus implicat Clericos, hac eſca a
 bonis operationibus avertens, & præ-
 cipue ut Divinæ Scripturæ, aliorum-
 que ſacrorum librorum lectioni valedi-
 centes, varie tempus terant, & igno-
 rantia ſcopulo allidantur, aliisque malis,
 innumeris inde quoque exuberantibus.
 "Vix enim (ait S. Antonius)
 "eſt dare actus, in quo occurrant tot
 "mala, quot ex ludo," quibus reti-
 bus, ut diabolus Eccleſiaſticos capiat,
 ex habito conciliabulo Lucifer omni-
 um malorum artifex diverſos ludos
 adinvenit, ut teſtatur S. Bernardinus
 Senenſis: "Non enim Deus dat ludere,
 "ſed diabolus." Ideo mandamus cum
 INNOCENTIO III. & Synodis præ-
 cedentibus Diœceſanis, ut ab aleis,
 taxillis, aliisque ludis vetitis abſti-
 neant.

Si quando vero licitos ludos exer-
 cere voluerint, eas ſervent condiciones,
 quas recenset S. Thomas. Sintque
 cum debita moderatione, & congruant
 perſonæ, loco, tempori: fugientes ap-
 prime jocandi illud genus, quod Tul-
 lius vocat illiberale, petulans, flagiti-
 ſum, obſcœnum. "Quando ſcilicet uti-
 tur

"tur aliquis (ut ait S. Thomas) causa
"ludi turpibus verbis, vel factis, vel
"etiam his, quæ vergunt in proximi
"nocumentum, quæ de se sunt pecca-
"ta mortalia."

Tertium vitium est *Venatio*, quæ,
ut ait NICOLAUS Papa, plurimos
etiam de Clericali catalogo irreveren-
ter implicat. "Esaü venator erat, (ait
S. Hieronymus,) "quoniam peccator
"erat, & penitus non invenimus in
"Scripturis sanctis sanctum aliquem
"venatorem." Et propter hoc, ut
inquit Abulensis, sancti Viri non se de-
derunt huic occupationi, sicut piscationi,
quia venatio vix sine nocumento
proximi exercetur. Quare cum hoc
implicatur vitio Clerici, merito pos-
sumus exclamare cum NICOLAO Pa-
pa: "O! miseram vitam hominum &
"maxime Sacerdotum, qui dum lu-
"crandis fidelibus debent insistere, ve-
"randis feris incumbunt, & quos ca-
"pere oportet homines, capiunt aves,
"qui dum moribus student anima-
"lium, vitam suarum perdunt anima-
"rum. O! infelicem vitam super om-
"nem vitam, nam in quo magis car-
"nalis apparet, quam in tali vita?"
Quapropter insistendo sacris Canoni-
bus venationes omnes signanter tamen
clamorosas Clericis serio inhibemus
sub penis a jure statutis, & aliis arbi-
trio nostro infligendis, juxta Conc. Tri-
dent. Unde in sacris Canonibus veta-
tur retinere canes ad venandum & ac-
cipitres.

Quartum vitium est *Avaritia*, quia
diabolus malorum omnium artifex sub-
tili & occulta quadam arte Ecclesia-
sticos excecatur, quibus hoc vitium ita
proprie adhæret, ut locum dederit
communi effatui *Presbyterorum genus avarissimum*. Hoc detestabile crimen ita
Ecclesiasticum Ordinem deturpat, ut
propter istud, multis Sæcularibus sine
odio abominabiles Clerici in sortem
Domini vocati, pariantque illa nummo-
rum siti inexplebili, varia & quam-
plurima scandala, ut enim illam extin-
guant, se variis implicant illicitis ne-
gotiationibus, quibus sæpissime proximi
& miserabiles personæ graviter ab
ipsis opprimuntur, & hoc excecati
scelere frigidi & ferrei viscera claudunt

pietatis super necessitates & indigentias
pauperum. Quare jure merito idolo-
rum servituti comparavit D. Paulus
hoc vitium, quia, ut ait Glossa, *tan-
quam Deo exhibet avarus nummo reverentiam*.
Quapropter præcipimus omnibus Ec-
clesiasticis, "ne lucra sæculi in Christi
"quærant militia," ut ait S. Hierony-
mus. Negotiationes ergo sæculares
juxta sacros Canones, mercaturas, tur-
pia lucra fugiant tanquam pestes, sed
thesaurizantes thesauros in celo, ut
præcepit JESUS Christus in Evange-
lio, mammonæ abrenuntient. *Et qui
utuntur hoc mundo, tanquam non utantur,
præterit enim figura hujus mundi, ut mo-
net S. Paulus. Qui contravenerint, sub-
jaceant penis a sacris Canonibus in-
flictis, & præcipue a Concilio Nicæno I.
Can. 17. & Concilio Arelatenfi Can. 14.*
Sint igitur procul Ecclesiastici omnes
ab hoc barathro, ne sibi, & aliis sint
causa æternæ ruinæ. Nam qui volunt
divites fieri, *incidunt in tentationem, & in
laqueum diaboli, & desideria multa inutilia,
& nociva, quæ mergunt homines in interitum
& perditionem*, ait S. Paulus.

Quintum vitium est *Contemptus pa-
ritatis animæ, sacrorum Rituum & Rubri-
carum in Celebratione Missæ, & recitatione
Divini Officii, aliisque in functionibus Eccle-
siasticis*. Nihil enim est, sæpens dicam,
quod a quibusdam Deo dicatis viliori
attentione, & incuria majori absolva-
tur in hoc mundo, quam Divinus fa-
mulatus, ita, ut vere dicere possimus
cum Salviano: "Omnia amamus, om-
"nia colimus, solus nobis in compara-
"tione omnium Deus vilis est." Qua-
propter ex quibus vitam, & bona om-
nia reportare deberemus, cum iis sine
debita animæ puritate, devotione, re-
verentia & attentione, sed magna osci-
tatione, & contemptu perfungamur,
ex tali incuria & temeritate ab Altari
& Ecclesiasticis Officiis mortem ipsam
cum Oza; & mala omnia reportamus.
Hanc oscitantiam, tepiditatem, in Cle-
ro removere volentes decernimus.

Quatenus Personæ Ecclesiasticæ
singulis annis ad aliquod religiosum
domicilium se conferentes in eo exer-
cicia spiritualia sub perito aliquo artis
hujus ex fonte Magistro absolvant,
idque sub pœna duorum aureorum pro qua-

quavis omissione per Instigatorem Officii pro Seminario Diocesano in duabus partibus, & tertia sibi applicanda. Non est etenim felicior modus, ac medium efficacius ad excutiendas profanas levitates, ad sæculares fumos ac vanitates dissipandas ad Deum sibi sincera pietate, solidisque virtutibus adstringendum, ad totam denique vitæ suæ & honestatis regularem, & ordinatissimam sui status dispositionem componendam, quam hæc sacra, & divinissima solitudo, quæ si toto pectore, sinceroque ad Divinos amplectendos instinctus animo suscipiatur, impossibile videtur quempiam sine divite Spiritus Sancti fructu, morumque suorum duratura emendatione de hoc Ascetorio rediturum.

Quare Officiales nostri testimonium de absolutis recollectionibus, a Clero sollicite exquirent, & nisi docuerint se exercitiis spiritualibus vacasse, tempus absolvendarum recollectionum iis præfigi volumus, & contumaces propterea a Divinis arceri.

Lectio sacrae Scripturæ, casuum resolutioni, conscientia discutioni quotidie aliquid temporis tribuere assuescant. Quod ut efficacius consequi valeant, omnes & singulos animarum Rectores, imo & universum Clerum in Domino hortamur, & auctoritate hujus Synodi statuimus & mandamus.

Ad lites Parochianis suis intentandas nullatenus sint faciles, sed prius Nobis, vel Officiali nostro causam litis excitandæ exponi faciant. Nos, vel DD. Officiales nostri civiliora remedia attentabimus, quæ si non succedent, licentiam, jure agendi permittemus, quod non solum de criminalibus, verum etiam in civilibus observari præcipimus. "Popularis enim & grata est" omnibus bonitas. "Nihilque quod tam facile illabatur humanis sensibus, in Sacerdotibus vero incredibile, quantum procedat ad cumulum dilectionis, profectum & lucrum animarum.

CAPUT X.

De sacris Ecclesiæ Jejuniis.

Omnis sacrorum temporum celebritas, singularem a Pastoribus

animarum deposcit sollicitudinem, atque a populo observantiam, atque in iis quidem unum est, quod pie, religiose, sancteque coli a fidelibus maxime oportet, tempus Quadragesimale virtutum Christianarum disciplinæ, atque exercitationibus dicatum. Est enim plenum sacris Mysteriis, propter quæ magnam illam Paschæ solemnitatem, qua una omnium celebritatum dignitas, ut inquit S. Leo, consecrata est, proxime præcedit. Fuit porro jejunium Quadragesimale a Christo Domino constitutum, & ab Apostolicis usque temporibus in universa Ecclesia Dei religiose observatum. Quare ut tempus hoc sacrum, tamque religiosum, in quo colendo, sancteque observando veterum pietas mirifice illuxit, a fidelibus nostræ sollicitudini commissis, majoris observantiæ studio, abstinentiæ, jejunii, eleemosynarum largitionibus, oratione, continentia, non ciborum tantum parvitate, sed privatione maxime vitiorum, carnis maceratione, omnisque salutis penitentia disciplina colatur, Curati locorum Dominica ante Quadragesimam populum informabunt. Inter multos enim refrigerantis in Deum charitatis effectus relaxationem jejuniorum merito numeramus, quæ prætextu infirmitatis, ac debilitatis plerique excutiunt, qui tamen ad vitia satis dignoscuntur habere virium, longe meliores futuri, si debiliores essent. Conscientias igitur DD. Parochorum, Confessariorumque obligamus, ne facile, nec sine gravi causa partem illam disciplinæ Ecclesiasticæ relaxent, nec alimenta vitiis subministrent.

Dispensati vero ad esum carniarum certis diebus per Quadragesimam ad scandalum aliorum imbecilliorum in observandis legibus Ecclesiæ, evitandum indulgentia illa non abutantur, oculisque hominum se cum illis cibis vetitis comesturi subducant.

Deinde omni conatu Pastores animarum obniti debent, ne privata devotione adinventæ, & superstitionem quoque aliquam redolentia jejunia quisquam ita assumat, ut illa quidem mordiciter retineat, consueta vero, & ab Ecclesia imperata, & in hac Diocesi laudabiliter observata eludat. Quare

Paro-

Parochi Vigiliis, & quatuor anni tempora præcedentibus diebus Dominicis post concionem populo notificent, simul denuntiando gravem obligationem omnibus a carne, aliisque veritis cibis abstinendi, egressis vero vigesimum primum ætatis annum nulla legitima causa impediens etiam jejundandi, ita, ut nonnisi semel in die circa meridiem comedant, nec aliam deinde refectionem, præterquam serotinam ac parcam capiant, habita tamen consideratione graviter in sudore vultus panem sibi promerentium.

Ut autem sacrum, & maxime acceptabile Quadragesimæ tempus eo, quo debet, fructu a populis celebretur, eos Parochi & efficaciter & opportune præmoneant, illius observationem, licentia atque intemperantia præcedentium dierum non recte suscipi, nec in peccatis jejundando bene peragi, neque sine magno jejunio, abstinencia scilicet iniquitatum, Paschali cœlestis panis saturitate licere frui. Propterea ut omnis, non solum culpa, sed etiam culpæ occasio cautius tum, quam alias vitari possit, a feria quarta Cinerum, usque ad festum Paschatis, prout etiam sacro Adventus tempore, choreas, tripudia, saltus, compotationes, convivia, musicam, & quælibet licentiosa conventicula, sub gravibus pœnis, tam contra authores, quam contra quomodocunque assistentes districtè prohibemus; & Parochos ad Appendicem *sub numero 5to* de Jejuniis, & Festorum observantia, quomodo populo publicari debent, remittimus.

CAPUT XI.

De Festorum observantia.

Ea est morum corruptela, atque ab omni Divina & humana lege aliena, ut qui Deo dicati sunt dies, & ad ipsius, & Sanctorum celebrandas laudes instituti, ii non modo sancte, pieque, ut par est, non colantur, sed servilibus etiam operibus, vilibusque officiis violentur, iisque ipsis homines ad Divinam iram, & suarum animarum perniciem abutantur.

Nos igitur sacrorum Conciliorum auctoritate, ac Summorum Pontificum

Decretis innixi, hæc Christi fidelibus in festis diebus sanctificandis proponenda censuimus.

Primum igitur pridie Festi omni pietatis studio fideles se parent; atque disponant ad illius sanctificationem, confessione, sive oratione crebriore, atque ardentiore meditatione celebritatis, quæ agitur, imitatione alicujus virtutis Sancti, aut Sanctæ, cujus festum colitur, jejunio, vel præcepti, vel devotionis, vel saltem abstinencia, firma deliberatione progrediendi in vitæ sanctioris via.

Ipsò vero die Festo Missæ reverenter interfint, quæ prætermitti non potest absque peccato mortali, idque, ut in Parochiali Ecclesia præsent, ad sacrorum Canonum præscriptum vehementer in Domino monemus.

Missæ etiam solemnæ, quæ canitur, præstes adsint, præsertim in festivitatis majoribus.

Concionem sacram attentissime audiant, monitaque concionantis exequantur. In doctrinæ Christianæ Scholis diligenter versentur, & Patres familias filios suos, ac famulos Catechismum frequentare obligent.

Egentibus, præsertim iis, quos ad fores Ecclesiæ repererint, secundum posse suum elemosynam conferant.

Pauperes non solum, qui in publicis hospitalibus sunt, sed etiam alibi visitabunt, & adjuvabunt re, consilio, & consolatione.

Abstineant autem diebus festivis ab omni opere servili, mundanoque, atque a quavis illiberalis artis exercitatione, nec non a cujuslibet rei emptione & venditione, præter id, quod illius diei victui necessarium sit.

Custodes pecorum, quia tempore pascuæ raro, aut vix possunt interesse Divinis de ætate, Curati locorum de hyeme eo diligentius monebunt, ne negligant frequentare Ecclesiam, quos etiam examinabunt de rudimentis fidei, ac monebunt de superstitionibus, quæ ejusmodi hominibus communiores esse solent, vitandis.

Si quis autem ex aliqua gravi causa, seu necessitate hujusmodi diebus, aliquod

aliquod servile, aut vetitum opus propter ingruentes pluvias, & concurrentiam Fæstorum aggredi vellet, id cum scitu saltem fiat Parochorum, quorum conscientias oneramus. Foralia, nundinas & mercaturas quasvis, prout etiam vocationes subditorum in diebus Dominicis & Fæstis, vulgo *do Gromad*, quando populus Divinis Officiis, & doctrinæ Christianæ interesse tenetur, omnino abrogamus, & sub comminatione tremendi iudicii Dei generaliter quoad omnia bona tam spiritalia, quam secularia prohibemus. Ad quem effectum ea, quæ in Appendice appositæ sunt *sub numero 5*. De observantia Fæstorum, y o *Targach Niedzielnich*, Parochi populo sibi commissio quatuor vicibus in anno Dominicis post quatuor Tempora publicabuntur.

CAPUT XII.

De Archidiaconis, illorumque Officiis.

Ut utriusque nostræ Diœcesis necessitates facilius cognoscere, eisque opportuna remedia accuratius adhibere possimus, PP. DD. Archidiaconi omni studio ac diligentia curabunt, ut quæ ad Divini cultus augmentum, animarumque salutem procurandam, a sacris Canonibus, & Constitutionibus Synodalibus sanctè præscripta sunt, in regione tractu sibi commissio ab omnibus diligenter attendantur, & accurate observentur. Cum vero præcipuum eorum munus sit visitare Ecclesias, ideo præsentis Synodi auctoritate statuimus, ut de triennio in triennium Ecclesias suorum territoriorum per se ipsos, & non per Substitutos visitent sub pœnis a jure descriptis. Actaque hujusmodi suarum visitationum cum Decretis Reformationum in libros descripta & compacta, ad Nos, Officiumque nostrum intra tres menses ab actu visitationis tradant. Tempore visitationis modesto equitatu, & famulatu contenti sint, munera etiam ultro oblata tam per se, quam familiares suos pro se, aut suis quocunque prætextu non accipiant, aut si quid forte sumpserint, eos puniant, ac restituere compellant.

Tonus X. Concilior. German.

Sicuti enim visitationi subjectos gravari nolumus, ita Visitatoribus honorem debitum, & reverentiam ab iis, qui visitantur, deferri, ac eosdem sufficientibus provisionibus (quæ ipsis de jure debentur) honorari præcipimus.

CAPUT XIII.

De Archipresbyteris, sive Decanis foraneis, obligationibus illorum, & Congregationibus Decanalibus.

Officium Decanorum, quam utile & honorificum sit in Ecclesia Dei, inde patet, quod ii Archipresbyteri, id est, primi Presbyteri, & Presbyteralibus Officiis eminentes nuncupantur. Sunt tamen nonnulli, qui tam honorifici muneris immemores, ea, quæ sui sunt officii, ita negligunt, ut illa quasi penitus ignorare videantur, ut igitur illos, eosdemque Decanos ab hinc in exequendis muneribus suis diligentes ac sollicitos habeamus, iis omnia, quæ Decanali Officio congruunt, huic Synodo inferenda duximus. In Constitutionibus DZIALNIANIS tit. *de Visitat. & Congregationibus per Archipresbyteros faciendis*, satis prolixè enarrantur Archipresbyterorum munia, quæ præsentibus, ac si hic expressa forent, de verbo ad verbum assumimus, & innovamus. Noverint præterea DD. Archipresbyteri sive Decani se commune Archidiaconorum & Oeconomi officium exercere, adeoque se per Decanatus quasi quosdam Speculatores esse constitutos, ut propinquius observent & explorent vitam, mores, & actiones Cleri, suæ animadversioni commissi, ac proinde si quem a recto status & officii sui tramite declinantem audierint, & compererint, primo illum privatim inter se, & illum ipsum fraternè admoneant, deinde si se non emendaverit, in Congregatione coram senioribus Confratribus reprehendant, si autem nec monitus, nec reprehensus a malo vel negligentia sua destiterit, tum cum summaria informatione illum ad Nos, aut Officiale nostrum Generalem deferant.

V v v

Si

Si quis de Clero inhoneste vixerit, feminas suspectas domi suæ, aut extra foverit, vel tales cum forti suspitione & populi scandalo visitare, aut tabernas & hospitia ad computandum, vel choræas ducendas adire consueverit; si quis cum mulieribus in uno curru discedere; si quis ebrietati deditus eidem frequenter indulerit, aut pecuniam suam in usuram dederit, sive infamem Simoniz labem commiserit; si quis suppellectilem sacram, præcipue in auro & argento, & pretiosorem etiam in rem & necessitatem suæ Ecclesiæ citra expressam a Nobis obtentam in scripto facultatem oppignoraverit, vendiderit, vel alienaverit; si quis in administratione Sacramentorum ita negligens vel tardus fuerit, ut ipsius culpa, aut infans sine Baptismo, aut adultus sine Pœnitentiæ, Eucharistiæ, & Extremæ Unctionis Sacramento (quod Deus avertat) moriatur; si quis Sacramentum Matrimonii subditis alterius Parochiæ, non habita prius a proprio illorum Parocho licentia administrare præsumpserit, aut ab Ecclesiâ frequenter sese absentaverit; si quis etiam si penes suam Ecclesiâ resideat, Officia tamen Divina præcipue ad instructionem populi Conciones, & Catecheses, nec per se, nec per substitutum peragit; si quis obligationes Missarum ex fundatione non adimplet, jura, decimas, census, aliosque proventus Ecclesiæ suæ vigore juramenti circa institutionem sui præstiti vindicare aut negligit, aut de anno in annum retardat; si quis Ecclesiâ, cui præest, ædificiaque plebanalia in desolationem tendere permittit, ruinis tempestive non occurrendo, nec facta recta pro posse conservando, aut, quod pejus est, bona, ædificia, fundos, proventusque Ecclesiasticos (quorum non Dominus, & hæres, sed Administrator & dispensator est) dissipat & dilapidat. Si qui DD. Hæredes, & Possessores bonorum, novas colonias introducendo homines acatholicos fundant, aut Judæi mulieres Christianas in obsequiis suis fovere, dies festos violare præsumant, talem sive tales, iisdemque similes quilibet Decanus ex suo Decanatu, imo etiam ex vicino, si ille negli-

gens fuerit, ad Nos, vel Officiale nostrum Generalem quantocius deferre tenetur.

Ut autem quilibet Decanus super hætenus enumeratis, & similibus possit se prius, & deinde Nos debite informare, de facili id assequetur, si bonam & fraternam cum Condecanalibus suis tenuerit semper coincidentiam, & correspondentiam, sed & ex altera parte tam Parochi, quam alii, quicunque Commendarii, Vicarii, Ministri Ecclesiarum, imo universus illius Decanatus populus oportet, ut Decanos suos convenienti honore prosequantur, debitamque illis obedientiam præstent, nihil eos celando, sciscitabuntur pro suo officio, quinimo; si quid certi cum gravi offensa Dei, injuria Ecclesiæ, aut proximi aliquis, siverit, eidem non odio personæ, sed amore justitiæ deferre tenetur.

Convocabit quoque prævio processu quilibet Decanus omnes, quoscunque sui Decanatus beneficiatos Directores Scholarum, Cantores, Organarios, & alios Ecclesiarum Ministros, pro Congregatione Decanali bis in anno celebranda, scilicet post Dominicam secundam post Pascha in crastinum, & post primam Dominicam Octobris, die post Dominicas nominatas non impedita, idque observato turno Ecclesiarum. Cantataque Missa pro defunctis Confratribus, & altera de Spiritu Sancto post Orationem sive discursum ordine per singulos Parochos habendum de capitis & fructibus harum Congregationum præhabitu mutuo conferat cum fratribus de occurrentibus negotiis, aut necessitatibus Ecclesiarum, & Ecclesiasticorum, tum de moribus, honestate vitæ Parochorum, aliorumque Presbyterorum in Decanatu suo existentium, de cura animarum, administratione Sacramentorum, decore Ecclesiarum, Ministrorumque Ecclesiæ, cujuslibet sobrietate, & in servitiis diligentia, præcipue autem, an Decretis præsentis Synodi & Ordinationibus in visitationibus præscriptis satisfactum fuerit.

In literis innotescentialibus pro futura Congregatione intimanda, proponantur per Decanum loci tres questiones

stiones morales, seu castitæ, ut quis Beneficiatus suam desuper in scriptis resolutionem in phylra connotet, non ut tota impleatur, sed ut postea in unum volumen redigatur, quas resolutiones nominibus & cognominibus suis subscriptas secum adferent, publice in Congregatione prælegendas, quas Decanus sua resolutione concludet, ac omnium scripta folia cum punctis, & quæstionibus ad se recipiat, & ad Officium nostrum una cum sermone dicto remittet. Præterea, si quempiam scandalosum, notorisque excessibus, sive defectibus, minoribus tamen (maiores namque excessus supra numeratos illisque similes nostro, Officii quoque nostri iudicio totaliter reservamus) accusatum & convictum habuerit, eundem in Congregatione Decanali prius monitum, & correctum, tandem levioribus pœnis afficiat, si autem a malo, & pravo habitu non destiterit, eum in relatione, quam Nobis, sive Officio nostro ex qualibet Congregatione in scriptis transmittere tenebitur, cum summaria informatione deferat puniendum.

Quia vero compertum est, quod aliqui ex Parochis pro Oleis sacris, & Rubricellis tardissime recurrere solent, opportunum duximus, procuracionis ejusmodi negotium Decanis locorum committere. Unde quatenus iidem facta super hoc in Congregatione cum Confratribus conferentia, eorumque præmonitione pro sacris quidem Oleis circa festum Paschæ Presbyterum ex quovis Decanatu per turnum, pro Rubricellis autem ad initium cujuslibet anni, cursores tempestive mittant, illasque & illa inter Clerum, & Ecclesias sui Decanatus salva refusione expensarum, & vialium distribuunt.

Attendat insuper unusquisque Decanus, si fratres in legendis, canendisque Missis Rubricas & cæremonias observent, & an cantum Gregorianum, tam illi, quam Ecclesiarum Ministri calleant, ne inordinato cantu audientium aures offendant.

Rituale Ecclesiæ, Catechismum Conc. Trid., libellum Evangeliorum præter alios libros morales, & ad præ-

Tomus X. Concilior. German.

dicandum verbum Divinum necessarios superius insinuat, an singuli habeant, & Breviarium integrum, videat & revideat, non habentes puniat, & ad comparandum citra ullam dilationem urgeat, ac inducat.

Similiter ad Congregationem non venientes, nec iustas absentia suæ causas literis nuntiisve exponentes multa pecuniaria, Parochos decem marcarum, Vicarios quinque puniat, quæ multa cedat pro fabrica Ecclesiæ illius, ubi Congregatio celebrabitur. Si autem secunda vice absentes fuerint, sciant se gravioribus subjiendos pœnis, & contra tales Instigatori Officii actionem committimus.

Finitis vero, aut si ante prandium finiri non poterunt, dilatis post meridiem occurrentibus negotiis, omnes simul in domo Decani, sive Parochi, quem turnus tetigerit, prandium sument quam frugalissime paucis ferculis contenti, item in bibendo sobrietatem omnimodam observabunt. Tempore mensæ legatur aliquis liber spiritalis.

Si quis autem sub tempus Congregationis de ebrietate, rixis, contentionibus, excessuque aliquo scandaloso convictus fuerit, is a Decano ab officio & ordine suspensus declaretur, & ad Nos pro absolutione remittatur. Ministri autem Ecclesiæ laici carcere, aut verberibus pro qualitate excessus, & delicti, ex mandato Decani irremissibiliter puniantur.

Sumpta refectioe iterum omnes insimul ad Ecclesiam redeant reinduti superpelliceis, & si quæ adhuc habent tractanda, expedienda, & definienda, tractent, expediant, & definiant, Actaque Congregationis a Decano, & Consiliariis subscripta ad Nos, sive Officiale nostrum Generalem per certum nuntium transmittant, suamque Congregationem per solenne *Tē Deum laudamus*, & præmissis versu *Benedicamus Patri & Filio*, &c. per Orationem de Sanctissima Trinitate, cum altera pro gratiarum actione terminent, ac tandem eadem die ad Ecclesias suas revertantur in pace.

Officii præterea Decanorum est,

V v v 2

visita-

visitare omni anno singulas sui Decanatus Ecclesias, præmonitis antecedenter sive per processum, sive per literas illarum Rectoribus, quem taliter præmonitus quilibet Præpositus, Parochus, aut Commendarius cum Vicario ac Ministris Ecclesiæ domi suæ expectare, illumque cum omni quidem civitate, hospitalitate, ac debita reverentia, & obedientia, tanquam Decanum suum & Commissarium nostrum sub pœnis pro qualitate culpæ, aut inobedientiæ irremissibiliter extendendis suscipere tenebitur, non tamen solemniter pulsatis campanis ad Ecclesiam introducere, quod Nobis tantum, nostrisque Visitatoribus reservamus.

Sub illud igitur tempus præsentia suæ non solum suppellectilem, & ornamenta, ordinem & decorem in Ecclesia, & circa illam munditiam sacrorum lintheaminum, præcipue corporaliū, purificatoriorum subpallorum, an cum Inventario concordet, sed etiam fructus omnes, fundos, redditus, proventus, possessiones, jura, privilegia, dotes Beneficiorum, inscriptiones summarum diligenter connotet, maxime autem de vita & conversatione Sacerdotum, ac de scandalis & excessibus notoriis inter Parochianos utriusque sexus inquirat, & defectus omnes tam in spiritualibus, quam temporalibus rebus accurate & exacte describat. Visitaciones suas ad Nos, Officiumque nostrum remittat, & super omnibus præmissis informer.

Præterea ad illorum officium spectare dignoscitur, de vacantibus quocunque modo Ecclesiis, Nos, aut Officium nostrum quantocius certiores reddere. Proinde, cum Decanus inaudierit aliquem ex Clero condecanali graviter infirmari, eundem personaliter visitet; & ad sumenda tempestive Sacramenta, ac testamentum faciendum suaviter inducat. Quod si quempiam ex Clero sui Decanatus diem ultimum obire contigerit, ad id denuntiandum citra ullam dilationem Decano vicinus illi defuncto Parochus cum expressione, testatusne, an intestatus decesserit, tenebitur. Quo facto, si ille testatus decessit, monebit Decanus Executores, ut quamprimum ad locum loci descen-

dant, factaque circa corpus defuncti dispositione, ante omnia adhibitis saltem duobus testibus, inventarium tam jurium, & suppellectilis Ecclesiasticæ, quam rerum defuncti revideant, ac verificent, aut, si non est confectum, conficiant, atque cum testibus subscribant, rebusque obfigillatis, ac sub fidei custodia relictis cum inventario & testamento pro approbatione illius procuranda, ad Nos, sive Officiale nostrum Generalem recurrant.

Si vero quispiam de Clero intestatus decesserit, tunc ipsemet Decanus ea, quæ supra, adimpleat, & confectum derelictorum inventarium aut ipsemet asserat, aut quamprimum per expressum nuntium ad Nos, vel Officium nostrum transmittat, expectans tantisper nostram dispositionem. Qualitercunque etiam vacaverit Ecclesia, ipse interim Decanus, (Decano autem mortuo vicinior Parochus hæc, & supradicta peragat) omni meliori modo ipsi in temporalibus & spiritualibus providendo, donec nuntio delato Nos, sive Officium nostrum per datam Commendam aliter disposuerimus.

Sicuti autem Decanos, quasi Vicarios foraneos in partem sollicitudinis nostræ assumpsimus, & per eos universæ Diœcesis prosperitatem, ac pericula contemplamur: ita eosdem speciali reverentia ab omnibus volumus honorari. Quapropter quæcunque ex vi officii sui, suis in Decanatibus ad mentem Synodi præsentis, aut sacrorum Canonum præceperint, iis omnino a Clero Decanali obtemperandum decernimus. Sancta, & salubri cogitatione exorandi pro mortuis permoti, statuimus quoque autoritate præsentis Synodi, ut quoties in Decanatu contigerit aliquem Sacerdotem mori, extunc Decanus extraditis ad primam noticiam literis, universum Decanatus sui Clerum in virtute hujus Statuti Synodalis requirat, quatenus pro anima Confratris Parochi duas Missas cum Officio Defunctorum, pro anima autem Vicarii unam Missam, ut primum poterit commode, quilibet absolvat, similia post fata sua habiturus suffragia.

Statui-

Statuimus præterea, ut nullus Beneficiatus a quopiam alio, nisi ab ipsomet Decano suo foraneo, aut si Decanus justam impedimenti legitimi habuerit exculationem a designato ad hunc actum condecenali Parocho datis ad eundem ab ipsomet Decano literis introducatur in præsentia Executorum Antecessoris, qui juxta inventarium a Decano, & Executoribus, sive duobus ad minimum testibus, ac demum a seipso subscriptum, & prius fideliter revistum Ecclesiæ & domus plebanalis supellestilem, resque omnes derelictas cum augmento aliquo præteriti inventarii recipiet. Cujus inventarii exemplar unum manebit in Archivio Ecclesiæ, aliud a Decano & noviter installato pariter subscriptum, quilibet Beneficiatus intra unum mensem post suam introductionem ad Nos, sive Officium nostrum sub pœna 20. marcarum per Instigatorem Officii urgenda referre, & penes Acta relinquere tenebitur.

Meminerint quoque Decani admonere suos Parochos, quatenus uasquisque intra limites suæ Parochiæ crucis in viis publicis venerationi fidelium expositas, & vetustate aut ventorum vi collapsas, sive quocunque modo deformatas, tolli curet, novis in illarum locum substitutis, ne per hunc memoriæ Passionis Dominicæ neglectum inter Judæos & Hæreticos abundet scandalum.

Ut autem eo diligentius, & citra ullum respectum personarum officium suum obeant illos circa sui institutionem ad Decanatum Juramentum corporale juxta rotham & formam juramenti a Nobis præscriptam & hic appositam præstare debere ordinamus.

JURAMENTUM ARCHIPRESBYTERORUM sive Decanorum.

"Ego N. spondeo ac juro, &c.

Quia vero ad præsens aliqui inveniuntur Decani, qui non sunt Archipresbyteri, ideo salvis modernis Possessoribus, in futurum munus Decanorum ad solos Archipresbyteros debere spectare declaramus. Quos speciali favore prosequi volentes tam Archi-

presbyteros, quam Decanos, qui officium Vicariorum foraneorum sustinent, semel pro semper durante illorum officio ad audiendas confessiones approbamus, & facultatem etiam a casibus reservatis sedî ordinariæ absolvendi, & apparamenta pro Ecclesiis sui districtus, ubi non intercedit sacra Unctio, benedicendi, hac Synodali Constitutione impertimur.

CAPUT XIV.

De recta Sacramentorum administratione.

Sanctissima novæ legis Sacramenta, per quæ veluti per instrumenta salutis, atque invisibilis gratiæ visibiles formas, omnis vera justitia vel incipit, vel cœpta augetur, vel amissa reparatur, cum e latere Christi, tanquam de misericordiarum plenitudine in adjutorium humani generis effluerunt, atque illæ sunt, quæ cum gaudio hauriuntur de fontibus Salvatoris, & sanctam Dei Ecclesiam perenni gratiarum effusione fecundant.

Cum ergo tantum valorem in se contineant, nimirum thesauros Redemptionis nostræ complectantur, condignum est, ut sancte, pie, ac reverenter pertractentur. Noverint ergo Parochi, aliique Sacerdotes, ad quos pertinet pretiosa hæc dona administrare, quanta illis adhibenda sit cura, ut in tanta cœlestis ærarii custodia fideles Mysteriorum Dei dispensatores habeantur. Idcirco Sacramenta & Sacramentalia sub seris & clavibus, quas semper apud se caute detineant, ita custodiant, ut nemo ad nefaria exercenda, vel ad usum a sancta Romana Ecclesia reprobaturum illis uti queat, graves pœnas arbitrio nostro daturi, si quid in hac re dolo, aut negligentia deliquerint.

Cum autem nefas sit, pura ab impuris tangi, & sancta non sancte tractari, inprimis studeant vita, moribusque se reddere irreprehensibiles, ut omni ferme temporis momento, ea, qua decet, animi puritate ac veneratione ad tantæ administrationis munus parati inveniantur. Neque enim licet

peccati labe infectis sacra hæc Myſteria polluto ore conficere, aut fædis manibus contrectare, cum peccatori dixerit Deus: *Quare tu enarras juſtitias meas, & assumis teſtamentum meum per os tuum? tu vero odiſti diſciplinam.* Propterea quicunque Sacramenta adminiſtraturi omni, quo poſſunt, ſtudio cavere debent, ne manus ad ea admoveant mortali reatui obnoxii, ſed prius ſcientiam emundent omni, & quocunque lethali culpæ contagio per Sacramentalem Confeſſionem, vel ſaltem per contritionem, ſi Confeſſarii copia deſit, & miniſtrandi Sacramenti neceſſitas urgeat, ne alias mortiferis ſordibus inquinati, dum aliorum ſaluti ſtudent, ſibi reddantur æternæ damnationis auctores. Tenentur tamen taliter contriti quamprimum confiteri. Advertant autem bene ly *quamprimum* eſſe præceptum, non conſilium; prout pridem ALEXANDER VII. *Propoſitione* 38. inter confixas condemnavit: "Mandatum Tridentini factum Sacerdoti ſacrificanti ex neceſſitate cum peccato mortali confitendi quamprimum, eſt conſilium, non præceptum." Et *Propoſitione* 39.: "Illa particula, quamprimum, intelligitur, cum Sacerdos ſuo tempore confeſtebitur."

Atque ut internæ cordis diſpoſitioni externus itidem cultus, atque ornatus reſpondeat; Sacramenta omnia præter Extremam Unctionem, & præter gravis neceſſitatis caſus nonniſi in Eccleſia conficiantur, aut conferantur. Ac quemadmodum illa miniſtrantes candida innocentie ſtola exornati eſſe debent, ita etiam extrinſecus ſuperpelliceo, ſtolaque ejus coloris, qui Sacramento miniſtrando congruit, ſemper induantur, eademque ratione curent, ut veſtes & vaſa ſacra, aliaque omnia pro ſingulorum Sacramentorum uſu, ac miniſtratione adhibenda Eccleſiaſtica munditiæ nitore, ac puritate colluceant, totoque illo tempore omnem modeſtiam, gravitatem, animique compoſitionem retineant probantes ex eo, quod vere ſint Miniſtri Dei, Myſteriorumque Divinorum diſpenſatores indubii.

Ea præcipue exacte calleant, quæ cum intrinſece & eſſentialiter ad Sacra-

mentorum conſtitutionem, tum extrinſece ex Eccleſiæ præſcripto, aut pia conſuetudine ad earundem adminiſtrationem exiguntur.

Illorum vero formis, quas a Chriſto Domino inſtitutas S. Romana Eccleſia, aliarum Eccleſiarum Mater & Magiſtra, tot ſæculorum uſu obſervavit, nihil addere, aut detrachere præſumant, ſed verba, in quibus ipſa conſiſtunt, omni animi attentione proferant agere proponentes, quod Chriſtus Dominus noſter inſtituit, & ſancta intendit Eccleſia. Rituale Romanum ſemper præ oculis habentes, ex eodem omnia attente exequantur.

Quacunque vero diei ſive noctis hora ad Sacramenta miniſtranda vocabuntur, hilari vultu ac prompto animo accedentes, nullam tam ſanctæ pietatis officiis moram interponent, ideoque populum ſæpe monebunt, ut ſtatim a principio morbi infirmum Parocho ſignificent, nulla habita aut temporis, aut loci diſtantis, aut alterius cujuſcunque incommodi ratione. Imo cum aliquos in Parochiæ ſuæ finibus ægrotare intellexerint, eos ſtatim etiam non vocati convenient, curentque, ut Pœnitentiæ Sacramento peccatis ſuis expiatis ſacram Euchariftiam percipiant, & quos gravius affectos corporis morbo cognoverint, eis maxime perſuadere conentur, ut ad hæc ſalutaria animæ remedia frequentius confugiant. Quod ſi eorum negligentiâ quempiam absque Sacramentorum ſuſceptione, ac etiam commendationis animæ ſuffragiis mori contigerit, ultra graviffimi ſceleris admiſſi reatum, ſeveriffimis pœnis arbitrio noſtro punientur.

Caveant tamen, ne quidquam etiam minimum in Sacramenti cujuſlibet miniſtratione verbis aut ſignis directe vel indirecte expoſcant ſub pœnis a jure ſancitis, & aliis etiam gravioribus arbitrio noſtro infligendis. Cum enim quæ gratis accepimus, gratis etiam dare debeamus; Sacramenta non modo absque aliqua Simonie labe, verum etiam absque ulla avaritiæ ſuſpicionem ſunt conferenda. Quod ſi ſponte aliquid, ac libere eleemoſynæ nomine & pietatis ſtudio hac occasione a fide-

buis

bus offerri consueverit, id tanquam non debitum peracto Sacramento modestè recipi non interdiximus.

Collimitaneos extra Dicecesim nostram Catholicos, qui non in loco pascuæ, verum *Canticum Domini cantant in terra aliena*, & nonnisi rarius Tempa nostra accedere possunt Rectoribus Ecclesiarum in confiniis existentium maxime recommendatos esse volumus, obsecrantes eos per viscera misericordiæ, ut talibus quisque Ecclesiasticus omni possibili modo succurrat, & ubi ad illos pro administratione Sacramentorum vocati fuerint, nulla distantia loci, nullis viarum incommodis se excusent, quinimo uti oviculas errabundas paternè præ reliquis complectantur, gratis, etiam sponte oblata non recipiendo, sed solo lucro animarum, & gloria Dei contenti.

Demum quia non modo in ministrantibus, sed & in suscipientibus pietatem, puritatem, externumque cultum exigunt Sacramenta, crebris cohortationibus monendi erunt fideles, ut illorum salubres effectus considerantes, pure, devote, ac frequenter ad ea recipienda accedant, nec modo conscientia munditiem, animique debitum candorem afferant, sed exteriori etiam corporis habitu ac gestu humilitatem, ac reverentiam præferant. Mulieres quam maxime honesto, humilique ornatu ad ea suscipienda accedant, ut ita Ecclesia Christi Salvatoris munera sanctius recolentes, uberiores Divinæ gratiæ fructus consequantur.

CAPUT XV.

De Baptismo.

Baptismi Sacramentum, cujus virtute e damnationis barathro, cui tanquam naturæ filii addicti omnes nascimur, in Dei filios adoptamur, atque in innocentia statum restituimur, omni certe sanctitate & gravitate administrandum est, atque omni item cum humilitate, sanctaque modestia suscipiendum. Etenim *nisi quis renatus fuerit ex aqua & Spiritu Sancto, non potest intrare in Regnum Dei.* Quare officii nostri ratio postulat, ut quæ circa Bapti-

smum rectè scire, & in ejus administratione rectè servare, quæque populum, quando usu venerit, edocere tenentur, hic explicemus.

Licet omne aquæ genus, sive maris, sive fluvii, sive paludis, sive putei, sive fontis, quæ sine ulla adjunctione aqua dici solet, etiam si sit lutulenta, sit sufficiens hujus Sacramenti materiâ, tamen extra casum necessitatis, non alia aqua in hujusmodi ministerio adhibenda est, quam quæ ex sanctæ Matris Ecclesiæ instituto statis cæremoniis, & sacrorum Oleorum admixtione, Sabdato sancto, & Sabdato ante Pentecosten solemni ritu consecrari solet, & in baptisterio toto anno pure & decore asservari. In casu autem necessitatis curandum est, ut pro Sacramenti dignitate aqua pura & munda habeatur.

Noverint autem ipsi Parochi, aliosque doceant formam legitimam hujus Sacramenti a Christo Domino præscriptam necessario adhibendam esse hanc: *Ego te baptizo in Nomine Patris, & Filii, & Spiritus Sancti.* Ita enim a Domino traditum est, cum Apostolis præcepit: *Euntes, docete omnes gentes, baptizantes eos in Nomine Patris &c.* Quorum verborum prolationi contemporanea debet esse aquæ super baptismatum trina per modum Crucis infusio trium Divinarum Personarum nominibus respondens, & animadvertendum diligenter est, ut idem sit aquam adhibens, & verba pronuntians. Strictissime vero prohibemus, ne quidquam addatur, aut immutetur in formæ prolatione, sed ipsamet verba a Christo Domino, ut supra præscripta, & ab Ecclesia custodita exactissime retineantur. Ideo, cum sæpe contingere possit, quod ab aliis de populo, quam a Sacerdotibus Baptismum administrari oporteat, Parochi populum, & præcipue obstetrices, quibus sæpius obligatio infantes in mortis periculo constitutos baptizandi incumbit, ea, quæ essentiam Baptismi spectant, edoceant, atque de hoc antequam ejusmodi munus exercere incipiant, a Parochis instrui, & examinari sæpius debent, atque ut cognoscatur, an in re tanri momenti Parochi diligentiam adhibeant, volumus, ut

ut præfatæ obstetrices semel in anno Decano foraneo loci se præsentent, & ab eodem examinentur; idque hoc fiat tempore visitationis Decanalæ.

Si vero dubium suboriat, fueritne Baptismus vere collatus an non, tunc Parochi antequam baptizent, diligenter inquirent, an; & quomodo infans ob imminens mortis periculum, baptizatus domi fuerit, & si rite, recteque peracta omnia cum intentione, quam habere vult Ecclesia, ad Baptismum necessaria certo compererint, a baptizando quidem abstineant, sed tamen preces, ritusque Ecclesiæ consuetos prætermittos duntaxat suppleant. Quod si Parochus post accuratam inquisitionem factam adhuc tamen probabiliter dubitet, an infans fuerit recte baptizatus, tum eundem, ne talis dubitatio eidem ruina fiat, sub conditione baptizet dicendo: *Si non es baptizatus, ego te baptizo in Nomine Patris, & Filii, & Spiritus Sancti.* Nam ut super hujusmodi re D. Gregorius monuit: "Non monstratur iteratum, quod non certis indicis ostenditur rite peractum."

Ut autem fideles ad altissimam de Baptismi Sacramento æstimationem, & dignitatis suæ agnitionem excitentur, commoneat eos Parochus, & sæpe doceat uberrimos, quos per Baptismum fructus percipiunt, nam non modo a peccato originali liberos efficit, sed & gratia ditat, & glorioso charactere exornat, ut Christi Ducis, ac Dei nostri semper, & ubique filii agnoscantur, hocque argumentum uberius explicet ex Catechismo Romano p. m. Cardinalis BELLARMINI, quem in Polonicum idioma transferri curavimus, & Trid. Conc.

Legitimus autem Minister Baptismi est Parochus proprius, vel de ejus licentia etiam alienus, & quicumque Sacerdos. At quoties mortis manifestum imminet periculum, quilibet esse potest Minister Baptismi, qui applicata rite materia & forma intentionem habeat faciendi, quod facit Ecclesia. Eo tamen casu hunc ordinem servandum esse meminerint, ut præsentem Parochum non baptizet simplex Sacerdos, nec hoc præsentem Diaconus, aut Subdiacono-

nus, nec his adstantibus Clericus, neque præsentem Clerico, Laicus, neque præsentem viro, mulier, nisi hæc melius sciret formam, & modum baptizandi.

Nullus extra Ecclesiam, ac in domo privata hocce Sacramentum audeat administrare, nisi forte domi imminente mortis periculo id facere compellatur, & tum cessante mortis discrimine, quamprimum ad Ecclesiam referatur infans, ut ritus, precesque consueta per Parochum suppleantur.

Ex antiquissima Ecclesiæ consuetudine præter Sacerdotem, qui baptizat, alii etiam adhiberi solent, qui Patrini vocantur, ideo Parochus antequam ad baptizandum accedat, ab iis, ad quos spectat, exquirat, qui patrini electi sint, nec nisi unum tantum sive virum, sive mulierem, vel ad summum unum, & unam admittere debet, quos tamen antequam admitat, prius examinet, an Symbolum fidei, Orationem Dominicam, Salutationem Angelicam, Ecclesiæque præcepta calleant. Et si ignaros reperit, omnino rejiciat. Ad hujusmodi autem munus assumi prohibemus mares nondum completo anno decimo quarto ætatis, & feminas nondum completo duodecimo. Sacramento Confirmationis nondum initiatos, hæreticos, schismaticos, notorie excommunicatos, non confessos, nec sacra Communione resectos proximo Paschate, publice criminosos, aut infames. Denique quoscunque Regulares utriusque sexus & Clericos, etiam Sæculares in sacris sine nostra speciali licentia. Caveant igitur Parochi, ne hujusmodi admittant, alioquin gravibus poenis arbitrio nostro subjiendi, & quoties Sacramentum Baptismi populo explicabunt, publice omnibus dehuntient se tales in patrinos nullatenus admissuros, sed proinus repulsuros. Quos autem rite admiserint, eos de eorum officio commonefaciant, scilicet illud non esse nudum nomen, sed gravem obligationem eos, quos de sancto fonte suscipiunt, in Catholica fide & bonis moribus instituendi, si eorum parentes id facere vel negligentia omiserint, vel morte, aut alio casu prædediti nequiverint. Doceantque Paro-

Parochi cognationem spiritualem impedientem, & dirimentem Matrimonia, hoc nomine contrahi inter suscipientes ex Baptismo, ac baptizatum ipsum, & inter illius patrem & matrem, nec non inter baptizantem, ac baptizatum, baptizatique patrem & matrem tantum.

Curent quoque Parochi, ut infantibus proprio nomine in Baptismo appellandis ea nomina non imponantur, quæ turpia aut ridicula sunt, quæque adeo gentilium, & impurorum hominum memoriam referant, sed illorum, qui ob veræ pietatis, ac sanctæ Religionis, virtutisque Christianæ laudem Sanctorum numero adscripti sunt, ut & in ipso vitæ ingressu cum ethnicis ne nomen quidem commune fideles habere velle protestentur, & ipsi infantes, etiam cum ætate procefferint, nominum similitudine ad eorum, a quibus illa accepta sunt, imitationem excitentur, & præterea quos imitari studeant, eisdem quoque frequentius præcentur, ac sperent eos sibi ad salutem tum animæ, tum corporis Advocatos fore.

Puerperæ, cum primum post partum domo exierint, mox ad Ecclesiam Parochialem Deo acturæ gratias accedant, ubi ex laudabili sanctæ Ecclesiæ consuetudine benedictionem peculiaribus precibus à Parocho suscipiant. Parochus tamen hac de causâ puerperæ domum non ingrediatur, etiam si mulier ob adversam valecudinem Ecclesiam adire nequeat.

Grave atque immane facinus est, infantes per impudentiam illorum suffocari, qui statim, ac nati sunt secum in cubili collocant. Quare districte parentibus, nutricibus, aliisque quibuscunque inhibemus, ne infantem ætatis suæ anno nondum completo in lecto secum retineant, aut lactent, sub poena, ut secuta suffocatione tales per totam Quadragesimam ab ingressu Ecclesiæ arceantur, & ante fores Ecclesiæ sub porticu, sive campanili ad poenitentiam se disponant, & feria 3ta in Cœna Domini se sistant coram Nobis, sive Deputato nostro ad recipiendam publicam absolutionem. Decanis ta-

Tomus X. Concilior. German.

men locorum licitum erit tales delinquentes in foro conscientiæ duntaxat absolvere.

Præterea habeant Parochi sub diligenti cura decentem, & bene compactum librum cum suis integumentis. Non libellum, qui vento rapitur, in quo baptizatorum, eorumque parentum & patrinatorum nomina, & diem, & annum collati Baptismi, & alia juxta formulam Ritualis Romani accurate, statimque (si fieri potest) describant, nunquam vero ultra diem hoc facere differant. Quod si de licentia Parochi proprii, vel etiam sine licentia in casu necessitatis alienus Parochus aliquem baptizaverit, tunc Baptismi sic collati notulam sub præfata poena eadem die transmittat proprio Parocho in ejus libro inscribendam, & in suo quoque libro eandem inferere non prætermittat. Porro ut horum librorum plenior sit fides, ea adversus fraudes adhibeatur cautela, ut omnes eorum paginæ charulentur, & nomina baptizatorum in iis descripta, continuata numerorum serie a principio uniuscujusque anni usque ad finem in margine calculentur.

Pro extradendis attestationibus, sive fide Baptismi, & aliis testimoniis a Parocho sæpius necessariis, volumus, ut quævis Ecclesia suum habeat sigillum proprium ex ferro, aut aurichalco effigiem S. Patroni vel Patronæ representans cum exaratione literarum in circumferentiis, v. g. Sigillum Ecclesiæ Parochialis N. quod omnibus & singulis Parochis sub poena trium aureorum piis causis applicandorum, in prima visitatione præsentandum habere mandamus, ut etiam longe distantes ex scriptura tali sigillo firmata testimonium præstitum verum esse cognoscant.

In adultis baptizandis signanter Hebræis (de quibus exempla (licet horribile dictu sit) extant turpis quæstus gratia bis Baptismum suscepisse) sint valde cauti, omnem idcirco curam Parochi impendent, antequam aliqui baptizentur adulti, ut de illorum conditione ac statu, quantum licuerit, testimonium a probatis Viris exhibeatur.

X x x

CAPUT

CAPUT XVI.

De Confirmatione.

Ad roborandos in suscepta fide regeneratos ex aqua & Spiritu S. providit nobis benignitas Salvatoris nostri DEI Sacramentum Confirmationis, quo per unctionem S. Chrismatis, & impressum fronti signum S. Crucis signaculo quodam indelebili initiemur fidei illius, fortique confessioni & cultui, contra omnes visibilibus & invisibilibus hostium dolos, & insultus. Hinc cum S. Chrismatis virtute ad Christianam militiam spiritualemque agone roboremur, ad quod pugnae genus pueri rationis usu carentes, idonei non sunt, ab ejusdem Sacramenti susceptione minores septennio omnino repellantur.

Patrini, qui iis, quos in Confirmatione tenent, veluti duces in spiritali certamine præire, & documenta Christianæ fidei, si opus fuerit, tradere debent, sint natu majores, aut saltem ejus ætatis, ut proprio muneri satisfaciant, a quo officio eos excludimus, qui adhuc Sacramentum hoc non suscepunt, tum etiam omnes, quos supra in Baptismi Sacramento repellendos mandavimus.

Mares a maribus, scemina a sceminis suscipiantur, sintque tantum unus vel una juxta sacrorum Canonum dispositionem.

Rectores Ecclesiæ, quoties hoc Sacramentum administrandum erit ab Ordinario loci, vel alio Episcopo de ejus licentia, instruant tempestive populum de vi & effectibus ejus, moneantque, ut semel confirmati non reiterent illud sacrilege, tum ut adveniente statuta die, mundo corporis cultu, atque animi devoto habitu, lintaminibus Chrismate secum deferentes ad Ecclesiam destinatam se conferant, sciantque animarum curam gerentes ipsorum muneris esse sedulo ac diligenter curare, ut confirmandi omnes, ne septiformi gratiæ Spiritus Sancti, quæ in hoc Sacramento confertur, obicem ponant, conscientiam prius per Sacramentalem Confessionem emundent.

Meminerint quoque cognationem spiritualem in hoc Sacramento contracti inter confirmantem & confirmatum, illiusque patrem & matrem ac tenentem. Quorum omnium nomina & cognomina cum expressione temporis curet annotari Parochus in libro confirmatorum, in hunc modum: *Anno, mense, die, confirmatus, vel confirmata est ab Ilmo D. Episcopo N. filius, vel filia N. Patrimus vel matrina fuit N.*

CAPUT XVII.

De Eucharistia.

Quoniam per Baptismum renatos, & in Confirmatione adversus hostes armatos nos ali, præterea & celesti cibo sustentari oportet, ne in miseræ hujus peregrinationis nostræ ad patriam via deficiamus, providit nobis gratiosissimus Salvator Panem de cælo vivum, habentem in se omne delectamentum saporis, Panem forium & Divinum Sacramentum, scilicet Eucharisticum, in quo divitiis vel deliciis sui erga homines amoris vel effudit, *memorianque fecit suorum mirabilium misericors & miserator Dominus.* Nec in nutrimentum duntaxat animarum nobis obtulit Divinum hoc epulum Corporis & Sanguinis sui verum & in pharmacum. Ipso enim, ut loquitur S. Thomas, "purgantur peccata, virtutes augentur, & mens omnium spiritualium charismatum abundantia impinguatur." Itaque ut non solum viveremus vita quadam spiritali, sed etiam nutrireremur, cresceremus, & mortem non gustaremus in æternum Christus Dominus ac Salvator noster, *cum in finem dilexisset suos*, Augustissimum Eucharistiæ Sacramentum in ultima cum discipulis cœna ante passionem instituit, in quo sub speciebus panis & vini vere realiter & substantialiter ejus Corpus & Sanguis una cum anima & Divinitate, atque adeo totus Christus, fons, authorque omnis gratiæ continetur, ut non modo fideles Pane de cælo præfrito enutrientur in vitam æternam, sed esset in Ecclesia sua Symbolum illius unitatis, & charitatis, qua Christianos omnes in se conjunctos & copulatos esse voluit.

Quam-

Quamobrem cum ea sit dignitas, excellentia, atque super cætëra Sacramenta prærogativa sanctissimæ Eucharistiæ, ut ejus Majestatem, Divinitatemque tot expressis & iteratis sacræ Scripturæ testimoniis Spiritus Sancti testatam esse, & ex ea tanquam a fonte in reliqua Sacramenta veluti rivulos, quidquid habent boni derivare voluerit, idcirco Officii nostri ratio postulat, ut omni Pastoralis sollicitudine procuramus tam eximii erga nos amoris sacratissimum pignus fide firmissima ab omnibus credi, religiosissima veneratione coli, reverentia maxima tractari, & summo demum asservari decore.

Hinc sacrorum Canonum, Conciliorumque vestigiis inhaerentes statui-
mus, in eo Ecclesiæ Altari, in quo Sanctissimum solet asservari, sit tabernaculum assabre factum majori ex parte ad extra deauratum, ad intus serico panno rubri, seu alterius decentis coloris conveltum, vacuum omnino a sacris Reliquiis, atque a sacrorum liquorum vasis, aliisque quibusve rebus, ut ne inane quidem vasculum, Monstrantiæ in eo reponatur. Bene tutum & jugiter clausum, ejusque clavis habeat cordulam decentem, quam solus Parochus distincte asservet, neque alteri unquam committat. Sub pyxide & ostensorio extensum continuo sit candidum corporale, quod singulis saltem duobus mensibus mutetur, ut mundum semper habeatur. In Ecclesiis Monialium clavis a Tabernaculo servetur penes Confessarium.

E regione sanctissimi Sacramenti præluceat continuo lampas munda, loco convenienti posita vel appensa.

Jam vero ad devotum & frequentem tanti Sacramenti cultum & usum, Parochi sæpe paterno affectu opportune importune populum hortentur, rogando & obsecrando, ut sacrosanctam Eucharistiam religiosissime adorent, ad gratiarum omnium Authorem, in ea contentum, in suis necessitatibus recurrant, & eam non modo spiritaliter, sed etiam sacramentaliter quam frequentissime sumant. Demonstrant etiam hoc Sacramentum esse infanti in nos Divini amoris admirabile

argumentum, Dominicæ Passionis jugem commemorationem, & æternæ vitæ certissimum pignus.

Ex vi triti Canonis Lateranensis Concilii quilibet Catholicus, semel in anno ad minus, ad hoc sanctissimum & augustissimum Sacramentum accedere obligatus est. Intererit quoque curæ & zeli Parochorum populum ad frequentandum sæpius hocce Sacramentum saltem majoribus festivitibus exhortari. Si quis autem tempore Paschali (quod in hac Diocesi a Dominica Passionis, ad Dominicam secundam post Pascha inclusive durat) Eucharistiæ sumptionem (nisi forte jubente vel suadente id Confessario) differre neglexerit, & quidem in propria Parochiali Ecclesia, eorum nomina Parochus scripto notata Nobis, vel Officio nostro statim post finitum tempus Confessionis Paschalis deferat, & nisi moniti resipuerint, ab ingressu Ecclesiæ atceantur, & taliter mortui in locis sacris non sepeliantur.

Ad effectum autem habendæ melioris notitiæ, qui huic præcepto Ecclesiæ paruerint, sive non, sciant omnino Parochi, & habeant inscriptum numerum Parochianorum suorum, dum Colendas absolvunt, statum animarum sibi commissarum ostiatim inquirendo. Pro Confessione Paschali schedulas distribuunt, quas postea circa confessionem recipiant. Sicque numerum schedularum cum numero personarum confrontent, ac conferant.

Sed ne quis temere ad cœlestem hanc mensam accedat, & manducando indigne judicium sibi manducet, non discernens Corpus Domini, Parochi sæpius, præcipue omnibus Dominicis Quadragesimæ populum omnia, quæ ad fidem & doctrinam hujus Sacramenti pertinent, accurate edocebunt, & illud Apostoli: *Probet autem se ipsum homo, & sic de pane illo edat*, sæpe inculcando ex Catechismo Romano ostendant, qua ratione præparatos communicantium animos esse oporteat, & quomodo præmissa conscientia maturo examine per Sacramentalem Confessionem expurgari debeant.

Sedulo præterea Parochi caveant,

ne quosvis indiscriminam ad sacram Communionis mensam admittant, omnino excludentes publice excommunicatos, concubinos, meretrices, blasphemos, maleficos, usurarios publicos, itemque publice criminosos, eos præterea, qui in odio proximi cum scandalo perseverant, nec non conjuges cohabitare sine causa legitima nolentes, nisi prius hi omnes certum penitentiae cum vitae emendatione signum dederint, denique amentes, qui lucida intervalla non habent, quorum omnium nomina vel ad Nos, vel ad Vicarium nostrum Generalem transmitti non prætermittant.

Alienæ Parochiæ fideles, præter advenas, & peregrinos, ad Parochum proprium remittantur.

Sæculares inservientes in Monasteriis, vel Conventibus Regularium, seclusis privilegiis particularibus Nobis, sive Vicariis nostris Generalibus exhibendis, huic præcepto in Ecclesiæ Parochiali satisfacere teneantur.

Cum ad infirmos Ss. Sacramentum deferretur, id fiat publice præcedentibus Ministris Ecclesiæ cum facibus cereisve accensis, & tintinnabulo, hymnosque aut antiphonas convenientes recitantibus cum populo sequente, qui, ut frequens & devotus comitari assuescat, moneatur sedulo in concionibus, ac præsertim sicubi Confraternitates Laicorum pietati huic destinatae habentur, ut illam assiduo exerceat. Quod intelligendum est, nisi propter nimis lutosam viam aut alias graves causas, aliter omnino fieri oporteat.

Remotius vero ab oppido & villa omisso pretioso apparatu in capsula auro, vel serico texta ex collo Sacerdotis cum tintinnabulo pendente, eundo, vel equitando, seu discedendo modeste deferatur, ubi vero ad locum pervenerit, superpelliceum & stolam omnino adhibeat. Monendi sunt autem ii, qui Parochum de infirmo certiore reddent, ut mundum a sordibus sit cubiculum, & profana omnia amoveantur, in mensa mappa nitida sternatur cum cereis super ea accensis, & cruce posita.

Si ob distantiam loci, vel instantis mortis periculum, una eademque opera audienda fuerit ægroti confessio, primum id Sacerdos, excedere omnibus cubiculo, atque foris orare iussis, præstet, deinde sacram ei Communionem exhibeat.

Porro alias semper, quando vicinitas loci, nec adeo afflictæ infirmi valetudo patitur aditum, prius eo sine ægrum audiat ac disponat, tuncque demum ad eum Divinam Synaxim ferat.

Antequam infirmis Viaticum præbeatur, cum iisdem actus fidei, spei, charitatis recitentur, nisi prudentia aliter suadeat. Administrato vero Sacramento alii actus, nimirum gratiarum actionis, resignationis in Divinum beneplacitum, & alii similes iisdem suggerantur, qui apponuntur in Appendice sub numero VI.

In Ecclesiis Parochialibus, præcipue solennioribus festis, & dum major est ad Communionem concursus, actus, de quibus immediate insinuatum est, clara voce recitentur a Sacerdote, qui sacram Communionem distribuet.

In Parochiis, ubi una, aut dux duntaxat Missæ Dominicis & Festis diebus haberi solent, Missa præfatis diebus statâ semper hora celebretur, ita scilicet, ut paulo ante meridiem finiatur. Et si qui Parochiani ad illam tempestive non confluerint, etiamsi jure Patronatus gaudeant, non expectentur, ne alii longe plures inaudita Missa, quod sæpe accidit, discedere cogantur.

Hostiæ consecratae hyeme singulis quindecim, æstate vero octo diebus renoventur, renovationisque tabula in Sacristia consulto appensa sit, in eaque quocunque tempore renovatio facta fuerit, connotetur.

Cæterum cum ex crebra sanctissimi Sacramenti expositione vilescere observantiam & reverentiam tam præcelsæ Sacramento debitam animadvertimus; quascunque publicas expositiones & processiones, nisi publica ex causa, a Nobis vel Vicariis nostris approbatas, fieri prohibemus etiam in Ecclesiis Regularium utriusque sexus.

Quo-

Quotiescunque licentiam prædictam exponendi sanctissimum Sacramentum dari contigerit, saltem cereos sex accendi, & Altare, Capellam, atque etiam Ecclesiam pro facultatibus locorum exornari, omnesque caeremonias in huiusmodi casu consuetas diligenter observari sub pœnis arbitrio nostro injungendis jubemus, Servitoresque Ecclesiæ ad emungendas candelas accedentes, superpelliceo semper induantur.

CAPUT XVIII.

De Sacrificio Missæ.

Ut sanctissimum Missæ Sacrificium, in quo idem ille Christus continetur, & in Altari quotidie a Sacerdotibus in remissionem peccatorum incruente immolatur, qui in ara Crucis semel se ipsum cruenta morte obtulit, ea, qua decet, cordis mundicia & puritate, atque exterioris devotionis, ac pietatis specie peragatur, hoc decernimus.

Sacerdos, qui, ut ait Apostolus: inter homines, in iis, quæ sunt ad Deum, electus est, ut offerat dona & Sacrificia pro peccatis populi, secum ipse frequenter consideret, quanti sit munus sibi commissum victimam illam sacratissimam pro peccatis populi immolandi, & uti sæpius celebrare debet, ne tanto tamque admirabili dono & beneficio fraudet Ecclesiam Dei, ita quoque eum eniti par est, ut omni animi pietate ac religione sacrosancta illa & illibata offerat dona, ne cum aliis opem imploraverit, ipse sibi exitium pareat.

Celebraturus igitur diligenter prius discutiat conscientiam suam latebras, & si peccati mortalis sibi conscius fuerit, quamvis sibi contritus videatur, absque præmissa Sacramentali Confessione ad Missam faciendam non accedat, etiamsi ex officio celebrare teneatur, modo non desit ei copia Confessoris. Quod si necessitate urgente absque prævia confessione celebraverit, quamprimum confiteatur. Mente præterea recogitet, ac pie meditetur mysteriis, quod tractaturus est, altitudinem, atque excellentiam, propriamque sui ipsius

miseriam ac vilitatem, & suum in diligendo Deum torporem, totumque se in immensam illius misericordiam projiciens interno cordis clamore se tanto hospite indignum esse cognoscat, & coram Domino fateatur.

Celebret autem non quasi ex consuetudine, & necessitate, sed magnam cum attentione & devotione, sedate, tranquille, leniter, ut spiritualem, ac Divinam rem agi omnes, qui interfuerint, cognoscant.

Ad mentem autem Conc. Trid. ordinamus, ut quilibet Curatus Missæ Sacrificium celebrando, idem diebus Dominicis & Festis pro populo offerat, quod ipsum S. R. C. demandavit sequentibus: "Parochi in Dominicis & Festis non possunt recipere stipendia pro Missa eadem die celebranda." Idem multoties declaravit S. Congreg. Concil. & noviter anno 1725. his formalibus: "Parochi tenentur Missam Conventualem in diebus Dominicis & Festis applicare pro populo suæ Parochiæ." De reliquis in hebdomade diebus meminerit quilibet illius, quod V. Beda dixerat: "Sacerdos legitime non impeditur celebrare omitens, quantum in eo est, privat sanctissimam Trinitatem laude & gloria, Angelos læticia, peccatores & in purgatorio existentes veniam, justos subsidio & gratia, Ecclesiam speciali Christi beneficio, & semetipsum medicina ac remedio."

Cæremonias ab Ecclesia institutas in Sacrificii celebratione, quam exactissime servant. Cum autem accesserint ad Altare, ne in mora sint cum Sacrificio cujusvis expectandi gratia, neve ob eandem causam in Missa inchoata subsistant, aut ejus initium reperant.

Hostiæ habeantur ad Sacrificium Missæ ex farina triticea, munda, recenti, & vinum purum, clarum, non acidum, bene servatum, non evaporatum, & quoad hanc materiam Sacramenti obligat Synodus omnes Beneficiarios sub gravissimo onere conscientie & reatu, licet conscientias illorum obliget etiam ipsa fides, & præscriptum Ss. Canonum.

Missam legant, nec memoriter dicant,

cant; ne quid diminuatut aut addatur propter erroris casum, qui in omni Missæ parte gravis, in Canone gravior, in ipsa vero consecratione gravissimus est.

Pallas, corporalia; purificatoria munda teneant, nec tela rara ob periculum fragmentorum, sed densa pro corporalibus utantur, ornatumque omnem tam circa Altaria, quam circa vestitum sacrorum adhibeant. Pileos, chirothecas, strophia, & quidquid sapit profanum, in Altari non ponant. Hostias ad Sacrificium Missæ non ultra quindecim dies conservent, sed recentiores præparent.

Hortentur Curati cunctos suæ Parochiæ fideles, ut omnes festis diebus Missam audiant in Ecclesia Parochiali, in qua per Baptismum regenerati, arque hæredes Regni cælestis facti sunt, moneantque diligenter, teneri unumquemque Parochiæ suæ interesse, ubi id commode fieri potest, ad audiendum verbum Dei.

Ubi sunt duo vel plures Sacerdotes penes Ecclesiam, prima Missa mane dicatur, ut illi, qui interfuerant, domum redire, & qui ibi remanserant, inde ad Ecclesiam, antequam summum Sacrum incipiat, tempestive venire queant.

Nullus Sacerdos etiam Regularis in privatis ædibus & oratoriis privatis celebrare præsumat sub prætextu cujuscunque indulti, idque sub pœna excommunicationis ipso facto incurrenda; nisi hujusmodi indultum per Nos, sive Vicarios nostros Generales debite revisum, admissum, sive concessum fuerit. In hujusmodi Oratoriis nemo dormiat, nihilque fiat, tractetur aut exerceatur, quod profanum sit. Nulla cistæ profano usui destinata; nihilque ex domestica suppellectile; nihilve aliud sacris locis alienum in eis afferretur, alioquin eo ipso interdicta sit illis Missæ celebratio. Nec unquam amplius, quam una sola Missa de die in talibus oratoriis celebretur, idque exceptis diebus solennioribus in indulto expressis, in quibus omnino celebrando absteineatur. Sacerdotes in hoc delinquentes, etiam si sint Regulares,

noverint se a Nobis graviter puniendos. Scire enim volumus universos, datam & concessam esse facultatem Ordinariis locorum procedendi contra quoscunque contravenientes, quamvis Regulares, ad pœnas a Conc. Trid. præscriptas, ac etiam ad censuras lata sententiæ contra eosdem publicandas. Revocantes illis præterea in memoriam Decretum p. m. CLEMENTIS XI. Papæ die 15. Decembris 1703. desuper latum. Et personas contravenientes huic Decreto, Ecclesiæ præcepto de audienda Missa nullatenus satisfacere, & Regulares privilegio Altaris portatilis, tanquam per Concilium revocato, uti non posse nec debere.

Præterea omnibus, & singulis Parochis, Vicariis, Sacristianis, & Ministris Ecclesiarum, in hærendo Ss. Canonum dispositioni autoritate præsentis Synodi serio & districte in virtute S. Obedientiæ, & sub excommunicationis pœna mandamus & præcipimus, ne vagos quoscunque & ignotos, sæculares quidem sine testimonio de vita ac moribus, ac sine literis formatis promotionis ad Ordinem Presbyteratus, Regulares vero sine literis obedientialibus & commendatitiis suorum Superiorum, cujuscunque Ordinis, & Instituti existant, peregrinos autem ex aliis Dicecesibus ad nostram cum commendatitiis sui Ordinarii literis commeantes, nonnisi de licentia & approbatione nostrâ, vel nostri in Spiritualibus Vicarii in scriptis obtemperata, ad ministeria Ecclesiastica, celebrandum tremendum Missæ Sacrificium, & confessiones audiendas, aliaque Sacramenta administranda admittant.

Sciant demum non licere Sacerdoti, qui Missam cum certa eleemosyna celebrandam suscepit, eandem alteri retenta sibi parte dictæ eleemosynæ committere, alioquin ipsum graviter peccare, & teneri ad restitutionem, etiam si alter sciens majorem committenti tributam fuisse eleemosynam, si bique tantum partem ejus dari, ea sit contentus, intelligens, aliter a dicto primo Sacerdote celebrationem sibi non committendam, ac proinde vel ipsa minore eleemosyna se cariturum.

Manuales eleemosynas pro Missis cele-

celebrandis accipere non aliter se posse intelligant, nisi jam pro antea acceptis satisfecerint, aut saltem si satisfacere possunt intra modicum tempus unius nempe mensis.

Anticipatas autem Missarum celebrationes pro incerta elemosyna offerenda ab universa Ecclesia improbatas esse pariter sciant.

Ut autem omnis negligentia, siue potius fraus, qua piæ dispositiones depereunt, & Divinus cultus diminuitur, penitus eliminetur, aut certe detecta severe puniatur, omnibus Beneficiatis enixe præcipimus, ut sedulo perquisitis & inspectis cujuscunque Ecclesiæ scripturis, quibus Missarum onera suis Ecclesiis incumbencia continentur, suam quisque tabellam in Sacristia publice exponendam diligenter, illis etiam, quorum interest, vocatis, conficiant, in qua dilucide & distincte eadem onera notata sint cum suis qualitatibus, nimirum sine titulo Beneficii fundata? an pia aliqua dispositione tantum constituta ad tempus? an perpetua? quo die, & quoties in hebdomada, mense vel anno adimplenda? nomina quoque & cognomina Fundatorum vel Benefactorum describantur. Habeaturque liber in Sacristia bene compactus, in quo Sacerdos, qui in illius oneris adimplementum celebraverit, statim, peracto Sacro, nomen suum cum Altaris expressione, testimonium celebrationis, tali die, mense & anno factæ, manu propria inscribat. Et qui Missam non dictam falso notaverit, in suspensionis poenam ipso facto incurrat.

Inhærendo quoque Decretis S. Congreg. Conc. de celebratione Missarum, & Bullæ s. m. URBANI VIII. editis, districte prohibemus sub poenis canonicis, Capitulo Ecclesiæ nostræ Cathed. Parochis, Ecclesiarum Rectoribus, ne in posterum sine nostra, aut Vicariorum nostrorum Generalium licentia, in scriptis obtinenda, fundationes sine nova onera perpetua Missarum celebrandarum suscipiant, & ut redditus, qui præfatis Ecclesiis & locis piis relinquuntur, omnino respondeant oneribus adjunctis. Volumus & de-

claramus, nova onera perpetua Missarum, inspecto more hujus Provinciæ non suscipi, nisi ad rationem gr. 18. pro qualibet Missa lecta. De reductione vero Missarum antiquitus fundatarum, si quæ justa allegabitur ratio, Extrasynodalem petentibus dabimus declarationem.

Summas pariter intuitu fundationum super bonis quibusvis officiose inscriptas de loco in locum sine speciali nostra licentia in scriptis obtinenda transferre inhibemus.

CAPUT XIX.

De Pœnitentia.

Celestis Medicus noster JESUS CHRISTUS per salubria Baptismatis lavacra nos peccati originalis labe liberavit, & per salubrem Chriftianis unctionem contra malorum nobis ab hostibus immissorum incursum communivit, atque etiam per vivificam sanctissimæ Eucharistiæ alimoniam in vitam æternam quotidie nos enutrit & pascit. Imbecillitatis tamen nostræ & figmenti ab adolescentia in malum proni conscius, agnovit Nos per summam ingratitude in criminum morbos frequenter relapsuros. Et ne humana infirmitas opportuno destitueretur remedio, sed posset etiam, postquam deciderit, pristinæ restitui sanitati, Pœnitentiæ Sacramentum ex immensa Divinæ Bonitatis suæ misericordia instituit, cujus vi a sceleribus absoluti amissam gratiam recuperare, Deo reconciliari, pacem & serenitatem conscientiæ, celestesque consolationes adipisci possemus, quibus allesti ac corroborati peccata horrere, detestarique, & bona opera sectari alacriori animo pergeremus.

Et quoniam hujus Sacramenti, lapsis post Baptismum omnino necessariæ administrationem Sacerdotibus tanquam Judicibus & spiritualibus Medicis committi Dominus voluit, curandum est, ut ii tantum Sacramentalibus Confessionibus audiendis præficiantur, qui hujusmodi munus non perite modo, sed etiam prudenter ministrare noverint, ac summopere velint, ut præ-

præter Ordinis potestatem, quam circa Sacerdotium susceperunt, præter jurisdictionis auctoritatem, quam recipiunt, cum ad audiendas confessiones approbantur, doctrina etiam, prudentia & charitate præditi, atque exculsi sint; ut iis virtutibus instructi, doctrina quidem recte norint ex variis peccatorum generibus, quæ gravia, quæve levia sunt, pro cuiusvis hominis ordine & genere dijudicare: prudentia, tanquam sapientes medici singulis animi morbis opportuna præbeant medicamenta: & charitate Dei accensi, zeloque salutis animarum excitati Christi fidelibus omnia præstent salutaria adjumenta.

Quamobrem præcipimus, ut nullus Sacerdos, sive Sæcularis, sive Regularis confessiones Sæcularium, etiam Sacerdotum, aut Clericorum audiat, nisi aut Parochus sit, aut a Nobis, Officialive nostro approbationem & facultatem in scriptis prævio examine, vel sine eo, si ita judicabimus expedire, obtinuerit, alioquin suspensionem a Divinis ipso facto incurrat. Absolutio autem Sacramentalis ab iis collata, qui jurisdictionis potestatem non habent, irrita est & invalida. Quoad casus vero Nobis reservatos, etiam Parochos, ut se sistant examini, & approbationem sive facultatem ab illis absolviendi obtineant, sub onere conscientie obligamus, nec eam ultra terminos præscriptos durare declaramus.

Cum autem ad confessiones audiendas iis Sacerdotibus licentiam concedi debeat, qui penitentes ad viam salutis reducere utilius valeant, ideo nonnisi Viri maturæ ætatis, illibata & exemplari vita, doctrina sufficienti, & maxime omnium prudentia præstantes approbandi erunt.

Et licet Confessarii, etiam qui peccato mortali tenentur, per virtutem Spiritus Sancti in ordinatione collatam, tanquam Christi Ministri functionem remittendi peccata exercere valide possint, nihilominus, ut id muneris sanctius absque suomet periculo obeant, oportet eos omni labe carere, ac proinde si in peccatis fuerint, antequam ad functionem hanc accedant,

eadem confiteantur, aut certe, si copia Confessarii non fuerit, & ministrandi Sacramenti urgeat necessitas, actum contritionis eliciant, gnari se mortaliter peccare, si crimine aliquo contaminati, aut censuris & canonicis impedimentis irretiti, hoc Sacramentum ministraverint.

Omnis autem præcipitancia in administratione hujus Sacramenti, prout & severitas, nimiaque lenitas evitetur: per præcipitanciam enim penitentibus peccata sua debite confitendi, consiliaque opportuna capiendi tempus non conceditur: per nimiam severitatem homines ab hoc salutari remedio avertuntur: per lenitatem autem nimiam peccatores in vitiis ac delictis quodammodo confoventur.

Rudes & fidei mytheria ignorantes a Confessariis circa ea, quæ ad salutem scitu necessaria sunt, præcipue necessitate medii cum patientia & charitate examinari & instrui debent: quod si ad id tempus ob penitentium confluxum non sufficiat, absolutionis beneficium illis tamdiu differatur, donec ea didicerint.

Eos, qui in confitendo difficultatem quandam aut pudorem præseferunt, Confessarii prudenter de peccatis, eorumque numero & circumstantiis, speciem mutantibus, interrogant, tum ad veram contritionem, firmumque deinceps non peccandi propositum cohortentur.

Illos, qui proximo damnum aliquod in fama, sive substantia intulerunt, nullatenus absolvant, nisi restitutione prius facta, & damno ad æqualitatem compensato, si damnicans id præstare possit: experientia quippe compertum est, si talibus restitutione non secuta, sed promissione duntaxat de restituendo facta, absolutio concedatur, restitutionem a plurimis differri, & nunquam fere, ut oportet, præstari. Quod si damnicans penitus id præstare nequeat, ad restitutionem quamprimum poterit faciendam sese coram Deo obliget.

Advertere autem debent Confessarii tam sæculares, quam Regulares restitutionem damni illati faciendam esse illi,

illi, qui damnum passus est, sive eo mortuo hæredibus & successoribus illius, minimeque sufficere, ut fiat restitutio pauperibus, vel locis piis, nisi forte tunc, cum adhibita per longum tempus diligentia sciri non potest, cui nam damnum illatum fuerit, vel de eo, ejusque successoribus notitia haberi nequit.

Si restitutiones fuerint incertis faciendæ (quæ propterea pauperibus Ecclesiis, vel in alios pios usus erogari debent) nec sibi met, nec suæ Ecclesiæ, seu Conventui Confessarius ulla tenus faciendas injungat, aut suadeat, sed penitentium arbitrio omnino relinquat.

Cum iis, qui nec peccata, nec proximas peccandi occasiones relinquere volunt, absolutio tanquam indignis deneganda sit, prohibemus; ne Confessarii hoc beneficium impertiantur, concubinariis, meretricibus, usurariis, blasphemare solitis, odia & inimicitias exercentibus, nec tamen deponentibus, aut ignoscere recusantibus, aliisque hujusmodi, nisi per tantum temporis spatium ab his sceleribus abstinerint, ut Confessarius spem moraliter certam habeat, eosdem posterum vitam emendandi animo concepissee. Interim autem penitentia ad eosdem habitus corrigendos aptæ eis injungantur: in hoc enim Confessarium, qui Judices simul & Medicos agunt, prudentia maxime elucere debet, ut penitentia, quas imponunt, nedom expiandis jam commissis peccatis idoneæ, sed etiam medicinales sint, tales scilicet, quæ ad vitanda posterum peccata inferviant. Cum autem scientia vel maxime Authorum lectio ne crescat, & augeatur, Confessarii non per accidens, sed ex professo lectio ni castitæ dent operam, habeantque ad manum volumina, quorum resolutionibus se se instruere, vel difficultate quapiam occurrente, ad ea pro excipienda resolutione possint recurrere.

Sedem pro audiendis confessionibus in Ecclesia habeant, non tamen in locis obscuris, & a conspectu hominum distantibus, neque in Sacristia, vel domo privata confessiones audire

Tomus X. Concilior. German.

præsumant, præsertim mulierum, nisi tempore morbi, & tum aperto ostio, sub pœnis arbitrio nostro irrogandis.

Caveant præterea, ne peccata in confessione audita, verbo, signo, aut alio quovis modo, directe, vel indirecte, extra illam prodant, sub pœna depositionis, carcerisque perpetui, & excommunicationis sententia: sed & in ipsa confessione vivant, ne dum penitentes graviora peccata narrabunt, suspirando, spuendo, signando se cruce, corrugando frontem, aut alias quomodocunque suspicionem illorum circumstantibus injiciant, imo si quem forte ob reservatum casum, aut quia peccatum, sive occasionem ejus dimittere, satisfactionemque aut restitutionem præstare recusat, absolvendum non existimabunt, signo saltem crucis cum precatiuncula aliqua propter circumstantes, admonitum prius ea de re, benedicant, & sic a se dimittant.

Penitentias etiam tales non injungant, ex quibus alii in cognitionem criminum secretorum devenire facile possint.

Presbyteri vagi & ignoti, tam Sæculares, quam Regulares ad excipiendas confessiones non admittantur, nisi approbationem a Nobis, aut Vicario nostro ad easdem excipiendas sibi concessam in scriptis monstraverint.

Tandem quia non omnia, quæ ad hujus Sacramenti rectam administrationem pertinent, uno capite comprehendendi possunt; sed multa passim in Jure & Constitutionibus Apostolicis eo spectantia continentur, idcirco Confessarii sacros Canones, & præcipue Concilium Tridentinum, Rituale, & Catechismus Romanum, universæque hæc Synodi nostri Decreta, indefesso studio ita perlustrent, sicque orationibus, piisque operibus assidue vacent, ut nec Nobis, quod speramus, eos coarguendi, sed potius commendandi animum præbeant, nec fideles peccati ullius, quinimo ædificationis, & exercendarum virtutum incitamenta, ab eorum exemplis valeant derivare.

Noverint præterea, bene casus S. Sedi Apostolicæ reservatos, tam per Bullam *Cane Domini*, qui in appendice hujus

Y y y

hujus Synodi *sub numero VII.* continetur, quam per Jus commune, aliasque Pontificias Constitutiones, de quibus præter alios optime Navarrus, tum & eos, qui Sedi nostræ ordinariæ reservantur, uti pariter in appendice videre est *sub numero VIII.* Ne absolventes a peccatis, a quibus revera ob defectum jurisdictionis non possunt absolvere, se, & pœnitentes decipiant.

Regulares, etiamsi vigore privilegiorum suorum a S. Sede Apostolica sibi concessorum habeant facultatem absolvendi a casibus Papæ reservatis, non possunt tamen absolvere a casibus reservatis Episcopo, nisi ad hoc speciale ab eodem, vel ejus Officio habuerint facultatem, a quo illos præmonitos esse volumus.

CAPUT XX.

De Extrema Unctione.

Redemptor noster, qui servis suis quovis tempore voluit de salutaribus remediis adversus omnia hostium tela esse prospectum, quemadmodum auxilia maxima in Sacramentis aliis præparavit, quibus Christiani se integros, dum viverent, ab omni gravi Spiritus incommodo conservare possint, ita Extremæ Unctionis Sacramento finem vitæ, tanquam præsidio munivit. Nam etsi adversarius noster occasiones per omnem vitam quærat, & capter, ut devorare animas nostras possit; nullum tamen tempus est, quo vehementius ille omnes suæ versutiæ nervos intendat ad perdendos nos penitus, & a fiducia etiam, si possit, Divinæ misericordiæ deturbandos, quam cum impendere nobis exitum vitæ perspicit. Quamobrem, licet hoc Sacramentum necessarium non sit ad salutem, a nullo tamen negligi debet absque gravi peccato. Itaque Parochi ejus naturam, & multiplicem utilitatem accurate & frequenter, sed præcipue dum infirmos ex sui muneris officio invisunt, fidelibus exponunt, quo plenius omnibus, ad ejus salutarem perceptionem necessariis, instructi celesti ope tum plurimum juventur, cum corpore sævissimis doloribus æstuante,

animo anteaquæ vitæ, instantis mortis, supremique judicii horrendis imaginibus exterrito, & demone cunctas perdendi artes tunc vel maxime adhibente, omni alio auxilio prorsus destituuntur. Atque ita memores periculorum, in quibus exeuntes e vita versantur, hoc Sacramentum, & tempestive a Parochis petant, & opportune recipiant. Ait enim S. Jacobus Apostolus: *Infirmatur quis ex vobis, inducat Presbyteros Ecclesiæ, & orent super eum ungentes eum Oleo in nomine Domini &c.* Virtute namque hujus Sacramenti confertur abundanter suscipienti gratia Spiritus Sancti, cujus unctio, delicta, si quæ sint adhuc expianda, ac peccati reliquias abstergit, & ægroti animam alleviat, & confirmat, magnam in Christo Divinæ misericordiæ fiduciam excitando, qua infirmus sublevatur, & morbi incommoda levius fert, & tentationibus dæmonis, calcaneo insidiantis, facilius resistit, & sanitatem corporis interdum, ubi salutis animæ expedit, consequitur.

Omnem sollicitudinem, & diligentiam adhibeant iidem Parochi, ut neminem eorum, quorum curam gerunt, hoc salutari præsidio destitutum ex hac vita migrare contingat: ideo cum periculum mortis ægroti imminet, supremusque vitæ dies instare videbitur, illud superpelliceo & stola induti in tempore ministrant, paratique erunt illud dñe noctuque, nulla interposita mora, prompte ministrare.

Videant, ut qui illud suscepturus est, prius, si fieri poterit, sanctissima Pœnitentiæ & Eucharistiæ Sacramenta percipiat, quorum virtute munitus Extremæ Unctionis effectus efficacius consequatur.

Studeant illud ministrare, dum æger integris est sensibus, ut intelligere, quid agitur, & fructuosius ad ejus effectum consequendum se disponere possit.

Nulla modo ministratur infantibus, puerisve, qui nullum adhuc rationis usum habent, neque peccatis obnoxii sunt, nec excommunicatis, interdictis, impenitentibus.

Sub.

Subita vi morbi ita oppressis, ut nec confiteri, nec communicare possint, ministrandum est, si ex aliqua contritionis significatione appareat eos voluisse illud suscipere, vel si antea vitæ pietas etiam sensu omni destituta ministrare suadeat.

Et licet hoc Sacramentum in diversis infirmitatibus sit reiterabile, tamen quamdiu in eadem ægitudine, & in eodem mortis periculo infirmus versatur, semel tantum est Extrema Unctione liniendus. Quodsi unctione suscepta convalescit, & postea iterum in vitæ discrimen incidit, ægroto ad ministrabitur.

Diligentissima autem cautione curandum est Parochis, ne ulli graviter ægrotantes absque hoc Sacramento e vita excedant; si eorum culpa, aut negligentia, id unquam, quod absit, evenierit, se ultra penas in sacris Canonibus contentas, a Nobis quoque severe puniendos intelligant.

Demum ne Parochus hoc Sacramento infirmis administrato officio satisfactum suo ullatenus exstimer, omnino volumus; ut eosdem piis monitis, ferventibus ad DEUM, Beatissimam Virginem MARIAM, Angelum Tutelarem, Sanctosque omnes precibus reiteratis, etiam contritionis, amoris Dei, & aliis piis actibus ad vitæ exitum usque prosequatur, & tandem in agonia laborantis, & mox expiraturi animam juxta præscriptum Ritualis Romani piissime, religiosissimeque commendet.

CAPUT XXI.

De Ordine.

Quo majori majestate & veneratione Divina Mysteria peragerentur, institutum est, ut plures in Ecclesia Ministri essent, qui alicui certo ministerio addicti in sanctitate & justitia per ordinatissimos hujus Sacramenti gradus statis intervallis ambulantes, tum denique ad Sacerdotium ascenderent, cum doctrina fidei, & Sacramentorum ritibus instructi, castorumque morum exemplo conspicui, ad dandam scientiam salutis in remissionem peccatorum, opere & sermone potentes essent.

Tommas X. Consilior. German.

Atque si summus ejus gradus spectetur, id est, Sacerdotium, ejus præstantia atque excellentia vel exinde manifesta est, quod Sacerdotes Dei interpretes, & mediatores quidam sunt, qui ejus nomine Divinam legem, & vitæ præcepta homines edocent, & ipsius Dei Personam in terris gerunt. Potestas quoque Corpus & Sanguinem Domini nostri conficiendi, & offerendi, peccataque remittendi, quæ illis collata est, humanam quoque rationem, & intelligentiam, ita excedit, ut Sacerdotali dignitati aliquod par, & simile in terris inveniri nequeat.

Quanta autem diligentia adhiberi debeat in qualitatibus eorum, qui ad sacros Ordines assumendi sunt, perscrutandis, ne indigni, & minus apti ad hujusmodi gradus admittantur, sacri Canones, Pontificiæque Sanctiones, & præcipue Concilii Tridentini Decreta aperte declarant, quibus insistendo hac Constitutione Synodali mandamus.

I. Ut promovendi ad sacros Ordines uno mense ante ordinationem aliquo die festo denuntientur ex ambone in Ecclesiis, tum ubi nati sunt, tum ubi commorantur, juxta formam in Appendice appositam numero IX. & factarum hujusmodi denuntiationum ordinandi adferant a Parochis testimonium clausum, Examinatoribus præsentandum, in quo testificetur denuntiationem fuisse tali die factam, hoc, vel nullum fuisse detestum impedimentum: & præterea ibidem exprimetur, quam frequenter confiteri, & communicare soleat ordinandus, an sobrius, modestus, honestæque conversationis sit, & nihil de eo mali audiatur.

II. Exercitia spiritualia, seu Recollectiones per octo dies ante quemvis Ordinem peragant in aliqua domo religiosa, & peractarum recollectionum testimonium ferant a Superiore loci.

III. Interstitia inter Ordines præscripta, nimirum ab Acolytharu suscepto ad Subdiaconatum, ab hoc ad Diaconatum, item ab hoc ad Presbyteratum integrum annum observent, nisi aliter Nobis attentata utilitate, vel necessitate Ecclesiæ videatur, & cum ipsis dispensatum foret, quod sine archæati

Beneficio, vel quando Parochus ob suam ægritudinem, aut Parochiæ amplitudinem, vere hic & nunc, indiget Cooperatore, nec alium interim conducere potest, de quo a Decano adferant testimonium.

IV. Ut ordinandus prius se exerceat in unoquoque Ordine, præcipue ii, qui ad curam animarum ordinabuntur, etiam in traditione Doctrinæ Christianæ, & prædicatione verbi Divini: in hoc enim casu probationis gratia Clericis minorum Ordinum aliquoties in Ecclesia publice concionandi coram suis futuris Provisoribus facultatem concedimus, huiusmodi vero facti & exercitii, & habilitatis ad catechizandum, & prædicandum testimonium dabunt.

V. Nemo ad curam animarum provisos, admittatur ad Presbyteratum, nisi prius biennio integro Theologiæ morali operam dederit, & saltem per unum annum ad imbibendum Spiritum Ecclesiasticum in Seminario fuerit, & desuper testimonium huiusmodi studii cum profectu sufficienti a Professore suo attulerit, in quo Professorum conscientias oneramus, ipsosque provisos in Domino hortamur; ut illi, vel maxime doctrinæ, sedulamnaverit operam, quæ utilitati & regimini animarum profutura esse dignoscitur ex præscripto Canonum.

Cantum Gregorianum, & lectionem cum observatione quantitatis, sancti Patres & Canones summopere commendant, quapropter ordinandi serio de his examinabuntur, in quibus deficientes sciant se esse rejiciendos præsertim ad sacros majores Ordines.

CAPUT XXII.

De Presbyteris loca suarum Provisionum deferentibus, & Provisionibus inscribendis.

Experientia edocti, quod multi Parochi aspirantibus ad sacros Ordines, Vicariatuum Provisiones ad Ecclesias suas in titulum Canonicum officiose inscribere non vereantur, & modo ad sacrum Presbyteratus Ordinem

promoveantur, amplius postea de illorum sustentatione non sunt solliciti, quinimo propria autoritate, sine scitu Officii, illos ab Ecclesiis suis amoveant, & vagari ab Ecclesia ad Ecclesiam non sine status spiritualis dedecore permittunt, quare tollendo istum execrabilem, & damnosissimum abusum, hac Synodali Sanctione statuimus, ut omnes vagi ad suas provisiones redire, aut se aliquibus Ecclesiis adscribi in spatio duorum mensium a die publicationis præsentis Synodi computando, curent. Alioquin si intra huiusmodi præfixum tempus non redierint, nec se servitio Ecclesiastico addixerint, extunc contra tales vagos provisos penam suspensionis ipso facto absque ulla alia declaratione incurrendam decernimus. Provisoribus vero in virtute sanctæ obedientiæ, & sub excommunicationis poena mandamus; ut suos provisos omnino revocent, aut recipiant, & sibi, sive Antecessoribus suis adscribant, quod hoc onus illos alendi in se susceperint. In futurum vero mandamus omnibus Parochis, ut, antequam portionem sui redditus alicui per inscriptionem provisionis promittant, ac declarent, suæ cum primis indigentia rationem habeant: non enim recte ac prudenter alimenta distribuit, qui per factam alteri distributionem eorundem, se famelicum ac inopem constituit, nec ulla amplius proviso admittatur, nisi servatis conditionibus infra scriptis.

I. Ut quilibet Provisor volens habere Provissum, ferat a Decano loci testimonium cum subscriptione Notarii Decanatus ejusdem, vel in ejus defectu Parochi antiquioris: per quod constet Provissorem habere sufficientes proventus Ecclesiæ ad fovendum & alendum Vicarium, & aliam seorsim domum Vicarialem, sive mansionem: & quod Ecclesiæ necessitas exposcat, ut Vicarius adfiscatur, super quo conscientia Decani oneratur.

II. Ut Provissores jurent, quod alios Provissos ad suas Ecclesias non habeant, nec de illis sciant, nec in illorum præjudicium modernam provisionem inscribant, tum quod Provissos suos etiam sponte ab Ecclesia recedere volent.

volentes, nunquam dimittent sine scitu nostro, aut Vicarii nostri Generalis.

III. Provisi pariter jurabunt, quod fideliter & diligenter munus Vicariatus penes Ecclesiam, ad quam assumuntur, obibunt, nec quod unquam eandem Ecclesiam deferent, nisi obtento per institutionem Canonicam Beneficio.

IV. Ut hujusmodi inscriptiones personaliter, non ad literas missivas, per Mandatarios, & nonnisi coram Actis Curiae, sive Officii nostri recognoscantur, nisi aliquis legalitate iuxta Nobis, vel Vicario nostro Generali exponenda impeditus fuerit, quo casu coram Officio Decanali speciale mandatum, ad inscribendum personæ sibi electæ cum facultate etiam jurandi in præscripto numero præcedenti articulo, recognoscere debeat.

V. Ut nonnisi idoneis, & de scientia, ac probabili sufficientia ad curam animarum, deque vita, moribus, & conversatione honesta, bene notis, & ex mandato Officii nostri bene examinatis inscribant.

Omnes autem, ad quos super promovendos ad Ordines testimonia facere spectat, maxime Parochi, quibus hæc cura præcipue incumbit, quam sancta, præsertim in re sanctitatis plena, testimoniorum fides esse debeat, diligenter meminerint penis gravissimis a Nobis, si quid ementiti fuerint, severe afficiendi, Deo, cujus præsentiam falsidici testes contemnere veriti non sunt, graviores reddituri.

Ratione vero fortiendi domicilii per juramentum de non deferenda Diocesi, & ad tollendos abusus & fraudes circa Ordinationes alienorum subditorum, præsens Synodus declarat & mandat, ut Constitutio f. m. INNOCENTII Papæ XII. quæ in Appendice apponitur sub numero X. exacte observetur.

C A P U T XXIII.

De Seminariis.

Quantæ utilitatis sint Seminaria in Diocæsis, facile colligitur ex sacro Concilio Tridentino c. 8. Sess. 23. de Reformat. ubi circa erectiones

faciendas illorum dicit: "Cum adolescentium ætas, nisi recte instituat, prona sit ad mundi voluptates sequendas, & nisi a teneris annis ad pietatem & religionem informetur, antequam vitiis habitus totos homines possideat, nunquam perfecte, ac sine maximo, ac singulari propemodum Dei Omnipotentis auxilio in disciplina Ecclesiastica perseveret &c." Et S. Carolus Borromæus in suis institutionibus Seminariorum part. 3. c. 1. taliter loquitur: "Sunt igitur ea potissimum de causa Seminaria erecta, ut in iis boni, strenuique operarii ad curationem animarum, quas suo sanguine pretiosissimo Christus redemit, instituantur, & ii quidem adolescentescens (qui ob ætatem, cum tenera sit, & proclivior ad voluptates, & flexibilis etiam ad bonarum rerum impressiones admittendas, in operibus virtutum erudiri debent) ut eam vitæ perfectionem adipiscantur, quæ in iis, qui Doctores populorum futuri sunt, elucere debet, & severioribus disciplinæ legibus coercendi." Patres vero Concilii Aquileien. celebrati anno 1596. taliter sentiunt: "Seminariorum institutionem, conservationem, & promotionem in Ecclesia Dei summe fructuosam, quæ Clericalis militiæ propagatur ordo & progressio, tantopere necessariam esse constat, ut stare Ecclesiastica disciplina sine illorum subsidio, & ad miniculo vix possit." Hinc cum nihil sit in hac Diocesi nostra magis necessarium ad Catholicam Religionem propagandam, quam ut operarii in vinea Domini sint pietate, doctrina, ac morum integritate præstantes, quæ qualitates in Presbyteris requisitæ vix aliter acquiri possunt, nisi iidem a teneris annis seorsum ab aliis sub salubri Institutum Magisterio, in Seminario, seu plantæ novellæ benigniori cultura, educantur, ut inde postea ad laboriosa Ecclesiastica Ministeria in vineam Domini opportune transplantentur.

Et cum propterea in executionem Decreti S. Concilii Trid. Illustrissimi Antecessores nostri Episcopi Culmen. Seminarium Clericorum in civitate nostra Culmensi, sub directione & cura

RR. Sacerdorum Congregationis Missionis fundaverint, ac in bonis mensæ nostræ, tum Ven. Capituli, summisque certis capitalibus, ac incorporatione insignium Beneficiorum competenter dotaverint, pro debito muneris nostri Episcopalis, ut taliter fundatum vigeat in perpetuum, & pios, strenuos, & diligentes operarios in vineam Domini proferat, hanc Synodalem facimus Ordinationem; Rector Seminarii, sive Præpositus sedulo invigilet, ut ab omnibus tam Ecclesiastica, quam domestica disciplina diligenter observetur, Scholam sæpe visitet, Clericorum mores, & profectum in literis accurate exploret, cubacula & officinas, ut omnia ibi decenter & munde fiant ac teneantur, perlustret. Opportuno anni tempore cibaria, & reliqua ad victum necessaria provide comparet, & bis ad minimum in anno cum perillustribus Provisoribus, a Nobis & Ven. Capitulo ad hoc deputatis, consulat & tractet de Seminarii bonis, eorumque administratione, & si quid majoris momenti occurrerit, Nos consulat, librum grandiore bene compactum habeat, in quo singula bona, & reditus ejusdem Seminarii, nec non expensæ adnotentur, cujus rationes annuatim a DD. Provisoribus exacte verificabuntur, & subscribentur. Alterum quoque similem librum habeat, in quem pariter referat nomina, & patriam singulorum Alumnorum cum die & anno, quo admissi & dimissi fuerunt.

Professores cum omni diligentia ac perspicacitate, mores motusque animi considerent Clericorum, probentque studio, cujus Spiritus sint, cujus virtutis & scientiæ, in quonam magis fervor Ecclesiasticus præcellat; zelusque Divinorum, ut, cum eos ad operandum in domo Domini deputare, mittereque contigerit, sciamus, cui rem Divinam committere valeamus.

Controversias autem, vel maxime de fide cum hæreticis, casus conscientiarum, prædicandi verbi Dei rationem, administrandi Sacramenta methodum tradant iis ad discendum. In cantu choralis, rubro, & cæremoniis Ecclesiasticis pariter exercentur, de omni-

bus his examinandi ante promotionem ad Ordines.

Nemini interiores Seminarii aëdes intrare, nec cum Alumnis, aut Convictoribus, nisi in inferiori earundem porticu, & cum licentia Præfeti colloqui liceat, nec ea concedatur, nisi extra horas Scholæ. Nulli eorundem Clericorum permittatur extra Seminarium pernoctare, & si quando pro vacationibus alicui eorum permissum fuerit ad paternam domum divertere, iude ad Seminarium non revertatur sine literis testimonialibus Parochi loci, ubi commansit, quibus doceatur eum diebus festis Ecclesiæ Parochiali inservivisse, doctrinam Christianam exercuisse, Sacramenta Pœnitentiæ & Eucharistiæ saltem bis in mense suscepisse.

Si quis ex iis inobediens, disculus, & male moratus compertus fuerit, acriter moneatur & puniatur, & si post trinam huiusmodi admonitionem, & castigationem sese non emendaverit, tanquam incorrigibilis e Seminario dimittatur, quod etiam de illis intelligendum volumus, qui profectum in studiis nullum faciunt, & tempus inaniter consumunt.

C A P U T XXIV.

De Judicibus Diœcesanis & Examinatoribus Synodalibus.

Præcepit Deus per Moysen servum suum: *Judices & Magistros constitues, quod & imitantes, debitam obedientiam præstando Decretis sacrosancti Concilii Trident. & Constitutionis GREGORII XV., infra scriptos in Judices Synodales eligimus & deputamus.*

Illustrissimum, Perillustres, & Admodum Reverendos *Matthiam Soltyk* Episcopum Margaritæ. Suffraganeum & Archidiaconum nostrum, *Paulum Szczuka* Decanum, *Petrum Sikorski* Scholasticum Vladislavien. & Scholasteriæ Culmen. Coadjutorem, *Fabianum Plaskowski* Archidiaconum in Cathedra Culmen. Pomelaniz, *Paulum Dominicum Dromler* U. J. D. Varmiensem Canonicum, Causarum Curiz nostræ Auditorem & Judicem generalem, *Laurentium Zmijewski*, &

& *Martinum Strachocki* Canonicos Culmenſes.

Et cum præterea Decreto ejusdem Ss. Conc. Trid. cautum ſit, ut a Nobis eligantur Examinatores Synodales, hi proſecto diligentiffime ea omnia obſervare debebunt in examinibus faciendis, quæ a prædicto Concilio Trid. ordinata ſunt, quæſtiones & caſus proponent examinandis, ſpectantes ad curam Parochorum non inutiles & implicatos. Perverſtigabunt attente, an promovendi ad Ordines, ſive Beneficia curata, & examinandi ad approbationes legitimum finem ſecundum Deum ſibi propoſuerint, videlicet Dei honorem, Eccleſiæ utilitatem, & animarum zelum. Perſpicient inſuper in examinandis doctrinam, ætatem, mores, prudentiam, aliasque neceſſarias virtutes in arduo animarum regimine requiſitas. Eliguntur a Nobis Examinatores Synodales iidem, qui ſuperius fuerunt nominati in Judices Dieceſanos, quibus pro officio Examinatorum adduntur Perilluſtres & Adm. Revdi *Franciſcus Czapski* Scholaſticus, *Conſtantineus Pionicki*, *Joſephus Wrzeſiński*, Canonici Culmenſes. *Casimirus Goraczynski* Præpoſitus Eccleſiæ & Domus Miſſionis Culmen. *Auguſtinus Alſcher* Soc. JESU Collegii Thorunen. & *Joannes Milkiewicz* Soc. JESU Collegii Graudentinen. Rectores, duraturi uſque ad futuram Synodum, calculo Conſeſſus Synodalis approbati.

Antequam examen aggrediantur, præmittant ſemper Hymnum: *Veni Creator*, cum oratione: *Deus qui corda fidelium &c.*

In examinando non aliquo affectu privato, aut præpoſtera quadam charitate, ſeu alio quovis reſpectu humano moveantur, preces, ſeu inſtancias favore examinandorum factas & ſubordinatas rejiciant, & contemnunt.

Caveant, ne examinandos ante examen, quid ſit reſpondendum, doceant, nec quidquam occasione examinationis ullo tempore capiant, alioquin tam ipſi, quam dantes Simonix vitium incurrun, a quo niſi Beneficiis, quæ obtinent, dimiſſis abſolvi nequeunt, atque etiam ad quævis alia in poſterum obtinenda inhabiles evadunt.

Peraſto demum examine, quos quoad ſcientiam, mores, prudentiam, dignos judicaverint, ſecretis ſuffragiis approbent, & teſtimonium de ſuper ad Nos, ſive Officium noſtrum remittant.

CAPUT XXV.

De Matrimonio.

Veruſtiſſimum humani conjugii fedus, quod ab ipſo mundi primordio tanquam naturæ officium & humanitatis ſolacium in horto voluptatis divinitus inſtitutum fuit, poſtea uti legis obſequium & concupiſcentiæ remedium acceptum, demum a Chriſto Domino in temporum plenitudine Sacramenti dignitate decoratum, merito ab Apoſtolo *magnum in Chriſto & Eccleſia Sacramentum* nuncupatur, arctiſſimæ ſiquidem & æternum duraturæ illius neceſſitudinis, quæ Chriſto cum Eccleſia intercedit, vinculum, ejusque erga nos immenſæ charitatis myſterium, hac poſſimum maris & ſceminæ ſancta & indiſſolubili conjunctione declarantur.

Ut igitur ea, qua decet, ſanctitate & reverentia præſtantiffimum hoc Sacramentum recolatur, ſedulo curent Parochi fideles a ſe Matrimonio jungendos efficaciſſime, ac repetitis hortationibus admonere, ut ante Matrimonii celebrationem peccatorum ſuorum ſordes in humili confeſſione lacrymarum abluant imbre ſalutari, mentesque, ne libidinis ſiti æſtuentes deficiant, cœleſti Eucharistiæ cibo, tanquam rore matutino, refrigerent, atque ita contra ſpirituales nequitias, carniſque procacitatem muaiti ex eo Sacramento non ſibi perniciem, atque iram Dei, ſed gratiam ſalutemque comparent. Sacramenti hujus inſtitutionem, vim, naturam & ſanctitatem fidelibus ſæpe explicando, ut intelligant non ſolum præparationem & pietatem in eo ſanctè contrahendo, cum res non humana, ſed Divina ſit, verum etiam quomodo caſtè, pieque in eo verſari debeant.

Nullus Parochorum Matrimonium omiſſis banniſ, aut inter perſonas, quarum una ſaltem non ſit de ejus Parochia, niſi de licentiâ proprii contrahen-

hentium Parochi benedicere, aut eidem assistere præsumat sub pœna suspensionis ipso facto incurrendæ, aliisque arbitrariis, nisi forte super bannis a Nobis, aut Vicario nostro fuerit dispensatum, quod rarissime, & nonnisi ob graves & maximi momenti rationes fiet.

Quia vero impedimenta Matrimonii dirimentia passim ignorantur, ideo ea juxta instructionem, ad calcem præsentium appositam *sub numero XI.*, a Parochis oppidorum & villarum populo saltem bis in anno in Adventu & Quadragesima explicentur. Si aliquod impedimentum inter personas Matrimonium contrahere volentes detectum fuerit, priusquam ulterius procedatur, serio ac diligenter circa id inquiretur, quod si facto examine constet impedimentum revera subesse, ulterius nullatenus procedatur; si vero res dubia & incerta videatur, totum negotium ad Nos, Officiumque nostrum remittatur.

Benedictiones Matrimoniorum in ædibus privatis absque expressa licentia, in scriptis a Nobis obtinenda, prohibentur.

Extèri ignoti, incertis vagantes sedibus, aut ex aliena Dicecesi propinqua, vel longinqua, sive etiam ii, qui per sex menses continuos ab alterutra nostra Dicecesi abfuerint, ad Matrimonium contrahenda nullo pacto admittantur; imo nec ea quidem in Ecclesiis denuntientur absque nostra, sive Vicariorum nostrorum respectu licentia in scriptis, non aliter danda, nisi prius legitimis documentis eorundem status liber in Curia nostra exhibitus, & per testes probatus fuerit. Sunt enim plerique tam improbi animi, ut prima uxore relicta, illaque vivente, plures variis in locis ducant.

Similiter ubi agitur de conjugii cum viduis contrahendis denuntiationes ne fiant, nisi prius de obitu prioris conjugis liquido constiterit, præsertim si hic extra Dicecesim nostram secutus asseratur, adeo, ut nulla quantumvis longa absentia, aut alia probabilis mortis conjectura ad hunc effectum suffragetur; si secus actum fue-

rit, inobedientes Parochi præter pœnam suspensionis a Divinis, alias quoque gravissimas arbitrio nostro pœnas dabunt.

Nullus quoque Parochorum ad benedicendum Matrimonium accedat, nisi ipsi constet contrahentes scire mysteria fidei, præcepta Decalogi, Orationemque Dominicam: ideo cum publicatum fuerit primum bannum inter personas, de quibus dubitari potest, an supradicta sciant, moneat Parochus, ut contracturi Matrimonium tempestive compareant, ut circa prædicta examinari, & si ea nesciverint, addiscere possint, interim benedictio differatur.

Nec unquam ad denuntiationes Parochi procedant, nisi prius diligenti examine contrahere volentium qualitates exploraverint, an scilicet legitimæ sint ætatis, ut vir saltem decimum quartum, mulier vero duodecimum annum expleverint, an eo anno Paschalis Communionis præcepto satisfecerint, an aliquod inter eos subsit propinquitatis vinculum, sive aliud impedimentum, ut supra jam insinuatum.

Præcipue vero exquirent, an sponte ac libere, nullisve parentum sive aliorum minis vel seductionibus coacti contrahendis nuptiis assentiant, ac propterea ab ipsismet sponsis seorsum & semotis arbitris, prout & ab illorum parentibus, sive aliis eorum nomine faciendarum denuntiationum assensum excipiant.

Maxime tamen hortandi erunt filii-familias, honestatis id suadente ratione (licet ad Sacramenti validitatem minime sit necessarium) ut parentibus, & iis, in quorum fide & potestate sunt, eum honorem tribuant, ut ipsis inconsultis, nedum invitis & repugnantibus, rem tanti momenti non ineant; imo potius illorum consiliis & placitis humiliter obsequantur. Si vero liberorum nuptiis parentum, vel tutorum consensus repugnat, aut plane consentiens non est, ne Parochi quidpiam ea de re prius conficiant, quam Nos consuluerint.

Quos autem Parochi compererint, cujuscunque tandem sint gradus vel dignitatis, minis & collusionibus directe

recte vel indirecte Matrimonii libertatem quoquo modo violantes, confestim Nobis deferant, ut præter anathematis sententiam, quam ex Sanctionibus Canonici ipso facto incurrunt, aliis etiam poenis arbitrio nostro plectantur.

Personas Catholicas cum dissidentibus nullus Parochorum copulare, imo nec ad hanc procedere audeat, sed si tales sunt copulandi, remittantur ad Nos, sive Officiales nostros Generales pro diligenti examine, an sub sit periculum perversionis conjugis Catholici, sive etiam prolis suscipiendæ extra fidem Catholicam educandæ. Et Officia nostra omnem cautelam adhibebunt, ne sponsi diversæ Religionis minus possessionis ullatenus Matrimonia ineunda concedantur, sed tantum illis, qui in bono tam fortunæ, quam proportionati honoris & famæ statu existentes, in bonis mundi immobilibus utriusque, sed præcipue dissidentis a S. Catholica Fide sponsi actualiter propriis, domicilio spon sorum in nostra Diocesi contiguus, hypo theca cautionaria innodandis, cautionem de non pervertenda conjuge, tum de educanda in S. Fide Catholica utriusque sexus prole præstare valeant, honoremque suum & famam in observantiam legitimorum promissorum invadiando omnem suspicionem fraudis & doli per se, vel per subordinatas personas, practicandi penitus excludere possint, talemque cautionem omnium litium & molestiarum exclusivam sponte & libere coram Actis Jurisdictionis secularis, cui sponsi sive sponsus dissidens subiunt, inscribant, eandem que in authentico Extractus instrumento Officio spirituali Actis consistorialibus, & libris Parochialis Ecclesiæ, ad quam sponsi vel dissidens sponsus cum suis bonis & domicilio spectant, ingrossandam reddant. Sicque stante hac cautione, bona, in quibus cautio assecrurata, alienare non præsumant.

Ne vero individua vitæ consuetudo, quæ in conjugali consortio servanda est, temere contemnatur, si conjuges aliquando absque legitima causa a sacris Canonibus permittitur, ac Ecclesiæ judicio probata de communi cohabitatione discesserint, sedulo Parochi

Tomus X. Concilior. German.

studeant, vel per se ipsos, vel aliorum opera, ut ad pristinam vitæ societatem revertantur, & nisi profecerint, rem ad Nos deferant, ut opportunis remediis eorum, qui sic fidem ac conjugia maculant, damnabilem contumaciam compeſcamus.

CAPUT XXVI.

De sacris Reliquiis.

Gloriosum adeo se ostendit DEUS in Sanctis suis, ut non solum eos in cælis gloria ejus beatissima perfruentes in terris coli, sed illorum etiam corpora, nempe, quæ viva Christi membra fuerunt, nec non pura Spiritus S. tabernacula, quin ossa singula ac cineres, Reliquiasque omnes a fidelibus suis in magna veneratione ac religione haberi voluerit. Ideo postulat Officii nostri Pastoralis ratio, ut tantorum pignorum conservationem solcite procurando, & cultum, qua decet pietate, augendo, eorundem protectione defendi, & adjuvari precibus commeamur.

Quapropter præcipimus, ut omnes Ecclesiarum Rectores thecis saltem ex ligno deaurato affabrè elaboratis, & crystallo, seu vitro integro, pellucidoque contextis, non confusis, sed separatis cellulis, & sua unaquaque inscriptione, & nomine distinctis, authenticas Reliquias repositas seu repomendas diligentissime custodiant. Si quas verò ignotas, dubiæ fidei, legitimis quippe documentis carentes, nec a Nobis, sive Officiali nostro Generali recognitas & approbatas habeant, eas separato & mundo vasculo conservandas quidem, sed sine nostra licentia non exponendas, meminerint.

Præterea ne Reliquiarum memoria aut tam pretiosi thesauri pars unquam deperdatur, curabunt iidem Ecclesiarum Rectores, ut earum catalogum tempore Visitationis generalis, prævia exhibitione literarum desuper authenticarum, conscribendum, & a Visitatore generali subscribendum, in Sacristia collocatum, parenti loco expositum habeant, & eorundem authentica documenta in Ecclesiæ quisque

Z z z

suæ

sux Archivio diligenter adservent. Neque in posterum ulla novæ Reliquiæ absque authenticis a Nobis, seu Vicariis nostris Generalibus recognoscendis etiam Regulares publice exponere præsumant.

Verum ut non modo custodiæ, sed & cultus atque sacrarum Reliquiarum venerationis, qua par est, ratio habeatur & indies augeat, stricte injungimus Parochis & Concionatoribus, ut captata sæpius occasione fidelem populum bene edoceant, qua reverentia & pietate Sanctorum memoriam recolere, preces, opemque apud Deum exposcere, & quo eorum Reliquiæ honore afficere teneantur, ut quoties eorum sacra ipsa adeunt, aut exposita viderint, æternitatis hæc semina esse, viva olim Spiritus Sancti habitacula fuisse, suscitanda in celestem æternamque vitam, gloriosis dotibus decoranda, cum Christo in perpetuum regnatura recordentur. Atque adeo quorum sacros cineres venerabundi agnoscunt, & precabundi reverentur, eorum virtutes imitari non pigeat, & eorundem exemplo ediscant, vitam etiam ipsam pro Domino effundere, quam sancti homines pretiosa morte & gloriosis confessionibus honoraverunt.

CAPUT XXVII.

De sacris Imaginibus.

Catholicam Ecclesiam a suis jam inde incunabulis sacrarum usum Imaginum amplexam fuisse, easdem constanter ubi terrarum tenuisse, ob earum conservationem ab Iconomachis persecutionem perpeffam fuisse, & earum cultum & venerationem sacrarum etiam Oecumenicorum Conciliorum Decretis stabilivisse, mirari desinet, imo pie collaudabit, quisquis veteris eriam legis testimonia, novæ traditionem, sanctorum Patrum fidem & sententias, ac earundem imaginum utilitates maximas, religiosa secum mente recogitaverit. Imagines enim id, quod Parochis plebem fidelem sæpe docere præcipimus, rudes instruunt, mysteriorum fidei nostræ, gestorum a Christo Domino pro salute nostra, & Sanctorum memoriam fideliter renovant,

excitant, & conservant, fideles ipsos ad eorum, quos repræsentant amorem, atque imitationem suaviter invitant, docent nos habere advocatos, ad quorum patrocinia recurramus, quorum exemplo moneamur fidem non erubescere, sed eandem palam audacterque profiteri, mores pietatemque æmulari, & doctrinam sequi. Et quantum denique per imaginum venerationem Christum, Sanctosque, earum prototypa, honoramus & colimus, tantundem superstitionem omnem & idololatricam detestamur.

Cum itaque picturæ eloquentissima taciturnitate fideles utilissime alloquantur, & commoveant, propterea ne ulla turpis quæstus scditas, aut superstitionis impietas, errorve in populum mentibus irrepât, Pastoralis nostri muneri satisfacturi, prohibemus ulla exponendas imagines, quæ vel falsum aliquod dogma continere, vel periculosi erroris occasionem præbere possent rudibus videantur, & quæ piorum oculis aliquam possint afferre offensionem, sed sicubi tales in Ecclesiis reperirentur, aut sacris literis, vel Ecclesiæ ritui, aut pietati Christianæ, honestative aliquo modo repugnent, eas statim aboleri omnino volumus, ac jubemus.

Si quæ vero fractæ, aut diminutæ, vel vetustate corrofæ, ea vel restaurentur, vel si id fieri minus potest, comburantur, ac earum cineres sub pavimento Ecclesiæ reponantur.

Et ne superstitio, & infamis lucri scditissimum crimen ex occasione miraculorum, seu ad sacras imagines, seu alia ratione patratorum, seu patratorum committatur, neve fidelium credulitati atque simplicitati per fictionem & jactationem miraculorum imponatur, ac illudatur, & ne fides nostra, quæ firmissimis veritatis fundamentis innixa mendaciorum fallaciis nunquam indiguit, nec indiget, imo vero hujusmodi figmenta condemnat, & exhorret, revocari in dubium, & fugillari ab impiis possit, prohibemus sub severissimis pœnis a Nobis irremissibiliter infligendis, ne quisquam Sæcularis, sive Clericus Regularis in Ecclesia quomodo-

modolibet exempta, aut ullo alio loco insolitas imagines temerario & execrandæ impietatis ausu proponere, nova miracula, aut novas Reliquiâs evulgare, prædicare, aut jactare præsumant.

Quod si omnipotens Deus, cujus est miracula, seu per seipsum, seu per Sanctorum intercessionem facere, Ecclesiam suam illustrare, fidem nostram confirmare, & fideles solari per miraculosas operationes complacita benignitate dignabitur, rem totam prius per Parochum loci ad Nos deferri volumus, ut ad normam S. Conc. Trid. adhibitis in consilium Theologis, & aliis piis viris ea faciamus, quæ veritati & pietati consentanea judicaverimus.

CAPUT XXVIII.

De Indulgentiis.

Indulgentiarum usum Christiano populo maxime salutarem, & sacrorum Conciliorum auctoritate comprobatum esse Catholica Ecclesia semper docuit, eosque anathemate damnat, qui illas aut inutiles asserunt, vel in eis concedendis ejus potestatem negant, inexhaustus quippe meritorum Christi, Beatissimæ Virginis, aliorumque Sanctorum thesaurus per benignitatem ejusdem Salvatoris nostri sic ab Ecclesia in salutem fidelium dispensatur, ut non solum per merita Christi culpæ reatus, & pœna æterna peccatis debita in Sacramento Pœnitentiæ remittatur, sed etiam per eadem Christi, nec non Beatissimæ Virginis, reliquorumque Sanctorum merita temporalis eorundem peccatorum post Sacramentalem Confessionem adhuc debita castigatio, ex maternæ Ecclesiæ indulgentia in opera facilioris executionis commutata, nonnunquam minuatur, nonnunquam plene condonetur.

Verum ne dispensatio, seu distributio hujusmodi Indulgentiarum, & laudatissimus cæteroquin usus disciplinæ Ecclesiasticæ rigorem obrundat, aut relaxationem morum, variosque abusus spe, & per occasionem earundem progignat, præcipimus omnibus Parochis, ut Catholicæ Ecclesiæ Matris & Magistræ nostræ circa Indulgentias sen-

sum, valorem, fructus, utilitates plebem fidelem accurate edoceant & instruant, & ad cordis contritionem, peccatorum suorum Sacramentalem Confessionem, & ad injunctorum a Summo Pontifice, Indulgentiarum dispensatore, operum, quæ sigillatim, distincteque enumerabunt, humile, devotum, & fidele adimplementum, cæterasque necessarias ad Indulgentiarum consecutionem dispositiones paternè adhortando invitent.

Nullæ Indulgentiæ publicentur, neque earum concessionem typis videntur, nisi prius a Nobis, nostro Officiali recognita fuerint. Quod etiam ab omnibus cujuscunque Ordinis, & Instituti Regularibus servari præcipimus.

CAPUT XXIX.

De Officio Parochorum.

Quanta Pastoribus animarum, quas Christus acquisivit Sanguine suo, in crediti sibi gregis regimine adhibenda sit vigilantia, exacta muneris ratio supremo Pastorum Principi distictissime ab ipsis reddenda, aperte nos docet, dum commissarum ovium sanguinem, quæ ex custodum fortasse incuria peribunt, in extremi examinis die de illorum manibus severus Judex requiret. Idcirco altissimi hujus oneris proponendæ a Nobis rationes totam ad se revocant mentis nostræ sollicitudinem. Licet enim omnia pene in hac nostra Synodo hucusque sancta ad rectam, ac solemtem Pastoralis Officii administrationem pertinere dignoscantur; non satis tamen muneri nostro adhuc satisfactum censuimus, nisi alia hic etiam animarum Rectoribus, discretius ac firmitus de gravissimo ipsorum ministerio ediceremus.

Meminerint ergo Parochi, sublimem proprii muneris vocationem sæpius recogitantes, fidei scientia ac morum sanctitate ita cæteros antecellere, ut Christi gregem tam verbi doctrina, quam operum exemplo pascetes, non ut *Dominantes in Cleris, sed forma facti gregis ex animo* fideles Mysteriorum Dei dispensatores reputentur. Sciant pro-

inde omnia superius præscripta de vita & honestate Clericorum ad ipsos potissimum pertinere, qui in altiore, & sublimiorem officii, ac honoris gradum assumpti, & quasi in specula constituti, vitæ integritate ac sanctimonia reliquis anteire & præluce tenentur. Præterea, quæ superius decrevimus de Divini verbi prædicatione, de Christianæ fidei rudimentis edocendis, de Festorum & juniorum observantia, præsertim vero de Sacramentorum administratione (quod præcipuum ipsorum munus est) exactissime calleant, ac diligentissime exequantur. Nec modo, quæ ad ipsos attinent, sed & ad populum spectantia nostrarum Constitutionum Decreta omnino observari curabunt, vigiliam Pastorum munia solerter peragentes, cunctosque abusus, qui forte hominum vicio, vel temporum injuria adversus eas irrepererint, Nobis, aut Vicario nostro Generali denuntiaturi.

Habeant proinde singuli nostras hæc Constitutiones Synodales, quas quamprimum typis publicari curabimus, easque ita frequenter legant, ut ad minimum tercio quoque mense universas prælegisse sese strictissime teneri sciant. Præterea summam aliquam Casuum conscientiæ, vel Canonum, Concilium Tridentinum, Catechismus & Rituale Romanum apud se semper retineant, & assiduo studio revolvant, ut ita ad propria munia rite obeunda plenissime instruantur. Eos insuper enixe in Domino hortamur, ut ultra pios Divinarum meditationum libros, aliquem habendis concionibus accommodatum, item alium, quo in officiis erga infirmos ab ipsis sedulo exhibendis erudiantur, ac demum sacrum literarum libros sibi comparent, quos a sacris Canonibus frequenter legere admonentur, ut docendi officium, quod susceperunt, fructuosius ac facilius exequantur.

Animarum curam sibi commissam, non per alios, ad quos de ovibus non pertinet, sed per se ipsos administrent, nisi forte legitima intercedente causa, Nobisque assentientibus approbati Sacerdotis ministerio indiguerint, nec tamen se propterea aut residentiz lege

solutos, aut ab aliis Pastoralibus muniis, quæ illis interdicta non fuerint, immunes existiment. Eorum proinde desidiam, ac damnabilem negligentiam summopere improbamus, qui provisos in regimine animarum Coadjutores susceperint, de temporalibus lucris solummodo solliciti, ac Divinis humana præferentes, inexcusabili torpore totum in illos onus pascendarum ovium rejiciunt, quas ipsi arctissimis legibus regendas susceperunt.

Non itaque mercenarii more, qui *dimittit oves, & fugit*, sed boni Pastoris exemplum sectantes circa Beneficia sua personaliter resideant, nec ex causa cujuscunque obsequii sæcularium quarumvis personarum, aut occasione præsentis cujusvis necessitatis justo tempore sine licentia nostra se se ab Ecclesiis absentent, alias enim ultra reatum peccati moralis pro rata temporis absentiz fructus non faciunt suos, nec tuta conscientia, quamvis etiam nulla declaratio Judicis subsecuta sit, eosdem retinere possunt, sed pro fabrica loci, aut pauperibus erogare tenentur. Nec quisquam sibi persuadeat, aut confidat sufficere in vinea Christi per Vicarios laborare, alioquin satis esset per Vicarios manducare.

Sibi igitur & universo gregi attendentes, in quo Spiritus Sanctus posuit eos regere plebem Dei, in omnibus laborent ac vigilent, suumque fideliter ministerium adimpleant assidue curantes, ut sibi creditæ Ecclesiæ sanctæ sint, non habentes rugam, neque maculam, ac Deo per omnia placentes. Ideo, ut Apostolus monuit: *potentes sint in doctrina sana, exhortari, & eos, qui contradicunt, redarguere*; ne alias Sacerdotalis severitatis immemores, tanquam canes muti non valentes latrare, dum culpas corripere metuunt, delinquentibus promissa securitate in cassum blandiantur. Hinc vigilantes super gregibus suis diligentissime inquirent, an in eorum Parochiis perditii homines degunt publice, nempe blasphemæ, concubinarii, res Ecclesiasticas occupantes, sive alterius gravis, ac scandalosi criminis publice rei; quos quidem paterne primum, ac suaviter cum omni patientia ad bonam frugem reducere studebunt, mox acrius,

acrius, ac severius pro temporis opportunitate admonebunt, ut ita non subterfugientes eis annuntiare consilium Dei, veraciter cum Apostolo, mundas manus suas ab illorum sanguine valeant profiteri. Si vero his adhibitis studiis se nil proficere cognoverint, Nobis sive Vicariis nostris contumaces denuntiabunt. Inquirent pariter, an non sint aliqui, qui libros tractantes hæresim legunt, sive penes se conservant, tales ad Officium nostrum deferant, nisi sponte libros suspectos ad Officium nostrum remittendos ipsis extradant.

Viduarum ac virginum egestate laborantium, aliarumque miserabilium personarum curam paternam gerant, orphanos pariter ac pupillos pro viribus tueantur, præsertim, si earum educatio in iis, quæ ad Christianam institutionem pertinent, ab illorum tutoribus negligatur. Infirmis præcipue, ac in extremo vitæ discrimine constitutis, prout alibi pluries monuimus, quam diligentissime assistant, eisque omnia debite pietatis officia assidue conferant. Omnibus demum, quos spirituali aliqua vel corporali ope indigere cognoverint, tum ipsi pro viribus consulant, tum alios suo exemplo & hortatu ad id Christianæ charitatis officium enixe invitent, memores pro suarum ovium incolumitate, quemvis excipere laborem, subire omnes casus, omnem vim atque injuriam perferre, denique ut bonus Pastor Evangelicus animam suam pro illis ponere non dubitantes. Quibus autem ob reddituum Ecclesiasticorum tenuitatem temporalibus subsidiis prodesse nequeunt, spiritualibus saltem auxiliis opulentur. Ideo omnes animarum Rectores pro ovibus suis orare, ac Sacrificium offerre a Tridentina Synodo enixe jubentur, adeo, ut saltem Dominicis diebus & Festis de præcepto pro populo semper celebrantes, aliunde sibi eleemosynam quærere strictissime prohibeantur, ut alibi jam innuimus.

In celebratione Divinorum, Sacramentorumque administratione decencia, mundities, gravitas, ritusque ac cæremoniarum in Rubricis Missalis ac Ritualis Romani ab Ecclesia præscriptæ

serventur. Inprimis vero linteamina, ornamenta, & vasa sacra, non lacera, non sordida, quæ nauseam provocent, non mucida, aut æruginè consumpta ad usus Divinos adhibeantur. Quamvis enim probe sciamus plurium Diocesis nostræ Ecclesiarum pauperiem, hæc tamen ejusmodi abusus minime excusat, cum plerumque nil aliud in hoc, nisi Rectorum cura, atque diligentia desideretur, & longe magis optandum est, ut vasa & ornamenta sacra in minori potius numero, modo sint apta & munda, habeantur. Quare noverint Ecclesiarum præsertim ruralium Rectores, Nos, si quid tale in illorum Ecclesiis animadverterimus, id impune minime relicturos.

Ædes quoque Parochiales conservare ac collabentes reparare ab iis, ad quos pertinet, pro viribus curent. Bona item, & jura suarum Ecclesiarum diligenter & strenue tueantur. Non ideo tamen Parochialium proventuum, eorumque præcipue, quæ ex funerum jure ipsis obveniunt, rigidi ac molesti sint exactores, ne alias peculii potius ampliandi cupiditate, quam studio augendi patrimonia pauperum, Sacerdotumque jurium defensores habeantur.

Diffidia & contentiones inter suæ Parochiæ subditos exortas opportunis cohortationibus ac monitis in neutram partem æquo propensiores, quam citissime studeant componere. Id autem studiosissime caveant, ne ullam Laicis præbentes offensionem ipsimet inter se rixentur, aut quoquo modo contendant. Ideo, si quas aliquando ratione officii, aut jurium parochialium controversias habuerint, amicabiliter omnino componant, aut certe ad Nos, sive Officia nostra deferant, quantum fieri poterit, absque judicii strepitu dirimendas.

In singulis autem Parochialibus Ecclesiis præcipimus, ut Archivum erigatur, seu saltem conveniens Sacristiæ armariolum fera & clavi munitum ad hunc duntaxat usum seligatur, ibique libri Scripturæ, inventaria, & publica instrumenta continentia, reditus, bona, privilegia, onera, aliæque ad Ecclesiam quomodolibet spectantia dili-

diligentissime & distincte custodiantur. Similiter authentica Reliquiarum documenta, onerum satisfactiones, Indulgentiarum diplomata, ac visitationum decreta ibidem retineantur. Præcipue vero libri Parochiales, tum antiqui, tum recentes, nimirum baptizatorum, matrimonia contrahentium, mortuorum, ac status animarum diligenti cura asserventur.

Curabunt pariter, ut in quacunque Parochia habeatur Ludimagister, qui Catholicus sit, & eruditus ac bonæ famæ. Is autem non solum in Grammaticis, & humaniorum literarum peritiâ, sed etiam in Christianæ fidei rudimentis ac Catholica Religione ad Catechismi Romani præscriptum, pueros adolescentesve instruat, eosque bonis moribus, Christiana pietate atque spiritualibus exercitiis diligenter imbuat.

Diligentiam item adhibeant, ut mulieres, quæ in Parochia puellas docent legere & scribere, Catholicæ sint, & spectatæ vitæ, atque in eis erudendis libris utantur Catholicis, & a proprio Parocho approbatis.

Sub tempus Confessionis Paschalis, quantum fieri potest, alium Sacerdotem, dummodo sit approbatus, pro confessionibus Parochianorum suorum invitent ad evadendum periculum sacrilegii, quod contingere potest, si non habeant confidentiam ad proprium Parochum, & conscientiam suam latebras illi aperire pertimescunt, confidentius autem iis, quibus suus author ignoratur, turpitudines humanæ revelantur.

CAPUT XXX.

De pluralitate Beneficiorum.

Perniciosissimum Ecclesiæ statui, animarumque saluti videmus, dum idem & unus Sacerdos varia Ecclesiæ stipendia in variis & distantibus sæpe locis, & quibus diversa incumbunt officia in se assumit. Quare cum sacri Canones abhorrent pluralitatem Beneficiorum, sed singulis singula Beneficia esse conferenda declarant, omnes pluralitate Beneficiorum laborantes serio monemus, quatenus nulliter possessa hæcenus Beneficia intra tres menses di-

mittant, nisi ipsis legitimæ dispensationes a sancta Sede Apostolica suffragentur, quas Nobis intra spatium trium mensium sine aliqua addicatione præsentare teneantur, alias ipso facto priora per illos obtenta pro vacantibus declaramus, & ad penam restitutionis dupli, cæterasque arbitrarías procedemus.

Et quia per varias temporum injurias, multas Ecclesias Parochiales, suis olim destitutas Pastoribus, dari in Commendam vicinioribus Parochis propter defectum Cleri necessitas exigebat, prava demum & damnabilis consuetudo irrepsit, quod pro affiliatis Ecclesiis a Possessoribus illorum tractu temporis censeantur, & sub colorato hoc titulo affiliationis multi ex Parochis plures Ecclesias proprie Parochiales, prout in Synodo Diocesana Illustrissimi olim GASPARIS DZIALINSKI de anno 1641. enumerantur, temere tenere non verentur. Hinc improbæ illorum temeritati meras ponere volentes decernimus, ut nisi in spatio trium pariter, ut supra, mensium a publicatione præsentis Synodi docuerint de incorporatione dictorum Beneficiorum, Nos singulis Beneficiis distinctos provisuros fore Pastores, & præterea de male perceptis fructibus in rem Ecclesiæ disposituros. Præterquam enim quod talis pluralitas charitatem, quæ debet esse inter fideles, extinguat, & minuat, dum Sacerdotes quantumvis dignos, & opulante Divina gratia, satis numerosos ad laborandum in vinea Domini portione Christi ac pane meritum privati & destituit, facitque famelicos, administrat insuper materiam dissolutionis, ac detrimentum & damna varia Ecclesiæ generat, fructus ac redditus spirituales, dum taliter qualiter expenduntur, profanat ac violat, Divinorum absolvendorum necessitatem per absentiam eorum, qui per plura Beneficia cursitant, tollit ac destruit.

Quicumque autem in posterum pro dispensatione Apostolica super pluralitate Beneficiorum ad Sedem Apostolicam supplicare voluerint, literas patentes seu testimoniales super veritate exponendorum a Nobis ipsis & non aliter

aliter accipere, & Bullas pro verificatione Nobis præsentare tenebuntur.

CAPUT XXXI.

De Ecclesiis desolatis.

Compertum habentes ex Visitatione generali Diœcesis nuper expedita aliquas Ecclesias ita desolatas extare, ut legitimis a multo tempore orbatæ Rectoribus in suis tantum sepulcræ ruinis conspiciantur, & quas majorum pietas ad cultum Divinum, salutis humanæ ministerium, & ad animarum suarum suffragium erexit, has incuria, negligentia, & injustitia posterorum in abominationem desolationis converti fecit, & permisit. Huic malo pro munere nostro occurrere volentes informati, quod nonnullæ ex illis integra sua gaudeant dote, & tales habeant redditus, quod commode Parochus ali & sustentari posset, decernimus hac Synodali Constitutione, ut viciniore Parochi, qui omnes fructus & proventus desolataram Ecclesiarum percipiunt intuitu administrationis Sacramentorum, sint contenti decimis & accidentiis. Censui vero ex manfis Ecclesiæ desolatæ eousque per Officia nostra sequestrentur, quousque collecta summa non fuerit sufficiens pro reedificanda nova Ecclesiâ, qua ædificata, noverint tamen illi, ad quos Ecclesiarum reedificatio spectat, ad restitutionem summæ erogatæ se teneri debere saltem per rathas quousque summa integralis reposita non fuerit, quam demum pro interno decore Ecclesiarum applicandam decernimus. Illas vero Ecclesias, quarum dotes per calamitatem temporum interierunt, inhærendo textui sacrosancti Conc. Trid. aliis Parochialibus vicinioribus, incorporandas & inviscerandas constituimus, ac hujusmodi incorporationem & unionem, vocatis de jure vocandis, coram Nobis fieri volumus, & nunc dispositive præcipimus.

CAPUT XXXII.

De Hospitalibus.

Xenodochia, pauperum commoditati prisca fidelium pietate insti-

tuta, atque a sacris Canonibus toties tamque anxie Pastoralis sollicitudini commendata, ut debite & secundum piam mentem Fundatorum administrantur, omni studio adniti decet.

Viri itaque providi, justî, & expertæ in miserabiles personas charitatis, ad quem de jure vel consuetudine spectat, uniuscujuscunque Hospitalis administratores per triennium ad summum continuandi eligantur, qui bona, res, & jura ejusdem diligenter ac fideliter administrent, conservent, strenueque tueantur & recuperent, atque eorundem usurpatores Nobis, sive Vicariis nostris sub pœnis excommunicationis denuntient, ut locis piis satisfactionem simul, ac denuntiatorum emendationem paternâ suavitatē procuremus, aut certe ipsorum sacrilegam contumaciam censurarum declaratione, aliisque gravissimis pœnis vindicemus. Domos pro pauperibus fovendis facto testō, janisque atque fenestris refectionis accommodare faciant. Prædia excoli, Ecclesiæ seu Capellæ, si qua forte Hospitali reperitur adnexa, cultum & nitorem, onerumque eidem incumbendum adimplementum religiose curent.

Reditus ejusdem in suos usus damna biliter convertere, aut in alienos ab instituto erogare sub excommunicationis pœna non audeant, sed ut quidquid acceperint, exegerint, vel expenderint, in libro bene compacto ad hoc destinato fideliter notent, & in fine anni, vel quotiescunque fuerint requisiti, administrationis rationem Vicario nostro Generali, seu propriis illorum Foraneis & Parochis, aliisve, quibus ex fundatione vel consuetudine jus hoc competit, reddere teneantur. Et quidquid ex annuo redditu superesse compertum fuerit, Nobis per eosdem Vicarios vel Parochos significetur, ut in Hospitalis, aliosve pios usus, prout e re magis visum fuerit, nostro arbitratu impendatur.

Obligaciones, si quæ pauperibus ex fundatione impositæ sunt, Præfecti Hospitalium animadvertant, ut absolvantur, ubi vero non sunt, curent, ut semper pauperes exercitium habeant, Rosarium vel Coronam B. M. V. & alias

alias pias preces quotidie recitando. Mares & scemina permiscue non cohabitent, senes tantum, debiles, claudi, cæci, infirmitate incurabili laborantes, non vero validi, sani, & juvenes recipiantur, moneantur etiam, ut sæpe confiteantur, & communicent.

Quia vero mendicorum temere vagantium maximus reperitur numerus, qui tamen valentes viribus ad labores & operas sunt idonei, mendicant tamen per civitates & oppida, ac non solum veris ac incolis pauperibus eleemosynam inique præripiunt, sed ipsi quoque ea scandalose & in perniciem animarum suarum abutuntur; quare hac Constitutione Synodali mandamus, ut diligens eorum deinceps habeatur delectus, ac qui sani ac validi erunt, expellantur a Magistratu ex civitatibus & oppidis, vel faciendis operibus publicis iusta aliqua mercede addicantur. Infirmos autem & vere mendicantes, quos Hospitalia capere non possunt, curet quilibet Parochus, ut in sua Parochia per se & Parochianos suos porrectione eleemosynæ sustententur, ne vagari cogantur, atque Parochiis aliorum sint oneri.

Domos pro Sacerdotibus senio, & laboribus confectis, tum circa Ecclesiam Cathedralē, tum Lubaviæ pietissime fundatas & erectas, cum illarum fundis, summis capitalibus, dotationibus, erectionibus hac Synodali Constitutione approbamus, & ut Perillustres DD. Provisores ex Ven. Capitulo desuper constituti quotannis calculum de perceptis & expositis Nobis reddant injungimus, quorum muneris erit in omni charitate & pietate necessitatibus dictorum Presbyterorum quoad victum & vestitum succurrere, & ne in alios quamvis alias pios usus, proventus earundem fundationum, præterquam pro commoditate tam spiritali, quam temporali invalidorum Presbyterorum, applicentur, serio inhibemus.

Sciant præterea Administratores locorum quorumvis piorum ex Decreto Ss. Concilii Tridentini se teneri quolibet anno rationem Nobis reddere, quamvis ex consuetudine, aut privile-

gio, aut constitutione aliqua loci aliis ad id deputatis ratio reddenda esset. Nam in tali casu sancivit sacrosancta Synodus, ut cum illis adhibeatur etiam Ordinarius & aliter facta liberationes seu quierationes dictis Administratoribus minime suffragentur.

C A P U T XXXIII.

De Regularibus.

Quantum Catholico gregi ex sanctissimis Religiosorum Ordinum institutis, splendoris ac dignitatis accesserit, fortissima militanti in terris Ecclesiæ aucta præsidia, eidemque in cælis triumphanti eximii fulgoris addita lumina abunde testantur. Ideo quosunque Regularis vitæ Professores, qui fallacibus hujus mundi inquinamentis posthabitis, spem suam in altissimis, ubi vera sunt gaudia, collocarunt, enixe in Domino admonemus atque obsecramus, ut acceptæ vocationis memores, *gratias agentes Deo Patri, qui dignos eos fecit in partem sortis Sanctorum in lumine*, ante omnia ad Regulæ, quam profitentur, præscriptum ita vitam instituant, moresque componant, ut ad omne religiosæ virtutis officium in dies longius progredientes, tanquam *filiis lucis honeste ambulent, exemplumque afferant fidelibus, ut ait Apostolus, in verbo, in conversatione, in charitate, in fide, in omni opere bono fructificantes*. Nobis vero in agro Domini excolende non otiosos se præsentent operarios, sed tanquam fideles agricolæ ad messem hanc vocati, opera sua Nos adjuvent, ut quos Christus Dominus vitæ Magister de potestate tenebrarum eripuit, eos curæ ac fidei nostræ commissos, quasi purum triticum in horrea celestia congregemus. Hinc sicuti Regulares omnes cujuscunque Ordinis & Instituti, in hac nostra Diocesi fundatos, peramanter tanquam strenuos in messe Christi operatores æstimamus, & eorum privilegia a sancta Sede Apostolica, summisque Pontificibus eisdem concessa, dummodo revocata non fuerint, facta tecta conservare, tueri, & defendere statuimus, ita pariter eodem Regulares rogamus & obsecramus

in

in Domino, ut in iis, in quibus auctoritati nostræ, vel tanquam Ordinarii, vel tanquam Delegati Apostolici subiecti sunt, omnem reverentiam & obedientiam, non tam Nobis, quam characteri nostro Episcopali exhibeant, & in iis, quæ ad regimen Parochiarum, juraque Parochialia pertinent, non transgrediantur fines, quos posuerunt Patres nostri, nec mittant falcem in messem alienam. Et 1^{mo} quidem, quandoquidem Regulares juxta Conc. Tridentinum non possunt audire confessiones secularium, etiam Sacerdotum, nisi fuerint ab Episcopo approbati: ideo omnibus Religiosis cujuscunque Ordinis & Instituti, etiam Societatis JESU, districte præcipimus, ut nullus confessiones in Dicesi nostra sub nullitate absolutionis excipere audeat, nisi fuerit a Nobis, vel Officio nostro ad id approbatus. 2^{do}. Cum juxta idem Conc. Tridentinum expresse constitutum sit, ut nullus Regularis etiam in propria Ecclesia prædicare audeat, nisi ab Episcopo prius benedictionem petierit: in aliis vero Ecclesiis, quæ sui Ordinis non sunt, præter benedictionem, etiam licentiam prædicandi obtinere debeat; ideo, ut hæc Ss. Concilii Tridentini Decreta in viridi sint observantia, serio omnes requirimus, sciantque se, si obedire neglexerint, pœnis a jure statutis fore puniendos. Idem Concionatores non in doctis humanæ sapientiæ verbis, aut adulterantes verbum Dei, aut vanam profanæ eloquentiæ sectantes auram, sed in spiritu & virtute ministerium suum adimplere studeant, ad corrigendos pravos mores, vitiaque evitanda, mandatorum Dei observantiam, Christianasque virtutes auditores suos cohortentur. Si vero (quod tamen per misericordiam Dei nunquam eventurum speramus) aliquis errores prædicare, vel scandala seminare in populo repertus fuerit, talis sciat sibi officium prædicationis juxta dispositionem Concilii Tridentini interdicens fore. 3^{tio}. Regulares extra Monasterium degentes, juxta idem Concilium ab Episcopo, tanquam a Sedis Apostolicæ Delegato, puniri possunt. Qui vero intra claustrum degunt, sed extra clau-

strum delinquant, juxta dispositionem ejusdem Concilii a sub proprio Superiore ad instantiam Episcopi, & intra tempus ab eodem præfigendum, severe puniantur, ac de punitione idem Superior Episcopum certiorum facere debet; aliter delinquentes ab Episcopo puniri possunt. His ergo Decretis & dispositionibus Ss. Concilii Tridentini in hærendo, omnes Superiores quocunque titulo & nomine vocandos paterne obsecramus in Domino, ut ita subditos suos in officio contineant, ne unquam ullum scandalum ab ipsis, qui omnis sanctitatis & perfectionis vivum debent esse exemplar, fidei populo detur, Nobisque omnis occasio pœnas emeritas contra delinquentes urgendi, aut respective, ut supra, in eosdem extendendi auferatur. Regulares vero extra claustrum degentes (quod tamen nonnisi legitimis ex causis, & cum licentia suorum Superiorum facere debent) bonæ conversationis exemplum omnibus exhibeant, alias noverint Nos contra ipsos juxta datam Nobis facultatem processuros. 4^{to}. Nemo Regularium audeat quempiam inducere ad sepulturam eligendam, vel eam electam immutandam sub pœnis in cap. *Animarum periculis in sexto* contentis; neminemque illis in Ecclesiis suis sepelire liceat, præterquam illos, qui vigore sepulturæ antenatorum ibi sepeliri debent, vel qui sibi apud illos sepulturam elegerint, de qua electione vel per testamentum, vel saltem per duos testes fide dignos docere Parochum, intra cujus limites quis mortuus est, teneantur. Corpora defunctorum, etiam illorum, qui apud ipsos sepeliri debent, non vocato Parocho & sine cruce parochiali levare, & ad Ecclesias suas deferre non audeant. Sacrosanctum Viaticum & Sacramentum Extremæ Unctionis administrare eisdem non licet, sub pœna excommunicationis in jure statuta; nisi interveniente ad hoc consensu expresso Parochi. 5^{to}. Missas in domibus privatis juxta tot Summorum Pontificum, maxime vero CLEMENTIS Papæ XI. die 15. Decembris 1703. decretum nemini, virtute etiam cujuscunque privilegii, celebrare liceat, nisi vel

indultum Romanum, vel a sacra Nuntiatūra, vel a Nobis facultas celebrandi concessa fuerit; sed & ad hoc locus separatus, aliis usibus non serviens, decenter ornatus, a loci Ordinario, vel aliquo alio ex ipsius mandato revisus & designatus esse debet. Observandæ vero sunt clausulæ & conditiones in similibus indultis apponi solitæ tam de Festis solennioribus, in quibus præfata celebratio prohibetur, quam de numero Missarum absolvendarum, tum etiam de iis, quibus auditio Missæ in præfatis Oratoriis privatis ad implendum præceptum Ecclesiasticum suffragatur. Osculum patenæ post Missam offeratur nemini, nisi Senatoribus, vel aliis in prima dignitate Regni constitutis, tum & Collatoribus Ecclesiæ nobilioribus in iis Ecclesiis, in quibus hæc observatur consuetudo. Quod intelligi debet, si prope Altare, in quo celebratur, adsint; nam Sacerdoti cum patena in habitu sacro per Ecclesiam circuire penitus indecens est. 6to. Religiosi, dum a suis Superioribus peregre mittuntur, obedientiales eorundem Superiorum suorum, tum & testimonium de facultate excipiendi confessiones (supposito, quod ad hoc approbati fuerint) secum deferant, alias sciant, se a Parochis nec ad celebrationem Missarum, nec ad audiendas confessiones esse admittendos. 7mo. Nemo Regularium etiam in Ecclesiis suis Indulgentias publicare audeat, nisi eas prius Nobis, vel Officio nostro exhibuerit, & easdem publicandi licentiam obtinuerit: quod expresse in Concilio Tridentino statutum est. Si quæ vero Indulgentiæ jam expiraverint, iisdem uti non audeat, donec renoventur, aut novæ obtineantur. 8vo. Expositiones Ss. Sacramenti, quæ tam frequenter & sæpiissime sine debito apparatu & reverentia, introductæ sunt in Ecclesiis tam Regularium, quam Sæcularium, fere ipsa consuetudine viluerunt; quare inhærendo mandato INNOCENTII X. desuper pro Regno Poloniæ emanato severe prohibemus; ne quis absque nostra, vel Vicarii nostri Generalis speciali licentia, expositiones & processiones cum Ss. Sacramento facere audeat, nisi diebus sequentibus: in

Festo & per Octavam Ss. Corporis Christi. In Festo Titularis Ecclesiæ Patroni, & Dedicationis ejusdem. In Ecclesiis Regularium etiam in Festis Ss. Fundatorum suorum, tum & aliorum sui Ordinis ab Ecclesia canonizatorum, vel beatificatorum, in iis vero Ecclesiis, in quibus Confraternitates sub invocatione B. M. V. erectæ & institutæ sunt, si talis in iisdem Ecclesiis consuetudo, in Festivitatibus ejusdem sacratissimæ Virginis expositiones & processiones fieri permittimus, tum etiam in diebus Quadragesimæ, dum in aliqua Ecclesia devotio, Passio vulgariter dicta, absolvitur. Quia vero norunt sese ad ædificationem, non destructionem esse, ne populus abstrahatur a Parochiali Ecclesiâ, ubi salutis initium consequitur, & ad quam frequentandam juxta sacrosanctum Concilium hortandus est, volumus & decernimus, ut eadem die, quando in Ecclesia Parochiali Passio absolvitur, in Ecclesiis Regularium talis devotio vacet, quibus aliam sibi diem distinctam ab Ecclesia Parochiali ad effectum præmissæ devotionis absolvendæ, prævio consensu nostro, eligere integrum erit. Ubi vero Confraternitates sub invocatione alterius Sancti legitime erectæ fuerint, licitum erit eisdem Confraternitatibus in die principalis Patroni ejusdem, a primis Vesperis usque ad secundas: in aliis vero quatuor solennioribus, quæ communiter adjungi solent, expositionem & processionem cum sanctissimo Sacramento de mane peragere. In reliquis vero per annum diebus nemo expositionem & processionem sine nostra, vel Vicarii nostri facultate facere præsumat. Quia vero nonnullæ Confraternitates singulis fere vel saltem alternis Dominicis, præfatas expositiones & processiones facere consueverunt, de jure vel privilegio, in quo hæc consuetudo fundatur, docere tenebuntur. Religiosis extra claustra sua processiones, nisi certis diebus per privilegia ipsis concessis, facere non licet. Ideo insolitas & novas processiones sine scitu & licentia nostra penitus prohibemus. 9mo. Officium exorcistatus nemo exercere audeat, nisi ad hoc expressam in scriptis a Nobis, vel

Officio

CAPUT XXXIV.

De Monialibus.

Officiis nostris habuerit licentiam. Quibus vero illud permissum fuerit, condigne & devote in Ecclesiis & non alibi exerceant, precibus, orationibus, exorcismis in Rituali Romano præscriptis ad hoc utantur. Ab aliis vero, quæ quandoque superstitionem redolent, omnino abstineant, præcipue a balneis, maxime respectu personarum alterius sexus conficiendis, sub pœnis arbitrariis, & privatione in perpetuum concessæ sibi facultatis. 10^{mo}. Meminerint etiam omnes Superiores Regulares, ad quos spectat, subditis suis dimissoriales pro Ordinibus concedere, quod eas dirigere debeant, subditosque suos pro ordinatione mittere, juxta Constitutionem CLEMENTIS VIII. 15. Martii 1596. latam, ad Episcopum Dicecesanum; hoc est ad eum, in cujus Dicecesi Monasterium existit, in quo habitant, qui ordinandi sunt; nisi forte Episcopus a Dicecesi sua abesset, vel non esset habiturus ordinationes, vel Sedes Episcopalis vacaret. Tunc enim licitum erit præfatos subditos suos ad quemcunque Episcopum mittere, dummodo ipsi Regulares de industria non distulerint concessionem dimissorialem ad id tempus. Si vero dimissoriales in casu, ut supra, ad Episcopum non Dicecesanum dirigantur, in iisdem expresse apponatur ratio absentia Episcopi Dicecesani, vel ordinationum ab ipso non habendarum. Quæ omnia præfatus CLEMENS VIII. sub privatione officii, dignitatis, administrationis, vocis activæ & passivæ, & aliis arbitrariis in præfata Constitutione decrevit. 11^{mo}. Censuras & interdicta non solum a Sede Apostolica emanata, sed etiam a Nobis promulgata, Nobis vel Vicario nostro Generali mandantibus in suis Ecclesiis publicent & servant. 12^{mo}. Rogamus pariter omnes Superiores quorumcunque Ordinum, ut quodcumque a Parochis locorum præcipue in majoribus solennitatibus, in quibus ipsi Parochi concurrenti populo satisfacere non possunt, invitati fuerint, ut eos in excipiendis confessionibus, vel aliis ministeriis adjuvent, id benevole & prompto animo facere non dedignentur.

Sacræ Virgines sub suavi Religionis jugo cœlestis Agni nuptiis arctissimo fœdere consecratæ, cum a sæculi periculis ereptæ tutioris vitæ optimam partem elegerint, insontis columbæ nomine ab eorum Sponsio in foraminibus petra, in caverna maceræ blande advocantur, ideo inviolabili clausuræ lege servata, solícite Agnum illum custodire debent; in quo cœlestis disciplinæ thesaurus absconditur, quemque venditis omnibus, quæ possidebant, avidissime compararunt. Hinc est, quod in Monasteriis Monialium Ordinis S. Benedicti Nobis omnimode subiectis: videlicet Culmensi, Thorunensi, & Graudentinensi, circa eorundem Constitutiones, personas, clausuram, regimen, & bona ab Antecessoribus nostris laudabiliter constituta, pro munere nostro Pastoralis, ut vetus disciplina integra conservetur, & ea parte, quæ depravata est, restituatur, hæc ab ipsis servanda decernimus & sancimus.

Constitutio BONIFACII Papæ VIII., quæ incipit: *Periculoso*, servetur diligenter; ita, ut nemini Sanctimonialium liceat in posterum post professionem exire a Monasterio etiam ad breve tempus quocunque prætextu, nisi ex aliqua legitima causâ a Nobis scripto approbata sub pœna excommunicationis ipso facto incurrenda. Ingredi autem clausuram Monasterii nemini pariter liceat cujuscunque generis, aut conditionis, sexus, vel ætatis fuerit, sine licentia nostra scriptis obtenta, alioquin eandem pœnam eo ipso subeant.

Cum autem a Nobis, sive cui vices nostras commiserimus, facultatem ob aliquam gravem necessitatem exeundi ad breve tempus obtinuerint, saltem unam sive aliam provectionis ætatis Monialem per Abbatiſſam loci assignandam secum habeant.

Omnes ad Regulam, quam professæ sunt, præscriptam vitam instituant & componant, atque in primis, quæ ad suæ professionis perfectionem, ut obedientia, paupertatis, & castitatis vota, præceptaque ad trium votorum essentiam,

tiam, nec non ad communis vitæ, vi-
ctus, & vestitus conservationem perti-
nent, fideliter observent: ea enim, quæ
ad regularis vitæ substantiam spectant,
non sunt relaxanda, ne tota regularis
disciplina corruat.

Expediit autem, ut cuncti sciant
anathematis pœnam ab iis incurri, qui
quomodocunque virginem, vel vi-
duam, aut aliam quancunque mulie-
rem invitam, ad ingrediendum Mona-
sterium, vel ad suscipiendum religionis
habitum, aut ad emittendam profes-
sionem coegerint, quique, scientes eam
non sponte hæc facere, quoquo modo
consensum, præsentiam, vel authorita-
tem interposuerint, sive econtra, qui
earum voluntatem accipiendi veli, aut
voti emittendi, quoquo modo, sine ju-
sta causa impederint.

Præterea nulla ad regularem habi-
tum admittatur, nisi prius per Nos,
aut per nostros respectivè Vicarios, vel
per alium a Nobis deputandum ejus
voluntas juxta formulam a Nobis præ-
scriptam in Appendice *sub numero XII.*
exploretur, qua exploratione facta, si
reperta fuerit idonea, ei præcipiatur,
ut in secessu per octo saltem dies exer-
citia spiritualia faciat, acceptatio au-
tem ejusdem capitulari suffragio maj-
oris partis Monialium vocalium facien-
da est.

Professio autem nullatenus facien-
da est, nisi jam completo decimo sexto
ætatis anno, & probationis integro
anno continenter peractæ sub severa
disciplina Magistræ Novitiarum in loco
a reliquis separato, ubi Novitiæ in ti-
more instrui debent in iis omnibus,
quæ ad religiosæ vitæ munia spectant,
nec econtra ultra 15. dies a completo
probationis anno sine nostra licentia
differenda est.

Per mensem ante professionem Ab-
batissa de ea mox facienda Nos, aut
Vicarios nostros sub pœna suspensio-
nis ab officio certiores faciat, ut ite-
rum, sicut in susceptione habitus factum
fuit, ejus voluntas explorari possit, qua
explorata acceptatio, ut supra, a ma-
jore parte Capituli iterum facienda est.

Confessarii Monialium tam ordi-
narii, quam extraordinarii, per Nos,

seu Vicarios nostros deputandi, con-
fessiones & consueta sede in loco Eccle-
siæ conspicuo collocata semper exci-
piant, nec unquam Monasterii septa
ingrediantur, nisi in casibus necessita-
tis, nimirum ad Sacramenta infirmis
ministranda, & tunc superpelliceo ac
stola induti a duabus ex senioribus Mo-
nialibus recta ad infirmæ cubiculum
affociantur, nec in aliam Monasterii
partem divagentur, si secus fecerint,
noverint se pœnam violationis clausu-
ræ incursum. Si autem Sacramen-
tum, quod ministraturi sunt, fuerit
Sacramentum Pœnitentiæ, tunc sciant
se debere id ita ministrare; ut dictæ
Moniales assistentes cernere quidem
per apertas cellæ fores, non autem au-
dire infirmam, & ipsum Confessarium
possint.

Voti paupertatis memores, nihil,
uti proprium, habeant, bona omnia,
sive mobilia, sive immobilia sibi dona-
ta, relicta, aut quomodocunque ac-
quisita, in commune ponant. Abba-
tissæ autem liceat ejus primo necessita-
tibus inde providere, cujus nomine
donata vel relicta, vel cujus labore
quæsitæ fuerunt. Pecunias, etiam in
parva quantitate, apud se non retineant,
nisi Abbatissa prudenter judicaverit id
eis permittere.

Moniales denique secum reputent
ex tribus Religionis solemnibus votis
magnum quidem esse paupertatis, quo
Deo bona donantur; majus castitatis,
quo ei corpus consecratur; maximum
vero obedientiæ, quo libera ante ef-
frenisque voluntas, nunc alienæ diti-
onis jugo subdita, eidem sacrificatur, &
quo tota monastica disciplina velut base
nititur, idcirco ea omnia humili ani-
mi devotione faciant, quæ Nos, vel
Vicarii nostri, aliisque per Nos depu-
tandus Superior, vel demum Abbatissa
illis in Domino præceperimus.

In unoquoque Monasterio sint tot
grandiores & bene compacti libri,
quot ejusdem Constitutiones præscri-
bunt, in quibus secundum ordinem ab
iis digestum scribantur bona omnia sta-
bilia, census & redditus Monasterii, ac-
cepta & expensa, cum die & anno,
electiones Abbatissarum, seu Superio-
rum,

rum, & aliarum Ministrarum, cum die pariter & anno, admissiones Novitiarum ad habitum, & professionem cum uniuscujusque dote, ejusque investimento, acceptance educandarum, pensionesque pro earum victu pactæ, resolutionesque Capituli super negotiis in eo tractatis, obitus singularium Monialium &c. juxta Constitutiones & pias consuetudines uniuscujusque Monasterii.

Præterea, ut Moniales tanquam Regum Regi desponsatæ singulari nota a cæteris mulieribus distinguantur, omnes decentem habitum, & proprium Religionis, quam profitentur, semper gestent, qui modestiam, humilitatem & paupertatem præferat, juxta perveculum monitum a Patribus Nicæni Concilii in hæc verba traditum: "Religiosi cum Monachi, tum Moniales habeant alia indumenta, & alios mores, quam Laici, & tondant caput" in modum coronæ, & cingant se." Verum, quia non cum exteriori solum amictu, sed multo magis cum interiori puritatis & charitatis indumento in conspectum Dei venire ejus sponsæ tenentur, singulis Dominicis diebus quorumcunque mensium, expurgata prius anima per Sacramentum Pœnitentiæ, sacro Eucharistiæ pabulo se reficiant, & idem in solennibus Festis intra annum exequantur. Orationi vacent, ut unico suo Sponso summe placere possint, & non solum communibus orationibus, sed privatis etiam, quantum poterunt, intentæ sint, ut frequenter de his, quæ Domini sunt, cogitare assuescant. Ad persolvendum Divinum Officium omnes in choro, nisi sint legitime impeditæ, convenire compellantur, sub pœnis sub Regula contentis ad arbitrium Abbatisæ imponendis. Horas Canonicas distincte, sedate, attente, ac devote alternatim recitent. Clausuræ leges, Regulam, & sui Monasterii Constitutiones omnino servare studeant, orationibus non solum communibus (ut prædictum est) verum etiam privatis sint assidue intentæ, ad quas maximopere excitabuntur, dum vana & inutilia colloquia tam in locutorio, quam inter Monasterii septa pro posse effugient. Idcirco expresse pro-

hibemus, ne sub vespere, dato silentii signo, ad alienam cellam aliqua se conferat, sed in propriis singulæ se contineant. Clausura totius Monasterii ita sit in portis, fenestris, parietibus & testis compacta, constructa, atque firmata, ut exteris nullus sit negotiationi & visui aditus.

Fugiant colloquia vana, & inutilia tam in locutorio, quam intra septa Monasterii, sanctumque silentium sedulo colant. Modestiam, charitatis, & sanctitatis specimen semper præbeant, ad collocutorium raro & auscultatrice præsentem, & nunquam sine Abbatisæ licentia accedant, ibique pro eo tantum tempore commorentur, quod necessitatis urgentia requirer, & nulla Monialis quavis occasione vel causa exteris sive viris, sive mulieribus, ne quidem conjunctissimis, defectus, rixas, contentiones, pœnitentias, & alia hujus generis, si quæ in Monasterio ex humana imbecillitate evenirent, communicet, referat, aut patefaciat sub pœna privationis accessus, arbitrio nostro, ad collocutorium & alias taxandas etiam per Abbatisam.

Nulla Monialis audeat mittere extra Monasterium literas, sive in Monasterium intromissas aperire, quin prius eas Abbatisa inspexerit sub pœna gravi pro prima & secunda vice ab Abbatisa infligenda. Quod si aliqua in hujus præcepti contraventione pertinaciter perseveraverit, Abbatisa Nos admoneat sub pœna suspensionis ab officio, ut Nos auctoritate nostra severiori remedio pertinaciam hujusmodi infringere valeamus. Et propterea prohibemus Confessariis, Capellanis, famulis, & quibuscunque aliis Monasterii Ministris, ne ab ulla particulari Moniali literas ad quemcunque ferendas, mittendas, neque ab aliis alicui Moniali tradendas accipiant, sed a sola Abbatisa accipere, eique tradere liceat sub pœna privationis officii, & aliis a Nobis arbitrio nostro infligendis. Munera itidem quæcunque etiam minima cuipiam extra Monasterium ne tradant, nisi conjunctissimis personis cum licentia Abbatisæ, quæ interdum id poterit permittere, dummodo non

sint immoderata, nec religiosæ pauper-tati difformia.

Hæreditates, vel legatâ, secum onera ferentia, sive Monasterio, sive alicui ex Monialibus relicta, neque acceptare aut repudiare, locationes bonorum, neque cujuscunque generis contractum aliquem, sive instrumentum obligationis, vel quietantiæ in rebus alicujus momenti facere præsumat Abbatisa absque capitulari convocatione, & licentia nostra, vel Vicarii nostri Generalis in scriptis tradita, alias acceptationes, repudiationes, contractus, quietantiæ, & instrumenta hujusmodi nulla, atque irrita sint eo ipso, absque ulla prævia declaratione, nisi in quantum Nos, ubi adesset utilitas Monasterii, ea sustinere, & convalidare vellemus. Caveant autem Abbatisæ, & aliæ Moniales quæcunque, ne quietantiam, & attestacionem ullam faciant, in qua declarent se recepisse pecuniæ summam aliquam, ne quidem minimam nomine Monasterii aut proprio, nisi vere & realiter illam receperint, sub pœna gravissima nostro arbitrio imponenda.

Mandamus præterea, ut imminente electione novæ Abbatisæ certiores reddamur per Priorissam de prædicta nova electione juxta Constit. GREGORII XIII., quæ Nobis præsentibus, vel Commissario a Nobis ad eum effectum deputando, per vota secreta erit eligenda, ut præcipitur per Conc. Trident. Ipsa vero Abbatisa eligenda non sit minor annis 40. & quæ octo annis post expressam professionem laudabiliter vixerit. Moniales, quæ expresse non emiserint professionem, & alias juxta Constitutiones Monasterii in electione, & in omni alio capitulari negotio, voce activa & passiva careant. Erit vero in Abbatisam canonicè electa illa, quæ majorem votorum partem obtinuerit. Abbatisa vero electa magnam debet habere curam, ut, sicut ipsa, ita Moniales omnes, perfectionis & sanctitatis semitam assequantur. Quare hortamur in Domino, ut præsens Capitulum latine conscriptum, Polonico sermone ad litteram traducendum, traductumque Monialibus exhibendum, Confessarii Monialium intra

mensẽ a publicatione hujus Synodi publicare curent, atque, pro sua pietate & prudentia, præmissa eisdem opportune insinuare & explanare meminerint, & ut sæpe sæpius in refectorio ad mensam perlegatur, Abbatisæ attendant.

CAPUT XXXV.

De Sepulturis, obventionibus, & accidentiis Parochorum.

Ut omnis avaritiæ species, quæ Ecclesiasticos viros summopere dedecet, evitetur; prohibemus inprimis, ne quis pro Sacramentorum administratione quidquam exigere audeat & præsumat, sicuti vero abusus irrepsit, ut Parochi a populo ad Sacramentum Pœnitentiæ tempore Paschali confluyente retributiones aliquas exigant, id abhinc sub gravissimis pœnis arbitrio nostro irrogandis interdicimus.

Si quid tamen Sacerdoti Sacramentum Baptismi ministranti, vel Matrimonium benedicenti sponte & benevole offeratur, id grato animo recipi nil vetat.

Sordidos quoque quæstus, & mercimonia in funeribus ducendis a Parochis omnino vitari volumus, sciantque se graviter puniendos, si eorundem occasione quidpiam præter id, pro quo antiqua, pia & probata cujuscunque loci invaluit consuetudo, exigere aut pacisci præsumpserint. Ideo nunquam sub prætextu non solutæ elemosynæ funeralis denegare aut differre sepulturam quisquam audeat, quinimo, quia scriptum est: *Mortuo non prohibeas gratiam*, pauperum & miserabilium personarum cadavera gratis sepeliantur.

Proprius autem cujuscunque sepulturæ locus est Ecclesiâ Parochialis, intra cujus fines defunctus habuit domicilium, ut ubi vitæ accepit Sacramenta, ibi mortalitatis suæ habeat conditorium, & suffragiorum adjumentum, nisi tamen alibi sepulchrum elegerit, aut ab ejus Majoribus pro seipfis & Successoribus constitutum fuerit.

Adver-

Advertant tamen quicumque Clerici, sive Sæculares, sive Regulares, sub pœna maledictionis aternæ comminatus in sacra Sanctione & aliis arbitrariis, ne quenkum inducant, ut voto, juramento, aut fide interposita se obliget ad eligendam sepulturam in eorum Ecclesia, vel electam non imutandam. Quod si contra factum fuerit, & electio ipsa irrita erit, & eligens hoc pacto, in ea Ecclesia sepeliri non debet, sed ad eam erit deferendus, in qua, si sepulturam non elegisset, esset humandus.

Quia vero nomine accidentium venit etiam quarta pars funeralium, quæ hodie, ex generali consuetudine, Parochis & non alteri cupiam juxta dispositionem Concilii Trid. in quantitate, per consuetudinem regionis & locorum solita & præscripta, debet solvi, ideo de eadem hoc loco statutum nostrum adjicientes, quod pro executione 4tæ funeralis non gravatur hæres, sed lis agitur inter Parochum, & Ecclesiam tumultantem, ut respondit Congregatio Episc. & Regular. in civitatis Castell. 14. Aprilis 1615. quodque quarta funeralis debetur Parocho, non solum de his, quæ cum funere deferuntur, sed de omnibus illis, quæ intuitu sepulturæ tradita fuerunt Ecclesie tumultanti, declaramus.

In tumultandis defunctorum corporibus observent quoque Parochi, ut cadavera diu insepulta non maneant, qua de re hæredes, & amici defunctorum monendi sunt. Oppressos tamen repentino aliquo morbo, aut casu ante expletas viginti quatuor horas, vel quamdiu de vita illorum spes aliqua superest, sepulchro ne mandent.

Regulares cujuscunque Ordinis sub quocunque prætextu ad proprias Ecclesias deferre cadavera sepelienda nullatenus audeant, nisi vocato & expectato Parocho defuncti. Cæmeteria præcipimus religiose custodiri, & propterea undequaque claudantur, ne animalibus pateat accessus; adsit in medio crux, herbæque omnes penitus amoveantur.

CAPUT XXXVI.

De Decimis & Censibus.

Decimas esse a principio mundi consecratas Christiana docet veritas, nihilque aliud esse, quam recognitiones supremi erga Deum dominum. Mirum tamen est, quod nonnulli easdem reddere detrectantes, vel minuire volentes opinantur, quod suos augeant proventus, cum tamen Dominus dicit: *Respexisti ad plus, & ecce factum est minus.* Advertant ergo omnes decimam, rem Deo dicatam, aut retinentes, aut penitus denegantes, quam manifeste fidem suspectam teneant, dum colunt *avaritiam & idolorum suscipiunt servitutem*, & decimarum pensione renuunt probare Deum, noluntque agnoscere, quod *Deus sit Dominus, & non est alius.*

Hocce itaque detestabile crimen, quod vel maxime multa Tempia & Parochias facit desertas, reprimere cupientes, consuetudinem pendendi decimas, tot Divinis oraculis confirmatam, & ab Ecclesia fidelibus efficacissime semper commendatam, atque adeo sub gravissimarum contra non solventes penarum comminatione præceptam, Nos secundum antiquissimum morem in hac Diocesi usitatum, & secundum Decreta S. R. Mts desuper in bonis Regalibus lata, sub pœna excommunicationis, juxta severissimam sacrorum Canonum censuram, inviolate servari enixe mandamus; a qua eos absolvi, nisi plene restitutione facta, nolumus, nec super earum solutione Parochos cum solvere debentibus quovis pacto, aut conditione componere in præjudicium suarum Ecclesiarum volumus, sub pœnis contra alienatores bonorum Ecclesiæ sancitis.

Usurpantes denique, aut quocunque quæsito colore, sive per se, sive per alios indebite detinentes Ecclesiæ, vel cujusvis loci pii qualibet bona, jura, census, fructus, emolumenta, obventiones, instrumenta, libros, ac cujuscunque generis scripturas, & quomodolibet impediētes, ne præfata iis, ad quos pertinent, reddantur, & ne ab iisdem percipiantur, noverint se ultra pœnas arbitrio nostro infligendas subja-

subjacere excommunicationi Summo Pontifici reservatæ in Bulla *Cœne Domini*, atque in Decretis S. Concilii Tridentini. Clerici vero hisce usurpationibus, & fraudibus consentientes ultra excommunicationem, ut supra, reservatam, privantur Beneficiis, & ad alia redduntur inhabiles, ut in dicti Concilii Decreto, quod in Appendice *sub numero XIII.* & aliis ibidem Decretis, videre licet.

CAPUT XXXVII.

De sacrosanctis Ecclesiis, & earum cultu ac Immunitate.

Domum Dei, in qua sacrosancta perficiuntur Mysteria, & Deus ipse cum hominibus habitans de excelsu folio gloriæ suæ supplicantium preces exaudit, quam maxima decet sanctitudo, ideo omni cultu, ornatuque ac decore, sicut sponsa ornata viro suo, enitere debet.

Inprimis itaque, cum indignum sit, ut sacra Templâ, aut forma indecora ædificentur, aut constructa necessariis ornamentis & subsidiis destituantur, nemini liceat absque nostra licentia, & sine dote, ac necessariorum apparatu novas Ecclesias, Oratoria, Capellas, atque etiam Regularium Monasteria erigere, seu construere, nemini item constructa diruere, vel in alium locum transferre liceat sub pœna interdicti. Quæ autem Ecclesiæ aliqua ex parte collapsæ fuerint, illæ Christiana pietate juxta S. Conc. Trid. Decretum reparentur, & quæ temporum injuria ita collapsæ ac derelictæ sunt, ut pro dignitate ex Beneficiorum ibi existentium tenuitate, vel inopiâ Patronorum, tum Parochianorum instaurari nequeant, ex ejusdem Concilii Sanctione, prævio consensu nostro, sive Vicarii nostri Generalis obtinendo penitus destruantur ea cautione, ut tigna, lateres, & cæmenta profanis ædificiis non applicentur, ibique adorandum crucis signum collocetur.

Cum vero in iis exequendis, quæ in Lugdunensi Concilio olim a GREGORIO X. & postea a B. PIO V. de Ecclesiarum cultu sancita fuerunt,

quam maximam diligentiam adhibere debeamus, omnino decernimus, ne quis in Ecclesia, quæ domus orationis est, præsertim dum Missarum Sacra sunt, Divinaque Officia peraguntur, seu sacra concio habetur, mutuis confabulationibus operam det, profanum ulum negotium agat, & quovis modo Divina turbet Officia, seu a sanctissimo Eucharistiæ Sacramento aversus sedeat, vel irreverenter stet, nec propterea quispiam Altaribus, Baptismi, seu aquæ benedictæ fontibus innitatur, nec in confessionalibus sedeat. Quod si quis hæc, quæ Christianam Religionem maxime dedecent, admiserit, pœnis tum eadem B. PII Constitutione latis, tum etiam pro personarum ratione, & culpæ modo afficietur.

Diligentissime autem Ecclesiarum Rectores curent, ut Ecclesiæ, quibus præsumt, sint probe testæ & clausæ, parietes habeant firmos, nec fissuris hiantes, fenestras vitro clausas, fornicem aut laquear decens. Nihil enim est, quod vel illos chariores populo reddat, vel populum ipsum ad devotionem & pietatem omnem moveat magis, quam si diligant decorem domus Dei, & locum habitationis gloriæ ejus.

Sacrosanctum Eucharistiæ Sacramentum teneatur in tabernaculo competentis, in Altari majori, aut in alio conspicuo loco Ecclesiæ sito, serraque munito, cujus clavis a Parocho aut alio Sacerdote diligenter servetur.

Olea quoque sacra cum Chrismate in loco bene clauso & decenti extra tamen tabernaculum SSmi Sacramenti, in quo nihil, præter illud, poni debet, inque terfis ac nitidis vasculis collocentur. Nova singulis annis post diem sanctum Cœnæ Domini per Clericos, non Laicos ex Ecclesia nostra Cathedrali afferantur, ac modice, ubi necessitas exigit, mundo & recenti oleo olivarum diluantur; vetera autem, extra casum necessitatis, ne adhibeantur a Parocho, sed quotannis in lapide ad hunc usum destinato, aut in lampade comburantur.

Fontem item baptismalem nitide atque sub clausura teneat Ecclesiæ Rector, vasque fontis sæpius intra annum mun-

mundet, aquam ejusdem per pannum lineum mundum in ollam novam colando, qua refusa in vas suum sic mundatum, pannus ille comburatur, & olla confracta subterretur. Quando vero renovanda erit statis temporibus (scilicet Sabbato Sancto, & in Vigilia Pentecostes) aqua prior, quæ in vase fuerat, in Sacrarium projiciatur.

Reliquiæ, si quæ sint approbatæ, in Ecclesiæ loco decenti, tuto, neque humido servantur, quæve, & quorum sint Sanctorum, superscriptis eorum nominibus pateat. Quoties autem venerandæ exponuntur populo, non permittantur eas osculari, aut tangere sæculares, sed vasa duntaxat seu thecas illarum. Si quæ vero incertæ sunt, & inscriptione carent, non ostendantur publice, sed reverenter in Sacratio teneantur.

Imagines, & signa nonnisi Sanctorum eaque decentia, ac quæ ore, affectu, habituque corporis religionis speciem præferant, ac ad pietatem animos intuentium provocent, in templis & altaribus collocentur.

Altaria sint munda, gradus firmos, declives, & pro capacitate loci spaciosos habentia, suggestus pro prædicando verbo Dei, loco eminenti atque conspicuo, & quoad fieri potest in medio Ecclesiæ, quo melius videre omnes Prædicator, viderique ipse, & audiri ab omnibus valeat, collocetur, tegaturque laqueari ligneo.

Confessionalia etiam tot in publico, & aperto loco, remoto tamen ab Altari majori, extruantur, quot pro confitentium frequentia, & Confessionariorum numero sufficiant.

Pavimentum Ecclesiæ stratum sit æquale, scopeturque frequenter, cum autem fidelium corpora sub eo conduntur, coapretur, & planetur denuo, profundeque fodiantur, & claudantur optime sepulchra, ne fateant.

Vas cum aqua benedicta pro asperzione in ingressu, & egressu fidelium prope limen, extra tamen Ecclesiam, statuatur, qua singulis diebus Dominiis renovata, verus in Sacrarium, aut per Ecclesiam diffundatur.

Tomus X. Concilior. German.

Grana, merces, resque aliæ profanæ, etiam in scriniis vel dolis non asserventur in Ecclesiis.

Sit etiam porticus ante ostium Ecclesiæ, quæ exorcizatorio baptizandos, vel introducturo puerperas Parocho, pauperibusque elemosynam petentibus pro receptaculo deserviat.

Cæmeterium sit septum & clausum, ne brutorum incursionibus pateat, nullæque in eo sint immunditiæ lignorumve strues sive lapidum aut cæmentorum acervi.

Sit etiam ossorium separatim a parietibus Ecclesiæ, in quo ossa mortuorum, cum carnes penitus jam consumptæ fuerint, & non prius congerantur.

Ecclesiastica demum supellex, vasa, vestes & ornamenta armariis congruentibus dispersita diligenter in Sacristia asserventur, ac mundissime custodiantur, & cum opus fuerit, instaurantur, aut renoventur, nec alteri cuiunque extra Ecclesiam commodentur.

Turres campanarum ita custodiantur, ut non omnibus in illas ingressus pateat. Campanæ noviter fuzæ in illis non collocentur, nec usui Ecclesiastico deputentur, priusquam sacris precibus & ritibus benedictæ fuerint. Eadem vero nonnisi statutis horis pulsantur, nec temere ad res profanas significandas adhibeantur.

C A P U T XXXVIII.

De Immunitate Ecclesiastica, & de rebus Ecclesiæ non alienandis.

Quoniam Ecclesiasticis sacrisque usibus dicata Patrimonium Christi centeri, atque adeo summa religionis, integritate ac diligentia administrari debent, idcirco Ecclesiarum, locorumque piorum Rectores quicunque eorundem bona immobilia, aut mobilia pretiosa vendere, alienare, vel quomodocunque obligare, aut sub perpetuo Canone locare, etiam cum clausula reservato beneplacito Apostolico quatenus opus sit, nisi realiter & cum affectu

Bbb b

idem

idem beneplacitum ante possessionis traditionem accefferit, sub pœnis sacrorum Canonum, Constitutionumque Pontificiarum nullatenus præsumant.

Stabilia vero modici valoris, sicut etiam mobilia non pretiosa, auctoritate ordinaria alienari de jure permiffa, sine nostra, aut Vicarii nostri Generalis licentia in scriptis prius obtenta distrahere, permutare, aut quomodolibet obligare sub pœnis, ultra nullitatem contractus, arbitrio nostro infligendis omnino caveant.

Ad amovenda autem quævis in posterum alienationum media, quilibet Beneficiatus curatus, & non curatus, post adeptam realem possessionem Beneficii, maxime vero in Parochialibus Ecclesiis inventarium omnium & singulorum Ecclesiæ suæ & Beneficii mobilium, & immobilium bonorum, sacra profanæque suppellectilis in præsentia Decani, seu vicinioris Parochi, aliorumque testium, & Vitricorum Ecclesiæ debite conscribat, subscriptumque unum penes se, alterum penes Decanum, ut post fata cujusque Parochi juxta inventarium prædictum res omnes recipiat, tertium autem ad Cancellarium Officii nostri remittere tenebitur, ut uno, aut alio deperdito, Successor in Beneficio ex Actis nostris illud desumere possit. Quod inventarium proportionaliter quisvis Parochus augere tenebitur, & si quid ab Antecessore compertum fuerit alienatum, Executores testamenti ante omnia legata damnum Ecclesiæ resarcire tenebuntur.

Si autem, quod Deus avertat, contingeret aliquem Beneficiatum substantiam, & res Ecclesiæ dispergere, talis per Decanum loci Officio deferatur, quod ultra pœnas a jure præscriptas, sequestrum fructuum Beneficii, ad recompensandum damnum, decernet.

Statuimus autem, ut annis singulis per Decanos eadem inventaria revideantur, & verificentur, ut appareat, si per improvidentiam Ministrorum Ecclesiæ vel ipsorum Beneficiatorum, aliqua destructa, aut, quod absit, distracta, vel eorum diligentia sunt acquisita.

Beneficiati insuper juramenti per ipsos circa institutionem præstiti memores, non solum a prædictis abstinuant, sed etiam res & jura Beneficiorum suorum male alienata omni fide, industria ac vigore recuperare pro viribus laborent, nec super iisdem ad aliquam compositionem, transactionem, Nobis inconsultis, devenire audeant.

Nulla Ecclesia sit sine Vitricis, & si quæ illis caret, eligantur intra quatuor septimanas viri ad hoc officium probi, ac timoratae conscientia, quorum muneris erit, proventus pro fabrica & necessitatibus Ecclesiæ, uti a sepulturis tertiam partem, legata pia, largitiones & elemosynas, solutiones a pulsibus campanarum colligere, ac fideliter in libro ad hunc effectum comparando, percepta & exposita connotare. Habeantur a corbona, ubi pecunia talis collecta imponitur, duæ claves, quarum una sit penes Parochum, altera penes Vitricos. Ultra ceram & vinum, si quid pro ornamentis Sacristiæ, sive fabrica Ecclesiæ erogandum venerit, id, ne fiat sine consensu nostro in scriptis obtento, sub pœnis contra alienatores, ut supra, prohibemus. In vifitatione Decanali rationem quotannis Vitrici Ecclesiæ reddere tenebuntur.

Immunitas denique, Ecclesiæ, ac locis sacris debita, inviolate servetur. Rei ad ea confugientes, quamvis gravia delicta commiserint, tuti sint, nec ab eis directe, vel indirecte, via compulsiiva, vel impulsiva, subdolis, vel blandis verbis extrahi permittantur, nisi ex illis fuerint, quos in sua Constitutione san. mem. GREGORIUM XIV. & BENEDICTUM XIII. ab hoc beneficio exclusisse legitime constiterit.

CAPUT XXXIX.

De Testamentis & ultimis voluntatibus Clericorum.

Cum dies Domini sit sicuti fur, ignoremusque universi, dum, & quando veniet, sicut mercenarii, dies nostra; merito non solum animas, sed & res temporales a singulis dispositas haberi congruum est, ideoquehortamur

mur omnes Beneficiatos, præsertim illos, qui annum quinquagesimum expleverunt, vel in debiliore valetudine se constitutos sentiunt, ut tempestive horam, qua Dominus veniet, mortis scilicet, prævenientes, ultimam suam voluntatem per testamentum explicant, idemque testamentum quotannis revideant, & postquam ea, quæ justitiæ erunt, ordinaverint, maxime Ecclesiarum suarum, aliarumque causarum piarum rationem habeant.

Pro Seminario, tum infirmorum Sacerdotum domibus certam portionem, inhærendo Constitutionibus Provincialibus tum Diœcesanis, assignent, alioquin peculii per eos relictæ, circa approbationem testamenti, aliqua portio ad eundem effectum applicabitur.

Ut autem evitetur perplexitas, & dubietas testamentorum legitime confectorum, volumus, ut Clerici quicunque ad sua testamenta duos Sacerdotes (si fieri poterit) vel iis deficientibus, alios probos viros, per quos possit de ipsorum voluntate constare, advocent, assignatis seorsim executonibus, qui testamenta neutiquam subscribant, ad tollendam irrealitatis suspensionem.

Executores testamentorum approbationem eorundem quantocius procurent, eaque subsecuta intra annum de rebus defuncti derelictis disponant, & calculum eorum Nobis, seu Officio nostro Generali faciant sub penis arbitrariis. Si qui autem Executorum munus hocce gesserint in ante, calculationem vero non expederint, aut quietationem desuper non obtinuerint, ut, quod non fecerunt, intra mensem a notitia præsentium faciant, serio mandamus, alias investigationem & actionem contra tales dirigendam Instigatori Officii committimus, & pena decem aureorum morosos plecti volumus, medietate pro Hospitali infirmorum Sacerdotum, altera medietate Instigatori Officii applicanda.

Hortamur præterea, ne testatores inordinato affectu circa dispositionem bonorum erga parentes & consanguineos ducantur, hoc enim particulariter cautum est, ne res Ecclesiasticas,

Tomus X. Concilior. German.

aut ex redditibus Ecclesiæ coacervatas consanguineis distribuant, nisi vere inter pauperes numerari possint, cum vana vivorum gaudia sæpe transeunt in supplicia mortuorum.

Quod si vero aliquis intestatus decesserit, ex bonis illius derelictis, absoluta sepultura, persolutis debitis, expedita familia, quæ defuncto inserviebat, consolationeque consanguineis & propinquis illius, maxime si fuerint in statu indigentiae, præstita, fundatoque pro anima defuncti anniversario, idque in illa Ecclesia, cui deservivit, atque parte pro fabrica ejusdem Ecclesiæ assignata, quod reliquum erit, arbitrio nostro sciant, ac noverint dispensandum.

Ad tollendam autem detestabilem in omnibus cupiditatem & avaritiam, præsentī Synodali Decreto constituimus ac declaramus; quicumque sive Sæcularis, sive Ecclesiasticus res defuncti cujuscunque Presbyteri attraxerit, vel bona occupaverit, eum ultra excommunicationem latæ sententiæ per Synodum Provinciale promulgatam, per Instigatorem Officii nostri raptoris criminis reum pro penis debitis conveniendum, & ad dupli solutionem cogendum.

Ne autem res post defunctos Clericos derelictæ depereant, & rapinæ exponantur, si conditum sit testamentum, Executores, si vero quispiam intestatus, vel inopinate mortuus fuerit, Decanus loci, vel vicinior Parochus, accepta notitia, indilate, & sine omni procrastinatione inventarium relictorum in præsentia duorum testium conficiat, eadem in Ecclesia vel domo plebanali, provisa omni securitate, consignet. De morte Officio denuntiet, inventarium manu sua ac testium subscriptum transmittat, ac super his, quæ necessaria, informet.

Quicumque intra annum, vel superveniente causa legitima intra biennium, rationes executionis ultimarum voluntatum non reddiderint, præter superius comminatas penas, noverint se incurrere casum Nobis reservatum.

CAPUT XL.

De Conservatoribus.

Nulla reperitur virtus abundantiores habere fructus, quam iustitia: hæc enim suas negligens utilitates alienis prospicit: hanc Pontificia potestas, singulis singula tribuendo, æqualance moderata est. Quare omnes Regulares, cujuscunque Ordinis, Instituti, aut Societatis monemus, ut ad normam Constitutionis GREGORII XV. editæ, & in Synodo Provinciali Petricoviensi 1628. promulgatæ, intra mensem a publicatione præsentium Judices Conservatores e numero Judicum Synodali sibi eligant. Quod si id facere neglexerint, jurisdictioni nostræ sciant se fore subjectos. Nomina vero electorum ad acta nostra quamprimum notificent, ut eorum noticiam illi, quorum interest, habere possint.

CAPUT XLI.

De Taxa Fori Spiritualis.

Cum in Ecclesiastico Tribunali lex Domini immaculata convertens animas, reddendo unicuique quod suum est, suos quoque Operarios deservita nolit fraudare mercede, & post longam causarum audientiam jejunos dimittere minime sinat, ideo ne & Partes nimis graventur exactionibus, aut aliquando vexatorie se gravari querulentur, & Cancellariæ Alumni victum habeant, & quo vestiantur, ut ait Apostolus, spectatis utriusque extremi circumstantiis, & matura deliberatione ponderatis, omnibus processibus & instrumentis expediendis in Cancellaria sequentem præscripsimus taxam.

	ß.	gr.
Absolutio in totum a Censuris	4	
Aggravatio	3	
Arestum una cum adcitatione	3	
Aresti relaxatio	2	15
Audientia Juramenti in Cancellaria ejusque expleti testimonium	1	
Appellationis actio	2	15
Citatio simplex		18
Commenda alienjus Ecclesiæ	2	

Commissio pro inquisitione	3	ß.	gr.
Decretum excommunicationis in contumaciam latum	2		
Declaratoriæ excommunicationis cum insertis tribus monitionibus Canonicis	4		
Decretum interlocutorium	2		
Decretum ex partium controversiis	6		
Decretum cum inserto toto Processu omnium instantiarum a qualibet philyra 30. rigarum in qualibet parte	18		
Decretum in causa Juris Patronatus	16		
Decretum in causa separationis divortii habito tamen respectu personarum	30		
Erectio a quolibet mille	10		
Inscriptio causæ ad regestrum			12
Instrumentum appellationis	3		
Interdictum illiusque relaxatio, pro quolibet instrumento	3		
Inhibitio ejusque relaxatio, pro quolibet instrumento	2		15
Inscriptio provisionis cum ejus transumpto	3		
Institutio ad Beneficium tenue	10		
Ad Beneficium pinguius	16		
Indultum celebrandi in Ecclesiis non consecratis	2		
In Oratoriis privatis	16		
Diebus vetitis vescendi carni- bus	2		
Literæ Cridæ ad instituendum	3		
Monitorium simplex	1		
Non viso robore	2		
Indultum super bannis	24		
Mandatum executivum	3		
Procuræ	2		
Oblata quorumcunque Docu- mentorum a qualibet philyra			18
Pro examine cujuslibet testis	1		10
Pro formatis seu testimoniali- bus Ordinum	2		
Pro dimissorialibus cum reditu	4		
sine reditu	8		
Pro confirmatione seu appro- batione testamentorum habi- ta ratione debitorum	15		
Pro sublevatione	3		
Resignatio Beneficii	3		
Suspensio ab Officio & Beneficio	1		15

Volu.

Volumus tamen per Officia nostra singularem haberi moderationem erga Parochos, qui vera & non ementita paupertate pressi ob tenuitatem & inopiam suam jure cum injuriatoribus suis experiri non valent. Quorum causas gratis, quoad omnes juris gradus, per Instigatorem Officii ad hunc effectum particulariter a Nobis salarianum, promovendas decernimus.

Si tamen aliqui, dum possunt vindicare injurias suas, dissimulant; talibus poena ordinaria, quæ est contra alienatores, assignata instigatur.

CAPUT XLII.

De Missionibus.

Nullum sane efficacius est medium ad salutem animarum procurandam, & vitiorum monstra ex cordibus Fidelium propulsanda, Missionis exercitio, in illo etenim apparet Dignitas Dei multiformis, ac mira operatio Spiritus Sancti, quare fundationes missionum, tantopere Diocesi nostræ utiles ac fructuosas, sicuti grata mente prosequimur, ita zelum Missionariorum circa ampliandum cultum Divinum maxime recommendamus. Cum tamen juxta sacrosanctum Christi Evangelium scire omnino debeamus, *quas oves oportet Nos ad ovile Christi deducere*, æquum censuimus fructum animarum quotannis explorare, quem quidem ex Parochialibus Ecclesiis compertum habentes, eundem quoque ex missionibus habere desiderantes pro Pastoralis nostræ sollicitudine, sub interminatione Divini judicii, omnibus ad hoc munus Missionis exercendæ obligatis præcipimus, ut non contenti solo Missionariorum vocabulo, munus suum actu, & ipsa re, idque cum scitu nostro sæpe sæpius exerceant, fructum, quem in lucrandis animabus, reductione aberrantium ad Orthodoxam Cathol. Romanam Ecclesiam suis in Missionibus fecerint, Nobis quotannis, aut Officio Consistoriali, idque post festum sacri Paschæ, producant, ac remonstrent, suarumque Missionum fundationes, si quæ hucusque non sunt approbatæ, intra terminum trium mensium a Nobis approbari curent.

Quotiescunque vero eosdem Missiones suas obire contigerit, non prius ad easdem excurrant, donec Nobis, vel Officio nostro, ad quas Ecclesias sint perrecturi, notificent, & licentiam in scriptis ad has, & non alias, Ecclesias Missionem exercendi pariter a Nobis, vel Officio nostro consequantur.

Meminerint præterea non tam temporalia, quam ea, quæ Dei sunt, quærere, & omnia, quæ ipsis sui instituti respectu incumbunt, diligenter observare.

Eleemosynæ, quæ tempore Missionum a fidelibus comportantur, accedant Ecclesiæ, in qua fit Missio. Liberum tamen erit Parocho aliquam partem illarum Missionariis concedere, cum præterea habeant aliunde ex piis fundationibus pro vialibus & honesta sui sustentatione.

CAPUT ULTIMUM.

De Observatione Constitutionum Synodaliū.

Habetis jam Fratres dilectissimi, probe exploratum præsentis congressus finem, non ignorantes amodo ovium Nobis commissarum salutem, in legis custodia potissimum positam esse, agnoscetesque gravissimum conscientiæ nostræ pondus, ni latas leges executioni demandari procuremus.

Satagendo itaque pro viribus nostris, ut, quod perierat, requiri, & quod abjectum, reduci, & quod confectum, alligari, & quod infirmum, consolidari queat, mediante hac sancta Synodo, & in ea præviis matura deliberatione ac consilio emanatis, debire ac legitime publicatis Constitutionibus, nihil amplius Nobis faciendum restat, nisi ut earum inculcemus, & commendemus observantiam. Quocirca ingeminamus primo verba Doctoris Gentium, *Quicumque hanc Regulam secuti fuerint; pax super illos, & misericordia, & super Israël Dei.* Non enim, ut ait Apostolus, *Auditores legis justi sunt apud Deum, sed factores legis justificabuntur. Estote autem factores verbi, & non auditores tantum fallentes vosmetipsos.* Ideo, ut hæc Decreta Synodalia & Constitutiones nostræ

nostræ, ex sacris Canonibus, Conciliis, & Synodis Dicedanis utriusque Dicedis Culmenfis & Pomesanienfis excerpta, & compilata, ad Dei honorem & animarum salutem debitam executionem fortiantur, Pastoralis nostra vigilantia, qua premimur, præcipimus, volumus & mandamus, ut omnes & singuli, ad quos pertinebit, prædictas hujus Synodi Constitutiones cum eo observent fervore, ne adjunctarum iis penarum habeatur locus.

Quoniam vero non licuit adeo artibus harum Constitutionum Synodaliū limitibus omnia ea comprehendere, quæ a sacris Canonibus sapientissime constituta fuerunt, idcirco Ss. Patrum Sententias, Conciliorum Decreta, Bullas Apostolicas, cæterasque Ecclesiasticas leges, inconcussas & illibatas ipso jure remanere declaramus. Verum, quia & humanum superat intellectum, cunctos in condendis legibus prævidere casus, propterea mens non est, auctoritatem nostram hic circumscribere, quin possimus easdem Constitutiones, ubi opus fuerit, mutare, corrigere, declarare, interpretari, super his dispensare, eisque addere, quæcunque expedire in Domino judicaverimus.

Sed, ut boni, qui leges Dei & Ecclesiæ ea, qua par est, reverentia & obedientia custodiunt, malorum exemplis ad earum violationem non provocentur: hi sane severioris disciplinæ censura compescendi sunt, proindeque præter poenas & censuras, quæ his Constitutionibus continentur, etiam alias, quas sacri Canones, Concilia Oecumenica, Summorumque Pontificum Sanctiones salubriter decreverunt, experturos se isti novescint; nisi vitam suam ad normam bonorum, componere serio studuerint. Imo & aliis poenis tum corporalibus, tum pecuniariis nostro arbitrio infligendis ad Officium suum a Nobis fore revocandos certo intelligant, ut sic pie in eorum vitia sæviendo, ipsos a vitiis lue, urgente Nos ad id charitate, liberemus.

Sanctæ Romanæ Ecclesiæ, quam cæterarum omnium Ecclesiarum Matrem, ac Magistram cõstemur, & ve-

neramur, cuncta in hac Synodo nostra sancita & contenta omni humilitatis & debitæ obedientiæ sensu submittimus, ut ipsa, quæ emendanda & corrigenda fuerint, pro sua suprema auctoritate emendet, & corrigat. Quæ vero sacris Canonibus consentanea, ac disciplinæ Ecclesiasticæ promovendæ idonea inveniuntur, fulcire, & protegere clementer dignetur.

Et quia harum Constitutionum executionem, a Vicariis nostrorum auctoritate ac diligentia præcipue pendere experimur, eorum conscientiam, ac præcipue Vicariis nostrorum Generalium Culmen. & Pomesanien. graviter onerando præcipimus, ut omni humano affectu, quocunque terrene timore, ac detestanda quarumcunque personarum acceptione depositis, nostra in omnibus auctoritate, non secus, atque si Nos præsentem essemus, inconculsi & imperterriti utantur. Parochorum etiam, & Confessoriorum districtæ conscientiam oneramus, ut in observatione ac executione harum Constitutionum Synodaliū perpetua sollicitudine, in omnibus & singulis sibi impositis, perpetuo advigilent, & una Nobiscum per charitatem Dei & viscera misericordiæ Domini nostri JESU Christi exoratos volumus, ut pro gregis nostri salutis & incolumitate laborent, omnem industriam, operam, studiumque ad hunc effectum conferant.

Et ne eadem Constitutiones præcipiti cursu in desuetudinem abeant, volumus, ut in singulis Archiviis tam Cathedralis, quam Parochialium, & Hospitalarium Ecclesiarum, unum illarum exemplar impressum a publicatione, termino quindecim dierum, sibi provisum, perpetuis futuris temporibus conservetur, quod jussu nostro & Successorum nostrorum prompte exhiberi, quoties opus fuerit, paratus quivis Beneficiatus sit, sub poena decem aureorum irremissibiliter ad instantiam Instigatoris Officii pro Hospitali senio confectorum Sacerdotum sex, & Instigatore Officii quatuor decernenda, & omni remedio juris opportuno ad effectum deducenda.

Fundantur præterea ab omnibus
ad

ad DEUM Optimum Maximum preces, & obsecrationes, ut, quæ ad ipsius gloriam & animarum salutem Nobis commissarum ipsius gratia & ipso inspirante stabilivimus, & ordinavimus, ipso etiam dante, & fautore debitam apud omnes executionem, & observantiam feliciter nanciscantur, ut, qui dedit velle, det etiam perficere in bono, & adjuvante gratia Domini nostri JESU Christi oves nostræ Nobiscum, & Nos cum illis, per viam mandatorum semper incedentes, ad æternæ salutis portum perveniamus, in quo summi ovium animarum Pastoris pascua invenientes per æternitatem DEO fruamur, cui Regnum & Imperium, honor & gloria in sæcula sæculorum. Amen.

ACCLAMATIONES.

Diaconus. DEO Patri misericordiarum, ac DEO totius consolationis & gratiæ, omnis laus, honor, & gloria in sæcula sæculorum.

Chorus Bc. Amen, Amen, Amen.

Diaconus. Beatissimo Domino nostro, D. BENEDICTO Papæ Decimo quarto, Sanctæ & Universalis Ecclesiæ Pontifici, Christiani Nominis in omnes terrarum partes propagatio, cunctarum gentium obedientia; pax vera, diuturnæ prosperitas.

Chorus Bc. Domine DEUS sanctissimum Patrem nostrum Ecclesiæ tuæ conserva, mitte illi auxilium de Sancto, ut eo gubernante gentes omnes illuminentur, & quæ dispersæ sunt, in unum Ecclesiæ tuæ ovile colligantur.

Diaconus. Serenissimo AUGUSTO Regi nostro & omnibus Principibus Christianis, Catholicæ Religionis zelus, justitiæ & pacis fecunditas, & contra Christianæ fidei hostes victoria.

Chorus Bc. Princeps cœlestis, terrenos Principes Catholicæ fidei, æquitatis & concordiæ conservatores, atque hostium nostrorum exterminatores cuncti.

Diaconus. Reverendissimo ANDRÆ Episcopo nostro, hujus Synodi Præsuli, ejusque Ministris, salutaris vigilantia, in laboribus constantia, & felix exitus.

Chorus Bc. Omnipotens DEUS super Antistitem nostrum benedictionum tuarum dona perpetua multiplica.

Diaconus. Diœcesi Culmensi & Pomesanienfi tranquillitas, salus & Divinarum gratiarum abundantia.

Chorus Bc. Benedic Domine Filios tuos, & esto in circuitu populi tui ex hoc nunc & usque in sæculum.

Diaconus. Decretorum hujus Synodi observantiam salutarem omnes, qui hic adsumus, unanimi voto a DEO bonorum omnium largitore humiliter imploremus, intercedente Deipara Virgine MARIA, Domina nostra, cum Beatissimis Apostolis PETRO & PAULO, & Beatissimis Patronis nostris ADALBERTO & GEORGIO, & omnibus Sanctis.

Chorus Bc. Fiat, Fiat, Fiat, Amen.

ROGITUS NOTARII super Actis Synodi.

Suprascriptæ Constitutiones & Synodalia Decreta sæpius in privatis Congregationibus a Viris doctrina, prudentia, ac pietate præstantibus, sedulo & multa cum maturitate discussa, Præsidente Illustrissimo, Excellentissimo, & Reverendissimo Domino, D. ANDRÆ STANISLAO KOSTKA, Comite in Zaluskie Zaluski, Dei & Apostolicæ Sedis gratia Episcopo Culmensi & Pomesanienfi, Abbate Commendatario Czervinenfi & Paradisensi, Supremo Regni Cancellario, præsentibus Perillustribus & Admodum Reverendis *Fabiano Plaskowski*, Archidiacono in Cathed. Culmensi Pomesanienfi, *Casimiro Kryger*, *Josepho Zielinski*, *Constantino Pimnicki*, *Laurentio Zmiesewski*, *Jacobo Adampski*, *Matthæo Dzieminski*, *Josepho Wrzesinski*, Canonicis Cathedralis Culmensis, tum Illustribus, & Admodum Reverendis Archipresbyteris, & Decanis locorum utriusque Diœcesis, Parochis ex Archipresbyteratibus deputatis, magnaque populi affluentia, in Ecclesia Archipresbyterali Lubaviensi servatis de more servandis, legitime congregatis, alta & intelligibili voce, lecta fuerunt per Illustrē & Admodum Reverendum *Matthiam Frywalski*, Decanum foraneum Culmensē, Parochum in Czarnowo, præsentis Synodi Secretarium, anno a Nativitate Domini MDCCXLIV. Indictione VIII. Pontificatus Sanctissimi in Christo Patris & Domini N. BENEDICTI Divina Providentia Papæ XIV. anno VI. diebus vero XVI. XVII. & XVIII. mensis Septembris in quinque Sessionibus, scilicet tribus matutinis & duabus pomeridianis rite & juxta formam habitis, multis ibidem præsentibus & audientibus, & in specie Admodum Revdis *Stanislae Domzalski* Com-

mendario perpetuo Starogroden, *Simone Sideliski* Presbytero Congregationis Missionis Domus Culmen, Cæremoniarum Magistris, Testibus ad præmissa omnia vocatis, habitis, atque rogatis. In quorum fidem me subscripsi & publicavi, ac meo solito signo communiavi. Datt. hac die 18. mensis Septembris 1745.

Ita est JOSEPHUS GROSZEWSKI Publicus sacra Autoritate Apostolica & Curia Episcopalis Culmen. prædictæque Synodi Notarius, ad instantiam Perillustri Admodum Reverendi PAULI DOMINICI DROMLER U. J. D. Canonici Parmien., Causarum Curia Episcopalis Culmen. Auditoris & Judicis Generalis, Promotoris Synodalis, hæc omnia peragi. In fidem &c.

Loco + Signi.

GRATIARUM ACTIO,

Illustrissimo Excellentissimo & Reverendissimo Domino ANTISTITI post Synodum finitam a Perillustri Admodum Reverendo CONSTANTINO PIWNICKI, Canonico Cathedr. Culmen. dicta.

Quod olim Divinum patrafse Vatem sacrae testantur paginae, ossa nimirum arida in redivivos fuscitasse e tumulis mortales, idipsum nostris innovari sæculis spectamus in Te & miramur omnes, Pontificum Illustrissimæ, dum adolescentem hastenus præ grandi desiderio Clerum, & Populum Ditecesium tuarum, acsi spiritu vitali vegetas, ubi ei tumulatam jam dudum, & plusquam cimmeriis obliteratæ memoriæ sepultam umbris Synodalis Concilii faciem, in publicam erigis, & attollis lucem. The-saurum sapientiæ de penetralibus ultra centenariæ oblivionis eruis, quo rariorem, eo cariorem & pluris æstimandum, quam si aurifodinas in montibus Culmæ referaveris, ac proinde integris sæculis appetiandum in Ecclesias tuas invehis gazophylacium. Ad invidiam plane retroactis temporibus fortunato Nobis cursu volvitur annus præfens: ubi enim tot jam Olympiades, tot lustra Synodalis voluminis avida irritò & jejuno quodammodo evanuerunt conatu, anno currenti primum ambrosiis Synodaliolum legum dapibus a Plorensi & Luceorienti Ecclesiis magno cum gustu nuper prælibatis, Nos quoque aluisti, Antistes Illustrissimæ, non secus ac illo mellifluo codice, quo Vatem suum Divinum cibavit Numen. Et

dulcorasti profecto mentis & cordis nostri palatum, hocce pergrato Sanctionum tuarum volumine, quod dum ad nostras devolvitur manus, reciproco grati pectoris & animi cursu nos primum Cathedrales rotante sese orbita nostra Præfulis plantis advolvimur. Selecta inde & electa portio gregis tui, status quippe Ecclesiastici, ac quotquot subiant Pædo tuo Pontificio, e Culma Novicollis ruunt præcipientes in profundos Pædum tuorum amplexus. Collegisti Pontificum Illustrissimæ, Synodale Concilium ex adverso illi malevolorum in illum Convēntui adversus Dominum & adversus Christum ejus. Tu zelotem circa Divinam Majestatem instituis confederationem, ut evellas, & destruas, & disperdas, & dissipes, omne id; quicquid supremo Numini adversatur, & quod Divinis ardet oculis, ædifices & plantes. Congregasti Ecclesiæ tuæ militantis copias, ut castrorum acies ordinatas, contra ingruentes hostium phalanges, ubi cornibus intortis aries stat in ordine primus, in primatura nempe tua Præsidentiali, Apostolicum in Te spirans Martem, & quamvis natura mitis sit, ac mansuetus, ubi tamen urget Pastoralis zelus, non exuta Agni lenitate magnanimum, & ad quævis adversa intrepidum induit Leonem; illum quoque imitatus, qui & Agnus est, & Leo de tribu Juda, ac si utrumque in Te conciliat Avitus JUNOSZA tuus Antistes Zelantissime: hic Aries Astris, hic leo dignus erat. Leo nempe es, & Agnus; Leo, a fide exteris, Agnus domesticis fidei, Leo hædis, Agnus ovibus, etiam, si necesse foret, vitæ dispendium pro grege subiturus, ut caderes magno vitæ grata Jovi; illi nimirum, qui primus pro grege suo mori dignatus est. Non deest Tibi ignifero in Apostolico fervore Pastori flammens ardor, amor Numinis atque gregis. Magnorum Prædecessorum tuorum non pressisti tantummodo, verum ad amissim expressisti vestigia, nullam Pastoralis curæ linquendo passum, ubi non fueris. Imo quo illi ob injeriam sibi temporum vicissitudinem non attigerant, Tu intactum non relinquis; quo non pervenerant, Tu stetisti, in suprema nimirum Factorum tuorum meta Synodo consummata. Sterististi, inquam, ut non detrectes succedancos labores supremo Numini & ejus Cælicolis gratos, verum si plus non egeris, ultra id, quod jam egisti, hoc ipsam sufficit, ut Annales impieas. Explesi, Præfatum Illustrissimæ, grandes DZIALYNI Aëtus, quicquid illo Antistite gestum, Tu ne punctum intermititis. Ultimum salve Culmeni & Pomesanienfi dedit Ecclesiæ Synodali Canone, acsi Canone, Nominis sui DZIALYNIUS, deinde vox hæc Pastoralis subducit,

ast nostris rursus temporibus (ô faustam anni præsentis fortem) reboat inter montes concavos Diocesæ Culmenis voce Synodica balans Gentilius JUNOSZA tuus, quo vocante & Duce (*Dux gregis inter oves Agnus*, ut ait Poeta) stetimus animo lubenti in Lubaviensi Ditione tua, terra quippe Michaloviensi a Michaelæ Archangelo suum sortita nomen, ac veluti altero monte Gargano, eidem primo cælestium copiarum Duci consecrato; sub cujus nomine, auspiciato omine, sacra hæc Comitria peregisti cum Statibus Ecclesiæ Reipublicæ tuæ, Rex, Sacerdos, Antistes Illustrissime. Stetimus, inquam, ast minime subiecti crisi Evangelicæ: *Quid statis otiosi?* Non enim torpemus otio, qui vitio terminos præscribimus, ut hic confringat rümentes fluctus suos, an porius illud penitus proscribamus. Sed quo feror inani fastu incultus Orator? ut aulim dicere: Nos proscribere vitia? *quasi nostra virtute aut potestate fecerimus?* cum totum tuum sit Antistes Illustrissime. Tuus hic labor, hoc opus est, Tua Pastoralis defudat cura, & solertia super abolendis de ovili tuo vitiorum Mæandris, Tu proscribis vitia, quia Agnus es, nempe Divini illius Agni, qui tollit peccata, ideam exprimens; quem ab incunabulis ipsa enutrivit castimonia, qui singularis morum probitas ultra annos pubertatis incrementum dedit, quem virtus omnigena ad adultam perduxit ætatem. At summa in rebus gerendis dexteritas adeo commendavit, ut Vicaria Dei in terris potestas nondum maturum ætate, jam Te dignum probaverit Pontificia Dignitate; & Illustrissimum Purpurati Senatus Phæbum in Avito signo Zodiaci Ploccensis adoraverit Ecclesia: *Scandis lani-geri tropicum sol aureus Astrum*: Deinde

suprema Regni nostri Majestas in assitricem Sedium suarum adsciverit Sapientiam. Quid mirum igitur Antistes sapientissime, Te solum, sine adminiculo alieni consilii, grande hoc Synodi perfecisse & consummasse opus? dum *Consilium ipse suum est Aries, ut Principe dignum est*; a cujus Oraculis & Patriæ integritas, & Ecclesiæ pender felicitas, Tu conditor legis, & Nos auditores sumus, & factores in posterum, ut justificemur. Stetimus ad vocem tuam Pastoralem in hoc *Concilio iustorum & Congregatione*, ut faciamus coronam in circuitu Throni Legislatori Agno sedenti. Accumulamur Præfidentiali Majestati tuæ, ut habeas, cui præsideas; qui præsidet, ut provideas salutis nostræ; Præses es, ut pro sis omnibus. Accurrimus ad audiendam sapientiam Salomonis ævi nostri, audivimus & exultavimus, & delectati sumus, quia Avitus JUNOSZA tuus *erexit cornu salutis nobis*, salutaris nempe Concilii, ut cornua peccatorum confringat. Ergo jam sæculis deprædicande Antistes, grandibus præconisande Tomis, primis in Ecclesia & Regno titulis præniande, scande voto omnium summas honorum curules, qui summam Apostolici zeli attingisti. Nullus sit supremus honos, quem non teneas, qui nullum onus Pastoralis curæ formidasti; Nulla felix ætas, quam non vivas, qui propriam litasti ætatem arduis pro Deo conatibus. *Addat de nostris Tibi Jupiter annis*, cui Agnum tuum, gratam victimam, immolasti. Sequamur omnes virgineo morum candore hunc Agnum, quocunque ierit, usque ad thronum Agni Olympiaci, Cui æterna laus, honor & gloriæ, ast Tibi Pontificum Illustrissime, a præfenti Concilio consummato profunda Gratiarum Actio.

Ex Appendice bujus Synodi adnectuntur hic loci. Puncta sequentia.

I.

Casus a Nobis Sedi nostræ Ordinariæ reservati.

- 1^{mo}. Levis percussio Clerici.
- 2^{do}. Omne crimen Papæ reservatum, si fuerit occultum.
- 3^{tio}. Incendium frugum, domorum, si fiat ex deliberata voluntate. Pariter consilium & auxilium ad id datum.
- 4^{to}. Peccatum publicum, ob quod publica & solennis pœnitentia est imponenda; præcipue concubinatus, & adulterium publicum.

Tomus X. Concilior. German.

- 5^{to}. Blasphemia publica & notoria.
- 6^{to}. Homicidium voluntarium, vel realis alicujus membri abscissio.
- 7^{mo}. Injectio manuum in Parentes.
- 8^{vo}. Crimen falsi, cum quis vitiat scripturas, vel dat falsum testimonium, vel cum Advocatus aut Notarius Instrumenta partis adversæ alteri parti demonstrat, item monetæ, mensurarum, & ponderum falsificatio.
- 9^{no}. Sacrilegium, hoc est rei sacræ,

C c c c

vel

vel etiam profanæ in loco sacro per furtum aut rapinam ablatio.

- 10mo. Usurpatio bonorum post Clericos demortuos, sive testatos sive intestatos, si id fiat sine scitu aut licentia nostra, vel Officii nostri.
- 11mo. Sortilegium, divinatio, incantatio per tacitam vel manifestam demonis invocationem.
- 12mo. Procuratio abortus etiam ante animationem fœtus: & procuratio sterilitatis.
- 13tio. Oppressio infantium in lecto.
- 14to. Incestus in primo & secundo consanguinitatis & affinitatis gradu.
- 15to. Violatio Monialis, vel sacrilegium cum eadem commissum.
- 16to. Peccatum sodomiticum & bestialitas.
- 17mo. Detentio iniqua censuum, decimarum, legatorum censuum, & aliorum proventuum ad Ecclesias pertinentium.
- 18vo. Ultimarum voluntatum intra annum vel superveniente causa intra biennium non executio.
- 19no. Servitium continuum & famulatus apud Judæos.
- 20mo. Staterarum vel mensurarum corruptio.
- 21mo. Inter conjuges qui legitime Matrimonium contraxerunt dissensionum concitatio, eorundemque ad procurandum divortium sollicitatio.

II.

Constitutio INNOCENTII

PP. XII. Incip.

"Speculatores Domus Israël, &c.

III.

Impedimenta Matrimonii, quæ impediunt contrahendum & annullant contractum, Curati animarum & Confessarii ob casus sæpe contingentes sibi subiectis probe inculcabunt, quorum summam cum brevi declaratione subjicimus.

Error, conditio, votum, cognatio, crimen, Cultus disparitas, vir, Ordo, ligamen, honestas,

Affinis, vaptor, si clandestinus & impos, Hæc facienda vetant connubia, facta retractant.

1mo. Error circa personam, ut cum pro Rachele obtruditur Lia, persona una pro alia, non autem circa qualitatem personæ, v.g. si ignobilior pro nobiliori, pauper pro divite, corrupta pro virgine coniungeret.

2do. Conditio, error circa conditionem personæ, ut si liber contrahat cum serva, vel libera cum servo proprie dicto: quo nomine venire non debent famuli, neque coloni originarii, nec adscriptitii glebæ.

3tio. Votum solenne castitatis per susceptionem, v.g. Subdiaconatus, vel per Professionem solennem in Religione approbata sponte emissum.

4to. Cognatio spiritualis, quæ contrahitur ratione Sacramenti Baptismi, aut Confirmationis, v.g. inter baptizantem & baptizatum & ejus parentes, item inter suscipientes seu parinos, & susceptam prolem, prolisque parentes. Inter levantes vero virum & feminam omnino nulla. Idem tene de Sacramento Confirmationis. Carnalis cognatio ab eodem stipite proxime descendendum, dirimit usque ad quartum gradum lineæ transversæ inclusive. In primo gradu lineæ transversæ nemo potest dispensare, ob jus naturæ vetans, in reliquis ex justa causa, potest Summus Pontifex; in linea vero recta omnes jure naturæ gradus sunt prohibiti, ac indispensabiles. Cognatio denique legalis sive adoptio in filium & filiam, quia in Polonia minus est in usu, hic omittitur.

5to. Crimen triplex est, 1mo. Homicidium alterius conjugis per alterum armis, veneno, consilio vel imperio patratum, accedente cooperatione vel consensu personæ tertiæ: homicida talis impedimento dirimente cum illa tertia persona contrahere prohibetur. Excipe tamen, si cædes tentata sit, sed non perfecta, seu sine intentione Matrimonii, vel cum intentione, sed non significata exterius, vel non communi consilio, sed ab altero tantum, non dirimit Matrimonium; nisi etiam adulterium præcessit, tunc enim, etiam si unus tantum cædem perfecit altero ignaro, dummodo fuerit intentione Matrimonii patrata, vere dirimit. 2do.

Adul

Adulterium vivente unius conjugis, per alterum conjugum cum tertia persona commissum, cum mutuo consensu de presenti, vel promissione de futuro Matrimonio, post mortem conjugis; sed ad hoc impedimentum consensendum requiritur, ut promissio sit acceptata, ut uterque sciat alterum conjugatum esse: omnis ignorantia vera excusat ab hoc impedimento, dubitatio non excusat. 3^{to}. Crimen est raptus, cum persona quavis violenter abducitur, aut libidinis, aut Matrimonii ineundi gratia, duratque tamdiu impedimentum, quamdiu rapta in potestate est raptoris: si subinde etiam libere consentiat, ex eo tamen pro iusta uxore haberi non potest, nisi liberati prius restituatur, & cum deum benevole consentiat, tunc valeat Matrimonium.

6^{to}. Disparitas cultus, hoc est Religionis, dirimit Matrimonium inter baptizatum & non baptizatum, etiam si catechumenum & vicissim. Hæresis alterius conjugum, impedit quidem cohabitationem, si periculum sit perversionis, non tamen dirimit.

7^{mo}. Vis sive gravis metus injuste incussus irritat Matrimonium in utroque foro, sive ab alterutro contrahentium incutiat, sive a tertio quopiam. Declarationes hujus impedimenti vide apud Theologos, nominatim *P. Bufenbaum* & explanatorem ejus *La Croix*. Ligamen, quo quisquis ligatur conjugii adhuc viventi.

8^{vo}. Honestas sive justitia publicæ honestatis, ob quam nemo potest contrahere cum consanguineis illius, cum qua contraxit sponsalia vel matrimonium tantum raturum sed non consummavit, scilicet ob mortem supervenientem, vel ob professionem religiosam, vel aliam ob causam, unde nemo potest ducere filiam ejus, cum cujus matre sponsalia contraxerat, vel matrimonium raturum habuerat, & vicissim: neque sororem sponsæ, neque feminam nubere filio, cujus patri sponderat, ratove tantum matrimonio se junxerat ejusdem fratri: Si tamen vel sponsalia fuerint irrita ob defectum consensus, vel mutuo consensu dissoluta, hoc im-

pedimentum vim non habet. Alias si ex sponsalibus tantum, sed veris ac legitimis oriatur, impedit tantum in primo gradu: si ex matrimonio rato, usque ad quartum; oritur denique etiam ex matrimonio clandestino.

9^{mo}. Ætas, cujus defectus in mare putatur ad annum 14. in femina ad 12. nisi malitia suppleat ætatem, hoc est doli & officii naturalis capacitas, juxta prudentum arbitrium.

10^{mo}. Affinis, ob hoc impedimentum non potest ducere in uxorem ullam ex consanguineis primæ uxoris suæ, usque ad quartum gradum superstes maritus: nec relicta nubere ulli ex consanguineis prioris mariti usque ad quartum; si autem hæc affinitas contrahatur per copulam illicitam, non extenditur ulterius, quam ad secundum gradum inclusive v.g. fornicatus cum matre, non potest ducere filiam, neque nepotem, neque sororem, neque amitnam, consobrinam, multo magis germanam; idem existima de femina, quod non potest nubere fornicatoris fratribus, amitinis, sobrinis, germanis.

Maritus peccans cum sorore uxoris suæ, non tantum germana, sed etiam amitina & sobrina, non potest amplius debitum a sua conjugis petere ante dispensationem, quamvis possit & teneatur reddere.

11^{mo}. Clandestinus, cum deest assistentia proprii Parochi, alterutrius sponforum, vel alterius Sacerdotis habentis potestatem a proprio Parocho, & duorum ad minimum testium, quorum nomine recipi possunt femina; atque pueri modo rationis compotes. Vagabundi possunt contrahere coram quovis Parocho, vel si alteruter sponforum sit vagabundus; tenetur tamen Parochus diligenter de eorum conditione inquirere, & petere licentiam ab Episcopo assistendi talibus matrimoniis, alias validum quidem erit matrimonium, sed Parochus graviter peccabit.

12^{mo}. Impos, ob frigiditatem vel naturæ aliud vitium, quæ si sint perpetua, perpetuum efficiunt impedimentum: si temporanea, v.g. ex mor-

bo, aut diaboli malignitate, mediantibus beneficiis, ideoque si antecedit matrimonium, tamdiu matrimonium contrahendum sub valore impedit, quamdiu durat; si superveniat matrimonio rato, non dirimit. De rapta muliere dictum num. 5to verbo *Crimen*.

IV.

Examen Puellæ ad Religionem aspirantis ante assumptionem habitus & faciendam Professionem, ad præscriptum Ss. Concilii Tridentini.

1mo. Interrogetur, quo fine velit Monialis fieri, & liberam suam voluntatem desuper exprimat.

2do. Utrum coacta, decepta, an sponte, & vocante Deo, aut consilio, persuasione, precibus, minisve a Monialium consanguineis, aut ab alia quavis persona adhibitis monialem vitam eligat. Utrum metu amittendæ gratiæ parentum aut consanguineorum hoc non faciat.

3tio. A quo tempore, Religionem ingrediendi desiderium nutriat.

4to. An a teneris annis ad pietatem propensa fuerit.

5to. Sciatne bene, & apprime intelligat rem, quam tractat, quam ob causam Monialis fieri velit.

6to. Num antea votum emisericit eligenda strictiori Regula.

7mo. Utrum sponsalia de futuro vel de præsentis cum aliquo non contraxerit.

8vo. Sime sana mente & corpore, aut occulto aliquo defectu laboret, qualis ille sit, & a quo tempore.

9no. Utrum omnes Religionis obligationes apprime noverit, & non ignoret vota, quæ in illa emittenda sunt.

10mo. An in communi vitam in clausura perpetua, & sub suæ Superioris obedientia, ducere pro grato habeat.

11mo. Quot annorum sit.

12mo. Dicat etiam nomen, cognomen & patriam.

13tio. Utrum Monasterii, in quo vult Religionem profiteri, libenter amplectatur Regulam, illamque servare omnino desideret.

14to. An ad Crucem Domini ferendam, ad seipsam abnegandam, & ad Christum crucifixum imitandum accincta sit? Explicetur illi, quid sit abnegatio sui.

15to. De Christiana doctrina etiam interrogetur, utrum bene illam calleat.

16to. An sciat legere & scribere. Finito examine, quæ in illo acta sunt, ad Locum Ordinarium in scriptis omnia referantur.

V.

Ex Constit. Synodalibus Provincial. Lib. 4. de Rapto.

Cum in quibusdam locis quorundam iniquitas invaluerit, quod in rebus Ecclesiæ furtum reputatur sagacitas, rapina, & robitas: & violentia fortitudo: hoc sacro approbante Concilio, cupientes secularium potestatum audaciam, quantum cum Deo possumus, refranare; sancimus, quod quicumque Princeps seu Capitaneus terræ, Baro aut miles, aut Nobilis vel Officialis eorum, & generaliter quavis alia persona spiritualis, vel secularis cujuscunque dignitatis, status & conditionis existat, Decimas, tributa, castra, villas, munitiones, possessiones & bona, ac alias res mobiles & immobiles, & se moventes ad Ecclesias, & pia ac religiosa loca, personasque Ecclesiasticas spectantia & pertinentia, aut etiam pauperum hominum in ipsorum bonis degentium rapuerit, invaserit & occupaverit, aut illicite detinuerit, exactionaverit, tallias seu collectas imposuerit, seu injuste impignoraverit, ac occasione pignoris aliquid extorserit, vel quovis sumpto colore gravaverit, impignorari, aut exactionari mandaverit, ordinaverit, seu ratum habuerit; aut raptorem, invasorem, occupatorem & detentorem illicitum cum re rapta invasa, occupata, detenta conservaverit, seu in defensionem susceperit, aut in bono ejusdem notorium damnum, seu manifestam offensam intulerit; nisi infra trium dierum spatium, a tempore rapinæ, invasionis & occupationis perpetræ & commissæ, omnia & singula rapta, invasa, & occupata, seu pignoratæ, nec non de injuriis & damnis

nis datis, & offensâ manifesta, condignam emendationem & satisfactionem impenderit, cum eorum in hac parte complicitibus excommunicationis sententiam incurrat ipso facto. Et nihilominus in illa seu illis Parochia seu Parochiis, de qua seu de quibus, raptores seu invasores, occupatores, damnantes, seu manifestam offensam irrogantes fuerint, aut in quibus larem, seu habitationem suam habuerint, seu habere consueverint, & ad quam seu quas, res & bona prædicta sic rapta, invasa, ac occupata, ad conservationem ipsarum deducta, ac in ipsis detenta fuerint, quousque ad restitutionem & satisfactionem plenariam, aliaque loca quæcunque, ad quæ præfati raptores, occupatores, damnant, ac offensam prædictam inferentes cum eorum complicitibus pervenerint, seu alter eorum pervenerit, & quamdiu in eisdem locis, seu altero eorum moram traxerit, ipso facto Ecclesiastico subiaceant interdicto. Et quoniam excommunicatus ab uno, & ab aliis est vitandus: decernimus, quod si prædicti raptores, invasores, occupatores, damnantes, seu offensam inferentes, cum suis complicitibus de aliena seu alienis Diocesis fuerint, seu alter ipsorum fuerit, Episcopus loci, de quibus dicti raptores & alii præfati fuerint, vel ad quos confugerint, extunc virtute Constitutionis præsentis, vel laudis communis, recepta si opus fuerit ab Episcopo loci, vel injuriam passio informatione summaria, teneantur hujusmodi raptores, invasores, occupatores, & damnantes, cum eorum complicitibus excommunicatos per se & suos subditos publice nuntiare, & in Parochiis & locis prædictis, prout superius exprimitur, interdictum Ecclesiasticum facere inviolabiliter observari.

VI.

*Ex Bulla Cænæ Domini INNO-
CENTII XII. Romani Pontificis.*

Excommunicamus & anathematizamus ex parte DEI Omnipotentis, Patris, & Filii, & Spiritus Sancti, autoritate quoque Beatorum Apostolorum Petri & Pauli, quoscunque,

qui jurisdictiones, seu fructus, redditus, & proventus ad Nos & Sedem Apostolicam, & quascunque Ecclesiasticas personas ratione Ecclesiarum, Monasteriorum, & aliorum Beneficiorum Ecclesiasticorum pertinentes usurpant; vel etiam quavis occasione vel causa sine Rom. Pont. vel eorum, ad quos jure pertinent, expressâ licentia sequestrant. Quive collectas, decimas, taleas, præstantias, & alia onera Clericis, Prælatiis, & aliis personis Ecclesiasticis, ac eorum & Ecclesiarum, Monasteriorum, & aliorum Beneficiorum Ecclesiasticorum bonis, illorumque fructibus, redditibus, & proventibus hujusmodi, absque simili Rom. Pont. speciali & expressâ licentia imponunt, & diversi etiam exquisitis modis exigunt, aut sic imposita etiam a sponte dantibus & concedentibus recipiunt. Cæterum a prædictis sententiis nullus per alium, quam Romanum Pontificem, nisi in mortis articulo constitutus, nec etiam nunc nisi de stando Ecclesiæ mandatis & satisfaciendo cautione præstita, absolvi possit, etiam prætextu quarumvis facultatum & indulgentiarum, quibuscunque personis Ecclesiasticis secularibus, & quorumvis Ordinum, etiam mendicantium, & militiarum Regularibus, etiam Episcopali, vel alia majori dignitate præditis, ipsisque Ordinibus, & eorum Monasteriis, Conventibus & domibus, ac Capitulis, Collegiis, Confraternitatibus, Congregationibus, Hospitalibus, & locis piis, nec non laicis, etiam Imperiali, Regali, & alia mundana excellentia fulgentibus, per Nos & dictam Sedem, ac cujusvis Concilii Decreta, verbo, literis, aut alia quacunque scriptura in genere & in specie concessorum & innovatorum, ac concedendorum & innovandorum. Quod si forte aliqui contra tenorem præsentium, talibus excommunicatione & anathemate laqueatis, vel eorum alicui absolutionis beneficium impendere de facto præsumperint; eos excommunicationis sententia innodamus, gravius contra eos spiritualiter & corporaliter, prout expedire noverimus, processuri. Declarantes ac protestantes quamcunque absolutionem, etiam solenniter per

Nos faciendam, prædictos excommunicatos sub præsentibus comprehensos, nisi prius a præmissis, cum vero proposito ulterius similia non committendi, destiterint, & injuriatis satisfecerint, non comprehendere, nec eis aliter suffragari.

VII.

Ex Clementinis lib. 5. de Pœnis
Tit. 8. Cap. 3. Cupientes.

Illos Religiosos, qui aliqua, ut audientes a Decimarum Ecclesiis debitarum solutione retrahant, in sermonibus suis vel alibi proferre præsumunt, excommunicationis subiacere sententiæ, decernimus ipso facto. Et quia nisi fiat quod bonum est, a malo abstinere non sufficit, Religiosis omnibus injungimus sub obtestatione Divini judicii, & interminatione maledictionis æternæ, ut quoties populo prædicabunt in prima Dominica, quarta & ultima Quadragesimæ, & in Festis Ascensionis Dominicæ, Pentecostes, Nativitatis Beati Joannis Baptistæ, Assumptionis & Nativitatis Beatissimæ Virginis MARIE Matris Dei, audientes expresse studeant informare, si ab Ecclesiarum Rectoribus, vel Vicariis, aut loca tenentibus eorundem requisiti fuerint. Nec non & his, quorum confessiones audient conscientiam facere, quod decimas solvere non omitant. Quod si forte in prædicationibus hoc ipsum supra dictis diebus sua-

dere scienter omiserint, per Superiores graviter arguantur eorum. Quibus etiam Superioribus in virtute sanctæ obedientiæ districtè præcipimus, ut contra taliter omittentes statuta pœnalia faciant, secundum quæ sic acriter puniant transgressores, quod pœna eorum sit cæteris in exemplum. Constitutione bonæ memoriæ GREGORII Papæ X. Prædecessoris nostri circa hæc edita in suo nihilominus robore duratura. Qui vero scienter postposuerint conscientibus conscientiam facere de solvendis hujusmodi Decimis, ab officio prædicationis tamdiu maneat ipso facto suspensus, donec conscientibus ipsis (si hoc ipsum sibi dicendi commodè facultatem habuerint) conscientiam fecerint. Exinde excommunicationis incursum sententiam ipso facto, si prædicare præsumpserint, prædicta negligentia (ut præmittitur) non purgata. Sane temerarios violatores Constitutionis illius, quæ Religiosis & Clericis secularibus prohibet, ne aliquos ad votendum, jurandum, vel fide interposita, vel alias promittendum inducant, ut sepulturam apud eorum Ecclesias eligant, vel jam electam ulterius non immutent: similem sententiam (pœna in dicta Constitutione contenta in suo perdurante robore) incurere volumus ipso facto, ab alio, quam a Sede Apostolica, (præterquam in mortis articulo) nullatenus absolvendos; nullis Privilegiis aut Statutis, cujuscunque tenoris existant, super his valiturs.

N O T A.

Illustrissimi & Excellentissimi Episcopi ANDRÆ STANISLAI KOSTKÆ elogium sat amplum & locuples reperire est in Gratiarum actione sub finem Synodi collocata. Utinam per temporum, quibus hæc scribo, miseriam fluctusque Societati JESU mihi carissimæ omnino exitiales plura posteris communicanda habere licuisset! Sed obstructis unde documenta petebam fontibus, prolixos inter gemitus ac fletus, altissima Dei judicia adoro humillime, & ejus me providentiæ totum permitto.



SYNODUS DIOECESANA *Autumnalis*
MONASTERIENSIS,
Anno Christi MDCCXLVII. Benedicti XIV. PP. VII.
Francisci I. Imp. III.

S U B

*Eodem Revmo ac Sermo CLEMENTE AUGUSTO,
Monasteriensi Episcopo,*

CELEBRATA

DIE 17 OCTOBRIIS.

CLEMENS AUGUSTUS, DEI GRATIA ARCHIEPISCOPUS
COLONIENSIS, S. R. IMP. PER ITALIAM &c. &c.

Cum Pastoralis officii, quo ex dispositione Divina fungimur, ratio a Nobis exigat: *Attendere nobis & universo gregi, in quo nos Spiritus Sanctus posuit Episcopos regere Ecclesiam Dei, quam acquisivit Sanguine suo.* Aët. 20. v. 28. non possumus, quin indefessa sollicitudine curemus, veneranda sacrorum Canonum Decreta arque Statuta a subditis nostris inconcusse observari, & quoscunque abusus ex adverso pullulantes, quantum in Nobis est, radicitus extirpari. Quam in curam Nobis assidue intentis visum est sequentes Constitutiones Synodales publicandas mandare.

imo. Quoniam, sicut accepimus, quibusdam in locis jurisdictioni nostræ subiectis ea, quæ circa formam ac ritum in contrahendis fidelium Matrimoniiis adhibendos, cum per alios S. Canones, tum per S. Conc. Tridentinum provide & salubriter decreta & constituta sunt, non illa, qua par est, religione servari, sed a quibusdam superbe sentientibus, vel post concupiscencias suas pravas abeuntibus temere violari contingit, dum ipsi, quæ pro valida ac licita hujus Sacramenti administratione vel susceptione præscripta sunt, vel culpabiliter negligunt, vel, quod pejus est, arroganter contemnere, aut in pravos sensus a mente Ecclesiæ alienos callide detorquere præsumunt, & alii quidem spreto Ecclesiæ interdicto rationabilibus ex causis interposito,

sibi quæ debite intimato, alii inter Misæ farum solemniam subter ultimam, quam de more populo impertit, benedictionem, non attento subinde, quod ipse non sit proprius eorum Parochus, vel hic eorum, quæ ab ipsis geruntur, ignarus subinde & invitus existat, minimeque intendat eorum nuptias benedicere, alii extra Diocesim suam coram Parocho alieno, quin & alii graviore flagitio coram ministro acatholico Matrimonium de præsentis, qua illicita, qua etiam respective invalide contrahere non verentur. Quæ adeo perniciofa exempla, ne sui impunitate & conniventia in alios deinceps similia ausuros dimanent, de opportuno remedio providere cupientes imprimis Decreta Synodalia circa similes transgressiones pridem 1708. 12^{ma} Martii & 12^{ma} Octobris, 1712. 6^{ta} Octobris emanata & successive publicata innovamus, & sub pœnis gravis multæ pecuniariæ, vel in personas, tenuioris fortunæ ac humilioris conditionis carcerationis per dicta Decreta in delinquentes statutis, nec non gravioribus aliis arbitrio nostro infligendis, omnibus & singulis hujus nostræ Diocesis subditis secularibus districte prohibemus, ne quis præmissorum aliquid attentare audeat, vel præsumat.

Deinde Parochis omnibus & Vice-Curatis serio præcipiendo mandamus, ut memores gravissimæ suæ obligationis

nis pro grege suo: *Pervigilandi, quasi rationem pro animabus ipsorum reddituri.* ad Hebr. 13. v. 17. Solicite praeaveant, ne quid ejusmodi a Parochianis suis temere praesumatur, in delinquentes vero solerter inquirent, & repertos nocentes debito loco denuntient pro delicti qualitate puniendos. Personas vero ignotas diversis sexus peregre adventantes, quae intra Parochiae suae limites domicilium figere vel diutius commorari intendunt, conjugum instar sub eodem tecto cohabitare minime permittant, nisi per testimoniales literas authenticas de Matrimonio inter ipsos legitime contracto sufficienter fidem fecerint, secus vero easdem quamprimum separari faciant, vel si id efficere per se nequiverint, illas denuntiando Vicarii nostri in Spiritualibus officium implorent.

2do. Ut coemeteriis sepultura Ecclesiasticae sacrae, & corporibus, exviisque fidelium in Domino defunctorum inibi quiescentibus, quae in die magni iudicii Dei a mortuis resuscitanda, & animabus jam cum Christo regnantibus in caelis, vel certe, cum piacularibus flammis purgatae fuerint, cum eo regnaturi reunienda esse fideliter firmiterque credimus, debitus ex more Ecclesiae honor impendatur, Parochis & Vicecuratis omnibus hujus nostrae Diocesis praecipimus, ne quempiam Ecclesiastica sepultura indignum ac per Ss. Canones & per Ordinationem in recentioribus Agendis Monasteriensibus contentam pag. 145. prohibitum, ad sepulturam Ecclesiasticam admittant. Quapropter, cum in quibusdam Parochiis hujus Diocesis limitaneis frequentibus contingat pro ejusmodi indignis atque prohibitis sepulturam expeti, mandamus atque praecipimus ibi locum certum a sepultura fidelium separatum, nec benedictum deputari, ubi praememoratorum corpora, quoties casus mortis evenierit, possint tumulari.

3tio. Quam periculosum sit, & animarum saluti noxium Sacerdotes ad excipiendas fidelium confessiones exponi sufficiente ad hoc tanti momenti

Tomus X. Concilior. German.

officium scientia destitutos, nemo potest ignorare, cum proclive sit: *ut cecus si caeco ducatum praestet, ambo in fossam cadant*, perditionis aeternae. *Matth. 15. v. 14.* Et si claves Regni caelorum cum potestate solvendi atque ligandi, aperiendi atque claudendi Sacerdotibus a Christo Domino nostro traditas ipsi imperite traherent, ipsi tam sibi, quam praenitentibus ad eos remedii causa accedentibus portas caelorum fortius ocludant, volumus & mandamus, ut quicumque tanti momenti munus suscipere intendunt, in pernoscendis conscientiae casibus, iis praesertim, qui ad discernendas peccatorum species, restitutionem, vitandas peccandi occasiones, censuras, castusque reservatos pertinent, per assiduum Theologiae moralis studium sese diligentissime exerceant, nec postquam semel approbati fuerint, ejusmodi studio deinceps superferedi posse sibi erronee persuadeant, atque ut nostra ex parte securitati conscientiarum, quanto meliore possimus, ratione consulamus, volumus & ordinamus, ut quotquot imposterum sive ad curam primariam, sive ad subsidariam, aut quomodolibet ad confessiones fidelium excipiendas approbari cupiunt, coram nostro Vicario in Spiritualibus Generali ab Examinatoribus Synodalibus examinandi in curia Vicarii nostri in Spiritualibus Generalis compareant, huic vero examini peragendo feriam 4tam cujusvis hebdomadae vel sequente non impedita assignatam noverint, ac pridie ejusdem feriae Fiscum nostrum Ecclesiasticum accedant; qui nomina eorum, qui examinandi sunt, adnotet, & Vicario nostro in Spiritualibus Generali pro admissione ad examen exhibeat. In quorum fidem praesentes subscripsimus, ac Sigillo nostro communiri iussimus Clemenswertae 8va Octobris 1747.

C. Augustus Elector mpp.

SYNO.

D d d d

SYNODUS DIOECESANA *Autumnalis*
MONASTERIENSIS,
Anno Chr. MDCCXLVIII. Benedicti XIV. PP. VIII.
Francisci I. Imp. IV.

S U B

*Eodem Revm ac Sermo CLEMENTE AUGUSTO,
Monasteriensi Episcopo;*

CELEBRATA

DIE 15 OCTOBRIS.

CLEMENS AUGUSTUS, DEI GRATIA ARCHIEPISCOPUS
COLONIENSIS, S. R. IMP. PER ITALIAM &c. &c.

Maxima sane animi indignatione accepimus saluberrimas Constitutiones ad tollendum damnabilem abusum in cauponis & tabernis potandi sub Divinis Officiis, concionibus, catechesi, alias sæpius emanatas quorundam hominum improbitate nonnullis in locis hujus Diocesis frequenter violari, dum ipsi, quo tempore alii fideles Ss. Missæ Sacrificio devote interfunt, vel pias supplicationes pie comitantur, aut verbi Divini salutari pabulo recreantur, non sine gravi piæ communitatis scandalo & offensione in præfatis cauponis & tabernis intempestivæ potationi indulgendo, Baccho & ventris cupediis magis quam omnipotenti Deo servire præligunt in eorum infelici numero, quorum juxta Apostoli sententiam *Deus venter est*, merito computandi, cui tam pernicioso malo remediis efficacibus mederi cupientes, districte prohibemus, ne Dominicis, Festisque diebus, quo tempore Divina peraguntur Officia, tam sub Missa prima non solemni, quam sub altera solemni, nec non sub supplicationibus, etiamsi eas die seriali deduci contingat, quoque verbum Dei, qua per conciones, qua per Catechesin Christianam fidelibus annuntiatur, & explicatur, caupones vel tabernarii, aliive vina sive de vite, sive eliquata, vel cerevisiam, aliudve cujuscunque nominis potulentorum quidpiam cuicunque demum

promere vel vendere (viatoribus duntaxat, & iter agentibus, dum iter incæptum prosequendi necessitate premuntur, exceptis) præsumant; Archidiaconos, vel eorundem Commissarios serio hortantes & admonentes, ut non solum visitationis tempore, sed etiam quoties per annum ipsis visum fuerit opportunum, in ejusmodi delinquentes sedulo inquirent, & in repertos nocentes justis pœnis animadvertant, cauponi seu tabernario contra inhibitionem hanc nostram quodvis potulentorum genus promere vel vendere præsumenti quinque florenorum aureorum, potitantibus vero, aut potulenta in temporibus superius vetitis ementes, dictata duorum florenorum aureorum multa coercendo. Si quis vero ejusdem transgressionis secundo vel tertio repetitæ reus inventus fuerit, præfata multa aggravando, ita ut caupo vel tabernarius decem vel quindenos, potitantes vero vel potulentes quatuor vel senos florenos aureos multæ loco solvere compellantur. Parochis igitur, aliisque Curatis mandamus, ut tempore concionis primæ post publicationem præsentium in Synodo factam, habendæ, inhibitionem hanc nostram cum pœna transgressoribus imposita Parochianis suis publice promulgare, & ad ejusdem observantiam serio adhortari meminerint, quibus etiam facultatem imper-

timur

timur per se, vel per idoneos homines cauponas & tabernas temporibus in hac Constitutione expressis visitandi, ut delinquentes inibi repertos Vicario nostro Generali, vel Archidiaconis denuntient.

Inhibemus quoque Parochis, aliisque Beneficiatis, nec non Ecclesiarum, aliorumque piorum locorum ac fundationum vel pauperum Provisoribus & Emonitoribus, ne pecunias ad fundationem seu dotationem Ecclesiarum, Beneficiorum Ecclesiasticorum, Anniverfariorum, aliorumve piorum usum, vel ad eleemosynas pauperibus distribuendas pia fidelium largitione vel dispositione quavis destinatas, sine præscitu & expressa licentia nostri Vicarii Generalis, vel Archidiaconi loci ad censum annuum elocent, neque summas capitales ad censum ejusmodi jam elocatas, relictis obligationibus sibi a censuariis redhiberi postulent, aut ab eisdem sponte redhibitas ad novum censum elocent, nedum apud se otiose depositas retineant, aut quod pejus est, consumant, sed illas apud Vicarium nostrum Generalem vel loci Archidiaconum deponant, eorundem cura &

providentia ad censum annuatim pendendum applicatas. Si quis vero Parochorum, Beneficiatorum, Provisorum vel Emonitorum saluberrimæ huic Constitutioni contravenire præsumpserit, noverit præter pœnas arbitrio nostro infligendas se & hæredes suos ad resarcienda damna inde emergentia esse obligatos & astringendos, nec non censuarios sine præscitu & licentia præmissis obligationes censuum redhibita summa capitali redimentes seu reluentes, nequaquam ab obligatione solvendi eosdem census fore liberandos. Quocirca Judicibus nostra autoritate constitutis serio mandamus, ut in causis præmissa concernentibus in iudicium deductis, vel deducendis huic Constitutioni perpetuo valituræ sese in iudicando conforment. Et ne quis ejus ignorantiam prætereundum valeat, volumus hanc Ordinationem, quatenus homines privatos concernit, patrio sermone promulgari. In quorum fidem præsentibus manu & sigillo nostris corroboratas dedimus Bonnæ 4ta Octobris 1748.

Clemens Augustus.



SYNODUS DIOECESANA *Verna*
MONASTERIENSIS,
Anno Christi MDCCXLIX. Benedicti XIV. PP. IX.
Francisci I. Imp. V.

SUB

*Eodem Revmo ac Sermo CLEMENTE AUGUSTO,
Monasteriensi Episcopo,*

CELEBRATA

DIE 18 MARTII.

CLEMENS AUGUSTUS, DEI GRATIA ARCHIEPISCOPUS
COLONIENSIS, S. R. IMP. PER ITALIAM &c. &c.

Ut Constitutio Synodalis de non elocando absque Superiorum consensu capitalia ad Ecclesias, vel alia loca pia spectantia alias emanata meliorem sortiat effectum, Archidiaconis,
Tomus X. Concilior, German.

vel ad eorum visitationem Ecclesiarum deputatis Commissariis mandamus, quatenus non tantum reddituum ac proventuum, qui ad fabricam templi & eleemosynas vel alimentationem pauperum
D d d d 2

perum ac leproforum, aut ad aliorum locorum piorum fundationes destinati sunt, rationes exigant, sed & registra Pastorum, Vicariorum, Præmissariorum, & reliquarum personarum, quarum cura & sollicitudo ipsis commissa est, sibi exhiberi faciant, ea diligenter revideant, pro revisis subscribant, atque accurate advigilent, ut in bonum Ecclesiarum, pauperum, nec non Beneficiorum & Officiorum Ecclesiasticorum rite omnia administrentur, & in suo vigore conserventur, negligentes vel inobedientes ad id pœnis debitis astringendo.

2do. Cum, sicut accepimus, quidam homines suspectæ fidei & manifestæ nequitiae per Dioceses nostræ jurisdictioni subiectas vagentur, circumferentes, & turpis quæstus causa vendentes, & in vulgus spargentes varios libellos precatorios & schediasmata continentia varias & e mentitis revelationes ac preces ad Deum & Sanctos ab Ordinariis locorum minime approbatas, cum promissionibus aperte falsis indulgentiarum velut a S. Pontificibus concessarum, vel etiam gratiarum quasi per revelationes a Deo vel Sanctis acceptas promissarum eas tenentibus vel recitantibus; cujusmodi sunt, quæ in idiomate germanico circumferuntur sub titulis sequentibus:

1. Kleiner Seelenschatz allzeit bey sich zu tragen, erslich gedruckt zu Trient 1648, wie auch zu Salzburg 1652. 2. gedruckt zu Münster in Westphalen.
2. Copia des Himmelbriefes, welchen Gott selber geschrieben.
3. Christliches Gnadenbrunnlein mit zwölf Röhren.
4. Ein sehr kräftiges Gebett, welches Cöllen am Rhein in der Thumbkirchen mit güldenen Buchstaben über die H. drey Könige geschrieben steht.
5. Alles zu Ehren Jesu und Mariæ: Würckungen des Pragischen Gnadenbildes.
6. Gewisse und warhaste Længe unseres lieben Herrn Jesu Christi.
7. Gewisse und warhaste Længe und Dicke unserer lieben Frauen.

8. Unser sieben Frauen Traum.

9. Das güldene Vatter unser.

Et si quæ sunt alia horum similia vana ac superstitiosa, quæ ad nostram notitiam nondum pervenire, per quæ simplicioribus & indoctis fucum fieri, & non modo in noxios errores, sed etiam in sacrilegas superstitiones eos induci est manifestum. Nos ejusmodi pestes a locis nostræ jurisdictioni subiectis procul arcere cupientes, omnibus & singulis per hanc Diocesin Parochis & Vicecuratis districtè præcipimus, ut ipsi prædictarum & similium precationum usu Parochianis suis serio interdican; ac libellos ejusmodi ac schediasmata, si quæ ab illis teneantur, vel ad se deferri, vel per ipsos flammis exuri demandent, atque prohibeant eisdem, ne deinceps ab hominibus vagis ac peregrinis libellos aut schedulas precatorias, velut plerumque suspectas, emant vel recipiant. Ipsi vero Parochi & Vicecurati in nundinatores ejusmodi circumforaneos, qui talia seu vendendi, seu erga receptas eleemosynas erogandi causa circumferre præsumperint, sollicitè tum per se ipsos, tum per alios fidos homines invigilent, & si quos sive publice in nundinis, sive vicatim per domos ejusmodi res aut venales exponere, aut alio quovis modo in vulgus spargere deprehenderint, eosdem omni ejusmodi rerum apparatu privari faciant, implorato etiam, ubi opus fuerit, brachii secularis auxilio per Magistratus ac Judices locorum ipsis eos requirentibus impertiendo.

3tio. Quia etiam relatum Nobis fuit quarundam Ecclesiarum Rectores in procurando domus Dei decore adeo esse negligentes, ut non modo sacra indumenta, quibus in Ssmo Missæ Sacrificio vestiuntur Sacerdotes, plane detrita, lacera & obsoleta, verum etiam sacrae Aræ paramenta, quæ Divinam & immaculatam Corporis & Sanguinis Domini nostri JESU CHRISTI hostiam propinquius contingunt, ut mapas, purificatoria, pallas, corporalia adeo immunda ac fordida tum ipsi ad Altaris ministerium adhibeant, tum aliis rem Divinam peragentibus submi-

nistrent,

nifrent, ut Sacrificium hoc Divinum offerentibus nauseam pariant & horrorem: Nos omnibus & singulis Ecclesiarum Rectoribus serio mandamus ut pensata tremendi hujus Mysterii majestate, quo vivifica illa Hostia, per quam Deo Patri reconciliati sumus, in Altari Sacerdotum ministerio incruente immolatur, omnem operam & diligentiam in eo ponendam putent, ut debitam tanto Mysterio reverentiam cumprimis in eo quoque exhibeant, quod convenientem in præactis sacris Sacerdotum indumentis decorem & integritatem, atque in ipsius sacræ Aræ paramentis, quantam maximam possunt, mundiciem & nitorem procurent. Quare nostros per hanc Diœcesin Archidiaconos, eorumque Commissarios hortamur, ut in consuevis Ecclesiarum visitationibus circa præmissa sollicitè inquireant; siquæ aliquem huic nostræ Constitutioni contravenire deprehen-

derint, hunc ad ejus debitam observan-
tiam compellant. :

4^{to}. Cum licentia capillis fictis
utendi sub Sacrificio Missæ hæctenus a
Nobis concessa non fuerit, nisi ea lege,
ut ad normam Constitutionum de-
beant esse efformati, nonnulli vero
hujusmodi Constitutionis ignorantiam
fuerint causati. Hinc ut ad omnium
noticiam eam reducamus, illius tene-
rem, prout anno 1723. emanata ac pro-
mulgata fuit, eandem innovando sub-
jungimus: Quicumque ad Altare sub
Smo Missæ Sacrificio cum præstiti
Superiorum ficto capillitio utuntur,
non longius nec pulvere capillari in-
spersum, sed modestum cum parente
corona deferant. In quorum fide hæc
manu propria subscriptas & sigillo
nostro munitas dedimus Neohufii 1749.
6^{ta} Martii.

Clemens Augustus.

XX

SYNODUS DIOECESANA *Autumnalis*
MONASTERIENSIS.

Eodem anno Chrifti MDCCXLIX.

ET SUB

*Eodem Revm ac Sermo CLEMENTE AUGUSTO,
Monasterienſi Epifcopo,*

Monasteriensi Episcopo,

CELEBRATA

DIE 14 OCTOBRS.

CLEMENS AUGUSTUS, DEI GRATIA ARCHI-EPISCOPUS
COLONIENSIS, S. R. IMP. PER ITALIAM &c. &c.

Pastoralis Officii ratio Nos admo-
net: ut in gregem a supremo
Pastore nostrae sollicitudini commissum
vigili semper oculo intendentes, gli-
scentia in eo animarum contagia salu-
taribus remediis celeriter perferre cu-
remus. Quapropter cum ad notitiam
nostram pervenerit, in quibusdam hu-
jus nostrae Diocesis locis pestiferam
carnalium hominum animis sese in-
nuasse opinionem, ex diabólica procul
dubio suggestione profectam, qua illi,
qui contractis sponsalibus de ineundo

Matrimonio sibi fidem dedere, etiam si hoc de facto in facie Ecclesiæ non dum contraxerint, nihilo secius se veros coram Deo conjuges esse, & conjugii legibus vivere sibi licere, damnabili sunt errore persuasi, ideoque hujusmodi sponsi & sponse conjugum ritu cohabitare, iisque actibus, qui solo Matrimonio legitime contracti vinculo cohonestari possunt, operam dare minime verentur. Ex quo confectaneum sit eosdem ad sacratum Matrimonii vinculum, quod Sacramentum

Ddd d. 3.

magnum esse prædicat Apostolus, co-
inquinatis prius per illicitas libidines
& animis & corporibus convolantes,
grandi sacrilegio sese obstringere, &
Sacramenti fructu privatos iram ac vin-
dictam Divinam sibi accersere, & ita
benedictionem, quam ipsis solemniter Ec-
clesiæ ritu precatur Sacerdos, sibi in
maledictionem sua prævaricatione con-
vertere, quemadmodum infausæ inter
ejusmodi sponfos subsecutæ nuptiæ &
funesti earum exitus frequenti expé-
rientia demonstrant; dum videlicet
amor inter eos ante connubii vinculum
in illicitos complexus & fornicarios
concupitus diabolicæ tentationis afflatu
intemperanter accensus, post sacramentum
Matrimonii indissolubile vinculum, ju-
sto Dei permittentis judicio, dæmone
dissensionum materiam suggerente, illico
suffocatur, inque sæva odia, rixas,
contentiones ad usque thori conjugalis
separationem frequenter commutatur.
Nos igitur tam ingentibus malis op-
portuno remedio obviare cupientes,
Parochos & Vicecuratos omnes hujus
nostræ Diœcesis serio commonemus,
eisque districte præcipimus, ut Pa-
rochianis suis perniciosam hujusmodi,
quam initio commemoravimus, per-
suasione omnino eximere conentur,
statuentes eis ob oculos gravitatem ac
scditatem peccati, quo sese coinqui-
nant sponfi sponsæque, quoties ante
Matrimonium de facto inter eos con-
tractum illis liberioris inter ipsos con-
versationis actibus vacant, qui extra
Matrimonium exerciti sedæ libidinis
ac impudicitæ vitium redolent, eaque
de causa ipsis perinde, atque aliis per-
sonis solutis lege tam naturali, quam

Divina verantur. Insuper eisdem gra-
vi oratione inculcent horrenda illa
mala, & formidandos exitus, Divina-
que supplicia, quibus hujusmodi legis
prævaricatores justo Dei judicio cas-
tigari tum in hoc sæculo, tum etiam
in futuro, quemadmodum a Deo inten-
tæ fornicariis & impudicis per sacras
Scripturas minæ luculenter ostendunt.
Ut vero ejusmodi transgressionibus
ostia, quantum possumus, obstruamus,
& peccatorum fomenta tollamus, seve-
re prohibemus, ne post sponsalia de
futuro inita, sponsa ad ædes sponfi &
vice versa cohabitandi causa sese trans-
ferre præsumant, prius, quam Matri-
monium inter eos fuerit de facto con-
tractum. Quod si huic nostræ inhibi-
tioni quidam parere contemplerint,
Parochis & Vicecuratis præcipimus,
ut eos quamprimum ab invicem sepa-
rent, implorato etiam ad hoc, ubi
opus fuerit, brachii sæcularis auxilio,
neque illorum Matrimonio prius assi-
stant, quam ipsi in dicta separatione
ad tempus arbitrio nostri Vicarii in
Spiritualibus Generalis determinan-
dam humiliter perseveraverint. Ne
vero quispiam Parochianorum justam
hujus nostræ Constitutionis ignoran-
tiam prætereundum valeat, volumus eam
in singulis hujus nostræ Diœcesis Pa-
rochiis per integrum annum una Do-
minica de mense ex ambone publi-
cari. In quorum fidem hæc manu
propria subscriptas, & sigillo nostro
munitas dedimus Clemenswerthæ an-
no 1749. 3tia Octobris.

Clemens Augustus.



SYNODUS DIOECESANA *Autumnalis* MONASTERIENSIS.

Anno Christi MDCCL. Benedicti XIV. PP. X.
Francisci I. Imp. VI.

S U B

*Eodem Revmo ac Sermo CLEMENTE AUGUSTO,
Monasteriensi Episcopo,*

CELEBRATA
DIE 13 OCTOBRIS.

CLEMENS AUGUSTUS, DEI GRATIA ARCHIEPISCOPUS
COLONIENSIS, S. R. IMP. PER ITALIAM &c. &c.

Cum non sine gravi secularium piorum scandalo quosdam de Clero puulicas frequentare tabernas, quinimò quosdam laicorum ibi sese conventibus potitandi causa miscere maxima nostra offensione intellexerimus, siquidem istud in gravissimum Ecclesiastici Ordinis vituperium & Religionis contemptum vergere est manifestum, & alias per Ss. Canones *C. Nulli. C. Clerici. D. 44.* noscatur esse prohibitum: "ne Clerici edendi vel bibendi causa tabernas ingrediantur, nisi peregrinationis necessitate compulsi." Nos intolerabilem ejusmodi abusum penitus aboleri volentes, statuimus, ut dictorum Canonum transgressores, toties quoties tabernam eos potandi causa intrasse fuerit deprehensum; sex imperialium penitatione mulctentur, Archidiaconos nostros, eorumque Commissarios serio monentes, ut in delinquentes hujusmodi solícite inquirent, pœnamque præactam sine remissione exequantur.

Agenda Pastoralia autoritate Prædecessoris nostri glor. mem. FRANCISCI ARNOLDI anno 1712. typis vulgata omnes Curati & Vicecurati sibi quamprimum comparare, eorumque, quæ in illis continentur, plenam habere notitiam & usum sibi reddere familiarem, ac speciatim in conficiendis libellis supplicibus pro impetrandis dispensationibus matrimonialibus, allegatis sufficientibus dispensandi causis

per dicta Agenda assignatis, in efformando schemate consanguinitatis vel affinitatis; nec testimonio paupertatis Oratorum, formam ac methodum in eisdem Agendis præscriptam adamussim imitari & observare, ac postremo testimonium legitimum rite factæ executionis, quonies dispensatio pro foro externo concessa est apud Protocollum Vicariatus asservandum ad Vicarium nostrum in Spiritualibus Generalem mittere (quæ hætenus a variis parum observata fuere) imposterum exacte curabunt.

Cum, sicut accepimus, nonnulli ex Parochis aut Vicecuratis in doctrina catechetica rudi juventuti ac plebi tradenda non ea, qua merito contenti esse possumus, diligentia hætenus usi fuerint, quinimo in quibusdam Ecclesiis occasione vel comprecationum ob necessitates publicas a Nobis indictarum, vel Sodalitatum seu Confraternitatum in quadam Dominica per singulos menses celebrari solitarum prætermittant, & ita spiritualem *lactis potum* 1. Cor. 2. parvulorum animis subtrahant, posthabitis saluberrimis Ordinationibus & Decretis tum a nostris in hac Diocesi Prædecessoribus, tum a Nobis ipsis Summo Pontifice hórante emanatis, quibus districte præceptum fuit, ut Parochi, alique curam animarum habentes vel per se, vel per Substitutos idoneos sacram Catechesin omnibus singulis diebus Dominicis & Festivis per

per totum annum pueris & rudibus explicent, ubi vero Parochiæ tam amplæ fuerint, ut ob distantiam a Parochiali Ecclesia quidam eo sese conferre non valeant, sacra Catechesis in diebus festivis non in Ecclesia, sed in Burſchapiis remotioribus, aliisve locis opportunis explicetur. Tempore vero hiemali bubulci, subulci, & opiliones, aliique pueri, qui per ætatem armentis vel gregibus pascendis occupantur, speciali cura primis fidei Catholicæ rudimentis imbuantur. Nos Ordinarios hujusmodi innovantes, Archidiaconos & eorum Commissarios vehementer hortamur, ut in ista re, quæ

Nobis maxime cordi est, operam suam minime desiderari permittant, sed in visitationibus singulis specialiter inquirent, quam in isto gravissimi momenti ministerio Parochi singuli, vel alii Curati sedulos sese exhibuerint, negligentes vero Nobis, vel nostro in Spirituallibus Vicario Generali denuntient, monitione prævia poena suspensionis ab Officio & Beneficio puniendos. In quorum fidem has propria manu subscriptas, sigillo nostro communiri jussimus Mergenthemii 5ta Octobr. 1750.

Clemens Augustus.

SYNODUS DIOECESANA *Autumnalis*
MONASTERIENSIS,

Anno Christi MDCCLII. Benedicti XIV. PP. XII.
Francisci I. Imp. VIII.

S U B

*Eodem Revmo ac Sermo CLEMENTE AUGUSTO,
Monasteriensi Episcopo,*

CELEBRATA
DIE 17 OCTOBRIS.

CLEMENS AUGUSTUS, DEI GRATIA ARCHIEPISCOPUS
COLONIENSIS, S. R. IMP. PER ITALIAM &c. &c.

Quoniam sicut dolentes accepimus, nec sine ingenti animi mœrore commemorare valemus, luctuosissimus intra hanc Diœcesin nostram casus evenit; quod quidam Parochianus in extremo mortis articulo positus per culpabilem Parochi sui absentiam omni ope & solatio spirituali sui Pastoris destitutus, & Ss. Sacramentorum Ecclesiæ, quibus in supremo illo amittendæ salutis æternæ discrimine ad ingrediendum periculosum illud æternitatis iter eum præmuniri oportebat, perceptione privatus ex mortali hac vita emigravit. Parochos & Vicecuratos omnes paterne commonemus, ut attente considerent, serioque perpendant gravissimam, qua tenentur, obligationem, ut pro fidelium gregis curæ

fideique suæ concredito assidue pervigilent tanquam rationem pro ipsis reddituri Hebr. 13. v. 17. Supremo animarum Pastori D. N. JESU CHRISTO, qui in tremendo quondam judicii die ovium suarum, quas ipse acquisivit sanguine suo, Act. 20. v. 28. sanguinem de eorum manibus requireret. Ezech. 33. v. 8. Si videlicet illorum culpa atque socordia earum aliquam æternum perire contingerit. Deinde sub poena suspensionis ab Officio eisdem prohibemus, ne unquam a Parochiis suis quacunque ex causa cum morali cujusvis Parochiani infirmi periculo absint, nisi substituto idoneo Sacerdote approbato, qui absentium vices pro casu necessitatis suppleat. Nostros vero Archidiaconos, eorumque Commissarios serio admonemus

nemus pro hujus rei gravitate, eorum conscientias desuper gravantes, ut perpensa magnitudine periculi animarum, in gravissimæ hujus nostræ Constitutionis transgressores solcite invigilent, & sicubi in consuetis Ecclesiarum visitationibus per suos respective districtus quempiam hujusmodi transgressionis reum deprehenderint, præter multam eorum arbitrio illis dictandam, eosdem Vicario nostro in Spiritualibus Generali, quamprimum indicent, ut ipsos ab officio, uti præfertur, suspendat, & suspensos publice denunciari faciat.

Quemadmodum admiranda malignos spiritus ab obsessis hominum corporibus ejiciendi, noxiasque demonum infestationes, invocato Christi nomine, Divina virtute reprimendi Discipulis suis a Christo Domino nostro *Luc. 10. v. 17. & 18.* concessa, ac deinde ejus Ecclesiæ relicta, si rite & sancte ea, qua oportet, maturitate, prudentia & ritu a legitimis Ecclesiæ Ministris exerceatur, ingentem ei affert splendorem, & apud hæreticos ipsos ac infideles, ea potestate destitutos admirationem & existimationem, ita, si per incautos & imprudentes, ac spiritualium, hujusmodi armorum pertractandorum imperitos perperam & temere contractetur & usurpetur, non levia apud fideles scandala, apud hæreticos vero sacrorum rituum & caeremoniarum Ecclesiæ creat contemptum. Quapropter cum justis quorundam querelis ad noticiam nostram pervenerit, in variis hujus nostræ Diocesis locis de Clero sive sæculari, sive regulari Sacerdotes, eosque nequaquam requisita ad gravissimum hoc munus rite obeundum maturitate judicii, ac Theologiæ scientia instructos, nec competente ad hoc jurisdictione aut facultate munitos, nullo discrimine, nulloque de morborum aut malorum ex causis naturalibus plerumque oriundorum genere requisito Medicorum consilio, aut præmissa indagine, nec servatis, norma, locis, aut regulis pro sacrarum hujusmodi functionum exercitio decenter ac religiose pertractando ex primævo Ecclesiæ instituto, ac spiritu Ministris exorcismorum provide

Tomus X. Concilior. German.

ac salubriter præscriptis turpis quæstus magis cupiditate, quam juvandarum animarum zelo in sacri hujus ministerii functiones involare temerario ausu præsumant, dum febribus, spasmis, membrorum convulsionibus, aut quibusvis aliis id genus seu hominum, seu animalium morbis ut ut naturalibus maligna maleficiorum & incantationum nomina vel ipsi perperam affingunt, vel rudi plebeculæ per rusticam simplicitatem istiusmodi infestationum diabolicarum plus nimio credulæ assensum præstantes, sacro exorcisandi ministerio superstitiose ac damnablem abutuntur. Quanta autem scandala & animarum pericula, quam sædæ rudis populi illusiones ac deceptiones, applaudente diabolo, ex hoc velut fonte emanent, tristi nimis experientia habetur compertum. Imperiti enim vulgus relicta veri Numinis ara, ubi auxilium a Domino corde contrito implorare debuerat, ad hoc vana Religionis specie ipsum decipientes Ministros convertitur, donec ab his inani sanationis spe se se delusum denique sero lugeat, atque deplorat: ad hæc suspicionibus iniquissimis ac temerariis in homines plane innoxios velut istorum malorum authores & præstigiatores judicii cum gravissima eorum injuria, nec raro cum irreparabili ex detractioe famæ jactura, ac propriæ demum conscientie læsione implicantur. Ad hujusmodi pestem ex Clero nostro efficaciter exterminandam, quemadmodum etiam in Archidiecepsi nostra Colonienfi exemplo Rdissimi & Serenissimi Dni MAXIMILIANI HENRICI Prædecessoris nostri, fuit a Nobis provisum; tenore præsentium omnibus & singulis hujus nostræ Diocesis Monasteriensis Clericis ac Presbyteris tam sæcularibus, quam Regularibus auctoritate nostra ordinaria, exemptis etiam, quatenus opus est, Apostolica delegata, sub pœna suspensionis ipso facto incurrendæ districtè inhibemus & interdicimus, ne deinceps exorcismos quidem citra licentiam specialem a Nobis, vel Vicario nostro in Spiritualibus Generali in scripto impetratam, intra Diocesis hanc nostram, eoque minus extra eam in locis finitimis, cæteras vero

Ecc c

bene-

benedictiones, ritus, seu cæremonias quascunque etiam per modum precum, ad morbos, aliaque seu hominum, seu animalium mala pellenda nonnisi ex norma per Rituale Romanum, vel Agenda novissima Monasteriensia, aut alias ab Ecclesia Catholica rite approbata usurpare præsumant.

Omnibus insuper Parochiarum Rectoribus serio & sub gravi pœna arbitraria præcipimus, ut si quos hujus

nostræ Constitutionis transgressores intra suas Parochias deprehenderint, eorum nomina (aîsi facti complices censerî velint) Vicario nostro in Spiritualibus Generali sine cunctatione denuntient. In quorum fidem has subscripsimus & sigillo nostro communiti jussimus, datas Arensburgæ die 29. Augusti 1752.

Clemens Augustus.

SYNODUS DIOECESANA *Autumnalis* MONASTERIENSIS,

Anno Christi MDCCLIII. Benedicti XIV. PP. XIII.
Francisci I. Imp. IX.

S U B

*Eodem Revmo ac Sermo CLEMENTE AUGUSTO,
Monasteriensi Episcopo,*

CELEBRATA

DIE 16 OCTOBRI.

CLEMENS AUGUSTUS, DEI GRATIA ARCHIEPISCOPUS
COLONIENSIS, S. R. IMP. PER ITALIAM &C. &C.

Cum S. Mater Ecclesia perpetuo fuerit detestata & gravissime interdixerit ea Matrimonia, quæ a Catholicis cum hæreticis contrahuntur, & nihilominus intellexerimus, quam maxime dolentes frequenter contingere in hac nostra Diœcesi, præsertim in locis terras hæresi infectas vicinia attingentibus; quod subditi nostri Catholici vel infano amore turpiter demerati, vel lucri terreni cupiditate excecati, sese in terras prædictas conferant, & ibidem cum hæreticis Matrimonia inire non reformident, non solum cum proprio perversionis, sed etiam alieno liberorum ex Matrimonio hujusmodi procreandorum periculo animarum, attento, quod vel ex more aut lege illarum Regionum, vel etiam ex ipsonatione sub sacrilego juramento coram Satrapa loci facta dicti Catholici promittere debeant, ut omnes sive filii, sive filia eorum in ea secta, quam pars

hæretica profitetur, educentur; vel si tolerabilius aliquanto cum eis agatur, ut patrem hæreticum filii, vel matrem hæreticam filia in eorum secta professione imitari debeant. Nos tam evidentibus animarum periculis, quantum in Domino valemus, obviare cupientes, Parochis omnibus & Vicecuratis hujus nostræ Diœcesis serio graviterque præcipimus, ut suos utriusque sexus Parochianos ab hujusmodi conjugii in eorundem perniciem sempiternam ineundis, quantum possunt, absterreant, inculcata eis frequenter sive per conciones, sive catecheses gravitate peccati, quo sic nubendo conscientias suas illaqueant, nec non Parochianos suos sæpe & graviter dehortentur, ne se ipsos, aut liberos suos Dominorum hæreticorum servitiis (quæ Matrimoniorum hujusmodi occasio esse assolent) temere addicant. Denique Parochis & Vicecuratis eisdem prohibemus,

mus, ne Parochianis suis ad terras supradictas tendentibus testimoniales literas legitimorum natalium, & Baptismi ab eis, suscepti impertiant, nisi facta prius sponfione, quod perniciosum huiusmodi Matrimonium cum persona hæretica nunquam fiat inituri. Quod si vero Parochiani eorum ex præfatis terris revertentes testimoniales præfatas, vel dimissoriales literas ad effectum in præmemoratis terris nubendi ab eis petierint, has eisdem mi-

nime concedant, nisi a Parocho vel Missionario Catholico ejus loci, in quo Matrimonium sunt contracturi, testimonium in nullo suspectum exhibeant, per quod reddantur certiores, quod sponfalibus cum persona Catholica rite contractis, cum eadem sint Matrimonio conjungendi. In quorum fidem &c. Clemenswerdæ 9na Octobr. 1753.

Clemens Augustus.

SYNODUS DIOECESANA *Autumnalis*
MONASTERIENSIS.

Anno Christi MDCCLIV. Benedicti XIV. PP. XIV.
Francisci I. Imp. X.

S U B

*Eodem Revmō ac Sermo CLEMENTE AUGUSTO,
Monasteriensi Episcopo,*

CELEBRATA

DIE 15 OCTOBRI8.

CLEMENS AUGUSTUS, DEI GRATIA ARCHIEPISCOPUS
COLONIENSIS, S. R. IMP. PER ITALIAM &c. &c.

Jam inde a Regiminis nostri exordiis studia nostra contulimus ad abolenda divinationis, vanæ observantiæ, sortilegii, aliaque id genus impiæ superstitionis detestanda scelera, per quæ vel verus purusque Dei cultus ab hominibus profanis temere contrectatus sub ementitæ pietatis specie supersticiosi ritibus & abusibus nefarie contaminatur, & ad emungendam pecuniis simplicem & male credulam plebeculam in turpem quæstum vertitur, vel quod eo horrendum magis est, homines incauti & instabiles in fide, pro pelliendis morbis, aliisque malis temporalibus, aut pro bonis mundanis acquirendis, augendisve, aut pro recuperandis rebus deperditis, furtique authoribus pandendis ariolos, pytho-nissas, aliosque præstigiatores pessimos consulunt, & postposito Dei timore, ejusque adjutorio neglecto ad opem

Tomus X. Concilior. German.

per diabolicarum fraudum artifices prædictos a nequissimo spiritu, capitali Dei ac generis humani hoste diabolo exquirendam convolare non formidant. Quæ adeo abominanda crimina radicitus extirpare cupientes, edidimus pridem anno Domini 1722. salutare Decretum tenoris sequentis: "Non sine gravi offensione &c. *Vide pag. 426.*
b. T. usque ad verba: Insuper Filco &c.

Cum vero recenter fuerit Nobis insinuatum Decreto huiusmodi non in omnibus hujus nostræ Diocesis locis operatum respondisse emendationis fructum, acerbissimum hoc Nobis intulit dolorem, animumque nostrum graviter commovit, ut ad expurgandam penitus tam exitiali præmemoratorum scelerum peste hanc nostram Diocesin, curam & sollicitudinem nostram amplius intenderemus. Quapropter Decretum prædictum non tantum inno-

E e e 2

vanus

vamus iterato, sed etiam eatenus ampliamus, ut omnes, ad quorum notitiam pervenerit, scelera huiusmodi aliquo in loco exerceri, nefandi criminis reos & complices denunciare quamprimum teneantur non tantum in Ecclesiarum visitationibus, sed etiam, ne longiore mora convalescant, Promotori Fiscali. Insuper supradictos præstigiatores, qui diabolicas huiusmodi artes & fraudes exercuisse deprehensi fuerint, gravioribus pœnis coercendos esse decernimus, videlicet infamiae & inhabilitatis perpetuae ad quævis officia, & tribus quascunque, etiam opificum, quia & si admoniti se emendare noluierint, pro qualitate delicti & circumstantiarum, carceris, verberum, infamis stigmati, ejectionis e Dioecesi, prout prævaricationis gravitas postulare censebitur, Judicis arbitrio infligendis pœnis, prout per Ss. Canones *Dist.* 26. *Q. 5. Can.* 10. & 12. est saluberrime constitutum, ut qui salubria & ab æterno interitu revocantia monita audire contempserint, cruciati saltem corporis ad desideratam mentis reducantur sanitatem. Ne vero quispiam præmissorum ignorantia se valeat excusare, volumus prædictum Decretum una cum ejus extensione ad reorum & compli-

cum denuntiationem faciendam, nec non ad pœnas præmemoratas in vernaculam linguam translatum, separatim typo mandari, & ejusdem exemplaria omnibus per hanc Dioecesin Concionatoribus communicata in Ecclesiis singulis ex ambone promulgari, ac deinde ad earum valvas affigi. Denique Parochos & Vicecuratos omnes moneamus & hortamur in Domino, ut in concionibus & catechesi frequenter populum ab huiusmodi impiæ superstitionis peccatis proposita enormi ejus malitiæ gravitate absterreant, & quæ ratione ritus supersticiosos & diabolicas fraudes pietatis specie larvatas ex certis indicibus deprehendere, & ita Satanæ & ministrorum ejus præstigia devitare valeant, salutaribus documentis per Theologiæ moralis Doctores passim traditis erudire ac præmunire satagant, ac demum de gravi obligatione supradictorum criminum reos & complices, si quos noverint, denunciandi, qua publice, qua privatim commoneant. In quorum fidem has manu propria subscriptas, sigillo nostro communiri iussimus. Bonnæ 28. Septemb. 1754.

Clemens Augustus.

SYNODUS DIOECESANA *Verna* MONASTERIENSIS,

Anno Christi MDCCLVII. Benedicti XIV. PP. XVII.
Francisci I. Imp. XIII.

SUB

Eodem Reomo ac Sermo CLEMENTE AUGUSTO,
Monasteriensi Episcopo;

CELEBRATA

DIE 22 MARTII

CLEMENS AUGUSTUS, DEI GRATIA ARCHIEPISCOPUS
COLONIENSIS, S. R. IMP. PER ITALIAM &c. &c.

Ex debito Pastoralis Officii in eam curam præcipue intenti, ut Dominici, Festivique dies cultui Divinæ Majestatis & Sanctorum ejus venera-

tioni ex S. Matris Ecclesiæ præscripto consecrati, ea, qua par est, religione & devotione a populo Christiano Divina disponente gratia Nobis concedito atque

atque subiecto rite celebrentur, pri-
dem Ordinationes quasdam saluberri-
mas & ad effectum huiusmodi conse-
quendum, atque ad abolendos abusus
eidem contrarios maxime oportunas a
Prædecessoribus nostris editas, & a
Nobis aliis Ordinationibus auctas typis
vulgari, & promulgari sæpius iussi-
mus; Veruntamen cum recenter fue-
rit Nobis maximo nostro dolore infi-
nuatum, etiam nunc graves noxiosque
abusus ordinationibus præactis omni-
no adversos hinc inde se proderę, ac
nominatim contra expressam prohibi-
tionem nostram Dominicis, Festivisque
diebus homines intemperantes in po-
pinis & cauponis non solum compota-
tionibus & helluationibus in seram
noctem, quin & adusque subsequētis
diei diluculum protractis immodico
potu se ingurgitare ad crapulam, inter
petulantes saltus & tripudia, lusus &
scurriles jocos bacchari, sed etiam pe-
riculosa promiscua utriusque sexus
conventicula ibidem instituere, quin-
imo simplicem plebeculam ad frequen-
tanda huiusmodi consortia alliciendi
causā symphoniacos instrumenta musi-
ca pulsantes mercede conducī, eaque
ratione crapulæ & ebrietati, rixis &
contentionibus in sæva verbera & vul-
nera subinde effervescentibus, aliisque
flagitiis, quæ nocturnis tenebris regi-
amant, & gravibus scandalis ansam
præberi, atque hoc pacto sacratos dies,
quos piis operibus sanctificari lege Di-

vina & Ecclesiastica præceptum est,
ex adverso abominandis delictis & pec-
catis profanari. Huiusmodi igitur ex-
cessus & abusus, ne eorum dissimu-
latione ulterius propagentur, sed quam-
primum radicitus evellantur, Archi-
diaconos nostros paterne hortamur de
eorum zelo confidentes, ut officii sui
functioni strenue incumbentes, soler-
ter invigilent, quatenus præfatis Or-
dinationibus in Parochiis, quas visitant,
morem geri efficaciter procurent, de-
linquentes vero multis & aliis penis
Ecclesiasticis juxta mensuram delicti
infligendis severe coerceant. Parochis
etiam, aliisque eorum vice curam ani-
marum ex officio exercentibus serio
mandamus, ut præmemoratas Ordina-
tiones nostras sæcularibus nostris sub-
ditis ex ambone iterato exponant, &
sæpius in memoriam revocent, atque
ad earum observantiam efficacibus ra-
tionibus exhortari studeant, ea etiam
speciatim ratione nervose inculcata,
quod si debitum sacratis diebus cul-
tum Deo exhibere postposuerint, for-
midandum illis merito sit, ne horrenda
iracundiæ Divinæ flagella, quæ
terribiles terræ motus per orbem fere
universum recenter pervagati visā sunt,
peccatis hominum minitari, ipsis quo-
que a Deo peccatorum vindice in-
fligi contingat. In quorum fidem &c.
Bonnæ 17. Martii 1757.

Clemens Augustus.



INSTRUCTIO PASTORALIS

REVERENDISSIMI ac ILLUSTRISSIMI DOMINI,
D. FELICIS JOSEPHI HUBERTI de WAVRANS,*
hodierni Iprensis Episcopi,

DATA

Anno Chr. MDCCLXVIII. Clementis XIII. PP. X.
Josephi II. Imp. III.

*Ad universum Clerum tam Secularem, quam Regularem; qua præter
varias ORDINATIONES & DISPOSITIONES, quas pro temporum circumstantiis, &
ad pleniorum Morum ac Discipline Ecclesiastica in sua Diœcesi Institutionem,
præscribit, etiam SYNODALES CONSTITUTIONES ac Prædecessorum
suorum DECRETA confirmat, innovat, & mandat ab
omnibus observari respectivè.*

EPISTOLA CIRCULARIS

REVERENDISSIMI DOMINI,
AD REVERENDOS DOMINOS DECANOS CHRISTIANITATIS
DIOECESIS IPRENSIS;

*Qua illis committitur & injungitur præmissa Instructionis Pastoralis, cum annexis,
Publicatio sub cujusque Districtu respectivè.*

REVERENDI ADMODUM DOMINI

Prodit tandem Instructio Pastoralis, quam tam pro nostris, quam vestris ardentioribus desideriis votisque ad perfectiorem Diœcesis Iprensis institutionem, Deo juvante suscepimus, & absolvimus. Hanc vobis dirigimus, cum omni gratitudine animi ex parte nostra, quam etiam publice testari non omittemus, pro subministratis monitis, & consiliis, quæ tam vestra in nos solita observantia, quam Dei & Ecclesiæ nostræ zelus indefessus, operi illi persciendo Nobis declarant; ac quidem ea sapientia & prudentia, qua majorem desiderare non potuimus.

Ut autem laboris nostri successus; finem quem intendimus, plenius assequatur, vestrum est, Reverendi Domini, illum modis omnibus juvare & promovere; memores, quod nedum populi, sed & Pastorum, aliorumque Sacer-

*dotum observatores sub Episcopo constituti prout vos monent Statuta nostra** (quod etiam tum facto, tum exemplo comprobatis) eatenus in partem Pastoralis nostræ sollicitudinis speciali modo destinemini.*

Quare requirimus, non tantum, ut hujus Instructionis Pastoralis executionem, apud omnes ad quos spectare debet, fortiter & suaviter urgeatis & commendetis; sed etiam, ut intra octiduum ab harum receptione, omnibus & singulis Presbyteris nostris de Clero seculari, una & Regularium Superioribus, qui sunt sub vestro cujusque Districtu, intimari curetis Mandatum nostrum, quo his, illisque injungitur, ut intra tres septimanas proxime sequentes, illam sibi procurare teneantur, ad effectum, ut Monitis & Ordinationibus nostris in ea præscriptis respectivè, cum

(*) Vide sub finem Instructionis.

(**) Sub R. R. D. Mas. T. 8. C. 5.

cum debita reverentia & submissione sese con- & SS. Sacrificiis commendantes, in unione
formant in omnibus. Nos Orationibus vestris, illorum cum speciali affectu subscribimus

REVERENDI ADMODUM DOMINI,

IPRIS 3. Feb.
1768.

Vester Addictissimus
† F. EPIS. IPRENSIS.

FELIX JOSEPHUS HUBERTUS de WAVRANS,
Dei & Apostolicæ Sedis gratia Episcopus Iprensis,
Universo CLERO tam Sæculari quam Regulari, Salutem.

I.

Proem. a debito officii Pastoral.

Tamet si pro Pastoral cura & solici-
tudine, cui Nos immerentes
præficere dignatus est Deus, indefessa
teneamur charitate & Clerum & popu-
lum Nobis commissum, de rebus ad
salutem spectantibus monere semper &
adhortari, ne nobis dormientibus veniat ini-
micus homo, & superseminet zizania in me-
dio tritici: (a) In id ipsum tamen eo
vehementius impellimur, quo propius
ad fines Sæculorum devenimus, de qui-
bus monuit & prædixit Spiritus San-
ctus, quod in novissimis diebus instabunt
tempora periculosa: Evunt homines seipsos
amantes, cupidi, elati, superbi; (b) Anima-
les, spiritum non habentes; secundum desideria
sua ambulantes in impietatibus: (c) Mali
homines & seductores, qui proficiunt in pejus;
errantes & in errorem mittentes, (d) dum
a veritate quidem auditum avertent, ad fabu-
las autem convertentur. (e)

II.

I. Motivum: Sæculi corruptela.

Hæc enim infausta & periculosa
tempora nobis instare, quis non
advertat? Audimus, aut etiam conspi-
cimus, licentius umquam abundare
iniquitatem; germanam charitatem re-
frigescere; priscam simplicitatem in
astutiam verti; castitatem in nequitiam;
cultum Dei & sacrosanctæ Religionis
mysteria, officiaque vilipendi; domina-
tionem & potestatem sperni; Eccle-
siæ, inquam, præcepta, Principum
edicta, Episcoporum, Magistratum

&c. mandata negligi, contemni, im-
pune violari!

Ubi invenire, quod antiquam mo-
rum honestatem, quod avitam Majo-
rum nostrorum modestiam, eorum
pietatem & Religionem repræsentet;
præsertim a tempore, quo inficiens per-
niciosorum libellorum colluvies, qui
nihilominus tam humanis, quam Di-
vinis legibus proscribuntur, hæc Pro-
vincias, torrentis instar, inundare cœ-
pit?

Ad hæc dolorum initia dum inti-
me affligimur & contremiscimus, in-
sonat auribus nostris metuenda illa su-
premi Judicis compinatio: Quod si spe-
culator viderit gladium venientem, & non
insonuerit buccina, & populus se non custodie-
rit; veneritque gladius, & tulcrit de eis ani-
mam; ille quidem in iniquitate sua captus est;
sanguinem autem ejus de manu speculatoris
requiram. (f) De manu igitur nostra,
de manu illorum omnium, quos Do-
minus speculatores dedit Domui Israël, (g)
requiretur sanguis animæ illius, quam
gladius tulcrit, si non fuerimus locuti,
ut se custodiat.

Et quamquam hic in commune
nos omnes ad indefessam vigilantiam cu-
ram per Prophetam suum Deus ad-
hortetur, non ignoramus tamen (quod
neque dissimulare volumus) specialem
his, quos Spiritus Sanctus posuit Episcopos ve-
gere Ecclesiam Dei, (b) in animarum cura
& custodia, sollicitudinem demandari;
(i) quam etiam nobis prædicant & in-
culcant illustria Prædecessorum nostro-
rum facta exemplaque, quæ statim
recognovimus, ubi primum Diæcesis
hujus regimini admoti fuimus, dum
ea

(a) Matt. 13. 25.

(b) 2. Tim. 3. 1.

(c) Ep. B. Jud. 19.

(d) Tim. ibid. v. 13.

(e) Ibid. 4. 4.

(f) Ezech. 33. 6.

(g) Ibid. 3. 17.

(h) Act. 20. 28.

(i) S. Hilari, in Matt.

ea nobis testarentur tot variæ Constitutiones Synodales, tot providæ Ordinationes & Decreta; quibus sic quidem præscripserunt & ordinarunt, quidquid ad Cleri populique sibi commissi salutem & institutionem desiderari poterat, ut si in viridi observantia permansissent, aut permanerent, in Domino gloriari nobis liceret, optime prospectum esse dilectissimo gregi nostro; nullum metuendum esse periculum, nullum scandalum.

III.

2. *Motivum: Discipline restauratio.*

Sed quia ea est humana inconstantia, ut frustra condantur bonæ leges, nisi sint quorum opera bene conditæ servantur; vel inde nos moneri credimus, timendum fore, ne Legum Dicesanarum, & Ordinationum observantia, nisi eam ad Prædecessorum nostrorum exemplum tempestive serioque urgeamus, nedum inteperceret magis, sed seipsum deficeret; fieretque, ut Dicesis Iprensis, quæ usquemodo (laus Superis!) tot aliis amori esse meruit & imitationi, nobis ipsis fieret in opprobrium.

Ut igitur mali hujus principiis obstantes, operam demus, ut cum *Princeps Pastorum* aliquando apparuerit, Ecclesiam nostram ei exhibeamus gloriosam, non habentem maculam aut rugam, aut aliquid hujusmodi; sed ut sit sancta & immaculata; (k) visis & inter se collatis Rescriptionibus & Advisamentis DD. Decanorum Christianitatis, quæ per Circularem ad eos datam desuper prærequisivimus, factaque eorum communicatione RR. Adm. DD. nostris Examinatoribus Synodalibus, ac matura cum his habita deliberatione, eo potissimum ac inprimis omnem sollicitudinem nostram dirigendam arbitrati sumus, ut vos omnes & singulos, quos cura nostra complectitur, tum monitis, tum præceptis hortemur & extimulemus, ut, quemadmodum accepistis a Prædecessoribus nostris, quomodo oporteat vos ambulare & placere Deo, sic & ambuletis, ut abundetis

magis: Scitis enim, quæ præcepta dederint vobis. (l)

Quare, ut pro Dei gloria, pro Cleri nostri sanctificatione, ac totius populi salute, quibus ex debito Pastoralis hoc infelici tempore præcipua cura intendere debemus, tam salutare propositum totis animis & viribus exequamur; omnia & singula, quæ ad Fidei & Religionis integritatem & augmentum, ad Clericalis status splendorem & dignitatem, ad Ecclesiasticæ disciplinæ reformationem, ac populi Christiani instructionem, tam in Statutis & Decretis Provincialibus, quam Dicesanis nostris (quæ tamquam sacram hereditatem a Majoribus acceptam, religiose & inviolate custodire intendimus, & debemus) hucusque sancita sunt & ordinata, statuimus, omni quæ valemus auctoritate & potestate, innovare & confirmare; eorumque omnibus, quorum interest respective, observantiam injungere & mandare; pro ut innovamus, confirmamus & observari mandamus per præsentem; iis solum exceptis, quæ non usu vel contraria consuetudine legitime præscriptis, abrogata censeri debent; super quo judicium Nobis reservantes, intentionem nostram infra declarabimus.

IV.

De honestate vitæ Clericorum.

Et ut ad particularia veniamus, circa quæ præ cæteris omnium attentionem & obedientiam hic requirimus, ac nostram absolutam voluntatem expressius declaramus; dum etiam considerata status Dicesis nostræ exigentia, nonnulla pro ampliori Ministrorum ejus instructione & ædificatione addenda duximus, quæ pari fidelitate ab eis, ad quos spectant, observanda erunt; æquum existimamus, planeque necessarium, ut initium sumamus a domo Dei. (m)

Quo igitur majori cum gaudio in Domino gloriari fuimus, & usquemodo gloriamur, plerosque e Clero nostro digne ambulare vocatione, quæ vocati sunt, (n) vitæque integritate, gravitate morum,

(k) 1. Pet. 5. 4. Eph. 5. 27.

(l) Ephes. 4. 1.

(l) 1. Thes. 4. 1. & 2.

(m) 1. Pet. 4. 17.

morum, ac disciplinæ Ecclesiasticæ observantia, reliquis antecellere & præluere; eo acerbiori dolore animus nostro stimulatur & pungitur, dum alios conspiciamus, qui a virtutis tramite discedentes, stant *tota die otiosi*; (o) indulgent rebus statui suo indignis; mundanas sectantur levitates, ac sacrum Ordinis sui characterem modis aliis dehonoraunt; implentes illud Prophetæ: *Et erit sicut populus, sic Sacerdos.* (p)

Quare cum tam ex Officio nostro, quam Tridentini Concilii præcepto, reneamur monere Clericos, in quocumque Ordine fuerint, ut conversatione, sermone, scientia, Dei populo præeant; (q) eos omnes hortamur & obsecramus, quatenus vitam, moresque suos omnes sic componant, ut habitu, gestu, incessu, aliisque omnibus rebus, nihil nisi grave, moderatum, ac Religione plenum præ se ferant: levitia etiam delicta, quæ in ipsis maxima essent, effugiant, ut eorum actiones cunctis afferant venerationem: quæ quidem, quo majori in Ecclesia Dei utilitati sunt & ornamento, eo quoque diligentius observari debent. (r)

Proinde statuimus, & districte mandamus, ut quæ alias a Summis Pontificibus & sacris Conciliis, nominatim de Clericorum vita, honestate, cultu, doctrinaque retinenda, salubriter sancita fuerunt, ac tam in Provincialibus, quam Diocesanis nostris Constitutionibus & Decretis præscribuntur, eadem ab omnibus fideliter observentur; ne alias & nobis exprobari debeat: "Sacerdotes Dei contaminant Sancta & reproband Legem." (s)

V.

Vel minima incontinentiæ suspicio vitanda in Clericis.

Cumque, ut omni ratione scandalis occurratur, auferaturque hoc corruptissimo sæculo omnis sugillandi Clerici occasio, non tantum abstinendum

fit a malo, sed *ab omni specie mala*; (t) monemus omnes & singulos de Clero nostro, ut sibi caveant non solum ab ipso incontinentiæ crimine, quo decor Ecclesiæ gravissime maculatur; verum, vel ab omni ejus minima suspicione. Consortium mulierum Sacerdoti non convenit, quem castitas & continentia ornare perpetuo debent: & ut castitas servari queat in muliebri consortio, raro tamen bonum nomen retineri potest. (u) Quare & illarum frequens consortium & accessum vitari volumus; præsertim si inde vel levis scandalum, sinistra suspitionis, vel obloquii occasio oriri possit. Tantum enim oportet, inquit S. Chrysostomus, imo vero longe majus, studium adhibere, ut malas opinioniones, non solum dum erumpunt, divellamus, arceamusque; sed & procul unde erumpere possint, prospiciamus; atque adeo causas ipsas, e quibus enascantur, longo ante tempore interimamus; non etiam dum coalescant & in vulgi ore versentur & divulgentur, expectemus; tum enim haud proclive fuerit illas delere, sed admodum difficile. (x)

VI.

De Ancillis Cleric. vitanda earum familiaritas.

Ancillas habeant non garrulas, immodestas, aut dominatrices, sed prudentes, castas, sobrias, domus curam habentes, (y) in silentio cum omni subjectione: Ornent se cum verecundia & sobrietate, promittentes pietatem per bona opera. (z) Ingressum tabernarum, consortia immodesta, ipsis sub poena expulsiōis prohiberi volumus: cum illis mensæ accumbere, aut accedere convivia etiam invitati; forum negotiorum causa adire, amicos aut Parochianos invisere, quovis titulo vel prætextu, sub comminatione severioris correctionis omnibus interdiciamus. Eos tamen excipimus, qui senectutis, aut alterius gravis

(o) Matt. 20. 6.

(p) Osee 4. 9.

(q) Trid. Sess. 14. Decr. de Reform.

(r) Ibid. Sess. 22. C. 1.

(s) Ezech. 22. 20.

(t) 1. Thes. 5. 22.

(u) Concil. Camer. an. 1565.

(x) Lib. de Sacerd. C. 9.

(y) Tit. 2. 5.

(z) 1. Tim. 2.

Tomus X. Concilior. German.

vis necessitatis causa, auxilio & comitatu ancillæ vere indiguerint; quo casu, & ut conscientiarum tranquillitati consulamus, declaramus sufficere, si Decanus Christianitatis cujusque respectu districtus, sic fieri probet & consentiat.

Si qui nihilominus ratione suarum ancillarum, aut mulierum quarumcumque apud populum oblique audiant (de quo mandamus, ut Decani rurales in suis districtibus tam intra, quam extra visitationes Parochiarum sedulo inquirant, ac Nobis sine conniventia rationem reddant) parati erunt, easdem statim ad primam nostram aut Decani monitionem a se ablegare, aut earum familiaritatem vitare: alias, si prompte non obederint, arbitrari poena exemplariter puniendi. *Perficientes igitur Sanctificationem in timore Dei, mundemus nos ab omni inquinamento carnis & spiritus; (a) nemini dantes ullam offensionem, ut non vituperetur ministerium nostrum. (b)*

VII.

Quid Regulares, eorumque Superiores hic observare debent.

Quoad Regulares vero, qui pro arctiori vitæ genere, quod proferuntur, uti cæteris virtutibus, ita etiam vitæ honestate, morum puritate, & castimonie commendatione omnibus præluere debent, *Christique bonus odor effici in omni loco, (c)* injungimus omnibus eorum respective Superioribus, quatenus, quod in hac parte muneris sui est erga subditos, pro Ecclesiæ & status sui honore cum zelo & vigilantia exequantur; ac omnem scandali occasionem vel periculum tollant & impediant.

Attendant præterea Constitutionibus Pontificiis, (d) quibus prohibetur, ne femina intra Religiosorum claustra, septa, coenacula, cubicula, aliasque officinas ingrediantur aut admittantur.

VIII.

Otium vitandum a Clericis; & quomodo.

Et quoniam, teste Ecclesiastico, *multam malitiam docuit otiositas, (e)* nec illa quidquam periculosus vitæ Clericorum nominari potest; quicumque Clericali militia, aut Divino ministerio nomen dederunt, meminerint & serio recogitent, se non ad ignaviam aut iners otium, sed ad salutare pro Ecclesia Dei labores obeundos vocatos esse & adscriptos. Quare si penso & officio, ad quod primario obligantur, aliquid temporis superfuerit, illud non otio, vaniloquio, inutilibus actionibus, lusu & poculis; sed studio & piorum librorum lectioni, sanctisque aut honestis exercitiis sagaciter impendere: "Vaca lectioni Divinæ in meditatione Scripturarum, inquit S. *Hidorus Hsp.* (f) vaca in lege Dei; habeto in Divinis lectionibus frequentiam; assiduas legendi sit tibi: lectio enim docet, quod caveas; lectio ostendit, quod teneas, quo sensus & intellectus augetur: multum proficis cum legis, si tamen facis, quod legis." Addit S. *Hieronymus*: "Ama studia litterarum, & carnis vitia non amabis."

IX.

Commendatur lectio & studium S. Scripturæ.

Cumque sacra Scriptura, utpote Divinitus inspirata, præ cæteris utilis sit ad arguendum, ad corripiendum, ad erudiendum in justitia, ut perfectus sit homo Dei, ad omne opus bonum instructus; (g) ideo ne celestis ille sacrorum librorum thesaurus, quem Spiritus Sanctus summa liberalitate hominibus tradidit, neglectus jaceat, (b) illorum assiduam lectionem & studium omnibus Clericis nostris & Sacerdotibus, iis vero præcipue, qui confessionis & prædicationis ministerio destinantur, aut jam destinati sunt, impensius commendamus & injungimus: in quo studii genere, an & quantum proficiant, experimentum fieri curabimus per questiones

(a) 2. Cor. 7. 1.

(b) Ibid. 6. 3.

(c) 2. Cor. 2. 15.

(d) S. Pii V. Greg. XIII. & Bened. XIV. 3. Jan. 1742.

(e) Eccl. c. 33. 29.

(f) De contempt. Sæculi.

(g) 2. Tim. 3. 16.

(b) Trid. Sess. 5. c. 1. de Reform.

stiones a DD. Examinatoribus ex S. Scriptura identidem in Consistorio proponendas.

" Sic autem sacros illos codices pervolvite, ut ex iis, quæ legeritis aliquid quotidie in ventre memoriæ dimittatur, quod fidelius digeratur, & sursum revocatum crebrius ruminetur; quod proposito conveniat; quod intentioni proficiat; quod deinceps animum, ut alienum cogitare non libeat." (i)

In eum finem omnes (nominatim vero Seminarii nostri Alumnos, quibus id etiam injungimus, ut praxi tam salutari assuecant) serio hortamur & monemus, ut indies attente & reverenter legant Caput unum ex *Novo Testamento*, quam S. Scripturæ partem in minori volumine, semper & religiose secum deferentes, quasi assidue præ manibus habeant, "ac diu noctuque sic mente revolvant, ut tenendi codicem somnus obrepat, & cadentem faciem pagina sancta suscipiat." (k) "Omnis quippe Evangeliprum vox, reliquis omnibus Sancti Spiritus præceptis eminentior esse dignoscitur," inquit S. Basilus. (l)

Ad hæc monemus Regularium Superiores, ut conformiter ad intentionem Concilii Tridentini, (m) in suis Monasteriis, ubi commode id fieri potest, lectionem sacræ Scripturæ haberi curent.

X.

Item commendatur studium Theologiæ moralis.

Præter sacrarum Literarum studium, nemo certe dubitabit, quin Vir Ecclesiasticus item assidue laborare & occupari debeat in *Theologiæ moralis* scientia acquirenda, quæ omnibus quidem, at iis præsertim, & in certo gradu, qui animarum curæ præficiuntur perneceffaria esse dignoscitur; proindeque, nec satis esse, quod quis eam Theologiæ partem semel percurrerit, perceperit, aut etiam palam docuerit; sed assidue

excolendam esse, ut penitus animo defixa maneant, quæ didicerit; & nova semper doctrinæ capita, quibus ea scientia affluit, investigari & memoriæ mandari queant; sicque dignum & idoneum se prober & efficiat, qui sacri Sacerdotii & animarum ministerii partes sufficienter adimpleat: "Omnes quippe tenentur scire, ut docet S. Thomas, "ea, quæ ad eorum statum vel officium pertinent.... Manifestum est autem, quod quicumque negligit habere, vel facere id, quod tenetur habere vel facere, peccat peccato omissionis; unde propter negligentiam, ignorantia eorum, quæ aliquis scire tenetur, est peccatum." (n) Merito subjungit Concilium Toletan. 4. "quod ignorantia in Sacerdotibus mater sit cunctorum malorum, quæ in Ecclesia Dei oriuntur."

XI.

Monetur promovendi ad curam animarum.

Quibus malis, ut pro munere nostro, & quantum possumus in Domino, sedulo occurramus, omnes ad quos spectat præmonitos volumus, nos firmiter statuisse & resolvisse, (prout etiam tam jure humano, quam Divino strictissime obligamur) quacumque humana affectione postposita, Beneficia curata non conferre, nisi iis, quos maturo & rigorofo examine & perquisitione præcedenti, nedum moribus, prudentia, aliisque rebus ad vacantem Ecclesiam gubernandam necessariis & opportunis; sed etiam scientia & doctrina præ cæteris idoneis magis & instructos judicaverimus: (o) Quod, servata proportionem, in promovendis aut nominandis Vicariis etiam semper observabimus.

Similiter, ad confessionis ministerium non admitemus, neque admitti volumus, nisi quos sufficienti scientia (præter alias condiciones & qualitates, quæ in Confessariis requiruntur) profecisse deprehenderimus, ut recte judicare queant *inter lepram, & lepram*, (p) &

(i) S. Bern. ad Fratres de Monte Dei, c. 10.

(l) Hom.

(m) Trid. sup.

(o) Frid. Sess. 24. c. 18.

(p) Deut. 17. 8.

Temus X. Concilior. German.

(k) S. Hieron. Ep. ad Eustoch.

(n) S. Thom. 1. 2. q. 76. a. 1.

& tamquam periti Medici, animarum morbos curare, & apta cuique remedia applicare sciant. (g) Quis enim cogitationis vulnera occultiora esse nescit, vulneribus viscerum? Si igitur qui pigmentorum vim nesciunt, videri medici carnis erubescunt, ipsisque interdicitur hanc artem exercere: quomodo, qui nequaquam præcepta spiritalia cognoverunt, cordis se medicos profiteri non metuent; neve se tales profiteantur, modis omnibus impedire non teneamur? (r) Ea de causa, etiam rogamus & confidimus, ut DD. Examin. Synodales, quorum zelum, discretionem & sapientiam in hac ministerii nostri parte, ut & in multis aliis, satis superque experti sumus, sese in omnibus huic proposito & intentioni nostræ studeant conformare, ac operam conscientiamque nostram alleviare; semper præ oculis habentes, quæ Ecclesia, nominatim vero Tridentina Synodus, (y) ipsis in hac sua qualitate, præscribit & iungit; super quo nihilominus eorum conscientiam oneramus.

XII.

Quid agant Promoti ad curam animarum.

Eos vero, qui ad curam animarum jam admoti vel admissi sunt, sollicito & paterno affectu adhortamur, ut videant Ministerium, quod acceperunt a Domino, ut illud impleant; (e) attente, sed timide recogitantes monitum Spiritus Sancti: *Præpara opus tuum, & diligenter exerce agrum tuum;* (u) ne contingat impofterum, quod alias sæpius contigisse non ignoramus, nonnullos nempe Sacerdotes, qui initio laudabiliter Pastoris, Vicarii, aut Confessarii munus susceperant, eoque cum fructu plurimo & ædificatione perfuncti fuerant, post tempus aliquod omni studiorum & morum neglecta cura, pristinam moralis Theologiæ scientiam, & conversationis honestatem amisisse; adeo, ut qui positi erant in resurrectionem multo-

rum in Israël; (x) facti sint illis in ruinam, in lapidem offensionis, & petram scandali. (y) Ut igitur, quisquis cum zelo & laude se sacro Ministerio impenderit, in illo pariter usque in finem perseveret, audiatur & sequatur S. Gregorii monitum: "Nescit mens per torporem veterasce-
" re, quæ studet per desiderium sem-
" per inchoare: hinc Psalmista, qui ad
" perfectionis culmen jam pervenerat,
" quasi inchoans dicebat: Ego dixi,
" nunc cepti: quia videlicet, si lasces-
" sere ab inchoatis bonis nolumus, val-
" de necesse est, ut inchoare nos quo-
" tidie credamus." (z)

XIII.

Quales ad Statum Clericalem assumendi.

Denique cum Tridentina Synodus neminem, nisi prævia exactaque de vita & moribus inquisitione, & præmissis super ejus doctrina examine, ordinari voluerit, uti plurimis Capitibus Sess. 23. de Reformatione. & signanter Cap. 12, expresse declarat, (a) monendo "Epi-
" scopos, non singulos in competenti
" ætate constitutos debere ad Ordines
" assumi, sed dignos dumtaxat & quo-
" rum probata vita senectus sit; ne vi-
" delicet, si manus cito cuipiam im-
" posuerint, communicent peccatis alie-
" nis. (b) se involvendo peccatis eorum,
" quibus peccandi materiam tradunt;" (c) non tantum proponimus, eos solum cum accurato delectu militiæ Clericali adscribere, a quibus merito expectare debemus, fore, ut Diocesi nostræ spiritualem afferant utilitatem: Sed insuper declaramus, eos neminem in inferiori aliquo gradu, seu Ordine constitutum, promoturos ad sublimiorem, nisi Nobis certo constiterit, an talis fuerit eorum vivendi ratio, & in sacris scientiis, studiisque progressus, ut vere digni iudicandi sint, quibus dicatur, *ascende superius:* Cum alioquin expediat pauciores habere Ministros, sed probos, idoneos, dignosque vocatione

(g) Ritual. Rom.

Syn. l. 4. c. 7. 8.

(x) Lucæ 2. 34.

(a) Trid. loco cit. Item Sess. 23. c. 16. de Reformatione.

(c) S. Chrysost.

(r) Ex S. Greg. Pastoral. p. 1. c. 1.

(e) Coloss. 4. 17.

(y) 1. Pet. 2. 8.

(z) Trid. sup. Ben. 14. de

(u) Prov. 24. 27.

(z) L. 22. Moral. c. 20.

(b) 1. Tim. 5. 22.

tione sua; aut certe, in inferiori potius aliquos remanere gradu, quam cum suo majori periculo & aliorum scandalo, provehi ad altiores; a quo animi nostri proposito, non patiemur, Deo juvante, Nos abduci humano ullo respectu, ullis ambientium suggestionibus, ullis fautorum precibus.

In eum finem sedulo advertant, curentque omnes & singuli Diecefis nostræ subditi, qui in Seminario nostro, vel Universitatibus sacros Ordines, aut Statum Ecclesiasticum assumere meditantur, ut eam scientiam, vitæque & morum integritatem cum Dei auxilio sibi comparare studeant, quam in Ecclesiæ Ministris, Scriptura sacra, Concilia & Patres requirunt; ne alias eos ab ordinatione excludere cogamur, aut status Clericalis ingressum ipsis interdiceret.

Quod he fieri debeat ut ex parte nostra prospiciamus, saltem quantum ad Clericos, & Candidatos Seminarii nostri Episcopalis, eos imposterum bis in anno (præterquam dum sese ad Ordines suscipiendos præsentabunt) per Nos ipsos, una cum DD. Examinatoribus, circa S. Scripturæ & Theologiæ studium examinabimus, ut eo certius de continuo eorum progressu constare Nobis valeat; ne alias occasionem demus, ut, dum tempus inutiliter terunt, nostræ expectationi, aut etiam Fundatorum intentioni illudent. Primum illud examen instituemus circa festum Natalis Domini; alterum vero ad finem mensis Augusti.

Quoad mores autem & profectum in status Clericalis perfectione, requiremus & sequemur D. Præsidis testimonium.

Nulli etiam liceat (quod & sub pœna perpetuæ rejectionis ab Ecclesiastico statu prohibemus) Clericalem habitum assumere & deferre, etiam finito Philosophiæ cursu, nisi prævie Nobis exhibuerit literas testimoniales vitæ, morum, studiorumque progressus; & ad hoc a Nobis veniam in scriptis obtinuerit.

XIV.

De admittendis ad Tonsuram, & habitum Clericalem.

Ad Tonsuram vero, nemo sese offerat, nullumque admittemus, ante ætatis decimum quartum annum, & qui 1. debite doceat de Natalibus, Baptismo, ætate; (d) ac insuper Pastoris, vel alterius fide digni testimonio, de Confirmatione suscepta. 2. Qui ostendat se fidei rudimenta sufficienter edoctum esse, & probabilem conjecturam præbeat se hoc vitæ genus elegisse, ut in illo, renuntiatis sæculi negotiis, specialiter sese Deo consecret, & in utilem Ecclesiæ Ministrum evadat; non vero, ut hoc medio in omnem, ut ajunt, eventum, se habilem reddat ad Beneficia & Præbendas, quas hinc inde ab amicis & fautoribus aucupetur, sine ullo interim vitæ Clericalis proposito, aut aliquo vocationis ad statum Ecclesiasticum verisimili indicio. 3. Quem admodum a tonsurandis queri volebat S. Carolus Borromeus, a quo Sacerdote sanctioris vitæ Magistro instituti essent ad vitæ Clericalis modum; ita nos ab iisdem ad minus exigemus, ut per diem saltem vel alterum, cum pio & discreto Sacerdote, & quantum fieri poterit cum proprio Pastore, de proposito suo egerint, qui eorum vocationem & dispositionem serio examinaverit, eisque vitæ Clericalis sanctitatem, puritatem atque illius a laicali differentiam ostenderit; quique demum horum omnium Nobis per testimoniales suas fidem faciat.

Ad hoc rogamus & obtestamur omnes, ad quos spectat, testimoniales tonsurandis, ordinandis, aut ad Seminarium vel habitum Ecclesiasticum admittendis conscribere, ne favorabilibus his attestacionibus, quæ persæpe non nisi plañe rudibus & immorigeris denegantur, tales Nobis obrudant, quos commendasse aut promovisse, & Nos & illos pœnitere debeat.

XV.

Quomodo se præparent ad Ss. Ordines.

Præterea injungimus, ut qui se imposterum ad Ordines offerent, Fff f 3 prævie

prævie secessum spirituales octo vel decem dierum instituunt (de quo Superiores Nobis fidem facient) ubi sub periti Sacerdotis directione, se pie exerceant, & ad Ordinem & munus, quod suscepturi sunt, se digne disponant. Præcipue vero tunc examinent & examinari curent vocationem suam; utpote sine qua nemo, vel aptissimus, se Ordinibus ingerere nisi sacrilega & irreparabili propemodum temeritate potest.

Denique, cum summe referat ad Dei gloriam, Ecclesiæ Matris nostræ utilitatem & animarum salutem, ut nonnisi digni ad sacros Ordines promoveantur, mediaque omnia in finem tam salutarem adhiberi debeant; requiramus, ut Concionatores, Pastores vero præcipue, circa ordinationis tempora sæpius e suggestu populum moneant, ut piis & sanctis precationibus, solemnibusque jejuniis, ex vetustissimo Ecclesiæ Catholicæ more institutis, eos sacrarum rerum Ministros a Deo impetrare satagant, qui ad tanti ministerii potestatem recte & cum Ecclesiæ utilitate gerendam, aptiores esse videantur. (e)

XVI.

Ingressus tabernarum prohibetur sub pena suspensionis.

Et quia ex *tabernarum accessu*, qui cæteroqui multorum vitiorum fons vel occasio esse solet, plurimum vilescit Ecclesiastici status & ministerii dignitas, quam indecoram consuetudinem propterea quovis tempore Ecclesiæ Ministris suis severe interdictam voluit, prohibendo, "ne quis *edendi* vel *bibendi causa* tabernas ingrediatur, nisi peregrinationis aut alia necessitatis causa compulsus; (f) quo quidem casu, nonnisi modicæ refectionis gratia illas accedere liceat, ut peregrinantes decet." (g) Ut proinde Ecclesiæ menti nos conformemus, omnemque abusum, scandalum, aut illius occasionem penitus & pro semper, ut decet, e Diœcesi nostra elimi-

nemus; non solum, quæ Prædecessores nostri in eum finem ordinarunt, (b) hic speciatim & expresse innovamus, ac pro insertis haberi volumus; sed insuper statuimus & prohibemus Clericis omnibus tam Sæcularibus, quam Regularibus, sub pena suspensionis ipso facto Nobis reservatæ, ne, sive in loco suæ residentię, sive extra illum quacunque ratione aut prætextu, excepto peregrinationis aut hospitii causa, popinas, tabernas, hospitia, aut domos id genus alias, ubi potus aliquis venalis exponitur (sub quibus etiam comprehendimus, quæ vulgo *Cassé bryssen* nuncupari solent) audeant accedere ad potandum, prandendum, cœnandum vel ludendum, aut ex illis potum venalem sibi afferri faciant in atria, hortos, plateas, aliave loca quomodocumque ad præfatas domos spectantia, illisve adjacentia.

Si quis vero hic aliquid in fraudem hujus nostræ Ordinationis, aut ad illudendam penam illi annexam, præsumpserit attentare, sciat esse intentionem nostram, ut eidem penæ subiaceat, etiam si locus, ad quem eo fine vel prætextu expresse se receperit, ab ejus residentia remotissime distaverit.

Declaramus tamen sub præfata prohibitionem & suspensionis pœna comprehendendi non debere, qui in Parochis & Pagis ruralibus bona fide invitati, tabernam intrant, ut apud propinquum, honestum Parochianum, aut amicum, tabernarium, ad refectionem aliquam vel hospitium gratis admittantur. Eandem exceptionem extendimus ad Pastores, & Decanos, qui ex officio, commissione, aut consuetudine interfunt, aut interesse debent redditioni computum fabricæ, mensæ pauperum, aut aliarum piarum foundationum, quæ in tabernis fieri solet; prout etiam ad eos Pastores, qui a Decimatoribus Ecclesiasticis, seu eorum Deputatis, occasione elocationis declamarum, urbanitatis gratia invitantur, ut potum, cibumve in taberna sumant: quod etiam locum habebit respectu Deservitorum & Vicariorum.

XVII.

[e] Catech. Trid. de sac. Ord. n. 54.

[f] Conc. Later. 4. c. 16. Prov. Mech. 2. t. 18. c. 6.

[g] Syn. Ipr. sub Rith. t. 3. c. 1. sub Mas. t. 17. c. 13.

[h] Guilliel. Delvaux Dec. A. 1. & alii sup.

XVII.

*Corripiuntur computationes pomeridiana
& commessationes.*

Quoad computationes vero pomeridianas, quæ in privatis ædibus sive intra, sive extra civitatem, aut residentiarum locum, fieri consueverunt, eas quoque, quantum fieri potest, omnes Viri Ecclesiastici studiosè fugiant & declinent; præsertim, ubi vel minimum intemperantiæ scandalive periculum, quod semper & ubique a personis Deo sacris maxime devitari debet, timendum foret. Si quis nihilominus seu Sæcularis, seu Regularis, consueque sui oblivisceretur, ut quacumque occasione scandalosum, aut alias notabilem in potu excessum committere eum non puduerit; sciat, ubi id primum Nobis innouerit, se gravi poena multandum, etiam cum revocatione facultatum confessiones audiendi & prædicandi, si quam a Nobis antea obtinuerit: "Ebrietas si quidem, in aliis crimen est; in Sacerdotibus, sacrilegium: alii quippe vino animam suam necant; at Sacerdotes, Spiritum sanctitatis extinguunt; (i) si igitur ebrietas cuique Christiano dedecus est, quanto magis Sacerdotibus." (k)

Verum, quemadmodum in potu, sic etiam in cibo cuilibet Viro Ecclesiastico intemperantia omnis vitanda est, ejusque fugiendæ occasiones, quæ nedom in tabernis & computationibus, sed & in conviviis ac commessationibus frequentiores esse solent & periculosiores; idcirco varia Concilia (l) statuerunt, ut Clerici, in quocumque gradu constituti, Laicorum convivia, & nimiam eorum familiaritatem, unde Clericorum vilescentia, aut thoritas, declinare & fugere deberent. Ut igitur etiam in hac parte omnes & singuli, quæ status sui sunt & conditionis, eo majori ædificatione adimpleant in posterum, conformiter ad intentionem Ecclesiæ, & prout Nos ipsi summopere desideramus; commendamus illis, ut curent imitari, quod

olim S. Hieronymus monuit scribens ad Nepotianum; "Convivia tibi vitanda sunt Sæcularium: Consolutores populus nos in meroribus suis, quam convivas in prosperis noverint. Facile contemnitur Clericus, qui sæpe vocatus ad prandium, non recusat. Numquam petentes, raro accipiamus rogati: Beatius enim est, magis dare, quam accipere. Nescio enim, quomodo etiam ipse, qui deprecatur ut tribuat, cum acceperis, vilior te judicat; & mirum in modum, si eum rogantem contempleris, plus te posterius veneratur." (m)

XVIII.

Quid agant Clerici in diebus Bacchanalium.

Quod si omnes Dei Ministri quovis tempore in computationibus & conviviis rariores esse debeant, quo studio ea penitus non effugiant illis diebus, quibus "ad imperanda Divina auxilia contra Bacchanalium abusus, (n) & ne fideles tempore tentationis a via Domini recedant, (o) ipsi inter Vestibulum & Altare plorare debent, & intercedere, prout Deus & Ecclesia ab illis requirit?"

Cum autem ejusmodi abusus, ac omnis generis insolentiæ, quæ ab omnibus Christianis, quantum magis a Viris Deo sacris, detestari & abhorreretur debent, in ipso triduo Antecinerali audacius committi soleant, idque non sine scandalo illorum, qui ex adverso sunt; (p) omnes Clericos & Sacerdotes serio monemus & adhortamur, non tantum ut toto præfato triduo a conviviis & solutiori consortio Laicorum abstineant, caveantque, ne exinceps stantes in plateis, in januis, vel per fenestras in propriis vel alienis ædibus, larvatos & histriones respiciant, aut, ut se in illis, eorumve excessibus oblectentur, quomodocumque convenient; (super quo Regularium Superiores suis subditis invigilabunt) sed etiam eosdem omnes oramus & obsecramur, quatenus totis illis diebus sic animo & corpore separati

[i] S. Pet. Chrysolog. Serm. 16.

[k] Concil. Aquisgran. A. 836.

[l] Aquileiense Cap. de vita & bon. Cler. Ravennat. 3. &c.

[m] S. Hier. Ep. ad Nepot.

[n] Clem. XIII. in Brev. 23. Jul. 1765.

[o] Ezech. 8. 10.

[p] Tit. 2. 8.

rati & reollecti permaneant, ut non nisi in Ecclesiis, aut in via ad illas, in publico appareant; idque præcipue, ut Divinis Officiis religiose assistant, & nominatim *Precibus 40. horarum cum Indulgentia plenaria*, quas conformiter ad intentionem & desiderium Summorum Pontificum, hic primum pro Ecclesia Cathedrali nostra publicari fecimus, & deinceps successive, ad requisitionem DD. Pastorum, in Ecclesiis Parochialibus Diocesis nostræ permisimus institui.

XIX.

Vestes Clericales semper deferendæ.

Aliud dedecus, quod hic caveri volumus, est, ne Clerici " propriam dignitatem & honorem parvipendentes, vestes deferant publice " laicales, pedes in diversis ponentes, " unum in Divinis, alterum in carnalibus; cum tamen oporteat eos vestes proprio congruentes Ordini semper deferre, ut per decentiam habitus extrinseci, morum honestatem " intrinsecam ostendant: " (g) Quem Religionis contemptum, quia Tridentina Synodus voluit, ut Episcopi etiam per censuras Ecclesiasticas comprimerent & exterminarent, districte præcipimus, ut omnes & singuli sacris Ordinibus initiati, aut Beneficium Ecclesiasticum obinentes, in civitatibus vel oppidis suarum residendarum incedant semper induti toga talari, seu subtanea veste, quæ ad talos defluat; quæ nempe Clericalis modestiæ, gravitatis, continentiæ, totiusque perfectionis, quam imitari & præ se ferre debent, assidue commoneantur.

Pastores vero & Vicarii, aliique Clerici ruri commorantes, vel in itinere constituti, si prærequisita veste talari sine vero incommodo indui nequeant, habeant saltem vestes oblongiores decentis coloris, vulgari & simplici modo confectas, angustiores habentes manicas, ad normam fere subtaneæ vestis, in qua nec sacci exterius appareant; ita ut omni tempore & loco status eorum cunctis innotescat; ostendantque se etiam quærere in habitu honestam

decentiam, non sæcularem levitatem, cui dum primum Clericali militiæ nomen dederunt, solemniter renuntiaverunt. (r)

XX.

Vestis talaris adhibenda in functionibus sacris sub pena suspensionis.

Cum tamen Pastores, aliique Sacerdotes & Clerici dum ubicumque Sacris operantur seu celebrando, seu concionando, seu Sacramenta administrando, aliasve Ecclesiæ functiones obeundo, singulari decentia & gravitate incedere debeant; nec tantum sibi ipsis auctoritatem conciliare, sed & in adstanti populo, qui rebus exterioribus maxime moveatur, majorem quam possunt erga Divina Mysteria excitare reverentiam; idcirco, mandamus *sub pena suspensionis ipso facto Nobis reservatæ*, ut in omnibus & singulis præfatis functionibus, dum intra Ecclesiæ septa, obiri debent, etiam ruri, subtaneam aut talarem vestem adhibeant: Prohibentes etiam Custodibus, Sacristis, aliisque omnibus, ad quos spectare poterit, ne quemcumque Sacerdotem, licet advenam vel extraneum, ad Sacrum celebrandum admittant, nisi veste talari indutum. Et ne quis ignorantiam ullam hic prætexere valeat, injungimus hanc nostram Ordinationem in omnibus Sacristiis affigi, affixamque manere, etiam apud Regulares: *Nemini igitur dantes ullam offensionem, in omnibus exhibeamus nosmetipsos sicut Dei Ministros.* (s)

XXI.

De pia & ordinata Divini Officii recitatione.

Quod si nos tales exhibere debeamus in omnibus, nulli dubium esse potest, quin ad id etiam teneamur modo præcipuo, dum pro Christo, ejusque Ecclesiæ legatione fungimur (t) ad Deum, Divinum Officium etiam privatim recitantes; adeoque summi momenti esse, ut sollemnis ille Orationis ritus, summa ratione ab Ecclesia præscriptus, & sapientia dispositus, a Sacerdotibus, aliisque personis Deo

[g] Trid. Sess. 14. c. 6. de Ref. c. 3. & 4.

[r] RR. D. Delvaux A. 1. post Statut. sub Mas. t. 17.

[s] Ibid. §. 20.

Deo dicatis, eo quo deest modo perfolvatur, *digne* nimirum, *attente* & *devote*; servatisque sacris ritibus & cæremoniis, quas Ecclesia ad hoc instituit, & ab omnibus religiose servari districtè præcepit.

Et quia æquum est, ut membra capiti suo se conforment, oporteatque, ut quoad ritus & cæremonias ab Ecclesia præscriptas, & a Matrice Ecclesia receptas & usitatas, ab inferioribus Ecclesiis & illorum suppositis, servetur perfecta uniformitas; requirimus conformiter ad Statuta Synodalia, (u) ut etiam *Pastores* & *Vicarii Regulares*, quamdiu Pastoralis munere defunguntur in Dicecesi nostra, proprium Breviarium relinquunt, & Dicecesanum assumant, illudque in omnibus sequantur juxta Directorium hujusdem Dicecesis. Idem observent cum proportionem, circa usum & ritum Missalis Romani, si qui forte etiam in hac parte diffformes fuerint; quæ omnia præsertim in Officiis publicis servare debebunt.

XXII.

Commendatur Exercitium Orationis mentalis.

Quantopere autem conferat ad piam Divini Officii recitationem, mentalis Orationis exercitium, "quo" veluti cælesti cibo anima impinguatur, Spiritui Sancto conjungitur & "ad Deum intime loquitur" (x) optime sensu piissimus Prædecessor noster GEORGIUS CHAMBERLAIN, dum ejus neglectui aut ignorantie adscribebat intolerabilem illam irreverentiam, quam tam perfunctorie & oscitanter a multis Divinum Officium percurritur.

At quoniam mentalis Orationis seu *Meditationis* hic mentio incidit, quæ si vel sola dicta ratione Viri Ecclesiastici familiaris & commendata esse debeat; quanto majori studio illi incumbendum erit, si sine illo vix quisquam pertingere possit ad veræ solidæque pietatis metam, ad quam tamen consecrandam Sacerdotes omnes, cæterosque Ministeriis Ecclesiasticis addictos,

speciatim obligari indubitatum est? Quid vero, si Ecclesiæ Ministri, utpote Duces populi & Præceptores a Deo constituti, fideles curæ suæ commissos, ad Divina meditanda & docere & exhortari debeant? (y)

Ne igitur *desolatione* *desoletur* *omnis terra*, quia nullus est, qui *recogitat corde*, (z) dum etiam tot Titulis omnes Viri Ecclesiastici huic medio salutis & perfectionis obstringuntur; eos per sanctitatem status & ministerii sui obtestantur, non tantum, ut singulis diebus salutari illi exercitio certam horam habeant assignatam, piæque meditationi dent operam; sed insuper, ut scientiam & methodum meditandi ipsi perfecte calleant, eam populo sæpe exponant & doceant, omnesque Christi fideles ad illius praxim excitent & adhortentur; proponentes non tantum copiosos & mirabiles fructus, quos quotidiana meditatio sui cultoribus afferre solet; sed etiam multiplices Indulgentias, quas ad studium usumque frequentiore mentis Orationis promovendum, Summi Pontifices, & nominatim BENEDICTUS XIV. iisdem concesserunt.

XXIII.

Varia & gravissima Pastorum obligationes.

Neque hæc unica est Pastorum obligatio, circa quam hic eos speciatim monere proponimus: tot enim, tantæque sunt gliz, ut onus eorum & officium, merito "quasi ipsis Angelicis" humeris formidandum considerari "debeat." (a)

Eas gravissimas obligationes summatim exponit, urgetque sacra Tridentina Synodus *Sess. 23. C. 1. de Reform.* ubi docet, "Præcepto Divino mandatum" esse, omnibus quibus animarum cura commissa est, oves suas cognoscere; pro his Sacrificium offerre; verbi bique Divini prædicatione, Sacramentorum administratione, ac bonorum omnium operum exemplo pascere; pauperum, aliarumque misera-

fera-

(u) Sub RR. Mac. T. 5. c. 1.

(x) Bened. XIV. in Brevi 16. Decemb. 1746.

(y) Id. Bened. XIV. sup.

(z) Jerem. 12. 11.

(a) Trid. Sess. 6. c. 1. de Ref.

Tornus X. Concilior. German.

Ggg g

"serabilium personarum curam pater-
"nam gerere; & in cætera munia Pa-
"storalia incumbere."

Verum, quemadmodum hæc omnia diligenter & assidue ab omnibus Pastoribus adimplenda sunt; ita quoque muneris nostri est, solícite invigilare & singulos exhortari, "ut Divinorum præceptorum memores, factique forma gregis, in iudicio & veritate pascant." Quocirca requirimus & injungimus, ut sæpius relegant & præ oculis habeant, quæ circa hæc munia & obligationes, sive in Statutis & Prædecessorum nostrorum Ordinationibus, sive in Conciliis nostris Provincialibus; sive denique in ipsa Tridentina Synodo latius præscribuntur. Monemus eos præterea, ut serio reflectant ad *juramentum*, quod in ipsa Pastoralis curæ possessione emisérunt; in quo, præter "obedientiam, reverentiamque Summo Pontifici Romano, ac Nobis, nostrisque Successoribus" debitam, jurarunt & promiserunt "non solum suæ Ecclesiæ Parochiali fideliter deservire, secundum oneris illi annexi exigentiam; sed etiam in ea personaliter residere." Et merito; cum nequaquam cætera omnia ab iis præstari & impleri possint, qui gregi suo non invigilant, neque assunt, sed mercenariorum more deserunt."

(b)

XXIV.

*Pastores tenentur residere sub gravi
pena.*

Qua de causa, & ut præfata fideliori observantia executioni mandentur, tollanturque graves illi & periculosi abusus, qui contra strictissimam continuo & personaliter residenti Pastorum obligationem, a nonnullis committi possent; innovamus, & sub iisdem pœnis, quæ in hunc finem ordinavit & disposuit Prædecessor noster RR. D. GUILLIELMUS DELVAULX in suo Decreto A. 3. ulterius declarantes, sub dierum numero, ultra quos sine venia abesse non permittitur, comprehendere debere diem exitus & reditus.

Eandem Ordinationem & pœnam extendimus etiam ad *Deservitores* tam temporarios, quam perpetuos: Item ad Sacerdotes, qui Sacellis succursalibus præficiuntur; quos præterea, dum abesse debuerint, ultra licentiam, quam Decani hic concedere permittuntur, etiam consensum proprii Pastoris habere volumus.

Quoad cæteros Vicarios seu Sacellanos, qui ad subserviendum Pastoribus in eorum functionibus & officiis admissi sunt, eos ultra tres dies continuos a Parochia abesse non permittimus, nisi de licentia Decani & Pastoris sui; sed neque vel ad unum diem, nisi Pastore expresse præmonito & consentiente; ut hac ratione, debita servetur subordinatio, & utriusque simul præcaveatur absentia. (c) Quotiescumque vero etiam breviori tempore, Vicarii domo vel Parochia abesse debuerint, de eo saltem domesticos moneant, eosque informant, ubi pro casus exigentia adiri & inveniri possint. Idem, & potiori ratione, Pastoribus injungitur per Statuta Synodalia; (d) quod proinde tam ab his, quam ab illis intendimus exacte observari in posterum.

Caveant autem Decani, ne Pastorum suorum & Vicariorum absentia consentiant, nisi ex justa & rationabili causa, & absque ullo gregis detrimento; in quo eorum conscientiam oneramus, quam speramus religiosam & timoratum fore; cum Deo corda pateant, cujus opus non fraudulentè agere suo periculo tenentur.

Et ne Pastores aliqui aut Vicarii perverse arbitrentur, quasi pro libitu sibi licere, infra dies, pro quorum absentia Decanum adire debent, a Parochia sua abesse; mandamus Decanis, ut si quem hac in re defectuosum deprehenderint, statim eum moneant & corripiant; ubi vero non obediverit, ad Nos deferant.

Pastores vero Rurales, præcipue qui Vicarii seu Sacellani ope destituuntur, rogamus & obsecramus per suam suarumque ovium salutem, ut a frequenti excursione a Parochiis suis abstineant, *vigilantes & custodientes vigilas noctis,*

(b) Trid. sup.

(c) Stat. sub Georg. an. 1631. A. 1.

(d) Sub Mal. T. 8. c. 5.

noctis, dieique super gregem suum. (e) Numquam a mane ad vespem, vel etiam notabili solum diei parte egrediantur, nisi præmonuerint Pastorem aut Vicarium vicinum; aut aliunde certi sint hunc vel illum, casu necessitatis ingruente, vocari & adesse paratum fore: pernoctare autem extra Parochiam, non substituto alio idoneo Sacerdote, sub gravi pœna interdicimus & prohibemus.

XXV.

Ovium cognitio Pastoribus mandatur.

Ex præcætitis Synodi Tridentinæ verbis (f) statim apparet, hanc personalem Pastorum residentiam, primum & præcipue ordinari tam ad generalem, quam specialem ovium suarum cognitionem; utpote, quæ merito reliquorum actuum Pastoris principium sit, & appellari debeat: Quæ cognitio cum multa exigit, nec sine magna vigilantia haberi possit, eo magis Pastores ad omnem curam & diligentiam excitare debet, ut in ea comparanda & exercenda, præcepto Divino in omnibus satisfaciant.

Quod quidem ut fidelius & exactiori modo exequantur, suademus, & exigimus, prout etiam tam nostræ, (g) quam aliarum Diœcesium Statuta, post Rituale Romanum, passim requirunt, ut habeant *Librum status animarum*, in quo singulas familias suæ Parochiæ, cum omnibus qui in ea vivunt, illorumque ætatem & qualitates diligenter conscribant; annotentque, qui ad primam Communionem apti; qui ad Confirmationem; qui ad Scholam catechisticam &c.

Hunc autem librum, quem si non singulis annis, saltem omni triennio renovoent, sæpius evolvant Pastores, ut particularius in singulorum mores & necessitates intendere valeant; & videant, quid cuique opus sit, qui vino, qui oleo indigeant; qui lacte, qui solido cibo: ut tamquam fideles Dispensatores & Oeconomi summi Patrifamilias, unicuique provideant proportio-

natam mensuram solitudinis; hincque simul serio recogitent, quantum oneris sibi sit impositum, & quot oves & agnos aliquando de manu eorum requisituros sit Deus, "apud quem non poterit iusta esse Pastoris excusatio, si lupus oves comedit & Pastor nescit:" (h) Ea enim, quæ quis "ex officio indagare tenetur, scire, & scire debere, facileque posse, pro eodem habentur." (i)

Præter hunc librum, aliosque necessarios ex officio, omnes & singuli Pastores habeant *Registrum particulare*, in quo suæ Ecclesiæ monumenta, onera, redditus, fundationes &c. ad futuram horum memoriam, & Successorum suorum regulam & commodum, fideliter annotent & conservent. Curent autem, ut Libri & Registra quæcumque, nitido & legibili charactere describantur; qua de re Decani in sua visitatione diligenter inquireant, & Nobis rationem reddant.

XXVI.

Contra libros noxios invigilandum.

Ad ovium cognitionem, seu gravissimam illam Pastorum obligationem invigilandi suis subditis, merito reducimus ea, quæ tum quoad extraneos, vagabundos aut quoquo modo suspectos; tum quoad plura alia, quæ pro fidei & religionis integritate facta recta servanda, tam Principum nostrorum Edicta, quam Provinciales & Diœcesanæ Constitutiones injungunt, & observari mandant; utpote, quorum executioni Pastores præ cæteris Nobiscum incumbere & allaborare debent: In iis vero præcipue, quæ contra librorum noxiorum impressionem, invectionem, venditionem, aut distributionem, adeo pie & provide ordinata sunt; sed quo nihil æquius, nihil etiam utilius statui potuit & ordinari.

Quid enim tantopere mentes hominum depravat, quam perniciofa illa & intolerabilis quorumvis librorum obscænorum lectio, dum non aliunde facilius perniciosæ doctrinæ venenum bibi-

(e) Lucæ 2. 8.

(f) Sup. A. 23.

(g) Sub Georg. an. 1630. T. 1. A. 3.

(h) Reg. jur. 10. 5. Decret. L.

(i) Can. fin. Dist. 37.

Tomus X. Concilior. German.

bibitur, nec altius subit incautorum animos; eo vel maxime, quod non aperte, sed miro cum artificio, & sub obscuris quibusdam ambagibus propinari soleat; ubi inter optimarum sententiarum gemmas, noxius, quamvis latens, & maligna manu temperatus, pulvis inspergitur, ad lentam, eoque interdum certiozem legentium perniciem aut infectionem?

Sed quid non sentiendum, de tot aliis infamibus libellis, quos quaquaversum, sed impune spargi audimus, qui etiam ipsam fidem & Ecclesiam manifeste imperunt; Sanctissima Religionis principia & fundamenta subvertere nituntur; aut quidquid ad Dei cultum ejusque adoranda Mysteria spectat, sacrilega, inani licet, audacia rident, & oppugnant? Quæ, quantaque inde Ecclesiæ vulnera, quanta morum perverfio oriri debeant, quid non videt?

XXVII.

Hic observandæ Ecclesiasticæ & Principum Ordinationes.

U^t igitur malo tam exitiali modis omnibus & quantum possumus occurramus; præter Pastores, hortamur etiam Librorum Censores, Prætores seu Baillivos & Magistratus, ut quæ tam Sæculari, quam Ecclesiastica potestate (k) illis hic respectu injunguntur, fideliter observent, & ab omnibus, ad quos spectat, observari faciant.

1. Videlicet, ut Typographi, Bibliopolæ & Librarii in manibus Ordinarii, aut ab eo ad hoc deputandi, Professionem fidei emittant; & insuper præstent juramentum de non invehendis, distrahendis, aut etiam compingendis libris prohibitis. (l)

2. Ut nemo præter Typographos, Bibliopolas & Librarios juratos, ullos libros excudere aut venales exponere præsumat; neque ipsis liceat vel alios libros imprimere, quam qui ab Ordinario, vel ab aliquo approbato Censore visi sint & approbati, sub pœnis

pro qualitate & circumstantiis facti infligendis. (m)

3. Ut libri domorum mortuaria- rum non distrahantur, nisi ab approbato Censore, vel alio ab Ordinario ad id deputato, visitati & vendi permissi fuerint. (n)

4. Ut ludi theatrales, actiones mimorum & histrionum, quæ vulgo *Kammer-spielen* vocantur; item cantilenæ aut rythmi, deinceps non permittantur, circumferantur, aut publice decantentur, nisi pariter visitati & approbati fuerint; (o) ad quorum visitationem & approbationem etiam Decanos Christianitatis committimus & deputamus.

XXVIII.

De dierum Dominicorum & Festorum religiofa observantia.

A^lterum, quod summopere tam ipsius Religionis incremento, quam Fidelium salutis promovendæ inservire debet, ac ejus proinde curam item Pastoribus singularius commendari oportet, est certe *Dominicorum & Festorum dierum* debita observantia.

Cum igitur non sine acerbo dolore ex multorum relatu audiverimus, ac etiam nostris oculis coram intueamur, sacros illos dies, qui Divino cultui, sanctisque Officiis dedicati sunt, non modo, ut oportet, in Dicecesi nostra non coli; sed quod gravius est, hinc inde impune violari commestationibus, ebrietatibus, operibus servilibus, commerciiis, aliisque actionibus a sacro cultu & Christianæ pietatis studio prorsus alienis: ita ut dies illi, quos tum ad recolenda Dei beneficia, tum ad honorem debitum Sanctis tribuendum, eorumque imitationem excitandam, Fideles omnes quam diligentissime impendere deberent, hoc tempore instituti videri possint, ad Divinam Majestatem magis irritandam; atque hoc nomine vel ab ipsis Acatholicis vicinis nostris, hac in parte Dominici præcepti observantioribus, Ecclesiæ *Sabbata* derideantur: (p) Monemus & requiri-

mus

(k) Syn. Prov. II. T. I. C. 3. 4. 5. 6. 9. Edict. ad eam. Syn. Stat. Dicec. sub Georg. an. 1629. T. I. A. II. (l) Edict. ad Synod. sup. A. 2. & 3. (m) Eod. Edict. A. 4. & 5.

(n) Ibid. A. 6.

(o) Ibid. A. 7.

(p) Thren. I.

mus Pastores, ut tam gravi abusu tollendo omnem operam impendant; ideoque Fidelibus frequenter inculcent, tum Dei, tum Ecclesiæ præceptorum obligationem; præcipue vero, quomodo dies Dominicos & Festos religiose custodire & sanctificare debeant; eosque hortando, ut diebus illis æterno Creatori ac Domino consecratis, ipsi Deo ac Divinis rebus vacare studeant; Ecclesias diligentius adeant; sacris Officiis & Concionibus frequentius intersint; Sacramentorum participatione se mudent & muniant; atque in aliis Christianæ pietatis operibus versentur & proficiant.

Ut autem quod hic intendimus, id plenius assequamur; dum cæteris qui modis & mediis omnibus caveri debet, ne populus a frequentatione & auditione *Missæ Parochialis, Vesperarum & Prædicationis* verbi Dei umquam abstrahatur; inhibemus, & per eos, ad quos spectat, inhiberi requirimus, conformiter ad Ecclesiæ & Principum intentionem, (q) ne dum Dominicis & Festis diebus hujusmodi Officia Ecclesiæ peraguntur, tabernæ, aut etiam macellum, seu alia loca dividendis carnibus aut mercibus destinata, aperiantur, aut in iis ad potandum, commestandum, aut etiam ad mercatum exercendum aliqui admittantur aut recipiantur; nec non ut eo tempore, prætextu recreationis, ludi pilæ aut globorum instituantur, vel permittantur; aut populo aliqua alia occasio proponatur, ut se a Divino Officio absentet. Substantiones & auctiones publicas fieri illis diebus, prohibemus omnino. Excipimus tamen vendiciones mobilium spectantium ad Ecclesiam, & elocationes terrarum fabricæ aut mensæ pauperum, quas fieri permittimus de consensu Pastorum, modo intra horam alteramve absolvantur.

XXIX.

Quæ opera diebus Dominicis & Festis prohibentur.

Inter opera servilia, hisce diebus prohibita, merito recenseri debent

aurigarum, molitorum, cerevisiæ coctorum, pistorum, & id genus aliorum operæ & professiones; quæ proinde numquam permitti debent, nisi ob notabilem necessitatem, idque extra tempus, quo Parochialia Officia persiciuntur.

Ne vero prætextu necessitatis, tum Dei, tum Ecclesiæ leges passim violentur, atque unicuique liberum sit, eas transgredi, dum pro arbitrio suo & affectu aliqualem necessitatem fingunt; merito hujusmodi necessitatis determinatio non cuiuslibet privati, sed Superiorum arbitrio & iudicio commissa est; ut hi serio consideratis considerandis, judicent, an & quousque in lege dispensandum sit. Consequenter, declaramus hujusmodi cognitionem & dispensationem spectare ad Vicarium aut Officiale nostrum, Christianitatis Decanos, ac etiam ipsum Pastorem loci, præsertim aliis absentibus aut procul degentibus; quem nihilominus, in quantum opus est, ad hoc committimus & autorizamus; salva competentia secularis potestatis in hac parte, ut alias semper, prout juris.

Similem procedendi modum observabunt, dum in Pagis & Parochiis ruralibus dispensandi occasio occurrerit ad fenum aut fructus messis colligendos; cum hac differentia tamen, ut Decani & Pastores in hoc casu minus morosi sint & difficiles ad dispensandum cum suis: "ne occasione momenti pereat commoditas celesti provisioni concessa." (r)

XXX.

Juvenum conventicula exterminanda; & quomodo.

Alter abusus, per quem dies Domini prophanari solent, sunt choreæ, tripudia, saltationes &c.; quæ licet nullibi turpius, majorique cum periculo & scandalo agantur, quam in conventiculis *Juvenum & Puellarum*, quæ diebus Dominicis & Festis, ruri maxime haberi solent, & in multam noctem protrahi, tamen vix umquam adiri possunt, sine multis iisque gravissimis

Ggg g 3

Dei

(q) Syn. Prov. I. Stat. sub Rith, T. 10. C. 7. &c. Edict. Alb. & Isabel. an. 1607.

(r) Lex Constant. L. 2. Cod. de Feriis.

" Dei offensionibus, ob turpes cogitationes, obscena dicta, inhonestas actiones, morum corruptelas, & pecculofas ad omnia opera carnis illecebras illis perpetuo conjunctas;" (g) quæque tamen Babylonico more illis ipsis diebus, qui ad offerendam Deo propitiationis Hostiam, ad orationis adolendum incensum, aliisque Christianæ pietatis officiis incumbendum deputantur, insolentiis celebrari audimus; non obstante, quod nefariæ hujusmodi Satanæ blanditiæ & peccatorum incentiva, jam dudum per utramque Potestatem, Civilem & Ecclesiasticam, sub gravibus pœnis, & iteratis vicibus, damnata fuerint atque proscripta. (h)

Quapropter, ut tam muneri nostro, quam salutis Fidelium etiam hac in parte prospiciamus, ac sacros dies supremi Numinis cultui dicatos ab hujusmodi prophanationibus vindicemus; Pastores & Concionatores omnes hortamur, ut hydram illam verbo Dei, veluti acuto & ancipiti gladio, sociatque zeli & prudentiæ viribus, fortiter invadant, ac quantum in ipsis est, supprimant & extinguant; observantes præterea, quæ tam in Decreto immediati Prædecessoris nostri, (i) quam in Instruptione Confessariorum hujus Diœcesis, (x) pro exterminandis hujusmodi cœtibus, tam Confessariis, quam Pastoribus respective injunguntur.

Cum vero in eundem finem a Principibus nostris, quibuscumque Prætoribus, Præfectis justitiæ, aliisque ad quos spectare poterit Officialibus, mandatum sit, ut jurisdictionis suæ popinas, diebus præsertim Dominicis & Festis, vident, prævaricatorum correctioni, multæ & pœnæ executione intendant; ac omnem opem, quam afferre rogabuntur, Judicibus Ecclesiasticis, eorumque Officialibus præstent quoad violationes, quæ Dominicis Festisque diebus committuntur in casibus, in quibus juxta præcedentia

Regia Edicta, & Mandata, (y) ipsis etiam permiffum fuit per præventionem agere: requirimus & injungimus, ut Pastores præfatos Officiales Regios opportune accedant & moneant, quatenus ex officio allaborent tollendis juvenum conventiculis in popinis, aliisve indecentiis, quibus dies sacri violari solent; ipsosque Ecclesiæ Præsides & Ministros sua autoritate juvent, jubendo populum Sacerdotum & Principum præceptis obtemperare;" (z) ac denique, ut serio recogitent, se Deo in die judicii rationem reddituros de abusus, qui eorum conniventia aut timiditate contigerint.

Parentes quoque, non ignari forte criminum & peccatorum, quibus sese florente ætate in ejusmodi conventibus polluerunt, ne & ipsis exprobrari debeat, *immolaverunt filios suos & filias suas demoniis*, & non Deo: (a) Sæpius moneantur, ut liberos suos ab iniquis illis & lascivis consortiis omni modo deterreant, avocent, eaque prohibeant, & inobedientes pia severitate castigent; proposito sibi exemplo Heli, quem gravissimas, sed meritas, nimis in filios suos lenitatis & indulgentiæ pœnas, luisse legimus. (b)

XXXI.

Quivis alii abusus emendandi cum prudentia.

Ea occasione monemus etiam Pastores, ut si quos alios abusus, aut pravas consuetudines in suas Parochias irrepere, aut irrepsisse deprehenderint, omnem curam diligentiamque adhibeant, ut quantocius emendentur; "ne mala consuetudo, quæ non minus quam perniciofa corruptela vitanda est, nisi citius radicitus evellatur, in privilegiorum jus ab improbis assumatur; & incipiant prævaricationes & variæ præsumptiones celerrime non compressæ, pro legibus venerrari, & privilegiorum more celebrari." (c)

Curent

(g) S. Carol. Conc. Med. III. T. 1.

Aliud dat. ibidem 6. Mart. 1687.

(y) Cit. sup.

(b) 1. Reg. 4.

(z) Carech. Trid. P. 3. de præcep. Decal.

(c) Dist. 8. c. Mala consuetud.

(t) Decret. Reg. dat. Bruxel. 21. Mart. 1682.

(u) Art. 17.

(x) Art. 17.

(a) Pf. 105. 37.

Curent tamen, ut in abusibus huiusmodi vel consuetudinibus reformatis, prudenter & considerate procedant; *ne forte colligentes zizania, eradicent simul cum eis & triticum.* (d) Quare, si reformationem quamdam Pastor instituere meditetur, primum Decanum consulat, aut etiam Pastorum Congregationi casum exponat, ut mutuo consilio, ponderatisque mediis & motivis, res tota felicius peragatur; *Frater enim qui adjuvatur a fratre, quasi civitas firma.* (e) Idem cum proportionem observari desideramus, si Pastor aliquis, piam licet, sed novam quamdam observantiam aut consuetudinem inducere & stabilire voluerit.

At, quemadmodum Pastores fortiter, sed prudenter, allaborare debent, ut pravæ consuetudines e Parochiis suis extirpentur; ita & sedulo curare, ut laudabiles consuetudines, præsertim quæ ab Ecclesia receptæ, diuturnove temporis usu & Superiorum auctoritate probatæ censendæ sunt, religiose & intacte observentur. "Quare, etiam in illis servanda est Divi *Augustini* regula, qui non patitur, ut ab his, quæ longo usu recepta sunt, recedatur, nisi bene perspectum habeatur, quod perturbationem (quæ ex novitate semper sequitur) uberiori fructu compensabit utilitas." (f) De quo Nobis, aut certe Decanis nostris, iudicium reservamus.

XXXII.

Divinum Officium celebrandum cum decencia & majestate.

Quod si in quibuslibet Ecclesiasticæ Reformationis capitibus solite, magnaue animi contentione laborandum sit, ut nihil inordinatum, nihilque integritatis suæ splendori non restitutum remaneat; id maxime locum habere debet, ut Divinis Officiis sacrosancta reddatur Majestas, omnia vivam perfectamque in Deum fidem & charitatem in iis redoleant, quo nempe virtutes illæ in populo excitentur & augeantur. Ideo summo pere commendamus, ut quivis sacro

Ministerio adscriptus, præ cæteris vero Pastores, publicæ Divinorum Officiorum celebrationi non modo convenienter intersint; sed pio etiam devotique animi affectu huic cooperari studeant, efficiantque, ut quidquid ad Religionis cultum pertinet, eo modo, qui Deum & populum maxime deceat, peragatur.

In eum finem, omnes Ecclesiæ Ministri solcite attendant, tum ut in Ecclesia, præcipue sub Divini Officii celebratione, se semper graviter & religiose gerant, moresque compositos & decentes servant; vitantes omnes discursus & excursus, omnem quoque confabulationem, aliamve vel minimam irreverentiam, & adstantium offensivam: tum etiam, "ut omnes quod ore pronuntiant, id jugiter mente pie elevata in Deum, cogitent & petant, distincte & articulate quæ cantant enuntiando; memores, quod parum est labiis Deum honorare, & Divino Officio corporalem præsentiam exhibere, nisi etiam corde & affectu fiat, quod tam a Deo, quam Ecclesia & Fundatoribus principaliter desideratum est; & pietas Ministrorum sanctis desideriis Fundatorum respondeat:" (g) Quæ omnia proinde, & ob prædictas rationes, & a Pastoribus, & ab aliis, ad quos spectat, reflecti & observari debent etiam in solemnibus defunctorum Exequiis & Anniversariis; quæ in quibusdam Ecclesiis tam cursim & tumultuarie, tamque indevote decantari solent, ut ipsi Ministri, non tam animabus in flammis piacularibus detentis, solamen & refrigerium, quam temporale lucrum & questum sibi intendere videantur; idque cum magno scandalo Fidelium, qui vel hinc ab huiusmodi Officiis sibi procurandis vel fundandis retrahuntur: Filiorum *Heli* opprobrium & peccatum hic fugiamus. (h)

XXXIII.

Monendi Fideles, ut Officiis Parochialibus assistant.

"Et quia tam de jure, quam ex Constitutionibus Synodalibus omnes

(d) Matt. 13. 29.

(e) Prov. 18. 19.

(f) RR. D. Rithovius Præf. ad Syn. Ipre.

(g) Stat. sub Rith. T. 10. C. 5.

(h) 1. Reg. 2. 17.

" omnes Christi fideles diebus Dominicis & Festis in sua Parochiali Divino Officio interesse obligantur," (i) & ad Festorum dierum solemnitatem religiose celebrandam, multum confert populi concursus & devotio; quæ quidem Religionis Officia, dum a multis in nostra Diœcesi negligi videmus, eo majori zelo ad ea resumenda & servanda Fideles allicere & incendere debemus: omnibus Prædicatoribus tam secularibus, quam Regularibus commendamus & injungimus (quod nominatim ipsi Pastores, nedum in suis concionibus, sed & in catechismis quoque præstare tenentur) ut populum frequenter instruant de sua erga Parochiales Ecclesias obligatione, eumque ad cultum & frequentationem Officiorum Parochialium serio adhortentur; (k) omnes & singulos monendo, ut caveant notabilem in hac materia negligentiam; utpote, quam a peccato non excusamus, de quo proinde & Confessarii suos penitentes monere debent: tantum abest, ut quis Parochianos ab Ecclesiis aut Officiis Parochialibus ullo prætextu retrahere vel alienare audeat. In Capellis seu Oratoriis privatis, sub Officio Parochiali Missam celebrare; verbum Dei prædicare; aut etiam quovis alio tempore, aquæ benedictionem dare, vel sacram Communionem distribuere, absolute interdiximus. (l)

XXXIV.

Quid hic fecerit & docuerit S. Carolus Borromeus.

Porro, quanti sint fructus, qui ex diligenti piaque Ecclesiæ Parochialis frequentatione; quanta vero ex adverso incommoda, quæ ex ejus neglectu populo obvenire solent, ad longum exponit & enumerat Præclarissimum omnium Episcoporum & Pastorum Exemplar, S. Carolus Borromeus, in literis suis monitorialibus editis in Concilio Provinciali Mediolanensi sexto; ubi tandem " universos & singulos hac sua monitione cohortatur non tantum, ac per viscera misericordiæ JE-
SU CHRISTI obsecrat atque ob-

" testatur (S. Tridentinæ Synodi Decretis, ut ait, & veteri salutarique exemplo adductus) ut saltem Dominicis, aliisque solemnibus Festis diebus ad suam quique Parochialem Ecclesiam conveniant." Sed etiam præoccupat & solvit, quæ in excusationem neglectus hujusmodi assumi posse prævidebat; varia addens pietatis motiva, quæ ad sedulam Parochiæ frequentationem Christi fideles excitare debeant.

Ea de causa, & ut tanti Præsulis securis vestigiis inhaerentes, zelum erga Parochiales Ecclesias per Diœcesim nostram, tam in Pastoribus & Concionatoribus, quam in populo universo amplius promoveamus; prælaudatas literas Sanctissimi hujus S. R. E. Cardinalis in vulgare idioma translata, huic Instructioni Pastoralis annexi curavimus, eamque in omnibus Diœcesis nostræ Parochiis quater in anno, per proprium Pastorem & suggestu populo prælegi & explicari mandamus; videlicet, in Dominica immediate præcedente Adventum; in Dominica Quinquagesimæ; circa Festum Pentecostes; ac demum in Dominica prima Septembris.

XXXV.

Monentur etiam Clerici, ut Officiis Parochialibus frequentent.

Summo Sacro, Vesperis & Laudibus, quæ in Parochialibus Ecclesiis decantari solent, non solum Pastor, Vicarii seu Sacellani, & Custos; sed etiam omnes Sacerdotes & Clerici, alterius Ecclesiæ servitio non impediti nec adscripti, in iis respective Parochiis in quibus commorantur, ad sui & populi ædificationem, diebus Dominicis & Festis, diligenter & religiose in superpelliceo assistant; & in iis decantandis, aliisque obsequiis Ecclesiasticis, quorum ratione sui Ordinis sunt capaces, Pastoribus suis cooperentur. Sacerdotes vero, etiam catechizando & concionando se exercent, ubi a Pastoribus, servatis servandis, ad id fuerint requisiti. (m) Ne quis autem tam iustis desit Religionis Officiis, volumus, ut Pastores præ-

[i] Stat. sub Rich. T. 10. c. 9.

[l] Stat. sup. cit.

[k] Instruct. pro Concion. huj. Diœc. A. 7.

[m] Decret. RR. D. Delvaux A. 5.

fatis omnibus Sacerdotibus & Clericis, qui eorum Parochiam actu inhabitant, aut qui eam imposterum inhabitabunt, hanc nostram intentionem & voluntatem intimare, illiusque executioni invigilare teneantur. Si quos vero inobedientes deprehenderint, hos Decanis denuntiabunt; qui eos, si moniti non respuerint, ad Nos deferent, ut per Nos ipsos corripiantur & emendantur.

XXXVI.

Officia Divina statis horis celebranda.

Denique, ne diligentiori Officiorum Parochialium frequentationi aliquid deesse videatur, in singulis Ecclesiis etiam ruri, Missæ Parochiales, tam *Matutina* ut vocant, quam *Solemnis*, Dominicis Festisque diebus semper fiant certa eademque hora; quam Domini Decani in sua visitatione, pro suis respective Districtibus semel pro semper, de advisamento cujusque Pastoris, figent & determinabunt; aut jam convenienter fixatam & constitutam, observari curabunt. Commendamus Decanis & Pastoribus, ut hic non privato, sed populi commodo intendant; eamque horam statuunt, quam Parochianis tam *æstivo*, quam *hiemali* tempore judicaverint opportuniorem; ac cui exinceps & imposterum omnes, ad quos spectat, se conformare debebunt; quacumque ratione in contrarium non obstante. (n) Curent etiam, ut inter primam & alteram Missam sit sufficiens temporis intervallum, ut qui primæ interfuerunt, domum reversi, mittere possint eos, qui secundam sunt audituri, & remotiores ab Ecclesia, ad eam tempestive accedere queant.

Et quia omni tempore Pastores spirituali subditorum commodo & utilitati intendere debent; præsertim vero, ut sacrosancto Missæ Sacrificio, omnes & singuli interfiant, quo possunt frequentius; Pastor & Vicarius numquam, etiam diebus feriatis, Missam eadem simul hora celebrent; sed diversâ & stabili, de qua inter se conveniant.

XXXVII.

Quæ in Divino Officio coveri debeant.

Cum non ea tantum, quæ ad majorem Divinorum Officiorum decantiam & augmentum spectant, promovere; sed etiam studiose remove debeamus, ea omnia quæ eorum sanctitati quomodocumque adversantur: prohibemus sub arbitraria poena omnibus Pastoribus, aliisque quibuscumque Sacerdotibus, ne aves fictitias, seu, ut vulgo vocari solent, *Pfittacos*, quorum ejaculatio per certas confraternitates fieri solet, prius ad Ecclesiam deferri, & sub Missæ Sacrificio in Altari deponi patiantur; aut Missa finita, quacumque benedictionem illis impertiri audeant; neve post factam ejaculationem, Hymnum *Tu Deum*, aliasve Ecclesiæ Orationes in gratiarum actionem decantent; prout, non sine indignatione, in nonnullis Parochiis fieri consuevisse audivimus. Ejusmodi autem ejaculationi interesse, primam sagittam emittere, Confraternitates ante vel post per plateas, aut vias publicas incedentes, comitari, etiam præposituræ titulo, omnibus Clericis & Sacerdotibus tam Regularibus, quam Sæcularibus absolute interdiciamus. Insuper prohibemus, ne prætextu vel occasione hujusmodi dierum lætitiæ, ullum Divinum Officium omittatur in Parochiali Ecclesia, aut ad horas non solitas transponatur. Toleretur nihilominus, ut a meridie *Vesperæ* & *Laudes* una hora citius decantentur, si Pastores, ad alia incommoda vitanda, sic expedire judicaverint.

XXXVIII.

Pastores tenentur offerre Missæ Sacrificium pro Ovis.

Quoad alteram Pastorum obligationem, de qua Trid. supra; (o) offerendi scilicet, *Missæ Sacrificium pro ovibus suis*, præter alias quotidianas preces & orationes, quas pro iisdem tam vivis, quam defunctis Deo fundere tenentur; requirimus, ut serio attendant tot iteratis tum S. C. Tridentini inter-

[n] Syn. Prov. II. T. 12. c. 6.
Tomus X. Concilior. German.

[o] Vide hic Art. 23.

Interpretis, tum etiam Summ. Pontificum Declarationibus & Decretis, nominatim vero ipsius BENEDICTI XIV. (p) quibus statuitur & definitur, omnes & singulos Pastores tam Regulares, quam Sæculares, (sub quibus Vicarii, seu Deservitores etiam amovibiles & temporarii comprehenduntur) teneri omnibus diebus Dominicis & Festis de præcepto, iis etiam comprehensis, quibus populus Missam audire tenetur, licet permixtum sit opera servilia exercere, ad Missam celebrandam & applicandam pro suis respective subditis; pro qua applicatione, eleemosynam accipere non possint, sive habeant congruam, sive non; & quamvis antiqua, seu etiam immemorabili consuetudine in Diocesis aut Parochiis obtinisset, ut Missa populo non applicetur, eandem tamen omnino impofterum ab ipsis applicari debere.

Quoad Parochos vero pauperes, seu quorum fructus sunt adeo tenues, ut fere ex Missarum eleemosynis vivant (si forte in nostra Diocesi tales invenirentur) quamquam & ipsi præfatis diebus Missam celebrare, ejusque fructum populo applicare teneantur; sciant secum a Nobis dispensari posse ex facultate Episcopis ad hoc concessa, ut nimirum, hisce diebus recepto stipendio celebrent; dummodo in Ecclesia Parochiali ad populi commoditatem Missæ Sacrificium offerant, & infra hebdomadam pro suis tot Sacra exonerent & applicent, quor diebus Festivis occurrentibus, juxta particularem alicujus pii Parochiani, aut alterius Benefactoris celebranda susceperant.

Quisque igitur pro conscientie suæ exoneratione, hanc constantem Sedis Apostolicæ sententiam, & æquissimam dispositionem in omnibus reverenter amplectatur, & impofterum fideliter sequatur; dum etiam nihil amplius ulli desiderandum superest, ut Nos promptam illius executionem omni studio promoveri & urgere teneamur.

Quæ vero a Sacerdotibus singu-

lis, pro reverenti & religiosa sacrosancti Missæ Sacrificii celebratione, cavenda & observanda sunt, inferius dicturi sumus; procedentes modo ad functiones & obligationes ipsis Pastoribus proprias; inter quas ordine sequitur, Verbi Divini prædicatio.

XXXIX.

De obligatione, quem habent Pastores prædicandi verbum Dei.

Hæc autem qualis & quanta sit, ut probe inspiciamus, reflectendum imprimis; quod cum Concilii Tridentini Patres censerent, nihil ad animarum ædificationem æque necessarium esse, quam si Dei verbum illis frequenter, & qua par est sinceritate annuntietur; nihil autem ad earum depravationem nocentius, quam ejusdem Divini verbi neglectum; "Eos in Spiritu Sancto congregatos statuisse, ut Archiepresbyteri, Plebani, & quicumque Parochiales, vel alias curam animarum habentes Ecclesias quocumque modo obtinent, per se vel per alios idoneos, si legitime impediti fuerint, diebus Dominicis & Festis solemnibus, plebes sibi commissas pro sua & earum capacitate pascant salutari- bus verbis; docendo ea, quæ scire omnibus necessarium est ad salutem; annuntiandoque eis cum brevitate & facilitate sermonis, vitia, quæ eos declinare, & virtutes, quas sectari oportet; cujus Decreti executionem, neque consuetudo &c. impedire valeat." (q)

Quam autem districte prælaudata Synodus Oecumenica, id ipsum præcipiat, & ab omnibus respective adimpleri intendat, inde patet, quod ibidem mandet Episcopis, ut contra negligentes per Censuras Ecclesiasticas procedant, eosque ad id muneris diligenter exequendum compellant. (r)

Sed, quemadmodum hæc jure & merito sufficiunt ad exhibendam & inculcandam summam illam, quam habent Pastores, verbi Dei prædicandi obligationem; ita procul dubio, vinculum

[p] Conf. 103. Cum semper oblatas. Tom. 1. Bullar. De Sacrificio Missæ Tom. 2. Sect. 2. A. 56. Conc. Rom. an. 1725. T. 1. c. 4.

[r] Ibid.

[q] Trid. Sess. 5. c. 2. de Refor.

culum ostendunt & important, quò populus vice versa, verbum Dei prædicatum in sua Parochiali Ecclesia frequentare teneatur: quam obligationem nihilominus eadem Tridentina Synodus clarioribus verbis asseruit, injungens Episcopis, ut moneant populum diligenter, "teneri unumquemque Parochiæ suæ interesse, ubi commode id fieri potest, ad audiendum verbum Dei;" (1) de quo proinde Diœcesanos nostros hic monere intendimus; & ut per Pastores, Confessarios & Concionatores sæpius moneantur, requiramus & commendamus.

Certe, hæc duo æquissima Tridentini Decreta, si genuino & plano sensu attente considerarentur, haud solum utrique-frequentior esset ad sacras Conciones Fidelium concursus; major in iis rerum Divinarum notitia, arque inde perfectior vitæ morumque compositio; sed & ipsi Pastores, quod suarum est partium in eo genere, majori zelo & diligentia adimplerent.

XL.

Exstimulata Pastorum in prædicando diligentia.

Non enim dissimulare possumus, quod, quemadmodum gaudio superabundavimus, ubi recognovimus plerosque Pastores huic Divino operi, ac præcipue suæ obligationi laudabiliter incumbere; ita Nobis permolestum acciderit & plane acerbum, nonnullos inveniri ex illis, qui salutaribus verbis populum sibi commissum instituere, non modo negligunt; sed etiam gravissimam culpam falsis rationibus excusare contendunt: quod quidem minus timendum fuisset, si præter Conciliorum & Romanorum Pontificum Decreta, intendissent Antistitem suorum Ordinationibus, quibus hanc gravem obligationem omnibus Pastoribus continuo proponunt, urgent & inculcant; omnesque excusationis causas de medio tollunt, & pro merito reprehendunt.

Ut igitur, tam Pastorum, quam ovium salutem hic etiam consulamus; præcipimus, ut Pastores & Deservitores per totum anni decursum (nisi forte *Adventus & Quadragesima* tempore, quo per Stationarios in nonnullis Ecclesiis conciones fiunt) per se, nisi legitime & canonice impediti fuerint, *singulis diebus Dominicis & Festis, saltem solemnibus* (paucis exceptis in minoribus Parochiis ruralibus, tempore messis) concionem habeant ad populum; (2) quam item ruri; nunc sub primo, nunc sub summo Sacro fieri curabunt; ut nempe, quod pro omnium salute institui debet, omnibus ad salutem proficere valeat. Commendamus autem Decanis, ut in visitationibus suis, ac sæpius alias, invigilent, sedulo inquirent, & Nobis referant, an Pastores circa prædicta Ordinationi nostræ & Ecclesiæ mandato obediant; ut, si qui adhuc negligentes fuerint, convenientibus mediis, aut etiam censuris aliisve arbitrariis pœnis, prout mandatur Episcopis, (3) eos ad Officium suum reducamus; vel si inidonei reperti, suis impensis alium deputeemus, qui eorum vices suppleat. An autem Pastor aliquis aliter, quam per notoriam infirmitatem impeditus, censeri debeat; hoc stare iudicio nostro volumus; cuius impedimentum si legitimum judicaverimus, id Pastor impeditus significare debebit suo Decano, uti alias præscriptum fuit. (4)

Quod si in quibusdam Parochiis usus & consuetudo, quæ facile mutari non possint, invaluerint, ut conciones Dominicales aut Festivæ per Religiosos Stationarios fieri debeant; declaramus esse intentionem nostram, ut eo non obstante, illarum Ecclesiarum Pastores, per seipsos singulis quindenis verbum prædicationis ad populum habeant; ea hora, quæ omnibus consideratis, ipsi commodior & utilior iudicabitur.

XLI.

[1] Trid. Sess. 24. c. 4. de Refor.

[2] Stat. sub Rith. T. 9. c. 1. & 2. post Trid. sup.

[3] Trid. ibid.

[4] Decret. RR. D. Delvaux A. 4.

Tomus X. Concilior. German.

XLI.

Quales conciones Pastores ad populum habere debent.

Durum forte molestumque multis videbitur, Pastores permultis aliis negotiis Pastorale Officium concernentibus, occupatos arque distentos, ad tam frequentes conciones obligari. Id quidem fœremur, si de politis & elaboratis concionibus agatur; & quibus forte Prædicatores, non tam Dei gloriam, Fidelium salutem, & familiarem devotamque verbi Dei tractationem quærunt & intendunt; quam sui ipsorum admirationem, rerum novarum & abstrusarum congerie & expositione, aut artificioso verborum lenocinio, conciliare student: huiusmodi quippe concionum sicuti exiguus ac pene nullus est fructus, ita & compositio magni solet esse laboris & studii; quod certe concionum genus non commendat, neque exigit Ecclesia Christi, sed reprobatur.

Verum, conciones & instructiones, solidæ quidem, sed obviæ, quales esse debent Pastorum ad plebem, quibus videlicet "cum brevitate & facilitate sermonis, annuntientur vitia, quæ eam declinare; & virtutes, quas sectari oporteat;" (y) haud dubie facili negotio parari poterunt ab iis, qui vel cum mediocri doctrina, Spiritum devotionis ex quotidiana meditatione, studio Scripturæ sacræ, & piorum librorum lectione sibi comparaverint.

Non improbamus tamen, ut in Parochiis ruralibus, concionis loco quandoque majorem Catechismum Pastores instituant; dummodo id fiat non tam pro suo, quam ovium suarum commodo & utilitate; quin insuper concedimus, ut Vicarii seu Sacellani (quibus id etiam injungimus, quo sese ad prædicationis officium assuefaciant & exerceant) saltem *sexies per annum*, Pastoris sui vice concionem habeant. Multo frequentius concionari illis non permitimus; ne, dum Pastores suo proprio & personali officio defunt, ipsi sua

munia negligant; aut in sacræ Scripturæ & Theologiæ studio, quo se ad examen vel concursum assidue parare debent, non satis proficere valeant.

Ubi vero moris est, ut intra Missarum solemnia, lecto Evangelio, fiat populi instructio; prout ipsa Tridentina Synodus fieri desiderat atque commendat; id ubique observetur; aut etiam, si commode alicubi possit, a Pastoribus introducatur.

XLII.

Commendatur Catechismus Tridentinus.

At, quemadmodum verbi Divini prædicatione numquam intermittere debet; ita quovis tempore multo studio allaborandum, ut incorrupta & uniformi doctrina, tamquam pabulo vitæ, Fideles ubique nutriantur & confirmantur. (z). Quæ de causâ, iisdem Patribus Tridentinæ Synodi maxime referre visum est, si eorum autoritate, certa aliqua formula & ratio Christiani populi ab ipsis Fidei rudimentis instituendi traderetur; quam inoffenso pede in omnibus Ecclesiis sequerentur, quibus legitimi Pastoris & Doctoris munus obeundum esset: quæ tandem prodit sub nomine *Catechismi Concilii Tridentini*; qui, ob summorum Pontificum, (a) a quibus editus vel approbatus fuit, reverentiam, etiam *Catechismus Romanus* appellari solet; quemque alii rursus *Catechismum Parvorum* vocant, quod pro eorum usu & commo potissimum fuerit impressus; qui omnes conveniunt, tot esse hujus Catechismi utilitates, quot numerari possunt Ecclesiæ necessitates; de quo proinde merito mandavit Episcopis Tridentina Synodus, ut eum, dum editus fuisset, a Parochis omnibus populo exponi curarent. (b)

Ut igitur tam salutari Mandato, quod etiam Ss. D. CLEMENS XIII. hodie felicissime regnans innovavit, (c) reverenter obtemperemus, atque in eo tot aliorum Episcoporum sequamur exemplum; omnibus Pastoribus & Vicariis injungimus, ut prælaudatum Ca

[y] Trid. sup.

[z] Præf. Catechismi Trid.

[a] S. Pii V. Greg. XIII.

[b] Trid. Sess. 24. c. 7. de Refor.

[c] In sua Circulari, an. 1. Pontif.

Catechismus sibi quamprimum comparent, "affidue versent & lætent, unde sacras conciones ad populum habendas depromant;" (d) sequendo doctrinæ expositionem, explanandi methodum, atque ordinem materiæ, quæ ibidem proponitur: certe, probabit felix experientia, quanto Pastorum commodo, quantæque Fidelium utilitati *Catechismus Romanus* prodierit.

XLIII.

Quid Concionatores in generali attendere debeant.

Reliquos autem Sacerdotes, Pastorum in hoc sublimi prædicandi munere Subsidiarios, hortamur, ut & ipsi, memores se quoque ad Fidelium instructionem & salutem promovendam missos, digne & fructuosè suum impleant ministerium; ac Dei plebem non in persuasibilibus humanæ sapientiæ verbis, sed in ostensione Spiritus & Virtutis (e) prædicando doceant; & docendo, sermones discipulorum ingenio aptent atque conforment: "Melius si quidem est, ut nos reprehendant Grammatici, quam non intelligant populi," aut nullum fructum inde referant. (f)

Quocirca, optamus, eosque monemus cum S. CAROLO, ut omisissis difficilibus, aut inanibus discursibus, præcipue in sacri Evangelii, Symboli, Orationis Dominicæ, Angelicæ Salutationis, Præceptorum Dei & Ecclesiæ, Sacramentorum, sacrorumque Rituum dilucida explicatione versentur; semper solliciti (quod generatim omnibus Concinatoribus commendamus) ut in ipso exordio, clare nitideque materiam tractandam auditoribus proponant, cum divisione & subdivisione; dein in conclusione, principaliora moralis doctrinæ puncta, de quibus sermo fuerit, resumant breviter & inculcent; quo sic utiliter memoriæ auditorum occurratur, & quæ audierint, majori fructu percipiant atque retineant.

In reprehendendis vitiis, ita se gerant, ut pietatis & charitatis studio eos adductos, non hominum, sed pecca-

torum odio id facere omnes intelligant. Diligentes & vehementes sint in exagitandis iis vitiis & peccatis, in quibus populum magis volutatum, aut procliviorum viderint; neminem tamen nominatim, vel tacite eum designantes, insectentur; neque in ullum Ordinem Religiosum, statum, vel vitæ genus ab Ecclesia receptum, invehantur.

Caveant etiam, ne Superiores ullos cum audientium offensione, quæ inde sequi nata est, asperius objurgent; sed pie potius admoneant populum, doceantque, præpositis suis, etiam discipulis obedire; ac eum sæpius hortentur ex Apostoli sententia, (g) ut faciat obsecrationes, orationes &c. pro omnibus hominibus, qui in sublimitate constituti sunt; præsertim vero, pro iis, qui pervigilant quasi rationem reddituri pro animabus eorum; ut quietam & tranquillam vitam gerant in omni pietate & castitate. (h)

Denique, ita afficere & movere studeant auditores, ut peccata sua defleant, a viis pravis redeant, & ad virtutes, imprimis vero Dei & proximi amorem, accendantur.

Plura alia ad pleniorum Concinatorum instructionem inservientia, cum in instructionibus pro Concinatoribus hujus Diocesis succincte, sed abunde satis exponantur; illas adeant, sæpius relegant, & in omnibus sequantur, reflectentes præcipue ad id, quod ibidem ipsis injungitur; (i) "ut nempe, tanta in privatis colloquiis, victu, vitæque quotidiana, gravitate, modestia, Ecclesiastica disciplina, aliis præluere studeant, ut quod verbis ædificant, moribus confirmet; sic quæ aliquando uberes laboris sui fructus colligere mereantur."

XLIV.

Monentur Concionatores Regulares, ut se conforment Tridentini & Statutis Diocesani.

Quod hic nominatim spectat Regulares cujuscumque Ordinis aut Instituti, caveant imprimis, "ne in Ecclesiis etiam suorum Ordinum, Hhh h 3 præ-

[d] Idem Clem. XIII. sup.

[g] 1. Tim. 2. 2.

[e] 1. Cor. 2. 2.

[h] Heb. 13. 17.

[f] S. Aug. in Ps. 138.

[i] Instruct. Concinator. Art. ult.

" prædicare præsumant, nisi secundum
" Decretum Concilii Tridentini, a suis
" Superioribus de vita, moribus &
" scientia examinati & approbati (qua
" super re conscientiam eorum etiam
" ex parte nostra oneramus) licentiam
" ad hoc obtinuerint; cum qua licen-
" tia personaliter se coram Nobis præ-
" sentare, & benedictionem petere te-
" neantur, antequam prædicare inci-
" piant." (k)

" Extra Ecclesias vero suorum Or-
" dinum, nullo modo eos prædicare
" permittimus, nisi etiam ad hoc in
" scriptis obtinuerint licentiam nostram;
" quam priusquam actum prædicatio-
" nis exerceant, Pastoribus, in quo-
" rum Ecclesiis eos concionem habere
" contigerit, præsentare teneantur;
" etiam singulis vicibus, dum prædica-
" tionis causa admitti voluerint;" (l)
præsertim extra locum fixæ residentię:
quæ omnia juxta mentem Synodi Tri-
dentinæ & Ordinationum nostrarum
Synodaliū, fideliter & exacte obser-
vabunt impostertum.

XLV.

*Quedam commendantur Stationariis in
particulari.*

Qui ex Regularibus extra suos Con-
ventus in terminis, ut vocant, ad
prædicandum verbum Dei fixam
residentiam habere permittuntur, aut
ad certas stationes obeundas a Superio-
ribus deputantur; ut & ipsi quod ver-
bis ædificant, moribus confirment, &
fructum in Ecclesia Dei afferant ube-
riorem, sint semper & ubique vitæ ex-
emplaris, & in sui Ordinis pleno habi-
tu versentur. Caveant etiam, ne a
modestia religiosa, & monastica disci-
plina degenerent; negotiis profanis sese
immisceant; convivia publica secten-
tur; potatorum consortiis intersint;
aut hospitium in tabernis accipiant,
quod etiam ipsis specialiter prohibe-
mus. Quantum Divinum Officium,
prædicatio verbi Dei, aut aliæ graves
circumstantiæ patiuntur, se tamquam
a sæculo abstractos, in suis domibus

aut hospitii contineant; atque in omni
actione & conversatione sua, Regula-
ribus suis Institutis & Exercitiis sese
conformant. Eleemosynas, & populi
oblaciones fideliter, sed modeste colli-
gant; omnibus modis jugiter solliciti,
ne illud Psalmistæ ipsis aliquando ex-
probrari possit vel debeat: *Commisti sunt
inter gentes; & didicerunt opera eorum...*
& factum est illis in scandalum. (m)

Hunc in finem, ipsorum Regula-
rium Superioribus commendamus, ut
circa prædicta subditis suis diligentissi-
me invigilent; ne, si quos defectuosos
fuisse constiterit, eos a suis stationibus,
& ab ipso prædicandi munere, ad
quod "nonnisi irreprehensibiles & op-
" timis imbuti moribus destinandi &
" admittendi sunt," vel inviti amovere
debeamus: (n) idque præsertim, ubi
de his ad Nos querelæ fuerint deposti-
tæ a Decanis vel Pastoribus; quos etiam
rogamus, ut abusus omnes, qui hic
committi possent, solícite observent,
delinquentes moneant; & si sese non
emendaverint, ad Nos deferant.

Quod si contingat, ut orationes
animum nostrum moventes, alicui Sa-
cerdoti seu sæculari, seu Regulari ad
confessiones ante approbato, hanc ejus
admissionem revocemus, aut proroga-
re differamus; illum ex nunc pro tunc,
eo ipso ab exercitio prædicandi ver-
bum Dei in nostra Diocesi suspendi-
mus, & suspensum declaramus; donec
ad hoc novam & specialem a Nobis li-
centiam obtinuerit; in casibus scilicet
& circumstantiis, in quibus eam de
jure a Nobis obtinere debet.

XLVI.

*Officium catechizandi Pastoribus proprium,
ipsis commendatur.*

Præter sublime illud concionandi &
docendi munus, de quo jam egi-
mus, est & id genus aliud proprium
Pastorum officium, *Catechizandi* scilicet,
seu prima Fidei Catholicæ rudimenta
parvulis & rudibus tradendi; quod
quidem licet paulo demissius videatur,
haud ideo tamen negligendum; imo,
tanto

(k) Stat. sub Rith. T. 9. c. 4. post Trid. Sess. 5. c. 2. de Reform.

(l) Ibidem. Item sub Georg. an. 1629. T. 1. A. 13. & in Instruct. Conc. A. 17.

(m) Ps. 105. 35.

(n) Concil. Rom. an. 1725.

tanto potiori studio & affectu incumbendum illi est, quanto uberiorès ex eo fructus, animarumque proventus colliguntur; dum etiam ad illud eodem jure & præcepto strictissime obligantur: *Pasce agnos meos.... Pasce oves meas.* (o)

Hinc factum videmus, ut Prædecessores nostri in tantum solliciti fuerint ad catechisticam instructionem promovendam, ut in eum finem quicquid desiderari potest præscriperint; præter ea, quæ in Conciliis Provincialibus desuper fuerant injuncta: quibus iteratis Ordinationibus accesserunt etiam Serenissimorum Principum nostrorum Auctoritas & Edicta.

Cum nihilominus Nobis constet, nonnullos in hac nostra Diœcesi Pastores haud satis considerare gravem, quæ ipsis hac in parte incumbit, obligationem: ne Nobis quandoque exprobari debeat illud Jeremiæ: *Parvuli petierunt panem, & non erat qui frangeret eis;* (p) Mandamus, ut singuli Pastores per se, aut per alios idoneos Sacerdotes, si legitime impediti, aut excusati fuerint, *Dominicis & Festis diebus,* (q) quacumque excusatione seposita, ante vel post Vesperas pueros, suo ordine & loco per Ecclesiam dispositos, (maribus a puellis semper separatis) Doctrinæ Christianæ principiis ac rudimentis sensim imbuant; aut si forte id onus alteri incumbat, ei diligentissime superintendant; ac unam semper eandemque docendi regulam & methodum observent; vel ab aliis, ad quos spectare poterit, tam in Ecclesia, quam in Scholis, aut alibi observari faciant: requirentes præterea, ut præter antiquum Catechismum Provinciale, seu Mechliniensem, cum Appendice addito a Prædecessore nostro immediato (& quem semper adhiberi & doceri volumus, conformiter ad id, quod alias ordinavimus) adhibeant novam Instructionem catechisticam, quam nuper sub nomine & auctoritate nostra edicavimus; in qua, præter compendiosam præfati Catechismi, & sui Appendicis repetitionem, eas petitiones &

responsiones adjecimus, quæ pro ipsorum supplemento, & sufficientiori juventutis Christiana institutione, ejus præsertim, quæ ad primam Communionem disponitur, possunt & inservire debent: quam catechizandi methodum per speciale Mandatum (r) in tota nostra Diœcesi præcepimus impostum observari, & in quantum opus est, per præsentis iterato præcipimus, ob rationes jam dictas, aliasque ibidem latius deductas: mandantes Decanis, quatenus curent & invigilent, ut hæc nostra Ordinatio promptam executionem, ac plenum suum effectum, fortiat.

XLVII.

Ad quos præterea hoc Officium Pastorale se extendere debeat.

Nec Dominicis dumtaxat Festisque diebus, aut in Ecclesiis tantum Panis ille cœlestis pueris, rudibusque frangendus est; sed alibi quoque, multoque sapius, excurrendo ad agros, ad sylvas, ad vicos, Principis Pastorum exemplo, qui *Civitates & Castella* indesse obibat, *predicans, & evangelizans Regnum Dei;* (s) ut, quos ibi offenderint parvulos aut rudes, messe vel pecorum custodia impeditos (quales ruri in singulis Parochiis invenire est), pascant verbo vitæ; ut & ipsi, quorum salutis cura, & singularis sollicitudo Pastoribus utique demandata est, "pœnam æternam evadere, & cœlestem gloriam, ad quam creati sunt, consequi valeant." (t) Quam juste ac merito timendum, ne ex his plurimi, qui omnes etiam JESU CHRISTI Sanguine redempti sunt, a via æternæ salutis aberrant, defectu necessariæ instructionis, quam eorum Pastores, nulli labori parcendo, eis impendere debuissent!

Et quia tam ruri, quam in civitatibus etiam contingit, ut reperiantur homines non adultæ tantum, sed provectæ, quin & decrepitæ ætatis, maxime inter pauperes & plebeios, qui præcipua Religionis nostræ mysteria, & prima Fidei rudimenta ignorant; & quod magis lamentabile, cum parvulis cate-

(o) Jois 20. 15. & 18.

(p) Thren. 4. 4.

(q) Trid. Sess. 24. c. 4. de Refor.

(r) De 16. Decemb. 1766.

(s) Luc. 8. 1.

(t) Trid.

catechisticas instructiones accedere vè-
recundantur : illorum quoque salutem,
quantum in Nobis est, consulere cu-
pientes, injungimus Pastoribus, ut sal-
tem in Pagis & Parochiis ruralibus
(quod etiam ubique fieri desideramus,
& ut fiat, zelo ac discretioni illorum
Pastorum committimus) observent im-
posterum, quod alias tam in Synodo
Provinciali secunda, (u) quam Diœce-
sana nostra de anno 1629. (x), salubri-
ter institutum esse dignoscitur; ut vi-
delicet, seu antè, seu post concionem,
recitent, vel per alios recitari faciant
alte, tractum, intelligibili voce & lin-
gua vernacula Orationem Dominicam,
Salutationem Angelicam, Symbo-
lum Fidei, Præcepta Decalogi & Ec-
clesiæ, ac septem Sacramenta: qui-
bus addent, actus Fidei, Spei, Cha-
ritatis & Contritionis, secundum for-
mulam & tenorem, quem in nostra
Instructione catechistica præscripsimus.

XLVIII.

*Frequens exercitium actuum Fidei &c.
omnibus inculcandum.*

Cum hic horum actuum mentio in-
ciderit, ad quos frequenter eli-
ciendos, Fideles omnes speciali præ-
cepto obstringuntur; (y) sic agant Pa-
stores & Catechistæ, ut tam adulti,
quam parvuli, quantum, & quamprimum
capaces sunt, sciant & intelligant,
quam utilis, quamque etiam necessaria
sit cuivis homini Christiano, frequens
& devota illorum actuum repetitio:
item, quod sit illarum virtutum *mate-
riale*, quod *formale objectum*; quibus ver-
bis, qua etiam mentis & cordis, atten-
tione actus illos proferre & iterare de-
beant. Dein exponant sæpius, quæ
ab unoquoque necessario & explicite
credenda sunt *necessitate mediæ*; quæ,
necessario *necessitate præcepti*; quamque di-
versum sit, scire tantum, & credere,
quæ credenda sunt: ac tandem fre-
quentius moneantur de indulgentiis,
quas Ss. D. BENEDICTUS XIV. ad
promovendum frequens horum actuum
exercitium omnibus utriusque se-
xus Christi fidelibus, per Breve Apo-

stolicum concessit; cuius extractum
hic ad calcem adjungimus, cum formu-
lis illorumdem actuum, ex Catechismo
nostro desumptis.

Ut actibus illis eliciendis, ac præ-
fatis indulgentiis lucrandis etiam pueri
sensim assuecant, insuper requirimus,
ut Catechista semper finiat Instructio-
nem suam catechisticam alta voce præ-
legendo pueris, (qui eum ore & cor-
de comitentur) Fidei, Spei & Char-
itatis actus: quod etiam, ut in Scholis
semel ad minus indies, Ludimagistri
observent, desideramus.

XLIX.

*Pueri tempestive ad confessiones erudiendi,
& admittendi.*

Præterea, quæ ad piam & Christi-
anam parvulorum institutionem,
quam nunquam satis Pastoribus com-
mendatam credimus, plurimum refert,
ut modum & praxim confitendi pecca-
ta, dum primum offendendi Deum ca-
paces sunt, discant, & rite exerceant:
curent imprimis, non tantum ut pue-
ros circa Penitentia Sacramentum di-
ligenter instituant; sed illorum quo-
que confessiones, licet quintum sex-
tumve ætatis annum nondum expleve-
rint, (z) excipiant quotannis, & etiam
sæpius, eosque piis & blandis moni-
tionibus fovendo, & ad frequentiore
confessionis usum alliciendo, ad vir-
tutem etiam excitent; & in ea a tene-
ris erudiant, donec formetur Christus (a)
in eis.

Caveant igitur Pastores, caterique
Confessarii, ne prætextu minoris æta-
tis in parvulis, a regula, quam hic
præscribimus, se abduci patiantur; quasi
nondum ad usum rationis, qui ad pec-
candum sufficere debeat, pervenerint,
quorum confessiones tam anxie audire
injungimus: ad hoc enim sufficere de-
bet, quod si non in omnibus, saltem
in pluribus, quamvis sint adhuc in
ætate tenera, malitia suppleat ætatem;
& peccata lethalia inveniri possint, aut
etiam quandoque inveniuntur, ut sen-
tiebat S. Carolus, & infelici nimium ex-
perientia compertum est.

Quo

(u) Tit. II. C. I.

(x) Tit. I. A. 14.

(y) Bened. XIV. Instit. 72. n. 20.

(z) S. Carol. Instr. Confessar.

(a) Gal. 4. 19.

Quod ad modum attinet, quo huiusmodi parvuli inter confitendum examinari debent, ubi sufficiens apparet materia & malitia; Confessarii sint providi & circumspēcti, ne forte, quæ ante ignorabant, ipsos edoceant, & ad petram scandali tenellas animas misere allidant. In nullo casu reprehensiones asperas ætati illi corrigendæ adhibeant; adblandiantur potius; laudentque candorem, aut aliud quiddam, quod laude dignum in ipsis observaverint, ne alias a confitendo absterreantur. Nec vero ipse Dominus & Magister noster, oblatos sibi parvulos unquam redarguit; sed *complexans eos & imponens manus super illos, benedicebat illos*, (b) atque ad se perbenigne alliciebat: *Sinite parvulos venire ad me, & ne prohibueritis illos; talium est enim Regnum Cælorum.* (c)

L.

Quando & quomodo pueri ad i. Communionem admitti debeant.

Ex hac admirabili supremi Pastoris erga parvulos benignitate ac tenero affectu, insuper colligere est, quantum eos donis suis ac gratiis abundanter cumulare desideret, atque invitet, ut sint sicut novellæ Olivarum in circuitu mensæ suæ; (d) ubi, ex adipē frumenti, & de petra melle (e) pasti & saturati, crescant gratia, ac cœlesti sapientia indies magis magisque proficiant.

Quare, Pastores solícite allaborent, ne ullus impotēter primam Communionem deferre debeat ultra annum ætatis duodecimum. Si quos autem inveniant (inveniant autem sæpius) qui ante ætatem illam sufficientem rationis usum, seu, ut Synodus nostra Provincialis secunda (f) cum Lateranensi quarto loquitur, *annos discretionis attigerint*, etiam citius eos ad Mensam hanc cœlestem disponant & adducant; ut in fortitudine cibi illius (g) acrioribus diaboli stimulis, & innocentia offendiculis resistentes, eant *de virtute in virtutem.* (h) *Quid enim bonum ejus est, &*

quid pulchrum ejus, nisi frumentum electarum, & vinum germinans virgines? (i)

Memores, quod alias Dieceſis nostra Parochos exhortati sumus, quatenus summum studium in eo ponant, atque efficiant, ut "Prima puerorum" Communionio, eo instituat devotionis cultu, eo solemnitate apparatu, qui tam ipsis communicantibus, quam adstanti populo Divini Myſterii excellentiam demonſtrent, ejusque amorem & desiderium accendant: "Hic solum requirimus, ut quæ alias in eum finem per speciale Decretum (k) statuimus & ordinavimus, ea ab omnibus Pastoribus, & in singulis Parochiis religioſe & uniformiter observentur; desiderantes tamen, ut hæc sacra cæremonia uno eodemque præfixo die per singulos Decanatus peragatur; de quo Decani cum Pastoribus suis proxime conferent, & quod resolverint Nobis exponēt.

LI.

De Scholis. Commendatur earum cura singularis.

Neque hic sistit erga parvulos cura nostra paternæ: cum enim juvenis semen sit reipublicæ, cujus totius salus pendet propemodum a Christiana puerorum educatione ac recta institutione, quæ in Scholis maxime juvari & promoveri debet; enixe commendamus, ut Pastores, Magistratus, & notabiles singularum Parochiarum incolæ, ea quæ tam Ecclesiastica, (l) quam Civilis Potestate, ac nominatim Principum nostrorum Edictis, (m) pro hujusmodi Scholarum erectione, conservatione, & felici regimine injuncta sunt, diligentissime observent, & per alios respectu curent observari.

Ut vero Scholarum successus earum fini & institutioni plenius respondeat; cum prima cura habenda sit circa Magistros & Magistras, æquorum capacitate & morum integritate, Scholæ

(b) Marci 10. 16.

(c) Ibid. ȳ. 14.

(f) T. 7. C. 5.

(g) 3. Reg. 19. 8.

(k) Epist. nost. Circul. de 24. Mart. 1766.

(m) Edict. ad eand. Syn. A. 1.

Tomus X. Concilior. German.

(d) Pl. 127. 3.

(e) Pl. 83. 8.

(l) Stat. Dieceſ. ſep. poſt Syn. P. 2. t. 20.

(i) Pl. 80. 17.

(j) Zach. 9. 17.

larium debita institutio & instructio præcipue dependet; hinc omnes, ad quos spectat, monitos volumus & attentos, ut quantum per ipsos steterit, nonnisi qui vitæ & morum probitate sunt commendabiles, ac sufficienter arte literaria instructi, illis dirigendis præficiantur; quique ulterius in sua admissione, Professionem fidei emitte-
 teneantur, iis in locis, ubi est Scholasticus, in ejus manibus; alibi vero, in manibus Decani Christianitatis, prout tam Synodi Provinc. II. (n) quam Principum autoritate, (o) provide quidem ac religiose ordinatum fuit, sed quod hoc tempore observari negligitur. Ad-
 dicitur in Edicto ad prælaudatam Synodum Provinc., (p) Nemini licitum Scholas tenere ad instruendos sive masculos sive puellas, nisi præhabita licentia Scholastici, si ibidem aliquis fuerit, vel alias ipsius Decani, & primarii Officialis: quorum omnium executionem tum Pastoribus, tum Decanis, quantum ad eos spectare potest, sollicitè commendamus, & per eos etiam nomine nostro promoveri requirimus; hortando Magistratus & Regios Officiarios, ut quod muneris sui hic est & obligationis, fideliter exequantur.

Ut autem debito ordine, & felici-
 ciori profectu Scholarum institutio promoveatur, Scholæ Scholasticis subje-
 ctæ, ab iisdem; cæteræ vero omnes, a Decanis, vel aliis per Nos deputatis, aut deputandis, singulis saltem semestribus visitentur; (q) qui omnes singulorum diligentiam in legendo & scribendo explorent; de modestia & pietate eorum inquirent; eos ad frequentationem Catechismi alliciant; de principiis Doctrinæ Christianæ, & in Lectionibus Catechisticis progressu, de Oratione matutina & vespertina, de modo Confessionis instituendæ, infer-
 viendi Sacro, similibusque ad unius-
 cujusque captum, breviter examinent; nihilque omittant eorum, quæ ulla ratione teneram ætatem juvare, & utiliter dirigere posse judicabunt: quo-
 rum omnium curam & sollicitudinem etiam Pastoribus commendamus; in

locis præcipue, in quibus non residet Scholasticus, aut ad quæ Decanis nonnisi difficilis datur accessus.

Præter ea, quæ circa puerorum institutionem & profectum, in Scholæ visitatione fieri & examinari debent, insuper attendendum, an, & qualiter ipsi Ludimagistri & Magistræ suo erga Scholares defungantur officio; an instruendæ erudiendæque juventuti se sedulo impendant; modum convenientem in regendis Scholaribus teneant; quos libros illis prælegant; legendos tradant, aut legere & discere permittant; illis severe prohibendo, ne ullos alios adhibeant, aut adhiberi sinant, quam qui pueris pietatem, morumque honestatem infillare valeant; an denique, omnem sollicitudinem & prudentiam habeant, ne tenera ætas in Scholis a sociis corrumpatur, sed in Baptismali innocentia, quantum fieri potest, conserveatur.

LII.

Scholæ Dominicales instituendæ & promovendæ.

Sed quia non omnes quotidianas Scholas frequentare permittuntur, dum multi, etiam ab ineunte ætate, artificii vel domesticis occupationibus a parentibus detinentur, de quorum Christiana educatione Pastores tanto magis debent esse solliciti; optamus vehementer, ut quæ de *Scholis Dominicibus* instituendis, aut jam institutis conservandis, item utraque potestate utilissime statuta sunt, in singulis Parochiis observentur: requirentes propterea, ut non tantum Pastores, eorumque Vicarii, si forte in sua Parochia hujusmodi Schola nondum erecta sit, pro ea quamprimum erigenda omnem operam diligentiamque impendant; sed etiam eas omnes, quæ jam erectæ, aut erigentur impostum, nedum ulla ratione interire patiantur, at omni modo protegere & promovere studeant; & quantum per Ecclesiastica Officia eis licuerit, opera sua & vigilantia superintendant.

Ubi

(n) T. I. C. 3. & 4.

(o) Ibid. sup.

(p) Item A. I.

(q) Synod. Prov. II. T. 20. c. 4.

Ubi vero aptior locus Scholis Dominicalibus erigendis non invenitur, permittitur, ut (extra horas Divini Officii) in aliquo remotiori loco ipsius Ecclesiæ Parochialis instituantur; ita tamen, ut quantum fieri potest, omnis irreverentia aut immodestia puerorum aliorumve studiose cohibeatur. (r)

LIII.

Media, quibus Scholæ Dominicales debeant promoveri.

Et ne quid obftet, quo minus Res publica omnem fructum & utilitatem ex præfatis Scholis consequatur; rogamus Magistratus & Baillivos, ut ex parte sua etiam curent, eas a pueris & juvenibus diligenter frequentari, saltem donec eorum, quæ Doctrinæ & Religionis Christianæ sunt, medicrem gustum & profectum ostenderint; mandantque in omnibus Parochiis abstineri diebus Dominicis & Festis, quibus in Scholis juvenis instituitur, a tripudiis, aliisque insolentis, quibus juvenes a frequentatione Scholarum huiusmodi distrahi possent, idque sub pœnis arbitrio eorum imponendis. (s) Addit eadem Synodus Provincialis prima, "ut ipsi quoque Episcopi per suas Dioceses in singulis Parochiis, sub certis pœnis similem prohibitionem ipsorum nomine fieri procurent." (t) Quod quidem serio proponimus ethicere, quantum in Nobis erit & ad Nos spectare poterit, ubi ad hoc a Pastoribus fuerimus requisiti. Pauperes vero, qui plerumque circa prolium suarum educationem negligentiores deprehenduntur, per subtractionem elemosynarum mensæ pauperum cogantur, ut quas habent proles ad has Scholas mittant.

Hortamur denique Pastores, ut tam e suggestu, quam privatim parentes omnes frequenter admoneant, ut pueros suos ad Scholas mittere non omittant; eos domi bonis moribus,

verbis & exemplis instruant; atque ea, quæ ad Doctrinam Christianam pertinent, sedulo edoceant, illa crebro, quæ in Scholis aut Catechismis didicerint, repetentes, si vel ipsi ad hoc sufficienter sint instructi.

Ceterum tam in Dominicalibus, quam aliis quibuscumque Scholis, masculi a viris, puellæ a mulieribus tantum doceantur: aut certe, ubi id obtineri nequit, saltem horis, vel locis seu interstitiis masculi a puellis separatim instruantur. (u)

Tandem, cum experientia constet, prærequisita omnia feliciter habere successum, si pueri ad Scholarum ac Catechismi frequentationem alligantur præmiolis & munusculis, quorum distributio ex ærario publico Parochiarum aut Civitatum, vel ex liberalitate ipsorum Pastorum & piorum Parochianorum fieri solet; optamus tam piam utilemque praxim in omnibus locis observari, & a Pastoribus tum verbo, tum exemplo promoveri.

LIV.

*De administratione Sacramentorum.
Quid in ea observandum.*

Cum Ecclesiæ Sacramenta, quorum administratione præcipue omnes animarum curam habentes oves suas pascere tenentur, "ea sint, per quæ omnis vera iustitia vel incipit, vel cœpta augetur, vel amissa reparatur;" (x) quibus nihil etiam sanctius, aut utilius, nihilque excellentius, aut magis Divinum haberi constat in Ecclesia Dei; (y) hinc patet non modo, quantum honoris & dignitatis horum Ministris accedat, ex supernaturali illis concessa potestate dona illa cœlestia dispensandi; sed etiam, quantum diligentia & sollicitudinis in dispensatione illa debite exequenda ab ipsis requiratur; nominatim vero a Pastoribus; quibus cum totius Parochiæ cura spiritualis incumbat, etiam Sacramen-

(r) Stat. sub Rith. T. 23. c. 3. Synod. Provinc. I. T. de Schola Domin. c. 3.

(s) Ead. Synod. Provinc. loco cit. (t) Ibid.

(u) Utraq. Syn. Provinc. Stat. sub Georg. an. 1630. T. de Schol. A. 4.

(x) Trid. Sess. 7. in Procem. (y) Ritual. Roman.

Tomus X. Concilior. German.

cramentorum administratio ipsis jure ordinario competere dignoscitur; quosque propterea præ cæteris, ut horum Ministerio digne & laudabiliter defungantur, hortari & animare intendimus.

Quam ob rem, monemus eos imprimis, post Manuale nostrum, ut integre, caste, pieque vitam agant; nec unquam cum mortalis peccati conscientia Sacra tractent vel conferant; sed, ut ante confiteantur; aut si desit eis copia Sacerdotis, de admissio peccato doleant; serio proponentes id prima occasione confiteri. (z)

Quacumque diei aut noctis hora ad Sacramenta administranda Pastor vocatus fuerit, nullam officio suo præstando (præsertim si necessitas urgeat) moram interponat; nec ulli umquam desit, pro paupere æque ac divite, sollicitus; ne sua culpa vel negligentia pereat anima, quam Christus Dominus Sanguine suo mercatus est.

Sæpe etiam, prout sese offeret occasio, Pastores populum moneant & jubeant, ut, cum sacro eorum ministerio opus fuerit, sese quamprimum advocet, nulla temporis, aut cujuscumque incommodi habita ratione: tantum absit, ut aliquem Pastoris sui opem aut ministerium requirentem, durioribus verbis excipiant.

Et ut vitetur quæcumque occasio, ne quis Sacramentis Ecclesiæ non munus e vivis excedat; præter ea, quæ in hunc finem hic ante requisivimus, (a) attendant omnes Statuto & Ordinationi Synodali sub RR. D. MASIO, (b) ubi gravissima pœna in Pastores decernitur, si quis eorum negligentia sine Baptismo, sacro Viatico, aut Extreme Unctione e vivis excesserit.

L V.

Sacramenta debent administrare in superpelliceo, & reverenter.

In omni Sacramentorum administratione, Pastor vel quivis alius Sacerdos, superpelliceo sit indutus, &

desuper stola ejus coloris, quem Sacramenti ritus exposcit; nisi in Sacramento Pœnitentiæ, vel consuetudo, ut in Regularibus passim; vel locus aut necessitas aliter suadeat. (c) Dein accedens coram Altari paululum sacræ rei, quam acturus est, meditationi vacabit; ac devote dicat Orationem, quæ hic in Manuali præscribitur: *Adesto, Domine &c.*

Verba omnia, præsertim Sacramentalia, pronuntiet integre, graviter, distincte, ac intelligibili voce; seque tam religiosum ac prudentem semper adhibeat, ut populo Dei nihil afferat offendiculi; sed potius exemplo suo cunctos ad Sacrorum reverentiam & devotionem provoker: quo plurimum certe conferet, si recepti & approbati Ecclesiæ ritus, pro solemni Sacramentorum administratione tam generaliter, quam specialiter in Manuali nostro præscripti, qui etiam in minimis sine peccato negligi, omitti, vel mutari non possunt, (d) peculiari studio ac Religionis affectu custodiantur, & observentur; quodquæ ante omnia fieri & observari debere, monet Rituale Romanum supra.

Quod attinet ad monitiones, quæ ad suscipientium Sacramenta, vel adstantium instructionem prælaudato Manuali nostro inferuntur; etsi necessarium non sit, ut Pastores, aliive Sacramentorum Ministri, semper & ubique eas totas adhibeant; nihilominus, ne populus rerum Divinarum ignorantia, in Sacramentorum negligentiam aut contemptum adducatur, Pastores, cæterique, ad quos spectare debet, sint solliciti; ut juxta Concilii Tridentini Decreta (e) & Synodales Ordinationes, (f) in Sacramentorum administratione eorum institutionem, virtutem & efficaciam, ac cæremoniarum significationes præsentibus exponant, prout loco, tempori & personis convenire judicabunt: præterquam quod sæpius per anni decursum, tam in concionibus, quam catechismis hanc materiam fufius tractare & explicare debeant.

LVI.

(z) Man. Iprens. in præscript. general.

(a) Art. 24.

(b) T. 8. C. 5.

(c) Rit. Roman. de administratione Sacrament. in general.

(d) Past. Mechlin. post Trid. Sess. 7. can. 13.

(e) Sess. 24. can. 7. de Reform.

(f) Syn. Prov. H. T. 2. c. 3. Dioces. sub Rith. T. 11. c. 3. post. Rit. Roman.

LVI.

Hic cavenda omnis Simonia aut avaritiæ suspicio.

Cum autem maxime deceat, ut Sacramentorum Ministri ab omni Simonia & avaritiæ suspicione, nedum crimine, longissime absint; quisque diligentissime caveat, ne in eorundem administratione quavis de causa vel occasione, aliquid directe vel indirecte petat aut exigat: (g). Si quid vero nomine eleemosynæ, aut devotionis studio, peracto jam Sacramento, sponte a Fidelibus offerri soleat, id licite quidem, sed modeste, pro recepto locorum more accipere poterit.

Similiter, omnem passionem pro quarumcumque rerum benedictione, aut alio quovis ministerio Ecclesiastico, (h) utpote ceteroqu岸 illicitam & scandalosam, hic insuper sub gravi prohibemus: *Gratis accipistis, gratis date.* (i)

Jura tamen matrimonialia aut funeralia, quæ juxta laudabilem consuetudinem, vel taxam a Superioribus constitutam, aut eorum consensu approbatam, tamquam debitum honorarium, seu vitæ stipendium, Pastoribus aliisque Ecclesiæ Ministris præstari consueverunt, non tantum accipi, sed etiam peti & exigi possunt, contumaces juris remédio, si opus fuerit, compellendo. Suademus tamen, ut quisque in horum jurium petitione, omnem conservare studeat moderationem & circumspeditionem, ne immisericordiam, turpissime quæstus notam incurrat, indeque a Laicis Sacerdotum ministerium vituperetur, aut Sacrorum usus vilescat. *Sic igitur nos existimet homo, ut Ministros Christi, & Dispensatores Mysteriorum Dei.* (k)

LVII.

Sacramenta debent dispensare fideliter.

Hic jam queritur inter Dispensatores, ut fidelis quis inveniat: (l) Neque solum hic, sed præsertim in futuro Divini judicii examine inquiretur exactissime, quis inter Dispensatores fidelis inventus sit; quis illo dispensandi munere

fideliter functus? Unde intelligimus, quod quo major, & sublimior est ipsorum Sacramentorum dignitas & excellentia, quo salubrior & uberior eorum fructus, quo majori religione, & pietate tractanda; eo quoque diligentiori cura & sollicitudine, eoque maturiori judicio fidei populo sint dispensanda. Hinc videant Sacramentorum Ministri, ac inter illos Pastores præcipue, quæ sibi incumbat obligatio, ut quantum Spiritus Dei & prudentia suggesserit, de statu & dispositione suscipientium, juxta cujusque Sacramenti exigentiam, cognoscant; omnemque diligentiam adhibeant, ut Fideles omni qua par est reverentia & devotione, ad Sacramenta suscipienda quovis tempore se præparent & adornent; ne impietatis & sacrilegii reatu communicantes; Dei iram & indignationem super se, & super populum inducant.

Quoad excommunicatos vero aut peccatores publicos, prudenter observent, quæ in Manuali præscribuntur. In rebus hujuscemodi dubiis, quæve negotium facessere possent, ne procedant Nobis inconsultis.

LVIII.

Sacramenti Baptismi administratio non differenda.

Sacrum Baptisma, Christianæ Religionis & æternæ vitæ janua, quod inter alia Sacramenta a Christo Domino instituta, primum locum tenet, cum cunctis ad salutem necessarium esse testetur ipsa Veritas; merito curare debent Pastores, eorumque Vicarii, ut hujus summam necessitatem attendentes, statim ac requisiti fuerint, se paratos ad illud administrandum offerant; neque ex ulla causa, etiam ob id forte, quod infans baptizandus ex concubitu illegitimo sit conceptus, Baptismum administrare differant.

Sæpe quoque parentes admoneant, ut proles suas quamprimum in Ecclesia baptizari curent; ne forte ipsorum culpa aliquem absque Baptismo, cum certo æternæ salutis dispendio, e vita migrare contingat. Infantem asse-

Iii i 3

curare,

(g) Rit. Roman.

(h) Man. Iprens. præscript. 10.

(i) Matt. 10. 8.

(k) 1. Cor. 4. 1.

(l) Ibid. 5. 2.

turare, ut vocant, seu Baptismum illi conferre sine solemnitate, vel caremoniis ab Ecclesia præscriptis, etsi postea in Ecclesia supplendis, cum nulli liceat extra casum necessitatis, expresse prohibemus id fieri, etiam sub prætextu quod susceptores diutius expectandi sint, nisi ad hoc specialem licentiam a Nobis obtinuerint.

LIX.

Quæ hic præterea observanda.

Baptizandorum *Catechismus*, seu sollemnes interrogationes, quibus susceptores baptizandi nomine compellantur: *An Satana abrenuntient &c., an credant in Deum &c.*, fiant idiomate vernaculo, quod susceptores intelligunt; prout post Pastorale *Mecblin.* etiam in aliis Dioecesium hujus Provinciæ passim ordinatur & observatur.

Fideles quoque, qui præsentés adstant, pie, religiose, omnique animi attentione adesse moneantur; utque ipsi mente submisceant & studiose repetant, quæ Deo, cum Baptismum susceperunt, sancte sponderunt.

Quoad Susceptorum officium & obligationes, observent Pastores, quæ in Statutis & Manuali nostro ipsis præscribuntur; fidelesque sæpius moneant, ut in prolium suarum Baptismo eos potius paternos & maternos eligant, qui eorum animæ consulere, quam qui inopiam subvenire possint.

LX.

Baptismus non temere iterari debet sub conditione.

Quanta autem cautela Baptismus *sub conditione* ministrandus sit, præter Romanum Pontificem BENEDICTUM XIV. in suo præclaro Opere de *Syn. Diac. L. 7. C. 6.* provide item, & sapienter exponit *Catechismus Romanus (m)* his verbis: "Qua in re tamen, diligenter a Pastoribus aliquæ providenda sunt, in quibus fere quotidie non sine maxima Sacramenti injuria peccatur. Neque enim desunt, qui nullum scelus admitti possent arbitrentur, si quemvis sine delectu,

" cum adjunctione illa baptizent: quare, si infans ad eos deferatur, nihil prorsus querendum putant, an is prius ablutus fuerit; sed statim eis Baptismum tribuunt. Quin etiam, quamvis exploratum habeant domi Sacramentum administratum esse, tamen sacram Ablutionem in Ecclesia, adhibita solenni caremonia, cum adjunctione repetere non dubitant; quod quidem sine sacrilegio facere non possunt, & eam maculam suscipiunt, quam Divinarum rerum Scriptores irregularitatem vocant. Nam ea Baptismi forma, ex ALEXANDRI Papæ autoritate in illis tantum permittitur, de quibus re diligenter perquisita, dubium relinquitur, an Baptismus rite susceperint; aliter vero numquam fas est, etiam cum adjunctione Baptismum alicui iterum administrare."

LXI.

Hic religiose observentur, quæ Statuta præscribunt.

Ubi ergo ad Ecclesiam deferatur infans, domi baptizatus, Sacerdos non statim, aut levibus tantum de causis, ei Baptismum *sub conditione* conferat; sed tunc ante omnem actionem, diligens fiat a Pastoribus, aliisque Ministris inquisitio, an qui infantem baptizavit, debitam formam & materiam adhibuerit? Cognito autem, neque circa materiam, neque circa formam erratum esse, sed substantialia Baptismi rite adhibita; tunc Minister omiſſis substantialibus hujus Sacramenti, quæ reliqua sunt, suppleat. Si vero post inquisitionem debitam certo cognoverit, illum, qui se baptizasse dicit, vel alia materia, quam vera aqua, baptizando usum fuisse; aut non veram formam servasse; tunc ipse Pastor ad ministrandum hoc Sacramentum simpliciter procedat, tamquam nihil ab alio circa illud tentatum fuisset. Sed si post diligentem inquisitionem, justam dubitandi rationem habeat, an hoc Sacramentum sub debita forma atque materia, infanti administratum sit, nec ne; aut etiam cognoverit, obsterres, quæ se

se baptizasse dicunt, adeo leves esse, ut ipsis certa fides adhiberi non possit, neque per alios probari potest, quod omnia sint legitime adhibita; tunc ipse Pastor ad administrationem sub solitis precibus & cæremoniis procedat; sed substantialia verba conditionaliter proferat dicendo: *N. Si non es baptizatus, ego te baptizo, in nomine Patris, & Filii, & Spiritus Sancti. Amen. (n)*

Idem, cum proportionem, advertent & observabunt Pastores circa eos, qui baptizati sunt ab hæreticis: neque a regulis illis, quæ universalis Ecclesiæ doctrinam & praxim exponunt, doctissimum Rituale nostrum vel in minimo recedit, ut consideranti patebit. Baptizati vero ab hæreticis, qui rectam baptizandi formam, aut debitam materiam non retinent, denuo absolute baptizati debent.

Cum regulariter rationabilis subfit dubitatio, de Baptismo infantibus *expositis*, aut *invenientis*, saltem valide collato, sive sal ipsi appositum sit, vel scedula collo appensa, sive non; semper sub conditione baptizandi sunt; notando in Registro, ubi, quo die, & a quo reperti fuerint. (o) Unicum casum excipimus cum Concilio Carthaginensi Can. 6. "nisi inveniantur certissimi testes," qui eos baptizatos sine dubitatione testentur."

Cæterum, a quocumque infans in casu necessitatis, etiam valide baptizatus fuerit, postmodum ad Ecclesiam deferatur, ut cæremonie Ecclesiasticæ ante & post adhiberi solitæ, diligenter suppleantur; neque tunc certe carituræ suo effectu.

LXII.

Quomodo Vota Baptismalia debeant immovari, & Baptismus describi in Registro.

Pastores tam in ipsa administratione Baptismi, quam alias sæpius, moneant doceantque Fideles, quomodo diem Baptismi ex institutione Patrum (p) quotannis ardentiori prece, elemosyna, omnique charitatis opere & spiritualis gaudii celebritate recolant;

memores, se quidem hac die a diaboli servitute liberatos, & mancipatos Deo; sed etiam universæ legis ejus faciendæ debitores factos esse. In quem finem, in usum revocari iussimus annuam & solemnem *Votorum Baptismalium* innovationem; quæ, Deo favente, per totam Diocesim fructu plurimo & magna ædificatione jam coepit observari, & ut observetur impostero denuo injungimus; rogando Pastores, ut Fideles opportune moneant de Indulgentiis, quas ea occasione lucrari possunt.

Antequam infans ex Ecclesia deferatur, & susceptores recefferint, eorum nomina, aliæque circa administrationem Baptismi exacte nitideque describantur in ipso Registro Baptismali, manu propria ipsius Sacerdotis baptizantis, aut certe alterius ad hoc expresse a Parochis deputati, servatis, servandis. Ubi vero in casu aliquo necessitatis infans domi ab obsterice, aliave persona baptizatus fuerit, id etiam a Pastore in Registro annotari volumus: hujuscemodi autem acta describi in charta aliqua volante, essi brevi post in ipsum registrum referenda, sub gravi pœna prohibemus.

Librum baptismalem Pastor apud se, vel in Ecclesia sua servet, & diligentissime sub sera custodiat. Quodad exemplaria, sive copias authenticas cum registro baptismali, fidelissime exequantur, quæ desuper a Superioribus fuere ordinata.

Idem cum proportionem fieri debet circa registra Matrimoniorum & Sepulturæ; in quibus omnibus, ut etiam minimus defectus, qui maximus esset, majori studio & attentione caveatur, præcipimus, ut exinceps *Baptismi, Matrimoniorum, & Sepulturæ* actentur in registris sub formulis, quas hic ad calcem præscribimus: permittentes nihilominus, ut id fieri possit lingua latina vel vernacula, prout magis expediverit, & de quo in proxima Congregatione Pastoralis, Pastores, præhabito advisamento sui Decani, inter se convenient & resolvent; ut saltem in unoquoque districtu perfecta uniformitas hic observetur.

LXIII.

(n) Stat. sub Rith. T. 12. c. 5.

(o) Syn. Prov. II. T. 3. c. 4.

Stat. sub Masio T. 9. c. 5.

(p) S. Chrysoft. Hom. 21. in gen. S. Carol. Conc. Prov. 6. T. de Bapt.

LXIII.

*Procuranda & adhibenda Obstetrices
jurata.*

Redeundo ad obstetrices, de quibus supra verbum diximus; cum sapius contingat, ab illis Baptismum administrari debere (quod tamen non nisi in vera & urgenti necessitate attendere possunt, & de quo proinde a Pastoribus monendæ sunt, sed admodum prudenter, ne ipsæ aut vices earum gerentes, etiam in simili necessitatis casu infantes baptizare non audeant, aut cum majori periculo Baptismum differant) ideoque plurimum referat, ut, nonnisi probæ & in ea professione exercitæ personæ assumantur; auctoritate tam Synodi *Provincialis secunda*, (g) quam Edicti Regii ad eandem Synodum, (r) requirimus omnes Magistratus singulorum locorum, ne quampiam ad obstetricandum admittant, aut admitti sinant, nisi prius a Pastore loci, in quo commoratur, testimonium finceræ & Catholicæ Fidei habeat; Professionem fidei coram Decano faciat; & ultra consuetum juramentum etiam juret, quod infantes a se suscipiendos quantocius baptizari sit curatura; quod quidem si forte obstitentibus parentibus vel amicis efficere nequeat, Pastorem loci admonere debebit. (s)

At, si in Pagis vel Parochiis singulis obstetrices jurata haberi nequeat, saltem modis omnibus Pastores agant apud Magistratus, ut sit una in vicinia, quæ, casu necessitatis exigente, adiri & secure adhiberi possit.

In locis, ubi obstetrices juramentum per Concilium *Provinciale* & Edictum Principum requisitum, nondum præstitisse constiterit, eas admonebunt Pastores, ut infra terminum trium mensium, id ipsum se fecisse doceant: si quæ vero defuerint, illas per Decanum Nobis denuntiabunt, quatenus tam nostra, quam Magistratum auctoritate, eas urgeamus, ut Ecclesiæ & Principum Mandatis obediant.

LXIV.

Obstetrices solite debent instrui, & in quibus.

Praterea, quia experientia docet, obstetrices, aliasve mulieres infantes in necessitate baptizantes errare, quandoque etiam circa essentialia ipsius Baptismi; Pastoribus districtè injungimus, ut frequenter tum in concione, tum in catechismo singula ad valide baptizandum requisita, clare ac distincte exponant, & doceant *quibus in casibus, qua, quantaque materia, qua forma & intentione* Baptismus conferri debeat; ipsas præcipue monendo, *ab una & eadem persona*, aquam infundi debere simul ac verba formæ proferuntur: quæ omnia his præsertim, quæ ad obstetricandum publice admixtæ sunt, aut admitti volunt, inculcare debent; utpote quæ ad Fidei professionem & juramentum, de quibus supra, admittendæ non sunt, nisi sub testimonio Pastoris, quod circa prædicta omnia perfecte instructæ sint. (t)

LXV.

In mulierum purificatione, quæ observanda.

Quoad *Purificationem* mulierum post partum, cum generaliter constitutum sit in Diœcesi & Provincia nostra, ut nonnisi interveniente Benedictione Sacerdotis Ecclesiam ingrediantur; in omnibus Parochiis id observetur imposterum, secundum formam & ordinem in nostro Manuali præscriptum: in eum finem, puerperæ debito tempore ad Ecclesiam suam Parochialem se conferent; tum etiam, ut Deo gratias agant pro incolumitate sua & suscepta prole. Ubi vero contigerit, mulierem post partum ob diuturnam debilitatem, vel quia jam mortis periculum imminet, non posse in Ecclesiam introduci, permittimus, ut personæ hujuscemodi benedictionem in domo accipiant, modo servantur, quæ etiam in hoc casu servanda præscribit idem Manuale.

Laudabilem consuetudinem, quam mulieres post partum certo dierum numero

(g) Tit. 3. c. 7.

(r) Art. 8.

(s) Stat. sub Rich. T. 12. c. 11. & sub Mac. T. 9. c. 11.

(t) Syn. Prov. II. ibid. Edict. eod. A. 8.

numero, ex reverentia & devotione, ab ingressu Ecclesiæ abstinere, ut ab Ecclesiâ approbarem, & tam in Statutis, quam in Rituali nostro commendatam, ubique religiose observari desideramus.

Conviviis puerperarum tam ruri, quam in civitatibus interesse, omnibus Sacerdotibus & Clericis prorsus interdiciamus, (u)

LXVI.

Quid agere debeant Pastores, ut Sacramentum Confirmationis debite suscipiatur.

Sacramenti Confirmationis administratio licet spectet ad Episcopos, nihilominus Pastorum est, suos subditos sedulis adhortationibus ad salutarem ejus usum inducere, ac etiam instruere circa internam ejus virtutem, externosque ritus, sub quibus conferri solet: pro quo, præter ea, quæ in Manuali & Statutis proponuntur, eos ad Catechismum Romanum remittimus. (x)

Inter alia autem attente observent, & a suis observari faciant, quod licet hoc Sacramentum ejusmodi necessitatem non habeat, ut sine eo quis salvus esse non possit; a nemine tamen illud prætermitti debere; sed potius maxime cavendum, ne in re sanctitatis plena, per quam nobis Divina munera tam largiter impertiuntur, aliqua negligentia committatur: quod enim omnibus communiter ad sanctificationem Deus proposuit, ab omnibus singulari studio expetendum est. Quare, neque adultos, neque infantium parentes censemus a peccato mortali excusari posse, qui hoc Sacramentum suscipere, aut, ut suscipiatur suo tempore, notabiliter negligunt respective.

Et quamvis non semper certam ætatem in pueris expectare debeamus ad Sacramenti hujus susceptionem; cum tamen minus expediat id fieri, antequam aliqualem rationis usum habeant & instructionem: declaramus, nullos imposterum ad Confirmationem a Nobis admittendos (nisi in certis ca-

sibus indicaverimus aliud expedire) *minores septennio*; (y) quique, quantum eorum ætas & capacitas ferre potest, in fundamentis fidei, ac iis etiam, quæ hujus Sacramenti institutionem, gratiam & caeremonias spectare possunt, debite instructi fuerint, & prævia confessione ad illud digne suscipiendum sese præparaverint: de quibus omnibus Nobis constare debebit per testimonium Pastorum; super quo eorum conscientiam oneramus.

LXVII.

Quomodo fideles ad hoc Sacramentum disponendi.

Quapropter, mox ut Pastores præmoniti fuerint de die, quo administranda fuerit Confirmatio, sive in propria sua Ecclesiâ, sive in aliqua ex adjacentibus id fieri debeat; aliquot ante hebdomadibus (quod alias sapius præstare debebunt, prout opportunum fuerit) eos, qui confirmandi sunt, instruant, & pridie ad Confessionem Sacramentalem admittant.

Illos vero, qui forte ætate proveciores erunt, multoties antea hortabuntur, ut etiam jejuniis, eleemosynis, aliisque pietatis operibus sese præparent; maxime vero frequentiori oratione, ac sacrosancta Corporis Christi Communione, ipso die Confirmationis suscipienda, si jam primum ad sacram Synaxim fuerint admissi.

Dum autem hoc Sacramentum administrari debuerit, non modo qui illud suscepturi sunt, aut qui eos offerunt, seu ad Ecclesiam deducunt; sed quotquot præsentibus S. illi Ministerio adfuerint, pie orent, ac summa animi intentione reputent dona cœlestia, quæ hoc Sacramento fidelibus conferuntur, serioque meditentur, quam in illis progressionem habeant; & an vitam agant tanta charismatum ubertate dignam.

LXVIII.

(u) Syn. Prov. II. T. 3. c. 9.

(x) Tit. de Confirmat.

(y) Carech. Rom. ibid. Stat. sub Rich. T. 13. c. 2. Sub Masio T. 18. c. 1.

Tomus X. Concilior. German.

Kkk k

LXVIII.

Alia pro Sacramento Confirmationis observanda.

Adñt quoque Sacerdotes aut Clerici sacris Ordinibus initiati, qui post unctionem Chrismatis; stupa, pax, aut purificatorio frontem confirmatorum abstergant; & præmoneantur confirmandi, ne ante illam absterfionem frontem sacro Chrismate delibutam, nequidem signi Crucis efformandi causa, leviter attingant. Stupa autem ad hunc usum adhibita, diligenter comburatur; purificatoria abluantur; & tam cineres hujus combustionis, quam aqua ablutionis in piscinam projiciantur.

Pastores denique moneant confirmandos, ut e loco Confirmationis non recedant, nisi ultima Benedictione Episcopi percepta; ac tandem nomina confirmatorum in libro ad hoc destinato fideliter describant.

Ubi de aliquo adultæ ætatis, rationabile dubium fuerit, an confirmatus sit, nec ne; caveat, ne Sacramentum Confirmationis expostulet, nisi prius Episcopo confirmanti dubium suum manifestaverit.

LXIX.

Sacramentum Eucharistiæ quam religiose tractari debeat.

Omnibus quidem Ecclesiæ Catholicæ Sacramentis religiose sancteque tractandis magna ac diligens cura habenda est; sed præcipue, in administrando & suscipiendo sanctissimæ Eucharistiæ Sacramento, quo nihil dignius, nihil sanctius & admirabilius habet Ecclesiæ Dei; cum in eo contineatur præcipuum & maximum Dei donum, ac ipse omnis sanctitatis fons, authorque Christus Dominus. (a) Quare, Pastores imprimis summum studium in hoc ponere debent, tam ut ipsi Venerabile hoc Sacramentum, quæ decet reverentia ac debito cultu custodiant, tractent, & administrent; quam etiam, ut fideles illud religiose colant, & frequenter; sed digne, suscipiant.

Quod ad primum spectat; ante omnia solerti sint Pastores, ut tabernaculum; in quo hoc Sacramentum asservatur, sit decens structura; intus panno ad minus serieo ex omni parte vestitum; ac de cætero pro ejusque Ecclesiæ facultatibus, intrinsecus & extrinsecus tam decenter & magnifice exornatum, ut & signum sit præclaræ fidei, devotionis, & pietatis illorum, qui illud curant; & earumdem virtutum incitamentum iis omnibus, qui adorationis causa ad illud conveniunt.

Sit mundum semper, etiam a minimo pulvere, ac omni alia re vacuum; nec unquam in eo deponantur Reliquiæ, sacra Olea, vel sanctum Chrisma; (a) quibus recondendis alium decentem locum aptari & destinari volumus.

Claves Tabernaculi, in Ecclesiis Parochialibus solus Pastor, ejusve Vicarii; in aliis autem Ecclesiis, earum Superiores, aut qui ab eis ad hoc designati sunt, diligenter custodiant; neque eas unquam in loco aperto; quantumvis secreto & ignoto, relinquant; eurentque etiam, ut Tabernaculum semper serra clausum sit; ne ullâ umquam Sacramento injuriâ aut profanatio fiat. Idem observetur quoad locum, in quo Reliquiæ Sanctorum, sacra Olea, aut S. Chrisma conservantur. (b)

LXX.

Lampas ardeat ante Venerabile Sacramentum. Ejusdem vasa sint pretiosa, & nitida.

In quacumque Ecclesiâ aut Sacello sacrosanctâ Eucharistia asservatur, ante illam diu noctuque lampas ardeat, (c) ut hoc signo constet, Christi Corporis Sacramentum ibidem esse repositum, & a Fidelibus adorandum. Ubi forte fabricarum reditus ad hoc non sufficerent, ad actum tam religiosum Fidelium elemosynæ exposcantur. (d)

Omnia sacra vasa, quæ ad ostensionem, deporationem, aut custodiam sanctæ Eucharistiæ deserviunt, ut sunt Ostensoria, Ciboria, Monstrantia, Arcula,

(a) Rit. Rom. T. de Eucharist. Sacram.

sub Georg. an. 1629. T. de Sacram. A. 27.

(c) S. R. C. 22. Aug. 1695: post Rit. Rom.

(a) S. Cong. Episc. 3. Maji 1693. Stat.

(b) Ibid. & A. 28.

(d) Stat. sub Rit. T. 14. c. 6.

culæ, Calices & pyxides, (quæ omnia ad minus argentea esse debent, ac intus decenter deaurata) quotannis semel ad minimum, idque circa festum Paschæ, intrinsecus & extrinsecus mundentur, & splendori suo restituantur.

(e)

Ciborio, Monstrantiæ, seu cuiuscumque alii vasculo, in quo Eucharistia asservatur, tam in Tabernaculo cui includitur, quam dum ad excitandam populi devotionem super altare exponitur, semper consecratum ac mundum corporale sit substratum.

Hostiæ consecratæ eo numero, qui usui infirmorum, aliorumque fidelium Communioni sufficere possit, perpetuo & decenter asserventur; & post quindecim dies, ut summum, (quod in locis humidis, præsertim pluvioso aut hiemali tempore frequentius fieri debet) una cum minutissimis fragmentorum particulis, quæ in Ciborio remanserunt, a Sacerdote consumantur, & in ipsum Ciborium aut pyxidem, ab illis fragmentis & particulis mundatam, novæ Hostiæ consecratæ reponantur; nec umquam illæ recentes cum his vetustioribus misceantur.

LXXI.

Quando, & quomodo Processiones Venerabilis Sacramenti fieri debeant.

Et quamquam ad nutriendam augendamque postremis huius sæculi in cordibus Fidelium pietatem erga Divinam Eucharistiam, eam publice exponi permiserit Ecclesia, pieque ac religiose admodum inductum fuerit, ut singulis annis, certisque diebus, in processionibus per vias & loca publica circumferatur, (f) quod tamen extra festum Corporis Christi, ejusque Octavam, rarius, & nonnisi in arduis & publicis causis ab Ordinario approbandis, fieri oportet; hinc, ne per nimiam hujusmodi frequentiam populi devotio & reverentia erga hoc Venerabile Sacramentum defervescat, omnes, ad

quos spectat, monemus, eisque districte injungimus.

Ut præter jam usitatas aut concessas Processiones cum dicto Venerabili Sacramento, aliæ nullæ tam in Sæcularium, quam Regularium Ecclesiis subintroducantur impotterum, sine licentia nostra: (g) quæ processiones tam institutæ, quam forte instituendæ, nunquam fiant, nisi eo Religionis apparatus, quo & debitus honor illi Divinissimo Mysterio exhibeatur, & populi devotio erga idem Sacramentum accendatur. In eum finem, omnem quoque sollicitudinem Pastores exhibebunt, ne in processionibus illis admisceatur aliquid, quod debitum cultum hujus Sacramenti imminuat, vel ab intima profundaque ejus adoratione Fidelium mentem avocare possit. Curent denique, ne Venerabile hoc Sacramentum in ejusmodi processionibus tam longi itineris circuitu circumgestetur, ut, aut populi devotio languescat; aut etiam computationibus, aliisque id genus insolentis ulla occasio præbeatur.

(h)

LXXII.

Moderanda nimia frequentia in expositionibus Venerabilis Sacramenti.

Ut nimia frequentia, quæ circa publicas Expositiones Venerabilis Sacramenti indies magis invalescit, debite reformari valeat, prout illam reformare intendimus; prævie requirimus, ut tam Regularium, quam aliarum Ecclesiarum Superiores aut Rectores, infra bimestre a data harum, in scriptis doceant & Nobis exponant, quoties in anno, quo titulo, & quam ob causam vel rationem sanctissimum Eucharistiæ Sacramentum in suis respective Ecclesiis exponi soleat; ut si in aliquo ejusmodi expositiones deordinatas, aut aliter abusivas recognoverimus, ipsis modum imponamus juxta intentionem Ecclesiæ, & regulas, quas desuper sacrarum Congregationum Decreta præscribunt.

LXXIII.

(e) Stat. sub Georg. sup. A. 26.

(g) S. Cong. Episcop. 10. Decemb. 1602. & 17. Aug. 1630. S. R. C. 26. Februarii 1628.

S. C. Trid. 16. Mart. 1626.

(f) Syn. Prov. II. T. 14. c. 5.

Tomus X. Conclitor. German.

(h) Trid. Sess. 13. c. 5. de Euchar.

K k k k 2

LXXIII.

Quid observandum circa Benedictiones.

Quoad *Benedictiones*, quæ cum eodem Ss. Sacramento fieri consueverunt, ne & illarum usus immoderatior, ejus honorem & reverentiam minuat, quod semper & ubique sumopere intendimus præcavere; prohibemus, ne imposterum hujusmodi Benedictiones fiant in Missis privatis, nisi ante & post primam ac ultimam Missam singulo die; idque in iis tantum Ecclesiis sive Sæcularibus, sive Regularibus, in quibus similis usus jam dudum invaluit. De cætero, omnibus Sacerdotibus commendamus, ut sacram illam actionem faciant tractim, cum religiosa gravitate, summaque modestia, ac toto corporis habitu ad devotionem composito; nihil omittentes eorum, quæ fidem vivam de tantæ Majestatis præsentia in populo excitare valeant. Quapropter insuper injungimus, ut in præfatis Benedictionibus semper & ubique thuris incensatio exinceps adhibeatur, per Ministrum toga & superpelliceo indutum. Sed quam juste indignaremur, si qui eo temeritatis procederent, ut ritum tam sacrum & augustum, accepto stipendio, quasi precio venalem habere non erubescerent! Quod nihilominus, ne fiat, gravissime prohibemus, & prohiberi voluit S. Trid. Congreg. (i)

LXXIV.

Quo habitu & ritu S. Viaticum deferri debeat.

Dum Ss. Eucharistiæ Sacramentum quandocumque ab Ecclesia ad privatas ægotantium domos per modum Viatici deferendum erit, Pastor, seu quisvis alius Sacerdos, pyxidem sacram seu Ciborium non occulte (nisi forte dum puerperis periclitantibus administrari debet) sed illam manifeste portet ad pectus cum omni reverentia; neque aliter quam superpelliceo & stola indutus, præeunte Custode similiter cum superpelliceo, lumine & nola sonante, per quam populus illam audiens

ad reverentiam & devotionem excitetur. (k) Ubi tamen ruri longius excurrendum erit, & superpellicem adhiberi non poterit, desideramus equidem, ut nonnisi in illo habitu Ecclesiæ fiat Sacramenti hujus administratio in domo infirmi. Hostiam quoque duplicatam tunc habeat Sacerdos, ut absoluta administratione; reliquam cum simili reverentia ad Ecclesiam referat. Quæ omnia, ut cum majori cultu & ædificatione peragantur, incite commendamus post *Rituale Romanum*, (ubi id etiam præscribitur) ut in civitatibus & oppidis sacrum Viaticum semper deferatur sub *Umbella*, seu Baldachino; nisi forte ob gravius aliquod incommodum aliter fieri conveniat; quod zelo & judicio ipsorum Pastorum relinquitur.

LXXV.

Quid hic observent Vicarii & Regulares.

Vicarii numquam Viaticum cuiquam administrent, nisi præmonito suo Pastore; quod etiam observari volumus, dum per illos Extremæ Unionis Sacramentum administrari debuerit.

Nullus Sacerdos tam Sæcularis, quam Regularis Eucharistiæ Sacramentum ad ullum ægotum deferat vel sola devotionis causa, nisi de licentia ipsius Pastoris, etiamsi id occulte & summo mane fieri deberet: monemus tamen, ut etiam tunc ea decencia & veneratione hoc Venerabile Sacramentum tractetur, quam sanctitas illius requirit, attentis loci & temporis circumstantiis.

Si Parochi & Confessarii etiam Regulares "addit INNOCENTIUS XI. (l) aut quicumque alii Sacerdotes, "secus egerint, sciant se DEO Optimo "rationem reddituros esse; neque de "futuram Episcoporum & Ordinariorum justam & rigorosam animadversionem in contrasacientes, etiam Regulares; facilitate ipsis & Ordinariis "per hoc Decretum per Sedem Apostolicam specialiter attributa."

LXXVI.

(i) 15. Maji 1728.
Ipse h. hoc loco.

(k) Syn. Prov. II. T. 7. c. 3. Stat. sub Rich. T. 14. c. 8. Man.
(l) Decret. circa Commun. quotid. 12. Febr. 1679.

LXXVI.

Fideles monendi, ut S. Viaticum comitentur.

Cum autem admodum indecens sit, quod solus Pastor cum Custode suo præeunte, ut plurimum, ad ægris deferendum hoc Sacramentum incedat, aut nonnisi pauci ex populo sequantur; Pastores subditos suos sæpe moneant, ut frequentius hoc Ss. Sacramentum comitentur etiam cum tædis ardentibus; maxime ii, qui Confratres sunt Sodalitatum Corporis Christi, quales optaremus in singulis Parochiis erigi & institui.

Ea occasione, Pastores populum meminisse faciant, Prædecessorem nostrum CAROLUM MASIUM, (m) ad hanc Fidelium devotionem religiosius promovendam, iis omnibus, qui ex charitatis affectu Venerabile Sacramentum tunc comitati fuerint, præter Indulgentias a Summis Pontificibus concessas (de quibus Fideles, ex præscripto Manualis nostri, in singulis administrationibus monendi sunt) alios 40. dies Indulgentiarum concessisse: cæteris vero, qui impediti domi oraverint pro salute ægri, item 20. dies: quas indulgentias, in quantum opus est, per præfatos innovamus; commendantes Pastoribus, ut illas quoque populo sæpius annuntient.

Quandocumque sacrum Viaticum ruri ad certam distantiam de nocte administrandum erit; quo id fiat, nedum majori decencia, sed etiam securitate, adhiat duæ ad minus personæ de familia aut vicinia illius, ad quem Sacramentum deferri debet, qui Pastorem aut Vicarium cum Custode tam in exitu, quam reditu comitari debeant. Idem observetur, dum in simili casu Extrema Unctio ad infirmum deferri debuerit.

LXXVII.

Varia alia, quæ Devotio & Religio hic requirit.

Quotquot Sacerdotem sacrum Viaticum deferentem comitabuntur,

tam eundo, quam redeundo a fabulationibus, omnique alia indecentia abstineant; sed Creatorem suum, qui Sacerdotis manibus deferitur, devota mente adorent, & pro salute infirmi deprecantur; ipse quoque Sacerdos intelligibili voce cum suo Custode, aut etiam aliis de Clero comitantibus, Psalmum 50, vel alterum convenientem devote recitet, cum Collecta pro infirmis, aliasque Orationes pro cuiusque Sacerdotis devotione; (n) præsertim dum longiori via incedendum erit.

In administrando hoc Sacramento, Pastores religiose observent præterea Regulas & Ordinem in Manuali nostro præscriptas; & tam infirmum, quam circumstantes tunc temporis, moneant & instruant, ut ibidem iungitur. (o)

Quod si æger, sumpto Viatico, diutius supervixerit, & iterato communicare voluerit, si nihil aliunde obstat, pio ejus desiderio Pastor non deerit; quin etiam ipsum hortabitur, ut sacram Communionem accipiat, etiamsi graviter non ægroret, aut mortis periculum non immineat; maxime si Festi alicujus celebritas ei suadeat. (p)

Addimus ex Rituali Romano, quatenus curent Pastores, ut ægri cubiculum, præcipue dum ad pauperiores S. Eucharistia erit deferenda, ab omni prius forde munderetur; & mensa, si non nitida mappa, saltem linteo mundo, ac cruce, luminaribus, & vasculo aquæ benedictæ instructa præparetur, in qua Ciborium seu pyxis sacra deponi possit: quod ut Parochiani omnes quæ poterunt majori decencia exequantur, eos sæpius Pastores tum publice, tum privatim, ad hoc monere & hortari non omitant.

LXXVIII.

Præter infirmos, etiam alii Fideles ad frequentem Communionem excitandi.

Verum, quemadmodum summo studio ac diligentia curare debent Pastores, ut Sacramentum Corporis Domini opportuno tempore ægrotantibus administretur; ne contingat eos
Kkk k 3. tanto

(m) Tit. 12. c. 1.
(o) Stat. ibid. c. 11.

(n) Stat. sub Rith. T. 14. c. 10. Map. Iprent.
(p) Rituale Roman. & Past. Mechlin.

tanto bono eorum incuria privari; ita quoque solliciti esse debent, ut careri Fideles suæ curæ commissi illud sancte frequenterque suscipiant: "Quis enim" dubitet, inquit S. *Basilius*, quin vitæ "continenter esse participem, non sit" aliud quam multiplici ratione vivere?" Hinc primævi Christi fideles, qui se immaculatos custodiebant ab hoc sæculo, etiam quotidie aut sæpissime communicabant; quem pium illum temporis Ecclesiæ morem restitui & renovari exoptabat S. Tridentina Synodus: (q) cujus votis utinam consimiles essent Christianorum hujus ætatis mores!

Quod si talem tantumque de ipsis fervorem sperare non liceat, eos nihilominus ad eam vitæ integritatem hortentur Pastores, quæ, si non quotidie, sæpius saltem hunc cœlestem cibum mercantur accipere; (r) si quidem ejus institutioni congruat frequens ipsius manducatio: (s) & sicut perniciosum est, impurum quemque ad tantum Sacramentum accedere; ita periculosum iis, qui sufficienter sunt dispositi aut disponi possunt, prolixiori tempore abstinere: (t) "Cibus est, quo non gustato arefcit anima & deficit." (u)

LXXXIX.

Quædam regula generales circa Communionem Fidelium.

Utrum autem singulis mensibus vel hebdomadis, rariusve aut crebrius Mensam Eucharisticam frequentare expediat, quia certa & una regula omnibus præscribi non potest, in hoc potissimum Pastorum & Confessoriorum diligentia invigilet, ut unusquisque digne pro devotionis & præparationis modo, illam quo potest sæpius accedat; hortando omnes, ut saltem in præcipuis anni solemnitatibus se sacra Communionem reficiant.

Eam quoque consuetudinem Pastores in Parochia sua introducere conentur, ut quoties quis iter longum

vel periculosum, aut rem arduam & difficilem aggreditur, Ss. Mysterius debita cum præparatione participet: quod item sæpius commendari debet afflictis, tribulatis & tentatis, si aliunde sint dispositi. Curent etiam quam maxime, ut mulieres prægnantes imminente partu se Sacramentis muniant.

Si quos invenerint, quibus frequentius communicare permittendum judicabunt, quales inveniri etiam in pagis haud rarum est; moneantur, eo majori sanctimonia eos ornatos esse debere, quo sæpius Christum, omnis sanctitatis fontem, in se suscipiunt: utque Pastores quoad illos securius procedere valeant, seque in sano ac tuto medio contineant, inter noxii nimirum rigoris & perversæ laxitatis metam, regulis inhæreant, quas de frequenti Communionem præscripsit S. *Franciscus Salesius*, (x) in dirigendis ad salutem & perfectionem animabus peritissimus.

LXXX.

Quomodo Fideles ad Communionem Paschalem movendi & disponendi.

Quod si aliis temporibus Fideles piis tantum cohortationibus ad frequentanda sacra Mysteria incitandi sint; in Paschate ad cœlestis Patris familias convivium non solum vocandi sunt, sed compellendi intrare: (y) qui ergo tunc digni non sunt, dignos se faciant oportet, (z) ne eo intrent non habentes vestem nuptialem. (a)

Et ut ii, qui forte hætenus indigni fuere, ad hanc Cœnam magnam admitti, digni fiant; qui vero minus digni, digniores efficiantur; Pastores initio Quadragesimæ (b) commissam sibi plebem hortentur, ut peccata sua confiteri incipiat; quo nempe cum Deo gratiora facit sua inchoata jejunia, circa Paschale tempus cum majori reverentia & mundiori corde, iterata confessione, sacrosanctum Corpus Domini suscipiat. (c)

In eundem finem, sub Quadragesima decur-

(q) Sess. 22. c. 6. de Sacrif. Miss.

(r) Jois 6. 50.

(x) Introd. ad vit. devot. P. 2. c. 20.

(y) Matt. 22. 12.

(z) Stat. sub Rich. T. 16. c. 5.

(r) Ibid. Sess. 13. c. 8. de Euchar.

(x) Conc. Aquisgran.

(y) Lucæ 14. 23.

(z) S. Chrysost.

(a) Trid. Sess. 14. c. 5. de Penitent. in fine.

(b) Ibid. Sess. 13. c. 8. de Euchar.

(c) Ibid. Sess. 13. c. 8. de Euchar.

decurſu Paſtores certis diebus per hebdomadam populum ſuum, præcipue vero pueros, ſervos, & ancillas, aliosque minus inſtructos, & qui communicare debent, familiariter, paternaque cum charitate per ſe, vel per alium Sacerdotem idoneum, dum impediti fuerint, nunc concione; nunc catechiſmo edocebit ea, quæ tum ad Sacramentum Pœnitentiæ, tum ad Eucharistiæ institutionem; excellentiam ac dignam ſumptionem pertinent; omnes fortiter ſuaviterque monendo, ut intra tempus præſcriptum, Eccleſiæ præcepto ſatisfacere non differant; ſequæ ad hoc per religionis & pœnitentiæ opera ſtudioſe præparent.

Moncant quoque parentes, ut liberos ſuos poſtquam ad compertentem ætatem & diſcretionis uſum devenierint, ad hujus Divini Sacramenti ſuſceptionem pie inducant, Eccleſiæ offerant, efficiantque, ut Catechiſmis & Inſtructionibus, quæ pro pueris digne ad primam Communionem diſponendis inſtitui ſolent, aſſidue ſuſtineant.

Sed quia non ignoramus inveniri parentes, qui proles ſuas a receptiõne Ss. Eucharistiæ retardant; prætextu quod ad annos diſcretionis non pervenerint; revera tamen, ut jura Exequiarum non ſolvant, ſi illas ante ſuſceptam in Paſchate Eucharistiã, e viſis diſcedere contingat; (c) dum tamen prima Communio a ſolius Paſtoris judio dependere debet) tamenſi in Statutis Synodalibus ordinatum fuerit, (d) ut omnes, qui completo duodecimo ætatis anno moriuntur, ad jura exequiarum teneantur, licet nondum communicaverint; Paſtoribus tamen ſuademus, ut in juriſſimis hujusmodi exigendis agant indulgentius; ne ullo prætextu parentes hac in re obligationi ſuæ ſatisfacere differant.

LXXXI.

Alia circa Communionem Paſchalem præſcribuntur.

Denique, ut omnibus & ſingulis Chriſti fidelibus gravis obligatio tum conſtitendi ſemel in anno, tum com-

municandi in Paſchate, efficacius inculcari valeat, mandamus, ut Paſtores quodannis in *Domſtical Paſſions* e ſuggeſtu legant & publicent lingua vernacula Conſtitutionem Concilii *Lateranenſis* ſub INNOCENTIO III. *Omnia utriusque ſexus*, quamque hic ad calcem adſcribi curavimus.

Hanc Communionem Paſchalem in propria Eccleſia Parochiali fieri debere; Synodorum Decreta uno ſenſu declarant; (e) eamque mentem eſſe prælaudati *Lateranenſis* Concilii evidenter ſupponunt, ac ipſa moderna Eccleſiæ praxis abunde demonſtrat.

Si qui vero tam ſalutari Eccleſiæ præcepto non obediverint (niſi forte de conſilio Parochi, vel Confeſſarii ob aliquam rationabilem cauſam a Communionem Paſchali ad tempus duxerint abſtinendum) eos Paſtores omni charitate admoneant, ut memores ſalutis ſuæ, ei exinceps obedire non detreſcant. Quos ſi hortando, obſecrando, increpando ſuperare non potuerint, eos Nobis denunciabunt, nec ulterius procedent.

Ægroti quoque Parochiani, etiamſi extra præſcriptos dies Paſchales Communionem ſumpſerint, ſub tempore tamen Paſchali illam Paſtor denovo deferet & adminiſtrabit omnibus, (f) eodem & designato die, ſaltem in urbibus & oppidis; invitando Clerum & populum, ut cum cantu & tædis Venerabile Sacramentum ſolemniter comitentur, prout in ſingulis Parochiis hujus civitatis cum plurima ædificatione fieri conſuevit.

Præter hanc Communionem Paſchalem, curabunt Paſtores in locis de quibus ſuprà, ut ſacra Communio ſimili ritu & ſolemnitate, præmonito Clero & populo; quater in anno deferatur ad ægrotos; videlicet, die alterove poſt Feſta ſolemnia *Natiuitatis Domini*, *Pentecoſtes*, *Sanctorum omnium*, & *Aſſumptionis B. MARIE Virginis*.

LXXXII.

(d) Sub Georgio an. 1631. Art. 11. Syn. Provinc. II. T. 7. c. 15.

(e) Stat. Syn. an. 1630. de Sacram. A. 7. poſt

(f) Rit. Roman. & Paſtor. Mechlín.

LXXXII.

Qua singulari reverentia Missæ Sacrificium peragi debeat.

At, si alias & semper tam singulari reverentia Augustissimum Altaris Sacramentum ab unoquoque tractandum sit; quæ cura adhiberi non debet, ut sacrosanctum *Missæ Sacrificium* omni religionis cultu ac veneratione celebretur? Quivis id facile existimare poterit, si præter antedicta, etiam cogitaverit *maledictum* in sacris literis vocari eum, *qui facit Opus Domini fraudulenter.* (g) Si enim necessario fateamur, nullum aliud *Opus* adeo Sanctum ac Divinum a Christi fidelibus tractari posse, quam hoc ipsum *tremendum* Sacrificium, quo vivifica illa Hostia, qua Deo Patri reconciliati sumus, in Altari per Sacerdotes quotidie immolatur; apparere debet, omnem operam & diligentiam in eo ponendam esse, ut quanta maxima fieri potest interiori cordis mundicia & pietate, atque exteriori devotionis ac pietatis specie peragatur. (h)

LXXXIII.

Quam graviter hic delinquant nonnulli Sacerdotes.

Et tamen quis dissimulare poterit, etiam hodie hinc inde committi, quod merito *aberrimis lacrymis* descendum ajebat non minus pius, quam doctus Cardinalis BELLARMINUS; (i) videlicet, "ob nonnullorum Sacerdotum incuriam sacrosancta Mysteria tam indecore tractari, ut qui illa tractant, videantur non credere Majestatem Domini esse præsentem: sic enim aliqui sine spiritu, sine timore & tremore, festinatione incredibili Sacrum perficere dicuntur, quasi fide Christum Dominum non viderent, aut ab eo se videri non crederent." Verendum certe, ne sint ex illorum numero etiam illi, qui non exiguam temporis partem otio, vel inanibus colloquiis, aut negotiis eorum dignitati incongruis conterunt, donec celebrandi tempus advenerit; qui tunc

ad Sacrificium convolant, ac statim sacris vestibus festinanter induci, ad Altare properant, Missæque absoluta, Sacristiam repetunt; & depositis sacris indumentis, præcipitanter & scandalose inde venerant, revertuntur.

LXXXIV.

Quid in hac parte curare & præstare debeant Episcopi.

Hæc, aliaque a tam sublimis Sacrificii dignitate prorsus aliena, cum live temporum vitio, live hominum incuria & improbitate sensim irrepere videamus; decreveritque sacrosancta Synodus *Tridentina*, (k) ut ordinarii locorum Episcopi, non solum hic omnem impediunt irreverentiam, quæ ab impietate vix sejuncta esse potest; sed quæcumque alia, quæ huc pertinere visa fuerint, ipsi pro data sibi a S. Synodo potestate, & ut Sedis Apostolicæ Delegati prohibeant, mandent, corrigant, statuunt, atque ad ea inviolate servanda etiam Censuris Ecclesiasticis, aliisque pœnis eorum arbitrio constituendis compellant, non obstantibus privilegiis, exemptionibus, appellationibus, ac consuetudinibus quibuscunque: omnibus & singulis Christi Sacerdotibus Diocesis nostræ præcipimus in virtute sanctæ obedientiæ, eisque injungimus sub gravi pœna arbitraria contra refractarios (quos per Decanos, aliosque Ecclesiarum quarumcumque Rectores aut Superiores, stricte observari & Nobis denuntiari mandamus) ut hic in omnibus se gerant ea morum puritate, gravitate & decencia, quam Ecclesiæ Decreta, ipsaque Fides & Religio requirunt.

LXXXV.

Rubricæ & Ritus Ss. in Missæ Sacrificio religiosissime debent observari.

Idcirco & imprimis, omnes religiosissime observent Rubricas, Ritusque sacros tam generales, quam particulares, quæ circa Missæ celebrationem solemnem & privatam in Missali præscribuntur, quas sæpius attente legant &

[g] Jerem. 48. 10.

[h] Trid. Sess. 22. Decret. de Sacrific. Miss.

[i] De Gemit. Columb. L. 2. c. 5.

[k] Ead. Sess. & Decret. sup.

& addiscant, prout etiam ea omnia, quæ ibidem *de defectibus* in Missæ celebratione occurrentibus exponuntur; reflectentes præterea, quæ desuper, & conformiter ad Statuta Synodalia (1) monuit & innovavit Prædecessor noster RR. DD. GUILIELMUS DELVAULX in suo Decreto sæpius laudato, (m) quoad Exequias & Anniversaria non celebranda diebus Dominicis & Festivis, aut cæteròquin prohibitis; quæ omnia hic pro insertis haberi volumus. Ne vero tam sana & religiosa Decreta illudantur, celebrando pro libitu Exequias diebus prohibitis cum Missa & paramentis, quæ Officio diei conveniunt, prout jam in nonnullis Parochiis invaluit; id impostèrum fieri hic expresse prohibemus. Optamus etiam & commendamus, ut ornamenta, quemadmodum pro Sacerdote celebrante, ita etiam pro Altaribus varientur secundum differentiam Officii juxta præscriptum Rubricarum; quod Pastores diligentia sua conabuntur procurare, ne id frustra ab Ecclesia ordinatum fuisse videatur.

LXXXVI.

Sacerdotes quomodo se mudent & præparent ad Missæ Sacrificium.

Et ut præter exteriorem cultum & observantiam, etiam omni qua fieri potest interiori munditia & præparatione hoc tremendum Sacrificium a Sacerdotibus Deo offeratur; frequenter conscientias suas, & ad minus semel in hebdomada, (n) per Sacramentalem Confessionem expurgent, etiam si gravioris delicti reos se esse non sentiant: "Sed numquam ad Celebrationem nem procedant consciis sibi alicujus" "mortalis peccati, quantumvis contriti, absque Sacramentali Confessione, modo non desit illis copia Confessionarii. Quod si necessitate urgente Sacerdos absque prævia confessione celebraverit, quamprimum confiteatur. (o) Sacerdotes, qui accedunt ad Dominum sanctificentur, ne percutiat eos. (p)

Dein, ad excitandam majorem devotionem, Missam celebraturi (Horis Canonicis devote usque ad Primam perlectis) mentali Orationi aliquantum vacent, (q) pieque recogitent tum Mysterii quod tractaturi sunt altitudinem & excellentiam, immensum quoque Christi erga nos amorem ac charitatem, quæ in Sacramento illo mirabiliter elucet; tum etiam propriam suam miseriam, vilitatem & ingratitude, de qua humiliter doleant & confundantur: ac tandem, ea qua par est animi devotione, recitent Psalmos & Preces, quæ pro præparatione e Missali desumptæ passim in Sacristiis exponuntur, & exponi mandamus ad usum & commoditatem Celebrantium; præter alias devotissimas Orationes, quas in eum finem quisque seligere potest, aut etiam pro data sibi gratia ex proprio suo affectu efformare. Utilissimum fuerit, illis addere actus Fidei, Spei, Charitatis & Contritionis.

LXXXVII.

Quæ intentio, & quanta mora temporis hic adhiberi debeat.

In dirigenda intentione, observent præcipue, ne ex humana consideratione, aut avaritiæ vel consuetudinis motivo, sed ex mera pietate, ad gloriam Dei & Ecclesiæ utilitatem Missam celebrent. Dein proponant & intendant, pro iis potissimum precari, pro quibus sive ex accepta elemosyna, sive ex Beneficii obligatione celebrare tenentur. Meminerint quoque Ecclesiæ necessitatum; Superiorum suorum tam Ecclesiasticorum, quam Sæcularium; & præ cæteris, animarum Fidelium defunctorum.

Dum vestes sacras induunt, se intime recolligant, & earum mysticam significationem alte recogitent, attente recitantes preces, quæ Sacerdotibus, dum se induunt, ab Ecclesia præscribuntur; quas propterea exacte memoriter addiscant & retinebunt. Idem cum proportionem, observent Diaconi &

[1] Sub Mass. T. 5. c. 7. Sub Georg. an. 1630. T. de Offic. Divin. A. 4. [m] Art. 19.

[n] Stat. sub Rithov. T. 15. c. 1.

[o] Trid. Sess. 13. c. 7. de Eucharist.

[p] Exod. 19. 22.

[q] Missale Roman.

Tomus X. Concilior. German.

& Subdiaconi in Missa solemnè admittantur.

Inter celebrandum, eam temporis moram huic sacræ actioni impendant, quæ necessaria est, ut rite & devotè peragatur: quæ licet horæ dimidium excedere non debeat, saltem ex unanimi Scriptorum opinione, teste Ss. D. BENEDICTO XIV. ad tertiam horæ partem pertingere debet; eoque facile pertingeret, si cum omni qua decet attentione, gravitate, animi & corporis compositione singula, quæ ad sacrum Missæ Sacrificium pertinent, legantur & perficiantur; eaque ratione, qua devotionem non modo sibi, sed etiam adstantibus concilient.

LXXXVIII.

Quid agendum, peracto Missæ Sacrificio, & quales Ministri adhibendi.

Peracto denique Missæ Sacrificio, quisque in silentio & summa animi recollectione, nisi forte urgens charitatis officium, aliave res gravis momenti, quæ moram non patitur, eum alio faciat properare, aliquamdiu pro summo beneficii munere Deo gratias agat vel in Sacristiis, vel in ipso Templo; ubi inter alia devotè legat preces hic iterum ab Ecclesia adaptatas; ac secum meditetur, *quis, quid egerit; quæ devotione, quo fine, quove fructu idipsum peregerit?* Serio attendens, Laicos, qui hac in parte religiosiores sese exhibent, non leviter scandalizari, dum vident Sacerdotes, peracto Missæ Sacrificio, continuo in plateas prodire. Christum ergo Summum Sacerdotem, ejusque sanctos Apostolos hic imitemur, qui e cœnaculo, Divinis Mysteriis ibi peractis, non exierunt in montem Oliveti, nisi *Hymno dicto.* (r) Solus Judas, filius perditionis (s) ante exivit, & introivit in eum Satanas. (t)

Tandem, cum indignum merito censendum sit, Mysterio adeo sublimi in Ministros adhiberi quosvis pueros, etiam vilissimos & ineptissimos, qui nullam hujus functionis sacræ ideam habentes, sine ullo pietatis sensu, gesti-

culando & balbutiendo omnia perficiunt: ut hunc abusum, quo sacrosanctum Missæ Sacrificium etiam hæreticorum risui objicitur, quantum in Nobis est, impediamus; volumus, ut Ecclesiarum Rectores invigilent, ne imposterum Sacerdoti deserviant in Altari (ubi alii decentiores ministri inveniri non potuerint) nisi pueri ob honestatem morum & pietatem commendabiles; quique antea modum Sacro inserviendi, & Sacerdoti celebranti respondendi perfecte didicerint, ac sufficienter fuerint instructi de actionis sanctitate, ad quam assumuntur.

Fœminas autem, quantumvis religiosas ministrare Celebrantibus, meminerint semper & ubique prohibere. (u)

LXXXIX.

Præter alia hic observanda, vestes & ornamenta sint munda & decentia.

Quoad locum, horam, colorem indumentorum, Missæ qualitatem, aliaque, quæ in Rubricis Missalis & Directorio Diocesis, aut proprio cujusque Ordinis pro debita & uniformi Missæ celebratione ex intentione Ecclesiæ requiruntur, ea omnia exacte & in minimis curent observare. Ad hæc commendamus Pastoribus, aliisque, ad quos pertinet, quatenus solliciti sint, ut corporalia, purificatoria, albæ, & reliquæ vestes Sacerdotales, omniaque Altaris paramenta semper sint integra & munda, decenterque custodita, conformiter ad Constitutionem Synodalem, qua injungitur, "ut ornamenta Divino cultui dicata, sive lineæ, sive laneæ, vel ex pretiosiori materia, ita in Sacristiæ scriniis vel cistis decenter complicata servantur, ut nec rugas, nec maculas ex indecenti projectione contrahant. Superior Altaris mappa seu tobalia (*additur ibid.*) finita Missa, tegatur panno lineo vel corio, renoveturque singulis mensibus; inferiores, quater in anno; & ubi plures sunt Celebrantes, corporalia & albæ singulis mensibus; purifica-

[r] Matt. 26. 30.

[s] Jois 17. 12.

[t] Ibid. 13. 27.

[u] Stat. sub Rith, T. 15. c. 2.

" rificatoria & amictus, singulis quin-
 " denis mutantur; superpellicea, ma-
 " nutergia & similia, toties quoties ne-
 " cesse erit, modo semper nitida ha-
 " beantur." (x)

XC.

*Quid observandum circa Sacerdotes vagos;
 & extenditur cum precedentibus ad
 Regulares.*

Circa vagos aut ignotos Sacerdotes, qui in Diocesi nostra se offerunt ad Missam celebrandam, observentur etiam a Regularibus, quæ alias & nominatim in Decreto R. D. DELVAULX ex dispositione ipsius Synodi Tridentinae (y) ordinata fuerunt.

Et ut omnia & singula, quæ hic ad cultum & decorem Divini Missæ Sacrificii observari intendimus, nedum a Sæcularibus, sed etiam a Regularibus quibuscumque inviolatè custodiantur; requirimus, ut Regularium Superiores quoad subditos suos, prædictorum omnium fidei exactæque executioni invigilent, eamque tum verbis, tum exemplis, aliisque mediis juvent & promoveant; ne alias potestare Nobis hic specialiter attributa, uti cogamur in Sacerdotes ipsi subditos: *Subditi ergo estote Deo* (z) *in hac gratiam, quæ ministratur a nobis ad Domini gloriam, & destinatam voluntatem nostram.* (a)

XCI.

Commendatur, ut Sacerdotes frequenter celebrant, cavendo omnem Simoniam & avaritiæ speciem.

Quoties autem Sacerdos Missam celebrare teneatur, ne in vacuum gratiam ordinationis suæ acceperit, nostrum non est definire. Nequaquam tamen dubitandum quin quotidiana, aut certe quam frequentissima, sed digna Missæ celebratio, cum Ecclesiæ sensu magis conveniat, (b) ad quam proinde omnes Sacerdotes exhortamur; eis nihilominus, Concilii

Tridentini auctoritatem secuti, præcipientes, " ut saltem diebus Dominicis & " Festis, nisi iure impediatur; si autem cutem habuerint animarum, tam " frequenter, ut suo muneri satisfaci- " ciant, Missas celebrent." (c).

Quod si in omni Ministerio Ecclesiastico Dei Ministri a minima Simonia, aut avaritiæ specie quam maxime alienos esse oporteat; merito hic omnibus Sacerdotibus sub gravi pœna prohibemus cujusvis generis mercedum conditiones, pacta, nec non importunas & illiberales eleemosynarum exactiones potius, quam postulationes, aliæque hujusmodi, quæ a simoniacalabe non longe absunt, aut turpis questus cupiditatem certe demonstrant. (d) Quisquis igitur modestè exigat & recipiat honorarium quod lege, seu probata consuetudine legitime taxatum censeri debet.

XCII.

Missarum intentiones debent promptè & fideliter exonerari.

Caveant etiam Sacerdotes tot Missarum stipendia congerere, quibus nonnisi post diuturnum tempus satisfacere valeant; ne dum justo diutius suffragium, aut emolumentum spirituale petentis differunt sine causa, tam contra iusticiam, quam charitatem graviter delinquant. Quare & conformiter ad Decreram S. R. Congreg. (e) prohibemus singulis Sacerdotibus, ne manuales eleemosynas pro novis Missis accipiant, donec jam ante susceptis satisfecerint, aut omnibus intra modicum tempus (quod ex communi Theologorum sententia ultra bimestre circiter extendi nequit) possint satisfacere; nisi forte qui Missæ stipendia tribuunt, in longiorem moram expresse aut virtualiter consenserint; prout consentire censendi sunt, qui ab uno determinato Sacerdote notabiliorem Missarum numerum celebrari postulant.

Curent

[x] Stat. sub Georg. an. 1629. T. de Sacrament. A. 32.

ferv. &c. in celebrat. Missæ. Syn. Prov. II. T. 12. c. 15.

[a] 2. Cor. 8. 19.

[b] Bened. XIV. de Sacrif. Sect. 2. A. 9.

c. 14. de Ref.

[d] Trid. Sess. 22. Decret. de observ. &c. in celebrat. Missæ.

[e] De 21. Jun. 1623.

Tomus X. Concilior. German.

[y] Sess. 22. Decret. de observ.

[z] Jacobi 4. 7.

[c] Trid. Sess. 23.

Curent quoque Pastores, ut Missas, Anniversaria, aliasque pias foundationes, pro sui & Successorum suorum memoria, in libro Parochiali fideliter & exacte quoad omnia onera illis annexa descriptas habeant; quas insuper in tabella notari volumus; & in Sacristia appendi, ne alias inadvertentia, oblivione, vel alia quavis occasione contingat eos suo tempore non impleri.

Denique, cum ex *Tridentina* Synodo non liceat Sacerdotibus quacumque ex causa Missas celebrandas privata autoritate reducere, vel alia onera Beneficiis aut foundationibus imposita immutare, sed id, quoad Ecclesias Sæcularium, spectet ad Episcopos, "qui, re diligenter perspecta, possint pro sua conscientia in prædictis Ecclesiis, quas hæc provisione indigere cognoverint, circa hæc statnere," quidquid magis ad Dei honorem & cultum, atque Ecclesiarum utilitatem conferre debeat; (f) injungimus, ut omnes quos tangit, se huic Constitutioni *Tridentine* conformando, foundationes suas, & beneficiorum suorum institutionem, quam possint diligentissime examinent, & si minora onera, aut pauciores Missas se persolvere deprehenderint, quam primæ ipsorum beneficiorum aut foundationum erectio requirit, neque confiterit de eorum reductione legitima autoritate facta, intra trimestre a data harum, de omnibus rationem reddant suo Decano respectivè; ut dein præhabito ejus advisamento, desuper statuamus prout juris.

XCHII.

Pastores debent esse solliciti de nitore Ecclesiarum & Cemeteriorum.

Dum præsentem materiam de administratione ac cultu Venerabilis Altaris Sacramenti, cæterisque hunc & illam concernentibus, jam absolvere intendebamus, aliud occurrit eo merito referendum, quodque post Statuta Synodalia Pastoribus summo pere commendari debeat; ut nimirum cum omni sollicitudine Ecclesiarum ni-

tozem & ornatum procurare & augere studeant, nihilque in eis patiantur, quod domum Dei, & *locum habitationis gloriæ* (g) ejus dedeceat. Quare "imprimis Ecclesiam totam, si opus fuerit, interius semel nitide dealbari, & a solo usque ad fastigium sub tecto inclusive, singulis annis scopis bene purgari; parietes ad altitudinem fenestrarum, ipsasque fenestras bis in anno mundari; pavementum singulis hebdomadibus verri; ter vero in anno, si lutum adhæserit, eradi; vasa ænea suavi spongia, candelabra panis lanceo semel in hebdomada, accuratiori vero fricatione ter in anno, argentea etiam deaurata sexro quaque mense aqua tepida ablui; lampades, thuribula, emunctoria semel in mense convenienti purgatione extergeri sollicitè curabunt." (h)

Cum vero pleraque ex illis, quæ ad munditiem nitoremque Ecclesiarum pertinent, Custodibus incumbant; eos Pastores sæpius monebunt & diligenter instruent in iis, quæ sui sunt muneris in hac parte; illos hortando, ut ea omnia religiose impleant, curentque præcipue, ut sacram supellectilem sibi concreditam, mundam, nitidam, & bene compositam habeant, ac quæque suo loco indies deponant. Neque Pastores aut Vicarii hic dedignentur, quod tantopere laudavit S. *Hieronymus* in suo *Nepotiano*; (i) quin potius solliciti sint, ut non solum, quæ hic requirimus, magna sedulitate observentur, sed etiam sua opera & industria inferiores Ecclesiæ Ministros in eo adjuvent & exstiment.

Denique, cum *Cemeteria* sint loca benedicta, in quibus Christi fideles in spem resurrectionis quiescunt, & cæternus, ut ad ipsas Ecclesias proxime spectantia considerari debeant; eorum quoque & merito magna ratio habenda est. Curent itaque Pastores, ut quidquid horum locorum sanctitatem dedecet, sollicitè amoveatur; eaque muris, fossis aut sepibus, ubi ulla ratione fieri poterit, ita concludantur, ut equis, vaccis, porcis, ovibus, aliisque similibus

(f) Trid. Sess. 25. c. 4. de Reformat. de Sacrament. A. 31.

(g) Ps. 28. 8.

(h) Epist. 3. ad Heliodor.

(i) Stat. sub Georg. an. 1629.

libus animalibus majoribus & immun-
dis nullus ad ea pateat ingressus. (k)

XCIV.

*De Sacramento Penitentiae: quam sollicite
debeat administrari.*

Sanctum Penitentiae Sacramentum ad
eos, qui post Baptismum lapsi sunt,
in gratiam Dei restituendos a Christo
Domino institutum, eo diligentius &
majori cum cautela administrandum
est, quo frequentior est ejus usus, &
quo plura requiruntur ad illud recte
digneque tractandum & suscipiendum.
Ne quis igitur in tanti ponderis nego-
tio, cum sui & aliorum periculo inde-
bite procedat; id, quod summopere
timendum est multis, cum de tanto
numero Confessariorum & confiten-
tium, tam exiguum fructum videamus
in iis, qui toties, totque annis conti-
nuis hoc Sacramentum frequentarunt;
per viscera misericordiae CHRISTI
JESU Pastores & Confessarios omnes
obtestamur & adhortamur, ut quem-
admodum eorum officium & vocatio
requirit, hoc sacro ministerio digne ac
fructuose defungantur.

Quomodo, & qualiter id præstare
debeant, præter ea, quæ in Statutis &
Manuali Diocesano latius exponuntur,
idipsum quoque succincte exhibent
Instructiones editæ pro Confessariis hu-
jus Diocesis, ad quas remittimus;
mandantes omnibus & singulis Confes-
sariis, ut illas assidue legant, memori-
ter retineant, & fidelissime in omnibus
sequantur: parati impofterum ad sin-
gula respondere, dum eos in Examine
Confistoriali super his probari & exa-
minari contingeret.

Nihilominus, ut puncta magis
præcipua, quæ in præfatis Instructio-
nibus continentur, hic resumamus, ad-
ditis nonnullis aliis, quæ pro ministe-
rio confessionis dignius implendo in-
servire possunt, & a Confessariis hujus
Diocesis, item observari oportet, ut
populus fidelis, quem Dominus nobis
regendum & custodiendum tradidit, in
viam salutis æternæ securius diriga-
tur:

XCV.

*Confessarius necessaria vitæ puritas, &
perfectio.*

In primis monemus & commenda-
mus Confessarios, ut serio reflectant,
curentque, ut confessiones audiri
non accedant absque illa conscientiae
purity, eaque animi & corporis præ-
paratione, quam tanti mysterii digni-
tas requirit; utpote in quo non homi-
nis, sed Dei exercetur judicium, idque
in animas Christi Sanguine redemptas.

(l)

Neque id satis sibi habere debet
Confessarius, si nulli peccato mortali
obnoxius foro poenitentiali præsideat;
sed meminisse debet, se etiam populo
probitatis & integritatis exemplo præ-
lucere debere. Cum enim aliis virtu-
tis studium & anorem inspirare de-
beat, primum ipse totus perfectionis
suae amore ferveat necesse est; atque
in iis virtutibus acquirendis omnem
operam ponat, quibus cum suo merito
& poenitentium suorum profectu, illo-
rum animarum directioni præesse va-
leat.

Quoad Regulares vero, qui con-
fessionibus audiendis præficiuntur, cum
de eorum vitæ probitate Superiores
Nobis testari debeant; eos requirimus
ut advertant, ne in eo testimonii ge-
nere aliquid testificando admittant,
quod religiosæ conscientiae suæ fraudi
sit, vel labem inferat etiam cum alio-
rum salutis detrimento. Meminerint
igitur, & a Deo, & ab Ecclesia sibi gra-
vissime prohiberi, alios pro audiendis
confessionibus Nobis offerre, quam
quos vitæ & moribus tales probaverint,
quibus animarum curam & salutem
tuto & merito confidamus.

XCVI.

*Confessarius commendatur vitæ & morum
castimonia.*

Quicumque igitur ad confessionis
ministerium deputatur, cum non
tam præesse, quam prodesse de-
beant, idque haud verbis tantum, sed
& factis præcipue; hinc eos omnes &
LII 4 3 lingu-

(k) Stat. sub Mas. T. 3 c. 20. Sub Georg. an. 1629. T. de Sacrament. A. 58.

(l) Instruct. Confessar. A. 21.

singulos iteratò monemus, & in Domino obsecramus, ut *Exemplum sancti Fidelium*, in verbo, in conversatione, ... in castitate; (m) caventes sedulo ab omni specie mala, (n) aut sinistrae suspitionis ingerendae periculo. Quare, extra casum necessitatis, "non nisi in Ecclesia, atque" in loco claro, & non addito aut circumcluso, confessiones audiant, ita ut ad minus confitentes ab omnibus videri possint. (o). Si tenebrae sint, "lumen habeant apud se ad tollendam" omnem suspicionem." (p). Confessiones feminarum, etiam Sanctimonialium, audire extra confessionalia, ipsosque cancellos, cessante vera necessitate, nemo praesumat, sub poena arbitraria; (q) quod potiori jure omnino fieri prohibemus, a parte anteriori confessionalis, prout alias adhuc prohibitum fuit. (r). Et ut omnis praetextus evitetur audiendi confessiones mulierum extra confessionale cancellatum, iungimus Pastoribus, aliisque Ecclesiarum Rectoribus, ut quamprimum hujusmodi confessionale in Sacristiis construi curent pro commoditate illarum, quae praesentio, infirmitate, auditus impedimento, aut alia quacumque causa, in loco separato audiri debuerint.

XCVII.

Monentur Confessarii de Constitutione GREGORII XV. & BENEDICTI XIV.

Ad haec monemus Confessarios, ut non tantum parce, caste, cauteque interrogent circa peccata carnis, seu celibes seu conjugatos; sed etiam, ut sedulo advertant tum ad Constitutionem GREGORII XV. *Universi Domini gregis*, & alteram BENEDICTI XIV. *Sacramentum Penitentiae*, in quibus gravissime animadvertitur in Confessarios sollicitantes ad turpia, aut absque complice; tum ad id, quod hic specialiter Statutis Dioecesanis inferitur; (s) ut nempe, tam qui complice peccati carnalis absolvere attentaverit, quam

qui poenitentem ad turpia sollicitaverit, ipso facto incurrant excommunicationis poenam ordinario reservatam. Quae hic a Confessariis ulterius observari debent, videant in nostris Instructionibus Confessariorum. (t)

XCVIII.

Limitationes & conditiones Admissionis sedulo observandae.

Sacerdotes ad confessiones audiendas a Nobis approbati & admissi, cum definita temporis, loci, aut certarum personarum limitatione, videant ne potestatis sibi concessae limites ullo modo excedant.

Cumque in Instructionibus Confessariorum expresse caveatur, ne quis cum praedictio Pastorum, facultatibus sibi concessis aut concedendis, uti possit; ideoque iungatur, ut iisdem Pastores hanc suam Admissionem ostendere debeant, dum in eorum Parochiis ea uti volent; quod tamen hoc tempore negligi a nonnullis, merito Pastores conqueruntur: declaramus nostram intentionem esse & voluntatem, ut omnes & singuli, ad quos spectat, se tam providae Ordinationi conforment in posterum; insuper requirentes, quod etiam per Statuta iungitur, "ut Regulares examinati" & approbati, antequam confessiones Saecliarum excipiant, teneantur apud probationis & admissionis nostrae litteras Decano loci praesentare, ut in prima Pastorum convocatione, aut alias quando opportunum fuerit, per eundem Decanum nomina admissorum ad audiendum confessiones publicentur." (u). Quod, si forte in certis casibus id difficilius executionis videri debeat, poterit sufficere, ut litterae admissionis a Confessariis Pastori loci exhibita, ab ipso subsignentur, & eorum nomina statim Decano transmittantur.

Quoad ipsos Pastores vero, cum de jure non habeant jurisdictionem nisi pro sua Parochia, aut Parochianis suis

tan-

(m) 1. Tim. 4. 12.

(n) 1. Thess. 5. 22.

(o) Stat. sub Rich. T. 16. c. 13.

(p) Stat. sub Mas. T. 11. c. 16. Man. Ipr.

(q) Syn. Prov. II. Tit. 5. c. 3. Instr.

Confessar. A. 4.

(r) Decret. RR. D. Delvaux A. 13.

(s) Sub Georgio an. 1631. Tit. Instr. Confess.

(t) A. 23. & 24.

(u) Stat. sub Rich. T. 16. c. 10.

tantum; eis expresse concedimus per præsentem, jurisdictionem delegatam pro tota Dicecesi nostrâ; in eum præcipue finem, ut Pastores nostri se mutuo ad audiendas subditorum suorum confessiones invitare possint, dum opera eorum indiguerint. Ut autem Pastores ex confinio aliarum Dicecesum ad audiendas confessiones in Parochiis Dicecesis nostræ advocentur, non consentimus pro futuro, nisi specialem & expressam a Nobis ad hoc facultatem obtinuerint; idque non obstante quavis praxi aut consuetudine in contrarium. (x)

XCIX.

Extenditur Confessoriorum potestas in favorem infirmorum.

"Magnopere certe ad Christianam
"populi disciplinam pertinere,
"ut atrociora quædam aut graviora
"crimina, non a quibusvis, sed a
"Summis dumtaxat Sacerdotibus ab-
"solverentur," (y) merito quovis tem-
"pore censuit sancta Dei Ecclesia; ue-
"pote, qua reservatione efficiatur, ut
"cognita certorum peccatorum gravitate,
"ea Fideles præ timore & pudore
"diligentius præcaveant & devitent; vel
"si illa admiserint, condigniores de iis
"agant pœnitentiam. Ne tamen potes-
"tas, quam Dominus hic nobis dedit in adi-
"ficationem omnium, in aliquorum cedat
"destructionem," (z) atque ut ipsorum etiam
"Confessoriorum conscientiarum consulta-
"mus; concedimus omnibus Pastoribus
& Vicariis Dicecesis nostræ, aliisque
"etiam Sacerdotibus a Nobis ad confes-
"siones approbatis & admissis, ut infir-
"mos, quibus sacri Viatici, aut Extre-
"mæ Unctionis Sacramenta ministran-
"da erunt, si casum aliquem, aut etiam
"plures ex quinque Jure ordinario Nobis
"reservatis, eos incurrisse deprehende-
"rint, ab illis absolvere possint & va-
"leant, in ordine ad præfata Sacramenta
"conjunctim vel divisim suscipienda.

C.

*Præter Decanos, tres Pastores in quolibet
Districtu possunt absolvere a pec-
catis reservatis.*

Dein, considerata Dicecesis nostræ
extensione, ob quam permulti
etiam sani & benevalentes, qui reserva-
tionem hujusmodi incurrere potuissent,
nonnisi admodum difficile, aut
permagno suo incommodo ad Nos, vel
Pœnitentiarium nostrum pro absolu-
tione obtinenda possunt accedere: ut
illorum quoque infirmitati condescen-
dendo, eorum conversionem in Do-
mino acceleremus; omnibus Decanis
nostris facultatem concedimus, quos-
vis Christi fideles absolvendi, intra suos
respective districtus, a casibus item
Jure ordinario, ut supra, Nobis reserva-
tis. Non tantum, sed pro singulari
fiducia, quam in illis habemus, insuper
permittimus, ut in proxima Ss. Oleo-
rum distributione, quæ quotannis per
præfatos Decanos fieri debet, præha-
bito Pastorum advisamento, tres ex il-
lis pro suo districtu designent, Nobis-
que proponant, quibus similem pote-
statem absolvendi a reservatis conceda-
mus; qua ramen nonnisi intra Paro-
chiæ suæ limites uti possint.

CI.

*Facultas hic concessa quomodo executioni
mandanda.*

Pro majori autem pœnitentium com-
moditate commendamus, quatenus
in designandis tribus illis Pastori-
bus, certa quædam & æqualis ad ipso-
rum mutuas Parochias, ipsiusque di-
strictus diversos limites, distantia &
positio observetur, quantum potuerit;
ut qui ad unum ex illis accedere debe-
bunt, ex quavis parte districtus fuerit,
faciliorem accessum ad eum habeant.

Interim Pastores ad hoc opus cha-
ritatis designandos, prout etiam Deca-
nos, aliosque omnes Sacerdotes, qui
hujusmodi facultatem alias a Nobis ac-
ceperunt, aut pro futuro accipient,
monemus & requirimus, tum ut pœ-
nitentes, qui ad eos pro conscientiarum
suarum

(x) S. Conc. Congreg. 3. Decemb. 1707.

(z) 2. Cor. 10. 8.

(y) Trid. Sess. 14. c. 7. de Pœnit.

sua levamine confugerint, quovis tempore paterne excipiant, & *confirmant in eos charitatem*. . . . Ne forte abundantiori tristitia absorbeantur, qui bujuzmodi sunt; (a) tum etiam, ut modis omnibus, Deo juvante, illorum seriaz conversioni allaborent; eosque inter alia moneant de fine reservationis peccatorum ab Ecclesia intento; ac denique, ut vere contritis, & ad Sacramentalem Absolutionem sufficienter dispositis, pro criminum mensura & gravitate salutarem & convenientem satisfactionem injungant.

CII.

Revocatur facultas quorundam Pastorum assumendi Confess., nisi &c.

Declaramus præterea, nulli Pastorum licere imposterum, etiam prætextu quarumcumque Solemnitatum aut Octavarum, quæ in eorum Ecclesiis cum frequentiori populi concursu celebrantur, alios Confessarios seu Sæculares, seu Regulares, in subsidium advocare, illisque nomine & auctoritate nostra permittere, ut etiam a casibus reservatis absolvant, prout antea nonnullis Pastoribus concessum fuerat, quam eos, qui a Nobis pro locis illis & casibus, ut fertur, expressam jurisdictionem & facultatem ante obtinuerint. In quem finem, volumus sufficere nihilominus, ut Pastores, casu occurrente, octiduo ante scripto Nobis exhibeant illorum Sacerdotum nomina & personas, quibus ejusmodi jurisdictionem & facultatem impetrare desiderant; qui tamen antecederent, in, aut pro Diœcesi nostra approbati & admissi esse debebunt.

CIII.

Alia hic observanda a Confessariis.

Extra articulum mortis, aut præmissæ dispositionis nostræ circumstantias, caveant Confessarii aliquid attentent circa casus quomodocumque Nobis reservatos; quod, cum proportionem, observabunt quoad casus Sedi Apostolicæ reservatos; reflectendo, sub concessione, quamvis amplissima, ab-

solvendi a casibus quibuscumque Summo Pontifici reservatis, numquam comprehendendi casus reservatos Episcopo, nisi prius Episcopi venia accesserit. (b) Ut enim S. GREGORIUS MAGNUS præclare dixit: "Si sua unicuique Episcopo jurisdictionis non servatur, quid aliud agitur, nisi ut per Nos, per quos Ecclesiasticus custodiri debuit ordo, confundatur."

Monemus etiam, Confessarios habentes facultatem absolvendi a casibus reservatis Episcopo, non posse absolvere a censuris iidem ipsi reservatis, nisi exprimatur.

CIV.

Monentur Confessarii circa penitentes extraneorum Diœcesium.

Et quamvis casus reservatus in alia Diœcesi, possit tam valide, quam licite absolvi a Confessario seu sæculari, seu Regulari alias non habente potestatem in reservata, in Diœcesi, in qua non est reservatus; id tamen intelligendum cum hac exceptione: "Nisi Confessarii noverint eosdem penitentes in fraudem reservationis ad alienam Diœcesim pro absolutione obtinenda migrasse;" (c) De quo proinde Confessarii penitentes extraneos sollicitè interrogare debent, ut tam reverentiæ ipsius Sacramenti, quam penitentium salutis consulant. Quapropter injungimus Pastoribus, nominatim vero illarum Parochiarum, quæ alienis Diœcesibus adjacent, ut tam Parochianos suos, si forte in Diœcesi confini confiteri voluerint, quam Stationarios, ad quos ex alia Diœcesi penitentes accedunt, serio commoneant; illos, ne in fraudem reservationis in aliam Diœcesim pro absolutione obtinenda demigrent; istos vero, ne tales ad se venientes temere absolvere attentent. Atque hinc patet, quam necessario Pastores & Confessarii, de quibus agimus, scire debeant casus, qui etiam in Diœcesibus conterminis, suis Episcopis reservantur.

CV.

(a) 2. Cor. 2. 7. & 8.

(b) Clemens X. & XIII. Bened. XIV. de Syn. Diœces. L. 5. c. 5.

(c) Idem Clemens X. Bulla *Superni*, & Bened. XIV. sup.

CV.

*Confessarii, Pastores præcipue, sint prompti
& faciles in confessionibus au-
diendis.*

In audiendis confessionibus, quisque se promptum & facilem exhibeat, caveatque diligenter, ne signo, vel verbis illis præ se ferat, ægre se, gravatoque animo optimum hoc & acceptabile Dei opus suscipere. "Dedit" nobis, inquit S. LEO, (d) majores diligendi proximum causas Christianæ gratiæ latitudo, quæ se per omnes partes totius orbis extendens, neminem despectat, dum docet ne minem negligendum."

Quoad Pastores vero, nequaquam putandum est, eos tunc solum ad audiendas suorum confessiones teneri, quando ipsi ad confitendum obligantur; sed & alias sæpius, & quidem toties, quoties rationabiliter & opportune confiteri voluerint: quare curent solliciti, ut se subditorum necessitati aut utilitati attemperantes, semper parati sint operam suam præbere confiteri volentibus; proposito sibi Salvatoris exemplo, qui nullam prætermisit occasionem, quoties de salute animarum agebatur.

Et ut Fideles ad pietatis & religionis exercitia diebus Dominicis & Festis magis alliciantur; maxime, cum ex multorum querelis intellexerimus, in nonnullis Parochiis Sacramenta rarius frequentari a populo, quod Confessarios, aut etiam, quod magis dolendum, ipsos Parochos ad hoc paratos non invenient, & ab iis evocandis, timore aut verecundia deterreantur: mandamus Pastoribus & Vicariis, ut præfatis diebus, præsertim ruri, ante primum Sacrum in confessionali tempeste sedeant; utque nunc unus sub primo Sacro, nunc alter sub Summo ibidem permaneant, sicque opportunitatem præbeant Parochianis, ut quovis tempore ad Sacramentum Pœnitentiæ accedere valeant, & sacræ Eucharistiæ sumendæ frequentius assuescant.

In urbibus, pagis, aut quibuscumque Parochiis, ubi numerosior est

populus, vel frequentior Sacramento-
rum usus, etiam diebus Sabbati & in
Vigiliis majorum Festivitatum, mane,
aut etiam a meridie, hora a Pastoribus
statuenda, sese in confessionali, omni-
bus eorum opera uti volentibus, para-
tos offerant.

CVI.

*Confessarii sint pro pauperibus æque ac
divitibus solliciti.*

Confessarius in hujus Sacramenti administratione, sic animi sui propositum ordinet, ac intentionem dirigat, ut eum nullus humanus intuitus eo pertrahat, sed sola Dei gloria, solumque animarum salutis desiderium, sine ulla personarum acceptione. Quoties proinde ad confessiones audiendas evocabitur, aut ad id sponte se conferet, totus in Deum erectus, mentis oculum ac cordis affectum in hunc finem conjiciat; diligenterque attendat, se eo pergere, ut animas peccati sordibus inquinatas, preciosissimo Christi Sanguine abluat, mundet, ac Deo suo Creatori reconciliet.

In admittendis, instruendis, corripiendisque pœnitentibus, æqualiter pro paupere ac divite sollicitus, id totum pari zelo omnibus & singulis præstare firmiter proponat, quod ad eorum profectum spiritualem pertinere, aut conducere judicaverit. Quod si personarum, quæ ad confitendum accedunt, status, qualitas, aut conditio interrogari, & considerari debeat; (e) certe, non ut alius alii præferatur, sed ut unusquisque prudenter & discrete tractetur, & prout visum fuerit ad eorum salutem animæque directionem magis expedire.

CVII.

*Confessarii debent implere partes tum Me-
dici, tum Judicis.*

Ut autem in tractandis, dirigendis-
que animabus, Confessarius pruden-
ter & discrete procedat, meminisse
imprimis debet, se in sua qualitate,
periti Medici spiritualis partes agere de-
bere;

(d) Serm. 1. de Jejun. 10. Menf.
Tonus X. Concilior. German.

(e) Instruct. Confessar. A. 5.
M m m m

bere; (f) cujus officium est, animæ vulnera, & spirituales ægri complexionem, seu indolem examinare & attendere; ut iis rite expensis, non unam eandemque omnibus, disparibusque animæ morbis, medicinam applicet; sed singulis eam, quæ iis medendis aptissime conveniat, aptaque sit poenitentem a recidiva præservare.

Nec tantum *Medici*, sive medentis officio, Confessarius hic fungi debet, sed etiam *Judicis*; (g) "quem oportet, ut sciat cognoscere & discernere, quidquid debet judicare;" (h) unde merito inferitur, quemvis Confessarium, qua *Judicem*, cognoscere & distinguere debere qualitatem & gravitatem peccatorum, ac maxime ipsius poenitentis dispositionem; ut habita eorum ratione, solvat aut liget, poenasque satisfactorias constituat & injungat, quæ non tantum ad novæ vitæ custodiam, & infirmitatis medicinam; sed etiam ad præteritorum peccatorum vindictam & castigationem, inservire debent." (i)

Hinc, Confessarii studiose observent, quod monet *Rituale Romanum*; ut videlicet, "videant diligenter, quando & quibus conferenda, vel neganda, vel differenda sit absolutio: ne absolvant eos, qui talis beneficii sunt incapaces; quales sunt, qui nulla dant signa doloris; qui odia, & inimicitias deponere, aut aliena, si possint, restituere, aut proximam peccandi occasionem deferere, aut alio modo peccata derelinquere, & vitam in melius emendare nolunt; aut, qui publicum scandalum dede- runt, nisi publice satisfaciant, & scandalum tollant." (k)

CVIII.

Confessarii sint benigni & mansueti erga peccatores obduratos, aliosque poenitentes indispositos.

Nihilominus, sive denegent, sive differant absolutionem Confessarii, semper in charitate & mansuetudine Christi hortentur poenitentes, ut id-

ipsum patienter ferant, illisque suavi sermone causas denegatæ absolutionis aperiant, ostendantque ita expedire, ut eorum saluti bene & secure consulatur. Dein, ut quantocius revertantur eos invitent; animosque addant, ut ante reditum ea omnia, quæ illis a Confessario fuerint præscripta, rite, fideliterque perficiant. Ex quo fiet, ut hujusmodi poenitentes, paterna Confessarii benignitate illecti, frequentius, & quasi sponte, ad lepræ suæ curationem ostendant se Sacerdoti; sicque paulatim a via iniquitatis reducantur, quos alioquin improba Confessarii severitas, a frequentando tam salutari remedio deterruisset. Quod si Confessarius peccatores deprehenderit, quibus severiori disciplina & reprehensione opus sit, eam opportunius adhibebit, postquam procedente tempore, auctoritatem simul & amorem apud illos sibi conciliaverit. Dum autem Confessarius absolutionem poenitenti deferre debuerit, ipsi nihilominus benedictionem imperiet, antequam eum dimittat, ne adstantes quidpiam suspicari possint; dicatque de more, *Miseretur &c. & Indulgentiam &c.* submissiori tamen voce, ut alias semper, ne quis audiat, quod formam Absolutionis Sacramentalis hic omittat.

Hanc mansuetudinem & paternum affectum, quem commendamus Confessariis erga omnes indistincte poenitentes, singularius impendent rudibus, inveteratisque peccatoribus; quos præ cæteris, in visceribus misericordiæ & patientiæ excipere & amplecti debent, eorumque ignorantiam, tarditatem, aliasque imperfectiones tolerare; neque umquam ab iis quocumque modo juvandis averti, quamdiu spes aliqua emendationis affulget.

CIX.

Poenitentes rudiores præ cæteris debent interrogari & instrui.

Ubi autem ruditatem confitentium deprehenderint Confessarii, addunt Statuta, illos doceant, si

(f) *Ritual. Roman.*

(g) *Idem Ritual. Roman.*

(h) *Cap. 1. Dist. 6. de Poenit.*

(i) *Trid. Sess. 14. c. 8. de Poenit. eod. T. de Poenit.*

(k) *Instruct. Confess. A. 16. post Ritual. Roman.*

" si tempus suppetat, confitendi mo-
 " dum, & circumstantias, quæ peccata
 " aggravant, declarandas esse, absque
 " tamen distincta designatione persona-
 " rum, cum quibus peccaverunt. Ipsi
 " quoque Confessarii ab ea inquisitione,
 " ne, per quam ih notitiam persona-
 " rum, cum quibus peccata commissa
 " sunt, devenire possent, abſtineant;
 " neque immisceant, dum confessiones
 " audiunt, illa, quæ confessionem non
 " concernunt, aut ad salutem subdito-
 " rum non pertinent; neque ab ipsis
 " confitentibus talia immisceri permit-
 " tant." (l)

De quibus præterea rudiores in-
 terrogare debeat Confessarius, quomo-
 do eos instruere, & ad absolutionem
 disponere, ulterius exponunt & incul-
 cant nostræ Confessariorum Instructio-
 nes: (m) ubi etiam monentur Confes-
 sarii, ut serio reflectant, quomodo pro-
 cedendum cum *Conſuetudinariis*; quomo-
 do cum *Recidivis* (qui tales sunt ex
 malitia) utpote, quorum conversionem
 difficilem admodum esse pro certo ha-
 bere debeant, quæ proinde dilatione
 absolutionis ordinarie probanda est. (n)
 Additur ibidem, & merito, ut serio
 quoque attendat Confessarius, quod in
 huiusmodi casibus anteriores confes-
 siones plerumque sint repetendæ, &
 consequenter Confessione generali e-
 mendandæ, prout alias sæpius; dum
 nempe infelici nimis experientia con-
 stat, negligentiam maximam in confes-
 sionibus rite instituendis a multis com-
 mitti indies, idque præcipue ab iis, qui
 repudiato a se timore Dei, ad confes-
 sionem potius veniunt ex certa quadam
 agendi consuetudine, quam quod pec-
 catorum suorum agnitione & dolore
 eo perducantur, vitamque in melius
 emendandi vera desideria susceperint.

CX.

*Confessio Generalis, quam utilis, & per-
 sæpe necessaria.*

Porro, *Generalis Confessio*, sive totius
 vitæ, sive aliquot annorum tan-
 tum, quæ variis penitentibus, ut plane

necessaria injungenda est, aliis fere om-
 nibus, saltem aliquoties in vita, ad mi-
 nus suaderi debet ut utilissima. Et
 vero, tamen si & bene vivere, & Sacra-
 menta nonnisi fructuose percipere sata-
 gat homo Christianus; quia tamen
 " necesse est, de mundano pulvere etiam
 " religiosa corda sordescere;" (o) fit ut
 sensim dilabatur in defectus & negli-
 gentias, si non in se damnabiles, certe
 tamen periculosas; quod nimirum fer-
 vorem minuant, & ad quasdam cul-
 pas, etiam graves, tandem conducant.
 Hinc, qui suæ salutis studiosius invigi-
 lant, præter frequentem & ordinariam
 peccatorum purgationem, auctoribus
 vitæ spiritualis Magistris, identidem re-
 cogitantes annos suos in amaritudine
 animæ suæ, generaliores confessiones
 instituunt, ut vel levissimis præceden-
 tibus defectibus medeantur, cognos-
 cantque suum in virtute profectum: (p)
 " Hoc enim illud est, inquit S. Fran-
 " ciscus Salesius, quod nemo vir ingenuus
 " ante obitum negligit." (q) Semel au-
 tem facta totius vitæ generali confes-
 sione, quæ præcipue consulenda est iis,
 qui vitæ statum eligunt aut mutant,
 vel jam serio vitæ & morum conver-
 sionem meditantur; satis erit propriæ
 salutis amatoribus, si quotannis, data
 majoris devotionis occasione, culparum
 per annum admittarum accusationem
 illis permittat Confessarius; qui tamen
 sic se gerere debet erga timoratiore,
 ut scrupulosas in eorum conscientias
 non nutriat anxietates; quibus, si fa-
 cile eos stimulari adverterit, nequidem
 unius anni confessionem ipsis vix per-
 mittat; multo minus consulat, vel im-
 peret.

CXI.

*Pastores doceant Fideles circa Confessiones
 Generales.*

Utque generalium confessionum
 usus & frequentior & facilior
 fiat, summopere Pastoribus commen-
 damus, ut tam in Carechismis, quam
 concionibus, dum de Sacramento Pæ-
 nitentiæ tractandum est, aut alias sæ-
 pius,

(l) Sub Rith. T. 16. c. 13.

(m) Instruct. Confess. A. 6. & 7.

(n) Ibid. A. 18.

(o) S. Leo. (p) S. Carol. Inſtr. Confess.

(q) S. Franc. Sales Ep. ad Matronam Vid.

pius, populum diligenter instruant, doceantque, quibus confessio generalis sit necessaria; quibus vero, ad minus utilis & suadenda, & in quibus circumstantiis; quæ illius instituendæ methodus & regulæ; (r) qui denique, quantique fructus ex illa percipiantur; seque semper paratos offerant (quod a cæteris quoque Confessariis attendi volumus) ut volentes generaliter confiteri, benigne excipiant, paterne adjuvent, sicque saluti eorum cum charitate & zelo allaborare studeant; quam curam & officiositatem, infirmis & moribundis impendent diligentius.

CXII.

Nimia facilitas in danda Absolutione & Satisfactione imponenda, cavenda a Confessariis.

Cæterum, five in confessionibus generalibus, five in illis omnibus, quæ pluries in anno ab unoquoque solent institui, attendant præcipue Confessarii, an pœnitentes vere de peccatis doleant, & ex quo motivo; eosque piis considerationibus (quas semper paratas habere debent) conentur excitare (s) etiam ad actum contritionis ex Dei amore, quem tamquam summum bonum, ac finem ultimum amare debeant: & quem viderint carere serio de offensâ Dei dolore, cum emendationis proposito, non absolvant. Terret nos, quod piissimus Cardinalis *Bellarminus* scriptum reliquit: "Non esset hodie tanta facilitas peccandi, si non esset tanta facilitas absolvendi." (t)

Hinc reflectendum ulterius, quod nametsi pia Mater Ecclesia humanam commiserans infirmitatem, primævam disciplinæ suæ severitatem nonnihil emollierit, atque a Canonum pœnitentialium usu recesserit; "quandoquidem defectus nostrorum temporum, quibus non solum merita, sed corpora ipsa hominum defecerunt, districtio- nis illius non patitur in omnibus manere. censuram: " (u) haud ideo tamen licere Confessariis "Sacramen-

" talem Satisfactionem temere aut pro libitu imponere; sed hac in re iustitiæ, prudentiæ, & æquitatis jura una componere debere; " (x) insequentes saluberrimam ipsius Concilii *Tridentini* doctrinam, his verbis expressam, & omnium Confessariorum animis alte imprimendam: "Debent ergo Sacerdotes Domini, quantum Dei Spiritus & prudentia suggererit, pro qualitate & pœnitentium facultate, salutare & convenientes satisfactio- nes injungere; ne, si forte peccatis conniveant, & indulgentius quam par est, cum penitentibus agant, levissima quædam opera pro gravissimis criminibus injungendo, alienorum peccatorum participes efficiantur." (y) Jure tamen, & merito additur in Instructionibus sæpe laudatis: (z) Ne Confessarii publicas pœnitentias imponant pro peccato occulto; quales, ne quidem pro peccatis publicis, aut pro publico scandalo reparando, absque nostra speciali licentia permittuntur, aut etiam, permittimus; cum hic maxima cautela & prudentia adhiberi debeat, ne dum scandalo reparando intenditur, illud ipsum etiam potius augeatur. (a)

Ut autem ad acceptandam convenientem Satisfactionem, penitentes facilius inducantur, multum proderit Canonum Pœnitentialium notitia: (b) qui quamvis possint, & debeant secundum prudentis & timorati Confessarii arbitrium, mitigari & attemperari, pro ut pœnitentis contritio, personarum qualitas, aut conditio, aliæque circumstantiæ exigere videntur; iis tamen uti debet, ut penarum, quæ olim pro peccatis hujusmodi infligebantur, mensuram explicet pœnitentibus; qui inde gravitatem suorum peccatorum agnoscetes, levius ferent pœnitentias minores sibi impositas, facta comparatione cum pœnis, quas pro iisdem criminibus subiissent, si remotiori ætate ad tribunal pœnitentiæ accessissent.

CXIII.

(r) S. Franc. Sales Introd. P. I. c. 19.

(s) Conc. 4. in Domin. 4. Advent.

(x) Cat. Romæ. T. de Pœnit.

(a) Decret. Epp. Belg. an. 1697.

(s) Instrucl. Confess. A. 15. Manual. Iprent.

(u) Cap. *Confraternitar.* Dist. 34.

(y) Trid. Sess. 14. c. 8. de Pœnit.

(z) Art. 20.

(b) S. Carol. Instrucl. Confessar.

CXIII.

Qualia opera satisfactionis penitentibus imponi debeant.

Meminerint quoque, & observent Confessarii, satisfactionis opera, quæ penitentibus injungi debent, ad triplex penitentiarum genus revocari debere: *Orationem* nimirum, *Eleemosynam*, & *Jejunium*. (c)

Sub *Jejunio*; comprehenditur universa corporis castigatio; ipsum nempe jejunium, non a cibis tantum, sed & a deliciis & voluptatibus etiam licitis; carnis macerationes, vigiliæ, peregrinationes piæ, & his similia. Sub *Eleemosyna*; benevolentia & beneficentia vel dandi vel ignoscendi; id est, Opera misericordiæ, non corporalia modo, ut cura pauperum & infirmorum; sed & spiritualia, ut condonatio injuriarum, dilectio inimicorum, instructio ignorantium, consolatio afflictorum &c. Sub *Oratione*; omnes regulæ sancti desiderii, quales sunt preces sive vocales, sive mentales; Ecclesiarum, & Divinorum Officiorum, sedula frequentatio, lectiones piæ, aliæque spiritualia exercitia.

CXIV.

Quid hic prætereā observandum a Confessariis.

Et quoniam, ut ante refleximus ex *Tridentino*, opera satisfactoria, tam ad medicinam & novæ vitæ custodiam, quam peccatorum castigationem inservire debent; curent etiam Confessarii, ut contentibus injungant penitentias peccatis, quæ commiserunt, quantum fieri potest, contrarias, & secundum penitentium contritionem magis, quam secundum peccatorum magnitudinem, semper etiam contentium qualitate attenta: pro peccato luxuriæ, jejunium & abstinentiam; pro avaricia, largitatem; pro ira, mansuetudinem; pro superbia, humilitatem; pro furto aut detentione rei alienæ, primo restitutionem, dein orationes; pro peccatis spiritualibus, meditationes, orationes & si-

milis, prout viderint saluti confectum expedire: (d) his demum, qui rarius contententur, vel in eadem peccata facile relabuntur, utilissime consulent, ut frequentius ad sacrum Penitentia tribunal redeant; idque, ut poterit, apud eundem Confessarium.

Ægris vero, regulariter injungi non debet gravis & laboriosa Penitentia Sacramentalis, etiam pro graviorebus delictis; sed levior, & quæ gravitati morbi, & qualitati penitentis sit proportionata: talis esse poterit, brevis aliqua oratio, recitatio actuum Fidei, Spei, Charitatis & Contritionis; patiens morbi & dolorum sufferentia, cum resignatione in Dei voluntate; eleemosyna facultatibus accommodata, aut quid simile: curetque Confessarius penitentiam illam, ordinarie loquendo, se præsentem adimpleri; ita tamen, ut præter illam levem pro statu ægri impositam satisfactionem, aliquam insuper condignam, & peccatis expiandis parem pro prudentia sua illi injungat, si convaluerit peragendam.

CXV.

Confessarii caveant diligenter ab omni specie turpis lucri.

Quod si Ecclesiæ Minister, semper & in omnibus functionibus Ecclesiasticis, ab omni specie aut suspitione turpis lucri abesse debeant; cavendum maxime Confessariis, ne quæ commoda temporalia sibi, suisve confessionis occasione aucupentur: non modo petant, sed nec se velle significent aliquod temporale lucrum, pro munere & labore in confessionibus audiendis suscepto; quinimo tam verbis, quam factis ab his omnibus se abhorreere demonstrant: Munera enim excitant oculos sapientum, & mutant verba justorum. (e) Hinc, filii Samuelis declinantes post avaritiam, & munera accipientes, perverterunt judicium. (f)

Et licet dubitari non debeat, quin possit Confessarius injungere penitentibus, ut pro peccatorum satisfactione Missæ Sacrificium celebrari faciant,

Mmm m 3 eosve

(c) Tob. 12. 8. Catech. Roman. loco cit.
(f) Deut. 16. 19. (f) 1. Reg. 8. 3.

(d) Stat. sub Ritb. T. 26. c. 24.

eosve ad id laudabiliter, modo circumspēcte, adhortari: ne tamen hac etiam occasione, aliqua suboriat avaritiæ suspicio, monemus & requirimus, ne Confessarii quicumque ab ullo pœnitente, cui hujusmodi Missarum celebrationem injunxerint, eleemosynam accipiant, ut vel ipsi eas Missas celebrent, vel a sua forte communitate celebrari faciant. (g)

CXVI.

Quomodo danda Absolutio.

Denique, in danda absolutione, omnes modum formulamque sequantur, quæ in Manuali nostro præscribitur, devote preces adhibendo, quæ ibidem Sacramentalem Absolutionem præcedere & subsequi debent; quas caveant Confessarii, ne absque sufficienti ratione omittant; utpote quæ ab Ecclesia religiose præscriptæ, etiam plurimum fructum & meritum ipsi pœnitenti conferunt.

In confessionibus frequentioribus & brevioribus, occasione magni populi concursus, omitti potest "inquit *Rituale Roman.*, *Misereatur &c.* satisque erit dicere: *Dominus noster &c.* usque ad illud: *Passio Domini &c.* Urgente vero gravi aliqua necessitate, ut si quis subito moriturus appareat, Confessarii breviter dicere poterunt: *Ego te absolvo ab omnibus censuris & peccatis, in nomine Patris &c.*" (h)

Additur: *Ab omnibus Censuris*, puta, tam reservatis, quam non reservatis; quia in articulo mortis, quilibet Sacerdos ab omnibus censuris & peccatis, quantumvis reservatis, etiam Summo Pontifici, absolvere potest, si non adfit is, a quo pœnitens alias esset absolvendus; cum pie admodum in Ecclesia semper custoditum fuerit; ut in eo casu nulla sit reservatio, ne hac occasione aliquis pereat." (i)

Interim, qui in extremis sic absolutus est a censuris reservatis, per Sacerdotem, qui alias ab eis absolvere non potuisset; si convalescit, cum pri-

mum potest Superiorem, a quo, secluso necessitatis casu absolvendus erat, se sistere tenetur, ut mandatis ejus pareat; de quo proinde Confessario monendus est, si præsens sibi sit, & spes convalescendi affulgeat; peccata tamen, quamvis reservata, quibus censura annexa non erat, non sunt denuo confitenda.

CXVII.

Stricctissima Sigilli Confessionis obligatio.

Quamvis vero Sigillum Confessionis, seu stricctissima illa obligatio, quam habet Confessarius tenendi confessionem secretam, nullo profusus casu, nullamque ob causam, violandum sit, & quidem sub gravissimo sacrilegii peccato, tametsi id quod revelatur, levis appareat materia; monemus omnes Confessarios, ut in re tanti momenti, omni studio attendant atque observent; quæ desuper in Confessariorum Instructione injunguntur. (k)

Ponat ergo Confessarius *Custodiam ori suo*, & ostium circumstantie labiis suis, (l) ut non erumpant ei verba præcipationis: ac insuper reflectat, non ad sola peccata sese extendere confessionis arcanum; sed etiam, licet minus directe, ad pœnitentis virtutes speciales, ad negotia sæcularia, quæ in confessione commemorata sunt, & ad ejus peccata quamdam habent relationem; aut etiam ad defectus naturales, quos ex confessione detexit. Sic, nec sibi quoque licitum putare debet, quæ dedit pœnitenti monita aut consilia, ea cuiquam expresse recensere; multo minus addere, se alicui absolutionem distulisse, aut recusasse; vel consuluisse, ut se a S. Communionem abstineat.

CXVIII.

Quid colligendum, & timendum ex ante dictis.

Hæc omnia si sedulo & attente, ut debent, considerentur, statim apparebit, tanti, tamque difficilis suscepi muneris partes non implere, imo vero

(g) S. Carol. apud Bened. XIV. de Syn. Dioces. L. 5. C. 9. n. 6.

(h) Ritual. Roman. T. Absolutionis forma. A. 5.

(k) A. 12. 13. & 14.

(l) Psalm. 140. 3.

(i) Trid. Sess. 14. c. 7. de Pœnit.

vero gravioris criminis reos esse, eos omnes, qui, cum in sacro Pœnitentiæ tribunali assideant nulla tacti sollicitudine, pœnitescentes suos non monent, non interrogant, non instruunt aut assistunt, sed expleta qualicumque peccatorum enumeratione, modo licet imperfectissimo, statim indiscriminate absolvunt; levissima sæpe, & fere eadem semper imposita Satisfactione Sacramentali, quæ nullam cum peccatorum qualitate vel quantitate, aut cum ipsorum pœnitentium statu & conditione habet convenientiam, aut proportionem. Sed, quid non timendum, si insuper consideremus, quot, quantæque difficillimæ quæstiones, præcipue in quibus agitur de damno tertii, de valore Matrimonii, contractuum &c. in tribunali confessionis exponi soleant, quæque a non-nullis Confessariis sine examine & discussione, tam temerarie, quam perfunctorie, & quasi in instanti solvuntur, si forte vel obiter ad eas reflexerint?

CXIX.

Corripitur, & exstinguatur quorundam Confessariorum incuria & negligentia.

Ut igitur abusu tam enormi, maloque gravissimo, quod sensim invalescit, cum magna & in pœnitentibus, & in ipsismet Confessariis animarum strage, pro pastoralis nostra sollicitudine medeamur; omnibus & singulis Confessariis præcipimus & mandamus, etiam sub interminatione pœnæ suspensionis, ut iis omnibus, quæ tam in Statutis & Instructionibus Confessariorum hujus Diœcesis, quam in hac nostra Pastoralis, ad dignam Confessariorum institutionem, ac ministerii eorum debitam executionem requiruntur, sese perfecte conformare studeant; omnemque operam ac laborem impendant, quo solertis Medici & prudentis Judicis partes hic implere valeant. Hinc, præter scientiam, prudentiam ac vitæ sanctimoniam, quam tum assiduus precibus, tum ex probatis Authoribus, præsertim Catechismo Romano & prudenti consilio Peritorum comparare sibi debent, (m) eos insuper adhortamur,

ut nunquam se confessionis ministerio exponant, quin prius brevi aliqua oratione, prout res feret, lumen & gratiam a Domino ardentè, humiliterque implorent; ut non tantum in nullam reprehensionem vel errorem incidant; verum, & alienarum inquinamenta feditatum, quas sæpe necesse est audire Confessarios, sic mundent & abstergant; ut ipsi nullatenus propriam animam polluant atque inficiant.

CXX.

De Sacramento Extremæ Unctionis quantum intersit, ut ab infirmis suscipiatur.

Quo magis languescit humanæ infirmitatis virtus, & unusquisque moriens, ad ingredientias sibi ignotas futuri sæculi vias, ob peccatorum suorum conscientiam & judiciorum Dei abyssum, magis percellitur, magisque horret; eo amplius sollicita esse debet Pastorum & Sacerdotum charitas, ut Christianus quisque in extremo illo agone, contra omnes Satanæ insultus bene armatus sit, & in spem Divinæ misericordiæ fidenter erigatur. Ad quem effectum operandum, præter corporalem sanitatem, si ægrotantis salutem conducatur, cum S. Extremæ Unctionis Sacramentum a Christo Domino institutum sit; nequaquam dubitandum, quin Pastores omni studio ac diligentia curare debeant, ut periculose ægrotantibus ministraretur, & eo quidem tempore, si fieri possit, cum illis adhuc integra mens & ratio vigeret; ut ad uberiorem Sacramenti gratiam suscipiendam, ipsi etiam suam fidem ac piam animi voluntatem conferre possint, dum sacro Oleo liniuntur.

CXXI.

S. Extremæ Unctio tempestive administrari debet.

Quamvis igitur hoc Sacramentum non in quavis infirmitate, sed in gravi dumtaxat, possit administrari; quando videlicet humano judicio de infirmantium morte metuitur, & infirmi morti quasi appropinquare videntur; (n) cavendum

(m) Ritual. Roman.

(n) Stat. sub Rith. T. 17. c. 5.

dum tamen, ne, dum administratio differtur usque dum verisimile mortis periculum apparet, interim infirmus aut moriatur, aut usu rationis privetur. Quocirca, in visitandis infirmis omnem diligentiam & sedulitatem adhibeat. Pastores, ut per eos tempestive, & quo potest majori fructu hoc Sacramentum suscipiatur. Ubi autem infirmum resciverint, de quo merito timent, ne forte negligentia propinquo rum aut domesticorum, sacro Oleo non munitus e vita decedat; sciant se graviter obligari, ut nullo habito humano respectu, etiam non vocati infirmum ad-eant, eumque solcite, sed prudenter, ad suscipiendum hoc Sacramentum inducant. Quod haud minus certe ob-tinere debet pro aliis morientium Sacra-mentis. Addit Catechismus Roman.: "eos gravissime peccare, qui illud "tempus ægroti ungendi servare so- "lent, cum jam omni salutis spe amissa, "vita & sensibus carere incipiunt." (o)

CXXII.

*Quomodo Extrema Unctio administrari
debeat.*

Hoc autem Sacramentum semper administretur publice, cum pulsu campanæ e campanili; item in superpelliceo, & cum stola violacei coloris, præcedente Custode cum superpelliceo & lumine. (p) Consuetudinem alicubi receptam, administrandi illud occulte, aut absque exteriori ritu ab Ecclesia præscripto, non tantum jure & merito reprobamus, sed etiam omnibus interdiximus, sub pœna pro voluntate nostra statuenda.

Ubi ad ægrotum Sacerdos perve-nerit, præmissa suavi piaque salutatione, naturam & effectus hujus Sacra-menti breviter, ejusque infirmitati & dispositioni accommodata Oratione ex-ponat; eum confoletur, atque a curis & amore hujus sæculi, in spem & de-siderium vitæ æternæ erigat: nequa-quam vero, (ut imprudentes faciunt, ignorantes officium Sacerdotum ad populum, aut scire nolentes) eum vana longioris vitæ expectatione fallat;

sed contra potius, ad contemnendam hanc miseram vitam, mortemque pa-cato & magno animo acceptandam ita componat, ut nihil præter Deum esu-riat & sitiât; illum solum in corde, so-lum in ore habeat; dissolvi propter eum cupiat; ab illius beatifica visione diutius abesse summam miseriam ducat; atque ita vivere, Christianum esse; sic mori, Christiano maxime necessa-rium, persuadeat.

Et quamvis hoc Sacramentum susceperit, Penitentia & Eucharistia Sacramenta pia sollicitudine præmiserit, eum roget tamen Sacerdos, an-tequam sacram Unctionem impendere in-cipiat, an aliquem adhuc conscientia remorsum sentiat; & si opus fuerit, ejus confessionem prius audiat, & absolvat.

CXXIII.

*Populus Extremam Unctionem devote comi-
tetur, & moneatur de Indulgentiis.*

In Sacramenti hujus administratio-ne, etiam tam eundo, quam redeun-do, a confabulationibus omnes absti-neant, devote fundendis Deo precibus pro salute infirmi intenti. Sacerdos vero eundo, recitet Psalmum *Miserere*, aliosve ex Pœnitentialibus, vel Psalmum *Beati immaculati* &c. ut, quo sic ferventius orationi instatur, tanto ube-riorem fructum ex hoc Sacramento in-firmus accipiat. (q)

Cum autem Prædecessor noster RR. D. MASIUS omnibus Christi fide-libus, qui sacrum Oleum, cum ad in-firmos deferretur, comitati fuerint, eun-do decem, & redeundo, totidem dies Indulgentiarum largitus sit; iis vero, qui id de nocte fecerint, eundo viginti, & totidem redeundo; quibus etiam tam hujus Sacramenti, quam Ss. Eu-charistia Ministros gaudere voluit: (r) ut hoc Sacramentum majori pietate & ædificatione administretur impofterum, præfatas Indulgentias sub eodem tenore, in quantum opus est, innovamus; injungentes Pastoribus, ut & de his pro opportunitate, populum moneant, & ad eas pio affectu lucrandas frequen-tius adhortentur.

CXXIV.

(o) Tit. de Extrema Unct.
(q) Pastoral. Mechlin.

(p) Ritual. Roman. Statut. sub Mas. T. 13. c. 1.
(r) Stat. sub Mas. Tit. 13. c. 4.

CXXIV.

Hoc Sacramentum etiam pueris debet administrari.

Extræe Unctionis Sacramentum pueris ægrotantibus, post decimum quartum ætatis annum; aut etiam iis omnibus, qui ea sunt capacitate & ætate, qua ipsis prima Communio concedi solet, posse & debere administrari, dubitandum non est; utpote, quorum unum in Statutis, (s) alterum in Manuali nostro diserte præscribitur: quo tamen minime censendum est, sacram Unctionem administrandam non esse pueris, qui alias peccati mortalis & confessionis capaces sunt, seu sufficientem ad hoc rationis usum habere judicandi sunt, licet sint solum septem, octo, aut novem annorum; adeoque, quamvis nondum communicaverint, aut proxime communicandi sint: quin, tales omnes inungendos esse, supponunt, aut etiam injungunt passim cætera Ritualia, ac nominatim Pastorale *Mechliniense*; quod proinde, ut etiam in Dicecesi nostra impofterum & uniformiter observetur, præcipimus; ita tamen, ut si eos mori contigerit, eorum parentes ad Exequias more adutorum nullatenus sint urgendi.

CXXV.

Cura & visitatio infirmorum, singularius commendatur Pastoribus.

De cætero, Pastores omnes, aliosque Sacerdotes, ad quos cura & visitatio infirmorum spectare debet, sollicite adhortamur, ut quæ præterea in Manuali nostro, tam ad visitandos infirmos, iisque subveniendum; quam ad opem ferendam morientibus, pie admodum præscribuntur, observare studeant. Præ cæteris vero summopere commendamus, ut infirmis, qui periculosis laborant, aut humanis auxiliis destituti, benigni & providi Pastoris charitatem & operam requirunt, tam ante, quam post administrata Sacramenta, sæpius visitent, consolentur, omnique sollicitudine salutis eorum cau-

sam agant; nullis laboribus parcentes, he ovis manibus suis eripiat, & in æternæ damnationis periculum deveniat.

Hortentur quoque Parochianos suos tum publice, tum privatim, ut se admonere non differant, dum quis in Parochia ægrotaverit, maxime si morbus gravis appareat. Periculo morbi ingravescente, moneant quoque domesticos, se tempestive vocari velle, ut morienti præsto sint. Neque enim committere debent Pastores, ut quantum fieri potest, huic supremo erga subditum charitatis officio desint, tamen si ad aliud subinde non esset, quam ut præsentem *Commendatam* animæ preces persolverent. Si ita se gesserint, continget, ut præter Divinam mercedem, hac sedula opera sibi singularem suorum amorem & affectum reconciliaturi sint, & uberrimos fructus in animarum regimine Deo allaturi: *Non te pigeat visitare infirmum, ex his enim in dilectione firmaberis*, inquit Ecclesiasticus. (t)

CXXVI.

De quo Pastores & Confessarii adhuc debent esse solliciti erga infirmos.

Porro inter varia, quæ Pastores circa infirmos periculose decumbentes præstare debent, annumerandum est, ut illis suadeant, (quod etiam eorum Confessarii curare debent) quatenus integra mente disponant domui suæ; res suas omnes constituent; & per testamentum, hostiam placationis, quæ illis in Domino placuerit, pro animæ suæ refrigerio Deo offerant. Sed hæc suggerendo, ut optime addit *Rituale Romanum*, (u) omnis avaritiæ nota caveatur; evitando nimirum, ne se, suosve, aut etiam Ecclesiam suam ad legata, aut fundationes, quæ in sui lucrum cedant, quomodocunque commendare videantur.

Et quoniam Episcopi, de jure, & ex officio, omnium piarum dispositionum executioni intendere & invigilare debent; (x) commendamus, ut omnes, qui ad executionem testamentariam

(s) Stat. sub Rich. T. 17. c. 3.

(x) Trid. Sess. 22. c. 8.

Tomus X. Concilior. German.

(t) Cap. 7. 39.

(u) T. de cura & visit. infirm.

riam sunt designati, aut imposterum designabuntur, prompte & fideliter pia legata, quæ ex dispositione defunctorum, servatis servandis, fuerunt iuncta, impleant; aut per eos, ad quos spectat, impleri curent; in eum finem requirentes præterea, ut, casu occurrente, Pastores tum publice, tum privatim eos moneant de hac sua obligatione; ac de piis dispositionibus, quas in ipsorum Parochiis fieri contigerit, si justo diutius earum executio differatur, informant Decanum, qui in suis visitationibus, aut alias prout opportunum fuerit, illarum curam gerat ut juris, & conformiter ad intentionem nostram. (y)

CXXVII.

Succurrendum infirmis per Benedictionem Papalem.

Denique, ne Pastores in ullo suis subditis infirmis desint, hortamur eos, quemadmodum & cæteros omnes ad hunc effectum deputatos aut deputandos, ut iis in mortis articulo constitutis, post administrata Penitentia, Eucharistia, & Extrema Unctionis Sacramenta, nisi urgente necessitate aliter fieri debuerit, sedulo succurrant per *Benedictionem Apostolicam*, cum Indulgentia plenaria, quam omnibus utriusque sexus Christi fidelibus concessit, & ipsis impertiri indulgit Ss. D. BENEDICTUS XIV. per Constitutionem suam, *Pia Mater*, datam Nonis Aprilis 1747., & a Prædecessore nostro per Dilectissimam publicatam; mandantes, ut juxta intentionem præfati Pontificis, ritum & formam ibidem præscriptam pro dicta Benedictione & Indulgentia impetranda, aut applicanda, religiose observent, ipsamque Bullam Pontificiam sæpe e cathedra populo annuntient & exponant; atque reflectant, pium hujusmodi opus (quod, ut fieri potest, infirmis impendi debet, dum adhuc sunt sanæ mentis & integris sensibus, quo certius, aut abundantius Indulgentiæ fructum consequi valeant) "non erga Nobiles dumtaxat, & Potentes hujus sæculi; sed erga pauperes quo-

que, & abjectæ fortis homines præstandum esse; imitando nimirum mirabilem, atque celestem amantissimum Redemptoris nostri agendi rationem, qui *Joan. 4.* ad inviscendum ægrotantem Reguli Filium invitatus, ire abnuitt; ad Centurionis servum, nec invitatus, iturum se promissit." (z) Notent etiam Pastores & Sacerdotes, moribundos Fideles tunc excitandos esse, "præsertim, ad ipsam mortem æquo ac lubenti animo de manu Domini suscipiendam, tamquam opus, quod in hujusmodi articulo constitutis, præcipue imponit & injungit Summus Pontifex, quo se ad plenariæ Indulgentiæ fructum consequendum præparent atque disponant." (a)

CXXVIII.

Monitum ad Medicos.

Tandem Medicis atque Chirurgis itidem Pastores sapius exponant obligationem, quæ illis incumbit, monendi tum Parochum de infirmorum statu & periculo; tum ipsos infirmos lecto decumbentes, ut Ecclesiæ Sacramenta tempestive, illud vero penitentia, etiam ab initio ægritudinis, percipiant. Cum enim infirmitas corporalis nonnumquam ex peccato proveniat, dicente Domino languido, quem sanaverat: *Ecce, sanus factus es, jam amplius noli peccare, ne deterius aliquid tibi contingat;* (b) Sic etiam fiet, ut postquam fuerit de salute animarum provisum, ad corporale medicinae remedium salubrius procedatur; cum cessante causa, cesset effectus. (c)

CXXIX.

Pastor, quam curam gerat suorum defunctorum.

Cum autem Pastores suorum omnium, non in vita tantum, sed etiam post mortem curam habere, illorumque personam gerere debeant; videant, ut qua par est pietate & devotione, non vero perfunctorie & negligenter, *Exequia* pro cujusque Ecclesiæ, seu Parochiæ more, & personarum quali-

(y) Syn. Prov. II. T. 17. c. 9.

(z) Bull. *Pia Mater*.

(a) Ibid.

(b) Joan. 5. 14.

(c) Conc. Lateran. III.

qualitate persolvantur; ne alias ad quæstum potius, quam ad defunctorum honorem & salutem promovendam, sacri illi & antiqui Ecclesiæ ritus adhiberi videantur.

Corpora Fidelium defunctorum, etiam pauperum, mendicorum, aut illorum, qui in Xenodochiis moriuntur, ad locum sepulturæ non deferantur, nisi cruce præcedente, & uno ad minus Sacerdote, cum Custode. (d) Et quia item antiquissimi instituti est, ut præsentem corpore defuncti, saltem Missa legatur, antequam sepulturæ mandetur; id ipsum per Pastores observari commendamus pro omnibus suis Parochianis, etiam pauperibus & mendicis; (e) cujus perantiam solvat mensa pauperum, ubi sic fieri consuevit, & ut fiat in omnibus Parochiis, vehementer desideramus: sin minus, moveat Pastores ad hoc opus religionis & misericordiæ, quod non pro vivis tantum, sed etiam pro defunctis suis Parochianis, tum ex charitate, tum ex justitia orare & Sacrificium offerre teneantur; præterquam, quod etiam in finem illum a Fidelibus elemosynæ colligi possint, quæ Sacerdotis stipendio inserviant. (f)

CXXX.

Pastor tractare debet de Sacramento Ordinis, & quare?

Dum aliorum novæ Legis Sacramentorum natura & ratio diligenter consideratur, facile perspicitur, ea omnia ab Ordinis Sacramento ita pendere, ut sine illo, partim confici & administrari nullo modo queant; partim, solemnæ cæremonia, & religioso quodam ritu ac cultu carere videantur: quare necesse est, ut Pastores, institutam Sacramentorum doctrinam persequentes, eo diligentius de Ordinis Sacramento sibi quoque agendum arbitrentur. Proderit autem maxime hæc explicatio, inquit Catechismus Romanus, illis ipsis; dein aliis, qui Ecclesiasticæ vitæ rationem ingressi sunt; postremo,

etiam fideli populo: ipsis quidem (Pastoribus nimirum) quod dum in hujus argumenti tractatione versantur, ad eam gratiam excitandam, quam hoc Sacramento adepti sunt, magis commoventur; aliis, qui in sortem Domini vocati sunt, partim, ut eodem pietatis studio afficiantur; partim vero, ut earum rerum cognitionem percipiant; quibus instructi, viam sibi ad ulteriores gradus facilius munire possint; reliquis autem Fidelibus, primum quidem, ut intelligant, quo honore digni sint Ecclesiæ Ministri, qui hodie nihilominus tam contemptibiles facti sunt; dein, quoniam sæpe contingit, ut multi adsint, vel qui spe liberos suos adhuc infantes Ecclesiæ Ministerio destinare contendunt; vel, qui sua sponte & voluntate, illud vitæ genus sequi volunt; quos certe minime ignorare æquum est, quæ præcipue ad hanc vivendi rationem pertinent. (g)

Ut autem Pastores hanc materiam cum dignitate & utilitate tractare valeant, adeant ipsius Catechismi Romani, de Ordinis Sacramento doctrinam & expositionem; ubi, ac etiam tum ex Concilio Tridentino, & Synodis Provincialibus; tum ex Statutis & Ordinatis Prædecessorum nostrorum, varia de ætate, qualitate, bono testimonio, proclamationibus, ac titulis promovendorum ad sacros Ordines, præter ea, quæ supra (b) circa Ordinatos & Ordinandos requisivimus, facile inveniri & depromi possunt.

CXXXI.

De Sacramento Matrimonii; qua animi præparatione suscipi debeat.

Quo plures ob pravitatem hominum irrepperunt abusus circa Sacramentum Matrimonii, eo diligentior adhiberi debet cura, ut ea qua decet sanctitate & reverentia, servatisque omnibus, quæ a sacris Canonibus & particularibus Statutis aut Decretis præcipiuntur, rite celebretur. Solet enim nequissimus humani generis hostis

(d) Stat. sub Mas. T. 7. c. 1. & 3.
& Ritual. Roman.

(e) Stat. ibid. c. 2. S. Congreg. 12. Julii 1638:

(f) Bened. XIV. de Sacrif. Sect. 2. A. 204.

(g) Catech. Roman. T. de Sacram. Ordinis.

(h) A. 13. 14. & 15.

Tomus X. Concilior. German.

Nnn n 2

stis diabolus præferam conari, ut his sanctis Christianæ Religionis institutis, fallaciæ & laquei adjungantur, quibus humana fragilitas, in carnalibus desideriiis potius, quam in spiritualibus fructibus colligendis occuperetur. Ea de causâ, & ut tot aliæ, maximæque calamitates & detrimenta, quæ ex ignorata, aut neglecta Sacramenti hujus sanctitate, in Ecclesiam Dei redundare solent, magis solícite caveantur; Pastores doceant Fideles diligenter, quo animo eos affectos esse oporteat, quâ devotione & pietate, dum hoc Sacramentum suscipiunt, aut ad illud suscipiendum sese disponunt. Neque enim se rem quamdam humanam aggredi, sed Divinam, putare debent; in qua singularem mentis integritatem & pietatem adhibendam esse, Patrum veteris Legis exempla satis ostendunt; quorum Matrimonia, tamen Sacramenti dignitate prædita non essent, ea tamen maxima semper cum religione & sanctimonia colenda esse existimant. (i) "Præ cæteris vero, eos moneri convenit, quanta necessitate fidem, quam sibi mutuo dederunt, integram servare debeant; dum qui fidem frangit, aut quacumque alia sanctissimæ Societatis fœdera contaminat, non in hominem tantum, sed in ipsum Deum, Matrimonii Authorem, injurius esse dignoscitur." (k)

CXXXII.

Quæ hic præcipue doceri, & inculcari debeant.

Cum varia itaque hic tractanda sint, ne hoc magnum Sacramentum in Christo & in Ecclesia, (l) illicite, multo magis, invalide suscipiatur, aut modis aliis indigne prophanetur; Pastoribus injungimus, ut sæpius in suis concionibus, præcipue vero, a Dominica secunda post Epiphaniam, usque ad septuagesimam, singulari studio fideli populo exponant:

1. Quis hujus Sacramenti Author; quod ejus objectum; quis finis?

2. Quæ observanda sint, ut Contractus matrimonialis tum Sacramentali-

ter, tum Civiliter subsistere valeat, ac debite celebretur? & consequenter

3. Quot, & quæ sint Matrimonii impedimenta, tum dirimentia, tum prohibentia tantum; agendo nominatim, cum debita tamen cautela, de his quæ solent occurrere frequentius, aut præ cæteris ignorari. Explicent hic etiam, quare nuptiæ inter consanguineos & affines fuerint, sintque prohibita?

4. Doceant specialiter, quid interdictum Ecclesiæ, quod *tempus clausum* vocari solet; quis finis illius; quæ mens Ecclesiæ, ut ab omnibus Matrimonium inire volentibus, religiose observetur? Unde inferri jubeant, neminem, nisi gravibus de causis aut rationibus, quæ veritate nitantur, super illo dispensationem querere debere: quod proinde, quemodo etiam ad alia impedimenta, cum proportionem, extendendum sit, exponere & inculcare debebunt.

5. Quid in conjugis electione præcipue attendere debeant ii, qui Matrimonium inire meditantur; puta, non tam divitias, dotes corporales, aliasve humanas qualitates; quam morum honestatem, prudentiam, vitæ sanctimoniam &c.

6. Denique subjungant, quæ sint tum *Sponsorum*, tum *Conjugum* obligationes; de quibus Fideles, dum se ad Sponsalia, aut Matrimonium celebrandum offerunt, etiam particularius instrui, & moneri debent: sic tamen, ut in tractanda hac materia, Pastores quovis tempore caveant omnino, ne ullum eis verbum excidat, quod Fidelium auribus indignum esse videatur, aut pias mentes lædere, vel risum movere queat: ut enim *Eloquia Domini, eloquia casta* sunt; (m) ita etiam maxime decet Christiani populi Doctorem, semper ejusmodi orationis genere uti, quod singularem quamdam gravitatem & mentis integritatem præ se ferat.

CXXXIII.

De quibus, tum Parentes, tum filii hic instruendi sunt.

Præter jam dicta, sunt haud dubie multa alia, de quibus Pastores suos subdi-

(i) Carech. Roman. T. de Sacram. Matrimon.

(l) Ephes. 5. 32. (m) Psalm. 11. 7.

(k) Manual. Iprens.

subditos hic monere, & in concionibus suis instruere debent, ut ex mox dicendis parebit. Unum hoc loco adjicimus, & commendamus, de quo sedulo & expresse tum filios, tum parentes monere debent: illos quidem, quamvis liberum esse debeat Matrimonium, ne parentibus, quos Divina lege revereri jubentur, inconsultis, magis autem, iis repugnantibus, illud contrahere audeant: hos contra, ne humano aliquo aut naturali incuitu, prolem quampiam ad matrimonialem, aut alium vitæ statum determinent, urgentque, ad quem eam a Deo vocatam esse non apparet; aut cui ipsamet reluctatur. Ipsis etiam ob oculos ponatur, quod hic monet Spiritus Sanctus: *Domus & devotio dantur a parentibus; a Domino autem propria. Uxor fidelis. (n)*

CXXXIV.

Sponsalia ordinarie celebranda ante Bannorum proclamationem, quando differri possunt.

Sponsalia, quæ Matrimonii Sacramentum iustas ob causas ex Ecclesiæ consuetudine præcedere debent, (o) uniformiter, quantum fieri potest, celebrari volumus ante factam Bannorum proclamationem, juxta Statutorum Diocesis nostræ laudabilem Ordinationem in Manuali expressam, & ab immediata nostro Prædecessore innovatam. (p)

Pastorum tamen discretioni relinquimus, ut in certis quibusdam circumstantiis, & ob urgentem rationem, Sponsalia celebrari possint immediate ante ipsam Matrimonii celebrationem; sic tamen, ut non faciliores se reddant ad hanc dilationem ex parte nostra toleratam, & Nos informant intra octiduum de Sponsalibus sic contractis; ut præcaveamus, ne ex antiquæ Ordinationis temperamento, etsi pro quibusdam casibus tantum & circumstantiis judicio Pastorum expendendis, praxis & consuetudo in Diocesi nostra recepta, sensim deficiat: tantum abest, ut quis eam pro arbitratu suo differat, vel omitat.

CXXXV.

In celebrandis Sponsalibus, quid Pastor observare debeat, tam pro se, quam pro suis subditis.

Pastor, vel quilibet alius Sacerdos Sponsalia celebraturus, sic semper superpelliceo & stola indutus, ut Manualia passim præscribunt, (q) & observari convenit pro cultu cæremoniæ sacræ, quæ etiam ad ipsum Matrimonii Sacramentum est præparatoria; quamque propterea etiam in loco tantum sacro, aut ad minus, in honestis ædibus celebrari permittimus. (r)

Nulli ad Sponsalia admittantur, nisi noverint generalia Fidei & Religionis principia; nominatim vero, Orationem Dominicam, Salutationem Anglicam, Symbolum Apostolorum, Dei & Ecclesiæ Præcepta; præter alia, quæ de necessitate mediis, aut præceptis, expressius scire tenentur; quos proinde a Pastoribus desuper examinari volumus. (s) Quod si eos omnino rudes invenerint, diligenter doceant, nec ad bannorum proclamationem procedant, nisi se instrui patiantur, sufficienterque instructi fuerint, etiam dispensative ad contrahenda Sponsalia sint recepti.

CXXXVI.

Quam cautelam hic convenit adhiberi.

Et ut quæ decet cautela & prudentia hic adhibeatur, neve aliquis ob ignorantiam præfatam, cum rubore & reluctatione a contrahendis Sponsalibus prohiberi debeat; requirimus a Pastoribus, ut prima opportunitate, populo suo anteriores Constitutiones Synodales hic emanatas, earumque innovationem per Nos factam, e suggestu publicari curent; omnes adhortando & monendo, ne ad Sponsalia aut Matrimonium contrahendum se impoſterum sistant, nisi Pastori suo circa Fidei & Religionis principia eos interroganti, respondere & satisfacere parati sint: quæ interrogationes præcipue locum habere debebunt respectu illorum, de quibus dubitandi ratio

Nnn n 3

(n) Prov. 19. 14.

(o) Man. Iprenc.

(p) R. D. Delvaux in suo Decret. A. 15.

(q) Pastor. Mechlin.

(r) Stat. sub Rith. T. 9. c. 1.

(s) Ibid. c. 3. & 14. R. D. Del-

vaux sup. Stat. sub Georgio an. 1729. T. de Sacram. A. 41.

subfuerit, an sufficienter instructi sint; prout communiter subest in iis, qui in frequentandis concionibus & suscipiendis Pœnitentiæ & Eucharistiæ Sacramentis negligentiores inveniuntur. (t)

Ut tamen rudiores se promptiori animo huic examini subjiciant, ad illud etiam inducantur, qui notorie sciunt ea, de quibus hic interrogare oportet.

CXXXVII.

Desponsandi sint confirmati; & observent, quæ in Manuali & Principum Edictis præscribuntur.

Desponsandi Extracto baptismali instructi sint, ac etiam interrogentur, an sint confirmati: (u) quod si non dum fuerint, & sine notabili incommodo confirmari possint, volumus hoc ipsis a Pastoribus injungi, antequam ad Matrimonium contrahendum procedant: neque enim decet, ut alios Christianos genituri & educaturi, ipsimet non sint nisi imperfecte Christiani. Quod ad Nos spectat, nihil sic desideramus, quam ut charissimi nostri Diocesani experiantur, quam parati simus, & tunc, & alias frequentissime, operam & obsequium nostrum ipsis impendere, dum illud a Nobis requisiverint.

Quod in Manuali præscribitur, ut Pastor inquirat, "an contracturi tam Sponsalia, quam ipsum Matrimonium, non sciant interesse aliquod impedimentum canonicum; utque super illo juramentum recipiat, & quæ sint impedimenta ipsis proponat," exacte imposterum observari requirimus, ad obviandum sequelis gravioribus & difficillimis, quas novimus ex providæ hujus Ordinationis neglectu sæpius evenisse, imo indies evenire:

Si qui hujusmodi juramentum præstare recusaverint, aut aliquod impedimentum ultro falsi fuerint, a Sponsalibus prohibeantur; etiam si dicerent se dispensationem procuraturos, donec illam reipsa obtinuerint.

CXXXVIII.

Quid observandum circa viduos aut viduas, & vagos.

Cum ex longa conjugis absentia non resulet certitudo de ejus obitu, & mors non præsumatur, sed probanda sit; nullus ad secundas nuptias admittatur, nisi sub certo & claro testimonio de morte prioris conjugis, etiam si non decem, vel duodecim; sed etiam viginti, triginta & plures annos eum abuisse constiterit: quæ cautela præcipue adhiberi debet quoad uxores militum, captivorum & peregrinorum. (x)

Caveant præterea Pastores, ne vagos & errabundos homines, qui fixum certumque non habent domicilium, Matrimonio conjungant Nobis inconsultis, quacumque etiam ab illis allegata causa; (y) cum sæpe contingat hujusmodi homines, prima uxore relicta, aliam ipsa vivente, imo plures diversis in locis, non sine ingenti scandalo, & maxima ipsius Sacramenti injuria, ducere. (z) Quare, dum nuptialent benedictionem hujusmodi homines expostulabunt, Parochi, facta prius diligenti inquisitione de eorum patria, religione, ætate, conditione &c. rem totam ad Nos, aut Vicarium nostrum Generalem deferent; ut quod judicatum & mandatum fuerit, sedulo exequantur, sub pœna gravioris correctionis, aliave pro arbitrio nostro infligenda.

CXXXIX.

Quomodo agant Pastores in casu oppositionis, aut demutationis impediementi.

In casu factæ oppositionis ne ad celebrationem Matrimonii procedatur, quæ quidem consideratis ejus motivis, aliisque circumstantiis, aliquam attentionem mereatur, moneat Pastor opponentem, ut causas & rationes suæ oppositionis exponant D. Officiali ad effectum, ut intra terminum decem dierum ab eo procuret, ac intimari faciat provisionalem suspensionem; quod si non

(t) Decret. R. D. Delvaux ibid.

(x) Rit. Roman. & Stat. sub Rich. sup. c. 3.

(z) Idem Rit. Roman. & Man. Iprens.

(u) Stat. sub Rich. sup. Man. Iprens.

(y) Trid. Sess. 24. c. 4. de Ref. Matrim.

fi non fecerit, se processurum declaret ad Matrimonii celebrationem.

Dum vero aliquod impedimentum seu canonicum, seu civile Pastori denuntiatur, de quo, facta debita perquisitione, certo constet Pastori; de eo moneat desponsandos, neque ulterius procedat, donec legitima autoritate cum illis fuerit dispensatum.

CXL.

Quando, & ubi denuntiationes fieri debeant.

Antequam desponsi ad Matrimonii solemnizationem admittantur, ter a proprio contrahentium Pastore, seu alio per eum deputato, tribus *Dominiis* aut *Festivis diebus* (a) publice in Ecclesia, & *non nisi intra Missarum solemniam*, seu, Missam Parochialem proprie dictam, denuntietur, inter quos Matrimonium sit contrahendum: quod deinceps, & imposterum, ad Synodi *Tridentinae*, (b) & Statutorum nostrorum (c) intentionem, in omnibus Ecclesiis Diocesis nostrae observari mandamus, non obstante quovis usu, vel consuetudine in contrarium: commendantes Decanis, ut horum executioni serio attendant, & invigilent; ita tamen, ut Nos infra bimestre ad summum, certiores faciant de observantia hujus nostrae Ordinationis.

In quibus locis seu Parochiis hujusmodi denuntiationes fieri debeant, illorum causa, qui ex alia Parochia, aut etiam Diocesi non ita pridem advenierunt, sufficienter colligitur ex Decreto R. D. DELVAULX, (d) & Diocesis nostrae praxi, quibus adhæremus. In ordine tamen ad Matrimonia, quae a minoribus contrahentur imposterum, insuper injungimus, ut eorum proclamationes semper fiant etiam in Parochiis, in quibus habitant eorum parentes vel tutores, aut curatores, etiam si horum domicilium, illasve Parochias a longo tempore deseruerint.

Quoties autem faciendae fuerint aliquae proclamationes in locis Diocesis

nostrae, ubi sponsi aut sponsae non habitant; ratione proclamationis simul & testimonii desuper expediti, nihil exigatur ultra solidum monetæ currentis; ne alias Leges Ecclesiae, quae cederent in gravamen Fidelium, ad Ministrorum ejus quæstum constitutæ videantur.

Plura alia, quæ circa bannorum proclamationes, aut pro petendis dispensationibus in præfato Decreto Prædecessoris nostri laudabiliter præscripta sunt, curent Pastores observare quam diligentissime; ac populo aliquoties explicant, quanta sit impedimenta denuntiandi obligatio, quam etiam sub pena excommunicationis demandat Ecclesia.

CXLI.

De quibus Sponsi a Pastoribus monevi debeant.

Sponsos, antequam Matrimonium contrahant, monendos esse, ut peccata sua confiteantur, & sacram Eucharistiam suscipiant, aut saltem ad eam suscipiendam se præparent, omnia passim Manualia inculcant: at *Iprense* prudentissime exigat, ut *triduo* ante solemnizationem Matrimonii sua peccata confiteantur; (e) quo nempe, inter alias rationes, despiciere possit Confessarius, num conjugandi dispositi sint, ut Sacramentum Matrimonii cum fructu suscipiant; vel, ad hoc saltem disponi, & quoad varia, quæ occurrere possent, præparari, & expediri viderent. Quare, Pastores exhortamur, ut tam salutarem Ordinationem in praxim reducant, & ab omnibus uniformiter observari curent.

Ex quo autem sponsi sibi mutuo ineundi Matrimonii fidem dederunt, orent sæpissime, ut voluntatem Dei certius cognoscant, & obtinere mereantur ea gratiæ auxilia, quæ ipsis in illo statu sunt necessaria. Moneantur vero præcipue, ut nihil sibi invicem contra Dei & Ecclesiae leges permittant. In eadem domo, ante celebratum Matrimonium, non cohabitent; (f) pii, ac sibi

(a) Stat. sub Mas. T. 15. c. 6.

(b) Sess. 24. c. 1. de Reform. Matrim.

(c) Sub Rith. T. 19. c. 6. Rit. Roman.

(d) A. 13.

(e) Man. Iprense. post

Pastor. Mechlin. & Stat. sub Rith. sup. c. 14.

(f) Stat. sub Rith. ibid. c. 4.

sibi congruis devotionis operibus incumbant; eleemosynas pro facultate sua largiantur &c.; & si ipso die celebrationis Matrimonii, lethalis peccati certi aut dubii se conscios esse meminerint, illud Sacramentali Confessione expiare non negligent, priusquam ad nuptiarum Benedictionem accedant.

CXLII.

Cavendum, ne qui a contractis Sponsalibus temere resiliant.

Non consentiant Pastores, imo sedulo prohibeant, ut illi, qui in ætate legitima constituti, publice, & coram Ministro Ecclesiæ Sponsalia contraxerunt, se mutuo ab ejusmodi promissione propria autoritate absolvant; sed illos, si moniti intra constitutum terminum ad Contractum Matrimonii procedere recusent, Curia nostræ spirituali denuntient; ut causa per Nos, aut Officiale nostrum discussa, si ea secundum juris dispositionem legitima sit, ab ejusmodi promissione auctoritate nostra absoluti declarentur: decet enim, ut quibus Ecclesia semel manum apposuit, nihil circa ea se inconsulta fieri permittat; dum etiam hoc medio impeditur quorundam levitas, quæ alias facile in re tam gravi interveniret. (g)

CXLIII.

Matrimonium celebrari debet intra Missarum solemniam, & in Ecclesia Parochiali.

Et quia nedum Diocesis nostræ, sed & Provinciæ Ordinationes obtinent, ut Matrimonia intra Missarum solemniam, adeoque in ipsa Ecclesia contrahantur, qualem consuetudinem sacra Tridentina Synodus vehementer optat retineri; (h) non tantum præcipimus, ne quis ei contravenire audeat; sed insuper injungimus, ut exinceps (cessante justa & rationabili causa in contrarium, de qua judicium Nobis reservamus) Matrimonia celebrentur in ipsa Ecclesia Parochiali, quæ proprie Sacramentorum locus est, idque publice, & mane hora competenti; quod num-

quam fieri concedimus ante horam quintam hyeme, & quartam æstate. Commendamus autem Pastoribus, ut usui contrario quoad prædicta, quem abusus merito vocamus, sine personarum acceptione suaviter fortiterque resistant.

CXLIV.

Nuptiarum festivitas & convivium sint honesta. Quid Clerici hic caveant.

Cum autem S. Tridentina Synodus mandet Episcopis, (i) quatenus curent, ut nuptiæ ea, qua decet, modestia & honestate fiant; monemus, ut ubi in signum lætitiæ propinqui & amici ad convivium invitantur, sic se gerant, ut Christianos decet: nihil proinde indecens, aut profanum in eo audiatur; superfluum vestium sumptum, & ciborum apparatus sponsi evitent; tripudia & symphonias, semper a Ss. Patribus improbatas, multo magis ebrietatem, aliosque excessus & insolentias, quæ in pudoris contemptum quibusdam in locis exerceri solent, diligentissime effugiant: quibus abusus exterminandis, requirimus, ut Pastores modis omnibus invigilare satagant.

Conviviis nuptialibus quantumvis honestissimis, ipso nuptiarum die interesse, etiam prætextu consanguinitatis, affinitatis &c. cum iis, qui Matrimonium inierunt, Clericis omnibus tam Sæcularibus, quam Regularibus prohibemus: cætera vero hujusmodi convivium, in quibus choreæ & tripudia ducuntur, aut id genus alix dissolutiones fieri solent, quovis loco & tempore solcite effugiant; ne videlicet, sua præsentia approbare videantur, quod modis omnibus improbare, & cohibere debent.

CXLV.

Matrimonia, quomodo in Registro describenda.

Post celebratum Matrimonium, factasque monitiones in Manuali præscriptas, per quas de variis obligationibus novos conjuges instrui, & modeste

(g) Stat. loco cit. c. 11. Man. Ipresf.

(i) Ibid. c. 10.

(h) Trid. Sess. 24. c. 1. de Refor. Matrim.

modeste moneri convenit, ut ante præmissimus; Pastores statim in libro Matrimoniorum, quem item diligenter custodiant, & recludant, conjugum & testium nomina, diemque & locum contracti Matrimonii &c., exacte niti- deque describant, vel describi curent, servatis, cum proportionem, quæ diximus agendo de Baptismo, *Art. LXII.*; idque etiam, licet alius Sacerdos vel ab ipso Pastore, vel a Nobis, aut Officiali nostro delegatus Matrimonium celebraverit: quo tamen casu, tum alterius Sacerdotis nomen, tum illius, cujus facultate Matrimonio adstiterit, in eodem itidem Registro fideliter describatur, sequendo in omnibus formulam, quam infra subijciemus, ut ibidem præmonuimus.

Proles ante Matrimonium genita, cum per subsequens Matrimonium legitimentur, modo ex adulterio non sint natæ, plurimumque referat, aut referre possit, ut de hujusmodi legitimatione in forma probante constet; injungimus Pastoribus, ut casu occurrente, formulæ ordinariæ inscriptionis Matrimonii addant, sponso sibi declarasse, quod pro suo, vel sua infante a seipsis genito, vel genita, agnoscant *N. natum, vel natam die.... mensis.... anni.... Et baptizatum, vel baptizatam, in Parochia N.* Quodque petiverint hanc suam declarationem ad calcem actus sui matrimonialis registro inscribi, & propria manu subsignaverint: quæ omnia etiam ab ipso Pastore subsignari debebunt, expressis die, anno &c.

CXLVI.

Pastores nullos patiantur propria auctoritate divortium attentare.

Denique, quia nonnulli tam viri, quam mulieres, Matrimonio in facie Ecclesiæ contracto, ad suggestionem diaboli (qui non cessat in hoc mundo ac infelici nostro ævo seminare discordias, Christique fideles ab unitate fidei matrimonialis separare.) sua auctoritate, aut propria potius temeritate, absque Ecclesiæ judicio, contra præceptum Domini, & Ecclesiasticas

seu Apostolicas Sanctiones, ab invicem se dividunt & separant, aliisque diversi sexus personis damnabiliter quandoque conjungunt: Nos, tantis in Ecclesia Dei scandalis, tantisque animarum periculis, quantum in Nobis est, quantumque tenemur ex Pastoralis nostro Officio, providere cupientes; injungimus omnibus Diocesis nostræ Pastoribus, ut tam viros, quam mulieres, suæ Parochiæ subditos, qui absque Ecclesiæ judicio ab invicem cum scandalo sese separarunt, aut impostorum separabunt, inter se divortii faciendi causa, nomine & auctoritate nostra moneant, urgeant, & inducant, ut ad mutuum consortium & obsequium redeant, & si obtemperare recusent, Officiali nostro denuntient; aut saltem, post sæpius tentata reconciliationis media, ipsis persuadeant, ut in mutuum thori & habitationis separationem sub æquis conditionibus consentiant: quorum consensum & declarationem, una cum allegatis motivis & declarationibus, Pastor scripto excipiat, & ab utroque subsignari curet; ad effectum, ut actam illam Domino Officiali exhibeat, ab illo approbandam & confirmandam, si sic illi videbitur.

Confidimus autem, quod etiam per viscera misericordiæ Dei commendamus, ut Curia nostræ spiritualis Administrum, operam suam & auxilium etiam pauperibus, qui tunc, aut alias semper ad eos confugerint, cum multa patientia & charitate impendant; amplam mercedem & retributionem recepturi ab eo, qui dixit: *Quamdiu fecistis uni ex his fratribus meis minimis, mihi fecistis.* (k)

CXLVII.

Nedum Ecclesiæ, sed etiam Principum Ordinationes hic observandæ.

Quoad varia alia, quæ spectant ordinem, ritum, formam, & honestatem; sub quibus sive Sponsalia, sive ipsum Matrimonium celebrandum est, cum tam in Statutis, & Prædecessorum nostrorum Decretis, quam, & præcipue, in Manuali nostro suffi-

(k) Matt. 25. 40.

Tomus X. Concillor. German.

sufficienter exposita inveniantur; hortamur Pastores, aliosque, ad quos spectare potest, ut ea assidue legant & imitentur.

Præterea sollicitè observent, & observari faciant ea omnia, quæ pro feliciori Matrimoniorum successu per Principum nostrorum Ordinationes & Edicta, respectively injunguntur.

CXLVIII.

Quanta scientia &c. Sacramentorum Ministri debeant esse instructi.

Cæterum, ex his quæ hæcenus, brevius licet, de Sacramentorum administratione diximus, omnes & singuli, quibus animarum cura incumbit, attente reflectant, quod licet oporteat illos instructos esse in omni scientia & sanctitate, ut digne impleant ministerium suum; nihilominus, eos debere singulari elucere eruditione in his, quæ Sacramenta, eorumque dispensationem concernunt: periculosissime si quidem, tanta Mysteria tractari ab imperitis Ministris quis ambigat? Quam timentum, & merito, ne tales, persæpe indignos ad Sacramentorum participationem admittant; aut dignos, ab illa imprudenter repellant! Quid vero, si ignorent, vel negligant, quæ ab Ecclesia ad Sacramenta digne tractanda præscripta sunt, & sub peccato gravi observari præcepta? Quid tandem, si eos errare contingat circa ea, a quibus valida eorum administratio ex Christi institutione dependet? *Fili hominis, pone igitur cor tuum, & vide oculis tuis, & auribus tuis audi omnia, quæ ego loquor, de universis Ceremoniis domus Domini, & de cunctis Legibus ejus; & pones cor tuum in viis Templi, per omnes exitus Sanctuarii.* (1)

CXLIX.

Pastores oves pascere debent etiam bono exemplo.

Neque sufficere putandum est, si Pastores, aliive, quibus animarum cura commissa est, verbi Divini prædicatione, & Sacramentorum debita administratione oves suas pascant; sed,

idipsum quoque omnium bonorum operum exemplo præstare & efficere debent, (m) cum salus gregis, sit integritas Pastoris. (n) Quare, sapius recogitent, in persona Apostolorum sibi a Christo Domino dictum esse: *Vos estis Lux mundi &c.; vos estis Sal terræ; quod si sal evanuerit, ad nihilum valet ultra, nisi ut mittatur foras.* (o) "Hinc, etiam teste S. Gregorio Magno, nullum ab aliis majus præjudicium, quam a Sacerdotibus tolerat Deus, quando eos, quos ad aliorum correctionem posuit, dare de se exempla pravitatis cernit; quando ipsi peccamus, qui compescere peccata debemus."

In quibus vero Pastores præ cæteris, aliique Sacerdotes cum proportionem, sese Exemplum bonorum operum præbere debeant, audiant ex Apostolo: *In doctrina, inquit, in integritate, in gravitate; verbum sanum, irreprehensibile; ut is qui ex adverso est, vereatur, nihil habens malum dicere de nobis.* (p)

CL.

Laudatur & commendatur Schema vitæ Pastoralis.

Quæ autem hic summatim monet Apostolus, latius deducit & exponit *Schema vitæ Pastoralis*, Statutis Synodalibus sub Prædecessore nostro GEORGIO insertum, quod merito auream Perfectionis Pastoralis Synopsim appellaverimus; utpote in qua omnes virtutes, obligationesque Pastoribus propriæ, mediaque ad eas acquirendas opportuna, eleganti & mirabili ordine depinguntur; cujus proinde lectionem sedulam, & imitationem omnibus animarum curam habentibus enixe commendamus: certoque sibi persuadeant, eo melius se officio suo satisfacere, ac vitæ exemplo suis præluere, quo diligentius & exactius illud in omnibus studuerint observare. (q)

CLI.

Utilissimum quotannis vacare Exercitiis spiritualibus.

At, cum diuturna experientia comprobatum sit, ad retinendam, conservan-

(1) Ezech. 44. 5.

(o) Matt. 5. 13.

(m) Trid. Sess. 23. c. 1.

(p) Ad Tit. 2. 7.

(n) Concl. Burdigal.

(q) Stat. sub Georg. an. 1631. A. ult.

servandamque Sacerdotalis Ordinis dignitatem ac sanctimoniam, & ad officia, muniæque eis injuncta, fructuose & exemplariter adimplenda, summopere conducere, "ut Viri Ecclesiastici singulis annis, per aliquot saltem dies, ex directione viri alicujus intelligentis, operam dent spiritualibus Exercitiis;" (r) quibus, quidquid de mundo pulvere contractum est, commodè detergiatur, Ecclesiasticus Spiritus reparatur, mentis acies ad Divinarum rerum contemplationem attollitur, recte sancteque vivendi norma vel instituitur, vel roboratur: inhærentes præterea, tum Summorum Pontificum (s) literis & monitis, tum etiam hujusmet Diœcesis nostræ Synodalibus Constitutionibus, & Prædecessorum Decretis, quibus hujusmodi *Exercitia spiritualia* commendantur, & præscribuntur; omnes Pastores, Vicarios, aliosque Sacerdotes & Clericos Nobis subiectos obsecramus & adhortamur, ut in finem prædictum, singuli quotannis tam salutari operi incumbant; ita tamen, ubi de Pastoribus agitur aut Vicariis, ut eo tempore Divina Officia, curaque animarum in suis Ecclesiis aut Parochiis non negligantur.

Cumque præter plenarias Indulgentias, quas Summi Pontifices omnibus & singulis hoc pium institutum sequentibus, liberaliter impertiuntur, etiam concedant, ut Pastores, cæteri-que Beneficiarii, consuetos fructus & distributiones percipiant illorum dierum spatio, quod hujusmodi exercitiis in secessu aliquo, semel in anno instituendo, consecrabunt; confidimus, ut tam provida ac benigna Summorum Pontificum dispositio, omnes ad quos spectat, moveat & inducat, ut tanto promptiori animo huic nostræ, & ipsorum intentioni obsequantur.

CLII.

Quo tempore & loco, annum hunc Recessum instituere conveniat.

Nulli tamen Pastori aut Vicario licitum erit, etiam prætextu ho-

rum spiritualium Exercitiorum, abesse a sua Parochia, nisi præhabita licentia, de qua supra *Art. XXIV.*; quæ licet in finem tam salutarem omnibus facile concedi debeat, eam nihilominus nec peti, nec obtineri volumus a Pastoribus, sub *Adventu, Quadragesima, & solenniorum Fæstivitatum* decursu; utpote, quibus diebus oves refici maxime in Domino, & gaudere debent Pastoris sui præsentia. (r)

Quo autem hujusmodi spiritualia Exercitia feliciori successu, modoque ad intentionem Summorum Pontificum magis conformi, ab unoquoque instituantur; in eum finem, omnibus Presbyteris nostris secularibus offerimus & designamus, ad prædictum effectum, Seminarium nostrum Episcopale, ad quod etiam Vicarii & Sacellani, qui volunt, gratis admittentur. Si qui tamen inter Pastores pro majori sua commoditate, in domo propria, aut certe in aliquo vicino Religiosorum Monasterio prædicta Exercitia obire maluerint; consulimus & rogamus, ut saltem identidem ea in præfato Seminario nostro resuman; ubi dum junioribus nostris Clericis exemplo fuerint & ædificationi, etiam Rectorum monitis & instructionibus ad vitam Pastoralem, aut Sacerdotalem instituendam, vel emendandam, opportunius juvari & animari poterunt.

Vicarii, aliive Sacerdotes, qui spiritualibus Exercitiis vacare debuerint, uti præfertur, sistent se quotannis in Seminario, alii initio hebdomadæ post Dominicam *Lætare* in Quadragesima; alii, hebdomadæ *Quatuor temporum* mensis *Septembris*, prout sibi magis opportunum fuerit, ut una cum ordinandis, & sub eadem D. Præsidis directione, ad pietatem & vitam Clericalis institutum exerceantur. Pastoribus vero, assignamus hebdomadam penultimam mensis *Augusti*; quo tempore, dum ruri saltem, plerique subditorum in messe colligenda occupantur, etiam plerique Pastores cum gregis sui minori incommodo a Parochiis abesse possunt: ita tamen, ut tam hi, quam quivis alii, qui

(r) Schema prælaudat.

(s) Clemens X. XII. & Bened. XIV.

(t) Clemens XI. post Trid.

Tomus X. Concilior. German.

qui huiusmodi Exercitiis in Seminario statutis temporibus vacare intenderint, ad minus quædum præcedenti, intentionem suam R. D. Præsidi manifestent.

Et ut omnibus magis constet, quam sincere desideremus, ut hoc perfectionis & salutis medium in Dicecesi nostra adhibeatur & promoveatur; requirimus Decanos nostros, quos, prout alias semper, hic quoque, cæteris Sacerdotibus exemplo futuros confidimus, ut in suis visitationibus, Pastores, aliosque de Clero, non tantum moneant & excitent, ut annue Exercitia præfata instituunt; sed etiam in actis visitationum notent, Nobisque referant eorum nomina, qui pio desiderio nostro obtemperaverint: ut dum illorum novimus, probamusque diligentiam, aliorum desidiam monitis salutaribus extimulemus.

CLIII.

Pastores, curam paternam gerant pauperum.

Aliud insuper, quod Pastoribus, cæterisque animarum curam habentibus, hic maxime incumbit, est, ut *pauperum & miserabilium personarum curam paternam* gerant: (u) sicut enim in grege, afflictæ oves maiorem impensio-remque opem a Pastore suo exigunt; ita in Parochiis, personæ miserabiles, cuiusmodi sunt pauperes, præsertim infirmi, viduæ, pupilli, orphani, in carcerati, alique auxilio destituti homines, a Pastoribus suis opem, operamque peculiarem deprecantur, ac singulari jure expectant: adeo proinde, ut omnibus animarum curam habentibus, Nosocomia, Xenodochia, Orphanotrophia, carceres, aut id genus alia loca, in quibus pauperes, aut miserabiles detinentur, etiam speciali modo commendata esse debeant.

Curent vero præcipue, quantum ad eos spectaverit, ut prædicta loca debite administrantur, piorumque Fundatorum intentiones adimpleantur; nostram etiam, & Magistratum auctoritatem, si opus fuerit, ad hoc imple-

rando. Bonorum vero *Mensæ S. Spiritus*, aliarumve eleemosynarum liberas distributiones, "desideramus semper fieri conscio Pastore; qui eas, non ex humano affectu, aut cum acceptatione personarum, sed omnibus indifferenter vere pauperibus, & probis honestisque, vel ipse distribuat, vel distribui curet." (x)

CLIV.

Quæ cura habenda circa administrationem Mensæ S. Spiritus.

Cumque multum interfit, ut semper probi & fideles mensæ pauperum Administratores constituantur; viderint proinde, qui alios, ac negligentes creant, vel admittunt, num actionum similium iniquarum coram Deo participes esse velint. Quare, tam Magistratibus, quam Pastoribus commendamus, prout etiam illis omnibus, ad quos hæc directio quomodocumque spectare potest, ut communicatis consiliis, mensæ pauperum præficiantur Magistri & Gubernatores, non tantum probatæ vitæ, sed & humani, affabiles, & erga pauperes benigni, ac alias, ad communia bona pauperum conservanda, & pro eorum necessitatibus fideliter dispensanda, idonei & sufficientes: "Quique nihilominus, ad bonorum administrationem prius admittendi non sunt, quam mediis suis juramentis promiserint, quod bona pauperum conservabunt; & pro eorum necessitatibus fideliter dispensabunt: quodque pro bonorum huiusmodi conservatione, & fideli dispensatione, non minorem, sed, (si fieri possit) maiorem operam & curam impendant, quam pro rebus propriis." (y)

Considerantes præterea, quod in qualitate nostra, tam ex Ecclesiæ, quam Principum nostrorum intentione, sedulo attendere debeamus, ut bonorum huiusmodi administrationes in omnibus secure & provide instituuntur; quodque Edicto eorundem Principum statuatur, (z) "ut Episcopi, vel per se, vel per Commissarios, cum interventione Patronorum foundationum, vel alio-

[u] Trid. Sess. 23. c. 1. de Reform.

[y] Stat. sub Rithov. T. 28. c. 2.

[x] Stat. sub Mas. T. 20. c. 16. & 17.

[z] Edict. ad Syn. II. Prov. A. 23.

" aliorum, qui hætenus curam habuerunt; alioquin, primarii Officarii, certum perpetuumque diem præfigant, quo Administratores rationem, seu computum quotannis reddant: " Requiritur Decanos nostros, quos hac in re Commissarios nostros constituimus, ut conformiter ad Principum Mandatum & intentionem nostram, diem redditionis computus opportune designari curent, servatis, quæ supra; invigilantque specialiter, ut cætera omnia, quæ tam in præfato Edicto, quam in Statutis quoad computum huiusmodi redditionem provide admodum constituta sunt, constanter & uniformiter observentur; nisi, ubi forte constiterit de antiqua, & hætenus non interrupta consuetudine, & possessione in contrarium; de quo tamen Nos admonere debebunt.

Magistratus vero, cæterosque miserarum pauperum administrationi superintendentes, monemus & rogamus, ut hic fideliter exequantur, quod ipsis injunctum est; sequæ in omnibus cum debita subordinatione, Ecclesiæ & Principum suorum Ordinationi studeant conformare: quæ omnia, cum proportionem, ad Magistratos, seu Directores bonorum fabricæ extendimus.

CLV.

Exorcismi non temere adhibendi.

Inter personas miserabiles, quarum curam paternam Pastoribus commendavimus, merito recensentur, quæ per infestationes dæmonum, aut incantationum maleficia divexantur. Etenim, id nonnunquam fieri; licet multo rarius quam a vulgo apprehenditur, nimis compertum est, magno quidem humani generis malo; sed & bono aliquo, quo nempe *Athei* revincuntur.

Hinc, inter cætera, quibus Christus Ecclesiam suam ornare voluit, est potestas ejiciendi dæmones e corporibus hominum, eorumque vim noxiam reprimendi, juxta illud *Lucæ 10. 19.* *Ecce, dedi vobis potestatem calcandi supra serpentes, & scorpiones, & super omnem virtutem inimici.*

Verum, quia seu ab improba quorundam hominum fictione, seu a leviorum credulitate, multæ hic intervenire solent fraudes & deceptiones; quo etiam fieri videmus, ut sacri Ecclesiæ *Exorcismi* ludibrio passim exponantur; maxime, dum etiam inveniuntur, qui cupiditate acti, temere sese omnino exorcizandi officio ingerunt, ideoque diverso longe successu, quam qui sperandus esset, si ea intentione & observantia, eaque animi præparatione, quam requirit & præscribit Ecclesia, hoc negotium tractaretur; quales exorcistas detertere deberet, quod de filiis *Sævæ* Judæis, Apostolorum *Acta* commemorant: (a) hinc merito, tam in *Provincialibus*, (b) quam *Diececlanis* Constitutionibus (c) sæpius statutum & ordinatum fuit, ut nullus omnino exorcizare præsumat, *sine licentia Ordinarii in scriptis obtenta*: quas providas Ordinationes Prædecessores nostri, nominatim vero, **GUILIELMUS DELVAULX**, sub pœnis gravissimis innovarunt, & observari mandarunt; adeo quidem, ut non sine indignatione audiverimus, nonnullos inveniri, qui tot iteratis Mandatis, pœnisque & censuris non obstantibus, ausu temerario exorcismos, aut benedictiones similiter prohibitas, saltem furtive adhibere attentaverint, aut etiam attentent; quosque dubium non est pœnas incurrisse, quas laudatus Prædecessor noster in huiusmodi refractarios statuit & inflixit; de quo proinde monitos hic eos volumus.

CLVI.

Exorcismos adhibere sine Ordinarii licentia, prohibetur sub pœnis gravissimis.

Ut autem Ecclesiæ intentioni nos conformando, huic malo, ex quo tot alia consequuntur, efficacius provideamus; non tantum iterato prohibemus omnibus & singulis de Clero nostro tam Sæculari, quam Regulari, sub pena suspensionis ipso facto, Nobis reservatæ; ac insuper, revocationis admissionum ad confessiones, si quas habeant, ne quis in Diœcesi nostra exorcismos aut benedictiones qualescumque, quæ exorcismi

O o o o 3

appa-

[a] Act. 19. 17.
Manual. Iprensf.

[b] Syn. Prov. II. T. 15. c. 14.

[c] Sub Mas. T. 1. c. 19.

apparent, & tamquam tales a vulgo apprehenduntur, audeat adhibere absque facultate nostra in scriptis obrenta, quamque Pastori loci *sub eadem pœna* ostendere debebit, antequam ea uti possit; (d) verum etiam districte injungimus omnibus Regularium Superioribus, quatenus curent & invigilent, ut in hoc puncto, prout & in cæteris omnibus, quæ eos concernere possunt & debent, hæc nostra Ordinatio a suis subditis inviolabiliter custodiatur.

Interim, ne, dum Diecefanorum nostrorum veræ necessitati paterne subvenire intendimus, temere aut abusive Ecclesiæ exorcismos adhiberi concedamus; nulli impostero exorcizandi facultatem Nos concessuros declaramus, nisi sub attestatione in scriptis a Pastore loci Nobis exhibita, quo fidem faciat ex signis, suo, Medicorum, aliorumque peritorum prudenti judicio examinatis, moraliter constare de demonum infestatione, aut incantationum maleficiis.

CLVII.

Quæ, Decanis hic injungantur & permittantur.

Utque prædicta omnia fidelissime observentur, mandamus Decanis & Pastoribus, ut pro suis respective Districtibus & Parochiis, eorum omnium executioni vigilanter intendant, & si quem, vel prima vice, inobedientem deprehenderint, Nobis eum statim denuncient; ut hujusmodi excessibus modum, finemque imponamus.

Permittimus tamen Christianitatis Decanis, si aliqua urgens occurrerit necessitas, aliave justa ratio, ut Benedictiones, sed *simplices* dumtaxat, & in Manuali nostro contentas, pro sua prudentia & discretionem, intra suum districtum adhibere possint; cum facultate, ad eas deputandi ad aliquot vices, Pastorem loci, in quo benedictiones hujusmodi adhiberi debuerint; vel, ipso impedito, ejus Vicarium, modo ea licentia ipsis in scriptis detur.

Ne quis vero hujusmodi Ecclesiæ ministerium, quod nonnisi ex mera

charitate & Religionis affectu impendendum est, forte ex avaritia, aut turpi quaestu exerceat, aut exercere videatur; sub arbitraria pœna prohibemus, ne umquam vel directe, vel indirecte eleemosynam, aut quamcumque aliam retributionem sibi, suisve ea occasione exigat, vel accipiat.

Quid autem, aut qualiter Exorcista pro suo officio agere debeat, tam quoad propriam personam, quam quoad exorcizandos; item, quam exorcismorum, aut benedictionum formulæ, pro varia casuum exigentia adhibendæ sint, in Manuali nostro reperient.

CLVIII.

Pastores populum doceant, sibi cavere ab omni superstitione.

Et quoniam maleficiorum prætextu, sæpè rudis populus ex ignorantia potius, quam malicia, variis *Superstitionibus* deditus esse solet; monemus Pastores, ut subditos suos diligenter instruant & doceant, supersticiosum esse expectare qualemcumque effectum, a quacumque re, quam res illa nec ex natura sua, nec ex institutione Divina, nec ex ordinatione vel approbatione Ecclesiæ producere potest: proindeque pro supersticioso inter alia habendum, v. g. quod desponsi nolint suas proclamationes antenuptiales audire; quod illas fieri velint potius diebus Dominicis, quam Festivis; quod mulieres feriis sextis purificari nolint, aut ancillæ feriis secundis suum servitium inchoare; quod abundantiam fructuum polliceantur ex certis observantiis, & cætera hujusmodi. (e)

Si qui vero eo impietatis deveniant, ut malis artibus & remediis superstitionis, morbos aut vulnera tam hominum, quam animalium curare attemptarent; in rebus deperditis, divinatores consularent; ligaturis Matrimonii actum impedire intenderent; alta, seu magica nomina gestarent, aut aliis gestanda concederent &c. Qualem malitiam & perversitatem vix credimus, Deo propitio, hoc tempore in Dicecesi nostra inveniri; eis Pastores criminum

suo-

(d) Decret. R.D. Delvaux A. 9.

(e) Statut. sub Georg. ap. 1631. A. 18.

suorum gravitatem exponant, & ab actibus illis, Deo adeo injuriis, tum monitis, tum minis ab Ecclesia & Principibus intentatis, (f) illos deterreant; sique in malo obstinati fuerint, ad Nos deferant arbitrarie puniendos, etiam adhibitis censuris a Prædecessoribus nostris quondam constitutis: (g) quas nihilominus mitigantes, declaramus eas impofterum nonnisi post latam sententiam incurri debere.

CLIX.

Obligationes Decanorum propriæ.

Post recensitas præcipuas Pastorum obligationes, ad eas Nos modo convertimus, quæ ipsorum Christianitatis Decanorum magis sunt propriæ.

Cum igitur, Decanos *Pastorum Pastores* esse tam ipsorum commissio, quam Synodalia Decreta manifeste supponant; eos monemus imprimis, ut sese graviter obligari meminerint ad curandum assidue, non solum, ut Sacerdotes omnes & Clerici sui districtus vitam agant sua vocatione dignam; sed etiam, & specialiter, ut Pastores in omni functione sui Pastoralis Officii recte diligenterque versentur; ipsos ad hoc, quando opus fuerit, visitando, monendo, corripiendo, consolando, consilio adjuvando; ac veri Pastoris officium erga eos sanos & ægrotos, fideliter obeundo.

Neque tantum Præbyteris, aut Ecclesiarum Parochialium Ministris, Decanos præfici intelligimus; sed universo populo. Ita nimirum, ut etiam Laici in suis difficultatibus, quas forte causa negotiorum Ecclesiæ, aut alias quomodocumque inter se, vel cum Pastoribus suis habent, possint libere ad suos Decanos recurrere, eorumque consilium & auxilium implorare: neque Decani umquam sic requisiti, ipsis officium & operam suam subtrahant aut denegent; quin potius, intellectis illorum differentiis, etsi a nemine requirantur, quantum poterunt, ex æquo & bono eas componere satagant: sic tamen, ut ipsi Pastores in componendis

Parochianorum suorum diffidiis, Decanos suos prævenire debeant, & si opus fuerit, eorum auxilium & auctoritatem implorare.

CLX.

Decani, quando & quomodo visitent Parochias sui districtus.

Ueque Decani tam præfata, quam varia alia, quæ eorum dignitatis & officii sunt, exactius & accuratius exequantur, atque in omnibus conscientiam suam exonerent; hoc primo triennio singulis annis, (b) dein vero ad minus singulis bienniis, sedulo & in timore Domini omnium sui districtus Parochiarum visitationem instituunt, qua mediante, possint integrum ejusque Parochiæ statum plene cognoscere, eumque Nobis (copia ejus apud se retenta) fideliter referre; ut hac pleniori habita noticia, intelligere & statuere valeamus, quæ pro bono Diocesis nostræ regimine exinde occurrerint ordinanda.

Hanc visitationem Decani singuli instituunt prima, aut certe secunda hebdomada post Dominicam in *Allis*; quam infra mensem non tantum absolvent; sed etiam ante Festum *Pentecostes* proxime sequens, ad Nos transmittent Acta illius, nitide servatoque ordine descripta; compendiose ad ejus calcem redigendo puncta illa, quæ pro singulis Parochiis, examen & attentionem nostram specialius requirere videbuntur. Si vero, ob rationes particulares hic longiori mora opus fuerit, aut per Decanum aliquem tempore præfixo visitatio hæc fieri nequiverit, causas, rationesque Nobis exponet, ut de illarum sufficientia judicemus; & si legitime impeditus fuerit, per alium a Nobis deputandum suppleri satagamus.

CLXI.

Decani honorandi: quibus gaudeant facultatibus & præeminentiis.

Ut autem hujusmodi visitationes majori cum fructu Decani instituunt,

(f) Edict. ad Syn. Prov. II. A. 13. & 14. c. 11. Sub Georg. an. 1631. A. 19. Sess. 24. c. 3. de Reform.

(g) Stat. sub Mas. Tit. 1. c. 22. ibid. T. 15.
(b) Statuta Synodal. sæpius, post Trid.

tuant, aliquam Parochialem Ecclesiam visitaturi, diem & horam visitationis suæ Pastori illius Ecclesiæ præsignificari tempestive curent, qui eam de gestu populo annuntiabit, monendo, nominatim Sacellatum, Custodem, nec non Administratores fabricæ & mensæ pauperum, cum notabilioribus personis Parochiæ, ut secum in Ecclesiam conveniant Visitatorem expectaturi, quem cum debita veneratione, & pulsu saltem unius campanæ, intra Missarum solemniam excipient. Neque tantum dum Parochias visitabunt, sed quovis alio loco & tempore, Pastores, alique de Clero & populo, Decanorum auctoritatem, dignitatem, & superioritatem agnoscant, eisque honorem & reverentiam exhibeant.

In eum finem, & ut majori zelo functiones suas persolvant Decani, ultra facultates per præsentem ipsis a Nobis concessas, eisdem innovamus præterea, & sub eodem tenore, alias omnes & singulas in sæpius laudato ultimi Prædecessoris nostri Decreto comprehensas, nominatim *Art. II.* prohibentes, ne quis imposterum præter præfatos Decanos, ornamenta, aut sacram: supellestem quamcumque benedicat, nisi ad hoc specialem facultatem a Nobis in scriptis obtinuerit, tamen si huiusmodi facultas ipsis alias quomodocumq; fuisset concessa; quam ex nunc cessare, & revocari per præfatos declaramus.

CLXII.

Decani, quid præcipue in suis visitationibus inquirere debeant.

Decani in sua visitatione præ cæteris, sed provide & circumspicte, inquirent de *Pastoribus*, (i) si sint bonæ conversationis, & exemplaris vitæ; si debita inter eos & Parochianos sit concordia; si officio suo, & piis foundationibus satisficiant; si in administrandis Sacramentis & visitandis infirmis, omnem diligentiam & sollicitudinem adhibeant, & servant honestatem; si denique Scholarum & juventutis instituendæ curam gerant? Inter alia, eos tunc maxime moneant & hortentur, quate-

nus vitam suam ita componere studeant, ut nullum tempus otio diffuere sinant: "In quem finem (addebat olim) R. Prædecessor noster GEORGIUS) poterunt ab illis exigere rationem & distributionem temporis; qualiter scilicet, illud transigant, & in quibus se exerceant; an, & quos libros spirituales legant; an singulis diebus aliquod tempus orationi mentali impendant; an conscientiam suam statuto tempore examinent; qui, & quoties confiteantur; an, & quibus studiis vacent? Inspectis illorum libris, non erit inutile aliquando his de rebus familiares sermones instituere, ut & profectum illorum intelligere, & Nos suo tempore debite valeant informare." (k)

CLXIII.

Quibus libris Pastores & Vicarii debeant esse instructi.

Curent proinde Decani, moneantque Pastores, ut habeant, aut sibi quamprimum comparent (quod etiam ipsis mandamus, & injungimus) præter Scripturam sacram, & aliquem Commentarium in illam; 1. Concilium Tridentinum, ejusque Carechismum. 2. Synodum primam & secundam Provinciam, si commode inveniri possint, cum Statutis & Decretis Diocesanis; ac nominatim hanc nostram Instructionem Pastoralem. 3. Unam aut alteram probati Authoris Theologiam moralem; & 4. aliquot libros pios & aësticos, qui quotidianæ Meditationi & lectioni spirituali ipsis inservire possint & debeant: præ cæteris vero ipsis hic commendamus & consulimus, præter libellum *de imitatione Christi*, opuscula S. Francisci Salesii, Ludovici Granatensis, & Alphonsi Rodriguez, Acta Ecclesiæ Mediolanensis sub S. Carolo, ejusdem Instructiones, ac opera minora Ss. D. Benedicti XIV.

CLXIV.

Paria alia, de quibus Decani in sua visitatione debent inquirere.

Quoad *Sacellanos* vero, seu Vicarios, quibus pariter injungimus, ut præ-

(i) Stat. sub Rith. T. 7. c. 17.

(k) Stat. sub eod. Georg. an. 1630. T. I. A. 4.

præfatos libros sibi quamprimum comparare curent, inquirent Decani, si sint honestæ vitæ; si oneribus suæ Capellanix ex fundatione, vel contractu in omnibus satisfaciant; si in iis, quæ Pastoralis Officii sunt, Pastori subint, & obediant, eique debitum honorem & obsequium præstent? Sic tamen, ut simul commendent Pastoribus, ne Vicarios suos, quos ut cooperatores in vinea Domini coram Deo & populo vicissim honorare debent, in aliquo despiciant, molestia afficiant; aut in illos, ut servos suos vel mercenarios, *pondus diei & æstus* excutiant, ut ipsi otio & torpori indulgeant.

Ubi nihilominus contigerit, Vicarium aliquem seu Sacellanum plus æquo gravari a suo Pastore, aut quamcumque cum eo habere differentiam, seu difficultatem; volumus, ut in huiusmodi casibus, quos raro aut numquam evenire confidimus, provisionally Pastori suo, in his quæ illi injunxerit, subiaceat & obedire teneatur; donec per Decanum (ad quem five intra, five extra visitationem, huiusmodi causæ quamprimum exortæ fuerint, deferri debent) ordinatum & statutum fuerit prout juris; aut, si forte acquiescere recusaverint, res tota per Nos ipsos iudicata & terminata fuerit.

Circa *Custodes*, qui simul Ludimagistri esse solent, inquirent Decanus, si sint bonæ vitæ & conversationis; si semper parati & præsto sint in impendendo suo ministerio Ecclesiæ & Pastori; si ornamentorum & supellestilis Ecclesiæ diligentem curam habeant; si juventutem in literis, bonis moribus & fidei rudimentis sufficienter instruant; si pueros modum doceant ad inserviendum Sacerdoti celebranti; quos libros ab illis discendos subministrant?

Circa *Magistros fabricæ & mensæ pauperum*, inquirent, si boni sint & fideles in sua administratione; si piis fundationibus, earumque oneribus quoad omnia satisfaciant, & satisfieri procurent; si studiose observent, quæ per Statuta & Principum Edicta pro fabricarum & mensarum pauperum indem-

nitatem nedum, sed & pro ipsarum provisa & utiliori administratione ipsi injunguntur? (1)

Pastores quoque moneantur, ut si quas difficultates præciant vel prævideant movendas circa computus fabricæ aut mensæ pauperum, quibus Decanos interesse oportuerit, illos desuper tempestive præveniant & informant, quatenus, si opus fuerit, consilium a Nobis, aut ulteriorem instructionem petere valeant.

Denique circa *Stationarios*, qui certis temporibus ad prædicandum verbum Dei, aut Fidelium confessiones audiendas ad Parochiales Ecclesias, ruri præsertim, mitti solent, inquirent Decani a Pastoribus & Vicariis, de eorum vita & moribus; ac etiam, quo zelo & fructu in sacris illis ministeriis sese exerceant?

CLXV.

Munimenta Ecclesiarum & Fundationum diligenter conservanda.

Et quia sæpe contingit, Ecclesiarum & piarum fundationum munimenta deperdi, aut a defunctorum Pastorum hæredibus auferri, non sine magno illarum præjudicio: non solum mandamus Pastoribus, ut in illis fideliter integreque asservendis sint solliciti (de quo etiam per Decanos in suis visitationibus eos serio moneri volumus) sed insuper injungimus, ut Decani, mortuo aliquo Pastore sui districtus, etiam si Regularis fuerit, statim omnia Munimenta fabricæ vel mensæ pauperum, si quæ fuerint; item quæ ad Pastoratum, aut fundationes pias quomodocumque spectabant, ac speciatim *Manuale defuncti*, in quo reditum a se perceptorum rationes describebat, sub inventario secum deferant, Successori, dum fuerit institutus, sub attestazione de receptis, tradenda. Quod si hæredes, aut quivis alii huiusmodi munimenta requisiverint, quod iis forte ad executionem testamenti, aut aliter vera indigeant; dabunt extractum, seu copiam istius documenti, quo se indigere asserent, & nihil ultra.

CLXVI.

(1) Stat. sub Rith. T. 7. c. 17.
Tomus X. Concilior. German.

CLXVI.

Decani, quid curare & observare debent circa Sodalitiam & Ss. Reliquias.

Cum multum referat, ut Sodalitia, seu piæ Confraternitates in Ecclesiis Parochialibus canonice erectæ, in vigore permaneant, atque in eum finem Bullæ illarum, munimenta & privilegia solícite conserventur; injungimus Decanis, ut in proxima sua visitatione & deinceps sapius 1. Inquirant in singulis Parochiis, an, & quæ Confraternitates in earum Ecclesiis sint erectæ. 2. Ut Bullas earum & munimenta produci faciant, ex quibus perspiciant, non tantum an canonice, servatisque servandis erectæ existant; sed etiam, an Pastor, aut quivis alii, ad quos spectare potest, indulgentias ejusmodi Confratribus concessas, suo tempore innovari curent. Ac 3. ut de illis omnibus notam teneant in actibus suis, Nosque exactissime informant; quæque, cum proportionem, ad curam & visitationem Ss. Reliquiarum, quæ in præfatis Ecclesiis existunt, qualesque in singulis haberi desideramus, merito extendenda sunt, atque extendi volumus.

CLXVII.

Præter extraordinarias Congregationes Pastorales, una quotannis regulariter instituenda.

Additur in Statutis; (m) Decanis licere, quoties expedire videbitur, omnes Pastores sui Decanatus ad aliquam Parochialem Ecclesiam convocare, atque cum illis communiter & divisim, consilia de Pastoralis Officio, & pro uniformi executione & observatione Statutorum tractare: volumus tamen, ut ejusmodi convocationes numquam fiant; nisi de consensu nostro, & ex causa per Nos approbata.

Verum, præter has extraordinarias & incidentes *Pastorum Congregationes*, volunt Synodi nostræ (n) post S. Caroli, & tot aliorum Episcoporum Ordinationes & Decreta, ut ejusmodi Congregationes seu Capitula, singuli De-

cani regulariter, & ad minus semel quotannis celebrent eo tempore, ac die, quo Ordinarius statuerit; quas nihilominus non sine disciplinæ Ecclesiasticæ relaxatione, damnoque animarum intermissas, neglectasque videmus hoc tempore.

Ut igitur medium tam opportunum, aut etiam necessarium, quo variis abusibus, vitiisque efficaciter occurrere & provideri potest, in Diocesi nostra quamprimum restituatur; Decanis nostris præcipimus, ut singuli exinceps & imposterum, quolibet anno sub mense *Septembri*, hujusmodi Congregationem Pastoralem indicant, & currente celebrari, die tum ipsis, tum Pastoribus, suis magis opportuno, quem tamen quindecim præcedente Nobis significare debebunt; ut ita, si expedire judicaverimus, vel personaliter, aut per Deputatum nostrum illi adesse; vel saltem, quæ ordinanda aut insinuanda habuerimus, ipsis Decanis tempestive communicare & commendare valeamus.

CLXVIII.

Quomodo, & ad quid Congregationes hujusmodi sint celebrandæ.

Sic autem Congregationes illæ celebrentur, ut non ad computandum aut expatiandum dumtaxat, sed ad tractandum de rebus feriis, quæque ad Ecclesiæ nostræ utilitatem conferre debent, eas indictas esse omnibus innotescat. Hinc, post Missam de *S. Spiritu*, vel aliam diei conformem, si Rubricæ id exigant, per unum e Pastoribus decantatam, & prælecta puncta aliquot ex hac nostra Pastoralis Instructione (illa præcipue, quæ magis singularem attentionem & observantiam requirunt, tametsi nullum quoque ex cæteris omitti, minus vero negligi possit) Decanus serio pieque Pastores suos alloquetur & exhortabitur, quatenus se totos, suæque munia Ordinationibus nostris, Statutis, & Manualis præscriptionibus studeant conformare; maxime vero in his, quæ eo tempore ex præfata Instructione prælecta & tractanda fuerint.

Dein,

(m) Sub Rith. T. 7. c. 3.

(n) Prov. II. T. 17. c. 14. Stat. sub Rith. T. 7. c. 4. Sub Georg. an. 1630. T. I. A. 5. & 6.

Dein, si quæ ex parte nostra Congregationi fuerint communicanda, ea Decani fideliter exponant, & pariter ab omnibus observari curabunt.

Tandem singuli Pastorum, si quas difficultates habeant, aut casus resolvendos, eos in medium adferant, & data cuique libertate sensa pandendi, cuncta æqua charitatis & iustitiæ lance examinentur & dirimantur. Nemo contentionis studia misceat, sed omnes in unitate spiritus, animisque societatis in eundem scopum, in salutem nempe animarum, & Dei gloriam colligere intendant. Si quid nihilominus dissidii aut controversiæ inter eos subortum fuerit, ipsos ad mutuam benevolentiam atque concordiam Decani adducere conabuntur. Sin minus, volumus, ut in casu huiusmodi, re tota, de qua controversitur, in deliberationem posita, ac secundum cuiusque sincerum iudicium & conscientiam testimonium mature discussa, singuli resolutioni majoris partis adhærere teneantur; donec saltem, si res ardua fuerit, aut notabilis præjudicii, per Nos ipsos, quid statuendum & sequendum sit, declaratum fuerit.

CLXIX.

Quæ, in Congregationibus circa prandium servari debent.

Prandium, quod ex communi symbolo parabitur in domo Decani aut Pastoris, apud quem eo anno Congregationem institui contigerit, semper frugale sit & moderatum, (o) ne quis sumptibus vel potu gravetur, quod omnino caveri volumus; in eum finem mandantes, ne cuiusque prandii taxa aut contributio excedat quatuor solidos cambiales; quorum habita proportione, Decanus semel pro semper, cibi potusque quantitatem tunc apponendam determinabit, & ab unoquoque, apud quem prandium institui debuerit, exacte & sub multa observari faciet; impiedietque, ne ultra duas horas refectio protrahatur.

Et ut omnia majori cum ædificatione hic fiant; Decanus ipse dicet in

mensa *Benedictionem*, & *Gratiarum actionem*, sequendo ritum Clericis in Breviario præscriptum. Ante comestionem, junior Pastorum tractum & devote præleget unum Caput, vel ejus dimidium, ex *Novo Testamento*, cujus lectionem terminabit his verbis Apostoli: *Sive manducatis, sive bibitis, sive aliud quid facitis, omnia in gloriam Dei facite.* (p) Post comestionem vero, idem præleget Caput ex libello de *Imitatione Christi*; ac tandem omnia concludet Decanus, recitando Psalm. *De profundis*, pro Pastoribus & Sacerdotibus Diocesanis, qui in decursu anni ex hac vita migraverunt. Hic Nobis opportune occurrit *Canon 7. Concilii Tolet. III.*: "Pro reverentia Dei Sacerdotum, id universa sancta constituit Synodus; ut quia solent crebro mensis otiosæ fabulæ interponi, in omni Sacerdotali convivio lectio Scripturarum Divinarum misceatur: per hoc enim & animæ edificantur in bonum, & fabulæ non necessariæ prohibentur."

Omnès extranei, etiam Ecclesiastici aut Religiosi cujuscumque qualitatis aut conditionis, præter eos, qui a Nobis ad huiusmodi Congregationem mitti aut deputari possent, ab hisce conviviis prorsus excludantur; ut sic majori cum fructu & libertate liceat Pastoribus de rebus Ecclesiæ & Ministerii sui inter se agere & conferre.

Ad dictorum prandiorum sumptus, Pastores absentes etiam legitime impediti, perinde ac præsentés æqualiter contribuere teneantur; (q) dum nihilominus, omnibus & singulis Pastoribus cujusque districtus injungimus, ut præfatis Congregationibus personaliter intersint sub multa *sex Florenorum* pauperibus eroganda, nisi gravi justoque detineantur impedimento, de quo scripto, aut nuntio, Decano suo certam fidem fecerint.

CLXX.

Quæ observanda in convocatione Pastorum pro S. Oleorum distributione.

Quæ hic quoque prandii dispositionem, Pastorum præsentiam, conferen-

(o) Stat. sub Rith. ibid. c. 5.

Tomus X. Concilior. German.

(p) 1. Cor. 10. 31.

(q) Sub eod. Rith. sup. c. 5.

P p p p 2

ferentiam inter se habendam, aliaque, quæ in Congregationibus præfatis tam a Decanis, quam Pastoribus observari injungimus, ea cum proportionem observabunt quoque, dum quotannis convenient ad *Sr. Oleorum distributionem*: quam cæremoniam maxime optamus etiam in Dicecesi nostra, quemadmodum in variis aliis injungi & observari non ignoramus, fieri in una aut alia Ecclesia Parochiali, & cum Missarum solemnibus, per Decanum, aut aliquem ex Pastoribus decantandis; eaque decencia & apparatu quoad cætera, ut debitam reverentiam erga *Sr. Olea*, ipsaque Sacramenta, ad quæ ordinantur, tam Clero, quam populo conciliare possint: quæ omnia, an, & quomodo executioni mandari valeant, requirimus, ut in proxima Congregatione Decani & Pastores pro zelo suo examinent, & ad Nos referant.

CLXXI.

Singulis bienniis fiet Congregatio Decanorum.

Ut autem Pastorales Congregationes majori non solum successu & uniformitate, sed etiam animorum concordia, debitaque erga Nos subordinatione perficiantur & continuentur; insuper exigimus, ut omnes Decani singulis bienniis in mense Septembri (alternis tamen ab iis, quibus districtus sui visitationem instituent) die & hora a Nobis præfigendis, se sistant una cum D. Archipresbytero Civitatenſi, in Palatio nostro Episcopali, ubi de statu Ecclesiæ nostræ mature conferamus, mediaque proponamus, quibus status & disciplina Ecclesiæ nostræ promoveri, & vitiorum zizania, si quæ seu in Clero, seu in populo subnata sint, sedulo & tempestive evelli & destrui valeant. (r)

Cumque fraterna charitas postulet, ut quos habuimus in vita laborum socios, eisdem post mortem Christianæ pietatis officium impendamus; mortuo aliquo Pastore, cæteri ejusdem districtus tam Sæculares, quam Regulares per Decanum moniti, prima com-

moditate Missam pro ipsius animæ refrigerio celebrabunt: pro Decano vero, non solum singuli Pastores illius districtus, sed omnes quibque Dicecesis Decani idipsum præstare non omittent.

Omnes Decani librum habeant, in quo fideliter describant, & Successoribus suis transmittant, quæ a se & in sua qualitate gesta sunt, & ad suum officium principaliter spectant aut referri debent: ut sunt imprimis, acta & resolutiones Congregationum Decanaliæ & Pastoralium; visitationes Decanales; dies possessionum & obitus Pastorum, Vicariorum, & Sacellanorum; Literæ & Mandata ipsis in eadem sua qualitate a Nobis directæ &c.

CLXXII.

Concordia & subordinatio utrique Clero commendatur.

Unum tandem superest, de quo præ cæteris omnes & singulos, qui Clerum nostrum sæcularem constituunt, finaliter admonemus; ut videlicet providentes bona, non tantum coram Deo, sed etiam coram omnibus hominibus, (s) Charitate fraternitatis invicem diligant, & honore præveniant: (t) Sint unum corpus, & unus spiritus, sicut vocati sunt in una spe vocationis suæ: (u) Si qua ergo consolatio in Christo, si quod solatium charitatis, si quæ societas spiritus.... Implete gaudium meum, ut idem sapiatis, eandem charitatem habentes, unanimis, idipsum sentientes. (x)

Verum, cum Cura nostra Episcopalis tam Clerum Regularem, quam Sæcularem complecti debeat; & ad felicioris Dicecesis nostræ gubernationem omnino referat, ut inter utrumque debita subordinatio, ac animorum consensio habeatur & conservetur, dum omnes eidem militiæ nomen dedimus, & eandem omnes causam agimus; hinc merito etiam exigimus, ut religiosæ Familiæ, quas tamquam manum subsidiariam ad bellanda bella Domini Divino consilio datam, honorare & amare debemus, honoramus & amamus, arcto cum Clero nostro sæculari pacis & laboris vinculo conjungantur. In

(r) Stat. sub Georg. an. 1630. T. I. A. I.

(u) Ephes. 4. 4.

(x) Philip. 2. 1. & 2.

(s) Rom. 12. 18.

(t) Ibid. 7. 10.

In eum finem, Parochos omnes & Vicarios præ cæteris rogamus & requirimus, ut Religiosos omnes, illos vero maxime, qui peregre adveniunt, debito hospitalitatis affectu excipiant, humaniterque ac benigne tractent, suppeditatis rebus ad eorum victum, hospitiumque necessariis, aut etiam data elemosyna ex fructibus Beneficiorum, (y) quando nempe id eorum conditio aut temporum circumstantiæ permittunt; tantum absit, ut quis eos despiciat, fastidiat, aut vilipendat.

Verum, Religiosi vicissim Clerum sæcularem suscipiant, in honore habeant, & in omnibus, prout juris, ei subordinati sint: illius auctoritatem non minuant, ne detrahant potestati: a Pastoribus requisiti, semper parati sint ipsis in Parochialibus functionibus & obsequiis officiose subvenire: curent etiam, ut tam in audiendis confessionibus, quam prædicando verbo Dei, semper tum Parochorum praxi & intentioni, tum subditorum necessitati accommodent; ac denique quantum possunt singulos inducant, ut debito honore & reverentia suos Pastores prosequantur, eisque subjaceant.

CLXXIII.

Monentur omnes & singuli, ad quos spectat, ut præmissis Ordinationibus obediant.

Hæc sunt, Fratres Charissimi; quæ vobis præscribere & ordinare proposuimus, ne ex negligentia nostra portemus iniquitatem Sanctuarii (z) in die illa tremenda, qua rationem villicationis nostræ nos reddere oportebit, (a) ac Dominus gregem suum de manibus nostris requirât. (b)

Monemus autem & declaramus, omnes & singulos tam Sæculares, quam Regulares Diecefis nostræ, post elapsam mensem ab haurum publicatione, seu intimatione facienda per Decanos nostros, teneri & obligari, ad se præmissis Ordinationibus nostris in omnibus conformandum, sub censuris aut poenis ibidem contentis, aliisque pro qualitate transgressionis arbitrariis.

Ne quis vero aliqualem ignorantiam hic prætexere valeat; præcipimus omnibus Pastoribus, Vicariis, Presbyteris, aliisque Clericis nostris sæcularibus, ut *intra tres septimanas* post harum publicationem per Decanos ut supra, hanc nostram Instructionem Pastoralem sibi comparent, & ad exhibendam iis, ad quos spectat, semper pararam habeant. Superioribus vero Regularium cujusvis Ordinis & Instituti semper injungimus, ut *intra eundem terminum*, illam suis subditis prælegant, seu prælegi faciant, & quoad omnia, quæ illos concernunt, observari curent; de quo eos, prout cæteros omnes, quorum interest, quamprimum per Decanos in suo ejusque districtu, moneri volumus, & ut moneantur, injungimus.

Et quia hic varia continentur, quæ etiam populum ipsum spectare dignoscuntur, nominatim vero Articulis XXVIII, XXIX, XXX, XXXIII, XXXIX, LXXVII, CXXIII, CXXXI, CXXXIII, CXXXV, CXXXVII, CXXXVIII, CXLIII, CXLIV, CXLVI, CLVIII; Pastores, quantocius potuerint (quod deinceps semel in anno præstare debebunt) ea e suggestu publicent, diligenter exponant, utque se illis conformet, moneant & adhortentur.

Supereſt, ut præmissa omnia, ea qua decet reverentia & submissione excipiat, ac pari fidelitate observetis, non declinantes ab eis nec ad dexteram, nec ad sinistram; (c) memores illius, quod unumquemque monet Apostolus: *Obedite Præpositis vestris & subiacete iis; ipsi enim pervigilant quasi rationem pro animabus vestris reddituri; ut cum gaudio hoc faciant & non gementes; hoc enim non expedit vobis.* (d)

Datum IPRIS in Palatio nostro Episcopali sub signo nostro, Secretarii-que nostri chyrographo, 7. Januarii 1768.

† FELIX EPISCOPUS
IPRENSIS.

*De Mandato Illmi ac Rmi Dni
Episcopi*

DELVAULX.

Ppp p 3

Ex

(y) S. Carol.

(z) Num. 18. 1.

(a) Lucæ 16. 2.

(b) Ezech. 34. 10.

(c) Deut. 28. 14.

(d) Heb. 13. 17.

Ex iis, quæ Instructionem hanc Pastoralem illico excipiunt typis edita, hæc selegimus:

I.

**VARIA PUNCTA STATUTORUM SYNODALIORUM
DIOECESIS IPRENSIS,**

Quorum alia, ob non usum, aut consuetudinem contrariam, debent pro abrogatis haberi; alia, observari cum temperamento, quod tempori conveniat.

Sub Rmo D. RYTHOVIO: *Tit. VII. Cap. III. & IV.*; quoad convocationes & congregationes Pastorum, observetur, quod in hac Instructione Pastoralis præscribitur Art. CLXVII.

Cap. XI. & XX., ubi de Honorariis Decanorum; permittitur, & statuitur, ut imposterum Decani honorarium exigant & accipiant, dum Parochiarum visitationem instituunt, quod hodierno usu aut consuetudine receptum est in suo Districtu respective.

Tit. XI. Cap. V. ubi ordinatur, ut nullus Sacerdos extra limites suæ Parochiæ, aut etiam in sua Parochia, alienis Parochianis Sacramenta administret absque proprii Pastoris consensu, aut Episcopi speciali licentia; fieri permittitur, quod hodie consuevit, servato moderamine, prout juris.

Tit. XIII. Cap. VI. de Fasciis confirmatorum; agant Pastores pro prudentia: præterquam, quod obvietur inconvenientiis ex hac parte, per Art. LXVIII. Instructionis Pastoralis.

Tit. XV. Cap. V. quæ ibi dicuntur generaliter, de non admittendis Sacerdotibus ad Celebrandum, qui veniunt ex alia Diocesi, nisi &c. moderantur tam per Decretum Rmi D. DELVAULX Art. VIII., quam per Instructionem Pastoralem, Art. XC.

Tit. XVIII. Cap. X. observetur, quod ibidem præscribitur, sublata pena suspensionis.

Tit. XIX. Cap. XVII. omittendum quod ibi dicitur, de Virginibus non admittendis ad Matrimonium, nisi aperto capite, pendentibus crinibus &c.

Tit. eod. Cap. XVIII. circa Matrimonium in casu & circumstantiis ibide.

expositis, nihil poterit attentari imposterum, nisi de consensu vel dispositione Episcopi, aut ejus Vicarii Generalis.

Tit. XXV. ubi requiritur, ut assumendi ad Officium Custodis, sint Tonsurati; patet, id tempori nostro non congruere.

Tit. XXVI. Cap. VI. & VII. quæ hoc loco prohibita sunt, quoad Elocationem &c. fructuum Beneficiorum; ea prohibentur pro futuro, sublata suspensionis pena, de qua cit. Cap. VI.

Tit. eod. Cap. VIII. declaratio & specificatio fructuum Beneficiorum, de qua ibid. in fine, tradatur Decano intra annum post adeptam pacificam possessionem; qui illius notam tenebit tam in Actis visitationis sui Districtus, quam in suo Registro Decanali.

Sub Rmo D. CAROLO MASIO: *Tit. I. Cap. IX.*, ubi agitur de venientibus ex partibus hæreticorum; ab illis exigatur per Pastores Professio fidei. Reliqua, sublata pena suspensionis, relinquuntur zelo & discretioni Pastorum, modo servantur Edicta Principum.

Tit. VII. Cap. VIII.: Taxa Jurium Parochialium & Funeralium servetur, quæ vel a Prædecessore nostro immediato fuit disposita; vel quæ usu & consuetudine jam approbata censeri debet, donec aliter ordinetur.

Sub Rmo D. GEORGIO CHAMBERLAIN an. 1629.: *Tit. de Sacramentis &c. Art. XIV.*, quod hic statuitur quoad Erectionem Altarium, observetur: quoad Imagines vero, & Medalia &c. dum non petita & obteata fuerit approbatio Decani, quæ per Statuta requiritur; facta eorum visitatione, si Decanus aliquid difforme in illis invenerit, deferat ad Episcopum.

Ibid.

Ibid. Art. XV. constat omittendam esse Processionem, de qua hic mentio.

Item Tit. de Decanis, Art. XIX., quoad *Sanctimonialis* hospitio non excipien- das, agant hic Pastores juxta regulas Christianæ honestatis.

II.

Sequitur Instructio Pastoralis
S. CAROLI BORROMÆI lingua
vernacula reimpressa.

III.

ORDINATIO Revmi Domini,
circa *Instructionem Catechisticam*, ejus man- dato editam anno 1766. Per omnes & sin- gulos Pastores hujus Diœcesis observanda im- posterum, & quamprimum e suggestu publi- canda, ut ceteri quoque, ad quos spe-

ctat, se illi conforment; de qua
in Instructioe Pastoralis

Art. XLVI.

FELIX JOSEPHUS HUBERTUS
DE WAVRANS, DEI ET APOSTOLICÆ
SEDIS GRATIA EPISCOPUS IPRENSIS,
RR. DOMINIS PASTORIBUS, VICARIIS,
CÆTERISQUE OMNIBUS, QUIBUS OBLIGA-
TIO VEL MUNUS EXPONENDI CHRI-
STIANAM DOCTRINAM INCUM-
BIT, SALUTEM ET BENE-
DICTIONEM.

"Cum diversitas libellorum Doctri-
"næ Christianæ, magnam in di-
"scendo & docendo pariat difficulta-
"tem; merito mandavit tum prima,
"(Tit. de Decanis &c. C. 9.) tum secunda
"(T. II. C. 5.) Synodus nostra Pro-
"vincialis, ut Parochi, alique omnes,
"ad quos spectat, unum & eundem
"modum in docendo & discendo Do-
"ctrinam Christianam ubique tene-
"ant."

Hanc salutarem Ordinationem etiam
innovavit Prædecessor noster GEOR-
GIUS CHAMBERLAIN, in suis *Sta-
tutis & Ordinatis* de anno 1629. *Tit. I.*
§. 10. "injungendo Decanis, ut pro
"suis respectivè Districtibus, certam
"rent, & referrent, ut desuper aliquid
"communi consilio statueretur." In
quem finem prodiit interea hujusmodi
methodus uniformis & generalis, sub

titulo *Catechismi Mechliniensis*, quem sta-
tim & deinceps omnes Provinciæ hu-
jus Episcopi suis respectivè Pastoribus,
aliisque omnibus, ad quos spectaret,
semper, & in omnibus sequendum esse
mandarunt; utpote qui ab autoritate,
doctrinæ præcellentiæ & præcisione,
ac facili utrique docendi stylo, quem
omnes in eo agnoscunt, etiam ab om-
nibus probari & laudari meruit.

Verum, cum sub volumine tam
compendioso vix, aut ne vix quidem
ea omnia comprehendere valeant, quæ
tam ad incipientium, quam proficien-
tium plenam, aut etiam sufficientem
Christianam institutionem requiri so-
lent; hinc idem GEORGIVS inter
alias Ordinationes de anno 1630. (*Tit.*
de Scholis & Catechismo §. 25.) mandat Ca-
techistis, "ut Lectiones ex prælaudat
"Catechismo recitandas, seu discendas,
"paulo fufius explicant, proponendo sibi
"ipsis brevissimas quæstiunculas ad
"illius claviorem intelligentiam quas pro-
"ponant capacioribus pueris, ut ad illas re-
"spondeant."

Et quidem, præter tot alia, quæ
pro felicissimo Diœcesis hujus Regimi-
ne præstitit GUILIELMUS DEL-
VAULX bonæ & recentis memoriæ,
labori etiam hujusmodi & ipse operam
suam impendere voluit, & impendit
utilissime, per additam instructionem
ad præfatum *Catechismum Mechliniensem*,
editam anno 1750.; intendendo præci-
pue, ut diversis aliis Doctrinæ Chri-
stianæ libellis prætermisiss, Domini Pa-
stores, alique per Diœcesim, solum
Catechismum illum, cum modernis Addita-
mentis sequerentur.

Nihilominus, cum multorum ju-
dicio & experientia probaretur, aliud
Supplementum desiderari tam pro ip-
sius *Catechismi*, quam ejus *Appendicis* am-
pliori captu & intelligentia; factum
intelligimus, ut eo prætextu alia ite-
rum libellorum, & doctrinæ methodi
diversitas exorta sit in Diœcesi nostra,
ubi, quot Scholæ & Catecheseos insti-
tutiones, propemodum tot variaz do-
cendi & discendi formulæ inveniun-
tur.

Hinc varii Pastores, gravi adeo &
nocivæ confusio[n]i pro zelo suo mede-
lani

Iam afferre intendentes, Nobis reverenter exposuerunt, oportere omnino, ut pro desiderata & necessaria hac Doctrinæ uniformitate reinducenda, communis aliqua Instructionis Christianæ formula concipiatur, & adaptetur, quæ quidem in omnibus quæstionibus & responsis, ut fieri potuerit, *Catechismo Provinciali*, ejusque *Additamentis* (de quibus supra) scrupulose & ad literam inhæreant; nisi quod quædam majoris dumtaxat expositionis gratia adjungerentur; quo fieret nihilominus, ut qui *Catechismum Meckliniensem* cum *Appendice* addiscunt, lectionesque ex eo pro more hebdomadatim recitant (quod semper & ubique fieri volumus) nihil illis contrarium audituri sint, nihil etiam diversum, ac cæteri omnes, qui ubi-vis per Diocesim Doctrina Christiana instituendi erunt.

Præterea, cum præfati Domini Pastores pro sua in Nos reverentia & submissione, insuper supplicaverint, ut prærequisita formula catechistica, si daretur, autoritate nostra firmata, publici juris fieret, aliis quibusvis id genus libellis, qui sparsim circumferuntur, a Nobis prohibitis & interdictis: Nos, præfatis omnibus mature consideratis, serioque attendentes, nihil æque desiderari posse, & intendi debere pro Christiana juventutis instructione promovenda, quam illa doctrinæ & methodi uniformitas, quam & Domini Pastores hic requirunt, & Ordinationes tum Provinciales, tum Diocesanae introduci, & observari præscribunt; *Epitomen Doctrinæ Christianæ*, a Nobis editam (quamque per ad hoc deputatos examinari curavimus, & novimus fini intento respondere) non tantum comprobando adoptavimus, & prælo mandari permisimus; sed insuper statuiimus & mandamus, ut in futurum, præter *Catechismum Meckliniensem*, cum *Additamentis*, uti præfertur, (& quem tam in Scholis, quam quibusvis seu publicis, seu privatis instructionibus, etiam disci & doceri requirimus) in tota Diocesi nostra nulla alia formula seu methodus pro exponendo vel ampliando Doctrinam Christianam, adhi-

beat, quam quæ in prælaudata *Epitome* a Nobis præscribitur: commendantes omnibus & singulis Pastoribus, ut hoc nostrum *Mandatum*, pro prima opportunitate annuntient & suggestu suis respective Parochianis, curentque & invigilent, ut in omnibus, & per omnes, ad quos quomodocumque spectare poterit, fideliter observetur, cum expressa injunctione ex parte nostra, ut pro docendis & disponendis pueris ad Confirmationem & primam Communionem, tam Pastores ipsi, quam quivis alii in Diocesi nostra, solam præfatam Instructionem nostram adhibeant, & curent adhiberi; de quibus omnibus RR. Domini Decani in suis visitationibus serio & ubique requirent, & rationem Nobis reddent suo tempore. Sit igitur terra labii unius, & sermonum eorumdem. Gen. II. v. I. Datum Ipris in Palatio nostro Episcopali die 12. Decembris 1766. &c.

IV.

Ordinatio & Dispositio ejusdem Revmi Domini Episcopi Iprensis, pro Prima Communione puerorum, & Votorum Baptismatum innovatione; Cujus observatio denuo commendatur & injungitur per Instructionem Pastoralem Art. L. & LXII. respective.

FELIX JOSEPHUS &c.

Supremo Pastori rationem reddituri, de animabus singulis, quas emptas suo Sanguine pretioso, Nobis, licet immeritis, immensa charitate commendavit; statim a suscepto Episcopatus onere, inter alias gravissimas curas, etiam ad hoc nostram sollicitudinem intendimus, ut *Sacrosanctum Eucharistiæ Sacramentum*, quo nihil dignius, nihil sanctius, & nihil admirabilius habet Ecclesia Dei, ut monet *Rituale Romanum*, (*) omni quæ par est pietate & præparatione suscipiatur, ab illis præcipue, qui ad sacram Communionem primum accessuri sunt; utpote quæ quidem in omnibus, at in ipsis maxime, non tantum est omnium actionum sanctissima, sed & periculosissima; ob tremendas & sæpe irreparabi-

(*) Tit. de Ss. Euchar. Sacram.

parabiles sequelas, quas indigna NEO-COMMUNIO etiam ex Ss. PP. & DD. sententia asserre solet.

Ut autem tam animarum saluti, quam Sanctitati SACRAMENTI, in hac parte pro munere nostro consulamus; requirimus, ut *prima puerorum Communio*, in omnibus Diœcesis nostræ Parochiis deinceps eo instituat devotionis cultu & solemnitate, quæ tam ipsis *Communicantibus*, quam adstanti populo Divini Mysterii excellentiam demonstrent, devotionem foveant, amorem & desiderium accendant.

Et quidem in obsequendo huic piæ voluntati nostræ, exemplari zelo prævivere ab anno superiori Domini Pastores hujus civitatis; ubi statim apparuit, quam utile, quam salutare meditaremur propositum; dum neque ad pietatem ipsorum *Communicantium*, neque ad populi Iprænsi ædificationem, neque etiam ad consolationem nostram (in veritate dicimus) plus aliquid a Nobis hic potuit desiderari: implebitur gaudium nostrum, si, quod Deo præveniente in hac urbe auspiciati sumus, hoc, ipso adjuvante, pari zelo ac fructu per totam Diœcesim observetur.

In hunc finem, & ut omnia secundum ordinem fiant, servata uniformitate quoad modum, cæteraque, quæ tum ad devotionem, tum etiam ad solemnitatem hic præcipue juvare possunt; præscribimus, & imposterum observari mandamus sequentia:

1. Ut pueri *primam Communionem* simul instituant *Dominica in Albis* (nisi forte pro certis locis & ob rationes Nobis exponendas, eam in alium diem differri consentiamus) (*) nec alibi, quam in sua *Ecclesia Parochiali*; quo fiat, ut & ipsi præcepto Ecclesiæ de annua Communione, ad quod tenentur, in omnibus satisficiant.

2. Nemo ad *primam Communionem* admittatur, nisi, post sufficientem instructionem (quam diligentia DD. Pastorum intense commendamus) etiam præviæ *Confessionem generalem* instituerit, servatis servandis; utpote, quæ in illa

ætate & circumstantiis ex vario capite, nedum utilis, tantum judicari debet, sed & necessaria.

3. DD. Pastores diem *primæ Communionis* populo annuntient e suggestu ostiduo præcedente, eum hortando, præ cæteris verò, ipsorum *Primo-Communicantium* parentes & propinquos, ut tam pro honore & veneratione hujus Divini Mysterii, quam, pro sui, suorumque ædificatione, solemniter illi ac sacræ actioni curent intervenire; de quo eos insuper moneri volumus pulsu majorum campanarum cujusque Ecclesiæ Parochialis respective, tam pridie, quam ipso die Solemnitatis, ea hora, qua DD. Pastores pro facti ratione magis expedire judicaverint.

4. Dum dies & hora *sacræ Communionis* advenerit, (quam intendimus, sub directione cujusque Pastoris, intra Missarum solemnia institui) in id incumbet Pastor præcipue, ut exhortando *Primo-Communicantes*, nunc ante, tunc post susceptam Communionem, quo pietatis, quo etiam amoris & gratitudinis affectu in Christum moveri debeant, doceat adstantes, qua animi dispositione ipsi quoque hanc mensam cœlestem frequentent imposterum.

5. "Et quia religiosi instituti est, uti observat S. Carolus, diem *Baptismi* quotannis a Fidelibus celebrari; quæ sane institutio (ut addit) ad pietatis Christianæ cultum, piamque morum disciplinam non parum adjuvamenti adferre potest;" idcirco *Baptismalem Professionem*, quam quisque in sacro lavacro per Sponsores Deo & Ecclesiæ solemniter edidit, sub recurrente annua puerorum *primæ Communione*, & quidem præparatorie ad illam, Pastor innovabit; tam ipsorum *Communicantium*, quam aliorum præsentium nomine, *alte, distincte, & devote* prælegendo formulam, quam huic piæ cæremoniæ adaptavimus, & cujus exemplar infra subjungimus.

Ut vero prærequisita, abundantiori animarum fructu pro intimo desiderio nostro perficiantur, placuit Ss. Patri, ac Domino D. CLEMENTI Divi-

(*) Vid. Instruct. Pastoral. A. L. Tomus X. Concilior. German.

Divina providentiâ Papæ XIII. ad supplices preces nostras benigne concedere **PLENARIAM INDULGENTIAM**, omnibus & singulis Diœcesis nostræ utriusque sexus Christi fidelibus, tam qui *prima Communione* impostero solemner, uti præfetur, reficiendi, pro *Christianorum Principum concordia*, heresum extirpatione &c. pias ad Deum preces effuderint; quam cæteris omnibus, qui confessi & sacra Communione refecti, in uno die per Ordinarium designando (pro quo diem *primæ Communionis* annue) pia attentione & devoto affectu, *Promissionem Baptismalem* in sua respective Ecclesia Parochiali item confirmaverint, & oraverint ut supra; prout latius continetur in ipso Brevi Apostolico, quod hic adnectimus, & quotannis ab omnibus Pastoribus publicari mandamus lingua vernacula, ipso die, quo de instanti *prima Communione* & *innoatione Baptismi*, populum monere debuerint.

Denique, quia summopere optandum, ut huiusmodi *Baptismalis Professio* alias sæpius innovetur; concedimus præterea *Quadragesima dies* de vera Indulgentia, in forma Ecclesiæ consueta, omnibus & singulis, qui *die anniversario* regenerationis suæ per Baptismum, seu ante, seu post Communionem in Ecclesia sua Parochiali præfatam formulam devote legerint; aut si legere nequeant, ibidem in eam intentionem & effectum recitaverint quinies *Pater, Ave, & Credo*: enixe commendantes, ut DD. Pastores pro multa fiducia & gloriatione, quæ nobis est ad illos, se præfenti Ordinationi nostræ in omnibus studeant conformare, ejusque memoriam faciant in suis Registris. Interea, vota nostra & orationes conjunctis animis Deo offeramus, ut, qui dives in misericordiâ, consilia, actusque nostros ad Nominis sui gloriam prosequatur. Datum IPRIS in Palatio nostro Episcopali die 24. Martii 1766. &c.

Breve Apostolicum Ss. Patris, ac Dni, D. CLEMENTIS, Papæ XIII.
de quo in præcedenti Ordinatione.

AD FUTURAM REI MEMORIAM.

" Ad augendam Fidelium &c.

V.

Constitutio Concilii Lateranensis:

Omnis utriusque sexus, exinceps lingua vernacula e suggestu publicanda per Pastores, in Dominica Passionis; conformiter ad id, quod injungitur per Instructionem Pastoralem Art. LXXXI.

VI.

Indulgentia plenaria cum solemn

Expositione Sanctissimi Eucharistiæ Sacramenti, pro remedio adversus graviore abusus, qui Bacchanalium tempore admitti consueverunt; cujus fit mentio in Instructione Pastoralis Art.

XVIII.

BREVE APOSTOLICUM.

" Cum alias sanct. mem. BENE-
" DICTUS XIV. ad frequentes
" Episcoporum Pontificiæ Dictionis que-
" relas, gravioribus abusus, qui
" Bacchanalium tempore irreplebant,
" opportuno remedio occurrere con-
" cupiverit; perpexeritque in aliqui-
" bus Ecclesiis salutaris consilio insti-
" tutam esse sanctissimi Eucharistiæ Sa-
" cramenti expositionem per tres dies,
" sive in hebdomada Septuagesimæ,
" sive in altera Sexagesimæ, aut Quin-
" quagesimæ ante diem Cinerum, ad
" hoc præcipue, ne Fideles tempore tentatio-
" nis a via Domini recederent, & in præ-
" dictis Ecclesiis pie orantes, Divina impe-
" trarent auxilia; universis utriusque
" sexus Christi fidelibus confessis, &
" sacra Communione refectis, qui eas-
" dem Ecclesias, in quibus Venerabi-
" lis expositio sive in uno, sive in sin-
" gulis prædictis triduis fieret, devote
" visitarent, **INDULGENTIAM PLENA-**
" **RIAM** misericorditer concessit & in-
" dulgit: hinc Ssmus Dnus N. CLE-
" MENS Divina providentiâ PP. XIII.
" sedulo recogitans præfatam Augu-
" stissimi Sacramenti expositionem plu-
" rimum hisce diebus profuisse, ac
" deinceps fore profuturam; eandem
" Plenariam Indulgentiam ad quas-
" cumque Catholici Orbis Ecclesias
" ubicumque locorum existentes, ubi
" Venerabilis expositio, sive in hebdo-
" mada Septuagesimæ, sive Sexagesi-
" mæ,

" mæ, aut Quinquagesimæ, sive in
" singulis prædictis hebdomadibus per
" tres dies, atque etiam si tantummodo
" in feria quinta infra hebdomadam
" Sexagesimæ peragatur, ex uberi Pon-
" tificiæ charitatis fonte benignissime
" extendit.

" Datum Romæ ex Secretaria sa-
" cræ Congregationis Indulgentiarum,
" die 23. Julii 1765. *Signatum* N. Card.
" ANTONELLUS *Præfectus*. & S. BORGIA
" Sac. Congreg. Indulgentiarum Secret.

*Publicatio præfatæ Indulgentiæ,
facta per REVERENDISSIMUM DOMI-
NUM, cum dispositione quoad Cultum
& Ritum, quo celebrari debet in
Diecefi IPRENSI.*

FELIX JOSEPHUS &c.

Breve Apostolicum Sanctissimi in
Christo Patris & D. CLEMEN-
TIS Papæ XIII. supra impressum, quo
pro sua Pastoralis sollicitudine de procu-
randa in Ecclesia Dei totius Catholici
gregis salute, *Indulgentiam Plenariam* &
perpetuam pro triduo expositionis Ssmi
Eucharistiæ Sacramenti in hebdomada
Septuagesimæ, sive Sexagesimæ, aut
Quinquagesimæ, ad universas Orbis
Ecclesias misericorditer extendit, pro
remedio adversus graviores abusus, qui
Bacchanalium tempore admitti consue-
verunt, quosque in locis nonnullis
etiam per Dicecesim nostram grassari
summopere dolemus; non tantum eo,
quo debuimus, reverentiæ & gratitu-
dinis affectu excepimus, sed etiam
quamprimum ad Nos usque pervenit,
in Ecclesia nostra Cathedrali, pro triduo
hebdomadæ Quinquagesimæ publicari
permisimus de consilio RR. Adm. ac
Venerabil. DD. Decani & Capituli præ-
fatæ nostræ Ecclesiæ: qui insuper pro
zelo suo & exemplari pietate voluere
unanimitè, prædictam sanctissimi Sa-
cramenti expositionem in Choro Ca-
thedrali institui, & solemnizari eo ap-
paratu Religionis, quo majorem desi-
derare non potuimus.

Ut autem hujusmodi expositio
cum *Plenaria Indulgentia*, uti præfertur,

pro piissimo desiderio præmemorati
Ssmi Dni (cui ex parte nostra modis
omnibus obsecundare intendimus) etiam
in aliis Dicecesis nostræ Ecclesiis,
ad majorem Dei gloriam & animarum
salutem similiter promoveatur; enixe
commendamus RR. DD. Pastoribus,
quatenus æmulando efficiant, tum ut
prærequisita Venerabilis Sacramenti
expositio & adoratio cum *Plenaria Indul-
gentia*, in omnibus locis, in quibus
hanc publicari Nobis visum fuerit ex-
pedire, fiat singulari cultu & reveren-
tia, servata ubique uniformitate, quo-
ad ea saltem, quæ infra præscribimus;
tum etiam, ut per se, aliosque verbi
Divini Præcones ad hanc solemnem
adorationem & lucrandam Indulgen-
tiam, populum invitent & adhortentur;
ei præcipue exponendo, illam a Sum-
mo Pontifice peculiariter institutam
fuisse (quod ab omnibus & singulis
serio reflecti volumus, & merito) ad
impetranda Divina auxilia contra Bacchana-
lium abusus: & ne Fideles tempore tenta-
tionis a via Domini recedant. (*)

*Quæ pro triduo illo expositionis Ssmi Eu-
charistiæ Sacramenti in singulis Ecclesiis
respective requirimus observari, sunt se-
quentia:*

Imprimis, ut Altare, rite & debite or-
netur.

2. Ut pridie & toto triduo, ad Officia
Divina, prout in similibus conve-
nit, pulsetur.

3. Ut Venerabile Sacramentum a mane
usque ad Vesperam exponatur.

4. Ut pro adoratoribus subcellia debito,
loco aptentur.

5. Ut ante vel post Missam Conventua-
lem aut Parochialem, saltem pri-
ma aut altera die instituaturs Pro-
cessio, sub qua canteretur *Psalmus*
XXX. cum Versiculis & Orationi-
bus infra positis *N. III.*, & ex
Missali Romano desumptis.

6. Denum, ut sub Laudibus vesperti-
nis canteretur

1. Hymnus *Pange lingua.* &c.

V. *Panem de Celo* &c. cum Col-
lecta:

Deus, qui nobis sub Sacramento mirabili &c.
II.

(*) Idem Brev. sup.

Tomus X. Concilior. German.

II. Ana. Salve Regina Mater misericordiae &c.

V. Ora pro nobis &c. cum Collecta: Omnipotens sempiternus Deus, qui Gloriosa Virginis Mariae corporis & animam &c.

III. Psalmus 50. Misere mei Deus. Sexti Toni, quo finito, Officians ad pedem Altaris dicat:

V. Deus refugium nostrum & virtus.

R. Adjutor in tribulationibus &c.

V. Salvos fac servos tuos Domine.

R. Deus meus sperantes in te.

V. Sanctus Deus, Sanctus Fortis, Sanctus Immortalis.

R. Misere nobis.

V. Adjuva nos Deus salutaris noster.

R. Et propter gloriam Nominis tui Domine libera nos.

V. Domine exaudi orationem meam.

R. Et clamor meus ad te veniat.

V. Dominus vobiscum.

R. Et cum Spiritu tuo.

O R E M U S.

Deus, qui culpa offenderis, penitentia placaris, preces populi tui supplicantis propitius respice; & flagella tua iracundiae, quae pro peccatis nostris meremur, averte.

Deus, qui iustificas impium, & non vis mortem peccatoris: Majestatem tuam suppliciter deprecamur: ut famulos tuos de tua misericordia confidentes, celesti protegas benignus auxilio, & assidua protectione conserves; ut tibi jugiter famulentur, & nullis tentationibus a te separentur.

Deus, qui illuminat omnem hominem venientem in hunc mundum: illumina, quæsumus, corda nostra gratiae tuae splendore; ut digna ac placita Majestati tuae cogitare semper, & te sincere diligere valeamus. Per D. N. J. C.

Q U A R T A O R A T I O,

ultimo die addenda.

Deus, qui neminem in te sperantem nimium affligi permittis, sed pium precibus praestas auditum: pro postulationibus nostris, votisque susceptis gratias agimus, te piosse deprecantes, ut a cunctis semper muniamur adversis. Per Dominum.

Optaremus tandem, ut Confratres & Conforores Confraternitatum, maxime illius, quæ sub titulo Venerabilis

Sacramenti, in plurimis nostræ Diocesis Ecclesiis erecta est, ad annum hunc adorationis cultum pro zelo suo promovendum invitarentur & animarentur.

Datum IPRIS in Palatio nostro Episcopali die 28. Februarii 1766. &c.

VII.

FORMULÆ pro describendis in Registris Actis BAPTISMORUM, MATRIMONIORUM & SEPULTURARUM, observanda in omnibus Ecclesiis Parochialibus hujus Diocesis, in quibus aliæ hujusmodi Formulae non sunt praescriptae a Praedecessoribus nostris juxta Principum Edicta. Videat. Instructio Pastor.

Art. LXII. & CXLV.

FORMULA PRO DESCRIBENDIS ACTIS BAPTISMORUM.

Anno Domini.... die.... mensis.... Ego infrascriptus Pastor (vel Vicarius) hujus Parochiae, baptizavi N. filium (vel filiam) legitimum (vel legitimam) NN. (nomen & cognomen Patris) ex hac Parochia (vel Parochia N.) & NN. (nomen & cognomen Matris) ex hac Parochia (vel Parochia N.) conjugum, natum (vel natam) hodie, (vel heri) hora..... Susceptores NN. & NN.; qui mecum subscribunt.

Si Pater sit praesens, etiam ipse signabit; si absens vero, fiat mentio de ejus absentia.

Si Pater, vel unus, aut alter Susceptorum scribere nesciat, addatur inscriptio, quod declaraverit se nescire signaturam apponere.

Signatura ponantur hoc ordine: NN. Patrinus. NN. Matrigna. NN. Pater.

Ultimo loco: NN. Parochus, vel Vicarius.

Si in necessitate, vel alia de causa proles domi baptizata fuerit, ommissis Caeremoniis Ecclesiae, fiet hujus mentio in eadem Formula; (*) quam subscribabit cum Ministro, qui impleverit Ecclesiae caeremonias, obstetrix, vel ille, aut illa, quae prolem baptizavit. Si in aliquo casu Baptismus conferri debuerit sub conditione, illud etiam exprimendum erit. (**)

Si vero proles baptizata sit illegitima; omisso nomine patris, scribatur.... Baptizavi NN., Patris incogniti; nisi ipse pater adsit, & prolem baptizatam pro sua agnoscat, ac formulam subscribet; vel juridice, aut

(*) Instruct. Pastor. Art. LXII.

(**) Ibidem Art. LX. & LXI.

aut aliter certo de eo constet. Cæterum serio attendant Pastores, ut in casibus huiusmodi, omnem infamiam, aut ejus suspicionem, pro sua prudentia devitent.

FORMULA PRO DESCRIBENDIS ACTIS MATRIMONIORUM.

Anno Domini... die... mensis... præmissis Sponsalibus, & proclamatis tribus bannis (vel proclamatis duobus, aut uno banno, obtemperata dispensatione super uno, aut duobus) inter NN. (nomen & cognomen Sponsi) ex hac Parochia (vel ex Parochia N.) juvenem (vel viduum NN.) (nomen & cognomen defunctæ Conjugis) filium NN. (nomen & cognomen Patris) ex hac Parochia, (vel ex Parochia N.) & NN. (nomen & cognomen Matris) ex hac Parochia (vel ex Parochia N.) ex una parte: & NN. (nomen & cognomen Sponsæ) ex hac Parochia (vel ex Parochia N.) puellam, (vel viduam NN. nomen & cognomen defuncti Conjugis) filiam NN. (nomen & cognomen Patris) ex hac Parochia (vel ex Parochia N.) & NN. (nomen & cognomen Matris) ex hac Parochia (vel, &c.) ex altera; habito consensu requisito eorum, quorum interest, nulloque detecto impedimento; Ego infrascriptus Parochiæ hujus Pastor (vel Vicarius, aut NN. Sacerdos, ex commissione R. D. Pastoris) eos Matrimonio junxi in Domino; præsentibus Testibus NN. ex hac Parochia (vel ex parochia N.) & NN. ex hac parochia (vel &c.) exprimendo nomen, cognomen & locum domicilii Testium, juxta numerum per Edicta Principum requisitum] qui mecum, sicut & ipsi contrahentes, subscripserunt.

Si Testes sint consanguinei aut affines ipsius contrahentibus, exprimatur quo gradu se contingant. In apponenda signatura, aut si quis contrahentium vel testium nesciat illam adscribere, observent hic Pastores cum proportionem, que diximus supra circa subscriptionem in Baptismo.

Si Contrahentes cognitione spirituali sibi juncti sint, aut consanguinei, vel affines in aliquo gradu prohibito, & dispensationem de super obtinuerint, prout debebant, a Summo Pontifice, vel Episcopo; fiat mentio in Acto Matrimoniali tam de obtemperata dispensatione, & a quo; quam de impedimento, seu gradu consanguinitatis & affinitatis, super quo dispensatum fuit.

In casu vero, quo prolem illegitimam per subsequens contractum Matrimonium legitimum contingat, observent Pastores, que dicta sunt in Instructione Pastoralis Art. CXLV.

FORMULA PRO DESCRIBENDIS SEPULTURIS.

Anno Domini.... die.... mensis.... obiit in Domino NN. (nomen, cognomen, & conditio personæ) omnibus Ecclesiæ Sacramentis munitus (vel munita, aut munitus, vel munita sola Extrema Unctione; vel subito) in hac Parochia; ætatis.... filius, (vel filia) NN. & NN. (nomen & cognomen Patris & Matris) cælebs (vel Matrimonio junctus, vel junctus cum NN., nomen & cognomen Conjugis; vel viduus, aut vidua NN. nomen & cognomen defuncti, vel defunctæ Conjugis.) In hac Ecclesia Parochiali, (vel in cæmeterio hujus Parochiæ) sepultus, (vel sepulta) hodie, per me Pastorem (vel Vicarium) parochiæ: Testibus N. N. & N. N. (nomen & cognomen Testium) qui mecum subscripserunt, (vel) qui declaraverunt, se nescire scribere, &c. ut dictum est de subscriptione in Baptismo, & Matrimonio.

In hac Formula, dum dicitur, Matrimonio junctus, aut junctus, cum NN. etiam exprimitur nomen & cognomen Conjugis ex secundis nuptiis, si fuerint. Idem observetur cum proportionem, ubi in describendis tam Matrimonii, quam Sepulturis, dicitur, viduus, aut vidua NN.

INDULGENTIÆ concessæ a Ss.

Dno BENEDICTO XIV. Pont. Max. pie, devote, & ex corde recitantibus Actus Virtutum Theologicarum FIDEI, SPEI, & CHARITATIS, de quibus in Instructione Pastoralis Art.

XLVIII.

" **A**nimadvertens Ss. D. N. BENEDICTUS PP. XIV. quam utiles, quin imo necessarii sint ad æternam salutem Theologicarum Virtutum actus, FIDEI videlicet, SPEI & CHARITATIS; ut omnes utriusque sexus Christi fideles, ad illorum exercitium excitaret, audito voto sacre Congregationis Indulgentiis sacrisque Reliquiis præpositæ, INDULGENTIAS pro iisdem Actibus a S. Mem. BENEDICTO XIII. die

" 15. Jan. 1728. concessas, benigne
 " confirmavit; PLENARIAM nimirum
 " cum facultate eam Fidelium defun-
 " ctorum animabus applicandi, semel
 " in mense lucranda ab iis, qui quo-
 " tidie per mensem præfatos actus, pie,
 " devote, & ex corde peregerint, die
 " nempe ab unoquoque eligenda, in
 " qua vere poenitentes, confessi ac sa-
 " cra Communione refecti *pro Christia-*
 " *norum Principum concordia, hæresum ex-*
 " *tirpatione, ac S. Matris Ecclesiæ exaltatio-*
 " *ne*, ut decet, oraverint: nec non ali-
 " am similiter *Plenariam* in mortis arti-
 " culo. Ut autem commissas sibi oves
 " ad frequentiore hujusmodi Actu-
 " um usum alliceret Sanctitas sua, *In-*
 " *dulgentiam septem annorum, totidemque*
 " *Quadragesimarum* cum eadem applicatio-
 " nis facultate, quæ juxta ejusdem sui
 " Prædecessoris concessionem semel
 " tantum in die consequi poterat, ad

" quamlibet antedictorum Actuum
 " piam &c. ut supra recitationem, cle-
 " menter extendit.

" Declaravit insuper sua Sanctitas,
 " præfatas omnes Indulgentias additas
 " minime esse certis, determinatisque
 " verbis, propterea unumquemque
 " uti posse in recitatione dictorum
 " Actuum qualibet formula, dummo-
 " do in ea singularium virtutum Theo-
 " logicarum specialia motiva expri-
 " mantur. Datum Romæ die 26. Jan.
 " 1756. &c."

IPRIS, apud Thomam Franciscum
 Walwein, Typographum Illmi
 D. Episcopi.

Exemplar communicavit A. R. Clque Dnus
 D. JACOBUS GOYERS, Pastor in Hü-
 melghem, Vir de hac Collect. CC. mul-
 tum sane meritis.

N O T A.

FELIX JOSEPHUS HUBERTUS DE WAUVRANS, superstes hodie Iprarum
 XVII Episcopus, Tornaci Nerviorum in Flandria natus est die 10 Augusti a. 1715,
 patre Jacobo Josepho e nobili claraque per Arthesiam familia oriundo, cujus tamen
 progenitores ducentis circiter abhinc annis Flandriam petierunt, & matre Maria
 Carolina Hudfabant, ex honorata item ac prænobili apud Tornacenses stirpe. Lu-
 tectiam Parisiorum a. 1731 profectus, Philosophicis ibidem & Theologicis studiis
 operam dedit. Gradu Licentiæ in U. J. eum ornavit circa a. 1739 Lovaniensis
 Universitas; sacra vero in Theologia a. 1742 Sorbona. Factus a. 1759 in Comitibus
 Ordinum Tornacensium vicarius pro Episcopo Præfès; a. 1741 inter Ecclesiæ Ca-
 thedralis Tornac. Canonicos adlectus; datus eidem Ecclesiæ a. 1760 Archidiaconus
 & a. 1762 Vicarius Generalis. Tandem a Majestate C. R. A. MARIA THERESIA
 ad Episcopatum Iprensensem nominatur mense Januario ejusd. anni 1762, mox Romæ
 in Consistorio ab ipsomet Ss. Domino CLEMENTE XIII P. M. dotibus ad id offi-
 cii requisitis declaratur instructus, atque in Metropolitana Mechliniensi per Ex-
 cellmum & Revmum Comitem in Franckenberg hujus Ecclesiæ Archiepiscopum,
 assistentibus Excellmo Domino in Salm Tornacensi & Illmo Domino Van Game-
 ren Antverpiensi Episcopis, more Majorum, in festo Præsentationis B. M. V. con-
 secratur.

Læta in Iprenses muros invectione ad diem 23 Dec. a. 1768 celebrata, *Instructionem*
 quam hic dedimus *Pastoralem*, monitis saluberrimis ad Cleri perinde ac populi uti-
 litatem ut plurimum conferentibus plenam edidit.

Egit plura alia, quorum ad calcem istiusmet *Instructionis* fit mentio, pro Diocesis
 suæ bono utiliter. Anno 1770 solemniter instituit adparatu in eadem sua Diocesi
 Confraternitatem adorationis perpetuæ Ss. Altaris Sacramenti. Ad singulas Con-
 gregationes Pastorales, quæ quolibet in Districtu Decanali bis per annum fiunt,
 mittere amat encyclicam, in qua ad casus dubiave proposita responderetur, varia
 commendantur puncta disciplinæ, ac sui Pastores officii admonentur.

In Seminario quotannis voluit, pioque fancivit edicto publicam Festa Præsentationis
 B. M. V. luce fieri votorum clericalium innovationem, cum plenariis Indulgentiis
 a Ss. Dno CLEMENTE XIII, immortalis recordationis P. M. concessis.

Similes Indulgentias pro omnibus Presbyteris secularibus, qui salutem animarum dant
 operam, modo confessi & Missa celebrata, aliquod e Parochialibus templum visi-
 taverint, ad festum S. Vincentii a Paulo impetravit. Regimen Præfuli dignissimo
 quam longum, tam fortunatum, inter vota Q. Q. Mult. XX. ex animo precamur.



**SUPPLEMENTUM BREVE
CONCILIORUM GERMANIÆ**

*vel omifforum in Tomis præcedentibus, vel corrigendorum,
quæ postmodum detexit, ferme omnia,*

**JOSEPHUS HARTZHEIM P. M. SACERDOS
E SOCIETATE JESU,**

ac fequentem digefta in ordinem cuſaque in formam reliquit.

SYNODUS COLONIENSIS

**Anno Chriſti CMXLVIII. Agapeti II. PP. III.
Ottonis I. Reg. XII.**

**a WICHFRIDO, (*) Coloniænſi Archiepiſcopo,
CELEBRATA,**

Fragmento Tom. II. pag. 621 impreſſo plenior.

**Wichfridus, Archiep. Colon. confirmat limites Eccleſiæ S. Severini,
eamque dotat**

**IN SYNODALI CONVENTU CUM COEPISCOPIS,
& translatione Corporis ex veteri tumba in novam.**

IN NOMINE STE ET INDIVIDUÆ TRINITATIS.

Notum ſit omnibus Fidelibus tam præſentibus, quam futuris, Eccleſiæ filiis, quorum (a) Ego WICHFRIDUS, Stræ Colon. Eccleſiæ ſcilicet indignus Archiepiſcopus, paſtorali cura impuſſus ac divinitus in viſionibus perſæpe præmonitus, in Monalterio, quod Dominus meus ſcilicet ſanctus Chriſti Confefſor SEVERINUS ipſe a

fundamentis erexit, & ſub honore Ss. Martyrum CORNELII & CYPRIANI dedicavit, Oratorium conſtruxit, ac in quantum potui, in ipſius honorem ſpecialiter perornavi ad remedium animæ meæ, & omnium meorum (b) ſibi que ſecundum Deum procurandorum, quia nulla pars negligentia meorum Antecefſorum ipſius templi dedicata erat ſibi,

(*) Wichfridus Eccleſiæ Coloniænſis XXXIII Epifcopus & ab S. Agilolpho, primo ut nonnulli contra Hartzhemium volunt, ejusdem Eccleſiæ Archiepiſcopo, XII muſ ſedit ab anno Chriſti 925 uſque ad 953, quo obiit 7 Julii.

(a) Gelenius excerptit p. 272 de Col. U. Magnit.

(b) mihi pro meorum. Gelen.

sibi, in cujus Oratorii dedicatione cum forte adesset sub veræ charitatis pignore BERENGERUS *Verdunensis Civitatis Episcopus*, & religiosus *Cameracensis Ecclesiæ* JOANNES *Episcopus*, (c) etiam, ut supradictum est, Divino monitu perterritus Reliquias Beatissimi Confessoris mutavimus de scrinio jam carie consumpto, in scrinium ut tunc temporis humano ingenio melius potuit esse firmatum. At Ego, meique Coepiscopi cordis compunctione attracti, quoniam talem thesaurum Corporis tam sanctissimi Militis Christi, ac fratres tantæ religionis in eo loco inveni, quales in alio non habui, prædictorum Constatrum, aliorumque multorum religiosorum Virorum instinctu (d) permonitus, tam sanctissimas, priusquam scrinio sigillum imprimerem, supavi Reliquias, & quasdam res meæ proprietatis, pago in ipso fitas scilicet in villa (e) *Everich* dicta, id est fiscalia mansa duo cum vinea, quam (f) emi erga militem meum *Salagonem* XXVI. libris argenti, & iterum in villa quæ dicta (g) *Beina* duo servilia mansa, ac in villa *Thiedenboven* nominata unum, quæ III. erga militem (h) *Odtelhardum* precario acquisivi, S. Severino ac fratribus sibi tam incessanter famulantibus contradidi. Insuper cum communi consensu tam Clericorum, quam Laicorum donavi de Ecclesiæ rebus ad sustentandam inopiam illorum, Ecclesiam sub ipsius sanctissimi Confessoris honore fundatam *Immendorp* dictam, quo melius proficiant in orationibus, perpetualiter possidendam, cum omni termino ibi ad nostrum opus habito, quo in Dei servitio diu noctuque persistant absque ullo victus impedimento. (i) Hæc dum agerentur, Fraterculi ejusdem Monasterii cum illorum (k) Proposito nostris genibus suppliciter advoluti nimium quærentes, ut terminus, quem Beatissimus SEVERI-

NUS ut antiquitus dein esset cum suo banno ad præfatum Monasterium CORNELII & CYPRIANI terminasset, ac quem meus Prædecessor HERMANUS videlicet totius Ecclesiæ defensor, postea iterum probabilium hominum testimonio, atque suo banno firmasset, undique a circummanentibus popularetur, & illorum vires non sufficerent illum a lupis rapacibus defendere. Postulantes, ut per merita tam Stii Patrōni facerem, & illum lice solverem, nil cupientes in eo retinere, nisi quod jure debuissent habere: Ergo (l) considerans curam atque pondus meæ dispensationis, ac curam commissi ovilis, non ausus fui petita præterire, sed jussi in Synodali Conventu, quem tunc proxime in *Cana Domini* collectum habui septem sapientes Clericos & totidem idoneos circummanentes Laicos super capsam S. Petri jurare, quo publice recitarent, ut veracius scirent; & post hæc sic circumducerent, ut (m) in æternum absque lite staret omnis ille terminus pertinens ad præfatum S. Severini Monasterium, unde factum est, ut condixerant, primum omnem (n) Salaciciam terram pertinentem ad curtem juxta Monasterium ubicunque (o) jacerent locorum, & sic terminum ducebant ab urbis porta quam vulgus nominat *Altam* per illam plateam usque ad S. Joannis Ecclesiam, & per septem & decem jurnales in alia parte plateæ jacentes: ab Ecclesia autem per viam, quæ est dicta (p) *Burchstrazza*, usque ad villam, quæ est dicta *Thiedenboven*, cum omnibus, quæ pertinent ad illam, hincque usque iterum ad villam, quæ nominatur (q) *Holnchen*, ac quidquid pertinet ad illam, inde vero ad sylvam, quæ vocatur *Dierlo*, & hinc ad (r) *Gungenforst*, inde per viam, quæ dicitur *Vorshweegh* usque ad Rhenum, & sic per litus iterum usque ad Civitatis fossam, ut nemo quid juris vel potestatis aut

termi-

(c) Notavit Joann. Gelenius Fulbertum eo anno fuisse *Cameracensem* Episcopum, non Joannem.

(d) præmonitus. Gelen. (e) Canricha. Gelen.

(f) quæ pro quam. Gelen. (g) dicitur. Gelen. (h) Gothelhardum. Gelen.

(i) hætenus Gelen. excerptum abrumpit. (k) Præposito forsitam.

(l) ab hac voce: considerans curam atque pondus, excerptit Gelenius pag. 272. de Colon. U.

Magn. (m) usque addit Copiar. S. Severini. (n) Salaciciam, idem Cop. S. Sev.

(o) jaceret. Copiar. S. Sever. (p) Burchstrasse. (q) Holnchen. Cop. S. Sev.

Hoinchen canicula. (r) Intgenforst, Jungenvorff. Copiar. S. Sever.

termini, ac saltem Senatus inter habeat, nec aliquis Decanus, aut Advocatus illorum, juramento meo & communi consensu tam Clericorum, quam Laicorum tunc assistantium, nisi prefati Monasterii Præpositus exceptis XX. domibus, quæ pertinent ad Ecclesiam fecus Rhenum, sub honore sanctæ Dei Genitricis fundatam.

Hinc quo prædicta traditio firmior staret, atque terminus esset sine lite, iussi hanc chartam scribere & stipulatione subnectere, atque mox in ipso Senatu cum meo banno & omnium præsentium Presbyterorum firmavi, similiter in Cæna Domini in Epanado, atque in ipso die sancto Paschæ feci, ut si quis meorum Successorum aut qualibet appositæ persona contra hanc traditionem venire tentaverit, vel terminum quolibet modo infringere, aut in eo aliquid errare vel demere voluerit, fiat ei sicut Ammonitæ & Moabitæ, iram Omnipotentis Dei incurrat, lingua faucibus ejus adhæreat. Cum judicatur exeat condemnatus, Diabolus stet semper a dexteris ejus, a liminibus sanctæ Dei Ecclesiæ efficiatur extraneus, in die examinis fiat deputatus æternis suppliciis, oculi ejus non videant lumen in sæcula sæculorum Amen.

Quo autem firmior sit hæc charta, placuit Testium assistantium assignari nomina: S. Gudefridi Comitis S. Gereonis Presbyteri, S. Wichardi Presbyteri, S. Rudberti Præpositi, S. Vnargigi, S. Marewardi, S. Azzonis, S. Marfridi, S. Folberti, S. Linbeberti, S. Salaclovis, S. Alveridi, S. Jeni, S. Friderici, S. Adalgeri Advocati, S. Erkengeri Presbyteri, S. Selivadi Presbyteri, S. Hildebaldi Præpositi, S. Geroldi, S. Landfridi, S. Razzonis, S. Megengeri, S. Hugbrabti, S. Everhardi, S. Sandrati, S. Ruotgeri, S. Marici, S. Shiezonis. Actum est publice anno Dominicæ Incarnationis CMXLVIII. Indictione VI. atque VII. anno Serenissimi Regis OTTONIS regnantis, XII. Præfulatus Venerabilis Archiepiscopi WICHFRIDI feliciter Amen.

Ex Copiarum libro Archiepiscopi S. Severini communicavit Reverendissimus & Perillustri D. FRANC. GERARDUS AB HERRESTORFF, Insignis Collegiæ S. Severinianæ Canonicus & Decanus, nec non & Bonnenfis Archidiaconalis Sr. Cassii & Florentii Canonicus

Rediit hoc passio in ordinem Diploma singulare ex Volumine IV. Farnag. Gelen. pagg. 178 & 179.

SYNODUS MOGUNTINA

Anno Christi MXLIX. Leonis IX. PP. I.

Henrici III. Regis XI.

Sub BARDONE, (*) Archiepiscopo & Electore Mog.

CELEBRATA.

Habetur impressa Tom. CC. III. a pag. 112.

NOTANDA

AD S. ILLIUS VII.

EXTRACTUS

Ex impresso Moguntino sub rubro Jus Metropoliticum Mogunt. 1754.

circa Exemptionis Monasticæ materiam,

Ad adjudicandum, an in Concilio Moguntino anni 1049. Abbati Fuldensi, ejusque in Spiritualibus Vicario jurisdictionis facultas in locis exemptis, quæ sibi &c. fuerit concessa.

Supplement. Tom. X. Concil. German.

Rrrr In

In addendis pag. XCVIII & XCIX hæc habentur.

P A R A L L E L A

ASSERTORUM FULDENSII & DOCTRINÆ SUMMI PONTIFICIS BENEDICTI XIV.

A S S E R T A PRO ABBATIA FULDENSI.

IV. **F**uldenſes Patroni narraverunt, jam a ZACHARIA P. a Sæculo VIII. ejusque Succelloribus datam Monasterio Fuldenſi non tantum exemptionem paſſivam, ſed activam, etiam in Clerum & populum locorum omnium a Fuldenſi Abbate acquiſitorum & acquirendorum, eique ut Principi ſubjectorum, & quidem juridiſtionem ſoli S. Sedi immediate ſubjectam. *Specim. §. 10. §. 13. §. 16. ſeq. & paſſim.*

D O C T R I N A S. D. N. BENEDICTI XIV. *ante & in Summo Pontificatu.*

S.D.N. non tantum hæc omnia rejecit tanquam Herbipolenſis olim cauſæ Patronus, non tantum tanquam S. Congregationi Concilii particulari a. 1721. a ſecretis hunc Fuldenſis præſcriptionis, titulum aſſertum in illis Pontificum privilegiis repositum tanquam nullum, invalidum, inſubſiſtentem explodit.

In cit. Diſcurſu num. 10. 16. & paſſim.

Sed etiam qua Pontifex in Bullario ſuo exactiſſimo ſapientiſſime obſervat, necdum tempore ALEXANDRI III. ſcilicet ſæculo XII. circa annum 1159. exempla recentiori activæ juridiſtionis, tributa Monachis in Clerum & populum.

Tom. I. Bullarii Conſtit. XXVI. §. II.

Multo minus igitur tempore ZACHARIÆ, STEPHANI III. ante annum 800. GREGORII IV. & aliorum ante annum 900. uſque ad ultimum Fuldenſium privilegium ANASTASII IV. ALEXANDRI III. Antecelloris.

S. D. N. illationem a MONASTERIO exempto ad juridiſtionem activam in Clerum & populum a Canoniciſ Sanſtionibus nimium abſonam & repellendam eſſe rectiſſime docet

Tom. I. Bullarii Conſtit. LXXVI. §. 10. in fine.

Et

V. Fuldenſes aſſertum illud ſuum probare volunt ex privilegiarum dictorum formula: Præſarum MONASTERIUM ſub juridiſtione ſanctæ noſtræ, cui Dno Authore deſervimus, Eccleſiæ conſtitutum, nullius alterius Eccleſiæ juridiſtione ſubmittatur . . . & . . . cujuſlibet

(*) S. BARDO ex nobili familia de *Opershoven* in Veteravia oriundus, qua etiam Giſelæ Conradi II Regis conjugis propinquus exſtitit, ſub Erchenbaldo Abbate Fuldenſi monaſticam vitam amplexus eſt, tanto ſui bono, ut poſtquam Majoris Decani ac primi loci hujus S. Andreæ Præpoſiti munia condigne obiviſſet, ad Inſulas Herfeldenſes ac ſimul Werthinenſes promotus ſærit, Vir contemptu ſæculi & doctri-næ ſcientia inſignis, hoc forſan culpandus, quod anno 1031 vacantem Moguntinum Archiepiſcopatum, ſuo quondam Abbati Fuldenſi Richardo, cui tunc ex privilegio ſuæ Eccleſiæ debebatur, præripuit. *Hæc Cl. Schannat. in Opere: Diæceſis & Hierarchia Fuldenſis, pag. 84.* Doctiſſimum verbi Divini eccleſiaſten, qui multos ad Chriſti fidem eloquio ſuo perduxit, cujuſque per multa ſeſe miracula prodidit ſanctimonia, BARDONEM vocat Doctiſſ. *Laurent. Beyerlinck in Magno Theatro vitæ humanæ Tom. III. pag. 167.* A Bucelino *Germ. ſacr. & Schatenio Annal. Paderb. P. I. ad a. 1031* ævi ſui Chryſoſtomus adpellatur. Obiit A. Chriſti 1050, poſtquam Baſilicæ Metropolitanæ ab Erbone, ſeu *Aribone*, Antecellore ſuo ceptæ coronidema impoſuit.

libet Ecclesiæ Sacerdotem IN PRÆFATO MONASTERIO ditionem quamlibet habere, aut auctoritatem præter Sedem Apostolicam prohibemus. &c.

VI. Fuldenſes dicunt, ex iis privilegiis verbis MONASTERIUM inconculſſe DOTATUM permaneat, locis & rebus tam eis, quas moderno tempore tenet, quam quæ futuris temporibus in jure ipsius Monasterii Divina pietas völuerit augere ex donis & oblationibus, decimisque fidelium, firmitate perpetua perfruatur sequi, quod omnia loca postmodum a Fuldenſibus Principibus acquisita, cum Clero ac populo ejus jurisdictioni Ecclesiasticæ, & quidem exemptæ, fuerint submissa §. 16. & alibi.

Et verba: *immediata subjectioni S. Romanæ Sedi, soli congruere exemptioni passivæ, non autem juri activo, & separationi territorii, addit*

In eadem Constit. §. 16.

Sicut hæc verba suapte natura solum protectorium involvunt, ita plane Summus Pontifex ait, ad ductum clari textus in cap. *Ex parte. 18. de Privilegiis.* clausulam illam sub B. Petri & S. Sedis protectione nequidem inferre exemptionem passivam.

Tom. II. Bullar. Constit. XL. pag. 346.

Aliasque plures, & multo liberaliores formulas rejecit tanquam insufficientes ad jurisdictionem exemptam quasi-Episcopalem.

Tom. I. Bullar. Constit. LXXVI. §. 6.

7. 16.

Tom. II. Bullar. Constit. XXXIII. eodem Tom. II. Constit. XL.

AD SYNODUM MOGUNT. DE A. MXLIX.

CHRONICON PARVUM

De Monasterio Ss. Simonis & Judæ Goslaris, quod Leuckfeld ex Originali membranaceo se fideliter edidisse scribit:

Apud eundem Leuckfeld P. II. Antiquitat. Abbatia Walckenriedensis pag. 198. ita habet,

" Suis etiam temporibus Papa LEO
" post hujus Templi solemnem
" Dedicationem Concilium in Moguntia
" celebravit, ubi hanc Ecclesiam multis privilegiis & libertatibus honoravit ob ipsius Imperatoris præsentiam.

Bullam autem hujus S. Pontificis pro hac Goslariensi Ecclesia, dedit idem Auctor Leuckfeldius P. I. *Antiquitat. Abbat. Walckenriedens.* hoc tenore pag. iidem 198.

" LEO EPISCOPUS, SERVUS SERVORUM DEI, omnibus Christi fidelibus. Sancti propositi votum non solum Divino effectu impletur, sed etiam humano suffragio adjuvatur. Sit autem notum omnibus sanctæ Ecclesiæ filiis, tam præsentibus,

" quam futuris. Quia filius noster carissimus secundus HEINRICUS
" Imperator Augustus, quandam Ecclesiam a se funditus constructam in honore sanctæ Dei Genitricis Dominae nostræ Virginis MARIE & beatorum Apostolorum SIMONIS & JUDÆ positam loco Goslaris, ubi fratres sunt sub canonica degentes regula, quibus præposuit quandam Presbyterum nomine Rumaldum, tam pro animæ suæ, suæque Conjugis Augustæ filia nostræ Agnetis remedio, quam pro salutem etiam parentum suorum Conradi & Gisla, divinæ (*) memorie, pio affectu, piaque intentione, sancto Petro ejusque Apostolicæ Sedi per scripturam propria manu signatam penitus concessit, per manus

(*) Videtur error transcriptoris pro Divæ. Supplement. Tom. X. Concil. German.

" nus nostras, scilicet indigni Vicarii,
 " cum essemus cum eo Moguntia ibique Syno-
 " dum haberemus, ut ipsa Ecclesia posita
 " sub Apostolico jure & Dominio, ab
 " omni læsione & molestia, suam inte-
 " gritatem habens in omnibus rebus
 " & facultatibus, quas modo habet in
 " prædicta Goslavia in Egelen & Ursel-
 " & in Scemense & in Gerse & in
 " Valentio juxta Rhenum sito, aliisque
 " locis & villis, & quæcunque in per-
 " petuum habitura est, sive sint mobi-
 " lia, sive immobilia, quod donum
 " de manibus prædicti charissimi Filii
 " nostri Augusti suscipientes, decrevi-
 " mus per hoc nostræ Apostolicæ au-
 " thoritatis privilegium omne muni-
 " men, omne robur Apostolicum ei-
 " dem Ecclesiæ S. Mariæ, & Ss.
 " Apostolorum SIMONIS & JUDÆ con-
 " tribuere & condonare, ut integra in
 " suis rebus, suisque possessionibus in
 " secula constans, nullum metuat vel
 " ab Imperatore, vel a Rege, vel ab
 " aliqua persona publica vel privata
 " dispendium ac detrimentum. Dig-
 " num tamen duximus eidem carissi-
 " mo Filio nostro Augusto, ejusque
 " Successoribus advocationem ipsius
 " sacri loci ea ratione relinquere, ut
 " semper in potestate habeant ibi Præ-
 " positos secundum Deum ordinare,
 " non autem ex bonis ipsis aliquid ali-
 " cui in proprium dare, sive in bene-
 " ficiis tribuere. At si contra pro-
 " hibitionem nostram quisquam eo-
 " rum temptaverit agere, liberum ju-

" bemus esse Præposito & Canonicis,
 " qui ibi pro tempore fuerint, sic om-
 " ni modo ad Romanam Ecclesiam de-
 " inceptis respicere, ut nihil metuant
 " de Imperiali & Regia conditione,
 " Episcopus autem, in cujus Diocesi
 " istius Ecclesiæ constructum est Mo-
 " nasterium, nihil in eo habeat juris aut
 " potestatis, præter Ecclesiasticum re-
 " gimen, & secundum Canonica insti-
 " tuta Episcopalem potestatem.

" Statuimus igitur Apostolica cen-
 " sura sub Divini judicii obtestatione,
 " ut nulla potestas Imperialis vel Re-
 " gia, Ecclesiastica vel secularis, vel
 " quævis hominum persona, magna
 " vel parva, cujuscunque sit sexus &
 " ætatis, contra hæc nostræ Apostolicæ
 " corroborationis privilegium venire
 " pertemptet. Quisquis vero, quæ,
 " quæve, quod absit, fuerit, (*) Usque
 " ad dignam satisfactionem nostri Apo-
 " stolici anathematis vulnere sauciatus
 " existat, qui vero ab hic prohibitis
 " se custodierit, & quicquid hic legi-
 " tur, illibate observaverit, plenam
 " habeat a Nobis benedictionem, &
 " adeo (**) sempiternam salutem.

" Dat. III. Kal. Novembr. per ma-
 " nus PETRI Diaconi, Bibliothecarii
 " & Cancellarii sanctæ Apostolicæ Se-
 " dis. Anno Domini LEONIS Papæ
 " I. Indictione III.

† S. LEO P. PLENA EST
 TERRA MISERICORDIÆ
 DOMINI.



SYNO-

(*) Aliquod verbum omissum videtur.

(**) Ex stylo Pontificibus Romanis consuetudo debet poni a Deo.

SYNODUS TORNACENSIS

Anno Christi MXC. Urbani II. PP. III.

Henrici IV. Reg. XXXV. Imp. VII.

CELEBRATA

RADBODO, () Tornaci & Noviomi Episcopo;*

PRÆSIDENTE.

SUMMA: RADBODUS Torn. & Noviomi Episcopus, & WALTERUS Insulensis Præpositus, Canonicis Ecclesiæ S. Petri Insulensis donant personatum Verviaci vulgo Wervike.

IN NOMINE SANCTÆ ET INDIVIDUÆ TRINITATIS, PATRIS,
ET FILII, ET SPIRITUS SANCTI. EGO RADBODUS, DEI GRATIA
NOVIOMENSIIUM SEU TORNACENSIIUM EPISCOPUS, OMNIBUS DEUM
DEVOTE TIMENTIBUS, PERPETUO GAUDERE CUM
GAUDENTIBUS.

Sicut Fratres carissimi, Divinorum nos hortatur pagina præceptorum, Deo militantibus sollicita consideratione necessaria convenienter subsidia non negare; ita eadem nos admonet, desiderium, quod ad religiosum præpositum monstratur pertinere, absque ulla dilatione, Deo auctore, complere. Ait enim B. Gregorius, quoties ea, quæ honorari nos convenit, postulamus, moras ad concedendum facere non debemus; ne differre bona desideria, quæ magis fovenda sunt, videamur.

Proinde notum fere volumus, quod WALTERUS, Tornacensis Ecclesiæ Archidiaconus, atque Islenfis Ecclesiæ Præpositus, cum quibusdam ejusdem Islenfis Ecclesiæ fratribus nostram adierit præsentiam, obsecrans, ut Altare de Wervy, quod sub personatu tenebat, eidem Ecclesiæ, ad usus supradictorum fratrum, perpetuo sub

personatu tenendum concederemus: quorum quidem petitioni, quia jam me in sua societate susceperant, atque mihi, meis quoque successoribus Episcopis præbendam in eadem Ecclesia gratanter concesserant, dignum duxi condescendere, atque quod petebant, concedere.

Concessimus itaque, Ego scilicet, & WALTERUS Archidiaconus prædictum Altare Islenfis Ecclesiæ Fratribus tam futuris, quam præsentibus, perpetuo sub personatu tenendum, tali videlicet conditione, quod anniversariam nostri faciant commemorationem, mei scilicet & ipsius Walteri; hoc adjecto, quod in anniversario ejusdem Walteri (qui hujus rei apud Nos fidelis Orator extitit, & idem Altare, quod tenebat, eis libenter concessit) plenariam habeant refectionem, & in festo Ss. Simonis & Judæ, ejusdem Altaris persona

Rrr r 3

Epi-

(*) RADBODUS II vir summæ eruditionis & sanctitatis, qui restauravit Abbatiam S. Martini Tornaci, everfam furore Normannorum; magnusque animarum zelator fuit. Cumque gravi morbo populus affligeretur anno 1092, preces aliaque opera pietatis instituit, quibus Dei iram placavit, & annalis processionis, quæ Tornaci in die Exaltationis S. Crucis celebratur, auctor fuit. Moritur sub annum 1095.

Beyerlinck cit. pag. 233.

Eum Brugis fædo mortis genere, quod perjurii attribuunt crimini, quo se volens obstrinxerat abstergendæ Simoniacæ labis gratia, vivis ereptum esse anno 1098, narrat ex Buzelini Annal. ad a. 1097 & 1098 de Castillon in sacr. Belg. Chronol. P. II. pag. 402. De eodem Episcopo plura apud Jacobum le Groux cap. 24 in Summa Statutorum Synod. edit. Insulis 1726 a pag. LVII.

Episcopo, seu ejus Vicario decem solidos solvat; persona vero morte, seu quacumque occasione a personatu decedente, alia subrogetur persona, quæ in sua restitutione decem similiter solidos solvat.

Quarto quoque anno Archidiaconus, infra Parochiam illam Synodalia

jura exercens, debitam, sicut ante, habeat impensam. Quod ut ratum futuris temporibus maneat, manu propria firmavi, atque Clericorum nostrorum testimonio corroborari feci.

Signum RADBODI EPISCOPI.
S. WALTERI ARCHIDIACONI.

Signa Tornacensium Canonicorum.		Signa Isensum Canonicorum.	
Henrici Decani,	Lietberti,	Engelberti Decani,	Elbodii,
Hermannii Præpositi,	Hietberti,	Raimberti,	Lamberti,
Sigerii Cantoris,	Balduini,	Lamberti,	Balduini,
Odonis Scholastici,	Gildulfi,	Walteri,	Stephani.
	Bernuini, Elberti.		

Signa Decanorum.

Balduini,	Gunzelini,	Berfridi,	Godeschalfii,	Willelmi,
FredERICI,	Lamberti,	Sallefridi,	Humardi,	Fulcardi.

Actum Tornaco, in Ecclesia S. MARIE Domno RADBODO in Synodo Præsidente, XI. Kalend. Martii, anno Dominicæ Incarnationis millesimo nonagesimo, Indictione decima tertia, Domno RADBODO Episcopo anno vicesimo tertio, regnante Rege PHILIPPO anno tricesimo secundo.

Ego WIDO CANCELLARIUS subterfirmavi.

Ex Aubert. Miræ. Donat. Belg. pag. 361. Tomo I. editionis Lovaniensis novissimæ a. 1723.

SYNODUS ATREBATENSIS

Anno Christi MXCVII. Urbani II. PP. X.
Henrici IV. Reg. XLII. Imp. XIV.

CELEBRATA

DIE 21 OCTOBRIS

Sub LAMBERTO, (*) I. Atrebatensis Ecclesiæ a Cameracensi avulsæ, ac pristinam in dignitatem circa A.C. 1095 restitutæ Episcopo.

Extat Tom. CC. III. pag. 222.

Addenda:

SUMMA: LAMBERTUS Episcopus Confraternitatem instituit inter Canonicos suæ Cathedralis, & Monachos S. Amandi Elnonenses, variaque Altaria his olim concessa denuo confirmat.

IN NOMINE PATRIS, ET FILII, ET SPIRITUS SANCTI. AMEN.

Ego LAMBERTUS, DEI miseratione Atrebatensis Episcopus, de- sideranti animo cupiens eradicare omnem Simoniacam hæresim a nostra Dice-

Dicepsi, satisfaciens precibus Domni HUGONIS, Venerabilis Abbatis Elnonensis Cœnobii, de titulo beati Stephani Protomartyris, & gloriosi sancti Amandi, cæterorumque Fratrum ejusdem Ecclesiæ, hæc Altaria, scilicet de *Scaldipo*, de *Lurico*, de *Ruoth*, & de *Bulcionolo*, & de *Dieraco*, quæ hætenus personaliter tenuerant, pro peccatorum nostrorum remissione, successorumque nostrorum Episcoporum prænominatæ Congregationi liberaliter possidenda, remota omni simoniaca exactione in perpetuum confirmamus; ea tamen conditione, ut defunctis Presbyteris, locorum illorum alii idonei ab Abbate ad Episcopum deducantur, eisque cura animarum ab Episcopo gratis impendatur.

Salvo in omnibus jure Atrebatensis Episcopi & redditibus ejus, & consuetudinibus Archidiaconi sui & Ministrorum ejus.

Si qui vero post hanc nostram definitionem prædictam hæresim eradica- tam replantare præsumperit, vel pro tali negotio pecuniam exegerit, dator & acceptor cum Simone hæretico anathema sit.

Prædictus autem Dominus HUGO Abbas, sed & omnis Elnonensis Cœnobii Successor ejus Abbas, si ad Syn-

odum ab Atrebatensi Episcopo fuerit invitatus, adveniet. Et si talibus negotiis detentus & intentus fuerit, pro quibus advenire non potuerit, per quendam Monachorum suorum, nisi annuente Episcopo remanserit, causas, & Canonicæ & Synodalis excusationis transmittet.

Obedientarius vero Altarium supradictorum Monachus Synodis semper intererit. Hanc etiam affinitatem inter Atrebatensem & Elnonensem Ecclesiam inconcussa stabilitate concedimus, quatenus Elnonenses, audito Episcopi obitu, exequias illius fraternaliter celebrare non differant, & Atrebatenses similiter de Abbate S. Amandi faciant.

Nos vero istius paginæ auctoritatem ratam & inconcussam permanere volentes, eam in præsentia subscriptorum testium consignavimus.

Signum Domni *Clavembaldi*, Ostrevandenensis Archidiaconi.

S. D. *Johannis*, Archidiaconi Atrebatensis.

S. Domni *Odonis*, S. MARIE Præpositi.

S. Domni *Gisberti*, Decani.

S. Domni *Anastasi*, Cantoris.

S. Domni *Gualteri*, Custodis.

S. Domni *Roberti*, Magistri.

S.

(*) LAMBERTUS, Gisenensis genere, in templo S. Petri apud Insulanos Cantor, Archidiaconus Teruanensis, invitus reluctansque eligitur die 10 Julii a. 1093, & Romæ ab ipsomet Urbano II. P. M. in Ecclesia B. M. novæ ad diem 19 Martii a. 1094 consecratur; cum id facere recusaret favens plus æquo Cameracensium studiis, ut refert cit. *Beyerlinck* pag. 231, Rhemensis Archiepiscopus. Ex Urbe reversus, atque Legati per universam Rhemensem provinciam dignitate illustres, variis quoque privilegiis ab eodem Pontifice munitus, mirum est, quo plausu, quarta gratulatione, quibus populi lætitiis exceptus fuerit. Paræcias civitatis suæ mox divisit, atque ita suum administravit Episcopale munus, ut veluti Propheta e cælo missus a Clero & populo haberetur, omniumque votis satis cumulatissime faceret. Obiit Præsul dignissimus die 16 Maji 1115, in æde Cathedrali sepultus, ubi hoc visitur ad lævam chori extans in marmore epitaphium:

Anno Domini M. C. XV. xvi. Kal. Junii,

Obiit beatæ memoriæ LAMBERTUS, hujus Atrebatensis Sedis Cardinalis Episcopus.

Per hunc restituta est dignitas hujus Episcopatus, quæ per multa tempora Cameracensi Episcopo fuerat commendata. Huic Episcopo & duobus jocularioribus *Itherio* & *Normanno*, beatæ MARIA in hac Ecclesia apparuit, dans eis candelam, per quam sanantur ardentes igne malo.

Vide præter *Beyerlinck* & de *Castillon*, *Bibliothecam Belgicam Foppensii* Tom. II. pag. 795, ubi citatur Cl. Stephanus Baludius, qui acta Lambertii integra edidit Paris. 1700 apud Franc. Muquet.

- S. *Mafcelini*, *Atrebatensis* Archipresbyteri.
 S. *Anatolici*, Decani de Maften.
 S. *Johannis*, de Duaco Decani.
 S. Domni *Atoldi*, Venerabilis sancti Vedasti Abbatis.
 S. Domni *Johannis*, de monte S. Eli-
 gii Abbatis.
 S. Domni *Alberti*, Hasnoniensis Ab-
 batis.
 S. Domni *Richardi*, Marchianensis
 Abbatis.
 S. Domni *Hamerici*, Aquicinenfis Ab-
 batis.
 S. Domni *Raineri*, Cameracenfis Ab-
 batis de sancto Sepulchro.
 S. Domni *Goisfridi*, Abbatis S. An-
 dreæ de novo Castello Camera-
 censi.
 S. Domni *Geroldi*, Hamenfis Abbatis
 de territorio Taruanensi.

Ego LAMBERTUS, Dei miseratione
Atrebatensis Episcopus, hoc liberta-

tis donativum relegi, subscripsi, &
 † in nomine Patris, & Filii, & Spi-
 ritus Sancti confirmavi.

Actum Atrebatum in Synodo in Basilica
 beatæ Mariæ semper Virginis Do-
 minæ nostræ anno videlicet Dei
 Christi MXCVII. Indictione V. XII.
 Kal. Novemb., anno autem Pontifi-
 catus Domni LAMBERTI *Atrebaten-
 sis* Episcopi quarto.

Aubertus Miræus Tom. III. *Diplomatum
 novæ collectionis per Foppens instituta
 a. 1734. Bruxellis pag. 312.*

*Hæc ex Miscellaneis Baluzii excerptit D.
 Foppens. In iisdem Miscellaneis Tom.
 V. pag. 399. extat Diploma alterum
 ejusdem Lambertii Atrebatensis Episco-
 pi, datum a. 1112: quo eidem Abba-
 tiæ S. Amandi concedit tria Altaria
 cum dotibus suis, nempe Bulceng,
 Maftaing, & Stelemes in Diocesi
 sua Atrebatensi.*

SYNODUS ATREBATENSIS

Anno Christi MXCVIII. Urbani II. PP. XI.

Henrici IV. Reg. XLIII. Imp. XV.

Sub eodem LAMBERTO, *Atrebatensium* Episcopo,

CELEBRATA

DIE 13 OCTOBRIIS.

SUMMA: Confirmantur Abbatie S. Vedasti, Ord. S. Benedicti, omnia
 Altaria & statuitur mutua Confraternitas inter Cathedralē
Atrebatensem & *Vedastinam Ecclesias.*

IN NOMINE PATRIS, ET FILII, ET SPIRITUS SANCTI, UNIUS VERI
 AC SUMMI DEI. AMEN.

Cum inter cætera præceptorum
 Christianæ Religionis summo opere
 commendetur ramus uterque charita-
 tis, Dei videlicet amor & proximi,
 nisi proximum erigamus, & jumento
 salutis circumferamus ad exemplum
 illius Samaritani, non promerebimur
 gratiam hujus sanctæ dilectionis.

Merito siquidem caritas debet am-
 plecti, quam Divina providentia tan-
 to opere commendare studuit.

Hæc namque per legem, per Pro-
 phetas mundo prius innouit. Quam
 ut altius Dei Filius commendaret, in
 tempore gratiæ visibilis apparens in
 Sole tabernaculum suum posuit. Et
 quoniam caritas ait, *Omni petenti te da,*
 & viscera caritatis semper carent ino-
 pia, nos oportet elaborare petentibus
 hilariter administrare, prout ratio di-
 ctabit & æquitas.

Quare

Quare Ego LAMBERTUS, Dei miseratione Atrebatensis Episcopus, sæpe & multum imploratus, satisfacere volui dulcissimis precibus Domni ALOLDI, Venerabilis Abbatis Atrebatensis Cœnobii de titulo gloriosi Confessoris Christi Vedasti, cæterorumque Fratrum ejusdem Ecclesiæ, ut Altaria, quæ personaliter tenuerant, firmaremus liberaliter, possidenda prædictæ Congregationi.

Unde cum Fidelibus nostris communicato consilio, tibi Reverendissime Frater, & Fili Abba ALOLDE, tuisque legitimis Successoribus pro peccatorum nostrorum redemptione, sine aliqua turpis lucri exactione, ipsa Altaria non solum concedimus, verum etiam, qua præsidemus autoritate, liberaliter in perpetuum ea firmamus, ea tamen conditione, ut defunctis Presbyteris illorum locorum, alij idonei ab Abbate ad Episcopum deducantur, eisque cura animarum gratis ab Episcopo impendatur, salvo in omnibus jure Atrebatensis Episcopi & redditibus ejus, & Archidiaconi, Ministri-
umque ejus.

Præterea promittente Nobis & profitente Abbate, sicut primogenito filio nostro, in privatis & publicis negotiis Ecclesiæ nostræ, & in Capitulo, & extra fideliter & obedienter se deferiturum, si vocetur ab Ecclesiâ.

Hæc autem sunt nominatim Altaria: Salgi, Florbacs, Laventies, Feley, Vi, Conteban, Rembendencourt, Alceel, Hadas, Mons, Noville, Pabule, Baslière, Bomville, Guarlusi, Fiseau, Baury, Fontenellis, Atejas, Gauverle, Fuscariis, Bertricurt, Bigartu, Hambleng, Frasne, Noveville, Iser, Tenizy, Monflançs, Ymencurt.

Si quis autem post hanc nostram definitionem manu sacrilega, cui Deo disponente, annuimus auferre, vel pecuniam exigere præsumpserit, dator, & acceptor cum Simone hæretico anathema sit.

Cujus rei gratia pignus hoc caritatis Nobis recompensandum reduci volumus ad memoriam, quatenus audito obitu nostro exequias & tricimum nostrum & anniversarium tam

præsentes Fratres & Abbates eorum perpetualiter celebrare procurent. Et quoniam *sancta & salubris est cogitatio pro defunctis exorare*, ut a peccatis solvantur; rogamus te, Dilectissime Fili, & Venerabilis Abba, & omnes Successores tuos in eo, quo es loco & ordine, futuros Abbates; quatenus in caritate Spiritus Sancti, in quo est remissio omnium peccatorum, quod nobis statutum fieri, hoc idem fiat successoribus nostris in Atrebatensi Sede futuris Episcopis.

Sane quoniam in deterius defluunt tempora, nec actiones humanæ possunt memorari, nisi per literas, hoc libertatis donativum consignari libuit præsentem paginam.

Quod ut inconvulsum & sine fractione permaneat, in augmentum firmitatis testium subscripsimus nomina.

S. Domni *Clavemboldi*, Atrebatensis Archidiaconi.

S. Domni *Johannis*, Abbatis de monte S. Eligii.

S. Domni *Alberti*, Abbatis Hasnonienensis.

S. Domni *Hamerici*, Abbatis Aquiciniensis.

S. Domni *Rayneri*, Abbatis de Cameraco.

S. Domni *Gaufridi*, Abbatis de novo Castello.

S. Domni *Adam*, Abbatis de S. Auberto.

S. Domni *Odonis*, S. Mariæ Præpositi.

S. Domni *Guiberti*, Decani.

S. *Anastasi*, Cantoris.

S. *Roberti*, Magistri.

S. *Gualteri*, Custodis.

S. *Mascelini*, Archipresbyteri.

S. *Johannis*, Decani d'Aginville.

S. *Rudulphi*, Decani.

S. *Astonis*, Decani de Bethunia.

S. *Guarneri*, Decani.

S. *Balduni*, Decani de Bapalmis.

S. *Guagonis*, Decani.

S. *Johannis* de Duaco.

S. *Gualteri*, Decani P.P.

S. *Arnulphi* de Lens P.P.

S. *Barnardi*.

S. Domni *Cononis*, de Arida-Gamantia (*) de titulo sanctæ Trinitatis.

S. Domni *Acbardi*.

S. Domni *Drogonis*.

Ego LAMBERTUS, (**) Dei miseratione Atrebatensis Episcopus, hoc libertatis donativum relegi, subseripsi, & in nomine Patris, & Filii, & Spiritus Sancti propria manu confirmavi.

Actum Atrebatum in Synodo in Basilica Beatæ MARIE semper Virginis Dominæ nostræ, anno Dei Christi M. XC. VIII. Indictione VI. III. Idus Octobris, anno autem Pontificatus Domni LAMBERTI Atrebatensis Episcopi quinto.

Miræus Tom. III. Diplomatum & editione ultima Foppensi anno 1734. pag. 22 & 23.

Ex Archivio Abbatie Vedaftana excerpta Synodus.

(*) *Aridagamantia*, hodie dicitur *Aroasia*, Abbatia Canonicorum Regularium in Diocesi Atrebatensi.

(**) LAMBERTUS primus hic fuit Atrebatensium Episcopus proprius, anno 1093 Romæ per Urbanum II. PP. consecratus, & separatus ab Ecclesia Cameracensi auctoritate Apostolica, cui per plura sæcula conjunctus fuerat; duæ Dioceses sub uno Episcopo. *Vid. Miræi Diplom. & Spicilegium Domni Luca d'Achery.*

SYNODUS ATREBATENSIS

Anno Christi MCI. Paschalis II. PP. II.

Henrici IV. Reg. XLV. Imp. XVIII.

Sub eodem LAMBERTO, Atrebatensium Episcopo,

CELEBRATA
DIE 16 OCTOBIS.

SUMMA: LAMBERTUS Episcopus Odonem Presbyterum & Eremitam Aquarum curtarum Abbatie in Artesia prope Aroasiam instituit & confirmat.

IN NOMINE PATRIS, ET FILII, ET SPIRITUS SANCTI. AMEN.

Ego LAMBERTUS, DEI miseratione Atrebatensis Episcopus, gaudens de religiosa conversatione & eremitica vita tua, Reverendissime Frater & Conpresbyter Odo, desiderio desideramus paci & quieti tuæ, tam præsentibus temporibus, quam & futuris providere.

Unde justas petitiones tuas & Baldini Decani nostri pio affectu profe-

quentes, & te, & Successores tuos, religiose & canonicè inibi victuros, hac donamus libertate, ut tantummodo Episcopo respondeatis, & in manu ejus, in libertate spiritus permaneat.

Ecclesiam itaque illam, quam devotio tua ædificavit in loco solitudinis, qui dicitur (a) *Ajulcurtis*, tibi & Successoribus tuis in proposito religionis perseverantibus, libere possidendam

con-

(a) *Ajulcurtis*, *Eaucourt* vulgo nuncupant, id est, *aquarum curtarum*, primo lapide a Bapalma, via Ambianensi in Diocesi Atrebatensi non procul ab Abbatia Aroasensi, ejusque Congregationi olim subiectum. Primi incolæ cenobii Aquarum curtarum fuere Eremitæ. Ex ore Canonici regularis illius loci anno 1628 accepi, ibi nullam restare memoriam Odonis Fundatoris, ob monasterium sæpe exultum a Francis. Abbas d' *Eaucourt* est Comes de Courcelles (vulgo *Courcelles le Comte* apud *Eaucourt*) Dominus de *Ligny*, *Walencour* Præpositus & Dominus de *Meersien* (seu *Marfana*), de qua vide supra eod. *Donat. Piar. Miræi Cap. 37 & 97. Clemmen, Beke, &c.*

contradimus, & curam animarum Fratrum tuorum Eremitarum tibi committimus, & decimam agri eidem Ecclesiæ circumjacentis, quam Fratres Eremitæ incolunt, annuimus.

Rogamus ergo in Domino tam præsentibus Fratres nostros, quam & successores nostros Episcopos, & sanctorum Canonum autoritate interdiciamus, & nostra, ne quis hoc donativum libertatis violare aut corrumpere præsumat. Si quis scienter hujus no-

stræ institutionis privilegium infregerit, excommunicationi subiaceat, quoad usque resipuerit, & Ecclesiæ Dei satisfecerit. Fiat, fiat, a Synodo acclamatum. (b)

Actum Atrebat in Synodo in Ecclesia B. MARIE semper Virginis, anno Dei Christi MCI. Indictione VII. (c) XVII. Kal. Novembr.

Aubertus Miræus inter Diplomata Belgica cap. 4. recusus a Cl. Foppens Bruxellis Tom. I. pag. 169.

(b) Hic inferra sunt & notata tertium qua Archidiaconorum, qua Abbatum, qua Præpositorum, Decanorum, Canonicorum, aliorumque nomina.

(c) IX. habet, idque emendate Cl. Baluzius Miscellaneorum Tomi V. pag. 389.

SYNODUS CAMERACENSIS

Anno Christi MCXII. Paschalis II. PP. XIII.
Henrici V. Reg. VII.

Sub ODONE (*), Cameracensi Episcopo XXXVIII,

CELEBRATA

DIE 13 MARTII.

SUMMA. ODO Episcopus, Bornhemienſis Abbatie foundationem
ac dotationem a Wenemaro Castellano Gandensi circa
A. 1100 factum, approbat.

IN NOMINE SANCTÆ ET INDIVIDUÆ TRINITATIS.
EGO ODO, CAMERACENSIS EPISCOPUS, CUNCTIS CHRISTI
FIDELIBUS SALUTEM.

Volo notum fieri tam futuris, quam præsentibus, quod WENEMARUS Gandensis Castellanus prævidens sibi & consulens, ob remedium animæ suæ, & suorum omnium fidelium defunctorum, dispergit terrestria, & metat cœlestia.

Terram enim jacentem in Parochia *Bucholt* viginti mensurarum, quæ erant *Everbeldi* Presbyteri, & quatuordecim Admoti, & dimidiam *Tredenodi*, & mensuram unam, & dimidiam *Boltronis*, & tertiam partem *alodii*, quod vocatur *Mulnemerbolt*, in Parochia *Steenhusse*, ab omni exactione laica liberam, Ecclesiæ *Bornhem* (cujus ipse Fundator est) dedit. Eo ta-

Supplement. Tom. X. Concil. German.

men tenore, ut si aliquid rei inutilis ibidem acciderit discussione dignum, ipse *Wenemarus*, vel suus posterus cum Fratribus quasi Confrater suus, non cum Dominio, non cum potestate ad discussionem ejusdem rei, communi & caritativo consilio sedeat, & ejus rogatu anathematizetur, quicumque posterorum ultra hæc Dominium vel exactionem ullam fuerit ausus facere.

Hoc etiam Ego ODO Episcopus Ecclesiæ autenticavi, & sigilli mei impressione confirmavi. Addidi quoque, ut si quis bona ejusdem Ecclesiæ diripiens, pacem & instituta Ecclesiæ infregerit, gladio anathematis feriat.

S s s s 2

Si

Si quis autem ejusmodi Ecclesiam intrare præsumpserit; Ecclesia a Domino cesset Officio, donec exierit. Et si tota patria offensis aliquorum inbaniatur, remotis sæcularibus Laicis Ecclesia non cesset, sed sub silentio canteat. Hoc vero Subtersignatorum testimonio corroboravi.

Signum meimet ODonis Episcopi.

S. Radulphi, ejusdem Altaris Archidiaconi.

S. Anselmi, Archidiaconi.

S. Theodoricæ, Archidiaconi.

S. Everardi, Archidiaconi.

S. Erleboldi, Præpositi.

S. Eleboldi, Decani.

Signa Abbatum.

S. Gilberti de Eiham.

S. Snellardi de Geraldmont.

S. Ansbaldi de Gandavo.

S. Reineri de sancto Sepulchro.

S. Gofridi de novo Castello.

S. Tregdonis, Decani ejusdem Altaris.

S. Segardi, Decani de Helles.

S. Riberti, Decani.

S. Alexandri, Decani de Hal.

S. Bernardi, Decani de Waifch, & Fulcardi fratris sui.

S. Cunradi, Decani de Gandavo.

S.S. Meinardi, Tangradi, Gommari.

Actum est hoc Cameraci in Synodo III. Idus Martii, anno Incarnati Verbi MCXII. Præsulatus verò mei VII.

Miræus recusus a Cl. Foppens inter Donationes Belgicas cap. 38. Lovanii a. 1723. pag. 371. De Castillon in Belgii Chronol. P. II. pag. 331.

(*) ODO, patria Aurelianensis, Tornacensis Scholasticus, atque Monasterii a S. Martino nuncupati primus, ut narrat de *Castillon* in Sac. Belg. Chronol. P. II. pag. 301, eadem in urbe Abbas (Instauratorem simul nominat Cl. Foppens Biblioth. Belg. P. II. pag. 930) ad Insulas Cameracenses anno 1108, vel quod verosimilius est, anno 1105 eligitur, consecratus illico, virgaque & annulo ab Ecclesia instructus. Res illi cum Henrico IV Imp. fuit, a quo, ut ipsemet scribit in libro de *blasphemia in Spiritum S.*, iterato accipere sacra illa Episcoporum insignia noluit. Functiones Episcopales, quas Tornacum reversus libere ubivis exercebat, Cameraci in sede propria non audebat initio, a Gualtero MANASSÆ Antecessoris sui æmulo impeditus. Henrico Imp. die 7 Augusti anno 1106 e vivis Leodii arepto, suam quidem ad Ecclesiam deducebatur a Roberto II. Flandriæ Comite, adversus Henricum V. defuncti IV. filium armis felicibus decertante; verum factione Imperatoris urbi adhucdom dominante, coactus discedere ODO, Aquicincti (*Anchin*) quod ejusdem instituti Benedictini cœnobium est, secundo a Duaco lapide situm. exul obiit circa annum 1113 (†) die 19 Junii, ibidemque honorifice tumulatus fuit. Collegii Teneramundani fundationem confirmavit a. 1108, cui altaria d' *Oywyck*, & de *Lebbeke* dedisse ferunt. Parochiam de *Maude* Abbatæ S. Martini concessit, ut ex redditibus panes egenis distribuerentur. Aldenardæ templum B. MARIE anno 1110 consecravit; tandemque anno 1112 Wenemari donationem, de qua hic, approbavit. Vir fuit & scientia & meritis clarissimus. Scripsit Commentarium in *Canonem Missæ*, Dialogum de *mysterio Dominicæ Incarnationis contra Leonem Judæum*, de *peccato originali*, de *Blasphemia in Spiritum S.*, Homiliam de *Villico iniquitatis*, &c. opuscula, de quibus in Tom. XV. Biblioth. PP. edit. Colon.

De vita Odonis nostri & obitu amplam reliquit epistolam Amandus, Prior Aquicinctinus, ab Arn. Raiffio in *Belgica Christiana* editam.

De *Castillon* cit. & Biblioth. Belg. Cl. Foppens P. II. pag. 930.

(†) Error typi apud Foppens l.c. ubi legitur: anno 1119, aut paulo post.

SYNODUS HALBERSTADENSIS

Anno Christi MCXX. Callisti II. PP. II.

Henrici V. Reg. XV. Imp. X.

Sub REINHARDO, (*) Halberstadenſi XV. Episcopo,

CELEBRATA

DIE 16 APRILIS.

SUMMA. REINHARDUS, Halberſtadenſis Episcopus, instituit
 Canonicos Regulares Ecclesiæ S. Joannis Evangelistæ
 in Caldenborn.

IN NOMINE SANCTE ET INDIVIDUE TRINITATIS.
 REINHARDUS, DIVINA FAVENTE CLEMENTIA ANTISTES
 HALBERSTADENSIS.

Noverint omnes Fideles, tam futuri, quam presentes, Virum nobilem WIGMANNUM, cognatum meum, predia sua, pro remedio anime sue, nec non dilecte conjugis, omniumque parentum suorum, cum omnibus utilitatibus, que modo vel a modo inde provenire poterint, Ecclesiæ nostre principali, ad Altare Protho-

martiris Steffani contulisse, eo videlicet tenore, ut de eodem predio in loco, qui dicitur Caldenborn, Apostolicam, scilicet communem & canonicam vitam, Deo opitulante, instituerem. Hec autem tam suo, quam earum Provinciarum jure, in quibus hec sita sunt, Saxonie scilicet & Thuringie, ipsemet stabilivit in legitimo placito, se comi-

(*) REINHARDUS (Non, ut quidam sinistre, *Reingerus*, nec *Reinerus*,) XV Halberstadenſis Episcopus, ex antiquissima, celeberrimaque per Diocesim Halberst. familia Comitum *Blankenburgensium* oriundus a Leuckfeldio *Antiquit. Halberst. pag. 572* dicitur. Fuit a puero & studiis & statui ecclesiastico perquam addictus. Scientias hausit Lutetiæ Parisiorum, qua haud procul ab urbe apud patrum suum, Hugonem, comitem a locupletato istic loci magnifico Canonicorum S. Augustini Regularium cœnobio ad S. Victorem, clarum tantisper moratus fuerat. E Præposito Halberstadenſi, circa annum 1107 eligebatur Episcopus, moxque Aprili mense ejusd. anni *Henricum* ab *Aslo* Magdeburgensem Archiepiscopum tunc defunctum, ad tumulum deducebat. Primus in *Chronico Halberst. Tom. 2 Leibnitz. pag. 130* autor parensque habetur, qui Candidum illum Canonicorum Regul. S. Aug. Ordinem eis in plagas invexerit. Monasterium *Oßerwicenſe* die 7 Aug. a. 1108 fundavit, translatus a. 1112 in *Hamersleben*, factum veluti inde Monasteriorum omnium, quotquot sub ejusd. S. Aug. regula per eos tractus vivebant, Seminarium. A. 1115 cum Lothario Saxonie Duce, Friderico Palatino Comite, Rudolpho Marchione, ceterisque fœderatis Henrico V. Imperatori late omnia vastanti sese opposuit, quem & prælio ad *Catulanam* seu *Welfonis* filvam die 3 Februarii commisso fudit profligavitque, Hoyerio Comite Mansfeldio, Cæsareanarum copiarum ductore inter primos occumbente. A. 1120 die 16 Aprilis & dotationem Canonie Caltenbornenſis, de qua agimus, probavit, & roboravit privilegia. Fundatio Monasterii Schœningensensis ejusd. instituti eodem anno die 18 Octobris facta; & festo S. Lucæ Evangelistæ anno sequenti confirmatio. (*Tom. CC. III. a pag. 279*) Obiit Reinhardus die 2 Martii a. 1122, Episcopus 15. atque in ecclesia Cathedrali Halberst. ante aram S. Crucis quiescit.

Crantz. *Metropolis Lib. VI. Cap. VI. pag. 367.* Scaten. *Annal. Paderb. L. VII. pag. 682.* Et præ aliis Leuckfeld. *Antiq. Halberst. A. 1107 ad 1122 a pag. 571 ad pag. 610, qui citat pag. 606 opuscul. Antiquitates Caltenbornenſes edit. A. 1713.*

comite pro tribunali sedente in *Bodelstede*, me presente, & Comitibus *Ludovico* & *Wigberto*, & utrorum filiis Comitibus, & *Sezzone* & *Berengario*, ceterisque suis compatriotis. Similiter autem consummata, bannoque *ADELBERTI*, Moguntini Archiepiscopi, indissolubiliter firmata sunt in *Erpseshorde*, me presente, & Episcopo Spirense *BRUNONE*, omnibusque supradictis, presentibus quoque suis heredibus, & devote laudantibus, *Egberto* Clerico, *Herimanno* ac *Gunzelino* laicis. Hec sunt predia, in *Neumburgk* & *Chvauerslock* X. mansi & dimidius & vinea, in *Holdensede* VIII. mansi & vinea, in *Helpede* V. mansi & vinea, in *Erhadesdorp* XI. mansi, in *Sutthardesdorp* II. in *Rouckesdorp* I. in *Paucken-*
dorp III. in *Seeburg* dimidius, in *Rotdes-*
dorp I. in *Affleue* I. & dimidius, in *Lut-*
teckendorp dimidius, in *Luffdegessdorp* di-
midius, in *Dielnia* dimidius, in *Assen-*
dorp I. in *Deusie* XXXVII. in *Ludesleue*
 XXXIII. mansi, exceptis aliis iuribus, que supersunt & unum molendinum, in *Storquice* VII. mansi, in *Zorlitz* XIV. in *Namelickesdorp* XXX. in *Eskendorp* di-
 midius, in *Querendorde* dimidius. Hec sita sunt in Episcopatu Halberstaden-
 si & Comitatu Palatini Comitis *FRIDERICI*: in *Cosebode* VIII. mansi, in *Mo-*
deluice V. in nova villa juxta illam VI. in *Dretis* I. in *Droganice* IV. in *Butine* XIV. in *Ruce*, *Schesece* XII. Hi L. mansi siti sunt in pago *Orla*: in *Lengesfeld* VII. in *Durnevelt* IX. in alio *Durnevelt* I. in *Rut-*
dorp VIII. in *Vurthbern* I. in *Taubecke* X. & unum molendinum, in *Suegerstet* V. in *Vranckenbusen* II. *Panstadel*. Hec pre-
 dia sita sunt in Episcopatu Moguntino in Thuringia. His igitur predictis prediis Ecclesia S. Johannis Evangeliste in *Caldenborn* primitus est dotata. Reliqua vero bonorum cum Clientibus Moguntino & nostre Halberstaden-
 sis Ecclesie contradidit, ad eam justitiam, qua meliores earundem Ecclesiarum fruuntur, nec non cognatis & amicis, quibus voluit. Prefate igitur Ecclesie omnimodam statuimus libertatem & quietem, quatenus inibi Deo famulantes a quibuslibet nulla prorsus grava-

mina patiantur. Decernimus etiam Dei famulis, ibidem regulariter viventibus, liberam electionem, quatenus quemcumque sanioris consilii Fratres de eodem, sive de alio Monasterio ejusdem Ordinis, sedem suam elegerint, Episcopi consensu statuatur. Super hunc ergo locum, & omnia eidem pertinentia, neminem Episcopus Advocatum constituat, nisi quem Prepositus petierit, nec idem preter statutum ab eadem Ecclesia quicquam exigit, nec advocatiam diutius obtineat, quam utilitas Ecclesie postulaverit, & Preposito placuerit. His omnibus, ut dictum est, oblatis, idem Vir nobilis dignius adhuc, immo holocaustum Domino dulcissimum, semetipsum obtulit, relictis, que possedit, omnibus, factus est egenus, egeni discipulus. Si quis igitur contra hoc Decretum, quod absit, temere venire temptaverit, & secundo tertiove commonitus non resipuerit, ipsum perpetuo anathemati deputamus. Ceterum prefato loco iusta servantibus, beneficiisque ac defensione adstipulantibus, Divina retributio recompenset, ac celestis benedictio in presenti & futuro multiplicet. Amen. Hoc Statutum auctoritate Beati *PETRI*, Apostolorum Principis, & Domini Papæ *CALIXTI*, sicut ipse ante nos suo banno & privilegio Rhenensi stabilivit Concilio, & Nos stabilimus, ac nullo modo mutandum sub anathemate obligamus. Hanc vero cartam jam conscriptam Ego *REINHARDUS* manu propria corroboravi, meoque sigillo insigniri jussi. Data XVI. Kal. Maji, anno Dominice Incarnationis M. C. XX. Indictione XIII. anno autem Ordinationis Domini Episcopi *REINHARDI* XIV. Actum in Halberstad, pleno Concilio, in Cena Domini, Papa *CALIXTO* II. Moguntino Archiepiscopo & Romane Sedis Legatu *ADELBERTO*, Halberstaden-
 si Episcopo *REINHARDO*, primo Preposito *DITMARO*, & primo Advocato *WIGBERTO*, feliciter. Amen.

EJUSDEM SYNODI CONTINUATIO.

SUMMA. Agitur de Præposito Caldenbornensis Ecclesiæ, cujus jurisdictio & facultates variæ declarantur.

IN NOMINE SANCTE ET INDIVIDUE TRINITATIS.
REINHARDUS, DIVINA FAVENTE CLEMENTIA ANTISTES
HALBERSTADENSIS.

Notum esse volumus universis Christi fidelibus, tam presentis temporis, quam futuri, Virum nobilem Deo devotum WIGMANNUM Comitum, cognatum meum, predia sua proprietatis, pro remedio anime sue, nec non & dilectæ conjugis KONEGUNDIS, & patris sui BERNONIS Comititis, Ecclesiæ nostre principali ad Altare Prothomartiris Steffani contulisse, eo videlicet tenore, ut de eisdem prediis in loco, qui dicitur *Caldenborn*, Apostolicam scilicet communem & canonicam vitam, Deo opitulante, institueremus. Hec autem, quo jure stabiliverit, & in quibus sita sint locis, in aliis privilegiis plenius expressimus. In loco igitur memorato Canonicos Regulares instituiamus, & ne, pro defectu Pastoris, in posterum universalis confusio inter eos nascatur, statuimus, ut secundum Statuta Canonum, de ipsa Ecclesia, vel de alia, si in ea non reperiatur idoneus, eligatur talis in Prepositum, qui non solum de animarum salute, verum etiam de extrinseca utilitate & cautela, sciat esse sollicitus, qui etiam ex officio suscepto, non licentiam peccandi, sed necessitatem bene vivendi, se noverit affectum, & ex tunc, non ex locorum vel generis excellentia, sed morum nobilitate innotescere debet, nec urbium dignitate, sed fidei puritate. Considerata itaque rationis equitate, laudabile desiderium cognati mei Wigmanni Comititis approbantes, ob honorem Domini mei JESU CHRISTI, cui omnia dedit Pater in manus, qui pro nostra salute pendens in cruce Matrem Discipulo, Patrono Caldenbornensis Ecclesiæ Venerabili, commendabat,

qui sibi commissam accepit in sua, quasi matrem filius, & pro reverentia ejusdem Discipuli, jam dictam Ecclesiam & personas, Domino DEO, sanctoque JOHANNI famulantes in ipsa, semper in quibuscunque possumus, reverentius cupimus honorare, memoratam Ecclesiam in partem solitudinis nostre trahentes, de consensu totius Capituli Halberstadenensis Ecclesiæ, spirituali beneficio indulgemus eidem Ecclesiæ jurisdictionem per totum Archidiaconatum, quem limitem hætenus habuit, & semper eundem habere debet legitimum in *Wangen*, in *Unstruth*, in ulteriori *Helmans*, & in *Lina*, & in fovea *Walbausen*, in fluvio *Wippere*, in *Willebecke*, in *Horenberg*, in *Upbausen*, in *Widenbecke*, in *Kuckenburg*, eo specialiter annexo, ut baptismales Ecclesiæ & Capelle, si forte ipsarum limites ultra loca prescripta extendantur, in nullo priorum terminorum & reddituum diminutionem patiantur, sed in sua terminatione cum villis, silvis, agris, pratis, sicut hætenus limitate fuerint, consistent. Insuper statuimus, ut Prepositus Caldenbornensis de cetero, vice nostra & Successorum nostrorum, *Sinodo* presit, & quecunque terminanda occurrerint, ejus auctoritate decidentur, & tam in Capellis, quam in baptismalibus Ecclesiis jam constructis, vel in futurum, pro quacunque hominum oportunitate, in supradictis terminis ad laudem Dei de novo fundandis, quecunque juxta Canonum institutiones visa fuerint, ordinare atque disponere, habeat liberam, ex nostre auctoritatis permissione, licentiam, & ubi commodius atque utilius esse perpexerit, exequi visitationis officium, & que correctione & reformatione tam Laicorum, quam Clericorum sint digna, nulla valeat consuetudo impedire, plenamque

que potestatem ligandi atque solvendi, preter generale interdictum, quod Nobis, nostrisque Successoribus reservamus, ipsi, suisque Successoribus concedimus, quatinus sollicita prudentique cura disponatur, ut Divina Misteria, Domino prestante, in omnibus Ecclesiis sui Archidiaconatus devotissime peragantur, & qui reperti fuerint inobedientes, Divinis legibus aut excommunicati fuerint, tam pecuniaria poenâ, quam censura Ecclesiastica, ad emendationem compellantur, non tamen ex voto ultionis & odio persequentis. Et milites, qui annuatim bis ad *Sinodum majorem Halberstad. vel Caldenbornensem venire contempserint*, tanquam putridum membrum ab Ecclesia precipiantur, usque ad condignam satisfactionem, & si in extremis Corpore & Sanguine Domini non fuerint pasti, nec Oleo peruncti, Sacerdotes ipsorum pro tali negligentia non punientur, sed ipsi defuncti asquinam sepulturam habeant, & communione sancte Matris Ecclesie careant. Preterea Prepositus attentius populo Dei tales eligat & preficiat & instituat Presbiteros, qui sacris literis semper insistant, nec tunc querant discere cum ex officio alios debent docere verbo pariter & exemplo, sed qui canendis Psalmis invigilent, & ab omnibus illicitis cor & linguam & corpus Deo auctore conservent, & munde tractent mundi mundatorem, semper parati reddere rationem Omnipotenti Deo, pro animabus sibi commissis, & tot Confessores Deum timentes, habentes scientiam discernentis intra lepram & lepram, ipsis Sacerdotibus preficiat, quod propter locorum distantiam viderit expedire. Ceterum consilio multorum exquisito decernimus, ut in obitu cujuscunque Sacerdotis, ante omnem debitorum solutionem, *Sinodalia, scilicet Equus melior, sella, frenum, vestes decentiores in festis superpellitium*, pro remedio anime sue, in testamentum omnimodo, *sicut hactenus, Archidiacono exhibeantur*, ut in parte Sanctorum, quorum vicem gerebant ad horam in terris, aggregentur in caelis, & pro hac meritorum prerogativa, & aliis bonis, que opitulante Domino fecerunt, pervenire mereantur ad socie-

tatem Angelorum, & eis generaliter unus instituat dies, quo in Vigiliis & Missa animarum ipsorum anniversarius specialiter celebretur. Verum, ne forte cum salutem aliorum intendimus, propriam negligamus, innotescimus universis, quod Nos sepe dicte Ecclesie Caldenbornensi sex mansos & silvam unam in *Riesede* devotissime contulimus, insuper & decimam in villa *Erwinersroda*, ad Hospitale, quod Nos fundavimus in *Caldenborn*, tali conditionis argumento dedimus, quatenus ex ipsa annuatim in nostro anniversario fratribus celebrius ministraretur, & pauperes plus solito recreentur. Quicquid etiam ex eruncatis fructibus innovalia redegerint, omnem decimam inde provenientem juris ipsius Ecclesie esse concessimus. Ecclesias autem suas in pago *Urta*, in *Lodesleben*, in *Dyshe*, in *Osneze*, cum omnibus suis attinentiis, a *Wichmaro* Comite sibi collatas, seu alias, quas in futurum, largitione Regum, vel Pontificum, seu Principum, vel aliorum Nobilium, seu quorumcunque Fidelium donatione, Caldenbornensem Ecclesiam adipisci contigerit, dum vacaverint, Prepositus in suos redigat usus, & ibidem Sacerdotes de suo Collegio instituat, & quod institui possint & debeant. Auctoritate multarum Decretalium eis noscitur indultum, quod etiam patet ex hoc, quia communis est benedictio Monachorum & Canonicorum Regularium & Clericorum, & sicut in benedictione communem nanciscuntur potestatem, ita in institutione communiter assequuntur pietatis executionem, nullumque fit divortium in sancta Ecclesia ex eo, quod quidam, ut Monachi & Regulares Canonici, sub imperio Jesu Christi propensus militant. Nec eis prejudicare debet Religio, sed potius ex sancta conversatione sua, ea que ad Sacerdotis officia pertinent, vel populi provide ac juste agere debent, ipsoque jure & nostre dispensationis auctoritate, habeant potestatem gubernandi populum, & Baptismum & predicationem & alia Christi Sacramenta ministrandi, ut in executione Sacerdotalis Officii nullam patiantur diminutionem, & in Ecclesiis, quibus aliter providendum

dum duxerit, propter nimiam locorum distantiam, sicut honestius & utilius visum fuerit, quos voluerit, instituat, eidemque Preposito, vel ab eo missis, etiam absente Advocato, de omni causa in foro Ecclesiastico debet responderi, & de qualibet Capella, sive Parochia, que ex institutione Predecessoris nostri, felicitis memorie, BURCHARDI, quindecim habet jugera indecimate, singulis annis ipsi Archidiacono duo denarii exhibeantur, qui ad concinnanda luminaria majoris Ecclesie in festo Luce Custodi in Halberstadt represententur. Quecunque etiam predia in presenciarum possidet, vel in posterum, Deo propitiante, justo titulo adipisci poterit Ecclesia sepedicta, ea banno nostro stabilimus. Hanc igitur nostre institutionis paginam perpetua stabilitate, & sine aliqua refragatione, servare constitimus, nec a quoquam Pontificum eam qualibet occasione convelli decernimus, vel mutari. Quod si qua Ecclesiastica, secularisve persona, instinctu Diaboli, contra hoc nostrum Statutum, Sinodali sententia promulgatum, venire tempraerit, & Ecclesiam sancti Johannis Apostoli & Evangeliste, sua presumptione, aut quolibet ingenio confundere & perturbare, presumserit, & nostre sententie temerator extiterit, perpetuo anathemate atque excommunicatione damnetur, & cum impiis, qui non resurgunt in iudicio, depuretur, Omnipotentis contra se iram sentiat & sanctorum Apostolorum Petri & Pauli, in hac vita & in futura, furorem sentiat, orbis terrarum pugnet contra eum, & cuncta elementa sint ei contraria, & omnium Sanctorum merita illum confundant, & in hac vita super eum apertam vindictam ostendant. Observatores autem hujus nostre institutionis Omnipotentis DEI gratia protegat, & auctoritas beatorum Apostolorum Petri & Pauli, san-

ctique Johannis Evangeliste ab omni peccatorum vinculis absolvat. Acta sunt hec anno ab Incarnatione Domini M.C.XX. Indictione XIII. Concurrente IV. Epacta XVIII. Decennovenali Ciclo XIX. presidente sancte Romane Ecclesie Papa CALIXTO secundo, Moguntino Archiepiscopo & Romane Sedis Legato ABELBERTO, Magdeburgensi Archiepiscopo ROCKERO, anno autem Ordinationis nostre XIV. Datum in Halberstadt, per manum Peregrini, Protonotarii nostri, pleno Concilio XVI. Kalend. Maji. Coram hiis testibus: Ottone majore Preposito, Hermannno Decano, Baldewino Custode, Henrico Scholastico, Conrado Camerario, Rodolpho Vicedomino & Preposito in Conradesburg, & Preposito ad sanctum Bonifacium, Everico Preposito sancti Pauli, Martino Abbate in Illeneburg, Milone Abbate in Wimeneburg, Gerardo Preposito in Hademersleve, Gerardo Preposito sancti Johannis Baptiste in Halberstadt, Turbano primo Preposito in Caldenborn. Ex Laicorum quoque ordine Lothario Duce Saxonum, Conrado Duce Francorum orientali, Palatino Comite Fridrico, Alberto Comite de Ballenstedt, Annone de Arnstede, Burcardo de Valckenstein, Burcardo de Quernforde, Milone de Vrackenleve, Esicone de Bornstede, Brunone de Hackenborn, Eicone de Meringen, Burcardo de Haselendorff, Hermannno de Widesdorff, Widekino de Wegeleven, & aliis quam pluribus, tum Clericis, tum Laicis.

*Exemplar, nisi me fallo, transmisit Cl.
D. AB ERATH, Consil. Nassovico-
Dillenburgeris, Vir in regno, non
animis Literatorum a. 1773*

extinctus,

*felix ingenio, clarus scientia;
si & Fide noster;
clarior multo, multo felicior.*



SYNODUS MOGUNTINA

Anno Christi MCXXIV. Honorii II. PP. I.

Henrici V. Reg. XIX. Imp. XIV.

ab ADALBERTO, (*) Archiepiscopo XXV
& Electore IX Moguntino,

HABITA.

Vestigia hujus Synodi reperire est Tom. CC. III. pag. 298. Joannis ad Schmidii Dissertat. de CC. Mogunt. Tomo novo Scriptor. Mogunt. pag. 293. tradit de eadem Synodo seqq.

" Anno MCXXIV Moguntia ab
" ADALBERTO I habitum
" (Concilium). Quod cum omnes
" alii, quod sciam, praterant, nobis
" memorat Gebhardus Comes Henneber-
" gensis, Ruggeri in Episcopatu Herbi-
" polensi obtinendo amulus, quippe
" qui in litteris, quas in codice episto-
" lari Udalrici Babenbergensis n. cccxxxv
" reperire est, col. 347 iterum, inquit,
" Archiepiscopum adii ipsius consilio, Conci-
" lio, quod in Moguntina Ecclesia tunc tem-
" poris habuit, me una cum Eistetenſi Electro
" presentavi, petens misericordiam vel justi-
" tiam, & omnem obedientiam me ei &
" Moguntina Ecclesie semper exhibuisse ipsius
" testimonio in Synodo comprobavi. Om-
" nium igitur suffragiis pro me pulsantibus,
" me de Episcopali Consecratione certum fecit,
" & diem Consecrationis & locum mihi
" constituit; ad quem veni & nihil profeci.
" Quod autem anno MCXXIV
" habitum sit, inde patet, quod Geb-

" hardus distincte narret, celebratum
" esse, postquam Henricus V. presente
" Cardinale Pragensi, Wormatiae Co-
" mitia habuerit; ante vero, quam fe-
" rias ille Argentorati peregerit nata-
" litias. Notum autem, quod anno
" MCXXIV circa mediam Quadragesimam
" illa Wormatiae celebravit, has vero
" eodem hoc anno in Alsatis Argento-
" rati. Testantur id sane, praeter alios,
" Annalista Saxo & Abbas Urspergensis.
" Ille quidem illud ad h. a. col. 653, hic
" ad h. a. p. 282; Hoc vero ille col. 655,
" hic p. 283. Nec obstat, quod postre-
" mum hoc ad annum MCXXV refe-
" rant. Cum enim uterque annum,
" temporum illorum more, a luce
" Christi incunabulis sacra auspicetur,
" patet omnino Henricum festum Christi
" Servatoris e Virgine nascentis me-
" moriam, secundum calculum nobis
" hodie usitatum, anno MCXXIV Ar-
" gentorati recoluisse."

(*) ADALBERTUS (aliis Adelbertus, Albertus, Adalbero) Saxeponanus e Lotharingiae ortus Principibus, Henrico V Caesari ita in amoribus erat, ut non modo Cancellarii sui, & primi inter primos praecordialis, (refert C. 14 L. 7 Otto Frisingensis) Consiliarii eum dignitate ornaverit; verum etiam Moguntiae in celebri Episcoporum ac Principum congressu Sedi illi ab Ruthardi obitu vacanti, a. 1111 imposuerit Archiepiscopum. Ita, ut ut firma, inter eos amicitia haud diu steterit. Adalbertus enim, quo ostenderet (verba sunt Schateni *Annal. Paderb. L. 7 pag. 683*) alium oportere se Episcopum in Ecclesia Dei, quam Cancellarium agere in aula Caesaris, cum Concilio (Lateranensi) & Patchali II Pontifice, Henrico invitaturus per anulum & baculum, non sine gravi jurium ecclesiasticorum vulnere sibi arroganti, intrepide se opposuit, in carcerem ideo, gravissimasque miseras a. 1112 ab irato Caesare conjectus, donec cives Moguntini facta in Caesarem tunc Moguntiae praesentem seditione, eum reperierint; & fame confectum, umbræque hominis, quam homini similiorem incredibili cum lætitia a. 1115 exceperint. Assertus in libertatem, iter Coloniam, verante licet Imperatore, instituit, ubi a S. Otone Bambergensi Episcopo festis Christi natalitiis, juxta *Dodecanum* ipso S. Stephani Protomartyris festo a. 1116 consecratus fuit, consecrandus ab Apostolicæ Sedis

Sedis Legato Cardinale Theodorico, (al. *Dieterico*) nisi hunc in itinere mors obruisset. Tueri interim orthodoxorum partes graviter perrexit Moguntinus. Anno 1118 & in Synodo quam sacris Rogationum diebus Coloniae celebrem habuit Cuno, Prænestsinus Episcopus, Gelasii II Papæ Legatus, Imperatorem e cœtu Catholicorum proscripsit; & in altera ab eodem Cuno Fridslariam convocata, sententiam anathematis in Henricum Imp. & ejus idolum Mauritium Burdinum, Bracarensem Archiepiscopum, intrusum sub nomine *Gregorii VIII*. Pseudopontificem, repetitam confirmavit. Anno 1119 in Synodo Remenſi, quo septem secum Episcopos, globo quingentorum militum stipatus, e Germania adduxerat, tam gravibus una cum Friderico Colon. & Conrado Salisburg. Archiepiscopis, contra Cæsarem querelis invehebatur, ut qui præsto ipse aderat, Papa Callistus II, parem anathematis sententiam, de qua mox, publice pronunciaverit. Anno 1120 Legati Apostolici munere functus est in Saxonia, & vacantibus illic Cathedralis Pastores canonice electos, & ab se consecratos dedit. Anno 1121 adversus eundem Imp. Henricum, in obsidionem Moguntiae ac ruinam intentum, omnem excitavit Saxoniam, atque ad defensionem totius Germaniae Metropolis, animos omnium, catholicam obedientiam profitentium, accendit. Anno 1122, cum Erlongi Herbipolensis Episcopi Successorem Cæsar nominasset Gebehardum nobilem quidem, sed oppido juvenem, vix scholis egressum, adeoque tanto impari oneri adolescentem; Clerus contra Ruggerum, virum maturi judicii, & suo in Collegio enutritum delegisset: hunc præ illo consecravit Adelbertus, sibi que rursus ab Imperatore metuens, Alshaffenburgum, castrum a rivo alluentē *Alschaff* dictum, probe celerique conatu muniavit. Fuit porro hic annus felicius opinione complurium ac lætior: nam, Deo cor Regis immutante, bellum ipsos 50 in annos protractum pax & optata Ecclesiam inter & Imperium concordia excepit. (*Videsis Tom. CC. III. a pag. 284.*) Multa postmodum egit Adelbertus pro Gebehardi ad Cathedralam Herbipolensem promotione, quem nihilominus cum Innocentio II P. M. sentiens rejecit: multa pro Spirensibus, quos Lotharii urbem dura obsidione prementis in gratiam restituit: multa pro civibus suis Moguntinis, quorum pietatem ac beneficia in se captivum collata privilegiis a. 1135 remunerari studuit. Obiit die 23 Junii a. Ch. 1137, Episcopatus 27, excelsi Vir animi, & præclare de Religione, de Imperio, de Lothario meritis. Jacet in Erbacensi Monasterio, quod hortante potissimum S. Bernardo extruxerat, sepultus.

Serarius *Rer. Mogunt. Lib. V. & Schaten. Annal. Paderb. P. I. Lib. VII.*
& alii.

SYNODUS TORNACENSIS

Anno Christi MCXXXV. Innocentii II. PP. VI.

Lotharii Reg. XI.

Sub SIMONE, (*) Tornaci & Noviomii Episcopo,

CELEBRATA

DIE 12 MARTII.

SUMMA. SIMON, Sedium unitarum Tornaci & Noviomii postremus Episcopus, constituit Canonicos Tornacenses ad personalem Residentiam sub jurejurando teneri.

IN NOMINE SANCTÆ ET INDIVIDUÆ TRINITATIS,
PATRIS, ET FILII, ET SPIRITUS SANCTI. AMEN.

Propheta David per præscientiam do fraterna cohabitatio statum Ecclesiæ Divini Spiritus intuens, quomodo conservat incolumem: quasi de animi

Supplement. Tom. X. Concil. German.

T e t t 2

ratio-

ratione & gaudio interiori prorumpit in laudem: 'Ecce, inquit (a), quam bonum & quam jucundum habitare fratres in unum. Quod enim plerumque dispositione fratrum Ecclesia desolatur, Jeremias (b) in eodem Spiritu conqueritur, dum, sedere solam civitatem plenam populo, factam esse quasi viduam Dominam gentium, lamentatur.

Sane hæc desolatio temporibus nostris non vastitate hostili, sed ambitione reprehensibili videtur fieri: dum qui *querunt, quæ sua sunt, non quæ JESU CHRISTI*, alibi titulos Canonico- rum suscipiunt, & alibi mansiones sibi constituunt.

Cujus rei periculum Ego SIMON, Dei gratia Tornacensis Ecclesiæ Minister, considerans ad nostrum spectare officium, monitus prece Fratrum & Abbatum consilio, illa qua fungor ordinante Domino Pontificis auctoritate decerno, ut a die ista & deinceps neminem in Canonicum Tornacensis Ecclesiæ recipiat, nisi stabilitatem ejusdem loci, quamdiu Præbendam tenere voluerit, jurejurando promittat. Quod si transgressor hujus privilegii postea ad commanendum alias migraverit, Præbendæ suæ abrenun-
gasse judicetur,

& aliquando redeunti ad eam nullus auditus aperiatur.

Illud etiam præcipimus tam præsentibus, quam futuris Ecclesiæ nostræ Filiis, ut in fraternitatem suam neminem admittant, nisi prius juraverit in Conventu Fratrum, propter illud beneficium obtinendum, nec per interpositam personam aliquid muneris esse datum vel promissum.

Hoc igitur remedium Constitutionis nostræ, quo & præsentibus Fratribus succurrere, & futuris cogitamus occurrere, ut ratum & illibatum apud præsentis & posteros permaneat, literis annotavimus, sigillo nostro munivimus, transgressores perpetuo, nisi resipuerint, anathemate damnamus.

Signum Goteri Decani.

S. Theodoricus Custodis.

S. Hugonis Cancellarii.

S. Gualteri Cantoris.

S. Mainardi.

S. Gervici.

S. Movini.

S. Leberti.

S. Balhuini.

S. Heribrandi.

S.

(*) Erat SIMON Hugonis magni Viromandici Comitis filius, Ludovico Crasso Franciæ Regi consanguineus, atque Carolo bono Flandriæ Comiti affinis. Eum, licet suscipiendis Sacerdotii Ordinibus, infulsis capessendis necdum per ætatem esset idoneus, præproperis tamen Noviomensium suffragiis Lamberto suffectum, Tornacenses, frustra, quod noverant, reluctaturi, Episcopum a. 1121 admittunt: quem Radulphus, Remensis Archiepiscopus, obrenta Pontificis licentia, a. 1123 & Sacerdotem & Episcopum consecravit. Novus Antistes a. 1126 erexit Abbatiam S. Medardi, & Ogerum Montis S. Eligii Canonicum ei Abbatem præfecit. Eodem anno reditus fundavit in Ecclesia Tornacensi annuos, quas Canonicis, qui Nosocomium B. MARLE a. 1112 fundatum administraret, pro pensione assignavit. Corpus Caroli boni Flandriæ Comitis levavit a. 1127 atque ex Ecclesia S. Christophori ad S. Donatiani transfudit. Corpus etiam S. Piatii Seclonii in novam thecam reposuit a. 1143. Anno autem 1146, Ludovico VII regnante, Tornacensis Ecclesia, quæ per annos circiter sexcentos sub uno eodemque cum Noviomensibus Pastore ferebat, felicibus S. Bernardi Claraevall. Abb. officiis, proprium ab Eugenio III P. M. recepit Episcopum, Arselinum nomine, datis Vitepsi literis nono Kal. Aug. Indictione IX, (*) Pontif. D. Papæ a. H. Consensit eam in rem Simon, qui iter ad terram sanctam cum Theodorico Comite ingressus, obiit Selenciæ in Asia a. 1148. Annuam defuncti Præfulis memoriam recolit Ecclesia Tornacensis & Abbatia S. Medardi ad diem 10 Februarii.

De Castillon Sacr. Belg. Chronol. P. II. pag. 403, & Summa Statut. Synod. Tornac. Jac. le Groux edit. Insul. typis J. B. Broveller 1726.

(*) Jam citatus de Castillon erravit scribendo: Roma, octavo Kal. & Indictione XIX.

(a) Psalm. 132.

(b) Jeremias Throni c. 1.

S. *Abfolonis* Abbatis. (c)S. *Herimanni* Abbatis. (d)S. *Ogeri* Abbatis. (e)S. *Everardi* Abbatis S. Bavonis. (f)S. *Theodorici* Abbatis S. Eligii. (g)S. *Leonis* Abbatis Lobienfis.Actum in Tornacensi Synodo anno ab
Incarnatione Domini MCXXXV.
IV. Idus Martii.*Miræus* editione *Foppens Tom. II. seu**Supplementi Parte II. pag. 965.**Bruxellis recusus a. 1723. Lovanii.*(c) *Abfolon*, Abbas S. *Amandi* seu *Elnonensis*, post obitum Episcopi *Arnonis* postulat
us primus Episcopus *Tornacensium*: rebus nondum confectis obiit a. 1145.(d) *Herimannus*, Abbas *Monasterii S. Martini* in civitate *Tornacensi*.(e) *Ogerus*, Abbas S. *Medardi*, nunc S. *Nicolai de Pratis Tornaci*.(f) *Everardus*, Abbas S. *Bavonis*, olim *Abbatie Benedictinæ Gandavi*, nunc est *Col-*
legium Canonicorum.(g) *Theodoricus*, Abbas S. *Eligii* *Canonicorum Regularium Ord. S. Augustini* in urbe
Noviomensi.

SYNODUS ATREBATENSIS

Anno Christi MCXXXVIII. Innocentii II. PP. IX.

Conradi III. Reg. I.

Sub *ALVISO*, (*) *Atrebatensi Episcopo*,

CELEBRATA

DIE 27 SEPTEMBRIS.

SUMMA. *ALVISUS*, *Atrebatensis Episcopus*, amotis Clericis secularibus, Regulares Canonicos instituit ex Ordine S. Augustini in
Abbatia S. Amandi Marcolensi (vulgo *Marceul*)
sue *Dioecesis*.Quoniam Divinæ jussionis censura
& Pastoralis sollicitudinis cura
permovemur &c. Eapropter
beati *Amandi de Marcolio* Ecclesiam omni
fere Religionis vigore destitutam, &
inhabitantium Clericorum insolentia
domus Dei vigore calcato pessumda-
ram, in Religionis statum & decorem
debitum reformare curantes, Clericos
Regulares in eam constituimus, Sæcu-
laribus abjectis, ut secundum Instituta*B. Augustini* sine intermissione Deo de-
serviant; & pro *Atrebatensium* Epi-
scoporum salute, omniumque Fidelium
remissione debita vota persolvant.Nos igitur carissime Frater *BAL-*
DUINE, ibidem Deo auctore Abbas
constitute, paci & tranquillitati tue
providere volentes, eandem Ecclesiam
& ipsius custodiam, & omnia, quæ
antiquitatis jure eidem Ecclesie atti-
nere noscuntur, tibi, Successoribus-

Ttt t 3.

que

(*) *ALVISUS* sive *ALUISIUS*, genere *Flander*, in *Bertinenfi* Cœnobio Religiosus,
inde in *B. Vedasti* Prior, postmodum Abbas *Aquicinctensis*, sacratior Episcopus
Atrebatensis a. 1131, quo consecrationi Ecclesie majoris apud *Bruxellenses* Xeno-
dochii interfuit. Doravit a. 1141 *Abbatiam* *Canonicorum Regularium Ord. Præ-*
monstratæ, quæ *Castellam* dicitur prope *Mortaniam*. Ejusdem quoque Ordinis
Abbatiam *Viconientem* prope *Valentinas* fundavit, in expeditione *Hierosolymi-*
tana sub id temporis celebratissima extinctus a. 1148 & *Philippis* in *Macedonia*
sepultus.Hæc ex *Sac. Belgii Chronolog. Castillienii P. II. pag. 364.*

que tuis possidenda perpetuo concedimus.

Addimus etiam huic libertati mansum, qui dicitur Episcopalis, & redditus XII. curtiliorum &c.....

Ut autem hujus nostræ institutionis pagina sigilli nostri impressione roborata, firma & inconvulsa perenniter maneat, fidelium testium præsentiam annotare curavimus.

Signum Domini *Hugonis*, Atrebatensis Archidiaconi.

Signum Domini *Roberti*, Ostrebandensis Archidiaconi.

Signum Domini *Petri*, Præpositi.

Signum Domini *Nicolai*, Decani.

Signum Domini *Thome*, Cantoris.

Signum Domini *Basilii*, Canonici & Presbyteri.

Signum Domini *Roberti*, filii *Theobaldi*, Canonici & Subdiaconi.

Signum Domini *Gozuini*, Aquisnensis Abbatis.

Signum Domini *Absalonis*, Abbatis S. Amandi.

Signum Domini *Hugonis*, Hafnoniensis Abbatis.

Signum *Ursionis*, Abbatis S. Dyonisii Remensis.

Signum Domini *Hugonis*, Abbatis S. Martini de Henin.

Ego ALVISUS, Dei miseratione Atrebatensis Episcopus, hoc libertatis donativum relegi, subscripsi, & in nomine Patris, & Filii, & Spiritus Sancti propria manu confirmavi.

Actum Atrebat in Synodo, in Basilica B. MARIE semper Virginis Dominae nostræ, anno videlicet Dei Christi M.C.XXXVIII. Indictione V. Kal. Octobris, anno autem Pontificatus Domini ALVISI Atrebatensis Episcopi VIII.

Foppens Tom. III. novæ Collectionis Diplomatum Parte II. pag. 330.

SYNODUS TERVANENSIS *Morinorum*

Anno Christi MCXLIV. Lucii II. PP. I.

Conradi III. Reg. VII.

Sub MILONE, (*) *Morinensis Ecclesiæ Episcopo*,

CELEBRATA.

SUMMA. MILO Episcopus, fundatum a Balduino, Ardensi Toparcha Canoniorum secularium Collegium per avum suum Arnulphum vertit in Canoniorum Regularium Ord. Præmonstrat. Abbatiam.

UNIVERSÆ SANCTÆ MATRIS ECCLESIAE FILIUS BALDUINUS
DEI PERMISSIONE HERES ET DOMINUS ARDEÆ, ECCLESIAEQUE S. AUDOMARI ARDENSIS DICTUS PRÆPOSITUS, SALUTEM
IN PERPETUUM.

Quod ad cultum Dei & ad reverentiam sanctæ Dei Ecclesiæ honorem convenire dignoscitur, omnimode executioni, in quantum sufficimus, promovere necessarium duximus & saluberrimum.

Unde cum Præpositura (**) Ardensis Ecclesiæ Nobis hereditario jure

successit habenda; hinc Clericorum seu Canoniorum in eadem Ecclesia servientium considerantes negligentiam, hinc periculum, & æternum animæ pensantes excidium, eo quod Præpositura Ecclesiastica dispensanda & manuali disponenda (nisi Nos vani docere Parentes) salutare Nobis nullatenus

latenus accidere queat, quædam altiora super Ardensis Ecclesiæ statu, altiore consilio, destinavimus.

Accepto itaque super ejusdem ordinatione Ecclesiæ Divino responso, sanoque consilio a Domino MILONE, Morinensis Ecclesiæ Episcopo, & Abbatibus, & multis Ecclesiasticis personis, & laicalibus Ardensis oppidi, paribus & veteranis Morinensis Ecclesiæ, non minus quam Ardensis Capitulo anuente & benivolum assensum præbente, concessimus, & in quietam possessionem dedimus Venerabili Abbati THEODORICO & Monachis S. MARIE de Capella, in villa antiquo nomine *Brugnam* dicta degentibus, & eorum Successoribus, omnia jura, omnesque dignitates, quæ in Ecclesia S. Audomari Ardensis Nobis hereditario jure successerunt, totamque eandem Ecclesiam cum universis ejusdem Ecclesiæ rebus & possessionibus, & appendiciis, & pertinentiis perpetuo jure possidendis.

Hoc addito, quod mortuo uno jam dictæ Ecclesiæ Clerico, seu Canonico, succederet ei Monachus, sicque omnibus mortuis Canonicis, Monachi succedent in locum Canonicorum, & libere obtinebunt Ecclesiam, & quodcumque demum Abbati placuerit, Mo-

nachi, in dispositione Abbatis Ecclesiæ & possessiones Ecclesiæ dispensabunt.

Ut autem hæc donatio tractu temporis minime patiatur recidivam, nulliusque possit malitia vel odio turbari, molestari vel infirmari, præsentem chartam scribi, & testibus robotari, & sigilli nostri appensione communiri fecimus, & Tervanæ, Remisque urbibus, & Romæ confirmandam misimus, hujusque rei testes sunt:

Dominus MILO, Morinensis Episcopus, Præmonstratensis Ordinis Canonicus.

Philippus & Arnulphus, Archidiaconi, totumque Morinensis Ecclesiæ Capitulum.

Dominus Leo, Abbas S. Bertini.

Dominus Gufridus, Abbas Andriæ.

Dominus Henricus, Abbas de Liskia.

Baldwinus Mondulphus, Decanus.

Arnolphus, Cantor.

Magister Richardus, Eustacius & Robertus, Canonici, totumque ejusdem Ardensis videlicet Ecclesiæ Capitulum.

Hugo & Bernardus de Wisso de Bramis, Presbyteri.

Theodoricus, Comes Flandriæ, & Philippus & Mattheus, filii ejus.

Arnulphus, etiam Gisenensis Comes, & Baldwinus, filius ejus.

Arnul-

- (*) MILO ex Eremita Abbas cenobii Præmonstratensis, in quod eremum suam converterat, Morinorum (a) renuntiatur a. 1130 Episcopus, communibus Canonico-rum suffragiis, qui contra electionem Balduini fratris Theodorici Comitis, Tervanensis a civibus peractam reclamaverant. Sacris porro Episcopalibus die 15 Febr. a. 1131 est initiatus, moxque anno insequente Præmonstratensium monasterium juxta Tervanam (b) fundavit. Obiit a. Chr. 1159 die 15 Julii, a. Episc. 28.

Hæc rursum ex Sac. Belg. Chronologia Castillonii P. II. pag. 436.

- (a) Morini Galliæ Belgicæ populi, quos extremos hominum Virgilius nuncupat. Tervanæ Morinorum, urbs olim erat Episcopalis sub Archiepiscopo Remensi, a. 1550 funditus deleta, jussu Caroli V Imp. Sedes cum parte prædiorum altera translata Bononiæ; altera vero pars Episcopis Audomarensi & Iprensi est assignata. Tervanæ rudera spectantur in finibus Artefiæ & vetus nomen retinent.

A. vrt. Miræi Notitia Episcopatum Lib. V. pag. 369 & 404.

Hurtzheim Tom. CC. I. Præfat. Chorograph. & Hierarch. pag. 44.

- (b) Tervanæ, urbs est solo æquata in Comitatu Artefiæ ad Legiam amnem tertio ab urbe Audomaropoli lapide sita, cujus nonnulli quædam domus hodie superant. Erat olim civitas præcelsa & Episcopatu Remensis Archiepiscopi Suffraganeo conspicua.

Joann. Hübn. Lexicon Reg. pag. 984.

- (**) Baldwinus, Arnulphi I eo nomine Ardensis Domini ex filio Arnulpho nepos, obiit a. 1146 in terra sancta, non relicta sobole legitima, ut Lambertus Ardensis in Historia MS. Comitum Gisenensium & Mejerus anno 1144 memorant. Foppens.

Arnulpbus, Marckifienſis Vicecomes,
Sororius *Drogo Boteck*, *Walo de*
Ardea.
Arnulpbus Gobel, qui eſt Caſtellanus
Ardeæ.
Elbodo de Norbout & *Paganus*, frater
ejus.
Euſtatbius & *Balduinus de Balinghen*.
Balduinus Walameb, aliiſque multi
Chriſtianiſſimi populi.

Facta eſt autem hæc tranſactio in Ec-
cleſia S. Audomari Ardenſis, & in
plena Synodo Tervanæ ſolenniter
recitata & approbata Dominicæ In-
carnationis anno MCXLIV.

M. ræus inter Diplomata Belgica cap. 59.
recuſus a Cl. Foppens Tom. I. Col-
lectionis Diplomatum pag. 179.
Bruxellis a. 1723.

SYNODUS MOGUNTINA

Anno Chriſti MCXLIX. Eugenii III. PP. V.
Conradi III. Reg. XII.

Ab HENRICO, (*) Sedis Moguntinæ Archiepiſcopo
XXVIII. Electore XII.

CELEBRATA

DIE 16 MAJII.

Notificatoria Concilii Provincialis Erfordiæ acti.

H. (Henricus I.) DEI GRATIA MOGUNTINÆ SEDIS HUMILIS MINIS-
TER, WILIBALDO, SPECIALI AMICO SUO, CORBEIENSIS ECCLESIAE
VENERABILI ABBATI, DILECTIONIS ET BENIGNITATIS AD OMNIA
DEVOTAM ET PROMPTAM EXHIBITIONEM.

Fideli admonitioni & piæ devotio-
ni veſtræ, quam in profectione
noſtra ad Dominum Papam nobis ex-
hibuiſtis, non ſolum gratias referimus,
verum etiam ſuo loco & tempore con-
digna operis exhibitione reſpondere
parati ſumus. Juxta autem petitionem
Legati veſtri actionem quorundam ne-
gociorum, quæ ex præcepto Domini
Papæ præſentibus Suffraganeis noſtris Erfor-

diæ tractavimus & terminavimus, in-
notefcere curamus.

Primum Capitulum erat de quodam
Abbate de *Burgilin*, qui querimoniam
habebat adverſus Comitem *Sizonem*,
quod quædam bona Eccleſiæ ſuæ vio-
lenter ruliſſet, & pertinaciter teneret,
quam a Domino Papa nobis injunctam,
conſilio & auxilio Fratrum noſtrorum utrim-
que facta pace & concordia termina-
vimus. Secun-

(*) Vid. Tom. CC. Germ. III. pag. 373. Addi poſſunt hæc pauca: Depositus in Con-
cilio Wormatiensi per inſignem nequitiam ac palmarem injuriam HENRICUS,
vir laudabilis, ſeceſſit Embecam in Brunſvicenſi Ducatu, ibique eodem adhuc an-
no die 5 Septembris pie obiit. Epitaphium ipſius ſepulcro illic adpoſitum, teſte
Bruchſchio, ſic habet: Anno Domini MCLIII. Nonis Septembris obiit Reverendus Pa-
ter, Henricus Archiepiſcopus. Familiare ejusdem dictum: Fui dives Canonicus,
pauper Præpoſitus, mendicus Epicoſopus. De perversis Judicibus binis Cardinalibus,
qui ab Epicoſatu Henricum amoverant, quosque ipſe ad tribunal Chriſti citarat,
Hübnerus *Quæſtiuncularum ex Hiſt. polit. P. VII. Lib. I. pag. 53* narrat, alterum in
ſeceſſu effuſiſſe cum viſceribus animam; alterum in rabiem actum digitos ſibi
ipſi demordiſſe. Utrumque eodem die factum, multosque tum dixiſſe: *Benedictus*
Dominus, qui venerabilis Henrici injuriam juſte vindicavit. Narrata ab Hübnero,
an vera ſint, nescio. Silent Scriptores Moguntini, quos conſului.

Schaten. P. I. Lib. VIII. Annal. Paderb. pag. 794.

Secundum erat de Comite H. qui uxorem suam dimiserat & aliam superduxerat. Hujus negotii talis erat actio. Dominus *Hildenesbemensis* Episcopus asserbat, quod inter ipsum & priorem, quam pro uxore habebat, propter cognitionem canonica facta erat separatio, sed quod de incestu, quem cum nepte sua commiserat, penitentiam suscepisset vel peregisset, non affirmabat. Unde Fratribus nostris decernentibus, quod ante peractam penitentiam Matrimonium contrahere nec posset, nec

deberet, *Moguntiam* ad Synodum nostram in feria secunda post Ascensionem Domini, ad satisfactionem eum vocavimus.

Præterea *Hereveldensem* Abbatem, quia inconsulta Ecclesia nostra & absque verbo nostro *Fuldensem* suscipiens Abbatiam, ab obedientia nostra se alienavit, Fratribus nostris sanctientibus vocavimus.

Post hæc multa erant, quæ singula longum esset enumerare, sed hæc vos magis scire coniecimus desiderare.

NOTANDA ad hanc SYNODUM PROVINCIALEM.

Tam *Mauritius Gudenus*, quam *Joannis*, alique Scriptores *Moguntini* hanc Synodum nescivere. *Henricus a Falckenstein* in *Chronico Thuringiæ* Lib. 2. pag. 507. eandem insinuat ex *Schöttgen Spicilegio diplomatico Histor. Saxonici superioris* P. II. pag. 571, unde producit Diploma, seu litteras *Henrici Moguntini* ad *Willibaldum* Abbatem in *Stablo & Corbeja*, ita habentes:

" H. Dei gratia, &c. ut supra pag. 704.

Hæc *Falckensteinus*, qui existimavit hoc Concilium esse trahendum ad ann. 1143, deceptus forte, quod legerat a. 1143 habitam fuisse *Moguntinæ* Synodum. *Moguntina* a. 1143 Synodus in *Martio* habita est (*Tom. CC. III. pag. 347.*) Hoc igitur *Erfordienſe* Concilium ad hunc annum trahi non debet, eo quod *Provocatio* ad Synodum *Moguntinam*, feria 2 post *Ascensionem Domini* habendam, *Martium* designare nullatenus possit. Quare *Schöttgenus*, qui (ut *Falckenstein* l. cit. in *Nota* advertit) a. 1149 hanc epistolam *Archiepiscopi* attribuit, melius fecisse videatur: eo enim anno *Henricum* nostrum *Erfordie* degisse varia probant diplomata. Adde, quod *Ascensio Domini* illo anno in XII Maji inciderit. Feria igitur II. post illud festum erat 16 dies ejusdem mensis.

Videri etiam hac super re poterit *Schannati Historia Fuldenſis*.

SYNODUS MOGUNTINA

Anno Christi MCL. Eugenii III. PP. VI.
Conradi III. Reg. XIII.

Sub eodem HENRICO, Sedis Moguntinæ Archiepiscopo,

CELEBRATA.

SUMMA. Confirmat HENRICUS donationem Præposituræ *Numburgensis*, a *Gunthero*, *Spirensi* Episcopo, *Monasterio Lindburgensi* factam.

IN NOMINE SANCTE ET INDIVIDUE TRINITATIS.
HENRICUS DIVINA FAVENTE CLEMENTIA MAGUNTINÆ
SEDIS ARCHIEPISCOPUS.

Notum sit omnibus tam futuri, quam presentis evi Christi fidelibus, qualiter nos Divine retributionis

intuitu, tacti dolore & miseratione super dilapidacione & desolacione *Numburgensis* Præposituræ, in fundo quidem

Supplement. Tom. X. Concil. German.

V v v v

vene-

venerabilis fratris nostri *Guntberi, Spirensis Episcopi*, in nostra autem Parochia constitute, tradicionem, quam jam dictus Frater noster per eandem Preposituram jure fundi *Lindburgensi* fecit Monasterio, Nos salvo per omnia jure Metropolitani confirmavimus; Hortatu itaque *Guidonis*, venerabilis Cardinalis Diaconi, & Romane Sedis Legati, presente quoque Ecclesia mea & rogante in legitima Synodo nostra per hanc cartam impressione sigilli nostri insignitam factum roboravimus, & Apostolica auctoritate, nec non nostra, sub banno confirmavimus, & nostre ruicioni assumpsimus. Hujus rei testes sunt:

Hartmannus Prepositus de Domo, *Arnoldus* Prepositus sancti Petri & Maguntine civitatis Camerarius, *Heinricus* Custos, & Prepositus de Erpheffurt, *Gerlacus* Decanus de domo, & Prepositus sancti Victoris, *Godescalcus* Prepositus sancte MARIE de Campo, *Anselmus* Prepositus sancte MARIE ad Gradus, *Hartmannus* Prepositus S. Mauricii, *Wilhelmus* Magister, *Hartwigus* Cantor, *Heinricus* Abbas S. Albani, *Luifridus* Ab-

bas de Saliginstat, *Hildebrandus* Abbas de Hasungen, *Baldemarus* Abbas de Bliedenstat, *Anselmus* Abbas de Biscoffesberc. De Capellanis: *Giselbertus* Presbiter, *Rudigerus*, *Kunradus*. De Laicis: *Hermannus* Palatinus, *Heinricus* Comes de Kazenellenbogen, *Emicho* Comes de Liningen, *Poppo* Comes de Richenbach, *Bertolfus* Comes de Nitahe. De Ministerialibus: *Megingerus* Vicedominus, *Luto* frater ejus, *Embrico* Comes Rheni, *Wernberus* Dapifer, *Kunradus* pincerna, *Kunradus* Mariscalcus, & alii quamplures tam Clerici, quam Laici. Hec Confirmacio facta est in sancta Synodo Maguntine Ecclesie anno Dominice Incarnacionis M.C.L. Indictione XIII. sub EUGENIO Papa, KUNRADO Rege, RUDBERTO Abbate existente, & hanc Confirmacionis cartam a Nobis suscipiente.

Joannes Adamus Bernhard *Author antiquitatum Wetteraviae*, hanc nobis Synodum prodidit in schediastmate de Monasterio Naumburg, Ord. S. Benedicti, bodie a Lutheranis everso, in *Wetteravia*, pag. 14 Diploma recitat.

SYNODUS PROVINCIALIS MOGUNTINA

circa Annum Christi MCLIII. vel MCLIV.

Ab ARNOLDO, (*) Sedis Moguntinae Archiepiscopo
XXIX, Electore XIII

COACTA.

MENTIO SYNODI.

SUMMA. Cleri emendatio, & Simoniacorum depositio & exauctoratio.
Proborum, doctorumque promotio.

" Improbos, flagitiisque contamina-
" tos; omnibus coercerat modis,
" & cum Decessorum quorundam ne-
" gligentia haud parum mundanae
" contagionis, abusuum ac corrupte-
" larum in mores Cleri irrepsisset, id
" sane pensi habebat, ut in emenda-
" tionem illorum incumberet. Nec
" cunctatus, Episcoporum, Abbatum ac Prae-
" positum Sedi Moguntinae subjectorum

" Synodum cogit, illorum ut ope consi-
" lioque ad rem tam arduam perficiendam uteretur. Quos dignitates
" muniaque Ecclesiastica oblato pretio
" adiisse comperit (quorum non par-
"vus erat numerus, majoris etiam
" ordinis Clericorum) tum Officiis,
" tum Beneficiis privabat & exuebat:
" contra probos, doctos, frugi, vitæ-
" que inculpatae praeficiebat Ecclesiis.

Præ-

"Præter hæc verò haud pauca ad Religionis integritatem, ac disciplinæ Ecclesiasticæ vigorem, tum statuebat."

NOTA ad hanc Synodum.

Alia terre ac prorsus diversa hæc Synodus fuit ab illa anni MCLIX tumultuaria & interturbata, de qua agit §. XXX. Author sât aperte innuit, hanc ad inirum regiminis Archiepiscopalis susceptam fuisse, cum autem dies & tempus accuratum non fuerit additum, atque sciamus ex *Dodechis*

no, in *Pentecoste* anno MLIII Henrico I deposito surrogatum fuisse Arnoldum, hujus Concilii Epocham vel ad Autumnum anni MCLIII, vel circa Vernum tempus MCLIV ponendam existimavimus.

Hæc ad *Hartsbemiū* b. m. scripta.

Libellus de eade Arnoldi *Tom. II. Rer. Mogunt. editus §. VIII. Synodum* ab Arnoldo Archiepiscopo indigitatam hisce insinuat.

(*) ARNOLDUS, Nobilis de *Selchovert*, sapientia, ingenii acumine, facundia & humanitate perinsignis, Aquisgranensis Basilicæ Decanus, Collegii S. Petri Moguntinæ Præpositus & civitatis ejusdem Camerarius, & (quod extra dubium est) Fridericæ I Imp. Cancellarius in locum Henrici subrogatus fuit, quem Hermannus Palatinus Comes, alique, cædibus, incendiis ac depopulationibus Diocesim vastantes vehementer discruciarunt, ab Imperatore gravi portandorum canonum supplicio a. 1155 eapropter adfecti. Romam Arnoldus a quibusdam appellatus a. 1156 Adrianum IV Papam adiit; exceptus ab illo perhonorifice, atque Apostolica donatus legatione Moguntiam repetiit. In Concilio aut impio potius Conciliabulo Papiensi a. 1160 celebrato, de quo *Tom. CC. Germ. III. pag. 384*, subscripsit seseque cum quatuordecim Suffraganeis *Victori V. Pseudopontifici* submisit his verbis: *Ego Arnoldus Archiepiscopus Moguntinus cum XIV. Suffraganeis interfui & subscripsi.* Inde reversus, ipso Natâli S. Joannis Baptistæ die a Moguntinis suis civibus, in Cœnobio S. Jacobi, inter Missarum solemnia trucidatur, quaesitus a Canonicorum Collegio, in urbem portatus, narrante *Bruschio*, & eum summo luctu terræ mandatus in D. Virginis Collegiata Ecclesia.

De Arnoldo hæc adfert e MS. min. *Serarius*: "Arnoldus pago Moguntino ex religiosiss nobilibusque parentibus exstitit oriundus. Postquam diuina instantia sub Theologiæ disciplina ferula sudavit, factus est imperialis aulæ illustrissimus Cancellarius, & quasi alter Imperator. Tempore ingruentis inopiæ, quæ totam Germaniam premebat, trecentos pauperes nutriebat, religionem arctius amplectens, illius professionis viros, quorum jugiter fruebatur contubernio, tanquam patres & fratres fovebat, manum solliciti tutaminis ipsis impertiens Ecclesiæ beneficiis multis dotavit; diruta earum resarcire; dilapsa atque dispersa congregare, & ne religio penes eos tepesceret aut remitteretur, sollicitus erat."

Exstant etiam ejus ad S. Hildegardem, & hujus ad illum epistolæ. *Grantz. Sebsten. Harritz &c. Serarius Rer. Mogunt. Lib. V. a pag. 817.*



SYNODUS HALBERSTADENSIS *Magna*

Anno Christi MCLVII. Hadriani IV. PP. III.

Friderici I. Reg. VI. Imp. III.

ab ODELRICO, (*) Halberstadenſi XVIII (al. XIX) Episcopo,

CELEBRATA

DIE 18 OCTOBRIſ

SUMMA. ODELRICUS confirmat donationes varias Monasterio
 Schöenigenſi Diœceſis Halberſt. ab Ottone, Comite
 de Hildeslove, factas.

IN NOMINE DEI OMNIPOTENTIS. ODHILRICUS D.G.
 HALBERSTADENSIS ECCLESIE EPISCOPUS.

Notificamus omnibus Ecclesiæ Fidelibus præsentis & futuri temporis, quod Nos rogatu dilecti fratris nostri BODONIS, Scheniggenſis Ecclesiæ Præpositi & ejusdem Congregationis, pro declinandis multis injuriis, quas eadem Ecclesia sæpe sustinuit, quædam prædia Ecclesiæ illius, V. videl. mansos in Geroldesbop sitos, it. in Dalwersleue duos & dimidium, in villa quæ dicitur Welle cum arcis & omnibus pertinentiis eorum, Ottoni, Comiti de Hildeslove, per nostram manum dedimus, & versa vice jure concambii alia prædia in usum prædictæ Scheniggenſis Ecclesiæ ab eo recepimus, videl. XI. mansos simul omnes in villa, quæ He

regimesbrop dicitur, sitos, cum arcis & omnibus pertinentiis eorum. Sed quia hæc prædia plura erant & simul sita, pro duobus mansis & dimidio, qui superfuerunt in commutatione, & pomerio & aliis utilitatibus eorundem prædiorum præfatus Præpositus prædicto Comiti Ottoni de redditibus Ecclesiæ suæ XXX. & duas libras pro supplemento persolvit: Ecclesiam etiam unam ad eadem prædia pertinentem idem Comes cum consensu filiarum suarum pro remedio animæ suæ præfatæ Scheniggenſi Ecclesiæ in Provinciali placito, in villa quæ Valetbrop dicitur, una cum præscriptis prædiis perpetuo jure contradidit & regio banno confirmavit, ubi testes

(*) ODELRICUS (al. Oudalricus & Ulricus) Rudolphi, de quo pagg. 337 & 356 Tom. III. Conc. Germ., Successor ab anno Christi 1149 exeunte ad annum 1182 Cathedralis Halberstadenſis præfuit. De stirpe nihil certi apud Scriptores. Erat Collegiata B. M. V. Præpositus, cum a Canonicis Electoribus, ex Conradi III Imp. potissimum commendatione & autoritate, Episcopus crearetur. Anno 1150 donationem Decimæ in Eringeroth, (Tom. CC. cit. pag. 365) confirmavit. Anno 1152 interfuit Merseburgensi Principum Conventui, in quo diploma Friderici I Imp. jura Corbeienſis Abbatæ ac privilegia Wiboldo Abbati instaurantis, seu testis subscripsit. Anno 1160, quod Alexandro III legitimo Papæ adhæreret, submotus a Sede fuit, eidemque per Eberhardum Victoris Pseudopapæ Legatum Gero Cathedralis Ecclesiæ Halberstad, Præpositus, ab Hartwico Bremenſi Archiepiscopo consecratus, pallii quoque usu ab eodem Pseudopontifice donatus, sufficiebatur: qui pro Episcopo illius Sedis ad annum 1177 se gessit; dum in dignitatem pristinam, juraque omnia rediret Odelricus verus & pius Episcopus. Exarsit sub hunc Præfulem inter & Henricum Leonem, Brunsvici Ducem, bellum tam sacro Præfule, quam Halberstadio fatale. Anno enim 1179 Ducis copiæ interceperunt urbem, quæ, serpente longius casæ ejusdam incendio, tota conflagravit; & Episcopum, flammis ægre ereptum, interea cum multis civibus captivum abduxerunt. Obiit optimus senecio suæ restitutus libertati a Chr. 1182, Episcop. 33.

Bucelin. Germania sacra P. I. pag. 23.

Lentzen Hist. Diplom. Halberstad. a pag. 82.

testes erant *T. gener Comitis, Marguardus de Banethorp, Benno de Oluenstide, T. Gevehardus & Menhardus* Ministeriales Comitis; *Brun de Frixleue, Hobetbrius de Hakkenthorp, Friebericus de Dalwersleue, Hawolfus de Snardesleue, Ericus de Welle, Brun de Gersleue* cum multis aliis. Hanc autem commutationem ut nulla molestia sequeretur iure polium, iure fori sæpe iterari sæpe firmari fecimus, semel videl. coram Marchione *A.* & filio ejus *Otton* Marchione, in villa quæ *Juen-thorp* dicitur, ubi tunc præsentés aderant *Otto Comes & T. gener ejus, Adolfus Comes, Hugoldus de Amfrithesleue, Ruthericus, Theodericus de Hakenstede, &* multa multitudo Fidelium. Secunda vice in præsentia nostra *Taggeremunde*, ubi aderant junior Marchio & Comes *Thidericus* de *Taggeremunde & Burcbardus, Marquardus de Banenthorp* cum multis aliis eadem actio iterata & confirmata est. Rursus in civitate *Magdeburg* *A.* præfatus Marchio & filius ejus cum prædicto Comite *Otton* rogante & monente prædicto fratre nostro, *Bodone* Præposito, eandem actio-

nem renovantes confirmaverunt. Iterum in Synodo nostra hoc factum coram Ecclesia nostra publice in *Gatbesleue* confirmavimus. Postremo, ut nullus unquam error hoc benefactum obnubilaret, & ne fratres præfata Schenigenſis Ecclesiæ aliqua in futurum turbatio super hoc facto offenderet, diligenter hæc omnia retractantes in aperta Synodo nostra Halberſtad coram universitate Ecclesiæ nostræ in festo *B. Lucæ*, præsentibus & faventibus Marchione *A.* & *Otton* Comite, Episcopali autoritate firmissime roboravimus. Quapropter ut nulla iniquitas & injustitia aliqua maligna surreptione hoc bonum opus fatigare præsumat, interposito anathemate & banno, auctoritate DEI Omnipotentis & *B. Petri* Apostoli confirmamus in perpetuum, Amen. Actum Halberſtad in publica Synodo XV. Kal. Novemb. anno Incarnationis Dominicæ *M. C. LI. (*)* Indiſt. XV. in magna Synodo in festo *B. Lucæ*, præſidente univerſali Ecclesiæ Papa *EUGENIO* anno II. *ODALRICI* Episcopi venerabilis secundo Electionis & Ordinationis illius, feliciter, Amen.

(*) Cur annum 1157 huic Synodo tributum velit Hartzhemius, explorare non potui. Forte quod Diploma Synodicum a. 1151 Odelricus dabat, renovatum ab eodem & supremo confirmatum banno fuit a. 1157 sed Ordinationis anno septimo.

SYNODUS NUENBURGENSIS

SEU NAUMBURGENSIS

Anno Christi MCLXXIV. Alexandri III. PP. XVI.

Friderici I. Reg. XXIII. Imp. XX.

Ab UDONE II, (*) Naumburgensi XV (al. XIV) Episcopo,

CELEBRATA

DIE 20 MAJII.

SUMMA. UDO Episcopus probat, confirmatque traditionem duorum mansorum &c. ab Ernesto ad S. Mauritii Præposito factam & Bernardi Præpositi in Hugesdorf redemptionem.

IN NOMINE SANCTE ET INDIVIDUE TRINITATIS.

UDO, DIVINA FAVENTE CLEMENTIA SANCTE NUENBURGENSIS ECCLESIE EPISCOPUS.

Pontificalis Officii debito adstringimur, & Divine institutionis mandato commonemur, ita proximos nostros, & maxime Viros religiosos in

Vvv v 3

Deo

Deo diligere, ut iustis eorum petitionibus & rationi consentaneis benignam aurem inclinemus, & sancto ac laudabili ipsorum proposito pii favoris auxilium pro posse nostro libenter exhibeamus. Eapropter noverit omnium Christi fidelium tam presentium, quam futurorum universitas, quod pro petitione dilecti nostri *Ernesti*, venerabilis Fratrum S. Mauricii Prepositi, presentis pagine attestationem Domino *Bernbardo*, Reverendo in Hugestorf Preposito animo volenti porreximus, & quod permissionis nostre auctoritate sub testimonio Ecclesie ab ipsis factum est, ne in oblivionem veniat, posterorum memorie transmittere curavimus. Prepositus etenim *Ernestus* beati Mauricii duos mansos & duas cortes in Episcopatu Moguntine Ecclesie, in Provincia Thuringorum in villa *Wikerstede* sitos, jam dicto Preposito in *Hugestorf* pro tredecim marcis & dimidia argenti, unanimi Fratrum suorum assensu, Advocato etiam *Godefrido*, annuente, & a jure Advocati cedente, vendidit, & ejusdem argenti pretio alia bona Ecclesie sue utiliora & magis commoda comparavit. Ecclesiarum vero possessiones in meliorem statum venditione transferre, vel concambio permutari, in multis casibus, ubi ratio postulat licitum esse, judicamus, & certa auctoritate comprobamus. Pietatis nam-

que intuitu, tempore famis ingravante pro alimonia pauperum licet Ecclesie res alienare, utilitatis quoque causam minus utiles possessiones Ecclesie licite in alienos possessores transferuntur. Rationabilem itaque prefati Prepositi B. Mauricii traditionem & alterius Prepositi, videlicet *Bernbardi*, redemptionem, usibus Christi pauperum, pro quorum sustentatione facta est, profuturam, in virtute Spiritus Sancti ratam & inviolatam esse constituimus, & ne in posterum ab aliquo Successorum sepe dicti Prepositi, vel a quoquam Fratrum S. Mauricii retractatione temeraria irritari valeat, auctoritate Omnipotentis DEI & Beati Petri, Principis Apostolorum, & nostro sub anathematis vinculo prohibemus. Hujus permissionis & Confirmationis testes sunt hi: *Rudegerus* Abbas de sancto Georgio, *Thegenbarchus* Abbas de Burgelin, *Azzo* Abbas de Puzowe, *Camradus* Prepositus de S. Stephano, in Cice^{*)} *Hildenbrandus* Prepositus de Lüsensitz. Canonici Nuenburgenses: *Gervoto* Decanus, *Adelbero*, *Hermannus*, *Hatto*, *Camradus* Magister Scholarum. Laici: *Gozwinus* de Tucherem, *Tuto* de Pickene, *Hermannus* de Sconenberch, *Hugo* de Sconen. Actum Nuenburch in plena Synodo XIII. Kal. Junii, anno Incarnationis Domini M. C. LXXIV. Indict. VII. anno V. Pontificatus nostri XIII.

(*) UDO vel UTHO ex matre sorore Udonis I. Thuringie Landgravi, laudatissimi in eadem Sede Episcopi præclarus nepos, sub quo celebris Naumburgi Conventus a Cæsare Friderico I habitus est, multa in Ecclesiam S. Mauricii beneficia contulit. Obiit a. Ch. 1186, Episcopus. 25, Vir in pauperes liberalis, in calamitosos munificus.

Bucelin. in Germania sacra P. I. pag. 41.

Hübner in Quaestiuiculis ex Hist. polit. P. VIII. L. III. pag. 738.

Historia ecclesiastica Episcopatum Germaniæ ad annum 1724, gallice scripta edit. Bruxellis, Tom. II. pag. 284.

Heic errat Autor, dum scribit Sedem Episcopatus illius fuisse translata in Civico Naumburgum ab Udone I mox laudato: hoc enim ante annos centum sub *Hildewardo* IV Civicensium Episcopo evenisse, ex *Bucelino* & *Hübnero* citatis habetur. *Langii Chron. Numburg. pag. 10.*

Factam esse anno MII. illam translationem, refert *Tom. I. CC. in Prefat. pag. 41 Hartzheimius.*

(**) Ciza, urbs Saxonie.

SYNODUS SUERINENSIS

VEL MEGALOPOLITANA

Anno Christi MCLXXVII. Alexandri III. PP. XIX.

Friderici I. Reg. XXVI. Imp. XXIII.

a BERNONE, (*) III. Meckleburgensi, I. Suerinensi Episcopo,

CELEBRATA

DIE I FEBRUARII.

SUMMA. BERNO, Magnapolitanus Episcopus, assignat Abbatie in Doberan prædia decimas adferentia.

IN NOMINE SANCTE ET INDIVIDUE TRINITATIS.
BERNO, MAGNAPOLITANUS EPISCOPUS, OMNIBUS SUCCESSORIBUS SUIS
ET OMNIBUS FIDELIBUS SALUTEM IN PERPETUUM.

Si pauperum Christi curam habuerimus, magne mercedis meritum Nobis per hoc apud Dominum conquirimus. Hinc est, quod Domino famulantes in Doberan pia largitate consolari dignum duximus, de quo, ne cui dubitationis scrupulus in posterum remaneat, precavere curavimus. Cum enim *Privilaus*, devotus Princeps Slavorum, instinctu nostro, Omnipotenti DEO & Beate MARIE predium in Doberan, & numerum terminumque prediorum vel possessionum ad usum fructum inibi Deo servientium circumquaque constituisset, quoniam ad Nos detinere spectabant; Nos pro voluntate Ducis *Henrici* cum consensu totius Ecclesie nostre in eisdem possessionibus & prediis decimas contulimus, quatinus omni molestia submota liberius Divinis inservirent laudibus; quod si quicquid ex his prediis in futurum aliquo malo ingenio per sacrilegium Fratribus substractum fuerit, de jure tamen nihilominus illis perpetuo permanebunt. Sunt autem hec

nomina prediorum, in quibus decimas prenominate Fratres, in Doberan accipient: *Doberan*, *Parkantin*, villa Slavica *Doberan*, *Putelba*, *Stulve*, *Raduke*, *Crupelin*, *Wilene*, quatuor ville in *Cubanze*, scilicet villa *Brutze*, *Germari* & due ville *Bernonis*, & in terminis ad occidentem *Dobernimerigorta*, ad aquilonem vero terminat mare; Ecclesiarum autem dispositio infra loca predicta & Sacerdotum constitutio, vel Baptismus & Sepultura mortuorum, nec non & *Jus Sinodale*, quod *Bannum* vocatur, ad Abbatis curam pertinebit. Quisquis igitur his contraire temptaverit, sine ultione non in merito suo jacebit. Hujus rei testes sunt: *Berno*, *Remigius*, *Gregorius*, *Herbertus*, *Guncelmus*, *Reimerus*, *Sigero*, *Samuel*, *Johannes*, & tres filii ejus *Henricus*, *Bertoldus* & *Johannes*. Acta sunt hec anno Incarnationis M. C. LXXVII. Indictione X. Kalend. Febr. in generali Synodo Suerinensi tempore ALEXANDRI P.P. regnante FRIDERICO Imperatore piissimo. Amen.

SYNO.

(*) BENNO sive BERNO, de quo *Prefat. Chorograph. & Hierarchica Tom. I. CC. Germ. pag. 40*, Suerinensis primus, antea Magnapolitanus dictus, Ordinis Cisterciensis ex Abbatia Amelungesbornensi Religiosus, ob labores apostolicos, quos Vandalicæ genti ad fidem convertendæ impenderat, felicemque in sacro hoc negotio progressum nominatus *Vandalorum Apostolus*. Obiit a. Ch. 1195. Episcop. 50.

Bucelin. Germ. sac. P. I. pag. 53.

Hübner Quest. ex Hist. pol. Tom. VIII. pag. 1072.

Hist. Eccles. Germaniæ de Episcopatibus Tom. II. pag. 353, unde hec transcripsi.

SYNODUS MOGUNTINA

Eodem anno Christi MCLXXVII.

Sub CHRISTIANO I, (*) Sedis Moguntinae Archiepiscopo
XXXI, Electore XV,

CELEBRATA.

MENTIO SYNODI,

Quae colligitur ex Bernardi Pez Thes. anecdot. nov. T. III. P. III. ex *Viti Arnpeckii*, Prioris Ebersbergensis, Ord. S. Bened. *Chron. Bojar.* pag. 243, ubi hæc notantur:

" Anno Christi 1177. in Concilio Moguntia habito *Albertus*, (a) filius Regis Bohemiae, Archiepiscopatum Salzburgensem resignavit, quem prædictus *Conradus* (b) Schirensis recepit & septem annis rexit."

(*) Fuit CHRISTIANUS, Comes a *Buche*, patria Thuringus, a Friderico I Imperatore in locum *Conradi* ejusdemmet, de quo hic scribimus & cujus constantia eluxit in Conventu Norimbergensi, (*Tom. CC. Germ. III. pagg. 410 & 424*) anno 1164 susceptus. Princeps erat diversis naturæ dotibus ad stuporem conspicuus, linguarum Latinae, Graecæ, Italicae, Gallicae & Belgicae peritissimus, neque sacrarum literarum rudis. Scripsit vitam & gesta Friderici I Imp., epistolas diversas, orationes præstantes. Obiit in Italia haud procul ab Urbe anno Ch. 1180, Episcop. 13, ab ipsomet legitimo Pontifice Alexandro III sacro viatico instructus.

Serarius cit. a pag. 823, Bucelinus, Beyerlinck & alii.

(a) De *Alberto* vide *Tom. CC. Germ. III. pag. 420.*

(b) De *Conrado* pag. 424.

SYNODUS HALBERSTADENSIS

Anno Christi MCLXXIX. Alexandri III. PP. XXI.

Friderici I. Reg. XXVIII. Imp. XXV.

Sub ODELRICO, Halberstadensi Episcopo,

CELEBRATA

IN GATERSLEBEN

DIE II JUNII.

SUMMA. Confirmat ODELRICUS bona & privilegia Ecclesiae
Kaldenburnensis.

IN NOMINE SANCTÆ ET INDIVIDUÆ TRINITATIS.
ODELRICUS, DIVINA FAVENTE CLEMENTIA ANTISTES HALBER-
STADENSIS IN PERPETUUM.

Divinis precibus & Apostolicis monitis incitamus, ut pro omnium Ecclesiarum statu, impigro vigilemus affectu, & si quid invenitur reprehensioni obnoxium, a præsumptionis usurpatione revocemus, & periculum de-

fidia, quantum possumus, declinamus. Quod igitur falsis precibus & ad surreptionem non est impetratum, effectui nolumus mancipari, & intremuratum & inviolatum cunctis decrevimus manere temporibus. Sacra igitur

tur annotatione innotescimus, quod Gloriosissimus **LOTHARIUS** Tertius Romanorum Imperator ex honorificentia Excellenciæ suæ *Kaldenburnensem* Ecclesiam specialius respexit oculis misericordiæ, concedendo ejusdem Ecclesiæ Præposito & Fratribus ibidem Domino & sancto Johanni famulantibus, ut si quas Domino largiente possint emere bonorum suorum advocacias, freti ejus auctoritate, emant, vel redimant, & si aliqui Advocatorum advocaciæ suæ super bona ipsorum renunciare voluerint, potestatem renunciandi & cedendi eis donavit, & quia ad ipsius spectant dispositionem institutiones advocaciarum, advocaciarum dispositionem Ecclesiæ *Kaldenburnensis*, sancto Stephano in Halverstat devotissime obtulit, ita tamen, ut Nos, nostrique Successores advocacias nulli porrigere valeamus, si vacaverint, sed ex imperiali benignitate & donatione, jam dicta Ecclesiæ perpetuo munere libertatis ex tunc gaudeat, ut homines ipsius Ecclesiæ nullis molestantur talliis, vel exactionibus. Indulfit etiam præfatæ Ecclesiæ, ut si quis beneficio gaudet imperiali ad ipsam vendere, vel pro dono eidem donare possit, & ejus auctoritate in omni Regno suo maneant immunes a theloneorum & pedagogiorum exactionibus. Concessit præterea eidem Ecclesiæ excolendi novalia, quæ suo foreto adjacent, & prædia, quæ *Wigmannus* Fundator Ecclesiæ memoratæ cum consensu suorum heredum contulit, Regali potentia & Imperiali banno corroboravit, quæ hic intitulari jussimus, ut tam præsentibus, quam futuris, nostra circa ipsam Ecclesiam innotescat solertia, In *Lodestruen* Ecclesiam XII. mansis donatam, & pratis, & silvis, & duas Ecclesias, unam in *Ornix*, alteram in *Dufne*, quas Præpositus *Kaldenburnensis* ipso jure, quo *Magedeburgensis* Archiepiscopus porrigere debebit, ut Patronus, quia sic a *Wichmanno* Comite & suis cognatis noster institutum, cum multa devotione sæpeditæ Ecclesiæ contraxidit. Insuper dedit in *Nienborg* & *Krauenslorp* decem mansos, & dimidium, & vineam. In *Holdenstede* VIII. mansos & vineam. In *Helpe* I. mansum & vi-

neam. In *Erhardesdorp* XI. mansos. In *Suittbardestorp* II. mansos. In *Rouekeslorp* I. mansum. In *Panekendorp* III. mansos. In *Schurb* dimidium mansum, & thoeh, id est piscaturam in lacu ibidem adjacenti, eodem jure, quo *Magedeburgensis* possidet, tam in longitudine, quam in latitudine. In *Roldestorp* I. mansum. In *Aisleue* I. & dimidium. In *Lutkentorp* dimidium. In *Liefdetzeslorp* dimidium. In *Dielnice* dimidium. In *Aletorp* I. in *Dufne* XXXVII. mansos. In *Ludesleue* XXXIII. mansos cum aliis jugeribus, quæ supersunt, & unum molendinum. In *Storquitz* septem mansos, & unum gero- roris. In *Zoulke* XIV. & unum gero- ris. In *Namelikeslorp* XXXII. mansos. In *Hefkeslorp* dimidium mansum. In lacu *Reldestorp* ... mansos. In *Querenvorde* dimidium mansum. In villa *Donbeke* XI. mansos. In *Rotdorp* VIII. mansos & dimidium. In *Durnevelt* IX. mansos. In alio *Durnevelt* I. mansum. In *Rodigosdorf* I. mansum. In *Susele* I. mansum. In *Sar- bunen* I. mansum. In *Wentbere* I. mansum. In *Schwegersstede* V. mansos. In *Puranker- busen* II. *Panstadbel*. In *Ruskerex* XII. mansos & unum molendinum. In *Drogantz* IV. mansos. In *Butbene* VIII. mansos, & unum novale. In *Modelwitz* V. mansos. In *Kozzibut* octo mansos. In *Crap* II. mansos. In *Drest* I. mansum. Statuit præterea præfatus **LOTHARIUS** Romanorum Imperator Augustus, ut neminem Episcopus Advocatum constituat, nisi quem Præpositus postulaverit, & si is præter statutum quicquam exegerit, corripatur ter, & si sic non respuerit, sua imperiali auctoritate advocacia vacet, & Præpositus de cætero in causis Ecclesiæ, quem voluerit, mundibordum eligat, nec ille ex hoc aliquam sibi in advocacia usurpet justiciam.

Nos igitur hæc Statuta & Donationes auctoritate nostra & Episcopali banno, quæ privilegiis Domini **LOTHARII** Imperatoris & piæ memoriæ Prædecessorum nostrorum, **REIN.** & **O.** & **R.** disposita sunt, perpetua stabilitate, & sine aliqua constituimus refragacione servari, & nostris Successoribus injungimus, & exhortamur eos in Domino, ut quæ ad honorem Domini & sancti Johannis Apostoli &

Evangelistæ ab invictissimo Romano-
rum Imperatore LOTHARIO, & a Co-
mite *Wichmanno* & *Reinhardo* & *Ottone*
& *Rodulfo* ad perpetuam sunt ordinata
salutem & utilitatem, & quæ pro quiete
religiosæ conservationis sunt instituta,
nulla commutatione nisi in melius si-
nant variari, ut & ipsi tandem Nobis-
cum ad quietem perpetuam pervenire
mereantur. Non igitur novum aliquid
præsenti sanctione instituimus, sed illa
quæ olim videntur indulta banno no-
stro firmamus, & jurisdictionem per
Archidiaconatum intra fines Kalden-
burnenses Ecclesiæ constitutum, qui
limitatus est per aquas in quibusdam
terminis, ut in *Wippere*, in ulteriore
Helmana, in *Lina*, in *Unstrot*, in *Wangen*,
in *Willerbeke*, & in villis, & in fovea *Wa-
lebusen*, in *Horenberch*, in *Upbusen*, in *Wi-
denbeke*, in *Kukenhurch*, præfatæ Ecclesiæ
stabilimus, eo jure, quo ab Antecessore
nostro REINHARDO & Halber-
stadenfis Capituli assensu collatas esse
dignoscitur, eo addito, ut baptismales
Ecclesiæ propter Capellas forte de no-
vo fundandas, in terminis suis nullam
paciuntur diminucionem, nisi rationa-
biliter & de voluntate Episcopi Dioce-
sani & Kaldenburnensis Præpositi &
plebanorum consensu excipiantur.

Et ne in posterum in Ecclesia Hal-
berstadenfi controversia possit oriri su-
per Statutis felicis memoriæ BURCHARDI
Halberstadenfis Antistitis & dubita-
tio, ita in Synodo nostra diffinivimus, ut
tantum de baptismalibus Ecclesiis ad
luminaria concinnanda, in festo Lucæ
Evangelistæ, Custodi majoris Ecclesiæ
omni occasione semota, duos nummos,
de qualibet Parochia Præpositus Kal-
denburnensis, vel cui ipse injunxerit,
repræsentet. Si autem Sacerdotes ha-
buerint Capellas dotatas, sive sint ex-
emptæ a Parochiali Ecclesia, sive non,
& secundum Statuta, ipsius piissimi
BURCHARDI habeant quindecim jugera
indécimata, ad Capellas pertinentia,
de ipsis jugeribus duos annuatim per-
solvere denarios.

Statuimus præterea, ut per totum
Archidiaconatum Kaldenburnensem,
de qualibet plena decima Kaldenbur-
nensi Præposito annuatim a Decimatore

exhibeantur, una sexagena tritici, &
una sexagena avenæ, & unus angnel-
lus, & unus porcellus, & unus anser,
& duo pulli, & ad tollendam omnem
tergiversationem, si forte in una villa
duo decimatores fuerint, nullus eorum
per alium a decimatore absolvitur, sed
uterque plene eam persolvat, & deci-
mator dum primo assumitur ad deci-
mationem jurabit super pignora San-
ctorum, quod prorsus nulli aliquam
faciat injuriam, nec pro odio vel amo-
re, vel timore, perfidiæ dolum deci-
mationibus immisceat. Eo autem an-
no ratione sui officii urnam mellis da-
bit Archidiacono, vel summam æstima-
tionis ejus, & hæc non de novo, sed
ex antiqua consuetudine sunt instituta.

Item cum turpe sit & inhonestum,
emere vel vendere quod est annexum
spiritali, tamen quia jus Patronatus,
partim est temporale, & partim spiri-
tale, & Laici nullo modo aliquam in
spiritalibus forciantur potestatem, sed
tantum temporalium dispositionem ha-
beant, ad redimendas vexationes &
servitutes, retentas a primis Fundato-
ribus, quarum occasione oppido Cle-
ricis sunt infesti, liceat Præposito Kal-
denburnensi in nostra Diocesi Ecclesias
a Laicis detentas, eximere, & de suo
Collegio eis in perpetuum providere,
cum plus juris habeat in institutione
Prælati, quam in præsentatione Pa-
tronus, & eadem auctoritate decimas
a Laicis detentas redimat, & ad præ-
bendam Fratrum suorum redigat, ple-
namque ipsi potestatem ligandi & sol-
vendi, & exequendi visitationis offi-
cium ad reformationem Clericorum,
& præsidendi Synodo, suspendendi Divina
in Ecclesiis, non generali interdicto,
quod Nobis reservavimus, sed speciali,
& ea relaxandi, & inhibendi sepultu-
ram mortuorum, & cetera Ecclesiastica
Sacramenta, si culpæ qualitas postula-
verit, ei vice nostra per aquam a No-
bis exorcisatam, cymiteria reconcilian-
di & percipiendi Simodalia, ipsi concedi-
mus.

Noverint etiam omnes Fideles,
quod mulier nobilis de Tudelburch,
Mechtildis, partem prædii sui, quod si-
tum est prope locum *Wimecheburch*, om-
nium

nium heredum suorum consensu, præcipue *Gothescalcæ*, filii sui, & *Gerburgæ*, filię suæ, Ecclesiæ in Kaldenborne contulit, pro quo ob concambium, unum mansum in *Nemelikestorp*, cum silva, quæ dicitur *Eichenberch*, ejusdem Ecclesiæ Præposito *Godescalco*, ejusque Fratribus universaliter consensientibus recepit. Verum licet horum heredum, & Episcopi *RODOLFI* & Marchionis *Adalberti*, ipsius loci Advocati consensu, factis firma sint, ut solidius tamen roboretur, banno nostro communiri decrevimus.

Præterea concambium, quod *FREDERICUS* Imperator cum *Bernardo* Præposito, & Fratribus Ecclesiæ Kaldenburnensis fecit, recipiendo ab eis redditus bonorum ad viginti quinque talenta, in pago *Orla*, & dando eis redditus XX. talentorum in villa *Winckele* de sex mansis litorum, IV. talenta, & tres solidos. De novalibus VI. talenta, & VII. solidos, in *Varrenstede*, de uno litoris manso, & de uno flavi manso & de aliis mansis famulorum quatuor talenta. In *Wulferstede*, de duobus mansis litorum, & de mansis famulorum, qui vocantur hygen, V. talenta & X. solidos auctoritate nostra corroboramus. Concessit etiam idem *FREDERICUS* Imperator Ecclesiæ præfatæ, ut si Advocatum super eadem bona, quæ sunt in *Winckele*, in *Varrenstede*, in *Wulferstede*, & quod plus est, super omnia bona Ecclesiæ, possint emere, Majestatis ejus potencia, & suæ donationis Imperiali clementia emanant Kaldenbornenses, & quæ *LOTHARIUS* Imperator eis indulgit, & servanda instituit, ut plene superius differuimus, & ut in ejusdem *LOTHARII* privilegio continetur, ipse confirmavit, & omnibus assensum præbuit. Ideoque & Nos, cujus consensu præscriptus concambii contractus consummatus est, has donationes & commutationes, Episcopali banno confirmamus.

Decernimus quoque, ut quicquid præfatæ Ecclesiæ Fratres de eruncatis fructibus in novalia redegerint, sive quod in concambium receperint, sive alii fideles eis contulerint, cum decimis eorundem novalium, quæ nunc

Supplement. Tom. X. Concil. German.

& in futurum inde provenire poterint, ipsorum juris sit. Univerſa quoque, quæ a beatæ memoriæ *Wichmanno*, sive a quibusque Fidelibus eidem loco tam in jugeribus, quam in villis, in silvis, in pratiis, in vineis, in molendinis, cum ceteris commoditatibus, iusto jure collatæ sunt, seu in posterum conferri contigerit, auctoritate Apostolorum *PETRI* & *PAULI*, aliorum quoque sacrorum Patrum, videlicet, Romanorum Pontificum *KALIXTI*, *HONORII*, *INNOCENTII*, *EUGENII*, Prædecessorum quoque nostrorum piæ memoriæ *REINHARDI*, *OTTONIS*, *RODULFI* Halberstadenſium Antistitum; quorum munitione firmata sunt, Ego *Odelricus* Divina favente misericordia Halberstadenſis Episcopus, quatinus inconvulsa & illibata permaneant, præsentis paginæ scripto sub anathemate corroboravi, meo quoque sigillo insigniri jussi. Quod si quis hoc tenore cognito, temerarie infringere temptaverit hoc, & semel, & secundo, terciòve commoſitus, non respuerit, beatæ Dei Genitricis & Virginis *MARIÆ*, & sanctorum Apostolorum *Petri* & *Pauli*, & sancti *Johannis* Apostoli & Evangelistæ iram incurrat, & omnium Sanctorum digna ultione plectatur & perpetua excommunicatione damnetur, & cum impiis, qui non resurgunt, in judicio deputetur. Amen. Hujus rei testes sunt, *Martinus* majoris Domus Præpositus, *Erpo* Decanus, *Conradus* Cameraarius, *Hermannus* Custos, *Hinricus* Scolasticus, *Rodolfus* Vicedominus, *Friedericus*, *Marquardus* Canonici, *Segeho* Abbas *Hilsenebergenſis*, *Ecbbertus* *Husbergenſis*, *Burchardus* *Wimetechebergenſis*, *Adelbertus* *Conradesbergenſis*, *Wulcwinnus* in *Sychem*, Abbates. *Bernhardus* Præpositus in *Kaldenborn*, & alii plures. Ex Laicorum quoque ordine *Burchardus*, & filius ejus *Burchardus* de *Valckenstein*, *Burchardus* de *Querenvorde*, *Esicus* de *Burnenstede*, *Eimo* de *Meringe*, *Bruno* de *Haxeborne*, & alii quamplurimi. Acta sunt hæc in *Gatersleben* pleno Concilio III. Idus Junii. Anno Incarnationis Dominicæ M. C. LXXIX. Indictione XIII. Sed prius facta fuerant quædam de his, anno Incarnationis

X x x x 2

nis

nis Dominicæ M.C.LI. Indictione XIV. coram testibus suprascriptis. Et nunc hæc alia omnia sunt confirmata anno Pontificatus nostri XXXI. & reditus nostri in Episcopatum, a quo tempore scismatis propter obedienciam Sedi Apostolicæ cessaremus annos XVII, anno III. coram his testibus, *Theodorico* majore Præposito, *Conrado* Præposito

sanctæ Mariæ & Pauli, *Wernero* Præposito sancti Bonifacii, *Theodorico*, *Rudolpho*, *Gardolpho*, *Bernardo* Præposito Caldenbornensis, *Theodorico* Marchione & fratre ejus Comite *Dedone*, *Burchardo* Burggravo Magdeburgensi, *Ottbone* de Valckenstein, & aliis pluribus tam Clericis, quam Laicis.

NOTA ad Diploma hoc Synodale.

Tom. III. Conc. Germ. pag. 417 extat Diploma Odalrici nostri dat. 1178 & ex Leuckfeldii *Antiquitatibus Michaelsteinensibus* pag. 35 depromptum; contra quod nihil opponit *Lentzen in Historia Diplom. Halberstad.* Igitur & hoc, quod ex ejusdem Scriptoris *Antiquitatibus Kaldenbornensibus* pag. 91 erutum communicamus, sólido cum fundamento cur idem Halberstadenfis Hist. autor pag. 90 arrodat, non video: maxime cum datum sit anno mox insequente, nec nisi quæ, bonam certe partem a. 1151 acta jam ante fuerant, coram testibus aliis corroborer, injecta ab Odalrico reditus sui in Episcopatum mentione.

SYNODUS MERSEBURGENSIS

Anno Christi MCLXXXII. Lucii III. PP. II.

Friderici I. Reg. XXXI. Imp. XXVIII.

Sub EVERHARDO, (*) Merseburgensi XX. Episcopo,

CELEBRATA

DIE 24 MAJI.

SUMMA. EVERHARDUS ratam habet venditionem prædiorum a Fratribus Merseburg. Ecclesiæ Canonicis Præposito Kaldenbornensis Ecclesiæ factam.

IN NOMINE SANCTE ET INDIVIDUE TRINITATIS.
EVERARDUS, DIVINA FAVENTE CLEMENTIA ANTISTES
MERSEBURGENSIS.


Venditiones, commutationes & pacta, que inter mortales statuuntur, digne privilegiorum testimoniis roborantur, ne forte per lapsum temporis veniant in oblivionem, aut iniquorum dolis vel temeritate indignam incurrant permutationem. Noverint igitur omnes tam futuri, quam presentes, quod Fratres nostri Mersbur-

gensis Ecclesiæ Canonici, cum consensu nostro *Bernardo*, Kaldenbornensis Ecclesiæ Præposito & Fratribus ejus, predia quedam, pro XC. libris venderunt, ea videlicet ratione, ut de eadem pecunia Ecclesiæ nostre alia bona utiliora emerentur. Hec autem sunt predia & ville, in quibus ea sita sunt, in *Gerendorf* II. mansi, solventes XXX. soli.

(*) EVERARDUS XX. (al. XVIII.) Merseburgensis Episcopus, e Comitibus Bavaris de Seeburg ortus, a Capitulo eligebatur, a Friderico I Imperatore confirmabatur, atque a Wichmanno Magdeburgensi Archiepiscopo consecrabatur. Emit Merseburgense suburbium versus Liphiam, quod pagus erat Nobilium de Werder, hodieque *Forum novum* adpellatur. Obiit a. Ch. 1205, Episcopus 23.

solidos, in *Berlinsede* III. mansi, solvendes II. talenta & VI. solidos; in *Gortiz* unus mansus, solvens XIV. solidos. Ut ergo actio hujus venditionis omni evo rata & inviolata permaneat, paginam hanc inde conscriptam sigilli nostri impressione corroboramus, ac nunquam mutandam sub anathemate obligamus. Actum Mersburc IX. Kl. Junii, pleno Concilio, anno Incarnationis Domini MCLXXXII. Indictione XV. Apostolico LUCIO, Magdeburgensi Archiepiscopo WIGMANNO, Mers-

burgensi Episcopo EVERARDO. Hujus rei testes sunt: *Ekelmus* Abbas Pigavienfis, *Regenbodo* Abbas de Aldenburg, *Heinricus* majoris Ecclesie Prepositus, *Christianus* Decanus, & Canonici: *Reinboldus*, *Petrus*, *Arnoldus*, *Bertoldus*, *Conradus*, Magister *Wiebertus*, *Odelricus*, & Laici: *Carl* de Zuechin, *Ericus* de Dolzeke, *Ulricus* de Hornburg, *Didericus* de Wirben, *Heinricus* de Grifinhagen, *Heinricus* de Grifinberc, *Fridericus* de Saleke, *Didericus* de Lindinouwe, *Rudolfus* de Sala, *Adelbertus* de Azindorf.



SYNODUS HALBERSTADENSIS

Anno Christi MCLXXXIV. Lucii III. PP. IV.
Friderici I. Reg. XXXIII. Imp. XXX.

Sub THEODORICO, (*) Halberstadensi XIX (al. XX)
Episcopo,

CELEBRATA
IN ASCHERSLEBEN.

IN NOMINE SANCTE ET INDIVIDUE TRINITATIS.
THEODORICUS, DIVINA FAVENTE CLEMENTIA HALBERSTADENSIS ECCLESIE EPISCOPUS.

Pia decet Pastorem in eos gestare viscera, quorum summa devotio est, de Pastore promereri devotionem. Noverit igitur tam presentium, quam futurorum Fidelium industria, quod ex intuitu retributionis Divine specialique dilectione Caldenbornensem Ecclesiam familiariter amplectentes, concilio, auxilio, prediorum quoque collatione; curavimus hactenus ampliare. Eapropter Fratrum inibi Deo famulantium utilitati simul & necessitati prospicientes, predia quedam, que *Bevo*, Ministerialis noster, in villa *Eptzingen* a Nobis possederat, eo mortuo in per-

petuum Ecclesie mansura donamus, & in testimonium hoc privilegium sigilli nostri impressione signamus, & hanc donationem, & quicquid a Predecessoribus nostris, vel ab aliis quibuscunque Fidelibus predicta hucusque possedit Ecclesia, vel in posterum juste est adeptura, auctoritate Dei Omnipotentis & nostra confirmamus. Si qua autem Ecclesiastica vel secularis persona hanc Confirmationis nostre paginam infringere tentaverit, cum Angelis apostaticis anathema sit. Hujus rei testes sunt Canonici majoris Ecclesie: *Conradus* Decanus, *Anselmus* Vice-

Xxx x 3

domi-

(*) THEODORICUS ex antiqua, celebri, & jam nunc apud Magdeburgenses & Anhaltinos florente *Croftickiorum* familia, mox ab obitu Ulrici, electus quidam Episcopus; sed non nisi a. 1184 a Courado Moguntino Archiepiscopo inauguratus fuit. Varia edidit in variorum per Dicecesin Monasteriorum favores diplomata, quæ extant Tom. CC. III. pagg. 427, 437, & 448. Cepit & cineribus novam excitare Cathedralen Ecclesiam, & arcem Langensteinianam suis rursus numeris absolvit. Obiit a. Ch. 1193 (al. 1195) Episcop. 13, ante aram S. Crucis sepultus.

Samuel Leutzen in Historia Diplom. Halberst. a pag. 90.

dominus, *Wernerus* Prepositus S. Bonifacii, *Fridericus* Canonicus, *Albertus* Magister, *Gevehardus* Canonicus, *Theodoricus* Abbas de Ilseburg, *Rudolphus* Abbas de Winedeburg, *Arnoldus* de Merseburg, *Henricus* Prior in Hademarleiben, *Hermannus* Prepositus S. Johannis, *Jordanus* Prepositus de Schenningen;

Laici: Comes *Hoyer* de Leuenbergk, *Siffridus* de Arneburck, *Otto* Comes de Valkenstein, *Rudolphus* de Gersdorff, *Ludolphus* de Isleben, *Casaveus*, *Heimicus*, *Meingotus*, *Conradus*. Acta sunt hec Aschersleben, in Cena Domini plena Synodo, Anno Dominice Incarnationis M. C.LXXXIV. Indi&. II.

SYNODUS BAMBERGENSIS

Anno Christi MCXCVI. Cœlestini III. PP. VI.
Henrici VI. Reg. VII. Imp. VI.

Sub THIMONE, () Bambergensi XIII Episcopo,*

CONVOCATA.

MENTIO SYNODI.

Postero anno, i.e. anno 1196 THIMO frequentem Abbatum Cleri & Comprovincialium Conventum *Bambergæ* advocavit & ad eos, de lapsa Ecclesiâ (fors *Ecclesiâ*) & reipublicæ disciplina, retulit.

Cl. Hoffmann Annal. Bamberg. Lib. IV. Edit. Ludemigian. Tom. I.

(*) THIMO, (al. *Timo*) Canonicus & Ecclesiæ S. Stephani Præpositus, Ortoni *Largo* a. 1192 successit, Vir egregius in primis & justitiæ & integritatis laude præstans, qui altero post electionem anno singulare hoc a Papa Cœlestino privilegium tulit, ut ne aut Episcopus Bambergensis aut Clerus ad receptionem sive provisionem aliquis in beneficiis ecclesiasticis vel pensionibus compelli possit. Cum civibus suis tributum a. 1197 primus imponeret, multorum in se concitavit invidiam. Anno 1200 Innocentium III Pontificem, ad Cune Gundem Augustam inter divos referendam, permovit. (*Tom. CC. Germ. III. pag. 473.*) Tandem contracto ex vigiliis morbo, vivere desiit XVII Cal. Nov. a.Ch. 1202, Episcopatus 10. Cadaver æquisimi Præfatis in Basilicam cathedralem delatum, ad truncum prope aram S. Cune Gundis sepulturæ mandatam est.

Hoffmann. Annal. Bamberg. I. c.



SYNO-

SYNODUS LEODIENSIS

Eodem anno Christi MCXCVI.

Sub ALBERTO, (*) Leodiensi XXXV Episcopo,

LEODII CELEBRATA.

SUMMA. ALBERTUS Episcopus donatum a Godefrido de Chaumont Abbati Bonæ spei Ord. Præmonstrat. in Hannonia Jus patronatus Ecclesiæ de Chaumont (hodie Divennomienensis) confirmat.

IN NOMINE SANCTÆ ET INDIVIDUÆ TRINITATIS.

ALBERTUS, DEI GRATIA LEODIENSIS EPISCOPUS, TAM FUTURIS, QUAM PRÆSENTIBUS IN PERPETUUM.

Quoniam ea, quæ sunt ab hominibus diuturnitate temporis plurimque memoriam humanam subterfugiant, nisi beneficio scripturæ in lucem revocentur;

Inde est, quod memoriæ tam futurorum, quam præsentium, præsentis scripti testimonio duximus imprimendum, nobilem virum Godefridum de Calmont (**) una cum filio suo Jacobo in suorum levamen peccaminum; Ecclesiam de Calmont cum suis appenditiis, cui de feodo (feudo) nostro jus donationis competeat, libere & absolute in manus nostras resignasse.

Nos quoque Divinæ miserationis intuitu ad nostræ salutem animæ præfatam Ecclesiam cum omni integritate

sui juris ad devotam petitionem ipsius Godefridi, & filii sui Jacobi, Monasterio Bonæ spei liberaliter contulisse; eo tenore, ut Conventus dicti Monasterii unum de suis in Ecclesia de Calmont faciat investiri, qui curam ejusdem Ecclesiæ gerat, & debitum officium in ea administret, salvo jure Episcopi, & Archidiaconi, in cathedratico & oblatiis.

Hanc autem Ecclesiam de manu nostra suscepit Leodii in Synodo nostra Generali, Joannes tunc temporis Abbas Bonæ spei, ut ipsa Ecclesia Bonæ spei tam de cultis, quam incultis, dote, decimis, & omni proventu, cum omni integritate fructus percipiat.

Ut

(*) ALBERTUS *Quickius*, rara vir animi fortitudine, constantia, prudentiaque clarus, ex illustri *Quickiorum* Satraparum, olim Comitum gente, eligitur, Simone, Ducis Ardennæ filio, S. R. E. Cardinali, æmulo Romæ sublati, votis omnium Namurci in æde S. Albani congregatorum, a. 1195 ex Archidiacono Lambertiano Leodiensis Episcopus, a S. Huberto quintus & trigessimus; reversus ex Urbe a. 1196 festo Epiphaniæ in Ecclesia Colonienfi ab Adolpho Archiepiscopo consecratur, paucosque post dies Leodium veniens, insigni ordinum omnium gratulatione ac plausu excipitur. Obiit post regimen annorum duntaxat quatuor breve satis, idque simoniaca labe commaculatum a. Ch. 1200. Cal. Febr. & in æde sacra S. Lamberti ante chorum superiorem sepultus, Judicem expectat.

Cl. Joannes Chapeville in *Script. Episcoporum & Rerum Leodiens.* Tom. II. a pag. 186.

R. P. Barthol. Fisen S. J. in *Historia Ecclesiæ Leodiensis* Lib. XI. a pag. 426. Illmus de Castillon in *sacra Belg. Chronol.* P. II. pag. 232.

(**) Calmont, nunc vulgo Chaumont, Ecclesia S. Bavoni Gandavensium Patrono sacra, sita olim in Diocesi Leodiensi, nunc vero in Namurcensi. Jus patronatus hoc diplomate obtinuit Abbas Bonæ spei, pro Pastore & Religiosis assumendo, licet hic locus undecunque situs sit in Brabantia, feudalitio tamen nexu dependet ab Episcopo Leodiensi: sed possidetur ab Abbate Bonæ spei titulo Baronatus. V. Gallo-Brabantiam Baronis le Roy pag. 153.

Ut autem hæc nostra donatio stabilis maneat & illibata, & ne quis scrupulus quæstionis in posterum possit emergere, præsentem paginam auctoritate nostri sigilli in facie & testimonio majoris Ecclesiæ Leodiensis, quæ hæc vidit & audivit, fecimus communiri.

Si quis autem contra hanc nostram legitimam donationem aliquid attemptare præsumperit, auctoritate DEI Omnipotentis & nostra usque ad condignam satisfactionem vinculo anathematis se noverit innodatum.

Actum est Leodii in Ecclesia beati Petri Apostoli in nostra Synodo Generali, anno Incarnationis Domini Millesimo centesimo nonagesimo sexto, Indictione decima tertia, anno Pontificatus nostri primo.

Testes sunt: *Orto*,

Radulphus, Archidiaconi.

Conradus major Decanus.

Herbertus Cellarius & Ecclesiæ S. Pauli Præpositus.

Henricus de Marembais, Fossensis Præpositus.

Lambertus de Wahart.

Radulphus de Comblen.

Rogerus de Rivonge.

Mainerus de Werde, & alii plures majoris Ecclesiæ Canonici.

Garnerus, Abbas Prumiensis.

Wibertus, Abbas Bronienfis.

Albertus, Abbas Helencinenfis.

Gozwinus, Abbas montis Corneli.

Sebastianus, Abbas Parcentis.

De nobilibus Viris testes sunt:

Walterus, Advocatus de Bar.

Winandus Dozen.

Fastradus de Calmont.

Radulphus Bosius.

Maneserus de Preele.

De Familia majoris Ecclesiæ:

Bodo de Hozenmont.

Reinerus de Lewege.

Arnulphus, frater suus.

Warnerus de Nivella.

Wedericus de Prato, & alii multi.

Albertus Miræus Tom. III. Diplomatum novæ Collectionis pag. 577. edente Cl. Foppens Bruxellis a. 1734. pag. 577.

SYNODUS HALBERSTADENSIS

Anno Christi MCC. Innocentii III. PP. III.

Ottonis IV. Reg. IV.

Sub GARDULPHO, (*) Halberstadensi XX (al. XXII) Episcopo,

CELEBRATA.

SUMMA. GARDULPHUS ratam habet pro commutatione decimæ in Tenstorp, donationem mansi unius Ofsendorpiensi Ecclesiæ factam.

IN NOMINE SANCTE ET INDIVIDUE TRINITATIS.

GARDOLPHUS, DEI GRACIA HALBERSTADENSIS EPISCOPUS, OMNIBUS, AD QUOS PRESENS SCRIPTUM DEVENERIT, IN PERPETUUM.

Pontificatus nostri debitum & ratio expostulat, ut, quæcunque actiones sive contractus in Ecclesia nostre dispensacioni commissa canonice fuerint celebrate, ne ulla umquam improbitatis turbentur calumnia, omni, quam possumus, diligencia caveamus. Ea propter notum esse volumus tam presentes.

(*) De Gardulpho Tom. CC. German. III. pag. 473.

sentes, quam futuri temporis Fidelibus, quod Venerabiles Fratres de Valle beate MARIE dilecto Fratri nostro, *Ottoni de Hertbeke* decem marcas argenti dederunt, ut ipse mansum unum, in *Rodensleve* situm, quem jure hereditario possederat, Ecclesie in *Ossendorp* pro commutatione decime in *Tensforp*, que ad ipsam pertinuerat, erogaret. Nos ergo eam ratam habentes commutationem . . . Sacerdoti de *Ossendorp* decimam supradictam ex consensu totius nostri Capituli majoris Ecclesie in Valle beate MARIE in perpetuo contulimus perfruendam. Ad hujus autem rei, que gesta est, inviolabile firmamentum honestos viros & idoneos in testimonium adduximus, quorum hec sunt nomina: *Conradus* nostre majoris Ecclesie Prepositus. *Wernerus* Decanus. *Friedericus* Vicedecanus. *Geroldus* Cellarius. *Olricus* Scolasticus. *Ladolphus* Archidiaconus. *Borgardus* Archidiaconus. *Conradus* Prepositus Erfordensis, universumque nostre majoris Ecclesie Capitulum. Abbates: *Hermannus* Assenberghus. (*Ilseburgenfis*) *Robertus*

Huyesborch. *Sifridus* *Wimodeberg*. *Sifridus* *Ballenstad*. Laici vero nobiles: *Ladolphus* major Advocatus. *Arnoldus* de *Scherinbeke*. *Otto* & *Hermannus*, fratres nostri de *Herbeke*. Ministeriales Ecclesie nostre: *Casarius* & *Gevebardus* de *Offchersleue*. *Fredericus* & *Ludgerus*, fratres de *Menhagen*. *Bartoldus* & *Cristianus* de *Hordorp*. *Teodericus* Advocatus de *Rena*, & alii quamplures, quos causa compendii subicemus. Acta autem sunt hec in nostra solenni Synodo anno Incarnati Verbi MCC. Indictione III. Presidente sancte Romane Ecclesie INNOCENTIO Papa Tertio. Regnante Serenissimo Romanorum Rege PHILIPPO. Anno Ordinationis nostre VII.

Ne igitur pretaxatam commutationem nostramque donationem quis umquam infringere, vel iniqua attempatione audeat infirmare; in virtute Spiritus Sancti Banno nostro Sinodali communimus, & hanc paginam contra varios futurorum incurtus inde conscriptam impressione nostri sigilli fecimus insigniri.

SYNODUS HALBERSTADENSIS

Anno Christi MCCV. Innocentii III. PP. VII.
Ottonis IV. Reg. VII.

Sub CONRADO, (*) *Halberstadenfi* XX (al. XXI) Episcopo,
CELEBRATA.

SUMMA. Donat CONRADUS Ecclesie cuidam Cisterciensis Ordinis, sub debito jugis memorie in ea habende, locum quendam molendini.

IN NOMINE SANCTE ET INDIVIDUE TRINITATIS.

CONRADUS, DEI GRATIA HALBERSTADENSIS ECCLESIE EPISCOPUS, OMNIBUS CHRISTI FIDELIBUS, AD QUOS PRESENS PAGINA PERVENIT, IN PERPETUUM.

Sicut Ecclesis Nobis in Domino suffragantibus prona debemus sollicitudine providere, propensius quoque Fratribus Cisterciensis Ordinis nostrum impendimus patrocinium, ut eos, contemplationi vigilantius attendentes, de rebus temporalibus salubri

ter foveamus, & collata ipsis contra varios futurorum incurtus firmiori robore muniamus. Notum igitur esse volumus tam presentis, quam futuri temporis Fidelibus, quod Venerabilis Abbas & Conventus ejusdem Ecclesie quendam ministerialem Ecclesie no-

Supplement. Tom. X. Concil. German.

Y y y y

stre,

frē, *Didericum* nomine de ad hoc adduxerunt, quod ipse locum quendam molendini in occidentali parte ville super fluvium situm, quem de manu nostra in p̄pho (feudo) tenuit, nobis resignavit. Nos itaque benedictorum memoriam comparare Nobis volentes eundem locum Ecclesie in pro salute nostra, & Venerabilium Antecessorum & Successorum nostrorum, Episcoporum, de connivencia totius Capituli nostri contulimus cum advocatia & omni jure, quo ipsum habuimus, habendum, possidendum & in perpetuum perfrundum. Ut & nostra & Canonicorum nostrorum majoris Ecclesie ex eo in prefata Ecclesia jugis memoria habeatur. Hujus rei testes sunt: *Wernerus*, majoris Ecclesie nostre Prepositus; *Burchardus*, Decanus; *Fridericus*, Vice-dominus; *Geroldus*, sancte Marie Prepositus; *Arnoldus*, Scholasticus, ceterique nostre majoris Ecclesie Canonici. Nobiles viri: *Wernerus* de Amuorf; *Gantzelinus*

de Crosse; *Hermannus* de Harbeke; *Arnoldus* de Schernbeke; *Hugoldus*, filius ejus; *Albero* de Bylenrode; *Conradus* de Schernbeke; *Sifridus* de Piskendorp. Ministeriales vero *Gevehardus* de Aluensleve; *Johannes* de Gatersleve; *Fridericus* & *Lutgerus* fratres de Nigenhagen; *Hugoldus* de Quenstede; *Theodericus* de Halberstad, & alii quamplures. Acta autem sunt hec anno Incarnationis Verbi M.CC.V. Indictione VII. presidente sancte Romane Ecclesie Domino Papa INNOCENCIO tercio, anno Ordinacionis nostre quarto. Ne igitur hanc donacionem nostram improbitas alicujus infringere vel temeraria presumptione audeat infirmare, auctoritate Dei Omnipotentis & Apostolorum Principis, *Banno nostro Sinodali* eam communientes, hanc paginam inde conscriptam impressione nostri sigilli fecimus insigniri.

Ex Polycarpi Leyseri Comm. de Contransigillis medii ævi p. 13. Edit. Helmst. 1726. 4.

(*) De Contado vide Tom. III. CC. Germ. pag. 484, & adde: CONRADUS, Dedone patre, Theodorici Episcopi supra nominati fratre; matre Adelbeide genitus, literisque & arte rhetorica tinctus præclare, unanimibus & Cleri & populi suffragiis eligebatur a. 1201 mens. Sept. e Præposito Episcopus, atque a Ludolpho, Magdeburgensi Archiepiscopo, (velint alii, licet, ab Eichstättensi Episcopo) Calendis Jan. a. 1202 consecrabatur. E Palæstina, quo circa annum 1203 abierat, Romam profectum, ingenti Pontifex cum honore excepit, dimisitque non paucis Sanctorum reliquiis donatum a. 1205 in Germaniam. Redux Conradus altare erexit in Cathedrali novum, in Sanctorum honorem, quorum secum venerandas exuvias e Latio contulerat. Anno 1206 ereptum Dicepsi suæ a Ludolpho Magdeb. Archiepisc. castrum *Aschersleben* recuperavit. Anno 1207 templum S. Stephani, cui jam ante perinsignem ornatum dederat, ampliandum curavit novisque parergis illustrandum. Anno 1210 (al. 1209) abdicato Episcopatu, in *Siechem*, seu *Sittichenbach* Cisterciense cœnobium se recepit, ubi transactis 15 annis vitam cum laude posuit a. 1225, ubi etiam sepultus.

Lentzen in Historia Diplom. Halberst. a pag. 131, caute legendus, utpote autor de sacris diplomatis contentim scriptitans.



SYNODUS HALBERSTADENSIS

Anno Christi MCCVI. Innocentii III. PP. VIII.
Ottonis IV. Reg. VIII.

Sub eodem CONRADO, Halberstadenſi Epifcopo,

CELEBRATA.

*SUMMA. Poſſeſſio Silvæ a Theodorico, Saxonix Comite, Eccleſiæ
B. M. in . . . donatæ confirmatur.*

IN NOMINE SANCTE ET INDIVIDUE TRINITATIS.

CONRADUS, DIVINA PROVIDENTIA SANCTE HALBERSTADENSIS
ECCLESIE EPISCOPUS IN PERPETUUM.

Juris vigor & ordo exigit rationis, ut, que ad Ecclesiarum commodum coram Nobis rationabiliter celebrantur, Nos, ea nostre auctoritatis robore confirmantes, contra varios, etiam futurorum incurſus, ſolerti patrocinio muniamus. Notum igitur eſſe volumus univerſis Fidelibus, tam preſentis temporis, quam futuri, quod cum pie recordationis Dominus *Fredericus*, illuſtris Palatinus Comes Saxonie, ſilvam ville adjacentem Eccleſie in pro anime ſue remedio contuliſſet, & ipſa Eccleſia ſine qualibet interruptione ipſam triginta annis & amplius in quiete libera poſſediſſet, cives de aliquid in eadem ſilva juris ſibi temere vendicantes, ipſam invadere preſumpſerunt. Eccleſia igitur ſuper tali injuria cives predictos ad noſtrum judicium pertrahendo, ſuum jus tantum fuit ſagaciter proſecuta, quod diſtante ſententia ſupra dictam ſilvam ſeptima manu juſta preſcriptione ſe ſine interruptione obtinuit, libere poſſediſſe. Nos igitur tandem ſilvam Eccleſie ſancte Marie, ſicut per ſententiam ei adjudicata fuit, *Synodali Banno noſtro* corroboravimus ſtatuentes, ut nullus dein-

ceps ſuper eo ipſam inquietare aliquibus calumpniis audeat vel vexare. Acta ſunt hec anno Dominice Incarnationis M.CC.VI. Indiſtone VIII. anno Ordinationis noſtre V. Hujus rei teſtes ſunt majoris Eccleſie noſtre Domini: *Burchardus* Decanus, *Otto* Diaconus, *Arnoldus* Sacerdos, *Conradus* Sacerdos. Canonici vero Beate Virginis: *Hunoldus* Decanus, *Tidericus* Diaconus, *Remoldus* Subdiaconus, *Olivicus* & *Tidericus*, Notarii. Laici vero nobiles: Comes *Sifridus* de Aldenhufen, *Arnoldus* de Scherenbike, *Otto* de Swanebike, *Arnoldus* de Meiendorp. Miniſteriales vero Eccleſie noſtre: *Gevehardus* Dapifer, *Johannes* de Gatersleve, *Heinricus* de Zheringe, *Gevehardus* de Holt-dempna, & alii quamplures. Ne igitur, quod coram Nobis tam rationabiliter eſt peractum, alicujus improbitas infringere audeat in poſterum, vel quacunque preſumptione temeraria diſturbare, hanc paginam, inde conſcriptam, impreſſione noſtri ſigilli fecimus inſigniri.

*Ex Polycarpi Leyſeri Comment. de Con-
tragillis mediæ ævi cit. pag. II.*

SYNODUS HALBERSTADENSIS

Anno Christi MCCVIII. Innocentii III. PP. X.
Ottonis IV. Reg. X.

Sub eodem CONRADO, Halberstadenſi Episcopo,
CELEBRATA.

*SUMMA. Monachi de in possessione sex mansorum &c.
roborantur.*

IN NOMINE SANCTE ET INDIVIDUE TRINITATIS.
CONRADUS, DIVINA PROVIDENCIA SANCTE HALBERSTADENSIS
ECCLESIE EPISCOPUS IN PERPETUUM.

Cum utilitati omnium Ecclesiarum, sub nostra jurisdictione degentium, intendere debeamus, specialius tamen eis, qui sub Ordine Cytherciensi Domino famulantur, nostrum duximus patrociniū impertiri, & si qua ad eorum commodum disponuntur, nostro ea firmitatis robore contra varios futurorum incurſus inviolabiliter communire. Eapropter noverint universi, quod cum in obsequio sancte Crucis in transmarinis fuissetis partibus constituti, dilecti in Christo filii Monachi de VI. mansos in villa sitos, cum attinentiis eorundem, V. videlicet arcis, & silvula, que vocatur nostre Ecclesie pertinentes, quos Comes de manu nostra jure tenuit feudali, (feudali) ab eo autem Ministeriales Ecclesie nostre Cæsarius & Heinricus de tenuerunt, a Rege OTTONE sub nomine proprietatis ipsius rationaliter, videlicet contractu congruo, compararunt. Cum autem in reditu nostro super hac emptione Monachos pulsaremus, cum predictis bonis nostro se per omnia consilio submiserunt, ad hoc antedictos Ministeriales nostros prece & precio inducentes, quod idem ministeriales Comiti, Comes vero Nobis ipsum feudum resignavit, & Nos alios sex mansos, in villa sitos, quos antedictus Henricus de manu nostra tenuit, Comiti concessimus memorato, & ipse Comes de consensu Cæsarii

solī Henrico concessit eosdem. Idem autem Henricus, ut Nos commutationem admitteremus antedictam IV. mansos proprietatis sue, duos duos vero sitos, Ecclesie nostre contradidit, consensu heredum suorum per omnia consonante, & sic predicta bona in sita, Ecclesie in cum advocatia, & ab omni inpeticione libera, de connivencia Capituli nostri contulimus perpetualiter possidenda. Hujus rei testes sunt: Burchardus majoris Ecclesie nostre Decanus, Fridericus Vicedominus, Conradus sancte Marie Prepositus, & totum majoris Ecclesie nostre Capitulum. Laici vero nobiles: Gunzelinus de Crozue, Wernerus de Susefiz, Hermannus de Hartbike. Ministeriales: Gevehardus Dapifer, Hugoldus de Quenstide, Theodericus Marchalichus, & alii quamplures. Acta sunt hec anno Dominice Incarnationis M. CC. VIII. Indictione X. anno Ordinationis nostre VII. Ne igitur super hiis, in nostra presentia legitime celebratis, Ecclesiam in aliquis inquietare presumat, Banno nostro Episcopali firmiter inhibemus, hanc paginam, sigilli nostri impressione signatam, ei in testimonium erogantes. Data per manum Theoderici Notarii.

*Ex ejusdem Polycarpi Leyſeri Comment.
de Contraſigillis med. ævi pag. 14.
Communicavit Cl. D. ab Erath
deſunct.*

SYNO-



SYNODUS RATZEBURGENSIS *Major*

Anno Christi MCCXVII. Honorii III. PP. I.

Ottonis IV. Reg. XX. Imp. IX.

Sub HENRICO, (*) *Ratzeburgensi V Episcopo,*

CELEBRATA

D I E 24 M A J I.

SUMMA. Donationes Alberti, Raceburgensis Comitis, factas Ecclesiæ in Bergerdorp, confirmat Henricus.

HENRICUS, DEI GRATIA RACEBURGENSIS EPISCOPUS,
OMNIBUS, AD QUOS PRÆSENS PAGINA PERVENERIT, SALUTEM
IN CHRISTO JESU, SALUTARE NOSTRO.

Humanum genus hoc sibi remedium adinvenit, ut facta sua commendet in scriptis, ne per successus temporis, qui memoriæ novercantur, ulla possit oriri dubitatio; sed scripturæ testimonio facti veritas elucescat. Constare igitur volumus omnibus in Christo renatis & Deum timentibus, quod *Albertus* illustris Comes Raceburgensis Ecclesiæ in *Bergerdorp* sex mansos in villa *Burnesem* & duos in *Wenerdorp* & colonos in eis habitantes ab omni exactione & servitio & jure, quod in ipsis habebat, absolvit, & liberos esse perpetuo donavit, eo tamen in eis jure retento, quod ad munitionem castrî *Lowenburg* tantum plantas ducere, & non alia servitia facere, & ad defensionem terræ, quod vulgo *Landmere* dicitur, prædictorum mansorum coloni subsidia præbere tenebuntur. Præterea idem jam dictus Comes, cujus memoria sit cum Sanctis in gloria, ipsi Ecclesiæ nostræ in *Bergerdorp* rivum *Bilne* ad ædificandum in eo molendinum ad salarium Sacerdotum Deo inibi fervientium sua contulit liberalitate. Ut autem hæc tam conveniens & laudabilis donatio jam dictæ Ecclesiæ fir-

ma sit & stabilis, ac ne quis possit huic libertati contradicere, præsens scriptum sigilli nostri appensione munivimus, eumque donationem banno nostro ligamus, & auctoritate, qua fungimur, ipsi Ecclesiæ confirmamus. Confirmamus etiam præterea & stabili-
mus Ecclesiæ nostræ in *Bergerdorp* jam sæpius nominatæ, omnes pertinentias suas, quas pertinere fecit prima Fundatorum suorum institutio, vel legitima emtio, vel devota Fidelium oblatio, secundum confirmationem piæ memoriæ Domini *ISFRIDI* & *PHILIPPI*, Episcoporum Raceburgensis Ecclesiæ, sive sit in decimis, vel in mansis, vel in pratis, vel in pascuis porcorum, vel situ molendinarii commoditatis, ut Ecclesiæ prælibatæ in perpetuum firmæ sint & stabiles. Si quis vero malignorum & Dominum non timentium huic donationi & firmationi contraire attentaverit, anathema sit & communione Sanctorum privetur æterna. Confirmata autem sunt hæc *Molne*, in *majori Synodo nostro*, præsentibus tam Laicis, quam Clericis, *Wicmanno* Raceburgensi Præposito, *Henrico* Priore, *Godefranko* Camerario, *Go-*

Yyy y 3

defcalco

(*) HENRICUS vir insignis, post Philippum Raceburgensi ecclesiæ a. 1215 præficitur: nimirum ex fratribus, qui tum fervente nova religione & ipsi omni devotione fervebant. Sed facit temporum illorum incuria, quod non multa de præstantibus illis viris relata sunt in literas. Obiit a.Ch. 1228. Episcop. 13.

Grantz, in Metropoli ed. Colon. apud Geruinum Calenium & hæredes Quentelios 1574. pag. 471.

descaleo Sacerdote, Canone Sacerdote, Raceburgensis Ecclesiæ Canonicis; Lai-
cis: Ottone Albo, Notbelino de Goldene,

Nicolao de Below, Werdago de Molne, &
aliis multis; anno Incarnationis Domi-
nicæ MCCXVII. IX. Calend. Junii.

DECRETUM

IN EADEM SYNODO MAJORE,

de decima pullorum Arnolde, Sacerdoti in Bergerdorp,
perfolvenda.

HENRICUS, DEI GRATIA RACEBURGENSIS EPISCOPUS.

Cum Synodo in Ecclesia Bergerdorp præ-
sideremus; Arnoldus ejusdem Ec-
clesiæ Sacerdos pro decima pullorum,
scilicet quod pullos non darent de
areis, cum tamen de justitia dare de-
berent, contra inhabitantes jam dictam
Parochiam querimoniam deposuit, &
altercatione facta, pro sententia de ea-
dem causa dictanda Raceburgi ad ma-
jorem Synodum, quatenus justitia decla-
retur, partes citatae sunt; in majori ete-
nim Synodo nostra sententia dictavit, &
a Clericis & a militibus & universis,
qui aderant, approbata est, quod, qui
darent decimam majorem in agro de
manipulis & minutam de jumentis, da-
re tenerentur ex justitia & pullos de
areis, quod vulgato Robon dicitur.
Mandamus igitur districte præcipientes
omnibus Parochianis de Bergerdorpe,

ut decimam pullorum, scilicet unum
de area, ejusdem loci Sacerdoti sine
contradictione perfolvant; si quis vero
justitiæ contradixerit, & dare pullum
noluerit, ipsum auctoritate, qua fun-
gimur, excommunicamus & supplicio
damnamus æterno. Ut autem rata &
inviolata permaneant, & ne quis con-
trahere præsumat, præsentem paginam
figilli nostri appensione munivimus.
Testes sunt: Wichmannus Raceburgensis
Præpositus, Wickerus Sacerdos, Gode-
scalco Camerarius, Ludovicus Diaconus,
Canonici Ecclesiæ Raceburgensis; Hin-
ricus Pincerna, Wilhelmus de Zacharan,
Nicolaus de Sale, Volmarus miles; Pro-
cherus miles, & alii quamplures. Facta
sunt hæc anno Incarnationis Dominicæ
MCCXVII.

FRIDERICI II. Augusti Constitutio

de regimine & potestate Civitatum Episcopaliū, quæ Episcopi ex
dono Imperialis culminis possident, typario suæ imaginis
impressa divalis pagina & bulla aurea,

EDITA

RAVENNÆ

Anno Christi MCCXXXI.

MENSE JANUARIO, INDICT. V.

IN NOMINE SANCTÆ ET INDIVIDUÆ TRINITATIS.

FRIDERICUS SECUNDUS, DIVINA FAVENTE CLEMENTIA ROMANORUM
IMPERATOR SEMPER AUGUSTUS, JERUSALEM ET SICILIE REX.

Cum Romanæ Monarchiam digni-
tatis ipso Autore, per quem Re-
ges regnant & Principes obtinent prin-

cipatus, qui super gentes & regna con-
stituit Sedem nostram; principaliter
teneamus, & simus in potestatis ple-
nitudo.

nitudine constituti, imperatoriam concedet Majestatem, eos, per quos cepit, & in quibus consistit nostræ gloriæ celsitudo, qui & vocati sunt Nobiscum in partem sollicitudinis cum a nostra celsitudine decus recipiant & decorem, non solum in suis antiquis juribus tueri, pariter ac fovere, imo quantum æquitas finit, & permittit ratio, novis & honestis tam juris, quam gratiæ muneribus decenter & honorabiliter decorare. Sane cum ex neglectu juris pariter & defectu in partibus Alemanniæ adeo in usum redactæ sint quædam consuetudines detestandæ, ut boni speciem præferentes iniquitatem quodam falso pallient velamento, quibus & Principum Imperii juri detrahitur & honori, & imperialis nihilominus per consequens auctoritas enervatur, nostræ incumbit sollicitudini præcavendum, ne hujusmodi consuetudines, quas censemus potius corruptelas, in diuturniora tempora protrahantur. Volentes igitur, ut liberates & dona, quæ dilecti nostri & Imperii Principes ex donis nostri imperialis culminis nunc possident, & sunt pro tempore possessuri, latissima interpretatione gaudeant, & quæta omnimode ipsi Principes ea possideant libertate, hac nostra *edictali Sanctione* revocamus in irritum, & cassamus, in omni civitate vel oppido Alamanniæ, communia consilia, Magistros civium seu Rectores, vel alios quoslibet Officiales, qui ab universitate civium, sine Archiepiscoporum vel Episcoporum beneplacito statuuntur, quocunque pro diversitate locorum nomine censeantur. Irritamus nihilominus & cassamus cujuslibet artificii confraternitates seu societates quocunque nomine vulgariter appellentur. Item hac nostra *edictali Sanctione* placuit statuendum, ut in omni civitate, vel oppido, ubi moneta jure cuditur, nec mercimonia, nec victualia aliquo argenti pondere vendantur vel emanant, præterquam illis denariis, qui cuilibet civitati vel oppido sunt communes. Sicut enim temporibus retroactis ordinatio civitatum, & honorum omnium, quæ ab imperiali Celsitudine

conferuntur, ad Archiepiscopos & Episcopos pertinebat, sic eandem ordinationem ad ipsos & eorum Officiales, ab eis specialiter institutos, perpetuo volumus permanere, non obstante abusu aliquo, si quis in aliqua civitate forte contrarius extitisset, quod de facto potius, quam de jure censemus. Ut igitur talis omnino removeatur enormitas & abusus, nec auctoritatis aliquo velamine pallietur, omnia privilegia, literas apertas & clausas, quas vel nostra pietas, vel Prædecessorum nostrorum, Archiepiscoporum etiam & Episcoporum super societatibus communibus seu consiliis in præjudicium Principum & Imperii, siue privatæ personæ dedit, siue cuilibet civitati, ab hac die in antea, in irritum revocamus, ac frivola penitus & inania judicamus: protestantes hanc nostræ constitutionis siue sanctionis feriem, exquisitam ex *Decreto Principum* & ex nostra certa scientia in forma judicii processisse.

Statuimus igitur & imperiali sancimus *Edicto*, quatenus nulla omnino alta vel humilis Ecclesiastica vel secularis persona huic nostræ constitutioni vel sanctioni ullo adveniente tempore, aliquatenus contraire vel obviare præsumat. Quod qui præsumpserit, præter indignationem nostri culminis, sciat se L. librarum auri puri poena multandum, quas Fisco nostro volumus applicari. Ad hujus autem constitutionis & sanctionis nostræ memoriam & robur perpetuo valiturum, præsentem divalem paginam fieri & bulla aurea typario nostræ (a) imaginis impressa jussimus communiri. Hujus rei testes sunt: B. Patriarcha Aquilegensis, A. Magdenburgensis Ravennas & B. Panormitanus Archiepiscopi, F. Babinbergensis, H. Wormaciensis, P. Ratisbonensis Episcopus, imperialis aulae Cancellarius. Brixinensis. Osemburgensis, Reginus Curienensis, Imoleasis, Mutinensis & Faventinus Episcopi. (b) A. Dux Saxoniæ, O. Dux Meraniæ, & B. Dux Karinthiæ, Comes H. de Hortenburch, Comes H. de Nassawe, C. de Hoenloch,

(a) Majestatis. *Schannat.*(b) Reginum *omittit*, & *ordinem transponit Schann.*

loch, Comes (c) *Stephanus* de Spanaym, *H.* frater ejus, Comes *L.* de Hohenstat, *G.* de Arnestein, sacri Imperii in Italia Legatus, *Warnerius* de Bollandia, *Gunzelinus*, *Riccardus* imperialis aulæ Camerarius, & alii quamplures. Signum Domini *FRIDERICI* Secundi, Dei gratia invictissimi Romanorum Imperatoris semper Augusti, Jerusalem & Siciliæ Regis magnifici. Ego *SIGFRIDUS* Dei gratia Ratisbonensis Episcopus, imperialis aulæ Cancellarius, vice Dompni *H.* Colonienſis Archiepiscopi, in Italia Archicancellarii recognovi. Acta sunt hæc anno Dominicæ Incarnationis MCCXXXI. (d) mense Ja-

nuarii, V. Indictione, imperante Domino nostro *FRIDERICO*, Dei gratia invictissimo Romanorum Imperatore semper Augusto, Jerusalem & Siciliæ Rege, anno Imperii ejus XII. regni Jerusalem VII. regni vero Siciliæ XXXIV. feliciter. Amen.

Datum Ravennæ anno, mense & indictione præscriptis.

Ex Collectione nova Constit. Imperii Parte II. pag. 16. Collatum a me cum Senckenberg. 1762. 9 Julii.

Ex Maderi Antiquitat. Brunswicens. a Senckenbergio recusa T. I. Beren Reichs Abschiede.

(c) *Simplici S. contentus est Schann.*

(d) *MCCXXII. habet Schann.*

SYNODUS MISNENSIS

Eodem anno Christi MCCXXXI.

Sub *HENRICO*, (*) *Misnensi XXII Episcopo*,

CELEBRATA

DIE 26 MAJI.

SUMMA. HENRICUS, Misnensis Episcopus, Abbatem in Buch & Conventum in agrorum quorundam possessione, contra Volcmarum & Heinricum fratres de Buch, Synodali sententia confirmat.

HEINRICUS, DEI MISERATIONE MISNENSIS EPISCOPUS, UNIVERSIS PAGINAM HANC VISURIS, SALUTEM IN DOMINO SEMPITERNAM.

Querelam *Volcmari* & *Heinrici* fratrum de *Buch* accepimus, contententem, quod dilectus Nobis in Christo *B.* Abbas de *Buch* & Conventus quosdam agros, sitos in antiqua curia *Buch*, ad ipsos de jure spectantes, tenerent contra justitiam occupatos. Super quo partibus convocatis *Misnæ* ad nostram Synodum generalem, & utrisque in nostra præsentia constitutis ibidem, fratres duo prædicti coram Nobis, Abbate præsentem, suam querimoniam innovarunt. Ipso etiam Abbate præscriptionem agrorum prædictorum allegante atque dicente, eos sine impetitione cujuslibet triginta annis & am-

plius justo titulo possedisse, audientes supradicti duo fratres contumaciter & indignanti animo recesserunt. Sane Dominus Abbas de *Buch* postmodum præscriptionem agrorum probavit rationabiliter coram Nobis. Quo facto, sæpe dictum Abbatem nec non & Monasterium in *Buch* ab impetitione fratrum absolvimus præscriptorum Synodi sententia sic dictante. Super quo dandum duximus præsentium testimonium litterarum. Hujus rei testes sunt: *Heinricus* major Præpositus, *Petrus* Decanus, *Conradus* Wurcinenſis, *Nicolaus* Budenſinenſis, *Albertus* de Indagine, *Alexander* de Ryzowe, *Albertus* S. Afræ, *Wal-*
teru

terus S. Crucis, *Wilhelmus* de Schillene, Præpositi. *Heinricus* de Aquatico ca-
stro, *Sifridus* de Pigavia, *Everardus* Ar-
chidiaconus Lusicensis, *Albertus* de Pre-
thin, *Hermannus* de Liznik, Misnenses:

Sifridus de Liznik & *Alberto*, frater ejus
Burggravii, & alii quamplures.

Actum Misnæ, anno gratiæ M.
CC. XXXI. VII. Kal. Junii, Pontifica-
tus nostri anno secundo.

- (*) HENRICUS, Brunoni II a. 1230 Successor datus, altero mox regiminis sui anno
Decimas Dobirlucensi cænobio confirmavit, amplissimumque a *Friderico* II Imp.
privilegium, auri & argenti fodinas habendi atque monetam ex utroque cudendi,
ecclesiæ suæ impetravit, (*Lunig. Spicileg. P. II. in Append. pag. 98.*) nominatus in
diplomate *dilectus Princeps*. Magnum huic beneficio adjecit cumulum *Wenceslaus*
Bohemiæ Rex, cum donationem pagi *Wolframsdorf*, ab *Ottone* Burggravio de
Donin, ecclesiæ Misnensi perquam liberaliter factam, *Pragæ* Cal. Aug. e. a. robo-
raret. Anno 1233 *Cossebude* pagum emit Henricus, & a. 1237 Brixiam ad Cæsæ-
rem *Fridericum* cum Episcopis ceteris ac Germaniæ Principibus, aut ferendi auxilii
aut pacis inter partes faciendæ causa, iter suscepit. Donavit ex novatibus ad *EL-*
fram decimas *Serem Montis* cænobio, datis ea de re V. Cal. Octobres a. 1239 lite-
ris, anno sequenti VIII Cal. Junii, ut habet *Necrologium Remniense*, defunctus.
P. Sigismund. Calles in Serie Misnensium Episcoporum a pag. 163.

SYNODUS MOGUNTINA

Anno Christi MCCXXXIII. Gregorii IX. PP. VII.
Friderici II. Reg. XVI.

Sub SIGEFRIDO III, (*) Mogunt. Sedis Archiepiscopo,

CELEBRATA ERFORDIÆ.

Mauvitiuss Gudenus Historia Erfurt. L. 1. §. 20. istam Synodum prodidit sequentibus:

" Cleri mores & cura sacrorum de- " Provinciale Concilium, convocatis suæ
" fecerant, quibus corrigendis " Diœcesis Episcopis, Archiepiscopus
(Sig-

- (*) SIGEFRIDUS III (al. *Junior*) Comes Eppensteinus, *Sigefridi* II seu *Senioris*,
Archiepiscopi XXXII Moguntini, ex fratre nepos, archiepiscopale pedum capeffi-
vit anno 1224, atque per annos quatuor & viginti magna cum laude & peramplio
Sedis suæ emolumento tenuit. Vir magnorum operum, qui Ecclesiæ suam ho-
nore ac rebus magnifice ampliavit & inter tot ævi sui ac regiminis mala, tot bella,
rotque pericula, quibus Imperium nutabat, sapientissime rexit, laudatur a *Trithe-*
mio in *Hysaug. Chron.* Habuit mox ab adito magistratu provinciale Concilium,
ob celebritatem suam *Germanicum* adpellatum. (Tom. CC. Germ. III. a pag. 520.)
In *Fridericum* II Imp. quod promissis haud staret de expeditione in terram sanctam
suscipienda, anno 1227 sententiam excommunicationis tulit jussu Pontificis, per
omnemque Germaniam denunciavit. Sub eo privilegium Reges Bohemiæ conse-
crandi ad Sedis Moguntinæ Archiepiscopum pertinere, restati sunt, ac publice
profecti a. 1228 *Odocharus* & *Wenceslaus* Reges. Bellum ipsi cum *Conrado*,
Hassæ Landgravio, a. 1232 erat noxium Moguntinæ Ecclesiæ ac *Fritzlar*ensibus
exitiosum; quod paucis tamen post annis quievit. Reliquias *S. Elisabethæ* Landgra-
viæ circa annum 1236 levavit *Marpurgi*, ac perhonorifico collocavit in loculo.
Reparavit a. 1239 Ecclesiæ Moguntinensem majorem, & mira cum solemnitate,
& incredibili populorum frequentia consecravit. (Tom. CC. III. pag. 571.) Tan-
dem obiit a. Ch. 1249, VII Id. Martii. Epistola ab ipso ad Abbates, aliosque
viros ecclesiasticos data extat Tom. CC. Germ. III. a pag. 575.

Serarius S. J. Mogunt. rerum Lib. V. a pag. 834.

Plura apud Tritheimum & alios.

Supplement. Tom. X. Concil. German.

Z z z z

" (SIGEFRIIDUS III.) hic Erfordiae
" indixit. Conventus in monte D. Pe-
" tri habitus, Clerus de nimis exactio-
" nibus, quibus SIGEFRIIDUS proven-
" tus minueret, conqueritur: is tamen
" nullam conquirendae pecuniae occa-
" sionem neglexit, Resp. necessitatibus
" quærelis prævalentibus.

Falkensfeinius in Chronico Erfurt. hanc
Synodum ad annum MCCXXXIII re-
fert, quod & facit *Joannis* in not. ad
Serar. L. 5. Mogunt. ref. pag. 596. ita
pergens:

" Paulo plenius vero *MS. Petrensis* SI-
" GEFRIIDUM sic respondisse refert:
" Oportet se accommodare præsentī necessitati,

" nam per habita bella tum in territoriis no-
" stris, tum in Tuncarum provinciis, æri-
" rium nostrum exhaustum est, quod necessa-
" rio restaurare debemus. Romæ item per
" Antecessores nostros multa debita contracta
" sunt, ob non exsolutos pecunias palliales.
" Providendum insuper est, ne a vicinis Prin-
" cipibus præsertim Landgraviis, imparati
" hostiliter obruamur.

" Synodo finita Moguntiam rever-
" sus haud destitit id urgere negotium
" &c."

Conferri hac poterit Diploma apud *de*
Guden. Cod. Diplom. I. pag. 225. utpote
quod cum tristis effectus ab hoc Conci-
lio prodiit.

~~~~~

## AD SYNODUM MOGUNTINAM DE ANNO MCCXLIV.

Addenda ex *Gudenus* Cod. Diplomático I. pag. 575. anno demum 1320.

**N**oviter hæc causa ventilata fuit integra Oratione a *Thoma* Clerico Eichstet-  
tensi in pleno Capitulo; promissique hanc orationem me daturum, sed  
quia extra Concilium habita fuit, licet causam Concilii Moguntini de anno  
MCCXLIV magis declaret, adeoque Tomo Conciliorum Germaniæ vix ab  
Eruditissimo Editore inferetur, hinc eam omisi, prolixiori descriptioni ut parcam.

~~~~~

W. () Halberstadensis Episcopi*

ad Præpositos, Decanos &c. Epistola,

D A T A

Anno Christi MCCXLVI. Innocentii IV. PP. I.
Friderici II. Reg. XXVII.

*In qua promulgantur Statuta quædam ex Conc. Mogunt. ad ipsum
missa, sub pena excommunicationis observanda.*

W. DEI GRACIA HALBERSTADENSIS ECCLESIE EPISCOPUS,
UNIVERSIS PREPOSITIS, DECANIS, ARCHIDIACONIS, PLEBANIS, AC
ALIIS ECCLESiarUM RECTORIBUS PRESENTEM LITERAM
INSPECTURIS, SALUTEM IN DOMINO.

Noveritis Nos sub Venerabilium Moguntine literam recepiſſe, hanc for-
Judicum testimonio sancte Sedis mulam continentem:

JUDI.

(*) Quis sub charactere *W.* lateat Episcopus, ignoro. Salva Chronologia hic adposita,
non est *Volradus* aut *Wolradus*. Forte per errorem *W.* pro *M.* (i.e. *Meinhardus*
seu *Meinerus*) scriptori e calamo excidit. Forte & *Meinhardus* ab aliis *Weinbar-*
dus scribitur. Erat porro *Meinhardus* *Wolferi* nobilis Domini de *Kranichsfeld*
filius & Frater *Wolradi* I. Obiit a. 1259.

Lentzen Histor. dipl. Halberst. a pag. 146.

JUDICES SANCTE MOGUNTINI
NE SEDIS OMNIBUS HANC LITERAM
INSPECTURIS, SALUTEM IN
DOMINO.

Noveritis hec subscripta esse Statuta Moguntini Concilii sub pena excommunicationis jam late sententie ab omnibus observanda. Moguntinum Concilium universos Sacerdotes Ecclesiarum Parochialium vel Capellarum Ministros excommunicationi subjacere decrevit, quicunque alicui de plebe sua, sive in vita sive in morte, directe vel indirecte persuadere presumpserit, ne in Ecclesiis conventualibus, vel aliis locis magis religiosis sibi eligant sepulturam, cum talis persuasio sacris Canonibus contradicat & de avaritie radice procedat. Verum Sacerdotes & Ministri predicti in communicando subditos suos in egritudine constitutos difficultatem, ut accepimus, ingerunt aliquando. Ob hec duntaxat, quod idem subditi in Ecclesiis conventualibus seu aliis locis magis religiosis sibi eligant sepulturam. Cum igitur mora in talibus sit periculosa & dampnosa, hujus sacri approbatione Concilii adicimur consilio memorato, ut postquam dicti

subditi peccatorum suorum confessionem fecerint, ut tenentur, si Rectores eorum ob hoc, quod elegerunt sepulturam in Ecclesiis conventualibus, seu aliis locis magis religiosis & Dyocesano subjectis, difficiles se reddiderint in communicando eosdem, iidem ex tunc Communionem Corporis Domini nostri JESU CHRISTI recipere valeat a quocunque voluerint Sacerdote. Decrevimus etiam, ut parentes pro liberis infra annos discretionis agentibus, ut pro hiis, quos tenent, in paterna potestate eligere valeant libere sepulturam, & Nos presentibus sigillum nostrum apponi fecimus in testimonium veritatis. Datum Moguntie."

Hanc igitur literam ad instantiam Fratrum Heremitarum Ordinis sancti Augustini Porte Celi de verbo ad verbum transcriptam, sigilli nostri munimine duximus confirmandam.

Ex autographo adhuc inedito communicavit Cl. D. Consil. Nassovico-Dillenburgicus ab Erath, clara Vir memoria, datis ad P. Hermannum Scholl p. m. e Soc. JESU Presbyterum, antecessorem meum, literis 1763. die 12 Jun.

SYNODUS BREMENSIS

Anno Christi MCCLXVI. Clementis IV. PP. II.

Interregno magno Germaniæ.

a GUIDONE, Sedis Apost. Legato, in bonum Bremensis
Ecclesiæ coacta.

*SUMMA. GUIDO Cardinalis varia decernit in bonum Bremensis
Provinciæ.*

FRATER GUIDO, MISERATIONE DIVINA ECCLESIAE SANCTI
LAURENTII IN LUCINA PRESBYTER CARDINALIS, APOSTOLICAE SEDIS
LEGATUS, AD PERPETUAM REI MEMORIAM.

Humanæ naturæ fauciata conditio, quam hostis antiqui invidia gratuitis spoliare, & in naturalibus vulnerare fraudulentibus conatibus elaborat, ligamenta quærit salutarium Statutorum, infusionem quoque olei, per quod pungitiva correctio vel increpatio figuratur. Sicut in Evangelio in

Supplement. Tom. X. Concil. German.
Z z z z 2 ho.

homine, qui descendit ab Jerusalem in Jericho, ac incidit inter latrones, pro schemate declaratur.

Hinc est, quod cum Dominus noster Summus Pontifex, Vicarius JESU CHRISTI, nos ad Bremensem Provinciam cum plenæ legationis officio duxerit destinandos, ea libenti diligenti animo cogitamus, ordinamus atque statuimus, quæ libertati Ecclesiasticæ conveniunt, animarum saluti proficiunt, finem imponunt vitiis, remissionem peccatis, vitæ ordinem, moribus disciplinam: verum cum expedit, ut Sacramenta Ecclesiæ, in quibus tanquam in vasis medicinalibus populus devotus & humilis antidotum gratiæ recipere consuevit, in honore & reverentia ab omnibus habeantur; cum ea plerumque contingat effici vitia propter vilem ac abominabilem Ministrorum conversationem: universis Personis Ecclesiasticis Provinciæ memoratæ districtè præcipimus, ut in victu, vestitu, gestu, ac aliis operibus ac circumstantiis status sui sic honeste se habeant & decenter, ne propter ipsos nomen Ecclesiasticum inter Laicos blasphemetur; eisdem imprimis districtius inhibentes, ne de nomine Crucifixi inimicos se faciant, crucis extra sicut illi, quorum Deus venter est, qui terrena sapiunt, non Divina; in conviviis suis modestiam & mediocritatem servant, superfluitatem indebitam refecantes, ebrietatem omnem vitiorum fomitem & nutricem devitent; Prælati vero a gravaminibus abstineant subditorum, & maxime, cum Ecclesias visitant, moderentur expensas, coerceant evectionum numerum, ut in generali Concilio existit definitum, sibi & gregi suo taliter intendentes zelatores, justitiæ & modestiæ amatores, generaliter omnium sectatores bonorum operum ostendantur.

Præsentis igitur Concilii approbatione præcipimus, ut continenter & caste vivere studeant, ut puro corde & mundo corpore Deo possint in Officio Ecclesiastico ministrare: si qui autem de cætero comprehensi fuerint detinere publice concubinas, nisi per admonitionem sese ab eis & earum con-

sortio separaverint, ita ut in domibus ipsarum aut propriis, aut aliis quibuscunque cohabitent, nec ad illas accedant, ex tunc omni Beneficio Ecclesiastico censemus esse privandos, & per eos, ad quos dictorum Beneficiorum spectat collatio, personis idoneis conferantur, illis exceptis, quæ nostræ collationi duxerimus reservanda: illi vero, qui Subdiaconalibus, aut aliis superioribus Ordinibus insigniti, fornicariam aliquam sub uxoris legitimæ specie quoquomodo sibi præsumserint de facto matrimonialiter copulare, omni Officio & Beneficio Ecclesiastico perpetuo sint privati: & sicut ob culpam plexi ejus posteritas legitur condemnata, sic pœnam talibus infligendam in progeniem, quæ de coitu sic damnato nascetur, duximus protrahendam, statuentes, ut filii, qui tali copula fuerint procreati, nec non & matrimonia, quæ tam incestuosum & sacrilegium connubium duxerint eligendum, ab omnibus bonis eorum mobilibus & immobilibus habeantur alieni, & quicquid eis fuerit ab ipsis relictum, in morte vel in vita donatum, inter Episcopum & communitatem loci ejusdem æqualiter dividatur, præfatos vero filios nota semper infamiæ comitetur: & quia, sicut intelleximus, aliqui Prælati, tales in scandalum rotius Ecclesiæ in suis iniquitatibus & immunditiis obtenta pecunia confovent & defendunt, qui eos deberent a suis iniquitatibus & immunditiis ex injuncto sibi officio revocare, excommunicamus in scriptis & publice anathematizamus omnes illos tam Clericos, quam Laicos, tam Prælatos, quam subditos, tam majores, quam minores; & Medicos, qui ejusmodi cohabitatores sive clam, sive palam in suis iniquitatibus præsumserint defendere, nec non & illos, qui præstabunt consilium & auxilium, opem vel operam, quo minus observetur istud nostrum salutare Statutum, quod legi præcipimus singulis annis in Synodis Episcopalibus & Provincialibus, ne aliquis prætextu ignorantie se valeat excusare: illi vero sive Laici, sive Clerici fuerint, qui de cætero filias, sorores aut cognatas personis in sacris Ordinibus constitutis sine ratione matrimo-

nii, quod multi errore cæcati fieri posse credunt, ut dicitur, se ratione concubinatus duxerint concedendas, five mediatores extiterint aut fautores, introitum Ecclesiæ sibi noverint interdictum. Si vero aliqui Clerici spiritu tanti furoris arrepti fuerint, ut in Prælatos suos, vel alios, quos ad exequendum salubre Statutum contigerit deputari, præsumant insurgere, aut se in sua turpitudine viribus temporalibus defendere; si autem nonnulli illorum jam fecisse dicuntur, ipso facto Officio & Beneficio Ecclesiastico sint privati, nec restitui valeant, nisi cum eis per Sedem Apostolicam fuerit dispensatum.

Et cum in plerisque locis quorundam iniquitas in tantum invaluerit, quod in rebus Ecclesiæ furum reputatur sagacitas, rapina probitas & violentia fortitudo; *Synodali judicio desinimus*, ut qui bona Ecclesiarum scienter detinent occupata, nisi infra instantem Quadragesimam eadem restituerint, ac de damnis & injuriis satisfecerint competenter, ex tunc introitum Ecclesiæ sibi noverint interdictum, nec ab Episcopis aut aliis Ecclesiarum Prælatibus ad Communionem Dominici Corporis admittantur: qui vero obstinata mente, dum vixerint, satisfacere non curaverint, nullus Clericus secularis vel regularis sepulturæ ipsorum interesse præsumat; adjicientes, ut singulis annis in Synodo illi, qui Clericos capiunt, verberant vel occidunt, aut alio modo manus in ipsos injiciunt violentas, excommunicati denuncientur; & nominatim illi, de quibus constiterit manifeste. Quicumque vero personam Ecclesiasticam enormiter vulneraverit, mutilaverit, vel occiderit, aut captiverit, non nisi per Sedem Apostolicam absolvatur; ac ipso facto Beneficium, si quod tenebat, illud perdat, & res suæ in utilitatem Ecclesiæ commutentur; adjicientes, quod in illa Diocesi, in qua aliquem Canonicum Cathedralis Ecclesiæ, ut in dignitate Ecclesiastica constitutum, capi, mutilari, vel occidi contigerit, vel captum detineri, usque ad liberationem ipsius & exhibitionem debitæ satisfactionis cessetur generaliter a Divinis; similiter & in ipsa Paro-

chia, in qua res Clericis violenter ablatas, capi vel detineri contigerit, usque ad restitutionem & satisfactionem congruam a Divinis cessetur.

Item, cum Matrimonium Sacramentum non sit incontinenti præcipitum, sed potius remedium contra illud, non absque dolore cordis audivimus, quosdam in hac Provincia sic a suæ carnis voluptate & terrena cupiditate deceptos, quod in gradu prohibito de facto temere contrahentes, quod non tam Matrimonium, quam contubernium dicitur, se incestuosæ luxuriæ vilitatem immergere, ac Sacramentum Matrimonii, quantum in ipsis est, polluere non vererent. Nos itaque tantum excessum conniventibus oculis pertransire nolentes, sub pena excommunicationis districtius prohibemus, ne absque dispensatione Sedis Apostolicæ tale de cætero matrimonium seu contubernium contrahatur, alioquin Sacerdotes, qui tales conjuxerint, a Sacerdotali Officio noverint se esse suspensos: illi vero, qui sic scienter permiserint se conjungi, ipso facto ab ingressu Ecclesiæ suspendantur. Sub eademque pena illis, qui jam absque dispensatione Sedis Apostolicæ tale matrimonium contraxerint, districtè præcipimus, ut a cohabitatione invicem abstinentes, Dicecesano suo, seu alteri Prælato, ad quem de jure vel consuetudine pertinere dignoscitur, talium causarum cognitionem rei veritatem insinuare non tardent, qua vocatis, qui vocandi fuerint, ac causa diligenter examinata, quod canonicum fuerit, statuatur, faciens per censuram Ecclesiasticam inviolabiliter observari. Episcopi vero, seu alii Prælati de causis matrimonialibus cognoscentes, omnino caveant, ne cupiditate devicti non solum dirimenda haud dirimant, verum etiam separanda integrare prætextu pecuniæ vel alterius commodi non præsumant. Si quis autem contra hoc venire præsumserit interdictum, eo ipso se noverit Officio, Beneficioque privatum. Laici vero, qui de penis conferendis personis convictis in causa matrimoniali seu accusationibus se intromiserint, cum ad ipsos non pertineant, sed ad Judicem Ecclesiasticum, com-

peſcantur: cum ex hoc multi ab accuſatione Matrimonii retrahantur.

Item, cum detentores plurium Perſonatum, vel Dignitatum ſeu Beneficiorum Eccleſiaſticorum cum cura, ſint ſacrorum Canonum transgreſſores, ac fruſtus talium Beneficiorum percipiendo furtum committere dignoſcantur; præſenti Decreto ſtatuiſmus, ut omnes, qui huiusmodi Dignitatum, Perſonatum vel Beneficiorum cum cura, bona aut libertatem retinent, & ſuper hoc diſpenſatum ſecum fuiſſe coram Nobis infra proximam Quadrageſimam non doceant manifeſte; aut ſi cum eis non fuerit diſpenſatum, eligant ſibi unum de prædictis Beneficiis retinendum, & alia infra terminum memoratum libere in manus eorum reſignent, ad quos illorum collatio dignoſcitur pertinere: alioquin ex tunc ab omnibus Eccleſiaſticis Beneficiis, Dignitatibus ſeu Perſonatibus, ſe noverint eſſe privatos. Præcipimus autem illis, ad quos ipſorum Beneficiorum, Dignitatum vel Perſonatum collatio pertinet, ut aliis perſonis idoneis eadem conferant & aſſignent: quod ſi intra terminum determinatum a jure hoc adimplere non curaverint, ad proximum Superiorem collatio devolvatur.

Item, cum judiciorum vigor, jurisque publici tutela ſit in medio conſtituta, ne quis ſibi ſumere audeat ultionem, præſenti Decreto ſtatuiſmus, ut, ſi quis aliquid, contra quemcunque Clericum vel Laicum de jure competere crediderit, nequaquam in ipſum ſponte inſurgere, aut res ejus propria temeritate occupare præſumat; ſed ipſum vocari faciat coram Judice competente: adjicientes, quod ille tanquam contumax puniatur, qui, ne ad ipſum citatio perveniat, inferendo minas vel injurias præſuſerit impedire.

Item, cum ad aures noſtras quorundam Laicorum graves exceſſus pervenerint, qui Eccleſias Parochiales de facto detinent, contra canonicas Sanctiones, niſi infra proximam Nativitatem Domini libere & absolute dimiſerint ipſas, excommunicamus in ſcriptis; diſtrictè præcipientes, ut illi, ad quos prædictarum Eccleſiarum ordina-

tio pertinet, ex tunc perſonas idoneas inſtituant in eiſdem.

Item, cum Eccleſia, in quam fideles ad audiendum Divina conveniunt, domus ſit orationis & non negotiationis, nec ſpelunca latronum, nec locus armorum ſeu materialium gladiatorum, ut quicumque ad Eccleſias ad audiendum Divina convenerint, infra ipſas vel cæmeteria earum huiusmodi arma non inferant; ſed extra dimittant, cum tales Judæis ſimiles videantur, qui ad capiendum Chriſtum cum gladiis & ſuſtibus convenerunt: transgreſſores huius Statuti per excommunicationis ſententiam compeſcantur.

Item, cum, ſicut perpendimus Bremensem viſitando Provinciam, homines ejusdem Provinciæ ad committendum homicidium proni ſint & proclives; volentes refrenare nequitiam, ut inter improbos tuta ſit innocentia ac malignorum coerceatur audacia, præſenti Decreto ſtatuiſmus, ut quicumque Laicus in publico hominem occiderit, privatam poenitentiam agat, ſimiliter & catenis ligetur, & ſecundum arbitrium Diceceſani ſui, alioquin Eccleſiaſtica careat ſepultura, niſi forte jam incepta poenitentia morte ſit præventus; nihilominus præcipientes ſub pœna excommunicationis Judicibus ſecularibus, ſub quorum jurisdictione homicidium a Laicis contigerit perpetrari, ut homicidas requirant, & eos puniant ſecundum legitimas ſanctiones, ut, ſi quis eorum negligens apparuerit, per Diceceſanum Episcopum auctoritate huius Concilii per cenſuram Eccleſiaſticam compellatur.

Item, ſicut intelleximus, fama crebreſcente, quod Beneficia Eccleſiaſtica a nonnullis Prælatiſ huius Provinciæ per vitium Simoniacæ conferantur; Nos igitur huiusmodi morbo peſtifero congruum remedium adhibere volentes, diſtrictè præcipimus, ne id de cætero fiat; & omnis morſum conſcientiæ habens ſuper Beneficio per Simoniam dato vel accepto, illud infra inſtans Paſcha reſignet; qui ſimoniace recepit & qui obtulit, poenitentiam agat, & ſi quid pro eo recepit, reſtituat; alioquin ultrumque, dantem ſcilicet & reci

recipientem, ex tunc excommunicationis vinculo innodamus.

Item statuimus, ut unusquisque liberam testamenti factionem habeat & liberam testandi facultatem, non obstantibus quibuscunque Statutis per quoscunque editis, videlicet, quod non valeat testamentum, nisi fiat presentibus Consulibus vel Laicis aliquibus de ipso municipio vel loco testantis: cuiusmodi Statuta decrevimus nullius fore momenti, quæ aboleri præcipimus & abradi. Conservatoribus etiam huiusmodi Statutorum & apertoribus eorundem, nisi respuerint, introitum Ecclesiæ denegamus; sub eadem interminatione injungentes eisdem, ut etiam Statuta contra Ecclesiasticam libertatem edita, ab ipsis præmoniti Diocesanis Episcopis studeant revocare.

Item, cum raptus & corruptio Dine filię Jacob ostendant, periculosum

esse discursum vel egressum mulieribus religiosis, presentis Decreto statuimus, ut Moniales, quæ pro evidenti necessitate exire debuerint, & maturæ sint ac honestæ, & cum tali societate se teneant, ut non tantum propriæ salutis periculum; sed etiam sinistra suspicio inde non possit exoriri, adjicientes, ut illis Monialibus, quæ Præpositos habere consueverint, Religiosi seu Regulares præficiantur, si personæ idoneæ de talibus poterunt inveniri; si vero propter defectum Regularium personas eis oportuerit, præfici Seculares, tales instituantur, quæ morum maturitate præfulgeant & probata diutius castitate.

Acta fuere hæc in Concilio Bremensi mense Novembr. anno Domini M.CC. LXVI.

De GUIDONE Card. Presbytero vide Tom. CC. Germ. III. pag. 802.

SYNODUS HALBERSTADENSIS

Anno Christi MCCXXCII. Martini IV. PP. II.
Rudolphi I. Imp. X.

Sub VOLRADO, (*) Halberstadenſi XXVI (al. XXVIII) Episcopo,

CELEBRATA
FESTO S. LUCÆ EVANG.

SUMMA. VOLRADUS 40 dierum indulgentias concedit operam
Ecclesiæ S. Stephani in Helmſtadt navantibus.

VOLRADUS, DEI GRATIA HALBERSTADENSIS ECCLESIE
EPISCOPUS, CHRISTI FIDELIBUS UNIVERSIS, AD QUOS SCRIPTUM
PRESENS PERVENERIT, SALUTEM IN DOMINO
SEMPITERNAM.

Cupientes Fideles Christi ad operam pietatis speciali fremo invitare, de Omnipotentis DEI misericordia & beate Virginis glorioſe, ac Apostolorum Petri & Pauli, nec non sancti Stephani Prothomartiris Patroni nostri meritis, & auctoritate ac nostra confisi, omnibus vere penitentibus & confessis, qui

(*) VOLRADUS, Volrado I. Domino Kranichsfeldio patre; matre Comite Klettenbergica natus, Ludolpho II Comiti Schladeno, vel ob Simoniam vel alios petulantioris quam agebat, ætatis defectus a Papa Alexandro IV post duorum duntaxat annorum regimen exauctorato, successit circa annum 1256. Varia consecravit annis labentibus templa, varia diplomata expedit, vitamque ad annum Christi 1297 juxta Reimannum & Meimbomium in Cbron. Riddagsb. pag. 46 apud Lentzenium in Hist. diplom. Halberstad. pag. 161 protraxisse notatur. Errat igitur Krantzius in Metropoli sua, cum pag. 541 annos nonnisi IX Volrado in Episcopatu tribuat.

Nubem Scriptorum, de gestis Volradi tractantium, videre est in Lentzen. cit.

qui ad Ecclesiam sancti Stephani in
Helmsfat manum porrexerint adjutri-
cem, quadraginta dies de injuncta sibi
penitentia misericorditer relaxamus.

Datum Halberstadt, anno Domini M.
CC.LXXXII. Luce in *Sinodo generali*
Pontificatus vero XXVIII. anno.

SYNODUS BREMENSIS

Anno Christi MCCXXCIV. Martini IV. PP. IV.
Rudolphi I. Imp. XII.

Sub GISELBERTO, (*) *Bremensi XXVI* (al. XXVIII. immo XXX)
Archiepiscopo,

CELEBRATA

FERIA IV. POST DOMINICAM LÆTARE.

SUMMA. *Foundationem Ecclesiæ B. M. in Suburbio Stadenſi factam
a. 1145. oblata Charta foundationis approbatæ auget
GISELBERTUS Archiep. Bremens.*

IN NOMINE DOMINI, AMEN. UNIVERSIS CHRISTI FIDELIBUS,
HANC LITERAM INSPECTURIS, SEU AUDITURIS, GISELBERTUS,
DEI GRATIA SANCTÆ BREMENSIS ECCLESIAE ARCHIEPISCOPUS,
SALUTEM IN DOMINO, AC INFRA SCRIPTÆ REI
COGNOSCERE VERITATEM.

Constitutus Religiosus Vir, Domi-
nus FRIEDERICUS, Abbas Mo-
nasterii sanctæ Mariæ Stadenſis, no-
stræ Diœcesis, coram Nobis pro se ac
sui Conventus nomine, quandam *Lite-
ram primæ foundationis* sui Monasterii cum
suis libertatibus produxit, Nobisque

humiliter propter Deum supplicavit,
quod ipsam, ob memoriam longiorem
& firmiorem, inspicere & examinare
dignaremur, & inspectam transcribi
facere, & transcriptam auctoritate no-
stra, ac sigilli nostri munimine, robo-
rari. Tenor ejusdem literæ erat talis:

IN

(*) GISELBERTUS Comes de *Brunchorst*, Hildeholdo, antecessori suo, propinquus
genere, a Bremensis ecclesiæ Capitulo una omnium consensione a. 1273 eligebatur,
profectus haud diu post, rebus suis domi dispositis, in Galliam, ubi Gregorium X
P. M. in Conventu Lugdunensi de terræ sanctæ recuperatione tractantem adiit, ab
eoque & Sacerdotium & Confirmationem apostolicam est consecutus. Reducem
inter plausus ac varia lætitiæ argumenta perhonorifice exceperunt Bremenses; cui
postmodum *Regalia* Rudolphus I Habsburgicus Rom. Imp. tradidit. Perulantiam
Kedingorum & contumaciam quasi per jocum domuit Giselbertus, cum quosdam
illorum, qui ludicras equestres pugnas spectaturi Stadium venerant, occidi a mili-
tibus, quosdam capi jussisset. A. 1275 gravi fuit a Bremensibus, quos amabat
plurimum, injuria adfectus: ii enim in quendam e famulis Aulæ, qui aurifabrum
vulneraverat, commoti die Jovis sancto in palatium Archiepiscopi corrucebant, sus-
deque vertebant omnia, ac flammis absument. Cessit tantisper infanientis ple-
bis furori vir prudentissimus; quo posito, quos tumultuantes viderat, mox suppli-
ces habuit, & recepit in gratiam. Princeps erat pius admodum, & quam imper-
territus in hostes, tam in suos blandus atque ad alloquium facilis. Triginta & am-
plius annis Bremensem rexit ecclesiam, defendit, variisque tum ædificiis tum opi-
bus ampliavit. Obiit e calculi morbo in castro Vordenſi a. Ch. 1306, Episcop.
33. mens. 3. dieb. 3. in Ecclesiæ Bremensis mediterraneo sepultus.

*Krantz in sua Metropoli Lib. VIII. cap. 35. & Anonym. in Hist. Archiepp.
Bremensium, typis Matthiæ Beckeri, in fol. Francofurti 1609.*

IN NOMINE SANCTÆ ET IN-
DIVIDUÆ TRINITATIS, PATRIS, FILII
ET SPIRITUS SANCTI.

ADALBERO, DEI GRATIA HAMBUR-
GENSIS ECCLESIAE ARCHIEPISCOPUS,
OMNIBUS, HOC PRIVILEGIUM LEGENTIBUS, BE-
NEDICTIONEM A DOMINO ET MISERI-
CORDIAM A DEO SALUTARI
SUO.

Quoniam facta præcedentium ad
notitiam subsequendum ad hoc
literali studio examinantur, ut
generationis, quæ præterit, acta,
æmula virtute in memoriam habeantur,
& generatio, quæ advenit, dum
pia gesta priorum imitata, bonis
operibus jugiter inhærendo de vir-
tute in virtutem provocetur; Nos
eadem gratia literis assignamus, qua
liter Ecclesiam, Beatæ MARIE in *Sub-
urbio Stadenſi*, affectus bonæ volunta-
tis plantavit, effectus copiosi operis
rigavit, Deus autem larga benedi-
ctione incrementum dedit. Nam
Divina providentia, quæ ante secula-
ria tempora Virginis uterum sibi
thalamum desponsavit, ipsa eadem in
diebus nostris Virgini Matri, hanc
quam dicimus Ecclesiam per manus
& devotionem suorum fidelium præ-
paravit. Suscitavit enim spiritum
trium fratrum germanorum, videli-
cet *Dudonis, Adconis & Ricberti*, quo-
rum instinctu *Conradus, Abbas Rosen-
feldensis*, Nobiscum commutationem
fecit, pro campo & prato, qui ad
nostram Sedem in omni jure in præ-
dicto suburbio Stadenſi pertinebant,
& duos manſos proprietatis suæ Ec-
clesiæ, cum conniventia Fratrum suo-
rum, ac mortuorum fidelium, red-
didit Nobis & ipsum campum cum
prato in libertate, qua *Bremenſis Ec-
clesia* eum habuerat, obtinuit. In
quo dum ligneam Ecclesiam prædicti
tres uterini fratres ædificassent, & a
Nobis ut eam consecrarem anno
Domini 1145. in quinta vero Indi-
ctione, anno autem Pontificatus no-
stri 26. Nonas Julii, pia prece ex-
petiſſent, prædictus Abbas *Conradus*
Monachos suos cum venerabili viro
Adalwardo collocavit ibi, eo tenore,
ut quandocunque idem *Adelwardus*,

aut aliquis Successor suus, alios duos
manſos *Rosenfeldensis*, aut *Bremenſis*,
compensaret Ecclesiæ, ipsum cam-
pum cum prato ad Monasterium fa-
ciendum tam ipse, quam sui Succes-
sores, in omni jure liberum posside-
rent. Igitur in processu temporis,
cum DEUS Optimus Maximus eo-
rundem statum augmentavit, com-
muni consilio Monachorum fidelium,
tam Laicorum, quam Clericorum,
eidem loco, libere assumptum de *Rosen-
feldensi* Ecclesia, cum ad stipulatione
præfati Abbatis *Conradi* & totius suæ
Congregationis, venerabilem virum
D. *Adelwardum*, liberum Abbatem
in libero loco, anno Domini 1147. In-
dictione vero decima, anno Pontifi-
catus nostri 24. pridie Nonas Julii,
ordinavimus; ad testimonium deinde
suæ libertatis Abbatem *Adonem*, qui
eidem *Conrado* mortuo successit, se-
cum *Stadæ* sub una benedictione
promovimus, & ita liberum Abba-
tem *Adalwardum*, *Stadenſis* Ecclesiæ
consecravimus, sicut liberum Abba-
tem *Adonem*, *Rosenfeldensi* Cæno-
bio assignavimus, statuimus etiam,
ut omnia pertinentia eidem Ecclesiæ,
quæ jam possidet, aut in futurum
possidebit, sub potestate liberi Abba-
tis ejusdem loci posita sint, ut nullus
mortalium eis vim inferat, qui sta-
tim ab ipſo Abbate, nisi respiscat,
& Sanctæ MARIE satisfaciatur, anathe-
matis gladio feriatur: concedimus
liberam potestatem eligendi Abba-
tem: Crisma, Ordines sacros a No-
bis & nostris Successoribus suscipient.
Damus quoque potestatem in toto
Episcopatu Abbati & Conventui con-
fessiones audiendi, prædicandi, bapti-
zandi & mortuos sepeliendi. Con-
stituimus præterea, ut idem Mona-
sterium nullus Successorum nostro-
rum temerario ausu præsumat per-
turbare, aut Abbatem pulsare, nec
ibidem hospitare, nisi ad beneplaci-
tum Abbatis. Coloni ab omni ex-
actione, etiam precaria, immunes
erunt & nullum habeant respectum,
nisi ad Abbatem. Quod si contra
fiat, Abbas transgressores excommu-
nicet, illamque excommunicationem
Archiepiscopus rati habeat. Inter

A a a a

Abba-

" Abbatem Rosenfeldensem & Staden-
 " sem hoc perpetualiter, sub testimo-
 " nio Christi & Ecclesiæ statuimus, ut
 " neuter eorum alteri se præferat, nec
 " alteri divortium faciat, sed una sit
 " charitas, una spiritualis dilectio &
 " domus unius sit alterius, & sicut eos
 " conjungit affinitas locorum & unius
 " Domine patrociniū, sic eos con-
 " jungat amor Christi & fraterna di-
 " lectio; unius negotium sit & alte-
 " rius, nec aliquid constituatur in do-
 " mo aut in Capitulo unius, quod
 " discordat a sententia alterius; sed in
 " omni synodali causā ita stent simul,
 " ut nullus inter eos medius, nisi sub
 " pace & frædere, assistat, quia funicu-
 " lus duplex difficiliter rumpitur, ma-
 " xime, si in omni iusta re concordā-
 " verint, & in unum, ut eos decet,
 " comportaverint. Nullus Successo-
 " rum nostrorum in causā iustā iniuste
 " eos gravet, sed ut Aaron graves ma-
 " nus Moyſis sustentabat, contra Ame-
 " leck; sic hi duo graves causas no-
 " stras & iudiciū Pontificatus nostri,
 " contra æmulos Sedis nostræ, susten-
 " tare poterunt. Contra hæc non fa-
 " cientibus sit pax æterna, contradic-
 " tentibus vero pœna æterna. Hi sunt
 " testes, qui adfuerunt, *Hardemicus*,
 " *Bremensis Ecclesiæ major Præposi-*
 " *tus, Bertholdus Abbas S. Pauli, Ado*
 " *Abbas Rosenfeldensis, Ropertus ipsius*
 " *Ecclesiæ Præpositus; Capellani: Ro-*
 " *pertus, Reinholdus, Hadelwicus Capella-*
 " *nus Stadenſis caſtri. Laici: Willerus*
 " *Advocatus Stadenſis, Bruno, Thitma-*

" *rus, Ministeriales Ducis. Anno Do-*
 " *mini 1147. Indictione decima datum*
 " *est hoc privilegium Stadenſi Abbati,*
 " *anno Pontificatus nostri 24."*

Qua litera inspecta, & diligentissi-
 me cum nostris Canonicis & aliarum
 Ecclesiarum Rectoribus, in Synodo no-
 stræ Ecclesiæ Bremensis existentibus, au-
 scultata & examinata, rogavit Nos idem
 Dominus Abbas, ut libertatem sui Mo-
 nasterii, in ipsa contentam, innovare
 & approbare dignemur. Nos ergo
 petitioni ipsius iustæ, rationabili, &
 fide dignæ annuentes, ipsam literam
 cum omnibus suis clausulis innovavi-
 mus, & in nomine Domini approba-
 mus & ratificamus & sigillo nostro con-
 firmamus; similiter & privilegia, præ-
 fato Monasterio super libertatibus a
 nostris Antecessoribus, tradita, sub ea-
 dem confirmatione & approbatione
 volumus inviolabiliter observari. In-
 super inhibentes omnibus & singulis,
 in nostro Archiepiscopatu existentibus,
 ne dicto Monasterio, aut suis colonis
 aliquam violentiam inferant, si excom-
 municationem & vindictam æterni
 Iudicis voluerint effugere & evitare.
 Testes hujus rei sunt: *Ludolphus, Præ-*
positus sancti Georgii Stadenſis, Augu-
stinus de Oſta, Bertholdus Schultetus, Con-
radus de Bederkeſa, Henricus de Nindorpe,
Heinricus de Seltzing, Fridericus de Reimers-
hausen, Johannes de Bachtendroek, Arnoldus
de Blomendal, Milites nostri, & alii.
 Datum anno Domini 1284. Feria 4.
 post Dominicam Lætare.

SYNODUS ERFORDIÆ NATIONALIS

Anno Christi MCCXXCVII. Honorii IV. PP. III.
 Rudolphi I. Reg. XIV.

CELEBRATA.

Probat ex Diplomate *Alberti de Eheleben*, Fundatoris Monasterii *Marchſuffera* (Abbat.
 Ord. Cisterc. Monial. in turbine Lutherano admodum constantis) hic subscripto
 (Vid. *Thuringia sacra*, sive *historia monasteriorum, quæ olim in Thuringia floruerunt.*
 1738. fol. pag. 592.)

" Anno Millesimo ducentesimo
 " octogesimo septimo, Ego Al. *bertus miles supradictus existente in*
 " *Erfordia pro reformatione pacis &*
 " *bono*

" bono terræ Venerabili Domino nostro
 " Fratre HENRICO (*) Ordinis Fratrum
 " minorum, Archiepiscopo Moguntino, ip-
 " sum adivi & confirmationem obtinui
 " ab eodem, proque literis confirma-
 " tionis plus quam decem marcas ero-
 " gavi. In Quadagesima quoque sub-
 " sequente, contuli me ad gloriosum
 " nostrum Romanorum Imperatorem,
 " anno Regni sui quarto & decimo,
 " nec non ad Venerabilem Dominum
 " N. Legatum a latere Sanctissimæ Pa-
 " tris HONORII II. ad Concilium in pre-
 " dicta civitate celebratum missum, una
 " cum Reverendo Domino nostro Ar-
 " chiepiscopo Moguntino adii, & ab
 " Archiepiscopis Venerabilibus & Epi-
 " scopis, ibidem in nomine Domini
 " per longa terrarum spatia congrega-
 " tis, Indulgentias predictæ Ecclesiæ
 " Sanctimonialium per Dei adjutorium
 " obtinui gloriosas, ita videlicet, quod
 " & in Erfordia & in Mulbuse a triginta
 " & uno Archiepiscopis & Episcopis
 " ad dictam Curiam & Concilium prope-
 " ratis obtinui triginta & unam kare-
 " nam, & annum & quadraginta dies
 " venalium, quas relaxant omnibus
 " vere contritis & confessis singulis
 " diebus, quibus dictæ Ecclesiæ Sancti-
 " monialium manum porrexerint ad-

" jutricem. His etiam quamdiu edi-
 " ficaverint insuper & in perpetuum
 " valituris, quas omnes Venerabilis
 " Dominus Archiepiscopus Mogunti-
 " nus supradictus datas, & etiam adhuc
 " dandas, ad petitionem meam miseri-
 " corditer confirmavit. Nomina au-
 " tem omnium Episcoporum, qui di-
 " ctam Ecclesiam suis Indulgentiis mi-
 " sericorditer respexerunt, sunt hec:

" Dominus noster Frater Heinricus,
 " Episcopus Moguntinus, qui relaxat
 " quadraginta dies.

" Dominus Sifridus Colonienfis, quadra-
 " ginta dies.

" Dominus Rudolphus Salzbουργensis, qua-
 " draginta dies.

" Dominus Christianus Sambienfis, 40
 " dies & annum venalium.

" Dominus Bruno Brizinenfis, 40 vena-
 " lium, & 100 criminalium.

" Dominus Bertholdus Herbipolens, 40
 " dies criminalium, & 100 vena-
 " lium.

" Dominus Gebhardus Brandenburgerfis,
 " 40 dies criminalium, & 100 ve-
 " nalium.

" Dominus Heinricus Fridens, 40 dies
 " criminalium, & 100 venalium.

Fra-

(*) Fuit ille F. HENRICUS fabri aut (quod alii volunt) pistoris filius, Ilenæ in Sue-
 via ortus, atque ex Ordinis FF. Minorum, quem fuerat ingressus, nodoso cingulo
Knoderer adpellabatur. Lectorem egit Moguntia inter suos; insignitus postea
 Doctoris Theologi laurea, inde Guardianus Luzernæ, per plures annos Rudolpho
 Habsburgico, ejusque uxori & familiæ a confessionibus fuit. Tum Basileensem
 Conventum suscepit moderandum, dum interim, vacante ejusdem urbis Episco-
 patu, scissisque in diversa electoribus Canonicis, miro prorsus eventu, cum ostium
 cœnobii aperiret, a tribus e Capitulo missis abducebatur atque ab omnibus cum
 gaudio Præsul renunciabatur a. 1274. Transactis jam in hac Provincia annis 12,
 ab Honorio IV Pontifice, qui binos per discordiam electos *Gerardum* Comitem
 Eppensteiniū & *Petrum* Aichspalterum abrogaverat, ad Sedis Moguntinæ Archi-
 episcopatum a. 1286 evehebatur. Obiit a. Ch. 1288. Archiep. 2. Militibus, i.e.
Nobilibus carior, quam Clericis.

*Serarius Mogunt. Rerum Lib. V. a pag. 845, & Chronicon S. Petri seu Sam-
 petriū Erfurtensē Menckenii Scriptor. Rer. Germ. Tom. III. unde hæc
 pauca refero:*

" Anno Domini MCCLXXXVII. Dominus Archiepiscopus Moguntinus Frater Hein-
 " ricus, veniens in *Thuringiam*, honorifice susceptus est ab omni Clero & populo
 " totius civitatis *Erford.* Vocatis igitur ab eo Principibus terræ & liberis & mi-
 " nisterialibus, multisque Nobilibus, cepit cum eis tractare de pace, quia jam per
 " multos annos incendia & rapinæ & vastationes in eadem provincia per malos
 " homines exercebantur &c... Eodem anno circa mediam Quadagesimam gene-
 " rale Concilium celebratum est *Herbipoli* &c. Quod habetur *Tom. Conc. Germ.*
III. a pag. 724.

Supplement. Tom. X. Concil. Germ.

A a a a a z

"Frater Conradus Tullenfis Episcopus,
"40 dies.
"Dominus Volradus Halberstadiensis, 40
"dies.
"Dominus Wittigo Misnensis, 40 dies.
"Dominus Hartindus Gorebenfis, 40 dies.
"Dominus Reinboto Eistetenfis, 40 dies.
"Dominus Heinricus de S. Marie Werthe,
"40 dies.
"Dominus Enricho Frisenfis, 40 dies.
"Dominus Henricus Ratibonensis, 40 dies.
"Dominus Conradus Argentinus, 40 dies.
"Dominus Arnoldus Babinbergensis, 40
"dies.
"Dominus Conradus Laventinus, 40 dies.
"Dominus Borcardus Metensis, 40 dies.
"Dominus Petrus Basiliensis, 40 dies.

"Dominus Rudolphus Constantinus, 40
"dies.
"Dominus Wernerus Badensis, 40 dies.
"Dominus Conradus Verdensis, 40 dies.
"Dominus Merseburgensis, 40 dies.
"Dominus B. Numburgensis, 40 dies.
"Dominus Dietericus Olomucensis, 40 dies.
"Dominus Dietericus Curienfis, 40 dies.
"Dominus Burchardus Lubecensis, 40
"dies.
"Dominus Tobias Pragenfis, 40 dies.
"Dominus Sifridus Augustensis, 40 dies.
"Summa totius Indulgentie est triginta
"& una karena, & unus annus &
"quadraginta dies venalium con-
"cessio."

SYNODUS ASCHAFFENBURGENSIS PROVINCIALIS Anno Christi MCCXCII.

(Vide Tom. IV. CC. Germ. a pag. 7.)

NOTA AD HANC SYNODUM,
cum Hartzbemio communicata.

Exscribo verbis Joannidis in Dissertat. de CC. Mogunt. pag. 297.

"**P**rovinciale, anno MCCXCII. ab
" Archiepiscopo GERHARDO II
" Aschaffenburgi habitum. Quod
" cum Tritheimius in Chronico Spanheimensi
" ad h. a. p. m. 294, tum Hirsaugiensis ad
" h. a. memoret Lyserus tamen ac vene-
" rabilis Auctor (Schmidium intelligit)
" noster præterire; quin & Serarius;
" licet illius l. d. p. 104, dum de Con-
" cilio GERHARDI I agit, discrete fa-
" ciat mentionem.

" Sed enim operæ pretium erit,
" audire Tritheimium ipsum. Sic autem
" ille in Chronico Hirsaugiensis edit. San-
" gallensis ad h. a. p. 57. Eodem anno
" GERHARDUS, Archiepiscopus Mogun-
" tinus, Provinciale Concilium cum Suffraga-
" neis suis Episcopis celebravit in Ecclesia S.
" Petri & Alexandri Pontificum in oppido
" Aschaffenburg, juxta littus Mogani flumi-
" nis. In quo comparuerunt Manegoldus

" Episcopus Herbipolensis, Fridericus Epi-
" scopus Spirensis, Simon Episcopus Vormat-
" tiensis, Episcopus quoque Augustanus, Epi-
" scopus Eichstattenfis, Episcopus Hildeshei-
" mensis; reliqui vero Moguntinæ Provincia
" Episcopi, Constantiensis, Curienfis, Argen-
" tinenfis, Halberstatis, Padelbronnenfis &
" Verdensis Oratores suos atque Vicarios, ut
" moris est, cum potestate mandata sufficiente
" miserrunt. Comparuerunt & Abbates nostri
" Ordinis in eodem Concilio plures; quorum
" Cenobiorum nomina conscripta invenimus
" ita: Abbas Hersfeldensis, Abbas S. Albani
" prope Moguntiam, Abbas S. Jacobi ibidem,
" Abbas in Selgenstatt, Abbas S. Petri de
" Erfurt, Abbas in Homburg, Abbas de
" fonte Reinhardi, Abbas de Salueld, Abbas
" de Blidenstatt, & alii plures tam nostri Or-
" dinis, quam aliorum, quorum nomina non
" tenemus. Multa in eo Concilio statuta
" sunt, quæ litteris commendata servabantur."

SYNO-

SYNODUS HALBERSTADENSIS

Anno Christi MCCXCVI. Bonifacii VIII. PP. II.

Adolphi Reg. V.

Sub VOLRADO, Halberstädensi Episcopo,

CELEBRATA

IV FERIA POST DOMINICAM PALMARUM.

Annō Domini M. CC. XC. VI.
quarta feria postēritus Palmas.
Nobis, VOIRADO, Halberstad. eccle-
sie Episcopo sacrosanctē *Synodo* in nostra
majori ecclesia Halb. presidentibus, ex-
stitit questum, generaliter diffinitum
& ab omnibus finaliter applicatum,
quod nullus omnino vir possit bona
hereditaria, que in structuris, pécori-

bus, equis ac manfis, nomine hereditario possideret, uxori sue in dotem absque heredum consensu aliquamiter dare seu etiam designare. In ejus rei testimonium sigillum nostrum presentibus duximus apponendum. Datum anno & die predictis.

Communicavit Cl. ab Erato propria manu script.

Diploma hoc Synodicum, si quidem genuinum sit, facile decedat, Volrādum, raro ætatis illius exemplo, Halberstadenſi eccleſiæ præſuiſſe annos ipſos XLI.

S. Lentzen Hist. dipl. Halberst: pag. 161.

SYNODUS VERDENSIS *Generalis*

Anno Chr. MCCCXXIII. Joannis XXII. PP. XVIII.

Ludovici IV. Reg. XVIII. Imp. IV.

Sub JOANNE, (*) Verdensi XXXVII Episcopo,

CELEBRATA

IN L U N E B O R C H.

Anno Domini M. CCC. XXXIII.
feria sexta infra octavam Pente-
costes. Coram Nobis, JOHANNĒ,
Divina providentia Verdenſis eccleſie
Epifcopo, diffinitum fuit in *noſtra Syno-
do generali*, quod quilibet decimalis de
jure teneat de decima majori preſtare
duo plauſtra de ſuis frugibus ad ſpa-
tium unius miliarii unum plauſtrum

de frugibus hyemalibus, aliud de estivalibus in locum Domini sui, ad quem decima pertinere videretur. Secundo fuit diffinitum de decima minuta, quod partes ultra numerum existentes et hoc numero decem incompleto sis (fors five) de polledris, (*pulletris*) vitulis, apibus, bobus, ovibus, edis, (*bedis*) agnis aut de aliis quibuscunque, debent de illo

A a a a a 3

pre-

(*) JOANNES, vir perinfignis, medicæque artis peritissimus tota Urbe audiebat: quem Benedictus XII P. M. ad Verdensem primum, mox ad Frisingensem a. 1338 evexit Cathedram. Pro absente Episcopo Verdensem ecclesiam administrabat Goddefridus de Werge, Canonicus Verdensis. Obiit Joannes Avenione in Gallia circa a. 1349.


Chronicon Episcop. Verdensium pag. 219 apud Leibnitz Tom. II Scriptorum Brunswicensium, Krantz in Metropoli a pag. 609.

presenti anno considerari & usque in futurum annum penitus reservari, donec numerus decennarius compleatur & debent frequentius decimari & hoc est de singulis annis faciendum. Acta sunt hec in ecclesia Beate Virginis in

Luneborch coram multis viris ydoneis & discretis. In cujus testimonium sigillum nostrum presentibus est appensum.

Communicavit. idem Cl. ab Eratb.

Ignoscat, oro, Benevolus Lector, mihi errorem, quo lapsus huic Supplemento inferui, quæ postmodum inveni in aliis jam Tomis, loco certe alieno, publici juris facta.



SYNODUS PRAGENSIS

Anno Christi MCCCCLXI. Innocentii VI. PP. IX.

Caroli IV. Imp. XIII.

Sub ERNESTO, (*) Pragensi I. Archiepiscopo,

CELEBRATA

DIE 8 OCTOBRIIS.

SUMMA. Moderatio Statutorum anno 1355 in Concilio Provinciali Pragensi conditorum.

IN NOMINE SANCTE ET INDIVIDUE TRINITATIS.

ARNESTUS, DEI ET APOSTOLICE SEDIS GRATIA SANCTE PRAGENSIS ECCLESIE ARCHIEPISCOPUS, UNIVERSIS PRELATIS, CAPELLANIS ET CONVENTIBUS, PLEBANIS, ECCLESiarUM RECTORIBUS ET CLERICIS ET CETERIS CHRISTI FIDELIBUS TAM RELIGIOSIS, QUAM SECULARIBUS PER NOSTRAM DIOCESIN, CIVITATEM ET PROVINCIAM CONSTITUTIS, IN DOMINO SALVATORE SALUTEM ET (a) OBSERVANTIAM FREQUENTI LECTONIS STUDIO SALUTAREM.

Mutabilitas conditionis humane propter ejus pravitatem invertitur, sicque frequenter exigit, ut contra pestiferas adinventiones hominum per Superiorum officium variis & rigidis maxime (b) condicionibus occurratur, sicut nonnunquam expedit propter Paschatis clementiam vigor major, si subjectis plus periculi quam utilitatis conferat, relaxetur. . . . Hinc est, quod dum, quando per Nos in Statutis Provincialibus alia Statuta, que editionis tempore, quo subditis nostris antea videbantur, successu temporis & aliis considerationibus tendant ad noxia.

Illa igitur de consilio & expresso consensu Fratrum & Suffraganeorum nostrorum per modum infra scriptum duximus interpretanda & etiam moderanda.

Et primo Statutum, quod habetur sub rubrica: *De majoritate & obedientia*, & incipit: *Item, cum aliquis nollit*; & ad sub rubrica: *De immunitate Ecclesiarum*, incipit: *Sed nihilominus*, in ejus opprobrium, in quibus statuitur, ut Presbyterum Ecclesiarum castrorum Capellani in locis, in quibus captivi Clerici vel Ecclesiarum predicatorum per Laicos detinentur: alio non expectato mandato sub pœna excommunicationis lætæ sententiæ a celebratione abstineant Divinorum &c. Quia sæpe contingit, prout experientia docuit, quod Plebani Capellani castrorum propter simplicitatem & ignorantiam eorum dijudicare nesciunt, utrum (c) Laicos captivi sint Clerici, tunc plerique quidam eorum literati sint reputati Clerici, qui tamen non sunt in quibusdam Ordinibus constituti, vel forte quidam eorum, quia fuerunt ordinati, tam

propter

(*) Vide Tom. CC. IV. pag. 381.

(b) præceptis & condicionibus.

(d) fors subint. præsentium.

(c) forte per omisum.

propter eorum graves & enormes excessus per suos Superiores clericali privilegio, quo se reddiderunt indignos, canonice sunt privati; sic quod hujusmodi Clerici non gaudent immunitate privilegii clericalis, nec pro eorum liberatione Ecclesia se interponit.

Et similiter de rebus ablatiſ ſepe revocatur in dubium, an res ille perierunt Eccleſiarum, que . . . Eccleſiis non rapte, & alia plura dubia ita frequenter incidunt, que tamen diſcuſſioni & cognitione ſapientum indigent, & ideo Statuta predicta duo quoad premiſſa, tum & excommunicationem ſuam, quam illud Statutum de majoritate & obedientia inſligit, non ceſſantibus ad minus totum tollemus & revocamus, ſtatuentes, ut Plebanus, in cujus Parochia Clericus ſeu preda detinetur Eccleſie Laicum, qui captum Clericum ſeu predam apud ſe dicitur detinere, ſi poſſetari perſonali tradat, vel idoneum nuntium mittat, & deſuper hujusmodi & ejus circumſtantiis univerſis meliori modo, quo poſeſt, ſe informet. mox ad preſentiam noſtram & Suffraganeorum noſtrorum ſeu Vicariorum noſtrorum in Spirituallibus veniant, ut per eum inſtructi provideamus ſeu provideatur de remedio optimo. Item ſub rubrica: *De inſtitutionibus*, Capite unico, quod incipit: *Statuimus*, (d) circa formam juramenti, qua jurare debent omnes & ſingule Perſone Regulares in dignitatibus, perſonatibus, officiis & quibuscunque beneficiis eccleſiaſticis inſtituende, ſeu ad dictas dignitates, perſonatus, officia & alia eccleſiaſtica beneficia confirmandi, & in fine & quia juramentum hujusmodi plerumque preſertim conſcientioſos viros angit, non modicum, cum plurima & multum generalia comprehendit, quæ jurantes nequeunt univerſaliter obſervare. Quapropter eandem formam juramenti & cum pœna preſignificatum fuit, preſens revocamus & peaitus irritamus.

Statuentes, ut tam Religioſi, quam Seculares inſtituendi & confirmandi ad dignitates, perſonatus, officia & alia

eccleſiaſtica beneficia promittant Superioribus ſecundum obedientiam & venerationem debitam. Inſuper Nobis ac Succeſſoribus noſtris, ſeu Fratribus aut Suffraganeis noſtris circa perſonas ſuadentibus aliquando caſibus videatur. Quod ſi bene conſiderentur omnia, que complectitur juramentum, tum totalis ſubjectio ad Prelatum ad hæc duo, videlicet *obedientiam & reverentiam*.

Item, quia ſepe contingit, quod Clerici in minoribus Ordinibus conſtituti in alterutri claudicantes preicum non Clericorum ſe conjungunt conſortio portantes clericalem tonſuram, coronam & habitum, nunc vero iidem tonſuram cum habitu dictis & Clericorum conſortio declinantes cetibus & conditioni ſe ingerunt Laicorum, nec quidquam exhibent de militia clericali, niſi cum pro aliquibus criminibus fuerint per ſeculares Judices comprehenſi, vel cum ſuper illis, que tanquam Laici geſſerunt, ad ſecularia judicia pertrahantur, non propter hoc, ut de cetero viſa eccleſiaſtica, ſed potius ut eludant forum judicii ſecularis. Propter quod inter Juſtitiarios & Judices ſeculares ab una parte, & Nos & Prelatos ac Officiales noſtros ab altera, fuit frequens altercationum & ſcandalorum materia ſuſcitata, tum pro talibus inter Eccleſiaſticos & ſeculares Judices, an pro Clericis vel Laicis reputari debeant, & ad quorum judicium dubium hoc ſit revocatum.

Volentes igitur in futurum talibus queſtionibus & ſcandalofiſ altercationibus, in quantum poſſumus, obviare, ne ſub ſpe immunitatis eccleſiaſticae & libertatis hi, qui puniuntur ſeculariter reddantur ad perpetranda ſcœla proniores, & ne cum aliquorum prejudicio vage in iſto Ordinis & ſingulos Acolitos & Clericos in minoribus Ordinibus conſtitutos contingat, per editum preſens monemus, ut qui ex eis volunt de cetero quoad forum eccleſiaſticum gaudere privilegio clericali, quatenus aſſument & deferant tonſuram, coronam & habitum clericalem. Alias ſive fuerint criminaliter com-

comprehensi, five fuerint criminaliter occupati per iudicium seculare, Nos, seu Officiales nostri ipsos ad ecclesiasticum forum seu iudicium minime repetemus.

Cum dignum sit, ut quicumque aliis similem ducit vitam, similem sentiat in legibus disciplinam. Iterum indignum est eis ab Ecclesia subveniri, per quos crescit scandalum in Ecclesia generali.

Volumus igitur & vobis districte precipimus & mandamus, quatenus omnes & singuli observent Constitu-

tiones nostras, & Statutorum particularium Decreta, & pro Statutis nostris Provincialibus annotationes.

Dat. apud Ecclesiam nostram Pragensem anno M. CCC. sexagesimo primo, die octavo mensis Octobris. Et sic est finis Statutorum Synodaliū.

Ex MS. libro Ordinis Crucigerorum cum aurea Stella in 4to. commodato a Celsissimo Archiepiscopo Pragensi anno 1761. & transcripto a me Jos. Hartzheim S. J.

SYNODUS PRAGENSIS

ARCHIDIACONALIS

Anno Christi MCCCLXV. Urbani V. PP. IV.

Caroli IV. Imp. XVII.

Sub JOANNE, Pragensi II. Archiepiscopo,

CELEBRATA

DIE 16 JUNII.

NOTA ad hanc SYNODUM.

Transcripsit *Hartzemius* ex MS. Pragensi, quod ob insolitas abbreviationes, ductus characterum obliquos, aliaque syrmata, ut *Eximius* testatur, legi vix potuit. Transcriptum multis ego locis mutilum, hiansque inveni, & pro usu Lectoris in hanc redegi formam, supplementis tamen lacunarum per minutiores typi litteras discriminatis.

ENTZO Præpositus Ecclesiæ sanctæ Pragensis, BEASO Archidiaconus, BECHUS Vicarius in Spiritualibus Reverendissimi in Christo Patris & Domini nostri, Dni JOHANNIS, Archiepiscopi Pragensis & Apostolicæ Sedis Legati generalis, universis Prælati & Clerici secularibus ac Religiosis nostræ ordinationis ac legationis pacem. Reverendissimo in Christo Patri Domino JOHANNI, Archiepiscopo præfato, Nobisque Vicariis subiectis super dictis in CHRISTO Salvatore salutem, & præsentibus fidem dare.

Ex zelo devotionis, urgente & nostri officii commissi debita solitudine contra noxia & inordinata, sine intermissione vigilemus ad tuenda præceptorum scriptorum olim salubria

monita & statuta paterna prædicti Reverendissimi Patris Domini JOHANNIS Archiepiscopi & Legati memorati, & memorari summarie & servata temporis qualitate exigente. Insuper viros omnes & singulos Prælatos & Clericos jurisdictioni nostræ subiectos Seculares & Religiosos hortamur & moneamus in Domino, ut in virtutum operibus & sanctimonia continenter vivant, sicut decet servos Dei, seque a noxiis operibus & tenebris & illecebris sensuum cohibeant: quæ sunt concubinatus, lascivæ choreæ, ludi taxillorum, & tabernarum frequentatio, usus prohibitorum armorum, furta, & alia quævis abusiva secularia, per quæ sacer Ordo clericalis dehonestatur & vilescit. Item prohibemus districte, ne Clerici seculares & Religiosi quibus-

cunque

quunque se actibus secularibus miscere præsumant, aut negotiationibus seu officiis publicis Laicorum quovis modo implicare; alioquin si in personis talium aliquis casus emerferit, ipsos, per Nos & Ecclesiarum immunitatis Servatores *non tuebimur*: cum secundum sacrorum Canonum instituta & mandata deceat in sacris Ordinibus constitutos sanctitudo & inhibitorum per eadem secularium negotiorum fuga. Ipsorummet mandata & statuta exequi, ut teneatur cupientes, statuimus inviolabiliter observandum sub pena excommunicationis, ut nullus Clericus in Ordinibus sacris constitutus, maxime Beneficiatus, per nostras Civitates & Dioeceses officium tabellionatus seu publici Notarii sub pena prædictæ excommunicationis exerceat quovis modo instrumenta & contractus conficiendi, quos omnes & quoslibet ipsorum ex nunc prout ex tunc, & ex tunc prout ex nunc sub executione illius officii suscipimus in hiis scriptis. Instrumenta autem & contractus prædictos, si quæ vel qui confecti vel confecta fuerint, deinceps nullius momenti esse declaramus, exceptis duntaxat Notariis Curiae nostræ & officiorum ejusdem, ad quos præfens statutum ac poenam nolumus extendi. Item præcipiendo mandamus omnibus Plebanis, Viceplebanis & aliis Presbyteris dictæ Dioecesis tam Secularibus, quam etiam Religiosis in virtute sanctæ obedientiæ & sub excommunicationis poena, ut nullus ipsorum fures, latrones & Clericos, qui vagi dicuntur, hospitent, vel in domos suas recipiant, eorum furta & ablata distrahant, aut congregationes eorum peragere quomodolibet præsumant, vel eis consilium vel auxilium vel expensas in domibus eorum vel aliis audeant ullo modo ministrare. Item hortamur & obsecramus in Domino, & in virtute sanctæ obedientiæ mandamus omnibus Plebanis & Viceplebanis, & Ecclesiarum Rectoribus tam Religiosis, quam secularibus, ceterisque Plebanis & Presbyteris per Dioecesim Pragensem constitutis, ut spirituales ad Dominum Deum pro bono statu, sanitate corporis, & prosperitate successuum Sere-

Supplement. Tom. X. Concil. Germ.

nissimi Principis Domini CAROLI, Romanorum Imperatoris semper Augusti & Bohemiæ Regis, Domini nostri, & totius Cleri & Christiani populi Protectoris, devote & assidue fundant preces; quilibet ipsorum a noticia præsentium infra decem dies legendo, prædicto Domino nostro per se vel per alium Missas tres, cæteri vero Dioeceseos *Pragensis summa* qua valeant diligentia & devotione pro ipso infra tempus expleant jam præmissum. Et quoniam noverca veritatis & justitiæ inimica, jurgiorum materia & scandalum totius iniquitatis (fors civitatis vel *communitatis*) existat ipsa detentio (fors *detractio*) in virtute sanctæ obedientiæ & sub interminatione æternæ maledictionis hortamur, monemus & obsecramus in Domino omnes vos religiosos ac seculares Clericos a verbis abstinerere detractoris, quæ scandalum generare possunt & errorem in populo *disseminare*. Sunt enim quidam, ut percipimus, in sermonibus suis *incauti*, & ram Seculares, quam Spirituales seu Religiosi, dum populo salubria monita ad devotionem pro concione inducere deberent, ibi verbis superfluis sibi invicem detrahentes, quod in majus tendit referentium periculum & dedecus, & audientium damnum & jacturam; verum ne amplius id fiat, districtius inhibemus conditiones debitæ animadversione institui suadente Domino auctore puniendos. Verum quia juxta Sanctiones Canonum diversis casibus diversa remedia detinere opportunum est; nam docente experientia injectiones manuum in Clericos, aliaque scandala fiunt in tabernis ut plurimum & ubi major Clericis præbatur occasio, eo major libertas retinetur, & temeritas Clericorum. Ideo præcipimus sub poena jam scripta districtius inhibentes, ne Plebani, Vicarii & alii Clerici de cætero tabernas publicas frequentare aut intrare præsumant. Quod si necessitas exiget, potius in aliquo loco honesto declinent potum, mercedem . . . cum modesta recepturi; alioquin contrarium facientes, toties solvant ferthonem commissorum, quoties eos contigerit tabernas intrare. Hanc quoque poenam

Bbb bb

vola.

volumus & mandamus per Dominos Archidiaconos a singulis singulam exigi, contrarium facientes toties ad solvendum per censuram ecclesiasticam compelli debent, quoties fuerit contraventum, cuius medietas ad fabricam Pragensis Ecclesiæ tribuatur per dictos mediatores, pro se ipsis partem residuam reservantes. Insuper inhibemus, ne Presbyteri, vel alii constituti in sacris intrent choreas in plateis, aut spectaculis vel in domibus Laicorum, facientes contrarium, simili poena puniantur. Et quia discretio sive discernentia debet esse Clerici a Laicis, præcipue in tonsura, habitu & vestitu, præcipimus, quod Clerici quibuscunque Statutis existant, & singulariter Presbyteri vestes clericales deferant, ita quod tunica ultra genua protendatur, alioquin tales, si in tunica breviori reperti fuerint, pro fabrica Pragensis Ecclesiæ solvant fertonem & alias canonice puniantur. Insuper præcipimus, quod Plebani, Vicarii & lutores taxillorum non teneantur, sed eos Decano suo & Decanus Nobis tales Vicarios, etiam Plebanos, tabernarios & lutores taxillorum Decanatus sui denuntient, quod si Plebani hoc non fecerint, alias Decani solvant fertonem, quoties in tali denuntiatione negligentes fuerint, quæ pecunia ab eis & eorum quolibet exigatur & alias canonice puniantur. Et quoniam in Statutis Provincialibus continetur expresse, quod ad Baptismi & Confirmationis Sacramenta solum duo viri si masculus & una mulier, & si femella duæ ejusdem sexus & unus vir levantes admittantur, cum Statutum hujusmodi nostræ Diocesis Pragensis minime fuit observatum, volentes ad observationem hujus continuantes ipsos adjectione poenæ compellere, cum plus solet evincere, quod cum poena spiritualiter injungitur, quam quod generaliter imperatur, præcipimus & mandamus, quatenus omnes citati Statutum præfatum observent, nec quod eorum plures in compaternitate contrahendo admittantur, alioqui contrarium facientes & plures admittentes, de qualibet persona imo admissam poenam quoque incurrant, quæ

ab eis & eorum quolibet sine remissione aliqua pro Camera Domini nostri Archiepiscopi per censuram Ecclesiasticam ad solvendam pecuniam compellantur. Et quia oblivio ac desidia mater exstat ignorantia ac confusionis, Psalmista dicente: *Cum perspexero, non confundar.* Confundit enim memoriam officii oblivio præceptorum, quæ sine ipsorum lectione & rememoratione continua a memoria labuntur. Sane in Statutis præsentibus, dudum & sapius publicatis, salubriter est provisum, ut quivis Archidiaconus, Decanus & parochialis Ecclesiæ Rector vel Curatus libellum Statutorum tam Provincialium, quam Synodaliū habere tenentur sub poena ibidem annotata, ac in vocationibus eorum debeant continuo publicari, ut sciant sibi auditores præcavere, tamen multi rebelles & desidiofi, mandatorumque sacrorum contemptores prædictis non curant obedire cum effectu. Ideo districtius præcipimus & mandamus prædictis Archidiaconis & Decanis, ut prædictos libellos Statutorum habeant, & ipsis in suis convocationibus legant integre & sine intermissione, sub poena suspensionis ab ingressu Ecclesiæ, subditosque suos ad habendum dictos libellos compellant sub poena in Statutis prædictis expressa, qua ipsos & ipsorum quemlibet, si non fecerint, quod mandamus, ferimus in his scriptis. Anno Domini Millesimo trecentesimo sexagesimo quinto, die sexta decima mensis Junii &c. Item prohibitum est Synodaliter, ne cum pluribus candelis sive cereis & cum magna solemnitate visitent colendizato(*). . in vigilia Nativitatis Christi, plus quam cum Corpore Christi. Item, ne tabula pacis præfectæ per Ecclesiarum digniores proponend, sed stando in suo loco aut Altare Parochiarum omnibus indifferenter accedere cupientibus proximis diebus indulgentiarum obtinendis. Item, ne quis procedat ad Ordines sacros absque proprio horarum viatico, & nemo eidem concedat ad examen viaticum suum sub poena excommunicationis. Item, ne quis vagus vel ignotus cupiens

(*) fors: colendi gratia præsepe.

piens celebrare, admittatur sine formati suæ Diœcesis, ac reliquis necessariis instrumentis. Sequitur alia

ORDINATIO

EXUSDEM PRAGENSIS ARCHIEPISCOPI.

Vobis omnibus Dominis Plebanis & Parochialium Ecclesiarum Rectoribus perpetuisque Vicariis Dominus noster Archiepiscopus injungit infra scripta. Et primo mandat nobis, ut si quis vestrum fuerit vel sciverit aliquos hæreticos vel suspectos in fide & fautores ipsorum Inquisitori hæreticæ pravitatis denunciare, quamprimum poteritis, commode debeatis. Item, excitat officium vestrum præfatum contra censuarios & sortilegos: intellexit enim ipse Dominus noster Archiepiscopus, quod quidam tam Laici, quam Clerici privative asserunt, quod mutare decem pro uno per annum sit Laicum (*licitum*) (*) imo si pro uno tuo mille devitiarum unus devitiis solvetur, & similiter de aliis rebus, quæ consistunt in non pondere & mensura. Quoniam hoc graviter est illicitum, damnatur a Domino Archiepiscopo. Et qui contrarium pertinaciter docuerit, tamquam hæreticus punietur. Unde prohibeatis clericales contractus in Parochiis vestris & illos, qui hætenus per hujusmodi contractus aliquid receperint, ad restitutionem efficaciter perducatis, & qui vestris salutaribus informationibus recusarint, illos dicto Domino Archiepiscopo, vel ejus in Spiritualibus Vicario, vel etiam Diaconis ipsius denunciare curetis. Item audit Dominus noster Archiepiscopus, quod multi tam Clerici, quam Laici dolorem capitis vel dentium, febres vel infirmitates alias ipsi vel eorum

animalia patientes ad sortilegos & præstigiatores accedunt pro sanitate seu remedio consequendo, qui eis incantationes seu verba & gestus scripturas seu ligaturas superstitiosas adhibere consueverunt: ista prohibere in vestris Parochiis solcite studeatis, & quoties hii incorrigibiles fuerint tam requirentes, quam impertientes talia, ipsos Domino Archiepiscopo vel ejus Vicariis denuntietis. Nam licet hujusmodi remedia curare morbos videantur, tamen non virtute remedii, sed permissione Divina sit diabolica pravitatem, ut qui per suam infidelitatem solus factus membrum diaboli, alios ad errores profundius & periculosius pertrahatur. Item vos Plebani & alii Presbyteri & Clerici a superstitiosis benedictionibus & carmationibus, scriptis, *ligaturis superstitiosis* ægrorum quibuslibet impendendis seu adhibendis abstinere curetis, prout periculum ordinis & status cupitis evitare. Item mandat, ut Parochianos vestros utriusque sexus frequenter in vestris sermonibus instituatis ac moneatis, ne parvulos propter oppressionis periculum in uno lecto secum dormire permittant, aut cubare. De firmatis autem seu conventionibus, quas Plebani habent inter se, si quas nostras habent ratificationis literas, quod de eisdem infra tempus doceant. Nam intelleximus, quod visitationes nostræ, obstantibus talibus conventionibus seu contractibus, quorum prætextu unus alterius crimen negat, non possunt inquirere veritatem, (**) habentes impensas de pecunia communi contributa per conformitatem. Amen.

Hoc MS. Pragense a Celsissimo Archiepiscopo JOANNE MAURITIO communicatum P. Hartzheim S. J.

MISSI-

(*) Hic desideratur linea, quam implere nullo modo ob enormem confusionem potui.

(**) Uti conjicio ex vocibus nullo inter se nexu coherentibus, sed mutilis, ac misere per chartam dispersis, hic sensus dari potest: *Et quod litigiis sibi faciunt tedia ob impensas visitationum: quæ litigia vitent habentes &c.*

MISSIVA

THEODERICI, (*) S. Sedis Moguntinae Archiepiscopi,
AD SUFFRAGANEOS

IN PUNCTO

CONCILII PROVINCIALIS,

Anno Christi MCCCCXL. Eugenii IV. PP. X.
Friderici III. Reg. I.

SINCERAM IN DOMINO COMPLACENDI VOLUNTATEM,
REVERENDE PATER ET AMICE CHARISIME.

Notum est, ut ad litteram loquamur quanta propositi nostri tenacitate procellosos turbines, & naviculam PETRI Principis Apostolorum sanctissimi, hoc est Ecclesiam Dei universalem, per schismatis honorendi ingluviem in dies adolescentis acerrime concutientes a facie ejusdem abluere, ac deinceps venerabilem Metropolim notatione, quod prefata nostra paccata gauderet Metropolis, ac scissure istius, que humana fragilitate contracta est, haud dubium de meritis non adterretur incommodis, anno jam *decurso Concilium indicimus Provinciale*, ubi inter cetera quidem, pepigerunt S. Imperii Coelectores nostri fœdus, cum protestatione ipsi subnixi concorditer acceptatum.

Sperabatur utique, quod in tanti virtute fœderis Natio germanica in se unita flagella, altricem nostram sanctam Dei Ecclesiam insolito more constringentia, posset accuratius decurtare. Videmus vero modo, qualiter nec impendiis, nec sacrificiis, nec legibus nostris humanis Majestas Divina nostris exarcerbata facinoribus hastenus implacata, in nostre Matris anxietate nostris auspiciis ingentiis affulcerat preoptata. Decreviscit nimium reverentia, a minoribus potioribus debita, momentaneis cessat vicibus, obviam insurgunt propemodum perniciosissime lites, accedunt jurgiorum incommoda, private geruntur usurpationes, nutriuntur

schismata, diversa homicidiorum genera proruunt, rarissimus justitie vigor, variis Ecclesiastica libertas quam fundamentum esse precipuum Christiane Religionis existimamus, exinde laceratur injuriis Clerus, qui de sorte Christi est, pederentim humiliatur; & ut plura paucis perstringamus, in hereditate Domini Ecclesia vere contracta, & concissa, noxius diutius porro inhabitare deproperat, que profecto nobis indicium preparant, quantum humanum concessum sit potestati Divine mitigandam fore potestatis ultionem; pacem in Ecclesia struendam, & fidei Principum ope & auxilio fructus (*fructus*) scissurarum grassantes protinus placandos.

Cognoscentes itaque, quodcumque in rebus tam arduis, cum vestro & aliorum sancte nostre Moguntine Sedi affectorum fuerit ordinatum Concilio, id ad beatitudinem nostram Metropolis accedere, & in ipsius gloriam plurimum redundare; quare generalem nostre Moguntine Provincie Suffraganeorum conventionem in crastinum diem, que est dies Martis, post proximum festum Assumptionis gloriose Virginis MARIE immediate sequentem, cum ceteris sequentibus diebus, in oppidum nostrum *Aßbaffenburg*, deliberatione matura precurrende, decrevimus instituendam, ad quam tanto ardentius motus nostros contulimus, quanto sincerius Serenissimum Principem

(*) Archiepiscopi Moguntini Encyclica pro Synodo Provinciali feria III post Assumptæ B. M. V. a. 1440 cogendam, quæ jam a. 1439 indicta fuerat.

pem & Dominum nostrum, D. FRIDERICUM Romanorum Regem, & semper Augustum ad pacem in Ecclesia ponendam novimus inclinatam: quem hoc pretextu indicta sue Serenitatis autoritate in civitatem Nurnberg in festo sancti Michaelis proxime futuro instituta, cum sacri sui Imperii Principibus Electoribus, Optimatibus & Sacerdotibus novimus conventurum; ut inibi secum existentes dictorum nostrorum Suffraganeorum prius freti conciliis, sue valeamus Serenitati concilia revelare (*consilia, revelare*) super premissis pro dicti Imperii, & nostre Provincie profectu grata futura.

Vestram itaque amicitiam in D. N. J. C. hortamur, & sincerissime rogamus, quatenus ad hujusmodi Congregationem de & super prefatis institutam omni cessante impedimento, pro debito quo nostre stringimini Metropoli, vos conferatis propria in persona aut saltem, evidenti prohibiti necessitate vestros doctos & constantes Viros transmittatis ad tractandum, consulendum, concurrendum, & concludendum in dextra Omnipotentis DEI & nostra virtute unita, quo pacto premissis modo occurratur dispendiis; ac etiam si visum fuerit expedire ad declarationem subeundam, cui partium sit adherendum; alia quoque faciendum, que necessaria videbuntur, ne una Nobiscum improvisi, ac interim Nobis circa rem familiarem occupatis, in tanto devagantes, & operantes exitio, anfractibus irreparabilibus subijciamur. Rogantes etiam Charitatem vestram, ut Nos de intentione vestra certificare non detraheretis. Datum anno Domini M.CCCC.XL. mense Aprili.

Ex nonnullis Suffraganeorum Responsoriis subnectere lubet datos Metropolitano titulos cum ceteris Curialibus illorum, qui ad Synodum ablegabantur, nomina & functiones.

CURIENSIS CONRAD. "Reverendissime Pater, Domine & Preceptor me-

tuentissime." *Finit*; "Dominationis vestre in preceptis. CONRADUS DE RECHBERG Electus Ecclesie Curienfis;" *Exterius*; "Rmo... THEODERICO S. M. S. Episcopo, S. R. I. per Germaniam Archicancellario, & Principi Electori, Domino meo metuentissimo.

CONSTANTIENSIS HENRICUS, misit *Hermannum de Laudenburg* Canonicum, & *Conradum Lulli* Decret. D.

HALBERSTAD. BURGARDUS, hoc stylo Metropolitam affatur: "Recommendatione sincerissima solida cum subjectione ac votiva complacendi promptitudine predirecta Reverendissime Pater, & Domine & Preceptor multum metuende. (*Ordning* d. 8. Jun.) "Reverendissimo... Domino & Preceptor nostro metuendissimo.

HILDESIENSIS MAGNUS, in castro Sturwald 9. Aug. nuntios constituit *Johannem Schwanenflugel*, Decanum Ecclesie majoris, & *Henricum Leuping*, Prepositum D. Martini Heligenstad.

SPIRENSIS RHEINHARDI Oratores: *Andreas de Lapida* Prepositus S. Trinitatis, *Rutgerus de Rutterburg* in Theologia Magister, *Ernestus Duffel* ad S. Florinum Confluentie Canonicus. Credentiales expedite sunt Undenhemii 12. Aug.

VERDENSIS JOHANNES (ex castro suo Rodenburg 18. Julii) deputavit *Conradum Aldenbroch* Can. Cathedr. & Archidiaconum in Merestipe.

WORMATIENSIS FRIDERICUS, *Johannem Ladenbaum*, ædis summæ Canonicum.

Cl. Gudenus Codicis diplomatici T. IV. pag. 262.

ANNO

Anno Christi MCCCCXLI.

Ad condeliberandum in solenni Conventu Moguntino, causa restinguendi schismatis indicto, R. FRIDERICUS mittit

Oratores.

(p. 756. n. 1.)

NOS FRIDERICUS D. G. ROMANORUM REX SEMPER AUGUSTUS.
AUSTRIE, STYRIE, KARINTHIE, KARNIOLE, & C. DUX,
COMES TYROLIS.

Notum facimus universis litterarum presentium inspectoribus, quod cum nuper pro sedando lamentabili schismate, sanctam Dei Ecclesiam diebus nostris miserabiliter conturbantes, solennem dietam ad nunc instans festum Purificationis B. M. V. in civitate *Moguntina* instituerimus celebrandam; ad illam Catholicos Reges, ut suos Oratores pleno mandato suffultos mitrerent, invitantes, & adhortantes diligentius: Ecclesiasticos vero & seculares Principes, Prelatos, Comites, Barones, & Nobiles nostros & Imperii sacri Fideles dilectos, ut personaliter eandem accederent, & seriofius requirerent; plena tunc deliberatione dispositi, quod & Nos dietam ipsam vellemus accedere propria in persona; tandem supervenientibus nonnullis arduis negotiis, quibus pro utilitate Reipublice, totiusque Christianitatis commodo inevitabiliter habebamus intendere, diutius prepediti pro attingenda statuto tempore dieta prefata Nos nequivimus adaptare.

Verum, etsi prepeditionem eandem infra dies paucos submoveri speremus, atque ad ipsam dietam Domino concedente in tempore opportuno pertingere; nolentes tamen tante arduis negotia, que illic pro communi omnium salute tractanda incumbunt, ex prestulatione nostre personalis presentie, ullam retardationem accipere; hinc maturo super hoc cum Principibus, Prelatis, Comitibus, & Baronibus nostris prehabito concilio omni & meliori modo ac via, quibus possumus & debemus, Venerabiles *Petrum* Augustensem, *Silvestrum* Chiemensem Episcopos, Principes, Magnificum

Albertum de Potendorf, Baronem honorabilem *Thomam de Hasselbach*, sacre pagine Professore, Conciliarios nostros devotos, dilectos, in nostros constituimus, creavimus, & ordinavimus. . . Oratores mandatarios, & ambasiatores; dantes & concedentes eisdem, aut majori parti ex illis plenam, liberam ac omnimodam potestatem & facultatem, se in predicta dieta Moguntina nostro nomine presentandi, inibi que cum Serenissimis Regibus, & Principibus, Prelatis, Comitibus, Baronibus, & Nobilibus prefatis, seu eorum Oratoribus & Ambasiatoribus ibidem convenientibus tractandi, consulendi, concordandi, & concludendi de ordine viis & modis, quibus supra dictum schisma evicacius tolli, & S. Matri nostre Catholice Ecclesie in suis tribulationibus, & angustiis desideratus valeat preberi succursus; nec non maturam deliberationem in Concilio nostro factam, si ab aliorum forsitan deliberationibus discrepans, aut diversa fuerit, apud hujusmodi dietam, & in prosecutione dicti negotii in unam unanimem sententiam reducendi & concordandi; omnemque modum & viam, per quorum medium tantis Ecclesie necessitatibus & anxietatibus salubrius possit consuli, nostro nomine acceptandi, & prosequendi, nec non pro premissorum omnium firmiori stabilitate, & reali executione, si utilitas, & necessitas exegerit, in aliam seu alias dietas consentiendi, easque, si opus fuerit, auctoritate nostra statuendi & indicendi; omnia quoque & singula, que ipsorum Oratorum. . . nostrorum interventu, & unanimi consensu Regum, & Principum, & Prelatorum, ac eorum

rum Oratorum predictorum indicta
dieta convenientium pro S.R. Ecclesie,
sacrique Romani Imperii felici & tran-
quillo statu avisata, & conclusa fuerint
acceptandi atque executioni debite de-
mandandi; & transgressoribus contra
facientibus aut rebellibus autoritate
nostra predicta pœnas debitas infligen-
di; omniaque alia & singula agendi,
faciendi & exequendi, que circa pre-
missa . . . necessaria fuerint, se quo-
modolibet opportuna, & que Nos ip-
semet facere possemus, & deberemus,
si predictæ diete Moguntine personali-
ter interessemus, etiam si majora fo-
rent, quam in presentibus litteris con-
tinentur, aut mandatum exigenter ma-
jus speciale. Volentes quoque, quod
per prefatos . . . nostros Ambasiatores,

ut prefertur circa premissa . . . actum,
factum, . . . & conclusum fuerit appro-
bare, firmumque & ratum inviolabi-
liter observare.

In cujus rei testimonium presen-
tes litteras sub appensione nostri sigilli
jussimus communiri. Datum in nova
Civitate, mensis Februarii 5. 6. 7. an-
no Domini M. CCCC. XLI. Regni no-
stri anno I.

Ad Mandatum Regis

CONRADUS, PREPOSITUS
VIENENSIS, CANCELLA-
RIUS.

*Cl. de Gudenus Tomo IV. Codicis
diplomatici pag. 266.*

SYNODUS AUGUSTANA

Anno Christi MDXIX. Leonis X. PP. VII.
Caroli V. Imp. I.

a CHRISTOPHORO de STADION, (*) Augustano
LVII. Episcopo,

CELEBRATA

Synodi hujus mentionem facit in sua *Hierarchia Augustana* Cl. Corbinianus Khamm
Cap. VI. Sect. V. pag. 311 his verbis:

"CHRISTOPHORO Episcopo Augustano, anno subsequente *Synodum* ex 160
Presbyteris congregatam, postliminio Dilingæ indicente, nec non ad
conservandos suos Pastores & oves utilissima statuente." Et paulo ante:
"CHRISTOPHORO ad antevertendum serpenti (*Lutheranæ contagionis*) toxico
Synodum interim celebrante & eleganti oratione ad Clerum perorante."

(*) Erat is J. U. D. Cathedralis Aug. Canonicus, Officialis, Decanus. Pastor gregis
sui fidelissimus, heterodoxorum juratus hostis, imperterritus veræ fidei custos &
propugnator acerrimus. Adiit Episcopatum a. 1517. rexit 26. obiit 1542 die 15
Aprilis, ætatis anno 65.

Idem P. Corbinianus Khamm l. c.

EPISTOLA CONVOCATORIA

AD SYNODUM HERBIPOLENSEM

Anno Christi MDXLVIII. Pauli III. PP. XIV.

Caroli V. Imp. XXXI.

a MELCHIORE, (*) Episcopo Herbipolensi,

DATA

SUB HAC INSCRIPTIONE:

*Venerabili honorandis devotis Nobis in Christo Dilectis Decano
& Capitulo ecclesiae Collegiatæ in Mosbach.*

MELCHIOR, DEI GRATIA EPISCOPUS HERBIPOLENSIS, FRANCIEQUE ORIENTALIS DUX. VENERABILIBUS ET HONORABILIBUS NOBIS IN CHRISTO DILECTIS AC DEVOTIS, ABBATIBUS, PRÆPOSITIS, DECANIS, SCHOLASTICIS, CANTORIBUS, CUSTODIBUS, PLEBANIS, VICARIIS, MONASTERIORUM PRIORIBUS ET GUARDIANIS, COMMENDATORIBUS ORDINUM QUORUMCUNQUE, NEC NON CAPITULORUM RURALIUM DECANIS, PROCURATORIBUS ET DIFFINITORIBUS, CETERISQUE OMNIBUS ET SINGULIS PERSONIS ECCLESIASTICIS PER CIVITATEM ET DIOCESIM NOSTRAS, SALUTEM IN DOMINO.

EX debito Pastoralis officii nobis licet immeritis, superna providentia incumbens tenemur, salutem animarum gregis nostri procurare, ac errores, scismata & omnem pestem improborum hominum (quæ inter nobis subiectos magna cum iactura Christianæ Religionis emerferunt) pro viribus extirpare. Quod tum felicius successurum speramus, si a Clericorum (quos scientia morum & vitæ integritate cæteris præstare oportet) correctione incipiamus, ac improbos & perverfos ab illicitis doctrinis & actibus, per Ecclesiasticam disciplinam arcea-

mus: acerbe enim ferimus hanc Ecclesie calamitatem. Quare cum olim sanctorum Patrum constitutionibus sanctum noscatur, ut Synodus sacrosancta (qua salus Ecclesie quaritur, hostes terrentur, ac fides catholica stabilitur) per Antistites & locorum Ordinarios, certis anni temporibus celebraretur: Nos eorum vestigia imitantes, & qui, ut Pastor ovium nostrarum, ad emendandam subditorum errata & excessus, maxime Clericorum & Religiosorum (ne sanguis impiorum e manibus nostris in die Iudicii requiratur) prudenter & diligenter intendere debeamus, ne

(*) MELCHIOR ZOBELIUS Guttenbergæ loco perameno, haud procul ab urbe Wirceburgensi, celum ex antiqua & prænobili natus familia hausit, eratque vir laudatissimus, carus omnibus Princeps, ac Præsul domi forisque inclitus. E Decano ecclesie Cathedralis a. 1544 die 19 Augusti fiebat ejusdem Episcopus & Dux Orientalis Francie, concordibus Canonicorum omnium suffragiis electus. Opimis provinciam hanc auspiciis suscepit, nec minori administravit laude ac felicitate, ad annum Christi 1558, quem expertus est fatalem sibi & supremum: die enim 16 Aprilis ejusd. currentis, cum e Concilio, quod indies in reipublicæ emolumentum habere consueverat, suam ad arcem rediret, in Moeni ponte a sicario, quem Guilielmus Grumbachius, nobilis Franco, adversus Episcopum ardens furore submisserat, sclopeto trajectus, sub urbis Herbipolensis porta occubuit.

Spondanus *Annal. Ecclesiast. Tom. II. pag. 577.*

Struv. *Corp. Hist. Germ. pag. 1130* & alii apud J. Steph. Pütter *Hist. Imp. Germ. P. III. pag. 557.*

ne circa ea, quæ contra Divinas institutiones fiunt, diucius cessemus, sed omnibus viribus enitamur, ut oves palumbas, ac in pascuis palustribus errantes recolligamus: & earum morbis, ne veluti gangrena latius serpant, præsentaneo & salutari pharmaco occurramus. Videtis percussum Pastorem: videtis oves dispersas: videtis impudentem peccandi licentiam: videtis adversus pietatem audaciam tum loquendi tum disputandi impiissimam, & indies scelerata gliscere scismata. Quocirca diligenti deliberatione præhabita, super tanto & tam necessario negotio, ad honorem Dei & status totius Cleri nostræ Diœcesis profectum, ac salutis animarum eorundem augmentum, non solum de Legis nostræ Diœcesanæ auctoritate, sed edito & mandato Cæsareæ Majestatis, juxta editam Reformationis formam, ad deliberandum, immo & ad observandum in Comitibus Augustanis, Statibus Ecclesiasticis prælectam & serio commissam (salvo tamen semper meliori Ecclesiæ & Concilii generalis consilio) ad sacrosanctam Synodum, & illam in Choro sancti Kiliani Patroni nostri, Ecclesiæ nostræ majoris Herbipolensis, sub officio sanctissimæ Missæ de sancto Spiritu, opitulante Divina clementia, solenniter decantando, celebrandam, constituimus & præfigimus diem Lunæ proxime post festum

sancti Martini adventuram, de anno Domini præsentis videlicet, Millesimo quingentesimo quadagesimo octavo: ad quam quidem sanctam Synodum die & loco præfatis, vos omnes & singulos conjunctim & divisim, ut coram personaliter compareatis, in virtute sanctæ obedientiæ, per præsentem in his scriptis peremptorie citamus, ad videndum & audiendum, quid in re tam seria & summo opere necessaria, accedente vestro consilio, sit faciendum, & quid denique statuendum: alioquin sine legitima causâ absentes & contumaces, animadversionibus condignis plectere non postponemus. In quorum omnium & singulorum præmissorum fidem & testimonium, nostri Vicariatus sigillum, quo ad præsens utimur, præsentibus est impressum.

Datum in nostra Civitate Herbipolensi, die vicesima septima mensis Septembris, anno a Nativitate Domini Millesimo quingentesimo quadagesimo octavo.

GUILHELMUS RUSZWURM
Fiscalis subijt.

Communicavit Cl. Dom. Jung ævari
consilii Assessor, Membrum Acad.
Scient. Manheim. & Bailivus S.
E. P.



SYNODUS DIOECESANA ATREBATENSIS

Anno Christi MDLXXXIV. Gregorii XIII. PP. XII.
Rudolphi II. Imp. VIII.

Statuta Synodi Diœcesanæ Atrebatensis,
anno Domini 1584. decima quarta Octobris

ATREBATI CELEBRATÆ,

REVERENDISSIMO PATRE ac DOMINO,

D. MATTHÆO MEDULLARTIO, (*)

Dei & Apostolicæ Sedis gratia Atrebatiano
Episcopo præfidente.

EPISTOLA PASTORALIS EPISCOPI.

MATTHÆUS, Dei & Apostolicæ Sedis gratia Atrebatensis
Episcopus, universo Clero Civitatis & Diœcesis sue, in Domino Salutem.

Quam Divina benignitas ad cumulum beneficiorum, hactenus in nos collatorum, etiam istud præstare dignata sit, ut tempora sedatiora Reipublica nostræ concedens viam aperiret Diœcesanæ paulo celebriori Synodo celebrandæ; non potuimus non mirum in modum in Domino gaudere, ac ejus immense Majestati, quantascunque possumus gratias, ex intims præcordiorum venis & ferventissimis affectuum medullis de tantis beneficiis oppido quam agere, nec non quam maxime fieri potest, referre. Potissimum ob id, quod summa consensione & animorum concordia cuncta sint ita suaviter & tranquilli propostita, promota, conclusa, promulgata, ut merito sperare debeamus, quod a Domino factum sit istud, & ideo mirabile sit in oculis nostris,

alioqui minus perspicacibus, quam ut rem adeo magnam, arduam, & sanctam ad optatum exitum possemus perducere, & ita brevi tempore adornatam videre sua coronide.

Idecirco prætermittere non debemus, quin parvitatibus nostræ memores, universis ad gratiarum actionem nobiscum Deo referendam adhortaremur; quatenus calem Dei bonitas, ingratitude notam declinare nos velle vident, concedat id quod in votis habuimus, & imprimis exoptavimus semper, nempe ut in praxim deducere universa possimus: & remedia jam divinitus parata, nostris morbis applicare valeamus. Ut enim parum prodest medicinam domi præparatam retinere, nisi & tempore opportuno morbis curandis adhibeatur; ita minimum adferret emolumenti, San-

ctiones

(*) MATTHÆUS MEDULLARTIUS (al. Moulartius) ex pago S. Martini juxta Aeriam oriundus, S. T. L. in Academia Lovan. Cœnobii Gisleiniani in Advaticis Abbas, Vir egregia rerum divinarum imbutus cognitione & zelo ad egregia quæque excitato illustis, Francisci Richardoti, Præfulis maximi, Successor renunciatus est a. 1575, consecratus a. 1577 & Calendis Octob. urbem solenniter ingressus. Obiit Bruxellis die 11 Julii 1600 prope octogenarius, dum generalibus Ordinum ecclesiasticorum comitiis interesset. Atrebat in medio chori sub insigni mausolæo quiescit relictis Synodi, quam hic damus, *Diœcesanæ Statutis*, & *Breviario ad usum Atrebatensis ecclesiæ*, typis Riverianis Atrebat edito.

Illmus de Castillon fac. Belgii Chronol. P. II. pag. 381, & Cl. J. F. Foppens Biblioth. Belg. Tom. II. pag. 868.

tionem & Decreta compilasse, & in unum congestisse, nisi & in executionem mittere conareremur.

Proinde ejusdem bonitatis in humanum genus propensissimam clementiam & inexhaustam misericordie scaturiginem implorandam & inclinandam curare debemus, ut sicut contra multorum spem Synodus ipsam sic satis edificatorie absolvere concessit; ita præter nonnullorum expectationem brevi tempore ab omnibus observatam & usitatam, in Domino Ecclesiæ congratulari & congruere possimus.

Paucis quidem & humilibus Constitutionibus contenti fuimus; quod sat multæ & graves sint tam in æcumenica Tridentina, quam Provinciali Cameracensi Synodo. Atque id ipsum non alio consilio, quam quod si cut perpetuo modestis conquirere studuimus; sic pauciora constituere & bene observare satius nunquam duximus, quam velut Statutorum & Decretorum plaustris humeros hominum pessumdare & paucissima perfecte observare. Multitudo enim prohibitionum frequenter (ut experientia docet) plus obest, quam prodest, & non tantum aedificat, quantum destruit, non minus ordinem turbat, quam confusionem inducit.

Unde nobis esse brevibus & licuit & placuit potius quam prolixioribus, maxime quum offatim & in Tridentinis & in Cameracensibus Decretis materias nobis suppeditari cernamus, quibus disciplinæ integritatem & vite reformationem Clero & populo Christiano fartam tectam curare queamus. Adde etiam, quod periti Hypodidascali non onerant novis disciplinis discipulos, nisi priorum apprime imbutos & sufficienter instructos. Alio-

quin & priora & posteriora minus callebunt. Ita nisi populum primo doceamus observare magis necessaria & communia, frustra contendimus cum ad majora & difficiliora capeienda perducere. Quæ a Nobis, non animo reprehendendi alios, qui majora præstare possunt, sed intentione excusandi velut infantiam nostram, si quibusdam paucioribus fuisse contenti videamur.

Porro etiam horum paucissimorum Statutorum copiam nonnulli graves viri summo pere expetentes, persuaserunt in lucem emitte; maxime hoc argumento, ut non nisi terfa & a mendis aliena hominum in manus venirent.

Itaque Prælati omnibus, Archidiaconis, Capitulis, Prioribus, Collegiis, Personatibus, Decanis, Pastoribus, & aliis curam animarum exercentibus & Sacramenta ministrantibus nostræ Diocesis in virtute s. obedientie mandamus, ut ipsa simul cum Prædecessorum nostrorum Decretis, ac Generalis Tridentini nec non Provincialis Cameracensis Concilii habeant, diligenter legant, suosque ac subditorum mores illis omnibus conformare studeant; ut videntes plerique vicini nostram omnium in Christo conversationem bonam, operaque nostra laudabilia, ad imitationem prosocentur, Patremque glorificent, qui in calis est, in quo valeatis.

Ex animo quæsumus, mei vestris tum Sacrificiis, tum precibus & officiis Christianis haud immemores vobis omnibus nequaquam defuturi, quoad vita hæc ardore consentaneo comes fuerit.

E Domo nostra Episcopali 14. Novembr. 1584.

INDEX TITULORUM SEU STATUTORUM HUIUS SYNODI.

- TITULUS I. De Baptismo.
- II. De Confirmatione.
- III. De honestate & officio Sacerdotali.
- IV. De administratione Sacramenti Pœnitentiæ &c.
- V. De Festo S. Michaelis celebrando & aliis Festis & jeuniis ex præcepto observandis.

- VI. De Scholis.
- VII. De Bonis temporalibus Ecclesiasticorum.
- VIII. De excessibus gravioribus.
- IX. De Processionibus.
- X. De Portione Canonica.
- XI. De Usura.

PRO-OEMIUM.

SEQUUNTUR STATUTA.

In primis omnia & singula Fidei dogmata, Canones & Decreta sacrosancti Concilii Tridentini, Provincialis item Cameracensis novissimi Statuta & Ordinationes omnes, etiam Diocesanæ Atrebatensis a pientissimæ memoriæ FRANCISCO RICHARDOTO & aliis Prædecessoribus nostris facta & observari mandata (quatenus Oecumenicæ Tridentinæ & Provinciali Cameracensi non derogent) velut sacrosancta & omni observatione dignissima reverenter agnoscetes, & cum quantacunque decet obedientia etiamnum suscipientes & rata habentes & pro posse nostro observantes & observari mandantes.

Quia tamen nondum ubique vel temporum injuria, vel quovis alio impedimento remorante, perfecte & plane observantur: ideo eorum omnium, ut executioni puræ, perfectæ ac simplici serio ab omnibus omnino Prælatiis, Archidiaconis, Capitulis, Collegiis, Monasteriis, Conventibus, Societatibus, Decanis, Pastoribus, Religiosis, Clericis & populis, Nobis ordinaria vel delegata potestate subditis, opera quam accuratissima adhibeatur.

Mandamus & præcipimus sub pœnis eorundem singulis appositis, quatenus in proximis Visitationibus nostris non cogamur in ipsorum executione perficienda laborare: sed ab unoquoque videntes omnia & singula integre in Domino observari, in Domino plurimum gaudere, ac ipsum pro tanti beneficii largitate laudare & benedicere valeamus.

Porro ad ea, quæ per Prædecessores nostros non minus sancte, quam provide constituta sunt, pro temporum ratione, quæ sequuntur, addenda duximus.

De Baptismo.

I.

Quam Susceptores & Susceptrices in Baptismo admittantur tanquam

parentes spirituales suscipiendorum, & qui, deficientibus parentibus corporalibus, in sacra Christianæ pietatis doctrina susceptos instituunt; ferendum non est, ut ad id muneris obeundum & infantes e sacro fonte suscipiendum pueri rationis usus perfecti, expertes admittantur.

Propterea in virtute sanctæ obedientiæ præcipimus Sacramentorum Ministris, ut nullos alios admittant, quam in ea ætate, qua possint perfecte nosse, quod pro filioliis suscipiendis spondeant.

II.

Nomina etiam imponi non sinant profanorum vel ethnicorum; sed duntaxat Sanctorum & Sanctarum utroque Testamento, vel Ecclesiasticis historiis & Martyrologiis Catholicis bene notorum. Ideo siquidem nomina imponuntur, ut excitentur baptizati ad imitationem vitæ eorum, quorum participes sunt nominum, & ut specialiter Sanctis, quorum nomina gerunt, commendentur & precibus eorum foveantur & protegantur.

De Confirmatione.

I.

Insuper considerantes, hoc calamitoso tempore ob tentationum & tribulationum multitudinem & varietatem, Confirmationis Sacramentum valde opportunum esse, ad robur eisdem fortiter perferendis & superandis præstandum; frequenter moneri debent fideles populi, ut hoc Sacramentum suscipere studeant, & maxime quotiescunque recurrunt jejunia quatuor temporum & festum Pentecostes, quatenus ejus virtute sic induantur ex alto & armentur, ut tanquam fortes athletæ in hac militia & pugna viriliter dimicare possint & gloriosam de hostibus suis referre victoriam.

II.

Verum quia verisimiliter nonnulli sunt, qui Pastorum suorum, pro dolor!

lor! monitiones quantumvis salutare parvi pendunt & negligunt, ideo efficacioris remedii causa, & etiam non ignorando hoc Sacramentum plurimum juvare ad novi status electionem salubriter faciendam & in eo majorem gratiam percipiendam & capeffendam.

Prohibemus, ne ad Sacramenti matrimonialis solemnitatem ullos Parochianos admittant Sacramentorum Ministri, neque ad ingressum Monasterii, habitus percipiendi causa, Convantum Superiores recipiant, cujuscunque sexus sint aut ordinis: nisi prius Confirmationis Sacramento insignitos vel insignitas: sub pena gravi, non modo admittis & receptis, verum etiam admittentibus & recipientibus, arbitrio Ordinarii infligenda.

Quod tamen sub his modificationibus intelligendum est, si videlicet facilis sit Episcopi copia, ad eumque tutus pateat accessus, nec morbo præpediatur, vel peregrinetur; aut alias Sedem vacare contingat.

De honestate & officio Sacerdotali.

I.

Praterea quum dignitas & eminentia gradus Sacerdotalis, ab omnibus naniis & insolentis secularibus debeat prorsus esse aliena; sub interminatione Divini Judicii prohibemus, ne in solennitatibus Primitiarum novi Sacerdotis, choreæ & tripudia exercentur; etiamsi nulla sint instrumenta musicalia, & solum cantilenis utantur: sub pena excommunicationis ab ipso Pastore loci, & celebrante suas Primitias, nec non ejus parentibus vel duobus præcipuis propinquis & amicis cujuscunque sexus (si parentibus careant) incurrenda. A qua non aliter absolvi poterunt ipsi Sacerdotes, nisi suspensione ab Officio Divino ad notabiliter longum tempus duratura.

Loco vero turpium illorum motuum & carnalium recreationum, conciones sacræ ac etiam historiarum honestarum exhibitiones, quæ ad virtutem & ædificationem spiritualem excitant, & cedunt, adhiberi possint.

II.

Primitias vero celebraturi, ceremonias suas, quam fieri potest, vicine & proxime accommodent Missalis Romani sanctis ordinationibus: exceptis iis, quæ communis patriæ mos & Diocesis laudabilis observantia refugere videntur, tanquam hic omnino novis & insolitis. Abstineant vero prorsus ab antiqua illa ceremonia insufflandi in panis speciem vel in calicem, quasi per suum anhelare Sacramentum vivificant. Non enim vita aſtunde potest ibi esse, quam virtute verborum a Christo proferri institutorum. Neve, dum verbum: *fregit* pronuntiat, inferiorem hostiæ partem frangant.

III.

Insuper mandamus & præcipimus, ut Statutum in annuali Synodo nostra 16. Octobris 1582. editum, quoad integritatem & puritatem nativam specierum panis & vini, unde sacrosancta consecratur Eucharistia, solerter observetur. Nimirum ut ab omnibus Sacerdotibus summa diligentia adhibeatur, ut non nisi omniino naturales & integræ species, non corruptæ non acidæ non insipidæ & velut obsoletæ in tanto Sacrificio adhibeantur.

Quin imo sacrificaturi curent explorari diligenter, vel ipsi pridie (puto potius, prævie) explorent ipsas, antequam Sacrificiorum oblationi sese accingant: neque majorem specierum provisionem faciant, quam quæ omnino consumi possint, antequam corrumpantur alterenturve notabiliter. Qui vero in hujusmodi Statuti observatione negligentes fuerint, graviter puniantur.

De administratione Sacramenti Pœnitentiæ &c.

I.

Ad hæc, quum Pastores constet jure adstringi ad Sacramentorum administrationem omnibus Parochianis suis exhibendam, etiam si morbis pestiferis & contagiosis infecti credantur; mandamus Pastoribus omnibus, & singulis curam animarum gerentibus, ut

omnium infirmorum magnam gerant sollicitudinem, & nullis omnino infirmis alioqui capacibus negent Sacramentorum quorumcumque ad salutem necessariorum vel oportunorum administrationem. Præsertim quum veri Pastoris sit, animam suam ponere pro ovibus suis, quanto minus subterfugere debent corpus exponere, ob animæ pretioso Christi Sanguine redemptæ salutem procurandam?

Exhortantes omnes & singulos Parochianos, & potissimum secularem Magistratum, ut ipsos Pastores, contagiosis infirmis Mysteria sacra distribuentes, ob id vitandos non judicent: præsertim quum experientia variis locis compertum sit, divinitus tales suo munere fungentes ex animo, præservari ministerio (ut confidimus) Angelorum ipsis Ministris assistentium.

II.

Verum si Parochianorum vel Magistratus tanta sit pusillanimitas, ut eam Divini auxilii prærogativam & Divinæ providentiæ favorem, vel suis Pastoribus, vel etiam sibi a Domino Deo fieri vix (quod dolendum est) in animum possint inducere; eorum infirmitati compatientes, peculiarem Sacerdotem ad id muneris specialiter obeundum, parati sumus admittere, & curam animarum illi dare: dummodo sumptibus Parochianorum aut ærarii publici dignum assignetur illi stipendium.

Non enim æquum est, Pastores nullo pacto recusantes satisfacere suo muneri, & per solos Parochianos & Magistratus impeditos, in tali casu sumptus aliquos novos ferre debere: nisi forsân Pastores ad evitandum periculum ultro nec hoc exspectant: Laicis alioqui paratis non vitare eos, si personaliter administrarent.

De Festo S. Michaelis celebrando, & aliis festis & jejuniis, ex præcepto observandis.

I.

Præterea usque adeo multum subsidii & favoris ab Angelica natura suscepit humana ut notam ingrati-
tudinis

incurrere videri possit, nisi quam vicem potest, rependere studeat. Si quidem salutem nostram invigilant, ac tuitioni contra malignorum spirituum incursus, & singuli singulos habemus Angelos animæ nostræ custodes: imo omnes Angeli in ministerium sunt missi, propter eos, qui hereditatem capiunt salutis.

Hinc est quod gratitudinis, ergo monemus omnes & singulos Nobis subditos, ut devotione quadam speciali venerentur Angelos, & eorum festis piis operationibus, orationibus & aliis exercitiis religionis colant. Videlicet prima Martii, qua festum celebratur Angelorum Custodum animarum nostrarum, & ejusdem Martii decima octava, qua Gabrielis nostræ Redemptionis Paranymphe memoria colitur, & octava Maji, qua Apparitio sancti Michaelis solennisatur, & S. Michaelis Dedicatio, quæ celebratur Septembris penultima.

Atque eum ipsum S. Michaelis diem mensis Septembris ita observent, ut ab omni opere servili tanquam in summo festo Natalis omnium Sanctorum abstineant, ut sic sibi benevolentiam ipsius sancti Michaelis, & reliquorum omnium Spirituum sanctorum concilient, & sub eorum tutela salutem suam melius operari possint & valeant, ad honorem Majestatis Divinæ, cui perpetuo astare creduntur.

II.

De aliis vero Festis etiam colendis observanda sunt Prædecessorum nostrorum Statuta, tempore Domini FRANCISCI RICHARDOTI renovata & edita, prout habentur pag. 124 & 125, nisi quod juxta consuetudinem in nostra Diocesi receptam, diebus Martis & Mercurii festa Paschalia & Pentecostalia immediate sequentibus arare & equos & jumenta alia laboribus & oneribus consuetis mancipare licebit. Declarantes intentionis nostræ prorsus esse, ut ab omnibus omnino Ecclesiis nostræ Diocesis observetur præfatorum Prædecessorum nostrorum Decretum, dicta pagina 125 & 126. habitum, de festo Dedicacionis ob causas ab eisdem assigna-

assignatas VII. Julii simul cum Cathedrali nostra celebrando: sub pœnis jure infligendis, alio tempore Dedicatio- nis suæ festum celebrantibus.

III.

Porro jejuniorum observatio consuetudinem inveteratam in nostra Dice- cesi sequetur: nempe Quadragesimæ, quatuor Temporum, Vigiliarum, vi- delicet Nativitatis Domini, Pentecostes, B. Joannis Baptistæ, Petri & Pauli, Jacobi, Laurentii, Assumptionis B. MARIE Virginis, Bartholomæi, Mat- thæi, Simonis & Judæ, omnium San- ctorum, Andræ Apostoli, jejunia præ- cipiendo; & a carnibus abstinendam in Litanía majori beati Marci die, etiam in Rogationum diebus. Ita tamen, ut si Festa prædicta incidant in diem Lu- næ, Sabbato præcedenti jejunetur.

De Scholis.

I.

Demum Statutum a Nobis in Syno- do annali anno 1577. 15. Octobr. de Scholis Dominicalibus, renovandum & inculcandum duximus. Nullatenus enim negligendæ sunt ipsæ Scholæ Do- minicales & Festivales pauperum, per serias in pane querendo vel lucrando occupatorum. Sed, ubi sunt institutæ, solerter excolantur & visitentur, tam a Pastoribus loci, quam Decanis. Ubi vero hætenus propter injuriam tem- poris non fuerunt erectæ, cogantur Pastores cum Parochianis per Decanos eam erigere, ad formam Atrebatensem, sive puerorum, sive puellarum: Statu- ra ibidem observando, hætenus præ- scripta vel præscribenda.

Quod si Parochiani vel Magistra- tus præbeant se difficiles in ipsarum Dominicalium & Festivalium, vel etiam quotidianarum pro dinoribus, & aliis opportunitatem visitandi ferialibus die- bus habentibus, erectione vel conti- nuatione: ad Nos, vel nostros Vicarios denuntientur, severe arguendi, imo per implorationem brachii secularis co- gendi, una cum parentibus puerorum puellarumve suas proles mittere negli- gentibus, juxta Edictum Regium su- per hoc emanatum.

De Bonis temporalibus Eccle- siasticorum.

I.

Cogit temporum calamitas, ut tem- poralia Ecclesiæ tam notabiliter imminuta, quantum fieri poterit, re- staurantur, vel ut minimum ita confer- ventur, ut in posterum saltem Ecclesia- sticorum culpa deteriora non evadant.

Quorum cura quum apud quos- dam non fuerit tam accurata, quam bene mereri censetur Christi Patrimo- nium, & satis probabile sit, multa peri- iisse per incuriam Prælatorum, Sacer- dotum, Curatorum vel Sacellanorum, aut bonis pauperum vel locis piis de- putatorum, etiam Laicorum, aut etiam per favorem suis parentibus & amicis carnaliter impensum, in ipsorum bo- norum elocatione, vel in emphiteosium concessione, aut chartulariorum sub- stractione & denegatione, aut alioqui injusta detentione, in fraudem & præ- judicium perquam notabile ipsarum Ecclesiarum.

Ideoque statuimus & mandamus omnibus Pastoribus, ut tribus diebus Dominicis continuis a reditu suo, & rursus in Quadragesima proxime futu- ra, Dominica *Reminiscere* moneat iterum atque iterum omnes & singulos præ- dictorum bonorum & chartarum de- tentores, & omnes horum conscios vel fautores, sub pœna excommunica- tionis ipsa Dominica *Passionis* fulminan- da, ut Pastoribus suis renuntient & de- clarent, quidquid tale sciunt se deti- nere, aut ab aliis detineri. Et id, quod eo modo scire poterunt, veris Domi- nis intra mensem referant.

II.

Atque ut in posterum tales jacturæ bonorum Ecclesiasticorum non contin- gant, omnes & singulos Pastores & Sa- cellanos, & piorum locorum Admini- stratores jubemus inventarium conficere ipsorum bonorum & reddituum; quod Patrono suo vel Superiori dare signatum, sibi retenta copia teneantur, ea cautione, ut si quid celasse depre- hendantur, graviter arbitrio sui Ordina- rii puniantur.

III.

III.

In elocationibus quoque Ecclesiasticorum bonorum si deprehendantur notabiles læsiones, ut plus quam mediæ partis aut circiter, omnes Ecclesiastici humano timore postposito, & Dei solius ac pauperum membrorum ejus respectu habito, teneantur secundum jura tales rescindere contractus. Alioquin graviter ab Ordinariis puniri, primo per multam notabilem, deinde etiam per subtractionem administrationis temporalium Beneficiorum suorum, ipsa aliis idoneis & ferventioris zeli commissa. Non enim licet, pauperibus eroganda, pro suo beneplacito ita viliter elocare, & Christi membra subsidio sibi debito defraudare.

IV.

Quia mobilia etiam pretiosa Monasteriorum, & chartularia & tituli Prioratum & Pastorum, Personatumque, solent jacturam pati notabilem post mortem ipsorum Prælatorum, Priorum, Pastorum, & cæterorum similium, cui ut obviam eatur, necessarium duximus injungere, prout hoc articulo injungimus, ut dum Prælatus, Prior forensis vel Pastor periculose laborabit ex infirmitate, & non fuerit spes probabilis convalescentiæ, ut Nobis vel Vicariis nostris curent eorum Religiosi vel Pastores vicini renuntiare, quatenus consolationis officium destitutis impendi, & pro futuro successore obtinendo non solum orationes fieri, sed etiam omnia, quæ sunt Beneficiorum bona, sive chartularia, sive pecuniaria, sive suppellectilia, alioqui necessaria & congrua, conservari mature valeant.

In Abbatibus observando Statutum *sess. 24. cap. 16.* Concilii Tridentini, consistens in eo, ut Administratores constituti fideliter administrent, & rationem bonam reddant futuro Successori. Ita tamen, ut servetur consuetudo in nonnullis Monasteriis recepta, ubi quatuor Religiosi, Abbate defuncto, committuntur, qui temporalium curam gerant.

In Pastoribus autem & Prioratibus præfatis videndo, quod testamentum

& quos Executores, & quæ bona defunctus reliquerit: ut si domus reparatione indigeant, vel alia restent onera, per ipsos Executores, vel hæredes prius præstentur, quam aliquid inde auferatur; ne Successores immerito graventur.

V.

Ferendum non est, ut qui commodum velint sentire, onus interim subterfugiant. Et proinde quum sunt quædam Collegia & Communitates, in quibus Beneficiorum Ecclesiasticorum valor inæqualis est: minime rationi consentaneum videtur, ut qui minus fructuum percipiunt, æquali graventur onere cum iis, qui plus accipiunt.

Hinc statuimus, ut in posterum onera sustineantur a singulis, pro ratione portionis fructuum & reddituum singuli cujusque Beneficii, ea tamen conditione, ut Fundatorum intentiones, si aliæ sint, observentur, & Beneficiorum particularia onera considerentur.

De Excessibus gravioribus.

I.

Denique, quum id quod ignorat medicina, non curat, mandamus Pastoribus & Decanis locotum, ut Nos vel Vicariis vel Officialibus nostris certiores faciant de publicis casibus enormibus, veluti homicidiis, adulteriis notoriis, raptibus, sacrilegiis, ut remedia procurari criminosis, & solamen exhiberi afflictis possit, ad Dei honorem.

II.

De casibus autem Episcopo reservatis matura deliberatione præhabita, tandem conclusimus persistendum in Prædecessorum nostrorum Sanctionibus *fol. 54.* libri Statutorum per Dominum RICHARDOTUM Prædecessorem nostrum editi. Maxime cum sat multi sint in Dicecesi, quibus facultas a Nobis communicatur, ab ipsis casibus absolvendi.

Nisi quod explicationis causa significandum existimemus, quod quando communicamus potestatem absolvendi a casibus Nobis reservatis, quoad crimen

men hæreseos, Nos non communicare casus hæreseos comprehensæ per *Caput V. Tit. 9. Lib. V. Extravag. Commun.* quod incipit: *Et si Dominici gregis*; & Summo Pontifici reservatæ. Qualis nimirum est postquam fuerint de ea sententialiter condemnati, delati, seu publice diffamati. Eo quod potestatem a tali absolvendi in foro conscientie a Concilio Nobis factam, ne Vicario quidem nostro communicare possimus.

Cæterum alias species Nobis tanquam Ordinariis reservatæ, iis quibus cæteros casus Nobis reservatos communicamus.

III.

Etiamque plurimam adfert perniciem in Monasteriis quorundam tam mendicantium, quam aliorum, vinum vendi extraneis, sive Ecclesiasticis, sive Laicis, in domo sua mensam sternendo, & ad ebrietatem usque potando.

Proinde præcipimus sub pœnis gravibus omnibus & singulis omnino, etiam tanquam Delegati a Sede Apostolica, ut abstineant a tam turpi lucro: ne quadret multis ita potantibus: *In domo Sanctorum iniqua gessit: & non videbit gloriam Dei.* Isaïæ 26. V. 10.

Et quia in domibus nonnullorum mendicantium (proh pudor!) idipsum communiter facitur; ideo si qui ipsum hoc Decretum contemnereprehendantur, privabuntur a Nobis facultate concionandi & confessiones audiendi in nostra Dicecesi per unum annum; ultra pœnam Canonibus congruam; a suis Superioribus imponendam. Et si negligent, a Nobis tanquam Delegatis, ut supra, aut prout de jure, de supplendis negligentis Prælatorum, ordinatum est, ut punientur.

De Processionibus.

I.

Interdicimus etiam, ne mendicantes Processiones generales faciant per Parochias & plateas, & omnino extra septa suorum Convencuum, nisi de voluntate & consensu Pastorum, vel Ordinarii, ac etiam, ne diebus Sabbatinis aquam, quam vocant lustralem, benedicant: nisi speciali ad hoc privilegio gaudeant.

Supplement. Tom. X. Concil. German.

II.

Quum a Prædecessoribus nostris jam pridem decretum sit, ut in Processionibus generalibus unusquisque adsit animo & habitu devoto & religioso, & a singulis Ordinibus, & Convencuum mendicantium Religiosis aliqua pia & ædificatoria decantentur; idcirco, adeo sanctis Prædecessorum nostrorum institutis morem gerendo, & vestigiis inhærendo, decernendum duximus, prout impræsentiarum decernimus, ut sacrosanctum Statutum de Processionibus pie ac devote peragendis, omnes omnino servant, quotquot sunt ordines ad ipsas processiones vocari, etiam juxta Concilium Tridentinum *Sess. XXV. Cap. 13. coacti.*

Et ut Mendicantium Ordines omnes & singuli in processionibus existentes, per totam processionem aliquid pium & sanctum modulentur, ad Domini Dei gloriam, & placandam iram, & ædificationem fidelis populi: ut tali pietatis exercitio vacantes, otiosis abstineant fabulis, & religio sit plebeis ipsos tum interturbare.

Porro si qui confabulationibus vacare in processionibus reperiantur, graviter puniantur a suis Superioribus, etiam laici cives a suo Magistratu, vel Consilio Regio, aut Gubernatore loci, aut alio ad id potestatem habente. Dececeret enim omnem potestatem & jurisdictionem, rem adeo sacram, religiosam ac piam labefactari permittere, defectu vigilantioris animadversionis.

Proinde tam Ecclesiasticos, quam laicos Magistratus requirimus & adhortamur, in ea parte suis muniis strenue fungi, ad Domini Dei laudem & honorem, Ecclesiæ & Civitatis commendationem.

De Portione Canonica.

I.

Quod ad Portionem canonicam attinet, eam pro Pastoribus ruralibus, annonæ caritate ac temporum difficultate atenta, censuimus ad summam centum florenorum esse reducendam. Qui autem Pastores conquerentur, se minus habere fructibus, quam centum florenos, teneantur ex-

D d d d d

hibere

hibere suo Patrono suorum certorum bonorum catalogum a fide dignis sub-signatum, adhibito etiam iurejurando, si opus fuerit, quod plus non habeant. Quo casu, liceat iisdem Patronis recipere fructus ipsius Pasto-ratus, nume-rando prædictam centum florenorum summam.

II.

Et prius quam sacrorum Ordinum Candidati ad susceptionem Ordinis faci admittantur; ordinamus, ut cum solennis bannorum proclamatio fiet, fiat etiam diligens inquisitio de valore tituli patrimonialis, num sufficiens sit.

De Usura.

Quandoquidem usura Divino atque humano jure prohibita sunt, ut justitiæ & charitati adversa: statuimus, ne quis etiam Tutor aut Curator, sub prætextu augendi patrimonii pupillorum, aut eorum, qui sub tutela ipsius sunt, vel quovis alio præ-

textu, pecunias illorum sub certo lucro singulis annis ultra sortem recipiendo, mutuo der, retenta facultate repetendæ sortis ubi ad majorem ætatem pupilli pervenerint, aut Matrimonium contraxerint: aut alias ad tutoris voluntatem & arbitrium.

Declaramus enim hujusmodi contractus usurarios esse, & contra sic mutuantibus ad pœnas juris, ut contra usurarios procedendum esse, maxime vero contra defensores usurarum & contractuum hujusmodi, juxta Clementinam, ex Gram. *Lib. 5. Tit. 5.*

Lexa & publicata fuerunt hæc Statuta in Synodo Diœcesana Atrabaten-si, de Reverendiss. Episcopi mandato, anno Domini 1584. Octob. die vigesimo, etiamque impressa 24. Januarii 1585. M. J. DE BRUNE & M. SIMONE FRANCHOIS Nor.

Atrabati, in ædibus Claudii de Buyens sub signo Biblicæ aureæ 1585.

SYNODUS DIOECESANA METENSIS

Anno Christi MDCIV. Clementis VIII. PP. XIII.
Rudolphi II. Imp. XXVIII.

AUCTORITATE ET DE MANDATO

ILLUSTRISSIMI ac REVERENDISSIMI DOMINI,

D. CAROLI a LOTHARINGIA, (*)

S. R. E. Cardinalis Diaconi, Legati & Primatis Lotharingiæ,
Episcopi Metensis & Argentinen-sis,

CELEBRATA.

CAROLUS, miseratione Divina Tituli S. Agathæ S. R. E. Diaconus Cardinalis a Lotharingia S. D. N. CLEMENTIS Papæ VIII. Sanctæque Sedis Apostolicæ in Lotharingia, & Barri Ducatus, nec non Metensi, Tullensi, & Verdunensi, Civitatibus & Diœcesibus Legatus a latere, Episcopus Metensis, & Argentinen-sis, Primas Lotharingiæ. Universis & singulis Abbatibus, Prioribus, Præpositis, Decanis, Archidiaconis, Capitulis, Archipresbyteris, Parochialium Ecclesiarum Rectoribus, seu eorum Vicariis, Capellanis, Presbyteris, ac Clericis nostrarum Civitatis, & Diœcesis Metensis Salutem in Domino.

Quod a Nobis Pastoralis officii curâ exigat, libenter exequimur, & quantum cum Deo bene juvante possumus, instanter curamus, Cum ergo illud imprimis Nobis prope-

propositum esset, ut vitii & scandalis præsertim e Diacepsi nostra Metensi extirpatis morum sanctimonia, rectaque fides resforescerent; satisque videremus id, aut non omnino, aut agere certe perfici posse, nisi totius Diacepsis diligenti visitatione peracta; eam jam sæpius per Electos a Nobis & Deputatos, ut vulgo notum est, aggressi, bellorum tumultibus omnia sursum deorsum miscitibus, vel perficere, vel certe qui sperabatur ex ea fructum colligere bacterus non potuimus. Cum itaque statuissemus, si quando liceret, per Nos ipsos Diacepsim eandem hustrare, & visitare; maxime, sicut Deo placuit, infirmitatibus, quibus multis annis distinemur, ab hoc sancto labore subeundo præpediti, pace reddita, & quamprimum licuit per molestas & difficilimas admodum procellas, quibus jactati sumus, ut Nobis commissos greges tueremur, & factos rectos conservaremus, generalem ejusdem nostræ Diacepsis visitationem nostris etiam expensis, ne qua occasione retardaretur ejus progressus,

instituiamus, inque viris hoc munere demandavimus, quos & rerum gerendarum prudentia, & Christianæ disciplinæ restituenda zelo plurimum pollere judicavimus. Atque illi quidem in hoc munere strenuam, ut ferebat ratio temporis & locorum, operam navantes multa quidem correxerunt, emendarunt, mutarunt: que vero majoris momenti videbantur, vel quibus propter angustias temporis occurrere non potuerunt, ad Nos retulerunt.

Quibus, ut Pastoralis officii sollicitudo Nos admonet, mederi pro virili cupientes, sequentia ad reformationem morum, disciplinæ Ecclesiasticæ restitutionem, & maxime, ac præcipue ad Dei laudem & honorem, fideique orthodoxæ conservationem Decreta & Constitutiones statuimus, sancimus, & ordinamus: dum alia, si Deus dederit, proximo anno iterum ejusdem nostræ Diacepsis visitatione perfecta pro ratione temporis statuimus & observanda publicabimus.

CON-

(*) CAROLUS Junior a LOTHARINGIA, Caroli Lotharingæ Ducis & Claudiæ Valentiæ Henrici II Regis filix secundus natu filius primam adpexit lucem Nanceji anno 1567 Kal. Jun. Lutetia Parisiorum ac Mussipontum palæstræ erant, in quibus non literis solum & scientiis, sed pietate etiam, aliisque virtutibus illustrem animum, magnisque rebus aptissimum egregie excoluit. Canonicus primum Trevirensis, Argentinenfis ac Moguntinus; tum in Ludovici Guisiani Cardinalis locum Metensi ecclesiæ dabatur Episcopus a. 1578. Mox Abbas S. Victoris Parisiensis & Gorziensis; porro Cardinalis Diaconus a Sixto V P. M. renunciatus, a Gregorio XV titulum S. Agathæ, cum in Urbe ageret, die 15 Aprilis 1591 obtinuit. Anno proximo ab obitu Joannis Comitis Manderscheidii, vota Canonicorum Argentinensium pro Episcopatu tulit nona Junii, (al. 2 Maji) atque a Clemente VIII contra Joannem Georgium, Joachimi Electoris Brandeburgensis filium, confirmatus est. Unde bellum erupit multarum cædium causa & everfarum occasio urbium complurium; quod anno demum 1604 auctoritate Rudolphi II Cæsaris intercedente penitus conquievit. Metensem, cujus mentio Tom. CC. VIII pag. 949 facta, Synodum celebrari jussit per Nicolaum Viardinum Primatialis Nancejanæ Scholasticum, virum prudentem ac strenuum anno, ut refert Calmetus, 1605 die 16 Nov. Metas venit die 29 Augusti a. 1607, inde Nancejum petiit, ubi & vitam clausit ex paralyfi die 24 Novembris ej. a., in ecclesiæ principe mausoleo insignis operis exornatus. Laudes pro funere dixisse Leonardum Perinum e Soc. JESU Theologum, Oratorem ea ætate eximium, scribit Cl. Joannes Chenu in *Hist. chronol. Archiepp. & Episcoporum Gallia* pag. 540.

Georg. Jos. ab Eggs in *Supplem. Purpure doctæ Lib. III. pag. 451.*

Augustinus Calmet cit. *Hist. Eccles. & Civil. Lotharingæ Tom. III. Lib. XXXIII.*

CONSTITUTIONES

EDITÆ AC PROMULGATÆ
IN SYNODO METENSI.

De Sacramento Eucharistiæ, & Sacrosancti Missæ Sacrificii celebratione.

I.

Animadversum est plerosque ex Parochis Missam dicere nullo ministro respondente. Quod cum contra generalem Ecclesiæ consuetudinem sit, mandamus, & præcipimus omnibus Parochis & Sacerdotibus in nostra Diocesi Metensi constitutis, quatenus Aedituum, aut Ludimagistrum puerumve aliquem doceant ministrare & respondere Sacerdoti Sacris operanti: statuimusque, ut qui celebrare sine ministro respondente inventus fuerit, post tres menses a data præsentium, multam duorum francorum irremissibiliter solvat pro qualibet vice.

II.

Parochi omnes, qui ratione sui muneris diebus Festis, aut Dominicis bis celebrant, caveant, ne in prima Missa purificationem sumant; alias enim celebrarent non jejuni contra præceptum Ecclesiæ. Ac propterea qui bis in die Parasceves Officium facere tenentur, in primo quidem (quemadmodum docet Rubrica Missalis) communicabunt, in secundo autem minime: sed adoratione peracta, Officium sine Communionem terminabunt.

III.

Singulis saltem mensibus sanctissimum Eucharistiæ Sacramentum renovetur, ac novarum hostiarum consecratione peracta, veteres & earum fragmenta a Sacerdote reverenter sumantur.

IV.

Substernatur in Ciborio sanctissimo Sacramento pars aliqua corporalis mundi, neque unquam sordibus aspersum relinquatur.

V.

In Monstrantiæ (ut vocant) sanctissimi Sacramenti lunula substernatur pars aliqua corporalis, quam extracto sanctissimo Sacramento statim etiam extrahat Sacerdos, excutiatque diligenter in calicem, ne ei adhærentes particulae deperdantur.

VI.

Atque ad Calicem ipsum, post sumptum Sacramentum & vinum ablutionis, decenter abstergendum parentur sudariola seu purificatoria ex albo linteo firmo, comburanturque, quæ jam præ vetustate sunt olida, aut putrida; & cineres, vel in piscinam altari vicinam, si capax sit, effundantur, vel in scrobem Ecclesiæ, vel cœmeterii recondantur.

VII.

Non liceat uti purificatoriis ex serico in posterum.

VIII.

Observetur diligenter, ut ad tremendum Missæ Sacrificium, non nisi recens haustum vinum adhibeatur; eadem recentes quoque panes singulis saltem mensibus provideantur.

IX.

Stet in altari Sacerdos erecto corpore, non cubitis innixus, nisi dum versatur actu in consecratione, tam hostiæ, quam calicis. Nullæ externæ ac inusitatæ cæremoniæ invehantur.

X.

In unoquoque Archipresbyteratu designetur aliquis cæremoniarum Magister, qui novos Sacerdotes sacras Missæ cæremonias doceat. Is vero eligatur, qui & eas perfecte calleat, probatæque vitæ sit & famæ.

XI.

Albas ne ex tam crassa tela, sed subtiliore, & decenti, easque rugatas circa collum, neque nimium laxas, aut strictas, manicis non ita amplis, sed oblongis fieri curent.

XII.

Cancellis ferreis seu cratibus, quibus ut plurimum sepeliuntur seu occluduntur forinfecus armariola & repositoria, in quibus affervatur sanctissimum Sacramentum, apponatur interius vitrum aliquod, ne in ea muscis, araneis, pulverive pateat aditus.

XIII.

Vascula sacrarum Unctionum, ubi commode fieri poterit, extra tabernaculum seu repositorium sanctissimi Sacramenti loco tuto & honesto conserventur, itemque cætera omnia, quæ plerisque locis inventa sunt in eodem repositoio.

XIV.

Pastores, eorumque Vicarii aliquoties in hebdomada, etsi non occurrat dies festus, Sacrum facient ad augendam & conservandam populi devotionem.

XV.

Sacerdotes omnes, etsi iis animarum cura non incumbat, neque teneantur ratione Beneficii celebrare certo tempore; juxta sacrosancti Concilii Tridentini Decreta celebrent præcipuis saltem anni festivitibus, omni excusatione semota, sub pœna arbitrato nostro, vel Officialium nostrorum imponenda.

XVI.

Moneant diligenter & sæpe Pastores suos Parochianos, ut statim initio Missæ adsint, neque ex Ecclesia ante eam finitam discedant; inobedientes primo secrete corripiant, secundo coram Scabinis iterum arguant, eosque, nisi resipuerint, ad Superiores puniendos deferant.

XVII.

Communicanti populo purificationis vinum non ex calice, sed ex scypho vel cratre inposterum, quacunque consuetudine non obstante, detur.

XVIII.

Inposterum inter Missarum solennia, vel alias in templo aut cœmeterio promulgationes locationum & cæterorum hujusmodi nec faciant Parochi, nec ab aliis fieri patiantur; sed ea, absoluto Officio Divino, loco publico fiant per designatum a Magistratu.

De Baptismo.

XIX.

Quilibet Parochus librum habeat, in quo baptizatorum simul & parentum, susceptorumque nomina, nec non Baptismi diem & annum designet & annotet, isque ita servetur, ut ad successoris manus integer deveniat.

XX.

Unctiones ne faciat intincto pollice, sed stylis seu bacillis ex stanno vel argento in eum usum comparatis, qui singuli in singulis Unctionum sacrarum vasculis recondantur.

XXI.

In Baptismi administratione caveant omnino, ne pro pueris illegitimis plus exigant, quam pro aliis sub pœna quadrupli restituendi.

XXII.

Sacerdos baptizaturus urceolo deinceps, seu cochleari, non nuda manu aquam ex pelvi baptismali hauriat. Infantem autem baptizandum patrini teneant supposito disco, ne quo forte casu, aut infantis infirmitate inquinentur fontes.

XXIII.

Pueri morientes ante Baptismum ne omnino in cœmeteriis Ecclesiasticis sepeliantur, sed in loco aliquo separato, & eum in usum assignato.

De Sacramento Pœnitentiæ.

XXIV.

Singulis saltem mensibus confiteantur omnes & singuli Parochi, & requisiti fidem facere teneantur Domino Archipresbytero sub pœna duorum francorum pro prima vice, trium pro secunda, quatuor pro tertia, graviorisque pœnæ, etiam carceris pro quarta.

Ddd dd 3

XXV.

XXV.

Intolerabilis abusus irrepsit in hanc Diocesim auctore Diabolo audiendi simul confessiones plurium puerorum usum rationis habentium; quem ex toto eliminare cupientes, prohibemus universis & singulis Parochis & Sacerdotibus ad confessiones audiendas deputatis, ne sub pœna suspensionis ab Ordine ullo unquam tempore quovis quæsito prætextu plures puero majores septennio, aut etiam septennnes, in confessione simul, sed seorsim singulos audiant; hortamurque in Domino, ut quoniam omnium animarum sibi creditarum rationem in districto iudicio sunt reddituri, eas ne negligant, neve sinant item pueros majores septennio sine sacra confessione decedere; moneantque sedulo parentes, ut quando contigerit aliquem ex suis decumbere, mature Parochum advocent ejus confessionem auditurum. Relinquimus autem discretioni, prudentiæ & conscientiæ Parochorum curam advertendi ex probabilibus conjecturis, aliquisne ex sibi commissis pueris ante septennium discretionis usum habeat. Quod si adverterint, ita se gerant cum eo, quemadmodum cum iis, qui essent majores septennio.

XXVI.

Caveant Parochi diligenter, ne pueros ad eos confessionem aut benedictionem sacerdotalem ut recipiant, venientes minis, verberibus aut virgis terreant, scientes pro certo se, nisi in posterum ab ejusmodi abstinuerint, severe castigandos.

XXVII.

In singulis Parochiis unum saltem fiat confessionale, ut & hujus Sacramenti reverentiæ, & Sacerdotis simul & confitentium commoditati consulatur: omniaque fiant cum ordine & decore, nec noctu, nisi accensa lucerna seu candela, confessiones, etiam in Ecclesia, audiantur.

XXVIII.

Confessionibus audiendis nullus se immisceat, nisi a Vicario nostro Generali in scriptis approbatus. Exter-

nis in Diœcesibus approbati in hac nostra Metensi ne audiant, nisi prius approbationem ab eodem Vicario nostro consecuti fuerint.

De Matrimonio.

XXIX.

Prohibitum est omnibus & singulis Parochis, ne ullos ad Sacramentum Matrimonii admittant, qui non sciant Orationem Dominicam, Salutationem Angelicam, Symbolum Apostolorum, Præcepta Dei & sanctæ Matris Ecclesiæ, numerumque Sacramentorum sub pœna viginti francorum solvendorum per dictos Parochos, qui huic Constitutioni contraverint.

XXX.

Matrimonio jungendos Parochi severe admoneant, ne post sponsalia de futuro ullo modo in iisdem ædibus degere incipiant ante Matrimonium contractum, neve ita se gerere audeant, ac si per verba de præsentibus contraxissent: si secus a quopiam factum fuerit, prohibetur, Parochus eorum Matrimonii adesse ante penitentiam peractam.

XXXI.

Habeant iidem Parochi librum aliquem penes se, quem & ad Successorem transmittant, in quo eorum nomina, qui Matrimonium contrahunt, eorumque parentum, testiumque designent, adnotentque tempus & an præmissæ sint tres denuntiationes, an vero omiffæ ex dispensatione nostra, vel Vicarii nostri. Item, sintne in aliquo gradu consanguinitatis, vel affinitatis ejuscumque, & cujus dispensatione contraxerint, eorum transumptum singulis annis deferant ad Synodum Diocesanam, tradentque Vicario nostro Generali, vel ejus vices gerenti.

XXXII.

Postridie nuptiarum nihil indecens fiat. Nulli sub pœna unius marcæ argenti in Ecclesiam larvari ingrediantur, aut nuptas in Ecclesiam deducant. Nihil futile, nihil leve in Ecclesia fiat sub pœna unius libræ ceræ in usum Ecclesiæ solvendæ a contraveniente.

De

De Extrema Unctione.

XXXIII.

Dolentes audivimus sacrum Extreme Unctionis Sacramentum ægrotis maxime, quo ex hac vita pie discedant, necessarium; in pluribus locis negligi: dent ergo operam Parochi, ut sæpe populum huius sanctissimi Sacramenti efficaciam doceant, exhortenturque serio, ut quando ex suis aliquis decumbet, mature juxta morem Christianorum Parochum advocent, qui hoc Sacramentum ministret, & ex suggestu tribus diebus Dominicis continuis publice significant, se ex mandato nostro, nullum ad Ecclesiasticam sepulturam admitturos, qui hoc Sacramentum non perceperit, nisi ab eo percipiendi repentino aliquo casu impeditus fuerit.

XXXIV.

Vasculis saltem stanneis sacras Unctiones conservent, non vero æneis, quæ rubiginem facile aut nidorem contrahunt.

XXXV.

In vascula sacrarum Unctionum ter aut quater in anno Pastores instillent unam aut alteram guttam olei olivarum, non autem alterius cujuscunque, ne frequenti usu exhauriantur.

XXXVI.

Sacratissimis oleis unctionum in singulis earum locellis Parochi omnes inopsterum, pro recepto more Diocesis nostræ Merensis gossipium substernant, non vero canabem, stupam aut aliud quippiam.

De Officiis Divinis rite persolvendis.

XXXVII.

Parochi, quorum officium est Christianam gregem pascere verbo & exemplo, caveant, ne quem ex suis Parochianis prætermittant; neque contenti sint in solis Ecclesiis matricibus Catechismum docere, sed eandem etiam operam navent in annexis, ut vocant, seu Capellis sibi subditis, semel saltem singulis mensibus, etiam si hæcenus non sit factum.

XXXVIII.

Singuli Parochi Vesperas decantent hora solita omnibus diebus Dominicis & Festis, itemque diebus Sabbati & saltem in Vigiliis majorum festorum. Qui secus fecerit, ab Archipresbyteris poena pro modo negligentiae debita coerceatur.

XXXIX.

Omnes Parochialium Ecclesiarum Rectores suos Parochianis diebus Dominicis Adventus & Quadragesimæ & cætero anni tempore semel in mense post prandium Catechismum doceant familiariter pueros, item forma signum crucis; curentque, ut singuli ex sibi creditis sciant ea omnia, quæ Christianos scire necesse est, Orationem Dominicam, Salutationem Angelicam, Symbolum Apostolorum, Præcepta Dei & Ecclesiæ, Sacramenta, eorumque numerum, præcipuaque mysteria Religionis Christianæ. Quod eo diligentius erit iis in locis exequendum, quo majore in periculo versantur ii, quorum rationem exactam coram summo Judice reddere debent propter continuam pene cum hæreticis conversationem, quorum sermo, teste Apostolo, serpit ut cancer.

XL.

In Ecclesiis ut omnia cum ordine fiant, & sine confusione viri separati loco & sedibus a mulieribus sedeant. Nullæ mulieres in cancellos & chorum irrepant, vel designata viris loca occupent, vel contra.

De vita & honestate Clericorum.

XLI.

Cum ii, qui Beneficia Parochialia sine canonica institutione occupant, & sibi damnationem consciscant, & populo certum salutis detrimentum afferant, eam statim a publicatione præsentis Decreti a Nobis, vel a Vicario nostro. Generali impetrare satagent; certi alioquin se istiusmodi Beneficio & ejus obtinendi spe non solum carituros, sed & ad quævis Beneficia in hac Diocesi obtinenda inhabiles futuros.

XLII.

XLII.

Deferant omnes Parochi, Vicarii, Sacerdotes habitum Clericalem; & nunquam domo exeant sine tunica, quæ saltem usque ad infima genia extendatur sub pœna unius aurei solvendi. Deferant item omnes tonsuram Clericalem, quam coronam vocant, sub eadem pœna.

XLIII.

Nemo Sacrum dicat, quin sub alba hujusmodi tunicam saltem deferat sub pœna decem francorum irremissibiliter solvendorum.

XLIV.

In vestibus nihil indecorum, nulus color contra receptum Ecclesiasticum morem: nihil leve aut vanum appareat in toto vestimento. Collaria rugata nemo deferat, vel quidpiam aliud, quod modestiam Ecclesiasticam non redeat.

XLV.

Quemadmodum non decet eos, qui in sortem Domini allekti sunt, vanitates vestimentorum, & novitates festari: ita etiam convenit eosdem honeste vestiri, ne, quod inde facile evenire solet, in causâ sint, ut a populis vituperetur eorum ministerium. Si quem ergo ex Parochis, cæterisque Sacerdotibus aut Clericis viderint Archipresbyteri sordidius vestitum, eum primo arguant & incitent, non obediens deferant ad Officiales nostros castigandum.

XLVI.

Tabernas & cauponas ne frequentent, aut in itinere non constituti ne ingrediantur sub pœna arbitrio nostro, vel Officialium nostrorum imponenda.

XLVII.

Parochi bonorum Authorum lectioni diligenter incumbant, ac libros de causibus conscientiarum sibi comparent: sciantque Visitatores diligenter inopertum investigaturos, utrum ex præscriptis studiis profecerint, processurosque contra incapaces ex Decretis sacrosancti Tridentini Concilii *Sess. 21. cap. 1.*

XLVIII.

Quia aliqui ex Ecclesiasticis status sui & decoris obliiti cum scandalo & summa offensione populi Christiani ancillas suas secum ad nundinas, convivia, nuptias, cauponasque frequenter ducunt, id ne de cætero fiat, severe prohibemus, statuimusque, ut si quis eo impudentiarum devenerit, ut mulierculam sibi inservientem ad nundinas, convivia, nuptias, cauponasque, vel alia quævis loca publica duxerit, vel in suis ipsius ædibus cum aliis fecerit mensæ assidere, mulctetur irremissibiliter pœna viginti francorum pro prima vice, pro secunda, triginta, pro tertia, graviore, etiam carceris. Præcipimusque Archipresbyteris, ut quamprimum ad eorum notitiam pervenerit aliquem ex sibi subditis Presbyteris huic mandato contravenisse, ab eo statim supradictas pœnas exigant, easque Officialibus nostris tradant.

XLIX.

Imo vero re diu multumque discussa in consilio nostro, considerataque præsentis sæculi malitia, hominumque ad pessime suspicandum propensione, Ecclesiasticorum salutis, honori & famæ consulere pro virili cupientes; prohibemus universis & singulis Parochis, Vicariis, Capellanis, Presbyteris, Monachis, Religiosis & Clericis, ne ullas omnino mulierculas præter matres & sorores vel neptes, quocumque prætextu, cujuscumque ætatis illæ sint, in suis ædibus habere aut retinere, vel in obsequio domestico occupare audeant post sex menses a publicatione præsentium sub pœna triginta francorum pro prima vice, ulteriorisque pro ratione inobedientiarum, si cujusquam eo venerit inobedientia & contumacia, ut huic Constitutioni & Decreto non pareat, statim per Archipresbyterum ad Officiales nostros deferatur, ut ab iis severe & ex rigore præsentis Constitutionis coerceatur.

L.

Parochi populum sibi commissum ad leges Ecclesiasticas accurate & pie observandas hortentur sæpe. At novas ne adinveniant, neve ad illas populum obligare præsumant.

LI.

Multis rationibus, moti, iisque piis & iustissimis & multorum Ecclesiasticorum peritorum & proborum consilio, prohibemus omnibus & singulis Parochis, Vicariis, Religiosis, Capellanis & Clericis nostræ Diœcesis Metensis, ne unquam in suas ædes admittant, aut recipiant ullas cujusvis Ordinis Moniales seu Religiosas, sub pœna triginta francorum irremissibiliter a contravenientibus solvendorum; præcipimusque omnibus Archipresbyteris ejusdem Diœcesis, quatenus sedulo & studiose curent hanc nostram Constitutionem executioni mandari, statimque supradictam summam exigant ab inobedientibus, ne, quam in alios exercere noluerint, justam a Nobis vindictam suo merito ipsi sentiant.

LII.

Sacerdotes vagos & peregrinos ad celebrandum aut concionandum Parochi ne admittant, nisi prius a Vicario nostro generali, vel Officialibus nostris, si id iis demandatum fuerit, admissi fuerint.

In fine concionis diebus Dominici Orationem Dominicam cum Salutatione Angelica, Symbolo Apostolorum & Decalogo recitari curent Parochi, vel ipsi per se, alta & intelligibili voce recitent, ut subditi facilius ea memoriæ mandent.

LIII.

Quoniam autem aliquos ex Parochis ut jumenta in stercore fœdi concubinatus putrescere comperitum est, quod a Nobis, & Officialibus nostris longius absint, teneantur & possint Archipresbyteri omnes & singulos Presbyteros & Clericos suorum Archipresbyteratuum monere super concubinato, cæterisque omnibus excessibus, eorumque monitiones canonicæ sint, ejusdemque cum monitionibus Officialium nostrorum ponderis & auctoritatis. Ubi autem quempiam monuerint, id adnotent in libro, quem in eum usum penes se reservabunt, curentque statim ea de re fieri certiores eosdem Officiales. Hi vero suis in registris eas monitiones referri per suos actuarios continuo curabunt.

Supplement. Tom. X. Concil. German.

LIV.

Regularia Regularibus, Sæcularia Sæcularibus Beneficia conferri ex præscripto sacrorum Canonum, & sacrosancti Concilii Tridentini debent. Idcirco auctoritate non solum Ordinaria, sed etiam Apostolica, qua fungimur, præcipimus omnibus & singulis Monachis & Religiosis, qui Parochias in hac nostra Diœcesi obtinent absque dispensatione legitima, neque eorum sunt Ordinum, quibus id a sancta Sede concessum est, ut ad sua Monasteria infra duos a publicatione præsentis Constitutionis menses se recipiant; atque ejusmodi Beneficia ab iis obtenta ex nunc, prout ex tunc vacare juxta sacras Constitutiones declaramus.

LV.

Nemo militans Deo implicat se negotiis sæcularibus, inquit Apostolus, quod tamen minus observatum a plerisque ex hac Diœcesi Sacerdotibus audivimus, qui familias amplas, servos, ancillas detinent, & multa nescio quo prætextu pecora pascunt, id ne de cætero fiat sub pœnis gravibus arbitrato nostro, vel Officialium nostrorum imponendis severe prohibemus, volumusque, ut singuli Archipresbyteri non obedientes statim ad eosdem Officiales nostros deferant.

LVI.

Prohibemus omnibus & singulis Sacerdotibus in hac nostra eadem Diœcesi consistentibus, ne unquam Procuratores aut Oeconomos ullorum Laicorum, quacumque dignitate fulgeant, agant, neve iis (sic enim recta ratio & dignitas Sacerdotalis postulat) inferviant.

LVII.

Confraternitates absque confirmatione sanctæ Sedis, vel nostra de novo erigi prohibemus, ubi vero erectæ & nondum confirmatæ videntur, ex iis designetur aliquis confirmationem earum a Nobis, vel Vicario nostro petiturus, in iisque omnino teneantur uti iis Regulis, quas in eum finem fieri curavimus, ubi tamen aliis a sancta Sede confirmatis non utentur.

Ecc ee

LVIII.

LVIII.

Interdicimus sub pœna quadraginta francorum omnibus & singulis Parochis, Sacerdotibus, Clericis, Religiosis, & Monachis, ne unquam se obligent sub sigillis tabellionatuum quorumcumque Principum sæcularium; præcipimusque omnibus Archipresbyteris, ut sedulo advertant, ne quis huic Constitutioni contraveniat, quosque deprehenderit, referant ad Fiscales nostros.

LIX.

Prohibemus omnibus Presbyteris & Clericis, ne sub pœna viginti francorum pro prima vice officium Notariatus sæcularis exercent.

LX.

Bibliopolæ librorum, quos exponunt, inventarium habeant, illudque Parochis, in quorum Parochia venales proponere volent, exhibeant sub pœna confiscationis omnium librorum. Caveat autem Parochus, ne quos exponant, in quibus vel contra bonos mores & honestatem, vel contra orthodoxam Fidem aliquid contineatur.

LXI.

Prohibemus, ne quis ex Sacerdotibus vel Clericis sclopetos, vel catapultas unquam deferat, vel cum iis venationi vacet, sub pœna viginti francorum pro prima vice. Archipresbyteri autem deferant non obediētes ad Fiscales, ut omni excusatione remota castigentur.

LXII.

Aliquos ex Ecclesiasticis eo impudentiæ devenisse compertum est, ut mentiti sint suas aut sorores aut neptes esse, mulierculas impudicas quas fovebant: hoc amoliri cupientes, statuimus, ut si quis ea unquam abusus deprehendatur, quam falso asseruerit suam seu sororem, seu neptem, aut cognatam in quocumque gradu, pœnis contra incestuosos ex rigore Canonum statutis puniatur.

De observatione Festorum.

LXIII.

Nemini die Festo liceat cujusque generis ludis vacare, vel in cau-

ponis, aut alibi computationibus indulgere, dum sacrum Missæ Officium peragitur, vel decantantur Vesperæ sub pœna unius libræ ceræ Ecclesiæ applicandæ.

LXIV.

Nundinæ ne uspiam sub quocumque prætextu fiant die Parasceves ante meridiem, neque ad eas ullus convenire audeat sub pœna unius libræ ceræ in usum Ecclesiæ applicandæ.

LXV.

Qui diebus festis ab Ecclesia præceptis absque licentia Officialium nostrorum vel Parochorum laboraverit, libra ceræ, prout ab antiquo assolet, in usum Ecclesiæ mulctetur.

LXVI.

Ipso die sanctissimi Sacramenti, bonorum Ecclesiæ fieri ratiocinium quibusdam in locis audivimus, id ne in posterum fiat præcipimus Archipresbyteris & Parochis.

LXVII.

Quando in diem, quo fieri solet mercatus, incidet Festum aliquod ex præcepto servandum; in diem alium, qui festus non sit, transferatur. Cui rei ad praxim adducendæ Magistratus Laici operam & auctoritatem Sacerdos, loci, in quo haberi solet, junctus Archipresbytero, si opus fuerit, implo-rabit.

LXVIII.

Viderint Parochi, ne quid inter sacras Ecclesiæ cæremonias irrepit superstitionis vel irreverentiæ, caveantque diligenter, ne quocumque tempore, maxime vero ipso Dominicæ Ascensionis die aliquid indecenter fiat in Ecclesia; neve, ut solet aliquibus in locis, e fornicibus templi deiciatur aqua, vel quidvis aliud in adstantes, sciantque, se, nisi id genus irreverentiæ impelierint, ab Officialibus nostris graviter puniendos.

LXIX.

In Supplicationibus, Litanis, & Processionibus, quæ ex solemnī Ecclesiæ ritu instituentur, videant Parochi, ne quidpiam indecenter fiat, vel cantilenæ aliquæ a mulierculis nugarum plenæ

plenz cantentur: inobedientes unius libræ ceræ multa in usum Ecclesiæ coerceant. Eidem quoque pœnæ subjaceant chorifantes aut ludis vacantes tempore Divini Officii.

LXX.

Diebus Festis & Dominicis molitores ne molant, nisi id necessitas exigat, quæ dum incidet, id etiam ne faciant, dum cantatur Missa Parochialis. Idem omnino servetur a mercatoribus; nec merces ullas, etiam rerum ad victum necessariarum, præsertim tempore Divini Officii, aut sacræ concionis exponere venum permittantur.

LXXI.

Patres familias, qui suorum & maxime domesticorum curam gerere tenentur, moneantur a Parochis, ut Missam audiendi & verbum Dei suis servis & ancillis tempus concedant, etiam iis, qui in pascendis animalibus occupantur, quod etiam de cæteris communitalium oppollionibus aut bubulcis curabunt.

LXXII.

Nundinæ quæcumque ubi inciderint in dies festos Domini, Beatæ Mariæ Virginis, aut sanctorum Apostolorum, in diem alium non festum ad arbitrium eorum, ad quos id spectat, transferantur.

LXXIII.

Curabunt Archipresbyteri simul & Parochi, ut ter in die, mane scilicet, meridie & vesperi detur signum ad Salutationem Angelicam.

De Sepulturis.

LXXIV.

Parochi ne patiantur ullum ex suis inhumari in cæmeteriis Ecclesiasticis sine stas & solitis cæremoniis Christianorum, neque ipsi suo officio desint, sed pro ea, qua pollere debent charitate in oves sibi commissas, quos charos habuere viventes, mortuos ne deserant, neve lucelli aut pecuniole alicujus gratia officio suo desint in pauperes, sed eis & sepulturam & alia extrema, prout moris est inter Christianos, gratis persolvant.

Supplement. Tom. X. Concil. Germ.

LXXV.

Ubi in circuitu Ecclesiarum incastellatarum sunt cæmeteria, quæ instar viarum publicarum patent curribus & pecoribus non sine eorum profanatione, detur diligenter opera, ut vel pars cæmeterii aliqua muro sepiatur, in eaque in posterum sola, mortui inhumantur, vel si id ob loci angustias fieri minime possit, locus alius in eum finem eligatur & benedicatur, ut non deinceps in loco prophanis usibus obnoxio mortui sepeliantur.

LXXVI.

Advertant Parochi in suis Ecclesiis, ac etiam inter visitandum Archipresbyteri, num qui Capellanas, seu fundata Altaria obtinent, fundationum oneribus desint, ut ea de re Officiales nostros certiores reddant.

De Superstitionibus.

LXXVII.

Prohibeant Parochi auctoritate nostra universis & singulis suis Parochianis, ne quibusvis superstitionibus utantur, inobedientes ab ingressu Ecclesiæ & usu Sacramentorum arceant. Aboleant profana tonitrualia festa, quæque Paganismum redolent, cæterasque vanas observationes, quas pro curandis & conservandis pecoribus hætenus a plerisque adhibitæ accepimus; inobedientes ab Ecclesiâ & Sacramentis arceant. Prohibeant etiam suis Parochianis Parochi singuli auctoritate nostra, ne observatores in posterum adhibeantur, qui curent cessari ab operibus servilibus Sabbato post meridiem certis anni temporibus, cum id perperam & sine Ecclesiæ auctoritate introductum nimis apertam redoleat superstitionem. Quibus qui non paruerint, Ecclesiæ ingressu, & participatione Sacramentorum interdicanter, & morientes Ecclesiastica priventur sepultura.

De legitima administratione reddituum Ecclesiæ.

LXXVIII.

Singuli Parochi suorum Beneficiorum, Scabini Ecclesiarum, Fratriæ
Eccccc 2 rum

rum Magistri & Gubernatores Capellani, Capellaniarum, Hospitalium item Administratores, reddituum omnium, prædiorum, ædificiorum declarationes authenticas fieri curent infra mensem, easque suis Archipresbyteris tradant, qui eas ad Officiales nostros deferent, quo eæ in Camera Episcopali serventur ad futuras necessitates.

LXXIX.

Turpe est eos, qui bonorum Ecclesiæ fideles debent esse administratores, ea, vel bonam eorum partem in convivia & computationes impendere. Id ergo ne fiat in posterum sub pœna dupli ejus, quod hoc pacto consumptum fuerit, restituendi, graviorisque pœnæ pro ratione contumaciæ severe præcipimus. Ergo in locatione bonorum Ecclesiæ is modus servetur, quando aliquid Ecclesiæ locandum erit, illud indicet Parochus populo & omnia plus offerenti pro more locentur, neque liceat vina, ut vocant, addere, vel quidpiam aliud quocumque prætextu, quod in computationes vertatur. Neque vero fiant eæ locationes ultra novem ad summum annos, quæ autem ad plures fient, eæ omnes sint irritæ & inanes, & quæ hætenus factæ sunt, revocentur & annullentur juxta sacras Constitutiones.

LXXX.

Scabini & alii Administratores bonorum Ecclesiæ singulis annis coram Parocho, acceptorum & expensarum rationem reddant, prout alias a Nobis statutum est, sub pœna arbitrio nostro imponenda.

LXXXI.

In redditione rationum per Scabinos & alios bonorum Ecclesiæ Administratores nullæ fiant expensæ, nulla convivia instruantur. Parochi exemplo sint aliis, neque conviviis hujusmodi intersint; caveantque, ne hujusmodi conviviorum expensas concedant Administratoribus bonorum Ecclesiæ.

LXXXII.

Prohibemus omnibus & singulis Ecclesiasticis tam Sæcularibus, quam Regularibus, ne sub pœna mediæ par-

tis fructuum Beneficiorum, locationes bonorum faciant hæreticis.

LXXXIII.

Scabini & Administratores omnes reddituum Ecclesiarum, eos primo in comparandam necessariam Ecclesiæ suppellectilem impendant, tum demum si quid superfit, illud in sacra quatuor temporibus celebranda convertant, ubi ea hætenus consuetudo viguit; caveantque, ne tunc convivium ullum instruant, sed celebrantibus Sacerdotibus stipendium honestum & ædituo, sibi que solvant pro ratione occupationis & laboris juxta taxam a Nobis imponendam, & ab Archipresbyteris deinceps declarandam.

LXXXIV.

In singulis Ecclesiis, & Capellis duo sint saltem corporalia ex eleganti & firma tela, quæque ampla sint ad instar ut minimum integri folii chartæ: quatuor purificatoria etiam ex tela lineæ aut lineæ simili longitudinis unius medii folii.

De Officio Archipresbyterorum.

LXXXV.

Penes se habeant Archipresbyteri registrum, in quo Parochorum, Capellanorum, omniumque Sacerdotum nomina in suo Archipresbyteratu consistentium descripta sint; annoteturque, quibus Ecclesiis & Beneficiis præsent, vel intersint, a quibus ea obtineant, vel approbati sint ad iis interveniendum, aut confessiones audiendum; neque liceat cuiquam quocumque prætextu Beneficiis ullis interservire quoquo modo, priusquam nomen suum Archipresbytero dederit, inscriptusque fuerit in ejus catalogo.

LXXXVI.

Visitent singulis annis & lustrent sibi subditas Parochias Archipresbyteri comitante Procuratore Capituli, vel alio, quem elegerint, idoneo & perito Sacerdote: inquirantque diligenter de vita & moribus subditorum, ac advertant sedulo, num aliquid desit Ecclesiis, & illud statim suppleri curent. Eos autem charitative excipiant Parochi,

rochi, qui ne nimis & superfluis sumptibus graventur, eurent Archipresbyteri; dividantur vero ex æquo in visitatos sumptus, refundantque singuli ei, qui visitantes hospitio exceperit, quod per schedulam Archipresbyteri manu signatam jubeantur, eamque penes se reservent, Visitatoribus generalibus tradendam.

LXXXVII.

Agant Archipresbyteri serio tam cum Parochis ipsis, quam cum Scabinis atque aliis piis viris cujusque loci; ut fractæ, quæ passim occurrunt, cruces restituantur, & in locis celebrioribus novæ defigantur.

LXXXVIII.

Teneantur omnes Parochi infra mensem a publicatione præsentis Statuti residere personaliter in suis Parochiis, non obstantibus quibuscumque licentiis, quas omnes revocamus & revocatas declaramus sub poenis statutis contra non residentes in Beneficiis curatis. Attendant vero diligenter Archipresbyteri, num quis forte huic Decreto non pareat, Nobisque vel Vicarium nostrum Generalem certiores quamprimum reddat.

LXXXIX.

Archipresbyteri in bannais seu proclamationibus matrimonialibus sub poena decem francorum ne dispensent quocumque prætextu, multo vero minus cæteri Parochi.

De ordine servando convocatis in Capitulo rurali Archipresbytero, & Parochis, eorumque Vicariis.

XC.

Singulis annis fiat Capitulum rurale, a quo nemo absit sine causa legitima, eaque Archipresbytero probata.

XCI.

Convocatis omnibus; deferat unusquisque suas difficultates in scriptis ad Archipresbyteros; isque, quæ erunt gravioris momenti, referat ad Superiores.

XCII.

In Ecclesia suo quisque loco se deat cum gravitate & modestia superpelliciis indutus decenter cum pileis quadratis & tonsura clericali, quam coronam vocant. Nemo ex Ecclesia discedat absque Archipresbyteri licentia, & ut omnes bini & bini in Ecclesiam convenire debuerunt sequente Archipresbytero; ita & egrediantur eodem ordine, subsequente etiam Archipresbytero, qui solus stolum deferet.

XCIII.

Assidente mensæ Archipresbytero omnes assideant, surgente surgant; nemo ad æquales haustus provocet socium, vel importunis sermonibus lectorem impediatur aut adstantes.

XCIV.

In Missa cantent omnes modeste, præeuntibus Cantoribus; nemo nimium festinet. In celebranda item Missa, quam omnes, ubi commode fieri poterit, celebrabunt; is ordo servetur, quem designaverit Archipresbyter ex scripto affixo, loco conspicuo Ecclesiæ.

XCV.

Liceat unicuique servata modestia si quid habeat, quod correctione vel mutatione egeat, illud proponere; neque ullam inde timeat sibi constandam invidiam.

XCVI.

Quod propositum erit; si tale sit, quod expediri possit, exemplo illud ex consilio Capituli, vel peritorum expediatur; si vero res maturiori examine egeat, eam referant ad Superiores, quodque ii definierint exequantur.

XCVII.

Librum habeat Archipresbyter, in quo statim describi curet & solutiones monitionesque factas, ut supra dictum est, suoque signo & Procuratoris sui, item & Secretarii quem elegerit, totum roboret & confirmet.

XCVIII.

Caveant diligenter Parochi, ne quo tempore ipsi in unum convenientes debent efficacius ad virtutem populis præbere exemplum, majorem ruinæ

anſam præbeant. Longe vero abſint omnes crapulæ & ebrietates, diſcordiæ, contentiones, inter convivandum ſit unus ſemper lector, qui toto prandio ſelecta aliquot ex ſacris literis capita, alta & intelligibili voce legat, quem nemo inturbet.

XCIX.

Omnibus exacte conſideratis, abſolutisque omnibus, dimittat omnes Parochos in pace Archipreſbyter: neque cuiquam ante diſmiſſionem exire liceat.

Data & accepta exeundi licentia, recedant unusquisque in ſuas Parochias, cauſonas ne intrent, neve in iis computationibus vacent.

C.

Si quis autem adeo ſui ſit immemor & negligens ut inebrietur, ſtatim multa decem francorum emendetur ab Archipreſbytero pro una vice, vel ulteriore etiam pœna pro ratione ſcandali; cedat vero ea multa Archipreſbytero pro tertia parte & Procuratori: pro reliquis in uſum Eccleſiæ capitularis.

CI.

Novos Parochos ne ſumptibus gravent: neve ab iis aliquid ultra decem francos exigant in ingreſſu Capitulares, ubi hæſtenus conſuevit aliquid exigi: ubi tamen ea conſuetudo non fuit, nihil omnino exigatur.

CII.

Quas ex antiqua conſuetudine ſolvent in ingreſſu Parochi pecunias, in communem uſum recipiat Procurator Capituli: earumque rationem coram omnibus, qui intereſſe voluerint, reddat: viderintque Archipreſbyteri, ne ſuperſuis ſumptibus conſumant, quod pro neceſſitatibus reſervatum oportuit.

CIII.

In Eccleſiis, ad quas ex antiquo convenire ſolent Parochi celebraturi ſuum Capitulum rurale, a Collatoribus, Scabinis vel Parochianis tot altaria decenter inſtruantur, totque ſacræ veſtes & ornamenta Miſſæ neceſſaria parentur, ut ſinguli Parochi Miſſam dicere poſſint: hoc niſi factum fuerit, liberum ſit Archipreſbytero & Parochis

aliam Eccleſiam ſibi bene viſam commodam eligere, & ad eam convenire.

De eligendo Archipreſbytero.

CIV.

Præmiſſa Miſſa de Spiritu Sancto, Dei timorem præ oculis habentes ex Parochis eum eligant in Archipreſbyterum, qui & vitæ probitate & ſcientia cæteris præluceſcere poſſit, quique morum gravitate, ſermone, & exhortationibus cæteros in officio continere poſſit. Illud autem maxime caveant, ne quem impudicitie ſuſpectum aſſument.

CV.

Electionem factam Superioribus, ut moris eſt, repræſentent & perſonam, quo ab iis juxta ſacras Conſtitutiones diſcuſſio diligens & exacta ſuper moribus & doctrina electi, fieri poſſit.

CVI.

Archipreſbytero confirmato, ut par eſt, Parochi obedient; alias caſtigandi pro meritis ab Officialibus noſtris.

De Procuratoribus Capituli ruralis.

CVII.

Procuratores Archipreſbytero adſint induſtria, opera, diligentia, & ſi quid advertant mutandum aut corrigendum, illud ſtatim referant Archipreſbytero. Concubenarios, ebriofos, &c. deferant, ut maturè ſcandalis occurratur.

CVIII.

Si quid pecuniæ in commune conferatur, & ipſi adminiſtrent, id fideliter faciant: ſingulis annis in Capitulo rationem reddant coram Archipreſbytero & Parochis adſtantibus.

CIX.

Is eligatur, qui & ſcientia & vitæ probitate polleat, prudentiaque in negotiis adminiſtrandis valeat.

De

De Ludimagistris.

CX.

In singulis Parochiis sit Ludimagister, qui & Æditui officium agat, stipendioque assignato pro Ædituo, fruatur; nisi pro utroque stipendium sufficiens assignatum sit. Parochi neminem ad hoc munus obeundum admittant, qui probata vitæ non sit & integræ famæ, habeatque in scriptis a Parochis, in quorum Parochiis habitavit, de vitâ & moribus testimonium, ab eoque professionem fidei Catholicæ omnino Parochus exigat, antequam Scholas aperire sinatur.

CXI.

Ludimagistri singulis diebus matutino tempore, congregatis discipulis, curent recitari per unum aut plures ex pueris alta & intelligibili voce Orationem Dominicam, Salutationem Angelicam, Symbolum Apostolorum, præcepta Dei & Ecclesiæ. Item antequam lectiones pomeridianas auspicentur, brevi aliqua oratiuncula implorabunt Dei opem, Scholasque alia etiam oratiuncula terminabunt ad gratias Deo Optimo Maximo agendas.

CXII.

Singulis feriis sextis aut Sabbatis matutina lectio erit ex Catechismo, quam curabunt diligenter mandari memoræ a discipulis, crebroque repeti; & super eo disputationibus frequentibus eosdem exercebunt Ludimagistri.

CXIII.

Teneatur Ludimagister per se, vel per honestum aliquem adolescentem deferre in ædes Parochianorum aquam benedictam pro more Christianorum diebus Dominicis. Parochiani vero ejus laborem compensabunt & remunerabuntur, prout solet fieri ut plurimum in Diœcesi Metensi.

CXIV.

Teneantur omnes suos pueros mittere ad Scholas. Itaque e publico stipendium Ludimagistro solvatur, ut vere pauperes ab eo gratis & sine stipendio doceri possint. Prudentiæ autem Superiorum erit curare, ne sub

prætextu paupertatis sinant a quoquam fraudari Ludimagistros suo minervali.

CXV.

Parochiani (quod jam alias sub pœna gravi statutum fuit a Nobis) convivium ne extorqueant, sub pœna arbitraria, ab Ædituis aut Custodibus Ecclesiæ; sed ii gaudeant integro stipendio sibi assignato: salvo tamen, quod supra dictum est de hoc officio committendo Ludimagistris.

CXVI.

Ludimagistros, qui hoc muneris rite exercent, ad bonum publicum non mediocriter conducere nemo negat. Eos ergo ut in hanc rem diligentius incumbant, immunes esse decet, & convenit ab omnibus vectigalibus & tributis.

CXVII.

Conqueruntur, multi se ob paupertatem Ludimagistros habere non posse. Ergo dum (quod Nos brevi facturos speramus) aliter providebitur, ex redditibus Fraternitatum, multis non observantium dies festos, exque pane & vino, quod plerisque locis in singulas familias circa Pascha distribui solet, aliisque ejusmodi incertis, aliquid in posterum in eorum stipendium assignetur.

De Obstetricibus.

CXVIII.

In singulis pagis & urbibus sit una saltem obstetrix bonæ & illibatæ famæ. Ea, priusquam officio fungatur, juramentum præstet solitum in manibus Pastoris loci, doceaturque ministrare Sacramentum Baptismi, & cætera, quæ ei incumbunt aliquando, munia rite præstare. Quod idem fiet in iis locis, in quibus plures constitui solent. Atque ex in posterum in obstetrices solæ eligantur, quæ Catholicæ sint & integris moribus: quod ubi non fiet, electam ne admittant Parochi.

De Portione congrua.

CXIX.

Cum teneatur nemo suis stipendiis militare, & dignus sit operarius cibo suo, dolemus Parochiarum in hac Dice-

Dieceſi ut plurimum tam parvos eſſe redditus, ut Parochis alendis oneribusque eorum ſuſtinendis non ſufficiant. Cui malo pro virili occurrere cupientes, portionibus, ut vocant, congruis assignandis viros aliquot ſpectatæ prudentiæ deputavimus, qui in eam curam diligenter æque ac ſine cujuſquam injuria incumbere. Eos ergo Parochis, quibus ea convenienter hætenus assignata non eſt, adire licebit.

De Decimis.

CXX.

Pervenit ad Nos in hac noſtra Meſenſi Dieceſi de jure percipiendi decimas novalium multas prodiſſe querelas: quæ quidem undenam irreperirent, non liquet; cum jure canonico ſatis conſtet. Ergo in poſterum, ubi hac de re difficultas extiterit, eam ex præſcripto ſacrorum Canonum terminabunt Officiales noſtri; ſalvo tamen per omnia jure eorum, quibus privilegiis Apoſtolicis & indultis jus eas percipiendi conceſſum eſt.

De Judæis.

CXXI.

Judæi, qui in hac Dieceſi verſantur, nota & habitu a Chriſtianis diſtinguantur, prout in civitate fieri ſolet: quod niſi fecerint infra meſem, prohibeant Parochi ſuis Parochianis, prout Nos præſenti Conſtitutione prohibemus, ne cum eiſdem Judæis omnino agere aut aliquid commercii habere audeant ſub pœna arbitraria.

CXXII.

Prohibeant iidem Parochi & advertant, ne obſtetrices Chriſtianæ Judæis mulieribus in partu adſint. Item, ne Chriſtiani Sabbato Judæorum ædes ingrediantur eorum rem domeſticam curaturi, neve ſub pœna excommunicationis & privationis ſepulturæ Eccleſiaſticæ & Sacramentorum, ulli ex Chriſtianis eoſdem Judæos lectionem librorum ab iis audituri adire ulla ratione audeant.

De Caſibus reſervatis.

CXXIII.

Accepimus a plerisque timorataſque conſcientiæ Paſtoribus & Confeſſariis hætenus dubitatum de numero caſuum Nobis per Conſtitutiones noſtras & Prædeceſſorum noſtrorum reſervatorum, & eſſagitatum, ut quoniam ii eſſent declararemus. Hoc ergo facturi ac tam Confeſſariorum, quam pœnitentium tranquillitati conſulere volentes, matura deliberatione præhabita ſequentes infraſcriptos exceſſus ſolos ex quamplurimis, Nobis reſervandos cenſuimus, præter eos tamen, qui de jure communi a piſcopis ſunt reſervati, quique peri poterunt ab authoribus, qui de caſibus conſcientiæ conſcripſerunt.

CASUS EPISCOPO RESERVATI.

CXXIV.

1. Si quis ſacroſanctam Euchariftiam, venerandas Sanctorum Reliquias & imagines malitioſe pedibus conculcaverit vel alia inſigni contumelia affecerit, aut Chriſmate, ſacra Hoſtia, vel alia re ſacrata abuſus fuerit ad magicas artes, veneficia, ſuperſtitiones, & cætera id genus.
2. Si quis patrem vel matrem ſponte & de induſtria percufferit.
3. Si quis homicidium voluntarium perpetrarit.
4. Qui prolem ſuam ſtudioſe ante partum vel poſt, perimunt vel opprimunt, illamque projiciunt vel exponunt hoſpitalibus vel alio loco.
5. Qui abortum procurant, vel aliquid dant mulieribus, ne concipiant.
6. Si quis virgini vim intulerit.
7. Si quis inceſtum in primo & ſecundo gradu, vel Sodomiam commiſerit, vel cum Judæa commiſceri præſumpſerit.
8. Si quis Matrimonium cum alia muliere poſt ſponſalia jurejurando firmata, contraxerit.
9. Uſurarii manifeſti & notorii, ſive in judicio convicti, ſive ita publice ad uſuram dantes, ut nulla tergiverſatione celari poſſit.

10. Perjuri de perjurio judicialiter convicti & condemnati.
11. Cogentes virgines vel viduas invitas ingredi Religionem.
12. Bona Ecclesiastica alienantes, vel alienata recipientes, sine eorum, ad quos pertinet dispositio, licentia.
13. Falsarii literarum Episcopaliū vel Officialium seu publicorum instrumentorum.

PRO SACERDOTIBUS & CLERICIS.

CXXV.

14. Omnes confessionum proditores peccatum in confessione auditum verbo vel signo detegentes ex industria.
15. Concubinarij publici & manifesti.
16. Qui mulierem aliquam cognoscit carnaliter, cujus prolem baptizavit, vel cujus confessionem excipit.

Statutum circa Divina seu Ecclesiastica Officia servandum, pro quibus de jure retributio Parochis Sacerdotibus a suis Parochianis competit.

Ne quod ab insigni populi Christiani liberalitate & devotione jam a seculis sumpsit initium, & longa jam annorum serie invaluit, in ejusdem populi detrimentum recidat; neve Parochi refrigerante charitate multorum, quo jam inde a multis seculis jure potiti sunt, priventur: matura deliberatione prævia, & iis perpenſis, quæ in diversis nostræ Diœcesis partibus observata sunt, in ejusmodi Parochorum juribus exigendis & solvendis, multorumque precibus inclinati; confusionem & scandala, quæ hac in parte frequenter oborta deprehenduntur, tollere cupientes, præſenti Constitutione præcipimus, ne ullus ex Parochis sub specie prætenſorum ab iis jurium exigat ultra ſequentia a Parochianis, quæ ab omnibus nostræ Diœcesis Paſtoribus, Vicariis, Scabinis, Ludimagiſtris, Ædituis, & Parochianis inviolabiliter in poſterum observari volumus & præcipimus.

Supplement. Tom. X. Concil. Germ.

CXXVI.

Ubi mos invaluit aliquid pro Baptismo infantum tribuere Sacerdoti, eidem pro Baptismo cujusque, qui primus post fontium baptismalium benedictionem in Paschate & Pentecoste fieri solitam, baptizandus affertur, dentur tres grossi.

Eidem a puerpera, cum post puerperium in templum benedictionem acceptura venit, duo albi.

Eidem in Sponsalium solennitate, quinque grossi.

Parocho item eidem ab eo ex suis Parochianis, qui in alia Parochia Matrimonium contrahit, pro dimissorialibus, & bannorum (ut vocant) proclamatione, duo franci tribuantur.

Parocho in cujus parœcia contrahunt conjugandi, pro omni eo jure, quod competit, par chirothecarum valentium quinque grossos & præterea duo franci.

Ubi Scabinis aut Synodalibus jus aliquod ex consuetudine competit recipiendi vinum, sesteritius seu cacabus aut lebes (poculo tribus grossis æſtimato) censetur ac taxatur in præſentia valore unius franci. Itaque vel hæc summa prædictis Scabinis, aut tanti æſtimatum vinum aolvere debentibus tribuatur debitoribus, optione alterutius solvendi relicta.

Item Parocho ob funeralia & sepulturam defuncti sex grossi.

Scholæ Magistro seu Ædituo, qui in ejusmodi officio assistit Sacerdoti, duo solidi.

Singulis Sacerdotibus assistentibus prædictæ sepulturæ, tres grossi.

Pro quolibet Officio sacro, quod five in fine mensis aut trigesimo die seu Anniversario, in quo tres Missæ solenniter cantantur, cum officio Defunctorum in pervigilio, item cum commendatione, ut vocant, animarum; Sacerdoti dentur de jure tres franci.

Ad eundem Parochum etiam pertinebit, quod reliquum est cereorum seu luminarium, nisi forte antiquo ac præſcripto jure Ecclesiæ, ipsi competere.

Unicuique item Sacerdoti pro Missa solenni dabuntur novem grossi.

F ff ff

Pro

Pro sepulchri effossione in terra sancta, nihil.

Pro sepultura tamen in choro Ecclesiarum, si obtineatur nomine defuncti seu viri seu pueri, dabuntur decem franci; pro sepultura autem in navi ejusdem, dabuntur quinque franci: atque utraque summa partim in Parochi, partim in fabricæ usum conferetur: a quarum tamen solutione excipiendi erunt ii, quorum liberalitate, vel parentum prædefunctorum annui redditus Ecclesiæ eidem sunt concessi, valoris decem francorum aut dotatum sacellum, aut ædificatum certe, aut factum testum extat, quo casu pro jure sepulture in dictis locis Sacerdoti tribuatur unus francus.

Non licebit terram sanctam sepulture gratia aperire, nisi ex prævia Parochi licentia.

Quicquid oblationis nomine tempore Divini Officii hujusmodi prodibit; ad Parochum pertinebit.

Omnes tumbæ, seu lapides sepulchrales, qui cujusnam sint, ignorant, ad Ecclesiam pertinebunt, nec eos in usum prophanum convertere cuiquam licebit.

Sodales Confraternitatum, qui Missam solennem cantari cum Vesperis tam in festo, quam pridie festi curabunt; tribuent Parocho octodecim grossos.

Defuncto cuique, qui pater aut mater familias est, aut caput domus extitit, in Ecclesia parochiali, providendum Ecclesiastici funeris subsidium cum officio vigiliarum, ut vocant, & Missa & commendationibus solitis: eoque nomine Parocho vel ejus Vicario tribuentur triginta grossi. Quo quidem officio procurando si negligentes hæredes vel executores testamenti viderit Parochus, eos officii commonefaciet, ac prædictis justis persolutis, jus prætaxatum ab eis reposcet.

Statutum servandum circa debitum Ludimagistro seu Aedituo retributionem pro obsequio vel comitatu seu assistentia, quam in prædictis Parocho exhibet.

CXXVII.

Pro officio trium Missarum solennium & Vigiliarum cum animæ

commendatione unus francus tribuatur.

Pulsatoribus singulis ad pulsationem campanarum unius circiter horæ intervallo durantem necessariis, tres grossi.

Idem præmium Aedituo, si pulsatoris partes obiverit, debebitur, scilicet tres grossi.

Insuper ejus labor & sollicitudo in explicandis & reponendis Ecclesiæ ornamentis & pia assistentia in prædictis compensabitur tribus grossis.

De Decretis factis in Visitatione.

Pastores omnes curent diligenter, ut omnia Decreta statum suarum Ecclesiarum concernentia executioni demandentur. Archipresbyteri advertant sedulo, ne quis in iis exequendis negligens sit aut remissus. Penes eos sit potestas pœnas comminatas exigendi, & novas, ubi statuta non sunt, imponendi & exequendi, pro ratione negligentia & contumacia: Sciantque iidem Archipresbyteri futuros Visitatores generales diligenter inquisituros, fuerintne, ipsi diligentes in lustrandis Parochiis, quibus sunt præfecti & exequendis mandatis sibi factis.

Item Archipresbyteri advertant studiosè & curent, ut hæc tam salutaria Statuta diligenter ab omnibus & singulis sui Archipresbyteratus Parochis observentur & executioni mandentur, ipsique in eorundem observatione cæteris exemplo præluceant. Quod si qui contumaces inventi fuerint, & rebelles, eos statim ad Officiales nostros referant, ut ab iis pro merito severe puniantur.

F I N I S.

Musſiponti, apud Melch. Bernardum, Senensis Lotbaringia Ducis & Universitatis Typographum 1604. in 8 min.

SYNO-

SYNODUS AUDOMARENSIS

Anno Christi MDCXL. Urbani VIII. PP. XVIII.
Ferdinandi III. Imp. IV.

Statuta Synodi Diœcesanæ Audomarensis,

ANNO 1583. AUDOMAROPOLI CELEBRATÆ,

RENOVATA, AUCTA (*Tom. CC. VII. a pag. 913.*) ET PUBLICATA DECIMA
NONA MENSIS APRILIS ANNO DNI 1640.

PRÆSIDENTE REVERENDISSIMO IN CHRISTO PATRE
ac DOMINO,

D. CHRISTOPHORO de FRANCE, (*)
Episcopo VIII Audomarensi.

CHRISTOPHORUS de FRANCE, DEI & Apostolicæ

Sedis gratia Episcopus Audomarensis, Univerſo Clero Civitatis ac Diœceſis
Audomarensis, Salutem in Domino.

Magna sollicitudine invigilarunt Prædeceſſores noſtri, ut gregem ſuum, (a) in quo Spiritus Sanctus eos poſuerat Episcopos, exemplo, verbo, atque optimis quibusque legibus, diligentique in earum obſervationem vigilantia, paſcerent, eaque omnia quæ ad renovandam, ſtabiliendamque Ecclēſiaſticam diſciplinam opportuna erant, curarent. Id adeo ab ipſis præſtitum eſt, tum in Synodo anni 1583. typis evulgata, tum ſingulis prope modum poſterioribus annis in Synodis Diœceſanis: in quibus multa, ita prudenter & utiliter conſtituta, repetita, inculcata ſunt;

ut, ſi omnia (uti par eſſet) diligenter obſervarentur, nihil, aut parum, quod adſciendum eſſet, deſiderari videretur. Sed cum Synodi illius impreſſæ, apud multos non reperiantur exemplaria, illæ etiam poſteriorum Synodorum ordinationes a plerisque exſcriptæ non ſint: (licet, ut id fieret ſæpius ordinatum ſit) viſum eſt Nobis non fore abs re, ſi omnes hæc Conſtitutiones in unum volumen redactæ, & ordine digeſtæ, paucis quibusdam detractis vel additis, prout ratio temporum poſtulare videbatur, in lucem ederentur: quo ſic, laborẽ exſcribendi ſublevantes, omnium

com-

(*) CHRISTOPHORUS DE FRANCE, Rainuti filius, Hieronymi nepos, Adriani frater, qui omnes olim Mechliniæ in magno Regiæ Majestatis Conſilio Senatoria dignitate functi, dein quoque Provincialis Arteliæ Conſilii Præſides extitere; & quidem Rainutius atque Adrianus inde rurfus ad magni Conſilii Præſidentiam gerendam evocati.

Chriſtophorum Mechliniæ natum autumant aliqui, patre illic ab anno 1587 uſque ad 1606 Senatore; alii vero Atrebatenſem dicunt. Canonicatu primum in Eccleſia S. Petri Aërienſi donatus, patruo HIERONYMO ibidem Præpoſito digniſſimo cohabitavit: aſt paulo poſt in Cathedram Atrebatenſem aſſumpſus Canonicus, arque e Scholaſtico Decanus a. 1626 electus eſt. Hinc a. 1635 die 15 Julii inauguratur VIII Audomarensium Episcopus, apud quos tandem annorum ac meritorum cumulo gravatus, vivere deſiit die 10 Octobris 1656.

Cl. Foppens Biblioth. Belg. T.I. pag. 177 & Illmus de Caſtillon ſac. Belgii Chronol. P. II. pag. 450.

(a) Aſtor. 20.

Supplement. Tom. X. Concil. German.

Fff ff 2

commoditati consuleverimus: omnesque paratas habere leges, quas tum in animarum sibi commissarum regimine, tum in formanda vita sua sequentur. Omnes proinde Prælatos, Archidiaconos, Archipresbyteros, Pastores Nobis subiectos, totumque Clerum hortamur in Domino, mandamusque, ut hæc Statuta habeant, diligenter & studiose legant, relegant, suosque & subditorum mores juxta illorum

præscriptum forment, & pervigilent, (b) quasi rationem pro animabus Nobiscum Domino reddituri. Archidiaconis quoque, Decanis, cæterisque, qui ex commissione nostra Diocesim hanc nostram visitabunt, præcipimus, ut in visitatione diligenter observent, an huic ordinationi factum sit satis, & negligentes Nobis deferant graviter puniendos.

INDEX TITULORUM

HUJUS SYNODI.

TITULUS I. De Fide & Christiana Doctrina.

II. De Sacramentis in genere.

III. De Baptismo.

IV. De Sacramento Confirmationis.

V. De Sanctissimo Eucharistiæ Sacramento.

VI. De Missæ Sacrificio.

VII. De Sacramento Pœnitentiæ.

VIII. De Extrema Unctione.

IX. De Ordine.

X. De Sacramento Matrimonii.

XI. De Officio Divino.

XII. De Festis.

XIII. De Jeuniis & Processionibus.

XIV. De vita & honestate Clericorum.

XV. De Regularibus.

XVI. De Archipresbyteris & Decanis.

XVII. De Pastoribus, & qui illis concionando adsunt.

XVIII. De Sacellanis, Custodibus & Ludimagistris.

XIX. De Magistris fabricarum & mensarum pauperum.

XX. De Bonorum Ecclesiasticorum conservatione & onerum persolutione.

XXI. De Ecclesiarum Visitatione.

XXII. De Synodo Diocesana.

TITULUS PRIMUS.

De Fide & Christiana Doctrina.

CAPUT PRIMUM.

Professio Fidei facienda a Curatis, Prælati, Canonicis, &c.

Ut a Fide, spiritualis ædificii fundamento, Constitutiones nostræ sumant exordium; sciant omnes, quibus de Beneficiis Ecclesiasticis curam animarum habentibus, Canonicatibus quarumcumque Ecclesiarum, Dignitatibus, Prælaturis Monasteriorum, vel domorum regularium provideri contigerit, Fidei professionem sibi esse faciendam intra bimēstre a die adepræ præscriptam, cujus tenor ad calcem hujus operis, tum latina, tum vernacula lingua subjungitur.

CAPUT II.

A Sacellanis, Custodibus, Ludimagistris.

Eandem Fidei professionem facient omnes Sacellani, Ludimagistri, Ludimagistræ & si qui sint cooperatores, Custodes etiam Ecclesiarum ruralium: idque in manibus Scholastici, ubi is est, alioqui coram Decano Christianitatis. Nec Pastores ullam sui officii partem eos attingere permittent, nisi scripto aliquo Decani aut Scholastici manu signato, professionem illam ab eis factam cognoverint.

CAPUT III.

A Magistratu.

Idem ut præsent quotannis, qui ad Magistratum, Baillivatum, vel officium aliud publicum, sive in pagis, sive in

(b) 1. Pet. 5.

in urbibus assumpti sunt, vel in eo post annum finitum perseverant, (prout Edicto Regio ad secundum Concilium Cameracense addito præcipitur) curabunt Pastores : quod si renuerint, cito Nos moneant.

CAPUT IV.

A Bibliopolis.

De Bibliopolis & Typographis, quod in eodem Concilio, & Regio edicto (c) statuitur, observetur, ut & ipsi similem Fidei professionem emittant, jurentque insuper, se nullos libros prohibitos investuros, aut secreto distra-cturos, vel etiam compacturos.

CAPUT V.

Vigilandum Pastoribus adversus hæreses.

Quoniam, ubi dormiunt homines, fit, Salvatore teste, ut inimicus homo superseminet zizania in medio tritici; omnes Prælatos, Archiepiscopos, Capitula, Pastores, monemus in Domino, & districte ipsis mandamus, ut in hoc toti vigilant, ne qui sub ovina pelle lupi inter oves suas misceantur, hoc præsertim calamitoso tempore, quo, propter frequentia cum vicinis hæreticis commercia, plus est ab illis periculi. Quapropter in iis præsertim Parochiis, ubi suspicio est tales aliquos latere, inquirent diligentissime de iis, qui vel minimo signo suspicionem hæresis ingerunt, quive ad migrandum se præparant in Provincias hæreticas, & eo sine agros suos elocant, aut vendunt: aut qui ex Provinciis hæreticorum, ubi nunc degunt, commercii, parentes invisendi, vel hæreditatis dividendæ, aliove simili prætextu, in hanc Diocesim commeat: per se & per fidos aliquos explorent, quid faciant, dicant, quamdiu morentur, & quinam eos hospitio excipiant, cum quibus agant: & in horum etiam mores & vitam inquirent diligenter, & comperta omnia, quamprimum ad Nos rescribant.

CAPUT VI.

Summa etiam diligentia attendant ad eos, qui sæpius se a Sacro parochia-

li absentant, explorent causam, & diuturnitatem absentia (maxime si id faciant circa præcipuas anni solemnitates) quoque proficiantur, ac Nobis etiam ea quamprimum significant.

CAPUT VII.

Monendi subditi, ut sibi caveant.

Moneant frequenter populum, doceantque, quam grave scelus sit, cum hæreticis conversari, quantumque subversionis periculum eos audire, quorum sermo ut cancer serpit: quam magna damna temporalia, & spiritualia ab hæresi immineant: quæ pænæ decretæ a jure in fautores hæreticorum, defensores, & receptatores: ac multo magis, quam sit res plena periculi, conciones hæreticorum adire, eorum libros scienter tenere, legere, vendere, quæ pænæ id facientibus constitutæ.

CAPUT VIII.

Soliciti sint, ne parentes filios suos ad loca hæresi infecta, mercaturæ vel opificii exercendi, aut alia quavis ex causa, mittere præsumant, cum evidenti perversionis periculo.

CAPUT IX.

Et ne legant Biblia lingua vernacula sine licentia.

Inculcent sæpius regulam quartam Indicis librorum prohibitorum, qua vetatur lectio, aut detentio Bibliorum lingua vernacula, nisi de licentia Episcoporum, vel ab eis Deputatorum.

CAPUT X.

Non admittendi exteri absque testimonio Pastoris loci unde migrarunt.

Observent diligentissime, ut si qui ignoti, aut exteri in Parochias suas commigrent, eos ibi nullatenus habitare permittant, nisi certo testimonio Pastoris loci unde emigrarunt, (quod gratis dabitur) constiterit eos sanæ esse fidei: quod, si modeste moniti, adferre negligant, Nobis aut potestati seculari denuntientur. Si contingat ejusmodi testimonium haberi non posse, saltem Fidei professionem faciant, & interim in eorum vitam invigilent Pa-

Fff ff 3

rochi,

rochi, & si quidem recte se gerant, permittantur: sin minus, ejiciantur. Et quia propter grassantes ubique hæreses, magna hujus rei habenda est ratio; Pastores in congregationibus suis, exhibeant registrum omnium suorum communicantium, declarentque, qui, & quam recenter externi ad Parochiam suam migrarunt, ut deinde per Decanum res tota ad Nos deferatur.

CAPUT XI.

Libelli, cantilenæ &c. visitandæ.

Reipsa compertum est, magnam doctrinæ & morum corruptelam fieri per libellos, cantilenas, richmos, aliaque similia, quæ vel plateatim a circumforaneis, vel ante fores templorum, aut aliis publicis locis, venalia exponuntur, vel decantantur. Magna ob id cura in hoc vigilare debent Pastores, portas, & sarcinas ejusmodi hominum visitare, neque permittere, ut talia vendantur, nisi Principis, & nostra licentia obtenta: contravenientes, ad Nos aut Magistratum loci deferre, ut istiusmodi libris mulctentur, & insuper severe puniantur: (d) in quo si Magistratus negligens fuerit, Nos quamprimum reddant certiores.

CAPUT XII.

Bibliopolæ libros non vendant, nisi visos.

Bibliopolæ & Librarii nulli permittantur, nisi jurati & a Nobis admissi: nec alios vendant libros, aut habeant, quam quos contineat catalogus a Nobis probatus, ipsisque relictus, nec imprimant, nisi ab aliquo approbato Censore visos & approbatos. Ubi vero foris accipiunt novos libros, non aperiant sarcinas, nisi Deputatis nostris præsentibus: neque Biblia vernacula lingua ulli vendant, qui non prius potestatem sibi a Nobis factam ea legendi in scriptis exhibuerit.

CAPUT XIII.

Nec libri domorum mortuariarum vendantur, nisi visi.

Libri domorum mortuariarum non divendantur, aut distrahantur, nisi

ab approbato Censore, vel Decano illius districtus visi & vendi permitti.

CAPUT XIV.

Catechismus nunquam diebus Dominicis omittatur.

Quæ de Catechismo omnibus Dominicis diebus docendo, propemodum singulis annis repetita & inculcata sunt, ea ut diligentissime observentur, serio præcipimus: volumusque, ut nullo prætextu, nullamque ob causam prætermittant Pastores, quin singulis ejusmodi diebus, hora ea, quæ magis comoda, ex consilio cum Decano habito, judicabitur, Catechismum doceant: imo, si necesse sit, omnes potius conclusiones omittant, quam Catechismum: quandoquidem ejus necessitas, non possit satis explicari. Imo functio hæc juventutis instruendæ, nec minus adultorum rudium in rebus fidei necessariis, adeo muneri Pastoralis annexa est, ut si in hac parte remissiores, vel negligentiores fuerint Pastores, sanguis peruentium animarum de manu eorum requiretur a severissimo Judice, & a Nobis insuper graviter punientur.

CAPUT XV.

Si per Sacellanos suos interdum id faciendum duxerint (quo & illi pastoralibus functionibus paulatim assuescant) ipsi tamen Pastores ut plurimum præsentibus adsint, notentque, in quo deficient, & admoneant.

CAPUT XVI.

Parentes mittant liberos, veri famulos.

Moneant etiam Pastores & Decani, tum palam e suggestu, tum privatim parentes, ut liberos suos; heros, ut famulos & ancillas ad Catechismum mittant diligenter; negligentes id facere, increpent & corripiant, imo per Magistratum puniri curent, ut tandem ignorantia illa mysteriorum fidei, ex qua velut fonte, hæreses, sortilegia, aliaque scelera, sumunt exordia aut incrementa, prorsus eliminetur.

CAPUT XVII.

Denuntient quoque sæpius publice, neminem se ad Matrimonium admitti.

(d) Edict. Philip. II. anno 1556.

missuros, qui ejusmodi rudimenta fidei, quantum cuique necessarium est, ad salutem non calceat, idque reipsa faciant.

CAPUT XVIII.

Quomodo Catechismus docendus.

Illud vero in tradendo Catechismo observent, ut a quæstionibus altioribus abstineant: inculcent autem ea, quæ debent scire omnes Christiani: idque debent scire omnes Christiani: idque debent familiariter, verbis apertis, vulgaribus & ad caput auditorum accommodatis: neque dedignentur cum pueris repuerascere, cum rudibus, & ignavis, rudi modo, & sermone agere, obviisque, & familiaribus similitudinibus, & exemplis uti: nihil enim se dignius, nec Reipublicæ Christianæ utilis facere possunt, quam pueros, & adultos docere, quæ Christianos omnes scire convenit.

CAPUT XIX.

Pueri & adulti quomodo docendi.

Et quamvis adlaborandum sit, ut vota Catechismi doctrina, aut prima Fidei rudimenta, præsertim a pueris, sive in Scholis trivialibus, sive Dominicalibus, sive instruendis parentibus, aut fratribus memoriter ediscantur: id tamen potissimum curabit Catechista, ut sensum verborum pro suo capiti apprehendant: adeoque non semper iisdem verbis, vel eadem sermonis forma interrogandi erunt, vel instruendi, sed diversa; ut non tantum verba, sed rem ipsam significatam bene percipiant, & ea bene perspecta, subinde breviter edoceantur, quomodo mores suos formare debeant.

CAPUT XX.

Pro adultioribus habenda brevis monitiuncula.

Cæterum pro adultioribus, famulis præsertim, & ancillis (qui plerumque valde ignari sunt) instruendis; tempore primæ Missæ brevem monitiunculam, seu catechisticum familiarum sermonem, habere convenit de principiis Christianæ Religionis, maxime necessariis ad salutem, atque iis solis: sed brevem, & qui quadrantem

horæ non excedat, quo & brevitate & familiaritate sermonis, alliciantur ad audiendam & retinendam eam doctrinam. Quod si illud idem tempus destinatum sit pueris instruendis, statim post eam monitiunculam, ad eos etiam instruendos, sed alia forma procedatur: nimirum per interrogationes, & responsiones.

CAPUT XXI.

Etiam extra Ecclesiam docendi rudes.

Neque tamen adhuc muneri suo se satisfecisse existiment Pastores, si singulis Dominicis in templo catechisent: sed exemplo Christi Domini (qui relictis nonaginta novem ovibus in deserto, unam aberrantem sollicitè requisivit) & ipsi ignaros illos, suæ salutis immemores, ultro accedant (præsertim in pagis) in eorum se familiaritatem infundant, comiter agant, pro opportunitate instruant, animent. Quod maxime fiet, postquam instituta visitatione totius Parochiæ, juxta eam formam, quam præscripsimus, omnium qualitates probe perspectas habuerint. Poterunt etiam subinde convocatis unius familiæ prolibus, in præsentia adultorum, speciem aliquam examinis catechistici ita artificiosè instituire; ut etiam grandiores, quasi familiari colloquio ad respondendum invitentur. Denique aliis modis, quos zelus animarum & prudentia suggerent, ejusmodi rudes instruant; zelus enim ille aspera faciet in vias planas, omneque laboris tedium unctio cælestis allevabit.

CAPUT XXII.

Deneganda elemosyna pauperibus ignavis.

Et quoniam sæpe contingit, pauperiores etiam rudiores esse; agant Pastores cum Magistratu, & Rectoribus mensæ pauperum, ut nihil elemosynæ eis tribuatur, qui vel negligunt ipsi ad Catechismum venire, vel proles suas mittere. Atque ubi in fundationibus anniversariorum aliquid pauperibus distribuendum decernitur, habeatur ratio eorum tantum, qui bene instructi sunt, aut ut instruantur, soliti.

Ca-

CAPUT XXIII.

Erigende Scholæ Dominicales.

Quæ etiam ratio servetur, ubi præter Catechismum, Schola Dominicalis erecta est: quam a Magistratu frequentare coguntur jam dictis modis, aliisque opportunis, famuli & alii juxta Edictum Regis. (e). Atque ut ubi nondum erectæ sunt ejusmodi Scholæ, quamprimum erigantur, moneatur Magistratus, ut juxta idem Edictum, sumptus ad id necessarios procurer, (quandoquidem plurimi alioqui, qui tota hebdomada artificii vel alias distenti, Scholas frequentare non possunt, per ignorantiam pereant) caveaturque, ne eo tempore, quo juvenus catechizatur, ullæ choræ, vel lusus publici fiant, neve ulla ratione a tam necessario officio avocetur, vel per plateas divagari permittatur.

CAPUT XXIV.

Scholarum magna habenda ratio.

Jam de Scholis (in quibus formari debent, qui Reipublicæ aliquando præerunt) solliciti sint Pastores, ut ubi collapsæ sunt, restituantur: ubi conservatæ, magis, magisque colantur: de stipendio necessario Ludimagistris provideatur abunde, domus apta (quam prope templum Parochiale esse convenit) facta recta conservetur: Ludimagistri diligenter doceant, juvenus docenda frequens accedat, gratisque doceantur, qui ob inopiam alioqui a Scholis frequentandis averterentur, aut (si fieri potest, quod alicubi in more positum deprehendimus) ex communi ærario aliquid eo nomine Ludimagistris conferatur. Idem etiam pauperes Scholas adire compellantur denegatione eleemosynarum, aliisque supradictis modis: & ut institutionis initia a doctrina Orationis Dominicæ, aliorumque fidei rudimentorum sumantur. Ut vero ea omnia accurate fiant, Pastores Scholas ad minus semel in mense, & sæpe ex improvviso adeant, singulorum diligentiam in legendo, & scribendo explorent, examinent de principiis fidei, Ludimagistros ipsos animent, hortentur, corripiant, denique nihil

eorum omittant, quæ teneram ætatem juvare, & utiliter dirigere possunt. Decani quoque in visitationibus suis, non prætermittant idem præstare, & solcite animadvertere, an hæc omnia a Pastoribus præstentur.

CAPUT XXV.

Pueri & puellæ separatim docendæ, & ad lectionem catechisticam deducendæ.

In celebrioribus locis curetur, ut puellæ per fœminas, sive religiosas, sive sæculares idoneas doceantur, a quibus etiam non alii, quam puellæ instituantur, sicuti nec apud Ludimagistrum nisi masculi. Ubi autem tales fœminarum Scholæ non sunt, volumus omnino, ut pariete vel interstitio aliquo, pueri a puellis separentur, quo sic omnis illorum inter se aspectus arceatur. Volumus etiam, ut quantum fieri poterit, ad locum puellarum alio ostio aditus sit, quam ad locum masculorum, & ut alia hora pueri ad Scholam accedant & recedant, alia puellæ. Denique omnis inter eos sermo & colloquutio ac conversatio, quantum fieri poterit, arceatur. Insuper hortamur, ut Ludimagistri & Ludimagistræ Scholarum linguæ vernaculæ, juventutem suam statis diebus ad lectionem catechisticam deducant, & ibidem in officio contineant.

TITULUS II.

De Sacramentis in genere.

CAPUT PRIMUM.

Quæ a Tridentina, & Cameracensibus Provincialibus Synodis, de legitimo Sacramentorum usu & administratione, quæ etiam in Manuali Audomarensi pie & docte constituta sunt, ea omnia accurate observari volumus: nec alia omnino forma Sacramenta administrari, quam quæ in dicto Manuali præscribitur: cujus monita, & documenta sæpe sæpius legi, relegi, memoriæ mandari, atque ad praxim reduci præcipimus.

CA-

(e) Edict. Reg. ad II. Cam. art. 15.

CAPUT II.

Non ministraret Sacramentum, nisi approbatus.

Nemo Sacramentum ullum administrare permittatur, qui prius non fuerit a Nobis approbatus, ejusque approbationis fidem fecerit.

CAPUT III.

Vis Sacramentorum explicanda.

Doceant Pastores frequenter populum pro ipsius capiti, singulorum Sacramentorum institutionem, virtutem, efficaciam, usumque legitimum: breviter quidem in ipsa Sacramentorum administratione, latius vero in concionibus suis.

CAPUT IV.

Custodienda sollicitè Sacramentorum materia.

Porro, quia Sanctum minime est dandum canibus, materias Sacramentorum ita sollicitè Pastores custodiant, ut nulli ad eas accessus pateat: ne maleficii causa improbi homines iis uti possint, imo nec medicinae: neque omnino ad alium usum quocumque prætextu quisquam eas vel tradat, vel accipiat, quam ad quem ab Ecclesia destinatae sunt: qui secus facere præsumperit, graviter a Nobis juxta canonicas Sanctiones punietur.

CAPUT V.

Olea sacra per quem deferenda.

Quo Sancta sancte, ut patet est, tractentur; Pastores ipsi per se sacra Olea a Decanis, in vasis argenteis (si fieri possit) alioqui stanneis (nullo modo vero cupreis, testaceis, aut vitreis) bene obruratis & in capsula nitida, ut minimum stannea inclusis, accipiant; vel saltem per aliquem in sacris Ordinibus constitutum: qui si in reditu, ad ædes aliquas refectiois gratia divertere debeat, ipsa sacra Olea in templo Parochiæ interim, si fieri potest, decenter collocentur: idem Decani sibi præceptum intelligant. Sint autem solliciti Pastores, quam citissime Olea nova a Decanis accipere, neque postea audeant antiquis uti: sed quod superfluerit, lampadi ante Venerabile Sacra-

Supplement. Tom. X. Concil. German.

mentum lucenti infundatur: aut, si gossipio sit mixtum, super piscinam comburatur.

CAPUT VI.

Vasa Oleorum sacrorum recondenda in arcula lignea vel alio honesto loco.

Sacrorum Oleorum vasa, ita inter se distinguantur, ut periculum nullum sit, ne unum pro altero per errorem assumatur. Neque afferrentur in tabernaculo Venerabilis Sacramenti: sed, vel in arcula aliqua lignea decenti appensa ad murum, vel loco alio honesto, & fera clauso: & quidem Oleum Catechumenorum ac sacrum Chrisma, intra baptisterium, prope fontem baptismalem: Oleum autem infirmorum a latere summi altaris. Claves vero afferrentur ab iis solis, qui Sacramentum administrant.

TITULUS III.

De Baptismo.

CAPUT PRIMUM.

Ad Baptismum conferendum semper parati sint Pastores. Non differatur Baptismus infantium ultra tertium diem.

Quum ea sit Sacramenti hujus necessitas, ut sine eo salvari non possint homines, Pastoribus districte præcipimus, ut statim ubi requiruntur, paratos se offerant ad illud administrandum: neque aliqua ex causa, (etiam ob id, quod infans baptizandus ex illegitimo concubitu conceptus sit, aut quod pro alimentatione ejus nullus sit sponsor) administrare aut recusent, aut differant: subditis quoque suis præcipiant, ut quam citissime possunt, proles suas in Christo regenerandas offerant: neque propter eorum, quos elegerint patrinorum loco, moram, ultra tertium diem differant.

CAPUT II.

Non conferatur extra Ecclesiam.

Nemo extra Ecclesiam parochialem, ubi sacri fontes sunt, baptizare audeat, nisi in necessitate, aut Principum liberos.

CAPUT III.

Susceptores a Baptismo non intrent tabernas.

Abusum illum quibusdam in locis, maxime in pagis usitatum, quo peracto Baptismo, susceptores, & comites tabernam ex itinere adeunt, feriis ad populum exhortationibus tollere satagant Pastores.

CAPUT IV.

Ecclesiastici non adeant convivia mulierum purificantium, aut post nuptialia.

Districte prohibemus, ne ad ea, quæ mulieribus ex puerperio excedentibus, aut etiam antea intruuntur convivia; Parochorum aut Clericorum quisquam accedat: quemadmodum neque ad ea, quæ posttridie diei nuptialis, aut etiam tertio die celebrantur.

CAPUT V.

Registra baptizatorum antiqua asservanda in archivio Ecclesiæ.

Antiqua omnia registra baptizatorum, matrimonio junctorum, alique omnia, quorum usus quotidianus non est, in Archivio Ecclesiæ cum cæteris munimentis asserventur: ea vero, quorum adhuc usus est, non in ædibus suis Pastores asservent, sed vel in armariolo aliquo sacristiæ, vel in cista aliqua, cuius clavis sit penes ipsos, non autem Custodem: quin etiam nomina, cognomina baptizati, illiusque patris, matris, & susceptorum, diesque Baptismi per baptizantem ipsum in registro inscribantur, antequam baptizatus extra Ecclesiam deferatur: quo facto, etiam nomen suum adscriber baptizans.

CAPUT VI.

Obstetrices faciant Fidei professionem & examinentur, præsentque juramentum statutum.

Obstetrices nullæ admittantur, aut in posterum tolerentur, nisi Catholicæ, & quæ Fidei professionem emisierint, quæ etiam a Parocho de iis, quæ ad Baptismi essentiam pertinent, examinata, & abunde instructæ sint, & juramentum in manibus Pastoris, aut Ma-

gistratus juxta Edictum Regium (f) emisierint, de denunciandis intra triduum infantibus, quos forte parentes nondum baptizari curarint: atque ad id, implorato, si opus sit, Magistratus auxilio, præstandum cogantur.

TITULUS IV.

De Sacramento Confirmationis.

CAPUT PRIMUM.

Monendus populus, ut se præparet.

Ubi intellexerint Pastores Episcopum Sacramentum hoc, vel in sua Parochia, vel in vicina conferre decrevisse, diligenter populum commonebunt, de die quo id facturus est: hortabuntur, ut ad illud debite suscipiendum se disponant, quotquot adhuc non suscepunt, & septennium ætatis attigerunt: in iis enim, qui semel illud suscepunt, iterari non posse.

CAPUT II.

Vis, dignitas & effectus Confirmationis.

Explicabunt aliquoties vim, effectum & dignitatem hujus Sacramenti. Vis quidem, & efficacia in eo consistit, quod per illud gratia habitualis copiosa accipitur, anima roboretur ad spirituale certamen subeundum, adversus omnes carnis, mundi, & diaboli impetus: maxime vero ut baptizatus, quam fidem professus est in Baptismo, eam intrepide & constanter confiteatur; quod quidem per Oleum, quod nervos confortat, corpusque validius reddat, & per balsamum, quod a putredine conservat, & suavem habet odorem, significatur: animam scilicet, per hanc gratiam roborari, & Christianarum virtutum odorem late spargere, atque a vitiorum putredine liberari.

CAPUT III.

Quare in fronte conferatur.

In fronte autem, (quæ pudoris sedes est) & per impressionem signi sanctæ Crucis, confirmandi inunguntur; ut aperte confiteantur se sub cruce militantes, nulla verecundia aut metu absterri posse, a profitenda fide, vel officio Christiani hominis.

CA.

(f) Edict. Reg. ad 2. Conc. Camer.

CAPUT IV.

Cur alapa cedatur Confirmatus.

Alapa etiam ceditur confirmandus in maxilla, ut meminerit se tanquam Christi athletam, ad ferenda pro Christi nomine quævis opprobria, & adversa paratum esse debere.

CAPUT V.

Quæ dispositio corporalis ad hoc Sacramentum.

Docebunt præterea Pastores, quæ dispositio & corporis & animæ ad hoc Sacramentum adferri debeat. Ac primum postulat hujus Sacramenti reverentia, ut confirmandi accedant facie bene lora, munda, & crinibus in frontem defluentibus relectis.

CAPUT VI.

Adferenda fasciæ.

Adferre etiam debent fascias mundas & spissas, ac justæ longitudinis: ut fronti & capiti circumcingi commode possint.

CAPUT VII.

Quæ spiritalis.

Præmittenda insuper est Confessio Sacramentalis ab adultis, seu doli capicibus: debentque scire rudimenta fidei: ac demum a Confessario scedulam parvam accipere, testem scientiæ sufficientis, & debitæ dispositionis, ab eoque signatam: quam scedulam in manibus habeant, & exhibeant jam confirmandi.

CAPUT VIII.

Adhibendus Patrinus.

Suscipitorem etiam habeant ejusdem cum confirmando sexus, (ut nimirum mares a maribus, puellæ a mulieribus teneantur) quique jam confirmatus sit: is vero manu dextra super humerum dextrum confirmandi apposita, stans eum teneat.

CAPUT IX.

Contrahitur in eo cognatio spiritalis.

Doceat etiam Pastor in hoc Sacramento perinde ut in Baptismo, contrahi cognationem spirituales, inter confirmatum & suscipientem, item inter

Supplement. Tom. X. Concil. German.

suscipientem & patrem confirmati ac matrem: quæ quidem Matrimonium inter illas personas impediatur & dirimat.

CAPUT X.

Post tres dies deponendæ fasciæ.

Postremo monebuntur confirmati, ut tribus diebus fascias illas gerant, ac postea Parochum, aut Sacerdotem alium in Ecclesia parochiali adeant, qui fascias solvat, frontem eorum sale & aqua laver: quæ ablutionis aqua in sacrarium Ecclesiæ fundatur, fasciæ vero exurantur; aut ad conficiendos cineres in diem Cinerum serventur.

CAPUT XI.

Scribendum in registro nomen confirmati & patrini ac parentum.

Tum in registro ad hoc parato, confirmati nomen, cognomen, parentum quoque & patrini, insuper locus & dies, quo confirmatus est, inscribatur, ea forma, quæ in Baptismo servatur.

CAPUT XII.

Qui in Baptismo a patrini officio rejiciuntur, nec in Confirmatione admitti debent.

TITULUS V.

De Sanctissimo Eucharistiæ Sacramento.

CAPUT PRIMUM.

Catholica de sanctissimo Eucharistiæ Sacramento Fides.

Quæ de sanctissimo hoc Sacramento Concilium Tridentinum non minus pie, quam docte tradidit, ea sæpius subditos suos Pastores doceant, adversusque grassantes hodie hæreses muniant. Doceant in isto Termaximo Sacramento sub qualibet specie, quin etiam sub cujuslibet speciei quavis particula contineri totum & integrum Christum, Deum & Hominem, vere, realiter, & substantialiter, totumque ejus Corpus & Sanguinem, sanctissimam Animam, imo & Divinitatem ipsam. Doceant honorem huic Sacramento debitum, honorem scilicet supremum, eum, qui Dei Filio & Deo

Ggg gg 2 debe-

debetur; five dum in Missæ Sacrificio offertur, five dum in Ecclesia asservatur, five dum in processionibus, aut ad infirmos deferitur.

CAPUT II.

Modus illud ministrandi, petatur ex Manuali.

Cætera item, quæ de modo Sacramentum hoc administrandi, suscipiendi, asservandi, quæve alia in Manuali Diocesano tradita sunt, & legantur diligenter & exacte observentur.

CAPUT III.

Suadenda frequens Communio. Pastores se paratos exhibeant ad excipiendum confessiones.

Frequenter Pastores populum sibi commissum hortentur, ut sacrosancta illa Mysteria, quæ ad nostræ fragilitatis subsidium Salvator dedit, non ita ægre & raro, (ut magna hominum pars non sine injuria tam liberalis Donatoris) adeat, sed frequentet sæpius: doceantque, quam uberes fructus sint frequentis Communione. Itaque saltem Festis celebrioribus Domini nostri, & Beatissimæ Virginis, imo singulis mensibus, ita ut oportet, contritione & confessione expurgati, hunc panem super substantiali manducatum veniant. Atque ut id præstent commodius, & libentius, ipsi Pastores & in ejusmodi Festis, mane tempestive, & pridie etiam sub vespere, paratissimos in Ecclesia se offerant, & sistant, imo & quocumque tempore, ad eorum confessiones audiendas: seque ultro offerant, & subsidiarios, si necesse sit, advo-cent.

CAPUT IV.

Adolescentes ante susceptionem examinandi.

Adolescentes dum prima vice communicaturi sunt, prius aliquot diebus, per Pastorem, Confessarium, vel alium idoneum examinentur, & de vi ac tota ratione hujus Sacramenti, sufficienter instruantur.

CAPUT V.

Multitudine communicante occurrendum inordinationi.

Jam in Paschate, aliisque diebus, quibus magno numero fideles commu-

nicant, prospiciendum est, ne qua sit inter communicandum inordinatio, ne alii aliis impedimento sint, quo minus tremenda illa Mysteria sumere queant ea reverentia, & animi quiete, qua decet: ne alii alios five accedendo, five recedendo propellant, comprimant, aut turbent. Aptetur locus cancellis ligneis decentibus ab altari sejunctus, ubi genu flexis sacra Synaxis ordine præbeatur, ita ut qui expectant, ab illis separati sint, qui jam percipiunt.

CAPUT VI.

Ubi magnus esse solet communicantium numerus, constituatur Sacerdos aliquis, qui qualibet hora, & tempore, omnibus advenientibus Eucharistiam administret.

CAPUT VII.

Vinum ablutionis ex calice non dandum.

Dum populo, Eucharistia sumpta, vinum pro ablutione præbetur, non e calice, sed e scypho ad hoc destinato detur: doceanturque rudes, & publice & privatim, ejusmodi vinum minime esse consecratum, vel Sanguinem Christi.

CAPUT VIII.

Hortandus populus, ut comitetur Venerabile Sacramentum.

Frequenter & serio moneatur populus, ut Sacramentum hoc, quando ad infirmos deferitur, comitetur: contenturque Pastores, saltem in locis celebrioribus, laudatam illam consuetudinem inducere, ut sub umbella tunc Sacramentum deferatur: atque ut frequentior populus adsit, quantum fieri potest, satagant, ut post matutinum Sacrum, quando plures ad Ecclesiam venire solent, id fiat: & prius certis campanæ pulsibus signum detur, ut ii, quibus vacat, conveniant.

CAPUT IX.

Lampas ante Venerabile Sacramentum continuo ardeat.

Adnitantur Pastores, ut (quod a Principibus quoque nostris tantopere commendatum est) diu noctuque lampas ante Venerabile Sacramentum ardeat, saltem ubi a furibus nocturnis periculum non est. Quod si Ecclesia-

rum

rum paupertas tanta sit, ut sumptui ferendo non sint, ineant rationem aliquam cum Ædituiis, five ex pecuniariis collectis in eum finem institutis, five ex applicatione partis, aut totius collectæ pro lacticiiniis, (re tamen prius Nobis communicata) ut provideatur de sumptibus necessariis.

CAPUT X.

S. Eucharistia raro in Processionibus deferenda.

Sacrosancta Eucharistia pie & utiliter ad populi devotionem interdum in publicis supplicationibus deferatur, potissimum vero in festo sacro Christi Corpori dedicato, & in ejus Octava: sed ne nimia frequentia minuat reverentiam, rarius extra prædicta tempora (& ubi moris est primam Dominicam mensis) id fiat: nec nisi in arduis causis pacis & publicæ necessitatis aut utilitatis.

TITULUS VI.

De Missæ Sacrificio.

CAPUT PRIMUM.

Missæ frequentanda.

Divinissimi hujus Sacrificii institutionem, præstantiam, fructum, libertatem, cæteraque huc pertinentia, sedulo explicant populo Pastores, quo illud & frequenter diligentius, & audiat religiosius. Doceant Ecclesiæ præcepto obligari omnes, ut audiant Dominicis & Festis diebus Missam: illosque huic præcepto nequam satisfacere, qui peracta Consecratione, aut post Orationem Dominicam ab Ecclesiâ recedunt: ac proinde contra ejusmodi, perinde Nos processuros, atque contra eos, qui Missam diebus festis non audiunt.

CAPUT II.

Audienda in propria Parochia.

Moneant etiam, teneri Parochianos, dum commodè possunt, Sacrum in Parochia sua audire, & concioni interesse, quandoquidem in ea intelligere debeant, quæ jejunia, quæ festa, ea septimana recurrant, quæ Missæ votivæ, quæ supplicationes publicæ, & alia Christianæ pietatis officia sint agenda:

& audire bannorum proclamationes, ut impedimenta, si quæ norint, denuntient: deque aliis instrui, quæ ad suam & proximorum salutem atque ad bonum publicum pertinent.

CAPUT III.

In Sacrificio omnia respondeant sacrorum ipsorum dignitati.

Porro ne alienetur populus a sacris Mysteriis, detrahatque Sacrificio Domini, (ut quondam Israelitæ scandalizati à filiis Heli) curent Pastores, ne tantam rem perfunctorie, leviter aut irreverenter peragant; verum ea pietate & gravitate, quæ & mysteriorum ipsorum majestate digna sit, & populum in magnam illorum æstimationem, devotionisque ardorem adducat.

CAPUT IV.

Omnia, quorum usus est in Sacrificio, sint decetia & munda.

Quare jugiter advigilent, ut sacri calices (qui argentei sint oportet, aut ut minimum eorum cuppa) corporalia, vestimenta, aliaque, quibus usus est in Sacrificio isto, munda sint, & nitida: altare quoque integrum, mundum, ornatum: pallæ, ex præscripto Missalis Romani, lineæ (sepositis sericeis): purificatoria nitida, juxta magnitudinis, & quæ sæpius renoventur: parva vero, & quæ vix orificium calicis tegunt, penitus abjiciantur: denique tota supellex Ecclesiastica talis sit, & tam nitida conservetur, ut digna sit, quæ prodeat in conspectum Dei. Crux in medio altaris adsit, & duæ candelæ cereæ in eo vel circa illud ardeant, dum Sacrificium Missæ celebratur. Ubi vero ob periculum ab hostibus vel prædonibus calices stannei tolerandi essent, ut minimum singulis quindecim diebus per ipsos Sacerdotes debite mudentur.

CAPUT V.

Ornamenta Sacerdotalia decenter aservanda.

Ea vero omnia ornamenta ita in scriniis vel cistis decenter complicata servantur, ut nec rugas, vel maculas ex indecenti projectione contrahant. Superior altaris mappa, finita Missa, Ggg gg 3 tega-

tegatur panno laneo vel corio: denique facto ipso, ostendant Pastores ze-
lum, quem decet eos habere circa de-
corem domus Dei.

CAPUT VI.

*Ipsum templum mundum sit, uti &
suppellex Ecclesiastica.*

Templum vero ipsum, si opus sit,
curent totum semel interius dealbari,
& a solo usque ad fastigium singulis an-
nis totaliter bene scopis purgari, fene-
stras mundari, pavementum singulis
hebdomadibus verti, sæpius in anno,
si lutum adhæserit, eradi, vasa ænea,
argentea, lampades, thuribula, aliam-
que suppellectilem nitidam semper con-
servari, rectum & totum ædificii cor-
pus debite reparari, virgulta, sentes
& hederas templorum parietibus ad-
hærentes prorsus avelli.

CAPUT VII.

*Tempore belli quanta cura de munditie
Templi.*

Et quoniam ob bellorum calami-
tates contingit, quibusdam locis, ani-
malia in Ecclesia stabulari; curet Pastor,
ut belli tempore saltem altare, totusque
chorus immunis servetur ab immun-
ditiis, & a cistis: & locus, ubi anima-
lia sunt, singulis septimanis aliquoties
mundetur, maxime in vigiliis diei Do-
minicæ & Fæstorum, aut summo mane
ante Missæ celebrationem: graviter-
que populus admoneatur, ut a com-
potationibus, iurgiis, aliisque irreve-
rentiis, quamdiu in templo est, absti-
neat: memorque sit illius Apostoli, si
quis templum Dei violaverit, disper-
det illum Deus.

CAPUT VIII.

*Ante Missam exacte se præparet Sacerdos.
Quandoque etiam confessus non
celebret.*

Cæterum non externa sufficit, oportet
& interna, ut decet, esse composita.
Nemo ergo Sacerdotum ad offerenda
tremenda hæc Mysteria se accingat, nisi
bene se probarit, conscientiam suam
discusserit, & si opus fuerit, Sacra-
mentali Confessione expurgarit: (g) si
quis temulentia vel notorio alio crimi-

ne scandalum dederit, postridie ne ce-
lebret quantumvis confessus, nisi ne-
cessitate coactus.

CAPUT IX.

Serventur in Missa cæremonia Romana.

In Sacrificio celebrando serventur
exacte cæremonia Missalis Romani, ne-
que iis quidquam addatur, aut detra-
hatur. Quæ vero ex ejus præscripto,
altiori voce pronuntianda sunt, ita Ce-
lebrantes moderentur, ut aliis in ead-
em Ecclesia celebrantibus, non sint
impedimento.

CAPUT X.

*Sacerdos induat se in Sacrastia, & si nulla
sit, loco ab altari separato.*

In iis Ecclesiis, in quibus est Sa-
crastia, observentur, quæ in Rubricis
statuuntur: ubi ea nondum est, saltem
in loco ab altari separato induat se Sa-
cerdos sacris vestibus, atque ita decen-
ter compositus, recto capite ad altare
graviter procedat, cæteris, quæ in dicto
Missali ordinata sunt, observatis.

CAPUT XI.

Quando liceat bis in die sacrificare.

Nemini liceat bis eodem die sacri-
ficare, iis dumtaxat exceptis, qui ra-
tione Succursus (ut vocant) id cogun-
tur facere, & excepto die Nativitatis
Domini.

CAPUT XII.

*Quid agendum, ubi non est Sacerdos
præter Pastorem.*

In iis Parochiis, ubi Sacellanus
haberi nequit, qui primam Missam ce-
lebrat, poterit Pastor tempore & loco
primæ Missæ Venerabile Sacramentum
adorandum exhibere, certosque Hym-
nos decantare, ac deinde catechizare:
monebitque Patresfamilias, ut saltem
alternis Dominicis famulos & famulas
per vices mittant ad summum Sacrum
audiendum.

CAPUT XIII.

*Sacerdotes ignoti & vagi non permittantur
celebrare absque Episcopi facultate.*

Vagi, ignotique Sacerdotes, ad ope-
randum Sacris, prorsus non admittantur
absque

(g) Camer. II. Tit. 3. c. 8.

absque nostra expressa licentia: quam a Nobis illi non expectent, sine commendaticii Ordinarii sui literis. Qui-
eumque autem secularis ad Presbyteratus Ordinem recens promotus fuerit, primam Missam non prius celebrare permittatur, quam literas sui Ordinis Decano loci exhibuerit. Quod si apud Regulares primum Sacris operetur, Superiori literas Sacerdotii prius exhibeat.

CAPUT XIV.

*Non celebretur in altari portatili sine
licentia Episcopi.*

In altari portatili nemo celebret, nisi de expresso nostro consensu, cujus consensus in proxima visitatione fidem facere teneatur: neque altaribus consecratis superponatur altare portatile.

CAPUT XV.

*Nullum altari novum erigatur absque
Episcopi licentia.*

Nullum quoque altare novum erigatur, nisi id expresse a Nobis concessum fuerit, & non alibi, quam in locis Deo dicatis a Nobis designatis, (secluso privilegio) Missæ Sacrificium fiat. Neque plura altaria extruantur, quam commode possint adornari, & quæ templi decori non officiant, ac populo non sint impedimento.

CAPUT XVI.

*Fundationibus satisfaciendum. Sacerdotis
celebrantis stipendium.*

Ne pio desiderio suo fraudulentur Fundatores, Sacerdotes in Ecclesiis, in quibus ex fundatione debent, tam frequenter celebrent, quam necesse est, ut officio suo, & Fundatorum intentioni satisficiant. Nemo conventionem ineat pretii solvendi pro Missa: verum id demum quod sponte datum fuerit, vel a Nobis taxatum, vel juxta laudabilem consuetudinem locorum, debitum post celebrationem accipiat. Nemo unam Missam celebrans plurium stipendium accipiat. (b) Si, quod antiquitus ex fundatione constitutum est stipendium, nimis exiguum fuerit, ad Nos recurratur, ut id statuamus, quod ratio dictaverit faciendum.

CAPUT XVII.

Celebrans, eique ministrantes, pileum, chirothecas, claves, cæteraque ejusmodi in altari non ponant.

CAPUT XVIII.

Diacono & Subdiacono Sacerdoti ministrantibus in Missa solemnè negetur stipendium, si ante finem Missæ alio abeuntes Sacerdotem relinquant.

TITULUS VII.

De Sacramento Pœnitentiæ.

CAPUT PRIMUM.

Pœnitentiæ necessitas.

Nemini post Baptismum in grave peccatum lapsò speranda est remissio, absque Sacramento Pœnitentiæ, aut si ab eo suscipiendo necessitate excludatur, illius voto & desiderio: quam necessitatem, cæteraque huc pertinentia e Tridentino Concilio, Rituali Dicesano, & aliis probatis Auctoribus Parochus frequenter inculcet.

CAPUT II.

Confitendum ut minimum semel singulis annis.

Quotannis statim a Quadragesimæ principio populum sibi commissum admoneat, ut ex eo tempore ad exactam peccatorum suorum confessionem se parat, matureque eam faciat. Qui vero hoc Ecclesiæ præceptum neglexerit, & vivens ab Ecclesiæ ingressu arceatur, & moriens Christiana careat sepultura.

CAPUT III.

Quotannis scribantur nomina confitentium.

Ut vero Pastoribus constare possit, an omnes huic præcepto & officio hominis Christiani satisfecerint, mandamus illis, ut statim ab initio Quadragesimæ omnium eorum, quorum confessiones audiunt, nomina, & cognomina scripto excipiant. Idemque faciant omnes eorum Cooperatores. Et hi statim post octavam Paschæ, eorum, quos audierint, catalogum Pastori tradant, qui ex omnibus, catalogum unum totius Parochiæ suæ conficiat, in quo, quos non repererit scriptos, confestim adeat,

(b) Conc. Trid. Sess. 22. cap. *Quanta cura.*

adeat, inquirat, quam omittendi rationem habuerint. Quod si id factum deprehenderit ex iusta aliqua causa, aut ex simplicitate tolerabili, persuadeat illis quamprimum confiteri, & communicare: quod si moniti non pareant, ad Officium nostrum deferat: & interea ad Matrimonium, aut alterius Sacramenti susceptionem non admittat, & mortuos Ecclesiastica privet sepultura.

CAPUT IV.

Confessi Religiosis asserant testimonium.

Si Religioso privilegiato confessos se dicant, teneantur ejus rei fidem facere per testimonium ejus Religiosi scriptum, idque intra breve aliquod tempus a Pastore perfiniendum: alioqui contra eos, ut jam prius dictum est, procedatur.

CAPUT V.

Absentes in Paschate doceant se confessos esse.

Si aliqui a Parochia, Paschatis tempore, abfuerint, statim a reditu, cogantur docere ubinam huic præcepto satisfecerint: quod si intra quindenam non docuerint, iisdem pœnis subjaceant.

CAPUT VI.

Quotannis visitetur Parochia tota, & quomodo.

Et quo certius constare possit, an aliqui supradictæ legi non satisfecerint, præcipimus Pastoribus, ut quotannis post octavam Paschæ, Parochiam suam totam, singulasque Parochiæ familias visitent, & perlustrent, per se ipsos, aut saltem a Sacellanis suis adjuti: atque in singulis familiis scribant nomen, cognomen, qualitatem singulorum habitantium: verbi gratia, patrisfamilias, matrisfamilias, filiorum & filiarum, servorum, ancillarum, & aliorum: item an sint rudes mysteriorum Fidei, an confirmati. Tum catalogum hunc cum illo priori eorum, qui confessi sunt, conferant, advertantque, si qui a confessione se subdlexerint.

CAPUT VII.

Sedes confessionales sint commode loco.

Sedes confessionales ubi collocatæ sunt in angulis Ecclesiarum, vel ita

contiguæ altaribus, ut pœnitentes vel celebrare, aut communicare volentes impediant, deinceps in locum honestum, patentem, conspicuum transferantur, atque ita ut utrumque ad illas facilis & liber pateat accessus, sine cujusquam incommodo.

CAPUT VIII.

Sint autem sedes illæ ejusmodi, ut Sacerdotem a pœnitente afferculo cancellato, & pœnitentem a sequentibus alio afferculo disjungant: & utrumque ad cancellos sint ostiola, quæ pœnitentis ab altero latere constituti aspectum & auditum arceant.

CAPUT IX.

Nec ex ritu antiquo sit, nec ex ratione, nec ex dignitate Sacramenti, ut Confessarius, dum pœnitentem absolvit, aperto sit capite. Quare deinceps non nisi cooperto capite Sacramentalis Absolutionis sententiam ferat: nec nisi sedens confessiones excipiat, quacumque pœnitens dignitate fulgeat.

CAPUT X.

Magna oportet esse instructum scientia, qui de rebus maximis ex tempore judicare debet. Ideoque Confessarii, quibus non hominis, sed Dei judicium exercendum est, & quidem de animabus pretioso JESU CHRISTI Sanguine redemptis, diligentissime eorum librorum lectioni incumbant, unde necessariam sibi scientiam hauriant.

TITULUS VIII.

De Extrema Unctione.

CAPUT PRIMUM.

Explicanda utilitas & usus legitimus hujus Sacramenti.

Utilitatem & usum legitimum hujus Sacramenti a Christo Domino instituti, & a beato Jacobo Apostolo promulgati, doceant Pastores ex Concilio Tridentino, ex antiquo ritu Ecclesiæ, & ex Manuali Diocesano.

CAPUT II.

Populus hortandus, ut frequens comitetur hoc Sacramentum.

Admoneatur populus, dato, priusquam e templo prodeat Sacerdos, campane

panæ signo, pro ægroto orare, & quibus commodum est, Sacerdotem, dum ad infirmum procedit, comitari, atque una cum eo preces devote pro ægroto fundere, a fabulis & colloquiis abstinere: qui id fecerint, & istiusmodi honore Sacramentum profecti fuerint, indulgentiæ decem dierum conceduntur, quæ in reditu publicentur.

CAPUT III.

Hujus Sacramenti fructus. Non expectandum extremum in petitione hujus Sacramenti.

Stultam, quinimo impiam illam opinionem, qua persuasum est nonnullis, nullam esse reliquam spem vitæ, ubi hoc Sacramentum susceptum fuerit; vel testamentum condi non posse, ex animis suorum evellant Pastores, cum potius ipsam corporis sanitatem adferat, ubi ægroti salutis expedit. Quare, ne hujus Sacramenti susceptionem ad extremum differant, si sibi bene consultum volunt. Visitent itaque Pastores diligenter infirmos etiam non vocati, sagrantque, ut sensibus & usu rationis adhuc integris, illud sibi administrari perant, ut ad uberiores gratiam percipiendam, ipsi etiam suam fidem, ac piam animi voluntatem conferre possint.

TITULUS IX.

De Ordine.

CAPUT PRIMUM.

Qualitates Tonsuram suscipientium.

Ad primam Tonsuram nemo præsentetur, nisi confirmatus, fidei rudimenta edoctus, legendi, & scribendi gnarus, quique de thoro parentum legitimo, de ætate ac vitæ probitate, & quod sit Diæcesanus origine, vel domicilio, clarum a Parocho afferat testimonium. Quod si in Scholæ latina studeat, de ejus probitate Magister testabitur. Denique is sit, de quo probabilis conjectura habeatur, non eum sæcularis judicii fugiendi fraude, sed ut Deo fidelem cultum præstet, hæc vitæ genus elegisse. Hoc vero testimonium clausum sit, & sigillo testantis obsignatum.

Supplement. Tom. X. Concil. Germ.

CAPUT II.

Quomodo comparere debeant.

Compareat autem hora, quæ indita fuerit, in Ecclesia honeste indutus, capillitio decenter composito, & superpellicum ac cereum parata habens: qui ubi tonsuram acceperit, radi eam jubeat, & justæ decentisque pro Ordine & gradu suo magnitudinis, perpetuo deinde gerat.

CAPUT III.

Qualitates minoribus Ordinibus initiandorum.

Ad minores Ordines promovendi, bonum a Parocho & a Magistro Scholæ, in qua educantur, testimonium habeant, & saltem latinam linguam intelligant: adferant etiam literas tonsuræ susceptæ, & ætatis sufficientis.

CAPUT IV.

Qualitates sacris Ordinibus initiandorum.

Hi, qui sacris Ordinibus initiandi erunt, præter ejusmodi testimonium ætatis a Parocho, & morum a Præfide Collegii, si in eo degant, a Capitulo, si resideant in Ecclesia Collegiata, alioqui a proprio Parocho, & simul a Professore, si humanioribus literis, Philosophiæ, vel Theologiæ dent operam, clausum, & obsignatum; adferant aliud de denuntiationibus & proclamationibus bannorum, in Ecclesia Parochiali, in cujus finibus nunc habitant, siquidem ibi per sex menses habitaverint, alioqui in illa, in qua ante non minori tempore proxime fuerunt, factis, simulque exhibeant literas testimoniales Ordinis ultimo suscepti.

CAPUT V.

Forma proclamationum.

Forma autem, quam in ejusmodi denuntiationibus observare debent Parocho, est, ut in Ecclesia die Dominico aut festo intra Missarum solemnias publice proponant N. intra breve tempus sacrum Ordinem suscipere decrevisse: quare omnibus & singulis sub excommunicationis pœnæ mandari, ut si quod noverint canonicum impedimentum, ob quod a suscipiendis Ordinibus re-

H h h h h

pell

pellī debeant, sive ob malos mores, sive ob aliquid aliud, statim denuncient.

CAPUT VI.

Doceant de titulo sive censu annuo.

Doceant etiam iidem ordinandi se titulum sive censum Ecclesiasticum, aut patrimoniale, valoris annui centum florenorum (deductis omnibus oneribus) pacifice possidere, jam ante ab Officiali nostro approbatum; coram quo jurabunt se illum vere & sine ulla fraude possidere, nec dimissuros absque nostro expresso consensu, ea forma, quæ in Concilio II. Cameracensi (2) refertur. Quod si census ille patrimonialis, in redditu annuo redimibili consistat, jurabunt insuper, si contingat eum redimi, & extinguī, se nummos (ut dicunt) capitales quamprimum numeraturos in manibus ejus, quem designabimus, quo citissime alius redditus creari possit, in cujus creatione idem quod prius jurabunt.

CAPUT VII.

Ascribantur certa Ecclesiæ.

Et ne incertis vagentur sedibus, Ecclesiæ alicui, aut pio loco, pro cuius utilitate aut necessitate adsumantur, ascribi debeant. Ubi (siquidem studiorum causa non absint) & in Ordine suscepto ministrare, & Sacro, diebus Dominicis, Festisque superpelliceo induti, interesse, & in processionibus generalibus, cum Clero illius Ecclesiæ comparere teneantur, sub pœna arbitraria.

CAPUT VIII.

Sint periti cantus.

Nemo etiam ad Subdiaconatum admittatur, qui cantus Gregoriani bene peritus non sit.

CAPUT IX.

Qualitates ordinandi in Diaconum.

Qui Diaconus ordinari cupit, præter ætatis, probitatis, & proclamationum supradictarum testimonium, & litteras postremi Ordinis, aliud insuper adferat testimonium, quod in Ordine ante suscepto sæpius ministrarit, & frequenter Eucharistiam sumpserit.

CAPUT X.

In Sacerdotem ordinandus, præter supradicta testimonia ætatis, morum, proclamationum, exercitii in Ordine, adferat aliud, quod frequenter communicaverit. Tenebitur etiam, antequam ad examen admittatur, coram aliquo, quem designaverimus, probare se in cæremoniis Missæ, ex ritu Missalis Romani probe exercitatum esse, ejusque rei ab eo scriptum exhibebit, atque ut id faciat, paulo maturius cæteris ad locum, ubi conferendi sunt sacri Ordines, venire.

CAPUT XI.

Quale debeat esse testimonium pro ordinandis.

Quo autem certum de ætate, aliisque requisitis testimonium habeatur, & ne contingat ordinandos ejus defectu remitti, advertant Pastores, aliquæ ad quos id pertinet, Nos nonnisi clausum, sigilloque eorum obsignatum accepturos. Cum vero de moribus ordinandi testimonium Parochi dederint, illud ad Archipresbyterum aut Decanum Christianitatis dirigant, atque ille, si ita judicaverit, illud approbabit, & suo rescripto inclusum ad Nos diriget.

CAPUT XII.

Formula testimonii de ætate.

Quantum ad testimonium de sufficienti ætate, serveatur hæc formula: *Ego infrascriptus Pastor in N. fidem facio me registrum Baptizatorum Ecclesiæ meæ inspicisse, & hæc in eo reperisse scripta. Adjiciantur ipsamet verba registri.*

CAPUT XIII.

Quid faciendum, si registra sint deperdita.

Ubi vero (ut contingit) baptizatorum registra fuerint deperdita, ut ætatis & legitimitatis debitum testimonium decur; primum examinentur prævio juramento testes fide digni (sive a Decano, sive a Pastore) qui eum, de quo agitur, probe cognitum a natiuitate habeant, quique non tantum testentur de quæstis, sed etiam dent causam & rationem pertinentem suæ scientiæ: quæ omnia in scriptum redacta ad Nos transmittentur.

CA.

(2) Tit. 10. cap. 4. & Edict. Reg. art. 10.

CAPUT XIV.

Qui de moribus testantur, nude, & simpliciter veritatem bene cognitam aperiant, sine verborum lenociniis & adulatione aut furo.

CAPUT XV.

Novi Sacerdotes celebrent ante sex septimanas.

Eveſti ad ſacrum Presbyteratus Ordinem, Primitias celebrare non differant, ultra ſex hebdomadas a die ordinationis, niſi ex cauſa legitima, noſtraque expreſſa licentia.

CAPUT XVI.

Religioſi quale teſtimonium exhibebunt.

Religioſi, etiam Ordinum Meridicantium, a Superiore ſuo ætatis ac vitæ; morumque probitatis teſtimonia in ſcriptis afferant, doceantque de Ordinibus ſuſceptis; per literas a Secretario Episcopii expeditas. Insuper ad Subdiaconatum promovendi, declarent ſe libere & ſine ulla coactione Profeſſionem feciſſe, aut ratam habuiſſe, illudque in regiſtro Ordinatorum annotetur.

CAPUT XVII.

Ordinandi titulo patrimoniali copiam authenticam ejusdem tituli penes Graſſarium Curie noſtræ relinquunt.

TITULUS X.

De Sacramento Matrimonii.

CAPUT PRIMUM.

Sponſalia nonniſi maturo conſilio contrabenda. Libera eſſe debent. Non contrabenda ſine parentum conſenſu.

Sponſalia nonniſi maturo conſilio contrahantur. Et quoniam Matrimonia libera eſſe debent, ac coactæ nuptiæ tristes ſæpenumero ſolent habere exitus; Parentes vel Tutores nulla ratione contra eam, quæ a natura relicta eſt Matrimonii ineundi libertatem, vim liberis ſuis faciant, quo invitos ad certa Sponſalia, certumque Matrimonium cogant. Cæterum liberi ipſi parentes debito obedientiæ honore non defraudent, quin ſana humiliter conſilia amplectantur eorum, quibus, ut præcipua cura fuit eos educandi, & in-

Supplement. Tom. X. Concil. Germ.

ſtituendi, ita & feliciter in Matrimonium collocandi.

CAPUT II.

Parochi non aſſiſtant Matrimonio vi aut metu contracto.

Diligenter itaque Paſtores inquirent ab iis, qui Sponſalia aut Matrimonium contracturi ſunt, an parentum aut aliorum vi, metu, & non libera voluntate ducantur. Quod ſi ita eſſe comperiant, nullatenus eos conjungant aut aſſiſtant, nec eniquam, ut id faciat, ſuas vices committant, ſub pœna ſuſpenſionis ab officio & beneficio. Neque etiam Sponſalibus aut Matrimonii aſſiſtant, quæ inconſulto juventutis fervore interdum contrahuntur, niſi de conſenſu parentum aut tutorum eis conſtiterit: aut, re ad Nos delata, facultatem id faciendi accipiant.

CAPUT III.

Nec contrahatur, niſi in Eccleſia.

Laudabilis hujus Diœceſis conſuetudo, ut in Eccleſia tantum, & inter Miſſarum ſolemnia Matrimonium contrahatur, omnino retineatur: nec quicumque Paſtorum abſque ſpeciali noſtra licentia ei contravenire audeat.

CAPUT IV.

Nec eo die, quo ultima proclamatio banorum facta.

Quo die de Matrimonio contrahendo denuntiatio ultima facta eſt, eo die illud non celebretur: quod multo magis obſervetur, quando ſuper una aut duabus reliquis a Nobis diſpenſatum eſt. Neque etiam contrahatur unquam poſt meridiem: niſi de expreſſa noſtra licentia.

CAPUT V.

Qui non admittendi ad Matrimonium ſine licentia Episcopii.

Vagi aut ignoti, vel qui incertas ſedes habent, ad Matrimonium non admittantur, niſi de eorum ſtatu diligenti inſpectione facta, & re ad Nos delata, licentia eos conjungendi obtineatur. Idem judicium eſto de iis, qui antea conjugati fuerunt, nec de morte conjugis certo conſtat, cujuſmodi ſæpe ſunt uxores militum, captivorum vel

Hhh hh 2 pere;

peregrinantium. Et de iis, qui sunt alterius Regni vel Provinciæ, etsi pro tempore in Parochia degant.

CAPUT VI.

Casus, in quo sine proclamationibus possit Matrimonium iniiri.

Si alter eorum, qui Matrimonium contrahere cupiunt, in mortis periculo versetur, prolesque jam suscepta sit; permittimus in favorem prolis superstitis, ut omissis proclamationibus, possit Pastor in privatis ædibus, coram duobus testibus Matrimonio assistere: ita tamen ut promittat uterque, si mortem evadat ægrotus, non prius se conjugum officia sibi mutuo præstituros, aut cohabituros, quam bannorum proclamationes debite factæ sint, cæteraque observata. Quare statim a contracto Matrimonio, ad bannorum proclamationem procedatur.

CAPUT VII.

Excommunicati, qui diabolicis artibus impediunt congressum conjugum.

Eos, qui diabolicis nescio quibus ligaturarum præstigiis id efficiunt, aut tentant efficere, ne novi conjuges convenire possint, volumus, ut Pastores, quando mandata Ecclesiæ promulgant, nostris verbis denuntient ipso facto esse excommunicatos: & si tales deprehenderint, ad Officiale nostrum deferant.

CAPUT VIII.

Ab ineuntibus Matrimonium aibil extorquendum.

Non sunt terendæ in quibusdam locis depravato morum usu introductæ corruptelæ, ut a nubentibus præsertim viduis ad secundas vel tertias nuptias convolantibus, aut ex aliena Parochia uxorem ducentibus pecunia extorqueatur: aut ut illi, qui tertias nuptias contrahunt, testi domus infractio, aliisve modis divexentur: vel ut sponsis statim a contractis sponfalibus pugni aut palmæ in dorsum impingantur. Quæ omnia cum non solum sint violenta & injuriola, sed etiam ad irreverentiam Sacramenti spectent; Pastores subinde in eas corruptelas invehantur, & tollere satagant, invocato etiam, si opus fuerit, brachii sæcularis auxilio.

CAPUT IX.

Aboleantur comestiones atemptuales.

Pravam etiam illam consuetudinem, quæ mulus in locis inolevit, ut vigilia nuptiarum convenient adolescentæ & puellæ & comessentur: aut postridie nuptiarum ad sponfos accedant; quo tempore multa lubrica dicuntur & fiunt; pariter admittantur tollere Pastores, invehanturque in eam tum privatis admonicionibus, tum in publicis concionibus.

CAPUT X.

Divortium privata autoritate non fiat.

Districte inhibemus, ne ulli conjugati, quantumvis subsit causa legitima, propria autoritate, & non intercedente Ecclesiæ judicio, divortium faciant, aut se mutuo repudient. Qui secus fecerint, a Parocho admoneantur ad communem thorum redire, & si non paruerint, Nobis, aut Officiali nostro denuntientur.

TITULUS XI.

De Officio Divino.

CAPUT PRIMUM.

Divinum Officium reverenter peragendum.

Quum in Divino Officio negotium nobis sit cum summo Deo, ita illud peragant omnes, quibus sive ex beneficio, sive ex officio incumbit, ut dignum est tanto Deo, mente pia, & attenta, corpore decenter composito, modestia gravi, & verborum pronuntiatione minime præcipiti: in Psalmorum decantatione quiescentes in medio, (quod ipsum servetur etiam in decantatione parvi Officii Beatæ Virginis & Defunctorum) quo & Deum, ut oportet, honorent, & populum Dei ædificent.

CAPUT II.

Exulet e templis lascivus cantus vel secularis.

Organorum & musices usum, sicut & campanarum & tintinnabulorum modulationem, ita retinendam mandamus, ut nihil lascivi aut sæcularis cantus imitentur. Gravis autem & quæ pios

prios affectus moveat musica in Officio Divino adhibeatur.

CAPUT III.

Omnes in choro reverenter se habeant.

In choro nemo dormiat, nemo sermones misceat, nemo profanum quid, aut ab instituto alienum legat, sub pœna perdendæ distributionis illius horæ. Qui risum studiose provocaverit, rixatus fuerit, strepitum excitaverit, aut alioqui se gesserit insolenter, totius diei distributione mulsetur, aut gravius pro offensa modo puniatur: quod si nec ea ratione efficax remedium afferatur, Nobis, aut Officiali nostro denuntiatur, atque ut hæc omnia rite fiant, invigilet is, cui ex officio vel consuetudine ea cura incumbit, delinquentes mox officii sui admoneat: qui ubi forte a choro abesse cogetur, alteri idoneo vices suas mandet.

CAPUT IV.

Præsentia in choro.

Qui Divino Officio durante e choro egressi, in Ecclesia, aut apud Ecclesiam ambulant, aut confabulantur, licet ante finem Officii in chorum redeant, priventur prima vice distributione illius horæ, deinde totius diei emolumento; quod si perseverent, ad Nos deferantur gravius puniendi. Porro qui sibi non debitas distributiones acceperit, noverit se illarum non acquirere dominium, sed ad earum restitutionem obligari.

CAPUT V.

Qui distributiones non faciant suas.

Studeat unusquisque mox a principio Divino Officio interesse: distributiones autem non faciat suas, qui ante primi Psalmi finem in Matutinis, & Vesperis, in Missis autem ante finem Epistolæ non adjuerit.

CAPUT VI.

Egressus e choro quando licitus. Absentes quando lucruntur distributiones.

Ante finitum Officium nemo egrediatur sub simili pœna, nisi iusta de causa: cuiusmodi est, si confessionem fa-

ciendi, aut audiendi, vel celebrandi gratia exeat, (modo iis absolutis ad chorum redeat): vel juxta Capit. *Consuetudinem*, (k) infirmitatis, seu iustæ & rationabilis corporalis necessitatis, aut evidentis Ecclesiæ utilitatis causa. Ubi cum Ecclesiæ utilitas inter justas absentiarum causas numeretur, intelligimus etiam excusari, & pro præsentibus haberi, qui in Episcopatus negotiis suam Nobis operam impendunt.

CAPUT VII.

Per seipsos Beneficiati Officium faciant.

Qui Canoniarum, dignitatem vel aliud beneficium aut officium in Ecclesia obtinent; ita Vicariorum aut Stipendiariorum opera ad cantandas horas canonicas utantur, ut tamen ipsi, quorum hoc proprie munus est, nisi legitime impediuntur, per seipsos, & non tantum per alios illud faciant: præsertim vero altaris Ministerium, & hebdomadarium in choro Officium, (ipsi vero Vicarii & Stipendiarii vitæ honestate & vestitus decentia Ministros se esse Ecclesiæ Dei ostendant): in sedilibus suis non sint otiosi, sed voce & corde Deum laudent, & psallant, neque se indignum existiment canere, quod non est dedignatus Rex & Prophetæ David facere, & id ipsum jugiter præstant in cælo Beati.

CAPUT VIII.

Confabulationes & deambulationes in templo illicitæ.

Confabulationes in processibus, rursus deambulationes, risus, jocos, & confabulationes in sacrosanctis templis, coram augustissimis Corporis & Sanguinis Dei & Redemptoris nostri mysteriis, impudentissimæ illas audaciæ, & Canonicis & Laicis tum Divini Officii tempore, tum extra illud severissime prohibemus, & in eos, qui hic peccaverint, districte animadverti volumus: cum intolerabile sit domum Dei, domum facere negotiationis. Cle- rus quoque in sacristia profana colloquia non habeat.

Hhh h h 3

CA-

(k) De Clericis non resident. in 6. Conc. Camer. II. tit. 18. cap. 5.

CAPUT IX.

*Proclamationes forenses non fiant tempore
Divini Officii.*

Sed nec proclamationes forenses, aut oblationum venditiones fiant durante Divino Officio: ac multo minus in templo.

CAPUT X.

*Ludi, negotiationes, &c. in cœmeteriis
non fiant.*

In cœmeteriis, ne qui lusus fiant, nec confabulationes ante aut post Divinum Officium, nulla etiam iudicia, placita, aut proclamationes, sæculares negotiationes nundinarum ac fori permittantur a Pastoribus: multo minus convivia, ludi theatrales, contentiones aut pugnae: neque etiam lintea in iis dealbentur, sæni aut lignorum strues fiant. Claudantur vero muris aut sepibus, ne animalibus ad ea pateat accessus, quæ nec in eo pasci volumus, aut ali: & ut semel dicatur, omnis fœdium atque irreverentiæ occasio ab illis præcludatur: atque in hoc invigilent tum Pastores, tum Custodes & Aeditui Ecclesiarum.

CAPUT XI.

Jura possessionis Beneficii cui cedant.

In admittance novi Canonici ad possessionem nihil exigatur, quod in pios usus non convertatur, & jam a Prædecessoribus nostris probatum sit: non pecunia, non prandium, non aliud quidvis, quod in cæterorum Canoniorum cedat commodum, quacumque consuetudine etiam immemoriali non obstante.

CAPUT XII.

Tempus Missæ Parochialis.

Diebus Dominicis & Festis Missa Parochialis celebretur certa constitutaque hora, quo omnes sciant, quando conveniendum sit, atque ita ut summa Missa ante medium duodecimæ finita sit.

CAPUT XIII.

Et Vesperarum.

Vesperæ canantur hora secunda: neque propter Pastorum negotia sæcularia, aut adventus aliquorum tardita-

tem, aut differatur aut antevertatur Divinum Officium.

CAPUT XIV.

Et concionis sub Missam.

Concio sub Missam habeatur statim a decantato Evangelio: sit autem illa brevis & ordinariæ mediam horam non excedat, futura aliqui potius tædio, quam ædificationi: & si in præsentia Venerabilis Sacramenti fiat, Concionator detecto sit capite.

CAPUT XV.

Missæ non celebretur tempore concionis.

Missæ non celebretur eo tempore, quo concio habetur, vel quo processiones per templum instituuntur.

CAPUT XVI.

Aqua benedicta diebus Dominicis.

Dominicis diebus post Pascha fiat benedictio aquæ lustralis, neque aspergatur populus aqua fontis baptismalis, quæ ad eum usum instituta non est: si quis tamen eam domi asservare velit, eam accipiat priusquam Chrisma admisceatur.

CAPUT XVII.

In die Cænæ Domini abstinence a potu.

In die Cænæ Domini nullus cibus aut potus sumendus in Ecclesia præbeatur, nec omnino aliud fiat, quam quod præscribit Missale Romanum.

CAPUT XVIII.

Die Parasceves Officium semel tantum fiat.

Die sacro Parasceves nemo Officium antemeridianum bis faciat, ne quidem illi Pastores, qui Succursum habent.

CAPUT XIX.

Sabbato Sancto unica Missa.

Sabbato Sancto nonnisi una Missa celebretur in unaquaque Ecclesia.

CAPUT XX.

Pulsus campanarum terni in die.

Quotidie mane, meridie, & vespere, trino campanarum pulsu, exciteretur populus ad orandum, & recolenda mysteria Resurrectionis, Passionis, & Incarnationis Christi: quam rationem esse istorum

rum pulsuum, subinde in concione explicabant Pastores.

CAPUT XXI.

Duo Manualia.

In singulis Ecclesiis sint duo Manualia Dicecesana.

CAPUT XXII.

Mendici in templo non mendicent.

Non permittantur mendici in templo vagari, & pios fidelium animos orationi intentos divertere, atque importunitate sua vexare: (k) sed per Custodes, aut alios constitutos abigantur, & ante fores templi consistere cogantur.

CAPUT XXIII.

Quales imagines vetentur.

Neque permittant Pastores, ut in templis, vel etiam in processionibus exponantur imagines muliæ, profanæ, fabulosæ, inhonestæ aut sordibus obstitæ, superstitiolæ, veritati historiarum non respondentes, vel procaci venustate, aut sæculariter compræ, atque universim tales; ex quarum inspectione offendiculum aliquod possit generari, vel fidelium mentes a devotione abstrahi.

CAPUT XXIV.

Pastores, quando pastoralis muneris necessitas eos abesse non cogit, intersint Vigiliis mortuorum, non albis, sed superpelliceis induti.

CAPUT XXV.

Tabernæ non intrandæ potius causa tempore Divini Officii.

Diligenter etiam advigilent, ne Dominicis & Festis diebus, eo tempore, quo Divinum sit Officium, aut verbum Dei prædicatur, tabernæ vel hospitia ulla aliis, quam viatoribus pateant, (quamquam aliis nunquam patere conveniat) nec permittant; ut choreæ eo tempore ducantur. Porro, loca carnis aut mercibus destinata, nullis aperta sint: nulli eo tempore ludi sive balistariorum, sive aliorum publice aut privatim exerceantur, nulli pilæ aut globorum lusus instituantur: nullæ deambulationes in publico loco fiant:

nulla denique occasio obijciatur, qua populus a Dei verbo, vel Officio Divino avocetur. Quocirca requirimus etiam locorum Magistratus & Officiarios; ut juxta Regis Edictum (l) curent atque efficiant, ut ne eo tempore ejusmodi fiant: cujus quidem Edicti ad Concilium secundum Cameracense adjuncti, memoriam sæpius ipsis Officiariis, Pastores reficere, atque ut exacte observent, requirere volumus.

CAPUT XXVI.

Ludi theatrales non fiant sine licentia Episcopi.

Ludos theatrales, ne vel hæresim sapiant, vel aliquid contineant, quod pias aures queat offendere, nolumus populo exhiberi: nisi per Nos, aut Vicarios nostros viſos & approbatos, & obtemperantia a Nobis licentia; volumus etiam, ut aliquis a Nobis deputatus ludis illis intersit, qui scriptum eorum exemplar inspiciat, & observet, an aliquid aliter exprimatur, quam probatum sit.

TITULUS XII.

De Festis.

CAPUT PRIMUM.

Dies Festi ab omnibus servandi.

Dies Festi a Pastoribus, Dominicis diebus inter Missarum solemnias, tam a populo, quam a Clero (etiam a Regularibus exemptis) ea septimana celebrandi indicantur: ii videlicet, qui in Manuali nostro designantur. Idem de jejuniis ea hebdomada recurrentibus faciant.

CAPUT II.

Nulla opera servilia in iis facienda.

Curent vero omnibus modis, ut iis diebus nulla servilia opera fiant; nulla judicia exerceantur, nullum forum, aut mercatus rerum venalium habeatur, ne aurigæ aut nautæ merces vehant, evehant, aut exonerent, ne molitores, laniones, cerevisiæ coctores, pistores, aliæque opifices, quidquam suæ artis exerceant, nisi ob notabilem necessitatem, de qua judicabunt Decani, aut in eorum absentia Pastores. (m)

Ca-

(k) Camer. II. tit. 2. c. 7.

(l) Edictum Reg. ad Conc. Camer. art. 5. 6. 7. 8.

(m) Camer. tit. 4. c. 1. Edict. Reg. art. 5. & seqq.

CAPUT III.

Nec potitandum.

Frequenter etiam populo inculcari volumus, quam indecens sit dies cultui Divino dicatos, potitationibus, ebrietatibus, choreis, ingluvie, aliisque ejusmodi rebus contaminare.

CAPUT IV.

Occasione Confraternitatum non committendi excessus.

Diligenter invigilent Pastores, ne in congregationibus puellarum, vel adolescentum, sub nomine sanctæ Catharinæ, vel sancti Nicolai, ulli excessus, convivia, choreæ exerceantur: multoque minus impudiciæ, vel alia scelera committantur. Quod si ejusmodi aliquid fieri deprehendant, candelam, quam offerre solent, frangant publice, denuntientque auctoritate nostra, eam Confraternitatem ipso facto esse abolitam: neque ipsi in posterum permittant ullam candelam in templo offerri, vel aliquam solemnitatem, vel Missam ea occasione fieri.

CAPUT V.

Choreæ & potitationes puellarum in tabernis diebus festis vitandæ.

Perniciosam illam consuetudinem, qua solent quibusdam in locis puellæ diebus festivis post Vesperas circa tabernas convenire, cum adolescentibus choreas ducere, & demum in ipsis tabernis inverecunde potitare, etiam usque ad vesperum, cum magno castitatis periculo (quod & ipsa experientia docet) omnino tolli cupimus: adeoque in eam sæpe invehantur Pastores in concionibus, parentes severe admonent sui officii, qui in filiabus suis tantum honoris periculum dissimulant, Magistratus quoque sæpius hortentur, ut per emendas pecuniarias bibaces illæ & petulcæ coerceantur.

CAPUT VI.

Dies Festi pro devotione.

Præter Festos dies in Manuali nostro designatos, quos observari omnino præcipimus, sunt alii quidam, ut Parasceves, feria tertia & quarta a die Paschæ, sancti Marci, feria tertia & quar-

ta a die Pentecostes, Commemoratio omnium Fidelium defunctorum, Innocentium, qui & ipsi aliquando indicti fuere, vel integre, vel usque ad Divinum Officium finitum observandi. Sed cum flaccescens populi devotio dies festos non raro ob eorum multipliciter violaret, sublata est hos observandi obligatio. Cæterum cum videamus a bona populi parte adhuc observari, volumus illos publicari, ut pro devotione observandos; & ad fovendam populi devotionem, Officium Divinum in Ecclesiis a Sacerdotibus, ut antea celebrari.

TITULUS XIII.

De Jejunii & Processionibus.

CAPUT PRIMUM.

In Quadragesima lacticiniorum usus quomodo licitus.

Quæ jejunia ex præcepto observanda sint, declaratur in Manuali nostro: hic addimus, ut quando Festa, in quorum vigiliis jejunandum est, inciderint in feriam secundam, jejunetur Sabbato proxime præcedenti. Feria quarta Cinerum, & die Parasceves non permittimus cuiquam uri lacticinii, sed nec in Quadragesima tota usus lacticiniorum licitus est, nisi ex nostra permissione, & dispensatione: quam ita facere decrevimus, ut singuli modicum aliquid a Nobis statutum conferant, quod in res pias (non tamen sine nostro consensu) expendatur.

CAPUT II.

Rogationum Processiones cur & quomodo faciendæ.

Processionum, quæ in festo sancti Marci & tribus diebus Rogationum sunt, causas exponant Pastores populo: in quibus & aliis omnibus, ac signanter in ea, quæ fit die festo Venerabilis Sacramenti, ne quæ comestiones, ebrietates, aut abusus alii committantur, vigilent Pastores, cæterique, quorum interest.

CAPUT III.

In iis cibis & potus non sumendus.

Abusum illum, quo in Rogationum Processionibus secum esculenta aut poculenta

culenta deferunt, tollere studeant Patroci, ac fideles, quam debeat hæc corruptela, admoneant.

CAPUT IV.

Sanctorum Reliquiæ portentur a viris spectatis. Non exponantur lascivæ aut ethnicae imagines.

Curent etiam, ut Reliquiæ, quando per inopiam Sacerdotum a Laicis eas circumferri contingit, a viris non contemptibilibus, sed spectatis, omnium reverentia ac devotione portentur: ad decorandas autem processiones, non exponantur spectandæ imagines lascivæ, aut ethnicorum gentilitatem referentes.

CAPUT V.

Prolixæ Processiones vetantur.

Prolixas illas Processiones ad aliquot milliaria, quæ sine ullo devotionis sensu, imo cum occasione potationum alicubi instituuntur, omnino vetamus.

CAPUT VI.

Pietas in Processionibus.

Qui Processionibus interfunt, pie, humiliter, & graviter procedant, colloquiisque seclusis; Psalmis, Hymnis, aliisque sacris precibus operam dent, suumque ordinem servant.

CAPUT VII.

In Quadragesima cibi vetiti ad ægrotantium usum in loco publico venales non exponantur: nec alii eos domi vendant, quam ii, quibus Nos, aut a Nobis deputatus id permiserit.

TITULUS XIV.

De vita & honestate Clericorum.

CAPUT PRIMUM.

Vita Clericorum qualis esse debeat. Abstineant a familiaritate peccatorum publicorum.

Cum nihil sit, quod alios magis ad pietatem & Dei cultum assidue moveat, quam vita & exemplum eorum, qui se Divino cultui dedicaverunt, quos ceteris ad virtutem præluere æquum est; omnes de Clero vitam & mores suos ita componant, ut habitu,

Supplement. Tom. X. Concil. German.

gestu, ac sermone, cunctis afferant ædificationem. Quapropter ab omni levitate, spurcitia sermonis, lascivæ atque intemperantiæ specie sibi caveant: multoque magis ab ipsa incontinentia, comestatione, ebrietate. Abstineant etiam ab omni familiaritate vel conversatione cum publicis usurariis, aliisve peccatoribus, nisi cum necessitas vel charitas aliud suaserit: ne familiaritate illa vel ipsi ansam præbeant in suo peccato perseverandi, vel aliis idem faciendi.

CAPUT II.

Vestis & tonsura Ecclesiasticorum.

Vestibus utantur Ordini suo congruis, iisque non differtis, non superfluo cultu ornatis, sed vulgari & simplici modo confectis. Qui sacris Ordinibus initiati sunt, vel Beneficium Ecclesiasticum obtinent, gestent soutanam, in urbibus quidem usque ad talos, in pagis vero saltem ad medietatem tibiæ pertingentem, sub pœna suspensionis ab officio & beneficio, & si correpti, in hoc iterum deliquerint, privationis eorumdem. Gestent etiam tonsuram seu coronam in capitis vertice conspicuam, & justæ, pro Ordinis sui gradu, magnitudinis: barbam item non alatam, sed pro more Diœcesis præcisam, & superius labrum ita rescissum habeant Sacerdotes, ut Sanguinem Christi sumpturis non sint impedimento.

CAPUT III.

Etiam peregrinantium.

Porro Clerici viatores ita se decenter, suæque professionem digne gerant, ut eorum moribus, verbis, habituque modesto per omnia glorificetur Deus.

CAPUT IV.

Tabernas vitent.

Sciant sibi interdictam omnem tabernarum frequentationem, neque illas sibi quocumque prætextu ingredi licere, nisi Sacramentorum administrandorum, aut iter facientibus, necessariæ refectiois gratia: idque in poenam carceris. Quod etiam extendimus ad eos, qui occasione auditionis compu-

tuum Ecclesiæ, vel mensæ pauperum, vel occasione Confraternitatum quarumcumque, vel quia a Magistratu loci invitantur, tabernas ingrediuntur; quin & ad eos, qui ad ostia tabernarum, vel in umbraculis aut hortis eorum potitant.

CAPUT V.

Clericorum convivio.

In conviviis, sive quæ ipsi instituunt, sive ad quæ vocantur, (quæ raro rogati adire debent) modeste temperanterque se gerant, atque ita ut statim ab iis ad munera sua obeunda parati sint. Sit mensa frugalis, & brevis, sanctis condita colloquiis: a temulentia vero, & verborum turpitudine alienissima, cui ludicra nulla admisceantur: quod si choreas, ludos profanos, aut alias levitates vel vanitates alicubi contingat adjungi, statim ab iis recedant, ne præsentia sua ejusmodi approbare videantur: denique vita, verbis, factis, exemplo suo omnes ædificent, ne tanquam sal infatuatum, in sterquilinum mittantur.

CAPUT VI.

Quæ convivio ipsis interdicta.

Præterea non tantum conviviis puerperarum, & postnuptialibus abstineant, (quod jam supra vetavimus) sed nec ullis nocturnis etiam nuptialibus, vel ebriorum conviviis intersint: caveant vero & a chartarum pictarum, aut alearum vel taxillorum lusu: caveant etiam a lusu pilæ palmarum, aut globorum, aut clavarum in loco publico, nec minus a venationibus illicitis sub poena arbitraria.

CAPUT VII.

A conversatione cum mulieribus abstineant.

Cum sceminis, etiam sanctitate spectatis, nisi necessaria de causa non conversentur: *De vestimentis enim* (inquit Sapiens (n) *procedit tinea, & a muliere iniquitas viri.* Ancillam non accipiant, nisi grandioris ætatis, boni nominis ac famæ, & per quam incontinentiæ periculum, opinionem, imo suspensionem non possint incurrere. Abstineant ab

ejus familiaritate, nec cum illa ad forum, ad convivium, quantumvis honesta, aut proxima oppida, vel pagos divertant. Sciant vero multo honestius fore, & tutius, si viri viris interserviant, atque iis præsertim, qui soli agunt.

CAPUT VIII.

Sæcularia negotia Clericis interdicta.

Clerici beneficiati vel in Sacris constituti, nullum mercaturæ, vel negotiationis genus exerceant, fori sæcularis negotiis se implicent, servitium subeant laicale, alienos agros conducant, aut colant, quæstus causa; fidejubeant vel aliud faciant suo munere & vocatione indignum.

CAPUT IX.

Quæ Ecclesiasticorum esse debeant studia.

Meminerint vero omnes se non ad iners otium aut ignaviam, sed ad labores Ecclesiasticæ militiæ vocatos esse: atque ideo tempus, quod a Divino Officio & corporis necessitatibus reliquum est, meditationi Scripturarum sacrarum, & spiritualium librorum lectioni, & in pia charitatis officia impendere debere. Qui curam animarum habent, ii præterea studio Theologico, & maxime casuum conscientiæ incumbant, dispiciant, qua ratione animos suorum juvare, ignaros docere, omnes ad virtutem animare debeant, idque re ipsa præstent, ægrotos invitant, concioni se præparent, denique ita se gerant, ut de animabus sibi concreditissimis severissimo Judici rationem reddere possint.

CAPUT X.

Illicitum iis est, coram Judice laico testimonium dicere.

Prohibentur Clerici beneficiati vel in Sacris constituti coram Judice laico testimonium perhibere, nisi causa ab Episcopo approbata, propter irregularitatis periculum.

CAPUT XI.

Nemo Ecclesiastici Ordinis lascivas & ob nuditatem vel aliter obscenas, aut quæ pias mentes offendant imagines retineat sub poena arbitraria.

CA-

(n) Ecclef. 42.

CAPUT XII.

Clerici beneficiati in loco beneficiorum suorum residentes, five in Sacris constituti, five tonsurati, in celebrioribus anni festivitibus in Ecclesiis suæ residentie sub summo Sacro publice de manibus Celebrantis Eucharistiam sumant, sub pœna arbitraria. (o)

TITULUS XV.

De Regularibus.

CAPUT PRIMUM.

Prelatorum Regularium officium.

Conventus eorum, qui se Dei servitio consecrarunt, sicuti dum professioni suæ respondent, Ordinisque sui regulas servant, tanquam gemmæ sunt illustres coronæ capitis Matris Ecclesiæ; ita dum spreta, neglectave observantia regulari, exleges vivunt, maximo sunt in Ecclesia scandalo. Quare Regularium Præfectis omnibus in Dei nomine mandamus, ut quæcumque in Tridentino & Cameracensi Conciliis de Monasteriorum reformatione, & disciplina regulari sancita sunt, exacte servari curent, memores illius Sapientis, *Judicium durissimum his, qui præsumunt, fiet.*

CAPUT II.

Abste a Religionis ingressu Simonie labe.

Atque inprimis absis, ut Religionis ingressus Simonie crimine maculetur, nihilque quovis prætextu ab ingredientibus Religionem exigatur. Si tamen aliqua Monasteria dotem non habeant, quæ ad Religiosorum honestam sustentationem & domus necessitates ordinarias sufficiat, (ut sit in plerisque de novo erectis) aliquid ab ingredientibus pro dotali elemosyna poterit accipi: ita tamen ut ab omni avaritiæ specie caveatur. Ac ne in immensum ea dotatio se extendat, curæ Nobis erit, ut certa annua summa præfigatur, habita ratione temporum, locorum, personarum: quam ubi habuerint, deinceps gratis ingredientibus admittantur.

CAPUT III.

In Monasteriis sit sanctæ Scripturæ Lector.

Sit in singulis virorum Monasteriis Lector, qui Religiosos sacras Scripturas, & ea, quæ professionis ipsorum sunt, doceat: non enim prius bene agitur, quam ubi vel sacrarum literarum studiis, vel manuum operibus, (ut antiquitus consuevere) addicti erunt eo tempore, quo a Divinis Officiis vacant.

CAPUT IV.

Novitiorum institutio & probatio.

Novitii diligenter exercitentur, doceanturque Religionis vota, regulam & Monasterii statuta, eaque sapius illis relegantur, & explicentur: sintque ejusmodi qualitatibus præditi, ut certam spem dent fore, ut omnia exacte servant: atque adeo iis tales præficiantur, qui illos non tantum verbo doceant, sed multo magis exemplo, eosque in contemptu mundi, pietate, obedientia, & cæteris virtutibus ac disciplina regulari instruant.

CAPUT V.

Profectio fiat publice & expresse. Examinentur prius virgines.

Profectio publice & disertis verbis fiat in manu ejus, qui legitimam potestatem habet. Porro Deo dicandam virginum voluntas ante susceptionem habitus, & rursus ante professionem diligenter ab eo, quem deputabimus, exploretur: atque ita ut nemo vel interrogationem, vel responsa puellarum audire possit, eaque omnia in scriptum redacta, ab ipsis Novitiis signentur.

CAPUT VI.

Capilli Novitiarum non refecandi.

Capilli Novitiarum nonnisi in professione, vel paulo ante refecentur, neque ulli in vestitione sumptus fiant, in professione autem frugales tantum & moderati.

Ca-

(o) Mechlin. r. c. 5. infert majorem penam.
Supplement. Tom. X. Concil. Germ.

CAPUT VII.

Ex communi penâ suppeditentur omnibus omnia. Sint eis omnia communia.

Ut proprietatis vitium Deo inivisum a Monasteriis exuler, victus, vestitus, cæteraque vitæ necessaria, æqualiter omnibus, pro cuiusque necessitate, & Monasterii facultate, benigne ex communi penâ aut thesauro subministrentur; non pecuniis æstimata, sed ipsis rerum speciebus præsentia. Aboleatur ea consuetudo, qua soliti sunt quidam Superiores Religiosis singulis annum numerare pecuniam, aut permittere pensionem, atque ita redimere eorum vestitui necessaria. Aboleantur illa jura & emolumenta, quæ vel Religiosis, vel Officialibus alicubi concedi solent; nec alicui pecunia permittatur, sive labore & industria, sive amicorum liberalitate, vel alia occasione proveniat, nisi præ injuncta a Prælato administratione: sed prorsus omnia in communem usum convertantur, & ad nutum Superioris expendantur.

CAPUT VIII.

Habitus omnibus idem.

Habitus seu vestitus omnibus similis formæ & materiæ detur: similiter & victus omnibus idem suppeditetur: infirmis tamen omnia necessaria benigne, & cum magna charitate subministrentur.

CAPUT IX.

Ingressus in Monasteria prohibitus.

Jam illa, quæ toties sacris Canonibus prohibita sunt, ne mulierum Monasteria viri ingrediantur, nec virorum mulieres, sub penâ excommunicationis, aliisque, in cuiusvis sexus, ætatis, conditionis hominibus locum habeant, vitenturque quam diligentissime: (p) nec liceat parentibus Religiosarum ipso die, quo habitum Religionis suscipiunt, vel professionem emittunt, in ulla loca regularia (id est, ad quæ Religiosis liberum est accedere) ingredi. Quo etiam tempore, & quovis alio, prohibemus, ne cum sæcularibus Religiosæ convivia, cõpotationes, aut comef-

sationes ineant, sub penâ arbitraria: neque viri ad interiora virorum claustra, absque Superioris licentiâ admittantur, non sine delectu autem Superior aliquos admittat.

CAPUT X.

Templi, refectorii, & dormitorii leges. Superior exemplo præeat.

Ad Divinum Officium simul omnes conveniant, nisi quorum absentiam obedientia excuset: simul omnes colaborent, in omnibusque vitæ regularis exercitiis sint uniformes. Privatas seorsim mentas non habeant, sed uno in refectorio omnes comedant, in uno dormitorio omnes dormiant, nisi quos Superior ob ægritudinem, aliudve legitimum impedimentum excusarit. Mensa frugalis sit, & brevis, lectione sacra condita; silentia & jejunia sedulo observentur, cæteraque juxta Regulæ & Ordinis præscriptum: ad dormitorium una omnes se recipiant statuta hora: quod deinde ita obleretur, ut nemo sine Superioris consensu egredi possit, penes quem proinde claves ejus permaneant, ac deinde dato signo omnes cubitum concedant, lumine extincto. Porro Superior exemplo præeat cæteris in omnibus, & quoad ejus officium patietur, præsens ipse adsit, præsit, & præluceat ubique gregi suo, in templo, in refectorio, in dormitorio, nihilque singulare aut eximium præ reliquis habeat: virtutes, quas a subditis requirit, in seipso tanquam in speculo spectandas objiciat.

CAPUT XI.

Hospites qui excipiendi. A prandio nulla cõpotationes Religiosis permittantur.

Religiosorum propinquos, & alios mensa excipiat ipse Superior, aut ab alio probò, modesto, & gravi Religioso excipi jubeat, advocatis (si ita visum fuerit) iis, propter quos venerint. Sit autem mensa similiter frugalis & brevis. Absit intemperantia, & lascivia. Remota mensa auferantur omnis cibis & potus: nec finantur Religiosi ibi cum sæminis remanere. A prandio

(p) Concil. Trid. sess. 25, cap. 5. de Regulâr.

dio nunquam sternatur mensa, (nisi si qui recens ex itinere longo advenientes opus habuerint) nec detur potus, nisi cui opus fuerit ad levandam ex tempore sitim: nam compotationes Religiosorum vel inter se, vel cum externis adventantibus, vel cum sœminis, neque in aulis, neque in hortis, aut umbraculis, vel quocumque alio loco permittantur: neque fiantur extra cœnobium ulla compotationes aut comestationes instituere. Si qui contra fecerint, graviter puniantur: hinc enim dissolutio omnis disciplinæ regularis.

CAPUT XII.

Sanctimonialium hospites qui excipiendi.

In Sanctimonialium Monasteriis locus hospitalitati deputatus ita seclusus sit a claustro, ut nulli Religiosorum nec Abbatissæ ulterior ad eum accessus sit, quam usque ad cancellos: per quos medios, quando Superiori videbitur, colloquia cum amicis habere possint, servatis iis, quæ per regulas aut statuta cujusvis præcipiuntur, non liceat tamen cum iis cibum aut potum sumere.

CAPUT XIII.

Confessarii earum, quales. Dandus eis Confessarius extraordinarius.

Confessarius earum sit, quantum fieri potest, provectæ ætatis, eruditio- nis bonæ, prudentiæ, castitatis, probitatis, pietatisque spectatæ & a Nobis approbatus: præter quem extraordinarius iisdem qualitatibus præditus, a Nobis aut Superioribus bis aut ter in anno offeretur, qui omnium confessio- nes audire debeat. Quod si aliquæ medio tempore extraordinarium Con- fessarium petierint, non acerbè reji- ciantur, nec causæ conscientiarum nimis curiose inquirantur: sed conside- retur, quo animo id petant, & quem petant, non enim cuius credendæ sunt.

CAPUT XIV.

Præfetti Regularium non Domini, sed dispensatores bonorum.

Noverint Monasteriorum Præfetti & Præfectæ, non se esse Dominos re- rum, quas obtinent, nec voto pauper- tatis solutos, sed dispensatores: cujus

dispensationis severam Deo reddere ra- tionem debeant: caveant ergo propin- quos de iis ditare, magnificas domos extruere, mensas instituere sumptuo- siores, famulatum alere numerosum, vel alio modo Christi & pauperum (quibus, quod superfluit, debetur) pa- trimonium dissipare.

CAPUT XV.

Lex Religiosorum egredientium Mona- sterio.

Regulares Monasterio egredientes quancumque ob causam, habeant lite- ras sui Superioris, quibus illud eis per- mittitur, alioqui apostatarum pœna puniendi, non obstantibus quibuscum- que consuetudinibus seu potius cor- ruptelis.

CAPUT XVI.

Et Monialium.

Moniales elemosynarum causa pagos de licentia Superiorum adeun- tes, ædibus Pastorum, aliorumve Ec- clesiasticorum excipi prohibemus, sub pœna arbitraria.

CAPUT XVII.

Regulares extra Monasterium non fixe vestiant.

Regulares ad prædicandum Dei verbum admissi, caveant fixam residen- tiam extra suos Conventus habere, nisi ex causa magnæ necessitatis a Nobis approbanda.

CAPUT XVIII.

Qui se gerere debeant in stationibus suis.

Iidem dum in consuetis terminis sive stationibus agunt, sint conversatio- nis exemplaris, pleno habitu sui Ordinis semper & ubique utantur, negotiis profanis se non immisceant, non secten- tur comestationes, convivia, compo- tationes: caveant vero in tabernas quo- cumque prætextu ingredi: quantum permittit Divinum Officium, & prædi- catio verbi Dei, domi se contineant, libris & studiis vacantes, regularibus- que omnibus exercitiis intenti: deni- que ita se gerant, ut nemini dent ullam offensionem; ne vituperetur ministre- rium eorum, sed ut proba eorum vita,

(quod optimum prædicandi genus est) omnes ad virtutem excitentur.

CAPUT XIX.

Non prædicent sine licentia Episcopi.

Meminerint Regulares se sine licentia Superiorum suorum, ac benedictione Episcopi Diocesani in Ecclesiis suorum Ordinum; & sine licentia expressa tam Episcopi, quam Superiorum suorum in aliis Ecclesiis prædicare non posse: nec usquam omnino contradicente Episcopo.

TITULUS XVI.

De Archipresbyteris & Decanis.

CAPUT PRIMUM.

Pastorum Decani, & Pastores, ut bene perspecta habeant omnia, quæ sui muneris sunt; ea, quæ hac de re Concilium Tridentinum & Cameracense Provinciale copiose & pie tractarunt, sæpius legant, & relegant, atque ad præxim deducant.

CAPUT II.

Decani incumbit Pastorum sui districtus cura. Pastoribus Ecclesiasticorum suæ Parochiæ.

Porro Decanorum (ut ab illis ordiamur) officium est, in sui Decanatus partibus curare, ut Sacerdotes & Clerici omnes, ac singulariter Pastores vitam agant sua vocatione dignam, ac talem, ut nemo de ipsis queri possit: nihilque in ipsis, nisi grave, modestum, imitationeque dignum conspiciatur. Quod si ab eis (vel a quocumque Ecclesiastico etiam exempto) aliquid secus, quam deceat, factum intelligant, absque ulla dissimulatione Nobis significant: ne per socordiam aut conniventiam, alienorum peccatorum rei efficiantur, eodemque loco a Nobis habeantur quo illi, qui scandala committunt. Idem quoad Ecclesiasticos in sua Parochia degentes, sibi Pastores præceptum sciant.

CAPUT III.

Decani Pastorum. Pastores.

Deinde in hoc advigilent Decani, ut Pastores in prædicatione verbi Dei,

Sacramentorum administratione, & in omni functione Pastoralis officii sui, recte diligenterque versentur. Ad hæc ipsos, quando opus fuerit, visitent, moneant, corripiant, consolentur, consilio subveniant, denique veri Pastoris officium erga illos sanos & ægrotos, vivos & mortuos exercent. Parochi quoque illos vicissim pro suis Pastoribus agnoscant & reveantur.

CAPUT IV.

Decani Pastores suos convocent.

Ut autem hæc & alia, quorum ipsis cura incumbit, facilius exequantur, liceat ipsis Pastores sui districtus, cum expedire judicaverint, convocare, de statu & rebus Ecclesiarum cum illis, vel singulis, vel omnibus simul agere, de Pastoralis officio, observatione Statutorum consilia inire, controversias, si quæ ortæ sint, componere, aliaque agere, quæ pro officio faciendi ipsis incumbunt. Excessus autem Cleri & populi, & defectus enormes, aut quorum non est facilis emendatio, fideliter Nobis significant.

CAPUT V.

Quando & quoties.

Porro ordinarie quotannis bis convocent Decani ad suas ædes omnes suos Pastores, ad ea, quæ jam diximus, tractanda: semel una aut altera hebdomada ante nostram Synodum: iterum una aut altera hebdomada ante primam Octobris. Cum enim his temporibus Decani coram Nobis explicare debeant totum Ecclesiarum suarum statum; oportet, ut prius cum Pastoribus conveniant, atque hi particularius illis scripto expressum tradant statum illum, & excessus: denique difficultates suas declarent, ad Nos una cum Ecclesiarum statu referendas.

CAPUT VI.

Quid agendum in illis convocationibus.

Porro in his conventibus habeatur primum oratio latina aut vernacula lingua in Ecclesia: deinde agatur de iis, quæ supra commemoravimus. Exhibeantur etiam, ut diximus, excessus in scriptis sub singulorum nomine & signatura: quod si nulli excessus fuerint,

rint, illud ipsum scripto exprimatur: & hi excessus ut minimum quindena ante diem Synodi ordinarium ad Nos mittantur.

CAPUT VII.

Quod si post aliquod tempus viderint eos, qui peccarant, non citari, vel incuria Officiariorum nostrorum, vel oblivione, vel alia de causa; iterato ad Nos, vel Archidiaconum suum mittant eosdem excessus; (quorum proinde copiam penes se servabunt) ne scelera impunita maneant, significabuntque ejusmodi personas nondum esse citatas.

CAPUT VIII.

Adferant hæc Statuta.

Afferant etiam ad hos conventus Pastores, Statuta hæc nostra, cum Decretis Concilii Tridentini, & Cameracensis Provincialis, affirmantque se illa pro opportunitate diligenter legere, & observare.

CAPUT IX.

*Arceantur Externi. Prandium frugale
& servetur concordia.*

Ut vero majori cum libertate de supra dictis inter se agant, arceantur a convocationibus istis omnes Externi. Prandium non celebretur, nisi frugale admodum, caveaturque omnino, (Decano Præsidente curam agente) ne quæ intemperantiæ, lasciviæ, rixæ aut scandala committantur. Si quis tumultuosius egerit, aut monita Decanorum contempserit, ad Nos deferatur, quoniam id perinde æstimamus, atque si Nobis ipsis factum esset.

CAPUT X.

Alia Decanorum officia.

Decanorum adhæc officium est, novas campanas benedicere: qua in functione caveant patrimonios aut matrimonios, qui nomina campanis imponant, invitare, aut permittere, sed id tantum faciant, quod in Manuali præscribitur. Ipsorum etiam officium est Beneficiorum omnium sui Decanatus curam habere: eos, quibus de cura Pastoralis, vel alio Beneficio Ecclesiastico provisum fuerit, visis literis collationis nulla sui

parte dubiis, in possessionem inducere, adhibitis solemnitatibus requisitis, exactoque jurejurando consueto: quod ne a quoquam alio fiat, vetamus, et si literæ ad quemlibet Presbyterum dirigerentur.

CAPUT XI.

Decani est Pastorum mortuorum exequias celebrare, & domus mortuaria curam habere.

Mortuo e Pastoribus Decanatus sui aliquo, Decani rursus est, exequias celebrare, & mox a morte conscribere omnia & singula munimenta portionis Pastoralis, & quæ officium Pastorale concernunt: (exempli gratia, registra Baptizatorum, Communicantium, Matrimonio junctorum, Sodalium Beatæ Virginis, &c.) & sub inventario, ne ab hæredibus distraherentur, illa apud se asservare, Successori, dum institutus fuerit, sub attestazione de receptis, tradenda: nisi ejusmodi sint, quæ in archivium referri debeant. Describere adhæc omnia mobilia defuncti, & tandem sub arresto illa tenere, donec reparata debite domus pastoralis, & proventus curæ, aliorumque, (si quæ defunctus habuerit) beneficiorum (qui a die mortis ipsius Successori currere debent) si quos forsitan acceperit, restituti fuerint: denique omne æs alienum redditum, aut data pro his sufficiens cautio. Pro his autem, aliisque laboribus suis accipere, poterunt quod ex laudabili consuetudine consueverunt. Porro mortuo e Decanis ruralibus aliquo, idem faciet Archipresbyter Civitatenensis, qui eorum Pastor est.

CAPUT XII.

Inter defunctum Pastorem & Successorem quomodo fructus dividendi.

Volumus autem, ut (quod in hac Diœcesi longa consuetudine invaluit) inter defunctum Pastorem & Successorem proventus certi ita dividantur, ut defunctus de iis participet pro rata temporis, quo supervixit, computando a festo sancti Joannis Baptistæ unius anni, ad simile festum alterius anni: ita ut qui verbi gratia post festum illud supervixerit tribus mensibus, participet pro rata trium mensium: idemque servetur

vetur in Beneficiis foraneis, nisi longa consuetudine aliter practicum probeatur.

CAPUT XIII.

Defunctorum literæ levandæ & custodiendæ.

Curabunt etiam Decani defunctorum literas omnes Ordinum, & Beneficiorum ad Nos mittere, denique quæcumque Beneficiorum sive curatorum, sive aliorum munimenta, literas reddituum, registra, manualia, in quibus receptorum rationes conscribuntur, quæ in domibus mortuariis inveniuntur, sive apud hæredes, sive apud testamenti executores, ea omnia levant, fideliter servant, & Nobis consultis, vel Successori tradant, vel in certa custodia, uti præscribemus, reponant. Id ipsum præstabunt, quandocumque aliquem Beneficiatum in districtu suo mori contigerit.

CAPUT XIV.

Quomodo distribuendum Chrisma.

Accepta a Nobis in die Cænæ Domini Chrisma & reliqua Sacramentalia, Decani nonnisi in templo distribuant, & in mundas capsulas: neque aliis tradant deferenda, nisi qui sacris Ordinibus initiati fuerint: qui ea deferendo ita se gerent, quemadmodum supra Titulo secundo ordinavimus.

CAPUT XV.

Deferre debent crimina publica.

Jam de criminibus publicis, blasphemis, hæresi, aut hæresis suspicione, & quibuscumque aliis scandalosis criminibus, Decani Nos certiores reddant, & accepta a Nobis potestate informationem sumant: atque in his cooperentur Decanis Pastores, Sacellani, alique Ecclesiastici, ut quæ noverunt enormia crimina, manifesta, dent, aut ut innotescant, pro virili adlaborent.

CAPUT XVI.

Visitent Ecclesias singulis annis.

Præterea & in hoc aderunt Nobis Decani pro officio suo, ut singulis annis visitent Decanatus sui Ecclesias, oratoria; & a visitatione rerum omnium sta-

tum Nobis scribant: quod negotium quomodo instituendum ipsis erit, mox describemus. Illud hic præcipimus, ut non perfunctorie in visitatione illa se habeant, sed ut in re maximi momenti exactissime, & minutissime omnia, quæ notarint, describant.

CAPUT XVII.

Controversias finiant.

Porro si contingat Laicos cum Pastoribus suis, aut Pastores inter se controversias aliquas habere, solliciti sint Decani, ut quamprimum componantur & finiantur, qua convenit brevitate ac maturitate, quo pax animorumque concordia inter omnes servetur integra.

CAPUT XVIII.

Abolvere possunt a casibus Episcopo reservatis.

Quia difficile est plerisque penitentium, qua sunt animi ad virtutem conversione languida, id persuadere, ut dum casus aliquos Nobis reservados habent, ad Nos, aut Penitentiarium nostrum accedant; damus facultatem Decanis, ut penitentes sui districtus ab illis, dum in eos inciderint, absolvere possint, donec & quousque id Nobis visum fuerit revocare: ita tamen ut extra casum illum non liceat illis, nisi de consensu Pastoris loci, eos absolvere, aut aliud Sacramentum administralre.

TITULUS XVII.

De Pastoribus, & qui illis concionando adsunt.

CAPUT PRIMUM.

Pastoris cura pro grege suo.

Pastores noverint ad se pertinere, quod ad Ezechielem (q) Prophetam dictum fuit, *Fili hominis speculatorem dedi te domui Israel, audies de ore meo verbum & annuncabis eis ex me. Si dicente me ad impium morte morieris, non annuntiaveris ei, neque locutus fueris, ut avertatur a via sua impia; ipse impius in iniquitate sua morietur, sanguinem autem ejus de manu tua requiram.* Pascant ergo gregem suum verbo

(q) Ezech. c. 3.

verbo prædicationis, exemplo ædificationis, (quod optimum dicendi genus est) fructu orationis: delinquentesque constanter corripiant, non obtemperantes, Nobis aut Officiali nostro denuntient; & inprimis eos, qui publica ac scandalosa crimina commiserint.

CAPUT II.

Paratus sit semper ad Sacramenta administranda.

Semper tam noctu, quam interdiu ad administranda Sacramenta, & alia quæcumque officii sui munera, se exhibeant paratos & faciles: neque ullo modo vocati tardent; graviter alioqui puniendi: gravissime vero, si quem ipsorum negligentia sine Baptismo, Confessione, sacro Viatico, aut Extrema Unctione ex hac vita migrare contigerit. Nec suos deferant in quacumque infirmitate, etiam in peste contagiosissima, nisi per alium eis sufficienter provisum fuerit: *Bonus enim Pastor animam suam dat pro ovibus suis.* (r) Visitent infirmos, consolentur, & ad patientiam instruunt, arque ad petenda tempestive & in initio morbi Sacramenta hortentur, seque paratos offerant.

CAPUT III.

Pastores fixe resident.

Quo autem hæc præstare possint, fixe in Parochiis suis resideant necesse est: adeoque nulli posthac Pastori liceat ultra quinque dies abesse a Parochia, nisi de licentia sui Decani in scriptis obtenta: quod si ultra decem dies abesse cogatur, similem licentiam a Nobis prius obtineat, sub pœna arbitraria, & interim alteri Sacerdoti idoneo per Nos admissio vices suas committat, qui quidem substitutus iisdem teneatur legibus.

CAPUT IV.

Concionentur & quomodo.

Diebus Dominicis & Festis solemnibus, ut plurimum per se plebem sibi commissam pascant salutaribus verbis, docendo, quæ scire omnibus necessarium est, annuntiandoque eis cum bre-

vitae & facilitate sermonis vitia, quæ eos declinare, & virtutes, quas sectari oporteat, ut pœnam æternam evadere, & cœlestem gloriam consequi valeant. Quæ vero de Catechismo docendo & Scholis instituendis, Titulo primo dicta sunt, ea omnia servent exactissime.

CAPUT V.

Regulares de quibus conciones suas formare debeant. Non permittantur concionari sine licentia Episcopi.

Curent etiam, ut Regulares ipsorum nomine concionantes, in vitia, quæ ibi maxime regnant, invehantur, & virtutes, quæ illic frigent, cumprimis commendent. Quos tamen Regulares ad concionandum nullatenus admittant, sine expressa a Nobis facultate in scriptis exhibita. Sicut vero solitas stationes a Terminariis auferre nolumus, ita nec novas concedi permittimus: quod ut caveri possit, volumus, ut Pastor auditis Magistratu & Ædituiis notabilibus aut senioribus Parochiæ, instrumentum conficiat super numero & diebus stationum: illudque aservetur cum Ecclesiæ monumentis. Idem de aliis omnibus Sacerdotibus sibi præceptum intelligant, ut eos ad concionandum non admittant, sine nostra expressa licentia in scriptis exhibita.

CAPUT VI.

Qui libri Pastorum.

Ut vero salubriter populos sibi creditos ac seipsos erudiant, bibliothecas suas instruant bonorum & piorum Authorum libris, ex quibus doctrinam sanam hauriant, & in alios effundant: non habeant autem, aut legant eos, ex quorum lectione lasciva, vana, aut curiosa, studium boni operis, aut timor, vel amor Dei languescere possit.

CAPUT VII.

Parochis per se munus prædicationis obire volentibus, sciant cæteri, etiam Regulares, se illis cedere debere. (s)

CA.

(r) Joan. c. 10.

(s) Sac. Congreg. Conc. Trid. super c. 4. sess. 24.

Supplement. Tom. X. Concil. German.

Kkk kk

CAPUT VIII.

Pastores inter sint concionibus Regularium.

Quandocumque autem alius, quam Pastor, concionabitur, ipse per se, vel alium idoneum concioni inter sit, notetque, an porrigatur Christi ovibus, quale convenit pabulum: an aliquid dicatur Fidei Catholicæ aut bonis moribus non satis consonum, fabulosum, inutile: moneat deinde Concionatorem, vel, si opus sit, ad Nos deferat: quemadmodum & si Concionator moribus suis plebem non satis ædificet.

CAPUT IX.

Promoveant Sodalitatem B. Virginis.

Omni qua possunt sollicitudine & diligentia sedulo promoveant Pastores Sodalitatem Beatæ Virginis, hortentur Parochianos, ut nomina sua ei dent, utque diebus ejusdem Virginis cultui dedicatis, Sacramento Pœnitentiæ & Eucharistiæ animum expient, & nutriendi: doceant frequenter, quantum præsidium in tutela ejus Divæ repositum sit, peculiarem ejus cultum commendent: inter cætera, ut singulæ familiæ quotidie Litanias Lauretanas legant in ejus honorem, publicent indulgentias id facientibus a Nobis concessas: atque ut commodius Sacramenta illa iis diebus frequententur, ipsi se & pridie, & ipso die summo mane paratos exhibeant ad confessiones audiendas, & si necesse sit, subsidiarios advocent.

CAPUT X.

In Confraternitatibus abstinendum a conviviis.

Nullam vero Confraternitatis alicujus erectionem admittant, nisi Nobis consultis. Si vero occasione alicujus jam erectæ, deprehendant instrui convivia sumptuosa, aut committi ebrietas, nisi ab ejusmodi excessibus quamprimum abstineatur, nostro nomine denuntient eas Confraternitates a Nobis de facto suppressas esse & abrogatas. Id vero maxime indignum est, si ad ejusmodi convivia etiam mulieres admittantur.

CAPUT XI.

Ab iis abstineant Pastores.

Multo vero magis caveant Pastores, ne conviviis Sodalitiorum aut Confraternitatum inter sint, neve illarum Decani, aut Superiores, aut Assistentes fiant, quod Ecclesiasticis omnibus pariter interdiciamus sub pœna arbitraria.

CAPUT XII.

Inquirant de superstitionibus & improben.

Solicite adhuc perquirant, irrepserintne in populum superstitiones aliquæ, maxime vero phylacteria illa, quæ alta nomina vocant, nimis (proh dolor) hodie quibusdam locis frequentia, quæ vulnera impedire putantur: quibus animæ plurimæ illaqueantur, quorum fiducia in cædes ruunt & subito ad inferos abripiuntur: item an in usu sint veneficia, quibus novi sponsi interdum illaqueantur, cæteraque hujusmodi: gravitatem illorum peccatorum subinde ostendant. Quod si ita inveterata sint, ut ipsi remedium adferre nequeant, Nobis denuntient. Doceant autem generaliter superstitionis esse, expectare quemcumque effectum a quacumque re, quem res illa nec ex natura sua, nec ex institutione Divina, nec ex ordinatione, aut approbatione Ecclesiæ producere potest.

CAPUT XIII.

Non exorcisent personas sine licentia Episcopi.

Sine licentia nostra in scriptis ob tenta, nemo personas exorcizare, aut animalia præsumat: nisi quod Pastori bus animalia (non personas) intra Parochiæ suæ fines exorcizare concedimus, servata in omnibus forma Manualis Diœcesani. Gratis tamen id charitatis officium præstent, graviterque, & pie, ac religiose se gerant, atque ab omni curiosa quæstione abstineant.

CAPUT XIV.

Non commendent ullos pro elemosynis, nisi de licentia Episcopi.

Nullatenus admittant Pastores ad charitatis subsidia, aut populo commendent pauperes alterius Parochiæ, vel quoscumque quæstores elemosynarum,

narum, nisi a Nobis id faciendi obtinuerint facultatem, & concessionis literas manu nostra & Secretarii nostri signatas & sigilli nostri appensione munitas exhibuerint; similiter nec Religiosas ad quæstam lini vel butyri, nisi ab immemorabili tempore eam, ut supra, obtinuerint.

CAPUT XV.

Excommunicatos ab Officiali publice denuntient.

Denuntient eos excommunicatos, quos, ut denuntient, mandatum habent ab Officiali nostro: idque intra tempus statutum. Immo singulis Dominicis publice & nominatim denuntient eos, qui antea denunciati sunt excommunicati, expressa etiam causa excommunicationis, idque donec absolutionis beneficium obtinuerint. In eos autem, qui ea in re dissimularint, & usque ad tempus elapsum commissionis sibi factæ tergiversati fuerint, etiam suspensione a Divinis animadverti curabimus.

CAPUT XVI.

Cum defectuosos ad Nos, aut Officiale deferunt, simul adscribant nomina testium.

CAPUT XVII.

Non tradant sepulturæ mortuos in pugna, sine licentia Episcopi.

Qui sine confessione, vel Sacramentorum perceptione ex pugna vel vulnere inflicto mortui fuerint, eos non leviter sepulturæ tradant: sed prius Nos, aut Officiale nostrum consulant, narrati facti specie, & circumstantiis, quomodoque defunctus se in vita gesserit. Alio autem genere mortis subito raptos, poterunt libere sepelire, si christiane & honeste vixerint, & Sacramenta suis temporibus suscipere soliti sint, nec palam appareat, quod in mortali peccato decesserint.

CAPUT XVIII.

Inhabitent domum Pastoralem & debite reficiant.

Ubi domus pastoralis est, non liceat Pastori sine expresso consensu nostro, aliam inhabitare: eam autem domum debite ab ipso reparari & sartam

Supplement. Tom. X. Concil. German.

testam conservari præcipimus, nisi reparationes illius ab aliis fieri debere certo constet. Atque in hoc advigilabunt sedulo Decani, alique Visitatores, ne, quod contigisse alicubi deprehendimus, paulatim per incuriam Pastorum domus illæ deteriorentur, immo corruant, cum magno interdum Successorum præjudicio. Si quos negligentes deprehenderint, Nobis denuntiabunt, ut Nos ipsi eorum sumptibus eam reparationem fieri curemus, & pro præterita negligentia puniamus.

CAPUT XIX.

Examinandus pro Pastoratu, quid caveere debeat.

Pro cura Pastoralis examinandus, caveat per se, vel alios a Patrono asscurationem de præsentatione in persona sua faciendâ accipere, alioqui ab examine rejiciendus.

CAPUT XX.

Pastores assistant Visitantibus.

Curabunt præterea Pastores Visitatoribus adesse, adventum eorum, indictamque visitationem populo publice & suggestu significare, & notabiliores ad eam invitare.

CAPUT XXI.

Inimicitias sopiant.

Si quis inimicitias, aut rixas, sive inter conjuges, sive inter alios esse cognoverint; eas, ne diuturniores sint & scandalosæ, omni studio adnancantur sopire.

CAPUT XXII.

Doceant, quis sit legitimus usus imaginum.

Doceant frequenter populum, quis legitimus usus sit imaginum Christi & Sanctorum: inter alia, eis debitum honorem impertiendum, non quod credatur eis inesse aliqua Divinitas, & virtus, vel quod ab iis aliquid sit petendum, aut fiducia ponenda: sed quoniam honos, qui imaginibus exhibetur, refertur ad prototypum, quod repræsentant, ita ut per imagines, quas veneramus, Christum adoremus, & Sanctos, quoniam illæ similitudinem gerunt, veneremur.

CAPUT XXIII.

*St. Reliquiæ approbandæ & decenter asser-
vande.*

Sanctorum Reliquiæ prius tamen approbatæ, in capsulis decentibus asser-ventur, debite obferatis, & in loco honesto extra tabernaculum Venerabilis Sacramenti custodiantur; nec, ex capsulis per alios, quam per Nos, aut a Nobis deputatum educantur.

CAPUT XXIV.

Eremita qui admittendi.

Eremitas in Parochia sua degere non permittant Pastores, sine nostro expresso consensu.

CAPUT XXV.

Jura funeralia non augenda.

Jura funeralia antiqua consuetudine probata, aut a nostris Prædecessoribus stabilita non augeant: nec Custodi aut Ministris Ecclesiæ permittum sit quidquam exigere insolitum, aut a Nobis non probatum.

TITULUS XVIII.

De Sacellanis, Custodibus, Ludimagistris.

CAPUT PRIMUM.

Procurvetur, ut in Parochia sit Sacellanus.

Adnitantur Pastores, ut Sacellanus seu Vicepastor in omnibus Parochiis habeatur, quo Parochiani omnes diebus Dominicis & Festis sacrosancto Missæ Sacrificio interesse possint, & alia Sacramenta præsertim Pœnitentiæ frequentius suscipere. Ad quod adhortandus erit populus, ut de suo aliquid conferat, & dispicienda alia media, quibus commoda Sacerdotis sustentatio possit haberi: cujusmodi erit, si officium Ludimagistri & Custodis alicui Sacerdoti attribuat.

CAPUT II.

Sacellani officium.

Sacellani officium erit, Pastori in celebratione Divini Officii auxilio adesse, ejusque ægroti vel absentis nomine, (si quidem id necessitas postulet) necessaria Sacramenta administrare:

imo & præsentem Pastorem; ubi ille id exiget: nam iis Pastorum officiis contra voluntatem eorum nullatenus Sacellanus se immiscere volumus, sed iis plane subesse: sed nec per unum diem abesse a Parochia, nisi Pastore præmonito & consentiente.

CAPUT III.

Non admittendus, nisi approbatus ab Episcopo. Literas admissionis exhibeat Decano.

Sacellanus nullus admittatur, nisi a Nobis probatus, & admissus. Is etiam literas admissionis a Nobis factæ Decano districtus illius exhibeat, qui eas vidisse se, & examinasse scripto testabitur: nec nisi ejusmodi Decani scripto viso, & Professione fidei emissâ, præsumant Pastores eum recipere.

CAPUT IV.

Neque imperitus in cantu.

Neque deinceps admittantur Sacellani ulli, nisi canus Gregoriani bene periti.

CAPUT V.

Curâ Pastorum de Sacellanis.

Invigilent vero Pastores in vitam & mores Sacellanorum, curentque, ut tempus non in inutili otio traducant, sed serio studiis incumbant: & si ita eis videatur, ut Catechismum pueros & rudiores doceant: paulatimque etiam assuescant concioni, & cæteris functionibus Pastoralibus, quo possint ita exercitati, & specimen sui præbentes, a Nobis ad altiora promoveri.

CAPUT VI.

Qui assumendi ad Custodis officium.

Ad Custodis officium non admittatur bigamus, non qui baillivi aut satellitis munus exerceat, non qui criminalibus quoquo modo se immiscuerit judiciis. Denique nec qui cauponarii, aut alterius vilis & Clero indignæ professionis sit: sed is, de cujus industria, probitate, & laudabili conversatione, (qualem decet esse Ecclesiæ ministrum) fide digno testimonio constet. Atque ut talis sit, non assumatur tamen, nisi a Nobis probeatur & admittatur: cujus admissionis testimonio viso, Pastor eum investiat per traditionem superpellicei & clavis.

CAPUT VII.

Custodum officia.

Custodes subsint, obediant, & serviant Pastori in iis, quæ sui muneris sunt, a Parochia sua non absint sine Pastoris licentia: imo quoties domo sua abesse ob negotia coguntur, domesticis aut vicino significant quo vadant, ut si necessitas ingruat, statim accersiri possint: ornamenta Ecclesiæ solliciti sint, ne perendantur, seduli ut lacera frætave restaurari faciant, detrita aut indecora seponant. Dent operam, ut fursum & deorsum in templis omnia sint munda, pavimenta, parietes, altaria, testa, & sacras vestes verrant frequenter: phialas, seu ampullas, quibus vinum & aqua ad Missam subministrantur, cæteramque templi supellectilem mundent, & mundam conservent, locis suis reponant: uti & sacras vestes in armariis decenter plicatas, non permixtim & confuse, sed suis quasque locis: denique in omnibus diligenter & fideliter, quæ officii sui sunt, præstent, magnis a Deo præmiis remunerandi.

CAPUT VIII.

Custodes abstineant a tabernis, & qualis eorum vita esse debeat.

Abstineant ab omni tabernarum ingressu & conversatione indecenti, vitam ducant Dei ministris dignam, tonsuram, si necdum acceperint, a Nobis quamprimum accipiant, deincepsque eam, & habitum gestent clericalem.

CAPUT IX.

Ludimagistri quales esse debeant. Quid promittere debeant. Qualis eorum vita.

Ludimagistri nulli præficiantur Scholæ, nisi fidei ac vitæ probatæ, a Pastore & Nobis admissi: admittatur autem nemo, de cuius Religione ac Fide Catholica non prius informatio fiat: is etiam Fidei professionem emitat, & dato iurejurando promittat se non docturum libros hæreticos, de hæresi suspectos, Catholicæ fidei offensivos, lascivos, & generaliter non probatos: seque institutionis suæ & doctrinæ initia sumpturum a rudimentis fidei, Ora-

tione Dominica, Salutatione Angelica, Symbolo Apostolorum, præceptis Dei, & Ecclesiæ, numeri Sacramentorum: nec alios libros docturum, nisi in his pueri, quantum satis est, fuerint instituti: singulis quoque septimanis certo statoque die ut minimum semel Catechismum omnes doceantur. Arque ut hæc observentur, frequenter moneant Parochi Ludimagistros, atque ipsi frequenter Scholas visitent, pueros de iis interrogent & instruant: quod si eos hac in re negligentiores deprehenderint, nec monitos se emendare, Nobis denuntient: invigilentque in hoc omnibus modis, ut ne recentes restulæ prævæ doctrinæ odore imbuantur, & corrumpantur, neve malo Præceptoris exemplo ad vitia declinent: qui proinde vitam suam ita componere curabit, abstinendo ab ingressu tabernarum, aliisque vitiis, ut quos literis instruit, vita ad virtutem ædificet. Decani quoque in visitationibus suis Scholas non prætermittant, sed singulis semestribus visitent, & accurate inquirent de supradictis.

CAPUT X.

Cantum Gregorianum doceant.

In locis celebrioribus, bis in hebdomada cantum Gregorianum doceant Ludimagistri, ac proinde non assumantur, nisi cantus Gregoriani periti: doceant etiam pueros modum inserviendi Sacro.

CAPUT XI.

Etiā in Scholis literarum humaniorum docendus cantus.

Quoniam vero ex raritate eorum, qui cantus sunt periti, contingit multis in locis Officium Divinum minus decenter peragi; non in trivialibus tantum Scholis doceatur cantus, sed etiam in Scholis humaniorum literarum, (cum in ætate grandiori difficilius ediscatur) idque singulis septimanis: quod ut in suis etiam Scholis præstent Religiosi, qui juventutem docent, vehementer in Domino eos hortamur.

TITULUS XIX.

De Magistris Fabricarum & Mensarum Pauperum.

CAPUT PRIMUM.

Magistri fabricarum.

Fabricæ uniuscujusque Ecclesiæ, ex communi consilio Pastoris & notabilium Parochianorum præficiantur Magistri seu Gubernatores omni exceptione majores, fidei, probitatis, & industriæ spectatæ: qui dato jurejurando promittant non minorem se adhibituros diligentiam, ut, quemadmodum oportet, dispensentur, conserventur, recuperentur fabricæ bona, quam adhiberent ut sua ipsorum.

CAPUT II.

Magistri Mensarum pauperum.

Mensis pauperum similiter communicatis consiliis præficiantur Magistri seu Gubernatores, fidei, & vitæ spectatæ & hæreseos minime suspecti; sed & humani, affabiles, & benigni erga pauperes; exigaturque idem jusjurandum, quod a Magistris fabricæ.

CAPUT III.

Horum mutatio.

Mutentur porro singulis annis aliqui tam ex Magistris fabricæ, quam mensæ pauperum: quod si interdum retineri amplius expediat, (quod raro, & non ad multos annos fiat) innovent saltem singulis annis idem juramentum.

CAPUT IV.

Aliæ horum leges.

In negotiis majoris momenti nihil agant Magistri sine Pastoris consilio. Non expendant in usus suos aut servant sibi pecuniam sive fabricæ, sive mensæ, ne quidem sub obligatione restituendi eam cum scenore, nec ad hoc sufficiat notabilium accedere consensum. Non emant redditus, nisi legitimos, acceptaque sufficienti hypotheca, quam proximo computu declarent. Si qui ante empti hypothecam non habeant, curent eam quamprimum accipere. Atque hæc omnia Receptori (si alius sit a Magistris) præcepta intelligantur.

CAPUT V.

Litræ & alia munimenta quomodo asservanda. Et consiciendum eorum inventarium.

Litræ originales, registra, computus, aliaque omnia fabricæ & mensæ pauperum munimenta, sub tuta & fidei custodia trium clavium in archivis ad eum usum destinatis ordine debito collocata conserventur: nec inde a Magistris auferantur, nisi necessitate id postulante, & in scriptis data aut relicta ejus rei confessione. Fiat autem inventarium eorum omnium munitamentorum cum designatione debita limitum & conterminorum, nec non hypothecarum quoad redditus: quod quidem inventarium ut minimum singulis quindecim annis renoveatur, ejusque copia authentica ad Nos mittatur in Episcopatus archivis servanda.

CAPUT VI.

Item inventarium totius suppellectilis Ecclesiasticæ.

Fiat autem aliud inventarium omnium ornamentorum, vestium sacrarum, & totius suppellectilis Ecclesiæ, subsigneturque a Pastore, Magistris fabricæ, & eo, cujus fidei commissæ sunt: qui & cautionem pro eis dabit sufficientem. Quandocumque autem aliquid vel ornamentum, vel suppellectilis novæ adjicietur, vel propter vetustatem seponetur, id ipsum in inventario annotabitur, ut ex illo, Successori in eo officio possint tradi. Quod quidem inventarium singulis trienniis renoveatur.

CAPUT VII.

Collectæ per scutellas quomodo faciendæ & ubi asservandæ.

Optaremus mendicationes omnes, quæ per scutellas tempore Sacri sunt, magna illa devotionis impedimenta abrogari: cæterum, dum adhuc tolerantur, ita illæ fiant ut quæstores elemosynarum illarum vel altiori voce, vel strepitu Celebrantem aut populum non inturbent. Neque liceat eis ad ædes suas illas deferre, sed in arca aliqua in templo asserventur: quod si valde exiguæ sint, singulis saltem Dominicis post Missam in libro notetur, quæ

quæ summa accepta sit, ac deinde tota unius anni summa, in computus fabricæ referatur.

CAPUT VIII.

Conficienda tabula foundationum.

Conficiatur tabula, in qua describantur foundationes omnes Misarum, & anniversariorum: ex qua tabula denunciet Pastor diebus Dominicis eas, quæ septimana illa celebrandæ recurrunt. Et ejusmodi tabulæ copiam authenticam singuli intra trimestre ad Nos transmittant in archivis Episcopatus conservandam.

CAPUT IX.

Computus quando & quomodo reddendi.

Computus fabricæ, mensæ pauperum, Hospitalium, & aliarum piarum foundationum, singulis annis vel bienniis reddantur: & tunc abtineatur a comestationibus, quibus fabricæ, pauperesque graventur. Et quoniam magna multis in locis ea in re negligentia committitur, magna etiam in solvendis iis, quæ per arrestum computus a Receptoribus debentur, magno cum damno & fabricarum & animarum eorum, quibus ea cura incumbit; Pastoribus mandamus, ut & ipsos Receptores nomine nostro admoneant suo muneri satisfacere, & apud Prætores & Magistratum instent, ut ad hoc cogantur, & si non proficiant, Nobis denuntient.

CAPUT X.

Indicatur dies computuum reddendorum.

Aque ut in posterum ejusmodi abutibus obvietur, hæc, quæ sequuntur, curabunt. Primum de consilio & consensu eorum, quorum interest, Pastores certam diem annuam statuunt, qua ejusmodi computus singulis annis aut bienniis reddantur. Deinde tempestive eam diem quotannis, antequam recurrat, notificabunt: ut & Receptores parati sint & alii in templo vel loco consueto (modo non sit taberna) compareant.

CAPUT XI.

Apostilla scribantur.

Apostilla omnes, antequam a loco discedatur, scribentur, & auditori-

bus relegentur, per quos deinde computus more solito signabuntur.

CAPUT XII.

Si quid difficultatis oriaur, amiceabili communicatione per auditores sopietur: si convenire nequeant, nostrum desuper iudicium expectabunt.

CAPUT XIII.

Clausura prioris computus in novo referatur.

In quolibet computu clausura præcedentis adducetur, sub rubrica receptæ, vel misarum, prout Receptor debebit fabricæ, aut ei debebitur: ac deinde super computu præcedenti annotabitur, qualiter dicta clausura purgata sit in sequenti.

CAPUT XIV.

Nummi capitales non distrabantur, & denuo ad reditum impendantur.

Si qui reditus fuerint redempti, nummi capitales non permittantur distrahi, nec maneant penes Receptorem: sed recludantur eo loco, ubi solent archivia Ecclesiæ asservari, sub pluribus feris & clavibus, quæ a diversis custodientur. Impendantur autem prima opportunitate ad novum reditum, & donec id factum fuerit in quolibet computu; fiat ejus rei memoria.

CAPUT XV.

Computus exemplar unum in archivis reponatur.

Solicite curabitur, ut computus exemplar unum debite signatum mox ab auditione, in loco tuto, sub diversis feris recludatur cum aliis Ecclesiæ munimentis, unde nemini liceat quidquam efferre, nisi ex causâ valde necessaria, & relicta ibidem scedula vulgo recepisse.

CAPUT XVI.

Bona diversarum foundationum non permisceantur.

Nec permittant Pastores bona fabricæ & pauperum, aliarumve foundationum confundi: sed nec sibi mutuo succurrere, absque nostra licentia: vel de novo gravari pensionibus pro sustentatione Ministrorum Ecclesiæ, nisi id habeat fundatio vel longa consuetudine sic fuerit praticatum.

GA.

CAPUT XVII.

Pia legata solvantur.

Executores ultimarum voluntatum, pia legata solvere negligentes, si serio moniti, anno a morte Testatoris evoluto, refractarii difficilesque perseverent, eos Nobis, aut Vicariis nostris, vel Procuratori animarum a Nobis designato, absque ulteriori dissimulatione, Pastores denuntient.

CAPUT XVIII.

Locationes bonorum quomodo faciendæ.

Locationes terrarum arabilium, pratorum, decimarum, & aliorum bonorum Ecclesiasticorum, vel fabricarum, aut pauperum, non fiant ultra terminos præscriptos, a Concilio secundo Cameracensi. (*) Nimirum decimarum non ultra triennium, pratorum, dum separatim elocantur, non ultra sexennium, terrarum arabilium non ultra novem annos. Contractus vero ejusmodi non renoventur, nisi finito biennio prioris contractus quoad decimas, quadriennio quoad prata, & sexennio quoad terras arabiles.

TITULUS XX.

*De Bonorum Ecclesiasticorum conservatione & onerum per-
solutione.*

CAPUT PRIMUM.

Et si nemo ad possessionem Beneficii alicujus admittatur, nisi jurejurando promittat bona sui beneficii fideliter conservare, & alienata pro virili recuperare; attamen multorum a sui beneficii loco absentia, aut supina negligentia plurima quotidie deperdi aut obscurari experimur. Cui malo ut obviam eatur, quæ sequuntur, statuenda duximus.

CAPUT II.

Decani habeant registrum Beneficiorum.

Habeant Decani registrum omnium beneficiorum sui districtus cum cura & sine cura, ascriptis nominibus Possessorum & ubi habitent: cum specificatione bonorum, reddituum, syl-

varum, pratorum, terrarum, & limitum, ac terminorum & onerum annexorum quotannis exhibendum. Ejus vero registri copiam authenticam ad Nos mittant in Episcopatus archivis reservandam. Capitula vero, quibus beneficia subsunt, habeant etiam simile registrum eorum: quod quidem singulis decenniis renouetur cum specificatione supradicta.

CAPUT III.

Omnes Beneficiarii specificent redditus beneficiorum. In possessione quid Beneficiarius jurandum.

Ut autem id præstent commodius, districtè mandamus omnibus Beneficiariis nostræ Diœcesis, ut intra annum a conclusionè hujus Synodi, beneficiorum suorum bona, terras, redditus & proventus quoscumque, jura item & onera omnia, quibus illa subiecta sunt, integre & per partes minutissime descripta, atque a Baillivo loci & Scabinis subsignata, Decanis suis, & Decani Nobis transmittant. Hoc idem se facturos intra annum jurejurando promittent, quotquot in beneficii alicujus possessionem de novo inducentur. Dies vero præstiti juramenti registro suo inscribet Decanus: & si Beneficiarius intra annum promissum non satisfecerit, eum denunciabit citandum & de perjurio puniendum. Et ne quis ignorantiam prætexere possit, volumus, ut Decani, quisque in suo districtu, eos, qui extra Diœcesim morantur, per literas admoneant, hujus nostri Decreti: elapso autem anno, iidem Decani Officiali nostro denuntiabunt eos, qui nondum fecerint, ut juris remediis & fructuum arrestatione id facere compellantur.

CAPUT IV.

Formula attestationis de redditibus beneficiorum.

Formula vero attestationis, quam exigimus a Baillivo & Scabinis loci, hæc est vernacula tamen lingua: Nos subsignati, Pastor, Baillivus & Scabini N. testamur in conscientia coram Deo hæc, prout hic nominatim descripta sunt, esse omnia bona, & redditus annuos hujus Pastoratus de N.

vel

(*) Tit. 15. cap. 6. & Tit. 8. c. 12.

vel Capellania de N. sita in Parochia N. Item hæc esse beneficii onera, nec alia nos scire, post diligentem a Nobis inquisitionem factam, in quorum fidem hæc signavimus.

CAPUT V.

Fructus non residentium aut non satisfacientium oneribus arrescentur.

Fructus beneficiorum, quæ residentiam debent, si eorum Possessores non resideant, nec sint in loco privilegiato, nec literas absentia sibi a Nobis concessæ exhibuerint, sequestrentur & ponantur sub arresto a Decanis: uti & eorum, quorum onera non exolvuntur. Pro labore autem, quem hic Decani subibunt, eis justam mercedem assignabimus. Vacatione autem alicujus beneficii occurrente sive per obitum, sive aliter, Decani ac Pastores Nos reddant certiores.

CAPUT VI.

Litteræ renovandæ.

Litteras originales, registra, & omnia alia munimenta beneficiorum, quæ ob nimiam vetustatem consumptioni proxima sunt, curent beneficiorum Rectores intra annum in formam authenticam transsumi, transumpta cum ipsis originalibus in Ecclesia, ad quam beneficia ipsa pertinent, cum cæteris munimentis reponi & conservari: & si aliquid ex his levare necessum sit, tradatur Rectoribus, sub receptis, & sub promissione fideliter illud restituendi.

CAPUT VII.

Habendum Manuale.

Præter supradictum registrum, in quo singuli beneficiorum proventus minutissime describuntur, & cujus unum exemplar penes Beneficiatos maneat; habeant etiam Manuale quoddam, in quo solutiones sibi factas notent: ut successu temporis, possit diuturna, & legitima possessio probari. Quod manuale cum registro Successori in beneficio relinquatur: adeoque Decani, a morte Beneficiarii ea sibi assument, ut Successori tradant.

CAPUT VIII.

Nummi capitales reddituum beneficalium denuo impendendi, & a quo servandi.

Si redditus alicujus beneficii redimi contigerit, fors pecuniæ capitalis, si utiliter & secure statim impendi non possit, penes ipsum tamen Beneficiatum ne relinquatur, sed Capitulo (si ei immediate subfit) consignetur in archiviis reservanda, sin minus, Archidiacono illius districtus, donec opportunitas fructuose ac tuto eam collocandi obvenerit.

CAPUT IX.

Elocationes reddituum Capellaniarum quomodo faciendæ.

Elocationes bonorum ad Capellanas spectantium fiant cum cognitione Capituli, cui subfunt; alibi vero cum Decani consensu, qui in actis visitationis suæ ejusmodi elocationes annotabit.

CAPUT X.

Singulis annis legatur Decretum Concilii Tridentini.

Decretum Concilii Tridentini ^(u) contra occupatores bonorum & jurium Ecclesiæ, subinde populo per Concionatores inculcetur, quod incipit: *Sæquem Clericorum &c.* Quod quidem Decretum singulis annis paulo ante messem per omnes Parochos ex suggestu publicari, nec non ejus copiam ad valvas Ecclesiarum Parochialium affigi volumus.

TITULUS XXI.

De Ecclesiarum Visitatione.

CAPUT PRIMUM.

Visitationis scopus.

Ut ea, quæ hæcenus statuta sunt, exactius observentur, plurimum conducet ea, de qua nunc agendum est, Ecclesiarum Visitatio: cujus is finis & scopus est, advertere, an ea, quæ ordinata sunt, executioni mandentur, atque id efficere, ut mandentur: sanam doctrinam expulsi hæresibus inducere, bonos mores tueri, pravos corrigere, popu-

(u) Sess. 22. cap. 11.

Supplement. Tom. X. Concil. German.

populum cohortationibus ad Religionem, pacem, innocentiamque accendere, & cætera, prout locus, tempus, & occasio ferunt ex Visitantium prudentia, ad fidelium fructum constituere, ut totidem verbis explicat Concilium Tridentinum. (*) Opera itaque pretium est, ut sciant Archidiaconi & Decani singuli in suo districtu, Ecclesias ex officio visitantes, tum etiam Pastores & populus, qui se in ea gerere debeant pro sua quisque parte.

CAPUT II.

Visitaturi præmittent diem & horam conveniendi.

Visitaturi Parochialem Ecclesiam: diem visitationi statutum & adventus sui fere horam Pastori Ecclesiæ significant mature, atque is, Dominico aut Festo eum diem proxime præcedente, ex suggestu diem visitationi destinatum populo denuntiabit, monebitque, ut Sacellanus, Custos, Ludimagister, Magistri fabricæ, & mensæ pauperum, denique notabiliores Parochiæ & Magistratus die & hora statutis, præsentés adsint (imo & dum Nos ipsi visitationem instituemus, totus populus, quantum fieri potest, qui etiam tum ad sacram Communionem Nobis ministrantibus suscipiendam, per Confessionem Sacramentalem se disponat, & qui apti sunt, Confirmationis Sacramentum accipiant) Magistri mensæ pauperum & fabricæ, aliarumque piarum fundationum secum afferant ultimos suos aut Prædecessorum suorum computus.

CAPUT III.

Adjungant sibi Notarium vel Ecclesiasticum.

Adjungant sibi Visitatores Notarium, vel saltem virum aliquem Ecclesiasticum. Et ne per ejus defectum, mora aliqua injiciatur, omnibus Presbyteris & Notariis Nobis subditis in virtute sanctæ obedientiæ præcipimus, ut requisiti operam suam Visitoribus non negent: quin imo statim omne eis auxilium præbeant: nec in visitationibus solum, sed & in informationibus quibuscumque, quin & ad omnia Curiae nostræ mandata præsto sint.

CAPUT IV.

Visitatores adventus sui causam exponant.

Ubi igitur advenerint, omnibus in Ecclesia congregatis, causam adventus sui & indictæ congregationis exponant: nimirum Episcopum, (cujus hoc in negotio funguntur vicibus) desiderare, ut hac visitatione abusus & scandala, si quæ sint, tollantur ac corrigantur, & quæ necessaria aut utilia sunt, ordinentur. Itaque eos moneant nostro nomine omnes & singulos, ut pro eo, quò Deum & Ecclesiam prosequuntur amore, proque eo, quo tenentur justitiæ zelo, de Ecclesiæ ac Ministrorum illius, deque totius Parochiæ statu, sincerum atque integrum absque dissimulatione testimonium perhibeant: & quæ corrigenda aut instituenda putant, fideliter declarent: ne, dum veritatem ipsi subtrahant, de commissis & committendis criminibus, Deo Judice, culpam in se commercantur.

CAPUT V.

Forma visitandi.

Initio igitur sumpto ab invocatione Sancti Spiritus per decantationem Hymni: *Veni Creator Spiritus*, proferatur in medium ad summum altare ea qua solet cum reverentia ac luminaribus & cæteris solemnitatibus sacrosanctum Eucharistiæ Sacramentum, ac thure dato suis ipse oculis Visitor diligenter perlustrabit omnia & singula. Serventurne sacræ Hostiæ ab omni putredine & corruptione liberæ, atque ideo renoventur singulis quindenis vel etiam sæpius.

An Ciborium atque aliæ pyxides, quarum usus est in augustissimo hoc Sacramento populo ministrando, vel ad infirmos deferendo, ea sint materiæ & operis dignitate, quæ tantum Principem deceat. An rite compactis juncturis consent, ut & pluvie injuriam & ventos arceant, dum vel ad ægros, vel in processione defertur.

Inquiratur, an Pastori illud ad ægros deferenti, adsit Custos superpelliceo indutus, lumine accenso, prosequente frequenti populo.

An

(*) Sess. 24. de Reformat. c. 3.

An semper in Ecclesia sint residua aliquot hostiæ.

Inspiciatur tabernaculum, in quo reconditur hoc Sacramentum, an sit decens pro tanta Majestate, gradibus commodis adeundum, fera secuta, clave fidei munitum, quam apud se Pastor aut Capellanus retineant. Sitne loco eminenti & ad adorationem omnibus exposito, atque in eo corporale substratum ciborio. An lumen ante ipsum continuo ardeat. Tum demum dato chure, & ad decantationem versus: *Tantum ergo Sacramentum*, data benedictione, suo loco Venerabile Sacramentum reponatur.

Inspiciat deinde Visitator pyxides, quibus asservatur sacrum Christma, Oleum catechumenorum, & infirmorum. An sint decentes & nitidæ. An distinctæ & notulis quibusdam eas discriminantibus insignitæ. An suis quæque unctionibus refertæ. An operculo coherentes & munitæ. An singulæ suis bacillis instructæ. Quæ loco asserventur, & an in arcibus quibusdam distinctis a tabernaculo Venerabilis Sacramenti, quæ clausæ fidei fera & clave, nullis nisi Sacerdotibus aditum præbeant.

Videat deinde calices (an argentei, saltem cuppa) & calicum purificatoria, ac sacculos, an sint justæ magnitudinis, corporalia adhæc, pallas, vela ad tegendos calices: Sacerdotalia ornamenta, casulas cujusvis coloris: albas, amictus, cingula, mappas altaris, manutergia, superpellicea, tunicellas, pluvialia, ampullas vino & aquæ in Sacrificio fundendæ necessarias. Tum Missalia, Antiphonaria, Gradualia, Processionalia, Manualia, cæterosque rituales libros, & reliqua, quorum in Divino Officio vel Sacramentorum administratione est usus, an sint munda, integra, & decencia, atque in numero sufficienti, dignaque, quæ prodeant in conspectum Dei.

Quod si quæ rupta, lacera, aut sordida inveniatur, notet ea ac seponat, & mundari ac reparari præcipiat: aut si id mereantur, ita de eis disponat, ut amplius non prodeant in servitium Dei, eum acri increpatione Pastoris, Custodi

Supplement. Tom. X. Concil. Germ.

dis, & eorum, quibus harum rerum cura incumbit.

Inquiratur deinde de pane, vino, candelis, quorum usus est in Sacrificio, an selectus sit panis, vinum purum, non evanidum, non acetosum, non corruptum, candelæ cereæ semper binæ.

Visantur altaria, an omnia sint consecrata, a pulvere & sordibus libera, tribus mundis mappis cooperta, instructa & ornata honestis picturis & imaginibus, non mutilis, non ruptis, non scandalosis, non apocryphas historias referentibus, aut nudas personas indecore repræsentantibus, (atque idem etiam consideretur in aliis imaginibus per totum templum dispositis:) cortinis, item antependiis, candelabris binis, cæterisque ornamentis atque imagine Crucifixi in medio.

Porro quo tota ea visitatio in expedito sit, habeatur in promptu & exhibeatur universæ suppellectilis Ecclesiasticæ inventarium manu Pastoris, Aedituorum, & Custodis, seu ejus, qui eam in deposito habet, signatum.

Præterea visitentur Reliquiæ Sanctorum, an in debitis capsulis tuto & decenter asserventur, & an sint approbatæ ab Episcopo, aut longo saltem temporis usu receptæ.

Videatur sacristia, si quæ sit, an in ea sufficientia sint armaria, seu arcæ, in quibus ornamenta non confuse aut permixtim reponantur, sed suis quæque & diversis locis decenter plicata recondantur.

Inquirat adhæc Visitator, an sit aliqua celebris peregrinatio ad Ecclesiam. An Sodalitates approbatæ, potissimum num vigeat Sodalitas B. Virginis, an multi nomina sua ei dederint, an frequenti confessione, & Communionem, aliisque pietatis officiis, se ejus dignos clientes ostendant. An occasione Sodalitatum aliquarum convivia aliqua instituatur, vel choreæ, quæ earum sint regulæ.

An & quæ sint foundationes Missarum, aut anniversariorum. An extet earum registrum, an debite denuntientur Dominica die postquam proxime

recurrunt, & postea exonerentur. An earum facta sit aliqua reductio ob exiguitatem stipendii. An legata pia solvantur, num computus Ecclesiæ, fabricæ, mensæ pauperum, aliorumque piorum locorum suo tempore reddantur, & quod in residuo est debitum a Receptoribus, persolutum, aliaque obferuentur, quæ supra Titulo XIX. decrevimus. Videantur ipsi computus.

Quæ beneficia in hac Ecclesia sint fundata, qui eorum possessores, an satisfiat oneribus, an possessores exhibuerint munimenta sui beneficii & registrum bonorum.

Circumspiciatur ædificiolum, quod sacris fontibus conservandis extractum est, sitne firmum, circumdatum cancellis, sera clausis, vas sacri fontis an purum seruetur, continendis sacris aquis commodum, & hæc an graviter oleant: An clavi & sera ita muniatur, ut aditus non sit foribus, bestiolis, ac multo minus maleficorum injuriis: clavis quoque a Sacerdotibus baptizantibus & solis seruetur; minime vero in Custodis aut Laicorum sit potestate. An sit paropsis aliqua decens, in quam defluat aqua ex capite recens baptizati, concha, qua aqua infundatur.

Videantur ea, quæ passim per ædem sacram esse debent, vas aquæ benedictæ, an decens & nitidum, & aqua ipsa singulis hebdomadis mutetur. Sitne suggestum concionibus habendis aptum, sedes confessionales fenestellis utrimque constantes loco aperto, ut ad eas facilis sit utrimque aditus, campanæ benedictæ, scamna omnia debite ordinata, ut Divinis functionibus ob-eundis non sint impedimento.

Visitetur deinde totum templi ædificium, sursum & deorsum, intus & extra, sitne aliquid, quod reparatione indigeat, aut indignum sit domo Dei, parietes dealbati, rimis carentes, chorus bene clausus, pavementum benestratum, tectum regulis (non culmis) coopertum, fenestræ vitreæ integræ, canales plumbei exterius aquam longe a fundamentis Ecclesiæ transmittentes, nullæ hederæ, arbusculæ, vepres ibidem enascentes. Quod si aliquid reparandum sit, serio monendi sunt illi,

quibus cura ea incumbit. Cœmeterium an sepibus, foliis, vel muris cinctum, ut nullis animalibus pateat aditus, nec ulla ibi pascantur, lintea non dealbeatur, non lusus exercentur, non merces vendantur.

CAPUT VI.

Examen de Ministris Ecclesiæ & totius Parochiæ statu.

His peractis, examinet Visitator convocatos omnes, seorsum singulos, de Ministrorum Ecclesiæ & Parochianorum statu, & singulorum responsiones excipiat Notarius.

De Pastore quærat diligenter, an sit vitæ irreprehensibilis & boni nominis; popinas, aut infames domos non adeat, non intersit conviviis nuptialibus secundo vel tertio die, aut puerperarum: rixas & dissidia non foveat, non teneat mulierem suspectam, non absit frequenter a Parochia; an bene eicūm Parochianis conveniat. An circa Sacrificium Missæ, Divinum Officium, Sacramentorum administrationem, verbi Dei prædicationem, ac denique circa Pastoralis officii functionem, recte, diligenter, reverenter & laudabiliter versetur. An horam Missæ & Vesperarum observet, an in administrandis Sacramentis & visitandis infirmis diligens, noctu diuque paratus, an circa juventutis & rudium Catechisticam institutionem, & visitationem Scholæ assiduus: in concione non nimis prolixus, satisfaciatur piis foundationibus, denuntiet Festa, jejunia, obitus recurrentes, an quæ superiori ordinata sunt visitatione adimpleverit.

De Sacellano, cæterisque Sacerdotibus idem fere inquirendum, quod de Pastore, quantum ad vitam, administrationem Sacramentorum, Catechisationem. Et num admissi sint ab Episcopo, obedientes Pastori, non intrent popinas aut hortos earum, globorum aut pilæ lusu cum secularibus tempus non terant: num Sacellanus admissus sit ad confessiones audiendas, num exeat e Parochia non præmonito aut non consentiente Pastore: num in templo & schola catechizet, quomodo, quo fructu, Officium Divinum reverenter & tractim decanter.

De Custode, an sit bigamus, factus, caupo &c. an conversationis honestæ, fidelis, obsequens Pastori: an templum & totam ejus suppellectilem curet, ut sint munda, nitida, & decentia, & ornamenta bene complicata, suis locis reponat diligenter, an intret popinas &c. an admissus ab Episcopo.

De Magistris Scholæ, an sint fidei ac vitæ probatæ, an non doceant liberos suspectos aut non approbatos, an doceant ante omnia juventutem primæ rudimenta fidei, modum serviendi Sacro, an sint admissi ab Episcopo aut Decano ac Pastore loci, an emiserint Professionem fidei, an diligenter suo munere fungantur, catechizent in Schola, doceant separatim pueros & puellas, ubi id eis permittitur. An servant regulas ab Episcopo latas.

De Magistris fabricæ & mensæ pauperum, an bona fabricæ & pauperum fideliter administrent, locationes faciant juxta Edictum Regis, piis fundationibus satisfaciant, ædificia Ecclesiæ, ut oportet, reparari procurent, reddant computus quotannis, aut biennii, persolverint, quod per arrestum sui computus debent, an collectarum, quæ in templo sunt per scutellas, computus reddantur.

De populo, quot sint Parochiani, an omnes confessi sint & communicarint ultimo Paschate, an diligenter frequentent omnes templum, Dominicis & Festis diebus audiant Sacrum, non exeant ante finem Sacri. An iis diebus tempore Divini Officii frequententur tabernæ, in cæmeterio fabulæ misceantur, an Baillivus diligenter invigilet, ne ea fiant. An iis diebus servilia opera exercentur sine venia, an sint aliqui inter se discordias foventes, decimas, vel alia bona Ecclesiæ aut pauperum defraudantes, aut pia legata non persolventes. An aliqui hæretici, aut hæreseos suspecti, an faciant clandestina conventicula. An conjugati absque Episcopi sententia separatim viventes, an aliqui concubinarij, usurarii, incantatores, aut malefici, nominatim alta (ut vocant nomina) dantes aut gestantes, an superstitionibus dediti, an aliqui fornicarii aut alioqui

vitæ reprehensibilis. An diebus festis choreæ exercentur a puellis, quæ deinde cum adolescentibus in tabernis potitent, an occasione Sodalitatum maxime sanctæ Catharinæ, aut sancti Nicolai, convivia habeantur aut choreæ. An pueros suos diligenter ad Scholas mittant. An aliqui excommunicati.

Inquiratur insuper a singulis, an quid sciant reformatione aut constitutione dignum.

Denique prudenter consideret Visitator, quid pro loco, tempore, personis, interrogari conveniat, & de quo exactius oporteat inquirere.

CAPUT VII.

Visitentur registra. Aedes, Bibliotheca.

His scripto mandatis, visitentur Pastorum registra, Baptizatorum, Confirmatorum, Communicantium, Sponsalibus, aut Matrimonio junctorum, catalogus omnium Parochianorum. Tum visitentur aedes Pastoris & Sacellani, & si quæ sint, quæ ad Beneficiatos spectent, eorumque Bibliotheca, notanter an hæc Statuta habeant, legant. Si ædificia collapsa sint, ruinosa, non debite reparata, jubeantur reparari expensis eorum, quibus incumbit, & si non faciant, Nobis denuntientur. Ad hæc visitetur Schola, examinentur pueri.

CAPUT VIII.

Visitationis finis. Acta Episcopo mittenda.

Visitatis & observatis omnibus, moneat Visitator, corripiat, increpet, quos oportebit palam aut seorsum, eos, qui moniti non respuerint, Nobis denuntiet: neglectus, abusus, scandala, quantum in se est, tollat: necessaria ordinet atque utilia pro sua prudentia; ita tamen, ut quæ dubia & majoris momenti erunt, ad Nos referat, & denuntiet eos, qui superiorum visitationum ordinationes contempserint, aut neglexerint. Denique omnia, quæ ordinaverit, actaque omnia Nobis intra proximum mensis spatium mittat. Quod ad Visitatorum visitalia aut stipendia attinet, servetur Concilii Trident.

dentini Constitutio Sess. 24. cap. 3. de Reformatione: concedimus vero, ut jura Visitatoribus debita sumantur ex denariis pro esu lacticianorum collectis.

TITULUS XXII.

De Synodo Diœcesana.

CAPUT PRIMUM.

Non sine causa a Patribus Concilii Tridentini (y) statutum est, ut præter particulares Ecclesiarum visitationes, quotannis etiam Synodi Diœcesanæ celebrentur: in quibus, congregatis totius Diœcesis Capitibus, statuatur ea, quæ pro communi Diœcesis bono statuenda videri possint, & caveatur, ne quæ bene constituta sunt, temerentur. Quapropter quotannis feria tertia Pentecosten proxime præcedente, Diœcesanam Synodum pro more in nostra Ecclesia Cathedrali Audomarenſi, aut Aula domus Episcopalis, celebrandam esse ordinamus, indicimus, & publicamus. Et Reverendos ac Venerabiles Dominos Decanos & Capitulum Ecclesiæ nostræ Cathedralis, Prælatos, Abbates, Abbatissas, Præpositos, Priores, Collegiatarum Ecclesiarum Capitula, Decanos Christianitatis, Parochos: atque in universum omnes & singulos tam exemptos, quam non exemptos, qui ad Synodum Diœcesanam Audomarenſem, de jure, consuetudine, aut Concilii Tridentini dispositione, venire tenentur, ex nunc prout ex tunc, in singulos annos requirimus, & monemus, ut absque alia convocatione aut monitione, personaliter; vel, si necessario impediti fuerint, per legitimos suos ad hoc specialiter cum sufficienti mandato constitutos Procuratores adſint.

CAPUT II.

Pastores tamen Synodo personaliter interfint: neque ob id excusentur, quod exequiæ aliquæ forſan tunc temporis celebrandæ occurrant, aut Matrimonium solemnizandum; hæc enim & similia suis aut vicinarum Ecclesia-

rum Sacellanis committi possunt aut differri. Neque liceat Decanis Pastorum excusationes hic admittere; sed, si quas necessarias aut probabiles judicaverint, Nobis proponant examinandas. Interim & pro se & pro sui districtus Pastoribus respondeant, adſint necne, absentes nominent & scripto tradant.

CAPUT III.

Omnes itaque quotannis, quorum est Synodo interesse, die jam dicta aut potius pridie adſint, compareantque in choro Ecclesiæ Cathedralis habitu decenti: Prælati cappis induti, Decani albis & stolis, Pastores superpelliceis: atque illic audiant eam, quæ ad implorandam Spiritus Sancti opem fiet, Missam. Deinde eodem habitu servato, a principio usque ad finem, Synodo interfint. Demum civitate non discedant, etiam a conclusa Synodo, nisi data a Nobis discedendi facultate: sintque toto tempore modesti, sobrii, nulli dantes offensionem, ne vituperetur ministerium eorum, neve disciplinam Ecclesiasticam ludibrio exponant.

CAPUT IV.

Decani tamen, quibuscum ante & post Synodum de toto Diœcesis statu & bono, agendum Nobis est, maturius adſint, & uno atque altero die Synodi diem præveniant, & quid iis faciendum sit, a Nobis post Synodum mandata accipiant.

Leſta & publicata fuerunt hæc Statuta, in Synodo Diœcesana Audomarenſi, de mandato Reverendiſſimi Domini Audomarenſis præſidentis, per me JACOBUM DU CAMP Secretarium & Notarium publicum. Anno Domini 1640. menſis Aprilis die decima nona.

J. DU CAMP Secret.

Audomari, typis viduæ Caroli Boſcardi, ſub ſigno Nominis JESU. 1640.

ACTA

(y) Sess. 24. cap. 2. de Reſorm.

A C T A

ECCLESIAE MECHLINIENSIS,

Anno Chr. MDCCXVIII. Clementis XI. PP. XVIII.

Caroli VI. Imp. VII.

CIRCA BULLAM:

UNIGENITUS. (*)

EPISTOLÆ VARIÆ

QUÆ IN EUNDEM OMNES SCOPUM COLLIMANT.

EPISTOLA

EPISCOPORUM BELGII ad Ss. D. N. CLEMENTEM XI.

BEATISSIME PATER

Votis nostris DEO Ter Opt. Max. solemniter redditis pro diuturna Sanctitatis Tuae incolumitate, undevigesimo anno sapientissimi juxta, ac vigilantissimi Ecclesiæ Catholicæ regiminis feliciter inchoato, ad Apostolatus Tui Principatum accedimus, ad universalem Pastorem Gregis Dominici, cujus partem Nobis commissam sub altius præsentente, & præeminente celsiore fastigio speculæ Pastoralis, ad salubria pascua Catholicæ fidei, morumque doctrinæ dirigere, hætenus conati sumus. Immobile fidei fundamentum cum S. Augustino, & præcis omnibus Ecclesiæ Patribus in Te semper agnovimus, Pater Beatissime, supra quod ædificii Ecclesiastici altitudo confurgit, a quo, si vel ad latum unguem recedatur, ruere omnia in præceps, ac Pastores ipsos cum ovibus in manifestam perniciem, & interitum prolabi, necesse est. Id Nos docuit æterna ipsa incarnata Sapientia, id Traditio, Concilia; ætatum omnium venerandi, sanctique Antistites, Patres, Doctores, ver-

bo, Nationum omnium, Scriptores Catholici, & olim professi sunt, & hodie profitentur, conterendos eos demum, qui a vestra Sede defecerint, quæ ipsa Principis Apostolorum est, per quem convicta, atque expugnata sunt hæreticorum omnium, schismaticorumque commenta. Vicina horremus scandala, atque infandam rerum Divinarum, profanarumque commixtionem execramur, in id totis viribus intenti, ne in Ecclesiis nostras, vel clanculum irrepat, vel furtive serpat, vel quoquo se modo insinuet, inauditum prorsus a Catholicis Episcopis exemplum. Necessaria sane fuit, Beatissime Pater, diuque a Nobis expectata sapientissima illa vestra Constitutio, *Unigenitus Dei Filius*, ex Spiritu Sancto dictata per os Sancti, ac Beatissimi Principis Apostolorum, a digito vestro scripta, quæ centum & unum perverforum hominum placita solenni anathemate configuntur, quamque proinde in nostris singuli Diocesibus promptissima Summo Ecclesiæ Rectori obedientia, & sub-

missio.

(*) Hæc Constitutio (187. Tom. 10. Bullarii part. 1. pag. 340.) exigui quidem momenti esse videtur Auctori anonymo infamis libri, qui inscribitur: *Pragmatische Geschichte der Bulle in Cena Domini* &c. Verum summo ab omnibus orthodoxis in pretio & existimatione habita semper fuit, habetur modo, atque ad perpetuum veræ Christi Ecclesiæ splendorem ac triumphum, ringentibus incassum ejusdem hostibus, cælo tutore, habebitur.

missione incunctanter suscepimus, avide amplexi sumus, continuo publicari curavimus, & toto Belgio Catholico ab omnibus acceptatam, illibatam fidei; morumque regulam esse volumus. Hæ muneris nostri partes, Pater Sanctissime; quibus id modo superaddimus, ut Sanctitati Tuæ debitas pridem gratias referamus, quod tam opportuno remedio renascentes quotidie, & ex obrutis olim hæresibus repullulantes errores, falce ad radicem missa, penitus extirpaveris. Tantum profecto in hac meditando, condendaque sanctione, virtutis, & Divini luminis ostendisti, ultimos tortuosi colubri flexus rescindendo, ut in Te uno collectæ videantur dotes illæ, quæ Decessores Tuos, Romanos Pontifices, ejusdem hæreseos interemptores pridem nobilitarunt. Prompti remedii necessitas nunquam clarius apparuit, quam, cum eos, quos ista lues afflaverat, principio titubare, sensim inmodestius obstrepere, tum apertius refragari, demum in exitialem contumaciam erumpere incredibili cum nostro mœrore conspeximus. Quot autem, quantæ, & quam diuturnæ perumpendæ difficultates fuerint, ut eam controversiam dirimeres, quam indefesso studio singulos errorum angulos scrutatus sis, quot vigiliis Tibi constiterit, illatæ S. Augustini auctoritate lacerantes sub ejus umbra errores concundere, grata recordatione meminimus; eaque adeo longe graviori, quod eo pacto infecta, corruptaque pascua detexeris, a quibus Greges nostros securius custodiremus. Eamdem Nobiscum gratitudinem totius Orbis Catholici Præsules testatissimam reddidere, ut universi plane obstupuerint, repertos nonnullos, qui ad immobilem Fidei Petram duras cervices allidere non formidarent, deserta Pastoris voce ad profanam novitatem dilapsi, quo Paternum Tuum animum vehementissime exorciatum non semel demonstrasti, iis nihilominus pacis; & lenitatis usus consiliis, quæ ad oves, periculo proximas, retrahendas saluberrima judicasti; nihil intentatum relinquens, quo aberrantes in viam salutis reduceres. Tum vero incomparabilem illam Tuam mansuetudinem, in-

credibilem tolerantiam, clementiam inexhaustam admirari licuit, dum immeritorum filiorum audaciam, temeritatem & perversitatem tam longanimiter sustinuisti, ut dubium putemus, majoremne in edenda ipsa Constitutione, an in harum virtutum tam illustri testimonio gloriam Tibi conciliaveris. Lenem Te Patrem satis diu experti sunt refractarii homines, at sapientiæ Tuæ, prudentiæ, & Pastoralis fortitudini media non defutura censemus, quibus Sanctionum Tuarum acerrimum Te aliquando vindicem sentiant, depulsisque turbarum nebulis, veritas Catholica de ipsis inferorum portis triumphet. Turpem maculam parti illi Ecclesiæ Gallianæ rebellanti inustam, amaris lacrymis deslere cogimur; id interim solatii Tuæ Sanctitati afferentes, quod devium illum, & perversum erroris spiritum ab Ecclesia nostra Belgica, saltem pro maxima, potiori, nobiliorique parte, penitus exulare confidamus; non sine summa fiducia fore, ut si quos forte, Nobis invitissimis, contagiosum malum afflaverit, ii per Dei gratiam ad debitam obedientiam compellantur. Hæc nostra, nostrorumque regula est, Pater Beatissime, nec aliam agnoscimus, quam ut Cathedræ Tuæ inviolabili communionem confociati, eos, qui tecum non colligunt, ut disperiores, dissipatoresque fugiamus. Super Apostolorum Principis Petram ædificatam Ecclesiam scimus, nostri sunt, qui Tuæ Cathedræ conjunguntur: id Catholicum credimus, quod a Tua Sede proficiscitur; quod contra est, omne respuimus. In hac fide, in perpetua obedientia, in demississima veneratione Ecclesiarum omnium Capiti, sine ullo typho sacrilegæ superbiæ, sine ulla inflata cervice arrogantia, sine ulla contentione livida invidia, cum sancta humilitate, cum charitate Christiana, indissolubili vinculo æternum copulabimur. Et Sanctitatis Vestræ pedes, corde, & animo provoluti, deosculamur.

Die Sancto Clementi sacra 1718.

Humillimi, devotissimi, & obedientissimi Servi, & Filii.

THOMAS Archiepiscopus Mechliniensis.
P. E. Episcopus Gandavensis.

FER-

FERDINANDUS *Episcopus Namurcensis.*F. ANGELUS *Episcopus Ruræmundensis.*PETRUS JOSEPHUS *Episcopus Antverpiensis.*HENRICUS JOSEPHUS *Episcopus Brugensis.*PETRUS GOVARTS *Vicarius Apostolicus Sylvæduccensis.*

dies justissimæ gloriæ cumulus accedat, & gaudium, quod Nos ex tam præclara zeli vestri testificatione percepimus, compleatur. Hunc porro in scopum Vobis, Venerabiles Fratres, & Dilecte Fili, Apostolicam Benedictionem peramanter impertimur. Datum Romæ apud S. Mariam majorem, sub annulo Piscatoris die 15. Januarii 1719. Pontificatus nostri anno decimo nono.

Jo: CHRISTOPHORUS *Archiepiscopus Anasenus.*

Loco † Annuli Piscatoris.

BREVE RESPONSORIUM
Ss. D. N. CLEMENTIS PP. XI.
ad Episcopos Belgii.

Venerabilibus Fratribus THOMÆ *Archiepiscopo Mechliniensi, ac Episcopis Gandavensi, Namurcensi, Ruræmundensi, Antverpiensi, & Brugensi, nec non Dilecto Filio PETRO GOVARTS Vicario Apostolico Sylvæduccensi.*

CLEMENS PAPA XI.

VENERABILES FRATRES, AC DILECTE
FILI SALUTEM, ET APOSTOLICAM
BENEDICTIONEM.

Pietatis Vestræ, atque Filialis in hanc Sanctam Sedem studii insigne accepimus argumentum in literis, quas die Sancto Clementis sacra anni proxime præteriti ad Nos dedistis. Ex iis enim, quam alacri, promptoque animo Constitutioni nostræ, *Unigenitus Dei Filius*, debitam obedientiam præstiteritis, ac, ut ab aliis etiam præstetur, omni ope curare decreveritis, abunde cognovimus. Hoc autem illustre, & nomine vestro maxime dignum factum eo gratius Nobis accidit, quo certius allatum ad Nos est, paucos illos, qui sanam doctrinam non sustinent, & a veritate auditum avertunt, hoc potissimum tempore obduratæ mentis indicia prodere, aperramque ab Apostolica Sede defectionem revelata facie profiteri. Perpectam itaque virtutem vestram uberi, & plane merita in Domino laude prosequentes, eum, qui non dat in æternum fluctuationem iusto, impensè precamur, ut Vobis cœlesti suo præsidio jugiter adesse velit, quatenus Ministerii vestri partes strenuè, constanter, atque fructuose obire pergatis, unde sacris Belgii Antistitibus major in-

Supplement. Tom. X. Concil. Germ.

EPISTOLA

Excellentissimi, ac Reverendissimi
Domini Archiepiscopi Mechlinien-
sis ad Illustrissimos ac Reveren-
dissimos Dominos Episco-
pos Belgii.

Ea, quam diu vidi, & ingemui ex scandalosa paucorum in Gallia Episcoporum Appellatione ad Concilium Generale, animarum perniciem in hac mea Diœcesi imminere, me pridem impulit, ut pro munere meo vel minimum tanti mali periculum ab ovibus curæ meæ conceditis averterem. Atque ideo scripsi sæpius, urbi, institi apud Sanctissimum Dominum, ut Galliarum dissensionibus finem imponeret, quod Sua Sanctitas pro sua clementia se præstituram addixit. Moræ tamen impatiens, instrumentorum illorum appellationis apud Catholicos inauditiæ, ad fallendum compositorum fucos, & fraudes opere publicando detegere, & refutare aggressus sum, quam refutationem edere distuli, usque dum Summus Pontifex, quid de refractariorum illorum contumacia judicaret, pro sua auctoritate edixisset: quod ubi Romæ actum, ad aures meas pervenit, ulterius tacere mihi tutum non esse, conscientia mea dictavit. Ideoque, dum illud refutationis opus adhuc limari, & sub prælo sudare debet, Epistolam Pastoralem publicavi, quam in Illustrissimæ, ac Reverendissimæ Dominationis Vestræ manus hinc acclusam consigno.

M m m m m

Pro

Pro rei gravitate Capitulares meos consulendos esse duxi, qui eodem, quo Bullam *Unigenitus*, Sede vacante, admitterunt zelo, Epistola meæ Pastoralis subscripserunt. Illustrissima, ac Reverendissima Dominatio Vestra Constitutionem illam *Unigenitus* non tantum admisit, sed & legitime publicavit; porro nullus dubito, quin cum summo in terris Christi Vicario, & cum omnibus Orbis Catholici Episcopis (paucis in Gallia exceptis) pro sua auctoritate, & zelo, quo fertur pro conservanda fidei integritate, ora loquentium iniqua obstruere velit, & perenni cultu subscribor. Mechliniæ 2. Novembris 1718. *Illustrissima, ac Reverendissima Dominationis Vestrae, humilissimus ac devotissimus Famulus.* Erat signatum: THOMAS Archiepiscopus Mechliniensis.

R E S P O N S U M

Illustrissimi ac Revdissimi Domini Episcopi Gandavensis.

ILLUSTRISIME DOMINE.

Magno cum gaudio accepimus literas, quas Excellentia Vestra transmittere nobis dignatus est cum adjuncta Epistola sua Pastoralis, quam & nos libentissimo animo suscepimus, eique toto corde adhæremus: laudandus summopere est generosus zelus Excellentia Vestrae, pro cognoscendis, & extirpandis zizaniis jam nimis inficientibus Belgium; magnus inde sperandus est fructus, pro quo obtinendo nihil nos omitemus, atque optamus, ut hoc omnes intelligant. In illum finem non cessabimus rogare D. O. M., ut Excellentiam Vestram diu servet incolumem, dum omni submissione subscribimur. Bruxellis 18. Novembris 1718. *Illustrissime Domine, Excellentia Vestrae, humilissimus, & obsequentissimus Famulus.* Erat signatum: P. E. Episcopus Gandavensis.

R E S P O N S U M

Illustrissimi ac Revdissimi Domini Episcopi Namurcensis.

ILLME AC REVME DOMINE.

Gemitus Illustrissimæ ac Reverendissimæ Dominationis Vestrae a

me non fuit absconditus, quandoquidem ejus, & zeli sui plurima mihi fuerint exhibita specimina, sollicitudinem suam pro salute animarum sibi conceditarum convincentia, quibus totum Orbem testem adhibet, suæ in sanctam Sedem obedientia, & submissionis; non enim Antidotum toti suæ Diocesi salubrius contra infensissimos sanctæ Sedis, ac sanæ, avitæque Romanæ fidei hostes, qui Christi Vicario, Beati Petri Successori definienti contradicunt, ac contumaces, & rebelles persistunt, hauriendum præbere potuisset, quam Epistolam suam Pastoralem, ad me ex vestra benevolentia, & singulari affectu transmissam, non minus pro fidei integritate conservanda, quam veritatis propalatione editam.

Eam totis animis perlegi, eique semper, & in omnibus adhærebo, ac totis viribus continuo insitam, ut idem sentiat tota Diocesis mea, quæ hucusque non aliter sentire visa est (quod mihi notum sit) quam Sedes Apostolica dictavit, & definivit; quidquid oblocuti sint aliqui, quorum calumniam retudit sententia juridice lata, & pronunciata.

Novatorum opera in mea Diocesi distribui, huc usque non toleravi, ne in viam illorum pusilli, ac mediocris doctrinæ viri abeant; quandoquidem liniant sermones suos sicut oleum, ipsi autem sint jacula. Si enim scissuras inter ipsum genus electum causare possint, quid vero inter cæteros? De iis dici posset, oculos habent, & non vident, quia videre nolunt; eapropter continuas ad Deum preces effundo, ut eorum mentes illuminet, ac tandem illorum misertus, tanquam a somno excitati ad sanam doctrinam redeant, lumen veritatis agnoscant, Capitique Ecclesiæ veram obedientiam spondeant, & jurent: id enim mihi in votis est, utque idem sapiens cum grege mihi commisso usque ad extremum vitæ habitum fidem illasam, licet in multis periculis apud Nos modo versantem, servare valeam, qui totus dicor, ac plena observantia subscribor. Namurci hac 5. Novembris 1718. *Illustrissime, ac Reverendissime Domine, Illustrissimæ, ac Reverendissimæ Dominationis Vestrae, humilissimus,*

mus. & obsequentiſſimus Servus. Erat ſignatum: FERDINANDUS *Episcopus Namurcenſis.*

RESPONSUM

*Illustriſſimi, ac Reverendiſſimi Domini
Episcopi Ruræmundenſis.*

MONSIEUR

Je viens de recevoir la Lettre, que Vous m'avez fait l'honneur d'écrire le 2. de ce mois, avec la Pastorale y jointe. J'ai lû, & relû l'une, & l'autre avec joye, & ne ſçaurois m'empêcher de louer, & approuver le zele, qui Vous fait rompre le ſilence pour confirmer vos Brebis, & qui fait connoître en même tems à nos Voisins, que Nous deſetons dans cette Province la nouveauté dangereuſe, & criminelle de quelques Evêques de France, & qu'on y croit, que Saint Pierre a parlé en Clement dans la Conſtitution *Unigenitus*. Pour moi j'ai la conſolation, d'avoir des premiers publié cette Conſtitution; même dans un Diocèſe ſoumis à des Puiffances d'une Religion contraire à la nôtre, & de la voir y reſpectée, & obſervée, grâces à Dieu, de tout mon Clergé, & Peuple, ainſi que je ne crois pas neceſſaire d'y publier quelque nouvelle Lettre Pastorale, devant que Sa Sainteté, ou ſon Miniſtre Monſieur l'Intendant m'ait communiqué le Bref de Séparation, que je ne manquerai pas de publier, ni jamais les occaſions, ou je pourai Vous témoigner le reſpect avec lequel j'ai l'honneur d'être. Ruremonde ce 5. de Novembre 1718. *Monſieur, votre très-bumble & très-obéiſſant Serviteur.* Etoit ſigné: F. ANGE Evêque de Ruremonde.

RESPONSUM

*Illustriſſimi, ac Reverendiſſimi Domini
Episcopi Antverpienſis.*

EXCELLENTISSIME, AC REVME
DOMINE

Dum ſummas, quas alias Excellentiæ Vestræ pro communicatione Literæ ſuæ Pastoralis pretenus egi gratia
Supplement. Tom. X. Concil. German.

tias, nunc pro transmissione plurium exemplarium ejusdem hic repeto, licebit simul sensum ingentis doloris mei exprimere, quo me afficiunt scandala ista, novissimeque erumpentes quorundam hujus Patriæ refractariorum, & obstinatorum voces contra Bullam Sanctissimi Domini nostri *Unigenitus*, quas intra Galliæ limites manſuras, intraque paucorum, inibi plus juſto ſapere volentium, ora ſuffocandas ſperaveram, idque, ut accideret, humiliter simul ac inſtanter Deum rogabam; ſanè malo, quod oppreſſum credebamus, nunc recrudescente, fortius quoque contraire neceſſe erit. In Bulla *Unigenitus* Supremum Eccleſiæ Caput errores, maxima ex parte ab ante damnatos, notavit noviter; Episcopi Orbis univerſi, paucis Gallis exceptis, neceſſitatem simul, ac juſtitiam Pontificiæ deſinitionis agnoverunt reverenter; quid reſtat, niſi ut oblatrantes puniantur fortiter? Nullum, laus Deo, publice id verbo factove facientem novi hucusque in Diocèſi mea; de occultis judicabit Dominus: non dormio interim ego, nec dormiunt mei, ſentietque primus, quem oblatrandi pruritus inſaverit, quod, dum Summum Pastorem loquentem alii Paſtores pro debito auſcultant, & ipſe Pastorem ſuum audire, aut pro hædo haberi, & qua talis, a bonis ſeparari debeat. Sum interea debito cum reſpectu. Antverpiæ 3. Decembris 1718. *Excellentiæ Vestræ humilimus Servus.* Erat ſignatum: P. J. *Episcopus Antverpienſis.*

RESPONSUM

*Illustriſſimi & Reverendiſſimi Domini
Episcopi Brugenſis.*

EXCELLENTISSIME, AC REVME
DOMINE

Summo cum animi gaudio legi, & relegi Epiſtolam Pastorem, quam Excellentissima, ac Reverendissima Vestræ Dominatio mecum communicare dignata fuit, a ſe adverſus Eccleſiæ perduelles, & in ſchiſma protendentes editam: zelum enim vere Apoſtolicum in ea ſuſpexi, & veneratus ſum, atque
M m m m m 2 alte

alterum in ea agnovi HUBERTUM GUILIELMUM zelosissimum, & piissimæ, æternumque venerandæ memoriæ Antecessorem Vestrum, filiorum iniquitatis, ac publicæ tranquillitatis perturbatorum malleum. Novo quoque ardore in me sensi accendi & augeri zelum illum, quo turbarum, quibus Ecclesia modo tam misere exagitur, Authorem *Quesnellum* ex pernicioso latetris alias extraxi, & pro integritate tranquillitatisque sponse vestræ agonizari non cessavi. Placuit quidem Divinæ Providentiæ desponsare mihi Ecclesiam Brugensem fidei integram, luisque *Janseianæ* puram, quæ ambabus ulnis, singularique applausu Constitutionem Apostolicam *Unigenitus* amplexa fuit, eamque adhuc constringit ætissime; at, cum e specula Pastoralis solitudinis funesto igne, quem *Quesnellus*, ejusque affectu suscitavit, proximam ardere videam Galliam, & ex ea quaquaversum vibrari ignea tela, turbulentam inquam, & venenata diffundi scripta, pia æmulatione zelum Vestrum æmulari satagam, & gregem mihi creditum, ne veneno illo afflicto, aspirante Domino præmunire salubri instructione. Interim Supremum Ecclesiæ Sponsam, cui absolutum in ventos & mare imperium, enixissime orare non desinam, ut perduellium voluntates ad obedientiam debitum propitius compellat, & solatio restauratæ pacis, ac servatæ veritatis, fructu Epistolæ Vestræ Pastoralis, Vos beati, & in Ecclesiæ Belgicæ bonum diu servet incolumes. Hoc ardentissimum Votum ex intimis cordis medullis effundit, qui summo cultu permanet. Brugis 5. Novembris 1718. *Excellentissime, ac Reverendissime Domine, Vestræ Dominationis Excellentissima, & Reverendissima, humillimus & obsequentissimus Servus.* Erat signatum: HENRICUS JOSEPHUS Episcopus Brugensis.

RESPONSUM

Reverendissimi Domini Vicarii Apostolici Buscoducensis.

EXCELLME, ET REVME DOMINE

Epistolam Pastoralem ab Excellentia Tua jam pridem editam, &

promulgatam, ab eadem ad Suffraganeos suos Episcopos, & ad me missam, qua decet submissione, & obedientia amplector, in qua nimirum, & per quam audio, & sequor vocem ipsius Pontificis, ejusdemque Constitutionis doctrinam infallibilem: quanta promptitudine ego, & ipsi Belgii Episcopi eam jam diu suscepimus, & promulgavimus, novit Illustrissimus, & Reverendissimus Dominus SANTINI, pervigil ille Internuntius Belgicus, & per eum Sua Sanctitas ipsa: modo agitur de Constitutionis illius executione, & observantia: ad eam egregie Nos incitat Epistola Tua Pastoralis, simili zelo, quo illam urget Christi Vicarius postremis suis Literis 28. Augusti labentis anni datis, ut inferiorem Clerum, & commissas Nobis Christi oves a venenatis pascuis, & doctrinarum novitatibus sedulo arceamus, simulque Apostolicam ipsius sollicitudinem in revocandis ad saniora consilia quibuscunque dissidentibus efficacius adjuvemus: tam sanctæ voluntati obsecundantes Suffraganei Tui indubie omnem operam, & laborem addixerunt, uti & ego non impari desiderio, & zelo in idipsum, Deo adjuvante, allaborabo, tanto majori cura, quanto Oves, & Pastores magnæ partis Diocesis meæ loco, & periculo sunt propinquiore, non tantum schismaticis Pontificiæ Constitutionis contemptoribus vicini, sed ipsis hæreticis commixti: attamen in ejusmodi discrimine, nec hactenus in tota mea Diocesi novi subditos Catholicos, aut Pastores, qui de erroribus Janseii, aut Quesnelli, vel eminus sint suspecti, quos scilicet, nec ego, nec Prædecessores mei, Internuntii Belgici, & Apostolica indagatione selecti, unquam ad curam animarum admiserunt, nisi probe novissent, eos, seu in particularibus Seminariis, seu in Universitatibus, præcipue Lovaniensi, alios non habuisse Magistros, quam errorum similium oscores, de quo omnibus Diocesanis præcipua, & communis debet esse vigilantia: sane famosa Universitas Lovaniensis, universale Belgii Seminarium abundat Professoribus, & Doctoribus ejusmodi, æquissimis Pontificiæ auctoritatis, ejusque Constitutionum æsti-

mato-

matoribus: interim neque in ea desunt aliqui, præcipue unus, qui non cessat illi quotidie arrodere, & etiam in hisce circumstantiis publice suggerere, quod neque moderna Constitutio *Unigenitus*, neque ullæ aliæ Bullæ, licet dogmaticæ, Catholicos obligent, antequam a Consiliis Regiis sint placetæ, invitis, & id nolentibus Supremis ipsorum Consiliorum, & Belgii Principibus: fundamentum latissimum hujus, similitumque assertionum posuit in famoso suo libro, cui titulus: *Jus Ecclesiasticum univ. sum*, titulo de Jurisdictione Ecclesiastica; ubi Vir ille Ecclesiasticus ex Petro Cunerii, & Molinæo docet, quod neque Ecclesiæ, neque Episcopis ejus propria sit jurisdictio, sed precaria dumtaxat, qualem Principes sæculi ipsis crediderunt, atque concesserunt, & sparsim alibi hisce pejora: cum vero ante ipsam nullus omnino Author Belgæ, neque Laicus, neque Ecclesiasticus hætenus hanc doctrinam adduxerit in Belgium, optandum est summopere, ut hoc novo fermento purgetur secundum Belgii Seminarium Universitas Lovaniensis: hoc opus, hic labor etiam nunc tuus est, Præsul Excellentissime. In hoc voto permaneo profunda veneratione. Mechliniæ 8. Decemb. 1718. *Excellentissime, ac Reverendissime Domine, Vestræ Dominationis Excellentissime, & Reverendissime, humillimus, & obsequentissimus Famulus.* ERAT SIGNATUM: P. GOVARTS *Vicarius Apostolicus Buscoducensis.*

RESPONSUM

Amplissimorum Dominorum Vicariorum Generalium Sedis vacantis Iprensis.

EXCELLENTISSIME, AC REVME
DOMINE

Sanctissimi Domini nostri CLEMENSIS Epistolam Catholicam, & Vestræ Pastoralem æque amplexi sumus: & jam inde iteratum fidei nostræ, & lætitiæ testimonium hujus Diocesis Fidelibus dedissemus, si eorum incredulitas eo adjuvari, vel fides roborari exigeret. Verum, quod Nos summopere delectat, in hac ipsa Sede, a qua error

quodammodo sumpsit exordium, neminem scimus, qui doctrinam Janfenii de Gratia Salvatoris; & non potius obedientiam, & submissionem ejus erga Summum Christum in terris Vicarium constanter sequatur. Obmussitarunt quidem contra Constitutionem Apostolicam *Unigenitus* pauci Sacerdotes: sed, ut primum hoc Nobis innotuit, ipsi eos adivimus, & si corda eorum, quæ intueretur Deus, non convertimus, saltem ora ita obstruximus, ut non modo silentii reverentialis, sed debiti quoque obedientiæ certa pignora retulerimus. Atque hoc pacto factum est, Excellentissime Domine, ut nulli, quod sciamus, in hac Diocesi supersint, qui dictæ Constitutioni palam contradicere audeant, clam vero, quod vix præsumimus, paucissimi. Hæ sunt Excellentissime Domine, atque aliæ quædam hujus Sedis, & temporis circumstantiæ, quæ zelum nostrum in silentio, & pace attemperant. Si nihilominus Excellentiae Vestræ visum fuerit, ut Epistolam aliquam, seu Mandatum publicemus, ad amussim obsequemur. Interea faxit Deus, ut in aliis Vestræ Provinciæ Diocesibus, & præsertim in Vestra tam reverenter, tamque fideliter recipiantur Ecclesiæ circa Bajanissimum, & Janсениsmum Constitutiones, quam in hac receptæ sunt, & dum jussu Vestra avidè expectamus, summa reverentia permanemus. Ibris 27. Novembris 1718. *Excellentissime ac Reverendissime Domine, Vestræ Excellentiae humillimi, ac obsequentissimi Servi, Vicarii Generales Sedis Iprensis vacantis. De Mandato. Erat signatum: F. J. MATHEWE Secretarius.*

Sequuntur Declarationes utriusque Cleri per totam Diocesi Mechliniensem sparsi, laudatamque Constitutionem Apostolicam acceptantis & pro dogmatica reverentis.

Bruxellis, typis Simonis T'Serstevens, Typographi Excellm & Revmi Dni Archiepiscopi Mechliniens. in 8. maj.

Mmm mm 3

EPI.

EPISTOLA PASTORALIS

Anno Chr. MDCCXLVII. Benedicti XIV. PP. VII.
Caroli VI. Imp. XXXV.

A
REVERENDISSIMO & ILLUSTRISSIMO DOMINO,
D. JOANNE BAPT. LUDOVICO de CASTILLION, (*)
Brugensi XV. Episcopo,

D A T A
AD OMNES DIOECESIS BRUGENSIS ARCHIPRESBYTEROS,
PASTORES ET CURAM ANIMARUM ADMINISTRANTES,
DIE 21 MARTII.

JOANNES BAPTISTA LUDOVICUS DE CASTILLION,
DEI ET APOSTOLICÆ SEDIS GRATIA EPISCOPUS BRUGENSIS, PERPETUUS AC
HEREDITARIUS FLANDRIÆ CANCELLARIUS &C. OMNIBUS DIOECESIS NO-
STRÆ ARCHIPRESBYTERIS, PASTORIBUS ET CURAM ANIMARUM
ADMINISTRANTIBUS SALUTEM IN DOMINO.

Jam, carissimi in Christo Fratres, su-
perna auxiliante gratia, terminavi-
mus primam & generalem Diece-
sis nostræ Visitationem, utinam sicut
feliciter, ita & lætanter: etenim, licet
in vigili omnium fere Ministrorum,
Nobis-

(*) Erat JOANNES BAPTISTA LUDOVICUS in lucem editus Bruxellis, Jacobo de Castillion, Concilii sanctioris apud Bruxellenfes Assessore, & Joanna Maria Re-naert parentibus clarissimis, die 21 Sept. a. 1680. J. U. L. Protonotarius Aposto-licus, functionum ecclesiasticarum tirocinia posuit Gandavi sub Illmo Antistite Philippo Erardo van der Noor, cui a sacris & secretis epistolis fuit; dein & Vica-rius Generalis. Ecclesiæ Collegiæ S. Pharaïdis, ad D. Nicolai Parochialem trans-latæ Præpositum agebat ab a. 1714. cum primum ad Ruræmundensem Episcopa-tum a. 1742 ab Augma Imp. Regina nominatus, Bullas a Benedicto XIV P. M. obtinuit; sed antequam inauguraretur, Brugensem ad Cathedram per novas Bullas transfertur die 20 Maji 1743; ex quo sacris donatus Insulis Mechliniæ per Cardi-nalem de Alsatia die 14 Julii, Gandavenfi & Antverpiensi Episcopis adhsistentibus, Episcopatum toto fere decennio pie prudenterque gubernavit, donec multis ex-haustus adversæ valetudinis molestis ad vitam beatam transiit die 26 Junii 1753, annos natus 73.

Edidit *sacram Belgii Chronologiam*: item *Exercice journalier pour les Demeiselles pen-sionnaires du Monastere de S. George a Gand* in 16. a. 1734. Quibus tunc erat a confessionibus.

Episcopus jam consecratus, *Conferentias ecclesiasticas* seu *Clericales*, olim pro Semi-nario Gandavenfi compositas pro suo Brugensi, cum auctario recudi curavit in 8. Brugis. *Regulas* pro eodem Brugensi impressas dedit a. 1750 die 26 Febr. Ex-tant pariter *Decreta* ejusdem Episcopi & *Epistolæ pastorales* plures.

In Choro Cathedralis Brugensis videre est

M N H M O E T N O N.

Incomparabilis HENRICI JOSEPHI dignissimo Successori, paris stimulo pie-tatis zelo JOANNI BAPTISTÆ LUDOVICO DE CASTILLION ex X. Ruræ-mundensium Præfule, XV Brugarum Episcopo perpetuo Flandriæ Cancellario,
16 Cal. Jul. 1753 ad Superos evocato, septem totius ejus peculii Episcopalis
Legatarii in debitam ac perennem grati animi resseram Devotissimi

Ponunt, Dicant, Consecrant,
Ætatis 73.

Nobiscum coöperantium zelo, summam reperimus consolationem, non permittit tamen Altissimus, ut gaudium nostrum foret plenum: tot siquidem, hisce temporibus, ex turbulentis bellorum furis exortæ calamitates & miseriæ, dissolutionesque morum, animum nostrum amaritudine repleverunt; & reminiscences formidabile ministerii nostri pondus atque obligationum immensitatem, in timore ac tremore multo fuimus apud Vos: verum, tantum onus, quod nostram imbecillitatem terret, non dejicit fiduciam, quam reposuimus in illo, qui Nobiscum usque ad finem promissit se futurum; neque ipsi Præsules sanctissimi, ipsius territorii, nunc a duobus pene seculis in Brugensem Diocesim erecti, primi Pastores, Ecclesiæque nostræ Patroni ferent, ut pars tam illustri hereditatis, quam tot vigiliis, tot laboribus, ac continua adeo Apostolica prædicatione JESU CHRISTO acquisiverunt, in manibus successoris indigni deperdat splendorem; deprecabuntur, ut speramus, benignissimum Patrem, largitorem bonorum omnium, ut quid Nobis Episcopalis spiritus, quid Nobis zeli ac fortitudinis, quibus replebantur, elargiri dignetur, ut nostris curis, etiam nunc, ipsi acquisitus populus regatur ad salutem: & hoc unicum nostrum in Christo gaudium & solamen, *scimus*, dilecti Fratres, (pleni fiducia loquimur cum Apostolo ad Philip. c. i. v. 19.) *quia nobis proveniet per vestram orationem*, per fidelem vestram subministrationem, per vestram Evangelio dignam conversationem. Quia *stabitis in uno spiritu unanimes, collaborantes fidei*; quia memores eritis Præpositorum vestrorum, illorum utpote Pastorum, qui primi Belgicis populis annuntiaverunt verbum Evangelii: quia recordabimini quis illorum fuerit zelus, quis ad lucrandas Deo animas intentus & nunquam intermissus labor: quantus inde ipsis cœlestium gratiarum & benedictionum cumulus; quis denique beatus fuerit eorum exitus ad æternam gloriam & immarcescibilem coronam: hunc itaque illorum intuentes conversationis exitum, imitabimini fidem, etenim JESUS CHRISTUS heri, & ho-

die: & eritis nostrum gaudium, Episcopatus nostri gloria, gravissimi muneris nostri fulcimentum & solatium, qui propterea desursum constituti estis nostri coöperatores. Jam nunc *in hoc gaudentur, sed &*, plane de vobis confidentes, *gaudebimus*, ac proinde recolligentes in Domino, quas fecimus Parochialium Ecclesiarum visitationes, ad sui unius gloriam, sequentia, generalia quidem ob uniformitatem admodum laudanda, ab omnibus observanda decernimus.

Primo, cum *impossibile sit sine fide placere Deo, ac vita æterna consistat in eo, ut cognoscant homines Deum, quem nosse consummatam justitiam, docet Sapiens c. 15. & quem misit JESUM CHRISTUM, Joan. c. 17.* Volumus, ut Catechismi regulariter fiant toto anni tempore, etiam messis, non obstante contraria consuetudine, & paucitate puerorum tunc confluentium; etenim qui in hunc mundum venerat mitissimus Salvator JESUS, vel unam Samaritanam sitibundus quæsit, fatigatus invenit, & ea, qua numerosum populum charitate, solam instruxit. Ut autem parvuli facilius & securius instruantur, quæstiones de verbo ad verbum, prout jacent in Catechismo Provincialis Synodi Mechliniensis (ut ibidem decretum est Tit. ii. cap. 5.) illis proponendæ sunt, & ad easdem quæstiones, responsiones exigendæ ejusdem Catechismi. Cum vero *omnes debitores sumus*, probanda est praxis eorum, qui initio Catechismi per aliquod temporis spatium de primis fidei rudimentis interrogant, & repentes, quæ anteriori Catechismo de lectione occurrente dicta sunt, sequentem explanant adultis; qui ulterius instruendi sunt diebus Dominicis & Festivis infra Missarum solemniam, vel Concione, vel Catechismo, tradendo illis & explicando solide præcipua fidei puncta, & quæ concernunt Sacramentorum susceptionem; insuper vitia, quæ quemque declinare, & virtutes, quas sectari oportet. Ad hæc doceant Pastores Parochianos suos timorem Domini, & inde inferant eorum animis peccatorum enormitatem, tum ex parte Divinæ charitatis, qua nos prævenit & dilexit Deus, tum ex parte beneficio-

rum, quibus nos & gratiose & misericorditer cumulavit, tum denique ex parte æternæ & iustissimæ pœnæ, quam demerentur, efficiantque ut percipiant, quam *horrendum sit incidere in manus Dei viventis*. Cæterum exhortentur parentes, ut discant suas erudire proles ad virtutem, ad peccatorum fugam & ad servitutem Domini, non solum lingua, sed & exemplo; ut ita, quas gaudent se hic acquisivisse, præparent æternitati, sedulitate Doctrinæ Christianæ, Fidei & Religionis, ac morum efformatione. Cum autem de peccatis magna circumspeditione & prudentia, præsentē potissimum juvenum turbā, ad captum tamen uniuscujusque, egerint Pastores, ad lapsos non raro convertant sermonem, expōsitōque eorum misero & periculoso æternæ damnationis statu, dulcibus ut plurimum & charitate fervidis, sed allicientibus verbis exponant remedia, proferant exempla, ut facilius concipiant, quantus sit miserentis Dei thesaurus bonitatis, & quam infinitus illius sit misericordiarum numerus; ut inde spe erecti, perducantur ad sinceram vitæ emendationem & veram pœnitentiam, & extracti e peccatorum fecibus, hic & cum gaudentibus desuper Angelorum choris laudent Dominum in æternum.

II. Oretenus in ipso visitationum nostrarum decursu exposuimus DD. Pastoribus, quam facile gravia, circa impedimenta Matrimonium dirimentia, atque ignorantiam proximitatis graduum, cum magno admodum sæpe sæpius tertii damno & præjudicio, exoriri possint incommoda, si non exacte nec uniformiter nomina inscribantur registris Baptizatorum, Matrimonio junctorum & mortuorum; si respective natiuitatis & obitus hora in eis apponi negligatur, & si vigili cura dicta registra non conserventur, propter omnibus nota, quæ acciderunt dolenda exempla. Hinc per præsentēs, ad evitandum sive subreptitii extracti, sive cujusvis in ipsis registris faciendæ falsificationis omne periculum, præcipimus, ut Pastores supradicta registra, ita sedulo conservent sub sera, ne & ipsi Custodes, alique Ecclesiæ Ministri, ad illa ullum valeant habere accessum: duplicent,

duplicata signent, & repleta ad Nos, vel ad Archipresbyterum deferant, ut habent Statuta Diocesis nostræ Tit. 4. §. 4. Et quoad exactam nominum in registris inscriptionem, reminiscantur DD. Pastores, quam sæpe ex defectu illius exactitudinis, possint exoriri ambiguar & sumptuosæ lites, imo & exortæ fuerint: proinde pro sua prudentia, & quo feruntur in proximum ac obstringuntur amore justitiæ, media aucupent, quæ judicaverint ad id opportuniora, atque sua hac opera rei adeo gravi provideatur. Et cum deprehenderimus in registris, quæ apud Archipresbyterum nostrum degunt, plurimas omissiones, ne detur locus tam damnosæ oblivioni, cupimus, ut inregistratio baptizatorum fiat in ipso baptisterii loco, præsentibus prolium patribus, patrinis & matrinis; & ad id confici posset ibidem armariolum sive in pariete, si non nimis humido; vel pensile, in quo recluderentur sub sera atramentarium, vasculum sive lagenula cum atramento nigro, ad infundendum atramentario, ne, quod in illo est, atramentum aqua umquam augeatur, calami & ipsum registrum. Matrimonio autem junctorum & mortuorum fiat inregistratio sine dilatione, addendo horam natiuitatis & obitus in suis respective registris. Cum vero nostris ipsi oculis viderimus, plurium talium registrarum, extremitates paginarum ita esse eritas, ut non solum quorundam verborum ablata sint literæ, sed & propriorum nominum, & inde reddantur illegibilia, curent DD. Pastores, ut in scribendo cuilibet paginæ aliquem relinquant marginem.

III. Considerent DD. Pastores & reminiscantur prægnantes illas rationes, ob quas sub sera claudi debeat baptismalis aqua, maxime etiam militare respectu sacrorum Oleorum; unde de novo mandamus, ne umquam patula remaneant in Sacristia, aliove in loco, sed post eorum usum, illico claudantur sub sera, ita ut nullus ad ea possit habere accessum.

IV. Si domus aliquæ Pastorales de nostra, vel Prædecessorum nostrorum licentia sint onerata, curent RR. DD. Decani, ut a Pastoribus non solum

solvantur canones reddituum, sed & pars capitalis fideliter refundatur, assignatis per licentias terminis, cum talis, si contingeret omissio, vergeret in grave Successorum, imo & curæ Pastoralis damnum & decrimentum; quibus proinde tenebuntur Pastores exhibere apochas, tam solutorum Canonum, quam refusæ partis capitalis, de quibus Nos docebunt respectivè Decani intra semestrem, & recordentur ipsis curam esse impositam per Statuta hujus Diocesis, invigilandi conserventur sacra tectæ Pastoralis domus & Beneficiorum (ad quod usufructuarii tenentur ex iustitia) ac proinde diætæ domus debito tempore reparentur, prout fufius habetur in Synodq. hujus Diocesis *cáp. 2. De Decanorum officiis.*

V. Maximo certe animi mœrore percepimus in supplicationibus, in quibus circumfetur Sacratissimum ac Venerabile Eucharistiæ Sacramentum, non pauca peragi, quæ non solum & debitam minuunt reverentiam & devotionem, verum & multis sunt lapis offensionis & petra scandali, ac contemptum Divinorum Mysteriorum sanctæ nostræ Religionis pariunt in animis hæreticorum; eapropter mandamus, ut ab omni supplicatione, in qua salutaris Hostia circumfetur, arceantur omnis fistularum, tympanorum, aliorumque instrumentorum excœnialium strepitus, personatus habitus morionis, joci & confabulationes; imo ne quis in ipsam intret Ecclesiam morionis veste indutus strictissime inhibemus quocumque tempore, sive exposito Venerabili Sacramento, sive non exposito, ut ferunt ipsa supremorum Principum nostrorum placita & Decreta; ac proinde Domini Decani & Pastores, locorum Ballivos & eos, ad quos quomodolibet spectare potest, de hac nostra inhibitione moneant, ut & illi invigilent, & hi ad illam se conforment, atque adeo tanta Divini cultus & Religionis irreverentia penitus tollatur, ne ad aliora cogamur recurrere remedia.

VI. Circa delationem sacratissimi Eucharistiæ Sacramenti ad ægrotos, illud semper deferant Pastores, majori quo poterunt decore, omnibus illis obviis reverentiam inspirante, induti

utpote superpelliceis, uti & Custodes, dum ad vicinos Ecclesiæ Parochiali locos tantum procedendum; si longius, sequantur, quod ordinatum est *Titulo 3. §. 9.* Statutorum nostræ Diocesis; sed numquam sine lumine Viaticum deferatur: & observent, quæ ibidem §. 11. *De visitatione ægrotorum,* ipsis sunt imposita, ac memorentur illam inter Pastoralis functiones & obligationes unam esse præcipuam: quid enim supremo Judici, ejus venturum diem perhorrescimus, respondebunt? Si tantum unus Parochianorum ob defectum sedulæ visitationis depercat; quod contingere quia possit, nullus instructus dubitat. Cum itaque, ut ex jam dictis, juvamen moribundorum sit una ex præcipuis & frequentioribus Parochi functionibus, volumus, ut Domini Pastores subinde adsint suis Vicepastoribus talem actum exercentibus, quatenus si eorum methodum minus bonam reperiant, meliorem eos edoceant, uti & in eorum absentia, modum petendi dispensationem, occurrente casu, super bannorum quorundam proclamatione, secundum formulam in Manuali Pastorum assignatam, ut ordinatum est a Prædecessore nostro 2. Aprilis 1721.

VII. Inhibitum est eodem *Titulo 3. §. 12.* omnibus Pastoribus, ne deinceps sine licentia Superiorum a Pastorum absint, & concessa facultas DD. Decanis, superveniente necessitate, illis in scriptis dandi licentiam se absentandi ad quadri-duum: huic saluberrimo Decreto inhærentes, legem illam strictè observandam, sub poena, ut ibidem, præcipientes, monemus DD. Decanos, ne illam concedant, nisi ipsis constiterit Parochiæ esse provisum de substituta capace & approbata persona, vigilentque, ne per repetitas licentias oriatur prævaricatio: multiplices etenim Parochorum a suis absentia, nonnisi solidum præbent testimonium minoris sollicitudinis, minoris in Parochianos debitæ charitatis, & quod magis ea, quæ super terram, quam quæ sursum sunt, querant. Sciant insuper omnes pro longiori se absentandi tempore, ad Nos esse recurrendum, ut in eodem Decreto cautum est. Nos autem providebimus, ut parati sint capaces aliqui Sacerdotes, qui

quibus sive absentandorum, sive infirmantium Pastorum cura Parochiarum valeat demandari; quos in hunc finem jam approbavimus, adeoque illos a Nobis solummodo requirere oportebit scripto, vel oretenus: memores vero sint DD. Pastores, ne extra Parochiam secum deferant claves tabernaculi, aut baptisterii, nec illas confidant, nisi iis solis, quibus cura gregis committetur, neque unquam pendulas relinquant in Sacristia, aliove in loco, sed recludantur, ut supra dictum est n. 2. & 3.

VIII. Pendentes ovium Nobis conceditarum salutem maxime pendere a piis & zelosis Pastoribus, præcipuas muneris nostri partes censemus advigilare, ut non, nisi tales, & quos probata & exemplaris vita commendat, ad Ecclesias Parochiales promoveantur: quocirca, ne defectu debitæ informationis secus fieri contingat, cum summo animarum præjudicio, & conscientiarum nostrarum gravamine, ordinamus, ut nullus imposterum concursui se sistat, absque testimonialibus clausis vitæ & morum a suo Decano, ac insuper etiam a Pastore suo, si concurrens fuerit Vicepastor: declarantes neminem Nos admitturos, qui ejusmodi non fuerit munitus testimonialibus, quas, prout exigit rei gravitas, sincere, fideliter, & seposita omni passione, amicitiarum aut consanguinitatis ratione, expediri commendamus: in quibus exprimat tempus, quo quis Diœcesi nostræ inservierit, & quo zelo ac diligentia. Similibus testimonialibus clausis suorum respectivè Pastorum, Vicepastores muniti sint, dum ad examen sunt venturi, pro obtinenda suarum facultatum continuatione; in quorum commodum, attentis locorum distantia, viarumque statibus temporibus molestia, modo assignamus primam feriam tertiam mensium hic expressorum, pro singulis Decanatibus ad horam octavam matutinam.

Pro Decanatu *Civitatenſi* erit prima feria tertia mensis Decembris.

Pro Decanatu *Ardenburgensi* erit prima feria tertia mensis Julii.

Pro Decanatu *Rollariensi* erit prima feria tertia mensis Augusti.

Pro Decanatu *Thoraltensi* erit prima feria tertia mensis Septembris.

Pro Decanatu *Giffellensi* & *Dammenſi* erit prima feria tertia mensis Octobris.

Porro per præsentēs extendimus facultates, quas habent Vicepastores horum duorum districtuum *Giffellensis* & *Dammenſis*, usque ad primam feriam tertiam mensis Octobris proxime venturi.

IX. Novimus, noruntque vigilēs nostri cooperatores Parochi, quam salubriter a Prædecessore nostro inhibitorium sit, sub pœna suspensionis ipso facto incurrenda, ne quis exorcizet quocumque modo sine ejus licentia, & quam prudenter injunxerit DD. Pastoribus meritissimus ille Præsul, ut non permittant in Parochia sua ab ullo Religioso, vel quocumque altero id fieri sine illius licentia; quibus, si illud in Parochiis facere velint, tenebuntur DD. Pastores indicare, illud quoque sub eadem pœna ab Ilmo Domino (sunt verba Decreti de 2. Aprilis 1721.) esse inhibitorium Religiosis. Nos tam salutari inhærentes Decreto, ut pluribus quoad hoc subsequentibus, præcipimus etiam, ut Nobis indilate deferant, si quis contraierit, imo vel benedictiones adhibuerit super agris, cubiculis, bestiis &c. ut pro rei exigentia, per opportuna ulteriora remedia corrigatur & puniatur; illum utpote privando omni facultate, quam a Nobis vel Prædecessoribus nostris obtinuerit, audiendi confessiones & prædicandi verbum Dei, omnemque revocando jurisdictionem; de novo mandantes DD. Pastoribus, ut hæc omnia intiment Regularibus ad ipsorum Parochiam divertentibus.

Attamen ad majus Pastorum commodum, & suorum Parochianorum sublevamen & solatium, per præsentēs concedimus Reverendo adm. Domino Archipresbytero nostro, omnibusque RR. DD. Decanis, exorcizandi facultatem, quam in casibus necessitatis occurrentibus, sed ad singulos tantum, delegare poterunt DD. Pastoribus suorum respectivè Districtuum, scripto vel oretenus, etiam quibusdam Vicepastoribus, quos prudentes satis judicaverint, & per quinque ad minus annos Diœcesi nostræ inservierint; sed illis non deleganda umquam erit hæc facultas, nisi in scriptis &, ut supra, ad casus

casus singulatum; volumus autem, ut non alii adhibeantur exorcismi, quam illi, qui in Pastoralis Mechliniensis præscribuntur, nisi de nostra speciali licentia, & nisi, sedulo attentis omnibus circumstantiis, id fieri oportere judicaverint RR. DD. respectu Decani & Pastores: ne per temerarium exorcizandi usum vituperetur ministerium nostrum, & Ecclesia Dei vicinis nostris fiat in derisum. Plane confidentes prudentiæ & circumspectioni RR. DD. Pastorum & sagaci studio, quod in ipsis reperimus, hortamur tamen & moneamus, ut attendant quam sæpe iniquitas mendaciatur sibi, & quam facile rudis prætorum & agrestis populus, vel ex ignorantia, vel ex malitia superstitionibus fidem habeat: ad quas frequenter nimis induci se finit per inexpertos, qui, dum curandis malis artem suam deficere conspiciunt, maleficiū inelamant, & non suspensæ aliud, quam spirituale remedium credulo nimis populo, si non fraudulenter, saltem ignoranter imponunt. Hinc continua illa vexatio, quæ indies magis invalescet, nisi Pastores ipsi conentur lepram a lepra distinguere, & suis Parochianis persuaderi nitantur, non statim morbos hominum, pecudumque insolitos, aut possessionibus obvenientia damna, maleficiis esse impuranda, quæ ab ignaris, quia mirabilia, contra naturæ ordinem contingere autumantur, penitus vero a peritis examinata non nisi naturalia judicantur. Quanta ex hac falsa mentium præoccupatione non oriuntur finistræ suspiciones! Quanta de proximo iniqua judicia! Semen est, quod ut plurimum seminat inimicus homo, ex quo abundantem adeo colligit messen; odia scilicet, inimicitias, rixas, imo tragica, quæ non ita pridem accidisse in vicinia nostra vix ullus ignorat. Contra hæc exaltent vocem suam Pastores, moneantque sibi subditum populum & edoceant, grave esse peccatum, ineptis & fallacibus iudiciis niti deprehendere, an hic vel ista sit veneficus aut venefica, imo id ipsum suspicari; nec ita facile, ut passim, incantationibus attribuant, quæ ipsis accidunt mala. Verum si deprehenderint ex signis, prudenti suo, aliorumque

judicio, quid maleficii subesse in casibus sibi occurrentibus, habita a Decano suo licentia; recursum habeant ad spirituale remedium exorcismorum, quod Christus Dominus reliquit Ecclesiæ, induentes se armaturam fidei, ut in Dei nomine dæmonia ejiciant & conculent leonem & draconem: meminerint tamen nulli feminæ exorcismum esse adhibendum, nisi in præsentia personarum probatæ fidei.

X. Denique mandamus omnibus & singulis Diecefis nostræ Pastoribus, ut in persona accedant locum ordinarium, vel alium a Rev. D. Decano Christianitatis indicendum, etiam si foret ad propriam ejus domum, ad recipienda sacra Olea, sub pœna unius libræ magnæ, ultra quotam, ad quam taxabuntur, ac si præsentem interfuissem prandio, ad quod de more tunc conveniunt; ubi a RR. DD. Decanis prælegi volumus Decretum laudatissimi nostri Prædecessoris de data 6. Aprilis 1729, quod, uti cætera, plane quoad singula, præsentibus renovamus; & expresse præcipimus, ne ullus DD. Pastorum pro alio Pastore sacra Olea recipiat, nisi prius habita in scriptis licentia a Rev. D. Decano suo, quam Decani nullo prætextu dabunt, nisi in causa inexcusabili. Monemus etiam omnes Pastores, ut, post frugale convivium, a quo Custodes secluduntur, quisque se in suam Parochiam recipiat, nec extra illam pernoctet sub præfata pœna: insuper ut prandium tale instituatur, in quo singuli non expendant ultra paraconem, monetæ cambialis hoc anno, ob caritatem rerum comestibilium.

Ad proximum concursum, tempore ordinario instituendum conventuri, concionem sine exordio parabunt super hæc verba Psalmistæ: *Et nunc quæ est expectatio mea, nonne Dominus?* Psal. 38. v. 11.

Cæterum, Nos omnium Sacrificiis, & precibus epix commendants, vivificantem Spiritum & multiformis gratiæ ardentem deprecabimur, *cujus unctione docti de omnibus, illoque inspirante locuti sunt sancti Dei homines*, primi hujus nostræ Patriæ fervidi Pastores, ut Vos, pariter in hac miseriarum valle, & fragili carne constitutos, induat virtute de cælo,

& adversus omnes hostes Ecclesiæ stare faciat immobiles, ne ullis mundi insidiis, aut demonis artibus a charitate CHRISTI JESU separemini: sed illi usque in finem adhareatis, ac veluti invicti athletæ, nunc sub Christo, duce vestro militantes, cum ipso triumphetis in gloria: atque eapropter, ut illius Vos gratia semper præveniat & sequatur, Vos bonis operibus jugiter præstet esse intentos: accendat lumen vestris sensibus; infundat amorem cordibus, & infirma vestri corporis virtute

firmet perpetim. Amen. Datum Bruggis in Palatio nostro Episcopati hac 21. Martii 1747.


JOAN. BAPT. LUD.
EPISCOPUS BRUGENSIS.

Locus † Sigilli.

De Mandato Illmi ac Revmi
Domini mei Episcopi

F. C. J. HENDERICKX
Secret.

*Exemplar communicavit Cl. D. Jacobus Goyers, Pastor in Humelbeem,
Vir de hac Collectione CC. longe meritissimus.*



AD LECTOREM.

Habe Tibi, L. B. Tomum CC. X. & supremum; vitia in eo si quæ inveneris, ignosce, turbulentissimorum, quibus laborandum mihi fuit, temporum memor; & Indicem in omnes Tomos generalem, quem separatus Tomus, commoditatis tuæ majoris gratia, unâ cum Explanatone Historica de Episcopatibus in Germania suppressis, novisque erectis, Tibi exhibebit, præstolare.

Fave & Vale.

O. A. M. D. G.



